







# ЎЗБЕК ТИЛИНИНГ ИЗОҲЛИ ЛУҒАТИ

ТЎРТИНЧИ ЖИЛД

Тартибот — Шукр



**ТАРТИБОТ** [a. ترتيبات — «тартиб» с. кўпл] эск. кт. Тартиб. Қўшин тартиботи. ■ [Бобомирза] Оиланинг.. ақлли кенжаси бўлиб, ота эшигидаги тартиботни унча ёқтирмас.. эди. И. Раҳим, Такдир. Бу ерда сергаклик ва ғайрат билан қўшин тартиботини кузатиб турди. Ойбек, Навоий.

**ТАРТИБСИЗ 1** Маълум тартиб, қонун-қоида талабларига жавоб бермайдиган; тартибга солинмаган; бетартиб. Отабек уйга кирганда, ёстиқ бетини тартибсиз соч ўримлари билан чулғатиб, Кумуш ухлар эди. А. Қодирий, Ўтган кунлар. Катта уйда.. ҳар хил асбоб-идишлар тартибсиз қалашиб ётар эди. Ойбек, Танланган асарлар.

2 Ўзаро тартиб билан боғланмаган, ноизчил. Ёрмат ҳамма нарсани, тартибсиз бўлса ҳам, лекин муфассал айтиб берди. Ойбек, Танланган асарлар. Унинг тартибсиз фикрлари мунтазам бир шаклга кириб, вояга етди. М. Осим, Жайхун устида булутлар.

3 Интизомсиз, бетартиб. Тартибсиз бола. **ТАРТИБСИЗЛАНМОҚ** кам қўлл. Бетартиб ҳолга келмоқ, бетартиб бўлмоқ. Хаёли тартибсизланиб кетган, бундан бир неча соат олдингига ҳеч ўшамасди. П. Қодиров, Уч илди.

**ТАРТИБСИЗЛИК 1** Тартибсизга хос хатти-ҳаракат, хислат. Тартибсизлик қилмоқ.

2 Тартибсиз ҳолат. Тартибсизликка қарши курашмоқ. ■ Орада сўкиш, тартибсизлик, жанжал қўзғалади. А. Қодирий, Обид кетмон.

**ТАРХАШ** кам қўлл. Ўжар, қайсар. Ёғдуларин тўкмайди ой барқашда, Осмон билан ер аразда — тархашда. Э. Охунова.

**ТАРХАШЛИК** Ўжарлик, қайсарлик, терслик. Тархашлик қилмоқ. ■ Ҳадеганда иш юришавермади. Маҳкам Мусаев буни Эргашевнинг тархашлигидан билди. И. Раҳим, Зангори кема капитани.

**ТАРХОН** қ. дархон.

**ТАРҚАЛМОҚ 1** Бир ўриндан, бир тўпдан турли томонга қараб йўналмоқ, кетмоқ. Меҳмонлар тарқалди. Қўйлар ҳар томонга тарқалди. ■ Отабек эшикдан чиққанда, Содиқни кўмиб келган кишилар қуръон ўқиб, тарқалмоқда эдилар. А. Қодирий, Ўтган кунлар.

2 Теварак-атрофга йўналмоқ; ёйилмоқ, сочилмоқ. Муаттар ҳид бутун уйга тарқалди. ■ Қамалган тутун жуда секин тарқалмоқда эди. Йўлчи нафасини ростлаш учун эшикка чиқди. Ойбек, Танланган асарлар. Булар — булутлар, Эъвозхон! Шу булутлар тунда йиғилиб, кундуз тарқалиб турибди. Ҳ. Фулом, Машғал.

3 Жойларга, кишилар орасига кириб бормоқ. Фақат ўтган асрнинг ўзидагина грип эпидемияси тўққиз марта тарқалди. «Фан ва турмуш». Кана — планетамизда кенг тарқалган жонивор. «Фан ва турмуш». Маълумки, Эрон ва Урта Осиёда исломгача асосан оташпарастлик кенг тарқалган эди. «ЎТА».

4 Кишилар қулоғига етиб бормоқ, шу тарзда маълум-машҳур бўлмоқ; ёйилмоқ, билинмоқ. У сарполарнинг овозаси.. бутун Тошкентга бўлмаса ҳам, шаҳарнинг ярмига тарқалган. Ойбек, Танланган асарлар. Бу халқда кенг тарқалган ашула эди. А. Муҳтор, Опа-сингиллар. Олмос ботирнинг довуғи ҳамма ёққа тарқалибди. «Олтин бешик».

5 Урчимоқ, урчиб кўпаймоқ. Бу жаллод жўжи-бўжи тухумидан тарқалганга ўхшайди.. Ойбек, Навоий.

6 кўчма Аримоқ, ариб йўқ бўлмоқ; йўқолмоқ, кетмоқ. *Карахтлиги тарқалмоқ. Мастлиги тарқалмоқ.* ■ Бош устида тутун тарқалар, гуё тутун эмас, аста-секин ҳасрат тарқалар эди. А. Мухтор, Опа-сингиллар. *Уйқуси бутунлай тарқалиб кетгач, ўзини жуда тетик ва бардам сезди.* Ф. Мусажонов, Ҳиммат. *Лаълининг жунуни тарқалган бўлса ҳам, ҳали яхши соғайиб кетмаган.* Ҳ. Фулом, Машъал.

**ТАРҚАМОҚ** айн. тарқалмоқ. *Гулдур этиб булут тарқаб, Ялт-юлт этиб чақмоқ чақди.* Ҳамза. *Низомиддинов қанча ўйламасин, ўйининг охири тутунга ўхшаб тарқаб кетаверди.* С. Аҳмад, Ҳукм. *Гоҳи оқишом боғлар ора-лаб, Дардлашгали келар чўпони. Ором гулшанига ўралар Бир дам тарқар дарди-армони.* Т. Тўла. *Тўй тарқаганда, бир тўда қиз, йигитлар келин ва куёни кузатиб, машиналарда Норқўзаникига кетишди.* Ҳ. Фулом, Сенга интиламан.

**ТАРҚАТМОҚ 1** Тарқамоқ фл. орт. н. Хушбўй хид тарқатмоқ. *Ёқимли садо тарқатмоқ. Хабар тарқатмоқ.*

2 Эга-эгаларига етказиб бермоқ, улашмоқ. *Газета тарқатмоқ.* ■ *Аравакаш эшикма-эшик юриб, моли олинганнинг молини, галласи олинганнинг галласини эгаларига тарқатиб чиқди.* П. Турсун, Ўқитувчи. *...ҳар кун ич-тўрт маҳал тайёр овқатларни палата-ма-палата юриб тарқатади.* Газетадан.

**ТАРҚОҚ 1** Бир ерга гуж бўлиб тўпланмаган, бир-биридан узоқ жойлашган. *Тарқоқ уйлар. Тарқоқ соч. Тарқоқ элементлар (ким.).* ■ *У [Соҳиб] лапанглаб ўрндан турди, уюшган тиззаларини уқалади, тарқоқ қозғаларини йиғиштириб, яна ўрнига ўтирди.* Ойбек, Навоий. *Бир гуруҳ юқори курс студентлари турадиган бу уйда, хоналар кам ва тарқоқ бўлгани учун, вахтёр ўтирмас, ҳар хонанинг калити маълум бир жойга яшириб кетишарди.* П. Қодиров, Уч илдиз.

2 Яхши уюшмаган, бирлашмаган; пароканда. *Ваҳолонки, бизда мавжуд бўлган агрокимё хизмати лабораториялари.. тарқоқ ҳолда иш кўриб келмоқда.* Газетадан.

3 кўчма Тарқалган, сочилган, паршон. *Тарқоқ фикрлар.* ■ *Қиз сочидай хаёли тарқоқ, Тош устида ўй сураб чўпон.* Т. Тўла.

**ТАРҚОҚЛИК** Тарқоқ ҳолатга эгалик, тарқоқ ҳолатда бўлиш. *Фикрнинг тарқоқлиги. Гоявий тарқоқлик.* ■ *Зиёфат асносида иттифоқнинг фойдалари, тарқоқликнинг зарарлари сўзланди.* А. Қодирӣ, Ўтган кунлар.

**ТАРҒИБ** [а. ترغيب — хоҳишни, қизиқишни кучайтириш; рағбатлантириш]: **тарғиб қилмоқ** (ёки **этмоқ**) 1) чуқур тушунтириш йўли билан бирор гоя, таълимот ва ш.к. ни ёймоқ, кишиларнинг онгига сингдирмоқ; шунга ундамоқ. *Ўзбек адабиёти ютуқларини.. тарғиб қилишда А. Ҳайитметов катта ҳисса қўшмоқда.* «ЎТА»; 2) тушунтириш йўли билан бирор ишга чақирмоқ, даъват этмоқ. *..ларанжи ташлашни тарғиб қилган, айрим-ларнинг бошидан чачвонини олиб, ўтга улоқтирган экан.* Ж. Абдуллахонов, Хонадон.

**ТАРҒИБОТ** [а. ترغيبات — «тарғиб» с. кўпл] Бирор гоя, таълимот ва ш.к. ни ёйишга, кишилар онгига сингдиришга қаратилган ишлар, тарғиб ишлари. *Мен тарғиботингга муҳтож эмасман.* Ш. Рашидов, Бўрондан кучли. *Омма орасида ҳуқуқ тарғиботи муҳим роль ўйнайди.* Газетадан. *Кўрғазмали тарғиботга қараганда, ишлар жойидага ўхшайди.* С. Кароматов, Сўнгги бархан.

**ТАРҒИБОТЧИ** Тарғибот ишлари олиб боровчи шахс. *Музайяна опамиз — халқ ижодининг чинакам муҳибаси, тоғмас тарғиботчиси.* Газетадан.

**ТАРҒИБОТЧИЛИК** Тарғибот олиб бориш, тарғибот иши. *Тарғиботчилик маҳорати.* ■ *Бошқармада ғайрат кўрсатиб ишлайётган ёш бунёдкорлар Т. Ортиқовнинг тарғиботчилик фаолиятидан баҳраманд бўлишяпти.* Газетадан.

**ТАРҒИЛ 1** Сарғиш ва қорамтир йўлли: шу тусдаги сигир, бузоқ ва ш. к. *Тарғил бузоқ. Сигир олсанг, таниб ол, таний олмасанг, тарғил ол.* Мақол. ■ *Сутчи ота тарғилни кўришлари билан силаб-сийпаб, у ёқ-бу ёғидан уч-тўрт кана олиб ташладилар.* А. Мир-аҳмедов, Кулган чечаклар.

2 снт. Наққошликда: нақш мужассамотидаги гул ва барглари рангли чизиқлар ёрдамида тасвирлашдан иборат пардоз турӣ.

**ТАРҲ 1** [а. طرح — олиш, олиб ташлаш: айириш] эск. айн. **олув 2.** *Ундан учни тарҳ қилса, етти қолади.*

**ТАРҲ 2** [а. طرح — қурилиш, иморат, боғнинг бичими, лойиҳаси] 1 Чизма лавҳа;

лойиҳа, режа. Қоғоздаги шакл — бинонинг тарҳи эди. Ойбек, Навоий. *Мавлоно Фазлиддин мана шу шаҳарда қурмоқчи бўлган мадраса ва сарой тарҳини Хонзода бегимга кўрсатиб, унинг мақтовини эшитган ёруғ кунларини эслади-ю, юрагини армон гижимлаб ўтди.* П. Қодиров, Юлдузли тунлар. *..ёзги хўжалигининг бор тарҳигача эслаб қолганди.* Н. Норқобилов, Бекатдаги оқ уйча.

2 кўчма Тузилиш, бичим. *Қизнинг тарҳи тоза гул янглиғ, Жавдирабон боқар шаҳло кўз.* М. Али, Боқий дунё.

**ТАСАВВУР** [а. *تصوّر* — ўйлаш, хаёл қилиш, кўз олдига келтириш; ўйлаб зеҳнда гавдалантириш] 1 Нарса, ҳодиса ва ш.к. ҳақида киши онги-хаёлидаги маълумот, билим, тушунча. *Лекин тасаввурим, бари бир, юзаки эди. «Ёшлик». Лейтенант, Султоновнинг батафсил ҳикоясини эшитиб, аниқ тасаввурга келган бўлса ҳам, ўша жойни ўз кўзи билан кўриши керак эди.* Ў. Умарбеков, Ёз ёмғири. *Тўғри, кўрмай туриб ёзлган асарлар адабиётимизда кўп. Бунинг учун аввал билим, маҳорат, ўтқир тасаввур керак.* Н. Фозилов, Дийдор. *Ҳалигача биз — студентлар классик адабиёт намояндalarидан биронтасининг ҳаёти ва ижоди ҳақида мукамал тасаввурга эга эмасмиз.* Д. Нурий, Осмон устунни.

2 Шундай маълумот, тушунча, билим шаклланишининг манбаи сифатидаги онг, хаёл. *Кеча йиғлаб, кўксида бош кўйган Чарос яна тасаввурда жонланди-ю, лабларини қисиб.. стул суянчиғига елкасини ташлади.* Ў. Ҳошимов, Қалбингга қулоқ сол. *Фотоапарат бир лаҳзада киши тасвирини қандай илиб қолса, унинг тасаввури ҳам қизнинг ўша қиёфасини шундай эслаб қолган эди.* Ў. Ҳошимов, Қалбингга қулоқ сол. *..эски йилнинг ғоят катта хизматларини бир-бир тасаввурдан ўтказишга одатланганмиз.* Газетадан.

**Тасаввур қилмоқ** (ёки этмоқ) 1) хаёлда тикламоқ, гавдалантирмоқ. [Ёдгорни] *Қорга йиқилиб ётганча, бошини кўтариб турган аламли чехрасини тасаввур қилади.* Ў. Ҳошимов, Қалбингга қулоқ сол. *Ҳамон соғинч ўртайди. Зумрадни ҳарир кўйлақда.. бағрида тўлғаниб турган ҳолида тасаввур қилади.* С. Сиёев, Отлик аёл. *Маҳкам Гавҳар билан учрашишини тасаввур этганда, совқотиб, гулханни кўз олдига келтирган кишидай, юраги бир орзиқди.* П. Қодиров, Уч ил-диз; 2) идрок қилмоқ. *Замира ҳам ҳали му-*

*ҳаббат нималигини яхши тасаввур этмасди.* П. Қодиров, Уч ил-диз. *Наҳотки бошқарма беш йил, уч йил, борингки, икки йилдан кейин бажарадиган зарур ишларни тасаввур қилолмаса?! «Ўзбекистон кўриқлари».*

3 *флс., псих.* Идрок қилинган, ҳис этилган нарса ёки ҳодисанинг киши онгида акс этиши, гавдаланиши. *Тасаввур жараёни.*

**ТАСАВВУФ** [а. *تصوّف* — жундан қилинган кийим, пўстин кийиш; суфийлик] Исломда инсоннинг руҳий дунёси тўғрисидаги, уни руҳий ва ахлоқий жиҳатдан комиллик сари йўлловчи таълимот, диний эътиқол; суфийлик. *Бундан минг йил муқаддам, ўнинчи асрда Бағдод шаҳрида дорга тортилган тасаввуфнинг илк раҳнамоларидан Мансур Ҳалложнинг «Анаҳақ» деган сўзи машҳур жаҳон бўлган.* К. Яшин, Ҳамза.

**ТАСАДДУҚ** [а. *تصدّق* — садақа қилиш, садақа (хайр йўли билан бирор нарса бериш)] 1 Садақа; қурбон, фидо. *Қаники топилса ёрим, Тасаддуқдир ҳарна борим.* «Равшан».

2 *унд.с.* Садақа бўлай, ўргилай. *Ҳаммасини кийиб, зебу зийнатларни тақиб олиб-сиз-ку, тасаддуқ.* К. Яшин, Ҳамза. *Ҳозир, тасаддуқ! Ҳозир, болам..* С. Нуров, Нарвон.

3 *унд.с.* Таҳсин, офарин, тасанно. *Сени туққан онанга минг тасаддуқ, Қай йигитнинг сендек бахтиёри бор!* Ё. Мирзо. *Пахта-сини байроқ қилган Пахтакорга тасаддуқ.* Н. Нарзуллаев.

**Жоним тасаддуқ** Жоним садақа, қурбон бўлай, жоним фидо бўлсин. *Жоним тасаддуқ сенга, нигорим. Ҳамза. Жоним тасаддуқ бўлсин у кишига.* Ойбек, Навоий. **Тасаддуқ бўлай** (ёки кетай) айн. **жоним тасаддуқ.** [Холмат:] *Қаёққа қарасам, ҳур билан гилмон кучаман-а! Тасаддуғинг кетай!* Ҳамза, Бой ила хизматчи. **Тасаддуқ бўлмоқ** Айланиб ўргилмоқ. *Онанг буйганинга тасаддуқ бўлиб, Отанг мақтанади: таянчим, кўрким.* Ғ. Фулом.

**ТАСАДДУҚОТ** *эск. кт.* Қурбон; қурбонлар. *Буйруғингизга мувофиқ деҳқонлар ҳазратнинг соғликлари учун тасаддуқот қилипти.* С. Айний, Дохунда.

**ТАСАЛЛИ** [а. *تسلى* — тинчлантириш, юпатиш; хушнудлик, хотиржамлик] Юпантирувчи, таскин берувчи гап-сўз, хатти-ҳаракат ва ш.к. *Енгил эсган шабададанми ё бригадирнинг тасаллиси кор қилдимчи, ҳар қалай, раиснинг чехраси бир оз ёришди.* Х. Эргашев,

Тадбиркор раис. *Мен ҳақиқий қишлоқ оқ-соқолларининг сўзини эшитдим. Менинг учун юрак амри билан айтилган бу сўзлар тасалли эди.* Н. Сафаров, Оловли излар.

**Тасалли бермоқ** Юпатувчи гап-сўз айтмоқ, хатти-ҳаракатлар қилмоқ, шу йўллар билан юпантирмоқ, таскин бермоқ. *Шу топда.. йигитчага нимадир деб тасалли бергиси келди-ю, сўз тополмади.* Ў. Ҳошимов. Қатбингга кулоқ сол. *Омон унга яқинлашди. елкасига қўлини ташлаб, тасалли берди.* С. Кароматов, Олтин қум. **Тасалли топмоқ** Кўнгли тинчланмоқ, таскин топмоқ. *Шу гапни айтса, кўнгли аллақандай тасалли топарди.* Ш. Холмирзаев, Оғир тош кўчса. *Йигит шеър ёзиб, ўзини бир япроққа, қизни бир томчиغا ўхшатиб, кўнгли анча-мунча тасалли топади.* П. Қодиров, Уч илди.

**ТАСАЛЛО** [а. تَسَلَّى — кам қўлл. айн. тасалли. Сен унинг тушига кириб, Тасалло беролсанг, саодат ахир. А. Орипов.

**ТАСАННО** [а. تَسَنَّى — мақташ, кўкларга кўтариш; миннатдорчилик билдириш] *поэт.* 1 Мадҳ, мақтов; олқиш. *Тасанно айтмоқ (демоқ, ўқимоқ).* ■ *Боятдан бери тантиқликларидан ичида кулиб келаётган Ҳафиза ўзарди, у Шаҳнозахон опага жилмайиб боқди — бу унинг тасанноси эди.* Мирмуҳсин, Умид. *Ойбек адабиётимиз шухратини.. дунёнинг анча мамлакатларига ёйишда жуда катта таҳсин ва тасаннога лойиқ иш қилди.* В. Зоҳидов, Мўъжизакор.

2 унд. с. Қойил, офарин; таҳсин. *Тақсир.. ернинг тагида илон қимирлаганини биласиз-а. Тасанно!* Ш. Тошматов, Эрк қуши. *Денгизлар ортидан келар акс садо, Ер юзи ёшлари дейди: Тасанно!* Р. Бобожон.

**ТАСАРРУФ** [а. تَصَرَّف — ўз ихтиёрига олиш, эгалик қилиш; мустақил ҳаракат қилиш; ўзошимчилик] кт. Фойдаланиш, эгалик ҳуқуқи, ихтиёри; эгалик, хўжайинлик. *Хусусий тасарруф. Бу ер-сувлар қадимдан бойнинг тасарруфида эди.* ■ *Отаси эса, Бобомирзани ўзининг кўз қорачиғи деб билар, шу сабабдан катта рўзғорни бошқаришни, ер-сув, мол-дунё тасарруфини шунинг қўлига ташлаб кетиш ниятида юарди.* И. Раҳим, Тақдир.

**Тасарруф қилмоқ (ёки этмоқ)** Эгалик қилмоқ. *Менинг бутун хўжалигимни тасарруф қилишга ундан бошқа кишининг ҳадди йўқ.* Ф. Ғулом, Тирилган мурда. ..*Фотиҳ Искандар*

*бутун ер юзини тасарруф этиб ҳам кўнгли заррача шод бўлмагач, онасига шундай мактуб ёзган..* Газетадан.

**ТАСАРРУФОТ** [а. تَصَرَّفَات — «тасарруф» с. кўпл.] кам қўлл. айн. **тасарруф.** *Тоғ ораликларидоғи катта йўл, бекаатлардан тортиб илон изи сўқмоқларгача.. ҳар бир қоя тошдан тортиб булоқларгача — барини инсон ўз тасарруфотига олибгина қолмабди. Уларнинг ҳар қайсисига ярашиқ ном қўйибди..* Ҳ. Назир. Мафтунингман. Озарбайжон.

**ТАСБЕҲ** [а. تَسْبِيح — мақташ, васф этиш; мақтаб кўкка кўтариш] Худонинг номини зикр этиб саналадиган мунчоқ шоласи. *Садаф тасбеҳ. Тасбеҳ ўғирмоқ (ағдармоқ).* ■ *Мирзакаримбой.. газламага суяниб, тасбеҳ доналарини бармоқлари орасидан битта-битта ўтказиб, чордана қуриб ўтирар эди.* Ойбек, Танланган асарлар.. *Пирим оплоқ тонг отгунча тасбеҳ ўғириб, қуръон тиловат қиладилар.* С. Аҳмад, Ҳукм. *Бир соатдан бери жойнамаздан кўзғалмай, тасбеҳ ағдариб ўтирган Ойша буви Тўйбекани бошдан-оёқ кузатиб, яна ишига машғул бўлди.* А. Қодирий, Ўтган кунлар.

**ТАСВИР** [а. تَصْوِير — суратини олиш, суратлаш; тавсифлаш] 1 Бирор нарсанинг ўйма, қуйма ёки чизма шакли; расм, сурат. *График тасвир.* ■ *Ҳиротда жангномалар ичига сурат чизиш одат тусига кирган, мавлоно Беҳзод чизган Алишер Навоий ва Ҳусайн Бойқаро тасвирлари расмий доираларда шухрат топган эди.* П. Қодиров, Юлдузли тунлар. *Бу дафтарда Бухородаги бир неча мадрасаларнинг ҳам тасвири бор..* Мирмуҳсин, Меъмор. *Лола янглиг оразингни мен кўриб тасвирда, Мубтало бўлмоқлигим ёзмиш экан тақдирда.* Ҳамза.

2 Нарса, воқеа-ҳодиса ва ш.к. нинг бадий ифодаси, тавсифи. «Бобурнома»ни ва рақлар экансиз, ўрни-ўрни билан табиат манзаралари чизилган лавҳаларга, табиий ҳодисалар тасвирига дуч келасиз. «Фан ва турмуш».

**ТАСВИРИЙ** [а. تَصْوِيرِي — тасвирлаш, яққол кўрсатишга оид] 1 Тасвирга оид, бадий тасвир шаклидаги. *Тасвирий ибора. Тасвирий ҳикоя.* ■ *Тошкент санъат музейида тасвирий санъат кўразмаси очилди.* Газетадан.

2 Баён, тавсиф шаклидаги.



**ТАСВИРИЙЛИК** Тасвирий бўлиш, тасвир шаклига эгаллик. *Ифоданинг тасвирийлиги.* ■ *Бадий адабиёт тилининг энг катта хусусиятларидан бири унинг тасвирийлигидир.* «Адабиёт назарияси». Демак, бадий адабиётнинг ўзига хослиги юзасидан баҳс очганда.. тасвир ва тасвирийлик, мажоз ва мажозийлик ҳақида гапириш ўринлидир. Ф. Саломов, Таржима назариясига кириш.

**ТАСВИРЛАМОҚ 1** Суратини, расмини чизмоқ, тасвир этмоқ. *Денгизни тасвирламоқ.* ■ *Жаноб Аҳмадбек, камина боғларнинг суратини чизганда, бир четда боғбонни ҳам тасвирлашим мумкин.* П. Қодиров, Юлдузли тунлар.

**2** Бадий образларда кўрсатиб бермоқ, тасвирини бермоқ, баён этмоқ. *Халқ ҳаётини ғоятда теран тасвирлай билиш муаллифдан катта истеъдод талаб этади.* Газетадан. *Кўш белбоғ чапанчасига паст боғланган, юршии ҳам олифталарга тақилдни кўрсатар; унинг бутун қомаги, ҳамма ҳаракатлари ўзига зеб берган, мақтанчоқ камбағални тасвирлар эди.* Ойбек, Танланган асарлар. *..ёзувчи ўзи тасвирлаётган воқеага қаттиқ ишонishi керак.* С. Кароматов, Олтин кум.

**ТАСВИРЛИ 1** Тасвирга эга. *..ўтқир тасвирли ва кучли тасвирли асарларида Навоий мотивлари сезилади.* «ЎТА».

**ТАСДИҚ** [а. تصدیق — имон, ишонч; мустаҳкамлаш, исботлаш, асослаш] **1** Бирор нарсанинг ҳақлиги, тўғрилиги ёки маъқуллигини тан олувчи сўз, имо-ишора кабилар; маъқуллаш, тўғри деб билиш. *Акбаров унга тасдиқ маъносидан бош ирғаб, Маҳкамга гапиришда давом этди.* П. Қодиров, Уч илди. *Уста Олим тасдиқ ишорасини бериб: -Сўзлай берингиз! — деди.* А. Қодирий, Ўтган кунлар. *Болалардан тасдиқ жавобини олгач, нўписа қилди.* С. Кароматов, Олтин кум.

**2** Тўғри, ҳақиқат эканликни қайд этувчи нарса, факт; исбот. *..халқ демократияси мамлакатлари билан дўстлик, ҳамкорлик мустаҳкамланганлиги байналмилалчилик ғояларининг амалий тасдиғидир.* Газетадан.

**3** Маъқулланганлик ҳақидаги расмий қайд, қарор. *Лойиҳани тасдиқдан ўтказмоқ.* ■ *Мана бу — бўлимнинг бутун тасдиқлардан ўтган тематик плани.* С. Кароматов, Олтин кум.

**4** Инкорга зид мазмунли. *Тасдиқ гап.* ■ *Кесими инкор шаклида бўлиб, таркибида қан-*

*доқ, нима, озмунча сўзлари иштирок этган гаплар тасдиқ фикрни ифодалайди.* «ЎТА».

**Тасдиқ қилмоқ (ёки этмоқ)** айн. **тасдиқламоқ.** *Ҳакимбойвачча илжайиб қараб, унинг сўзини бош қимирлатиш билан тасдиқ қилди.* Ойбек, Танланган асарлар. *..бизга фақат ишнинг унақайини топиб, хондан тасдиқ эттиришигина қолди.* А. Қодирий, Ўтган кунлар.

**ТАСДИҚЛАМОҚ 1** Қарор билан ёки қўл кўйиб, муҳр босиб, қонуний кучга киритмоқ, тасдиқ қилмоқ. *Ҳукумат лойиҳани тасдиқлади.* *Директор шартномани тасдиқлади.* *Котиба имзони тасдиқлади.* ■ *Буйруқни дастлаб бошқарма, сўнгра министрлик бирон-бир эътирозсиз тасдиқлади.* «Ёшлик». *..ректорат ҳам унинг иккита имтиҳондан «қарзи» борлигини ҳисобга олиб, бу қарорни тасдиқлаганди.* Ў. Ҳошимов, Қалбингга кулоқ сол.

**2** Бирор иш, ҳаракат, ғоя ва ш.к. ни тўғри деб топмоқ, маъқулламоқ, тасдиқ этмоқ. *-Ота, булар чўпон эмас! — деди Бадиа.* *Бу гапни Зулфиқор ҳам, Заврак ҳам тасдиқлади.* *Мирмуҳсин, Меъмор. -Ҳа, баракалла, — Қудрат калласини тебратиб тасдиқлади.* М. Исмоилий, Фарғона т. о.

**3** Тўғрилигидан далолат бермоқ, исботламоқ. *Бу факт фикримизни тасдиқлайди.* ■ *-Материални тасдиқловчи хужжатларингиз борми? — деб сўради.* «Муштум». *Унинг фикрлари ҳақлигини хужжатлар тасдиқлаб турибди.* Газетадан.

**ТАСИРА-ТУСУР** айн. **тасир-тусур.** *Тасира-тусур ўқ овози.* ■ *Тасира-тусур ўқ отилар Тол-терақ ва тош орқасидан! Ҳ. Пўлат.*

**ТАСИРЛАМОҚ** «Тасир-тусур» товуш чиқармоқ. *Узоқдан замбараклар ҳайқириғи, снарядларнинг портлаши эшитилмоқда.* *Аллаҳарда пулемётлар тасирламоқда.* И. Раҳим, Чин муҳаббат.

**ТАСИР-ТУСУР** тақл. с. Кетма-кет такрорланувчи «тасир» ва шунга яқин товушни билдиради. *Орқада от туёқларининг тасир-тусури эшитилди.* С. Анорбоев, Оқсой. *Дайди шамол.. отилиб турган ўқларнинг тасир-тусур овозини олиб келади.* М. Муҳамедов, Қаҳрамон изидан.

**ТАСКИН** [а. تسكين — тинчлантириш, юпатиш, овутиш; юмшатиш] Юпатиувчи нарса, гап, иш-ҳаракат ва ш.к.; тасалли,

юпанч. Бу нафосат даргоҳи [Муқимий те-атри] ўша оғир жанг ва кураш йиллари.. беором кўнгишларга таскин, ёшли кўзларга нур баҳи этган. А. Юсупов, Жилокор қўллар. Юрагим ранжиган боладай На эрмак, тас-кинга кўнади. Ш. Раҳмон, Юрак қирралари.

**Таскин бермоқ** Юпатувчи гап-сўз айтмоқ, хатти-ҳаракатлар қилмоқ, шу йўл билан юпантиришга, тинчланишга ҳаракат қилмоқ. -Ташвиш тортма, ошна, — деди Омонтой дўстига таскин бериб, — агар Санобарни Самарқандга чақириб қоладиган бўлишса, сенга ҳам бирон чора топармиз. К. Яшин, Ҳамза. **Таскин топмоқ** Таскин берувчи нар-салар таъсирида тинчланмоқ. Қандай гап айтса, Икромжон амакининг кўнгли таскин топаркин? С. Аҳмад, Уфқ. Нафисахон қизини кўрмаган бўлса ҳам, кампирнинг гапларидан ҳақиқатни англаб, юраги таскин топди. Мирмуҳсин, Умид. ..ориқлаб, сарғайиб кет-ган юзига ранг кириб қолганини кўриб тас-кин топди. Ж. Шарипов, Хоразм.

**ТАСЛИМ** [а. تسلیم — саломлашиш; ён бериш; топшириш; душмандан енгилиш] Курашда, жанг, тортишув ва ш. к. да ен-гилиб, қаршилиқни тўхтатиш, мағлубият-ни тан олиш. Таслим билмас қўшиним ана менинг, Ғазаби бор бир дунё — оташга тенг. Ҳ. Олимжон. Ўзини ишқ азобларини енгигиша, мақсадга етишга қодир деб билган одам таслимни тан олмайди. А. Обиджон, Аканг қарагай Гулмат.

**Таслим бўлмоқ** 1) жангда, курашда, тор-тишувда енгилиб, қаршилиқни тўхтатмоқ. Душман таслим бўлди. ■ Куришда қолган немисларни таслим бўлишга чақирдик. Н. Сафаров, Оловли излар. Жаҳл отига минган хон беҳуда уринди, қиз таслим бўлмади. Ж. Шарипов, Хоразм. Бўтабой аскиядан ен-гилиб, таслим бўлдим, дегандек икки қўлини кўтарди. С. Аҳмад, Ҳукм; 2) қаршилиқни тўхтатмоқ; бўйсунмоқ. Мунча минг ёш-яланг келади-ю, чўл дарров таслим бўлади-қўяди-ми? Р. Файзий, Чўлга баҳор келди. **Таслим қилмоқ** (ёки этмоқ) 1) душман ёки рақиб устидан ғолиб келмоқ; енгмоқ. Душманни таслим қилмоқ. ■ Тожтали Бобоев Берлин-ни босиб олиш, гитлерчиларни таслим этиш учун муносиб ҳисса қўшди. Т. Рустамов, Мангу жасорат; 2) беллашув, баҳс кабиларда ус-тун келмоқ, мағлуб қилмоқ, енгмоқ. Рақи-бини таслим қилмоқ.

**Жон таслим қилмоқ** Жон бермоқ, жони узилмоқ; ўлмоқ. Унинг жон таслим қилганига ишонч ҳосил қилгач, хонга қаради. С. Сиёев. Ёруғлик.

**ТАСЛИМЧИ** 1 Ғолиб томон шартларига кўниб, қаршилиқ кўрсатишни тўхтатувчи, таслим бўлувчи.

2 кўчма Қаршилиқлар, тўсиқтар, қийин-чиликлар олдида орқага чекинувчи, ўзининг кучсиз, иложсиз эканини тан олувчи. Тас-лимчиларга қарши курашмоқ.

**ТАСЛИМЧИЛИК** Таслимчига хос иш тутиш, таслим бўлиш сиёсати.

**ТАСМА** 1 Узун, энсиз тери. Ботир арс-лонни ўлдириб, терисидан бир тасма олди. «Эртактар».

2 Шундай кўринишда бўлган, боғлаш, бириктириш ва ш.к. учун ишлатиладиган, тери ёки пишиқ матодан ясалган энсиз буюм; қайиш, камар. Юган тасмаси. Мил-тиқ тасмаси. ■ Бобоқул ота қўзичоқнинг қўлтиғидан брезент тасма тортарди-да, кичкинагина тарозининг илгагига илиб кў-тарарди. С. Анорбоев, Оқсой. Кейин қизил дастали устарани тасмага шарт-шарт қай-раб, чамадонга жойлаштирди. «Гулдаста». Бошлиқ ориқ, чўзинчоқ юзли, бир кўзи ингичка тасма билан бойланган новча киши эди. С. Аҳмад, Ҳукм.

3 Баъзи бир механизмлар ёки транспорт мосламаларининг тўхтовсиз ҳаракатланиши ва б. вазифа учун қўлланадиган, чарм ёки бошқа пишиқ тўқимадан ишланган узун буюм; лента. Вентиляция тасмаси. ■ Яқин келгусида ҳозиргидан уч баравар кўнга чи-дайдиган капрон тасма ишлаб чиқариш йўлга қўйилади. С. Абдуллаев, Газламанинг «умри». Шпинделларни ҳаракатга келтирувчи тасма, вентиляторларнинг шкивлари шу вақтгача ўрнатилмабди. Газетадан.

4 кўчма. Лента. Бир дам олиш куни Тош-кент радиосидан иккита муҳбир келиб, сўзи-мизни магнит тасмасига ёзиб олди. Т. Расу-лов, Сарбон.

**ТАСМАДАЙ**, -дек 1 Тасмага ўхшаш, тас-ма каби. Кўклам ёмғири қорни эритган, фа-қат олис-олисларда, тоғ ёнбағирларида қор суви оқ тасмадай милт-милт жилдираб тушмоқда. Ҳ. Назир, Бир туп гўза. Осмонда оппоқ булутлардан узилиб тушган ипак тасмадек мезон тўрлари сузади. С. Нуоров,

Нарвон. ..тасмадек узала кетган йўлга қаради. Шуҳрат, Шинелли йиллар.

**2 кўчма** Хипча ва хушбичим (асосан кимса ҳақида). [Ойша:] *Ҳой, Комилжон, хотининг тасмадеккина экан. Илоҳим, қўша қаринглар. О. Ёқубов, Айтсам, тилим куяди, айтмасам – дилим.*

**ТАСНИФ** [а. تصنيف – танлаб олиш; турларга ажратиш] Нарса ва ҳодисаларни уларнинг ўзига хос белги, хусусиятларига қараб тур, туркум ва ш.к. га ажратиш. *Ўзбек тили шевалярининг таснифи.* ■ *Ўзбекистон топонимларининг лексик-семантик таснифида терминологик бир хиллик йўқ.* «ЎТА».

**Тасниф қилмоқ (ёки этмоқ)** Маълум белги-хусусиятлари асосида тур, туркумларга ажратмоқ, тур, туркумларини белгиламоқ. *Имловий принциплар, уларни белгилаш ва тасниф қилиш юзасидан айтилган нуқтаи назарлар ўзаро турли тафовутларга эга. Э. Бегматов, Ўзбек имлоси. Сўз санъати асарларини тур ва жанрларга тасниф этиши тарихи жуда қадим замонлардан бошланади.* «Адабиёт назарияси».

**ТАСНИФЛАМОҚ** Тасниф қилмоқ. *Туркий тилларни таснифламоқ.*

**ТАСОДИФ** [а. تصادف – бир-бирига тўғри (дуч) келиш; бир-бирига мос келиш; бир хиллик] **1** Фавқулодда, кутилмаган ҳол, воқеа, ҳодиса. *Бахтли тасодиф. Кўнгилсиз тасодиф. Ҳар қандай тасодифга тайёр турмоқ.* ■ *Тасодифдан хурсандман беҳад, Дучор қилди бахтга бир сафар. Шукрулло, Жавоҳирлар сандиғи. Тасодифни қарангки, Муҳиддин Солияхонга дуч келиб қолди. Р. Файзий, Чўлга баҳор келди. Ҳикоя алоҳида шахсларнинг яхшилиги ё ёмонлиги ҳақида, ё бўлмаса, турмушдаги бирор тасодиф устида ёзилмайди. А. Қаҳҳор, Сароб.*

**2** флс. Нарса ва ҳодисаларнинг ички табиати билан боғлиқ бўлган, ундан ташқарида, юзаки ва иккинчи даражали, юз бериши ҳам, юз бермаслиги ҳам мумкин бўлган воқеа-ҳодисани ифодаловчи фалсафий тушунча. *Зарурият ва тасодиф.*

**ТАСОДИФАН** *рвш.* Кутилмаган ҳолда, бирдан, қўққисдан, тасодифий равишда. *Тасодифан учрашмоқ.* ■ *Раъно, қулоғи остига теккан иссиқликдан чўчиб, юзини ўнглаган эди, тасодифан лаби ҳалиги иссиқликка учрашди. А. Қодирий, Меҳробдан чаён. «Дадаси қайтиб келса, Нигорани та-*

*нирмикин?» – тасодифан туғилган бу сўроқ Нигорани ҳаяжонга солди. С. Анорбоев, Оқсой.*

**ТАСОДИФИЙ** Тасодиф тарзидаги, тасодиф ҳолидаги; кутилмаган; фавқулодда. *Тасодифий воқеа. Тасодифий учрашув.* ■ *Тасодифий ҳодисаларда қаттиқ ярадор бўлганларга тез ёрдам бериш менга маъқул бўлди. Ойдин, Уялди шекилли, ерга қаради. Бу уруш тасодифий эмас, албатта, бу воқелик осмондан тушгани йўқ. И. Раҳим, Чин муҳаббат.*

**ТАСҚАРА** [а. صقر – лочин, қирғий] **1** зоол. Йиртқичлар туркумининг қарчиғайлар оиласига мансуб ўлаксахўр қуш. *Унинг устидан қора ҳошияли малла қанотларини аста елпитиб, каттакон тасқара учиб ўтди. С. Анорбоев, Оқсой.*

**2** кўчма Кўриниши ёқимсиз, турқи совуқ; беўхшов, хунук. *Наҳотки кексаларни ҳурмат қилмайдиган, бетайин баъзи тасқаралар ўз ишини маъқул қилиб юра берса. Мирмуҳсин, Бир хумча тилла. Уйинг куйгур тасқара миришаблар изинга тушиб қувладими? Ойбек, Танланган асарлар.*

**ТАТАББУ** [а. تتبع – бирор нарсанинг кетидан тушиш, эргашиб, изидан бориб текшириш; таъқиб қилиш] *эск. кт.* Текшириш, ўрганиш; тадқиқот, таҳлил. *Илмий татаббу.* ■ *Бойқаро ўз ғазалини жамики шоирларга татаббу учун берди. Ойбек, Навоий. Илми халққа берингиз, татаббу ва тафаккур билан илми кенгайтирмоққа ҳаракат қилингиз. Ойбек, Навоий.*

**ТАТАЛАМОҚ** **1** Тирнамоқ, тимдаламоқ. *Ит ерни таталади.* ■ *Адолат бир жойни панжаси билан таталади, кетмонда ковланди, аммо булоқ кўзини топа олмади. И. Раҳим, Чин муҳаббат. Чироқни ёқмоқчи бўлганида, эшикни биров, худди мушук таталагандай, тақирлатди. А. Қаҳҳор, Сароб.*

**2** кўчма Ковлаштирмоқ, титмоқ, титкиламоқ. *Иш давомида унда-бунда бегона сўзларни эшитиб, кейин эса китоб таталаб, инглизчани бир оз билиб олдим.* «Гулдаста».

**3** кўчма Бетинч бўлмоқ (қилмоқ), гаш қилмоқ, тирнамоқ (кўнгилни, дилни). *Хавотирлик юрагини таталади.* ■ *Неварасидан безовта бўлиб, юраги таталаб кетаётганини, ота-онасига қандай хабар беришни билмай йиғларди. Мирмуҳсин, Умид.*

**4** *кўчма. с. т.* Уриниб-суринмоқ, тиришмоқ. *Мунаввар русчага у қадар уста бўлма-са ҳам, уялиб қолмаслик учун таталаб, маъносини тушунишга ҳаракат қилар эди. С. Анорбоев, Мехр.*

**Қорни таталамоқ** Қорни жуда очмоқ, очликдан бетоқат бўла бошламоқ. *Қудрат, қорни таталаб кетганидан, ҳовли бурчаги-даги янги ўчоққа осиелиқ декча қопқоғини очиб кўрди: декча буш эди. Ҳ. Назир, Сўнмас чақмоқлар.*

**ТАТАМИ** [ял. — похол бўйра, бордон] *спрт.* Дзюдо кураши учун мўлжалланган таранг. эластик гилам. *Дунёнинг энг донгдор спортчилари билан татамига чиққан вакил-ларимиз ўзларининг нималарга қодир экан-ликларини намойиш эта олишди. Газетадан.*

**ТАТАР 1** Татаристон Республикаси асо-сий аҳолисини ташкил этувчи халқнинг номи. *Татар халқи. Татар миллати.*

**2** Шу халқ, миллатга оид, тегишли, ман-суб. *Татар тили. Татар йигит. ■ -Булди, бор инди палатанга, — деди татар хотин. Э. Раймов, Ажаб қишлоқ. У татар артист-кани таниб қолган эди. К. Яшин, Ҳамза. ..Абдулла Уразаев татар адабий муҳтига яқинлашади. Ҳ. Ёдгоров, Ҳаёт тўлқинлари.*

**ТАТАРЛАР 1** Татаристон Республика-сининг асосий аҳолисини ташкил этувчи, туркий тилда сўзлашувчи халқ.

**2** Волгабўйи, Сибирь ва Кримда яшовчи, туркий тилларда сўзлашувчи бир қанча элатларнинг умумий атамаси.

**ТАТАРЧА 1** Татар миллатига, тили, ада-биёти ва маданиятига оид. *Татарча кўшиқ. Татарча дўппи.*

**2** Татар тили. *Татарчани ўрганмоқ. Та-тарча гаплашмоқ.*

**ТАТБИҚ** [а. تطبيق — қўллаш; ишлатиш, ишга солиш; амалиёт] Амалда ишлатиш, қўллаш. *Ядро энергиясининг тинч мақсадлар учун татбиқи. ■ Бу усулнинг татбиқи мумкинлигига ва ғоят фойдалигига мута-хассислар иқрор эдилар. Ойбек, О.в. шаба-далар.*

**Татбиқ қилмоқ (ёки этмоқ)** Ишлатмоқ, қўлламоқ, ишга солмоқ. *Ҳозир аспиранту-рага кириш учун ҳеч бўлмаганда икки йил ишлаб, институтда олган таълимни ҳаётга татбиқ қилиш керак. С. Зуннуова, Кўк чироқлар. Урф-одат масаласи — турмушга*

*татбиқ этиб бориладиган масала. Н. Сафа-ров, Оловли излар.*

**ТАТБИҚИЙ** Амалда татбиқ этиладиган. қўлланадиган. *Татбиқий механика.*

**ТАТИМ I 1** Равоч уруғи (дори тайёрлаш учун ишлатилади).

**2** ив. **тотим.**

**ТАТИМ II** Таъсир этиш қуввати: таъм, маза. *Ўз юртингда пишган нонга ниъма етсин! Таъми ҳам, татими ҳам бошқа. М. Исмон-лий, Фарғона т. о.*

**ТАТИМЛИ I** Яхши таъм берадиган: ма-зали, таъмли, тотли. *Татимли овқат.*

**2** Тагими яхши, яхши татийдиган. *Та-тимли чой.*

**ТАТИМОҚ I** айн. **тотмоқ.** *Овқатнинг ту-зини татимоқ. Ҳаётнинг аччиқ-чучугини та-тимоқ. ■ Қамбар эгилиб шивирлади: -Ича-сизми? Озгина қуйиб берай. Жуда хуштаъм мусаллас. -Сира татиб кўрган эмасман. Ке-рак эмас. Ойбек, Танланган асарлар. [Раз-зор] У ердан [мақтабдан].. қорни очиб, кўз-лари киртайиб, кеч қайтарди-да, олдига қў-йилган таомдан татир-татимас, а.ллақаер-га жўнарди. Ҳ. Ғулом, Машғал.*

**2** Таъсир қилмоқ; таъсири билинмоқ; юкмоқ. *Қатиқ мошхўрдага яхши татийди. ■ Овқат [Шавкатжонга] мазалироқ татиди. Н. Мақсудов. Умидли бола. Болам бечорани тинч қўясанми, йўқми? Еган-ичгани тати-май, кундан-кунга.. қотиб кетяпти ўзи. О. Ҳусанов. Қўшиқчининг тақдирини.*

**Арзоннинг шўрваси татимас** Арзон нар-са ёки меҳнатсиз топилган даромад, маб-лағнинг баракаси бўлмайти, ёлчитмайти маъносидаги мақол. *Синглим, ҳеч қачон иш-нинг осонини ахтарманг. Арзоннинг шўрваси татимас, деган гап бор. Уйғун, Сўнгги пу-шаймон.*

**3** Кифоя қилмоқ, кифоя бўлмоқ, етмоқ. *Бутун умрга татийдиган сабоқ. Урпоғингда бўлса, уруғинга татийди. Мақол. ■ Ўзи эллик гектар ер-у, дахмасаси беш юз гектар-га татийди. Р. Файзий, Чўлга баҳор келди. Оддий [бир кило] гуруч беш кишилик ош бўл-са, девзира палов ўн кишига татийди. Газе-тадан.*

**ТАТИНМОҚ** қ. **тотинмоқ.**

**ТАТИР** бот. Шўрхок ерда ўсадиган бута-симон ўсимлик.

**ТАТИҒИ:** **татиғини бермоқ** кам қўлл. Жа-зосини, адабини, таъзирини бермоқ. *Булар-*

нинг татиғини бермасам!.. Ҳе, кўзларинг қурсин! А. Қодирий, Меҳробдан чаён. **Татиғини емоқ** (*ёки тотмоқ*) кам. қўлл. 1) жазосини тортмоқ, адабини, таъзирини емоқ. Ҳа, бу қилмишинг учун татиғингни ейсан; 2) мазасини, лаззатини тотмоқ. Кўп йиллар тинчгина турган қиличнинг Татиғин душман тота-жақ энди. Ф. Фулом.

**ТАТУИРОВКА** [фр. tatouer — расм, белги чизиш < полинезча tatau — расм, тасвир, белги] 1 Игна ёки бошқа нарса воситасида махсус бўёқ билан киши танасига расм, тасвир тушириш, сўз ёзиш.

2 Шундай йўл билан туширилган расм, тасвир, ёзилган сўз. Мен унинг билагидаги татуировкасини кўриб қолдим. П. Қодиров, Эрк.

**ТАФ** [ф. تف — ҳарорат; иситма; буғ; нур, жило]: **таф тортмаслик** Чўчимаслик, кўркмаслик, ҳадиксирамаслик. Қотма, баланд бўйли, кенг елкали, ҳеч кимдан таф тортмайдиган Худоёр ўрнидан турди. Ш. Тошматов, Тонглаги қўланка.

**ТАФАККУР** [а. تفكر — фикр юритиш, ўйлаш, фикрлаш] 1 Объектив воқеликнинг тасаввур, тушунча ва муҳокамадаги фаол инъикос жараёни, инсоннинг фикрлаш қобилияти; фикрлаш. Тил тафаккур билан бевосита боғлиқдир. ■ Инсоният юксак ҳаёлот ва тафаккур кучи билан яратган барча маънавий-бадиий бойликлар орасида оғзаки ижод намуналари алоҳида ажралиб туради. «Фан ва турмуш».

2 Ўйлаш, фикр юритиш, муҳокама; ўй. Бир соатлик тафаккур бир йиллик тоатдан афзал. Ойбек, Навоий. Ки ҳар ишники қилди одамизот, Тафаккур бирла билди одамизот. Алишер Навоий. Орага узоқ, вазмин хомушлик тушди. Малика бир нуқтага тикилиб, тафаккурга чўкди. Т. Жалолов, Олтин қафас.

**ТАФОВУТ** [а. تفوات — айирма, фарқ; ихтилоф] Нарса, ҳодиса ва ш.к. орасидаги ноўхшашлик, фарқ, айирма. Ақлий меҳнат билан жисмоний меҳнат ўртасидаги тавофут. ■ Лавозим ва хизматимиздаги тафовут: мен — штаб бошлиғи, Нарзи — оддий аскар, пулемётчи. Н. Сафаров, Оловли излар. Нафиса унинг андасасига сал ҳам тўғри келмас эди: тафовут фил билан қумурсқача! Шуҳрат, Жаннат қидирганлар.

**ТАФРИҚ(А)** [а. تفريق / تفرقه — фарқла-ниш, ўхшамаслик; ажралиб, бошқа-бошқа

бўлиш] эск. кт. 1 Фарқ, тафовут; фарқла-ниш.

2 Фарқ, ажралиш ёки ажратиш туфайли юзага келган низо; нифоқ, адоват. Бу маъносиз гавго подшонинг фармони билан рўй берди. Халқ орасига тафриқа солмоқдан ўза иш йўқми, ажабо! Ойбек, Навоий.

**ТАФСИЛ** [а. تفصيل — бичиш, бичиқ; атрофлича, аниқ, очиқ баён қилиш] Иш-ҳаракат, воқеа-ҳодиса ва ш.к. нинг ҳар бир айрим нуқтаси, майда-чуйда тафсилоти; шундай тафсилотларни ўз ичига олган баён, батафсил изоҳ. Ҳатто кундошини паришон-хотир қилган бу гап Отабекка қандай таъсир қилиши кўп тафсилга муҳтож эмас. А. Қодирий, Ўтган кунлар. Улардаги ҳар бир образ, манзара ва тафсил билан қизиқдим. М. Қўшжонов, Дийдор.

**ТАФСИЛИЙ** Бутун тафсилотини ўз ичига олган; батафсил, изоҳли. Тафсилий ҳикоя. ■ Йўлда менга воқеани тафсилий равишда сўзлаб бердилар. Ойдин, Уялди шекилли, ерга қаради. Биз қиссамизнинг ҳажми сигдирмаганликдан, Абдурахмоннинг шаҳардаги сафил ҳаётига тафсилий тўхтай олмаймиз. А. Қодирий, Меҳробдан чаён.

**ТАФСИЛЛАМОҚ** Бутун тафсилоти билан, тўла, батафсил тушунтирмақ, муфассал баён қилмоқ, изоҳламақ. Воқеани тафсилламақ. Тафсиллаб айтиб бермоқ.

**ТАФСИЛЛИ** Бутун тафсилотини ўз ичига олган; муфассал. Тафсилли жавоб. ■ Аҳмад Хусайн узоқ сўзлади, деҳқонларнинг ҳаётини ёрқин, чуқур тафсилли ҳикоя қилди. Ойбек, Нур қидириб.

**ТАФСИЛОТ** [а. تفصيلات — «тафсил» с. кўпл.] Иш-ҳаракат, воқеа-ҳодиса ва ш.к. нинг тафсили, майда-чуйдаси. Уша жанг тафсилотини эслаганимда, барча қуролдош дўстларим кўз ўнгимда бирма-бир гавдаланади. Т. Рустамов, Мангу жасорат. У Замирани таниганидан бери, ораларидан нима ўтган бўлса, ҳаммаси, майда-чуйда тафсилотларигача, ҳаёлида тинмай такрорланарди. П. Қодиров, Уч илдиш.

**ТАФСИР** [а. تفسير — шарҳ, изоҳ, матннинг маъносини очиш; маъно, мазмун] кт. 1 Бирор гап, воқеа-ҳодиса, матн ва ш.к. га берилган мукамал изоҳ, шарҳ, тушунтириш. Куръоннинг тафсири. Муаммонинг тафсири. Тафсир қилмоқ.

**2 тар.** Куръоннинг мадрасаларда алоҳида фан сифатида ўрганиладиган муфассал шарҳи. *Аҳмадхўжа ўз хатида Мадрасаи олияда тафсир, ҳадис, илми кимё каби турли илмлар ўқитилишини ёзган эди.* М. Муҳаммаджонов, Турмуш уринишлари.

**ТАФСирЛАМОҚ** Маъносини тушунтириб, изоҳлаб бермоқ, шарҳламоқ, тафсир қилмоқ. *Олим Бедилни тафсирлашга киришди.*

**ТАФСирЧИ** Бирор нарсанинг маъносини тушунтириб, изоҳлаб берувчи шахс. *Қуръон тафсирчилари.*

**ТАФТ** [ф. تفت — иситма, ҳарорат] Иссиқлик манбаи ёки қизиб турган нарсадан ураётган иссиқ, ҳарорат. *Тандирнинг тафти. Оловнинг тафти. Гулхан тафтида исинмоқ.* ■ *Кеч кириб, ҳавонинг тафти қайтди.* С. Аҳмад, Қадрдон далалар. *Мовий осмон тиниқ ва беғубор, ҳали тахтга минмаган қуёшнинг тафти баданни куйдирмайди.* Ф. Мусаҷонов, Ҳиммат.

**2** Иссиқликдан кўтарилаётган бугсимон нарса; ҳовур. *Эгатлардан жимир-жимир тафт кўтарилади. Қушлар кўринмайди.* С. Нуоров, Нарвон.

**3** кўчма Шахс ёки нарсанинг ҳарорат даражаси ҳолати; температура. *Сувнинг тафтини билгиси келди шекилли, гўдир бармоқларини ботирди.* Р. Раҳмонов, Восил ака. *Шу тариқа тажриба ҳам тўплана борди, чул ерларининг тафти, маромини ҳам ўрганиб олишди.* Газеталан.

**4** кўчма Ижобий таъсирли, ҳаётбахш ҳарорат, ўт. *Ҳовлида одам борки, жон бор. Девордан тортиб дов-дарахтгача.. ошхонадан тортиб донхонагача, рўзғор буюмларигача — бари одам тафти билан тирик.* Р. Файзий, Ҳазрати инсон. *Бу сатрларнинг тафтидан Зухра бегимнинг қалбига яна олиқлик югурди.* П. Қодиров, Юлдузли тунлар.

**5** кўчма Киши руҳидаги ёқимсиз ҳолат, губор. *Овқатдан олдин ювиниб чиқасизми — совуқ сув одамнинг тафтини босади.* А. Қаҳҳор, Аяжонларим. *Одам тафтини одам олади, деганлари шу-да, иним.* Р. Раҳмон, Меҳр кўзда. *Диққати ошиб, дили қоронғи бўлиб кетган кезларида челақни шафтолига тўлдириб, ётоғимизга келиб қолади. Бизни койиб-койиб, тафтини ёзиб кетади.* С. Аҳмад, Онажонлар.

**6** кўчма Ўзини юқори олиш, манманлик кайфияти. *Ҳалима ўша Ойжамол опа*

*келиб кетгандаги можародан кейин анча тафтидан тушган, ўзгара бошлаган эди.* Ж. Абдуллахонов, Гулчеҳра.

**Тафт тортмаслик айн. таф тортмаслик қ. таф.** *Шунинг учун улар ниятларига етиш йўлида оғирликлардан тафт тортмадилар.* М. Жўра, Қуёшдан нур эмганлар.

**ТАФТИШ** [а. تفتيش — излаш, қидириш; текшириш, назорат қилиш] **1** эск. Бўлиб ўтган иш, ҳодиса ва ш.к. юзасидан ёки ҳақиқий аҳволни аниқлаш мақсадида ўтказиладиган текширув, тергов, сўроқ. *Режа-ли йиллик тафтиш. Тафтиш комиссияси.* ■ [Навоий:] *Тафтишлар шуни кўрсатадики, Ёдгорбек кўзғолонида бу одамнинг ҳам қўли бўлган.* Уйғун ва И. Султон. *Алишер Навоий. Ўғлингиз сиздан яшириб, Ҳамза ҳожининг бедин мактабига қатнармиш деб эшитаман, шу ростми? — Тафтиш қилдим, тақсир, қатнар экан.* К. Яшин, Ҳамза.

**2** эск. Қидирув, тинтув. *Ўғрилар тутилсин, дорга осилсин! Ҳар бир хонадон тафтиш қилинсин.* Ж. Шарипов, Хоразм.

**3** Бирор муассаса ёки мансабдор шахснинг молиявий-хўжалик фаолиятининг тўғрилиги, қонунийлигини аниқлаш мақсадидаги текширув. *Биринчи тафтиш юзаки ўтказилгани ҳақида эътирозлар туғилгач, республика агроаноат комитетидан мутахассис чақиришди.* «Муштум».

**Тафтиш қилмоқ (ёки этмоқ)** Текширув ўтказмоқ (**тафтиш** ҳар учала маъносида). *Партбюро Оғажоннинг аризасини тафтиш этиш юзасидан комиссия тузди.* С. Кароматов, Олтин кум. *Эшмамат Ашуровнинг иш фаолияти тафтиш қилинганда, минг сўмга яқин камомад аниқланди, иш ҳақидан 2138 сўм ортиқча олинган.* «Муштум».

**ТАФТИШЧИ** Тафтиш қилувчи, текширувчи. *Халқ назорати постдагилар Илҳомчанинг эгри қўлиги ҳақида милицияга сигнал беришибди. Аммо тафтишчилар келганда, Илҳомча аллақачон қочиб улгурган эди.* Ҳ. Фулом, Сенга интиламан. *Пихи қайрилган тафтишчилар қасд қилганда ҳам, бирон марта камомад тополмаганлар.* Й. Шамшаров, Тошқин.

**ТАФФОТ** шв. Кўнгилни беҳузур қилувчи иссиқ шамол; гармсел. *Туш маҳали эди. Бу пайт Бухорода кун жуда оғир кечарди. «Кўчага чиқма, таффот келди», дейишарди оналар фарзандларини гармселдан асраш*

ниятида. С. Кароматов, Бир томчи қон. *Гоҳ ёз ойлари бу ерда тафлот эсади.* С. Анорбоев. Ўзбекистон олтини.

**ТАХ 1** Дазмол урилган ёки тахланган нарсанинг текис қайрилган, букилган жойи, чизиғи. *Дўппининг тахи.* Тахини ёзмақ. Дазмол уриб, тахини текисламақ. Дазмоллаб, шимга тах солмоқ. Тахтакачлаб, дўппининг тахини чиқармоқ. ■ *Келин чой қуя туриб, кўзи тахи очилмаган дўппига тушди, севинч билан уни қўлига олди, миннатдорчилик билдирди.* Ойдин, Мардлик — мангулик. *Дилшод хат тахини очди.* М. Исмоилий, Фарғона т. о.

**Тахига солмоқ** Букилган, қайрилган жойидан қайта букиб, яна аслидай қилиб тахлаб қўймоқ. [*Кумуш*] *Кўз ёшини дув-дув тўкиб, хатни ўз тахига солди ва ўздан жавоб кутиб турган ачаси билан онасига деди.* А. Қодирий, Ўтган кунлар.

**2** Териб, тахлаб қўйилган нарса ёки унинг ҳар бир тахлами. *Бир тах пул.*

**Тах урмоқ** Зиҳ чиқариб тахлаб, йиғиб қўймоқ (кийим, ўрин-кўрпа ва ш.к. ни). *Дўппига тах урмоқ. Ўрин-кўрпаларни сандиқ устига тах урмоқ. Тахи бузилмаган 1)* янги, кийилмаган, тугилмаган. *Кимсан тахи бузилмаган катта костюмининг енгини осилтириб, кўчада ёлғиз турар экан, ўзига-ўзи кулгили кўриниб кетди.* А. Мухтор, Тугилиш. *Она тахи бузилмаган кўрпачаларни ташлаб, айвонга жой қилди.* Н. Ёқубов, Ҳавас; **2)** қўл тегизилмаган, ишлатилмаган. *Тахи бузилмаган пул.* ■ *..кенг пахтазор майдонида пахта чунонам бўлибдики, қанча терилса ҳам, тахи бузилмагандай.* Ҳ. Назир, Олмос. *Уйга берилган топшириқлар тахи бузилмасдан турган эди.* Ҳ. Назир, Ёнар дарё.

**ТАХАЙЮЛ** [*а. تاختل* — ўйлаш, хаёл қилиш, тасаввур этиш] *эск. кт.* Хаёлга келтириш, ўй суриш, хаёлот. *Тахайюл майига термиламан жим.* Р. Парфи, Кўзлар.

**ТАХАЛЛУС** [*а. تخلص* — ўзини ўзи қутқариш, озод қилиш; халос бўлиш] Бирор ижодкор (шоир, ёзувчи, рассом, олим ва ш.к.) ёки сиёсий арбобнинг ўзи учун танлаб олган бошқа, иккинчи номи. *Мен — Юсуфийман, тахаллусим — Ўткир.* Ш. Рашидов, Бўрондан кучли. *Муҳаммад Раҳим, табиатан музыка ва адабиётга ҳаваскор бўлиб, «Феруз» тахаллусида шеърлар ёзган.* Ж. Шарипов, Хоразм.

**ТАХИР 1** Таъми оғизни буриштирадиган; какра, талха. *Тахир дори. Тахир шафтоли.* ■ *Унинг [Салимбойнинг] кенг қора қошили, қўй кўзли, пешонаси серажин чўзиқ юзи худди тахир бир нима егандек буришди.* С. Абдуқаҳҳор, Санамай саккиз дема. *Мева ғўралигида тахир бўлади, еган кишининг лабини қиздиради.* «Фан ва турмуш».

**2** кўчма Дағал, бадхазм (гап, сўз, муомала ва ш. к. ҳақида). *Тахир гап.* ■ *Харидорлар сотувчидан тахир сўз эшитмаслик учун индамай чиқиб кетишди.* «Муштум».

**Тахирини чиқармоқ** Шарманда қилмоқ, изза қилмоқ; пачавасини чиқармоқ. *..вақти келиб, ҳовуридан тушиб қолар, деб ўзига сабр бериб, эрининг тахирини кўчага чиқармади.* Р. Раҳмон, Қиз — азиз фарзанд-ку! *Аммо сўкавериб, бир-иккита вакилнинг тахирини чиқариб юборди.* «Муштум».

**ТАХЛАМ** Териб, тахлаб қўйилган нарса ва унинг ҳар бир тўпи. *Бир тахлам китоб.* ■ *Зокир Усмон ичкари уйдан эски газеталар тахламини олиб чиқди.* «Ёшлик».

**ТАХЛАМОҚ 1** Буклаб, тахига солиб қўймоқ; буклаб, тахига солиб жойламоқ. *Онам устимдан чопонимни ечиб олиб, тахлаб қўйибдилар.* Э. Раимов, Ажаб қишлоқ. *Мен шамшод хивичидан тўқилган буклама курсичамни тахладим.* «Гулдаста». *Хотин индамади, рў(й)жани тахлаб, столнинг устига суриб қўйди.* А. Қаҳҳор, Асарлар.

**2** Устма-уст термоқ, устма-уст қўйиб жойламоқ. *..татар аёл китобларни бир чеккага тахларди.* Ў. Ҳошимов, Қалбингга қулоқ сол. *Ота чайланинг тўрига тахлаб қўйилган кўрпалар устидаги ёстиққа ишора қилди:* -Ҳеч уялиб-нетиб ўтирма. С. Анорбоев, Оқсой.

**3** кўчма Уст-устига, кетма-кет келтирмоқ, қўшмоқ, қалаштирмоқ (гап-сўз ва ш.к. ҳақида). *Кейин биринчи навбатда нима ишлар қилиш кераклигини тахлаб ташлади.* Ж. Абдуллахонов, Тўфон. *Мактаб директори Соат Лочинов.. бирпасда талай гапни тахлаб ташлади.* Газетадан. *..баҳона тахлаб ташлаётган Жавҳардан Расулжоннинг жаҳли чиқди.* Ж. Абдуллахонов, Хонадон.

**ТАХЛИТ** [*а. تخلص* — «тақлид» (ўхшатиш, ўхшаш, ўхшатма) с. нинг бузилгани] **1** Қўриниш, шакл, қиёфа. *Одам тахлитидаги маймун. Ака-ука қўйиб қўйгандек бир тахлитда.* ■ *Баъзи жойда квадрат аниқ, баъзи*

жойларда тахлити ҳам йўқ. И. Раҳим, Ихлос. *Ҳар қадамда нураган, хароба деворлар кўн учрайди. Бу қишлоқнинг тахлити ана шундай эди.* Ё. Хаимов, М. Раҳмон, Ҳаёт-мамот. *..нонни иштаҳасиз тишлар, мискарлар томонидан самовар тахлитида ясалган қумғондан чой қуяр эди.* Ойбек, Танланган асарлар.

**2** Айрим сўзлар ва кўрсатиш олмошлари билан қўллади, усул, йўсин, тарз маъносини билдиради. *Иш тахлити. Юриш-туриш тахлити.* ■ *Шу тахлит юк тугагунча.. терлаб ишлашди.* «Ёшлик». Уларнинг турмуши шодлик ҳам кўрмай, аччиқ-чучукни ҳам сезмай, шунчаки бир рўзгор тебратиш тахлитида ўтди. И. Раҳим, Ихлос. *Ҳачирга миниб, сиз билан бир тахлитда бораман.* «Латифалар».

**3** кўм. взф. Ўхшатиш, қиёс билдиради; каби, сингари. *Бу тахлит чистоний байтлар қадамда ҳам олий ҳазратнинг истақлари ила битилур эди.* С. Сиёев, Аваз. *-Олло ниятингизни берсин! — деди.. ўзини улуғвор ва юксак мансабдор тахлит тутиб.* Шўхрат, Олтин зангламас.

**ТАХЛОҒЛИҚ** Тахлаб, териб қўйилган, тахланган. *Тахлоғлиқ қоғоз. Тахмондаги тахлоғлиқ кўрпалар.* ■ *Нигора кўз ёшини артиб, тахлоғлиқ турган китоблар ичидан дафтар олди.* С. Анорбоев, Оксей.

**ТАХМИН** [а. تخمين — фараз, гумон; мўлжал, чама] Ўйлаб, чамалаб, мўлжаллаб ёки қандайдир мулоҳаза ва ш.к. га асосланиб қилинган фараз, чама. *Тахмини тўғри чиқди.* ■ *Ана шундан кейин.. одамлардан бири ўз тахминини сўзлай кетди.* М. Исмоилий, Фарғона т. о. *Кўрган заҳотим, ўзбек қизимикан, деган эдим, тахминим тўғри чиқди.* Ойдин, Сўхбати жонон. *Зиёдилнинг тахминича, Комил афанди Бўронбекнинг уйига етиб келган ва агар келмаган бўлса ҳам, ҳозир етиб келиши керак.* Ҳ. Фулом, Машғал.

**Тахмин қилмоқ** ..деб ўйламоқ, фараз қилмоқ, ўйламоқ. *Абдумажидлар, Зариф ота тахмин қилганидек, ўн иккидан анча ошганда келишди.* Ў. Усмонов, Сирли соҳил. *Бозорга сабзи-пиёзми ё картошка олиб келиб, бола-чақаларига кийим-кечак қилиб кетаётган деҳқон бўлса керак, деб тахмин қилди.* С. Анорбоев, Оксей.

**ТАХМИНАН** [а. تخمیناً — тахмин асосида, тахмин бўйича, тақрибан, қарийб] Тахминга кўра; чамалаб, тахмин қилиб олган-

да (айтганда, кўрганда). *Улар бир-биридан тахминан бир ёш-бир ярим ёш фарқ қилади.* Ф. Мусажонов, Нозик масала. *Қамчи охирги марта қаторасига ўқ отилган жойини тахминан мўлжалга олган бўлса ҳам, тўқайга кирганда, мўлжалдан адашди.* Ҳ. Фулом, Машғал.

**ТАХМИНИЙ** Тахминга асосланган, тахмин, чама билан белгиланган. тахмин қилинган; дастлабки, хомаки. *Тахминий маълумот. Тахминий ҳисоб.* ■ *Тахминий гаплар қулоққа ёқмайдиган бўлиб қолди.* *Режасиз, таваккал иш фақат зарар келтириши мумкин.* Ҳ. Фулом, Меҳнат ва гўзаллик.

**ТАХМИНЛАМОҚ** Тахмин асосида ҳукм чиқармоқ, тахмин қилмоқ, чамаламоқ, мўлжалламоқ. *Қассоб қўйни, гўшт-ёғи билан, қирқ беш кило тахминлади.* ■ *Бир йили.. қариялар чинорнинг ёшини ҳисоблаб, мингга кирадиган фаслини тахминлаб эълон қилишибди.* А. Мухтор, Чинор.

**ТАХМОН** Уй ёки айвон деворида: сандиқ ўрнатиб, устига ўрин-кўрпа йиғиб қўйиладиган тоқчасимон махсус жой. *Уйнинг тўрида иккита тахмон. Тахмонга ўрин йиғмоқ.* ■ *Холдорхон тахмондан кўрпача олиб ёзди.* С. Зуннунова, Гулхан. *Шаҳзодаҳон бир нозик шох ташлаб.. шоҳи атлас кўрпа-кўрпачалар тўла тахмонга борди..* К. Яшин, Ҳамза.

**ТАХОМЕТР** [юн. tachos — тезлик + metreo — ўлчайман] Вал, ғилдирак ва ш.к. нарсаларнинг айланиш тезлигини ўлчайдиган асбоб; спидометрнинг бир тури.

**ТАХТ I** [ф. تخت — подшоҳнинг маросимларда ўтирадиган махсус ўриндиги] **I** Расмий қабул ва бошқа тантанали маросимларда шох, хон ва амир ўтириши учун сарой тўрига ўрнатилган, махсус безатиб ишланган жой, ҳашаматли ўриндиқ. *Хон тахтда эди. Ўнг тараф курсида Абдурахмон офтобачи ва сўлда шоир мулла Ниёз домла кўл боғлаб ўтирар эдилар.* А. Қодирний, Меҳробдан чаён. *Шайбонийхон у билан тахт устидан тушмасдан сўрашди.* П. Қодиров, Юлдузли тунлар. *Абусаид тўппа-тўғри Аркка кўтарилиб, катта ҳовлидаги қадимий тахтга ўтирди.* Мирмуҳсин, Меъмор.

**2** Подшоҳ, хон, амир лавозими; подшоҳлик, хонлик, амирилик. *Агар кушойиши корингизни бериб, тахт Жаҳонгир мирзога ўтса, сиз унинг энг ишонган раҳнамоси бўлуриз.* П. Қодиров, Юлдузли тунлар. *Зулм, тахтга*



қарши исён Шарқ кўксиди тўлиб тошди. Файратий.

3 кўчма Мансаб, лавозим (ўрни). *Тахтада ёлғиз бўлишни, барча оғзига тикилиб ўтиришини истарди Қажумхон. Ф. Мусажонов, Ҳиммат.*

**Тахтага чиқмоқ (ёки ўтирмоқ, минмоқ)** 1) шоҳ, хон ёки амир лавозимига кўтарилмоқ, ҳокимият тепасига чиқмоқ. *Аслида бу отни Улуғбек мирзо Самарқанд тахтига чиққан пайтсиди Бухоро беги тухфа этган эди. Мирмуҳсин, Меъмор. „бир куни одил бир амирзода Хуросон тахтига ўтирғач, золимни жазолайди, деб ўйларди. Мирмуҳсин, Меъмор;* 2) бирор вазифага, лавозимга кўтарилмоқ. *Халиловнинг техникаси, Халиловнинг ўзи ҳам эскириб қолган эмиш. Сен қоч, мен чиқаман тахтинга, дегани эмасми бу тирмизакнинг. И. Раҳим, Ихлос. Тахтдан тушмоқ (ёки йиқилмоқ)* 1) шоҳлик, хонлик, амирлик лавозимидан ажралмоқ, ҳокимият тепасидан тушмоқ. *Ҳайдар ота шаҳарга борган эди, «оқ пошио тахтдан тушди» деган гапни эшитиб қолди. А. Қаҳҳор, Асрор бобо;* 2) кўчма с. т. вазифасидан, амалидан тушмоқ, бекор бўлмоқ. *Яхшиси, ўша куни, ошпазлик тахтидан тушган кунинг, ўзингни осиб қўя қолсанг ҳам бўлади. Шухрат, Шинелли йиллар.*

**ТАХТ II** Фойдаланиш ёки ишлатиш учун тайёр, шай; муҳайё. *Ҳамма нарса ишни бошлаш учун тахт. С. Кароматов, Сўнгги бархан. Милтиқлар тахт, отлар тайёр, лекин кимнингдир қўш олиб келишини куттишар эди. А. Қаҳҳор, Хотинлар.*

**Тахт турмоқ** Чидаб, бардош бериб турмоқ; тек турмоқ; сабр қилмоқ. [*Шарофат*] *Ғазабдан эмас, отилаётган нарсаларга чап бермай, тахт турган Сидиқжоннинг олов сочаётган кўзларини кўриб, кўрққанидан отар эди. А. Қаҳҳор, Қўшчинор чироқлари. Тахт қилмоқ* Тайёр, муҳайё ҳолга келтирмоқ. *Мен Йўлдошининг маошини йиғиб, тўйни тахт қилиб қўйибман. Ҳ. Фулом, Тошкентликлар. Бутазорда йиғитлар қуролларини тахт қилиб, душманни пойлаб ётишди. Т. Рустамов, Мангу жасорат.*

**ТАХТА I** [*ф. تخته* — тахта, лавҳа; варақ; ёғоч] 1 *Ходадан узунасига тилиб олинган ясси ёғоч бўлагиди. Қарағай тахта. Тахтани рандаламоқ. ■ Биринчи хонага кираверишда узун энли тахта қўйилибди. С. Сиёев, Ёруғлик. Фуломжон.. даладаги теракзорларидан*

*тўртта бақатеракни кестириб, тахта тилдирди. М. Исмоилий, Фарғона т. о.*

2 *Бўр билан хат ёзиш учун махсус ясалган мактаб-ўқув қуроли. Хонада ўнтача эски, чанг босган парта, кираверишдаги деворга каттакон қора тахта қоқилган эди. П. Турсун, Ўқитувчи. Болаларда дафтари қалам, синфда тахтаю бўр бўлса ҳам, ўқиш китобларининг йўқлиги Фуломжонни ёмон дилхун қилар эди. М. Исмоилий, Фарғона т. о.*

3 *тар. Абжад ёзилган дастали тахтача (эски мактабда ўқув қуроли сифатида ишлатилган). Икки ҳафта ҳарфлар ёзилган «тахта» ўқиганимдан кейин домла: -Шанба куни ҳафтаякка тушасан.. — деди. А. Қаҳҳор, Ўтмишдан эртақлар.*

4 *Турли мақсадда фойдаланиш учун тахта, фанер ва ш.к. дан ишланган нарса. Шахмат тахтаси. Эълонлар тахтаси. Ёдгорлик тахтаси. Ош тахта. ■ Мен уни теннис тахтасига бошлаб, ўзимча ўйин қондасини тушунтирган бўлдим. Ҳ. Назир, Ёнар дарё. Турли воқелик ва янгиликларни ёйишда шиор ва плакатлар, тематик стенд ва кўрсаткич тахталари алоҳида ўрин тутлади. Газетадан.*

5 *Турли ўлчамдаги тўрт бурчак яхлит қоғоз, варақ. «Қочинг! Ўзим ёзаман», дедим. Ўтириб, етти тахта қоғозни тўлдирдим, эшитганларимнинг ҳаммасини ёздим. Ойдин, Садағанг бўлай, командир. Анави қутида яхши, кўк чизиқли тахта қоғоз бор, ўшандан икки варағини олиб, мана бу ерга ўтир, қизим [деди Онахон]. А. Мухтор, Опа-сингиллар.*

6 *Шу тахлитдаги, ўлчамдаги ойна, тош, металл ва ш.к.; плита. Мармар тахта. Бир тахта тунука. Бир тахта ойна. Тахта чой. ■ Майдоннинг бир чеккасидаги кекса мажнунтол остида бир-бирга суяб қўйилган иккита қора тош тахта сағана шаклини олиб турар эди. А. Қаҳҳор, Хотинлар. Четроққа чиқиб, бетон тахтага ўтирдим. С. Сиёев, Ёруғлик.*

7 *қ. х. Марза билан ажратилган ер бўлагиди; карта. Икки тахта полиз. Туянинг ҳазили бир тахта гўзани ейди. Мақол. ■ Соёга тушгунча кўндаланг эгатли алоҳида тахта бошланади. А. Қодирий, Обид кетмон. Очилган ерни катта-катта тахта қилиб, иш бошлади эжмакка пахта. Ҳабибий.*

**Тахта бўлиб қолмоқ ёки тахтадай қотиб қолмоқ** Кўрқув ёки ҳайратдан тонг қотиб

қолмоқ, ҳайрон бўлиб қолмоқ. *Мезбон, у билан икки-уч оғиз гапиришди-да, билмадим, нима сир ўтдики, турган ерида тахта бўлиб қолди.* А. Қаҳҳор, Сароб. *Маймун тилкаланган қурбонини кўтариб, деразада кўринганда, матрос тахтадай қотиб қолди.* «Фан ва турмуш». **ТАХТАГА ОЛМОҚ** (ёки **тортмоқ**) Сикув ҳолатига олмоқ, исканжага олмоқ. *Фиёсиддин қизиқ ҳолга тушди. Оқсоқол уни икки модда билан тахтага тортиб, тил-жағини боғлаб қўйган эди.* С. Аҳмад, Ҳукм. *Оқсоқол кўрса, мени тахтага тортиради, сени раисга топширади.* С. Сиёев, Ёруғлик. *Рисолатойни аввал тахтага олиб қарасам, Рустамбек билан икковининг орасида озгина элчилиги бор экан.* Ҳамза, Паранжи сирлари.

**ТАХТА II** [ф. تخته] Суянчиқсиз кенг диван.

**ТАХТАБАНД** [ф. تخته بند — тахта билан тўсилган; боғланган] кам қўл. **1** Тахта қўқилган; тахта билан қўршалган, ажратилган. *Тахтабанд девор.* ■ *Дераза ва эшикли, таги тахтабанд, усти тунукали икки уй, бир ошхона, бир оғилхона ва бир хашакхона — тамом!* А. Қодирий, Обид кетмон.

**2** айн. **тахтакач.**

**ТАХТАКАЧ I** махс. Янги тайёрланиб букланган дўппини сиқиб (пресслаб), тахини чиқариш учун ишлатиладиган, устма-уст қўйилган икки тахтачадан иборат мослама; исканжа. [Меҳрихон] *Янги битказан дўппини тахтакачга бостирди.* С. Аҳмад, Қадрдон далалар. *Телпагини қозиққа олиб, ҳозиргина тахтакачдан чиққандай янги чуст дўпписини чўзгилаб кийди-да, сўради.* А. Мухтор, Туғилиш.

**2** тиб. Синган аъзо суягини қимирламайдиган қилиб боғлаб қўйиш учун ишлатиладиган тахтача. *Оёққа тахтакач боғламоқ.* ■ *Ахир у салкам бир йилдан буён.. тахтакачда шипга тикилганча ётибди.* Э. Охунова, Кўз кўзга тушганда.

**3** тар. Айбдорнинг бўйнига солиб, боғлаб қўйиладиган жазолаш қуроли. *Хирожни тўламаган деҳқонларнинг бўйнига тахтакач осиб қўяр эдилар.* «Ўқиш китоби».

**4** Ёнғоқ ўйинида: соққани қўйиб отиш учун мосланган тахта асбоб. *Соққани тахтакачга қўйиб отмоқ.*

**ТАХТАКАЧДАЙ, -дек I** Тахтакач каби, тахтакачга ўхшаш.

**2** Жуда етилиб семирган, биққи семиз. *Совлиқ кичик бўлишига қарамай, тахтакачдек, бозорда мунчалик биққи қўй йўқ, деса бўлади.* С. Абдулла, Соялар. *Доим боқувда турган, орқасига эгар ботмай тахтакачдай.. семириб кетган туриқ, эгасининг оёғи узангига тегиши билан, кўчага қараб интилди.* С. Анорбоев, Оқсой.

**ТАХТАКАЧЛАМОҚ I** Тахтакач орасига олиб, қисиб қотирмоқ. *Дўппини тахтакачламоқ.*

**2** Синган аъзо суякларини тахтакач орасига олиб, сиқиб боғлаб қўймоқ. *Бобоқул ота қаяқдандир ёғоч топиб келди. Уни Нигора айтгандай қилиб йўнди. Икковлашиб Шербекнинг дод-войига ҳам қўлоқ солмай, чап қўлини тахтакачлаб боғлашди.* С. Анорбоев, Оқсой. *Ҳамишранинг ёнида қўлини тахтакачлаган новча доктор ҳам турарди.* С. Кароматов, Олтин қум.

**ТАХТА-ЎҚЛОҒИ** Оштахта ва ўқлоғи.

**Тахта-ўқлоғини йиғиштирмоқ** **1)** хамир ёйиб бўлгач, тахта, ўқлоғи ва б. асбобларни йиғиштириб қўймоқ. *Масъуда тахта-ўқлоғини йиғиштириб, ошхонага қараб кетди.* С. Абдуқаҳҳор, Санамай саккиз дема; **2)** айн. **дов-дастгоҳни йиғиштирмоқ** (ёки **кўтармоқ**) қ. **дов-дастгоҳ.** [Шокир ота] «*Повуркон*» моллари ҳар ёқни тўлдириб, косибларнинг бозорини касод қилганлиги, иши чиппакка чиққан косиблар бирин-кетин «*тахта-ўқлоғини*» йиғиштираётганлиги ва ҳоказони тасвирлаб кетди. Ойбек, Танланган асарлар.

**ТАХТ(И)-БАХТ** Бойлик, давлат. *Тахтибахтини ташладим, Қаландар бўп, йўл бошладим.* «Рустамхон». [Жамила:] *Мени олар эмиш. Ҳо-ҳо. Мен сендай қорин бойларни, тахти-бахтинг билан, ўзимнинг камбағал эримнинг ҳаром тукига олмасман!* Ҳамза. Бой ила хизматчи.

**ТАХТИРАВОН** [ф. تختروان — юрувчи тахт] **1** Шарқ мамлакатлари ва Жанубий Америкада: маълум бир сафар чоғида олий мартабали шахслар ўтказилиб, сопи елкага қўйиб кўтариладиган ёки фил устига ўрнатиладиган, усти берк ҳашамдор замбар. *Бизлар Шоҳрух жанобларини суяб, хахирдан туширдик ва авайлаб, тахтиравонга солдик. Тўрт мулозим ул тахтиравонни елкалаб, лашикаргоҳдаги бир чодирга элтиб, ўша ерга жанобларини ётқиздилар.* М. Осим, Зулмат ичра нур.

2 кўчма Равон, текис (йўл ҳақида). *Фабриканинг йўлини тахтиравон десанг-чи, Фабриканинг қизини қандак ўрик десанг-чи.* «Фольклор».

**ТАХТЛАМОҚ** Тайёр, шай ҳолга келтирмақ, тайёрлаб, тахт, шай қилиб қўймоқ. *Сафар анжомлари тахтлаб қўйилди.* ■ *Радиатор дейсизми, аккумулятор дейсизми, борингки, керосин воронкасини ҳам тахтлаб олганмиз.* Р. Раҳмон, Меҳр кўзда.

**ТАХТЛИ:** таг-туғи тахтли айн. таг-тахтли. *Жуда бой бўлмаса ҳам, таг-туғи тахтли бир одамга қуда бўла олишар эди.* С. Зуннунова, Олов.

**ТАХУРАР** этн. Ўғил тўйига атаб тикилган кўрпа-тўшақларни тахмондаги сандиқ устига кўз-кўз қилиб йиғишга — тах уришга бағишланган, фақат хотин-қизлар иштирокида ўтказиладиган кичик тўй маросими.

**ТАЧАНКА** [р. < пол. pajtuczanka — арава тури] Икки от қўшиладиган тўрт гилдиракли усти очик энгил арава. *Шошмай турларинг.* Ҳали замон тачанка ҳам келиб қолади. Ҳ. Назир, Чўл ҳавоси.

**ТАЧКА** [қад. р. тачати — гилдиратмоқ, гилдиратиб бормоқ] Юк ташиш учун ишлатиладиган якка гилдиракли қўл арава; замбилгалтак. *Яқиндагина Мамажон ҳам тачка гилдиратар эди.* А. Мухтор, Опа-сингиллар.

**ТАШ 1** Ташқи томон, сирт. *Уйнинг ташини оқламоқ. Мол оласи — ташида, одам оласи — ичида.* Мақол. ■ -*Ичимда «тилинг бошингни есин!» десам ҳам, ташимда хурмат билан кутар эдим, — деди Ҳожжи ҳола.* М. Исмоилий, Фарғона т. о.

2 Ташқари, чет. *Душманнинг ташида бўлгунча, ичида бўл.* Мақол. *Дала-тузни сув олса, қўнғир ғознинг тўшидан, Қулоқсизга сўз айтсанг, қулоғининг ташидан.* Мақол.

**ТАШАББУС** [а. تشبث — тиришқоқлик; барқарорлик, қатъийлик; ғайрат, ташаббус] 1 Бирор ишга бошловчи, даъват этувчи сазъ-ҳаракат, ғайрат. *Илғорлар ташаббуси билан бошланган мусобақа. Ташаббус кўрсатиб ишламоқ.* ■ *Одамларда ғайрат ва ташаббус яшнаб кетди.* А. Қаҳҳор, Қўшчинор чироқлари. *Майин жунли зотли қўйлар урчишти иши ўз ташаббусимиз билан қилинди.* С. Анорбоев, Оқсой.

2 Уддабуронлик билан мустақил иш олиб бориш хислати, бирор ишда бошчилик, етакчилик роли. *Ташаббусни қўлга олмақ. Ташаббусни қўлдан бериб қўймоқ.* ■ [Элмурод] *Бу муваффақиятни тўла ва бутунлай қўлга киритиш учун, бу ишда кўпроқ ташаббус кўрсатаётган Гулсумга доимий таъсир қилиб туриш лозимлигини ҳеч бир унутмади.* П. Турсун, Ўқитувчи. *Кўнглининг бир четида «Ташаббусни қўлдан бермаслик керак!..» деган эътиқоди чинқиради.* П. Қодиров, Уч илди.

**ТАШАББУСКОР** Бирор ишни, ташаббусни бошлаб берувчи; бошловчи; ташаббус эгаси. *Уста Ҳазратқул янги посёлканинг ташаббускори ва раҳбари Ойқиз келаетганини кўрди-ю, тезгина юриб, қаршисига чиқди.* Ш. Рашидов, Бўрондан кучли.

**ТАШАББУСКОРЛИК** Ташаббус иши, ташаббус кўрсатиш; бирор ишда бошловчи бўлишлик. *Ижодий ташаббускорлик.* ■ *Ўзига хос билим ва тажриба, ўзига ишонч ва ирода; ташаббускорлик.. ҳар қандай мушкулотнинг калитидир.* Н. Сафаров, Оловли излар.

**ТАШАББУСЧИ** айн. ташаббускор. *Буйруқ бор.. Олий бош қўмондонлик жангчиларни ташаббусчи бўлишга чақирди.* И. Раҳим, Чин муҳаббат.

**ТАШАККУЛ** [а. تشكّل — шаклланиш, муайян шакл, кўринишга эга бўлиш] Муайян бир шаклга эга бўлиш, ташкил топиш, шаклланиш. *Фузулий устида олиб борилган текширишлар Фузулий адабий мактабининг ташаккулида Навоий ижодининг муҳим роль ўйнаганлигини янада яхшироқ очиб беради.* «ЎТА».

**ТАШАККУР** [а. تشكر — миннатдорчилик билдириш, раҳмат айтиш] 1 Яхши иш, хизматни тақдирлаб билдирилган миннатдорлик. *Ташаккур билдирмоқ (айтмоқ, этмоқ).* ■ *Ҳалол меҳнати, беминнат хизматлари туфайли кўп сонли шогирдлар ташаккурига, одамлар ҳурматига сазовор бўлган.. устозлар оз дейсизми.* Газетадан. *Мусофир ҳаяжонланиб, Меъморга қай йўл билан ташаккур айтишни билмасди.* Мирмуҳсин, Меъмор.

2 унд. с. взф. Миннатдорчилик ифодалайди. -*Ташаккур, ташаккур!* — кошинпаз ниҳоятда хурсанд бўлиб кетди. Мирмуҳсин, Меъмор. *Рашид ташаккур дегандек, қўлини кўксига қўйиб, бош эгди.* «Шарқ юлдузи».

**ТАШАККУРНОМА** [ташақкур + нома] Ёзма ташақкур. *Тажрибали жангчи Ҳайдарали Деҳқоновнинг хизмат дафтарчасига ўттиз иккита ташақкурнома ёзилган. Газетадан. Бу қонли жангда менинг қисимдаги йигитлар ботирлик кўрсатиб, қўмондонликдан ташақкурнома олдилар. Ж. Шарипов, Хоразм.*

**ТАШАККУРОТ** кам қўлл. Ташақкур; ташақкурлар. *Зоти олийлариги жаридамиз чуқур ташақкуротини билдиради. Ойбек, Танланган асарлар.*

**ТАШАШМОҚ** с. т. Уришмоқ, солишишмоқ. *Бўйин патларини гардиш қилиб, патирпутур ташашаётган икки хўрознинг атрофини.. доира шаклида ўраб олган эдилар. «Муштум».*

**ТАШАҲҲУД** [а. تشهد — калимаи шаҳодатни айтиш] дин. Калимаи шаҳодатни, яъни «Ло илоҳа иллаллоҳ ва Муҳаммадун расулуллоҳ» («Аллоҳдан ўзга илоҳ йўқ, Муҳаммад унинг расулидир») иборасини тил билан айтиш, дил билан тасдиқ этиш; Исломот динидаги беш асосий рўкннинг биринчиси.

**ТАШБИҲ** [а. تشبيه — ўхшатиш; таққослаш; ўхшашлик; мажоз] ад. Ўхшатиш; мажоз. *Бундай ўринларда ташбиҳ айни чоқда муболага, ифрот моҳиятига эга. «ЎТА». Унинг сўзларида қишлоқ камбағаллари тушунмайдиган истилоҳ, таъбир, ташбиҳ ва жумла йўқ. А. Қодирий, Обид кетмон. Ташбиҳ ахтармангиз ушбу ғазалдан, Нақд жойда насия не керак асли. А. Орипов, Онажон.*

**ТАШВИШ** [а. تشويش — тинчисизлик, тартибсизлик, бузғунчилик; касаллик] 1 Кўзланган иш, мақсад ва ш.к. йўлидаги ўй-фикр, хатти-ҳаракат; безовталиқ, тарадуд. *Рўзғор ташвиши. Тирикчилик ташвишлари. Тўй ташвишлари. ■ Ҳар бир куннинг ўзига хос иши ва ташвиши бордир. Ш. Рашидов. Бўрондан кучли. Адолат кечаси билан чанқоқ гўзалар ташвишида ухломлади. И. Раҳим, Чин муҳаббат. Мана энди Ўскинбойда янги ташвиш: адирлардан ер очмоқчи. «Ўзбекистон кўриқлари». Хўрозларнинг сўнги қичқирғидан уйғонаётган.. қишлоғимизнинг кунлик ёқимли ташвишлари бошланаётган эди. «Саодат».*

2 Бахтсизлик, жудолик ва ш.к. туфайли юз берадиган ҳис-туйғу; ғам, қайғу. *Ташвиш тортмоқ (чекмоқ). Бошига (кўнглига) таш-*

*виш тушди. Ўйламай қилинган иш бошга келтирар ташвиш. Мақол. ■ Ташвиш қиз боланинг хуснини оларкан, шўхлигини ҳам, овозидаги латофатини ҳам қуваркан. С. Аҳмад, Уфқ. Сизга бир маслаҳатим: кўн куюнчак бўлаверманг, юрак касаллиги аксарият иқир-чикир ташвишлардан келиб чиқади. Ў. Ҳошимов, Нур борки, соя бор.*

3 Нотинчилик, азоб-қийноқ берадиган нарса-ҳодиса ва шу туфайли юзага келадиган ҳолат; кулфат, савдо. *Ёш олимнинг мусофирчиликда бошидан кечирган кулфатлари бу ташвишлар олдидан ҳеч гап эмасди. М. Осим, Жайхун устида булутлар. Шундоқ илму амал билан кунлари ўтиб турган Меъмор бошига тушган улкан кулфат — ўғлининг ҳибс этилиши ҳаммасини бир томонга улоқтириб ташлади. Мирмуҳсин, Меъмор.*

**Ташвиш қилмоқ айн. ташвишланмоқ.** *Унчалик ташвиш қиладиган гап йўқ. Уч вагон молимизни брак қилишибди. «Муштум». Ташвишга солмоқ (ёки қўймоқ, туширмоқ) 1) тинчини бузмоқ, безовта қилмоқ, уринтириб қўймоқ. -Ташвишга солдикми? — деди бика, қоракўл попоғини бошидан олиб. Ж. Шарипов, Хоразм. Март ойигача мўътадил бўлиб турган ҳаво бирданига аиниди. Табиатнинг бу нотинчилиги пахтакорларни ташвишга солиб қўйди. Н. Сафаров, Хадича Аҳророва; 2) қайғуртирмоқ, ғам-қайғуга, хавотирликка солмоқ. Қобил карвоннинг қаммоққа олиниши Абдурахмонбой хонадонини қаттиқ ташвишга солиб қўйди. Ҳ. Фулом, Машғал. Ташвишга тушмоқ 1) тинчи, ороми бузилиб безовта бўлмоқ, уринмоқ. Куз ҳавоси наст келди: колхозчилар ташвишга тушиб қолишди; 2) ғам чекмоқ, хавотирликка тушмоқ. [Ҳасанали] Бу ўртада қандай ташвишларга тушмади, сўрасангиз. А. Қодирий, Ўтган кунлар. Ташвишини қилмоқ Бирор нарса тарадудлида, ҳаракатида бўлмоқ, ўйламоқ. Тўй ташвишини қилмоқ. Рўзғор ташвишини қилмоқ.*

**ТАШВИШЛАНМОҚ 1** Ўйламоқ, безовта бўлмоқ; уринмоқ. *Биз учун ташвишланманг, шошиб турибмиз. ■ Энди бу менинг қишлоғим, унинг кўрки, ободлиги учун бошқалар қаторида мен ҳам ташвишланишим керак. Р. Файзий, Чўлга баҳор келди.*

2 Ғам-ташвиш чекмоқ, қайғурмоқ; хавотирликка тушмоқ, хавотир бўлмоқ. *-Нима бўлди: катта бувинг оғридимми ё бувинг бе-*

тобми? — ташвишланиб сўради Фуломжон. М. Исмоилтй. Фарғона т. о. «Епирай, нима бўлди болаларимга?» — деб ота ташвишлана бошлади. Ҳ. Фулом, Машғал.

**ТАШВИШЛИ 1** Ғам-ташвишга эга; ғамли. ғамнок. *Ташвишли хабар. Ташвишли чехра. Ташвишли дамлар.* ■ *Учоқдаги ўт Фуломжоннинг ташвишли юрагига умид бўлиб кўчди.* М. Исмоилий, Фарғона т. о. *Бошлиқнинг авзойи ҳақиқатан ҳам ташвишли эди.* Н. Аминов, Суварак.

**2** Кишини ташвишга соладиган, ташвиш келтирадиган. *Яхши кунларни ҳалоллик билан ўтказ, лекин ташвишли кунлар келишини ҳам ўйла.* Газетадан. *Қишлоққа жанг майдонларидаги йигитлардан ташвишли хабарлар келиб турибди.* Назармат, Жўрлар баланд сайрайди.

**ТАШВИШМАНД** [а. + ф. تشويشمند — ташвишли, ташвиш тортувчи] Бошига бирор ташвиш тушган, ташвиш тортаётган. *Қутбиддинов сўхбатнинг бошланишида жиндай ташвишманд бўлганиданими, бу сафар мавзу шаҳарнинг келажаги.. эмас, бола тарбияси бўлиб қолди.* А. Қаҳҳор, Ўжар.

**ТАШВИШНОК** [а. + ф. تشويشناк — ташвишли] кт. айн. **ташвишли.** Муқимий ташвишнок бир вазиятда ҳужрасига кириб, Ғарибий билан сўзлашиб ўтирган бир йигитни учратди. С. Абдулла, Мавлоно Муқимий.

**ТАШВИШСИЗ** Ташвиши йўқ, ташвишдан холи; бегашвиш, хотиржам. *Ташвишсиз киши. Ташвишсиз ҳаёт. Ташвишсиз яшамоқ.*

**ТАШВИҚ** [а. تشويق — қизиқиш, хохишни кучайтириш; қизиқарлилик] кт. Бирор нарсага йўллаш, йўналтириш, чақириниш мақсадидаги гап-сўз, хатти-ҳаракат ва ш.к. *Маълумки, Фурқат ижодий меросида баҳор васфи ва она табиат манзараларини куйлаш, ундан завқланишга ташвиқ мавзуи етакчи ўрин тутади.* «ЎТА».

**Ташвиқ қилмоқ** (ёки этмоқ, юргизмоқ) 1) ташвиқ ишини олиб бормоқ. *Аҳмад Хусайн бу таълимотни ташвиқ қилувчилар билан ҳеч вақт муносабатда бўлмаган.* Ойбек, Нур қилириб; 2) ундамоқ, даъват қилмоқ. *Ўз вазифангизни бажариб чиқиб кетавермасдан.. озодаликка ташвиқ қилинг, уялтиринг. Шунда иш чиқади.* С. Анорбоев, Оқсой. [Тожбой] *Ҳамсўхбатига бошига тушган ташвишни баён қилди ва ўзига хос усулда тарафдорликка ташвиқ қилди.* П. Турсун,

Ўқитувчи. *Женотдел [хотин-қизлар бўлими] ходимлари, тарғиботчилар.. хотин-қизларга паранжи ташлашни ташвиқ этардилар.* Ҳ. Носирова, Мен ўзбек қизиман.

**ТАШВИҚОТ** [а. تشويقات — «ташвиқ» с. кўпл.] Оммага сиёсий ёки бошқа жиҳатдан таъсир кўрсатиш мақсадида ёзма ва оғзаки равишда қилинадиган ишлар, тадбирлар. *Ташвиқот юргизмоқ.* ■ *Ҳай, хотин киши экансиз, эркак киши бўлганингизда, бу тескари ташвиқотингиз учун соғ қўймас эдим.* П. Турсун, Ўқитувчи. *Маълумки, уруш вақтида ташвиқот ишлари ғалабани таъминлашда муҳим омиллардан саналади.* «Фан ва турмуш».

**2 с.т.** Ундов, даъват. *Сут билан кирган, жон билан чиқар деганларидек, Ўзбек ойимнинг ўша вақтлардаги ташвиқотлари ҳам, унинг [Зайнабнинг] тарафидан фақат «келинлик» мажбурияти остида қабул қилинди.* А. Қодирий, Ўтган кунлар. *Шу кечаю кундузда ташвиқот сизга жуда ҳам зарур. Қулоқ солинг, фойдаси тегади!* Уйғун, Навбахор.

**ТАШВИҚОТЧИ** Ташвиқот билан шуғулланувчи, ташвиқот олиб борувчи шахс. *Ҳар бир онгли ишчи бизнинг улуғ ҳақиқатимизнинг ташвиқотчиси бўлиши керак.* Ойбек, Нур қилириб. *Рафиқов, биз юқорида баҳо берганимизча, унчалик уста ташвиқотчи.. эмас.* А. Қодирий, Обид кетмон.

**ТАШВИҚОТЧИЛИК** Ташвиқот (ташвиқотчи) иши. *Ташвиқотчилик қилмоқ.* ■ *Унинг ташвиқотчилигига лозим бўлган ижодни ёки илҳомни шу манба.. ҳадя қилади.* А. Қодирий, Обид кетмон.

**ТАШДИД** [а. تشديد — кучайтириш, мустаҳкамлаш; таъйик; ундошни икки қайталаб (иккилантириб) айтишни билдирадиган белги] Араб ёзувида сўз таркибидаги бирор ундошнинг такрорийлигини, қўш талаффуз қилинишини билдириш учун ундош устига қўйиладиган диакритик белги.

**ТАШИМОҚ 1** Нарсаларни бир ердан иккинчи ерга кўтариб ёки транспорт воситаларига ортиб кўчирмоқ, элтмоқ. *Челакда сув ташимоқ. Машинада ғишт ташимоқ. Нон емоқчи бўлсанг, ўтин ташишдан эринма!* Мақол. ■ *Туйбека ичкари билан ташқарига югуриб, дастурхон янгилар, чой ташир эди.* А. Қодирий, Ўтган кунлар. *Теварак атрофда кетмон ураётган, замбиллаб, қоп-*

лаб тупроқ ташиётган қанчадан-қанча одамлар ҳам, худди Рўзиматдай, жадаллаб ишлар эди. А. Қаҳҳор, Кўшчинор чироқлари.

**2** Ўзлаштириш, ўзиники қилиш мақсадида олиб кетмоқ. *Нима кўрса, уйига ташийдди. Ташиб кетмоқ.* ■ *Томлари бузилиб, ёғочлари ҳам ташиб кетилган.* Ш. Холмирзаев, Йўллар, йўлдошлар.

**3** кўчма Ўзи билан олиб, сақлаб юрмоқ. *Ватанга севгини ўлгунча юрагида ташиди-ми, бу севгини кўксига сақлаб ухласин! Ойбек, Қуёш қораймас. ...мақоллар катта бир мазмунни ташиб, ёзувчи ниятини аниқ, қисқа ва таъсирли усулда ифодалашни таъмин этади.* «ЎТА».

**ТАШКИЛ** [a. تشكيل — тузилиш, шаклланиш; таркибий қисм; муассаса; таркиб]: **ташкил бўлмоқ** (ёки **топмоқ**) 1) тузилмоқ, юзага келмоқ. *Университетимиз 1918 йилда ташкил бўлган.* ■ *Янги ерлар очилиб, бутун бошли янги хўжаликлар ташкил топди.* «Ўзбекистон кўриқлари»; 2) таркибий қисмлардан бутунлик ҳосил қилмоқ, иборат бўлмоқ. *Сув водород ва кислороддан ташкил топган.* ■ *Ўрмонжон.. ер ислоҳотидан кейинроқ собиқ батраклардан ташкил топган колхозга раис бўлди.* А. Қаҳҳор, Кўшчинор чироқлари. **Ташкил қилмоқ** (ёки **этмоқ**) 1) уюштирмоқ, тузмоқ, яратмоқ. *Тўғарак ташкил қилмоқ. Гулзорлар ташкил қилмоқ.* ■ *Ҳатто бир куни қисмдаги ҳаваскор санъатчилар ташаббуси билан «катта ертўла»да концерт ташкил қилинди.* А. Қаҳҳор, Олтин юлдуз; 2) таркибий қисмга кириб, бутунлик юзага келтирмоқ. *Қатнашчилар орасида ёшлар кўнчилигини ташкил қилади. Тилимизда ишлатиладиган барча сўзлар унинг лўғат бойлигини ташкил қилади.* ■ *Нариги томон ўрданинг ичкари қисмини ташкил этиб, унда бек — ҳоким оиласи турар эди.* А. Қодирий, Ўтган кунлар.

**ТАШКИЛИЙ** Ташкил этишга, уюштиришга, ташкилотчиликка оид; тузиш, тузилиш билан боғлиқ бўлган. *Ташкилий ишлар. Ташкилий чоралар. Ташкилий масалалар.* ■ *Жадал суръатлар кетидан қувиб бажарилаётган ишлар ҳажмининг салмоғи билан овуниб, бошқа ташкилий жиҳатларни эътибордан кетда қолдиришиди.* «Ўзбекистон кўриқлари».

**ТАШКИЛОТ** [a. تشكيلات — «ташкил» с. кўпл.] Аниқ таркиб ва вазифасига, иш дас-

турига эга бўлган ижтимоий, хўжалик бирлашмаси ёки давлат муассасаси. *Ижтимоий ташкилот. Маҳаллий ташкилотлар.* ■ *Барака топгур ер тузувчи ташкилотлар турли-туман техникаларини ишга солиб, майдонни кафтдек текислашибди.* Н. Сафаров, Жасоратнинг давоми. *Қишлоқдаги маъмурий, маданий ва савдо ташкилотларининг идоралари, асосан, мана шу кўчага жойлашган.* С. Анорбоев, Оқсой.

**ТАШКИЛОТЧИ** Бирор ташкилотни тузган ёки тузувчи; бирор иш-ҳаракатни бошлаб берган, ташкил этган, уюштирган ёки уюштирувчи ва унга бошчилик қилувчи шахс ёки ижтимоий гуруҳ. *Моҳир ташкилотчи. Мусобақа ташкилотчилари.* ■ *Бугун Каттақишлоқнинг икки пешқадам кишиси — икки дондор ташкилотчининг бирлашиши маросимида ўтирибмиз.* И. Раҳим, Ихлос. *Ҳ. Олимжон фақат яхши шоиргина эмас, энг яхши ташкилотчи ҳам эди.* Н. Сафаров, Оловли излар.

**ТАШКИЛОТЧИЛИК** 1 Ташкил этиш хислати. *Ўз ташкилотчилигини намойиш қилмоқ.*

**2** Ташкилотчи иши, фаолияти. *Халқ биздан бу ишда раҳбарлик, ташкилотчилик талаб қилаётибди.* П. Турсун, Ўқитувчи.

**ТАШЛАМА** 1 Ташлаб, чиқариб юбориладиган (асосан сув ҳақида). *Олабуқа сув омборининг ташлама суви катта селхонага тушиб, бекор оқиб ётади.* Й. Шамшаров, Кўрк меъморлари. *Бозор Қудратов бригада-си чўл ичкарасида, ташлама каналлар тармоғи барпо этилаётган жойда меҳнат қилаётган эди.* «Ўзбекистон кўриқлари».

**2** Партов сув чиқариб юбориладиган махсус ўзан. *Сел суви ҳайқирган ҳолда чуқур ташламага тушиб кетди.* Ш. Рашидов, Бўрондан кучли.

**ТАШЛАМОҚ** 1 Нарсани қўлдан, елкадан ёки бошқа жойдан узиб, қуйи томон (ирғитиб, отиб ва ҳоказо) туширмоқ, йўналтирмоқ. *Олма узиб, ерга ташламоқ.* ■ *Гулломжон супуреини ташлаб, қўлларини қоқди.* М. Исмоилий, Фарғона т. о. *Кейин носини ташлашга жой излаб аланглади.* Ў. Ҳошимов, Қалбингга қилоқ сол.

**2** Нарсани бирон бошқа нарса, жой устига, остига ёки ичига йўналтирмоқ, олмоқ, солмоқ, қўймоқ. *Қизлар ичкаридан Ҳакимнинг бошига оқ шол рўмол ташлаб, етак-*

лаб чиқдилар. С. Сиёев, Ёруғлик. *Адёлни майсалар устига ташлаб ўтиришди.* Ў. Ҳошимов, Қалбинга кулоқ сол. *Мунисхон суянчиққа бошини ташлаб, деразага тикилиб борарди.* Ў. Умарбеков, Ёз ёмғири. *..чопонини елкасига ташлади-да, йўлга тушди.* Н. Фозилов, Дийдор.

3 Куч, зарб билан интилмоқ, ўзини отмоқ. *Зухра.. Саодатхонга ўзини ташлаб, маҳкам қучоқлаб олди.* С. Зуннунова, Янги директор. *Чўмилмоқ-чун бирдай бўлиб, энди ҳовузга ташлади.* «Муродхон».

4 Бирор иш, вазифа ва ш.к. га йўналтирмоқ, йўлламоқ; сафарбар қилмоқ. *Ҳамани йиғим-теримга ташламоқ.* ■ *Душман бор кучини жон ҳолатда қарши ҳужумга ташлади.* Газетадан. *Душман барча мавжуд танкларини ва ўзшорар тўпларини ҳужумга ташлади.* Назармат, Жўрлар баланд сайрайди.

5 Ўтиборсиз, алоқани узиб ва б. ҳолда қолдирмоқ. *Дўст сўзини ташлама, Ташлаб, бошингни қашлама.* Мақол. ■ *Унинг талбаларидан бир қанчаси мактабни ташлаб, бу ерга қочиб келди.* М. Исмоилий, Фаргона т. о. *Ғаввос Муҳаммаднинг устодни ташлаб кетиб қолгани армон бўлиб турганида, эшикдан учинчи шогирди – Зулфиқор Шоший кириб келди.* Мирмуҳсин, Меъмор.

6 Барҳам бермоқ, йўқ қилмоқ; йиғиштирмоқ (баъзи одат, хатти-ҳаракат кабилар ҳақида). [*Дадам*] *Ароқни ташлаган бўлсалар-а! Роса маза бўларди-да.* Э. Раимов, Ажаб қишлоқ. *Ўқитувчи ёки тиббиёт ходими бўлмақчимисан – чекишни ташла, одамларга икки қиёфада кўринма.* Газетадан. *Ҳўш, кинани ташлаган бўлсангиз.. нега боя уларнинг олдида оғзингизга келганини ўтладингиз?* А. Қолирий, Меҳробдан чаён.

7 Пасаймоқ, тушмоқ. *Совуқ бир оз ташлади.* *Нархлар анча ташлади.*

8 с.т. Рақсга тушмоқ; ўйнамоқ. *Тановарга роса ташлади.*

9 кўм. фл. вzf. =(и)б кўшимчали равишдош шаклига кўшилиб, ҳаракатнинг кескин, кучли тарзда юз беришини билдиради. *Бузиб ташлади.* *Жеркиб ташлади.* *Ғижимлаб ташламоқ.* *Ағдариб ташлади.* ■ *Шу ернинг ўзида подшоҳ кишилари уни тутиб олиб, тилка-пора қилиб ташлаган эди.* Мирмуҳсин, Меъмор.

**Гап ташламоқ** қ. гап. *Шунча қизлар билан ўқиб, бирга дарс тайёрлаб, бирортасига гап ташламабман.* М. Қориев, Ойдин кечалар. **Илон пўст ташлайди** қ. илон. *..қилаётган қилиғига илонлар пўст ташлайди.* Мирмуҳсин, Меъмор. **Кўз ташламоқ** қ. кўз 2. *Бобур тўпланиб турган бекларга кўз ташлаган эди..* П. Қодиров, Юлдузли тунлар. **Кўланка** (ёки **кўлка**) **ташламоқ** айн. **соя ташламоқ.** *Тарқалиб кетган кенг шохлар ерларга ола кўланка ташлаган.* Уйғун, Сайланма. *Ташладими ёки бир умр кўзимга ғам кўлкаларини.* Ш. Раҳмон, Юрак қирралари. **Луқма ташламоқ** қ. **луқма.** *Жиззакilik қилиб, ўтирган ерида нотикқа бир-икки марта луқма ташлади.* Ф. Мусажонов, Ҳиммат. **Назар ташламоқ** айн. **кўз ташламоқ.** *Раҳим акага.. камситгандек назар ташлади..* Ф. Мусажонов, Ҳиммат. **Орқага ташламоқ** 1) орқага олмоқ. *Кўрқиб, ўзини орқага ташлади;* 2) орқага (кейинга) сурмоқ, қолдирмоқ. *Бугун бориб кела қол, орқага ташлама.* **Соя ташламоқ** 1) соя бермоқ. *Баҳайбат сада атрофга соя ташлаб турибди;* 2) ўз аксини (ифодасини) бермоқ. *Раисанинг қошлари чимирилиб, ҳалигина кулиб турган юзига ғам соя ташлади.* М. Хайруллаев, Тилла маржон; 3) кўчма хиралаштирмоқ; таъсирини сусайтирмоқ. *Романнинг бадийлигига соя ташлаб турган воқеалар баъзи ўринларда ортиқча чўзилиб кетади.* С. Кароматов, Олтин кум. **Тоб ташламоқ** қ. **тоб.** *-Тоб ташламаслик керак оғир шароитларда, – деди Шоимов бамайлихотир.* «Ўзбекистон кўриқлари». **Томдан** (ўзини) **ташлайди** қ. **том.** *Мўмай пул кўрса, томдан ўзини ташлайди.* «Муштум». **Уруғ ташламоқ** Сепмоқ, эммоқ. *Деҳқон яши ният билан заминга баракка уругини ташламоқда.* Газетадан. **Хандон ташламоқ** (ёки **отмоқ**) қ. **хандон.** *Ортиқ ўзининг ҳазилидан ўзи хандон ташлаб кулди.* М. Мансуров, Ёмби. **Шох ташламоқ** қ. **шоҳ.** *Шаҳзодаҳон бир поэтик шоҳ ташлаб, сочларини тартибга соли-ю.. таҳмонга борди.* К. Яшин, Ҳамза.

**ТАШЛАНДИ 1** Ташланадиган, ортиқча, чиқинди. *Ташланди овқат. Ташланди сувлар.*

2 айн. **ташландиқ.** *Ташланди боғ.* ■ «Девонбеги» маҳалласига қайрилиб, бу ерда бир ташланди ҳовлига киришди. Ойбек, Танланган асарлар.

**ТАШЛАНДИҚ** Қаралмай ташлаб қўйилган; қаровсиз. *Чакалакзордаги гўза таш-*

ландиқ ҳолга келди. Р. Раҳмонов, Чакалак-зордаги шарпа. Бу каталак уйчалар кишида худди кўҳна қасрнинг ташландиқ ҳужраларидай таассурот қолдиради. Д. Нурий, Осмон устун. Ахир ойда-йида бир келиб, ўша ташландиқ болангизнинг бошини бир силаб қўйсангиз, қалбингиз таскин топмасмиди? «Ёшлик».

**ТАШЛАНМОҚ 1 Ташламоқ** фл. ўзл. ва мажҳ. н. *Ерга ўғит ташланди.*

**2** Ўзини отмоқ. *Ит гингиб чекинди, қайта йигитга ташланди.* С. Сиёев, Аваз. *Онасининг азасига бормай, бепарво ётган отасига ғазаб билан ташланмоқчи бўлиб турган Саодат бирдан ёшларини артиб, каравотга яқинлашди.* А. Мухтор, Бўронларда бордек ҳаловат.

**ТАШЛАШМОҚ 1 Ташламоқ** фл. бирг. н. *Болалар бир унга, бир тузоқ томонга кўз ташлашарди.* Ҳ. Назир, Сўнмас чақмоқлар.

**2 с.т.** Уришмоқ, олишмоқ.

**ТАШМАЛАМОҚ** Ташиб-ташиб олиб келмоқ ёки олиб кетмоқ; ташимоқ (ўз уйига, томонига). *Ҳамма шошилади, ўз уясига алланималарни ташмалайди.* Ў. Ҳошимов, Қалбингга қулоқ сол. *Афандининг хотини ташмачи экан. Ҳар куни ташмалаб келган буюмларини кўшиларига пулларкан.* «Муштум».

**ТАШМАЧИ** Бирор ердан нарса-буюмни, бойликни ташмалаб, ўғирлаб олиб келувчи, олиб кетувчи; ўғри. *Нон комбинатида сифатли нонлар чиқиб, ташмачилар йўқолди.* Газетадан. *Ташмачи ҳам нафсига кучи етмаган, виждони нопок нусхалар жумласига киради.* Газетадан.

**ТАШНА** [ф. تشنه — чанқоқ, сувсаган] **1** Сувга зор; сувсаган, чанқаган, сувсоқ, чанқоқ. *Одамлар ташна, ер чанқоқ, юрт қақроқ эди.* Ҳамма сув деб талпинар, ҳамма сувга интилар эди. М. Исмоилий, Фарғона т. о. *Эй сен, боши ва охири йўқ чўлда сувсираб, жон бераётган ташна йўловчи!* Ф. Мусажонов, Ҳиммат. *Канал қазиб, оқизиб сувни ташна сахрога..* Ҳабибий.

**2** кўчма Бирор нарсага зор, кучли талаби бор. *Кимки илма ташна бўлса, унинг қалбида яхшилик гули бор.* Газетадан. *Аҳмаднинг юраги меҳрга ва саховатга тўла, ўзи эса суҳбатга ташна эди.* Ф. Мусажонов, Ҳиммат.

**Қонига ташна бўлмоқ** Ортиқ азобланмоқ, хуноб бўлмоқ. [Ақбар:] *Ҳа, хўроз, бунча хўм-*

*раясан? [Салим:] Қонингга ташна бўлиб юрибсанми дейман? Уйғун, Хуррият. Қонига ташна қилмоқ (ёки этмоқ)* Ортиқ даражада диққат қилмоқ, хуноб қилмоқ. *Хунарим, малумингиз — ғазаллар ёзиш; Бавзан бир ҳижо қилур қонимга ташна.* Ф. Фулом. *Шуям ҳукмини ўтказди-я!..қонингга ташна қилиб юборади!* С. Нуров, Нарвон.

**ТАШНАЛАБ** [ташна + лаб] кам қўлл. *Ташна. Ташналаб саҳроларнинг ҳаёт томирига қон югуртиб, дур ундирган бунёдкор инсон..* С. Кароматов, Олтин ирмоқлар.

**ТАШНАЛИК 1** Ташна эканлик, сувсаганлик. *Азиз ва бепоен Мирзачўннинг сувга ташналигини ўйлар экан, Муҳиддин Қаримов порлоқ истиқболга назар ташлайди.* «Ўзбекистон кўриқлари».

**2** Ташна ҳолат (ташна ҳар икки маъносид). *Тутиқиз чўлаб, ичи ташналик ўтида ёнарди.* М. Исмоилий, Фарғона т. о. *Ташналиклари қонгач, даранинг ичкараси томон йўлда давом этишди.* К. Яшин, Ҳамза. *У ташналик билан Олчинбекка талпинар, оловли кўзлари унга қараб жавдирар, дил розини ифодаламоқчи бўларди.* К. Яшин, Ҳамза.

**ТАШРИФ** [а. تشریف — ҳурмат, эҳтиром; улуғлаш, шарафлаш; маросим; марҳамат қилиб келиш] *кт.* Бирор ерга, элга, хонадонга ёки бирор кимса ҳузурига қисқа муддатга бориш, келиш. *Ташрифингиздан кўп хурсандмиз. ■ Зиё шоҳичи бу вақтсиз ташрифга тушуна олмай, «нима қилиб юрибсан» дегандек, бир неча қайта Ҳасаналига қараб олди.* А. Қодирий, Ўтган кунлар. *Ўзбекистон Республикаси Президенти уч кунлик ташриф билан Италияга келди.* Газетадан.

**Ташриф буюрмоқ (ёки этмоқ, қилмоқ)** Келмоқ ёки бормоқ; қадам ранжида қилмоқ. [Мулозим:] *Улуғ амир Низомиддин Алишер ташриф буюрдилар.* Уйғун ва И. Султон, Алишер Навоий. *Бизнинг кулбаи вайронамизга ташриф этсангиз..* Иним бетоб.. М. Осим, Ибн Сино қиссаси. *..бизнинг оиламизга ташриф қилганингиз учун қадамларингизга ҳасанот..* Ё. Ҳаймов, М. Раҳмон, Ҳаёт-мамот.

**ТАШРИҲ** [а. تشریح — очиш, кесиш, ёриш] *эск. кт. айн. операция 1.* Ёш ҳаким унинг сон гўштини икки паллага ажратиб, ўқни олди, сўнгга малҳам қўйиб ёпиштирди, такиб, боғлаб қўйди. *Ташриҳ вақтида тишини тишига босиб ётган йигитдан садо чиқмади.* М. Осим, Китобга ихлос.



**ТАШХИС** [а. تشخیص — белгиланиш; кўрсатилиш, кўриниш; касалликни аниқлаш, диагноз] **1 тиб.** Касаллик характери ва беморнинг аҳволи ҳақидаги қисқача тиббий хулоса, касаллик номи. *Шифокорлар, «Сизда пичан астмаси бор», деб ташхис қўйишди ва «Аллергологик шифохонада даволанинг», деб айтишди.* Газетадан. *..баъзан касалхоналарга «офтоб урган» деган ташхис билан беморлар келтириляпти.* Газетадан.

**2 ад.** Одамдан бошқа жонли ва жонсиз нарсаларга инсоний хусусиятларни кўчиришдан иборат бадий санъат тури.

**ТАШҚАРИ 1** *от* Бино, уй, ҳовли ва ш.к.нинг атрофидаги жой; таш. *Ташқарига қаранг, қоронғи, ҳеч нарса кўриб бўлмайди.* Ш. Рашидов, Бўрондан кучига. *Дарвоза очилди, ташқаридан саман отини етаклаб, Ҳасанали кирди.* А. Қодирий, Ўтган кунлар. *Ташқарида севалаб ўтган майин ёмғир ҳам тинди.* Н. Аминов, Суварак.

**2 от, этн.** Ташқи ҳовли (ҳовли-жойнинг эркак меҳмонлар ва умуман эркаклар учун хос, кўча дарвозага яқин томондаги холи қисми; қиёс. **ичкари 2.** *Бойнинг ташқарисидан Йўлчидан бошқа ҳеч ким йўқ.* Ойбек, Танланган асарлар. *Кенг ташқари гарбага чўзилган бўлиб, дарвозадан кирган кучига у кафтдай кўриниб турарди.* М. Исмоилий, Фаргона т. о. *..ташқари ҳовлидаги нақшли.. меҳмонхонанинг бирида қат-қат кўрпачаларда.. Мирзақаримбой ўтирар эди.* Ойбек, Танланган асарлар.

**3 сфт.** Ташқи томондаги, ташқи, сиртқи. *Ташқари дарвоза.*

**4 (ч. к. билан) кўм. вэф.** Бошқа, бўлак. *Бундан ташқари.* *Ундан ташқари.* ■ *Бу йил ҳосил миқдоридан ташқари, тола сифатига ҳам алоҳида эътибор берилади.* Газетадан. *Аъзам кўриниб турган ҳусни, барвасталигидан ташқари, ўз ички фазилатларини ҳам очиб ташлади.* Шухрат, Жаннат қидирганлар. *Унинг гапидан Башорат ишчиларнинг ишдан ташқари вақтда ҳам ишлашга аҳд қилишганини англади.* А. Мухтор, Опа-сингиллар.

**Ҳаддан ташқари** Меъеридан ортиқ, кўп, ортиқ даражада. *Тонг маҳалида душман артиллерияси бизнинг позицияларимизни ҳаддан ташқари қаттиқ тўпга тутди.* А. Қаҳҳор, Олтин юлдуз. *Ҳаддан ташқари ҳорганлигига қарамай, ҳар бир жангчининг исми, фами-*

*лиясини хотирлар эди.* Н. Сафаров, Оловли излар.

**ТАШҚИ 1** Ташқарида, ташқари томонда жойлашган; ташқариги, сиртқи. *Ташқи девор.* ■ *Бу вақт аллаким дарвозанинг ташқи ҳалқасига.. уч-тўрт уриб шарақлатди.* Ҳ. Фулом, Машъал.

**2 айн. ташқари 2.** *Биз Яйпанда Олим бува деган нонвойнинг ташқисида турар эдик.* А. Қаҳҳор, Ўтмишдан эртақлар. *У Қудратни кенг саҳнли ташқини супуриб-сидиришга қўйди.* М. Исмоилий, Фаргона т. о.

**3** Ўзидан ташқарига, сиртга оид. *Тирик ҳужайра ташқи муҳит билан мунтазам алоқада бўлган тақдирдагина яшай олади.* «Фан ва турмуш». *Куёнлар, ўзининг биологик хусусиятларига кўра, ташқи шароит омилларига ўта таъсирчан бўлади.* «Фан ва турмуш». «Бесабаб тикан кирмас» деганларидек, *ҳар бир ишининг бошланишига бирор ташқи ёки ички сабаб бўлади.* Шукрулло, Жавоҳирлар сандиғи.

**4** Чет давлатлар билан бўладиган, хорижий. *Ташқи сиёсат. Ташқи савдо. Ташқи ишлар вазирлиги.*

**5** Нарсанинг ичга қарама-қарши томони. *Журналнинг ташқи ва ички безалиши изчил такомиллаштириб борилмоғи керак.* Газетадан. *Массаж қилаётган ўнг қўлининг ташқи томони билан пешонасига тушган сочини юқорига сурди.* С. Кароматов, Олтин кум.

**6** Кўринишда бўлган; зоҳирий. *Шу биргина сўз унинг бутун ички ва ташқи дунёсини ўзида акс эттирган эди.* М. Исмоилий, Фаргона т. о. *Султонали мирзо Анварнинг ташқи аҳволи билан яхши таниш бўлса ҳам, унинг ички сиридан воқиф эмас эди.* А. Қодирий, Меҳробдан чаён.

**ТАЪБ** [а. طبع — табиат; табиий ҳолат; хулқ-атвор, характер] **1** Кишининг характерида, унинг кишиларга, нарсаларга муносабатида намоён бўладиган ички табиат; ёқтириш-ёқтирмаслик жиҳатдан кўнгли. *Подшоҳнинг муборак таъблари ҳашаматга мойил кўринади.* Ойбек, Навоий. *Лутфдан мароқланиш, лаззат олишда индивиднинг характери, таъби, фаҳм-фаросати катта аҳамиятга эга.* «ЎТА». *Бу жаҳонда, дейдилар, Ҳар кимда бор бир ўзга таъб, Менга май, булбулга тонг, Гул баргида шабнам ширин.* Э. Воҳидов, Муҳаббат.

**Таъби олинмоқ** Кайфияти бузилмоқ, хафа бўлмоқ. *Ҳайдар нимадандир Анорхоннинг таъби олинганини сезди.* И. Раҳим, Ихлос. **Таъби очилмоқ** Кайфияти яхшиланмоқ, дили равшанлашмоқ, енгил тортмоқ. *Сидиқжон Урмонжоннинг олдидан таъби очилиб чиқиб кетди.* А. Қаҳҳор, Қўшчинор чироқлари. **Таъби тортмоқ** ёки **таъбига ёқмоқ** Табиатиға, дидига тўғри келмоқ. [*Ёрмат*] *Баъзи бир таъби тортган одамларға: «Тўйға бирға бўлинг!» деб қўяди ўзича.* Ойбек, Танланган асарлар. **Таъби хира** (ёки **тирриқ, кир, хуфтон, намозшом**) Кайфияти бузуқ, бузилган; диққат. *Бўта узоқ ухлаб қолганидан таъби хира бўлиб, ҳовлиға тушиди.* С. Аҳмад, Ҳукм. *Авазининг таъби тирриқ эди, индамади.* С. Сиёев, Ёруғлик. *Эртаабдан директорнинг таъбини хуфтон қилишининг нима кераги бор.* «Муштум». ...*Шербекнинг қулоғиға гап кирмас, таъби намозшом эди.* С. Анорбоев, Оксой.

**2** Хоҳиш, ихтиёр; рағбат. *Бировларнинг таъбига қараб иш қилмоқ.* ■ *Нурининг ҳеч қандай сўзға, ишға таъби йўқ эди.* Ойбек, Танланган асарлар. *Алай-балай десам, тутиб олиб уриш ҳам таъбида бор.* Ҳ. Шамс, Характеристика. *-Мана бу кресло ҳам сизға ҳавола. Олинг, менга бир оддийроқ стул берсангиз бўлади, — деди Моҳидил.* -*Таъбингиз, — деди секретарь қиз.* Ж. Абдуллахонов, Тўфон.

**ТАЪБИР** [*a. تعبير* — йўйиш, тушунтириш, маъносини ечиш; ибора] **1** Бирор жиҳатдан таърифловчи ёки тугал маъно англатувчи қисқа ифода, ибора. *Дехқонларнинг таъбирича, экин кун санайди.* ■ *Унинг сўзларида қишлоқ камбағаллари тушунмайдиган истилоҳ, таъбир.. жумла йўқ.* А. Қодирӣ, Обид кетмон. *Фозил Шоисломович.. айримларнинг таъбири билан айтганда, «бир қоп ёнғоқ» эди.* Д. Нурий, Осмон устунӣ.

**Таъби ҳис бўлса** Агар шундай дейиш мумкин ёки ўринли бўлса. *Шоввозларимиз, таъбир жоиз бўлса, чўлга дастлаб ҳужум бошлаган танкчиларимиз шулар.* Й. Шамшаров, Қаҳрамонлик йўли. *Таъбир жоиз бўлса, томир уришини сезиб туриш керак.* Газетадан.

**2** Маъносини тушунтириш; изоҳ, шарҳ. *Тушининг таъбирини айтиб бермоқ.* ■ *Камалак кўрибсан, бунинг таъбири: Етти ранг қуёшу қутлуғ пешона.* Шукрулло, Жавоҳирлар сандиғи.

**ТАЪБИРЛАМОҚ 1** Таъриф бермоқ, ифодаламоқ. *Қондани таъбирламоқ.* ■ *Шунининг учун бирор нарса танқис бўлса, «Анқонининг тухуми», деб таъбирлашади.* «Муштум».

**2** Тушунтирмоқ, изоҳламоқ, шарҳламоқ. *Тушни таъбирламоқ.* ■ *Энага: -Тушингизга тўй кирибди, бу яхшиликдан дарак, — деб унинг [Одилбеканин] тушини таъбирлабди.* Ж. Шарипов, Хоразм.

**ТАЪБИРНОМА** [таъбир + нома] эск. Тушлар таъбиридан, талқинидан иборат китоб; шундай китобларнинг умумий номи.

**ТАЪВИЯ** [*a. طويت* — яширин, пинҳона ният, қасд] Ёқимсиз кўринишли; беўхшов, хунук, бадбуруш, бадбашара. [*Эвзозхон*] *Гадойнинг товушини эшитиб, таъвия қиёфасини кўриб ҳайрон бўлди.* Ҳ. Фулом, Машғал. *Бўйинг бир қарич, бунинг устиға абжағинг чиққан чўтир бўлсан, сен таъвияға ким боқади, тентак!* Ойбек, Улуғ йўл.

**ТАЪЗИМ** [*a. تعظيم* — табриклаш, сатомлашиш; улуғлаш, ҳурматлаш, иззат-икром (қилиш)] **1** Юксак ҳурмат, миннатдорлик, таҳсин. *Саид Аҳмад ҳикояларида.. таъзимға сазовор образлар талайгина.* Ф. Насриддинов. *Таъзим ва таъзир. Худоёр исмини эшитувчи аёёнлар унинг таъзими учун ўринларидан туриб, яна ўтирдилар.* А. Қодирӣ, Ўтган кунлар. *..одоб, таъзим хусусида онаси анчидунча гапларни уқтириб юборгани учун.. дастурхонни тезгина йиғиштириб, чой ича бошлади.* Ойбек, Танланган асарлар.

**2** Шундай ҳурмат ифодаси сифатида эгилиб, бошни қуйи солиш ёки қўлни қовуштириш, кўксига қўйиш. *Таъзим билан қарши олмақ.* ■ *Раҳим ака таъзим билан икки-уч қадам орқаға тисарибди.* Ф. Мусажонов, Ҳиммат. *У дарвозадан кириб, сунага ўн-ўн беш қадам қолганда, қўл қовуштириб, таъзим билан «Ассалому алайкум», деди.* Ойбек, Танланган асарлар.

**Таъзим қилмоқ** (ёки **этмоқ**) Таъзим билдирмоқ, таъзим бажо келтирмоқ (**таъзим** ҳар иккала маъносида). *Атрофда тобора одам кўпайиб борар, биров унга узоқдан таъзим қилар, биров қуюққина кўришар, нотаниш кишилар секин калла сикжиб қўярди.* С. Сиёев, Ёруғлик. *..ганҷхок [ганҷ кукуни] қораётган йигит Меъморға илгаригидек салом бериб, таъзим этди.* Мирмуҳсин, Меъмор.

**ТАЪЗИМКОР** Таъзимли, сертаъзим. *Таъзимкор одам.* ■ *Қўл узра таъзимкор қатор*

оқ қайин Оҳиста тебранар алқаган сифат. М. Икром. *Ҳаттоки баланд осмон Эгилажак таъзимкор.* М. Бобоев.

**ТАЪЗИР** [а. تعزير – жазолаш, айблаш, қоралаш; танбеҳ бериш] Ўтган хато ёки гуноҳга лойиқ дакки, дашном, танбеҳ. [Майсара:] Ўғлим, шу таъзир оз эмас. Ҳовли юзига чиқаргандан кейин қасам бериб бўшатурсиз. Ҳамза, Майсаранинг иши.

**Таъзир бермоқ** Айби ёки хатосини айтиб қизартирмоқ, уялтирмоқ, койимоқ, дашном бермоқ. *Менга шунча яхшилик қилдингиз.. Янги келган вақтингизда мени ёмон йўлдан қайтардингиз.. Бутун звено олдида таъзир бериб, одам бўл, дедингиз.* А. Қаҳҳор, Кўшчинор чироқлари. **Таъзирини бермоқ** Адабини бермоқ, тавбасига таянтирмоқ. *Умуттаҳамнинг таъзирини ўша ернинг ўзидаёқ бериб қўйган бўлардим, бунчалик уятга қолмасдим.* Ф. Насриддинов, Тундаги воқеа. **Таъзирини емоқ** Жазосини тортмоқ, адабини емоқ, тавбасига таянмоқ. *-Келдингми, дайди? – деди-ю, унинг бош эгиб туришидан: «Таъзирингни ебсан, ётар», деди ичиди.* Й. Шамшаров, Қаҳрамонлик йўли.

**ТАЪЗИЯ** [а. تعزیه – овутиш, юпатиш; ҳамдардлик билдириш] Кимсанинг вафоти муносабати билан тутиладиган аза, мотам; азадор кишига тасалли бериш, ундан аҳвол сўраш. *Таъзия маросими. Таъзияга бормоқ. ■ Ботир акасининг таъзиялари ўтгандан кейин, холасининг бир гапи билан шу ерга келган эди.* Р. Файзий, Ҳазрати инсон.

**Таъзия билдирмоқ** Марҳумнинг яқин кишиларига, одатда, таъзия кунлари айтиладиган сўзлар билан ҳамдардлик билдирмоқ, тасалли бермоқ. *Мана, комбинатдан кимдир таъзия билдирыпти, кимдир кўнгли сўрапти, маҳалладан келган биров маросимга бош.* А. Мухтор, Чинор. *Биз лейтенантнинг хотинига хат ёздик.. ҳамдардлигимизни айтиб, таъзия билдирдик.* Т. Рустамов, Мангу жасорат.

**ТАЪЗИЯНОМА** [таъзия + нома] Кимсанинг вафоти муносабати билан берилган, эълон қилинган, билдирилган ёзма таъзия. *Отанинг икки ўғли ҳам.. қаттиқ жангларда жон берди: ота бирин-кетин иккита таъзиянома олди.* Й. Шамшаров, Довруқ. *Гарчи Йигиталида таъзияномани ўқишга ҳоли бўлма-са-да, кўнгли анча кўтарилди.* Д. Нурий, Осмон устун.

**ТАЪЗИЯХОНА** [таъзия + хона] Мотам маросими ўтказилаётган хонадон, уй, ҳовли. *Таъзияхонада бир соатча ўтиришгандан сўнг, Зокир ота боққа биров бориб келадиган юмуши борлигини айтиб, узр сўради.* Э. Носиров, Ҳожининг «хунари».

**ТАЪЗИЯЧИ 1** Мотам туган, азадор киши. **2** Марҳумни дафн этиш, мотам маросимида қатнашувчи киши. *-Жанозага йиғилган таъзиячиларни чақириб келдим, – деди Шум бола.* Ф. Фулом, Шум бола.

**ТАЪЙИН** [а. تعيين – белгилаш, аниқлаш; тайинлаш] эск. Тайин, тайинли.

**ТАЪКИД** [а. تأكيد – ишонтириш; сўз бериш; исботлаш, қувватлаш] **1** Алоҳида уқтириш; қаттиқ тайинлаб айтилган сўз, гап. *Ҳабибанинг таъкидини эслаб, гуллар тўғрисида оғиз очмасдим.* С. Айний, Эсдалиқлар. *«Хушёр бўл!» таъкидини эшитган киши сингари хушёр тортиб, ичкари кирди.* Ҳ. Шамс, Душман.

**2** Уқтириш, қайд этиш ёки тасдиқлаш; қайд; тасдиқ. *Таъкид қилмоқ. ■ У [Тешабой] ўз таъкидида Фосих афандини сафсатабозликда айблади.* М. Исмоилий, Фарғона т. о.

**ТАЪКИДЛАМОҚ 1** Бошқаларидан ажратиб қайд этмоқ; ургу бериб, махсус эътибор қаратишни қайд этиб айтмоқ. *Кейинги жумлани Жомий зўр имон билан таъкидлаб айтди.* Ойбек, Навоий. *-Ажралишибди! – деди Нурмат, шу сўзни алоҳида таъкидлаб.* Ў. Ҳошимов, Қалбинга қулоқ сол.

**2** Уқтириб айтмоқ, тайинламоқ. *Нафиса опа, ночор унга жавоб бериб, ўзига эҳтиёт бўлишини, бувисининг сўзидан асло чиқмаслигини қайта-қайта таъкидлади.* Мирмуҳсин, Умид. *Элмурод бугунги машқни такрорлаш учун пулемётга ётар экан, генерал шошилмасликни таъкидлади.* Шуҳрат, Шинелли йиллар.

**3** Тасдиқламоқ, қувватламоқ. *-Балли, – Фазлиддин боши билан хотинининг сўзини таъкидлади.* Ойбек, Танланган асарлар. *Тошқин хавфидан қутулиш учун дамба қилиш зарурлигини ҳамма бир оғиздан таъкидлади.* А. Қаҳҳор, Кўшчинор чироқлари.

**ТАЪЛИМ** [а. تعليم – ўргатиш, ўқитиш, илм бериш; маълумот] **1** Билим бериш, ма-лака ва кўникмалар ҳосил қилиш жараёни, кишини ҳаётга ва меҳнатга тайёрлашнинг асосий воситаси. *Таълим ва тарбия ажралмас эгизаклар бўлиб, маълумот уларнинг*

тотли мевасидир. Р. Усмонов, Одобнома. Бизга таълим берар ҳар кун ўқитувчимиз, Турли фанни ўқиб ўсар онг ва кучимиз. И. Муслим.

**2** Илм-фан ёки касб-ҳунар соҳалари бўйича эгалланадиган, олинадиган маълумот ва кўникмалар мажмуи; билим. *Бошланғич таълим. Олий таълим. Мадраса таълими.* ■ *Илк бор алифбодан олганда таълим.* Э. Воҳидов, Муҳаббатнома.

**3** Тарбия, одоб-ахлоқ. *Таълими йўқ бола.* ■ *Араббой қанча ўқиса ҳам, унинг қилиқ ва гапириши, юриш-туриши мактабда таълим кўрган кишини эмас, балки чапани аравакашни эслатиб турар эди.* П. Турсун, Ўқитувчи.

**4** с. т. Кўрсатма, йўл-йўриқ, ўргатув. *Арзи хола Қутби отиннинг ҳалигидай таълимидан гангиб қолди.* Р. Азизхўжаев, Тўлғоқ емаган жувон. [Сидиқжон] *Ҳеч кимга қарамай, кетмонни қай хилда чопиш тўғрисида Маллавой ака берган таълимга ҳам риоя қилмай, куйиб-пишиб ишлади.* А. Қаҳҳор, Қўшчинор чироқлари.

**ТАЪЛИМИЙ** Таълимга оид, таълим берадиган; таълим-тарбия аҳамиятига эга бўлган. *Покистонга адабий ва илмий, айниқса, таълимий.. ҳикоялар ғоят зарурдир.* Ойбек, Нур қилириб.

**ТАЪЛИМЛИ** Таълим кўрган, яхши тарбияланган, ахлоқли, одобли. *Таълимли бола.*

**ТАЪЛИМОТ** [а. تعلیمات — «таълим» с. кўпл.: кўрсатмалар, йўл-йўриқлар, фармойишлар] **1** Фан соҳалари, ижтимоий ҳаёт, жамият ва ш.к. ҳақидаги илмий қарашлар, назарий хулосалар мажмуи; назария. *Фалсафий таълимотлар. Суфийлик таълимоти. Форобий таълимоти.* ■ «Инсон кўзи тушган нуқтага етиб бориши мумкин..» *Меъмор Нажмиддин Бухорий улуг мунажжим Улугбек мирзо таълимотидаги бу сўзнинг маъзини чақиб, ҳаёл ичида ўтирарди.* Мирмуҳсин, Меъмор.

**2** Кўрсатма, йўл-йўриқ, ўргатув. *Шундай, сиз менинг ҳалиги таълимотим бўйича, унинг бўйнига қўй сўйиш ва тўн беришни юклашга ҳаракат қилингиз.* А. Қодирий, Обид кетмон.

**ТАЪЛИМСИЗ** Таълим кўрмаган, яхши тарбия олмаган; одобсиз, тарбиясиз. *Таълимсиз бола.*

**ТАЪЛИМ-ТАРБИЯ** Таълим ва тарбияга оид ишлар; таълим ва тарбия; педагогика. *Таълим-тарбия ишлари. Таълим-тарбия ил-*

*мий-текшириш институти.* ■ *Зағчақўз патнисдан кўзини олмай, газабини ичига ютгани ҳолда: -Хўш, сизнинг мактабингизда болаларга илм-ахлоқ, таълим-тарбия ҳам ўргатиладими? — деб сўради.* П. Турсун, Ўқитувчи.

**ТАЪЛИФ** [а. تأليف — қўлга ўргатиш: тузиш, ташкил этиш; иншо, китоб] *эск.* Ёзма асар, иншо, китоб.

**Таълиф қилмоқ** 1) асар ёзмоқ; 2) бошқанинг асарини таҳрир қилмоқ.

**ТАЪМ** [а. طعم — маза, таъм; ёқимли ҳис туйғу] **1** Тотиб ёки ялаб кўриб билинадиган хусусият; маза-тот сезувчи аъзоларга таъсирдан уйғонадиган туйғу; маза, тот. *Аччиқ таъм. Ширин таъм. Дорининг таъми. Овқатнинг таъми туз билан, Одамнинг таъми сўз билан. Мақол.* ■ *Ҳадемай бир йил ҳам ўтиб кетяпти, Ҳали ўша майнинг таъми лабларда. Уйғун. Муздек қовунни есангиз, таъмига таъм, мазасига маза қўшилади.* Ш. Рашидов, Бўрондан кучли.

**2** кўчма Бошдан кечирилгандаги таасурот, маза. *Амир сарбозлигининг таъмини бир марта тотган Ёдгор, бундай «озодлик»ни истамади, сарбоз бўлишдан зиндонда қамалиб ётишини аъло билди.* С. Айний, Дохунда.

**ТАЪМИН** [а. تأمين — кафолат, таъминлаш; гаров; хавфсизлик; «омин» дейиш, омонлик бериш]: **таъмин қилмоқ** (ёки **этмоқ**) **1**) керакли нарсаларни етказиб бермоқ, таъминламоқ. *Керакли маҳсулотлар билан таъмин этмоқ.* ■ *Отам учун икки кишини шаҳарга юбориб, моддий жиҳатдан таъмин қилиш оғирлик қиларди.* С. Айний, Эсдаликлар; **2**) бирор нарсанинг амалга ошиши, рўёбга чиқиши. мухайё бўлиши учун зарур шароит яратмоқ. *Муваффақиятни таъмин қилмоқ.* ■ *Ҳамроҳларим ўз танки билан душман зотини абжақ қилган ва ғалабани таъмин этган.* Н. Сафаров, Оловли излар; **3**) қониқтирмақ, қаноатлантирмақ; кифоя қилмоқ, етарли бўлмоқ. *Бунинг сабабини сўзлашдан илгари имом афандининг ўтган тарихига бир оз кўз ташлаб олишга мажбурмиз. Чунки бусиз ўқувчимизни таъмин қилиш мумкин эмасдир.* А. Қодирий, Меҳробдан чаён.

**ТАЪМИНЛАМОҚ 1** Керакли нарсаларни мухайё қилиб, топиб, етказиб бермоқ, таъмин қилмоқ. *Шаҳарни сабзавот билан таъминламоқ. Мактабларни ўқув қуроллари*

билан таъминламоқ. ■ *Мазкур комплексни бирлашма ўз кучи билан қурганлиги, зарур жиҳозлар билан таъминлаганлиги диққатга сазовордир.* Газетадан.

**2** Бирор нарсанинг амалга ошиши, рўёбга чиқиши, муҳайё бўлиши учун зарур шароит яратмоқ. - *Жавилбойдаги учта насоснинг бетўхтов ишлашини таъминлайман, — деди Усмонжон ака.* «Ўзбекистон кўриқлари». ...*халқларимиз дўстлиги урушдаги ғалабамизни таъминлаган омиллardan бўлганлиги тўғрисида тўлқинли равишда гапирарди.* Н. Сафаров, Жасоратнинг давоми.

**ТАЪМИНОТ** [а. *تأمينات* — «таъмин» с. кўпл.] **1** Керакли нарсаларни муҳайё қилиб етказиб бериш; яшаш, ишлаш учун зарур нарсаларга бўлган эҳтиёжни қондириш. *Ижтимоий таъминот. Давлат таъминоти. Таъминот бўлими.* ■ *Таъминот ҳам тўла йўлга қўйилмаган: гоҳи ёқилғи етказиб берилмайди.*.. «Ўзбекистон кўриқлари».

**2** Яшаш, ишлаш учун керакли пул, озиқ-овқат, кийим-кечак каби нарсалар мажмуи. ...*лашкар таъминотини зиёратчиларнинг назр-ниёзларига юклаганлар.* К. Яшин, Ҳамза.

**3** *кўчма кам қўлл.* Маънавий озуқа; далла; умид. *Отасининг бу сўзлари унинг [Отабекнинг] истиқболи учун яхши таъминотлар берар.* А. Қодирий, Ўтган кунлар.

**ТАЪМИР** [а. *تعمير* — (ерни) ишлаш, ўзлаштириш; қуриш, қурилиш; тузатиш; обод қилиш] *эск. кт.* **1** Киши кучи ва ихтиёри билан иншоот, бино, жой ва ш.к. ни қуриш, янгидан яратиш. *Табиат турфа тузмиш тарҳу таъмир қилиб боғу чаман шаклида тасвир.* Ҳабибий. [*Худоёрхон*] 1288 (ҳижрий) йилда Қўқоннинг эски қаландархонасини бузиб, янгидан таъмир.. қилди. А. Қодирий, Меҳробдан чаён.

**2** Бирон нарса, объектни бузилган, синган, йиртилган жойларини тузатиш, яхшилаш ва шу йўл билан яроқли ҳолга келтириш. *Ҳамма ҳашарчилар оролга ўтиб олганларидан кейин, таъмир иши жадаллаб кетди.* М. Осим, Темур Малик.

**Таъмир қилмоқ** (ёки **этмоқ**) Таъмир ишларини амалга оширмоқ, таъмир билан бутунламоқ, яроқли ҳолга келтирмоқ. ..*Балхдаги Хўжа Муҳаммад мадрасаси таъмир қилинаётганини айтди.* Мирмуҳсин, Мельмор. ...*ходимлар қисқа фурсатда таъмир этилган*

*хонага тиқилишиб қолди.* Н. Қобил, Унутилган соҳиллар.

**ТАЪМИРЛАМОҚ** Таъмир қилмоқ. *Самарқанд шаҳрида ҳам кенг миқёсда таъмирлаш ишлари олиб борилди.* «Фан ва турмуш». *Халқ хунардмандлари томонидан таъмирланган ва пардозланган обида ўзининг гўзаллиги билан киши диққатини жалб этади.* Газетадан.

**ТАЪМИРОТ** [а. *تعميرات* — «таъмир» с. нинг кўпл.] *эск. кт.* **1 айн.** **қурилиш 2.**

**2** Қурилган бино; иншоот.

**ТАЪМЛИ 1** Таъмга эга. *Исириқ туксиз, бадбўй ва аччиқ таъмли кўп иллик ўтдир.* «Фан ва турмуш».

**2** Таъми, мазаси яхши; мазали, лаззатли, тотли. *Таъмли овқат.*

**ТАЪМСИЗ** Таъми, мазаси йўқ; бемаза, лаззатсиз, тотсиз. *Таъмсиз қовун.*

**ТАЪНА** [а. *طعنه* — найза ёки пичоқ санчиш; шикоят; рад этиш; маломат] **1** Хатолик, айб ёки камчиликни бетга солиб ёки камситиб айтилган гап, қилинган хатти-ҳаракат ва ш.к. *Аччиқ таъна.* ■ *Гуноҳдор бўлмай туриб, ўз севглингдан ўринсиз таъналар эшитсанг.* Ж. Жабборов, Севинч ёшлари. *Кекса боғбоннинг самимий сўзлари ҳам таъна, ҳам танбеҳ эди.* Ш. Рашидов, Бўрондан кучли. *Бобо, бу гапга қандай тилинг борди, дегандай унга таъна билан қаради-да, бош чайқади.* С. Юнусов, Кутилмаган хазина.

**2** Миннат, ҳақорат, маломат тарзидаги гап-сўз. - *Йўқчилик жонимга тегди, — деди болали хотин, — бойваччаларнинг хотинларига кир юва-юва ўлиб бўлдим. Итдек меҳнат қилиб, бир бурда нонларини таъна билан едим.* С. Зуннунова, Гулхан. *Агар кучим, қувватим етса, одамларнинг жон олғучи таъналарига яна чидаш берар эдим, лекин мажолим қолмади.* М. Исмоилий, Фарғона т. о.

**Таъна қилмоқ** Таъна тарзидаги гап-сўз айтмоқ. *Хасис деб таъна қилмоқ.* ■ *Йўлдошева.. рабфақда ўқиб юрганида, маҳаллада паранжи ёпиниб юрган бўлиши мумкин, буни ҳозир таъна қилишда ҳеч қандай маъно йўқ.* А. Қаҳҳор, Бек. *Ҳамкасблари.. «Мансабдор бўлиб, менсимай кетди», деб таъна қилишларидан ўзини эҳтиёт тутарди.* Р. Файзий, Ҳазрати инсон.

**ТАЪНАЛИ** Таъна билан айтилган, таънадан иборат бўлган, таъна ифодаладиган. *Сафохон тўранинг Камол қозидан тап торт-*

май қилаётган таънали ўтқир гаплари бошқаларни уйлатиб қўйди.. К. Яшин, Ҳамза. Мунира, хотинини кузатиб келган раисга таънали боқди. Э. Усмонов, Ёлқин.

**ТАЪНАОМУЗ** [таъна + ф. *آمیز* — ўхшаш, каби] айн. **таънали**. Раҳиманинг бригадасида ҳам анчагина гўзага дори сепилмаган. Ойша таънаомуз гапларни гапиргиси келса ҳам, бу ҳақда индамади. Ҳ. Нуъмон, Меҳр. Мутриб, «хаёлпараст иним» дегандек, Авазга таънаомуз разм солди. С. Сиеёв, Ёруглик.

**ТАЪНАЧИ** Ҳар нарсани таъна қилаверадиган киши. Таъначилардан тегмасин иснодинг, кўзинг очгин, Аваз, сенга не бўлди? «Бўтакўз».

**ТАЪРИФ** [а. *تعريف* — таништириш; тушунтириш; аниқлаш; мақташ, васф этиш] **1** Нарса, воқеа-ҳодиса ва ш.к. га сўзлар воситасида берилган баён, тасвир; тавсиф. Минг таърифдан бир кўрган афзал. ■ Олчинбекнинг таърифига қараганда, Зубайдахон тенги йўқ момақаймоқ, офатижон эмиш. К. Яшин, Ҳамза. Ориф ота гулларнинг таърифини ҳикоя қилгудек бўлса, ҳамсуҳбатининг оғзини очириб қўяди. Р. Файзий, Ҳазрати инсон. Тўйингнинг таърифини эшитдим, шу ерда бўлсам ҳам келмас эдим. А. Қаҳҳор, Оғриқ тишлар.

**Таъриф қилмоқ** Таърифини, тавсифини бермоқ, келтирмоқ. ..у зот ниҳоятда покиза одам эканликларини таъриф қилди. Мирмуҳсин, Меъмор. **Таърифга сифмайди қ. сифмоқ.** **Таърифи кетган** Жуда маълум-машҳур. У таърифи кетган гўзал қиз бўлгани учун Султон Муҳаммадхондай подшоҳнинг хотинига айланган эди. П. Қодиров, Юлдузли тунлар.

**2** Нарса, воқеа-ҳодиса, тушунча ва ш.к. нинг қисқа ва аниқ ифодаси. Терминнинг таърифи. Тушунчанинг таърифи. Қўшма сўзнинг таърифи.

**ТАЪРИФИ(Й)** Ижобий хислатлари, мақтови ҳаммага маълум бўлган; мақталадиган, мақтовли. Низомжон қишлоғининг таърифи ўригини жуда соғинган эди. С. Аҳмад, Уфқ. Қишлоқдаги боғдорлар борки, икитасининг боши бирикса бўлди, Абдулазиз ҳожининг гилоси ҳақида гап очилар эди.. Жа таърифий гилос эди.. С. Анорбоев, Ҳамқишлоқлар.

**ТАЪРИФИЧА** крш. с. Таърифига кўра, тавсифлашича, тасвирлашига қараганда. Унинг ўз таърифича, бир неча йиллардан буён

тинч ва осойишта тирикчилигини ўтказиб юрганида.. Саодатхоннинг келиши ошга наиша тушгандай бўлди. «Муштум». Домла Мусонинг таърифича, «қошларини обжувоз қилиб», Элмуродга тикилди. П. Турсун, Ўқитувчи.

**ТАЪРИФЛАМОҚ 1** Таърифини бермоқ, таъриф қилмоқ; мақтамоқ. Тошкентни, доктор, докторхонани таърифлаб адо қилолмайди. Шухрат, Жаннат қидирганлар. Кетмон уста таърифлаганча бор экан. Т. Ашуров. Оқ от. Пештахталар олдида харидордан кўра кўпроқ уймалашган сотувчилар тилларидан бол томиб, молларини таърифлашади. Н. Аминов, Суварак.

**2** Нарса, воқеа-ҳодиса, тушунча ва ш.к. нинг моҳиятини қайд этмоқ, ифодаламоқ. Темир, «Ҳамма нарсанинг таърифи бор, ҳамма нарсани тушунтириб бера оламан», дейди. У бахтни ҳам таърифлаб берди, кўнглини ҳам, муҳаббатни ҳам.. А. Мухтор, Чинор.

**ТАЪРИФЛИ** Муайян тавсифга эга, таърифга лойиқ, таърифга тушган. Сиз таърифли заргарбачча. Мен сизники то ўлгунча. «Эрали ва Шерали». 1961 йилда боғ кучга тўлиб, гуркураб кетди.. Айниқса, анорзор таърифли эди. Газетадан.

**ТАЪРИФОТ** [а. *تعريفات* — «таъриф» с. кўпл.] кт. Таърифлар, таъриф ва тавсифлар; мақтовлар. Эрур ким мардлигиндан ёзсалар кўп дostonлар ҳам, Нечук биз сиздайрайлик бир вараққа таърифотингни. Чустий. Қовун ҳақидаги бояги таърифотларнинг барчаси ҳам ҳозир бирдан ёдидан кўтарилади. А. Қодирий, Обид кетмон.

**ТАЪСИП** [«таассуб» с. нинг бузилгани]: **таъсип қилмоқ** (ёки **этмоқ**) с. т. Таассуб қилмоқ, иш-ҳаракатда бировга эргашмоқ, тақлид қилмоқ. Сатторқул аканг уйини янги турмуш қилди.. Обиджонинг шуларга таъсип қиламан деб, мени кўп куйдирди-да! А. Қаҳҳор, Қўшчинор чироқлари.

**ТАЪСИР** [а. *تأثير* — (хотирида) из. асар қолдириш, таъсир қилиш] **1** Ташқи омилларнинг киши ёки нарса ҳолатини ўзгартириш, кўзгаш хусусияти ва унинг натижаси. Таъсир ва акс таъсир. Ўзаро таъсир. Дорининг таъсири. Иссиқликнинг таъсири. Ўқитувчининг болаларга таъсири. Таъсир кучи. Ижобий таъсир кўрсатмоқ. ■ Сўнги кунларда Навоидан келган хатнинг таъсирида юрган Бобур Ҳиротдан гап очди. П.

Қодиров, Юлдузли тунлар. *Куну бўйи бир стакан ароқ ёки винонинг таъсирида юради.* Э. Раимов, Ажаб қишлоқ. *Ерда тунов куну ёққан ёмғирнинг таъсири бор. Жангчиларнинг юришини оғирлаштиради.* Шуҳрат, Шинелли йиллар.

**Таъсир қилмоқ** (ёки **этмоқ**) Таъсири юзага чиқмоқ, сезилмоқ; таъсир билдирмоқ, ўтказмоқ. *Бўлиб ўтган гап Тolib akaга ёмон таъсир қилди.* Ф. Мусажонов, Ҳиммат. *Мени афсун билан ҳам ром қилиб бўлмайди, менга заҳар ҳам таъсир қилмайди, гап ҳам!* Мирмуҳсин, Меъмор. *Санобар ўз сўзларининг Алижонга қандай таъсир этганлигини билиш учун унинг юзига синчков назар ташлади.* М. Хайруллаев, Кўнгил.

**2** Обрў, нуфуз, эътибор. *Бухоро жадидлари орасида усмонли туркларнинг ва татар бойваччаларининг таъсири катта эди.* С. Айний, Дохунда.

**ТАЪСИРЛАМОҚ** кам қўлл. Таъсир қилмоқ, таъсир кўрсатмоқ. *Нервни электр, зарб, иссиқ сув ёки бирорта кимёвий модда билан таъсирлаганимизда, ҳамма вақт мускулнинг қисқарганини кўраимиз.* «Анатомия».

**ТАЪСИРЛАНМОҚ** Таъсир олмоқ, таъсирга берилмоқ, таъсирида бўлмоқ; изтиробга тушмоқ. *Аваз ҳар нарсадан дарров таъсирланадиган, адолатсизлик кўрса, лов этиб кетадиган чарс табиатли.* С. Сиёев, Аваз. *Ёлғизжон қаллиғининг мулоҳазаларидан таъсирланиб, анчагача жим ётди.* Р. Раҳмон, Меҳр кўзда. *У бир нимадан кўрқса ёки таъсирланиб кетса, гапиролмай гўлдираб қоларди.* Мирмуҳсин, Меъмор. *Маъсумаой Ойимбибига қайрилиб қаради, унинг ҳолатидан таъсирланиб, пастки лабини ташлади, бошини чайқади.* Н. Сафаров, Дон.

**ТАЪСИРЛИ** Таъсир қила оладиган, таъсир кучига эга. *Энг муҳими, фактларни қуруқ қайд қилмай, уларни бадиий таъсирли ифодалашдадир.* Н. Сафаров, Жасоратнинг давоми. *Ногоҳ жимжит ва қизғин ҳавони янграшиб, ҳофизнинг таъсирли овози кўтарилди.* Ойбек, Танланган асарлар.

**3** Обрўли, эътиборли, нуфузли. *Таъсирли доиралар.*

**ТАЪСИРОТ** [a. تاثيرات — «таъсир» с. кўпл.] Таъсир; таъсирлар. *У организмни ташқи муҳитнинг ҳар хил таъсиротларидан сақлайди.* «Анатомия».

**ТАЪСИРСИЗ 1** Таъсири йўқ, таъсир кучига эга эмас, кор қилмайдиган, кучсиз, заиф. *Таъсирсиз гап.* ■ *Осмонни қизғиш кулранг туман қоплаб, куннинг юзини ғира-шира ва таъсирсиз қилиб қўйди.* П. Турсун, Ўқитувчи.

**2** Обрўси, эътибори, нуфузи йўқ. *Таъсирсиз одам.*

**ТАЪСИРЧАН** Яхши таъсир этиш кучига эга, таъсир этиш кучи юқори даражали; таъсирга тез, кучли бериладиган. *Кўёнлар ўзининг биологик хусусиятларига кўра, ташқи шароит омилларига ўта таъсирчан бўлади.* «Фан ва турмуш». *Ҳар бир сўзни ўзига хос оҳангда, таъсирчан қилиб гапира оладиган бу кишининг ҳозирги нутқи салобат билан таъсирчан жаранглади.* И. Раҳим, Чин муҳаббат.

**ТАЪСИРЧАНЛИК** Таъсирчан бўлиш, таъсир этиш кучи, қобилияти. *Кўрсатувга бундай ҳар томонлама ёндашиш, сўзсиз, унинг таъсирчанлик кучини янада оширади.* Газетадан.

**ТАЪССИС** [a. تأسيس — тузиш, ташкил этиш; жорий қилиш]: **таъссис этмоқ** (ёки **қилмоқ**) 1) жорий қилмоқ, белгиламоқ. *Механизаторлар Анзура Жўраева номида эсдалик мукофоти таъссис этилишини орзу қилмоқдалар.* «Ўзбекистон кўриқлари»; 2) ташкил қилмоқ, вужудга келтирмоқ. *Илмий жамият таъссис этмоқ.*

**ТАЪТИЛ 1** [a. تعطيل — тўхташ, тўхтатиш; беркитиш, ёпиб қўйиш; тарқатиш] **1** эск. Ўқув даргоҳларида, умуман, дарс-машгулот бўлмайдиган кунлар; дам олиш кунлари. *Махдум, бу кун сизга таътил [деди мавлоно Фасиҳиддин Султонмуродга].* Ойбек, Навоий. *...чоршанба, пайшанба ва жума кунлари таътил (дам олиш кунлари) бўлар эди.* М. Муҳаммаджонов, Турмуш уринишлари.

**2** Мактаб ва б. ўқув юртларида дарс-машгулотлар тўхтатилиб, ўқувчиларга дам бериладиган (ўқувчилар дам олишга чиқадиган) вақт, танаффус. *Ниҳоят, мактабларда таътил кунлари бошланди.* Л. Тожиева, Меҳрим сизга, одамлар. *Аҳмад таътил пайтида Фарғона водийсига практикага борди-ю, у ердаги одамларга қойил қолди.* Ф. Мусажонов, Ҳиммат.

**3** Дам олиш, даволаниш ва ш.к. учун ишдан озод қилиб бериладиган маълум кунлар, ишдан озод қилинадиган муддат. *Бошқаларга дам олиш кун, Таътил ойи бе-*

рилар. Шоир янги ташбиҳ учун Ўлган бўлса тирилар. Э. Воҳидов. Мўминов ҳар йили таътил пайтида дам олмас эди. М. Маҳмудов, Мангу куй излаб.

**ТАЪТИЛ** II шв. фольк. Овқат, егулик; нонушта; овқатланиш.

**Таътил қилмоқ** Нонушта қилмоқ, умуман овқатланмоқ. Ул алплар қандай алл: ёйандоз, мерган, ҳар қайсиси.. ҳар кунига тўқсон ширвознинг этини таътил қилган.. зўр полвондир. «Алпомиш».

**ТАЪТИЛЛАНМОҚ** айн. таътил қилмоқ. Эрталаб таътилланиб, йўлга отландим. Т. Мурод, От кишнаган оқшом.

**ТАЪХИР** [а. تاخير — кечикиш, кечиктириш; имиллаш, орқага судраш, кейинга қолдириш] эск. кт. Ўз вақтида келмаслик ёки қилмаслик, бажармаслик; кечикиш, хаёллаш; тўхтаб қолиш; тўхтатиб қўйиш.

**Таъхир қилмоқ** (ёки этмоқ) Кечиктирмоқ, тўхтатиб қўймоқ. Нечук иш бўлса, ўз вақтида қилдим, қилмадим таъхир, Садоқат бирла қилган меҳнатимни айлашиб тақдир. Ҳабибий. **Таъхирга солмоқ** Кечиктирмоқ, тўхтатиб қўймоқ. **Таъхирга тушмоқ** Кечиктирилмоқ, тўхтатиб қўйилмоқ; ўз вақтида бажарилмаслик. Дўст аччиғига дўстлар ихлоси бўлса шояд, Таъхирга тушмай ишлар соз бўлса, кулса шояд. «Муштум».

**ТАЪҚИБ** [а. تعقيب — орқасидан қувиш; изига тутиш; қувғун қилиш; жазолаш] I Зимдан, билдирмасдан кўз-қулоқ бўлиб кузатиш. Юриш-туришини таъқиб. Таъқибдан қутулмоқ.

2 Эркин ҳаракат-фаолият кўрсатишга қўймаслик, шу мақсаддаги назорат, кузатиш. Подшо Иброҳим Султонга аҳли уламою фузало устидан таъқибни ҳаддан зиёд қилмаслик, мумкин қадар уларга тегмаслик кераклигини айтди. Мирмуҳсин, Меъмор.

3 Издан тушмоқ, кетидан қувмоқ, орқама-орқа бормоқ, юрмоқ. Унинг ҳаракати бир нарсадан шубҳаланиб эмас, аммо орқадан душман таъқибни бўлмадими учун эди. А. Қодирий, Ўтган кунлар.

**Таъқиб қилмоқ** (ёки этмоқ) 1) кўздан ўтказмоқ, кузатмоқ. Онаси унинг бутун ҳаракатларини таъқиб қилиб турарди. Шухрат, Шинелли йиллар. Отабек хомуш ўтирар, Ҳасанали эса унинг ҳолини таъқиб этмоқда эди. А. Қодирий, Ўтган кунлар; 2) кўз-қулоқ бўлиб кузатмоқ, назоратда тутмоқ. Гулсум-

биби.. қизнинг феъли-атворини, юриш-туришини очиқ ва бекитгич равишда узоқ таъқиб этди. Ойбек, Танланган асарлар; 3) изидан тушмоқ, кетидан ҳаракат қилмоқ, қувмоқ. Улоқни олган Содиқжон бойвачча ҳаммадан олдинда, Сулаймон оқсоқол бошлиқ қолган кўлкарчишлар уни қуюндай таъқиб қилиб келишарди. К. Яшин, Ҳамза. Жўрақул дўстлари билан душманни таъқиб қилиб, олдинга силжирди. Назармат, Жўрлар баланд сайрайди.

**ТАЪҚИБЧИ** Зимдан кузатувчи, таъқиб қилувчи. Дарахтнинг юқорисига чиқиб олдим. Бир марта қувиб ниятига етолмаган бу таъқибчи йиртқич [айиқ] энди жон-жаҳди билан арча устига чиқишга уринарди. Қ. Султонов, Маймоқполвоннинг таъқибчи.

**ТАЭКВОНДО** [корейсча: таэ — оёқ + квон — қўл + до — йўл: оёқ ва қўлларнинг ҳаракат йўли, усули] спорт. Эркак ва аёлларнинг ўз вазн тоифаларида (якка ва жамоавий), белгили қоидалар асосида, оёқ ва қўллар билан зарбалар беришдан иборат спорт кураши тури. Халқаро таэквондо федерацияси. ■ Яқинда республика таэквондо федерацияси томонидан ўтказилган спорт йўриқчиларининг малака синовини [баҳоланиши] ана шу саволларга жавоб берди. Газетадан.

**ТАЯММУМ** [а. تيمم — ният қилиш; бирор мақсадни кўзлаш; сув бўлмаганда қум билан таҳорат қилиш] дин. Сув бўлмаган жойда қум, тупроқ, пахта, тоза мато каби нарсалардан фойдаланиб олинадиган шартли таҳорат. Уйдан чиқишда қумғонни олиш ёдидан кўтарилгани учун у анча ташвишланди. Ҳеч бўлмаганда кейин, либосига қўл уриб, таяммумни адо этди. Н. Мақсудий, Бола йўқотган киши.

**Сув йўғида таяммум** Йўқ нарса ўрнида бошқа нарсадан фойдаланишга, бошқа нарса билан кифояланишга тўғри келган ҳолларда айтиладиган ибора. Аҳмад Ҳусайн бир оз уйланиб тургандан сўнг деди: -Яхши, розиман, сув йўғида таяммум, деганлар-ку. Ойбек, Нур қидириб.

**ТАЯМОҚ I** Бирор нарсани иккинчи бир нарсага тегизиб, куч билан итариб турмоқ, тирамоқ. Тирсақларини тиззаларига таяган ҳолда букчайиб ўтирган Элмурод юзидан қўлларини олмай сўради: -Нима қилай? П. Турсун, Ўқитувчи.



2 Мустаҳкам туриши учун бирор нарса тираб, ўрнатиб қўймоқ. Қулай бошлаган деворга ёғоч таяб қўймоқ.

3 Бирор нарсага тегизиб қўймоқ, суямоқ. Чол ҳассасини деворага таяб қўйди.

**ТАЯНМОҚ 1 Таямоқ 1** фл. ўзл. н. Ҳассага таянмоқ. Қўллари билан столга таяниб олмоқ.

■ Кампир.. бир қўлида ҳассасига, иккинчи қўлида Анорхонга таянганича қабристонга йўл олди. И. Раҳим, Ихлос. Султон тиззаларига таяниб ўрнидан турди. Э. Усмонов, Ёлқин.

2 кўчма Бирор нарсани ҳисобга (асосга) олиб, унга ишониб иш тутмоқ; суянмоқ. Омманинг ташаббусига таянмоқ. Бизда пахтачилик юксак агротехникага таянади. ■ Уртоқ Низомидинов, бундай пайтларда раҳбар органларнинг ёрдамига таяниш керак. С. Аҳмад, Ҳукм. Хон.. кўпроқ сарой амалдорлари, уламо ва тўраларга ён босар ва уларга таянарди. Ж. Шарипов, Хоразм. Азалдан ер унумдорлиги ва экинлар ҳосилдорлигини оширишда алмашлб экиш самарасига таяниб келинган. «Муштум».

**Тавбасига таянмоқ қ. тавба.**

**ТАЯНЧ 1** Нарсани кўтариб, унинг тик, барқарор туриши учун хизмат қиладиган восита; устун, тиргак, тирговуч. Кўпгина қурилиш ташкилотлари.. таянчлар ясаш учун металлни беҳуда сарфламоқдалар. Газетадан.

2 кўчма Асос бўлиб хизмат қиладиган, суяниладиган нарса. Мўл ҳосил тўплаш ойда механизация деҳқоннинг энг кучли таянчидир. Газетадан. Педагогнинг энг қудратли таянчи ҳам ва оромбахш ёстиғи ҳам унинг покиза виждонидир. Р. Усмонов, Одобнома. Табиат фақат инсон тириклигининг, ҳаётнинг жисмоний асосини белгилабгина қолмай, маънавий ҳаётнинг ҳам асосий таянчидир. «ЎТА».

3 кўчма Ёрдам ёки ҳимоя қиладиган, қўллаб-қувватлайдиган кимса; ҳимоячи, ёрдамчи, ҳомий. Зебихон хотинларни зимдан кузатиб ўтирар, уларнинг ичидан ўзига таянч бўладиганларини мўлжаллар ва ўйлар эди. С. Зуннунова, Гулхан. Худодан бошқа таянчим йўқ, ўзи асрасин. Ойбек, Танланган асарлар.

**ТАЯНЧИҚ 1** Тутиб, кўтариб турадиган восита; тиргак, устун, тирговуч. Кўприкнинг таянчиқлари. ■ Бўйин таянчиғи бўлган юқориги этрита умуртқа бўйин умуртқалари деб аталади. «Анатомия».

2 Стул, каравот ва ш.к. нинг суяниладиган, таяниладиган қисми; суянчиқ. Наимий бунди сира кутмаган эди, ранги ўчиб кетди, креслонинг таянчиғини чангаллаб, ўрнидан турди. А. Мухтор, Опа-сингиллар.

3 кўчма айн. **таянч 3.** Мен келдим бир дарбадардай ёш тўкиб хушсиз, Қани онам.. таянчигим, кўнглим қувончи? «Шарқ юлдузи».

**ТАҚ 1 тақл. с.** Икки қаттиқ нарсанинг бир-бирига зарб билан урилишидан ҳосил бўладиган товушни билдиради. Ёнғоқ тақ этиб тошга урилди. Эшик тақ этиб ёпилди. ■ Бошлиқ трубкани яна тақ этиб қўйди. Худди катта бир ишни қойил қилган одамдек, қандайдир димоғ билан хўрсинди. С. Зуннунова, Гулхан. Зокир қўлидаги қадаҳни тақ этказиб, столга қўйди. П. Қодиров, Уч илдиш.

**Пешонаси тақ этиб деворга тегмоқ** Ўз билганидан қолмай, охири иши вой бўлмоқ. Пешонанг деворга тақ этиб теккандан сўнггина кўзинг очилди. С. Анорбоев, Оқсой. **Тақ (ёки тик, тук) этса, эшикка қарамоқ** Кимсани интизорлик билан кутмоқ. Мухаррамнинг тоқати тоқ, Элмуроднинг йўлига кўзи тўрт эди. Тақ этса, эшикка қарарди. Шухрат, Шинелли йиллар.

**ТАҚ II қ. таққа.** Темурбекнинг шахти кўп баланд! Еру кўкни у тақ тиндирар. М. Али, Гумбаздаги нур.

**ТАҚА I** От-улов туёғини зарарланишдан, сирганишдан сақлаш учун туёқ остига михлаб қоқиладиган ярим доира шаклидаги металл буюм. Отнинг тақаси. ■ Қишлоқ тинчлигини бузган бу якка от туёқларининг тарақ-туруқи, тақаларнинг тошларга урилишидан чиққан ялт-ялт чақмоқ дам ўтмай узоқлашиди. С. Анорбоев, Оқсой.

**ТАҚА II шв.** Жуфтнинг бири; тоқа. Норбой ота.. олти таноб еру бир тақа ҳўкизга эга бўлди. М. Ҳаким, Бувнор. ..бир неча қадам йўл босиши билан қўлқопнинг иккинчи тақасини кўриб қолди. «Муштум».

**ТАҚАЛ: тақал қилмоқ** Бирор ишни бажаришга дарров киришмай, ўйланиб қолмоқ, кечиктирмоқ; кетга сурмоқ, галга солмоқ; баҳона қилмоқ. Тожихон, қўйинг шу важҳу тақални. А. Мухтор, Кумуш тола. Ҳаялламай жаллод, энди боринглар, Тақал қилмай, тезроқ бориб келинглар. «Алпомиш». Ёмон хотин кўп қилади тақални. Қирққа

кирмай оқартирар соқолни. М. Алавия, Ўзбек халқ кўшиқлари.

**ТАҚАЛАМОҚ** От-улов туёғига тақа қоқмоқ. [*Холхўжа Бўтага:*] *Менга йигит бўл! Бир қошиқ қонингдан ўтаман. Менга хизмат қил! Отларни тақалайсан.* С. Аҳмад, Ҳукм.

**ТАҚАЛМОҚ 1 Тақамоқ** фл. ўзл. ва мажҳ. н. Ёғочнинг учи деворга тақалган. Қайиқ бориб қирғоққа тақалди. ■ *Ҳозир суҳбат Элчибекка келиб тақаладигандай эди.* А. Мухтор, Туғилиш. *Суви анча тортилиб қолган кўлнинг шимолий этаги қишлоқ уйларининг ҳовлиларига бориб тақалар эди.* М. Исмоиллий, Фаргона т. о. *Камар бир одам бемалол энгашиб юра оладиган бўлиб, охири қаерга бориб тақалишини ҳеч ким билмасди.* П. Турсун, Ўқитувчи.

2 Бирор нарсанинг битишига, юзага келишига қараб қолмоқ, у билан боғлиқ бўлмоқ. *Рухсатнома ёзилган. Иш суратга тақалиб қолди. Бугун у ҳам тайёр бўлади.* Н. Сафаров, Саодатнинг қиссаси. *Кўп нарса замонавий машина-ускуналарнинг етишмаслигига бориб тақалади.* «Муштум».

**ТАҚАМОҚ 1** Жуда яқинига олиб бориб, етказиб, тегизиб қўймоқ; тирамоқ. *Стулларни бир-бирига тақаб қўймоқ.* ■ [*Маҳкам:*] *Гоҳ қўлида милтиқ, йўлимни тўсади, гоҳ кўкрагимга миниб олиб, кекирдагимга пичоқ тақайди.* Н. Сафаров, Уйғониш. *Нури ўз юзини йигитнинг юзига тақади.* Ойбек, Танланган асарлар.

2 кўчма Сўзни, мавзуни бирор ерга, масалага уламоқ, олиб келмоқ, кўчирмоқ. *Шундай қилиб, Ефим Данилович гапни яна қурол-яроққа олиб келиб тақади.* А. Мухтор, Опа-сингиллар.

3 Ким ёки нимадандир деб билмоқ, унга боғламоқ. *Ҳамма нарсани динга, худога тақайверма.* Н. Аминов, Суварак. *Область саҳро ҳисобига тараққий этиб, келгусида иккига бўлиниб кетса, бу объектив қонун, Аббосов. Сен буни менга тақама, бундан иғво чиқаришинг қийин.* А. Мухтор, Бўронларда бордек ҳаловат.

**Деворга тақамоқ** Шошириб, гангитиб қўймоқ; таслим бўлишга мажбур қилмоқ. *Бора-бора Қорача Ҳожибнинг ҳазиллари сийқалашиб, ҳамманинг энсасини қотира бошлади. Ойсулув эса янги-янги сўзлар, ўхшатишлар топиб, рақибини деворга тақаб қўйди.* М. Осим, Ўттор.

**ТАҚАСОҚОЛ** Узун-узун гуллари эгилиб, ярим доира шаклини оладиган ёввойи чўл ўсимлиги. *Тақасоқол, ёвшан.. кўкариб, юлғунлар қип-қизил гуллади.* А. Мухтор, Давр менинг тақдиримда.

**ТАҚАТАҚ 1** Ҳаммаси бирдан, битта ҳам қолмасдан: ёппасига. *Магазинлар, дўконлар тақатақ қулф.* ■ *Уйларнинг эшиклари, деразалари тақатақ ёпиқ.* Ойбек, Танланган асарлар.

2 Бутунлай, тамоман. *Иситма полвоннинг иштаҳасини тақатақ бўғиб, силласини қуритибди.* М. Алиев, Бетоб. *Аллоннинг бир жувози тақатақ тўхтади.* А. Мухтор, Қорақалпоқ қиссаси. *Турани кўриб, ҳамма тақатақ тўхтар, икки букилиб таъзим қиларди.* Ж. Шарипов, Хоразм.

**ТАҚА-ТАҚ** тақл. с. Бир меъёрдаги тез ҳаракатдан, урилишдан ҳосил бўладиган овоз, шовқинни билдиради. *Поезднинг «тақа-тақи» кишини мудратарди.*

**ТАҚАЧИ** Тақа ясайдиган ва отга тақа қоқадиган уста. *Мўғуллар.. керакли қуролсозлар, узангисозлар, тақачилар, темирчилар, ара-васозлар, тўқувчилар ва бошқа касб эгаларини бир чеккага ажратдилар.* М. Осим, Ўттор.

**ТАҚАЧИЛИК 1** Тақа ясаш ва тақа қоқиш иши, касби. *Тақачилик артели. Тақачиликни ўрганмоқ. Тақачилик қилмоқ.* ■ *Бўтабой ҳам икки кунда тақачилик дўконини тиклади.* С. Аҳмад, Ҳукм. *Дадам тақачиликни жинидан баттар ёмон кўрса ҳам, тақа ясашга киришди.* А. Қаҳҳор, Ўтмишдан эртақлар.

2 тар. Тақачилар ишлайдиган жой; тақачиларнинг дўкони, ишхонаси жойлашган раста, кўча ёки маҳалла. *Бари бир, Маҳкам тинмади, тақачиликка тушиб, бир чети учган сандон кўтариб келди.* Р. Файзий, Ҳазрати инсон. *Очил тақачи Мадумарни танийди, кулоллар растаси тақачиликнинг шундай ёнгинасида.* А. Мухтор, Чинор.

**ТАҚАШТИРМОҚ** Бир-бирига тақаб, тегизиб қўймоқ, ёнма-ён жипслаб жойлаштирмоқ. *Столни деворга тақаштириб қўймоқ.* ■ *Қизлар бирин-сирин келиб, ўринлари устига ўтирдилар. Урин қатор ва бир-бирига тақаштириб солинган эди.* А. Қодирий, Меҳробдан чаён.

**ТАҚВИМ** [a. تقويم — тўғрилаш, тузатиш; баҳолаш; календарь] 1 экс. Сайёра (плане-

та)ларнинг ҳолат ва ҳаракатларини кўрсатувчи йиллик жадвал; юлдузлар жадвали.

**2** Йилнинг барча ой-кунлари тартиби билан кўрсатилиб, бошқа турли хил қизиқарли маълумотлар ҳам берилган жадвал ёки китобча. *Стол тақвими. Йиртма тақвим.*

**ТАҚВО** [а. تقوى — диндорлик, художўйлик; худодан кўрқиш] *дин. 1* Мустаҳкам диний эътиқод; художўйлик, диндорлик.

**2** Ҳаром-харишдан ҳазар қилиш, ўзини сақлаш, тийиш. [Эшонларнинг] *Тақво эмиш қилмишлари, Яъни шулдир ишлари: Фақир молин чайнарга Ўтқир бўлган тишлари.* Ҳамза.

**ТАҚВОДОР** *дин. 1* Мустаҳкам диний эътиқодли; художўй, диндор. *Элдан бурун масжидларга кетаётган тақводорлардан бошқа кўчаларда ҳеч зог йўқ.* М. Осим, Ўтрор.

**2** Ҳаром-харишдан ҳазар қиладиган, ўзини сақлайдиган, тиядиган; пок. *Мулла Маҳмуднинг гапидан кейин баъзи тақводорроқ кам ерли деҳқонлар ҳам қўшимча сифатида бўлиб берилган тоқзордан воз кечишди.* С. Анорбоев, Оқсой.

**ТАҚВОДОРЛИК** Тақводорга хос иш, хислат; тақводор эканлик. *Бу амир муллалик ва тақводорлик билан донғи чиққан бир кимса эди.* С. Айний, Қуллар. *Йигит, хўжа оиласининг тақводорлигини, фуқарога қиз бериш у ёқда турсин, унинг совчисини ҳам остонадан ҳатлатмаслигини билар эди.* М. Исмоилий, Фарғона т. о.

**ТАҚДИМ** [а. تقديم — олға силжитиш; юқори лавозимга кўрсатиш, тавсия этиш; бир нарсани бирор кимсага бериш; бир кишини бошқа киши билан таништириш] Тавсия, таклиф. *Юқори идораларнинг тақдимига кўра ишга тайин этмоқ. ■ Жамоатчилик асосида ишлайдиган раис (оқсоқол) маслаҳатчилари ўртасидаги вазифалар тақсимоти, раиснинг тақдимига кўра, фуқароларнинг ийғини томонидан амалга оширилади.* Газетадан.

**Тақдим этмоқ (ёки қилмоқ)** 1) тавсия этмоқ, таклиф қилмоқ. *Элмурод ҳаммани мукофотга тақдим этганда, ўзини тушириб қолдирган эди.* Шухрат, Шинелли йиллар; 2) тортиқ, совға сифатида бермоқ, тортиқ (ҳадя) қилмоқ. *Муҳиддиннинг тақдим қилган совғаси Хосият ҳоланинг бошини кўкка етказди.* Р. Файзий, Чўлга баҳор келди. *..дарс вақтида мени хаёл суриб ўтирганимни расм-*

*га олибди.. Кейин расмни менга тақдим этди.* М. Қориев, Ойдин кечалар.

**ТАҚДИМНОМА** [тақдим + нома] Ёзма тақдим. *...жазонинг ҳали ўталмаган қисмини юмшоқроқ жазо билан алмаштириш тўғрисида.. судга тақдимнома топшириш ҳуқуқи берилсин.* Газетадан.

**ТАҚДИМОТ** [а. تقديمات — «тақдим» с. кўпл.] Бирор нарсани тантанали суратда кўпчиликка таништириш.

**ТАҚДИР** [а. تقدیر — ҳисоблаб чиқариш, ҳажмини белгилаш; эътироф этиш; фараз, эҳтимол; баҳолаш, қиймат] **1** *дин.* Олдиндан белгилаб қўйилган, пешонага битилган кўргилик; ёзмиш, қисмат. *Қора тақдир. Шум тақдир. ■ Нима қилардик, бандасининг қўлидан нима келарди.. тақдир.* М. Исмоилий, Фарғона т. о. *-У ҳам эмас, бу ҳам эмас, — деди [Кумуш], — ҳаммаси худонинг тақдири!* А. Қодирий, Ўтган кунлар. *Аҳмад Ҳусайн қулдан бадтар ожиз, забун, ҳамшиша тақдирга итваткор, гирт саводсиз бу деҳқоннинг мулоҳазаларига ҳайрон қолди.* Ойбек, Нур қидириб.

**Тақдир бўлиб** Тақдир юз бериб, насиб этиб, пешонада ёзилгани бўлиб. *Лайлонинг отаси ҳам, онаси ҳам менга ўрганиб қолишди.. тақдир бўлиб, Лайлонинг сингелиси Мастурага уйландим.* М. Қориев, Ойдин кечалар. **Тақдир қилмоқ (ёки этмоқ)** 1) насиб қилмоқ, насиб этмоқ, буюрмоқ. *-Худо тақдир қилган бўлса, бу ҳунарни ҳам топамиз, — деди эшон.* С. Айний, Дохунда; 2) муносиб баҳоламоқ, тақдирламоқ. *Ош ўхшалган эди. Биринчи ошамдаёқ, Маҳмуд Нигор оймни тақдир этди.* А. Қодирий, Меҳробдан чаён. **Тақдирга тан бермоқ** 1) *дин.* ўз қисматига, кўргиликларига худонинг иродаси, хоҳиши деб, рози бўлмоқ *Тўхта хола ўзини босиб, кўз ёшларини ютиб, тақдирга тан бериб тура қолди.* И. Раҳим, Чин муҳаббат; 2) умуман кўникмоқ; чидамоқ. *Ҳасратдан, ийғидан зериккан фуқаро тақдирга тан бергиси келмайди.* Ҳ. Шамс, Оқпадар.

**2** Келгуси ҳаёт; келажак, истиқбол. *Аввал Адолат ўз тақдиридан бошқа ҳеч нарсани ўйлай олмасди. Энди бўлса у ёлғиз ўз тақдирини эмас, ўзига ўхшаган юзлаб хотинқизларнинг тақдирини ўйлайди.* С. Зуннунова, Гулхан. *Аслида ҳаяжон билан қизларнинг оғзига кўз тикар, гўё ўзининг бундан кейинги*

тақдири уларнинг жавобига боғлиқдек, юраги така-пука эди. М. Хайруллаев, Тилла маржон.

3 Келгуси натижа, унинг нима бўлиши, қандай экани. Ҳосилнинг тақдири ана шу зовурларни ҳар йили, ҳеч бўлмаганда, йил ора тозалаб туришга боғлиқ. Газетадан. *Георгий Синявский отаси тузган лойиҳанинг тақдири нима бўлганини билиб беришни илтимос қилибди. «Ўзбекистон кўриқлари». Ҳошим аканинг мушоҳадаларига берилиб ўтурсам ҳам, лекин.. хаёлим бояги хатнинг тақдирида эди. Ў. Усмонов, Сирли соҳил.*

**ТАҚДИРДА** *боғл.* Шарт маъносини билдирди, шарт муносабатли гапларни боғлаш учун хизмат қилади. *Ҳаммаси эмас, бирон-таси рост бўлган тақдирда ҳам, мен бу гапларни сизга айтмас эдим. А. Қаҳҳор, Қўшчинор чироқлари. Агарда кўниб, хўп деса-ку хайр; кўнмаган тақдирда, бу хабарни Отабекка етказсак, зора шунинг билан кўнгли совиб тушса. А. Қодирий, Ўтган кунлар. Тирлик ҳужайра ташқи муҳит билан мунтазам алоқада бўлган тақдирдагина яшай олади. «Фан ва турмуш».*

**ТАҚДИРДОШ** Тақдири бир, бир хил тақдирга эга. *Мана донгдор пахтакор жувон, Рухсори гулми, қуёш? Кемираркан висолсиз хижрон, Сирқирадим тақдирдош. Зулфия, Юрак тўлқинлари.*

**ТАҚДИРЛАМОҚ** Муносиб баҳо, мукофот ва ш.к. билан нишонламоқ, қадрига етмоқ, қадрини қайд этмоқ. *Буюк хизматларини тақдирламоқ. ■ Бир кеч унинг бу фазилатларини тақдирлаган бўлиб, ресторанга таклиф этди. Шухрат, Жаннат қидирганлар. Ҳамид Олимжоннинг.. хизматларини тақдирлаб, унинг номи абадийлаштирилди. Н. Сафаров, Оловли излар.*

**ТАҚДИРНОМА** [тақдир + нома] Тақдирлаш ҳақидаги ҳужжат, тақдирлаш қоғози. *«Қибрай» дам олиш уйи Ўзбекистон курортлар бошқармасининг тақдирномасига сазовор бўлди. Ф. Исҳоқов, Роҳатижон. Экспонатлар орасида Ганиевнинг фронтдан ёзган хатлари, жанговар тақдирномалари, гувоҳномалари бор. Газетадан.*

**ТАҚИЛЛАМОҚ** «Тақ-тақ» этган товуш чиқармоқ, Эшик тақиллади. ■ Укўзини юмди дегунча, хаёлида қорабайир жавлон қилар, тақаларининг тошларга урилиб тақиллаши

қулоқларига эшитилаётгандай туюларди. Ҳ. Фулом, Машғал.

**ТОМОҒИ ТАҚИЛЛАМОҚ** қ. томоқ.

**ТАҚИЛМОҚ I** Тақмоқ ф.л. мажҳ. н. Кўкракка тақилладиган нишон.

**ТАҚИЛМОҚ II** I Тегинмоқ; тегмоқ. Эшикнинг қулф ва занжири бўлмай, юзига ёпиқ ҳолда турган бўлса ҳам, у [йигит] эшикка тақилмади, машаққатланиб, деворга минди. А. Қодирий, Ўтган кунлар.

2 Нутқда, гапда кимса ёки нарса ҳақида тўхтамоқ, гапириб ўтмоқ. *Маърузачи кўп масалаларга тақилмади.*

**ТАҚИМ** Оёқнинг тизза ости букиладиган жойи. *Унинг ўзи ҳам сочини иккита қилиб ўриб, тақимига тушириб юришни яхши кўрарди. П. Қодиоров, Эрк. Шу заҳоти тақимим, умуман, бутун баданим қичишаётганини пайқадим. Ҳ. Шайхов. Туташ оламлар. -Ия, Обиджон, — тиржайиб гапирди Қамбар, — мен ўйловдимки, улоқни тақимга босиб келасиз, бу ерда қозон осамиз деб, қуруқ томоша денг. Ойбек, Танланган асарлар.*

**ТАҚИМЛАМОҚ** От устида ўтирган ҳолда бирор нарсани (мас., улоқни) тақими остига босиб олмоқ. *Орият зўр нарса. Сен ҳам майдондасан. Улоқ отингнинг елкасида турибди, тақимла. И. Раҳим, Ихлос.*

**ТАҚИМОҚ** с. т. Айбни бировга ағдармоқ, тўнкамоқ, бировдан кўрмоқ. *Модомики шундоқ экан, рашик тўгрисида бировга айб тақиш қийин. А. Қаҳҳор, Қўшчинор чироқлари.*

**ТАҚИНЧОҚ** Узук, исирға, маржон каби тақиладиган зеб-зийнат буюмлари. *Сиз ўша — тақинчоқ, долларга банда, Вилладан дунёга ташлайсиз назар. Зулфия.*

**ТАҚИР I** от, геогр. Қаттиқ қатқалоқ билан қопланган ер. *Туя қувласа, шудгорга қоч, Илон қувласа — тақирга. ■ Қўм уюмлари орасида нуқул гилдан ҳосил бўлган майдонлар учрайди. Бундай жойлар тақир деб аталади. «Ўзбекистон географияси». Оқмаган дарёнинг номидир тақир. А. Орипов. Йиллар армони.*

2 сфт. Гиёҳ ўсмайдиган ёки деярли ўсмайдиган; яйдоқ, яланғоч. *Тўғри. олти-етти йил илғари бу жойлар — Қарши чўли тақир ердан фарқи йўқ эди. «Ўзбекистон кўриқлари».*

3 сфт. Ўт-ўлансиз, ўт-ўлани ердан кўринмайдиган (ўсмаган) даражада. *Қўнишдаги*

тақир ялангликда кунн билан тўйиб ўтлаган қўй-эчкилар кавш қайтариб ётибди. С. Анорбоев, Оқсой.

**4 сфт.** Сочи, жуни, туки йўқ; туксиз. .. баъзи ўртоқларнинг алдамчилигини кўрган-да, тақир даҳанимга соқол чиқиб кетишига оз қолди. «Муштум». Жамшид шундоқ дераза тагида, тақир гилам устида ухлаб қолди. Ш. Холмирзаев, Тоғларга қор тушди.

**5 сфт.** кўчма Ҳеч нарса тўшалмаган; яланғоч. Тақир ерда ухламоқ. ■ Йўлдош ака тақир шолчага, худди саккиз қават кўрпачага ўтиргандай, бамайлихотир ёстаниб олди. Ҳ. Назир, Васиат.

**6 рвш.** Сира, асло; мутлақо, бутунлай. Бу ишдан тақир хабарим йўқ. ■ [Нодира:] Уй анжомларим, кийимларим кўзимга тақир кўринмади. Ҳамза, Майсаранинг иши. - Кўз тикиб турган ерларимиз эски ариқданки сув ичолмайди, янги ариқдан тақир ичолмайди, яна азалигиди қақраб ётаверади, — деди Ҳасан сўфи. М. Исмоилий, Фарғона т. о. Мумкинми, айтгин ахир? Бу иш ярамас тақир. Қ. Муҳаммадий.

**7** Сира қолдирмасдан, тозалаб, қиртишлаб; тозаланган. Сочини тақир қирдирган бир киши сал жилмайиб қараб турарди. С. Анорбоев, Оқсой. У киши [бой] шўрвани пиширади, лекин мойини сузиб ичади, гўштини ейди, менга тақир суяк билан бир коса жирсиз сув келтиради. Ойбек, Танланган асарлар.

**8 шв.** Чала туғилган чақалоқнинг териси. **Тақирн чикмоқ** Ўт-ўлани ейилиб тугаб бўлган. Мол оралаб кетган анғизларнинг аллақачон тақирн чиққан. Н. Қобил, Унутилган соҳиллар.

**ТАҚИРЛАМОҚ** айн. тақилламоқ. Эшик тақирлади. Узоқдан араванинг тақирлаган овози эшитилди.

**ТАҚИРЛИК** Тақир жой, майдон. Шу куннйёқ узоқ-яқиндаги чўпонлар тақирликдаги қудуқ ёнига.. одамлар келиб туришганини эшитишди. Мирмуҳсин, Меъмор.

**ТАҚИР-ТУҚУР** **1 тақл.** с. «Тақир» ва шунга яқин товушларни билдиради. [Устaxonада] Болғаларнинг тақир-туқури, ишчиларнинг шўх қаҳқаҳалари баралла эшитилиб турибди. Ш. Умурзоқова, Баҳорни қутлаб. Эъзозхон.. ўй билан ўтирганда, йўлдан мактабга бурилган арава гилдиракларининг тақир-туқури эшитилди. Ҳ. Фулом, Машғал. Қўлоғига тунука томнинг бир меъёрда та-

қир-туқур қила бошлагани эшитилди. И. Раҳим, Зангори кема капитани.

**2** Қақир-кукур, лаш-луш(лар). Ҳар ерда синиқ-миниқ идишлар, тақир-туқурлар, ҳар хил жиҳозлар айқаш-уйқаш бўлиб ётарди. Ойбек, Куёш қораймас.

**ТАҚИЯ** қ. тақя.

**ТАҚИҚ** [а. تعقيق — узиш, тўхтатиш; кулоқ солмаслик, бўйсунмаслик] Ман, қатағон. Ислом дини санъатни ўзига хизмат қилдириш билан бир қаторда рассомлик, мусиқа ва қўшиқ санъатига муайян таққиқлар киритди. «Фан ва турмуш».

**Тақиқ қилмоқ** (ёки этмоқ) Тақиқламоқ. Тақиқ қилинган қўшиқларни айтмоқ. Бесўроқ кириш тақиқ этилган.

**ТАҚИҚЛАМОҚ** Ман этмоқ, қатағон қилмоқ, тақиқ қилмоқ. Чекишни тақиқламоқ. ■ Бизда йўқ чегара, дину ирқу ранг — Ақл тақиқлаган барча жаҳолат. Ғ. Фулом. Менга зов бошига боришимни тақиқлаб қўйишганди уйдагилар. Ш. Холмирзаев, Йўллар, йўлдошлар.

**ТАҚИҚЧИЛИК** с. т. Тақиқ иши. - Нодон бир кимса тепамда тақиқчилик қилиб турса, билмадим, бу ёғи қандоқ бўлар экан? — деб қўлларини уйнатиб шикоят қилди қори. П. Турсун, Ўқитувчи.

**ТАҚЛИД** [а. تقلید — ваколат бериш; (амалга) тайинлаш; ўхшатиш] **1** Шахс ёки нарсанинг овози, хатти-ҳаракати ва ш.к. ни иложи борича аниқлик билан, ўзидай қилиб айтиш, бажариш; ўхшатма овоз, ҳаракат қилиш. Шодон аскиялар, пайров ва тақлид Даврани порлатар мисоли чироқ. А. Исроилов. Минг йилдирким, булбул каломи Ўзгармайди, яхлит ҳамшиша. Аммо шўрлик тўтининг ҳоли Ўзгаларга тақлид ҳамшиша. А. Орипов, Йиллар армони.

**2** Ижод, фаолиятда ўзгаларга эргашиш, ўзгалар намунаси асосида иш олиб бориш. Тақлид эса, аксинча, бошқа ёзувчига кўркўрона эргашиш, унда тасвирланган ҳаёт лавҳаларини «ўзлаштириб», механик суратда кўчиришга олиб келади.. Ғ. Саломов, Таржима назариясига кириш.

**Тақлид қилмоқ** (ёки этмоқ) **1)** ўхшатма овоз, ҳаракат ва ш.к. ни бажармоқ, қилмоқ. Уқшилоқ корчалонлари ва боёнларининг юриш-туришларини, қилиқларини жуда дўндириб тақлид қилади. Ҳ. Шамс, Душман. Фрицларнинг одатлари, юриш-туришларини артист-

лардек ҳаракатлар билан жонли тақлид этиб, масхара қилар эди. Ойбек, Қуёш қораймас; 2) фаолият, ижод ва ш.к. да ўзгаларга эргашмоқ, тақлидан иш олиб бормоқ, ҳаракат қилмоқ. *Ёмонни танқид қилади, яхшига тақлид қилади. Мақол.* ■ *Бола тақлидчи бўлади, у.. ўз отасига тақлид қилишга ҳаракат қилади. С. Зуннунова, Янги директор.*

**Тақлид сўз ёки тақлидий сўз т.ш.** Турли товуш ёки образларга тақлидни билдирувчи сўзлар. *Мас., тақ, гуп, шарақ-шуруқ, лип-лип, ялт-ялт ва б.*

**ТАҚЛИДАН** Ўзгага ўхшаб ёки ўхшатиб, тақлид қилиб, тақлид тарзида. *Бу одам аввал уятчан қизларга тақлидан ноз қилиб, кейин ҳалиги беқасам тўн кийган жувонга тақлидан ўйинга тушиб, ҳаммани кулдирди. А. Қаҳҳор, Кўшчинор чироқлари. Хўжабековдан сўнг Саидғози сўз олди. У ҳар вақтдагидек кўримсиз жуссасини раисга тақлидан тиктирган кулранг кителига яширган эди. А. Анорбоев, Оқсой.*

**ТАҚЛИДИЙ** Тақлид билан бўлган, тақлид нағижасида юзага келган. *Тақлидий шеър. Тақлидий сўз.*

**ТАҚЛИДЧИ** Ўзгаларга тақлид қилувчи, тақлид йўлидан борувчи. *Тақлидчи шоир.* ■ *Бола тақлидчи бўлади.. С. Зуннунова, Янги директор.*

**ТАҚЛИДЧИЛИК** Ўзгаларга тақлид қилиш; тақлидий йўл (мас., ижодда). *Бу «модернизм», «тақлидчилик» касалидир, уни даволаш керак. «Муштум».*

**ТАҚМАГУЛ** бот. Сертикан, гули майда ёввойи атиргул; жингул.

**ТАҚМОҚ 1** Безак буюмлари, медаль, қурол ва ш.к. ни тананинг (кийимнинг) бирор жойига ўтказиб, осиб ёки боғлаб ўрнатмоқ. *Бармоққа узук тақмоқ. Кукракка медаль тақмоқ. Кулоққа исирга тақмоқ. Бўйинга маржон тақмоқ. Белга қилич тақмоқ. Сочга лента тақмоқ.* ■ *Гунафшалар очилди, чакканга тақ, чакканга; Атир ҳиди сочилди, Чакканга тақ, чакканга. З. Диёр. Тўғридаги деворга Охунбобоевнинг чақмоқ теллак кийиб, кўкрагига қизил лента тақиб тушган сурати ёпиштирилган. С. Аҳмад, Ҳукм.*

**2** Тўғнамоқ, чатмоқ. *Кўйлакка тугма тақмоқ. Белбоққа мунчоқ тақмоқ.*

**3** Тешигидан ўтказиб қўймоқ, ўтказмоқ. *Кеча сутдек ойдин. Игнага ип тақса бўлади-ган. Ойдин, Кўнгли тўлдими, яхши йигит.*

**4** Умуман, бир нарсани бошқа нарсага маҳкамламоқ. *Олимов таёқлар тепасига чиллакдай айрилар боғлаб, уларга қизил қоғоздан варрак қулоғидай шокилалар тақиб қўйди. Х. Назир, Сўнмас чақмоқлар.*

**5 қ. тақимок.** *Ўз айбингни бировга тақма. ■ Айтдингиз, айтдингиз, нега тонасиз? Мен сизга айб тақётганим йўқ-ку! А. Қаҳҳор, Мунофиқ. Бу битта одамнинг [Раҳмонқулонинг] одати. Уни сен коллективга тақма.. А. Мухтор, Чинор.*

**ТАҚОВУЛ** [а. تاقابل — бир-бирига юзмаюз. қарама-қарши бўлиш, туриш; таққосланиш, қиёсланиш] с. т. Ўзаро мос, муқобил. *Ҳури билан иккови унга от ҳам қўйиб қўйишган: ўғил туғилса, Элбекка тақовул — Шербек, қиз туғилса, Ҳурига тақовул — Нури қўйишади. С. Анорбоев, Оқсой.*

**ТАҚОЗО** [а. تقاضاء — вақтнинг ўтиши, тугалланиш; судланиш; хоҳлаш, қатъий талаб (этиш)] Бирор ҳолатдан, вазиятдан келиб чиқадиган талаб. *Замон тақозоси. Ҳаёт тақозоси.* ■ *Тақдир тақозоси билан Акмал шаҳарда яшаб қолди. М. Ҳазратқулов, Журъат. Козим энди хизмат тақозоси билан Ширинбулоқдаги баъзи ишларни адолат қилгани кетяпти. Э. Усмонов, Ёлқин.*

**Тақозо қилмоқ (ёки этмоқ)** Шундай бўлишини талаб қилмоқ, кўрсатмоқ. *..Меъмор ҳозирги ёшларнинг эҳтиёткор ва пухталигини кўриб таажжубланар, замон шуни тақозо қилаётир, деб ўйларди. Мирмуҳсин, Меъмор. ..Абдурахмонни топиб айт, бор одамларни шаҳардан тезда кўчирсин, фурсат чекинишни тақозо этади. С. Кароматов, Бир томчи қон.*

**ТАҚРИБАН** [а. تقریباً — ҳақиқатга яқинроқ; тахминан, қарийб] Тақрибий равишда, тахминан. *Масалани тақрибан ҳал қилмоқ. Тақрибан ҳисобламоқ.*

**ТАҚРИБИЙ** Жуда ҳам аниқ эмас, лекин ҳақиқий қийматга энг яқин. *Тақрибий сон. Тақрибий ҳисоблашлар.*

**ТАҚРИЗ** [а. تقریظ — рецензия ёзиш; бирор китоб (асарни) мақтаб ёзиш] Илмий, бадиий ва б. турдаги асарга танқидий нуқтаи назардан берилган ёзма баҳо, таҳлил. *Саидий бунга катта бир тақриз ёзиб, Улфатни пролетар мафкурасини ўзлаштириб етмаганликда айблади. А. Қаҳҳор. Сароб. Икки ил ўтгач, унинг асарлари тақризларда, адабий-танқидий мақолаларда тилга олинди-*

ган бўлди. О. Мўминов, Хиёбондаги уч учрашув.

**ТАҚРИЗЧИ** Тақриз ёзган ёки ёзадиган шахс; тақриз муаллифи. *Санжар Сиддиқов.. тарихчи, публицист, таржимон, тақризчи, санъатшунос, педагог эди. Х. Ёдгоров, Ҳаёт тўлкинлари.*

**ТАҚРИЗЧИЛИК** Тақриз иши. У [Аъзам Аюпов] тақризчиликнинг ҳамма турларида икки юзга яқин катта, кичик мақолалар ёзди. Х. Ёдгоров, Боқий умр.

**ТАҚРИР** [а. تقرر — қарор қилиш; қарор бериш; маъруза, ҳисобот; билдириш, хабар бериш] эск. кт. 1 Хат, мактуб, нома; ёзма асар. *Аммо бу тақрирни.. муайян қатли ом соати етмагунча.. пўшида [яширин] тугилмоғи маъқулдир. А. Қодирий, Ўтган кунлар.*

2 Ёзма таҳлил; илмий текшириш.

**Тақрир бўлмоқ** Ёзилмоқ, ёзма ҳолда яратилмоқ. *Навоий ҳар асарким қилса тақрир, Бўлибдур Андижон лафзида тақрир. Ҳабибий. Тақрир қилмоқ (ёки этмоқ) 1) ёзмоқ, хат ёзмоқ; мактуб юбормоқ. Муштум почча! Тушимни сизга тақрир қилиб.. таъбир айтиб беришингизни сўрайман. «Муштум»; 2) фойдазиёни ҳақида мулоҳаза юритмоқ, ўйлаб кўрмоқ; таҳлил қилмоқ. Азизим, ростгўй, бир сўз-ли бўл, ёлғонни касб этма, Киши тақрир этарда чин-чину афсона-афсона. Ҳабибий; 3) муносиб кўрмоқ, лойиқ деб билмоқ, қисмати, тақдири деб белгиламоқ. Чўриликни мулалар сенга қилдилар тақрир, Кел, бугун бу захминга маърифатни дармон қил. Ҳамза.*

**ТАҚСИМ** [а. تقسيم — қисмларга ажратиш, бўлиш; авраш; ёлвориб сўраш] 1 Қисмга, улушга бўлиш; бўлиш. *Иш тақсими. Даромад тақсими. ■ Қазув тақсими бой учун ҳам, камбағал деҳқон учун ҳам баравар бўлиб, минг таноб ери борга ҳам, чорак таноб ери борга ҳам бир эди. Ж. Шарипов, Хоразм.*

2 кам қўлл. Бўлинган қисм; улуш. *Экканда, тикканда ғойиб Ҳошимбой хирмонда ҳозир бўлар, ҳосиннинг учдан икки тақсимини ўзига оларди. Н. Сафаров, Оловли излар.*

3 эск. мат. Бўлиш амали, бўлиш. *Уч тақсим олти (2/3) икки бўлади.*

**Тақсим сон тли.** Бўлак, улуш ифодалайдиган сон. Мас., *бештадан, учтадан. Тақсим қилмоқ (ёки этмоқ, айламоқ) 1) қисмларга, улушларга бўлмоқ, ажратмоқ; ҳар жойга, ҳар кимга ўз улушини, тегишини ажра-*

*тиб бермоқ. Шундан сўнг улар ўртасида иш тақсим қилинди. Ойбек, Танланган асарлар.. боя жўякларга чим босиб, сув тақсим қилаётганда, кийимлари шилта бўлиб кетса ҳам, бир оғиз индамади. О. Ёкубов, Эр бошига иш тушса. Аслида тупроқни одил табиат Тақсим айлаган-ку ер юзига тенг. А. Орипов, Юртим шамоли; 2) мат. бўлиш амалини бажармоқ, бўлмоқ. Берилган сонни бешга тақсим қилмоқ.*

**ТАҚСИМЛАГИЧ** тех. Машина, механизм, мотор ва ш.к. да газ, буг, электр энергияси ва б. нинг юришини, оқишини тартибга соладиган қисм, мослама. *..Ўзбекистондан юборилган ишчилик тақсимлагичлар ва включателлар ишлаб турибди. Газетадан.*

**ТАҚСИМЛАМОҚ 1** Тақсим қилмоқ. *Даромадни тақсимламоқ. Кадрларни тақсимламоқ. Совғалар болаларга тақсимлаб берилди. ■ Осон ишда лаззат бўлмайди, Адолат. Кундузи билан ер тақсимлаймиз. Кечаси қарор ёзилади. С. Зуннунова, Гулхан. Мавлон ака нонушта устида бугун қилинадиган ишларни оила аъзолари ўртасида тақсимлади. Ҳ. Ғуллом, Машғал. Элмурод.. вазодларни тақсимлаб, тезда оқоп қозишга буюрди. Шухрат, Шинелли йиллар.*

2 эск. мат. Бўлиш амалини бажармоқ, бўлмоқ. *Мингни бешга тақсимламоқ.*

**ТАҚСИМОТ** [а. تقسيمات — «тақсим» с. кўпл.] Бўлак ва улушларга ажратиш, тақсим иши; тақсимлаш, бўлиш. *Даромад тақсимоти. Меҳнат тақсимоти. Тақсимот механизми. ■ Уқишни битирганимдан сўнг, тақсимот бўйича юборишганди. О. Мўминов, Хиёбондаги уч учрашув. Назар сув тақсимоти ҳақида бош қотириб ўтирарди. Э. Усмонов, Ёлқин. Тақсимот комиссияси Комилжонга районга.. йўлланма берганини эшитиб, онанинг фиғони фалакка чиқди. Д. Нурий, Осмон устуни.*

**ТАҚСИМЧА** Ясси, юза идиш; ликоп. *Ўчоқбошидан бир тақсимчада қовурилган жигар билан майда тўғралган пиёз юборишди. С. Нуров, Майсаларни аёз урмайди. Нозикхон иккита чуқур тақсимчада норинни уйиб олиб кирганда, сўхбат бўлинди. С. Юнусов, Кутилмаган хахина.*

**ТАҚСИР** [а. تقصير — қисқартириш, камайтириш; камчилик; суеткашлик, бепарволик] эск. Амалдорларга, бой ва мулаларга ҳурмат билан мурожаат шакли. [Мулла-

дўст:] Тақсирим, бизнинг тожи давлатимиз жанобингиз-да. Ҳамза, Майсаранинг иши. -Гапингиз нукул ҳақиқат, тақсир, — деди Олчинбек.. К. Яшин, Ҳамза.

**ТАҚ-ТУҚ** «Тақ» ва шунга яқин товуш(лар)ни билдиради *Тақ-туқ қилиб ишламоқ. Фидиракларнинг тақ-туқи.* ■ *Салтанат.. пошнаси баланд туфлиси билан полни тақ-туқ босиб, давранинг ўртасига чиқди.* О. Ёқубов, Бир фельетон қиссаси.

**ТАҚЧИЛ** Кам бўладиган, кам топиладиган, етишмайдиган; камёб, камчил. *Тақчил мол. Тақчил хомашё.* ■ *Шу иншоотларни ишга тушириш.. сув тақчил ерларни сув билан таъминлашни анча яхшилашга.. имкон беради.* Газетадан.

**ТАҚЧИЛЛИК** 1 Етишмаслик ҳолати, тақчил ҳол. *Ёғоч, тахта тақчиллиги.* ■ *Республикамиз суғорма деҳқончилигида маълум даражада сув тақчиллиги сезилиб туради.* «Фан ва турмуш».

2 *иқт.* Илгари белгиланган, режалаштирилган ёки зарур даражадаги маблағ, ресурс, товарларнинг етишмаслиги, танқислиги; дефицит. *Товарлар тақчиллиги. Бюджет тақчиллиги.*

**ТАҚЯ** [a. طاقية — эҳтиёткорлик; яшириш, бекитиш] эск. Сидирға матодан тайёрланган гулсиз дўппи. *Шоирнинг бошида учли кўк тақяга силлиқ ўралган кўркамагина сала.* Ойбек, Навоий. *Бир оздан кейин эс-ҳушини йиғиб олиб, оёқ товуши келаётган томонга қаради ва эркак киши эканини билиб, тақя устидан ўралган кичкина шол рўмолини юзига тортиди.* Ойдин, Сухбати жонон.

**ТАҚҚА** Баъзи нарса, ҳаракат ва ш.к. нинг бирдан, бутунлай, батамом юз беришини кучайтириб, таъкид билан билдиради. *Отлар кўприк олдида таққа тўхтади. Ариқда сув таққа тўхтади. Оғриқ таққа тўхтади.* ■ *Алимардон тормозни таққа босди.* Ў. Ҳошимов, Қалбингга қулоқ сол. *Бойваччанинг вазоҳатини кўрган хизматкорлар турган жойларида таққа қотиб қолишди.* К. Яшин, Ҳамза. *Ёмғир ёга бошласа, иш таққа тўхтади.* Ҳ. Фулом, Феруза. *..осмондан сўнги томчилар тушиб бўлиб, чақмоқ ҳам таққа тўхтади.* Ҳ. Назир, Сўнмас чақмоқлар.

**ТАҚҚОС** [a. تقاس — кўз билан ўлчаш, чамалаш; қиёслаш, чоғиштириш] Ўзаро солиштириш, чоғиштириш; қиёс. *Гул дея атаб-*

*сан севган ёрингни. Гузал туюлгандир сенга бу таққос.* Уйғун.

**ТАҚҚОС ҚИЛМОҚ** Бир-бирига қиёс қилмоқ, солиштирмоқ, таққосламоқ. *Бу ўзгаришларни бирор нарсага таққос қилиш қийин. Эллалар, юртлар, одамлар ўзгарди.* Н. Сафаров, Оловли излар.

**ТАҚҚОСЛАМОҚ** Қиёсламоқ, солиштирмоқ, чоғиштирмоқ. *Фактларни таққослаб кўрмоқ. Таққослаб бўлмайдиган юксак суръатлар.* ■ *У.. тор йўлининг ҳар икки томонидаги гўзаларни таққослади.* Ойбек, О. в. шабадалар. *У ўзича ҳар икки қишлоқни бир-бирига таққослаб кўрди.* Р. Файзий, Чўлга баҳор келди. *Олтмиш йил оламни қилиб томоша, Нимани кўрибман — таққослаб ёздим.* Шукрулло, Жавоҳирлар санлиғи.

**ТАҒАЙЮР** [a. تغیر — ўзгариш, бошқа тусга кириш; ўзгарувчанлик] эск. кт. Ўзгариш, тусини ўзгартиш, ўзга тусга кириш. *-Ҳолингизда тағайюр кўраман, ўтиринг, — жой кўрсатди Соҳиб Доро.* Ойбек, Навоий.

**ТАҒИ** с. т. Тагин, яна. *Шомуроднинг ачиги келиб, Чандана чолга тағи бир сўз айтиб турган экан.* «Ёдгор». *Қизил гул очилар гунчадан-гунча, Тоқатим йўқ тағи гул очилгунча.* «Равшан».

**ТАҒИН** рвш 1 Бунинг устига, бундан ташқари, устига-устақ; яна, Тагин бир-икки киши сапириб, янги раҳбардан мамнун эканликларини изҳор этишди. Н. Аминов, Суварак. *Ферузнинг имоси билан тагин уч-тўрт сипоҳи унга шукрона келтирди.* С. Сиёев, Ёруғлик. *Ундан кейин тагин бир йиғилишга боришга тўғри келади.* Ў. Ҳошимов, Қалбингга қулоқ сол.

2 Такрор марта; қайтадан, яна. *Бир пайт бурчакдан, охур томондан тагин шитирлаш эшитилди.* Ш. Холмирзаев, Йўллар, йўлдошлар. *Ўртада тагин сўзсизлик, ўнғайсизлик бошланди.* А. Қодирий, Ўтган кунлар.

3 юкл. взф. Таъкид, ҳадиксираш каби маъноларни билдиради. *«Тагин Тошкентдек азим шаҳарда танноз қизлардан биронтасига кўнгил бериб қўйган бўлмасин», деган ваҳима босди.* Р. Файзий, Чўлга баҳор келди. *Мен сени шаштингдан қайтариб қўйган бўлмай тагин..* А. Мухтор, Опа-сингиллар.

**ТАҒОЙИ** эск. кт. айн. тоға. Алишернинг тағойилари Ҳусайн Бойқаро ҳазратларининг яқин одамлари бўлганлар. Ойбек, Навоий.



**ТАҒОФИЛ** [а. تغافل — ўзини эътиборсиз, бепарво, беғамликка солиш; билиб билмасликка олиш] *кт.* Кўриб кўрмасликка, билиб билмасликка олиш; гофиллик. *Бир табассум бирла сайд этдинг кўнгилини аввало, Охири нозу тағофил бўлди иш, эй дилрабо. Ҳабибий.*

**Ўзини тағофилга солмоқ** Кўриб кўрмасликка, билиб билмасликка олмоқ. *Гарчи муддао кун каби ошкора бўлган бўлса ҳам, нима учундир қутидор яна ўзини тағофилга солиб сўради. А. Қодирий, Ўтган кунлар.*

**ТАҲАЙЮР** [а. تحير — ҳайрон бўлиш, тонг (қойил) қолиш; хижолат бўлиш; довлдираш] *эск. кт.* Жуда ҳам ҳайрон бўлиш, нима қилишни, нима дейишни билмай қолиш; ҳайронлик, ҳайрат. *Бу сўзни эшитиши билан чол таажжуб ва таҳайюрда қоладир. А. Қодирий, Кичик асарлар.*

**ТАҲАММУЛ** [а. تحمّل — зиммасига олиш; бошдан кечириш; тоқат, сабр, чидам; тўзим] *эск. кт.* Қийинчиликка бардош бериш; чидаш; чидам, сабр, тоқат. *Ҳар қандай ташқи душман унинг [Хусайн Бойқаронинг] ерига босиб кирса, ҳар қандай бек исён кўтарса, у қайғурмас, ёлғиз ғазабланир, ҳам таҳаммул ва сабот билан сафар чораларини кўрар эди. Ойбек, Навоий.*

**Таҳаммул қилмоқ** (ёки **этмоқ**) 1) бардош бермоқ, чидамоқ, сабр-тоқат қилмоқ; сабр-тоқат билан кутмоқ. *Бек.. яна ярим соатга таҳаммул қилсангиз, ошни еб, йўлга тушасиз. А. Қодирий, Ўтган кунлар;* 2) кифояланмоқ. *Тудша иштаҳа бўлмай, қовун билангина таҳаммул қилганларидан, қорин оч, бунинг устига-устак, жазирама офтоб. И. Қаландаров, Шохидамас, баргида.*

**ТАҲ-БАТАҲ** [ф. تهته — остма-ост; қаватма-қават] *кам қўлл. айн. қатма-қат.* Кўнгилини гунча янглиғ таҳ-батаҳ қон айладинг кетдинг. Муқимий. *Ой, юлдузлар таҳ-батаҳ, Ёйилганда оқиомги салқин.. Р. Бекниёз, Мовий тўлқинлар.*

**ТАҲДИД** [а. تهديد — дўқ қилиш, кўрқитиш] *кт.* 1 Кўрқитув, дўқ, пўписа. *Гулнорнинг заҳарланганини Мирзакаримбой ва ўғиллари қатъиян рад қилиб, маъсума қурбоннинг ота-оналарининг тилларини дўқ, таҳдид билан муҳрлашга тиришдилар. Ойбек, Танланган асарлар. Нусратилла меҳмоннинг кўзига қараб туриб, таҳдид билан айтди: -Чиқиб кетинг! А. Мухтор, Опа-сингиллар.*

**Таҳдид қилмоқ** Таҳдидли хатти-ҳаракат қилмоқ, дўқ-пўписа қилмоқ. *У Ҳамидани чақириб олиб, Ҳайдарга таёқ билан таҳдид қилиб қўйди. М. Осим, Тилсиз гувоҳ. -Йўқол, кўзимга кўринма! — бек овозини кўтариб таҳдид қилди. Ҳ. Гулом, Машғал.*

2 Бирор фалокатнинг, кўрқинчли воқеанинг содир бўлиш хавфи; хатар, хавф. *Таҳдид солмоқ. ■ Биламан, ҳаётим таҳдид, хатарда. У. Кўчқоров. Бу пунктда барқарор бўлган армия кучлари душманнинг сўл қанотини катта таҳдид остида қолдирганди. Ойбек, Қуёш қораймас.*

**ТАҲДИДЛИ** Таҳдил солувчи, кўрқинчли, хавфли; таҳдид ифодаловчи. *Замира бошини кўтариб, унинг кўзидаги заҳарли олов бугун жуда таҳдидли эканини кўрди. П. Қодиров, Уч илдиз. Баширжон қоғоздан кўз узиб, чолга таҳдидли тикилди. Н. Аминов, Ёлғончи фаришталар.*

**ТАҲЛИКА** [а. تحلکه — ҳалокат, ўлим; йўқ бўлиш, завол] Бирор фалокат, ҳалокат, бахтсиз ҳодисанинг содир бўлиш хавфи туғилган ташвишли ҳолат, шундан кўрқиш (чўчиш) ҳисси. *Сел таҳликаси эсон-омон ўтди. ■ Аҳмад Хусайинни кўриш биланоқ ҳаргал кўрқув ва таҳликани унутса-да, юрагининг бир чеккаси ҳаминша ғаш бўлар эди. Ойбек, Нур қилириб. Беш кунлигим борми, йўқми, уни таҳлика остига қўйиб нима қиламан. С. Кароматов, Сўнгги бархан. ..бояги таҳлика хаёлидан узоқлашиб, қалбида илиқ туйғулар уйғонди. П. Қодиров, Бобур.*

**ТАҲЛИКАЛИ** Бирор фалокат, ҳалокат, бахтсиз ҳодисанинг юз бериш эҳтимоли, хавфи бўлган, таҳликага солувчи, хавфли. *Таҳликали кунлар ўтиб, қиз ўзига келди-ю.. гул япроғидек юзининг чўтир бўлганини пайқаб, яна ўзини йўқотди. С. Шамсиева, Шифокор. Андижон кўчалари таҳликали бир сукутга чўмган. П. Қодиров, Юлдузли тунлар.*

**ТАҲЛИЛ** [а. تحليل — тарқалиш, (куртак) ёзиш; текшириш, суриштириш; ҳал қилиш, очиш] 1 Нарса, ҳодиса ва ш.к. ларни моҳият, қонуният ва б. жиҳатлардан текшириш, ўрганиш иши. *Илмий таҳлил. Эстетик таҳлил. ■ Фан учун тажриба ва фараз, қиёс ва таҳлил жуда зарур. А. Раҳмонов, Ҳурмат-эҳтиром. Адабий танқид эса илмий тадқиқот ва таҳлил йўли билан яратган янги-*

ликларини ўзи жорий қилади. У. Норматов, Талант тарбияси.

**2** Бирор нарса, маълумот ва ш.к. ни маълум нуқтага назардан ўрганиш, баҳолаш. *Эртаси кун чўлни яна қадамлаш бошланди. Яна ўлчаш, суратга олиш, таҳлилларни дафтарга кўчириш давом этди.* Р. Ўроқов, Қарши чўлида. *Менимча, бу тўғрида [мактуб ҳақида] ҳеч қандай таҳлилнинг лозими бўлмаса керак.* Чунки бунинг аҳамияти ҳаммамизга маълум. Н. Сафаров, Танланган асарлар.

**3** Бирор нарсанинг таркибини белгилаш ва унинг моҳиятини тадқиқ этиш. *Кимёвий таҳлил. Лингвистик таҳлил. Сўзнинг морфем таҳлили. Синтактик таҳлил.*

**Таҳлил қилмоқ (ёки этмоқ)** Таҳлил ишини бажармоқ, таҳлилий иш ўтказмоқ (**таҳлил** ҳар учала маъносида). *Нотиқ ўз сўзининг асосий қисмини юбилярнинг ижодий-илмий фаолиятини чуқур таҳлил қилишга бағишлади.* «ЎТА». Аммо мана шу зиддиятларни чуқурроқ таҳлил қилишга ҳали халқнинг онги етмасди. К. Яшин, Ҳамза. *Ишларни таҳлил қилиб, керакли ташкилотларга қўнғироқ қилди.* С. Нуоров, Нарвон. *Сўзни синтактик таҳлил қилганда, синтактик ҳодисалар, синтактик бирликлар, уларнинг типлари, ифода материали ва шу кабилар белгиланади.* «ЎТА».

**4 дин.** Дафн маросими олдидан марҳум тепасида давра олиб, тиловат қилиш.

**ТАҲОРАТ** [а. طهارة — тозалик, поклик, ювиниб тоза бўлганлик; ҳожатдан сўнг сув билан тозаланиш] *дин.* Ибодат қилиш, намоз ўқиш, қуръон тиловат қилиш олдидан бет, қўл, оёқ ва б. аъзоларни ювиш, покланиш, шундай покланган ҳолат. *Таҳорат қилмоқ (олмоқ).* ■ Сўфи азонни айтди, гарчанд таҳоратим бўлмаса ҳам, кириб жамоат билан намоз ўқидим. Ф. Фулом, Шум бола. *Эшон ая ичкарига ўрин солиб, обрез олдига обдастада таҳорат суви қўйиб, меҳмонхонага чиқди.* С. Аҳмад, Хукм. *Ҳозир таҳорат олдим. Намози жумани ўқиб олай.* С. Аҳмад, Хукм.

**Таҳорат ушатмоқ (ёки синдирмоқ)** Ёзилмоқ, бўшалмоқ; ҳожатга бормоқ. *Меҳмонлар ўринларидан туриб, увушган оёқларини уқалаб, керишиб, ким қўл ювишга, ким таҳорат ушатишга тарқалди.* Ойбек, Танланган асарлар.

**ТАҲОРАТХОНА** [таҳорат + хона] **1** Таҳорат олиш, ювиниб покланиш учун мосланган махсус хона. *Масжид таҳоратхонаси.*

**2 с. т.** Ҳожатхона, халохона. *Никоҳ-никоҳда, ош-ошда қолиб, куёвни қидириб кетганлар. Ниҳоят, ярим кечада ҳаммомнинг таҳоратхонаси ёнидаги бир оғилнинг охуридан қонига белашиб ётгани ҳолда топганлар.* А. Қодирий, Ўтган кунлар.

**ТАҲРИР** [а. تحرير — озод қилиш: тузатиш, муҳаррирлик қилиш; ёзиш, асар ёзиш] **1** Ёзма ишни, асарни тузатишлар киритиб яхшилаш, тузатиш. *Мақола таҳрирга берилди. Асар таҳрирдан чиқди. Китоб профессорнинг таҳрири остида босилди.* ■ Тупламдаги.. айрим мақолалар таҳрирга муҳтож. Ф. Абдуллаев, Икки хил ёрдам.

**Таҳрир қилмоқ** Таҳрирдан ўтказмоқ. *Замира оқшомлари Очил билан бирга ишлашни, у ёзган, таҳрир қилган нарсаларни оққа кўчиришни тасаввур этиб, юраги гурсиллаб ура бошлади.* П. Қодиров, Уч илдиш. *Саидий ҳикояни бир ҳафтада тамом қилиб, Илҳомга кўргани берган эди, икки кундан сўнг уни Аббосхоннинг қўлида таҳрир қилинган ҳолда кўрди.* А. Қаҳҳор, Сароб. **Таҳрир ҳайъати** Китоб, журнал, газета ва ш.к. нинг наشريни тайёрловчи, унга илмий-методик раҳбарлик қилувчи кишилар гуруҳи. *Луғатнинг таҳрир ҳайъати аъзолари.*

**2 эск.** Ёзиш, ижод қилиш. *«Нуқта лаб устида бежодур», дедим, айди қулиб: «Саҳв қилмиш котиби қудрат магар таҳрирда.»* Фурқат. *Аризани шу мажлисда, мулла Абдураҳмон ҳузурида ёзилиши мувофиқ кўрилиб, муфти таҳрирга ўтирди.* А. Қодирий, Мехробдан чаён.

**ТАҲРИРИЙ** Таҳрирга оид. *Таҳририй иш. Таҳририй тузатиш. Таҳририй хато.*

**ТАҲРИРИЯТ** [а. تحريريت] Нашриёт органларининг нашр ишларини олиб бориш, қўлёзма матнларини ишлаб, нашрга тайёрлаб бериш ва нашр жараёнида терилган матнларнинг тўғри-нотўғрилигини текшириш ишларини амалга оширадиган бўлими ва шундай бўлим ходимлари. *Саксонни қоралаб қолган бу инсонни, таҳририятдаги хонамга кириб келганларида, дастлаб танимадим.* Газетадан.

**ТАҲРИРЧИ** с. т. Таҳрир қилувчи, таҳрир ишларини бажарувчи; муҳаррир; мусаҳҳих.

**ТАҲСИЛ** [*а. تحصيل* – эга бўлиш, эгаллаш; йиғиш, тўплаш; ҳосил қилиш, ўрганиш (илмни)] **I** Ўқиш, билим олиш. [Абдишукур] *Таҳсилни чала қолдириб, мадрасадан чиқди. Таҳсил учун Истамбул ёки Мисрга жўнаш орзуси маблағ йўқлигидан амалга ошмади.* Ойбек, Танланган асарлар. Аммо мадрасаларда дунёвий илмлардан таҳсил бермасак, хароб бўлғаймиз. С. Сиёев, Аваз.

**2** Ўқиш мавсуми, дарс-машғулотлар даври. *Таҳсил бошланиши билан ҳар бир тўда муллаваччалар патнис ясаб.. домлаларнинг олдига олиб кирар.. эдилар.* М. Муҳаммаджонов, Турмуш уринишлари.

**Таҳсил қилмоқ (ёки этмоқ)** Мутолаа қилмоқ, мустақил равишда ўқимоқ, ўрганмоқ; билим олмоқ. *Искандаро бир неча йил мактабда қуръон таҳсил қилиб, ўқиш-ёзишни ўргангандан сўнг, уйда қолган.* Ойбек, Нур қидириб.

**3** Билим, маълумот. *Сиз ибтидоий ва ўрта таҳсилни тамом қилгансиз.* А. Қаҳҳор, Сароб. *Шунча таҳсил ва тарбия берганларингиз учун раҳмат.* М. Исмоилий, Фаргона т. о. *Лекин мадраса таҳсили уларни қониқтирмасди. Шунинг учун улар «Тараққиёт», «Хуришд».. ҳамда «Вақт» сингари газета ва журналларни ярим тунда.. мутолаа қилишга киришар эдилар.* К. Яшин, Ҳамза.

**Таҳсил олмоқ (ёки кўрмоқ, топмоқ)** Маълум ўқув юртида ёки бирор мутахассис раҳбарлигида ўқимоқ, билим, маълумот олмоқ. *Ҳусайнбек афанди асли хоразмлик бойлардан бўлиб, Туркияда таҳсил олган.. эди.* Ж. Шарипов, Хоразм. *Ғиёсиддин Бухоронинг Девонбеги мадрасасида таҳсил кўриб юрган пайтларида отаси уни оқ қилади.* С. Аҳмад, Ҳукм. *Ҳақимхон Водилий аввал Бухоро, кейин Самарқандда таҳсил топган мулло одам экан.* Мирмуҳсин, Меъмор.

**ТАҲСИН** [*а. تحسین* – яхшилаш, такомиллаш; тузатиш; маъқуллаш, мақташ] **I** Мамнуният билан, маъқуллаб берилган юқори баҳо; мақтов, тасанно. *Кўпчиликнинг таҳсин ва раҳматиға сазовор бўлиб, яхши одам деган номға муносиб бўлиш осон эмас.* Шукрулло, Яхши хулқ – яхши хусн. *Фуломжон, қозининг кўз қарашиди аллақандай илқлик, ҳатто таҳсин сизди.* М. Исмоилий, Фаргона т. о.

**Таҳсин ўқимоқ (ёки айтмоқ)** Кўкка кўтариб мақтамоқ, юксак баҳоламоқ, тасанно ўқимоқ. *Шаҳодат муфти унинг ақлиға таҳсин ўқий-ўқий, нос чекиб, ўз жоийға ўлтирди.* А. Қодирий, Меҳробдан чаён.

**2** унд. с. кам қўлл. Балли, офарин. – *Таҳсин-таҳсин!* – дейди Хатиб домла [мулла Обидга] *ҳасадли таажжуб билан, – тоза ҳам пулни қирдик, денг.. Таҳсин-таҳсин!* А. Қодирий, Обид кетмон.

**ТАҲҚИР** [*а. تحقير* – нафратланиш, жирканиш; менсимаслик, ҳақоратлаш, камситиш, хўрлаш] *кт.* Хўрлаш, ҳақорат қилиш, камситиш; ҳақорат. *Ойша холанинг таҳқири ва ёлғизлик алами билан куйиниб турган Майна бармоқ учи билан бетига тушган ёш томчиларини сидириб, ўзида қандайдир енгил бўлмас бир куч сезди.* Ш. Тошматов, Эрк қуши. *Кекса она очлик-муҳтожликда, таҳқир ва тубанликда кун сайин сўлиб, бойнинг бостирма ёнидаги қора ҳужрасида қизининг ўз қўлида жон берди.* А. Мухтор, Опа-сингиллар.

**Таҳқир қилмоқ (ёки этмоқ)** Ҳақорат бўлвучи, хўрлик келтирувчи гап-сўз айтмоқ, иш қилмоқ. *У қайнота-қайнонанинг муттасил таҳқир қилишиға чидай олмасди.* Ш. Рашидов, Қудратли тўлқин. *Бари бир, ҳар қандай ёлгон кимнидир таҳқир этади.* А. Мухтор, Тонг билан учрашув.

**ТАҲҚИРЛАМОҚ** Таҳқир қилмоқ, хўрламоқ. *..шу сохта маълумот асосида теров бошланиши.. мени қаттиқ таҳқирламоқда.* О. Ёқубов, Излайман. *Толиб ака ҳар қандай андишани йиғиштириб қўйиб, Аҳмадни ҳар қадамда таҳқирлай бошлади.* Ф. Мусажонов, Химмат.

**ТАҲҚИРЛИ** Таҳқир, ҳақорат ифодаловчи, таҳқирловчи; Таҳқирли кулги. *Таҳқирли пичинг.* ■ *Мирзакаримбойнинг бундай муомаласи Йўлчиға таҳқирли бўлса ҳам.. кутилмаган бир ҳодиса эмас эди.* Ойбек, Танланган асарлар.

**ТАҲҚИРОМУЗ** [таҳқир + *ф. آمیز* – ўхшаш, каби] Таҳқир мазмунидаги, ҳақорат ифодалайдиган. *Таҳқиромуз гап.* ■ [Америка офицерида] *Ўзининг улуғворлиги, давлати билан кибрланадиган одамлардағина бўладиган таҳқиромуз табассум пайдо бўлди.* Шухрат, Шинелли йиллар. *Аёл эриға белисанд, таҳқиромуз қаради.* Н. Аминов, Суварак.

**ТАҲҚИК** [a. تحقيق — бажариш, амалга ошириш; текшириш, бирор нарсанинг ҳақиқатини излаш, текшириб кўриш, аниқлаш] эск. кт. Текшириш, суриштириш; аниқлаш. *Таҳқиқ, тафтиш битган кунийёқ ўзим огоҳлантиурман.* Ойбек, Навоий. *Афсус, жанобларини Тошкентда учратолмадим. Табқиб, таҳқиқ кучайди.* А. Ҳакимов, Илон изатан.

**ТЕАТР** [lot. theatrum < юн. theatron — томошахона] **1** Актёрларнинг сахнадаги ҳаракатлари орқали ҳаётни, ҳаётний ҳодисаларни бадиий равишда акс эттирувчи санъат тури, шу санъатга асосланган томошалар. *Кўғирчоқ театри.* ■ *Китоб нашр этиш, театр, кино, телевидение ва радиого катта эътибор берилаётганининг гувоҳи бўлдик.* Газетадан. *Кино, театр каби санъат турлари орасида адабиёт ҳам тарбиянинг энг фаол ва самарадор омилларида биридир.* «Фан ва турмуш».

**2** Шундай санъат воситасида томошалар кўйиш билан шуғулланувчи муассаса. *Навоий номидаги опера ва балет театри. Ёш томошабинлар театри.* ■ *-Бизнинг театр ҳали янги-да. Уста ўйновчилар йўқ, — изоҳ бера бошлади Абдишукур.* Ойбек, Танланган асарлар.

**3** Шундай санъат намоиш қилинадиган, томошалар кўрсатиладиган жой, бино. *Театр томошабинлар билан лиқ тўлган эди. Бу ерда яна битта муҳташам театр қад кўтарди.* ■ [Алимардон] *Театр этагидаги боққа киргандагина ўзига келди.* Ў. Ҳошимов, Қалбингга қулоқ сол.

**4 с.т.** Актёрларнинг сахнадаги ҳаракати орқали кўрсатиладиган томоша; спектакль. *Эсингда борми, райондан театр кўриб келаётган кечамиз, аравада Сотиболди, ашула айтамыз, деб Канизакни қистади, кўнмагандан кейин, соҳидан тортди.* А. Қаҳҳор, Кўшчинор чироқлари.

**ТЕАТРЛАШТИР(ИЛ)МОҚ** Бирор-бир асар ёки бўлиб ўтган воқеа-ҳодисани театрда кўрсатиш учун мослаштирмоқ, қайта ишламоқ. *Театрлаштирилган томошалар. Театрлаштирилган ҳикоя.* Абдулла Қодирийнинг «Ўтган кунлар» романини театрлаштириш.

**ТЕАТРУ** с.т. эск. Театр. *Бир кунда бир сахна учун бир кассадан ҳам театруга, ҳам картинага белат сотилди.* А. Қодирий, Кичик асарлар.

**ТЕАТРШУНОСЛИК** Театр тарихи ва назариясини ўрганувчи фан. *Ўзбекистонда театршунослик мустақил фан сифатида 20-асрнинг 50-йилларида шаклланди.* «ЎЗМЭ».

**ТЕБРАНГИЧ** Тебраниб, ликиллаб, қимирлаб турадиган нарса. *Соат тебрангичи.*

**ТЕБРАНИШ 1** **Тебранмоқ** фл. ҳар н. *Ғўзаларнинг шамолда тебраниши.* ■ *Тебраниш ёки тебротиш уйқуни тезроқ келтиради.* Газетадан.

**2** физ. Тебранувчи ҳаракат; муайян вақт оралиқларида такрорлашиб турадиган ҳаракат. *Эркин тебраниш.* ■ *Тебраниш контури радиотехника қурилмаларининг асосий элементидир.* «Физика».

**ТЕБРАНМА 1** Тебранадиған, чайқалиб турадиган. *Тебранма стул.*

**2** физ. Тебранишдан иборат бўлган (қ. **тебраниш 2**). *Тебранма ҳаракат.*

**ТЕБРАНМАС 1** Ликилламайдиган, қимирламайдиган.

**2** кўчма Ўзгармайдиган, мустаҳкам. *Мусобақада ютиб чиқиш учун энг аввал ғалаба қилишга зўр хоҳиш ва тебранмас ишонч керак.* Ф. Мусажонов, Чикинди.

**3** Ўта лоқайд, парвойифалак, тепса тебранмас. *Инсон соғлиги учун шунчалик жон куйдириб, баъзи тебранмас консерваторлар билан олишиб юрган экан, демак, яхши қиз бўлса керак.* С. Анорбоев, Оқсой.

**ТЕБРАНМОҚ 1** Гоҳ у томонга, гоҳ бу томонга бир текис ҳаракат қилмоқ; чайқалмоқ. *Соат капгири бир текис тебранмоқда. Салмоқдор бошоқлар шамолда майин тебранади.* ■ *Шифтга осиглиқ беланчак бир текис тебранаркан, тоқчадаги чироқ нурида ҳовли юзига узун-узун соя ташлаб ўтарди.* С. Аҳмад, Ҳукм. *Куй бошланиб, раққоса ўйина тушиши билан, атроф жимжит бўлиб қолади. Ҳамма ўтирган жойида тебранарди.* Т. Обидов, Юсуфжон қизик.

**2** Умуман қимирламоқ, силкинмоқ. *Шу вақт яна бир қармоқ ёғочи тебраниб қолди.* Ҳ. Фулом, Машғал.

**3** Нотекис ҳаракат қилмоқ, у ёқдан бу ёққа чайқалиб юрмоқ, лапангламоқ. *Машина шаршара кўпригидан ўтиб, катта шағал йўлга тушгач, ўнқир-чўнқир жойларда тебрана бошлади.* И. Раҳим, Ихлос.

**4** Жойидан кўзгалмоқ, қимирлаб қўймоқ; жилмоқ. *Ўтирганлар бир тебраниб олишди.* С. Аҳмад, Ҳукм. *..бойвачча хотинининг икки*

қулоғига чанг солди. *Шаҳзодаҳон жойидан тебранмади.* К. Яшин, Ҳамза.

5 кўчма Жойидан бўшаб, путурдан кетиб, қимирлайдиган, лиқиллайдиган бўлмоқ, омонат бўлиб қолмоқ. *Оқ подшонинг тахти тебрана бошлади.* ■ *Шаҳри вайрон бўлса, султон тебранар.* «Муродхон».

6 кўчма Амал-тақал билан юриб, ўтиб турмоқ (рўзгор, ҳаёт ва ш.к. ҳақида). - *Бозорлар яхшими? - Бир нави.. ҳарчи тириклик тебраниб туради, ука! А. Қодирий, Мехробдан чаён. Қишлоқ каттакон бўлгани учун, бу иш ҳам ёмон бўлмади, рўзгоримиз тебраниб турди.* А. Қаҳҳор, Ўтмишдан эртаклар.

**ТЕБРАТМОҚ I** Тебранма ҳаракатга келтирмоқ, бир текисда у ёқ-бу ёққа чайқалтирмоқ; умуман қимирлатмоқ. *Бошни тебратмоқ. Бешиқни тебратмоқ.* ■ *Майин тонг шабадаси ранг-баранг гулларни секин тебратиб, атирларини ҳар ёққа сепади.* Ойбек, Танланган асарлар. *Узун сариқ капгирини бир мақомда тебратиб чиқиллаётган катта девор соат узиб-узиб дангиллай бошлади.* П. Турсун, Ўқитувчи.

2 Жойидан кўзгатмоқ, бирор томонга сурмоқ, силжитмоқ, қимирлатмоқ. *Уни ҳеч тебратиб бўлмайди, шунақанги оғир карвон.* ■ *Амир Бадриддин.. кучли ҳамлалар билан душманни аста-аста тебратиб, ҳаракатдан махрум қилишга тиришарди.* Ойбек, Навоий.

3 кўчма Ларзага келтирмоқ, солмоқ. *Мен гапимни тамом қилиб, эндигина блиндажга тушиб кетмоқчи эдим, қандайдир снарядларнинг чинқириғи қулоққа хунук эшитилди ва бирин-кетин гўмбурлаб, ўрмонни тебратиб юборгудек бўлди.* А. Убайдуллаев, Қонли издан.

4 Бирор ишни олиб бормоқ, юргизмоқ. *Оилани тебратмоқ.* ■ *У [Маҳмуд Торобий] ..саҳардан то шомгача меҳнат қилиб, катта рўзгорини тебратиб турарди.* М. Осим, Маҳмуд Торобий. *Икки ўғил уйни гулдай тебрата бошлади.* А. Раҳмат. Эллиқ бир баҳодир. *Бундан кейин деҳқончиликни билимсиз тебратиш қийин-да.* Ҳ. Назир, Энг муҳими. *Гапига гап топиб беролмай, сувга тушган мушукдай бир чеккада ўтиришлик ҳолинг бор экан, идора тебратиш сендақага йўл бўлсин.* Ж. Абдуллахонов, Хонадон.

**Қалам тебратмоқ** Ижод қилмоқ, ёзмоқ. *Маъруф Назаров кинематография, драматургия ва кўшиқчилик соҳасида ҳам дадил*

*қалам тебратяпти.* Х. Ёдгоров, Ҳаёт тўлқинлари. *Ёзувчи қандайдир таниш манзарани, таниш шахсни кўз олдига келтириб туриб, қалам тебратди.* У. Норматов, Талант гарбияси.

**ТЕВА** айн. **туя.** *Қатор теваларга сепини ортиб, Мардликнинг юртига етук қиз келди.* Ф. Фулом. *Бир қултум сув битта ҳаёт билан баб-баравар бўлган, битта тева нажот бўлиб кўринган тақирлар ахир шу чўлнинг ўзи эмасми? А. Пўлат, Чўллаги машғал.*

**ТЕВАЛАШМОҚ** шв. Жанжаллашиб уришмоқ. *Тезаги билан тевалашадиган Эгамберди подачи бекор юриб ҳоримайдиган, кўса бўлиб қаримайдиганлар хилидан эди.* Н. Қобил, Унутилмас соҳиллар.

**ТЕВАНА(К)** қ. **тегана.** [*Маҳсидўзининг*] *Бошқоронги бўлган хотини «Анор олиб келинг», деб унга сира тинчлик бермайди.. тантиқлик ва ноз билан бир унинг қўлидан тевананини тортиб олади, бир ипини узади.* М. Қодиров, Ўзбек халқ оғзаки драмаси.

**ТЕВАРАК I** Кузатувчи, сўзловчига ёки бошқа шахс, нарсага нисбатан ҳамма ёқ, томон, жой, атроф. *Теваракка кўз югуртирар экан, Олимовнинг ҳам пешонаси тиришиб кетди.* Ҳ. Назир, Сўнмас чақмоқлар. *Яна теваракдан одамлар тўхтовсиз равишда бу ерга келмоқда эди.* Ойбек, Танланган асарлар. *Сувонжон теваракни қоплаб олган қоронғиликка кўрқинч тўла кўзлари билан тикилар, бутун вужуди билан ўз нидосига бирор жавоб кутарди.* С. Анорбоев, Оқсой.

2 Бирор нарсанинг гир атрофи, айланаси. *Ҳовузнинг теварагида тераклар ўсган.* ■ *Ўзининг.. тевараги текис қилиб қирқилган қора соқол ва чиройли мўйлови.. билан замонасининг қорни катта бойларига сира ўхшамаган Тешабой ҳам одамлар назаридан четда эмас эди.* М. Исмоилий, Фарғона т.о. *Хилма-хил ёввойи гуллар теварагида ранг-баранг капалаклар базм қуради, асаларилар гувуллайти.* Ж. Абдуллахонов, Орият.

3 кўчма Бирор шахс, гуруҳ, куч ва ш.к.нинг бирлаштирувчи доираси, атрофи. *У [Қудрат] ўз теварагига Фуломжон, Замон, Барот полвон сингари ёру дўстларини йиғиб, уларнинг ёрдам ва мададлари билан қишлоқ мазлумларининг ҳақ ва ҳуқуқларини қўлидан келганича ҳимоя қилиб, уларга балогардон бўлиб келади.* М. Исмоилий, Фарғона т.о.

**4** Атрофида бўлган, атрофидаги. Ёлғиз *Тиктепа қишлоғидагина эмас, теварак қишлоқларда ҳам мулла Обиднинг эртаги экин-даги муваффақияти оғиздан оғизга юриб кетди. А. Қодирий, Обид кетмон. Теварак боғларда тўлади япроқ, Меҳнаткаш дарахтлар тиклайди қаддин.* Шукрулло, Жавоҳирлар сандиғи.

**5** кўм. *взф. кам қўлл.* Атрофида. *..ваҳима ва таҳликали ҳолга қирқ ёш теварагида тушганидан далолат беради.* Газетадан.

**ТЕВАРАКЛАМОҚ** *с.т. кам қўлл.* Атрофлаб, ҳар томондан ўраб олмоқ; куршамоқ. *Кўзини очсанг, шунча халқни кўрар, тевараклаб турган жаллод — мирғазабни кўрар. «Равшан».*

**ТЕВАТ** *шв. Ит. Теватга суяк ташлаганиндан кейин ўз ҳолига қўй, қандай ғажиса, шундай ғажисин.* «Қанотли сўзлар». *Тўрт томон елига кўкраги очиқ, Эшакдай теват ҳам ётибди беун.* Миртемир.

**ТЕГ** *с.т.* Таг. *Катта толнинг тегида Со-вур нонвойининг дўкони бор.* А. Қодирий, Меҳробдан чаён. *Кимсан — Мирзакаримбой теги наст, қашшоқ қизга уйланса, мен қандай чидайман.* Ойбек, Танланган асарлар.

**ТЕГАЖАК** Бировнинг аччигини, жаҳлини чиқариш учун атайлаб тегишувчи, тегажаклик қилувчи, шундай хусусияти кучли. *Ўзи шўх бўлгани учун, Раънога шўх, тегажак йигитлар кўпроқ ёқарди.* О. Ёқубов, Баҳор кунларидан бирида.

**ТЕГАЖАКЛИК** Бировнинг аччигини, жаҳлини чиқариш учун атайлаб тегишиш, ҳазиллашиш. *Нури.. йигитларга ҳазиллашишни, тегажакликни яхши кўрар эди.* Ойбек, Танланган асарлар. *Анвар гўштни тўғраб, яна тегажакликни бошлади: -Тўйинглар қачон, ҳай қиз? А. Қодирий, Меҳробдан чаён.*

**Тегажаклик қилмоқ** Ҳазил-хузул билан, ўйнашиб тегишмоқ. *Ҳароми, нуқул бизга тегажаклик қилади.* Ойбек, О.в. шабадалар.

**ТЕГАЖОҒЛИК** *айн. тегажаклик.* Ҳазил-хузулни яхши кўрадиган *Карим қори уста Мақсудга тегажоғлик қилиб: -Устоз Саъдий бизнинг уста Мақсудни кўрмаган эканлар-да, — деди.* Шукрулло, Жавоҳирлар сандиғи.

**ТЕГАНА** **1** *махс. 1* Пойабзал қолипнинг устки ва остки қисми орасига қоқиладиган пона.

**2** Чарм ва ш.к. қалин-қаттиқ нарсаларни тикишда ишлатиладиган катта йўғон игна.

**ТЕГАНА** **II** **1** *махс.* Тегирмон тошлари орасидан чиқаётган ун тушиб йиғиладиган гардишсимон жой.

**2** Отларда бўладиган, тери остини шишириб, қабартирадиган касаллик.

**ТЕГАРЧИК** *шв.* Арава гилдирагининг гардиши, тўғини. *Сидиқжон ени ва этакларини қоқди, отни чиқариб, аванинг тегарчигига боғлади-да, бостирмага кирди.* А. Қаҳҳор, Кўшчинор чироқлари.

**ТЕГДОР** *с.т.* Тагдор, тагли, тубли. *Тегдор, обрўли бой экан, лекин кундошлик ёмон-да.* Ойбек, Улуғ йўл.

**ТЕГИЗМОҚ** **1** **Тегмоқ** *фл. орт. н. У машинага ҳеч кимни тегизмайди. Мерган ун ўқнинг ҳаммасини нишонга тегизди. ■ Отабек.. Кумушининг манглайига қўлини тегизди.* А. Қодирий, Ўтган кунлар.

**Гап тегизмоқ** *қ. гап 1.* **Курагини** (ёки **елкасини, ёнбошини**) **ерга тегизмоқ** Курашда, беллашувда енгмоқ, галаба қилмоқ. *Ҳеч бир Хуросон паҳлавони.. ҳали унинг [Муҳаммад Саид паҳлавоннинг] ёнбошини ерга тегизган эмас.* Газетадан. **Тил тегизмоқ** *қ. тил 3.* **Қўл тегизмоқ** *қ. қўл.*

**2** *кўчма* Гапнинг мазмунини кимсага қаратмоқ, гап билан кимсага танбеҳ, дашном бермоқ. *-Кўйнидан тўкилиб, қўнжига тушган, — Утап Бўронбекка тегизиб пичинг отди.* Ҳ. Фулом, Машғал.

**ТЕГИНМОҚ** *кам қўлл.* Дахл қилмоқ, тутинмоқ; гап-сўз ёки қўл билан тегмоқ. *Эшикни очса ҳам, идиш-товоқларга тегинса ҳам, тарс-турс, қарс-курс қилиб, кимдандир ўч олаётгандай бўларди.* Р. Раҳмон, Меҳр кўзда. *Ҳолин билмай, ҳар ким ҳалок бўлади, Ким бунга тегинса, тайин ўлади.* «Алпомиш».

**ТЕГИРМОН** Фаллани, донни янчиб ун қилиш учун мосланган, махсус қисмлардан иборат, сув, шамол, электр энергияси ва ш.к. кучи билан ишлайдиган қурилма. *Сув тегирмон. Шамол тегирмон. Тегирмон тоши. Тегирмонга дон олиб бормоқ. ■ Соё бўйида беҳисоб дарахтлар орасига кўмилган тегирмон гувуллар эди.* А. Қаҳҳор, Асрор бобо. *Ирмоқлар анҳорларга қўшилиб, тегирмон, обжувозларни ҳаракатга келтиради.* Ж. Абдуллахонов, Орият.

**2** Шундай қурилма жойлашган бино, жой. *Менга қара, чопиб тегирмонга бориб кел! Озгина бугдойга ун алишиб келасан.* С. Сиёев,

Ёруғлик. *Тегирмон Шўхсойнинг бўйида жойлашган эди.* А. Қаҳҳор, Асрор бобо.

**Бир тегирмон сув** Бир тегирмонни юргизишга етарли сув. *Илгари канал тўғрисида гап бўлганда, Сидиқжон уни бирон тегирмон сув элтадиган ариқ деб ўйлаган эди.* А. Қаҳҳор, Кўшчинор чироқлари. **Бошида тегирмон тоши юргизмоқ** Жуда қаттиқ қийнамоқ, азоб бермоқ, жабр-зулм ўтказмоқ. *..этларимни ништар билан тилсинлар.. бошимда тегирмон тоши юргизсинлар! Мен сиздан ажралмайман!* Ҳамза, Бой ила хизматчи. **Тегирмон боши** Тегирмон жойлашган жой. *Ҳайдар ота шу ўй билан тегирмон бошига етганини ҳам билмай қолди.* А. Қаҳҳор, Асрор бобо. **Тегирмон навбати билан** Ҳар қандай ишнинг ўз муддати, бунда ҳар кимнинг навбат билан келадиган тартиб ўрни бор (бўлади), деган маъноли ибора. *Нега шошасиз, тегирмон ҳам навбати билан.* **Тегирмон тоши** Тегирмонда донни эзиб майдалаш, ун қилиш учун ишлатиладиган, махсус тайёрланган тош. *..бир ўғил билан ерга михланиб ўтиравериш, тегирмон тошидек, уни кун сайин эзиб юборарди.* Д. Нурий, Осмон устуни. **Тегирмон қилмоқ** (ёки **тортмоқ**) Донни тегирмонда ун қилмоқ. *Отамнинг дўсти Маҳкамбой ака тегирмон қилдириб қўйган чакса зогора унни орқалаб, орқамга қайтдим.* С. Абдулла, Ёшлик йилларим. **Тегирмонга тушса, бутун чиқади** Ҳар қандай ноқулай, ёмон ҳолатдан қутулишнинг йўлини топадиган, уддабурон маъноли ибора. *Тинчлан, қизим.. у келади. Келадиган вақт бунқолди. Отамурод — тегирмонга тушса, бутун чиқадиган йигит.* М. Мансуров, Ёмби. **Тегирмонига сув қуймоқ** Кимсанинг бирор иш-фаолиятига (одатда, салбий деб қаралувчи ишига) кўмаклашмоқ, унга куч бермоқ. *Наҳотки дўст билан душманни ажратолмайсиз. Наҳотки муттаҳамларнинг тегирмонига сув қўйганингизни сезмасангиз!* Ш. Рашидов, Бўрондан кучли.

**ТЕГИРМОНЧИ** Тегирмон эгаси, хўжайини ёки тегирмонда ишлайдиган киши. *Сафарали — бизнинг тегирмончимиз. Жуда қизиқ йигит.* А. Қаҳҳор, Картина. *Эшик очилиб, юзлари оппоқ чанг тегирмончи йигит кириб келди.* Н. Ёқубов, Кўнгил пиёласи.

**ТЕГИРМОНЧИЛИК** Тегирмонда ишлаш, тегирмончи иши, касби. *Тегирмончилик унга ота мерос, эртаю кеч тегирмон ат-*

*рофида айлангани айланган.* А. Қаҳҳор, Картина.

**ТЕГИШ 1 Тегмоқ** фл. ҳар. н. *Экспонатларга тегиш ман қилинган. Нафсониятга тегиш. Жиғига тегиш.* ■ *Осонми, киши ни ма бўлишини билмайди, бош ёсткиқа тегиши бор.* А. Қаҳҳор, Тўйда аза. *Аҳмаднинг бўлимга фойдаси кўп тегиши мумкин, қобилиятли бола..* Ф. Мусажонов, Ҳиммат.

**2** Расамадда, тақсимотда кимсага тегадиган улуш, ҳисса. *Матқовулнинг тегиши бўлса ҳатто қарзларини ҳам қоплаёлмади.* М. Исмоилий, Фарғона т. о.

**3** Насиба, ҳақ. *Ҳаммаси сизнинг тегишингиз, ҳеч кимга қараманг. Балиқни олин!* А. Қаҳҳор, Кўшчинор чироқлари. *Хонтахта устида нон кесиб, болаларнинг тегишини алоҳида-алоҳида қилиб тайёрларкан, кўчада аллакимларга гапирётган Абдуҳафизнинг овози эшитилди.* Р. Файзий, Ҳазрати инсон.

**ТЕГИШИНЧА** кам қўлл. айн. **тегишли 3.** *Халқ депутатлари туман, шаҳар кенгашлари тегишинча туманга бўйсунувчи шаҳар ҳамда шаҳардаги туман бюджетини ва унинг ижросига доир ҳисоботларни ҳам тасдиқлайдилар.* Газетадан.

**ТЕГИШЛИ 1** Талабга, вазиятга, қонунқоидага ва ш.к. га мос, мувофиқ; шу жиҳатдан керак, лойиқ, лозим бўлган. *Тегишли хулоса чиқармоқ. Тегишли чораларни кўрмоқ. Тегишли хўжжати кўрсатмоқ.* ■ *Бу хабарни профессорга билдирдим, ундан тегишли консультация олдим. Ойдин, Уялди шекилли, ерга қаради. Элмурод ҳам унинг феълини билиб, ҳар бир саволига тегишли жавобни бериб турар эди. П. Турсун, Ўқитувчи. Пахтакорларнинг ҳамшиша ўз сўзларининг устидан чиқиши учун тегишли шароит ҳам яратиб берилиши лозим.* Газетадан.

**2** Кимса ёки нарсага қарашли, алоқадор, тааллуқли бўлган. *Уларнинг [хотинларнинг] чағир-чуғур аралаш қаҳқаҳалари ҳовлини янгратади. Гулнорга тегишли тўрдаги бир уй, бир айвон жимжит.* Ойбек, Танланган асарлар. *Бўстон, бу гап сенга тегишли.* С. Зуннунова, Янги директор. *Абдулазиз, ўғиллари отларни сўғориб, араваларни шай қилиб қўйганини, карвонсарой соҳиби ҳам унга тегишли одам эканини.. айтди.* Мирмуҳсин, Меъмор. *-Дадам ҳар кишининг ўзига тегишли гапни айтадилар, — деди Онабиби Бозорқулга.* А. Мухтор, Чинор.

3 Дахли бўлган, муайян, белгили. Сенлар билан тегишли жойда гаплашаман, эртагаёқ домла-имомлар билан орани очди қиламан. С. Кароматов, Ҳижрон. Тегишли юқори ташкилотга этиб борган ивони тегишлириш учун зудлик билан тўрт-беш кишидан иборат комиссия жўнатилды. Э. Усмонов, Ёлқин. Сессия, шунингдек, халқ депутатлари тегишли Кенгаши депутатларининг камида учдан икки қисмининг ташаббусига биноан ҳам чақирилиши мумкин. Газетадан.

4 Ўзига яраша, лозим бўлган; керакли. Текинхўр ва безорилар одил суд томонидан тегишли жазосини олди. Газетадан. Соиб Исмоиловнинг жасоратидан руҳланган жангчиларимиз душман ҳамласига тегишли жавоб бердилар. Т. Рустамов, Мангу жасорат.

**ТЕГИШЛИК 1** Боғланиш, алоқа, дахлдорлик. Аҳмаджоннинг назарида, бу ишлар, бу юришлар, тоғ оралиғига солинган бу уйллар — ҳаммаси ортиқча, урушга ҳеч тегишлиги йўқдай кўринар эди. А. Қаҳҳор, Олтин юлдуз.

2 с.т. айн. **тегиш 2**. Колхозчи пахтадан тегишлигининг тенг ярмини, чорвадан тегишлигини эса мутлақ ололмади. И. Раҳим, Зангори кема капитани.

3 айн. **тегишли 2**. Абдурахмон.. айниқса орада хонга тегишлик ҳукуматдор беклардан кўриниб қолса.. А. Қодирий, Меҳробдан чаён.

**ТЕГИШЛИЧА** Керакли, лозим бўлган даражада. Бироқ Иттифоқ идораларида биз келтирган далилларга тегишлича қулоқ солишмайпти. Газетадан.

**ТЕГИШМОҚ 1** Тегмоқ фл. бирг. н. Болалар ҳеч нарсага тегишмасин. ■ Тенгқурлари.. Назаровни ҳурмат қилганлари ҳолда.. «Ғози», баъзан «Ғози чиллашир» деб жигига тегишарди, С. Анорбоев, Оқсой.

2 Тегажаклик қилмоқ, ҳазиллашмоқ. У [Сидиқжон] ..бутун звенони гуллаиб ашула айтар, одамларга тегишар, кулар, кулди-рар эди. А. Қаҳҳор, Қўшчинор чироқлари. — Қачондан бери қизларнинг суҳбатидан қочадиган бўлиб қолдингиз? — кулиб унга тегишди Мухаррам. Шухрат, Шинелли йиллар.

**ТЕГИШҚОҚ** Тегишишни, ҳазиллашишни яхши кўрадиган; тегажак, ҳазилкаш. Маҳмуднинг қизариб, кулумсираганича нари кетганини кўрган бир аёл тегишқоқ дугонасини жеркиб берди. С. Зуннунова, Олов. Обиджон юмалоқ, калта бўйин йигит бўлиб, ёшликдан

шўх, гандон ва тегишқоқ ўсган. И. Раҳим, Барно.

**ТЕГЛИ** с.т. Тагли, тубли.

**ТЕГЛИК** с.т. Таглик, остлик.

**ТЕГМОҚ 1** Бир-бирига ёки бир нарсага бевосита ёнма-ён, учма-уч келиб тақалмоқ, ёпишмоқ, уринмоқ. Шафтолилар мевасининг кўплигидан ерга тегиб ётибди. Парда ерга тегиб турибди. Кеккайганга кеккайгин, бошинг кўкка етгунча, Энкайганга энкайгин, бошинг ерга теккунча. Мақол. ■ Бир маҳал кимнингдир қўли елкасига теккандек бўлди. С. Аҳмад, Юлдуз. Дилишод мусича унга қўл чўзганда, сўри орасидан ўтказилган электр симига тегиб, ерга қулаган эди. Газетадан. У ихраб-сихраб ёнбошига ўгирилган эди, ўпкасига шамол тегиб, йўтал тутди. «Муштум».

2 Зарб билан урилмоқ. Мевали дарахтга тош тегар. Мақол. ■ Хотин чарс беданадай патиллаб, қочмоқчи бўлганида, юзини карнайгулнинг поясига уриб олди: юзи бутуққа ёмон тегди, кўнгли озди. А. Қаҳҳор, Майиз емаган хотин. Тўп бориб, Бувинисо холанинг кўчага қараган деразасига тегиб, бир кўзини чил-чил қилди. Р. Файзий, Сен етим эмассан. Немис муккаси билан йиқилди. Унинг автомаоти Бектемирнинг қўлига қаттиқ тегди. Ойбек, Кўёш қораймас.

3 Томиб, сачраб, суркалиб из, доғ қолдирмоқ, юқмоқ. Пальтонгизга бўёқ тегибди. ■ Сенинг соқолингга теккан бир қатра шира менинг фуқароларимга бир кунлик овқат бўлади. А. Қаҳҳор, Башорат. Енгингизга қон тегибди, қаранг! Мирмуҳсин, Меъмор.

4 Қўл, куч билан тегинмоқ, ушламоқ; дахл қилмоқ. Агар тегса, мен ҳам туширман, деб лунжани пойлаб турибман. Ҳ. Назир, Ёнар дарё. Бу ғўзаларнинг шохлаб кетиши асосий шохнинг бирон сабаб орқасида синганлиги ёки мол-ҳол текканлиги натижаси, бу илмга маълум. А. Қаҳҳор, Қўшчинор чироқлари. Нусратилла кирмади. — Бир тийингизга текканим йўқ, — деб ичкари ҳовлига ўтиб кетди. А. Мухтор, Опа-сингиллар. Сувсар кемирувчиларга қирон келтирган бўлса ҳам, уй паррандаларига тегмайди. Газетадан.

5 Кўчма Дахл қилмоқ, таъсир этмоқ. Э, сенга тегиб кетдими, ҳали.. Бировларни.. камситишга ким ҳуқуқ берди сенга? П. Турсун, Ўқитувчи. Унинг бу гапи бошқаларга ҳам тегиб кетди.. К. Яшин, Ҳамза.



6 Бориб ёки келиб етмоқ (мас., юборилган нарса ҳақида), топширилмоқ. *Телеграмма тегди. Хат билан совға ҳалиям теккани йўқ.* ■ *Бир неча кундан сўнг ушбу мазмундаги хат қўлимга тегса ажаб эмас.* О. Мўминов, Хиёбондаги уч учрашув. *Дид ва ихлос билан безатилган ўн иккита ранго-ранг китобча журналхонларга бориб тегди.* Газетадан.

7 Расаматда маълум ҳисса, улушга эга бўлмоқ, улушига тушмоқ, насиб этмоқ. *Сув чиқади-ю, лекин бойга яраша чиқади. Бу сувдан бизга туянинг думи ерга етганда тегди.* М. Исмоилий, Фарғона т. о. *Ягона стул Аҳмадга тегди.* Ф. Мусажонов, Нозик масала. *Баъзан жон бошига базўр ярим стакандан тегадиган ичимлик сувини гул тагига қуйишар эди.* Т. Рустамов, Мангу жасорат.

8 Хотин бўлмоқ, турмушга чиқмоқ. *Хўш, Заргаров амалдор эмас, елкасига арқон ташлаб, бозорда юрган ҳаммол бўлса, тегармидингиз?* А. Қаҳҳор, Оғриқ тишлар. *Кошкийди қорача бўлиб туғилган бўлсам, кўрагами, калгами тегиб, сизнинг.. сўзларингизни эшитмас эдим!* М. Исмоилий, Фарғона т.о.

9 Баъзи сўзлар билан қўллаиб, шахс ёки нарсага шу сўз аниқланган нарса бўлишини, етишини билдиради. *Фойдаси тегмоқ.* ■ *Ётоқхона биносини чор атрофдан кўм-кўк дарахтлар қоплаган бўлса ҳам, бизга бунинг нафи тегмайди.* «Гулдаста». Уларнинг гуноҳини енгиллаштириш керак, худо ёрлақаб, зора бизга ҳам бир оз савоби тегиб қолса! У. Исмоилов, Сайланма. *Ишқилиб, дўстларига зарари тегмаса бўлди – бошқасидан кўрқмайди.* О. Ёқубов, Эр бошига иш тушса.

**Асабига тегмоқ қ. асаб. Боши ёстиққа тегмоқ қ. ёстиқ. Гап тегмоқ** Танбеҳ, огоҳлантириш ва ш.к. тарздаги гап бўлмоқ, айтилмоқ, шундай гап эшитмоқ. *Насибанинг ўзи ўқийни хоҳламаса, ҳеч кимга гап тегмайди.* А. Қаҳҳор, Оғриқ тишлар. *Бўлмаса сизларга ҳам, менга ҳам гап тегди.* «Гулдаста». **Елкаси ерга тегмаган** 1) курашда бирон марта ҳам йиқилмаган; 2) мусобақа, беллашувларда ҳеч ютқазмаган. *Асакалик машҳур қиморбоз Қулматқора «тўртол»чиларнинг елкаси ерга тегмаган кузури эди.* А. Мухтор, Опа-сингиллар. **Жавоб тегмоқ** Рухсат берилмоқ, жавоб бўлмоқ. *Бугун Шерзоднинг палата-сидаги семиз беморга жавоб тегди.* Ў. Ҳо-

шимов, Нур борки, соя бор. **Жағи-жағига тегмай** Тўхтамай, тинмай, бидиллаб гапирриш ҳолати. *Сатторқул бош врачнинг кабинетида кирди-ю, жағи-жағига тегмай сайраб кетди.* «Муштум». **Жигига тегмоқ қ. жиг. Жон(и)га тегмоқ қ. жон.** *Камбағаллик жонга тегмаган вақт, жонига тегмаган одам бўлганмикин?* А. Қаҳҳор, Қўшчинор чироқлари. **Иzzат-нафсига тегмоқ қ. нафсониятига тегмоқ. Ит теккан** Номусига тегилган, ифратини йўқотган аёлга нисбатан қўлланувчи ибора. *Агар ит тегмаган бўлса, покман, номусим жойида десанг, кел, бери кел.* М. Мансуров, Ёмби. **Кўз тегмоқ қ. кўз. Кўнглига тегмоқ қ. кўнгил. Нафсониятига тегмоқ** Кишининг қадр-қиммати, иззати нафсини, гурурини ерга урмоқ, топтамоқ. **Одам (ёки инсон) оёғи тегмаган** Инсон бўлмаган, келмаган, инсон қадам қўймаган. *Бу ер одам оёғи тегмаган тўқай.* «Чалпак ёққан кун». **Орқасига (ёки елкасига) офтоб тегди қ. офтоб. Оғзи(га) тегди қ. оғиз.** *Эркак кишининг оғзига тегдим.* Юринг, боққа чиқамиз. Н. Сафаров, Шарқ тонги. *Олма, ўрик ва шу каби тар мевалар ҳам бирин-кетин пишиб, одамларнинг оғизларига тегди.* К. Яшин, Ҳамза. **Пешонаси деворга тегмоқ қ. пешона. Пешонам деворга бориб тақ этиб тегди.** *Онам, келиноним, ўртоқларим ҳақ.* «Ёшлик». **Текканга тегиб, тегмаганга тош (ёки кесак) отмоқ** Ҳамма билан уриш-жанжал қилиб юрмоқ, тинч юрмаслик. *У|Асрора| ёшлигида текканга тегиб, тегмаганга кесак отарди.* С. Аҳмад, Уфқ. *Текин пул, текин маишатдан талтайиб кетган Аҳмедов ҳозир текканга тегиб, тегмаганга кесак отадиган бўлди.* «Муштум». **Ярасига тегмоқ қ. яра.** *..яхши кўрган бу одамини мақтайман деб, унинг ярасига тегиб кетганини билмай қолди.* А. Мухтор. Бўронларда бордек ҳаловат. **Қитигига тегмоқ қ. қитиқ.** *Бир қитигига тегайми, зора ишигитлик ғурури ваража қилса!* Т. Мурод. От кишнаган оқшом. **Қулоққа тегмоқ** Эшитилмоқ. *Болам, сен қайдан эшитдинг?! Сенинг қулоғингга тегмасин, деб юрар эдим.* «Ёдгор». **Қўли тегмоқ қ. қўл. Шоҳ хизматида киргандан бери эса деярли қўли тегмай қолди.** С. Сиёев, Ёруелик. **Қўли қўлига тегмаслик қ. қўл. Далаларда ҳаёт қайнайди, бободехқоннинг қўли қўлига тегмайди.** Газетадан. **Қўндоқда теккан қ. қўндоқ.** *Ана шу мудир Салимовнинг қўндоқда теккан бир касали бор.*

«Муштум». **Ғашига тегмоқ қ. ғаш.** Зиммасига тушаётган вазифа Собирнинг ғашига тегди. Ф. Мусажонов, Ҳиммат. **Ҳамиятига тегмоқ қ. ҳамият.** Унинг охирги гапи Мансурнинг ҳамиятига тегди. Ў. Ҳошимов, Қалбингга қулоқ сол.

**ТЕГРА** кт. Теварак, атроф. *Теграси деворсиз, фақат толлар билангина ажратилган участка жуда серфайз, гаштли кўринди.* Ҳ. Назир, Кўктерак шабадаси. Ўзини ўзи бошқариш органлари амал қиладиган ҳудудларнинг тегралари аниқлангунга ҳамда йиғинларнинг раислари қонунда белгиланган тартибда сайлангунга қадар уларнинг вазифаларини бажариб туриш шахарча, қишлоқ.. кенгашлари раислари зиммасига юклатилсин. Газетадан.

**ТЕЖАБ-ТЕРГАМОҚ** Сарф-харажатда, рўзгор ишида аяб, режа билан иш тутмоқ. Пулни тежаб-тергаб, расамади билан ишлатмоқ. ■ *Биз ўзимиздаги санокли уқларни энди тежаб-тергаб ота олар эдик.* А. Раҳмат, Брест қаҳрамони.

**ТЕЖАМ 1** Эҳтиёт қилиб, аяб, ўз ўрнида ишлатиш, тежаш, иқтисод. *Тежам масаласи ҳамията зўр амалий аҳамиятга эгадир.* ■ *Тежам билан ишлатсанг, уй-рўзгоринг бут бўлар.* «Қанотли сўзлар».

**2** Тежаш туфайли қолган, орттирилган фойда. *Тежам ҳисобига илгорларни мукофотламоқ.* ■ *..Ҳар сафар ўзлари ўйламаган тежамларнинг келиб чиққанидан мамнун бўлишди.* Газетадан.

**ТЕЖАМКОР** Тежам билан иш тутадиган, тежаб ишлатадиган. *Тежамкор ишчи. Тежамкор бухгалтер.* ■ *У [Умид] бошқа ўртоқларига қараганда анча тежамкор, феълан босиқ.* Мирмуҳсин, Умид.

**ТЕЖАМКОРЛИК** Тежам билан иш туриши, шу тарздаги иқтисодий тартиб. *Иштиши қурилмасида тайёрланган иссиқ сувдан тежамкорлик билан фойдаланинг.* Газетадан. *Бугунги машғулот «Қурилишда тежамкорлик» мавзусида бўлади.* «Саодат».

**ТЕЖАМЛИ 1** Тежашга, тежамкорликка имкон берадиган, тежайдиган. *Тежамли машина. Тежамли ишлаб чиқариш усули.* ■ *Табиий газ фақат тежамли ёқилгичина бўлиб қолмасдан, тенги йўқ химия хомашёси ҳамдир.* А. Абдуқодиров, Газ химия хизматида. *Бригадалар пахтани қоп-қанорсиз ташиш-*

*дек тежамли ва қулай усулни қўладилар.* Газетадан.

**2** айн. **тежамкор.** *Сиздек инсофли, тежамли одамларни айрим ташкилотларга, айниқса, қурилишларга биттадан бошлиқ қилиб қўйса борми, бунақа исрофгарчиликлар бўлмасди!* Шукрулло. Жавоҳирлар санлиғи.

**ТЕЖАМЛИЛИК** айн. **тежамкорлик.** *Корхона жамоаси тежамлилик йўлидан бориб, кўплаб электр энергияси ва хомашё тежасаяпти.* Газетадан.

**ТЕЖАМОҚ 1** Ортиқча сарфга йўл қўймасликка ҳаракат қилиб иш тутмоқ, аяш, тежам билан сарфламоқ. *Умиднинг қийинчилик билан катта бўлганини ҳамма биларди — кийимни яхши кийиши, пулни тежашни ҳам шундан.* Мирмуҳсин, Умид. *Малаҳов қанча аяб, тежаб отмасин, ўқи кутгандан тез тугаб борарди.* Шухрат, Шинелли йиллар. *Минутларни тежанг, ўтмасин дамлар.* Р. Бобожон.

**2** Исроф қилмаслик йўли билан орттирмақ, ишлатмай, сарфламай қолдирмоқ. *Шундай бўлса ҳам, тушликка чиққанда, ярим соатгина вақтни тежаб, ошхонадан чиқди-ю, Ҳалим бобонинг боғига йўл олди.* Ш. Рашидов, Бўрондан кучли. *Ем-хашакдан моҳирона фойдаланиш туфайли чорвадорлар кўп миқдордаги донни тежаб қолдилар.* Газетадан.

**3** Кимсани ёки ўзини эҳтиёт қилмоқ, аямоқ, сақламоқ. *Болани ўз ҳолига ташлаб қўйиб бўлмайди, уни тежаб, тергаб туриши керак.* ■ *Қутидор қизининг пешонасини ушлади: —Эй, ҳа.. Кумуш, ҳали иссиғинг бор, — деди. — Ўзингни тежа, қизим, ўрнингни қалин қилиб, бурканиб ёт, терласанг — ёришасан, қизим! А. Қодирий, Ўтган кунлар.*

**ТЕЖАМСИЗ 1** Тежашга имкон бермайдиган, ортиқча сарфга йўл қўядиган. *Тежамсиз машина. Тежамсиз технология.*

**2** Аямасдан, пала-партиш сарфлайдиган, тежашни билмайдиган. *Тежамсиз аёл.*

**ТЕЖАМСИЗЛИК** Тежаб-тергамай, тежамкорликка риоя қилмай сарфлаш; исрофгарчилик. *Тежамсизлик билан ишламоқ.*

**ТЕЖОҒЛИ** Тежашга, тежамкорликка асосланган; тежамли. *Тежоғли иш — бежоғли иш.* Мақол.

**2** Ишлари яхши йўлга қўйилган, ҳар нарса ўз жойида, тартибга солинган, саранжом-сарийшта. *Сирдарё соҳиллари — кўз илғамас*

асрий дашт. Ардоқли ўлка бугун — ясоғли ва тежоеғли. Миртемир.

**ТЕЗ** [ф. تيز — ўткир, кескир; ўювчи, аччиқ; санчиловчан; зийрак, сезгир; илдам, жадал; чақон] **1** Орадан кўп вақт ўтмасдан, оз (қисқа) вақт ичида; дарров, тезда. *Мажлис тез тугади. Бола ўқиш-ёзишни тез ўрганди. Воқеалар тез ривожланмоқда. Шошмасанг, тез етарсан, шошгандан ўзиб кетарсан.* Мақол. ■ *Борди-ю, кўклам серёмғир келгудек бўлса, ер тез етилмайди, экин кечикиб кетади.* Н. Сафаров, Хадича Аҳрова. *Ҳаво айниятти, укажон. Бунақа ҳавода чўққиза чиқиси хавфли, Тоғда қоронғи тез тушади.* Ҳ. Назир, Сўнмас чақмоқлар.

**Тез кунда (ёки кун ичида), тез орада, тез фурсатда (ёки фурсат ичида)** Орадан кўп вақт ўтмасдан, озгина вақт ўтгандан кейин, қисқа фурсатда, оз муддатда. *Азалда тақдиримиз қора битилган эканми, тез кунда бошимизга оғир кунлар тушди.* Ойбек, Танланган асарлар. *Сорахон тез фурсат ичида унинг кўнглидан Мунисхон ишқини ювиб чиқарди.* А. Қаҳҳор. Сароб.

**2** Дарҳол, шу топда, шу он, зудлик билан. *Нақ пешин вақтида Ёрмат чой-нон олиб келди, уларни ерга қўймасдан, Йўлчини койиди: -Тез чиқинг-е.. куннинг иссиғини сезасизми?!* Ойбек, Танланган асарлар. *Қудрат тез жавоб айтолмади. Сингисини, шу билан бирга ўзини ҳам юпатиш учун баҳона ахтарди.* Ҳ. Назир, Сўнмас чақмоқлар. *Бой тез фаҳмлади-да: -Шундайми, жиян, — деб кулди.* Ойбек, Танланган асарлар.

**Тез айтиш** Ўзбек халқ оғзаки ижодининг янглишиб кетиш мумкин бўлган қофиядош, ўхшаш сўзларнинг жумлаларини адашмай, тез талаффуз қилишдан иборат бир тури. **Тез бўл** Вақт ўтмасдан, дарров ҳаракат қил, имиллама. *Юринг, тез бўлинг. Ҳамро опам бетоб бўлиб қолди.* Туйғун, Зулфизар.

**3** Меъёрадагига нисбатан олдинроқ, илгарироқ. *Бола отасининг сўзларидаги маънони дуруст тушунмагани учун бунчалик тез ва осон «хўп» деди.* П. Қодиров, Юлдузли тунлар. *Сидиқжоннинг онаси Хадича хола умрини хорлик-зорлик тортиб ўтказган ҳамма кишилардай тез қариган..* А. Қаҳҳор, Кўшчинор чироқлари.

**4** Катта суръат билан, шаҳдам, жадал. *Тез ишламоқ, Тез юрмоқ. Тез ўқимоқ.* ■ *Сой унча катта бўлмаса ҳам, ниҳоятда тез оқар,*

*«қулқ-қулқ» этган товушлар сув остида катта-катта тошлар юмалаётганини билдириб турар эди.* А. Қаҳҳор, Олтин юлдуз. *Йиллар шу қадар тез ўтардики, ҳа-ҳув дегунча у олтмишдан ошиб, пайғамбар ёшига яқинлашмоқда..* Мирмуҳсин, Меъмор. *У, Дилбарга етиб олиш учунми ёки қаттиқ ҳаяжонга тушганиданми — тез қадам ташлай бошлади.* «Гулдаста».

**5 сфт.** Дарров аччиғланиб, қизишиб кетадиган, сержаҳл, жиззаки. *Жуда тезсиз-да, Аҳмаджон, бердисини эшитмай бўғасиз-а!* С. Кароматов, Ҳижрон. *Э.. мен бу ишга аралашмас эдим, бу йигитнинг ўзи тезроқ.* Н. Сафаров, Уйғониш.

**Жаҳли (ёки аччиғи, феъли) тез** Дарров аччиғланиб, қизишиб кетадиган, сержаҳл, жиззаки. *Шомми калнинг жаҳли жуда тез бўлиб, юрагида кек сақловчи киши эди.* Ж. Шарипов, Хоразм. *Домланинг аччиқлари тез, асабий мижоз эканликларини айтиб ўтган эдим.* М. Муҳаммаджонов, Турмуш уринишлари. *Хотининг, бунақа феъли тез экан, [болани] олиб кетмагани ҳам дуруст.* А. Қаҳҳор, Кўшчинор чироқлари. **Тили тез** Тезда қизишиб, бидиллаб кетадиган, гап бермайдиган. *Оҳ, ўғлим, ёшсан, тилинг тез, ўнг-терсига қарамай гапираверасан.* Шухрат, Жаннат қидирганлар.

**6 с.т.** Жуда тез ишлайдиган, тезкор. *Жуда тез уста.*

**Зеҳни тез** Зеҳни, ақли ўткир, тез фаҳмлаб оладиган, фаросатли. **Тез ёрдам** Оғир беморларга шошилинч ёрдам кўрсатиш хизмати. *Тез ёрдам машинаси. Тез ёрдам чақирмоқ.* ■ *Ҳамма шаҳар ва туманларда тез ёрдам станциялари ишлаб турибди.* Газетадан.

**ТЕЗАК** [ф. تيزك] **1** Ҳайвон ёки куш ахлати; гўнг. *Мол тезаги.* ■ *Йигитлар қўйларнинг сийдик ва тезакларига булғаниб ётган тутқунларнинг қўл-оёқларини ечиб, қўрдан ҳайдаб чиқармоқчи бўлдилар.* С. Айний, Қуллар. *-Оқ қушларнинг тезаги оппоқ бўлар экан, — деди Шум бола.* Ф. Фулом, Шум бола.

**2** Қуриган ёки ёқши учун махсус қурилган гўнг (асосан, мол гўнги). *Ҳайдар.. ўчоқ ичига кўмилган ўтни очиб, устига бир дона тезак қўйиб, пуфлаб, бир оз яшнатди.* С. Айний, Қуллар. *Ўчоқда тезак милтиллаб ёнар, қора човғум биқир-биқир қайнарди.* С. Анорбоев, Оқсой.

**Тенг тенги билан, тезак қопи билан** Ҳар ким мавқеи, обрўйи жиҳатидан ўзига тенг, мос, мувофиқ киши билан бўлиши лозим, деган маънодаги мақол. *Тенг тенги билан, тезак қопи билан!* Бозоров — бир қоп тезак! *Адолатнинг тенги — Нормат.* И. Раҳим, Чин муҳаббат.

**ТЕЗАКЛАМОҚ** Табиий ҳожат чиқармоқ, ёзилмоқ (ҳайвон ва қушлар ҳақида). *От тезаклади.*

**ТЕЗАКХОНА** Тезак сақланадиган ёпиқ жой, саройхона. -*Офарин!* — эшон ясама кулди. — ..*Тинчгина бол чайнаб юрган одам, тезакхонада истиқомат қилибсиз.* И. Раҳим, Тақдир.

**ТЕЗАУРУС** [юн. thesauros — хазина, бойлик] *тлш.* 1 Муайян тилдаги барча сўзларни қамраб оладиган, уларнинг матнда қўлланиш ҳолатларини тўла-тўқис акс эттирадиган лугат.

2 Бирон-бир илм-фан соҳасига оид сўзлар мавзу тартибида жойлаштирилган ва улар ўртасидаги семантик (жинс-тур, синонимик ва б.) муносабатлар акс эттирилган идеографик лугат.

**ТЕЗГИЗАК** Ёғоч канаси.

**ТЕЗГИР** [ф. تيزگير — тез, чаққон олувчи] Овни тез оладиган, олғир. *Тезгир бургут. Тезгир този.*

**ТЕЗДА(Н)** *рвш.* Орадан кўп вақт ўтмасдан, қисқа муддат ичида, оз фурсатда; дарров. *Қишининг биринчи ярми қуруқ келди. Икки мартагина қор ёғиб, тезда эриб кетди.* П. Турсун, Ўқитувчи. *Кеча клубга борган хотиннинг Адолатга кўзи тушиши билан, ранги ўзгариб кетди. Лекин тезда ўзини ўнглаб олди.* С. Зуннунова, Гулхан. *Бектемир тездан ўзини настликка ташлади, югура-югура, ўрмонга кирди.* Ойбек, Куёш қораймас.

**ТЕЗИКМОҚ** *шв.* Тез юрмоқ, тезликни оширмоқ; тезлашмоқ. *Зулфизар отига газаб қамчисини урди, гойибнинг қушидай тезикиб кетди.* «Зулфизар билан Авазхон».

**ТЕЗИС** [юн. thesis — қоида; исбот] 1 Илмий асар, мақола, маъруза ва ш.к. даги асосий ғояларнинг қисқа ва лўнда баёни. *Маъруза тезиси.* ■ *Қасдатхон стол устидаги тезисларини олар экан, соатига қаради.* С. Зуннунова, Янги директор.

2 *мнт.* Ҳақиқат эканлиги исботланиши лозим бўлган ҳукм, мулоҳаза, фикр. *Шоир дунёқарашининг баркамоллигидан дарак бе-*

*рвчи бу тезис унинг қатор асарларида турли шаклларда жуда кўп қайтарилган.* «ЎТА».

**ТЕЗКОР** [ф. تيزكار — тез, жадал ишловчи] 1 Тез ишлайдиган, ишни тез, чаққон бажарадиган. *Тезкор уста.* ■ *Ўринбой тезкор, ҳар қандай ишни ҳам тез бажо этишни ёқтирадиганлардан.* Т. Рустамов, Мангу жасорат.

2 Тезлик билан ҳаракат қилувчи, тезлик билан натижага эришишни таъминловчи. *Қурт боқининг тезкор усули ҳақидаги бу доврўқ бутун мамлакатга ҳам таралди.* Й. Муқимов, Ипак толаси. *Фарғона вилояти Давлат солиқ бошқармаси тузган тезкор гуруҳ аъзолари бозорларни зимдан кузата бошладилар.* Газетадан.

**ТЕЗКОРЛИК 1** Тез ишлаш. *Унинг тезкорлиги ҳаммани ҳайратда қолдирди.* ■ *Тезкорлиги, сифатли иши билан танила бошлаган.. Омонга масъулиятли иш топширилди.* Т. Баҳромов, Отасининг боласи.

2 Тез ишлаш, ишни тез бажариш; ишда жадаллик. *Фалла ўрим-йиғими тезкорликни талаб қилади.* ■ *Ўрта Осиёнинг талай қисмини эгаллаб ётган тоғлар бағридаги бойликлар йил сайин тезкорлик билан ўзлаштирилмоқда.* А. Раззоқов, Муҳокама мавзуи. *Бунинг учун тезкорлик билан, қаттиқ, баъзида кўпчиликка хуш келмайдиган чоралар кўрилиши зарур.* Газетадан.

**ТЕЗЛАМА:** *тезлама қилмоқ кам қўлл. айн. тезламоқ II.*

**ТЕЗЛАМОҚ I 1** Тезлиги ошмоқ, ҳаракат тезлигини оширмоқ. *Поезд тезлаб кетди. Ёмғир тезлади.* ■ *Комилжон тезлаб келиб, Халиловга қўл узатди: -Келинг, Халилов ака.* И. Раҳим, Ихлос.

2 Тез юришга ундамоқ, қистамоқ. *Куч борича отим тезлаб кўраман.* «Муродхон».

3 Ҳужум қилишга, уришишга ундамоқ, хезламоқ, гижгижламоқ. *Хўрозларни бир-бирига тезламоқ. Беданани тезламоқ.*

4 Чархлаб, қайраб ўткир қилмоқ. *Кетмонни тезламоқ. Ўроқни тезламоқ.*

5 *с.т.* Олов кучайиб, тезлик қилиб, оқиб, қўчиб тушмоқ (тандирда ёпилган нон, сомса ҳақида).

**ТЕЗЛАМОҚ II** Бинонинг ишдан чиққан деворини, томини бузмасдан кўтариб қўйиб таъмирламоқ, янгиламоқ. *-Уйнинг орқасини тезласаммикин, — деб кўнглидан ўтказди Бўтабой, — шошмасдан, яхшлаб тез-*

ласам. Уйнинг ичини қумсувоқ қилсам. С. Аҳмад, Ҳукм.

**ТЕЗЛАТКИЧ 1** махс. Бирор иш-ҳаракат ёки жараёни тезлатиш, жадаллатиш, кучайтириш учун хизмат қиладиган асбоб, қурилма ва ш.к. *Ядро заррачалари тезлаткичи.*

**2** Бирор жараёни тезлаштирадиган, ривожлантирадиган омил, восита, куч.

**ТЕЗЛАШМОҚ 1** **Тезламоқ 1** фл. бирг. н. *Йигитлар болаларни тезлашиб, курашга туширишди.*

**2** Суръати ошмоқ, жадаллашмоқ; кучаймоқ, авжга минмоқ. *Поезд тезлашди. Ишлар тезлашиб кетди. ■ Шабда ҳам тезлашиб, болаларнинг сочлари ва галстуклари билан тинмай ўйнашмоқда. Ҳ. Назир, Сўнмас чақмоқлар. Майдалаб, шивалаб ёғайтган ёмғир тобора тезлашарди. Э. Раимов, Ажаб қишлоқ. Авазнинг қадами бир секинлашади, бир тезлашади. С. Сиёев, Ёруғлик.*

**3** Муддатидан олдин амалга ошмоқ, тезроқ содир бўлмоқ. *Уйлаб қараганда, унинг эндиги тақдири кўп жиҳатдан мана шу сафарига ҳам боғлиқ; ҳатто тўйнинг тезлашуви ҳам, тўйдан кейинги саёҳат ҳам шунга боғлиқ. С. Анорбоев, Оқсой.*

**ТЕЗЛИК 1** Тез одамга хос ҳаракат, хусусият. *Солиҳбойнинг қайнаб турган газаби унинг тезлигида ёки жазавага тушишида эмас.. Ф. Жўраев, Обид Жалилов.*

**2** Иш-ҳаракат, жараён ва ш.к. нинг жадаллиги, суръати, даражаси. *Иш тезлиги. Ҳисоблаш тезлиги.*

**Тезлик билан 1)** имкон борича қисқа вақт ичида, тез суръат билан, жадал. *Ҳосилни тезлик билан йиғиб-териб олмоқ; 2) дарҳол, ошиғич равишда, кечиктирмай. Тезлик билан етиб кел.*

**3** физ., тех. Жисм босиб ўтган масофанинг шу масофани босиб ўтиш учун кетган вақтга нисбати. *Юриш тезлиги. Югуриш тезлиги. Товуш тезлиги. Уртача тезлик. Тезлик бирлиги. Тезликни ҳисобламоқ. Трактор баландликка биринчи тезликда чиқади.*

**ТЕЗЛИКДА** рвш. кам қўлл. Тезлик билан, тезда, тез. *Тезликда етиб келиб, Сен ҳам даврамизга кир. Кўм-кўк арча тагида Сакраб-сакраб ўйнаб бер. И. Муслим. Тезликда Самарқандга — Улуғбек мирзога чопарлар орқали нома жўнатилди. Мирмуҳсин, Меъмор.*

**Яшин (ёки чақмоқ) тезлигида** Жуда тез, кўз очиб юмгунча. *Бирдан калламга яшин тезлигида бир фикр келди. Э. Раимов, Ажаб қишлоқ. Бу фикр Эргашевнинг хаёлидан чақмоқ тезлигида ўтди. Н. Сафаров, Водиллик қаҳрамон.*

**ТЕЗОБ** [ф. تيزاب — барча металлларни эритувчи суюқлик, сульфат ва нитрат кислоталар аралашмаси; тезоқар сув] **1** кам қўлл. Тез оқадиган, тезоқар. *Избоскан қишлоғининг этагидан.. тезоб дарё оқади. Й. Шамшаров, Олтин куз. Қалбинг ишлар ишқин куйлаб доимо. Мисралар ирмоқдай тезоб, шўх, тоза. М. Бобоев. Ёшлик экан, умр аталмиш тезоб дарёнинг айни кўпирган, жўшқин палласи. Э. Аъзам, Кечикаётган одам.*

**2** Тез суръатли, жадал. *Ҳар якшанба иш шу тариқа тезоб.. Ш. Тоҳиров, Қарс икки қўлдан чиқади.*

**3** айн. **тез 5.** *Воқеадан хабардор бўлган тезоброқ Иноғом ака тутақиб кетди. Ф. Музажонов, Камтарин ишчи.*

**4** махс. Турли технологик жараёнларда эритиш, тозалаш, оқлаш, ошлаш ва ш.к. мақсадларда ишлатиладиган моддаларнинг умумий номи. *Терини тезобга солмоқ. Металлни тезобда тозаламоқ.*

**ТЕЗОБЛАМОҚ** махс. Тезобда ишлов бермоқ. *Терини тезобламоқ. Металлни тезобламоқ.*

**ТЕЗОТАР 1** Бирин-кетин жуда тез ўқ отадиган. *Тезотар милтиқ. Тезотар зенит тўпи.*

**2** Тез сайрайдиган, сайроқи (бедана ҳақида). [*Комил бедананинг сайрашини эшитиб тўхтайдилар:*] *Оҳ, оҳ, оҳ! Бай-бай-бай! Зап тезотар бўпти-да. О. Ёқубов, Икки муҳаббат.*

**ТЕЗОҚАР** Тез оқадиган. *Тезоқар дарё, пулемётлардан ёмғирдек қуйилаётан ўқ.. снарядларнинг даҳшатли чинқириғи хужумни тезлатгани қўймас эди. А. Раҳмат, Азиз тупроқда унган дўстлик.*

**ТЕЗПАЗАК** [ф. تيزپزک — тез пишувчи] шв. Тезпишар. *Тезпазак ўрик.*

**ТЕЗПИШАР** Тез пишадиган, эрта етиладиган; чиллаки. *Тезпишар пахта навлари. Тезпишар ўрик. Тезпишар қовун. ■ Анов пол тутзор кўркам — Раёно қаламчалари. Бу поли — Салимжоннинг Тезпишар олчалари. Қ. Муҳаммадий.*

**ТЕЗ-ТЕЗ** рвш. **1** Тезлик билан, жадал, илдам; шошилиб. *Тез-тез юрмоқ. Тез-тез*

ишламоқ. ■ Шоир дафтарчасини тиззасига қўйиб, тез-тез ёзар эди. А. Қаҳҳор, Картина. Алимжоннинг юраги тез-тез уриб, бадани қизишди. К. Раҳимов, Ўз касбини севган йигит. [Мадамин] Худди бировдан қизгангандек тез-тез ошар ва чайнамасдан ютар эди. П. Турсун, Ўқитувчи.

2 Кўп вақт оралатмай, бот-бот, ўқтин-ўқтин. Бемор тез-тез сув сўрар эди. ■ Гулнор бу ой ичида тез-тез оғриб турди. Ойбек, Танланган асарлар. -Энди сиз шу ерда қалин, — деди онасига Нормат, дарвозадан чиқаркан, — уринманг.. Тез-тез хат ёзиб тураман. И. Раҳим, Чин муҳаббат.

ТЕК рвш. 1 Ҳаракатсиз, қимирламасдан ва овоз чиқармасдан, жим. Тек тур. Тек утир. ■ Ҳамма бир лаҳза тек қолиб, бирдан қаттиқ кулги кўтарилди. А. Қаҳҳор, Майиз емаган хотин. Унда лайлак бир оёқлаб туриб, яшилланиб келаётган адирларга кўз ташлаб, тек қотган. С. Аҳмад, Хукм.

2 Ҳеч иш, ҳаракат қилмасдан, бекор. Тек турмаган тўқ турар. Мақол. ■ Унинг [Ҳайдарбойнинг] кўллари тек турмайди: дам узун оташкурак билан тўнканинг ўт олган жойларини қоқиб, яна ҳам кўпроқ биқситади. П. Турсун, Ўқитувчи. Ҳамма ҳаракатда-ю, ёлғиз мен тек ётибман. Ойдин, Олтин узукка олмос кўз.

3 унд. с. өзф. Қимирлама, жим. -Тек, ўртоқлар, — деди раис ва давом этди, — ўзингиз экасиэми? А. Қаҳҳор, Сароб.

Тек қўймоқ Тинч қўймоқ, безовта қилмаслик. Ҳозир тек қўйиб қўйган одамларни сув чиққандан кейин қамашди ҳам эҳтимолдан узоқ эмас. М. Исмоилий, Фарғона т. о.

ТЕКИН Эвазига пул, ҳақ ёки бошқа бирор нарса талаб қилинмайдиган; пулсиз, бепул. Текин овқат. Текин меҳнат. ■ Узоқ сафарга пул керак. Текин қимиз, эт қайда. Ойбек, Танланган асарлар. -Сен ҳали шунақа ёмонмисан-а? Уй-бўй! — деди завхоз. — Шунчалик текин еб-ичиб, ўқиб юрганинга шукур қилиш керак. П. Турсун, Ўқитувчи.

Сув текин, сувтекин Жуда арзон, деярли текин. Хотинларнинг меҳнати айниқса қадрсиз, сув текин бўлишини ўшанда билдим. Ойбек, Танланган асарлар. -Гўр азоби билан етиштирган пахтасини заводга келтириб, сув текин сотади, — деяр эди куюниб Вали ака. М. Исмоилий, Фарғона т. о. Текин томоқ қ. томоқ 3.

ТЕКИНГА рвш. Эвазига пул, ҳақ ёки бошқа бирор нарса олмасдан ёки бермасдан; пулсиз, бепул. Текинга ишлатмоқ. Текинга олмоқ. ■ Қаранг, бировларнинг болаларини пул сарф қилиб, вақт сарф қилиб, текинга ўқитса-я! М. Исмоилий, Фарғона т. о.

ТЕКИНТОМОҚ (тўғриси текин томоқ) қ. томоқ 3.

ТЕКИНХЎР 1 Меҳнат қилмасдан, бошқалар ҳисобига кун кўрувчи; ҳаромхўр. Текинхўрлар ва безорилар одил суд томонидан тегишли жазосини олади. Х. Ризаев, Безори муносиб жазоланди. Аҳмадга ўхшаган соф виждонли одам учун энг ёмони — ўзини бекорчи, текинхўр сезиш. Ф. Мусажонов, Ҳиммат.

2 биол. Бошқа организмларга ёпишиб, уларни сўриш билан яшовчи майда жонивор ёки ўсимлик; паразит. Текинхўр зарпечак. ■ Энди чимқирқар машина соламан бу текинхўр газандага. Ойбек, О.в. шабадалар.

ТЕКИНХЎРЛИК Меҳнат қилмай еб-ичиш, кун кўришлик. Қодир Қурбонбоев жамиятимиз учун бирор фойдали ишга кўнги қўймади, текинхўрлик, чайқовчиликка муккасидан кетди. «Муштум».

ТЕКИС 1 Юзида гадир-будир, баланд-паст, ўнқир-чўнқир жойлари бўлмаган; силлиқ. Текис тахта. Текис майдон. Текис девор. ■ Кеча қоронги ва туманли эди. Кенг, текис кўчага узоқдан чироқлар туман ичида хира, совуқ нур сепди. Ойбек, Танланган асарлар. Йўл текис, машина силкинмасди. С. Аҳмад, Уфқ.

2 Жойлашиш, ўлчам (ҳажм ёки бўй) ва ш.к. жиҳатдан бир хил. У жилмайганида, қизларниқига ўхшаиш, текис тишлари ярқ этиб кетди. Ў. Ҳошимов, Қалбингга қулоқ сол. Бўйи баланд, қомати келишган, қора соқоли иягида текис қилиб қирқилган. М. Исмоилий, Фарғона т.о. Кўк блузка кийган икки қиз Башоратларнинг олдида келди. Улар бир-бирларига жуда ўхшар, бўйлари ҳам текис, жуда чиройли қизлар эди. А. Мухтор, Опа-сингиллар.

3 Бир маромда, бир хил тезликда. Текис ҳаракат. Текис одим. ■ Худди цирк отларидай безатишган семизгина, силлиққина бўз от текис олиб кетди. Ойбек, Нур қидириб. Ундан нарироқда қора калхат, санъатини намойиш қилаётгандай, бир текис сузиб юрибди. Н. Фозилов, Дийдор.

4 *рвш.* Бараварига, ёппасига бир вақтда; шиға, қийғос. *Уруғларни текис ундириб олмоқ. Гилослар бир текис гулади. Ғўзалар бир текис униб чиқди.* ■ *Ҳар сафар текис чиқиб, яшнаб ўсаётган ям-яшил ғўзаларни кўргананда.. пахтазордан чиққим келмас эди.* О. Ёқубов, Икки муҳаббат.

5 Ҳар жиҳатдан тенг, баравар, бир ҳуқуқтаги. *Сув худойимнинг мулкими? Халойиқ текис ичади.* Ойбек, Танланган асарлар. *Мени сайланг, негаким, Энди қадрдон бўламан. Бир текис ҳаммангизга Хизмати бажон қиламан.* Ҳамза.

6 *кўчма с.т.* Беишқал, силлиқ; бир хил қилиб. *Иши жуда текис. Ҳамма иш текис бўлиб кетди.* ■ *Муса кўса бир ерда турмас, чигитларни бир текисда экиш кераклигини, чигит тўрт энликдан чуқур бўлмаслигини ҳадеб тайинларди.* С. Аҳмад, Ҳукм.

7 *с.т.* Келишган, чиройли. *Ўртада ўн олти-ўн етти яшар бачча ўйнайди. У рангсиз, хипча, «текисгина», яна тўғрироғи, «попукдай» бола.* Ойбек, Танланган асарлар. *Анов тоғ билан манов тоғ эгиз экан, Жами қиздан охун қизи текис экан.* «Оқ олма, қизил олма».

**ТЕКИСЛАГИЧ** Текислаш, силлиқлаш учун хизмат қиладиган асбоб, мослама, машина. *Ер текислагич.* ■ *Доирани текислагич ёрдами билан горизонтал ҳолатга келтириши мумкин.* «Астрономия».

**ТЕКИСЛАМОҚ 1** Баланд-паст, ғижим, гадири-будурларини йўқотиб, текис, силлиқ қилмоқ. *Ерни текисламоқ. Кўчани текисламоқ. Тахтани текисламоқ. Сочини текисламоқ.* ■ *Нодира бошлиқ бир тўда ўқувчилар спорт майдончасини текисладилар.* С. Зуннунова, Янги директор. *Нормат ўрнидан туриб, камарини қаттиқ тортиб, гимнастёркасини текислади-да, Адолатнинг олдиға борди.* И. Раҳим, Чин муҳаббат.

2 Бир чизиқ бўйлаб текис жойлаштирмақ. *Сафларни текисламоқ.* ■ *Рота командири жангчиларга кийимларини тузатишини, қуролларни яна қайта текислаб, тартибга солиб қўйишини буюрди.* Шухрат, Шинелли йиллар.

3 *с.т.* Ишқалларни йўқотиб силлиқламоқ, тўғриламоқ. *Ҳамма иш текислаб юборилди.*

**ТЕКИСЛИК 1** Текис юза(сирт)га эгалик. *Ернинг текислиги. Тахтанинг текислиги.*

2 Баланд-пастни бўлмаган текис ер, текис майдон. *Рўпарадаги текисликда район дарахтлари қорайиб кўринар.. эди.* П. Турсун, Ўқитувчи.

3 *физ., геом.* Текис юза. *Проекцияловчи текислик. Қия текисликдан жисмнинг тушиши.*

4 *геогр.* Катта баландликлар, тоғлар бўлмаган, нисбий текис бўлган ер сатҳи; океанлар тубидаги ясси катта майдон. *Ўшнинг жанубидаги кенг текисликлар, тўлқинсимон қир ва адирлар турли-туман дала гуллари билан безанган.* П. Қодиров, Юлдузли тунлар.

5 *сиёс.* Ҳар жиҳатдан тенглик, тенг ҳуқуқлилиқ. *Иқтисодий текислик.*

**ТЕКИССИЗ** кам қўлл. Текисмас, нотекис. *Текиссиз тараққиёт.*

**ТЕКИССИЗЛИК** кам қўлл. Текиссиз ҳолат, нотекислик. *Ривожланишининг текиссизлиги.*

**ТЕКИСЧИЛИК 1** Бажарилган ишнинг миқдори ва сифатини ҳисобга олмасдан, ҳаммага баб-баравар ҳақ тўлаш, бир хилда тўлаш, тақдирлаш. *Текисчиликка қарши кураш.* ■ *Шукуржон текисчиликка қарши мурасасиз кураш олиб борар, бирон ёш табелчига нарядни бошқатдан ишлаш учун қайтариб берар экан: -Шуни билиб қўйингки, ҳеч қачон ҳамма бир хилда ишламайди, — дерди.* З. Сотиев, Истеълод. *Бу соҳада [моддий рағбатлантиришда] юз бериб келаётган текисчиликка қатъиян барҳам бериш керак.* Газетадан.

2 *сиёс.* Кишиларни, қайси синф ёки табақага мансублигидан қатъи назар, иқтисодий ва сиёсий жиҳатдан тенг имкониятли, тенг ҳуқуқли қилишга уриниш.

**ТЕКСТ** [лот. textum — боғланиш; бирикиш; алоқа; бирикма] 1 қ. **матн.** *Мақоланинг тексти. Телеграмманинг тексти.* ■ *Жумлалари турар текис, Зумда варақ чиқар эгиз. Газета, журнал, китоб, Текстлари ўқишга боп.* Қ. Муҳаммадий.

2 *плгрф.* Йирик шрифтлардан бирининг номи.

**ТЕКСТИЛЬ** [лот. textile — газлама; тўқима мато; газламадан тайёрланган кийимлар] 1 Тўқимачилик саноати маҳсулоти; газмол.

2 *с.т.* Тўқимачилик комбинати. *Келиним ўлгурнинг ўзиям текстида ишлаб, жарақ-жарақ пул олади.* «Муштум».

**ТЕКСТОЛОГ** қ. **матншунос**. 1939 йили Навоий юбилейи комитети тузилганда, [комитет] Маҳжур, Ҳабибий, Анисий, Улфатлари *Ўзбекистон Фанлар академиясига* текстолог қилиб чақиртирди. Газетадан.

**ТЕКСТОЛОГИК** Матншуносликка оид (қ. **матншунослик**). *Текстологик тадқиқот* принциплари бўйича ўз даврининг пешқадам қалам эгалари – Навоий билан Жомийнинг тутган умумий позициялари бир-бирига жуда яқин.. бўлганлигига «Хамсатул-мутаҳаййирин»дан яна бир машҳур мисолни келтириш мумкин. «ЎТА».

**ТЕКСТОЛОГИЯ** [лот. *textum* + юн. *logos* – таълимот] қ. **матншунослик**. *Шуниси аниқки, текстология у вақтларда мустақил фан сифатида ривожланмаган.. эди. «ЎТА».* Республикамизда текстология фани равнақини унинг асосчиларидан бири Порсо Шамсиевиз тасаввур қилиб бўлмайди. С. Фаниева, Алломанинг табаррук ёши.

**ТЕКТОНИК 1** Ер қобиғи ҳаракати ва унинг ўзгаришларига оид; шулар натижасида содир бўлган. *Тектоник жараёнлар.* ■ Японияда ва Американинг ғарбий қирғоқларида содир бўладиган zilzilalarda ҳам тектоник, ҳам вулканик кучлар бараварига иштирок қилади. Т. Ҳамробоев, Зилзила ҳақида мулоҳазалар.

**2** Ернинг тузилиши ва ўзгаришига оид. *Тектоник харита.* ■ *Мазкур тектоник қатламлар оролгача кучли босим билан таъсир қилаётганлиги сабабли у жойидан silжиган.* Газетадан.

**ТЕКТОНИКА** [юн. *tektonike* – қурувчилик санъати] геол. Геологиянинг Ер қобиғи муайян қисмининг тузилиши ва унда юз берадиган ўзгаришларни ўрганадиган бўлими. *Геологларнинг махсус гуруҳи ишида тектоника, геофизика, гидрогеология соҳасида.. иш олиб бораётган энг таниқли мутахассислар қатнашдилар.* Газетадан.

**ТЕКТУРМАС 1** Бекор тура олмайдиган, бекорчиликни ёқтирмайдиган, тиниб-тинчимас, серҳаракат. *Тектурмас чол.*

**2** Шўх, тўполончи (кўпинча болалар ҳақида). *Тектурмас бола.*

**ТЕКШИРИШ 1** **Текширмақ** фл. ҳар. н. *Қарорнинг бажарилишини текшириш. Бухгалтерия фаолиятини текшириш.*

**2** Ўрганиш, тадқиқот. *Геологик текшириш. Илмий текшириш институти.* ■ *Фу-*

*зулий [ижоди] устида олиб борилган текширишлар* Фузулий адабий мактабининг ташаккулида Навоий ижодининг муҳим роль ўйнаганлигини янада яхшироқ очиб беради. «ЎТА».

**3** Тафтиш, ревизия. *Агар текшириш натижасида Ҳасанжон бу ишга илгинган бўлиб чиқса, у ҳам нобуд бўлади.. жазосини тортади.* С. Айний, Куллар.

**ТЕКШИРМОҚ 1** Тўғри-нотўғри, ҳақноҳақлигини билиш мақсадига кўздан, эътибордан ўтказмоқ. *Ишонни текширмақ.* ■ *Амирзодан гапим ёлғиса, бугун кечаси текшириб қилин.* П. Қодиров. Юлдузли тунлар. *Дарсимни ҳам тайёрлаб бўлдим. Ана, дадамдан сўранг: текшириб кўрдилар.* С. Зуннунова, Янги директор.

**2** Моҳиятини, ҳақиқий ҳолни билиш, аниқлаш учун кўздан, эътибордан ўтказмоқ. *Ишга қабул қилишда синаб кўриш – ишчи ёки хизматчининг унга топшириляётган ишга масъулиятини текшириб кўришдир.* Газетадан. *Энди овозини текшириб кўраман деяётганда, телефон жиришлади.* Т. Ашуров. Оқ от.

**3** Илмий асосда ўрганмоқ, таҳлил, тадқиқ қилмоқ. *Гулнинг тузилишини текширмақ. Қоннинг таркибини текширмақ.* ■ *Кичик автобуслардаги лабораторияларда эса сув ва тупроқ таркибини текшириш, клиник тадқиқотлар олиб бориш мумкин.* Газетадан.

**4** Назорат учун кўздан кечирмоқ, тафтиш, ревизия қилмоқ. *Қарорнинг ижросини текширмақ. Кассани текширмақ. Ферма хўжалигини текширмақ.* ■ *-Тухта, қаерга борасан?.. Сен комиссия аъзосисан-ку. Текширишини битказганимиздан кейин, актга қўл қўйиб, сўнгга ўз ишингга борасан.* С. Айний. Куллар.

**ТЕКШИР-ТЕКШИР** с.т. Устма-уст, қайта-қайта текширишлар. *Текшир-текшир қилмоқ. Текшир-текшир бошланмоқ.*

**ТЕЛБА 1** Ақлдан озган, девона, жинни. *У бетлари юмдаланган, оппоқ сочлари юлгинган бу телба хотинини ўзининг қирқ йиллик умр йўлдошига ўхшата олмади.* М. Исмоилий, Фарғона т. о. *Осияжон қаҳ-қаҳ уриб кулиб юборди, ҳамма, қиз телба бўлган, деб унга қаради.* Ж. Шарипов, Хоразм.

**2** Бирор нарсага, кимсага ортиқ даражада берилган; савдойи, шайдон. *Фақир ҳам шу фикрнинг телба бандасидир.* Ойбек, Навоий.



3 Телбага хос, телбаликни акс эттирувчи; маъносиз. *Телба кўзлари билан Бектемирга боқди-да, укасининг қонли милтигини чангаллади ва шамолдай учиб, Бектемирдан ҳам ўзиб кетди.* Ойбек, Кўёш қораймас. *Сиз менинг телба сўзларимдан аччиғланманг.* А. Қодирий, Ўтган кунлар.

4 *кўчма* *поэт.* Жиловланмаган, асов, «қутурган». *Телба дарё. Телба тўлқинлар.* ■ *Жўш уриб, қирғоғини Хўплар эди телба сой.* Ғайратий. *Телба шамол қутуриб ҳамла қилди.* *Авайлаб ўстирилаётган ниҳолларни илди-зи билан кўпориб кетди.* А. Набиҳўжаев, Мандат. *Хоразмда Амунни кўпдан Телба дарё деб аташади.* Э. Раҳим.

**Телба тўнни тескари киймоқ** *айн. тўнни тескари киймоқ қ. тўн.* *Баъзан телба тўнни тескари кийиб.. муомалалари дағаллашиб қолади.* Ғайратий, Довдираш.

**ТЕЛБАЛАНМОК 1** Ақл-хушини йўқотмоқ, телба бўлмоқ. *Лавъи деган бу жувон Абдурахмонбойнинг келини бўлган. Аммо Бўронбекка ишқи тушиб, унинг кўйида телбаланган.* Ҳ. Фулом, Машғал.

2 Телбага ўхшаш ҳолатга тушмоқ. *Совлиқнинг бунчалик телбаланиб чопишига энди тушунди.* С. Анорбоев, Ҳамсуҳбатлар. *Зиёдилланинг қони миясига урди.. Аламига чи-долмай, телбалана бошлади.* Ҳ. Фулом, Машғал.

3 *кўчма* Шиддат билан пишқирмоқ, жўшга келмоқ, ўзини ҳар ёққа урмоқ, «қутурмоқ» (одатда сув ва шамол ҳақида). *Оқар жўшқин урароқ, Телбаланиб Хонариқ. Ювилар тинмай қирғоқ, Ҳарён тошган ҳай-қирӣқ.* Ғайратий.

**ТЕЛБАЛАРЧА** Телбаларга ўхшаб, ақлдан озган каби. *-Ҳаётим! Топдим, олма орқасидасиз! — деб юборди у [Фуломжон] телбаларча кувониб.* М. Исмоилий, Фарғона т. о. *Гумонимча, иситмангиз қаттиқ ушлаган кўринадир ва телбаларча мактубингизни иситма орасида ёзганга ўхшайсиз.* А. Қодирий, Ўтган кунлар.

**ТЕЛБАЛИК 1** Телба эканлик. *Телба телбалигини тан олмайди.* Мақол.

2 Телбаларга, ақлдан озган, эс-хушини йўқотган кишиларга хос ҳолат, хатти-ҳаракат; жиннилик. *Телбалик излари йўқолиб, ақл ва ҳусн барқ уриб турган кўзларга боқиб унга [Адолатга] сира тенгсиз бир лаззат бағишларди.* С. Зуннунова, Гулхан.

**ТЕЛБАНАМО** Телбалар каби, телбага ўхшаш, жиннисифат. *Телбанамо киши.* ■ *Каримжон урушга кетгач, Асрора бирон ой телбанамо бўлиб юрди-ю, дарров ўзини ўнглаб олди.* С. Аҳмад, Уфқ.

**ТЕЛБАСАРО** *кам* *қўлл.* Телбаларга ўхшаш, ақлу ҳушини йўқотган; девонасифат. *Телбасаро эмишсан гоҳи, Қийнар эмиш сени ташна лаб.* *Уйларингни узун тунлари Қора фикр олармиш қамраб.* Т. Тўла.

**ТЕЛБА-ТЕСКАРИ** Бир-бирига боғланмаган, пойинтар-сойинтар, тартибсиз. [Ғофиржон] *Розия холанинг телба-тескари гапларини кўнглига олган бўлса, эҳтимол.* Н. Назаров, Замон. *Жангчиларимиз телба-тескари отишмадан гитлерчиларнинг мақсадларини аниқлаш учун ўзаро мунозара қилишар эди.* Н. Сафаров, Оловли излар.

**ТЕЛЕ-** [юн. tele — узоқ, олис; узоққа, олисга] Байналмилал ўзлашма кўшма сўзларнинг биринчи таркибий қисми: 1) узоқ масофадан туриб ҳаракат қилувчи ёки амалга оширувчи; 2) «телевизион» маъносига мувофиқ келувчи маъноларини билдиради. *Мас., телеалоқа, теледастур, телекўрсатув, телеминора* каби.

**ТЕЛЕБОШҚАРИШ** *айн. телебошқарув.*

**ТЕЛЕБОШҚАРУВ** Муайян объектнинг ишини назорат қилиш, зарур ҳолларда унинг иш режимини ўзгартириш ва б. учун мўлжалланган бошқариш қурилмалари мажмуи; узоқдан туриб бошқариш, масофадан бошқариш. *Республикадаги ҳамма гидроэлектростанцияларда автоматлаштирилган телебошқарув жорий қилинган.* ■ *Телебошқарув аппаратлари денгиз остида, худди одам каби, ҳатто объектларни аниқлаб, маълумотларни таҳлил эта олади.* «Фан ва турмуш».

**ТЕЛЕВИДЕНИЕ** [теле.. + р. видение — кўриш < лот. visio — кўриш] Ҳаракатдаги ёки ҳаракатсиз объектларнинг тасвирини товуш билан бирга радиоэлектрон воситалар ёрдамида муайян масофага узатиш ва қабул қилиш; узоқдан кўриш; ахборот тарқатиш воситаларидан бири. *Тошкент телевидениеси. Телевидение техникаси. Телевидение орқали кўрсатиш ва эшиттириш.* ■ *Радио, кино, телевидение ҳаётга чуқур кириб борган ҳозирги шароитда ҳам бадиий асарларга эҳтиёж ортиб бораётгани шундан далолат беради.* У. Норматов, Талант тарбияси.

2 Фан ва техниканинг ҳаракатдаги объект тасвирини масофага узатиш билан боғлиқ соҳаси.

3 Телекўрсатув, телеэшиттириш ишлари билан шуғулланувчи муассаса ва у жойлашган жой.

**ТЕЛЕВИЗИОН** Телевидениега оид. *Телевизион антенна. Телевизион кўрсатув. Телевизион марказ. Телевизион минора.*

**ТЕЛЕВИЗОР** [теле.. + лот. visio — кўриш; кўрсатув] Телестудиядан узатиладиган телесигналларни тасвир ва овоз тарзида қабул қилиб кўрсатадиган ва эшиттирадиган аппарат. «Рубин» маркали телевизор. *Телевизорни ўрнатмоқ. Телевизорда концерт кўрмоқ.* ■ *Уй тўридаги столда турган телевизор унинг [Холмирзанинг] диққатини кўпроқ тортди.* Ҳ. Назир, Одамнинг қадр. *Баширжон кўпчилик шоирларни телевизорда.. кўрар эди.* Н. Аминов, Суварак.

**ТЕЛЕВИЗОРЧИ** с. т. Телевидение бўйича мутахассис; телевизор тузатувчи уста. *Ўтган куни телевизорчилар келиб, уни [Кувондиқни] суратга олишган, хийла овора қилишган эди.* С. Абдуқаҳҳор, Кувондиқ.

**ТЕЛЕГА** [р. телега — бир от қўшиладиган арава тури] Тўрт гилдиракли арава. *Телегада гўнг ташиётган Дилшод ва Анзират йўлда учраб, гоҳо унга ҳазиллашар эдилар.* Ойбек, О. в. шабадалар.

**ТЕЛЕГРАММА** [теле.. + юн. gramma — ёзув] Телеграф орқали узатилган ёки қабул қилиб олинган шошилинч хабар, ҳужжат ва шундай хабар ёзилган қоғоз. *Қутлов телеграммаси. Телеграмма юбормоқ. Телеграмма олмақ.* ■ *Грейдернинг ёрдамчи куч сўраб берган телеграмма, радиограммаларига турлича ноаниқ жавоблар келди.* И. Раҳим, Чин муҳаббат.

**ТЕЛЕГРАФ** [теле.. + юн. grapho — ёзаман] 1 Узоқ масофаларга телеграмма, радиотелеграмма тарзида шошилинч хабар узатиш ёки уни қабул қилиб олиш учун хизмат қиладиган алоқа тизими ва унинг воситалари. *Телеграфнинг кашф этилиши. Телеграф станцияси. Телеграф алоқаси. Телеграф аппарати. Телеграф симлари.* ■ *Станциянинг идораси, почта ва телеграф иккита кўк вагонга жойлашган.* Р. Файзий, Таъзим.

2 Шундай хабарларни юборадиган ва қабул қилиб оладиган алоқа муассасаси ва

унинг биноси. *Тошкент марказий телеграфи. Телеграфга бормоқ. Телеграфда ишламоқ.*

**ТЕЛЕГРАФИСТ** 1 Телеграфия мутахассиси.

2 Телеграммалар юборувчи ва қабул қилиб олувчи телеграф ходими. *Телеграфист бўлиб ишламоқ.*

**ТЕЛЕГРАФИСТКА** Телеграфист аёл.  
**ТЕЛЕГРАФИЯ** [теле.. + юн. grapho — ёзаман] 1 Ёруғлик, радио ва электр сигналлари воситасида узоққа тез хабар етказиш техникаси.

2 Фан ва техниканинг телеграф алоқани ташкил қилиш тартиб-қоидаларини ўрганиш, телеграф сигналларини узатиш усуллари ишлаб чиқиш ва уларни амалга оширувчи аппаратлар яратиш билан шуғулланувчи соҳаси.

**ТЕЛЕЖКА** 1 Кичкина телега; аравача (қ. телега). *Маҳсулот ортилган машиналар, тележкалар музхона ва пункт томон ошиқади.* М. Назаров, Яхшини мақтаса ярашур.

2 Баъзи машина ва механизмларнинг сурилма қисми. *Минорали кран тележкаси.*

**ТЕЛЕИНСЦЕНИРОВКА** [теле.. + инсценировка] Телевидение орқали берилган инсценировка.

**ТЕЛЕКОММУНИКАЦИЯ** [теле.. + коммуникация] Сигнал, белги, матн, тасвир, овоз ва б. турдаги ахборотларни узатиш, қабул қилиш ва қайта ишлаш тизимлари мажмуи.

**ТЕЛЕКОМПАНИЯ** [теле.. + компания] Тегишлича жиҳозланган телевизион студияга эга бўлган ва телекўрсатувлар олиб борувчи хусусий ёки давлат корхонаси.

**ТЕЛЕКС** [ингл. telex < tel(egraph) — телеграф + ex(change) — коммутатор, алмаштирувчи, ўзгартирувчи] 1 Абонентлараро икки томонлама телеграф хабарлар алмаштириш учун мўлжалланган халқаро телеграф, алоқа тармоғи.

2 Шундай алоқани амалга ошириш аппарати.

**ТЕЛЕМАРАФОН** [теле.. + марафон] Узлуксиз, кўпинча сутка давомида кўрсатиладиган, олатда хайрия мақсадларини кўзлаб уюштириладиган телевизион кўрсатув.

**ТЕЛЕМАРКАЗ**, **телевизион марказ** Телевидение алоқаси учун хизмат қиладиган, махсус ускуналанган муассаса ва унинг биноси.

**ТЕЛЕМАРКЕТИНГ** [теле.. + маркетинг] Телевидение орқали товар ва хизматларни тарғиб қилиш ва сотиш.

**ТЕЛЕМЕТРИК** Телеметрияга оид. *Телеметрик аппарат. Йўлдош кеманинг телеметрик системаси.*

**ТЕЛЕМЕТРИЯ** [теле.. + юн. metreo — ўлчаيمان] Турли физик катталикларни узоқдан ўлчаш ва унинг усуллари ҳақидаги фан.

**ТЕЛЕМЕХАНИЗАЦИЯ** [теле.. + механизация] Ишлаб чиқариш жараёнларини узоқдан бошқариш ва назорат қилишда алоқа воситаларидан фойдаланиш.

**ТЕЛЕМЕХАНИК** Телемеханика мутахассиси.

**ТЕЛЕМЕХАНИК** Телемеханикага, узоқдан бошқаришга оид; узоқдан бошқариш учун хизмат қиладиган. *Телемеханик аппараттура. Телемеханик система.*

2 Телемеханика воситасида амалга ошириладиган. *Телемеханик назорат.*

**ТЕЛЕМЕХАНИКА** [теле.. + механика] 1 Техниканинг ахборотларни кодлаш, уларни симли алоқа ва радиоалоқа каналлари орқали узатиш воситаларини ишлаб чиқиш, яратиш ва улардан фойдаланиш билан шугулланувчи бўлими.

2 Ахборотларни узоқдан бошқариш ва назорат қилиш мақсадида уларни узатиш ҳамда қабул қилиш воситалари ва усуллари ишлаб чиқувчи фан. *Автоматика ва телемеханика соҳасидаги илмий-тадқиқот ишлари.*

**ТЕЛЕНАЗОРАТ** [теле.. + назорат] Объектларни телемеханика воситалари билан масофадан туриб текшириш, назорат қилиш.

**ТЕЛЕОБЪЕКТИВ** [теле.. + объектив] Узоқдаги нарсаларни катталаштириб суратга олишда, шунингдек, портрет сурат яратишда ишлатиладиган фотообъектив.

**ТЕЛЕПАТИЯ** [теле.. + юн. pathos — сезги; сезиш, ҳис қилиш] *псих.* Баъзи одамларда фикр ва ҳис-туйғуларни сезги аъзолари иштирокисиз муайян масофага узатиш қобилияти.

**ТЕЛЕСКОП** [теле.. + юн. skopeo — кўраман] Осмон жисмларини кузатиш, суратга олиш ва ўрганиш учун мўлжалланган астрономик оптик асбоб. *Астрономлар тахминан 350 йилдан бери телескоп орқали Ойни ўрганадилар. ■ Телескоп кўзимизни Сурайё-*

*дан ўтказди, Радио сўзимизни Жаҳонларга етказди. Ф. Фулом.*

**ТЕЛЕСКОПИК 1** Телескопга оид. *Телескопик линза.*

2 Телескоп воситасида амалга ошириладиган. *Телескопик кузатишлар.*

3 *тех.* Бўйлама ёки юқорилама суриладиган ёки сурилиб турадиган қисми бўлган. *Телескопик кран. Телескопик антенна. Мотоциклнинг телескопик вилкаси.*

**ТЕЛЕСКОПИЯ** Осмон жисмларини телескоп орқали кузатиш.

**ТЕЛЕСТУДИЯ** [теле.. + студия] Телевизион марказ қошидаги бевосита телевидение кўрсатувлари олиб бориладиган студия. *Сени излаб, консерваторияга бордим, телестудияда, дейишди. Оёғимни қўлимга олиб, у ёққа югурдим, кейин бу ёққа. Ш. Саъдулла, Икки билагузук.*

**ТЕЛЕТАЙП** [ингл. teletype < теле.. + ингл. type — машинкада ёзиш] Ёзув машинкасига ўхшаш клавиатурани, узоқдан юборилган ахборотларни қорғоз лентга автоматик равишда ёзиб оладиган механизмли телеграф аппарати. *Хабарни телетайп орқали узатмоқ. Телетайп лентаси.*

**ТЕЛЕТАСВИР** [теле.. + тасвир] Телевидение орқали узатилган ва телевизор экранда қабул қилинган тасвир. *Космосдан берилган телетасвир.*

**ТЕЛЕТОМОШАБИН** [теле.. + томошабин] Телевизор орқали берилаётган кўрсатиш ва эшиттиришларни кўрувчи ва эшитувчи томошабин. *Телетомошабинларга манзур бўладиган дастур. ■ Радио ва телевиденининг бир қанча программалари радиоэшитувчи ёки телетомошабинларни қизиқтирмайди.* Газетадан.

**ТЕЛЕФАКС** [ингл. telefac < теле.. + лот. fac simile — айнан шундай, ўхшаш бажар] *тех.* 1 Босма ахборотларни узатишга мўлжалланган халқаро факсимил телефон алоқаси.

2 Шундай алоқани амалга оширишга мўлжалланган, ҳарф босиш мосламаси бўлган аппарат; факсимил аппарат.

3 Шундай алоқали абонент номери, рақами.

**ТЕЛЕФИЛЬМ** [теле.. + фильм] Телевидение учун мўлжаллаб ишланган фильм; экран санъатининг бир тури.

**ТЕЛЕФОН** [теле.. + юн. phone – товуш, овоз] **1** Узоқдан туриб сўзлашишга, овоз, нутқни масофага узатишга хизмат қиладиган электр алоқа қурилмаси ва унинг сигнал қўнғироғи ҳамда гаплашиш трубкаси бўлган апарати. *Телефонда (телефон орқали) гаплашмоқ. Телефон билан хабар қилмоқ. Телефон станцияси.* ■ *Телефон жиринглади. Сулаймонов трубкани олди. А. Қаҳҳор, Икки ёрти – бир бутун. Китоб мутолаа қилиб ўтирган Нормурод бир сапчиб тушди-ю, қўрқа-писа телефонга қўл чўзди. О. Ёқубов, Диёнат.*

**2** Телефон алоқанинг қисқа номи. *Баъзи газета ходимлари материалларни телефон орқали оладилар. «Муштум».*

**Телефон қилмоқ (ёки қоқмоқ)** Телефонда, телефон орқали гаплашмоқ. [*Хуморхон:*] *Ҳа, айтгандай, кимдир телефон қилиб, сизни сўраган эди. А. Қаҳҳор, Оғриқ тишлар. Муродова Қосимовга, Қосимов эса бошқармага телефон қоқа бошладилар. И. Раҳим, Ихлос.*

**ТЕЛЕФОНБОЗ** [телефон + ф. بوز – яхши кўрувчи, ўйновчи] *с.т.* Телефон орқали гаплашишни яхши кўрадиган, идорадан чиқмасдан, телефон орқали иш битиришга уринадиган шахс. *-Тагн телефонбоз бўлиб кетибди, деб ўйламанлар, – га қистириб қўйди Асадулла [мухбирга]. Т. Хўжақулов, Секретарнинг ён дафтаридан.*

**ТЕЛЕФОНБОЗЛИК** *с.т.* Идорадан чиқмасдан, телефон орқали иш битиришга уриниш, узлуксиз телефонда гаплашиш; телефонда гаплашиб вақт ўтказиш. *Ҳамма иш қоғозбозлик ва телефонбозликдан иборат бўлиб қолмоқда. Газетадан.*

**ТЕЛЕФОНИСТ** *қ. телефончи.*

**ТЕЛЕФОНИСТКА 1** Телефончи аёл. *Смена тугади. Фотима опа ҳам, бошқа қизлар ҳам меҳнат постларини бошқа телефонисткаларга бўшатиб беришди. С. Маҳмудова, Фотима.*

**ТЕЛЕФОНИЯ** Фан ва техниканинг телефон алоқага доир омилларни ўрганиш ва бундай алоқани амалга ошириш учун мўлжалланган аппаратларни ишлаб чиқиш билан шуғулланувчи соҳаси.

**ТЕЛЕФОНЛАШМОҚ** *с.т.* Бир-бирига телефон қилмоқ, телефон орқали гаплашмоқ. *Байрамгача яна бир телефонлашамиз. Энди тез-тез телефонлашиб турайлик.* ■ *..кечқурун телефонлашиб, эрта билан Ҳафи-*

*за Патилахонлар оиласи билан машинада Водилга жўнади. Мирмуҳсин, Умид.*

**ТЕЛЕФОНЛАШТИРМОҚ** Бирор жойда телефон алоқаси ўрнатмоқ, бирон ҳудудни телефон билан таъминламоқ. *Қишлоғимизни алақачон телефонлаштирганмиз.*

**ТЕЛЕФОНГРАММА** [телефон + юн. gramma – ёзув, хат] Телефон орқали берил(ади)ган ва қабул қилиб олин(ади)ган шошилинч расмий хабар ва шундай хабарли бланк. *Телефонограмма юбормоқ.* ■ *Бекмирзаев телефонограммани қайта ўқиб чиқди-да, баттар наришон бўлиб қолди. Ў. Усмонов, Сирли соҳил. Ҳайдаров телефонограмманинг оғирлигини салмоқлагандек, уни қўлида тутиб, ўйга толди. А. Мухтор, Бўронларда бордек ҳаловат.*

**ТЕЛЕФОНЧИ 1** Телефон станциясининг ходими. *Телефончи қиз бир соат куттишни сўради. Ў. Умарбеков. Ёз ёмғири. Қайта-қайта трубкани олиб, телефончи қизга қанчалик ялиниб-ёлвормасин, ҳеч улашининг иложи топилмади. Ж. Абдуллахонов, Тўфон.*

**2** Телефон линияларида ишловчи, телефон линиялари ўтказувчи мутахассис.

**ТЕЛЛУР** [лот. tellus, telluris – ер] Менделеев даврий системасининг VI гуруҳига мансуб кимёвий элемент, кумушсимон кўкиш-оқ рангли мўрт металл. *Яримўтказгичлар ҳосил қилишда.. теллур, индий, галлий каби нодир металллар муҳим роль ўйнайди. «Фан ва турмуш».*

**ТЕЛМИРМОҚ** *с.т.* Термилмоқ. *Наҳот ўтган-кетганининг қўлига телмириб, қарибчириб адо бўлажакман? С. Сиёев, Ёруғлик.*

**ТЕЛОВ:** *ақлингга телов текканми? шв.* Ақлдан оздингми? Ақлингни едингми? Сенга нима бўлди?

**ТЕЛОГРЕЙКА** [р. тело – тана, бадан + греть – иситмоқ, қизитмоқ] Олди тугмаланадиган калта қавима пахталик: уст кийим. *Бригада бошлиғи Жумақўзи Абдураимов.. эғнида телогрейка, пахтазор оралаб юрган экан. Х. Тўхтабоев, Оқ олтин хирмон-хирмон.*

**ТЕЛПАК 1** Тепаси юмалоқ, доира шаклли, текис мўйна жиякни иссиқ бош кийими. *Савсар телпак.* ■ *Кимки, оёғи толиб, сал орқада қолса, тулки телпак кийган бадқовқа кўрбоши бешотар қўндоғи билан унинг курагига туртиб, пештаҳам сўзлар билан сўкади. Ҳ. Фулом, Машғал.*

**Қундузсиз телпак** Мўйна жияги бўлмаган, фақат ичига мўйна қопланган бош кийими. *Кўса, озгин, кенг гуппи тўн ва қундузсиз телпак кийган бир киши кирди.* А. Қаҳҳор, Қўшчинор чироқлари.

**2 с.т.** Мўйнали ҳар қандай иссиқ бош кийими (қулоқчин, папах, тумоқ ва ш.к.). *Мен Раҳимовни оддий кишилар, солдатлар орасида учратдим, унинг устида пўстини ва бошида қоракўл телпаги бор эди.* А. Раҳмат, Генералнинг шуҳрати. *Урта бўйли, озгин, қора чарм телпакни бошига бостириб кийган кишини учратсам, Гавҳарнинг дадасимикан, деб юрагим ўйнаб кетади.* С. Сиёев, Ёруғлик. *Усубалининг сербар телпак остидаги калласи барра пўстин ичига кириб кетди.* М. Исмоилий, Фарғона т. о.

**ТЕЛПАКДЎЗ** Телпак тикадиган, тайёрлайдиган косиб. *Бу кўчада бой савдогар, узангисоз, саррож, маҳсидўз, кавушдўз, телпакдўз, дурадгор каби ҳунармандлар бор.. эди* М. Муҳаммаджонов, Турмуш уринишлари.

**ТЕЛПАКДЎЗЛИК** Телпак тикиш иши, касби. *Телпакдўзлик қилмоқ.*

**ТЕЛПАКЛИ** Бошида телпаги бор, телпак кийган. *Эргаш перронда чемодан кўтариб турган тулки телпакли йигитнинг ёнига борди.* И. Раҳим, Чин муҳаббат. *Шайхнинг кўзи ташқарида, қабристон томон эшагини нуқиб келаятган телпакли кишида эди.* С. Сиёев, Аваз.

**ТЕЛПАКЧИ 1** айн. телпакдўз. ..унинг келиб чиқиши ҳам камбағал оиладан — бир телпакчи косибнинг ўғли эди. Мирмуҳсин, Умид.

**2** Телпак сотувчи; телпакфуруш.

**ТЕЛЧИРАМОҚ** айн. терчиламоқ.

**ТЕМА** [юн. thema — асосида бўлмоқ] қ. мавзу. *Клуб мудирини бугунги лекциянинг темасини, лекторнинг номини жуда керилиб, писанда қилиб эълон қилди.* А. Қаҳҳор, Асарлар.

**ТЕМАТИК** Мавзу ёки мавзулар мажмуига доир, бирор мавзуга бағишланган. *Тематик концерт. Тематик кўرғазма.* ■ *Ойда бир марта оилавий тематик кечалар ўтказиб турилади.* Газетадан. *Турли воқелик ва янгиликларни ёйишида.. тематик стенд ва кўрсаткич тахталари алоҳида ўрин тутади.* Газетадан.

**ТЕМАТИКА** Танлаб олинган, ишланган ёки ишланаётган мавзулар мажмуи. *Ёзувчи ижодидида ҳозирги замон тематикаси.* ■

*Фестивалда кўрсатилаётган фильмларнинг тематикаси, жанри ранг-баранг.* Ҳ. Акбаров, Изланиш йўлида.

**ТЕМБР** [фр. timbre] Бир пардадаги, бир хил баландликтаги ҳар бир товушнинг ўзига хос томони, сифати, товланиши. *Тембр — ҳар бир муסיқа асбобининг ёки ашулчи овозининг ўзига хос характеридир.* ■ *Чолғу асбобининг тузилиши ва шаклига кўра, унинг тембри турлича бўлиши мумкин.* И. Акбаров, Музыка саводи.

**ТЕМИР 1** Менделеев даврий системасининг VIII гуруҳига мансуб кимёвий элемент, болғаланганда яссиланадиган, исталган шаклга кирадиган, углевод билан қўшилганда, пўлат ва чўян ҳосил қиладиган қорамтир қумуш рангли оғир металл. *Соф темир.* ■ *Магнит ҳам темирни домига тартади, кесакни тарта олмайди.* П. Қодиров, Уч илдиз. *Унинг [Қоратойнинг] ўн уч яшар ўғли дам босиб, кичик болға билан темирни уриб, дадасиеа ёрдамлашарди.* Ойбек, Танланган асарлар.

**2 с.т.** Умуман, темир, пўлат ва ш.к. лар ва улардан ясалган буюм-нарсалар. *Темир қошиқ. Темир кўприк. Темир панжара. Темир ўчоқ. Темир дарвоза.* ■ *Йигит узоқда ҳайбатли темир уюмлари сингари ағнаб ётган пачоқ паровозларга тикилди.* Ойбек, Куёш қораймас. *Самолётнинг кичкинагина зинапоясига бир оёғимни қўйиб, эшигидан ушлаган эдим, қўлларим темирга чип этиб ёпишиб қолса бўладими!* Н. Фозилов, Дийдор.

**Темир дафтар** с.т. кўчма Ёзувлари қонун кучига эга бўлган дафтар. *Буларнинг ҳаммаси унинг бўйнида қарз бўлиб ётарди.* Булардан ташқари, отасининг дафн харажатлари ҳам темир дафтарда ёзиглиқ эди. М. Исмоилий, Фарғона т. о. **Темирни қизигида босмоқ** Ҳар ишни ўз вақтида, фурсатни бой бермай амалга оширмоқ. *«Темирни қизигида бос» деган мақолга амал қилиб, унга мадҳ-сано ўқишга бошлади.* Ойбек, Навоий.

**3** Темир (эркаклар исми)

**ТЕМИРАТКИ** Ташқи кўриниши, кечилиши ва келиб чиқиш сабаблари турлича бўлган кўпчилик тери касалликларининг умумий номи. *Эчкининг сати темираткига дори бўлармиш.* Бу Луқмони Ҳакимдан қолган гап. С. Аҳмад, Ҳукм.

**ТЕМИР-БЕТОН** Ичига темир чивиклар ўрнатиб қуйилган бетон. *Темир-бетон буюм-*

лари заводи. Темир-бетон устунлар. Темир-бетон шпаллар. Темир-бетон иншоот.

**ТЕМИРТАК 1** Темир парчаси. Бу кичкина тугунчак ичида мазор тупроғи, темиртак, тобутнинг чўпи, совун, ўлик тирноғи ва ҳоказолар бор эди. Ойбек, Танланган асарлар.

**2** кўчма Ҳеч нарсага ярамайдиган, эски ўтмас пичоқ. *Сабзи тўғраш учун шу темиртакдан бошқа пичоқ топилмадими? — Опа дудуқланиб ва ёнида турган темиртак пичоқни олиб, Саидийга қаради. А. Қаҳҳор, Сароб.*

**ТЕМИР-ТЕРСАК** Ишдан чиққан темир ва б. металл буюмлар; темир ва б. металл чиқиндилари. *Темир-терсак йиғмоқ. — Ишлатилмаган тракторнинг уйилиб ётган темир-терсакдан нима фарқи бор? Шуҳрат, Шинелли йиллар.*

**ТЕМИРТОШ** мин. Темир рудаси. *Магнит темиртош. Қизил темиртош.*

**ТЕМИРЧИ** Темирни боғалаб, ундан турли буюмлар ясайдиган ҳунарманд. *Ниначининг минг ургани, темирчининг бир ургани. Мақол. — Катта кўча. Унг томонида Темирчилар босқон босади. Э. Раҳим. Мулла Фазлиддин ўтда куймайдиган, сув кирмайдиган бу сандиқни Қуванинг темирчи усталарига буюртма бериб яраттирган эди. П. Қодиров, Юлдузли тунлар.*

**Гапга темирчи** эск. 1) гапни жуда чўзиб юборадиган, эзмалик қиладиган, эзма; 2) гапни айлантирадиган гап билан алдайдиган. *-Тавба, — деб кулди Кумуш, — сен қўрқмасанг ҳам бўлади, деб тағин нина тикасиз. Мана шуни, гапга темирчи, деб айтадилар! А. Қодирий, Ўтган кунлар. Отанг темирчими? ёки отанг темирчи ўтганми? Мунча эзмасан, гапни чўзма, деган маънода ишлатиладиган ибора. Отанг темирчи ўтганми ўзи, гапни чўзиб нима қиласан? С. Абдуқаҳҳор, Аччиқ дори.*

**ТЕМИРЧИЛИК 1** Темирчи иши, касби. *Темирчилик билан рўзғор тебратмоқ. — Бу маҳаллада унга [Йўлчиға] маъқул бўлган икки киши бор эди. Бири — гузарда тақачилик-темирчилик қиладиган Қоратой, иккинчиси — Шокир ота номли маҳсидўз чол. Ойбек, Танланган асарлар.*

**2** эск. Темирчиларнинг дўкон ёки ишхоналари ўрнашган жой, раста, кўча.

**Гапга темирчилик** эск. 1) гапни чўзиш, эзмалик қилиш. *Гапга темирчиликдан худой*

*сақласин, ота-онам темирчи ўтган эмас. А. Қодирий, Ўтган кунлар; 2) гапни айлантيريш, гап билан алдаш. Кишини бўғасиз, Зайнаб! Гапга темирчилик яхши эмас. А. Қодирий, Ўтган кунлар.*

**ТЕМИРҚОЗИҚ** (Т-катта) айн. **Кутб юлдузи** қ. **кутб 1**.

**ТЕМП** [итал. tempo < лат. tempus — вақт] қ. **суръат**. *Ҳозирги куннинг темпи билан ўсиб боролмаган киши орқада қолиб кетиши турган гап. Газетадан.*

**ТЕМПЕРАМЕНТ** [лат. temperamentum — (қисмларнинг) мутаносиблиги, тенг ўлчамлилиги] қ. **мизож**.

**ТЕМПЕРАТУРА** [лат. temperatura — тўғри нисбат, одатий ҳолат] қ. **ҳарорат**.

**ТЕМУРИЙ** Темирйлар сулоласига мансуб шахс; Темур авлоди.

**ТЕМУРИЙЛАР** 15–16-асрларда Ўрта Осиёдаги турли давлатларда ҳукмронлик қилган Амир Темур авлодлари.

**ТЕНГ 1** Ўлчами, ҳажми, катта-кичиклиги, сони ва ш. к. жиҳатидан ўхшаш, бир хил, баравар. *Тенг масофалар. Узунлиги тенг ёғочлар. Тенг еганни тангри севибди. Мақол. — «Биз қачон ўқиймиз?» деб Қамишқапанинг тенг ярми бўлган аёллар талаб қилса-ю, уларнинг талабини қондириш биринчи галда советнинг вазифаси эмасми? П. Турсун, Ўқитувчи. Икки томони тенг бўлган учбурчак тенг ёнли учбурчак дейилади. «Геометрия».*

**2** Ёши жиҳатидан баравар, тенгдош, тенгқур. *Тенг болалар. — Ўктамбой ҳам ўз тенглари ичида дуркун, орқасида олти пуд юк кўтариш билан мақтанадирган йиғит. А. Қодирий, Обид кетмон.*

**3** Аҳамияти, тутган ўрни, мавқеи, нуфузи, ҳақ-ҳуқуқи ва ш.к. жиҳатидан ўхшаш, бир хил, баравар. *Бу ерда у [Элмурод] биринчи марта ўзини бошқалар билан тенг одам ҳис қилар эди. П. Турсун, Ўқитувчи. Унинг [Умри] учун оламда ўзига тенг одам йўқ, у билган одамлар ё ўзидан паст, ё ўзидан юқори. А. Қаҳҳор, Хотинлар. Тўлиб етилган қиз энди унинг [йиғитнинг] кўз олдидан тенги топилмас гўзал бўлиб қолди. П. Турсун, Ўқитувчи. [Хуморхон:] Бурунги вақтда эрларга чўри бўлган хотинлар ҳозир эрлар билан тенг. А. Қаҳҳор, Оғриқ тишлар.*

**4** Бир-бирига мос, мувофиқ, муносиб. *Тенгини топсанг, текин бер. Мақол. Тенг-*

тенги билан, тезак қопи билан. Мақол. Чин дўст туғишганинг билан тенг. Мақол. ■ Мен ҳеч сенинг тенгинг эмасман. Омоним бор — сени демасман. Ҳ. Олимжон. Акаси муносиб, ахлоқли, одобли, ор-номусли йигит бўлса, бу қиз ҳам унинг тенги, муносиби эди. «Муштум».

5 рвш. Бир-биридан қолишмай ёки ўз-май, айнаи бир пайтда, бир вақтнинг ўзида; баравар. Улар тенг туғилган. Бу кўчатлар тенг экилган. Тенг ишламоқ. ■ Тоҳир-Зухра ҳолидан бир калима эшитинг: Ўқиб, ўйнаб бир боғда улғаяр эдилар тенг. С. Абдулла, Тоҳир ва Зухра.

6 кўм. вzf. (3-ш. эгалик шаклида) Тенглик жиҳатдан ўхшатиш, қиёс маъносини билдиради; қатори. Бу — қотмадан келган, қорача, лейтенант Султонов тенги йигит эди. Ҳ. Умарбеков, Ёз ёмғири. Анвар ўз тенги болалар билан оз алоқа қилар, уларга кам аралашар.. эди. А. Қодирий, Меҳробдан чаён. [Оқилжон] Узи яхшигина, сиз тенги киши эди. Ойбек, Танланган асарлар. Халқ тенги дам олмоқ — бу ҳуқуқимиз.. Ойбек, О.в. шабадалар.

**Тенг баравар** с.т. Икки ҳисса; икки ҳисса кўп, икки марта ортиқ. Тенг баравар фойда олмоқ. **Тенг бўлмоқ** 1) баравар икки ёки бир неча қисмга ажратмоқ; баравар тақсимламоқ. Қовунни олти кишига тенг бўлмоқ. Ёнғоқларни болаларга тенг бўлиб бермоқ; 2) бир хил, баравар бўлмоқ, тенглашмоқ; фарқ қилмаслик. Мана, ўша қадимий чўл.. Бахшилар: «Унча-мунча ер унга енг бўлмас, енг бўлса ҳам, тенг бўлмас», деб атаган.. чўл. А. Пўлат, Чўлдаги машғал; 3) биров билан айтишиб, тортишиб, унга бас келмоқ, баравар келмоқ. Кейин ўғлининг кўлтиғидан олиб, бир чегга тортиди: —Булар билан тенг бўлманг, ўғлим. М. Исмоилий, Фарғона т. о. **Тенг келмоқ** айн. **тенг бўлмоқ** 2, 3. Маҳалладаги турли қизиқчиликлар ва ҳазилвонликларда Юсуфжонга тенг келадиган йўқ эди. Т. Обидов, Юсуфжон қизик. Одамлар завқ билан ҳазил қилишди: —Сизга тенг келиб бўладими? Сиздан йиқилиб, бир ҳафта белимизни олмамай юрмайлик тағин, қўйинг-е. П. Турсун, Ўқитувчи. **Тенг кўрмоқ** (ёки қарамоқ) 1) аҳамияти, мавқеи, мартабаси ва ш.к. дан қатъи назар, бир хил муносабатда бўлмоқ. Дадамиз ҳаммамизни тенг кўрар эдилар; 2) тенглаштирмоқ, баравар, бир хил, тенг ҳуқуқли деб ҳисобламоқ. Ҳадемай, масъулият ҳиссини ғурур енгди: Бўтабой ҳеч кимни ўзига

тенг кўрмайдиган.. бўлиб қолди. А. Қаҳҳор, Кўшчинор чироқлари. **Тенг шерик** Тенг фойдаланиш, тенг бўлиб олиш шарти билан тузилган шерикчилик. **Тенги йўқ** Мос тушадигани, монанди, тенг келадигани йўқ; ягона. Орол бўйидаги кўчманчи қабилаларга ақл-фаросатда тенги йўқ, ҳуснда танҳо Олтиной исмли аёл бошчилик қилар экан. «Ўзбекистон кўриқлари». —Ерни ковлаш ишлари бўлса, мана бу оғайниларга қўйиб бера-сиз, — деди ёш чўпон чап қаторда ўтирган ака-укаларни кўрсатиб, — қудуқ қазишда буларнинг тенги йўқ. Мирмуҳсин, Меъмор. **Тупроқ билан тенг қилмоқ** 1) ер билан яқсон қилмоқ, вайрон қилмоқ. Уруш кўп шаҳар ва қишлоқларни тупроқ билан тенг қилди; 2) хор қилмоқ, поймол, оёғости қилмоқ. [Ғофир:] Мен ҳали келиб-келиб одамгарчиликни, диёнатни, номусни тупроқ билан тенг қилган сиздай разил, хотинфуруш қўшмачилар олдида шунчалик наст тушдимми?! Ҳамза, Бой ила хизматчи.

**ТЕНГДОШ 1** Ёши баравар, тенг, тенгқур. Тенгдош болалар. Биз у билан тенгдошмиз. ■ Жоним ўғлим, қаҳрамон бўл меҳнатда, Тенгдошларга намуна бўл ғайратда. Ҳабибий.

2 Бир вақтда майдонга келган, туғилган, юз берган. Таржима тарихи адабиёт тарихи билан тенгдош. Ғ. Саломов, Таржима назариясига кириш. Тарихингдир минг асрлар Ичра пинҳон, ўзбегим. Сенга тенгдош Помиру Оқсоч Тиёншон, ўзбегим. Э. Воҳидов.

**ТЕНГКУНЛИК** Йилнинг тун билан кун тенг бўладиган вақти, куни. 23 сентябрь — кузги тенгкунлик куни Қуёш осмон экваторини шимолий яримшардан жанубий яримшарга кесиб ўтади. «Фан ва турмуш».

**ТЕНГЛАМА** мат. Таркибида ўзаро боғланган икки ёки бир неча номаълум катталиклар (сонлар ёки функциялар) бўлган математик тенглик. Биринчи даражали тенглама. Квадрат тенглама. ■ Кимёвий реакциянинг шартли равишда символлар ва формулалар билан ёзилиши «кимёвий тенглама» деб аталади. «Кимё» дарслиги.

**ТЕНГЛАМОҚ 1** Тенг қилмоқ, тенг ҳолга келтирмоқ. Ёғочларни бир-бири билан тенгламоқ. Ҳажмини тенгламоқ.

2 Тенг деб билмоқ; тенглаштирмоқ, қиёсламоқ. Бизнинг Фарғонани ҳеч бир ерга тенглаб бўлмайди. Мирмуҳсин, Умид. Тошқин

Амударёни Тенглаб бўлмас сой билан. Х. Сентов. Қудрат ўзини Мунисхонга тенглаб кўрди.  
3. Фатхуллин, Сўнмас юлдуз.

**ТЕНГЛАШМОҚ 1** Бирор жиҳатдан, (мас., мавқеи, ҳуқуқи, билими, ҳажми ва ш.к. жиҳатидан) бошқа билан тенг, барабар бўлмоқ, бараварлашмоқ. *Кучлар тенглашиди. Уйинда ҳисоб тенглашиди. ■ Бобур мирзо отдан тушганда, бўйи ўсиб, катта йигитларга тенглашиб қолгани билинди. П. Қодиров, Юлдузли тунлар. Умуззоқ ака қишлоқ тарафдан отни йўргалатиб келиб, уларга тенглашиб олди. Ҳ. Назир, Сўнмас чақмоқлар.*

**2** Кураш, баҳс ва ш.к. да тенг бўлмоқ, тенг бўлишга ҳаракат қилмоқ. *-Узр айт, болам. Золим билан тенглашма! — деди чол. Ойбек, Танланган асарлар. Сиз билан тенглашиш келимининг итига ор, мушугига ному. С. Зуннунова, Янги директор.*

**ТЕНГЛАШТИРМОҚ 1** Тенглашмоқ фл. орт. н. *Кучларни тенглаштирмоқ. Экинларни тенглаштириб олмоқ. Болаларни билим жиҳатидан тенглаштириб олмоқ. ■ Ҳакимбойвачча.. оиласи билан ҳеч қандай оилани тенглаштирмас эди. Ойбек, Танланган асарлар.*

**2** Қиёсламоқ, таққосламоқ, ўхшатмоқ. *Онам мени иш учун туққан эмас. Сен мени ким билан тенглаштирасан? Ойбек, Танланган асарлар.*

**ТЕНГЛИК 1** Тенг ҳолатга эгалик, тенг ҳолатлилиқ (ҳажм-ўлчам, сифат, мавқе ва б. жиҳатдан). *Учбурчаклар тенглиги. Кучлар тенглиги.*

**2** ҳуқ. Жамиятдаги барча шахс, гуруҳ, қатлам ва ш.к. нинг қонун олдида бараварлиги, тенг ҳуқуқлилиги; ҳақ-ҳуқуқда бараварлик. *Тенглик бермоқ. Тенгликка эришмоқ. Тенглик — кенглик. Мақол. ■ У ерда тенглик ва дўстлик, севги ва меҳнат — оила бахтининг манбаи. Ойбек, Нур қидириб.*

**3 мат.** Муайян катталиклар ўртасида бир катталик иккинчисига тенг эканини кўрсатувчи ўзаро нисбат. *Учбурчаклар тенглиги. Тенглик ишораси (=).*

**ТЕНГЛИКДА** *рвш.* кам қўлл. Баравар, биргаликда, бир вақтда. *Иккиси [қутидор билан Отабек] тенгликда қушбегига қарши чўккаладилар. А. Қодирий, Ўтган кунлар.*

**ТЕНГСАЛМОҚ** *шв.* Селкилламоқ, солланмоқ. *Қараса, ўша ўзини алдаган паризод..*

*қалқиб, минган оти йўлдан чиқиб, тенгсалиб, терваниб.. бораётган экан. «Муродхон». Бойсарининг уйин кўриб, Ҳар ёққа тенгсалиб ўтди.. «Алпомиш».*

**ТЕНГСИЗ 1** Тенги, мисли йўқ, мислсиз; ҳаддан зиёд. *Тенгсиз гўзал қиз. У сўз санъатида тенгсиз эди. ■ -Ўзим кўрмадим, — деди Офтоб ойим, — аммо кўргувчиларнинг сўзларига қараганда, ўхшашиз кўркам, тенгсиз ақлли бир йигит эмиш. А. Қодирий, Ўтган кунлар. Фашист газандалари халқ ҳўжалигига тенгсиз зарар етказдилар. Н. Сафаров, Оловли излар.*

**2** Бирор жиҳатдан (мас., мавқе, ҳақ-ҳуқуқ, куч-қудрат ва б. жиҳатдан) тенг келолмайдиган, тенг бўлмаган. *Тенгсиз билан тенг бўлма! Мақол. ■ Мақол бор: орзуга айб эмасдир, Йигитман, менга сен тенгсиз демасдир. Ҳабибий. Биз мамлакат ичкари-сидаги қисмларни чегарага тўплай олмадик. Биринчи кунларда тенгсиз жанглар бўлди. И. Раҳим, Чин муҳаббат.*

**ТЕНГСИЗЛИК 1** Тенг бўлмаган ҳолат; эгалик, мавқе, даража ва ш.к. да тенг эмаслик; тенгсиз ҳолат. *Ҳуқуқий тенгсизлик. Иқтисодий тенгсизлик. Иккониятнинг тенгсизлиги.*

**2 мат.** Муайян катталиклар ўртасида бир катталик иккинчисига тенг эмаслигини, ундан катта ёки кичиклигини кўрсатувчи ўзаро нисбат.

**ТЕНГСИТМОҚ** *с.т.* Тенглаштирмоқ, баравар қўймоқ. *Менга тенгситмасин Тоҳирни ул Зухрои афлокким, У сувга фарқ эди, мен фарқи дарёи хуни ишқ. Маҳжур.*

**ТЕНГ-ТУШ, тенгу туш** Ёш жиҳатдан тенг, тенкур(лар). *Қани энди, у [Рустамжон].. қаҳрамон бўлиш сирларини била қолса, енг шимариб, ишга тушса! Тенг-тушларидан аввал мақсадга эришса. И. Раҳим, Ихлос. Менга мотам тутиб, қора боғламанг, Тенгу тушим нозик бағрин доғламанг. Ҳамза. Қойил бўлдим мард йигитнинг ишига. Омон-эсон борсин тенгу тушига. «Муродхон».*

**ТЕНГҚУР 1** Ёш жиҳатдан тенг ёки унча фарқ қилмайдиган кишилар; бирга ўсиб катта бўлган ўртоқлар; тенглош, тенг-туш. *Тенгқурларим — беш йил бир аудиторияда ўқиган қадрдонларим — тўда-тўда бўлиб, сафарга отланишарди. Ҳ. Назир, Муҳаббат. Шу орада Алпомиш.. қирқта тенгқур жўраси*



билан *Бойсарини излаб, Қалмоқ юртига бориб, қалмоқ шоҳга банди бўлиб қолди.* «Алпомиш».

**2 фольк.** Муносиб, мувофиқ, мос. *Менга тенгқур бўлолмайсан, Кўнглигинанг қуриб кетсин.* Пўлкан.

**ТЕНДЕНЦИОЗ** [лот. *tendo* — йўналти-  
раман, интиламан] Маълум тенденцияга,  
олдиндан ўйлаб қўйилган ғоя, фикр, қарор  
ва ш.к. ларга асосланган; ғаразли, бир ёқла-  
ма. *Тенденциоз мулоҳаза. Тенденциоз хулоса.*

**ТЕНДЕНЦИОЗЛИК** Маълум тенден-  
цияга, олдиндан ўйлаб қўйилган ғоя, фикр,  
қарор ва ш.к. га асосланиш; шунга ишон-  
тиришга интилиш.

**ТЕНДЕНЦИЯ** [нем. *Tendenz* < лот. *tendere* — йўналмоқ, интилмоқ] **1** Тараққиёт  
йўналиши; бирор нарсага қизиқиш, мой-  
иллик, интилиш.

**2** Маълум ўй-мулоҳаза, тасвир ёки асар-  
нинг асосий мазмуни, ғояси. *Маълумки, 60—  
70-йиллар давомида тарихий киноленталар  
яратиш соҳасидаги ижодий тенденциялар  
янада ривожлантирилди.* С. Хўжаев, *Ўзбек  
тарихий фильмлари. Бундай асарларга қи-  
зиқишининг сири эса, менимча, турмушдаги  
илғор тенденцияларни замонга, кишилар та-  
лабларига ҳамоҳанг.. бўладиган томонларини  
топиб, танлаб, саралаб олиб ёзиш билан боғ-  
лиқ.* Н. Сафаров, *Жасоратнинг давоми.*

**ТЕНДЕР I** [ингл. *tender* < *tend* — хизмат  
кўрсатмоқ] *т.й.* Бевосита паровозга тирка-  
ладиган (уланадиган), сув ва ёқилги захи-  
ралари, мойлаш-тозалаш ашёлари сақла-  
надиган махсус вагон.

**ТЕНДЕР II** *иқт.* **1** У ёки бу иш ва хиз-  
матлар мажмуини бажарадиган, маълум бир  
лойиҳа учун ускуна-жиҳоз ва материаллар  
етказиб берадиган фирма ёки компанияни  
— пудратчини аниқлаш мақсадида эълон  
қилинган танлов.

**2** Очиқ турдаги ёки чекланган сонли  
иштирокчилар учун ёпиқ турдаги рақобатли  
савдо-сотик; буюртмани жойлаштиришнинг  
танлов шакли. *Очиқ тендер. Ёпиқ тендер.*

**3** Халқаро бозорда машина-ускуналар  
харид қилиш, қурилиш-монтаж ишларини  
бажариш, инженерлик хизматлари кўрсати-  
ш учун танлов асосида буюртмалар бериш.

**ТЕННИС** [ингл. *tennis*] Тўр тутиб, иккига  
ажратилган майдонда ёки столда мовут  
қопланган резина коптокни ёки пластмасса  
шарчани капгирсимон мослама (ракетка)

билан уриб, тўр устидан ошириб (икки ёки  
тўрт ўйинчи иштирокида) ўйналадиган  
спорт ўйини. *Теннис коптоқи. Стол тенниси.  
Теннис ўйнамоқ.* ■ *Болалар чуввос кўтариб,  
узоқда теннис ўйинида давом этардилар.  
Ойбек, Нур қидириб. Кенг, ёруғ залда шах-  
мат-шахкадан тортиб стол теннисигача бор.  
«Саодат».*

**ТЕННИСКА** Калта энгли, энгил три-  
котаж кўйлак. *Мўйлов стулга утирар экан,  
кўзи бир зум Зокирнинг эғнидаги чиройли шо-  
йи теннискада тўхтади.* П. Қодиров, *Уч  
илдиз. ..кўк сатиндан жуда ихчам тикилган  
тенниска бўй-бастини жуда нозик ва хуш-  
бичим қилиб кўрсатарди.* О. Ёқубов, *Мирза-  
терак.*

**ТЕННИСЧИ** Теннис ўйновчи. *Боксчи,  
моҳир акробатчи, уста теннисчиларнинг ўзaro  
мусобақалари катта баҳсга айланди.* Р. Ис-  
ҳоқов. Эпичиллик ва довораклик.

**ТЕНОР** [итал. *tenore* — асосий овоз] мус.  
**1** Эркакларнинг энг юқори овози. *Тенор,  
товушнинг характериға қараб, драматик  
[кучли] ҳам лирик [юмшоқ] бўлади.* И. Акба-  
ров, *Музыка саводи.*

**2** Шундай овозга эга бўлган ашулачи.  
*Хорда тенорнинг овози алоҳида ажралаиб  
туради.*

**3** Пуфлама чолғулар оркестри таркибига  
кирадиган мис пуфлама чолғу асбоби.

**ТЕНТ** [ингл. *tent* < лот. *tenda* — чодир,  
палатка] Куёш ва ёмғирдан сақланиш учун  
матодан қилинган шийпон, соябон (пляж,  
палуба ёки кўчада). *Тентнинг чети кўтари-  
либ, кабинадан кимдир эриниб туша бошла-  
ди.* Ш. Холмирзаев, *Сайланма.*

**ТЕНТАК I** Тўғри фикр юрита олмай-  
диган, ақли норасо, эси паст. *Тентак бола.  
Тентак тўрини бермас.* Мақол. ■ *Равшанбек  
шу ерда қип-қизил тентакка чиқиб қолди.  
«Равшан».*

**2** Ақлдан озган, телба, девона; жинни.  
*Олти ойда Марям тентак бўлганмиш, Эшон  
эшигида шўрлик ўлганмиш.* М. Алавия. *Қишда  
ялангоёқ юрган кишини кўрганлар уни, ал-  
батта, тентак бўлса керак, деб ўйлайди.  
«Фан ва турмуш».* *Ҳамшира Аҳмадга тен-  
такларга қарагандек назар ташлади.* Ф. Му-  
сажонов, *Ҳиммат.*

**3** Шундай шахсга нисбатлаб, одатда ўз  
яқин кишисига қарата (эркалаш, энгил  
ҳазил билан) айтиладиган сўз. *-Дарров бўл,*

тентак! — деди кулиб Толиб. Ҳ. Шамс, Душман. — *Вой тентагим-ей, дўстнинг дўстлиги киши бошига кулфат тушганда билинади, қизим!* С. Анорбоев, Оқсой. — *Тентак!* — деди Адолат ҳам жаҳл, ҳам эркалаш билан. С. Зуннунова, Гулхан.

4 кўчма кам қўлл. Жиловланмаган, асов, телба. *Тентак дарё.* ■ *Мен сувингдан куч олсам, Тентак елдан уч олсам.* З. Диёр. *Гоҳида ўшандоқ тентак хайллар Сендан воз кечмакка қистайди ҳаргиз.* Р. Парфи.

**ТЕНТАКЛАРЧА** *рвш.* Тентаклар каби; ақлдан озган, жинни бўлган кишига ўхшаб. [*Отабек*] *Ўз-ўзига сўзланиб, Маргилон кўчаларида тентакларча югура бошлади.* А. Қодирий, Ўтган кунлар.

**ТЕНТАКЛИК** Тентакка хос иш, хатти-ҳаракат. *Азизим, мен тентаклик қилиб уйдан кетганим йўқ.* «Саодат». *Бойлик билан иши бўлмаган Аҳмадга Қаюмхоннинг керилиши тентакликдек туюлди.* Ф. Мусажонов, Ҳиммат.

**ТЕНТАКҚУШ** Қумурсқа ва ҳашаротлар билан тирикчилик қиладиган, боши катта, ясси, тумшуги кенг ва қисқа тун қуши.

**ТЕНТИМОҚ** кам қўлл. қ. **тентирамоқ.** *Ваҳобжон шу куни кечгача шаҳар кўчаларида тентиб юрди.* С. Аҳмад, Пойқадам. *Ташқарида қор аралаш ёмғир саваламоқда, совуқ шамол тентиб, гоҳо коридор ичига ҳам ўзини урмоқда.* Ш. Тошматов, Эрк қуши.

**ТЕНТИРАМОҚ 1** Аниқ бир мақсадсиз кезиб юрмоқ, бекорга санқиб, вақт ўтказмоқ, кезмоқ. У [*Ёрмат*] *бутун кун қуйиб-ёниб, боши оққан ерларда жиннилардай тентираб, хуфтон вақтида бойниқига санқиб келиб қолди.* Ойбек, Танланган асарлар. *Укўп тентираб чарчагани устига, сингисини узоқ ёлғизлатиб қўйганидан хижолатда эди.* Ҳ. Назир, Сўнмас чақмоқлар. *Кун бўйи тентирагани тентираган. Ҳўкиздай йгит бўлиб қолганидан хабари йўқ.* Э. Раимов, Ажаб қишлоқ.

2 Сарсон-саргардон бўлмоқ, саргардонликда юрмоқ. *Сенларнинг зулминдан қанча одамлар тентиради. Ўз қишлоғига ўзи сиғмади.* П. Турсун, Ўқитувчи. *Ахир, нима дейсиз, очмиз демай, совуқмиз демай, кетингизда бир йил тентирадик.* Ҳ. Аҳмар, Ким ҳақ?

3 кўчма Кезмоқ, эсмоқ; изғимоқ. *Даштнинг салқин шамоли тентираб, чодирнинг ипагини енгил мавжлантиради.* Ойбек, На-

войи. *Ер устида булутлар сояси тентираб қолди.* М. Мансуров, Ёмби.

4 *шв.* Чарчаш, касаллик ва ш.к. натижасида чайқалиб юрмоқ, гандиракламоқ. У [*Саудий*] *маст кишидай тентираб эди.* А. Қаҳҳор, Сароб. У [*Мухторхон домла*] *ярим йўлгача чамадонларни озод кўтариб, бардам қадам ташлаб борди-ю, ундан нари ранги оқариб, тиззалари қалтираб, тентирай бошлади.* А. Қаҳҳор. *Тўйда аза. Майдон бирдан кўзгалди. Бошига қон қуйилган, кўзлари қипқизил одамларнинг қад кўтарганлари тентираб кетди, белини ёзломанглари қичқириб юборди.* А. Мухтор. Чинор.

5 *шв.* Нима қилишни билмай қолмоқ, ўзини йўқотиб қўймоқ; саросимага тушмоқ; эсанкирамоқ. *Жанжалнинг фойдаси шундан иборатки, Эҳсон енгилса, тентирайди, ёрдам берадиган киши излайди.* А. Қаҳҳор, Сароб

**ТЕОДОЛИТ** [юн. theomai — қарайман + dolichos — узун] Очиқ жойларда горизонтал ва вертикал бурчакларни ўлчаш учун ишлатиладиган геодезик асбоб.

**ТЕОЛОГ** Теология бўйича мутахассис, илоҳиётшунос.

**ТЕОЛОГИК** Теологияга оид; теологияга асосланган; илоҳий.

**ТЕОЛОГИЯ** [юн. theos — худо + logos — сўз, тушунча; фан] Худонинг моҳияти, дин ва диний ақидалар тўғрисидаги диний таълимотлар мажмуи; илоҳиёт.

**ТЕОРЕМА** [юн. theorema < theoreo — қарайман, ўйлаб кўраман] *мат.* Тўғрилигига исбот этиш, қатъий мантиқий мушоҳадалар юритиш орқали ишонч ҳосил қилинадиган даъво. *Пифагор теоремаси. Виет теоремаси.* ■ *Теоремалар математик тушунчаларни ўзаро боғлайди.* «ЎЗМЭ».

**ТЕПА 1** Ер сатҳидан баланд, дўнг жой; тепалик, баландлик. *Ҳадемай унғ томондаги тепалар, ундан наридаги тик қоялар устида офтоб порлайди.* Мирмуҳсин, Меъмор. *Суюн оға гаранг, дардли, оч ҳолда тепа устига чиққач, яна баяидек, орқа-олдига қаради.* Н. Фозилов, Дийдор. *Шу тепалар нишабда камарлар бор.* Т. Мурод. От кишнаган оқшом.

2 Умуман, бирор жой. маконга нисбатан юқоридаги жой. ер. *Тепадан қараган кишига бу ариқча илон изидек эгилиб, буклиб, ўзининг ўқида айланаётганга ўхшаб кўринар эди.* И. Раҳим, Чин муҳаббат. *Нигора у ёқ-бу ёққа қаради: юқорида Қашқатов, пастда қалин*

арчазор, ўнг ва сўлда тепа.. С. Анорбоев, Оқсой.

**3** Бирор нарсанинг юқори қисми, усти. *Аризанинг тепасига имзо қўймоқ. Дарахтнинг тепасида бир қуш ўтирибди. Қабр тепасини майса қоплаган. ■ Ташаккур, устод! Агар энг баланд минора тепасига гишт қўйсин, десангиз ҳам биз рози.* Мирмуҳсин, Меъмор.

**4** Кўп миқдорда уйилган нарсалардан ҳосил бўлган баландлик, дўнглик. *Гўнг тепа. Кул тепа. Қум тепа. ■ Бу тупроқ тепа уч кишининг қабри бўлиб чиқди.* А. Қаҳҳор, Олтин юлдуз. *Уч-тўрт юз инсон бошидан турғизилган бир тепа!* А. Қодирий, Ўтган кунлар.

**5** Киши устидаги бўшлиқ, осмон, фалак; юқори. *Самолёт тик тепага кўтарилди. Қуёш қоқ тепага келди. ■ Тepadан офтоб уриб турибди.* С. Аҳмад, Томоша. *У ўз овозидан уйғониб кетиб, кўзини очганида, тепада ой сузар, ҳамма ёқ жимжит..* Мирмуҳсин, Меъмор.

**6** Нисбатан юқори қисмда бўлган, жойлашган; устки. *Ўроз тепадаги қозикдан дўмбирасини олди..* Ойбек, Танланган асарлар. [Толнинг] *Тепа шохига қурувчилар прожектор ўрнатилган экан, ҳозир атрофни сутдай ёритиб, кўзни қамаштиради.* Ў. Усмонов, Сирли соҳил. *Устки катордаги сўлоқ тишларидан иккитаси тепа лабини ёриб чиқганини..* кўрган киши ўқчиб юборарди. М. Исмоилий, Фарғона т. о.

**7** археол. Пахсадан ишланган қадимий иншоотларнинг харобалари ва уларни тўлдирган маданий қатламлардан ҳосил бўлган дўнглик.

**8** 3-ш. эгалик ва ж.к., ў.-п.к., ч.к. аффикслари билан кўмакчи вазифасида қўлланади ва макон муносабатини ифодалайди. *Адолат ухлаётган жувоннинг тепасига борди.* И. Раҳим, Чин муҳаббат. *Ботирали Ойшабонуни бир қўли билан четга сурди-да, бойнинг тепасига энгашиб, кўрпани очди.* Ҳ. Ғуллом, Машғал. *Ўтган кун шу икки йигитни қозон тепасида эт олаётганларида кўрган эдилар.* Мирмуҳсин, Меъмор. *Кейин, ниёлани бутилкага уриб, тепасида парвона бўлиб турган хотинига ўшқира кетди..* «Муштум». *Тepadан вағиллаб самолёт учиб ўтди.* Ҳ. Назир, Ёнар дарё.

**Икки қўли бир тепа** Бошни чангаллаб, қуруқдан-қуруқ, ҳеч нарсасиз. [Мастура:] *Доимо ҳузур-ҳаловати шуларча-ю, икки қўли*

*бир тепада мен қоламан.* Ҳамза, Паранжи сирлари. *Болаларимни етакладим-да, икки қўлим бир тепа, бойнинг даргоҳидан кетдим..* Ҳ. Нуъмон ва А. Шораҳмедов, Ота. **Тепа сочи тикка бўлмоқ** *Ғоят аччиқданмоқ, газабга келмоқ, -А?! — Раҳимнинг тепа сочи тикка бўлиб, кўзлари қинидан чиқаёзди. -Бекор! Ҳаммаси бекор.* Ҳ. Назир, Сўнмас чақмоқлар. **Тепасига чиқмоқ (ёки минмоқ)** *Ўз ҳукмини ўтказмоқ, бошига чиқиб олиб, менсимай қўймоқ. Шунча ўқибди — бас, бундан ортиқ ўқиса, тепанга чиқиб кетади.* А. Қаҳҳор, Асарлар.

**ТЕПАКАЛ** Бошининг тепа қисмидаги сочи тўкилиб кетган, силлиқ. *Тепакал одам. ■ Терговчи ёш бўлса ҳам, сочлари тўкилиб, тепакал бўлиб қолган, тирноқларигача заҳар бир одам экан..* О. Ёқубов, Излайман. *Лафзий дивандан шиддат билан туриб, даструмолини тепакал бошига ёнди-да, лапанлаганича бориб, буфетни очди.* Э. Носиров, Мускат.

**ТЕПАЛАМОҚ 1** Ҳавога, осмонга кўтарилмоқ, баландламоқ. *Ракета тепалаб кетди. Қуш тепалаб учди. Снаряд тепалаб ўтди.*

**2** кам қўлл. Нарсаларни бир ерга тўплаб, баландлик ҳосил этмоқ. *Қўлида тепалаб жазиллама қайноқ сомса уйилган лаганны кўтариб, оқсоч кирди.* Ойбек, Улуғ йўл.

**ТЕПАЛИК** Нисбатан катта ва баланд жой; баландлик, дўнг, тепа. *Тепаликка чиқмоқ. Тепаликни эгалламоқ. ■ Узоқдаги тоғлар ва тепаликлар тусларини йўқотиб, тобора қуюлаётган тун қучоғига сингиб бормоқда.* П. Турсун, Ўқитувчи. *Баланд тепалик устига қурилган Аҳси қалъаси тун оғушида тоғ қоясига ўхшаб қорайиб кўринади.* П. Қодиров, Юлдузли тунлар.

**ТЕПАФОН** айн. **тепонгич.** *Тепафон от. ■ Бу ўлгудек қайсар, тепафон..* эгасини ҳам танимайдиган, калтак ўтмас эшак эди. С. Юнусов, Кутилмаган хазина.

**ТЕПИНМОҚ; ер тепинмоқ 1)** такрор (давомли) ҳолда оёғини (туёғини) ерга урмоқ. *Жонивор типир-типир қилади, бош чайқайди, ер тепинади, дум силкатади.* А. Қодирий, Улоқда. *Бечора чирқираганча, бир-икки ер тепиниб фарёд қилди.* Мирмуҳсин, Ал-Маҳдий. *-Қаерда юрибсан? — ер тепинди соқчи.* Х. Тўхтабоев, Ширин қовунлар мамлакатаи.

**ТЕПКИ 1 1** Оёқ билан берилган зарб. *Худойқул бир нафас фингиб ётди. Тепкидан*

оғриган жойларини секин-аста силади. П. Турсун, Ўқитувчи. Бола кўрсатилган иккинчи сўзни ўқийман деб турганда, синф эшиги қаттиқ тепкидан ланг очилиб, ичкарига совуқ ёпирилиб кирди. М. Исмоилий, Фаргона т.о.

**От тепкисини от кўтаради** Тенг кучлилар бир-бирига бас кела олади, чидаш бера олади, деган маъноли мақол. **Тепки емоқ** 1) тепки зарбига учрамоқ, тепилмоқ. *Мамарайим, эгасидан тепки еган итдай, орқага чекинди.* М. Исмоилий, Фаргона т. о.; 2) хўрланмоқ. [Йўлчи:] *Чидай олмадим, мулла ака.. Мен ҳам одам фарзанди, тоқайгача тепки ейман.* Ойбек, Танланган асарлар.

**2** Тўп, замбарак каби отиш қуролларида ўқ узилганда, унинг орқага берадиган зарби. *Тўпнинг тепкини камайтирадиган қурилмаси.*

**3** Ўқ отадиган қуроллarning отиш механизмини ишга солувчи қисми. *Пулемёт тепкиси. Тўппонча тепкиси.* ■ «*Отайми, отмайми!*».. *Ўнг қўлининг бармоғини милтиқ тепкисига юбориб, уни босаётган жойда яна тўхтади.* И. Раҳим, Чин муҳаббат.

**4** Маҳаллий тўқиш дастгоҳининг оёқлар билан галма-гал босиб, дастгоҳни ишга тушириш, унинг мунтазам ишлашини таъминлаш учун хизмат қиладиган қисми. *Ҳожияхон бўз тўқишни энди ўрганган, ўнг қўли тасма галтакни тортса, чап оёғи тепкини босолмас, ўнг оёғи тепкини босса, чап қўли гулани жуфтлолмас эди.* А. Мухтор, Опасингиллар.

**5** Дастгоҳнинг шу қисмини босганда тўқилиб, зичланган моки ипи. *Атласнинг тепкиси қанча кўп бўлса, абр безакдан олинадиган таассурот шунчалик зўр бўлади.* Газетадан.

**Саккиз тепки атлас** Қалин, юқори сифатли атлас. *Яна юриб кетади саккиз тепки гул атлас, Чивик беқасамларнинг олаговур бозори.* Ф. Фулом. **Тепки машина** Махсус тепкиси, педалини оёқ билан босиб юргизиладиган тикув машинаси. *Ойим тепки машинада Донога кўйлак тикиб ўтирган экан.* Х. Тўхтабоев, Сарик девни миниб.

**ТЕПКИ** II *тиб.* **1** Асосан, болаларда учрайдиган, қулоқ олди безининг яллиғланишидан иборат ўткир юқумли касаллик. *Тепки кўпроқ қиш, баҳор фасларида учрайди.* И. Фозилов, Тепки. *Тепки касали билан ҳамма ёшдагилар ҳам оғриши кузатилади.* «Саодат»

**2** Айрим касалликлар туфайли пайдо бўладиган майда, пуфакчасимон қизил доғлар; тошма, гул. *Қизилча касали.. юқадиغان бўлиб.. иккинчи кунда кишининг танига қизил тепкилар чиқади.* **3.** Тоҳирий, Соғлиқни сақлаш.

**ТЕПКИЛАМОҚ** I Оёғи билан кетма-кет зарб бермоқ, такрор-такрор тепмоқ. *Бир-бирини тепкилаб уришмоқ. Тепкилаб лой пишитмоқ.* ■ *Гўнг аравага роса тепкилаб босилган, гилдираклар юк зўридан гижирлар, қўш от уни базўр тортар эди.* Ҳ. Фулом. Сенга интиламан. *Устига чиқиб тепкиласа ҳам, жигарники ўтмас экан.* С. Аҳмад, Уфқ. *Ҳазаб ўтида ёниб, кампирнинг юзига тарсаки туширди, суяклари чиқиб турган белига тепкилади.* «Муштум».

**2** Босиб пайҳон қилмоқ, йўқ қилмоқ; топтамоқ. *От тўёғи тепкилаб кетган Лолазорлар ўтар хаёлдан.* Ҳ. Шарипов. [Афанди] *Ҳўкизни тутди, уйига олиб кириб: -Жаззойи киши бировнинг экинини тепкиласин! - деб сўйиб юборди.* «Латифалар».

**ТЕПЛИЦА** [р. тепло – «иссиқ, иссиқлик» с. дан ясалган от] қ. **иссиқхона** **2.** *Бу жойдан колхоз клуби, ГЭСи, теплицадан тортиб электр тегирмонигача кўринар экан.* А. Мухиддин, Ошналар. *Умид уларга.. атрофдаги янги нав экилган карталарни, теплицани, ичкарига олиб кириб, лабораторияларни кўрсатди.* Мирмуҳсин, Умид.

**ТЕПЛОВОЗ** [р. тепло – иссиқ, иссиқлик + воз(ить) – ташимоқ, судрамоқ] Ички ёнув двигатели ўрнатилган, унинг ёрдами билан юрадиган локомотив. *Биринчи йўлда «ҳап-хўп, ҳап-хўп»лаб турган тепловоз сўнги марта қичқириб, составни тортиб кетди.* Ҳ. Фулом, Феруза. *Оғир юкли поездларни тартаётган замонавий тепловозлар оғиримизни бир неча минг марта енгиллаштирмоқда.* Газетадан.

**ТЕПЛОИЗОЛЯЦИЯ** [р. тепло – иссиқ, иссиқлик + изоляция] **1** Турли иншоот ва қурилмаларни иссиқ таъсиридан сақлаш ҳамда иссиқликнинг йўқолишига йўл қўймаслик учун уларни иссиқлик ўтказмайдиган материал билан қоплаш, ўраш.

**2 с.т.** Шундай мақсадда ишлатиладиган ўраш материали.

**ТЕПЛОТЕХНИК** Теплотехникага, яъни саноат йўли билан иссиқлик ҳосил қилиш ва ундан фойдаланиш техникасига оид.

Кўмирнинг теплотехник сифати. Теплотехник ҳисоблаш усули.

**ТЕПЛОТЕХНИКА** [р. тепло – иссиқ, иссиқлик + техника] Фан ва техниканинг иссиқлик энергияси ҳосил қилиш ва ундан фойдаланиш билан шуғулланадиган соҳаси.

**ТЕПЛОХОД** [р. тепло – иссиқ, иссиқлик + ход(ить) – юрмоқ, ҳаракатланмоқ] Ички ёнув двигатели ўрнатилган, унинг ёрдами билан юрадиган кема. *Хўжайли пристанига келган пароходлар, теплоходларнинг кети узилмайди.* Р. Ешимбетов, Дарға.

**ТЕПМОҚ 1** Оёқ билан зарб бермоқ. *Копток тепмоқ. Эшикни тепиб очмоқ. Итни қопмас деб бўлмас, отни тепмас деб бўлмас.* Мақол. ■ У [Соли совуқ] шошиб-пишиб, Азим бойваччанинг кўкрагидан итариб эди, Азим унинг киндигига ўхшатиб тепди. М. Исмоилий, Фарғона т.о. *Полвон уни бир тепиб, ерга ағнатди-ю, бўғзидан босиб тураверди.* С. Сиёев, Аваз.

2 Оёқ босиб, тепкилаб бирор иш қилмоқ. *Том тепмоқ. Лой тепиб пишитмоқ.* ■ *Кечалари шинни учун узум тепадилар, кундузи уларни аравалаб шаҳарга ташийдилар.* Ойдин, Ямоқчи кўчди. *Лой тепиш, лой қорши ишлари қилинмайди.* «Муштум».

3 Ўқ узиш ёки бошқа бир иш пайтида зарб билан орқага силжимоқ, урмоқ. *Бу милтиқ қаттиқ тепар экан.* ■ *Нима бало бўлди, машинанинг ручкаси тепиб олдим, дейман.* И. Раҳим, Шонли авлод.

4 кўчма Ритмик ҳаракат қилмоқ, дукилламоқ, урмоқ (юрак ва қон томирлари ҳақида). *Юрагим гурс-гурс тепади.* ■ *Улар [йигит билан қиз] дарвоза тагига ўтирдилар ва шу зайл бир неча вақт нафасларини ютиб, гўё бир хилда тепаётган қалбларини тинглаб, индамай қолдилар.* П. Турсун, Ўқитувчи. *Башорат ўзининг оқариб кетганини сезди, чакка томирларида қон гупиллаб тепарди.* А. Мухтор, Опа-сингиллар.

5 кўчма Тепага, юзага (сиртга) кўтарилиб чиқмоқ, кўринмоқ, намоён бўлмоқ. *Қизамиқ сиртга тепди. Сизот сувлар ер бетига тепиб чиқди.* ■ *Тер кучли ишқорли реакция беради ва у танага тепиб, шўрга айланади.* «Фан ва турмуш». *Нима учундир юраги ҳовлиқар, тез-тез урар эди. Юзига қон тепган.* Шуҳрат, Шинелли йиллар. *Онанинг дили ўглининг юзига тепиб чиққан аламли норози-*

*ликни, аниқ бўлмаса ҳам, дарров сезган эди.* С. Анорбоев, Оқсой.

6 Баъзи сўзлар билан бирикиб, нарсанинг шу сўз билдирган жойга уриши, етиши маъносини билдиради. *Ана, гўзаларимизга ўзингиз бир қаранг, белга тепади-я!* М. Исмоилий, Фарғона т. о.

**Белига тепмоқ** Ўзи боғланиб келган сўз билдирган нарсанинг бўлишига халақит бермоқ, уни узиб, тўхтатиб қўймоқ маъносини билдиради. *Ишининг белига тепмоқ. Ганнинг белига тепмоқ.* ■ *Э-э, сенмисан? Аммо уйқунинг ҳам белига тепдинг-да!* Тинчликми узи? О. Ёқубов, Эр бошига иш тушса. *Бу орада роталардан маълумот олиб келган алоқачилар суҳбатнинг белига тепди.* Шуҳрат, Шинелли йиллар. **Бурга тепди** Тоби қочган кишига нисбатан қўлланади. *Сизни қанақа бурга тепди, ётиб олибсиз?* А. Мухтор, Бўронларда бордек ҳаловат. **Орқасига тепмоқ** Воз кечиб ҳайдамоқ, қувмоқ. *Дунё ялиниб келган вақтда шоҳ Маишраб унинг орқасига тепган эканлар.. дунё ўзи бевафо, орқасига тепсанг арзийди.* Ойбек, Танланган асарлар. **Тилаб олган боламни эчки тепиб ўлдирди** Зўрга, жуда қийинчиликлар билан эришган нарсасидан айрилганлик, маҳрум бўлганликни ифодаловчи мақол. **Тўйдирганининг қорнига тепмоқ** Яхшилик, ҳиммат қилган, қўллаб-қувватлаганга ёмонлик билан жавоб бермоқ маъносига ибора. *Энди тўйдирганининг қорнига тепма-да.* А. Муҳиддин, Чап чўнтак. **Ўлганининг устига (чиқиб) тепмоқ** Бирор ёмон ҳолатнинг устига яна бошқаси юз бериши маъносига ибора. *Колянинг ҳақорати қалбини наштардек тилган Фоти-ма опага одамларнинг таънасини эшитиш ўлганининг устига тепгандек бўлди.* Р. Файзий, Сен етим эмассан. *..қўлингда хатинг бор, ўлганининг устига чиқиб тепгандек, хат-хабарсиз қўйма!* А. Қодирий, Ўтган кунлар.

**ТЕПОНҒИЧ** Тепиш одати бор, тепадиган, шатталаб юборадиган; тепағон. *Тепонғич сигир. Тепонғич от.*

**ТЕПСА-ТЕБРАНМАС** с. т. Ҳеч гап кор қилмайдиган, бирор иш қилдириш жуда қийин бўлган, ортиқ даражада беғам, бепарво; оғир карвон. *Тепса-тебранмас одам.* ■ *Инсон соғлиги учун шунчалик жон куйдириб, баъзи тепса-тебранмас консерваторлар билан олишиб юрган экан, демак, яхши қиз бўлса керак?* С. Анорбоев, Оқсой.

**ТЕПСИНМОҚ** қ. депсинмоқ. Қайдан парвоз этиб келдинг бемаҳал, Отинг тепсинади, ўзинг ўзга ҳол. «Тоҳир ва Зухра».

**ТЕПЧИК** Дўппи, тўн ва ш.к. нинг маҳсус қавиғи; ипни сиртга чиқармай тикиладиган майда қавиғ. *Дўппи тепчиги. Тепчиги йирик дўппи.* ■ Жуда қўпол бир тепчик, Тепаси чўққи, кичик, Кизаги салкам сара, Жияги ўн уч иplik. Ф. Фулом. Аксар дўппилар тепчигидан қирқилиб, пилтаси кўриниб туради. А. Қодирий, Обид кетмон.

**ТЕПЧИКЧИ** Дўппи, тўн ёқаси ва ш.к. ни майдалаб қавийдиган, тепчийдиган шахс. *Тепчикчининг бошида Каттагина кўргулик! Уйдан чиқмиш яқинда Арслондай йигит — ўлик.* Ф. Фулом.

**ТЕПЧИМОҚ I** Дўппи, ёқа ва ш.к. ни ипни сиртга чиқармай майда қавимоқ, тепчигини тикмоқ. *Дўппи тепчимоқ.* ■ Онам лампа ёнига ўлтириб, жияк тепчишига киришди. Ойбек, Болалик.

**2** Тўрлаб тикмоқ, чатмоқ. *Костюмнинг миш илган жойини тепчиб қўймоқ.*

**ТЕПЧИМОҚ II** Юзага тепиб, сизиб ўтиб кўринмоқ; юзага тепмоқ. *Доканинг ҳар ер-ҳар ерига тепчиб чиққан қонга кўзи тушиди ва шундагина бутун бадани зирқираб огриётганини, айниқса, кўкрагининг ўнг томони кучлироқ огриётганини сезди Адолат. С. Зуннунова, Гулхан. Унинг юзига тепчиб чиққан ташвиш аломатини келин дарров пайқар.* Р. Раҳмон, Меҳр кўзда.

**ТЕР I** Тер безлари ажратиб чиқарадиган тиниқ суюқлик. *Баданидан тер чиқди. Терга ботмоқ. Пешонасини тер босди. Аъзои баданидан тер қўйларди. Тер безлари.* ■ Унинг елкасига ва туртиб чиққан белига тердан намиққан кўйлаги ёпишиб қолган. С. Анорбоев, Оқсой. *Пешонасидан дўлдай оқаётган терларини ўнг қўли билаан ҳалюслаб артаётган мингебошига Соли совуқ жийдагул пиёлада кўк чой тутди.* М. Исмоилий, Фарғона т. о.

**2** кўчма Меҳнат. *Ер куч билан, тер билан унум беради.* Ойбек, Танланган асарлар.

**Жон терига тушмоқ** 1) қаттиқ тиришмоқ, бор кучини сарфламоқ. *Жон терига тушиб ишламоқ;* 2) қаттиқ азобланмоқ, азобнинг, огриқнинг зўрлигидан мажолсизланмоқ, ҳолдан тоймоқ. *Отлар жон терига тушиб кишнаганларича йиқила бошлади, оёқлари от остида қолган суворилар ҳам*

*мерганларнинг ўқини еб, ер тишлаб қолавердилар.* М. Осим, Искандар ва Спитамен. **Пешона тери** қ. пешона. *Ҳаммаси сену мендақаларнинг пешона теридан бино бўлган. П. Турсун, Ўқитувчи. Ахир камбағал халқ ўз қўл кучи, пешона тери билан кун кўришига ҳам илож тополмай қолди.* Ойбек, Танланган асарлар. **Тер тўкмоқ** Меҳнат сарфламоқ, астойдил меҳнат қилмоқ. *Мен кучимни, теримни тўкай, фойдасини сояпарвар бойлар кўрсин.. Қани инсоф!* Ойбек, Танланган асарлар. *Иш шароити ниҳоятда оғир эди. Ҳар куни 12–14 соатлаб тер тўкишига тўғри келарди.* Т. Алимов. Ҳақиқат енгди.

**ТЕРАК** Толдошлар оиласига мансуб, пўстлоғи кўкиш ёки оқиш, тик ёки шохлаб, тарвақайлаб ўсадиган дарахт (танасидан асосан қурилиш материали сифатида фойдаланилади). *Оқ терак. Тоғ тераги. Кўк терак.* ■ *Боғнинг қуйи томонида бир чизикда саф тортган баланд, адиқ тераклар.* Ойбек, Танланган асарлар.

**ТЕРАКЗОР** Нуқул тераклар билан банд жой, терак экилган майдон. *Қўёш теракзор орқасига ботаётган, гарб уфқига алован ранг шафақ ёйилган ажиб оқшом эди.* Ҳ. Фулом, Машғал. *Фуломжон.. даладаги теракзордан тўртта бақатеракни кестириб, тахта тилдирди.* М. Исмоилий, Фарғона т. о.

**ТЕРАН** кт. I Бирор жойдан, мас., ернинг сатҳидан анча пастга — чуқурликка ўтиб кирган ёки анча пастдан — чуқурликдан бошланадиган; чуқур, чўнқир. *Ернинг теран қатламлари. Теран дарё. Теран қудуқ. Теран булоқ.* ■ *Унинг [М. Қосимовнинг] қиёфаси ва юриш-туришига сахро сокинлиги, теран қатламлардан нам оқиб топиб аста сўрадиган чайир саксовул томиларининг тўзимлилиги асар қилганга ўхшарди.* А. Мухтор, Давр менинг тақдиримда.

**2** кўчма Мазмун-моҳият жиҳатидан кенг қамровли, чуқур, кучли. *Теран фикр. Романнинг теран мазмуни.* ■ *Оналар, фақат масъуд оналаргина гўдак йиғисидаги теран маъноларни англай олиши мумкин.* Э. Охунова, Ҳаёт гуллари. *Икки кўзим сенинг йўлинг-да, Ўзим теран хаёлга ботдим.* Ф. Шоди. *Қалбимни аллақандай тиниқ, теран бир мунг чулғаб олди.* О. Ёқубов, Излайман. *Халқ ҳаётини ғоятда теран тасвирлай билиш муаллифдан катта истеъдод талаб этади.* Газетадан.

**ТЕРАНЛАШМОҚ** Теранлик касб этмоқ. *Хаяжон ва қалб зарбаларининг эстетик функцияси, моҳияти ортди, айтиш мумкинки, теран ақл ва ижтимоий маъно билан теранлашди. «УТА». Адабиёт ҳафталиги сингари яхши анъана туфайли ғоят чуқур, кўҳна қардошлигимиз янада теранлашди.* Газетадан. *Ёш улғайган сари одамнинг хаёл денгизи теранлаша ва кенгая боради.* М. Қўшжонов, Дийдор.

**ТЕРАНЛИК** Теран ҳолат, теран ҳолатга эгалик. *Денгиз тубининг теранлиги. Фоянинг теранлиги.* ■ *Портрет асарлари характерининг ёрқинлиги, қахрамон ҳиссининг теранлиги билан чегараланиб қолмайди.* А. Умаров, Портрет — даврнинг ёрқин ифодаси. *Уларнинг бу китоблари фикрининг теранлиги, соддалиги ва баён услубининг раволиги жиҳатидан илмий-оммабоп адабиётнинг энг яхши намуналаридан қолишмайди.* «Фан ва турмуш».

**ТЕРАПЕВТ** [юн. therapeutes — (касалга) қаровчи, гамхўрлик қилувчи] Ички аъзолар касалликларини аниқлаш, олдини олиш ва даволаш билан шуғулланадиган мутахассис врач. *З.И.Умидова ҳозирги вақтда республикамизнинг энг йирик терапевтларидан биридир.* О. Ризаев, Врач — олима.

**ТЕРАПИЯ** [юн. theapeia — парвариш, гамхўрлик; даволаш] Тиббиётнинг ички аъзолар касалликларининг пайдо бўлиш сабабларини, ривожланиш механизмларини аниқлайдиган, даволаш йўллари ўрганадиган бўлими; шундай касалликларни даволаш усуллари. *Юрак терапияси. Терапия курси.*

**ТЕРБИЙ** [< шу элемент кашф этилган жой — Швециядаги Йттербю (Ytterby) шаҳарчаси номидан] Менделеев даврий системасининг III гуруҳига мансуб кимёвий элемент; пластик ва яхши деформацияланадиган, кумушсимон оқ металл.

**ТЕРГАМОҚ I** Текширмоқ, назорат қилмоқ; таъқиб остига олмақ, кузатмоқ. *Хизиров кибрлик билан: -Маорифнинг ишини тергай олмайсиз. Нима қилсам, ўзим биламан, — деди.* П. Турсун, Ўқитувчи. [*Мастура:*] *Шоҳ бўлсанг, сабаб ўғирлик қилган фуқароларининг тергамайсан?* А. Қаҳҳор, Башорат. *Чол болаларнинг ноҳўя ҳаракатларини тергаб, мудирга етказиб турар эди.* П. Турсун, Ўқитувчи. *Ҳаммага адолат қилдинг, Қорахон,*

*Тергамадинг бузуқ, баттол қизингни.* «Равшан».

**2** Ноҳўя ҳаракатларини назоратда тутиб, ундан тийиш хатти-ҳаракатларини, йўллари қилмоқ; ёмон йўлдан қайтариб турмоқ. *Мен сизга ўғилман, фарзандингизман. Уришишга, сўқишга, тергашга ҳаққингиз бор.* С. Аҳмад, Қадрдон далалар. *Қайлиқ сизники бўлгандан кейин, тергаш, тийиш ҳам сизникидир.* М. Исмоилий, Фарғона т. о.

**3** ҳуқ. Тергов қилмоқ; тергов, сўроқ қилиб аниқламоқ. *Қўрбоши эса Отабекнинг устида ҳали бунчалик тергашлар борлиги учун ўзини бир оз тўхтатиб қолди.* А. Қодирий, Ўтган кунлар.

**ТЕРГОВ I** **Тергамоқ** фл. ҳар. н.

**2** ҳуқ. Жиноят юз берган шароит, унинг сабаблари ва қатнашчиларини текшириш, сўроқ қилиш иши; жиноий иш бўйича далиллар йиғиш. *Дастлабки тергов. Тергов органлари. Тергов натижаси. Тергов ўтказмоқ.* ■ *Шербек районга жўнади. Уни яна терговга чақирган эди.* С. Анорбоев, Оқсой. *Район тергов идораларининг вакиллари томонидан жиноят содир бўлган жойда текшириш ўтказилиб, тегишли актлар тузилгандан кейин, жасадни аравага солиб, қишлоққа олиб келдилар.* П. Турсун, Ўқитувчи.

**Тергов қилмоқ** 1) бирор иш, ҳолат ва ш.к. юзасидан сўроққа тутмоқ, сўроқ қилмоқ. *Дадаси уни [Низомжонни] уйга бошлаб кирди-ю, ўтказиб, тергов қила бошлади.* С. Аҳмад, Уфқ; 2) ҳуқ. жиноят юз берган шароит, унинг сабаблари ва қатнашчиларини аниқлаш учун бунга алоқадор кишиларни сўроқ қилмоқ, тегишли далил ва ҳужжатларни атрофлича ўрганмоқ. *Айбдорни тергов қилмоқ.* ■ *У [мингбоши] аввало Фуломжонни энг ичида тергов қилиб, энг ичида жазо бериш-у, шу билан ундан ўч олиш.. ниятида эди.* М. Исмоилий, Фарғона т. о.

**ТЕРГОВСИЗ** рвш. ҳуқ. Сўроқ, тергов қилмай ёки бўлмай, сўроқсиз, бесўроқ, бетергов. *Терговсиз қамоқда ётмоқ.*

**ТЕРГОВЧИ I** Бировнинг хатти-ҳаракатини, юриш-туришини назорат қилиб, суриштириб, тергаб турувчи; ноҳўя ишдан, йўлдан қайтарувчи. *Нишонбойнинг кўзлари ваҳшиёна чақнаб шанғиллади: -Ҳа, сен терговчимни менга? Бор-бор, ўша..* П. Турсун, Ўқитувчи.

2 ҳуқ. Бирор иш юзасидан дастлабки тергов ўтказувчи лавозимли киши. *Прокуратура терговчиси. Халқ суди терговчиси.* ■ Райондан келган терговчи уч кун овора бўлиб, жиноятчиларнинг изини тополмади. А. Қаҳҳор, Қўшчинор чироқлари.

**ТЕРГОВЧИЛИК** Терговчи иши, касби. *Терговчилик қилмоқ.* ■ *Текиширишни жуда яхши кўрасиз-а, домла! Илгари терговчилик ҳам қилганмисиз, дейман?* М. Бобоев, Гўзаллик истаб.

**ТЕРИ I I** Одам ва ҳайвон танасининг ташқи қоплами, тана аъзоларини ташқи таъсирлардан ҳимоя қилувчи ва турли физиологик вазифаларни бажарадиган пўсти. *Тери касалликлари. Қўённинг терисини шилмоқ.* ■ *Тортқилаганда, [улоқнинг] териси айрилиб кетмайди. Бўлмаса, торт-тортда улоқ бутун қоладими!* Т. Мурод, От кишнаган оқшом.

2 Молнинг, ҳайвоннинг шилиб олинган пўсти. *Шу ерда шилайдиган одамлардан бири, йўқчилик ваҳжидан, бир куни бола-чақаси билан отнинг терисидан шўрва қилиб ичибди.* А. Қаҳҳор, Миллатчилар. *Хон бориб, арслон терисига ўтирди, Арслонбекни ўзининг ўнг томонига олди.* А. Қодирий, Меҳробдан чаён.

3 Мол пўстидан махсус ишлов бериб тайёрланган материал; чарм, кўн. [*Шокир ота*] *Терига сув пуркайди ва кўва билан дўқ-дўқ уриб, чармни текислайди.* Ойбек, Танланган асарлар. *Уйда бир оз тери бор. Аммо тагчарм йўқ.* Ойбек, Танланган асарлар.

4 кам қўлл. Пўст, пўчоқ. *Териси қалин қовун.* ■ *Боғдаги.. анорлар терисига сиғмай, тарс-тарс ёрилади.* Ё. Шўкуров, Уч савол.

**Бир терининг ичида қўй неча озиб, неча марта семиради** Киши ҳаётида неча хил ўзгаришларга, яхши-ёмон ҳолатларга тушиши мумкинлигини қайд этувчи ибора. - *Бир терининг ичида қўй неча озиб, неча марта семиради, — деди салмоқлаб бой, — кишининг бошига ёмон кунлар ҳам тушиши мумкин.* Ойбек, Танланган асарлар. **Териси юпқа** Унча-мунча гапни кўтара олмайдиган. *Ҳимм, териси юпқа аёл эмасми, шу гап баҳона бўлибди-ю, «Мени бўшатиб, қолоқ бригадага юборасизлар», деб туриб олибди.* Н. Сафаров, Катта карвон йўлда. **Териси қалин** Унча-мунча гап кор қилмайдиган, бети қаттиқ. *Териси қалин кассир эса: -Этласанг сен ҳам қил, — деб бўзрайиб тураверди.* «Муш-

тум». **Терисига сиғмаслик** Ниҳоятда хурсанд бўлмоқ. *Элибек бу хабардан терисига сиғмай кетди. Ҳар ҳолда, дастлабки галаба.* А. Мухтор, Тугилиш. *Қувонч билан қўл бериб сўрашди. Теримга сиғмай кетдим.* Ойдин. **Ҳи-коялар. Терисига (ёки терисини шилиб) сомон тикмоқ** Ниҳоятда қаттиқ жазоламоқ. *Яхшики, бояги гапларинизни ўғлим эшитмади, йўқса, терингизга сомон тикқан бўлар эди..* М. Осим, Аждодларимиз қиссаси. *Менга дўпписи эмас, ўзи керак. Узини тириклай тугтиб кел! Терисини шилиб, сомон тикмагунимча хумордан чиқмайман.* Н. Сафаров, Кўрган-кечирганларим. **Терисини шилмоқ (ёки шилиб олмоқ)** Бор-йўғини қоқлаб олмоқ, ҳамма нарсасини тортиб олмоқ. *Унинг [Мусулмонқулнинг] ўз кайғича ойда эмас, ҳафтада солиб турган солиқлари фуқаронинг терисини шилса.. остириб, кестириб туриши хосни ҳам эсанкиратди.* А. Қодирий, Ўтган кунлар.

**ТЕРИ II** Хамирни юпқа ёйиб, учбурчак, тўртбурчак шаклида кесиб, ёғда пишириладиган таом.

**ТЕРИМ** Ҳосилни териб, йиғиб олиш (асосан пахта ҳосили ҳақида). *Биринчи терим. Иккинчи терим. Терим машинаси. Бу йил терим эрта бошланди.* ■ *Мана гўзалар кўз оча бошлади. Ҳадемай терим ҳам бошланиб қолади.* «Муштум». *Қайси куни отаси: «Иккинчи теримга қачон тушасиз», дегандек эди. Қизиқ, пахталар ҳеч терилганга ўхшамайди-ку?!* М. Исмоилий, Фарғона т. о.

**ТЕРИМЧИ** Далада етилган пахта ҳосилини қўл билан териб, йиғиб олувчи. *Илғор теримчилар.* ■ *У икки қўллаб терувчи, чели теримчи.* И. Раҳим, Ҳаёт булоқлари. *Вали ака ўғлига хирмон қилинадиган жойни кўрсатиб, ўзи теримчиларни Мадаминхўжанинг пахтазорига.. бошлаб кетди.* М. Исмоилий, Фарғона т.о. *Атлас кўйлак ярашар. Теримчи қиз бўйига. План тўлганда келинг. Пахта-хоннинг тўйига.* Уйғун.

**ТЕРИФУРУШ** Тери савдоси билан шуғулланувчи, тери сотувчи шахс. *Кимсан — терифуруш, фалончи бой.* Ойбек. Танланган асарлар. *Терифуруш бойнинг ўшига тушганларга қаттиқроқ тайинланг.. этасининг ўйидек бахузур ётаверишмасиз.* К. Яшин. Пьесалар.

**ТЕРЛАМА тиб.** *Кучли иситма чиқариш, қаттиратиш билан хавфсизлаштирилган оғир*



юқумли касаллик; тифнинг бир тури. *Уша йиллари Собиржон терлама касали билан оғриб, тўсатдан вафот этди. Мирмуҳсин, Умид.*

**ТЕРЛАМОҚ 1** Баданидан тер чиқармоқ, терга ботмоқ. *Бемор терлаб ётарди. ■ Сунбула ойининг мўътадил ҳавосига қарамасдан, Зайнаб маржон-маржон терлаган эди. А. Қодирий, Ўтган кунлар. Ҳозир бир пиёла ароқни шимирди-да, аччиқ қовурма шўрвани ичиб, бир оз ўраниб ётгач, терлади. И. Раҳим, Ихлос.*

2 Тер билан қопланмоқ, терчиламоқ. *Дераза ойналари терлапти.*

3 кўчма с.т. Астойдил меҳнат қилмоқ, тер тўкмоқ. *Бир дунё иш бор экан, кўп терлайсиз ҳали.*

**ТЕРЛАТМОҚ 1** Терламоқ фл. орт. н. *Аччиқ мастава уни бир оз терлатди.*

2 кўчма с.т. Уялтирмақ, қизартирмақ. *Улар [стахановчилар] лўнда гаплар билан қолоқ цех бошлиқларини роса терлатдилар. А. Муҳиддин, Ҳадя.*

**ТЕРЛАШ 1** Терламоқ фл. ҳар. н. *Терлаш керак.*

2 тиб. Организмни совитадиган физиологик механизмларнинг бири.

**ТЕРЛИ** Тер билан қопланиб турган. *Терли кўл. Терли юз.*

**ТЕРЛИК** Отнинг терини тўқимга ўтказмаслик учун тўқим тагидан қўйиладиган қалин намаз парча. *Омборхонадан от абзалларини: терлик, беллик, юган, эгарни кўлтиқлаб келдим. Т. Мурод, От кишнаган оқшом. Бисмилло, деб солди отнинг устига Кимхоби майиндан бўлган терликни. «Алпомиш».*

**ТЕРЛОҚ** Тез терлайдиган, доим терлаб турадиган. *Терлоқ оёқ.*

**ТЕРМА 1** сфт. Саралаб-саралаб йиғиб, бирлаштириб ташкил этилган, тузилган. *Терма футбол жамоаси. ■ Капсанчиларнинг кўпчилиги пахтани билмагани учун, бу экинни унча-мунча биладиган одамлардан терма бригадалар тузишни, бу бригадаларга тажрибали қарияларни бригадир қилиб тайинлашни таклиф қилди. А. Қаҳҳор, Қўшчинор чироқлари.*

2 от фольк. Бахшилар репертуарида дostonдан кейин, иккинчи ўринда турадиган, банд тузилиши эркин, уч қатордан 100–150 мисрагача бўладиган фольклор жанри. *Ҳозир йўлдош ўғли турли мавзуларда термалар ва дostonлар айтар эди. «Ўзбек адабиёти».*

*Унинг [Тўхтағулнинг] ўланларида, термаларида сиёсий жўшқинлик ҳужмрон эди. Ҳ. Нурий, Улуг оқин. Дoston ва терма бахшилар ижодиди ёнма-ён яшаб келади. «ЎТА».*

3 от Умуман, халқ оғзаки ижодига мансуб, одатда тўрт мисрадан иборат кўшиқ тури.

**ТЕРМАКАШ 1** Термаларни дўмбирада куйловчи бахши.

2 Бошқаларнинг асарларидан терма қилувчи адиб. *Шошма, ҳали кўлларим қанотини ёзгани йўқ; мана бу термакаш Ўсаржонни четга чиқариб кўяман. Ойбек, О.в. шабадалар.*

**ТЕРМАМОҚ** кам қўл. Ҳар жойдан озоздан териб йиғмоқ.

**ТЕРМАЧИ 1** айн. термакаш.

2 тар. Табиий равишда етишган мева, илдизмева қаби емишларни териб-йиғиб тирикчилик қилувчи. *Археологик текширишлар шуни кўрсатадики, сўнгги неолит даврига оид илк деҳқончилик маданияти маҳаллий овчи ва термачи аҳолининг ўтроқ ҳолатга ва деҳқончиликка ўтиши натижасида пайдо бўлган. И. Жабборов, Кўҳна харобалар сири.*

**ТЕРМИК** [юн. thermos — илиқ, иссиқ] тех., ким. Иссиқлик билан ишлов беришга оид, шундай ишлов бериш учун белгиланган. *Термик печь. Пулатни термик ишловдан ўтказмоқ. Термик ишлов бермоқ. ■ Олимлар ва инженерлар электр термик ускуналарга хизмат кўрсатувчи ва монтаж ишларини бажарувчи роботлар яратдилар. Газетадан.*

**ТЕРМИМОҚ** Кўз узмасдан узоқ қараб қолмоқ, тикилмоқ; умид билан, бирор ички ҳиссиёт билан боқмоқ. *Асрора узоқларга термилиб туриб, алланималарни ўйларди. С. Аҳмад, Уфқ. Комилжон хотинига меҳр билан узоқ термилиб турди. С. Зуннунова, Янги директор. Бир ҳафтагача кишиларнинг оғзига термилиб, сеvimли ашуласини эшитгандек, сўзларидан завқланганини бир вақт ҳикоя қилиб берган эди. М. Исмоилий, Фаргона т.о. Улар бир-бирларига термилиб-термилиб, маъюс-маъюс қараб кўядилар. Ҳ. Фулом, Машғал.*

**ТЕРМИН** [лот. terminus — чек, чегара] Фан, техника, касб-ҳунарнинг бирор соҳасига хос муайян бир тушунчанинг аниқ ва барқарор ифодаси бўлган сўз ёки сўз бирикмаси; атама. *Ботаника терминлари. Заргарлик терминлари. Пахтачилик терминлари.*

ри. ■ *Йўлдош.. Элмуродга нотаниш терминларни.. тушунтира кетди. Шухрат, Шинелли йиллар. Терминлар илмий коммуникациядан жонли сўзлашувга ўтганда, халқ учун тушунарли сўзларга айлана боради. «ЎТА».*

**ТЕРМИНАЛ** [ингл. terminal < лот. terminalis – охириги, сўнги; охирига тегишли] **1** *тех.* Ҳисоблаш системаси таркибига кирувчи, ахборотларни системага киритиш ва ундан чиқариб олиш учун мўлжалланган четда турувчи, сиртқи мослама (компьютерда ишлаганда, монитор, сичқонча, клавиатура кабилар терминал ҳисобланади).

**2** Портнинг (ҳаво ёки денгиз портининг) контейнерли ва боғлама юкларни сақлаш ва қайта ишлашга мўлжалланган қисми.

**3** Умуман, катта миқдордаги юк, нарсабуюм вақтинча, мавсумий сақланадиган омбор. *Пахта толаси терминали. ■ Терминаллар, ўз навбатида, ташқи савдо компаниялари билан тузган шартномаларига кўра, толани экспортга ортишади.* Газетадан. *..тайёр маҳсулотларнинг терминаллар орқали хорижга чиқарилаётгани қайта ишлаш корхоналарига ҳам.. янги имкониятлар эшигини очди..* Газетадан.

**4** Пластик карточкалар ёрдамида ишлайдиган, турли ҳисоб-китоб ва тўловларни амалга ошириш учун хизмат қиладиган электрон қурилма. *Республикадаги барча савдо ва хизмат кўрсатиш шохобчаларига ўрнатилган терминаллар ёрдамида тўловларни амалга оширишингиз мумкин.* Газетадан. *Банк мутахассислари томонидан ўрнатилган 1300 савдо терминали ва 20 банкомат миқдорлар хизматида.* Газетадан.

**ТЕРМИНАТОР** [лот. terminare – ажратмоқ, айирмоқ; йўқ қилмоқ] **1** *астр.* Сайёралар ва йўлдошлар гардишининг ёруғ (кундузги) ва қоронғи (тунги) яримшарларини ажратувчи чизиқ, чегара.

**2** Йўқ қилиб, қириб ташловчи робот; йўқ қилиб бўлмайдиган одамсимон робот (америкалик режиссёр Ж.Камероннинг айна номдаги фильми қахрамони исмидан).

**ТЕРМИНОЛОГИК** Терминологияга, терминларга оид. *Терминологик луғат. Сўзнинг терминологик маъноси. ■ Детерминлашиш – терминологик системадаги сўзнинг адабий тилга тўла ўзлашишидир. «ЎТА».*

**ТЕРМИНОЛОГИЯ** [лот. terminus – чегара + юн. logos – фан. таълимот] **1** Фан, техника, касб-ҳунарнинг бирор соҳасида қўлланадиган терминлар мажмун. *Техника терминологияси. Ҳарбий терминология. Илмий терминология. Ўзбек тили терминологияси. ■ Қори ака фанлар ичида аввало математикани севиб ўрганади ва унинг ўзбекча терминологиясини ишлаб чиқади.* М. Ўрозбоев, Мўъжизалар олами.

**2** Тилшуносликнинг терминларни ўрганиш, тартибга солиш билан шуғулланувчи соҳаси. *Терминология мутахассиси. Терминология бўлими. ■ Семинар рус ва ўзбек тилларининг фонетикасини қиёсий ўрганиш, орфоэпия, терминология ва лексикология масалаларига алоҳида эътибор беради. «ЎТА».*

**ТЕРМИТ I** [юн. therme – иссиқлик, қайноқлик] *ким.* Алюминий ёки магнийнинг баъзи металллар оксиди билан ҳосил қиладиган, ёнганда жуда кучли иссиқлик чиқарадиган кукунсимон аралашмаси (техникада ва ҳарбий мақсадларда ишлатилади). *Термит бомба.*

**ТЕРМИТ II** [лот. termes, termitis – ёғоч емирувчи ҳашарот; кўнгиз] Асосан, иссиқ мамлакатларда катта уяларда жамоа бўлиб (бир неча юздан миллионгача) яшайдиган парда қанотли ҳашарот, ёғоч, тери, қоғоз ва баъзи экинлар зараркунандаси. *Термит дегани худди битга ўхшаши жирканч ҳашаротгина эмас, даҳшатли офат экан.* А. Мухтор, Давр менинг тақдиримда. *Термит – ўтлоқ устида лойдан ясалган уяларда яшовчи ҳашарот.* «География».

**ТЕРМО-** [юн. thermos – иссиқ, илиқ < therme – қайноқлик, иссиқлик] Байналмилал ўзлашма қўшма сўзларнинг биринчи қисми бўлиб: 1) иссиқлик, ҳароратга алоқадорлик (мас., *термодинамика*); 2) иссиқлик, кучли ҳарорат ёрдамида ҳосил қилиш (мас., *термофосфатлар*); 3) модда ёки асбобларнинг иссиқлик хоссаларидан фойдаланиш (мас., *термотерапия, термозлемент*) каби маъноларни билдиради.

**ТЕРМОГРАФ** [термо. + юн. grapho – ёзаман] Температура ўзгаришларини автоматик суратда изчил ёзиб борадиган асбоб.

**ТЕРМОДИНАМИК** Термодинамикага оид; иссиқлик туфайли юзага келадиган ҳаракатлар билан боғлиқ бўлган. *Термоди-*

намик миқдор. *Термодинамик мувозанат. Термодинамик ўзгарши.*

**ТЕРМОДИНАМИКА** [термо.. + динамика] Физиканинг термодинамик мувозанат ҳолатида бўлган тизим (система)ларнинг умумий ҳоссаларини ва бу ҳолатлар ўртасидаги ўтши жараёнларини (бунда иссиқлик — энергиянинг бошқа турларига айланиши) ўрганувчи соҳаси.

**ТЕРМОИЗОЛЯЦИЯ** [термо.. + изоляция] *айн. теплоизоляция.*

**ТЕРМОМЕТР** [термо.. + юн. metreo — ўлчайман] Температуранинг, иссиқлик ёки совуқлик даражасини ўлчайдиган асбоб. *Термометр 20 даража совуқни кўрсатар эди. ■ Кишида иситма борлиги ва унинг баландлигини аниқлаш учун.. медицина термометри ишлатилади. Н. Исмоилов, Касалларни парвариш қилиш. Хотин Лоланинг кўлатиғига қўйсан термометрни олиб, чароққа солиб қаради-да, уни силкиб, стол устига қўйди. С. Аҳмад, Қадрдон далалар.*

**ТЕРМОМЕТРИЯ** Амалий физиканинг температуранинг, иссиқлик ёки совуқлик даражасини ўлчаш усуллари ва воситалари ҳақидаги бўлими.

**ТЕРМОРЕГУЛЯТОР** [термо.. + регулятор] Хона, печь ва ш.к. да керакли температуранинг автоматик равишда ҳосил қиладиган ва сақлаб турадиган асбоб.

**ТЕРМОС** [юн. theamos — иссиқ, қайноқ] Ичига қўйилган иссиқ ёки совуқ нарсани (мас., иссиқ чой ёки совуқ сувни) узоқ вақт шу ҳолича сақлайдиган махсус идиш. *Меҳри опа столча ёнидаги корзинкадан овқатликлар олди, тўрда осиглиқ термосни очиб, стаканларга иссиқ чой қўйди. Ё. Шукуров, Биринчи парвоз.*

**ТЕРМОСТАТ** [термо.. + юн. statos — тик турувчи, қўзғалмас] Чегараланган ҳажмларда (термик печь, совиткич ва ш.к. да) температуранинг ҳамиша бир хилда сақлаб турадиган аппарат. *Бодринг уруғи, экишдан олдин, уч суткагача 50—51 даража иссиқда термостатда қиздирилиб, бинафша метилен эритмаси билан ивтилади. «Фан ва турмуш».*

**ТЕРМОСТАТИК** Термостатга оид. *Термостатик камера.*

**ТЕРМОЭЛЕКТР(ИК)** [термо.. + электр] Электр ўтаётган занжирдаги электр ва иссиқлик жараёнлари ўртасидаги боғланишга

оид, шу сабабли ҳосил бўлган. *Термоэлектр(ик) ҳодиса. Термоэлектр(ик) ток.*

**ТЕРМОЯДРО** [термо.. + р. ядро — мағиз, уруғ; ўзак]: **термоядро реакцияси** Енгил атом ядроларининг ўта юқори (камида 10 миллион градус) температураларда кечадиган ўзаро реакцияси, жараёни. **Термоядро қуроли** Термоядро реакцияси туфайли портлайдиган, шикастлаш воситаси ядро зарядидан иборат бўлган қурол.

**ТЕРМОҚ 1** Сочилиб ёки тўкилиб ётган нарсаларни қўл билан бирма-бир олиб тўпламоқ, йиғмоқ. *Сойликдан майда тош термоқ. Ўтин термоқ. ■ Эрталаб Бегойим: «Фуломжонларнинг қантак ўриги тўлиб ётибди, териб келгин», деб тайинловди. М. Исмоилий, Фарғона т. о. Мен ёйликдан отамга қарашдим, пода боқдим, машоқ тердим. Ойбек, Танланган асарлар.*

**2** Дон, мева, гул ва ш.к. ўсимлик ҳосилини бирма-бир олиб тўпламоқ, йиғмоқ. *Гул термоқ. Ёнғоқ термоқ. Мош термоқ. Олча термоқ. ■ Пахта терсанг, тоза тер, Чаноғида қолмасин. «Кўшиқлар». Баҳор келди элимизга — Кўм-кўк бўлди боғ, дала. Севинч тўлиб дилимизга, Териб келдик гул-лола. И. Муслим. Тоққа чиқиб терганинг Писта билан бодомми? «Кўшиқлар».*

**3** Маълум тартибда устма-уст, ёнма-ён ёки бирин-кетин жойламоқ, ўрнаштирмоқ, тахламоқ. *Китобларни тоқчага термоқ. Омборга қовун териб қўймоқ. Саватга нон термоқ. Яшиқларга олма термоқ. ■ Нигор ойим ошхонада мантиларни қасқонга териб, қозонга уяр, Раёно бўлса, айвонда кичкина укалари орасида ўтирар эди. А. Қодирий, Меҳробдан чаён.*

**Ғишт термоқ 1)** ғиштларни маълум тартибда тахламоқ. *Сидиқжоннинг диққати ўнг томондаги тўқайннинг очиқ ерига териб қўйилган сон-саноқсиз ғиштга жалб бўлди. А. Қаҳҳор, Қўшчинор чироқлари; 2) ғиштларни лой ёки цемент қоришмаси билан ўзаро бириктириб, девор ва ш.к. қурмоқ. *Бинонинг ғиштини термоқ; 3)* ётқизмоқ. *Ҳовли саҳнига ғишт термоқ.**

**4** Нарсаларни тешиб ёки тешигидан ип, сим ва ш.к. ўтказиб, қатор, ёнма-ён жойлаштирмоқ, тизмоқ. *Ипга мунчоқ термоқ. ■ Ҳаётхон бечора ип эшиб, марваридларни теришга ўтирди. М. Исмоилий, Фарғона т. о. Эшонхон чаққонлик билан сижларга кабоб*

*терарди. Ойбек, Улуғ йўл. Ўзиям унча-мунча маржонлардан эмас, ўн икки шода-я! Мунчани тергунча, юрагинг қон бўлиб кетади. М. Исмоилий, Фарғона т. о.*

**5** Нарсаларни жойидан, орасидан бирма-бир юлиб, ажратиб олиб ташламоқ. У [*Мулла Шамсиддин*] эшик олдидаги сунада, олдида бир ғалвир майиз, чўпини териб ўтирган эди. А. Қаҳҳор, Башорат. *Сигирнинг қулоғига яна кана тушибди! Канадан ҳам кўра сизир унинг [Бақоевнинг] аччигини келтирар эди: канани терай деса, қўймайди, бошини силкийди, пишқиради. А. Қаҳҳор, Алабиёт муаллими.*

**6** *плгрф.* Босиш, нашр этиш учун типографик белги ва ҳарфларни тегишли тартибда жойлаштириб, бирор матн ҳосил қилмоқ. *Эълонни йирик ҳарфлар билан термоқ.*

**7** Айрим белги ёки рақамларни ёнма-ён, бирин-кетин олиб, келтириб, бирор бутунлик ҳосил қилмоқ. *Лаълихон гаплашиш учун телефон олдида борди, трубкани қўлига олиб, керакли номерларни тера бошлади. Ойдин, Кўнгли тўлдими, яхши йигит.*

**8** Сараламоқ, танламоқ. *Футбол командасига кучли ўинчилар териб олинди. ■ Полклардан ажратиб, териб олинган ҳужумкор отрядлар артиллерия отишмаларидан сўнг душман устига ташланди. Назармат, Жўрлар банд сайрайди.*

**9** Кетмон, теша, болта каби асбоблар юзини болғалаб текисламоқ, ёймоқ ёки ўткирламоқ. *Кетмон юзини термоқ. Теша тигини термоқ.*

**Без термоқ қ. без. 1. Ризқини термоқ** Насибасини топиб еб, кун кечирмоқ, амалтақал кун кўрмоқ. *Шунинг учун «одамларнинг ҳожатини чиқариб юра турай, тузук иш ўзи чиқиб қолади», деган ўйда сочилган ризқини териб юра берди. А. Қаҳҳор, Асарлар. Тошингни тер қ. тош.*

**ТЕРРАРИУМ террарий** [*лот. terra* – ер, майдон] Унча катта бўлмаган, тажриба ёки намойиш қилинадиган судралувчилар, ҳам сувда, ҳам қуруқликда яшовчи жониворларни сақлаш, ўрганиш ҳамда кўпайтиришга мўлжалланган махсус жой, бино. *Кузатиш постлари товус, кийик, олмахон сақланаётган катакларга, қурбақа ва илонлар боқилаётган террариумга ўрнатилган. Газетадан.*

**ТЕРРАСА** [*фр. terrasse* < *лот. terra* – ер, замин] **1** Тоғ ёнбағирларидаги зинапоясимон бўлиб тушган табиий ёки сунъий текис саҳн, майдонча. *Террасалар ҳозирги вақтда турли экинлар ва мевазорлар билан банд бўлган ерлардир. «Ўзбекистон географияси».*

**2** Ёзги енгил айвон, пешайвон.

**ТЕРРЕНКУР** [*нем. Terrainkur* < *фр. terrain* – жой, ер; очик саҳн + *нем. Kur* – даволаш] Курорт ва санаторийларда даволаниш мақсадида маълум маршрут бўйлаб пиёда юриш ҳамда шундай юриш учун тайёрланган, масофалари кўрсатилган махсус йўл, йўлка. *Ҳар кун субҳидам чоғларида терренкурлар одамга тўлиб кетади. И. Раҳим, Ихлос.*

**ТЕРРИТОРИАЛ** қ. **ҳудудий.** *Территориал шевалар. Территориал бўлиниш. ■ Территориал бошқарма бутун техникани, ишни ўз қўлига жамлабди. «Ўзбекистон қўриқлари».*

**ТЕРРИТОРИЯ** [*лот. territorium* < *terra* – ер, замин] қ. **ҳудуд.** *Тадқиқотлар асосида республика территориясини сейсмик районлаштириш тафсиллий карталари тузиб чиқилди. Газетадан. Мамлакатимизда табиий бойликларга сероб янги территориялар тезкорлик билан ўзлаштирилмоқда. «Фан ва турмуш».*

**ТЕРРОР** [*лот. terro* – кўрқинч, даҳшат] Кўрқитиш сиёсати, сиёсий муҳолифларни зўравонлик билан бостириш. *Ирқчилар террори. Террор қилмоқ. ■ Жосулик, диверсия, террор акти.. қотиллик каби жиноятлар учун ўлим жазоси берилиши мумкин. Газетадан.*

**ТЕРРОРИЗМ** [*лот. terro* – кўрқинч, даҳшат] Террор билан амалга оширилаётган сиёсат ва тактика; сиёсий рақибларни, муҳолифларни йўқ қилиш ёки кўрқитиш, аҳоли ўртасида ваҳима ва тартибсизликлар келтириб чиқариш мақсадидаги зўравонлик ҳаракатлари (таъқиб қилиш, бузиш, гаровга олиш, қотиллик, портлатиш ва б.): террорчилик.

**ТЕРРОРИСТ** қ. **террорчи.**

**ТЕРРОРИСТИК** Террорга, терроризмга асосланган; терроризмдан, террорчиликдан иборат бўлган; терроризмга амал қилувчи. *Террористик режа. Террористик ташкилот, Террористик ҳаракат. ■ Бу генерал инглизларга ҳам гит.терчи бомбардирмончиларнинг Англияга террористик мақ-*

садда учишларини уюштирган кишиларнинг бири сифатида маълумдир. Газетадан.

**ТЕРРОРЧИ** Фикр ва мақсадини террор йўли билан амалга оширишга ҳаракат қилувчи шахс.

**ТЕРРОРЧИЛИК** айн. **терроризм**.

**ТЕРС 1** Асл, меъёрий, одатдагига қарама-қарши ҳолатли; олднинг акси; тескари. *Қулаҳмад ўзини кибор тутар, одам юзига боқмай, терс қараб гапирарди.* Мирмуҳсин, Чўри. *Катта ҳовлига терс бўлган панароқ жойда самовар қўйиш билан машғул бўлди.* Ойбек, Танланган асарлар. *Эшакка терс миндирилган.. юзига кую суркалган Умаралини кўрган Зумрад.. хушсиз қотиб қолди.* Ойбек, Улуғ йўл.

**2** Қарама-қарши томон; тескари. *Моҳирўй шу кўйи қачон мени кўрса, йўлини терс соладиган қилиқ чиқарди.* С. Сиёев, Эркаклар эртаги. *-Ҳой, менга қаранг, — деди Ёқутойим шиддат билан ойнага терс ўгирилиб..* С. Анорбоев, Оқсой.

**3** Ўзаро муомала, муносабат ва ш.к. да бир-бири билан келишмайдиган; тескари. *Махсум Миробид билан илгари терс бўлса, энди апоқ-чапоқ, оғиз-бурун ўпишади.* В. Фофуров, Вафодор. *Шаҳноз билан терс бўлгандан бери икки йил ўтиб кетди..* Р. Раҳмон, Меҳр кўзда.

**4** Хулқ-одоб, муомалада қўпол; кўрс. *Хулқи терс, оғзига келганини гапирарди, ёзари.* А. Мухтор, Чинор. *Ҳожи сўзини тугата олмади. Ҳожининг терс сўзига чидалмаган Азизбек ваҳшийларча ҳайқирди: -Нима дейсан!?* А. Қодирий, Ўтган кунлар.

**ТЕРСАЙМОҚ 1** Хафа бўлиб, нимадир ёқмай (ёқтирмай) қовоқ солмоқ; тумраймоқ. *Отабек терсайганча чойга келиб ўтирди, отасига салом ҳам бермади.* А. Қодирий, Ўтган кунлар. *Қампир жаҳл билан терсайиб олди.* Н. Аминов, Тилло табассумлар. У [Кумуш] меҳмонхонага киргандан сўнг ҳам терсайиб, токчалардан недир ахтаргандек юрина бошлади. А. Қодирий, Ўтган кунлар.

**ТЕРСКАЙ** Куёшга тескари, куёш тушмайдиган, шимолга қараган (тоғ, баландлик ёнбағри, чуқурлик ва ш.к. ҳақида). *Унга Шербек анави терскай, қор ётган қирнинг ортидан ҳали замон от ўйнатиб чиқиб қоладигандай туюлаверди.* С. Анорбоев, Оқсой. *Атрофини қуришаган тошлар орасидаги ўрикзор чорбоғлар, кундузи куёш, кечаси ой нури-*

*дан ярқирайдиган харсанг тошлар, кун тушмас терскай жилғалар унинг кўз олдини банд этиб турарди.* П. Турсун, Ўқитувчи.

**ТЕРСЛАНМОҚ 1** Ўжарлик қилмоқ, терс, тескари иш қилмоқ. *Боланинг терсланадиган одати йўқ.*

**2** Тумтайиб олмоқ, қовоқ-димоғ қилмоқ, терсаймоқ. *Эр-хотин индамади, худди маслаҳатлашгандай терсланиб олишди. Орага ноқулайлик чўкди.* Р. Раҳмон, Меҳр кўзда.

**ТЕРСЛИК** Терс ҳолат, хусусият, хатти-ҳаракат, қилиқ. *Терслик қилмоқ.* ■ *Шаҳарнинг терслиқлариға тишини тишга қўйиб чидардим..* Х. Назир, Кўктерак шабадаси.

**ТЕРТ** Сомон, хашак ва ш.к. дағал озуқаларга майдаланган кунжара, кепак каби тўйимли озуқалар аралаштириб, қориб тайёрланган ем. *Молнинг палови — силос, ҳозирча кепак сепиб, терт қориб беринлар, болам.* А. Мираҳмедов, Кулган чечаклар. *Йигитали онаси билан, у сигирга ем бергани чиққан вақтда учрашди.. онасининг қўлидан терт қорилган тоғора ерга тушиб кетди.* Д. Нурий, Осмон устуни.

**ТЕРЦЕТ** [итал. tezzetto < лот. tertius — учинчи] мус. **1** Уч хонанда ёки уч чолғу асбоби учун ёзилган мусиқий асар.

**2** Уч хонандадан ташкил топган ансамбль.

**ТЕРЦИЯ** [лот. tertia — учинчи] **1** мус. Диатоник гамманинг учинчи пардаси ва шу гаммадаги уч пардали интервал. *Оралиғида бир босқич қолдириб тузилган интервал терция деб аталади.* И. Акбаров, Музика саводи.

**2** плгрф. Босмаҳона шрифтларидан бирининг номи (китоб, газета ва журналларда — сарлавҳаларни, титул варақларда эса нашр номини теришда ишлатилади).

**ТЕРЧИЛ** кам қўл. Тез терлайдиган, терлаб туралиган; терлоқ. *Киши тўни кирчил бўлар, Киши оти терчил бўлар.* Мақол.

**ТЕРЧИЛАМОҚ 1** Бугдан ҳосил бўлган томчилар билан қопланмоқ. *Ҳаммомнинг девори терчилаб турарди.*

**2** Андак терламоқ. [Мирвосилнинг] *Офтоб таъсирида қорайиб, шўралаб кетган пешонаси, кечки салқинга қарамасдан, терчилаб турарди.* Ҳ. Назир, Одамнинг қадри.

**ТЕСКАРИ 1** Одатдаги, ўнг, тўғри деб қабул қилинган ҳолатга, йўналиш, тузилиш, тартиб ва ш.к. га қарама-қарши бўл-

ган; терс. *Тескари иш. Бўлвга тескари амал* – кўпайтирув. *Кепкани тескари киймоқ. Китобни тескари ушламоқ. Стулга тескари ўтирмоқ. Сўзни тескари ўқимоқ. Сув тескари оқмайди.* ■ *Кўлимга тушганида, юзига куя суриб, эшакка тескари миндирар эдим-у, бозорнинг ўртаси билан ҳайдаб, тўппа-тўғри қозининг ҳузурига олиб борар эдим. П. Турсун, Ўқитувчи. Бўта, қуруқ чойни нонсиз иссиқ-иссиқ ҳўплаб, чойнакнинг қопқоғини тескари ёпиб, ичига иккита ўн тийинликни ташлаб, ўрнидан турди. С. Аҳмад, Хукм.*

2 *Қарама-қарши томон, ўнг бўлган томонга қарши, терс. Узоқ ўйлаб турмай, бу кунги Тиктепанинг гузарга тескари томонидан ўзи учун бир «бошпаноҳ» очиш қарорига келади. А. Қодирий, Обид кетмон. Мен қаёққа бошласам, меҳмон юрмайди, тескари томонга йўл олади. «Гулдаста».*

3 *Қарама-қарши, хилоф, зид. Агар биронта иш унинг [Хушрўйнинг] тилагига тескари кетса, шовқин-суронни худди бошига кийиб олар эди. А. Қодирий, Ўтган кунлар. Киши кўринишда ва муомалада бир хил, ҳақиқатда, ички жиҳатдан тамом тескари бўлиб қолиши мумкин. П. Турсун, Ўқитувчи.*

4 *Ақл-одоб, иш-фаолият ва ш.к. да ўзаро зид, бир-бирининг акси бўлган, бир-бири билан келишмайдиган ҳолатли. Шайхулисломнинг Улуғбек мирзога очиқдан-очиқ тескари бўлиб олганини кўрган Тархон ёқасини ушлади.. Мирмуҳсин, Меъмор.*

5 *Бирор нарсанинг орқа томони, орқаси, астари. Газламанинг тескариси. Кўрпанинг тескариси.* ■ *Битта кулчани кафтига тескари қўйиб туриб, мушти билан ўртасига урди.. Ҳ. Фулом, Машғал.*

6 *Кўчма Бир-бири билан гаплашмайдиган, аразлашган. Улар бир-бирлари билан тескари бўлиб қолдилар.* ■ *Олти ойдан бери юз кўришмаган қайната-куёв бирга ишлашяпти-я? Бир ҳисобдан яхши бўпти. Токайгача тескари бўлиб юришади. Р. Раҳмон, Меҳр кўзда.*

**Иши тескари кетди** Иши юришмай қолди, иши орқага кетди, пачава бўлди. **Тескари дунё** Бевафо, ўзгариб турувчи дунё. *Қандай қилай, шундай тескари дунё экан. Ғ. Фулом, Тирилган мурда. Тўнини тескари киймоқ қ. тўн. (Худо) Юзини тескари қилсин* Худо кўрсатмасин, унга дучор ёки гириф-

тор қилмасин. *Ёмоннинг юзини тескари қилсин.*

**ТЕСКАРИЛАНМОҚ** Ўгирилиб, тескари вазият олмоқ, тескарисига ағдарилмоқ.

**ТЕСКАРИЛАШМОҚ 1** Ўжарлашмоқ, қайсарлашмоқ.

2 *Бир-бири билан тескари бўлиб қолмоқ, уришиб, аразлашиб қолмоқ.*

3 *Тескари, орқага кетмоқ. Иши тескарилашиб кетди.*

**ТЕСКАРИЛИК 1** Тескари ҳолатлилик. *Эғнидаги кўйлакнинг тескарилигини сезмабди.*

**Тескариликка олмоқ** Айтилган гапни, фикрни тескари, нотўғри, аксинча тушунмоқ ёки тушунтирмоқ, тескарига бурмоқ. *Мен жўрттага баъзи гапларни тескариликка олиб кўрсам ҳам, у [Зайнаб] чурқ этмайди. А. Қодирий, Ўтган кунлар.*

2 *с.т. Ўжарлик, қайсарлик, терелик. Мунча тескарилик қиласан.*

**ТЕСКАРИСИГА рви.** Тескари йўналишда; қарама-қарши томонга, орқага қараб. *Ҳеч қачон Қуёш тескарисига юрадимиз? ■ Мен бу ёқдан қарз бераверсам, сен болачақанг билан еяверсанг, қачон тўлайсан? Замон бундай тескарисига айланиб, инсондан имон қочиб турибди, ахир. П. Турсун, Ўқитувчи.*

**ТЕСКАРИСИЧА** кам қўлл. Қарама-қарши йўналишда, тескари ҳолда. *Тескарисича иш тутмоқ.*

**ТЕСКАРИЧИ** Ижтимоий тараққиёт, инқилобий ҳаракат кабилар душмани, сиёсий реакция тарафдори. *Марғилонда Саркор бошлиқ тескаричилар Нурхонни ўлдириш вазифасини унинг акаси Маматга юклайдилар. М. Исроилов, Драматургияда деталь. Хат узоқдан келмаганлиги, шу ернинг ўзида ёзилганлиги, унда тескаричилар вакилининг қўли борлигини айтишди. Ҳ. Нуъмон ва А. Шораҳмедов, Ота.*

**ТЕСКАРИЧИЛИК** Тескаричиларга хос иш-фаолият, хатти-ҳаракат; реакция.

**ТЕСТ** [ингл. test – синаш, текшириш, ўрганиш] 1 *псих. пед.* Шахснинг (текширилувчининг) ақлий ривожини, қобилияти, малага ва кўникмалари, иродавий сифатлари, шунингдек, унинг бошқа руҳий хусусиятларини аниқлашда, текширишда қўлланадиган қисқа стандарт топшириқлар.

2 *Муайян ижтимоий тадқиқотлар учун фойдаланиладиган материал сифатида тар-*

қатиладиган саволнома; сўроқ варақаси. Кейинги вақтларда жамиятимизда анкета сўрови ёки тест ўтказиш ўзига хос модага айллани бораётгани кўзга ташланади. «Тафаккур».

**ТЕСТЛАШ(ТИРИШ)** Тестлар ёрдамида муайян бир шахснинг афзаллик томони, билими ва қобилиятини аниқлаш.

**ТЕТАПОЯ 1** Зўрға, у ёқ-бу ёққа ташланиб бўладиган (асосан боланинг қадами ҳақида). *Бола она атрофида, тол тагида Юра бошлар, қадамлари тетапоя.* Ҳ. Пўлат.

**2** Ана шундай қадамлар билан юрадиган. *Тетапоя болани сўқмоқ йўлдан катта йўлга чиқариб юборган муаллимнинг инсон ҳаётида озмунча ҳиссаси борми!* А. Маъзумов, Мураббий. *Оёғи остида ўралашиб юрган тетапоя қизчасини йиқитиб ўтиб кетди.* Шуҳрат, Жаннат қидирганлар. *Румия беморлик тўшагида узоқ ётди. Тетапоя бўлиб юра бошлаганидан кейин ҳам оғир изтироб чекадиган бир турда бўлиб қолди.* С. Кароматов, Сўнгни бархан.

**3** кўчма Ўз ҳаёти, фаолиятида энди иш бошлаган, энди мустақил ҳаёт кечири бошлаган, ҳали мустақкам оёққа туриб олмаган (оила, ташкилот, жамоа ва ш.к. ҳақида). *Коллективимизнинг тетапоя вақти ўтиб кетган, энди уни бузолмайсиз, ўртоқ Раҳмонқулов!* А. Мухтор, Тугилиш. *Колхоз энди тетапоя бўлаётган кунларда душман хуруж қилди, жамоат мулкига ўт қўйдилар, уруғлик ғаллани ўғирладилар, турли-туман мишмишлар тарқатдилар.* Ш. Рашидов, Бўрондан кучли. *Пахта нима, деҳқончилик нима — энди тетапоя бўлиб ўрганиб келяпислар.* Ҳ. Назир, Чўл ҳавоси.

**ТЕТИК 1** Жисмоний, руҳий жиҳатдан заифлашмаган; бардам. *Онам етмишдан ошиб қолган бўлсалар ҳам, ҳали анча тетиклар.* М. Қориев, Ойдин кечалар. *Иброҳим ота бардамми, Ойша хола тетикми, уканг Шерниёз соғми?* Ж. Шарипов, Хоразм. *Оғайнилар тушқунликка тушмадилар. Кувноқ ва тетик кайфиятда хайрлашдилар.* Ф. Мусажонов, Ҳиммат.

**2** Ҳаракат-ҳолати, даражаси ва ш.к. жиҳатдан бардам, тийрак. *Темиржон одамлар қатори кўпайган тротуарда илдам ва тетик қадам отиб борарди.* Ж. Абдуллахонов, Орият. *Азиза ўзини бир оз олдирган, аммо ҳамон ўшандай чиройли, кўзлари киртайиб қолган*

*бўлса ҳам, тетик боқар эди.* Ў. Ҳошимов, Қалбингга қулоқ сол. *Сойлик томондан келаётган тетик ва янгрёқ овоз Элмуроднинг ўйини бузди.* Шуҳрат, Шинелли йиллар.

**3** кўчма Ҳайиқишни билмайдиган, далил гапирадиган, ўз фикрини баралла айта оладиган. *Қандолат опага не бало бўлди, дейман, ҳайрон бўламан. Гапга чаққон, тетик хотин эди-ку!* Ойдин, Садағанг бўлай, командир. *Поччаев, қурилишга бирон фикри тетикроқ бола келиб қолса, дарров изига тушади.* А. Мухтор, Тугилиш.

**ТЕТИКЛАМОҚ** кам қўлл. Тетиклик бағишламоқ, тетиклантирмоқ; ҳушёр қилмоқ. *Подшонинг, гарчи мастлик вақтида бўлсада, у билан аччиқ суҳбат қилиши Мажиддинни тетиклади.* Ойбек, Навоий.

**ТЕТИКЛАНМОҚ 1** Жисмонан тетиклик касб этмоқ; бардам бўлмоқ. *Муздай сув кўзини мошдек очди. Яна мияси фикр қила бошлади, ўзи тетикланди.* Шуҳрат, Шинелли йиллар. [Қурбон ота] *Касалхонада яқин икки ой ётиб, оёқлари тузалди, ўзи жуда тетикланди.* А. Қаҳҳор, Тўй.

**2** Дадиллик касб этмоқ, ўзини тетик сезмоқ; дадиллашмоқ. *Дастлаб ўзини айбдор сезиб, шумшайиб ўтирган бола секин-секин тетикланди.* Ойбек, Куёш қораймас. *-Бари бир шу ерда тунашга тўғри келади [деди бекнинг укаси Меъморг]. -Тунаймиз, — деди Меъмор негадир тетикланиб.* Мирмуҳсин, Меъмор.

**ТЕТИКЛАШМОҚ** Тетиклик касб этмоқ, тетик бўлмоқ. *Унинг руҳи тетиклашди.* ■ *Раҳимберди бир оз тетиклашди.* Х. Тўхтабоев, Фельетондан сўнг. *У сал тетиклашиб, ташқарига чиқди.* С. Йўлдошев, Қиз қалби.

**ТЕТИКЛИК 1** Тетик, бардам ҳолатга эгаллик. *Унинг [Асрорқулнинг] тетиклиги, шахдам қадам ташлаши, ёш болага чиққан соқолдай, кишининг кулисини қистатар эди.* А. Қаҳҳор, Асрор бобо.

**2** Куч-қувватга тўла, тетик, бардам кишиларга хос жисмоний ва руҳий ҳолат; бардамлик. *Йигитли ачасининг дардни енгиб, туриб кетишидан ранжиса ҳам, юзидаги тетикликдан хурсанд бўлди.* Д. Нурий, Осмон устунни. *У кўзини очиб, ўзини тетикликка солди ва Каримжон билан самимий кўришди.* Файратий, Узоқдаги ёр.

**ТЕТР-, ТЕТРА-** [юн. tetra — тўрт] Байналмилал ўзлашма қўшма сўзларнинг би-

ринчи қисми бўлиб, муайян сўз (тушунча)нинг «4» рақами билан боғлиқлигини билдиради. мас., *тетралогиya, тетрод*.

**ТЕТРАЛОГИЯ** [тетра.. + юн. logos – билим, тушунча; сўз] *ад. снт.* Бир муаллифнинг ягона гоё, мазмун ва образлар билан ўзаро боғланган тўртта адабий, мусиқий ёки саҳнавий асари.

**ТЕТРАЭДР** [тетра.. + юн. hedra – асос, юза; ёқ, томон] *мат.* Ҳар бир ёғи ўзаро тенг учбурчаклардан иборат бўлган тўрт ёқли пирамида.

**ТЕТРОД** [тетр.. + (электр)од] *тех., радио.* Тўрт электрод (катод, анод ва иккита тўр) ли электрон лампа.

**ТЕХНЕЦИЙ** [юн. technetos – сунъий; табиий эмас] Менделеев даврий системасининг VII гуруҳига мансуб кимёвий элемент; сунъий йўл билан олинган, қийин эрувчи кумушсимон-жигарранг радиоактив металл.

**ТЕХНИК 1** Ўрта техник маълумотга эга бўлган ва техниканинг бирор соҳасида ишлайдиган мутахассис. *Техник чақириб, план ва смета тузиш, неча пуд тунука керак бўлишини билиш зарур экан.* А. Қодирий, Обид кетмон. *Техник, прораб керак, гиштчи, сувоқчи, гулкор, моҳир дурадгорлар керак.* Н. Сафаров, Оловли излар.

**2** Техника соҳасида ишловчи мутахассис. *Рус техниклари ва олимлари график тасвирларни такомиллаштириш ишига катта ҳисса қўшганлар.* А. Абрикосов, Чизмачилик.

**ТЕХНИК 1** Техникага оид, техника ва ундан фойдаланишга алоқадор; техникавий. *Техник билимлар. Техник прогресс. Техник назорат. Техник таълим.*

**2** Техника, машина, механизмлар ишига боғлиқ бўлган. *Техник сабабларга кўра дастгоҳ тўхтаб қолди.*

**3** Саноатда, техникада ишлатиладиган ёки қайта ишланадиган. *Техник мой. Техник тола.*

**Техник котиб** Ёзув-чизув ишларини олиб борувчи идора ходими. **Техник муҳаррир** Босма асарда материалнинг жойланиши, матнларнинг тегишли ҳарфлар билан терилиши ва ш.к. масалалар билан шугулланувчи махсус муҳаррир.

**ТЕХНИКА** [юн. technike – моҳир, уста < techne – санъат, маҳорат] **1** Жамиятнинг инсон фаолиятидаги ишлаб чиқариш жа-

раёнларини амалга оширувчи ва ноишлаб чиқариш эҳтиёжлари учун хизмат қилувчи воситалар йиғиндиси. *Илғор техника. Авиация техникаси. Пахта териш техникаси. Техника фанлари. Техникадан унумли фойдаланмоқ.* ■ *Душман Орёл ва Белгород районларига.. бу кунгача ҳеч қайси фронтда кўрилмаган ёки оз кўрилган техникани тахт қилиб қўйган эди.* А. Қаҳҳор. Олтин юлдуз. *Жабборов техникани яна бир сидра кўздан кечириш учун беш кун имконият борлигини айтди.* Н. Ҳайитқулов. Ер тафти. *Бизнинг замонамиз ишлаб чиқарувчи кучларнинг шиддат билан ривожланиши, фан ва техника тараққиётининг тезлашиши билан характерланади.* «Фан ва турмуш».

**2** Ишлаб чиқаришнинг бирор соҳасида қўлланадиган машина, механизм, асбоб, қурол, мослама ва ш.к. лар мажмуи.

**3** Бирор иш-фаолият ёки ҳаракат турида орттирилган маҳорат даражаси, малака ва кўникмалар йиғиндиси; санъат, маҳорат. *Сузиш техникаси. Қурилиш техникаси. Спорт техникаси. Балет техникасини эгалламоқ.*

**Техника экинлари** Ҳосили саноат учун хомашё сифатида ишлатиладиган экинлар (мас. пахта, зиғир, каноп, қанд лавлаги, кунгабоқар ва ш.к.). **Хавфсизлик техникаси ёки техника хавфсизлиги** Ишлаб чиқаришда ҳалокат ва фалокатларнинг олдини олишга қаратилган иш усуллари ва воситалари тизими. *Коммунал хўжалик идоралари техника хавфсизлиги юзасидан гамхўрлик қилишлари даркор.* Газетадан.

**ТЕХНИКАВИЙ** *айн. техник. Техникавий ёрдам. Техникавий тадбирлар.* ■ *Ўзбек тилига ҳар хил мавзу гуруҳларига оид техникавий терминлар ўзлашган.* «ЎТА».

**ТЕХНИКУМ** [лот. technicum < юн. technе – касб-ҳунар] Ўрта махсус ўқув юрти: саноат, қурилиш, транспорт ва алоқа, қишлоқ хўжалиги, маданият ва санъат, соғлиқни сақлаш ва б. соҳалар учун кадрлар тайёрлаб берувчи ўқув муассасаларининг умумий номи. *Қурилиш техникуми. Техникумда ўқимоқ.* ■ *Ҳозирнинг ўзида шахримизда индустриал техникум, Тошкент давлат политехника институтининг филиали ишлаб турибди.* С. Анорбоев. Ўзбекистон олтини. *Техникум жамоаси янги ўқув йилига катта тайёргарчилик билан келди.* Газетадан.



**ТЕХНОЛОГ** Технологиянинг у ёки бу соҳаси бўйича мутахассис. *Чирчиқ шаҳридаги «Электромаш» заводининг бир гуруҳ технологлари мураккаб конвейер ижод қилдилар.* Газетадан.

**ТЕХНОЛОГИК** Технологияга оид; материаллар ва маҳсулотларга ишлов беришнинг усул ва йўллари билан боғлиқ бўлган. *Технологик билим. Технологик талаб. Мева консервалари тайёрлашнинг технологик жараёни.* ■ *Уруғлик чигитнинг вилтга чидамли янги навларини, шунингдек, юксак технологик сифатларга эга бўлган чигитни эшиш анча кўпайтирилди.* Газетадан.

**ТЕХНОЛОГИЯ** [юн. techne — маҳорат, санъат + logos — таълимот] **1** Ишлаб чиқаришнинг бирор соҳасида хомашё, материал, яримфабрикат ва ш.к. ларга ишлов бериш ёки қайта ишлаш, уларнинг ҳолати, хоссалари ва шаклини ўзгартиришда қўлланиладиган усуллар (методлар) мажмуи. *Металлар технологияси. Кимёвий технология. Атлас тўқиш технологияси. Илғор технология.* ■ *Убайднинг ташаббуси билан ҳосилни ўриб-йиғиб олишга илғор технология жорий этилди. «Ўзбекистон кўриқлари».* Технология жараёни электрон ҳисоблаш машинаси ёрдамида бошқарилади. Газетадан.

**2** Хомашё ва материалларга тегишли ишлаб чиқариш қуруллари ёрдамида ишлов бериш усул ва йўллари ҳақидаги фан. *Металлар технологияси.*

**ТЕША** **1** Тиғи дастасига нисбатан кўндаланг ўрнатилган чопиш, кесиш қуроли. *Даст теша. Пой теша.* ■ *На ўтин бўлмаса, на ўтинни ёргани тешаси бўлмаса, нима қиламан?* Ҳамза, Тухматчилар жазоси. *Ҳашарчилар кетмон, белжурак, теша, газ ва бошқа асбоб-ускуналарни мактаб омборчисига топшириб, уй-уйларига тарқалдилар.* Ҳ. Фулом, Бинафша атри.

**2** Теша (эркақлар исми).

**Оёғига** (ёки тағига, илдизига ва ш.к.) **теша урмоқ** *айн. оёғига болта урмоқ қ. болта.* *Бир неча қизимизнинг номусини барбод этган, хонадонларни бузган, мустаҳкам ахлоқимизга теша урмоқчи бўлган.. иблисни фош қилиб, сизни фалокатдан қутқариб қолмоқчиман.* Ф. Фулом, Халқ ҳукмига ҳавола. **Теша тегмаган** Илгари ишлатилмаган, эшитилмаган; бутунлай янги (сўз, гап, фикр, хабар, янгилик ва ш.к. ҳақида). *Теша тегмаган*

*гаплар. Теша тегмаган янгилик.* ■ *Юсуфжон қизиқнинг Охунжон қизиқ билан қиладиган теша тегмаган аскиялари.. ва латифалари залда гулдурос қарасқларга ва кулги кўтарилишига сабабчи бўлди.* Т. Обидов, Юсуфжон қизиқ. *Тикила туриб, хаёлида бир теша тегмаган фикр уйғонди.* Ҳ. Назир, Маёқ сари. **Холвачининг тешасидай** **1)** қисқа, калта. [*Гулжон Мирзараимга:*] *Аввал Рустамбекнинг тилидан ҳолвачининг тешасидай калтагина хат қилдирдим.* Ҳамза, Паранжи сирлари; **2)** чаққон, эпчил (киши ҳақида).

**ТЕШИК** Тешилган жой, ковак, ўйиқ. *Игнанинг тешиги. Буруннинг тешиги. Деворнинг тешиги. Қопнинг тешиги. Қулоқнинг тешиги. Тешик халта. Тешик челак.* ■ *Меҳмонхонанинг қатор уч эшиги милтиқ сиғарлик ўлчакда бир неча жойидан тешилди. Милтиқлар у тешикларга кўйилиб, отила бошлади.* С. Айний, Қуллар. *Йигитча кўчанинг нариги муюлишидаги эшик ва бўғот тешикларидан гуркураб тутун чиқаётган уйни кўрсатди.* П. Турсун, Ўқитувчи. *Яхшиям вақтида бориб қолгани, йўқса.. чодирнинг тешик жойи бор экан, кечаси ёмғир ёққанда, тўпна-тўғри чақалоқнинг устига томаверибди.* С. Анорбоев, Оксой.

**Кирмаган тешиги қолмади ёки кирмаган тешиги йўқ** Кирмаган, йўлиқмаган жойи қолмади; ҳамма жойга кириб, суқилиб юради. **Тешик мунчоқ ерда қолмас** Узоқ вақт турмуш қилмай, уйда ўтириб қолган қиз-жувонлар ҳақида, шунингдек, ҳар бир нарса вақти келганда керак бўлиши, ишлатилиши мумкинлиги ҳақида айтиладиган ибора. *Бо худо, тешик мунчоқ ерда қоптими? Сочининг мўйича эр. Кимлар олмайди сени?!* Ў. Ҳошимов, Қалбингга қулоқ сол. **Тешик томоқ** (ёки **жиғилдон**) Ҳар қандай овқат талаб киши; хўранда. *Қарамоғида ўн иккита еяр оғиз, тешик томоқ бор.* ■ *Биз бунақанги тешик жиғилдонларнинг бахридан ўтмасак бўлмайди.* А. Муҳиддин, Нуқсонбой. **Тешик қулоқ эшитади** Қулоғи бор, албатта эшитади, гап албатта етиб боради. *У ҳам.. ишлайди. Бирда бўлмаса бирда эшитади. Тешик қулоқ эмасми?* Ойдин, Мардлик — мангулик.

**ТЕШИЛМОҚ** **Тешмоқ** фл. ўзл. ва мажҳн. *Девор тешилибди. Самовар тешилибди. Қоп тешилиб қолибди. Тахта нарма билан тешилади.*

**Бағри тешилмоқ** Бағри қон бўлмоқ, қаттиқ ғам ёки азоб чекмоқ. *Хумор деса, сийна-бағрим тешилар, Утингда томирлар ипдай эшилар.* «Равшан». **Кўзи тешилмоқ** Кутавериб кўзи тўрт бўлмоқ, тоқати тоқ бўлмоқ. *Ёрнинг йўлига боқиб, Тешилди кўзим менинг.* Ё. Мирзо. **Кўзинг тешилгур!** қарғ. Кўзинг ўйилиб тушгур!

**ТЕШМОҚ** Пармалаб, ўйиб, суқиб, куйдириб ёки бошқа бирор йўл билан тешиқ ҳосил қилмоқ. *Тунукани мих билан тешмоқ. Тахтани чўғ билан тешмоқ. Ёғочни парма билан тешмоқ. Уқ зирҳни тешиб ўтолмабди. Сув тўғонни тешиб ўтибди. Томчи тошни тешар.* Мақол. ■ *Бу милтиқлар отилмайди – ўқдони тешиб қўйилган.* А. Қаҳҳор, Олтин юлдуз. *Маҳалланинг баъзи бир ўспиринлари пичоқ билан қопни ё яшиқни тешар, чўнтақларига кўрқа-ниса мева солардилар.* Ойбек, Танланган асарлар.

**ТИБ** [а. طَبّ — табобат; даволаш] қ. **тиббийёт.** *Кейинчалик Абу Али ибн Сино номи билан машҳур бўлган ёш Хусайн ҳар куни ярим кечагача ўтириб, юнон ва араб ҳукамоларининг тиб ва фалсафага оид китобларини ўқир эди.* М. Осим, Китобга ихлос. *Қадимий шарқ тиб қўлёзмаларида мумиёнинг икки хил бўлиши айтилади.* Л. Шокиров, З. Ҳакимов, Мумиёйи асл.

**ТИББИЁТ** [а. طبّيّات — табобат, даволаш; медицина] Кишилар соғлиғини сақлаш ва мустаҳкамлаш, умрни узайтириш, касалликларнинг олдини олиш, даволаш ҳақидаги билимлар ва шу соҳадаги амалий тадбирлар мажмуи. *Абу Али ибн Сино бундан минг йил илгарийёқ ўсимликлардан дори-дармонлар олиб, тиббийётда қўллаган.* Газетадан. *Товуш тўлқинларини тутғич вазифасини ўтовчи қулоқ супраси табобатда катта аҳамиятга молик экани Шарқ тиббийётида қадимдан маълум.* «Фан ва турмуш». *Милодга қадар бўлган тиббийётда зира кенг кўламда қўлланган.* М. Набиев, Зира. *Тиббийёт фанлари доктори.. Мусабоевнинг юзлаб, минглаб беморларнинг жонларига ора кирганлиги шубҳасиз.* Газетадан.

**ТИББИЙ** [а. طبّي — тиббийётга, дори-дармонга алоқадор] Тибга, тиббийётга оид, алоқадор. *Тиббий ходим. Тиббий ёрдам.* ■ *Тошмат шимининг чўнтагидан тиббий экспертиза справкасини чиқариб берди.* Ҳ. Ғулом, Машғал. *Тиббий ҳамшира бўлса керак, оқ*

*халат, оқ қалпоқли жувон келиб, Муродовани шифохонага таклиф этди.* И. Раҳим, Ихлос. *Бирдан тиббий пункт ёдига тушдию, боланинг ҳаёти фақат ўша ердагина сақланиб қоладиандек югурди.* Шуҳрат, Шинелли йиллар.

**ТИББИЯ** [а. طبّيّه — тиббийёт] эск. кам қўлл. қ. **тиббийёт, тиббий.** *Ўрта Осиё дорилфунунининг тиббия факультетининг талабаларидан.. Мирсоатов.. хотин олишга ҳаракат этди.* «Муштум».

**ТИВИТ** Ҳайвонларнинг нозик ва майин жуни; шу жундан тўқилган, ишланган мато; шу матодан ишланган, тикилган нарса. *Сифатли тивит олиш мақсадида ҳар йили қишлоғга пухта тайёрларлик кўраимиз.* Газетадан. *Қурбон ота ўтирди. Столга ёпилган мовутнинг тивитини юлқиб, бир оз жим қолди.* А. Қаҳҳор, Қўшчинор чироқлари. *Чап қўлдаги тор кўчадан бошига тивит рўмол ўраган ёшгина бир қиз югуриб чиқди.* С. Абдуқаҳҳор, Ушалган орзу.

**ТИГЕЛЬ** [нем. Tiegel < лот. teganum — томга ёпиладиган материал; черепица] **1** *тех. ким.* Турли материаллар (металл, шиша ва б.) ни қиздириш ва эритиш учун ишлатиладиган, графит, чинни ва оловбардош материаллардан тайёрланган махсус идиш. *Мамлакатимизда графитдан, асосан.. қалам ишлаб чиқаришда, рангли металллар эритиладиган тигеллар ясашда, бундан ташқари, керамика, бўёқ саноатида фойдаланилади.* «Фан ва турмуш».

**2** *плрф.* Босмаҳонада босма дастгоҳ ёки босма машинанинг қоғозни босма қолипга сиқиш учун ишлатиладиган металл плитаси.

**ТИЖОРАТ** [а. تجّارت — савдогарлик, олди-сотди иши] Савдо-соттиқ, савдо (савдогарлик) ишлари. *«Пиён бозор»нинг орқасидаги мачит Тошкентдаги татар савдогарлари, Қозон, Оренбург, Уфадаги савдо фирмалари.. вакиллари учрашадиган жой эди.* Бир сўз билан айтганда, улар бу ерда ҳам ибодат, ҳам тижорат ишларини битириб олардилар. М. Осим, Тилсиз гувоҳ. *Савдо аҳли уни Шарқнинг ҳамма мамлакатларини кезган, саёҳат ва тижоратда сочи оқарган машҳур савдогар деб танир эди.* А. Мухтор, Опа-сингиллар. *Тузилган махсус тижорат бўлими эса.. савдо вазирлиги билан дўконлар ўртасидаги воситачи.* Газетадан.

**ТИЖОРАТХОНА** *эск.* Улгуржи савдо ишлари амалга ошириладиган бино. *Савдо-тижорат ва қўл ҳунари саноати ётиб қолганлиги сабабли, вақфга оид сарой, дўкон ва тижоратхоналар ҳам даромад бериш қобилиятини йўқотган эди.* С. Айний, Эс-даликлар.

**ТИЖОРАТЧИ** Тижорат билан шуғулланувчи шахс. *Биздаги бизнесменлар, тижоратчиларнинг фаолияти сизларга ёқадими?* Газетадан.

**ТИЖОРИЙ** [*а.* تجارى – савдога оид] Тижоратга оид, тегишли, алоқадор. *Шу билан бирга айланма маблағлар ҳамон тижорий режада кўзда тутилмаган тадбирларга сарфланмоқда.* Газетадан.

**ТИЗ I айн. тизза 1, 2.** *Олма хола юзини тирнаб, тизига урди.* Ф. Фулом, Соялар. *Кўм-кўк ғўза тегарди тизга Ва ўпарди йигит барини.* Ю. Шомансур. *Нури уйида ёлғиз қоларкан, юраги қаттиқ урди.. тизларида куч қолмаган каби туюлди.* Ойбек, Танланган асарлар. *Қулоқ солиб эшит энди, бобожон, Бир фарзандни олмай ўтдим тизима.* «Эрали ва Шерали». *Авазхоннинг чилтон берган рўмолин, Бул айёр холаси урлаб олади, Бошқа рўмол тизга ёзиб солади.* «Гулшанбоғ». *Авазхонни қўндириб ўнг тизига, Бу нозликди энди куллишин кўринг.* «Гулихиромон».

**Тиз чўкмоқ 1)** тиззаларини букиб, оёқлари устига ўтирмақ; чўк тушмоқ; чўккаламақ. *Ёрмат кириб, эшикни ёнди. Қизининг олдида тиз чўкиб, юзига тикилди, пешонасидан аста силади..* Ойбек, Танланган асарлар; 2) гавдани шундай тутган ҳолда илтижо-илтимос билан ёлвормоқ. *Лекин ундаги шухратпарастлик, тама олдида подшоҳларга тиз чўкишдан ҳам, ўзгалар манфаатини босиб-янчиб ўтишдан ҳам қайтмаслигини кўпчилик биларди.* Мирмуҳсин, Меъмор; 3) кўчма киши измига юрмақ, иродасига бўйсунмоқ. *Ана шу Сурхон жиловни ҳам жасоратли халқимиз измида, у қанчалик пишқирмасин, ўқирмасин, бари бир, инсон олдида тиз чўкади.* «Ўзбекистон кўриқлари».

**ТИЗ II тақл. с.** Суюқлик куч билан отилиб чиқаётганда эшитиладиган товушга тақлидни билдиради. *Шланг тешигидан тиз этиб сув отилди.*

**ТИЗГИН I** От, эшак ва б. ҳайвонларни боғлаш ёки қантариб қўйиш учун хизмат қиладиган, учи сувлиққа ёки бошвоққа би-

риктириладиган узун тасма ёки чизимча. *Шербек эгардан сакраб тушиди. Отнинг тизгинини панжарага боғлаб, чўққахонага қараб юрди.* С. Анорбоев, Оқсой.

**2 с. т.** Жилов. *Овчилар хийла илгарилаб кетди. Жувон тизгинни сал бушатган эди.. той бирданига кўтарилиб кетди.* А. Қаҳҳор, Хотинлар. *Раис отидан тушиб, тизгинни билагига солди-да, ариқдан юзини ювди.* Ҳ. Нуъмон, Фаслар.

**3 кўчма** Бошқариш воситаси, бошқарув. *Ёшларда ҳаё йўқ. Йўқ, айб онасида, тизгинини бўш қўйди.* А. Убайдуллаев, Ҳаёт оқими. *Ўрта Осиёдаги ирригация иншоотларининг тизгини унинг қўлида.* А. Абдуқодиров, Бўзсувдан Сирдарёгача. *- Табиатимни ланж қилган баъзи нуқсонларни ҳисобламасам, мен сафаримдан хурсандман, – суҳбат тизгинини ўз қўлига олди афанди.* «Муштум».

**ТИЗГИНЛАМОҚ I** От, эшак ва б. ҳайвонлар бошига тизгин боғламоқ, тизгин солмоқ; жиловламоқ. *«Кишноқи»ни фақат Андриян тизгинлай оларди.* Газетадан.

**2 кўчма** Ўз амрига, иродасига бўйсундирмоқ, итоат қилдирмоқ; жиловламоқ. *- Уч раисдан бирини танлаш мумкин, – деди Зуннунов, – катта хўжалик, одамлари ҳар хил, уларни тизгинлаб оладиган кексароқ, тажрибалироқ одам керак-да!* И. Раҳим, Ихлос. *Қоплонбекнинг ичига тушган ҳар қадаҳ коньяк сўз бўлиб қайнаса ҳам, у ўзини тизгинлаб турарди.* Шухрат, Жаннат қидирганлар. *Асов дарёлар тизгинланиб, улардан нур ва қувват олинаётир.* Газетадан.

**ТИЗГИНЛИ I** Бошида тизгини бор, тизгин солинган, жиловланган.

**2 кўчма** Киши амрига, иродасига бўйсундирилган; жиловланган; жиловни, ҳуқуқни бировнинг қўлида бўлган. *Йўлдошбой энди, кечадан бери тизгинли, тақдири бундан буён нима бўлишини билмайди.* Ҳ. Нуъмон ва А. Шораҳмедов, Ота.

**ТИЗГИНСИЗ I** Бошида тизгини йўқ, тизгинланмаган.

**2 кўчма** Киши амрига, иродасига бўйсундирилмаган; эркин. *Тизгинсиз от каби чопган ой дарё, Юрагиндан порлаб чиқар электр.* Туйғун. *Унга аён: кўтарилар сув Синганида қишининг қиличи. Унга аён: тизгинсиз Аму — Хархашаси, нози, қилиғи.* С. Акбарий.

**ТИЗЗА 1** *анат.* Оёқнинг букиладиган, болдир билан сон қўшиладиган жойи. *Ҳаёт.. келинчақларча, бир оёғини йиғиштириб, иккинчи оёғини тиззасидан букиб ўтирди.* М. Исмоилий, Фарғона т. о. *Мана, маст ҳолда Тожибой тўппа-тўғри Гулсумнинг эшигига келди-да, занжир илинмаган эшикни тизза билан бир этариб, тўғри ичкарига кирди.* П. Турсун, Ўқитувчи.

**Тизза чўкмоқ** *кам қўлл. айн. тиз чўкмоқ 1 қ. тиз 1.* *Тизза чўкиб ўтирмоқ.* ■ *Тизза чўкиб таширф этдилар Уйинга шўх раққоса қизлар.* Э. Раҳим.

**2** *Иштон, шим ва ш. к. кийимларнинг тизни қошлаб турадиган, тиззага тўғри келадиган қисми.* *Иштони йўқ тиззаси йиртиққа кулар.* Мақол. ■ *Тиззалари титилиб кетган эски тиринка шимининг почаларидан сув сиркиб оқар.. чит кўйлаги шалаббо бўлиб, бадан-баданларига ёпишиб қолган эди.* Н. Фозилов, Дийдор. *Ҳа, мулла Фулом, тиззаларингиз тупроқ, намозни ерда ўқидингизми?* М. Исмоилий, Фарғона т. о.

**3** *Оёқнинг тиздан думбагача бўлган қисми (ўтирган ҳолатда).* *Йўлчи ўтиргач, Шокир отанинг етим набираларини тиззасига олиб, ўпиб, узумдан икки бошини уларнинг қўлига тутқазди..* Ойбек, Танланган асарлар. *Зулфиқор устодга яқин ўтириб, қўйнидан кенг ва қалингина дафтарни олиб, тиззасига қўйди.* Мирмуҳсин, Меъмор. *Саодатхоннинг игна ушлаган қўллари беихтиёр тиззаси устига тушди.* С. Зуннунова, Янги директор.

**ТИЗЗАЛАМОҚ 1** *Чўкка тушмоқ, чўккаламоқ.* *Тиззалаб юрмоқ.* ■ *Шофёр ҳар бири қўйдек келадиган иккита чўл қовунини иккиллаб кўтариб келди-да, тиззалаб, думалатиб юборди.* С. Аҳмад, Чўл бургути. *Ота сунадаги кўрпачаса тиззалаб ўтириб, сабзи тўғрарди.* А. Эшоннов, Ота. - *Сув! Сув олиб кел, ўғлим!* — *деб қичқирди эркак, ёнида тиззаланиб онасига мўлтираб турган катта ўғлига.* М. Исмоилий, Фарғона т. о.

**2** *Тизза билан босиб жойлаштирмоқ, ниқталамоқ, босмоқ.* *Пахтани қанорга тиззалаб жойламоқ.* *Остига олиб тиззаламоқ.*

**ТИЗИЛАМОҚ** *Давомли тарзда «тиз» этган товуш чиқармоқ (қ. тиз II).* *Трубанинг тешигидан сув тиззилаб оқмоқда.* ■ *Оддий қўл насосидан тиззилаб отилаётган сувни ўт ямлаб ютиб юборяпти.* А. Мухтор, Чинор. - *Бўлди, дедим, бўлди, бўлмаса, тилингни*

*суғуриб оламан, — навкарнинг қамчиси кўкда тиззилаб, ҳавони кесиб ўтди.* Ж. Шарипов, Хоразм.

**ТИЗИЛМОҚ 1** *Тизмоқ* *фл. мажҳ. н. Марварид доналари инга тизилди.* *Токчаларга тизилган олма, анорлар.* ■ *Энди отишмалар яққол эшитилибгина қолмай, ён-веримизга ўқ ёғилар, из қолдирувчи ўқлар маржондек тизилиб учарди.* А. Убайдуллаев, Қонли издан. *Саҳна олдида тизилган скамейкаларни турли ташкилот ва мактаблардан келган вакиллар.. ва бошқа меҳмонлар тўлдирган.* П. Турсун, Ўқитувчи.

**2** *Тизмоқ 2* *фл. ўзл. н. Солдатлар сафга тизилди.* *Қалдирғочлар электр симига тизилиб ўтиришибди.* ■ *Майин эсаётган шамол унинг [Саодатнинг] бетидан марварид доналари сингари тизилиб ётган терларни ялаб кетди.* Н. Сафаров, Саодатнинг қиссаси. *Йўлда, теракзорда машиналар, мотоцикллар, отлар, велосипедлар тизилибди.* Ҳ. Фулом Сенга интиламан.

**3** *кўчма* *Бирин-кетин гавдаланмоқ, кўринмоқ, қаторлашиб ўтмоқ.* *Камбағал эри билан кўрган кунлар, беш бола билан бева қолиб тортган азоб-уқубатлари кўз ўнгидан бир-бир тизилиб ўтди.* Ҳ. Нуъмон ва А. Шораҳмедов, Ота.

**Кўзда(н) ёши тизилди** *Кўздан тўхтовсиз ёш оқа бошлади, кўздан дув-дув ёш оқди.* *Ёлғизлигим сезилди, Кўзда ёшим тизилди, Юрак-бағрим эзилди, Келмайсанми, Хадичам.* «Кўшиқлар».

**4** *шв.* *Томоқ ёки ичакдан тиқилиб ўтмоқ, тўхтаб қолгандай туюлмоқ.* *Халиги овқат кўкрагимда тизилиб турибди.* ■ *Сенсиз ўтмас, ҳатто сув ҳам тизилар!* *Кулиб гоҳи, назар солмасанг бўлмас!* С. Абдулла, Тоҳир ва Зухра.

**ТИЗИМ 1** *Ип, сим ва ш.к. га терилган нарса; шода.* *Бир тизим марварид. Бир тизим маржон. Бир тизим помидор қоқи. Бир тизим қалампир.* ■ *Биз ишни чўзмаслик учун ҳар қувурни алоҳида эмас, икки-учтасини бир тизим қилиб бураб олар эдик.* П. Қодиров. Эрк.

**2** *Бир соҳа, муассаса ва ш.к. га оид йўналиш, иш-фаолият қабилир мажмуи.* *Банк тизими. Халқ таълими тизими. Хавфсизлик тизими.* ■ *Меҳнат вазирлиги тизимида ишлаётганингизга ҳам анча бўлибди.* *Тизим ва унинг жойлардаги бўлимларида хотин-қизларнинг фаолияти қандай? - Тизими-*

мизда ишлаётган хотин-қизларнинг олиб бораётган ишлари яхши. «Меҳнат». Мамлакатимизнинг ташқи иқтисодий муносабатларида муҳим ўрин эгаллаган ташқи савдо тизимидаги туб ўзгаришлар султ амалга оширилмоқда. «Фан ва турмуш».

**3** Ўзаро боғлиқ ва узвий тартибда бўлган нарсалар, ҳодисалар бирлиги, мажмуи. Барча бўғиндаги давлат идоралари фаолиятининг ҳуқуқий асоси бўлиб хизмат қиладиган қонунлар тизимини барпо этиш лозим. Газетадан.

**4** Ўзаро боғлиқ қисмлардан ташкил топган тузилма, ижтимоий, сиёсий ва б. жиҳатдан тузилиш шакли. Улар, бизга маълум сабабларга кўра, «Марказ» деб аталувчи эски тизимдан ниҳоятда безиллаб қолишган. Газетадан. Жумҳурияларда бугун мутлақо бир-бирига ўхшамайдиган турли хил ижтимоий-сиёсий тизимлар вужудга келмоқда. Газетадан.

**5** Бирор иш-фаолиятни ташкил этиш, амалга оширишнинг шакл ва тартиб-қоидалари мажмуи. Баҳолашнинг рейтинг тизимига ўтилди. «Маърифат». ..меҳнат унумдорлигини таъминловчи омилларнинг мунтазам тизимини яратиш тарафдоримиз. Газетадан.

**ТИЗИМГУЛ** Оқ, баъзан қизил ёки оч бинафша гулли кўп йиллик доривор ўсимлик.

**ТИЗИМЧА** кам қўлл. айн. **чизимча**. Оппоққина юзи тухумдай йилтираган.. кўйлаги устидан ипак тизимча билан белини боғлаган киши гапни кесди. Ойбек, О.в. шабадалар.

**ТИЗМА** **1** Бирин-кетин ёки ёнма-ён жойлашган; қатор. Очил Зарафшон тизма тоғи этагида, чорвадор ва богдор қишлоқда ўсган. П. Қодиров, Уч илди. Уйлар икки қаватли бўлиб, трассадан анча юқори, тизма қум адирлар устида саф тортганлар. Ж. Абдуллахонов, Тўфон.

**2** Характери, табиати, муносабати ва ш.к. га кўра бир-бирига боғлиқ бўлган, кетма-кет ёки ёнма-ён содир бўладиган воқеа ва ҳодисалар тизилмаси мажмуи; тизим. Асарда иштирок этувчи қаҳрамонларнинг характери, уларнинг ўзаро муносабатларини очиб берадиган, бир-бирига боғланган воқеалар тизмаси асарнинг сюжети дейилади. «Адабиёт хрестоматияси». Биз Жиззах насос станциялари тизмаси қурилаётган бошқа

участкаларга йўл олдик. «Ўзбекистон қўриқлари».

**ТИЗМОҚ** **1** Ип, сим ва ш. к. нарсаларга ўтказиб шодаламоқ; термоқ. Марварид донларини ипга тизмоқ. Маржон тизмоқ. Гўшт бурдаларини сихга тизмоқ. ■ ..катта-катта мунчоқдан тизиб, тасбеҳ қилиб берибди.. «Олтин олма».

**2** с. т. Кимса ёки нарсаларни ёнма-ён ёки бирин-кетин жойламоқ, термоқ, саф ёки қатор қилмоқ; сафламоқ, қаторламоқ. Солдатларни сафга тизмоқ. Токчаларга анор, олма, беҳилар қатор-қатор тизиб ташланган. ■ Трактор паркидаги барча агрегат ва механизмлар сифатли созланиб, старт чизиғига тизиб қўйилган. Газетадан.

**3** кўчма Бирин-кетин кетидан бошқасини, бирин-кетин, узлуксиз келтирмоқ, қаторлаштирмоқ, қалаштириб ташламоқ. Маърузачи қуруқ рақамларни тизди. ■ Қулай пайт келса, [Элмурод] илҳоми қайнаб, қизнинг кўзларига тикилганича, гапларни тизиб ташлар.. эди. П. Турсун, Ўқитувчи. Меҳнатнинг таърифини ёзган китоблар, Мардлар номин ҳарфма-ҳарф тизган китоблар. М. Шайхзода.

**ТИЗФИМОҚ** Сизиб чиқмоқ (асосан қон ҳақида). У.. ярадор, бемадор болаларга ёрдам бергани, уларнинг қон тизғиб турган жараларини боғлагани югурди. М. Исмоилий, Барҳаёт қиз.

**ТИЙИН** **1** Бир сўмнинг юздан бирига тенг пул ҳамда шундай қийматга эга бўлган майда чақа. Беш тийин. Ўн тийин. ■ Даромад тақсимотида ҳар бир меҳнат кунига яқин [тахминан] бир килодан бугдой, бир сўму қирқ етти тийиндан пул тушиди. А. Қаҳҳор, Бек.

**ТИЙИН** **II** айн. **олмахон**.

**ТИЙИНЛИ** Тийин қийматига эга бўлган. 3 тийинли чақа. 20 тийинли танга. ■ Жўра.. ҳужранинг беш тийинли чақадай қулфини кўрсатди-да, йўқолди. Ойбек, Танланган асарлар.

**ТИЙИНЛИК** Қиймати тийин турадиган, тийинга келадиган. 50 тийинлик чой.

**ТИЙИҚ** Ўзини тийиб, босиб, тутиб олган; қуюлган, босиқ. Тийиқ одам.

**Нафси тийиқ** Нафсга берилмаган, нафси ўлик. Нафси тийиқ одам. ■ Бошқа инсофлироқ, нафси тийиқроқ бирор шофёр

келиб қолар деган умидда.. кута бошлади. Газетадан.

**ТИЙИҚСИЗ** Тийилмаган; бошқариб бўлмайдиган, асов. *Тийиқсиз бола.* ■ *Биз тийиқсиз ўзбошимчалик билан рўбарў келиб турибмиз.* Газетадан. *Шунда у жиянига тийиқсиз куч ато этган худодан хафа бўлиб кетди.* Н. Норқобилов, Бекатдаги оқ уйча.

**ТИЙМОҚ 1** Бирор иш-ҳаракатдан тўхтатмоқ, ундан ўзини ёки кимсани қайтармоқ; босмоқ, эрк бермаслик. *Кўз ёшини тиймоқ.* *Кўзинг оғриси, қўлингни тий;* *ичинг оғриси, нафсингни тий.* Мақол. ■ *Убеихтиёр энгларини шимараркан, кичкинагина гавдасида тийиб бўлмас куч пайдо бўлгандек эди.* А. Мухтор, Туғилиш.

**2** Кутиб, куткилаб, тергаб йўлга солмоқ; ножўя иш, йўл ва ш.к. дан қайтармоқ; тергамоқ. *Сиз отамисиз, нимасиз ахир, ўғлингизни тийиб олиш сира эсингизга келадими?* А. Қодирӣ, Ўтган кунлар. *Яхши отадан ёмон бола туғилса ҳам бўлар экан. Отаси қандайин нозанин жувон тўғри келса ҳам, кўз қирини ташламас эди. Бу бебош бўлиб кетди, тиядиган кишиси бўлмади.* Ойдин, Мардлик — мангулик.

**Оғзини (ёки тилини) тиймоқ 1)** бирор нарса дейишдан, гапдан ўзини тутмоқ, гапиришдан тўхтамоқ, оғзига эрк бермаслик. *Ҳой бола, тилингни тий!* ■ *Комила ҳам ҳазил билан жавобга ҳозирланди-ю, яна тилини тийди.* Ойбек, О.в. шабадалар. *Йигитча.. чолга дашном бериб борарди, оғзини тиядиганга ўхшамайди.* «Муштум»; **2)** гапиртирмай қўймоқ, гапиришдан тўхтатмоқ, гапирмасликка мажбур қилмоқ. [Элмурод:] *Кўп алам ўтганидан тилим шунақа ёмон бўлиб қолган. Хўжайинлар уриб-сўксалар ҳам, тилимни тия олмадим.* П. Турсун, Ўқитувчи. *Оғзини тийиб қўёмайсиларми?!* И. Раҳим, Ихлос. **Ўзини тиймоқ** Бирор ҳаракат-ҳолатдан ўзини тутмоқ, сақламоқ; тийилмоқ. *Шожалил яна «Одам эмасман, юз нима қилади менда?» демоқчи бўлди-ю, ўзини тийди.* Ю. Шомансур, Қора марварид. *Қарсак чалишдан ўзини тийиб, одамларга боқиб жилмаяр эди.* Н. Сафаров, Оловли излар. **Қадамини тиймоқ** Бирор жойдан қадамини узмоқ, бориш-келишни тўхтатмоқ. [Олахўжа] *Гапни гинахонликдан бошлади: -Жуда қадамингни тийиб қўйдинг. Келиб, тоғангдан, ҳолинг*

*қалай, деб суриштирай ҳам демайсан-а.* П. Турсун, Ўқитувчи.

**ТИЙНАТ** [a. طينت — хулқ-атвор, табиат] Кимсага хос характер, феъл-атвор.

**ТИЙРА** [ф. تيره — қоронғи, қора; ғам-ғуссали] эск. кт. Қора; қоронғи. *Кўзларим йиғлади зулфинени кўриб, Ки ёгин боисидур тийра булут.* Нодира. *То юзинг ойи намоеън бўлди ҳусн афлокида, Рашиқ ўтидин тийра бўлди рўзгори офтоб.* Нодира. *Кўзимни тийра деб ёр, этмас юзига кўзгу, Киприкларимни тий деб, сочига шона қилмас.* Э. Воҳидов.

**ТИЙРАК 1** Бир ерда тинч турмайдиган, ғайрати ичига сиғмайдиган; серҳаракат (асосан ёшларга нисбатан қўлланади). *Тийрак бир бола армиядан кеча қайтган мезоннинг ёнига ўтириб, медални ҳавас билан томоша қила бошлади.* Н. Сафаров, Тошга битилган хат.

**2** Бардам, тетик, бақувват. *Саксонлардан ўтган, лекин тийрак чол.*

**Тийрак тортмоқ** Тетикланмоқ, жонланмоқ, куч-қувват олмоқ. *Бахмаддек юмишқ, чинни овозидек жарангдор бу кулгидан алланечук жонланиб, тийрак тортади.* Н. Норқобилов, Бекатдаги оқ уйча.

**3** Зийрак, ҳушёр. *Отаси ўйланиб қолди: ҳар нарсани билишига қизиқувчан, тийрак қизимга нима десам экан?* Й. Муқимов, Ипак толаси. *Сочлари дув оқарган, аммо кўз қарашлари тийрак доктор опа ҳар куни Шерзоддан қандоқ овқатланганини.. сўрайди.* Ў. Ҳошимов, Нур борки, соя бор.

**ТИЙРАКЛАШМОҚ** Тийрак ҳолатли бўлмоқ, тийрак бўлмоқ. *Рихсининг кўзлари бирдан тийраклашди. Орқасига бир қараб қўйиб, Адолатнинг ёнига келди.* С. Зуннунова, Гулхан.

**ТИЙРАН** кам қўл. Чуқур, теран. *Ихчамлик, лўндалик, тийран фикр, мантиқнинг кучлилиги.. шоир хотирасининг энг яхши фазилатларидандир.* «ЎТА». *Узун бўйли, барваста оқсоқолнинг ақлли кўзларида чуқур уй, тийран мулоҳаза.* Ҳ. Фулом, Бир кунимиз.

**ТИЙҒОНМОҚ** ив. Тойғанмоқ, сирғанмоқ, тоймоқ. *Оёғи тийғониб кетди. Тийғониб йиқилди.* ■ [Маҳкам ака] *Толлар экилган ариқ лабидан бора туриб тийғониб кетди, гуршллаб йиқилди.* Р. Файзий, Ҳазрати инсон.

**ТИЙҒОНОҚ** ив. Сирғанчиқ, тойғанчиқ. *Қўлим тердан тийғоноқ, Ўроғим ўрар қақ-*

қон. *Кукатга солсам ўроқ, Фарамлар ясар чунон. Сайёр.*

**ТИЙҒОНЧИҚ** айн. **тийғоноқ.** *Тийғончиқ йўл. ■ Мунисхон.. тийғончиқ ердан ўтишига ёрдам қўлини чўшиб турган Саудийга қўл бермоқчи эди. А. Қаҳҳор, Сароб. Эҳтирос тугён урганда, ақл чироиғи хиралашади, Кумуш. Бу ғоят тийғончиқ йўл. Ўйлаб, қараб қадам босиш керак. Т. Жалолов, Олтин қафас.*

**ТИК I 1** Юқорига тикка йўналган ёки пастга тикка тушган. *Тик жарлик. Тик қирғоқ. ■ Фақат, соҳил тик бўлгани учун, араваларни олиб чиқиш бениҳоят қийин эди. Ойбек, Қуёш қораймас. Бобоқул отанинг назари тик қоя лабида турган оқ улоққа тушди. С. Анорбоев, Оқсой.*

**2** Ердаги маълум нуқтага нисбатан вертикал ҳолатдаги тепа (юқори) қисм; тепада шундай ҳолатли. *Мингбоши шошиб, осмонга қаради. Қуёш тик.. М. Исмоилий, Фаргона т.о. Аммо ой тик кўтарилганликдан зиёратхона ичи қоп-қоронғи эди. А. Қодирий, Ўтган кунлар. Қуёш тик келганда, Чўли бобо ҳаммани овқатга чақирди. Мирмуҳсин, Меъмор.*

**3** Оёқлари ёки асоси ерга тиралган, вертикал ҳолатдаги; тикка. *Бўш қоп тик турмас. Мақол. ■ Қишлоқ ҳуснига ҳусн қўшган қадди расо тераклар тик қоматларини мағрур кўрсатиб турардилар. Ш. Рашидов, Бўрондан кучли. Буларнинг орқасида тик турган одамлар бир-бирларига занжир билан боғлаб қўйилган каби зич ва тигиз. Ойбек, Танланган асарлар.*

**4** Бўйи (нисбатан) баланд; бўйчан. *Аввал ҳалиги тикроқ қора бола, кейин бошқалари ғойиб бўлди. А. Мухтор, Опа-сингиллар. Мен сендайлизимда, йўқ, сендан тикроқ бўлсам керак, мактабга қатнардим. С. Анорбоев, Ҳамсуҳбатлар.*

**5** У ёқ-бу ёққа бурилмаган (оғмаган), тўғри йўналишли; тўғри. *Қишлоқ марказига тик йўл тушди. ■ Катта тик ариқ. Икки лаби тоғ-тоғ тупроқ. И. Раҳим, Чин муҳаббат. Терак тагидан шопиоя бўйлаб йўл бор. Чирчиққа тик чиқади. Ҳ. Фулом, Машғал. Ойниса курт-курт беда чайнаётган отни.. бир лаҳза кузатиб турди-да, таваккал қилиб, охурга тик борди. Ҳ. Фулом, Тошкентликлар.*

**6** Горизонтал юзага, чизиққа перпендикуляр ҳолатли, юқорига тикка кўтарилган ёки пастга тикка тушган; вертикал.

**Тик чизиқ** 1) вертикал чизиқ; 2) перпендикуляр чизиқ.

**7** *кўчма* (айрим сўзлар билан қўлланганда) Тап тортмасдан, қўрқмасдан, дадил, тўппа-тўғри, рўйирост. *Бетига тик айтмоқ. ■ Бир хил итлар борки, бўри билан тик олишади. Ойбек, Болалик. Унинг [Адолатнинг] бир вақтлар ҳаёдан кишига дадил боқолмаган чиройли кўзларига ғазаб ва алам тўлган. Энди у ҳамма нарсага тик, дадил боқади. С. Зуннунова, Гулхан. Мастуранинг ўлимнинг юзига бунчалик тик қарагани.. учун операциянинг натижасини кутмади. А. Қаҳҳор, Минг бир жон.*

**Тепа сочи тик бўлмоқ айн. тепа сочи тикка бўлмоқ қ. тикка..** *Десам унга бўлинг оғир, Тепа сочи бўлди тик. «Муштум». Тик қилмоқ қ. тикламоқ 2. Ғайрат қилиб кўпчилик, Гаражни қилдилар тик. Қ. Муҳаммадий.*

**ТИК II** [гол. *tijk*, инг. *tick*] Каноп ёки пахта толасидан тўқилган қалин, пишиқ газмол, мато (кўпинча матрац, дастурхон ва ш.к. учун ишлатилади). *Ойниса йўл-йўл тик кўрпачада.. ўтираркан, ўгли Йўлдошбекдан келган хатни қайта ўқиб чиқди. Ҳ. Фулом, Тошкентликлар. Тикдан бир хилда тикилган кийим кийган, мадори кетган ярадорлар ҳовлига чиқишди.. Р. Файзий, Ҳазрати инсон.*

**ТИК III** [фр. *tic* — учиш, пирпираш] *тиб.* Нерв системасининг касалланиши оқибатида айрим ёки бир гуруҳ мускулларнинг (одатда юз, бўйин, қўл ва б. мускулларнинг) ихтиёрсиз қисқариши.

**ТИКАН I** Ўсимликларнинг, шунингдек, баъзи ҳайвонларнинг ингичка учли, нинасимон аъзоси. *Қизил гул тикани. Янтоқ тикани. Типратикан тикани. Тикан бўлиб оёққа қадалгунча, гул бўлиб кўкракка санчил. Мақол. ■ Воҳид жон-жаҳди билан сиқимлаган наъматак тиканлари кафтига эмас, юрагига санчилди гўё! «Саодат».*

**2** Шундай нарса (тиканли) ўт-ўсимликлар. *Экувсиз қолган ерларда тиканлар ўсиб ётибди.*

**3** Нарсаларнинг ўткир тикансимон қисми. *Тўсиқ симнинг тикани.*

**Кўзга тикан** Кишиларга ёмон кўринган кимса ёки нарса ҳақида. *Халқимизда ажойиб бир мақол бор: «Текин еган — кўзга тикан». М. Исмоилий, Бизнинг роман. Тикан бўлмоқ* Ўртада тўсиқ, ғов бўлмоқ. *Унинг [Зайнабнинг] бу ҳоли эрса менинг учун яхши эмас,*

у яна кўп вақт бизнинг орамизда тикан бўлмоқчи. А. Қодирий, Ўтган кунлар. **Тикан** устида ўтирмақ айн. игна устида ўтирмақ қ. игна. -Сипориш қилсам-у, тикан устида типирчилаб ўтирсам, бари бир, гап қовушмайди. Ундан кўра дангал гап яхши: мен далага чиқмоқчиман, - деди Парпиев. Й. Шамшаров, Енгиш. **Тиканга ағанамоқ** (ёки **думаламоқ**) Тинчлигини йўқотмоқ, нотинч бўлмоқ, руҳий азоб тортмоқ, қийналмоқ. *Отабек қизга уйланиб кўйгач, бизнинг Ҳомид тиканга ағанаб, орадан Отабек билан Мирзакарим акани кўтариш фикрига тушган.* А. Қодирий, Ўтган кунлар. *Одилжон шу кеча тикан устида думалаб чиқди.* И. Раҳим, Қўшниллар. **Қора тикан** Кишиларга ёмон кўринган салбий шахс ҳақида. -*Йўқ, фақат сиз яхшисиз, - деди Зулайхо истеҳзо қилиб. - Бошқаларнинг ҳаммаси қора тикан, ҳаммаси сизни кўролмайди!* П. Қодиров, Қадрим. **Қора тикан туз айн. тиканак туз қ. тиканак.**

**ТИКАНАК I** Тиканли ўсимликларнинг умумий номи. *Онахон.. тиканак босиб кетган гўристон устидан тўғри темир йўл устaxonаси томонга йўл олди.* А. Мухтор, Опасингиллар. *Чўққининг ўрта ерида, «Тошбулоқ» яқинида тиканак ва арча чўкиртакларидан гулхан ёқилгач, болаларнинг қувончи яна қанотланди.* Ҳ. Назир, Сўнмас чақмоқлар.

**2 айн. тикан.** - *Оёқларимни ари талаб кетди! - деб типирчилаб ўтириб олди. Болалар эгилишиб қарашса, ари деган нарса кўринмасди. Фақат пайпоғининг ҳамма ёғига тиканаклар ёпишиб олганди.* Ҳ. Назир, Сўнмас чақмоқлар. [Абдусамод] *Ўғай отанинг кўзига тиканак бўлмаслик учун бир бурчакка тикилиб ухлаб қолар эди.* Ойбек, Навоий.

**Тиканак туз** Новвогсимон кристалланган йирик туз. *Бало-қазони ҳозир даф қиламиз. Битта товоққа кул солиб, тиканак туз билан бир кафт исирикнинг донидан олиб келинг.* Р. Файзий, Ҳазрати инсон. **Чақир тиканак** Пояси ётиб ўсадиган ёввойи ўт ва унинг юлдузча шаклидаги тикани (тиканларидан бири юқорига қараб ўсган бўлади). *Оёқларимга чақир тиканаклар кириб, ҳамма нарса йўлимни тўсарди.* Э. Раимов, Ажаб қишлоқ.

**ТИКАНАКЛИ** Тиканаги, тикани бўлган; тиканли. *Тиканакли сим.*

**ТИКАНЗОР** Тиканли ўсимликлар ўсиб ётадиган, тиканли ўсимликлар билан қопланган ер, майдон. *Тиканзор чўл. ■ Сувсизликдан қақшаб, ҳудди скелетларга ўхшаб қолган янтоқ ва тиканзорлар майдони.* Туйғун, Сўнгги саёҳат.

**ТИКАНЛИ I** Тикани бор, тиканлар билан қопланган. *Тиканли дарахт. Тиканли ўсимлик. ■ Туялар олдига янтоқ ташланган ва улар игнадай тиканли бу хашикни, қари одамлар пашмак ҳолва егандай, осонлик билан ютмоқда.* С. Айний. *Қуллар. Тиканли симлар билан ўралган бу ям-яшил ўрмон этаги, бу оппоқ палаталарда кечаю кундуз азоб, ўлим.* А. Мухтор, Чинор.

**2 кўчма** Кишига қаттиқ ботадиган, озор берадиган; аччиқ, ёқимсиз (гап-сўз, муомала ҳақида). *Ҳусайн Бойқаро отда туриб, асирга бир неча аччиқ, тиканли сўзлар отди-да, кўли билан навкарларга «олиб жуналар», деган ишорат қилди.* Ойбек, Навоий. *Рашиднинг гапи, гарчанд ҳолис ва муҳокамали бўлса ҳам, нима учундир Элмуродга тиканли туюлди.* Шухрат, Шинелли йиллар.

**ТИКЕР** [ингл. ticker] Қимматбаҳо қоғозларнинг охириги, қатъий белгиланган баҳо-си (курси) ни кўрсатиб, маълум қилиб турвчи биржа аппарати.

**ТИКИЛЛАМОҚ** Бир маромда узук (паст) «тик, тик» этган овоз бермоқ (чиқармоқ). *Девор соат гўё Акрамнинг қолган умри ҳисобини қилаётгандай.. тўхтовсиз, эринмай тикиллар эди.* И. Раҳим, Тинимсиз шаҳар.

**ТИКИЛМОҚ I Тикмоқ** фл. мажҳ. н. *Бир кунда юзта кўйлак тикилди. Ўтлоққа ўтовлар тикилди. Майдонга баланд дор тикилди. Эзгу иш учун бош ҳам, жон ҳам тикилди. ■ У [Фотима] енгларига чиройли қизил кашталар тикилган украинча оқ шойи кофта, қора юбка кийган эди.* П. Турсун, Ўқитувчи. *Кечқурун биёбонда Тикилди юз палатка.. Куй янгради гармонда, Файз бағишлаб ҳаётга! Ё. Мирзо.*

**ТИКИЛМОҚ II I** Кўз узмасдан қарамоқ, узоқ қарамоқ; диққат-эътибор билан, разм солиб боқмоқ. *Кириб кетди синфга эркам, Туриб қолдим тикилиб кўп вақт.. Ё. Мирзо. Ҳиротдан келган гўзал қизга ҳамма маҳлиё бўлиб тикиларди. Мирмуҳсин, Меъмор. Абдуғафур ота ҳамсуҳбатини биринчи марта*



кўраётгандек, унга қаттиқ тикилди. «Шарқ юлдузи».

**2** кўча Қасд қилмоқ, қасдига тушмоқ. [Шерали] Тикилган душмандан олади ўчи. «Эрали ва Шерали». Сенинг бошинга тикилган бу балоларни ўзининг ширин жонидан кечиб даф қилган Отабек сени сира ҳам унутмас. А. Қодирий, Ўтган кунлар.

**Оғзига тикилмоқ** Гап кутмоқ (сухбатдошидан, қаршисидаги кимсадан). Биз бир зумда жимиб, Ҳасан аканинг оғзиларига тикилдик. Э. Раимов, Ажаб қишлоқ.

**ТИКИШ 1 Тикмоқ** фл. ҳар. н. [Унсин] Маҳси тикишини, йўқчилик, муҳтожлик ичида яшашини Гулнордан яширган эди. Ойбек, Танланган асарлар. Китоб ўқишдан зериккан чоқларимда бичиш, тикиш билан машғул бўлиб, бу ҳунарни ҳам етарли даражада ўзлаштирдим. С. Айний, Эсдаликлар.

**2** Тикувчилик, бичиш-тикиш ишлари, чок; тикувчилик санъати. Зумраднинг тикиши гўзал, ипакни турлаши ҳам моҳирона. Ойбек, Улуғ йул.

**Тикиш халтаси** Тикувчи ёки каштачининг ўз иши учун керакли буюмлар (ип, ипак, латта, ангишвона, игна ва ш.к.) солиб қўядиган халтаси; ишпеч. Гулнор кўча эшигидан ҳовлисига кираркан.. айвонга паранжисини отди, тикиш халтасини танчага ташлаб, устунга суяниброқ, бир муддат паришон туриб қолди. Ойбек, Танланган асарлар.

**3** Каштачилик ва умуман дўзандалик йўли билан тайёрланадиган нарса (маҳси, дўппи ва ш.к.). Энди сотишга ҳеч нарсам қолмаган эди. Яна тикиш тикдим. Бу ўртада дадам қазо қилди. Ойбек, Танланган асарлар. Тирикчилик тоши бениҳоят оғир бўлар экан. Бизларни зориқтирмаслик учун аям тикиш тика бошлади. Ойбек, Танланган асарлар.

**4** Хом теридан тилишлаб, тилим-тилим қилиб ясалган майин қайиш ип. -Мана бўларни ямаб қўй, — деб жаҳл билан олдимга узилган-ямалган бир тўда қайиш, жазлиқ, юган — от абзалларини, бир бигиз ва бир нечта тикиш билан улоқтирди. Ф. Фулом, Тирилган мурда.

**ТИККА 1** Юқорига ёки пастга тик йўналган; тик, вертикал. Тикка қоя. Тикка ўсган дарахт. Тутун тикка кўтарилмоқда.

Найза ерга тикка санчилди. ■ Ариқ қазувчилар эртасига келиб қарасалар, тикка жар ўпирилиб тушиб, ариқлари кўмилиб, тептекис бўлиб қолибди. С. Анорбоев, Оқсой. Қайнаб чиқар нефть булоқлари, Фонтан бўлиб отилар тикка. Ё. Мирзо. Қўрбоши кулиб юборди. Унинг амри билан полвон яна илгариги жойига келиб, чатаногини кериб, тикка турди. А. Каҳҳор, Кўр кўзнинг очилиши.

**2** Ерлаги маълум нуқтага нисбатан вертикал йўналишдаги тепа жой. Кулранг осмоннинг олис-олис бурчларида юлдузлар милтиллайди. Ҳов ана, тиккада ёрқин бир юлдуз — тонг юлдузи порламоқда. Х. Фулом, Сенга интиламан. У [Раҳим Саидов] пастга тушиди. Кун тиккага келган, кўча ёнарди. Ў. Умарбеков, Ёз ёмғири.

**Тепа сочи тикка бўлмоқ қ. тепа.** Турбоннинг тепа сочи тикка бўлди: -Ҳай, сенинг димоғ-фироғинг кимга, хўш, нима дейсан? А. Қаҳҳор, Анор.

**3** Тўппа-тўғри йўналган; у ёқ-бу ёққа бурилмайдиган, оғмайдиган; адил, тўғри. Узун ғиштин йўлка дарвозахонадан бошлаб, чорбоғни тикка кесиб ўтади. Ҳ. Фулом, Бинафша атри. Мастон иланг-биланг йўлни қолдириб, мўлжалланган тепаликка қараб тикка йўл солди. А. Қаҳҳор, Мастон.

**4** кўча Тап тортмасдан, кўрқмасдан; дадил, тик. Бетига тикка айтмоқ. Тикка олишмоқ. ■ Ёвга қарши тикка босиб борганман. Т. Тўла. Нега сен менга тикка гапирадиган бўлиб қолдинг? Мирмуҳсин, Умид. Бу гапни гар ҳам кўтара олмас, тикка юлишар эди. А. Қаҳҳор. Қўшчинор чироқлари.

**ТИККАЙМОҚ** Тик ҳолатли бўлмоқ, тикка бўлмоқ. Тепа сочи тиккайди. Қулоқлари тиккайди. ■ Илон изи каби буралиб оқаятган Сирдарёнинг ўнг қирғоғидаги кенг қирда тиккайган дарахт кўринмайди. Ойдин, Фарҳодлар. Меҳрой дугонасининг елкасига суяниб турганидан, сочидаги лентасининг учи тиккайиб қолган эди. Ҳ. Нуъмон, Фасллар.

**Сочи тиккаймоқ айн. тепа сочи тикка бўлмоқ қ. тепа.** Комила раис қаҳида бир нима деб ачитиб олди шеклли, Шамсиевнинг сочи тиккайиб, зарда билан трубкани қўйиб қўйди. «Муштум».

**ТИККАЛАМОҚ** У ёқ-бу ёққа бурилмасдан, тикка, тўппа-тўғри йўналмоқ. Шолпоядан тиккалаб бормоқ. Тиккалаб кўтаришмоқ.

**ТИККАМА-ТИККА** айн. **тикка** 4. [Махсум] Чол билан тиккама-тикка олишишдан кўра, ялинишни афзал кўрди. А. Муқимов, Ҳашарот.

**ТИККАСИГА** рвш. 1 У ёқ-бу ёққа бурилмасдан, тиккалаб, тикка; тўппа-тўғри. Чўққига тиккасига чиқмоқ. Дала ўртасидан тиккасига йўл солмоқ.

2 айн. **тикка** 3, 4. Зайнаб яна кўзида ёши, Ва туташиб ичи ва таши, Ғазаб билан ўрнидан турди, Тиккасига ичкари юрди. Ҳ. Олимжон.

**ТИКЛАБ** рвш. Тиккасига, тиккалаб, тикка. Душманга қарши баланд қир устига тиклаб кўтарилган танкетка биринчи дафъа ҳужумга бошлади. Ҳ. Сайидаҳмад, Мастура.

**ТИКЛАМОҚ** 1 Тик, вертикал ҳолатга келтирмоқ, тикка қилмоқ, тикка қилиб қўймоқ. Йиқилган гўза тупларини тикламоқ. ■ Жўрапошиш пастга тушиб, шотини тиклаб қўйди. М. Исмоилий, Фарғона т.о. Султон бўзи камон сингари эзилган қаддини.. тиклаб, базўр ўрнидан турди. Н. Сафаров, Султон бўзчининг неваралари.

2 Қурмоқ, бино қилмоқ, бунёд этмоқ. Ўтган йилнинг баҳорида мана шу жойни тиклаб олдим. М. Абдулла, Кутилмаган меҳмон. Қурилиш майдонида иш жадал.. Биров палатка тикляпти, иккинчи бир киши чизмаларга белгилар қўйяпти. С. Кароматов, Бир томчи қон. Биргалашиб чўлда биринчи оқ уйни тиклаганимиз. «Ўзбекистон кўриқлари».

3 Йўқ бўлган, ишдан чиққан, хароб бўлган ва ш.к. нарсаларни бор қилмоқ, асл ҳолига келтирмоқ. Архитектура ёдгорликларини тикламоқ. Хўжаликни тикламоқ. ■ Водокачкани тиклагани фиш, қум ташиш керак бўлганда, отининг туёғига миҳ қоқиб, оқсатиб қўйган ким эди? А. Қаҳҳор, Қўшчинор чироқлари. Хўжалик раҳбарларининг ишига — меҳнат аҳлининг саломатлигини тиклаш ҳақида қилаётган ғамхўрликларига қараб баҳо берилмоқда. «Ўзбекистон кўриқлари». Цех қолақликдан чиқиб, аввалги шўратини яна тиклади. Газетадан. Боис Эргашев.. радиостанцияни қайиққа ортиб, узилиб қолган алоқани тиклади. Н. Сафаров, Оловли излар.

4 Унутилган, эсдан чиқиб кетган нарсаларни юзага келтирмоқ; бекор қилинган, рад этилган нарсаларни қайта жорий қилмоқ, қайтариб бермоқ. Алоқа-муносабатлар-

ни тикламоқ. Ҳуқуқини тикламоқ. Унвонини тикламоқ. ■ Умид эслаб-эслаб, кейинчалик она алласининг деярли ҳаммасини тиклаб олди. Мирмуҳсин, Умид.

5 Қайта ўз ўрнига, ишига қўймоқ. Директор ноҳақ ишдан бўшатирилганларни яна тиклади.

6 шв. Бошини кўтарган ҳолда тик қарамоқ. Терсак дамани ичига олиб, тишини тишига қўйиб, кипригини қоқмай тиклаб қолди. «Равшан». Ҳеч нимаман иши бўлмай, Ҳамма анграйиб тиклаб қолган. «Муродхон».

**ТИКЛАНМОҚ** 1 Тикламоқ фл. ўзл. ва мажҳ. н. Нарвон тикланди. Алоқа тикланди. Унинг ҳуқуқи тикланди. У ўз вазифасига тикланади. ■ Унинг [иморатнинг] ўпирилиб тушган жойлари синиқ пишиқ фиш, гувалак билан тикланган. А. Қаҳҳор, Қўшчинор чироқлари. У [Ғазилдин] биринчи бор учрашгани беихтиёр Шербекнинг хотирасида тикланди. С. Анорбоев, Оқсой. Тўсатдан.. дам ғужанак бўлиб, дам тикланиб, дамани чиқармай азоб тортаётган новча қотма бир киши [Меҳрининг] кўз ўнгига келди. С. Анорбоев, Меҳр.

2 Уришиш, жанжаллашиш учун ростланмоқ, кўзгалмоқ. Отасига қарши тикланмоқ. ■ Тинчлик солдати бўлиб Отланиб тикланасан. Қ. Муҳаммадий.

**ТИКЛАШМОҚ** 1 Тикламоқ фл. бирг. н. Колхозчилар ётиб қолган гўза тупларини тиклашмоқда. Бузилган уйни тиклашмоқ.

2 с. т. Рубарў келиб уришмоқ, жанжаллашмоқ. Улар бир-бирлари билан тиклашиб қолдилар. ■ Нима гап ўзи, қоршимага нима бўлибди? — деди Ҳикмат ҳам Усмоновга тиклашиб. Ю. Шомансур, Қора марварид.

**ТИКМА** 1 Ип билан тикилган. Тикма этик.

**ТИКМА** 2 қ. х. Уруғликни сепиб эмас, балки уяларга кўмиб экиладиган ва шу йўл билан экилган. Тикма экин.

**ТИКМОҚ** 1 Игна-ип билан чоклаб уламоқ, бириктирмоқ; шу йўл билан бирор нарса тайёрламоқ. Ярани тикмоқ. Қопнинг оғзини тикмоқ; Қалпоқ тикмоқ. Этик тикмоқ. ■ Даҳлизда Ҳасанали узилган от асбобларини улаб тикар эди. А. Қодирий, Ўтган кунлар. Дилбар ҳам сизга атаб бир чиройли рўмолча тикди. С. Зуннунова, Янги директор. Фотима она ҳар хил қийқинди-

лардан олиб, қўғирчоққа кўйлакча тикиб берди. Р. Файзий, Чўлга баҳор келди.

**2** Ўрнатмоқ, қадамоқ; қурмоқ. *Байроқ тикмоқ.* ■ Уларда иморат-бино йўқ эди, ҳаммаси ўтов тикиб ўтиришар эди. «Бўтакўз». ...майсалар устига чодир тика бошлашди. Мирмуҳсин, Меъмор.

**3** Экмоқ, қадамоқ. *Ерга уруғ тикмоқ. Чигирткалар экин ер, экмай-тикмай, текин ер.* Мақол. ■ Кун исииши билан.. ариқлар қуриган. Мул ҳосил ундирмоқ ниятида экин тиккан деҳқон бор сувни, олтин тортгандай, мисқоллаб сарфлайди. Ж. Абдуллахонов, Тўфон.

**4** Болалар ўйинида: ганаки маълум тартибда териб кўймоқ, жойламоқ. *Иккитадан ёнғоқ тикмоқ.*

**5** Қиморда: ўйинга пул ёки бошқа нарса кўймоқ. *Отаси ўлиб, катта меросга эга бўлган бойваччаларнинг кўпи.. пул тикиб, хўроз уриштириб роҳатланар эди.* М. Муҳаммаджонов, Турмуш уринишлари. *Бой беради-ю, ўзи ютмагунча ўйинни тўхтатмайди, ҳеч нарсаси қолмаганда, бутун аъзоларини битта-битта тикаверади, қўли, бурни.. боринги, занжирлаб ташлан, бари бир ўйнайди.* А. Мухтор, Опа-сингиллар.

**6** Турли ўйин ва мусобақаларда: голиблар учун, ютуқ сифатида бирор нарса атамоқ, ўртага кўймоқ. *Мен ҳаммаларингнинг гувоҳликларингда мусобақага бир кўй тикаман.* Н. Сафаров, Дон.

**7** кўчма Баъзи сўзлар билан бирикиб, шу сўз ифодалаган нарсани (бирор шахс ёки нарса учун) бахшида этиш маъносини билдиради. *Ҳамроҳларим ўз жонини тикиб бўлса-да, ғалабани таъмин этдилар.* Н. Сафаров, Оловли излар. *Мен бутун дунёمنى Раҳмонқулга тикканман..* Ҳ. Фулом, Машғал. *Шундай яхши кунлар келиши учун курашган, чўлни бўстон қилишга ҳаётини тиккан одамларни эъзозлаймиз.* «Ўзбекистон кўриқлари».

**ТИКРАЙМОҚ** шв. Тикка турмоқ, тикаймоқ. *Кампир бели букрайиб, қулоғи тикарийб бораётибди.* «Алпомиш».

**ТИКУВ 1** Тикмоқ фл. ҳар. н. *Иш тикув.* Дуппи тикув.

**2** Тикувчилик иши, касби, ҳунари. *Тикув машинаси.* ■ Темиржон боғчага борадиган бўлгандан кейингина тикув фабрикасига қатнай бошлади она. Ж. Абдуллахонов, Орият.

**ТИКУВЧИ 1** Тикмоқ фл. сфдш. *Дуппи тикувчи. Кийим тикувчи. Сўзана тикувчи. Этик тикувчи.*

**2** Тикиш касби эгаси; машиначи. *Отам — артист, онам эса тикувчи.* С. Анорбоев, Ўзбекистон олтини. *Бағзилар матоларини ишни чўзган бошқа тикувчидан олиб, Мадинага беришарди.* Мирмуҳсин, Чодрали аёл.

**ТИКУВЧИЛИК** Тикувчи касби; тикув ишлари билан шуғулланиш. *Тикувчилик артели. Тикувчилик фабрикаси. Тикувчиликни ўрганмоқ. Тикувчилик билан шуғулланмоқ.*

**ТИЛ 1** анат. Оғиз бўшлиғида жойлашган, таъм-маза билиш, оғизга овқат олиш, ялаш ва ш.к. лар учун хизмат қиладиган мускулли аъзо. *Иссиқдан итнинг тили осилган. Айтсам, тилим куяди, айтмасам — дилим.* Мақол. ■ *Ўлғудай тахир экан, тилимни ёргудай, оғзимни куйдиргудай бўлди.* М. Исмоилий, Фарғона т.о. *Ниҳоят, гапира-гапира қақраган лабларини тили билан ялаб, Лутфинисо жим бўлди.* Ойбек, Танланган асарлар. *..бузоқчалар бўйинларини чўзиб, унга [раисга] тилларини кўрсатишди.* «Муштум».

**2** кўчма с. т. Асбоб, механизм ва ш.к. нинг осилиб, қимирлаб турадиган қисми. *Соатнинг тили. Компаснинг тили. Кўнғироқнинг тили.*

**3** кўчма поэт. Тигга ўхшаш, учли нарса. *Шамол кучайиб, оловнинг тили яна ҳам узунлашди.* С. Аҳмад, Уфқ. *Тепаса кўтарилган куёш ўтли тили билан ер бағридаги барча намни сўриб оларди.* Ш. Рашидов, Бўрондан кучли. *Куёш ҳароратидан бахраманд бўлган майса, Қиёқ тилларин чўзиб, нурга қасида куйлар.* Ф. Фулом.

**ТИЛ 2** Кишилар ўртасида, жамиятда ўзаро фикр алмашишнинг муҳим воситаси; тилшуносликнинг асосий ўрганиш объекти. *Одам тилидан топар, ҳўкиз — муғузидан.* Мақол. ■ *Хотиннинг бу гапи Бўтабойнинг жон-жонидан ўтиб кетди, лекин бундаги кучли мантиқ тилини боғлади-ю, ҳеч нарса деёлмади.* А. Қаҳҳор, Қўшчинор чироқлари. *Ҳафиза ҳеч нарса деёлмасди. Унинг тиллари ҳали қовушмай гўлдирарди.* Мирмуҳсин, Умид. *-Никоҳ қилмай, бир йилдан ортиқ тотув яшадик. Иннайкейин, — деди-ю, тили тугилиб, гапни айлантириб юборди.* М. Исмоилий, Фарғона т. о. *Юсуфбек ҳожи сўзлар экан, юраги машўм бир эҳтимолнинг даҳшатидан*

титрар, тили ҳам осонлик билан ҳаракатланмас эди. А. Қодирий, Ўтган кунлар.

2 Сўзлаш, гапириш, фикр ифодалаш қобилияти. Тил инсон учун берилган буюк неъматдир. ■ Гапирмоққа тили йўқдир жонивор, Рустамнинг бошида айланиб турар. «Рустамхон».

**Тил учуда (ёки тил учи билан) сўзламоқ (ёки гапирмоқ)** Сидқидилдан эмас, шунчаки (йўлига) бирор сўз (гап) айтмоқ. Кўз учиман кўзлама, кўзингга зўр келар, Тил учиман сўзлама, ўзингга зарар келар. Мақол. ■ Уни хуш кўрмасам ҳам, у, тил учидами, ҳар вақт манга «жияним», деб ширин гапирарди. Ойбек, Танланган асарлар. **Тилга кирмоқ (ёки келмоқ)** Сўзлай бошламоқ (гапирмай турган ҳолатдан кейин ёки кимнингдир гапнутқидан сўнг). Оқсоқол деразанинг зиҳига омонатгина ўтириб, ҳаккам-дуккам соқол ўсган иягига қўлини тираб, ўйланиб қолди. Охири тилга кирди. С. Аҳмад, Ҳукм. Уч-тўрт дақиқалик сукутдан кейин Отабек тилга келди. А. Қодирий, Ўтган кунлар. **Тилга олмоқ** Гап-суҳбат давомида кимса ёки нарса ҳақида гапирмоқ, эслаб гап айтмоқ; умуман, бирор сўзни айтмоқ. Кейин у ўзига ўзи танбеҳ берди: «Ёмонликни тилга олма, Нормат, бундай бўлиши мумкин эмас». И. Раҳим, Чин муҳаббат. Уста «подшоҳ» сўзини тилга олгани сабабли, Маъсумабека лабини тишларди. Мирмуҳсин, Меъмор. **Тилдан айрилмоқ (ёки қолмоқ)** Сўзлаш қобилиятини йўқотмоқ. Пиримбой, уруш бошланганда, ёнғоқнинг тағида ухлаб қолиб, тилдан айрилдим, деб то уруш тугагунча гунг бўлиб юрган экан. Ў. Усмонов, Сирли соҳил. Ҳатто тилдан қолган касалнинг розилик тилашиб қарагани ҳам дунёдан умид узгани эмас.. А. Қаҳҳор, Асарлар. **Тили айланмаслик** Тили гапга келмаслик, гапиролмай қолмоқ. Мунаввар ялт этиб қаради. Рўзининг лаблари титраб, тили айланмай қолди. «Муштум». **Тили бормаслик** Бирор нарса дейишга ботина олмаслик, кўнгли бўлмаслик. Кўп вақтдан бери миялда бор-у, лекин айтишга тилим бормай келади. М. Исмоилий, Фарғона т.о. Кўнглига келган гапни очиқ айтишга Низомжоннинг сира тили бормасди. С. Аҳмад, Уфқ. **Тили гапга келмаслик** Гап-сўз айтолмай қолмоқ. Довдираб қолганимдан, тилим гапга келмай, «а-а», «а-а» дейман нуқул [деди Саид]. Э. Раимов, Ажаб қишлоқ. **Тили келишмаслик (ёки келмаслик)**

Талаффуз қила олмаслик, айта олмаслик. [Ҳамроқулни] Чақирган киши томошабоғнинг қоровули Уста кулол эди. Унинг асли оти Стокгулов. Ҳамроқул, айтишга тили келишмай, Уста кулол кўйиб олган. А. Қаҳҳор. Томошабоғ. **Тили келмаслик** Гапира олмаслик, сўзлай олмаслик. Утирган жойида қозиқдек қоқилиб қолган эди, қутидорнинг олдига юришини-да билмас, сўзлашга ҳам тили келмас эди. А. Қодирий, Ўтган кунлар. **Тили чиқмоқ** 1) гапирадиган бўлмоқ, гапиришга ўрганмоқ. Уғлимнинг тили чиқиб қолди, баъзи сўзларни айтаяпти; 2) гапирадиган, гапиришга журъат этадиган бўлмоқ. -Тилинг чиқиб қопти! - У Нафисанинг юзига тарсаки тортиб юборди.. Мирмуҳсин, Топилган хусн. **Тили қисик** Ҳеч нарса дея олмайдиган, қарши гапира олмайдиган ҳолатли. Уочқўзлар бундан кейин ҳам мени қўшишмайди.. Улар олдида ҳар вақт тилим қисик. Ойбек, Танланган асарлар. Унинг тили қисик бўлишига сабаб бўлган гуноҳи шундай содир бўлган эди. А. Қаҳҳор, Қўшчинор чироқлари. **Тили қичимоқ ёки тилини қичитмоқ** Сўзлашга хоҳиш кўзгалмоқ (кўзгатмоқ). Бу йигит жуда тегишқоқ бўлиб.. бу гапни ҳам унинг тилини қичитиш учун айтган бўлса керак.. А. Қаҳҳор, Қўшчинор чироқлари. **Жўра, оти** ҳақида гап сотишини яхши кўрарди, дарров тили қичиди. Ойбек, Танланган асарлар. **Тилининг учуда турибди** Бирор сўз, гапнинг ёдига тушай деб, айтил-айтай деб турган ҳолатни қайд этади. [Заргаров: (ўйлаб)] Тилимнинг учуда турипти-я! Хайр, майли, кейин айтаман.. А. Қаҳҳор, Оғриқ тишлар. [Саид:] Сенинг иккинчи отинг нима эди, ҳозир тилимнинг учуда турувди. Э. Раимов, Ажаб қишлоқ. **Тилини боғламоқ** Гапирмайдиган қилиб кўймоқ, гапдан тийиб кўймоқ. Бусуни зиёфат ўқитувчилар билан орани мустаҳкамлаш, Саодатхоннинг тилини боғлаш учун қилинган. С. Зуннунова, Янги директор. ..бу гапни кампирнинг тилини боғлаш ва, назарида, дурустгина гап тополмай қулдираб утирган Зуннунхўжага луқма солиш учун айтди. А. Қаҳҳор, Қўшчинор чироқлари. **Тилларда дoston** Бирор кимса ёки нарсанинг ҳамманинг оғзидан тушмай, таъриф-таъсифда бўлган ҳолатини билдиради. Пахта-си, ширин-шакар меваси туфайли Ўзбекистон номи тилларда дoston. «Саодат». -Келиннинг сулувлиги Марғилонда маълум экан-

ми? – Маълум экан, тилларда дoston экан. А. Қодирий, Ўтган кунлар.

**3** Фикр ифодалаш жараёни ва бу жараёнда юзага келувчи сўз, ибора, гап, нутқ. *Тил билан дил бир хил бўлиши керак. Тўғри тил тошни ёради, эгри тил – бошни.* Мақол. ■ *Беш яшар Тургунбой ширин гўдак тилидан: -Сиз зўрми, дадам зўрми? – деди-да, уялиб, бошини кўрпасига яширди.* Ойбек, Танланган асарлар. *Банди шўрлар, қулоқ солгин тилима.* «Эрали ва Шерали».

**Тил бириктирмоқ** Ўзаро келишиб олмоқ, бирор иш бўйича (одатда, кимлардандир яширин ҳолда) бир фикр-хулосага келиб олмоқ. *Синглинг қиз дилини билиб чиқсин. Хўп деса, тил бириктириб, бир кечада ура қочасанлар.* Ойбек, Танланган асарлар. *Ҳисобчи Раҳим Ҳайитбоев билан тил бириктириб.. колхознинг ўнлаб қўйини саранжом қилиб юбордик.* «Муштум». **Тил тегизмоқ** Иззати нафса тегадиган, умуман, тегадиган номақбул гап қилмоқ. *Агарда устод Қавом ҳазратлари хонадонига яна бир нима деб тил тегизсангиз, муҳтарам аямларга айтиб берман.* Мирмуҳсин, Меъмор. *Бунинг оқибати, албатта, ёмон. Уламоларга асло тил тегизмангизлар, Абдишукур!* Ойбек, Танланган асарлар. **Тил топишмоқ** Ўзаро бир фикр-мулоҳазага келмоқ, шундай ҳолатда иш тутмоқ. *Кулоллар билан тил топишиб, ложувард кошинларни ўз вақтида етказиб беришажагига ишонган Меъмор.. Аҳмад Чалабий билан ҳам очилиб, қувнаб гаплашарди.* Мирмуҳсин, Меъмор. **Тил тортмаслик** Тил гапга келмаслик, ҳеч нарса деёлмаслик. *Тил тортмай ўлмоқ.* ■ *Георгадзе дайди ўққа дуч келиб йиқилди, йиқилди-ю, тил тортмай қолди.* Т. Рустамов, Мангу жасорат. **Тилга тушмоқ** айн. **оғизга тушмоқ** қ. **оғиз.** *Йирик корхонада чиниқиб, кўзи пишган қизнинг номи тилга тушиб қолди.* Газетадан. **Тилдан қолмоқ** Сўзлаш қобилиятини йўқотмоқ. *Гапирай деса, тилдан қолганга ўхшайди.* С. Аҳмад, Лаъли Бадахшон. **Тили узун** Ҳар нарсани гапираверадиган, тап тортмай, ҳадди сиғиб айтаверадиган. *Бу замонда.. ким бой бўлса, унинг оғзи катта, тили узун.* Ойбек, Танланган асарлар. *Бегимхоннинг тили узун бўлиб кетди. Энди у нима деса, дея олади.* И. Раҳим, Чин муҳаббат. **Тилидан бол томмоқ** Муомаланинг ўта ёқимли, «ширин» эканлигини қайд этади. *Низомиддиннинг*

*исмини Қавом ҳазратлари қўйганлари, Бадиани келин қиламан, деб тилларидан бол томиб гапирганлари ҳаммага маълум-ку!* Мирмуҳсин, Меъмор. **Тилидан туширмаслик** (ёки **қўймаслик**) Доим эслаб тилга олмоқ, у ҳақда доим гапириб юрмоқ, доим тилида бўлмоқ. *Сени, бошқа курсдошларини тилидан қўймайди.* ■ *Бувим ойимларни яхши кўрардилар. Ҳозир ҳам сира тилларидан қўймайдилар.* Э. Раимов, Ажаб қишлоқ. **Тилини бермаслик** Ўз гапида туриб олмоқ, гапини маъқуллайвермоқ. *Ёш бўлса ҳам, тилини бермайди.* ■ *Биласанми, тўртта одамнинг орасига кириб, ҳали тилимни бермаганман-а!* С. Аҳмад, Ханка билан Танка. **Тилини кесмоқ** Гапидан тўхтатмоқ. *Тўқли мерган Тўғонбекни мақташга бошлаган эди, Тўғонбек унга хўмрайиб, тилини кесди.* Ойбек, Навоий. **Тилини тиймоқ** Гап айтиш (гапириш)дан ўзини тутмоқ. *Дарवेश гов яна бу ерда ҳам тилини тиймай, чатоқ қилди.* Барча бекларни ёмонлаб, қарғаб, оловга мой сепди! П. Қодиров, Юлдузли тунлар. **Тилини тишламоқ** Мажбурий ёки пушаймон ҳолда гапдан тўхтамоқ, гапирмаслик. *Зулфиқор бу гапни эшитиши билан тилини тишлади, сукут қилди.* Мирмуҳсин, Меъмор. *Бир кун кечди тилини тишлаб, На хурсандман, на хафа ундан.* Р. Парфи, Кўзлар.

**4** Фикр ифодалаш, алоқа қуроли бўлиб хизмат қиладиган товуш, сўз ва грамматик воситалар тизими. *Ўзбек тили. Рус тили. Инглиз тили. Форс тили. Чет тилларни яхши билмоқ.* ■ [Зайниддин] *Ҳиротнинг кўча йиғитлари билан уларнинг ўз тилида, руҳида бир нафас ҳангамалашар..* Ойбек, Навоий. *Одатда ижодкор бирон китоб ёки ҳужжатни бир тилдан иккинчи тилга таржима қилмоқчи бўлса, у аввало ўша оригиналнинг том маъносини чуқур билмоғи лозим.* Х. Ёдгоров, Ҳаёт тўлқинлари.

**Она тили** Инсон ўз миллатига мансуб кишилар доирасида ўрганган, шу миллатга мансуб бўлган тил. *Она тилим – ўзбек тили.* ■ *Меъморнинг сезишича, бу гўлдираш уларнинг ўз она тилида эди.* Мирмуҳсин, Меъмор.

**5** Нутқнинг ўзига хос ифода воситалари ва б. хусусиятлари фарқланадиган бир тури. *Бадий асар тили. Сўзлашув тили.* ■ *Дехқонларнинг тили билан айтганда, йўғон чўзилиб, ингичка узиладиган пайт.* Н. Фозилов,

Дийдор. *Болангизнинг бир мартаба «дада» деганини эшитсангиз, ҳар қанақа кек эсдан чиқади. Ёш баланинг тили ҳар қанақа кўнгилни эритади.* А. Қаҳҳор, Кўшчинор чироқлари.

**6** кўчма Инсондан бошқа нарсаларнинг ўзаро бир-бирини тушунишга хизмат қиладиган воситаси, ифода воситаси (белгиси). *Қуш тилини қуш билади.* Мақол. ■ *Узоқ-яқинларда турли-туман қушлар ўз тилларида дилшодлик қиладилар.* М. Исмоилий, Фаргона т. о.

**7** ҳарб. Керакли маълумот олиш мақсадида қўлга олинган, тутиб келтирилган ҳарбий асир. *Қўмондонлик Остонақулар келтирган «тил»дан ҳужум жангининг планини тузиш учун энг керакли маълумотларни олди.* А. Раҳмат, Элик бир баҳодир.

**8** Бирор нарса, иш-фаолиятнинг моҳияти, сири ва ш.к. *Ернинг тилини билмоқ.* ■ *Рустам деҳқончиликнинг тилини яхшигина ўрганган.* Ойбек, О. в. шабадалар. *Бу ерда, цехлар ичра станок тилин, Бошдан оёқ ўрганган ҳаракат йўлин.* Файратий.

**ТИЛАК 1** Бирор истак, ният билан, ниманидир тилаб айтилган гап, дуо ва ш.к. *Тила тилагингни.* ■ *Менинг биринчи ҳолис тилагим, албатта, маълум халқ тилидан бўлади:* бундан сўнг Тошкент ҳокимлигига ҳар қандай бўлмағур одам қўйилмасин. А. Қодирий, Ўтган кунлар. *Мулла Абдураҳим қурбондан қисқа бир оят ўқиб, хон ҳазратларига энг олий тилаклар билдирди-ю, ниҳоят, мақсадада ўтди.* П. Қодиров, Юлдузли тунлар. *Ҳордиқларига бўлар Шу қиз баъзан овуноқ, «Ёмон кўздан асрасин» Тилаги бўлар ҳар чоқ.* Файратий. *Худо ўз паноҳида асрасин.. ҳеч бўлмаганда, шу тилагимга етказсин худо!* М. Исмоилий, Фаргона т. о. *Қўлда қадаҳ, тилда эса тилаклар.* Ё. Мирзо.

**2** Бирор нарсани амалга ошириш, унга эришиш учун бўлган ички интилиш, ҳиссиёт; истак, ният. *Бир ҳафтадан кейин тоғам ҳақида бирор маълумот олиш тилагида Муроджон ишлаб турган корхонага қараб жўнадим.* Файратий, *Узоқдаги ёр. Уста узун ва қалин мўйловини қимирлатиб, Ойқизни юпатиш тилагида гапирди.* Ш. Рашидов, Бўрондан кучли. *Райимжон ўн олти яшар йигитчалик вақтидаёқ унда тракторни бошқариш тилаги тугилди.* Ҳ. Нуъмон, *Ўз касбининг эгаси.*

**ТИЛАҚДОШ** Кимсанинг тилагига, орзу-мақсадига эришувини истовчи. унинг тилагига шерик бўлган шахс; хайрихоҳ. *Жалил аканинг келгусида амалга оширмақчи бўлган режалари анчагина. Бу режаларнинг амалга ошувига тилақдошимиз.* Газетадан.

**ТИЛАМОҚ 1** Бирор истак, тилак, ният билдирувчи сўз, гап айтмоқ. *Ҳазратим, мен мунглиқ қизингиз сизга худодан Шайх Саъдийнинг умрини тилайман! Илоҳим юзга киринг!* П. Қодиров, Юлдузли тунлар. *Утилида «Майлингиз», деса ҳам, дилида «Худо оқ йўл берсин», деб тилади.* М. Исмоилий, Фаргона т. о. *Ўзбекларда агар катта хурсандчилик тилайдиган бўлса, «Тўй устига тўй бўлсин!» дейишади.* Т. Обидов, Юсуфжон қизик.

**2** кам қўлл. айн. **ТИЛАНМОҚ.** *Бирор егулик тиламоқ.* ■ *Қизик экансан, оёғидагини ечиб берадим, бу ердагилар ҳаммаси — гадойдан нон тилайдиган қашшоқлар.* Ойбек, Танланган асарлар. *Жулдур-жулдур қўсқига ўраниб олган букур чол аяч овоз билан ёлвориб, бир нарса тилади.* А. Мухтор, Опа-сингиллар.

**Тилаб олган боламни эчки тепиб ўлдирди** Қийинчилик билан қўлга киритилган нарсасидан ажралганлик ҳақида айтиладиган мақол.

**3** Хоҳламоқ, истамоқ. *Сиҳат тиласанг, кўп ема, Иззат тиласанг, кўп дема.* Мақол. ■ *Анвар ака.. эртага чаҳоршанба кечқурун, тиласангиз — очиқча, тиламасангиз, яширинча бўлса ҳам, бизникига келинг..* А. Қодирий, Мехробдан чаён. *Қиятга ёрдамга? Уйимизга қон тилаб бостириб келгани учунми? А. Мухтор, Қорақалпоқ қиссаси. Унинг истиқболига туришни ва бўйнига осилиб йиғлашни тиласа-да, қаршисидаги «олабўжлар» бунга моне эдилар.* А. Қодирий, Ўтган кунлар.

**ТИЛАМЧИ** с. т. Тиланчи, гадой. 1949 йилнинг 8 августида «Тиламчилар» сарлавҳаси билан ёзилган очерким эълон қилинди. Н. Сафаров, Оловли излар.

**ТИЛАНМОҚ** Беришни сўраб илтижо қилмоқ (егулик, ичгулик нарсалар ҳақида); тиланчилик қилмоқ. [Ҳайдар] *Ҳар кун бозорларни айлиниб, қаландарлар одатича, ғоят оддий тирикчилиги учун керакли нарсаларни тиланиб топарди.* Ойбек, Навоий. *Бола, нон олиб чиққан киши борки, қўлини чўзиб тиланар, бир-икки қадам эргашиб борар.. бер-*

маса, ҳафсаласи пир бўлиб, яна тўдага ўзини урарди. Р. Файзий, Ҳазрати инсон.

**ТИЛАНЧИ** Кишилардан бирор нарса (садақа) тилаб, тирикчилик қилувчи киши; гадоӣ. *Очлар, юпунлар кўп. Тиланчилар орқангиздан эргашгани эргашган. Ҳ. Фулом, Ҳамкасблар гурунгида. Зокирбой унинг [Ҳодиқулнинг] рўпарасида, садақа сўраб келган тиланчидай, бир лаҳза сўзсиз турди. С. Кароматов, Бир томчи қон. «Масжиди жоме» бўйлаб ҳар қадамда гадоӣ: қаландарлар, тиланчи болалар, кампирлар. Ойбек, Танланган асарлар.*

**ТИЛАНЧИЛИК** Тиланчи иши, нарсасадқа сўраш. *...Лекин тиланчилик, тўгрисини айтсам, ёмон нарса, ишланг.. Ойбек, Танланган асарлар. Ҳей.. шундай бадном қилиб қувамани, тиланчилик қилсанг, кишилар садақа ташламайди. Шухрат, Жаннат қидирганлар. Ёул четларида утирган майиб гадоӣлар, тиланчилик қилиб юрган чол ва кампирлар.. кўз ўнгидан бир-бир ўтди. П. Турсун, Ўқитувчи.*

**ТИЛАР-ТИЛАМАС** айн. **истар-истамас**. *Офтоб ойим.. тилар-тиламас, «ўзингиз биласиз» жавобини берди. А. Қодирӣ, Ўтган кунлар. Дилдор, тилар-тиламас, конвертни қўлига олди. Хатга қараб, ранги оқарди. С. Ахмад, Уфқ.*

**ТИЛЁҒЛАМА 1** Мунофиқона хушмуомалалик, ширинсўзлик билан кишининг кўнглини олишга қаратилган, алдовчи; лақиллатувчи, (гап-сўз, муомала ҳақида). *Директорнинг тилёғлама гаплари Мақсуд акани бўшаширди. Газетадан. Инспектор олди-га кириб борганимда, у мени мунофиқона тилёғлама сўзлар билан қабул қилди. М. Муҳаммаджонов, Турмуш уринишлари.*

**2** Шундай муомалани касб қилиб олган шахс. *-Мен тилёғлама одамни ёмон кўраман! - деди Алижон Фаридога. Мирмуҳсин, Чиниқиш. Қўшилар сени ўлгудек тилёғлама дерди-я, дарҳақиқат, шакаринг тилингда, захаринг дилингда экан! «Таниш башаралар».*

**ТИЛЁҒЛАМАЛИК** Тилёғламага хос муомала, шундай муомалада бўлиш, шундай муомала билан иш тутиш. *Ҳар қандай меъёр унутулиб, тошни ҳам эритиб юборадиган тилёғламалик бошланди. Ф. Мусажонов, Ҳиммат. Қумрининг таъби хира бўлди: «Катта йиғинда минбардан айтилган гаплари ҳам*

*шунчаки тилёғламалик экан-да», - ўйлади у. Мирмуҳсин, Қумри ва Таманно.*

**ТИЛЁҒЛАМАЧИ** айн. **тилёғлама 2**.

**ТИЛЁҒЛАМАЧИЛИК** айн. **тилёғламалик**. *Ҳасан овчи эликбошининг тилёғламачилигига эътибор бериб ўтирмади. Ш. Тошматов, Эрк қуши.*

**ТИЛИК** айн. **тилим**. *Бир тилик қовун. ■ Улоқчи сопиға феруза қадалган чиройли пичоқ билан умбурвоқидан бир тилик кесиб, Ўсаржонга узатди. Ойбек, О. в. шабадалар. Бекат биноси устида гумбаз. Бу гумбазга санчилган узун калтак учида ҳандалакнинг бир тилигидай ой рамзи. Ш. Тошматов, Эрк қуши.*

**ТИЛИКЛАМОҚ** айн. **тилимламоқ**. *[Қовунни] Шартта узиб, толнинг тағига бордим. Тиликлар ея бошладим. Ф. Фулом, Тирилган мурда. Ерга чордана қуриб, ёнидан пичоқ чиқарди-да, қовунни тиликлади. «Ёшиқ».*

**ТИЛИМ** Нарсаларнинг (асосан, полиз маҳсулотларининг) узун-узун қилиб тилиб, кесиб ажратилган ҳар бир бўлаги; тилик. *..ўйда қаттиқ толиққанлиги учун дуруст овқат ҳам емади. Фақат бир-икки тилим ҳандалак еди-ю, уч-тўрт пиёла чой ичди. П. Қодиров, Юлдузли тунлар. Даламизда қовун мўл, тилими тили ёрар. Р. Бобожон.*

**ТИЛИМЛАМОҚ** Тилим-тилим қилиб кесмоқ; тиликламоқ. *Гўшти тилимламоқ. Тарвузни тилимламоқ. ■ Эрматов.. ҳанда-лакларни.. тилимлаб, одамларга улаша кетди. Ойбек, О. в. шабадалар. Жалоҳон яримта қовунни тилимлаб ташлади. Р. Файзий, Чўлга баҳор келди.*

**ТИЛИМ-ТИЛИМ** Кўп жойидан тилинган, ёрилган ёки бир неча узун-узун бўлақларга бўлинган; тилимланган. *Қовунни тилим-тилим қилиб кесмоқ. Гўшти тилим-тилим қилиб тузламоқ. ■ [Худойқулнинг] Оёқлари совуқдан тилим-тилим ёрилиб кетган. П. Турсун, Ўқитувчи.*

**ТИЛИШ 1** Тилмоқ фл. ҳар. н. *Тахта тилиш.*

**2** Тилик, тилим. *Бир тилиш гўшт.*

**ТИЛИШЛАМОҚ** с. т. Тилимламоқ. *Гўшти тилишламоқ. Чармни тилишламоқ.*

**ТИЛКА** Бўлак-бўлак, пора-пора. *Тилка қилмоқ. Тилка бўлмоқ. ■ Қиз ҳам шундай остонасида Турди тўсиб ёпиқ эшикка, Қуёшдан узилган сайёра Каби танҳо жигари тилка. Зулфия.*

**ТИЛКАЛАМОҚ** Парча-парча, тилка-пора қилмоқ. Қани, куч бўлса-ю, тоғни тилкаласан.. Миртемир. Қоп-қора осмонни чақмоқ тилкалаб ўтди.. А. Мухтор, Опа-сингиллар.

**ТИЛКАЛАНМОҚ** Тилкаламоқ фл. мажҳ. н. Ёнбағирлардаги қовжираган ўтлоқлар ёмғирдан қорайиб, жилга излари билан тилкаланиб кетган. А. Мухтор, Чинор.

**ТИЛКА-ПОРА** Парча-парча, майда-майда қилинган; тилка-тилка. Кийимлари тилка-пора.

**Тилка-пора бўлмоқ** Парча-парча, майда-майда бўлмоқ, тилкаланмоқ. -Энди уйга қандай кираман? - деди Мансур тилка-пора бўлган кийим-бошига қараб. Ё. Шукуров, Уч савол. Жаҳаннамга айланган жанг тингандан сўнг тилка-пора бўлган ер ҳам.. гўё ҳорғин нафас оларди. Ойбек, Куёш қораймас. **Тилка-пора қилмоқ** 1) парча-парча, майда-майда қилмоқ, тилка-тилкасини чиқармоқ, Шу ернинг ўзида подшоҳ кишилари уни тутиб олиб, тилка-пора қилиб ташлаган эди. Мирмуҳсин, Меъмор. Йигит-қизлар яшнаб бо-раётган чўлни, янги қурилаётган иморатларни, тепаликни тилка-пора қилаётган эскаторни томоша қилишарди. Р. Файзий, Чўлга баҳор келди. **Тилка-пораси чиқмоқ** айн. **тилка-пора бўлмоқ**, Кўприкнинг тилка-пораси чиқиб кетди. С. Аҳмад, Ойдин кечалар. Ҳа, ер қучиб ётар энди, чиқиб тилка-пораси. О. Ҳакимов.

**ТИЛКА-ТИЛКА** айн. **тилка-пора**. Унинг қўл-оёқлари кишанланган, сочлари юлинган, кийимлари тилка-тилка қилинган эди. Ойдин, Гулсанам.

**ТИЛЛА** [ф. طلا / تله - олтин, зар] 1 айн. **олтин** 1. Бир грамм тилла. ■ Шу пайтдан тиллага ишқи тушиб қолаенига ўлайми у хумпарнинг. Ф. Мусажонов, Ҳиммат.

2 Шу металлдан зарб қилинган пул, ундан ясалган қимматбаҳо буюм; бойлик. [Канизакнинг] Кўмиб қўйган тилласи йўқдир, кўмиб қўйган тилласи бўлганда, бўйдоқ йигитга тегар эди. А. Қаҳҳор, Қўшчинор чироқлари.

3 тар. Қиймати ўн сўмга тенг бўлган тилла танга. Ҳожидан кулумсираб, қўлидаги уч-тўртта оқ танга билан битта тиллани Ойбодоққа узатди. А. Қодирий, Ўтган кунлар.

4 кўчма Энг яхши, қимматли нарса ёки сеvimли киши ҳақида. Нигора кўрпада чал-

қанча ётиб, хаёлга чўмди. «Даданг билан бирга овга ҳам чиққанмиз, тилла одам эди», деди ўша чўпон. Дадаси тилла одам бўлганми-йўқми - Нигора билмайди. С. Анорбоев, Оқсой. - Жўравойни айтмайсизми! Мен одамнинг бунақа тилласини кўрмаганман, - деди Умурзоқ ота. Ҳ. Фулом, Машъал.

5 бот. Воҳаларда, суғориладиган ерларда ўсадиган кўп йиллик, ялпоқ бошоқли ўсимлик.

6 Тилла (эркаклар ва хотин-қизлар исми).

**ТИЛЛАДЎЗ** [ф. طلادوز - тилла, зар тикувчи; зардан тикилган] кам қўлл. айн. **зардўз**.

**ТИЛЛАДЎЗИ** [ф. طلادوزى - зар билан тикиш; зар билан тикилган] кам қўлл. айн. **зардўзи**. У [элич] тумтароқли сўзлар билан Тўмарисни қўтулғлар экан, мулозимлари тилладўзи чопон ва ҳарир қўйлақлар тузилган зарбоф бўғчани унинг оёғи остига қўйдилар. М. Осим, Тўмарис. Шоҳ. сарой аҳлига фармонлар берди: Устод Саид саройда қолади, унга тилладўзи тўн кийгизилсин! А. Мухтор, Чинор.

**ТИЛЛАКОР(И)** [ф. طلاكارى - тилла, зар, зарҳал билан безатилган, ишланган] Тилла билан безатилган. Тиллакор эгар. ■ У [Ҳусайн Бойқаро] ўзининг тахти турган тиллакори хонага эмас, унга ёпишган кичик хонага кирди. Ойбек, Навоий. Мулла Фазлиддин Ҳиротдан келиб, Андижон чорбоғида подшоҳ оиласи учун тиллакори кўшк қурган пайтларида, ўн олти ёшли Хонзода бегим.. ўзининг суратини чиздирган. П. Қодиров, Юлдузли тунлар.

**ТИЛЛАШМОҚ** с. т. 1 Чет (бегона) тилда ёки ўзига хос «тил» билан гаплашмоқ, муомала қилмоқ. Бу кишининг гапига тушунма-яйман, тиллашиб беринг. ■ Баъзан эса қабулхона секретарига: «Кўнғироқ қилган киши мебелдан гап оча бошлаши биланоқ, унга директор билан тиллашаверинг дегин», деб уқтириб кўяди. О. Юнус, Қочинг, телефон жиринглаяпти. Иккаласи анордек қизариб, кўзлари орқали тиллашиб, шўх табассум билан чеҳралари атиргулдек очилиб, бир-бирларини туртиб, қувлашиб кетишарди. А. Муҳиддин, Ҳ. Тожибоев, Оташ қалбли қиз.

2 кўчма Баъзи нарсаларнинг сирини, «тили»ни билиб, улар билан муомала қилмоқ, иш битирмоқ. Ҳамдамжоннинг номи, иш фаолияти.. касбдошларига яхши маълум: кўп ишлардан бери техника билан тиллашади.



Газетадан. *Искандар кундузлари машиналар билан «тиллаш»са, кечалари янги инструкция, чизмалар билан «сухбатлашиб» чиқади. Ҳ. Назир, Ўтлар тугашганда.*

**ТИЛЛАҚОШ** Хотин-қизларнинг тилладан ясалган ёки тилла суви югуртирилган, пешонага тақиладиган безак буюми. *Заргар ясар тиллақош, Келинчақлар тақсин деб, Йиғлаб олай, маржон ёш Оқ юзимга оқсин деб. «Кўшиқлар». Назокатга келин либоси кийдирилиб.. бўйнига дур-марварид, ёқут, олмос кўзли кумуш тумор, пешонасига тиллақош тақишади. С. Анорбоев, Меҳр.*

**ТИЛЛАҚЎНҒИЗ** Баҳор, ёз ойларида пайдо бўладиган, ярқироқ яшил рангли кўнғиз. *Худди енгил шамол каби Зир югуриб боғларда, Ёки қувиб тиллақўнғиз, Гулзорларда ўйнардим. З. Диёр.*

**ТИЛЛО** юк. усл. Тилла, олтин. [Тошкентнинг] *Табаррук тупроғи зару тиллодан. М. Шайхзода, Тошкентнома. Уч-тўрт йиллардан бери ўрдада мирзолик қилиб, неча тилло моҳиёна олар эмиш. А. Қодирий, Меҳробдан чаён.*

**ТИЛМА** Тилимлаб кесиб ҳосил қилинган. *Тилма жўяк. ■ Тилма зовурдан чиқиб, тупроқ уюмидан сакраб ўтган Алижон қайтарма этигига ёпишган тупроқни жаҳл билан қоқди. Ҳ. Нуъмон, Фасллар.*

**ТИЛМАЛАМОҚ** кам қўлл. Тилимламоқ, тилишламоқ. *Асл қизил олмалар, Уни қизим тилмалар. М. Шайхзода, Тошкентнома.*

**ТИЛМОЧ** эск. Бир тилдаги гап ёки нутқни бошқа тилга оғзаки таржима қилиб берувчи; таржимон. *Ҳоким гап нима тўғрисида кетаётганлигини тилмочдан сўраб, Тешабойга кулиб қўйди — тарғил кўзлариди галати бир сирнинг ўти чақнади. М. Исмоилий, Фарғона т. о.*

**ТИЛМОЧЛИК** Тилмоч иши, касби. *Рус прорабининг гапига Абил тушунмади. Ёшгина бир йигит тилмочлик қилиб юборди. Газетадан. Тил билганлар тилмочлик қилиб, хоннинг гапини кўнғиротларга тушунтирди. «Ёдгор».*

**ТИЛМОҚ 1** Пичоқ ва ш.к тигли нарса билан узунасига кесмоқ, қирқмоқ, ёрмоқ. *Насимийни тириклайин товонидан тилишган ва терисини шилишган. Миртемир, Дўстлар даврасида. Этларимни ништар билан тилсинлар.. мен сиздан ажралмайман. Ҳамза, Бой ила хизматчи. Жилғанинг бошидан оёғигача сўқа билан тилиб, ариқ очилса-да,*

*тоғолча билан ёнғоқ эжилса.. С. Анорбоев, Оқсой. Қонли кўйлакни Қоратой эҳтиёт билан тилиб, ярани очди. Ойбек, Танланган асарлар.*

**2** Тилим-тилим қилиб кесмоқ; тилимламоқ. *Қовунни тилиб қўймоқ. Гушитни тилиб тузламоқ. ■ Шаҳарда қоровуллик қиламанми, қовун тилиб сотаманми — менинг ишим. «Муштум».*

**3** Ёғоч ёки тахтани узунасига арраламоқ. *Бир куни.. меҳнат дарсида битта кўзлик тахтани тилаётиб, электр аррани синдириб қўйдик. Э. Раимов, Ажаб қишлоқ. Симёғочлар ҳам, тилса, жуда сўрибон экан. А. Мухтор, Чинор.*

**4** Тирнаб ёки юлиб, узун из ҳосил қилмоқ. *Стол устидаги бир тахта ойна майда-майда бўлиб, Саидийнинг билак ва панжаларини тилди. А. Қаҳҳор, Сароб. Саломат бутун кучини йиғиб, боғма-боғ ошиб кетди. Тиканлар оёғини тилди. С. Аҳмад, Ҳукм.*

**Бағрини (ёки кўксини, юрагини, қалбини) тилмоқ** Юрагини доғламоқ, яраламоқ, вайрон қилмоқ. *Рангимизга қон кирди, Душман бағрин тилибди. «Кўшиқлар». Нега энди қалбимни тилдинг?! Нега қилдинг севгига ошно. Сайёр.*

**ТИЛОВАТ** [а. تلاوت — (овоз чиқариб) ўқиш; ўқиб чиқиш] дин. Қуръон ўқиш, қуръондан бир сура ўқиш. *У дарё бўйида хуфтон намозини ўқиди. Углининг руҳига тиловат қилиб, кўздан ёш тўкиб бахшида қилди. Мирмуҳсин, Меъмор. Гулниёз оҳиста одимлаб бориб, мақбаранинг ёнгинасида тиз чўкди, қироат билан тиловат қилди. Шухрат, Жаннат қидирганлар.*

**ТИЛОҒОЧ** Ёғочи жуда қаттиқ, узун, игнабаргли дарахт. *Ҳозирги кунда саноатимиз ошловчи моддани тол, тилоғоч, қарағай каби дарахтларнинг пўстлоқларидан ва бошқа қисмларидан олади. «Фан ва турмуш».*

**ТИЛСИЗ 1** Оғиз бўшлиғида тили бўлмаган, тили йўқ.

**2** Сўзлаш қобилиятига эга бўлмаган, сўзлай олмайдиган. *Бечора тилсиз жонивор эгасининг бу жинниликларига қулоқларини жимгина чимириб чидаб берган. С. Анорбоев, Оқсой. Йўлчи тилсиз каби, ғайришуурий равишда бошини чайқади. Ойбек, Танланган асарлар.*

**3** Кўчма Гап-сўзсиз, индамай. *Унсин ҳам, кампир ҳам ҳаракатсиз, тилсиз қотиб қолдилар. Ойбек, Танланган асарлар. Мендан*

тилсизгина бир нарса сўрар, Ёлбориб фикримга термилади у. Р. Парфи, Қўзлар. Қутилмаган газабга учраган Бозоров нима дейишини билмай, тилсиз, ҳаракатсиз ёғочдай қотиб турарди. И. Раҳим, Чин муҳаббат.

4 кўчма Чурқ этган овоз эшитилмайдиган, жимжит. Бир кун тилсиз кечанинг Қириб қўйнига, Ашурни йўқ қилишини Олди бўйнига. Ғайратий.

**ТИЛСИЗ ЁВ** Гапга тушунмайдиган, қулоқ солмайдиган; шафқатсиз, золим. Қуруқ аёз — тилсиз ёв. Мақол. ■ Лашкаримни ютар эди аждаҳо, Бўлолмадим тилсиз ёвга баробар. «Ширин билан Шакар».

**ТИЛСИЗЛАНМОҚ** 1 Сўзлаш қобилиятини йўқотмоқ, гапиролмай қолмоқ.

2 кўчма Бирор эътироз ёки жавоб айтолмай, лол бўлиб қолмоқ.

**ТИЛСИМ** [а. *طلسيم* — тумор; сирли, махфий ёзув; сир] 1 Сеҳрлаб қўйилган, сеҳрли нарса; ҳеч ким кира олмайдиган сеҳрли жой. Тантубойвачча бобиллади: -Дев пойлаган тилсимдан уни қайси мард олиб кетди? Ойбек, Танланган асарлар. Ишчининг бу сўзлари Сергейга тилсимнинг калитига ўхшаб туюлди. Ҳ. Фулом, Машғал.

2 кўчма Ҳар қандай сирли, нарасини билиб, топиб бўлмайдиган. яширин жой. Эҳтимол, жавоҳир сақлаган сандиқ, Тилсим бойликларга кондир бу тақир. Уйғун, Ҳаёт чақиради. Меъмор табиат даштни атайлаб ясаган, эй одамзод, тилсимини топ-у, ўзинга бўйсундир, шунда хизматингни ўтайверади. «Ўзбекистон кўриқлари».

**ТИЛСИМЛАМОҚ** Сеҳру жоду қилмоқ, ҳеч ким кира олмайдиган қилиб қўймоқ; сеҳрламоқ. Ёнида кашмир йўқ эдики, Иброҳимбекнинг кўзини боғлаб, тилсимлаб кетган бўлса! Ш. Холмирзаев, Қил кўприк.

**ТИЛСИМЛИ** 1 Сеҳрлаб, тилсимлаб қўйилган, тилсимланган. Тилсимли хазина. Тилсимли қалъа.

2 Ғайритабиий кучга эга бўлган; мўъжизакор, сеҳрли, сирли. Бектемир гўё умрида ойни илк дафъа кўргандек, қизиқиб қаради, қизчага тилсимли, ғалати уйинчоқни кўрсатгандек, бошини қимирлатди. Ойбек, Қуёш қораймас. Ер бағрининг разведкачилари тилсимли таёқчага эмас, балки ўз билим ва тажрибаларига суянишади. «Фан ва турмуш».

**ТИЛСИМОТ** [а. *طلسمات* — «тилсим» с.нинг кўпл.] 1 Тилсим, тилсимлар. Табиат тилсимотлари. ■ Султонмурод ўзини аллақандай бир тилсимот ичида сизди. Ойбек, Навоий. Ушатсам денгизлар тилсимотини, Сўнгсиз муҳитларнинг қулфин очолсам! Миртемир, Ўйлар.

2 Сеҳр, жоду. Жоду-тилсимотлар билан тоғни кўтарар. «Муродхон».

**ТИЛХАТ** Пул, ҳужжат, қимматбаҳо буюмлар ёхуд бошқа бирор нарса олганлигини тасдиқловчи расмий ёзма ҳужжат. Дехқон бир нарча ерини, уй-жойини гаровга қўйиб, кеч кузда юз сўмни юз йигирма сўм қилиб қайтаришга тилхат берар, тилхатга қози муҳр босиб, бойга узатарди. М. Осим, Тилсиз гувоҳ. Йўқотиб қўйманглар, заводдан тилхат билан олиб келдим. И. Раҳим, Чин муҳаббат.

**ТИЛЧА** 1 Тил 1 с. кичр.

2 анат. Оғиз бўшлиғида юмшоқ танглайнинг орқа чеккасидан пастга осилиб турадиган юмшоқ ўсимта.

**ТИЛЧИ** 1 Тил бўйича мутахассис, тилдан дарс берувчи шахс, ўқитувчи.

2 қ. тилшунос. Тилчи ва адабиётчи олимлар биринчи тадқиқотларини шу ерда бошлаганлар. «Фан ва турмуш».

3 эск. Гап ташувчи; чақимчи; жосус, шпион. Подиоларнинг қатнаб юрар элчиси, Элчиларнинг бўлар экан тилчиси. «Алпомиш». ..оёқяланг дехқонларни бундай мажлисларга яқинлаштириш керак эмас, ажаб эмаски, буларнинг ораларида большевикларнинг тилчиси бўлса. С. Айний, Қуллар.

**ТИЛЧИЛИК** 1 Тилчи иши, касби.

2 Гап ташиш; чақимчилик; жосуслик. У бизнинг оқсоқол бўлиб, биз томондан тортишиб талашиши лозим бўлса ҳам, амлоқдорга тилчилик қилади. С. Айний, Қуллар.

**ТИЛШУНОС** Тилшунослик бўйича мутахассис, олим. Машҳур тилшунос.

**ТИЛШУНОСЛИК** 1 Тилшунос иши, касби.

2 Тил ҳақидаги фан; лингвистика. Тилшунослик масалалари. ■ Ҳ. Бердиев машҳур тилшунос ва адабиётшунос олимлар раҳбарлигида тилшуносликка оид илмий асарлар ёзган. Назармат, Жўрлар баланд сайрайди.

**ТИМ** 1 [ф. *тим* — бозор (яқини)даги карвонсарой] Усти ёпиқ бозор; савдо растасининг баланд томи; карвонсарой. Ғарпча

мой!» Унинг жарангли овози растанинг тимини тешгундай янгарди. Ойбек, Танланган асарлар. Абдуллахон солдирган қуббали тимнинг ичи ари инидек ғувиллар эди. М. Осим, Элчилар. Матчон тўра карвонсарой томонга, тимга бурилди. Ж. Шарипов, Хоразм.

**ТИМ II** «Қора», «қоронғилик» каби сўзлар олдидан ишлатиладиган кучайтирув юкламаси. Тим қора соч. Тим қоронғи тун. ■ Отинойи олтмишларга борган, тишлари тушган, фақат тишқолидан тим қорайган икки тиши гапирганда лиқиллаб турар эди. Ойбек, Улуғ йўл. Тим қоронғилик ичида узоқдан юлдузлар жимир-жимир кўз қисар эди. Ойбек, Танланган асарлар.

**ТИМ III** шв. Мутлақо, сира, ҳеч. Хон Далли бу сўзларни эшитиб, юрагида тим тоқати қолмади, эри мард Ҳасанга қараб.. бир сўз деди. «Равшан».

**ТИМБОН** [ф. تیمبان — тим қоровули] Тим соқчиси, бозор қоровули.

**ТИМДАЛАМОҚ** Тирноқлар ёки ўткир учли буюмлар билан тилмоқ, юлмоқ; тирнамоқ. Мушук билан ўйнашма, тимдалаб олади. ■ Онасига юраги ачишиди. Хаёлида онаси сочларини юлиб, юзларини тимдалаб йиглаб турарди. М. Исмоилий, Фарғона т.о.

**Юрагини (ёки қалбини, ичини) тимдаламоқ** Худди тимдалаганда бўладиган (тимдалаш каби) руҳий азоб бермоқ, қалбда худди шундай ҳаракат содир бўлмоқ. Айиқчадан айрилиб, ичини нималар тимдалаётганини фақат ўзи биларди. Ж. Абдуллахонов, Орият. Бу қўрқинчли хабар икки кундан бери унинг қалбини тимдалар.. айтай деса, тили бермасди. Ш. Тошматов, Эрк куши. Бобур яқиндагина яйраб-яшнаб юрган онасини ҳозир бу аҳволда кўриб, юрагини бир нарса тимдалаб ўтди. П. Қодиров, Юлдузли тунлар.

**ТИМИ(Р)СКИЛАМОҚ** Пайпаслаб ёки титкилаб қидирмоқ, ахтармоқ. Чўнтагини тимирскиламоқ. ■ Кампир тимискилаб, нимчасини топди-да, елкасига ташлаганча, ўрнидан турди. С. Аҳмад, Ўйлар. Мадраим стол тагида турган чамадонни очди, тимискилаб, ниманидир ахтара бошлади. М. Муҳамедов, Қахрамон изидан.

**ТИМИ(Р)СКИЛАНМОҚ I** Тими(р)скиламоқ фл. ўзл. ва мажҳ. н. Ёнидаги шериги

Аҳмад ҳам.. тимискилана бошлади. Ойдин, Дўндикдан ҳам ёш экан.

**2** Пайпаслаб тахмин билан йўл топмоқ; урилиб-сурилиб, қоқилиб юрмоқ. [Олахўжа] Эшикка чиқди. Қоронғи тор кўчада тимискилиб, Мамасайдникига борди. П. Турсун, Ўқитувчи.

**ТИМСОЛ** [а. تمثال — ҳайкал; тасвир] **1** Тушунтириш учун ёки асос, далил, исбот ва ш. к. сифатида келтирилган айрим намуна; мисол. Яна тимсол: гўзал адабиёт — руҳий озик. А. Қаҳҳор, Сароб. Ҳамжиҳатлик ва ҳақиқий биродарликни ҳозирги кунларда пойтахтимизда амалга оширилаётган буюк ишлар тимсолида ҳам кўриб турибмиз. Н. Сафаров, Оловли излар.

**2** Ибрат бўла оладиган кимса, нарса; ўрнак. Дўстликнинг тимсоли азали сенсан, Шоирлар илҳоми, ғазали сенсан. М. Икром. Замонамиз маърифатин, донишмандлигин Тимсолидир икки қўшни республикамиз. Ғ. Гулом. Суқ билан қараса, ҳеч ажаб эмас, Чунки сен ҳурликнинг ёрқин тимсоли. Зулфия.

**3** Белги, рамз. Шода-шода кўсақда гавҳар ётибди.. Тинчлигимиз тимсоли каптар ётибди. Ё. Мирзо. Оловиддин тепаликларида қурилаётган денгиз — халқлар дўстлигининг тимсоли бўлиб қолади. «Ўзбекистон кўриқлари».

**4** Кўз ўнгида, хаёлда, тасаввурда гавдаланган образ, сиймо, кўриниш, сурат. Оромим ҳам йўқолди. Кечалари ухлаёлмай, тўлганиб чиқа бошладим. Сал мизғидимми, бас, яна кўз олдимда Ёқутхоннинг тимсоли гавдаланади. М. Салом, Кечирим. Қалбларга тимсолинг ўрнат, эй бахши, Менга ҳам куйлашни ўргат, эй бахиш. Х. Салоҳ, Излар ва ҳислар.

**ТИМСОҲ** [а. تمساح — тимсоҳ] Иссиқ мамлакатлардаги сув ҳавзаларида яшайдиган, териси қалқонсимон қаттиқ ва қалин, танаси калтақесакка ўхшаш судралувчи йирик сув ҳайвони,

**ТИМТИҚ** шв. Салқит, нишхўрт. Сигир емнинг тимтиғини ҳам қолдирмади.

**ТИН I** Нафас олиш, нафас. Йиғиштириб бор бисотини, Бўғизига тиқилиб тини, Нури сари қилди ишора, Зайнаб учун бу бўлди чора. Ҳ. Олимжон.

**Тин олмоқ** 1) нафас олмоқ. -Хайрият, — Абдурахмонбой эркин тин олди-да, домлага қаради. Ҳ. Гулом, Машғал; 2) нафасини

ростлаб олмоқ, дам олмоқ. [Қодирбек] *Рулга бошини қўйиб, бир оз тин олди.* М. Қориев, Ойдин кечалар.

**ТИНГ** Ҳайдалмай, экилмай ётган; заранг. *Тинг ер.*

**ТИНГЛАМОҚ** Диққат-эътибор билан эшитмоқ. *Маъруза тингламоқ. Муסיқа тингламоқ. Оз сўзла, кўп тингла.* Мақол. ■ *Йўлчи уни диққат билан тинглаб, сўнг асл мақсадини очишга интилди.* Ойбек, Танланган асарлар. *Ўтирганлар ажойиб овоз билан айтилган ашулани роҳат қилиб тинглайдилар.* Т. Обидов, Юсуфжон қизик.

**ТИНГЛОВЧИ 1** **Тингламоқ** фл. сфдш. *Айтувчи аҳмоқ бўлса, тингловчи доно бўлиши керак.* Мақол. ■ *Ашулаларим тингловчиларга қандай таъсир қилаётганлигини яққол кўриб турардим.* Ҳ. Носирова, Мен ўзбек қизиман.

**2** Ўқув юртлари талабаси ёки курс, тўгарак ва ш.к. нинг ўқувчиси. *Машғулотга фақат мен эмас, тингловчилар ҳам роса тайёрланишди.* «Саодат». *Иқтисодиёт тўғараги ишидан ҳамма тингловчилар мамнун бўлишди.* Газетадан.

**3** тлш. Иккинчи шахс.

**ТИНГШАМОҚ** шв. Диққат билан кулоқ тутмоқ; кулоқни динг қилмоқ. *Ҳожи ака бирон гап айтмоқчи бўлиб, рўпарасидаги суҳбатдошига кўзойнаги оша тингшаб қараб қўйса.. ўзини тутолмай кулиб юборади.* Т. Пўлат, Ҳожи ҳисобчининг ҳикоялари.

**ТИНДИРГИЧ** Суюқликни тиндириш, ундаги кум, лойқа, эритма ва ш.к. ни чўктириб, суюқликни тозалаш учун хизмат қиладиган қурилма, ҳовуз ёки идиш. *Трактор керосин бакиннинг тиндиргичи.* ■ *..мавжуд каналларни таъмирлаш.. ҳовузлар, сув тиндиргичлар қуриш ишлари амалга оширилди.* Газетадан.

**ТИНДИРМОҚ 1** **Тинмоқ** фл. орт. н. *Сувни челақда тиндирмоқ. Юпатаиб кўз ёшини тиндирмоқ. Тиндирмай ишлатмоқ.* ■ *Ҳар томонда ишчилар Тошларни синдиради, Дарёни тиндиради, Темир тан курашчилар.* Ҳ. Олимжон. *Душман снаряд, миналарни бир зум ҳам тиндирмасдан, омонсиз ёғдирар эди.* Ойбек, Кўёш қораймас. *Сал ўтмай унинг газабли овози ҳамма шовқинни тиндирди.* А. Мухтор, Опасингиллар. *Кўнглингизга келмасин, Эркатой, деб Солини, Меҳнатда ҳам тиндирар Онасининг жонини.* Қ. Муҳаммадий.

**2** Бартараф қилмоқ, тинчитмоқ, босмоқ. - *Ўз «фожиам» ниҳоясидан ошай деб турса-ю, ўзгалар можаросини қандай қилиб тиндирар эканман. Ҳечам, — деди Кумри.* М. Жўра, Изтироб.

**3** Ҳамма нарсадан бадастир, саранжом-саришта қилмоқ. *Ҳанифахон сергапроқ бўлса-да, меҳнаткаш аёл чиқди, бутун рўзгорни тахт тиндирди.* Ш. Тошматов, Эрк қуши. *Нима десанг, айтганингни тиндириб, Хафа бўлиб, ғам емагин, фарзандим.* «Рустамхон».

**ТИНЖИРАМОҚ** фольк. Йилт-йилт нуқ сочиб турмоқ, ярқирамоқ; жилваланмоқ. *Жамоли чилланинг қоридай тинжираб, ялтираб ўтирур.* «Равшан».

**ТИНИБ-ТИНЧИМАС** Сира тинмайдиган, тиним билмайдиган, серҳаракат, серташвиш. *Тиниб-тинчимас аёл.* ■ *Тиниб-тинчимас Меъмтор тонг сурури олида таслим бўлди.. китобини йиғиб, ўрнидан турди.* Мирмуҳсин, Меъмтор.

**ТИНИМ** Ишдан, ҳаракатдан холи вақт ёки ҳолат; дам, ором. *Баъзи вақтда, суғориш пайтларида, кечалари ҳам тиним бўлмас, сувни узоқдан ҳайдаб келишга тўғри келар эди.* Ойбек, Танланган асарлар.

**Тиним бермаслик 1)** дам бермаслик, бетиним ҳолатда тутмоқ. *Отинойи унга [Элмуродга] тонг саҳардан кечаси алавақтгача тиним бермаса ҳам, қорнини ҳеч қачон ёлчитмайди.* П. Турсун, Ўқитувчи. *Умаровнинг жангчилари душманга тиним бермай, изидан қувладилар.* Т. Рустамов, Манги жасорат; **2)** тинчи-оромини бузмоқ, тинчлик бермаслик. *Мана бу қўшинимизнинг болалари сира тиним бермайди.. Р. Файзий, Сен етим эмассан. Бу ҳамма вақт бошида айланиб, тиним бермай юрган эски ўй эди.* М. Исмоилий, Фарғона т. о. *Кейинги кунларда Юлдузхон Муҳиддиннинг кўз олдидан нари кетмайдиган, тиним бермайдиган бўлиб қолди.* Р. Файзий, Чўлга баҳор келди. **Тиним билмаслик** Тиним, дам олмай, доим иш, ҳаракатда бўлмоқ. *Эрта саҳардан то қора кечгача одамлар тиним билмаган ана шу кунларнинг бирида.. Қорабулоқ қишлоғидан бири кекса, бири ёш — икки отлиқ чиқиб келаверди.* М. Исмоилий, Фарғона т.о. *Асалари каби ўзбек пахтакори тиним билмайди.* Н. Сафаров, Оловли излар. **Тиним йўқ** Тўхтовсиз (тинимсиз) иш-ҳаракатда. *Устаникида тонг ёришандан қош қорайгунгача тиним йўқ — дам босиш, босқон*

уриш, сув ташиб, ўтин ёриш.. Р. Файзий, Ҳазрати инсон. *Пристанда ҳаёт қайнайди. Иш! Ҳеч тиним йўқ кемачида.* Э. Раҳим, Янги қадам. **Тиним кунни кам қўл.** Дам олиш кунни. Тиним кунни соқоли ўсган Умид эрта билан гастрономга, ундан кейин ёнган нон олиш учун бозорга кирди. Мирмуҳсин, Умид. **Тиним олмоқ** Дам олмоқ, ҳордиқ чиқармоқ. *Уйга қайтганда ҳам, бир муддат тиним олишга имкон топмади.* Ойбек, Навоий.

**ТИНИМОҚ** айн. **тинмоқ** 1. Сув тиниди.

**ТИНИМСИЗ** 1 Тўхтовсиз равишда, тиним билмай. *Дераза ортида оқшом ташвиши билан жонсарак бўлиб қолган чумчуқлар тинимсиз қирқиларди.* Ў. Ҳошимов, Нур борки, соя бор. *Қишлоқнинг ўртасидан шиддат билан оқайтган сой тинимсиз шовуллайди.* Т. Расулов, Шонли авлод.

2 Давомли тарздаги, узлуксиз. *Пахтачилик шарафли ва масъулиятли касб, у доимо деҳқонлардан тинимсиз изланишни талаб қилади.* Газетадан. *Санъат жасорат, жонфидолик билан.. тинимсиз меҳнат — машқлар билан дунёга келади.* «Саодат».

**ТИНИШ** 1 **Тинмоқ** фл. ҳар. н. Соқиев тик турганича шовқин тинишини кутди.. Ф. Мусаёнов, Ҳиммат.

2 айн. **тиним.**

**Тиниш белгилари** Муайян тилда ёзма нутқни тўғри, ифодали, мантиқли баён қилиш, уни ихчамлаш, ёзма нутқ бўлақларининг ўзаро мантиқий-грамматик муносабатларини кўрсатиш учун хизмат қиладиган муҳим график воситалар (вергул, нуқта, тире ва ш.к.). *Тўғри, абзац бошқа тиниш белгилари сингари айрим бир шаклга эга эмас.* «ЎТА».

**ТИНИҚ** 1 Лойқа ва ш.к. дан холи, тиниган ҳолатли. *Чўққилардан оқиб тушган бу сойлар шишадек тиниқ.* Мирмуҳсин, Ҳамзаобод. *Ариқчаларда кеч кузнинг тиниқ суви лимиллаб оқади.* Н. Аминов, Суварак.

2 Гард-ғубор, хиралик ва ш.к. дан холи, равшан кўринишли. *Осмон ҳар вақтдагидек булутлардан холи, беғубор, тиниқ, кўм-кўк.* М. Исмоилий, Фарғона т.о. *Радиодан дундор садоси таралар, сеҳргар куй Темиржоннинг қалбига кириб борар, тиниқ юзида ёқимли, мулоийм жозиба.. уйғотарди.* Ж. Абдуллахонов, Орият. *Кўзларининг қораси ниҳоятда тиниқ ва ўтли..* П. Қодиров, Уч илдиш.

3 Хиралик, қўполликдан холи; жарангдор (товуш, овоз ҳақида). *Адолат ўтуторини қўлга олди. Бир нафасдан кейин унинг кўнгироқдек тиниқ овози янгради.* С. Зуннунова, Гулхан. *Тоғ бағрида ўйноқлаб югурган жилғаларни эслатувчи тиниқ, жозибадор садо хонани тўлдирди.* Ж. Абдуллахонов, Орият.

4 кўчма Аниқ ифодали; равшан. *Сўзфикри тиниқ зиёли бўлганингиз учун ҳам биз чекаётган айрилиқ ситамини сезясиз.* Мирмуҳсин, Меъмор. *Жаҳонда ақли тиниқ шинаванда йигитнинг битаси сен-у, биттаси мен.* Ж. Абдуллахонов, Тожи билан Ҳожи. *Унинг хотираси ҳайратда қоларли даражада бой ва тиниқ эди.* Газетадан.

**ТИНИҚЛАШМОҚ** Тиниқ, мусаффо, равшан, тоза бўла бормоқ. *Овози яна ҳам тиниқлашди.* ■ *Анҳордаги сув тиниқлашиб, зилол ранг касб этганди.* Ф. Мусаёнов, Ҳиммат. *Саиднинг назарида, Бекобод осмони тиниқлашиши билан бира кенгайгандек эди.* Й. Муқимов, Олов ва ниҳоллар. *Сафарлар, учрашувлар, сўхбатларда фикринг яна тиниқлашади.* Зулфия, Чўққилар.

**ТИНИҚЛИК** Тиниқ ҳолат. *Осмон шу қадар беғубор, шу қадар кўм-кўк кўрунадикки, гўё ҳеч қаерда бунақа тиниқлик бўлиши мумкин эмасдек.* Ж. Абдуллахонов, Тўфон. *Бу сувлар ўзининг тиниқлиги, шифобахшилиги.. каби устунликлари билан айниқса ёзнинг жазирама кунлари ажралиб туради.* Газетадан. *Бир йўла кенгайтирилган коммутация системаси овозда гоятда яхши тембр ва тиниқликни ҳосил қилади.* Газетадан. *Шунча шаддодлиги, фикрининг тиниқлиги, чаққонлиги билан Бадиа Худобекка хотин бўлармикин?* Мирмуҳсин, Меъмор.

**ТИНИҚМОҚ** 1 Чарчоқ, эзилиш ва ш.к. лардан холи бўлиб, бардам, тетик ҳолатли бўлмоқ. *Ухла, ухла, сафаринг узоқ, тиниқиб ол, ўғлим.* Ойбек, Болалик. *Ана шундан кейин болаларнинг ақлларигина эмас, танлари ҳам секин-секин тиниқиб борди.* М. Исмоилий, Фарғона т.о

**Тиниқиб ухламоқ** Мириқиб, чарчоқ кетадиган (тарқайдиган) бўлиб ухламоқ. *Уйқудан қолибсан, тиниқиб ухлаб ол, мен тезда қайтиб келаман.* М. Қориев, Ойдин кечалар.

2 Тиниқлашмоқ (тўғри ва кўчма маънода). *Уша-ўша Латофат. Сира ўзгармабди. Тиниқиб, хиёл тўлишибди.* С. Кароматов, Ҳижрон. *Франция, Англия хотинлари ўн бир-*

гача ухлашади, шунда юзлари яхши — чиройли бўлади, тиниқади.. Мирмуҳсин, Умид.

**3 кам қўлл. айн. тинмоқ, тинимоқ.** ..ариқчаларнинг биттасида оппоқ сут, биттасида тиниққан сув.. биттасида шароб оқмоқда. Фитрат, Қиёмат.

**ТИНКА** Куч-қувват, мадор, мажол. Исмталайвериб беморнинг тинкаси қолмади. ■ Кун ботишга яқин иккинчи тўнкани ҳам қулатдим. Жуда тинкадан толган эдим, «ух» деб бориб, ўрнимга чўзилдим. Ф. Ғулом, Шум бола.

**Тинкаси қуримоқ** 1) иш, ҳаракат ва ш.к. натижасида (таъсирида) ҳолдан тоймоқ. *Ҳар битта ғиштни, ёғочни, ҳар бир кўза сувни пастдан олиб чиққунларича тинкалари қуриб кетарди.* П. Қодиров, Юлдузли тунлар. *Жазирама иссиқ кунлари менинг тинкам қуриб, соя жойни ахтариб қоламан.* Э. Раимов, Ажаб қишлоқ; 2) кўчма ахволи танг бўлмоқ, ҳолдан тоймоқ. *Урушдан халқнинг тинкаси қуриди.* ■ *Ўзаро қирғин, ҳарбий юришлар, ўлпону ушр солиқлари раиятни тобора қашшоқлаштириб, тинкасини қуритди.* Мирмуҳсин, Меъмор.

**ТИНКАСИЗ** кам қўлл. Тинкаси қуриган, ҳолдан тойган, мадорсиз. *Мана Гулшан уйда тинкасиз (яхшиямки она ўроқда), Чол супада букчаймиш ёлғиз.* Ойбек, Танланган асарлар.

**ТИНЛИК** Тинч, шовқин-суронсиз ҳолат; сукунат. *Кечки тинликда қаердадир «тўқ-тўқ» этган товуш зиштилларда.* А. Мухтор, Чинор. ..эркин қушлар дарахтларнинг қуюқ шохи ичидан жонли найларини тинликка қуярди. С. Зуннунова, Олов.

**ТИНМАГУР** Сира тинмайдиган, тиним билмайдиган, тинч турмайдиган, тиниб-тинчимас; серҳаракат (шундай хусусиятни қайд этувчи муносабатни билдиради). *Тинмагур аёл.* ■ *Тинмагур шаҳримизнинг субҳида шунча овоз.* Ф. Ғулом. *Э тинмагур кўнги, ниҳоят, мени мана шу қизалоқларга масҳара қилдирдинг.* Ойбек, О.в. шабадалар.

**ТИНМАЙ** рвш. 1 Тиним билмай, дам олмай, ҳормай-толмай. *Тинмай ишламоқ.* ■ *Ҳовлида тинмай-қўнмай хизмат қилиб юрган пахмоқ сочли, исқирт кийимли ёш-қари хотинлар ҳам анчагина.* Ойбек, Танланган асарлар.

**2** Тўхтамасдан, тинимсиз. *Йигитлар, гўё карамзор бошидаги дарахтларда тинмай*

*сайраётган булбулга қулоқ солаётгандек, жим қолишди.* П. Турсун, Ўқитувчи.

**3** Давомли тарзда, сурункасига, узлуксиз. *Икки кун тинмай қор ёғди. Меҳнаткашларнинг онгини тинмай ошириб бормоқ.* ■ *Эндиликда шаҳарда ҳар турли миш-мишлар тарқалиб, сиз ҳурматли зотнинг подшоҳга қарши гапларингизни айғоқчилар тинмай етказиб турибди.* Мирмуҳсин, Меъмор.

**ТИНМАЙИН** айн. **тинмай.** *Баҳри шошар босолмай қадам, Ўлчаб бўлмас унинг севинчин. Типирчилар юрак тинмайин, Сигдиrolмай шодликнинг кучин.* Ҳ. Олимжон.

**ТИНМАСДАН** айн. **тинмай.** *Бу кеча Шоқосим жуда хурсанд эди. Тинмасдан қизиқ нарсаларни сўзлайди.* Ойбек, Танланган асарлар. *Тинмасдан айланарди Ўртада коса. Олардилар дамба-дам Косадан бўса.* Ғайратий.

**ТИНМАГУР** айн. **тинмагур.** -Қаёққа яна, тинмагур? — сўради Комила [Латифжондан] ўзини оналарча тутиб. Ойбек, О. в. шабадалар.

**ТИНМОҚ 1** Лойқа ва ш. к. аралашмаларнинг чўкиши натижасида тозаланмоқ; тинимоқ (суюқлик ҳақида). *Лойқа сув бир кечадда зўрға тинди.* ■ *Кун исиб кетди. Ҳар қадамда халқоб бўлиб ётган кўлмаклар ерга сингиб, ариқлардаги лойқалар тина бошлади.* Ҳ. Назир, Сўнмас чақмоқлар.

**2** Гард-ғубор, хира ҳолатдан тоза бўлмоқ, тиниқлашмоқ, равшан бўлмоқ. *Ювош нурлар ўйнайди, осмон гулдай яшнар тобора тиниб.* Ш. Раҳмон.

**3** Иш, ҳаракатини тўхтатмоқ; дам олмоқ. *У кун бўйи тинмади. Эшак минганнинг оёғи тинмас, Икки хотинликнинг қулоғи тинмас.* Мақол. ■ *Ўйинқароқ.. Ит тинса тинади, қуш тинса тинади, бу тинмайди.* Ҳ. Назир, Сўнмас чақмоқлар. *Хотинлар, қайтага, Онахон ишдан тинган пайтларда тўпланадиган бўлишди.* А. Мухтор, Опа-сингиллар.

**Оғзи (ёки жағи, чакағи) тинмоқ** Гапиршдан тўхтамоқ, жим бўлмоқ. [Ёрматнинг] *Қўллари этикни ишқаларкан, оғзи тинмади: -Ух, ўлиб бўлдим, қизим! Ёлғиз қўйни ҳайдаш — нуқул азоб.* Ойбек, Танланган асарлар. *Шиша бўшаб, навбат пирожнийга етган маҳал ҳам Ғойибнинг жағи тинмади.* Ж. Абдуллахонов, Орият. *Ҳамма ширин уйқуда. Дуранбекнинг қўрғонидеги бўрибосарнинг ҳам чакағи тинган.* А. Муҳиддин, Ҳ. Тожибоев, Огаш қалбли қиз.

**4** Ҳаракати ва ўзи тўхтамоқ, босилмоқ. *Ариқда жилдираб оқаётган сув тинди.* ■ *Бўрон тинарди-ю, ҳамма ёқ сокин бўларди.* «Ўзбекистон кўриқлари». *Мактаб коридорида кечгача гала-говур тинмайди.* Р. Файзий, Сен етим эмассан. *Эрталаб ёмғир тинган, ҳаво нақадар мулойим ва оромбахш.* Ж. Абдуллахонов, Орият. *Отишмалар секин-аста тинди.* Н. Сафаров, Оловли излар

**Кўзи тинмоқ** Боши айланиб, кўзи хиралашмоқ, кўз олди қоронғилашмоқ. *Тинкам қуриб, кўзим тиниб, зўрға шу ерга етиб йиқилдим, синглим.* Н. Сафаров, Ҳаёт мактаби. *Салимхон қарорни ўқийётганда, қўллари қалтиради, кўзи тиниб, боши айланди.* Х. Фулом, Машғал. *Унинг қўл-оёқлари титраб, ўтирган жойида кўзи тина бошлади.* П. Қодиров, Юлдузли тунлар. **Кўнгли тинмоқ** Хотиржам бўлмоқ, кўнгли тўқ, бўлмоқ. *Шундай десам, дўстим кўнгли тўлар деб, Нима бўлса, мендан кўнгли тинар деб, Шу сабабдан ёринг кўнглин сўрадим.* «Муродхон». **Ўзидан тинмоқ** Ўзини ўзи эплаб, ўз кунини ўзи кўрадиган бўлиб олмоқ, тинчимоқ. *Саломат тўғрисида бир нима демайман. Шукур, у ўзидан тиниб кетди.* Х. Носирова, Мен ўзбек қизиман. *Она, ўзимдан тиниб кетганман, бироқ Сенинг дардинг қалбимни сиқади ҳар чоқ.* Файрабий.

**ТИНТИМОҚ 1** Титкилаб, ковлаштириб, ағдар-тўнтар қилиб, бирор нарса қидирмоқ. *Ёшлиқдан бошлаб келиноиларининг сандиқларини, қутилларини тинтиб ўрганган Нури, бу кун Гулнор уйини холи топиб, калити бурнида унутилган бир қутини очди.* Ойбек, Танланган асарлар. *Улар уйни тинтиб нимани қидиришган?* П. Қодиров, Юлдузли тунлар.

**2** Ман этилган ёки яшириб қўйилган нарсани топиш учун ҳамма ёқни қараб, текшириб чиқмоқ. *Бўронбек наганини филофига солди-да, милиционерни ёнига олиб, Мавлон аканинг уйини.. тинтиб чиқди.* Х. Фулом, Машғал. *Чекистлар тинтиганда, ёнларидан шахсий ҳужжатларидан.. бўлак бирон ҳужжат топилмади.* А. Ҳақимов, Илон изидан.

**ТИНТУВ 1** Тинтимоқ фл. ҳар. н; қ. тинтиш

**2** Ман этилган ёки яшириб қўйилган нарсани топиш учун тегишли органларнинг вакиллари томонидан ўтказиладиган расмий ахтарув. [Зокирбой] *Қишлоқда шубҳали одам-*

*лар тобора кўпаяётгани, Равшан ҳали ҳам тинчимаганини айтиб, тинтув ўтказиш учун одам сўради.* С. Кароматов, Бир томчи қон. *Бозорлар, саройлар, қаландархоналар тинтув қилинди.* Ж. Шарипов, Хоразм.

**3** ҳуқ. Жиноий иш бўйича далилларни олишга қаратилган тергов ҳаракати. *Тинтув қидирилаётган шахсни, шунингдек, мурдани топиш учун ҳам ўтказиши мумкин.* «ЎЗМЭ».

**ТИНЧ 1** Гала-говур, шовқин-сурон, тўстўполон ва ш.к. дан холи. *Атроф тинч. Ўткинчилар оз. Анҳор ёқасида, толлар орасида иккита оқ эчки ўтлаб юради.* Ойбек, Танланган асарлар. *Ажойиб кеча бўптими? Тинч, ойдин, шабада!* П. Турсун, Ўқитувчи. [Аҳмад] *Шовқин-суронли, серқатнов кўчаларни ёқтирмас, сал айланиш бўлса ҳам, тинч, салқин хиёбонларни танларди.* Ф. Мусажонов, Ҳиммат. *Қизиқ, кечагина денгиз эди тинч, Қаърига олмоқда бугун zilзила.* Г. Жўраева, Иқбол.

**2** Киши ҳаёти, фаолиятида унга салбий таъсир кўрсатмайдиган, безовта қилмайдиган, гам-ташвишдан холи. *Меъмор [уста Нусратга] қолган умрини бир чеккада тинчгина, ғарибона ўтказмоқчи эканини.. айтди.* Мирмуҳсин, Меъмор. *Қишлоқ кўчаси тинч, қизи бўлса кичкина эмас.. районда бўладиган кенгашларда қатнашиб, алламаҳалда уйига келадиган кунлари бўлган-ку.* Р. Файзий, Чўлга баҳор келди. *Ўртоғингизга айтинг, шу ҳужрасини биздан аямасин. Шу ерда тинчгина яшайлик!* Ойбек, Танланган асарлар. *Ўттиз йилдан бери шу ердамиз, ҳали бирон кори ҳол бўлгани йўқ. Бу ер тинч жой.* Мирмуҳсин, Меъмор.

**3** Уриш-жанжалсиз, туриш-турмуши осойишта. *Қўшининг тинч – сен тинч.* Мақол. ■ *Ўзларига тўқ, бекаму кўст, тинч яшашади, икки куёв кўрган, неваралари бор.* Р. Файзий, Таъзим. *Нисо бувининг қизлари туфайли неча мартаба қўйди-чиқди бўлиб олди.* А. Қаҳҳор, Бошсиз одам.

**4** Беташвиш, осойишта ҳолат; тинчлик. *Шу [Саодатхон] келгандан бери тинчимиз йўқолди.* С. Зуннунова, Янги директор. *Ўзим майли, уй-ичимнинг тинчи кетди..* Т. Йўлдош, Аттанг. *Чунки бу қўлга тушмаса, яна одамларнинг тинчини бузиб, жиноятини давом эттираверади.* М. Юнусов, Қутилмаган ҳазина.

**Кўнгли тинч** Кўнгли хавотирлик, безовталикдан холи. *Ҳудоба минг қатла шукур,*

ўзимнинг кўнглим тинч, бировни бир нарса дейишликка ҳаддим йўқ. А. Мухтор, Опа-сингиллар. **Ўзига тинч** Уй-рўзғори, ҳаёти меъёрида, ўзидан тинган. *Наби полвон ва бошқа ўзига тинчроқ кишиларнинг ҳовлилари меҳмон кўнарлик бир ҳолга келтирилган эди. С. Айний, Қуллар. Қулоғи тинч* Ташқи томондан бўладиган турли гап-сўз, машмашалардан холи. *Ўзингдан чиққан балого, қайга борай давога! Шаҳарда юргани ҳам дуруст экан, қулоғимиз тинч эди. Уйғун, Навбаҳор.*

**ТИНЧИМОҚ 1** Барҳам топмоқ, тўхтамоқ, босилмоқ; тинмоқ (тўполон, шовқин-сурон ва ш.к. ҳақида). *Авёнлар супада, одамлар ерда ўтириб, гала-ғовур тинчигандан кейин, ҳоким одатдагича тилмоч орқали халқни оғоҳлантирди. М. Исмоилий, Фарғона т.о. Ўша тўполон тинчигандан кейин бир ҳафта ўтувди ҳамки, мен уй пойлаб қолдим. Э. Раимов, Ажаб қишлоқ. Тинчимайди чақалоқ доди, Хотин қуволмайди шарпани. У. Кўчқоров, Ҳаяжонга кўмилган дунё.*

**2** Уриш, жанжал, ногинчлик барҳам топиб, осойишталик юзага келмоқ, тинчлик қарор топмоқ. *Ўзим майли, уй-ичимнинг Тинчи кетди, Талай гаплар бўлди, шукур, Тинчиб кетди. Т. Йўлдош, Аттанг. Юрт тинчисин десангиз, қуймучларига шартта тепиб, оқ фотиҳаларини бериш керак. «Муштум».*

**3** Тинч тортмоқ, тинчи, ороми жойига келмоқ. *Хат келганда, тинчир жон, Хат — жуда азиз меҳмон. Ҳ. Олимжон. Уй ичи жимжит, бемор энди тинчигандек бўлди. Н. Фозилов, Дийдор. [Гулнор] Гоҳ тинчиб, гоҳ қийналиб ётди. Ойбек, Танланган асарлар.*

**4** Бирор иш, ният ва ш.к. ни амалга ошириб хотиржам бўлмоқ. *Қиз бола ота-онага омонат, узатиб тинчий! С. Зуннунова, Янги директор. Ана шу нозик меҳмон келгач, мезбон ҳам тинчиб, қаторга қўшилди. «Муштум». — Мактабдан тинчиб олдингиз, — деди Мели полвон кулиб. — Энди ўзингизни ҳам бир тинчитиб қўйсак бўлар эди.. П. Турсун, Ўқитувчи.*

**5** Иш-ҳаракат, интилиш ва ш.к. ни тўхтатмоқ, ундан тўхтамоқ. *Болам, ҳеч бўлмаса дам олиш куни бир тинчисангиз-чи. Н. Сафаров, Танланган асарлар. Бирдан улоқчилар сув қуйгандек тинчиб, тортиш ўрнида тўпланиб қолдилар. А. Қодирий, Улоқда. Қизимни тилга олдингиз, раис, тўғри, ўзи ҳам*

*тинчимайди, дангасаларга ҳам тинчлик бермайди. Ш. Рашидов, Бўрондан кучли.*

**Кўнгли (ёки юраги) тинчимоқ** Безовталиги, хавотирлиги кетиб, кўнгли таскин топмоқ. *Шербек қўлга билет текканидан сўнггина бир оз кўнгли тинчиди. С. Анорбоев, Оқсой. Пайт топаман. Гаплашаман. Бўлмас менинг юрагим тинчимайди. П. Турсун, Ўқитувчи. Қулоғи тинчимоқ* Бехуда, бўлар-бўлмас гап-сўз, овозлардан қутулмоқ, уни эшитмайдиган бўлмоқ. *Шу одам маҳалламиздан кўчиб кетди-ю, қулоғимиз тинчиди. ■ Онахон растадан қайрилиб, темирчилик маҳалласидан ўтгандан кейингина қулоғи бир оз тинчиди. А. Мухтор, Опа-сингиллар.*

**ТИНЧИТМОҚ 1** Тинчимоқ фл. орт. н. *Жанжални тинчитмоқ. Шовқин-суронни тинчитмоқ. Уришни тинчитмоқ. ■ Шу кичкинагина кулумсираш Ўзбек ойимни анча тинчитди. А. Қодирий. Ўтган кунлар. Жўраҳон қўл кўтариб, халойиқни тинчитди. А. Мухтор, Опа-сингиллар. Ба.ки директор қизишиб кетганимни кўриб, тинчитиб учун қуруқ ваъда қилган бўлса-я. Газетадан. Отинойи уни [Холмуродни] тунда ҳам аламаҳалгача тинчитмади. Унга пахта чувитди. П. Турсун, Ўқитувчи.*

**2** кўчма Саранжом-саришта қилмоқ, битирмоқ. *Хотиржам бўлинг, ҳамма ишни ўзимиз тинчитамиз. ■ Магазин мудири Бобожоновнинг 122 сўм 40 тиынлик кўйлакни 163 сўмдан пуллаётгани тўғрисидаги актни ўз қўлимга олиб, тинчитиб юбордим. «Муштум».*

**3** с. т. Йўқ қилмоқ, бартараф қилмоқ. *Косадаги қаймоқни, худди даҳага кирган қуртдай, бирпасда тинчитдик. Э. Раимов, Ажаб қишлоқ. — Сен тинчитмасанг.. бошқалар сени тинчитиди. — У нима деганингиз? — Яъни роҳатини буза берсанг, эринг сени қўяр! А. Қодирий, Ўтган кунлар. Бу ярамасни [Султонбекни] тинчитиб қўя қолсам, нима дейсан? — у этиги кўнжиги солиб қўйган дудам ханжарига ишора қилди. Мирмуҳсин, Меъмор.*

**ТИНЧЛАНМОҚ 1** Ҳаяжонини, аччиғини босиб ёки таптидан, ҳовридан тушиб ўзини тутиб олмақ, ўзини босмоқ. *— Тинчланингиз, Отабек! — деди қушбеги. А. Қодирий, Ўтган кунлар. Ойимхон ювош товуш билан уни тинчланишга чақирди. Ф. Расул, Тўнғич ўғил.*



2 Ташвиш, дард-алам, хавотирлик, безовталикдан холи бўлмоқ, тинч тортмоқ. *Касал бир қимирлаб, кўзини очди ва бош кўтариб, тиланчи хотинга қарагандан кейин, яна бошини ёстиққа қўйиб тинчланди.* С. Айний, Қуллар. *Отабекнинг пишиллаб ухлаган товушини эшитиб, [Ҳасанали] бир даража тинчланди.* А. Қодирий, Ўтган кунлар. *Кампирнинг уйқуда эканига ишонгач, юраги бирдан тинчланди.* Ойбек, Танланган асарлар.

3 Шовқин-сурон, жанжал, ҳаракат ва ш.к. лардан тўхтамоқ, тинч ҳолат юз бермоқ. *У, трибуна олдига келган бўлса ҳам, беш минутча сўзлаёлмай, халқнинг тинчланишини кутиб турди.* Ойдин, Садағанг бўлай, командир. *Қўлларининг кескин ҳаракати билан халққа тинчланишини буюришди.* Ойбек, Танланган асарлар.

**ТИНЧЛИК 1** Ғала-ғовур, шовқин-сурон кабилардан холи, тинч ҳолат. *Ҳамма ёқ тинтинч.. ора-чора узоқдан келган бола йиғиси бу тинчликни бузгандек бўлар эди.* А. Қодирий, Меҳробдан чаён. *Аммо Салимнинг кутгани чиқмади, қўрғонда аввалгидай тинчлик, жимжитлик.* Ойбек, Танланган асарлар.

2 Кишини безовта қилмайдиган, тинч, осойишта ҳолат. *Уч кундан бери ямоқчининг уйида тинчлик йўқ. Болалари қўрқиб, кўчага чиқмайдилар.* Ойдин, Ҳикоялар. *Гулнор шу тонда ёлғизликни, тинчликни истар эди.* Ойбек, Танланган асарлар.

3 Уриш-жанжалсиз, тинч ҳолат; ҳамма нарса меъёрида, жойида (одатда, ҳол-аҳвол ҳақидаги сўроққа жавоб тарзида қўлланади). *-Хўш, Содиқ полвон, ишлар қалай, Тошкентда нима гаплар бор? -Нима гаплар бўлсин, Тошкентда тинчлик. Баҳона билан Тошкентни ҳам кўриб олдик.* А. Қодирий, Ўтган кунлар. *-Ҳа, Бўтабой ака, бемаҳалда нима қилиб юрибсиз? Тинчликми? -Тинчлик, — деди Бўтабой ва отнинг жиловини унинг қўлидан олди.* А. Қаҳҳор, Қўшчинор чироқлари.

4 Уруш, ўзаро зиддиятли тўқнашувлар ва ш.к. дан холи шароит, тинч шароит. *Бутун дунёдаги бизга ўхшаш меҳнаткашлар билан бир сафда урушга қарши, тинчлик учун курашмоқ бурчимиз.* Ойбек, Нур қидириб. *Тинчлик учун кураш тобора қизғин тус олмоқда. Аёлларга ҳам, болаларга ҳам — ҳаммага тинчлик керак. «Саодат».*

**Тинчлик бермаслик 1)** ўз ҳолича, эркин иш тутишга қўймаслик, турли йўл, хатти-ҳаракатлар билан безовта қилиш. *Тўғри, улар бой, жуда бой. Аммо улар Гулнорга тинчлик бермайдди.* Ойбек, Танланган асарлар. *Девонага бир пиёла чой ичишга ҳам тинчлик бермадилар.* А. Қодирий, Ўтган кунлар; 2) руҳан тинчлигини бузмоқ, тинчини олмоқ. *Бу савол Бобоқулга маҳкам ёпишиб олди, бу тўғрида нечоғли ўйламасликка тиришмасин, юрса ҳам, турса ҳам тинчлик бермасди.* С. Анорбоев, Оқсой. *Орадан қанча йиллар ўтса ҳамки, ҳамон мана шу ҳикоя менга тинчлик бермайдди.* Газетадан. **Тинчлик борми?** Хархашали, нотинч ҳолатдан норозиликни ифодалайди. *-Ҳой, тинчлик борми, йўқми? -Ахир бола касал-ку. -Касал бўлса, йиғлатмагин.* А. Қаҳҳор, Оғриқ тишлар.

**ТИНЧЛИКСЕВАР** Уруш бўлмаслигини, тинчликни, мамлакатлар, халқларнинг тинч-тотув яшашини истайдиган ва шунга интиладиган. *Тинчликсевар халқлар.* ■ *Тинчликсевар элимнинг Фарзандиман — бахтиёр.* Ю. Ҳамдам. [Ўзбекистон] *Изчил тинчликсевар сиёсати билан барча тинчликсевар халқларнинг муҳаббат ва ҳурматини қозонди.* Газетадан.

**ТИНЧЛИКЧА** рви. Уриш-жанжал ёки тўполон қилмасдан; бирор ғалва чиқармасдан; тинч йўл билан. *Мусулмонқулга тарафдорларингиз бўлса, тинчликча кўшиндан чиқиб кетсин!* А. Қодирий, Ўтган кунлар.

**ТИНЧСИЗ** Тинчи, ороми йўқ, бетинч. *Тинчсиз тун.* ■ *Бу жумла келасидаги англашилиб битмаган, лекин бўлиши аниққа ўхшаган ярамас ва тинчсиз бир ҳаётнинг гўё муқаддимаси эди.* А. Қодирий, Ўтган кунлар.

**ТИНЧСИЗЛАМОҚ** кам қўлл. Тинчлигини бузмоқ, бетинч, безовта қилмоқ, ташвишга солмоқ. *-Бизни кечирасиз, бек ака! — деб Раҳмат узр айтди. -Вақтсиз келиб, сизни тинчсизладик.* А. Қодирий, Ўтган кунлар.

**ТИНЧСИЗЛАНМОҚ** Тинчлигини йўқотмоқ, бетинч, безовта бўлмоқ; ташвишга тушмоқ. *Унсин совуқдан тинчсизлана бошлади. Оёқларини ерга уриб, қўлларини пуфлайди.* Ойбек, Танланган асарлар. [Отабек қутидорга:] *Фақат сизнинг тинчсизланишингиз ва мардумнинг юқори-қуйи сўзи бўлмаса, сизга бошқа зарар бўлур, деб ўйлай олмаيمان.* А. Қодирий, Ўтган кунлар. *Она*

ниманидир пайқаб тинчсизланди. Ойбек, Танланган асарлар.

**ТИНЧСИЗЛИК** Тинчсиз ҳолат, нотинчлик; безовталиқ. *Кунлар ўтган сари тинчсизлигим оша борди.* М. Зайниддинова, Ким эди у, демасангиз айтаман. У [Ҳакимбойвачча] юртдаги тинчсизликнинг сабабини диннинг сусайганидан, уламоларнинг халққа раҳбарлик қилмаганидан кўрди. Ойбек, Танланган асарлар.

**ТИНҒ I** айн. **тинғ.** *Тинғ ер.*

**ТИНҒ II** тақл. с. Торли мусиқа асбоблари торини чертганда чиқадиغان товушни билдиради.

**ТИНҒИЛЛАТМОҚ** Тинғ-тинғ деган товуш чиқармоқ; торли мусиқа асбоби торини чертмоқ. *Мухторхон тоқчадаги дуторни олиб тинғиллатди.* Ҳ. Фулом, Машғал. *Алёша гитарасини олиб тинғиллатиши билан, дарров унинг атрофига йиғилдилар.* Ж. Абдуллахонов, Тўфон. *Хиёл қўлига дуторини олиб, созилаш учун тинғиллата бошлади.* И. Раҳим, Тақдир.

**ТИНҒИР-ТИНҒИР** айн. **тинғ-тинғ.** Бахмал тинғир-тинғир чертиб, уйдан дутор кўтариб чиқди. Ойбек, Улуғ йўл.

**ТИНҒ-ТИНҒ** Тинғ II с. тақр. Энди магнитофон вағилламасди, ўрнига тори созланмаган рубобнинг тинғ-тинғи билан қасқони тоб ташлаган чирманданинг данғ-данғи эшитиларди. Р. Раҳмон, Меҳр кўзда.

**ТИНҒШАМОҚ** шв. Тингламоқ, эшитмоқ. *Куёвнинг аҳволини билгиси келди, «Гузарга чиқай, одамлардан тинғшаб биламан», деди-да, кўча томон юрди.* Р. Раҳмон, Меҳр кўзда.

**ТИП** [юн. typos — из, белги; шакл, намуна] **1** Муайян бир тур (гурух)даги нарсаларнинг муҳим белгиларга эга бўлган намунаси, шакли, модели. *Бизнинг вазифамиз — чўлда шаҳар типдаги посёлкалар қуриш, обод қишлоқ барпо этиш.* «Ўзбекистон кўриқлари». *Тупроқлар шўрланиш типига кўра, асосан, хлор-сульфатли, баъзан сульфат-хлорли бўлади.* «Фан ва турмуш».

**2** биол. Ҳайвонлар систематикасида: келиб чиқиши жиҳатидан ўзаро қариндош, ягона тузилиш шаклига эга бўлган ҳайвонлар синфларини бирлаштирадиган олий систематик категориялардан бири. *Бўғим-оёқлилар тип.*

**3** Ижтимоий, касбий, ахлоқий ва б. белгиларнинг умумийлигига кўра бирлашадиган кишиларнинг ёрқин вакили. *Камтар, ижтимоий тадбиркор — илғор кишилар, халқ вакили сифатида, ижтимоий тараққиётга улкан ҳисса қўшган янги типдаги одамлардир.* Н. Сафаров, Оловли излар.

**4** Адабиёт ва санъатда: бир турдаги кишиларнинг характерли, умумлашма белги-хусусиятларини акс эттирадиган, мужассамлаштирадиган образ. *Теманинг қаҳрамони қилиб олинган типнинг, меҳнатни санъат даражасига кўтара олган одамнинг характерини бўрттириб бера олиш керак.* Н. Сафаров, Оловли излар. *Ўзбек прозасида прототипдан адабий тип яратишнинг рангбаранг кўринишлари бор.* «ЎТА».

**5** с. т. Ўзига хос (кўпинча салбий) хусусиятга эга бўлган одам. *Мана бу типга отни бер десам, бермади. Мени тутиб сўкди.* Т. Мурод, От кишнаган оқшом.

**ТИПИК I** Маълум бир типга хос бўлган; маълум типдаги нарса ва ҳодисаларнинг характерли белги-хусусиятларини ўзида акс эттирадиган, мужассамлантирадиган. *Ҳамза ўзининг драматик асарларида.. ўзбек аёлларининг типик образини яратади.* «ЎТА». *Биз кардинамизнинг асосий масаласи қилиб механизация масаласини олмақчимиз.* «Пахтакор» [колхоз] механизация жиҳатидан ҳам типик, шундоқ эмасми? А. Қаҳҳор, Картина.

**2** Бирор нарса учун хос, характерли. *Нотиқнинг шаблон нутқига хос типик элементларни топиш.. керак бўлади.* «ЎТА». *Ўтимлилик ҳам ўзбек тили ҳолат феъллари семантик тузилиши учун типик эмас.* «ЎТА».

**ТИПИКЛАШТИРМОҚ I** Бир типга келтирмоқ, тип жиҳатидан таснифламоқ, бир хил қилмоқ. *Типиклаштирилган бинолар.*

**2** ад. Типик белгилар ва шаклларда гавдалантирмоқ. *Типиклаштирилган образ.*

**ТИПИКЛИК I** Типик белги-хусусиятга эгаллик. *Ижобий образларнинг типиклиги.*

**2** Адабиёт ва санъатда: хусусий ва умумий ҳодиса, воқеаларнинг бадиий образлардаги бирлиги, умумлашмаси. *Зотан, чинакам бадиий асарда ғоявийлик, типиклик, эмоционаллик ва ижтимоий амалиёт билан алоқадорлик диалектик яхлитликни ташкил қилади.* «ЎТА».

**ТИПИЛЛАМОҚ** айн. **типирламоқ.** *Ордан кўп ўтмай, [имтиҳондан] «Ўтоларми-*

канман, билмайдиган қийин савол тушиб қолса, нима қиламан», деб типиллаб турган Раъно ҳам кириб, «тўрт» олиб чиқди. Мирмуҳсин, Умид.

**ТИПИРЛАМОҚ 1** Жон талвасасида ўзини ҳар ёнга урмоқ, сапчимоқ, питир-питир қилмоқ, питирламоқ, типирчиламоқ.

2 *кўчма* Тез, шошилинич ёки безовта ҳаракат қилмоқ, шошилиб питирлаб қолмоқ. *Нурхон типирлаб қолган Равшан полвонга тикилди.* О. Ёқубов, Ларза.

**ТИПИР-ТИПИР** *айн. питир-питир.* ..лўпигина, кулдиригачли ширин қиз типир-типир юриб бориб, онасини «ачом» қиладиган бўлди. А. Мухтор, Чинор.

**ТИПИРЧИЛАМОҚ 1** *айн. типирламоқ.* *Нозик, ранг-баранг парвоналар, капалаклар лампа атрофида айланар, гулдор қанотларини шишага уриб типирчилар, гиламга енгилгина қулаб, тинар эдилар.* Ойбек, Танланган асарлар. *Адолат типирчилаб, унинг [Усмонжоннинг] қўлидан чиқди.* С. Зуннунова, Гулхан. *Сувонжоннинг қўйнида ётган улоқ энди типирчиламай қўйди.* С. Анорбоев, Оқсой.

2 Нима қилишни билмай қолмоқ, ўзини йўқотиб, гангиб қолмоқ. *Моҳидил унинг [Латифжоннинг] келишини кутмаган бўлса керакки, жуда типирчилаб қолди.* Ж. Абдуллахонов, Тўфон. *Шолининг аравага ортилишини эшитган бой типирчилаб қолди.* Х. Фулом, Машғал.

3 Жуда шошган (шошилган) ҳолда бирор нарса ҳаракатига тушмоқ. *Бир зум ўтарўтмас халат кийган докторлар.. типирчилаб қолишди.* Х. Тўхтабоев, Сариқ девни миниб. *Олти ойгача ташвишланмай юриб, энди типирчилайсизми?! «Муштум».*

**ТИПИРЧИЛАНМОҚ** *айн. типирчиламоқ*  
1. Мўмин мирзо бор кучи билан типирчиланди. *Лекин темир панжадан қутулиш имконсиз эди.* Ойбек, Навоий. *Қодир, бургут чангалига тушган қўйдаи типирчиланарди.* Ж. Шарипов, Хоразм.

**ТИПОВОЙ** [«тип 1» с. дан] Муайян бир тип, намуна, шакл ёки андозага мос, тўғри келадиган, шунга асосланган, намуна бўладиган; намунавий; андозавий. *Типовой лойиҳа. Типовой мактаб биноси.* ■ *Бошлиқ.. кунни кеча қўлдан чиқарилган типовой уйлар ёнига етиб келди.* Газетадан.

**ТИПОГРАФИЯ** [юн. *typos* – из, шакл + *γραφω* – ёзаман] Китоб, газета ва б. турли хил нашрларни босиб чиқарадиган корхона; босмахона. *Ушбу поезд состави махсус типография, киноаппарат, кўргазмалар ортган ўн уч вагондан иборат эди.* «ЎТА».

**ТИПОЛОГИК** Нарса ва ҳодисалар типига хос бўлган; типологияга алоқадор, оид; муайян нарса ва ҳодисаларга оид белгиларнинг умумийлигини, муштараклигини аниқлашга, белгилашга асосланган. *Тилларнинг типологик таснифи.* ■ *Муаллифлар типологик ўхшашлик, шунингдек, регионал генетик ёки контакт муносабатларнинг мавжудлиги билан изоҳланадиган фактларга даҳлдор масалаларга мурожаат қилганлар.* «ЎТА».

**ТИПОЛОГИЯ** [юн. *typos* – белги, из; намуна, шакл, + *logos* – фан, таълимот] 1 Объектлар тизимини қисмларга ажратиш ва уларни умумлашма модель ёки тип ёрдамида гуруҳлаштиришдан иборат илмий метод.

2 *тил.* Тил тузилишининг муҳим белгиларини айрим олинган тиллар қурилишини ўрганиш, уларни ҳар томонлама таққослаш асосида аниқловчи ва умумлаштирувчи тилшунослик бўлими.

**ТИППА-ТИК 1** Адил, тик, тикка. *Типпа-тик нарвон. Типпа-тик ўсган дарахт.* ■ *Жўранинг типпа-тик туриши Носирнинг гагини келтирди.* Н. Назаров, Замон.

2 *кўчма* Ҳеч тап тортмасдан, дангал. У [Раҳимов].. маъмурий ходимлар билан типпа-тик олишар, тортишар эмиш. Ж. Абдуллахонов, Тўфон.

**ТИПРАТИКАН** Усти ва ёнлари игнасимон тиканлар билан қопланган ҳащаротхўр сутэмизувчи кичкина ҳайвон; кирпи.

**ТИР I** [ф. *تير* – ўқ, камон ўқи] (*и – чўзиқ*) *эск. кт.* Ўқ, камон ўқи. *Тир отмоқ.* ■ *Ҳар балодан асрагувчи энг муҳим, қиммат яроғ – Тир ваҳшат, ханжари зиллатга қалқондир китоб.* Ҳамза.

**Тир мижгон** *поэт.* Киприк ўқи: ўқдек ўткир, шўх қараш ҳақида.

**ТИР II** [фр. *tir* < *tirer* – отмоқ] (*и – чўзиқ*) Камон, тўппонча, милтиқ каби отиш қуроллари билан нишонга қараб отиш машқлари ўтказиладиган, махсус жиҳозланган жой.

**ТИРАГИЧ** *айн. тирак.* *Бу гал ҳам ўзи олдин ўтди. Унга ягона тирагич бел бўлди.* Ойдин, Гулсанам.

**ТИРАЖ** [фр. triage < тігер – тортмоқ, чўзмоқ; судрамоқ] **1** Заём ёки лотереянинг ютуқлари ўйини. *Тиражда ҳаммаси бўлиб 569600 та пул ва буюм ютуғи ўйналади.* Газетадан.

**2** Китоб, журнал, газета ва ш.к. нинг босилиб чиққан нусхаларининг умумий сони, адади. *Газетанинг тиражи. Китобнинг тиражи.* ■ *Нашир қилинадиган китоблар, журналлар ва газеталарнинг тиражи анча кўпаяди.* Газетадан.

**ТИРАК 1** Нарсани бирор ҳолатда суюб, кўтариб, тутиб туриш учун қўйиладиган таянчиқ; тиргак, тирговуч, тирагич. *Деворга тирак қўймоқ.* ■ *Тирак қўйиб маҳкамлангандан кейин, унгуз ёқдаги учидан ерга шовун ташланади.* М. Исмоилий, Фарғона т. о.

**2** кўчма Қўллаб-қувватлайдиган, ёрдам берадиган куч; ишончли ҳимоячи, таянчиқ. *У – оиламизнинг тираги.* ■ *Қанчалик қийин бўлмасин, Низомжон қишлоқда қолишга, келсаяиб қолган دادасига тирак бўлишга аҳд қилиб қўйди.* С. Аҳмад, Уфқ. *Мирҳайдарнинг бахтига, катта ўғли Мирсаид йигитча бўлиб, отаси ёнига кирди: Тирак бўлди – лой ийлаб, чарх тепди..* Мирмуҳсин, Тунги чақмоқлар.

**ТИРАЛМОҚ 1 Тирамоқ** фл. ўзл. ва мажҳ. н. *Деворга тиралган нарвон. Эшикка тиралган тамба.* ■ *У, келганларга пешвоз чиқмоқчи бўлиб, тирсагига тиралиб, ўрнидан тураётган эди..* С. Аҳмад, Хукм.

**2** Суянмоқ, таянмоқ. *Икромжон айвонга келиб, бир қўлига тиралиб ўтирди.* С. Аҳмад, Уфқ. *-Бизга ҳам ўша юмшоғи керак, – деди афанди ва ҳассасига тиралиб, вагонга чиқди.* «Муштум».

**ТИРАМА, тирамо(х)** [ф. تيرماه – хира ой; куз] шв. Куз. *Орила билмади тоғларнинг қори, Тирамада пишар боғнинг анори.* «Қундуз билан Юлдуз». Тўғриси, бунга кеч тирамода экинзорига гўнг сепиб чиқиши ҳам пойдевор яратди. «Ёшлик».

**ТИРАМОҚ 1** Ўзини ёки бирор нарсани тутиб туриш учун (тиргак, таянч сифатида) қўймоқ. *Шотиларни секин тикладилар, учини девор қиррасига тираб қўйдилар.* П. Қодиров, Юлдузли тунлар. *Собир бурчакка тираб қўйилган дуторни олиб, икки ўртоқ ўртасидаги баҳсни тўхтатишга уринди.* Р. Файзий, Чўлга баҳор келди. *Қора Аҳмад бир қўлини ерга тираб, оҳиста кўтарилди..* Ойбек, Танланган асарлар.

**2** Бирор томонга туташтирмоқ, қадамоқ. *Пичоқ тирамоқ.* ■ *..ҳовлининг кунботар томонида харобаликдан озгина бериди бўлган бояги йўлакка тираб солинган икки даричали бир уй..* А. Қодирий, Ўтган кунлар. *Улар [Низомжон билан Дилдор] бошларини бошларига тираб, сурат олдириб ҳам келишди.* С. Аҳмад. Уфқ.

**Оёқ тирамоқ** Бирор иш, маслаҳат, муомалага кўнмаслик, ўз айтганидан қайтмаслик. *Шуни янгисига алмаштириб берилмаса, машинани қабул қилмаслигини айтиб, оёғини тираб турибди.* Ҳ. Назир, Кўктерак шабадаси. *Сиз ҳам энди оёғингизни тираб туриб олманг, бирон муомалага келинг.* П. Турсун, Ўқитувчи. **Юзига оёқ тирамоқ** Ҳурматига зид иш қилмоқ. *Қизим, Рўҳилло юзига оёқ тирагани учун, шундай ташвишларга учраятти..* Мирмуҳсин, Чодрали аёл. *Ўз пирини беобрў қилган, юзига оёқ тираб кетган банданинг ҳолига вой!* «Муштум».

**ТИРАН қ. тийран.** *Биз.. хўжалик раҳбари тўғрисида гапирганимизда, кўз олдимизда билимлари тиран, жонкуяр кишининг сиймоси гавдаланади.* Ш. Рашидов, Бўрондан кучли. *Қай дил чамани бой, жозиб нафаси. Кимнинг фикри ўтқир, тиран, бокира?* Зулфия.

**ТИРАНДОЗ** [ф. تيرانداز – ўқ отувчи] Камондан ўқ отувчи; камонкаш, мерган. *Отряд тирандозлар ҳимоя қилиб турган тўсиқларни ёриб ўтиб, катта бозорга яқинлашди.* Ф. Озодаев, Тошкент тарихидан.

**ТИРАНДОЗЛИК 1** Тирандоз иши, касби; мерганлик.

**2** Камондан ўқ отиш машқи ёки санъати; мерганлик. *Алишер.. тарих, фалсафа, мантқадан бошлаб тирандозликка қадар ҳеч бир соҳани қолдирмаган эмиш.* Ойбек, Навоий. *Бу томондаги икки майдонда ҳарбий машқ – отда чопиб, новда қирқиш, тирандозлик, пилта милтиқ отиш каби машқлар ўтади.* Мирмуҳсин, Тунги чақмоқлар.

**ТИРАҚАЙЛАМОҚ** Тура қочмоқ, қочиб қолмоқ, ҳеч нарсага қарамай чопиб қолмоқ. *Тирақайлаб қочмоқ.* ■ *Аҳмад жўрттага сакраб, ўрнидан турди.* Иккала ўспирин тирақайлаб қочиб қолди. Ф. Мусажонов, Ҳиммат. *Мушт еган Шолғом маҳсум инвалиднинг қўлидан омон қутулганига шукур қилиб, тирақайлаганича жўнаб қолибди.* Мирмуҳсин, Умид.

**ТИРБАНД** Киши ёки нарсалар билан лиқ тўлган, бутунлай банд, бўш жой йўқ. *Кўчалар тирбанд. Театр биноси олдида одамлар тирбанд.* ■ *Йўлкалар, трамвай, троллейбуслар.. унча тирбанд эмас, аммо катта кўчаларда ҳали машиналар оқими авжида. Мирмуҳсин, Умид. Пайшанба ва жума кунлари дўкондорларнинг яна бозори қизир, самовархона ва ошхоналар одамга тирбанд бўлиб, юриш қийин бўлар эди. М. Муҳаммаджонов, Турмуш уринишлари. Махсус тоқчалар тирбанд китоблардан синаман дейди. Ж. Абдуллахонов, Орият.*

**ТИРГАК** айн. **тирак.** *Ёғоч тиргак. Темир-бетон тиргак.* ■ *Йиқилиб кетмасин, деб тиргак қўйилган бу ҳовлидаги ягона хонанинг орқасига бориб, наст товуш билан: -Кулмурод! Ў, Кулмурод! - деб чақирди. С. Айний, Куллар. Шу оғир кунларда бир-биримизга тиргак бўлмасак, қачон бўламиз!? Шухрат, Шинелли йиллар. Уларнинг оллоҳи - пул, пайгамбари - ер, имони - мол-мулк. Ҳаётининг ана шу уч тиргагини истаган йўл билан муҳофаза этишга доим тайёр улар. С. Кароматов, Сўнгги бархан.*

**ТИРГИЗМОҚ** кам қўл. айн. **тирилтирмоқ.** *Ғамли кетган Муқимийни тиргиздинг, Озод халқнинг қаторига киргиздинг. Ҳабибий.*

**ТИРГОВ** айн. **тирак.** *Тиргови чириб, девор қулаб тушди.* ■ [Тракторчи:] *Шундай пайтда бир-биримизга тиргов бўлмасак, ҳар ким ҳар ёққа қийшайиб, иш ора йўлда қолиб кетади. С. Маҳкамов, Катта рулда.*

**ТИРГОВУЧ** айн. **тирак.** *Ёғоч тирговуч. Олмаларга тирговуч қўймоқ. Ота-онага тирговуч бўлмоқ.* ■ *Ер қатлами силжиб шитирлайди, йўғон тирговучлар қисирлаб синади. С. Аҳмад, Мўтти. Бир кун пушаймон бўлмагин, дейман. Тилмочнинг қозикалондай тирговучи бор, билмб қўй! Ойбек, Улуғ йўл. Ҳеч ким якка ташламас қадам, Кимдир кимга бўлади тирак. Бир-бирига суянар одам, Тирговуч ҳам тирикка керак. Тўлқин, Очиқ хат.*

**ТИРЕ** [фр. tiret - чизиқча < tirer - чўзмоқ, тортмоқ] тли. Узун горизонтал чизиқча (-) шаклидаги тиниш белгиси.

**ТИРЖАЙМОҚ** Овоз чиқармай, кўз, лаб-лунж ҳаракати билан кулги ифода-ламоқ, мийғида кулмоқ. *Фазлиддин тиржайиб, эгри-бугри тишларининг оқини кўр-*

*сатди. Ойбек, Танланган асарлар. Тиржайиб туриб, жонини олди, йўқ, чаёнга айланиб, кўксига захарли найзасини санчди. С. Анорбоев, Оқсой. Йигитали бўлажак қайнона юзидаги табассумни кўриб, ўзи ҳам зўрма-зўраки тиржайди. Д. Нурий, Осмон устунни. Мен тиржайиб турган эканманми, билмадим, тўсатдан рўпарамда тўхтаб: -Ҳўш, нимага куласан, солдат? - деб сўради. О. Ёқубов, Излайман.*

**ТИРЖИҚ 1** Доим тиржайиб турадиган; тиришиқ, бурушиқ.

2 Жуда ориқ, қотма.

**ТИРИК 1** Ўлмаган, ҳали яшаб турган; ҳаёт, барҳаёт. *Иккита тирик катта балиқнинг бўғзидан каноп ўтказиб, ҳовузга ташлаб қўйилди. Мирмуҳсин, Сўғал. «Э, онажонгинам, қани энди, сен ҳам шу ерда тирик бўлсанг-у, ўз ўғлингнинг қандай одам бўлганини кўрсанг», деб хаёл қилди [Элмурод]. П. Турсун, Ўқитувчи. Алҳамдуллоҳ, кўрдим, тирик экансан, ноқобил болам. Ойбек, Танланган асарлар.*

2 Ўсимлик ёки ҳайвонот дунёсига оид; жонли. *Тирик табиат. Тирик организм.*

3 Ўзининг янги вақтдаги кўринишини, тароватини йўқотмаган, сўлмаган (ўсимлик, унинг гули, меваси ва ш.к. ҳақида). *Сабзининг тирик-тиригини териб олмоқ. Бодринг сувда тирик туради.*

4 Куч-қувватини йўқотмаган; бардам, тетик. [Бувим] *Тириккина кампир, ҳасса тутмайди. Ойбек, Болалик.*

5 Тийрак; серғайрат, ҳаракатчан. *Ҳамида ўн олти ёшлардаги тирик, қувноқ қиз. А. Қаҳқор, Адабиёт муаллими.*

6 Кўчма Яшаётган, сақланиб қолган, жонли, барҳаёт. *Азим тоға билан суҳбатлашган одам уни тирик тарих дейди. «Ўзбекистон кўриқлари». «Бу тахту салтанатлар беному нишон йўқолур, фақат меъмору мусаавирлар яратган зўр санъат асарлари тирик қолур», деган ақидалар бизга маълум. П. Қодиров, Юлдузли тунлар.*

7 кўчма Яхши пишиб етилмаган (асосан овқатга солинган дон ҳақида). *Маставанинг гуручи тирик, бир оз қайнасин. Мош ҳали тирик.* ■ *Ҳаёлим қочиб, кабобни қайиш қилиб қўйибман. Ош ҳам тирик бўлибди. П. Қодиров, Қадрим.*

**Кўз тиригида** Ҳаёт вақтида, ҳаётлигида, ўлмасдан. [Она:] *Кўзимнинг тиригида орзу-*

ҳавасини кўрсам, дейман болагинамнинг. И. Раҳим, Чин муҳаббат. Энди кўзимнинг тиригида энг кичик Юсуфжон укангни ҳам хатна қилдириб қўйсам, дейман. «Бўтакўз». **Тирик вазн** Ҳайвоннинг тириклайин тортилгандаги оғирлиги. *Гўштга топширилган ҳар бир қорамолнинг тирик вазни ўртача 400 килограммга етди.* Газетадан. **Тирик етим** Отанаси ўлмаган, аммо улардан бирор сабаб билан жудо бўлган бола ҳақида. [Шарофат:] *Болам тирик етим бўлмасин, деб келдим.* А. Қаҳҳор, Қўшчинор чироқлари. **Тирик жон** Яшаб турган инсон ҳақида, унга нисбатан қўлланади. *Ҳай, майли, тирик жон нималарни кўрмайди! Нима бўлса, кураверамиз!* П. Турсун, Ўқитувчи. **Тирик товон** қ. товон II.

**ТИРИКЛАЙ(ИН)** рвш. Тирик ҳолида, тириклигица; ўлмасдан ёки ўлдирибмасдан. *Кўёни тириклай(ин) тутмоқ. ■ Қутулмадим қайғу, кулфат, аламдан, Тириклай айрилдим икки боламдан.* «Ширин билан Шакар». ..юздан ортиқ азиз ота-оналарни тириклайин куйдирибди ваҳшийлар. Т. Рустамов, Мангу жасорат. *Агар шамол кўзғалса, қум [одамларни] тириклай кўмади.* А. Қаҳҳор, Асарлар.

**ТИРИКЛИГИЧА** айн. тириклай(ин).

**ТИРИКЛИК I** Тирик ҳолда (ҳаёт) эканлик. [Гулнор:] *У тириклизимни, сиз билан бир ёққа қочганлигимни секингина ойимга сўзласин.* Ойбек, Танланган асарлар. *Тириклигида уни кўп уриб азоблаган ва унинг дунёга келгани учун худодан ҳам норози бўлган Бувинисо энди фарзандининг жасади устида.. кўзларидан сел-сел ёш тўкарди.* П. Турсун, Ўқитувчи.

2 Ҳаёт, яшаш жараёни, ҳолати. *Севгисиз тириклик андуҳ, бепараҳ, Мангу шарофатли маърака бу кун.* Р. Парфи, Кўзлар. *Уни тарк этган тириклик нишонлари қайтди, оғзидан чиққан биринчи сўз: «Вой ўлай!» нидоси бўлди.* М. Исмоилий, Фарғона т.о. *Тириклик – мавж уриб, тўлқинланиб оқаяётган зўр бир дарё. Бу дарёда сузмайдиган одам йўқ.* Н. Сафаров, Оловли излар.

3 Кун кечириниш, яшаш, тирикчилик; ҳаёт. *Чўнтаклариди ҳемири қолмаган ака-ука тириклик тўғрисида ўйлай бошладилар.* М. Осим, Тилсиз гувоҳ. *Ўрнимдан туриб, отам экиб кетган ярим танобча ердаги жўхорини қайириб олишга ва буни пишириб, тириклик ўтказишга эринар эдим.* Ф. Фулом, Тирилган мурда.

**Кўз тириклигида айн. кўз тиригида қ. тирик.** *Кўзим тириклигида шу қизимнинг ҳам ҳаётини тинчитиб, тўйини ўтказсам, армон бўлмасди.* Мирмуҳсин, Умид.

**ТИРИКТОВОН** (тўғриси – тирик товон) қ. товон II.

**ТИРИКЧИЛИК I** Ҳаёт кечириниш, кун кўриши, яшаш. *Тирикчилик учун кеча-кундуз тинмасдан меҳнат қилган ва юрагида шунча гамни кўтарган бу бели букик, елкаси чиқик чолни.. сўз билан юпатишининг.. маъносизлигини сезди.* Ойбек, Танланган асарлар. *Тирикчилик янада оғирлашди. Бойлар ҳам қарз бермай қўйди.* П. Турсун, Ўқитувчи. *Одамлар тирикчиликдан қийналиб, ишга оч-наҳор қатнаётган ўша машаққатли кунларда Пошша хола бошқалардан тўқ ва бут яшади.* Д. Нурий, Осмон устун.

2 Кундалик рўзгор ва у билан боғлиқ иш-юмуш, ташвишлар. - *Орзуларим бор, журналист бўлишни истайман, – деди [Аҳмад Ҳусайн], – лекин дардисар тирикчилик тўсқин.* Ойбек, Нур қидириб. *Ҳар кимнинг ўз тирикчилиги бор. Мана, ҳут кирди, деҳқоннинг оёғига қурт кирди.* П. Турсун, Ўқитувчи. *Энди уй-уйингизга тарқалингиз, тирикчиликдан қолмангиз, ўртоқлар!* Ҳ. Фулом, Машғал.

**ТИРИКЧИЛИК ҚИЛМОҚ** Ҳаёт ўтказмоқ, кун кечирмоқ; яшармоқ. *Қишлоқда тирикчилик қилиш жуда қийин. Очлик, яланғочликка чидаб, тирикчилигимизни қилар эдик.* Ойбек, Танланган асарлар. *Кичкина дўкончамдан келган даромад билан тирикчилик қилиб бўлмасди.* Ш. Рашидов, Қудратли тўлқин.

**ТИРИЛЛАМОҚ** Давомли ёки қисқа-қисқа, узуқ-узуқ «тир» этган овоз чиқармоқ; «тирр-тирр» этмоқ. *Шим тириллаб йиртилди. ■ Жарнинг ўнг ёғида пулметларнинг муттасил тириллаши.. автоматларнинг тасир-тусур ўқ ёмғири бениҳоя эди.* А. Муҳиддин, Ҳ. Тожибоев, Оташ қалбли қиз. *Жимликни темир йўл ёқалаб ўрмалаётган тракторнинг тириллаши бузади.* А. Тўхта-хўжаев, Беғам тракторчи.

**ТИРИЛМОҚ I** Диний тасаввурга кўра, жони кириб, қайтадан яшай бошламоқ. *Мана шу салалилардан бири бориб, бир марта «суф» деса, унинг онаси тирилиб кетади.* П. Турсун, Ўқитувчи.

2 *Кўчма* Ўлим ёқасидан қайтмоқ, ўлимдан қолмоқ; қайта жонланмоқ. *Ҳа, мен уч*

марта ўлиб, уч марта тирилдим. А. Убайдуллаев, Қонли издан. *Оналар шундай.. ўлим билан олишувда ениб чиқади-ю, шундан бошлаб ўзи оламдан кўз юмгунча, болам деб, неча бор ўлиб, неча бор тирилади.* Р. Файзий, Чўлга баҳор келди. *Муртазиннинг гаплари.. тирик мурда бўлиб қолган одамларни қайта тирилтирди.* Н. Сафаров, Оловли излар.

**3** Қайтадан кўкариб ўса бошламоқ, жонланмоқ (сўлиган ўсимлик ҳақида). *Кун иссиғида шалпайган кўчатлар кечга бориб тирила бошлайди.* ■ *Таёдан сув ўрмалаган ҳар туп гўза тирилмоқда.* И. Раҳим, Чин муҳаббат.

**4** кўчма Қайтадан ишга тушмоқ; юришиб кетмоқ, жонланмоқ. *Савдо иши анча тирилиб қолди.*

**Ўл десанг — ўлади, тирил десанг — тирилади** Нима деса, шуни қиладиган, итоқкор киши ёки ҳайвон ҳақида. [Фазлиддин:] *Хизматкор, малай қандай бўлса?! У танини, жонини хўжайинлардан аямаса, нинадай нарсага хиёнат қилмаса, ўл деса — ўлса, тирил деса — тирилса!* Ойбек, Танланган асарлар. **Ўлиб-тирилмоқ** Бор кучи билан ҳаракат қилмоқ, тиришмоқ. *Ўлиб-тирилиб ишламоқ.* ■ *-Қиз бола кўча-кўйга чиққанда, қилнинг устида юргандай бўлади. Ҳеч ким ёмон демасин, деб ўлиб-тирилади, — деди Чиннихон Аброрга.* П. Қодиров, Қалбдаги кўёш.

**ТИРИНКА** [фр. tricot] с. т. Уст кийим учун ишлатиладиган ип ёки ярим жун газлама. *Махсум эса эғнидаги тиринка шимни ечиб.. булоқда ювинди.* С. Анорбоев, Оқсой. *Тиззалари титилиб кетган эски тиринка шимнинг почаларидан сув сирқиб оқар.. эди.* Н. Фозилов, Дийдор.

**ТИРИШ 1** от Терининг бурушуви натижасида ҳосил бўладиган чуқур из; ажин, бурушиқ, тиришиқ. [Ҳамидахоннинг] *Нотинч юзида жилмайиш эмас, тириш пайдо бўлди.* М. Исмоилий, Фарғона т. о. *Фолбин ингичка, узун, қоп-қора ҳабашдай, кўзлари ғилайнамо, сирли қиёфадаги юзи қат-қат тириш.* Ойбек, Болалик.

**2 сфт.** Бурушган, тиришган. *Опам қопқорайиб кетган тириш қўллари билан юзини беркитди-да, йиғлаб юборди.* Ҳ. Носирова, Мен ўзбек қизиман.

**ТИРИШИБ-ТИРМАШМОҚ** Куч-ғайратини аямасдан, астойдил ҳаракат қилмоқ,

жон-жаҳди билан уринмоқ. [Кампир:] *Ҳеч кимга хор-зор бўлмай, деб тиришиб-тирмашиб ётибман.* Ойбек, Танланган асарлар. *Азаматлар хўп тиришиб-тирмашиб, бригада ерини уч йилда дашт ҳисобиغا икки баравар кенгайтиришди.* Ҳ. Назир, Маёқ сари.

**ТИРИШИШ** тиб. Мускулларнинг тўсатдан гайририхтиёрий равишда қисқариши.

**ТИРИШИҚ 1** от Ажин босган, бурушган, тиришган жой; бурма, қат, ажин. *Юз тиришиқлари.*

**2 сфт.** Ажин босган, бурушган, тиришган. *Тиришиқ юз.*

**ТИРИШМОҚ 1** Ажин, тириш билан қопланмоқ. *Назаримда, юраклари санчдими, бурушиб кетган озгин юзлари бадтар тиришди.* Э. Раимов, Ажаб қишлоқ. *Марҳамат унинг ишииб ётган лунжини кўздан кечираркан, худди қўлига игна киргандай, чеккалари тиришиб кетди.* Ҳ. Назир, Сўнмас чақмоқлар. *Аҳмаднинг пешонаси тиришди, ҳозир ўйлайдиган пайт эмас эди.* Ф. Мусажонов, Ҳиммат.

**2** Бадани ёки бирор аъзоси оғриқдан ёки шундай оғриқ туғдирадиган ҳис-туйғудан тортишиб, тиришиш ҳолатида бўлмоқ. [Гулнор] *Оёқларининг акашаклана борганини, бутун гавдасининг тириша бошлаганини сезди.* Ойбек, Танланган асарлар. *Унинг бошига муз юзуриб, асаблари тиришди.* Ҳ. Фулом, Машғал. *Ҳамма ёғим оғриб, тиришиб кетяпман.* Мирмуҳсин, Меъмор. [Элмуроднинг] *Яраси тиришиб, оғриб кетди.* Шухрат, Шинелли йиллар. *..ариқ бўйига жой қилиб, оч қоринга хўп қовун еди.* *Иситмаси кўтарилиб, тиришиб ётгани шуники.* И. Раҳим, Ихлос.

**3** Астойдил ҳаракат қилмоқ, уринмоқ. *Бировни ишонтиришга тиришмоқ. Болани юпатишга тиришмоқ. Узини оқлашга тиришмоқ. Тиришган тоғдан ошар.* Мақол. ■ *Дармони қуриган йигит ўзини дадил туттишга тиришар, лекин мункиб-мункиб кетар эди.* Ж. Шарипов, Хоразм. *Матқовул қудуқдан сув тортиб туриб, бу ёққа қараб-қараб қўяр, қулоғига етиб келган гапларни эшитмасликка тиришар эди.* М. Исмоилий, Фарғона т. о.

**ТИРИШИБ** рвш. Астойдил, зўр бериб, куч билан, берилиб. *Қария қовун, ошқовоқ.. ортилган замбилгалтакни тиришиб ҳайдаб келарди.* Н. Аминов, Суварак. *Тиришиб машқ қилишим орқасида ҳамсабоқ ўртоқларим ора-*

сида иншо ёзишда пешқадам бўлдим. Н. Сафаров, Оловли излар.

**ТИРИШҚОҚ** Ҳар қандай ишга астойдил ҳаракат қиладиган, тиришиб ишлайдиган; ҳаракатчан. *Унинг зеҳни ўтқир, ўзи тиришқоқ эди, мактабда энг кучли ўқувчилардан ҳисобланарди. П. Қодиров, Уч илди. Меҳнат фаолиятини шу ерда фаррошликдан бошлаган эди. Абжир, тиришқоқ қиз айни вақтда мураккаб хунар — тикувчиликни кунт билан ўрганди. Газетадан.*

**ТИРИҚТИРМОҚ** Олдиға солиб югуртириб, зирқиратиб ҳайдамоқ. *У [Қудрат] узун тол новдасини синдириб олди-да, сизирни савалаганча, олдиға солиб тириқтира кетди. Ҳ. Назир, Сўнмас чақмоқлар. - Шафтоли опчиқолмайди. Боғбон амаки нақ гаврон билан тириқтиради, — деди Асрора қизларга. С. Аҳмад, Уфқ.*

**ТИРКАЛМА** Бошқа бир уловга, машинага тиркаб ишлатиладиган, ўзи мустақил юрмайдиган; тиркама. *Тиркалма плуг. Тиркалма сеялка.*

**ТИРКАМА** айн. **тиркалма**. *Тиркама культитор.* *Тиркама сеялка.*

**ТИРКАМАЛИ** Бирор қуролни тиркаб, улаб ишлатишга мосланган; тиркамаси бор. *Тиркамали трактор.*

**ТИРКАМОҚ 1** Бирор қурол, мослама ва ш.к. ни юргизувчи машина, уловга бириктирмоқ, уламоқ. *Вагонларни паровозга тиркамоқ. Сеялкани тракторга тиркамоқ. ■ Қодирни дафн қилиб қайтганларида, шарқ томондан пачағи чиққан «Волга»ни юк машинага тиркаб келишаётганини кўришди. Ж. Абдуллахонов, Тўфон.*

**2** Бирга қўшиб қўймоқ, қаторига қўшмоқ, киритмоқ. *Мирза Муҳиддин Иброҳимовнинг ишига янги ҳужжатлар тиркади. А. Қаҳҳор, Сароб. Абдурасул Алексей билан маслаҳатлашиб, унинг [Турдибойнинг] аризасини қўлоқлар ва дарғумон одамлардан тушган аризалар делосига тиркаб қўйди. П. Турсун, Ўқитувчи. Бўтабой.. Содиқ тарангни қўлоқлар рўйхатиға тиркаб юборди. С. Аҳмад, Ҳукм.*

**3** кўча Бириктириб, боғлаб қўймоқ (ёрдамчи, ўрганувчи шогирд сифатида). *Яхши ўзлаштирмаётган ўқувчини аълочилардан бирига тиркаб қўйди.*

**4** Тирамоқ, суямоқ. *Шафтолиға айри тиркамоқ. ■ Зикриё билан Азизбой унинг [эшоннинг] қўлатиғидан олиб, сўрига ўтқа-*

*задилар, ёнбошига парёстиқларни тиркаб қўядилар. Н. Сафаров, Шарқ тонги. Улар нарвончани тоқчаларга тиркаб қўйдилар. А. Мухтор, Чинор.*

**ТИРКИШ** Арава шотисини эгар устида тутиб турувчи, икки учи бириктирилган қалин қайишдан иборат от-арава абзали. *Шунда калнинг аччиғи келиб, сўйган молининг терисидан туркиш қилиб олибди. «Олтин олма». Гўё ҳамма ишни ўзинг қилмоқчи бўласан. Лекин шун билки, туркиш бўлмаса ҳам, отни аравага қўшиб бўлмайди. Ф. Насриддинов, Ота ўғли.*

**ТИРМА:** **тирма мола** Ҳайдалган ерни текислаш билан бир вақтда юза юмшатиш учун ишлатиладиган тишли мола; сихмола.

**ТИРМАЛАМОҚ шв.** Тирнамоқ, тимдаламоқ. *Чақмоқ ўзининг ўтқир панжалари билан кўк юзини тирмалар. М. Жабборов, Севинч ёшлари. Қўлларига тикан кирди, юзи ва билаклари тирмаланди, роҳати бадан кўйлагининг этаги йиртилди. А. Қаҳҳор, Кўшчинор чироқлари.*

**ТИРМАШМОҚ 1** Маҳкам ёпишиб, чирмашиб, юқори кўтарилмоқ, юқорига чиқмоқ. *Саккизта бола бирдан: «Бўпти, жуда соз!» дейишди-да, деворга тирмашиб, томга гизиллашди. Ойбек, Танланган асарлар. Ана, улар чўққининг ёнбошида.. йўл топиб, эчкилардай юқорига тирмашиб кетишди. Ҳ. Назир, Сўнмас чақмоқлар.*

**2** Маҳкам ушламоқ, ёпишмоқ. *Мен югуриб бориб, отамнинг оёғига ёпишдим, ранги қув ўчган, титраб турган Анвар унинг иккинчи оёғига тирмашди. Ҳ. Аҳмар, Ким ҳақ? Назокат ариқдан чиқиб олиши билан белига ва биласига қаттиқ титроқ қўллар тирмашаётганини кўрди. А. Мухтор, Опа-сингиллар.*

**ТИРМИЗАК 1 кест.** Ҳали қўлидан бирор иш келмайдиган, турмушнинг оғиренгилини кўрмаган шахс маъносида қўлланади. *Сен мен айтадиган ашулага ҳам чанг солдингми, индамаган сари бошимга чиқиб олмоқчимисан ҳали тирмизак. С. Кароматов, Ҳижрон. Ҳамма йигитлар урушга кетди. Далада хотинлару қарилар, тирмизакдай бўлиб биз, болалар, ишлаганмиз. С. Анорббев, Оқсой.*

**2** Шўх болаларга нисбатан «шумтака», «тирранча» каби маъноларда ишлатиладиган ундалма. *Ҳой, омон бўлгурлар, буларни [бо-*



лаларни] қаердан топдинглар? Қидирмаган жойим қолмади-я! Ҳа, тирмизаклар! П. Қодиров, Қалбадаги қуёш. *Мабодо биронта бола томдаги каптарга тош отса, «шиферни тешасан, тирмизак», деб уйғача қувиб борарди.* С. Аҳмад, Чўл шамоллари.

**ТИРНАМА:** тирнама асбоблар мус. Торларини бармоқ учлари, нохун ва ш.к. билан тирнаб, чертиб чалинадиган асбоблар (дуртор, танбур, дўмбира, балалайка ва б.)

**ТИРНАМОҚ 1** Тирноқ ёки ўткир учли нарсалар билан тилмоқ, юлмоқ, тимдаламоқ. *Мушукча боланинг қўлини тирнаб олди.* ■ *Соч юлиб, ерни тирнаб қилдилар фарёд.* Файратий. *Зухра бегим ёлғиз ўелининг тобутда бошсиз ётган танасини кўрганда, ўзининг калласига муштларини уриб дод солди, юзини қўли билан тирнаб, қонатиб юборди.* П. Қодиров, Юлдузли тунлар.

**2** кўчма Худди тирнаш каби ҳаракат ва унинг таъсирига нисбатан қўлланади. *Совуқ шамол баданни тиканли тили билан тирнар, нимдош кийимдан ўтиб санчар ва қалтира тар эди.* Н. Мақсудий, Лайлатулқадр. *Аммо Йигиталининг бугунги иши унинг ичини тирнаб ўтди.* И. Раҳим, Зангори кема капитани. *...юрагимни тирнаб турган фикрларни тушуниб, самимий маслаҳатингиз, ширин сўзларингиз билан мадад берсангиз эди.* Ш. Рашидов, Бўрондан кучли.

**Ичини мушук (ёки ит) тирнамоқ қ. ич.** *Шу вақтгача шоирнинг ҳаёти учун кўрқиб, ичини ит тирнаётган вазир енгил нафас олиб.. бош эгиб қўйди.* М. Осим, Аждолларимиз қиссаси.

**ТИРНОҚ 1** Бармоқлар учининг орқа томонидаги этга ёпишган, бармоқларни ҳимоя қилувчи, шохсимон моддадан иборат тузилма, қоплама. *Тирноқ ўстирмоқ.* *Тирноқни қайчи билан олмоқ.* ■ *Махсум ўсиқ тирноқларини Бобоқулнинг бўғзига ботиришига чоғлаб, хезлашиб кела бошлади.* С. Анорбоев, Оқсой. *Ботирали тирноғи билан столни чертиб ўтирар, нима ҳақдадир ўй ўйларди.* С. Аҳмад, Ҳукм.

**2** Баъзи ҳайвон ва қушларнинг панжаси ёки чангалидаги учи қайрилган, ўткир, шох моддалари ўсимта. *Бургутнинг тирноғи.* *Мушукнинг тирноқлари.* ■ *Шерни шер қилган — тиши билан тирноғи.* Р. Жуманиёзов, Сўз кўрки — мақол.

**3** шв. От туёғи. *От тирноғига теккан тош Ёнғоқдай ушалиб кетди.* «Нигор ва Замон». *От тирноғидан чиққан қумлар Қозондай овдарилиб ётди.* «Гулихиромна».

**4** кўчма Фарзанд, бола. *Тирноқ кўрмоқ.* *Тирноққа зор бўлмоқ.* ■ *Ободон хола Сафо ота билан элик ил бирга турмуш кечирди.* *Аммо уларга тирноқ nasib этмади.* Р. Отаев, *Сиз нима дейсиз? Гулнор билан ўн уч ил бирга туриб, тирноқ юзини кўрмадик.* Ойдин, *Икки кўзи шунда.*

**5** кўчма махс. Баланд симёғочларга, мачталарга кўтарилиш учун оёқ қийимига маҳкам боғлаб олинган тишли ўроқсимон темир асбоб. [Акбаралини] *Баъзан кечаларни ҳам чақириб қолишса, йўқ демай, брезент шимини кийиб, шалдир-шулдир занжирли «темир тирноқ»ларини елкасига илиб чиқиб кетарди.* А. Мухтор, Чинор.

**6** айн. **қўштирноқ.** *Охирги колонкада, тирноқ ичида, «Тузук одамларнинг болалари» деган мақола бўлиб..* П. Турсун, Ўқитувчи.

**Тирноғини ўстирмаслик** Бировнинг бири икки бўлишига, ўнгланишига, бойишига йўл қўймалик. - *Сиз ҳам хизматчининг тирноғини ўстирмайдиганлардан экансиз, — Йўлдошбой шундай деди-ю, бойнинг бетига тик қараганча тураверди.* Ҳ. Нуъмон ва А. Шораҳмедов, Ота. **Тирноқдан (ёки тирноқ орасидан, остидан, тагидан) кир изламоқ (ёки ахтармоқ, қидирмоқ)** Арзимаган ёки йўқ нарсдан камчилик топиб, бировни ноҳақ айблашга, унга туҳмат қилишга уринмоқ. *Сен тирноқ орасидан кир қидирмай қўя қол.* Ш. Рашидов, Бўрондан кучли. [Ўқтам:] *Гап ташувчи, тирноқдан кир изловчиларни, чақимчиларни мен жуда ёмон кўраман.* Ойбек, О. в. шабадалар. *Дарров тирноқ тагидан кир қидирасиз-а, Самадов?* П. Қодиров, Уч илди. **Тиш-тирноғигача ёки тиш-тирноғи билан** Ўзи бирикиб келган сўз билдирган нарса, ҳаракат-ҳолатни кучайтириш учун хизмат қиладди. *Тиш-тирноғигача қуролланмоқ.* ■ *Ман бир парча бошпанамга тиш-тирноғим билан ёпишганимдан ҳафсаласи нир бўлаёзганди.* Ойбек, Танланган асарлар.

**ТИРНОҚДАЙ, -дек** Кичкина, зиғирдай, бир парча. *Тирноқдай бола.* ■ *Ҳой, Шоди.. уйда тирноқдай ҳам кўмир қолгани йўқ.* Э. Раимов, Ажаб қишлоқ.

**ТИРНОҚЛАМОҚ** Тирноқларини ботириб, чизик ҳосил қилмоқ; юлмоқ, тимда-

ламоқ, тирнамоқ. *Меҳмон* [меҳмонхонадаги] номерни кўздан кечирди, ярқираб кўзни қамаштираётган жиҳозларни бирма-бир ушлаб, силкитиб, тирноқлаб, ҳидлаб кўрди. А. Қаҳҳор, Думли одамлар. *Кашал бўлиб шўрли икки улига, Тирноқлаб юзини, фақир қон этиб.* «Эрвали ва Шерали».

**ТИРНОҚЧА I** *Тирноқ* с. кичр. *Кўнғиз* оёқлари бир қанча бўғимлардан иборат бўлиб, ўткир тирноқчалари билан тамомланади. «Зоология».

**ТИРНОҚЧА II** *рвш.* Озгина, жиндай. *У тирноқча ҳам ғам емайди.* ■ *Тирноқча жойимни сен хотин талоққа бермаганим бўлсин!* Ойбек, Танланган асарлар. *Пулига тирноқча ҳам куймади, болаларимнинг бошидан садақа дерди-ю, аммо..* Р. Файзий, Ҳазрати инсон.

**ТИРР** тақл. с. Латга, қоғоз йиртилганда чиқадиган товушни билдиради. *Шим тиззасидан тирр этиб йиртилди.*

**ТИРРАҚДАЙ:** *тиррақдай қотмоқ* Роса қотмоқ, бутунлай қотиб қолмоқ (кишининг ҳолати ҳақида). *Ювош ҳам мени кўриб, ютаётган нони ҳам бўғзида қолиб, тиррақдай қотди.* Э. Раимов, Ажа қишлоқ. *Кеча мени от қоққан экан, ўрнимга киришим билан тиррақдек қотиб ухлабман.* А. Қодирий, Улоқда. *Кечаси роса ичиб, наша солиб дамланган ошдан қорнига сиққунча еб, тиррақдай қотган Розик кўрбоши билан йигитларининг оёқ-қўлларини боғлаб.. шаҳар турмасига жўнатилди.* С. Анорбоев, Оқсой.

**ТИРРАНЧА** *айн.* **тирмизак.** *Турдибой халфа очик чехра билан гап бошлади: -Кўп яхши бўлибди-да, бу тирранчаларни ўқитиб мулла қилмасангиз, кўча чангитишдан бошқани билмай қола беради.* П. Турсун, Ўқитувчи. *Ҳар хил тирранчалар пайдо бўлибди.. у тирранчалар ҳар қадамда бўлмағур маслаҳатлар беришади.* Ойбек, Танланган асарлар.

**ТИРРАҚИ I** *Ҳалеб* тиррақилайверадиган, ичикетар. *Тиррақи бола. Тиррақи мол. Тиррақи бузоқ подани булғар.* Мақол. ■ *Улар [кўзилар] ҳали ёш-да, чироқ, ўз фойдаларини билмайди. Агар ҳам сут эмиб, ҳам ўт еб, тиррақи бўлиб юришни афзал кўришса, оналарига қўша қолай.* С. Анорбоев, Оқсой.

**2** *Орик; ўлакса, нимжон. Олган ойлигига берса, тўртта тиррақи кўй беради.* А. Қаҳҳор, Сароб.

**Тиррақи бузоқ подани булғар** Бир ёмоннинг бўлмағур, нопок иши унга алоқадор

бошқаларга ҳам таъсир этиши, бошқаларни ҳам булғашини билдирадиган мақол. *Ҳамма ўлиб-тирилиб ишлаб юрса-ю, бир тиррақи [бузоқ] подани булғаса, ҳали кўрасан, бунинг исноди бутун бригадага тегади.* Ш. Фуломов, Бўз ер уйғонди. -*Поданинг ичиди битта тиррақиси бўлса, ҳаммасини булғайди. Булғама хотинларни сен, — деди Ширмонхон зарда билан.* С. Зуннунова, Олов.

**ТИРРАҚИЛАМОҚ** с. т. Ичи кетиб, ҳамма ёқни булғамоқ.

**ТИРРИҚ** *Ўйинда* ва умуман олди-берди, савдо-сотик ва б. муомалаларда бошқаларни алдашга, тонишга, фириб беришга ўрганган; ғирром, фирибгар. *Тирриқ, ўйинчи. Тирриқ одам.* ■ *Анави тирриқлар кўп ишларни бўйнига олмаслиги мумкин.* Т. Мурод, От кишнаган оқшом.

**Таъби (ёки табиати, кайфи) тирриқ** Бирор нарсадан ранжиган, хафа; кайфи бузуқ. *Илҳомчанинг.. кўнгли ғаш, таъби тирриқ, овози синиқ.* Ҳ. Фулом, Сенга интиламман. [Назар:] *Уйга борсам, хотиним табиатимни баттар тирриқ қилди.* С. Зуннунова, Кўзлар. *Оғир юк кўтарган кишидай аранг ўтирган еридан қўзғалди. Унинг таъби тирриқ эди.* Шухрат, Шинелли йиллар.

**ТИРРИҚЛИК I** *Тирриқ* шахсга хос хусусият, хатти-ҳаракат; ғирромлик. *Ҳафиз оинасининг баъзида тирриқлик қилишини — жон койитмай кўпроқ пул топишининг кети-га тушганини пайқаса ҳам, негадир унга эътиқоди баланд эди.* Мирмуҳсин, Қизил дурралар. *Турғунбой ака бўлса, биз нима учун қайғураётганимизни ўйламай, томорқам деяпти, тўғрироғи, у ғирромлик қиляпти.* Ҳ. Нуъмон, Қаҳрамоннинг туғилиши.

**ТИРС** тақл. с. Чўғдан учқун отилганда, ип узилганда чиқадиган кескин, кучсиз товуш ҳақида. *Нимадир тирс этди: қизил уруғ қовун дум берди шеклли.* А. Эшонов, Дутор.

**ТИРСАК I I** *Кўлнинг* билак суяги билан елка суяги қўшиладиган, букилиб бурчак ҳосил қиладиган жойи, бўғими. *Назокат тирсагини столга қўйди-да, чиройли панжалари билан юзларини силаб, ноз ва эркалик билан сўз бошлади.* Ш. Рашидов, Бўрондан кучли. -*Ҳаммасини қанчага бера-сан? — деб Карим тирсаги билан Ойтутини секингина туртиб қўйди.* Ойдин, Фонарь тагида. *Бондарь чиқаётиб, Анна Ивановнанинг*

тирсагидан одоб билан тутди. Шухрат, Шинелли йиллар.

**2** Енгнинг қўлининг шу ерига тўғри келадиган жойи, қисми. *Туробжон эшикдан ҳовлиқиб кирар экан, қалами яктагининг енги зулфинга илиниб, тирсаккача йиртилди.* А. Қаҳҳор, Анор.

**3** Нарсаларнинг бурчак ҳосил қилиб букилган жойи ёки қисми. *Трубанинг тирсаги. Валнинг тирсаги.* ■ *Эътиборсизлик, шошқалоқлик қилинади-ю, чизиқдан чиқишади: лова муолишида паст-баландлик, бир метр келадиган қийтиқ тирсак пайдо бўлиб қолди.* Й. Шамшаров, Қахрамоннинг йўли.

**4 тар.** Узатилган қўл бармоқларини учидан тирсагигача бўлган масофага тенг узунлик ўлчови бирлиги (тахминан ярим метр ёки ундан ошиқроқ).

**Тирсакни тишлаб бўлмас** Кўриниб турган, аммо қўлга киритиб бўлмайдиган нарса ёки амалга ошмайдиган орзу ва ш.к. ҳақида айтиладиган матал.

**ТИРСАК II** Тилда пайдо бўладиган сўгалсимон бўртик, чиқик; сариқча. *Тилимга тирсак чиқибди.*

**Тилиннга тирсак чиқармиди** Айтиш, гапириш лозим бўлган гапни айтмаган, билдирмаган шахсга нисбатан қўлланади. *«Кечиринг мени, сизни билмай...», деса тилига тирсак чиқармиди?*

**ТИРСАКЛАМОҚ** Тирсаги билан бир иш қилмоқ (суянмоқ, туртмоқ, қормоқ, пишитмоқ ва ш.к.). *Столга тирсаклаб ўтирмоқ.* ■ *Отаси Мирзахўжа новвой хамир тирсакламоқда, ўгай аяси Зиёдабиби ун эламоқда.* С. Абдулла, Мавлоно Муқимий.

**ТИРСИЛЛАМА** Терисига, қобиғига сигмас даражада тўлишган, етилган; бўлиқ. [Сўнагулнинг] *Лаблари ҳам етук қизларга хос бўлиқ, тирсиллама.* А. Мухтор, Давр менинг тақдиримда.

**ТИРСИЛЛАМОҚ I** «Тирс» этмоқ, кескин, кучсиз овоз чиқармоқ, чирсилламоқ. *Цемент солинган халта тирсиллаб, ёрилиб кетди. Қуруқ ўтин тирсиллаб ёна бошлади.*

**ТИРСИЛЛАМОҚ II I** Терисига, қобиғига сигмас даражада тўлмоқ, тўлишмоқ, тўлиб, ёрилар даражага етмоқ. *Сигирнинг елини тирсиллаб кетибди.* ■ *Тўлишган, орқа-бели тирсиллаган гўзал гавдасини серкиллашиб, Дилдор даҳлиздан хона ичига кирди.* Ойбек, Навоий. *Семизликдан кўзлари қи-*

*силиб кетаёзган, қонталашган юзлари тирсиллаб ёрилиб кетгудай.* А. Муҳиддин, Чап чўнтак.

**2** кўчма Тўлиб-тошмоқ (куч-қувват, ғайрат ва ш. к. ҳақида). *Норғул, ўрмовлардан кучи тирсиллаб, Чўпон чиқиб келди катта ўтовдан. Зулфия. Мушакларида куч-қувват тирсиллаб турибди.* С. Акбаров, Отамнинг хаёллари.

**ТИРТАЙМОҚ** Аразлаган, ранжиган ёки зарда қилган кўйи чимирилмоқ, лаб-лунжиги осилтирмоқ, тумшаймоқ. [Жўра] *Ўқишга борадику-я, аммо [синфдошлари] «Кеча кетган эдинг кеккайиб, бугун келдингми тиртайиб?» дейишса, нима қилади.* Н. Назаров, Замон.

**ТИРТИШМОҚ I** Таранглиниб бурушмоқ, тиришмоқ. *Костюмингиз тор экан, елкаси тиртишиб ётибди.*

**2** Битиб буруш-тириш бўлиб қолмоқ. *Яраси битиб, юзи тиртишиб қолибди.*

**ТИРТИҚ** Битган яра, жароҳат ўрнида ҳосил бўлган ямоқ; чандик. *Унинг хотини.. гоҳ-гоҳ зимдан Боқижоннинг бўйнидаги тиртиғига қараб қўяр эди.* Ойбек, О. в. шабадалар. *Йигитнинг қора мағиздан келган чўзиқ юзи, айниқса, қош-кўзининг қоралиги уни бир оз лўлига ўхшатиб кўрсатар, лабининг четидаги пичоқ тилгандай ингичка, чуқур тиртиғи негадир бу ўхшашликни тағин ҳам кучайтирган эди.* О. Ёқубов, Бир фельетон қиссаси.

**ТИРҚИРАМОҚ I** Ҳар томонга тарқалиб кетмоқ, қочмоқ, тўс-тўс бўлмоқ. *Эшик оғзида уймалашиб турган қизчалар ён-ёққа тирқираб, ғойиб бўлишган эди.* С. Анорбоев, Мехр. *Илгарилар бу ерга елкасига милтиқ тақиб, ёнбошига чарм халта осган отлиқлар келар, одамлар уларнинг қорасини узоқдан кўриб, «солиқчи» дердилар ва бекингани жой ахтариб, тирқираб кетардилар.* П. Турсун, Ўқитувчи.

**2** Отилиб чиқмоқ, шиддат билан чиқиб, атрофга тарқамоқ, сочилмоқ (суюқлик ҳақида). *Ярадан қон тирқираб кетди.* ■ [Эргашининг] *Чап бош бармоғидан тирқираб қон оқяпти.* А. Мираҳмедов, Кулган чечаклар. У [Майна] *ўзини босишга уринса ҳам бўлмади — икки кўздан севинч ёшлари тирқираб кетди.* Ш. Тошматов, Эрк куши.

**ТИРҚИШ I** Бир-бирига зич ёпишмаган эшик табақалари, тахта ва ш.к. орасида

ҳосил бўлган тор ва узун бўш оралиқ. *Дераза тирқишидан муздек ҳаво киряпти.* ■ *Эшик тирқишидан йўлакка индекс ингичка нур тушди.* С. Аҳмад, Уфқ. *Эшелоннинг кейинги тўхташида вагон тирқишидан қараб турган Исроил Азимов бу стацияни таниб, «Пенза», деди.* И. Раҳим, Чин муҳаббат.

**2** Узун тешик, ёриқ, узун дарз. *Эски бинонинг деворларида ҳар томонга тарқалиб кетган тирқишлар пайдо бўлибди.* Газетадан. *...молхонанинг тешик, тирқишларигача дори септирди.* С. Анорбоев, Оқсой.

**ТИРҒАНМОҚ** айн. **сирғанмоқ.** *Тирғаниб йиқилмоқ.* ■ *Тирғаниб, лой сачратиб югурган Гулнор, ўз эшигида бир нафас тўхтаб, кечинмаларини ондан яширишга қанча уринмасин, буни эплай олмади.* Ойбек, Танланган асарлар. *Турсуной анҳорга келиб, сув оламан, деб қўққисдан тирғаниб, сувга тушиб кетди.* Газетадан.

**ТИРҒАНЧИҚ** айн. **сирғанчиқ.** *Тирғанчиқ жой.* ■ *Йўл қатқалоқ, тирғанчиқ бўлганлигидан мотор қаттиқ овоз чиқариб гувуллар.. эди.* Д. Нурий, Осмон устун.

**ТИС** унд. с. Отни орқага тисаришда айтилади.

**ТИСАРИЛМОҚ 1 Тисармоқ** фл. ўзл. ва мажҳ. н. *Машина сал тисарилса, йўл очилади.* ■ *Тўра.. орқасига тисарилиб, югуриб келиб, бутун кучи билан сакради.* Ж. Шарипов, Хоразм. *Душман энди олга югуриш ўрнига тисарила бошлади.* Н. Сафаров, Комиссар Қорабоев. *Бульдозерлар бири олиб, бири қўйиб вағиллайди. Орқага тисарилади, олдинга интилади.* Ў. Усмонов, Сирли соҳил.

**2** *кўчма* Тутилган йўлдан, фикридан, эътиқодидан ёки азму қарори, шаҳти ва ш.к. дан қайтмоқ, чекинмоқ. *Ишининг ҳақлигига ишонсанг, унга астойдил кириш, тисарилма.* ■ *Бу [мафкуравий] соҳадаги ҳар бир бўшашиш, ҳар бир тисарилиш ёт ғояларга йўл очиб бўлиб чиқади.* Уйғун, Сўнгги пушаймон.

**ТИСАРМОҚ 1** Орқаси билан юргизмоқ, орқаси билан юргизиб, кетига қайтармоқ. *Чавандоз отини тисарди.* ■ *Қиз.. уни [мулла Бурҳонни] хужра ичига қарата тисариб, «шошманг».. депти.* С. Айний, Эсдалиқлар. *У [Қумри] машинани тисариб, чап томонга сал бурди.* С. Аҳмад, Ойдин чечаклар.

**2** Чекинишга мажбур қилмоқ, *Душманни фронт бўйлаб тисардик.*

**ТИСАРТМОҚ** айн. **тисармоқ.** *Ҳали кучли бу лаънати ёв, ўзинг кўряпсан, бир сурганча тисартиб олиб кетиш қийин бўляпти.* В. Ғофуров, Вафодор.

**ТИСКИ** [р. тискать – «сиқмоқ, қисмоқ; босмоқ» фл. дан ясалган от] *тех.* Ишлов бериладиган буюмни сиқиб, маҳкамлаб қўйиш учун хизмат қиладиган слесарлик асбоби; гира, исканжа. *Ҳасан тискига дам болганинг бир қиррасини қисар, зўр бериб эговлар эди.* Ибохон, Улуғ кун. *Станок плитасида катта болтлар билан мустаҳкамланган тиски полга тушиб, ўртасидан ёрилди.* Газетадан.

**ТИСЛАМОҚ** Орқаси билан юргизмоқ, тисармоқ. *Аравани тисламоқ.* ■ *Уроқ шофёрга машинани орқага тислашни буюрди.* Й. Муқимов, Матонатли кишилар.

**ТИСЛАТМОҚ** айн. **тисламоқ.** *Улар бир-бирларининг отлари тумшуғига қамчи уриб, уни кейин тислатиб, ўзлари олдин ўтишга ҳаракат қилардилар.* С. Айний, Эсдалиқлар.

**ТИСС** унд. с. Овоз чиқармасликка ёки секин сўзлашга ундаш учун ишлатилади. *-Тисс, – Абдулла дик эшиб ўрнидан турди.* Ш. Тошматов, Эрк кучи.

**ТИТАН 1** [юн. Titan – юнон мифологиясида Уран (осмон) ва Гея (ер)дан туғилган биринчи авлод фарзандлар номи] Менделеев даврий системасининг IV гуруҳига мунсуб кимёвий элемент; пўлатсимон ялтироқ қаттиқ, коррозиябардош металл.

**ТИТАН 2** Сув иситадиган ёки қайнатилган маҳсус қурилмали катта идиш. [Эргаш:] *-Мана бу эса титан дейилади, – деди сув қайнатаётган ялтироқ идишни кўрсатиб.* П. Турсун, Ўқитувчи.

**ТИТИҚ 1** *сфрт* Титилиб, тўзиб уваласи чиққан, титилиб кетган, дабдала. *Титиқ китоб. Титиқ кўрна. Титиқ сават. Титиқ қоп.*

**2** *от* Нарсанинг титилган, тўзган жойи; титилган, тўзган нарса. *Дастурхоннинг титиғи. Шляпаннинг титиғи.*

**Титиғи чиқиб (ёки ўйнаб) кетибди 1)** титилиб, тўзиб уваласи чиқибди, жулдур-жулдур, дабдала бўлибди. *Кўрпанинг титиғи чиқиб кетибди. Диваннинг титиғи чиқиб кетибди;* **2)** *кўчма* дабдаласи, мажағи чиқибди, тор-мор бўлибди. *Душман отрядининг титиғи чиқиб кетди. Титиғини чиқармоқ* Қаттиқ калтакламоқ, дабдала қилмоқ. *Шу қилганингга бир уриб, титиғини чиқариб*

юборайми? Н. Норқобилов, Бекатдаги оқ уйча.

**ТИТКИЛАМОҚ** Титиб, ковлаштириб бирор нарса қидирмоқ; титиб, ковлаштириб остин-устун қилмоқ. *Стул яшигини титкиламоқ. Ҳужжатларни титкиламоқ. Товуқлар гўнг титкиламоқда.* ■ Афандининг қизчаси уйни титкилаб юриб, кўзи отасининг ҳалиги халтачасига тушиб қолди. «Латифалар». «Шунгаямми», — дедим ичимда ва қидиришга арзимаса ҳам, шу қизни хурсанд қилиш учун, икки қўлим билан тупроқни титкилашга тушдим. Ойдин, Икки кўзи шунда.

**ТИТМОҚ I** Тўда, тўп ҳолидаги нарсани у ёқ-буйёққа сочмоқ, ағдармоқ, тўзитмоқ. *Бундан кўра гўнг титганинг яшиш эмасми, кекса товуқ!* Ойбек, Танланган асарлар. ..тахта кўмирларини, чинни парчаларини этик учи билан титди. Ҳ. Фулом, Машғал. *У жангчиларнинг техника ва тактика ҳақидаги мулоҳазаларига аҳамият бермагандек, чўғни титиб ўтирди.* Ойбек, Қуёш қораймас.

**2** Ковлаштириб, ағдар-тўнтар қилиб қарамоқ, титкиламоқ. *Сандиқни титмоқ. Уйни титмоқ.* ■ *Қизил крест оломатли брезент сумкани титиб, дори олади-да, Мурзинга тутди.* Шухрат, Шинелли йиллар. *Қоғозларини қанча титсам ҳам, лаънати дафтар сира-сира топилмади.* Ш. Рашидов, Бўрондан кучли. *Кечқурун ўзида бор журналларни титиб, Улфатнинг шеърларини топди.* А. Қаҳҳор, Сароб.

**3** Юлиб, саваб, қоқиб ёки бошқа йўллар билан юмшатмоқ ва чанг, хас-хашакдан тозаламоқ. *Пахта титмоқ. Жун титмоқ.* ■ *Ғозибой ака билан Рўзибой акалар панишаха билан хирмонда тинмай пахтани титиб туришсин.* Мирмуҳсин, Михлар ва пўкаклар.

**4 с. т.** Пора-пора қилмоқ, лабдала қилмоқ, мажағини чиқармоқ. *Ҳозир кўзига кўринсанг, титиб ташлайди.* А. Қаҳҳор, Сароб. *Тутун жигаримни ҳам титиб юборди.* Ойбек, Танланган асарлар.

**ТИТ-ПИТ:** **тит-пит бўлмоқ** Титилиб-сочилиб кетмоқ, тўзиб кетмоқ; остин-устун бўлмоқ. *Ўнлаб километр масофада яп-янги кабеллар тит-пит бўлиб кетган эди.* А. Мухтор, Давр менинг тақдиримда. **Тит-пит қилмоқ** 1) титкилаб, титиб, остин-устун қилмоқ, тартибсиз ҳолга келтирмоқ; 2) кўчма миридан сиригача текширмоқ, текши-

риб остин-устун қилмоқ, ков-ков қилмоқ. **Тит-питини чиқармоқ** 1) адабини бермоқ, бурнини ерга ишқамоқ, тавбасига таянтирмоқ. *Менга қаранг, Афандихон, Бўта яна раис бўлади. Аммо лекин уна тўхмат қилганинг тит-питини чиқазаман.* С. Аҳмад, Ҳукм; 2) айн. **тит-пит қилмоқ.**

**ТИТРАМОҚ I** Совуқдан, кўркувдан, ҳаяжондан ёки дармонсизликдан, касаллик ва ш.к. дан қалтирамоқ. *Ҳаёт пиқ-пиқ йиғлар, елкалари дир-дир титрар эди.* М. Исмоилий, Фарғона т.о. *Кўзларимиз тўқнашди-ю, унинг лаблари титраб, кўзларидан икки томчи ёш думалаб кетди.* М. Жабборов, Севинч ёшлари. *Шодлигимдан ўзимни йўқотаёздим, дағ-дағ титрайман.* Газетадан.

**2** Қимирламоқ, тебранмоқ, силкинмоқ, ларзага келмоқ. *Баланд, тўғри ўсган, учлари бир-бирига туташган қатор теераклар жимгина титрайди.* Ойбек, Танланган асарлар. *Али тажангнинг сарғиш мўйлови титраб кетди.* Ойбек, Қуёш қораймас. *Фуломжоннинг гурзиси асов тош устига даҳшат билан урилганда, бутун тоғ титрар, унгури чичи гумбураб кетар эди.* М. Исмоилий, Фарғона т. о.

**3** Титроққа ўхшаш бўлиниб-бўлиниб чиқмоқ, ифодаланмоқ (овоз, товуш ҳақида). *Қаттиқ титраган дераза орқали узоқда ўт-бўронлар кўринади.* Ойбек, Қуёш қораймас. *-Қалай энди, тузукмисиз? -Шукур, раҳмат, — унинг овози титраб, гапининг охири яхши эшитилмади.* С. Аҳмад, Ҳукм. *Уйнинг яқиндагина сирланган, бўёқ иси анқиб турган шифти остида тор садолари титраб кетди.* Ў. Ҳошимов, Баҳор қайтмайди.

**4** кўчма Титроққа ўхшаш ифода бермоқ, ҳаракатланмоқ. *Сўзлар экан, юраги машғул бир эҳтимолнинг даҳшатидан титрар, тили ҳам осонлик билан ҳаракатланмас эди.* А. Қодирий, Ўтган кунлар.

**ТИТРАМА** айн. **титроқ I.** Унинг ҳайқириларининг ўзидаёқ ҳар қандай рақибнинг тиззасига титратма тушади. Э. Самандар, Тангри қудуғи.

**ТИТРАШ I** Титрамоқ фл. ҳар. н. *Баданнинг титраши тўхтади.*

**2 тиб.** Бирор аъзо, (кўпинча кўл, оёқ ва юз) мускулларининг беихтиёр ритмик равишда титраб туриши.

**ТИТРОҚ I** от Совуқдан, кўркувдан, ҳаяжондан ёки дармонсизлик, касаллик ва

ш.к. дан юзага келадиган ғайришуурий ҳаракат, қалтироқ. [Сидиқжоннинг] Телеграм-ма қоғозини тутиб турган қўли титради. Бу титроқ аста-секин бутун вужудини қамраб олди. Э. Усмонов, Кўнғил. Адолат сурбет Бозоровни кўриши билан ғазабдан қалтиради ва титроғини босиш учун пахта тераверди. И. Раҳим, Чин муҳаббат.

**2 сфт.** Титраб, қалтираб турадиган, титрайдиган, титроқли; қалтироқ. *Титроқ қўл. Титроқ оёқ.* ■ *Муҳаммаджон унинг титроқ лаблариغا суқляниб қаради-ю, лекин журъат етолмай, қўлидан чўпиллатиб ўнди.* П. Қодиров, Уч илдиз. *Замира унинг титроқ вужуди ва ҳаддан ташқари оловли қарашига тоб беролмай, стол устига пастроқ энгашиди.* П. Қодиров, Уч илдиз.

**3 сфт.** Тўлқинланиб ёки узилиб-узилиб чиқадиган (асосан овоз, товуш ҳақида). *У, оппоқ рўмолчаси билан кўзларидан дона-дона қилиб тушаётган ёшини артиб, титроқ овоз билан жавоб берди.* Ш. Рашидов, Бўрондан кучли.

**Титроқ босмоқ (ёки турмоқ, кирмоқ, югурмоқ)** Титроқ пайдо бўлмоқ, эгалламоқ. *Наҳотки Аҳмад танбал қўлга тушган бўлса? Унда сир очилади.. Ёқуббекни титроқ босди.* П. Қодиров, Юлдузли тунлар. *Кўйинг, дадаси, ҳадеб ич-ичингизни тимдалайверманг. Ҳар чўт қоққанингизда бир титроқ туради.* Ҳ. Фулом, Машғал. *Ўрмонжон «Кўрққан олдин мушт кутарар» деган ҳаёлда вужудига титроқ кириб, секин курсига ўтирар экан..* А. Қаҳҳор, Кўшчинор чироқлари. *Майна бир дақиқа кўзини юмди, ғазабдан бутун аъзосига титроқ югурди.* Ш. Тошматов, Эрк қуши.

**ТИТУЛ I** [лот. titulus – устига ёзилган ёзув; фахрий унвон] *пгф.* Китобнинг унинг номи, муаллифи, нашр қилинган йили ва жойи, нашриёт ёки уни нашр этувчи ташкилот номи кўрсатилган биринчи бети; титул варағи. *Китобнинг титули.* ■ *Унинг [китобнинг] муқоваси, титул варағи, шунингдек, бошқа айрим бетлари ҳам жуда эътиборсизлик билан вёрстка қилинибди.* Газетадан.

**ТИТУЛ II** Миллий ва б. турли ҳуқуқлар асоси; айрим кодекс ёки қонунлардаги алоҳида бўлимча.

**Титул рўйхати** Қурилиш объектларини қуриш учун керак бўладиган, объектнинг номи ва ўрни (жойи), лойиҳавий қуввати,

смета бўйича баҳоси ва ш.к. кўрсатиладиган рўйхат. *Яқинда ҳукумат титул рўйхатларини тасдиқлашнинг янги тартибини белгилаб.. камчиликларни йўқотди.* Газетадан. 1984-1985 йилларнинг титул рўйхатларига киритиладиган объектлар бинокорлик материалларининг ҳамма турлари билан.. таъминланиши лозим. Газетадан.

**ТИФ** [юн. typhos – тутун; онгнинг, ақлушнинг хиралашуви] *тиб.* Иситма ва онг парокандалиги, хиралашуви билан кечадиган оғир юқумли касалликларнинг умумий номи; терлама. *Орада беш ой ўтгандан кейин, унинг бўйга етган қизи тиф билан оғриб, ўн етти кун деганда вафот қилди.* А. Қаҳҳор, Сароб.

**ТИХИР с.т.** Сўзга, маслаҳатга кирмайдиган, тутган ерини кесадиган; ўжар, қайсар. *Тихир бола. Тихир от.*

**ТИХИРЛАНМОҚ** Тихирлик, ўжарлик қилмоқ, қайсарлиги тутиб туриб олмоқ.

**ТИХИРЛИК** Тихирга ҳос хусусият, хати-ҳаракат; қайсарлик. *Ўчоқбошида идиш-товоқларни юваётиб, ҳамма гапдан хабардор бўлиб турган Ўринбу қайнатасининг тихирлигидан уялди.* С. Анорбоев, Оқсой. *Кампир неварасининг олдига уни-бунни қўйиб, қистайверади, Обида бўлса, нуқул «йўқ, йўқ», деб тихирлик қилаверади.* Р. Раҳмонов, Чангалзордаги шарпа. *От негадир тихирлик қилиб, юрмай туриб олди.* С. Аҳмад, Чўл бургути.

**ТИШ I 1 анат.** Овқат ейиш, тишлаш, чайнаш, тутиб туриш учун хизмат қиладиган аъзо. *Курак тиш. Озиқ тиш. Фил тиши. Тилла тиш. Тиш чўткаси. Тиш пастаси. Тиш доктори. Тиш тозаламоқ. Тиш қўймоқ, Тишни суғурмоқ (олмоқ).* ■ *Жувон елкаси оша Сидиқжонга қараб, оппоқ, маржондек тизилган тишларини ярқиратиб илжайди.* А. Қаҳҳор, Кўшчинор чироқлари.

**Тиш ёрмоқ 1)** тиш кўрина бошламоқ, чиқа бошламоқ (ёш бола, гўдак ҳақида); 2) гап билан билдирмоқ, оғиз очмоқ; айтмоқ. *Бу тўғрида қўшимизга тиш ёрган эдим, у: -Битта-яримтасининг томоғини мойламабсиз-да, – деди.* «Муштум». *Таранцевнинг аллақайёққа бош олиб кетанидан хабардор бўлса ҳам, бировга тиш ёрмади.* «Муштум». **Тиши чиқмоқ** Маълум сўз ёки сўз бирикмаси билан бирикиб, сўз (сўз бирикмаси) билдирган иш-фаолият, соҳада улғайганликни,

танилганликни билдиради. *..кечагина шинель кийган Чернецов, ҳарбийда тиши чиқиб, ҳарбийда балоғатга етган капитанга тактикадан дарс бермоқчи, деб ўйлади.* И. Раҳим, Чин муҳаббат. *Олғирлик билан тишим чиқди, беҳуда гаплар билан тилим бурро бўлди.* «Муштум». **Тиши ўтмоқ** Моҳиятига тушунмоқ, ақли етмоқ, ҳал эта билмоқ. *Газета ёки китоб ўқиганида, айниқса, техникага оид брошюраларни ўқиганида, баъзиларига тушунмаяпти, ўзининг таъбири билан айтганда, тиши ўтмай қоляпти.* Р. Раҳмонов, Тиниб-тинчимас. **Тишида** (ёки **тишининг кавагида** ёхуд **орасида**) **сақламоқ** Ниҳоятда эҳтиётлик билан (кимсага билдирмай, кўрсатмай) сақламоқ. *Лекин бир илож қилиб тишимда сақлайман уни.* Ойбек, О.в. шабадалар. *Ма, ол. Бирор кунингга яраб қолар, тишимнинг орасида сақлаб юргандим.* «Муштум». *Афандининг тиш кавагида асраб юрган юз танга пули бор эди.* «Латифалар». **Тишини тишига қўймоқ** Бор куч-имконият билан ўзини тутмоқ, чидаган ҳолда тутмоқ. *Ножўя гапларни бошингиздан чиқариб ташланг, акаси жонидан, унақа вақтлар ўтиб кетган, тишини тишга қўйинг-да, дам бўлинг, бости-бости қилиб юборамиз.* А. Мухтор, Опа-сингиллар. *Тагин ҳам фарзанд экан. Тишимни тишимга қўйиб кузатдим.* «Муштум». **Тишини қайрамоқ** Тайёрланмоқ, бирор нарса учун ўзини чоғлаб турмоқ. *Йўлчи тишини қайраб, бойваччанинг кўкрагига бир мушт туширди.* Ойбек, Танланган асарлар. *Тишини қайраб тур, ука, сал қўл бўшасин, катта тўй қилиб бераман.* Ойбек, О.в. шабадалар. **Тишининг оқини кўрсатмоқ** (Тишини кўрсатиб) иржаймоқ, ишшаймоқ, тиржаймоқ. *Шундай табаррук одамга қайси бетим билан тишимнинг оқини кўрсатаман?* М. Исмоилий, Фарғона т. о. **Тиш-тирноғи билан** Қатъият билан, бутун имкон билан. *Тиш-тирноғим билан шу ерда, шу болаларнинг севган ўқитувчиси бўлиб қолишга тиришаман.* П. Турсун, Ўқитувчи.

**2** Курол, асбоб, машина қисмлари ва ш.к.нинг (тишга ўхшаш) ўткир, учли қисми. *Арранинг тиши. Қирғичнинг тиши. Тароқнинг тишлари. Омочнинг тиши.* ■ *Аввалги йилларда ҳам трактор ишларди, болалар тушмагур тишини саёз ботиришарди, ҳозир унақаси йўқ.* С. Маҳқамов, Катта рулда. *Тош омочнинг тиши шаклига кирганда, полвон*

*кўриб маъқуллади..* А. Қаҳҳор, Кўр кўзнинг очилиши. *Аммо чиғирик ўқининг тиши чигитни чайнаган чоқда ишчиларнинг айлантиришга кучи етмас ва қулоқни чаппа айлантириб, қайтадан олдин босишга мажбур бўлар эдилар.* С. Айний, Қуллар.

**ТИШ** П с.т. Таш, сирт, ташқари. *Мол оласи тишида, одам оласи ичида.* Мақол. ■ *Ўзи тишдан ялтираб кўринса ҳам, ички жиҳатдан сурбет бир кимсага ўхшаб қолди.* П. Турсун, Ўқитувчи.

**ТИШАМОҚ** Тиш чиқармоқ ёки тишини чархлаб ўткирламоқ. *Аррани тишамоқ.*

**ТИШКОВЛАГИЧ** Тишни овқат қолдиқларидан тозалаш учун чўп ёки бошқа нарсадан тайёрланган буюм, восита. *..таомдан сўнг бирон соат фоз патидан ясалган тиш-ковлагичини олиб, тишини ковлаб юради.* Мирмуҳсин, Умид.

**ТИШЛАМ** Нон, гўшт ва ш.к. овқатнинг бир тишлашда узиб олинган қисми ёки бир тишлашли парчаси. *Бир тишлам гўшт.* ■ *Бир тишлам нон гадоси бўлиб, биров эшигига борган вақтларим бўлди.* П. Турсун, Ўқитувчи.

**ТИШЛАМОҚ 1** Тишлари орасига олиб, бир қисмини узиб, ажратиб олмоқ. *Жувон қўлидаги олмани устма-уст бир неча мартаба тишлади ва чала чайнаб ютди.* А. Қаҳҳор, Минг бир жон. *Эвзозхон суви қочган нонни тишлаб, чайнай бошлади.* Ҳ. Фулом, Машғал.

**2** Тишлари орасига олиб қисмоқ, тишлари билан тутмоқ, тишида ушламоқ. *Мушук боласини тишлаб, ҳовлига олиб чиқди.* ■ *Мирзакаримбой.. сўзни нимадан бошлашни билмай, соқолининг учини тишлаб деди.* Ойбек, Танланган асарлар. [Жўра] *Қамчини тишлаган ҳолда, отга минди.* Ҳ. Шамс, Душман.

**3** Тишларини ботириб жароҳатламоқ, қопмоқ. *Уни ит тишлаб олди. Бу от тишламайди.* ■ *Тилини тишлаб олган одам тишини сугуриб ташламайди.* А. Қаҳҳор, Кўшчинор чироқлари. *От жонивор, олдидан келганни тишлаб, орқадан келганни тепибди.* «Эртақлар».

**4** кўма Қаттиқ гап билан озор бермоқ, ачитиб гапирмоқ, чақиб олмоқ. *Мастон кампир неварасининг йиғлаб туриб қилган зорига қарамай, яна тишлаб-тишлаб олмоқчи бўлди, лекин шайтонга ҳай берди.* М. Исмоилий, Фарғона т. о.

**Бармоғини тишламоқ** қ. **бармоқ 1.** Шундай ҳийла билан берардимки [заҳарни], табиблар бармоғини тишлаб қолган бўларди.. Ойбек, Танланган асарлар. **Бурнини тишламоқ** Ҳеч нарса қила олмасликка ишора қилади. Алам қилса, бурнингни тишла. ■ Энди уйга қайтиш йўқ. Мирзакаримбой бурнини тишлаб қолсин. Ойбек, Танланган асарлар. **Ер тишламоқ** Ерга кулаб жон бермоқ, ўлмоқ. Фашист.. ё қаншаридан ўқ еб, ер тишлайди, ё эвини қилса, рўпара келган тешикка ўзини уради. А. Қаҳҳор, Асарлар. **Мум тишламоқ** қ. **мум.** Эшпулатов лом-лим демади, деб биз ҳам мум тишлаб кета берсакмикин.. «Муштум». **Олдидан келса тишлайди, кетидан келса тепади** Ўзига йўлатмаслик. Мулла Норқўзи ўша гапни ҳазиллашиб айтганини арз қилиш учун олдидан келса тишлар, кетидан келса тепар эди.. А. Қаҳҳор, Асарлар. **Тилини тишламоқ** қ. **тил 1.** Оғзингни юм, тилингни тишла, Адолат, урушга бореанларнинг ҳаммаси ҳам ҳалок бўлавермайди.. И. Раҳим, Чин муҳаббат. **Тишида тишлаб** Ниҳоятда эҳтиётлаб. Икки-уч ёшида онадан етим қолади. Отаси уни тишида тишлаб катта қилади. Ҳ. Носирова, Мен ўзбек қизиман. ..тоған-тутганини тишида тишлаб сақлади. Ш. Рашидов, Бўрондан кучли. **Қулоғидан тишламоқ** Ўзиники қилиб қўймоқ (одатда, қиз болани ёшлигида, кейин унга уйланиш учун). Сен унинг қулоғини тишлагансан, номард У. Исмоилов, Сайланма. Ёшлигимизда бир-биримизни яхши кўришиб юрардик, қўшни эдик, қулоғини тишлаб ҳам қўйган эдим, — деди Ботирали. Ш. Ризо, Қор ёғди, излар босилди.

**ТИШЛАТМОҚ 1** **Тишламоқ** фл. орт. н. Менинг пойлайдиганим ҳам, тишлаб оладиганим ҳам йўқ, тузукми! Тишлатиб қўядиган қизлардан эмасман. И. Раҳим, Чин муҳаббат. **Синдор эса, ер бағирлаб ўрмалаётган икки оёқли ҳайвонларга меранларча ут очиб, ер тишлатарди.** Н. Сафаров, Сўнгги нафасгача.

**2** кўчма Кези келганда гап билан бопламоқ; гапни ўрнига қўймоқ; ўринли гап қилмоқ. -Ладаларимиз худди бизнинг шўх, қувноқ бўла олишимиз учун ўлиб кетган бўлса-чи! — деб тишлатдим мен ҳам. А. Мухтор, Давр менинг тақдиримда.

**ТИШЛАШМОҚ 1** **Тишламоқ** фл. бирг. н. Кутиб турган хотинлар, Кумушни кўрган он, бир-бирларига қарашиб, лабарини тишлаш-

ди. А. Қодирий, Ўтган кунлар. Қизлар ўйнашиб, қизгалдоқдай яшнашиб.. биров-бирови билан тишлашиб.. бир хиллари биров-бировининг бўйнига қўлини ташлашиб юрибди. «Равшан».

**2** кўчма Жанжаллашмоқ, толишмоқ. ..етти Сибирдан омон қайтиб, генерал Куропаткиндек ҳоким билан тишлашаётган ким? Н. Сафаров, Танланган асарлар.

**3** тех. Бир-бирига киришмоқ, илашмоқ. Тишланган шестернялар.

**ТИШЛОН** *шв.* Сўйлоқ тиш ва шундай тишли одам.

**ТИШЛОНҒИЧ 1** Ёнига борганни тишлайверадиган. тишлаб оладиган. *Тишлонғич ит.* *Тишлонғич от.*

**2** кўчма Гап билан тишлаб оладиган; уришқоқ. Ўғлингизнинг тишлонғичлигидан мақтанманг, тоға, энди бунақа тишлонғич йигитларнинг даври ўтган! С. Абдулла, Ўлмасхон.

**ТИШОВЛАМОҚ** *шв.* Тиш чиқармоқ, тишамоқ. *Аррани тишовламоқ.*

**ТИШСИЗ** Тиши бўлмаган; тиши йўқ. *Тишсиз чол.* *Тишсиз мола.* *Тишсиз сихмола.*

**ТИШ-ТИРНОҚЛИ 1** Қўл урган нарсасини битирадиган; улдабурон, эпчил. *Чиндан ҳам у [Умматали] жуда тиш-тирноқли эди. Интилган нарсасини ё узиб олар, ё унга ёпишиб қолиб кетарди.* Шухрат, Жаннат қидирганлар.

**2** кўчма Теккан, эътибор қаратган жойини узадиган, таъсирини ўтказадиган. *Рецензия дегани ана шунақа тиш-тирноқли, тишлаб оладиган бўлса.* С. Абдуқаҳҳор, Санамай саккиз дема.

**ТИШҚОЛИ** *этн.* Тишни бузилиш, касалланишдан сақлаш мақсадида суртиладиган махсус қора бўёқ. *Тишига тишқоли қўйган Ойсара чўтир овозини настлатиб, гапга зеб беради.* Р. Раҳмон, Меҳр кўзда. *Тишқолидан қорайган яккам-дуккам тишларини тиржайтириб, хир-хир кулди яна хотин.* Ойбек, Улуғ йўл.

**ТИҚ** тақл. с. Нарсаларнинг тегиши, урилишидан ҳосил бўладиган бўғиқроқ кучсиз товуш ҳақида. *Қалам тиқ этиб полга тушди. Тиқ этса, эшикка қарайман.* ■ -Мен.. хизмат қилиб турибман. *Тиқ этган чойнак бежавоб қолмайди, — деди Шум бола.* Ф. Фулом, Шум бола.



**Тиқ этган товуш (ёки овоз, хабар) йўқ** Ҳеч қандай товуш, шарпа ёки хабар эшитилмайди; жимжит. *Қўрғонда тиқ этган товуш йўқ. Ҳатто бешикдаги болалар ҳам тип-тинч.* Ойбек, Танланган асарлар. *Эшиклар маҳкам тамбаланган, кўчаларда тиқ этган товуш эшитилмайди.* Т. Обидов, Юсуфжон қизиқ. *Бу хатдан кейин Маргилондан тиқ этган хабар бўлмади ва орадан икки ойлаб фурсат ўтиб кетди.* А. Қодирий, Ўтган кунлар.

**ТИҚИЛИНЧ 1** *от* Одам, машина ва ш. к. билан тирбанд; юриш, ҳаракатланиш қийин ҳолат; шундай ҳолатли жой; шундай ҳолатдаги одам ёки нарсалар тўдаси. *Йўлчи «Дўппи бозор»дан аравани зўрға олиб ўтди: бу ерда зўр тиқилинч, кўпчилиги хотинлар.* Ойбек, Танланган асарлар. *Трамвай нариги бекатда тўхтаганда, тиқилинчда урилиб-сурилиб, мен тушган вагонга кутилмаганда Санобар чиқиб келди.* Ў. Усмонов, Сирли соҳил.

**2** Шундай тирбанд, юриш, ҳаракатланиш қийин бўлган (қийин ҳолатли). *Ойниса вокзал майдони яқинида тиқилинч трамвайдан ҳаммадан кейин тушди..* Ҳ. Фулом, Тошкентликлар. *Ҳамадон шаҳри худди безовта қилинган арининг унидек ғувуллайди. Кўчалар тиқилинч.* М. Осим, Ибн Сино қиссаси.

**3** Тезлик билан бажарилиши лозим бўлган; шошилинч, ошиғич. *Тиқилинч иш.* ■ *Борадиган жойингизга кеч қоладиган бўлдингиз-да, меники жудаям тиқилинч эмас эди.* Шуҳрат, Жаннат қидирганлар.

**4** Бажарилиши лозим бўлган иш кўп (тиқилган), вақт эса зиқ. *Шукур бетоқат бўлиб, энсиз пешонасини тириштирди. Шу тиқилинч пайтда Шукурнинг миясига бир фикр келиб қолди.* С. Анорбоев, Ҳамсуҳбатлар. *Кундузи Зиннат буви теримчиларга овқат пиширгани кетадиган вақтда, ишларим тиқилинч бўлишига қарамай, мен уйга етиб келдим.* Ҳ. Назир, Кўктерак шабаласи.

**Тиқилинч қилмоқ** Зўр бериб қистамоқ, шоширмақ, қийин-қистоққа олмоқ, ҳолжонига қўймай талаб қилмоқ. *Мунисхон тиқилинч қилмаганда, улар кўчиб кетишмасди.* Ў. Умарбеков, Ёз ёмғири. *Юзбошига айтиб қўйинг, Ҳайдарвой, ишла, ҳа бўл, деб бизга кўп тиқилинч қилавермасин.* М. Осим, Тилсиз гувоҳ.

**ТИҚИЛЛАМОҚ** *айн. тиқирламоқ.* *Эшик тиқиллади.* ■ *Энди ётмоқчи бўлиб турганида, дераза тиқиллади.* «Саодат».

**ТИҚИЛМОҚ 1** **Тиқмоқ** фл. ўзл. ва мажж. н. *Шиша оғзига пўкак тиқилган. Қопга ун тиқилди.* ■ *Хуржуннинг бир кўзида тузун, бир кўзида ўраб тиқилган жул қоплар.* С. Анорбоев, Оқсой. *Гўрға тиқилгур очофатлар, мол талашиб, сандиқни ҳам синдиришиди.* И. Раҳим, Чин муҳаббат.

**2** Лой ёки юмшоқ жойга ботиб қўзгалолмай, юролмай қолмоқ. *Машина кичик бир ариққа тиқилиб қолди.* ■ *Оти лойга тиқилган навкарлардан бири Тоҳир эди.* П. Қодиров, Юлдузли тунлар. *Арава лойларга тиқилавериб, жонимиздан тўйдирди.* П. Қодиров, Юлдузли тунлар.

**3** Тор, зиқ жойдан ўрин олмоқ, жойлашмоқ. *Авзам уч-тўрт кун кўчада бош ургани жой тополмай.. дайдиб юргач, шаҳар четидаги кўримсизгина бир масжид қоровулининг мол боғласа турмайдиган ҳужрасига бориб тиқилди.* Шуҳрат, Жаннат қидирганлар. *Мана, ҳозир яраланган бўридек кавакка тиқилиб ўтирибди.* С. Юнусов, Кутилмаган хазина. *Семизлигидан партага тиқилиб ўтирган бир киши томоқ қириб, мўйловини бураб қўйди.* С. Зуннунова, Янги директор.

**4** Бирор нарса ёки қимсага ёпишмоқ; зич, тирбанд нарса ёки одамлар орасидан жой олмоқ. *Эски кир чопонни кийгач, айвонга чиқди, ўхў-ўхўлаб йўталганча, танчага тиқилди.* Ойбек, Улуғ йўл. *Нурини нақ мазористонда ёлғиз қолган каби бир ваҳима босди, ранги ўчиб, кампирнинг пинжига тиқилди.* Ойбек, Танланган асарлар. *Эшик олдида одамлар орасига тиқилиб, Бозорбой ҳам ўтирган экан..* П. Турсун, Ўқитувчи.

**5** Кўп миқдорда ва зич, тигиз жойлашган ҳолатда бўлмоқ. *Мана, бир томондан дераза ўрнига туйнук очилган кичкина қоронғи уйда ўн-ўн беш чоғли хотин ўтирибди. Улар эски, лекин озодагина кўрна ёпилган сандал атрофига тиқилишиб, секин-секин суҳбатлашишарди.* С. Зуннунова, Гулхан.

**6** кўча Жуда кўп миқдорда бўлмоқ, мўлкўл бўлмоқ. *Магазинда хоҳлаган нарсанг тиқилиб ётибди.* ■ *-Тут мева қилади-ку, отажон. Қуртлар тол бариени ея қолсин, ариқ бўйида тиқилиб ётибди-ку, — деганди қизалоқ.* Й. Муқимов, Ипак толаси.

7 Томоқдан ўтмай тўхтаб қолмоқ. Унинг томоғига нон тиқилибди. ■ Сафаров.. муштнинг қирраси билан унинг кекирдагига туширди. Йўғон киши чалқанча йиқилди ва сўйилган товўқдай типирчилаб, суяк тиқилган итдай хириллай бошлади. А. Қаҳҳор, Қўшчинор чироқлари. [Ўринбоев] Шунча қаттиқ гапиргани билан, худди томоғига дон тиқилган хўроздек, овози чиқмайди. А. Муҳиддин. Тўғри таъбир.

8 Бошқаларнинг гапи, суҳбати ва ш.к. га аралашмоқ, суқилмоқ. Бу ишга сен тиқилма. ■ Иккинчи навкар яқин келиб, бўйинини чўзиб тиқилди: -Сиз кимсиз? Нега таслим бўламиз? — сўради у. Ойбек, Навоий.

**Жони ҳалқумига тиқилмоқ айн. жони ҳалқумига келмоқ қ. жон 1.** Агар ҳар йил жасорат кўрсатамиз десак, жонимиз ҳалқумимизга тиқилиши мумкин. Ш. Рашидов, Бўрондан кучли. **Нафаси тиқилмоқ ёки нафаси оғзига (ёки бўғзига, ҳалқумига) тиқилмоқ** Нафас олиши оғирлашмоқ (маълум сабаб таъсирида). ..сўгларнинг ашаддий душмани бўлган Эрон шоҳи ва унинг қора ниятлари тўғрисида гапирар экан, газабдан нафаси сиқилар, кўзлари ўт сочар эди. М. Осим, Аждодларимиз қиссаси. Йўқ, жоним, ёруққина айвон тузук менга, уйда нафасим тиқилиб кетади. Ойбек, Улуғ йўл. Тез юриб келганларидан бўлса керак, нафаслари оғзиларига тиқилиб, ҳарс-ҳарс қилардилар. Э. Раимов, Ажаб қишлоқ. -Қумқишлоққа юборилган йигитлар қирилибди, — деди Бек нафаси бўғзига тиқилиб. Ҳ. Фулом, Машғал. Бектемирнинг лаблари қовжираган, нафаси ҳалқумига тиқилган, оғир ҳансирарди. Ойбек, Куёш қораймас. **Пинжиги тиқилмоқ** Шахсий манфаат, фаразли мақсад билан кимсага яқинлашмоқ. Ер-сувли одамлар.. қийналиб қолсалар, дарров уларнинг пинжиги тиқилар ё ўртага киши қўйиб, ерни тезроқ ўз қўлига ўтказишга тиришар эди. Ойбек, Танланган асарлар. **Ўпкаси ҳалқумига (ёки оғзига) тиқилмоқ қ. ўпка.** Бутун вужудини ларзага солган титроқ пайдо бўлди. Ўпкаси ҳалқумига тиқилиб, нафаси қисилди. М. Хайруллаев, Тилла маржон.

**ТИҚИН 1** Идишларнинг оғзига тиқиб қўйиладиган қопқоқ. Пукак тиқин. Шиша тиқин. Бутилканинг тиқини. ■ Шукуржон бутун вужуди жимирлаб кетганини ҳис этиб, фляганинг тиқинини тортди, у бўш эди. О.

Ёқубов, Ота изидан. Ашуртой ака носқовоқнинг шокиладор чарм тиқинини ёпа туриб, салмоқланиб гапирди. Р. Файзий, Ҳазрати инсон.

**2 айн. тиқилинч.** Йўл жуда тиқин ва серқатнов.. ■ Больницага [касалхонага] борсангиз, ўзим элтиб қўяман, юраверинг. Трамвайда ҳозир одам тиқин бўлади. Ж. Абдуллахонов, Тўфон. Мен тиқинда ҳаво етмагандай бўғила бошлайман, деразага интиламан. А. Муҳтор, Давр менинг тақдиримда.

**3** Ичига, қобигига тиқилиб турган, шундай жойлашган. Йўлдош тиқин рюкзанин орқалади, Ойниса тугун кўтариб олди, бобо билан буви олдинга тушишди. Ҳ. Фулом, Тошкентликлар. Ҳар кўчатда ўн-ўн икки ва ундан зиёд фоз тухумидай, ана очилай, мана очилай деб турган тиқин пахта. Ф. Фулом. Синфларда бўш парта йўқ, Мағзи тиқин анордай. Ф. Фулом.

**ТИҚИНЛАМОҚ** Оғзини тиқин билан бекитмоқ, оғзига тиқин тиқмоқ, тиқин билан қопқоқламоқ. Бутилкаларни тиқинламоқ.

**ТИҚИНЧОҚ** **Тиқин 1** с. кичр.-эркл. Чола унинг қўлидан кўзачани олиб, оғзидаги тиқинчоқни очди. С. Нуоров, Оналар.

**ТИҚИРЛАМОҚ** «Тиқир-тиқир» овоз чиқармоқ. Хаёл суриши билан тонг отардагина энди кўзим илинган экан, кўча эшик тиқирлаб қолди. А. Муҳиддин, Чап чўнтак.

**ТИҚИР-ТИҚИР** тақл. с. Каттиқ нарсага кучсизроқ уриш ёки урилиш натижасида ҳосил бўладиган қисқа-қисқа, кескин кучсиз овоз ҳақида. Сичқон тиқир-тиқир қилиб, ниманидир кемирмоқда. ■ Жимжит хонада тарновлардан тушаётган сувнинг шитирлиги, том тунукаларининг тиқир-тиқири ва борлиқни қамраб олган мулоҳим, аммо салобатли ёмғир шовури эшитилиб турарди. П. Қодиров, Уч илди.

**ТИҚИШТИРМОҚ 1** Кўп ёки катта нарсани талаб этилганидан кичик ёки тор идишга, жойга зўрлаб тиқмоқ; ниқталаб, зичлаб жойламоқ. Китобларни портфелга тиқиштирмоқ. Чўнтакка ҳар нарсани тиқиштирма. ■ -Копток ўйнашни жудаям яхши кўраман, ёзин-қийин чўнтагимда олиб юраман, — деди Зумрад коптокни қайтадан кичкина чўнтагига тиқиштириб. Ойбек, Улуғ йўл. Маҳкам ака унга кўз қисиб қўяди, бола кулиб, лунжиги нон тиқиштиради. Р. Файзий,

Сен етим эмассан. *Тутаб ётган чала тўнгак ёнига.. шох-шаббалар тиқиштириб пуфлашдан боши оғриган Жобир ниҳоят бошини кўтарди.* Ҳ. Шамс, Душман.

2 *кўчма с. т.* Бирор жойга, ишга, ўқишга зўрма-зўраки тиқиб қўймоқ, жойлаштирмоқ, жойламоқ. *Ишга қариндошларини тиқиштирмоқ.*

3 Нима бўлса (топса), борини кимгадир беравермоқ. *Учта бўйига етган сингелиси бор. Қарамайди. Топганини хотинига тиқиштиради.* «Муштум».

4 Ёқса-ёқмаса, хоҳласа-хоҳламаса, яраса-ярамаса беравермоқ, суқавермоқ. *Болага ҳар қандай овқатни тиқиштиравермаслик керак.* ■ *Бу ахир расвогарчилик-ку!* — деди бир кун Музаффар Мухамедов. — *Бизга қандай пьесаларни тиқиштиришяпти.* Ҳ. Носирова, Мен ўзбек қизиман.

**ТИҚМАЧОҚ 1** Ичига ниқтаб бирор нарса (мас., пахта) тиқилган; дўппайган (қоп, халта ва ш.к.). *Жаъфар ипак фабрикаси томон кетаётганда, портфели озгин бўлади, қайтаётганда, тиқмачоқ бўлиб келади.* «Муштум».

2 *айн. тиқмачоқдай.* Усмонли ака унинг [Омонтуйнинг] қўйиб қўйгандек тиқмачоқ гавдасига.. *икки қулогига етай деб турган мўйловига қаради.* С. Аҳмад, Чўл шамоллари. *У ориққина бўлса ҳам, қўли, болдирлари тиқмачоқ..* А. Мухтор, Давр менинг тақдиримда.

**ТИҚМАЧОҚДАЙ**, -дек Етилиб тўлишган; бўлиқ, семиз, дўппи. *Тиқмачоқдай билакларида илон бошли олтин билагузуклар ёнади.* Ойбек, Танланган асарлар. *Эшикни икки юзи қип-қизил, украинларга хос пучуқроқ, тиқмачоқдек бир жувон очди.* Шухрат, Шинелли йиллар.

**ТИҚМОҚ 1** Бир нарсани бошқасига санчиб, суқиб киритмоқ. *Бигиз тиқмоқ. Ханжар тиқмоқ.* ■ *..ерда ҳам хосият кўп.. Ерга чўпни тиқиб қуйсанг, кўкариб, қулочга сиғмас дарахт пайдо бўлади.* Ойбек, Танланган асарлар. *Ҳамманинг кўз олдига кўксига пичоқ тиқиб, чуқурга ташланган акаукалар турарди.* Мирмуҳсин, Меъмор. *Эшак: -Бу қирқ йилни нима қилиб ўтказаман? — деган экан, худо: Одамлар устингга юк ортади, ўзи ҳам минади, халачўп тиқади, — деди.* А. Қаҳҳор, Қўшчинор чироқлари.

2 Тешик, очиқ, бўш жойга киритмоқ, юбормоқ. *Бурнига бармоғини тиқмоқ.* ■ *Бойвачча кавакчадан чўп тиқиб, занжирни туширди..* Ойбек, Танланган асарлар. *Қурбон ота самоварнинг остига сим тиқаётган эди, қаддини ростлаб, Сидиқжонга қаради.* А. Қаҳҳор, Қўшчинор чироқлари. *Нимчаси чўнтагига қўл тиқиб, рўмолчасини олди.* Мирмуҳсин, Меъмор. *Ууй олдига келиб тўхтади.* Деразадан бошини тиқди. М. Мухамедов, Қахрамон изидан.

3 Ичига, орасига олмоқ (солмоқ); жойламоқ. *Қонга сомон тиқмоқ.* ■ *Олинг, молларни сандиғингизга, пулни чўнтагингизга тиқинг..* «Муштум». *Мирҳомидхўжа шошиб, Қамбарали аканинг қўлидан пулни олди-да, унинг қўйнига тиқди.* А. Қаҳҳор, Қўшчинор чироқлари. *Қоровул шўра ва ялтизларни ўриб, сув урган жойга тиқа бошлади.* Э. Раимов, Ажаб қишлоқ.

4 *кўчма с. т.* Бирор ўқиш, иш ёки лавозимга зўрма-зўраки жойлаб, ўрнаштириб қўймоқ, тиқиштирмоқ. *Комиссия таркибига яна сени тиқибдилар-да.* ■ [Сухсуров:] *Мени бутун уруш даврида ўқитувчиликка тиқиб қўйишди.* А. Қаҳҳор, Тобутдан товуш.

5 Бировни бирор иш, гап ёки даврага қўшмоқ, аралаштирмоқ, тортмоқ. *Отабек сачраб, Кумушга юз ўғирди: -Бу ўртага Зайнабни келтириб нимага тиқасиз энди? А. Қодирий, Ўтган кунлар.*

**Бош тиқмоқ** Хонадон, муассаса каби жойга кўриш, билиш ва ш.к. мақсадда кирмоқ, қадам босмоқ. *Кампир энам қиз қидира-қидира, тинкаси қуриди. Қайси эшикка бош тиқса, сўрашармиш: -Савдогарми, боғи борми, уй-жойи борми?* Ойбек, Танланган асарлар. *..меҳмон икки кун ичида шаҳар раста-бозорларини айланди, саройларга бош тиқди.* А. Ҳакимов, Илон изидан. *Қизлар у кўчага бош тиқиб, бу кўчага бош тиқиб, адашиб анча юришди.* Ойбек, Танланган асарлар. **Бурнини (ёки тумшугини) тиқмоқ** Бирор иш, гап-сўз ва ш.к. га аралашмоқ, суқилмоқ. *Нега Нури эркаклар ишига бурнини тиқади? Хизматкор керак бўлса, эри топсин.* Ойбек, Танланган асарлар. *Сен менинг ишимга тумшугингни тиқма!* Ҳ. Аҳмар, Ким ҳақ? *У, элликбоши бўлгани учун, маракаларга бурнини тиқади.* Ойбек, Танланган асарлар. **Гўрга тиқмоқ** Ўлдирмоқ. *Биз.. фашистларни гўрга тиқамиз.* Ойдин, Ҳи-

коялар. **Икки бармоғини** (ёки қўлини) бурнига тиқиб қолмоқ қ. **бармоқ 1**, бурун 1. *Бизнинг шартимиз шуки, сув чиқарилиб, қақир ерларга жон киритилганда, ерсиз ва кам ерли камбағаллар икки бармоғини бурнига тиқиб қолмасин!* М. Исмоилий, Фарғона т. о. **Икки оёғини бир этикка тиқмоқ** Айтганини бажаришни талаб қилмоқ, шу талабда ўжарлик билан туриб олмоқ. *-Ё бино топ, ё бизнинг жавобимизни бер, — деб икки оёқларини бир этикка тиқиб туриб олишди.* Й. Шамшаров, Қахрамонлик йўли. **Икки қўлни** (ёки беш панжани) оғзига тиқмоқ айн. беш қўлни оғзига урмоқ қ. беш. **Терисига сомон тиқмоқ** қ. **тери**. *Яхшиямки, бояги гапларингизни ўғлим эшитмади, йўқса, терингизга сомон тиққан бўлар эди.* М. Осим, Аждодларимиз қиссаси.

**ТИҚ-ТИҚ Тиқ** с. тақр. Ёнғоқли боғ эшигин [Олимжон] чақирди тиқ-тиқ уриб. *Барваста бўли киши чиқди: «Ким?» деб ҳол сўриб.* Қ. Муҳаммадий.

**ТИҒ** [ф. تیغ — қилич, ханжар; тикан, тиканак; нур] 1 Қилич, ханжар, пичоқ, найза каби совуқ қуроолларнинг умумий номи. *Тиғ яраси тузалар, тил яраси тузалмас.* Мақол. **Аммо тиғ тегиб, қўл ёки оёғи узилганлар оҳ-воҳ уриб, мадад кутиб ётарди.** Мирмуҳсин, Меъмор. *Эрназар жаллод, Шералини сиёсат билан йиқитди ва нўлат тиғини кинидан тортди.* «Эрали ва Шерали».

2 Кесувчи асбоб, қурол-яроғ ва ш.к. нинг кескир қирраси, дами; турли машина, механизм ва ш.к. нинг кескич қисми. *Болтанинг тиғи. Қиличнинг тиғи.* **Кетмон тиғини қайирадиган тош-метин эски пахсаларни қизлар неча чақирим ердан ташиб келиб, далага тўкишди.** Ойбек, О.в. шабадалар. *Қайнарнинг бўйдор ўтлари косилкаларнинг беомон тиғлари зарбидан юзтубан йиқиларди.* С. Анорбоев, Оқсой.

3 Ништар, найза каби асбобларнинг ўткир учи, найзаси.

**Тиғ тегизмоқ** (ёки **урмоқ**) 1) бирор асбоб, қурол билан кесмоқ. *Тепа шохга асло тиғ тегиза кўрманглар.* Н. Сафаров, Олияхон Султонова.

4 с. т. Ствол, мил. *Қўш тиғ милтиқ.* **Вагондан энг кейин тушган ва милтиғини тиғидан ушлаб, кетмондай елкасига қўйиб келаётган Аҳмаджон.** А. Қаҳҳор, Олтин юлдуз.

5 кўчма Умуман, тиғ, найза каби таъсир ўтказувчи нарса, куч. *Зулм тиғи. Жабр тиғи.*

**Илму фан тиғи бирлан жаҳл бағрини қон қил.** Ҳамза. *«Уччига чиққан маъмуриятчи» деган сарлавҳа остидаги мақоланинг ўтқир тиғи Ойқизга қаратилган бўлса ҳам..* Ш. Рашидов. Бўрондан кучли.

**Тиғ кўтармоқ** Қурол-яроғ билан уруш-жангга хезланмоқ, жангга кирмоқ, жанг қилмоқ. *Тақсир, узр, фуқарочилик, адолатсизликка қарши яна тиғ кўтаришга тўғри келди.* Уйғун ва И. Султон, Алишер Навоий. **Тиғ урмоқ** (ёки **тортмоқ**) Тиғ-яроғ билан зарб бермоқ. *Тиғ уриб ярамоқ.* **Қайси фарзанд отасига тиғ тортар.** «Рустамхон». (Дами) **тиғдан ўтказмоқ** Ёппасига тиғ-яроғ билан ўлдирмоқ. *Подшоҳ: -Ҳеч ким менга шу сирни ошкор қилмаса, шаҳар халқини дами тиғдан ўтказиб, тупроқ билан баробар қиламан, — дебди.* «Эртақлар». *Яқинда Али уйқудан турсади, зулфиқорини кўтариб, диндан чиққан.. бандаларни тиғдан ўтказадди, дедилар.* С. Аҳмад, Ҳукм. **Қуёш** (ёки **кун, саратон**) **тиғи** 1) қуёш нури, шуъласи, ёғдуси. *Кун тиғида ёниб-ўчиб Кўрнади кетмонлар.* Т. Тўла; 2) қуёш ҳарорати. *Кунларнинг бирида, саратоннинг тиғида боғбоннинг этлари увушибди, томоғи қуришибди.* Ё. Шукуров, Уч савол. **Қуёш** (ёки **кун, тонг**) **тиғ урди** (ёки **тортди, ёйди, ёрди**) Қуёш чиқди, қуёш нур, шуъла таратди, ёғду сочди. *Кун тиғ уриб қолган эди.* *Ўрталик аллақачон ёришган.* Ғ. Ғулум, Шум бола. *Кун тиғ тортди, дарёнинг у томонидаги адирларнинг сирти тўқ яшил, жилғалари қора тусга кирди.* А. Қаҳҳор, Қўшчинор чироклари. *Шарқ осмонининг тепасида тонг тиғ ура бошлаган бўлса ҳам, деворлар, дарахтлар ичига кўмилган шаҳар ҳали анча қоронғи эди.* М. Исмоилий, Фарғона т. о. *Чошгоҳ маҳалида қуёш булутлар орасидан тиғ ёриб чиқди.* Р. Раҳмон, Меҳр кўзда. **Қўлга тиғ олмоқ айн. тиғ кўтармоқ.** *Урушни бошлаган мен эмас, сенсан, энди жазосини тортасан ўзинг, Қўлга тиғ олишга мажбур этсан сен. Энди шу тиғ билан ўйилар кўзинг.* Уйғун.

**ТИҒА** [ф. تیغہ — тиғга ўхшаш нарса; қилич ёки пичоқ дами; тоғ чўққиси] 1 эск. айн. **зенит 1.** *Кун тиғага келганда, уйга қайтдик.* **Кун тиғада, жазирама, чанг.** Ғ. Ғулум, Шум бола.

2 с. т. Қуёш ҳарорати; қуёш нури кўп ёғилиб, қиздириб турган жой. *Офтоб тиғасида ётмоқ.* *Кун тиғасида терлаб-пишиб ишламоқ.*

**ТИГДОР** [ф. تىغدور — тигли, тиги бор; тиг эгаси] 1 Кесадиған, тигли. *Бир газли тигдор пичогини қайраб турған қассоб, дадаси етаклаб келтирган қўйнинг калласини шартта кесиб, гўштини бошқа, суягини бошқа қилиб қўйған эди.* И. Раҳим, Тинимсиз шаҳар.

2 кўчма Ўткир, аччиқ. *Тигдор тил. Тигдор гап.*

**ТИГИЗ 1** Бир-бирига жуда яқин жойлашган; оралиғи қисқа; зич, қалин. *Тигиз дарахтлар. Залда одам тигиз. Тигиз ўтқазилган кўчатлар.* ■ *Энди улар анча зичтиғиз қаторлар билан илгариларди.* Ойбек, Қуёш қораймас. *Тутқун сасни тополмадим Тигиз ўрмонларда ҳам.* М. Шайхзода. *Мажнунтол барелари орасидан сирқиб тушаётган ёмғир томчилари қизнинг пайваста қошларига, тигиз киприкларига теккан.* П. Қодиров, Юлдузли тунлар.

2 Муайян иш (ишлар) учун вақтнинг камлиғи, қисқалиғи; зич. *Кузадаги баракали хирмон шу тигиз кунлардаги ишнинг унуми ва сифатига боғлиқ.* ■ *-Вақт тигиз. Ҳали билет ҳам олганим йўқ, — деди Маҳмуд.* А. Убайдуллаев, Ҳаёт оқими. *Агар меҳмоннинг вақти тигиз бўлса, ҳар бир уйдан бир нарса олиб чиқилиб, дастурхонга қўйиб чиқилади.* Ш. Холмирзаев, Қил кўприк.

3 Бажарилиши лозим бўлган ишлар кўп ва у тез суратда, узлуксиз бажарилиши лозим бўлган ҳолат; шошилиш, ошиғич, қис-таланг. *Анҳорда икки обжувоз ва икки тегирмон ишлаб туради.. Шунга қарамай, иш тигиз.* Ҳ. Фулом, Тошкентликлар. *Далада ишнинг тигиз вақти ўтгани учун мардикорларга бундан бир неча кун илгари жавоб берилган.* Ойбек, Танланган асарлар.

**ТИГИЗЛАШМОҚ** Тигиз ҳолатли бўлмоқ (қ. **тиғиз**). *Ораси тигизлашди. Вақти тигизлашди. Ишим тигизлашди.* ■ *Йиғим-терим бошланиб, йўлларда қатнов янада тигизлашиб қолди.* Газетадан.

**ТИГИЗЛИК** Тигиз ҳолатдалиқ. Экиннинг тигизлиғи. Аҳолининг тигизлиғи. Вақт тигизлик қилди. *Иш тигизлигидан театрға боролмади.* ■ [Нури Йўлчиға:] *Ҳали шоманг, деганимга кўнаси ахир, — деди-да, вақтнинг тигизлигидан хавфланиб, деразани оҳиста ёпди.* Ойбек, Танланган асарлар. *Далада ишнинг тигизлигини баҳона қилиб,*

*бувисини икки-уч кунда сайр қилдирадиган бўлди.* Ҳ. Назир, Сўнмас чакмоқлар.

**ТИГЛАМОҚ** кт. Тиг урмоқ, кесмоқ.

**Бағрини (ёки кўксини, юрагини) тигламоқ** Руҳий ёки маънавий азоб бериб, эзиб, юрагини доғламоқ, яраламоқ. *Бу ўйлар кичик Умидни азоблар, бағрини тигларди.* Мирмуҳсин, Умид. *Ғам ханжари билан кўксин тиглади.* Ғайратий. *Сени дея кўп йиғладим, Юракларимни тигладим.* «Нигор ва Замон».

**ТИГЛИ 1** Кесувчи ёки найзали асбоб билан қуролланган, тиги бор; тигдор. *Тигли киши. Тигли машина.*

2 Кескир қирраси, найзаси, дами бўлган. *Икки тигли ханжар.* ■ *Олдинда — қўлларида биттадан калтакча, белларида ингичка тигли дудамача ничоқлар осилган икки киши юрмоқда эди.* Булар жаллод эдилар. С. Айний, Қуллар.

3 кўчма Тигдор, кесадиған, санчиладиган.. *Тигли тил. Тигли гап.* ■ *Бу сўзлар анча тигли бўлса ҳам, Гулсум холага оғир ботмади.* «Қаҳрамоннома».

**ТО** [ф. تا — =гача, қадар, =гунча] Гапдаги ўрин, пайт ва ш.к. маънони таъкидлайди, таъкидлаш, кучайтириш учун хизмат қилади. *Тонг отгандан то кун ботгунча ишладим. Тошкентдан то Қаршигача ухламадим. Етти ёшдан то етмиш ёшгача..* ■ *Кўзойнакни тақиб, эрталабдан то шомгача, баъзи вақт кечалари ҳам ўқиди.* Ойбек, Танланган асарлар. *Пастдан то чўққиларигача митти-митти чуқурчалар, тоқчалар қопланиб ётибди.* Ш. Холмирзаев, Қил кўприк. *Раҳим Саидов то бир қарорга келгунча, Саид ака масалани ҳал қилди.* Ў. Умарбеков, Ёз ёмғири. *Ҳар кун тонг қоронғисидан ишга тушиб, то пешин намозига қадар ҳеч қаёққа қўзғалмайдиган «бачканадўз» бу кун қиём бўлмасданоқ дўкконхондан чиқди.* Ойбек, Танланган асарлар.

**ТОАБАД** [ф. + а. تااباد — абадийликкача, доимий] қ. **абადий**. *Ўша кунлар унутилмас, Қолур тоабод.* Р. Бобожон. *Маърифату ободлик чирогини ёққан киши тоабод ўлим билмайди.* Мирмуҳсин, Меъмор.

**ТОАТ** [а. طاعت — итоат қилиш, бўйсунуш; итоаткорлик] 1 дин. *Худоба сифиниш, ибодат. Бир соат тафаккур бир йиллик тоатдан афзал.* Ойбек, Навоий.

**Тоат қилмоқ** Худого сифинмоқ. *Менимча, олтамиш йил қуруқ тоат, ибодай қилгандан кўра, бир соат одил бўлмоқ савоблироқдир.* Уйғун ва И. Султон, Алишер Навоий.

**ТОАТ-ИБОДАТ** [тоат + ибодат] **1** дин. Узлуксиз тоат ва ибодат; тоат ва ибодатлар. *Кўчма маҳалласидаги «кулбайи вайронаси»да тоат-ибодатга муккасидан кетган эмиш.* Ҳ. Фулом, Машғал. *Қолган умримни бир чеккада узлатда худойи таолога сифиниб, тоат-ибодатда ўтказмоқчиман.* Мирмуҳсин, Меъмор.

**2** кўчма с. т. Кишининг бирор мақсад билан қилган бутун ҳаракати, уринишлари. *Ойи! Шу дорини топмасам, бутун қилган тоат-ибодатларим бекорга күйиб кетади!* С. Анорбоев, Оқсой.

**ТОБ** [ф. تاب — куч-қувват, чидам, дармон; иссиқлик; ёниш, ёғду; дард, азоб] **1** Киши организмнинг ҳолати; соғлиқ. *Тобим яхши. Тоби дуруст эмас.* ■ -*Ота, тобингиз жойидами? — деб сўради йигит тавишиланби.* М. Исмоилий, Фарғона т. о.

**Тоби айнимоқ (ёки қочмоқ)** ёхуд **тоби келишмаслик** Соғлиги салбий томонга ўзгармоқ, соғлиги ёмонлашмоқ. *Шу кунда сал тобим айниб юрибди. Улиб-негиб қолсам..* С. Аҳмад, Уфқ. *Жиндай тобим келишмай қолди..* А. Мухтор, Бўронларда бордек ҳаловат. *Ўриклар данак қотирганда тобим қочиб қолди.* М. Мансуров, Ёмби. **Тоби йўқ** Соғлиги дуруст эмас; касал, бетоб. *Бунинг олдида кетолмай қолдим, ота, тоби йўқ.* А. Мухтор, Чинор.

**2** Меъёрига етиш, етилиш (етилганлик) даражаси, ҳолати. -*Ернинг тоби бундан ортиқ бўлмайди, — деди у синовчан назар билан ёнидагиларга қараб.* Р. Файзий, Чўлга баҳор келди. *Ҳосил мўл, тобида силос қилмасак, шираси камайиб, бурди кетади.* Ф. Нуруллаев, Бўз йигит. *Сайислар билади отнинг тобини.* Эргаш Жуманбулбул ўғли.

**Тобига етмоқ (ёки келмоқ)** Фойдаланиш, ишлатиш учун тайёр ҳолга етмоқ (келмоқ); етилмоқ. *Кечагина пахталари бодроқдай очилиб ётган далалар шудгордан кейин қор остида бўрсиллаб ётибди, тобига етаяпти.* Газетадан. *Сўфининг танларига бирдан ўт туташгандай бўлди. Бутун вужуди қизиган танурдай [тандирдай] тобига келган эди.* Чўлпон, Кеча ва кундуз. *Балиқ шўрва келди*

*тобига чоғи, Дастурхонга чўкди овчилар шу чоқ.* М. Икром, Балиқ овида.

**3** кўчма Хоҳиш-истак, майл, рағбат. *Ишга тобинг борми, жиян?* Ойбек, Танланган асарлар. *На ўқишга, на юмушга тоби йўқ, таъби нозик..* «Гулдаста».

**4** Чидам, тоқат. *Тоб бермоқ.* ■ *Отанга берма азоб, Азобга қолмаган тоб.* Ҳ. Олимжон.

**Тоб бермоқ** Туриш бермоқ; чидамоқ. *Низомиддинов унинг ўтли қаршига тоб беролмай, аста-аста юриб, дарвозадан чиқди.* С. Аҳмад, Ҳукм. **Тоби йўқ** Чидамайди. *Лаънатининг хотин олишга ихлоси баланд-у, катта чиқимга тоби йўқ.* П. Турсун, Ўқитувчи.

**5** Тафт, дам. *Қорамтир, қўнғир, пушти бурут карвонлари гўё қизил шуъла тобидан шарққа шошилиб қочар эди.* П. Турсун, Ўқитувчи.

**Тоб бермоқ** Тафтига (дамига) тутмоқ; тобламоқ (тобланмоқ). *Мана, кўз ўнгимизда қуёшнинг ҳаётбахш тафтига тоб бериб, кенг пичанзор водий ястаниб ётибди.* Газетадан.

**6** шв. Худди, нақ. *Сен опанг Жумагулнинг тоб ўзисан, лекин бир озгина фарқинг бор, холос.* Ж. Шарипов, Хоразм.

**Тоб ташламоқ** 1) айниб, қинғир-қийшиқ, эгри-бугри бўлиб қолмоқ (асосан хўл ёғоч, эшик, ром ва ш.к. ҳақида). *Эшик тоб ташлабди.* ■ *Дангаса меҳнат учун бермайди тоб, Офтобда хўл ёғоч ташлайди тоб.* Ҳабибий. *Икки зинадан кўтарилди. Тоб ташлаб, тахталарининг ораси очилиб қолган юпқа эшикка рўпара бўлди.* С. Нуров, Нарвон; 2) кўчма айниб, лоқайд, суст бўлиб қолмоқ; путурдан кетмоқ. *Келдиёров уларни гап билан узиб олди: —От-улов баҳона, ўзларинг тоб ташлаб қолгансизлар.* «Муштум». *Чол ҳали-бери тоб ташламасди. Кенжамил аварида нобуд бўлгандан сунг синиб қолдилар.* Н. Қобил. **Тобга олмоқ** Тобига келтириш ҳаракатини қилмоқ; тобламоқ. *Шуйтиб қис-таб йўл тортди, Тобга олиб Ғиротди.* Эргаш Жуманбулбул ўғли. **Шу тобда** Ҳозирнинг ўзида, шу вақтда. *Лекин шу тобда қизнинг бағрини бир нарса қаттиқ ўртади ва у ўқириб йиғлаб юборди.* «Ёшлик»

**ТОБАКАЙ** [ф. تابه‌کاي — қайси пайтгача; токайгача] кт. кам қўлл. Тоқай, қачонгача. *Ўлдирур ҳижронларингиз тобакай.* *Борму охир ҳеч асло меҳрингиз.* Муқимий. *Тобакай масҳара бўламыз, Тобакай хотинлар қирғини?!* Т. Тўла.

**ТОБЕ** [а. تايغ — кимсага эргашувчи; қарам, бўйсунувчи; бировга қарашли] **1** Ҳоким қўл остидаги, унинг ҳукмида бўлган; қарам. *Тобе мустамлакалар.* ■ *Қиличдин бўйнига солиб, Шакарбекка тобе бўлди.* «Ширин билан Шакар». ..укалари Суюрғатмиш мирзо билан Муҳаммад Жўқийларни келгусида ўзига тобе Мувароуннаҳр ҳокимлари этиб тайинлашни кўзларди. Мирмуҳсин, Меъмор.

**2** Лавозим, мавқе ва ш.к. жиҳатдан куйида бўлган, бўйсунувчи. *Кейин секин-аста даражаси юқори кимсалар билан гаплашиб, тобе кишиларга қарамайди.*.. Мирмуҳсин, Умид. *Жавлонбек юраги ҳаққириб, сескангандек бўлди, бироқ бу ерда сир бой бериш ўзига тобе одамларни ҳам қўлдан бериш билан баробар эди.* Н. Фозилов, Дийдор.

**3** Шарт-шароит ёки муҳит жиҳатидан бўйсунган, боғлиқ, алоқадор. *Бу оилада ейиш-ичиш белгилли тартиб ҳам режага тобе эса-да, ҳар кун ширин-ширин овқатлар тайёрланади.* Ойбек, Танланган асарлар.

**Тобе қилмоқ** (ёки этмоқ) Бўйсундириб, ўз ҳукми остига олмоқ; бўйсундирмоқ. *Комилнинг зийрак зеҳнида чақнаб қоладиган ақл учқунлари.. уни ҳайратда қолдирар, натижада шу ёш ийгит уни ўз иродасига тобе қилиб қўяр эди.* Ҳ. Фулом, Машғал. *Амирак Аҳмадни йўқотиб, ўрнига ўз ўғилларидан бирини қўймоқ, Фарғона вилоятини тобе этмоқ* Шоҳрух салтанати мавқени кўтаришда ғоят муҳим масала эди. Мирмуҳсин, Меъмор.

**ТОБЕЛИК** Тобе ҳолатдалиқ; қарамлик. *Иқтисодий тобелик.* ■ *Хонзодаларни ҳар кўринган кимса мазахлаб юрса, қора халқда тобелик, икром, андеша қолурму?* С. Сиёев, Аваз.

**ТОБЛАМОҚ I 1** Тафтига, алангасига тутмоқ, қиздирмоқ. *Чўпон ота.. пахмоқ соқолларини силаб, бағрини офтобга тоблаб, тоғ бағрига ёнбошлади.* Ойдин, Фарҳодлар. *Зокир Уринович печга қўлларини тоблаб, бир оз иситгач.. жавон ёнига борди.* Ш. Холмирзаев, Йўллар, йўлдошлар.

**2** махс. Махсус қурилмада қиздириш ва б. йўллар билан ишлов бериш орқали етилтирмоқ, тобига келтирмоқ. *Темирдан уранни қилоламиз фарқ, Пўлат тобламоққа ўз кўрамиз бор.* Р. Бобожон.

**3** кўчма Чидам-бардошли қилиб етиштирмоқ; чиниқтирмоқ. *Мамажон-ку пиши-*

*ган, ҳаёт обдан тоблаган уни.* С. Нуров, Нарвон. *Кураш оловида тобладик ўзни, Тарих жилдларида шуҳратимиз бор.* Р. Бобожон.

**ТОБЛАМОҚ II 1** Пишитмоқ, эшмоқ, чийрамоқ. *Инни тобламоқ.*

**2** Чиройли, кўркам қилиб ўрмоқ (соч ҳақида). *Тоблаб зулфин ўрган борми? Ёрман суҳбат қурган борми? Ёки бирга юрган борми?* «Равшан».

**ТОБОН** [ф. تاجان — ёруғ, порлоқ, ялтироқ] (*биринчи о — чўзиқ*) кт. Ёрқин нурли, порлоқ. *Ул кун, жонон, юзни тобон айладинг, Абр ичинда ойни пинҳон айладинг.* Муқимий.

**Моҳи тобон қ. моҳ.** **Хуршиди тобон қ. хуршид.**

**ТОБОРА** рви. Вақт ўтган сари, борган сари. *Шаҳримиз тобора ободонлашмоқда. Нархлар тобора пасаймоқда.* ■ *Чирчиқ тоғларидаги қорлар эриб, дарё суви тобора кўпая борди.* Ҳ. Фулом, Машғал. *Унинг вужудини қамраб олган ўт аста-секин насайиб, кўнгли тобора совий бошлади.* Ҳ. Фулом, Машғал.

**ТОБОҚ** шв. қ. **товоқ.** *Палов сузилиб, учовара бир тобоқ бўлди.* Т. Мурод, *От кишнаган оқшом. Азизим, деб олиб келди Лаъли тобоқда ошини.* «Гулшанбоғ».

**ТОБ-ТОҚАТ, тобу тоқат** [тоб + тоқат] Сабр-тоқат, чидам, бардош. *Кутишга сира тоб-тоқат қолмади.* ■ *Отаси қул, онаси чўри бўлиб ўтгани етар.. боламизнинг қул бўлишига тоб-тоқатим йўқ.* Н. Сафаров, Катта қарвон йўлда.

**ТОБУЛҒИ, тўбилғи** Раъноғулдошларга мансуб, тоғли ерларда, жарликларда учрайдиган бута ўсимлик. *Уйда ўтин йўқ эди. Онам икковимиз тоғдан тўбилғи чопиб келгани бордик.* С. Муродбеков, Ёвшан иси.

**ТОБУТ** [а. تابوت — сандиқ, қути; тобут; қабр] Дафн маросимида ўликни солиб, мазорга елкама-елка кўтариб бориладиган тўрт дастали мослама. *Ўликни тобутга солмоқ.* ■ *Жасад ювилиб, кафанлангандан кейин, пешинга яқин тобутни кўчага олиб чиқдилар.* П. Турсун, Ўқитувчи. *Зум ўтмай одамлар тўдаси тобутни лопиллатиб, кўча томонга йўл олди. Ёдгор бир вақтлар тобут кўтариш савоб, деган гапни эшитган эди.* Ў. Ҳошимов, Қалбингга қулоқ сол.

**Тобутим кўрсин** Ўлганимда кўрай, асло кўрмай. *Мен бошқани севмайман. Тобутим*

кўрсин ўша Бозоровни! И. Раҳим, Чин муҳаббат.

**ТОБУТКАШ** [а. + ф. تاپوتكاش – тобут кўтарувчи] 1 Тобут кўтарувчиларнинг ҳар бири. *Бирдан тобуткашлар ҳаракатга тушиб қолишганда, хотин-халаж уввос тортиб йиғлай бошлаган эди..* Й. Шамшаров, Тошқин.

2 кўчма Яхши-ёмон кунларда бир-бирига ҳамдам, ҳамдард бўлувчи бир ерли кишилар. *Йўқ, қизим, ўйлаб гапиринг. Ман, қари одам, беш кунлигим борми, йўқми, бошқа шаҳарда мусофир бўлиб юраманми? Ахир менинг тобуткашларим бунда.* Мирмуҳсин, Умид. -*Жамоат, – кекса бой.. салмоқли равишда гапира бошлади, – алҳамдулилло, ҳаммамиз мусулмонмиз.. бир маҳалладамиз, тобуткашмиз..* Ойбек, Танланган асарлар.

**ТОБУТСОЗ** [а. + ф. تاپوتساز – тобут ясовчи] Тобут ясовчи уста; тобутчи.

**ТОБУТХОНА** [тобут + хона] Масжид хузуридаги тобут сақланадиган жой. *Мактабхона ва тобутхона деб аталадиган, бирибирига ўхшаш бу икки хунук бино ва бу ердан эшитилаётган шовқин Элмуроднинг вужудида кўп ёқимсиз таъсир қолдирар эди.* П. Турсун, Ўқитувчи.

**ТОВА** [ф. تابه / تاوه – това; кастрюлька] Қовурма овқат пишириш, қўрга кўмиб таом тайёрлаш учун ишлатиладиган, гир атрофи қайрилган ясси металл идиш. *Чўян печка устидаги каттагина товада қовурдоқ вижиллаб пишар эди.* Ҳ. Фулом, Тошкентликлар. *Ота чой дамлади, қўрга кўмиб қўйилган товадан иссиқ нон олди.* А. Мираҳмедов, Қўйлар кўзилади.

**ТОВАР** 1 иқт. Талаб, эҳтиёжни таъминловчи барча нарса, маҳсулот; сотувчилар ва харидорлар ўртасида олди-сотди, бозор муносабатлари объекти. *Товар айирбошлаш. Товар биржаси.* ■ *Аммо хотиржам бўлинг, мен сизни товарлардан сиқмайман.* И. Раҳим, Чин муҳаббат.

2 эск. Матонинг ипакдан тўқиладиган, таги билан гулининг ранги бир хил, ялтироқ бир тури. *Оқ товардан кўйлагим Кўк тиканлар илмасин. «Кўшиқлар». Шаҳзоданинг кўйлагини йиртиб ташлади, товар пешматини бир томонга ирғитди-да.. бир қўли билан кўксига чанг солди..* К. Яшин, Ҳамза.

**ТОВАРШУНОС** Товаршунослик бўйича мутахассис.

**ТОВАРШУНОСЛИК** Савдо объекти бўлмиш товарлар. уларнинг навлари, хусусиятлари, сифатлари, истеъмолий аҳамияти ҳақидаги билимлар соҳаси ва уларни эгаллаган кишининг касби. *Олимлар Ҳожинова ёқлаган диссертацияда тўқимачилик товаршунослигини.. бойитадиган янги маълумотлар борлигини таъкидладилар.* М. Жўра, Қуёшдан нур эмганлар.

**ТОВБА** қ. тавба. -*Ҳозир граммофонда қизиқчилик қилаётинти, – деди Ёрмат. Йўлчи «товба», деб ўрнидан турди.* Ойбек, Танланган асарлар. *Турсун хола, ё товба, деб юзини учирди.* С. Зунунова, Гулхан.

**ТОВВА** I с. т. Тавба; пушаймон. *Товва қилмоқ.*

**ТОВВА** II Ошиқнинг олчига қарамақарши силлиқ томони.

**ОШИҒИ ТОВВА** Иши юришмаган, иши пачава. *Нега менинг ошиғим товва-ю, уники олчи? Унинг мендан нимаси ортиқ?* С. Анорбоев, Оқсой.

**ТОВКАР** қ. тавкар. *Буди-шудини ютқанган нимдош қиморбозлар товкардан чиқиб.. қон талашган кўзларини ерга тикканча оғир хаёлга ботган эди.* Ҳ. Нуъмон ва А. Шораҳмедов, Ота.

**ТОВЛАМАЧИ** Кишиларни товлаб, лақиллатиб, кўрқитиб кун кўрувчи; фирибгар. [Сидиқ:] *Муҳаббат севгини, ор-номусни товламачи бир савдогарага сотди, виждонни латта-путтага айирбош қилди.* Н. Сафаров, Ҳаёт мактаби. *Китоб ниҳоятда қизик, товламачи Далла деган бир хотиннинг қилмишлари ҳикоя қилинар эди.* А. Қаҳҳор, Ўтмишдан эртақлар.

**ТОВЛАМАЧИЛИК** Алдаш, лақиллатиш, кўрқитиш йўли билан кишининг молмулки, пулини олиб қўйиш, ундан фойдаланиш; фирибгарлик. *Товламачилик қилмоқ.* ■ *-Аҳволингизни билмас эканман, – деди товламачилик санъатини ишга солиб.* «Муштум».

**ТОВЛАМОҚ** I с. т. айн. тобламоқ I 1. *Қўлини ўтга товламоқ.* ■ *Қишлоқ халқининг кўпчилиги далада эди. Гузарда ўн беш-ийгирма чоғли – ўзини офтобга товлаб ётган ишёқмасларга бор эди.* Ҳ. Шамс, Душман. *Элмурод титраб-қақшаб, уларнинг олдига борди-да, музлаган қўлларини ўтга товледи.* П. Турсун, Ўқитувчи.



**Меҳрини товламоқ** Меҳрини уйғотмоқ, *Василахоннинг қоп-қора чарос кўзлари, камон қошлари Хадича холанинг меҳрини товлаб юборди. Т. Алимов, Совға. Ҳар куни бир ёқимтой қилиқ чиқариб, меҳрингни товллайди. Шухрат, Жаннат қидирганлар.*

**2 айн. тобламоқ I 2.** Кулаланинг қўлидан фақат чархлаш, теша товлаш келади. *А. Қаҳҳор, Ўтмишдан эртақлар.*

**Бош товламоқ айн. бош тўлғамоқ, бош тортмоқ 2 қ. бош.** *Узоқламай Нормухаммад қўшбеги Қўқондан бош товлаб, ўз олдига мустақил ҳукумат эълон қилган бўлди. А. Қодирий, Ўтган кунлар. Борди-ю, дарҳақиқат, сен ўйламаган экансан, озгина чой-чақани аямасанг, Азроил ҳам справка беришдан бош товламайди.. С. Абдулла, Соялар. Бўйин товламоқ қ. бўйин. ..ташкилий ишларнинг Мирзага топширилиши унга жуда ёқиб тушган, уларнинг биронтасидан ҳам бўйин товламаган эди. О. Ёқубов, Мирзатерак.*

**ТОВЛАМОҚ II** Эшмоқ, ўрамоқ; бурамоқ, тўғриламоқ. *Оталаримизнинг кўпчилиги майда косиблар.. мешкоб, арқон товлайдиган.. бўлганликлари учун уларнинг ёнига тушиши бизга тўғри келмас эди. Ф. Фулом, Шум бола. Олдимдан бир қизча чиқди Зулфини товлаб. «Бойчечак». Очилдов шаштидан қайтгандай мўйловини товлаб, мийиғида кулди. А. Мираҳмедов, Ўт юраклар.*

**ТОВЛАМОҚ III** Алдаб, лақиллатиб, кўрқитиб, бирор нарчасини ёки пулини олмоқ, юлмоқ, анойи қилмоқ, фириб бермоқ. *Лақмаларни товламоқ. ■ Сен меҳнат қилмас экансан, демак, бошқалар ҳисобига яшааянсан, жамиятни товлаянсан. Газетадан.*

**ТОВЛАНМОҚ I** Муайян бир тусда жилваланмоқ; ярқирамоқ. *Жавҳар кўчага чиққан маҳал қор тинган, ҳамма ёқ кумушдай товланиб, тун қоронғисини оппоқ ёритиб турарди. Ж. Абдуллахонов, Хонадон. Ёқутдек товланаётган тоифи узум уюлган тоғора орқасида.. Даврон тоға мўйлов силаб турарди. Н. Аминов, Суварак. ..оч ҳаворанг товланиб турган ложувард парчаларица [кўзини] тикди. С. Кароматов, Олтин кум.*

**2** Турли ранг, оҳанг билан аксланмоқ, ифодаланмоқ. *Қиз бошига товус пари каби ранг-баранг товланадиган шойи паранжи ёпиниб, юзига докадан парда ташлаб юраркан. С. Айний, Эсдалиқлар. Кампир билан этти бола, ўн олти неварани катта қил-*

*ганмиз, биронтасини чертган эмасман, ўғлим, — деди товуши товланиб чол. А. Мухтор, Давр менинг тақдиримда.*

**3** кўчма Гап-сўзи, хатти-ҳаракати билан турли қиёфага кирмоқ. *-Бўлганим шу, мен сизга ўхшаб товланишни билмайман. -Ие, товланиш сиздан бери келмасин. Уйғун, Хуррият. Аваз буқаламунга ўхшаб товланувчи бу муллаваччани жини суймаса-да, дўқондан нари қувмас эди. С. Сиёев, Ёруғлик. Нима қилардингиз ҳалидан бери минг хил товланиб. А. Мухтор, Чинор.*

**Меҳри товланмоқ** Меҳри уйғонмоқ, кўзғалмоқ. *Пошша холанинг меҳри товланиб кетди: -Вой, онанг айлансин! Рангини шунчалик олдириб қўйибди-я, болам бечора. Д. Нурий, Осмон устунни. Зубайданинг Шаҳзодага яна меҳри товланиб, кўксига бошини қўйди. К. Яшин, Ҳамза.*

**ТОВОН I I** Оёқ кафтининг орқа қисми. *Юмшоқ тупроққа қадам қўйганингда, товонинг ҳузур қилади. ■ Калишда терлаб, товонлари қорайиб кетган оёқларини сувга тиқиб шалоплатди, жони роҳатланди. «Ёшлик».*

**2** Оёқ кийимининг шу жойга тўғри келадиган қисми. *Товони тешик маҳси. Товони қора пайпоқ. ■ Авазнинг ҳам товони тешилаёзди, ковушининг бутуни қолмади. С. Сиёев, Ёруғлик.*

**ТОВОН II** [ф. تاروان — жарима, пеня, ҳақ тўлаш] **I** Келтирилган зарарни қоплаш учун тўланадиган ёки олинадиган ҳақ. *Товон олмоқ. Товон тўламоқ. ■ Келган балою қазо ушанга урсин. Товон тўлаб, нафсониятимниям ерга урманг. С. Кароматов, Сўнгги бархан.*

**2** Ж.к. даги сўз билан қўлланиб, бирор нарса, иш-ҳаракатнинг шу келишикдаги сўз билдирган шахс зиммасида эканлигини билдиради. *Рўзгорнинг иккир-чикир ишлари қизи Зуҳрага товон. А. Муҳиддин, Айбсиз айбдор.*

**Тирик (ёки қуруқ) товон** Бутун эҳтиёж, туриш-турмуши кимсанинг зиммасида бўлган шахс. *Мен колхозингга тирик товон бўлишни истамайман. О. Ёқубов, Диёнат. Қийнаб қўяман, деб ўйламаган эдим. Мен сизга тирик товон бўлдим. Б. Раҳмонов, Олтин одамлар. Нима иш келаркан унинг қўлидан. Қуруқ товон-ку! С. Зуннунова, Гулхан. Товон тўлаш ҳуқ. Фуқаронинг ҳаёти, соғлиги ёки мол-мулкига етказилган моддий зиённи ёхуд унинг ўзига етказилган маънавий*

зарарнинг ўрнини қоплаш. **Товонига қолмоқ** Юз берган зарар ёки ҳодиса учун товон тўловчи, жавобгар бўлиб қолмоқ. *Велосипедга эҳтиёт бўл, бузиб қўйсанг, товонига қоласан.* ■ *..бас қилайлик, бирор қор-қол бўлиб, тагин товонига ҳам қолиб ўтирмайлик.* С. Кароматов, Сўнгги бархан. *Ишқилиб, янгамнинг юраги яхими? Яна товонларига қолиб ўтирмайлик.* Шухрат, Жаннат қидирганлар.

**ТОВОНБАЛИҚ** Чучук сувларда яшайдиган балиқларнинг бир тури.

**ТОВАР** қ. **товар** 2.

**ТОВОҚ 1** Юзи ёйиқ, бир оз ялпоқ, коса шаклидаги чуқурроқ идиш (турли ўлчамда сопол, чинни, металл, баъзан мрамардан тайёрланади). *Сопол товоқ. Чинни товоқ. Туңука товоқ.* ■ *Комил товоқларда қаймоқ, ликопларда узум кўтариб кирди.* Ҳ. Ғулом, Машғал. *Буви, юзини сузиб турган сутли товоқни ерга қўйиб, «нима деяпсан?» дегандай Муродга қарадилар.* А. Мираҳмедов, Кулган чечаклар.

**Норин товоқ** Норин сузиладиган катта коса ёки товоқ. *Отабек шошиб тоқчадан хитойи норин товоқни олди.* А. Қодирий, Ўтган кунлар.

**2 шв.** Лаган. *[Ваҳоб] Бир товоқ хушбўй паловни келтириб, олдимизга қўйди.* М. Муҳамедов, Қаҳрамон изидан.

**3 с.т.** Пластинка (патефон, радиола пластинкаси). *Эрталаб ҳосилотнинг хотини патефон товоғини сўраб чиқибди.* С. Аҳмад, Қадрдон далалар.

**ТОВОҚДОШ** кам қўлл. айн. **ҳамтовоқ**. *-Биз.. — деди отам, — ишнинг боришидан оқибати нима бўлишини сездик: агар товоқдошларимизга қарасак, ўшанча турли-туман лаззатли таомлар олдидан оч қорин билан шаҳарга қайтишимизни билдик.* С. Айний, Эсдаликлар.

**ТОВСИЛЛАМОҚ 1** айн. **товсилмоқ**. *Талон-торож, бости-бостилар товсиллаб, Самарқанд ёнида Бухоро ҳам бир қадар осойишта тургани туфайли йиллар тез кечаётгандай туюлар эди.* Мирмуҳсин, Меъмор.

**ТОВСИЛЛАМОҚ 2** шв. Иккиланмоқ, нима қиларини билмай турмоқ; тортинмоқ. *-Ке, ошна, — дея, товсиллаб турган Санокулни ичкарига ундади.* Ш. Бўтаев, Қўрғонланган ой.

**ТОВСИЛМОҚ** Сийраклашиб, камайиб қолмоқ, тортилмоқ; босилмоқ. *Умматали*

*кўчага чиққанда, тун соат ўн бир бўлиб қолган, одамлар ҳаракати анча товсилган эди.* Шухрат, Жаннат қидирганлар. *Терим суроли товсиллиб, сал нафасни ростлаганларидан кейин, Қодиржон: «Энди хотиним билан маслаҳатлашишга фурсат етди», деб билди.* Ҳ. Назир, Ўтлар туташганда.

**Оёғи товсилмоқ** Одамлар келди-кетди-си, йўлдаги ҳаракати сийраклашмоқ, камаймоқ. *Оқшом, одамлар оёғи товсилгач, эшикни ичидан танбалаб, девор ошиб, кўчага чиқдим.* Ҳ. Назир, Кўктерак шабадаси.

**ТОВУС** [а. طاووس — товус] Қирғовуллар оиласига мансуб, ранг-баранг патли, эркакларининг думи елпиғич шаклли чиройли қуш. *Товус каби айлаб хиромон, Рақсга тушиди бир гўзал жонон.* Э. Воҳидов.

**ТОВУТ** с.т. Тобут.

**ТОВУТКАШ** с.т. Тобуткаш.

**ТОВУШ 1** Гапириш, куйлаш, қичқариш, йиғлаш ва ш.к. вақтида юзага келадиган ва эшитиш аъзолари қабул қилиб оладиган ҳодиса: овоз, садо, сас. *Мунгли товуш. Йиғи товуши. Шамолли кун қичқирма, товушнинг зое кетади.* Мақол. ■ *Қорайган том бўғотларида кўноқлаётган чумчуқлар қулоқни тешгудай товуш билан чирқиллашади. Мачит томондан сўниқ азон товуши эшитилади.* П. Турсун, Ўқитувчи. *Отабек товуш эгасини таниди. Бу мажнунга Зайнаб эди.* А. Қодирий, Ўтган кунлар. *«Бемор Бакиров, уқол!» деган товушдан уйғониб кетди.* С. Сиёев, Ёруғлик. *«Қани, ҳо, йигитлар! Ишга! Ишга, азаматлар!» деган товуш эшитилди.* А. Қаҳҳор, Қўшчинор чироқлари. *-Олимхон ака, — деди ялинган товуш билан Тантти, — Салим ўз дадаси билан ҳазиллашмоқчи.* Ойбек, Танланган асарлар.

**Бор товуш(и) билан ёки товуши борича, товушини баралла қўйиб** Овози борича, энг қаттиқ, баланд овози билан. *Бор товуши билан қичқирмоқ.* ■ *Мутал товушини баралла қўйиб сўзлар эди.* А. Қодирий, Ўтган кунлар. **Товуш бермоқ** Товуш чиқариб, ўзини, борлигини билдирмоқ. *Мен бошда индамай биқиниб турдим, кейин товуш бердим.* Ойдин, Дўндикдан ҳам ёш экан. **Товуш чиқармоқ 1)** овозини эшиттириб гапирмоқ (ўқимоқ ва ш.к.) *Хатни товуш чиқариб ўқимоқ.* ■ *Чол ўтирган ерида товуш чиқарди: -Ўртоқ Нурматовнинг ўзлари айтсинлар!* А. Қаҳҳор, Мунофиқ; **2)** индамоқ,

бирор нарса демоқ, гапирмоқ. Саид Жалолхон товуш чиқармай, унинг ёнига бориб ўтирди. А. Қаҳҳор, Башорат. **Товушнинг ўчгур қарғ.** Ўлгур. Хотин йиғлагудай бўлиб, ташқарига чиқди, яна кирди, яна чиқди.. Қани энди, бу «товушнинг ўчгур» бола юпанса! А. Қаҳҳор, Хи-хи. **Товушнингни ўчир** Жим бўл. -Жим! — муштини қўтарди Ёрмат. — Товушнингни ўчир, худо ҳаммага ақл улашганда, сен қай гўрда эдинг! Ойбек, Танланган асарлар.

**2** Маълум сифатларга эга бўлган овоз. *Баланд товуш. Мусиқий товуш.* ■ Одамлар жонланди. Баъзилари чиндан, баъзилари эса ҳазил-мутойиба билан Охуннинг товушини мақташди. Ойбек, Танланган асарлар.

**3** Механик тебранишлар натижасида юзага келадиган ва қулоқ эшитадиган ҳар қандай овоз, садо. *Оёқ товуши. Тасир-тусир ўқ товуши. Гудок товуши. Карнай-сурнай товуши.*

**4** Шовқин; шовқин-сурон. [Мулладўст:] Эшитяпсизми? [Қози:] Ҳа, жуда ҳайронман, нима товушлар? Бошим қотди, ақлим йўқ! Ҳамза, Майсаранинг иши. [Мамат Холисхонга:] Товуш қилма, ўласан! Мана шу чуқур.. сенинг учун қазилди. Ҳамза, Паранжи сирлари.

**5** физ. Ҳаво ёки бошқа бир муҳит зарраларининг тўлқинсимон тебранма ҳаракатлари. *Қулоқ эшитмайдиган товушлар. Товуш тезлиги. Товуш назарияси.*

**6** тлш. Нутқ аъзолари артикуляцияси билан ҳосил бўладиган энг кичик тил бирлиги.

**7** мус. Мусиқанинг ифода кучига эга энг кичик таркибий қисми.

**8** кўчма кам қўлл. Сайловларда ёки бирор масалани ҳал этишда ўз фикрини билдириш ҳуқуқи ва усули; овоз. *Мулла Обид бир товушдан, аммо Усмон полвон икки қарши билан колхоз идорасига сайланиб ўтадилар.* А. Қодирий, Обид кетмон.

**ТОВУШЛИ 1** кам қўлл. айн. **овозли.** *Товушли кино.*

**2** физ. Товуш ҳосил қилувчи, товуш ўтказадиган. *Товушли тўлқинлар. Товушли тебранишлар.*

**ТОВУШСИЗ 1** кам қўлл. айн. **овозсиз.** *Товушсиз кино.*

**2** Товуш чиқармай. *Қалин қор билан қопланган қабрга бошини қўйиб, Йўлчи*

*товушсиз, лекин бутун ўғиллик муҳаббати билан узоқ йиғлаган эди.* Ойбек, Танланган асарлар.

**3** физ. Товуш ҳосил қилмайдиган. *Товушсиз тўлқинлар.*

**ТОВУШҚОН** шв. Куён. *Оқ товушқон.* ■ [У] Ўзи учун уя ясашга киришган товушқондай, қумни тирнай бошлади. С. Айний, Қуллар.

**ТОВУҚ 1** Товуқсимонлар туркумига мансуб, гўшти, пати ва тухуми учун боқиладиган ургочи уй паррандаси. *Сертухум товуқ. Курк товуқ. Товуқ катаги. Товуқнинг тушига дон киради.* Мақол. ■ ..тонг отмай, товуқлар қўндоқларидан тушмай, яна ишга тушар эди. М. Исмоилий, Фаргона т.о. *Донлаб юриб, тентираб кетиб қолган товуқлар бир маҳал жой қидириб, уйгача кириб келди.* К. Яшин, Ҳамза.

**Бир товуққа ҳам сув керак, ҳам дон керак** Тирқиқлик учун кишига ҳамма нарса (кўп нарса) керак, деган маънодаги мақол. **Думи юлинган товуқдек қ. дум 1.** **Оёғи куйган товуқдай қ.оёқ. Ола товуқ сомон сочар, ўз айбини ўзи очар** Ўзининг ёки яқинларининг айбини гапириб юрадиган одам ҳақида айтиладиган мақол.

**2** Шу парранданинг гўшти (овқат, масаллик сифатида). *Товуқни есанг, бир ейсан, тухумини есанг, минг ейсан.* Мақол. ■ *Холиса газўчоққа товуқларни димлаб қўйган.* С. Нуров, Майсаларни аёз урмайди.

**3** Шу паррандага нисбатли ҳақоратни билдиради. *Бундан кўра гўнг титганинг яхши эмасми, кекса товуқ!* Ойбек, Танланган асарлар. *Сўк мени, курк товуқ дегин!..* А. Қаҳҳор, Асрор бобо.

**4** Баъзи қушларнинг модаси, макиён. *Қирғовулнинг товуғи.*

**5** шв. Тунда хўроз қичқариши билан белгиланадиган вақт. *Бир товуқ ўтганда ётдик.*

**6** Мучал йил ҳисобида ўнинчи йил номи. *Унинг йили товуқ.*

**Товуқ йили** Мучал йил ҳисобида ўнинчи йил (қ. мучал).

**ТОВУҚБОҚАР** Товуқларга қаровчи, уларни парваришловчи киши. *Паррандачилик фермасининг товуқбоқарлари.*

**ТОВУҚХОНА** Товуқлар турадиган каталак ёки махсус бино. *Ойша хола уйига келаётиб қараса, товуқхонанинг ҳам, мол-*

хонанинг ҳам эшиклари ҳали очилмаган. «Ёшлик».

**ТОВУҚЧИЛИК** Товуқ боқиш ва унинг маҳсулотларини етиштириш иши; қишлоқ хўжалигининг шу тармоғи. *Товуқчиликни ривожлантирмоқ.* ■ *Янги типда солинган қорамолчилик, товуқчилик.. фермалари бор.* Ж. Фаёзов, Экскурсия ўтказиш методикаси.

**ТОВЧА** с.т. Токча. -*Қачон келсангиз, пулингиз мана бу товчадаги халтада туради, — дебди қози.* «Эртақлар».

**ТОЖ** [а. تاج — тож, гулчамбар; жиға; гултож] **1** Шоҳларнинг ҳукмронлик рамзи бўлган, қимматбаҳо тошлар қадалган зийнатли бош кийими. *Шоҳларнинг бошида тилладан тожи, Неча шаҳарлардан олади божги.* «Фольклор». [Мирзо Ёдгор] *Журжонни қўлга олиб, пойтахт Ҳиротни босиш, тож кийиш умиди билан уринади.* Ойбек, Навоий.

**Соҳиби тож** Тож эгаси, тахт эгаси, тождор, ҳокими мутлақ. **Тожи давлат** Давлат тожининг соҳиби, ҳокими. *Алишер ва.. тожи давлат бўлмиш Ҳусайн Бойқаро ҳазратлари гўдакликда дўст ва ҳаммақтаб эканлар.* Ойбек, Навоий. **Тожу тахт ёки тахту тож** Ҳукмронлик рамзи; ҳокимият, давлат. *Бу олишув, тожу тахт талашувларидан фақат фуқаро азоб чекади.* Мирмуҳсин, Меъмор. *Бу ўт учқунлари.. яқинларда бирдан алангаланиб юзага чиқади, амирнинг тахту тожини, унинг ҳомийлари билан бирга куйдириб кул қилади.* С. Айний, Дохунда.

**2** айн. гултож.

**3** Баъзи қушларнинг бошидаги этдор ўсимта. *Хўрознинг тожи.* ■ *Келин дарҳақиқат ёш, лекин худди қизиқчиликка семиргандай юм-юмалоқ; эғнида енгсиз қизил кўйлак, бошида попишакнинг тожига ўхшаган, лекин қизил шляпа.* А. Қаҳҳор, Тўйда аза. *..катта теракка иккита қуш келиб кўнда.* Нарининг бошида тожи бор. С. Нуров, Нарвон.

**4** кўчма Бирор нарсанинг юқори, етуқ қисми, унинг ифодачиси. *Инсон барча махлуқотнинг тожидир.* Ойбек, Навоий. -*Чидаш керак. Сабр — инсон иродасининг тожи, — деди Жўрахон.* Назармат, Жўрлар баланд сайрайди. *Агар мазкур шеър бамисли бир қуш бўлса, бу байт унинг тожи-ку..* С. Сиёев, Аваз.

**5** кўчма Бирор мусобақада голиблик унвони ва шу голиблик учун кийдирилдиган кийим. *Қуръага кўра, биринчи пар-*

*тияда оқ доналарни тож талабгори суради.* Газетадан.

**6** астр. Қуёш атрофидаги, кун тутилиш пайтларида яхши кўринадиган ёруғ гардиш. *Қуёш атмосферасининг учинчи, энг қалин ва энг сийрак қатлами Қуёш тожи дейилади.* «Астрономия».

**7** тех. Гупчакка ёки бошқа асосга ўрнатилдиган гардишсимон қисм. *Шестерня тожи.* *Тож шестерня.*

**ТОЖДОР** [а. + ф. تاجدار — тож эгаси; тожли] **1** Тож-тахт соҳиби, тож кийган, тахтга ўтирган ҳокими мутлақ; подшо. *Элимда подшоман, бир ўзим тождор, Беҳад киши турар менга хизматкор.* «Эрали ва Шерали». *Мамлакат пароканда, зolim тождорлар қон устига қон тўқурлар.* П. Қодиров, Юлдузли тунлар.

**2** Бошида тожи, ўсимтаси бўлган, тожли. *Тождор хўроз.*

**ТОЖИК** **1** Тожикистон Республикаси асосий аҳолисини ташкил этувчи халқнинг номи. *Тожиқ халқи.* *Тожиқ миллати.*

**ТОЖИКЛАР** Тожикистон Республикасининг асосий аҳолисини ташкил этган, эроний тиллардан бирида сўзлашувчи халқ; тожик халқи.

**ТОЖИКЧА** **1** Тожикларга, тожик халқига, унинг алифбоси, тили, адабиёти ва маданиятига оид. *Тожиқча уйин.* *Тожиқча одатлар.*

**2** Тожик тили. *Сиз тожикча(ни) биласизми? Тожиқча гапирмоқ.* ■ *Кампир тожикча талаффуз билан: -Ундоқлар йўқ, айланай, — деди.* П. Қодиров, Юлдузли тунлар.

**ТОЖИР** [а. تاجر — савдогар] эск.к.т. Тижоратчи, савдогар. *Кими кўрсам, менинг дардимдин ортиқ дардини сўйлар, Ажаб мотамсаросен, тожиру карвонни йиғлатдинг.* Моҳзода бегим.

**ТОЖЛИ** айн. тождор **2.** *Тожли каптар.*

**ТОЖ-ТАХТ, тожу тахт қ. тож 1.**

**ТОЗ** **1** Бошнинг сочсиз тақир ёки кал ери. *Бошим — тоз, кўнглим — ноз.* Мақол.

**2** Шундай бош ва шундай бошли одам, кал. *Тоз тарангунча, тўй тарқалар.* Мақол.

**ТОЗА** [ф. تازه — янги, ёш, нозик; яшил (ниҳол)] **1** Кир, чанг, ифлослик ва ш.к. дан холи (холи қилинган), озода, покиза. *Тоза одиш.* *Тоза кийим.* *Тоза уй.* *Тоза кийинмоқ.*

■ *Аъзойи баданимни Хўп яхшилаб юваман.*

*Тирноғимни, тишимни Доим тоза тутаман. Уйғун. Қўлларини тоза сочиқларга артишди. К. Яшин, Ҳамза.*

**2** Чанг-ғубордан холи; бегубор, соф, мусаффо. *Тоза осмонда юлдузлар чарақлайди. С. Нуров, Нарвон. Тоза ҳаводан тўйиб нафас олди. С. Сиёев, Аваз. Ҳар тараф соф, тоза майса-қўкат..* Ғайратий.

**3** Аралашмалардан холи; соф, асил. *Тоza олтин. ■ Мана бу дурми? Жуда тоза экан, Нури опамда ҳам бор-а? Ойбек, Танланган асарлар. Гулнор келгач, у Йўлчи билан қизга шивирлади: -Мана бу жуда тоза чой. Ойбек, Танланган асарлар.*

**4** Хирилдоқ ва ш.к. камчиликлардан холи, жаранглаб чиқадиган товуш, овоз ҳақида. *Ошна ашулаларнинг дилрабо куйи, ҳофизнинг тоза ва ширали овози Элмуроднинг юрагига баҳор наъбаларидек қуйилди. Шухрат, Шинелли йиллар.*

**5** кўча Доғ тушмаган, булганмаган; соф, пок. *Тоza виждон. Тоza ном. Тоza қалба доғ бўлмас. Мақол. ■ Мурзин янада қизишиб, бўртиб, давом этди: -Мен уни яхши биламан. Уяхши қиз, кўнгли тоза. Шухрат, Шинелли йиллар.*

**6** рвш. Жуда ҳам, роса. *Тоza чарчадик. Сизни тоза кутдик. ■ Йигит-қизлар холанинг гапларига тоза кулишди. Н. Сафаров, Олияхан Султонова. Бечора! Қаллиғини кўраман, деб тоза балога қолган экан! П. Турсун, Ўқитувчи.*

**7** шв. Янги. *Тоza мактаб очсанг, кофир дейди, газета ўқисанг, даҳрий дейди. Ж. Шарипов, Хоразм. Тўрани олажаск тоза хотинидан совитиб берасиз. Ж. Шарипов, Хоразм. Матпано: -Тағин келаман, ога, тоза гап бўлса, етказаман, ўқсимай юринг, — деб пешинлатиб жунади. С. Сиёев, Ёруғлик.*

**Палаги тоза** Уруғ-аймоғи, авлоди ва оила аъзоларидан ибрат олса бўладиган; намунали, зотли. [Пуллат:] *Греховнинг палаги тоза эмас. Н. Сафаров, Шарқ тонги.*

**ТОЗАЛАГИЧ** Тозалаш учун ишлатиладиган, тозалайдиган нарса, қурилма ва ш.к. Аптекаларда парранда қанотидан ясалган тиш тозалагич сотиларди. Газетадан. *Машинанинг ойна тозалагичи тинмай ишлар, лекин ёмғир селидан йўлни кўриб бўлмас эди. М. Мансуров, Ёмби. Катта илмий-тадқиқот ишлари натижасида институтда.. тола тозалагич яратилди. Газетадан.*

**ТОЗАЛАМОҚ 1** Кир, чанг, ифлослик ва ш.к. дан холи қилмоқ, тоза қилмоқ. *Тиш тозаламоқ. Идишларни тозаламоқ. Уйни тозалаб супурмоқ. ■ Йўлчи уларга беда ташлади. Кейин курак ва супурги олиб, отхонани тозалай бошлади. Ойбек, Танланган асарлар.*

**2** Аралашмалардан, кераксиз, ортиқча нарса ёки қисмлардан холи қилмоқ. *Спиртни тозаламоқ. Ёнғоқ тозаламоқ. Гуруч тозаламоқ. Далани ғўзапоярлардан тозаламоқ. ■ Анвар гулларни суғориши, утларни юлиб тозалаш вазифаларини ўзи бажарди. А. Қодирий, Мехробдан чаён. Йўлчи йўғон қамиш топиб, ичини тозалаб, бир қаричдан мўлроқ қирқиб олди-да, унга нўхат сиғадиган бир неча тешиклар ясади: -Мана бу най, — деди. Ойбек, Танланган асарлар.*

**3** Номақбул киши, нарса ва ш.к. дан холи қилмоқ, уларни йўқ қилмоқ. *Ёшлар онгини зарарли таъсирлардан тозаламоқ. Экин майдонини бегона утлардан тозаламоқ. ■ У [Тўқсонов] биринчи галда ўз қарамоғидаги идораларни «тозалаб», одамларни янгилашга киришади. П. Турсун, Ўқитувчи. Полк ўлкани қадам-бақадам фашистлардан тозалаб, Днепрга яқинлашяпти. А. Муҳиддин, Ҳ. Тожибоев, Оташ қалбли қиз.*

**ТОЗАЛИК** Тоza ҳолатлилиқ. Кийимнинг тозалиги. Уйнинг тозалиги. *Виждоннинг тозалиги. Тозалик — саломатлик гарови. ■ [Манзура опа] Ҳар бир синфга кириб, болаларнинг тозалиги борми, кундалиги борми.. текшириб чиқдилар. Э. Раимов, Ажаб қишлоқ.*

**ТОЗИ** [ф. تازى — чопагон ов ити; учқур, арабий от] **1** Оёқлари ингичка, тумшуги узун, хипча, югурик ов ити. *Ҳар ернинг тулкисини ўз тозиси билан овлар. Мақол. ■ Хоҳласа, қарчиғайини кўлига кўндириб, този итни эргаштириб, одамлари билан тоққа чиқиб кетарди. П. Турсун, Ўқитувчи. Ўлим овга кетади Асил овчи този билан. «Бойче-чак».*

**2** Чопқир от, тулпор. *Остимда иргийди Фирқўкдай този. «Маликаи айёр». Устига минганда учар тозингни, Қўлга олсанг биз қип [қилиб] берган созингни. «Эрали ва Шерали».*

**Асби този** Арабий от, аргумоқ. *Қамчи уриб тарлондай асби тозига. «Ойсулув».*

**Танлаб-танлаб тозисига учрамоқ қ. танламоқ.**

**ТОИНКИ** [ф. تاينكه — шу чоққача, ўша вақтгача.. ки] бркт. боғл. айн. **токи**. - Қаттиқроқ гапиринг, тоинки ҳамма эшитсин. ■ - Қаландарбоши эшикдан майда талқин бошлаб кирди. Тоинки жаноб эшонга бизнинг келганлигимиз маълум бўлсин, — деди Шум бола. Ф. Фулом. Шум бола.

**ТОИФА** [а. طائفه — синф, гуруҳ; қатор; муайян миқдор] I Аҳоли табақаси, гуруҳи. Савдогарлар тоифаси. Бадавийлар тоифаси. ■ Билармидинг, эй талончи тоифа, Меҳнат аҳли қайрамоқда қиличин! М. Шайхзода. У тўйбошиларга олдиндан уқтириб қўйган эди: «Тартиб бузилмасин, ҳар тоифани ўз вақтида, ўз ерига ўтқазин, ўзига яраша кутиш керак». Ойбек, Танланган асарлар.

2 Хил, тур. Раҳим домла кабилар чумчуқдан қўрқиб, тариқ экмайдиганлар тоифасидан. Ҳ. Фулом, Машғал. Шундай тоифа одамлар бўладики, улар меҳнат билан бўлиб, ўзини ўйламайди. Ў. Умарбеков, Одам бўлиш қийин.

**ТОИФИ** [а. طائفى — Саудия Арабистонидаги Тоиф (الطائف) шаҳри номидан] Меваси қизил ва йирик, кечпишар узум навларидан бири; шу узумдан қилинган вино номи. 8 гектар тоқзордаги нимранг, сояки, тоифи.. каби узум навларининг ҳар гектаридан 25 центнерга етказиб ҳосил йиғиб олинди. Газетадан.

**ТОЙ I** I Отнинг бир ёшдан икки ёшгача бўлган боласи. Саман той. От босмаган ерни той босади. Мақол. Кун ҳисобин ой олар, бедов ўрнин той олар. Мақол. Тойчани «той» деб хўрлама, эрта-индин от бўлар. Мақол.

2 Болаларга нисбатан эркалаш маъносини билдиради. Унинг узоқ юртида, қуёш ва гуллар диёри Ўзбекистонда қолган дуоғўй кампир онаси уни — ёлғиз ўғлини эркалар экан, ҳар вақт: «Рустам тойим! Арслон тойим!» деб атамасмиди. Ойбек, Қуёш қораймас.

3 Баъзи атоқли отларнинг таркибий қисмига киради ёки эркалатиш учун уларга қўшиб айтилади. Холтой, Ўринтой, Ҳалимтой.

**Той-той турмоқ шв. айн. ғоз-ғоз турмоқ қ. ғоз-ғоз.** Омонтойнинг қизи Бўстонхон тойтой турадиган бўлиб қолибди. С. Аҳмад, Чўл шамоллари.

**ТОЙ II** [ф. تاي / تاه — тах, қат; бурма; буик жой; боғлам; тўп] Катта тўп қилиб тахлаб ёки босиб боғланган мол ва шу

тарздаги мол ўлчови. Пахта тойлари. Беш той газлама. Той қилмоқ. ■ Бўриев кеча у [Самандаров] билан кун бўйи базада қоп, той, яшик, бочкалар орасида ивирсиди. А. Мухтор, Туғилиш. Пудратчи уни ишга олиб, той пахта ташишга қўйди. Ҳ. Фулом, Машғал.

**ТОЙДИ** Болаларнинг ошиқ ўйинларидан бири (бунда рақибнинг чикка ёки пукка ошиғини ўз ошиғи билан уриб тойдирган ютади). Кўзларида маъносиз бир илтифот, Гўёки у аллақимдан ранжитти; Ҳалигача мактаб, ўқиш унга ёт. Машғулот: «тойди» билан «ачитти». Ф. Фулом.

**ТОЙИЛМОҚ** айн. **тоймоқ 1, 2.** Тойилиб йиқилмоқ. Бўсагадан тойилсанг, тўрга ўтма! Мақол. ■ Қор ёғмоқда, оёқ ости музлаган. Йўловчи ҳар қадамда бир тойиларди. С. Айний, Эсдалиқлар. Йўлканинг ғишт терилган қисмидан ўнқир-чўнқир ерга ўтишда Нуқра холанинг оёғи тойилиб кетди. А. Муҳиддин, Ҳ. Тожибоев, Оташ қалбли қиз.

**ТОЙЛАМОҚ I** кам қўлл. Кулунламоқ, туғмоқ (бия ҳақида).

**ТОЙЛАМОҚ II** Той-той қилиб тахлаб, босиб боғламоқ, той қилмоқ. Газмолларни тойламоқ. Тойлаш машинаси. ■ Мана, икки ойдан бери завод гумбураб ишляпти, далалардан келаётган қанор-қанор пахталарни пайдар-пай тозалаб, тойлаб ташляпти. М. Исмоилий, Фарғона т. о.

**ТОЙЛОҚ I** Кичкина той, тойча.

2 Эрка, эркатой (фақат болаларга нисбатан). Келингиз, тойлоқларим, Қайдан шамол учирди? Имтиҳонлар муборак, Нечанчига кўчирди? Қ. Муҳаммадий.

**ТОЙМАС** Олинган йўлдан, мақсаддан қайтишни, тойишни билмайдиган, қўрқмас. Чинакам севишганлар шунақа бўлишади, тоймас бўлиб қолишади, уларга оламда бир-бирларидан бошқа кимса кўринмайди. Р. Раҳмон, Меҳр қўзда.

**ТОЙМОҚ I** Силлиқ юзада монесиз сурилиб, сирғаниб кетмоқ; тойганмоқ. Назира шошиб ёнига қарамоқчи бўлганди, сувга энгашиб қолган қувур устидан настига қараб оёғи тойиб кетди. Д. Нурий, Осмон устун. Кўча ва томлар қордан оқара бошлаган. У сирпаниб, тойиб, хизматкорхонага жўнади. Ойбек, Танланган асарлар.

2 кўча Четта чиқмоқ, адашмоқ, озмоқ. Шарита йўлидан тойган қизнинг сўзига

ишонасанми? Ойбек, Танланган асарлар. *Оёғим сал тойдими, бас, бурнимни ерга ишқайдилар*. Ш. Рашидов, Бўрондан кучли.

**3** (фақат бўлишсиз шаклда) Қайтмоқ, тап тортмоқ. *У ҳеч нарсадан тоймайди. Яланғоч сувдан тоймас*. Мақол. ■ *Бориб турган шум, тошюрак бола эди, муштдек бошидан жониворларни қийнаб ўлдиришга ўрганган.. одам ўлдиришдан ҳам тоймайди*. М. Осим, Тилсиз гувоҳ. *Айтганини қилиш учун ҳеч нарсадан тоймайди*. Р. Раҳмонов, Чангалзордаги шарпа.

**Жаддига тоймоқ** Кимсанинг қилмиши учун айбдор бўлиб қолмоқ, жавоб бермоқ. *Қилгиликни Сидиқжон қилди-ю, жаддига биз тойиб кетдик-да*. Н. Сафаров, Уйғониш. **Ҳолдан тоймоқ** Тинка-мадори, силласи қуриб, ўлар ҳолатга етмоқ. *Йўловчилар Устюрт саҳросида ўн беш кун йўл юриб, тоза чарчадилар, туюлар ҳам ҳолдан тойди*. М. Осим, Элчилар. *Мени навкарлар ҳолдан тойғунимча урдилар*. С. Сиёев, Ёруғлик.

**ТОЙЧА 1 Той I 1, 2 с.** кичр.-эркл. *Бир яшар тойча. Тойчани «той» деб хўрлама, Эрта-индин от бўлар*. Мақол.

**2** кўчма Эрка, эркатоё, тойлоқ (фақат болаларга нисбатан). *Хўш, колхозда ўзинг нима қилиясан, тойчам*. Ойбек, О.в. шабадалар.

**ТОЙЧИ** Мол тойловчи ишчи. *Пахта тозалаш заводининг илғор тойчилари*. ■ *Бахўр билан бирга Рафаэлниң илгариги заводда ишляпман. У слесарлик қилияпти. Мен эсам тойчиман*. Ё. Хаимов, М. Раҳмон, Ҳаёт-мамот.

**ТОЙЧОҚ** айн. **тойча**. *Бир кун кўрмаганига саман йўрға уйда қолган тойчоғини эслаб кишняпти*. М. Муҳамедов, Қаҳрамон изидан. *Иккинчидан, тойчоғим, «Аъло» олгин ҳар фандан. Барча ошна-оғайнинг ўрнак олсинлар сендан*. З. Диёр.

**ТОЙҒАНОҚ** айн. **тоймоқ 1**. *Тойғаниб ишқилмоқ*. ■ *Бояги қора чопонли бола тойғана-тойғана юқорилаётган эди. «Ёшлик»*. *Оёғим қумда тойғаниб кетди*. С. Сиёев, Ёруғлик.

**ТОЙҒАНОҚ** Сирғаниб кетадиган даражада силлиқ, сирганчиқ, тойғоқ. *Тойғаноқ йўл. Кўчалар тойғаноқ*. ■ *Ҳимолайнинг шарқий томонидаги тойғаноқ ёнбағир ва қояларда довжорак шерларнинг оёғи етмаган жой йўқ деса бўлади*. М. Аминжонова, «Қор одам» борми?

**ТОЙҒАНЧОҚ** айн. **тойғаноқ**. *У ернинг тойғаноқ эканини ҳам энди сезгандек бўлди*. Ш. Холмирзаев, Қил кўприк.

**ТОЙҒОҚ** айн. **тойғаноқ**. *Тойғоқ йўл*. ■ *Кўчалар тойғоқ, машиналарнинг гилдиракларидан занжирлар шақирлайди*. П. Қодиров, Эрк.

**ТОК I** [ф. توك — узум новдаси, дарахти] Узум ўсимлиги. *Уч туп ток. Ток очмоқ. Токни кўймоқ. Бир туп ток эксанг, бир туп тол эк*. Мақол. ■ *Ҳовлининг ёнида чорбоғ, чорбоғда раста-раста қилиб, ҳавозага кўтарилган тоқлар*. С. Айний, Қуллар. *Узум ток баргидан ҳам кўп*. Ойбек, Танланган асарлар.

**Ток оши** Коваток солинган ош. *Ток оши қилгудек бўлиб қолган барглар ёнида гуж-гуж узум шўралари пайдо бўла бошлабди*. Газетадан. *Мана, бир неча йилдан бери баҳор келганда ток оши қиламиз*. Шукрулло, Жавоҳирлар сандиғи.

**ТОК II** [р. ток — оқим, оқиш] Электр зарядларининг маълум томонга йўналган оқими; электр. *Ўзгарувчан ток. Ўзгармас ток. Кучли ток. Кучсиз ток. Электр токи. Кнопкани босиб, токни уламоқ*. ■ *Шундай қилиб, ўтказгичдан ток ўтганда ажралиб чиқадиган иссиқликнинг миқдори ток катталигининг квадратиға.. тўғри мутаносиб экан*. Ў. Ҳошимов, Қалбингга қулоқ сол.

**ТОКАЙ (ГАЧА)** [ф. تاکى — қайси вақт-гача] Қачонгача, қай вақтгача. *Мен токай бетимнинг қалини — жонимнинг хузури деб, фермада товўққа дон сепаиб, тухум тераман*. А. Мираҳмедов, Ўт юраклар. [Йўлчи:] *Чидай олмадим, мулла ака.. мен ҳам одам фарзанди, токайгача тепки ейман*. Ойбек, Танланган асарлар.

**ТОКАРЛИК** Токар иши, касби. *Токарлик қилмоқ. Токарликни ўрганмоқ. Токарлик дастгоҳи (станог)*.

**ТОКАРЬ** [р. точить — «қайраб ўткир қилмоқ; йўниб, қириб ясамоқ» фл. дан ясалган от] Металл ёки ёғоч йўниш станогидан ишловчи мутахассис, ишчи. *Абдушукур Қодиров оддий ишчи — токарь*. Ў. Ҳошимов, Пўлат чавандоз.

**ТОКЗОР** Нукул ток ўсимлиги билан банд ер, майдон, боғ. *Ана, йўлнинг иккала бети бўйлаб, сахий қуёш нурини беармон эмиб, ястаниб ётган тоқзорлар орқада қолди*. С. Анорбоев, Оқсой.

**ТОКИ** [ф. توكى — қайси пайтгача; =гача, =гунча] *бркт. боғл.* **1** Бош гапта ифодаланган иш-ҳаракатнинг эргаш гапта ифодаланган мақсадга қаратилганлигини англатади (бунда эргаш гап кесими, кўпинча, буйруқ майли шаклида келади). *Қаттиқроқ гапиринг, токи ҳамма эшитсин. ■ Бизнинг мақсадимиз кишиларга онг, тушунча бермоқ, токи ҳар бир киши яхшилик ва ёмонликни, оқу қорани ўзи ажрата оладиган бўлсин! П. Турсун, Ўқитувчи.*

**2** *айн. то 2.* *Ҳамма, токи қариялар ҳам ишга тушиб кетди. ■ Токи боласи турган боғчагача эргашиб бордим.. Ҳ. Назир, Кўктерак шабадаси.*

**3** Бош ва эргаш гаптаги нарса-ҳодиса, иш-ҳаракатнинг бир вақтга оидлигини, сабаб-шарт муносабатини билдиради. *Токи бормен, суймаган одамингизга узаттирмасмен. П. Қодиров, Юлдузли тунлар. Поидевор омондир. Демак, уй омон. У яна тикланар, Токи бор фироқ, Токи бор бошимда Бу қадим осмон, Токи бор боболар Қон тўккан тупроқ. Х. Даврон, Қақнус.*

**ТОКИЛОН** Калтакесакка ўхшаш, кулранг, тез югурадиган, ўтлоқларда яшайдиган жонивор.

**ТОКСИКОЗ** [юн. toxikon — заҳар] *тиб.* Организмнинг унинг ўзида ҳосил бўладиган маҳсулот (модда)лар билан умумий заҳарланиш ҳолати. *Ҳомиладорлик токсикози.*

**ТОКСИКОЛОГИЯ** [юн. toxikon — заҳар + logos — фан, таълимот] Тиббиётнинг заҳари моддаларнинг физик ва кимёвий хоссаларини, уларнинг таъсир механизмини ва бу жараёнда организмда юз берадиган ўзгаришларни ҳамда заҳарланишни даволаш чора ва воситаларини излаб топиш билан шуғулланадиган, ўрганадиган бўлими.

**ТОКСИКОМАНИЯ** [юн. toxikon — заҳар + mania — эҳтирос; берилиш, майл; интилиш] *тиб.* Мастлик, қисқа муддатли хурсандчилик, кайф пайдо қилувчи турли хил моддалар (спиртли моддалар, наркотиклар, баъзи дорилар, маиший кимё воситалари ва ш.к.) ни истеъмол қилишга мойиллик, интилишда намоён бўлувчи касалликларнинг умумий номи.

**ТОКСИНЛАР** [юн. toxikon — заҳар] *биол., тиб.* Баъзи микроорганизмлар, шунингдек, баъзи ҳайвон ва ўсимликлар чиқарадиган

заҳарли моддаларнинг умумий номи. *Гормон, антибиотик, токсин ва бошқа турли хил физиологик фаол моддалар ҳужайра мембраналарининг хоссаларини ўзгартиради. «Фан ва турмуш».*

**ТОКЧА** [а. + ф. طاقچه / تاکچه] **1** Маҳаллий уйларда идиш-товоқ ва б. анжомлар кўйиш учун деворда квадрат ёки бошқа шаклда ишланган махсус жой. *Элмурод кўрпачага ўтирди. Сўнгра ён-берига кўз югуртирди. Кичкина тоқчаларга ранг-баранг чинни ва сопол косалар терилган эди. П. Турсун, Ўқитувчи. Тоқчаларга мис кўза, самовар, қумғон, жом, чинни иёлалар тартиб билан териб қўйишди. К. Яшин, Ҳамза. Тоқчалари ганчдан ажойиб гуллар билан ишланган катта уйда бир талай одам ўтирган эди. Ойбек, Навоий.*

**2** Умуман, вазифаси, шакли ёки бошқа бирор жиҳати билан тоқчага ўхшаш нарса, жой. *Тоқилар остидаги дўконларнинг тоқчаларига уйилган ҳарир моллар.. шойи, атлас.. ва бошқа ранго-ранг базозлик моллари бу ерга келанларнинг кўзини ўйнатади. Мирмуҳсин, Меъмор. Шкаф тоқчаларига териб қўйилган турли ичимликлар яққол кўриниб турибди. С. Азимов, О. Лайло. Абдували ака.. дераза тоқчасига омонатгина ўтирди. С. Зуннунова. Янги директор. Улар [кийиклар] беш-олти газ настда — тоқчада, икки томон эса тик девор. Ш. Холмирзаев, Бодом қишда гуллади.*

**Кир тоқча** Одатда, тахмонлар ораси, эшик ёки дераза ёнига ишланган, бошқа тоқчаларга нисбатан кичик, юқорига томон узун бўлган тоқча (турли майда-чуйда нарсалар қўйилади). *Икки тахмон ўртасидаги кир тоқча тепасида чой қутисининг зар қоғозларидан қирқиб ёпиштирилган Маданининг тасвири. С. Аҳмад, Сайланма.*

**ТОҚЧАЛИ** Тоқча ишланган, тоқчаси бор (қ. **тоқча 1**). *..тахмон ва тоқчали ҳамда оғир лой томли иморатларнинг зилзилага бардоши анча паст бўлади. Газетадан.*

**ТОҚЧИЛИК** кам қўлл. *айн. узумчилик 1, 2. Донгдор Ризамат ота тоқчиликда соҳибкор. М. Шайхзода.*

**ТОЛ** **1** Ингичка узун баргли, сурх новда отиб ўсадиган дарахт ёки бута. (асосан соясалқини, пояси, поясидан эса турли нарсалар тайёрлаш учун экилади). *Қора тол. Самбит тол. Бир туп тоқ эксанг, бир туп*



тол эк. Мақол. ■ *Терак экмай, толни эк, толнинг сояси яхши.* «Кўшиқлар». *Сой бўйидаги аксарият азим туп толарнинг таги чойхона.* К. Яшин, Ҳамза.

**Мажнун тол** қ. **мажнунтол.** *Фуломжон.. мажнун толнинг ҳам бир маҳаллар сувга чўзилган, сув етай-етай деб қолган узун, нозик новдаларини эслади.* М. Исмоилий, Фарғона т. о. **Сиз (ёки у) айтган толлар кесилиб кетган** Замон, у билан боғлиқ ҳолда шарт-шароитлар ўзгариб кетганлигини билдирди, қайд этади. *Сарви хола қизининг ихтиёри ўзидалигини, ҳозирги замонлар бошқалигини, у айтган толлар кесилиб кетганлигини қайта-қайта такрорлаб, жағи оғриди.* С. Абдуқаҳҳор, Санамай саккиз дема. **Тол баргак** қ. **баргак** III. *Кечагина тол баргак ўйнаб, Том бошида эркин юргандинг.* Ю. Ҳамдам.

**ТОЛ II** Узун ва ингичка. *Кокилларим эшилгандир тол-тол, Ҳар толига берса етмас дунё мол.* «Маликаи айёр». *Торлари тол ипаклардан эшилсин, Айтганимда, товушинам кўшилсин.* «Кўшиқлар».

**ТОЛ III** [р.] ҳарб. Мина ва снарядлар ичига қуйиладиган кучли портловчи молда; оқ ёки сарғиш рангли қаттиқ кристалл маҳсулот.

**ТОЛА I** Йиғириш, газмол тўқиш ва ш.к. мақсадлар учун ишлатиладиган жуда ингичка, пухта табиий ёки сунъий материал. *Ипак толаси. Жун толаси. Сунъий тола.* ■ *Биз терган пахтанинг ҳар бир толасин Ёвузлар бўйнига айлагил сиртмоқ.* Файратий.

**2** Соч, соқол кабиларнинг ҳар бир мўйи. *Айт, бу сочинг толасиму, Жон ипин бир бандиму?* Э. Воҳидов. *Уни қучоқлаб ўнгиси, ҳар бир толаси оғир меҳнат, алам билан сугорилган оппоқ соқолини кўзларига суртгиси келди.* Ойбек, Танланган асарлар.

**3** кам қўлл. Кокил, зулф.

**4** кўчма Умуман, толага ўхшаш нарса ҳақида. *Ўргимчак тўқир оқ толалар, хонқизи боради меҳмонга.* Ш. Раҳмон, Юрак қирралари. *Полиэфир толасидан ишланган сунъий қон томирлар артерия томирлари торайиб қолган беморларга ёрдам беришда қўлланмоқда.* «Фан ва турмуш». *Оғриқ — жағ толаларининг исёни бўлиб, бирор аъзо ёки вужуднинг «дод-фарёди»дан дарак беради.* «Фан ва турмуш».

**ТОЛАЛИ I** Толага эга бўлган, толаси бор. *Ингичка толали пахта. Узун толали зиғир.*

**2** Тола берадиган. *Толали техника ўсимликлари.*

**3** Толалардан тузилган. *Ёғоч толали пластмасса.*

**4** тех. Тузилишида тола бўлган. *Чўғланма толали электр лампа.*

**ТОЛАЧИ** Тола етиштирувчи. *Шаҳрисабз толачилари Шукур Бердиев номини ҳурмат билан тилга оладилар.* Газетадан.

**ТОЛАШУНОС** Тола ва у билан боғлиқ илмлар билан шуғулланувчи мутахассис, олим. *Мақсуда Ўбамовна ўз касби бўйича толашунос, ана шу кафедрадаги ишлардан бевосита хабардор бўлиб туриши керак.* Газетадан.

**ТОЛБАРГАК** (тўғриси — **тол баргак**) қ. **баргак** III. *Қизлар сочида толбаргакдан соч-попук.* С. Аҳмад, Ҳукм.

**ТОЛГУЛ** шв. Самбитгул. *Баланд ғишт пойдеворли тўрт уй, даҳлиз, деворига толгул ва бўйни узун офтобанинг сурати солинган баланд айвон, ошхона.* А. Қаҳҳор, Кўшчинор чироқлари.

**ТОЛЕ** [а. طالع — кўтарилаётган, юқорилаётган; тақдир, қисмат] I Турмушдан мамнунлик ҳолати, турмушдан мамнун этувчи тақдир. *Толеингда бор экан яшаш, Гоҳ қон ичдинг, гоҳида шароб.* А. Орипов, Юртим шамоли. *Толеингдан ўргилай, қизим, онанг шўрлик қиз бўлиб, келин бўлиб, ҳеч нарса кўрмаган эди, худойи таоло ҳаммасини сена насиб қилган экан.* А. Қаҳҳор, Оғриқ тишлар. *Ҳа, толе бўлмаса қийин экан! Мен не-не орзулар билан илм-хунар ўрганиб келган эдим! Ватаним бўлмиш Фарғона водийсида.. мадрасалар қурмоқчи эдим.* П. Қодиров, Юлдузли тунлар.

**2** с.т. Омад, бахт. *Хўжайиннинг кармони ўпирилганга ўхшайди, толеи йўқ-да. Шу бу йил ютқизишдан боши чиқмай қолди.* Ойбек, Танланган асарлар. *Султон бўзчининг ўғли Муҳаммаджоннинг толеи наст кетди.* Н. Сафаров, Султон бўзчининг неваралари.

**ТОЛЕЛИ** Ҳамиша бахт-толе ёр бўлган; бахти, омади баланд; бахтли. *Толели одам.*

**ТОЛЕМАНД** [а. + ф. طالع مند — толели, бахтли] эск. кт. Толели, бахтли. *Толеманд йигит.* ■ *Нур денизи ичра толеманд Сузар эди турналар баланд.* Ойбек.

**ТОЛЕРАНТЛИК** [лат. tolerantia – сабр-тоқат, чилам, бардош] **1** биол., тиб. Организмнинг иммунологик жиҳатдан ташқи таъсирларга жавоб бера олиш қобилиятининг тўлиқ ёки қисман йўқолиши; яъни антиген таъсирларга нисбатан одам ёки ҳайвон организми томонидан антитаналар ишлаб чиқариш қобилиятининг пасайиши ёки йўқолиши.

**2** тиб. Организмнинг муайян модда ёки захарнинг ноқулай, салбий таъсирига чидаш, бардош бериш қобилияти.

**3** Ўзгаларнинг фикр-ғоялари, эътиқоди, ҳис-туйғулари, турмуш тарзи ва хулқ-атворига нисбатан сабр-тоқатли бўлиш, бепарво қараш; бағрикенглик.

**ТОЛЕСИЗ** Бахти, толеи йўқ, омади паст. *Толесиз одам.* ■ [Норбуви] *Эрдан толесиз эмас эди.* Ҳ. Шамс, Душман.

**ТОЛЕСИЗЛИК** Омадсизлик, бахтсизлик.

**ТОЛЗОР** Нуқул тол билан банд ер, майдон. *Анҳор.. нариги қирғоқдаги толзор тагида ёйилиб оқади.* Ҳ. Фулом, Тошкентликлар. *Кафтдай кичкина ҳовлининг бир ёқасидан ўтган анҳор бўйи – қуюқ толзор, серсоя, жимжит бир гўша.* Ойбек, Улуғ йўл.

**ТОЛИБ** [а. طالب – изловчи; талаб қилувчи, хоҳловчи; ўқувчи; тингловчи] **1** Талаби бўлган, талабгор. *Сулув қизсан, сенга толиб кўп бўлур.* «Равшан». *Ишламоққа ҳамма толиб, Бир-бирига келиб қолиб.* Ҳар кетмондан юз гул унар, Чўллар сувга тўлиб-қониб. Фозил Йўлдош ўғли. *Ҳафиза эшик ёнига келиб, серрайиб турди, ёнидан ўтиб кетаётганлар унинг жой бўшагини кутиб турганини, у ўқишга жуда толиб эканини сезишгандай бўларди.* Мирмуҳсин, Умид.

**Толиби илм** Илмга талаби бўлган, илмга ташна; талаба. *Нарироқда Умарали бир-икки дўстлари, толиби илмлар билан қуюқ суҳбатда.* Ойбек, Улуғ йўл. *Толиби илмларнинг аксари бу кун ҳовлига чиқишган.* Ойбек, Навоий.

**2** Мадраса ўқувчиси.

**3** Толиб (эркаклар исми).

**ТОЛИМ** Озгина соч тутами, дастаси. *Унинг учун Гулнознинг бир толим сочи етти иқлим подшошининг божи билан хирожидан қимматли.* Т. Сулаймон, Интизор. *Яқинлашай десам қўрқаман, яқинлашмай десам бир*

*толим сочини бўйнидан икки марта айлан-тириб, ўзини бўғяпти.* «Муштум».

**ТОЛИҚИШ** **1** Толиқмоқ фл. ҳар. н.

**2** Мадорсизлик ҳолати; ҳорғинлик. *Ҳазил-ҳузул, гурунг авжида. Одамлар шу билан ўзларини овутадилар. Чарчоқ, толиқиш, қорин очлиги билинмайди.* М. Ҳазратқулов, Журъат.

**ТОЛИҚМОҚ** **1** Куч-мадори қуримоқ, тинкаси қуримоқ, ҳолдан тоймоқ; мадорсизланмоқ. *Бели толиқмоқ. Қўли толиқмоқ. Кўзи толиқмоқ.* ■ *Аллақаерда кўрганим чинпа-чин эсимда турипти-ю, ростини айтсам, ажратолмаяпман, толиқибман шекилли.* С. Кароматов, Олтин қум. *Унинг толиққани, руҳан қийнала-қийнала тунлари яхши ухлай олмагани ранг-рўйидан кўриниб турарди.* Шухрат, Шинелли йиллар. *Кун исиди, амирзодам. Ёз рамазони тинкани қуритур. Эртагача толиқиб қолмасинлар.* П. Қодиров, Юлдузли тунлар.

**2** Ҳаёт-эҳтиёж нарсаларидан камчилиги бўлмоқ, сиқилмоқ, шу жиҳатдан қийин, ночор аҳволда бўлмоқ. *Озиқ-овқатдан толиқмоқ.* ■ *Танбалнинг ёшига етгунча кўп ғалабаларни кўрурсиз. Ҳолбуки, бу урушлардан эл-улус беҳад толиқди.* П. Қодиров, Юлдузли тунлар. *Бола-чақаси толиқса ҳам, емай-ичмай орттирганини олиб келиб, шайхлар оёғига тўқади.* К. Яшин, Ҳамза.

**ТОЛКУЧУК** Барг ёза бошлаган тол новдаси. *Кўклам. Нега шамол келмас юксак тоғлардан, Толкучукдан жевак таққан майса боғлардан.* Ф. Фулом.

**ТОЛМА** шв. Бўлала, лўппи; мулоким. *Унинг [Зумраднинг] ўрта, толма бўйи, нозик бели, ингичка эгма қошлари, қирра бурни, йирик учқунли кўзлари бир-бирига муносиб.* Ойбек. Улуғ йўл. *У [Махсумахон] баланд бўйли, толмадан келган, хушрўй, кўзлари катта-катта ва порлаб турадиган, ниҳоятда чиройли аёл.* Ҳ. Носирова, Мен ўзбек қизиман.

**ТОЛМАС** **1** Чарчашни билмайдиган, хормас-толмас. *Толмас курашчи. Ҳолини билган хормас, қанча иш қилса, толмас.* Мақол. ■ *Бошимдаги қоплаб турган булутни Толмас билак, битмас куч-ла йиқитдим.* М. Алавия.

**2** Толмас (эркаклар исми).

**ТОЛМОҚ** **1** айн. толиқмоқ **1.** *Белим толиб кетди. Қўлим толиб, чамадонни ташлаб*

юбораёзим. *Китоб ўқийвериб, кўзим толиб кетди.* ■ *Раззоқнинг иши яна кўпайди. Умурзоқ ота эса унинг йўлини пойлайвериб толди.* Ҳ. Фулом, Машғал. *Бектемир гўдакни ерга қўйиб, толган билагини уқалади.* Ойбек, Қуёш қораймас. *Уларга қарай-қарай, Баширжоннинг бўйни толиб кетди.* Н. Аминов, Суварак.

**2** Айрим сўзлар билан бирикиб, шу сўздан англашилган нарсага берилмоқ, у билан банд бўлмоқ маъносини билдиради. *Хайлга толмоқ. Уйга толмоқ.* ■ *Султонли мурзо Гулшаннинг ўрдага кетганлигини эшитиб, силласи қуриди, бир неча вақт фикрга толиб қолди.* А. Қодирий, Меҳробдан чаён.

**ТОЛПОПУК** (тўғриси **тол попук**) айн. **баргак** III. *Ўзи эндигона сочларига толпопук тақадиган қизча эди.* «Ёшлик».

**ТОЛЧОВКОН** Тол куртак чиқара бошлайдиган эрта баҳор вақти. *Табиат ҳеч қачон бўш турмаган, бўш, Гижинг тойдай ўйнаб қочар сойлари. Толчовкон боғларга ёпиб гилампўш, Ровоч, момақаймоқ чиққан ойлари.* С. Акбарий, Янги йил алёри.

**ТОЛЬ** [фр. *tole*] Картонга тошкўмир қатрони (смола) шимдириб, баъзан устига бир оз кум сепиб тайёрланган, сув ўтказмайдиган қурилиш материали. *Бир рулон толь.* ■ *Толь омонатгина ёпилган сарой ичига селитра тўкиб қўйилган.* С. Аҳмад, Чўл бургути.

**ТОЛҚОН 1** Қовурилган дон, қуритилган нон ва ш.к. дан туйиб тайёрланган емиш. *Нон толқон. Бугдой толқон.* ■ *Эрталаб Тозагул меҳмон опани янги туққан сигирнинг оғизни ва ўғирдан иссиққина чиққан оқишоқ толқон билан сийлади.* Ҳ. Фулом, Машғал. *Ниез бобоннинг кампири Хумор хола дастурхон ёзди, бир ҳовучдан жийда, ўрикқоқи, толқон қўйди.* «Ёшлик».

**2** Умуман, туйилган ҳар қандай нарса; порошок. *Носвой толқон.*

**Толқон қилмоқ** 1) толқон тайёрламоқ. *Хотинлар, одатда, ҳайитга ҳолва, толқон қилишади;* 2) туйиб толқонга айлантирмоқ. *Махоркани толқон қиламан. Жиндак оҳак ёки кул билан хурушга келтираман.* Ойбек, Қуёш қораймас; 3) кўчма майда-майда қилмоқ; ер билан яксон қилмоқ. *Бу ёқдаги қазувчилар ҳам Фуломжон, Барот полвон, Замон сингари тоғни урса толқон қиладиган азаматлар эди.* М. Исмоилий, Фарғона т. о.

«Синглимнинг номусини ҳимоя қилдим», деб гап тарқатиб юрган мироб, туҳматни ўтмаслигини сезиб, мўлтайиб, толқон ютиб ўтирди. С. Нуоров, Нарвон.

**Оғзига толқон солмоқ** (ёки **толқон ютмоқ**) Товуш чиқармай, индамай, ҳеч нарса демай турмоқ. *Нега жим ўтирибсизлар? Оғизларингизга толқон солиб олдиларингизми?* *Чирманда чалиб, қўшиқни бошланглар!* И. Раҳим, Чин муҳаббат.

**ТОЛҚОНЛАМОҚ** айн. **толқон қилмоқ 2, 3. қ. толқон.** *Қўлтиғидан қоғозга ўралган, қуришиб толқонланган носини олиб, тил остига отди.* Ойбек, Танланган асарлар.

**ТОЛҒИН** кам қўлл. Ҳорғин, сўлғин, синиққан. *Норқўзи Ферузанинг толғин чеҳрасига, чарчоқдан қизарган кўзларига ачиниб қаради.* Ҳ. Фулом, Сенга интиламан. *Биз уювлон ҳам табиатнинг бир толғин бўлағидек сўқмоқда турибмиз.* Ш. Холмирзаев, Сайланма.

**ТОМ I 1** Уйнинг, бинонинг устини бекитиб турувчи тепа қисми. *Лой том. Тунука том. Икки нишабли баланд том.* ■ *Асфальт йўллар, тунука ва шифер томлардан қайноқ ҳовур қўтарилади.* С. Нуоров, Майсаларни аёз урмайди. *Кета-кетгунча яккам-дуккам лойсувоқ томлар, деворлари тўкилай деб турган пастак уйларни кўравериб, дилинғиз хира тортади.* К. Яшин, Ҳамза.

**2** Баъзи қурилмаларнинг қор-ёмғир, қуёш ва ш.к. дан ҳимоя қилувчи тепа қисми. *Туланбой Икромжоннинг аҳволини кўриб турганидан, у ҳам индамади-да, кетдик, деб кабина томини муштлади.* С. Аҳмад, Уфқ. *Иккала бошлиқ қори тиззага урадиган қизил вагон томига чиқиб, атрофни кузата бошладилар.* Н. Сафаров, Жасоратнинг давоми.

**3** шв. Уй, ҳовли-жой. *Эшакка муеуз битса, эгасини сузади, Туяга қанот битса, томингни бузади.* Мақол. ■ *Шунда бориб, бир томни очди — бари тиллага тўла, бир томни очди — кумушга тўла.* «Равшан». «...Дашти қипчоқлар бойиса, хотин олади, туркийлар бой бўлса, том солади» [ўйларди Маъсума бека]. Мирмуҳсин, Меъмор.

**Томдан тараша тушгандай қ. тараша.** (Ўзини) **томдан ташлайди** Бирор нарсага жуда ўч, ўлармон одам ҳақида айтиладиган ибора. *Ичкилик бўлса, Жўра ўзини томдан ташлайди.* Ойбек, Танланган асарлар. *..пул деса, ўзини томдан ташлайдиган бу таъвия-*

нинг на дўсти бор, на жўраси. Ж. Шарипов. Хоразм.

**ТОМ II** [а. تامة — тўла, тўлиқ, бутун; мукаммал] кт. 1 сфм. Тўла, тўлиқ, Муфти... котибининг чизган режаларини амалга оширишга том ихлос билан кўнди. А. Ҳақимов, Илон изидан. Кўлтиғимдаги анордан биттасини олиб, ёриғидан иккига ажратиб, икки қўлим билан сиқиб, том иштаҳа билан ейишга тушдим. Ф. Фулом, Шум бола. [Ҳасанали] Ҳўжаси Юсуфбек ҳожига, айниқса, хўжазодаси Отабекка итоат ва ихлоси том бўлиб, бунинг эвазига улардан ҳам ишонч ва ҳурмат кўрар эди. А. Қодирий, Ўтган кунлар.

**Даражаи том** Тўлиқ даража, камолот даражаси. Маълумотим даражаи томга эришган бўлса ҳам... ёзмоқда қийналамен. Ойбек, Навоий. **Том маъноси билан** Тўлиқ, чин маъноси билан. Фармонов том маъноси билан «ишжимой одам» бўлиб, бутун ҳаёти коллективда, идора, мажлисда, минбарда ўтган. А. Мухтор, Чинор.

**2 рвш.** Бутунлай, тамомила, батамом. Қулоғим том битди. ■ -Тақсир, — деди Фозилхак Азизулхон сигарет чекиб.. Мухтор Ҳасанга қараб, — пинакка кетгандай том маҳлиёсиз. Ойбек, Нур қидириб. Мендек одамнинг оғзидан бундай гапнинг чиқиши Сизни том қайрон қилишини биламан. Ш. Холмирзаев, Қил кўприк.

**ТОМ III** [юн. tomos — бўлим; бўлак, қисм] Бир неча китобдан иборат асар, асарлар тўплами, муқоваланган ҳужжат ва ш.к. нинг ҳар бир айрим китоби; жилд. Луғатнинг биринчи томи. Тўламнинг учинчи томи. ■ Йўлдош кирганда, Пўлат дераза рафида тиззасини қучоқлаб ўтирар, столда, ёстиғи устида медицина энциклопедиясининг томлари сочилиб ётар эди. А. Мухтор, Чинор. Терговчи Қосимов яна тахлаб қўйилган жиний иш томларини варақлашга тушиб кетди. «Муштум».

**ТОМАТ** [исп. tomate] Помидор суви ёки пастаси. Кўп томат ва сок олиш мумкин бўлган «Юсупов».. каби яхши сорт помидорлар кам келтирилади. Газетадан. Аёлнинг хонадонидан 30 литр самогон.. 150 литр томат пастаси, хамиртуруш топилди. Газетадан.

**ТОМИЗИМ** ив. Томчи. Бир томизим сув. ■ Мараҳим.. учинчи ишадан тегатурган

«насиба»сини ҳам бир томизим қўймай учди. Ш. Ризо, Қор ёғди, излар босилди. Шу талантни ишга солиш учун аллақандай бир доридан бир неча томизим томизиш керак. А. Қаҳҳор. Сароб.

**ТОМИЗМОҚ I** **Томмоқ** фл. орт. н. Кўзга дори томизмоқ. ■ Ота декчасини осди ва чайладан ишшадаги жувоз мойини келтириб, унга томизди. Ҳ. Фулом, Машғал. [Қиличев] Ички чўнтақларига турли-туман таблеткалар, ҳидлайдиган, ютадиган, томизадиган дорилар солиб юради. Мирмуҳсин, Занглаган қилич.

**Оғзига сув томизмоқ** Ўлим тўшагидаги беморга сув томизиб, охириги ёрдам кўрсатмоқ. Ревизия арпа, бугдой этишмаганлигини аниқлаган пайтда, Алиқулнинг оғзига сув томизилаётгани тўғрисида миш-миш тарқатилди. Ш. Рашидов, Бўрондан кучли.

**Оқизмай-томизмай** Ҳеч бир сўзини қолдирмай, бор (бўлган) гапни тўлалигича. Жаннатхон отасига дастурхон ёзди, отасини сийлади, лекин эрининг сўзларини ҳам оқизмай-томизмай етказди. И. Раҳим, Тақдир.

**2** (фақат бўлишсиз шаклда) Бир қатра ҳам анойи қилмаслик, бекор кетказмаслик, ёрдам кўрсатмаслик. У онасига бир чакки томизмайди. ■ Бой нишиқ одам, бир тишини чакки томизмайди. Ойбек, Улуғ йўл.

**ТОМИЗҒИ I** от Қатиқ ивитиш учун сутга солинадиган ачитқи (мас., эски қатиқ). Сутга томизғи солмоқ. ■ Қўшиникига томизғи сўраб кирган Ҳажалхон бир зумда бир талай гап топиб чиқди. А. Муҳиддин, Ганишер. ..махсус томизғи билан тайёрланган қатиқ, кефир каби сут маҳсулотлари ҳам витаминга бойдир. Газетадан.

**2 сфм.** Томизиладиган, томчилаб қўйиладиган. Томизғи дори.

**Томизғи ҳам бўлмайди** Жуда оз. Бу пулингиз томизғи ҳам бўлмайди. **Томизғига ҳам топилмайди** Умуман йўқ, сира топилмайди, учрамайди. Сув томизғига ҳам топилмайдиган чўл.

**ТОМИЗҒИЛИК** Томизғи учун етарли; томизғи учун қолдирилган. Бир томизғилик қатиқ. Қатиқдан бир-икки томизғилик қолдирмоқ.

**ТОМИЗҒИЧ** Суюқликни томизиш учун ишлатиладиган асбоб; пипетка. Томизғич билан кўзга дори қўймоқ. ■ У шкафдан аллақандай реактив олди-да, томизғич би-

лан бинокуляр микроскоп тагидаги минералга томизди. «Фан ва турмуш».

**ТОМИР I анат.** Одам ва ҳайвонлар танасида қон ёки лимфа оқадиган найчасимон аъзо. Томирдан қон олмоқ. Томирга дори қуймоқ. ■ *Тўлаган ера қараб жим қолди. Унинг чакка томирлари бўртди, бурнининг учи йилтиради.* А. Қаҳҳор, Қўшчинор чироқлари.

**Қон томирлари** Артериялар, капиллярлар ва веналардан иборат томирлар. қ. **артерия(лар), артериола(лар), вена(лар), капилляр(лар).**

**2 кўчма** Умуман, нарса-ҳодисанинг ҳаёти, фаолиятини таъминловчи омил, восита. *Саноатнинг юрагидир мартен печи, Юрак бўлгач, ишлайди-да эрта-кечин. Бу юракни юргизади уста Анвар, Саноатнинг томирига пўлат оқар. «Муштум». Қишлоқнинг ҳаёт томири уриб турган ҳар бир жойда.. ташаббус яққол сезилиб туради.* Газетадан.

**3 с. т.** Юрак ҳаракати натижасида қон тепиши; пульс.

**Томирни (ёки томир) уришини (ёки тепишини) кўрмоқ** Томирни ушлаб, юрак, қон ҳаракатини, пульсни аниқламоқ. *Табиб, Отабекдан воқеани сўраб билгандан сўнг, Қумушнинг томирини кўриб, лабини тишлаб қолди.* А. Қодирий, Ўтган кунлар.

**4 с. т.** Мушакларни суякка бириктирувчи пухта, эластик тўқима; пай. [*Йўлчи*]. *Томири тортишган одам каби, бир лаҳза қотиб қолди, сўнг қиличини маҳкам ушлаб, букчайиб, оҳистагина ерга йиқилди.* Ойбек, Танланган асарлар. *Томирларини ёзиш учун бошини орқага ташлаб, бир-икки силкитиб олди.* С. Кароматов, Олтин қум.

**5 биол.** Ўсимлик танасида суюқлик ва ундаги эриган моддалар оқадиган тўқима найчалар.

**6 бот.** Илдиз. *Ариқ бўйларида, қир этакларида ўтган йилги ўтларнинг томиридан нозик майсалар униб чиқа бошлаган.* С. Анорбоев, Оқсой. *Агар у ҳар кун эрталаб, кечқурун сойга тушмаганда эди, кўза-кўза сув қуйиб, томирига нам юбормаганда эди, ўрик алақачон хазон бўларди.* Ш. Рашидов, Бўрондан кучли.

**7 кўчма** Илдиз, негиз. *Яхши нақл — томири ақл.* Мақол. ■ *Жўрахон бу муҳим масалани айтишдан бош тортганда, бунинг томири жуда узоқ эканлигини Фуломжон дарров фаҳмлаб олди.* М. Исмоилий, Фарғона т. о.

**Томирига (ёки илдизига, оёғига, тагига) болта урмоқ. қ. болта.** *Элмурод ўзининг жаҳолатга қарши бўлган билимини одамларга ёйиш билан домланинг томирига болта ураётганини яхши фаҳмламасди.* П. Турсун, Ўқитувчи. **Томир отмоқ (ёки ёймоқ).** 1) илдизини ҳар тарафга йўналтирмоқ, илдизи ривожланмоқ; 2) асосли ҳолда ўрнашиб яшамоқ, ривожланмоқ. *Аммо бутун бир аҳоли яшаб, томир отиб қолган бежирим жойларни йўқ қилиш — хутор системасини йўқотиш, деган гапга кирмайди.* Ж. Абдуллахонов, Хонадон; 3) ҳар томонга йўналмоқ. *Шербек катта кўча тўрт томонга томир отган жойда тўхтаб қолди.* С. Анорбоев, Оқсой; 4) тарқалмоқ, кўпаймоқ. *Одамлар орасида ҳам девпечак борлигини, у аста томир ёйиб бораётганини биларди-ю, аммо ўша девпечакнинг илдизини топалмай доғда эди.* С. Аҳмад, Ҳукм.

**8 кўчма** Бир-бирини қўлловчи, бир-бирига ҳомийлик қилувчи кишилар ўртасидаги ўзаро боғланиш, алоқа; илдиз. *Зағчақўз домлаям, Турдивой халфаям, ҳаммаси.. Буларнинг томири узун, Зағчақўз мударрис бўлган экан, ўғиллари, шогирдлари каттакатта амалда дейишади.* П. Турсун, Ўқитувчи. *Шухратпарастлар халққа юқоридан қандай зарар етказган бўлсалар, наstdан ҳам шундай зарар етказганлар. Уларнинг томири битта.* Ҳ. Фулом, Сенга интиламан.

**9 шв.** Қариндош, уруғ; қариндошлик риштаси. *Юртга донғи кетган Жоналибойга, Қизинг бериб, бойга томир бўлайлик.* Пўлкан. *Тожибой ўзи камбағаллардан бўлса ҳам, томири Олахўжа махсум билан туташган эди.* П. Турсун, Ўқитувчи.

**10 шв.** Тутинган ўртоқ, яқин дўст. *Томирингни мақтама, ёмон чиқса, қайтасан.* Мақол. ■ *Икки ўртада сўз бергандик, томирмиз деб, Зуваласи айрим битта хамирмиз деб.* Ф. Фулом. *Мингнинг зотини билгандан бирнинг отини бил, деганлар, танилиб қўяйлик, томир.* А. Мухтор, Қорақалпоқ қисаси.

**ТОМЛИ I** Том билан ёпилган, томи бўлган. *Тунука томли уй.* ■ *Сал юрилгач, дарахтзорлар, боғлар, похол ғарамлари... черепица ва қамиш томли уйлар қаторлашиб кетди.* Ҳ. Назир, Чўл хавоси.

**ТОМЛИ II** Белгили томдан, жилддан иборат. *Икки томли шеърлар тўплами. Беш томли асар.*

**ТОМЛИК** Нечадир томдан, жилддан иборат бўлган асарлар тўплами. *Алишер Навоий асарлари ўн беш томлиги.*

**ТОММОҚ** Томчилаб оқмоқ; чакка-чакка оқиб турмоқ, тушмоқ, томчиламоқ. *Хатга сиёҳ томди. Шимга ёғ томди. Томчи томиб бўлгунча, дарё оқиб ўтади.* Мақол. *Тома-тома кўл бўлур, ҳеч томмаса, чўл бўлур.* Мақол. ■ *Совуқ томчилар унинг юзига, бўйнига томиб гашини келтирди.* Ойбек, *Кўёш қораймас. Кўз ёшлари.. эгарнинг қошига ва отнинг ёлига тома бошлайдир.* А. Қодирий, *Ўтган кунлар. Унинг кўзларидан ошноқ соқолига қатра-қатра ёш томар эди.* А. Қаҳҳор, *Асрор бобо.*

**Кўзларидан қон томади** Ўта ғазабли ҳолатни қайд этади. *Азим тажанг бир қадам олдинга ташлади. Кўзларидан қон томарди.* М. Исмоилий, *Фарғона т. о. Оғзидан (ёки лабидан, тилидан) бол (ёки асал) томади* Ниҳоятда ширин сўз, хушмуомала. *Каттадан-кичикка оғзидан бол томиб муомала қиладиган хола негадир мен билан тил учиде сўрашиб қўя қолди.* Т. Алимов, *Дашшў. Лабларингиздан бол томади, ёниб турган оловсиз.* К. Яшин, *Ҳамза. Юзидан қон томади қ. қон.* [Қишлоғимиз] *Одамлари шунақанги хушбичимки, бир қараидаёқ суқингиз кирди.* Юзларидан қон томади. Э. Раимов, *Ажаб қишлоқ. Қамчисидан қон томади* Ўта золим, қаҳри қаттиқ. *Қиз аввал кўрқди, отаси унинг Сидиқжон билан сўзлашиб турганини эмас, боққа тушганини билса ҳам, терисига сомон тикади: бу ҳусусда отасининг қамчисидан қон томар эди.* А. Қаҳҳор, *Кўшчинор чироқлари.*

**ТОМОГРАФ** Томографияни амалга оширишда қўлланадиган, махсус тузилишли рентген қурилмаси.

**ТОМОГРАФИЯ** [юн. tomos — қисм, бўлак; қават, қатлам + графо — ёзма] Рентгенографиянинг ўрганилаётган объектнинг қаватма-қават сояли тасвирини олиш усули.

**ТОМОН 1** Бирор нарса ёки жой (макон)га нисбатан йўналишдаги жой, макон; тараф. *У томон. Бу томон. Кўчанинг икки томони. Боғнинг бир томони. Пайкалнинг тўрт томони.* ■ *Бир томони босиб қолган кулбага Йўлчини ётқизишди.* Ойбек, *Танланган асарлар. Хонанинг икки томонига каравот қўйилган.* Ў. Ҳошимов, *Қалбингга қулоқ сол. Тўрт томон қум, хайрият, бунда ҳеч ким эшитмайди.* Мирмуҳсин, *Меъмор.*

**2** Ўзаро нисбатда, муносабатда бўлган шахс ёки шахслар гуруҳининг ҳар бири. *Душман томон. Қуда томон.* ■ *Аммо ўз отасидек бўлиб қолган ноиб жанобларининг томонини олишни ҳам, ёвузона бир қудрат эгаси бўлган Зокир калла томонига ўтишни ҳам билмай, иккиланиб турарди.* Х. Тўхтабоев, *Йиллар ва йўллар. Ҳар икки томоннинг ишини кўрган одам муқаррар: «Булар ким тез қазирга ўйнашганов!» деб ўйлайди.* М. Исмоилий, *Фарғона т. о. Абдурахмон ёш бола экан, отаси ўлиб, онаси ва ота томонлари тарбиясида қолди.* А. Қодирий, *Меҳробдан чаён.*

**Томонини олмоқ** Томонида туриб ҳимоя қилмоқ, қўллаб-қувватламоқ; ёнини олмоқ. *Дарвиш гов кўпинча фуқаронинг томонини олар, бекларга, навбати келмагунча, сув бермас эди.* П. Қодиров, *Юлдузли тунлар. Сизни қаранг-у, яна ўшаларнинг томонини оласиз-а.* П. Турсун, *Ўқитувчи.*

**3** (кўпл. шаклида — **томонлар**). Ўзаро муҳолиф, зид муносабатдаги шахс ёки субъектлар. *Томонларни келиштирмоқ. Томонларнинг розилигини олмоқ.*

**4** Иш, нарса-ҳодиса, масала ва ш.к. нинг қирралари, қисмларидан бири; жиҳат. *Масаланинг энг муҳим томони. Асарлардаги муштарак томонлар.* ■ *Ҳа, бизнинг касбнинг ўзига хос нозик, жилов тутқизмас, баъзан асов, баъзан инжиқ томонлари бор.* Н. Сафаров, *Оловли излар. Мен кўлда чўкканим, боланинг қутқаргани қолиб, бошқа томонини айтдим.* Ҳ. Назир, *Ёнар дарё. Аммо айни чоғда унинг ҳам ўзига хос заиф томонлари бор эди.* С. Кароматов, *Олтин қум.*

**5 мат.** Текисликдаги геометрик шаклларни ҳосил қилувчи кесмаларнинг ҳар бири. *Тўғри тўртбурчак томонлари. Томонлари тенг учбурчак.*

**6** кўм. *взф.* Макон, пайт, объект, сабаб каби муносабатларни, шундай маъноларни билдиради. *Биз томонга келяпти. Овоз кўча томондан келяпти. Кечга томон хабар олмоқ.* ■ *Елкасига ташланган кителининг енгига қўл сола туриб, индамай эшик томон юрди.* С. Кароматов, *Олтин қум. Кечга томон Собирнинг хонасига Одил бува кириб келди.* Р. Файзий, *Чўлга баҳор келди. Аммо оламшумул бу кашфиёт илмий кенгаш томонидан етарли баҳоланмаганга ўхшайди.* Х. Тўхтабоев, *Ширин қовунлар мамлақати. Бир томондан*

ферма мудирини.. унинг ўрнида сиз бўлсангиз-у, кўз олдингизда боши очиқ бир жувон қилпиллаб юрса.. Э, содда экансиз, ука! А. Қаҳҳор, Қўшчинор чироқлари.

**ТОМОНЛАМА** Миқдор билдирувчи сўзлар, шунингдек, ҳар сўзи билан қўлланиб, шу сўзлар англатган миқдорий нисбатни билдиради. *Ҳар томонлама асосламоқ. Бир томонлама баҳо бермоқ. Ғўза қатор ораларига икки томонлама ишлов бермоқ.*

**ТОМОРҚА** Қишлоқ меҳнаткашларининг ихтиёридаги, одатда, уларнинг қўргони, ҳовли-жойи ёнида жойлашган ер бўлтаги. *Пенсияни нима қиласиз, мол-ҳол, томорқадан чиққан даромад етади икковингизга.. С. Нуров, Нарвон. Ҳар ким истаса, ўз томорқасини, уйи олдини боғ қилиши мумкин. «Муштум».*

**ТОМОША** [а. تماشا / ماشى — ҳаракатланиш; айланиб юриш, сайр қилиш] **1** Оммавий равишда намойиш этиш учун тайёрланган саҳна асари, кўрсатув. *Театр томошаси. Цирк томошалари. Томоша зали. Томоша қўймоқ. Спектаклни қизиқиб томоша қилмоқ. ■ Пешайвон ойнасига туширилган парда орқасидан Ҳамза чиқиб келди-да, томоша тугасанлигини эълон қилди. К. Яшин, Ҳамза. Телевизорни кўраверарканмиз-у, томошаларни тайёрлаш қанчалик машаққатли бўлишини билмас эканмиз. Ў. Ҳошимов, Қалбинга қулоқ сол. Табиий, у кўнди, шу йўсин эртага ўйналадирган томошага Султоналининг хотини ҳам ўргатилди. А. Қодирий, Меҳробдан чаён.*

**2** Умуман, киши эътиборини тортадиган, эътибор билан қарайдиган, кузатадиган, ундан завқ-шавқ оладиган, таъсирланидиган нарса. *Чорсудаги чойхонадан ўтиб, ажиб бир томошанинг устидан чиқишди. Самовар тўла одам. Ашула, аския, ҳангома, қаҳқаҳа авжиди. К. Яшин, Ҳамза. Оббў, пол ювишни кўриш ҳам томоша бўптими? Ў. Ҳошимов, Қалбинга қулоқ сол. -Балиқлар ҳам кўп аломат нарса-да, — деб қўйди томошага берилиб кетган Қудрат ичиди. Ҳ. Назир, Сўнмас чакмоқлар.*

**3** Киши эътиборини тортадиган машина, жанжалли ҳолат; ҳангома. *Буларнинг қитиғига тегма. Асар газетага тортса, ғир этиб терговчи келади. Ана унда кўр томошани. П. Турсун, Ўқитувчи.*

**Томоша қилмоқ** Томошани кузатмоқ, эътиборни тортадиган жой, нарса ва ш.к. ни кузатмоқ, кўрмоқ. *Ҳамза халққа қараб: -Ҳозир бир манзара кўринади, шуни томоша қиласизлар, — деб эълон қилди. К. Яшин, Ҳамза. Йигит-қизлар яшнаб бораётган чўлни, янги қурилган иморатларни, тепаликни тилка-пора қилаётган экскаваторни томоша қилишарди. Р. Файзий, Чўлга баҳор келди. Уйга келди-у, Ювош иккаламиз юлдуз ва медалларни томоша қила бошладик. Э. Раимов, Ажаб қишлоқ.*

**ТОМОШАБИН** [а. + ф. تماشاбин — томоша кўрувчи (қилувчи)] **1** Бирор томошани кўриш учун келган шахс, томоша кўрувчи. *Театр томошабинлари. Футбол томошабинлари. ■ Томошабинлар чапак чалиб юбордилар. Ҳамма ёқдан қийқириқ эшитилди. М. Исмоилий, Фарғона т. о. Халқ, саҳнанинг очилишини кутган томошабиндай, жим эди. П. Турсун, Ўқитувчи.*

**2** кўчма дағл. Бирор ишга лоқайдлик билан четдан қараб, кузатиб турувчи шахс. *Томошабин бўлиб турмоқ. ■ -Хафа бўлманг, ака, — деҳқоннинг елкасига қоқиб юпатди Йўлчи, — фалокат эмас, арава синади, тузатилади.. Атрофда одам тўпланди. Баъзилар ачинади, баъзилар томошабин. Ойбек, Танланган асарлар. Жанжал эса борган сари газак оларди, ота-она ҳам уларнинг келишмовчилигига аралашмас, гўё томошабин ролини ўташар эди. Газетадан.*

**ТОМОШАБИНЛИК** Ўзини томошабин каби тутиш, томошабин бўлиб туриш. *Мафкуравий соҳада томошабинликка чидаб бўлмайди. Газетадан.*

**ТОМОШАХОНА** [томоша + хона] Томоша кўрсатиладиган жой, томоша муассасаси (театр, кино, цирк ва ш.к.). *Сарой ушкан томошахонани эслатарди. С. Сийёев, Ёруғлик. Янги қурилган бу иморатнинг биринчи қавати томошахона бўлиб, тепасига маданият уйи жойлашган. Д. Нурий, Осмон устунни.*

**ТОМОШАЧИ** Томоша қилувчи; томошабин. *Унинг [директорнинг] қовоғидан қор ёғар эди. Томошачилар гап нимада эканлигини тушундилар. М. Ҳазраткулов, Журъат. Сонсиз томошачи келган бу оқшом Бу мўл зиёфатни текин емоққа. Миртемир.*

**ТОМОШАҚОВОҚ** бот. Қовоқнинг еб бўлмайдиган, майда, фақат зийнат (манзара) учун экиладиган тури.

**ТОМОҚ 1** Бўйиннинг энгак ости (тумшук ости) қисми. *Канизак кўк рўмолини томоғининг тагидан боғлаб олган.. ерга қараб жадаллаб келар эди.* А. Қаҳҳор, Қўшчинор чироқлари. *Бирорта одам зиғирча камчилигимиз ҳақида оғиз очса, томоғидан гиппа бўғамиз.* Ф. Мусажонов, Ҳиммат.

**2** анат. Қизилўнғач билан кекирдак бошланадиган ер; бўғиз. *Томоқ оғриғи. Томоғим оғрияпти.* ■ *Қизда уйқу йўқ. Унинг бадани қизгин, томоғи қақраган, юраси шиддатли уради.* Ойбек, Танланган асарлар. [Абдурахмонбой] *Томоғига совуқ ҳаво тиқилгандай, бир энтиқди.* Ҳ. Фулом, Машғал. *Ҳар ютуми томоқни қириб ўтади.* П. Турсун. Уқитувчи.

**Томоқ қирмоқ 1)** томоққа урилиб (қириб) ўтадиган ҳаво билан овоз чиқармоқ (томоқни тозалаш ёки бошқа мақсадда, шунчаки). *У томоғини ора-сира қириб, энтиқиб туриб сапирди.* М. Исмоилий, Фарғона т. о. *Дарвоза очаётган киши қаттиқ йўталиб, устма-уст тунурди ва томоқ қириб, «Кир!», деди бўғилиб.* Н. Аминов, Суварак; 2) шундай овоз билан нимадандир белги бермоқ, нимагадир ишора қилмоқ. *Томоқ қирсам, бас, шу тоб, Келтириб беш сих кабоб, Қўлимга тутиб шароб, Ичаверинг, хўп, дерди.* Ф. Маҳмудов, Вақтим зик. *..кекса бир уламо томоқ қириб, ўзидан хабар бермаганида, ким билади, у сукунат яна қанча давом этар экан?* М. Исмоилий, Фарғона т. о. **Томоқни хўлламоқ** Ичимликдан (асосан, спиртли ичимликдан) бир оз олмоқ, ичмоқ. *Ёшлиқнинг охири, қарликнинг боши, дегандай, озроқ томоқни хўллаб олсак бўларди.* «Муштум». **Томоғи тақилламоқ 1)** ейиш ёки ичишга жуда талабгор бўлмоқ. *Томоғи тақиллаб турган Аҳмад бир отишда қадаҳни бўшатди.* Ф. Мусажонов, Ҳиммат; 2) бирор нарсани ундириш, олиш, эгаллаш пайида бўлмоқ. *Ҳалиги Мамасайд деганимизнинг қизи ҳам бўйига етиб, кўзга кўриниб қолди.* *Бирорта ҳамёни каттароққа пулласам, деб томоғи тақиллаб юрибди.* П. Турсун, Уқитувчи. **Томоғи қичимоқ** Бирор нарсани ундиришни истамоқ, тама қилмоқ. *У томоғи қичиган куни бирор кишининг симини шартта узиб, уйига кириб кетади.* «Муштум». **Томоғидан ўтмаслик 1)** таом ёки суюқликни юта олмаслик (асосан, касаллик туфайли). *Томоғидан [бувамнинг] ҳеч нарса ўтмайди, сув ичса ҳам, фарғара қилиб таш-*

*лайверади.* Газетадан; 2) еб-ичкиси келмаслик, кўнгли тортмаслик. *Қудрат томоғидан овқат ўтмай, икки кўли чеккасида, хаёл суриб кетди.* Ҳ. Назир, Сўнмас чақмоқлар. **Томоғини ёғламоқ (ёки мойламоқ)** Пора бермоқ, пора ўрнидаги нарса билан сийламоқ. *Улар бойнинг кўзи ва қазилари билан томоғи мойланиб, ишни ёпиб юборган эдилар.* С. Айний, Қуллар. *Мудирга чўтал тўлаган юқоридаги кишилар «бошлиқнинг томоғини мойладик, энди овози чиқмайди», деб бир порцияли овқатни уч порция қилиб, хўрандаларни чўмичдан қоқа бошладилар.* «Муштум».

**3** Таом, овқат, овқатланиш. *Тамли томоқ. Томоқ емоқ. Томоқ қилмоқ. Қарини томоқ асрайди.* Мақол. ■ *Уйдагиларнинг сўзларинигина эмас, ҳатто томоқ чайнашларини ҳам эшитса бўлар эди.* А. Қодирий, Ўтган кунлар. *Томоқдан кейин Отабек ҳам бир оз ухлаб олиш учун ётди.* А. Қодирий, Ўтган кунлар.

**Текин томоқ 1)** ўзганинг меҳнати билан юзага келган овқат. *Текин томоқ ичагингни тешади.* Мақол. *Текин томоқ танни тоза қилади.* Мақол; 2) ўзганинг ҳисобига яшовчи киши; текинхўр. *Аллонхўжа кўрасидаги қора ўтовларни оралаб, отбоқару фойтунчиларни, текин томоқ яқовлар, деб сўқиб жувозга қувди.* А. Мухтор, Қорақалпоқ қиссаси. **Ҳаром томоқ** Ҳалол меҳнат билан эмас, ҳаром йўллар билан кун кечирадиган. *Ҳаром томоқ одам ўғридан ёмон.* Уйғун, Ҳаёт қақиради.

**ТОМТЕПАР тар.** Чакка ўтадиган томни кўпчилик бўлиб тегиб зичлаш ва шу мақсадда уюштирилган ҳашар.

**ТОМТЕШАР** Том тешиб ўғрилиқ қилувчи ўғри; умуман, уй-хонадонларга тушувчи ўғри; муттаҳам, фирибгар. *-Мана бундан томтешар чиқади.* *Киссаур бўлолмайди, қўпол, — деди Султон Омонни кўрсатиб.* Ф. Фулом, Шум бола. *Колхоз мулкини сенга ўхшаш томтешарлардан сақлайман.* Ойбек, О.в. шабадалар.

**ТОМУҒ қ. тамуғ.** Унинг зиндонлари томугдан баттар, Унинг кишани бор — умрга хатар. Миртемир.

**ТОМЧИ 1** Суюқликнинг заррачалари тортишуви натижасида айланма сирт билан чегараланган, бир томишдан ҳосил бўлган алоҳида кичик бўлаги. *Сув томчиси.* Ёмғир



томчилари. Бир томчи ҳам қолдирмай ичмоқ. Томчи сел бўлмас, душман эл бўлмас. Мақол. Томчи тошни тешади. Мақол. Бир томчи сув чумолига дарё кўринади. Мақол. ■ Бу гал қусуқ қонга айланган эди, [Кумушининг] бурнидан ҳам бир неча томчи қон оқди. А. Қодирий, Ўтган кунлар. Унинг [деҳқоннинг] офтобда куйиб пишган, этсиз, йирик ёноқли юзида кўз ёшими, терми, ҳар ҳолда томчилар юмаланар эди. Ойбек, Танланган асарлар.

**2 шв. айн. чакка II.** Томдан томчи ўтаёттир. ■ Ёмон бўлганда қандай — умрнинг заволи. Онам, томчининг ҳар «чиқ» этгани — бир кунлик умрнинг чиққани, дейдилар. П. Турсун, Ўқитувчи.

**Дарёдан бир томчи** Кўпнинг, катта миқдорнинг жуда оз қисми, қатраси. -Бу айтганларимиз дарёдан бир томчигина! — деди Олимов, болаларнинг кўпи ҳали қаноатланмаганини сезиб. — Тоғларимизда сир кўп. Ҳ. Назир, Сўнмас чақмоқлар.

**ТОМЧИЛАМОҚ** Томчи-томчи бўлиб, тушмоқ; томмоқ. Ёмғир томчилаяпти. ■ Шох-шабба орасидан сув силқиб томчиларди. Ойбек, Қуёш қораймас. Кунботар олдида бир-иккита томчилагани бўлмаса, ёмғир ҳали ёққанича йўқ эди. Н. Фозилов, Дийдор.

**ТОН** [юн. tonos — таранглик, тифизлик; кучланиш] **1 физ.** Мураккаб товуш спектрининг оддий тебранишлар натижасида ҳосил бўладиган энг кичик бўлаги.

**2** Муайян баланд-пастликка эга бўлган товуш, мусиқа товуши. Тебранувчи тор тарқатадиган энг паст частотали бу товуш торнинг асосий тони ҳисобланади. «Фан ва турмуш».

**3 физиол.** Ишлаб турган юракнинг овози, товуши.

**4** Нутқ, овознинг оҳанги, нозик фарқи. [Заргаров (альбомни тез-тез варақлайди):] Ҳозир-ҳозир.. Ҳа, мана, мана! (Доклад тонида, баланд овоз билан) Ўртоқлар! А. Қаҳҳор, Оғриқ тишлар.

**5 снт.** Рангнинг сифати; муайян рангнинг оч-тўқлиги, бошқа ранглардан фарқланувчи белгиси.

**ТОНГ I** Кун чиқиш пайти, субҳидам, саҳар, азон. Баҳор тонги. Тонг пайти. Тонг шабадаси. Тонг қоронғиси. ■ Ҳўрозлар ҳам уйғониб, Бердилар тонгдан хабар. Кимларга оғир ботар, Кимни ширин аллалар. Файратий. Тонгга яқин тўплар, машиналар, танклар

қаланган, жангчилар қайнаган катта манзилнинг кўйнига кирди. Ойбек, Қуёш қораймас. Эрта тонгда Нуруллабойда Аравага кўшилди отлар. Э. Раҳим.

**Ёлгон тонг айн. субҳи козиб қ. субҳ.** Тонг бўзариб ёришди. Ёлгон тонгда адашиб йўлга чиққан булутлар таралди. Шухрат, Шинелли йиллар. **Тонгни тонг оттириб, кунни кун боттириб** Эрталабдан кечгача ва кечаси билан тинмай. **Тунни тонгга уламоқ ёки тонг оттирмоқ** Кечаси билан ухламай, бирор иш, хаёл ва ш. к. билан машғул бўлмоқ. [Низомжон] Кечалари юлдуз тўла осмонга тикилиб, тунни тонгга улаб, қушлар наъмасидан, сувлар шилдирашидан кўнгилга аллақандай юпанч изларди. С. Аҳмад, Уфқ. Тўхта хола чинакчиликдан чиққан пахтасини кечалари йигирар, чарх олдидан тонг оттирарди. И. Раҳим, Чин муҳаббат. **Эрта тонг ёки тонг саҳар** Жуда эрта, кун ёришар-ёришмас.

**2 кўчма** Бирор нарсанинг бошланиш пайти, илк даври. Бахт тонги. ■ Кунлар келар — қоп-қора уфқ Ол шафақдан булар доларанг, Нажот тонгин очади қуёш. Файратий.

**Тонг отди** Қуёш чиқиш пайти яқинлашиб, кун ёришди. Тонг отди. Тепаликларнинг қор босган оппоқ чўққиси, ўрмондаги дарахтларнинг учи қизарди. А. Қаҳҳор, Олтин юлдуз.

**ТОНГ II: тонг (қотиб) қолмоқ айн. донг қотиб қолмоқ қ. донг II.** Ибодилла эрталаб дуконни очиб, хужрага кирди-ю, акасини кўриб, тонг қолди. Ҳ. Фулом, Машғал. Воқеа устига келган Ширин бу ҳолни кўриб, тонг қотиб қолган. С. Айний, Қуллар.

**ТОНГИ** Тонгга мансуб, тонгда бўлган ёки бўладиган. Тонги шабада. ■ Конлар — инженерни, тоғлар — Фарҳодни, Устасин чақирар тонги гудоқлар. Ф. Фулом.

**ТОНГЛА** эск. кт. Эртанг, келгуси кун. Бугун дегани тонглага тўғри келмайди. Ойбек, Навоий.

**ТОНГОТАР** Тонг отиш пайти; тонг, субҳидам. Тошкент тонготари нақадар гўзал, Чиройли, тасвирга сизмас, сермазмун. Файратий. Тонготарга яқин бир гумбурлаб, ер силкингандай бўлди. Мирмуҳсин, Умид. Чошиқ тонготардан кунботаргача давом этадиган бўлди. И. Раҳим, Чин муҳаббат.

**ТОНЕР** [ингл. toner] Электрографик кўрсаткич (кўринадиган қиладиган модда); лазерли принтерда қўлланидиган бўёвчи кукун.

**ТОНЗИЛЛИТ** [лот. tonzilla — муртак бези, бодомсимон без] тиб. Муртак безининг яллиғланиши.

**ТОНМОҚ 1** Қилмишини, айтган сўзи ва ш.к. ни бўйнига олмаслик; инкор этмоқ. *Гапидан тонмоқ.* ■ *Айтдингиз, айтдингиз, нега тонасиз? Мен сизга айб тақаётганим йўқ-ку!* А. Қаҳҳор, Мунофиқ. *Марғилондан қайтгандан кейинги кунларингизни меҳмонхонада кечириб келишингиздан, албатта, тона олмайсиз.* А. Қодирий, Ўтган кунлар.

**2** Умуман, бор, бўлган нарсани тан олмаслик; рад этмоқ. *Қарздан тонмоқ.* ■ [Майсара Чўпонга:] *Отанг раҳматликнинг сенга васият қилиб қолдириб кетган йигирма тилла пулига қози эшоннинг тониб кетишларининг сабаби бор экан.* Ҳамза, Майсаранинг иши. *Қулоқ солинг гапима, ҳай яхшилар, Оқ сут берган онадан тонган борми?* «Муштум».

**ТОННА** [фр. tonne < лот. tunne — бочка] Минг килограммга тенг оғирлик ўлчов бирлиги. *Беш тонна юк.* ■ *Уч ўғлондир Андижон, Намангану Фарғона. Юртга айлар армуғон Миллион тонна дурдона.* Ё. Мирзо.

**ТОННАЖ** [фр. tonnage] **1** Кеманинг ёки кемалар мажмуининг юк кўтариш қобилияти (бўш ёки белгили юк ортилган кема сиқиб чиқарган сувнинг оғирлиги билан ўлчанади).

**2** Вагон, автомобиль ва ш.к. нинг тонналар билан ифодаланган юк кўтариш қобилияти. *Адолат бўш машиналарни, албатта, орқасига қайтариб, шлагбаумни тоннажига лойиқ юки бор машиналаргагина очар эди.* И. Раҳим, Чин муҳаббат.

**ТОННАЛИ 1** Тонна оғирлигидаги. *Бир тоннали тош. Юз тоннали бомба.* ■ *Нормат виставкада турли нав буғдойларни, саксонтадан туққан наслдор чўчқалару ўн пақирлаб сут берадиган говмиш сигирларни, бир тоннали новвосларни кўрган.* И. Раҳим, Чин муҳаббат.

**2** Маълум тонна юк элтадиган, кўтарадиган. *Уч тоннали машина. Эллик тоннали цистерна.* ■ *Йигирма беш тоннали автокран етиб келгач.. Ҳасанов сим арқоннинг учига қўш батареяли лампани улаб, ёндириб қўйди.* И. Раҳим, Тақдир.

**ТОННЕЛЬ** айн. туннель. *Бригадир Сماعيلини бошлаб, пастга — тоннель девор-*

*ларини зичлаётган йигитлар ёнига тушиб кетди.* Газетадан.

**ТОНОМЕТР** [тон 3 + юн. metreo — ўлчаيمان] тиб. Қон босимини, шунингдек, кўзнинг ички босимини ўлчайдиган асбоб.

**ТОП** с.т. Тоб, пайт. *Шу топда. Уша топда.*

**ТОПАЗ** [юн. topazos] Турли рангда бўладиган қимматбаҳо қаттиқ тош, минерал. *Топаз кўзли узук.* ■ *Мисрликлар ишиша буюмларни қимматбаҳо ёнартошларга: ёқут, зумрад, топаз, феруза.. марварид ва бошқаларга ўхшатиб ясар эдилар.* М. Амин-жонова, Шишанинг кашф этилиш тарихидан.

**ТОПАЛОҚ:** топган топалоқники бол. Ким топса, ўшаники.

**ТОПАРМОН** Пул, даромадни яхши (қўп) топадиган. *Турсунбойлар қассоб гузаридан, отаси чаласовод, лекин топармон эди.* Ш. Холмирзаев, Оғир тош кўчса.

**ТОПАРМОН-ТУТАРМОН** Топиш-тутиши яхши. *Бош-кўзимни айлантириб, қўлга олдингиз, энди хунар чиқаряпсизми? Не-не топармон-тутармон йигитлар эшигимизнинг турумни бузиб, ўтарга йўл бермай юрди.* С. Кароматов, Бир томчи қон. *Ўғли топармон-тутармон, отасига ўхшаб уддабуронгина, тагида яп-янги машина.* Э. Аъзамов, Олам ям-яшил.

**ТОПАР-ТУТАР** қ. топиш-тутиш. *Кампир деразадан меҳмонхона томонга қараб қўйди.. Гулдай тоза, топар-тутари яхши, обрўйи баланд.* С. Нуров, Нарвон.

**ТОПАҒОН 1** Тез, дарров топадиган, топқир. *Топағон бола.* ■ *Фолчи жуда топағон экан, менинг отимни ҳеч ўйламасдан топиб берди.* «Эртақлар».

**2** с. т. Топармон; топармон-тутармон. *Топағон эркап.*

**ТОПАҒОНЛИК** Топағонга хос хусусият. *Коля ўз гапи ўзига наша қилиб куларкан, Қудрат дўстининг топағонлигига ҳайрон қолди: -Қойилман мияннга, адаш! Топдинг, топдинг! Ҳ. Назир, Сўнмас чақмоқлар.*

**ТОПГАН-ТАЯНГАН** айн. топган-тутган. *Отаси қазо қилиб қолди. Отанинг жамғаргани, ўзининг топган-таянгани худдйи, маъракаларга сарфланди.* Ш. Тошматов, Эрк куши.

**ТОПГАН-ТУТГАН** Ишлаб-кучлаб топилган, тўпланган бор-йўқ нарса; жамғар-

ма, буд-шуд. *Топган-тутганим сизники.* ■ Эндиликда чол-кампир топган-тутганини Топилга атаган, бутун эътимодини шу кенжа ўғилга қўйган. Ҳ. Назир, Ўтлар туташганда.

**ТОПИК** [ингл. topic < юн. topos – умумий жой, ўрин] *пед.* Бирор хорижий тилда аввалдан белгиланган мавзу бўйича тузилган, айни хорижий тилни ўрганувчиларга оғзаки нутқ малакаларини ривожлантиришга, шуниңдек, ўқувчилар билимини текширишга хизмат қиладиган матн.

**ТОПИЛДИҚ** *айн. топилма 1.* Янги топилдиқ узоқ ўтмишни ўрганишда ёрдам бермоқда. Газетадан.

**ТОПИЛМА 1** Изланиш, қидирув ишлари натижасида топилган нарса. *Антик даврда суғоришга асосланган деҳқончиликнинг тараққий қилганлигини жуда кўп археологик топилмалар тасдиқлайди.* И. Жабборов, Кўҳна харобалар сири. *Маҳаллий газетанинг ёзишча, топилманинг ноёблиги мурда кўмилагандан буён миянинг ҳеч қандай ўзгаришга учрамаганидадир.* «Фан ва турмуш».

**2** Ҳар қандай топиб олинган нарса. *Топилмаларни эгаларига қайтармоқ. Топилмалар бюроси.*

**ТОПИЛМАС** Кам топиладиган ёки сира топилмайдиған; нодир. *Топилмас мато.* ■ Ёш йигитнинг кўнглида томчилардан ҳосил бўлган севи тобора чуқурлаша бери. *Тўлиб етилган қиз энди унинг кўз олдига тенги топилмас гўзал бўлиб қолди.* П. Турсун, Ўқитувчи.

**ТОПИЛМОҚ 1** **Топмоқ** фл. ўзл. ва мажҳ. н. *Йўқолган китоб топилди. Ҳамма саволларга жавоб топилди. Фикр маъқул топилди. Ишининг янги усуллари топилмоқда. Бош омон бўлса, дўппи топилар. Мақол. Меҳнатсиз топилган ошдан меҳнатда топилган тош яхши. Мақол.* ■ *Онам билан маним бахтимга кутмаган жойдан мўъжизадек бу мактуб топилди-да, мен хизматингизга югурдим.* А. Қодирӣ, Ўтган кунлар. *Аммо булоқнинг топилиши ҳали сувни эгатларга оқизиш деган гап эмас эди.* И. Раҳим, Чин муҳаббат.

**2** Мавжуд, бор бўлмоқ. *Сизда бир варақ қоғоз топиладими? ■ Қоратой, бир танга пул топиладими сенда? Носвой йўқ, эртадан бери хумориман. Ойбек, Танланган асарлар. Бас, бу ҳийлалар, бу макрлар сиздан бошқа кимдан топилсин? А. Қодирӣ, Ўтган кун-*

*лар. Хуллас Павел Иванович Петровский мактаб яратган забардаст олим бўлиб, унинг фикри билан ҳисоблашмайдиғанлар камданкам топиларди.* С. Кароматов, Олтин кум.

**ТОПИНМОҚ 1** *дин.* Сиғинмоқ, чўқинмоқ. *Оловга топинмоқ.* ■ *Ҳиндистонда ҳайвон ва ўсимликларга топиниш ҳаддан ташқари кучли.* З. Акрамов, Ҳиндистон лавҳалари. *..улар аёл зотини илоҳийлаштирар экан, бир замонлар унинг лойдан ва ёғочдан ясалган шаклини уйлари тўрига қўйиб, унга топинишаркан.* Ш. Холмирзаев, Қил кўприк.

**2** *кўчма* Сажда қилмоқ, бош эгмоқ. *Пулга топинмоқ.* ■ *У [Зумрад] ўзининг нафис завқига бовар ишқини гапироди, маъшуқининг ақлига, қалб гўзаллигига, инсоний ғурурига топинади.* Ойбек, Улуғ йўл.

**ТОПИШ 1** **Топмоқ** фл. ҳар. н. *Саволга жавоб топиш. Иш топиш. Сонларнинг умумий бўлувчисини топиш.* ■ *Қолган хизматларингизнинг биттаси энди менга эр топиш эди.* А. Қодирӣ, Ўтган кунлар. *Ҳаёт Салтонбунинг сўзларидан тасалли топишга улгурмай, Мاستон кампир унинг ўтини ловулатди.* М. Исмоилий, Фарғона т. о.

**2** *Ишлаб-кучлаб ёки бошқа бирор йўл билан даромад, пул олиш, келтириш, ишлаш; даромад. Унинг топиши яхши.* ■ *Кампир дарчадан [Сидиқжонга] рўпара бўлди: -Шундоқ деган бўлсам, ажаб қилибман, хўп қилибман! – деди икки кўлини сонига уриб, – уйни уй қилган эрнинг топишию хотиннинг кўрна иши! А. Қаҳҳор, Қўшчинор чироқлари. Кунлик топиши яхши бўлиб қолди. С. Сиёев, Ёруғлик. Ишингизга сира тушунолмай турибман, Йигитали ака, топишингизнинг ҳам тайини йўқ.. С. Кароматов, Бир томчи қон.*

**ТОПИШЛИ-ТУТИШЛИ** *айн. топиш-туттишли [Алижон]* *Топишли-туттишли бола бўлмасаям, қанотимнинг остида бўлса нима қиларкан. Мен шўрликни қон йиғлатиб кетиб қолди.* Мирмуҳсин, Чиниқиш.

**ТОПИШМАЧОҚ 1** *кам қўлл. айн. бекинмачоқ.*

**2** *айн. топишмоқ II 1.* *Топишмачоқ ўйнамоқ.*

**ТОПИШМОҚ I 1** **Топмоқ** фл. бирг. н. *Болалар янги ўйин ўйлаб топишибди. Уни ишхонасидан топишди.*

**2 Учрашмоқ, йўлиқмоқ; бир-бирини топмоқ.** *От кишнашиб топишар, одам — элашиб.* Мақол. ■ *-Бу ёғи ўзингга маълум, синглим, — хўрсиниб гапида давом этди акам, — биз дадам билан қўққисдан болалар уйда топишдик.* Газетадан. *Икки ўртоқ ишхонада тасодифан топишиб қолишди, бола-чақа, қозон-товоқ, сигир-бузоққача сўрашишди.* «Муштум».

**3 Ўзаро тил топиб, келишиб бир бўлиб олмақ, иноқлашмоқ.** *Ўқитувчи сўраб баъзи мактаблардан келишган вакиллар ўзларига теккан ёш ўқитувчилар билан дарров эски қадрдонлар каби топишиб олишди.* П. Турсун, Ўқитувчи. *Ҳанифа Намозов билан ўз эркича топишмаган, балки эски урф-одат бўйича уни никоҳлаб, эрга топиширган бўлсалар керак.* С. Анорбоев, Меҳр.

**Тил топишмоқ** Элакишмоқ, дўстлашмоқ. *Муроджон Набижонов бўлса, қувноқ, камтар бир йигит экан. Бир нафасда биз билан тил топишиб, дўстлашиб олди.* Файратий, Узоқдаги ёр. *Комилжон бу ердагилар билан тил топишиб, оға-унидай бўлиб кетди.* Ж. Абдуллахонов, Хонадон.

**ТОПИШМОҚ II I** **Топишмачоқ** ўйинида: топилиши керак бўлган нарса, ҳодиса ва ш.к. нинг рамз ва ўхшатмалар орқали ифодаланган қисқа тавсифи; жумбоқ. *Халқ топишмоқлари.* ■ *Болалар Нуридан сўрашди. Нури эртақ эмас, бир неча топишмоқ айтишига мажбур бўлди. Лекин оғзидан чиқмасдан, болалар топаверди.* Ойбек, Танланган асарлар.

**2** *кўчма кам қўл.* Тушунилиши қийин, сирли нарса; жумбоқ, муаммо. *Гапларингиз худди топишмоққа ўхшаб кетади.* С. Сиев, Ёруғлик. *Ҳаёт ҳам гоҳо топишмоққа ўхшаб қолади. Тез орада тақдирингиз ҳал бўлишини биласиз-у, аммо нима бўлишини, қандай бўлишини тополмайсиз.* Ў. Ҳошимов, Қалбингга қулоқ сол.

**ТОПИШТИРМОҚ I** **Топишмоқ** фл. орт. н. *Узоқ кўришмаган оғайниларни топиштириб қўйдик.* ■ *Ким мени асримнинг катта йўлига олиб чиқди, ким кишилик билан топиштирди?* А. Мухтор, Давр менинг тақдиримда.

**2 с.т. кам. қўл.** **Топширмоқ** *Хатни эгасига топиштирмоқ.* ■ *-Нима иш қилмоқчисиз? -Сиз ҳозир сўраманг, аммо шу дақиқадан бошлаб ихтиёрингизни менга топиштиринг!* А. Қодирий, Ўтган кунлар.

**ТОПИШ-ТУТИШ** **Ишлаб-кучлаб ёки бошқа бирор йўл билан топиладиган пул, даромад ва уни жой-жойига сарф қилиш.** *Топиш-тутишим ёмон эмас, чўнтагим тўла пул, ҳеч нарсадан камим йўқ.* Газетадан. [Фотима] *Топиш-тутиши катта бўлган бозор паттачисига турмушга чиқди.* Мирмуҳсин, Умид. *Шундай ишчан, топиш-тутиши яхши бу жувоннинг, кампир айтганча, ёмон кийиниб юришинга ажабланардим.* С. Аҳмад, Чўл бургути.

**ТОПИШ-ТУТИШЛИ** **Кўп пул топадиган ва уни жой-жойига сарфлай биладиган, топиш-тутиши яхши; топармон.** *Ўзиням нақ кўрсангиз: ақлли-ҳушли, топиш-тутишли.* Ойдин, Ўзидан кўрсин.

**ТОПМОҚ I** **Йўқотган, умуман, қидириладиган (қидирувда бўлган) нарса ёки шахсни дуч келтирмоқ, кўзга илинтирмоқ, учратмоқ.** *Сўрай-сўрай топдим, тезроқ қайтай, ука.* Ойбек, Танланган асарлар. *Чўнтақларини алғоқ-далғоқ қилиб қидирар, топа олмай хижолат бўларди.* А. Убайдуллаев, Қонли издан. *Ун ботирнинг хужжатларини олганда, Аҳметгалининг онасига юбормоқчи бўлган сурати билан хатни топдилар.* Т. Рустамов, Мангу жасорат. *Ўзимга ўхшаш ўқимишли, бопни ўзим топаман.* «Муштум».

**2** **Ногаҳон кўзи тушиб кўлга киритмоқ; топиб олмақ.** *Бу қамчинни келаётиб кўчадан топдим.* ■ *Рустамнинг биринчи хатини адабиёт китоби орасидан топиб олган кунни аллақандай туйғудан бошим айланиб кетган эди.* Ў. Ҳошимов, Қалбингга қулоқ сол.

**3** **Қидириш, кузатиш, изланиш натижасида кашф этмоқ, очмоқ.** *Геологлар янги-янги ер бойликларини топмоқда.* ■ *Фойдали қазилмалар конларини топиш.. иқтисодий ривожланиш суръатини жадаллаштиришга кўмаклашади.* Газетадан. *Мели полвон хижолат чекди, лекин кулгига парво қилмагандай, дуторга аччиқ қилиб сўзлади: -Сени ўйлаб топган Афлотунни кўп ақлли одам ўтган дейдилар-у..* П. Турсун, Ўқитувчи.

**4** **Номаълум бўлган нарсани аниқламоқ, нима эканини белгиламоқ, тайин этмоқ.** *Топишмоққа тўғри жавоб топмоқ.* ■ *Бурungi замонларда Ибн Сино, Луқмон Ҳаким ўтган. Улар ҳар бир касалга даво топган.* Ойбек, Танланган асарлар. *Дили яқин одамлар бир-бирининг кўнглидагини дарров топади.* Ф. Мусажонов, Ҳиммат. *Ақлли тўнгалка*

нозик ерини, ёриладиган ерини топиб туриб болта уради — ақли билан ёради.. М. Исмоилий, Фарғона т. о.

**5** Умуман, иш-меҳнат, бирор сабаб ва ш.к. билан эга бўлмоқ, эришмоқ. *Ботир топса, барча ер, Бахил топса, босиб ер.* Мақол. *Меҳнат қилиб топганинг, Қанду асал топганинг.* Мақол. ■ *Майли, ишлайвер, бироқ топганингни очкўз чолнинг қўйнига солаверма.* Ойбек, Улуғ йўл. *Бизлар мисқоллаб обрў топамиз, ўғилларимиз ботмонлаб бу обрўни тўкадилар!* Мирмуҳсин, Меъмор. *Бувам фарзанд кўрмай-кўрмай, қариганларида топган ёлғиз ўғиллари дадам экан [деди Саид].* Э. Раимов, Ажаб қишлоқ.

**6** Баъзи сўзлар билан бирикиб (баъзи бирикмалар таркибида), шу сўздан англашилган нарсанинг юз бериши, юзага келиши маъносини билдиради. *Ташкил топмоқ. Қарор топмоқ. Ривож топмоқ. Камол топмоқ. Барака топмоқ. Лаззат топмоқ. Озор топмоқ. Нажот топмоқ. Дардига даво топмоқ.* ■ *Табиб қўй жисарини хом кабоб қилиб, бужғун сепаиб энг деган экан, бир-икки қипти, лекин ишфо топмабди.* М. Исмоилий, Фарғона т. о. *Анзираат холанинг бу гапидан кейин у можаронинг энг хунук оқибати барҳам топгандай энгил тортиди.* А. Қаҳҳор, Қўшчинор чироқлари.

**7** Боғлама өзф. «Ҳисобламоқ», «деб билмоқ» маъносини билдиради. *Маъқул топмоқ. Мувофиқ топмоқ.* ■ *Унинг.. сўзларидаги қишлоқча соддалик ва тўғрилиқ (бу хусусиятни камбағал одамларда катта фазилат деб топар эди бой) унга жуда ёқди.* Ойбек, Танланган асарлар. *..кексалик, яна ёдимдан кўтарилиб кетмасин, деб дафтарга чизиқлар тортиб, белгилар қўйишни лозим топдим.*

**Топгани ёки топган гапи, топган одами, топган нарсаси** Фақат айтилган иш-ҳаракат, гап-сўз, кимса.. ёки нарсанигина билиш, бошқаси билан иши йўқлик, бошқасини тан олмасликни қайд этади. *Уларда [Қумуш ва онасида] энақали бир мия, Ҳасаналига йўл кўрсатадиган ихтиёр қолмаган, топганлари фақат йиғи эди.* А. Қодирий, Ўтган кунлар. *Икки дунёда ҳам ўғлингиз ёрилиб: «Хотин олиб бер», демайди. Топиб олгани китоб, айб ўзингизда.* М. Исмоилий, Фарғона т. о. **Ифодасини (ёки аксини) топмоқ** Акс этмоқ, бор бўлмоқ, ифодаланмоқ. *Шоирнинг бу вақт-*

*лардаги ҳаёти, мусофирлик, ғарибу бекаслик изтироблари унинг асарларида ўз ифодасини топди.* «ЎТА». *Барқарор жуфт сўзлар орфографик, қиёсий, изоҳли.. луғатларда ўз ифодасини топиши шарт.* «ЎТА». *Хуруфийларнинг ақидасича, коинот абадулбад, илоҳий ибтидо одамда ўз аксини топган..* Мирмуҳсин, Меъмор. **Кўнглини топмоқ қ. кўнгил.** *Киши кўнглини топиши осон хунар эмас.* Шукрулло, Жавоҳирлар сандиғи. **Фано топмоқ қ. фано.** *Бу кун пойтахт маънос туради: Фано топмиш Мухаммад Султон.* М. Али, Гумбаздаги нур. **Эсини топмоқ қ. эс.** *Юсуфбек ҳожи хотинининг сўзини бу гал ҳам эламайдир, фақат: -Қўя бер, хотин, ўзи соғ бўлса, бир кун эсини топар, — деб қўядир.* А. Қодирий, Ўтган кунлар. **Ўзини қўйишга (ёки қўярга, қўйгани) жой тополмаслик** Нима қилишини билмай, ниҳоятда ноқулай ва безовта ҳолатга тушмоқ. *Обидов ўзини қўярга жой тополмай қолди.* С. Зуннунова, Янги директор.

**ТОПОГРАФ** Топография мутахассиси. *Бу горда топографлар яшашган бўлса керак.* Газетадан.

**ТОПОГРАФИК** Топография ва топографга оид, топография ишлари учун хизмат қиладиган, топография усуллари билан тайёрланган. *Топографик шартли белгилар. Топографик сурат (тасвир). Топографик харита.* ■ *Экспедициялар қанча-қанча оғирчиликларни енгиб, янги маршрут схемалари, топографик съёмка [тасвир]лар, геологик маълумотларни қогоза туширавердилар.* Ж. Абдуллахонов, Тўфон.

**ТОПОГРАФИЯ** [юн. topos — жой + графо — ёзаман] Геодезиянинг бирор жойнинг, ер сатҳининг географик ва геометрик элементларини тасвирлаш ва шу асосда топографик хариталар яратиш усуллари ўрганувчи бўлими. *Ҳарбий топография.*

**ТОПОНИМИК** Топонимикага оид. *Топонимик тадқиқот. Топонимик харита. Топонимик тасниф.*

**ТОПОНИМИКА** [юн. topos — жой + оном — ном] **1** Бирор жойнинг, худуднинг географик номлари (аҳоли пунклари, дарё, кўл ва б. номлари) мажмуи. *Тошкент топонимикаси. Топонимика луғати.*

**2** тлш. Лексикологиянинг географик номларни ўрганадиган бўлими.

**ТОПОНИМИЯ** айн. **топонимика 2.**

**ТОПОНИМЛАР** Жой номлари. Ўзбекистон топонимларининг лексик-семантик таснифиди терминологик бир хиллик йўқ. «ЎТА».

**ТОПТАМОҚ 1** Оёқ билан босмоқ, эзмоқ. ..ёнаётган хасни ботинкаси билан топтаб ўчирди. Н. Сафаров, Оловли излар.

**2** Пайҳон қилмоқ. *Пода экинларни топтаб ўтибди.* ■ Косиблар таланган, деҳқонларнинг экинларини кўчманчи қўшиннинг беҳисоб моллари топтаб ташлаган. П. Қодиров, Юлдузли тунлар. Душманларнинг қадами билан Топталмасин боғ, чаман, гулзор. Файратий.

**3** кўчма Оёғости қилмоқ, поймол қилмоқ, таҳқирламоқ. *Босқинчилар қарам мамлакатлар халқларининг миллий ҳуқуқларини топтаб келдилар.* ■ *Бизни, сени кўриқлайман, деб урушга кетган эрининг соф муҳаббатини топташга қандай кўнглинг бўлди?* С. Зуннунова, Олов. *Меҳнаткаш халқ, жафокаш халқ.. оғир кулфатлар чекар, унинг инсоний эрки топталар эди.* Газетадан.

**ТОПШИРИҚ** Кимсанинг зиммасига юклатилган иш, вазифа. *Ҳукумат топшириғи. Топшириқ бермоқ. Топшириқ олмоқ.* ■ *Энди депутат бўлиб, сизларнинг топшириқларингизни ҳам жонимни аямай бажараман.* Ойдин, Садаганг бўлай, командир. *Терговчи ҳам хит бўлди. Ахир, у бу ерга ўйнагани келмаган-қу.* Махсус топшириқ билан, оқни оққа, қорани қораса ажратиш учун келган. С. Анорбоев, Оқсой. *Бу менинг эмас, деканнинг топшириғи. Шикоятингиз бўлса, ўзига айтинг.* Ў. Ҳошимов, Қалбингга кулоқ сол.

**ТОПШИРМА** шв. айн. **топширик**. -Дастурхонни ёпингиз, — деди у ўзининг жанубий шеvasида, — сизга муҳим топширма бор. «Муштум».

**ТОПШИРМОҚ 1** Кимсанинг ўз қўлига ёки ихтиёрига бермоқ. *Хатни эгасига топширмоқ. Китобларни кутубхонага топширмоқ.* ■ *Чол каловланиб ўрнидан турди: -Юра қол, қизим, ман сани кампирга топшириб чиқай.* Ойбек, Танланган асарлар. *Сарбозлар шайхга кишан калитини топшириб, от чоптириб кетдилар.* С. Сиёев, Аваз. *Қизилқумдан кийик боласи келтириб, ҳайвонот боғига топширибди.* Ҳ. Назир, Ёнар дарё.

**2** Ўз қўлидаги, ихтиёридаги нарсани кимсага келтириб бермоқ, ўтказмоқ. *Дав-*

*латга пахта (пилла, галла) топширмоқ.* ■ *-Сиз учун, Эргаш ака, — деди, — бир бешотар топиб бераман. Бу менинг ўзимники, ўз яроғларимни топширганди, комиссия раисидан «ўзимни кўриқлаш учун», деб тилаб олиб эдим.* С. Айний, Куллар.

**3** Зиммасидаги иш, лавозим ва ш.к. ни бермоқ, ундан кечмоқ, холи бўлмоқ. *Раисликни топширмоқ. Мудирликни топширмоқ.* ■ *-Ҳозир сменани топшираман, — деди кондуктор, — бизникига борамиз.* «Гулдаста».

**4** Бирор гап-сўз, хабар ва ш.к. ни ўз эгасига етказмоқ, маълум қилмоқ. *Дўстларнинг саломини топширмоқ.* ■ *У овқатланиб бўлгач, Роҳат хола «наказларни» оқизмай-томизмай топширди.* «Гулдаста». У [хотин] супага яқинлашгач, *Йўлчи ўрнидан туриб салом берди ва онасининг саломини топширди.* Ойбек, Танланган асарлар.

**5** Иш-вазифа юкламоқ, буюрмоқ. *Ўтар бобо ўғилларига иш топшириб бўлиб, Авазга ўчирилди: -Сен Аҳмаджон оғанени чорлаб келасан. С. Сиёев, Ёруғлик. Меъмор ювиниб, намозни ўқиб олгач, ҳовлига чиқди. Нонуштага ҳозирлик қилишни шогирдларига топширди. Мирмуҳсин, Меъмор. Энди забастовкалару митинг-питингларни тарқатиш билан овора бўлиб юрманг, бу ишни бошқаларга топшираман.* К. Яшин, Ҳамза.

**Имтиҳон топширмоқ** Бирор фан, унинг соҳаси юзасидан сўроқ-саволларга жавоб бериб синовдан ўтмоқ. *Насиба кузда ҳамма фандан аълога топширмаса, йўл қўймайман.* А. Қаҳҳор, Оғриқ тишлар. *Чарос билан охирги марта кўришганидан буён ўтган бир ярим ой ичида эздан оғиб қолмаганига, қишқи имтиҳонларини қандоқ топширганига ўзиям ҳайрон бўлди.* Ў. Ҳошимов, Қалбингга кулоқ сол. **Омонатини топширмоқ** Жон таслим қилмоқ, оламдан ўтмоқ; ўлмоқ. **Тупроққа топширмоқ** Дафн этмоқ, *Тупроққа топширдик биз жўрамизни.* Х. Даврон, Болаликнинг овози. *..ака-ука Умар полвон билан Рустам-жонлар ҳам қийноқда жон берган оталарини она тупроққа топшириб, кўплар қатори мардикорга сафар жабдуғини ноилоҳ ҳозирлашди.* К. Яшин, Ҳамза.

**ТОПҚИНЧИ** шв. Топқир. *Биз қўлимиз билан ушламасак ҳам, кўзимиз билан кўрма-сак ҳам топадиган топқинчи — билгирмиз.* «Эртақлар».

**ТОПҚИР I** 1 Навбатдаги гуруҳ, туркум. ..*Меҳринисо шошиб қолган, келаётганлар босим ўтиришмас.. уларни кузатиб қайтиши биланоқ, кетма-кет яна бир топқирни кириб келарди.* Р. Файзий, Ҳазрати инсон.

**2** Марта, карра. *Овчи бирин-кетин икки топқир ўқ узди. ■ Ҳирот хўрозлари кечанинг сукутини иккинчи топқир бузганда, Дарवेशали кўзларини уқалаб, ўз хонасига чиқди.* Ойбек, Навоий. У Коля билан нимадир шивирлашиб, уч-тўрт топқир эшикка чиқиб келди. Ҳ. Назир, Сўнмас чақмоқлар.

**ТОПҚИР II** Тез, дарров топадиган, фаҳми ўткир; топагон. *Топқир одам. ■ Бири жуда севимли. Қўнғироқли кўзичоқ; Иккинчиси «Бек» номли Зийрак, топқир, овунчоқ.* З. Диёр. *Изқувар ўз атрофидагиларга қараганда ақллироқ, идроклироқ, топқирроқ бўлиши шарт.* У. Норматов, Талант тарбияси.

**ТОПҚИРЛИК** Тез топиш кўникмасига эгалик. *Ҳа, тушунарли, чайқовчи экан, деб қарор қилдим. Шунда ўзимнинг топқирлигимга ўзим қойил қолиб қўйдим.* Ф. Мусаёнов, Пушаймон. *Раҳматулла шундай деб, ўзининг топқирлигига ўзи ҳам ҳайрон илжайди.* Х. Султонов, Онамнинг юрти.

**ТОР I** 1 Эни, кенглиги унча катта бўлмаган; энсиз, камбар. *Тор лента. Тор кўча. Тор йўлак. ■ Убаланд бўйли, пешонаси тор, ўткир юзли, бети ҳам соқолидай қоп-қора киши.* Ойбек, Танланган асарлар.

**2** Ҳажми, сифими унча катта бўлмаган; сиқиқ. *Тор уй. Тор кийим. ■ Қоратой турди, тор ва дим ҳовлида бўғилган каби, эски, йиртиқ кўйлаги билан елгинди.* Ойбек, Танланган асарлар. *Ушбу кенг дунё кўзимга бўлди тор!* А. Қодирий, Ўтган кунлар. *Аваз ярим соатча дам тортиб ўтирди-ю, бу тор, ним-қоронғи устахонадан зерикиб чиқиб кетди.* С. Сиёев, Ёруғлик. *Домла, бошида чамандагул дўппи, эғнида калта ва тор каттак кўйлак.* А. Қаҳҳор, Тўйда аза.

**3** кўчма Чегараси, кўлами унча катта бўлмаган, чекли. *Тор соҳа. Тор доирада қўлланадиган сўзлар.*

**4** кўчма Жуда қаттиқ, бахил одам ҳақида. *Торга тор дунё, кенга кенг дунё.* Мақол.

**Дўппи тор келмоқ** Ноқулай, ночор, танг аҳволда қолмоқ, аҳволи мушкуллашмоқ. *Баъзи қаллоб одамлар учун нима кўп – важкорсон кўп. Дўппи тор келганда, оғизларига келгани қайтарилмайди.* Газетадан. *Дўппи*

*тор келдими, дарров Жўрабоевнинг паноҳига тиқилишади.* Ш. Рашидов, Бўрондан кучли. *Ёлғон чиқиб гапи, дўппи тор келса, Ҳеч ким йўғин пойлаб сўрайди узр!* С. Абдуқаҳҳор. **Кўзи тор** Ўта хасис, зиқна. *..кўзи тор савдогарларни.. сатира остига олади.* «Муштум». *Узлариям ўлгунча кўзи тор, зиқна одам, пул бўлса-бўлгани..* Ф. Фулом, Шум бола. **Феъли (ёки юраги) тор 1)** айн. **кўзи тор.** *Уларда пул бўлади, биламан. Лекин аёлларининг феъли тор. Кафанликка дока беришса ҳам катта гап.* Ойбек, Танланган асарлар; 2) кишиларга яхшилик, хушмуомала билан муносабатда бўлмайдиган, зиқ муносабатли. *Мудиринг нокасроқ, феъли торроқ одамга ўхшайди. Эҳтиёт бўл унақалардан, жиян.* С. Нуров, Нарвон. *Аваз ўз феълени билади: у инжиқ, юраги тор, қўрс.* С. Сиёев, Ёруғлик. *Кўявер, ука, эр-хотинчиликда ўтади. Баъзи хотинлар юраги торроқ, гайирроқ бўлади.* Ҳ. Назир, Ўтлар туташганда.

**ТОР II** [ф. تار – ип, арқон, тола; дутор ипи; соч толаси] Чолғу асбобларининг тебраниб товуш чиқарадиган ипи. *Ипак тор. Сим тор. ■ Чолғунинг тори таранг, Мени кўрган ёв гаранг. Қандай бахтли мен, қаранг.* Ҳ. Пўлат. *Мели полвон дуторини кўлига олди. Бироқ қулоқлари ҳаддан ортиқ буралган дутор бардош бермади – узилиб кетган тордан инграгандай нидо эшитилди.* П. Турсун, Ўқитувчи. *Уйга қайтгач, от қилдан тор тортиб, ўйинчоқ дуторча ясадим.* «Гулдаста».

**2 қ. дор 1.** Уйнинг бир деворида шарқча қилиб тор тортилган, тор устида Қутбиянинг кийимлари қаторида Ҳасаннинг ҳам беқасам тўни.. ёйшган эди. С. Айний, Қуллар.

**3** кўчма Торга нисбатланувчи нарсани билдиради. *Юрак торлари. Қалб тори. ■ Кунлар яқин, чертажакмиз севги торини..* Файратий. *Рауфнинг таъналардан бушашган торлари тортилиб, зарур ритмга мослашди.* «Ўзбекистон кўриқлари». *Фуломжоннинг асаб торлари тортилди, аламига алам кўшилди.* М. Исмоилий, Фарғона т. о.

**Тори (ёки асаби) таранг** Жуда диққат, асаби бузуқ. *Йўқчилик ўлсин, икковининг ҳам тори таранг, сал нарсага қизаришиб қолади.* «Муштум».

**ТОР III** [ф. تار – мусиқа асбоби тури; гитара] **I** Рубобга ўхшаш сим торли халқ

музиқа асбоби. *Озарбайжон тори. Кавказ тори. Торни созламоқ.* ■ *Торини аста-секин черта бошлади. Кейин завқ билан, ҳарорат билан чалишга туиди.* Ў. Ҳошимов, Қалбингга қулоқ сол.

**2** Умуман, торли чолғу асбоби. *Ўртоқларим, қўлга олсам торимни, Беихтиёр ёдлайдирман ёримни!* А. Қодирий, Ўтган кунлар.

**ТОРАЙМОҚ 1** Эни, ҳажми кичрайиб, сиқилиб кичик тортмоқ, кенлиги қисқармоқ, тор бўлмоқ. *Кўйлак ювилиб торайибди. Йўл торайиб қолибди.* ■ *Орол майдони асосан саёз жанубий ва шарқий қисмлар ҳисобига торайиб бормоқда.* «Фан ва турмуш». Тамаки чекиш орқасида томирлар торайиши билан бирга, томирларнинг девори ҳам ўзгаради. «Фан ва турмуш».

**2** кўчма Иш кўриш, вазифа доираси қисқармоқ, чекланмоқ. *Иш доираси торайди. Ҳуқуқи торайди.*

**ТОРЕАДОР, торепо** [исп. toreador < toreo – буқалар жанги < toro – буқа] Испания, Португалияда ва Лотин Америкасининг бир қанча мамлакатларида: буқалар билан бўладиган жангнинг асосий, буқаларга ҳалокатли зарбалар берувчи иштирокчиси.

**ТОРИЙ** [лот. Thorium – қад. скандинавия мифологиясидаги момақалдироқ ва чақмоқ маъбуди, зироат, ҳосилдорлик ҳомийси Тор (Dogg) номидан] Менделеев даврий системасининг III гуруҳига мансуб кимёвий элемент; радиоактив оқиш кулранг юшоқ металл.

**ТОРЛИ** Тори бўлган, тор туфайли овоз берадиган. *Торли музиқа асбоби. Тўрт торли танбур. Сим торли дотор.* ■ *Чанг – ўзбек халқ чолғу асбоблари орасида энг кўп торлиси ҳисобланади.* Газетадан.

**ТОРЛИК 1** Тор ҳолатга эгалик. *Йўлнинг торлиги. Уйнинг торлиги. Менга эшик торлик қилди.* ■ *Энди Ғиёсиддинга Андижон торлик қилди.* С. Аҳмад, Ҳукм. *Кампирнинг торгина ҳовлисига у гўё учиб кирди. Ҳовлининг торлиги ҳам билинмади унга.* «Гулдаста».

**2** кўчма Ўтакетган қаттиқлик, хасиёстик. [Куёв] *Ўта зиқналикдан, торликдан, дамлаб ичадиган чойларини ҳам ўлчаб берадиган бўлди, тийинларини туфлаб тугди.* Ш. Фуломов, Саҳрода.

**ТОРМОЗ** [юн. tormos – гилдирак айла-нишини тўхтатувчи мих тақиладиган тешик]

**1** Машина, механизм ва ш.к. нинг ҳаракатини секинлатиш ёки тўхтатиш учун хизмат қиладиган қурилма. *Механик тормоз. Пневматик тормоз. Велосипед тормози. Тормоз педали.*

**Тормоз бермоқ (ёки қилмоқ, босмоқ) айн. тормозламоқ.** *Машина тугруқхона эшигида секин тормоқ бериб тўхтади.* Ф. Мусажонов, Ҳиммат. *Мукаррам тормозни босди, тракторидан тушиб, машина томонга юрди.* С. Кароматов. *Ҳаёт қандай яхши. Станциядан ўн беш километр наридаги разъездга етганда, паровоз тормоз берди.* О. Ҳусанов, Қўшиқчининг тақдири.

**2** кўчма с. т. Бирор иш-ҳаракатга халал берувчи, уни секинлатувчи нарса, гов, тўғаноқ, тўсиқ. *Наслчилик ишларини издан чиқариб, ўзи [Жуманиёзов] катта бир тормозга айланиб қолди.* «Муштум».

**ТОРМОЗЛАМОҚ** Тормозларни ишга солиб, машина, механизм ва ш.к. нинг ҳаракатини секинлатмоқ ёки тўхтатмоқ; тормоз қилмоқ, тормоз бермоқ. *Машинани тормозламоқ.*

**ТОРМОЗЛАНИШ 1** Тормозланмоқ фл. ҳар. н. *Автоматик тормозланиш.*

**2** физиол. Нерв тизимининг қўзғалишига йўл қўймайдиган жараён. *Шартли тормозланиш.* ■ *Уйқу тормозланишининг ўзига хос формасидир.* А. Зоҳидов, Узоқ умр сирлари. *Бош миё яримшарларидagi қўзғалиш ва тормозланиш жараёнлари хотирага ҳам ўз таъсирини ўтказди.* «Фан ва турмуш».

**ТОРМОЗЛАШ 1** Тормозламоқ фл. ҳар. н. *Машинани тормозлаш.*

**2** физиол. Нерв марказлари ёки аъзолари фаолиятини маълум тарзда сусайтириш ёки тўхтатиш. [Мия] *Янги шароитда шартсиз рефлекс билан мустаҳкамланмайдиган дастлабки шартли рефлексларни тормозлаш билан жавоб беради.* «Анатомия».

**ТОРМОЗЛИК:** **тормозлик қилмоқ с.т.** Тўсқинлик қилмоқ, гов, тўғаноқ солмоқ. *Ишга тормозлик қилмоқ.*

**ТОР-МОР** [ф. тароуар – тарқоқ, тартибсиз ҳолга келган; пароканда; йўқ қилиш]: **тор-мор бўлмоқ** Қақшатқич зарбага учраб йўқ бўлмоқ, маҳв ўлмоқ, ер билан яксон бўлмоқ. **Тор-мор қилмоқ (ёки этмоқ, келтирмоқ)** Қақшатқич зарба бериб йўқ қилмоқ, маҳв этмоқ, ер билан яксон қилмоқ. *Дарҳақиқат, халқларимиз манфаатлари*



йўлидаги муштараклик фашистларни тор-мор қилган эди. Н. Сафаров, Оловли излар. Якшанба куни шаҳарнинг кириш дарвозасидан уч фарсах нарида икки томон сарбозлари тўқнашиб.. бухороликлар тор-мор этилди. Мирмуҳсин. Меъмор.

**ТОРНАДО** [исп. tornado] Шимолий Америкада бўладиган қуюн, гирдобларнинг номи.

**ТОРОЖ** [ф. тарاج – ўғирлаш, талаш; ўлжа]: **торож қилмоқ** (ёки **этмоқ**) кт. Таламоқ, талаб кетмоқ. Қўшин тортиб, неча ерларни торожу талон этди. Фурқат.

**ТОРПЕДА** [лот. torpedo – электр балиқ] Кемаларнинг сув ости қисмига шикаст етказиш учун қўлланадиган, бош қисми портловчи модда билан тўлдирилган сиварасимон ўзиюрар мина. *Торпеда қўймоқ.* ■ *Биз нарсаларимизни йиғиштириб.. таваккал қилганча каютадан чиқдик. Шу пайт торпеда портлади.* «Ёшлик».

**ТОРС:** **торс ёрилмоқ** «Тарс» этган товуш чиқариб, шиддат билан ёрилмоқ, иккига ажралмоқ. *Пичоқ қўйиши билан қовун торс ёрилди.* ■ [Зилзиладан] *Айвон ҳам қийшайиб қолган. Унинг деворлари ҳам торс ёрилган, полда девордан тушган сувоқ парчалари ётибди.* И. Раҳим, Тинимсиз шаҳар. *Гумбура-гумбур бошланиб, ердан момақалдироқ кўтарилди, бундан гўё осмон торс ёрилиб, ер ловуллаб ёнди.* И. Раҳим, Мангулик қўшиғи. **Боши(м) тарс ёрилиб** (ёки **ажраб**) **кетай деяпти** Боши(м) жуда қаттиқ оғрияпти. У [Ақбарали] ҳозир боши торс ёрилиб кетадигандек, отилиб йўлакка чиқди. А. Мухтор, Чинор. **Торс ёрилиб кетгудек бўлди ёки юраги торс ёрилиб кетай деяпти** Жуда хит, хуноб бўлди, юраги сиқилиб кетди. *Ерга киргудек бўлиб ўтирган Валивойдан ортиқ садо чиқмагач, Жўранинг юраги торс ёрилай деди-да: -Мен кетдим! – деб ўрнидан кўзғалди.* Ҳ. Назир, Онаизор.

**ТОРСИЛАМОҚ 1** Торс (торс-торс) этган товуш чиқармоқ. *Тошиб бориб торсиллаб Кетайтир отлари.* «Шарқ юлдузи».

**2** кўчма Жуда таранглашмоқ, миқти бўлиб семирмоқ. *Лекин-чи, яна бир оз семириш ғамида бўлинг. Эви билан, яна семираман деб торсиллаб кетманг.* «Муштум».

**ТОРС-ТОРС:** **торс-торс ёрилмоқ** Ҳар ер-ҳар еридан катта-катта ёрилмоқ. *Пахса қуриб, торс-торс ёрилди. Қўлларим совуқдан*

*торс-торс ёрилиб кетди.* ■ *Куёшнинг оловли тафтида торс-торс ёрилиб, осмондан томчи тушишида ўз нажотини кутиб турган бу асрий чўлларда ҳеч юрганмисиз? С. Нуоров. Дурдона.*

**ТОРТ** [итал. torta < лот. tortus – эшилган, эшма; хамирдан тайёрланган юмалоқ маҳсулот] Хамирга ёғ, шакар, тухум каби масаллиқлардан қўшиб тайёрланадиган бежамали қандолат маҳсулоти. *Шоколадаги торт.* ■ *Дастурхонда хонаки печеньелар, атиргул нусха торт ва турли хил мевалар бор эди. С. Аҳмад, Қадрдон далалар.*

**ТОРТИБ 1** **Тортмоқ** фл. рвдш. *Арқонни таранг тортиб боғламоқ. Юкни тарозидан тортиб бермоқ. Енгидан тортиб қўймоқ.* ■ *Уни чуқурдан Юсуфжон қизиқ тортиб олибди. Мингбоши кайфи сал тарқагач: -Э, Юсуфжон, сенмисан? – дебди. Т. Обидов, Юсуфжон қизиқ.*

**2** кўм. (ч.к. билан) Бошлаб, эйтиборан. *Шу бугундан тортиб.* ■ *Оёғимдан тортиб башарамгача қонга бўялдим. Ф. Фулом, Шум бола. Халқ дадил боради. Айниқса, хотинлароналар жасур. Улар Николайдан тортиб элликбошиларга қадар ҳаммани қарғашади. Ойбек, Танланган асарлар.*

**ТОРТИЛМОҚ 1** **Тортмоқ** фл. мажҳ н. *Кир ёйиш учун арқон тортилди. Қудуқдан сув тортилди. Деразаларга парда тортилди. Ишга ёшу қари тортилди. Меҳмонларга ош тортилди.* ■ *Фуломжоннинг асаб торлари тортилди, аламига алам қўшилди. М. Исмоилий, Фарғона т. о.*

**2** Камайиб, камчил бўлиб қолмоқ. *Сигирнинг сути тортилиб қолди.* ■ *Суви анча тортилиб қолган кўлнинг шимолий этаги қишлоқ уйларининг ҳовлиларига бориб тақалар эди. М. Исмоилий, Фарғона т. о. Қиз чиқарадиган оналар туғун-туғун иш кўтариб келишарди, бу йил бир оз тортилиб қолди. Ойбек, Улуғ йўл.*

**ТОРТИЛМОҚ 2** Уялиб, бегонасираб ёки бирор бошқа андиша билан ўзини тортиб, тийиб, одоб сақлаб турмоқ, ийманмоқ. *Тушунмаганларингизни ҳеч тортинмай сўранг. П. Турсун, Ўқитувчи. Содда қишлоқ йигити такалуфни билмаса ҳам, одоб-таъзим хусусида онаси анча-мунча гапларни уқтириб юборгани учун, давлатманд қариндошининг хузурида овқатдан тортинишни маъқул кўрди. Ойбек, Танланган асарлар. Ҳақ*

ва адолат пешволари ҳақни риё, риёни ҳақ дейишдан тортинмас эканлар. М. Исмоилий, Фарғона т. о.

**ТОРТИНЧОҚ** Бошқалардан уялиб, ийманиб, ўзини тортиб турадиган, шундай ҳис-туйғуси кучли; уятчан. *Тортинчоқ одам.* ■ Ёнма-ён пахта тераётиб, у ёқ-бу ёқдан гапиришганларида, қиз унинг ҳақиқатан ҳам тортинчоқ, камсуқум йигит эканини сизди. П. Қодиров, Уч илдиз.

**ТОРТИНЧОҚЛИК** Тортиниш, уят-андиша ҳис-туйғусига эгалик. *Тортинчоқлик билан гапирмоқ.* ■ Садбарга қолса, бу ердаги йигитлар орасида энг ақлиси шу Луқмонча. Фақат тортинчоқлиги бор, дадил эмас. А. Мухтор, Туғилиш.

**ТОРТИШ** **Тортмоқ** фл. ҳар. н. *Ариқ тортиш. Режа тортиш. Жазога тортиш.* ■ [Зайнаб:] Маҳаллий меҳнаткашлар орасида ғайратли ёшлар кўп, ўртоқ командир. Улардан ҳарбий хизматга кўпроқ тортиш керак. З. Саид, Н. Сафаров, Тарих тилга кирди. Саидғози ўтирганларнинг диққатини тортиш учун томоқ қириб йўталди. С. Анорбоев, Оқсой.

**Тортиш кучи** 1) *айн. тортишув кучи қ.* **тортишув** 3; 2) локомотив, электровоз, машина ва ш.к. нинг ҳаракат томон йўналган кучи. *Паровознинг тортиш кучи.*

**ТОРТИШИШ 1 Тортишмоқ** фл. ҳар. н. 2 Тортишув, баҳс. *Уларнинг орасида бўладиган тортишишини эшитиб, маза қилиб кулишга ишқивозлар кўп эди.* П. Турсун. Ўқитувчи.

**ТОРТИШМАЧОҚ** этн. Никоҳ тўйида келин куёвни келгандан кейин хотинлар келин ва куёв тарафга бўлиниб, бел боғлаб, бир-бирини тортишиш ўйини. *Ялли шовқин билан «тортишмачоқ» бошланди: қиз томондан гунҷакдек юм-юмалоқ хотин белини белбоғ билан маҳкам боғлаб, ўртага тушди.* Ойбек, Танланган асарлар.

**ТОРТИШМОҚ 1 Тортмоқ** фл. бирг. н. *Арқонни тортишмоқ. Ариқ тортишмоқ. Дорбозлар дорни тортишиб бўлишди.* ■ [Қизлар] «Энди нари ёт, бери ёт» билан бир-бирларини итариб, суриб, кўрпани тўрт томонга тортишиб, жанжаллаша бошладилар. А. Қодирий, Меҳробдан чаён. -*Жазосини тортишибди, — деб қўйди Жумагул қувонганидан.* Ж. Шарипов, Хоразм. *Йиғи кўнгил доғини ювар эмиш.. булар ҳам анча равшан*

*тортишиб, секин-секин гапга кириб кетишди.* М. Исмоилий, Фарғона т. о.

2 Мушақларнинг беихтиёр қисқариши натижасида ҳаракатсиз қотмоқ, бужмаймоқ, акашак бўлмоқ. *Шоқир ота оғир хўрсинди, сўнгра бирдан «вой» деб, томири тортишган оёғини уқалай бошлади.* Ойбек, Танланган асарлар.

3 кўчма Ўзиникини маъқуллаш учун ҳаракат қилмоқ, талашмоқ, баҳслашмоқ. *Муросага келган бўлди Расулжон: -Ҳозир тортишадиган бўлсак, даҳанаки ихтилоф бошланади ўртада.* Ж. Абдуллахонов, Хонадон. *Қишлоқда дув-дув гап: правлениеда раис билан Ҳамдам ака тортишиб қолибди: раис янги ер очамиз деса, у қарши чиқибди.* Й. Шамшаров, Пахтақайнар.

**ТОРТИШУВ 1 Тортишмоқ** фл. ҳар. н. 2 Баҳс, мунозара. *Қизгин тортишув.* ■ *Кампирларнинг тортишувидан завқланган Олияхон, кула-кула, уларнинг қўлларидан ушлаб, аввалги қуртхонага бошлаб кирди.* Н. Сафаров, Олияхон Султонова. *Бир масала кўпдан бери тортишувга сабаб бўляпти.* И. Раҳим, Ихлос.

3 физ. Зарралар, жисмлар ўртасидаги бир-бирига яқинлашувга бўлган интилиш ҳодисаси; жозиба. *Жисмларнинг тортишуви.*

**Тортишув кучи айн. тортишув 3.** **ТОРТИҚ 1** Кимсага тухфа қилинган нарса; совға, армуғон. *Байрамга муносиб меҳнат тортиқлари.* ■ *Деҳқонбой, сизнинг тортиғингизни дастурхонга қўйяй деса, жой ҳам йўқ.* Н. Сафаров, Водиллик қаҳрамон. *Мен икки қўлимда икки хил гулни тутиб, унга [Ҳабибага] тортиқ қилдим.* С. Айний, Эсдалиқлар.

2 Тортилган, тортиб, тутиб қўйилган, тортиқлик. *Парда тортиқ ойналар.*

**ТОРТМА 1** от Стол, шкаф кабиларнинг сурилма яшиги. [Жувон] *Пуларнинг орасидан битта беш сўмликни олиб, қолганларини яна ураб, тортмага солиб қўйдида, менга қаради.* С. Аҳмад, Таъзим. *Нонуштага асраб қўйган бир бурдагина қотган нонни тумбочка тортмасидан олиб еди.* С. Кароматов, Олтин қум.

2 айн. **қоринбоғ.** 3 сфм. Тортиб чиқариладиган, сурилма. *Тортма полка.*

**ТОРТМОҚ 1** Бирор еридан ушлаб, тутиб, ўзига томон сурмоқ ёки суришга

ҳаракат қилмоқ. *Эшикни тортиб очмоқ. Қўлидан тортиб турғизиб қўймоқ.* ■ *Сидиқжон тутнинг остида отнинг бошини тортиб: -Тут емаймизми? – деди. А. Қаҳҳор, Қўшчиноҳ чироқлари. Анзираҳ кампир қути ўчиб, ўрнидан турди, Башоратнинг ёнига келиб, унинг бошини кўкрагига тортди. А. Мухтор, Опа-сингиллар. [Гавҳар] Талъат билан юзма-юз турган Мансурнинг қўлидан ушлаб тортди.. Ў. Ҳошимов, Қалбингга қулоқ сол.*

**Буридан тортса йиқилгудай қ. бурун.** *Дорға тортмоқ* Дорға осмоқ. *Олиб келиб, дорға тортиб ўлдириб..* «Юсуф ва Аҳмад». **Йўл тортмоқ** Йўл юрмоқ, йўлда давом этмоқ. *От ўйнатиб йўл тортди. Якка душманнинг йўлига.* «Гулшанбоғ». **Оёғи тортмаслик** Бирор ерга боришга дили рўйхуш бермаслик. *Урганмаган ерга боришга оёғим тортмади. Бироқ аям хафа бўлмасин, деб айтолмадим. С. Сиёев, Ёруғлик. Оёғидан тортмоқ* Бирор нохуш иш-ҳолатга жалб этмоқ, дучор қилмоқ. *Нечун бир-бирининг кўзига чўп солур, бир-бирининг оёғидан тортур, вақти келса, бир-бирининг бўғзига панжа урмоқдан тоймас. С. Сиёев, Аваз. Оёғини тортмоқ* Бормайдиган, келмайдиган (умуман, қатнамайдиган) бўлмоқ, қадамини узмоқ. *У қамалган кундан бери оёғини тортган, ҳатто кўчиб кетганлар ҳам келди. С. Юнусов, Кутилмаган ҳазина.*

**2** Орқасига тиркалган, қўшилган ва ш.к. ҳолатдаги нарсани куч билан олға юргизмоқ, юргизиб олиб бормоқ. *..теповоз сўнги марта қичқириб, составни тортиб кетди. Ҳ. Фулом, Феруза. Ҳўкиз калласини эгиб, омочни тортишга уринар, қўшчи эса ҳадеб қистарди. М. Исмоилий, Фарғона т.о. Кичкинагина машинасини тортиб юрган бола Муҳиддинни ўзига жалб қилди. Р. Файзий, Чўлга баҳор келди.*

**Аравангн торт қ. арава. Қўшин (ёки лашкар, аскар) тортмоқ.** Қўшин (лашкар, аскар) билан юриш қилмоқ, босиб бормоқ. *Лашкар тортиб юриш қилса, Ўнин кўзлаб, бирин санчар. «Гулнорпари». Гўрўғли душманга аскар тортади, Орият йўлида жонин сотади. «Гулшанбоғ».*

**3** Ичига куч билан йўналтирмоқ, юритмоқ. *Комига тортмоқ. Қабрига тортмоқ.* ■ *Нишонов папиросини тутатиб, яхшилаб тортиб олди-да, стол устига энгашди. С. Зуннуова, Янги директор. Муқаддам фла-*

*кондаги дорини шприцга тортиб олди-да, игнасини юқорига кўтарди. Ў. Ҳошимов, Қалбингга қулоқ сол.*

**4** Бирор нуқта (жой)дан бошқаси оралиғига ўтказмоқ, юритмоқ. *Зулфиқор, бобонинг қўлидан тешани олиб, [қозикни] яна ҳам мустаҳкамлади-да, Меъморга қараб: -Энди устига миҳ қоқиб, каноп тортаверсак бўладими? – деб сўради. Мирмуҳсин, Меъмор. Бир неча кун илгари алоқачилар сим тортиб юриб, Давронни учратишган эди. Т. Рустамов, Мангу жасорат.*

**5** Атрофидан таранг қилиб ўтказмоқ, боғламоқ. *Ҳотам эса отининг айил-пуштанини қайтадан тортди.. М. Ҳазратқулов, Журъат. Қаршисида кўкрагидан қайиш тортган, қизил шапка кийган милиционер турибди. «Гулдаста».*

**6** Бирор нарсани, унинг сиртини, очиқ жойни тўсмоқ, беркитмоқ. *Бетиға ниқоб тортмоқ.* ■ *Бир томонда дорбозлар дортикади, кўғирчоқбозлар чодирхаёл пардасини тортадилар. С. Сиёев, Аваз. Ҳалиги хотин қисилганданми, уялганданми, бошидаги оқ дока рўмолини юзига тортиб, «қўя бер» дегандай қилиб, бошини силкитди. Ойдин, Фонарь тагида.*

**7** Ўзига қаратмоқ, мойил қилмоқ, жалб этмоқ. *Диққатни ўзига тортмоқ.* ■ *Қуёш, тоза ҳаво, кенг, тиниқ зангори осмон кўзларни беихтиёр тортади. Ойбек, Танланган асарлар. Тўлқинжон.. шу кунгача Ҳурини сира қизиқтирмаган эди. Гарчи Тўлқинжон чиройли бўлса ҳам, қизни ўзига тортмасди. Ф. Мусажонов, Ҳури. Олиб кирилган чой ҳам совиб қолар, аллақандай ўлчовлар – учбурчаклар хаёлини тортиб кетарди. Мирмуҳсин, Меъмор.*

**8** Бирор ишга аралаштирмоқ, қотиштирмоқ, жалб этмоқ. *Ишга тортмоқ. Уқишга тортмоқ.* ■ *Шаҳидбек мулла Абдурахмонни сўзга тортди: -Нима лавозиматдалар, тақсирим? А. Қодирий, Меҳробдан чаён. «Бундай қиламан, – лабини қимирлатиб, ўз ўзига шивирлади Йўлчи, – аввал шундай одамларни тортаманки, ўзимга қандай ишонсам, уларнинг дилига шундай ишонган бўлай». Ойбек, Танланган асарлар. ..улар орасидан бизни қўллаб-қувватлайман, деганларини хизматга тортинг. К. Яшин, Ҳамза.*

**9** Ўзини, кимса ёки нарсани бирор жойга, ҳолатга олмоқ. *Бундан ўзини торт-*

моқ. *Дўстини четга тортмоқ.* ■ *Матпа-  
нонинг биқинида турган қаландар унга бош-  
дан-оёқ разм солди, ўзини сал четга тортди.*  
С. Сиёев, Аваз. *Кичик офицер ҳам, солдатлар  
ҳам улардан ўзларини тортишди.* Мирмуҳ-  
син, Чодралӣ аёл. *Бир куни кечқурун, ётар  
маҳалда аямни четга тортиб шивирладим.*  
С. Сиёев, Ёруғлик.

**Бош тортмоқ қ. бош.** *Армани уста қора  
мармар лавҳадаги сўзларни ўчириб, қайта  
ёзишдан кескин бош тортди.* Н. Аминов,  
Суварак. **Тап тортмаслик** *Қўрқмаслик ва  
чекинмаслик. Ҳар қандай мушкулдан тап  
тортмай, тикка қарши борадиган ўтюрак  
кўринади.* А. Мухтор, Бўронларда бордек  
ҳаловат. *Юсуф қизиққа ниҳоят даражада  
қаттиқ ботганидан, сира тап тортмай,  
бойни савалай кетди.* К. Яшин, Ҳамза.

**10** Айрим сўзлар билан қўлланганда,  
«урмоқ» маъносини билдиради. *Тиғ торт-  
моқ. Тарсаки тортмоқ.* ■ [Дадам] *Олдимга  
келдилар-у, шапалоқ билан тортиб юборди-  
лар.* Э. Раимов, Ажаб қишлоқ. *Отлиқ бор ку-  
чи билан деҳқоннинг юз-кўзи аралаш қамчи  
тортиб юборди.* С. Сиёев, Ёруғлик.

**11** Улашмоқ, тарқатмоқ, қўймоқ (меҳ-  
монларга оқват). *Меҳмонларга ош торт-  
моқ. Патнис тортмоқ.* ■ *Норинни тортиб  
бўлгандан кейин Аноргул ҳамма товоқ-қо-  
шиқларни тоза қилиб ювиб олди.* Ойдин,  
Ҳазил эмиш. *Таомнинг устидан қизлар тор-  
тади Бекларга онкелиб қовурма гўштни.* «Ал-  
помиш».

**12** Тарозида оғирлигини ўлчамоқ. *Қо-  
вунни тортиб кўрмоқ.* ■ *Тортиб берганда,  
ўзинглар қараб турганмидинглар? Нима эн-  
ди кам деб, бетингларни юласизлар?* М.  
Исмоилий, Фарғона т. о. *Бир ойдан кейин  
қўйни тортиб кўраман, қўй семирмаслиги  
керак (дебди хон).* «Чалпак ёққан кун».

**13** Чизмоқ, чизиқ шаклида из солмоқ;  
қазимоқ. *Чизиқ тортмоқ. Режа тортмоқ.  
Жўяк тортмоқ.* ■ *Меъмор ўз чодирӣ ёнида  
елкасига пешматини солиб.. китоб ўқир, тош  
бостириб қўйган яхлит қоғозни олиб, чизиқ-  
лар тортар, хаёл сурар эди.* Мирмуҳсин,  
Меъмор. *Тоға ваъдасида туриб, каналдан  
ариқ тортиб келишга одам юбормасе, иши-  
миз чатоқ бўлади.* С. Аҳмад, Уфқ.

**14** Тегирмонда донни унга айлантирмоқ.  
*Ун тортмоқ.* ■ *Тегирмончи: -Эртага ке-*

*линг, афанди, бугдойингизни тортиб қўя-  
ман, - дебди.* М. Ҳазратқулов, Журъат.

**15** Камайтирмоқ, озайтирмоқ; чеклаб  
қўймоқ. *Пулдан бир оз тортиб қўймоқ.* ■  
*Мол дегани иймаса, сутини тортади, - деди  
Танаси яйрамаса, сутини тортади, - деди  
Адол хола.* А. Мираҳмедов, Ўт юраклар.

**16** Ўзига сингдирмоқ, шиммоқ. *Чуқур  
сувни тортиб кетибди. Гуруч сувини тор-  
тибди.*

**17** физ. Зарралар, жисмлар ўртасидаги  
жозиба кучи туфайли ўз томонига сурмоқ.  
*Магнит темирни тортади.*

**18** Биологик, жисмоний тузилиш ёки  
маънавий жиҳатдан туққанларига, туғиш-  
ганларига ўхшамоқ. *Қазисан, қартасан - ахир  
аслингга тортмасан.* Мақол. ■ *Сен кимга  
тортинг-а? Ота-онамиз қўйдан ҳам ювош  
одамлар эди-ку!* Ё. Хаимов, М. Раҳмонов,  
Ҳаёт-мамот. - *Бунингиз шахзодаларга муносиб,  
- деди Ойша хола секингина Санам отинга  
ўгирилиб. - Онасига тортди.* Ш. Тошматов,  
Эрк куши. *Отанга тортиб, хотин кишини  
хўрласанг агар, сенга берган оқ сутим ҳаром  
бўлади, ўғлим, билиб қўй шуни!* С. Анорбоев,  
Меҳр.

**19** Бошдан кечирмоқ, чекмоқ; ҳис қил-  
моқ, сезмоқ. *Азоб тортмоқ. Ташвиш торт-  
моқ. Дард тортмоқ. Хижолат тортмоқ.* ■  
[Валихўжа тутақиб:] *Участкани сен қил-у,  
жабрини мен тортайми?* Н. Сафаров, Ҳаёт  
мактаби. *Рўзғордан шундай танглик торт-  
дикки, гапирсам, балки шонмайсиз.* Ойбек,  
Танланган асарлар.

**20** Ўзи бирикиб келган сўз билдирган  
ҳолат-вазиятни эгалламоқ маъносини бил-  
диради. *Ингичка тортмоқ. Йўғон тортмоқ.  
Бақувват тортмоқ.* ■ *Қурбон ота анча  
дадил тортди.* С. Нуров, Нарвон. *Мамақал-  
дироқ гулдураб, у хушёр тортди.* «Ёшлик». *Дарҳақиқат,  
куз ҳавоси мусаффо бўлиб,  
сумбула суви тиниқ тортади.* Газетадан.

**21** «Кўнгил», «дил» каби сўзлар билан  
қўлланиб, ихтиёр этмоқ, хоҳламоқ маъ-  
носини билдиради. *Йўлдан ўтаётиб, кўнг-  
лим тортиб, бир кўрай дедим сизни.* С. Ну-  
ров, Нарвон.

**Паноҳ тортмоқ қ. паноҳ.** *Сизни паноҳ  
тортиб келдик, устод. Мақсад - мана шу  
ўғлимни шогирдликка қабул қилсангиз..* Мир-  
муҳсин, Меъмор.

**ТОРТ-ТОРТ** *с.т.* 1 Талаб, тортқилаб, юлиб-юлқиб олиб кетиш; талон-торож. *Усталар келмаанлигидан кўнрик қурилиши қолиб кетди. Ёғоч-тахталарни эса кимлар торт-торт қилиб олиб кетгани номаълум.* «Муштум».

2 Кўп ичиш, ичкиликбозлик. *Бир куни роса торт-торт бўлган экан, эртасига бошим худди ари қамалиб қолган томошақовоққа ўхшаб гувулларди.* «Муштум».

**ТОРТУВЧАН** *кт.* Кишини ўзига тортадиган, диққат-эйтиборни жалб этадиган; қизиқарли. *Кўреазма материаллари тортувчан бўлиши керак.*

**ТОРТҚИЛАМОҚ** 1 Ҳадеб тортавермоқ; тартибсиз равишда ҳар томонга тортмоқ, тортиб-тортиб кўймоқ, ҳар томонга тортиб тўзғитмоқ. *Этагидан тортқиламоқ.* ■ *Исфандиёр Авазининг ёқасидан тортқилаб, ҳамон бақирарди.* С. Сиёев, Ёруғлик. *Хотин бир қўллаб унинг билагидан тортқилар, иккинчи қўли билан юзига сув сепарди.* Ў. Ҳошимов, Қалбингга қулоқ сол.

2 Талаб, ҳар томонга тортиб олиб кетмоқ, ўзиники қилиш учун ҳаракат қилмоқ. *Адолат қончилигини очди. Унда ангишвонадан тортиб ип, ипақларгача бор эди. Қизлар ўз буюмларини таниб, уни бир бошдан тортқилай бошладилар.* И. Раҳим, Чин муҳаббат. *Нафс балосига учраган айрим шофёрлар кондукторлар билан.. тушган пуллардан тортқилаш билан овора.* «Муштум». *Шу камбағал қариндошини тортқиламасдан тинч кўйинглар. Умид билан шу ерда юрипти, шу ерда қолсин у.* Ойбек, Танланган асарлар.

**ТОРТҚИЧЛАМОҚ** *шв.* **тортқиламоқ.** *Баҳор қиши билан қандайдир димиқиб, юраги сиқилиб ётган-у, мана энди, ўз майлига кўйилганидан хурсанддек, боғ-роғларда қувнайди.. гоҳ қизларнинг дурраларини тортқилаб ўйнайди..* М. Исмоилий, Фарғона т. о.

**ТОРФ** [нем. Torf] Тўқайзор, ботқоқлик ерлардаги ўсимлик қолдиқларининг табиий чиришидан ҳосил бўлган зич масса; фойдали қазилма (ёқилғи, ўғит, хомашё сифатида ишлатилади). *Торф қазиб олиш.*

**ТОРФЛИ** Торф кўп бўлган. *Торфли ботқоқ.*

**ТОРШЕР** [фр. torchere < torche – машъал(a)] Тик тагликка баланд қилиб ўрнатилиб, полга қўйиладиган тунчирик.

**ТОРФОҚ** Балиқчилар туркумига мансуб, боши ва думи қора, тумшуғи узун қуш.

**ТОС** I [ф. طاس – ичи чуқур лаган, тоғора, жом] Асосан, кир ювиши, ювиниш учун ишлатиладиган катта металл идиш. *Тунука тос.* ■ *Ҳовлилардан тосларнинг жаранг-журунлари эшитила берди.* С. Айний, Эсдалиқлар. *Афанди бир куни ҳаммомга тушган эди, ҳаммомчи назарга илмай, эски тос, йиртиқ лунги берди.* «Латифалар».

**Тос суяги анат.** Сон суякларига таянган ва умуртқа суягини тутиб турадиган, белдан паст камар суяги. **Эски тос, эски ҳаммом қ. эски.**

**ТОС** II Бирга ўтирган кишилар гуруҳи. *Шу чоқда мулла Обидларнинг тослари кетишга қўзғаладилар.* А. Қодирий, Обид кетмон.

**ТОС** III *шв.* Парча, кимхоб. *Тос тўн.* ■ *Қават-қават шойи кўйлақларим, духоба камзулим.. тос қалпоғим, зардўзи пешонабандим ҳам бор.* С. Айний, Қуллар.

**ТОС** IV *с. т.* Тоз.

**ТОСТ** [ингл. toast < лот. panis tostus – қовуриб қизартирилган нон (Англияда тост айтувчининг олдига стакан ва шундай нон бўлаги қўйилган)] Қадаҳларга қуйилган ичкилик ва уни кўтариш олдидан кимса номига ёки бирор нарса шарафига яхши тилақлар билдириб айтиладиган қисқача сўз, нутқ. *Биринчи тост. Тост айтмоқ.* ■ *Ўктам хушқайф бўлиб, кетма-кет тост кўтарди.* Ойбек, О. в. шабадалар. *Оқ мусалласни Ё май чаросни Кўтарар дўстлар, Айтишар тостлар.* М. Шайхзода.

**ТОТ** I Таъм, маза, лаззат. *Қимизнинг тотти. Тотини кўрмоқ. Мақтанчоқнинг тотти чиқар, Жом қозоннинг тотти чиқар.* Мақол. ■ *Шул сабабдан тақдир аталди Илк бўсаннинг иккинчи оти. Шул сабабдан умрбод қолди Лабда ўшал бўсаннинг тотти.* Уйғун.

**ТОТАЛ** [лот. totalis – тўла, тўлиқ, бутун] Беистисно барчага баравар тааллуқли, ялпи, умумий. *Тотал уруш.*

**ТОТАЛИТАР** [фр. totalitaire < лот. totalis – тўла, тўлиқ, бутун] *сиёс.* Зўравонлик билан характерланадиган, демократик озодлик ва шахс эркинлигини чеклаш ёки йўқотишга қаратилган. *Тоталитар давлат. Тоталитар тузум.*

**ТОТАЛИТАРИЗМ** [фр. totalitarisme < лот. totalis – тўла, тўлиқ, бутун] *сиёс.* Давлат

бошқаруви шаклларида бири: жамият ҳаётининг барча соҳалари устидан давлатнинг ялпи (тотал) назорат ўрнатиши, конституцион ҳуқуқ ва эркинликларнинг йўқотилиши, бир шахс ёки ижтимоий гуруҳ (сиёсий партия)нинг яккаҳоқимлиги, муҳолифларга нисбатан қатағон уюштирилиши билан характерланади.

**ТОТЕМ** [ингл. totem < индейсча ототем — «унинг насли, уруғи» маъносидаги сўз] этн. Ибтидоий уруғ, қабиаларда диний ҳурмат-эҳтиром объекти бўлган, яъни илоҳийлаштирилган ҳайвон, ўсимлик, бирор нарса-буюм ёки табиат ҳодисаси (ҳар бир уруғ, қабила ўз тотеми номи билан аталган).

**ТОТЕМИЗМ** [ингл. totemism] этн. Илк уруғчилик тузумидаги дин, эътиқод шакли; маълум бир уруғнинг уруғ асосчиси ва ҳомийси деб ҳисобланган бирон-бир тотем билан ғайритабиий алоқасига ва қон-қариндошлигига ишонч билан характерланади.

**ТОТИМ** бот. Пистадошлар оиласига мансуб, тоғ ёнбағирларида ўсадиган, шода-шода майда гулли дарахт ёки бута (баргларида бўёқ ва ошловчи моддалар кўп бўлади).

**ТОТИМЛИ** Мазаси яхши, ширин. *Мухаббатли, тотимли бўлди турмуш, Келиб шодлик, фараҳлик, кетди ташвиш.* Ҳабибий.

**ТОТИНМОҚ** 1 Овқатдан озгина емоқ, ичмоқ; андак овқатланиб, еб, ичиб олмоқ. *Овқатдан тотинган бўлди-ю, емади. Ортиқча гап ҳам гапирмади. Шуҳрат, Шинелли йиллар. Зумрад кўнгли ғаш, дилгир ўтирарди. Иштаҳасизгина ундан-бундан тотинган бўлди.* Ойбек, Улуғ йўл.

2 Мазасини тотиб кўрмоқ, тотмоқ.

**ТОТЛИ** 1 Таъми, мазаси яхши; мазали, лаззатли, ширин. *Тотли овқат. Молинг зотли бўлса, емишинг тотли бўлар.* Мақол. ■ *Шавла жуда тотли туюлди — ошпазни мақтадилар.* Ойбек, Куёш қораймас. *Суюк солинган суюқ овқатлар қанча узоқ ва милтиратиб қайнатилса, таъми шунча тотли бўлади.* К. Маҳмудов, Ўзбек тансиқ таомлари.

2 кўчма Лаззат бағишловчи, ширин, нашъали. *Тотли хаёллар. Тотли онлар.* ■ *Бегимхоннинг кўз олдига харита эмас, Эрали жонланди. Қандай тотли эди уларнинг турмуши.* И. Раҳим, Чин муҳаббат. *Дили потирлаб, миясида бири биридан тотли ўйлар чарх уради.* С. Сиёев, Ёруғлик.

**ТОТМОҚ** 1 Бир оз еб, ичиб, мазасини кўрмоқ. [*Набиғул Қодирга:*] *Мусаллас сузгандан кейин, қандоқ қилиб сабринг чидайди, тотиб ҳам кўрасан-да.* А. Қаҳҳор, Қанотсиз читтак.

2 Умуман, емоқ, ичмоқ. *Меҳнат қилиб тоғанинг — қанду асал тотганинг.* Мақол. ■ [*Гулнор*] *Эрталабки чойдан буён уйда икки марта овқат тайёрланган бўлса ҳам, ҳеч нима тотмаган эди.* Ойбек, Танланган асарлар.

**ТУЗ тотмаслик** Ҳеч нарса емаслик, ичмаслик. *Ҳотам нонуштадан бери ҳали туз тотгани йўқ.* М. Ҳазратқулов, Журъат. *Уф.. итдек чарчадим. Кечадан бери туз тотганим йўқ.* Н. Сафаров, Ҳаёт мактаби. *Кундузлари катта уйга кириб олиб, кўкрагини захга бериб ётар, кечгача туз тотмай ўй сурар, лекин ўйининг тағига етолмас эди.* К. Яшин, Ҳамза.

3 кўчма Бошдан кечириб, лаззатини, таъминини кўрмоқ, синамоқ. *Аччиқ билан чучукни тотган билур, Узоқ билан яқинни юрган билур.* Мақол. ■ *Бу ердагиларнинг кўпи Собир Умаров қиличининг тиғини тотиб кўрган.* Ҳ. Фулом, Машғал. *Қуллик азобини тотган-у, аммо У шамол бўлганин унутолмаган.* Х. Даврон, Қақнус.

**ТОТУВ** Ўзаро дўстона муносабатли, иттифоқ, иноқ, аҳил. *Тотув оила. Тотув болалар. Тотув бўлмоқ.* ■ *Отам ўлгандан кейин Фуод афанди мени ўз хужрасига кўчириб тушди. Никоҳ қилмай, бир йилдан ортиқ тотув яшадик.* М. Исмоилий, Фаргона т.о.

**ТОТУВЛАШМОҚ** Бир-бири билан тотув, аҳил бўлмоқ, аҳиллашмоқ, иноқлашмоқ. *Янги ўқувчилар тезда тотувлашиб олишди.* ■ *Баъзан Жанна билан Умид тотувлашиб ҳам қолишарди, бундай пайтларда Жанна бир қадар ўз таъсирини эрига ўтказарди.* Мирмуҳсин, Умид. *Ёмонлик ўшанинг [Мусулмонқулнинг] боши билан бирга кетгандек, қипчоқ оғайнилар ила тотувлашдик, қипчоқнинг эски адоватлари битди.* А. Қолирий, Ўтган кунлар.

**ТОТУВЛИК** Тотув муносабат, тотув муносабатли ҳолат. *Соли отанинг.. уйида энди тотувлик, ҳамжиҳатлик ҳукм сурарди.* С. Абдуқаҳҳор, Олтин водийларни кезганда. *Урталаридаги тотувликка ҳавасингиз келди — худди бир оила фарзандларидай, баракка топкурлар.* Ҳ. Назир, Маёқ сари. *Жанглар*

эмас, урушлар эмас, ғараз эмас, тотувлик керак, Зулмат эмас, ёғдулик керак. М. Шайх-зода.

**ТОТУВЧИЛИК** с.т. айн. **тотувлик**. Масалани тотувчилик билан ҳал этмоқ.

**ТОШ I I** Яхлит масса ёки бўлак-бўлак ҳолда учрайдиган, сув кор қилмайдиган, қаттиқ, мўрт тоғ жинсларининг умумий номи. *Оқ тош. Оҳак тош. Мармар тош. Чақмоқ тош. Харсанг тош. Қайроқ тош. Йўлга тош ётқизмоқ. Тоғнинг кўрки — тош билан, Одамнинг кўрки — бош билан. Мақол. Сув кетару тош қолар — ўсма кетар, қош қолар. Мақол. ■ Сувонжон тош териб, иннинг оғзини тўлдирди. Устидан тупроқ босиб, кетмон билан яхшилаб шиббалади. С. Анорбоев, Оқсой. Ёшлик чоғимда мен бир ҳикоя эшитган эдим: Хон бир беғуноҳ одамни ғазабига олиб, тошбўрон қилдирибди, «Тош отмаган одам қолмасин», деб ўзи тепасида турибди. А. Қаҳҳор, Қўшчинор чироқлари.*

**Бағри** (ёки қалби, юраги) тош Ўта бемехр, ачиниш, куйиниш ҳис-туйғуси йўқ. *Ҳаёсиз инсон бағри тош бўлади.. «Муштум». Заъфарон бўлди юзлар.. Хонлар қалби тош бўлган. Ё. Мирзо. Боши тошдан Ўта чидамбардошли. Бандасининг боши тошдан, ҳа, у ҳаммасига чидайди — мажбур-да. Э. Аъзамов, Жавоб. Бошида тош (ёки данак, ёнғоқ) чақмоқ қ. бош. -Офарин! — кинояли товуш билан қичқирди Аҳмад Хусайн. — Кишининг бошида тош чақиб, яна шафқат ҳақида сўз сотишига нақадар моҳирсиз! Ойбек, Нур қидириб. Бошинг тошдан бўлсин Чидамбардошли бўлиш. ўлим-йитим билмаслик ҳақидаги истак, дуони билдиради. -Ҳаммалари бирам сипо, бирам салобатли одамлар экан.. ҳай, ишқилиб бошларинг тошдан бўлсин, қўша қаринглар! — дедилар. П. Турсун, Ўқитувчи. Тош қотмоқ 1) ҳис-сезгисиз ҳолатда бўлмоқ. *Аёлнинг тош қотган кўзларини қайғу тешди. Юзларидан томчилар юмалади. Ойбек, Қуёш қораймас. Кўзларини рўпарадаги гужумнинг яшил бутоқларига тикиб, чуқур, қизил ёпқичли курсида тош қотган. С. Сиёев, Ёруелик; 2) қаттиқ уйкуга кетмоқ. Тош қотганча туш кўрмиш, Тушда қизиқ «иш» кўрмиш. «Муштум». Тошингни тер* Ишингни қил; юришингни қил; жўнаб қол.*

**2** Шундай тоғ жинсларининг зийнат буюмлари ясаш ёки уларни безатиш учун

ишлатиладиган навларининг умумий номи. *Қабр тоши. Мармар тош. Олтин, кумуш — тош эмиш; арпа, бугдой — ош эмиш. Мақол. ■ [Доронинг] Қўлидаги узун асо дастасига қадалган қимматбаҳо тошлар қоронғи кечадаги юлдузлардек порлар эди. М. Осим, Широқ. [Олимхон] Бармоқларига тоши йирик узуклар тақади. Ойбек, Танланган асарлар. Ён томондаги тошга.. «Маърифатхон, жаннат макон» деб ёзилган ва ҳижрий билан 1335 деб тарих қўйилган эди, А. Қаҳҳор, Хотинлар.*

**3** Баъзи сўзлар билан қўлланиб, шу сўзлар аңлатган нарсанинг тош каби ёғилувчи (отилувчи) нарса сифатида билдиради. *Улар Абдурасул устига лаънат тошини ёғдириб, унинг шаънига ёлғонларни тўқир эдилар. П. Турсун, Ўқитувчи. -Ниятингиз тезроқ менадан қутулиш, ортиқчалик қилаётганимни сезиб турибман, — деб таъна тоши отгани отган. Ж. Абдуллахонов, Хонадон.*

**4** кўчма Жуда қаттиқ; тошдек (қаттиқ). [Кампир:] *Ҳаҳ, шумтакалар, оғизларингда эриб кетадиган сузма қурутни берсам, олмайсизлар, шу тош қурутни талашасизлар. Ойбек, Танланган асарлар.*

**5** Нарсаларнинг вазнини ўлчаш, тортиш учун белгиланган, турли шакл ва оғирликдаги юк, қадоқ тош. *Тарози палласига тош қўймоқ. Бир килоли тош. ■ Шарофат.. бу кеча шу ерда қолиб, Сидиқжонни бу ерга боғлаган, унинг димоғини шиширган нарсани яхшилаб билмоқчи ва шунга қараб тош қўймоқчи бўлди. А. Қаҳҳор, Қўшчинор чироқлари.*

**6** Оғирлик, вазн. *Олинган мол тошидан кам келди. ■ Шу шанбадан қолдирмай тўйни бошлайлик; семиз қўй, ётсираб, яна икки кун овқат емаса, тошини йўқотади, озиб қолади.. С. Абдулла, Соялар.*

**Тош босмоқ 1)** маълум (мўлжалдаги) оғирликка эга ёки эга эмасликни билдиради. *-Ҳали сиз айтганингиздек, — деди Олияхон, — пилласи ҳам тош босмайди. Н. Сафаров, Олияхон Султонова; 2) салмоқ-салобатга эга бўлмоқ. Келинг, сўзларингизни тарозига солайлик, пучми ёки тош босадими, дарров маълум бўлади. Ш. Рашидов, Бўрондан кучли.*

**7** тиб. Касаллик туфайли баъзи аъзоларда юзага келадиган қаттиқ модда. *Буйрак тоши. Тошни олдирмоқ.*

**8** Тош (эркаклар ва хотин-қизлар исми).

**ТОШ** II тар. Саккиз чақиримга яқин (тахминан 6 километр) узунлик ўлчов бирлиги. *Бир тош йўл. Аҳмоққа Кува [Тўймена] бир тош.* Мақол. ■ *Кун оғиб бормоқда. Ярим тошдан мўлроқ йўл юрилди ҳамки, Бекат кўринмайди.* Ҳ. Нуъмон ва А. Шораҳмедов, Ота. *Косонда икки хумдон бор.. бу ер билан хумдонлар ораси уч тош келиб қолади.* Мирмуҳсин, Меъмор.

**ТОШБАҚА** Танаси косасимон қаттиқ, суяк-муғуз қобиқ билан ўралган судралувчи ҳайвон. *Чўл тошбақаси. Денгиз тошбақаси. Тошбақа косаси. Тошбақадай судралмоқ.* ■ *Овчи ноумид бўлиб, тузоқни олиб кетмоқчи бўлган экан, тошбақани кўриб қолиб, хуржунга солибди.* «Чалпак ёққан кун».

**Тошбақа қадам** Жуда секин, имиллаб, судралиб юрадиган; орқада қолган. *Гал ғўза парваришида судралаётган «тошбақа қадам» раҳбарларга келди.* Газетадан.

**ТОШБАҒИР** Ачиниш, куйиниш ҳис-туйғуси йўқ; бағритош. *..айни баҳор пайтида тоғдаги ноёб қуш ва ҳайвонлар тухум қўйган ёки болалаган бўлади. Аммо милтиқ тутган тошбағир кишиларнинг бу билан иши йўқ.* Н. Раҳматов, Бетайин овчилар. -*Ким айтди сизга мени тошбағир деб, — кампир арқонга ёпишди.* Газетадан.

**ТОШБАҒИРЛИК** Тошбағирга хос белги-хусусият, хатти-ҳаракат. *Бирини инсонийлик, олийжаноблик, камтаринлик рамзини, иккинчисида эса ҳаёсизлик.. тошбағирлик ифодасини кўрди.* С. Кароматов, Бир томчи қон.

**ТОШБОШ** Дарёларнинг тубида яшайдиган майда балиқ.

**ТОШБЎРОН** [тош + ф. *ياران* — ёмғир] I Кўчиб, бир-бирини суриб думалатиб, шиддат билан тушаётган тошлар оқими. *Шу пайт тоғ чўққисидан катта бир тош юмалади ва йўлидаги бошқа тошларни қўпориб, даҳшатли тошбўрон бошланди.* С. Айний, Дохунда.

2 тар. Қадимда айбдор деб ҳисобланган кишини кўкрагигача ерга кўмиб, ҳар ёқдан тош отиб қатл қилиш усули; умуман, ҳар томондан тош ёғдириб жазолаш, уриш. -*Муфти жаноблари, қора халқ уни тошбўрон қилдиришга қўймас.. Бадарга қилмоқ керак, бадарга! — деди қозикалон.* Ж. Шарипов, Хоразм. *Ўлган, ярадор бўлганларга қарамай, кўз-голлончилар катта сурон билан илгари оти-*

*либ, «тошбўрон»ни кучайтирди.* Ойбек, Танланган асарлар.

**ТОШДАЙ**, -дек I Худди тош каби. *Чўнтаги ҳам мактаб боласининг сумкасидай бор экан чоғи, носқовоқ қудуққа тушган тошдай кўринмай қолди.* М. Ҳазратқулов, Журъат.

2 Жуда қаттиқ, тош каби қаттиқ. *Гўрков кетмон урса, ер нақ тошдай, кетмон юзини қайирибди..* Ойбек, Танланган асарлар.

**Тошдай қотмоқ айн.** тош қотмоқ қ. тош I. *Ўқиб битиргач, у [қутидор] даҳшат ва таажжуб ичида тошдай қотиб қолган эди.* А. Қодирий, Ўтган кунлар.

**ТОШЗОР** кам қўл. Тошлоқ ер, тошлоқ. *Тошзорлар экин майдонига айлантирилди.* ■ *Улар.. чегара участкасидан тоғ, тошзор жойдан ўтишди.* А. Ҳакимов, Илон изидан.

**ТОШКЕСАР** Тош кесувчи, тош йўнувчи; тоштарош, сангтарош. [*Раъно*] *Эсанкираб қолган دادасини тинчитди: -Худди мен кидирган манзаралар шу ерда экан: тоғ, дарё, тошкесарлар!* А. Мухтор, Чинор.

**ТОШКҮМИР** Ўсимликлар органик қолдиқларининг парчаланиши ва б. сабаблар билан юзага келган қаттиқ қазилма ёқилги. *Оҳангарон тошкўмири. Тошкўмир ҳавзаси. Тошкўмир ёқмоқ.* ■ *Қизилқия, Шўроб тошкўмир конлари сабаб бўлиб, ўнлаб рус, ўзбек, татар бойларининг довруғи бутун Туркистонга тарқалди.* К. Яшин, Ҳамза.

**ТОШЛИ** I I Таркибида, ичида тош бўлган. *Тошли тупроқ. Тошли ер.*

2 Тузилишида қимматли тош бўлган. *Ўн беш тошли соат.*

**ТОШЛИ** II Тош узунлигидаги, ..тош келадиган. *Беш тошли йўл.*

**ТОШЛОҚ** Тош босган. сертош ер; тошзор. *Машина сойдаги тошлоқдан ўзига йўл очиб кета бошлади.* Газетадан. *Мош қургур, билмадим, қайси тошлоқда битган эканки, ҳадеганда очила бермади.* Ф. Фулом, Шум бола. *Кузда дарё дафъатан саёз тортиб, ўзанинг тошлоқ жойларида ўткир қояларни яланғочлаб кетади.* А. Мухтор, Чинор.

**ТОШМА** Ташқи таъсир (иссиқ, совуқ, ишқор, кислота) ёки ички сабаблар (касаллик, модда алмашинувининг бузилиши ва б.) натижасида баданда, шиллиқ пардаларда пайдо бўладиган хол-хол доғлар, пуфакчалар, чиқиқлар. *Терлама тошмаси. Қизамиқ тошмаси.* ■ *Пенициллиндан би-*



лар-билмас фойдаланиш натижасида терида ҳар хил тошмалар, шиш пайдо бўлади. Газетадан.

**ТОШМАЛИ** Баданда тошма пайдо қиладиған. *Тошмали терлама.*

**ТОШ-МЕТИН** Жуда ҳам қаттиқ, метиндай қаттиқ; метин, заранг. *Тош-метин ер.*

■ [Шербек:] *Ишқомларнинг орасига дори септириб, тракторда ҳайдатмоқчиман. Ўзиям тош-метин бўлиб кетган экан. С. Анорбоев, Оқсой.*

**ТОШМОҚ 1** Қирғоқдан ошмоқ, қирғоқдан ошиб, атрофга ёйилмоқ, атрофни босмоқ. *Ҳовлига сув тошиб кетибди.* ■ *Ер ислохотидан кейин бир йил дарё тошиб, экинларнинг ярмидан кўпи нобуд бўлди. А. Қаҳҳор, Кўшчинор чироқлари. Ҳовли ўртасидаги водопровод жўмрагидан сув шариллаб оқиб ётар, цемент ҳовузча тўлиб чиқиб, ариқча четидаги барқ уриб ётган ўсмаларга тошиб кетганди. Ў. Ҳошимов, Қалбингта кулоқ сол.*

**2** Ўз қобиғи, идиш ва ш.к. дан тўлиб, ортиб, сиртга чиқмоқ. *Олияхон ташқари эшикдан ҳовлига кириши билан дарҳол қозонда тошаётган сутга кўзи тушиди. Н. Сафаров, Олияхон Султонова. Олов четига қўйилган қора қумғон шақиллаб қайнаб тошди. Ойбек, Танланган асарлар. Вали ака етилган, у ер-бу ерда чаноқлардан тошиб чиқиб тўкилган оппоқ пахталарга шукроналик билан қараб.. қолди. М. Исмоилий, Фарғона т. о. ..тоғорадан тошиб чиққан хамир сингари тиззаларига оқиб тушган каттакон қорни.. М. Исмоилий, Фарғона т. о.*

**3** кўчма Жўш урмоқ, ошиб кетмоқ. *Ғазали тошди.* ■ *Тўлават полвоннинг кўзлари чақнаб, ғайрати тошиб кетди. С. Анорбоев, Оқсой. Севинчим тошарди қалбимга тўлиб.. Ё. Мирзо.*

**Ошиб тошмоқ** айн. **тўлиб тошмоқ.** *Гулнор уйни йиғиштирар экан: «Бойнинг феъли яхшиланибди, илгари зиқна эди.. Бойлиги ошиб тошиб кетди, дерди дадам..» деб ўйлади. Ойбек, Танланган асарлар. Тўлиб тошмоқ 1) лиммо-лим тўлиб, қирғоғидан ошмоқ, худудига, чегарасига сифмай қолмоқ. Ҳасратла тўлиб тошган Уларнинг синиқ жоми. Ғайратий. 2) дард, алам ва ш.к. ни ичига ютавериб, чидаб, сўнг даражага етмоқ. Ўрмонжон хўп ҳам тўлиб тошиб юрган экан, юрагини роса бўшатди. А. Қаҳҳор, Кўшчи-*

*нор чироқлари; 3) жуда кўп бўлмоқ, тикилиб, ачиб-бижиб ётмоқ. Қўлёзмада хатолар тўлиб-тошиб ётибди. Юраги (ёки ичи) тошди* Жуда зерикди, юраги сиқилди, хит бўлди. *Тожибой таажжубда қолиб, бошини ликиллабди: -Бир ўзингиз-а? Ёпирай! Миянғиз ачиб, юрагингиз тошиб кетмайдики? П. Турсун, Ўқитувчи. Менинг имиллаганимни кўриб, болаларнинг ичи тошиб кетди. Ҳ. Назир, Чўл ҳавоси. Қайнаб тошмоқ айн. тўлиб тошмоқ 1. Жапақнинг миясида саволлар қайнаб тошди. А. Мухтор, Қорақалпоқ қиссаси.*

**4** кўчма Тутақишмоқ, қизишмоқ. *Эримдан ўқишга розилик беришини илтимос қилдим. Ўша пайтда Эргаш акамнинг тепа сочи тик бўлиб.. бирпасда кўпириб тошди-кетди. Б. Файзиёв, Ойдин кечада.*

**5** Баданда пайдо бўлмоқ, юзага тепмоқ, чиқмоқ. *Боланинг баданига қизамиқ тошибди.* ■ *Лабларига тошган учуқ ҳали ростманга қайтмаган бўлса-да, иситмаси пасайган эди. Р. Раҳмонов, Чангалзордаги шарпа. Нарига тарафда ўтирган бир семиз кишининг рангида қон қолмади, оппоқ оқариб, юзларига тер тошиб кетди. Н. Фозилов, Дийдор.*

**Лабига учуқ тошмоқ** Ўта даражада кўрқувга тушмоқ (бундай ҳолларда гўё лабга учуқ тошади). *Барги зубтурумдай титрашиб, лабига учуқлар тошиб, муриабнинг каттаси отидан тушиб, қиличини яланғочлаб, момонинг қошига борди. «Гулихиромон». «Пахта териш машинаси» деса, лабига учун тошадиган баъзи қайсарлар ҳам ҳайрат бармоғини тишлаб қолди. «Муштум».*

**ТОШ-ТАРОЗИ, тошу тарози 1** Тарози ва унинг тошлари. *Сотувчиларга тош-тарози бермоқ.*

**2** Тош, тарози билан ўлчаш; ўлчов. *Қув, эпчил, дағдағали аллофлар қўллари, оғизлари, кўзлари билан ишлаб, тош-тарозидан уриб, бева-бечорани овлайдилар. Ойбек, Танланган асарлар.*

**Ҳар ерни қилма орзу, ҳар ерда бор тошу тарози** Ҳамма ернинг ўзига яраша ўлчови, ҳисоб-китоби бўлишини қайд этувчи мақол.

**ТОШТАРОШ** айн. **сангтарош.** *Қорақоя деганича бор. Қоя кўмирдек қон-қора, олд томони моҳир тоштарошнинг қўлидан чиққандек силлиқ. С. Норбоев, Укки.*

**ТОШТАРОШЛИК** айн. **сангтарошлик.**

**ТОШҚИН I** *от* Қор ва музликларнинг шиддатли эриши, ёғиннинг кўп бўлиши, табиий ва сунъий тўғон ва дамбаларни сув вайрон қилиши ва б. сабаблар туфайли дарё, сой, кўл сувларининг қирғоқдан ошиб, соҳил, ерларни босуви. *Баҳорги тошқин. Тошқин сувлари. Тошқин хавфи.* ■ Унинг доклади ва музокарага тайёрланган чолларнинг сўзларидан тошқин манзараси, бу офатнинг бутун оқибатлари ҳамманинг кўз олдида гавдаланди-қолди. А. Қаҳҳор, Қўшчинор чироқлари.

**2 сфт.** Жўш урган, пишқирган, жўшқин. *Тошқин дарё.*

**3 кўчма** Ғайрати ичига сиғмайдиган, ўтюррак, қайноқ. *Тошқин йигит. Тошқин қалб.* ■ *-Баракалла, отангизга раҳмат!* — деди Қудрат қувониб. Кейин тошқин бир меҳр билан сўради: *-Қишлоққа қачон қайтасиз? М. Исмоилий, Фарғона т. о.*

**4** Тошқин (эркаклар исми).

**ТОШҚОВОҚ** Овқатга ишлатилмайдиган, қобиғидан турли идишлар қилинадиган майда қовоқ.

**ТОШҚОРА** *айн. тасқара I.*

**ТОҚ I** [a. طاق — қават, қатлам; марта, гал] **1** Иккига бўлинмайдиган, жуфт бўлмаган (бутун сонлар ҳақида.); жуфтлаб санашда охири жуфт чиқмайдиган, бир дона ортиб қоладиган. *Тоқ сон. Ёнғоқ тоқ чиқди. Жуфтми-тоқ ўйнамоқ.* ■ *Юнун дастурхондаги тоқ нонлар яқинда бу уйдан ўлик чиққанини кўрсатарди. С. Сиёев, Аваз.*

**2** Жуфти, шериги, тоқаси бўлмаган; жуфтсиз, ёлғиз. *Совға деган тоқ бўлмайди.* ■ *Кейинги йили Бозорнинг деҳқончилик ишлари бурунгидай авж олмади, чунки ҳўкизи тоқ, ўзи ёлғиз. С. Айний, Дохунда.*

**3** Хотинсиз ёки эрсиз. *Дунёдан тоқ ўтмоқ.* ■ *Ижозат беринг, бир жононни ўзим топаман, шунча давлат билан тоқ ўтирасизми!* Ойбек, Улуғ йўл.

**ТОҚ II** [a. طاق — гумбаз, қубба; арка] *архит. I* Эшик ва биноларнинг тепасидаги ярим доира шаклида ишланган қисми; арка. *Тимга қираверишдаги тоқнинг икки томонида шойи чопон кийган, симобий салла ўраган саррофлар олдиаридаги баркашига тангаларни уйиб ўтирар эдилар. М. Осим, Элчилар.*

**2 айн. гумбаз.** Сирли осмон тоқига илк Қўйди нарвон ўзбегим. Э. Воҳидов, [Навоий:] Гулимнинг қабрига эккан чечаклар, Очил-

гандур бу чоқ.. оҳим чечаклар Каби кўк тоқига чирмашмасинму?! Уйғун ва И. Султон, Алишер Навоий.

**ТОҚ III: тоқати тоқ бўлмоқ** Ортиқ сабр-тоқати қолмаслик. *-Гапирсангиз-чи, — деди тоқати тоқ бўлган Лутфихон Тожибойга, туртиб. С. Аҳмад, Муҳаббат. Муҳаррамнинг тоқати тоқ, Элмуроднинг йўлига кўзи тўрт эди. Шухрат, Шинелли йиллар.*

**ТОҚ IV: тоқи лаънат с. т. айн. тавқи лаънат қ. тавқ.** [Босқинчилар] *Шу даражада сурбет бўлиб кетганки, тоқи лаънатни бўйнига илиб қўйсангиз ҳам, у иблислар қутуриб, ўз билганларидан қолмаётир. Мирмуҳсин, Ҳаёт кушандалари талвасаси.*

**ТОҚА** [a. طاقه — бир дона, бир тўп, бир ўрам] **1** Жуфт ҳолда бутунлик ташкил этувчи нарсаларнинг икки қисмидан бири, бир томони, бўлаги. *«Таҳқирланган» бой ўрнидан туриб: -Батрак, қул, — деб тикувчини сўкиб, қолиплаган бир тоқа этикни унинг бошига чоғлаб отди. С. Айний, Қуллар. Шамол шунча заптига олган эдики, эшикнинг бир тоқасини унинг қўлидан сугуриб, куч билан деворга урди-ю, деворнинг устки қавати бутунлай кўчиб тушди. Ш. Рашидов, Бўрондан кучли.*

**2** Бир жўра атлас ёки беқасамнинг ҳар бир бўлаги. *Бир тоқа атлас. Беқасамнинг бир тоқаси.*

**ТОҚАЛАШ** *шв.* Яганалаш. *Ота-бобола-римиздан бери ғўза тоқалаш давом этиб келаяпти. «Тоқалаш», яъни тоқ қолдириши. И. Раҳим, Ҳаёт булоқлари.*

**ТОҚАТ** [a. طاقت — куч, қувват; чидам, бардош, сабр] Чидаш, бардош бериш қобилияти; сабр-бардош, чидам, тўзим. *Тоқат билан кутмоқ. Тоқат билан гапига қулоқ солмоқ. Тоқати тугади (битди, тамом бўлди).* ■ *Сен бўлмасанг, менда тоқат қайдадир, Тоғ чидамас отангнинг фарёдига!* «Равшан». *Калит топила бермагач, маҳдумнинг тоқати тугади, чиқиб, қизлар ичидан Раънони чақирди. А. Қодирий, Меҳробдан чаён. Отамурод Ҳанифанинг ёзғириши тугадини тоқат билан кутарди. «Ўзбекистон кўриқлари».*

**Тоқат қилмоқ** Бардош бермоқ; чидамоқ. *Иссиққа тоқат қилмоқ. Тоқат қилиб бўлмайдиган аҳвол.* ■ *У [Сатторқул] кетгандан кейин Сидиқжон ортиқ тоқат қилолмай, онасига ёрилди, воқеани айтиб, Зуннунху-*

жанинг уйини елкамнинг чуқури кўрсин, деди. А. Қаҳҳор, Кўшчинор чироқлари. **Тоқати йўқ** Сабр-чидам етишмаслигини, чидай олмасликни билдиради. *Очиғини айтсам, китоб ўқишга тоқат йўқ.* С. Аҳмад, Қадрдон даладар. *Бунга қолганда, сизни билмасам-да, аммо менинг бундай жудолikka сира тоқатим йўқ.* А. Қодирий, Ўтган кунлар. **Тоқати тоқ бўлмоқ қ. тоқ III.**

**ТОҚАТЛИ** Сабр-тоқатга эга; чидамли, тўзимли. *Тоқатли киши. Тоқатлига тоғлар эгар бошини.* Мақол. ■ *Авалло, йигит киши сабрли, тоқатли бўлади. Иккинчидан, мард бўлади.* Р. Раҳмон, Меҳр кўзда.

**ТОҚАТСИЗ** Тоқат қила олмайдиган; тоқати йўқ, бетоқат, чидамсиз, тўзимсиз. *Тоқатсиз одам. Тоқатлига тоғлар эгар бошини, Тоқатсизнинг бировлар ер ошини.* Мақол. ■ [Бозорқул] *Тоқатсиз тўлғаниб, «касалман, мени ёмон дарад чалган», деб пичирлади, яна тўлғанди, заиф товуши билан фарёд қилди.* А. Мухтор, Чинор.

**ТОҚАТСИЗЛАНМОҚ** Тоқати тугаб, чидай олмай безовталанмоқ, бетоқат бўлмоқ. *Оғриқдан тоқатсизланмоқ. Ҳаяжондан тоқатсизланмоқ. Тоқатсизланиб кутмоқ.* ■ *Ойқизнинг ёнида турган Погодин тоқатсизланиб сўради.* Ш. Рашидов, Бўрондан кучли. *Ҳасан овчи ётган ерида тоқатсизланиб, бир ағдарилди-ю, ёнбошлаганича Майнага тикилиб қолди.* Ш. Тошматов, Эрк куши.

**ТОҚАТСИЗЛИК** Бетоқат ҳолат. *Тоқатсизлик қилмоқ.* ■ *Қамчининг келишини тоқатсизлик билан кутиб турган Қумри, қўлини силкитиб, қичқирди.* Ҳ. Фулом, Машғал.

**ТОҚИ** [а. طاقى / طاق — гумбаз, кубба, арка] **1** айн. **васса.** *Бу уй илгари бедахона бўлганидан, дарчаси ҳам йўқ, тоқчаси ҳам йўқ, тоқисси ҳам йўқ эди.* Ойбек, Танланган асарлар.

**Тоқи санаб ётмоқ** 1) ухлай олмай, тунни бедор ўтказмоқ. *Кўзимга ҳеч уйқу келмади.. Ҳеч бўлмаганидан кейин шипга қараб, тоқиларни санай бошладим.* Ойдин, Фонарь тагида; 2) кўчма бекор ётмоқ. *-Наҳотки, талтайиб ётишга келган бўлсам! — деди Зайнаб эътироз билдиргандай, қошига келган Комилага, — ҳорганим йўқ, уйқусиз, тоқи санаб ётишни ёмон кўраман.* Ойбек, О.в. шабадалар.

**2** айн. **тоқ II.** *Кичкинагина эшикдан олиб ўтиб, шу эшикча ёнидаги торгина, лекин тоқиларига ранго-ранг гуллар ўйилган хонага олиб кирдилар.* Х. Тўхтабоев, Йиллар ва йўллар.

**3** Қоровулларнинг шақилдоғи. *Бозор томонда қоровулнинг тоқиси шақиллади.* С. Анорбоев, Меҳр. [Гулбодом] *Узоқдан қоровул тоқисининг овозини эшитди.* С. Кароматов, Бир томчи қон.

**4** Кўйлакнинг елка қисмига ичидан кўйилган астар. *Тоқи кўйлакнинг елкасини тез ийртилишдан сақлайди.*

**ТОҚИДОР** айн. **тоқили.** *Бўрихўжа ўн бир қатор япалоқ гишт билан кўтарилган, олд тўрт устун, тепаси тоқидор.. қадимий айвонда ўтириб, кейинги бир ой ичидаги «кирим» ва «чиқим»ларини хомчўт қилди.* Мирмуҳсин, Чиниқиш.

**ТОҚИЛИ** Шипига тоқи терилган; вассали. *Ҳовлининг икки томони бўғот иморат; катта чорхари, шифти рангдор тоқили, деворлари гангли меҳмонхоналар.* Ойбек, Улуғ йўл.

**ТОҚЛИ** Тоқи, аркаси ёки гумбази бўлган; гумбазли. *Узоқда ойдин ва сокин кечада Ҳиротнинг етти тоқли жомеи яна ҳам муаззам туюлар эди.* Ойбек, Навоий.

**ТОҚ-РАВОҚ, тоқу равоқ** Ҳашаматли бинолар, дангилама уйлар. *Ўзганинг тоқу равоқидан ўзининг айвонинг яхши.* Мақол.

**ТОҒ 1** Ер юзасининг теvarак-атрофдаги текислик, тепалик ёки бошқа баландликка нисбатан якка ёки қатор ҳолда баланд кўтарилган, олатда, турли тош, қаттиқ жисмлардан иборат қисми. *Тоғ тизмаси. Тоғ жинслари. Тоғнинг кўрки — тош билан, Одамнинг кўрки — бош билан.* Мақол. *Кўринган тоғнинг йироғи йўқ.* Мақол. ■ *Лагерь тоғ тагига жойлашган. Шарқи-жанубий томон айлана кетган тоғ.* Шуҳрат, Шинелли йиллар. *Жанубдан, кенг ва яшил бағирли Аравон тоғидан алаловчи.. салқин, сарин шабада эса бошлайди.* М. Исмоилий, Фарғона т. о. *Узоқдан қорайиб кўриниб турган тоғ ўрқачига тўлин ой миниб олди.* Ҳ. Фулом, Машғал. *Олмосдек серқирра, офтобда чўққилари ярқираб турган баланд қорли тоғлар кўзни олади.* Мирмуҳсин, Меъмор. *Атрофни осмон ўпар тоғлар ўраб олган..* К. Яшин, Ҳамза.

**2** Аҳоли яшайдиган тоғли жой, ўлка; тоғлик. *Ўрганишда ҳам гап кўн. Отанинг ўзи*

*айтди-ку, у тоғда туғилиб, тоғда ўсган. Ҳа, у тоғнинг ўз одами.* С. Анорбоев, Оқсой.

**3 кўчма** Нарсаларнинг баланд (тоғ каби) уюми. *Ётиб ейишга тоғ ҳам чидамайди.* Мақол. ■ *Эл хирмонида тўпланаётган «оқ олтин» тоғларининг қомати юлдузлар сари буй чўзди.* Газетадан.

**4 кўчма** Оғир юк, машаққатли иш, ташвиш, гов ва ш.к. рамзи сифатида қўлланади. *Ғам тоғи. Елкадан тоғ ағдарилгандай бўлди.* ■ *Отабек гўё тоғ остида қолган эди.* А. Қодирий, Ўтган кунлар. *Шунча тадбир билан қочгани ҳолда, дипломини эсидан чиқарганидан Азамни ваҳима тоғи елкасидан босди.* Шухрат, Жаннат қидирганлар. *Ҳар гўшадан оқди тинмай тилсиз фарёд, Босган эди бало тоғи — зўр истибдод.* Файратий.

**Бири боғдан келса, бири тоғдан келади** Бир-бирига алоқаси бўлмайдиган, алоқаси йўқ гап, фикр-мулоҳазани қайд этади. *Шокир ота ўтирган жойида ҳассасини ерга «дўқ» этиб урди, темирчининг сўзидан норозилигини билдириб деди: -Мен боғдан гапирсам, сен тоғдан келасан.* Ойбек, Танланган асарлар. **Ишонган (ёки суянган) тоғи** Мадад, кўмак берувчи, шу жиҳатдан энг асосий ҳомий бўлувчи кимса ёки нарса. *Ойжамол ўзининг суянган тоғи дед билган Полвоннинг келишини ниҳоятда орзиқиб кутарди.* Ж. Шарипов, Хоразм. *Бугун ҳеч иккиланмай терим машиналари ва унинг механизаторларини пахтакорларнинг қатордаги нори, суянган тоғи, деса бўлади.* Газетадан. **Кўнглини (ёки кўксини, дилини ...)** тоғ қилмоқ Руҳан жуда шод (хурсанд) қилмоқ. *Айниқса, мана бу ёшлар кўнглини тоғ қилиб юборди.* Р. Файзий. Чўлга баҳор келди. *Кўксим тоғ этган — Ватан севгиси.* Ё. Мирзо. **Тоғни урса толқон қиладиган** Ниҳоятда баҳодир ва шижоатли. *Бу ёқдаги қазувчилар ҳам Фуломжон, Барот полвон, Замон сингари тоғни урса толқон қиладиган азаматлар эди.* М. Исмоилий, Фаргона т.о. **Тоғ-тош (тоғу тош)** Тоғ ва тош қоплаган ер, жой. *..бу сув тоғу тошни тўлдириб юрган қушлар, кавак-кандикларда истиқомат қиладиган жониворлардан ортмас.* И. Раҳим, Чин муҳаббат. *Беш кун чўлда, беш кун кўлда, тоғда-тошда — қаерда молга ўт бор деса, бориб қўнган одамиз-да.* «Ёдгор».

**ТОҒА 1** Аёлнинг ака-укалари (унинг болаларига нисбатан). *Ҳомид, бир турли вазиятда, ер остидан жиянига қаради. Тоға-*

*сининг ҳolidан хабарсиз Раҳмат сўзида давом этди..* А. Қодирий, Ўтган кунлар. *Шайх беихтиёр жиянига қараб юрди. Расулмат мункиб келиб, тоғасини кучоқлади..* С. Сиёев, Ёруғлик.

**2** Ўзидан катталарга мурожаат шакли. *Тоға, поезд соат нечада жўнайди? ■ У.. ҳар бир ишда маслаҳатгўй, барча катта-кичик «тоға» деб ҳурматлайдиган Юсвали чол эди.* П. Турсун, Ўқитувчи. *Орамизда беш киши нос чекади, қоровул тоға билан олти киши.* С. Сиёев, Ёруғлик.

**ТОҒАЙ** Одамда ва умуртқали ҳайвонларда қалинлиги ва эластиклиги билан ажралиб турувчи бириктирувчи тўқима. *Бурун тоғайи.* ■ *Қулоқ супраси тоғайдан иборат бўлиб, тери билан қопланган.* «Анатомия».

**ТОҒДАЙ**, -дек 1 Тоғ каби, тоғга ўхшаш. *Котловондан чиққан янги нам тупроқ тоғдай бўлиб турибди.* А. Мухтор, Опа-сингиллар. *Шаҳлосини кўрмади ортиқ, Тоғдай эзиб ташлади фироқ.* Т. Тўла. *У.. тоғдек босиб ётган «орзуни» ағдариб солган ва қушдек енгил тортган эди.* А. Қодирий, Ўтган кунлар.

**2** кўчма Улкан, зўр, катта, буюк, улуғ. *Қийин кунга қолди тоғдай бошимиз.* Ф. Фулом. *Элмуроднинг қалбини бу хат эзиб юборди. Онасининг тоғдай юраги, қуёшдай иссиқ меҳри олдиди ўзини ожиз сезгандай бўлди.* Шухрат, Шинелли йиллар. *Қишлоқдаги жиянингизнинг ўғлими? Тоғдек йигит бўлибди.* *Ёшлигида ҳам бўлали бола эди.* Ойбек, Танланган асарлар.

**ТОҒЛИ** Тоғлар билан қопланган, тоғлари кўп бўлган; тоғи, тоғлари бор. *Тоғли мамлакатлар.* ■ *Эрта куз жаласи тоғли жойларга хос ҳафсала билан қуяр.* Ёмғир суви темир йўлнинг икки томонидан дарё бўлиб оқар эди. А. Қаҳҳор, Олтин юлдуз.

**ТОҒЛИК 1** Тоғли жой. *Тоғликда яшамоқ.* ■ *Менинг совғам тинч гўшада, тоғлик қўйнида Ухлаб ётган гўдакларнинг сокин уйқуси.* Файратий.

**2** Тоғли жойда яшовчи киши. *Тоғликлар одатига кўра, ўғрини уриб ўлдиришар ёки тошбўрон қилишарди.* Газетадан.

**ТОҒОЙИ** эск. кт. айн. тоға. *Обрўли тоғойилари.. ҳам бирин-сирин мавқеларини йўқотдилар.* Ойбек, Навоий.

**ТОҒОЛЧА 1** Олхўрилар туркумига мансуб, асосан тоғларда ўсадиган, олчадан йи-

рик, олхўридан майда сарғиш, баъзан қизгиш ёки қорамтир мевали дарахт. *Тоғларга кирсангиз, ўрик, шафтоли.. тоғолча, ҳатто олмурутгача бор.* «Ёшлик».

**2** Шу дарахтнинг нордон меваси. *Олча ёки тоғолча қоқисини яхшилаб ювиб, совуқ сувли идишга солиб, оловга қўясиз.* К. Маҳмудов, Ўзбек тансиқ таомлари.

**ТОҒОРА** [ф. تڭار — қатта, кенг, думалоқ сопол жом] *Хамир қориш, кир ювиш ва б. мақсадларда ишлатиладиган қатта чуқур тўгарак идиш. Хамир тоғора. Кир тоғора. Бир тоғора ош.* ■ *Ёрмат қизидан хурсанд бўлди.. Пичоқ, қайроқтошни ва гўшт-мой солиш учун тоғораларни тозалаб тайёр қилишни буюрди.* Ойбек, Танланган асарлар. *Қози тоғорадай салла остидаги хум калласини ликиллатиб ҳиринглади.* М. Исмоилий, Фарғона т. о. *Хамир қориб қўйсам, то бошқа ишларини битиргунимча, тоғорадан тошиб кетади.* А. Ҳамдам, Дастигдан.

**ТОҒОРАЧА** Кичкина тоғора. *Тулука тоғорача.* ■ *Хотин жўхорини туйиб бўлди, уни келидан тоғорачага солаётиб дўнғиллади.* А. Қаҳҳор, Анор.

**ТОҒРАЙҲОН** *бот.* Лабгулдошлар оиласига мансуб, асосан тоғ ёнбағирларида ўсадиган кўп йиллик ўсимлик.

**ТОҒТЕРАК** *бот.* Толдошлар оиласига мансуб, асосан тоғ водийларида ўсадиган, ёғочи саноатбоп терак тури. *Куз келиб қолгани боис, қирғоқларида тол, тоғтерақ, қайрағочлар қалин ўсган сой энди тиниқ ва сокин оқмоқда эди.* А. Ибодинов, «Латофат» дўқонидаги қатл.

**ТОҒ-ТОШ, тоғу тош** Тоғли жой ва ундаги тоғлар, тошлар. *Тоғу тошини сув бузар.* Мақол. ■ *Тоғ-тошлар орасида яширин юрган бир йиртиқчини қўлга тушириш осон эмас, жуда усталлик билан ҳаракат қилиш лозим эди.* П. Турсун, Ўқитувчи.

**ТОҒ-ТОҒ 1** Тоғдек уйилган, тўп-тўп, кўп. *Катта тик ариқ. Икки лаби тоғ-тоғ тупроқ.* И. Раҳим, Чин муҳаббат. *Шундоққина қурилишга яқин жойда тоғ-тоғ гишт очиқ ҳавода уйилиб ётибди.* Ж. Абдуллаҳонов, Тўфон. *Севдим сени чаман водийда, Габалар созин чалибсан. Довруқ солиб улуг ватанга, Тоғ-тоғ пахта териб олибсан.* Файратий.

**2** *кўчма* Чексиз кўп, битмас-туганмас. *Оҳ, қани эди, у тирилса-ю, бир кўрсам! Тоғ-тоғ*

*ҳасратларимни унга айтиб ёзсам! Ҳ.* Фулом, Машъал.

**ТОҒУЗУМ** *бот.* Пўсти жуда юпқа, эти сувли, сершира ўртапишар маҳаллий узум нави.

**ТОҒЧУМЧУҚ** *зоол.* Чумчүксимонлар туркумига мансуб, дум патида оқ, бўйнида сариқ холи бўлиши билан бошқа чумчуқлардан фарқланувчи, тоғ қояларида, жарликларда яшовчи қуш.

**ТРАВМА** [юн. trauma — яра, шикаст, лат] *Жисмоний ёки маънавий шикаст, лат. Мия травмаси. Ишлаб чиқариш травмаси.*

**ТРАВМАТИЗМ** Бирор муҳит, фаолият соҳасида содир бўладиган шикастлар, травмалар мажмуи. *Кейинги вақтларда травматизмга қарши кураш масалаларини ишлаб чиқиш йўлида кўп ишлар қилинди.* Газетадан.

**ТРАВМАТОЛОГ** Травматология бўйича мутахассис, врач.

**ТРАВМАТОЛОГИЯ** [юн. trauma, traumatos — шикаст, лат + logos — фан, таълимот] *Тиббиётнинг травмаларни ўрганиш, уларни даволаш ҳамда олдини олиш билан шуғулланадиган соҳаси. Айниқса, Тошкент травматология ва ортопедия илмий текшириш институти бу соҳада тузуккина ишлар қилди.* «Гулистон».

**ТРАГЕДИЯ** [юн. tragedia — эчки қўшиғи < tragos — эчки + ode — қўшиқ; юнон мифологиясида: наботот, вино ва хурсандчилик маъбуди Дионис шарафига эчки қурбонлик қилинаётган пайтда айтиладиган биринчи қўшиқ] **1** *ад.* Ўта кескин, ўткир ёки келиштириб бўлмайдиган ҳаётий зиддиятларни тасвирловчи ва кўпинча қаҳрамоннинг ўлими билан тугалланувчи драматик асар. *Шекспирнинг «Гамлет» трагедияси.*

**2** *Даҳшатли воқеа, ҳодиса; мудҳиш аҳвол; фожиа. Жиззах қўзғолони стихия билан бошланиб, беқиёс трагедия билан мағлубиятга учради.* Н. Сафаров, Оловли излар.

**ТРАГИК 1** Трагедия ёзувчи, трагедия муаллифи.

**2** *Трагик* ролларни ижро этувчи артист.

**ТРАГИК 1** Трагедияга, фожиали драматик асарларга оид; трагедияга хос бўлган. *Трагик асар. Трагик жанр. Трагик актёр.*

**2** *Фожиали, фожиавий. Тешабой камбағалларнинг ўз болаларини боқолмай, бой-*

ларнинг эшигига ташлаб, «оталик ҳуқуқини» уларга ўтказиб кетганлари ҳақидаги трагик воқеалардан анчагина гапириб берди. Ш. Ризо, Қор ёғди, излар босилди.

**ТРАГИКОМЕДИЯ** [трагедия + комедия] *ад.* Ечими кулгили, беўхшов, ёпишмаган ҳолатлар билан боғлиқ фожиавий (трагедиявий) зиддият асосига қурилган, қаҳрамоннинг ўлими тақозо этилмайдиган драматик асар.

**ТРАДИЦИОН** *қ.* **анъанавий.** Қўшимиз Фарғони области пахтакорлари билан традицион мусобақа бизга катта ёрдам кўрсатмоқда. Газетадан. Сизнинг традицион жанр — аруздаги асарларингиз теварагида қизғин баҳслар бўлди. У. Норматов, Талант тарбияси.

**ТРАДИЦИЯ** [лот. *traditio* — етказиш, ўтказиш; ҳикоя қилиб бериш] *қ.* **анъана.** Олимпиада ўйинлари — халқаро спорт ҳаракатининг яхши традициясидир. Газетадан. Жамоат кўриклари, томошабинларнинг конференцияларини ўтказиб туриш турмушга сингиб, традицияга айланди. Газетадан.

**ТРАЕКТОРИЯ** [лот. *trajectus* — силжиш, жилиш, сурилиш] Ҳаракатдаги нуқта ёки жисмнинг текисликдаги, фазодаги йўли, изи. Ҳаракат траекторияси. Снаряд траекторияси. Ернинг сунъий йўлдоши траекторияси. ■ Жисм ҳаракатланаётган чизик ҳаракат траекторияси деб аталади. «Физика». Кўп босқичли космик ракета илгаридан қатъий белгиланган траектория бўйича Ойга учиб борди. Газетадан.

**ТРАКТ** [нем. *Trakt* < лот. *tractus* — судраш, тортиш; силжиш, юриш; йўл] Катта йўл. Катта Ўзбекистон тракти. Сув тракти. ■ Шаҳар чеккасидаги сўнги уйлар ҳам орқада қолиб кетди, машина тезлигини ошириб, қор босган чўл трактдан учиб борди. Газетадан.

**ТРАКТАТ** [лот. *tractatus* — муҳокама қилиш, кўриб чиқиш] Айрим масалага бағишланган илмий асар, рисола. Фалсафий трактат.

**ТРАКТИР** [лот. *tracto* — меҳмон қилман, зиёфат қилман] Ўтмишда Россияда: паст даражали ресторан ва шундай ресторани бўлган меҳмонхона.

**ТРАКТОР** [лот. *tractor* < *trahere* — судрамоқ, тортмоқ] Турли хил машина, механизм ва б. хил қурооларни тортувчи,

уларнинг ҳаракатга келтирувчи ва юк ташувчи ўзиюрар машина. *Филдиракли трактор. Гусеничали трактор. Ҳайдов трактори. Чопиқ трактори. Трактор ҳайдовчиси. Ерга трактор солмоқ. Ерни трактор билан ҳайдамоқ.* ■ *Учта трактор секин-секин юриб, паст-баландларни суриб, текислаб борарди.* Э. Раимов, Ажаб кишлоқ. *Оғир тўнни судраб кетаётган трактор бузилиб, йўлни тўсиб қўйибди.* И. Раҳим, Чин муҳаббат. *Замонавий қишлоқ хўжалигини кучли тракторлар, мураккаб машина ва механизмларсиз тасаввур қилиш қийин.* Газетадан.

**ТРАКТОРИСТ** *с. т. қ.* **тракторчи.** Санъаткор тажанг эди: танаффус вақтида залга чиққан эди, бир тракторист уни саводсизликда айблади. А. Қаҳҳор, Асарлар.

**ТРАКТОРСОЗ** (асосан, кўпл. шаклида — **тракторсозлар**) Трактор ишлаб чиқарувчи. Бола Самандаровнинг тракторсоз уста эканлигига жуда амин бўлса керак, қаттиқ бош ирғитди. А. Қаҳҳор, Қўшчинор чироқлари. *Тошкент тракторсозлари шанбаликни меҳнатда энг юксак унумдорликка эришиш билан нишонлашга аҳд қилдилар.* Газетадан.

**ТРАКТОРСОЗЛИК** Тракторлар ишлаб чиқариш; саноатнинг тракторлар ишлаб чиқарадиган соҳаси. Тракторсозлик заводи.

**ТРАКТОРЧИ** Трактор ҳайдовчи шахс. Айни саҳар пайтида Келар ёқимли овоз, Тракторчи Турсунбой Ерни ҳайдаб қилар соз. «Кўшиқлар».

**ТРАКТОРЧИЛИК** Трактор ҳайдаш иши, касби. Барновойнинг қизи Бухорога ўқишга кетармиш, яна қанақасига денг, тракторчиликка. Н. Аминов, Муяссар.

**ТРАМВАЙ** [ингл. *tramway* < *tram* — вагон + *way* — йўл] **1** Электр кучи билан ишлайдиган, бир ёки бирдан ортиқ вагондан иборат, йўловчи ташувчи шаҳар темир йўл транспорти. *Йигитали азбаройи хурсандлигидан трамвайга ўтиришни ҳам унутиб, ижара кулбаси томон пиёда кетди.* Д. Нурий, Осмон устун. *Трамвайнинг олдидан тахта ортилган узун машина кесиб ўтди-ю, қаттиқ тормоз зарбидан вагон қалқиб кетди.* Ў. Усмонов, Сирли соҳил. *Элмурод Муҳаррам билан хайрлашиб, Хадрага келганда, трамвайлар паркка кириб кетмоқда эди.* Шухрат, Шинелли йиллар.

**ТРАМВАЙЧИ** Трамвайда, трамвай паркида ишловчи киши.

**ТРАМПЛИН** [фр. *tremplin*] 1 Чанғида учиш ва сувга сакраш спортида мумкин қадар узоққа ёки баландга сакраш учун ясалган махсус мослама. *Зал махсус волейбол ўйнаш учун яроқсиз бўлса ҳам.. конь, козёл, трамплин.. ва бошқа спорт инвентарлари бир четга йиғштириб қўйилган эди. А. Убайдуллаев, Ҳаёт оқими.*

2 *кўчма* Бирор ишни бошлаб юбориш, хужум қилиш, сакраб ўтиш ва ш.к. учун қулай жой, ўрин. *Сиз худбин одамсиз. Қурилиш сиз учун трестдаги ваъда қилинган ўринга сакрашга бир трамплин, холос. А. Мухтор, Туғилиш.*

**ТРАНЗИСТОР** [ингл. *transistor* < *tran-* (sfer) – ўтказмоқ, *кўчирмоқ* + (re)sistor – қаршилик] 1 Электр сигналларни (тўлқинларни) кучайтирувчи яримўтказгичли электрон асбоб, элемент. *Касал ётган хонага юрак уришини ёзиб олувчи транзистор асбоби ўрнатилди.* Газетадан.

2 *с. т.* Транзисторли приёмник. *Стол устида магнитофон, транзистор, фотоаппаратлар.* Мирмуҳсин, Умид.

**ТРАНЗИСТОРЛИ** Транзистор ўрнатилган, транзистори бўлган. *Транзисторли приёмник.*

**ТРАНЗИТ** [лот. *transitus* – ўтиш жойи, юриб ўтиш] 1 Бир мамлакатдан, жойдан иккинчи бир мамлакатга, жойга улар ўртасидаги мамлакат, жой орқали пассажир, юк олиб ўтиш, ўтказиш. *Транзитга йўл бермоқ. Транзит хуқуқи. Транзит билет. Транзит пассажир.* ■ *Транзит машиналар Тошкентни айланиб ўтади..* Газетадан.

2 Юкни жўнатилган жойдан то мўлжалланган жойгача оралиқ пунктларда туширмасдан, бошқа транспорт воситаларига ортмасдан тўппа-тўғри олиб бориш, ўтказиш. *Юкларни транзит қилиб (транзит билан) юбормоқ.*

**ТРАНС-** [лот. *trans* – орқали, орасидан, ичидан; орқасида; мобайнида] Байналмилал ўзлашма қўшма сўзларнинг биринчи қисми бўлиб: 1) бирон-бир фазо, майдон орқали ҳаракатланиб, уни кесиб ўтиш (мас., *трансаатлантик*); 2) бирор нарса ортидан, бирор нарсанинг нариги томонида бориш, жойлашиш (мас, *трансуранлар*); 3) бирор нарса воситасида кўрсатиш; белгилаш, ет-

казиш (мас., *транслитерация*) каби маъноларни билдиради.

**ТРАНСКРИПЦИОН** Транскрипция (1, 2)га оид, транскрипцияга асосланган. *Транскрипцион белги. Транскрипцион система.*

**ТРАНСКРИПЦИЯ** [лот. *transcriptio* – кўчириб ёзиш] 1 *тлш.* Бирор тилдаги нутқ товушларининг талаффузини шартли белги ва ҳарфлар воситасида аниқ акс эттириш; шу мақсад учун хизмат қиладиган белгилар тизими. *Фонетик транскрипция. Диалектологик тадқиқотларда транскрипциядан фойдаланиш.*

2 Бошқа тиллардаги атоқли отлар, географик номлар, илмий терминлар ва ш.к. таржима қилинмайдиган сўзларни махсус белгилар тизими орқали ёки муайян миллий алифбо воситалари орқали акс эттириш; фонетик транскрипция.

3 *мус.* Бирор соз ёки овоз учун мўлжаллаб ёзилган мусиқа асарини бошқа соз ёки овоз ижроси учун мослаштириш ёки уни усталик билан қайта ишлаш.

**ТРАНСКРИПЦИЯЛАМОҚ** Транскрипцион белгилар билан ёзмоқ, оддий ёзув белгиларини транскрипция белгилари билан алмаштириб кўчирмоқ. *Матнни транскрипцияламоқ.*

**ТРАНСЛИТЕРАЦИЯ** [транс.. + лот. *litte*га – ҳарф] Бирор алифбо асосида ёзилган матнлар ёки алоҳида сўзларни бошқа бир алифбо воситалари билан ҳарфма-ҳарф акс эттириш. *Европача номларнинг узбекча транслитерацияси.*

**ТРАНСЛЯЦИОН** Трансляцияга оид, трансляция учун хизмат қиладиган. *Трансляцион радиоузел.*

**ТРАНСЛЯЦИЯ** [лот. *translatio* – узатиш; эшиттириш, кўрсатиш] Мусиқа, тасвир, нутқ ва ш.к. ни радио, телевидение, симли алоқа воситалари орқали муайян масофага узатиш, эшиттириш, кўрсатиш. *Спектакль радио орқали трансляция қилинди. Футбол ўйини трансляциясини кўрмоқ.*

**ТРАНСПАРАНТ** [фр. *transparent* – тиниқ, шаффоф] 1 Шиор ёзиб, расм, сурат солиб рамкага тортилган, одатда орқа томонидан нур тушириб ёритилган мато ёки қоғоз (намойишларда, реклама ва эълонларда фойдаланилади). *Бир кундан кейин дала шийпониди шундай бир катта транспарант пайдо бўлди: «Пахтакор, мана шу*

беш кунликда олган мажбуриятингни унут-ма!» Газетадан. *Одамлар тинчликка, ҳамкорликка қаратилган транспарантлар кўтариб юрибдилар.* Газетадан.

**2** Бир текис ёзиш учун оқ варақ остига қўйиладиган, горизонтал йўғон қора чизиқлар чизилган қалин қоғоз. *Чизиқсиз қоғоз остига транспарант қўйиб хат ёзмоқ.*

**ТРАНСПЛАНТАНТ** *тиб.* Тўқима ёки аъзонинг трансплантация учун фойдаланиладиган қисми, бўлаги.

**ТРАНСПЛАНТАЦИЯ** [*лот.* transplantare – кўчириб бошқа жойга ўтказмоқ] *тиб.* Одам ва ҳайвонларда патологик жараён натижасида шикастланган ёки олиб ташланган тўқима ва аъзолар ўрнига соғломни кўчириб ўтказиш (бир организм доирасида ёки бир турдаги бир неча организмлар ўртасида ёхуд ҳар хил турдаги организмлар доирасида амалга оширилади). *Қон томирлари трансплантацияси. Юрак трансплантацияси.*

**ТРАНСПОРТ** [*лот.* transportare – олиб бормоқ, ташимоқ, ўтказмоқ] **1** Халқ ҳўжалигининг юк ва пассажирлар ташиш билан шуғулланувчи тармоғи ва унинг воситалари. *Автомобиль транспорти. Шаҳар транспорти. Темир йўл транспорти.* ■ *Қурилиш материалларини олиб келай десанг, транспорт йўқ.* «Муштум». *Пиёда, худди транспорт ҳайдовчиси каби, йўл ҳаркатиинг тенг ҳуқуқли иштирокчиси ҳисобланади.* Газетадан.

**2** ҳарб. Озиқ-овқат, қуrol-аслаҳа ва ш.к. ҳарбий анжомлар ташийдиган кема.

**ТРАНСПОРТЁР** [*фр.* transporteur < *лот.* transportare – олиб бормоқ, ташимоқ] **1** Юкларни жойдан-жойга тўхтовсиз узатиб турадиган қурилма; конвейер. *Лентали транспортёр.* ■ [*Смена мастери билан Инъомжоннинг*] *У ёнидан-бу ёнидан вагонетка гувуллаб югуради, оёғининг тагидан транспортёр лентаси ғиқиллаб ўтади.* С. Аҳмад, Мўтти.

**2** айн. бронетранспортёр.

**ТРАНСПОРТИР** [*фр.* transporteur < *лот.* transportare – кўчирмоқ, олиб ўтмоқ] Градусларга бўлинган ярим доира ва чизгичдан иборат бурчак ўлчаш ва бурчак ясаш асбоби; бурчак чизгич.

**ТРАНСПОРТЧИ** Транспорт ходими. *Транспортчиларимиз этиштирилган ҳосилнинг ҳаммасини қоп-қанорсиз ташиб беришга ваъда бердилар.* Газетадан.

**ТРАНСУРАНЛЯР, трансурани элементлар** [транс.. + урани] Менделеев даврий системасида урандан сўнг жойлашган, деярли табиий ҳолда учрамайдиган (сунъий йўл билан олинадиган) кимёвий элементлар.

**ТРАНСФОРМАТОР** [*лот.* transformare – бошқачасига ўзгартирмоқ, айлантирмоқ] Ўзгарувчан электр токнинг кучланишини ошириб ёки пасайтириб берувчи аппарат. *Кучланишни пасайтирувчи трансформатор. Кучланишни оширувчи трансформатор. Трансформатор қўтиси.*

**ТРАНСФОРМАЦИЯ** [*лот.* transformatio – ўзгартириш] **1** *тех.* Энергия ёки объектларнинг бирон-бир муҳим хосса-хусусиятини трансформатор ёрдамида ўзгартириш. *Ўзгарувчан токни трансформация қилиш.*

**2** *тлш.* Асосий синтактик тузилмани тил қонун-қоидалари асосида ўзгартириб, иккинчи бир тузилма ҳосил қилиш (мас., *Ўқитувчи қонидан тушунтирди.* // *Қонда ўқитувчи томонидан тушунтирилди.*

**ТРАНСФОРМАЦИЯЛАМОҚ** Трансформация қилмоқ, ўзгартирмоқ. *Электр токини трансформацияламоқ.*

**ТРАНШЕЯ** [*фр.* tranchée – чуқур, хандақ, зовур < trancher – қирқмоқ] **1** ҳарб. Жанг олиб бориш, душман зарбаларидан сақланиш, яширин ҳаракат қилиш учун мослаштирилган, атрофи тупроқ кўтармалли тор, узун, чуқур зовур, хандақ. *Йўлнинг пастки томонида вайрона станциялар.. узундан-узоқ траншеялар.. стволлари ерга санчилган тўплар.. ортда қолиб борар эди.* З. Фатхуллин, Сўнмас юлдуз. *У «Взвод кела қолса эди, буларни ушлаб олардик», деган хаёлда траншеялар билан взводга жўнади.* И. Раҳим, Чин муҳаббат. *Ҳар қадамда.. каламушнинг уясига ўхшаган окоп, траншея.* А. Қаҳҳор, Олтин юлдуз.

**2** *махс.* Бирор мақсадда қурилган, қовланган зовур, чуқур. *Силос траншеяси. Пойдевор траншеяси. Водопровод қувурлари ётқизиладиган траншея.*

**ТРАП** [*голл.* trap – зина, нарвон] **1** Кема ичидаги, шунингдек, кемага чиқиш-тушиш учун хизмат қиладиган, арқон, ёғоч ёки металлдан ишланган махсус нарвон, зина. *Арқон трап.* ■ *Кема трапидан тушаётган меҳмонни зирҳлари ялтираб турган икки робот қузатиб борарди.* М. Маҳмудов, Мангу куй излаб.



2 Самолёт, вертолёт ва ш.к. га чиқиш-тушишда фойдаланиладиган махсус зина; муваққат нарвон. *Самолётга трап қўйиб бўлмади. Одамлар баланддан бир-бирининг устига ўзини ташламоқда.. эди. А. Мухтор, Қаноти синган орзу.*

**ТРАПЕЦИЯ** [юн. trapezion – столча] *мат.* Икки томони ўзаро параллел бўлган, қолган икки томони параллел бўлмаган тўрт-бурчак.

**ТРАССА** [нем. Trasse < лот. tractare – чизмоқ, чизик тортмоқ] 1 Ерда ёки харитада канал, йўл, газ қувури, алоқа линияси ва ш.к. нинг қандай ўтишини ёки қандай ўтказилиши кераклигини ёки самолёт, кема ҳаракат йўналишини кўрсатувчи чизик, из. *Самолёт учадиган трассани белгиламоқ. Тошкент метросининг трассаси. Бухоро–Урал газ қувури трассаси.* ■ *Канал трассасидаги ернинг юқори қатлами бир метр чамасида тошдек қаттиқ эдики, унга теккан кови, тошга теккандек, сапчиб кетарди. Ш. Рашидов, Бўрондан кучли.*

2 Узоқ масофали катта қатнов йўли, йўл. *Мамлакатнинг темир йўл трассалари. Автомобиль трассаси.* ■ *Спортчилар ўзларининг машиналарини текширишдан ўтказдилар, мотокросс трассаси билан танишдилар, трассада бир неча кун машгулот ўтказдилар. Газетадан.*

**ТРАУЛЕР** [ингл. trawler < trawl – ёйма тўр] *денг.* Балиқ ва б. денгиз жониворларини трал (конуссимон тўр қоп) ёрдамида овлаш ва уларга дастлабки ишлов бериш учун мўлжалланган денгиз кемаси.

**ТРАФАРЕТ** [итал. traforetto – тешиб, илма-тешик қилиб ташланган < лот. transfoare – тешмоқ] 1 Гул, нақш солиш, безакли хат ёзиш ва ш.к. учун белгиланган ўйма андаза ва шундай андазадан фойдаланиб, бўёқ билан девор, плакат ва ш.к. га солинган гул, нақш. *Трафарет билан гул солмоқ. Деворларга чиройли трафаретлар солинган.* ■ *Расм солиниши лозим бўлган ҳар бир буюм учун ўзининг андазаси – трафарети тайёрланади. Газетадан. –Мен бу кишининг дидларига қойил бўлдим, амаки, – деди Набигулнинг акаси, – уйларини кўкимтир бўёқ билан трафарет қилдирган эканлар, ҳафса-ла қилиб, чироқларига шу рангдаги абажур ҳам қўйибдилар. А. Қаҳҳор, Қанотсиз чит-так.*

2 Ўйламадан амал қилинадиган, тайёр ҳолдаги намуна; қолип. *Ҳатто, айтиш мумкинки, фольклордаги тайёр традицион трафарет иборалар ўрнига янгилари қўлланмоқда. «ЎТА».*

**ТРАХЕИТ** [ингл. tracheitis] Трахея шиллик пардасининг совуқ ёки айрим юқумли касалликлар оқибатида яллиғланиши.

**ТРАХЕЯ** [юн. tracheia – кекирдак] Кекирдак – нафас йўллариининг ҳиқилдоқдан кейинги қисми.

**ТРАХОМА** [юн. trachus – ғадир-будур] *тиб.* Кўз шиллик пардасининг сурункали яллиғланиши билан кечадиган юқумли касаллик; шилпиқ.

**ТРЕВОГА** [р. тревожить – «ташвишлан-тирмоқ, хавотирга, ваҳимага солмоқ» фл. дан ясалган от] Хавфли ҳолат ва ундан огоҳлантирувчи сигнал. *Ҳаво тревогаси. Тревога сигнали.* ■ *Тревога эълон қилиниши билан солдатлар дарахт паналарига, ўйдим-чуқур жойларга ўзларини олдилар, бутун колонна ерга ётди. И. Раҳим, Чин муҳаббат.*

**ТРЕД-ЮНИОНИЗМ** [ингл. tradeunionism] Ишчилар ва касаба уюшмалари ҳаракатида меҳнаткашларнинг аҳволини яхшилаш йўлида ислохотлар ўтказиш талабларини олга сурувчи оқим.

**ТРЕД-ЮНИОНЛАР** [ингл. trade – касбухунар + union – бирлашма, уюшма] Буюк Британия, Австралия, Янги Зеландия ва б. баъзи инглиззабон мамлакатларда касаба уюшмалари.

**ТРЕЙЛЕР** [ингл. trailer < trail – тортмоқ, судрамоқ] Ўта оғир, олатда 100 тоннагача бўлган яхлит юкларни ташишга мўлжалланган тиркама транспорт воситаси.

**ТРЕК** [ингл. track – из, йўл] Велосипед ва мотоцикл спорти бўйича ўтказиладиган турли машқ ва пойгалар учун доира шаклида қурилган, қия, нишабли бурилишлари бўлган махсус йўл, йўлка. *Велосипед треки.*

**ТРЕНАЖЁР** [ингл. train – ўргатмоқ, машқ қилдирмоқ] 1 *махс.* Муайян касбий малакалар орттириш, машина, механизмларни бошқаришни ўрганиш учун мўлжалланган мослама.

2 *спрт.* Жисмоний машқлар воситасида турли хил мускулларни ўргатиш, чиниқ-тиришга ёрдам берувчи мослама, қурилма.

**ТРЕНЕР** [ингл. trainer < train – ўргатмоқ, машқ қилдирмоқ] Спортнинг бирор

тури бўйича спортчилар тайёргарлигига раҳбарлик қилувчи мутахассис. *Футбол жамоасининг тренери.* ■ *Тренер менга қўлқоп бераёттиб: -Юрагингни сақла! - деди. И. Раҳим, Чин муҳаббат. Бу шахарда кўпгина спорт ишларини жамоатчи тренер ва инструкторлар олиб бормоқда.* Газетада. *Тренер шоғирдини ҳаяжонланмасликка ундар, сўнги маслаҳатини беради.* Газетадан.

**ТРЕНЕРЛИК** Тренер иши, касби. *Тренерлик қилмоқ.*

**ТРЕНИНГ** [ингл. training – ўргатиш, тарбиялаш, машқ қилдириш] Тренировка тизими, машқ, машғулот режими (қ. **тренировка**).

**ТРЕНИРОВКА** [р. < ингл. training] 1 Маълум сифат-хусусиятларга эга бўлиш ёки уларни сақлаб қолиш учун мунтазам равишда амалга ошириладиган машқлар, машғулотлар.

2 Муайян режа асосида спортчини, унинг организмни ўз кучини максимал намоеъ қилишга, чидамлилик, тезлик, чаққонликка ва ғалаба учун интилишга тайёрлаб бориш.

**ТРЕПАНАЦИЯ** [фр. trepanation < trepan – парма] тиб. Суяк бўшлигини, мас., калла суягини тешиб очишдан иборат жарроҳлик операцияси.

**ТРЕСТ** [ингл. trust – ишонч] *иқт.* 1 Монополия шаклларида бири – тadbиркорлар (фирмалар) нинг иқтисодий бирлашмаси; бунда иштирокчилар ўзларининг аввали ишлаб чиқариш, тижорат ва юридик мустақиллигини тўла йўқотиб, ягона бошқарува бўйсундилар.

2 *эск.* Собиқ ССРСР мамлакатларида: маҳсулотларнинг бир турдалиги ёки хомашёга ишлов бериш босқичлари бўйича ўзаро боғланган корхоналар бирлашмаси.

**ТРИБУН** [лот. tribunus – армия қўмондони; оддий халқ ҳуқуқларини ҳимоя қилувчи вакил] Оташин нотик ва публицист бўлган йирик жамоат арбоби.

**ТРИБУНА** [фр. tribune < лот. tribunal] 1 Нотик чиқиб сўзлайдиган, раҳбарлар ўз мулозимлари билан турадиган (ўтирадиган) баланд жой; минбар. *Трибунага чиқиб сўзламоқ.* ■ *Трибуналарда дипломатик корпус аъзолари турибдилар.* Газетадан. *Трибуналарда шу гап, телевизор экранлари, рекламаларда шу мавзу.* Э. Охунова, Икки океан оша.

2 *кўчма* Ижтимоий фаолият олиб бориш учун восита бўлган соҳа, жой.

3 Стадионлар ва майдонларда томошабинлар учун ўринлар тобора юқорилаб борадиган қаторларда жойлаштирилган қурилма, иншоот. *Трибуналар томошабинлар билан лиқ тўла.*

**ТРИБУНАЛ** [лот. tribunal – суд қиладиган жой] Суд ҳайъати; фавқулодда ёки ихтисослашган суд, унда асосан ҳарбий хизматчилар, ҳарбийни ўтовчилар жинояти бўйича ишлар кўрилади (Мустақил Давлатлар Ҳамдўстлиги мамлакатларида, жумладан Ўзбекистонда). *Бу асилзодани ўртоқ Қамбаровга олиб бориб топшир! Трибунал олдидан жавоб берсин!* Б. Раҳмонов, Мардлар қиссаси.

**ТРИГОНОМЕТРИК** Тригонометрияга оид. *Тригонометрик функция. Тригонометрик жадвал.*

**ТРИГОНОМЕТРИЯ** [юн. trigonon – учбурчак + metreo – ўлчаيمان] Математиканинг учбурчак томонлари ва бурчаклари ўртасидаги боғланишларни ўрганадиган бўлими.

**ТРИКО** [фр. tricot < tricoter – тўқимоқ] 1 Устки кийимлар тикиш учун ишлатиладиган, жимжимадор қилиб тўқилган жун газлама. *Костюмлик трико. Трико шим.*

2 Трикотаж тўқимадан тикилган, гавдага ёпишиб турадиган спорт ёки театр костюми. *Дарвоза очилиб, йўғон қоматини спортчилар киядиган қалин трико сиқиб турган Шамси Тўраевич кўринди.* Н. Аминов, Суварак.

**ТРИКОТАЖ** [фр. tricotage < tricoter – тўқимоқ] Машинада илмоқлаб тўқилган мато ва ундан тайёрланган кийим (пайпоқ, кофта, шапка, кўйлак-лозим ва ш.к.). *Ипакли трикотаж. Жун трикотаж.* ■ *Трикотаж цехида эллик ишчига мўлжалланган ишлаб чиқариш участкаси фойдаланишга топширилди.* Газетадан. *Республика саноати минерал ўғит.. консервалар, трикотаж кийимлар ишлаб чиқариш режасини бажарди.* Газетадан.

**ТРИЛЛЕР** [ингл. thrill – асабий титроқ, ҳаяжон(ланиш)] Саргузашт фильмлар, бадний асарларнинг томошабинлар ёки ўқувчиларда ташвиш, ваҳима, безовталиқ, кўрқув уйғотувчи ўзига хос воқеа, эпизодлари бўлган алоҳида тури.

**ТРИЛЛИОН** [фр. trillion < лат.] Минг миллиардга тенг сон, минг миллиард (1 рақами ва 12 та, баъзи мамлакатларда 18 та нолдан иборат). *Геологлар бу ерда [Қизилқумда], худди океаншунослар сингари, триллионлар билан иш кўришади.* А. Мухтор, Давр менинг тақдиримда.

**ТРИЛОГИЯ** [юн. trilogia < tri — уч + logos — сўз] ад., мус. Бир муаллифнинг умумий мавзу, етакчи ғояси, сюжет алоқадорлиги билан бир бутунликни ташкил этувчи уч (бадиий, мусиқий ёки саҳнавий) асари. *Биринчи бор ўзбек адабиётида бир муқова остида уч китобни ўз ичига олувчи мукамал бадиий трилогия пайдо бўлди.* У. Норматов, Талант тарбияси.

**ТРИО** [итал. trio < лат. tres — уч] 1 Уч-та ижрочи (хонанда ёки созанда)дан иборат ансамбль. *Баянчилар триоси. Хонандалар триоси.*

2 Уч ижрочи (хонанда ёки созанда) учун ёзилган мусиқа асари.

**ТРИОД** [юн. tri + (электр)од] Катод, бошқарувчи тўр ва аноддан иборат уч электродли лампа.

**ТРИППЕР** [нем. Tripper < trippen — том-моқ, оқмоқ] айн. сўзак 1.

**ТРИПСИН** [юн. thrypsis — суюлтириш] тиб. Меъда ости безида ҳосил бўладиган, овқатни ҳазм қилдирадиган фермент.

**ТРИПТИХ** [юн. triptychos — уч букланган, қатланган] снт. Умумий, ягона ғоя, мавзу ва сюжет билан боғланган, учта расм, манзара ва ш.к. дан ташкил топган тасвирий санъат асари.

**ТРИТИЙ** [юн. tritos — учинчи] Водороднинг масса сони 3 бўлган радиоактив изотопи (атом ядроси битта протон ва иккита нейтрондан иборат).

**ТРИТОН** [юн. Triton — юнон мифологиясида: танаси одамсимон, оёқлари ўрнида балиқ думи бўлган денгиз маъбуди] 1 зоол. Европа, Осиё ва Шимолий Америкада яшовчи, саламандралар оиласига мансуб думли амфибияларнинг бир тури.

2 астр. Нептун сайёрасининг иккита йўлдошидан бири.

**ТРОЛЛЕЙБУС** [ингл. trolleybus < trolley — роликли ток ўтказгич (улагич) + bus — (авто)бус] Электр кучи билан юрадиган, йўловчи ташувчи рельсиз шаҳар транспорт машинаси. *Троллейбус нарки.* ■ Автобус,

*троллейбус, трамвайлар мунтазам ишлаб турган вақтдагина йўловчи ҳеч қандай қийинчиликсиз ишхонасига кайфияти чоғ ҳолда кириб келади.* Газетадан. *Аҳмад эртасига, менга келаётганида ток бўлмай, троллейбус тўхтаб қолганини айтди.* Ф. Музажонов, Ҳиммат.

**ТРОМБ** [юн. thrombos — юмалоқланган; ивиган, қуюлиб қолган нарса] тиб. Қон томирлари ёки юрак бўшлиғида ивиб қолган қон ёки лимфа томирларида ивиб қолган лимфа.

**ТРОМБОЗ** «тромб» с. дан] тиб. Қон томирларида ва юрак бўшлиғида қоннинг ивиши ва бунинг натижасида қон оқимининг қийинлашуви ёки умуман тўсилиши.

**ТРОМБОН** [итал. trombone — катта труба] Паст кескин товуш чиқарадиган, товуш баландлиги сурма ёки клапанли механизм билан ўзгартириладиган, мисдан қилинган пуфлама мусиқа асбоби. *Ёрқин туйғуларни йфодолаовчи скрипка ва флейталар куйига бора-бора контрабас ва тромбонларнинг йўғон.. оҳанглари қўшилди.* П. Қодиров, Уч илдиз.

**ТРОП** [юн. tropos — бурилиш, айланиш] қ. кўчим.

**ТРОПИК** [юн. tropikos — бурилишли, айланишли] 1 Ер юзасидан экватордан 23° 27' шимолда ёки 23°27' жанубда унга параллел равишда ўтказилган икки фаразий доиравий чизиқнинг ҳар бири; мадор. *Тропикдан ўтмоқ.*

2 Шу икки чизиқ ўртасида, экваторнинг икки томонида жойлашган энг иссиқ минтақа. *Тропикда яшамоқ.*

**ТРОПИК** Тропикларга оид, Ер шарининг энг иссиқ минтақасига, тропикларга хос бўлган, шу ерда бўладиган, жойлашган. *Тропик мамлакатлар. Тропик ўсимликлар. Тропик касалликлар. Тропик циклон.*

**Тропик йил** Куёш марказининг баҳорги тенгкунлик нуқтасидан кетма-кет икки марта ўтиши орасидаги вақт, давр.

**ТРОПИКЛАР** Тропикда жойлашган ерлар, тропик мамлакатлар, ўлкалар.

**ТРОПОСФЕРА** [юн. tropos — бурилиш; ўзгариш + sfera — сфера] Атмосферанинг Ер юзаси таъсири аниқ сезиладиган, 10 дан 18 километргача бўлган қуйи қатлами.

**ТРОС** [голл. tros] Толали материаллар, пўлат симлар, сунъий толалардан эшилган,

пишиқ йўғон арқон, канат. *Дониёрбеков блокнотидан бир варақ ийртди-да, «Хиёл! Қандай бўлса ҳам тросни белинга боғла, бор кучинг билан унга осил, бу ёқдан тортиб оламиз!» деб ёзди.* И. Раҳим, Такдир. *Лебёдка [чиғир] қаттиқроқ ишлаганда, унинг галтагига ўралаётган йўғон трос тутаб кетгандай кўринади.* П. Қодиров, Эрк.

**ТРОТУАР** [фр. trottoir < trotter – майда қадам ташлаб юрмоқ] Кўчанинг чеккасида, қатнов йўли билан уйлар ўртасида пиёдалар учун қурилган йўлка. *Кенг тротуар. Асфальт тротуар.* ■ *Фуломжон икки четига қатор мирзатерак ўтказилган кенг кўчанинг салқин тротуарида жануб томон борар эди.* М. Исмоилий, Фарғона т. о.

**ТРУБА** [итал. tromba] 1 Суюқлик, газ, буғ ва ш.к. ни ўтказиш учун ясалган, одатда, доиравий кесимли, узун, ичи кавак маҳсулот. *Сопол труба. Чўян труба. Водопровод трубаси.* ■ *Станция шаҳарнинг ўртасида эди. Тўрт томонда баланд-баланд трубалардан қуюқ қора тутун буруқсиб чиқиб, кўкка интилмоқда.* И. Раҳим, Чин муҳаббат.

2 *мус.* Баланд очиқ товуш чиқарадиган пуфлама мусиқа асбоби. *Труба чалмоқ.* ■ *Труба – мис духовой [пуфлама] асбоблар тўдасида энг баланд (юқори), очиқ ва равшан товуш берадиган асбоб.* И. Акбаров, Музыка саводи.

**ТРУБАЧИ** Труба чалувчи созанда ёки сигналчи. *Икки ўртоқ бир қўлига қадаҳ, иккинчи қўлига мезбон хотин янгигина олиб келган кабобдан олиб, энди винони ярмигача шимирган эди, полк трубачиси тревога чалиб қолди.* Шуҳрат, Шинелли йиллар.

**ТРУБКА** [итал. tromba] 1 Ингичка труба, найча. *Резина трубка.*

2 *махс.* Чўзиқ труба шаклидаги турли асбоблар номи. *Рентген трубки. Телевизорнинг электрон-нур трубки.* ■ *-Қўли синганга ҳам трубка қўядими? – деди мураббия Аҳмадга қараб.* Ойдин, Болалик уйда гийбат йўқ.

3 Телефон аппаратининг эшитиш ва сўзлаш учун хизмат қиладиган қисми. [*Нодиржон*] *Телефон жиринглаши билан чўчиб кетди, апил-тапил трубкани олиб, қулоғига тутди.* А. Муҳиддин, Чап чўнтак.

4 Бир томони тамаки солинадиган кичик косачага, иккинчи томони муштукка уланган ичи бўш найчадан иборат чекиш

асбоби. *Чол эса индамади-ю.. трубкасини чуқур тортиб қўйди.* М. Маҳмудов, Мангу куй излаб.

**ТРУБОПРОВОД** [труба + р. проводить – ўтказмоқ] фл. дан] Узоқ масофага суюқлик, газ ёки қаттиқ материалларни қувурлар орқали етказиб берадиган иншоот ёки иншоотлар мажмуи. *Табий газнинг дастлабки миллион кубометрлари трубопровод магистралига оқизилмоқда.* Газетадан.

**ТРУБОПРОВОДЧИ** Трубопровод ўтказувчи, уни таъмирловчи шахс, мутахассис.

**ТРУППА** [нем. Труппе – қисм, бўлирма, гуруҳ] Театр ёки цирк артистлари жамоаси. *Балет труппаси.* ■ *Уша вақтда Кўқонга гостролга келган ҳар хил труппалар рус, татар, озарбайжон тилларида спектакллар кўрсатар, от ўйин – цирк томошалари бўлиб турарди.* «ЎГА». 1927 йилда Самарқандда ташкил топган «Кўк кўйлак» труппасига Манас Левиевни ҳам қабул қилдилар. Газетадан.

**ТРУСИ** [р. труси < ингл. trousers – шим] Ичдан кийиладиган кичик иштонча, шундай спорт кийими. *Биз труси, майкаларимизни кийиб келгунча, команدامиз саф тортган эди.* Р. Азизхўжаев, Яшил чайла.

**ТРУСИЧАН** Фақат труси кийган, фақат трусида бўлган. *Ичкаридан трусичан, олти ёшлардаги бир бола бурнини тортиб чиқди.* С. Аҳмад, Тоғ афсонаси.

**ТРЮМ** [голл. trüim – уй, хона] Кеманинг пастки палубаси билан кема туби, энг ости ўртасидаги, одатда, юкларни қўйиш ва б. мақсадлар учун фойдаланиладиган оралиқ жой. *Хизматга зарур бўлган олти-етти матрос ва машина бўлимидагилардан ташқари ҳамма трюмга қамалди.* А. Мухтор, Қорақалпоқ қиссаси.

**ТРЮМО** [фр. trümeau] Деворга тақаб тикка қилиб қўйиладиган катта тошойна.

**ТУБ 1** *от* Таг, ост. *Пақирнинг туби. Денгиз туби.* ■ *Саккиз бульдозер канал тубини ўйиб, машина хартумига қамраб олган тупроқни юқориغا суриб чиқарарди.* «Ўзбекистон қўриқлари». *Боғнинг этак томони кучур жарлик. Унинг тубида.. бир тегирмонча сув қишин-ёзин тўхтамай оқиб ётади.* М. Осим, Тилсиз гувоҳ.

**Туб жой** Ўзи яшайдиган ер, жой; асл ўзига мансуб жой. *Туб жой итидан кўра мусофир итнинг қутургани ёмон бўлади.. А.*

Қаҳҳор. Ўтмишдан эртақлар. **Туб кон** Ер ости кони. *Ҳозир биз асосан туб конларни излаб топшимиз керак, назаримда.* С. Кароматов, Олтин қум. **Туб кўймоқ** Асос олиб ўрнашмоқ, барқарор жойлашмоқ. *Бу қишлоқ сувини бир ичган одам, тамом, шу ерда туб кўйиб, илдиз отиб кетмай иложи йўқ.* Ф. Насриддинов, Олтин одамлар. **Туби очилди айн. таги очилди қ. таг.** [*Тантубойвачча*] Биринчидан, ишнинг туби очилишидан ваҳимага тушиди. Ойбек, Танланган асарлар. **Тубига етмоқ айн. тагига етмоқ қ. таг.** **Қалб (ёки кўнгил, юрак) туби** Қалбнинг энг чуқур, нозик ери. *Шу митингда Мурзин ҳам бор эди. Роса қулоқ солиб тинглади. Қалби тубида қандайдир куч уйғонди.* Шухрат, Шинелли йиллар. *Элмурод унинг ёнида ўтирар ва бу сўнги кунда унга нимадир дегиси келар, лекин кўнглининг тубида йиғилган гапларини ифодалашга пайт ҳам, сўз ҳам тополмас эди.* П. Турсун, Ўқитувчи.

**2** *от кўчма* Пировард натижа, охир-оқибат; асос, замир. *Сабр туби — олтин.* Мақол. ■ *Йўқ, ўртоқ Низомов, биз таваккал қилмаймиз. Таваккалнинг туби — тош, бошингни урсанг — ёрилади.* Шухрат, Шинелли йиллар. *Бу сўзларнинг тубида жуда катта рашик борлигини сездим.* М. Қориев, Ойдин кечалар.

**3** *Моҳият эътибори билан асосий бўлган; асл, бирламчи. Ёрдამчи ва шахсий хўжаликларни ривожлантириш кундалик турмушимизнинг туб масалаларидан бўлиб турибди.* «Муштум». Адиб, *ҳаётга фаол муносабатда бўлиш — ёзувчи меҳнатининг туб моҳияти, деб ҳисоблаган.* Газетадан.

**4** *тлш.* Қисмларга бўлинмайдиган, ясама бўлмаган. *Туб сўз. Туб терминлар.* ■ *Содда терминлар ўз ўрни билан иккига бўлинади: туб ва ясама терминлар.* «ЎТА».

**ТУБАН 1** Куйи, паст. -*Хизмат? Ўтиринглар, — аълам тетик, айёр кўзлари билан келувчиларга разм солиб, тубанроқдан жой кўрсатди.* Ойбек, Улуғ йўл. *Кема тубан оқиб боради, Бўрон уни қирга олади.* Э. Раҳим. *Қўлмуроднинг бу сўзларини эшитган Шокир қизариб-бўзариб кетди ва нима дейишини билмасдан, бошини тубан солди.* С. Айний, Қуллар.

**2** *кўчма* Мавқеи, хислатлари, сифати ва ш.к. жиҳатидан куйи даражали; паст, арзимас. *Тубан одам.* ■ *Ақлга келганда, мулла*

*Султонқулдан анча пастда, тегирмончидан эса жуда ҳам тубан туради.* А. Қодирий, Обид кетмон. *Ҳаёт оқимидан сокин, унинг талабидан тубан яшаиш ўқитувчини беобрў ва беқадр қилади.* Р. Усмонов, Одбнома.

**3** *кўчма* Ҳаёт, ахлоқ талаби нуқтаи назаридан ёмон, ярамас. У [*Фазилдин*] *яқинда яна ичиб келиб, онасини энг тубан ҳақоратлар билан тупроққа қориб ташлади.* М. Исмоилий, Одамийлик қиссаси. *Гиёҳвандликнинг қандай қилмишларга сабаб бўлиши, фоҳишабозликнинг нақадар жирканч, тубан эканлигини яширмай-нетмай кўрсатмоқдамиз.* Газетадан. *Бошиқа илож қолмагач, она энг тубан ва жирканч бир «хунар»га тутинди; дўкдорларга, мулкдорларга, бадавлат одамларга янада зиёда давлат тилаб, хайр-садақа сўрай бошлади.* П. Турсун, Ўқитувчи.

**ТУБАНДА** *рви.* Куйида, пастда. *Бу ҳақда тубанда сўз боради. Тубанда келтирилган мисоллар.* ■ *Шунинг учун биз, аёллар бундай кишиларга тегишли чора кўрилишини талаб этамиз, деб тубанда қўл кўювчилар.* П. Турсун, Ўқитувчи.

**ТУБАНДАГИ** Куйида айтилган, зикр қилинган, кўрсатилган, куйидаги. *Тубандаги фактлар (рақамлар).*

**ТУБАНЛАШМОҚ 1** *кам қўлл.* Пастлашмоқ, пастроқ тушмоқ. *Булутлар тубанлашиб, дарахт чуққиларини қоплади.*

**2** *кўчма* Пастлашмоқ, разиллашмоқ, тубанликка, разолатга юз тутмоқ.

**ТУБАНЛИК 1** Паст ҳолатга эгалик, паст эканлик. *Содиқ қўлидаги ханжарини бир-икки қайта солиб кўрса ҳам, тегдириш учун кесманинг тубанлиги халал берди, лекин ўзи тетик эди.* А. Қодирий, Ўтган кунлар.

**2** *кўчма* Тубан шахсга хос ҳолат-хусусият; тубан хатти-ҳаракат, разолат. *Илғорлик билан қолоқлик, самимийлик билан ҳасад, олийжаноблик билан тубанлик.. тўқнашади.* Шукрулло, Жавоҳирлар сандиғи. *Аёл кишига қўл кўтариш — ожизлик белгиси, тубанлик — маданиятсизлик белгиси.* Газетадан.

**Тубанликка бормоқ (ёки кетмоқ)** Тубан ҳолат, хусусият касб этмоқ; тубанлашмоқ. *Пасткаш ишлар билан шугулланадиган кимсалар.. шундай тубанликка бориб, кишиларни алдайди, қаллоблик қилади.. Мирмуҳсин, Умид. Иззат-ҳурмат кўрган одамни таҳқирласанг, тубанликка кетасан.* Газетадан.

**ТУБДАН** *рвиш*. Бутунлай, тубли равишда, таг-туги билан, жиддий равишда. *Аҳвол тубдан ўзгарди. Иш тубдан қайта кўрилди.*

■ *Делегатлар асосий эътиборни.. пахтачиликни ривожлантиришга, бунинг учун кишилар билан ишлашни тубдан яхшилашга қаратдилар.* Газетадан. *Умида ундан кўп мартаб эшитган бу гапнинг даҳшатини энди-гина тубдан пайқади.* А. Мухтор, Чинор.

**ТУБЕРКУЛЁЗ** [лот. tuberculum — шиш, гудда, дўмбоқ] қ. сил.

**ТУБЛИ 1** Туби, таги бўлган, тагли. *Чуқур тубли дарё. Пачақ тубли пақир.*

2 *кўчма* Чуқур асосга эга бўлган, асосли. *Маҳмуд Нурининг гапига мундоқ разм солиб қараса, анча тубли.* А. Убайдуллаев, Ҳаёт оқими. *Навойи катта куч: у сиёсатни тубли билади. Ақлга бой, ҳам эл-улус орасида обрўси баланд.* Ойбек, Навойи. *Ўтган йили.. пахтачиликни комплекс механизациялаш ишида тубли бурилиш ясалди.* Газетадан.

**ТУБСИЗ 1** Таги, туби бўлмаган, тагсиз. *Тубсиз пақир.*

2 *кўчма* Тагига етиб бўлмайдиган, жуда чуқур; чек-чегараси йўқ. *Тубсиз жарлик.* ■ *Одамлар юрагини ўрганиш — гўё поёнсиз осмон, тубсиз денгиз сирларини ўрганишдек мушкул.* Ё. Шукуров, Халқ билан ҳамнафас. *Тикиланинг сари чексиз ва тубсиз туюлувчи осмон оламни ўз домига тортиб кетаётгандек бўлади.* Ф. Мусажонов, Ҳиммат. *Очил яна тубсиз ўйлар гирдобиди қолди.* П. Қодиров, Уч илди.

**ТУБСИЗЛИК** Тагига етиб бўлмайдиган, жуда чуқур жой. *Довулнинг ёвузлигини олқишлаётган бўрон эса, кемаларга ҳар икки қанотдан хужум қилар, шер ўмровли йиртқич тўлқинларни дам олдан, дам ордан келтириб урар, тубсизлик қаърига фарқ қилмоқчи бўларди.* Ж. Абдуллахонов, Тўфон.

**ТУВАК 1** Бешикка беланган боланинг сийдик ва ахлати тушадиган бешик асбоби.

2 *Конус шаклидаги сопол идиш. Гул тувак.* ■ *Дераза ёнидаги катта тувакда самбитгул кўм-кўк бўлиб яшнаб турибди.* С. Зуннунова, Янги директор.

3 *Итга овқат бериладиган идиш.*

**Итининг туваги олтиндан қ. ит.**

**ТУВАКЛИ** Тувакка экиладиган, экилган, тувакда ўсган. *Чиройли гиламлар, турли ҳайкаллар.. тувакли гуллар билан безатил-*

*ган кабинетдан сира-сира айрилгилари келмайди.* «Муштум».

**ТУВАЛАР, тивалар** Россия Федерациясидаги Тува (Тива) Республикасининг асосий аҳолисини ташкил этган халқ. *Тива халқи.*

**ТУВАЛОҚ** Тувдоқлар туркумига мансуб, ов қилинадиган, гўшти мазали йирик қуш; тувдоқ. *Тувалоқ овлаш. Кўлда юрган қўнғир ғоз чўл қадрини не билур, Чўлда юрган тувалоқ кўл қадрини не билур?* Мақол. ■ *Какликдан ташқари, қирғовул, тувалоқ ва шу каби паррандалар ҳам овчиларнинг кўзини ўйнатган.* «Фан ва турмуш».

**Ўйрға тувалоқ** Тувалоқларнинг бир тури. *Ху ана.. иссиқда мудраётган чўлга файз киритиб, оққушниқидай чиройли бўйинини ғоз тутганча ўйрға тувалоқ ўйрғалайди.* С. Анорбоев, Гўзаллик излаб.

**ТУВДОҚ** айн. тувалоқ.

**ТУВОҚ** Қозоннинг қопқоғи. *Мис қозонга лой тувоқ.* Мақол. ■ *Тувоғи йўқ қозон, унинг ёнида бир ўғир, битта кув турибди.* Ф. Фулом, Шум бола. *Ферузанинг ўчоғида яна олов. Тувоғи ёниқ декдадан буғ кўтарилади.* С. Анорбоев, Гўзаллик излаб.

**ТУВЧА** шв. Бир-икки ёшли эчки. Эчкиними, тувчасиними сотиб, пулига озроқ дон олсакмикан, болам.. С. Исҳоқов, Олам гўзал.

**ТУГАЛ 1** Битган, чала ери йўқ, охирига, поёнига етказилган. *Тугал иш. Тугал асар.* ■ *Энди билишимча, биз ўша даврларда ўйнаган нарсаларимиз ҳали тугал бўлмаган, анча гўр асарлар эди.* Ҳ. Носирова, Мен ўзбек қизиман. *Элмурод биринчи кунни беш вақт намозни тугал ўқиди. Иккинчи кунни учтасини ўқиб, иккитасини қазо қилди.* П. Турсун, Ўқитувчи. *Она, тугал ёзишдан қаламим ожиз.* Файрағий.

2 *Тўла-тўқис, бекам-кўст; тўлиқ, бут. Тугал фикр. Тугал жумла.* ■ *Икки пуд бугдой билан беш пуд шоли бериб қутулмоқчи бўлибди. Жаниш бўлса, тугал берсан, деб туриб олибди.* Ҳ. Шамс, Душман. *Домланизни шундоқ катта профессор қилиб, обрў, уй-жойларимиз тугал бўлганда, шуларни ташлаб кетиб қоламанми, деб кўрқаман.* Мирмуҳсин, Умид.

**Тўрт кўз тугал** Ҳамма жам ҳолда, биргалиқда. [Чўпон:] *Кўй, мол кетса кетсин, бош соғ бўлса, топармиз. Кўй, тўрт кўз тугал ўй олганимиз анча ғаниматдир.* Ҳамза,

Майсаранинг иши. *Вақти билан тўрт кўз тугал бўламиз.* Шуҳрат, Жаннат қидирганлар.

**ТУГАЛЛАМА** ад. Сюжетнинг ечимдан кейин келадиган ва персонажларнинг охириги тақдири ҳақида ҳикоя қилинадиган хотима қисми.

**ТУГАЛЛАМОҚ 1** Охирига, якунига етказмоқ, битирмоқ, тугатмоқ. *Ишни тугалламоқ. Қурилишни тугалламоқ. Чигит экишни энг қулай агротехник муддатларда тугалламоқ.* ■ *Институтни тугаллаганида, у [Умид] рус тилида авло, тўжис гаплашарди.* Мирмуҳсин, Умид.

**2** Истеъмол, сарф билан тамом қилмоқ; тугатмоқ. *Пулини тугалламоқ. Ҳамма нарсасини тугалламоқ.*

**ТУГАЛЛИК** Тугал ҳолатдалик, тугал ҳолатга эгалик. *Фикрнинг тугаллиги. Асарнинг тугаллиги.* ■ *Ўзбек мусиқасида кўп жанр ва шакллар мавжуд. Хусусан, мусиқий достонлар — мақомлар ўзига хослиги билан ажралиб туради. Мақомлардаги мукамаллик, тугалликни айтмайсизми!* Ҳ. Носирова, Мен ўзбек қизиман.

**ТУГАЛМОҚ** айн. **туғамоқ.** *Дарахтлардаги сариқ барглар тўкилиб тугалган, ер юзи ўзининг қишки сариқ кийимини кийган эди.* А. Қодирий, Ўтган кунлар. *Вақтсиз тугалди бебаҳо умринг.* Ғайратий.

**ТУГАМОҚ 1** Охирига, ниҳоясига етмоқ, тамом бўлмоқ. *Савол-жавоб тугади. Мажлис тугади. Чоқиқ тугади.* ■ *Ўқиш тугармиди? Ўла-ўлгунча ўқиш керак.* Уйғун, Навбаҳор. *Ўзбек ойимнинг гапи тугамасдан, Кумуш яна жомга интилди.* А. Қодирий, Ўтган кунлар. *Вой, иш ўлсин, уй иши тугайдими?* С. Зуннунова, Янги директор. *Сафар тугаб, қайтиши вақти ҳам етиб келди.* Н. Орифжонов, Шонли авлод. *Бомдод намози тугаган шекилли, тўп-тўп одам кела бошлади.* С. Сиёев, Ёруғлик.

**2** Ўтиб кетмоқ, ўтмоқ. *Қиш тугади. Вақт тугади.* ■ *Октябрь ойи ҳам тугади, ўрик япроқлари совуқда ўйнаган ёш боланинг лўппи юзидай қизарди.* М. Исмоилий, Фарғона т. о.

**3** Ишлатилиб, сарфланиб тамом бўлмоқ. *Қудуқнинг суви тугади. Овқат тугади. Кучқуввати тугади. Давлат тугар, билим тугамас.* Мақол. ■ *Корсондаги қимиз тугаб, шўрва ҳам ичилди.* А. Қодирий, Ўтган кунлар. *Ҳаш-паш дегунча дастурхондаги бурда*

*нонлар тугаб, болалар дарвоза томон чопишди.* С. Кароматов, Олтин қум. *Аҳмад чўнтагини титкилаб кўрса, сигарети тугабди.* Ф. Мусажонов, Ҳиммат.

**4** Якун топмоқ, тамом бўлмоқ, ўтмоқ (вақт, муддат, макон ва ш.к. ҳақида). *Вақтим тугади. Ёзги таътил тугади.* ■ *Сумбула тугаб, куз бошланаётган эди.* Ф. Мусажонов, Ҳиммат. *Биринчи смена тугай деб қолганда, Саодатхон райондан қайтди.* С. Зуннунова, Янги директор. *Сайҳонлик тугаб, туташ боғлар кўринди.* С. Сиёев, Ёруғлик. *Йул тугар-у уйига кирар Қиз зангори эшикни очиб.* Х. Даврон.

**5** Бирор натижа билан якунланмоқ, натижаланмоқ. *Хўш, чекиш нима билан тугайди?* Газетадан. *Искандаровнинг биринчи муомаласиданоқ Ёдгор иш яхшилик билан тугамаслигига ақли етди.* Ў. Ҳошимов, Қалбингга қулоқ сол. *Ишнинг яхши бошланиши унинг муваффақиятли тугашидан далолат беради.* Газетадан.

**6** Барҳам топмоқ, йўқ бўлмоқ. *Саводсизлик тугади.* ■ *Олдинги арава харсанг ётқизилган йўлдан тупроқ йўлга ўтиб, қалдираш тугагач, аравакаш орқасига — Меъморга қараб қўйди.* Мирмуҳсин, Меъмор.

**7** кўчма Сафдан чиқмоқ, тамом бўлмоқ, ўлмоқ. *Эримбет кўкрагини чангаллаб турарди: «Мана энди Жапақ тугади! Мунча секин юради бу?»* А. Мухтор, Қорақалпоқ қиссаси.

**ТУГАНАК** Ўсимлик илдизпоясининг ер остидаги йўғонлашган қисми; илдизмевали ўсимликларнинг ҳосили, тугунак. *Картошка, аслида, ўсимлик ер ости новдасининг ўсиб, катталашган туганакдир.* «Фан ва турмуш». ..руяннинг туганакларида ҳосил бўлган кислота тошни эритиш қобилиятига эга. Газетадан.

**ТУГАНМАС** Сира ҳам тугамайдиган, битмас-туганмас. *Туганмас бойлик.* ■ *Уйлаб турсам, сув асло туганмас куч экан.* Ойбек, О.в. шабадалар. *Дунёда туганмас, ўзгармас нарса йўқ.* М. Исмоилий, Фарғона т. о. *..жаҳонга таралган шуҳрати.. туганмас ғайрат ва шижоатларининг сир-асрори ни-мада экан?* Н. Сафаров, Оловли излар.

**ТУГАТМОҚ 1** Тугамоқ фл. орт. н. *Ишни тугатмоқ. Камчиликларни тугатмоқ. Саводсизликни тугатмоқ.* ■ *Домла сабоқни тугатиб, энди ўрнидан кўзгалмоқчи бўлиб турганда, Фуломжон савол бериб қолди.* М. Ис-

моилий, Фаргона т. о. *Мадамин салкам бир лаган ошни бир неча олишда тугатди.* П. Турсун, Ўқитувчи. *Кумушбиби хатни ўқиб тугатди-да, юзурганича уйига кириб кетди.* А. Қодирий, Ўтган кунлар.

**2** Маълум муддатли иш, фаолият жараёнини ижобий натижа билан якунламоқ; тамом қилмоқ. *Юрагимиз ҳамоҳанг, мақсадимиз бир бўлганидан олий ўқув юртини тугатишимиз билан тўйимиз ҳам бўлди.* «Муштум».

**3** Ишини, фаолиятини тўхтатиб, йўқ қилмоқ. *Артелни тугатмоқ.* ■ *Табиий офат оқибатларини тугатиш юзасидан шошилинич чора кўрилди.* Газетадан. *Шарқий Бухорода Анвар бандасини тугатишда қатнашиб қайтган бир аскар уйига келиб қараса..* А. Қаҳҳор, Қўшчинор чироқлари.

**Ишини тугатмоқ** Саранжом қилмоқ, йўқ қилмоқ; ўлдирмоқ. *Ботир яна абжирлик қилиб, унинг белига қилич солиб, ишини тугатибди.* «Чалпак ёққан кун».

**ТУГМА 1** Кийим, ғилоф ва ш.к. нинг четига қадаладиган, одатда тўгарак шаклидаги тутқич. *Садаф тугма. Кўйлак тугмаси. Тугма қадамоқ.* ■ *Ҳаво ҳали исимаган бўлса ҳам, хомсемиз ҳоким формасининг кўкрак тугмаларини ечиб ташлаб, елтинишга тутинди.* М. Исмоилий, Фаргона т. о. *Кийимга қадаладиган тугма тез узалиб кетмасин десангиз, уни шамга ишқаб олинган ипда тикинг.* Газетадан.

**2** Улагич кнопка. *Қудрат кўнгироқ тугмасини босди.* М. Исмоилий, Фаргона т. о. *Саттор лифтнинг пастга олиб тушадиган тугмасини босмоқчи эди..* П. Қодиров, Эрк. *Ҳамшира чиқиб кетгач, Аҳмедов столининг бурчагидаги тугмасини босди.* Ҳ. Нуъмон, Фасллар.

**ТУГМАГУЛ** айн. **тугмачагул.**

**ТУГМАДОР** Кўп тугма қадалган; сертугма. *Биринчисининг устида зарбоф чопон, белини олтин камар билан боғлаган, бошқаси эса оддий тугмадор камзул, бошига попоқ, оёғига қўпол сағри этик кийган эди.* М. Осим, Зулмат ичра нур.

**ТУГМАЛАМОҚ** Кийим, ғилоф ва ш.к. нинг тугмасини солмоқ, қадамоқ. *Кўйлакнинг ёқасини тугмалаб олмақ. Ёстиқ жилдини тугмаламоқ.* ■ [Тоғача] *Ҳамиша ёқаси тугмаланган яшил китель, чўнтагидан пасти*

*қизил ҳошияли кўк ғалифе шим, қизил чарм этик кийиб юради.* С. Кароматов, Ҳижрон.

**ТУГМАЛИ** Тугмаси бор, тугма қадаладиган. *Атлас кўйлак энини Тугмали қил энгини.* «Кўшиқлар».

**ТУГМАЧА** Кичкина тугма. *Садаф тугмача. Кўйлак тугмачаси.* ■ *Кўчада ётган эски тақа, занлаган миҳ, тугмача, шунга ўхшаш бало-баттарга кўзи тушса, дарров олар эди.* Ойбек, Танланган асарлар.

**ТУГМАЧАГУЛ** бот. **1** Ёввойи гулхайри ва унинг гули.

**2** Майда оқ гулли ўтсимон манзарали ўсимлик ва унинг ҳидсиз гули.

**ТУГМАЧАДАЙ**, -дек Кичкинагина; бежиримгина. *Тугмачадай қиз.* ■ *Какликнинг қип-қизил тугмачадек кўзлари жавдирарди-ю, ҳеч нарсани кўрмасди.* С. Анорбоев, Оқсой.

**ТУГМОҚ 1** Тугун солмоқ; тугун солиб уламоқ, боғламоқ. *Рўмолнинг учини тугмоқ. Иннинг икки учини тугиб боғламоқ.* ■ *Сочин тугиб, саллани ўрай берди бошига.* «Ойсулув».

**2** (ж. к. билан) Ўраб боғламоқ, бўғчаламоқ; ўраб, тугун солиб жойламоқ. *Дастурхонга нон тугмоқ. Белга (белбоққа) пул тугмоқ.* ■ *Кейин сандиқни очиб, бисотидан бир кийимлик чит олди-да, баркашининг устига қўйиб, дастурхонга тугди.* Т. Алимов, Совға. *Нодир индамай ўрндан турди. Ойиси рўмолчага нон, мева-чева тугди.* С. Юнусов, Кутилмаган хазина.

**3** Четларини ёпиштириб ясамоқ, тайёрламоқ (чучвара, сомса ва ш.к. ни). *Манти тугмоқ. Сомса тугмоқ.* ■ *Дугоналар иш билан банд бўлишди: бири патир ясади, бири сомса тугди.* Ҳ. Ғулом, Тошкентликлар. *Гўшти, хамири тайёр, мантини ўзингиз тугиб юборинг, иним, чаққонсиз, ҳар ишга қўлингиз келиша қолади.* Ойбек, Улуғ йўл. *Келин шундай митти чучвара тугадики, унинг тўрттаси битта қошиққа сиғади.* Газетадан.

**Муштини тугмоқ** Бармоқлари учини кафт ичига олмақ, кафт ичида бишлаштирмоқ. *Худди бокс тушадигандай муштини тугиб, тирсагини чиқариб, семиз гавдасини полвонларча лапанглатиб юради.* Ҳ. Назир, Ёнар дарё. -*Бари бир топажакман!* – муштини тугиб, осмонга ўқталди Эшжон. С. Сиёев, Ёруғлик.



**4 кўчма** Йиғмоқ, тўплаб ғамламоқ. *Топганини тугади.* ■ Аёллар кўз ёши тўкиб, бу хонадонда ҳамма нарса бор, фақат тўй этишмади, боёқши йиғди, тугди, эссиз, келин кўрмай кетди, деб афсусланишган эди. С. Нуров, Нарвон. *Топганимни шунга тугиб кўйиб, ўзим бола-чақа билан нўстакнинг жунини ейман.* А. Қаҳҳор, Тобутдан товуш.

**5 бот.** Ҳосил нишонасини бермоқ, мева солмоқ. *Олча ғуж-ғуж тугибди.* ■ Бу вақт кўклам келиб, ҳамма ёқни яшил либос билан безаган, гуллар ғунча тугиб, ариқчаларда сувлар ҳайқириб оққан, дов-дарахтлар томирига жон кирган пайт. Ж. Абдуллахонов, Тўфон. *Бу орада дарахтлар гуллаб, мева туга бошлади.* С. Нуров, Нарвон.

**Думини тугмоқ** қ. дум. *Шундан кейин қурилиш раҳбарлари уларнинг думларини тугиб, «униси бўлмаса, буниси», деб яна бошқа шунга ўхшаш кишиларни таваккал қилиб ишга олиша беради.* «Муштум». **Кўнгилга** (ёки дилга, қалбга, юракка, кўкракка) тугмоқ 1) кўнгилга сақламоқ, ёдда тутмоқ; унутмай йиғиб юрмоқ. *Кўнгилмга тугиб юрган гапларимни бугун сиз билан очиқ гаплашмоқчи эдим.* П. Турсун, Ўқитувчи. *У ҳамқишлоқ дугоналарининг энг ширин тилаklarини, энг азиз туйғуларини дилига тугиб, ардоқлаб бормоқда.* А. Мухтор, Опа-сингиллар; *Улуғ ишга бўлсин деб ҳисса, Қалбга тугиб иштиёқ, ҳавас.. Сайёр. Утар бобонинг кўпдан бери кўнглига тугиб юрган бир нияти бор эди.* С. Сийёев, Аваз. *Кўкракига туккан нияти менга маълум, Йўлчибой!* Ойбек, Танланган асарлар. *Бунинг устига уста мутахассислар хузурига юрагига тугиб кўйган бир фикрни айтиб, маслаҳат олиш учун ҳам борган эди.* Ш. Рашидов, Бўрондан кучли; 2) ният қилмоқ. *У [Ҳайдар] Анорхонга нимадир совға қилишни кўнглига тугиб кўйган.* И. Раҳим, Ихлос. *«Энди Раззоқвойнинг бошини иккита қилиб қўйсак ҳам бўларди», деб орзу қилди чол ва ўғли билан бу ҳақда бафуржа гаплашишни дилига тугиб кўйди.* Ҳ. Фулом, Машғал.

**ТУГРИК** [мўғ. түгрүк – доира, тўгарак] Мўғулистон (Монголия) нинг асосий пул бирлиги.

**ТУГУК** Тугилган, тугиб кўйилган. *Учи тугук арқон.* ■ *Дарёда юзган қайиқми? Сенинг белбоғинг тугукми?* Пўлкан, Ҳасан батрак. *Одам қадри магар буюкдан-буюк,*

*Лекин қай дилларда маломат тугук.* А. Орипов.

**ТУГУКЛИК** айн. тугук. *Бу одамнинг белида гавҳар тугуклик бўлса керак.* Ойбек, О.в. шабадалар. *Уларнинг сўзи шу ерга етганда, рўмолда тугуклик бир нарса кўтарган ҳолда, Сайфи кириб келди.* А. Қодирий, Утган кунлар.

**ТУГУЛ** инкор-таъкид юкл. Нарса, кимсанигина эмас, балки..; у ёқда турсин, ҳатто.. *Сендан молим тугул, жонимни ҳам аямайман.* ■ *Яроқ тугул, йўқ кўлинда таёғинг.* «Нигор ва Замон». *Кунлар исиб, дарё тугул, денгизнинг ҳам тавсири бўлмай қолди.* М. Муҳамедов, Қаҳрамон изидан. *Жон шунақа ширин нарсаки, ошна-оғайни тугул, отанадан тондиради!* Шухрат, Олтин зангламас.

**ТУГУН 1** Арқон, ип, лента ва ш.к. нарсаларнинг боғлаб уланган, тугилган жойи. *Арқоннинг тугунини ечмоқ. Ипнинг учига тугун солмоқ. Ботинканинг ипига тугун тушиб қолибди. Галстукнинг тугуни чиройли чиқибди.* ■ *Узилган ип қайта уланса ҳам, тугуни қолади. Юрак ип эмаски, қайта уланса.* А. Эшонов, Бир оғиз сўз. *Костюмни ечиб, кўрпачага ташладим, галстукнинг тугунини бўшатдим.* С. Сийёев, Ёруғлик.

**2** Ўраб, бўғчалаб боғланган нарса; бўғча. *Адолат бошидаги тугунни, орқасидаги қопчигини ерга қўйиб, Шакархонга қаради.* И. Раҳим, Чин муҳаббат. *Узоқда, сийрак дарахтлар билан қопланган қияликда қоп ва тугунлар орқалаган икки аёл ва бир чолнинг қораси кўриниб қолди.* Ойбек, Қуёш қораймас. *Қамбарали ака тугунни ечди, бир даста нуқул юз сўмлик пулни кўриб, кайфи учиб кетди.* А. Қаҳҳор, Қўшчинор чироқлари.

**3** кўчма Киши тана аъзосида ёки бошқа нарсада ҳосил бўлган тугунга ўхшаш нарса (қ. **тугун 1**). *Дарё қисқичбақасининг нерв системасида, чувалчандаги сингари, йирик ҳалқум устки тугуни бўлади.* «Зоология». *Нерв тугунлари – ўзаро бириккан нейрон таначаларининг тўпламидир.* «Одамнинг анатомияси ва физиологияси».

**4** кўчма Умуман, ҳал этилмай, очилмай, ечилмай, «тугун ҳолда» бўлган нарса. -*Мунозаралар вақтида кўп мушкул тугунлар очилиб, ноаниқ масалалар ҳал этилмай, – деди аллома бошини кўтариб.* М. Осим, Ибн Сино қиссаси. *Менинг хавотир олган жойим*

шуки.. бу воқеалар тугуни бир калладан чиққанга ўхшайди.. А. Мухтор, Опа-сингиллар. Акбаров, Эшонбоев, Ҳакимов муаммоси кўнглида тугун бўлиб турар эди, энди бунга Гавҳар орқали Тошев муаммоси ҳам қўшилиб, тугун янада чигаллашди. П. Қодиров, Уч илдиэ.

**Тугун оши дин.** Одатда, худойига қилинадиган чучварали угра оши, суюқ ош. **Хом тугун этн.** Қизни йигитга унаштириш учун биринчи марта олиб бориладиган нарса-совғалар.

**5 ад.** Бадиий асарда воқеанинг ривожлана бошлашига сабаб бўлган воқеа, ҳодиса. *Келинг, арқонни узун ташлаб, сабрга эрк берайлик яна. Зотан, ҳар бир асарнинг тугуни билан бирга ечими ҳам бор-ку?* Ж. Абдуллахонов, Тўфон. *Ойқизнинг психологик ҳолати роман марказида турган муҳим тугунки, унинг ечими учун Ойқиз типидаги.. бошқа бир шахс.. иштироки талаб қилинарди.* «ЎТА».

**ТУГУНАК** қ. туганак.

**ТУГУН-ТЕРСАК** Ҳар турли катта-кичик тугун, бўғча. *Тугун-терсак кўтарган хотинлар.*

**Кўтар тугун-терсагинни** Лаш-лушларингни йиғиштириб жўнаб қол.

**ТУГУНЧА 1** Тугун с. кичр. *Улар боққа чиқиб, тўкилган ёнғоқларни териб турганда, Жонузоқ оқсоқол қайтиб келди. Унинг қўлида кичкина тугунча бор эди.* С. Анорбоев, Оқсой. [Аҳмад] *Ҳар бир эшитган нарсасини билиб олишга интилаганидан, унинг сийрак қошлари ўртасида тугунча ҳосил бўлган.* Ҳ. Назир, Сўнмас чақмоқлар. *Бу ҳолатни тўйиб кўрдим-да, Ечиб солдим дил тугунчасин.* Сайёр.

**2 бот.** Гулда уруғчининг остки қисми, уруғдон (чанглангандан кейин мева, унинг ичида уруғ ҳосил бўлади). *Минерал ўғитлардан самарали фойдаланиб, катта майдонларда ҳосил тугунчаларининг кўпайишига эришиш мумкин эди.* Газетадан.

**ТУГУНЧАК** кам қўлл. айн. **тугунча.** *Ҳўжайин тугунчакни ечиб, дераза томонга ўтди.* Ойбек, Танланган асарлар. *Нури юпқа, енгил рўмол учидаги тугунчакни ечиб, букланган қоғоз чиқарди.* Ойбек, Танланган асарлар.

**ТУГУНЧАЛАМОҚ** Тугунча ҳосил қилмоқ (қ. **тугунча 2**). *Агар ғўзамиз яна икки сув*

*ичса, бас. Пахтамыз яхши тугунчалайтми.* Газетадан.

**ТУГУНЧИ** «Фалончи» сўзи билан бирга қўлланиб, номаълум (кимлиги аниқ бўлмаган) шахсга ишора қилади. *..фалончи бундай деган, тугунчи ундай деган, деб кўпгина содда кишиларни йўлдан уришарди.* Н. Фозилов, Дийдор.

**ТУДОҚ** с. т. Тувдоқ, тувалоқ.

**ТУЁҒ 1** Баъзи сугэмизувчи ҳайвонларнинг оёқ учидаги, шохсимон модладан тузилган таянч қисми. *Отнинг туёғи. Туёқ товушлари.* ■ *Лойи кўприб ётган йўлда от тақалари, мол туёқларидан ҳосил бўлган чуқурчаларни лиммо-лим тўлдирган сарғиш зардоблар жимираб, ёни-веридан сирқиб ётарди.* П. Турсун, Ўқитувчи. *От, эшак, мол туёқларининг тапир-тупури босилди.* С. Анорбоев, Оқсой.

**2** кўчма с. т. Уй ҳайвони, мол. *Николай замонида остонам туёқ кўрмаган.* Ойбек, О. в. шабадалар. *Чорвам бор десам дегундай.. бу йил яна туёқ сотиб олдик.* И. Раҳим, Ихлос.

**3** Бош (молларнинг сони ҳақида). *Чорва туёғи кўпайди, молларнинг наслини яхшилаш, қишлоғга пухта тайёргарлик кўриш масаласида ҳам анчагина ишлар қилинди.* А. Раҳмат, Эллик бир баҳодир.

**4** кўчма Зурриёт, тирноқ. *Сиз ҳурматлиларга маълумдир, бизнинг шул Отабекдан ўзга фарзандимиз бўлмай, дунёда ўзимиздан кейин қолдирадиган туёғимиз ва кўз тиккан орзу-ҳавасимиз.. фақат шул Отабекдир.* А. Қодирий, Ўтган кунлар.

**ТУЁГИНГНИ ШИҚИЛЛАТ** Жўнаб қол, кет. *Қани, туёгингизни шиқиллатиб қолинг!* Ҳ. Фулом, Машғал. **Ҳўкизнинг шохига урса, туёғи зирқирайди** Кимсага айтилган қаттиқ гап унинг яқинларига ҳам тегади.

**ТУЁҒЛИ** Туёғи бўлган. *Айри туёқли ҳайвонлар. Тоқ туёқлилар. Жуфт туёқлилар.*

**ТУЖЖОР** [а. تَجَار — «тожир» с. нинг кўпл.: савдогарлар, тижоратчилар] эск. кт. Савдогар. *Гуё дунёдаги жами бозорлар Шаҳристонга кўчиб келган-у, аҳли тужжорлар молини пулга чақишга ошиқарди.* С. Кароматов, Сўнгги бархан. *Аъло ҳамкасбларимиз ичидан.. қилни қирқ ёрадиган тужжорлар етишиб чиқди.* Газетадан.

**ТУЖУРКА** [р. < фр. toujours — доимо, ҳамиша: кундалик кийим] Одатда икки бортли эркакча устки калта кийим; калта

куртка. *Сергей наган осифлиқ йўғон камарини тужуркаси устидан тортиб боғлаётганда, кўча томондан бир аёл, бир эркак товуши эшитилди.* Х. Гулом, Машғал.

**ТУЗ I I** ким. Молекулалари таркибига кислота қолдиғи билан боғланган металл атомлари кирган мураккаб моддалар. *Туз организмнинг тузилиши учун, унда модда алмашишининг тўғри бориши учун зарурдир.* Н. Исмоилов, Касалларни парвариш қилиш. *Тупроқ шўрланиши жараёнида кўпроқ хлор ва сульфат тузлари тўпланади.* «Фан ва турмуш».

**2** Шу бирикманинг овқат учун ишлатиладиган бир тури (натрий хлорид). *Ош тузи. Қоратикан туз. Майда туз. Йирик туз. Ошга туз солмоқ. Таом – туз билан, туз – ўлчови билан.* Мақол. ■ *Хосият хола олови анча пасайиб қолган ўчоқ ёнига бориб, тувоқни кўтарди-да, ошнинг таъмини кўриб, бир чимдим туз ташлади.* Р. Файзий, Чўлга баҳор келди. *Ёрни гўзал дема, оқил сўзи бўлмаса, Топли бўлмас таом, агар тузи бўлмаса.* Ё. Мирзо.

**Тузини кўрмоқ** 1) намагини чучмал, расо ёки шўр эканлигини билиш мақсадида тотиб кўрмоқ. *Шўрванинг тузини кўрмоқ;* 2) кўчма емоқ, тотмоқ. *Кечаги ошнинг тузини ҳам кўрмадим.* **Ярасига туз сепмоқ қ. сепмоқ.** *Шерали унинг ярасига туз сепмаслик учун гапни бошқа ёққа бурмоқчи бўлди.* С. Кароматов, Олтин қум.

**3** Умуман, овқат, егулик-ичгулик нарса. *Жазирама кунларда тонг саҳардан кечқурун қоронғи тушгунча туз тотмай оч юриш кўп одамнинг силласини қуритарди..* П. Қодиров, Юлдузли тунлар. *Чой ичмадим, ичимга туз ҳам кирмади.* Ойбек, Танланган асарлар.

**4** кўчма Кимсанинг бошқа одамга берган, едирган-ичирган (еган-ичган) овқати. *Туз бермоқ. Тузини емоқ (ичмоқ).* ■ *Босган отасин юзини, Андиша қилмай тузини.* «Эрали ва Шерали». *Йўқ, тузим, ноним сени қутуртирган.* Ойбек, Танланган асарлар. *Мен сизга уй бердим, вақтида туз бердим, пешонангизни силадим.* А. Қаҳҳор, Қўшчинор чироклари. *Шу кампирнинг.. тузини кўп едик.* «Равшан». *Хўш, нима бўпти? Ахир туз ичган жойингнинг фарзанди-ку.* «Бир кун туз ичган ерга қирқ кун салом», деганлар. П. Турсун, Ўқитувчи.

**Туз(им) кўр қилгур қарғ.** Нонкўрлик қилган кишига қарата айтиладиган ибора. *Одамгарчиликни ҳам билмади бу туз кўр қилгур!* А. Қодирий, Мехробдан чаён. **Туз ялаб** *Ҳеч нарса емай-ичмай, қоринни жуда-жуда очқатиб, оч ҳолда.* *Хатиб домла панжшанба кунидан туз ялаб, зиёфатга боришга ҳозирланади.* А. Қодирий, Обид кетмон. **Тузини ичиб, тузлуғига тупламоқ (ёки тупурмоқ)** Нонкўрлик қилмоқ, нонтепкилик қилмоқ, яхшиликка ёмонлик қайтармоқ. *Сендақа, ҳукуматнинг тузини ичиб, тузлуғига туплайдиган нонтепки керак эмас.* С. Аҳмад, Ҳукм. **Тузини оқламоқ (ёки ҳалолламоқ)** Кимсанинг берган ош-тузи, боққани, парвариш қилгани зое кетмаганини исбот қилмоқ, яхшиликка яхшилик қайтармоқ. *Сенга мен камтарин фарзанд эрурман.. Улуғ бурчим – тузингни оқламоқдур.* Ҳабибий. **Тузини тотмоқ** 1) айн. **тузини кўрмоқ** 1 қ. **туз I 2;** 2) мазасини кўрмоқ, таъмини тотмоқ. *Ўзинг ҳам қаландар нонининг тузини тотиб қол.* С. Айний, Қуллар.

**5** кўчма Мантиқ, маъно, мазмун. *Эси бор билади гапнинг тузини.* «Алпомиш». *Ийийи, бу ойимчанинг гапида туз борми ўзи?* И. Раҳим, Чин муҳаббат. *Сўзингда туз бор.* *Нафсиламрда, фашист баччагар жуда бинсоф..* Ойбек, Кўёш қораймас.

**ТУЗ II 1** Текис ер, кенг текислик. *Туганмас конимиздир тоғ билан туз.* Ҳабибий. *Йўл юрамиз қумлоқ, сувсиз тузларга..* «Ҳасанхон».

**2** Фойдаланилмай ётган ер, бўз ер, кўриқ. *На қилат этан бир шамол, На уйғоқдир дала, туз.* Шуҳрат.

**ТУЗ III [р] карт. 1** Ўйин турига қараб энг катта ёки бир очко (бир хол) қийматга эга бўладиган карта. *Қузир туз. Фиштин туз. Валетни туз билан босмоқ.*

**2** (эгаллик аффикси билан) кўчма Бирор нарсанинг энг сараси, энг юқори даражалиси, олий мақомлиси. *Аёллар орасида суҳбатнинг «туз»и қурилиш эди.* Ойбек, О.в. шабадалар. *Мен айтмоқчиманки, тўртала тузнинг ҳаммаси ўзингизда.* А. Муҳтор, Туғилиш.

**ТУЗАКЛИ** Саранжом-саришта қилинган, тузалган, тузатилган, безатилган. *Тузакли уй. Тузакли дастурхон.*

**ТУЗАКСИЗ** Саранжом-саришта қилинмаган, тузалмаган, тузатилмаган, безатил-

маган. *Фуломжон Ҳаётнинг безаксиз, тузаксиз ҳам тароватли, ҳароратли юзини кўриб, бир хил бўлиб кетди.* М. Исмоилий, Фаргона т. о.

**ТУЗАЛМОҚ I I** Касалликдан, хасталикдан халос бўлмоқ, соғаймоқ, шифо топмоқ. *Бемор тузалди. У курортдан анча тузалиб қайтди.* ■ [Курбон ота] *Касалхонада яқин икки ой ётиб, оёқлари тузалди, ўзи жуда тетикланди.* А. Қаҳҳор, Тўй. *Дорим билан тузалиб кетганлар мени «доктор опа» деб эслари кетишади.* М. Исмоилий, Фаргона т. о.

**2** Битиб кетмоқ, йўқ бўлиб кетмоқ (яра, чипқон, жароҳат ва ш.к. ҳақида). *Ярам тузалиб қолди. Тиг яраси тузалар, тил яраси тузалмас.* Мақол. ■ *То яра тузалгунча, у эрка ва иззатли меҳмон..* Ойбек, Кўёш қораймас.

**3** Бузуқ ҳолдан фойдаланишга, ишлатиш учун яроқли ҳолга келмоқ. *Кўчадан жуда тўйдим, Қачон тузалар экан.* «Муштум». *Сиз ҳам нонуштани машина тузалгандан кейин қиласиз!* «Муштум».

**4** Камчиликлари, нуқсонлари баргараф этилиб, тўғри, дуруст бўлиб қолмоқ, яшиланмоқ. *Аҳвол тузалди. Тузалмас хато.* ■ *Абдураҳмон.. яна икки йил мадрасада туриб, шу тузалган ахлоқини «камолотга» эриштирди.* А. Қодирий, Меҳробдан чаён. *Эрлар билан меҳнатга Отганлар қулоч. Турмушлари тузалиб, Топганлар ривож.* Файратий. «*Ёзувим тузалапти, мана кўринг», дейман.* Ҳ. Назир, Ёнар дарё.

**5** Ёмон, нотўғри, ножўя йўлдан қайтмоқ, ахлоқий нуқсондан халос бўлмоқ. *Танқиддан сўнг у анча тузалди.* ■ *Хўш, у [Йўлчи] тентакни қутқариб нима қиласан, жиян? У тузалмайди.* Ойбек, Танланган асарлар. *Сиз ҳам ёт эрка. Сиз мендан нима кутасиз, маълум; бу ердан қочсам, тузалардим, балки..* Ойбек, Танланган асарлар.

**ТУЗАЛМОҚ II** **Тузамоқ 1, 2** фл. мажҳ. н. *Тузалган стол. Тузалган дастурхон.* ■ *Дастурхончи тузалган бир патнис олиб кириб қўйди.* Ойбек, Улуғ йўл. *Жой тузалди сизнинг учун, бегижон, Туринг бегим, ичкарига кирамиз.* «Гулихиромон».

**ТУЗАМОҚ I** Патнис, дастурхон, стол ва ш.к. ни ноз-неъматлар билан безамоқ, ясатмоқ. *Бегимхон.. дугонасини кўрпачага ўтқизди-да, патнис тузаб келди.* И. Раҳим, Чин муҳаббат. *Камолиддин маҳдум.. дастур-*

*хон тузашни Асад қорига буюрди.* М. Исмоилий, Фаргона т. о. *Қари келса — ошга, ёш келса — ишга. Иккаламиз стол тузар эканмиз.* Н. Сафаров, Ҳаёт мактаби.

**2** Саранжом-саришта қилмоқ, шинам қилиб жиҳозламоқ, ясатмоқ. *Ўғлим ағло ўқир деб, Севиб ота-онаси, Атайлаб ўзига хос Тузаб берган бир уйча.* Қ. Муҳаммадий. [Шералихон отларни] *Қушдай қилиб тузаб, зар қуббали зумрад эгарни солди.* «Эрали ва Шерали».

**Ўзини тузамоқ шв.** Ўзини тузатмоқ, тартибга солмоқ; шайланмоқ, тайёрланмоқ, ҳозирланмоқ. *Ҳасан мард буни кўриб, кўзи ёшга тўлиб, жазавалари қўзғалиб, полвонлик томирлари уйғониб, ўзини тузаб тезланаверди.* «Равшан».

**3 шв.** Адо этмоқ, бажармоқ, ўтамоқ. *Бир шартга буюрди ул қоши қаро. Тузамоққа мен Ёвмитга бораман.* «Нигор ва Замон». *Кундан-кун бачалар ишни тузаб, жуда яхши меҳмонхоналар солди.* «Юсуф ва Аҳмад».

**ТУЗАТИНМОҚ** Ўзини, усти-бошини, соч-соқолини тартибга солмоқ. *Ҳасанали тузатиниб олди ва ичкарига кирди.* А. Қодирий, Ўтган кунлар. *Султонов қабулхонадаги ойнага қараб, тузатиниб олди-да, министр кабинетига кирди.* «Муштум».

**ТУЗАТИШ I** **Тузатиш** фл. ҳар. н. Камчиликларни тузатиш. *Ўзини тузатиш. Юриш-туришини тузатиш.* ■ *Баъзан у кун бўйи хонасидан чиқмай, тахта қоғоздаги чизиқлар устида ўйлар, чизмаларнинг камкўстини тузатиш билан кунни кеч қилар эди.* Мирмуҳсин, Меъмор.

**2** Яхшилаш ёки тўғрилаш мақсадида ўзгартириш, ўзгартма, тузатма. *Луғатга илова қилинган тузатишлар. Қарорга киритилган тузатишлар.* ■ *Хатдан мамнун бўлди шеклли, тузатиш киргизмай, яхтак чўнтагига солиб қўйди.* Ойдин, Ҳикоялар.

**ТУЗАТМА** айн. **тузатиш 2.** *Қарорга тузатма киритмоқ.*

**ТУЗАТМОҚ I** Саранжом-саришта қилмоқ, тартибга солмоқ. *Нури хўрсинди, сочларини, ғижим рўмолини тузатди.* Ойбек, Танланган асарлар. *Мастура опа ана шу хаёллар билан уйга кириб.. ё тарелканинг ўрнини алмаштиради, ё стулни тузатиб қўярди.* Р. Файзий, Шоҳи дарпарда. *Водопровод ўтказамиз, деб қазиб кетишган эди, бир йил бўлди, тузатмайдилар.* С. Сиёев, Ёруғлик.

2 Бузилган, ишдан чиққан нарсани тикламоқ, фойдаланишга, ишлатишга яроқли ҳолга келтирмоқ. *Кеча бир кампир телевизорни қолдираётиб, тезроқ тузатиб беринглар.. деб илтимос қилган. Т. Ашуров, Оқ от. Тегирмони бузилиб кетган экан, тузатди... А. Қаҳҳор, Асрор бобо. Лоақал ўн беш сўм турадиган қовунни тўрт ярим сўмга сотсин, бунга ҳам бировнинг аравасини тузатишга тўласин. Ойбек, Танланган асарлар.*

3 Баргараф қилмоқ, тўғриламоқ. *Хатони ўзлари қилиб, тузатишни сиздан талаб қилсалар, инсофданми ахир! Ш. Рашидов, Бўрондан кучли. Айбни ўзим қилдим, ўзим тузатишим керак! Ў. Ҳошимов, Қалбингга кулоқ сол.*

4 Нуқсон-камчиликларни йўқотиб яхшиламоқ, дурустламоқ. *Талаффузни тузатмоқ. Аҳволни тузатмоқ. ■ Кичик бир мастер бўлиб чиқарди отин, Тузатди кундан-кунга рўзғор ҳаётин. Ғайратий. Майли, сизлар яшанглар, замонни тузатинглар. Ойбек, Танланган асарлар. -Камчиликни тузатиш мумкин! -Албатта мумкин, Тўлқинжонни ҳам тузатиш мумкин. Ф. Мусажонов, Ҳури.*

5 Касалликдан, хасталикдан халос қилмоқ, даволамоқ, шифоламоқ, шифо бермоқ, касалини аритиб соғайтирмоқ. *Ибн Синога касалнинг жони чиқмаган бўлса, бас экан, тузатар экан. Ойбек, Танланган асарлар.*

6 с. т. Гап билан бошламоқ, қаттиқ изза қилмоқ, уялтирмоқ. *Юзма-юз туриб, Шайхулло домуллани шундай тузатдики, ер ёрилса, кириб кетгудай бўлди. Ш. Тошматов, Тонгдаги кўланка.*

7 айн. **тузамоқ 1.** *Ҳанифа айвоннинг тахмонидоги янги кўрпачаларни хонтахта атрофига ёзди, дастурхон тузатди.. Ҳ. Фулом, Феруза.*

**ТУЗДОН 1** Туз солиб, дастурхонга қўйиладиган кичкина идиш.

2 айн. **тузлуқ.**

**ТУЗИЛИШ 1 Тузилмоқ** фл. ҳар. н. Буши юзасидан комиссия тузилиши бежиз эмас.

2 таркибий қисмларнинг ўзаро жойлалиши; қурилиш таркиби. *Атомнинг тузилиши. Организмнинг тузилиши. Машинанинг тузилиши. Гап тузилиши. ■ Биринчи хатда вергул таъриф қолган, иккинчисининг бир ерида машинистка абзац қўймаган, учинчисидо жумла тузилиши ёқмабди. Ф. Мусажонов, Ҳиммат.*

3 Ташқи ифода, қиёфа. *Гавда тузилиши.*

■ *Бутун тузилишимнинг, абзоларимнинг, қонимнинг.. одамларникидан фарқи йўқ-ку!* О. Мўминов, Хиёбондаги уч учрашув. *Сизнинг юз тузилишингизда русникига ўхшамаган нишонлар кўп. Шухрат, Шинелли йиллар.*

4 Тузум. *Бироқ жамият тузилиши ҳаммаша шундай адолатсиз бўлиб келганлиги фактидир. Ойбек, Нур қидириб.*

**ТУЗИЛМА 1** Бирор нарсанинг ўзаро боғлиқликда (алоқада) бўлган қисмлари бирлиги, шундай қисмлардан иборат яхлит ҳолдаги нарса. *1888 йилда хужайра ядросида тузилмалар топилди, уларга «хромосомалар», яъни рангли таначалар деган ном берилди. «Фан ва турмуш». Улар бош мия ва орқа мия ҳамда чакка асаб тузилмаларининг зарарлиши натижасида келиб чиқади. Н. Ёқубов, Жон.*

2 Маълум қисмлар асосида юзага келтирилган, тузилган, ташкил этилган нарса. *..уч юздан ортик тадбиркорлик тузилмалари фаолият кўрсатмоқда. Газетадан. ..шаҳардаги ноорганик маҳсулотлар ишлаб чиқарувчи комбинат ва заводлар билан ўқув-илмий ишлаб чиқариш тузилмасига айланади. Газетадан. «Умид» марказининг вужудга келишида Тошкентдаги ўнлаб корхоналарнинг жамоалари, тижорат ва давлат тузилмалари иштирок этди. Газетадан.*

**ТУЗЛАМА** Умуман, тузлаб тайёрланган нарса, маҳсулот (мас., бодринг, карам, помидор ва б.).

**ТУЗЛАМОҚ 1** Туз сепиб қўймоқ, туз сепмоқ, тузга буламоқ. *Гўшти тузламоқ. ■ Катта чипор товукни тутиб, боғлаб қўй, кечқурун сўйиб берман, тузлаб қўясан, эрта билан бир шўрва пиширасан. С. Айний, Қуллар.*

2 Туз сепиб ёки намақобга солиб, узоқ вақт бузилмайдиган егулик тайёрламоқ. *Бодринг тузламоқ. Карам тузламоқ. ■ Ошқўқлар ва уларнинг илдизлари.. сабзавотларни тузлаш, Мариновка қилиш ва консервалашда жуда ҳам бебаҳодир. Газетадан.*

3 кўчма с. т. Гап билан бошламоқ, тузатмоқ. *Уларнинг фикрича, кўпни кўрган мугамбир ва пишиқ домла ўқитувчи болани яхшилаб тузламоқда ва дамини қайтариб қўймоқда эди. П. Турсун, Ўқитувчи. Мавли*

Мардиевич телефондаги кишини роса тузлади. «Муштум».

**4 кўчма дағл.** Боплаб алдамоқ, фириб бермоқ, лақиллатмоқ. Даллол бўлиб, пул топини кўзлабман, Қўлин силтаб, мол сотгани тузлабман. О. Кўчқорбеков. Уни ўзим билан бирга Қашқарга олиб кетаман, йўлда тузлайман.. жазоси бир пиёла шароб.. К. Яшин, Ҳамза.

**ТУЗЛИ** Ичида ёки таркибида тузи бўлган. *Тузли халта. Тузли минерал сув.*

**ТУЗЛУҚ** Туз сақланадиган идиш. Ҳо, Адолат, тузлуқни бер, шакарга жиндек туз сепиб қўяй, жуда ширин бўлиб кетибди! И. Раҳим, Чин муҳаббат.

**Тузини еб (ёки ичиб) тузлуғига тупурмоқ** қ. туз **1 2. Тузлуқ тўрва** **1)** эск. озиқ-овқат сақланадиган халта; **2)** кўчма тирикчилик, оилани боқиш, уй-рўзгор ташвиши. *Тузлуқ тўрва бўйнига туиди. ■ Фарзанд тугилади. Ҳикмат ўзи билан ўзи овора бўлиб қолади, бўйнидаги тузлуқ тўрва яна оғирлашиб, атрофга қарашга ҳам фурсати бўлмай қолади.* Ю. Шомансур, Қора марварид.

**ТУЗМОҚ 1** Барпо этмоқ, вужудга келтирмоқ, яратмоқ. *Армия тузмоқ. Комиссия тузмоқ. Жамият тузмоқ. Партия тузмоқ. ■ Темур тузган салтанатнинг ворислиги Шохруҳдан кейин Иброҳим Султонга ўтишига умид боғлашарди. Мирмуҳсин. Меъмор.*

**2** Таркибий қисмлардан яхлит нарса яратмоқ, таркиб этмоқ, тартиб қилмоқ. *Жумла тузмоқ. Рўйхат тузмоқ. Эртанги ишга бугун режа туз. Мақол. ■ Биз нутқимизда айрим сўзларни ўзаро бириктириб, гап тузамиз ва фикримизни баён қиламиз. «Ўзбек тили» дарслиги.*

**3** Турли материал, маълумот ва ш.к. ни йиғиб ва маълум тартибда жойлаштириб, яхлит бир ҳолга келтирмоқ; яратмоқ. *Тўнлам тузмоқ. Икки тилли луғат тузмоқ. Дарслик тузмоқ. ■ Улар Авазининг кўҳна, янги газалларини тартибга солиб, бир девон тузмоқчи бўлади. С. Сиёев, Ёруғлик.*

**4** Расмий равишда келишиб, бирор ҳужжат ёзмоқ. *Далолатнома тузмоқ. ■ [Мирзакаримбой] Ўғли Ҳакимбойваччанинг пахта савдоси юзасидан ўрис фирмалари билан яқинда тузган шартномаси устида ўйлаб.. кўзларини яна маҳкамроқ юмди. Ойбек,*

Танланган асарлар. *Иккала ҳукмдор яраш битими тузубдурлар. М. Осим, Ибн Сино қиссаси.*

**5** Уюштирмоқ; қурмоқ, қилмоқ. *Улар юккак оилаларнинг ўғиллари. Уларнинг киссаларида олтин-кумуш мўл. Улар кечалар «ширин сўхбатлар» тузадилар. Ойбек, Навоий. Ғалаба муносабати билан Музаффар мирзо катта зиёфат тузди. Ойбек, Навоий.*

**6** кам қўл. айн. **тузатмоқ 2.** *Бузилган ишни ботир тузар. Мақол. Ота бузса, бола тузар. Мақол.*

**7** айн. **тузamoқ.** *Элда қолган катталар Тулгоннинг олдида дастурхонни тузиб, олиб кетиб хизмат қилиб турди. «Ойсулув». Эрларга ўхшаб, мундоқ бир оз чақчақлашиб ўтирсангиз нима қилади. Не-не умид билан дастурхон тузган эдим.. Шухрат, Жаннат қидирганлар.*

**ТУЗ-НАМАК 1** Овқатнинг тузланганлик даражаси, тузининг паст-баландлиги. *Овқатнинг туз-намагини ростламоқ. Мантининг туз-намаги бир оз баланд бўлибди.*

**2** Умуман, ейиладиган нарса; емиш, овқат, таом. *Лапанглаб югурган мингбоши гузарга аранг етиб келганда, ҳоким тўра аллақачон отдан тушиб, туз-намак қабул қилмоқда эди. М. Исмоилий, Фарғона т. о.*

**Туз-намак бўлмоқ** Маълум муддат ҳамтовоқ бўлмоқ, топганини кимса билан ўртада баҳам кўрмоқ. *Чўлни яшнатаётган одамлар ёнида бўлиш иштиёқи уни [Яирани].. чўлқувар билан туз-намак бўлиб яшашига даъват этди. С. Акбарий, У ҳаётни севасди.*

**ТУЗ-НАСИБ(А)** Гўё тақдирда белги-ланган ризқи рўз. насиба. *Билмайман, туз-насиб қаерга тортар, Менда йўқдир, бова, сира ихтиёр. Фозил Йўлдош ўғли. Умри узоқ эканми, туз-насиба тортибми, бир оёқда бўлса ҳамки, қайтиб келди. Х. Султонов. Онамнинг юрти.*

**ТУЗОҚ 1** Қуш ёки бошқа овланадиган ҳайвонларни тутиш учун одатда қилдан ясаладиган сиртмоқли мослама. *Тузоқ қўймоқ (қурмоқ). ■ [Сувонжон] От думидан эшиб тўқилган тузоқларни каклик келиши эҳтимол топилган ерларга шахмат тартибида ўрнаштиради. С. Анорбоев, Оқсой.*

**2** кўчма Умуман, қўлга тушириш ёки ўзига оғдириш учун кўрилган тадбир ёки ишга солинган восита; дом. *Билмаган ишга уринма, Уриниб тузоққа илинма. Мақол. ■*

Лекин ўзи лапашанг бўлса ҳам, бало! Қорасувнинг гулдай қизини тузоғига туширган. О. Ёқубов, Излайман. *Жон талвасасида қолган душман Умурузоқ отани тузоққа тушириш йўлига ўтди.* Ш. Рашидов, Бўрондан кучли. [Солиҳбой:] *Хайрият, бу иш ҳам хамирдан қил суғургандай жўнгина битди. Фофирни энди бутунлай ипсиз тузоққа илинтирдим.* Ҳамза, Бой ила хизматчи.

**Тузоқ қўймоқ** 1) қуш тутиш учун тузоқни мослаб, жой-жойига қўймоқ; 2) қўлга киритиш, тушириш чора-тадбирини ишга солмоқ. *Муҳиддин пулга тузоқ қўйиб, энди бошиқа шаҳарларга ҳам қатнайдиغان бўлиб қолди.* С. Абдуқаҳҳор, Уй остонадан бошланади. *Содда ота, онамизни уриб йўлдан, Бизга тузоқ қўймоқдалар ўнгу сўлдан.* «Муштум». **Тузоққа тушмоқ** (ёки **илинмоқ**) 1) тузоққа кирмоқ, банд бўлмоқ (қ. **тузоқ 1**). *Тузоқларга бешта каклик тушибди (илинбиди);* 2) домига дучор бўлмоқ (қ. **тузоқ 2**). *Фақат Нигора ўзиники бўлса, қўлидан чиқиб кетмаса, унинг тузоғига илиниб қолмаса бас.* С. Анорбоев, Оқсой.

**ТУЗОҚЧИ 1** Тузоқ ясовчи ва тузоқ қўйиб ов қилувчи.

**2** кўчма Кишиларни тузоғига, домига илинтирувчи. *Домига тушмаган кам, турфа тузоқчи ҳожим, Бермайдиди қилса насия, судраб, чатоқчи ҳожим.* Муқимий.

**ТУЗОҒЛИК** Тузаб қўйилган; ясоғлик. *Тузоғлик дастурхон. Тузоғлик стол.* ■ Мулозимлар тузоғлик баркашлар, сўйилган қовун ва тарвузлар, турли-туман нозу неъматлар кўтариб келишди. М. Исмоилий, Фарғона т. о.

**ТУЗСИЗ 1** Тузи йўқ, тузи меъеридан кам, паст. *Тузсиз хамир тандирда турмас.* Мақол.

**2** кўчма Маъноси, мазмуни йўқ; бемаъни, тутуриқсиз. *Ўзи юзсизнинг сўзи тузсиз.* Мақол. ■ *Қўйинг тузсиз гапларингизни, сизга ярашмайди.* М. Ўринхўжаев, Унутилмас кунлар.

**ТУЗСИРАМОҚ** Организмда туз етишмаслиги сабабли туз талаб бўлмоқ (асосан ҳайвонлар ҳақида). [Қўйларнинг] *Ҳаммаси тузсирраган бўлса керак, кирсангиз, қўлингизни ялайди.* А. Қаҳҳор, Кўшчинор чироқлари.

**ТУЗУВЧИ 1** **Тузмоқ** фл. сфдш. *Шартнома тузувчи томонлар. Далолатнома тузувчи шахслар.*

**2** Материал, факт, маълумот ва ш.к. ни йиғиб ва уларни маълум тартибда жойлаштириб асар яратувчи ёки яратган шахс. *Луғат тузувчи. Халқ қўшиқлари тўпламини тузувчи.*

**Ер тузувчи** Ерни планлаштириш ва ш.к. ишлар билан шуғулланувчи шахс, мутахассис. *Бу орада ер тузувчи Худойназаров билан ўзингиз иккитадан тўртта участка қуриб олдингиз.* «Муштум».

**ТУЗУК 1 1** Бузилган-нетган ери йўқ, ишлаб турган ёки ишлай оладиган. *Телевизор тузукми, бузуқми? Мотор тузук ишлаб турпти.*

**2** Камчилиги, ёмон ери йўқ; дуруст, яхши; бинойи. *Тузук йигит. Бу иш тузук ташкил қилинмабди.* ■ *Ўзи тузук шоир, бироқ танқидни кўтармагани ёмон.* А. Қаҳҳор, Сароб. *Кенжа йигит қишлоқда Тура олди бир ойча, Турмуш тузук бўлса-да, Аммо бахти узоқда.* З. Диёр.

**3** Дард-касали йўқ, соғ, соғлом; соғлиғи қаноатланарли. *Ота, тузукмисиз? Тузук бўлиб кетдингизми? ■ Хайрият, онангизнинг аҳволи анча тузук бўлиб қолди, иситмаси ҳам қайтди.* М. Исмоилий, Фарғона т. о. *Дадаси, энди тузукман, қизимни саҳарлари уйғотманг.* А. Қаҳҳор, Бемор.

**4** рвш. Қондаси билан, дурустгина, яхшилаб. *Тузукроқ, мазмунлироқ гапирсангизчи. Тузукроқ ўтиринг.* ■ *Хаёлингиз қаерда, нима сўзляяпсиз, ойи? Тузуккина гапиринг!* Ойбек, Танланган асарлар.

**5** тасдиқ юкл. Яхши, хўп, майли, маъқул. - *Эртага китобни ола кел, тузукми? - Тузук, олиб келаман.* ■ - *Сиз киргандан кейин мен эшикни устингиздан ёпиб оламан-да, бир оздан сўнг олдингизга келиннинг ёлғиз ўзини киргизаман, тузукми? - Тузук.* А. Қодирий, Ўтган кунлар.

**ТУЗУК 2 тар.** ҳуқ. Қонун-қоидалар тўплами; низом. *Амир Темури тузуклари.*

**ТУЗУКЛАМОҚ** кам қўлл. Яхши, дуруст ҳолга келтириш, яхшиламоқ. [Отабек] *Хаёли чида қоғознинг тахларини тузуклади-да, қайтариб, яна қўйнича тиқди.* А. Қодирий, Ўтган кунлар. *Артель ишини яхши йўлга қўйиш, ҳосилдорликни ошириш, колхозчиларнинг даромадини тузуклашда фаол қатнашибди.* Газетадан.

**ТУЗУК-ҚУРУҚ** с.т. кам қўлл. Яхшигина, дурустгина, кўнгилдагидек. [Тўла] *Ўқи-*

тувчининг саволларига тузук-қуруқ жавоб қилмай, ўз ўйи билан машғул бўлди. М. Исмоилий, Бизнинг роман. *Касбингиз бўлмаса, ошина-огайниларингиз бўлмаса, қўлингизда тузук-қуруқ характеристика бўлмаса! Қаёққа борасиз?* А. Мухтор, Туғилиш.

**ТУЗУМ** Жамият ва давлат тузилиши (қурилиши) тизими. *Давлат тузуми. Қабилчилик тузуми.* ■ *Миллий тилнинг сақланиши ва ривожланиши ҳамма вақт ижтимоий тузумнинг.. одиллигига боғлиқ.* «Фан ва турмуш». У [Алиқул] кўп ўтмай янги тузум, янги давлат, янги ҳаёт ва янги одамларга дуч келди. Ш. Рашидов, Бўрондан кучли.

**ТУЗҚОҚ:** **тузқоқ қилмоқ** Гўшга туз сеппиб қуритмоқ, қоқламоқ. *Шаҳар, қишлоқларга барра гўштининг ҳаммасини етказиб беролмаймиз.. Кучимиз етганича тузқоқ қиламиз.* Газетадан.

**ТУЙИЛМОҚ I** **Туймоқ I** фл. мажҳ. н. Ховончада туйилган толқон. ■ *Жўхори туюётган хотини унинг қўлидаги тугунчани кўриб, келисонни келининг устига қўя чопди. Кели лапангаб ағнади, чала туйилган жўхори ерга тўкилди.* А. Қаҳҳор, Анор.

**ТУЙИЛМОҚ II I** **Туймоқ II** фл. мажҳ. н. Унинг ўзи менга қаттиқ туйилди.

**2** Ёшамоқ, ўхшаб кўринмоқ, ҳис этилмоқ. *У шайлар ёз эди, бу гал эса қиш; Бир хилдай туйилар иккала фасл.* М. Икром. *Ниҳоят, ҳар минути бир кундай туйилган бир соат вақт ўтгач, бутадан йигирма-ўттиз метрча берида, қора каска кўринди.* А. Қаҳҳор, Олтин юлдуз.

**ТУЙМОҚ I I** Кели, ховонча ва ш.к. да янчмоқ, майдаламоқ, кукун қилмоқ. *Мурч туймоқ.* ■ *Ҳовли юзида жўхори туйиб ўтирган Каромат Мехринисони кўриб, дик этиб ўрнидан турди.* Р. Файзий, Ҳазрати инсон. *Онаси қандайдир ўтларнинг томирини тегиб қуритар эди-да, келида туйиб, атала қайнатиб берар эди.* С. Анорбоев, Оқсой.

**2 шв.** Оқламоқ, тозаламоқ (мас., шолини). *Қори ўзининг хотинини ёмонлаб кетди: шолини сочмасдан туюлмайди, сув қайнатса ҳам, тагига олдириб қўяди.* А. Қаҳҳор, Кўшчинор чироқлари.

**ТУЙМОҚ II** Ҳис қилмоқ, сезмоқ; пайқамоқ. *Шу ондаёқ у чеккасида аёлнинг титроқ иссиқ лабларини туйди.* Ў. Ҳошимов, Қалбинга қулоқ сол. [Йўлдош] *Шу дақиқа онанинг меҳрли нигоҳи фарзанд ғуссасини*

*маҳв этишга қодир эканини умрида илк бор туйди.* Ҳ. Фулом, Тошкентликлар.

**ТУЙНАК** Янги тугилган, ҳали етилмаган қовун, сапча. [Бозорда] *Қовун туширадиганларга ёрдамлашаман, сапча, туйнак беришади.* Ф. Фулом, Шум бола. *Бундай кезларда хазанак бўлган полиздан топилган хомак ҳам, пайкал кесагида ёриб ейдиган туйнак ҳам ширин бўлади.* С. Аҳмад, Қадрдон дала-лар. *Баъзан эгатлар ичида тарвуз, қовун палаклари чиқиб қоларди. Албатта, бир-иккита бурушган туйнак бўларди.* Ш. Холмирзаев, Сайланма.

**ТУЙНУК** Эски типдаги маҳаллий уй, биноларнинг девори ёки тепасидан ёруғлик, ҳаво кириб туриши ёки бошқа мақсадлар учун қолдирилган тўртбурчак ёки доиравий тешик. *Мана, бир томондан дераза ўрнига туйнук очилган кичкина қоронғи уйда ўн-ўн беш чоғли хотин ўтирибди.* С. Зуннунова, Гулхан. *Хона мадрасалардаги хужрага ўхшаш кичик бўлиб, тепада икки туйнук бор эди.* Мирмуҳсин, Меъмор. *Бир вақтлар Султон Маҳмуд мирзо тириклигида шу хонадан қизлар чўмилидиган бўлмага махфий бир туйнук очилган эди.* П. Қодиров, Юлдузли тунлар.

**Боши (ёки бўйи) туйнукдан чиқиб кетаётгани йўқ** Ҳали ёш, балоғат даври ўтган эмас. *Хом ўйлабши, ҳақидан куёв нимаси, [Тошхоннинг] боши туйнукдан чиқиб кетаётгани йўқ.* А. Мираҳмедов, Ўт юраклар. *Биронта хотини йўқ одам топилиб қоларди. Қизимизнинг бўйи туйнукдан чиқиб кетаётгани йўқ-ку!* С. Зуннунова, Гулхан. **Ой туйнукка, арава эшикка келганда** Иш тиқилинч бўлиб қолгандагина ҳаракатга тушганда айтиладиган ибора.

**ТУЙНУКЛИ** Туйнуги бўлган, туйнук қўйилган. *Туйнукли уй.* ■ [Кўргоннинг] *Унда-мунда туйнукли деворлари мустақкам, қўш тавақа дарвозаси ҳам бор.* Ф. Фулом, Шум бола.

**ТУЙҚУС шв.** Бирдан (тўсатдан) юз берган; ногаҳоний. *Иккала мўйсафид унинг бу туйқус ҳолатидан ҳайрон қараб қолишди.* Й. Шамшаров, Тошқин.

**2 айн. туйқусдан.** Ойнарча беражак саволини унутиб қўйгандек туйқус гангив қолди. Ш. Холмирзаев, Қил кўприк. *Низом нафратомуз чимирилиб қўл силтади, туйқус мияси ғубуллаб, бир лаҳза кўзи тинди.* «Ёшлик».



**ТУЙҚУСДАН** *рвш. шв.* Бехосдан, қўқ-қисдан, қутилмаганда, бирдан. *Банги, бошига туйқусдан совуқ сув қуйилган одамдай, қиссиқ кўзлари чарақлаб очилиб кетди. О. Ёқубов, Ларза. Тоштемир Ойнисага яқинроқ келиб, тизгинни унинг қўлидан олди ва туйқусдан сўраб қолди: -Тошкентга олиб кетайми? Х. Фулом, Тошкентликлар.*

**ТУЙҒУ 1** *физиол.* Ташқи таъсирни сезиш, ҳис этиш, қабул қилиб олиш қобилияти; сезги. *Туйғу ёрдамида биз иссиқни ёки совуқни сезамиз. ■ Кўённинг туйғу авзолари терида тамомладан диган нерв учларидан иборат. «Зоология».*

**2** Рухий ёки жисмоний кечинмалар, ҳис-туйғулар мажмуи; ҳис-туйғу, ҳис-ҳиссиёт. *Нафис туйғу. Ишонч туйғуси. Дўстлик туйғуси. Оғриқ туйғуси. Юракни ғаш қилаётган туйғу. ■ Рашк, менимча, мана шу ҳақоратнинг алами ва шундан келиб чиқади диган туйғу. А. Қаҳҳор, Қўшчинор чироқлари. Отасининг салтанат олдида катта хурматга эга экани Бадианинг қалбига ҳам фидойиллик туйғуларини солган эди. Мирмуҳсин, Меъмор. Орага жимлик чўкиб, туйғуларни сўндирди. К. Яшин, Ҳамза.*

**ТУЙҒУЛИ** Сезиш, ҳис этиш қобилияти кучли; сезувчан. *Нафис туйғули қиз.*

**ТУЙҒУН I I** Тез сезиб, фаҳмлаб, пайқаб оладиган; сезгир. *Туйғун бола. ■ Ҳамза онасидек туйғун, ҳар нарсага қизиқувчи бола бўлган. «ЎТА». Бундай туйғун, бундай тийрак, бундай боадаб қиз этти иқлимда ҳам топилмайди. Ойбек, Танланган асарлар.*

**2** Туйғун (эркаклар исми).

**ТУЙҒУН II** Қирғий ёки қарчиғайнинг эркаги. *Сувсиз чўлда келади. Полвон Ҳасан, мард Ҳасан, Оч туйғундай чирқиллаб. «Равшан».*

**ТУЙҒУСИЗ** Сезиш, ҳис этиш қобилияти йўқ ёки кучсиз; ҳиссиз, сезмайдиган. *Тебранолмай фақат мен ётаман Ўз ўрнимда ярим туйғусиз. О. Юнус.*

**ТУК I** Баданда ўсадиған соч ёки юннинг ҳар бири; мўй. *Мўйлов туки. ■ Сочининг ҳар бир толаси, қошидаги ҳар бир тук, мижжасидаги ҳар бир киприк кўз ўнгимда турипти. И. Раҳим, Чин муҳаббат.*

**2** Баъзи нарсаларнинг устини қоплаб олган (қоплаб ўсган) майда қилсимон ўсимта. *Шафтолининг туки. Чигитнинг туки. ■ Отлиқ шохни ушлади, уни авайлаб*

*ўзига тортди, кейин беҳилардан бирининг чанг босиб ётган тукини қўли билан артди, қалпоқли бошини энгаштириб, уни ҳидлади, яна ҳидлади. М. Исмоилий, Фарғона т. о.*

**Бир туки ўзгасмас ёки бир тук ҳам кам эмас** Айнан ўзи, худди ўзи, ўзгинаси. *Кампир суратни қўлига олиб тикилиб қолди: -Худди ўзи, Кенжагинамнинг ўзи. Бир туки ўзгасмас. С. Аҳмад, Чевара. Буваси-ку «Дадасидан бир туки кам эмас», деб Ўзамнинг болалик чоғини эслайди. Шуҳрат, Жаннат қидирганлар.*

**ТУКДОР айн. сертук.** Тақсимча, косаларда барра пиёз, шивит бўктирилган сузмақатиқ. *Бошмалдоқдек тўқ-қизил тукдор бодринлар. С. Нуров, Нарвон.*

**ТУКЛИ I** Баданида туки бўлган; мўйли. *Унинг майин сарғиш тукли пешонасида, юқори лабининг устида тер резалари йилтирарди. П. Қодиров, Юлдузли тунлар.*

**2** Устки қисми тук билан қопланган; сертук. *Тукли арилар. Тукли газлама. Тукли беҳи.*

**ТУКСИЗ I** Тук-мўй ўсмаган, туки йўқ. *Туксиз силлиқ юз. ■ [Фосиқ афандининг] Туксиз қошлари жийрилиб бориб, кўк шишалли кўзойнақларига қадалди. М. Исмоилий, Фарғона т. о. Моҳина Латофатнинг тоғачаси, деб атаган киши пакана, туксиз боши тарвуздай дум-думалоқ, эллик ёшлар чамасида эди. С. Кароматов, Ҳижрон.*

**2** Устида туки йўқ. *Туксиз шафтоли. Туксиз қовун.*

**ТУКСИЗЛАНТИРМОҚ** Тукидан холи қилмоқ (асосан, чигит ҳақида). *Туксизлантирилган чигитга жуда эҳтиёт бўлиш керак. Газетадан.*

**ТУЛ** Эри ёки хотини ўлиб ёлғиз қолган; бева, есир. *Тул хотин. Тул қолмоқ. ■ Қанча-қанча оналар, келинчаклар тул бўлди. З. Диёр. [Аҳмаднинг] Пастдаги қўшиниси тул эркак, жуда бўшанг, беозор одам эди. Ф. Мусаёнов, Ҳиммат.*

**ТУЛИЙ** [юн. Thule – Туле, қадимда Ернинг шимолий чегараси деб ҳисобланган ярим афсонавий мамлакат номи] Менделеев даврий системасининг III гуруҳига мансуб кимёвий элемент, радиоактив металл.

**ТУЛИМ** кам қўлл. айн. **толим.** *Сочни икки тулим қилиб ўрмоқ. ■ Сулув оғир тулимини тўлғаб, қовоқ косадан жиндак сув ҳўплади. А. Мухтор, Опа-сингиллар.*

**ТУЛКИ 1** Бўрисимонлар оиласига мансуб, тумшуги узун, думи майин узун жунли, ўта сезгир ва айёр йиртқич сугэмизувчи ҳайвон. Қалин майсалар орасида сарғиш айёр тулки аланглаб борар эди. Назармат, Жўрлар баланд сайрайди. Ковакни бойвачча тулки овлаб юганида кўрган эди. С. Юнусов, Кутилмаган хазина.

**2** Шу ҳайвоннинг мўйнаси ва ундан тайёрланган телпак ва б. *Ойсулув уйғониб, унғурнинг оғзига чиқиб турган эди.. Сувонжон унга қуён рангли тулкини узатди. С. Анорбоев, Оқсой. Бошига тулки телпак кийган бу отлиқ унга таниш кўринди. Ҳ. Фулом, Машғал.*

**3** кўчма Ўтакетган айёр, маккор одам ҳақида. *Ишонмайман-у, лекин қари тулки эридан кўп нарсани яширишини биламан. Ў. Умарбеков, Ёз ёмғири. Ҳақиқатда эса, бу тулкилар уни лақиллатадилар. А. Қаҳҳор, Сароб.*

**Бўрими, тулки?** Ишнинг ўнгидан келган-келмаганлиги ҳақида сўроқни билдиради. *Қани, бўримисиз, тулки?* Ҳамза, Бой ила хизматчи. *Бўрими, тулкими?* Оқ туяни кўрганларинг йўқми? «Ойсулув».

**ТУЛКИЛИК** Тулкига хос хатти-ҳаракат, қилиқ. *Тулкилик қилмоқ. ■ Тулкилик-да. Бу одам хирпи бўлиб кетган. Комиссия келиб қолса, сувдан қуруқ чиқиш мақсадида, машиналарни рад [қатор] қилиб, бўятяпти. Мирмуҳсин, Қизил дурралар.*

**ТУЛЛАК 1** Бултурги, қари (икки, уч йиллик), туллаган, туллаб чиққан (паррандалар ҳақида). *Дам олиб ўтирганларга чой ташиётган Тоживой юриб кета туриб, туллакнинг овозидан завқланарди. Мирмуҳсин, Чиниқош.*

**2** кўчма Айёр, маккор, фирибгар одам ҳақида. *Туллак одам. ■ Табиий, булар рўпараларидаги юздан тўқсонни урган ва бир ҳафтада тўрт-беш бозорни оладиган туллаклар.. эдилар. Ш. Ризо, Қор ёғди, излар босилди. Ўзи ҳам иш кўрган туллак эмасми, энди бу оғир ҳолатдан усталик билан чиқиб олиш йўллариغا ёпишади. А. Қодирий, Обид кетмон.*

**Пихини ёрган туллак** Ўтакетган фирибгар, айёр, маккор. *Жинойатчининг каттаси — унинг акаси Зиёдилла. Пихини ёрган туллак. Ҳ. Фулом, Машғал.*

**ТУЛЛАКИ** кам қўлл. айн. **туллак.** *Тўртта тўрқовоқда тўртта сайратма, ҳа, битта туллаки олиб юришга юрарман.. бунини ҳукумат ишига зарари йўқ.. Мирмуҳсин, Умид. Сиз, биродарлар.. пешона тери тўқиб иш қиласиз. Лекин орангизга совуқда қолган туллакилар аралашиб қолибди. «Муштум».*

**ТУЛЛАКЛИК** Туллакка хос хатти-ҳаракат (қ. **туллак 2**). *Сурхонбой акасининг туллаклик қилаётганини билиб турса ҳам.. ортиқ баҳслашиб ўтирмади. И. Раҳим, Тақдир.*

**ТУЛЛАКХОНА** эск. Отларни бўрдоқига боқиш учун мосланган оғилхона.

**ТУЛЛАМОҚ** Пат, тери ёки юнгини ташлаб, янги пат, тери ёки юнг чиқармоқ (ҳайвон, парранда ва ш.к. ҳақида). *Туллаган товуқ. ■ Унинг [чолнинг] оёқлари остида туллаган ориқ ит қимир этмай ётарди. Ҳ. Турсунқулов, Ҳаётим қиссаси. Бу орада дарахтлар гуллаб туга бошлади. Моллар туллаб бўлди.. С. Нуоров, Нарвон. Кўклам чиқди дегунча биз туллаган сигирнинг жунини юлиб оламиз. С. Муродбеков, Ёвshan иси.*

**ТУЛПОР 1** Наслдор, чопқир, учқур от; аргумоқ. *Бос олдин, тулпорим, чу, азамат, чу. Ҳ. Фулом. Тулпор отлар ел қувиб илгариларида-да, тепалик ёнбағриддан юриб, ўрмон ичига кириб кетди. М. Муҳамедов, Кичик гарнизон.*

**Хоса тулпор** Боқилган, чиниққан, узоқ сафарларда, пойгада пишиган наслдор от. *Майдон бўлса, бедов отлар чопилар. Кўп чопилса, хоса тулпор совилар. Хизмат қилсанг, ёринг кўнгли топилар. «Ширин билан Шакар».*

**2** фольк. Қанотлари бўлган афсонавий учар от. *Ҳотамнинг будутга учадиган тулпори бўларкан.. Шукрулло, Жавоҳирлар сандиғи.*

**ТУЛУМ 1** Терисига похол тикилган бузоқ (боласи ўлган сигирни ийдиришда фойдаланилади).

**2** Ичига похол ва б. нарса тикиб қотирилган ҳайвон, қуш ва ш.к. *Айиқ тулуми. Бургут тулуми. Лайлак тулуми. Тулум устахонаси. ■ Унинг [Полвоннинг] ёнига бирмунча ўрдак тулумлари уйлиб қўйилганди. Ж. Шарипов, Хоразм. Болалигидан боқиб ўстирилган қушни овга ўргатишда қуён, тулки сингари ҳайвон тулумларидан фойдаланилади. «Фан ва турмуш».*

**3** Меш, саноч.

**ТУМ** Ноғоранинг пўкиллаганроқ овоз чиқарадиган тоқаси ва ундан чиқадиган овоз. *Ноғоранинг так, тум (така, тум) овози эшитилди.*

**ТУМАН I** [мўғ. тумэн – ўн минг] **I** Атмосферанинг қуйи қатламларида юзага келадиغان майда сув ёки муз зарралари. *Қуюқ туман. Тонгги туман. ■ Ҳаво туман бўлганидан ўрмон кўзга кўринмас эди.* М. Муҳамедов, Қаҳрамон изидан. *Сал ўтмай сойликни оқиш ҳарир туман қоплади.* О. Ёқубов, Излайман. *Рўпарада наст-баланд чўққиларини осмонга туртиб, кўкиш туман пардасига бурканган Чотқол тоғлари.* П. Турсун, Ўқитувчи.

**2** *кўчма* Туманга ўхшаш, хира, нимқоронғи ҳолат. *Баҳорнинг фикри булут босган осмондай қоронғилашиди-ю, кўз олдини туман чулғади.* Ш. Рашидов, Қудратли тўлқин.

**ТУМАН II I** *эск.* Ўн минг. *Бирники мингга, мингники туманга.* Мақол.

**2** Ниҳоятда кўп, саногига етиб бўлмайдиган, тумонат. *Саломатлик – туман бойлик.* Мақол. ■ *Биз учун энг аввало туман бойликлар яратишга қодир бўлган одамларнинг саломатлиги керак.* Газетадан.

**3 тар.** Тилла баробарида ўн минг сўм. [*Соҳиб Доро:*] *Халифамиз ўтган кунни девон қуриб, вазирлари ва беқларидан икки туман ақча топиб бермоқни талаб этибдурлар.* М. Осим, Зулмат ичра нур.

**4 тар.** Марказий Осиё ва Хуросонда: ўн минг отлиқдан иборат аскарый қисм, дивизия. *Мен.. бир туман бирла ғанимнинг ўн қўлидан орқасига ўтиб олдим.* М. Осим, Ўт-рор. *Тургин, ота, қара, нақ туман Душман келар сарҳадма-сарҳад.* Х. Даврон, Болаликнинг овози.

**ТУМАН III I тар.** Шарқда, жумладан, Ўзбекистонда 20-аср 20-йилларигача маъмурий-худудий бўлиниш; уезд; *Шу ўттиз чақиримлик ариқ қазилиб битганда, Наманган ва Андижон туманларидан икки минг ботмонгача ер суғорилар эди.* А. Қодирий, Меҳробдан чаён. *Мардон асли Шеробод туманига қарашли бир қишлоқлик йигит.* М. Осим, Элчилар.

**2** Ўзбекистонда: вилоят, шаҳар худудида уларнинг таркибий қисми бўлган маъмурий-худудий бўлинма. *Фарғона вилоятининг Олтиариқ тумани. Тошкент шаҳри-*

*нинг Яккасарой тумани. ■ Бу ҳақда ҳикоя қилишни тумандаги оилалардан бошладик.* Газетадан.

**ТУМАН IV шв.** Тубан, қуйи.

**Юзи туман бўлмоқ** Уятга қолмоқ, шарманда бўлмоқ. *Маҳрами-ман келиб қизинг кўрмайми? Сиёсат-ман келиб тортиб олмаймами? Ундан кейин юзинг туман бўлмайми? «Алпомиш».* **Юзини туман қилмоқ** Уятга қолдирмоқ, шарманда қилмоқ. *Сен эшитгин мендай марднинг сўзини, Туман қипсан бек отангнинг юзини.* «Алпомиш».

**ТУМАН V** [ф. تومان – ўн минг динорга тенг пул бирлиги < т. туман] Эронда 1932 йилга қадар муомалада бўлган пул бирлиги.

**ТУМАНБОШИ тар.** Ўн минг жангчидан иборат ҳарбий қисм, дивизия қўмондонни. *Бобур қўшинида туманбоши лавозими мавжуд бўлмаган, чунки қўшиннинг сони ўн икки мингдан ортқч эмас эди.* «ЎзМЭ».

**ТУМАНЛАНМОҚ** Туман билан қопланмоқ; хираланмоқ. *Туманланган дераза ойналарига йирик қор парчалари оқ капалакдай уриларди.* Ойбек, Танланган асарлар.

**ТУМАНЛАШМОҚ I** Хира бўла бормоқ, хираланмоқ. *Кўз олдим туманлашди. ■ Ўйлаганим сари ўйларим туманлашди.* З. Дўстматов, Ёқут.

**2** *кўчма* Хиралашмоқ, ноаниқлашмоқ. *Бу оғир андишалардан Аҳмад Ҳусайннинг кўз олди туманлашди.* Ойбек, Нур қидириб.

**ТУМАНЛИ I** Туман қоплаган, туман босган. *Туманли кун. ■ Кеча қоронғи ва туманли эди.* Ойбек, Танланган асарлар. *Тегирмон йўлаги ун тўзони ичига кўмилиб, кеч кузнинг қуюқ туманли ҳавоси манзарасини беради.* А. Қодирий, Обид кетмон.

**2** *кўчма* Аниқ эмас, аниқ ифодали бўлмаган. *Туманли тасаввур. Туманли фикр. ■ Шукуржоннинг миясида яна чақмоқ чақнагандай бўлди-ю, ўн йиллар давомида дилга озор бериб келган туманли ўйларнинг ҳаммасини бирдан ёритиб юборди.* О. Ёқубов, Ота изидан.

**ТУМАНЛИК I** Туман билан қопланган ҳолат, қатлам. *Туманлик орасида бир тўп чуғурчуқ шовқин солиб ўтди.* Ў. Ҳошимов, Бир томчи шудринг.

**2** Туман босган, қоронғи жой. *Саидий шу дарвоза ва шу занжирнигина оддий деб биллиб, ичкарини сира кўз олдида келтирмас ва*

келтирмоқчи бўлганда, фақат бир туманликнигина кўрар эди. А. Қаҳҳор, Сароб.

**3 астр.** Ердан жуда узоқда жойлашган ва Сомон йўлига ўхшаш кўринишга эга бўлган юлдузлар системаси. *Космик миқёсда планетар туманликларнинг яшаш муддати бир неча ўн минг йил, холос.* «Фан ва турмуш». Яна минг йиллардан сўнг ёритқич атрофида сайёравий туманлик ҳосил қилади. О. Мўминов, Хиёбондаги уч учрашу.

**ТУМБА** [нем. *Tumbe* < лот. *tumba* — қабр < юн. *tumbos* — дўнг, тепалик] **1 айн.** **тумбочка.** Гулни тумба устидаги сопол гулдонга солиб қўйиб, Усмоннинг бош тарафига оғир чўкди. «Шарқ юлдузи».

**2** Ғўлага ўхшаш нарса; курси, устунча. [Тўла] Вагон орқасига югуриб ўтди-ю, лип этиб тумбага чиқиб олди. Трамвайнинг юриб кетаётганидан ҳам, тумбага осилиб юриш хавфли эканидан ҳам кўрқмади. М. Исмоилий, Бизнинг роман.

**ТУМБОЧКА** [«тумба» с. нинг кичр.] Ичига ва устига нарса қўйиладиган кичкина пастак шкафча. Ҳар бир каравот бошида биттадан тумбочка, оёғида — биттадан тахта курси. Ҳ. Фулом, Машъал. *Нонуштага асраб қўйган бир бурдагина қотган нонни тумбочка тортмасидан олиб еди.* С. Кароматов, Олтин қум. *Бирдан тумбочка устидаги телефон жиринглаб қолди.* Ғайратий, Довдираш.

**ТУМОВ** Совқотиш, инфекция, аллергия туфайли бурун шиллиқ пардасининг яллиғланиши ва бунинг натижасида бурундан сув, назла оқиш касаллиги. *Тумов бўлмоқ.* ■ [Ёрмат] *Тумов орқасида бурнидан тўхтовсиз оққан сувни ҳам сезмайди.* Ойбек, Танланган асарлар. *Киши тумовга чалинган бўлса, у овқатнинг таъмини ҳам, гулнинг ҳидини ҳам сезмайди.* «Фан ва турмуш».

**ТУМОВЛАМОҚ** Тумов бўлиб қолмоқ. *Сайёра тумовлаб, бир-икки кун мактабга келмади.* П. Қодиров, Қалбдаги куёш. *Ёлғиз фарзандимиз қолса тумовлаб, Тушамиз ваҳима, васвасасига.* А. Орипов, Йиллар армони.

**ТУМОНАТ** Саноғига етиб бўлмайдиган, ниҳоятда кўп (одамлар тўпи); халойиқ. *Унинг шовқин-суронига бир зумда тумонат тўпланди.* ■ У [Хайри] *онасиданми, бувисиданми мерос бўлиб қолган минг ямоқ банорас паранжисини номига ёпиниб олган, кўзлари*

*тумонат ичидан кимнидир қидиради.* А. Муҳиддин, Қирқ бахт эгалари. *Дод деб айюҳаннос солмоқчи, тумонатни йиғмоқчи бўлар.. нафаси тиқиларди.* Р. Файзий, Ҳазрати инсон. *Шунинг учун чинорнинг зиёратига атроф-теваракдан ҳар йили тумонат одам келиб кетади.* А. Мухтор, Чинор.

**ТУМОР 1** [а. *طومار* — ўроғлиқ хат; нома, ёзув] Халқона, диний тасаввурга кўра, гўё эгасини кўз тегишдан, бало, офат, инсжинс ва ш.к. дан сақлайдиган, ичига дуо битилган қоғоз жойланган учбурчак нарса (одатда бўйинга, қўлтиққа, сочга тақилади ёки кийимнинг ички қисмига тикиб қўйилади). *Дуо тумор. Кўз тумор.* ■ *Нима бу, қандай тумор, Дўппи ичра чатилган?* Ғ. Фулом. *Шайх дуоталаб икки аёлга тумор ёзиб бераётган эди.* С. Сиёев, Ёруғлик. *Асқар мулла дам солар, банд қилиб, тумор битиб берар эди.* С. Зуннунова, Олов.

**2 этн.** Хотин-қизларнинг кийим устидан бўйинга осиладиган ёки елкага осиб, қўлтиққа тушириб юриладиган безаги. *Бойваччароқ қизлар бўйинларига зебигардонлар, бўйин туморлар, қўлтиқ туморлар, тиллақошлар.. тақиб олган.* М. Муҳаммаджонов, Турмуш уринишлари.

**3 сфт. с. т.** Учбурчак (тумор) шаклга эга бўлган. *Тумор ер.* ■ *Фақат неча минг километрлар йўл босиб келган тумор хат унга [Пўлатжонга] тасалли берди.* С. Аҳмад, Қадрдон далалар.

**ТУМОРНУСХА** Туморга ўхшаган, тумор шаклидаги. *Туморнусха хат.*

**ТУМОРТАХЛИТ** айн. **туморнусха.** У [Бегижон].. *тумортахлит букланган бир қоғозни менга узатар экан, ҳаё босгандан бўлса керак, иягида марварид доналари сингари майда-майда терлар пайдо бўлди.* Н. Сафаров, Севги.

**ТУМОҚ 1 шв.** Кулоқли иссиқ қалпоқ; кулоқчин. *Орқада бошига қозоқи тумоқ кийган подачи бола ҳадеб шовқин солар эди.* А. Мухтор, Қорақалпоқ қиссаси. *Фиёс ака.. бошида кўҳна тулки тумоқ, хаёл суриб кетяпти.* Н. Фозилов, Дийдор. *Утумоғини олиб, тиззасига қўйди.* Э. Самандар, Тангри қудуғи.

**2** Ўргатилган ов қушининг бошига кийдириладиган тери қалпоқча. *Не мунглиғ бу дунёда — қизлар мунглиғ, Бошида тумоғисси бургут мунглиғ.* «Оқ олма, қизил олма».

**ТУМСА** Туғмайдиган, сути йўқ. *Тумса сигир.* ■ *Сенга қараб бўтадайин бўзлайман, Фикрим шудир, ўзим сира тинмайман, Мен тумсага агар сутни бермасанг, Берган омонатинг ол, деб йиғлайман.* «Зулфизар билан Авазхон». Бу Гурўели хумса, хотини туғмас тумса.. «Бўтақўз».

**2** кўчма Ҳосилсиз, ҳеч нарса униб-ўсмайдиган. *Эй буюк саҳронинг заррачалари, Кафтимида тўзғимай турсанг бўлмасми, Дил хурсанд бўлмасми, тумса бағрингда Гиёҳлар потирлаб унса бўлмасми?* Ш. Раҳмон, Гуллаётган тош.

**ТУМСАЙМОҚ** айн. **тумтаймоқ.** *Боқижон тумсайиб, оғзини очган ҳолда, ҳаммага маъносиз тикилди.* Ойбек, О.в. шабадалар. *Ҳатто тумсайиб ўтирган Асрора ҳам беихтиёр чапак чалар эди.* С. Аҳмад, Уфқ.

**ТУМТАЙМОҚ** Бирор нарсадан хафа бўлиб, ранжиб ёки жаҳли чиқиб, қовоқ солиб ўтирмак; тундлашмоқ, тумшаймоқ. *У боласининг бугун жуда ҳам тумтайиб олганига ҳайрон бўлар, уни гапга солиш, парижонлигини тарқатиш учун турли саволлар берар.. эди.* М. Исмоилий, Фарғона т. о. *Каримберди индамади, бадтар тумтайди.* С. Маҳкамов, Дала тонги.

**ТУМТАРАҚАЙ** рвш. Тартибсиз, ҳар томонга тўзган ҳолда (асосан, қочиш, кетиш, тўзиш ҳаракати ҳақида). *Эшик очилиши ҳамон болалар тумтарақай қочиб кетишди..* И. Раҳим, Зангори кема капитани. *Қалъани ихота қилиб турган навқару ясовулар ҳар томонга тумтарақай қочиб кетишди.* М. Осим, Ўтрор.

**Тумтарақай бўлмоқ** Тумтарақай ҳолга тушмоқ, ҳар томонга қочиш, кетиш ҳолатига тушмоқ. *Бирпасда дарвозахона бўшаб қолди. Қаландарлар мўр-малахдай тўрт томонга тумтарақай бўлди.* С. Сиёев, Аваз. *Тонг отганда кимдир: «Ёғий босди!» деб қичқирди-да, тура қочди. Уйқусираган одамлар ваҳима ичида тумтарақай бўлаб кетди.* П. Қодиров, Юлдузли тунлар. **Тумтарақай қилмоқ** Ҳар томонга тартибсиз равишда қочишга мажбур этмоқ, тўзитмоқ. *Траншеяга кириб қолган гитлерчилар мададкорларимиз зарбасидан тумтарақай қилиб юборилган эди.* Н. Сафаров, Оловли излар. *-Тур ўрнингдан! — деб қолди Пошша хола Умиднинг хаёлларини.. тумтарақай қилиб.* Д. Нурий, Осмон устунни.

**ТУМТАРОҚ** [ф. *طومطاروق* — тантанавор, дабдабали, шов-шувли] **1** Баландпарвоз дабдабанд (сўзлардан) иборат, тамтароқ. *Кечиринг, азиз дўстлар, тумтароқ бўлди сўзим.* П. Абдуллаев, Менинг кўшиғим. *Сийқаси чиққан тумтароқ, мавҳум, умумий фикрларни ёдлаб олган.. нотиклардан нима фойда?* Газетадан. *Бир қатор тумтароқ, баландпарвоз қарорлар қабул қилинган, аммо улар бажарилмаган.* Газетадан.

**2** айн. **тумтарақай.** *Ҳажикизларнинг тумтароқ бўлиб қочишини кўрдингми?* Уйғун, Сайланма. *Наҳотки, ўша мен уруш бошида кўрган, соясидан ҳуркиб тумтароқ қочиб юрган қизил аскарлар шунақа кучга тўлиб, уддабурро бўлиб кетган..* Шуҳрат, Жаннат қидирганлар.

**ТУМТАРОҚЛИ** Баландпарвоз дабдабанд иборат бўлган; тамтароқли. *У [Элчи] тумтароқли сўзлар билан Тумарисни қутлуғлар экан, мулозимлар тилладўз чопон ва ҳарир кўйлақлар тугилган зарбоф бўғчани унинг оёғи остига қўйдилар.* М. Осим, Аждодларимиз қиссаси.

**ТУМУШМОҚ** шв. Тумшаймоқ. *Унинг тумушиб, тўнига ўралиб туришини кўрган деҳқон, раҳми келди шекилли, аста эгилиб, юзларига тикилди.* Ш. Рашидов, Бўрондан кучли.

**ТУМШАЙМОҚ** **1** айн. **тумтаймоқ.** *Нега тумшайиб олдинг, йигит?* ■ *Қишлоққа ишга бориш ниятим қатъийлигини билгач, мендан ўзини олиб қочиб, тумшайиб юрди.* Н. Ёқубов, Хаёлимдаги қиз. *Вали ака калласини қимирлатди, гекса юзи тумшайди.* М. Исмоилий, Фарғона т. о.

**2** кўчма Ёқимсиз тус олмоқ, «қовоғини солмоқ»; тундлашмоқ (асосан, ҳаво ҳақида). *Ҳавони қаранг, жуда тумшайиб олди. Ғўзалар сал ўзини тутиб олса, яхши бўларди.* С. Зуннуова, Олов.

**ТУМШУҚ** **1** Қушларнинг оғзи билан бириккан, чўқиш ва зарб бериш учун хизмат қиладиган ўткир учли шохсимон аъзоси. *Товуқнинг тумшуғи.* ■ *Лайлакнинг буйи новча, тумшуғи бор тарновча.* Уйғун. *Қушчанинг жуволдиз учидай тумшуғи салгина очилиши билан жилгани кучли овоз тутди.* С. Анорбоев, Оксой.

**2** Ҳайвонлар бошининг олд (оғиз, бурун томон) қисми. *Чучқанинг тумшуғи.* ■ *Елиб-йўрғалаб кетаётган тўриқ дафъатан тум-*

шуғини баланд кўтариб, қаттиқ кишнади. С. Анорбоев, Оқсой. *»Тарзан»* боягидай буйруқни бажариб, қанд «мукофот» олгиси келдими, сахий эгасининг оёғига ялпоқ тумшуғини суркади. Ҳ. Назир, Сўнмас чақмоқлар.

**3 с. т. дағ.** Афт-башара; калла, бошинг юз, бет томони. *Пошиа хола.. куёвнинг тумшуғи олдида омбур қилиб қисилган бармоқларини ўйната бошлади.* Д. Нурий, Осмон устунни. У [Мадаминхўжа] бориб, муттаҳам қозининг тумшуғига туширгиси ё ифлос башарасига тупургиси келди. М. Исмоилий, Фарғона т. о.

**4 кўча** Бирор нарса, буюм ва ш.к. нинг олдинга чиқиб турган қисми, бурни. *Кеманинг тумшуғи. Милтиқнинг тумшуғи. ■ Холиқ кўзлаб туриб, оғир этигининг тумшуғи билан бир тепди.* Ҳ. Назир, Чўл ҳавоси. *Пўлат қуш тумшуғини чўза-чўза, осмонга кўтарилди.* Н. Сафаров, Оловли излар. *Уларнинг бири сумкадан ойна қутига ўхшаш нарсани олди-да, машинанинг тумшуғига кўйди.* Мирмуҳсин, Супургига сажда.

**Тумшуқ тикмоқ (ёки суқмоқ)** Бирор иш, нарсага алоқаси бўлмаган ҳолда, ўринсиз аралашмоқ. *Биринчидан, мени афандихон деманг. Иккинчисидан, тушунмаган ишингизга тумшуғингизни суқманг!* С. Аҳмад, Ҳукм. Бу ишга унинг тумшуқ тикмаслигини илтимос қилишганда.. Мирмуҳсин, Чодрали аёл. *Расулжон ўзининг бевосита вазифаси қолиб, бошқаларнинг ишига тумшуғини тикади.* Ж. Абдуллахонов, Хонадон. **Тумшуғи (ёки қовоқ-тумшуғи) осилмоқ (ёки чўзилмоқ)** Афт-башараси хафалик, норозилик ва ш.к. ни ифодаловчи тунд ҳолатли бўлмоқ. *Менглибойнинг тумшуғи осилди. «Муштум». Терговчи Ҳамдам Йўлдошев, қовоқ-тумшуғи осилиб, уларни хонасига бошлаб кирди.* С. Юнусов, Қутилмаган хазина. *Сўнги гап ёқмади шекилли, тумшуғи чўзилиб кетди.* Ойдин, Ҳикоялар. **Тумшуғи остида (ёки тагида)** Шундоққина олдида, ёнгинасида. *Агар тумшуғининг остида нималар бўлаётганини кўрмаса, унда у латта! «Шарқ юлдузи». Қайнона шундоқ Йигиталининг тумшуғи остига келиб, гулдуроқ овоз билан бир кулиб кўйди..* Д. Нурий, Осмон устунни. *Поезддан тушгандан кейин тумшуғимиз тагида экансанку, биз бўлсак қаёқларга бориб юрибмиз.* Э. Раймов, Ажаб қишлоқ. *..кўчада турган милиционернинг тумшуғи тагидан кўча ҳара-*

*кати қоидасини бузиб ўтиб кетган-ку..* И. Қаландаров, Шохидамас, баргида. **Тумшуғидан илинмоқ** Кўлга тушмоқ. *Ниҳоят, қинғир кўчага кирган ёшлар тумшуқларидан илинишди.* Газетадан.

**ТУН 1** Сутканинг кун ботишдан кун чиққунгача, оқшомдан тонготаргача бўлган қисми. *Ойсиз тун. Тун капалаги. Ой тунда керак, Ақл кунда керак.* Мақол. ■ *Очил ярим тунгача кўчаларда тенгираб юрди, ётоққа борса, яна тун бўйи ухлай олмай чиқишини билар эди.* П. Қодиров, Уч илдиш. [Низомжон] *Кечалари юлдуз тўла осмонга тикилиб, тунни тонга улаб, қушлар нағмасидан, сувлар шилдирашидан кўнгилга аллақандай юпанч изларди.* С. Аҳмад, Уфқ.

**2** Тун қоронғиси, қоронғилик. *Баҳор келди, Тун бағрида Ярқ этгандай бўлди нур.* Э. Воҳидов, Нидо. *Ҳали тонг отмаган, кулранг осмон аста-секин оқара бошлаганига қарамай, хиёбонлар, кўчалар, биноларнинг наст-ки қаватлари тун кўйида эди.* Ў. Умарбеков, Ёз ёмғири. *Олис-олисларда ёнган юлдуздек Дардим билан сингиб кетдим мен тунга.* Х. Даврон, Қақнус.

**ТУНАМОҚ 1** Бирор жойда тунни уйқу билан ўтказмоқ, кечаси ётиб қолмоқ. *Хирмонда тунамоқ. ■ Бозорни кутиб, икки-уч кун.. самоварда тунадик.* Ф. Гулом, Шум бола. [Йўлчи] *Баъзан Қоратойнинг ишхонасида, баъзан чойхонада тунаб юрди.* Ойбек, Танланган асарлар. *Тўғридан ҳам кичик булоқ бор экан. Карвон тун ерда тунади.* М. Исмоилий, Фарғона т. о.

**2** Босқинчилик, ўғрилиқ қилмоқ (одатда, тунда). *Улар биринчи кунни Кўйликқа яқин жойда Зуфар Ғайнуллинни тунаб, калтакладилар.* Газетадан. *Раҳмат шериклари билан тунда фабрикадан келаётган И.М. исмли қизни тунаб, жабрлаб қочаётанларида, қинғир ишининг қийғи чиқиб қолди.* Газетадан.

**ТУНГАН** с. т. Тунгони. *Ора-сира тунганлар ҳам кўришиб қолади. Улар аёллар кўйлагига ўхшаш узун камзул кийган.* Ҳ. Нуъмон ва А. Шораҳмедов, Ота.

**ТУНГИ** Тунда бўлган ёки бўладиган; тундаги, кечки. *Тунги смена. Тунги салқин. ■ Асаб, тунги уйқусизлик Қудратни толиқтирган эди.* З. Фатхуллин, Сўнмас юлдуз. *Расулжон тунги сайрнинг ҳаётбахш таас-суротидан беқиёс лаззат топиб, уйига қайт-*

ган маҳал тонг ёриша бошлаган эди. Ж. Абдуллахонов, Хонадон.

**ТУНГОНИ 1** Халқ, миллат номи. қ. дунганлар, тунгонилар.

2 Шу халқ, миллатга оид, тегишли. Тунгони йигит. Тунгони тили.

**ТУНГОНИЛАР** қ. дунганлар.

**ТУНД** [ф. *тунд* — шиддатли, қаттиқ; таранг, пишиқ; захарли, ваҳший, газабли] 1 Муомаласи кўпол, ёқимсиз, кўрс. *Тунд, камган, кекса жарроҳ.. ҳар бир сўзни ўлчагандай, оҳиста тушунтира бошлади.* Ойбек, Навоий. *Каримжон, Манзура ўйлагандек, тунд эмас экан. Ушундай қизиқ гапларни топиб гапирардики, унинг сўзмолигига Манзура қойил қолди.* Ҳабибулло, Ғунча. *Эсон устол [стол] ёнига бориш билан Саудийнинг тунд гапини эшитмаган, Саудийни кўрмаган бўлди.* А. Қаҳҳор, Сароб.

2 Кўриниши, чехраси совуқ, қиёфаси ёқимсиз. *Тунд башара.* ■ *Эшик оға икки букилиб таъзим қилар экан, юзи тунд кўринди.* П. Қодиров, Бобур. *Икки кунчадан бери тунд бўлиб юрган Йигиталининг кўнгли ёришиб кетгандай бўлди.* Д. Нурий, Осмон устуни. *Эрталаб ҳаво тунд, осмонни паст тушган булутлар қоплаб олган.* Ш. Холмирзаев, Бодом қишда гуллади.

**ТУНДА** *рви.* Тун паллада; кечаси. *Борсак, ой чиқмасдан борайлик. Тунда шундай зўр ов бўлсинки.. унинг гаштига нима етсин!* М. Мансуров, Ёмби. *Ҳозироқ йўлга чиқиб, эртага тунда қайтаман.* Х. Ғулум, Машғал.

**ТУНДЛАНМОҚ** қ. тундлашмоқ. *Нарвоний яна тундланди, чимирилди-ю, негадир гапирмай, блокнот варағидаги ёзувни «Мана, ўзингиз ўқиб, била қолинг», дегандек суриб қўйди.* «Муштум».

**ТУНДЛАШМОҚ** Тунд бўлмоқ, тунд қиёфа олмоқ. *Ҳури унинг [Камолнинг] башараси тундлашиб, катта-катта қора кўзлари газабдан чақнаганини кўрди.* Ш. Ғулумов, Саҳрода. - *Бўпти. Шундай қиламиз, — деди Шербек қатъий.* Унинг юзи кўланка тушгандай тундлашди. — *Тўламат ака, энди менга тўриқни беринг.* С. Анорбоев, Оқсой. *Бироқ чўлга етганларидан кейин ҳамма ёқни бир зумда қоронғилик босиб, ярим чақирим жойини ҳам аранг кўз илғайдиган даражада тундлашди.* Ж. Абдуллахонов, Хонадон.

**ТУНДЛИК 1** Кўполлик, совуқ муомалалик. - *Биласизми, — деди Пётр Ларионович*

*тундлик билан, — мени бу ердаги ёзувлар қизиқтирмайди.* М. Хайруллаев, Гилла маржон.

2 Тунд ҳолат, қиёфа. *Акасида.. сўз ўтмас бир тундликни кўрди.* Ҳ. Аҳмар, Ким ҳақ? *Ташқарида ҳам уйдагидек тундлик ҳукмрон эди.* Д. Нурий, Осмон устуни.

**ТУНДРА** [фин. *tunturi* — ўрмон (дархт)сиз баланд тоғ, тепалик] Шимолий яримшарнинг юқори кенгликларидаги ўта совуқ иқлимли ўрмонсиз, йўсинлар, сийрак майда ўсимликлар билан қопланган ерлар.

**ТУН-КУН, туну кун 1** Кечаю кундуз, кечасию кундузи, сутка давомида. *Шунинг учун бу ерда дарғалар бедор, туну кун бақир-риқ-чақирриқлар, узун эшакларнинг бетиним шалоплагани.. эшитилиб туради.* С. Сиёев, Ёруғлик.

2 Ҳамиша, ҳамма вақт, тинимсиз. *Тун-кун ишламоқ.* ■ *Навоий ва Пушкин — устозлар Тарбиялар туну кун мени.* Х. Салоҳ, Чашма. *Сени ўйларман мангу, Сени ўйларман тун-кун.* Тўлқин.

**ТУНЛАРИ 1** Тун с. 3-ш. кўпл. шакли. *Ҳасанали кунларини томоқсиз, тунларини уйқусиз кечира бошлади.* А. Қодирий, Ўтган кунлар. *Ёз тунлари шу қадар дилбар..* Ғайратий.

2 *рви.* Тун пайтларида. *Кунлари куйиб-пишиб ишлаганидан тунлари қотиб ухлайди.* Т. Ашуров, Оқ от. *Биринчи қаватдаги спорт залининг чироғи тунлари ҳам алламаҳалга-ча ўчмайди.* Ў. Усмонов, Сирли соҳил.

**ТУННЕЛЬ** [ингл. *tunnel* < фр. *tonnel* — юмалок, бочкасимон гумбаз] Транспорт юриши, сув ўтиши ва б. мақсадларга мўлжаллаб тоғ (ер) ёки сув остидан ўйиб очилган йўл, ўтиш жойи. *Метрополитен туннеллари. Тоғ туннели. Туннель қазимоқ.* ■ *Ўрмонзор йўли худди тоғ тагидан кесиб ишланган туннель йўлга ўхшайди.* Н. Сафаров, Жангчи шоир.

**ТУНОВ: тунов кун** Яқинда, ўтган яқин кунларнинг бирида. *Шоир Ҳайдарнинг янги шеърлари тунов кун* ёзувчилар ўртасида муҳокама қилинган эди. М. Муҳамедов, Қаҳрамон изилан. *Меҳринисо ҳам тунов кун* бир шода марвариди билан қўш билагузуғини заргарликка олиб бориб, сотиб келди. Р. Файзий, Ҳазрати инсон.

**ТУНОВГИ** *шв.* Тунов кунги, тунов куни, яқинда юз берган. *Туновги туй. Туновги мажлис. ■ Мен учун танинг ингротиб, туновгидай насиб бўлса келаман.* «Гулихиромон».

**ТУНОВИН** *шв.* Тунов кунги, тунов куни. Булар туновин Катта намозгоҳда ишларини тугатган экан. М. Сафаров, Сўқмоқдаги одамлар. *Подшо бу сўзларни эшитиб, Гўрўглининг оти эканини билиб, туновин харидор бўлган кўсани тутиб олиб, зиндон қилди.* «Далли».

**ТУНУКА** Том ёпиш ва б. мақсадлар учун махсус тайёрланган юпқа, тахта-тахта темир. *Оқ тунука. Рух тунука. Тунука чойнак. Тунука печка. ■ Новвот опа шидан қайтиб келганда, Ўринжон ўзи ясаган уйчанинг устига тунука қоқаётган эди. Ойдин, Ўзи монанд. Самандаров этигининг кўнжидан тунука қутича чиқариб, махорка ўради.* А. Қаҳҳор. Кўшчинор чироқлари.

**ТУНУКАЛИ** Тунука билан ёпилган, тунука қопланган (том ҳақида). - *Тошкентдаги уйлардан чакка ўтмаса керак-а?* - деб сўради у. - *Ўтадиганлари ҳам бор. Лекин кўпи тунукали уйлар. - деди Элмурод.* П. Турсун. Ўқитувчи.

**ТУНУКАСОЗ 1** Томга тунука қоқувчи мутахассис; тунукачи. *Бу одам пора орқасидан олтига участка солган, еттинчисини қураётганда, тунукасоз билан уришиб қолиб, томдан йиқилиб ўлган.* «Муштум».

**2** Тунукадан турли асбоб-анжом ясовчи уста, тунука ишлари устаси; тунукачи. *Кекса деҳқон Юсуф ота образи оддий тунукасоз чол Ориф ота Юсуповга топширилди.* С. Хўжаев, Ўзбек тарихий фильмлари. *Ҳа, ҳунарманд тунукасоз-темирчининг қўли калта бўлади.* К. Яшин, Ҳамза.

**ТУНУКАСОЗЛИК 1** Тунукасоз иши, касби. *Тунукасозлик қилмоқ. Тунукасозликни ўрганмоқ.*

**2** Тунука ишларига оид, тунука ишлари бажариладиган. *У ерда сандиқсозлик, тунукасозлик дўконлари бор эди.* Ж. Шарипов, Хоразм.

**ТУНУКАЧИ** *айн. тунукасоз.* Баланд том устида эмаклар юриб, тунукачилар тунука қоқардилар. П. Турсун, Ўқитувчи.

**ТУНУКАЧИЛИК** Тунукачи иши, касби. *Тунукачилик билан шуғулланмоқ.*

**ТУНҚОТАР** *тар.* Тунги қоровул, соқчи. *Таниш кўнғироқларнинг товушини эшитсан*

*тунқотар дарвозани очгач, кўзи мудҳиш воқеани кўрди.* Ж. Шарипов, Хоразм. *Тошмачитга етай деганларида, рўпарадан ёнига қилич осиб, кўлига гаврон ушлаган тунқотар чиқди.* С. Сиёев, Аваз.

**ТУНҚОТМОҚ** *фольк.* Кечаси билан сергак, бедор бўлмоқ, ухламай чиқмоқ; тунда қоровуллик қилмоқ. *Равшанбек тунлар тунқотиб йўл тортди.* «Равшан».

**ТУП** Ўсимлик ёки дарахтнинг ҳар бир донаси. *Бир туп дарахт. Ўн туп олма кўчати. Ғўзанинг тупи. ■ Салкам миллион туп дарахти бор Тошкентда нима кўп, серсоя жойлар кўп.* П. Қодиров, Уч илдиш. [Фарғонанинг] *Ҳар туп мевасидан бол томади.* Шухрат, Шинелли йиллар. *Экиннинг туپини кўриб, ҳосилини аниқла.* «Қанотли сўзлар».

**Туп қўйиб, палак ёзмоқ (ёки отмоқ) қ. палак 1.**

**ТУПИК** [р. тупой - «тўмтоқ, боши, учи йўқ; боши берк» с. дан] Боши берк кўча ёки йўл. *«Инспектор» ишининг ўнғай кўчаётганлигидан бениҳоя хурсанд ҳолда иккинчи тупикдаги иккинчи эшикни тақиллатди.* С. Икандаров, Товламачи.

**ТУПКА:** (бир) **тупканинг тагида ёки бир тупкада** Жуда ҳам узоқ, чекка жойда. *Уйи бир тупканинг тагида экан. ■ Хўжабековни тупканинг тагидан бўлса ҳам топиб келамиз.. Халқ олдида ҳисобот берсин! С. Анорбоев, Оқсой. Ёнимда юриш отанга буюрмовди, сен ҳам мени ташлаб, укаларининг кўзларини жавдиратиб, бир тупкада юрсанг, мен куймай ким куйсин! Н. Ёқубов, Хаёлимдаги қиз.*

**ТУПЛАМОҚ** *айн. тупурмоқ.* Балғам тупламоқ. *Оғзидаги носвойини туплаб ташламоқ. ■ Эликбоши.. лой ва қон аралаш туплайди.* Ойбек, Танланган асарлар.

**ТУППА 1** Суюқ ош учун уграга нисбатан энлироқ қилиб тайёрланадиган узма ёки кесма хамир. *Уврага уқувинг йўқ, паловни ланж қиласан, сомсани ёполмайсан, туппани кесолмайсан.* А. Қодирий, Меҳробдан чаён.

**2** Шундай хамир солиб пиширилган суюқ ош. *Бир ой ўтмай, қавм-қариндошларининг ҳам зиёфатлари ниҳоясига етиб, бева онасининг туппасига қаноат этишга мажбур бўлиб қолди.* А. Қодирий, Меҳробдан чаён.

**ТУППАК** *с. т.* Лой соққани пуфлаб қуш отиш учун махсус ясалган қамиш най.



Туппак билан чумчуқ отмоқ. ■ [Овчи] Албатта, ёввойи тўнғиз овлаш учун қўлига қирғий ёки туппак кўтариб чиқмайди. Шукрулло, Жавоҳирлар сандиғи.

**ТУППАКЧИ** Туппак отувчи. Мўмин туппакчи асли овчи эди. Шукрулло, Жавоҳирлар сандиғи.

**ТУПРОҚ 1** Ернинг қовлаш, чопиш, ҳайдаш, эзилиш ва ш.к. натижасида ҳосил бўлган юмшоқ қисми, қатлами. *Бир ҳовуч тупроқ. Тупроқ уюми. Урани тупроқ билан кўмиб ташламоқ. Тупроқ олсанг, олтин бўлсин.* Мақол. ■ *Чуқурликлардан ирғитилаётган тупроқ окопларнинг чап қирғоқларида тоғ бўлиб кўтарилмақда.* И. Раҳим, Чин муҳаббат. *Бўсагани тўрт энлик тупроқ қоплаган.* С. Сиёев. Ёруғлик.

2 Ер қобиғининг ўсимлик ризқ олиб ўсадиган устки қатлами; ер. *Қора тупроқ. Қумлоқ тупроқ. Тупроқ харитаси. Тупроқ-иқлим шароити.* ■ *Мирзачўлнинг тупроғи Бўлар ёйликнинг боғи, Тошар севги булоғи, Тўлдириб дил жомимни.* Ё. Мирзо. *Шароитга қараб пайкалларга чигит суви бериляпти, чунки тупроқ қатламида нам анча камайиб қолди.* Газетадан. *Тупроқ — ҳосилнинг негизи, қишлоқ хўжалиги ишлаб чиқаришининг табиий шарт-шароитларидан ва ягона воситаларидан бири.* «Фан ва турмуш».

3 Ўлган кишининг хоки; хок. [Қурбон ота:] «*Бир сиқим тупроғим бегона юртда қолиб кетмаса экан*», деган ўйга борди. А. Қаҳҳор. Тўй.

4 кўчма Маълум юрт, ўлка, мамлакатга қарашли ҳудуд. *Ҳозирги Ўзбекистон тупроғида яшаган қадимги халқлар ўзларининг мустақил, бой маданиятларига эга бўлганлар.* К. Яшин, Ҳамза. *Улар энди Мовароуннаҳр тупроғида эдилар.* Бу рўйи замин дунёдаги энг гўзал ва энг муқаддас мамлакат эди. Мирмуҳсин, Меъмор.

(Бу ернинг) **тупроғи оғир** Бу ерни ташлаб кетиш осон эмас, бу ерни ташлаб кетишга ҳеч кимнинг кўзи қиймайди. **Тупроқ билан тенг қилмоқ** Жуда пастга урмоқ, қадрқимматини ерга урмоқ. *Мен ҳали келиб-келиб одамгарчиликни, диёнатни, номусни тупроқ билан тенг қилган сиздай разил, хотинфуруш, қўшмачилар олдида шунчалик паст тушдимми?!* Ҳамза, Бой ила хизматчи. *Қўшни халқларга босқинлар уюштирди, ўзга юртларни вайрон этди; уша халқларнинг асрлар*

*давомида вужудга келтирган маданий бойликларини тупроқ билан тенг қилди.* С. Кароматов, Олтин кум. **Тупроқдан ташқари** Ўлмай, ҳаёт қолда. *Яраларимнинг ҳаммаси ҳам унча оғир эмас, мана, тупроқдан ташқари юрибман.* «Шарқ лудузи». **Тупроққа топширмақ** Дафн этмоқ, қабрга қўймоқ. *Ўғли Шодмонбекнинг Фарғона жангидан қайтмагани, уни ўз қўли билан тупроққа топширган Низомиддиннинг ҳам тупроққа кўшилиб кетгани ёмон из қолдирган бу усталар хонадонида анчадан буён хафақонлик, мотамсаролик ҳукм сурарди.* Мирмуҳсин, Меъмор. **Тупроғи совимасдан** Вафот этганига кўп вақт бўлмай. *Қандай ота у.. Ойимнинг тупроғи совимасдан чўри қизга уйланадими?* Ойбек, Танланган асарлар. **Тупроғи тортмоқ** Туғилиб ўсган (ўз) жойи ундамоқ, жалб қилмоқ. *Бу ишлар — худонинг иши, халойиқ, Ё тупроғим, нон-насибам тортганди, Элни йиғинг, юринг, жовлиқ кетамиз.* «Юсуф ва Аҳмад». **Тупроғи шу ердан олинган** Асли шу ернинг одами, шу ернинг ўзиники деган маънони қайд этади. — *Дўсматов ўзимизники, — деди Сотволди, — Дўсматовнинг тупроғи шу ердан олинган. Ҳеч қайёққа кетолмайди.* П. Турсун, Ўқитувчи. **Тупроғини яламоқ** Маълум жой, ҳудудда кўп йиллар муқим бўлмоқ. *...халқимнинг зулматли кечасида лоақал жинчироқ бўлармиканман, деб мадраса тупроғини олти йилдан бери ялаб келдим.* М. Исмоилий, Фарғона т. о.

**ТУПРОҚШУНОС** Тупроқшунослик бўйича мутахассис олим. *Ўзбек тупроқшунослари.* Тупроқшунос олим. ■ *Экспедиция таркибида тарихчи-археолог, тупроқшунос, табиатушнос ва ишчилар бор.* Ж. Абдуллахонов, Тўфон.

**ТУПРОҚШУНОСЛИК** Тупроқ, унинг таркиби, турлари ва хусусиятларини ўрганадиган фан. *Тупроқшунослик институти.* ■ *Тупроқ унумдорлигини ҳар томонлама пухта ўрганишга ҳамда қишлоқ хўжалиги фани ютуқлари асосида уни яхшилашга қаратилган тадбирларни ишлаб чиқиш — тупроқшуносликдаги асосий вазифалардан биридир.* «Фан ва турмуш».

**ТУПУК 1** Оғиз бўшлиғида сўлак безлари томонидан ишлаб чиқариладиган ва овқатни ҳазм қилиш учун хизмат қиладиган суюқлик. *Тупук ютмоқ.* ■ *Овқат оғизда атала ҳолига келиб, тупук билан ара-*

лашгандан кейин ошқозонга, ундан ичакка ўтади. Н. Исмоилов, Касалларни парвариш қилиш.

**2** Шу суюқликнинг тупуриладиган бўлаги. *Қаҳратон қиш. Туп десангиз, тупугингиз музлайди.* Ойдин, Ҳазил эмиш.

**ТУПУКЛАМОҚ** Тупук билан ҳўлламоқ. *Тупуклаб ёпиштирмоқ. Иннинг учини тупуклаб эшмоқ.*

**ТУПУРИК** кам қўлл. айн. **тупук.**

**ТУПУРИКЛАМОҚ** кам қўлл. айн. **тупукламоқ.**

**ТУПУРМОҚ 1** Тупукни тил, лаб ёрдамида ташқарига ташламоқ, отмоқ. *Осмонга тупурсанг, бетинга тушар.* Мақол. ■ *Руқия унинг олдига келиб, бир туртди, ғазабига чидалмай, «чирт» этказиб ёнига тупурди..* К. Яшин, Ҳамза.

**2** Оғиздаги (оғизда тўпланган) қон, нос ва ш.к. ни ташқарига ташламоқ. *Оғиздаги носини тупуриб.. шимининг почасини шимариб, кетмон билан ўртага тушди.* С. Аҳмад, Лаъли Бадахшон. *Бектемир тупроқ остидан эмаклаб чиқди. Оғзидан лой тупурди.* Ойбек, Қуёш қораймас. *Латофат ҳамон «қариқиз» ўтини тишлари билан кирсиллатиб узиб, тупуриб ташлар, олис қишлоқ ҳаётини эслатувчи қадрдон бир ис туярди димоғида.* Ў. Ҳошимов, Бир томчи шудринг.

**ТУР 1** Белгилари, хоссалари, вазифаси ва ш.к. жиҳатдан умумий бўлган бир гуруҳ ёки бугунлик ташкил этган нарсалар, ҳодисаларнинг хили, нави, кўриниши. *Пойабзал турлари. Газлама турлари. Спорт турлари. Қўшин тури (ҳарб).* ■ *Ҳозирги вақтда Ўрта Осиё ва Закавказьеда алоининг дарахтсимон тури ерга экиб ўстирилмоқда. «Саодат». Санъат турларининг ичида энг қийини рассомчилик.* Ф. Мусажонов, Ҳиммат. *Туризм ва экскурсия оммавий дам олишининг энг қизиқарли турларидан бирига айланмоқда.* Газетадан.

**2** биол. Ўсимлик ва ҳайвонлар тизимида бирор туркумга мансуб, алоҳида сифатга эга бўлган шакл, тасниф бирлиги. *Уссури қобони – япон чўчқасининг бир тури.* ■ *Ирсият туфайли узоқ эволюция давомида пайдо бўлган асосий структуралар ҳамма турларда сақланиб қолади.* «Фан ва турмуш».

**3** Баъзи белги билдирувчи сўзлар билан қўлланиб, «тарз», «ҳолат», «аҳвол» маъноларини билдиради. *Эликбоши бир минут*

*қадар сукут қилиб, ҳалиги «икки оғиз» сўз-ни қай турда бошлашни ўйлади-да, жилмайиб қўйди.* Ойбек, Танланган асарлар. *-Бугун эрталаб домла бизникига келган эди, – деди Султонали жиддий турда.* А. Қодирий, Мехробдан чаён.

**ТУР 2** [фр. tour – айлана, доира; айланма ҳаракат; минора] Даврала спорт мусобақаларида бир қур ўйин. *Шахмат турнирининг учинчи тури.* ■ *Хоккей бўйича.. шарқий зонада қатнашаётган командаларнинг иккинчи давра биринчи тур учрашувлари ниҳоятда кескин кураш вазиятида ўтди.* Газетадан.

**ТУРАНҒИ, туронғи** Теракнинг тўқайларда, сув бўйларида ўсадиган бир тури. *Улар.. юлғун ва туранғи чангалининг томирларини ковлаб, тракторларга йўл очардилар.* Ш. Рашидов, Бўрондан кучли. *Отларни туронғиларга боғлаб, катта ҳовуз бўйига ўтдилар.* Э. Самандар, Тангри қудуғи. *Бир туронғи тағига бориб тушдик.. Шундан кейин бу туронғи ости бизнинг учрашадиган-ўтирадиган жойимиз бўлиб қолди.* Ш. Холмирзаев, Сайланма.

**ТУРБАТ** [а. تربت – ер, тупроқ; қабр, гўр, мақбара] **1** эск. кт. Тупроқ, ер. *Турбатимдин қон ютиб, лола унар.* Муаззамхон.

**2** кўчма. Қабр, сағана, мақбара. *-Шу турбатда истироҳат қилиб ётган Хўжаубон ҳазратлари, – деб фаррош қабрни кўрсатибди.* С. Айний, Эсдаликлар.

**ТУРБИНА** [фр. turbine < лот. turbo, turbinis – қуюн, уярма; шиддатли айланиш] Сув, буғ ёки газ кучи билан ишлайдиган двигателъ. *Буғ турбинаси. Газ турбинаси. Турбина заводи.* ■ *Турбиналардан чиқиб келаётган ҳавонинг шиддати довул кучига эга.* Газетадан. *..буғ турбиналари ўрнига газ турбиналарини ишлатиш катта аҳамиятга эга бўлиб қолмоқда.* Газетадан.

**ТУРБИНАЛИ** Турбинага эга бўлган, турбина ўрнатилган. *Буғ турбинали электростанция.*

**ТУРБИНАЧИ** Турбина ишлаб чиқарувчи ёки турбинага қаровчи мутахассис. *Турбиначи слесарлар.*

**ТУРБОБУР** [р. турбобур < лот. turbo – қуюн, уярма + нем. Bohrer – бурғи] тех. Чуқур қудуқларни (мас., газ, нефть қудуқларини) бурғилайдиган гидравлик аппа-

рат; бурғи. *Тез орада Газободга турбобур ускуналари этиб келди.* И. Раҳим, Тақдир.

**ТУРБОГЕНЕРАТОР** [лот. turbo – қуюн, уюрма + генератор] *тех.* Газ ёки буғ турбинасидан ҳаракат олиб, у билан бирга ишлайдиган электр генератор. *Реакторнинг иссиқлик алмаштиригичларида буғ вужудга келади ва у турбогенераторларни ҳаракатлантиради.* «Фан ва турмуш».

**ТУРГАН-БИТГАНИ** Бутун борлиғи, бутунлай. *Зайтун дарахтининг турган-битгани киши организми учун фойдали.* Газетадан. *Кечаси ҳаммани эснатиб мажлис ўтказади. Турган-битгани халақит бериш.* Ш. Тошматов, Тонгдаги кўланка. *Бош инженер айтганидек, Ёқубжоннинг турган-битгани пай.* Н. Сафаров, Жасоратнинг давоми.

**ТУРДОШ** Бир турдаги, бир хилдаги, бир хил. *Турдош касбларни эгалламоқ.* ■ *Уларни [кадрларни] малака ошириш учун турдош корхоналарга юборяпмиз.* Газетадан.

**Турдош от тли.** Бир турдаги предметларнинг номини англатадиган отлар.

**ТУРИБ-ТУРИБ 1** Кўп вақт тик қолиб, кўп вақт ўтказиб. *У остона олдида туриб-туриб, орқасига қайтди.*

**2** Орадан вақт ўтиб, баъзи-баъзида, такрор ҳолда. *Унинг гаплари туриб-туриб менга алам қиляпти.* ■ *Туриб-туриб беҳуда хаёллар чулғаб олади. Не машаққатлар билан борганимдан кейин, [Муроджон] яхши қабул қилса тузук.* Файратий, Узокдаги ёр.

**3** Кўп вақт фикр юритиб, ўйлаб-ўйлаб. *Меҳмон саволларимга жавоб бермасдан, туриб-туриб, тўсатдан: -Думли одамларни кўрганмисиз? – деди.* «Гулдаста».

**ТУРИЗМ** [фр. tourisme < tour – айланмиш, сайр (саёҳат) қилиш] **1** Ҳам дунёни кўриш, билиш, ўрганиш, ҳам дам олиш мақсадида ташкил этиладиган сайр-саёҳат. *Халқаро туризм.* ■ *Сахий қуёш, тинчлик ва саховат ўлкаси бўлган республикамизга жаҳоннинг турли мамлакатларидан кўплаб туризм ва саёҳат ишқибозлари келмоқдалар.* Газетадан. *Туризмнинг тобора ривожланиётганини эътиборга олиб, туристик поездлар маршрути янада кўпайтирилади.* «Фан ва турмуш».

**2** *спрт.* Организмни жисмоний чиниқтириш мақсадида уюштириладиган жамоавий юришлар, сафарлар.

**ТУРИСТ** [фр. touriste – сайёҳ] Туризм билан шуғулланувчи шахс; туристик саёҳат, юриш қатнашчиси. *Чет эллик туристлар.* ■ *Йигитали лола сайлига бир неча кун тайёргарлик кўрди. Прокат [ижара]дан палатка, ҳатто туристларнинг қозон-товонни ҳам олиб келди.* Д. Нурий, Осмон устун.

**ТУРИСТИК** Туризмга, туристларга оид. *Туристтик саёҳат. Туристтик йўлланма.* ■ *Бўстонлиқ туманидаги «Чимён» туристик мажмуаси ҳам қишки дам олиш мавсумини қизгин бошлади.* Газетадан. *Депонинг ишлаб чиқариш илғорлари Самарқанд-Бухоро туристик поездида ҳам мароқли сафар қилдилар.* Газетадан.

**ТУРИШ 1 Турмоқ** фл. ҳар. н. Қўшни қўшиндан эрта туришни ўрганади. Мақол. ■ *Гулнор.. оёқда туришга ожиз, тинкаси қуриган бир хаста каби, умидсизлик билан яна секингина ўтирди.* Ойбек, Танланган асарлар. *Отабек бу хабарни совуққина эшитиб ўтирар ва фотиҳа ўқиб, туришга ҳозирланар эди.* А. Қодирий, Утган кунлар.

**2** Муайян ҳолат, вазият, аҳвол. *Бу туришда иш битмайди. Шахмат ўйини шу туришда кечиктирилди. Туришидан у сенга ўхшаб кетади.* ■ *Боядан бери густохона сўзларни бисёр айтган бўлса-да, Авазнинг бу туриши хонга ёқди.* С. Сиёев, Ёруғлик.

**Туриш бермоқ** Бардош бермоқ, чидаш бермоқ, чидамоқ. *Бай-бай.. мен еган қаймоқларни ариқ қилиб оқизсангиз, ҳеч қандай тўғон туриш бермайди.* А. Қаҳҳор, Икки ёрти – бир бутун. *Асло қочмай, беринг туриш, Шердай бўп қилинглар хуруш.* «Юсуф ва Аҳмад».

**ТУРИШ-ТУРМУШ** Шахснинг ҳаёт тарзи, аҳволи. У [Сидиқжон] *Шарофатнинг қўйини пуч ёнғоққа тўлғазмаслиги, туриш-турмушини кўрсатиши керак экани тўғрисида ўйлаганида, бу туриш-турмуш туфайли, оз бўлса-да, хижолат тортишини хаёлига ҳам келтирмаган эди.* А. Қаҳҳор, Қўшчинор чироқлари.

**ТУРК 1** Туркия давлати асосий, туб аҳолисининг, миллатининг номи. *Турк халқи. Турк миллати (қ. турклар).*

**2** Шу халқ, миллатга тегишли, мансуб, оид. *Турк аёли. Турк тили.*

**ТУРКИГҮЙ** [туркий + ф. گوی – сўзловчи, гапирувчи] *эск.* Туркий тилда ўқувчи ва ёзувчи. *Туркигуй шоир.*

**ТУРКИЙ** Турк этноси, унинг тили ва маданиятига оид (қ. **турклар 2**). *Туркий тиллар. Туркий халқлар.*

**ТУРКИЙЛАР** Жаҳондаги энг қадимий ва йирик этнослардан бири (яна қ. **турклар 2**).

**ТУРКИЙШУНОС** [туркий + ф. *شناس* — ўрганувчи] Туркийшунослик бўйича мутахассис, олим.

**ТУРКИЙШУНОСЛИК** Туркий тилларда сўзлашувчи халқларнинг тиллари, этнографияси, тарихи, адабиёти, фольклори, маданиятини ўрганувчи гуманитар фанлар мажмуи.

**ТУРКЛАР 1** Туркиянинг асосий, туркий бўлган халқи.

2 Туркий тиллардан бирида сўзлашувчи халқларнинг умумий номи.

**ТУРКМАН 1** Туркманистоннинг асосий аҳолисини ташкил этувчи халқ ва миллат номи. *Туркман халқи. Туркман миллати* (қ. **туркманлар**).

2 Шу халқ, миллатга мансуб, тегишли. *Туркман тили. Туркман маданияти.*

**ТУРКМАНИ 1** Туркманларга хос, туркманларга оид. *Туркмани телпак. Туркмани чакмон.*

2 Майизнинг бир нави.

**ТУРКМАНЛАР** Туркманистоннинг асосий аҳолисини ташкил этувчи халқ; туркман халқи.

**ТУРКМАНЧА 1** Туркманларга, туркман халқига, унинг тили, адабиёти ва маданиятига оид. *Туркманча рақс. Туркманча кийим.*

2 Туркман тили. *Сиз туркманча(ни) биласизми? Туркманча гапирмоқ.*

**ТУРКОЛОГ** Туркология мутахассиси, олим. яна қ. **туркийшунос**.

**ТУРКОЛОГИК** Туркийшуносликка оид. *Туркологик адабиёт. Туркологик тадқиқотлар.*

**ТУРКОЛОГИЯ** [туркий + юн. *logos* — фан, тушунча] қ. **туркийшунослик**.

**ТУРКОНА 1** эск. Туркий тил ва адабиётига оид; туркий. *Туркона байт.* ■ *Келиннинг атрофида, орқасида келаётган гуруҳ-гуруҳ аёллар туркона расм билан «ёр-ёр» айтдилар.* Ойбек, Навоий.

2 Халқ табобатига оид; хонаки. *Туркона дори.* ■ *Отинларнинг туркона эми тариқча бўлсин отамга таъсир бермади.* Файратий, Ёшлигимсиз. *Яраш полвон кекса момоларнинг тилига кириб, хотинини туркона муолажа*

*қилдирди. Фойда чикмади.* С. Сиёев, Отлик аёл.

**ТУРКУМ 1** Тўда, тўп, гуруҳ. *Бир туркум одамлар.* ■ *Учинчи туркум фотиҳахонлар келгандан сўнг, махдум Анвар олдиға киши юбориб, уни чақиртириб келишға мажбур бўлди.* А. Қодирий, Мехробдан чаён. *Ховли ўртасида оламни бошиға кўтариб Улуғбуви йиғлар, бир туркум хотинлар унинг атрофини ўраган эди.* Х. Шамс, Душман.

2 Бир-бирига боғлиқ бўлган, бир бутунни ташкил этган бир неча асар, маъруза ва ш.к.; давра, цикл. *Пахтакорлар ҳақидаги шеърлар туркуми. Адабиёт назариясидан маърузалар туркуми.* ■ *Сатирик журналистикада фельетонлар ва памфлетлар туркуми ҳам мавжуд бўлиб, улар ўз ҳажми ва имкониятлари билан повесть жанрига яқин туради.* «ЎТА».

3 биол. Ўсимлик ва ҳайвонлар тизимида бир неча оилани ўз ичига олган бўлинма. *Чумчуқсимон қушлар туркумининг қарғасимонлар оиласи.* ■ *Қалдирғоч — чумчуқсимонлар туркумига мансуб қуш.* «Фан ва турмуш».

**Сўз туркумлари тлш.** Сўзларнинг лексик-семантик, грамматик гуруҳлари. *Феъл туркуми. Сифат туркуми. Сўзларни туркумларга ажратмоқ.*

**ТУРКУМЛАМОҚ 1** Тўп-тўп қилиб бўлмоқ, гуруҳларга ажратмоқ.

2 биол. Биологик белгисига кўра ўхшаш бўлган туркумларни белгиламоқ, ана шундай гуруҳларга ажратмоқ, бўлмоқ, *Балиқларни туркумламоқ.*

**ТУРКЧА 1** Туркларга, турк халқига, унинг алифбоси, тили, адабиёти ва маданиятига оид (қ. **турклар 1**). *Туркча куй.* ■ *Домла эски муқовали туркча китобларни ихлос билан қўлтиқлаб юрувчи, ҳеч кимни менсимайдиган, кибр ва фитна Мирзажон Латифийни синфга бошлаб кирди.* П. Турсун, Ўқитувчи.

2 Турк тили. *Туркча сўзлашмоқ.* ■ *Мен туркчага, у ўзбекчага сал-пал тушунадиган бўлиб қолган эдик.* М. Исмоилий, Фаргона т. о. *Улар туркчага ўгириб, саводхонларга тарқатади.* С. Сиёев, Ёруғлик.

**ТУРКЧИ** эск. Пантуркизм тарафдори, пантуркист.

**ТУРКЧИЛИК** эск. айн. пантуркизм.

**ТУРЛАМОҚ 1** Турли-туман, ранг-баранг қилмоқ, ҳар хил, хилма-хил қилмоқ. *Экинларни жуда турлаб юборибсиз-ку!*

**2** Бир-бирига мослаб, уйғунлаштириб танламоқ, хилламоқ. - *Осмон каби катта палакни хилма-хил ипак билан турлаб, уч ойда тикиб тугатармиканман? — ўз-ўзига шивирлади Зумрад. Ойбек, Улуғ йўл.*

**3 тлш.** Сўзларни келишиқ кўшимчалари кўшиб ўзгартирмоқ. *Отларни келишиқлар билан турламоқ.*

**ТУРЛАНИШ 1 Турланмоқ 1** фл. ҳар. н. *Ипакларнинг қуёшда турланиши.*

**2** Ҳар хил тусда кўриниш, товланиш.

**3 тлш.** От, олош ва отлашган сўзларнинг келишиқ кўшимчалари олиб ўзгариши. *Отларнинг турланиши.*

**ТУРЛАНМОҚ 1 Турламоқ 1, 2** фл. мажҳ. н. *Дўппининг гуллари жуда яхши турланибди. ■ Сирлар билан турланган қоziқларнинг бирига бева хотиннинг декчасидек бир салла илинган эди. А. Қодирий, Меҳробдан чаён. Зиёфат самимият билан чақирилганликдан, дастурхон қадрли меҳмонга махсус турланган эди. А. Қодирий, Ўтган кунлар.*

**2** Ҳар хил тусда кўринмоқ; қиёфаси тез-тез ўзгармоқ. *Хилма-хил чечаклар билан қопланган дала турланиб кўринарди. ■ Табиатнинг қонуни — турланиб, тусланиб туриши бутун мавжудотга ҳаёт бағишлайди. Газетадан. У [Жаннат] бирон эки соат уч бор турланди: кийимлари беҳисоб эканлигини кимгадир кўрсатмоқчи бўларди. Мирмуҳсин, Умид. Ўқимаган одамга қийин бўлади. Ахир артист минг турланади-я. С. Кароматов, Ҳижрон.*

**3 Турламоқ 3** фл. ўзл. ва мажҳ. н. *Отлар келишиқлар билан турланади. ■ От ўрнида қўлланган сифатлар кўплик, эгалик ва келишиқ кўшимчалари билан, худди отлардек, турлана беради. «Ўзбек тили» дарслиги.*

**ТУРЛИ 1** Белги-хусусияти, ҳолати, жойлашиш ўрни ва б. жиҳатлари билан ўзаро фарқланадиган, ҳар хил турга мансуб бўлган, ҳар хил. *Турли халқ вакиллари. Турли тилда сўзлашувчи кишилар. Турли овозлар. Турли китоблар. Турли таомлар. Турли мамлакат вакиллари. Турли соҳалар. ■ Бойвачча ўзининг фарғоналик дўстлари билан бўлган ўтиришларидан, ҳар турли зиёфатлардан сўзлади. Ойбек, Танланган асарлар. Мамлакатимизнинг турли иқлимий зоналарида*

*ўсувчи ўсимликлар турли вақтларда гуллайди. «Фан ва турмуш».*

**Бир турли 1)** бир хил, доим бирдек бўлиб, ўзгармай турадиган. *Бу оишхонада доим бир турли овқат бўлади. ■ Қизлар ўзларининг бир турлигина сўрашишлари билан Кумуш ила кўриша бошладилар. А. Қодирий, Ўтган кунлар; 2) қандайдир бошқача; галати бир, ўзига хос бир; ажиб. *Бу қизнинг ўзига хос бир турли фазилати бор эди. ■ Отабек қизиқ ҳолатда қолди: бир турли титраб кетди. А. Қодирий, Ўтган кунлар. Ўйин ҳам бир турли назокат касб этиб, Гулсумбиби йўрғалай кетди. А. Қодирий, Ўтган кунлар.**

**2 кам қўл.** Каби, сингари, ўхшаш, янглиғ. *Илон тилли, яшин турли ханжарни, Обру бер, деб хипча белга боғлади. «Равшан».*

**ТУРЛИ-ТУМАН** Хилма-хил, ҳар хил. *Турли-туман хаёлларга бормоқ. ■ Бу чироқлар турли-туман эди: уларнинг ичиди каттаси ҳам, кичиги ҳам, қақнаб тургани ҳам, хираси ҳам, оқи ҳам, қизғиш тусдагиси ҳам бор эди. Ш. Рашидов, Бўрондан кучли. Она табиат инсонга турли-туман неъматларни инъом этиб, унга ҳаёт бағишлаб туради. Газетадан.*

**ТУРЛИЧА** Турли усулда, турли равишда, турли йўл билан; ҳар хил. *Бу масалани турлича ечиш мумкин. Бир гапни турлича тушунмоқ. ■ Грейдернинг ёрдмчи куч сўраб берган телеграмма, радиogramмаларига турлича ноаниқ жавоблар келди. И. Раҳим, Чин муҳаббат. Ҳар хил миллат кишиларининг одатлари, хислатлари турлича бўлса-да, душманга зарба беришига ишончим комил эди. Т. Рустамов, Мангу жасорат.*

**ТУРМА** [р. тюрма < т. турма — қамоқ] қ. қамоқхона, қамоқ. *Турмага солмоқ. Турмага қамамоқ. ■ Ҳоким учта маҳбусни шаҳар турмасига жунатганда, ушаларни Кудрат акам қочириб юборди. М. Исмоилий, Фарғона т. о.*

**ТУРМАК** Ўраб ёки тугиб боғланган нарса; боғ, тугун. *Оқ ҳарир кўйлакли, қора зулфининг турмаги ечилиб, елкаларига тушган парижон қиёфадаги қиз оёғи билан супа лабидаги чувагини қидира бошлади. Ж. Абдуллахонов, Тўфон.*

**ТУРМАКЛАМОҚ 1** Ўраб ёки тугиб боғламоқ. *Майда-чуйда нарсаларимни турмак-*

лаб, Тошкентга жўнайдиган поездга тушдим. М. Муҳаммаджонов, Турмуш уринишлари. Нимагадир орқасидан икки ўрим узун сочини бошига турмаклаб олди. С. Зуннунова, Узилган ип. У [Мунаввара] турмаклаб қўйилган дуррачасини ечиб, серкокил сочларини орқасига ташлади. Газетадан.

2 Этагини, барини кўтариб, белга боғламоқ, бар урмоқ. Сувчи яктагининг этагини белига турмаклаб олди. ■ ..устиса Бухоронинг олабайроқ матосидан чопон кийиб, камар ўрнига чопонини турмаклаган мулланамо бир зот бўлиб, бу киши яроқсиз [қуролсиз] эди. А. Қодирий, Ўтган кунлар.

**ТУРМАЛМОҚ** кам. қўлл. Турмаклаб боғланмоқ, турмакланмоқ. Ханнаянинг сақичдай қора қуюқ сочи икки қубба қилиб бошига турмалган. А. Мухтор, Қаноти синган орзу.

**ТУРМАЧИ** с.т. Турма назоратчиси.

**ТУРМИНЛАМОҚ** қ. тамбаламоқ. -Опoch, - Карвон хотинига юшкоққина деди, - Меҳмонларингизни кузатиб, эшикни турминлаб келинг, икки оғиз гап бор. Ҳ. Фулом, Тошкентликлар.

**ТУРМОҚ 1** Оёқ узра тик вазиятда бўлмоқ. Оёқ учуда турмоқ. Саф тортиб турмоқ. Кўча бошида турган йигит. Тиз чўкиб яшагандан тик туриб ўлган яхшироқ. Мақол. ■ [Йўлчи] Қўл қовуштиради, қандайдир хомушлик, бепарволик билан жимгина турди. Ойбек, Танланган асарлар. Кирсам, Қўқонга кетган Қаям понсад уч-тўрт йигити билан қўшбегининг қаршисида турибди. А. Қодирий, Ўтган кунлар.

2 Бирор жой-макон, вақт, ҳолатда мавжуд бўлмоқ. Токчада турган соат. Кўча четида турган машина. ■ Мадраса томи қиррасида туриб, пастдан пақирда арқон билан сув тортиб олаётган йигит.. гишт тарашлаб ўтираган кекса одама ўзга тилда бир нима деди. Мирмуҳсин, Меъмор. Ўқ отиши нуқталарида қоровул пулемётчилар турибди.. Т. Рустамов, Мангу жасорат. Бир ҳафта турган бўлсак, ҳар кун олтмиш хонадондан дастурхон чиқади. «Ўзбекистон кўриқлари». Биз катта ишлар, улуг ўзгаришлар арафасида турибмиз. Ш. Рашидов, Янги ер ҳақида сўз. Аскарларимиз дадил туриб, душманга талафот етказар эдилар. Газетадан. Бизнинг гапимизни икки қилмайсиз, нима хизмат бўлса, белни боғлаб шай турасиз. Э. Раимов, Ажаб қишлоқ. Инсон қалбида улуг

ва савобли ишларни қилиш истаги борми, у тек туролмайди. Газетадан.

3 Бирор жой-маконда истиқомат қилмоқ, ҳаёт кечирмоқ; яшамоқ. Муллажон амаким бозорга шундай яқин Гулзоробод маҳалласида турадилар. Э. Раимов, Ажаб қишлоқ. ..саксон учга кирган амакимиз борлар. Шаҳарда турадилар. Р. Файзий, Чўлга баҳор келди. Ваққос отанинг бу ил қишлоқда иши кўп бўлгани учун Омил ҳам Нодирларникида турадиган бўлди. С. Юнусов, Кутилмаган хазина.

4 Умр кўрмоқ, яшамоқ; яшаб кетмоқ. Дунё тургунча туринг. Шу аёл билан икки йил турди. Тўнғич фарзанди турмади. ■ [Қумри] Боласи турмай-турмай, якка-ёлғиз арзандаси Турсунбойни, шамолни ҳам раво кўрмай, авайлаб боқиб катта қилди. С. Аҳмад, Уфқ.

5 Ўзи бирикиб келган сўз англаган жой, соҳа, вазифа ва ш.к. да ишлаш, шундай иш-вазифани бажариш маъносини билдиради. Мудофаада турмоқ. Қоровул турмоқ. ■ Тишдан қараганда эски, кўримсиз, лекин катта, сермол дўконда Мирзакаримбой билан Салимбойвачча турар эди. Ойбек, Танланган асарлар.

6 Кутган ҳолда бўлмоқ, бўлиши, юз бериши, келиши умидида бўлмоқ, шу мақсадда ўзини тутмоқ. Бир оз турайлик-чи, зора келиб қолса. Шунча турдик, яна сабр қилайлик-чи, ишимиз юришиб қолар.

7 Ишлатилмай, сарflanмай, бузилмай, ўз мавжуд ҳолатида бўлмоқ; сақланмоқ. Юборган нарсаларинг ҳаммаси турибди. Қирқма қовун кўп туради. Картошка, сабзи каби маҳсулотлар махсус ўраларда яхши туради.

8 Навбатда, қаторда мавжуд бўлмоқ; бор бўлмоқ. Чорвадорларимиз олдида жуда муҳим вазифалар турибди. Газетадан. Бугунги кунда инсоният олдида ниҳоят муҳим муаммо турибди, у ҳам бўлса, Ер юзида тинчликни сақлаб қолиш. Газетадан. Сизларнинг олдингида деҳқончиликларингизни йўлга қўйиб юбориш вазифаси туради. З. Саид, Н. Сафаров, Тарих тилга кирди.

9 Ўзи бирикиб келган сўз англаган даража, мавқе, қиймат ва ш.к. га эгалликни билдиради. [Ёрмат] Ҳаммасини тушунтирди: от, арава беш минг сўм туради. Ойбек, Танланган асарлар. Бизнинг жамиятимизда

инсон нурдек покиза, нондек азиз, у ҳар қандай бойликдан юқори туради. Газетадан.

**10 Ётган, ўтирган** ва ш.к. ҳолатдан гавдасини тик ҳолатга олмоқ, қаддини тикламоқ. *У ваннада қанча ётгани билан дили равшан тортмаслигини билиб, ўрнидан турди.* М. Хайруллаев, Тилла маржон. *Шийпонда ўтирган Нодир бобосини кўриб, шошиб ўрнидан турди-ю, кўнгли бузилиб, салом беришнияма унутди.* С. Юнусов, Кутилмаган хазина.

**11 Уйғониб, ўрнидан кўзгалмоқ, ўрнини тарк этмоқ.** *Меъмор барвақт туриб, уч шогирди билан бирга таиқари ҳовлида нонушта қилди.* Мирмуҳсин, Меъмор. *Эрталаб булбулларнинг хонишидан барвақт туриб, узузмор, пахтазорларни айландик.* Шукрулло, Жавоҳирлар сандиғи.

**12 кўчма Ҳаракатга келмоқ, кўзгалмоқ, кўтарилмоқ (шамол, чанг-тўзон ва ш.к. ҳақида).** *Кейин довул турди.. Мўйтанлар қоча бошлади.* А. Мухтор, Қорақалпоқ қиссаси. *Шамол турди, чинор япроқларининг сояси титрай бошлади.* Газетадан.

**13 ёрд. фл. вэф.** Равишдошнинг **-(и)б, -а/-й** қўшимчали шакллари билан қўлланиб, етакчи феъл билдирган ҳаракатнинг давомчилиги, вақтинчалик ҳаракат экани ва б. маъноларни билдиради. *Қатнаб турмоқ. Сўраб турмоқ. Бақрайиб турмоқ. Ишлаб турмоқ.* ■ *Эшик очиқ бўлгани учун ичкаридан футбол комментаторининг узук-юлуқ овози эшитилиб турарди.* Ф. Мусажонов, Нозик масала. *Сартарошлик ёмон касб эмас. Оппоқ халатларни кийиб, атир-упалар ҳиди бурқираб турган озода хонада ўтирасан.* Э. Раимов, Ажаб қишлоқ.

**Бир оз туриб** Бир оздан сўнг, бирпас ўтиб. *-Ўқимасан, ўқимасан. — Кейин бир оз туриб сўрадилар: — Ҳайдавормиди?* Э. Раимов, Ажаб қишлоқ. **Бориб турган қ. бормоқ. Куракда турмайдиган қ. курак. Оёққа турмоқ** 1) оёққа таянган ҳолда турмоқ, кўзгалиб тик турмоқ. *У нутқини.. тугатганда, бутун зал оёққа туриб, гулдурос қарсак чалди.* А. Қаҳҳор, Қўшчинор чироқлари; 2) соғайиб қаддини ростламоқ, турадиган-юрадиган бўлмоқ. *Хуррамов шифо жойларида узоқ даволаниб, охири оёққа турди.* Назармат, Жўрлар баланд сайрайди. **Турган гап** Бирор иш, воқеа-ҳодисанинг сўзсиз юз бериши-бермаслигини, аниқлигини қайд этади. *Масъул лавозимдаги*

*ходим етти ўлчаб, бир кесмаса, унинг хатоси қимматга тушиши турган гап.* Газетадан. **Туриб олмоқ** Бирор талаб, даъво ва ш.к. дан қайтмаслик, фақат ўшани ҳимоя қилмоқ. *Бормайман, деб туриб олди.* ■ *Мен [ўқимайман деб] сўзимда туриб олдим.* Э. Раимов, Ажаб қишлоқ. **У ёқда турсин** Фақат угина (унигина) эмас, ҳатто.. *Кўрқоқ одам жангда ўзини йўқотиб қўйиши аён, ҳужум у ёқда турсин, ўзини ҳимоя қилишни ҳам унутади.* Т. Рустамов, Мангу жасорат. *Меъмор.. ҳозир тунда Арк томон бориш у ёқда турсин, шаҳар кучаларида юриш ҳам мушкул эканини тушунди.* Мирмуҳсин, Меъмор. **Қараб турмоқ (ёки ўтирмоқ)** 1) синчиклаб қарамоқ, разм солмоқ, тикилмоқ. *-Қизиқ! — деди ҳоқим чолга қараб туриб. Унинг сўзи оҳангиди масхаралаш ҳам бор эди.* М. Исмоилий, Фаргона т. о.; 2) бирор кимса ёки нарсага кўзқулоқ бўлиб турмоқ ёки парвариш қилмоқ. *Мен болага қараб турдим, онаси нон ёнди.* ■ *Саройда бирмунча молларимиз бўлар эди.* [Ҳасанали] *Саройда молларга қараб турадир.* А. Қодирий, Ўтган кунлар; 3) (асосан бўлишсиз шаклда) Иш-машғулотсиз ҳолда бўлмаслик, бирор нарса қилмай, жим ҳолатда бўлмаслик. *Сиз уй солсангиз, мен ҳам қараб турмайман.* ■ [Йўлчи:] *Мен қараб турмадим: пода боқдим, ўроқчилик қилдим, отбоқар бўлдим.* Ойбек, Танланган асарлар; [Бой:] *Биттаси манми? Биттаси Шоюнус карвонми? Ҳар кимнинг кармони ўзига маълум. Аммо бизлар қараб турмаймиз, қўлдан келганча, ҳукуматга ёрдам берамиз.* Ойбек, Танланган асарлар. **Қил устида турмоқ** Жиддий хавф остида бўлмоқ, ҳалокат ёқасида бўлмоқ. *Унинг ҳаёти қил устида турарди.* О. Ёқубов, Диёнат.

**ТУРМУШ I** Инсоннинг, миллат ва халқнинг яшаш, кун кечириш тарзи, кундалик ҳаёти. *Ёрқин турмуш. Фаровон турмуш кечирмоқ.* ■ *Яхши ишласак, ўз турмушимиз фаровон, юрт обод бўлади.* Ойбек, О. в. шабадалар. *Турмуш қаттиқчилигини татиб пишган Ботирали дунёда мўъжиза бўлмаслигини яхши билади.* Ҳ. Фулом, Машғал. *Ўрмондаги турмушни ўз кўзинг билан кўриб турибсан. Ҳар бир қўлтурм сув, ҳар бир бурда нон ҳисобли.* И. Раҳим, Чин муҳаббат. *Умарали қисқа вақт ичида ўз ҳаётида юз берган ўзгаришларни эслади, кейин Ҳозининг бетайин турмушини кўз олдига келтирди.* И. Раҳим, Ихлос.

2 Бирор халқ, ижтимоий гуруҳ ва ш. к. га хос ҳаёт тарзи, урф-одатлар, расм-таомиллар мажмуи. *Янги турмуш.* ■ *Гавҳарнинг қаршисида, боя ўзи ўйлагандек, олифта кийинишни яхши кўрадиган қиз эмас, кўпни кўрган, турмушнинг пасту баланд сўқмоқларидан ўтиб келган инсон ўтирар эди.* Ў. Ҳошимов, Қалбинга қулоқ сол. *Айб сизда ҳам эмас, эски турмушда. Эски турмушда хотинлар ҳар қанақа эркакдан тортинади, эркалар ҳар қанақа хотинга тегишгиси келади.* А. Қаҳҳор, Кўшчинор чироқлари.

3 *флс.* Жамиятнинг оддий ҳаёт шарт-шароитлари мажмуи, объектив реаллик. *Турмуш онгни белгилайди.* ■ *Қонунни турмушга сингдириб юборовчи асосий куч бизнинг ўқитувчиларимиздир.* Газетадан.

4 *с.т.* Никоҳ асосида юзага келадиган ҳаёт, эр-хотинлик ҳолати, шу ҳолатдаги ҳаёти. *Бегимхоннинг кўз олдига харита эмас, Эрали жонланди. Қандай тотли эди уларнинг турмуши!* И. Раҳим, Чин муҳаббат. *У турмуши омонат эканини, қачондир оиласи бузилишини кўпдан кўнгли сезиб юрар, аммо бунчалик шарманда бўлишини ўйламаган эди.* Ў. Ҳошимов, Қалбинга қулоқ сол.

**Турмуш(и) бузилмоқ** Эр-хотинлик ҳолати ва шу ҳолатдаги ҳаёт барҳам топмоқ. *Агар шундай ташлаб қўйила берса.. ўртага совуқчилик тушади, оқибатда турмушлари бузилади.* Р. Файзий, Чўлга баҳор келди. **Турмуш ўртоғи** Эр-хотинлик ҳолатидаги шахснинг ҳар бири (эр ва хотин бир-бирига нисбатан). *Рустам уйига ширакайф келди. Бир оздан сўнг турмуш ўртоғи Шоҳиста ҳам ишдан қайтди.* Газетадан. **Турмуш қилмоқ** 1) *айн.* **турмушга чиқмоқ.** *Шу бола ўксимасин, деб турмуш қилмадим, нон заводига кириб ишлаб, ўғлимни ўқитишга киришдим.* «Муштум». 2) эр-хотинлик ҳолатида яшамоқ. *Йигирма йил турмуш қилиб, бола кўрмадим.* И. Раҳим, Чин муҳаббат. *Бироқ найрангбоз Абдувоҳид Ҳурихон Сатторова билан ҳам силлиққина турмуш қилиб кета қолмади.* «Муштум». **Турмуш қурмоқ қ. турмуш қилмоқ.** *Она шўрлик йигирма икки ёшида бева қолиб, шу-шу турмуш қурмади.* Ў. Усмонов, Сирли соҳил. *Турмуш қурганига уч йил бўлибди-ю, ҳамон бу уйга кўникиб кетолмайди.* Газетадан. **Турмушга чиқмоқ** Эркак билан оила қурмоқ; эрга тегмоқ. *Қизларнинг эрки ўзида, севиб, синашиб тур-*

*мушга чиқишади.* «Гулдаста». *Тўртинчи синфга ўтганимда, онам ўзи билан мактабда ишлайдиган ўқитувчига турмушга чиқди.* Ў. Ҳошимов, Қалбинга қулоқ сол.

5 Кишининг бутун борлиғи, бўлган-тургани. *Унинг турмуши шу.*

**ТУРМУШЛАМОҚ 1** Қайтариб белга қистирмоқ, бар урмоқ, турмакламоқ. *Этак турмушлаб, ёнбошига бир муштлаб, ҳайё-ху деб, шаҳардан ташқарига қараб йўлга равона бўлдим.* Ф. Фулом, Шум бола.

2 Ўраб, тугиб боғламоқ, сиқиб, ихчамлаб ўрамоқ. *Ёғни бир қозога солиб, турмушлаб, липтамга қистирдим.* Ф. Фулом, Шум бола.

**ТУРНА** Иссиқ ўлкаларда ботқоқлик ва кўлларда яшайдиган, оёғи, бўйни, тумшуги узун, бошида тожи (сочи) бор кўчманчи қуш. *Арғимчоққа ўхшаб тизилишган турналар..* П. Турсун, Ўқитувчи. *Ўлкамизга навбахор элчилари – турналар ва қалдирғочлар учиб кела бошладилар.* Газетадан. *Сочнинг оқариши инсонлар хусусиятидир, лекин турналарнинг қариган вақтида сочи-тожи кулрангликдан қораликка алмашади.* Газетадан.

**Турна қатор, турнақатор** Қатор бўлиб тизилган, бирининг кетидан бири. *Оғир юк машиналари турна қатор бўлиб тош-бетон тўкканлари – бари кўз олдиди.* С. Анорбоев, Йўлда йўлдош бўлганлар. *Фақатгина уч ойда бир сув берадиган жўмрак бор. Бу ерда ҳам тоғора кўтарган кишилар турна қатор тuzилишиб туради.* «Муштум». *Мана шу овозадан сўнг уйимизга турна қатор совчилар кела бошлади.* Т. Жалолов, Олтин қафас.

**ТУРНИК** [фр. tourner – айлантирмоқ, бурамоқ] Икки устунга горизонтал ҳолатда ўрнатилган темир тўсиндан иборат гимнастика снаряди, мосламаси. *Турникда гимнастика қилмоқ.* ■ *Мана чинакам болалик: озода ва ёруғ синфларда ўқиш, мактаб саҳнида очиқ ҳавода физкультура машқлари қилиш, ёнғоқ олдигаги турникда осилиб, чархпалак бўлиш, шашка-шахмат ўйнаш, қўшиқлар айтиш..* Мана болалик! П. Турсун, Ўқитувчи.

**ТУРНИКЕТ** [фр. tourniquet < tourner – айлантирмоқ, бурмоқ] Биноларнинг кириш жойларида, вестибюлларда ўрнатиладиган, таширф буюрувчиларни битта-биттадан ўтказиш учун мўлжалланган, айланиб турадиган крест шаклли металл тўсиқ, гов.



**ТУРНИР** [нем. Turnier – рицарларнинг ҳарбий мусобақаси] Спортнинг шахмат, шашка, футбол ва ш.к. турларида қатнашувчиларнинг ҳар бири шахсий ёки жамоавий биринчилик учун маълум тартибда, барча қатнашувчилар билан бир ёки бир неча мартадан учрашадиган мусобақа. *Халқаро шахмат турнири. Турнир жадавали.* ■ Расмий мусобақалардан ташқари оила аъзолари ўртасида ҳам ҳар хил турнир, матчлар ўтказиб турилади. М. Муҳиддинов, Доналар мафтун.

**ТУРОБ I** [а. تراب – чанг, гард; хок; тупроқ, ер] эск. кт. Тупроқ; ер. *Хоҳишингча ўлмас эрса, коинот ўлсун туроб, Саргардон қон йиғласун ҳам ерга кирсун офтоб.* Ҳабибий.

2 Туроб (эркаклар исми).

**ТУРОҚ I** кам қўлл. Турадиган жой, маскан. *Сокин-сафоли туроқ: Ўн икки булоқ! Жилдираган чашмалар Ўн икки сингли.* М. Шайхзода, Чорак аср девони.

**ТУРОҚ II** ад. Шейр мисраларида бўғинларнинг мисралар бўйича такролланиб келган муайян бўлаги, қисми. *Тўрт бўғинли туроқ.* ■ *Шейрда қофия, вазн, туроқ деган нарсалар бўлиши керак. Маъно, мантиқ.. бўлиши керак.* Х. Тўхтабоев, Сарик девни миниб. *Байт мисралари баъзан қофиядош сўзлар воситасида санъаткорона иккига бўлиниб, туроқ ҳосил қилиш орқали, байт оҳангдорлиги, таъсирчанлиги орттирилади.. «ЎТА».*

**ТУРОҚЛИ** ад. Маълум туроқларга эга бўлган. *Тўрт туроқли шейр.*

**ТУРП I** Ҳосили кўкишроқ рангда бўладиган ва пиширилмай овқатга кўшиб ейиладиган сабзавот ўсимлиги. *Турпга сув қўймоқ. Турп тўграмоқ.* ■ *Шўрни аритиш учун.. сувни кўп талаб қиладиган шолғом ва турп экиш энг яхши чора эмиш.* А. Қодирий, Обид кетмон. *Кекса темирчи чучук турп билан ош ейишни севарди.* Ш. Рашидов, Қудратли тўлқин. *Бу пайт.. графинда коньяк билан икки ликопча тўғралган турп қўйиб кетди.* Ж. Абдуллахонов, Орият.

**ТУРП II** Меванинг сиқиб суви ёки шираги олингандан кейин ҳосил бўлган қолдиги. *Узум турпи. Беҳи турпи.* ■ *Норматпаранг кўкнор ивиганда, турпини доим томга ташлар экан.* А. Мухтор, Опа-сингиллар. *Дарвоқе, [ананас] мевасидан шарбат*

*олинганда, 20-25 процент турпи қолади.* «Фан ва турмуш».

**ТУРПТАРАШ** Сабзи, турп, ошқовоқ ва ш. к. ни қириш, тарашлаш учун хизмат қиладиган металл асбоб; қирғич. *Турпта-рашда сабзи қирмоқ.*

**ТУРТИНИБ-СУРТИНИБ I** У-бу нарсаларга урилиб, туртина-туртина. У [Нусратилла] туртиниб-суртиниб, деворларни ушлаб, қайси томонгадир юрди. А. Мухтор, Опа-сингиллар. *Шермат ака одамларга туртиниб-суртиниб, олдинга ўтди.* М. Хайруллаев, Қўнғил.

2 Қийинчиликлар билан, қийналиб. *Туртиниб-суртиниб ўқимоқ.*

**ТУРТИНМОҚ I** Туртмоқ I фл. ўзл. н. Қоронғида стулга туртиниб кетдим. ■ *Почамдан дастурхонни олиб, қоқиш учун гилоснинг ёнидан ўтарманми, аллакимга туртиниб кетдим.* А. Қодирий, Ўтган кунлар.

2 кўчма Иш-фаолиятда қийинчиликка дуч келмоқ; қоқилмоқ. *Пахта ишида қуруқ практика билан иш кўрсанг, охир туртинасан, қоқиласан.* Ойбек, О.в. шабадалар. *Сўнги йилларда у анча туртинди.* Ш. Рашидов, Бўрондан кучли.

**ТУРТКИ I** Унча қаттиқ, кучли бўлмаган қисқа, кескин зарб. *Ҳўкизга туртки, донога ишора кифоя.* Мақол. ■ *Бир вақт у аллакимнинг турткисидан уйғониб кетди.* Л. Тожиева, Меҳрим сизга, одамлар. *Орқароқда қолган Витя аланглаб, одамларнинг турткиси ёқмай, қадам ташларди.* Р. Файзий, Ҳазрати инсон.

2 кўчма Бирор иш, ҳаракат ва ш. к. нинг бошланиши, амалга ошиши, юзага чиқиши учун қўзғатувчи, иندовчи нарса, сабаб. *Бу фикрларни айтишимга олимлар даврасидаги суҳбат туртки бўлди.* Газетадан. *Мен хаёлимдан дастлабки поэмаларимнинг яратилиши, унга сабаб бўлган воқеалар ва ёзилишига туртки бўлган одамларни ўтказа бошладим.* Шукрулло, Жавоҳирлар сандиги.

**Туртки бермоқ** Қўзғатувчи, индовчи гап-сўз, иш-ҳаракат ва ш.к. вазифасини ўтамоқ, қилмоқ. *..бирда муруватпеша, бирда жоҳилликдан ўзини унутадиган Муҳаммад Раҳимхон [Авазинг] ҳам шафқатини уйғотар, ҳам нафратига туртки берарди.* С. Сиёев, Ёруғлик.

3 кўчма Кишини хўрловчи, таҳқирловчи ҳаракат. *Яна меҳнат, туртки, юпун, қиш куни*

оч. Ф. Фулом. Яна аввалги дўқу турткию тўхматга ўтиб, Кўча-кўйларда сизни зор ила ҳайрон қиладир. Ҳамза.

**Туртки емоқ** 1) туртки тегмоқ, турткига дучор бўлмоқ. Султонмурод қайнаган оломон ичида туртки еб, босилиб, эзилиб, узоқ юрди. Ойбек, Навоий; 2) хўрлик кўрмоқ, камситилмоқ, таққирланмоқ. Саломат қақшoқ ўгай она билан чиқишолмади. Ҳар кун жанжал, эшитмаган гапи, емаган турткиси қолмади. С. Аҳмад, Ҳукм.

**ТУРТКИЛАМОҚ** 1 Ҳадеб туртавермоқ, бетўхтон туртмоқ. Турткилаб Ҳасанни ҳам подишонинг олдига ҳайдаб келди. «Баҳром ва Гуландом». Ечиниб олишгач, уч оғайни бир-бирини турткилаб кулишар, қўшиқ айтиб, бесўнақай ўйинга тушишарди. Газетадан.

2 кўчма Камситувчи, ҳақоратловчи, хўрловчи гап-сўз, хатти-ҳаракатлар қилмоқ. Бу онанг ўгай. Агар турткиласа, индамай бизникига чиқиб келавер. С. Зуннунова, Гўдак ҳиди. Инсон зотини ҳеч камситиб, турткилаб, иззат-нафсига тегма.. Газетадан.

**ТУРТКИЧ** тех. Двигателларнинг клапанлари ва ш.к. га ҳаракат узагиб турувчи стержень, ўқ. Клапан турткичи.

**ТУРТМОҚ** 1 Гавда (тана)нинг бирор аъзоси (қисми) билан тегинмоқ, тегмоқ. Туртиб юбормоқ. ■ Полвон одамларни итариб, туртиб ўтди. Ж. Шарипов, Хоразм. Тўрт кун аввал, эрталаб машина туртиб кетди. О. Мўминов, Хиёбондаги уч учрашув.

2 Шундай ҳаракат — эътиборни тортувчи, ишора қилувчи, ундовчи белги сифатида. Қайрағoч тагидаги сўрида олдига чойнак қўйиб, ёлғиз ўзи хаёл суриб ўтирган устани кўриб, ҳамроҳимни туртиб қўйдим. С. Аҳмад, Ҳазина. Аравакашнинг ички ҳолатини сезиб турган Бадиа чидаб туролмай, дарҳол отасини туртди: -Сув берайми, ота? Мирмуҳсин, Меъмор. -Қайтанга икки нонхўр камаяди, — деди Баёнқул ака ва этигининг учи билан оёғини туртди. С. Сиёев, Ёруғлик.

3 кўчма Эътиборни тортувчи, огоҳлантирувчи гап-сўз, хатти-ҳаракат қилмоқ. Каримқул понсад ҳожини туртмак мақсадида: -Кенгашли иш тарқамас, деганлар. Ҳожи акамиз ўйлашиб жавоб берсинлар-чи, ахир! — деб қўйди. А. Қодирий, Ўтган кунлар. Йигилиш жойида ўтди. У кишиларни анча туртиб, чангини қоқиб қўйди.. хотиржамликка

берилиб кетганларнинг кўзини очиб қўйди. Ҳ. Турсунқулов, Ҳаётим қиссаси.

4 кўчма Хўрламоқ, камситмоқ, ерга урмоқ. Бировни ноҳақ туртиш, хўрлаш ярмайди. Ургандан туртган ёмон. Мақол.

5 с. т. «Кетмоқ», «ўтмоқ», «қўймоқ» феъллари билан бирга келиб (бошқа нарсалар қаторида), «қайд қилмоқ», «таъкидламоқ» маъносини билдиради. Биз юқорида ҳам туртиб ўтган эдикки, Отабек на Юсуфбек ҳожига, на Ўзбек ойимга ва на Ҳасаналига Маргилондан тез қайтиб келиш сабабини айтмаган. А. Қодирий, Ўтган кунлар. .бирор нарса ёзиш ниятлари бўлса, холамнинг ўзбек аёлларига мутлақо ёт бўлган мана шу ёввойилик одатларини ибрат учун қаламлари учидан бир туртиб ўтсалар. Н. Сафаров, Ҳадича Аҳророва.

**Туртиб чиқмоқ** Текис (тўғри) жойга, ҳолатга нисбатан бўртиб турмоқ, кўтарилиб турмоқ. Деворнинг туртиб чиққан жойлари. ■ Кулча юз, ёноқлари туртиб чиққан.. амирзода на Муҳаммад Тарағай ва на Бойсунқурга ўхшарди. Мирмуҳсин. Меъмор. У кишининг бурни андак узунроқ, энгаги олдинга туртиб чиққан.. сочи фатила-фатила бўлиб, елкасига тушган эди. Н. Аминов, Суварак.

**ТУРУМ** I (3-ш. бирл. турми ва туруми) Эшик табақасининг тепадаги ва остонадаги уяларга тушиб турадиган ва эшикнинг очилиб-ёпилишига имкон берадиган чиқик қисми. Унинг [Мунавварнинг] кўз олдидан.. очилганда туруми антиқа гийқиллайдиган пастаккина эски эшик, тоқиларини ис боссан катта уй бир-бир ўтди. С. Анорбоев, Меҳр. Бой ота: -Ҳай-ҳай, қизим, эшикни очманг, бекорга турми едирилиб кетади, — дебди. Шукрулло, Жавоҳирлар санлиғи.

**Эшикнинг турмини бузмоқ** Такрор ҳолда, қадами узилмай келавермоқ (бўй етган қизнинг уйига келувчилар, совчилар ҳақида). -Совчилар менинг дарвозамнинг турумини бузишяпти.., — деб қаттиқ изза қилди бизни. С. Нуров, Нарвон. Не-не топармон-тутармон ийизтлар эшичимизнинг турумини бузиб, ўтарга йўл бермайди.. С. Кароматов, Бир томчи қон.

**ТУРУМ** II: ётиб еганга турум тоғ чидамайди Ишламай-кучламай ётиб еяверсанг, ҳеч қандай жамгарма етмайди, деган маънодаги ибора. Болаларим, мендан хафа бўлманглар. Ётиб еганга турум тоғ ҳам чида-

майди. Пул устига пул келиб қўшилиб тур-маса, ҳар қанча давлат ҳам дарров кетиб қолади. М. Осим, Тилсиз гувоҳ.

**ТУРУМТОЙ** Йиртқич кушлар туркумининг лочинсимонлар оиласига мансуб, ўрмон ва тоғли жойларда яшайдиган куш. -*Майли, булбуллар қаторида турумтойлар ҳам сайрай берсинлар. Буларни ҳам тингловчилар бор, — деди Амир Мўғул. Ойбек, Навоий.*

**ТУРУШ** [ф. ترش — нордон, аччиқ] 1 Ачитиш, ошириш ёки кўпчитиш воситаси (томизғи, хамиртуруш ва ш.к.).

2 Нордон, қимизак. *Туруш олма.*

**ТУРФА** [а. طرفه — янгилик, камёблик; совға; қочирим, пичинг] Ажиблиги билан кишини ҳайратга соладиган; ажойиб, галати. *Турфа савдолар бошима тушди, кетди ихтиёр, Воҳ, утарга ўхшади энди умр занжирда. Ҳамза. Шоирлар ҳайрон бўлманг, шоир халқи турфадир, Шеър олами бу оламнинг эвазига туҳфадир. Э. Воҳидов.*

**ТУРШАК** Данаги билан қуритилган ўрик. *Қандак туршак. Туршак солмоқ. ■ Зибихон патнисда нон, туршак олиб чиқиб, улар [меҳмонлар] олдига қўйди. С. Аҳмад, Уфқ, Алоқачи ҳам оғзига туршак солиб шимиб ўтирар, данагини қасир-қасир чақар, мағзини ерди. М. Муҳамедов, Қаҳрамон изидан.*

**Туршак суви** Туршакни сувда қайнатиб тайёрланадиган ичимлик. *Сайилда бир чеккада оғзи қулоғигача етган квас сотувчилар.. туршак суви сотувчилар, нўхатишўракчилар ёш болаларнинг пулларини алдаб олмоқдалар. М. Муҳаммаджонов, Турмуш уринишлари. ..ўрнидан турди-да, косадаги туршак суви-дан икки-уч қошиқ ичди. Газетадан.*

**ТУРҚ** Ташқи қиёфа, авзо, важоҳат (асосан, салбий муносабат билан) Турқи совуқ одам. *Турқини бузмай гапирмоқ. Турқи(нг) қурсин! (қарғ.) Турқингни ел есин! (қарғ.) ■ Турқи бузук эркакларнинг «Ур уни [Ҳожарни]! У қишлоғимизга иснод келтирди!» деб худди ҳайвондек ўқирганлари қулоқларим остида қайта янгради. Ҳ. Носирова, Мен ўзбек қизиман. Шу вақт буталар орасидан «кет!» деган йўғон товуш эшитилди. Бирдан итларнинг турқи ўзгарди-қолди. С. Анорбоев, Оқсой. Ширмонхон ҳовлига чиқди. Осмон юзини қоплаган турқи хунук булутларга ташвишли назар ташлади. С. Зуннунова, Олов. Девор устида тур-*

*ган ўн икки ёшлардаги бир қиз девордан кесак кўчириб олиб, мулла Норқўзига ўқталди: -Ху ўл, турқинг қурсин! А. Қаҳҳор, Майиз емаган хотин. -Отинг ўчкур, — деди ичида ўғай она Умидга тикилиб, — ҳали сен одам бўлиб қолдингми! Туришини қара, вой турқингни ел есин! Мирмуҳсин, Умид.*

**ТУРҚ-АТВОР** Ташқи қиёфа ва феъл-атвор, аҳвол. *Қаёққа бораман, нима қиламан, қўлимдан нима иш келади? Шу турқ-атвор билан кимга ҳам керакман? С. Аҳмад, Чўл бургути.*

**ТУРҒИЗМОҚ** Турмоқ фл. орт. н. *Анорхон кампирни суяб турғизди.. офтобда сув келтириб берди. И. Раҳим, Ихлос.*

**Ўтқизиб турғизмоқ** Кимсага истаганча ўз ҳукмини ўтказмоқ, кимсани истаганча ўз амрига, ҳукмига бўйсундирмоқ. **Оёққа турғизмоқ** 1) ётган. ўтирган ёки йиқилган еридан турғизиб қўймоқ. *Ойсулуви даст кўтариб, оёққа турғизди-да, ердан пўстинни олиб, унинг устига ёнди. С. Анорбоев, Оқсой; 2) оёққа бостирмоқ, йўлга солиб юриштириб юбормоқ. Корхонани оёққа турғиздик; 3) кўчма оёқлантирмоқ, бирор ишга бошламоқ. Кўнгилга тасалли берувчи, одамни ҳамиша оёққа турғизувчи, ўйлатувчи, курашга чорловчи чигил жумбоқлар кўп бу дунёда. С. Аҳмад, Уфқ.*

**ТУРҒУН 1** Бирор жойда доимий яшовчи, ўрнашиб қолган; муқим; *Шаҳарнинг турғун халқи. ■ Бир неча йил дарбадар умр кечириб.. ошпазлик қилди, охири она қишлоғи Аввалда турғун бўлиб қолди. К. Яшин, Ҳамза. Сен айтганча, куёвинг Тошкентдан иккинчи уйланмасин-да, Кумушни қудаларинг олдига турғун қилиб юборайлик, тузукми? А. Қодирий, Ўтган кунлар. Фурқат ватанида бўлолмай турғун, Донишдай, Воқифдай ғамалам ютди. Х. Расул.*

2 Ўзгармас бўлган, доимий, барқарор. *Турғун мувозанат. Турғун ҳолат. Барча ташкилотларни турғун кадрлар билан таъминлаш. ■ Ҳаётда ҳеч нарса турғун бўлиб қолмаганидай, театрда ҳам кўп нарсалар ўзгарди. С. Кароматов, Ҳижрон.*

3 Тўхтаб, туриб қолган, ҳаракат қилмайдиган; ҳаракатсиз; оқмас. *Турғун сув. ■ У кўзларини ҳовуздаги турғун кўкмигир сувга тикиб ўйлади. Ойбек, Танланган асарлар.*

4 Турғун (эркаклар ва хотин-қизлар исми).

**ТУРГУНЛАШМОҚ 1** Бирор жойда яшаб кетмоқ, ўрнашиб, муқим туриб қолмоқ. *Биз шаҳарда турғунлашиб қолдик.*

2 Турғун ҳолатга келмоқ, турғун ҳолат касб этмоқ.

**ТУРГУНЛИК 1** Турғун ҳолат (қ. **турғун 1, 2, 3**). *Мувозанатнинг турғунлиги. Аҳолининг турғунлиги. Сувнинг турғунлиги. Иқтисодий турғунлик.* ■ *Шоир [Ф. Фулом] бир ёқламаликка ва турғунликка қарши.. кескин кураш олиб борди.* Ш. Рашидов, Ф. Фулом хотираси. *Замон пўк нарсани тез унутдирар. Яъни турғунликдан ҳаёт ўч олар.* М. Шайхзода, Тошкентнома.

2 тар. Шўролар ҳукумати тарихида 20-аср 60-йилларидан бошланган, иқтисодий тушкунлик, ҳокимият тузилмаларидаги порахўрлик, маънавий-ахлоқий бузилиш ва шунга боғлиқ ҳолда жамиятнинг таназзулга юз тутиши билан характерланган давр. *Бу — шахсга сизиниши, турғунлик даврининг иллати.* М. Қўшжонов, Дийдор.

**ТУС 1** Нарсаларга хос бўлган ранг, ранг кўриниши. *Туси ўзгармоқ. Туси оқармоқ. Тусини йўқотмоқ.* ■ *Шунинг учун ёз кунлари маҳдумнинг боғчаси оқ, нимранг, ола-зангор, малла-ложувард ва бошқа тус капалакларнинг ялт-юлт учишлари билан алоҳида бир кўринишга киради.* А. Қодирий, Меҳробдан чаён. *Марзалардаги майса-гиёҳлар бир хил рангда — олтин тусида товланади.* Н. Аминов, Суварак. *Мардон Йўлчиевич новча, юзи чўзинчоқ, туси ҳам Темиржоннинг чеҳрасидай тиниқ экан.* Ж. Абдуллахонов, Орият. *Одатда денгиз суви кўкимтир рангли, бўлади. Приморьеда эса денгизнинг суви темир зангининг тусини эслатади.* Газетадан.

2 Ташқи кўриниш; қиёфа. *Замонлар ўзгаради, жойининг ҳам туси ўзгаради.* Й. Шамшаров, Тошқин. *Болаларнинг қий-чуви, хотинларнинг бақириб-чақиришлари бу жимжит тўқайзорга маҳалла тусини бериб қўйди.* С. Аҳмад, Уфқ. *Қизи шомда қайтганда, ҳовлида гард ҳам йўқ, салқин, сув сепилган, ҳовлининг туси ўзгариб, чанг босиб ётган акаслар ҳам чеҳраси очилгандай эди.* С. Нуров, Нарвон. *Ҳомид мағрур тус билан Отабекка қаради.* А. Қодирий, Ўтган кунлар. *Кувонч, кўшиқ ҳар ёнда, Оқ каптарлар осмонда Парвоз қилади кўркам, Байрам тусида ўлкам.* Р. Бобожон.

**Тус бермоқ** Қандайдир тус пайдо қилмоқ, қандайдир тусга олмоқ, тусда ифода-ламоқ, тус киритмоқ. *Юзига тушуниб бўлмайдиган аллақандай тус бериб, бир хўрсиниб қўйди-да, унга деди..* К. Яшин, Ҳамза. *-Наҳотки ўз жангчиларимизни унутсак, — дея гапга тус берди Муҳаррам.* Шухрат, Шинелли йиллар. *Ҳар анорларки донаси чойнакдай, узумини кўтаролмай букилиб қолган ишқомлар, ёмби олтиндек сап-сариқ беҳилар бу боққа чинакам жаннат тусини берар эди.* С. Аҳмад, Ҳукм. **Тус олмоқ** Қандайдир тус-қиёфа касб этмоқ; тусга кирмоқ. *Унинг ранги оқариб, вазоҳати кўрқинчили тус олди.* М. Ҳазратқулов, Журъат. *Пайкаллар этагини ювиб оқайтган Қашқа суви қизғиш-сариқ тус олиб.. тол, жийдалар остигача тошган.* С. Нуров, Нарвон. *Астасекин муносабатларимиз бошқача тус ола бошлади.* Э. Аъзамов, Жавоб. **Тусга кирмоқ** Қандайдир тус, қиёфа касб этмоқ, тус-қиёфага айланмоқ. *Ариқ ва анҳорлардаги сувлар шаффофлигини йўқотиб, малларанг тусга кирди.* С. Зуннунова, Янги директор. *Мурзин унинг назарида лаҳза сари юксалиб, ажойиб қаҳрамон тусига кириб бормоқда эди.* Шухрат, Шинелли йиллар. *Нафис кийимлар билан ёш келин тусига кирган Холжон.. деразадан ўтган-кетганларни томоша қилиб ўтирди.* Ғайратий, Довдираш.

**ТУСАМОҚ** Ихтиёр этмоқ; хоҳламоқ, истамоқ. *Йигитали қорни ниҳоятда очганини, кўнгли аччиқ кук чой тусайтганини сездим.* Д. Нурий, Осмон устун. *Узоқ йўл босиб келдим, серқатиқ, аччиққина маставани кўнглим тусаб турган эди, чақирдим.* «Муштум». *Беш йил ўқиб, унинг бирор марта пулдан қийналганини ёки кўнгли тусаган кийimini олиб киймаганини Аҳмад кўрмаган.* Ф. Мусаёнов, Ҳиммат. *Холи бўлишни, бир ўзи якка қолиб хаёл суришни кўнгли тусидади.* Р. Файзий, Ҳазрати инсон.

**ТУСЛАМОҚ тлш.** Феълларни шахс, сон ва замон кўшимчалари ёрдамида ўзгартирмоқ.

**ТУСЛАНМОҚ 1** Ҳар хил тус, рангда кўринмоқ, товланмоқ. *Товус патлари рангбаранг тусланади.* *Атлас электр нурида ҳар хил бўлиб тусланади.*

2 тлш. Шахс, сон ва замонда ўзгармоқ (феъллар ҳақида).

**ТУСМОЛ** Аниқ билмаган ҳолда ўзича қилинган гумон; тахмин, чама. *Менинг тусмолимча. Тусмол қилмоқ.* ■ *Улар гап орасида Фотимага яна кимларнинг жазманлиги.. ҳақида ўз шубҳа ва тусмолларини гаплашдилар. П. Турсун, Ўқитувчи. Ой ботиб, кеча қоронғилашиб қолган, жуда авайлаб, тусмол билан ҳаракат қиламиз. Ф. Фулом, Шум бола.*

**ТУСМОЛЛАМОҚ** Тусмол-тахминга асосланмоқ, тусмол-тахмин асосида иш кўрмоқ; тусмол қилмоқ. *Қурбоннинг Кўктошга кетганини ўзи ҳам тусмоллаган эди. Ш. Холмирзаев, Қил кўприк. Оқимнинг кучини, йўналишини тусмоллаш керак эди. А. Мухтор, Чинор. Ёдгор кўз ўнги қоронғилашди-ю, бошини кўйи солганча, тусмоллаб юриб кетди. Ў. Ҳошимов, Қалбингга қулоқ сол.*

**ТУССИЗ** Туси бўлмаган, туси, ранги йўқ; рангсиз. *Туссиз газ.* ■ *Бек эшикни очди. Қулмат унинг докадек туссиз юзига қараб кулди. Ҳ. Фулом, Машғал.*

**ТУСТОВУҚ** Товуқлар зотига мансуб, патлари чиройли, асосан тўқайзорларда яшайдиган, овланадиган қуш; қирғовул. *Тустовуқ қамишларнинг ичига кириб ғойиб бўлди. Ш. Рашидов, Қудратли тўлқин. Қадимда овчи қушлар билан тустовуқ, каклик ва бошқа паррандаларни овлаш кенг тарқалган эди. «Фан ва турмуш».*

**ТУТ** [а. توت — тут дарахти] **1** Барглари ипак қурти учун асосий озиқ бўладиган дарахт. *Ана боғлар-чорбоғлар.. Ана буталари қизғиш тутундай ҳавога ёйилиб турган катта тут. П. Турсун, Ўқитувчи. Мамнун бўлиб ипак қуртлари, Ўрмалар тут япроқларида. Ҳ. Пўлат.*

**2** Шу дарахтнинг истеъмол қилинадиган оқ, қора ёки қизил тусли тотли меваси. *Жувон бошидан рўмоли тушиб кетган, Сидиқжонга орқасини ўгириб, зўр иштаҳа билан тут териб емоқда эди. А. Қаҳҳор, Қўш-чинор чироқлари.*

**Тут майиз, тутмайиз** Қуритилган тут меваси, қуруқ тут. *Шу кеча унга [Кимсанга] бошпана бериб, нон, тут майиз, қурт, айрон билан меҳмон қилдилар. С. Абдулла, Ҳасан билан Кимсан. Тутдай тўкилмоқ **1)** қирилмоқ, қирилиб кетмоқ; махв бўлмоқ. *Душман аскарлари тутдай тўкилди;* **2)** путурдан кетиб емирилмоқ, вайрон бўлмоқ. *Тутдай тўкилиб турган деворлар.* ■ *Кўз қамаштирувчи бу чаманзор ёнида тутдай тў-**

*килиб турган икки уй бўлиб, буларнинг бирида — кунгайдагида Гулбодомларнинг.. сигири, унинг ёнидаги.. уйда эса, ўзлари туршарди. С. Кароматов, Бир томчи қон; 3) эскириб, тўзиб йиртилмоқ, йиртилиб (ситилиб) кетмоқ, йиртилиб тушмоқ (кийим ҳақида). *Кўйлагим тутдай тўкилиб кетди. Кўноқ тут* Меваси ейилмайдиган оч қизил тут.*

**ТУТА I 1** Пахтадан ип йигириш учун тайёрланган пилта.

**2** Учи чақмоқда чўғлатиш учун мослаштирилган (учи куйдириб қорайтирилган) пахта ипи. *Уч кишилашиб чақмоқни тошга уриб, тутани ёмғирдан бекитиб, роса уринганларидан кейин, ниҳоят, аччиқ пахта тутуни димоғларига урилди. П. Қодиров, Юлдузли тунлар.*

**ТУТА II** Эрта баҳорда ўсадиган ўсимликнинг бир тури. *Лойхонада бадбўй, лекин чиройли эртабаҳор ўсимлиги — туталар бир текис униб чиқди. Ш. Холмирзаев, Тўлқинлар.*

**ТУТАК** Пахтадан қўлда ип йигиришда ишлатиладиган қовоқ найча.

**ТУТАЛ** *шв.* Ишониб бўлмайдиган нарса, гап; уйдирма. *Шаҳардаги ҳар ким унинг.. қизиқ ҳаракатларига ва тутал сўзларига қизиқар эди. А. Қодирий, Ўтган кунлар. Шу хилдаги тутал, аския, лутф сўзлар, ашула анчагача давом этди. К. Яшин, Ҳамза.*

**ТУТАМ** Нарсаларнинг тутамлаш ёки сиқимлаш мумкин бўлган миқдори; панжанинг шунча миқдорни оладиган (тутадиган) ҳолати. *Бир тутам соч. Бир тутам пахта. Дангасанинг қўйруғи бир тутам.* Мақол. ■ *Робия хола бир тутам печак ўт-ни жўякча ташлаб, қўлларини қоққанича. Ширмонхон қаршисига юрди. С. Зуннунова, Олов. Қўйлар кеча эрталаб охирги тутам хашакни еб бўлишган. С. Анорбоев, Оқсой. Ёқуббек соқолини тутамига олиб, бир лаҳза уйланиб турди-ю.. П. Қодиров, Юлдузли тунлар.*

**Бир тутам** **1)** бир тутам миқдордаги, бир тутамлашга лойиқ. *Бир тутам хашак.* ■ *-Булар ҳам тизга! — деди у бир тутам-бир тутам гул тутқазиб. Ж. Абдуллахонов, Тўфон; 2) ингичка, нозик; озгин. [Аноранинг] Ёш ниҳолдек бир тутам нозик қадди-қомати бошқалардан ажралиб турар.. кулганда қўнғироқдек жарангайдиган овози ўтириш-*

га алоҳида бир файз бағишлар эди. М. Хайруллаев, Тилла маржон; 3) жуда қисқа. Ёз кечалари бир тутам — кўз очиб юмгунча ўтиб кетади. Р. Файзий, Ҳазрати инсон.

**ТУТАМЛАМОҚ** Тутамга олмоқ. Сочини тутамламоқ. ■ Қовоғини солиб, соқолини тутамлаб, гапга жимгина қулоқ солиб ўтирган уста: «Қани, бу ёққа юр, — деди [бангига]. О. Ёқубов, Ларза.

**ТУТАМОҚ I** Тутунлаиб ёнмоқ, буруқсимоқ; тутун чиқармоқ. Печка тутаб кетяпти. Ҳўл ўтин тутайди, ёнмайди. ■ Тутаб ётган тўнка ёнида сочлари ўсиб, соқолига қўшилиб кетган бир девона бу мудҳиш қоронғиликка қарши курашган каби гулхани ёндиришга тиришар.. эди. А. Қодирий, Ўтган кунлар. Аҳмаджон ўрндан турди ва ҳануз тутамоқда бўлган қишлоқни кўрсатди. А. Қаҳҳор, Олтин юлдуз.

**2** Ис, дуд чиқармоқ (ёғ, пилик ва ш.к. ҳақида). Қозонда ёғ тутай бошлади.

**3** кўчма Тутақмоқ, тутақиб кетмоқ, қизишмоқ; ёнмоқ. Ҳайдарбой ич-ичидан тутаб кетди. Н. Фозилов, Оқим. Қиздан жавоб бўлмагач, Ойшахон баттар тутай бошлади: «Минг марталаб айтганман бу мегажинга, бир нимани тайинли қилиб қўйгин деб. А. Муҳиддин, Айбсиз айбдор.

**ТУТАНОҚ шв.** Тутақмоқ, тутақишмоқ, қизишмоқ. У бирдан тутаниб кетди. ■ Гўрўглибекнинг бол Авазга «Раёйингдан қайтгин!» деганида, Авазхон ўтдай ёниб, оловдай тутаниб, отасига қараб бир сўз айтгани. «Хушкелди».

**ТУТАНОҚ I шв.** Тутқаноқ, куёнчиқ. Қизинг энди ўшанинг тутаноғини эшитиб, кўнгилсиз бўлиб тургандир-да. Ҳамза, Паранжи сирлари. Тағин унинг тутаноқ дарди.. бунинг устига ортиқча. Ҳамза, Паранжи сирлари.

**ТУТАНОҚ II** Ғайрати ичига сиғмайдиган, шўх. Елена тутаноқ дўстининг [Надянин] озгина хатога йўл қўйганлигини билса ҳам, юзига солиб, баттар куйдиргиси келмади. Ҳ. Назир, Мафтунингман, Озарбайжон.

**ТУТАНОҚЛИК** Тутаноққа хос хусусият, хатти-ҳаракатга эғалик. [Йигит-қизларнинг] Шу ғайратлари, шу тутаноқликлари бўлса, марра бизники, — деб қўйди Қодиржон. Ҳ. Назир. Ўтлар туташганда.

**ТУТАНТИРИҚ I** Ўт олдириб олиш учун хизмат қиладиган майда тараша, пайраҳа ва ш.к.; тутатқи. Қуруқ тутантириқ. ■ [Афанди:] Қозонни осиб қарайдик, ўчоққа тутантириқ йўқ. «Латифалар». У сув тўлдириб тайёрлаб қўйилган қумғон тагига олов ёқди. Хушёр шогирдлари ҳатто тутантириқ ҳам тайёрлаб қўйишган экан. Мирмуҳсин, Меъмор.

**2** кўчма Бирор нарсанинг амалга ошувига, юришиб кетишига сабаб, омил. Бу учрашув тутантириқ бўлди. Устига чўп ташламаса, ўчиб қолади. Шуҳрат, Умр поғоналари. Тўғрироғи, тутантириғини Умрзоқ ота тутатибди-ю, бу ёғини Бўтавойлар алангалатибди. Н. Фозилов, Дийдор. Ўша справкангиз тутантириқ бўлди-ю, ишим юришиб кетди. «Муштум».

**Тутантириқ ҳам бўлмайди** Жуда оз, кифоя қилмайди, урвоқ ҳам бўлмайди.

**ТУТАТМОҚ I** Тутамоқ фл. орт. н. Печкани тутатмоқ. ■ Орадан ярим соат ўтгандан кейин, полвон секин кўзини очиб.. бекнинг олдига бир сиқим сомон тутатиб қўйишни сўради. А. Қаҳҳор, Кўр кўзнинг очилиши.

**Исириқ тутатмоқ қ. исирик.** -Шошилма, болам, — кампир тандир томонга югурди ва хокандозда исирик тутатиб келди, Норматнинг бошидан айлантирди. И. Раҳим, Чин муҳаббат.

**2** Ўт олдириб, ёндириб олмоқ; ёндириб олиб чекмоқ. Салимхон ҳозир келиб тугатган папироснинг ўтидан иккинчисини тутатиб, Саидийни меҳмонларга танитди. А. Қаҳҳор, Сароб. Бектемир ёнида махорка тутатиб ўтирган ёшигина рус жангини туртди. Ойбек, Қуёш қораймас.

**ТУТАТҚИ I шв.** Тутантириқ.

**Тутатқи ҳам бўлмайди айн. тутантириқ ҳам бўлмайди қ. тутантириқ.**

**ТУТАТҚИ II этн. I** Тутатилганда касаллик, фалокат ва ш. к. ни даф этувчи ёки керакли предмет, воқеа-ҳодисани юзага келтирувчи, ҳозирловчи нарса. Эзибички бериб, тутатқи тутатиб, бошингиздаги боло-қазоларни қайтариқ қилиб ҳайдайман. К. Яшин, Ҳамза. Эрмана мерган бир тутатқини тутатган экан, парининг отларидан бири пайдо бўлди. «Олтин бешик». Қиличқорага бир тутатқи бериб: «Қачон шунга тутатсангиз, биз тайёр бўламиз, — дебди. «Олтин бешик».

2 Тутатиладиган ҳар қандай хушбўй нарса ёки восита (мас., исирик).

**ТУТАШ I** **Тутақмоқ** фл. ҳар. н. *Самоварнинг туташ.* *Исириқнинг туташ.*

**ТУТАШ II** Бир-бирига ёнма-ён уланган; туташган. *Қошлари туташ.* ■ *Сайхонлик тугаб, туташ боғлар кўринди.* С. Сиёев, Ёруғлик. *Бир томонингиз – харсанглар макони, иккинчи томонингиз – уфққа туташ ямшил водий.* Ж. Абдуллахонов, Орият.

**ТУТАШМОҚ I I** Алангаланмоқ, аланга олмақ.

2 *кўчма* Ёнмоқ, куймоқ. *Сиз ўзингизни тупроқ билан тенглаштирмакчи бўлгансиз, лекин мен ҳозир Кумушга ҳам қаноатланмай, Олтинбиби деб атамоқ фикрига тушдим.. Борлиғим муҳаббатингиз алангаси билан туташгани ҳолда, завжангиз Отабек. А. Қодирий, Ўтган кунлар. Ҳеч ким менингдек куймаган ҳажрнинг ўтига, эй санам, Танҳо туташдим мен ўзим, сўзона бўлдим соғиниб. Ҳамза.*

3 *фольк.* Тутақмоқ, қизишмоқ. *Жуда ҳам тутайиб кетди Ҳакимхон. «Алпомиш». Арзирумдан экан асли элати, Туташинг боладир – кўндир ғайрати. «Нигор ва Замон».*

**ТУТАШМОҚ II I** Туташ ҳолатда бўлмоқ. *Бир-бирига тутайиб кетган кичкина, тиниқ кўлчалар кўринди.* С. Сиёев, Аваз. *Бундан [дардан] чиқадиган сув билан мактаб участкасинигина эмас, унга туташган томорқа ерларни ҳам суғориш мумкин. Ҳ. Назир, Чўл ҳавоси. Шамол тоғанинг уйи бир томондан қирга туташ эди.* С. Сиёев, Ёруғлик. *Адолатнинг юзи бирдан жиддийлашди. Қора қошлари тутайиб, кўзларида газаб чақнади.* С. Зуннунова, Гулхан.

2 *кўчма* Бир-бирига боғланган, пайванд. *Тожибой ўзи камбағаллардан бўлса ҳам, томири Олахўжа маҳсум билан туташган эди.* П. Турсун, Ўқитувчи. *Хаёлига хаёли туташ, қалбига қалби яқин одамларни кўрган сайин Муборак ундан баттар узоқлашар, баттар орқага қараб кетар эди.* С. Зуннунова, Кўк чироклар.

**ТУТАҚИШМОҚ I** **Тутақмоқ 2** фл. бирг. н.

2 *айн.* **тутақмоқ 2.** *Сорахон «Шунча иш бўлган экан, мен қаерда эдим, доим уйдаман-ку», дейиш ўрнига тутаяқиб кетди.* А. Қаҳҳор, Сароб.

**ТУТАҚМОҚ I** *кам қўлл.* Тутаб, ўт олиб қизимоқ. *-Шошманг, бу дарди ҳарина оз-моз*

*тутақсин! Пуф, пуф. Ўҳў, аҳ. Тутун жиғаримни ҳам титиб юборди! -Бас.. у ўтин ёнмайди, саратон юзини кўрганда ҳам ёнмайди.* Ойбек, Танланган асарлар.

2 *Аччигидан, газабдан ўта қизишмоқ, ўта дарғазаб бўлмоқ. Домла шу қадар дарғазаб бўлдики, азбаройи тутаяқанидан кўзлари косасидан чиқиб кетаёзди.* Н. Мақсудий, Лайлатулқадр. *Ваққос ота тутаяқиб кетганидан қалтирар, тили гапга келмасди.* С. Юнусов, Кутилмаган хазина.

3 *кўчма* Ҳарорати кўтарилиб, аланга оташ бўлиб ёнмоқ. *Иситмадан тутаяқиб кетялман.* ■ *Буни эшитиб, азбаройи худо, тутаяқиб, иситмам чиқиб кетди.* Ойбек, Танланган асарлар.

4 *кўчма* Юқори ҳарорат таъсирида жуда «куйган» ҳолатда бўлмоқ. *-Нега қичқирасиз, Адолат? Бирор ерга ўт кетибдими? -Ғўзага ўт кетибди; қаранг, тутаяқиб ётибди.* И. Раҳим, Чин муҳаббат.

**ТУТГИЧ** Тутиш учун хизмат қилувчи асбоб, нарса. *Товуш тўлқинларини тутгич вазифасини ўтовчи қулоқ супраси табобатда катта аҳамиятга молик экани Шарқ тиббиётида қадимдан маълум. «Фан ва турмуш».*

**ТУТЗОР** Фақат тут экилган ер, майдон. *Инакчилик учун.. тузилган шартномада беш гектар тутзор қилишни колхоз ўз устига олган.* А. Қодирий, Обид кетмон.

**ТУТИЛИШ I** **Тутилмоқ** фл. ҳар. н. *Жиноятчининг тутилиши. Деразаларга нарда тутилиши лозим. Кўрна-ёстиқлар озода тутилиши керак.*

2 *астр.* Осмон жисмларининг, хусусан, Ой ва Күёшнинг бошқа самовий жисмлар ёки уларнинг сояси билан бекилиб, қисқа муддатга қоронғилашиш ҳодисаси. *Ойнинг тутилиши. Күёшнинг тутилишини кузатиш.* ■ *Аҳмад маҳдум белгилаган вақтда ойнинг юзидан ҳеч бир тутилиш нишонаси қолмай, бутунлай очилди.* С. Айний, Эсдаликлар.

**ТУТИЛМАГАН I** **Тутилмоқ** фл. сфдш. *Тутилмаган идиш, асбоблар.*

2 *кўчма* Фойдаланилмаган, ҳеч ким эшитмаган, билмаган. *Гуласал кулгили гапларни, тутилмаган латифаларни кўп биларди.* Ойбек, Улуғ йўл. *Мен Фарғонанинг жуда кўп қўшиқларини билар эдим, бироқ устозим менга шундай тутилмаганларини айтиб берганида, халқ даҳосининг, унинг кўнги хазинасининг нақадар бойлигини кўриб,*

хайратда қолардим. Ҳ. Носирова, Мен ўзбек қизиман.

**ТУТИЛМОҚ I Тутмоқ** фл. ўзл. ва мажҳ. н. *Жиноятчи кеча тутилди. Тутилган балиқларни пиширмоқ. Деразаларга нарда тутилган эди. Қурт тутилган хона. Ҳовли доим озода тутилади. Сир тутилган иш. Иш билан тутулиб қолмоқ. Назарда тутилган вази-фалар. ■ Кўтарилди чанг-тўзон, Куннинг юзи тутилди. «Ойсулув». Ҳамма ўша томонга юзланди. Чироқ тутилди. Ойбек, Танланган асарлар. Эшикдан келганда, қўлига илиқ сув тутилди.. тагига кўрпача тўшалди. «Муштум».*

**2** Дучор бўлмоқ, йўлиқмоқ. *Ёмғирдан қутулиб, қорга тутилдим. ■ Ҳасанали «Қутулдим!» деган эди, яна тоғдек қайғуга тутилди. А. Қодирий, Ўтган кунлар.*

**3** Гап-сўзини давом эттиролмайд қолмоқ; тили айланмай қолмоқ. *Чупон довдираб, тутулиб қолди, оқаринқираб кетди. Нима дейишини билмай, қўлидаги чақалоқни кўрсатди. А. Мухтор, Чинор. Раҳим Саидов нима жавоб қилишини билмай, тутулиб қолди. Шофёр буни сезиб, хижолатликдан қутқарди. Ў. Умарбеков, Ёз ёмғири. Жаноб тутулиб, лом-мим деёлмай қолди. У бир лаҳзадан сўнғ кизариб, яна савол берди. Мирмуҳсин. Нуқра.*

**4** Гап-сўзида равонлик йўқолмоқ, тўхташлар, гўлдираш юз бермоқ. [*Умарали:*] *Рус тилини пича билиб қолдим; тутулиб бўлса-да, гаплашадиган бўлялман. Ойбек, Улуғ йўл. Иброҳимов ҳеч тутилмаганидан кейин, кўз-ойнагини пешонасига сурди-да.. унинг афтига тикилди. У бировдан хурсанд бўлганида шундоқ қилар эди. А. Қаҳҳор, Қўшчинор чироклари. Қолоқ цех бошлиқлари бирин-кетин минбарга чиқиб, тутулиб-тутулиб ҳисоб бердилар. А. Муҳиддин, Юзга айтилганнинг заҳри йўқ.*

**Тили тутилмоқ** Тили гапга келмай қолмоқ, гапида тутулиш(лар) бўлмоқ, гапиролмай қолмоқ. *-Уялмай қўя қол, ўғлим.. Раҳматлик.. — деган жойида оймнинг тили тутилди. Ҳ. Назир, Ёнар дарё. Сувонжоннинг тили тутилди. Беихтиёр دادаси кўз олдига келди. Томоғига бир нима тикилгандай бўлди. С. Анорбоев, Оқсой. Уртаниб гапирётган Бобурнинг тили тутулаётганидан табиб чол хайратга тушиб, унга тикилиб қолди. П. Қодиров, Юлдузли тунлар.*

**5 астр.** Бошқа жисмлар ёки уларнинг сояси билан бекилиб қоронгилашиб қолмоқ (асосан Ой ва Куйёш ҳақида). *Ой тутилган тун ҳали ҳам эсимда. ■ -Кун тутилди, — деб шу чоқ мардум бор абзалини данғиллатди. «Эрали ва Шерали».*

**6 кам қўлл.** Ёрдамчи сўз вазифасида боғлама бўлиб келади; ҳисобланмоқ. *Маъзур тутулади. ■ Иккинчи, Отабекка бу йўлда кўмакчи бўлиб юрган Марғилон фуқароси Мирзақарим қутидор ҳам шу жазога сазовор тутулади. А. Қодирий, Ўтган кунлар.*

**ТУТИМ қ. тутум.** *Шаҳрихоннинг иқлими ҳам, одамларининг тутими ҳам, улфатчилиги ҳам, шеърпарастлиги ҳам Қўқонга ўхшайди. С. Абдулла, Мавлоно Муқимий. Одилжоннинг бошқа ҳар қандай хатти-ҳаракати Саодатга қилган муруввати.. олдида кечиримли, узрли эди. Бироқ бу найранги тутадиган тутимга тўғри келмасди. «Ёшлик».*

**ТУТИНМОҚ I I Тутмоқ I** фл. ўзл. н. *Ўқишдан қўл силтаб кетадиган оғир кунларни ҳам кўрди, аммо ҳамма вақт ўзини жар ёқасида ёлғиз кучли қўллари билангина тутиниб турган ҳис қилар эди. А. Қаҳҳор, Сароб.*

**2 (ж. к. билан)** Бирор ишни бажара бошламоқ, бирор ишга киришмоқ. *Ишга тутинмоқ. ■ Йўлчи қармоқни кўл буйига суқиб, ўзи хашак йиғиштиришга тутинди. Н. Юсуфий, Ҳаёт сўқмоқларида. ..бурнига кўз-ойнагини кўндириб, ўқишга тутинди. «Шарқ юлдузи».*

**ТУТИНМОҚ II** Кимса билан аҳдлашиб, қалин дўст, ўртоқ, томир бўлмоқ, қариндошдек муносабат боғламоқ. *Ака-ука тутинмоқ. Дўст тутинмоқ. ■ -Э-э-э, — деди Қурбон ота, — Урмонжон? Урмонжон менинг тутинган ўғлим-ку! А. Қаҳҳор, Қўшчинор чироклари. Маҳбубахон оям билан биз онасингил тутинганмиз. А. Убайдуллаев, Ҳаёт оқими. Мутрибдек кишини биродар, оға тутиниб, Авазнинг ёруғ кунлари зиёда бўлди. С. Сиёев, Аваз.*

**ТУТМОҚ I** Қўл билан ушламоқ, ушлаб турмоқ; тутинмоқ. *Бир қўлда китоб, бир қўлда гулдаста тутиб турмоқ. Боланинг қўлидан тутмоқ. Отнинг жиловидан тутмоқ. Кўр тутганини қўймас, қар — эшитганини. Мақол. ■ Темирчи уста қаҳру ғазаб билан ичкари кирди ва тикка бориб, Хайринисанинг*



куёви бўлмиш йигитнинг ёқасидан тутди. С. Абдулла, Мавлоно Муқимий. *Гавҳар тоқати тоқ бўлиб, ўрнидан тура бошлаган эди, Талғат тирсагидан тутиб ўтқазди.* Ў. Ҳошимов, Қалбинга кулоқ сол. *Кетмон тутишга одатланган дағал қўллар игна ушлашга, қатим тортишга келишмаганидан диққати ошган Охун..* Ойбек, Танланган асарлар.

**2** Овлаб, қувиб, изидан бориб ва ш. к. йўллар билан ушламоқ, ушлаб олмоқ, қўлга туширмоқ. *Балиқ тутмоқ. Куён тутиб олмоқ. Угрини тутмоқ.* ■ *Сайил ҳам сайил, саргардон ҳам сайил-да, домлажон. Ҳали кийик тутдикми, йўқми, ҳеч бўлмаса, шамоллаб келамиз-да.* М. Мансуров, Ёмби. *Агар Ҳамзани тутиб берсанг, ўғлинг Умар полвонни руйхатдан ўчирамиз.* К. Яшин, Ҳамза.

**3** Бирор нарсани илтифотан кимсага таклиф қилмоқ, узатмоқ; фойдаланиш учун тўғриламоқ, бермоқ. *Меҳмонларга сочиқ тутмоқ.* ■ *Чол белбоғидан носқовоғини олиб, ўтирганларга тутди.* С. Аҳмад, Ҳукм. [Сулув] *Ҳеч нарасага қарамай, сакраб туриб, Ҳансираб қолган отасини юпатгиси, совуқ айрон тутиб, елкасини силагиси келарди.* А. Мухтор, Қорақалпоқ қиссаси. *Дуодан сўнг Отабек тўриқ йўрғани чиқариб, қутидорга тутди.* А. Қодирий, Ўтган кунлар. *Бустон қутичали атир олиб келиб, ойисига тутди.* С. Зуннунова, Янги директор. *Али мешкочби яна мадраса қурилишига кириб, одамларга сув тутди.* Мирмуҳсин, Меъмор.

**4** Қўлидаги (ўзидаги) бирор нарсани бошқа нарасага тўғриламоқ, рўбарў ҳолга олмоқ. *Хатни чироқ ёруғига тутиб ўқимоқ. Елкасини офтобга тутмоқ.* ■ *Отбоқар фонусни яна Бўтабойнинг юзига тутди.* А. Қаҳҳор, Қўшчинор чироқлари. *Сенга ҳавас билан боқурман, рости, Ўлимга тик кўксин тута олган зот.* А. Орипов.

**5** кўчма Йўқ бўлиш, кетиш ва ш.к. дан сақлаб турмоқ. *Ҳокимиятни тутиб турмоқ. Ўз позицияларини тутиб турмоқ. Жангчиларимиз тепаликни тутиб туриш учун бутун воситаларни ишга солдилар.* ■ *Азамат.. комбатнинг.. мадад кучи етиб боргунча душманни тутиб туриш ҳақидаги фармонини Эргашева айтди.* Н. Сафаров, Қахрамоннинг туғилиши.

**6** Бирор ҳолат, вазиятда сақламоқ, асрамоқ. *Саидбобо негадир тили учуда турган*

*гапни ютиб, сир тутди.* Н. Сафаров, Оловли излар. *Туғилган кун зиёфатига таклиф қилиш шарт эмас. Ўша кунни эсида тутган яқинлари ўзлари боришаверади..* Р. Файзий, Чўлга баҳор келди. *Итти занжирга боғлаб қўйгач, оч тутади дейишади.* С. Нуоров, Нарвон.

**7** кўчма Бирор нарсдан ўзини тиймоқ ёки бирор нарсани, воқеани юз беришдан тўхтатмоқ, босмоқ, ушламоқ. *У кўзларига тўлган томчиларни базўр тутиб жавоб берди.* Ойбек, Танланган асарлар.

**Ўзини тутмоқ** 1) ўзини босмоқ, тиймоқ; ўзини қўлга ола билмоқ. *Йиғидан ўзини тутмоқ. У кулгидан ўзини тутолмади.* ■ *Ўзимни кулгидан тутолмай, ҳиринглаб кулиб юбордим.* Э. Раимов, Ажаб қишлоқ; 2) ўзини бирор тарзда ушламоқ. *Ўзини баланд тутмоқ. Ўзини катталардек тутмоқ. Ўзини тетик тутмоқ.* ■ *Ибодовнинг ўзини тутиши ҳайрон қолдирган эди уни.* Ф. Мусажонов, Ҳиммат. *У ўзини имкони борича берарво тутишга ҳаракат қилди.* Т. Ашуров, Оқ от; 3) ўзини эплаб қолмоқ, оёққа турмоқ. *Эрталаб яна қонли урушлар бошланди. Аммо халқ энди ўзини анча тутиб қолган эди.* А. Қодирий, Ўтган кунлар. *Бобоқул ота ўзини тутиб олиб: -Илгари фақат селдан эмас, қурғоқчилик офатидан ҳам одамлар қирилди.. - деди.* Ҳ. Назир, Сўнмас чақмоқлар.

**8** кўчма Идора қилмоқ, бошқармоқ. *Рўзгор тутмоқ.* ■ *Яхши қилиб юртни тутди, Ким кам бўлса, йўл кўрсатди.* Эргаш Жуманбулбул ўғли.

**9** кўчма Ўз қўли остидаги, измидаги, қарамоғидаги кимсаларга қандайдир муносабатда, муомалада бўлмоқ. *Болани бўш тутиш ярамайди. Синглинни кафтинда тутсанг, онангни бошингда тут.* Мақол. ■ *Шариат хотинни қаттиқ тутиш керак дейди-ю, аммо хотинни қанча қаттиқ тутсангиз, шунча гафлатда қолишингизни пойлайди.* А. Қаҳҳор, Майиз емаган хотин. *Ўзбек ойимнинг «Келинни хор тутар экан демасинлар, сен ҳам ўзингни тутат!» деб айтгани учун, Зайнаб ҳам тамом ипақларга кўмилиб ясанган, кеча эрга теккан янги келинлар суратига кирган эди.* А. Қодирий, Ўтган кунлар.

**10** Бирор тарзда ишлатмоқ, фойдаланмоқ, қўлламоқ. *Идиш-товоқни, кўрна-*

ёстиқни тоза тутмоқ. Янги олиб келган тешани тутмоқ. ■ -Лекин, — деди Самандаров қошиқни салмоқлаб, — ҳали ҳам мана бунақа қошиқ тутуш айб.. Бунга йўқчиликни важ қилиб бўлмайди. А. Қаҳҳор, Қўшчинор чироқлари.

11 Парвариш қилмоқ, боқмоқ (пилла куртини). Мен, бешовларинг қурт тутинглар, бешта одам бўшасин, демоқчи эмасман. А. Қаҳҳор, Кампирлар сим қоғди.

12 Ишлатиш, фойдаланиш учун ўз ихтиёрида, қарамоғида олиб турмоқ, сақламоқ. Қани иложи бўлса, битта одам тутмасдан, бутун ишни ўзим эплай олсам. Ойбек, Танланган асарлар.

13 Пардалаш, тўсиш, қоплаш ва ш.к. мақсадлар учун ўрнатмоқ, боғлаб, илиб ёки осиб кўймоқ. Пашишахона тутмоқ. Деразаларга парда тутмоқ. Этак тутиб, пахта термоқ. Дастрўмонли юзига тутиб йиғламоқ. Эл оғзига элак тутиб бўлмас. Мақол. ■ Бахмал паранжили хотин чиммат тутган юзини Азим тажанг томонга хиёл ўғирди-ю, бир-икки томоқ қириш билан кифояланди, жавоб бермади. М. Исмоилий, Фарғона т.о.

14 Кўпайиб, тарқалиб, ёйилиб ва ш. к. йўллар билан маълум жойни эгалламоқ, қоплаб олмоқ, босмоқ. Самоварнинг буги уйни тутиб кетди. Кўй-эчкиларнинг маъраши кўчани тутган эди. ■ Йилқи, пода, сурувлар Дард кўрмай ўсса дейман, Тоғу тошга сиғишмай, Яйловни тутса дейман. Қ. Мухаммадий. Кўнғироқдай товуши билан Гулсун ҳам кўшиқчига жўр бўлгандагина ҳамма ёқни одам тутиб кетганини кўрди. Ж. Абдуллахонов, Тонг ёришган соҳилда. Дунан ака минбардан тушишлари билан, зални қарсақ тутиб кетди. «Ўзбекистон кўриқлари». Даштни тутиб ётган лолалар узоқда қолиб, гулларида асаларилар бол эмаётган мевазор боғлар бошланди. «Гулдаста». Достоннинг овозаси оламни тутди. Н. Фозилов, Ҳаёт ўргатди.

15 Кўзимоқ, кўзиб қолмоқ, ҳуруж қилмоқ (одатда, инсон табиатида бўладиган турли хислатлар ҳақида). Отанинг тантилиги тутиб кетди. Унинг жазаваси тутди. Шўхлиги тутмоқ. ■ Ҳиндининг ҳам чиммати тутиб кетди, сарроф халтадан битта беш сўмлик тилла олиб берди. Ф. Фулом, Шум бола. Гапинг рост бўлса, қани юр! Ёки дангасали-

гинг тутиб, ишлагинг келмаётибдими? Газетадан.

16 Амал олмоқ, ўсмоқ, ривожланмоқ (янги кўчат ёки пайванд ҳақида). Боғбон ўзи эккан ё улаган кўчати тутиб, бўй тортиб кетгунча, ҳар кун тағига неча марта келади. М. Исмоилий, Бизнинг роман. Онда-сонда кўчатлар ўтқазилган экан-у, кўпи тутмапти. А. Мухтор, Опа-сингиллар.

17 Ёрдамчи феъл сифатида боғловчи вазифасида қўлланади; ҳисобламоқ. Парвозга шайланиб ночор пат урган Ярадор бургутга тутмагил осон. У. Кўчқоров, Ҳаяжонга кўмилган дунё.

18 Баъзи сўзлар билан қўлланганда, шу нарса эвазига бирор нарсага дучор бўлмоқ, унинг ҳақидан қутула олмаслик маъносини билдиради. -Уволи тутади демардингизлар-а, уволни ўйламадингизлар-а, — деди жавраб турган Зулхумор, юраги бўлмай нари кета бошлади. М. Мансуров, Ёмби. Сизни ўша норасидаларнинг кўз ёши тутмайдими? С. Сиёев, Ёруғлик. Беш боланинг уволи уради сен бекларни! Менинг беғуноҳ қоним тутади ҳаммангни! П. Қодиров, Юлдузли тунлар.

Аза тутмоқ қ. аза. Галаба кунни тўйга айланган хонадонлар ҳам бўлди, яраси янгилашиб, қайта аза тутганлар ҳам. «Ўзбекистон кўриқлари». Бошини тутмоқ Бирор иш, ҳунар ва ш.к. билан машғул бўлмоқ, уни эгалламоқ, касб этмоқ. Бирор ишнинг бошини тутмоқ. ■ Бирон бошқа ҳунарнинг бошини тутса ҳам эплаб кетарди. С. Сиёев, Ёруғлик. Ватан (ёки макон) тутмоқ Бирон ҳудуд ёки жойни яшаш жойи (ватан) қилиб олмоқ. Эрбўтаевлар оиласи ҳам яйдоқ чўлни ватан тутиб, меҳнатда донг тарапти, ўзларидан кўпайишиб боришяпти. «Ўзбекистон кўриқлари». Гапга тутмоқ Гапга солиб, савол-жавоблар билан банд қилмоқ. Ҳамма гапи ёлғон бўлмасин, ўртага олиб, гапга тутинг. «Юсуф ва Аҳмад». Тракторчи йигит ишга шошилганидан тоқатсизлана бошлади. Чол буни сезиб, ортиқча гапга тутмади. Ў. Усмонов, Сирли соҳил. Дариф тутмоқ қ. дариф. Якка ва ягоналигинг ҳаққи.. мендек бир баалокаш гуноҳкор оғизга банданган марҳаматингни дариф тутмагайсан.. К. Яшин, Ҳамза. Иш тутмоқ Маълум сабаб, шартшароит ва ш.к. ни ҳисобга олган ҳолда иш қилмоқ, иш олиб бормоқ. Нега бир-биримизга

ёқишимиз керак. Ёки бўлмаса, сизга яқин бўлган инсон кўнглига қараб иш тутуш лозими? Газетадан. **Йўл (ёки йўлини) тутмоқ** Ишфаолиятда муайян бир йўлни танламоқ, шу йўлдан бормоқ. *Шунинг учун у тилёғламалик йўлини тутди.* Газетадан. *Сендан сўнг қолиб ҳам у қаримайди, У мангу ёшликнинг йўлини тутгандир.* Шухрат, Ёшлигимнинг давоми. **Кўз тутмоқ** Келиши, учрашуви юз беришини интизорлик, иштиёқ билан кутмоқ. *Кўз тутдим, кўзларим нигорон бўлди.* «Ёшлик». *Темиржон, айиқча қайтиб келадигандай, унинг йўлига интизор кўз тутди.* Ж. Абдуллахонов, Орият. **Кўзда тутмоқ** Назар-эйтиборида бўлмоқ, назарда тутмоқ. *Келгуси вазифаларни кўзда тутмоқ.* *Ишдаги кийинчиликларни кўзда тутмоқ.* ■ *Бу гаплари билан қурилишдаги ишларни кўзда тутаетганлигини Бароқов яхши тушунди.* «Ўзбекистон кўриқлари». **Сўроққа тутмоқ** Узлуксиз сўроқ беришда давом этмоқ. *Лекин у ерда сиз эмас, улар сизни сўроққа тутмасалар, деб қўрқаман.* К. Яшин, Ҳамза. **Тўпга (ёки ўққа) тутмоқ** Кимса, нарса, жой томонга (устига) тўхтовсиз тўп отмоқ, ўқ отмоқ, ўқ ёғдирмоқ. *Кўндан бери қутилган жанг тонг маҳалида душман артиллерияси бизнинг позицияларимизни ниҳоятда қаттиқ тўпга тутуши билан бошланиб кетди.* А. Қаҳҳор, Олтин юлдуз. *Душман жангчиларимизни миномётдан ўққа тута бошлади.* Газетадан. **Этагини тутмоқ** Раҳнамолигида иш тутмоқ, раҳнамолигига суянмоқ. *Омон бува Ёдгоров каби ингичка толали пахта усталари бор. Ана шуларнинг этагини тут.* «Ўзбекистон кўриқлари». **Юз тутмоқ қ. юз.** **Ўрин тутмоқ** Мавқега эга бўлмоқ, аҳамият қасб этмоқ. *Улар ичида Шодмонов алоҳида ўрин тутади.* «Ўзбекистон кўриқлари». *Меҳнат жамоаларида туғилаётган анъаналар орасида мусобақанинг такомиллашиб бораётган янги шакл ва усуллари алоҳида ўрин тутади.* Газетадан. **Қулоқ тутмоқ** 1) эшитишга диққатни қаратмоқ. *Бирпас девор тагида тўхтаб, атрофга қулоқ тутушди: жимлик ҳукмрон..* «Муштум»; 2) тингламоқ, эшитмоқ. *Акам томда қор кураар.. мен сандал ичига тиқилиб олиб, шифтдан келаетган курак овозига қулоқ тутиб ётар эдим.* М. Мансуров, Ёмби.

**ТУТОҚИШМОҚ** 1 **Тутоқмоқ** фл. бирг. н. *Бу аҳолдан йигитлар жуда тутоқишди.*

**2 айн. тутоқмоқ.** -*Ҳали туғилмаган болани, ер еткур, дединг-а, — деди Туробжон борган сайин тутоқишиб.* А. Қаҳҳор, Анор.

**ТУТОҚМОҚ айн. тутақмоқ.** *Ҳаёт Салтонбунинг сўзларидан тасалли топишга улуғрмай, Мاستон кампир унинг тутоққан ўтини ловулатди.* М. Исмоилий, Фарғона т. о. *Полиция эшиги берк; яшил ранг билан сирланган ёғоч панжаралар олдида тутоққан халқ қайнади, йигитлар, хотинлар панжарага ёпишади.* Ойбек, Танланган асарлар. *Юрагим тутоқиб кетди, сиз билан ичмоқчиман, қуйинг, раис.* Ш. Рашидов, Бўрондан кучли. *Ахир, бу ер, худди танда пайдо бўлган ёмон ярадай, кўм-кўк водий ўртасида қақшаб тутоқиб ётибди-ку..* Ойбек, О.в. шабадалар.

**ТУ-ТУ** унд. с. *Товуқларни чақиришда ишлатилади.*

**ТУТУМ** Иш тутуш йўсини. *Тутумлари жойида, истараси иссиқ, сўзамол бола оила аъзоларига ёқиб қолди.* Н. Юсуфий, Ҳаёт сўқмоқлари. *Бу ерда жуда қизиқ — Шаҳобидиновнинг тутган тутуми Кўшоқов, Раҳимовларга, уларники эса бошлиққа ёқмайди.* Газетадан. *Юзидан жон олувчи нимтабасум аримас, тутумидан оғир жисмоний меҳнатдан холи ўсганлиги яққол сезилиб турарди.* Н. Норқобилов, Бекатдаги оқ уйча. *Қиз бола ўзга хонадонга бордим, ўша ернинг тутумини олади. Бориға ҳам, йўғига ҳам қаноат қилади.* Газетадан.

**ТУТУН** Бирор нарса ёнганда, ҳавога ажралиб чиқадиган майда зарралардан иборат газсимон моддалар мажмуи. *Папирос тутуни. Уй тутунга тўлди. Тутун осмонга кўтарилиб кетди.* ■ *Уйларнинг мўрисидан тутун чиқар буралиб.* Уйгун. *Бир вақтлар турли ранглар билан бўялган уйнинг шифтлари оташдонда ёқилган ўт тутунидан хираланди.* Ҳ. Шамс, Душман. *Жиққа хўл ўтин ёлғиз «пирс-пирс» қилиб, ачиққ заҳар тутун буруқтиради.* Ойбек, Танланган асарлар.

**Тутун пули тар.** *Хонадон эгасидан яшаб турган жойи учун олинадиган солиқ. Ўзингни бос, Жаломбой, сени ҳеч ким ҳайдамайди. Онанга мен пул юбораман, майли, «тутун пули»ни тўласин.* Ҳ. Турсунқулов, Ҳаётим қиссаси. **Тутун қайтармоқ** дағл. Буюрилган, қилинган иш ёқмаслигини билдирувчи кўпол гап-сўз қилмоқ. *Моллар, молхоналар жойидами? Яна Гавҳар пошиша,*

уна бўлмапти, буна бўлмапти, деб тутун қайтариб юрмасин. «Муштум». Э, тузламай қуриб кет.. ушанинг учун роса тутун қайтариб ётган экан-да. К. Яшин, Ҳамза. **Тутуни (осмонга) чиқмоқ** Жаҳли, газаби қўзғамок. -Ия, бозатдан бери қулогингга танбур чертялманми, — жаҳл билан деди Остонақул, — шунга тутуним чиқиб ёниб ётибман-да. С. Абдуқаҳҳор, Санамай саккиз дема. Фашистларнинг бева-бечораларга бераётган мислсиз азобларини кўрганда, Ўринбойнинг тутуни осмонга чиқади. Т. Рус-тамов, Мангу жасорат.

**ТУТУНЛАНМОҚ** кам қўлл. Тутун чиқармоқ, буруқсимок. Самолёт бирдан тутунланди-ю, ерга шўнғиди. ■ Узоқда тутунланган ўрмонлар орқасидан самолётлар пайдо бўлди. Ойбек, Қуёш қораймас.

**ТУТУНЛИ** Тутун чиқарадиган, тутаб турадиган, тутайдиган. Тутунли порох. Тутунли мўри.

**ТУТУНМОҚ** қ. **тутинмоқ**. У ўз хонасига кириб, каравотга чўзилди. Китоб олиб ўқишга тутунди. П. Турсун, Ўқитувчи. [Раҳматулла] Бу одам билан қиёматлик дўст тутунган бўлиб, бири бўлмаса, бирининг томоғидан бир қултум мой ўтмас эди. А. Қаҳҳор, Қўшчинор чироқлари.

**ТУТУНСИЗ** Тутун чиқармайдиган, ту-туни йўқ. Тутунсиз порох. Тутунсиз уй бўлмас, ёзиқсиз — йигит. Мақол. ■ Бирор қишлоққа ўт кетса, одамлар дарҳол воқиф бўладилар, ёнғин даф этилади. Юрак ёнса-чи? Унсиз, тутунсиз лаққа чўғ бўлиб ёниб, кулга айланган дил оҳ-зорини эшитувчи борми? С. Кароматов, Ҳижрон.

**ТУТУРИҚ I** Кимсанинг ўз сўзида, ваъдасида тура олиш хислати; лафз, бурд. Тутуриғи йўқ одам. ■ Наҳотки, кечагина техникага биркитилган болаларни яна қайтариб, тупроқ ишига қўйишга тўғри келса! Болалар олдидан лафз, тутуриқ қоладими? А. Мухтор, Туғилиш. Бир соатнинг ичида икки одамни ифвогарга чиқариб, яна сўзингиздан қайтиб ўтирсангиз, сизда тутуриқ борми ўзи? «Муштум».

**2** Иш, гап-сўздаги қатъийлик, тайин. ..мен бу дунёдаги ишларинг бетутуриқ деб юрсам, охираддаги ишларингда ҳам тутуриқ йўқ экан. А. Қаҳҳор, Асарлар. Отамнинг дарди оғир, баъзи вақтлар иситма ора-

сида аллақандай тутуриғи йўқ гапларни га-пириб қўяди. Файратий, Менинг ёшлигим.

**ТУТУРИҚЛИ** Тутуриғи, бурди бор; сўзида, лафзида турадиган; бурдли; тайинли. Тутуриқли одам. Тутуриқли гап.

**ТУТУРИҚСИЗ** Тутуриғи, бурди йўқ; сўзида, лафзида турмайдиган, бебурд, бетайин, бемаъни. Тутуриқсиз одам. Тутуриқсиз гап. ■ Икки тутуриқсизни деб кўрпани кўйдирмоқчимисан? А. Мухтор, Тонг билан учрашув. Табибий хоннинг Фозий тахаллуси билан тутуриқсиз шеърлар битадиган жияни Саид Фозий тўрага ишора қилаётган эди. С. Сиёев, Ёруғлик.

**ТУТУРИҚСИЗЛИК** Тутуриқсиз эканлик, тутуриқсизга хос хусусият, хатти-ҳаракат, қилиқ. Мақсумжоннинг сўздан қандайдир бир тутуриқсизликнинг ҳиди буруқсаб турарди. Файратий, Довдираш. Дўқ уриш ва қўполлик ходимнинг.. ожизлигини, тутуриқсизлигини кўрсатади. Газетадан. [Онахон] Назокатнинг яна паранжи ёпиниб олиб, ўтакетган тутуриқсизлик қилганини эшит-гач, қаттиқ хафа бўлган эди. А. Мухтор, Опа-сингиллар.

**ТУТУҚ I I** кам қўлл. Тутиб қўйилган; тутуқли. Парда тутуқ дераза.

**2** эск. айн. айириш белгиси қ. айириш.

**ТУТУҚ II** шв. Дулуқ.

**ТУТУҚ III** шв. Чиммат, чачвон.

**ТУТУҚЛИ** Тутиб қўйилган, тутилган. Ойналарда парда тутуқли эди.

**ТУТЧИЛИК** Тут дарахти ўстириш, етиштириш. Инак қурти учун асосий озуқа базаси бўлган тутчиликка эътибор бермоқ.

**ТУТҚА** Даста, тутқич. Эшик тутқаси. ■ Душанининг отаси.. тутқаси ялтиллаб турган ҳассасини олиб, ўз хонасига кириб кетади. А. Мухтор, Давр менинг тақдиримда.

**ТУТҚАЗМОҚ** айн. ушлатмоқ. Ноиб отдан тушиди. Қамчисини этигининг қўнжигига буклаб тиқиб, жиловни Амажонга тутқазди. С. Сиёев, Аваз. Машраб ҳали-ҳали эслайди, Ашрафжон бир кун унинг қўлига аллақайси китобни тутқазиб, Барнога олиб бориб беришни илтимос қилди. О. Ёкубов, Эр бошига иш тушса.

**ТУТҚАЛОҚ** шв. Тутқанок, қуёнчиқ. Соҳиблар миробга: -Тутқалоғи тутди ит-ваччанинг, — деб кулди. Ж. Шарипов, Хо-разм.

**ТУТҚАНОҚ 1** тиб. Даврий равишда тўсатдан тутиб қоладиган, киши ҳушидан кетиб, акашак бўлиб қоладиган, бедаво асаб касаллиги; куёнчиқ, эпилепсия. *Тутқаноғи бор одам. Тутқаноқ касаллиги.* ■ Салим ваҳиманинг тутқаноғи яна бошланди. Асаби жуда чатоқ экан боланинг. А. Мухтор, Чинор.

**2** Шундай касалга йўлиққан одам.

**ТУТҚАНОҚЛИ** Тутқаноқ касалига мубтало бўлган, тутқаноғи бор. *Тутқаноқли бола.*

**ТУТҚИ** айн. **тутқа.**

**ТУТҚИЗМОҚ** қ. **тутқазмоқ.** У кийимларини менга тутқизиб, сувга шўнғиди. ■ Йўличи ўтиргач, Шокир отанинг етим набираларини.. ўпиб, узумдан икки бошини уларнинг қўлига тутқизди. Ойбек, Танланган асарлар.

**ТУТҚИЛАМОҚ** с. т. Ушлаб тортавермоқ, тортқиламоқ. *Бола онасининг этагидан тутқиларди.*

**ТУТҚИЧ 1** Нарсаларнинг қўл билан ушлаш учун хизмат қиладиган қисми, даста. *Дераза тутқичи.* ■ Паранжи-чачвон ёпирган аёллар деразаларни астагина силаб кўришар, ичкарига мўралаб, бўялган эшикнинг ялтироқ, чиройли шиша тутқичларини авайлабгина ушлаб қўйишарди. П. Турсун, Ўқитувчи.

**2** Турли нарсаларни қисиб тутиб турадиган буюм, қисқич. *Ювилган кийимларни тутқич билан тишлатмоқ.*

**Тутқич бермоқ** (кўпинча бўлишсиз шаклда) Ўзини туттириб қўймоқ. *Куён тутқич бермай қочди.* ■ Куш ҳам итга тутқич бермай, яна пириллаб учди. Ҳ. Назир, Сўнмас чақмоқлар.

**ТУТҚИЧЛИ** Тутқичи бор, тутқичга эга бўлган. *Уйнинг ўнг томонидаги оғир, попукли духоба нарда.. шиша тутқичли бир эшикда ҳимарилган дарпарданинг узун этаклари солланиб турарди.* У. Исмоилов, Сайланма.

**ТУТҚИЧСИЗ** Тутқичи йўқ, тутқич ўрнатилмаган. *Тутқичсиз дераза.* ■ Ахир Тошкентдек шаҳри азимда қанча-қанча артель, корхоналар бўлса-ю, қўрган иморатларимизнинг деразалари тутқичсиз қолса.. «Муштум».

**ТУТҚУН 1** Асир олинган, асирлик ҳолатидаги шахс; асир, банди. *Орадан ярим соат ўтар-ўтмас, ҳалиги туркман.. яна тутқунлар қошида пайдо бўлди.* С. Айний,

Куллар. [Тоғамни] *Тутқун қилиб олганлардан бири мен билан ўзлари орасида ўтган воқеани у ердагиларга айтиб берди.* С. Айний, Эсдаликлар. *Фарзандим, ёлғизим, ганимларга тутқун бўлиб қолмагин.* «Равшан». *Бундан ортиқ жазо беришдан ўзини тийди, сабаб устод Қавом бошқа тутқун кишиларнинг қаҳрли кўзларидан ҳайиқди.* Мирмуҳсин, Меъмор.

**2** кўчма Эрки, ҳуқуқи ўзида бўлмаган, ҳуқуқи биров ихтиёрида бўлган. *Сени кўрдим, ёдимга тушди Ёшлигимда кўрган бир жувон. Ўзи сухсур каби гўзал эди, Фақат тутқун, бағри тўла қон. Уйғун. Биз балиқ овловчи, тутқун қўллармиз, Не тутсак, хон томон дарҳол йўллармиз.* С. Абдулла. [Зумрад] *Шунча тутқун бўлишига қарамасдан, бу қизнинг қалбига муҳаббат олови аллақачон тушган эди.* С. Зуннунова, Гулхан.

**ТУТҚУНЛИК 1** Тутқун ҳолат. *Тутқунликдан.. қутқазилган Гулнорнинг қушдек учгиси келар, лекин бошидан кечган даҳшатли воқеалар орқасида оёқларида заррача мадор сезмас эди.* Ойбек, Танланган асарлар.

**2** Асирликдаги ёки эркисиз, ҳақ-ҳуқуқсиз шароитдаги ҳаёт; асорат. *Сенинг эркинг, ҳаққинг ўғирлаб, Ироданга занжир солган ким? Эрк макони бўлган ўлкада Нечун қолдинг тутқунликда жим!* Зулфун. *Унда [«Сайдинг қўя бер, сайёв» да] авторнинг тутқунлик ва қўлликка қаршилиги, эркин ҳаётга интилиш орзулари ифодаланган.* «ЎТА».

**ТУФ 1** унд. с. **1** Тупурганда ҳосил бўладиган товушни билдиради. *Насва [насиба] тортиб келиб қолса Аҳмаджон, Ҳақ, туф, деб тупуради юзинга.* «Юсуф ва Аҳмад».

**2** этн. Кўз тегмасликни истаб айтиландиган сўз. *Анзират хола унинг боласига ҳаваси келиб, ўрндан туриб, болани қўлига олди: -Туф, ёмон кўздан сақла, мунча ҳам дўмбоқ, мунча ҳам оппоқ!* А. Мухтор, Опа-сингиллар.

**Туф деб (ёки туфлаб) тугмоқ** Топганини йиғмоқ, тўпламоқ. *-Нусратбек топганини туф деб тугаётган бўлса керак, — деди юзлари қип-қизил, думалоққина шериги уни қувватлаб.* С. Нуров, Нарвон. **Юзига туф демоқ (ёки туфламоқ)** дағл. Ҳақорат ифодаси сифатида бетга қараб «туф» демоқ. *Сағирнинг ҳақи менга эмас, менинг ҳақим сағирга ўтмаса, юзимга туф денг..* П. Турсун. Ўқитувчи.

**ТУФ** II [итал. tufo < лат. tofus – говак тош] геол. Курилиш материали сифатида ёки бошқа мақсадларда ишлатиладиган говак, рангдор тоғ жинси (вулкон отилиши маҳсули ёки иссиқ булоқ чўқиндиси сифатида ҳосил бўлади). *Туф кўп асрлардан буён фақат қурилиш материали ҳисобланар эди. Эндиликда эса бу тошдан оригинал газлама тайёрланмоқда.* Газетадан.

**ТУФАЙЛИ** I [а. طفيل – (бировнинг) ҳисобига, воситасида; сабаб, баҳона] I кўм. Сабабли, орқали. ■ *Экзема организмда модда алмашишининг бузилиши туфайли ҳам пайдо бўлиши мумкин.* Газетадан. *Ён қадоқ жўхори туфайли шу кўйга тушаман, деб Аваз сира ўйламаган эди.* С. Сиёев, Аваз. *Турмушдаги жамики яхшиликлар, гўзаллик ва фаровонликлар инсон туфайлидир.* Газетадан.

**ТУФАЙЛИ** II [а. طفيلي – чақирилмаган меҳмон, текинтомоқ] эск. Биров ҳисобига кун кечирувчи, текинхўр, текинтомоқ шахс. *Ундай туфайлиларни битирмоқ керак эди.* Ойбек, Навоий.

**ТУФАЙЛИДАН** с. т. айн. **туфайли** I. *Муштинлар волидаи мухтарамлар! Биз истиқлол туфайлидан ёруғлик, рўшнолик кўрдик.* Газетадан.

**ТУФАНГ**, **тўфанг** эск. Чақмоқтош ёрдамида отиладиган пилта милтиқ. *Амир ўшанча тўп, туфанг, хазина ва дафина билан ҳеч бир иш қилолмаган эди..* С. Айний, Дохунда. *Эшитганимга кўра, большевикларнинг тўплари, туфанглари ва фидойи аскарлари кўп эди.* «Муштум».

**ТУФДОН** Тупуриш учун қўйилган махсус идиш. *Туфдон, одатда, касалнинг бош томонида полга қўйилади.* Н. Исмоилов, Касалларни парвариш қилиш. *Мутриб оғир йўталиб, туфдонга тупурди.* С. Сиёев, Аваз.

**ТУФДОНЛИ** Туфлони бўлган, туфланадиган махсус қисми бор. *Кунлардан бир кун Қарши ҳокими Бухоро амири Олимхон саройига мисдан ясалган туфдонли ажойиб дастуёй тухфа қилади.* Газетадан.

**ТУФЛАМОҚ** I айн. **тупурмоқ** 1, 2. Сулаймонов қаймоқдан бир қошиқ олиб ичдида, бирдан афти бурушиди, туфлагани жой излади, туфлади. А. Қаҳҳор, Мунофиқ. *Қир бармоқларига туфлаб, бир-бирига ёпишган киприкларини ҳўллаб юмиштиб, зўрға очарди.* С. Нуров, Нарвон.

3 «Туф» («туф-туф») демоқ. қ. **туф** I 2.

**Кўкрагига** (ёки **кўксига**) **туфламоқ** этн. Қўрқиб кетганда, бирор нарсанинг даф бўлишини тилаб ёки даф бўлганидан хурсандлик белгиси сифатида «туф» («туф-туф») демоқ (қ. **туф** 3). – *Кайфим учиб кетди-я!* – *деди қори ва ёқасини катта очиб. кўкрагига уч марта туфлади.* А. Қаҳҳор, Қўшчинор чироқлари. *..қўрққанларидан дагдағ қалтираб, кўкракларига туфлаб, пастга туширишибди.* Э. Раимов, Ажаб қишлоқ. *Уларнинг саломатлигини кўрган шогирд ўз кўксига туфлади.* Мирмуҳсин, Меъмор. **Туфлаб тугмоқ** айн. **туф деб тугмоқ** қ. **туф**. [Кўёв] *Ута зикналикдан, ичадиган чойларини ҳам ўлчаб берадиган бўлди, тийинларни туфлаб тугди.* Ш. Фуломов, Саҳрода.

**ТУФЛИ** [қад. нем. tuffele, голл. tuffel – бошмоқ < юн. pantophelle – таглиги пўкакдан бўлган сандалет] Тўпикдан паст оёқ кийими. *Баланд пошналар туфли. Амиркон туфли. Туфли киймоқ.* ■ *Қабулга келган қиз шинамгина туфлисининг баланд пошналарини тақиллатиб, стул олдига юриб келди-да, атлас кўйлагининг этаklarини астагина йиғиштириб, ноз билан стулга ўтирди.* Ш. Рашидов, Бўрондан кучли.

**ТУФ-ТУФ** **Туф** I с. такр. – *Қўй кўриб, бундақангисини кўрган эмасман! Елкасигача нақ ёғ бўлиб кетибди, йўлда кўзланган бўлмасин, туф-туф!* – *деди хотин.* С. Абдулла, Соялар.

**ТУХМАК** I [ф. تخمک – насл, авлод, уруғ: уруғдон] тиб. Кўзга қон қуйилиши, кўзнинг қизариши билан характерланадиган касаллик.

**ТУХМАК** II Воҳаларда ўсадиган оч сариқ хушбўй гулли ўсимлик (дарахт, бута ёки кўп йиллик ўсимлик).

**ТУХУМ** [ф. تخم – уруғ, тухум; авлод, насл; сперма] I Ургочи парранда, тошбақа ва б. баъзи ҳайвонларнинг бола очиш учун қўядиган, қобиқ билан ўралган жинсий юмurtқаси ва шу нарса – таркибида барча озиқ моддаларига эга бўлган таом маҳсулоти сифатида. *Товуқнинг тухуми. Ўрдакнинг тухуми. Тухум қилмоқ. Қовурилган тухум. Тухум ютмоқ.*

**Анқонинг тухуми** қ. **анқо**. *Нимасини суриштирасиз, мулла ака, хўжайинлар орасидан эпақага келадиганини қидириш анқонинг тухумини қидириш билан баробар экан..* Ойбек, Танланган асарлар. **Тухум босмоқ** (1)

тухум қилиш учун мояк устида ўтирмақ. Бундан роса ўн йил бурун мана шу болохонадаги қазноқда тухум босиб ётган фаранги товуқ бирданига қоқолаб, том орқасига — Собиржон қориникига учиб тушди. А. Қаҳҳор, Қўшчинор чироқлари; 2) жўжа очиш учун маълум вақт тухумларга багрини бериб ётмоқ. Сўрининг бурчагига ин қурган мусичанинг тухум босиб ётганини кузатди. Газетадан; 3) кўчма ҳеч бир иш қилмай, уйдан эшикка чиқмай ётмоқ, лоқайди юравермоқ. Раҳим тагин четга суриларди, балки яна чакагини боғлаб, уйда тухум босиб қоларди. Ҳ. Назир, Сўнмас чақмоқлар. **Тухум бостирмоқ** Жўжа очиб чиқарсин учун, курк бўлган товуқнинг остига тухум қўймоқ. Комилжон бостирган тухумлар жўжа бўлмай, палағда чиқиб қолдими? И. Раҳим, Ихлос. **Тухум очмоқ** Тухум босиб ётиб, жўжа чиқармоқ. **Тухум уриштирмақ** (ёки **ўйнамоқ**) Пишган тухумларни бир-бирига уриб, кимники синмай қолишга ўйнамоқ. *Икки ариқнинг атрофига чойхоналар очиларди.. Қиморбозлик бўларди, мозорлардан шайх ва қаландарлар келарди.. тухум ўйнашарди, сўнгера мастбозлик.* И. Раҳим, Ихлос. **Тухумга кирмоқ** Тухум қила бошламоқ. *Товуғимиз тухумга кириб қолди. Тухумдан чиқмоқ* 1) тухум қилмай қўймоқ; 2) тухумни ёриб чиқмоқ, жўжаламоқ. **Тухуми оғзига келмоқ** (ёки **тиқилмоқ**) Жуда зиқ, танг аҳволда қолмоқ. *Охири тухум оғзига келганда, «ҳа бўл, ҳа бўл»га тушиб, шўр ернинг ярмини ҳам юволмадик.* «Муштум».

2 биол. Жинсий хужайра. Тухум йўли. Тухум хужайраси.

3 бот. Уруғ. Ошқовоқнинг тухуми.

4 кўчма Насл, авлод, зурриёт, зот. Тухуми қуриган ҳайвонлар. ■ **Кук қурт!** Ёмон офат. Ғўзанинг заволи. *Тезда тухум-тухумини қуришти керак.* Р. Азизхужаев, Яшил чайла. *Улсам ўлайин, одам тухумидан қўрқмайман.* «Ойсулув».

**Тухуми одам** (ёки **инсон**) Одам зоти. Султоним, бир кун бўлган одам, бир кун ўлади, тухуми одам бошида шу савдо бор. «Гулихиромон». **Тухумини қуришмоқ** (ёки **қирмоқ**) Бутунлай йўқ қилмоқ. *Агарда нажотимиз қипчоқ тухумини қуриштида бўлса, мени ҳам оссинлар!* А. Қодирий, Ўтган кунлар. У [Давлатёр] *фиғон чекаётир:* -Сени

ўлдирганинг тухумини қираман, акажоним! П. Турсун, Ўқитувчи.

5 кўчма Умуман, юзага келтирувчи нарса, уруғ. *Агар сиз нафсиламрга қарасангиз, икки халқни бир-бирига совуқ кўрсатиб, адоват тухумини сочиб келувчи бир нечагина одам бор..* А. Қодирий, Ўтган кунлар.

**ТУХУМБАРАК** шв. Хамир ичига тухум солиб, қайнатиб пишириладиган овқат тури.

**ТУХУМДОН** [ф. تخمدان — тухум турадиган, ҳосил бўладиган жой] *анат.* Аёлларда, урғочи ҳайвон ва жониворларда тухум ҳужайраси ҳосил бўладиган, жуфт ҳолдаги жинсий без; оналик (урғочилик) беzi. *Ҳомиланинг ривожланиши жараёни тухумдонда уруғланиш билан бошланади.* «Фан ва турмуш».

**ТУХУМЛАМОҚ** шв. Тухум қилмоқ, тухум қўймоқ.

**ТУХУМСИМОН** Тухумга ўхшаш, кўринишдан тухумни эслатадиган. *Тухумсимон тош.* *Тухумсимон барглар.*

**ТУХУМХЎР** [ф. تخم خور — тухум еювчи]

1 Тухум ейишни яхши кўрадиган. *Тухумхўр бола.*

2 зоол. Ўз тухумларини бошқа ҳашаротларнинг тухумлари ичига қўядиган ҳашарот, уруғхўр.

**ТУШ** I Уйқуда вужудга келадиган субъектив психик ҳодиса, жараён; уйқуда кўриладиган образлар, нарсалар. *Анов муттахам ким? Нега мени бу ерга ўғирлаб келарди? Ҳеч нима тушунмайман! Тушимми? Ўнгимми? Ойбек, Танланган асарлар. Қани энди ҳозир шу тушим ўнг бўлиб қолса. Онам ўлмаган бўлсалар.* Э. Раймов, Ажаб қишлоқ. *Қани энди шуларнинг ҳаммаси тушим бўлсаю, уйғониб кетсам!.. Қадамимни билиб босар эдим.* А. Қаҳҳор, Оғриқ тишлар.

**Туш билибманми** (ёки **кўрибманми**)? Қаёқдан билай? *Туш кўрибманми унинг келишини? ■ Туш кўрибманми апрелда совуқ бўлишини?* С. Маҳкамов, Шоғирл. **Туш кўрмоқ** Уйқуда туш жараёни юз бермоқ, уйқусида нарса, воқеа-ҳодиса ва ш.к. кўринмоқ. *Бир яхши туш кўрдим, айтиб бераман.* К. Яшин, Ҳамза. **Тушига кирмоқ** Уйқусида (тушида) кўринмоқ. *-Гавҳар, аям тузукмилар? -Кеча тушимга кирибдилар. Қопқоронғи чакалакзорда оқ кўйлакда юрганмишлар. Ў. Ҳошимов, Қалбингга кулоқ сол. Азрегатлар ёрдам берар ишимга, Севган касбим ҳатто кирар тушимга.* «Гулдаста». **Ту-**

**шида кўроқ айн. тушига кирмоқ.** *Етти ой-дан бери фақат тушимда кўраман уни.* И. Раҳим, Чин муҳаббат. *Тушда кўрдим дилбаримни, эй сабо, уйғотмагил.* Э. Воҳидов. **Тушингизни сувга айтинг** Бекор айтибсиз, бўлмаган гап, асло ундай эмас. *Э-ҳушини йўқотиб, гаранланган деҳқон дастлаб индамади. Ёш баққол вайсайвергандан сўнг, бир ух тортиб, секингина деди: -Ўн тўрт сўм берасиз.. -Э? Ўн тўрт сўм? Тушингизни сувга айтинг.* Ойбек, Танланган асарлар. **(Ухлаб) тушига кирмаган (ёки тушида кўрмаган) ёки етти ухлаб, тушига кирмаган (ёки тушида кўрмаган).** *Дилдор ўйламаган, ўйлаб тушига ҳам кирмаган икки қийинчиликка рўбару келди.* С. Аҳмад, Уфқ. *У куёви билан шу хилда учрашишни етти ухлаб, тушида ҳам кўрмаган эди.* С. Зуннунова, Гулхан. *У ердан Фуломжон кутган, Фуломжонни зору интизор этган жонон эмас, Фуломжоннинг етти ухлаб, тушига кирмаган нотаниши бир жувон чиқди.* М. Исмоилий, Фаргона т. о. *Абдишуккур тушида ҳам кўрмаган пойтахт театрларини мақтамоқчи бўлиб, энди сўз бошлаган эди, Ёрмат дастурхон келтириб, норин тайёр бўлганини билдирди.* Ойбек, Танланган асарлар. *Анвар жим бўлиб қолди, тушига ҳам кирмаган бу тақлифга нима дейишини билмай энтикди.* А. Қодирий, Меҳробдан чаён. **Энди тушингизда кўрасиз** «Эндиликда асло кўрмайсиз», «кўриб ҳам бўлибсиз» каби маъноларни ифодаловчи ибора. *Бундай келини энди тушингизда кўрасиз.*

**ТУШ II** Куёш қоқ тепага келган пайт. *Тушгача ишламоқ. Тушда дам олмақ. Девонанинг ақли тушдан кейин кирибди.* Мақол. ■ **Туш пайти, таълимдан қайтдим бемажол.** Туйғун. *Туш чоғи яқинлашганда, бир чопар от чоптириб, бойнинг ҳовлисига кириб келди.* С. Айний, Қуллар.

**ТУШАМОҚ** кам қўлл. Тушовлаб боғламоқ, тушовламоқ. *Маҳбусларга.. бу ҳам етмаганидек, тагин тирсақларидан бири-бирига тушаб қўйилган.* М. Исмоилий, Фаргона т. о.

**ТУШИМ** қ. **тушум.** *Расво қилган мени пора, Бебилиска тушим, аттанг.* Т. Йўлдош. *Кўмир омборининг тушим пулларини дастлаб санашида отаси унга тан берадиган бўлиб қолди.* Газетадан.

**ТУШИРГИ** *шв.* Ортиқча сувни оқизиб юборишга мўлжалланган махсус тарнов. мас., сув тегирмонида.

**ТУШИРГИЧ** Бирор нарсани тушириш, тушириб қўйиш учун хизмат қиладиган буюм, мослама. *Қозон туширгич. Сув туширгич. ■ Алижон ўғит туширгични кўздан кечирди.* Ҳ. Нуъмон, Фасллар.

**ТУШИРМОҚ I** **Тушмоқ** фл. орт. н. *Ертўлага туширмоқ. Трамвайдан тушириб қўймоқ. Амалдан тушириб юбормоқ. Поезддан тушириб юбормоқ. Пардани туширмоқ. Чув туширмоқ. Арзонга туширмоқ. Қўлга туширмоқ. Пенициллин иситмани туширади. ■ Муҳтарам қайин отамизга! Сиз билан мени қоронғи зиндонларга тушириб, дор остларигача тортган.. Ҳомид исмли бир тўнғизни, ниҳоят, икки йиллик саргардонлик сўнгиди, ёрдамчилари билан тупроққа қориштиришга муваффақ бўлдим.* А. Қодирий, Ўтган кунлар. *Танаси икки қулочга сиғмайдиган бир туп сада теваракка тангадай офтоб туширмайди.* Ойбек, Танланган асарлар. *Бўтабой ака аввал яхши гапирди, кейин шовқин солиб, «бригадирликдан туширамиз», деди.* А. Қаҳҳор, Қўшчинор чироқлари. *Элмурод ҳаммани мукофотга тақдим этганда, ўзини тушириб қолдирган эди.* Шуҳрат, Шинелли йиллар.

**2** Ортилган юкни ерга олиб қўймоқ, юкдан бўшатмоқ. *Юк туширмоқ. Қурилиш материалларини вагондан туширмоқ. ■ [Йўлчи] Бойнинг дўкони олдига ўнларча, юзларча той газламани тушириб.. ердан шипга қадар тахлар, яна аравани миниб жўнар эди.* Ойбек, Танланган асарлар.

**3** Бирор нарса билан урмоқ, солмоқ (одатда қаттиқ, залворли нарса билан бўладиган зарб ҳақида). *Мушт туширмоқ. Тош билан туширмоқ. ■ У [Роҳила] бор кучини тўплаб туриб, автоматнинг қўндоғи билан асирнинг қулоқ чеккасига шарақлатиб туширди.* А. Муҳиддин ва Ҳ. Тожибоев, Оташ қалбли қиз. *Матпано сўйил билан битта итнинг калласига туширди.* С. Сиёев, Аваз.

**4** кўча с. т. *Иштаҳа билан емоқ, ичмоқ; еб-ичиб қўймоқ. Бир коса шўрвани туширдим. ■ Йигитлар дастурхонлар ёнига ўтирдилар-да, шаробларни нўш қилиб.. гўштларни тушира кетдилар.* М. Осим, Аждолларимиз қиссаси. *Зуннунқори.. тўртта нонни чой билан паққос тушириб, энди ҳолвайтарга иштаҳа сақлаб турган эди, бир киши чақириб келди.* С. Абдулла, Мавлоно Муқимий. *Хола, кўнглимдагини сезгандай,*



бир коса жўхори гўжа олиб чиқиб, олдимга қўйди. Яримта зоғора нон билан тушириб олдим. С. Сиёев, Ёруғлик.

**5** Ўқиб ёки оғзаки, ёдаки айтиб тамохламоқ, тугатмоқ. *Достонни ўқиб туширмоқ.* ■ *Самад бўқоқ индамай, четга бурилиб кетди. Шукур сўфи шом намози учун такбир тушира бошлади.* А. Қодирий, Меҳробдан чаён. *Зайниддин қўлига олган китобни туширмагунча қўймасди.* М. Осим, Сеҳрли сўз.

**Қовун туширмоқ** шв. Ўринсиз ҳаракат, гап ва ш. к. билан ишни расво қилиб қўймоқ, ишни бузиб қўймоқ.

**ТУШКИ** Туш пайтида бўладиган; туш вақтидаги. *Меъмор тушки овқат вақтида Зулфиқорни ёнига чақириб, ундан бўлган воқеани сўради.* Мирмуҳсин, Меъмор. *Сидиқжон тушки дам олишдан кейин кечгача хийла дуруст ишлади.* А. Қаҳҳор, Қўшчинор чироқлари.

**ТУШКУН** Сўниқ ҳис-туйғули, руҳи паст; сўниқ. *Убугун ҳам ҳовлимизга паришон ва тушкун бир ҳолатда кириб келди.* Ў. Ҳакимали, Навбахор. *-Вақт ўтди, — деди ҳазрат тушкун бир овоз билан.* К. Яшин, Ҳамза. *Жабборов, ундаги [Аҳмаджондаги] ўзгаришни одатда бир-бирига меҳрибон кишилар узоқ вақт ажралишаётганда бўладиган тушкун кайфиятнинг таъсири, деб билди.* А. Муқимов, Ғалати одамлар.

**ТУШКУНЛИК 1** Тушкун ҳолат. *Ичкилик тушкунликка олиб боради.* ■ *Калладаги қора хаёлларни ҳайдаш керак, тушкунлик — энг ёмон душман.* Ф. Мусажонов, Ҳиммат. *Пўлатнинг кўзларидаги алам аралаш тушкунликни кўргач.. деди: -Хафа бўлма, Пўлат.* Ш. Рашидов, Қудратли тўлқин.

**Тушкунликка тушмоқ** Тушкун ҳолатга берилмоқ. *Иродали киши ҳаётни ҳамиша тўғри тушунади, тушкунликка тушмайди.* С. Кароматов, Бир томчи қон. *Бундай одам ҳеч қачон тушкунликка тушмайди, нолимайди.* Ф. Мусажонов, Ҳиммат.

**2** Тарихий жараёнда ривожланиш эмас, аксинча, орқага, қуйига кетиш. *Иқтисодий тушкунлик.* ■ *..бой тарихга эа бўлган Ўзбекистон фани, муайян тарихий сабабларга кўра, бир неча аср давомида тушкунликни бошидан кечиради.* Газетадан.

**ТУШКУР** Ўзидан олдинги сўз билдирган шахсни эркалаш, суйиш ёки энгил қойиш каби маъноларни беради; шундай

муносабатни ифодалайди; тушмагур, қурғур, қурмагур. *Бироқ қизи тушкурнинг ҳусними, ширин сўзларими, ҳар қалай, Ғиёсиддиннинг тил-жағини боғлаб, қулогини кар, кўзини кўр қилиб қўйган эди.* С. Аҳмад, Ҳукм. *Шунинг учун [ҳожиди] ўз тарафидан Ўзбек ойим тушкурни яхшилаб энга олмоқ, юз қизартирадиган ишларига қарши чораларни кўрмак фикрига тушди.* А. Қодирий, Ўтган кунлар. *-Вой, отаси тушкур-эй, — деди кула-кула Муса, — мен сизни сўфи, бундай ишларга эътибор қилмайди, деб юрсам, сизда гап кўп экан. Вой, отаси тушкур-эй!* П. Турсун, Ўқитувчи.

**ТУШЛИК** Туш вақтида ейиладиган овқат; овқатланиш, ейиш-ичиш. *Тушликка шўрва пиширмоқ. Тушлик чой.* ■ *Боғда ишлаётган колхозчилар аллақачон тушликка чиқиб, ўзларининг камтарин овқатларига Ойқизни ҳам таклиф этдилар.* Ш. Рашидов, Бўрондан кучли. *Бўлган иш шуки, ўша куни тушлик маҳалида Холмурод аканинг звеносида учта кетмон йўқолди.* А. Қаҳҳор, Қўшчинор чироқлари.

**ТУШМАГУР** айн. **тушкур**. *Қиз тушмагур ўйинга уста экан.* ■ *Йигитали энди жавонга яқинлашган эди, Саври хола кирди: -Мана, ўғлим, ўзингиз ажратинг, бу қурғур иккисиям жисгаранг дафтар, Дилнавоз тушмагур қайси бирини сўрапти экан.* С. Кароматов, Бир томчи қон. [Роқия:] *Муҳаббатингиз балодек кийим танлайди. Турғунжон акам зиёфатимга етиб келолмасалар, нима қилман, деб ичи пишганича бор экан-да, қизим тушмагурнинг.* Н. Сафаров, Ҳаёт мактаби.

**ТУШМОҚ 1** Юқоридан, баланддан ёки бирор нарса устидан пастга томон ҳаракат қилмоқ; йўналмоқ. *Ердан чиқидими, осмондан тушидими, йўлда биттаси пайдо бўлиб қолсами?!* О. Мўминов, Хиёбондаги уч уч-рашув. *Машина шундоққина Менглибойнинг ёнига келиб тўхтади-ю, ундан эшикни тарсиллатиб очиб, Ҳазратқул билан Темурланг тушди.* С. Аҳмад, Юлдуз. *Сен баланд тоғ узра эрдинг мисли оху ёки қуш, Ёлвориб мен пастда дердим: Бир нафас ёнимга туш.* Э. Воҳидов, Муҳаббат.

**2** Чиқиб жойлашган, ўтирган, бўлган жойини тарқ этиб, ерга инмоқ. *Самолётдан тушмоқ. Аравадан тушмоқ. Томдан тушмоқ. Автобусдан тушмоқ.* ■ *Кечирасиз, қаерда тушмоқчилар?* Х. Тўхтабоев, Ширин қо-

вунлар мамлакати. *Вагондан энг кейин тушган.. Аҳмаджон: -Строй [саф] бўлмасдан шундай кетаверсак бўлмасмикан, - деди. А. Қаҳҳор, Олтин юлдуз.*

**3** Ўз жойидан чиқмоқ, кўчмоқ; чиқиб, кўчиб жойидан кетмоқ, йўқ бўлмоқ. *Сочи тушмоқ. Илоннинг пўсти тушибди. Молнинг туёғи тушибди. ■ Бунинг устига унинг [Нафисанин] тиши тушган - бу ҳомиладор вақтида содир бўлган эди. Мирмуҳсин, Топилган ҳусн. [Яра] Усти қора кўтир бўлиб қотади, у тушиб кетгандан сўнг, яна тери асли, соғ ҳолига қайтади. Газетадан.*

**4** Мансаб, лавозим ва ш.к. дан кетмоқ, бўшамоқ. *Мен хизматдан тушгандан сўнг ниёда юриш яхши бўладими? А. Қодирий, Меҳробдан чаён. ..икки ҳафтадан сўнг бўшашганича қайтиб келди.. -Оқ пошио тахтдан тушгани билан, оқ амин аминлигидан тушмапти, - деди. А. Қаҳҳор, Асрор бобо. Мана, мудирликдан тушиди-ю, хийла одамшаванда бўлиб қолди. П. Турсун, Ўқитувчи.*

**5** Мавқе, даража, қиймат ва ш.к. жиҳатдан даражаси пастлашмоқ, бўшашмоқ. *Шаштидан тушмоқ. Ҳовридан тушмоқ. Қадри тушмоқ. Руҳи тушмоқ. ■ Факультетимиз институт бўйича умумий рўйхатда бешинчи ўринга тушиб қолибди. Ў. Ҳошимов, Қалбингга қулоқ сол. Дунё бозорида териларимизнинг нархи тушмаса дейман. С. Аҳмад, Юлдуз.*

**6** Қуйи томон йўналмоқ, қуйи сатҳдан жой олмоқ. *Шаҳарга тушмоқ. Бозорга тушмоқ. Ерга тушмоқ. ■ Улар.. мажнунтоллар орасидан ўтиб, сойга тушидилар. О. Ёқубов, Эр бошига иш тушса. Кампир жавоб бўлмаганидан ҳайрон қолди шекилли, зиналардан авайлаб қадам босиб, ҳовлига тушди. Ў. Ҳошимов, Қалбингга қулоқ сол.*

**7** Сатҳнинг бирор томони, ўрнидан жой олмоқ, унда бўлмоқ. *Ялли шовқин билан «тортишмачоқ» бошланди: қиз томондан гумбаздек юм-юмалоқ хотин белини белбоғ билан маҳкам боғлаб, ўртага тушди. Ойбек, Танланган асарлар. Эшқобил бунақа давраларга кўп тушган. М. Ҳазратқулов, Журъат. Шамси Тўраевич унинг гапларига қулоқ ҳам солмасдан, олдинга тушганча лўмбиллаб кетаверди. Н. Аминов, Суварак.*

**8** Турли томоша ва б. бўладиган, кўриладиган жойга кирмоқ. *Театрга тушмоқ. Циркка тушмоқ. Стадионга тушмоқ. ■*

*Улар фақат бир марта кинога тушишди. Ў. Ҳошимов, Қалбингга қулоқ сол. У ҳордиқ оқшоми ҳаммомга тушди-ю, ходмигарлардан бирига ҳалиги сўроғини берди. А. Қаҳҳор, Асарлар.*

**9** Даволаниш, ахлоқ тузатиш ва ш.к. масканга олинмоқ, унда бўлмоқ. *Қамоққа (турмага) тушмоқ. Милисага тушмоқ (с.т.) ■ У фақат бир нарсани - отаси касалхонага тушганини онасига билдирмасликни ўйларди, холос. О. Ёқубов, Эр бошига иш тушса. Эҳтимол, кўп ичиб қўйиб, хушёрхонага тушгандир. «Муштум».*

**10** Қуйи томон йўналиб, осилиб, сатҳнинг маълум нуқтасига етмоқ, ўша ўринда турмоқ. *Гавҳарнинг энида гулдор кўк қўйлак.. қоп-қора, узун сочлари тақимига тушиб турибди. С. Сиёв, Ёруғлик. ..Ҳирот йигитларига хос ихчамгина салла ўраб олган, салланинг зар чизиқли печи елкасига тушиб турар эди. Мирмуҳсин, Меъмор. Ёқимли садонинг сеҳрига берилиб, кўзлари секин юмилди, боши яна қуйироқ тушди. Ойбек, Танланган асарлар.*

**11** Келин бўлмоқ; эрга тегмоқ, куёвга чиқмоқ. *Синглим тушган ерларга Ой бўлайин, ёр-ёр.. «Кўшиқлар». У киши менинг янгам бўлади, акамга тушган. «Гулдаста». Ҳой, Тўраҳон, Тешабойга тушганингизга ҳам уч йил бул қолди шекилли. М. Исмоилий, Фарғона т. о.*

**12** Ўзи бирикиб келган сўз билдирган иш, ҳаракат, нарсани бажармоқ, қилмоқ маъносини билдиради. *Гапга тушмоқ. Мақтанишга тушмоқ. ■ ..ҳаваскор ҳофизлар қўшиқ айтди, шўх йигитлар ўйини тушди. С. Юнусов. Кутилмаган хазина. Кечалар тонготарга қадар Ҳалимаҳон қўшиқ айтиб, Тамараҳон рақсга тушган жойларда бўлдик. «Ўзбекистон кўриқлари».*

**13** Шаҳс (кимса)да шгу феъл бириккан сўз билдирган ҳолат юз бериши, унинг шундай вазиятда қолиши маъносини билдиради. *Саросимага тушмоқ. Даҳиятга тушмоқ. Талвасага тушмоқ. Ҳайратга тушмоқ. ■ Бу манзарани кўриб турган халойиқ бир лаҳза ҳаяжонга тушиб, саросималаниб қолди. К. Яшин, Ҳамза. Баширжон ҳам акахонининг бу сукутидан ноқулай аҳволга тушиб, ломлим демай, унга зимдан бир қараб қўйди-да.. Н. Аминов, Суварак.*

**14** Борлиқда шу феъл бириккан сўз англлатган нарсанинг юзага келиши, бўлиши маъносини билдиради. *Оқишом тушиб, зиёфат яримлаганда, ҳовлиқиб худайчи кирди.* С. Сиёев, Аваз. *Орага бир лаҳза жимлик тушди.* С. Зуннунова, Янги директор. *Улар совуқ тушиб қолмасдан кўзлаан манзилларига етиш учун толмас қанотларини бетиним силкитардилар.* Газетадан.

**15** Бирор иш, манбадан қўлга кирмоқ, келмоқ (пул, даромад кабилар ҳақида). *Тузуқкина тушиб туради, яширишининг ҳо-жати йўқ.* О. Мўминов, Хиебондаги уч учрашув. *Ошиҳалолга тушадиган овқат ор-тиб қола бошлади.* С. Сиёев, Ёруғлик. *Уғ-лимнинг қўлига пул тушди дегунча еб қўяди.* «Муштум».

**16** Маълум нарса, ҳаракат-ҳолатнинг бирор кимса ёки нарса учун шу феъл боғланган сўз англлатган маънода бўлишини билдиради. *Юлдузингиз нақ бир-бирингизга тўғри тушган экан, иккингиининг ҳам бир-бирингиздан камлигингиз йўқ!* А. Қодирий, Ўтган кунлар. *Бу ёш йигит, дунёда муҳаб-батни ҳар қандай қулфга тушадиган калит-га айлантириб олган хотинлар ҳам борлигини билиб қўйсин..* А. Қаҳҳор, Асарлар. *Унинг сурати ҳам асосий мақсадга, Алишернинг табиатига ҳўб мувофиқ тушади.* Ойбек, Навоий.

**17** Шахс учун бирор нарса қандайдир қиймат, миқдор билан тегмоқ, қўлга кир-моқ, тўғри келмоқ. *Сарф-харажат эса ол-тиннинг ўзидан ҳам қимматга тушаётган эди.* С. Кароматов, Олтин кум. *Лекин ўша ўтти сизирга едириб, қачон сут бўлишини пойлаб ўтиргандан кўра, ўтнинг ўзидан олса, ҳам арзон, ҳам осон тушаркан.* Шукрулло, Сайланма. *Ўзиям [беда] сув текин тушди.* Ойбек, Танланган асарлар.

**18** Урилмоқ, тегмоқ (бирор нарса би-лан бўлган зарб ҳақида). *Шу шовқин-сурон орасида Бектемировнинг қорни ва белига бир-икки тепки тушди.* С. Аҳмад, Ҳукм. *Бирдан елкамга тушган муштдан уйғониб кетдим.* Э. Раймов, Ажаб қишлоқ. *Унинг шапалоғи шарақ этиб Фуломнинг чап юзига тушди.* М. Ҳазратқулов, Журъат.

**19** Пайдо бўлмоқ, юз бермоқ. [Мадрим-бойнинг] *Сариқ-қўнғир чўққи соқолига бир-дан оқ тушди.* Ж. Шарипов, Хоразм. -*Жин-нин урганми сени? — Аҳмад бригадирнинг*

*юрагига ғулғула тушди..* С. Нуров, Нарвон. *Сув қўйибман жийда майдон бурчига, Хол тушибдир келинчакнинг юзига..* «Кўшиқлар». *Бу фожиа катта кемага тушган дарзга ўхшарди.* Мирмуҳсин, Меъмор.

**20** Барпо этилмоқ, қурилмоқ. *Ертўлалар бирин-кетин йўқолиб, ўрнига уйлар туша бошлади.* «Ўзбекистон қўриқлари». *Сидиқ-жоннинг диққати.. териб қўйилган сон-са-ноқсиз ғиштга жалб бўлди..* «Шу ерга мак-таб тушади» [деди хотин] А. Қаҳҳор. *Кўш-чинор чироқлари. Канал тушмасдан илгари бир одам Шаҳрихондан тухум кўтарса, Учқўрғондан кўринарди, шундоқ яйдоқ эди.* «Ўзбекистон қўриқлари».

**21** Банд ҳолатга дучор бўлмоқ, илинмоқ, Тузоққа тушмоқ. *Қопқонга тушмоқ. Тўда-дан ажралган тўрга тушар.* Мақол. ■ *Бобур Шайбонийхоннинг қўлига тушса, тирик қутула олмаслигини билади.* П. Қодиров, Юл-дузли тунлар. *Орқа томонидан ўқ ёғдири-лаётганига Дурди қилич ҳайрон: «Наҳотки қуршовга тушиб қолдик», деб гаранг эди.* Ж. Шарипов, Хоразм.

**22** Олинмоқ, берилмоқ (хат, ариза ва ш.к. ҳақида). *Тингловчилардан савол тушди. Ил-тимос тушди. Таклиф тушди.* ■ *Орадан кўп ўтмай.. редакцияга шундай хат тушди.* «Муштум». *Мажлисга.. яна ўн тўққиз киши-дан ариза тушди.* А. Қаҳҳор, Кўшчинор чи-роқлари.

**23** Ўзга учун сарф-харажат қилмоқ, шун-дай сарф-харажатга илинмоқ. *Хотин киши эрига хушомад қилдими.. билинги, катта-роқ бир нарсага туширмоқчи.* С. Сиёев, От-лиқ аёл. *..ҳали битта морозний эмас, ли-монадга ҳам тушасиз..* Мирмуҳсин, Умид.

**24** кўм. фл. вэф. Ҳаракатнинг қўққисдан, кутилмаганда бажарилиши маъносини бил-диради; маънони кучайтиради. *Чўчиб туш-моқ. Қоқилиб тушмоқ. Бу сўзлар унга ёқиб тушди.* ■ -*Аҳмаджон ога, — деб чақир-ганини эшитди. Юраги бир санчиб тушди.* С. Сиёев, Аваз. *Унинг калтагина мўйлови, қоп-қора қоши ўзига ярашиб тушган.* Ҳ. Шамс, Душман.

**Асир тушмоқ** Бандилик ҳолатида бўлмоқ, душман қўлига тушмоқ. **Айри тушмоқ қ. айри.** *Кўзи хира тортиб борарди, Айри тушиб ёруғ оламдан.* Х. Даврон, Болаликнинг овози. **Бош(и)га тушмоқ** 1) қисматда тўғри келмоқ, хоҳиш-ихтиёрдан ташқари ҳаётда дуч кел-

моқ, тўғри келмоқ. *Бошга тушганни кўз кўрар.* Мақол. ■ *Низомжон ўз бошига тушадиган савдоларнинг худди шу дақиқадан бошланишини қаёқдан билсин.* С. Аҳмад, Уфқ. *Дунёнинг ишлари шунақа экан, дўстим.* Бошингизга тушган ишларнинг ҳаммасидан хабарим бор. К. Яшин, Ҳамза; 2) *айн. бўйнига тушмоқ.* *Ун беш яшар чоғимда, Рўзғор бошимга тушди.* «Оқ олма, қизил олма». **Бўйнига тушмоқ қ. бўйин.** *Шундай қилиб, мовут менинг бўйнимга тушиб турибди, денг?! С. Зуннунова, Янги директор. Ёдига тушмоқ* *Хаёлида (ёдида) қайта тикланмоқ.* -*Онамни хафа қилганим ёдимга тушди, — деди хотини яна кўзига ёш олиб.* «Гулдаста». **Ёнига тушмоқ 1)** *ёнига ўтмоқ.* *..кўзларини ерга бир лаҳза қадаб турди-да, кейин шартта ҳалиги йигитнинг ёнига тушиб, ўйнаб кетди.* К. Яшин, Ҳамза; 2) *тарафини олмоқ, химоя қилмоқ, ёнини олмоқ (яна қ. ён).* **Зиммасига (ёки бўйнига, гарданига, елкасига, устига) тушмоқ қ. зимма.** *Тўйдан кейин бойбуваннинг хизматини икки кишилашиб қилди: ташқаридаги юмушлар Холбойнинг, ичкаридагилари эса янги келинчак зиммасига тушди.* К. Яшин, Ҳамза. *Шартнома мазмунига кўра, сизнинг гарданингизга тушадиган бир кўп чиқинларни мен ўз зиммамга олдим.* Ойбек, Танланган асарлар. **Изга тушмоқ қ. из.** *Шу тариқа мактабда ўқиш-ўқитиш ишлари мустаҳкам изга тушиб кетди.* М. Исмоилий, Фарғона т. о. **Изига тушмоқ қ. из.** *Кейин ҳаёт яна ўз изига тушади.* О. Ёкубов, Эр бошига иш тушса. *Демак, Бадианинг изига тушганлар бор экан, бўлмаса, унинг қиз бола эканини авлиёдан бўлак ҳеч ким билмас эди.* Мирмуҳсин, Меъмор. **Ишга тушмоқ** *Янгидан ёки маълум муддат ўтказиб қайтадан ишлаш бошламоқ. Завод ишга тушди.* **Иши тушмоқ қ. иш.** *Одамзоднинг ҳамма вақт бирига иши тушиб туради.* С. Зуннунова, Янги директор. **Ичи тушган** *Пишиб ўтиб кетган, пўла (асосан қовун ҳақида).* *Танишимнинг ўгли бўлганинг учун ҳам сийлаб, қовунингни олдим.* *Бари йўлда уриниб, ичи тушган.* С. Анорбоев, Ҳамсуҳбатлар. **Ишқи тушмоқ қ. ишқ.** *Бунинг чиройлиликка Тожибой оқсоқолнинг ҳам ишқи тушиб қолган.* Ю. Турсун, Ўқитувчи. **Йўлга тушмоқ қ. йўл.** *Юк машинаси чангни иккига бўлиб, йўлга тушди.* Н. Қобил, Беморлар. *Уни биров айнитдим, меҳнатдан совиб.. саёқлик йўлига тушдим,*

*билмайман.* Ойбек, Танланган асарлар. *Саводсизликни тугатиш бўйича ўқиш бир қадар йўлга тушиб олди.* К. Яшин, Ҳамза. **Кўнгли жойига тушмоқ қ. кўнгли.** *Унинг кулаётганини кўриб, Зойиржоннинг кўнгли жойига тушди шекилли, қаршисидаги стулга ўтирди.* Ў. Ҳошимов, Қалбингга қулоқ сол. *Энди синглининг акасини топиб кел, ўргилсин онанг.* Кўрсатмасанг, кўнгли жойига тушмаяпти. Н. Сафаров, Оловли излар. **Назарга тушмоқ** *Эътибор қозонмоқ, назар-эътиборда бўлмоқ.* *Интизоми яхши, ишига ҳам бажонидил киришади-ю, назарга тушмайди.* Шухрат, Жаннат қидирганлар. **Назардан тушмоқ** *Назар-эътибордан қолмоқ, обрў-эътиборини йўқотмоқ.* *Дастлабки кунларда қишлоқ аҳолисининг диққати жалб бўлган янги домла бора-бора назардан тушиб қолди.* А. Қаҳҳор, Кўшчинор чироқлари. **Терга тушмоқ** *Тер босмоқ, қаттиқ терламоқ.* *Отлар терга тушиб, кишинаганларича йиқила бошлади..* М. Осим, Аждодларимиз қиссаси. **Тил(и)дан тушмаслик** *Бирор кимса ёки нарса ҳақида доим гапирмоқ, эсга олиб гапирмоқ.* *Фаттоҳ полвоннинг қизи Ҳурихон кўзга чалиниб, қирқбулоқлик йигитларнинг тилидан тушмай қолди.* А. Эшонов, Бир оғиз сўз.

**ТУШОВ 1** *Узоққа кетиб қолмаслик учун от-улов ва молларнинг олдинги икки оёғини маташтириб боғлайдиган арқон ёки мослама.* *Искандар эса кўрпачада ётганча, бедаси ўрилган пайкалда тушовини судраб, ҳак(к)ачаклаб юрган эшакдан кўзини узмасди.* С. Нуров, Нарвон. *Худоёров отнинг тушовини ечиб минди-ю, орқасига қарамай, жунаб қолди.* О. Қўчқорбеков, Чўпон.

**2** *кўчма* *Умуман, эркин ҳаракатланишга қўймайдиган, уни «боғлаб қўядиган» нарса.* *Айтадиган гапим йўқ, бир зум чайналиб туриб, кутилмаганда Ошно берган ваколат ёдимга тушди-ю, тилимнинг тушови ечилди.* М. М. Дўст, Лолазор.

**Оёққа тушов бўлмоқ** *Эркин ҳаракатланишга тўсиқ бўлмоқ, имкон бермаслик.* *..ўз вақтида олиб кетмасанимиз учун ўғит оёғимизга тушов бўлди.* «Муштум». **Эшагига (ёки уловига) яраша тушови** *Бир-бирига яраша, мос, муносиб, монанд каби маъноларни ифодалайдиган ибора.* *Эшагига яраша тушови демоқчисиз-да?* Уйғун, Сўнги пушаймон. *Баракалла, уловига яраша тушови деганларидек.. техникадан кийинчилик*

тортгани учун дард қолишяпти булар. Й. Шамшаров, Довруқ. **Эшагидан тушови қиммат** Ўзидан абзали, керак-яроғи қиммат ёки харажатни қопламайди деган маънода ишлатиладиган ибора. *Бутун иш кетмонда бажариларди. Натижада эшагидан тушови қимматга тушарди.* Н. Сафаров, Катта карвон йўлда.

**ТУШОВЛАМОҚ** Тушов билан оёқларини боғламоқ, оёғига тушов солмоқ. *Қўрадан ташқаридаги майдонда икки туя ёнма-ён чўктирилиб, тиззалари чилвир билан боғланган ва икки эшак тушовлаб қўйиб юборилган эди.* С. Айний, Куллар. *Отларни тушовлаб, ўтга қўйиб келаётган Шербек узоқдан: -Хорма, Сувонжон! - деб қичқирди.* С. Анорбоев, Оқсой.

**2** *кўчма* Эркин ҳаракатлана олмайдиган қилмоқ, измига бўйсундирмоқ. *Орамизда ҳеч нарса йўқлигини, бошқалар билмаса ҳам, сиз биласиз. Энди ўша ёлгон гап-сўзлар билан мени тушовлаб олмоқчимисиз?* П. Қодиров, Қалбадаги қуёш. *Иброҳимбек мийғида кулумсиради. Кулумсиради-ю, йигитни баҳарҳол тушовлаб олгандек туйди ўзини.* Ш. Холмирзаев, Қил кўприк.

**ТУШОВЛИ** с. т. Тушов солинган, тушовланган. У [Саман] яна устма-уст кишнади. *Тушовли бўлса ҳам, анча жойгача сакраб-сакраб борди.* Н. Фозилов, Тушовли той.

**ТУШ-ТУШ** Ҳар томон, атроф, теварак. *Они кетиб қолди турган одамлар, Туштушига қоча берди ёронлар. «Очилдов». Туштушидан йиғилишиб келайик, Танимасин бизни душман халойиқ.* «Гулихиромон».

**ТУШУМ** Савдодан ёки умуман ҳар қандай ишдан тушган пул, даромад. *Магазиннинг бир кунлик тушуми.* ■ *Имоматчиликнинг тушуми ўзингизга маълум бу замонда.* Ҳ. Нуъмон ва А. Шораҳмедов, Ота. *..у ёғингиздан кириб, бу ёғингиздан чиқиб, кундалик тушумнинг ўндан тўққизини уриб қолмоқда.* Газетадан.

**Тушум келишиги тлш.** «Кимни?» ёки «нимани?» сўроқларига жавоб бўладиган, ҳаракат йўналган объектни билдирадиган келишик тури, шакли. *Китобни олмоқ.*

**ТУШУНАРЛИ** Тушуниш мумкин бўлган, тушунса бўладиган; аниқ, равшан, англашилари. *Тушунарли вазифа. Тушунарли қилиб гапирмоқ.* ■ *Аҳмаджонов мақолани*

*боплаган-да: ҳам тушунарли, ҳам ишонарли.* Р. Файзий, Чўлга баҳор келди.

**ТУШУНГАН 1** **Тушунмоқ** фл. сфдш. *Тушунган бўлсангиз, айтиб беринг.*

**2** Воқеликни, ижтимоий ҳаётни, ўз бурчи ва ш.к. ни яхши биладиган, онги баланд, онгли, билимли. *Ўз хотинингизни шундай дегани уялмайсизми.. ким сизни тушунган одам дейди?!* Мирмуҳсин, Топилган хусн. *Мунча жеркасииз, улуг. Албатта сизларнинг.. илмингиз бор, тушунган кишиларсиз.* С. Аҳмад, Хукм.

**ТУШУНИКСИЗ** кам қўл. Тушунилиши, англаш қийин бўлган. *Норхўжа тушуниксиз бир тарзда гўлдирди.* Э. Усмонов, Ёлқин.

**ТУШУНМОВЧИЛИК** Тушуниб етмаганлик ёки тўғри тушунмаганлик туфайли келиб чиқадиган хатолик; англашилмовчилик. *Бу ерда андак тушунмовчилик борга ўхшайди.* ■ *Жўра дик этиб ўрнидан турди.. Йигиталига яқинлашиб: -Калитни бер, оғайни, энди бир тушунмовчилик қилиб қўйибмиз, юқоридагиларга айтиб юрма, - деб ялинди.* С. Кароматов, Бир томчи қон. *Тегишли ташкилотлар, муассасалар редакция сўровларига, хатларга ўз вақтида жавоб йўллаганларида, кўпгина тушунмовчиликларнинг олдини олиш мумкин бўларди.* Газетадан.

**ТУШУНМОҚ 1** Бирор гап, иш-ҳаракат, имо-ишора ва ш.к. нинг маъно, мазмунини англамоқ. *Ҳамма гапларингизга тушундим, жуда тўғри.* Мирмуҳсин, Меъмор. *Шерали узоқдан бир ерга тўплаб қўйилган кетмонларни кўргач, гап нимадалигини тушунди.* С. Кароматов, Олтин қум. *-Бу ҳолни қандоқ тушунмоқ керак, - Меъмор шогирдининг кўзларига қаради.* Мирмуҳсин, Меъмор.

**2** Ҳақиқий ҳолни англамоқ, билмоқ, унга баҳо бермоқ. *Ўз мавқеини яхши тушунмоқ.* *Вазиятни тушуниб иш кўрмоқ.* ■ *Энди, келин, ўзинг тушунасан, юртда очарчилик, ошиҳалолга боқади-да ўғлинг.* С. Сиёев, Ёруғлик. *-Мен сизнинг аҳволингизни тушунаман, - деб гап бошлаган эди, аёл шартта кесди..* Ў. Ҳошимов, Қалбингга қулоқ сол.

**3** Нарсаларнинг сифат даражаси ёки белгисини яхши фарқлай олмоқ, ажрата билмоқ, фарқига бормоқ; тилини билмоқ. *Дарҳақиқат, пахтани тушуна оладиган, ерни биладиган тажрибали раиссан.* Ш. Рашидов, Бўрондан кучли. *Эртасига от оғриб*

қолса бўладими! Капалагим учиб кетди. Яхшики, мендан бўлак ҳеч ким пайқамади. Хўжайиним отни тариқча тушунмайди. Ойбек, Танланган асарлар.

**Мазасига тушунмоқ** Бирор нарсага одатланиб қолмоқ, мазахўрак бўлмоқ. *Сен юборган пулнинг мазасига тушундим, бўлди, ҳафтада, ойда пул сўрайверади.* Ойбек, Танланган асарлар.

**ТУШУНТИРИШ 1** Тушунтирмоқ фл. ҳар. н. -Менимча, — деди Мўттихон уйчанлик билан, — аввал қизга тушунтириш керак. С. Зуннунова, Гулхан.

2 Бирор гап, ҳужжат ва ш.к. нинг маъносини очиш, ойдинлаштириш учун берилган оғзаки ёки ёзма изоҳ, шарҳ. *Тушунтириш хати. Олий Мажлиснинг фармонлари ва тушунтиришлари.*

**ТУШУНТИРМА** Тушунтириш хати, тушунтириш; уқтириш. *Эртасига Комилжон, Анорхон ва Эрناзар акаларни.. нима учун агротехника қоидаларини бузиб, ўзбошимчалик қилганлиги ҳақида тушунтирма ёзиб беришни сўрадилар.* И. Раҳим, Ихлос.

**ТУШУНЧА 1** Нарса ва ҳодисаларнинг мантқан ажратилган муҳим белгиларини, алоқа ва муносабатларини умумлаштириб ақс эттирувчи умумий тасаввур; тафаккур шакли. *Сўз туркумлари ҳақида тушунча. Материя ҳақида тушунча. Қўшимча қиймат тушунчаси.*

2 Умуман, нарсалар, ҳодисалар ҳақидаги тасаввур, тушуниш. *Қишлоққа янги замоннинг янги одамлари келар ва.. янги ном, янги тушунча олиб келадилар.* П. Турсун, Ўқитувчи. *Кейинги кунлар унинг [Абдулаҳаднинг] ҳаёт ҳақидаги барча тушунчаларини остин-устун қилиб, ўзгартириб юборди.* А. Мухтор, Чинор. *Халқ тушунчасича, ҳажжа бориб, «табаррук» бўлиб келган кишининг қўлидан бу хил пасткашликлар келмас, агар келса, у асл ҳожи эмас, ёлғон ҳожи деб қаралар эди.* М. Исмоилий, Фарғона т. о.

3 Онглилик даражаси, онг. *Сиёсий тушунча.* ■ *Бизнинг мақсадимиз — кишиларга онг, тушунча бермоқ, токи ҳар бир киши яхшилик ва ёмонликни, оқу қорани ўзи ажрата оладиган бўлсин!* П. Турсун, Ўқитувчи.

4 Инсоннинг билим ва тасаввурлари даражаси; савия. *Тушунчаси паст одам.*

**ТУШУНЧАЛИ 1** Бирор тушунчага эга бўлган, билладиган, савияси кенг. *Тушунчали одам.*

2 Онги баланд; онгли. *Тушунчали курашчи.*  
**ТУШУНЧАСИЗ 1** Бирор тушунчага эга бўлмаган, ҳеч нарса билмайдиган, савияси паст. *Тушунчасиз одам.*

2 Онги йўқ ёки паст; онгсиз.

**ТУШЬ** [нем. Tusche — ранг, бўёқ] Қора ёки бошқа рангда махсус равишда тайёрланган, узоқ вақт рангини йўқотмайдиган суюқ бўёқ (чизмачилик, расм солиш ва муҳим хат-ҳужжатларни ёзиш учун ишлатилади). *Қора тушь. Қизил тушь.* ■ *Баъзи эстамплар кўпинча у ёки бу йўл билан сиёҳ ёки тушда тасвирланмоқда.* Газетадан. *Шуёру Каримович Умид дипломини қўлига олиб, тушь билан ёзилган фамилиясини ўқиди.* Мирмуҳсин, Умид.

**ТУЮЛМОҚ** қ. **туйилмоқ** II. *Набижонга қизнинг овози шу қадар майин, шу қадар ширали туюлдиди, кўнгли унга сенинг излаганинг, ўйлаганинг мана шу қиз, деяётгандай эди.* С. Зуннунова, Кўк чироқлар. *Мана шу юпқа лаблардан бир ўпич олиш эришиб бўлмайдиган бахтдек туяларди.* Ў. Ҳошимов, Қалбинга қулоқ сол.

**ТУЮР** шв. Бўлак, бурда. *Кейин гўшт туюрларини юлғун бутоғига ўтказиб, устига тоқчадан топилган туздан секиб, ўтга тоблаш бошлади.* Ш. Холмирзаев, Қил кўприк. *Бир туюр гўшту макарон солиниб қайнатилган шулон шўрва.. жонингизга тегиб кетади.* Ш. Холмирзаев, Сайланма. *Қайсар дегани ўлсин, Бир туюр нон бермади.* «Ойсулув».

**ТУЮҚ** ад. Сўз ўйинига, кўпинча тажнис қофиясига асосланган, тўрт сатрдан иборат шеър; шеърый жанр. *Навоий туюқлари.* ■ *Туюқларни бир тилдан бошқа тилга таржима қилиш амри маҳол.* Ф. Саломов, Таржима назариясига кириш.

**ТУЮҚСИЗДАН** шв. Тўсатдан, кўққисдан, бирдан. *Мунисхон тўппонча билан муомала қилишни билмас экан-да, оғзини ўзига қаратиб туриб, туюқсиздан тепкисини босиб юборибди.* А. Қаҳҳор, Сароб. *Бирови айтди: Биз туюқсиздан кучсак, қаерга борамиз? «Ёдгор».*

**ТУЯ** Бир ёки икки ўркачли, жуфт туёқли, асосан, юк ташиш учун хизмат қиладиган, сувсизликка чидамли сутэмизувчи иш ҳайвони. *Туяларни ҳақли равишда саҳро кемалари деб аташади.* Газетадан. *Баъзи кунлари [Йўлчи] кўмир саройга тушиб, кў-*

мир, таппи, хашак келтирган қозоқларнинг туяларини харидорнинг уйига етаклайди. Ойбек, Танланган асарлар. *Сувсизликни туя кўтаради..* А. Қаҳҳор, Мастон.

**Бақироқ туянинг бори яхши** Оила, жамоа кабиларда тергаб, куткилаб йўлга солиб турадиган ота-она, раҳбар, ёши улуг кишига нисбатан қўлланадиган мақол. *Бақироқ туянинг бори яхши, дейдилар. Ота-она борлигида болалар бир-бирлари билан аҳил бўладилар..* И. Аҳмедов, Оғир операция. **Камбағали туянинг устида ит қопар** Камбағал, ночор шахснинг иши юришмаслиги, ҳар қандай шароитда ҳам унга нимадир панд беришини билдирадиган мақол. *Камбағали туя устида ит қопсин экан-да?!* «Муштум». **Нонини туя қилмоқ** Бировнинг нарсаси, улуши ва ш.к. га шерик бўлмоқ, ундан ўмармоқ. *Ишонамизки.. гўдаклар нонини туя қилиб келаётган Унсин Болтабоевани оғир таъвишидан тез халос этиб, у билан узил-кесил гаплашиб кўндиган марди майдон топилур.* Ш. Тоҳиров, Тешик томоқ. *Қачонгача маҳалла ҳисобига кайфу сафо қилиб, халқ нонини туя қиладилар.* Газетадан. **От билан туя бўлармиди** У қадар катта, кўп эмасликни билдирувчи ибора (сумма, нарса ҳақида). *Жонфигон мукофотни ўз гази билан ўлчагани учун бунга ҳам унча парво қилмабди — олган мукофотига «от билан туя бўлармиди», дебди.* А. Қаҳҳор, Қанотсиз читтак. **Туя гўшти еган** Бирор иш, нарсанинг битиши, амалга ошиши жуда судралиши, чўзилишини қайд этувчи ибора. *Туя гўшти еган театр.* «Муштум». **Туя кўрдингми — йўқ қ. кўрмоқ.** *Туя бўлса ҳам, думини кўрсатмай ютиб юбориб, туя кўрдингми — йўқ, деб безрайиб тураверадианлар чиқиб қолди.* «Муштум». **Туя чўкса, жой топар** Ўтирувчилар тигиз, зич бўлган ҳолатларда яна бошқа кимса ўтиришни хоҳласа, жой топилишини, сифишини қайд этувчи ибора. *Эшикдан бирин-кетин одамлар кирар.. сўнгга «туя чўкса, жой топар» қилиб, у ербу ерга сиқилиб ўтирардилар.* П. Турсун, Ўқитувчи. **Туя ҳаммомни ҳавас қилгандай** Ўзига хос ва мос бўлмайдиган, ярашмайдиган уриниш, интилиш, орзу қилиш ҳолатига нисбатан қўлланадиган ибора. *Туя ҳаммомни ҳавас қилгандай, сенга ким кўйибди бундай ишларни.* ■ **Раислигинг ўзинга буюрсин.** *Мен туя эмасманки, ҳаммомни орзу қилсам.* Т. Малик, Ажаб дунё. **Туяни ютиб,**

**думини кўрсатмайди** Ҳар қандай катта (кўп) нарсани ҳам ўзлаштириб, ундан нишон, из қолдирмасликни билдирувчи ибора. *Ҳозир у томоғининг қуртини ўлдириш учун туя бўлса ҳам, думини кўрсатмай ютиб юборишдан тоймайди.* «Муштум». *Туяни ют, лекин думи оғзингдан кўруниб турмасин.* Ойбек, О.в. шабадалар. **Туянинг думи ерга текканда (ёки етганда)** Рўёбга чиқмайдиган, амалга ошмайдиган иш, қуруқ ваъда эканликни билдирувчи ибора. *Ҳасан сўфи: -Сув чиқадию, лекигин бойга яраша чиқади. Бу сувдан бизга туянинг думи ерга етганида тегади, — деди.* М. Исмоилий, Фарғона т. о. **Ҳайт деган туяга мадор** Кичиккина ҳисса, ҳатто бир оғиз сўз ҳам ёрдам бўлишини қайд этувчи мақол. *Иш сенсиз тўхтаб қолмайди, аммо ҳайт деган туяга мадор, — деди..* А. Муҳиддин, Инсон қалби оташ.

**ТУЯДАЙ, -дек 1** Туя сингари, туяга ўхшаш. *Ўзинг-чи? Гулзорга бўйин чўзган туядай, ҳар аёлга суқланасан!* Ойбек, Қуёш қораймас. *Кўндаланг культивация ҳозир сув билан ҳаводай зарур. Шу бўлмаса, қалин кўчатларни гармсел уради, туллаган туядек яйдоқ бўлиб қолади.* И. Раҳим, Ихлос.

**2** кўчма Катта, улкан. *Менинг гуноҳим игнанинг учидай бўлса, сизларнинг айбингиз туядай.* Ш. Рашидов, Бўрондан кучли. *Кўрққан олдин мушт кўтарар қабилиданми.. ҳар қалай, оғзидан туядай-туядай гаплар чиқиб кетди.* Н. Фозилов, Дийдор.

**ТУЯКАШ** Ўз туясида киракашлик қилувчи ёки кимсанинг туясини ҳайдовчи киши. *Туякашлар катта қоплардаги ғаллани елкаларига чаптастлик билан олиб, бизнинг омборга бўшатавердилар.* Ойбек, Болалик. [Миркарим] *Уч ой юргач, яна туз ташувчи туякаш карвонлар билан киши билмас бўлиб Тошкентга келиб олди.* П. Турсун, Ўқитувчи.

**ТУЯКАШЛИК** Туякаш иши, касби. *Туякашлик қилмоқ.*

**ТУЯМОҚ** кам қўлл. Юкламоқ, ортмоқ. *Том бошини шуваганда кўрганам бор, Қопга ўтин туяганда кўрганам бор.* А. Мухтор.

**ТУЯПАЙПОҚ** Чўл ва адирларда ўсади-ган паст бўйли сершоҳ бута. *Кўм-кўк япалоқ баргларидан тортиб кувача нусха ғунчаларигача тиканак.. кўнғир туяпаймоқ.* С. Анорбоев, Йўлда йўлдош бўлганлар.

**ТУЯСАНДИҚ** Катта сандиқ. *Калитини Ҳожжи бобо белбоғидаги ҳужранинг калити,*

дарвозанинг калити, уйнинг калити, туя-сандиқнинг калити.. ва бошқа калитларга қўшиб қўйди. *Ф. Фулом, Шум бола.*

**ТУЯТИШ** *бот. 1* Дони йирик, йирик донли (анор, буғдой ҳақида). *Патнисдаги новвотранг хусайни, оқ, қизил олмалар.. чўл шамолида тарс-тарс ёрилган туятиш анорлар чироқ шуъласида анвойи товланарди. Х. Фулом, Сенга интиламан.*

*2* Хўраки, майизбоп, ғужуми йирик, думалоқ, сарғиш-яшил узум нави.

**ТУЯТОВОН** Қумликларда ўсадиган, ўт, бута, чала бута кўринишидаги кўп йиллик ўсимлик тури. *Қовжираган туятовоннинг нимтатир ҳиди шошқалоқ кузнинг омонатлигини эслатади.. ёвшанлар, шувоқлар, тиканлар ва туятовондек қумга хос ўсимликлар бу саҳронинг табиий кўринишларидан бирини ташкил қиларди. С. Айний, Қуллар.*

**ТУЯЧИ 1** *айн. туякаш.* -Кеч билан бозорни олиб, сомон сотиб қайтган туячининг туясига иккита-иккита мингашиб, Эшон-бозорга қараб йўл солдик, — деди Шум бола. *Ф. Фулом, Шум бола.*

*2* Туячилик билан шуғулланувчи киши, туячилик мутахассиси.

**ТУЯЧИЛИК 1** Туячи иши, касби; туякашлик.

*2* Чорвачиликнинг туя боқиш, уларни кўпайтириш, шу асосда чорва маҳсулотлари етиштириш иши билан шуғулланувчи соҳаси. *Туячилик фермаси. ■ Устюрт қора-кўлчилик ва туячилик янада тараққий этадиган ҳудуд ҳисобланади. Газетадан.*

**ТУЯҚУШ** Уча олмайдиган, аммо жуда тез югурадиган, иссиқ мамлакатларда (асосан Африкада) яшовчи йирик қуш.

**ТУҚ** *тақл. с.* Қаттиқ нарсаларнинг урилишидан ҳосил бўладиган бўғиқ товушни билдиради.

**ТУҚҚАН 1** **Туғмоқ** *фл. сфдш.* *Беш бола туққан хотин. ■ Онангиз сизни нима учун туққан? А. Қодирий, Ўтган кунлар.*

*2* Туғишган қариндош, тувғон. *Ёт егунча, туққан ўлгунча. Мақол. Туққан-туққан топишар, ётга бало ёпишар. Мақол. ■ -Зулм? — бой елкасини қисди ва қутуриб бақирди, — сан онқўрсан, ман сани туққанам, жигарим, дедим: Овқат бердим, кийим бердим, бу — зулм эмиш. Ойбек, Танланган асарлар.*

**ТУҒ 1** Мусулмонларнинг ёғоч дастага ўрнатилган қўтос, ҳўкиз ёки от думидан ва ярим ой тасвиридан иборат байроқсимон белгиси (қадимдан Шарқ мамлакатларида ҳукмдорлик, беклик ва ш.к. белгиси ҳисобланган). *У кўчанинг нариёғидаги бир авлиъанинг соғонаси устига ўрнатилган тугни кўрди. Ш. Тошматов, Эрк қуши.*

*2* эск. Байроқ, алам. *Ё бирор жаҳонгир, юрт таловчининг Унутиб қолдирган мудҳиш туғидир. Ш. Раҳмон, Юрак қирралари.*

**ТУҒА** *қ. тўқа.* *Бисмилло, деб тортти ўрот белига, Ярашиққа тилла туға, айилни. «Гулихиромон».*

**ТУҒАЛОҚ** Кўп бола туғадиган, бола-лайдиган. *Туғалоқ мол. ■ Ёмғир ёғалоқ, эчки туғалоқ.. «Кўшиқлар».*

**ТУҒАСИ** *кам қўлл. айн. туғма 1.* *Туғаси соқов. ■ Қозоқ билан қадимдан қондош, Туркман билан туғаси жондош. Миртемир.*

**ТУҒДИРМОҚ 1** **Туғмоқ** *фл. орт. н.* *Бир томонда хотин-қизлар.. қўй соғмоқда,.. иккинчи томонда эркалар: қуллар, қарол ва чўпонлар қўй туғдирмоқда. С. Айний, Қуллар.*

*2* кўчма Юзага келтирмоқ, пайдо этмоқ, яратмоқ. *Ишонч туғдирмоқ. Хавф туғдирмоқ. Имконият туғдирмоқ. Фикр туғдирмоқ. Иш учун шароит туғдириб бермоқ. ■ Бу шоду хуррамликни туғдирган яна ўша сув эди. Сув, албатта, сув! М. Исмоилий, Фарғона т. о.*

**ТУҒДОР 1** *дин.* Туғи бўлган, туғ ўрнатилган. *Туғдор мозор.*

*2* эск. Байроқ кўтарган киши; байроқдор. *Олдинда отланар туғдору сардор, Ёлғиз юриб сарсон бўлмоқ не даркор. «Муродхон».*

*3* эск. Аскарний қисм, давлат ва ш.к. нинг байрогини сақловчи лавозимли киши; байроқдор. *Амалдорлар барин чақириб олади, Туғдорларман кўп маслаҳат қилади. «Алпомиш».*

**ТУҒДОҚ** *шв.* Тувдоқ, тувалоқ.

**ТУҒЁН 1** Тошқин, сув тошқини.

*2* кўчма Кучли ички туйғу-кечинмалар тўлқини; зўр ғалаён, гулгула. *Шодлик туғёни. Туғён қилмоқ (урмоқ). ■ Рабно чуқур ўйлаб қолди. Ҳафиза юрагида қайнаётган ҳислар туғёнини шундоқ юзидан сезиб турарди. Мирмуҳсин, Умид. Чағалайдай чарх уради Бетинч ўйларим, Туғён ичра жим кезаман Денгиз бўйларин. Э. Воҳидов. Дилда ёшлик ҳисси туғён қилади Уриклар кўпириб гуллаган дамда. Уйғун. Эҳтирос туғён урган-*



да, ақл чироғи хиралашади. Т. Жалолов, Олтин қафас.

3 кўчма Фалаён, исён. *Нур ва маърифат сари талпинганлар, ҳақсизликка қарши туғён кўтарганлар амир зиндонининг абадий маҳбуслари бўлган.* Газетадан.

**ТУҒИЛМОҚ 1 Туғмоқ** фл. ўзл. н. *Чала туғилган бола. Бир онадан туғилган ака-ука. Ишичи оиласида туғилган киши. ■ Бир онадан алвон хил бола туғилади деганларидек, Анварнинг яратилиши оғаларига нисбатан бошқача эди. А. Қодирӣй, Меҳробдан чаён. Биз теги олтинсойлик бўламиз. Мен ҳам шу ерда туғилганман. Ш. Рашидов, Бўрондан кучли.*

2 кўчма Юзага келмоқ, пайдо бўлмоқ. *Бизда бир фикр туғилди. Унда нотўғри таассурот туғилибди. ■ Журналнинг номи «Маориф ва ўқитувчи» эди. Адолатнинг кўнглида уни ўқишга иштиёқ туғилди. С. Зуннунова, Гулхан. Муттасил олиб борилган изланиш ва тадқиқотлар натижасида грипни қўзғатувчи омилларни аниқлаш имконияти туғилди. «Фан ва турмуш».*

**ТУҒИШГАН 1 Туғишмоқ** фл. сфдш.

2 Бир ота-онадан туғилган. *Туғишган описингиллар. Туғишган ака-ука. Чин дўст туғишганинг билан тенг. Мақол. ■ Бу уйда Гулнор опам учун сочим оқаргунча хизмат қилишни истар эдим. Умени туғишган опамдан афзал севади. Ойбек, Танланган асарлар.*

3 Яқин қариндош. *Сизлар менга туғишганларимдан ҳам азиз бўлиб қолдингиз! Ҳ. Фулом, Маъшбал. Қолхозчиларнинг каттасию кичиги, эркагию аёли унга туғишгандай яқин эди. Ойбек, О.в. шабадалар.*

**ТУҒЛИ** Туғи бор, туғ ўрнатилган; туғ кўтарган. *Қанчаси пиёда, ботирлар отли, Нечови кўтарган туғли байроқни. «Баҳром ва Гуландом».*

**ТУҒМА 1** Кишида туғилишданоқ пайдо бўлган, аслида бор бўлган. *Туғма соқов. Туғма оқсоқ. Туғма касалликлар.*

2 Табиий ҳолда мавжуд бўлган. *Туғма минераллар. Туғма элементлар.*

3 Туғилишдан бирор иш-фаолият учун яратилган, шундай хусусиятга эга бўлган. *У республикада хизмат кўрсатган, атоқли ўқитувчи, болалар руҳини яхши биладиган туғма педагог. М. Исмоилий, Бизнинг роман.*

**Онадан туғма** Онадан янги туғилган(дай). *Бу ўзгаришдан кейин онадан туғма бўлиб ен-*

*гил тортди. А. Қодирӣй, Ўтган кунлар. Ҳаммом ўзи шунақа жой, ҳаммани онадан туғма қилиб кўяди. С. Аҳмад.*

**ТУҒМОҚ 1** Бўйида, қорнида бўлган болани, ой-куни етгач, дунёга келтирмоқ. *Уст-устига эгизак туғмоқ. Хотини ўн йил мобайнида икки қиз, бир ўғил туғди. ■ Фанижоннинг хотини туғмай юриб-юриб, бирданига кўчқордай ўғил туғиб берди. А. Қаҳҳор, Асарлар. Гулсумбиби қизини нари итарди.. пешонасига уриб йиғлади: -Кошки ўлсам! Кошки ажал кела қолса!.. Куйдирдинг, нега туғдим сени? Ойбек, Танланган асарлар.*

2 Болаламоқ (ҳайвонлар ҳақида). *Сигир иккита туғибди. Қўй туғибди. ■ Оқпошшонинг овчи итларидан яна биттаси туғибди – суюнчи йиғлади. М. Исмоилий, Фарғона т. о.*

3 шв. Тухум қилмоқ. *Тавба, товукдан аҳмоқ жсонивор йўқ – мойак қўйсанг, туғади. А. Қаҳҳор, Асарлар.*

4 кўчма с. т. Фойда келтирмоқ; кўпаймоқ. *Вой нодон одамлар!.. Билишмайдики, пул болалаб туради, индамасдан туғади, чақалоқлари инғаламайди. Ойбек, Танланган асарлар.*

**Иккитани (ёки тўртгани) туғмоқ с. т.** Кимсани кутиб, ортиқ хавотир бўлмоқ. *Сен келгунча, тўртгани туғдим. Кун(и) туғди* Кимсанинг кўнглидаги ишини, хоҳлаганини қилиши мумкин бўлган кун, пайт, шароит келди. *Қор ёғиб, чанғичиларнинг куни туғди. ■ Ёз ҳам ўтди, куз ҳам келди, қишлоқ чорбозорчиларининг куни туғди. С. Абдулла, Мавлавий Мирсидиқнинг ижодлари. Ой туғди 1)* янги ой бошланди. *Ой туғиб, мўлжал яқин етди. А. Қодирӣй, Ўтган кунлар; 2)* янги ой кўринди. *Қибла бетдан бир ой туғиб келади, Ойнинг гирдин тўртта юлдуз олади. «Алпомиш».*

**ТУҒРО** эск. кт. 1 Китоб ёки унинг фасллари бош саҳифасида, сатр бошида икки-уч ҳарф кўшилмаси тарзидаги безакли ёзув.

2 тар. Подшоҳларнинг ёрлиқ, фармон ва ш.к. ҳужжатлар тепасига қўйиладиган, уларнинг унвон ва амалларини кўрсатадиган безакли ҳарфлардан иборат белгиси.

3 айн. **герб.** Халқимиз *катта даврада пахта байрамини бошлаган куни республикамизнинг туғросида яшнаб турган шу чаноқни бошимиз узра баланд кўтариб, жаҳонга кўз-кўз қиламиз. Ҳ. Нуъмон, Чаноқ.*

*Юртнинг байроғи, унинг туғриси қанчалар эзгу ҳурматга сазовор бўлса, унинг мадҳияси ҳам шунчалар жарангдор.* Газетадан.

**ТУҒУРУҚ 1** Ҳомиладорликни яқунлайдиган мураккаб физиологик жараён; аёлнинг фарзанд кўриши, туғиш.

**2 этн.** Фарзанд кўриш муносабати билан ўтказиладиган маросим; бешик тўйи. *Энди у.. сават-сават кулчалар, баркашларда ошлар, совға-салом билан, бутун қондага мувофиқ, тўйларга, азаларга, туғуруқларга бори келади.* Ойбек, Танланган асарлар.

**ТУҒУРУҚОНА** Ой-куни яқинлашган оналарни қабул қилиб, уларга туғиш пайтида ва ундан кейинги бир неча кун давомида тиббий ёрдам кўрсатадиган махсус тиббиёт муассасаси. *Туғуруқхона остонасини ҳатлаб ўтган мўтабар аёл ўз тақдирдан кўра кўпроқ бўлажак фарзанд иштиёқи билан ўртаниб ёнади.* Газетадан.

**ТУҲМАТ** [а. *تھمت* — айблаш, айблов] **1** Бировни айблаш ёки қоралаш мақсадида ўйлаб чиқарилган асосиз даъво; бўҳтон. *Туҳмат қилмоқ. Туҳмат ёғдирмоқ. Туҳмат тош ёради, Тош ёрмаса, бош ёради.* Мақол. ■ -Нега эринга хат ёзмайсан? -Вой бундан бўлак ҳам туҳмат борми? Нега хат ёзмас эканман. А. Қаҳҳор, Хотинлар. *Уйинг куйгурда икки ой қадар ишладим. Кейин ҳайдади. Бошимга қанча туҳматлар ортди яна.* Ойбек, Танланган асарлар.

**2 с. т.** Ортиқча ташвиш, дардисар. *Шошиб турганимда, сен ҳам туҳмат бўлдинг менга.*

**Хизматга туҳмат** с. т. Кимсага хизмат, яхшилик қилиб, охири айбдор бўлиб қолиш ёки ўзига ташвиш, дардисар орттириш: яхшиликка ёмонлик. [Меҳри:] *Даданг шу тўнғиз қўпқурнинг заводида қанча йил тер тўкди. Бой, хизматга туҳмат қилиб, dadангни уч ой қаматтирди.* З. Саид, Н. Сафаров, Тарих тилга кирди. **Қуруқ туҳмат** 1) ошкоройдин туҳмат. -Тўғрисини айтсам, сиз бу тўғрида бир нарса биласиз, лекин сўзлаша Шокирбекдан чўчиб турасиз! — деди уста. -Қуруқ туҳматни қўйинг-чи! — деди уста Фарфи. А. Қодирий, Ўтган кунлар; 2) с. т. ортиқча ташвиш, ғалва, дардисар. Э, худойим-ей, қанақа қуруқ туҳматга қолдим-а! С. Аҳмад, Ҳукм.

**ТУҲМАТЧИ** Туҳмат қилувчи, бировлар устидан туҳмат гаплар айтиб, ёзиб, тарқа-

тиб юрувчи; бўҳтончи. *Туҳматчи одам.* ■ [Комилов:] *Танқид қилганларни туҳматчи, амалпараст, деб айблагансиз ва шу билан гуноҳингизга гуноҳ қўшгансиз.* Уйғун, Навбаҳор.

**ТУҲМАТЧИЛИК** Туҳматчига хос иш, хатти-ҳаракат. *Фоҳишалигингни билардим-у, туҳматчилигингни билмасдим. Ҳай, майли, агар эркак киши бўлганимда, ичак-човоғингни салла қилиб қўярдим.* С. Аҳмад, Ҳукм.

**ТУҲФА** [а. *تحفة* — совға, тортиқ] **1 кт.** Кимсанинг кўнглини олиш ёки хизматларини тақдирлаш учун берилган нарса; тортиқ, совға. *Қимматбаҳо туҳфа. Туҳфа олиб бормоқ.* ■ [Соҳибдору:] *Қилиб оламшумул санъатни бунёд, Кетирмиш сизга туҳфа уста Бехзод.* Уйғун ва И. Султон, Алишер Навоий. *Ҳусайн Бойқаро шу шаҳарни [Астрободни].. кичик ўғли Музаффарга туҳфа қилди.* М. Осим, Аждодларимиз қиссаси.

**2** кўча Кўпчилик учун атаб тайёрланган нарса; совға. *Мақомларнинг грамлас-тинкага ёзиб олинаётгани санъаткорларимизнинг халққа ажойиб туҳфасидир.* Газетадан.

**3** Туҳфа (хотин-қизлар исми).

**ТЮЛЕНЬ** [р.] Куракоёқли сутэмизувчи денгиз ҳайвони.

**ТЮЛЬ** [фр. *tulle* < *Tulle* — Франциянинг Коррез департаментидаги жой номи] Кўпинча гулдор қилиб тўкиладиган энгил нафис тўр. *Ойна парда учун боп тюль. Тюль парда.* ■ ..мана шу тюль, — деб у деразаларга тутилган нафис гулли оппоқ тўрни кўрсатди. П. Қодиров, Уч илди.

**ТЯГАЧ** [р. *тягачь* — «тортмоқ, судрамоқ» фл. дан ясалган от] Шатакка олинувчи ёки тиркама машиналарни тортиш учун белгиланган қувватли автомобиль ёки трактор. *Нормат нима қилишини билмай, атрофига қаради-да, беш метрча нарироқда турган त्याгач тагига эмаклади.* И. Раҳим, Чин муҳаббат.

**ТЎБИЧОҚ** шв. Чопқир, йўрга (от ҳақида). *Тўбичоқ от.* ■ *Майдонда минардим бу тўбичоқни, Хафа қилма, ойим, бу кўччоқни [кўзичоқни].* «Алпомиш». *Мулла Фазлидин эрталаб, подшоҳ инъом қилган тўбичоқ отни минди-да, шаҳар доруғаси қабул қиладиган маҳкамага йўл олди.* П. Қодиров, Бобур.

**ТЎГАРАК 1** Айлана, доира шаклидаги, доиравий. *Тўгарак стол. Тўгарак ойна.* ■ Умида докладчилардан бири бўлгани учун президиумда ўтирарди. У ерга тўгарак зални кесиб ўтиб, зинадан чиқиб бориш керак. А. Мухтор, Чинор. *Шийпоннинг устунлари саккиз қиррали бўлиб, остки қисми ҳандалак шаклида тўгарак қилиб тарашланган эди.* С. Айний, Эсдалиқлар.

**2** от Кишиларнинг биргаликда ишлаш, машғулотлар ўтказиш, машқ қилиш, билим-хунар олиш ва ш.к. умумий мақсадлар билан тузилган гуруҳи ва шундай бирлашманинг, уюшманинг ўзи. *Муסיқа тўгараги. Ёш табиатшунослар тўгараги. Тўгарак тузмоқ. Тўгаракка қатнашмоқ.* ■ Иброҳимов ўзининг ҳар пайшанба бўладиган агрономия тўгарагини шу ерга кўчирди. А. Қаҳҳор, Кўшчинор чироқлари. *Жўраҳон раҳбарлигида ҳаваскорлик тўгараклари, спорт ишлари жонланди.* Назармат, Жўрлар баланд сайрайди.

**ТЎДА** [ф. توده — дўнг қилиб тўпланган нарса, гарам] **1** Бир ерга тўплаб ёки уйиб қўйилган нарса; уюм, тўп, тўплам. *Ахлат тўдаси. Бир тўда нарча-нарча ғишт. Нарсаларни тўда қилиб қўймоқ.* ■ Кейин уни суғуриб олди-да, бир тўда қоғозни олдимга ташлади. «Гулдаста».

**2** Бир ерга тўпланган кишилар ёки ҳайвон, куш ва ш. к. гуруҳи, галаси, тўпи. *Улоқчилар тўдаси. Кушлар тўдаси. Тўда бўлиб юрмоқ. Тўдадан ажралган тўрга тушар.* Мақол. ■ *Арилар тўдаси ўзини қоп ичига урди. Бу болаларга чиндан қизик томоша бўлди.* Ҳ. Назир, Сўнмас чақмоқлар. *Аваз тор ҳовлига мўралаб қўйиб, эшик олдида қўл қовуштириб турган кишилар тўдасига қўшилди.* С. Сиёев, Ёруғлик.

**3** Бирор мақсад билан уюшган кишилар гуруҳи. *Назирқул Холхўжа йигитларидан хабардор эди. У эшоннинг гапидан, шулар тўдасига бор, деган маъно англади.* С. Аҳмад, Ҳукм. *Тошкентдаги Юсуфбек ҳожи тўдасидан амалий чоралар кўрсатилиб ёзилган жавоб мактуби олинди.* А. Қодирий, Ўтган кунлар. *Бизнинг ҳозир ўз тўдамиз бор. Агар истасанг.. сени ҳам сардоримиз хузурига олиб бораман.* Мирмуҳсин, Меъмор.

**ТЎДАКАШ** Тўдадан чаққонлик билан айрилиб, тез ўзадиган абжир, кучли улоқчи от.

**ТЎДАЛАМОҚ** Бир ерга тўплаб, йиғиб, уйиб қўймоқ, тўпламоқ. *Ғишт парчаларини тўдаламоқ. Ахлатни тўдалаб қўймоқ.* ■ *Тоғда очилган лола, териб тўдалай дейман. Яшнаб ётган ғўзамни кунда бир кўрай дейман.* «Кўшиқлар».

**ТЎДАЛАШМОҚ 1** Тўдаламоқ фл. бирг. н. *Болалар хашак тўдалашяпти.*

**2** Бир ерга тўпланмоқ. *Элмурод.. ўрндан аранг турди-да, комиссия эшиги олдида тўдалашган дўстлари ёнига борди.* П. Турсун, Ўқитувчи.

**ТЎДАЛОҒЛИҚ** Тўдалаб, тўплаб қўйилган, тўплоглиқ. *Олия опа қўлидаги ғиштни тўдалоғлиқ бутун ғиштлар ёнига қўйди-да, челадаги тупроқни тўккани чуқур томон юрди.* Газетадан.

**ТЎЁНА 1** этн. Тўй муносабати билан шу тўй эгаларига яқинлари томонидан қилинган (қилинадиган) пул ёки кийим-бош тарзидаги совға. *Қани, айтинглар-чи, тўёнага нима олиб борай?* С. Аҳмад, Қадрдон далалар. *Тўйга тўёна билан бориш — халқимизнинг азалий одати.* Газетадан.

**2** кўчма Ишчи ва меҳнаткашларнинг муҳим бир воқеа-ҳодиса, байрам ва ш.к. га аталган меҳнат совғаси. *Тўйга тўёна керак, мўл ҳосил тўёнамиз.* Р. Бобожон.

**ТЎЗ** эск. Чанг, губор. *Ариқлар қақраган, дарахт япроқлари тўз, осмон — чанг.* М. Исмоилий, Фарғона т. о. *Отинг изи тўзлари кўзимга сурмадирким..* «Оқ олма, қизил олма».

**ТЎЗИМ** Кишининг қийинчилик, кулфат, огриқ ва ш.к. га чидаш қобилияти; чидам, бардош. *Тўзим билан ўқимоқ.* ■ *Қайси бир садаф сийна Тўзим-ла санчиб игна, Инжуларин бирма-бир Шу шоҳига қадаган?* Ф. Ғулом. *Салимнинг кутгани чиқмади, кўрғонда аввалгидай тинчлик, жимжитлик. Бу ҳол уни яна эзди. Охирига қадар кутишга куч ва тўзим сезмади ўзида.* Ойбек, Танланган асарлар.

**Тўзим берсин 1)** чидам, бардош берсин (тилакни билдиради). — *Сиз ҳали шу ерда бир-икки кун бўларсиз. Тўзим берсин, — деди.* А. Мухтор, Чинор; **2)** қойил қолиб тан олишни билдиради; баракалла, балли-е. *Қаранг, бир соатга бардош бермабсиз. Янаям оналаримизга тўзим берсин.* «Муштум». *Чол тўнғиллаб: -Қўй-е, ҳамма сенга ўхшаганлар ёрилиб ўлаверса, лапанглаб юрадиган семиз-*

ларга тўзим берсин-е, — деб ҳазиллашиб кўярди. Д. Нурий, Осмон устуни. **Тўзим билмас** (ёки билмайди) Тўзиб тарқамас, тўзиб, йўқ бўлиб кетмайди. *Сен-чи мангу чиқаверасан, Тўзим билмас сендаги бардош.* Ш. Раҳмон, Юрак қирралари. *Сизнинг бу яратган мўъжиза санъат Юз йил тўзим билмай турмоқлиги рост.* А. Орипов, Йиллар армони.

**Тўзимли** Чидам-бардоши кучли. *Тўзимли йигит* ■ *Тоғлар соясида қумурсқасимон, Довул қанотида учган хас каби Бўлса ҳамки, аммо тўзимли инсон, Ҳамма даҳшатлардан зўрроқдир қалби.* С. Акбарий. *Сипобек ота деган бир чол мени ҳайратда қолдирди... ҳеч қандай пардозсиз, адабиётга шундай кирса бўладиган бақувват образ.. турмушнинг ўзидай кекса, тўзимли.* Н. Фозилов, Қуш қаноти билан.

**Тўзимлилиқ** Сабр-бардошлиқ, чидамлилиқ. *Инсоннинг тўзимлилиги. Тўзимлилиқ кўрсатмоқ.* ■ *Унинг [Қосимовнинг] қиёфаси ва юриши-туришига саҳро сокинлиги, жонли барханларнинг сезилар-сезилмас силжиши, теран қатламлардан нам юки топиб аста сўрадиган чайир саксовул томирларининг тўзимлилиги асар қилганга ўхшарди.* А. Мухтор, Давр менинг тақдиримда.

**Тўзимоқ** айн. **тўзмоқ.** Эшик очилиб, шамолда қоғозлар патдай тўзиди. *Кенгашили уй тўзимас.* Мақол. ■ *Уларнинг юз-кўзлари чанг, ранглари заҳил, сочлари тўзиган эди.* И. Раҳим, Чин муҳаббат. *Йўлдошбой уч-тўрт ҳафтадан бери ички кийимини ечмаган, кўйлаги терда қотиб кетган, тўни билан этиги тўзиб қолган эди.* Ҳ. Нуъмон ва А. Шораҳмедов, Ота. *Бу хабар бирпасда бутун арши аълога тарқалди. Фаришталар, уяси бузилган аридай, тўзиди.* А. Қаҳҳор, Қўшчинор чироқлари.

**Тўзимсиз** Тўзими-бардоши йўқ; чидамсиз, бардошсиз. *Тўзимсиз одам.*

**Тўзимсизланмоқ** кам қўлл. Сабртоқати чидамаслик; тоқатсизланмоқ. *..сиздек оғайниларга кўмаклашмасам бўладими!* — деди ҳалиги йигит ва тўзимсизланди: *-Қани, илдамроқ юринлар!* А. Қодирий, Улоқда.

**Тўзимсизлик** Тўзимсиз ҳолат, хусусият. *Тўзимсизлик қилмоқ. Тўзимсизлик кўрсатмоқ. Тўзимсизлик билан кутмоқ.* ■ *Бу гал [ҳожиди] Ўзбек ойимнинг ўша эски*

*ашуласини ортиқча бир тўзимсизлик орасида кутар эди.* А. Қодирий, Ўтган кунлар.

**Тўзиқ** Ҳар ён сочилган, тўзиган ҳолатли, ҳолдаги. *Тўзиқ хас-хушларни сунуриб, бир ерга тўпламоқ.* ■ *Бари бир, раҳбар оғизга яқин бўлади. Қанча камтар бўлсанг ҳам, кўпнинг оғзида бўласан. Катта бўлдингми, тупроғинг тўзиқ бўлади, азизим.* Ш. Рашидов, Бўрондан кучли.

**2** *кўчма* Сочик, сочилган, бўлинган; паришон. *Унинг хаёли тўзиқ.*

**3** Бетартиб ёйилган, тўзиган, тўзғоқ, пахмоқ. *Қиз тол тазидан чиқиб югурганча, ўзини сувга отди. Низомжон унинг орқасидан оппоқ болдирларини савалаган тўзиқ сочларини кўриб қолди.* С. Аҳмад, Уфқ.

**4** Эскирган, титилиб кетган. *Ҳужранинг бурчагида Шоқосимнинг увада чопони, тўзиқ кўрпа-ёстиғи уйилган.* Ойбек, Танланган асарлар. *Гулнор кўча эшигидан ҳовлисига кираркан.. шипи, деворлари тўзиқ айвонга паранжисини отди.* Ойбек, Танланган асарлар.

**Тўзмоқ 1** Тўзондек ҳар ён сочилмоқ, учмоқ, тўзғимоқ. *Пар тўзиб кетди.* ■ *Жимжимадор япроқларинг Сарғайиб банд узмоқда. Бевагандай шамол билан Ерда изғиб тўзмоқда.* Т. Тўла.

**2** *кўчма* Ҳар ёнга тарқалмоқ, тарқалиб, сочилиб кетмоқ, пароканда бўлмоқ. *Кўйлар бўри теккандай тўзди.* ■ *Шеър анжумани тўзди, уят сўз аралашди.* С. Абдулла, Мавлоно Муқимий.

**3** *кўчма* Тарқамоқ; тарқаб, бўлиниб йўқ бўлмоқ. *Умр ўзади, ҳусн тўзади.* Мақол. ■ *Гавҳар хаёллари тўзиб, Талъатга ўгирилиб қаради.* Ў. Ҳошимов, Қалбингга кулоқ сол. *Наҳот шундай осон бўлса бу дунёнинг тўзмоғи.* Т. Тўла.

**4** Бетартиб ёйилмоқ, тўзғимоқ, пахмаймоқ. *Силлиқ қилиб таралган, кўп диққат ва меҳнат сарф қилиниб ўрилган сочлар тўзган, сочилган.* А. Қаҳҳор, Сароб.

**5** Эскириб, титилиб ишдан чиқмоқ. *Кенгаши қилган эл озмас, Кенг бичилган тўн тўзимас.* Мақол. ■ *Менга овқат беради, кийимим жуда тўзса, кийим қилиб беради.* Ойбек, Танланган асарлар.

**6** *кўчма* кам қўлл. Ўзини олдирмоқ, хазон бўлмоқ, сўлмоқ. *Ҳўжайин айтганча, «узилмаган гул» бўлмаса ҳам, руҳи, қалби бу*

чиркин бўғиқ муҳитда сўнмаган, тўзмаган кўринадди. Ойбек, Танланган асарлар.

**ТЎЗОН I** Ҳавога кўтарилган (тўзган) хас-хуш ва б. майда нарсалар аралаш чанг. *Дарё қуриса ҳам, ўзани қолар, Бўрон босилса ҳам, тўзони қолар.* С. Акбарий. *Машиналар кетидан кўтарилган тўзон кун тиғида, осмонда бир зум кезиб, кейин пахтазорга ёпирилади.* А. Муҳиддин, Теримчилар.

**2** Нарса бетига, сатҳига қўнган, инган шундай нарса; гард-ғубор, чанг. *Николин унинг тўзон босган елкасига оғаларча қўлини қўйиб:* -Раҳмат, Бектемир, — депти. Ойбек, Қуёш қораймас. *Ўчоқ бошида қўмгон шарақлаб қайнаб, чўғ устига тўкилди, буғ ва кул тўзони кўтарилди.* А. Мухтор, Опа-сингиллар. *Тегирмон йўлаги ун тўзони ичига кўмилиб, кеч кузнинг қуюқ туманли ҳавоси манзарасини беради.* А. Қодирий, Обид кетмон.

**Тўзон бўлмоқ** Вайрон-толқон бўлмоқ, чанг-тўзонга айланмоқ. *Тонг отганда, дунё тўзон бўлади, Ҳар тарафдан девлар ошиб келади.* «Ширин билан Шакар». **Тўзон қилмоқ** Вайрон-толқон қилмоқ, чанг-тўзонга айлантирмоқ. *Келса, мамлакатни тўзон қилади, Ишқириб дамига тортиб олади.* «Рус-тамхон».

**ТЎЗОНЛИ** Тўзон қоплаган, тўзон кўтарилган. *Тўзонли бўрон.* ■ *Интилади тўзонли йўлга — Юраётган сафларга қараб.* Э. Раҳим, Янги қадам. *Най навоси дам баргларда ўйнаган баҳор ели, дам узоқдан момақалди роқ нафаси каби, тўзонли шом ҳавосини лим-лим тўйдирган..* А. Мухтор, Чинор.

**ТЎЗФИМОҚ** айн. **тўзмоқ 1, 2, 4, 5.** *Ҳазон тўзғиб кетди.* ■ *Чорак соатдан кейин шовқин кўтарилиб, маслаҳат мажлиси тўзғиб кетди.* А. Мухтор, Чинор. *Низомжон унинг [Дилдорнинг] тўзғиган қоп-қора сочларини, мрамардек оппоқ билакларини хаёлдан кеткизолмасди.* С. Аҳмад, Уфқ. *Қиш-ёз оёғида оғир сағри кафш. Маҳси ҳам минг ямоқ, бошида кир, тўзғиган салла.* Ойбек, Танланган асарлар.

**ТЎЗҒИН I** айн. **тўзиқ.** *Искандаро асабий ва тўзғин хаёллар қучоғида сукут этар эди.* Ойбек, Нур қидириб.

**2** *кўчма* Озиб-тўзган, ўзини олдирган, озғин. *Қўш қулоғидаги жулдур иштонли қаролнинг қовурғалари ҳам ҳўкизни ки сингари*

*уриб чиққан, у ҳам озғин-тўзғин эди.* М. Исмоилий, Фарғона т. о.

**ТЎЗҒОҚ I** Тўзғиган, тўзиқ, тўзғин. *Зарралар тўзғоқ ҳолда бўлса, қуруқ тупроқ дейилади.* М. Баҳодиров, Тупроқшуносликдан амалий машғулотлар. *Унинг тўзғоқ сочлари, оппоқ бадани.. очилиб-сочилиб туради.* У. Исмоилов, Сайланма.

**ТЎЗҒОҚ II** Лух, қамиш ва ш.к. ўсимликларнинг тўзғувчан парсимон попуғи, ҳосили. *Қоқи ўт тўзғоғи.* ■ *Қайси бир узун-қулоқ орқали бу гап қамиш тўзғоғидай таралиб кетди.* Ҳ. Назир, Ўтлар туташганда.

**ТЎЙ I** этн. Уйланиш, турмушга чиқиш, хатна қилиш ва б. муносабатлар билан зиёфат бериб, базм-томошалар билан ўтказиладиган халқ маросимларининг умумий номи. *Никоҳ тўйи. Ўғил (хатна, суннат) тўйи. Бешик тўйи. Тўй қилмоқ. Маърака — мардники, тўй — халқники.* Мақол. *Мақтанганнинг уйига бор, Керилганнинг тўйига бор.* Мақол.

■ *Ҳомидвой бўлса, бугун унашсаларинг, эртага тўйни бошлаймиз, дейди.* А. Қодирий, Ўтган кунлар. *Кечаги дам олиш куни Рашидининг тўйи бўлди.* Шухрат, Шинелли йиллар. [Роҳила:] *Ҳа! Кўзим очиқлигида қизимнинг тўйини кўрай, деб ўзимни ўйлабман-у, бу тўйдан кейин Насиба нима бўлишини ўйлабман.* А. Қаҳҳор, Оғриқ тишлар. *Қўқонликлар таомилида никоҳ тўйи келинникида ўтади.* К. Яшин, Ҳамза. *Матёқуб қаллиғи [таътилда] келиши биланоқ тўйни бошламоқчи.* Ж. Шарипов, Хоразм.

**2** этн. Қудалар ўртасидаги келишувга мувофиқ, куёв томондан қиз томонга берилдиган пул, сарпо, масаллиқ ва ш. к. мажмуи. *Тўй учун куёв томонидан ўн беш арава юк юборилган. Ҳар бир аравада бошқа-бошқа моллар ва буюмлар.* Ойбек, Танланган асарлар. *Мирзакаримбой қичқирди: — Мулла Абдишукур, эртага ожизамизга тўй келади, марҳамат қилинг, дурустми?* Ойбек, Танланган асарлар.

**3** этн. Шу нарсалар юборилиши муносабати билан куёв хонадониди, келиши муносабати билан қиз хонадониди ўтказиладиган маросим. *Якшанба куни ҳам тўй, ҳам никоҳ.* ■ [Қутидорнинг] *Битта жувон қизи бор-ку, мунча тўйни бошқа, никоҳни бошқа қиламиз, деганига ҳайронман.* А. Қодирий, Ўтган кунлар.

**Тўй бермоқ** 1) қудалар ўртасидаги келишувга мувофиқ белгиланган пул, сарпо, масаллик ва б. ни келин томонга юбормоқ; 2) юртга ош, зиёфат бермоқ. *Қирқ кеча-кундуз элга тўй бериб, қирқ кундан сўнг тўйи охир бўлганди.* «Ширин билан Шакар».

**4** Бирор воқеа-ҳодисага бағишлаб зиёфат ва ўйин-кулгилар билан ўтказиладиган тантаналар. *Ҳовли тўйи. Ҳосил тўйи.* ■ *Бугун мактаб ўзининг биринчи катта тўйига, тўнғич ўғилларини мамлакатга тақдим қилиш тантанасига тайёрланаётир.* П. Турсун, Ўқитувчи. *Водокачканинг очилиш маросими катта тўйга, каттакон сайилга айланиб кетди.* А. Қаҳҳор, Кўшчинор чироқлари.

**Кўпга келган тўй** Кўпчиликнинг бошига тушган иш, ташвиш ва ш. к. ҳақида айтиладиган ибора. *— Ота, — деди Салим жеркиб, — бу нарса кўпга келган тўй, ўғлингиз ниҳоятти бир неча ой ишлаб қайтади. Нимасига қайғурасиз? Узоқ юртларни кўриб келади.* Ойбек, Танланган асарлар. **Тўйдан кейин ноғора қ. ноғора. Уй-уйига — така (ёки тепа) тўйига** Одатда, болалар кечки пайт ўйиндан чарчаб тарқалаётганда айтиладиган ибора. *Начальник [бошлиқ] ётиб қолди, энди уй-уйига — така тўйига.* А. Мухтор, Опасингиллар.

**Тўйбоши** Тўйга бошчилик қилувчи шахс. *Қишлоқда тўй бўлса, у [Тўламат], албатта, тўйбоши, йигитлар тўпига қўшилса — жўрабоши.* С. Анорбоев, Оқсой. *У тўйбошиларга олдиндан ўқтириб қўйган эди: — Тартиб бузилмасин, ҳар тоифани ўз вақтида, ўз ерига ўтказиш, ўзига яраша кутиш керак.* Ойбек, Танланган асарлар.

**Тўйгарчилик 1** Тўй-ҳашам кўп бўладиган, тўйлар юришган пайт, шу пайтлардаги тўйлар. *Профессионал масхарабоз ва қизиқчиларнинг аксарияти тўйгарчилик камроқ пайтларда деҳқончилик, чорвачилик ва хунармандчилик билан шуғулланган.* М. Қодиров, Ўзбек халқ оғзаки драмаси.

**2 айн. тўйчилик.**

**Тўйдирмоқ 1** Тўймоқ фл. орт. н. *Ерни сувга тўйдирмоқ. Ғўзаларни тўйдириб сугормоқ. Кўпчилик бир муштдан урса, ўлдирди, бир бурдадан берса, тўйдирди.* Мақол. ■ [Йўлчи:] *Укам ишлайди. Лекин ёш бола хўжайинникида ўз қорнини тўйдирса, бунга ҳам хурсандман.* Ойбек, Танланган асарлар. *Унинг [Мусулмонқулнинг] истибододи ўзга*

*шаҳарларда унча сезилмаса ҳам, аммо марказ — Қўқон одамларини жуда тўйдирди.* А. Қодирий, Ўтган кунлар.

**2** *кўчма* Егулик, ичгулик билан таъминламоқ; боқмоқ. *Шу боғдан келган даромад оиламизни тўйдирди.* ■ *Абдураҳмон бой тўғонимизни бузди. Кўтармани кўтартириб, тўйдириб турган ариғимизни қуритди.* Н. Сафаров, Кўрган-кечирганларим.

**ТўЙИМЛИ** Қоринни яхши тўйдирадиган, тўқ тутадиган; кераклик витамин ва ш.к. га эга (бой). *Тўйимли овқат. Тўйимли ем-хашак. Тўйимли озуқа.* ■ *Инсон истеъмол қиладиган озиқ-овқатлар орасида энг лаззатли, тўйимли ва шифобахши — асал.* «Фан ва турмуш». *Оқ саксовул, айниқса, унинг уруғи қўй-эчкилар учун тўйимли озуқа.* «Фан ва турмуш».

**ТўЙИМЛИЛИК** Тўйдириб ва тўқ тутиш хусусияти. *Овқатнинг тўйимлилиги. Озуқанинг тўйимлилигини оширмоқ.* ■ *Нон ўзининг авло даражада тўйимлилиги, юксак таъми билан жаҳонда жуда қадрланади.* Газетадан.

**ТўЙИНМОҚ 1** Обдан тўймоқ. *Бу тўғрида қатъиятсиз, мужмал жавоблар беришдан.. тўйинган Раъно Анвардан кўз олмай турар эди.* А. Қодирий, Меҳробдан чаён.

**2** *махс.* Етарли миқдорда ўзига олмоқ, сингдирмоқ. *Бугга тўйинган ҳаво. Тўйинган буғ. Тўйинган эртма.*

**ТўЙИНЧИЛИК** Ейдиган, озиқланадиган нарсалар мўл ҳолат, тўйиб еб-озиқландиган шароит мавжудлиги (мол-ҳайвонларга нисбатан). *Далада мол тўйинчилиги бошланган.* Ҳ. Нуъмон, Фасллар.

**ТўЙЛАМОҚ шв. 1** Тўйларда меҳмон бўлмоқ, тўйма-тўй юрмоқ. *Тўйлагани келган меҳмонлар.* ■ *Сухсур учар сой бўйлаб, Ўртоғим келар тўйлаб, Эртага келар чоғи, Ваъдани берай ўйлаб.* «Кўшиқлар».

**2** Тўй билан муборакбод қилмоқ. *Эркаклар қўй, тана етаклаб тўйлади.* Т. Мурод, От кишнаган оқшом.

**3** *(асосан равишдош шаклида — тўйлаб)* Тўй қилиб. *Қабул қилсанг, қизим тўйлаб берайин.* «Баҳром ва Гуландом». *Қизин тўйлаб, никоҳ қилиб олганман.* «Муродхон».

**ТўЙЛИ** Тўйи бўлган, тўй қиладиган, ўтказадиган. *Тўйлининг тўйи ўтди, Тўйсизнинг кунни ўтди.* Мақол. ■ *Ўзбек ойим аралашган тўйли хотинларнинг кўнгилиларида-*

ги орзу-ҳаваслари ҳам эрлари томонидан камчиликсиз бажарилар.. эди. А. Қодирий, Ўтган кунлар. Кўралари кўйли, уйлари тўйли. Фуқаросин кўнгли Тангри тоғ бўйли. Газетадан.

**ТҶЙЛИК** Тўй учун зарур бўлган нарсалар. [Қози Қодирқулга:] Бешик кетди бўлгандан буёқ ҳар йил расм-русумларини қилишиб, яқин вақтларда тўйлигини ҳам бериб кўйибди.. Ҳамза, Бой ила хизматчи.

**ТҶЙЛОВЧИ** шв. Тўйга ташриф буюрувчи, тўй билан муобрақбод қилувчи. Тўйловчилар атаган совға-саломларини рўмолага ташлашди. Т. Мурод, От кишнаган оқшом. Тўйловчи аёллар сочқилар сочди. Т. Мурод, От кишнаган оқшом.

**ТҶЙМАГУР** ҳақр. Борига, берганга қаноат ҳосил қилмайдиган шахсга нисбатан қўлланади. Тўймагур директор яна тери сўрашибди. С. Аҳмад, Юлдуз.

**ТҶЙМОҚ 1** Ейиш, ичишга бўлган талаби қонмоқ, қониб ёмоқ, ичмоқ, овқатга, сувга қонмоқ. Еб тўймаган, ялаб тўймас Мақол. Қўл билан берганга қуш тўймас. Мақол. Суқ тўймас, ўғри бойимас. Мақол. ■ Анвар Нигор ойимга раҳмат айтиб, тўйганини сўзлади ва қўл артар экан, чақалоққа гап қотди. А. Қодирий, Мехробдан чаён. Камбагал халқ ўлиб-тирилиб меҳнат қилади-ку, қорни тўймайди, эгни бутун бўлмайди. Ойбек, Танланган асарлар.

**2** Сув, узоқга тўйинмоқ (ер ва ўсимликлар ҳақида). Ғўзалар сувга тўйди. Ер тўймагунча, эл тўймас. Мақол. ■ Қор сувига тўйган ер хамирдек юшоқ эди. С. Аҳмад, Уфқ. Халқнинг ер тўйса, эл тўяди, деган нақлида ҳикмат кўп. Газетадан.

**3** кўчма Роҳатланиб мириқмоқ. Уйқуға тўймоқ. Дийдорига тўймоқ. Тўйиб суҳбатлашмоқ. Йиқилган курашга тўймас. Мақол. ■ У [Элмурод] ҳар гал бу йўлдан юрганда, узоқ-узоқларга тикилиб, сира тўймасди. П. Турсун, Ўқитувчи. Тўпа хола тўйини шунча тетик тутгиси, ҳориган кўзларини очгиси, табиатга тўйиб боққиси келади, аммо дармони йўқ. И. Раҳим, Ихлос. Кенг ҳовлининг ҳуснига хол бўлиб турган атиргуллар яқин кунларда очилиб, тўйиб бўлмайдиган жамолини намоён қилади. Ш. Рашидов, Бўрондан кучли. Тўйиб-тўйиб шўхлик, бебошлик, «жинилик» қилсанг, водийни бошингга кўтариб қаҳқаҳа урсанг. Ф. Мусажонов, Ҳиммат.

**4** кўчма Чидаб, тоқат қилиб чарчамоқ, тоқати тоқ, безорижон бўлмоқ. Ақл, инсоф билан иш қила-қила, энди жуда тўйдик. А. Қодирий, Ўтган кунлар. Мен ҳам тўйдим бу хўрлик, бу ҳақоратдан! М. Исмоилий, Фарғона т. о. Қишлоқ халқи Сарижўжа сувининг тошқинидан жуда тўйган экан. «Ўзбекистон кўриқлари».

**Жондан тўймоқ қ. жон 3. Кўнгли тўлмоқ қ. кўнгил.** Еганингиз олдингизда, емаганингиз кетингизда, бу кўрганингизга кўнглингиз тўлмаса, ҳали ёшсиз, ўқинг! А. Қаҳҳор, Оғриқ тишлар.

**ТҶЙПАРАСТ** Тўйтўйлашни, тўйма-тўй юришни яхши кўрадиган. Тўйпараст одам.

■ Бошқа уйларда қариндош-уруғлар ва никоҳни пойлаб ётган тўйпараст, дайди, турли хотинлар бор эди. Ойбек, Танланган асарлар.

**ТҶЙХАТ 1** Тўйга таклиф қилиб ёзилган қоғоз, тўй таклифномаси.

**2** Тўй, байрам муносабати билан ёзилган табрикнома.

**ТҶЙХОНА** Тўй бўлаётган уй, жой. Афанди устида эски чопони билан тўйхонага кириб қолган эди. «Латифалар». Тўйхонани қий-қириқ босди. Бўз йиғитлар сабрини йўқотиб, утирган ерларида селкиллаб тушдилар, қиз чирпирак бўлиб, лапар тўлқинига айлана бошлади. С. Сиёев, Аваз.

**ТҶЙЧИ 1** Тўйга келган меҳмон, тўй қатнашчиси. Тўй тарқади, қизни никоҳ қилди. Авазхон йиғитлари билан тўйчилар ҳам қайтди. «Бўтакўз».

**2** Тўй қилувчи киши, тўй эгаси. Агар ҳозирлик кўрмай шаҳарни кутсак, шаҳардан ёрдам чиқа бермаса, худди тўёнага ишониб, қўй олмаган тўйчи каби, тўй қозонини тўнкаришига мажбур бўламиз. А. Қодирий, Обид кетмон.

**3** Тўйчи (эркаклар исми).

**ТҶЙЧИЛИК** Тўйдаги ўзига хос тартиб, муомала-муносабатлар. Тўйчилик, айланай, ҳеч кимдан гина қилиб бўлмайди. ■ -Ҳа, тўйчилик-да. Оғзимиз чучиб қолсин! — кулишишди йиғитлар. Ойбек, Танланган асарлар.

**ТҶЙЧИҚ** Кичкина тўй, тўйча.

**ТҶЙ-ҲАШАМ** Турли тўй маросимлари. Мениям орзу-ҳавасларим бор, тўй-ҳашам кўрмоқчиман. Ойбек, О. в. шабадалар. Базмларда, ўтиришларда, тўй-ҳашамда хонан-

далар Огаҳийдан бир ғазал ўқиса, Аваздан бир ғазал ўқирди. С. Сиёев, Аваз.

**ТҶУКИБ-СОЧИБ I** Тўқмоқ фл. рвдш. Тўкиб-сочиб ун қопламоқ.

2 кўчма кам қўлл. Мўл-қўл қилиб, тўкин-сочин. [Олахўжа] Тўйдан илғари таъинлади: -Дўст-душман – ҳаммасини айтинглар, тўкиб-сочиб едиринглар! Олахўжанинг ош-сувини юртдан аямайдиган киши эканини билиб қўйсин бу халқ! П. Турсун, Ўқитувчи.

**ТҶУКИЛМОҚ I** Тўқмоқ фл. ўзл. ва мажҳ. н. Дастурхонга чой тўкилди. Қоплардан бугдой тўкиляпти. Қатиқ тўкилган ерда юқи қолар. Мақол. Тўкилса манглай теринг – унулми бўлур еринг. Мақол. ■ Кўшоқ, от тагига тўкилган бедаларни бир кучоқ қилиб супуриб олиб келди. Ҳ. Шамс, Душман. Салдов деб нечанинг қадди букилди, Ер тишлаб, кўксига ёши тўкилди. Файратий. Бу мажлисдан кейин мен бир неча вақт Отабек ва йўлдошларининг қонлари тўкилмасин, деб бу гапни ичимга солиб юрдим. А. Қодирий, Ўтган кунлар. Шағал тўкилган йўл бўйида бошига гулдор соябон тутиб.. Гавҳар турарди. С. Сиёев, Ёруғлик.

2 Бўшаб, уваланиб дув тушмоқ. Энди зах ариқлар пайдо бўлиб, ҳамма ёқни қамиш босиб кетибди: пахса деворларнинг ости шўралаб тўкиляпти. С. Нуоров, Нарвон.

**Бир туки тўкилса..** Салгина зарар-зиён етказилса, жабр қилинса. *Хавотир олманг, ул жанобнинг бир туки тўкилса, мен жавобгар.* М. Осим, Ибн Сино қиссаси. **Оҳори тўкилмаган қ. оҳор 2.** Тутдай тўкилмоқ қ. тут. **Тўкилиб** (ёки тўкилай деб) турмоқ Путурдан кетмоқ; қулай, ўлай деб турмоқ (аранг турган, шарти кетиб, парти қолган нарсалар, одамлар ҳақида). *Оташ дукчининг отасидан қолган бўғот томли пастак уйнинг бир чеккаси чўккан, қийшайиб тўкилиб турар эди.* Ойбек, Улуғ йўл. *Феруз тўкилай деб турган пастак уйга имо қилиб кулади:* -Кун жагинг хароба-ку, Мамажон. С. Сиёев, Ёруғлик. **Шўрига шўрва тўкилмоқ қ. шўр II.** **Юраги тўкилиб** (ёки тўкилай деб) турибди Дили оғриб, эзилиб турибди, юраги тўлиб, тўлиқиб, ўзини аранг тутиб турибди. *Фуломжоннинг тўкилиб турган юрагига қиз илтифоти мадад берди.* М. Исмоилий, Фаргона т. о. **Қирови тўкилмаган қ. қиров II.**

**ТҶУКИН** Ноз-неъматларга бой, мўл-қўл, маъмур. *Қовун-узуннинг тўкин вақти. Зиёфат тўкин эди.* ■ *Умурзоқ ака азиз меҳмонни фарғоналикларга хос сахийлик ва очиқ юз билан қарши олди, тўкин дастурхон ёзилган уйнинг тўрига ўтқазди.* Ҳ. Назир, Сўнмас чақмоқлар. *Тўкин кузда туғилган фарзанднинг пешонаси ярқироқ бўлади.* «Саодат».

**ТҶУКИНДИ I** Тўкиб ташланган ёки ташланадиган қолдиқ нарса. *Тўкиндиларни ўрага ташламоқ.*

2 Тўкилиб, тушиб қолган нарса. *Тўкинди, парча-парча пахталарни йиғиб.. далага жўнайди.* Ойбек, О.в. шабадалар.

**ТҶУКИНЛИК** Тўкин, маъмур ҳолатлилиқ. *Ҳозирги маъмур ҳаётимиз, тўкинлик – ҳаммаси пахтадан..* Х. Аҳророва, Ўзимизнинг Турсуной. *Ҳар ёнда тўкинлик – Куздан нишона.* А. Орипов, Юртим шамоли.

**ТҶУКИН-СОЧИН** Жуда тўкин, мўл-қўл. *Тўкин-сочин дастурхон.* ■ *Мен боғдаман, атрофимда тўкин-сочин ёз, Ишқомларда товланади қора кўз чарос.* Э. Охунова. *Бу йилги булутсиз илқ кунлар, яшил япроқлар, тўкин-сочин мевалар мавсумининг ғанимат бир қисми қолгани юракни алланечук суюнтиради.* П. Қодиров, Уч илдиз.

**ТҶУКИНЧИЛИК** Ноз-неъматларнинг тўкинлиги, сероблиги; мўл-қўлчилик. *Биз Тошкентдаги Олой бозорига жуда эрта келдик.. Чинакам маъмурчилик, тўкинчиликни шу ерда кўриш мумкин.* Газетадан.

**ТҶУКИС I** Ҳар жиҳатдан таъминланган, мукаммал, камчилиги йўқ; бекам-қўст. *Тўкис рўзғор.* ■ *Тошкентда мандай тўкис келин бормикан? Ҳамма нарса жойида.* Ойбек, Танланган асарлар. -*Ҳусни, одоби тўкис экан, – кесатди Анорхон.* Ойбек, О.в. шабадалар.

**Ҳар тўкисда бир айб** Камчилиги, нуқсонни йўқ одам бўлмади. *«Ҳар тўкисда бир айб» дегандай, унча-бунча камчилигимиз бор..* «Муштум».

2 Савлатли, кенг-мўл (кийим ҳақида). *Тўкис костюм.*

**ТҶУКИСЛИК** Тўкис ҳолатга эғалиқ. *Дастурхоннинг тўкислиги. Кийимнинг тўкислиги.*

**ТҶУКМА** этн. Улфатлар ўртага тўккан маблағ ва масаллиқ ҳисобига, одатда, қиш кунларида ўтказиладиган ўтириш. *Бизнинг шаҳар, қишлоқларимизда қиш кириши билан ёш-яланглар, ҳар ким ўз тўпи билан «тўкма» бошлашар.. эди.* М. Муҳаммаджонов, Турмуш



уринишлари. *Бир тендошимникига борувдим. У бизнинг жўрабошимиз, ҳафталик тўкмаси йўл бор эди.* Т. Рустамов, Мангу жасорат.

**ТЎКМОҚ 1** Суяқ ёки сочилувчан нарсаларни идишдан туширмақ, сочилишига йўл қўймақ. *Шўрвани тўкмасдан олиб кел. Ошни тўкмасдан е! Шакарнинг ярмини йўлда тўкиб келибсан.*

**2** Дув туширмақ, ташламақ. *Ғўзаларнинг баргини тўкмақ. ■ Кекса ўрик дарахтлари пахса деворларни қўлтиқлаб олгандай, гуллари кўчага тўкиб ётарди.* А. Мухтор, Опасингиллар. *Мен чиқдим-у, бодом шохидан Тўда қушлар гурр этиб кетди. Тагдўзи дўппили бодомнинг Гулларини дув тўкиб кетди.* Т. Тўла.

**3** Ағдариб бўшатмақ, ағдармақ. *Бола сутни тўкиб юборди. Графиндаги сувни тўкиб ташладим. ■ Ўзбек ойим бурчақда бола кўтариб ўтирган Зайнабдан чақалоқни олиб, уни жомни тўкиб келишга буюрди.* А. Қодирий, Ўтган кунлар. *[Аёл] Пахтасини келтириб, хирмондаги энг катта тўпга тўка бошлади.* М. Исмоилий, Фарғона т. о.

**4** кўчма Оқизмақ, оқизишга мажбур этмақ (кўз ёши, қон, тер ҳақида). *Кўз ёши тўкмақ. Тер тўкмаса — эр эмас, Қўл тегмаса — ер эмас.* Мақол. ■ *Хон қуролсиз халқнинг қонини тўкиб, зўрлик билан исённи бостирди.* Ж. Шарипов, Хоразм.

**5** кўчма Ёғдирмақ, сочмақ (ёғду, нур ва ш.к. ҳақида). *Тўлин ой сутдек ёғдусини мактаб саҳни ва том тунукаларига аёвсиз тўкар, булбул эса ҳамон тинмай сайрар эди.* П. Турсун, Ўқитувчи. *Раҳмат, синглим, шу сўз, шу бўса, Шу гулдаста баридан афзал. Мехр майиндан тутдинг лим коса, Гуё тўкдинг бошим узра зар.* Ё. Мирзо.

**6** кўчма Дилдаги бор нарсани, бор-йўгини айтмақ, дилдагини айтиб, юракни бўшатмақ. *[Хайриниса] Бир зум жағи тинмас, ичида йиғилганларни бировга тўкмас тинчимас эди.* Ойбек, Улуғ йўл. *[Қурбон:] Биз юракдаги дардимизни бир тўкай деб келса-гу, берган жавобинг бу бўлса! Раҳмат сенга!* О. Ёқубов, Айтсам, тилим куяди, айтмасам — дилим. *Ўзбек ойим ўғлининг «ўлганнинг устига чиқиб тепиш» қабилидан бўлган бу ҳаракатидан тутуни кўкка чиқиб, борлиқ қаҳр-ғазабини эри устига тўкади.* А. Қодирий, Ўтган кунлар. *Низомжон чидамади. Юрагида тўлиб-тошган гапларни узил-кесил*

*тўкиб солмоқчи бўлиб, қизни излаб, яна далага қараб кетди.* С. Аҳмад, Уфқ.

**Обрўини тўкмақ қ. обрў(й) 1. Оҳорини тўкмақ қ. оҳор 2. Савлат тўкмақ қ. савлат 1. Тер тўкмақ қ. тер. Қўр тўкмақ қ. қўр.**

**ТЎЛ** *шв.* Қўйларнинг туғиш, болалаш мавсуми; қўзилаш; қўзилатиш. *Келаси тўлда мен ҳам кўзини ҳозиргидан кўпроқ олишга сўз бераман.* П. Қодиров, Қора кўзлар. *Эртага ейдиганини бугун берса, айни тўл вақтига бориб, омборлар шишийдан бўлади. Унда қўйлар тупроқ ялайдими?* С. Анорбоев, Оқсой.

**ТЎЛА 1** Бутун ҳажми, сифими эгалланган, банд бўлган. *Тўла қон. Тўла зал. Тўла бир челақ сув. Кўча тўла одам. ■ Курси устига дастурхон ёзилиб, мева-чева тўла патнис қўйилди.* Ойбек, Танланган асарлар.

**2** кўчма Ҳис-туйғу, куч-қувват ва ш.к. га тўлган, тошган. *Кувонч тўла кўзлар. ■ Элмурод унинг рўпарасига келди ва заҳар тўла овоз билан сўради.* П. Турсун, Ўқитувчи. *Сарпардалардан жон олчи дард-алам тўла бир қуй оқа бошлади.* К. Яшин, Ҳамза. *Аҳмад энди ўзини ота ҳисоблар ва бу тоғли ҳолдан юраги ғурурга тўла эди.* Ф. Мусажонов, Ҳиммат. *Тўрт томоннинг ҳаммаси баҳор нафосатига тўла.* П. Қодиров, Юлдузли тунлар.

**3** Етишмаган ери, қисми, кам-кўсти йўқ; мукамал, расо, тўлиқ, бут. *Тўла иш қуни. Асбобларнинг тўла комплекти. Гапнинг тўла мазмуни. Тўла жавоб. Тўла ишонч. Имкониётлардан тўла фойдаланмақ. Тўла қуролсизлиниш. Тўла жорий этмақ. Фикрингизга тўла қўшиламан. ■ Турсуной кўзини ҳали тўла очгани йўқ эди, узун киприклари хира кўзларини тўсиб турарди.* А. Мухтор, Опасингиллар. *Шокир отанинг уйида яшай бошлагач, Унсин ҳамма воқеани — акаси билан Гулнорнинг севги эртагини кампирдан тўла эшитди.* Ойбек, Танланган асарлар. *Унинг мойи қуй ва қорамолнинг мойига нисбатан тез эрийди ва тўла ҳазм бўлади.* «Фан ва турмуш».

**4** Жуссаси ёки бирор аъзоси бўлиқ этли, семиз. *Тўла одам. ■ Ўрта буйли, тўла, лекин кенг юзининг гўштилари саргайиб, салқиб тушган, элик саккиз ёшларда бўлган касалнамо хотин аста-секин юриб келаверди.* Ойбек, Танланган асарлар. *Тўрдаги кичкина эшик очилиб, ичкаридан тўла юзли.. белига қилич осган қирқ беш ёшлар чамасида бир киши кўринди.* А. Қодирий, Ўтган кун-

лар. *Тўла, қип-қизил мағиздек аёл бир ҳафтада чўпдек бўлиб қолган эди. Ў. Умарбеков, Ёз ёмғири.*

5 Тўла (эркаклар исми).

**ТЎЛАЛИК** Тўла ҳолат. *Идишининг тўлалиги. У сиздан тўлалик қилади. ■ [Зайнаб] Илгариги тўлалигининг ярмисини йўқотгандек, тусига қаримсиқлик кирган. А. Қодирий, Ўтган кунлар.*

**ТЎЛАМОҚ 1** Олинган, харид қилинган, фойдаланилган ва ш. к. нарсалар эвазига тегишли миқдорда пул, ҳақ бермоқ. *Кассага нақд пул тўлаб, нарса олмоқ. Кира ҳақи тўламоқ. Арзон тўламоқ. ■ Бу нарсаларингиз менда гаров туради, қачонки пул топсангиз, менинг яроғ учун тўлаган пулимни бериб, нарсаларингизни оласизлар. С. Айний, Қуллар.*

2 Олинган пулни, қарзни қайтармоқ, узмоқ; зиммасидаги пул, тўлов мажбуриятини адо этмоқ. *Солиқ тўламоқ. Бадал тўламоқ. Жарима тўламоқ. ■ Бугун қарзларингиз тўлайсанлар — мен тинч, сенлар тинч. М. Исмоилий, Фарғона т. о.*

3 Этказилган зарарнинг муздини бермоқ, ўрнини тўлдирмоқ. *Товон тўламоқ. Хун тўламоқ. ■ -Вой, [қўғирчоғим] касал бўлиб қолибди, тўлаб берасан, — деди Муҳайё Манзурага. Н. Ёкубов, Кичкина доктор.*

**ТЎЛДИРМОҚ 1** Тўлмоқ фл. орт. н. *Ваннани тўлдирмоқ. Шкафни китобга тўлдирмоқ. Атир иси уйни тўлдирди. Штатни ёш мутахассислар ҳисобига тўлдирдик. Камкўстини тўлдирдик. Эл қозонини тўлдирганини эл тўйдирар. Мақол. ■ Ўз гув-гуви билан гузарни тўлдирган одамлар гурунги ҳам бир зумда тинди. М. Исмоилий, Фарғона т. о. Латофат яна бир йўталиб, кўкрагини тўлдириб, чуқур нафас олди. О. Ёкубов, Мирзатерак.*

2 Бўш ўринларга, графаларга тегишли рақам, маълумот ва ш. к. ёзмоқ. *Анкета тўлдирмоқ. ■ Майор.. варақани ўзи тўлдирди. Шухрат, Шинелли йиллар. Мудираникоҳ шаҳодатномасини тантанали вазиятда тўлдириб, аввал Ферузага, кейин Норқўзига ручка тутиб, қўл қўйдирди. Ҳ. Фулом, Сенга интиламан.*

3 Турли қўшишлар, қўшимчалар билан мукаммаллаштирмоқ; қўшимча фикр-мулоҳаза билдирмоқ. *Улар бир оз суҳбатдан кейин бирга китоб ўқишди. Бир-бирларига*

*саволлар беришди, бир-бирларининг фикрларини тўлдиришди. Шухрат, Шинелли йиллар. Улар мазмунан бири иккинчисини қувватлайди, тўлдиради.. «ЎТА».*

**ТЎЛДИРУВЧИ 1** Тўлдирмоқ фл. сфдш.

2 тли. Гапнинг бирор бўлагига боғланиб, уни изоҳлаб, тўлдириб келувчи иккинчи даражали гап бўлаги. *Воситали тўлдирувчи. Воситасиз тўлдирувчи.*

**Тўлдирувчи эргаш гап** Бош гапнинг кесимини тўлдирувчи эргаш гап.

**ТЎЛИН** Тўлиқ гардиш шаклига кирган, бутун (ой ҳақида). *Тўлин ой гарбага томон оққан, ҳамма ёқ сутдай оппоқ. Ж. Шарипов, Хоразм. Навоий суюниб баҳо берди: -Сиз шеърда ҳилол эмас, тўлин ой бўлибсиз энди! Ойбек, Навоий. Гаҳи боқсам тўлин ойдек юзига, Гаҳи шўх уйноқи шаҳло кўзига. Ҳабибий.*

**ТЎЛИШМОҚ 1** Тўлмоқ фл. бирг. н. *Оломон бир нимага қасд қилиб тўлишиб турганда, бир оғиз гап кифоя қилади. А. Қаҳҳор, Асрор боёв.*

2 Тўлалик, бўлиқлик касб этмоқ; тўлмоқ, *Юзи тўлишибди. ■ [Аҳмаджон] Яна тикилди. Ўша-ўша Латофат. Сира ўзгармабди. Тиниқиб, хиёл тўлишибди. С. Кароматов, Ҳижрон. Гулнорнинг бўйи ўсиб, кўкраги тўлишиб, бутун гавдаси қизлик латофати билан яшинаган чоғда, бойвачча уни кўз тагига олиб қўйган эди. Ойбек, Танланган асарлар.*

**ТЎЛИҚ 1** Тўлган, тўлдирилган, тўла. *У ўзини ушлаб туролмади, нафрати қайнади, ғазаб билан тўлиқ, бўғиқ товуши билан ғижиниб сўйлади. М. Исмоилий, Фарғона т. о. Киноя ва аччиқлар билан тўлиқ мактубингизни олдим. А. Қодирий, Ўтган кунлар.*

2 Бекам-кўст, мукаммал, тўла. *Тўлиқ рўйхат. Асбобларнинг тўлиқ комплекти. Тўлиқ асарлар тўплами. ■ Мажлисда ҳамма масала ечилгандай, Аҳмедовдан сўралмаган ва тўлиқ жавоб олинмаган савол қолмагандай бўлган эди. А. Қаҳҳор, Кўшчинор чироқлари. Гектарлар тўлиқ, ниҳоллар баравж, текис шоналаган. «Ўзбекистон қўриқлари».*

**ТЎЛИҚЛАМОҚ** Расо, мукаммал, бут қилмоқ, расоламоқ, тўлдирмоқ, мукаммаллаштирмоқ.

**ТЎЛИҚМОҚ 1** Юраги тўлиб, ўзини аранг тутиб турмоқ. *Шохариқ бўйлаб Анорхон келиб қолди. У нимадандир хафа, куйин-*

ганидан тўлиқиб турибди. И. Раҳим, Ихлос. *Ёш йигит, юраги тўлиқади, ҳаприқади.* Э. Аъзам, Кечикаётган одам.

**2 кам қўл.** Керкмоқ, шишинқирамоқ. *Ширмонхон кўз ёшини сира тиёлмади. Қовоқлари шишиб, юзлари тўлиқиб кетди.* С. Зуннуова, Олов.

**ТЎЛИҚСИЗ** Тўлиқ бўлмаган, нотўла. *Тўлиқсиз комплект.*

**Тўлиқсиз гап тли.** Бирор бўлаги туширилган, лекин мазмуни осон тушунилаварадиган гап.

**ТЎЛМОҚ 1** Бўш жойи қолмай эгалланмоқ, банд бўлмоқ. *Ҳовуз тўлди. Зал тўлди. Кўча одамга тўлди. Қоп тўлди. Дафтарнинг икки бети тўлди. Кўзи ёшига тўлди.*

**2** Кўп ёки етарли миқдорда бирор нарсага эга бўлмоқ, эгаллаб олмақ, қамраб олмақ; қопланмоқ, бурканмоқ. *Гуллар ҳидига тўлган илиқ, маст қилувчи ҳаво. Ойбек, Танланган асарлар. Жажжигина хона билур қандилдан ёғилаётган нурга тўлган.. Ў. Ҳошимов, Қалбингта қулоқ сол. Фуломжоннинг юраги ачишди. Унинг юрагида шу аламлар захри тўлиб ётарди. М. Исмоилий, Фарғона т. о. Бир зумда эшик болалар чуғурига тўлди. М. Исмоилий, Фарғона т. о. Лолага тўлди дала, Чакканга тақ, чакканга. Сараси тарғил лола, Чакканга тақ, чакканга. Т. Тўла. Энг улуг байрам бугун, Келинг, ўртоқлар. Нурларга тўлди бугун Уйлар, ўтлоқлар. И. Мусулм.*

**3** кўчма Ҳис-туйғу, ички кечинма ва ш.к. билан ошиб-тошмоқ. *Онанинг юраги умид ва қувончга тўлди. Ойбек, О.в. шабадалар. Унинг [Лаълининг] бийрон-бийрон сўзларини эшитган Мирҳосил маҳлиё бўлиб қолди, кўкраги завк-шавққа тўлди. Ҳ. Фулом, Машғал. Гапингнинг ёлғони билиниб қолди, Шу сабабдан Ёдгор газабга тўлди. «Ёдгор».*

**4** кўчма айн. **тўлиқмоқ.** *Ужар эрдан тўлиб турган кампир бир оғиз гап билан ярасига юз сепгандек бўлди. С. Абдулла, Соялар. Ҳайдар ота ундан [кампирдан] Ёдгорбойни сўраб: -Хат келиб турибдими? — деган эди, кампир ўзи тўлиб турган экан, кўз ёши қилди. А. Қаҳҳор, Асрор бобо.*

**5** Сон-миқдор, вақтнинг маълум бир даражасини эгаламоқ. *Мен, ун олтига роса тўлмаган қиз, бирдан ёт ва катта оилага тушиб қолдим. Ойбек, Танланган асарлар. Ун беш кунга тўлганида ой, Кўкка чиқиб,*

*тунни ахтарди, Орқасидан баланд осмонда Олам-олам юлдузлар борди. Ҳ. Олимжон. Ҳурматли устознинг пойқадами етганига бугун роса уч йил тўлди. М. Исмоилий, Фарғона т. о. Пахта экдик, бўлсин деб, Шартномамиз тўлсин деб, Юз центнерга қўл қўйдик Душман куйиб ўлсин деб. «Кўшиқлар».*

**Куни (ёки қазоси, паймонаси) тўлмоқ** Куни битмоқ, қазоси етмоқ, ўлар чоғи келмоқ. *Худо сенинг ақлу ҳушинг олдимиз? Ажал етиб, сенинг кунинг тўлдимиз? «Рустамхон». Таралганда тоза гуллар сўлмасин, Омон бўлсин, паймонаси тўлмасин. «Эрали ва Шерали». Қазом тўлса, қадам босмай ўлайин. «Нурали».*

**6** Мукаммаллашмоқ, расо, бут бўлмоқ; ўрни қопланмоқ. *Гуруҳ тўлди. Штат тўлди. Чаласи тўлди. Зарарнинг ўрни тўлди.*

**Ақли (ёки мияси) тўлмоқ** Ақли ўсиб, вояга етмоқ, ақли етилмоқ. *Китоб ўқиган кишининг мияси тобора очилади, тўлади. П. Турсун. Ўқитувчи.*

**7** Эт қўймоқ; семирмоқ, тўлишмоқ. *Зайнаб Кумушнинг тўлиб етмаган гавдасига ва.. губор тегмаган ҳуснига ҳайрон бўлиб, мулоҳазасини айтишдан қўрқди. А. Қодирий, Ўтган кунлар. Салтанатхон курортдан қайтиб келдиларми? Ойдаи тўлиб, кундай кулиб келгандирлар бўлмасам? С. Абдуқаҳҳор, Санамай саккиз дема.*

**Ичи (ёки юраги) тўлмоқ** Тўлиқмоқ, диққинафас бўлмоқ, диққати ошмоқ. *Тўғриси, уйдаги гапларни ҳаммадан бекита-бекита, ичим тўлиб кетди. Ҳ. Назир, Ёнар дарё. Юраги тўлиб кетган пайтларида эса ҳаммаҳалласи Зубайдахонларникига чиқади. К. Яшин, Ҳамза. Кўнгли тўлмоқ қ. кўнғил. Сабр косаси тўлмоқ қ. сабр **2.** Уйи тўлиб қолди Кимсанинг сафардаги яқин кишиси келиб, унинг оиласи жамулжам бўлганда айтиладиган ибора. *Йигитча фронтчи акасининг келишидан, уйи тўлиб қолишидан қувончи ичига сиғмади. С. Аҳмад, Уфқ. Ўпкаси тўлмоқ қ. ўпка 1.**

**ТЎЛОВ 1** Тўламоқ фл. ҳар. н. *От ишлатганинда, нос пули, чой пули сўраб олганинда, қўлинг кўксингда эди, энди тўловига келганда жириллайсан. Й. Шамшаров, Тошқин.*

**2** Бирор мажбурият юзасидан ёки қарор, қонун ва ш.к. га мувофиқ тўланадиган пул, маблағ ёки нарса. *Биринчи тўлов. Иккинчи*

тўлов. Тўлов қоғози. ■ Бир рўзгорга қирқ хил тўлов.. ұласанми, қоласанми – иши йўқ. Ш. Тошматов, Эрк куши.

3 Товон, компенсация. Тўловига қолмоқ.

**ТҮЛОВДОР** Бирор тўлови ёки тўлов юзасидан қарзи, боқимондаси бўлган шахс, ташкилот.

**ТҮЛҚИН 1** Қаттиқ чайқалиб турган сув бетигаги пўртана; долға. Дарё тўлқини. Қайиқ тўлқинда қалқиб бормоқда. Денгиз тўлқинга келди. ■ Денгиз, мунча ҳовлиқасан, Қайиқларни иргатасан, Тоғдай-тоғдай тўлқинларни Соҳилларга сен отасан. Файратий. Бирдан сув чайқалиб, тўлқин турди. Тўлқин кўтарила-кўтарила, биз томонга етиб келди. Ҳ. Назир, Ёнар дарё. Кўприк тагидан шитоб билан ўтаётган Анҳор тўлқинлари гўё наstdан қайнаб чиқар ва юмалаб-юмалаб оқарди. П. Қодиров, Уч илдиш.

2 кўчма Шақли, ҳаракати ва б. белгиси билан шу ҳодисани билдирувчи нарсаларга нисбатан қўлланади. Шамол тўлқини. Қум тўлқини. ■ Ҳаво тўлқини зарбидан дарахтлар эгилар, шохлари синиб тушарди. А. Қаҳҳор, Олтин юлдуз. «Хонга арзга борамиз», «Жабр-зулмдан дод» деган халқ тўлқини Хивага томон оқиб келаверган. Ж. Шарипов, Хоразм. Унинг руҳи ашуланинг гоҳ жўшқин, гоҳ ипакдек, нурдек майин тўлқинида оқиб борарди. Шухрат, Шинелли йиллар. Тўлқин-тўлқин учиб келар куй, Юрагимни қучиб келар куй. Г. Жўраева.

3 кўчма Ҳис-туйғу, ички кечинма ва ш.к.нинг жўшқин ҳаракати, тўлғаниши, галаёни; тугён. Ҳазаб тўлқинлари. ■ Янгиер қандайдир катта бир қувонч тўлқинида сузар эди. Ш. Ғуломов, Ёрқин уфқлар. Мамлакатда.. хон-беклар зулми авжига минди. Буларни ўз кўзи билан кўрган Аваз нафратланиб, юрак тўлқинини қоғозга битди. Ж. Шарипов, Хоразм. Элмурод, ичидан тўлқин урган ғазабини яшира олмай.. сўради. П. Турсун, Ҳқитувчи.

4 физ. Физик муҳитдаги тебранма ҳаракат. Товуш тўлқинлари. Электромагнит тўлқинлар. Қисқа тўлқинлар.

5 Тўлқин (эркаклар исми).

**ТҮЛҚИНЛАНМОҚ 1** Тўлқинли ҳаракатга келмоқ. Сув тўлқинланди. ■ Пастда жуда катта лойқа кўл тўлқинланиб ётар.. эди. А. Мухтор, Қорақалпоқ қиссаси. Шамолда қум даласи денгиздай жимир-жимир

қилади, тўлқинланади. Ҳ. Назир, Ёнар дарё. Тўлқинланар орқада Сочлар майин бир ипак. Файратий.

2 кўчма Тўлқинга ўхшаш ҳаракатланмоқ, тўлқинни эслатувчи ҳаракат қилмоқ. Милтиқлар ўқталганда, халқ ҳам бир кўзгалиб, тўлқинланиб олди. М. Исмоилий, Фарғона т. о. Шу вақтгача тинч ётган халқ денгизи тўлқинланиб, босқинчиларни ютиб, йўқ қилиб юбориш даражасига келди. М. Осим, Аждодларимиз қиссаси. Мажлис ўтаётганда, зал гўё тўлқинланаётгандай эди. «Муштум».

3 кўчма Қайнаб тошмоқ, жўш урмоқ, галаён қилмоқ, тўлганмоқ, тугён урмоқ (ҳис-туйғу, ички кечинма ва ш.к. ҳақида). Қутилмаганда қалбимда ғурур ҳисси тўлқинланиб кетди. А. Мухтор, Давр менинг тақдиримда. Элмурод ичида тўлқинланган ҳаяжонни босиб гапирди. П. Турсун, Ҳқитувчи. Зокир булбул қайнаб-тошиб, тўлқинланиб куйлайверди. Ш. Бўтаев, Қўрғонланган ой.

**ТҮЛҚИНЛИ 1** Тўлқинланиб турган, тўлқинга келган, тўлқини бор (**тўлқин** – тўғри ва кўчма маънода). Тўлқинли дарё. Тўлқинли шамол. ■ Қора денгиз Тўлқинли денгиз.. Э. Воҳидов, Муҳаббатнома. Тарихнинг тўлқинли, ўтли изидан Қип-қизил қон тусли чечаклар тердим. Уйғун. [Нотиқлар] Бир-бирдан жўшқин, бир-бирдан тўлқинли сўзлардилар. Ойбек, Улуғ йўл.

2 физ. Белгили узунликка эга бўлган (физик тўлқинлар ҳақида). Қисқа тўлқинли нурлар. ■ Темир: -Қисқа тўлқинли радиопередатчик орқали қизлар билан танишамиз, – деб Тўлаганларнинг вагонига келаверди. А. Мухтор, Чинор.

**ТҮЛҚИНСИМОН** Тўлқинга ўхшаш, тўлқин тахлитида. Тўлқинсимон булут. Тўлқинсимон сирт. Тўлқинсимон ҳаракат. ■ Зинадан пастга тушмай, госпиталнинг юқори қават деразаларига қаради. Деразалар ойнаси оқ бўёқ билан тўлқинсимон бўялган. Шухрат, Шинелли йиллар.

**ТҮЛҒАМОҚ** ив. Чайқатмоқ; силкимоқ, тебратмоқ. Сулув оғир тулумни тўлғаб, қовоқ косадан жиндак сув хўплади-да.. яна ишга тушди. А. Мухтор, Қорақалпоқ қиссаси. Ойхон икки ўрим сочини тўлғаб, ўчоқдан бош кўтармай тўнғиллади. А. Мухтор, Кумуш

тола. Қодир гуваладек муштини ҳавода тўлғади. Н. Норқобилов, Бекатдаги оқ уйча.

**Бош (ёки бўйин) тўлғамоқ** кам қўлл. қ. бош, бўйин. *Итоатдан бош тўлғаган Тошкент устига, албатта, Мусулмонқул золим кўшин тортар.* А. Қодирий, Ўтган кунлар. *Бизлар бамаслаҳат нима десак, у бўйин тўлғамас.* А. Қодирий, Ўтган кунлар. **Юраги тўлғади** Қорни бураб оғриди.

**Тўлғанмоқ 1** Тўлғамоқ фл. ўзл. н. *Илон думи тўлғанишдан тўхтаб, ерга чўзилди.* М. Исмоилий, Фарғона т. о. *Шербек Нигорага ер остидан қаради.* Унинг йўғон икки ўрим сочи баланд қуймичида тўлғаниб ётарди. С. Анорбоев, Оқсой.

**2** Тўлқинли ҳаракатга келмоқ, тўлқинланмоқ. *Оҳ.. тортди қиз, гўёки дарё — Тўлғанди-ю қирғоқдан ошди.* Т. Тўла. *Қишлоқнинг чап унғуридан манғу куйини чалганича, тўлғаниб-тўлғаниб Оқдарё оқиб ўтади.* «Ёшлик».

**3** Алам-изтироб, безовталиқдан ўзини у ён-бу ёнга ташламоқ, безовталанмоқ. *Унинг [Элгелдининг] азобли тўлғанишига қараб фарёд кўтармаслик учун кечисиз бардош, тош юрак керак эди.* А. Мухтор, Қорақалпоқ қиссаси. *Уч дақиқали курашдан сўнг Мутал бўшашиди, илгариги кучанишларидан қолди ва бир-икки дафъа тўлғаниб, жимгина жон берди.* А. Қодирий, Ўтган кунлар. *Шермат ака.. кечаси билан ухлолмай, тўлғаниб чиқди.* А. Ҳайитметов, Пўлат бармоқлар.

**Тўлғин** кам қўлл. **1** Тўла, тўлиқ. *Навоий бир неча ойгина бир қадар сокин ишлай олди.* «Қуш тили» устида тўлғин завқ билан ишлади. Ойбек, Навоий.

**2** Тўла, этли, семиз. -*Овқат эмиш! Заҳар бер, заҳар!* — қиз қаддини ростлаб, алам билан қичқираркан, кўзлари ёнди, тўлғин кўкраги газаб билан мавжланди. Ойбек, Навоий.

**Тўлғоқ 1** Туғиш олдида қаттиқ оғриқ, дард билан бўладиган (тутадиған) ҳолат; дард. *Уни тўлғоқ тута бошлади.* ■ *Султон бўзчининг хотини Ойша бибини тўлғоқ тутиб ётганда, кўча эшигини биров қоқди.* Н. Сафаров. Султон бўзчининг неваралари.

**2** кўчма Оғир машаққат, қийинчилик; безовталиқ. *Умаралининг кўзига Зуннунов қандайдир безовта ва серташвиш кўринди.* Ростдан ҳам яраси янгиланганга ўхшайди. *Узини қўйгани жой тополмаяпти.* Тўлғоғи бежиз эмас. И. Раҳим, Ихлос. *Малоҳат эса, рассомнинг илҳом тўлғоғидан бехабар: тоғ ёнба-*

*ридаги табиат жаннатига — кўм-кўк қирларга сеҳрланиб тикиларди.* И. Раҳим, Тинимсиз шаҳар.

**Тўлғоқли 1** Тўлғоқ ҳолатли, тўлғоқ тутаётган ҳолатли.

**2** кўчма Безовта ҳолатли. *Қабр тепаидаги теракзорда доим ёпирилиб ётган қарғалар, қачон борсак, тўлғоқли, ҳаяжонли овоз билан қағиллагани қағиллаган эди.* А. Мухтор, Давр менинг тақдиримда.

**Тўмпаймоқ 1** Чўккалаб мук тушиб ётмоқ. *Ўроз билан Йўлчи оғизларини нақ тутунга еткизиб, тўмпайиб, галма-гал нуфлар шарди.* Ойбек, Танланган асарлар. *Болалар ўтирган ўринларида тўмпайиб ё турли вазиятда узала тушиб, бирин-сирин ухлашди.* Ойбек, Танланган асарлар.

**2** Туртиб чиқиб турмоқ, тўппаймоқ, қаппаймоқ. *Ён чўнтаги тўмпайиб турибди.*

**Тўмтоқ 1** Учи, тиғи ўткир бўлмаган, ўтмас (баъзи тешувчи нарсалар ҳақида). *Тўмтоқ игна.* *Тўмтоқ миҳ.* ■ *Уста қизнинг қовоғидан қоғозларни олиб, кипригини тўмтоқ қайчи билан қайираётган эди.* С. Аҳмад, Мўтти. *Қиличнинг тўмтоқ томони Йўлдошнинг калласига тегди.* С. Сиёев, Аваз.

**2** Олд, уч томони кесиб ташланган, кесилган (оёқ, кўл, бармоқ, дарахт ва унинг шохлари ҳақида). *Унинг тўмтоқ қўли билинар-билимас қалтирар, жағ мушаклари жимжилоқдай бўртиб лўқиллаётганди.* С. Кароматов. *Олтин қум.* *Новдалари қирқила бериб тўмтоқ бўлиб қолган қатор тут дарахтлари чорси карталарни ажратиб турибди.* Мирмуҳсин, Нуқра.

**3** Умуман, уч (бош, олд) томони ўткир бўлмаган, учли эмас. *Баширжон секин ўридан турди.* *Тўмтоқ бурни сал-нал керилиб, чуқур-чуқур нафас оларди.* Н. Аминов, Ёлгончи фаришталар. *Дадаси маҳаллада биринчи бўлиб галстук таққан, учи тўмтоқ ботинка кийиб, шимини устига туширганлардан эди.* Шухрат, Жаннат қидирганлар.

**4** кўчма с. т. Ақли, зеҳни унчалик ўткир эмас, билими, тушунчаси чекланган, тор. *Тўмтоқ одам.* ■ *Уч-тўрт кундаёқ Тожибойнинг ўқишга қунти йўқ, зеҳни тўмтоқ ўқувчилардан экани билиниб қолди.* П. Турсун, Ўқитувчи. *Устарани қайраб турилмаса ўтмасланганидек, одам ҳам ўз билимини орттирмаса, тўмтоқ бўлиб қолар экан.* А. Муҳиддин, Ҳадя. -*Биламан қурумсоқни, —*

деди камган, сўзга тўмтоқ чиффуруш бой-вачча. Ойбек, Улуғ йўл.

5 кўчма Мазмуни ёки тузилиши жиҳатидан қусурли; чала-чулпа, чўлтоқ, мужмал. *Тўмтоқ жумла, Тўмтоқ жавоб. Гапи тўмтоқнинг ўзи тўмтоқ.* Мақол. ■ [Қози:] Сиз аралашмай туринг, элликбоши, жоҳилсиз. *Тўмтоқ гапириб, ишнинг пачавасини чиқардингиз!* Ҳамза, Бой ила хизматчи. *Ҳожи хола.. шу билан ҳикоясини тўмтоқ қилиб тугатди.* М. Исмоилий, Фарғона т. о.

**ТЎН 1** Олди очик, пахтали ёки пахтасиз узун устки миллий кийим; чопон. *Кимхоб тўн. Зарварақ тўн. Олача тўн. Банорас тўн.* ■ [Аваз] Тўнини кийиб, белини маҳкам танғиб, уйдан чиқди. С. Сиёев, Аваз. *Хосият буви бўлса кундузию кечаси тўн тикарди.* С. Зуннунова, Гулхан. *Аваз сингиси олиб келган пахталик тўнга ўраниб.. қабристон оралайди.* С. Сиёев, Ёруғлик.

2 кўчма Пўст, қобиқ. *Қовуннинг тўни. Тўни кўк қовун.*

3 кўчма Либос. *Баҳор келди элимизга, Яшил тўн кийди дала.* И. Муслим, Сенинг совғанг. *Шаҳар ичидаги баъзи дарахтлар алақачон яшил тўнини ечиб, қорни кутар..* Газетадан. *Қизлар унинг [Нафисанинг] ғазаб ва изтироб тўнида эканини билдилар.* Ш. Фуломов, Ёрқин уфқлар. *Нафсиламрда эрса, орамиз жуда бузилган, мен ҳам ўша вақтларда чин кундошлик тўнини кийган эдим.* А. Қодирий, Ўтган кунлар.

**Бақа тўн(и)** Қўлмак сувда ҳосил бўладиган яшил (тўқ яшил) юмшоқ қатлам. *Одамлар шундай секин қимирлар эдиларки, худди бақа тўни босган қўлмак сувдай бир жойда турганга ўхшар эдилар.* Ш. Ризо, Қор ёғди, излар босилди. **Гапга тўн кийгизмоқ** Гапни жуда бошлаб, қойилмақом қилиб гапирмоқ. *Оббо сиз-е.. Хўп гапга тўн кийгизасиз-да..* Н. Сафаров, Оловли излар. **Тўн бичмоқ** Асл ҳолат асосида ёки уни кўрмай-билмай хулоса қилмоқ, иш қилмоқ. *Кадрларнинг савлатига, сўзамоллигига қараб эмас, уларнинг ишига, истеъдодига қараб тўн бичинлар.* «Муштум». *Кабинетдан туриб тўн бичишлариغا қараганда, Шовот, Қижкўпир, Хонқа районларидаги китоб савдоси яхши.* «Муштум». **Тўн кийгизмоқ** Тўн ҳалая қилмоқ, тўн билан сийламоқ. *Назарбой совчиларни оқ ўтовга киргизиб, олдига дастурхон ёзиб, икковига тўн кийгизиб сўради..* «Ойсулув».

**Тўнини (ёки тепа тўнини, телба тўнини) тескари киймоқ** Ўжарлик қилмоқ, қайсарлик томонига ўтмоқ. *Тўнглик қилсангиз, тўнини тескари кийиб олади — ундан қайсари йўқ.* С. Анорбоев, Оқсой. *Бир қараса, ундан меҳрибон одам йўқ, бир қараса, тепа тўнини тескари кийиб олади.* С. Аҳмад, Чўл шамоллари. *Отаси Умурзоқ Зокиров шу йилнинг июнь ойидаёқ телба тўнини тескари кийиб, этак қоқиб, уйдан чиқиб кетган.* «Муштум».

**ТЎНАМОҚ** Тунда йўлини тўсиб, босиб ечинтирмоқ, таламоқ. *Худди шу бугун кечаси самоварга тушган аллақайси чорвачи бойни ўғрилар тўнаб, ўзини ўлдириб кетган экан.* Ф. Фулом, Шум бола.

**ТЎНГ 1** Ёқимсиз, қўпол, дағал. *Ҳамма-ни бездирадиган тўнг сўз, қовоқ солиш уларда бўлмайди.* Газетадан. *Латофат Зокир-жоннинг бу тўнг муомаласи замирида нима борлигини асло тушуна олмас эди.* Файратий, Довдираш. *Уни зулматдан қарийб фарқ қилмайдиган ним ёруғлик эмас, ҳеч бир маъно англаймайдиган ажабтовур тўнг сукунат ҳам қаршилади.* А. Дилмурод, Фано даштидаги қуш. *Усмонбек ўсиқ қошлари тагидан янада тўнгроқ қаради.* Ш. Тошматов, Эрк қуши.

2 Ёқимсиз (дағал) муомалали; кўрс. *Тўнг одам.* ■ [Устани] Ансамблдан бўшатиб юборайлик деймиз-у, яна, қари одам — тиркичилиги нима бўлади, деймиз. *Ўзи ҳам ўлғудай тўнг.* Мирмуҳсин, Созанда. *Яшириб нима, Тўхтаназар кўрс, тўнг, ичкиликка ружу қилган.. меҳнатга бўйин бермасди.* Й. Шамшаров, Қаҳрамонлик йўли.

3 кам қўл. Тўнгиб, музлаб қолган, музлаган. *Тўнг дарё.* ■ *Биз ҳамла бошладик тўнг қирғоқларда.* Миртемир.

**Тўнг бўйин** Бўйин бермайдиган, бўйин эгмайдиған, ўжар. *Бўйин эгиб ҳар тўнг бўйин дарёлар, Биз истаган йўлга бурилди, юрди.* Ҳабибий. *Чунки бу ердаги тўнг бўйинлар.. кундалик иш, касб-корлари бўлган пахтачиликни тамоман ёдларидан чиқарганлар.* «Таниш башаралар».

**ТЎНГАК** Тўнка, кунда. *Тол тўнгаги. Тўнгак ковламоқ.* Қўполдан тўнгак айлансин. Мақол. ■ *Ақлли [одам] тўнгакка нозик ерини, ёриладиган ерини топиб туриб, болта уради — ақли билан ёради, ўзини қийнамайди.* М. Исмоилий, Фарғона т. о. *Сидиқжон сал юргандан кейин йўл бўйидаги каттакон*

тўнгдакда ўтирган хотинни кўрди. А. Қаҳҳор, Кўшчинор чироқлари.

**ТўНГЛАМОҚ** *шв.* Тўнгмоқ. [Қизларни] Эритаман деб тагин ўзингиз тўнглаб қолманг, ефрейтор. 3. Фатхуллин, Сўнмас юлдуз. Эчки гўштининг ёғи оқ тусда ва тўнглайдиган бўлади. К. Маҳмудов, Ўзбек тансиқ таомлари.

**ТўНГЛИК** Тўнг хусусиятга эгалик, тўнг шахсга хос хусусият, хатти-ҳаракат. - Мен ўз бошимга ўзим ҳоким! — тўнглик билан жавоб берди Тўғонбек. Ойбек, Навоий. Алдагани бола яхши деганларидой, Тўламат мўйлов бола табиат; яхши гапнинг қули. Тўнглик қилсангиз, тўнини тескари кийиб олади — ундан қайсари йўқ. С. Анорбоев, Оқсой. Қиёмов билан анчадан бери чиқишмай юради — бунга сабаб ўзининг тўнглиги, тўғрисўзлиги бўлса керак. Мирмуҳсин, Умид.

**ТўНГМОҚ 1** Музлаб қотиб қолмоқ, музламоқ. Дарё тўнгди. Шўр тўнгмас, аҳмоқ ўнгмас. Мақол. ■ Музёраннинг палубасида тўнгадиган қанақа суюқлик бўлса, ҳаммаси тўнгиб, музга айланади. П. Қодиров, Уч илди.

**2** кўчма Совуқ қотмоқ, совуқ емоқ, совуқ қотмоқ. Совуқда қолиб, жуда тўнгиб кетдим. ■ Нормат ака Каримжонга яқинлашиб: -Оёйгиз тўнган бўлса керак. Отдан тушинг, бир оз тепиниб, оёқларни эпқага келтириб олайлик. Ё. Шукуров, Камолот.

**3** Қуюқлашмоқ, қотмоқ. Тўнгиб қоладиган ёғ.

**ТўНИҚ** Қора булут босган, булутли. У қорни шиддатли элаган тўниқ кўкка қарайди, хўрсинади. Ойбек, Танланган асарлар.

**ТўНКА 1** Кесилган ёки синиб тушган дарахтнинг ердан учи чиқиб турган, илдилари билан бирга ер остидаги қисми; тўнгак. Тўнка ковламоқ. ■ Тўнкалар жуда кўп ҳам бир-бирига жуда яқин. Ер эса тош-метин. Ойбек, Танланган асарлар. Кўчага чиқиб, толнинг қазиб олинмаган тўнкаси устида — ошхонанинг орқасида утирардим. М. Мансуров, Ёмби.

**2** кам қўлл. айн. **кунда 2.** -Кел, болам, камнамосан, — дўконхона бурчагида усти ейилган, текис катта косиб тўнкаси орқасида ишлаётган Шоқир ота, одатдагича, кўзойнагини оз-моз кўтариб деди. Ойбек, Танланган асарлар. Баҳайбат, улкан хона ўртасида каттакон бир юмалоқ тўнка турарди: ток-

чадаги шам ёруғида бу — кесилган ёнғоқ дарахтининг катта тўнкаси эканини билди. Мирмуҳсин, Меъмор.

**3** Қалди-басти, шунингдек, муомаласи кўпол шахсни билдиради. Шайх Исмоил билан анави тўнка — Бузрук эшон Шоҳимардонни ёппасига тўйга айтган.. К. Яшин, Ҳамза.

**ТўНКАМОҚ** Кимсага ағдармоқ, кимсадан кўрмоқ (ножўя иш, хатти-ҳаракат, айб ва ш.к. ни). Қилгилиқни қилиб, бировга тўнкайди. ■ Ориф ёлгончилик қилиб, ҳамма айбни менга тўнкагани учун.. сал бўлма-са йиғлаворай дедим. «Ёшлик». Э, қўйинг-е! Илгарилари айбингизни об-ҳавога тўнкамас эдингиз-ку! Уйғун, Навбахор.

**ТўНКАРМОҚ** Остини устига, устини остига қилиб қўймоқ; ағдармоқ, тўнтармоқ. Қозонни тўнкариб қўймоқ. Тўлқин қайиқни тўнкариб юборди. ■ [Элмурод] Чойхоначи берган қора патнисни олдига тўнкариб, «рўйхат формаси» деган катта рўйхат қоғозларини ёйди. П. Турсун, Ўқитувчи. Аваз сомсанинг устига товоқ тўнкариб қўйиб, чойни шопиришга тушди. С. Сиёев, Аваз.

**ТўНЛИ** Тўн кийган. Азизбек.. Райимбек додхоҳ ва олабайроқ тўнли кишига саркардаларидан бўлган кимларингдир бошларини кўрсатмоқда. А. Қодирий, Ўтган кунлар.

**ТўНМОҚ** *шв.* Кўзини тикиб қарамоқ; тикилмоқ. Бир зўр дарахт кўринди, Ўшанга кўзи тўнди. Ҳ. Олимжон. -Келиб-келиб қизингни бир ялангоёққа бердингми? — деди бой Малика холага тўниб. Н. Фозилов, Оқим.

**ТўНТАРИШ 1** Тўнтармоқ *фл.* ҳар. н. Қозонни тўнтариш. Қайиқни тўнтариш.

**2** сиёс. Давлатни, ҳокимиятни куч билан ўзгартириш, ағдариш, қўлга олиш. Сиёсий тўнтариш. ■ Профессор.. Ироқда давлат тўнтариши бўлгани.. ҳақида гапириб, [Умидга] турли саволлар берарди. Мирмуҳсин, Умид.

**ТўНТАРИҒЛИҚ** Тўнтарилган, тўнкарилган, тўнтариб қўйилган. Чироқни тўнтарилғиқ сопол товоқчага қўйиб, ўзи сандалга ўтирди. М. Исмоилий, Фарғона т. о.

**ТўНТАРМОҚ 1** Остини устига, устини остига қилиб қўймоқ, ағдармоқ, тўнкармоқ. Йўлчи токчада ётган шамни ёқиб, бир пиёлани тўнтариб, унинг устига шамни ўтқазди. Ойбек, Танланган асарлар.

**2 сиёс.** Давлатни, ҳокимиятни куч билан ўзгартирмоқ, ағдармоқ, қўлга олмақ, тўнтариш қилмоқ.

**Тўнқаймоқ** Тик оёқ устида ёки тиз чўкиб, бошини қуйи, орқаси (кети)ни юқори қилмоқ. *Тўнқайиб, икки оёқ орасидан қарамоқ.* ■ *Чол тўнқайиб, пешонасини бордонга қўйганида, тепада Бойтеватнинг шарпаси сезилди.* Мирмуҳсин, Тунги чақмоқлар.

**Давлатига тўнқаймоқ** 1) ношукурлик қилмоқ, нонкўрлик, кўрнамаклик қилмоқ; 2) кўрсатилган иззат-ҳурматни билмай кеккаймоқ, ҳаддан ошмоқ.

**Тўнқатар** *тар.* Амир саройида улугларни отдан туширувчи лавозимли киши. *Ясовуллар.. деҳқонни ёқасидан ушлаб, арк дарвозасига судраб олиб бордилар ва тўнқатарнинг буйруғи билан уни ўн беш таёқ уриб, ундан хизматона ва жаноби олий ҳақиға дуо олгандан кейин қўйиб юбордилар.* С. Айний, Куллар.

**Тўнғиз 1** Ёввойи чўчқа, қобон; умуман, чўчқа. *Ер овлоқ бўлса, тўнғиз тепада чиқар.* Мақол. *Эшак — иши билан, тўнғиз — тиши билан.* Мақол. ■ *Унинг [Турсунбойнинг] қамиш чайласи олдидан ўрдаклар учадди, яқингинасидан тўнғизлар ўтади.* С. Аҳмад, Уфқ. *Қамиш ўрмонларнинг бир хилдаги салобатли шовуллаши билан тўлган жимжитлик тўнғиз овчиларининг гоҳо узоқларда гумбурлаган миттиқлари товўшидан бузиллади, холос.* А. Мухтор, Қорақалпоқ қиссаси. *Бизникилар: «Карам шўрва ичмаймиз, тўнғиз гўшти солади», дейишган эди, гўшт-ёғни ҳам ўз қўлимизга берадиган бўлишди.* И. Раҳим. Чин муҳаббат.

**2** кўчма Тарбия кўрмаган, нодон ёки виждонсиз одам ҳақида; шу ҳайвонга нисбатли ҳақоратни билдиради. *Мухтарам қайин отамизга! Сиз билан мени қоронғи зиндонларга тушириб, дор остларигача тортган.. Ҳомид исмли бир тўнғизни, ниҳоят, икки йиллик саргардонлик сўнгида.. тунроққа қориштиришга муваффақ бўлдим.* А. Қодирий, Ўтган кунлар. *-Кет, тўнғиз, кет, тавба қилиш замони ўтди.. — дер эди халқ.* А. Қодирий, Ўтган кунлар. *-Анави тўнғизнинг хириллаб ухлашига ҳавасим келяпти, — у Фаввосни кўрсатди.* Мирмуҳсин, Меъмор.

**3** Мучал йил ҳисобида ўн иккинчи йил номи. *Унинг йили — тўнғиз.* ■ *Ҳай, Шукур*

*камтир, мучалинғиз тўнғиз бўлиб, сафар ойининг ўн бирда туғилганмисиз, нима бало, сира эл бўлмайсиз-а? А. Мухтор, Опа-сингиллар.*

**Тўнғиз йили** Мучал йил ҳисобида ўн иккинчи йил (қ. **мучал**).

**Тўнғизтароқ** Бир йиллик, баъзилари кўп йиллик баланд бўйли, тўпгулли, тўпгули етилганда кийим-бошга, ҳайвонлар танасига ёпишадиган ўтсимон ўсимлик. *Нусратилла икки кунгача унинг [тойчанинг] ёлига тўнғизтароқ ёпиштириб уйнади-ю, кейин қарамай қўйди.* А. Мухтор, Опа-сингиллар. *Этакка ёпишган тўнғизтароқларни юлиб ташлаб, «барака» қидиришлар ҳам.. ҳамма-ҳаммасида қайтиб келмас орзулар бор эди.* Ў. Ҳошимов, Қалбинга қулоқ сол.

**Тўнғилламоқ 1** Ўз-ўзича ғўнғиллаб, тушуниб бўлмайдиган қилиб, ғудурлаб гапирмоқ; пўнғилламоқ. *У алланималар деб тўнғиллади.* ■ *Бир сониялик сукутдан сўнг ўрнига чўзилиб, тўнғиллади.* С. Кароматов, Сўнги бархан. *Толиб ака яна нима балолар деб тўнғиллади.* Аммо энди Аҳмад без бўлиб ўтирарди. Ф. Мусажонов, Ҳиммат.

**2** Норозилик оҳанги билан, кўрс гапирмоқ. *-Кул, ҳа, кул! Сенга шунақа кулги бўлса! — тўнғиллади* Сувонжон. С. Анорбоев, Оқсой. [Салимжон] *Бора-бора уйга пўнғиллаб кириб, тўнғиллаб чиқиб кетадиган бўлиб қолди.* А. Муҳиддин, Давлат қораловчиси.

**Тўнғич 1** Энг катта (биринчи фарзанд ҳақида). *Тўнғич бола.* ■ *Моҳирабонудан икки ўғил ва икки қиз дунёга келиб, тўнғичи — Азимбек, ундан кейингиси — Ҳушрўй, учинчиси — Каримбек ва тўртинчиси бизнинг Зайнаб эди.* А. Қодирий, Ўтган кунлар.

**2** кўчма Энг биринчи, дастлабки. *Чирчиқ дарёси бўйларида кимё ва энергетика саноатининг тўнғич корхоналари бунёд этилди.* Газетадан. [Чевар қиз] *Шу тола Мирзачўл ерида етиштирилган ҳосилнинг тўнғич чанокларидан олинганини билармикин? Р. Файзий, Кишиларимиз қиссаси.*

**Тўп 1** {ф. *توپ* — копток; парча, ўрам, (газмол)} *айн.* **копток 1.** Футбол тўпи. Тўп уйнамоқ. *Рақиб дарвозасига тўп киритмоқ.* ■ *Бола ўтириб олиб, жон-жаҳди билан тўпни пуфлашга тушди.* Ҳ. Назир, Чўл ҳавоси. *Қоронғи тушгунча қўшни болалар билан тўп тепишдик.* Ҳ. Назир, Ёнар дарё.

**Қўл тўпи** Икки жамоа аъзоларининг тўпни қўлда муайян қоидалар асосида бир-



бирларига ошириб, рақиб дарвозасига кири-тишга қаратилган спорт ўйини. *..спортнинг қўл тўпи, футбол, теннис, шахмат-шашка, волейбол каби турли секциялари ишлаб туритти. «Муштум».*

**ТЎП II** [ф. *توپ*] **I** айн. **тўда**. *Тўдан айрилганни бўри ер. Мақол. ■ Уч давангир йигит орасида келаятган Маъсума бека дарҳол ўзини шоҳи мато сотаятганлар тўпига урди. Мирмуҳсин, Меъмор. Аёл картотекадан бир тўп хатни олиб, кўз югуртира бошлади. «Гулдаста». [Аёл] Пахтасини келтириб, хирмондаги энг катта тўпга тўка бошлади. М. Исмоилий, Фарғона т. о.*

**2** Фабрикада ўралган, ҳали бузилмаган ўлчовли газмол; газмол ўрами. *Бир тўп чит.*

**ТЎП III I** Узун стволли, қуруқлик ва сувдаги ёки ҳаводаги нишонларга зарба берадиган артиллерия қуроли; замбарак. *Танкка қарши ўқ отадиган тўп. Тўп ўқи. Тўпга тутмоқ. ■ Кимдир артиллеристлардан бири 76 миллиметрли тўпни судраб келиб, Нормат окопининг ёнига ўрнатди. И. Раҳим. Чин муҳаббат. Тонг ёрпир-ёримас Оқтепа томонидан тўп ота бошладилар, А. Қодирий, Ўтган кунлар. Қаердадир тўплар шошилмасдан, вазмин гумбурайди, ора-сира пулемётлар асабий такиллаб қўяди. Ойбек, Куёш қораймас. Ўзинг биласанки, қисм хужум бошлашидан илгари артиллерия душман позициясини қаттиқ тўпга тутади. А. Қаҳдор, Олтин юлдуз.*

**2** кўча айн. **тўпатар**. *Тўпга яқин, қўёшнинг ўтли нафаси зўрайиши билан буг йўқолиб, ҳамма ёқ чарақлаб кетди. А. Муҳиддин, Ҳ. Тожибоев, Оташ қалбли қиз. Тўндан кейин Лукмончанинг онаси этиб келди. А. Мухтор, Туғилиш.*

**ТЎП VI тақл. с.** Юмшоқ нарсанинг ерга урилишидан чиқадиган кучсиз товуш ҳақида. *Олма тўп этиб ерга тушди. Ташқарида бир нарса тўп этди.*

**ТЎПАЛАНГ** шв. Тўполон.

**ТЎПАР** қ. **тўпир**. *Бир тўпар от келаяпти майдондан. «Гулихиромон».*

**ТЎПГУЛ** Попук ёки шода, бошоқ, каллак, соябон шаклида бутунлик ҳосил қилган гуллар мажмуи. *Мураккаб тўпгуллар.*

**ТЎПДАЙ, -дек I** Тўпга ўхшаш, тўп сингари. *Ажали етмаган экан, бола бечора соғ қолди.. Нақ бошимдан ошириб отди. Тўп-*

*роққўргондаги тўндай гумбуради савил. Ойбек, Танланган асарлар.*

**2 с. т.** Қуруқ, мойсиз, тўпондай. *Тўндай ош.*

**ТЎПИЛЛАМОҚ** «Тўп» этган овоз чиқармоқ, «тўп» этмоқ. *Олма тўпиллаб ерга тушди. ■ Йигитча уйга тўпиллаб кириб келди-да, ҳеч нарсадан ҳеч нарса йўқ, стол устига кичкина бир тугунчани қўйди. Ё. Хаимов, М. Раҳмон, Ҳаёт-мамот.*

**ТЎПИР** шв. Тўп, тўда; одамлар тўпи, халқ. *Ҳамма ёқ қабристон жимлигидай унсиз, ваҳимали.. ҳар жой-ҳар жойда тупроқ, қум тўпирлари. А. Ҳакимов, Илон изидан. Киндик қони тўкилган она тўпиридан ким жудо бўлгиси келади. Ж. Абдуллахонов, Тўфон.*

**ТЎПИЧОҚ** қ. **тўбичоқ**. *Тўпичоқни минганда, Тез юришига ундаймиз.. «Кўшиқлар». Отинг бўлса тўпичоқдан, Ёл, қуйруғи бир қучоқдан. «Кўшиқлар».*

**ТЎПИҚ** Болдир суягининг пастки учидаги ён томонга туртиб чиққан дўмбоқ қисми. *Тўпиқ суяги. ■ Лўмбоздай ғилдирак тош думалаб бориб, ўнг оёғи тўпиғига қарс этиб урилди. Ҳ. Назир, Сўнмас чақмоқлар. Ниҳоят, бир қарорга келгандай эгилиб, Шербекнинг этигини ечишга уринди. Бефойда. Тўпиғи, панжаси шишиб, этикни ёриб юборғудай тирсиллаб турарди. С. Анорбоев, Оқсой. ..далада бир кўктошга тойиб, тўпиғимни чиқариб олдим. С. Сиёев, Ёруғлик. Ёз кунлари Найманчанинг кўчалари тўпиқдан чанг бўларди. А. Мухтор, Опа-сингиллар.*

**Дунёни сув босса, тўпиғига чиқмайди (ёки тўпиғидан келмайди) қ. дунё.** **Тўпиқ ўйини** Тўпиқ суягини ўйновчилардан бирига, сўралганда дарҳол кўрсатиш шарти билан, бериб ўйналадиган писандали ўйин. *Тўпиқ ўйнаб, битта ўтиришга тушдим. Тўпиғини яламоқ* Хушомадгўйлик қилмоқ, оёғини (товонини) яламоқ. *Кўрқма, жинни! Қачонга-ча тўпиғини ялайсан.. П. Турсун, Ўқитувчи.*

**ТЎПЛАМ I** Маълум тартибда тўпланган бир турдаги нарсалар йиғиндиси; коллекция. *Қадимги танга-чақалар тўплами.*

**2** Маълум тартибда тўпланган ва нашр этилган асар, қонун, қарор ва ш. к. мажмуи; мажмуа. *Шеърлар тўплами. ■ Тўпламда шоирнинг сара масаллари жамланган. Газетадан.*

**3** Тўп, тўда, уюм. *Бир тўплам ўтин.*

**ТҮПЛАМОҚ 1** Битта-битта териб ёки супуриб, сидириб, бир ерга йиғмоқ, тўп, тўда ҳолга келтирмоқ. *Тукилган олма­ларни тўплаб кўйдим. Кумни тўплаб кўй. ■ [Йўлчи] Мўлжаллаган миқдорини ўриб бўлди. Сўнг, уюм-уюм тўплаб, кенг қўлочига сиққанча кўтариб, бойнинг ташқарисига таши­моққа бошлади. Ойбек. Танланган асарлар. Ола­хўжа шошилиб, лаганлардаги ошларни бир лаганга тўплади. Бошқалар қўлларини ар­тишди. П. Турсун, Ўқитувчи.*

**2** Йиғиб кўпайтирмоқ, қўр қилмоқ, жам­ғармоқ. *Маблағ тўпламоқ. ■ Акбар пул тўплаб.. қачондир Ҳиндистонга саёҳат қилишни орзу қиларди, тилагига етдимикан? Х. Султонов, Онамнинг юрти. Сиз ҳам нафс­га берилиб, жуда кўп сийму зар тўплаган­сиз.. П. Қодиров, Юлдузли тунлар.*

**3** Турли манбалардан олиб, бир бутун, яхлит ҳолга келтирмоқ, йиғмоқ; тузмoқ, тартиб этмоқ. *Коллекция тўпламоқ. Гербарий тўпламоқ. Маълумот тўпламоқ. Диссерта­ция учун материал тўпламоқ. Навоий шеър­ларини тўпламоқ. Колхоз чорвачилик соҳаси­да катта тажриба тўплади.*

**4** Чақириб, чорлаб, бир ерга йиғмоқ, уюштирмоқ. *Самарқанд обидаларидек санъат асарларининг бунёд бўлишига ҳомийлик қил­ган, жаҳонга донғи кетган одамларни тўп­лаб, уларга шароит яратиб берган одам эзгуликни ҳис қилмаслиги мумкин эмас. Ў. Ҳо­шимов, Қалбингга қулоқ сол. Биз мактабда урушга кетганларнинг расмини тўплаётган эдик. Э. Раймов, Ажаб қишлоқ.*

**5** Кўчма Борини бир ерга йиғмоқ, йиғиш­тирмоқ (куч, диққат-эътибор ва ш.к. ни). *Ҳушини тўпламоқ. Бутун иродасини тўп­ламоқ. ■ -Нима? – шу вақтгача паришон турган Ҳури фикрини тўплади. Ф. Мусажо­нов, Ҳури. У бутун кучини тўплаб, дарахтга чирмаша бошлади. Н. Сафаров, Тилсимчи­лар. [Йўлчи] Сўнгги зарба учун бутун ғазаби­ни, кучини, иродасини тўплади-да, бир қўли­ни ерга тираб, бошини ердан узди. Ойбек, Танланган асарлар.*

**6** Юзага келтирмоқ, ҳосил қилмоқ. *..ўқ­ариқдан ҳатлаб ўтди-да, қийғос ҳосил тўп­лаётган ғўза тупларидаги кўсақларни санай бошлади. Газетадан. Тоғ бағирларида асалари­ларнинг мўл ва шифобахш асал тўплаши учун шароит етарли. Газетадан.*

**ТҮПЛОВЧИ 1** Тўпламоқ фл. сфдш. *Аъзо­лик бадали тўпловчи.*

**2** Бирор асар, мажмуа ва ш.к. ни тўпла­ган, тартиб этган шахс, тузувчи.

**ТҮПОЛОН 1** Беҳаловат, тартибсиз ўйин, шўхлик. *Бола-да. Бола бўлгандан ке­йин, тўполони, шўхлиги билан бўлади-да!* Шухрат, Шинелли йиллар. *Ҳамроев кечки овқатдан кейин бирпас чўзилмоқчи бўлган эди, тўғри келмади: нариги уй тўполон – болалар бир-бирини ёстиқ билан уриб ўй­наётибди. А. Қаҳҳор, Айб кимда? Ҳар бир тўйда тўполон қилиб, беармон ўйнаб-қулиш­га ўрганган болалар бу «улуғ тўй»дан норози эдилар. Ойбек, Танланган асарлар.*

**2** Умуман, бетартиб говур-ғувур ҳаракат; югур-югур, қий-чув, ур-йиқит. [Жўра:] *Оғай­ни, бу яна нима тўполон?* И. Султонов, Бур­гутнинг парвози. *Сен тўполонда билмадинг. Мелис иккаламиз Фани тўтини ҳам роса дўп­посладик. Э. Раймов, Ажаб қишлоқ. Ваҳима­га тушган кўшин бирдан ўзини орқага таш­лади, аммо ур-сур тўполонда кўприкка сиг­май, от-уловлари билан сувга тутдай тўки­ла бошлади. П. Қодиров, Юлдузли тунлар.*

**3** Уриш-жанжал, дамаша, можаро. *Ар­зиманган гап устида дунё бузган кундош тў­полонлари кимнинг қўлоғига ёқсин?* А. Қо­дирий, Ўтган кунлар. *Шербек Оқсойга тўрт кун деганда, тўполон устига етиб келди. С. Анорбоев, Оқсой. Бир тўполон чиқазиб, обрўсини уч пул қилай дедим-у, яна шайтон­га ҳай бердим. «Муштум».*

**4** Кўчма Исён, ғалаён. *Тўполон чиқармоқ (кўтармоқ). ■ [Навоий:] Шохим мандан ни­ма истайдилар. [Ҳусайн:] Дарवेशали тўпо­лонини бартараф қилиш ва фитначини ти­риклай тутиб келтиришни ўзларига ҳавола қилсак. Уйғун ва И. Султон, Алишер Навоий. Суворий казаклар кимдандир дарак топиб, ғалаённи бостиргани келишган эди. Тўполон босилиб, мадраса олди жимжит бўлгач, яна казармага қайтиб кетдилар. С. Сиёев, Аваз.*

**ТҮПОЛОНЧИ 1** Беҳаловат ўйинни, шўх­ликни яхши кўрадиган, ортиқ даражада шўх. *Тўполончи бола. ■ Малика тўполончи­роқ, Холдор эса ҳамма вақт қўлларини қовуш­тириб, «интизом» бўлиб ўтирарди. Ж. Аб­дуллахонов, Тонг ёришган соҳилда. Шундай тўполончи боланинг бирданига ювош бўлиб қолганини кўриб, синфдошлари ҳайрон эди. Ў. Ҳошимов, Қалбингга қулоқ сол.*

2 Бекорга, бўлар-бўлмасга уриш-жанжал қилаверадиган, жанжалкаш. *Тўполончи хотин.* ■ *Республикада безорилар ва тўполончилар йилдан-йилга камайиб бормоқда.* Газетадан.

**ТЎПОЛОНЧИЛИК** Тўполончига хос хатти-ҳаракат. *Биров [Садриддиннинг] дарс вақтида ўтирмаслиги.. бошқаси тўполончилиги натижасида синфдаги болаларга кун бермаётгани ҳақида арз қилади.* А. Шомирзаев, Бизнинг муаллима.

**ТЎПОН 1** Донни янчиш ва тозалашда чиқадиган чиқинди; майда чори ёки йирик кепак. *Мен бир оз тўпон юборғизаман. Икки хил ем, майин беда — кўк чиққунча етади шулар.* И. Раҳим, Зангори кема капитани.

2 *махс.* Қизиган темир, мис, кўрғошин кабиларга ишлов берганда тўкиладиган зарралар; кукун. *Қизиган темирни чўзганда, сандон остига тўкилган майда темирлар «тўпон» деб аталади.* М. Муҳаммаджонов, Турмуш уринишлари. *Кошинпаз учун қарноб тупроги, оқ қум.. мис тўпони, кўрғошин тўпони керак.* Мирмуҳсин, Меъмор.

3 Умуман, чанг, тўзон.

**ТЎПОНДАЙ** Куруқ, мойсиз; тўпдай. *Кўй, бўлди, Бувисара, агар ўша кунги мошкичрингни ёғли десанг, кам ёғи қанақа бўлади, тўпондай эди-ку.* В. Ғофуров, Вафодор.

**ТЎПОРИ** Жуда содда, оддий, қилвирликни билмайдиган. *Тўпори одам.* ■ *Бутун ўқиш даврида кўзга ташланмаган, ҳатто баъзан кулгили ҳазилларга нишон бўлган бу оқ кўнги, тўпори йигит [Рустам] фронтда ўз ўрнини топиб олди.* В. Ғофуров, Вафодор. *Қишлоқ қизларини биласан, анча тўпори бўлишади.* М. Исмоилий, Фарғона т. о. *Баширжон тўпори куринган кекса шоирнинг байти жуда тез ва осонгина ёзганига қойил қолди.* Н. Аминов, Суварак.

**ТЎПОТАР** эск. Кундуз соат 12 пайти; туш, чошка, тўп (авваллари Тошкентда шу пайтда тўп отилар эди). *-Вой ўлмасам, тўпотар бўлиб қолибди-ку! - деди [Ҳожия хола] бир вақт соат стрелкасининг 12 рақами устида турганини кўриб.* В. Ғофуров, Вафодор. *Унсин тумшугига тунука қопланган чойнакка чой дамлаб, иккита кулча билан Шокир отага узатди: -Отажон, тўпотар бўлди, чой ичин!* Ойбек, Танланган асарлар.

**ТЎППАЙМОҚ** Дўппаймоқ, тўмпаймоқ. *Кўприк тагидан ўтгач, йигит сув четидан*

*тўппайиб чиқиб турган қайрағоч илдизига интилиб бориб, маҳкам ёпишиди.* Мирмуҳсин, Чиниқиш.

**ТЎППИ** с. т. Дўппи. *Унинг зар билан текхилан жуда чиройли тўпписи бир эди.* А. Қаҳҳор, Асарлар.

**ТЎППОНЧА** Яқиндаги нишонга ўқ узиш учун белгиланган, ёнда олиб юриладиган қурол; пистолет, револьвер. *Тўппонча отмоқ. Тўппончадан ўқ узмоқ.* ■ *Бўронбек тўппончасини яланғочлаб, ота-болага ўқталиб турди.* Ҳ. Фулом, Машғал. *У тўппончасини яхшилаб текшириб, филофига солди-да, ёстиқ тагига қўйди.* Ж. Шарипов, Хоразм.

**ТЎПТОШ** Қиз болаларнинг майда тошларни ташлаб-илиб олиб ўйнайдиган ўйини ва шу тошларнинг ўзи. *Саодатниг ҳам, Анорнинг ҳам тўптош ўйнаш даври ўтганда, бўлмаса, улар ана шу думалоқ, силлиқ, ранг-баранг майда тошларни этакларига тўлдириб олишарди.* И. Раҳим, Ҳаёт булоқлари. *Улардан беш-олти қадам наридаги сангзор бўйида қизчалар.. тўптош ўйнашар эди.* П. Қодиров, Қора кўзлар.

**ТЎПХОНА** [тўп III + хона] *тар.* Ўрта Осиё хонликларида: тўплар, қурол-аслаҳалар сақланадиган жой; арсенал. *Биринчи тўқинишда ўз лашкарбошиси ва тўпхонасини қўлдан берган амир яна ҳийла йўлини тутди.* С. Айний, Қуллар.

**ТЎПЧИ** Тўп отувчи, тўп билан қуролланган қисмда хизмат қилувчи; артиллериячи, артиллерист. *Бу тепа устида доимий тўпчи ва қоровулар турар эдилар.* А. Қодирӣ, Ўтган кунлар. *Тўпчилар ҳолдан кетиб йиқилгунча отдилар.* Ойбек, Куёш қораймас.

**ТЎР I 1** Умуман, ҳар қандай материалдан катак-катак кўзли ёки бежамдор қилиб тўқилган нарсас; асбоб, буюм ва ш.к. нинг шундай нарсадан иборат қисми. *Сим тўр. Футбол дарвозасининг тўри.* ■ *Каптархонани каптарлардан холи ва [каптархона] оғзидаги новадан тўқилган тўрларни бузилган кўриб ҳайрон бўлади.* А. Қодирӣ, Обид кетмон. *Асалариларни парварии қилишда, асал олишда бошга ҳимоя тўри кийилади.* «Зоология». *Этақдаги сим тўр ортида товуклар қақағлайди.* Ў. Ҳошимов, Қалбингга кулоқ сол. *Ҳамхонам каравот тўрини гижирлатиб, ўрнига ётди.* Ў. Усмонов, Сирли соҳил.

2 Табиий ёки сунъий толадан катак-катак кўзли ёхуд бежамдор қилиб тўқилган

газмол; тюль. *Нафис тўр. Ин тўр. Пардабон тўр. Тўр нарда.* ■ -Нима ҳақда ёзиш ҳам жуда муҳим масала, — давом этди у. — *Лекин.. мана шу тюль, — деб у дезазаларга тутилган нафис гулли оппоқ тўрни кўрсатди.* П. Қодиров, Уч иллиз.

**3** Шундай тўқилмадан иборат буюм. *Эрталаб, одат бўйича, Нури тўр рўмол ёпиниб, бешикдаги боладан то кексаларга қадар — ҳаммага салом қилар экан.* Ойбек, Танланган асарлар. *Қора тўр қўлқоп кийиб, юзига сачвонга ўхшаш тўр тутган илъянали хотин уни кўриши билан.. афтини буруштирди.* С. Аҳмад, Ҳукм. *Зухра бегимнинг юзи оқ ипақ тўр ортудан аниқ кўринмас эди.* П. Қодиров, Юлдузли тунлар.

**4** Шундай катаклар шаклида тўқилган (ишланган), балиқ ёки қуш овлаш учун ишлатиладиган буюм, асбоб. *Бедана тутадиган тўр. Тўр билан балиқ овламоқ.* ■ *Пирнафас ака қайиқ, тўр.. санчқи сотиб олди.* Ж. Шарипов, Хоразм. *Овчи секин-аста тўрнинг ипини тортибди, ҳамма каптар тўрга илинибди.* «Эртақлар». *Дарёга қармоқ ташлаган киши илинганини олади-да, қайси бир балиқчи тўрга тушган лаққани ташлабди.* И. Раҳим, Чин муҳаббат.

**5** кўчма Кўлга таушириш, илантириш воситаси; дом, тузоқ. *Кўй, болам, Оқтошга зинҳор бормагин, Ёш баччасан, тўрга тушиб қолмагин.* «Нурали». *Бойвачча яна ошиқ. Шаҳзода унинг яна кимга тўр ташлаётганини сезиб қолган.* К. Яшин, Ҳамза.

**6** Умуман, шундай тўқилмага ўхшаш, уни эслатувчи нарса. *Тўри тарам-тарам, ёқимли ҳиди гуркураётган қовунлар..* «Саодат». *Ҳозир Дўстбек билан Аҳмад Танбал бизни ўргимчак тўридай чирмаб келурлар.* П. Қодиров, Юлдузли тунлар.

**Тўр II** Пойгакдаги жойга нисбатан юқоридаги жой, умуман, жойнинг юқори, яъни қуйига қарама-қарши томони. *Ардоқли меҳмонни тўрга ўтқазмоқ. Ғалчани иззат қилсанг, чориғи билан тўрга чиқади.* Мақол. *Тентак тўрини бермас.* Мақол. ■ *Полвон тик туриб, отасининг тўрга ўтишини кутди.* Ж. Шарипов, Хоразм. *Марҳамат! Бу уйнинг тўри — сизники, Тўйга келгувчилар мингдан кам эмас.* Ф. Фулом. [Элмурод] *Қурилишининг икки томонини кўздан кечириб, унинг битгач, қандай бино бўлишини тасаввур қилади: синфлар, зал, залнинг тўрида ўқитувчилар хонаси.*

П. Турсун, Ўқитувчи. *Ноибнинг мулозими ҳовли тўрига қочди.* С. Сиёев, Аваз.

**ТўРА I тар.** Юқори табақага мансуб киши; зодагон, оқсуяк, аристократ. *Бу икки қаватли катта ҳовли Азлархон тўранинг ҳовлиси эди.* Ойдин, Ҳазил эмиш.

**2 тар.** Хонлар даврида ва чор Россияси даврида Туркистонда катта амалдор, ҳоким. *Унга жавоб қилмай, ҳокимдан сўради: -Нима қилайлик бўлмаса, тўрам? М. Исмоилий, Фарғона т. о. Эллиқбоши.. уйлади: «Маҳкамага бориб, Ҳакимбойваччанинг обрусини дастак қиламан. Тўраларнинг оғзига уриш учун пулни бойвачча беради. Мандан нима кетади, қабул қилаверай».* Ойбек, Танланган асарлар.

**3** Ҳўрмат юзасидан ёки улуғлаб, кишиларнинг номига, унвонига, мансабига, шунингдек, кўчма маънода баъзи нарсаларни билдирувчи сўзларга қўшиб ишлатиладиган сўз. [Содиқ:] *Ҳа-ҳа-ҳа, балли, Мутал тўрам!* А. Қодирий, Ўтган кунлар. [Муллаўст ўзига ўзи:] *Оббо, ҳай бу кун-эрта ёр-ёр, чилдирма бака-банг, қиблага қараб куёв тўрам ўтирадилар.* Ҳамза, Майсаранинг иши. *Қудрат ака, паловхон тўра ўзларини жуда азиз қилиб кўйдилар, қарздормиз.* Н. Сафаров, Уйғониш. *Мана, ёнига коньяк тўрани қўйиб, тўнғич ҳосил билан дастурхонни безатдим.* Ш. Рашидов, Бўрондан кучли.

**4** кўчма Расмиятчи, расмиятпараст, бюрократ. *Бошқарма идорасига жойлашиб қолган икки-учта ўзбилармон тўранинг бебошлиги туфайли ишлар кетга кетганди.* Ш. Фуломов, Ёрқин уфқлар.

**5** Тўра (эркаklar исми).

**ТўРАЛАРЧА I** Зодагонларга, аристократларга хос равишда. *Тўраларча кеккайиш.*

**2** Расмиятпарастларга, бюрократларга хос равишда. *Сиз бу тенгсиз гўзалликка, бутун бир ўлканинг тақдирига тўраларча қўл силтамоқдасиз,* А. Мухтор, Чинор.

**ТўРАМИЖОЗ** айн. **ангирт.**

**ТўРАЧИЛИК** Ишга, ўз вазифасига расмиятчилик билан қараш, қуруқ расмиятпарастлик; бюрократизм. *-Энди, сиз қолибмидингиз тўрачилик қилмаган! — деди Турсуной.* Ҳ. Назир, Ўтлар туташганда. *Идорабошқарув аппарати учун сансалорлик, тўрачилик.. тамомила ёт нарсадир.* Газетадан.

**ТўРВА** Кичкина қопчиқ; халта. *Бўз тўрва.* Бир тўрва ёнғоқ. ■ *Кўрбоши ҳам, тўрвасини йўқотган гадойдек, қушбегининг чап*

ёнига, Кумушбидининг юқорисига бориб ўтирди. А. Қодирий, Ўтган кунлар. *Ҳар хил асбоб-ускуналар солинган тўрвасини катта темирга илиб, обкашидан елкасига қўйиб олган челек тузатувчи гуркураган овози билан жимжит маҳаллага жон киргизиб борарди: -Чела-ак ту-за-та-ма-ан!* П. Турсун, Ўқитувчи.

**Тузлуқ тўрва** қ. **тузлуқ**. **Тўрва қоқди** Охирги фарзанд, кенжатоё. *Ҳайдар Абдурахмон отанинг кенжа ўғли.. тўрва қоқди боласи эди.* М. Муҳамедов, Қаҳрамон изидан. *Айниқса, Мавлон аканинг тўрва қоқдиси.. Нишонбой серхархаша.* Ҳ. Фулом, Машғал.

**ТўРИҚ** Қора қизил, тўқ жийрон (от туси ҳақида). *Тўриқ от.* ■ *Отабек тўриқ йўрғани чиқариб, қутидорга тутди.* А. Қодирий, Ўтган кунлар. *-Нигора?! - Шербек қизиб кетган тўриқнинг тизгинидан тортар экан, ўз кўзига ишонмагандек тикиларди. - Қайси шамол учирди? С. Анорбоев, Оқсой.*

**ТўРЛАМА** Пўсти тўр билан қопланган, тўрлаб, етилиб пишган (қовун ҳақида). *Тўрлама шакарпалак.* ■ *Алижон бошмалдоғини найза қилиб, тўрлама қовунларни бир уриб учуриб юборади.* Мирмуҳсин, Чиниқиш.

**ТўРЛАМОҚ 1** Ипни тўр шаклида кесиштириб тикмоқ, шу йўсинда тикиб, бирор юзани қопламақ. *Пайпоқни тўрлаб ямамоқ.*

**2** Тўр шаклида кесишган чизиклар билан қопланмоқ, тўр ҳосил қилмоқ (етилган, пишган қовун ҳақида) (қ. **тўр 1 б**). *Шакарпалак тўрлай бошлабди.* ■ *Тарвузлар бир қучоқ, тўрлабди қовун..* Миртемир.

**3** кўчма Умуман, шундай шаклни (тўр шаклини) олмоқ. [*Темир тоға*] *Тўрлаб кетган қадоқ қўлларини бир-бирига ишқаб, ийгитларнинг кўзига тикилди.* Ҳ. Нуъмон ва А. Шораҳмедов, Ота. У.. *кўзойнагини қанширидан олиб, кўкиш томирчалари тўрлаб кетган энгагини оқ рўмолча билан артиб қўйди.* А. Мухтор, Давр менинг тақдиримда.

**ТўРС** Тўнғ, кўпол, дағал, кўрс. *Тўрс одам.* *Тўрс гап.* *Тўрс гапирмоқ.*

**ТўРСАЙМОҚ** Қовоқ солмоқ, тумтаймоқ. *-Гапимга ҳеч қулоқ солишмайди, - деди тўрсайиб Раҳим.* Ҳ. Назир, Сўнмас чақмоқлар. *Эрининг гапирмай, тўрсайиб бораётгани [Меҳринисанинг] юрагини сиқарди.* Р. Файзий, Ҳазрати инсон. *-Ҳой яхшилар! Нега бундай тўрсайиб чиқиб кетяпсизлар!? Ш. Бўтаев, Қўрғонланган ой.*

**ТўРСИҚ 1** Меш, саноч. *Бир тўрсик қимиз.* ■ [*Бозорнинг*] *Қимирлашга дармони йўқ, ичида бир жойи ловуллаб ёнади, тўрсикдаги илиқ сувни ичган сари, қора тер босади танини.* А. Мухтор, Чинор. *Бир кулбанинг соясида уч-тўрт кўчманчи қўлларида заранг ко-са ушлаб, қимиз тўла тўрсикларни эзгилаб ўтирар эди.* М. Осим, Элчилар.

**2 с. т.** ҳазил Лўмбиллаган катта эмчак.

**ТўРТ 1** 4 рақами ва шу рақам билан ифодаланган сон, микдор. *Тўрт кун.* *Тўрт сўм.* *Тўрт килограмм.* *Тўртдан бир улуш.* *Ўндан тўрт ҳисса.* *Тўрт баравар оширмоқ.* ■ *Тўрт атрофда садоқатли дўстлар, ҳамфикрлар.* Ш. Рашидов, Бўрондан кучли. *Ёнига тўрт нафар ясовул олиб, Султонли йўлга тушди.* А. Қодирий, Меҳробдан чаён. *Бой чой қоғозга ёзилиб, тўрт букланган хатни очди.* Ойбек, Танланган асарлар.

**2** Беш балли баҳо тизимида: аълодан кейинги яхши баҳо. *Ҳамма дарслардан тўрт олдим.*

**Тўрт кўз тугал** (ёки **тугаллик билан**) қ. **тугал**. **Тўрт кўз билан кутмоқ** ёки (икки) **кўзи тўрт бўлмоқ** қ. **кўз**. **Тўрт муча** қ. **муча 1**. **Тўрт оғайни** қ. **оғайни**. **Тўрт томонинг қибла!** қ. **қибла**.

**ТўРТБУРЧАК 1** сфм. Тўрт томони тенг бўлган; чорси, квадрат. *Тўртбурчак ҳовли.*

**2 айн.** **тўртбурчаклик**.

**ТўРТБУРЧАКЛИК** мат. Қарама-қарши томонлари параллел, тўртта бурчакли геометрик шакл. *Тўғри тўртбурчаклик.*

**ТўРТИНЧИ 1** Тартиб қатори, ўрни 4 рақами билан белгиланган, 4 номерли. *Тўртинчи уй.* *Тўртинчи бет.* *Тўртинчи синф.* ■ *Ниҳоят, тўртинчи куни ов бароридан келди.* А. Қаҳҳор, Олтин юлдуз.

**2** Катта-кичик нарсаларнинг учинчидан катта, бешинчидан кичик ўлчами. *Тўртинчи калиш.*

**3 от, тар.** Октябрь тўнтаришининг дастлабки кунларида, фуқаролик уруши йилларида большевикларга берилган ном (большевиклар Таъсис мажлисига сайловларга кўрсатилган номзодлар рўйхатида тўртинчи ўринда бўлган). [*Мухтор:*] *Бугун қўлга олиндиغان тўртинчиларнинг рўйхати Тўрабекка топширилган. Тўрабек бу топшириқни ба-жара олмаса, эртага ишимиз барбод бўлади.* А. Раҳмат, Абдулла Набиев.

**ТҮРТКҮЗ 1** Ит лақаби. *Бу итни биламан – Қосимжон бойваччанинг итлари, мени танийди.. Маҳ, Тўрткўз, маҳ! Ҳа, бетавфиқ, ювош эдинг-ку! А. Қаҳҳор, Миллатчилар.*

**2 с. т. дағл.** Кўзойнакли киши ҳақида.

**ТҮРТЛАМЧИ 1** шв. Тўртинчи. *Тўртламчи гапим шуки..*

**2 кт.** Бирор нарса ёки ҳодиса жараёнида тўртинчн ўрин тутадиган, тўртинчи даражали ёки тўртинчи навбатда юзага келган, ҳосил бўлган. *Тўртламчи система (геол.), Тўртламчи давр (геол.).*

**ТҮРТЛИК 1** ад. Тўрт мисрадан иборат, тугал мазмун ифодасига эга бўлган шеърый шакл; қитъа; мурабба.

**2** Тўрт кишидан иборат бўлган гуруҳ. *Тўртлик мажлиси. Тўртлик комиссия.*

**3** Тўртга холи бўлган карта. *Фиштиннинг тўртлиги.*

**ТҮРХАЛТА** Тўр тўқиб ишланган, катак-катак кўзли халта. *Тўрхалта кўтарган аёллар дам у дўконга, дам бу дўконга ўзини уради. Ж. Абдуллахонов, Хонадон. ..қўлида катта тўрхалта тўла нарса билан илжайганча эшикдан Шаҳоб кириб келди. Л. Тожиева, Меҳрим сизга, одамлар.*

**ТҮРҚОВОҚ** Бедана ва б. сайроқи кушлар сақлаш учун ярим палла қовоқ пўчоғи ёки ёғоч гардишга тўр тўқиб ясалган қафас. *Чинор шохига илинган тўрқовоқдаги бедана бетиним сайрайди. С. Кароматов, Олтин қум. Бу жимликни фақат богларнинг чайлаларига осилган тўрқовоқлардан чиққан «вавағ, вавағ, питпилик, питпилик» садолари бузиб турар эди. С. Айний, Қуллар.*

**ТҮРҒАЙ 1** Чумқуқсимонлар туркумининг бир оиласига мансуб кичкина сайроқи кушларнинг умумий номи. *Дала тўрғай. Қора тўрғай. ■ [Элмурод] Кўзларини қисиб, кўм-кўк осмонга қарар экан, қанотини дириллатиб, бир ерда сайраб турган тўрғайни кўрди. П. Турсун, Ҳўқитувчи. Бир шўх бўз тўрғай Фуломжон бошидан кетмай ҳадеб бўзлар, нималардир сўзлар эди. М. Исмоилий, Фарғона т. о.*

**2** Ўзбек халқ мумтоз куйларидан бирининг номи.

**ТҮС 1** Қайин дарахтининг эгарчиликда ишлатиладиган пўстлоғи.

**2** Махсус қора бўёқ. *Шам қаршисида қизарган шаҳло кўзлари, ёш билан сингган жингила киприклари, чимирилган тўсдек қо-*

*ра қошлари уни [Кумушни] аллақандай бир ҳолга қўйган эдилар. А. Қодирий, Ўтган кунлар.*

**3** кўчма Қора, қоп-қора. *Йигит тўс мўйловини ҳимариб кулди. Ҳ. Назир, Қанотлар.*

**ТҮСАТ** кам қўлл. қ. **тўсатдан.** *Пайдо бўлди тўсат бир чол ва бир ит. Т. Тўла. Бўрон турса тўсат ёки дўл, жала. Миртемир.*

**ТҮСАТДАН** рви. **1** Хаёлга келмаган ҳолда; кутмаганда, кутилмаганда. *Тўсатдан меҳмонлар келиб қолди. Тўсатдан қаттиқ шамол турди. ■ Эшик тўсатдан қаттиқ итарилди. Узоқда Шоқосимнинг ким биландир хириллагани эшитилди. Ойбек, Танланган асарлар. Бошимга биров тўсатдан катта бир калтак билан ургандек бўлди. О. Ёқубов, Тилла узук.*

**2** Файриихтиёрий равишда, беҳосдан, бирдан. *[Йигит] Тор кўчанинг ярмисига етгач, тўсатдан орқасига қайрилиб қаради. А. Қодирий, Ўтган кунлар. Тўсатдан оёқларидан мадор кетиб, қалтирай бошлаганини сезди. Ў. Ҳошимов, Қалбингга кулоқ сол.*

**3** Сездирмай туриб бирдан, дабдурустдан. *Бешиктерват ўлжаси яқинлашиши билан тўсатдан, яшин тезлигида сапчиб, уни ушлаб олади. «Фан ва турмуш».*

**ТҮСИН** Иморатнинг ва, умуман, ҳар қандай қурилма ёки иншоотнинг томи, ораёпмалари, полига кўндаланг солинган бақувват ёғоч, темир ёки бошқа нарса. *Ёғоч тўсин. Темир тўсин. ■ Ёнидаги йигит.. ўзини сувага ташлади, кўприк тўсинига илинган жасадни йигитлар ёрдамида қирғоққа чиқарди. Ж. Шарипов, Хоразм. Ўрмондан келтирилган тўсин ва ёғочлардан ерости бостирмалари тайёрланмоқда. И. Раҳим, Чин муҳаббат.*

**ТҮСИНБОП** Тўсинга ярайдиган, тўсин бўладиган. *Тўсинбоп ёғоч.*

**ТҮСИНДАН** айн. **тўсатдан.** *У тўсіндан бетоб бўлиб қолди. ■ Ғўзалар ерда тўрт энлик кўтарилиб, дала бўйлаб кўм-кўк чизиклар кўзни қувонтирганда, бир вақт, тўсіндан ҳаво айниди. Ойбек, О.в. шабадалар.*

**ТҮСИНЛИ** Тўсини бўлган. *Ўн бир тўсинли уй.*

**ТҮСИНЛИК** айн. **тўсинбоп.** *Тўсинлик ёғоч. ■ Биз қишлоққа тушиб, тўсинлик те-рак топамиз. «Ўзбекистон кўриқлари».*

**ТҮСИҚ 1** от Йўлни тўсиш, бекитиш, ихота қилиш ёки икки жойни бир-бирдан

ажратиш учун ясалган қурилма; гов, иҳота. *Чий тўсиқ. Ҳарбий тўсиқ. Сув тўсиқдан ошиб ўтди.* ■ *Ҳадемай, шох-шаббалардан катта тўсиқ ҳосил бўлди.* С. Аҳмад, Қадрдон дала-лар. *Шифтгача етиб бормаган фанер тўсиқ орқали гаплар баралла эшитиларди.* П. Қодиров, Уч илдиз. *Танклар унча-мунча тўсиқни назар-писанд қилмай, даҳшат ва ишонч билан масофани қамрарди.* Ойбек, Қуёш қораймас.

2 *кўчма* Тўсқинлик, қаршилиқ; тўғоноқ, гов. *Тўсиқ бўлмоқ.* ■ *Ҳаёт нашидаси шу кураш, хавф-хатар, тўсиқларни энгиб ўтиш, интилиш борлиги учун ҳам қизиқ, лаззатли.* С. Нуров, Нарвон.

3 *сфт.* Тўсилган ҳолатли, тўсиб қўйилган. *Тўсиқ йўл. Ҳовузнинг атрофи тўсиқ.*

**ТЎСИҚЛИ** Тўсиб, ажратиб қўйилган, тўсилган; тўсиқ. *Тўсиқли йўл.* ■ *Элмурод чий тўсиқли айвон олдидан аста одимлаб, ўз хужрасига ўтди.* П. Турсун, Ўқитувчи,

**ТЎСИҚЛИК** кам қўлл. Тўсқинлик, қаршилиқ, монелик. *Тўсиқлик қилмоқ.* ■ *Дадаси ўз сўзли, вақти келганда, ҳар қандай монеликни яқсон қилувчи забардаст кекса бўлганидан, унинг қизга уйланишига тўсиқлик қилиш мумкин эмаслигини англади.* Ойбек, Танланган асарлар.

**ТЎСИҚСИЗ 1** Тўсилмаган, очик. *Тўсиқсиз йўл. Тўсиқсиз ҳовли.*

2 Ҳеч қандай қаршилиқсиз, монесиз. *Тўсиқсиз иш.* ■ *Бўлинма бир ярим километрча тўсиқсиз, отишмасиз йўл босди.* Ҳ. Фулом, Тошкентликлар.

**Тўсиқсиз эргаш гап тлш.** Бош гапнинг мазмунига зид, аммо унга тўсиқ бўла олмайдиган мазмунли эргаш гап.

**ТЎСМОҚ 1 1** Тўсиқ қуриб, гов солиб, ўтиб бўлмайдиган қилмоқ, бекитмоқ ёки иккига ажратмоқ. *Дарёни тўсмоқ. Ҳовлини чий билан тўсиб олмақ.*

2 Тўсқинлик қилмоқ, йўлига гов бўлмоқ, йўналишига тўсиқ бўлмоқ; ўтказмай қўймоқ, тўхтатмоқ. *Баҳор қўлларини кўтариб, кичкина нам кафтлари билан ғир-ғир шабадани тўсди.* Ш. Рашидов, Қудратли тўлқин. -*Ўғил, қандай бўлмасин, отанинг қули бўлади, — элликбоши бойваччанинг олдини тўсди.* Ойбек, Танланган асарлар. *Сизга ўхшаш даллоларга ҳожат йўқ. Мен сизни хўп синаяман. Сиз халқ бўронини тўсмоқчиси-сиз?* Ойбек, Танланган асарлар.

**Йўлини тўсмоқ 1)** йўл бермай тўхтатмоқ; ўтказмай қўймоқ. *Сув йўлини чим босиб тўсди.* ■ *-Керак эмас, кира кўрманг!* — *йўлни тўсди* Ҳури. Ф. Мусажонов, Ҳури; 2) *кўчма* қаршилиқ қилмоқ, монелик кўрсатмоқ, тўғоноқ бўлмоқ, тўғоноқ солмоқ. *Биз тантанали, қизғин, ғайратли, оммавий иш бошлаш билан ҳамма иғволарнинг йўлини тўса оламиз.* А. Мухтор, Опа-сингиллар; 3) йўлтўсарлик қилмоқ. *Бу ерларда мени ёлғиз билдингми? Йўл тўсмоқчи бўлиб, чиқиб келдингми?* «Ёдгор».

3 Пардалаб, пана қилиб бекитмоқ, пардаламоқ, паналамоқ. *Саҳнани қизил духоба нарда тўсди.* ■ *Фуломжон қизнинг чап қулоғини тўсиб турган жингалак зулфига тикилиб тўхтади.* М. Исмоилий, Фарғона т.о. *Чайла эшигини шинели билан тўсиб.. титраб-қақшаб гуеурт чақди.* Ойбек, Қуёш қораймас.

**ТЎСМОҚ II** Чақалоқни, ёш болани ҳожат учун қулай вазиятда тутиб, ушлаб турмоқ.

**ТЎС-ТЎПОЛОН** Беҳад тартибсизлик, бесаранжомлик. ур-йиқит, жанжал-тўполон. *Тўс-тўполон қилмоқ. Тўс-тўполонини чиқармоқ.* ■ *Бола-чақалар бўлмаганидан, уйлари бизникига ўхшаш тўс-тўполон эмас — ийгинчоқли..* Ф. Фулом, Шум бола. *Ойпошиша қайтиб келмади. Тўс-тўполон бошланди. Ойпошишанинг қочгани тўғрисида эрталаб дув-дув гап тарқалди.* П. Турсун, Ўқитувчи. *Бир муддат ўтар-ўтмас, даштда тўс-тўполон кўтарилди, отлар кишна, қиличу қалқонларнинг шарақ-шуруғи, бақариқ-чақариқлар авжга чиқди.* Мирмуҳсин, Меъмор.

**ТЎС-ТЎС: тўс-тўс бўлмоқ** Ҳар ён тарқалмоқ, сочилмоқ, қочмоқ, тумтарақай бўлмоқ. *Додҳо куён инини ижарага олгач, бошқа «катта»лари ҳам тўс-тўс бўлиб кетди.* Ҳ. Шамс, Душман. **Тўс-тўс қилмоқ** Ҳар ён тарқатмоқ, қочирмоқ, сочмоқ, тумтарақай қилмоқ.

**ТЎСҚИН** Бирор иш-ҳаракат, чора-тадбир, ният ва ш.к. га гов бўлиб тушган, халал бераётган, тўғоноқ солувчи (наrsa) қаршилиқ, тўсқинлик. -*Орзуларим бор, журналист бўлишни истайман — деди, — лекин дардисар тирикчилик тўсқин,* Ойбек, Нур қидириб. *Бизга ҳам тўсқин бўлишлари мумкин.* Ш. Рашидов, Бўрондан кучли.

**ТЎСҚИНЛИК** Тўсқин, гов бўлувчи ҳолат, вазият, нарса. *...музокаралар бошлашни истаса, бундай музокараларга келишув учун ҳеч қандай тўсқинлик йўқ.* Газетадан. *Дониёров.. участкадаги ҳамон судралишга сабаб бўлаётган асосий тўсқинликларни исботлай бошлади.* Ж. Абдуллахонов, Тўфон.

**Тўсқинлик қилмоқ** (ёки **кўрсатмоқ**) Тўсқин бўлмоқ, қаршилик кўрсатмоқ. *Инсоннинг эркига тўсқинлик қилиш ҳам, унинг истак ва интилишини поймол қилиш ҳам ваҳшийлик.* П. Турсун, Ўқитувчи. *...муслмонларга қадамжоларни зиёрат қилиш учун тўсқинлик кўрсатишмайди.* К. Яшин, Ҳамза. *Шундай раислар бор, илгорларга суйнади, яши ташаббусни қўллаб-қувватлайди. Бизнинг раис тўсқинлик қилишдан бошқани билмайди.* Н. Сафаров, Ҳаёт мактаби.

**ТЎСҚИНЧИ** 1 Йўл тўсувчи; йўлтўсар, қароқчи.

2 Умуман, тўсқинлик, қаршилик қилувчи. *Меҳнат қўли-ла ҳадсиз Ер сийнаси кулди. Тўсқинчи, ганим, душман Йўқлиққа сурилди.* Файратий.

**ТЎСҚИНЧИЛИК** 1 Тўсиш, йўлтўсарлик, қароқчилик. *Кечалари тўсқинчилик қилмоқ.*

2 *айн. тўсқинлик.* [Тўлаган] *Мавжуд бўлган имкониятлардан тўла фойдаланишга ва йўқ имкониятларни яратишга нималар тўсқинчилик қилаётгани тўғрисида гапириб кетди.* А. Қаҳҳор, Қўшчинор чироқлари. *Вой, ўзингиз ўқиган одам бўла туриб, озодликка тўсқинчилик қиласизми?* А. Қаҳҳор, Оғриқ тишлар.

**ТЎСҚИЧ** 1 Тўсиқ қилиб қўйилган (нарса). *Каримов Норбувини тўхтатди. Кўприкнинг икки ёнига қоқилган эгри, ёғоч тўсқичига суйандилар.* Ҳ. Шамс, Душман. *Машиналарнинг гилдираклари кўприк четига қоқилган тўсқич ходаларга қадалиб тўхтади.* «Шарқ юлдузи».

2 *эск. клапан* 1, 3.

**ТЎСҚОВУЛ** *эск.* Қоровул, соқчи, Сен Чамбилнинг тўсқовули йўқ кўчаларини биласан. «Бўтакўз». *Деди: ҳар кимнинг эрки ўз қўлида, На гов, на тўсқовул бордир йўлида.* Ҳабибий.

**ТЎТИ** [ф. *طوطى*] 1 Тропик ўрмонларда яшайдиган, кўпчилик тури чиройли, рангбаранг патли қуш. *Илҳом самоварчи одамни кўпроқ чақиршиш учун тўти сақлагандай, Ҳо-*

*жи бобо уста Салимни тўти қилиб боқар эди.* Ф. Фулом, Шум бола. *Тоғлардаги оҳулар, ўрмондаги тўтилар, чамандаги булбуллар ҳам ёлғиз эмас, жуфт яшайдилар.* А. Қодирий, Меҳробдан чаён.

2 *кўчма* Жуда гўзал, нозанин аёл ҳақида. *Қизлар мажлиси гуллар, лолалар, тўтилар, қумрилар мажлиси!* А. Қодирий, Ўтган кунлар. *Бир қиё боқдим, илдиндм тўтининг занжирига, Ҳеч илож тополмадим парвадигор тақдирига.* М. Исмоилий, Фаргона т. о.

3 *кўчма* Тақлидчи, ўзганинг гапини такрорлайдиган шахсга нисбатан қўлланади.

4 Тўти (хотин-қизлар исми).

**ТЎТИДАЙ**, -дек 1 Тўтига ўхшаш, тўти сингари. *Тўтидай бировнинг гапини қайтармоқ.*

2 *кўчма* Жуда чиройли, гўзал аёл ҳақида. *Иккита тўтидек хотинингиз бек акам учун сочини тараб ўлтирадир.. тагин қанақа каму кўст?* А. Қодирий, Ўтган кунлар. *Оҳ, агар менинг ҳам болам бўлса эди, тўтидек қилиб ясантириб қўяр эдим-да, бағримга босиб-босиб эмизардим.* Уйғун, Турсуной.

**ТЎТИЁ** [ф. *توتيا* – мис зангидан ҳосил бўлган кристалл] 1 Мис купороси (тиниқ кўк йирик кристаллардан иборат модда, мис сульфат).

2 *эск.* Эски вақтларда кўз оғриғига қарши ёки кўзни равшан қилиш учун кўзга суртиладиган дори.

**Кўзга тўтиё** Жуда азиз, муқаддас ёки ноёб нарса ҳақида. *Тупроғинг кўзимга тўтиё бўлсин.* Н. Сафаров, Уйғониш. **Тўтиё қилмоқ** Тўтиёдек кўзга суртмоқ, эъзозламоқ. *Тўтиё қилсам муқаддас тупроғини, не ажаб, Ўйласам, роҳат топар ҳар лаҳза жоним, ас-салом. Ҳабибий. Мен нечун севаман Ўзбекистонни, Тупроғин кўзимга айлаб тўтиё?* А. Орипов, Юртим шамоли.

**ТЎТИҚУШ** *айн. тўти.* Фақат кенжатоий индамайди.. *отасининг олдига келади: -Дада, тўтиқуш олиб беринг.* С. Нуров, Нарвон. *Уне деса тўтиқуш монанд, Мен ҳам тилга жо қилармишман.* Э. Воҳидов, Шарқий қирғоқ.

**ТЎФОН** [а. *طوفان* – кучли сув тошқини; зўр ғавго, тўполон] 1 Шиддатли бўрон, довул. [Нормат] *Икки кечагача уйқу ололмади, кўзини юмса, теракнинг шовуллаши тўфон босиб келаётгандай кучаяверди.* А. Мухтор, Опа-сингиллар. *..шунча бўрон, сел ва тўфонларга бардош берган тоғ кичкина бир*



махлуқ [сичқон] олдиди бағри тешилиб, чил-парчин бўлади. У. Исмоилов, Сайланма. Тўфонларни сеувуви Нухим, Сукунатга қулоқ солсанг-чи. А. Шер.

**2** кўча Алғов-далғовли, ларзага солувчи, шиддатли хатти-ҳаракат, кўзғалиш. Унутманглар, амир лашкарлари ортида газотталаб муллаваччалар туради. Бу катта тўфонга пухта ҳозирлик кўрилмоқда. С. Кароматов, Бир томчи қон. Ким мақсадга етаман деса, балолар тўфонига бардош беради, сабот билан курашади. Н. Сафаров, Шарқ тонги.

**3** кўча Рухий, ҳиссий кўзғалиш, туғён. Инсон қалбиди не-не бўронлар, тўфонлар, шодликлар нўртана қилади. «Саодат». У қарама-қарши ўйлар тўфониди гарқ эди. Шуҳрат, Шинелли йиллар.

**4** Диний афсоналарга кўра, одамларнинг гуноҳи учун бутун дунёни босган сув тошқини.

**ТЎФОНЛИ** Тўфон билан бўлган; бўронли. Тўфонли денгиз. ■ Оловли шар юқорига кўтарилар экан, ўрнида тўфонли баҳайбат кулранг-оқиш устун ҳосил бўлар эди. Газетадан.

**ТЎХТА** айн. тувалоқ.

**ТЎХТАЛМОҚ 1** Тўхтамоқ фл. ўзл. н. Иш тўхталмасин. Унинг нафас олиши тўхталди. ■ Абдурасул Элмуродга нима тўғрисидадир сўз очган эди, тўхталиб, жавоб қайтаришга мажбур бўлди. П. Турсун, Ўқитувчи.

**2** айн. тўхтамоқ **6**. Тошкент беклиги тўғрисида кўп музокарадан кейин Юсуфбек ҳожиди ўз яраси устида тўхталди. А. Қодирий, Ўтган кунлар.

**Тўхталиб гапирмоқ** Дудуқланиб ёки тугилиб гапирмоқ.

**ТЎХТАМ 1** Қарор, ҳукм. Хўжабеков келинги вақтда кўп ўйлади. Ниҳоят, «Шербек жиддий хавфли рақиб» деган тўхтамага келди. С. Анорбоев, Оқсой. Аҳмаджон чарчади. Аммо тобора чувалашиб кетаётган хаёлига бирор қатъий тўхтамага олиб келадиган фикр келмади. С. Кароматов, Ҳижрон.

**2** Битишув, келишув, битим. Тошкентдалигимда ташкилотимизнинг бошқа раҳбарлари билан шундай тўхтамага келдик. А. Ҳақимов, Илон ишдан.

**ТЎХТАМОҚ 1** Давом этмай қўймоқ, давомдан қолмоқ. Иш тўхтади. Гап тўхтади. Отишма тўхтади. Шамол тўхтади.

Ёмғир тўхтади. Сув тўхтади. ■ Оёқ товуши тўхтаб, нариги ёқдан уста Олимнинг товуши келди. А. Қодирий, Ўтган кунлар. Вужудини қақшиятиб турган тиш оғриғи бирдан тўхтагандай, Сидиқжоннинг кўзи ялт этиб очилиб кетди. А. Қаҳҳор, Қўшчинор чироқлари. Тўхтаб қолган, қовжираган булоқлар Шарақ-шарақ яна қайнаб чиқмишидир. Файратий.

**2** Ўз ишини, ҳаракатини, фаолиятини бас қилмоқ, юрмай, ишламай қўймоқ. Соат тўхтади. Вентилятор тўхтаб қолди. ■ [Отабек] Икки йилдан бери тўхтаб қолган савдогарчилик ишини қайтадан бошламоқчи эди. А. Қодирий, Ўтган кунлар. Йўлчи санқиб юриб, анҳор ёқасида тўхтади. Ойбек, Танланган асарлар.

**3** Иш-фаолият, ҳаракатда узилиш қилмоқ, тўхтаб ҳосил бўлмоқ. Элмурод отини ошининг дўқи билан йиғидан тўхтади. П. Турсун, Ўқитувчи. Шарофатхон, бир зум тўхтаб, атрофга қаради, сўнг товушини пасайтириб давом этди. Ойбек, Танланган асарлар. Орада ётсирашга ўхшаб бир ҳол, нима учундир бир сўзлаб, икки тўхтар эдилар. А. Қодирий, Ўтган кунлар.

**4** Сафарда, йўлда бирор ерга кўнмоқ, тушмоқ; кўнган, тушган, борган ерида маълум вақт бўлмоқ, турмоқ. Батальон ярим кечада хароба бир қишлоққа келиб тўхтади. Ойбек, Қуёш қораймас. У [Отабек] Марғилонда кўп тўхтамас, бир кун, узоққа тортилса, икки-уч кун туриб қайтар эди. А. Қодирий, Ўтган кунлар.

**5** Туриб қолмоқ, сақланмоқ. Унинг қўлида пул ҳеч тўхтамайди. Керакли мол магазинда тўхтаб қолмайди. Сув қаттиқ ерда тўхтар. Мақол.

**6** Қарор қилмоқ, қарорга, тўхтамага келмоқ. Шундай қилиб нимага тўхтадинглар? ■ Биз шу ердаги оғайнилар билан кенгашиб, бир гапга тўхтаб қўйдик. А. Қодирий, Ўтган кунлар.

**7** кўча Оғизга, тилга олиб ўтмоқ, тўхталмоқ. Мен бир масала устида муфассал тўхтамоқчиман. ■ Лекин, ўртоқлар, мен ҳам қисқача тўхтаб ўтмасам, тарс ёрилиб кетаман. А. Қаҳҳор, Тўй. Рўзномадаги асосий докладлар устида сўзлаган нотиқлар кўпроқ ижодий масалалар устида тўхтадилар. Н. Сафаров, Оловли излар.

**8 махс.** Ҳомилалор бўлмоқ, қочмоқ (чор-ва моллари ҳақида).

**9** Сабр қилмоқ, кутмоқ. *Майли, яна бир-икки кун тўхтаб туринг!* ■ -*Тўхтанг бўлма-са, — деди, — мен бир иш қилайки.. аммо шу дақиқадан бошлаб ихтиёрингизни менга топширинг!* А. Қодирий, Ўтган кунлар.

**ТЎХТОВСИЗ 1** Узлуксиз ҳолда; бетўхтов. [*Искандарнинг*] *Қизига икки йилдан бери, эшикларининг турмини бузадигандай, тўхтовсиз совчи келади.* Ў. Усмонов, Сирли соҳил. *Тўхтовсиз бўраб ёғиб турган қордан ер тобора оқараётган пайтда, Элмурод қоронғи уйда ёпирилиб қўнаётган қор учқунларини томоша қилар эди.* П. Турсун, Ўқитувчи.

**2** Кечиктириб бўлмайдиган, бетўхтов, ошиғич. *Тўхтовсиз жавоб. Тўхтовсиз етиб келинг. Бўйруқни тўхтовсиз бажаринг.* ■ *Агар қочмаганларида, подшо уларни тўхтовсиз ўлдириб юборар эди.* «Эртақлар».

**ТЎШ 1** Гавданинг бўйин билан қорин ўртасидаги олд қисми; кўкрак. *Тўшни тўшга қўймоқ.* ■ [*Зебо*] *Ойнага қараб, ўзини тузатди. Дуррачаси билан тўшига ёпишган кўйлагини сал кўтариб елиди.* Шухрат, Шинелли йиллар. *Болам, деб босайин тўшима, Келгин, болам, чаққон қошима.* «Рустамхон». *Айтинг, нима қилай?? Қизингизни тўшига тортган номард мени масхараламайдимми? С. Аҳмад, Ҳукм.*

**2** Мол ва қушларнинг кўкрак қисми, кўкраги. *Дала-тузни сув олса, қўнғир ғознинг тўшидан.* Мақол. ■ *Тагидаги қўнғир от қишлоқ кўчасидан тўшига тупроқ сачратиб йўртиб боряпти.* М. Мансуров, Ёмби.

**3** Ҳайвон ва паррандаларнинг кўкрак олди гўшти, қовургалардан қолган қисми. *Норинбон тўш. Тузланган қўй тўши.* ■ *Афанди ғознинг тўшини олиб айтди: -Мен хизматдаги қулман.. шу ҳам бўлади.* «Латифалар». *Лаганда самарқандча майиз палов бўлиб, ош устига тўш ва қазӣ қўйилган.* А. Убайдуллаев, Ҳаёт оқими.

**4** *кўчма* Бирор нарсанинг кўкракка ўхшаш, кўкракка нисбатланувчи, кўкракли ери; сийна, бағир. *Она тупроқ тўшига инсон қўли билан илк чигит доналари қадалди.* Ш. Фуломов, Ёрқин уфқлар. *Сени ўраб олган тоғлар тўшига Тўлин ой ёймоқда кумуш кокилин.* Зулфия.

**Тўш урмоқ (ёки бермоқ) 1)** тўшини тек-кизмоқ, багрини бермоқ, қўймоқ. *Диловар-*

*хўжа тўш бериб ётган еридан ирғиб турди.* Шухрат, Олтин зангламас. *Тўлқинга тўш уриб қалдирғоч, Сув устида этади парвоз.* Э. Раҳим; 2) бирор юксакликка етмоқ, уринмоқ. *Булутга тўш урган юксак тоғлар ҳам Буюк-ликни сендан олар, онажон.* М. Умаров.

**4 шв.** Тенгқур; дўст, ўртоқ. *Етимда не қилар тенг билан тўшлар.* «Равшан». *Топиб ўйнагил, эй бола, Ўзингнинг тенгу тўшингни.* «Тоҳир ва Зухра».

**ТЎШАК 1** Жун, пахта сингари юмшоқ нарса солиб тикиб тайёрланган, ётиш, ўтириш учун тўшаладиган буюм, анжом. *Пар тўшак. Жун тўшак. Духоба жилдли тўшак. Ўз уйим — улан тўшагим.* Матал. ■ *Дилшод тоқча ёнидаги тўшакка ўтирди.* М. Исмоилий, Фарғона т. о. *Тўй учун янги кўрпалар қопламоқчи бўладилар, пар тўшақлар олмоқчи бўладилар.* А. Қодирий, Ўтган кунлар.

**2** Ётиш учун солинган ўрин; ост ва устга ташланадиган (солинадиган) нарса. *Чала ечиниб, юпқа тўшакка кирдим.* С. Сиеев, Ёруғлик. *Тор уйни тўлдирган аҳил, тинч уй-қу оғушидан ҳаммалари бир зумда, гўё тўшакни олов қамрагандай сакраб турдилар.* Ойбек. *Қуёш қораймас. Зухра бегим олти йилдан бери тўшакда ёлғиз ётади.* Унинг гўлдай умри беваликда сўлиб боряпти. П. Қодиров, Юлдузли тунлар.

**3 шв.** Кўрпача, пойاندоз.

**Ўлим тўшаги** Согайиши гумон, ўлими муқаррар бўлган бемор ётган тўшакни қайд этади. *Одатда, ўлим тўшагидаги бемор ётган хонада шунақа жимлик бўлади.* Ў. Ҳошимов, Қалбингга қулоқ сол. У [*Саъди Махсим*] *ўлим тўшагида ётганида ҳам ҳазилини қўймаган эди.* Т. Обидов. Юсуфжон қизиқ.

**ТЎШАМА** Бирор юзага тўшалган, солинган, ётқизилган нарса, қатлам. *Похол тўшама. Ботқоқ йўлга босилган шох тўшама.* ■ *Қалин қўй қийлари ўрнидан қўзғатилиб, устига янги тўшама секиб қўйилган.* Ҳ. Нуъмон ва А. Шораҳмедов, Ота. У [*Ойниса хола*] *қуртларни овқатлантириши, тўшамаларини янгилаш жадвалини кўриб чиқди.* А. Мираҳмедов, Ёт юраклар.

**ТЎШАМОҚ 1** Тўшама солмоқ, босмоқ, ётқизмоқ, тўшама билан қопламоқ. *Кўчага тош тўшамоқ. Ботқоқ йўлга шох тўшамоқ.* ■ *Адёлга газета тўшаб, мастава ичишди.* Ў. Ҳошимов, Қалбингга қулоқ сол. *Очил би-*

лан *Мадумар ертўла кавлашни буюришиди, ерга хашак тўшаиди*. А. Мухтор, Чинор.

**2** Солмоқ, ёзмоқ (ўрин, палос ва ш.к.ни). *Умри хола қизи билан менга ўрин тўшаб берди*. Ғайратий, Узоқдаги ёр. *Бозоров.. магазин рўпарасига, ариқ бўйидаги сўрига қизил гилам, шккита кўрпача тўшаб, тўртта нар ёстиқ ташлаб қўйибди*. И. Раҳим, Чин муҳаббат. *Ойдинда у [жувон] ўзига супа ўртасига ўрин тўшаётганини кўриб турибман*. С. Аҳмад, Таъзим.

**3** *кўча* Бирор нарсани шундай тўшамаларга нисбатлаб ифодалайди. *Қор бўрони.. ер юзига бир ярим қарич оппоқ қор тўшаб.. ўз ишини тугатди*. П. Турсун, Ўқитувчи. *Нишаб бўлиб борган ва охири осмон билан туташган Навоий кўчасига кун ботишидаги иморатлар узун соя тўшаб турарди..* П. Қодиров, Уч илдиз. *Шу кўзлар юлдуздай абадий қулсин, Баҳор йўлларингга тўшасин чечак*. Зулфия.

**ТЎШДОР** Тўши, кўкраги кенг, кўкракдор, тўшли, кўкракли. *Тўшдор йигит*.

**ТЎШЛИ 1** Тўши, кўкраги бўлган. *Қора тўшли қалдирғоч, Уй шипига ин қўйди*. «Кўшиқлар».

**2 айн. тўшдор.**

**ТЎШОҒЛИҚ** Тўшалган, тўшаб, солиб қўйилган; солиғлик. *Деворга қадалган тахта каравотларга юпқа тўшак тўшоғлиқ*. Ж. Абдуллахонов, Тўфон.

**ТЎҶ 1 1** Овқатга бўлган талабини, нафсини қондириб, тўйиб овқатланган, овқат еб олган. *Тўқ бола. Тўқ моллар. Қорни тўқнинг қорни очдан хабари йўқ. Мақол. ■ Таомни тугатиб, қизлар тўқ ва шод, кўшнарликкига, дугоналариникига копток ўйнагани чиқиб кетдилар*. Ойбек, Нур қидириб.

**Тўқ тутадиган** Қоринни яхши тўйдирадиган; тўйимли, жирли. *Одамни тўқ тутадиган хушбўй ва ширин Тошкент совғаларини маза қилиб едик*. М. Муҳамедов, Қаҳрамон изидан.

**2** Ҳеч нарсадан муҳтожлиги йўқ, егулик-ичгулик билан яхши таъминланган. *Тўқ хўжалик. ■ Гўрўғли ўзбек-туркман элини боқиб, очига нон бериб, тўқидан закот олиб ёта берди*. «Нурали». *Турмуш оғир, қимматчилик, ҳаммаси ўзингизга маълум. Тўқларнинг иши йўқ, дардимиз кўп*. Ойбек, Болалик.

**3** Мағзи, ҳосили етарли бўлган; тўлиқ, бўлиқ, бўлали. *Тўқ ёнғоқ. Тўқ пилла. ■ Кўраги мўл, толаси пишиқ, чигити тўқ бўлсин десанг, шундай [барвақт ҳаракат] қил*. Н. Сафаров, Соҳиб чангал. *Дон етилиши кечикди, дон тўқ бўлмади*. «Ўзбекистон кўриқлари».

**4** *кўча* Керакли нарса, моддалар билан тўйинган; бақувват, кучли. *Ер жуда тўқ, шу шарбатни ҳазм қилсаям ҳали..* Ойбек, О.в. шабадалар.

**5** Қорага ёки умуман қуюқ рангга мойил, қуюқ (ранг, тус ҳақида). *Тўқ ранг. Тўқ қизил духоба. ■ Осмон тўқ сариқ булут билан қопланган эди*. Ш. Рашидов, Бўрондан кучли. *Энди кўрсам милтиқнинг ўқидек, пушти гулнинг тўқидек келиним бор экан*. А. Қодирий, Ўтган кунлар.

**Кўзи тўқ** Кўз олдида, ҳаётда нарсанинг мавжудлигини, шу туфайли ўзини тўқ ҳис этишни билдиради. *Худога шукур, оч бўлсак ҳам, кўзимиз тўқ*. Н. Сафаров, Наврўз. **Кўнгли тўқ қ. кўнгил.** *..куёв йигит тўғрисида ҳам Нурунинг кўнгли тўқ эди..* Ойбек, Танланган асарлар. *Қорни тўқ одамнинг кўнгли тўқ бўлади..* С. Сиёев, Ёруғлик.

**(Мендан) қорнингиз тўқ экан** Кимсанинг айтмоқчи бўлганини бошқа киши олдинроқ айтганда ишлатиладиган ибора. *Мен ҳам худди шунга айтмай деб турган эдим, мендан қорнингиз тўқ экан*.

**ТЎҶ 11 тақл. с.** Бўшроқ нарсаларнинг урилишидан ҳосил бўладиган товуш ҳақида. *Қози уларнинг кўкариб кетган юзларига бир зумгина хўмрайиб тургач, қўлидаги ҳасса билан олдиндаги столни тўқ этказиб урди-ю: -Йўқол! — деб қичқирди*. М. Исмоилий, Фаргона т. о.

**ТЎҶА** Камар, тасма ва ш.к. нинг учини ўтказиб тақиладиган қисми. *Мис тўқа. Камар тўқаси. Бўзчи белқоққа ёлчимас, темирчи — тўқага*. Мақол. ■ *Тилладандир ёқаси Олтин отнинг тўқаси*. «Равшан».

**ТЎҶАЙ 1** Қамиш, чангал ва ш.к. ўсимликлар ўсиб ётган, одатда, захкаш ер. *Тўқайга ўт кетса, ҳўлу қуруқ баравар ёнади*. Мақол. ■ *Мавлон ака анави куни Султонбой билан тўқайга бориб, «қўқон арава»сига қамиш босиб келди*. Ҳ. Фулом, Машғал. *Сидиқжон болани бағрига босганича, бир-бирига киришиб кетган буталар, шохлар орасидан оёғи ва елкаси билан йўл очиб,*

тўқайнинг ичкарасига бошлади. А. Қаҳҳор, Кўшчинор чироқлари.

2 кўчма с. т. Шундай ҳолат олган жойга нисбатан қўлланади. *Ҳовлимиз тўқай бўлиб кетибди.*

**ТЎҚАЙЗОР** айн. **тўқай 1**. *Атрофдан оғочлар, ўтлар, тўқайзорлар орасидан у қичқирик, дод, инграш эшитди. Ойбек, Қуёш қораймас.*

**ТЎҚАЙИСТОН** кам қўлл. Тўқай кўп ер; тўқайзорлик. *Қалмоқ юртин назар солиб кўради, Тўқайистон ерда кетиб боради.* «Алпомиш»

**ТЎҚАЙЛИК** Тўқай босган ер, тўқайзор, тўқай. -*Олдимда бир тўқайлик пайдо бўлиб қолди. Тўқайнинг ичида ёлғиз йўл бор экан, — деди Шум бола. Ф. Фулом, Шум бола.*

**ТЎҚАЛИ** Тўқаси бор, тўқа тақилган. *Қора тўни устидан елкасига қадимги ўқдонларини осган, белига қадимги кумуш тўқали қалин камарини боғлаган.. П. Турсун, Ўқитувчи.*

**ТЎҚИЛЛАТМОҚ** Тўқ-тўқ овоз чиқармоқ. У [Мўтилла] қўлтиқтаёғини тўқиллатиб, вокзалдан чиқди. Мирмуҳсин, Мўтилла. *Чол ҳали тиззасидаги маҳсини тўқиллатиб уриб қўяр, ҳали сув пуркар, ичида китобдаги гапларнинг магзини чақар эди. Ойбек, Улуғ йўл.*

**ТЎҚИЛМА** айн. **тўқима**. *Ҳаёли янги асарнинг тўқилмаси билан овора эди. Ойбек, Навоий.*

**ТЎҚИМ 1** Жазлиқ ёки эгар остига қўйиладиган, олатда кигиздан қилинадиган отулов абзали. *Кигиз тўқим. Эшакка — тўқим, одама — либос. Мақол. ■ «Оқтой»нинг устида эски олача кўрпачадан тўқим, суяк қоши учиб кетган эгар, қандайдир дарвоза ҳалқаси илинган узанги. Ҳ. Назир, Сўнмас чақмоқлар. Соқи дарҳол Сарик саманга якка тўқим солиб, жуганлаб, миниб чиқиб кетди. «Бўтакўз».*

**Тўқим урмоқ 1)** от-уловга тўқим солмоқ; тўқимламоқ. *Тойга тўқим урмоқ; 2) кўчма бирор нарса ўтказиб, миннатдор қилиб ёки бошқа бирор йўл билан ўзига тобе, қарам қилиб олмоқ. Ер — сизники, деганимиз сизга тўқим урганимиз бўладими ҳали? А. Қаҳҳор, Кўшчинор чироқлари.*

2 шв. Тандир ёки ўчоқнинг намат ёки матодан қилинган ёпиғи.

**Тўқим табиат** Ҳеч нарсанинг маъносига, фарқига бормайдиган, диди йўқ, дид-

сиз, бепаросат. *Дунёда энг азоб тирикчилик — қалби нурсиз, шуурсиз, тўқим табиат кишилар билан бирга ишлаш ва мулоқотда бўлишдир. Н. Қобил, Унутилган соҳиллар.*

3 (3-ш. эгалик қўшимчаси билан) кўчма Кийиниш ва б. жиҳатдан қиёфаси. *Қарасам, тўқими ўзарган: қошларида ўсма, кўзларида сурма.. бўйинини дока билан боғлаб олибди. «Нима қилди, томоғинг оғридим?» десам, «Эшик қисиб олди», деб хир-хир кулади. А. Қаҳҳор, Асарлар. Азимхўжаев катта кўчанинг оғзида турса, тўқими бошқачароқ бир жувон келаверди. Шухрат, Жаннат қидирганлар.*

**ТЎҚИМА 1 сфт.** Тўқиб ясалган, тўқилган. *Шавкат Зокир билан индамай кўришдида, тўқима стулни четроққа суриб ўтирди. П. Қодиров, Уч илдиз. Тўқима шляпа кийган Раъно онасининг кўзига бошқача кўриниб кетди. Ҳ. Назир, Чўл ҳавоси.*

2 от. махс. Газмол, газлама. *Шойи тўқималар. Тўқималар виставкаси.*

3 от биол. Ўзаро боғланган ва организмда белгили бир ҳаётий вазифани бажарадиган ҳужайралар тизими. *Нерв тўқималари. Суяк тўқималари. ■ Дарвоқе, оғриққа чидамли ва чидамсиз ҳужайралар ҳамда тўқималар бўлади. «Фан ва турмуш».*

4 от ад. Бадий асарнинг асосий мазмунини ва ундаги қаҳрамонларнинг характери учиб берадиган, ўзаро узвий боғланган воқеа-ҳодисалар мажмуи, тўқилма, сюжет. *Уйғур постановкага халқ шоири — баёнчи ролини киритди, баёнчи ҳар бир кўриниш олдидан, тингловчиларга воқеа-ҳодисалар, Фарҳоднинг саргузаштлари тўғрисида сўзлаб бериб, пьеса тўқимасини тўлдириб борди. Ҳ. Носирова, Мен ўзбек қизиман.*

5 сфт. Йўқ ердан тўқиб, ўйлаб чиқарилган; уйдирма. *Тўқима гап. Тўқима об-разлар. ■ Уни ўқиб, дастлаб кўплар ҳайратга тушган, бу воқеани шунчаки тўқима, фантазия деб ўйлаган эди. У. Норматов, Талант тарбияси. Афсуски, сценарий муаллифлари ва постановкачи-режиссёр ижодий тўқимага ҳаддан зиёд ўрин бериб, қаҳрамон бошидан кечирган чинакам реал жанговар эпизодлар ўрнига, тўқима, ясама ҳолатлар киритишган. С. Хўжаев, Ўзбек тарихий фильмлари.*

**ТЎҚИМАЧИ** 1 Тўқимачилик саноатининг ишчиси, мутахассиси. *Қашқадарёлик пахта тозаловчилар Иваново тўқимачиларига дастлабки туркум тола жўнатдилар.* Газетадан.

2 Газмол тўқувчи ишчи ёки ҳунарманд.

3 *кўчма с.т.* Йўқ ердан гап тўқувчи, уйдирмачи. *Тўқимачи одам.* ■ Сўзлар худди тўқимачи шоирникидай қуйилиб, бир-бирини бежаб тушади. Ойбек, Қуёш қораймас.

**ТЎҚИМАЧИЛИК** 1 Тўқимачи иши, касби. *Тўқимачиликни эгалламоқ.*

2 Газмол тўқиши ва ишлаб чиқариш ҳамда халқ ҳўжалигининг шу иш билан шуғулланадиган тармоғи. *Ўзбекистонда тўқимачиликнинг юзага келиши ва ривожланиши. Тўқимачилик саноати. Тўқимачилик комбинати.*

3 *айн. тўқувчилик.* *Меҳмонхона айни замонда дўконхона ҳам бўлиб, пойга томонида тўқимачилик дўкони.. бор эди.* С. Айний, Эсдалиқлар.

4 *кўчма с.т.* Йўқ ердан гап тўқиш, ёлгон-яшиқлар уйдириш; уйдирмачилик. *Тўғонбек бу сўзлардаги кинояни тушунди: -Ундай тўқимачиликка берилманг, — деди.* Ойбек, Навоий.

**ТЎҚИМЛАМОҚ** От-уловга тўқим урмоқ, тўқим солмоқ. *Отни тўқимлаб минмоқ.* ■ Эшакнинг бирини тўқимлаб, устига нон, сув идиши ва битта коса солинган хуржунни ортдилар. С. Айний, Қуллар.

**ТЎҚИМОҚ** 1 Тўқима газмол ёки буюм ясамоқ, тайёрламоқ. *Чит тўқимоқ. Пайпоқ тўқимоқ. Замбил тўқимоқ. Тўқилган рўмол.* Мулла билганин ўқир, Бўзчи билганин тўқир. Мақол. ■ Эллиқбоши майин тўқилган чаклонини ечди, туҳумдай силлиқ ва оптоқ салласини олиб, қозикча илди. Ойбек, Танланган асарлар. *Ўзинг тўқиб кетган катта саватда Тўлатиб шафтоли узиб чиқаман.* Ф. Фулом.

2 *кўчма* Ижод этмоқ, ёзмоқ; басталамоқ. *Шеър тўқимоқ. Қўшиқ тўқимоқ.* ■ Сўзини ўзим ёзганман, оҳангини Анорхон тўқиди. И. Раҳим, Ихлос. *Вой, у чалган дуторни, тўқиган газалларни эшитсангиз!* М. Исмоилий, Фарғона т. о. *Санъаткор фақат қизиқчиликларнигина эмас, балки кичик кулгили ҳикояларни ҳам тўқирди.* Т. Обидов, Юсуфжон қизик.

3 *кўчма* Йўқ ердан ўйлаб чиқармоқ; сўқмоқ, уйдирмоқ. *Гап тўқимоқ. Иғво тўқимоқ. Билган ўқир, билмаган тўқир.* Мақол. ■ *Ҳаммаси бўлган гап-да. Бўлмаса, ёлгонни шундай тўқиб бўладими-а, ўртоқ Дўсматов?* П. Турсун, Ўқитувчи. *«Минг бир кеча»нинг Шахризодаси афсона тўқиб, ўлимдан қутулиб қолгандай, Мухторхон ҳам юқоридаги сингари ривоятлар паноҳида омон юрибди.* Ҳ. Фулом, Машғал.

**ТЎҚИНИШ** 1 **Тўқинмоқ** фл. ҳар. н. *Дарҳол.. ярим газлик пичогини қинидан ярим суғуриб чиқаради, дамига чироқнинг нури тўқиниши билан пичоқ ярқираб кетади.* А. Қодирий, Обид кетмон.

2 *айн. тўқнаш.* *Мен остонага қадам қўйганимда, унга тўқиниш келдим.*

3 *айн. тўқнашув* 2, 3. *Қуролли тўқиниш. Автомобиллар тўқиниши. Намойишчилар билан полиция ўртасидаги қонли тўқинишлар.* ■ *Ҳусайн Бойқаро.. тўхтовсиз ва давомли урушларда, тўқинишларда қилчбозликдаги маҳоратини намоён қилган эди.* Ойбек, Навоий.

**ТЎҚИНИШМОҚ** 1 **Тўқинмоқ** 1 фл. бирг. н. *Машиналар тўқинишиб, қаттиқ шикаст ебди.*

2 *Тўқнаш* келиб жанг қилмоқ, жангга кирмоқ. *Разведка душман дозорлари билан тўқинишди.*

**ТЎҚИНОҚ** кам қўлл. 1 *Тегмоқ, урилмоқ. Автомашина трамвайга бориб тўқинди.* ■ *Булутларнинг оҳистагина сайридан.. енгилгина бир изғириқ ҳам юзга келиб тўқинар.. эди.* А. Қодирий, Ўтган кунлар.

2 *кўчма* *Тегмоқ, ботмоқ. Қора Аҳмаднинг сўзлари Тантйбойваччага қаттиқ тўқинди.* Ойбек, Танланган асарлар.

**ТЎҚИШМОҚ** 1 **Тўқимоқ** фл. бирг. н. *Кампирлар пайпоқ тўқишяпти. Болалар янги шеър ва қўшиқ тўқишибди.*

**ТЎҚИШМОҚ** 11 *шв.* *Тўқнашмоқ, учрашмоқ. Туғу байроқ бир-бирига тўқинди энди.. Бир-бирига «не қиламиз?» дейишди энди.* «Хушкелди».

**ТЎҚЛАМОҚ** кам қўлл. *Тўйдирмоқ, тўқ қилмоқ Яна қувончли бир хабар, ишдан чиқиб, қоринни тўқлаб олганларингдан кейин даврани катта тортасизлар.* И. Шамшаров, Тошқин.

**ТЎҚЛИ** *Бир ярим ёшга етмаган, қочирилмаган урғочи қўзи. Бир қўчқор боши*

кетгунча неча тўқлининг бошини ейди. Н. Сафаров, Ҳаёт мактаби. *Ориқни семизга, кўзини тўқлига, тўқлини қўйга, кичикни каттага алмаштирганини биласизми? Биласиз!* Ш. Рашидов, Бўрондан кучли.

**ТЎҚЛИК 1** Тўқ ҳолатга эгалик, тўқ ҳолатдалик. *Қориннинг тўқлиги. Рангнинг тўқлиги. Бир очликнинг бир тўқлиги бор.* Мақол. ■ *Тўқликдан, семизликдан, иссиқдан худди узоқ йўл юриб келган қўй сингари шосупада пўқиллаб ўтирган мингбошини самоварчининг дастёри тинмай елтир эди.* М. Исмоилий, Фарғона т. о.

**2** Тўқ, фаровон турмуш. *Тўқлик, тўқликдан чиқар шўхлик.* Мақол. ■ *Мен тириклик тўғрисида ўйлайман. Сенлар тўқликка шўхлик қиласанлар.* А. Қодирий, Меҳробдан чаён.

**ТЎҚМОҚ 1** Дастан ва уриладиган қисми кўпинча ёғочдан қилинадиган, босқонга ўхшаш асбоб. *Олчин тўқмоқ. Тунукасолар тўқмоғи. Дурадгорлар тўқмоғи.* ■ *Ола-хўжа махсум бошига қўққисдан тўқмоқ билан урилгандай, гангиб қолди.* П. Турсун, Ўқитувчи. *Обиджон шу қадар хаёлга кетадики, ҳатто маҳалласидаги дегрезлик, тунукасоллик дўконларидан чиқаётган тўқмоқлар овозини ҳам эшитмайди.* Ф. Жўраев, Обид Жалилов.

**2** махс. Турли механизм ва курилмаларнинг уриладиган, зарб берадиган қисми. [Йўлдош] *Бугун куни билан трассага парма тишлари, бурғи тўқмоқларини ташиб, ҳозиргина қайтиб келди.* А. Мухтор, Чинор.

**3** кўчма Зарб, калтак. *Ёмон ўртоқ — ошга ўртоқ, бошга тўқмоқ.* Мақол. *Яхшининг сўзи — қаймоқ, Ёмоннинг сўзи — тўқмоқ.* Мақол. ■ *Тўғри сўзнинг тўқмоғи бор дегандай, бу дашном онага қаттиқ таъсир қилди.* Ҳ. Назир, Маёқ сари. *Уруш қурсин, қашинишга тирноғим ҳам қолмади, ҳаммасини Мекалай еди! Жабрининг тўқмоғига тоқат йўқ.* Ойбек, Танланган асарлар.

**4** қ.х. Фалла янчадиган босқонсимон ибтидоий асбоб.

**ТЎҚМОҚЛАМОҚ** Тўқмоқ билан урмоқ. *Тўқмоқлаб пай титмоқ. Тунукани тўқмоқлаб текисламоқ.* ■ *Икки чорак бугдойни тўқмоқлаб еганим учун, — деди Сафар, — «подшоҳлик ҳақини аниқлашдан бурун ўғирлаб ебсан», деб мени қирқ-эллик қамчи урган*

*амлоқдор, ўз кўзим олдида бугдойимни ер билан яксон қилдирди.* С. Айний, Қуллар.

**ТЎҚНАШ:** **тўқнаш келмоқ** Юзма-юз келмоқ, дуч келмоқ. *Тор кўчада икки машина тўқнаш келди.* ■ *Сидиқжон йўталиб, ичкарига кирди ва икки қадам босмасдан, Анзираат холага тўқнаш келди.* А. Қаҳҳор, Кўшчинор чироқлари.

**ТЎҚНАШИШ 1** **Тўқнашмоқ** фл. ҳар. н. *Бу — оддий тўқнашиш эмас, икки ёш қалбнинг кўзлар орқали дардлашиши эди.* А. Муҳиддин, Ҳ. Тожибоев, Оташ қалбли қиз. *Бепоендек кўринган ўрмон ҳам энди хавфсиз эмасди, кутилмаганда душман аскарларига тўқнашиши мумкин.* Ойбек, Куёш қораймас.

**2** кам қўлл. айн. **тўқнашув.** *Қонли тўқнашиши.*

**ТЎҚНАШМОҚ 1** Юзма-юз учрашмоқ, тўқнаш, дуч келмоқ, йўлиқмоқ. *Давлатёр кўприкдан ўтмай, ариқдан ҳатлади, кутубхона эшиги олдида Саодатхон билан тўқнашди.* Н. Сафаров, Саодатнинг қиссаси.

**Кўзлар тўқнашди** Кўзлар бир-бирига тушди. *Тешабой ҳам айни назокат билан жавоб қилди, шунда икковининг кўзлари тўқнашди.* М. Исмоилий, Фарғона т. о.

**2** Икки томондан дуч келиб, бир-бирига урилмоқ, тўқинмоқ. *Машиналар кўприк устида тўқнашиб шикастланди.*

**3** Бир-бирига рўбарў бўлмоқ, бир-бирига дуч келмоқ (қарама-қарши, рақиб томонлар, қарашлар ва ш.к. ҳақида). *Якшанба куни шаҳарнинг Қарши дарвозасидан уч фарсах нарида икки томон сарбозлари тўқнашиб, бир муддатлик тўс-тўполон жангдан сўнг, бухороликлар тор-мор этилди.* Мирмуҳсин, Меъмор. *Илғорлик билан қолоқлик, самимийлик билан ҳасад, олийжаноблик билан тубанлик.. тўқнашади.* Шукрулло, Жавоҳирлар сандиғи. *Муроднинг миялида қарама-қарши фикрлар тўқнашди.* Т. Ашуоров, Оқ от.

**ТЎҚНАШУВ 1** **Тўқнашмоқ 2, 3** фл. ҳар. н. *Автомобиллар тўқнашуви. Қўшинлар тўқнашуви.* ■ *Мунира ҳам, Аҳмад ҳам боя ўрталарида бўлиб ўтган тўқнашувни унутмаган эдилар.* Ф. Мусаёнов, Ҳиммат. *Ҳарорат кучли фикрларнинг тўқнашувидан келиб чиқади.* Шукрулло, Жавоҳирлар сандиғи.

**2** кўчма Ихтилоф, низо ва ш.к натижасида юз берган олишув, кураш. *Синфий тўқнашувлар.* ■ *Шербек бу тўқнашувда тақдири ҳал бўлишини сезган эди. Шунинг учун*

ҳам, ўзини ҳимоя қилишга зўр бермаса ҳам, бўлган воқеаларни батафсил сўзлаб беришга ҳаракат қилди. С. Анорбоев, Оқсой.

**ТЎҚОЛ I I** Шохи йўқ, шохсиз. *Тўқол сугир.*

**2 шв.** Қисқа, калта. *Охири у чидолмади шекилли, нарироқдаги тўқол тут тагига бориб ўтирди. «Муштум». Қараса, ўша ўзини алдаган паризод тўқол ёлли тўриқ отни миниб.. бир-бир босиб, ирғалиб бораётган экан. «Муродхон».*

**ТЎҚОЛ II тар.** Хотин устига олинган иккинчи хотин. *Бошлаб сиз мени ўз уйингизга олиб борасиз. Қани, чиндан ҳам хотинларингиз ўзлари озодликка чиқишни истамётганмикин, кўрамиз. Айниқса, отасининг қарзи эвазига олган тўқолингиз. С. Анорбоев, Меҳр. Тўқол хотин аслида бекаларнинг чўриси.. Миртемир.*

**ТЎҚОЧ шв. 1** Катта бўғирсоқ.

**2** Кулча нон. *Ўзбек ойим бўғирсоқ қовуртириш, толқон тўйдириш, тўқоч ёптириш билан машғул бўлди. А. Қодирий, Ўтган кунлар.*

**ТЎҚСАБО тар.** Ўрта Осиё хонлик, амириклариди: олий ҳарбий мансаблардан бири ва шу мансабга эга бўлган шахс. *-Итоат қилмаганларни, — деди Абдулла тўқсабо, — уриш, ўлдириш, бўри бўлиб, қоринларини ёриш керак. С. Айний, Куллар. Бейлини Бухоронинг Қавола дарвозаси олдида амирнинг тўқсабоси Юсуфбек кутиб олди. А. Ҳакимов, Илон изидан.*

**ТЎҚСОН I** 90 рақами ва шу рақам билан ифодаланган сон, миқдор. *Тўқсондан ўнни айирмоқ. Тўқсон сўм пул. Тўқсон пуд бугдой. ■ Тўққиз сўм оламан деб, тўқсон гап эшитдим. Ойбек, Танланган асарлар.*

**2** Қиш фаслининг 1 декабрдан 1 мартгача бўлган давридаги 90 кунни. *Тўқсон кирди. Мевани тўқсонда суғорсанг, тўқсон ботмон ҳосил қилади. ■ Кеча тўқсон чиқди; наврўзи олам. Кўчат — келинларнинг тўйи бошланди. Ф. Фулом. -Богинга уннамадингми? - Ҳали вақт бор, тоқларни очсам, совуқ олиб кўядими, деб кўрқяпман. Тўқсоннинг изғирини ўтсин, деб турибман. Ҳ. Шамс, Душман.*

**3** Тўқсон (эркаклар исми).

**ТЎҚУВ I** Тўқимоқ фл. ҳар. н.

**2** Тўқиш иши; тўқиш. *Тўқув дукони. Тўқувни ўрганмоқ. ■ Моки қолипларидан резинкадек чўзилиб тортилган нозик ипак*

*толалар тўқув машиналарига уланди. Туйгун, Станоклар ёнида.*

**ТЎҚУВЧИ I** Тўқимоқ фл. сфдш. *Тўқувчи аёл.*

**2** Тўқувчилик касбини эгаллаган шахс, мутахассис; тўқимачи. *Тўқувчи хушёр, уқувли бўлиши шарт. М. Жўра, Куёшдан нур эмганлар. -Қандай мутахассисликка ўқийсизлар? — деб сўради Элмурод. -Тўқувчи мастерликка, — деди қиз. П. Турсун, Ўқитувчи.*

**ТЎҚУВЧИЛИК** Табиий ва сунъий тоалардан газлама ва б. тўқимачилик маҳсулотлари олиш жараёнлари мажмуи; тўқувчи иши, касби; тўқиш иши. *Тўқувчиликни ўрганмоқ. Тўқувчилик дастгоҳи. ■ -Касбим тўқувчилик, Шокирбек, — деди уй эгаси. А. Қодирий, Ўтган кунлар. -Аммо, — давом этди Гуландом, — бозор касодлигиданми ё иши яхши унмаганлигиданми, дадам тўқувчиликдан ёлчимди. Ойбек, Танланган асарлар.*

**ТЎҚЧИЛИК** Фаровон, тўқ ҳаёт, тўкинчилик, маъмурчилик. *Тўқчиликда яшамоқ. Кўпчилик қайда бўлса, тўқчилик шунда бўлар. Мақол.*

**ТЎҚҚИЗ I** 9 рақами ва шу рақам билан ифодаланган сон, миқдор. *Тўққиздан учни айирмоқ. Тўққиз сўм пул. Тўққиз килограмм ёғ. ■ Душман кечгача тўққиз марта хужум қилди ва ҳар сафар қақшатқич зарбага учрар.. эди. А. Қаҳҳор, Олтин юлдуз.*

**2 айн. тўққиз-тўққиз.** [*Ҳожар Тўлахонга:*] *Отанг юртнинг бири, ками беш юз жойдан тўққиз олиб, тўн кийган. Ҳамза, Паранжи сирлари. Мен баҳузур ёзилиб ўтириб, тўй зиёфатларини едим, ҳамманинг олдига «тўққиз» улашилгандан кейин қайтдик. М. Муҳаммаджонов, Турмуш уринишлари.*

**Тўққиз пул** Ҳеч нарсага, бир пақирга арзимади, арзимас. *Соғлигинг бўлмаса, бу давлатинг тўққиз пул. Тўққиз пулга қиммат одам. Тўққиз пулдек қилиб тушунтириб (ёки туғиб) бермоқ* Жуда оддий қилиб тушунтириб бермоқ. *Хушёр савдогар учун элчининг бир имоси кифоя қилди, унга гапни тўққиз пулдек қилиб туғиб беришнинг ҳожати йўқ эди. М. Осим, Элчилар.*

**ТЎҚҚИЗЛИК** Тўққизта холи бор карта. *Фиштиннинг тўққизлиги.*

**ТЎҚҚИЗТЕПА айн. себарга.**

**ТЎҚҚИЗ-ТЎҚҚИЗ этн.** Ушай маросимларида хотинларга патнисда улашиладиган, олатда, тўққиз хил нарсадан иборат тортиқ.

Хотинларга тўққиз-тўққиз тортилди. Тўққиз-тўққиздан кейин хотинлар тарқалишди. ■ **Латофат.** қўшни болаларини чақриб, алақайси тўйдан тўққиз-тўққизданми, сочқиданми олиб келган жийда-майизни бериб, яна ўқитарди. Шухрат, Шинелли йиллар.

**ТЎҒИН** ўйлдиракнинг ташқи гардиши. Арава тўғини. *Тўғинга темир қоқмоқ.* ■ [Акбаралининг] *Дадаси ҳўл қайрағочни кўр аралаш кулга кўмиб, тўғин эгар, кегай йўнар эди.* А. Мухтор, Чинор. *Ҳовли саҳнида тўғин эгадиган кунда қаққайиб турибди.* Ҳ. Нуъмон ва А. Шораҳмедов, Ота. *Арава тўғини дўқиллаб, гоҳ эски чуқур узидан, гоҳ йўлни янгилаб, отни ҳам, аравадагиларни ҳам қийнаб бормоқда эди.* С. Абдулла, Мавлоно Муқимий.

**ТЎҒНАМОҚ** Санчиб ўтказиб маҳкамлаб қўймоқ, қадамоқ. *Кўкракка медаль тўғнамоқ. Игнани ишпечга тўғнаб қўймоқ. Лентани сочга тўғнағич билан тўғнаб олмоқ.*

**ТЎҒНОҒИЧ** Тўғнаш, қадаш, маҳкамлаш учун ишлатиладиган мослама (мас., бир учи тўмтоқ игна, ўткир учи уячасига тушиб маҳкамланадиган асбоб, сочга қадаладиган тутқич). *Дўппини тўғноғич билан тиззага тўғнаб тикмоқ. Лентани сочга тўғноғич билан тўғнаб қўймоқ. Сочни тўғноғич билан маҳкамламоқ.* ■ *Мен кийинар эканман, шошар, қўлларим қалтирарди. Шу пайт тугмача узилиб кетди, уни қадаб олишга вақт зиқ, тўғноғич қадай десам, у ерга тушиб кетди.* Ҳ. Носирова, Мен ўзбек қизиман.

**ТЎҒОН** 1 Сувни тўсиш, бўғиш, сув оқими бошқариш учун хизмат қиладиган, одатла, каттароқ оқимга эга бўлган ариқ, дарё ва сойларга қуриладиган гидротехник қурилма, иншоот. *Тупроқ тўғон. Бош тўғон. Тўғон қурмоқ (солмоқ).* ■ *Ваҳобжон баҳор тошқинида сув олиб кетиб, ҳалисача тузатилмаган канал тўғонини тузаттиришга бир ҳафтадан бери овора эди.* С. Аҳмад, Тоғ афсонаси. *Днепрдай азим дарё олдида бу нима деган гап, қаҳратон қишда, ўқ ёмғири остида сув кечганлар наҳотки шу кичик сойга тўғон сололмаса?* С. Аҳмад, Қадрдон далалар.

2 *кўчма кам қўлл.* Тўсиқ, гов, тўғоноқ. Тўғон бўлмоқ. *Тўғри таёқ — балога тўғон. Мақол.* ■ *Азамнинг ҳамон хотинидан кўнгли тўлмас эди. Унга.. бахтимнинг тўғони деб қарарди.* Шухрат, Жаннат қидирганлар.

Бизлар энди илгариги сен айтган гўл, — Чўпу хасдан ҳадик олиб қолатурган Батрак эмас, бўлолмайсан бизга тўғон. **Ғ. Ғуллом.**

3 Тўғон (эркаклар исми).

**ТЎҒОНОҚ** 1 Аравага ортилган юкни маҳкамловчи арқоннинг учига боғланадиган катта ёғоч илгак. *Бу ўтинкашларнинг.. кўпчиликларида учига тўғоноқ боғланган бир арқон ва бир ўроқдан бошқа асбоблари йўқ эди.* С. Айний, Куллар.

2 *кўчма* Бирор ишга, ҳаракатга тўсиқ, гов бўлиб, тўсқинлик қилиб турган кимса, нарса. *Тўғоноқ бўлмоқ. Тўғоноқ солмоқ.* ■ *Мен акушерка бўлиб бордим-у, лекин бу ишни бажаришга руҳонийлар тўғоноқ бўлишди.* М. Алавия, Севинчларим. — *Ўзингни ҳам бригадирликка кўтарган Қодиров эди-ку!* *Энди сен миннатдор бўлиш ўрнида.. оёғимга тўғоноқ солмоқдасан, — деди Қодиров.* Ш. Рашидов, Бўрондан кучли.

**ТЎҒРАМ** Тўғралган, ушатилган нарсанинг ҳар бўлаги. *Бир тўғрам гўшт.* ■ *Муқимий икки пиёла қандой билан икки тўғрам бўлка нондан еб, андак жонланди.* С. Абдулла, Қувғунда. *Алижон.. кабоб сихидан бир тўғрам серсел қайноқ гўштни оғзига солди.* Ҳ. Ғуллом, Тошкентликлар.

**ТЎҒРАМА** Тўғралган, тўғрамча. *Тўғрама гўшт.* ■ *Қозоқлар менинг олдимга тўғрама келтиришди.* О. Ҳусанов, Чўлда.

**Тўғрама палов** Гўштни тўғраб солиб пиширилган палов.

**ТЎҒРАМОҚ** Кесиб, синдириб майдаламоқ, ушатмоқ. *Карам тўғрамоқ. Сабзи тўғрамоқ. Норин тўғрамоқ. Шўрвага нон тўғрамоқ.* ■ *Хайри ҳафсала билан пиёзни майдалаб тўғрар эди.* Ш. Рашидов, Қудратли тўлқин. *Олим полвон лаганга тўғраб, тайёрлаб қўйилган қазини кафтида кўтарганча, яна Зиёдилланинг ёнига лапанглаб келди.* Ҳ. Ғуллом, Машғал. — *Қани, нонга қаранг, мулла, — деди Олахўжа, патнисдаги нонни тўғраб.* П. Турсун, Ўқитувчи.

**ТЎҒРАМЧА** Тўғралган, тўғрама. *Тўғрамча гўшт.* ■ *Умарали бир парча сур гўштни тўғрамча қилиб, масаллиқнинг устига қўйдида, ошхонага қараб кетди.* Ойбек, Улуғ йўл.

**ТЎҒРИ** 1 Эгри эмас, қинғир ери йўқ; тик, адил. *Тўғри чизик. Тўғри сим. Тўғри ёғоч.* ■ [Кумушининг] *Тўғри.. қоматига ердан бичиб олинган мудҳиш хотиннинг қўллари зўрға етди-да, «эсонмисиз, омонмисиз, пошша қиз»,*



деб сўрашди. А. Қодирий, Ўтган кунлар. Эҳтиёт юзасидан [Йўлчи] тўғри йўлни қўйиб, айланма йўллар билан намозгар вақтида Шоқосимникига [Гулнорни] бошлаб келди. Ойбек, Танланган асарлар. Мирзакаримбойнинг ери охирида баланд, тўғри ўсган, учлари бир-бирига туташган қатор тераклар жимгина титрайди. Ойбек, Танланган асарлар.

2 Хатодан холи, янглиши, нотўғри ери йўқ; бехато. Тўғри жавоб. Тўғри фикр. Тўғри маслаҳат. Масалани ечишнинг тўғри йўли. Аслига тўғри нусха. Билмагандан билган яхши, Тўғри ишни қилган яхши. Мақол. ■ - Бир нарасага олдиндан ҳукм этиш тўғри эмас, Абдишукур, — салмоқлаб деди Мирзакаримбой. Ойбек, Танланган асарлар. Бундай жойларда ҳамма вақт ҳам кўз билан тўғри чама-лаб бўлмайди. М. Исмоилий, Фарғона т. о.

3 Кўча Ҳақиқатдан иборат; чин, рост, ҳақ. Тўғри ҳукм. Тўғри тил тош ёрар, Эгри тил бош ёрар. Мақол. Тўғри сўзнинг тўқмоғи бор. Мақол. Бошинга қилич келса ҳам, тўғри сўзла! Мақол. ■ Тўғри гапим туққанимга ёқмайди, деганлари бежиз эмас экан-да. Н. Сафаров, Соҳиб чангал.

4 Белгили талаб, қоида ва ш.к. га жавоб берадиган; мос келадиган; қоидала. Кетмонни тўғри ушла. Эгри кўчада юрсанг ҳам, тўғри юр. Мақол. ■ Мен тўғри ўқий олмасам, тунов кундагидек куласиз. А. Қодирий, Меҳробдан чаён.

5 Қувлик-шумлик, қинғирлик ва ш.к. ни билмайдиган; одоб, ахлоқ доирасидан чиқмайдиган, унга зид иш тутмайдиган; ҳалол, виждонли, инсофли. Тўғри одам. Тўғри аёл. Тўғри киши тили эгидан ор қилади. Мақол. Дили тўғрининг — тили тўғри. Мақол. Эери озар, тўғри тўзар. Мақол. ■ Суриштирсанг, ҳамма бой бир текисда инсофсиз. Тўғри одам бой бўлмайди шекилли, ман ўзим шу фикрдаман. Ойбек, Танланган асарлар. Бизнинг кўзимизга совуқ кўринган қипчоқвачча Нормухаммаднинг эл учун қилиб турган тўғри хизматида мен ўз умримдаги Тошкент беклари орасида биринчи мартаба кўраман. А. Қодирий, Ўтган кунлар. Огайни, бизга тўғри тошингизни қўйсангиз бўлар эди. Н. Сафаров, Ҳаёт мактаби.

6 Тўғридан-тўғри амалга ошириладиган, бўладиган; бевосита, воситасиз. Тўғри сайловлар. Тўғри солиқлар.

7 (урғу биринчи бўғинда) рвш. Тўғридан-тўғри, тўппа-тўғри, бошқасига, бошқа томонга чалғимай. Меҳмонлар тўғри бизникига тушди. Тўғри раиснинг ўзига учрашдим. ■ Насияга бўлса ҳам гўштнинг лаҳим жойларидан еган яхши бўлар экан-у, кейин ҳақини тўлашни билмай гаранг бўлиб, кўчадан тўғри ўтолмай юрган ёмон экан. П. Турсун, Ўқитувчи. - Бу киши ҳидлаб ўтирмайди, тўғри ейди-қўяди, — деди ва қойил қилганига ишониб, ҳаммадан баландроқ қаҳқаҳа урди. А. Қаҳҳор, Кўшчинор чироқлари.

8 крш. с. Дуруст, ҳақиқатан ҳам, дарҳақиқат. Тўғри, жон ширин, ҳар ким ўз жонини аяйди, лекин одамнинг юрагида бошқаларга меҳр бўлиши керак. Ойбек, Танланган асарлар.

Тўғри бўлмоқ 1) тўғри шаклга, ҳолга келмоқ, тўғриланмоқ. Йўл тўғри бўлди; 2) ҳақиқат, чин, рост бўлмоқ. Тўғри бўлса бу гаплар, Турмай қанот қоқайин. Бутун вужудим билан Бир сел каби оқайин! Ғайратий; 3) ҳақ бўлмоқ, ҳаққоний, адолатли бўлмоқ. Бу тўғрида раисимизни танқид қилиш бир томондан тўғри бўлса, иккинчи томондан тўғри эмас. А. Қаҳҳор, Кўшчинор чироқлари; 4) инсофли, виждонли бўлмоқ, ҳалол бўлмоқ. Тўғри бўлсанг, ўсиб бориб, гул бўласан, Эгри бўлсанг, ўсиб бориб, кул бўласан. Мақол. ■ Сен тўғри бўлганингда, бу таъналар нима эди менга! Н. Сафаров, Ҳаёт мактаби; 5) рўпара бўлмоқ, юзма-юз келмоқ. Бир маҳал Соли совуқ, икки букилиб, мингбошига тўғри бўлди. М. Исмоилий, Фарғона т. о. Тўғри келмоқ 1) мувофиқ, мос келмоқ. Бу гап ҳақиқатга тўғри келмайди. Ақлга тўғри келмайдиган иш. Уйдаги гап бозорга тўғри келмайди. Мақол. ■ Қабул бўлмаган дуо учун мени гуноҳкор санайсизларми? Бу дуруст эмас, бу шариятга тўғри келмайди. С. Айний, Қуллар; 2) лойиқ, монанд келмоқ. Пальто бир номер катта, менга тўғри келмайди. Этик оёғимга тўғри келди; 3) амалга ошмоқ, бўлмоқ. Ҳамроев кечки овқатдан кейин бирпас чўзилмоқчи бўлган эди, тўғри келмади: нариги уй тўполон — болалар бир-бирини ёстиқ билан уриб ўйнаётибди. А. Қаҳҳор, Айб кимда; 4) баравар, тенг келмоқ, бас келмоқ, бараварлашмоқ, тенглашмоқ. - Ўғлим, — деб қичқирди кулиб дадаси, — кимники олди? - Тоҳир гупчакнинг жийрони. От боласи унга тўғри келмас экан. Ой-

бек, Танланган асарлар; 5) дуч келмоқ, тўқнаш келмоқ, учрашмоқ. *Тўғри келган киши билан саломлашмоқ.* ■ *Икки томондан тешишга-ку тешамиз, тўғри келмай қолсанима бўлади?* М. Исмоилий, Фаргона т. о.; 6) бир вақтда юз бермоқ, бўлмоқ, қарама-қарши келмоқ. *Иккала тўй бир кунга тўғри келиб қолибди.* ■ *Ишқилиб, Абдулла поччамнинг зиёфатига тўғри келмасин.* Ойбек, Танланган асарлар; 7) бирор иш қилишга мажбур бўлмоқ. [*Отабек*] *Саройдан анча узоқлашган эди, қаршидан.. келувчи Раҳматни кўрди ва чор-ночор сўрашмоққа тўғри келди.* А. Қодирий, Ўтган кунлар. **Тўғри қилмоқ** 1) тўғри шаклга, ҳолга келтирмоқ, тўғриламоқ. *Дарё ўзанини тўғри қилдик;* 2) тўғри иш қилмоқ. *Ўқишга кириб тўғри қилдинг;* 3) рўпара қилмоқ, тўғриламоқ. *Чатоқ ишларни менга тўғри қилаверинг.* ■ *Ҳали ҳам сиз қуруқ қолмайсиз, умидим борки, сизни Вобкент қозилигига тўғри қилсам.* С. Айний, Қуллар.

**9** (эгаллик, ў.-н. ва ч. к. шаклларида — **тўғрида**, **тўғрисида**, **тўғрисидан**) Оидлик, тегишлилик, сабаб, макон каби маъноларни билдиради; ҳақида, юзасидан, сабабли, жиҳатдан. *Бу тўғрида раҳбарлар билан маслаҳатлашмоқ. Пул тўғрисидан бир оз қийналиб қолибди. Эртага бўладиган мажлисдаги масалалар тўғрисида келишиб олдик.* ■ *Фазлиддин бу кеча хурсанд эди. Ҳар тўғрида сўзлар, кулар эди.* Ойбек, Танланган асарлар. *Сизни сиртдан танирдим, сиз тўғрингизда кўп эшитганман.* К. Яшин, Ҳамза. *Тўлаган бинокорлик тўғрисида бир гапга тушиб кетса, уни тўхтатиши хийла қийин эканини билгани учун Бўтабой ҳам қўйиб берди.* А. Қаҳҳор, Кўшчинор чироқлари.

**ТЎҒРИДАН-ТЎҒРИДАН** *рвш.* 1 Тўппа-тўғри, бевосита. *Тўғридан-тўғри юқорига мурожат қилмоқ.* ■ *У [Мавлонов] билан тўғридан-тўғри муомалада бўлмайдиганлар уни «райком», «райком Мавлонов» деб атасалар, қилдан.. муомалада бўладиганлар «ўртоқ Мавлонов» деб атар эдилар.* П. Турсун, Ўқитувчи.

**2** Гапни узоқдан олиб келмасдан, тафсилотларга берилиб ўтирмасдан, узоқ даромадсиз; тўппа-тўғри. *Тўғридан-тўғри асосий масалага ўтмоқ.* ■ *У [Бўтабой], Сидиқ-жоннинг назарида, сўзни чўзмаслик ва тезроқ правлениенинг қарорини тасдиқлаш*

*масаласига ўтиш учун гапни ўртасидан бошлади: ҳатто одатдагича «ўртоқлар» ҳам демасдан, тўғридан-тўғри.. правление тузган планни батафсил сўзлаб берди.* А. Қаҳҳор, Кўшчинор чироқлари.

**ТЎҒРИЛАГИЧ** Ўзгарувчан электр токини ўзгармас токка айлантирувчи асбоб, қурилма. *Симобли тўғрилагич.*

**ТЎҒРИЛАМОҚ 1** Тўғри шаклга ёки ҳолга келтирмоқ, тўғри, адил, тик қилмоқ. *Симни тўғриламоқ. Дарё ўзанини тўғриламоқ. Эгилган ўқни тўғриламоқ. Эгри битганни эл тўғрилайди.* Мақол. ■ *-Дардингизга даво менда! — у қаддини тўғрилаб.. яна жилмайди.* Ойбек, Танланган асарлар.

**2** Хато, нуқсон ва ш.к. ни йўқотмоқ, тузатмоқ. *Имло хатоларини тўғриламоқ. Талаффузни тўғриламоқ. Соатни тўғриламоқ.* ■ *Гулнор айтганига пушаймон қилди, хатосини тўғрилаш учун сўзламоққа мажбур бўлди.* Ойбек, Танланган асарлар.

**3** Тегишли вазиятга келтирмоқ, тартибга солмоқ, тузатмоқ. *Ёқангни тўғрилаб ол.* ■ *Анвар.. қизнинг юзидан ўпди ва унинг тўзғиган сочларини тўғрилаб, ҳаётбахш кокиларнинг муаттар бўйини узоқ ҳидлади.* А. Қодирий, Меҳробдан чаён.

**Кавушини тўғрилаб қўймоқ қ. кавуш.** *Кавушини тўғрилаб қўйиш керак, қурилишини ҳам, коллективни ҳам сариқ чақага сотади бу.* А. Мухтор, Туғилиш.

**4** Бирор томонга қаратмоқ, рўпара қилмоқ; йўналтирмоқ. *Прожекторларни самолётга тўғриламоқ.* ■ *Чол у ёқ-бу ёқ суриб.. ўртадаги ходани хаёл қилинган ип йўлига тўғрилаб қўйди.* М. Исмоилий, Фаргона т. о. *Гулнор умримга эгов бўлди. Яна у Мирзакаримбой хонадонига бошлиқ бўлиб кеккайсин, ҳеч ким билан сўзлашмасин, тугсин, бойликнинг нишабини ўз томонига тўғрилласин.* Ойбек, Танланган асарлар. *Ухаёл сураркан, кимнингдир қўли елкасига қўйилганини сезиб, дарҳол орқасига бурилди ва юзини юзига тўғрилаб турган Лолани кўрди.* Ш. Рашидов, Бўрондан кучли. *Биров ёшга тегади, биров.. бошқага. Худо юлдузингни ўшанга тўғрилаган экан, чорамиз йўқ.* Ойбек, Танланган асарлар.

**5 с.т.** Эпини, иложини қилиб битирмоқ, юзага келтирмоқ, муҳайё қилмоқ; эплаштирмоқ. *Мушкул ишни тўғриламоқ. Бу ҳақда ташвиш қилманг, ўзимиз тўғрилаймиз.* ■ *Ҳозир секретарнинг олдига тушгин, у ҳаммаси-*

ни тўғрилаб беради. Ойдин, Уялди шекилли, ерга қаради. Наинки, амирзода, бу ишни устод Қавомнинг бир оғиз сўзи билан ҳам тўғриламоқ мумкин.. Мирмуҳсин, Меъмор.

**ТЎҒРИЛИК** Тўғри эканлик, тўғри ҳолатга эгалик, тўғри бўлишлик. Йўлнинг тўғрилиги. Фикрнинг тўғрилиги. Тўғриликка ўлим йўқ. Мақол. ■ Деворий соат бирга занг урди. Урмонжон, бу соатнинг тўғрилигига шубҳаланди шекилли, ўз соатига қаради. А. Қаҳҳор, Қўшчинор чироқлари. Ҳалоллик, тўғрилик, поклик — одабийликнинг зарурий мезонидир. Газетадан.

**ТЎҒРИЛИКЧА 1** Тўғрилик билан, одатга кўра, очиқ, ошкор. Шу гапни тўғриликча айта қолсанг бўлмайдим. ■ Элмурод.. тўғриликча тўйиб овқат ейишга ҳам ҳақсиз эди. П. Турсун, Ўқитувчи.

**2** Беғараз, очиқ кўнгиллик билан, яшиликча. Мен ундан тўғриликча сўраган эдим, эриликка олди. ■ Уларнинг ундай-бундай сўзлари бўлмаган, тўғриликча келиб кетган эдилар. А. Қодирий, Ўтган кунлар.

**ТЎҒРИСИ 1** Иш, гап, нарса, одам ва ш.к. нинг тўғри деб ҳисобланадигани. Ишнинг тўғриси шу. Одамнинг тўғриси экансиз. Туянинг бубраси яхши, Сўзнинг тўғриси яхши.


Мақол. ■ Қани, хўш, тўғриси қанақа бўлар экан. П. Турсун, Ўқитувчи.

**2** Гапнинг очиғи; очиғини айтганда, сўзнинг рости. Тўғриси, мен сизни ҳозиргача унча яхши билмайман. ■ У севиб, сеvimли бўлганидан мамнун эди, бахтиёр эди. Энди у шу кунгача ҳеч кимни севолмаганидан, тўғриси, севаганидан ажабланарди. Шухрат, Шинелли йиллар.

**Тўғрисини айтсам (ёки айтганда) айн. тўғриси 2.** Тўғрисини айтганда, хато ўзингиздан ўтган. ■ Тўғрисини айтсам, бу гапларнинг ҳаммасига сиз сабаб бўлмоқдасиз, эр! А. Қодирий, Ўтган кунлар.

**ТЎҒРИСИДАГИ 1** Қаршисидаги, рўпарасидаги. Боғ тўғрисидаги уй. ■ Дўллар тўғрисидаги бешинчи чироқ титраб-титраб, ун гарди ўтирган кичкина шишасидан хира, кучсиз нур сочиб туради. А. Қодирий, Обид кетмон.

**2** Устидаги, ҳақидаги, хусусидаги. Эшоннинг «жилов» тўғрисидаги фикри Элмуроднинг ғазабини келтирди. П. Турсун, Ўқитувчи. Қоратойнинг юрагидаги ғазаб тўлқини, Йўлчи ва қиз тақдири тўғрисидаги ташвиш ишлашга имкон бермади. Ойбек, Танланган асарлар.



**У** (ж.к., ў.-п. к., ч.к. — унга, унда, ундан) **1** ки. олм. 3-ш. бирл. Сўзловчи ва тингловчидан бошқа шахсни, нутқ жараёнида қатнашмаётган шахс («ўзга»)ни билдиради. *У мендан бир ёш катта. Ундан ёшлар ўрناق олишади.* ■ *У кетгандан кейин, Сидиқжон шу ернинг ўзида чўкка тушиди.* А. Қаҳҳор, Қўшчинор чироқлари. *Мана, бошқарма бўлимида уни [Искандаровни] роса қизартиришди.* С. Аҳмад, Бош оғриғи. *Унинг овози ўзига жуда узоқдан эшитилаётганга ўхшарди.* С. Аҳмад, Юлдуз.

**2** кўрс. олм. Сўзловчидан наридаги ёки узоқдаги кимса, нарсани кўрсатиш учун қўлланади. *Бу китобни эмас, у китобни беринг. У йигитни танийсанми? Дарёнинг у ёғи.* ■ *У ерда нима кўп — паст-баландлик.* Шўҳрат, Олтин зангламас. *Мен бўлсам унинг йўлини аллақачон топиб қўйганман.* Х. Тўхтабоев, Ширин қовунлар мамлакати.

**Бошини (ёки ўзини) у ёққа урмоқ, бу ёққа урмоқ** Бирор нарса ҳаракатида ўзини минг алфозга солмоқ, астойдил уринмоқ. [Мирзакаримбой:] *Бошини у ёққа урдим, бу ёққа урдим, ахир бир эвини топдим, жиян.* Ойбек, Танланган асарлар. **Ё у ёқлик, ё бу ёқлик қилмоқ** Масалани кўндаланг ҳал қилмоқ, ишни бир ёқлик қилмоқ, ажрим қилмоқ. **У дунё қ. дунё 8.** *Тақдирга шукур қил, номусли камбағал бўл. У дунёда фойдасини биласан.* Ойбек, Танланган асарлар. **У дунё-бу дунё, у дунёю бу дунё қ. дунё 8.** **У ёқда турсин қ. турмоқ.** *Очилиш у ёқда турсин, очиқ хотинларнинг юзини ҳам кўрмайман, деб онт ичганман.* А. Қаҳҳор, Майиз емаган хотин. **У ёқда қолиб** Ёддан кўтарилиб, эсдан чиқиб,

унутилиб. *Канизак.. кўзи жиққа ёшга тўлди-ю, узр у ёқда қолиб, ҳасратга тушиб кетди.* А. Қаҳҳор, Қўшчинор чироқлари. **У ёғини суриштирсанг** Аниғини билмоқчи бўлсанг, очиғини айтганда, аслида. *У ёғини суриштирсанг, қишлоқда ҳамманинг рўзғори танг.* Ойбек, Танланган асарлар. **Уни қўй, буни қўй с.т.** Бошқа гапларни қўятур.. *Уни қўй, буни қўй, қачон бизникига келасан?*

**-у** (унли товушлардан кейин **-ю**) **1** боғл. Тенг ҳуқуқли икки сўз ёки гап бўлагини ўзаро боғлаб, «ва» маъносида қўлланади. *Еру кўк. Ёшу қари. Кечаю кундуз. Тўқсон бешу ўндан уч фоиз.* ■ *Қир-адирда ўтлар менинг кўю кўзим.* Ислом шоир.

**2** боғл.-юкл. Қиёс, зид маъноли гапларни таъкид маъноси билан боғлаш учун қўлланади. *Мен ҳам шуни ўйлаяпман-у, иккинчи ёқдан Шералига қараб туриб, ҳам раҳмим келади, ҳам ҳавасим.* С. Кароматов, Олтин кум.

**УБОРШИЦА** [р. убрать — «йиғиштириб, саранжом, ораста қилмоқ» фл. дан ясалган от] қ. **фаррош.** *Малоҳатхон.. эрининг қарши-лигига қарамай, район советига уборшица бўлиб ишга кирган экан.* А. Қаҳҳор, Жонфигон.

**У-БУ 1** Ноаниқ бўлган нарса, гап, ҳодиса маъносини билдиради. *Тахта ва гишталар устига у-бу ёпдилар.* А. Мухтор, Опасингиллар. *Излама энди баҳона, Демагин у-буда айб.* Э. Воҳидов, Муҳаббат. *Нури билан у-бу тўғрисида гаплашиб, кир ювар эди.* Ойбек, Танланган асарлар. *...гап сўрасам, тишим оғриб қолди, у-бу деб мужмал жавоб берди.* А. Қаҳҳор, Асарлар.

**2** Бирор гап-сўз; алай-балай. *...хурсандчилигини қилсин. У-бу дейдиган одамнинг оғзига уриш керак.* А. Қаҳҳор, Асарлар.

**УВ** тақл. с. Ит, бўри каби ҳайвонлар чиқарадиган чўзи овозни ва шу овозга ўхшаш бошқа нарсалар товушини, жумладан, инсон йигисидаги шу каби овозни билдиради. *Ув.. деб келар бўри овози.* С. Жўра. *Тўсундан даҳшатли ув билан гирдибод қуюн уларни ўради.* Ойбек, О.в. шабалалар. *Бирга турмайман десангиз, майли, суда беринг. Бирок мен шармандани кечиринг! Мен сизнинг тирноғингизга ҳам арзимайман! Ув!..* С. Сиёев, Отлиқ аёл.

**Ув солмоқ** (ёки **тортмоқ**) «Ув» деган чўзиқ овоз чиқармоқ. *Овул тинч, гоҳо узоқда, Аллонбий қўраси томонда бўри ув тортарди.* А. Мухтор, Қорақалпоқ қиссаси. *Дарахтларни юмдалар бўрон.. Гоҳ қутуриб ув солар бўрон.* З. Обидов, Яхши ният. *Шу тилда алласин айтгандир онам, Шу тилда ув тортган фарзанд доғда.* Шўхрат, Ёшлигимнинг давоми. *Хадича буви ҳам ув тортиб йиғлади.* М. Исмоилий, Фарғона т. о.

**УВА** Тоғ ёнбағирларидаги чети қиялаб кўтарилган ерлар, пасттекислик. *Гўё табиат қирлар, адирлар ва уваларга ям-яшил гилам қўйгандай.* Газетадан. *Қаршидаги улугвор тоғлар, уваларни томоша қилиб.. аравада лиқиллаб ланж бораман.* Ойбек, Болалик. *Сув ёқалаб келиб қолганим бу чечаклар уваси мунчалар гўзал, дўстим!* Миртемир, Тингла, ҳаёт.

**УВАДА 1** Кийим, тўшак ва ш.к. нинг тўзган, узилган парчаси. *Мен совуқдан сақланиш учун увадаси оқиб ётган кўрпа-тўшакларга ўралиб олар эдим.* Ҳ. Турсунқулов, Ҳаётим қиссаси. *Ниҳоят, тўнидан увада олиб отибди.. Шунақа, Тўлаган ака, душман отган тошдан жигар отган увада қаттиқ тегади.* А. Қаҳҳор, Кўшчинор чироқлари.

**2** Эскириб, ситилиб, йиртилиб дабдала бўлган кийим-кечак; латта-путта, эски-туски. *Чувриндиларга ўралган Лаъли увадага ўралган гўдагини қучоқлаб.. пўстак устида ўтирарди.* Ҳ. Фулом, Машғал. *Зангдан қорайиб кетган темир каравот устида кўрпанамо эски увадаларга бурканиб Дороббек ётарди.* Д. Нурий, Осмон устунни. *Болор ҳам хода бозори. Пахта, увада бозори..* «Равшан».

**3** сфт. Йиртилган, тўзган, увада ҳолга келган. *Увада камзулда биллур тугмадай Булутлар ортидан боқади юлдуз.* А. Орипов.

**4** кўчма Увадага ўхшаш нарса ҳақида. *Опоқ увада булутларни шамол ҳайдайди.* С. Зуннунова, Гўдак ҳиди. *Бир ёнда судралган қиш увадаси: Иркит қор уюми, тўнган нам тупроқ.* Р. Бобожон. *..ётда-бетда увада қорлар сочилиб ётарди.* Мирмуҳсин, Қуламас қоя.

**Увадаси чиққан 1)** эскириб, йиртилиб тўзган, дабдала бўлган. *Увадаси чиққан тўн.* ■ *Бояги тикроқ бола увадаси чиққан дастурхонни ёзиб, қотган-қутган бурда нонларни расамади билан сочиб юборди.* С. Кароматов, Олтин қум. *..аёл увадаси чиққан кўрпача солиб, эшитилар-эшитилмас овозда деди..* Ж. Абдуллахонов, Хонадон; 2) яроқсиз ҳолга келган, «дабдала» бўлган. *Комилжоннинг таклифи — увадаси чиққан эски гап.* И. Раҳим, Ихлос. *..композиторлар-ку қайта ишлайвериб, халқ кўшиқларининг увадасини чиқарди, энди қайта ишлашни ошпазга ким қўйибди..* И. Раҳим, Ҳилола.

**УВАДАЛАНМОҚ** Эскириб, титилиб, парча-пурча бўлиб кетмоқ; увада ҳолига келмоқ. *Қоратой икки томондан очиқ бўғотлари увадаланган ишхонада.. темир парчасини болга билан гурс-гурс урар, яссилар, чўзар, қайирар эди.* Ойбек, Танланган асарлар.

**УВАДАЧИ** айн. эскифуруш.

**УВАЛАМОҚ 1** Майда, увоқ қисмларга бўлмоқ; майдаламоқ, ушатмоқ. *Кесакни уваламоқ. Нонни уваламоқ.* ■ *Қум-кесакдан кўп бемадор қирғоқни [нўртана] ўпирарди, уваларди.* Ф. Фулом.

**2** Бошоқ, сўта ва ш.к. даги доналарни уқалаб ажратиб олмоқ. *Жўхорини уваламоқ. Анорни уваламоқ.*

**УВАЛАНУВЧАН** Яхши, тез, осон уваланиш (майдаланиш, парчаланиш) хусусиятига эга. *Уваланувчи ғишт.*

**УВАЛИ-ЖУВАЛИ** Кўп фарзандли, невара-чеварали. *Икки ёшнинг муҳаббатли, ували-жували бўлишларига дуо қилишгач, совчиларга заррин тўнлар кийдирилди.* А. Қодирий, Ўтган кунлар. *Буви.. уй соҳиби Ўтапнинг серфарзанд, ували-жували бўлишига истак билдирди.* Ҳ. Фулом, Машғал. *Толибжон ҳам ували-жували, хотин, болачақаси билан чиқиб, бобони кузатгани отланган эди.* А. Мухтор, Чинор.

**УВАЛЮ** қ. уввало. *Шошиб қолганидан, увалло уринишига қарамай, пальтосининг энгини тополмасди.* С. Абдуқаҳҳор, Кўзлар.

**УВАЛМОҚ** Майда бўлакчаларга бўлинмоқ; ушалиб кетмоқ, уваланмоқ. *Бўр увалиб кетди.*

**УВАТ** қ.х. Дала ёки экин майдони ичида, четларида қолдирилган бўш ер, тор йўл. *Адирларда ўрим боради, Уватларда ўтлайди пода. Х. Салоҳ, Чашма. Марза, уват, йўл ёқаларини ҳайдаш ҳисобига майдонимизни ўн икки гектарга кенгайттирдик.* Газетадан.

**УВВАЛО** Астойдил уриниб, зўр бериб; астойдил, роса. *Маҳкам ака уввало тушунтиришга уринса ҳам, чол эшитмасди. Р. Файзий, Ҳазрати инсон. Хотинлар уввало қистаса ҳам, Бувинисо ҳалимча коса кўтариб бормади. П. Турсун, Ўқитувчи. Уни тинчитиш, нима бўлганини аниқлашга уриниб, уввало ялинаман, қани тинчиса, қани очиқ айта қолса. Ҳ. Назир, Кўктерак шабадаси.*

**УВВОС** Ўқирган овоз, шундай овозли йиғи. *Куни билан Осим аканинг ҳовлисидан қий-чув, уввос кўтарилиб турди. И. Қаландаров, Шохидамас, баргида. Дилшод дарахтга қараб югурди. Аёллар ҳам уввос билан дарахт тағига келишди. М. Исмоилий, Фаргона т. о.*

**Уввос солмоқ** (ёки **тортмоқ, кўтармоқ**) Ўқирган, қаттиқ овоз чиқармоқ; шундай овоз билан йиғламоқ. *Барча баравар уввос солди. Қий-чув олқишлар, қарсак қўшилиб, ўрис созини эшиттирмай қўйди. С. Сиёев, Аваз. Қопқоғи қалайланган темир тобут уй ўртасига қўйилгач, хотин-халаж бирдан уввос солиб, аза очди. Э. Усмонов, Ёлқин. ..одамлар уввос тортиб, чапақлар, қарсақлар билан, оҳвойлар, қичқириқлар билан яна сўрадилар. М. Исмоилий, Фаргона т. о. Бечора она чидолмади, қабрни қучоқлаб, уввос тортди. А. Қодирий, Ўтган кунлар. Мабодо оломон ичидан бири чиқиб: «Биз одам бўлмаймиз», дейдиган бўлса, қолганлар «тўғри», деб уввос кўтариши турган гап. «Муштум».*

**УВЕРТЮРА** [фр. ouverture < лот. aper-ture, operture – очилиш, бошланиш] мус. 1 Опера, балет, кинофильм ва ш.к. га ёзилган, ана шу асарнинг асосий мавзуларини ифодаловчи мусиқали муқаддима. *Кўп ўтмай, фрак кийган дирижёр ўз ўрнига чиқди-ю, «Боғчасарай фонтани»нинг увертюраси бошланди. П. Қодиров, Уч илдиш. Симфоник оркестр опера бошланиши олдидан чалинадиган увертюрани.. ижро этади. Ҳ. Носирова, Опера ҳақида айрим тушунчалар.*

2 Оркестр учун ёзилган, бир қисмдан иборат мустақил мусиқий асар. *Концерт увертюраси.*

**УВИЗ** шв. Оғизнинг икки чети. *Оғзи ним очиқ, увиздан сизган сулаги соқолига ёпишган. «Шарқ юлдузи».*

**УВИШМОҚ 1** Қоннинг яхши (меъерий) юришмаслиги сабабли қарахт ҳолатли бўлмоқ (асосан, оёқ, қўл ҳақида). -*Қўлларини ечиб юборинг! – Арғун белидаги ханжарини суғуриб олиб, чилвир арқонни узиб ташлади. Амирак Аҳмад увишиб қолган қўлларини осилтириб уқалади. Мирмуҳсин, Меъмор. Қимирлатиб кўриб, ҳеч нарса сезмади. Оёқлари увишиб, йўқ бўлиб қолгандай эди. М. Мансуров, Ёмби. Сезганмисиз, оёқ увишиб қолганда, зилдай бўлиб, эгасига бўйсунмайди. М. Ҳазратқулов, Журъат.*

2 Лоҳаслик билан қисман қалтироқ ҳис этмоқ; жунжикмоқ (тана, эт, бадан ҳақида). *Оқшом салқинидан увишган танасини ҳаракатга келтириш учун керишаётган жангчининг елкасига панжаси билан қоқиб.. Н. Сафаров, Оловли излар. Заргаров чиндан ҳам эти увишиб, зўрға ўтирган эди. А. Мухтор, Бўронларда бордек ҳаловат. Бадани увишиб ўтирган аёл жонланиб, у айтган шим билан кўйлакни қўлига олди. «Ёшлик».*

3 *кўчма* Умуман, қарахт ҳолатда бўлмоқ (нарса ҳақида). *Лавли ўғилчасининг ўлимига чидаёлмай, кўп йиғлади, илгари юзи ёпилган булоқдай, юрак қаърида увишиб ётган оналик меҳри мана, ниҳоят, кечроқ бўлса ҳам, жўш урди. Д. Нурий, Осмон устунни.*

**Юраги** (ёки **қалби**) **увишмоқ** Нохуш нарсадан ўзини ёмон ҳис қилмоқ. *Мен, ёпирилиб келган совуқ туйғудан юрагим увишиб, арчага суяниб қолдим. О. Ёқубов, Излайман. У қоларкан қалби увишиб, Кўрқиб боқар ҳовлиси томон. О. Ҳожиева, Ҳаётга таъзим.*

**УВЛАМОҚ** айн. **увилламоқ**. *Увлаб йиғламоқ. ■ Увлаб қолди бир тўда оч, малғун бўрилар. Файратий. Туни билан бўлган ғазабли бўқиришлар, хунук алаҳлашлар, йиртқичдай увлаб йиғлашлар тинди. А. Мухтор, Опасингиллар.*

**УВОЛ** [а. عوار – ноқулай муҳит; бало, офат; фалокат ёки وصال – камчилик, нуқсон] 1 Айб, гуноҳ. *Ёшгина змадиган чақалогги бўлмаганда ҳам майли эди, унга қўл тегишмоқ увол! И. Акрам, Адолат. Меҳмонлар*

тўйга бориб хурсанд бўлишмади. Тўйбошининг орзу-ҳаваси уволга, замон сўзи билан айтсак, гуноҳга айланди. Н. Сафаров, Оловли излар.

**Уволи тутмоқ** ёки **уволига қолмоқ** Ножўя иш ёки ҳаракатнинг айбдори бўлмоқ; жазосини олмоқ. *Ўқишини жувонмарг қилсак, уволига қоламиз.* М. Исмоилий, Фарғона т. о.

**2** Фойдасиз ёки бевақт йўқ бўлиш, йўқолиш; нест-нобуд. *Умр увол, увол, баҳор меваларин, Ёшлик бўсаларин тўйиб тотмасанг.* А. Мухтор. *Хоҳишларинг бўлмасин увол!* Х. Олимжон.

**3** кўчма Бировга озор бермайдиган, зинъ етказмайдиган; ювош, заиф. [Акрам:] *Ие, ҳали сутдан оқ, мусичадек уволман денг?* О. Ёқубов, Айтсам, тилим куяди, айтмасам — дилим. *Боя чумолидек увол кўринган қиздек йигит энди кийикдек ел қувиб учиб борарди.* С. Аҳмад. Чўл бургути.

**4** Оғир, қийин, аянчли. *Жўжабирдек жон, болаларига увол бўлди.* Н. Сафаров, Уйғониш. *Оёқ-қўли бутун бўла туриб, чумчуқдан баттар увол яшайдиган одамлар ҳам бор.* С. Аҳмад, Қадрдон далалар.

**УВОҚ 1** Уватилган нарсанинг кичик бир бўлаги, увалган қисми; ушоқ. *Зокир.. бостон пиджагининг енгига ёпишган нон увоғини чертиб ташлади.* П. Қодиров, Уч илдиш. *Бинонинг ташқи томони мрамар тахталар ҳамда мрамар увоқлари билан пардозланган.* Газетадан.

**2** кўчма Жуссаси кичик, майда. [Шербек:] *Қорамол билан увоқ молга бу ерда тўплайдиган ем-хашагимиз бемалол.* С. Анорбоев, Оқсой. *Бундай мураккаб машинани мендек увоққина бир қиз бошқаришини қаёқдан билар эди улар.* Н. Сафаров, Узоқни кўзлаган қиз. *У, Дилбархон тасаввур қилганидек, йўғон, барваста эмас, балки 55 ёшлардаги увоққина одам эди.* Х. Тўхтабоев, Садоқат.

**3** кўчма Умуман, майда, кичик. *Увоқ мақсад учун тарихни чаплаб, Ҳомийларни, закийларни сотганлар озми?* А. Орипов, Йиллар армони.

**УВОҚЛАМОҚ** айн. **уваламоқ 1.** *Жувон нонни увоқлаб, қанд билан латтага туғиб, сувга чайқагандан сўнг, гўдак оғзига тутлади.* С. Азимов, Оппоқ тонг кўшиғи.

**УВУЛДИРИҚ** Балиқ ва б. баъзи сувда яшовчи жониворларнинг тухумчалари, уруғи; икра. *Босилиб, увулдириғи ситилиб чиқ-*

*қан балиқлар.* ■ *Қовоқ хумчадаги сутдан оқлаб, увулдириқ суркалган кулчани синдириб, меҳмоннинг олдига қўйди.* А. Мухтор, Қорақалпоқ қиссаси.

**УВУЛЛАМОҚ** Чўзиқ «ув» деган овоз чиқармоқ; ув тортмоқ. *Бўри увуллади. Ит увуллади.* ■ *Аллақандай бир тўда ит тўлқинга қарши увулламоқда.* Ғ. Фулом. *Шамол гоҳ оч бўридай увулар.. эди.* А. Қаҳҳор, Даҳшат.

**УВУН-ТЎДА 1** Эски, чирик, йиртиқ нарсалар; эски-тускилар. *Увун-тўдаларнинг орасида, хонақонинг бир бурчагида тонг оттирдим.* Ғ. Фулом, Шум бола.

**2** Бетартиб, пала-партиш; йиғиштирилмаган. *Увун-тўда ҳовли.* ■ *Уйнинг эшиги ланг очиқ эди. Нарсалар увун-тўда бўлиб ётибди.* Ш. Ғуломов, Ёрқин уфқлар.

**УВУШМОҚ** қ. **увишмоқ.**

**УГЛЕВОДЛАР** [р. уголь — кўмир + вода — сув: кўмирсувлар] Одам, жониворлар ва ўсимликлар ҳаёти учун зарур бўлган, угле-род, кислород ва водороддан таркиб топган органик бирикмалар гуруҳи.

**УГЛЕВОДОРОДЛАР** [р. уголь — кўмир + водород] Молекулалари фақат углевод ва водород атомларидан таркиб топган органик бирикмалар синфи.

**УГЛЕРОД** [р. уголь — кўмир + род(ить) — туғдирмоқ] Менделеев даврий системасининг IV гуруҳига мансуб, ҳамма органик моддаларнинг энг муҳим таркибий қисми бўлган кимёвий элемент.

**УГРА 1** Юпқа ёйилиб, узун ва майда қилиб кесилган хамир. *Угра кесмоқ.* ■ *Зиёдаҳон шитоб билан угра кесар экан, унга [Сидиқжонга] бир қараб қўйди.* А. Қаҳҳор, Кўшчинор чироқлари.

**2** Шундай хамирдан тайёрланган суюқ ош. *Олий нав ун угра, лағмон, манти каби таомлар учун кўл келади.* К. Маҳмудов, Ўзбек тансиқ таомлари. *Уста Абдуллажон келтирган бир коса серқатиқ угра ошидан икки-уч қошиқ ичиб, қайтариб берди.* О. Ёқубов, Видо.

**УД** [а. عود — дарахт, поя, новда; торли, чертма мусиқа асбоби номи] Катта ноксимо косахонали, калта дастали, кўп торли, чертиб чалинадиган мусиқа асбоби. *Уд чалмоқ.* ■ *Уд [барбат] — қадимги Ўрта Осиёда чертма торли мусиқа асбоби.* «Фан ва турмуш».

**УДАЙЧИ** айн. худайчи. Анвар бугунги нома ва аризаларни йиғиштириб, удайчига топширди. А. Қодирий, Меҳробдан чаён.

**УДАРНИК I** [р. ударить – «урмоқ, зарба бермоқ; уриб чалмоқ» фл. дан ясалган от] Отиш қуроллари затворининг отиш пайтида ўқ капсюлини уриб чақадиган, ўт олдирадиган учли қисми, учи. *Затвор ударничи. Ударник чақалаган пистон.*

**УДАРНИК II** эск. қ. зарбдор.

**УДДА** [а. عهدہ – масъулият, жавобгарлик; кафиллик, кафолат] Бирор ишни бажара олиш, ўринлатиш; амалга ошириш, эплаш. *Бу нозик вазифанинг уддасини сизга ҳавола этмоқчимиз. Ойбек, Навоий.*

**Удда қилмоқ** ёки **уддасидан чиқмоқ** Бажара олмоқ, эпламоқ, уддаламоқ. *Майли, ишни ҳам, ўқишни ҳам удда қиламан десанг, боравер. Ҳ. Назир, Сўнмас чақмоқлар. Битта бузоқни удда қилолмайсан-а. С. Нуров, Нарвон. Бригадамиз унча катта ва кучли бўлмаса ҳам, барча ишининг уддасидан чиқамиз, ишонаверинг! Ш. Рашидов, Бўрондан кучли.*

**УДДАБУРО(Н)** [а. عهدہ + ф. بران – кесувчи, кескир, ўткир] Ҳар ишни удда қила оладиган, эплай оладиган; эпчил, абжир, тadbиркор. *Уддабууро аёл. ■ Ҳомидхўжа Мирвалининг уддабууро бола эканини яхши биларди. С. Аҳмад, Сайланма. Нуъмонжон моҳир мастер, яхши бригадиргина эмас, балки уддабууро ташкилотчи ҳамдир. Н. Ёқубов, Қалб кўзи билан.*

**УДДАБУРО(Н)ЛИК** Уддабуурога хос хислат. *Фотиманинг бир сўзлилиги, уддабуронлиги ҳаммага ёқиб тушиди. «Саодат».*

**УДДАЛАМОҚ** Уддасидан чиқмоқ, удда қилмоқ, эпламоқ. *Кулиб туриб йиғлаш мушкул ҳол, буни энг моҳир артистларгина уддалаши мумкин. «Ёшлик». Раиса ўша йили раисга берган ваъдасини уддалади. Газетадан.*

**УДЛИ-ШУДЛИ** Ишни тез бажарадиган, эпчил; серҳаракат, серғайрат. *Удли-шудли қиз. Удли-шудли хизматчи. Удли-шудли бўлмоқ. ■ Болангиз тузук, удли-шудли чиқяпти. Ҳадемай, сизга суянчиқ бўлиб қолади. Ҳ. Назир, Индамас.*

**УДМУРТ I** Россия Федерацияси таркибидаги Удмуртия Республикаси туб аҳолисини ташкил этувчи халқнинг номи (қ. **удмуртлар**). *Удмурт халқи. Удмурт миллати.*

**2** Шу халқ, миллатга оид, мансуб. *Удмурт аёли.*

**УДМУРТЛАР** Удмуртия Республикасининг туб аҳолисини ташкил қиладиган, фин-угор тил гуруҳига мансуб пермь тилларидан бирида сўзлашадиган халқ.

**УДУМ** [а. عدوم – йўқлик, номавжудлик; йўқолган (йўқотилган) нарса] **I** Умум томонидан қабул қилинган ва амал қилинадиган тартиб; одат, расм. *Тошкентликда бағоят қадим Яшаб келар эзгу бир удум: Учрашганда биринчи сўроқ – «Тинчликми?» деб ҳол суриштирмоқ. М. Шайхзода. Қора уйлари н эса, эски удумга кўра, фақат аёллар тикишади. Ш. Холмирзаев, Оғир тош кўча.*

**2 с.т.** Айрим шахсга хос иш-машгулот, одат. *Паррандага уч: ҳали қарқуноқ тутиб келади, ҳали бедана. Бобосининг удумини қилиб, овчи бўламан, дейди. Ҳ. Назир, Сўнмас чақмоқлар.*

**УЕЗД** [қад. р. ездъ – йўл; кўча; юриш] эск. Чор Россиясида ва собиқ СССРда: 1929 йилгача губерна таркибидаги маъмурий-худудий бўлинма. *Уезд ҳокими «аканени мингбоши қиламан» деб.. дегрезлик Исомиддин деган жаллобни сайлаган эди. А. Қаҳҳор, Йиллар.*

**УЗА Узра** с. қисқарган шакли. *Боғинг уза рафтор ила ўтганда хиромон.. Т. Тўла.*

**УЗАЙМОҚ I** Бўйига чўзилмоқ, узунлашмоқ. *Йўл узайди. Қуёш оғиб, соялар узайди. ■ Катта-кичик дарахтларнинг ерга ташлаган кўланкалари, гердайиб кўкка узайган ҳайбатли қайрағочлар сирли, ваҳимали кўринди. Ойбек, Танланган асарлар.*

**2** Узоқ вақт давом этмоқ, чўзилмоқ. *Камбағал рўза тутса, кун узаяр. «Қанотли сўзлар». Сентябрьнинг охирлари. Кунлар қисқариб, тунлар эса узая бошлайди. Т. Обидов. Юсуфжон қизик.*

**УЗАЛА:** **узала чўзилмоқ** (ёки **тушиб ётмоқ**) Бор бўйи билан ясланиб, чўзилиб ётмоқ. *Ёрмат майса устига узала чўзилиб, қаттиқ уҳ тортди. Ойбек, Танланган асарлар. Шернийё узала тушиб, ухлаб қолган эди. Ж. Шарипов, Хоразм. Ҳовлига чиқиб, бирпас айланиб киради-ю, яна узала тушиб ётиб олади. С. Сиёев, Аваз.*

**УЗАЛАСИГА** Бор бўйича чўзилган ҳолда. *Бир-икки чайқалиб, гул пайкали устига узаласига йиқилиб тушиди. «Муштум».*

**УЗАЛМОҚ** айн. **узанмоқ**. *Саидий қизарди-да, узалиб, стол устида турган папиросдан бирини олиб тутатди ва илжайди. А. Қаҳҳор, Сароб. Нортोजи полвон узалиб, довуч-*



чалардан бирини олди. Н. Норқобилов, Бекатдаги оқ уйча. «Энди ўлдим», деб узалиб ётди. «Баҳром ва Гуландом».

**УЗАМОҚ** кам қўлл. Анча нари кетмоқ, узоклашмоқ. *Тонг отди, қизлар узаб кетди.* «Равшан».

**УЗАНА** шв. айн. узала, узаласига. *Гоҳ узана, гоҳ чалқанча ерга ётдим.* Н. Нарзуллаев.

**УЗАНГИ** Эгарнинг икки томонига қайиш билан боғлаб, осиб қўйиладиган, отга миниш ва эгарда оёқларни тираб ўтириш учун хизмат қиладиган, металлдан ясалган от абзали. *Комил кумуш узангига оёқ учини қўйиб, эгарга миниб олди.* Ҳ. Фулом, Машғал. *Маълум отлиқ қутидорнинг дарвозасида отини тўхтатди-да, ўнг оёғини узангидан узди.* А. Қодирий, Ўтган кунлар.

**УЗАНГИСОЗ** Узанги ясовчи темирчи уста. *Темиртош ўтрорлик бир узангисоз хунарманднинг биттаю битта ўғли эди.* М. Осим, Ўтрор.

**УЗАНМОҚ 1** Бутун бўйи (гавдаси) билан чўзилмоқ, чўзилиб ётмоқ. *Бунини пайқанган Отабек, ханжарини қинидан чиқариб, қўлига ушлагач, юзтубан ерга узанди.* А. Қодирий, Ўтган кунлар. *Гилямга узаниб, бошини қўллари устига қўйди.* Чўлпон, Кеча ва кундуз.

**2** Бирор нарсани олиш учун интилмоқ, қўл чўзмоқ; чўзилмоқ. *Қўзлари.. ёришиб кетди, лабларини ялаб, милтиққа узанди.* Ойбек, Қуёш қораймас. *Тилов узаниб, караотдан парёстиқ олди-ю, Жамшидга ялт қаради.* Ш. Холмирзаев, Тоғларга қор тушди.

**3** айн. Узаймоқ, чўзилмоқ. *Тўхтамади замонад раёси, Кунлар ортди, узанди бўйим.* М. Шайхзода.

**УЗАТМОҚ 1** Қўлидаги бирор нарсани бошқа бир шахсга бермоқ, қўл чўзиб тутқизмоқ, бировга тутмоқ. *Чой узатмоқ. Гул узатмоқ.* ■ *Раёно китобни секингина ёпиб, Анарага узатди.* А. Қодирий, Мехробдан чаён. *Тамила унга сўргич кийгизилган сутли шисани узатди.* Ў. Ҳошимов, Қалбингга қулоқ сол. *Юзини рўмол билан тўсган бир аёл деразадан ош узатди.* С. Аҳмад, Ҳукм.

**2** кўча с.т. Пора (пора тарзидаги нарса) бермоқ. *Унга бирор нарса узатмасангиз, ишингиз битмайди.*

**3** Бирор томонга йўналтирмоқ, чўзмоқ, ёзмоқ; ростламоқ (оёқни, қўлни). *Шерали дум-думалоқ қўлини Каримга узатди.* С. Ка-

роматов, Олтин қум. *У иккала оёғини узатиб, ўзини уйқу ихтиёрига топширди.* Ф. Мусажонов, Ҳиммат.

**4** срт. Ирғитиб, тепиб, иккинчи ўйинчига ўтказмоқ, етказиб бермоқ; оширмоқ (тўп, шайба ва ш.к. ни). *..бир-бирларининг қарши ҳужумларини мустаҳкамлаб, тўпни қисқа ва аниқ узатиб ўйнар эдилар.* Газетадан.

**5** Маълум жойгача биргалашиб бормоқ, кузатмоқ. *Уни электр чироқли столба тааигача узатиб, сўнг хайрлашди.* П. Турсун, Ўқитувчи. *Уста Олим Отабекни кўчагача узатиб чиқди.* А. Қодирий, Ўтган кунлар.

**6** Бирор манзилга йўлламоқ, жўнатмоқ. *Она бугун узатади ўз ўғлини фронтга.* Ҳ. Олимжон. *Менгбой танишларини узатди, яна Гаффор билан буфетга қайтиб кирди.* Ш. Холмирзаев, Оғир тош кўча.

**7** Етказмоқ, етказиб бермоқ. *Хабарларни узатмоқ, Электр тоқини узатмоқ.*

**8** Турмушга чиқармоқ, эрга бермоқ. *Қиз бола ота-онага омонат, узатиб тинчий! С. Зуннунова, Янги директор. Сиз узатишни хоҳламасангиз ҳам, балки у эрга тегишни хоҳлаб қолгандир.* Ў. Ҳошимов, Қалбингга қулоқ сол. *Келин қилсанг — йўқдан қил, қиз узатсанг — борга қил.* «Қанотли сўзлар».

**Қўрпага қараб оёқ узатмоқ қ. кўрпа. Оёқ узатиб** Хотиржам, бемалол. [Фотима:] *Мен ҳам дунёга умид билан келганман, оёғимни узатиб ўтирармиканман, деб ўғил ўстирганман.* А. Қаҳҳор, Оғриқ тишлар. *Пенсияга чиқиб кетиб, энди оёқни узатиб ётаман.* З. Эгамбердиев, К. Холмухамедов, Қари билгани — пари билмас. **Қаёққа узатса, қўли етади** ёки **қўлини қаёққа узатса, етади** Нимани истаса, шуни удда қилади; ҳар қандай мушкулотни ҳал қилишга қодир. [Зухра:] *Кимга гапирсанг, гапинг ўтади; қаёққа узатсанг, қўлинг етади.* А. Қаҳҳор, Оғриқ тишлар.

**УЗВ** [а. عضو — аъзо, тана қисмларидан бири] **1** Тана аъзоси; муча. *Саидийнинг икки йил ичида бўшаёзган иликлари тўлди, узвлари эшилиб бўртди.* А. Қаҳҳор, Сароб. [Бу мавжудотларда] *Бош ўрнидаги узв настага қараган, кўринишлари мискин ва қайғули эди.* Ҳ. Шайхов, Туташ оламлар.

**2** Бирор бутунликнинг ажралмас қисми, бўлаги. *Бу чаман шонли ватаннинг узви бўлгандан кейин..* Ф. Фулом.

**УЗВИЙ** Чамбарчас ҳолдаги, ўзаро боғланган; ажралмас. *Узвий алоқа.* ■ *Навоий мусамматлари унинг улкан лирик меросининг узвий бир қисмидир.* «ЎТА». *Бундай ҳол турмушда такрор бўлиши мумкин, чунки бир иш иккинчиси билан узвий боғлиқдир.* Ш. Рашидов, Бўрондан кучли.

**УЗГИЧ** Электр токини узиш, улаш учун хизмат қиладиган мослама. *Аккумулятордан келаётган ток тўғридан-тўғри трансформаторга келмасдан, узгич-улагич орқали келади.* Газетадан.

**УЗЕЛ I** [қад. р. возеле < везати (вязать) – тўқимоқ; боғламоқ, бириктирмоқ] **1** Транспорт йўлларининг туташган, кесишиб ўтган жойи. *Энг йирик темир йўл узели – А. станцияси учун шиддатли жанг давом этмоқда эди.* Н. Сафаров, Оловли излар.

**2** Бир жойга ўрнаштирилган, вазифаси жиҳатидан бир-бирига боғланган иншоотлар, механизмлар, қурилмалар ва ш.к. йиғиндиси. *Гидроиншоотлар узели.* ■ *Қотишма тайёрлаш узелида қишга яхши тайёргарлик кўрилмаган.* Газетадан.

**3** Машина ёки аппаратнинг ўзаро бириккан бир қанча содда деталлардан ташкил топган яхлит бир қисми. *Абдусаттор тракторнинг узелларини кўздан кечирди.* «Ўзбекистон кўриқлари». *Шубҳасиз, пахта териш машинасида ҳамма узел ва агрегатлар муҳим.* Газетадан.

**4** анат. Организмдаги маълум ҳужайраларнинг гуҷ ўрнашган жойи; тугун. *Лимфатик узел.* *Нерв узели.*

**УЗЕЛ II** денг. Кемаларнинг бир соатда босиб ўтилган денгиз мили сони билан ҳисобланадиган тезлик ўлчови. *Пароход ўн икки узел тезликда юрди.*

**УЗЗОЛ** [а. عزال – узоқлашиш, ажралиш; пастга сакраш] мус. Ўзбек халқ куйларидан бири; Шашмақом таркибида маълум шўъба номи (куй ҳаракатида кўққисдан 4-5 поғона пастлаш рўй беради).

**УЗЗУКУН** Куни билан, кун бўйи. *Кўйлар уззукун ўтлаб тўймагандек, ердан бош кўтармайди, қўра томон жилгиси келмасди.* Н. Фозилов, Дийдор. *Қорнинг ҳам очиққандир уззукун юриб, ҳозир овқатингни иситиб бераман.* С. Кароматов, Сўнгги бархан.

**УЗИКМОҚ** шв. айн. **узилмоқ 4.** *Дилшод Ғуломжонни аввал узикиб қолди, деб ўйлаган эди.* М. Исмоилий, Фарғона т. о.

**УЗИЛ-КЕСИЛ I** рви. Бекам-қўст, тўла ҳолда; батамом. [*Низомжон*] *Юрагида тўлиб-тошган гапларни узил-кесил тўкиб солмоқчи бўлиб, қизни излаб, яна далага қараб кетди.* С. Аҳмад, Уфқ. *Ҳали биз қипчоқ элидан узил-кесил қутулганимиз йўқ.* А. Қодирий, Ўтган кунлар. *Муайян соҳага оид муаммолар, жумбоқлар шу соҳанинг кўпчилик олимлари ҳамкорлигидагина тўла ва узил-кесил ҳал этилиши мумкин.* «Фан ва турмуш».

**2** Қарор ҳолига келган, қатъий. *Узил-кесил жавобимизни ўн кундан сўнг хабар қиламиз.* О. Мўминов, Хиёбондаги уч учрашув. *Ниҳоят, Раҳматулла хаёлий режалардан чарчаб, узил-кесил қарорга келди.* «Ёшлик».

**УЗИЛМОҚ I** **Узмоқ** фл. ўзл. ва мажҳ. н. Умиди узилди. *Алоқа узилди. Уқ узилди. Тан-дирдан янги узилган нон. Ип ингичка ердан узилади.* Мақол. ■ *Кўзлари жиддий, Маратдан узилмайди.* Ж. Абдуллахонов, Хонадон.

**2** Алоқаси, боғлиқлиги йўқ бўлмоқ; ажралмоқ. *Хотин кишининг уйдан узилиб, кўчага чиқиши осон эканми!* С. Анорбоев, Оқсой. [*Қодир Комилович*] *Халқдан узилиб қолганга ўхшайди.* Уйғун, Навбаҳор.

**3** Давом этишдан тўхтамоқ. *Йигит узилган ширин тушини яна бир он кўриш умидида кўзларини юммоқчи бўлди.* Ойбек, Кўёш қораймас. *Маазин эрталабдан кечгача очиқ, бу ердан эрталабдан кечгача хотин-халаж узилмасди.* А. Мухтор, Опа-сингиллар. *..кичкина қора қумғон тагидан олов узилмас эди.* Ойбек, Кўёш қораймас.

**4** Касали қайталамоқ, қайта оғирлашмоқ. *-Сен уринма, узилиб қоласан, – деди Маҳкам ака Фотима опага.* Р. Файзий, Чўлга баҳор келди. *Одатда врачлар бемор олдиға одам қўйишавермайди. Толиқади, узилади, дейишади.* Р. Файзий, Ҳазрати инсон.

**5** Жон бермоқ, жон таслим қилмоқ; ўлмоқ. *..бир қултумгина сув ҳам ичолмай, гул хидлаб ётиб, бечора узилди.* Мирмуҳсин, Умид. *Калта-калта нафас олиб, шипга қараб ётиптилар.. Кун ёйилганда узилдилар.* А. Қаҳҳор, Кўшчиноур чироқлари.

**Ичаги (ёки ичи, қорни) узилмоқ I** қорни жуда очмоқ, очиқмоқ. [*Рувзон хола:*] *Қўй, болам, бунақа беҳуда хаёлларни.. Ол, ошингни ич, ичагинг ҳам узилиб кетгандир.* Ҳ. Назир, Ўтлар туташганда. *Ола қол.. қорнинг ҳам узилиб кетгандир..* С. Акбарий, Чўлдаги пар-

воз; 2) қаттиқ кулгидан ёки йиғидан ҳолдан тоймоқ. - *Чиройли йигит, ақли йигит, — деб мақтай-мақтай, Тўйбеканинг ичаги узилди.* А. Қодирий, Ўтган кунлар. **Насибаси** (ёки **туз-насибаси**) **узилмоқ** Бирон ердан кетиш зарурати туғилмоқ, кетишга тўғри келмоқ. *Наҳот Зорқишлоқдан ҳам насибам узилган бўлса.* С. Аҳмад, Ҳукм. *Еримиздан туз-насибанг узилмасин, болам!* М. Хайруллаев, Тилла маржон. **Оёғи узилмоқ** Келмай қўймоқ, келиш-кетишни тарк этмоқ, тўхтатмоқ. *Келди-кетди бўлиб, Низомжон уч-тўрт кун Дилдор билан бафуржа учрашолмади.. Ниҳоят, уйдан меҳмонларининг оёғи узилди.* С. Аҳмад, Уфқ. **Юраги** (ёки **юрагининг бир чети**) **узилмоқ** Бирор кимса ёки нарсага ачинмоқ, гоят хафа бўлмоқ. *Жонузоқнинг юмалоқ қўйма гавдаси.. узоқдаги тунд буталар орасида кўздан яширинганида, Бобоқулнинг юраги узилиб қолди.* С. Анорбоев, Оқсой. [Нодир] *Автобусга ўтириб, станцияга яқинлашгани сари, юрагининг бир чети узилиб қолгандек бўлаверди.* Ш. Фуломов, Ёрқин уфқлар.

**УЗЛАТ** [a. عزلت — ёлғизланиш, яккаланиш; ёлғизлик] *кт. дин.* Кишилардан узоқ, якка ҳолдаги ҳаёт; холи жой; ёлғизлик. *Бу имонсизлардан имонимни асрай десанг, етти қат ер тагидаги жаҳаннамда ёнмай десанг, узлатга чекин, узлатга, бошингни олиб кет бу ердан, Бобоқул.* С. Анорбоев, Оқсой. *Қолган кунларимни бир чеккада, узлатда худодий таолога сиғиниб, тоат-ибодатда яшамоқчиман.* Мирмуҳсин, Меъмор.

**УЗЛАТНИШИН** [a. + ф. عزلت نشين — узлатда ўтирувчи] *кт.* Узлатда яшовчи. *Назаримда, бошқа ҳеч нарса билан иши йўқ, димиқиб ётган бу узлатнишин одамга бизнинг келишимиз деразадан отилиб кирган баҳор шабадасидек туйилиши керак эди.* А. Мухтор, Давр менинг тақдиримда.

**УЗЛУКМОҚ** *шв. айн. узилмоқ 4.* [Гавҳар:] *Сал дармонга кирсангиз, яхши бўларди. Узлукиб қолмаскиансиз?* С. Зуннунова, Гулхан. *Икки мартаба одам юборганимда, [Абдумажиднинг хотини] унамабди, ҳали дармонга киргани йўқ, узлукади, дебди.* А. Қаҳор, Асрор бобо.

**УЗЛУКСИЗ 1** Бирин-кетин, кетма-кет, пайдар-пай. *Машиналар узлуксиз ўтиб турипти. ■ Бетон қоришмаси узлуксиз келиб*

*туради.* «Ўзбекистон кўриқлари». *Гранаталар узлуксиз учди.* Ойбек, Куёш қораймас.

**2** Тўхтамасдан, тинимсиз, изчил равишда. *Икки сутка узлуксиз ёмғир ёғди. ■ Йўл бўйлаб кетган симёғочлар эса узлуксиз гувуллайди.* П. Турсун, Ўқитувчи. *Қишлоқ хўжалиги ишлаб чиқариши узлуксиз юксалиш йўлидан бормоқда.* Газетадан.

**Узлуксиз таълим** Ўзаро мантиқий изчиллик асосида боғланган ҳамда соддадан мураккабга қараб ривожланиб борувчи ва бир-бирини тақозо этувчи босқичлардан иборат яхлит таълим тизими.

**УЗМА** Юпқа ёйилган хамирни қўлда узиб, қиймали шўрвага солиб пиширилдиган таом.

**УЗМОҚ 1** Куч билан тортиб, юлқиб, бутундан ажратмоқ, бутунни қисмга бўлмоқ. *Ҳўкиз бир силтаб, арқонни узиб юборди. ■ Жўра пошша бўйнидан марварид маржонини чиқарди-да, ипини шарт-шарт узиб, марваридларни кизизга тўкди.* М. Исмоилий, Фарғона т.о. *Дуторчи дуторнинг қулогини жаҳл билан қаттиқ бураб, торини узиб юборди.* А. Қаҳор, Қанотсиз читтак. *Зиёдахон, зувала узар экан, ҳазиломуз жавоб берди.* А. Қаҳор, Қўшчинор чироқлари.

**2** Палак, новда ёки тупидан ажратиб олмақ, кесмоқ. *Қовун узмоқ. Помидор узмоқ. Узум узмоқ. Олма узмоқ. ■ ..гулга термини ўтиришни эмас, уша гулни узиб, искаб юришни ёқтиради.* С. Сиёев, Отлиқ аёл.

**3** Кесиб, қирқиб, жойидан бўлак қилмоқ. *Қилич билан бошини узмоқ. ■ Глуховнинг иккала оёғини нақ сонидан снаряд узиб кетди.* Т. Рустамов, Мангу жасорат.

**4** Турган, ёпишган жойидан ажратмоқ, холи қилмоқ. *Бу харсанени ердан узиб бўлмайди. Тандирдан нон узмоқ. ■ Жапақ қизчани бағридан зўрға узиб, отилиб ташқарига чиқди.* А. Мухтор, Қорақалпоқ қиссаси. *Юнус.. тиззаларини оғриқ кемириб еб ташлаётган бўлса ҳам, бошини ёстиқдан узиб, қимирлатиб қўйди.* С. Анорбоев, Оқсой.

**5** Давом қилдирмаслик; тўхтатмоқ, кесмоқ. *Гапни узмоқ. Сухбатни узмоқ. ■ [Саодат:] Қўрқмасим ҳам борми, ўзинга эҳтиёт бўл, хатингни узма.* Н. Сафаров, Саодатнинг қиссаси. *Бўй етган қиз, ҳозир сен билан алоқани узган, узмаса ҳам, бушаштирган бўлар эди.* П. Турсун, Ўқитувчи.

**6** Қарзни тўламоқ, эвазини бермоқ (қайтармоқ). [Фофир:] Шунча қарзим бор эканми? Мен буни қандай узаман, бой ота? Ҳамза, Бой ила хизматчи. Олган омонатини батамом уздим? К. Яшин, Ҳамза. ...юртдан еган ошларини узиш ниятида туй таралдудига тушди. С. Аҳмад, Хазиана.

**7** Қаттиқ тишламоқ ёки чақмоқ; тишлаб ёки чақиб яраламоқ. Итнинг иши — узмоқ, Ёмоннинг иши — бузмоқ. Мақол. ■ Атрофда гув-гув пашша: оёқларга ёпишади, бурун катакларига суқилади, қулоқни узади. Ойбек, Танланган асарлар.

**8** кўчма Қаттиқ таъсир қилиб азоб бермоқ, оғритмоқ, ачиштирмоқ (иссиқ, совуқ, зарб, гап-сўз ва ш.к. ҳақида). Қизилқумда қиш изғирини баданни узиб ола бошлаган кезде, кечаги студент трассага келиб, колонна механиги бўлиб ишга тушган эди. Ҳ. Назир, Ўтлар туташганда. Шудгор, қизиган мисдай, оёқни жизиллатиб узиб олади. Ф. Фулом, Тирилган мурда. Пишиқ ўрилган чарм қамчин билан Йўлчининг очиқ кўкрагини ва бўйинини узиб олди. Ойбек, Танланган асарлар. ...ўртоқ Қобилов шу гаплари билан Фармонқул акани бир узиб олади. С. Маҳкамов, Шогирд.

**Ичагини узмоқ** Кулги ва ш.к. лан ҳолдан тойдирмоқ. Ўтов оғаси Сулаймон оқсоқолни кулдириб ичагини узди. К. Яшин, Ҳамза. **Кўз (ёки кўзини) узмоқ** Нигоҳини олмоқ, қарамай кўймоқ. Ҳасан узоқлашиб кетган машинадан кўзини узмай қотиб турарди. С. Зуннунова, Кўк чироқлар. Йўлчи гоҳ-гоҳ кўзларини ердан узиб, қисқа-қисқа жавоб бериб турарди. Ойбек, Танланган асарлар. **Кўнгил узмоқ қ. кўнгил.** Аммо билимга чанқоқ болалар мактабдан кўнгилларини узмай, ўқишда давом этдилар. К. Яшин, Ҳамза. **Оёқ (ёки оёғини, қадамни) узмоқ қ. оёқ.** Ҳув ўша Моҳирўйжаҳонда ўқилган таърихдан кейин у Табибийнинг уйдан оёқ узиб кетган эди. С. Сиев, Аваз. Нега бизникидан қадам узиб кетдингиз ё кўнгил қоларлик гап ўтдимиз биздан? К. Яшин, Ҳамза. **Тутган жойини (ёки ерини) узади** Айтганини, кўзлагини амалга оширмай кўймайди. Юмшоққина гапиради-ю, тутган ерини узаман дейди-я. Р. Файзий, Чўлга баҳор келди. **Умид (ёки умидини) узмоқ** Истагининг амалга ошмаслигига ишонмоқ, ундан воз кечмоқ, умидсиз ҳолатда бўлмоқ. Ҳасан полвон умид узди ўздан.. Эргаш Жуманбулбул ўгли. Аваз ўғлон

кўнглин бузиб боради, Дунёдан умидин узиб боради. «Маликаи айёр». **Ўқ узмоқ** Ўқ отмоқ. Мингта ўқни камонидан узади.. «Нурали». **Қулоқ узмай** Диққат билан қулоқ бериб. Тагин бир неча дақиқа қулоқ узмай туриб, ўрнидан кўзгалмоқчи бўлиб турган эди. А. Қодирий, Ўтган кунлар.

**УЗОР** [ا. عذار — юздаги майин тук; юз, чеҳра] эск. поэт. Юз, рухсор. Мунча латифу мунча соз лола узорини кўринг. Ҳабибий.

**УЗОҚ 1** Оралиқ масофаси (нисбатан) катта, нисбатан нарида жойлашган; олис. Узоқ қишлоқдан келди. Овози узоқ-узоқларга етмоқ. Туяга миниб, узоқни кўзла. Мақол. ■ Сидиқжоннинг кўзи дарёнинг у томонида, узоқ уфқда милтиллаб турган сон-саноқсиз чироқларга тушди. А. Қаҳҳор, Кўшчинор чироқлари. Бир маҳалда узоқда қора нуқта кўринди. Мирмуҳсин, Меъмор.

**2** Вақт эътибори билан давомли, катта, кўп. Узоқ тикилмоқ. Узоқ сўхбатлашмоқ. Узоқ кутмоқ. Узоқ муддатли кредит. Узоқ яшамоқ. ■ Бу жанг узоққа бормайди. Мирмуҳсин, Меъмор. Сидиқжон узоқ сукут қилиб қолгандан кейин бош чайқади. А. Қаҳҳор, Кўшчинор чироқлари.

**3** Дўстлик, қариндошлик, танишлик ва ш.к. жиҳатдан боғланиш у қадар яқин бўлмаган, яқин эмас. У ерда Элмуроднинг ҳам бир эмас, кўнгина узоқ қариндош-уруғлари бордир. П. Турсун, Ўқитувчи. Меҳмон узоқ қариндош — отасининг аммавачаси — Аширмат эди. Ойбек, О.в. шабадалар. Нурининг никоҳ кунини бегона қиз — узоқ қиз бутунлай таниш ва яқин бўлиб қолди. Ойбек, Танланган асарлар.

**4** кўчма Бевосита алоқаси, муносабати йўқ; алоқасиз. Бундоқ маслаҳатларда маҳкама соҳиби, аммо илму фандан узоқ Аҳмад Чалабий ҳам бир чеккада эснаб ўтирарди. Мирмуҳсин, Меъмор. Султонмурод шу вақтгача халқ тирикчилигидан узоқ яшар, унинг дардларига бегона эди. Ойбек, Навоий.

**Кўздан узоқ** Назар-эътибордан четда. Кўздан узоқ юр, ўқдингми? Ойбек, Навоий. **Узоқ гап с.т.** Амалга ошиши ёки юзага чиқиши қийин бўлган нарса ҳақида. Офтоб ойим қариндошларидан жонкуяр деб танилган киши Кумушбидининг тоғаси — Аҳмадбек бўлиб, у ҳам умрининг кўпини Кўқондами, Хўжанддами ўтказар, шунинг учун ундан ёрий кутуш ҳам узоқ гап эди. А. Қодирий, Ўтган кунлар.

**Узоқ йили** Ўтган йилдан олдинги йил, бурноғи йил. *Бухорода, узоқ йили бетоб бўлиб ётганида ҳам, кўзига шундай мурдалар, алвастилар.. кўринган эди. Мирмуҳсин, Меймор. Узоқни кўрмоқ* Келажак ҳақида тўғри фикр юрита билмоқ, оқибатини ўйлаб иш тутмоқ. *Бугунни эмас, узоқни кўриш керак, косовинг узун бўлса, кўлинг куймайди. А. Мухтор, Қорақалпоқ қиссаси. Ҳамма бало шу саводсизликдан чиқяпти. Узоқни кўролмайди. С. Аҳмад, Ҳукм. Узоққа бормайди* Кўп давом этмайди, тез фурсатда барҳам топади, тамом бўлади. *Энди ўзини қаёққа урса ҳам, узоққа бормайди. Ҳисоботини эшитамиз-у, тамом. П. Турсун, Ўқитувчи. Узоғи билан* Кўп деганда, кўпи билан. *Узоғи билан икки-уч кун ичида ишингизни оласиз. Н. Сафаров, Ҳаёт мактаби. Эҳтимолдан узоқ эмас* Амалга ошиши осон, бўлиши мумкин.

**УЗОҚЛАМОҚ** кам қўлл. **1** Кўп (анча) вақт ўтказмоқ (ўтмоқ). *Узоқламай Нормуҳаммад қушбеги Кўқондан бош тоблаб, ўз олдиға мустақил ҳужумат эълон қилган бўлди. А. Қодирий, Ўтган кунлар.*

**2** айн. **узоқлашмоқ.** *Дилбар, гўё ўз номини унутгандек, орқасига қарамай узоқлаб кетди. «Гулдаста». Икромжон шовуллаб турган кимсасиз тўқай ичида анча узоқлаб кетган эди. С. Аҳмад, Уфқ.*

**УЗОҚЛАШМОҚ 1** Бирор кимса ёки нарсадан нари (узоқ) кетмоқ; йироқлашмоқ. *Зайнаб орқасига қарай-қарай, Отабекдан узоқлашди. А. Қодирий, Ўтган кунлар. Чойхўрлар бирин-кетин ўринларидан туриб, Ойқизнинг кўзидан узоқлашишга шошилар эдилар. Ш. Рашидов, Бўрондан кучли.*

**2** кўчма Қариндошлик, қадрдонлик, яқинлик алоқаларини сусайтирмоқ ёки йўқотмоқ; борди-келди қилмай қўймоқ; бегоналашмоқ. *У [Мирзакаримбой] ўз ичида ўйлади: «Онасининг узоқлашиб кетган тоғасини йигит бекорга йўқлаб келадими?» Ойбек, Танланган асарлар. Гавҳар бир нарсани тушунмасди: Одамлар ундан узоқлашяптими ё ўзи одамларга бегона бўлиб қоляптими? Ў. Ҳошимов, Қалбингга қулоқ сол. Равшан эса лаҳза сайин бегоналашиб, узоқлашиб борар, ёниға йўлатмасди. «Ёшлик».*

**УЗОҚЛИК 1** Узоқ эканлик, узоқ бўлиш. *Йўлнинг узоқлиги анча қийнади.*

**2** Оралиқ масофа, масофа. *Қишлоқ шўроси Учқулоқ қишлоғига жойлашган. Тикте-*

*падан узоқлиги уч чақиримча бор. А. Қодирий, Обид кетмон.*

**3** Узоқда бўлган жойлар, узоқда жойлашган ерлар. *Поёнсиз қирнинг.. кўз илғамайдиган узоқликлари туманлангансимон кўриниш берар эдилар. А. Қодирий, Ўтган кунлар. [Гулнор] Шийпоннинг панжарасига яқин келиб, узоқликларга тикилди. Ойбек, Танланган асарлар.*

**УЗОҚМОҚ** кам қўлл. Узоқ вақт келмай қолмоқ; ҳаяллаб қолиб кетмоқ. *Ишбоши дейман, шаҳарда жуда узоқиб қолдингиз, қани, ўтиринг, нима гаплар бор? Ҳ. Шамс, Душман.*

**УЗР** [а. عذر – кечирим; кечириш, оқлаш; баҳона, сабаб] **1** кам қўлл. Кечириш, афв этиш. *Ёшликда ҳаммадан ҳам хатолик утади. Кичикдан – хато, каттадан – узр. Ў. Ҳошимов, Қалбингга қулоқ сол.*

**2** Бирон иш, хатти-ҳаракатни оқловчи нарса; сабаб, важ. *Ишлашдан кўрқичим тўғрисидаги узримни айтиб йиғладим. Ф. Фулом, Тирилган мурда. Уйлашни сизга ҳам фарз, ҳам қарз. Бунга қолганда, албатта, бир узр кўрсатолмайсиз. А. Қодирий, Ўтган кунлар. ..Молимизни ортган туякашлар шу саройга тайинланган эдилар. -Ҳар ҳолда, бу узр эмас! А. Қодирий, Ўтган кунлар.*

**3** Афв этиш, кечириш ҳақидаги илтимос; кечирим. *Ўтиб кетган, ҳозир ҳаммамизни ҳам хижолатга қўйган иш тўғрисида Фармонқул, узр тариқасида бўлса ҳам, гап очармиким, деб хавотирда эдим. А. Қаҳҳор, Қўшчинор чироқлари.*

**Узр сўрамоқ (ёки айтмоқ)** Гуноҳини кечиришни, афв этишни илтимос қилмоқ. *Юсуфжонов шу ҳаёлда келаркан, ўзини бир аёлга уриб олиб, ундан зўрга узр сўради. Н. Фозилов, Ҳаёт ўргатди. Бор, жонгинам, амакингга, Саврихон аяга узр айт. «Муштум».*

**4** унд.с. «Афв этинг». «кечиринг» маъноларида ишлатилади. *-Узр, сизни кўрқитиб юбордим, – деди Фуломжон. М. Исмоилий, Фаргона т. о. -Узр, айбга буюрмайсиз, – деди Нусратбек, олимни ишдан қолдираётганига ийманиб. С. Нуоров, Нарвон.*

**УЗРА** (б.к. билан) кўм. поэт. Макон муносабатини билдиради; сиртида, устида ёки тепасида. *Ўрмонлар шувуллаган Олис юртда ҳали ҳам, Номсиз тепалик узра Ухлаб ётибди отам. Э. Воҳидов. Адирдаги лолалар кўмкўк майса узра чирой касб этган. Газетадан.*

Кетмонни расмана ушлаб, боши узра баланд кўтарди. С. Кароматов, Олтин қум.

**УЗРЛИ** Кечирса бўладиган, сабаби бор, сабабли. *Бугун узрли иш чиқиб қолди: Шаҳардан божамиз совға-салом билан келган эди. А. Қаҳҳор, Қўшчиноҳ чироқлари. Одилжоннинг бошқа ҳар қандай хатти-ҳаракати, Саодатга.. кўрсатган марҳамати олдида кечиримли, узрли эди. Бироқ бу найранги тутадиган тутумга тўғри келмасди. «Ёшлик».*

**УЗР-МАЪЗУР** [узр + маъзур] Кечирим сўраш ва афв этиш, кечирिश; узр ва маъзур. *Узр-маъзур айтишмоқ. ■ Айб сизда бўлса, бир узр-маъзур кечаси қиламиз. А. Қаҳҳор, Сароб. Куёви билан узр-маъзур қилиб олган Пошша хола кечга томон уйига қайтди-ю, кўча эшиги олдида асло кутмаган кишисига йўлиқди. Д. Нурий, Осмон устунни.*

**УЗРСИЗ** Асосли сабаби бўлмаган; асосиз, сабабсиз. *Узрсиз сабаб. Машғулотдан узрсиз қолмоқ.*

**УЗУАЛ** [лот. usus — қўллаш, ишлатиш, фойдаланиш] тлиш. Умум қўлланишга оид, умум қўлланишга хос. *Узуал маъно.*

**УЗУК** Безак учун бармоққа тақиладиган, турли металллардан ҳар хил шакл ва катталиқда ясаладиган ҳалқасимон заргарлик буюми. *Тилла узук. Ёқут кўзли узук. Узукка кўз солмоқ. ■ Ҳожи хола узукни этдор синчалоғига ўткази туриб, ҳиринглади. М. Исмоилий, Фарғона т. о. Эримбет муштумига бежирим иягини тираб ўтирар, бармоғидан узуги лунжига ботиб кетган эди. А. Мухтор, Қорақалпоқ қиссаси.*

**Узукка кўз солгандай (ёки қўйилгандай)** Бир-бирига ниҳоятда мос, муносиб. *Ёрматнинг қизини дадангизга қўшсак, нақ узукка қўйилган асл тошдай ўз жойига тушадими? Ойбек, Танланган асарлар.*

**УЗУКЛИ** Узуги бор, узук тақилган. [Уста] *Сопол обдастадан қўлига сув солиб, узукли қўллари билан бошимни ишқалай кетди. Ф. Фулом, Шум бола. Валихон бриллиант узукли кўрсаткич бармоғини бигиз қилиб таъкидлади. Ш. Тошматов, Эрк куши.*

**УЗУМ 1** Токнинг ғужумлардан иборат меваси. *Бир шингил узум. Узум ғужуми. Узум шарбати. Узумини енг, боғини суриштирманг. Мақол. ■ Салимбойвачча икки ишкомга кириб, бошдан-оёқ кўриб чиқди: Узум ток баргидан ҳам мўл. Ойбек, Танланган асарлар.*

*Бир кунни кўчада кетаётсам, Умри бир бош узум кўтариб келяпти. А. Қаҳҳор, Хотинлар.*

**2 с.т.** Ток. *Узум эсмоқ. Узумни хомотқ қилмоқ.*

**УЗУМЗОР** Ток экилган ер, токли майдон, боғ. *Боғ ва узумзорлар, полизлар.. мўл ҳосилни кўз-кўз қиларди. «Саодат». Бу ер узумзор экан. Улар биринчи ишкомга кириб олдидлар. Ҳ. Фулом, Машғал.*

**УЗУМЧИ 1** Ток экиш ва узум етиштириш билан шуғулланувчи мутахассис, боғбон.

**2** Кўплаб узум олувчи, узум билан савдо қилувчи шахс. - *Гард орасидан ориқ байталга минган бир узумчи чол пайдо бўлди, — деди Шум бола. Ф. Фулом, Шум бола.*

**УЗУМЧИЛИК 1** Боғдорчиликнинг ток ўстириш ва узум етиштириш билан шуғулланадиган тармоғи. *Узумчиликни ривожлантирмоқ.*

**2** Токнинг биологик хусусиятлари ва уни ўстириш усулларини ўрганадиган фан (ўсимликшуносликнинг бир бўлими).

**УЗУН 1** Бўйига, узунасига ўлчами катта, меъёридан ортиқ. *Узун сим. Узун соч. Узун ёғоч. ■ Адолат қалин ва узун киприкларини ялт этиб кўтариб, Норматга қаради. И. Раҳим, Чин муҳаббат. Илк кўклам ёғдулари ўқув корпусининг узун коридорларини равшанлаштириб юборган. П. Қодиров, Уч илдиш. Куёв узун ва кенг зарбоф тўн кийиб, катта салласига кўркам олтин жиға кўндириб, ҳавони титратган карнайлар, сурнайлар садоси билан ўзиникига кетди. Ойбек, Танланган асарлар.*

**2** Баланд, новча. *Узун терак. ■ Ҳасан сўфи узун, нозик гавдасини чўзиб, ерга ётди. М. Исмоилий, Фарғона т. о.*

**3** Узок вақт давом этадиган, чўзиладиган; тезда тугамайдиган; давомли, узок. *Узун маъруза. Узун эртақ. ■ Қишнинг узун тунлари бу ерда улфатлар гап ейишади. П. Турсун, Ўқитувчи. Унинг кичик, кўкишироқ кўзлари.. узун умрининг тарихини жонли ифода қилар эди. Ойбек, Танланган асарлар.*

**Арқонни узун ташламоқ қ. арқон. Узун косов** Ҳар қандай буйруқни бажарувчи, зарар етказмайдиган. *Сен пистони чақилган одамсан, бизнинг қўлимизда узун косов бўлиб хизмат қилишдан бошқа ишга ярамайсан. А. Қаҳҳор, Қўшчиноҳ чироқлари.*

**УЗУНАСИГА** *рви.* Бўйи томонга қараб; бўйига томон. *Йигит қўлочини катта отиб, сувни шақ-шақ савалаб, қирғоқ бўйлаб — узунасига сузди.* Ойбек, Танланган асарлар. *Ҳовлининг узунасига икки бети баланд лой томли иморат бўлиб, янги бинога тақалади.* С. Юнусов, Кутилмаган хазина.

**УЗУНЛАШМОҚ** Узун бўлмоқ, узаймоқ. *Кўёш оғса, соялар узунлашади.* ■ *Шамол кучайиб, оловнинг тили яна ҳам узунлашди.* С. Аҳмад, Уфқ.

**УЗУНЛИК 1** Узунасига ўлчами, бўйи. *Дарёнинг узунлиги. Сочнинг узунлиги.* ■ *Шербек бўлса, қўлидаги линейкаси билан кўзи-чоқнинг жунини ўлчар ва дафтарига унинг.. узунлигини ёзиб қўярди.* С. Анорбоев, Оксой. *Қазиладиган ариқнинг узунлиги ўттиз чақирим.. эди.* А. Қодирий, Меҳробдан чаён.

**2 геогр.** Бош меридиандан экватор бўйлаб кетган ва градуслар билан ўлчанадиган масофа (ер сатҳи юзасидаги нуқтани аниқлаш учун хизмат қилади). *Шарқий узунлик. Фарбий узунлик.*

**УЗУНЧОҚ** Энига қараганда бўйи анча чўзиқ, анча узун; чўзинчоқ. *Узунчоқ юзли одам.* ■ *Узунчоқ столнинг икки четида идора хизматчилари ўтирибди.* С. Сиёев, Отлиқ аёл. *Карп балиқларининг гавдаси қўполроқ, узунчоқ, ўзи читтакдай чаққон.* Ҳ. Назир, Сўнмас чақмоқлар.

**УЗУНҚАНОТ** Қалдирғочнинг қанотлари бўйига нисбатан узунроқ бир тури.

**УЗУНҚУЛОҚ; узунқулоқ гаплар** Оғиздан оғизга ўтиб юрган, бир-биридан эшитилиб етиб келган гаплар. *Шум хабарнинг қўлоғи бўлади дегандай, узунқулоқ гаплар Хоразмнинг қишлоқларига тарқалди.* Ж. Шарипов, Хоразм.

**УЗУРПАТОР** [*лот.* usurpator < usurpare — фойдаланмоқ, қўлламоқ; даъво қилмоқ] Ҳокимиятни ноқонуний эгаллаб олган ёки бировнинг ҳуқуқларини тортиб олган шахс.

**УЗУРПАЦИЯ** [*лот.* usurpatio — фойдаланиш; ишлатиш; эгаллаб олиш] Куч ишлатиб, қонунга зид равишда ҳокимиятни эгаллаб олиш ёки кимсаннинг ҳуқуқларини ўзлаштириб, ўзиники қилиб олиш.

**УЗУҚ 1** Узилиб қолган, узилиб кетган, узилган. *Узуқ арқон. Узуқ сим.*

**2** Бир-бирига боғланмаган, бетартиб; узуқ-юлуқ. *Узуқ хаёллар. Узуқ гап-сўзлар.* ■ *Бирдан қий-чув, қизлар галаси Қуршаб олар*

*шодлик, ҳаяжон Барин қучган. Гап-сўзлар узуқ.* Ойбек.

**УЗУҚ-ЮЛУҚ 1** Бир неча еридан узилган; узилган-юлинган. [*Ҳаммолларнинг*] *Белида, елкасида эски-туски нарса, узуқ-юлуқ арқон, кийимлари жулдур, ифлос.* Ойбек, Танланган асарлар.

**2** Бир-бирига боғланмаган; чала-чулпа. *Ширмонхоннинг қўлоғига узуқ-юлуқ сўзлар чалинди-ю, ҳеч нарса уқолмади.* С. Зуннунова, Олов. *Бу ҳолатда уларнинг суҳбати ҳам узуқ-юлуқ.. боғланишсиз давом этарди.* А. Мухтор, Туғилиш.

**УЙ 1** Яшаш учун ёки турли ташкилот, муассаса ва ш.к. жойлашиши учун мўлжалланган бино. *Уч хонали уй. Беш қаватли уй.* ■ *Баъзан кўринар кўзга Шоҳона уйлар кўркам. Файратий. Фақат канал эмас, балки тўғонлар, шлюзлар, темир-бетон уйлар ҳам бир йўла ва бирданига қурилаётганга ўхшайди.* И. Раҳим, Чин муҳаббат.

**2** Яшаш учун мўлжалланган бино ичидаги ҳар бир хона. *Бу бино уч уй ва бир айвондан иборат. Ёруғ уй. Кенг уй.* ■ *Уйларда, айвонларда хотинлар кўп эди.* Ойбек, Танланган асарлар. *Очиқ эшикдан эсган шамол уй ичида Сабоғулнинг сочларини тўзғитди.* С. Кароматов, Олтин қум.

**3** Бирор ижтимоий талабни қондиришга қаратилган муассаса. *Меҳрибонлик уйи. Дам олиш уйи. Маданият уйи.* ■ *Кўёшининг аксида кўринар яққол Маърифат уйига ташланган қадам.* Файратий.

**4** Бирор оила ёки хонадон ўрнашган бино ва шу бинога тааллуқли ер; ҳовли. *Қизлик уйга қирқ от бойланар.* Мақол. ■ *Уйлар, кўчалар қулф уриб гуллаган дарахтлар орасига шўнғган. «Гулдаста».* Боғ кўча тамом бўлганидан кейин бригадирнинг уйдан ўтишига тўғри келади. Ў. Усмонов, Сирли соҳил.

**5** Оила; хонадон. *Қирқ уй қуда бўлса, қирқ йил қирғин бўлмас.* Мақол. *Ёмон арава йўл бузар, Ёмон киши уй бузар.* Мақол. ■ *Фарзанд — уй ободлиги, Келажак ниҳолидир!* Ё. Мирзо. *Уйдагилар менинг ҳавойироқ бўлиб қолганимни билишади.* С. Сиёев, Ёруғлик.

**Уй ичи** Оила аъзолари. [*Ҳолихон:*] *Уй ичларимиз қалай, бариси тирикми?* Ҳамза, Паранжи сирлари. **Уйи бузилмоқ** Эрхотиннинг ажралганлиги, оиласи барбод бўлганлигини билдиради. **Уйи куймоқ**

Хонавайрон бўлмоқ. ..унда менинг уйим куюди-ку, ахир. К. Яшин, Ҳамза.

**УЙДИРМА** Ўйлаб, тўқиб чиқарилган; ёлғон. *Айбдор ўз уйдирмаларини исботлашга тиришди.* ■ *Эртасига Исломхўжа ҳақида уйдирма гаплар, физик-фасодлар тўқилди.* Ж. Шарипов, Хоразм.

**УЙДИРМАЧИ** Ёлғон-яшиқ гапларни ўйлаб, тўқиб чиқарувчи; ёлғончи.

**УЙДИРМОҚ I** **1** Уймоқ фл. орт. н.

**2 шв.** Қовоғини солмоқ. *Кокилингнинг банди-бандин туйдирма, Қошинг кериб, қовоғингни уйдирма.* «Равшан».

**УЙДИРМОҚ II** Ёлғон, тухмат гаплар тўқимоқ. *Ниҳоят, улар ҳийла билан тухмат уйдирдилар.* Ҳамза, Танланган асарлар.

**УЙ-ЖОЙ I** Яшаб, истиқомат қилинадиган жой, ҳовли ва ш.к. *Қиз уларнинг болаларини боқади, кирларини ювади, уй-жойларини йиғиштиради.* Ойбек, Танланган асарлар. *Элмурод.. ўз оиласининг уй-жойидан ажраб, қишлоқдан чиқиб кетганини хаёлидан ўтказар эди.* П. Турсун, Ўқитувчи.

**2** Оила; рўзғор, хўжалик. [*Қори:*] *Ийе, онангиз бўлса, уй-жойингиз бўлса.. давлатку!* А. Қаҳҳор, Кўшгинор чироқлари. *Гулнор қиз билан гаплашганда, унинг қишлоғи, уй-жой тирикчиликлари.. тўғрисида сўз очар эди.* Ойбек, Танланган асарлар.

**УЙ-ЖОЙЛИ I** Уй-жойи бор, уй-жойга эга.

**2** Оилали, бола-чақали. *Болаларни уйли-жойли қилмоқ. Уй-жойли киши.*

**УЙИМОҚ** с.т. Ивимоқ. *Кейинроқ хурмачининг устини очиб кўйгин, ўзинг биласан-ку, болам, яна зардоб йиғиб, уйимай қолмасин.* С. Анорбоев, Шерали.

**УЙКЎРАР** этн. Бўлажак келин қариндошларининг кўёв бўлмиш йигитнинг уй-жойи, хонадони билан танишиши маросими.

**УЙЛАМОҚ** шв. айн. уйлантирмоқ.

**УЙЛАНМОҚ** Бирор қиз ёки аёлни ўз никоҳига олмоқ, оила қурмоқ (эр киши ҳақида). *Толибжонбойнинг.. икки ўғли уйланган, бир қизи эрга теккан, набиралари ҳам бор.* Ойбек, Танланган асарлар. *Кўшнилар, шу Ваҳобжон уйлана қолсаиди, ўздан тинчиб кетармиди, дейишади.* С. Аҳмад, Тоғ афсонаси. *Йигит бирдан уйланиш тараддудига тушди-ю, бир ҳафтанинг ичида тўй ҳам бўла қолди.* А. Қаҳҳор, Хотинлар.

**УЙЛАНТИРМОҚ** Уйланмоқ фл. орт. н. *..бир ойча аввал отаси уни Тошкентнинг Қашқар маҳалласидаги бадавлат хонадонлардан бирининг қизига уйлантирган.* Ҳ. Фулом, Машғал. *Ҳайдар ота бош бўлиб [Асрорқулни] бир бева хотинга уйлантириб қўйди.* А. Қаҳҳор, Асрор бобо.

**УЙЛИ I** Уйга эга, ўз уйи бор. *Уйли кўёв.*

**2** Уйлардан ташкил топган, уйлардан иборат. *Беш юз уйли қишлоқ.* ■ *Бу — сой бўйлаб баланд тоғ ёнбағирларига тизилишган қинғир-қийишқ уйли бир қишлоқ эди.* П. Турсун, Ўқитувчи.

**3** Хотини бор, уйланган ёки эри бор, эрга теккан. *Уйли йигит. Уйли хотин.*

**УЙМАЛАНМОҚ I** Бирор нарса, юмуш билан шуғулланмоқ, овора, машғул бўлмоқ. *Бир оздан кейин Чуливой ака ҳалиги нарсаларни олиб кетди ва яна эгаларнинг бошида уймаланди.* О. Ҳусанов, Най.

**2** Бирор жойда тўпланишмоқ; ўралашмоқ. *Дераза яқинидаги бир каллакланган тутнинг бутоқларида.. қора тумшук чумчуқлар уймаланган.* П. Турсун, Ўқитувчи. *Сандиқ ёнида уймаланиб ётган кўрпа-тўшак устига ўзини юзтубан ташлади.* А. Мухтор, Опа-сингиллар.

**УЙМАЛАШМОҚ** айн. уймаланмоқ **2**. *Қироатхонанинг шашка-шахмат бўлимида бир тўда ўқувчилар уймалашиб, ҳеч кимга қарашмайди.* Ҳ. Нуъмон, Фасллар. *Янги машинада тикиб кўриш учун Замон, Зухра, Ҳанифа унинг тепасида уймалашиб туришганди.* Н. Назаров, Замон.

**УЙМОҚ** Устма-уст қалаштириб, бир ерга тўпламоқ, уюм ёки гарам ҳосил қилмоқ; йиғмоқ. *Тошларни бир ерга уймоқ. Терилган пахтани уймоқ. Беда уймоқ.* ■ *Қамишларни боғ-боғ қилиб, канал ичига уйиб, ёқишадиган бўлишди.* «Ўзбекистон кўриқлари». *Бўтабойни қурол-яроғ уйиб ташлаган бир хужрага олиб киришди.* С. Аҳмад, Ҳукм. *..юз-қўлини ювиб, муздаккина бўлиб олгач, ўз экскаватори ҳозиргина уйган тупроқ тена устига чиқиб, чордана қурди.* Ш. Фуломов, Шонли авлод.

**ҚОВОҚ уймоқ** айн. **ҚОВОҚ** солмоқ қ. **ҚОВОҚ** II. *Райком секретарининг қовоқ уйиб, ер тагидан назар ташлаганини кўриб, бирдан унинг нафаси ичига тушиб кетди.* Н. Сафаров, Узоқни кўзлаган қиз.



**УЙ-РЎЗҒОР** Оила ҳўжалиги (ишлари), тирикчилик. *Сорахон ҳам уй-рўзғор тутишни ўрганади.* А. Қаҳҳор, Сароб. *Уй-рўзғорга ҳам эпчил: яхши кийинади, яхши ёйди. Ўн кулиб, бир гапиради.* Ойдин, Икки кўзи шунда. *Ҳамма айни шу маҳалда уй-рўзғор иши ва кечки овқат билан банд бўлганидан, гузарда ҳеч ким кўринмас эди.* П. Турсун, Ўқитувчи.

**Уй-рўзғор қилмоқ** Оила кўрмоқ (қилмоқ). *Уй-рўзғор қилиб, бирон кун яйраганим йўқ.* С. Аҳмад, Ҳазина.

**УЙСИЗ 1** Уйи йўқ; ўз уйи йўқ. *Уйсиз кувёв.*

**2** Хотини йўқ, уйланмаган ёки эри йўқ, эрга тегмаган.

**УЙСОЗ** Уй қуриш иши билан шугулланувчи; бинокор. *Кран ковши тўлиши билан Файзи дарҳол уни юқори кўтарар ва том устида турган уйсозларга узатарди.* Газетадан.

**УЙСОЗЛИК** Уй, бино қуриш иши, бинокорлик. *Тошкент уйсозлик комбинати.*

**УЙҚАШ 1** Бир-бирига ниҳоятда яқин, ўхшаш. *Менман бу — ўзбекнинг фахрий хўжаси, Уйқашга ўхшайди исмимиз бир оз.* А. Орипов.

**2** Мос, монанд, уйғун; ярашган. *Ўсиқ қоши ўткир қора кўзларига уйқаш тушган йигитга лаб жуфтладим.* С. Нуров, Дурдона.

**3** кўм. *взф.* Каби. *Мен сизни япроқлар рангига уйқаш Бокира муҳаббат билан севаман.* Х. Даврон.

**УЙҚИ-ТУЙҚИ** *шв. айн.* айқаш-уйқаш.

**УЙҚУ 1** Одам ва ҳайвонларда даврий юз берадиган физиологик ҳолат (Уйқуда нерв системаси, асосан, бош мия пўстлогининг фаоллиги пасаяди, онг, мускул тонуси ва сезувчанлик сусаяди). *Қаттиқ уйқу. Ширин уйқу. Уйқум келди. Уйқу арслонни ҳам йиқитар.* Мақол. ■ *Фуломжоннинг ухлаб қолганини ҳам, уйқусида ширин тушлар кўраётганини ҳам билмайди.* М. Исмоилий, Фарғона т.о. *Доридан ичгандан кейин юрак сиқилиши камайиб, уйқуси ҳам бир оз яхшиланди.* Ў. Усмонов, Сирли соҳил. *Иштаҳа йўқ, уйқу бузилган, бошим ари тўлдирилган қовоқдек гувуллагани-гувулагани.* Х. Тўхтабоев, Ширин қовунлар мамлақати. *Кошона эгалари [рўзада] салқин хоналарда ётиб, уйқу билан жон сақлашни одат қилганлар.* П. Қодиров, Юлдузли тунлар.

**2** кўчма «Хаёт»дан тўхтаган, ҳаракатсиз, шовқин-суронсиз, тинч ҳолат (табиат ҳодисалари ва ш.к. га нисбатан). *Она табиат, эртанги кураш олдидан мириқиб дам олишга чоғланган паҳлавонлардай, оғир уйқуга чўмганди.* Ў. Усмонов, Сирли соҳил. *Довдарахтлар қиш уйқусидан уйғониб, баҳорни олқишлайдилар.* Газетадан. *Асрлар ухлаган саҳро уйқусин Маҳв этдик, бир йўла айладиқ бедор.* Файратий.

**Абадий уйқу** *кт.* Ўлим. *Балки абадий уйқудамисан, Салтанат!* С. Аҳмад, Ҳукм. **Кўзи уйқуга кетмоқ** Кўз юмилиб, уйқу(си) бошланмоқ. *Кўчқор билан Акмални топиб, юмшоқ похолга чўзилди, кўзи уйқуга кетаркан, ўзича жилмайди.* О. Ёкубов, Эр бошига иш тушса. **Кўзига уйқу келмоқ** Уйқу билан кўзлар юмилмоқ, уйқу тортмоқ. *Тун ярим кечадан оғган, Нодирнинг кўзига уйқу келмасди.* С. Юнусов, Қутилмаган ҳазина. *Кўзларига уйқу келган шогирд бола мумли ипни қир-қир қўзиб, қатим тортар.* Ойбек, Танланган асарлар. **Кўз(и)да уйқу йўқ** Уйқу келмаган, уйқусиз ҳолатни билдиради. *Хаёлий бир ишқ билан Кўзларимда уйқу йўқ.* Миртемир. **Маст уйқу** Роҳатли қаттиқ уйқу. *Тўпанисо бир текисда нафас олиб, маст уйқуда ётар эди.* А. Қаҳҳор, Қўшчинор чироқлари. **Ноз уйқу қ. ноз 3.** *Бир кунни ана шунақа ноз уйқуда ётган эканман, «Бемор Бакиров, укол!» деган товушдан уйғониб кетдим.* С. Сиёев, Ёруғлик. **Уйқу бермаслик** Ухлашга қўймаслик, ухлатмаслик. *Шу-шу бўлиб, бу йигитнинг сурати, унинг майин жилмайиши.. Шаҳзодага уйқу бермай қўйди.* К. Яшин, Ҳамза. **Уйқу босмоқ** Уйқу ўз таъсирига тортмоқ. *Яна ортиқ туриб қолинса, уйқу босиб, совиб қолишдан қўрққан аравакаш: -Майманга етиб олгач, карвонсаройда ухлаб, яхшилаб дам ола-миз, — деди.* Мирмуҳсин, Меъмор. **Уйқу йўқ** Уйқу(си) келмайди, ухламайди. *Уйқуси йўқ, ҳаловати йўқ, Қайғу эзар, эрк уларга ёт.* Файратий. *Қизда уйқу йўқ. Унинг бадани қизиган.. юраги шиддатли уради.* Ойбек, Танланган асарлар. **Уйқу олмоқ** Уйқу ўз таъсирига тортмоқ. *Эртадан кечгача яйлов далада тинмай уйнаб чарчаган шўх болаларни бир лаҳзада ва бирдан уйқу олди.* Ойбек, Танланган асарлар. *Кечаси билан уйқу олмади, кўзимни юмиб, Сўнагулни кўз олдимга келтириб.. гаплашиб чиқдим.* А. Мухтор, Давренинг тақдиримда. **Уйқу танг қилмоқ** Уйқу

талаби кучаймоқ. *Ниҳоят, кута-кута уйқуси танг қилгач, ўрнига чўзилиб.. ухлаб қолганини ўзи ҳам сезмай қолди.* А. Қодирий, Ўтган кунлар. **Уйқу элитмоқ** *айн. уйқу олмоқ.* *Кўп ўтмай Меъморни уйқу элитди.. Мирмуҳсин, Меъмор.* **Уйқуга бормоқ** *айн. уйқуга кетмоқ.* *Тухфа бирдан хоҳолаб юборди. Бу кулидан уйқуга борган қизлардан баъзиси чўчиб кетди.* А. Қодирий, Меҳробдан чаён. **Уйқуга кетмоқ** *Уйқу ҳолатига ўтмоқ, ухлаб қолмоқ.* *Бутун баданим зирқираб, ўринга кирибман-у, салда уйқуга кетибман.* Ў. Усмонов, Сирли соҳил. **Уйқуни олмоқ** *Ухламоқ, ухлаб турмоқ.* *Роса уйқуни олдиқ.* **Уйқуси келмоқ** *Уйқуга хоҳиш, эҳтиёж уйғонмоқ.* *Камолиддин уйқуси келмаса ҳам, ўринга кириб ётди.* Ў. Усмонов, Сирли соҳил. **Уйқу(си) ўчмоқ** *Уйқуга хоҳиш, талаб ҳолат(и) тарқамоқ, йўқ бўлмоқ.* *Ўринга ётганда, тезроқ тонг отишини кутиб, ҳорғинлигига қарамай, уйқуси ўчиб кетди.* Ойбек, Танланган асарлар. *Кечаси поездда ухламагани учун.. мизғиб олгиси келарди. Ечиниб ўтирмасдан, дарров ётди.. Аммо энди уйқуси ўчиб кетди.* Ў. Ҳошимов, Қалбингга кулоқ сол. **Уйқуси қочмоқ** *Уйқу тарқ этмоқ, уйқуси ўчмоқ.* *У кечаси билан тўлғаниб чиқди, уйқуси қочди..* М. Исмоилий, Фарғона т. о. *Темиржон аламахалгача уйқуси қочиб, Усмонали отанинг Ҳилол ака ҳақидаги гапларини эслаб ётди.* Ж. Абдуллахонов, Орият. **Ярим уйқу** *Чала уйқу, уйқули-уйқусиз ҳолат.* *Ана шундай кунларнинг бирида Ширмонхон ярим уйқу, ярим хаёл орасида дарвоза тақиллаганини эшитди.* С. Зуннунова, Олов. **Қуш уйқуси** *Тез-тез уйғониш билан бўладиган, енгил-елпи, қисқа уйқу.* - *Қуш уйқуси, — деди она.* Ойбек, О.в. шабадалар.

**УЙҚУЛИ** *Уйқу таъсиридаги, уйқу асорати бор, уйқу аралаш.* *Улар [қизлар] секин-аста туришиб, уйқули кўзларини ишқай бошладилар.* И. Раҳим, Чин муҳаббат. *Уйқули товуш билан сўқиниб, қалин дарахтлар орасида зим-зиё тунда жанга тайёрландилар.* Ойбек, Қуёш қораймас. *Тун тонготарга яқинлашган, унинг [Ҳасаналининг] уйқули мияси бу муаммони еча билмас эди.* А. Қодирий, Ўтган кунлар.

**УЙҚУСИЗ** *Ухламаган, бедор.* *Уйқусиз тунлар Сергейни ҳаддан ташқари толдирган бўлса ҳам, у оромини уйламади.* Ҳ. Фулом, Машғал. *Бирор одам унга узоқроқ қараб қол-*

*са борми, ҳадиксираб, кечаларни уйқусиз ўтказарди.* С. Анорбоев, Оқсой.

**УЙҚУСИЗЛИК** *Уйқунинг бузилиши; тунда кам ёки енгил-елпи ухлаш, уйқу келмаслик, бевақф уйғонавериш, жуда эрта уйқу ўчиб кетиш ва б.* *Беморда тажанглик, уйқусизлик, иштаҳа йўқолиши.. жиззаклик ва тез жаҳл чиқиши каби нохуш аломатлар кузатилади.* Газетадан. *Қобил хотинидан икки қадам нарида тўхтади-да, уйқусизликдан қизарган кўзларини Баҳрига қадаб: -Нега келдинг? — деб сўради.* Ҳ. Фулом, Маъшал. *Оғир ўйлар изтиробиданими, уйқусизликданми, ланж бўлиб турдим.* С. Сиёев, Ёруғлик.

**УЙҚУСИРАМОҚ 1** *Ухлашни жуда истаб қолмоқ, уйқуси ёки ухлагиси келмоқ; мудрамоқ.* *Уйқусираб ўтирмоқ.* *Соқчи уйқусираган кўзларини ишқалади.* ■ *Бу ўйларни тугатгандан кейин, унинг [Ҳасаналининг] кўзлари уйқусираб, юмила бошлаб, қаршиисига Отабек келиб тўхтади.* А. Қодирий, Ўтган кунлар.

**2** *Уйқуда ёки уйқу аралаш бирор гапсўз, хатти-ҳаракат қилмоқ.* *Порахўр уйқусира, хотинидан пул сўрар экан.* Газетадан. *Зеби уйқусираб келиб, яна фонарни ёқди.* Чўлпон, Кеча ва кундуз. *Тун яримдан оғди.. эшик қия очик қолган шекилли, қўшни хонадан Умиджоннинг уйқусираб айтган гаплари кулоққа чалинди.* Р. Файзий, Гўзал.

**УЙҚУТОБ** *рвш.* *Уйқуга мойил, уйқу элтаётган.* *У [Элчибек] кулочини ёзди, сал кайф ва ширали хаёл билан уйқутоб бўлиб келаётган юз-кўзига аёз совуғи ёқди.* А. Мухтор, Туғилиш.

**УЙҚУЧИ** *Кўп ухлайдиган, серуйқу.* *Пўлат билан Нортўй бўлса унга [Шухратга] «уйқучи» лақабини тиркашибди.* К. Раҳим, Олтин балиқ.

**УЙҚУЧИЛ 1 шв.** *Уйқучи.*

**УЙҒОНИШ** **Уйғонмоқ** *фл. ҳар. н.* *Куртакларнинг уйғониш даври.* *Меҳр уйғониши.* ■ *[Ҳасанали] Эрталаб Ойбодоқнинг чойига бормай, Отабекнинг уйғонишини кутиб юрди.* А. Қодирий, Ўтган кунлар. *Элмурод.. асрлар бўйи гафлатда ётган кишиларнинг уйғониши бу одамда қувонч тўғдираётганини кўрди.* П. Турсун, Ўқитувчи.

**Уйғониш даври тар.** *Шарқда (9-12 ва 15-асрлар) ва Фарбий Европада (14-16 асрлар) юз берган алоҳида маданий ва тафаккурий тараққиёт даври; фан, адабиёт ва санъат*

тараққиёти ҳамда улуг кашфиёт ва ихтироларда ўз аксини топган ва антик маданиятга қизиқиш кучайган давр.

**УЙҒОНМОҚ 1** Уйқусини тарк этмоқ, уйқудан турмоқ. *Фуломжон чўчиб уйғонди-ю, теварагига аланглаб қаради.* М. Исмоилий, Фарғона т. о. *Кўз илдинди дегунча каллага даҳшатли тушлар ўралашиб келиб, босинқираб-босинқираб уйғониб кетишар эди.* М. Мансуров, Ёмби. *Бобоси унинг шарпасига уйғониб, тикилиб қолди.* С. Анорбоев, Ҳамқишлоқлар.

**2** кўчма Ҳаёт, фаолиятга қўзғалмоқ, ҳаракатга келмоқ; амалга кирмоқ. *Тупроқ исииши билан, дов-дарахтлар уйғонмасдан бошлаш керак бу ишини..* С. Нуров, Нарвон. *Эгилиб турган қатор олчалар ҳам уйғонди; гулдан ҳали дарак йўғ-у, кўм-кўк, ушоқ-ушоқ япроқчалар чиқарди.* Ш. Холмирзаев, Тўлқинлар.

**3** кўчма Пайдо бўлмоқ, ҳосил бўлмоқ, қўзғалмоқ (ҳис, туйғу ва ш.к. ҳақида). *Унда адабиётга қизиқиш уйғонди.* ■ *Буни кўриб Сидиқжоннинг қалбида жувонга нисбатан ҳар қандай ғараздан холи бир меҳр уйғонди.* А. Қаҳҳор, Қўшчинор чироқлари. *Ўмирликда уйғонган ҳавас, Бориб-бориб бўлди муддао.* Ё. Мирзо.

**УЙҒОҚ 1** Ухламаган ҳолатли. *Вақт ярим кечага яқинлашганди. Саодат ҳамон уйғоқ, хаёл суради.* Х. Ёдгоров, Ҳаёт тўлқинлари. *Кемадагиларнинг ҳеч қайсиси ухлამас, бари уйғоқ.* Ж. Шарипов, Хоразм.

**2** кўчма Ҳаракат-фаолиятда бўлган; ҳушёр. *Кечалари киприқларимдай Мангу уйғоқ ўйларимдасан.* Х. Даврон, Болаликнинг овози. *Ариқларда доим уйғоқ сув, Полизларга кетади шошиб.* Р. Парфи, Кўзлар.

**УЙҒУН 1** Монанд ҳолатли; мос, мутаносиб, муносиб; ҳамоҳанг. *Тиниқ юзларингга севгинг ҳам уйғун..* Г. Жўраева. *Баҳор уйғонар, Шовуллайди боғ.* *Уйғун туйғулар Уйғонар бу чоғ.* Т. Қаҳҳор, Оқ ўрик. *Атласнинг ёрқин безаклари чаманларга бурканган Ўзбекистон табиати фониға айниқса уйғун тушади.* «Фан ва турмуш».

**2** Уйғун (эркаклар исми).

**УЙҒУНЛАШМОҚ** Бир-бирига монанд бўлмоқ, мос, мутаносиб бўлмоқ, ҳамоҳанг бўлмоқ. *Ҳеч бўлмаса, саройлар, клублар, маъмурий бинолар қурилишида замонавий усул билан қадимий шарқ услуби уйғунлашиб кет-*

*са яхши бўларди.* Ў. Ҳошимов, Қалбингга кулоқ сол. *Баъзи қўшиқларда қўшиқ шебрига мусиқа, баъзиларида эса мусиқага шеър уйғунлашмайди.* Газетадан.

**УЙҒУНЛИК** Мутаносиб, мос ҳолат; мутаносиблик, ҳамоҳанглик. *У овозини баланд кўтармай, хиргойи даражасига ҳам туширмай, ажойиб бир уйғунликда айтаётир.* М. Исмоилий, Фарғона т.о. *Назаримда, Жўраҳон билан сайроқи жўрлар ва яшноқ табиат ўртасида уйғунлик бордек туйилди.* Назармат, Жўрлар баланд сайрайди.

**УЙҒУР** Хитой Халқ Республикасининг Синьцзян-Уйғур мухтор районида, шунингдек, Ўрта Осиёнинг баъзи ҳудудларида яшовчи, туркий тилда сўзлашувчи халқнинг номи. *Уйғур халқи. Уйғур миллати (қ. уйғурлар).*

**2** Шу халқ, миллатга мансуб, оид, тегишли. *Уйғур тили. Уйғур ёзувчиси.*

**УЙҒУРЛАР** Хитой Халқ Республикаси Синьцзян-Уйғур мухтор районининг туб аҳолисини ташкил этган, туркий тилда сўзлашадиган халқ.

**УЙҒУРЧА 1** Уйғурларга, унинг тили, адабиёти ва маданиятига оид, уйғурларга хос. *Уйғурча рақс. Уйғурча қўшиқ.*

**2** Уйғур тили; уйғур тилидаги. *Сен уйғурча(ни) биласанми? Уйғурча гапирмоқ.* ■ *Агар малол келмаса, асарларингиздан уйғурча ёки ўзбекча нашр қилинганларидан юборсангиз.* Газетадан.

**УКА 1** Бир ота-она ўғилларидан кичиги (катта ёшдаги фарзандларга нисбатан). *Укаси ҳар гал уйдан чиқиб кетаётганида, кўнгли алланечук бўлиб кетар, кимдир бир оғиз илиқ гап айтса, қайтиб келгудек бўлар эди.* С. Аҳмад, Уфқ. *Ушанда Шерали ўн бирдан ўн иккига қадам қўйган, укаси Муҳаммаджон уч ёшли дардчил бола эди.* С. Кароматов, Олтин қум.

**2** Умуман, фарзандларнинг кичиги, кичиклари (каттасига нисбатан). *Қизалоқлар онасининг қўлидан қозон-товоқ, сидир-супур, тикиш-илишни олишади, укаларини ўйнатишади.* С. Нуров, Майсаларни аёз урмайди. *У отасидан йигирма ёшда қолиб, укаларини қийинчилик билан боққан.* И. Раҳим, Чин муҳаббат.

**3** Ўзидан ёш эр кишига мурожаатни билдиради. *Қаердан келгансиз, ука? П. Турсун, Ўқитувчи. [Сафар бўзчи:] Ахир бировни.*

ука, бировни ака деб, сиз ҳам тузукроқ ишга қайишинг-да, тақсир. А. Қодирий, Меҳробдан чаён.

**УКАЛИК** Ука эканлик. *Укалингени унутма.*

**Укалик қилмоқ** Укага хос ишни, ёрдамни адо этмоқ. *Ёрдамингиз керак, бир укалик қиласиз энди.*

**УККИЛАР** Япалоққушлар уругидан бўлган йирик йиртқич тун қуши. *Бойўғилларнинг энг катта вакили укки ҳисобланади. «Фан ва турмуш».*

**УКЛАД** [р. уклад — расмийлашган, барқарор тартиб] **1** *икт.* Муайян ижтимоий-иқтисодий формациянинг асосий ҳужалик шакли. *Масалани бу тахлитда қўйиш.. Германия битта ижтимоий-иқтисодий укладга эга яхлит давлат бўлиб турган вақтда ўринли бўлур эди.* Газетадан.

**2** Ижтимоий ҳаётнинг, турмушнинг бирор соҳасида барқарорлашган ёки жорий қилин(ади)ган тартиб. *Кишиларимиз турмушининг бутун уклади, уларнинг маишати ва дунёқарашининг ўзгарганлиги..* Газетадан.

**УКОЛ** [р. колоть, укалывать — «бирор учли, ўткир нарса билан тегиб оғритмоқ» фл. дан] Баданга, тери остига, томирга шприц воситасида суяқ дори юбориш. *Укол қилмоқ.* ■ *Уколдан кейин Хосият, гарчи кўзини очмаса ҳам, лекин равон нафас ола бошлади.* Ў. Усмонов, Сирли соҳил. *Иситмам баланд эди. Устма-уст уколдан анча пасайди.* Р. Азизхўжаев, Яшил чайла. *Стол устида шприц қутиси очиқ турар ва дори ҳиди анқирди — врач укол қилиб, уни бир оз ўзига келтирганди.* П. Қодиров, Уч илдиз.

**УКПА** махс. Майин юпқа чарм. *Кўнжи укпа, юзи тошдан қаттиқ қўпол чарм билан қопланган.. этикни кийди.* Ойбек, Танланган асарлар. *Белларини фўталар билан боғлаган, бошларида оддий теллак ва оёқларида укпа этик бўлган йигитлар югурардилар.* С. Айний, Эсдалиқлар.

**УКПАР 1** Укки пати (одатда болалар кийимлари, асосан, бош кийимини безатиш учун унга чашиб қўйилади). *Аксар хотинларнинг олди-орқаси тўла катта-кичик, ясанган-тусанган, укпар таққан болалар.* Ойбек, Танланган асарлар.

**2** *кўчма* Укпардек майин ва енгил нарсага нисбатан қўлланади. *Борар эдик сой аро, -Тулки, — деди болалар, Судратиб укпар думин*

*Тулки кўздан йўқолар.* Қ. Муҳаммадий. *Мени укпар қанотида олиб юрар ўйларим.* Э. Воҳидов.

**УКРАИН 1** Украина Республикаси туб аҳолисини ташкил этувчи, шарқий славянлар гуруҳига мансуб халқнинг номи. *Украин халқи (қ. украинлар).*

**2** Шу халқ, миллатга мансуб, тегишли. *Украин тили. Украин қизи.*

**УКРАИНЛАР** Украина Республикасининг туб аҳолисини ташкил этувчи, шарқий славянлар гуруҳига мансуб халқ.

**УКРАИНЧА 1** Украин халқига, унинг тили, адабиёти ва маданиятига оид; украинларга хос. *Украинча куй.* ■ *Украинча кўйлагининг енгини ҳилпиратганича ўрта бўй.. киши хонага кирди.* Ў. Усмонов, Сирли соҳил.

**2** Украин тили. *Сен украинча(ни) биласанми?* ■ *«Запорожелик Дунайнинг нарёғида» деган ашулани украинча айтиб қувонтирар, кулдирар эди.* Шуҳрат, Шинелли йиллар.

**УКРОП** [р. укроп < копёр — хушбўй ўсимлик] Соябонгуллилар оиласига мунсуб бир йиллик, баъзан икки йиллик хушбўй ўтсимон ўсимлик; шивит; ошқўқлардан бири. *Малик ака.. бозордан кашнич, укроп, кўк пиез.. сотиб олмайди.* «Муштум». *Бу суяқ ош юзига майда кертилган укроп, райхон солиб, косаларда дастурхонга тортилади.* «Саодат».

**УКСУС** [р. уксус < юн. oxus — аччиқ, нордон] қ. **сирка 1.** *...жорий йилда 1000 тонна уксус кислотаси ишлаб чиқарилди.* Газетадан.

**УЛ** (у — чўзиқ) шв. Ўғил. *Бежой билдим, тўрам, Ёдгор улингни, Аймоқнинг юртига талаб қилибди; Қандай жўнатасан жону дилингни?! «Ёдгор».* Армон билан мен улдан айрилдим дер. *Кетганингни, болам, билмай қолдим дер.* «Равшан».

**УЛ** *эск. айн. у II.* Ой билан ошно бўлиб, йилларча ўйнанг ул билан. М. Муҳамедов, Гавҳар. *Югуриб чиққан ул мушфиқ онамларга салом айтинг.* Ҳамза.

**УЛАГИЧ 1** Нарсаларни бир-бирига бириктириш, улаш учун ишлатиладиган восита. *Шиша бўлақлари, одатда, бир-бирига қўрғошиндан қилинган улагичлар ёрдамида уланади.* М. Аминжонова, Шишанинг кашф этилиш тарихидан.

**2** Электр токини узиш, улаш учун хизмат қиладиган мослама. *Аккумулятордан*

келаётган ток тўғридан-тўғри трансформаторга келмасдан, узгич-улагич орқали келади. Газетадан.

**УЛАЙ-БУЛАЙ** с.т. У-бу. Агар улай-булайнинг бўлса, айт ҳозир! Ҳам сенинг, ҳам Ёдгорнинг, ҳам у кишининг ишини баравар қиламан. Ҳамза, Паранжи сирлари. Боилар қишлоқнинг бир хил каттаконлари билан чиқишиб, ҳукуматдан қўрқмай, улай-булай қилиб, камбағал батракни ишлатиб турди. Эргаш Жуманбулбул ўғли.

**УЛАМА** Бириктириб, улаб қўйиладиган, уланган. Улама соч. Улама киприк. Улама оёқ. ■ Унинг пиджаги билан галстуги стул суйанчига осиб қўйилган; қўйлагининг улама ёқаси яғринига қийшайиб тушган, олдида ёзиб-чизиб ташланган қоғоз тахланиб ётибди. П. Қодиров, Уч илдиз.

**УЛАМО** [а. علماء — «олим» с. кўпл.] Ислом илоҳиётчилари ва ҳуқуқшунос (фақиҳ)лари, шунингдек, диний муассасаларга, суд (қозилик) маҳкамаларига, ўқув юрларига мутасадди бўлган барча ислом дини олимлари. — *Дуруст, миянг тўлибди, — деди кулиб Тантубойвачча, — яқин ўртада унчамунча уламони бир чўқишда қочирасан.* Ойбек, Танланган асарлар. *Маъдалихон [Муҳаммад Алихон]га фатво ёзиб берган Қўқон уламоларидан бир нечалари.. қочиб қутулдилар.* А. Қодирий, Меҳробдан чаён. — *Ёшларга ҳомийлик қилиш, йўл-йўриқ кўрсатиш исломнинг, уламоларнинг ишидир, — деди қалтираб, бўзариб мунофиқлардан бири.* Ойбек, Нур қидириб.

**УЛАМОҚ I** Ип, арқон, тасма ва ш.к. нарсаларнинг учларини бир-бирига боғлаб бириктирмоқ. *Отнинг тизгинига арқон улаб беринглар, ўзим ҳайдаб кетавераман.* А. Қаҳҳор, Асрор бобо. — *Шошманглар, шошманглар, — деди дуторнинг ипини улаётган Мели полвон.* П. Турсун, Ўқитувчи. *Тоҳир иккала белбоғини бир-бирига улаб, бир четини белига боғлаб, кўприкнинг тазига осилиб тушди.* П. Қодиров, Юлдузли тунлар.

**2** Бутунлаш мақсадида ямаш, пайвандлаш ва ш.к. йўл билан бириктирмоқ. *..даҳлизда Ҳасанали узилган от асбобларини улаб тикар эди.* А. Қодирий, Ўтган кунлар. *Йўлда чанғароғи синган экан, шуни улаймиз деб уришиб қолдик.* Ш. Холмирзаев, Йўллар, йўлдошлар. *Қулоч етмас баҳайбат қувурларни бир-бирига улаш ишлари кетяпти.* Газетадан.

**3** кўчма Туташтирмоқ, боғламоқ. *Фишт-кўприк иккита катта кўчани бир-бирига улайди.* «Шарқ юлдузи».

**4** қ.х. Пайванд қилмоқ. *Гилосни олчага уламоқ. Наъматакка атиреғулни уламоқ.*

**5** кўчма Биридан кейин бошқасини қўшиб, узлуксиз давом эттирмоқ. *Ишни ишга уламоқ. Куйни куйга уламоқ. Кунни тунга уламоқ.* ■ *У ҳар тўғрида тинимсиз гапириб, гапни гапга улаб юборди.* О. Ёқубов, Тилла узук. *Абдурахимов сигаретнинг бутунини тутунига улаб чекаркан, ўзидан ўзи гапирга кетди.* «Муштум». [Низомжон] *Кечалари юлдуз тўла осмонга тикилиб, тунни тонгга улаб, қушлар наъмасидан, сувлар шилдирашидан кўнглига аллақандай юпанч изларди.* С. Аҳмад, Уфқ.

**6** Алоқа, боғланишни тикламоқ, туташтирмоқ. *Алло, менга Бухорони улаб беринг.* Т. Алимов, Хушбичим йигит. *Кейин телевизорни тоқка улади.* Т. Ашуrow, Оқ от.

**УЛАШМОҚ I** Уламоқ фл. бирг. ва ўзл. н. Болалар ипларни улашди. *Монтёрлар электр симларини улашди. Хотинлар гапни гапга улашди.* ■ *Қирлар бағрида бир-бирига улашиб кетган олмазорлар..* Н. Сафаров, Оловли излар.

**УЛАШМОҚ II** Бўлиб тарқатмоқ, тарқатиб бермоқ. *Хайри опа болаларга яримтадан, катталарга биттадан кулча улашиб, иккитадан ёнғоқ берди.* Ойдин, Ямоқчи кўчди. *Кунига йеицирма-ўттиз коса овқатни нима қиламиз, увол-ку, деб кўни-қўшниларга улашадиган бўлдик.* С. Сиёев, Ёруғлик. *Олиб чиққан нарсаларини болаларга улашаётиб, ён-верига назар солди.* Н. Фозилоv, Дийдор.

**УЛАШ-УЛАШ:** улаш-улаш қилмоқ қ. улашмоқ II. *Клубнинг мебель ва бошқа жиҳозларини А.Ҳасанов бошқарма авзоларига улаш-улаш қилиб юборган.* «Муштум».

**УЛ-БУЛ** айн. у-бу. [Қамчи:] *Кўнглинг бирор нарса тусайдими? Ул-бул ола келайми?* Ҳ. Фулом, Машъал. *Эртасига тоғам билан ул-булларни кўтариб, йўлга тушдик.* Файратий, Узокдаги ёр.

**УЛГИ,** улгу шв. кам қўлл. Ўрганишга, тақлид қилишга лойиқ нарса, иш-фаолият, ҳаракат; ибрат, ўрнак, намуна. *Улги бўлмоқ. Улги олмоқ.* ■ *Улги бўлди учқур от қарчиғая лочинга.* «Қўшиқлар». *Шамолинга оқар дарё музлаган, Қарчиғайдан улги олган бе-*

довсан. «Нигор ва Замон». Бу ҳужжатларнинг ҳаммасини матбуотда эълон қилиш керак: ҳам ёшларимизга улги бўлади, ҳам иғволарга яхши бир зарба бўлади. О. Ёқубов, Ота изидан. Илон овламоқни Қоровой чангалзорда ўрганган, бу соҳада у типратикандан улгу олганди. Н. Норқобилов, Бекатдаги оқ уйча.

**УЛГУРЖИ I** Бутун борича; кўп миқдорда; кўтара. *Улгуржи савдо. Улгуржи олмоқ. Улгуржи сотмоқ.* ■ *Доналаб сотдим. Бу ерда улгуржи оладиган киши йўқ.* И. Раҳим, Чин муҳаббат. *Сотиболди тўқилган саватчаларини улгуржи оладиган баққолдан йигирма танга қарз кўтарди.* А. Қаҳҳор, Бемор.

**Улгуржи бозор** Товар истеъмолчиларига ёки уларни чакана сотадиган харидорларга товарлар йирик тўп (партия) лари билан кўтарасига сотиладиган бозор.

**2** Катта миқдорда, катта суммага эга; салмоқдор. *Улгуржи ҳосил. Магазинга улгуржи мол келди.* ■ *Пулини фойдага қўювчи судхўр ҳиндлар.. улгуржи савдони кўтардилар.* Ш. Тошматов, Эрк қуши. *Улгуржи нарх ҳақидаги хушхабарни маълум миқдорларга етказиш кейинги йилларда Пошиа холанинг вазифаси бўлиб қолганди.* Д. Нурий, Осмон устуни.

**3** Бошдан-оёқ, бутунлай. *Улгуржи ремонтдан чиқармоқ.*

**УЛГУРИШ I** Улгурмоқ фл. ҳар. н.

**2** Вақтида дарсларни ўзлаштириш, орқада қолмаслик. *Бу синфда улгуриш юз фоиз.*

**УЛГУРМОҚ I** Бирор ишни бажаришга имконият, вақт топмоқ, муваффақ бўлмоқ, бажара олмоқ, эришмоқ. *Ёлғиз баъзи бир чаққонларгина йўл устида, этикларини нарибери ечиб, сувини силқитмоққа улгурдилар.* Ойбек, Қуёш қораймас. *Санобар девордаги соатга қаради-да, Дилшод боғчадан келгунча улгураман, деган фикрда бамайлихотир кишина бошлади.* М. Хайруллаев, Қўнгил.

**2** Берилган билимларни тушуниб, эгаллаб олмоқ, ўзлаштирмақ. *Синфимизда улгурмайдиган ўқувчилар йўқ.*

**УЛИ:** ули тортмоқ айн. ув тортмоқ қ. ув. *Унда-бунда яқин қишлоқларда итларнинг ялқовлик билан ули торгани.. қулоққа чалинади.* Ш. Сулаймон, Ота, ўғил. *-Аллаким ули тортиб ишглаётир, — деди саройбон.* М. Осим, Элчилар.

**УЛИМОҚ I** айн. увламоқ. *Яқиндаги, чиरोқ милтираб турган қўрғонда ит улиди.* С. Аҳмад, Ҳукм. *Қум барханлари орасида қашқирлар улиди.* А. Мухтор, Опа-сингиллар.

**УЛИМОҚ II** шв. Ялтирламоқ (оғиз шиллиқ пардаси ҳақида). *Боланинг оғзи улибди.*

**УЛКАН I** Эгаллаган ўрни, ҳажми ғоят йирик, жуда катта, буюк. *Улкан бино. Улкан дарахт. Улкан дарё. Улкан қурилишлар.*

■ *-Минг йил чақмоқ чақсин, улкан тоғ гердаийиб тураверади, — деди Бектемир қатъий.* Ойбек, Қуёш қораймас. *Ана шу зайлда ойлар, йиллар, қандайдир бир улкан денгизга қўшилишни истаган ирмоқлардай, шилдираб оқиб ўта бошлайди.* М. Жабборов, Севинч ёшлари.

**2** Кўлами, қамрови, қудрати жиҳатдан жуда катта; буюк. *Жуда улкан иш. Фақат сизлардақанги марди майдонлар эплэй оладиган иш!* Р. Файзий, Чўлга баҳор келди. *Бунёдор халқимиз водий ва воҳаларда сунъий денгизлар, улкан саноат корхоналари барпо этмоқда.* «Ўзбекистон кўриқлари». *Навоий мусамматлари унинг улкан лирик меросининг узвий бир қисминдир.* «ЎТА».

**3** кўча Мазмун-мундарижаси, аҳамияти жиҳатидан катта, йирик. *Улкан асар.* ■ *Зийнатуллаевнинг қўлида зўр ҳақиқат бўлиб кўринаётган нарса — аслида улкан ҳақиқатдан узиб олинган бир ҳақиқатча эканини у энди аниқ кўриб турарди.* П. Қодиров, Уч илдиз. *Бугунги Наврўз байрами барча-барчага янги бахт, улкан зафарлар келтиради.* Газетадан.

**4** Ном, эътибор қозонган; буюк, улгу. *Улкан ёзувчи. Улкан оқин.* ■ *Қариндошим, туғишқоним, улкан қозоқсан ўзинг.* Ф. Фулом. *У адабиёт ва санъат оламининг зукко билимдони.. оташин нотиқ ва улкан санъаткор эди.* Газетадан. *Паҳлавон Маҳмуд жавонмардлик оқимининг улкан намояндаларидан бири бўлган.* «ЎТА».

**УЛКАНЛАШМОҚ** Ғоят катталашмоқ, йириклашмоқ, улканлик касб этмоқ. *Корхонанинг даргоҳи кенгайиб, фабрикалари, цехлари улканлашибди.* М. Жўра, Қуёшдан нури эмганлар. *Ҳаёт-мамонт туйғуси эса шу тоғдай улканлашиб кетган.* П. Қодиров, Қора кўзлар.

**УЛЛИ** шв. Катта. *Маҳмуджон катта майдонга етиб қараса, қизлар айтган улли ҳовли кўринди.* «Авазхон». *Бу улли сир. Ота-*

онанг, хотининг.. хуллас, жумлаи оламдан сир тутасан, билдинми? С. Сиёев, Ёруглик.

**УЛОВ I** Миниб юриладиган ҳайвон. Регистон тудидан ўтадиган йўловчилар уловларидан тушиб, арк дарвозасига қараб таъзим қилар.. эдилар. С. Айний, Қуллар.

**2** Умуман, ишчи ҳайвон. Сувнинг бошида бўладиган бақақуруллоқликлар ҳам ўзи ёки уловининг жонини койитгиси келмас эди. А. Қаҳҳор, Қўшчинор чироқлари. Бугун уловимиз қўш-ҳўкиз эмас, Қудратли техника қўлимизда, бас! Б. Бойқобилов.

**3** кўчма Умуман, йўловчи, юк ташиш воситалари. Самолёт — бебаҳо улов. Мана у парвозга кўтарилди. Н. Сафаров, Оловли излар.

**Уловига яраша тушови қ. тушов.**

**УЛОВЛИ I** Улови бор. Уловли хўжаликлар. ■ ..дурустроқ ҳосил олсам, келаси йил уловли бўлар эдим. А. Қаҳҳор, Қўшчинор чироқлари.

**2** Улов минган, улов ҳайдаган. Шунинг учун ҳам йўл устидаги бу чойхонада бирон уловли йўловчи учратармиз, деган мақсад билан эрталаб барвақт келиб ўтирган эдик. Н. Сафаров. Оловли излар.

**УЛОР** Қирговулар оиласига мансуб йирик тоғ қуши. Баланд тоғларда, эримайдиган музликлар чегарасида улоқ қуши яшайди. Газетадан.

**УЛОҚ I I** от Уланадиган нараса. Улоқ солмоқ. Арқоннинг улоғини олиб ташламоқ. ■ ..йиртигингизга ямоқ, узугингизга улоқ тегмай юрардингиз, — деди Нафиса эрига. Шуҳрат, Жаннат қидирганлар.

**2 сфт.** Турли йўл билан (боғлаш, тикиш, елимлаш, кавшарлаш, михлаш ва ш.к. билан) ўзаро туташтириб, маҳкамлаб бириктириб қўйилган, уланган бир неча бўлакдан иборат, яхлит эмас. Улоқ арқон. Улоқ дастурхон. Улоқ сим. Улоқ тунука. ■ Бой бобомнинг қизлари, Сочи улоққа ўхшайди. «Оқ олма, қизил олма».

**3 от** Нарсанинг бўлаклари ўзаро уланганда ҳосил бўлган тугуни ёки чоки, уланган жойи. Арқоннинг улоғи. Парданинг улоғи. Электр симининг улоғи. Тунуканинг улоғи.

**УЛОҚ II I** Эчки боласи. Ҳозир юзлаб майин жунли қўзи ва улоққа эгамиз. С. Анорбоев, Оқсой. Кўз олдимга кўм-кўк ўтлоқлар.. ўтлаб юрган жсажжи улоқлар, барра қўзичоқлар келади. Н. Фозилов, Қуш қаноти билан.

**2** Ҳар бир отлик ўртага сўйиб ташланган улоқни (одатда эчки ёки кичикроқ бузоқни) бир-биридан куч билан тортиб олиб, тезроқ маррага элтиб ташлаш учун курашишдан иборат миллий спорт ўйини; кўпқари. От боққанинг — улоққа, Қўй боққанинг — кўноққа. Мақол. ■ Улоқда отдан йиқилиб боши ёрилган, қўл-оёғи синган чавандозлар инқиллашиб ётмоқда. М. Муҳаммаджонов, Турмуш уринишлари. Ҳимматнинг звеносидаги йигитларнинг иккитаси фронт курган.. қолганлари улоқларда соврин олан йигитлар эдилар. М. Муҳамедов, Қаҳрамон изидан.

**3** Шундай спорт мусобақасида ўртага тикилган — сўйиб ташланган эчки ёки бузоқ. [Қамбар:] Улоқ олиш учун чавандоз бўлиш керак, укам Обиджон! Ойбек, Танланган асарлар. Ана, бир отлик бошсиз улоқни тақимига босиб, тўйхонадан чиқди. Т. Мурод. Юлдузлар мангу ёнади.

**Улоқ бермоқ I** улоқда чопиладиган, ўртадан олиб, маррага етказиб ташланадиган эчки, бузоқ кабини бермоқ. Ҳар кун икки юз қозон ош дамланар.. икки юзлаб улоқ берилар, мамлакатдан тўйга келувчи аёбнга ҳар кун минглаб тўн кийдирилар эди. А. Қодирий, Меҳробдан чаён; 2) улоқ ўйинини ташкил қилмоқ, ўтказмоқ. Улоқ берган киши соврин ҳам беради-да. М. Исмоилий, Фарғона т.о. Рухсатсиз улоқ берган кишига жарима солинур. «Муштум». **Улоқ чопмоқ** Улоқ ўйинида қатнашмоқ. Дадам Маҳкамнинг бобосининг улоқ чопишини гапираверса, киши ҳайрон қолади. А. Қодирий, Улоқда. **Улоқ қилмоқ** Биридан бири олиб, олиб қочиб ўйин қилмоқ, улоқ каби ўйин қилмоқ. Тагин эҳтиёт бўл, қўрбошилар ўғирлаб кетиб, улоқ қилмасин. Ойдин, Ҳикоялар. **Улоқни олмоқ** Улоқда, умуман, мусобақада ғолиб чиқмоқ, ғалаба қилмоқ. Бу сафар улоқни меҳмонлар олишди. ■ Андижон, Сурхондарё улоқни олиб, Хоразм, Қашқадарё қувлашиб бориб.. А. Пўлат, Тасадуқ.

**УЛОҚМОҚ** Узоқлашиб кетмоқ, узоқ (олис)ларда юрмоқ; дайдимоқ. Невараси узоқ улоқиб, Қайтоқ бир кун унинг ёнига. У. Қўчқоров, Ҳаяжонга кўмилган дунё. Ёвз кимсалардан қочиб, улоқиб, Кимлар ахтармаган бағриндан макон. А. Орипов, Йиллар армони. Иш бўлмаган кезлари, марҳамат, ётиб дамнингни ол, аммо зинҳор-базинҳор ўз ҳолинг-

га улоқиб кетма. Н. Норқобилов, Бекатдаги оқ уйча.

**УЛОҚТИРМОҚ 1** Улоқмоқ фл. орт. н. *Бир хилига кўп подани боқтирган, Ёки тоққа, ё чўлга улоқтирган.* Эргаш Жуманбулбул ўғли.

**2** Бирор томонга отмоқ, итқитмоқ. *Отлиқнинг қўлидаги қамчисини юлиб олиб, улоқтириб юборди.* С. Сиёев, Ёруғлик. *Орадан дақиқа ўтмай, Танзиланинг қичқирғи, сўнг сувнинг шалолашини эшитган Шерали рюкзагини улоқтириб, югурди.* С. Кароматов, Олтин қум.

**3** кўчма Суриб ташламоқ, йўқ қилмоқ. *Ичкилик, таъмагирлик Низомовни маданият бўлимидан улоқтириб ташлади.* «Муштум». *Шундоқ илму амалиёт билан кунлари ўтиб турган Меъмор бошига улкан ташвиш тушиб, ўғлининг ҳибс этилиши ҳаммасини бир томонга улоқтириб ташлади.* Мирмуҳсин, Меъмор. *..шложи борича хушмуомала бўлиш, ўртадаги ноқулайликни осойишталик билан улоқтиришни ўйларди.* Ж. Абдуллахонов, Хонадон.

**УЛОҚЧИ 1** Улоқ чопадиган, улоқда чопиладиган. *Унинг ҳаракати улоқчи йигитларга ўхшаб кетди.* Х. Назир, Ёнар дарё. *Бир улоқчи отим бор, Қорабайир зотидан.* З. Диёр.

**2** Улоқ мусобақасида қатнашувчи, улоқ чопувчи киши. *Бу чол Гулистондагина эмас, бутун водийда «чавандоз» номини олган улоқчи эди.* И. Раҳим, Чин муҳаббат. *-Маҳкамбойваччанинг ота-бобоси улоқчи бўлиб келган-да! — деди Собир тегирмончининг ўғли.* А. Қодирий, Улоқда.

**УЛОҚ-ҚУРОҚ** Турли лахтақлардан улабқуралган; улоқ-улоқ. *Улоқ-қуроқ кийим.*

**УЛТОН** шв. Қорамол терисидан тайёрланган, пишиқ, қалин чарм; тагчарм. *Нафсини тийган киши султон бўлур, Хом терини ийласанг, ултон бўлур.* Мақол. ■ *Асов от бизни судраб кетарди. Ерга тиралаверганимиздан этгимизнинг ултони тарс-тарс айрилиб кетарди.* С. Муродбеков, Ёвшан иси.

**УЛУМ** [а. علوم — «илм» с. кўпл.] эск. кт. Илмлар, билимлар. *Улум, фунуннинг қадрқийматини билган ота.. фарзанди аржумандига гўдакликдан гўзал тарбия, ҳусн-ахлоқ берган.* Ойбек, Навоий.

**УЛУС** [мўғ. — давлат; эл, халқ] **1 тар.** 11-12-асрларда мўғуллар давлатида маълум бир нўёнга (мўғул асилзодасига) қарашли ерларда унга тобе ҳолда кўчманчилик билан

ҳаёт кечирувчи катта-кичик оилалар, уруғлар гуруҳи.

**2 тар.** Мўғуллар истилоси даврида босиб олинган ҳудудлардан Чингизхон фарзандларига бўлиб берилган мулклар, кейинчалик мустақил давлатларнинг номи. *Чигатой улуси. Жўжи улуси.*

**3 эск.** Эл, халқ, халойиқ; одамлар. *Навоий она ватани, ўз улуси, ўз тилини жондан севар эди.* А. Қаюмов, Шеърят султони. *Эй муллам, улуснинг дарди кўп, қай бирини айттайин.* Ойбек, Навоий.

**УЛУШ** Нарсанинг кимсага тегишли қисми, бўлаги; ҳисса. *Чекишга ўрганганига баъзан афсуслангани учун, ичишдан тортинар, аксар вақт ўз улушини Полвонга берарди.* Ойбек, Куёш қораймас. *Ана шундай катта ишга муносиб улуш қўшиш ниятида ҳамюртларимиз астойдил ва мардонавор меҳнат қилмоқдалар.* И. Раҳим, Қадрибад одамлар.

**УЛУФ 1** Эгаллаган ўрни, ҳажми гоёт йирик; жуда катта, улкан, буюк. *Келтирганлар иккисин боғлаб, Ташлаганлар улуг дарёга.* Файратий. *Хотин.. асл ўрданинг улуг, муҳташам дарвозасига яқинлашгандан кейин ўнгадаги айри йўлга бурилди.* А. Қодирий, Меҳробдан чаён. *Шу кеча йўл тортди.. чошқада [чошгоҳда] улуг бир тоққа етди.* «Ҳасанхон».

**2** Куч-қудрат, имконият ва ш.к. жиҳатдан жуда катта имкониятларга эга; қудратли. *Шайбонийхон марказлашган улуг бир давлат тузишга интилар экан.. қўл остидаги одамларнинг ихлос ва эътиқодини ҳам қозонишга.. алоҳида эътибор берар эди.* П. Қодиров, Юлдузли тунлар.

**3** Қадр-қиймати, аҳамияти ва ш.к. жиҳатдан юқори даражали; буюк. *Бизнинг жамиятда инсон қадр-қиммати ҳар нарсадан улуг.* Газетадан. *Шоир учун бу оламда муҳлиснинг эҳтиромидан кўра улугроқ бахт йўқ.* Газетадан. *Инсондаги энг улуг фазилатлардан бири камтарлик ва оддийликдир.* Газетадан.

**4** Салмоғи, кўлами, аҳамияти юқори бўлган; муҳим. *Саидқосим улуг ишларни амалга оширувчилардан бўлгани учун қувонарди.* «Ўзбекистон кўриқлари». *Биз катта ишлар, улуг ўзгаришлар арафасида турибмиз.* Газетадан.

**5** Ўз қобилияти, хизматлари билан буюк ишларни амалга оширган ва ҳурмат-эътибор қозонган; буюк. *Қадимги юнон мулкида*



ўтган донишманд, ҳандаса илмига асос солган, ер ўлчашни ўргатган улуғ олим [Евклид]. М. Осим, Ибн Сино қиссаси. *Улуғ шоир ҳайкали пойига меҳр-муҳаббат ва чуқур эҳтиром рамзи сифатида гуллар қўйилмоқда*. Газетадан.

**6** Шундай улуғликни қайд этувчи сўз сифатида шахс билдирувчи сўзларга қўшиб ишлатилади. *Улуғ амир. Улуғ Алишер.* ■ *Ишқилиб, худойи таоло улуғ султонни паноҳида асрасин.. Мирмуҳсин, Меъмор. Бобур суратга [Навоий суратида] қараб туриб, ўзича сўради: «Улуғ амир, насиб қилса, ҳузурингизга борсам.. шеърият тилсимини очғучи калит берурмисиз?»* П. Қодиров, Юлдузли тунлар. *Демак, Низомиддин бу «ниҳоятда хавфли тўда»га мансуб, улуғ ҳазрат жонига қасд қилганлар орасида бор.. Мирмуҳсин, Меъмор.*

**7** Раҳбар, бошлиқ. *Илгарилари Бўтабойни, улуғимиз, деб юрадиган кишилар уни кўрганда, «бетинг қурсин», деб.. ўтиб кетадиган бўлиб қолишди.* С. Аҳмад, Ҳукм. Сўз сўзласа, дурри гавҳар сочилар. *Урозали юртимизнинг улуғи.. «Ёдгор».* Ия, ия, улуғ, Сиз ҳам шу гапни айтдинизми. С. Аҳмад, Ҳукм.

**8** Улуғ (эркаклар ва хотин-қизлар исми).

**УЛУҒВОР 1** Савлатдор кўринишли; салобатли; муҳташам. *Нурота тизма тоғлари ўз гўзаллиги билан бағоят улуғвор, бағоят бетакрордир.* Газетадан. *Хива ва Кўҳна Урганчининг улуғвор архитектура ёдгорликлари жаҳон маданияти хазинасининг энг ноёб дурдоналаридан ҳисобланади.* «Саодат».

**2** айн. **улуғ 4.** Чўл бағрида чақнаб турган чироқларнинг.. ҳаммаси бир бўлиб, улуғвор ишнинг кенг миқёсда олиб борилаётганидан.. далолат беради. Ш. Рашидов, Бўрондан кучли.

**УЛУҒВОРЛИК** Улуғвор ҳолат, кўриниш. *Бинонинг улуғворлиги. Режаларнинг улуғворлиги.* ■ *Қора атлас ҳамма қизларга ярашади. Маликага эса, бу либос алоҳида хусн, милоҳат ва улуғворлик бағишларди.* Т. Жалолов, Олтин қафас. *Нигора кечаси тоғ кўринишига афсонавий улуғворлик бахш этиб, бир текис гувуллаётган бу шаршарага бориб, уни ўз кўзи билан кўришга аҳд қилган эди.* С. Анорбоев, Оқсой.

**УЛУҒЗОДА** Юқори мартабали улуғ кишининг фарзанди. *Сен девонанинг боласи*

*дебмидинг, у ҳам подшонинг боласи, бир улуғзода.* «Равшан».

**УЛУҒЛАМОҚ 1** Улуғлигини қайд этмоқ, мадҳ этмоқ. *Биз.. фидокорликни улуғлаб, бевафоликни ранж билан қаламга олдик.* Газетадан. *У халқнинг яхшиликни улуғлаб айтган ҳикматли сўзлари ва.. мақолларини жуда усталик билан қайта ишлаб, ўз ижодида фойдаланган.* «ЎТА». *Ишқни улуғлаш Навоий ва бир қатор мутасаввиф шоирларда ҳам мавжуд.* «ЎТА».

**2** Шаън-эътиборини юқори даражага кўтармоқ. *Меҳнат инсонга фақат моддий фаровонлик келтирибгина қолмай, унинг маънавий дунёсини бойитади, ўзини эса улуғлайди.* Газетадан. *Эътиқод Али Қушчини инсон ва олим сифатида улуғласа, эътиқодсизлик мавлоно Муҳиддинни тубанлик жарига иргитади.* «ЎТА».

**УЛУҒЛАШМОҚ 1** Улуғламоқ фл. бирг. н. *Замондошлари ва касбдошлари ҳайрат ва ҳаяжон билан уни «жонли қомус» дея улуғлашар эди.* Газетадан.

**2** Улуғлик даражасига етмоқ, улуғ бўлмоқ. *Вазифамиз улуғлашди.* ■ *Ғоят катта бўлиб кетди бизнинг ишimiz, Улуғлашдик, улуғ бўлди ҳам хоҳишимиз!* Т. Тўла.

**УЛУҒЛИК 1** Улуғ эканлик. *Бунинг қанчалик улуғлигини хўрликни бошидан кечирган етимчагина билади.* П. Турсун, Ўқитувчи.

**2** Улуғ ҳолат, кўриниш, даража. *Камтарлик, ақл-заковат кишиларга улуғлик бағишлайди.* Газетадан. *Бир қарашда у ўрта ёшли кўринса-да, заҳил рангига улуғлик бағишлаб турган пешона ажинларига.. қараб, элликлардан ошиб кетганини билиш қийин эмасди.* Ҳ. Назир, Кўктерак шабадаси.

**УЛУҒСИФАТ 1** Кўриниши улуғвор, салобатли, серсавлат. *Йўлакка кирганидан сўнг ўзини дадил тутди, ҳатто икки томондаги қатор кетган эшикларнинг биридан чиққан улусифат бир одамдан Кенжанинг қайси уйда эканини тортинмай сўради.* А. Қаҳҳор, Сароб.

**2** Ўзини оғир, яхши тутадиган; ўзига ҳурмат уйғотадиган. *Усокин, камтарин, муомалада нозик, лекин улусифат.* Ойбек, Навоий.

**УЛУҒСИФАТЛИК** Улуғсифат ҳолат, қиёфа. [Салимжон] *Ўзининг обрўйи, улусифатлигига қарамай, такаббур эмас, дилкаш, кўнглида кири йўқ, инсониятпарвар.* А. Қаҳҳор, Сароб.

**УЛФАТ** [a. الفت — розилик; иттифоқлик, иноқлик; яхши кўриш, меҳр, муҳаббат] **1** Сухбат, зиёфат ва ш.к. да доимий бирга бўладиган кишилар билиги, шундай кишилардан иборат бўладиган йиғин; улфатчилик. *Мирза сариқ кўшилган улфатдан тезда қутулиб чиқиш осон бўлмайди.* Шукрулло, Жавоҳирлар сандиғи.

**2** Шундай йиғин, улфатчиликнинг ҳар бир қатнашчиси, аъзоси (бошқаларига нисбатан); жўра. *Қишининг узун тунлари бу ерда улфатлар гап ейишади.* П. Турсун, Ўқитувчи. *Салимбойваччанинг улфатлари бу ҳафта машҳур бир бойваччанинг даласида тўпланишлари керак эди.* Ойбек, Танланган асарлар.

**3** Умуман, суҳбат, зиёфат ва ш.к. учун тўпланган (икки ва ундан ортиқ) шахслар, улардан ҳар бири (бир-бирига нисбатан). *Болтавойининг ялласига қулоқ соладиган улфатлар чойхонани тарк этиб, урушга кетган.* С. Аҳмад, Қадрдон далалар. *Қараса, кабобпаз йигит: Ҳисоб-китоб қилинг-у, улфатингиз билан даф бўлинг, — деб турибди.* «Гулдаста».

**4** айн. **улфати.** *Хўжайин жуда улфат, дилкаш одам чиқиб қолди. Мен ишлайман, у бўлса чой қўйиб бериб ўтиради.* Н. Сафаров. Оловли излар.

**5** кўча Доим бирга бўлувчи нарса; «шерик». *Бир қалам, оппоқ қоғоз бирлан сиёҳдон улфатим.* С. Абдулла. *У мудир бўлган кундан буён ароқ билан улфат тутиниб, босар-тусарини билмай.. юра берди.* «Муштум».

**6** Улфат (эркаклар ва хотин-қизлар исми).

**УЛФАТИ** Улфатчиликни ўрнига қўядиган, улфатчиликка мойил. *У сўзамол, серҳаракат, оиналаридан ҳеч нарсани аямайдиган, кўли очик, улфати эди.* Мирмуҳсин, Меъмор.

**УЛФАТЛАШМОҚ 1** Ўртоқ ёки ошна бўлиб қолмоқ; иноқлашмоқ; дўстлашмоқ. *Бора-бора жинни мени танийдиган бўлди, улфатлашди.* С. Айний, Эсдаликлар.

**2** Улфатчилик қилмоқ, суҳбатлашмоқ. *Авазхон Замон билан бир улфатлашайлик деб келса, Замон кулбасида йўқ.* «Ниғор ва Замон».

**УЛФАТЧИЛИК 1** Улфатлар йиғини, зиёфати; улфатлар давраси. *Умингбошининг қайнағаси, улфатчиликда жўраси бўлса ҳам, «додхо»ни.. ҳамини шундай таъзим билан*

*ҳурматлар эди.* М. Исмоилий, Фарғона т.о. *Ёш, қосиб кўндўз вақтларида ўз тенги қосиблар қишда, улфатчиликда ундан ҳалиги дostonларни ўқитиб эшитар эдилар.* А. Қодирий, Обид кетмон.

**2** Умуман, бир ёки ундан ортиқ киши билан биргаликдаги маишатли суҳбат, шундай йиғин. *..худонинг берган қуни шу ерда, улфатчиликка муккасидан кетган, ўлгудек «ширин бола».* А. Мухтор. *Она-сингиллар. Алимардон қанча май ичганининг, қанча аёллар билан улфатчилик қилганининг ҳисобига етмади.* Ў. Ҳошимов, Қалбингга қулоқ сол.

**УЛЬТИМАТУМ** [фр. ultimatum — қатъий, узил-кесил талаб < лот. ultimus — энг охириги] **1** ҳуж. Бирон масала юзасидан бир давлат ҳукуматининг бошқа давлат ҳукуматига ёзма ёки оғзаки баён қилинган, ҳеч қандай баҳс ёки эътирозга ўрин қолдирмайдиган қатъий талаби. *Ҳозирги шароитда дўқлар қилиши ва ультиматумлар қўйиши методиди.. бутунлай яроқсиз воститадир.* Газетадан.

**2** кўча с.т. Қатъий огоҳлантириш, талаб. *Унинг ҳикоясини рақибининг «Гарде!» [«кишт»] деган ультиматуми кесиб қўйди.* У фарзинини ўрндан кўчирмаса, ютқазиб қўяди. И. Раҳим, Чин муҳаббат. *Қаюмжон ажралиши ҳақида [Қорияхонга] ультиматум юборган эди.* «Муштум».

**УЛЬТРА-** [лот. ultra — устида, юқори; чегарадан ташқари] Байналмилал ўзлашма кўшма сўзларнинг биринчи қисми: миқдор ва сифат белгиларига кўра меъёрдан, ҳаддан ташқари; энг четки, охириги, ўта каби маъноларни билдиради, мас.. *ультрамикроскоп, ультратовуш* каби.

**УЛЬТРАБИНАФША** [ультра + бинафша]: **ультрабинафша нурлар физ.** Спектрда бинафша ва рентген нурлари оралиғидаги кўзга кўринмайдиган нур (қишлоқ хўжалиги, саноат ва тиббиётда қўлланади).

**УЛЬТРАМИКРОСКОП** [ультра.. + микроскоп] Оддий микроскоп ёрдамида кўриб бўлмайдиган майда зарраларни ёритиб туриб кўришга хизмат қиладиган оптик асбоб.

**УЛЬТРАТОВУШ** [ультра.. + товуш] Максус аппарат ёрдамидагина эшитиш мумкин бўлган ва тўлқинларининг тебраниш частотаси 20 килогерцдан юқори бўлган товуш; эластик тебранишлар (техника ва тиббиётда қўлланади).

**УЛЬТРАҚИСҚА** [ультра.. + қисқа]: **ультрақисқа тұлқин** Тұлқин узунлиги 1 миллиметрдан 10 метргача бўлган радиотўлқинлар (телевидение, радиоалоқа ва ш.к. да қўлланади).

**УЛҒАЙМОҚ** 1 Балоғатга, вояга етмоқ, катта бўлмоқ. *Кампир кўз олдига улғайган, кучга тўлган неварасини келтирди-ю, ийиб кетди.* Газетадан. *Мен унга «Бешикдаги бола улғайганда ким бўлиб чиқшини айта оласанми» десам, «Қайдам, тарбияга боғлиқ», деди.* Ҳ. Назир, Сўнмас чақмоқлар.

2 Ривожланмоқ, авжланмоқ. *Ғўза униб улғайган сари, пахтакорнинг руҳидаги шодлик, кўнглидаги қувончни кўрсангиз!* Н. Сафаров, Хадича Аҳророва.

3 Кучаймоқ, зўраймоқ, ортмоқ. *Отабекнинг юзидаги ўйчанликка разм қўйган сайин, Офтоб оймнинг ҳалиги шубҳаси улғай борди.* А. Қодирий, Ўтган кунлар. *Хотин, гап улғаймасин дедими, қўлига илган товоқ-қошиқларни олди-ю, ташқарига чиқиб кетди.* Газетадан.

**УМАРО** [ا. امراء — «амир» с. кўпл.] тар. Шоҳ (хон, амир) ҳузуридаги юқори мансабли шахслар. *Дастлаб Исломхўжа, сўнгра уламо ва умаролар, барча аъёнлар [Исфандиёрни] муборақбод қилдилар.* Ж. Шарипов, Хоразм. *Бу хусусда умаромизнинг раёйларини билдик [деди подшоҳ Навоийга].* Ойбек, Навоий.

**УМБАЛАҚАШМОҚ** айн. **умбалоқ ошмоқ** қ. **умбалоқ.** *Омонга қоқилиб, умбалақашиб тушдим.* Ғ. Ғуллом, Шум бола. [Тухфа:] *Тағин дарахтдан умбалақашиб тушгани-чи! Капкатта бола.* Ҳ. Назир, Чиранма ғоз — хунаринг оз.

**УМБАЛОҚ:** **умбалоқ ошмоқ** Бошини ерга тираб, орқасига ағдарилиб ўйнамоқ, думалоқ ошмоқ. *Ўйинчилар.. симларда умбалоқ ошиб, турли-туман ўйинларни қилиб.. ёш болаларни ҳайрон қолдирар эдилар.* М. Муҳаммаджонов, Турмуш уринишлари. *Кўзибой.. ёнбағирдаги буталарга илина-илина, умбалоқ ошиб бориб, кўлга шалоп этиб тушди.* Ҳ. Назир, Сўнмас чақмоқлар.

**УМБУРВОҚИ** с.т. Умрбоқи. [Ўқтам] *Полизга кириб, бирпас теvarакка қараб, тўни хунук битта умбурвоқини шартта узиб чиқди.* Ойбек, О.в. шабадалар.

**УМИВАЛЬНИК** [р. умывальник < умыть, умыться — «ювмоқ; ювинмоқ» фл.

дан ясалган от] Юз-қўл ювиш учун мўлжалланган жўмакли қурилма. *Башорат умивальник ёнида юзига совун суркаб турган эди.* А. Мухтор, Опа-сингиллар.

**УМИД** [ф. امید — ишонч; орзу, тилак, истак] 1 Бирор истакнинг амалга ошишига бўлган ишонч; ишонч билан кутиш; эътиқод. *Сиздан умидимиз катта.* Сендан умидим шуми? ■ *Таассуфки, отамнинг Азизбекдан бўлган умиди бўшга кетди.* А. Қодирий, Ўтган кунлар *..бу камбағалчилик ёруғ дунёдан бўлган умидимизни эмас, ёруғ дунёдан бўлган умидимиз бу камбағалчиликни еб, кемириб ташлаётинти.* А. Қаҳҳор, Кўшчинор чироқлари.

2 Бирор нарса қилишга, бирор нарсага эришишга бўлган ички интилиш, ички ҳиссиёт; истак, орзу, ният. *Ҳаётни билиш ва ундан ўзининг лойиқ ўрнини топишга интилиш — ҳар бир кишининг умиди.* Шуҳрат, Шинелли йиллар. *Ўзганики бўлса ҳам, ўғил қилиб олайлик, деган умидда бола қидириб юрибмиз.* И. Раҳим, Чин муҳаббат. *Қизга отаонаси катта умид билан Субҳ деб ном қўйган эканлар.* Мирмуҳсин, Ал Маҳдий.

**Умид боғламоқ** Орзу қилган нарсанинг амалга ошишига, бунда бировнинг кўмағига умид билан қарамоқ. *-Ким агар ғалабага умид боғласа, албатта, ғолиб келади, — деди Жўрахон.* Назармат, Жўрлар баланд сайрайди. *Бобур мирзо ҳали ёшлар. Мен ҳам шу зотга умид боғлаган эдим..* П. Қодиров, Юлдузли тунлар. **Умид қилмоқ** 1) айн. **умид боғламоқ.** *Юртда адолатли давлат.. кўрмоқ орзусида бўлган Навоий Ҳусайн Бойқародан кўп нарса умид қилар эди.* Ойбек, Навоий; 2) орзусида (ниятида) бўлмоқ. *Қудратли қанотингиз остида бирим икки бўлишини умид қилиб келдим.* Ш. Рашидов, Бўрондан кучли.

3 Умид (эркаklar исми).

**УМИДБАХШ** [ф. امیدبخش — ишонч, умид бағишловчи] Кишида ишонч ва умид ҳосил қиладиган; келажакка умид, ишонч билан қарашга ундайдиган; умид бағишловчи. *Йўлчи бу гал ҳам касалнинг кўнглини кўтариш учун, унга таскин берувчи умидбахш сўзлар айтди.* Ойбек, Танланган асарлар.

**УМИДВОР** [ф. امیدوار — ишонган, ишонувчи, ишончга тўла] Умид, орзу ифодаловчи; умидли. *Икки лашкарбоши бир-бирига соғлиқ-саломатлик тилаб, ғалабамиз учун, дегандай умидвор сўзлар билан рюмкаларини*

бирпасда бўшатдилар. 3. Фатхуллин, Сўнмас юлдуз. *Ҳар қалай, бу ишда унга устод Андогоний кўмак бермоғидан умидвор эди.* Мирмуҳсин, Меъмор.

**Умидвор бўлмақ айн.** умид боғламоқ, умид қилмоқ қ. умид. *Қуриқнинг шўрвасини ичганингиз етар, энди эски ернинг паловига умидвор бўлинг.* Ш. Рашидов, Бўрондан кучли. **Умидвор қилмоқ** Орзу, ишонч кўзгамоқ, пайдо қилмоқ; умид боғлатмоқ. *Ирода билан эҳтиёт бўлиб сўзлашиши, уни умидвор қилиб қўймаслик кераклигини тушунарди Аҳмад.* Ф. Мусажонов, Ҳиммат.

**УМИДВОРЛИК** Умидвор ҳолат, умидли ҳолатда бўлиш, умид билан қараш. *Ҳамзанинг ажойиб фазилатларидан бири – оптимизм. Умидворлик унга ҳамиша ҳамроҳлик қилган.* Газетадан. *Мана шу умидворлик боисидан, танамизда жонимиз бор экан, курашамиз.* А. Ҳақимов, Илон изидан.

**УМИДЛАНТИРМОҚ айн.** умидвор қилмоқ қ. умидвор. *Учрашувдан умидлантирди.* ■ *У юпатгучи сўзлар билан дўстини умидлантиришни истамади.* Ойбек, Танланган асарлар.

**УМИДЛИ 1** Бирор нарсадан умид қиладиган; умидвор.

**2** Келажагидан умид бор, келажагига ишонса бўладиган. *..келажаги энг умидли кўринган йигитга тегмоқчи бўлиб.. қаллиқ танлаётган қиз экан.* П. Қодиров, Уч илдиш. *Асранди қиз Роҳила ролини ўйнаган умидли санъаткор Р.Тўраевани ҳамма ҳурматлади.* Газетадан.

**Умидли дунё** Ҳаётда ишонч, умид билан яшаш лозимлигини, умидсизланмасликни қайд этувчи ибора.

**УМИДСИЗ 1** Умид узиб, умидсизлик билан, ноумид. *У ўглининг қутулиши йўлида ҳар бир мулоҳаза кўчасига кириб чиқмоқда, аммо ҳар бирисидан ҳам бўш ва умидсиз қайтмоқда эди.* А. Қодирӣ, Ўтган кунлар. *Унинг [Тоҳиржоннинг] катталашган қора кўзлари чироқда аллақандай умидсиз, лекин маънодор ёнади.* Ойбек, Танланган асарлар.

**2** Келажакка бўлган ишонч ва умидини йўқотган, келажакдан умидини узган. *Умидсиз киши.*

**УМИДСИЗЛАНМОҚ** Умидсиз ҳолга тушмоқ, умидини йўқотмоқ. *Сен биринчи марта қийноққа дуч келдинг, умидсизланма! Ноумид шайтон..* И. Раҳим, Чин муҳаббат.

**УМИДСИЗЛАРЧА** Умидсиз ҳолатда, умидсизлик билан. *Али тажанг умидсизларча қўлини силкиб, туриб кетди.* Ойбек, Қуёш қораймас.

**УМИДСИЗЛИК** Умидсиз ҳолат. *Қизнинг юзидан умидсизлик белгилари йўқ; у кулар эди.* А. Қаҳҳор, Сароб. *Бу саволдан хотиннинг юзига умидсизлик туси кирди.* А. Қодирӣ, Ўтган кунлар. *Сенга берадиган маслаҳатим ва насиҳатим шуки, умидсизликка тушма.* С. Айний, Куллар.

**УММАТ** [а. امت – халқ, миллат; маълум динга эътиқод қилувчи жамоа] **1** дин. Мадинада Муҳаммад пайгамбар изидан борган ва ислом динини қабул қилган кишилар жамоаси; мусулмонлар. *Яхши ўйлаб, чораларини топиш лозимдирки, ислом уммати саҳобалардек чуқур, имон ва завқ-шавқ билан ўз бурчларини бажарсинлар.* Ойбек, Нур қидириб. *Қаломи шарифни неча бор хатм қилганман. Пайгамбаримиз Муҳаммад алайҳиссаломга умматман.* К. Яшин, Ҳамза.

**2** Умнат (эркаклар исми).

**УММОН** [а. عمان – Уммон мамлақати ва уни ўраб турган қирғоқ (қўлтиқ) номидан: денгиз, океан] **1** эск. Денгиз, океан. *Машриқ мамлақатларидан бирида ҳудудсиз уммонлар орасидаги мўъжазгина бир оролда.. мўъжиза бир дарахт ўсармиш.* О. Ёқубов, Кўҳна дунё.

**2** кўчма Бирон-бир ҳолат, жараён, иш-фаолият доираси, соҳаси. *Ҳаёл уммони.* ■ *Ёшлигидан савдо уммонида сузиб, шу соҳанинг баланд-пастини хўп эгаллаган.* А. Ибодинов, «Латофат» дўконидаги қатл.

**УМОЧ** Уваланган хамир солиб пиширилган суюқ ош. *Арслонқул.. заранг товоқдаги умочни катта қошиқ билан хўр-хўр ичди.* Ойбек, Навоӣ. *Атала, умоч.. каби суюқ ошларнинг масаллиғи камчил бўлганлиги сабабли.. «камбағал овқати» деб юритиларди.* К. Маҳмудов, Ўзбек тансиқ таомлари.

**УМР** [а. عمر – яшаш, ҳаёт; ёш, яшаш муддати] Туғилгандан то ўлгунгача бўлган давр, яшаш муддати, шу муддат давомидаги ҳаёт, яшаш. *Узоқ умр кўрмоқ. Умрининг охири. Семиз қўйнинг умри калта.* Мақол. ■ *Ҳазратим, мен мунгли қизингиз сизга худодан Шайх Савдийнинг умрини тилабман! Илоҳим, юзга киринг!* П. Қодиров, Юлдузли тунлар. *«..саховатли Меъмор ҳазратларининг умрлари узоқ бўлиб, доимо сиҳат-саломат*

бўлсинлар», деб дуо қиларди. Мирмуҳсин, Меъмор. Шундай кўркам, доно, тадбирли хотиннинг умри эрчис ўтиб кетаётганига баъзилар ачинса, баъзилар таажжубда эди. Ҳ. Шамс, Душман.

**2** Умуман, ҳаёт, яшаш. *Инсонга умр бир марта берилади. Ичкилик — умрнинг эгови. Соғлик — умрнинг гарови. Бировга ўлим тилагунча, ўзингга умр тила.* Мақол.

**Бир умр** Умр давомида, умр бўйи. *Бойлик ботқоққа ўхшаган нарса. Домига бир тортса, бир умрга фарқ бўлиб кетишинг турган гап.* Ф. Мусажонов, Ҳиммат. *Заргаров ҳам бир умр кутган..* А. Мухтор, Буронларда бордек ҳаловат. **Умр берса** Яшатса. *Худо умр берса, йўлинг ҳали олис.* С. Сиёев, Ёруғлик. **Умр бўйи айн. бир умр.** *Суннатулло махсум умр бўйи савдо соҳасида ишласа ҳам.. ибратли ҳикоя ва шеърларни биладиган киши эди.* Шукрулло, Жавоҳирлар сандиғи. **Умр йўлдоши қ. йўлдош.** *Ушбун кўрсатувчи Марасул Ҳузуржоновни тегишли умр йўлдоши ўртоқ Насибхон Асқарова билан тегишли дафтارينгиздан ўтказиб..* А. Қаҳҳор, Оғриқ тишлар. **Умр кечирмоқ** 1) умр ўтказмоқ, яшамоқ. «...агар (одам) одам бола-сига ўхшаб умр кечираман деса, унга шунча кўп нарса керак бўлар экан!», — деб кулар эди. А. Қаҳҳор, Кўшчинор чироқлари; 2) айн.

**умр қилмоқ.** *Бир хотин билан муҳаббатли умр кечирмоқ, менимча, энг маъқул иш.* А. Қодирий, Ўтган кунлар. **Умр кўрмоқ** Ҳаёт кечирмоқ, яшамоқ. *Узоқ умр кўриб, бахт-саодатли яшаётган кексаларимиз фаровон ҳаётимизга файз-тароват бағишлаб туришибди.* Газетадан. **Умр сурмоқ** Умр ўтказмоқ, яшамоқ (одатда, яхши, бахтли умрга нисбатан қўлланади). *Дунёда яхши умр сурдинг, ор-номусли, адолатли яшадинг..* Т. Обидов, Юсуфжон кизиқ. **Умр қилмоқ** Эрхотин бўлиб яшамоқ. *-Тенгинг эмас, қизим! Сенинг илминг катта, уники кичик. Умр қилиб кетолмайсизлар, — деди онаси Ҳуснияга.* М. Исмоилий, Одамийлик қиссаси. **Умри бино бўлиб қ. бино.** *Ёдгор умри бино бўлиб баҳорнинг кириб келишини шу қадар диққат билан кузатмаган экан.* Ў. Ҳошимов, Қалбингга кулоқ сол. **Умри боқий** Доимий ҳаёт, йўқ бўлмайдиган. *Инсоният қалбини мунаввар этадиган эзгуликнинг — шеърятнинг умри боқий экан, демак, шоир умри ҳам боқий.* Газетадан. *У баъзан.. Шохрухни дуо қилар,*

*юртда тинчлик бўлса, умри боқий бинолар қуриб юришини ўйларди.* Мирмуҳсин, Меъмор. **Умри қисқа** Кўп яшамайди, узоққа бормайди, тез барҳам топади. *Тухматнинг умри қисқа.*

**УМРА** [a. عمره — кичик ҳаж] Ислом анъанасида кичик ҳаж; Қуръон ояти ва Пайгамбар алайҳиссалом суннати билан собит бўлган амал (Умрани йил-ун икки ой бажариш мумкин).

**УМРБОД** [a. + ф. عمر باد < عمر اباد — абадий умр, умр бўйи] рвш. **1** Ҳаётининг охиригача, ўлгунга қадар; ўлгунича. *Борди-ю, Элмурод қасос олса, бу сир унга, Муҳаррамега умрбод сир қолиб кетар, мотам тутар.* Шуҳрат, Шинелли йиллар. *Нигорага бораман: оёғига тиз чўкиб, умрбод юрагимни сизга бағишладим, дейман.* С. Анорбоев, Оқсой.

**2** Ҳамма вақт; мангу, абадий. *Сайр этайлик, кел бирга, эркам, Рози кетсин биздан умрбод — Шодлик учун яралган олам, Севмоқ учун берилган ҳаёт.* Э. Воҳидов.

**УМРБОҚИ** [a. + ф. عمر باقى — абадий, узоқ умр] Қовуннинг пўчоғи қалин, саргишкўкиш бўлиб, қишга сақланадиган кечпишар хили. *Вали ака ўелига бир коса умрбоқидан узатиб: -Мана буни еб олинг, ўғлим.. — деди.* М. Исмоилий, Фарғона т. о.

**УМРГУЗАРОНЛИК** [a. + ф. عمر گذارندن — «умр ўтказмоқ» фл. дан] эск. Ҳаёт кечириш, яшаш. *Умргузаронлик борасида Қурбон чаққоннинг ўз фалсафаси, ўз йўли бор.* Й. Шамшаров, Тошқин. *Йўл азоби орқада қолиб кетди, энди жаннатмонанд пойтахтимиз Газнада роҳат-фароғат билан умргузаронлик қилинлар.* М. Осим, Карвон йўлларида.

**УМРДОШ** кам қўлл. айн. **умр йўлдоши қ. йўлдош.** *Ҳозир Масъуда опа соғ-саломат ўз уйида, болалари, садоқатли умрдоши, оиласи бағрида ширин ҳаёт кечиряпти.* Газетадан.

**УМРДОШЛИК** Бирга ҳаёт кечириш, эрхотинлик. *Умрдошлик савдоси — қийин савдо, уни обдан ўйлаб, сўнг оила қасрини қурмоқ керак.* Газетадан. *Узининг.. алданганини, уларнинг умрдошлик биноси қум устисига қурилганини, энди унинг бутунлай нураб бўлганини тушунди.* Шуҳрат, Жаннат қидирганлар.

**УМРЛИ** Маълум муддат яшайдиган, умр кўрадиган. *Узун умрли. Қисқа умрли. ■ У [Худойқул] Мадаминсиз ҳам ўз тирикчилиги ўтиши мумкинлигини англамади. Унга хўжа*

остонаси умрли макон бўлиб кўринди. П. Тур-сун, Ўқитувчи.

**УМРЛИК** Умрининг охиригача, умр бўйи; абадий. *Миршабга пора бериб, ўлим жазосидан қутулиб, умрлик қамалганлар бор.* С. Айний, Жаллодлар. *У ердан отини миниб, умрликка Марғилон билан видолашмоқчи эди.* А. Қодирий, Ўтган кунлар.

**УМСУНМОҚ** Эмчаги сутга тўлиб, эми-зишга эҳтиёж сезмоқ (эмизикли хотин ҳақида).

**УМТИЛМОҚ** *шв.* Интилмоқ, ҳаракат қилмоқ. *Гўё махфий бораётган синфий курашнинг кашагини очишга умтилгандай туйилди бу муштлаш.* Ҳ. Шамс, Душман.

**УМУМ** [*а. عموم* – умумийлик, оммавийлик; ҳартомонламалик; барча, ҳамма] Одамлар, жамоат; халойиқ; кўпчилик. *Умум фойдаси учун ишламоқ.* ■ *Етмаса, сени қўлга тушириб, умум олдидан шармандангни чиқариб, очиқ суд қилсин.* З. Саид, Н. Сафаров, Тарих тилга қирди. *Энди инграган ёки, мадорсиз бўлса ҳам, умумдан ажралмаслик учун, чала-чўла ўралган яраларидан қон оқизиб, судралиб бораётган ярадорлар кўпгина эди.* Ойбек, Қуёш қораймас.

**УМУМ-** [*а. عموم*] Қўшма сўзларнинг таркибий қисми бўлиб, жамоатга, ҳаммага, кўпчиликка тегишли эканликни, муштарақликни билдиради, мас., *умумхалқ, умумиттифоқ, умуммиллий.*

**УМУМАН** [*а. عمومًا*] *рвш.* 1 Асос эътибори билан, асосан. *Мақола умуман яхши таассурот қолдирди.* ■ *Унинг [Унсиннинг] умуман юз бичими келишган эди.* Ойбек, Танланган асарлар. *Умуман картошкачиликда калий ўғитларига алоҳида эътибор берилади.* «Фан ва турмуш».

2 Мутлақо, бутунлай. *Бу ишдан умуман хабарим йўқ.* ■ *Отам менга умуман гапирмас, онам ҳам кўпинча унутиб қўяр эди.* Ў. Ҳошимов, Қалбинга қулоқ сол. *Қирқинчи йиллардан кейин эса умуман геологлар бормаган.* С. Кароматов, Олтин қум.

**УМУМБАШАРИЙ** [умум.. + башарий] Бутун инсониятга, одамзодга оид. *Тарихда шундай шахслар бўладикки, уларнинг аҳамияти.. бир ва бир неча мамлакат доирасидан ташқарига чиқади, дунёвий аҳамият касб этади, умумбашарий бўлиб қолади.* В. Зоҳидов, Ўзбек адабиёти тарихидан.

**УМУМДАВЛАТ** [умум.. + давлат] Давлат миқёсидаги, давлат учун умумий. *Умумдавлат манфаатларини кўзламоқ.* ■ *Театр умумдавлат ишининг бир қисми бўлиб қолди.* Ҳ. Носирова, Мен ўзбек қизман.

**УМУМДЕМОКРАТИК** [умум.. + демократик] Барча демократик кучларни ўз ичига олган, барча демократик ташкилотлар учун умумий.

**УМУМИЙ** [*а. عمومی* – ҳаммага оид, таллуқли, универсал] 1 Ҳаммага оид, ҳаммага тегишли; ҳамма учун хизмат қиладиган; ягона. *Умумий мажлис. Умумий мажбурий таълим. Умумий тил. Умумий ҳарбий хизмат.* ■ *Онгли интизом, умумий иш учун масъулик туйғуси меҳнат унумдорлигини оширишга ёрдам берапти.* Газетадан.

2 Бирор нарса, ҳодиса ва ш.к. нинг барча қисмлари, соҳалари, тармоқлари учун бир хилда тегишли бўлган, барчасини қамраб олувчи. *Умумий сарлавҳа. Умумий рўйхат. Умумий хулоса. Тил тараққиётининг умумий қонуниятлари.*

3 Муайян бўлмаган, аниқ бир нарса ҳақида тушунча бермайдиган. *Умумий тасаввур. Нотиқ умумий гаплардан нарига ўтмади.*

4 Умуман ҳисобга олгандаги ҳаммаси; бутунича, ялпи. *Умумий маҳсулот. Умумий фойда.*

**УМУМИЙЛИК** Ўзаро умумий белги-хусусият; ўзаро бир хиллик. *Вазифанинг умумийлиги. Манфаатларнинг умумийлиги.* ■ *..тил билан нутқ умумийлик билан хусусийликнинг диалектик муносабатида бўлиб, улар бири иккинчисига ўтиб турадиган ҳодисалардир.* «ЎТА».

**УМУМЛАШМА** 1 Умумий белги-хусусиятларни акс эттирувчи, шундай белги-хусусиятларни ўзида жамлаган. *Султонмурод ўша замонда кўплаб учрайдиган илгор илм кишиларининг умумлашма образидир.* Газетадан.

2 Умумий белги-хусусиятларни қайд этувчи фикр, нуқтаи назар. *Матбуот ходимлари.. ҳаёт жараёнларини ҳозир ҳар қачонгидан ҳам чуқурроқ ўрганишлари лозим. Бусиз жиддий умумлашмалар чиқаришга умид боғлаб бўлмайди.* Газетадан. *Ҳар қандай назарий фаолият қонуниятлар жорий қилишга ва назарий умумлашмалар яратишга зарурат сезади..* Ф. Саломов, Таржима назариясига кириш.

**УМУМЛАШМОҚ 1** Умумий хулосага келмоқ, хулосаланмоқ, яқунланмоқ. *Фикр умумлашди. Умумлашган тажриба.*

**2** Умумга, кўпчиликка, халққа тегишли бўлмоқ, халққа хизмат қиладиган бўлмоқ, халқ мулкига айланмоқ. *Хусусий хўжаликлар умумлашди.* ■ [Мавлонов:] *Аввал колхоз тузиб, ерларни белгилаб олинлар-чи, тракторга умумлашган катта ер керак.* П. Турсун, Ўқитувчи.

**Шахси умумлашган гап тлш.** Мазмунан ҳар учала шахсга тааллуқли гап.

**УМУММИЛЛИЙ** [умум.. + миллий] Бутунича миллатга, шу миллатдаги кишиларнинг барчасига тааллуқли, миллат учун умумий. *Умуммиллий тил. Умуммиллий бойлик.*

**УМУМПАРТИЯВИЙ** [умум.. + партиявий] Бутунича партияга тааллуқли, партия учун умумий. *Умумпартиявий иш.*

**УМУМРЕСПУБЛИКА** [умум.. + республика] Республикага тааллуқли, республика учун умумий; бутун республикага ёйиладиган, тарқаладиган. *Умумреспублика бадийи ҳаваскорлик кўриги.*

**УМУМХАЛҚ** [умум.. + халқ] Бутун халққа тааллуқли, бутун халқ учун умумий. *Умумхалқ мулки. Умумхалқ намоийиши. Умумхалқ байрами.* ■ *Чўлни ўзлаштириш умумхалқ ҳашари деб эълон қилинган, турли шаҳар ва қишлоқлардан одамлар бетўтов кела бошлади.* «Ўзбекистон қўриқлари».

**УМУРТҚА қ. умуртқалар.**

**Умуртқа погонаси** Одам ва умуртқали ҳайвонлар скелетининг умуртқаларнинг ўзаро устма-уст қўшилишидан вужудга келадиган асосий қисми (унинг бўйин, кўкрак, бел, думғаза ва дум бўлимлари бор). **Умуртқа канали** Ҳамма умуртқалар тешикларининг бирлашишдан ҳосил бўлувчи канал (орқа мия шу каналда жойлашган бўлади). **Умуртқа тешиги** Умуртқа танаси билан унинг равоғи ўртасидаги тешик.

**УМУРТҚАЛАР анат.** Одам ва умуртқали ҳайвонларнинг умуртқа погонасини ташкил этадиган калта ғовак суяклар (одам умуртқаси тана, равоқ ва ўсиқлардан иборат).

**УМУРТҚАЛИЛАР зоол.** Гавдани тутиб турувчи умуртқа погонаси бўлган ҳайвонлар гуруҳи.

**УМУРТҚАСИЗЛАР зоол.** Жониворлар оламининг умуртқа погонаси бўлмаган гуруҳи.

**УН 1 1** Турли экинлар донини, асосан бугдойни тегирмонда тортиш йўли билан олинадиган кукунсимон озуқа. *Бугдой уни. Жўхори уни. Оқ уни. Кепакли уни.* ■ *Бостирмада Зиёдахон супра ёзиб, уни элаб ўтирар эди.* А. Қаҳҳор, Кўшчинор чироқлари. *У қайроқи бугдой унидан ёғлиқ патира, сомса ёнди, қатлама пиширди.* И. Раҳим, Чин муҳаббат. *Жаннат хола шошиб уни чалиб, қуймоқ солди-да, болтани қўлига олиб, тўқайга қараб кетди.* С. Аҳмад, Уфқ.

**2** Кукун ҳолига келтирилган маҳсулот. *Картошка уни. Суяк уни. Фосфор уни.*

**Қулоғига уни босмоқ** Эшитмайдиган, қар бўлиб қолмоқ. [Хонзода:] *Қулоғингга уни босдингми, етимча, етти кулча! Чилим! Ҳамза, Бой ила хизматчи. Бу ўзи қандай одам, қулоғига уни босқанму? А. Қодирий, Меҳробдан чаён.*

**УН II эск. шв.** Товуш, овоз. *Анчадан сўнг итларнинг уни ўчди.* С. Анорбоев, Оқсой. *Овозини эшитиш учун томоғига зўр бериб кўради. Фақат қандайдир хирилдоқ уни чиқарди.* С. Азимов, Оппоқ тонг кўшиғи.

**УНАМОҚ** Бирор иш, илтимос, талаб ва ш.к. га розилик билдирмоқ; рози бўлмоқ, кўнмоқ. *Мулла Икром қийиқ одам бўлганиданми ёки касби шуни лозим кўрганиданми, муросага унамади.* Ойбек, Танланган асарлар. *Менинг маслаҳатимга Омон, Омоннинг маслаҳатига мен унадим.* Ф. Фулом, Шум бола. [Қушбеги:] *Буйруғимни қўрбошига айтсанг, унар! А. Қодирий, Ўтган кунлар.*

**УНАР-УНМАС** Унча аҳамияти бўлмаган, арзимаган нарса, бўлар-бўлмас. [Ҳасанали:] *Унар-унмасдан баҳс қилиб, ниҳоят, бу унар-унмаснинг охирига шу саволни ҳам улаб юборди: -Бу гал Марғилонга кечикдингизми? А. Қодирий, Ўтган кунлар. Бора-бора ўша, «мусичадай беозор» эр тирриқлик қилиб, унар-унмасга Шаҳодатни ураверадиган бўлди.* «Муштум».

**УНАШМОҚ 1** Унамоқ фл. бирг. н. *Улар ярашишга унашди. Болалар уйда қолишга унашмади.*

**2** Хотин қилиб олиб бериш, хотинликка бериш учун ўзаро келишмоқ. *Отамга.. Ҳамрохоннинг қизи Зеваройни унашганлар.* С. Айний, Эсдаликлар. *Энди қизни Олахўжанинг ўглига унашибди, деб эшитдим.* М. Жўрабоев, М.Б. мартабаси. *Отабек гангиб, шо-*

шиб сўради: -Қайси қизига унашиб келдингиз? А. Қодирий, Ўтган кунлар.

**УНАШТИРИШ** этн. Никоҳ тўйидан олдин йигит ва қиз томоннинг розилигини расмийлаштириш, халқча маълум қилиш учун ўтказиладиган марқосим.

**УНАШТИРМОҚ** айн. унашмоқ 2. Онасини қўлга олиб, қизнинг ўзини алдаб-сулдаб, юқори қишлоқдаги бир бадавлат одамнинг ўғлига унаштирди. П. Турсун, Ўқитувчи.

**УНАҚА** с.т. Ундай. [Йўлчи:] Ёрмат ака, эртага борамизми, унақа одамлар жуда кечки бўлади-ку? Ойбек, Танланган асарлар. Унақа олифта бўлса, келмасин эди! Ярашгани келганим, уй кўргани келганими? А. Қаҳҳор, Кўшчинор чироқлари.

**УНАҚАНГИ** айн. унақа.

**УНВОН** [а. عنوان — адрес; сарлавҳа, ном; белги, рамз] 1 эск. Мактуб устига ёзилган ном, қаерга, кимга жўнатилганлик ҳақидаги ёзув. Кумуш хатни хотиннинг қўлидан олиб, раҳмат айтди ва хатнинг унвонига кўз ташлади: «Марғилон шаҳрида сокин Мирзакарим қутидор ҳовлисига». А. Қодирий, Ўтган кунлар.

2 Бирор иш-фаолият соҳасидаги алоҳида хизматни ёки мутахассислик даражасини расман эътироф этадиган, ваколатли органлар томонидан белгиланадиган ва бериладиган ном. Профессорлик унвони. Халқ артисти унвони. ■ Эртасига.. келиб, уни лейтенант унвони ва взвод командири вазифаси билан табриқлади. Шухрат, Шинелли йиллар.

3 эск. Мерос бўлиб келадиган ёки ишвазифа даражасини кўрсатувчи, шунингдек, инъом қилинган ҳурматли, фахрий ном. Князлик унвони. ■ Қорилик унвонини олиш учун мен ҳам бел боғлаган эдим. М. Муҳаммаджонов, Турмуш уринишлари. Бухорога келиб, Зулфиқор билан Завракка «уста» деган унвон берилди. Энди улар мустақил иш қилишлари мумкин эди. Мирмуҳсин, Меъмор. Подшоҳ оиласи Қосимбекка алоҳида эҳтиром билдирганда, унинг номига «амирлар амири» деган унвон қўшиб айттар эди. П. Қодиров, Юлдузли тунлар.

**УНГУР** Тогликлардаги тик ўйиқ жой; унча чуқур бўлмаган гор. Қайси бир унгурдан йиртқич қушнинг қийқириғи эшитилиб, акс садо беради. Ж. Абдуллахонов, Орият. Унгулар қурилиш ишлари (йўл қуриш, газ ва нефть

қувурлари ўтказиш)га салбий таъсир кўрсатади. «ЎЗМЭ».

**УНДА 1** У олмошининг ў.-п. к. шакли. Унда ҳеч қандай айб йўқ. ■ Портретни суқланиб томоша қилувчилар унда бир камчилик кўришар, бу ҳам бўлса, жонон қизнинг кўз-ойнаги эди. М. Хайруллаев, Тилла маржон.

2 У ҳолда, ундай бўлган тақдирда. Дунёни кезиш билан шоир бўлиш мумкин бўлса, унда Али проводник шоир бўлиши керак: бутун мамлакатни кезиб чиққан. Шукрулло, Жавоҳирлар сандиги. ..Унда тўғри бизникига кетдик. С. Сиёев, Ёруглик.

**УНДА-БУНДА 1** Бир-биридан анча узоқ масофада жойлашган, оралиғи бир-биридан узоқ бўлган; у ер-бу ерда. -Бу атрофда сув йўқми? -Сув қаёқда? Унда-бунда қудуқ бор дейишади. Ж. Абдуллахонов, Тўфон. Унда-бунда тўп-тўп сада, уларнинг орасида оппоқ гуллаган ўриклардан бошқа ҳеч нарса кўринмайди. Ойдин, Гулсанам. Унда-бунда ёввойи энкиларнинг изларигина кўзга ташланади. С. Кароматов, Олтин қум.

2 Баъзи вақтлардагина; баъзан, гоҳо-гоҳо. [Ёрмат:] Ўз декчамизни ўзимиз қайнатамиз. Хўжайиннинг қозонидан унда-бунда бир тотмасак.. мойсиз бўлса ҳам, ўз декчам яхши. Ойбек, Танланган асарлар. Иш давомида унда-бунда бегона сўзларни эшитиб, кейин эса китоб таталаб, инглизчани бир оз билиб олдим. «Гулдаста».

**УНДАЙ** кўрс. о.м. У каби, ўшанга ўхшаш; унақа. [Элмурод:] Иштаҳасини бўғиб қўйиш керак ундай одамларнинг. П. Турсун, Ўқитувчи. [Тавҳидий:] Яъни сен ҳам ит, деганингизми бу!? Мирза Баҳром ундай маъно чиқишини сира кўзда тутмаган экан, ўсал бўлди. А. Қаҳҳор, Миллатчилар. Бироқ Шарофат ундай қилмади. У ўзини ерга отиб урди-ю, худди илон чаққандай тўлғаниб, йиғи бошлади. А. Қаҳҳор, Кўшчинор чироқлари.

**УНДАЛМА**, ундалма сўз тлш. Сўзловчининг нутқи қаратилган бошқа бир шахс ёки предметни билдирадиган сўз ёки сўз бирикмаси. Хўш, Темир Мардонов, бу ганга сиз нима дейсиз? К. Яшин, Пьесалар.

**УНДАМОҚ** Бирор иш, ҳаракатни бажаришга чақирмоқ; даъват этмоқ, таклиф қилмоқ. Виждоним, бутун фикрим мени масалани худди ана шундай узил-кесил ҳал қилишга ундар эди. М. Жабборов, Севинч ёшлари. Уни қандайдир бир куч борган сари



*Инобатни ҳурматлашга ундарди. Ж. Шарипов, Саодат. Кимдир курси олиб келиб, утиришга ундар, Меъмор бўлса, бош ирғаб ташаккур айтар-у, утирмас.. Мирмуҳсин, Меъмор.*

**УНДА-МУНДА** *с.т.* Унда-бунда. Қирғоқда мажнунтол, унда-мунда терилмаган жийдалар маржондай қизариб турибди. Файратий, Узоқдаги ёр. ..ўзининг унда-мунда бўлса ҳам ичишини пайпаслаб жапириши отамга хуш келмасди. Шукрулло, Жаҳоқирлар сандиғи.

**УНДАН-БУНДАН** *1* Турли нарсалардан сайлаб. *Ўзи ҳеч нимани истамаса ҳам, қиз тортинмасин, деб ундан-бундан емакка уринди.* Ойбек, Танланган асарлар.

*2* Турли мавзуларда, ҳар тўғрида. *Ундан-бундан сўзлаб утирди.* ■ *Гоҳо маҳалланинг бекорчилари киради. Ундан-бундан гаплашиб, баъзилари эрмак учун маҳсиларни бўяб, пардозлаб ўтирадилар.* Ойбек, Болалик.

**УНДОВ** Ҳаракат қилишга таклиф, қақирик; буйруқ, амр. *Қалб амри, виждон ундови.. билан урушга жўнаган саноксиз шерзод баҳодирларимиз орасида.. журналист ҳамкасбларимиз ҳам оз эмасди.* Ҳ. Тожибоев, Жанговар қаламкашлар.

**Ундов белгиси** *тлш.* Ундов гап охирига қўйиладиган белги(!). **Ундов гап** *тлш.* Ҳис-ҳаяжон ифодаловчи гап. **Ундов сўз** *тлш.* Ҳис-ҳаяжон, ҳайдаш, қақирик каби маъноларни ифодаловчи сўз, мас., *тисс, чу, оҳ, вой.*

**УНДОВЧИ 1** **Ундамоқ** *фл. сфдш.* *Ёхуд қари отасининг сабр-бардошига ундовчи насихатлари.. йўлига гов эди.* С. Сиёев, Ёруғлик.

*2 этн.* Тўй кунни келиннинг ота-онаси томонидан куёв ва унинг меҳмонларини келиннинг уйига таклиф қилиш учун юбориладиган вакил.

**УНДОШ: ундош товуш** *тлш.* Оғиз ва бўғиз бўшлиғида турли тўсиқларга учраб ҳосил бўладиган, таркиби фақат шовқиндан ёки овоз ва шовқиндан иборат бўладиган товуш. Мас., **б, в, д** товушлари.

**УНДОҚ** *с.т.* Ундай. *-Ҳа-ҳа, ундоқ дегин, – деди Ефим Данилович чўзиб, гуё мушкул бир масалани зўрга тушуниб олгандай.* А. Мухтор, Опа-сингиллар.

**УНИВЕРМАГ** [*р.* «универ(сальный) маг(азин)» бирикмасининг қисқартмаси] Хилма-хил кенг истеъмол товарлари (кийимлар, уй жиҳозлари, хўжалик товарлари),

жумладан, озиқ-овқат маҳсулотлари билан савдо қилувчи чакана савдо корхонаси. *Марказий универмаг.* ■ *Домла бозор қилишни, магазинга киришни жинидан баттар ёмон кўрар эди, кимдир уни универмагда.. кўрибди.* А. Қаҳҳор, Тўйда аза.

**УНИВЕРСАЛ I** [*лот.* universalis – умумий, кенг қамровли, кўп томонлама] **1** Кўп ёки ҳамма нарсани ўз ичига қамраб олган; ҳар тарафлама. *Универсал билим. Универсал билимга эга одам. Универсал магазин.* ■ *Саудий маълумот жиҳатидан универсал бўлишни яхши кўради.* А. Қаҳҳор, Сароб.

**2** Бир неча хил ишни бажаришга мосланган. *Универсал станок.*

**УНИВЕРСАЛ II** *с.т.* Бир неча хил ишни бажара оладиган трактор. *Култивация қилиб, жўяк оладиган универсал иши устидан алоҳида назорат ўрнатилди.* Ш. Рашидов, Бўрондан кучли. *Универсалнинг тишли катта филдираклари ҳовлини теша билан чопгандай қилиб юборибди.* М. Мансуров, Ёмби.

**УНИВЕРСАЛЧИ** Универсални бошқарувчи шахс (*қ. универсал II*).

**УНИВЕРСАМ** [*р.* «универса(льный) м(агазин)» бирикмасининг қисқартмаси] Озиқ-овқат маҳсулотлари, шунингдек, баъзи бир хўжалик товарлари билан савдо қилувчи, истеъмолчилар талабларини тўла таъминлаш учун хизмат қиладиган йирик магазин.

**УНИВЕРСИАДА** [универс(итет) + (олимп)иада] **1** Талабаларнинг бутунжаҳон спорт мусобақалари.

**2** Ўзбекистонда: «Талаба» спорт уюшмаси ташкил қиладиган оммавий мусобақа. *«Универсиада-2002» мусобақаларининг сўнгига шаҳарнинг марказий стадионида спорт шоншарафи музейи очилди.* Газетадан.

**УНИВЕРСИТЕТ** [*нем.* Universität < *лот.* universitas, universitatus – жами, барчаси; йиғинди, мажмуа] **1** Таркибида бир қанча табиий-математик ва ижтимоий-гуманитар йўналишдаги факультетлари бўлган, айна йўналишларда юксак малакали мутахассислар тайёрлайдиган кўп тармоқли олий ўқув-илмий муассаса. *Ўзбекистон миллий университети. Университетга кирмоқ.* ■ *Мен сизни университетда ўқитаман, аспирантурада ўқитаман.* А. Қаҳҳор, Оғриқ тишлар.

**2** Умумий маълумотни ва сиёсий билимни ошириш соҳасидаги бир қатор ўқув муассасаларининг номи. *Халқ университети.*

**3** *Кўчма* Билим, малака, тажриба ва ш.к. ни эгаллаш, ошириш учун манба бўлган даргоҳ, жой. *Қизилқум кўпгина йигит-қизлар учун университет ҳам бўлди.* С. Анорбоев, Ўзбекистон олтини. *Чўл ўнлаб, юзлаб ёшлар учун жасорат, қахрамонлик, фидокорликнинг ажойиб университетига айланди.* «Ўзбекистон кўриқлари».

**УНИКАЛ** [лот. unicus — яккаю ягона, бирдан-бир] қ. **нодир, ноёб.** *Уникал қўлёмза. Уникал асар. Уникал тажриба.*

**УНИТАР** [фр. unitaire — ягона, яхлит < лот. unitas — birlik; бирлашиш]: **унитар давлат** Давлат тузилиши шакли; бунда бутун давлат худуди, федерациядан фарқли равишда, ўз таркибда федератив birlikлар (республикалар, штатлар ва ш.к.)га эга бўлмайди, балки давлат суверенитети аломатлари бўлмаган маъмурий-худудий birlikлар (департаментлар, вилоятлар, туманлар ва б.)га бўлинади.

**УНИФИКАЦИЯ** [лот. unī, unus — бир + facere — қилмоқ]: **унификация қилмоқ** Ягона тизимга, шаклга, бир хилликка келтирмоқ; уйғунлаштирмоқ. *Машина деталларини унификация қилмоқ. Алифбони унификация қилмоқ.*

**УНИФИКАЦИЯЛАШТИРМОҚ** айн. **унификация қилмоқ** қ. **унификация.** *Илмий терминологияни унификациялаштирмоқ.*

**УНЛИ** I Уни бор, ичига ун солинган. *Унли қоп.*

**УНЛИ II: унли товуш** тлш. Оғиз ва бўғиз бўшлиғида ҳеч қандай тўсиққа учрамай ҳосил бўладиган, таркиби овоздан иборат (шовқин дярли иштирок этмайдиган) товуш. Мас., **а, и, о** товушлари.

**УНМОҚ** I Ривожланиб, бошланғич поя ва баргчалар ҳосил қилмоқ; ниш ҳолати юз бермоқ (экилган уруғ ҳақида). *Орадан кўп вақт ўтмади, янги нав уруғ униб чиқди.* Н. Сафаров, Дон.

**2** Ўсиб чиқмоқ, ўсмоқ. *Яккам-дуккам унган маккажўхори ниҳоллари, парвариш нималигини билмай, қисилиб ётибди.* «Муштум». Саҳролар кўйида чаманлар униб.. Уйғун.

**3** Юзага келмоқ, ҳосил бўлмоқ, етишмоқ. *Кунт билан ўрган хунар, Хунардан ризқинг унар.* Мақол. *Тер тўкиб меҳнат қилсанг, Ердан ҳатто зар унар.* Мақол. ■ *Ер ўтди-ми, улар ҳам ҳозирдан бизга ўтади.* *Ҳаммаси ердан унган нарсалар..* «Шарқ юлдузи».

**4** Жисмоний етук ҳолга келмоқ, улгаймоқ, етилмоқ. *Отни тойчалгида кўрган киши, у от бўлгач, кўрса танимаганидек, эшон ҳам ўн йил ичидā ўсиб, униб, тамом бошқа қиёфага кирган йигитни таний олмади.* П. Турсун, Ўқитувчи.

**5** Қисташ, талаб қилиш, таъсир кўратиш натижасида қўлга кирмоқ (қарз, насия, зиёфат ва ш.к. ҳақида). *Қарз унди.* ■ *Ҳаммасини ундирамиз. Қани, унмай кўрсин-чи!* П. Турсун, Ўқитувчи. *Мирослав ютқизган зиёфат унадиган бўлибди.* Ҳ. Аҳмар, Ким ҳақ?

**6** Яхши натижа бермоқ, унумли бўлмоқ. *Шошганинг иши унмас.* Мақол. ■ *Энди, хўжайин, иш унсин десангиз, ошни пешинга дамлатасиз.* Т. Алимов, Жоним ҳиқилдоғимга келди.

**УННАМОҚ** I Бирор нарсанинг ҳаракатини қилмоқ, унга киришмоқ (асосан, овқат, таом билан боғлиқ иш-ҳаракатлар ҳақида). *Санобархон эрта туриб, тандир сомсага уннаб кетди.* Файратий, Йўқлов. *Хосиятхон, ҳеч нарсага уннаманг, мен узоқ ўтирмайман..* Р. Файзий, Чўлга баҳор келди. *Шарифа ошхонада қозонга уннаётган эди.* Ҳ. Олимжонов, Тақдир тақозоси. *Ёши қайтган, хушфеъл аёл икки қизни очиқ чеҳра билан кутиб олди.* *Дарҳол дастурхон ёзиб, овқатга уннай кетди.* Мирмуҳсин, Ажрим.

**2** Ҳаракат қилмоқ, уринмоқ. *Минг уннасаларинг ҳам, азалий дўстларни бир-бирдан ажрата олмайсизлар.* Ё. Хаимов, М. Раҳмон, Ҳаёт-мамот. *Булардан ташқари ҳам «Хамса» ёзмаққа уннаб кўрган шоирлар кам бўлмади..* Ғ. Фулом, Тарихий муносабатлар.

**3** Тегинмоқ. *Бай-бай-бай, бирам ширин уннадики овзимга.* Ойбек, Улуғ йўл. *Титкилаб юрган эди, унинг қўлига этик уннади.* «Муштум».

**УННИҚМОҚ** Бўғиқ қора тусга кирмоқ. *-Уни [Сўнагулни] ўйлайвериб, ориқлаб, унниқиб кетдим..* — деди Аҳмаджон. А. Мухтор, Давр менинг тақдиримда. *Асқар полвон қорайиб унниққан эди.* Ойбек, Қуёш қораймас. *Солининг фиғони осмонга чиқди.* *Бир-икки соат ичида унинг қора юзи баттар унниқиб кетди.* Ё. Шуқуров, Уч сават.

**УНОБИ, унуби** [a. عَنَاب / عَنَابَة] айн. **чилон, чилонжийда.**

**УНС** [a. انس — яқинлик, улфатлик, хушмуомалалик, меҳрибонлик; шодлик; самимий суҳбат] эск. кт. Яқинлик, қадрдонлик

муносабати; дўстлик. *Хуллас, устод билан шогирд ўртасида самимий унс пайдо бўлиб, бир-бирларини тез-тез йўқлайдиган.. бўлдилар. С. Абдулла, Мавлоно Муқимий.*

**УНСИЗ 1** эск. айн. ундош.

**2** Товушсиз, товуш чиқармай. *Супа лабида унсиз йиғлаб, омонатгина ўтирган Лағли бирдан онаси томон ўгирилди. Д. Нурий, Осмон устунни.*

**УНСУР** [а. عنصر — элемент, модда; таркибий қисм; келиб чиқиш, ирк] **1** Бир бутунни ташкил этган мураккаб нарсанинг таркибий қисми. *Неон чироқлари ёритиб турган чизмакашлик столи ёнида биринчи тўғоннинг вертикал унсуларини оққа кўчираётган экан. «Саодат». Демак, поэтик образ ва тасвирий воситалар муайян бир услубнинг унсуларигина, холос. «ЎТА».*

**2** эск. айн. элемент **1**. *Кимёвий унсур.*

**3** эск. Маълум бир ижтимоий гуруҳ вакили. *Бузғунчи унсур. Реакцион унсур. Ёт унсур. ■ Орамизда бу қўрқинч ҳолатга баҳаққи тушунадиган яхши одамлар йўқ, билъакс, бузғунчи ва низочи унсулар томир ёйиб, ҳар замон содда халқни ҳалокат чуқурига қараб тортадилар. А. Қодирий, Ўтган кунлар. Йўқ, Зиёдаҳон она, мен унсур эмасман! Агар мени биров унсур деса, ҳақимга жуда-жуда жабр қилади А. Қаҳҳор, Қўшчинор чироқлари.*

**УНТЕР-ОФИЦЕР** [нем. Unteroffizier < unter — қуйи, энг кичик + офицер] Бир қанча мамлакатлар, жумладан, чор Россияси армиясида кичик командирлар таркибидаги ҳарбий хизматчи унвони.

**УНУМ 1** Етиштириладиган, бўладиган, ҳосил. *Ишга қўним — хирмонга унум. Мақол. ■ Ер куч билан, тер билан унум беради. Ойбек, Танланган асарлар. Кечкиб экилган ғалла ҳам, чигит ҳам, Матқовулнинг кейин берган ишловларига қарамай, яхши унум қилмади. М. Исмоилий, Фарғона т. о. Йиғиб бутун унумни Қайси бозорга ортдинг? Файратий.*

**2** Иш, меҳнат натижаси, кўрсаткичи; маҳсулдорлик. *Устозлар тажрибасидан баҳраманд бўлган ёш чўлқуварлар юксак унум билан меҳнат қилдилар. «Ўзбекистон кўриқлари». Титраш таъсирида одам хаёли паршион бўлади.. ишининг унуми бўлмайди. «Фан ва турмуш».*

**УНУМДОР** Унум бериш, унумлилик даражаси юқори. *Тошкент қадимдан серқуёш, мусаффо ҳаволи, серсув, унумдор тупроқли шаҳар сифатида шухрат қозонган эди. «Саодат».*

**УНУМДОРЛИК 1** Унум бериш, унумлилик даражаси. *Ернинг унумдорлиги, экинларнинг ҳосили ошади. Очлик-ночорликдан асар ҳам қолмайди. Ҳ. Фулом, Машғал. Минерал ўғитлар органик ўғитлар билан тўйинтирилган ерлардагина унумдорлик юқори бўлишини унутмаслик керак. «Фан ва турмуш».*

**2** иқт. Ишлаб чиқариш самарадорлигини акс эттирувчи, ишлаб чиқарилган маҳсулотнинг ҳажми, сифати ва меҳнат харажатлари ўртасида миқдорий (сон бўйича) ўзаро боғлиқлик.

**УНУМЛИ 1** Яхши унум (ҳосил) берадиган. *Унумли ер.*

**2** Яхши натижали, иш-натижа кўрсаткичи яхши. *Унумли меҳнат. Унумли техника воситалари. ■ Пахтакор табдиркор бўлиб, янги тажрибалардан унумли фойдаланса, меҳнати унумли, ҳосили баракали, турмуши завқли бўлади. Газетадан.*

**УНУМСИЗ 1** Яхши унум бермайдиган, унуми йўқ. *Унумсиз тупроқ.*

**2** Яхши натижаси, самараси йўқ. *Унумсиз машина. Унумсиз меҳнат.*

**УНУТ:** унут бўлмоқ с.т. Хотирадан ўчмоқ, эслан чиқиб кетмоқ, унутилмоқ. [Эътибор она:] *Худо шифо берса, ҳеч гап эмас, бу кунлар ҳам унут бўлиб кетади! Ҳ. Фулом, Машғал. Кўпни унутсанг, ўзинг унут бўлишинг жуда осон. Р. Файзий, Балли, она қизим.*

**УНУТМОҚ 1** Хотирадан, эслан чиқармоқ; эслаёлмай, билмай қолмоқ. *Бировнинг исмини унутмоқ. ■ Азимов ҳамма нарсани унутиб, бутун борлиги билан шахмат тахтаси устига энгашиб олди. И. Раҳим, Чин муҳаббат. Ахир орадан 30 йилдан ортиқ вақт ўтди. Унутган бўлиши мумкин. С. Аҳмад, Сайланма.*

**2** Эсига келмаслик, ёдидан чиқармоқ; эсламаслик. *Ошга туз солишни унутмоқ. ■ Зарифбой қимматбаҳо теллагини ҳам унутиб, отнинг бошини чўрт бурди. С. Сиёев, Аваз. [Йўлчи] Меҳнат учун ҳақ олишни ҳам унутиб, Ёрматнинг орқасидан кетди. Ойбек, Танланган асарлар.*

**Ўзини унутмоқ** Шошиш, ҳаяжон, ғазаб ва ш.к. сабабдан эс-хушини, ақлини йўқотмоқ. *..бирда мурувватпеша, бирда жоҳилликдан ўзини унутадиган Муҳаммад Раҳимхон [Авазинг] ҳам шафқатини уйғотар, ҳам нафратига туртки берарди. С. Сиеев, Ёруғлик.*

**3** Маълум муддат хаёлидан чиқармоқ, ўйламай қўймоқ. *Элмурод далада ўзини эркин сезар, ғам-ҳасратни унутар, юраги сиқилмас эди. П. Турсун, Ўқитувчи. Менга қолса, у хумпар Марғилонда хотини борлигини унутиб юборган, деб ўйлайман. А. Қодирий, Ўтган кунлар.*

**УНЧА 1** Олмош вазифасида, миқдор билдирувчи сўз ёки сўз бирикмаси ўрнида (одатда, бунча, мунча сўзи билан бирга) қўлланади. *Мирзакаримбой ўйлаб қолди: Бегона қурсин, сўзга қулоқ осмайди, унча бер, мунча бер, деб жанжаллашади. Ойбек, Танланган асарлар.*

**2** Белги, миқдор, ҳаракат билдирувчи сўзлар билан қўлланиб, белги, миқдор, ҳаракат даражасининг меъёрдан пастилигини, кучсиз, кам эканини билдиради; у қадар, айтарли. *Кўчада одам унча кўп эмас. Шамол унча кучли эмас. Бобом унча қари эмас. ■ Сой, унча катта бўлмаса ҳам, ниҳоят тез оқар.. эди. А. Қаҳҳор, Олтин юлдуз. Муниҳон.. ҳаётга анчайин ениш қарайдиган, эртага нима бўлиши билан унча қизиқмайдиган одам эди. Ў. Умарбеков, Ёз ёмғири. Айт, севганингни(нг) сенга парвоси йўқми унча? Э. Воҳидов.*

**УНЧАЛИК** айн. **унча**. *Келган-кетган одамлар билан унчалик иши йўқ. Ойбек, Танланган асарлар. Аҳмаджон ҳали бу овнинг гаштини татиб кўрмагани учун унчалик тажанг бўлмас эди. А. Қаҳҳор, Олтин юлдуз. Барно унчалик ёмон, унчалик беҳаё қиз эмас. О. Ёқубов, Эр бошига иш тушса.*

**УНЧА-МУНЧА 1** Озроқ миқдорда; бир оз, сал-пал. *Қизи тушмагурнинг тили унча-мунча аллага ҳам келиб қолди. Ҳ. Фулом, Машғал. Қараса бўлмайдиган, участка қуриш вақтида унча-мунча қиқимдор бўлиб қолибди. «Муштум». Холиқова унча-мунча юридик маълумотга эга. М. Иброҳимов, Йўлакдаги муҳаббат. Ўзи ҳам унча-мунча нарса йиғиб қўйган. С. Нуров, Нарвон.*

**2** Ўрта даражадаги; оддий, жўн. *Сиз унча-мунча одамнинг ишини ойдинда оёғингиз*

*билан қилиб қўясиз. П. Қодиров, Уч илдиш. [Ўтбосар:] Унча-мунча машиначиларни назаримга илмай, бир кун шаҳарнинг энг машҳур тикувчиларидан бирига.. бордим. Ғайратий, Эпчил куёв.*

**УПА 1** Гигиена ва косметика мақсадларида ишлатиладиган хушбўй ва ниҳоятда майин кукун. *Ёғ упа. Упа қутичаси. Упа қўймоқ. ■ Бозоров яшиқларни очиб қўйди: оққанд, конфет, совун, атир, упа.. Буларнинг муаттар ҳиди гуркураб, димоққа уриб, қизларни қувонтириб юборди. И. Раҳим, Чин муҳаббат.*

**2** кўчма Упага ўхшаш майин кукун ҳақида. *Юзингизда чанени кўрдим Гуё бўз ер упаси. П. Мўмин. Упаси кўпроқ гуручни 4-5 маротаба эринмай ювиш зарур. К. Маҳмудов, Ўзбек тансиқ таомлари.*

**УПА-ЭЛИК** Пардоз учун ишлатиладиган упа, ёғупа, сурма ва ш.к. *Хотиннинг ёши ўттиздан ошган бўлса-да, упа-элиги, пардози билан ёйроқ кўринар эди. Ойбек, Танланган асарлар. Уичкаридан сочини орқасига танғиб, лабига қизил суркаб, упа-элик қўйиб чиқди. А. Мухтор, Опа-сингиллар. Кўп ўтмай.. Чилонзордаги магазиннинг упа-элик бўлимида ишлаётганмиш, деган гап тарқалди. Д. Нурий, Осмон устунни.*

**УПОР қ. уфор.** *..ғув-ғув арилар ёпишган ва кишини элитарли даражада упор пуркаган қийғос гул-чечаклар буркамиш ёнбағирларда кўклам нашьаси ҳукмрон. Ҳ. Назир, Мафтунингман, Озарбайжон.*

**УПҚУН** кам қўли. Ҳаво ёки ел билан тараладиган ҳарорат (совуқ ёки иссиқ) таъсири. *Дўлнинг упқуни! Яқин бир жойда дўл ёғяпти. П. Қодиров, Қора кўзлар.*

**УРА** [*т. урҳо-ур < урмоқ*] **1** унд.с. Хужум қилаётган жангчиларнинг жанговар нидоси; кўтаринки руҳ билан маъқуллаш ёки хурсандликни ифодаловчи нидо, хитоб. *Қаердадир пулемёт тариллади; якка милтиқ товушлари, ура садолари келди. А. Қаҳҳор, Олтин юлдуз. У эшикдан чиқishi билан бир гала бола ё «ура!», ё «ола» деганини англаб бўлмас даражада шовқин солиб, уни ўртага олди. П. Турсун, Ўқитувчи.*

**УРА II Урмоқ** фл. рвдш. *Лекин бу орада Алижон болта билан ура-ура, дарвоза ҳалқасини узиб юборган эди. К. Яшин, Ҳамза.*

**УРА III: ура солиб** Эпчиллик билан, тезда. *Ойликни тўплаб олади-ю, «хайт!» деб*

ура солиб жунайди. П. Турсун, Ўқитувчи. **Ура қочмоқ** Тезлик билан, лип этиб қочмоқ. «Тўхтанг, ада», — дейиши билан «Зухра чақиряпти», деб ўйлаган Неъматжон куёв ура қочди. А. Муҳиддин, Чап чўнтак. Бола билан мен коплон томон ура қочдик. Н. Сафаров, Оловли излар.

**УРАН I** [юн. Uranos — Осмон; осмон маъбуди] Куёш системасига кирувчи ва Куёшдан узоқлиги бўйича 7-сайёра. Ураннынг ўндан ортиқ йўлдоши мавжуд. «ЎЗМЭ».

**УРАН II** [лот. Uranium < юн. Uranos] Менделеев даврий системасининг III гуруҳига мансуб кимёвий элемент; радиоактив хоссага эга бўлган кумушсимон оқ металл. Уран рудалари.

**УРБАНИЗАЦИЯ** [фр. urbanisation < лот. urbanus — шаҳарга оид < urbs — шаҳар] 1 Жамият ҳаётида демократия ва маданиятнинг умумий ривожига билан боғлиқ ҳолда саноат, ишлаб чиқариш ва аҳолининг шаҳарларда тўпланиши ҳамда шаҳарлар маҳкаеи (роли)нинг ошиб боришидан иборат ижобий ижтимоий-демографик жараён.

2 Шаҳарга, саноат марказига хос белги ва хусусиятларнинг тарқалиши, жорий бўлиши (мас., қишлоқ жойларда).

**УРВОҚ I** Муштлаш, ёйиш ва б. жиҳатдан ишлов берилаётганда, тахтага ёки супрага ёпишмаслиги учун хамир, зувала ва ш.к.га сепиладиган ун. Урвоғи чидаган юпқа қилади. Шўхрат, Шинелли йиллар. Мол ёки кўй жигари қалинлиги 2 см ҳажмида шапалоқдек қилиб кесилгач, урвоққа беланади. К. Маҳмудов, Ўзбек тансиқ таомлари.

2 кўчма Энг кичик бўлак, зарра. Ҳар биримиз халқнинг бир урвоғимиз. Ҳ. Турсунқулов. Ҳаётим қиссаси. [Тилланинг] Урвоғи ҳам кўринмайди. Б. Раҳмонов, Олтин одамлар.

**Урвоқ ҳам бўлмайди** Талаб учун мутлақо етмайди, маъносига ибора. Бойнинг арзimas садақаси Миркомилларнинг оиласига урвоқ ҳам бўлмасди. «Фан ва турмуш». Қўй-экилар оч. Самолётда ташланган ем-хашаклар урвоқ ҳам бўлмаяпти. Газетадан.

**УРЁН** [а. عريان — яланғоч, очиқ, очиқлиб қолган] кт. поэт. Яланғоч. Барин, барин шилиб олгувси, Бечора халқ урён қолгувси. М. Али. Ғайрату ғафлат сенинг Жавлон ўзинг, урён ўзинг. Э. Воҳидов.

**УРИЛМОҚ I Урмоқ** фл. ўзл. ва мажҳ. н. Боши деворга урилди. Ташқаридаги эшик бир нарса билан қаттиқ-қаттиқ урилди. ■ Жиззали нон, исирик, қалампир, мева ҳиди димоғига урилди. А. Мухтор, Опа-сингиллар.

2 кўчма Ишидан, лавозимидан қаттиқ танқид (айблов) билан бўшатилмоқ, олинмоқ.

**УРИНМА** мат. Эгри чизиқ устига бир нуқтада тегиб ўтган тўғри чизиқ.

**УРИНМОҚ I** Ўзини ҳар томонга урмоқ, ҳар ёққа талпинмоқ; ҳаракат қилмоқ, интилмақ. Қафасда қуш уринаётир. ■ Бозорда юрган халқ — фуқаро ҳам кир-юпун, исқирт, ғазабли, шошади, туртунади, уринади. Ойбек, Танланган асарлар.

2 Бирор ишни бажаришга киришмоқ; уннамоқ, тутинмоқ; бирор иш билан банд, овора бўлмоқ. [Назокат] Ошга уринди. Ҳ. Фулом, Машғал. Чол ойнагини олиб, кўз ёшини артди ва яна ишга уринди. Ойбек, Танланган асарлар. Сайфини илгарироқ ишга жунатдим-да, ўзим нимагадир уриниб, кечроқ қолиб бордим. А. Қодирий, Ўтган кунлар.

3 Бирор ишни бажариш, бирор нарсага эришиш ва ш.к. учун ҳаракат қилмоқ, ҳаракатида бўлмоқ. Қиз уни [товуқни] ушлаб олгани кўп уринди, жуда қийналиб кетди. А. Қаҳҳор, Қўшчинор чироқлари. Аъзам кун бўйи Муҳиддинни холироқ учратишга уриниб кўрди, бўлмади. Р. Файзий, Чўлга баҳор келди. Иложи борича унинг шеърларини ерга уришга, Ферузнинг кўзи олдида обрўсизлантиришга уриндилар. С. Сиёев, Аваз.

4 Ҳолдан тоймоқ; чарчамоқ; қийналмоқ. [Ўғил:] Жон она, ўзим йўлда жуда уриниб келдим. А. Қодирий, Ўтган кунлар. Бир оз кутмабсиз-да, қори ака, иссиқда анча уриниб қолибсиз. И. Раҳим, Чин муҳаббат. Кумушбиби.. оғриқлардан шикоят қилиб юрар, шунинг учун онаси «тинч ухласин, ортиқ уринмасин!» деб бугун намозга ҳам уйғоттирмаган эди. А. Қодирий, Ўтган кунлар.

5 кўчма Асли ҳолатини, сифатини йўқотмоқ; эскирмоқ. Уринган рўмол. ■ Уйга уриниб, эзилиб қайтиб келган нонни едиган одам йўқ. С. Аҳмад, Нон-насибамиз ҳақида. Мактуб анчагина уринган, қоғоз шалақланган эди. А. Қодирий, Ўтган кунлар. [Чопон] Жуда янги бўлмаса ҳам, ҳар ҳолда уринмаган.. Т. Малик, Ажаб дунё.

**Сўз уринмоқ** Сўз айланмоқ, сўз тегинмоқ. *Сўз уринди, сўздан сўз чиқди, ниҳоят, ҳожининг кутганидек, ўғил ҳасрати ҳам бошланди.* А. Қодирий, Ўтган кунлар.

**УРИНЧОҚ 1** Ҳар ишга уринаверадиған, серҳаракат; тиришқоқ. *Масъудахон уринчоқ қиз эмасми, бу касбнинг паст-баландига тезда тушуниб олди.* Газетадан.

**2** Тинч турмайдиган, уринаверадиған, тек турмас. *Уринчоқ бола.*

**УРИШ 1 Урмоқ** фл. ҳар. н. *Юрак уриши.*

**2** Ўзаро жанжал, можаро. *Уриш, қўйди-чиқди ҳам ҳар хил бўлади. Баъзи уришлар шундай арзимаган нарсадан чиқадики, орадан совуқ гаплар ўтиб, «ҳордиқ чиққандан кейин», уриш нимадан чиққанини на эр эслай олади, на хотин.* А. Қаҳҳор, Асарлар. *Уриш, жанжал кўпаймасин, деб бутун дардимни ичимга ютаман.* Ойбек, Танланган асарлар.

**УРИШИҒЛИ** Ўзаро чиқишолмаслик, жанжаллашиш туфайли муносабати бузилган; кўришмайдиган, гаплашмайдиган. *-Мен қув эмасман! — деди кулиб Кумуш. — Мен ҳали уришиғли ҳолдаман, ярашганим йўқ!* А. Қодирий, Ўтган кунлар.

**УРИШМОҚ 1 Урмоқ** фл. бирг. н. *Ёмон уришдими? Ўлдиршидан ҳам тоймайди бу безорилар.* Ў. Ҳошимов, Қалбингга кулоқ сол. *Кўплашиб уларни отларига миндиришди-ю. отларнинг сағрисига хипчин уришди.* М. Исмоилий, Фарғона т. о. *Уст-боши юпун йигитлар, чоллар қулоқларини рўмол билан боғлаб олиб, кетмон уришади.* А. Қаҳҳор, Кўшчинор чироқлари.

**2** Ёқалашмоқ, олишмоқ. *Бизнинг ўғил кўп яхши-да: биров билан уришмайди, папирос чекмайди..* А. Қаҳҳор, Асарлар. *-Шариат номидан фатво берманг! — деди мулла Абдужалил, ҳудди уришишга тайёрланаётган хўроздай бўйинини чўзиб.* «Муштум».

**3** Ёмон, ҳақоратли сўзлар билан бир-бирини койймоқ, бир-бири билан айтишмоқ. *..Масъума бека ўртага тушиб: -Уришманглар, бир-бирингизга қаттиқ гапирманглар.. — деди.* Мирмуҳсин, Меъмор. *Фалокат босиб эр-хотин уришиб қолишди. Охир бўлмасди, ажралиб кетишди.* Газетадан.

**4** Насиҳатомуз, қаттиқ гап-сўз айтмоқ; койймоқ. *Қайтиб бормайман, деган экан, Зиёдахон уришибди.* А. Қаҳҳор, Кўшчинор чироқлари. *Менинг ойим бир ёқдан, уй ишларига ёрдамлашмадинг, деб уришади, бир*

*ёқдан, қўлингни совуқ сувга урма, дейди.* Ҳ. Назир, Ёнар дарё.

**5** Жанг қилмоқ, жангда қатнашмоқ. *У [Мирзаев] оддий қисмда оддий аскар бўлиб уришиб юрганида, бўлинма командири.. [унга] бир совға берди.* А. Қаҳҳор, Олтин юлдуз. *Дадам Берлин қулагандан кейин Узоқ Шарққа бориб, японлар билан ҳам уришибди.* С. Сиёев, Ёруғлик.

**УРИШТИРМОҚ 1 Уришмоқ** фл. орт. н.

*Маҳалла болалари, ўспирин йигитлар юнги хурпайган икки катта кучукни уриштирдилар.* Ойбек, Танланган асарлар. *Сидиқжоннинг хотинини чақиртириб, икковини уриштирганг.. нимаси? А. Қаҳҳор, Кўшчинор чироқлари.* *Сайил кунларида.. савдо-харид, баъзида курашу дор, қўчқор уриштириш ҳам авж оларди.* Мирмуҳсин, Меъмор.

**2** Бир-бирига урмоқ, тегизмоқ (асосан қадаҳ ҳақида). *Темиржон эса қадаҳ уриштириш у ёқда турсин, ақлини йўқотиб, хомуш ўтирарди.* Ж. Абдуллахонов, Орият. *-Институтни муваффақиятли тугатганингиз учун! — деди Рашид ва [пиёласини] Муҳаррамнинг пиёласига уриштирди.* Шухрат, Шинели йиллар.

**Кўз уриштирмоқ** Бир-бирига маънодор қараб қўймоқ; тикилмоқ. *Бектемиров кулди.* *Бўйинини чўзиб, одамлар орасидан чолни топиб, кўз уриштириб олди, кейин имлаб, ёнидан жой кўрсатди.* С. Аҳмад, Ҳукм. **Пул уриштирмоқ** Пулни ишга солмоқ, пулни айлантирмоқ (савдола). *Бу катта бозорда пул уриштириб бойийдиганлар, корчалонлар, удабурунлар тўлиб-тошиб ётибди.* Ё. Хаимов, М. Раҳмон, Ҳаёт-мамот. **Сўз уриштирмоқ** Сўз талашмоқ, баҳслашмоқ. *-Раҳбар билан сўз уриштириб чакки қилдингиз, отам, — деб тўсатдан гина қилди Ойимхон.* П. Турсун, Ўқитувчи. **Ҳарф уриштирмоқ** Ҳарфларни бир-бирига қўшмоқ, боғламоқ. *Китоб саҳифасидаги катта қора ҳарфларни овоз билан бир-бирига уриштириб, бир маъно чиқариш кишлоқ меҳнаткашлари учун ҳар қандай завқдан ортиқ эди.* П. Турсун, Ўқитувчи.

**УРИШҚОҚ 1** Арзимас баҳона туфайли кишилар билан уришавадиған; жанжал чиқараверадиған; жанжалкаш. *Уришқоқ бола. ■ Гулнор қайналарнинг кўпининг бадфеъл, уришқоқ бўлишини яхши билса-да, йўлчининг онасини меҳрибон, кўнгилчан, ғоят*

самимий бир қайнана каби тасаввур қилди. Ойбек, Танланган асарлар.

**2** Уришадиган, зўр, зўравон. *Шу пайт обдан боқилиб совитилаётган уришқоқ хўрозлар меҳмонлар ўтирган уй деразасига келиб, ўз акслари тушган ойнани чўқий бошладилар.* «Муштум».

**УР-ЙИҚИТ** Жисмоний куч қўлланадиган тўполон, ола-говур; муштлашиш; бир-бирини ўлдириш; қирғин. *Қоронғи уйда ур-йиқит, муштлаш, отишма, дод-вой бошланди.* Ҳ. Фулом, Машғал. *Кайфи хийла даражага етган бек ур-йиқит орасидан эсон-омон чиқиб, отиса базўр миниб олди.* Ҳ. Фулом, Машғал. *Муштлашиш, ур-йиқитни миришлар ҳам босолмади.* Мирмуҳсин, Қахрамоннома.

**УР-КАЛТАК 1** айн. ур-йиқит.

**2** Жиноятчини, айбдор шахсни, давлат рухсатисиз, ўзбошимчалик билан жазолаш, уриш. *..ғазабга келган оломон, эликбошилар, рўйхатчи мирзаларни ур калтак-сур калтак қилиб, тарқатиб юборди.* К. Яшин, Ҳамза.

**УРМОҚ 1** Қўл ёки бирор восита билан зарб бермоқ. *Бола итни урди.* ■ *Ота писмиқ югуриб келиб, бошимга шақ этиб уриб қўйди.* Э. Раимов, Ажаб қишлоқ. *Бектемир милтиқ қўндоғи билан унинг пешонасига бир урди. Душман шилқ этиб тушди.* Ойбек, Куёш қораймас. *Аҳмад ҳалқани урди, эшик шу заҳоти очилди.* Ф. Мусажонов, Ҳиммат.

**2** Калтакламоқ, дўппосламоқ. *Мени Писмиқ майна қилгани-ю, мен уни чала ўлик қилиб урганам-у..* Ҳаммаси ўша кунёқ бувимнинг қулоғига этиб келди. Э. Раимов, Ажаб қишлоқ. *Уни уриб, озор берманлар, унда гуноҳ йўқ, бу бир англашилмовчилик!* Мирмуҳсин, Меъмор.

**3** Тигли куроллар (қилич, найза, ништар) билан солмоқ (санчмоқ, тикмоқ, чопмоқ). *Ништар урмоқ. Пичоқни аввал ўзингга ур, оғримаса, бировга ур!* Мақол. ■ *Бектемир бургутдай санчиб, душман қорнига найза урди.* Ойбек, Куёш қораймас. *Убеҳос ёндан келиб, фаргоналикнинг елкасига қилич уриб, отдан қулатди.* Мирмуҳсин, Меъмор. *Робиянинг оёғидан кучоқлаб олган қисиқ кўзли йигитнинг биқинига ханжар урди.* П. Қодиров, Юлдузли туллар.

**4** Мўлжалга олиб тегизмоқ; отмоқ. *Нишонга аниқ урмоқ. Икки юз метрдан мўлжалга урмоқ. Бир кесак билан икки қарғани*

*урмоқ. Мақол.* ■ *..бу қадар мерганлик билан ураётган батареянинг кўзи — кузатувчисини немис пайқайди-ю, бир снаряд билан гармининг кулини кўкка совуради.* А. Қаҳҳор, Олтин юлдуз.

**5** Тегмоқ, урилмоқ. *..олмазор боғлардан тутун кўтарилиб, димоққа болаликдан таниш бўлган ачиқ тезак ҳиди урди.* О. Ёкубов, Излайман. *Гулнорнинг гойиб бўлиши Йўлчиға яшин урган каби таъсир кўрсатди.* Ойбек, Танланган асарлар. *Қудуқ тубидан ураётган салқин хуш ёқиб, Отамурод бирпас ўтирган бўлди.* М. Мансуров, Ёмби.

**6** Шиддат билан ёғмоқ. *Дўл урди.* ■ *Шу кун и бутун кун ёмғир майдалаб уриб турди ва кечга яқин қорга айланди.* А. Қаҳҳор, Саароб. *Чапараста ураётган қор кўз очиргани кўймайди.* Н. Сафаров, Оловли излар.

**7** Бир нарса орасига, ичига солмоқ, жойламоқ; беркитмоқ. *Газетани қўлтиғига урмоқ. Қўлини чўнтағига урмоқ. Нарсаларини сумкасига урмоқ.* ■ *Биз тоғ камарига киришимиз билан чол садақани чўнтакка уриш учун ўзини чордевор ичига олган эди.* Н. Сафаров, Оловли излар.

**8** Ювиб ўпирмоқ, емирмоқ, бузмоқ. *Тошқин урди.* ■ *Бу йилги сел бугун сойнинг у томонини олса, эртасига бу томонини уриб кетаверди.* Й. Шамшаров, Кўрк меъморлари. *Қоровул шўра ва ялпизларни уриб, сув урган жойга тика бошлади.* Э. Раимов, Ажаб қишлоқ.

**9** Зарб билан ҳаракат қилмоқ, тепмоқ. *Беморнинг томири билинар-билимас уриб турар эди.* ■ [Болтабой] *Отдан тушиб, уни дарахтга боғлар экан, уй ичидан чиққан «инга-инга» деган товушни эшитиб қолиб, юраги дукиллаб урди.* Ж. Шарипов, Саодат.

**10** Айрим сўзлар билан қўлланиб, шахс ёки нарсага шу сўзлар билдирган нарсанинг таъсири ўтиши маъносини билдиради. *Чалақудуқ деган жойда Давроновни офтоб уради.* А. Мухтор, Бўронларда бордек ҳаловат. *Кундаланг культивация ҳозир сув билан ҳаводай зарур. Шу бўлмаса, қалин кўчатларни гармсел уради.* И. Раҳим, Ихлос.

**11** Лой, кесак, гишт ва ш.к. ни тартиб билан термоқ; териб, қалаб, бирор нарса кўрмоқ, бунёд қилмоқ. *Пахса урмоқ. Токчани урмоқ. Тешикни урмоқ. Эшик ўрнини урмоқ.* ■ *Кечгача қалтираб девор урдик.* Э. Раимов, Ажаб қишлоқ.

**12** Солмоқ, қўймоқ, босмоқ. *Эшакка нўхта урмоқ. Отга эгар урмоқ.* ■ *Бир неча солдат келиб, маҳбусларни ушлади, ясовул ҳаммасининг қўлига кишан урди.* М. Исмоилий, Фарғона т. о. *Қўтос тақиб бўйни узун жийронга, Қирқ қуббали юган урди бошига.* «Равшан».

**13** Ўзини бирор жойга олмоқ. *..артистлар ўйин кўрсатади, аммо, оғайнилар, сичқоннинг уни минг танга деб, ертўлага уриб кетманглар тагин.* Й. Шамшаров, Тошқин. *Одамлар жон ҳовучлаб, ўзларини ўрмонга урадилар.* Ойбек, Куёш қораймас.

**14** с.т. Тўла истеъмол қилмоқ; емоқ, ичмоқ. *Шароб – узум сувидан тайёрланадиган ажойиб ичимлик, ўзи хуштаъм, бир коса уриб олсангиз, вақтингиз чоғ бўлиб кулаверасиз.* М. Осим, Тўмарис. *Қани, нонни синдириб, қаймоққа булаб-булаб уриб олингларчи.* Э. Раимов, Ажаб қишлоқ.

**15** Ўз фойдасига олмоқ, ўзиники қилмоқ; ўғирламоқ. *..деҳқонлар билан суҳбат қилиб, пахтафуруш бойларнинг ҳам тоштарозидан, ҳам нархдан уриб, уларни кўйдиришларини билиб олар.. эди.* К. Яшин, Ҳамза. *-Бугун подшонинг хазинасини урамиз. Шайланинг, йигитлар! – деди.* «Чалпак ёққан кун».

**16** с.т. Танқид қилмоқ, қораламоқ. *Отабувамни ковлаб, газетага уриб чиқишди.* Ш. Ризо, Қор ёғди, излар босилди.

**17** Ж.к. билан келган баъзи отларга боғланиб, ниманидир шу отдан англашилган жойгача етганлигини билдиради. *Қулф уриб яшнаган беда белга уради. Лой тиззага уради. Сочи тақимига урадиган қиз.* ■ *Майдонда бизникилар кўринмас эди. Қор белга урар эди.* Н. Сафаров, Қаҳрамоннинг туғилиши.

**18** Баъзи сўзлар, жумладан, мустақил қўлланмайдиган сўзлар билан бирикиб, шу сўзлар англатган нарсанинг юз бериши, бўлиши маъносини билдиради. *Жўш урмоқ. Барқ урмоқ. Қулф урмоқ. Жавлон урмоқ.* ■ *Умрида қўлига қилич ушламаган кўпол ўғлининг юрагида жанг ва ғалаба сурури тугён урарди.* Мирмуҳсин, Меъмор. *Яхши парварши қилинган ғўзалар мавж уриб ривожлантипти.* Газетадан.

**19** Миқдор (саноқ) сонлар билан қўлланиб, шу сон билдирган ёшга кирганлик маъносини билдиради. *Ҳаш-наш дегунча қирқни уриб қўйибмиз.* ■ *Похол устида..*

*афтидан, етмишларни уриб қўйган кампир ўтирарди.* Н. Фозилов, Дийдор. *Худо ёрлақаса, ҳадемай саксонни уради.* С. Сиёев, Ёруғлик.

**Бало урмоқ** Бирон-бир шикаст емоқ, ёмонликка учрамоқ. *Жони ҳам, боши ҳам метин экан, шунча санчаман, Гулнорга бало урганини эшитганим йўқ.* Ойбек, Танланган асарлар. **Бош уриб келмоқ** Нажот излаб, паноҳ истаб келмоқ. *Бош уриб келдим ҳузуринга..* У. Исмоилов, Сайланма. **Ерга урмоқ қ. ер. Жигардан урмоқ** Шайдо қилмоқ, ишқ-муҳаббат уйғотмоқ. *Тақсирни ҳам урибди-ку жигардан, Мажнун бўлиб кетманг яна саҳрога.* Ҳ. Олимжон. **Йўлдан урмоқ қ. йўл. Меъдага урмоқ (ёки тегмоқ) қ. меъда.** *Сертаманно кеккайган таннозлар ёхуд нима десанг кўнаверадиган чўрисифат лақмалар дарров меъдага уради.* Ф. Мусажонов, Ҳиммат. **Юракдан урмоқ айн. жигардан урмоқ.** *Юракдан биринчи марта урган ишқ-муҳаббат кимнинг эсидан чиқади..* С. Зуннунова, Янги директор. *Биронтаси юрагиндан ургандир, бўлмаса, қандай шамол учирарди сени бемаҳалда бу ёққа.* «Гулдаста». **Ўзини ўтга ҳам, сувга ҳам урмоқ қ. ўт. Қўл урмоқ** 1) *айн. қўл тегизмоқ* 1. *қ. қўл. Авазнинг қисташига қарамай, қайтиб ҳандалакка қўл урмади.* С. Сиёев, Ёруғлик; 2) *бирор иш, нарсага даҳл қилмоқ, тутинмоқ, киришмоқ. Ахир у қўл урган иш битмай қолмайди-ку.* «Гулдаста». *Ҳар қандай қинғир иш қиладиган одам, аввало, ўзига суюнчиқ топиб олади, кейин хиёнатга қўл уради.* Шукрулло, Жавохирлар сандиги.

**УРНА** [лот. urna – кўза, ваза] **1** Махсус куйдирилган мурда хоки сақланадиган идиш.

**2** Яширин сайловда бюллетенлар ташлаш учун мослаштирилган махсус қути, яшик.

**3** Турли чиқинди. папирос қолдиқлари ташланадиган махсус идиш.

**УРНАМОҚ қ. уннамоқ, уринмоқ.** *Яна ишга урнаб кетди.* М. Исмоилий, Фарғона т.о. *Ҳасанали паловга урнаш учун ташқарига чиқди.* А. Қодирий, Ўтган кунлар. *Қани, нонга қаранглар. Жамолiddин, ё ошга урнаб юборайми, а?* М. Исмоилий, Фарғона т. о.

**УРОЛОГ** Урология мутахассиси, врач, шифокор.

**УРОЛОГИК** Урологияга оид. *Урологик кабинет. Урологик клиника.*



**УРОЛОГИЯ** [юн. урог — сийдик + logos — таълимот] Клиник тиббиётнинг сийдик аъзолари системасини, жинсий аъзолар касалликларини, уларнинг келиб чиқиш сабабларини ўрганувчи, шунингдек, бу касалликлар диагностикаси, давоси ҳамда олдини олиш усулларини ишлаб чиқувчи соҳаси.

**УРПОҚ** с.т. Урвоқ. *Урпоғингда бўлса, уруғингга татийди.* Мақол. ■ *...мактаб қўлидан кетса, сўфиликдан келадиған даромади тирикчиликка урпоқ ҳам бўлмас экан.* А. Қаҳҳор. Ўтмишдан эртақлар.

**УР-СУР** Тортишувли жанжал, тўполон; муштлашиш, уриш. *Умунан айтганда, маҳалла аҳил, аммо гоҳо хонадонлар орасида олди-қочди ғийбат, ур-сурлар бўлиб туради.* Ойбек, Болалик. *Неча-неча қонли жанг, ур-сур бўлса ҳам, Лекин тетик қоядай турди мустаҳкам.* Шухрат. *Шу аснода кўчада бирдан ур-сур бошланиб кетди.* Ойбек, Нур қидириб.

**УРТМОҚ** эск. Ўраб олмоқ, қопламоқ, беркитмоқ. *Хотин бошини катта рўмол билан уртиб олди. Китобларни қоғоз билан уртиб қўймоқ.*

**УРТУК** эск. Сиртдан қоплаб турувчи парда. *Лойқа сув кўксига нуфакдек оқиб, Қаерга борасиз, енгил кўпиклар. Бир чўп ё бир хасга илашмак билан Йиртиларди юздан сирли уртуклар.* Файратий.

**УРУШ 1** Қабилалар, давлатлар ёки ижтимоий гуруҳлар ўртасидаги уюшган қуролли кураш. *Фуқаролар уруши. Иккинчи жаҳон уруши.* ■ *Урушнинг иккинчи йили отаси армияга кетди-ю, қўлида ҳунари йўқ она икки бола билан қолди.* П. Қодиров, Уч илди. *Ҳар эшикда бир қайғу санқир, Қора уруш узоқ чўзилди.* У. Кўчқоров, Ҳаяжонга кўмилган дунё.

**2** Томонлар ўртасида қуролли жанг, тўқнашув. *Аҳмаджон шериклари билан урушдан хийла узоқда дам олиб ётган бир қисмга келиб тушди.* А. Қаҳҳор, Олтин юлдуз. *Кечки соат тўртлар, асрдан бир оз эртароқ ҳукумат аскарлари билан халқ орасида уруш бошланди.* А. Қодирий, Ўтган кунлар.

**УРУҒ 1** Ўсимликнинг муртақ, озиқ модалари ва қобиқдан иборат ҳосили; дон, тухум. *Сочилган уруғ униб чиқди. Бемаза қовуннинг уруғи кўп.* Мақол. *Тер тўкиб, сочсанг уруғ, ер сени қўймас қуруқ.* Мақол. ■ *Кўклам-*

*да она-бола тоғ этагидаги кўриққа чиқиб, белкурак билан ер ағдариб, лалми бугдой экишди, лекин қурғоқчилик бўлиб, уруққа ҳам чув тушишди.* П. Қодиров, Уч илди.

**2** Жониворлар, ҳашаротларнинг жинсий хужайраси; тухум. *Бир чугурчуқ бир кунда ун мингтагача ҳашаротни ейди. Ҳашарот эса, йўқ бўлиб кетмаслиги учун, миллионлаб тухум қўяди.* С. Нуров, Нарвон.

**3** Ипак қурти капалагининг тухуми, қурт уруғи. *Самарқанд қурт уруғи заводи фақат оқ пилла ўрайдиган ипак қурти уруғлари тайёрлай бошлади.* Газетадан.

**4** биол. Эркаклар жинсий бези ишлаб чиқарадиган, жинсий хужайралардан иборат суюқлик; сперма, маний.

**5** кўчма Кўпайтирадиган, кўпаядиган, урчийдиган нарса. *Болалагида унинг миясига илм уруғи қадалса, кейин сермева дарахт бўлиб униб чиққай.* М. Осим, Ибн Сино қиссаси. *Низомулмулк фитна уруғини узоқни мўлжаллаб, жууда махфий сепмоқда.* Ойбек, Навоий.

**6** (3-ш. бирл. шаклида: **уруғи**) Айрим сўзлар билан қўлланиб, шу сўз англатган нарса ёки шахс тоифаси, кўплиги маъносини билдиради; зоти. *Бўлса бўлар, бўлмаса — хотиннинг уруғи Ҳиротдан келган эмас!* А. Қаҳҳор, Асарлар. *Дунёда китоб уруғи борки, ҳаммасини ўқиб бўлдим.* «Муштум».

**7** Бир ота-бободан, бир аждоддан келиб чиққан кишилар гуруҳи; авлод. *Бир уруғданмиз.. алоқаларимиз бузилмасин.* Ш. Холмирзаев, Оғир тош кўчса. *Султон Аҳмадбек орага одам қўйган. Бутун уруғлари билан сизнинг марҳаматингизга мунтазир.* П. Қодиров, Юлдузли тунлар.

**8** Ибтидоий жамоа тузумида: ўзаро қонқардош бўлган кишилардан иборат дастлабки асосий ташкилот, уюшма, жамоа. *Илгари оқсоқоллар бошчилигидаги ҳар бир уруғ ўзини бир-бирдан юқори кўяр, бир-бирининг одатидан, тилидан кулар эди.* П. Турсун, Ўқитувчи. *Широқ бизнинг уруғдан. Ўзи эртақчи, дostonчи доно чол.* М. Осим, Широқ.

**Анқонинг уруғи қ. анқо. Уруғини ўйнатмоқ** Ниҳоятда азоб бермоқ. *Бир томчи қонинг қолғунча уруғингни ўйнатади.* С. Исмоилзода, Темур. **Уруғини қуритмоқ 1)** авлоди билан қириб юбормоқ. [Умарали:] *Нусратилла ака, мен-чи.. мен ҳар қандай душманнингизнинг уруғини қуритаман.* А. Мухтор,

Опа-сингиллар; 2) батамом йўқ қилиб юбормоқ. [Дадажон:] Муродова яна бир-икки йил турадиган бўлса, чилимнинг уруғини ҳам қуртадиганга ўхшайди. И. Раҳим, Ихлос.

**УРУҒДОН 1** анат. Одам ва ҳайвонлар эркагида уруғ хужайралар — сперматозоидлар шаклланадиган жинсий безлар.

**2** бот. Ўсимликнинг уруғ етиштирувчи ва сақлаб турувчи қисми, қобиги.

**УРУҒДОШ** Бир уруғ аъзоси, уруғ. У билан уруғдошимиз. ■ У [Ойнагул] ҳам ёвмут қизи. Ўз уруғдошини беҳуда йўқотишмас.. — деди Фарҳод Дурдига. А. Ҳакимов, Илон изидан.

**УРУҒЛАМОҚ 1** қ.х. Уруғ ҳосил қилмоқ. Беда уруғлай бошлади. Пиёз иккинчи йили уруғлайди.

**2** кўча Кўпаймоқ. ..иллатларнинг уруғлаб кетишига.. кўпчиликнинг лоқайдлиги ҳам сабабчи. Газетадан.

**3** шв. айн. **кўзиламоқ** II. Қўлидаги пиёла-ни кўриб.. хумда уруғлаб ётган ёғидан тўлдириб берди. М. Исмоилий, Фаргона т. о.

**УРУҒЛАНМОҚ** биол. Уруғ (сперма) билан кўшилмоқ (она тухум хужайраси ҳақида) Ҳомиланинг ривожланиш жараёни тухумдонда уруғланиш билан бошланади. «Фан ва турмуш»..

**УРУҒЛИ** Уруққа эга, уруғи бор. Майда уруғли ўт.

**УРУҒЛИК** Уруғ (экиш) учун ажратилган нарса (дон, мева, ҳосил ва б.). Уруғлик чигит. Уруғлик картошка. ■ Самарқанд деҳқонлари очарчиликда уруғлик донларини еб кўйган эмишлар. П. Қодиров, Юлдузли тунлар.

**УРУҒХОНА** Уруғлик сақланадиган жой.

**УРУҒЧИ** қ. уруғшунос.

**УРУҒЧИЛИК 1** Ўсимликшуносликнинг навли уруғ етиштириш иши билан шуғулланувчи соҳаси; тармоғи; уруғ тайёрлаш. Уруғчилик хўжалиги. ■ Ҳа, айтгандай, устод шу яқин кунларда уруғчилик совхозига келар эканлар. Хат олдим. А. Қаҳҳор, Кўшчинор чироқлари. Пахтачиликнинг истиқболи ҳақида ўйламайдиган калтабин ходимгина уруғчилик ишини ташкил этишга менимсандан қарашни мумкин. Ш. Рашидов, Бўрондан кучли.

**2** Уруғ ажратиш, уруғларни бир-бирига зидлаш (қ. уруғ 7). Қўлжон эшон, Мулламуҳаммад, Нафас Охунлар ўтакетган мута-

ассиб, жоҳил бўлганидан, уларда қабила, уруғчилик таъсири кучли. А. Ҳакимов, Илон изидан. Энди, ана шу касофат уруғчилик зимдан ўртага тушиб, ишнинг белига тепади. П. Турсун, Ўқитувчи.

**УРУҒШУНОС** Уруғ етиштириш, уруғчилик билан шуғулланувчи мутахассис, олим. Селекционерларимиз ва уруғшуносларимиз олдида жиддий вазифалар турибди. Газетадан.

**УРУҒШУНОСЛИК** Уруғлар тўғрисидаги фан, уруғчиликнинг назарий асоси; агрономиянинг бир бўлими.

**УРҒ** [а. عرف — эътироф, баҳо бериш; расм, одат, таомил; ўрганиш] Умум томонидан қабул қилинган ва амал қилинадиган тартиб-қоида; расм, таомил. Ҳар бир халқнинг ўз урфи бор. ■ Биз кўпинча ажойиб, кўрилмаган, ҳалигача урғ бўлмаган ранго-ранг гулларни дасталаганда.. қайси боғда битган-у боғбони ким? деб суриштириб ўтирмаймиз. Газетадан. Пошиша хола эғнида эса шаҳар урғидан чиқиб қолган қора духоба чопон. Д. Нурий, Осмон устунни.

**УРЧИМОҚ** Кўпаймоқ, кўплаб насл юзага келтирмоқ. Пашиша жуда тез урчидиган ҳашаротдир. ■ ..яйловда урчиётган чорва моллари ҳам давлат ва жамоат бойлиқидир. Н. Сафаров, Оловли излар

**УРЧУҚ 1** Толалардан қўлда ёки машинада ип йигириш, пишитиш учун ишлатиладиган мослама ёки қурилма; дук. Қўргоннинг ичида бир неча қора уй қатор тикилган ва буларнинг олдида ёш болалар икковлашиб.. туя юнгидан урчуқ билан ип йигирадилар. С. Айний, Қуллар.

**2** Тўқимачилик саноатида: ип йигирув машиналарининг ипни пишитиб ўрайдиган қисми; дук, йиг. Бир кило.. нахта чит бўлиб тўқилгунча Минглаб моки отилур, минглаб урчуқ айланур. Ф. Фулом. Улар пиллакашлик фабрикасининг кенг, ёруғ корпусларига кириб, минглаб урчуқларга майин ипак толалари ўраётган йигит ва қизларни куришибди. Ш. Фуломов, Ёрқин уфқлар.

**УРҒОЧИ** Эркакка қарама-қарши жинсли (ҳайвон, жонивор). Урғочи айиқ. Урғочи бузоқ.

**УРҒУ** тлш. Турли фонетик воситалар (мас., овозни кучайтириш) орқали бўгин ёки сўзни ажратиш, шу ажратишга хос кучли талаффуз.

**Ургу белгиси** Ургули унли устига қўйиладиган диакритик белги. **Ургу бермоқ** Нутқ жараёнида бирор сўз ёки унинг қисмига алоҳида диққат жалб этиш мақсадида уни бошқаларидан ажратиб, кучлироқ айтиш. *Мамажон ака унинг [инженернинг] «ўртоқ» сўзига ургу берганини сезди.* А. Мухтор, Опа-сингиллар. *Рўпарадаги ошхона ойнасида мўралаган ошпаз хотин «д» ҳарфига ургу бериб деди: Келдила Сиддиқ акангиз.* «Муштум».

**УРГУЛИ** Уругга эга, ургу тушган, ургу билан айтиладиган. *Ургули бўгин. Ургули унли.*

**УРГУСИЗ** Ургуси йўқ, ургу тушмаган. *Ургусиз бўгин.*

**УСКУНА** [ا. اسكنه] **1** Муассаса, корхона учун зарур бўлган нарсалар, ашё; жиҳоз. *Ошхона ускуналари. Мактаб ускуналари. Лаборатория ускуналари.* ■ [Фулумжон:] *Тақсирим менинг мактабимни гораг қилдим, ускуналарини ёндирдим, деб хурсандирлар.* М. Исмоилий, Фаргона т.о. *Замонавий ускуналар билан жиҳозланган медицина-санитария маркази қуриб, фойдаланишга топширилди.* С. Анорбоев, Ўзбекистон олтини.

**2** Касб-хунар амалиётида зарур бўладиган қурол ва мосламалар. *Дурадгорлик ускуналари. Наққошлик ускуналари.*

**УСКУНАЛАМОҚ** Зарур нарсалар, асбоб, қурол ва ш.к. билан таъминламоқ, ускуналар билан жиҳозламоқ. *Лабораторияни янги техника билан ускуналамоқ.* ■ *Электростанция қуриг. Заводингизни ускуналанг.* Н. Сафаров, Уйғониш.

**УСЛУБ** [а. اسلوب – тартиб, тартиб-усул; усул, йўсин; шакл] **1** Тил унсурларининг маълум вазифа бажаришига боғлиқ ҳолда бирлашадиган, тил бирликларининг ўзига хос танланиши, бирикиши ва ш.к. билан характерланадиган тизимлар. *Тил услублари. Функционал услублар.* ■ *Демак, турли поэтик образ ва тасвирий воситалар муайян бир услубнинг унсурларигина, ҳолос.* «ЎТА».

**2** Тил воситаларидан фойдаланишнинг маълум бир ёзувчи, асар, жанр учун характерли бўлган усуллари мажмуи. *А. Қаҳҳор услуби. Фельетонлар услуби.* ■ *Навоий учун Хусрав [Деҳлавий] ўзига хос услубга эга бўлган ажойиб лирик шоир ҳамда буюк хамсанависдир.* «ЎТА».

**3** Тил воситаларининг экспрессив-услубий белги асосида танланиши (сайланиши); нутқнинг сўз қўллаш ва синтактик

меъёрларга мос ҳолда тузилиши. *Китобий услуб. Расмий услуб. Илмий услуб.*

**4** Ишлаш, бошқаришдаги ўзига хос йўл, усул. *Раҳбарлик услуби. Сузиш услуби. Мирзачўл пахтакорларининг иш услуби.* ■ *Бинокорликда шарқона услуб кўлаб биналар кўркига кўрк қўшди.* «Фан ва турмуш». *Марказнинг асосий мақсади – дунёдаги энг яхши ўқитиш услубини ўрганишидир.* «Фан ва турмуш».

**УСЛУБИЙ** Услубга оид. *Услубий хато.* ■ *Санъат турларининг уйғунлашуви учун умумий услубий хусусиятларнинг мавжудлиги зарурий шарт ҳисобланади.* «Саодат».

**УСЛУБИЯТ** [а. اسلوبيت – «услуб» с. дан] *тлш.* Тил бирликларининг услубий имконият ва хусусиятлари, функционал-услубий, эмоционал-экспрессив бўёғи, шунингдек, нутқда тил воситаларини мақсадга мувофиқ тарзда танлаш ва қўллаш ҳақидаги таълимот.

**УСЛУБШУНОСЛИК** Тилшуносликнинг турли услубларни ўрганувчи соҳаси; стилистика.

**УСМОНЛИ: усмонли турк** Туркларнинг қадимги номи (турклар салтанатининг асосчиси, Туркия султони Усмон I исмидан).

**УСТ I** Нарсаларнинг юқори томони; тепа; *зид. паст.* *Усти очик аравага юклар орттилди.* Ойбек, Танланган асарлар. *Ясси қора столларнинг ён-вери одамга, усти эса уюмуя китобга тўла.* П. Қодиров, Уч илдиз. *Эрининг ёрдамида хонтахта устини ширинликлардан бўшатди.* С. Анорбоев, Оқсой. *Дўконхона бурчагида усти ейилган, текис косиб тўнкаси.* Ойбек, Танланган асарлар.

**2** Ичга қарама-қарши томон; сирт. *Пальтонинг усти. Идишининг усти.* ■ [Гулсумбиби] *Усти кўк сирли катта челақли олиб, сизир соққани оғилхона томон кетди.* Ойбек, Танланган асарлар. *Сидиқжон этикни чирокқа солиб, устини, ичини кўрди.* А. Қаҳҳор, Қўшчинор чироқлари. *Саодатхон устига ҳеч нарса ёзилмаган, елимланган конвертни портфелига солиб қўйди.* С. Зуннунова, Янги директор.

**3** кўчма Кийим, кийимлар мажмуи; устбош. *Усти юпун, қорни оч, озғин бола унинг ўзи эмасдек туюлди.* П. Турсун, Ўқитувчи. *Шу ҳам баҳонами? Устинг бут, қорнинг тўқ. Қордан кўрқасанми?! Э. Раимов, Ажаб қишлоқ.*

4 кўчма Зимма, масъулият. Ҳоким текшириб, ҳеч бир натижа чиқара олмагандан кейин, айбни карвонсарой қоровули устига қўяди. Ш. Зуннун, Ҳийлакор ўғри. Бу йўлда қанча зарба бўлса, устимга олишга ҳозирман. Ш. Рашидов, Бўрондан кучли.

5 3-ш. эгалик ва ж.к., ў.-п.к., ч.к. аффикслари билан (**устига, устида, устидан**) кўмакчи вазифасида макон, пайт, объект каби муносабатларни ифодалайди. *Меъмор аравадан тушиб, бир муддат бўлса ҳам майса устига ёнбошлади.* Мирмуҳсин, Меъмор. *Қўрғонбеги от устида қўрғоннинг у бошидан бу бошига чопарди.* А. Қодирий, Ўтган кунлар. *Чой устида эри руҳиясини кузатади, унинг нечундир кайфи бузуқ..* Мирмуҳсин, Топилган хусн. *Пастда қамишзор ботқоқлик ва унинг устидан ўтган узун ёғоч кўприк бор эди.* П. Қодиров, Юлдузли тунлар. *Домла икки шиша пивонинг устидан юз грамм ароқни битта отиб, ўрнидан турди.* А. Қаҳҳор, Тўйда аза.

**Усти ялтироқ** — ичи қалтироқ Кўринишдан яхши, мазмун-моҳияти яроқсиз, номақбул.

**УСТА** [ф. *استا* — ўргатувчи, муаллим] 1 Бирор касб-ҳунар билан шуғулланувчи малакали мутахассис. *Соатсоз уста. Этикдўз уста. Тикувчилик устаси. Иш устасидан қўрқар.* Мақол. ■ *Бу бинони ким қурган, Кўк билан улаштириб? Қоматин заб ўхшатган Устаси келиштириб.* Қ. Муҳаммадий. [Тўлаган:] *Оғил солган усталарга доим қарашдим, лекин бировдан бир чақа сўраганим йўқ.* А. Қаҳҳор, Қўшчинор чироқлари.

**Уста солмоқ** Уста, мутахассис ёллаб ишлатмоқ. *Сидиқжон онаси кутгандан ҳам ортиқроқ ғайрат қилиб, ҳаш-паш дегунча ёғоч, сомон, бўйра, тахта ва бошқа нарсаларни ташиб олди ва тездан уста солди.* А. Қаҳҳор, Қўшчинор чироқлари.

2 Маълум касб ёки ҳунарни эгаллашга ўргатувчи шахс; раҳбар, устоз. *Уста кўрмаган шогирд ҳар мақомда йўргалар.* Мақол. ■ *Устанинг шогирди — ўн тўрт яшар Йўлдош дераза олдида ўтирарди.* Ойбек, Танланган асарлар. *Ака-ука уста қўлида уч йил ишлади..* Мирмуҳсин, Меъмор.

3 Шундай шахсларни билдирувчи сўзларга (шахсининг исми ёки бува, амаки каби сўзларга) қўшиб ишлатилади. *Қишлоқ чеккасида уста Абдуваҳоб деган, Аштдан кўчиб келиб қолган тожик яшайди.* Т. Ашуоров, Оқ

от. *Уста бобонинг кайфи чоғ эди.* С. Сиёев, Ёруғлик. *Уста амаки, мундан халат тикиб берсангиз.* «Гулдаста».

4 Бирор иш, соҳанинг машҳур, моҳир билағони; моҳир. *Бадийий сўз устаси. Юқори ҳосил усталари. Санъат усталари.*

5 Спортнинг у ёки бу соҳасида маълум натижаларни қўлга киритган спортчиларга бериладиган унвон ва шу унвонга эга бўлган шахс. *Спорт устаси. Хизмат кўрсатган спорт устаси.*

6 Эпчил, чечан. *Марасул ака, кўк пиёз тўғрашга устасиз..* А. Қаҳҳор, Оғриқ тишлар. *Гапга ҳам уста экансиз..* Мирмуҳсин, Меъмор. *Майнабозчилик қилишга уста эди Раҳим ака.* Ф. Мусажонов, Ҳиммат.

**УСТАБУЗАРМОН** Бирор нарсани тузатаман, яхшиламан деб уриниб, уни бузиб қўювчи, ишдан чиқарувчи, қош қўяман деб, кўз чиқарувчи шахс. *Бола деган сал бўйи чўзилгандан кейин, мол боқади, бозор-ўчарингни қилади. Наҳотки тарақ-тарақ қилиб, устабузармон бўлиб ўтирса.* Ойдин, Ўзига монанд. *Бунинон ейишдай осон деб ўйламанглар, устабузармонлар.* Ҳ. Назир, Сўнмас чақмоқлар.

**УСТАВ** [р.] қ. **НИЗОМ.**

**УСТАЗОДА** [ф. *استازاده* — устанинг боласи] Ота-боболарининг ҳунарини эгаллаган фарзанд.

**УСТАКОР** [ф. *استاکار* — бирор ишга моҳир киши] 1 Маълум иш ёки ҳунар бўйича усталарга бошчилик қилиб, уларни бошқарувчи, бош уста; корхона бошлиғи. *Уста Олим билан уста Фарфининг сўзларидан, илгаридан бир устакорникида ишлаганликлари.. ва шундан сўнг [уста Олим] ўз уйига дўкон қуриб, ўзича ишлай бошлаганлиги англашилари эди.* А. Қодирий, Ўтган кунлар.

2 Ном чиқарган уста; усталарнинг устаси.

**УСТАКОРЛИК** 1 Устакор иши. *Устакорлик қилмоқ.*

2 Устакорга, устачиликка хос. *Номмаълум киши қандайдир бир ишни бажармоқчи бўлиб, ҳар турли устакорлик асбобларига диққат билан кўз ташлади.* Ғайратий, Тун қўйнида.

**УСТАЛИК** 1 Уста эканлик. *Ҳаммасини ҳам қўйинг-а, гапга усталиги.. ва гап орасида кулиб қўйишларини қаранг.* Ойдин, Садағанг бўлай, командир.

2 Устага хос маҳорат; моҳирлик. *Юрьев бу йўлнинг ана шу ноқулайликларидан уста-*

лик билан фойдаланади. И. Раҳим, Чин муҳаббат. Биканинг уйида қанчадан-қанча жиҳозлар.. кимхоб тўшақлар, усталик билан ишланган Хива ёйма кўрпалари. Ж. Шарипов, Хоразм.

**3** Устага оид, уста билан боғлиқ (қ. уста 1). Усталик ишим йўқ. Самоварга чой ичгани келдим. С. Сиёев, Ёруғлик.

**УСТАМА 1** Пул ҳисобида тайинли (белгиланган) миқдорга қўшиб бериладиган; устига қўшимча. Агар пайкал сифатли ҳайдалган бўлса, механизаторга устама ҳақ тўланади. Газетадан. Кузга бориб меҳнат ҳақидан ташқари қанча устама мукофот олишларини ҳам ҳаёлида чўтлаб айтиб берди. С. Анорбоев, Йўлда йўлдош бўлганлар.

**2** Маҳсулотнинг ишлаб чиқарилиши билан боғлиқ бўлмаган, таннархдан ташқари, таннарх устига қўйиладиган. Хуллас, эгов ва бошқа бир қанча товарларга ҳам мудирнинг ҳакалак отган нафсига жавоб берадиган даражада устама нарх қўйилди. Газетадан. Уғитларни жойлаштириш учун катта-катта омборлар зарур. Мана шуларнинг ҳаммаси устама харажатларни анча кўпайтириб юбормоқда. Ш. Рашидов, Бўрондан кучли.

**3 с.т.** кам қўлл. Қўшимча равишда; яна. Бир неча тарёқиллар менинг ҳикояларимдан ўзларидан кетай деб қолдилар, баъзилари ҳозиргина еган афюнлари эсларида йўқ, яна устама афюн еб олдилар. Ф. Фулом, Шум бола.

**УСТАНОВКА** [р. установить — «ўрнатмоқ, қурмоқ; белгиламоқ, йўлга қўймоқ» фл.дан ясалган от] **1** қ. **қурилма**. Фарғона азот ўғитлари заводиди эса баъзи янги қувват ва установакалар белгиланган муддатларда ишга туширилмаган. Газетадан.

**2** қ. **қўлланма, кўрсатма**. ..шогирдлари томонидан илгари сурилган методологик ва методик установакалар тўғрисида гапириш керак эди. «ЎТА».

**УСТАРА** Соч-соқолни қириш учун ишлатиладиган ўткир тигли, дастали асбоб. Сочини устара билан қирдирган, янигина марғилоннусха дўпписи ўзига ярашиб турарди. Ҳ. Фулом, Феруза. Отаси Афғонистондан олиб келган дандон сопли устара ярим очиқлигича чормихга илиниб турибди. С. Сиёев, Ёруғлик.

**УСТАХОНА** [уста + хона] **1** Бирор нарса яшаш, тайёрлаш ёки таъмирлаш учун

махсус жиҳозланган кичик муассаса ва унинг биноси. Умарали техника устахонаси олдида қаторлашиб турган машиналар ичиди.. «Победа» га ҳавас билан қаради. И. Раҳим, Ихлос. Аваз ярим соатча дам тортиб ўтирди-ю, бу тор, нимқоронғи устахонадан зеркиб, чиқиб кетди. С. Сиёев, Ёруғлик.

**2** Корхона, хўжалик ва ш.к. ларда устачилик, таъмирлаш ишларини олиб борувчи бўлим. Хўжаликларнинг устахоналари бу ишга мослаштирилмаган, йиғиш сифати техника талабларига мутлақо жавоб бермайди. Н. Худойқулов, Ер тафти. Ҳар буй ўқув кабинети ва устахонага комбинат бўлинмаларининг раҳбарлари бириктириб қўйилган. Газетадан.

**3** Рассом, ҳайкалтарошнинг иш олиб борадиган жойи, хонаси (хоналари). Рассом ўз устахонасида ёлғиз ижод қилади. Газетадан.

**УСТАЧИЛИК** Уста бажарадиган ишлар билан шуғулланиш. Устачилик қилмоқ. Устачиликни йиғиштирмоқ.

**УСТ-БОШ** Шахсга хос, оёқ кийимидан бошқа ҳамма кийимлар. ..янги уст-бош тўғрисида ҳам, янги этик тўғрисида ҳам ўйламас.. эди. П. Турсун, Ўқитувчи. Аксарининг уст-боши юпун, маҳсиларининг йиртиқларидан кир пайтавалари осилиб туради, кимларда похол тикилган эски калиш, кимларда жағи йиртиқ кафш, лекин улар шод. Ойбек, Танланган асарлар.

**УСТИГА-УСТАК** Бунинг устига, буниси етишмагандай. Тушида иштаҳа бўлмай, қовун билангина таҳаммул қилганларидан, қорин оч, бунинг устига-устак жазирама офтоб. И. Қаландаров, Шохидамас, баргида.

**УСТКИ 1** Юқориди, тепа қисмда жойлашган; юқориги, тепадаги. Устки тиш. Устки жағ. Уйнинг устки қавати. ■ [Камолхонов] Сулаймоновнинг кулмаганини кўриб, ўзини жиддий кўрсатиш учун, қошларини чимирди, устки лабини сўра бошлади. А. Қаҳҳор, Икки ёрти — бир бутун.

**2** Нарсанинг ташқи қисмида, сиртида жойлашган; сиртидаги. Нормат бинтни противогаз халтасининг устки чўнтагига солиб қўйди. И. Раҳим, Чин муҳаббат. Шудгорларни бороналашни тупроқнинг устки қатлами етилиши биланоқ бошлаш керак. Газетадан.

**УСТМА-УСТ** рвш. **1** Бири устига бошқасини қўйиб, қалаштириб. Китобларни уст-

ма-уст жойламоқ. ■ [Маҳмуд Торобий] Бозор кунлари икки инисини икки ёнига олиб, устма-уст тахланган галвир-элакларни орқалаган ҳолда, пиёда Бухорога жўнар. М. Осим, Маҳмуд Торобий.

2 Кетма-кет, уст-устига. *Отига устма-уст қамчи босди.* ■ *Мадамин пастга тушиб, Худойқулнинг биқини ва кўкрагига устма-уст тепди.* П. Турсун, Ўқитувчи. [Душман] *Буталарни оралаб юз элик метрча яқин келганда, [Аҳмаджон] устма-уст икки сидра ўқ ёғдирди.* А. Қаҳҳор, Олтин юлдуз.

**УСТОД** [ф. استاد — муаллим, ўргатувчи] *кт. айн. устоз.* *Аваз ҳар куни эрталаб улуғ устодларнинг китобларини ўқиб, дарс оларди.* Ж. Шарипов, Хоразм. *У ҳатто Ҳиротда қолиб, бошқа бир ерда истиқомат қилса ҳам, устоднинг қўлида хизмат этишни истарди.* Мирмуҳсин, Меъмор.

**УСТОДОНА** [ф. استادانه — устоз каби; моҳирона] *рвш.* Устодларга ўхшаш, устодларга хос. *Маждиддин парвоначи.. бармоқларини энгилгина қисирлатиб, устодона тур билан мажлисга қаради.* Ойбек, Навоий.

**УСТОЗ** [ф. استاد — муаллим, ўргатувчи; уста] **1** Касб, ҳунар, илм ва ш.к. ни ўргатувчи; ўқитувчи, муаллим. *Устозидан сабоқ олган, аудиторияларда бўладиган баҳслар ва жиддий машғулотларда қатнашган студент, бўшаган заҳоти, иккинчи уйи — ётоқхонага шошилади.* Газетадан.

**2** Йўл-йўриқ кўрсатувчи, тарбияловчи, мураббий; раҳнамо, ўқитувчи, муаллим. *Бобур отдан тушиб, устози билан кўришар экан, бирдан кўнгли юмшаб, кўзларига ёш қуйилиб келди.* П. Қодиров, Юлдузли тунлар. *Шундай қилиб, китобни кўтариб, минг истиҳола билан устоз Миртемирга яқинлашдим.* Газетадан. *Сизлар, сизларнинг устозларингиз отнинг қашқасидай маълум бўлиб қолгансиз.* Ҳ. Фулом, Машғал.

**УСТОЗЛИК** Устозга хос ҳолат, мавқе; устоз иши. *Мунис ёмон бир сўз айтмоқчи бўлди-ю, яна устозлик хурмати, ўзини тийди.* З. Фатхуллин, Сўнмас юлдуз.

**УСТОМОН** Жуда усталик, муғамбирлик, ҳийлакорлик билан муомала қиладиган; айёр, ҳийлагар, маккор. *Тўрахонов устомон, обрўси ҳам баланд, ёлғонни ҳам қойил қилади.* Ш. Рашидов, Қудратли тўлқин. *Толипов жуда устомон киши, фирибгарликни эзги қилиб ичиб юборган.* «Муштум».

**УСТОМОНЛИК** Устомонга хос хислат, хатти-ҳаракат. *Туя ютса, думини кўрсатмайдиган бу очофатлар гоят устомонлик билан иш битириб юришган экан.* «Муштум». Унинг сўзларидан қандайдир устомонлик баъзан-баъзан кўзга ташланиб қолади. А. Убайдуллаев, Ҳаёт оқими.

**УСТУВОР** [ф. استوار — чидамли, маҳкам, тўғри, ўткир, кучли] *эск. кт.* Маҳкам, мустаҳкам, бузилмас. *Яна қонлар тўжиб устувор қилдик.* Ҳ. Фулом.

**Устувор йўналиш** Биринчи даражали, устун йўналиш. **Устувор турмоқ** **1)** қимирламаздан, мустаҳкам турмоқ; **2)** кўчма иккиланмасдан бир фикрда қатъий турмоқ.

**УСТУН** **1** [ф. استون / ستون — тиргак, поя, тирговуч, таянч] **1** Томни кўтариб турувчи тик таянч ёғоч. *Меъмор айвонга қаради: пешайвоннинг уша тўрт устуни кўзига оловдек кўринди.* Мирмуҳсин, Меъмор. *Лавли отхонанинг ўт ялаётган хариларини, чарсиллаб ёнаётган устунларини кўрди.* Ҳ. Фулом, Машғал.

**2** *архт.* Бино пештоқи ва шифтининг асосий таянчи; колонна. *Театр пештоқининг устунлари. Фойе устунлари.* ■ *Станция айвонининг баҳайбат устунлари, ранг-баранг ясаниб, поезд кутишга чиққан одамлар аста-секин суза бошлаганда, Элмурод тоқат қилолмади.* П. Турсун, Ўқитувчи.

**3** Умуман, бирор нарсани кўтариб туриш, осиб қўйиш ва ш.к. учун фойдаланиладиган узун тик ёғоч ёки шу тахлитда ишланган қурилма. *Чегара устуни. Йўл кўрсатувчи устуни.* ■ *Ажралнинг ништари бағрам йиртади, Шиқирлатиб дор устунга тартади.* «Ширин билан Шакар». *Кетмон кўтарган икки мўйсафид унинг ёнидаги электр устуни тагида гаплашиб ўтирарди.* Ў. Умарбеков, Ёз ёмғири.

**4** *физ.* Ҳаво босими ёки ҳарорат ўлчаш асбобларининг тик шиша найчаси ичидаги суюқлик. *Симоб устуни насая бошлади.* ■ *Суюқлик устуни қанча баланд бўлса, босими шунча катта бўлади.* «Физика».

**5** *кўчма* Ушлаб, тутиб, сақлаб турувчи шахс; таянч, суянчиқ. *Афсуски, орамизда устоз Абдусамад Аввал йўқлар, маърифат иморатининг бир устуни йиқилиб тушди.* М. Осим, Карвон йўллариди. *Тунов куни шаҳардан чиқиб келаётган уч-тўрт оқсоқол мени кўрсатиб, «районнинг устуни» дегани ку-*

логимга чалинди. Р. Раҳмон, Меҳр кўзда. *Устунлари тезлик билан яксон қилинган бўлса ҳам, эски жамият осонликча қуламади.* «ЎТА».

**Дунёга устун бўлмоқ** Абадий яшамоқ. [*Исломуҳжа:*] *Ҳаммамиз ҳам бу дунёга меҳмонмиз. Ҳеч ким дунёга устун бўлган эмас.* Ж. Шарипов, Хоразм.

**УСТУН** II Бирор жиҳатдан юқори, баланд, кучли. *Сон жиҳатдан устун.* ■ *Мирзакаримбойнинг қизи Нурунисонинг табиатида енгиллик билан макр устун турар эди.* Ойбек, Танланган асарлар. *Эл-юрт манфаатлари ҳар бир нарсадан устун ва улғу.* Н. Сафаров, Оловли излар.

**Устун чиқмоқ** (ёки келмоқ) Ғалаба қозонмоқ, ғолиб келмоқ; енгмоқ. *Одамларнинг салобати унинг қайғусидан устун келдими.. энди у йиғламас эди.* П. Турсун, Ўқитувчи. *Туғилаётган янгилик билан эскилик ўртасидаги кураш жараёнида илғор фикр устун чиқди.* Н. Сафаров, Оловли излар.

**УСТУНЛИК** I Устунга мўлжалланган, устун учун ишлатса бўладиган. *Устунлик ёғоч.*

**УСТУНЛИК** II Юқори, устун ҳолатга эгалик; устун эканлик. *Рамазон қори бу сафар ҳам ўзининг устунлигини ҳис қилар эди.* П. Турсун, Ўқитувчи. *Айниқса, Кенжанин асосий характеристикалари ўзиникидан устунлиги бу масалани янада ойдинлаштиради.* О. Мўминов, Хиёбондаги уч учрашув.

**УСТУНЧА** I **Устун** I I с. кичр. *Ариқчалар бўйида.. икки томондан бир-бирига рўпара қилиб, қатор устунчалар ўтказилган.* С. Айний, Эсдаликлар.

**2** *бот.* Гулнинг уруғи (оналик) оғизчаси билан тугунчаси ораллигидаги найчасимон қисми.

**УСТ-УСТИГА** *рвш.* Иш-ҳаракатнинг такрорланишини ифодалайди; бирин-кетин, устма-уст. *Куч олади қарсақ қалблардан, Уст-устига тушади хитоб.* Э. Раҳим. *Эшик қўнғироғи уст-устига жиринглаб, холанинг хаёлини бўлди.* «Гулдаста».

**УСТУХОН** [*ф.* *استخان* — сўнғак, суяк] Суяк, сўнғак (олатда, эт билан бирликда). *Онанизни кўринг: устухон, бир ҳовуч устухон.* Шўҳрат, Умр поғоналари.

**2** Гўштли, пиширилган суяк. *Маҳсум.. пешинда ейлган гўшдан қолган устухонни тозалай бошлади.* С. Анорбоев, Оқсой.

**Устухон бўлмоқ** Ниҳоятда озиб кетмоқ, қоқ суяк бўлиб қолмоқ. *Озиб, тўзиб, биргина устухон бўлиб қолган жафокаш қиз бидъат овоқтасидан чиқарилди.* М. Исмоилий, Фарғона т. о. **Устухони йўқ айн. суяги йўқ қ. суяк.** *Очиғи, Адашев қариндошчилик, машаботликка устухони йўқ.. одам экан, қурғур.* А. Муҳиддин, Характеристика. **Устухони қолган ёки эти (бориб) устухонига ёпишган** Ниҳоятда озиб кетган, қуруқ суяк. *Кечқурунлари ухлаш учун ечинаётганда, у озиб-тўзиб, устухони қолган баданига қарамасликка ҳаракат қиларди.* Газетадан. *Бир неча кун ичида Нодиржоннинг эти устухонига ёпишди.* А. Муҳиддин, Чап чўнтак.

**УСТҚУРМА** Тарихан шаклланган ижтимоий муносабатлар ва сиёсий, ҳуқуқий, ахлоқий, диний, эстетик, фалсафий қарашлар ва уларга мос келувчи ва жамиятнинг иқтисодий базиси томонидан бошқариладиган, ўз навбатида, базисга таъсир ўтказувчи муассасалар мажмуи.

**УСУЛ** [*а.* *اصول* — асосий қоидалар, қонунлар; қабул қилинган тартиб] I Бирор нарсани юзага чиқариш, амалга ошириш йўли; ҳаракат тарзи, хили, тартиби; йўл. *Қоғоз тайёрлаш усули. Масала ечиш усули. Квадрат уялаб экиш усули. Сунбий нафас олдириш усули.* ■ *Кишиларни меҳнатга муҳаббат руҳида тарбиялаш хурофотга зарба беришининг энг қулай усулидир.* Газетадан. *Ғўза суғоришининг янги-янги усуллари қўлланидиган бўлиб, Жамоловнинг мулоҳазалари эскириб қолди.* Ж. Абдуллахонов, Орият.

**2** Бирор иш, машғулот кабиларга хос бўлган, унда қўлланувчи асосий хатти-ҳаракат, йўл. *Фарғонача кураш усуллари.* ■ *Оғир вазнлилар беллашувида Республикамиз вакили чиройли усул қўллаб, соф ғалабани қўлга киритди.* Газетадан.

**3** *айн.* **услуб** I. *Проза усули.*

**4** *мус.* Куйнинг ижро этилиш суръати ҳамда бу суръатни бошқариб (тезлатиб ёки секинлатиб) туриш учун бериладиган музикий имо-ишоралар. *Усуллар рақсининг ритмларидир.* Т. Обидов, Юсуфжон қизиқ. *Отаси танбур ёки торда машқ қилаётганида, унга доира билан жўр бўлиб, усул бериб турадиган бўлди.* А. Мадраҳимов, Моҳир жангчи.

**5** Ноз-карашма, ишва; шўх қилиқ, шўхлик. *Усул қилмоқ.*

**Гоҳ худою расул, гоҳ гамзаю усул** Фақат тоат-ибодат билан яшамай, дунё лаззатидан ҳам баҳраманд бўлиш керак, маъносидаги эски ибора. -*Хунарингиз гоҳ худою расул, гоҳ гамзаю усул экан-да, генерал, — деди Мардонбек.* С. Азимов, Оппоқ тонг қўшиғи.

**УСУЛЧИ** 1 мус. Куй суръатини бошқариб, унга усул бериб турадиган созанда. *Усулларнинг мураккаб турларини ўзлаштирган усулчилар жуда кам бўлади.* Т. Обидов, Юсуфжон қизиқ.

2 шв. **раққоса.**

**УТИЛЬ** [фр. utile < лат. utilis — фойдали] с.т. Ишдан чиққан, лекин иккиламчи хомашё сифатида ишлатса бўладиган эски-туски нарсалар, чиқиндилар (темир-терсак, латта, қоғоз, суяк, шиша, пойабзал ва ш.к.). *Утиль тўпламоқ. ■ Утидан олинган китоблар эди, шундай китобларки, ажойиботлар.* Т. Тўла. *Ана ундан кейин утиль идорасига ишга кириб, битта эшак араванинг эгаси бўлиб.. шиша йиғадиган бўлди.* С. Аҳмад, Сайланма.

**УТМОҚ** шв. Устидан қайноқ сув куйиб ёки ўтга тутиб, жунини, тукини тозаламоқ. *Каллани утмоқ. Товуқни утмоқ.*

**УТОПИЗМ** [«утопия» с. дан] Амалга ошмайдиган назария ва қарашлар; утопияга мойиллик, хаёлпарастлик, хомхаёллик.

**УТОПИК** Амалга ошмайдиган, реал эмас. хаёлий, гайриилмий.

**Утопик социализм** флс. Жамиятни молмулкнинг умумийлиги, барча кишиларнинг тенглиги, меҳнатнинг мажбурийлиги, шаҳар билан қишлоқ, ақлий меҳнат билан жисмоний меҳнат ўртасидаги тафовутларнинг йўқ бўлиши негизда идеал тарзда қайта қуриш ҳақидаги таълимот (инглиз ёзувчиси Томас Морнинг «Утопия» асаридан келиб чиққан).

**УТОПИСТ** 1 Утопик социализм тарафдори.

2 Амалга ошмайдиган, нореал нарсаларни орзу қилувчи, хаёлпараст, хомхаёл одам.

**УТОПИЯ** [юн. utopos < мавжуд бўлмаган жой, мамлакат < u — йўқ, мавжуд эмас + topos — жой, макон ёки eutopos — гўзал, ажойиб мамлакат < eu — яхши, соз + topos — жой, макон] 1 флс. Илмий асосга эга бўлмаган идеал ижтимоий тузум тасвири (Т. Морнинг айни шундай жамият тасвирланган «Утопия» асари номидан).

2 Илмий фантастика жанри; ижтимоий қайта қуришларнинг нореал, хаёлий режалари тасвирланган барча асарларнинг белгиси.

3 Амалга ошмайдиган орзу, хомхаёл.

**УТОРИД** [а. عطار] айн. **аторид.**

**УФ** унд.с. Бирор нарсадан шикоят, ранжиш, бўғилиш каби туйғуларни ифодалайди. *Уф, ҳаво жудаям дим! Уф, саримсоқ иси келяпти! Уф, ҳамма ёқни тутун босиб кетди! ■ -Уф! Сувсадим, — деди Фотима елпигичини силкитар экан.* П. Турсун, Ўқитувчи. *Хотин паранжиси билан айвоннинг олдида ўтириб олгач, уф, деб чайқалди.* А. Қодирий, Ўтган кунлар. *Йигит ичкари кирди; қўлидаги портфелини диванга улоқтирди; уф тортиб, пешонасига урди.* А. Қаҳҳор, Қайғулар.

**УФЛАМОҚ** Уф демоқ, уф тортмоқ. [Отабек] *Бу қарашда бутун ўтган кунларини яна бир қайта хотирлагандек бўлди ва.. уфлаб юборди.* А. Қодирий, Ўтган кунлар. *..совуқдан этикчаларини бир-бирига уриб ишқайди, қўлларига уфлайди.* Ҳ. Фулом, Тошкентликлар.

**УФОЛОГ** Уфология мутахассиси, уфология билан шуғулланувчи.

**УФОЛОГИЯ** [ингл. ufology < UFO (unknown flying object) — НУЖ (номаълум учар жисм) + logos — сўз, таълимот] Номаълум учар жисмлар ва улар билан таъминан боғлиқ бўлган воқеа-ҳодисалар, ҳолатлар ҳақидаги гувоҳларнинг хабар ва маълумотларини тўплаш, гуруҳлаштириш ва талқин қилиш, уларнинг тўғри-нотўғрилигини аниқлаш билан шуғулланувчи соҳа. *Астрология, уфология ва шу каби соҳаларга оид билимлар пинҳоний билим тури дейилади.* Газетадан.

**УФОР** [а. عفار — чанг; тўзон; ҳид] 1 айн. **мушк, ифор.** *Уйлаб қолар тонгда гунчалар, Кийиб баргикарам нимчалар. Пинҳон-пинҳон кўзин очарлар, Борлиқ узра уфор сочарлар.* Э. Охунова.

2 мус. Қадимги доира, шунингдек, ноғора усулларидан бири.

3 Халқ ва мумтоз мусиқада шу усул жўрлигида ижро этиладиган чолғу ва ашула йўллари. *Рубобчи уфор ҳавосига чала бошлады, кокилини тараб ўтирган бола ўйинга тушди.* С. Айний, Дохунда. *Чалинади най,*



чилдирма, дўмбира, Жушар ғижжак, қайнар уфур, дилхирож. М. Шайхзода.

**УФУРМОҚ** Ҳаво оқими билан атрофга таратмоқ, димоққа урмоқ. Анҳор томондан енгил шабада ялпиз ҳидини уфуриб эсарди. Ў. Умарбеков, Ялпиз ҳиди. Гузал Фарғонадан эсан шабада Мирзачўл кўксига уфурар ҳаёт. М. Икром. Чор атрофда гуллар чаманзор, Хушбўй атрин уфурар баҳор. Ҳ. Ҳасанова.

**УФҚ** [а. افق — ер ва осмон туташган чегара; горизонт; истиқбол] Очиқ жойда осмон билан ернинг ёки сув сатҳининг кўз илғанган узоқликда ўзаро туташгандай, ер билан осмон кўшилгандай бўлиб кўринган чизиги, қисми; горизонт. *Фарбий уфқда самолётлар пайдо бўлди. Қуёш уфққа яширинди.* ■ *Уфқни ўз гавдаси билан тўсган наст-баланд тоғлар қоп-қорайиб.. кўринади.* Шуҳрат, Шинелли йиллар. *Кеч кириб, қуёш ғарбга ёнбошлагач, уфқ қип-қизил аланга ичида қолгандай бўлди.* Ж. Шарипов, Саодат. *Энди-энди уфқ ёришмоқда.* Ҳ. Назир, Сўнмас чакмоқлар.

**УХЛАМОҚ** I Уйқуга кетмоқ, ухлоқ ҳолатда бўлмоқ. *Бола.. гоҳ у ишга, гоҳ бу ишга югурар, кечалари эса ҳолдан тойиб, ҳориб, донг қотиб ухлар эди.* М. Исмоилий, Фарғона т.о.

2 кўчма Тинч ҳолатда бўлмоқ. *Оғир сукунатга чўмиб Ухларди қишлоқ.* Файратий. *Пашиша учмас, ухлар унеурлар. Аллалайди сойнинг шовқини!* Т. Тўла.

**Етги ухлаб, туш(и)да (ҳам) кўрмаган ёки етти ухлаб, туш(и)га (ҳам) кирмаган қ. туш.**

**УХЛОҚ** Уйқу ҳолатида, ухлаган.

**УХУ** тақл. с. Йўтал товушини ифодалайди. *Тойни миниб шаҳарга туши, икки ишиша коньяк ол. Тез. Уху-уху.. йўтал қурсин.* Ойбек, Танланган асарлар.

**УЧ** I 1 Нарсаларнинг ингичкалашган, ўткир томони. *Найза учи. Ханжар учи. Қозикнинг учи. Игнанинг учи. Тикан захри — учида, душман захри — ичида.* Мақол. ■ *Жувон Сидиқжондан пичоқ сўраб олиб, иккита бодринг арчиди, бирини ўзи тишлаб, иккинчисини пичоқ учида Сидиқжонга узатди.* А. Қаҳҳор, Кўшчинор чироқлари. *Мирзакаримбой соқолининг учини бармоқлари билан чимтиб, кулиб қўйди.* Ойбек, Танланган асарлар.

2 Ёғоч, ип, сим ва б. энсиз, узун нарсаларнинг томонларидан бири, бир томон охири, боши. *Таёқнинг учи. Арқоннинг учи.*

■ *Яна бир йигит дарвозага тирмашиб чиқаёттир, настда иккитаси бир-бирининг елкасига чиқиб, узун алвоннинг учини унга узатишга уринмоқда.* А. Мухтор, Опа-сингиллар. *Аравадагилар дарров тушиб, кўчанинг икки учига қараб кетди.* М. Исмоилий, Фарғона т. о.

3 Нарсаларнинг ўзи бириккан, ўрнашган жойдан ташқари йўналган томони, охири. *Бармоқнинг учи. Чойнак жўмрагининг учи.* ■ *Акрамжонни бир нав кучоқлаган бўлдим, жувонга эса қўлимнинг учини бердим.* А. Қаҳҳор, Минг бир жон. *Унинг юзида, шундай бурнининг учида холи бор.* Ў. Умарбеков, Ёз ёмғири. *..вафот этган холасини эслади ва кўздан тирқираб чиққан ёшини енг учи билан артди.* И. Раҳим, Ихлос.

4 Чорбурчак буюмларнинг томонлари туташган жойи, бурчаги. *Фанернинг тўрт учидан ушлаб кўтармоқ.* ■ *Полвон елкасига ташлаб чиққан қийғини олди-да, икки учидан ушлаб, бир-икки айлантирди.* М. Исмоилий, Фарғона т. о.

5 мат. Чизиқларнинг ёки сиртларнинг ўзаро туташиб, кесишиб, бурчак ҳосил қилган нуқтаси.

6 Нарсаларнинг юқори қисми, тепаси, боши. *Миноранинг учи. Дарахтнинг учи. Симёғочнинг учи.* ■ *Тераклар учида ўйнар қизил нур.* Файратий. *Бир куни ўрикнинг учига чиқиб.. атрофни томоша қилдим.* Ойдин, Садаганг бўлай, командир. *Деворга ташқаридан қўйилган кенг нарвонларнинг учлари хиёл чиқиб турарди.* П. Қодиров, Юлдузли тунлар.

7 кўчма Бирор нарсанинг бошланиш қисми, боши. *Сир(нинг) учини сўз очар.* Мақол. ■ *У [Элмурод] ҳали бу муваффақиятнинг фақат учигина эканини ҳеч бир унутмади.* П. Турсун, Ўқитувчи. *Нури бу воқеанинг учини эшитган ҳамон безгакдай қалтираб кетди..* Ойбек, Танланган асарлар.

**Оёқ учида (ёки учи билан) кўрсатмоқ** Назар-писанд қилмаслик, менсимаслик. *Аммо муомаласи дағал.. одамларни оёқ учида кўрсатади.* Ҳ. Назир, Кўктерақ шабадаси. [Нури] *Камбағал, ҳатто ўртаҳол оила қизларини оёқ учи билан кўрсатар..* эди. Ойбек, Танланган асарлар. **Тил учида** Истар-истамас, шунчаки йўли учун. *-Келинг, — деди бошқарувчи тил учида.* «Муштум». *-Тил учида айтган экансиз-да бу гапни.* *-Нега тил учида бўлади.* А. Қаҳҳор, Кўшчинор чироқ-

лари. **Уч бермоқ** 1) кўриниш бермоқ, пайдо бўлмоқ, юзага келмоқ. *Кунлар ўтди. Опа-нинг образи уч бера бошлади.* Ш. Холмирзаев, Оғир тош кўчса. *Кун энди уч бериб, қояларда жилоланар, тиниқ осмон шишадай ятиллаб, бу манзарага яна бир кўрк бағишламоқда эди.* С. Кароматов, Бир томчи қон; 2) белги бермоқ, очилмоқ, ошкор бўлмоқ. *Нарироққа бориб, бу жумбоқ тасодифан уч берди.* Ҳ. Назир, Кўктерак шабадаси. **Учини чиқармоқ** Бошлангич, белги тарзидаги маълумот бермоқ; шипшимоқ. *Орамизда қоладиган гап бор, азизим! Фақат сизгагина учини чиқаришим мумкин.* Ш. Рашидов, Бўрондан кучли. *Жўртага очиқ айтмадим. Лекин хайрлашаётиб, учини чиқаргандим, шунга ҳам бир санчиб тушди.* О. Ёқубов, Бир фелъетон қиссаси. **Уччига чиққан** Энг ашаддий, ўтакетган. *Айёрликда уччига чиққанман, деб мақтансам ёлғон эмас.* Ойбек, Улуғ йўл. *Ўзи бориб турган ивгогар, уччига чиққан материалчи, писмиқ одам.* «Муштум». **Хамир учидан патир қ. патир.** **Қалам учи** Ёзилган, ёзиб эълон қилинган нарса учун бериладиган ҳақ. *Манави осонлиқни қаранг, тақсир. Қалам учисига бўзни узатдим, олмайди.* А. Қодирий, Меҳробдан чаён. **Қўл учиди** 1) астойдил эмас, истар-истамас. *Бу йигитни ҳеч кўрмаган эди, малол олди шекилли, қўл учиди сўрашиб, қизга савол назари билан қаради.* «Муштум»; 2) ночор ҳолда, енгил-елпи. *Энди сен қўл учиди қиладиган тирикчилигинг учун кеча-кундуз капиталистларга ишлашинг керак.* Ё. Хаимов, М. Раҳмон, Ҳаёт-мамонт.

**Уч II снқ. сон** 1 3 рақами ва шу рақам билан ифодаланган сон, миқдор. *Уч карра уч тўққиз. Уч йил бурун. Уч ойдан кейин. Бир бўлган, икки бўлмай қолмас, Икки бўлган, уч бўлмай қолмас.* Мақол. ■ **Эртасига соат бирда уч партизанни кўмиш маросими бўлди.** А. Қаҳҳор, Олтин юлдуз. *Собиржон овчилар инъом қилган икки қуён ва уч ўрдақдан бир қуён ва икки ўрдақни Асқар отага берди.* А. Қаҳҳор, Хотинлар.

**2** Беш балли баҳо тизимида ўзлаштириш «қониқарли», «ўртача» леган маънодаги баҳо. *Унинг баҳоси — уч. Бу инишо учун уч кўйса бўлади.*

**3** этн. айн. **кирювди.** *Чолнинг ёстиги тагидан топилган пул уни кўмиб келишгагина етди. Ҳали бу ёқда учи, еттиси, йигирмаси,*

*фотиҳахонлиги.. ва ҳоказолар бор.* М. Осим, Тилсиз гувоҳ.

**УЧ III дин. этн.** Учига пахта ўраб, ёглаб, марҳум арвоҳига атаб пайшанба, жума оқшомлари ёқиб қўйиладиган чўп. *Уч ўрамоқ. Уч ёқмоқ.*

**УЧА шв.** Елка, елканинг орқа томони. *Ҳар бир полвоннинг ўз ўнги бўлади. Отасининг ўнги — яғрини, боласининг ўнги — учаси.* Т. Мурод, Кўшиқ.

**УЧАК шв. айн. том I.** *Кеча кўҳна арк ол-дидан ўтгандим, кўзим дўконингга тушди: девори қийшайган.. учаги босай деб турибди.* Ж. Шарипов, Хоразм.

**УЧАЛАТОЙ** Филдирак тўғини яшаш учун ишлатиладиган, ниҳоятда қаттиқ ёғочли қайрағоч тури.

**УЧАР I Учмоқ** фл. сфдш. *Учар балиқлар.* ■ *Учар қушдан улги олган жонивор, Минганнинг кўнглида қолмайди губор.* «Ёдгор».

**2** кўчма Учгандай тез юрадиган, жуда тез чопадиган; чопқир. *Бўтабой ака бу кунларда ўзини ҳали от минишни дурустроқ билмай туриб, жуда учар отда улоққа кирган кишидай сеза бошлади.* А. Қаҳҳор, Кўшчинор чироқлари.

**3** кўчма Ҳийла-найранг билан ҳар нарсани ундира оладиган, ҳар нарсага эриша оладиган; эпчил. *Тўлқинжон, ким айтади сени олғир, учар йеит деб. Мана ярим йилча бўлиб қолибди-ку, битта қишлоқи қизнинг муҳаббатини қозонолмайсан.* Ф. Мусажонов, Ҳури. *Жонкуяр, ҳалол кишилар ўғрига чиқарилди. Ундан тўққизини ураётган айрим учарларнинг боши силанди.* В. Маҳкамов, Айбсиз айбдорлар.

**Учар юлдуз с. т. Метеор.**

**УЧАСТКА** [р. участок] 1 Бирор мақсадда ажратилган ер бўлаги, майдон. *Бундан чиқадиган сув билан.. мактаб участкасинигина эмас, унга туташган томорқа ерларни ҳам суғориш мумкин.* Ҳ. Назир, Чўл ҳавоси. *Элмурод полкдан ўз батальонига участка олиб, мудофаага ўтганда, тонг ёришиб қолган эди.* Шухрат, Шинелли йиллар.

**2** Ер майдони, даланинг бирор белгиси билан ўзига хосликка, алоҳидаликка эга бўлган бўлаги. *Кўчатхонада бир участка тайёрланиб, унга мажнун арча кўчатлари ўтқазилди.* Газетадан.

**3** Маълум бир хўжаликнинг ҳудудий жиҳатдан ажратилган, алоҳида бўлими. *Ўр-*

монжон бугун, негадир.. ҳамма участкага борди, кечга яқин.. уйига қайтди. А. Қаҳҳор, Қўшчинор чироқлари.

**4** Бирор нуқтаи назардан чегараланишда ҳудудий ички бўлинма, бўлинмалар; ҳудудлар. *Халқ судларининг ҳозирги вақтда амалда бўлган участка системасини тугатиш ва ягона туман (шаҳар) халқ судларини тузиш кўзда тутилади.* Газетадан. *Ҳозир, сен келмасдан бир оз бурун, бир одамни Қумариққа юбордим. Участка пристави ҳам ўша ерда.* Чўлпон, Кеча ва кундуз.

**5** Маълум бир иш-фаолият олиб борилаётган, унга оид жой, объект. *Қурилиш участкасининг бошлиғи Гулбой Бўриевнинг ишончи комилки, йирик объект ҳам белгиланган муддатда аъло сифат билан топширилади. «Ўзбекистон қўриқлари». Эркалар билан тенг ҳуқуқли аёлларни бугунги кунда ишлаб чиқаришининг барча участкаларида учратиш мумкин.* Газетадан.

**6 с.т.** Хусусий уй-жой қуриш учун расмий равишда ажратиб берилган ер, майдон ва унда барпо этилган ҳовли-жой. *Уларнинг участкаси ҳали битмаган, икки уйни хомсувоқ қилиб, кўчиб киришган эди. Ў. Ҳошимов, Қалбингга қулоқ сол. Участка олиш учун ариза берганимга икки йил бўлди, ҳалигача дарак йўқ. «Муштум». Бу орада ер тузувчи Худойназаров билан ўзингиз иккитадан тўртта участка қуриб олдингиз. «Муштум».*

**УЧАСТКОВОЙ** [р. участковый] с.т. Аҳоли яшайдиган ҳудуднинг муайян бир қисмида тартиб-қоида сақланишини назорат қилиб турувчи милиция офицери (қ. **участка 4**).

**УЧБУРЧАК 1** Учта бурчакли, туморча шаклидаги. *Учбурчак ҳовли.* ■ *Тўққиз самолёт учга бўлиниб, учбурчак шаклида текис оқиб келарди. Шухрат, Шинелли йиллар. Нарироқда уч муллабачча бир бўйра устида учбурчак бўлиб ўтириб, мушкул бир масалани баҳслашади. Ойбек, Навоий.*

**2 с.т. эск.** Муассаса, корхоналарда уч раҳбар шахс (директор ёки раис, партком котиби ёки вакили ва касабакўм раиси). *Бу масалани учбурчак ҳал этади.*

**3 мат.** Бир тўғри чизиқда ётмаган учта нуқта ва учлари шу нуқталарда бўлган учта кесмадан ясалган геометрик шакл. *Тўғри бурчакли учбурчак. Тенг бурчакли учбурчак.* ■ *Олиб кирилган чой ҳам совиб қолар, алла-*

*қандай ўлчовлар-учбурчаклар хаёлини тортиб кетарди. Мирмуҳсин, Меъмор.*

**УЧЁТ** [р. учеть — «ҳисоблаб чиқмоқ, рўйхатга олмоқ, қайд қилмоқ» фл. дан ясалган от] **1** Бирор ташкилот ёки муассасадаги кишиларни ҳисобга олиш, рўйхатга киритиш орқали қайд этиш. *Учёт варақаси. Учётга ўтиш (ёзилиш). Учётга олиш. Учётдан чиқиш.*

**2** Ҳисоблаш, рўйхатга олиш йўли билан нарсаларнинг борлигини аниқлаш; ҳисоб-китоб. *Бухгалтер учёти. Молларни учёт қилиш.*

**УЧЁТЧИ** қ. **ҳисобчи.**

**УЧИРИҚ** айн. **учуриқ.**

**УЧИРМА 1** Эндигина инидан чиқиб уча бошлаган (қуш боласи ҳақида). *Кўнғирлар май ойида тухум очиб, жўжаларини шондаёқ учирма қиладилар. Ж. Абдуллахонов, Тўфон.*

**2** кўчма айн. **учуриқ.** *Обиджон.. кинояли ва учирма гаплар қилишдан нарига ўтмайди.* Газетадан. *..раиснинг учирма гаплари гашига тегар, асабини бузар эди. М. Ҳазратқулов, Журъат.*

**УЧЛАМОҚ** Бир томонини йўниб, ингичка ва ўткир қилмоқ. *Ёғочни учламоқ. Қаламни учламоқ.*

**УЧЛАМЧИ 1** Айтилаётган фикрнинг тартибини билдиради; учинчидан. [Нор:] *Учламчи, улар биздан бойроқ кишилардан.. уларга бизнинг ҳеч бир важ билан алоқамиз йўқ. Ҳамза, Паранжи сирлари.*

**2** Баъзи терминлар таркибида «бирор нарсанинг учинчи даври, даражаси» каби маъноларни ифодалаш учун ишлатилади; учинчи. *Ер тарихининг учламчи даври.*

**УЧЛИ 1** Бир томони борган сари ингичкалашиб тугалланадиган. *Навоий.. салласиз, учли тақя кийган, боши бир оз эгик. Ойбек, Навоий. Туреуно нимранггина узунчоқ юзи, учли ияги билан онасига ўхшаб кетарди. А. Мухтор, Опа-сингиллар.*

**2** Учи бор; учи муайян шаклга эга. *Узун ёғоч бошига боғланган қайирма учли ўткир темир ойдинда ялтирарди. Ж. Шарипов, Хоразм.*

**УЧЛИК 1** Бирор нарсанинг учига кийгизиб, ўрнаштириб қўйиладиган учли, ўткир қисм. *Камалак ўқининг учлиги. Омоч тишининг учлиги. Сумбанинг учлиги.*

**УЧЛИК 2 1** Ваколатли уч шахсдан ёки уч томоннинг вакилларида иборат мувақ-

қат гуруҳ, комиссия. *...жанговар ушлик группасини уюштиришни Мадёровга буюрган. Ш. Тошматов, Эрк қуши. Бу гаплар ушлик комиссия аъзоси Низомиддинов йиққан материаллар. С. Аҳмад, Ҳукм.*

**2** Уч холли, уч рақамли нарса (карта, домино кабиларда). *Гиштиннинг училиги. Доминонинг училиги.*

**УЧМА-УЧ** *реш.* **1** Учлари ўзаро туташтирилган ҳолда. *Қатор-қатор ўрмаловчи кранлар йўғонлиги ўн одамнинг кучоғига зўрға сиғадиган қувурларни бир-бирига учма-уч қўйиб ётқизмоқдалар. Ж. Абдуллахонов, Тўфон.*

**2** кўчма Даромади харажатини аранг қоплайдиган ҳолда; аранг, зўрға. *Балиқ сотиб топган пули рўзғорига керакли нарсаларга учма-уч етар эди. Ж. Шарипов, Хоразм. Оладиган ҳосилим қарз билан учма-уч келавадиган кейин нахта экишни ташлаб юборган эдим. А. Қаҳҳор, Қўшчинор чироқлари.*

**3** Баб-баробар, тенг ҳолда. *-Бухгалтернинг дебет-кредити учма-уч бўлиб туриши керак, — деди Одил. Б. Раҳмонов, Хўжайин кўчди.*

**УЧМОХ 1** *дин.* Жаннат, биҳишт.

**2** кўчма Киши бахтли ҳаёт кечирадиган гўзал ва фаровон жой; жаннат. *Умринг ёруғ, Ватанинг — учмох, Мендан сўра, Мен ёниб ўтдим. Миртемир. Одамлар ундан: «Нима иш билан машғулсиз?» деб сўрасалар, аксар вақт: «Гуноҳга ботган Ҳиротда бир учмох қуряпмиз!» деган жавобни қайтаришни севар эди. Ойбек, Навоий.*

**УЧМОҚ 1** Қанот воситасида ҳавода ҳаракатланмоқ, қанот қоқиб, бирор томонга йўналмоқ; парвоз қилмоқ. *Қуш қаноти билан учиб, қўйруғи билан қўнар. Мақол. ■ Баҳор ҳидидан бесаранжом бўлган қарғалар қағиллаб.. далалар устида учарди. А. Қаҳҳор, Қўшчинор чироқлари.*

**2** Махсус механизмлар, аппаратлар ёрдамида ҳавода бир томонга йўналмоқ; парвоз қилмоқ. *Баландда, юлдузли кўкда, қаёққадир самолётлар учиб ўтди. Ойбек, Қуёш қораймас. Асад модели эса, Тик ва тез учар эди. Т. Тўла.*

**3** Елмоқ, эсмоқ (шамол ҳақида). *Меъморнинг диққатини кенг ва яш-яшил дала, фирғир учаётган шабада, адирлардаги қип-қи-*

*зил гилам лолалар тортса ҳам.. Мирмуҳсин, Меъмор.*

**4** Шамол, зарб ёки бошқа нарса таъсирида ҳавода бирор йўналишда ҳаракатланмоқ. *Ҳавода момиқ оқ толалар арғамчи бўлиб учиб юрарди. Газетадан. Тепада руҳни суғуриб олаётгандек хунук инграб учган снарядлар атрофда ёрилмоқда. Ойбек, Қуёш қораймас.*

**5** кўчма Ҳавода кезмоқ, парвоз қилмоқ (мавҳум нарсалар ҳақида). *Куй узоқдан, бойниқидан учар эди. Ойбек, Танланган асарлар. Ёдимдадир аччиқ дардларим каби Фазоларда учар хаёлим. Р. Парфи. Қўшиқ учар эди кўкда беармон. А. Орипов, Юртим шамоли.*

**6** кўчма Жуда катта тезликда ҳаракатланмоқ. *Тепаликка учиб чиқаётган отнинг тугёғи ердан бош кўтариб, бугун-эрта очилай деб турган лола ғунчасини эзиб, янчиб ўтди. П. Қодиров, Юлдузли тунлар. Машина шиддат билан қалтис тоғ йўлидан учиб кетди. Газетадан. ..поезд чўлдан кўм-кўк водийга бирдан учиб кираркан.. фарғоналик аскарнинг кўзларидан ихтиёрсиз равишда қайноқ ёш томчилаган эди. Ойбек, О.в. шабадалар.*

**7** Қор, муз устида сирпанмоқ, тойғаноқ отмоқ. *Чанада учмоқ. ■ Момиқ қор кўрпасига бурканган Чимён тоғлари бағрида ёшлар чанғи учимоқда. Газетадан.*

**8** Мавжуд еридан узилиб отилиб кетмоқ. *Тоғдан учган катта-катта тошлар. Бола мотоциклдан учиб кетди. ■ Соқолли солдат от таида қолди, униси отдан учиб, юмаланиб кетди. М. Исмоилий, Фарғона т. о.*

**9** Синиб узилмоқ, синмоқ. *..товоқнинг жиндай жойи учган экан. «Муштум». Шишаси ярмидан учган кичкина лампани тутатиб, ёлғиз ўтираар эди. Ойбек, Танланган асарлар. ..синган, чети учган, чегали пиёла, чойнаклар. Ойбек, Болалик.*

**10** Асаб ёки бошқа таъсир сабабли пирпирамоқ, титрамоқ (лаб, киприк каби аъзолар ҳақида). *Онаси тебраниб қўйди. Қовоқлари пир-пир учди. Ж. Абдуллахонов, Орият. Бу боланинг бир қадар ўзини мустаҳкам тутуши Толиб акага ёқмади, лаби асабий учди. Ф. Мусажонов, Ҳиммат. ..огзининг икки чеккасида зулукдай осилиб турган йўғон мўйловлари бир-икки учди. М. Исмоилий, Фарғона т. о.*

**11** кўчма Берилмоқ, қизикмоқ, асири бўлмоқ (асоссиз, номақбул равишда). *Ши-*

рин гапга учма, мақтаганни қучма. Мақол.  
 ■ [Рашида] Курсдоши Темурнинг енгилтак гапларига учди-ю, Рўзиматни бутунлай унутди. Тўлқин, Оғир эслаш. [Элдор:] Дарвоқе, Райҳоннинг нимасига уча қолдим? Ж. Абдуллахонов, Тонг ёришган соҳилда. Ақлли одамлар мақтовели ва баландпарвоз сўзларга учмайдилар.. Н. Сафаров, Оловли излар.

**12** Кайф таъсирида эс-ҳушини йўқотмоқ, ўзидан кетмоқ. Афанди бўза ичиб, учиб қолибди. «Муштум». Маъмуржон кучадан ичиб келган эканми, юз грамм шампанни отди-ю, учиб қолишига сал қолди. Ш. Холмирзаев, Тўлқинлар.

**13** Айрим сўзлар билан қўлланиб, шу сўзлар англаган нарсанинг йўқ бўлиши (йўқолиши), кетиши маъносини билдиради. Баракаси учмоқ. Ҳуши бошидан учмоқ. Кайфи учмоқ.

**Елга** (ёки ҳавога, осмонга) **учмоқ** қ. ел. Эҳ, аттанг, орзулар учди ҳавога, Англамай йўлиқдим бу бедавога. Я. Қурбон, Меҳрим ва қаҳрим. **Кўзим учиб тургани йўқ ёки кўзим учиб турувди** (алоҳида, киноя оҳанги билан). Бирор шахс ёки нарсанинг келишини, бўлишини ёқтирмаслик, истамасликни билдиради. Келибдилар-да.. сизни кўраимиз деб кўзимиз учиб турувди! А. Мухтор, Опа-сингиллар.

**УЧОВОРА** Уч киши бирга, уч кишига бир. Икковора, учовора шивир-шивир, одамлар шивирлаша бердилар. «Равшан». Палов сузилиб, учовора бир товоқ бўлди. Т. Мурод, Қўшиқ.

**УЧОҚ I** эск. Самолёт, вертолёт каби учуш аппарати. «Юлдузча» манзилига озиқ-овқатлар ва анжомлар учоқ [вертолёт] ёрдамида етказиб берилди. Газетадан. Учоқлар ҳам учолмайдиган даражада юк ортиб, совуқ ўлкаларга парвоз қилмоқда. Газетадан.

**УЧОҚ II** шв. этн. Кинна, суқ. У сириқ тутатиб, қўлим енгил, кимгаки учоқ кирса, ўзим силаб қўйганман.. деди. Ш. Бўтаев, Қўргонланган ой.

**УЧРАМОҚ I** Қаршисидан чиқмоқ, дуч келмоқ. Йўлда икки отлиқ учради. Бу жойда бирорта таниш учрамади. ■ Сел оқими йўлида учраган ҳамма нарсани остин-устун қилиб, шаҳарга бостириб келарди. Газетадан.

**2** Ҳузурида, суҳбатида бўлмоқ; учрашмоқ. Отасига учраб, ўзимни танитдим, қимтиниб, тортиниб, арзимни айтдим. «Муштум». Ана

шундан кейин Фуломжон шаҳарга тушиб, тўғри ҳокимга учради. У ҳам мингбошидай юмшоқ муомала қилди. М. Исмоилий, Фарғона т. о.

**3** Қисматига тушмоқ, nasib бўлмоқ, йўлиқмоқ. Қўявер, хотин, шу қизга ҳам менга ўхшаган кўса куёв учрасин. С. Аҳмад, Хукм. Ҳеч қаерда бундай улгуржи ғанимат учрамади. А. Қаҳҳор, Башорат.

**4** Мавжуд бўлмоқ, бўлмоқ. Бу касаллик кўпинча ёз ойларида тарқалади ва 2–8 ойлик кўзи, улоқларда кўпроқ учрайди. «Фан ва турмуш». Менинг бошқаларда учрамайдиган яна битта фазилатим бор. Х. Тўхтабоев, Ширин қовунлар мамлақати.

**5** Дучор бўлмоқ, йўлиқмоқ. Тавба денг, болам, бўйдоқсиз, яна шундай таннозлардан бирига учраб.. «Гулдаста». Умрим паккасига етай деганда, худонинг қаҳрига учрадим, қизим. К. Яшин, Ҳамза. Мариянинг бахтига қарши, амаки сил касаллигига учраб, ишдан қолди. Ойбек, Танланган асарлар.

**УЧРАШМОҚ I Учрамоқ** фл. бирг. н. Улар дарров врачга учрашсин. ■ Бўронбек билан Комил Чирчиқдан ўтаётганда, қизиллар тўсиғига учрашибди. Ҳ. Фулом, Машғал. Эшикни Инобат очди. Аламли кўзлар бир-бирлари билан учрашди. Х. Тўхтабоев, Фельетондан сўнг.

**2** Бирор мақсад билан ҳузурида бўлмоқ; учрамоқ (қ. **учрамоқ 2**). Йўлчи эртасига Қора-тоёга учрашгани Шоқосимни юбормай, ўзи кетди. Ойбек, Танланган асарлар. Маъқул, агар бу кун домлага учрашсам, жавобини эртага оламан, дейми? А. Қодирий, Меҳробдан чаён.

**3** Бирор мақсад билан ўзаро мулоқот қилмоқ, кўришмоқ. Қаллиқлар одамларнинг кўзидан йироқда — яшириқча учрашиб юрар эдилар. П. Қодиров, Юлдузли тунлар. Аҳмедов Саодатхоннинг райони мудири Воҳидов билан учрашмоқчи бўлганини эшитиб, сал ўзгариб қолди. С. Зуннунова, Янги директор.

**УЧРАШУВ I Учрашмоқ** фл. ҳар. н. Унинг мақсади Йўлчи билан учрашув, албатта. Ойбек, Танланган асарлар. Меъмор Бухорий билан устод Қавом учрашувни ғайриодатий бўлди. Мирмуҳсин, Меъмор. Юсуфжон қизик Мадаминбек билан кўп «ширин учрашув ва суҳбатлар»да бўлган. Т. Обидов, Юсуфжон қизик.

**2** Ким(кимлар) биландир суҳбат ўтказиш мақсадида тайёрланган (уюштирилган)

махсус ййгин. *Фармон эълон қилингандан бир неча кун ўтгач, ҳарбий қисм жангчиларининг Ж. Усмонов билан учрашуви бўлиб ўтди. Т. Рустамов, Мангу жасорат. Янги қабул қилинганлар билан юқори курс студентларининг учрашув кечаси уюштирилди. Ж. Абдуллахонов, Орият.*

**3** Беллашув, беллашув ўйини. *Қишлоқ спортчилари спартакиадасида футбол учрашувлари ҳамиша кескин курашлар остида ўтади. Газетадан.*

**УЧУВЧИ 1** **Учмоқ** фл. сфдш. *Бу саҳроларнинг қумлари сирғалувчи ва учувчи бўлиб.. у барча жонли мавжудотни кўмиб ташлашга қодирдир. Газетадан.*

**2** Учиш аппаратларини бошқарувчи, ҳайдовчи мутахассис. *Қарасам, эшик олдида Чимёнга учган учувчи турибди. Ойдин, Уялди шекилли, ерга қаради.*

**УЧУВЧИЛИК** Учувчи касби, иши. *Учқун бўлса учувчиликка ўқиб.. биз кўрмаган қанчадан-қанча элларни кўрар. Ҳ. Фулом, Машғал. [Пўлатжон] Учувчилик мактабини яқинда ботириб, Тошкент аэропортига нутёвқа олармиш. Ҳ. Назир, Сўнмас чақмоқлар.*

**УЧУН** кўм. Сабаб, мақсад, аталганлик каби маъноларни билдиради, шундай маъноли муносабатларни кўрсатади. *Бу ерга Мадали аканинг жигига тегиш, рашқини келтириш учун кирганлигини эслаб, мулзам бўлдим. А. Мухтор, Давр менинг тақдиримда. Дунёда тўғри яшаб, юртга хизмат қилиб ўтишдан ортиқ бахт борми инсон боласи учун?! Т. Ашуров, Оқ от. Ота-онаси саводли кишилар бўлганлиги учун ҳам ёшлигидан савод чиқарди. «Фан ва турмуш».*

**УЧУНИҚ** Шамоллаш натижасида юз берадиган енгил бетоблик; бир қанча касалликларнинг бошланғич белгиси.

**УЧУНМОҚ** этн. Ёмон кучлар таъсирида, кўрқиб, чўчиш сабабли тоби қочмоқ, огримоқ.

**УЧУРИҚ 1** Шама тарзидаги сўз, гап, ибора; қочирӣқ. *Хоннинг бош айғоқчиси Али маҳрамни биладиганлар олакўз деҳқонга учуриқ ташлаб, масҳара қилиб кулдилар. С. Сиёев, Аваз. -Юрагингдаги хуфёна ниятларингдан анчадан бўён хабардорман, - учуриқ қилди у. Ш. Бўтаев. Қўрғонланган ой. Чолакмпирнинг учуригига стол атрофидагилар*

*қийқуриб кулишди. Ҳ. Фулом, Сенга интиланман.*

**2** шв. Бир учи, кичик бир қисми. *Аммо бола тарбияси талаб қиладиган катта вазифанинг бир учуриғи холос бу. М. Исмоилий, Бизнинг роман.*

**УЧУҚ 1** Шамоллаш, учуниш ва ш.к. сабаблар туфайли лабга тошадиган тошма. *Лабларига тошган учуқ ҳали қайтмаган бўлса-да, иситмаси пасайган эди. Р. Раҳмонов, Чангалзордаги шарпа.*

**Лабига учуқ тошмоқ (ёки чиқмоқ) қ. тошмоқ.** *Унда кўнгли қингирларнинг лабига учуқ тошириб юборадиган қип-қизил гувоҳнома бор. Газетадан. Доим шундай қиласиз, янгилик деса, лабингизга учуқ чиқаверади. А. Муҳиддин, Ҳаля.*

**УЧУҚ 2** Четининг кичик бир қисми синган, чети учган; синиқ. *Лабига учуқ лаган. Лабига учуқ пиёла.*

**УЧҚУН 1** Ёниб ёки лаққа чўғ бўлиб турган моддадан отилиб, учиб чиқувчи зарра.. *Йилтираган чўғ ерга тушиб, ожиз учқунлар сачратиб сўнди. М. Муҳамедов, Қиммат билан Ҳиммат. Тўхта хола тандирга ўт қўйганга ўхшайди, кўча томонга гоҳ-гоҳ учқун учиб турибди. И. Раҳим, Чин муҳаббат.*

**2** Нарсаларнинг бир-бирига тегиши, уринишидан ҳосил бўлувчи олов-зарра. *Тоҳир болтани.. гоҳ қулфга, гоҳ дарвоза занжирига зулфинига урар, темирдан учқун сачрар.. эди. П. Қодиров, Юлдузди тунлар. Кўкрак чўнтагидан мўъжазгина ялтироқ қутичани олиб, бир жойини босган эди, «чире» этиб учқун сачраб, қутичага ўрнатилган тилик аланга олди. К. Яшин, Ҳамза.*

**3** Нарсаларнинг сачрайдиган, сочиладиган энг майда бўлаги, зарраси. *Темир учқуни. ■ Совуқ шамол зўрайиб, қор учқунлари бурунга, кўзга, пешонага урила бошлади. Ҳ. Фулом, Машғал. Қалин, қора булут яна битта-битта совуқ учқун ташлаб, ҳамма ёқни қоплаб олган. Ў. Ҳошимов, Икки сураг.*

**4** кўча Сезги, ҳиссиёт, қобилият ва ш.к. белгиси. *Лекин кўнглида гоҳо йилт этган учқун чақнайди. Бу - умид, рўшнолик, нажот учқуни. С. Сиёев, Аваз. ..бу хотинда, ширинсўзлиги ва ташқи кўринишини ҳисобга олмганда, сатангликдан учқун ҳам йўқ эди. С. Зуннунова, Гулхан.*

**УЧҚУНЛАМОҚ 1** Учқун сачратмоқ, учқунлар сочмоқ. *Электр сими учқунлади.*

**2** Зарра (учқун) тарзида ҳаракатланмоқ (қ. **учқун 3**). *Қор жуда эринчоқлик билан майдалаб, сиёрак учқунлар эди.* П. Турсун, Ўқитувчи.

**3** *кўчма* Учқун чиқармоқ, учқун (зарра) сифатида намоён бўлмоқ (қ. **учқун 4**). *Агар бу умид учқунламаса, ҳаёт уқубатга айланиб, кўнгишлар вайрон бўларди.* Ҳ. Ғулом, Тошкентликлар. *Шу топда Тоҳирнинг кўнгилида ҳам умид учқунлагандай бўлди.* П. Қодиров, Юлдузли тунлар.

**УЧҚУР 1** Тез уча оладиган, тезучар. *Вақт бамисоли бир учқур қуш экан.* Ж. Абдуллахонов, Йўл.

**2** *кўчма* Тез чопа оладиган; чопқир. *Қамчи еб ўрганмаган учқур бедов олдинга ўқдай отилиб, эгасини бало-қазодан олиб чиқиб кетди.* П. Қодиров, Юлдузли тунлар.

**3** *кўчма* Жуда тез (учиш каби) ҳаракатланувчи (мавхум нарсалар ҳақида). *Учқур замон билан қалқиб, чайқалиб, Чарх уриб бораман гирдоблар аро.* Э. Воҳидов, Чароғбон. [Ойбекнинг] *Қақроқ дудоқларида айтилмаган сўз.. учқур ҳаёлида улкан китоб.. қолиб кетди.* Миртемир, Йўқлаш. *Йиллар учқур, ўтаверади, Хотиралар тобора оғир..* Х. Даврон.

**УШАЛМОҚ** Бўлак-бўлак бўлиб синмоқ, майда-майда бўлинмоқ. *Тун совуғи билан қотган лой оёқ остида, синиқ шиша парчаси каби, қирс-қирс ушалади.* Ойбек, Танланган асарлар.

**Орзуси** (ёки **няяти, умиди** ва ш.к.) **ушалмоқ** Орзуси, умиди амалга ошмоқ, рўёбга чиқмоқ. *Ука, ер олганимдан кейин ҳам ўша мўлжалларим юзага чиқмади, орзуларим ушалмади.* А. Қаҳҳор, Кўшчинор чироқлари. *Кушлар келар, толеингиз ёр — Ушалади умид ва армон.* Ғайратий.

**УШАТМОҚ 1** Бўлак-бўлак қилиб синдирмоқ, майда бўлақларга бўлмоқ, ажратмоқ, синдирмоқ. *Қудрат.. нонларни ушати, чой куйди.* М. Исмоилий, Фаргона т.о. *Отхонада дийдираб, кунжара ушатиб, қўйларга беради.* Ойдин, Ҳазил эмиш. *..тиши билан нўхатдек қандни ушатиб, бир қултум чой ичди..* Ойбек, Танланган асарлар.

**2** Урмоқ, уриб пачақламоқ. - *Уриб, жағини ушатмадингми? — Қодир гуваладек муш-*

*тини ҳавода тўлғади.* Н. Норқобилов, Бекатдаги оқ уйча.

**3 с.т. кам қўл.** Йирик пулни шу қийматдаги майда пуллар билан айирбош қилмоқ, майдаламоқ. *Юз сўмликни ушатмоқ.*

**Патир** (ёки **нон**) **ушатмоқ этн.** Йигит ва қизни никоҳлаш ҳақида аҳдлашмоқ, келишмоқ, унаштирмоқ. *Орадан уч-тўрт кун ўтгач, нон ушатиб, фотиҳа ҳам қилинди.* Ҳ. Нуъмон ва А. Шораҳмедов, Ота. *Розилик бериб. патир ушатасиз, бир ойга қолмай, қизингизни ўйнаб-кулиб узатасиз.* К. Яшин, Ҳамза. **Рўзани ушатмоқ** Овқат еб қўйиб, рўзани бузмоқ. *Жаноби устоз! Рўзангизни ушатиб қўйдингизми? «Латифалар».* **Таҳорат ушатмоқ қ. таҳорат.**

**УШБУ** *кўрс. олм. кт.* Шу, мана шу; мазкур. *Ушбу ёзган мактубимни Бошдан-оёқ тоза кўр, Озроқ муҳаббатинг бўлса Тезроқ жавоб ёза кўр.* Ҳамза. *Ёвга қарши газаб-ла Чақнар эди кўзлари. Ҳамон менинг эсимда Унинг ушбу сўзлари.* З. Диёр.

**УШЛАМОҚ 1** Қўл, панжа билан даҳл қилмоқ, тутмоқ. *Пешонасини ушламоқ. Икки қўли билан бошини ушламоқ. Кўкрагини ушламоқ.* ■ *..бу текин томошадан завқланиб, қоринларини ушлаб, қотиб-қотиб кулишарди.* Э. Раимов. *Ажаб қишлоқ. Бу киши шунақа, боғдан деворларни ушлаб чиқиб кетмаса, ҳисоб эмас..* А. Қаҳҳор, Асарлар. *Набижон беморнинг томирини ушлаб, юзига қаради.* С. Зуннунова, Кўк чироқлар.

**2** Қўл, панжа, бармоқ(лар) орасига олмоқ, шундай ҳолда тутмоқ. - *Оғирроқ бўлинг, шайх! — деди сўйил ушлаб турган йўғон бир йигит.* К. Яшин, Ҳамза. *Эшик олдида етганида, негадир ўзининг ҳам ўша ёққа кетганганини сезиб, ҳаяжон ичида тутқични ушлади.* Ў. Ҳошимов, Қалбинга кулоқ сол. *Ҳар замонда бир қўлида тўрхалта, бир қўлида зонтик ушлаган қари-қартанглар, болалар ўтиб турибди.* Э. Раимов, Ажаб қишлоқ. *Ализамон унинг қўлидан ушлаб, тинчлантиргандек силаб қўйди.* А. Обиджон, Аканг қарагай, Гулмат.

**3** Қўл билан тутиб олмоқ; тутмоқ. *Улар [қизлар] чимчиловчиларни қарғайдилар. Ушлаб олсалар, урадилар.* Ойбек, Танланган асарлар. *Қиз уни [товуқни] ушлаб олгани кўп уринди..* А. Қаҳҳор, Кўшчинор чироқлари. *Войдод, ҳой, қўшинлар.. ушланглар.. ҳой, Абдураҳмон, ушла уни!* С. Зуннунова, Олов.

**4** Қўлга олмоқ, қўлга туширмоқ (мас., жиноятчини). *Бу ерга келиб, фақат айрим хавфли шахсларни кузатиб, уларни жиноят устида ушлаб, қамоққа ташлаш билан кифояланиб..* К. Яшин, Ҳамза. *Бир неча солдат келиб, маҳбусларни ушлади, ясовул ҳаммасининг қўлига кишан урди.* М. Исмоилий, Фарғона т. о.

**5** Бирор ҳолатдан (кетиш, йўқ бўлиш ва ш.к. дан) сақламоқ; тутмоқ. *Уни то шу пайтгача икки нарса ушлаб турар эди: ..биродарининг уйига қуруқ қўл билан кириб боргиси келмасди. У шахид кетган бўлса, болалари зориқаятгандир, бир тишламдан бўлса ҳам у-бу олиб боради, дерди.* Т. Малик, Ажаб дунё. *Беаёв тонг яқинлашмоқда. Ёвдан тортиб олинган жойни ушлаб туришса, бас.* Назармат, Жўрлар баланд сайрайди. *У Зулфиқорни ортиқ ушлаб турмай, фотиҳа берди.* Мирмуҳсин, Меъмор.

**6** Бериладиган ҳақни ёки унинг бир қисмини бермасдан чегириб олмоқ, олиб қолмоқ, тутиб қолмоқ (қарз, жарима каби тўловлар ҳисобига). *Кассир ойликдан беш сўм ушлади.*

**7** кўчма Сақламоқ, тутмоқ. *..ёлғиз бошимга ҳам Тошкентдан, ҳам Марғилондан икки хотин ушлаб туриш оғирлик қила бошлади.* А. Қодирий, Ўтган кунлар. *Саид ака, болалар эрталаб албатта сут ичишлари керак деб, кўп йиллардан бери мол ушларди.* Ў. Умарбеков, Ёз ёмғири.

**8** Риоя қилмоқ, амалда тутмоқ (қонунқоида, таомил кабилар ҳақида). *«Ер-сув ишлаганники! Фақат ишлаган тишлайди!»* шиорини маҳкам ушлаб иш қилдик. Н. Сафаров, Оловли излар. *Шариатни маҳкам ушлаган хотин шаҳарда иккита бўлса, бири — мулла Норқўзининг хотини, иккинчиси — шу!* А. Қаҳҳор, Майиз емаган хотин.

**9** Қўзгамоқ, тутмоқ (вақти-вақти билан авж оладиган касаллик ҳақида). *Кутилмаганда санчиқ ушлади.* ■ *Кумушни ўқтин-ўқтин оғриқ ушламоқда.* А. Қодирий, Ўтган кунлар.

**Нозик жой(и)дан ушламоқ** Қалтис, жиддий еридан тутмоқ. *Дарҳақиқат, Кумуш энг нозик жойдан ушлаган эди.* А. Қодирий, Ўтган кунлар. **Этагини ушламоқ айн.** **этагини тутмоқ қ.** **этак.** *Уртоқжон, мен сенинг раҳбарлигингда одам бўламан, деб этагини*

*маҳкам ушлаганман.* А. Қаҳҳор, Қанотсиз читтак.

**УШОҚ I** Ноннинг майда бўлакчалари; увоқ. *Сухари ушоғи. Патир ушоғи.* ■ *—Қаддини кўтаргунча, заводчи бойлардан солиқ олинмаслиги керак, — деди.. нон ушоқларини териб ўтирган Ёлмонбой.* Ж. Шарипов, Хоразм. *Раҳмим келиб уларга, Айвончага дон сепдим. Ҳар хил нарса: қўноқ, сўк Ҳамда ушоқ нон сепдим.* Уйғун.

**2** Жуссаси, гавдаси кичик, заиф, нимжон. *Ушоқ киши.* ■ *Ҳикояни тинглаган сарим, бу қотма, ушоқ чол кўз ўнгимда салобат касб этиб.. гавдаланарди.* Ҳ. Назир, Узр, отахон. *Ёши қирқ бешга бориб қолган.. ушоқ, пакана Нуруллаев турмада баттарроқ чўкди.* Ж. Шарипов, Хоразм.

**3 шв.** Бола, бола-чақа. [Оқсоқол.] *Мўғул келиб, ўзимизни қул қилиб олса, хотин, ушогимизни бозорга чиқариб сотса, яхшими?* М. Осим, Ўтрор.

**УШР** [а. عشر — ўндан бир] тар. Деҳқончиликдан келадиган даромаднинг ўндан бири ҳисобидан олинладиган солиқ. *Хазинани бойитаман деб, халқни гадо қилдингиз.. ушр деб оласиз, улоғ деб оласиз.* Уйғун ва И. Султон, Алишер Навоий. *..ўлгону ушр солиқлари раиятни тобора қайшоқлаштириб, тинкасиши қурутди.* Мирмуҳсин, Меъмор.

**УШУ, у-шу** [хит.] *спрт.* Шахсни камолотга етказишнинг фалсафий, ахлоқий ва рухий-жисмоний (психофизик) жиҳатларга асосланган, турли хил қуроллар билан ёки қуролсиз жанг олиб бориш усуллари қамраб олувчи махсус жисмоний машқлардан иборат анъанавий хитойча ҳарбий санъатлар мажмуи.

**УШУК I шв.** Совуқ. *Қорабўрон. Ўлат. Қор. Ушук. Камчил эди замбарагу тўп.* Миртемир.

**Ушук урмоқ айн.** **совуқ урмоқ.** қ. **совуқ.** *..қулоқ-бурнимни ушук уриб, госпиталда ҳам ётиб чиқдим.* А. Мухтор, Давр менинг тақдиримда.

**УШУК II шв.** кам қўлл. Эртақ, чўпчак. *Бир пайтлар ушугимизни эшитиб одам бўлганлар бугун ўзимизга ушук айтиб ўтирса-я!* «Ёшлик».

**УШШОҚ** [а. عشاق — «ошиқ I» с. кўпл.] мус. «Шашмақом»нинг иккинчи мақомлар гуруҳига оид куй ва шу куйдаги ашуланнинг номи. *Юнус ака катта йиғинларда «Ушшоқ»*



*айтадиган бўлса, уста Сирожиддинни топтириб келмай иложни йўқ.* Мирмуҳсин, Созанда.

**УЮМ** Бир ерга уйиб ташланган нарса; тўп, тўда. *Қум уюми. Шағал уюми. Фишт уюми. Китоблар уюми.* ■ *Ҳаммамиз кўсак уюми атрофига ўтириб олиб, кўсак чувирдик.* У. Икромов, Унутилмас хотиралар.

**УЮМОҚ** *шв.* Ивимоқ.

**УЮР** Орасида бир айғири бўлган биялар тўдаси. *Узоқ йўл босган уюр ҳовуз атрофидаги барханларнинг ёнбағрида тўзон булутидай бўлиб ётибди.* А. Мухтор, Давр менинг тақдиримда. *Ўти тизза бўйи келадиган кенг яйловларда йилқи уюрлари.. ўтлаб юрибди.* А. Шермухамедов, Ўт-ўланлар водийси.

**УЮРМА** Ўралиб ҳаракат қилувчи кучли шамол; бўрон, гирдибод; шундай шамол билан юқорига кўтарилиб тушадиган майда нарсалар. *Тўзон уюрмаси. Қорли уюрма.* ■ *Саҳродан келган қум уюрмаларидан ўзларини сақлаш учун ҳамма жониворлар ин-инига беркинди, чўл хузуллаб қолди.* М. Осим, Аждодларимиз қиссаси. *Уюрма ер юзини сунурмоққа қасд этгандай, тиккайган нимаики бор, комига тортмоққа уринади.* Н. Норқобилов, Бекатдаги оқ уйча. *..саратонда завол топган, қуриган ҳаслар осмон бўйи уюрмада чирпирак бўлиб айланади.* Н. Норқобилов, Бекатдаги оқ уйча.

**УЮШИҚ** Уюшган, жипслашган, аҳил. *Уюшиқ маҳалла.*

**Уюшиқ бўлақлар** *тлш.* Гапда бир хил сўроққа жавоб бўлиб, бир хил синтактик вазифани бажариб, тенг боғловчилар ёки санаш оҳанги билан боғланган бўлақлар.

**УЮШМА** Бир мақсад йўлида биргаликда ҳаракат қилиш учун бирлашган кишилар ёки ташкилотлар бирлашмаси; иттифоқ, ташкилот. *Ёзувчилар уюшмаси.* ■ *Ер ислоҳоти ўтказилиш олдидан қишлоқ камбағаллар уюшмаси тузилади.* А. Қодирий, Обид кетмон. У [Мўмин] *ҳозир шу фикрда бўлиб, колхозга вақтинчалик бир уюшма деб қарар, ишга асло ихлол қўймас эди.* П. Турсун, Ўқитувчи.

**УЮШМОҚ** I Ўзаро бирлашиб, бир мақсад йўлида бирга ҳаракат қиладиган гуруҳ, жамоа, ташкилот ҳосил қилмоқ, бирга ҳаракат қилиш учун ўзаро бирлашмоқ. *Келганидан буён ҳаваскорларни тўплаб, тў-*

*гарак очмоқчи бўлиб юрган Жалолхон ҳали жуда уюшиб, қовушиб бўлмаган тўғаракнинг дастлабки бадиий хизматини кўрсатди.* Р. Файзий, Чўлга баҳор келди.

**УЮШМОҚ** II *шв.* Увишмоқ. *..болалар уюшган оёқларини ишқалаб ёзиб, ерга туша бошладилар.* И. Раҳим, Чин муҳаббат. *Бўри полвоннинг қалби уюшиб кетди.* Т. Мурод, Юлдузлар мангу ёнади.

**УЮШТИРМОҚ** I I **Уюшмоқ** I фл. орт. н. [Абдурасул] *Қамишканада биринчи мартаба батрак-камбағалларни уюштиради.* П. Турсун, Ўқитувчи.

2 Ташкил қилмоқ. *Ҳашар уюштирмоқ. Фитна уюштирмоқ.* ■ *Ўтган йили санъатшунослик институти Хоразмга экспедиция уюштирди.* Газетадан. *Ҳозирги хурсандчилик, тантананинг ҳаммасини Комилжон уюштирганлигини у биларди.* С. Зуннунова, Янги директор.

**УЮШТИРМОҚ** II **Уюшмоқ** II фл. орт. н. *Хушрўйнинг оғзидан чиққан бу таҳдид бечора онанинг юрагини уюштирадир.* А. Қодирий, Ўтган кунлар.

**УЮШҚОҚ** Бир мақсад йўлида бирлашиш, уюшишга ҳаракат қиладиган, шунга интилувчан. *Биз, ишчилар, жуда катта уюшқоқ оиламиз.* А. Мухтор, Опа-сингиллар. *..ташаббускор, уюшқоқ, энг муҳими, бир тан, бир жон бўлиб, қовушиб меҳнат қилаётган коллективлар бор.* «Ўзбекистон қўриқлари».

**УЮШҚОҚЛИК** Уюшиб, қовушиб ҳаракат қилиш, иш-фаолиятда яхши уюшиш, жипслашиш. *Меҳнат интизоми шундай бир воситаки, у ишда уюшқоқликни, ташаббускорликни.. таъминлайди.* «Ўзбекистон қўриқлари». *Дастлабки кундан оқ уюшқоқлик билан иш бошланиб, терим суръати кучая борди.* Р. Файзий, Чўлга баҳор келди.

**УЯ** I Ёввойи ҳайвонлар, қушлар ва ҳашаротларнинг яшаш ва кўпайиш учун мослаб ясаган жойи, уйи; ин. *Қалдирғоч уяси. Арининг уяси. Юмронқозиқнинг уяси. Бўри уяси. Қуш уясида кўрганини қилар.* Мақол. *Йўлбарс боласини тутмоқ учун йўлбарс уясига кирмоқ керак.* Мақол. ■ *Қуш дўстлари, қушларни кутинг, дарахтларга уя ўрнатиб.* З. Диёр. *Қаердадир ўргимчак уясига илинган паиша фингиллар эди.* А. Қаҳҳор, Сароб.

2 қ.х. Уруғни ташлаш, экиш учун очилган чуқурча, жой. *Ҳар уяга маълум миқдор-*

да чигит экишга кўчиш.. энг муҳим масала-лардандир. Газетадан. Энди чигитни жўякка эмас, уяга экар эканмиз, Ҳатамбек. Н. Сафаров, Ҳаёт мактаби.

**3 Ёмон** ниятли кишилар ўрнашган ёки учрашадиган, тўпланадиган жой, макон. *Жосулар уяси. Текинхўрлар уяси. Ўғрилар уяси.* ■ *Кўзғолончилар аввалги ғайрат билан олға талпиндилар. Душман уясига айланган Кармана шахрига йўл очик эди. М. Осим, Аждодларимиз қиссаси.* -*Ўша пайтда бизнинг колхозга ҳаромхўрлар уя қўйган экан, мен кейин билдим, — деди Абров. П. Қодиров, Қалбдаги кўёш.*

**4 кўчма** Фитна, ваҳима, қайғу ва ш.к. лар кўплаб мавжуд бўлган ёки пайдо бўладиган жой, макон. *Адоват уяси. Фисқ-фужур уяси.* ■ *Сиз аввал шахардаги гулуни бартараф қилинг, фитнанинг уясини топинг. П. Қодиров, Юлдузли тунлар.*

**УЯЛАМОҚ I** Уя қурмоқ. *Қўлтиғимда ари уяласа чидайман-у, лекин қаллиғимнинг чўлга боришига чидолмайман. А. Ҳасанов, Чироклар. Кимсасиз қишлоқлар, тахта қоқилган деразалар, кўришпалак уялаган қутсиз уйлар.. тоғ манзараларига қабристондай совуқ тус бериб турипти. А. Мухтор, Чинор.*

**Уялаб экмоқ** қ.х. Оралиғи бир хил бўлган уялар ҳосил қилиб, шу уяларга уруғ экмоқ. *Сиз, уялаб чигит эксақ қандоқ бўлади.. десангиз, раҳматлик Маллавоё ака эсимга тушади. Н. Сафаров, Ҳаёт мактаби.*

**УЯЛАМОҚ II** Ётган жойидан туролмай қолмоқ, туришга мажоли келмай қолмоқ (хайвонлар ҳақида). *Қора қушлар айланганига бирорта чўлоқ қўй уялаб қолиб кетганми, деган эдим. П. Қодиров, Қора кўзлар.*

**УЯЛИ** Муайян худуднинг турли участкаларида уяча (хонача) тартибида симметрик жойлашган радиоузаткичлар асосида ишловчи алоқага оид. *Уяли алоқа.*

**Уяли телефон** Симсиз телефон тури: қўл телефон.

**УЯЛМАЙ-НЕТМАЙ** *рвш.* Уят, ор-номус ҳақида ўйламасдан; уят-андишага бормай. *Тўйдан бир кун бурун қизни ҳаммомга олиб боришларига бало борми, уялиб-нетишмайди ҳам. К. Яшин, Ҳамза. Уялмай-нетмай, Маҳмуд номига хутба ўқитайлик, дейди-я! М. Осим, Карвон йўлларида.*

**УЯЛМОҚ** Уят-андиша ҳис-сезгисини туймоқ. *Эр йигитнинг уялгани — ўлгани.*

Мақол. ■ *Ортиқ бир сўз деёлмадим Андишалик бу ишдан. Лекин отда уялмадим «Хайр, жоним» дейишдан. Т. Тўла. -Дилор, ўртоғинг қаерга тушган? — Дилора ҳам бўйига етиб қолган қиз эди, бўласига тик қарашдан уялдим, гўзалар ичидан туриб: -Уйида, — деди. М. Исмоилий, Фарғона т. о.*

**УЯТ I** Ўз қилмиши, ноўрин хатти-ҳаракатидан хижолатлик ҳисси; номус. *Бетамизда бет бўлмас, Безорида уят бўлмас. Мақол.* ■ *Кўнглида уйғонган қўрқувми, уятми — алақандай тушуниб бўлмас бир туйғудан ранги ўчиб кетганини ўзи ҳам сезиб, Анварга зимдан қараб қўйди. Ў. Ҳошимов, Қалбингга кулоқ сол. [Йўлчи:] Андак инсоф, уят керак. Чолнинг меҳнатда чириган кўксига бизини санчаверманг! Ойбек, Танланган асарлар. Уятни йиғиштириб қўйиб, Замираларниқига телефон қилди. Ў. Умарбеков, Ёз ёмғири.*

**2** Ахлоқ-одоб, таомил талабига тўғри келмайдиган, унга зид иш, хатти-ҳаракат ва ш.к. *Санам хола ишқ-муҳаббатни қаттиқ уят ҳисоблар эди. П. Қодиров, Қора кўзлар. Ё ўелинг сартарош бўлса, уяласанми? Дунёда гарлик уят, ўғирлик уят! Э. Раимов, Ажаб қишлоқ.*

**3** Уят бўладиган, уятли. *Ўтган хотинга гап ташлайди, уят гапларни гапиради. Чўлпон, Кеча ва кундуз. Ҳисобчи уят сўз айтиб, оёғини кўтарди-ю, тепмади. С. Сиёев, Ёруғлик.*

**4** Уятли иш, хатти-ҳаракат, ҳолат кабиларни алоҳида таъкидлаш, қайд этиш учун қўлланади. *Дудуқланма, буйруқ бажарилдими, йўқми? Уят! И. Раҳим, Чин муҳаббат. Соқолингизда битта ҳам қора тук йўқ-ку, ёлгон гапирасиз, уят! Ойбек, Танланган асарлар.*

**УЯТЛИ** Киши уяладиган, кишини уялтирадиган; хижолатли. *Холмурод бу ҳақда эндигина шубҳа қилар, гўё бир уятли иш қилиб қўйгандай, ўз-ўзидан номусланар эди. М. Абдулла, Кутилмаган меҳмон. Болалар кетиб қолишибди.. жуда уятли иш бўлдику-а! Ў. Ҳошимов, Қалбингга кулоқ сол.*

**2** Уят бўладиган, уят мазмунли. *Қори Зоҳид [ўзининг] қозикалан ўғли билан бошидан ўтказган ҳодисаларни уятли таъбирлар билан ёзиб қўйган экан. С. Айний, Эсдаликлар. Уткинчиларга уятли гаплар айта бош-*

лади, ҳатто бир хотинга ҳужум қилди. А. Қаҳҳор, Сароб.

**Уятли бўлмоқ** Уятли, хижолатли ҳолатда қолмоқ. *Биз сиздан жуда ҳам уятли бўлдик, почча.* А. Қодирий, Обид кетмон. **Уятли қилмоқ** Уятли, хижолатли ҳолга қўймоқ. *Қўйинг, бобо, ўзимиз ечиб минармиз, бизни уятли қилманг.* «Эрали ва Шерали».

**УЯТМОҚ** с.т. Уялмоқ.

**УЯТСИЗ 1** Уят-номуси йўқ; номуссиз, шарманда. *Қандай даҳшат! Беномус, уятсиз хотин.* Ҳ. Умарбеков, Ёз ёмғири.

**2** Ахлоқ-одобга тўғри келмайдиган. *Уятсиз хатти-ҳаракатлар.* *Уятсиз гап.*

**3** Шундай шахсларга нисбатан ҳақорат сўзи сифатида қўлланади (қ. **УЯТСИЗ 1**). *«Номард! — деб ўйлади Чарос аламдан қақшаб, — атайлаб таъна қилгани келибсан-да, уятсиз!»* Ҳ. Ҳошимов, Қалбингга кулоқ сол.

**УЯТСИЗЛИК** Уятсизга хос хатти-ҳаракат, хислат. *Бу хурлик, бу одатдан ташқари уятсизлик бечора қутидорни жуда эзган.. эди.* А. Қодирий, Ўтган кунлар. *Мирзакаримбойнинг уятсизлиги, دادасининг нодонлиги.. ва ҳоказони ҳикоя қиларди [Гулнор].* Ойбек, Танланган асарлар.

**УЯТЧАН** Уят-номус ҳис-туйғуси кучли; тортинчоқ. *Неъматжон хуштабиатли, уятчан бир йигит бўлиб, одамлар билан ҳам жуда одобли, бир маромда сўзлашарди.* Ж. Шарипов, Саодат. *Бировга ишқингиз тушса, қиз боладан беш баттар уятчан бўлиб қолар экансиз.* П. Турсун, Ўқитувчи.

**УЯТЧАНЛИК** Уятчан эканлик, уялиш ҳис-туйғуси кучлилиқ. *Қизнинг кўрқоқлигидан, уятчанлигидан фойдаланиб, уларни зўр билан ажратиб, қизни тутиб, бошқа кишига берсалар, оқибати ёмон бўлади.* С. Айний, Эдаликлар. *-Раҳмат! — деди, кейин шу сўзнинг ўзини уятчанлик билан секин такрорлади.* А. Мухтор, Опа-сингиллар.

**УҚА** Безак учун газмол буюмлар, кийимкечак ва ш.к. нарсалар четига тикиб, қалаб қўйиладиган узун энсиз мато. *Ислоҳ барлос қаҳрли кўзларини юқорига — ипак чодирнинг кўркам уқаларига, ранг-баранг ипак шокиллари осилиб тураан шинга тикди.* Ойбек, Навоий. *Очиқ деразадан кирган баҳор шамоли деразанинг, учига уқа тутилган сурп пардасини силкитди.* С. Аҳмад, Ҳукм. *Зарбоф тўни ёқасига заррин уқа тутилган барваста*

*эшик оғаси кириб, таъзим қилди.* Х. Султонов, *Бир оқшом эртаги.*

**УҚАЛАМОҚ 1** Баданни ёки унинг бирор қисмини босиб силамоқ, эзгиламоқ, ишқаламоқ. *Анорхон кечаси билан кампирнинг бошларини уқалаб, хўрозларнинг товушларини тинглаб чиқди.* И. Раҳим, Ихлос. *Афғон чойфуруш қорнини тўйғазиб бўлиб, дарров оёқларини чўзди, тиззаларини уқалаб, гапга тушди.* А. Мухтор, Опа-сингиллар. *Саид кўзини йиртиб, қовоқларини уқалаб, уйқусини қочирди.* Й. Муқимов, Олов ва ниҳоллар.

**2** Ишқаб кўчирмоқ. *Терговчи ўйлашиб қолди ва зўр бериб пешонасининг кирини уқалар эди.* А. Қаҳҳор, Сароб. *Ашур кийимларига ёпишиб қуриб қолган лойни уқалаб туширяпти.* П. Қодиров, Уч илдиш.

**3** Ишқаб, доналарни сўта, пўст ва ш.к. дан кўчириб туширмоқ, ажратмоқ, тозаламоқ. *Кунгабоқарни уқаламоқ.* ■ *Жўхори ни амакимнинг ўғли учдан бирга қайириб, уқалаб, келтириб берди.* Ф. Фулом, Тирилган мурда. *Қози ниёлани олдиға қўйди-да, сўйилган анордан катта бир бўласини олиб, йирик қизил доналарини кафтига уқалай бошлади.* М. Исмоилий, Фарғона т. о.

**УҚМОҚ 1** Мазмунини ўзлаштирмоқ, билиб етмоқ; англамоқ, тушунмоқ. *Гапни гапир уққанга, жонни жонга суққанга.* Мақол. ■ *Қассоб бошини тез-тез ирғаб, уқиб олганини ишора қилди.* П. Турсун, Ўқитувчи. *[Қоидаларни] Роса ўқиб, ёдлаб ол, Уқиб, дилга жойлаб ол.* Қ. Муҳаммадий.

**2** Пайқаб олмоқ, ҳис қилмоқ, сезмоқ. *Олимов бошқа болаларнинг ҳам ҳайрат билан боққан кўзларида шундай саволни уққан эди.* Ҳ. Назир, Сўнмас чақмоқлар. *Қиз-жу-вонларнинг кўзларидан фақат қишлоқ одамларига хос соддалик ва теранликни уқийш мумкин.* Э. Усмонов, Ёлқин.

**УҚТИРИШ 1** Уқтирмоқ фл. ҳар. н. *Сен сахро боласига сўзни уқтириш ҳам қийин.* Ойбек, Танланган асарлар.

**2:** **уқтириш хати** Ёзма шарҳ, изоҳ.

**УҚУБАТ** [а. عقوبت — жазо; таъзир; ўч, қасос; жарима] Руҳий ёки жисмоний азоб, қийноқ, жафо. *Фуломжон бу кекса дунёда жуда кам яшаган бўлса ҳам, бошидан жуда кўп уқубатлар кечирди.* М. Исмоилий, Фарғона т. о. *Э парвардигорим.. боламни ўз паноҳингда асра, қолган умримни уқубатга ташлама!* Мирмуҳсин, Меъмор.

**УҚУБАТЛИ** Азоб ва қийноқли, машаққатли. *Уқубатли меҳнат. Уқубатли ҳаёт.* ■ Қасос йўли! Оҳ, бу уқубатли ва мардона йўл. Ш. Тошматов, Эрк қуши. *Бу ҳид Шахнозани ғалати, ҳам ширин, ҳам уқубатли бир аҳволга солиб кетди.* С. Зуннунова, Гўдак ҳиди.

**УҚУВ 1** Кишининг бирор нарсани тушуниб, билиб олиш хусусияти; дид, фаҳм, фаросат. *Ҳар ишга уқув керак.* ■ Маҳмуда уқуви зўрлиги, саводлилиги ва уddaбуролиги туфайли ҳар қандай янгликни тез ўзлаштириб олади. Газетадан. *Ҳаваси келарди-ю, шунга маҳорати, кучи, уқуви етадими-йўқми, ўйлаб кўрмас эди.* Шухрат, Шинелли йиллар. *Эрматжон билан Иномжон ремонтга киришган бўлса ҳам, баъзи жойларига уқувлари етмай, мурватни бураб олишга олиб, жойига қўёлмай, унинг [Қўқонбойнинг] юрагига гўлгула сола бошлади.* Мирмуҳсин, Қизил дурралар.

**2** Уқиш-ўрганиш кучи, имконияти; истеъдод, қобилият. *Шеър яхши нарасаку-я, лекин уни ёзишга уқувимиз йўқ.* Ойдин, Суҳбатни жонон.

**УҚУВЛИ 1** Уқуви яхши; дид-фаросатли. *Уқувли қиз.* ■ -Солдат уқувли, эпчил, ботир бўлмағи лозим, — деди генерал. Ойбек, Қуёш қораймас. *Дастурхон безашда бунақа уқувлисини учратмаган эдим.* И. Ўктамов, Ҳикоялар.

**2** Лаёқатли, истеъдодли. *Уқувли, тажрибали кишилар.*

**УҚУВСИЗ 1** Уқуви яхши эмас, диди паст. *Содда кун кечирिशга ўрганган уқувсиз бир қишлоқи аёл нима ҳам қила олади?* П. Турсун, Ўқитувчи. *Қишлоққа келадиган кўчма кинонинг уқувсиз механиклари узиб ташлаган ямоқ ленталардан йиғиб, олақуроқ «кинофильм» қилган эди.* С. Аҳмад, Чўл шамоллари.

**2** Таланти, истеъдоди йўқ. *Буларнинг ҳаммаси уқувсиз ёш артистлар томонидан биринчи мартаба биринчи репетицияда бажарилган ролдай ясама чиқди.* А. Қаҳҳор, Сароб.

**УҒОН** эск. дин. Худо, олло, тангри. *Тўғонбек салмоқланиб деди: -Маблагни сўзсиз берганларга, уғоним гувоҳ, тилимни қимирлатмадим.* Ойбек, Танланган асарлар.

**УҒ** унд.с. Чарчаш, бўғилиш каби руҳий-жисмоний ҳис-туйғуларни ифода этади. [Марям:] *Уҳ! Жуда қийин ҳолда қолдим-да!* Ҳамза, Ким ўғри? -*Уҳ, бу Говнинг қилаётган найранги!* — деди-да, Абдурасул тоқчага суяб қўйилган қўшотарни қўлига олди. П. Турсун, Ўқитувчи.

**УҒ** тортмоқ айн. уҳламоқ. У [Қобил] ғамгин ва хаёлчан гапириб, ҳикояси давомида неча-неча марта уҳ тортди. Ш. Рашидов, Бўрондан кучли.

**УҒДА** [а. *وعد* — масъулият, жавобгарлик; кафиллик] айн. удда. *Аммо тўрт юз жаллоднинг қаршисига чиққан бир кишининг уҳдаси, албатта, бир кишича эди.* А. Қодирӣ, Утган кунлар.

**УҒЛАМОҚ** «Уҳ» демоқ, уҳ тортмоқ.



**ФА** [лот. fa] Диатоник (ўзгарувчан тонли) товушқаторнинг тўртинчи погонаси; асосий етти погонали товушқаторнинг тўртинчи товуши. *Нота йўлининг биринчи ва иккинчи чизиқлари орасига ёзилган товуш фа дир.* И. Акбаров, Музыка саводи.

**ФАБРИКА** [лот. fabrica – устакхона] Машина-ускуналардан фойдаланиш асосида хомашёдан маҳсулот ишлаб чиқарадиган энгил саноат корхонаси. *Пойабзал фабрикаси. Тикувчилик фабрикаси. Бадиий буюмлар фабрикаси.* ■ *Темуржон боғчага борадиган бўлгандан кейингина, тикув фабрикасига қатнай бошлади.* Ж. Абдуллахонов, Орият.

**ФАБРИКАНТ** Катта фабрика эгаси, фабрикачи. *Улар ҳаяжонли нутқларида фабрикентларнинг кирдикорларини фош этишди.* Ойбек, Нур қидириб.

**ФАБРИКАТ** [лот. fabricatus – тайёрланган, ишлаб чиқарилган] Ишлаб чиқариш, қайта ишлаш саноатининг истеъмол учун мўлжалланган тайёр маҳсулоти; фабрикада ишлаб чиқарилган тайёр буюм. *Тўқимачилик фабрикатлари. Фабрикатлар сотмоқ.*

**Ярим фабрикат қ. яримфабрикат.** *Ҳалима холанинг ҳавасини келтирган.. бу ярим фабрикат маҳсулотлар магазини қаерда дейсизми? «Саодат».*

**ФАБРИКАЧИ** эск. айн. **фабрикант.** *..фабрикачилардан фабрикаларни, заводчилардан заводларни тортиб олиб, халққа бер, дейди.* Чўлпон, Кеча ва кундуз.

**ФАБУЛА** [лот. fabula – ҳикоя қилиш, айтиб бериш; тарих; масал] *ад.* Бадиий асарда

тасвирланган воқеа-ҳодисаларнинг баёни, уларнинг ўзаро боғлиқ бўлган сюжет тизими. *Масхарабозларнинг ҳикоялари, бир томондан, қизиқарли фабуласи.. билан, иккинчи томондан, ижро этилиши билан кишиларни ўзига тортган.* М. Қодиров, Ўзбек халқ оғзаки драмаси.

**ФАВВОРА** [а. فواره – қайнаб тошган, кўпирган нарса, фонтан] *кт.* **1** Кучли (табий ёки сунъий) босим билан юқорига отилиб турадиган газ, нефть, сув, суюқлик.

**2** Сувни ана шундай ҳаракатга келтирувчи қурилма, иншоот; фонтан. *Икки квартал наридаги кенг хиёбон жуда ўтиришли жой: ўртаси гулзор, кичкина фаввораси бор.* Ф. Мусажонов, Ҳиммат.

**Фаввора урмоқ** *қўчма* Жўш урмоқ, авжига чиқмоқ. *Адолат чашмаси фаввора урди, Хиёнат балчиғин ҳар ёнга сурди.* Ҳабибий. *Ҳадемай тўй қарвони йигит уйи томон йўл олди. Қарвон ўтган кўчаларда тўй шодиёнаси фаввора уриб борди.* М. Исмоилий, Одамийлик қиссаси.

**ФАВТ** [а. فوت – кетиш, жўнаш; ўтиш] *эск.* Ўлиш, дунёдан ўтиш. *Фавтимдан сўнг халойиқ не деб мазаммат қилур? «Ёшлик».*

**ФАВҚУЛОДДА** [а. فوقالعاده – одатдан ташқари] **1** Ниҳоят кам учрайдиган; бошқаларга ўхшамаган; қутилмаганда юз берган; тасодифий. *Фавқулודда ҳодиса.* ■ *Отнинг қавш қайтариши фавқулудда ерда, фавқулудда вақтда кечади.* Т. Мурод, От кишнаган оқшом. *Замиранинг Муҳаммаджонга унаштирилгани ҳали ҳам одамларга фавқулудда бир янгилик бўлиб кўринарди.* П. Қодиров, Уч илди.

2 Одатдан ташқари; кам дуч келинадиган, камёб. *Тиктепа қишлоғининг гузарида мулла Обиднинг қўлидаги фавқулодда кетмонни кўрган ҳар ким кулади. А. Қодирий, Обид кетмон. Ойбек фавқулодда серқирра истеъдод соҳиби эди. Газетадан.*

3 *рви.* Ғоят даражада, ҳалдан ташқари; ғоят, жуда. *Шералининг назарида, бугун ҳамма нарса фавқулодда сўлим, қушларнинг нағмаси эса жозибалироқ эди. С. Кароматов, Олтин қум. Никоҳ тўйи фавқулодда суронли ва тантанали бўлди. Ойбек, Танланган асарлар.*

4 Махсус шароит талаби билан белгиладиган, содир бўладиган; навбатдан ташқари. *Фавқулодда мажлис. Фавқулодда ва мухтор элчи. ■ Бу ҳодисалар саройда фавқулодда чора-тадбирлар кўришни тақозо этди. Мирмуҳсин, Меъмор*

**ФАГОЦИТ** [юн. phagos — ебтўймас, очкўз + kytos — ҳужайра] *биол.* Одам ва ҳайвонлар организмда ёт жисм ва бактерияларни тутиб олиш ва ҳазм қилиш хусусиятига эга бўлган ҳужайра.

**ФАЖЕ** [а. فجع — фожияли, ҳалокатли] *кт. айн. фожи(ъ).* *Ғаже аҳвол. Ғаже воқеа. ■ Яқин тарихнинг ўзиёқ унинг [Навоийнинг] кўзига ғаже манзараларни беҳисоб қаторлаштиради. Ойбек, Навоий.*

**ФАЗА** [юн. phasis — намоён бўлиш, пайдо бўлиш] **1** Табиат ёки жамиятдаги бирор воқеа-ҳодиса, жараён ва ш. к. нинг ривожланишидаги муайян пайт, муддат, давр. *Ғўзанинг шоналаш фазаси. ■ Бу мақолада биз асосан гул ва ҳосил тугунчалари, унинг ривожланиш фазалари ҳақида фикр юритмоқчимиз. Газетадан.*

**2** *махс.* Бирор нарсанинг шакли, ҳолати ёки ҳаракати ўзгаришидаги маълум ҳал қилувчи пайт, давр. *Маятникнинг тебраниш фазаси. ■ Галилей дунёда биринчи бўлиб телескоп ясади-да, унинг ёрдамида Венера фазаларини кузатишга муваффақ бўлди. «Фан ва турмуш».*

**3** *эл.* Генератор ўрамасининг айрим гуруҳи, шунингдек, унга уланган электр симлар.

**ФАЗИЛАТ** [а. فضيلت — афзаллик, ижобий хислат; эзгу иш] **1** Ижобий хислат, яхши хулқ ёки хусусият. *Ҳалоллик энг яхши фазилатдир. ■ Мехр-оқибат ва садоқат истасанг, ўзинг ҳам шу фазилатларнинг эга-*

*си бўл. Газетадан. Самимийлик қизларнинг келажак ҳаётларида энг зарур фазилатдир. «Саодат».*

**2** Афзаллик, устунлик. *Бу ерларнинг ўз фазилати, ўз кўрки бор. Газетадан. Ҳар фаслнинг ўз хислати бор, Ҳар фаслнинг — ўз фазилати. Уйғун.*

**2** Фазилат (хотин-қизлар исми).

**ФАЗИЛАТЛИ** Яхши, ижобий хислатга эга бўлган, яхши хулқ, характер соҳиби. *Фазилатли одам. ■ Гап камтарлик ҳақида борар экан, кўз ўнгимизда ажойиб фазилатли кишилар, шу билан бирга, гердайган, мағрур, калондимоғ баъзи кимсалар жонланади. Газетадан.*

**ФАЗИҲАТ** [а. فضيحت — уят, номус; расволик, шармандалик] *эск.* Обрўсизлик, расволик, шармандалик. *Хомуш ўлтур, Муаззам, суҳбати аҳли тамиз ичра, Фазихат бўлмагайсан, эл аро беҳуда кўп сўзлаб. «Ўзбек шоиралари».*

**ФАЗЛ** [а. فضل — қадр-қиммат; обрў, шараф] *кт.* Ижобий хислат, фазилат, афзаллик, устунлик. *Энг шарафли фазл эрур инсонга деб аҳлу вафо, Ҳар нафас меҳру муҳаббат айлаб изҳор ўлтирур. Ҳабибий, Девон.*

**Аҳли фазл** Яхши фазилат соҳиблари, фазилат аҳли. *Паҳлавон, Алишерга қараганда анча катта бўлса ҳам, аҳли фазл ўртасида ном чиқарган ёш шоирни катталардек ҳурмат қилар эди. М. Осим, Сеҳрли сўз. Фазлу карам* Яхшилик ва саховат, марҳамат. *Албатта, фазлу карам Оллоҳнинг қўлида, уни ўзи истган кишиларга берур. «Шарқ юлдузи».*

**ФАЗЛ-КАМОЛОТ, фазлу камолот** Ижобий хислат(лар) ва камолот, фазл ва етуклик, балоғат. *У ўз хўжасининг фазлу камолотини тақдирлаб, унга хизмат қилишни ўзи учун бир шараф деб ҳисоблар эди. Ойбек, Навоий.*

**ФАЗО** [а. فضاء — очиқ кенг майдон; коинот] **1** *айн. макон 1.* *Нисбийлик назарияси — материя мавжуд бўладиган фазо ва вақт назариясидир. «Фан ва турмуш».*

**2** Ҳамма томонга чексиз йўналган бўшлиқ; осмон; коинот. *Жисмнинг фазодаги ҳаракати. ■ Дейдилар, фазонинг чегараси йўқ, Миллиард юлдузларнинг сўнги ҳам фазо. А. Орипов, Юртим шамоли.*

**3** *кўчма* Оғуш, қучоқ. *Хотини отланиб уйдан чиқиб кетач, у аста хўрсинди-да, чексиз*

хаёл фазосига парвоз қилди. О. Мўминов, Хиббондаги уч учрашув.

**ФАЗОВИЙ** [a. فضاوى – фазога, коинотга оид] Чексиз бўшлиққа, коинотга дахлдор, тегишли. *Олимлар, карта – дунёнинг фазовий, тасвирий образидир, деб таъриф беришган.* «Фан ва турмуш».

**ФАЗОГИР** [a. + ф. فضاگیر – фазони эгалловчи] *кт.* Фазони забт этувчи; космонавт. *Тонг билан Ер янги фазогирини ўзга сайёралар сари учирар.* А. Исроилов, Биз – дунё одамлари. *Йўлга чиқар бу кун фазогири, Сомончининг йўли пойандоз.* Э. Воҳидов, Муҳаббатнома.

**ФАЗОГИРЛИК** Коинотни забт этиш маҳорати, касби, хунари. *Биз унинг [Гагариннинг] фазогирилига қойил қолиб, мактабни унинг номи билан атадик.* Газетадан.

**ФАЗОКОР** *айн.* фазогири. *Унинг фазокор ўғли Ер атрофида айланаркан, шу азамат чинорга бир он бўлса ҳам кўз ташлар.* А. Мухтор, Чинор. *Мактаб йўли, дўстлар, фазокор парвозидан кам эмас зарра.* А. Орипов, Йиллар армони.

**ФАЗОМЕТР** [юн. phasis – пайдо бўлиш + юн. metreo – ўлчайман] *физ.* Ўзгарувчан ток қурилмаларида фазаларнинг силжиш бурчагини, яъни занжирдаги ток билан кучланиш фазалари ўртасидаги фарқни ўлчайдиган асбоб. *Электрон фазометрлар билан ўлчаш электрон-механик фазометрлар билан ўлचाшидагидан аниқроқ чиқади.* «ЎЗМЭ».

**ФАЗОТРОН** [юн. phasis – пайдо бўлиш + (элек)трон] *физ.* Зарядланган огир заррачаларнинг ҳаракатини тезлаштирувчи мослама, атом ядросини текширишда қўлланади. *...фазотроннинг параметрлари ўзининг бошланғич қийматларига қайтади ҳамда тезлатишнинг янги цикли бошланади.* «ЎЗМЭ».

**ФАЙЗ** [a. فيض – тўкилиш, ёйилиш; мўлкўлчилик; саховат, мурувват] **1** Ўзига жалб қилишлик, қувонч бахш этувчи жозибадорлик. *Сўхбатга файз кирди. Базмнинг файзи кетди.* ■ *Оромбахш «Чўли ироқ» полизнинг сеҳрли оқшомига яна ҳам файз киритди.* Н. Фозилов, Дийдор. *Шу пайт электр чироқлари ёқилди, ҳовлига файз устига файз кўшилди.* Газетадан.

**2** *кўчма* Барака, мўллик. *Файз ёғилди Ўзбекистонга, Бу дилрабо боғу бўстонга.* Х. Расул. *Бахт нашъаси. Фарғонанинг хусни кел-*

*ди сахрога, Пахта экдим, файз келди, инжу келди.* Т. Тўла, Оромижон.

**ФАЙЗБАХШ** [файз + ф. بخش – бағишловчи] *кт.* Лутфу карам, қут-барака бахш этувчи, инъом-эҳсон берувчи.

**ФАЙЗИЁБ** [файз + ф. ياب – топувчи] *кт.* **1** Ўта тароватли, мафтункор, кўркам, серфайз. *Боғлар нурдан файзиёб бўлди.* Х. Фулом. *Ёмғир савалаган сайин чанг-ғуборли атроф-жавониб мусаффолашмоқда, файзиёб бўлмоқда эди.* «Ёшлик».

**2** Баҳраманд. *Бепоеън мамлакатимизда.. ҳаёт неъматларидан ҳамма файзиёб.* Газетадан. *То ҳаёт эканмиз – савобга зормиз, Йилт этган шуъладан диллар файзиёб.* А. Орипов, Йиллар армони.

**ФАЙЗЛИ** Ўзига жалб қиладиган; жозибадор, истараси иссиқ; кўркам. *Файзли боғ. Файзли одам. Файзли сўхбат.* ■ *Шаҳримиз қиёфаси кечқурун янада файзли бўлади.* Газетадан. *Балки менинг онам ҳам Мўтабархоннинг онасига ўхшаб ширинсўз, минг марта айланиб-ўргилиб, гиргиттон бўладиган файзли аёлмиди?* М. Алиев, Шонли авлод.

**ФАЙЗСИЗ** Ёқимсиз таассурот қолдирадиган, жозибасиз, хунук, бефайз. *Файзсиз одам. Файзсиз сўхбат. Файзсиз кўча.* ■ *Эркаксиз уй файзсиз, кўрксиз кўринади кўзга. Фарзанд учун эса ота бир тоғдай.* М. Алавия, Болаларимнинг отаси. *Деворнинг қулаган жойидан олмazor ҳовли рўясси бирданига файзсиз, хунук бўлиб кўринди.* Э. Усмонов, Ёлқин.

**ФАЙЗ-ТАРОВАТ** Кўркамлик, ҳусн; гўзал кўриниш. *Узоқ умр кўриб, бахт-саодатли яшаган кексаларимиз фаровон ҳаётимизга файз-тароват бағишлаб туришибди.* Газетадан. *Нуроний оналаримизу отахонларимиз яшаётган уйларнинг ўзига хос файз-таровати бор.* Газетадан.

**ФАЙЗ-ФУТУР:** *файз-футур кетмоқ айн. футур кетмоқ қ. футур.* *Навоий кетди – Ҳиротдан файз-футур кетди.* Ойбек, Навоий.

**ФАЙЗ-ҲАЛОВАТ** [файз + ҳаловат] Жозоба, осойишталик, кўркамлик ва тинчлик. *Аёллар бор жойда файз-ҳаловат бор..* «Ёшлик».

**ФАЙЛ** [ингл. file – қоғозлар тикмаси, картотека] *тех.* Компьютер хотирасида алоҳида ном (сарлавҳа) остида сақланадиган, бошқа алоҳида номдаги ҳужжатларни (матн-

ларни) қабул қилмайдиган ҳужжат ёки ҳужжатлар мажмуи.

**ФАЙЛАСУФ** [a. فيلسوف < юн. philosophos – доноликни севувчи] **1** Фалсафа илми, дунёқараш муаммолари билан шуғулланувчи олим, мутахассис. *Шарқнинг машҳур файласуфлари.* ■ *Файласуф ҳақиқатга ошиқ кишидир. Шунга кура, ҳар бир ҳақиқатталаб одам маълум даражада файласуфдир.* «Оз-оз ўрганиб доно бўлур». *Файласуфларнинг оқил гаплари бор. Ўзгартиришининг иложи бўлмаган нарсага куникмоқ керак, дейишади.* «Ёшлик».

**2** с. т. Донолар каби муҳокама юргизадиган; донишманд. -*Файласуф эканку-а?* – *Бозор Қудратов энгашиб, Рауфга шивирлади: -Сатторнинг гапларини қара-я!* «Ўзбекистон кўриқлари».

**ФАЙЛАСУФЛИК** **1** Фалсафа илми билан шуғулланиш.

**2** Файласуф сингари, файласуфнамо фикр юритиш. *Эрнинг бирдан файласуфлиги тугиб кетди.* С. Аҳмад, Сайланма. -*Сен бир харсангтошсан, сендан мен ажойиб ҳайкал ясайман, – деган эди бир куни файласуфлиги тугиб кетиб Жанна.* Мирмуҳсин, Умид.

**ФАЙЛАСУФНАМО** [файласуф + ф. نما – сингари, ўхшаш] с. т. Файласуфга ўхшаш, файласуф қиёфасидаги; файласуфлардек. *Файласуфнамо мулоҳаза юритмоқ.* ■ *Сухбатдошим нуроний бир чол – қувноқ, тетик, файласуфнамо.* С. Зуннунова.

**ФАЙТОН** эск. айн. **фойтун.** У [от] *гоҳ эгарланади, гоҳ ҳовлидаги фойтонга қўшилади.* Ҳ. Фулом, Машъал. *Ёқутой мактаби олдиға икки фойтон келиб тўхтади.* Ж. Шарипов, Хоразм.

**ФАЙТОНЧИ** эск. айн. **фойтунчи.** *Амирнинг фойтончиси.. чарчаган оқсоқ отнинг сағрисиға устма-уст қамчи сола берди.* С. Айний, Куллар.

**ФАКС** қ. **телефакс** **1, 2.** *Компьютер, факс, «уяли» телефон каби мўъжизалар ҳаётимизга нисбатан яқинда кириб келди.* Газетадан. *Вилоят почта бўлимларида 16 та компьютер.. 3 та факс аппаратлари ўрнатилган.* Газетадан.

**ФАКСИМИЛ** Айнан, аслидагилек акс эттирилган, факсимиледан иборат, факсимиле каби. *Факсимил телеграмма.* ■ *Бу китоблар орасида машҳур шоир ва таржимон*

*Сайфи Саройи асарларининг кўлёзма тўпламидан олинган факсимил нусха ҳам бор.* «ЎТА».

**ФАКСИМИЛЕ** [лот. fac simile – айнан шундай қил, бажар] **1** Фотонусха воситасида аслидек қилиб босилган кўлёзма, ҳужжат ва б. хил босма маҳсулотлар.

**2** Шахснинг ўз кўли билан кўйилган имзони айнан акс эттирувчи босма шакл; клише-муҳр.

**ФАКТ** [лот. factum – бажарилган, қилинган] **1** Ўйлаб топилмаган, уйдирма бўлмаган, реал, мавжуд нарса; ҳақиқий воқеа, ҳодиса. *Сухбатларни жонли, қизиқарли, турмушдаги фактларга суяниб ўтказиш керак.* Р. Файзий, Чўлга баҳор келди. *Ҳар қандай дадил фантазиянинг замирида ҳам ҳаётий тажриба, реал фактлар, манзаралар ётади.* У. Норматов, Талант тарбияси.

**2** Бор нарса, воқеа ёки ҳодиса ҳақида маълумот, далил. -*Ҳамма бўлган фактларни ёза бер.* П. Турсун, Ўқитувчи. *Энди у дангал фактларни рўпара қилишига қарор берди.* П. Турсун, Ўқитувчи.

**3** Бирор нарса ҳақида хулоса чиқариш, қатъий бир фикрга келиш учун хизмат қиладиган нарса, асос (мас., ҳужжат, далил, мисол). *Жиноят юзасидан йиғилган фактлар етарли эди.* ■ *Юридик аҳамиятга эга бўлган фактларни аниқлаш тўғрисидаги суд ишларини кўриб чиқиш практикаси муҳокама этилди.* Газетадан. *Шундан сўнг раис Низомиддиновга танбеҳ қилди: Конкрет фактларга ўтинг.* А. Қаҳҳор, Танланган асарлар.

**ФАКТИК** Аниқ далилга асосланган; шубҳа тугдирмайдиган, ҳақиқий ҳолат ифодаси бўлган. *Фактик материаллар. Фактик материаллар таҳлили.*

**ФАКТОР** [лот. factor – бажарувчи, ишлаб чиқувчи] қ. **омил** **1.** *Ҳал қилувчи фактор.* ■ *Бу факторлар ҳақиқий ёзувчини ҳам-касабаларидан ажратиш турадиган индивидуалликка олиб келади.* У. Норматов, Талант тарбияси. *Узоқ яшаш факторларидан бири тоза ҳаводир.* «Саодат».

**ФАКТУРА** [лот. factura – қайта ишлаш, тузатиш] **1** Харидорларга сотиш учун жўнатилган молларнинг рўйхати, миқдори ва нархи кўрсатилган ҳужжат. *Фактура билан мол бермоқ.* ■ *Қизиқиб фактурани талаб қилдим.* Газетадан. *Дорихона олиб, унда фактураси йўқ моллар сақлаб, уларни истаган нархда сотди.* Газетадан.



**2** Тасвирий санъатда: асар сиртининг иш-ланиш ёки тузилиш хусусияти. *XX аср санъатида фактурани мураккаблаштириш бўйича тажрибалар тарқади.* «ЎЗМЭ».

**ФАКУЛЬТАТИВ** [фр. facultative < лот. facultas, facultatis – имконият, мумкинлик] Мажбурий бўлмаган, ихтиёрий; ихтиёрий равишда танлаб олинадиган. *Факультатив курс. Факультатив семинар. Факультатив машғулотлар.* ■ *..бундай қўлланиш адабий тилда ва айрим шеваларда факультатив характерга эга.* «ЎТА».

**ФАКУЛЬТЕТ** [нем. Fakultät < лот. facultatis – қобилият, имконият] Олий ўқув юртининг маълум ихтисослик бўйича тегишли фанлар ўқитиладиган бўлими. *Филология факультети. Кимё факультети. Факультет ингилиши.* ■ *У Шерали учунгина эмас, бутун факультет, университет учун мўътабар ва ҳурматли киши.* С. Кароматов, Олтин қум.

**ФАКУЛЬТЕТЛАРА** Факультетлар ўртасида, орасида. *Факультетлараро спорт мусобақаси. Факультетлараро муносабат.*

**ФАЛАЖ** [а. فلاج – шол, паралич] тиб. Асаб системасининг ишдан чиқиши натижасида тана аъзоларидан бирортасининг тамоман ҳаракатсиз бўлиб қолишидан иборат касаллик; шол. *Оёқ фалажи. Фалаж бўлиб қолмоқ.* ■ *Шу (В.) дармондори етишмаслиги натижасида киши фалаж касалига йўлиқиши мумкин.* К. Маҳмудов, Ўзбек тансиқ таомлари. [Анорбиби] *Юрак фалажига йўлиққани маълум бўлиб, шу кун кечаси, ҳатто уч гўдаги тўғрисида бир оғиз васият қилолмай.. вафот этди.* А. Қодирий, Меҳробдан чаён.

**2** кўчма<sup>1</sup> Ишдан чиқиш, ҳаракатсиз бўлиб қолиш? *Асрлар ўтишига қарамай, бу ерда ҳаёт ҳали ҳам фалаж эди.* Ойбек, Навоий.

**ФАЛАЖЛАМОҚ** Фалаж, шол қилиб қўймоқ. *Алкоголь даставвал бош мия ҳужайраларига таъсир қилади, кейин уларни фалажлайди.* Газетадан.

**ФАЛАК** [а. فلك – осмон; осмон гумбази] **1** Ердан юқорига қараганда гумбаз, кубба шаклида бўлиб кўринадиган фазо бўшлиғи, осмон гумбази; осмон, кўк. *Яна чақмоқ чақди, яна фалак гумбуради.* Ҳ. Фулом, Замин юлдузлари. *Чингизхон от солиб келиб, Минори Калон тагида фалакка буй чўзган бу обидага маҳлиё бўлиб қолибди.* Мирмуҳсин, Меъмор.

**Осмони фалак с. т.** 1) жуда баланд, юксак. – *Сиз билан тўхтовсиз қилинган машатлар мени аввал осмони фалакка олиб чиқиб, кейин жарга улоқтирди, – деди Олим Эргашга.* Б. Раҳмонов, Қилмиш-қидирмиш. *Шу баробар олдинда чанг-тўзонни осмони фалакка чиқариб гирдоб кўтарилди.* М. Мансуров, Ёмби; 2) кўчма дабдалаби, баландпарвоз. *Ногоралар гумбури ва карнайлар садоси яна осмони фалакка чиқди.* О. Ёқубов, Кўҳна дунё.

**2** кўчма Тақдир, қисмат, кўргилик. *Мен ўзим бу фалакнинг дастидан нажот излайман, бегим.* П. Қодиров, Юлдузли тунлар. *Эй фалак, чархинг бузилсин, Кимларга хор этдинг мени.* Э. Усмонов, Ёлқин.

**Фалакнинг гардиши билан** Фавқулодда ҳолларда, гайриихтиёрий равишда, вазият талаби, бирор мажбурийат орқасида; тақдир тақозоси билан. *Бу гариб ва кимсасиз киши асли Сабзавор шахридан, фалакнинг гардиши билан Ҳиротга келиб қолган.* Мирмуҳсин, Меъмор. *Фалакнинг гардиши билан шу қишлоққа куёв бўлиб келди.* «Муштум». **Парвойи фалак** Юз бераётган воқеа ва ҳодисаларга бефарқ қаровчи; парво қилмайдиган, беғам. *Ғўзаларингиз чанқаб кетибди.. сиз бўлсангиз парвойи фалаксиз.* Ж. Абдуллахонов, Тонг ёришган соҳилда. *Ювош эса парвойи фалак; ҳеч нарса билан иши йўқ, доим хурсанд.* Э. Раимов, Ажаб қишлоқ. **Фигони фалакка чиқмоқ** (ёки ўрмаламоқ, кўтарилмоқ) Ҳаддан ташқари жаҳли чиқмоқ, асабийлашмоқ, бўғилмоқ. *Хайри богчадан ўғлини олгани кирганда, тарбиячининг фигони фалакка чиқиб турган эди.* С. Аҳмад, Қадрдон дала-лар. – *Падарига минг лаънат, шу ҳам кўп бўлдим, – саксон ёшлар атрофидаги ота-хоннинг фигони фалакка ўрмалади.* «Муштум».

**ФАЛАКАТ** с. т. айн. **фалокат 2.** *Ҳаракатда – баракат, ётиб еган фалакат.* Газетадан. *Дугонажон, эрга тегдик десак, куйган эканмиз. Қаердаги фалакатга теккан эканмиз.* «Гулихиромон».

**ФАЛАКИЁТ** [а. فلکیات – астрономия; астрономияга алоқадорлик] эск. тар. Астрономия ва табиий географиядан умумий маълумотлар берувчи, ўрта асрларда ривож топган фан; астрономия. *Абу Наср.. вақтни риёзиёт, ҳандаса, фалакиёт илмларини ўрганишга сарф этар эди.* М. Осим, Жайхун

устида булутлар. *Сўнгра устод Қозизода Румий онҳазратнинг илтимоси билан зарбоф матога ўралган қалин китобини очиб, риёзиёт илми ҳамда бу илмнинг фалакиётни ўрганишдаги ўрни тўғрисида баҳс юритди. О. Ёқубов, Улугбек хазинаси.*

**ФАЛАҚ** [a. فلق — тешик, ёриқ, дарз; ёғоч тўсин] эск. Ўтмишда эски мактабларда гуноҳкор ўқувчининг оёқлари илигига киришиб боғлаб жазолайдиган махсус тахтакач, тахта исканжа. *Биз домланинг қанча калтагини еб, фалақ азобларига чидаб, ўн йилда хат-саводли бўлган эдик. С. Айний, Дохунда.*

**Фалаққа тортмоқ (ёки осмоқ)** Айбдорнинг оёқларини фалақ тешигига киргизиб, боғлаб қўймоқ. [Домла] *Бўлар-бўлмасга фалаққа тортавериш, бола бечораларнинг юрагини олиб қўйган экан. Н. Сафаров, Кўрган-кечирганларим. . . домла беҳининг новдаси билан уради, мошга чўккалатади, фалаққа осади.. А. Қаҳҳор, Ўтмишдан эртактлар.*

**ФАЛЛОҲ** [a. فلاح — деҳқон, экинчи, зироатчи] Араб мамлакатларида ўтроқ деҳқоннинг номи. *Карбало даштига қўл узатиб у, Фаллоҳлар ҳолидан бўлди хабардор. Б. Бойқобилов, Мени кутинг, юлдузлар. Бу кўчаларда ўтар фаллоҳлару ҳаммоллар, Тоғчилар, қурувчилар, қаламкашлар, адиблар. Миртемир, Асарлар.*

**ФАЛОКАТ** [a. فلاكت — мусибат, бахтсизлик; мушкул аҳвол] 1 Одамлар ихтиёридан ташқари, кутилмаганда юз берадиган кўнгилсиз воқеа, ҳодиса; бахтсизлик; офат. *Фаросатсиз — фалокатега йўлиқар. Мақол. ■ Кумушбиби учун бу ҳол кутилмаган бир бахтсизлик, кутилмаган бир фалокат эди. А. Қодирий, Ўтган кунлар. Тоҳир ёмон бир фалокатни олдиндан сезгандай, юраги увушди. П. Қодиров, Бобур.*

**Фалокат оёқ остида** Офат, бахтсизлик кутилмаганда, қўққисдан юз бериши мумкин. -*Фалокат оёқ остида, деганлари ҳақ гап экан-да, — деди кимдир. Т. Рустамов, Мангу жасорат. Фалокат босиб* Гайриихтиёрий равишда; ўйламасдан, адашиб, билмай. *Бир кун фалокат босиб, меҳнат дарсида.. электр аррани синдириб қўйсақ бўладими? Э. Раимов, Ажаб қишлоқ. Фалокат босиб, эру хотин уришиб қолишиди. Охир бўлмади, ажралиб кетишиди. Газетадан.*

2 сўк. Ярамас; балбахт. [Бой:] *Ғофирни кўрдингми? [Холмат:] Боя шу ўртада ўра-*

*лашиб юрувди, фалокат! Бир зумда йўқолиб қолибди. Ҳамза, Бой ила хизматчи. .. Немис фалокат лотинчани ҳам, ўзбекчани ҳам билар экан. Ойбек, Қуёш қораймас.*

**ФАЛОКАТЗАДА** [a. + ф. فلاكت زاده — фалокат урган, бахтсиз] Фалокатга дучор бўлган, фалокат азобини чеккан. [Муҳаммад Паҳлавон] *Ҳозир тонг уйқуси элитган фалокатзада дўстининг сарғайган юзига қараб, унинг уйғонишини кутиб ўтирар эди. М. Осим, Сеҳрли сўз.*

**ФАЛОКАТЛИ** Хавфли, мудҳиш, бахтсизлик келтирувчи; хавф-хатарли. [Отабек] *Ўзининг очиқ кўзи, ўтқир зеҳни орқали бундай ўзбошимчалик орқасидан мудҳиш фалокатли манзаралар кўрар.. эди. А. Қодирий, Ўтган кунлар. Бу фалокатли ишни Йўлдош бошлади. Ф. Гулом, Шум бола.*

**ФАЛОКАТСИЗ** Хавф-хатарсиз; бешикаст; бирор қор-ҳол юз бермай, бахтсизликка учрамай. -*Айт хўжайинингга, нозик юкни фалокатсиз элтиб қўйдим, пулни мўлроқ чўзсин, — деди [Қора Аҳмад]. Ойбек, Танланган асарлар.*

**ФАЛОН** [a. فلان — шундай, шундай бир] гум. олм. 1 Нарса, шахс ёки воқеа-ҳодиса, улар ҳақидаги бирор хусусият, белгини аниқ билдирувчи сўзлар ўрнида ишлатилади. *Фалон киши. Фалон нарса. Фалон жой. Фалон сўм. Фалон вақт. ■ Фалон вақтда келаман деса, тамом, келмасдан қўймасди. Ў. Умарбеков, Чарос. Фалон ҳовлида бўйи етган қиз бор, деган гапни эшитиб, кўзимиз уйнар, лекин юзини кўрмасдик. П. Турсун, Ўқитувчи.*

**Фалон-писмадон (ёки фалон-пистон, фалон-тугун)** с. т. У-бу, ундай-бундай, анави-манави. *Фалон-пистон деб гапни чўзма. ■ Акам пақирнинг қорнини ёрсанг, алиф чиқмайди-ю, тагин фалону писмадон деганига куйайми! П. Турсун, Ўқитувчи.*

2 Бирор хусусият ёки ҳодисанинг, жараённинг миқдоран жуда ортиқлигини, юқори даражада эканлигини билдиради. *Энг ёмони — шаҳарда қовун этишмаётган экан, бир тилими фалон пул эмиш. Х. Тўхтабоев, Ширин қовунлар мамлақати. -Синиқчига оборишни ўзим ҳам биламан. У фалон пул сўрайди. С. Сиёев, Ёруғлик. Бозорда муштумдай жўжа фалон пул. Шухрат, Жаннат қидирганлар.*

3 Одоб-ахлоққа зид, айтиш уят ҳисобланган сўзлар ўрнида қўлланади. *Она билан қизни бир одамнинг фалон қилиши шарият юзасидан тузук эмас.* С. Айний, Қуллар. *Кампир, агар шунга тегмасанг — фалон, деб оғзига сўз олди, мени уйдан ҳайдаб чиқарди.* «Муштум».

**ФАЛОНЧА** с. т. Номаълум миқдорни ифодалайди; шунча, шу миқдорда. *Фалонча сўм. Фалонча китоб.* ■ *Хўш, фалонча таноб ер сеники, деди.* Ҳ. Шамс, Душман. *Шу билан бирга ердан олиннадиган ҳосилни «фалонча» деб чегаралаб ҳам бўлмайди.* Газетадан.

**ФАЛОНЧИ** гум. олам. Кимсани аниқ атамасдан, унинг исми ўрнида ишлатиладиган сўз. *Фалончи, ота-онаси бўлмаса ҳам, ўксимай ўсди, дейишади.* Ў. Ҳошимов, Қалбингга қулоқ сол. *Ёзганда ҳам, фалончини мақтайман, деган ўйим бўлмаган.* Жўнгина қилиб, ўзим уйлаган нарсаларни ёзганман. М. М. Дўст, Лойлазор.

**Кимсан — фалончи** 1) энг машҳур, юқори мартаба. *Ўшанда Ҳамза кимсан — фалончи бўлиб ном қозонади.* К. Яшин, Ҳамза. *Отанг кимсан — фалончи, онанг тиллага топиб бўлмайдиган Нафисахон бўлса, сендан бахтли қиз борми!* Мирмуҳсин, Умид; 2) юқори мансабли; бой, бадавлат. *Кимсан — терифуруш фалончи бой!* *Лекин кўрган одам ямоқчим, бўзчим, деб уйлар эди.* Ойбек, Танланган асарлар.

**ФАЛСАФА** [а. فلسفه < юн. philosophia < phileo — севаман + sophia — донишмандлик] 1 Табиат, жамият ва тафаккур тараққиётининг умумий қонуниятлари ҳақидаги фан; олам ва унда инсоннинг тутган ўрни ҳақидаги ғоялар, дунёқарашлар тизими. *Умар Хайёмнинг қисқа, лекин сермазмун байтларига сингдирилган ҳаёт фалсафаси буюк, ҳаёт ва дунёдаийн бепоён.* Газетадан. *Устоз Қориниёзий Шарқ ва Фарб фалсафаси тарихи, сиёсий иқтисод, адабиёт, санъат бобида ҳар қандай мутахассис билан баҳслаша оларди.* «Фан ва турмуш».

2 с. т. Эшитиб ўтириш ва мулоҳаза қилишга арзимайдиган, асоссиз, мавҳум фикр, мулоҳаза; қуруқ сафсата. *Бу одам «ҳаётнинг олға босувни мумкин эмаслигини исбот қилатурган» ўзининг фалсафаси билан Саидийни юпатар эди.* А. Қаҳҳор, Сароб. *Бу анави чол — Пулатжон домланинг гапи!* Бу-

нақа фалсафалар ўшандан чиқади! А. Қаҳҳор, Оғриқ тишлар.

**Фалсафа сотмоқ** (ёки сўқмоқ) Ўринсиз, фойдасиз, узоқ мулоҳаза юритмоқ, гапни чўзмоқ; сафсата сотмоқ. - *Фалсафа сотиш бас, — деб Ҳасаннинг сўзини кесди Фотима.* С. Айний, Қуллар.

2 Шахсий тажриба, фикр-ўй асосида юзага келган ишонч, эътиқод. *Жони бор одам қимирлаб туриши керак — унинг фалсафаси шу.* Ҳ. Фулом, Машғал. *Бу сўзлари билан у ўзининг содда фалсафасига яқун ясагандай бўлди.* С. Анорбоев, Оқсой.

**ФАЛСАФИЙ** [а. فلسفى] 1 Фалсафага оид (қ. **фалсафа** 1, 2). *Абу Али ибн Синонинг адабий ижодида унинг фалсафий, этик ва эстетик қарашлари ўз ифодасини топган.* Газетадан. *Одатда, назарий, фалсафий қоидаларни лўнда қилиб ечиб бериш жуда мушкул масала.* Х. Ёдгоров, Ҳаёт тўлқинлари.

2 Табиат ва жамият ҳақидаги теран дунёқарашни ўзида ифода этган. *Фалсафий роман. Фалсафий оқим. Фалсафий лирика.* ■ *Шу нарсани таъкидлаб ўтиш жоизки, фалсафий лириканинг фалсафа фанига дахлдорлиги нисбий характерга эга.* «ЎТА».

**ФАЛСАФИЙЛИК** Фалсафий мушоҳадаларга эгаллик. *Шеър руҳидаги чуқур фалсафийлик.. хусусиятларини биз Ойбекнинг шеъриятида ҳам кўрамиз.* «ЎТА».

**ФАЛЬСИФИКАТОР** Фальсификация, яъни сохталаштириш билан шугулланувчи, сохталаштирувчи. *Тарих фальсификаторлари.*

**ФАЛЬСИФИКАЦИЯ** [юн. falsificare — сохталаштирмоқ, қалбакилаштирмоқ] Чин, ҳақиқий воқеа ёки ҳодисани бузиб, бўяб кўрсатиш, сохталаштириш, қалбакилаштириш.

**ФАМИЛ** [р. фамильный — оилага алоқадор < лот. familia — хонадон, оила]: **фамил чой, фамилчой** с. т. Қора чой ва шундай чой солиб дамланган ичимлик. *..аччиқ фамил чойнинг иссиғи юзига тепгандек, нозик қирра бурнининг учи қизариб кетди.* С. Анорбоев, Оқсой. *Девзира гуручнинг палови фамил чойни хуш кўрмайди..* С. Аҳмад, Сайланма. *Ёғлиқ овқат, гўшт, жигар, сут, қаймоқ, юмшоқ нон ейиш мумкин эмаслигини, нон қоқиси еб, қуюқ фамилчой ичиш лозимлигини айтди.* М. Исмоилий, Фарғона т. о.

**ФАМИЛИЯ** [лот. familia — қуллар, тобелар; хонадон; меросий ном; авлод, оила]

Ота-она ёки бобо исмидан ясаиб, шахс исмига қўшиб айтиладиган, наслдан наслга ўтадиган оилавий ном. - *Икки кун ўтгандан кейин вестибюль деворини тўлдирган узундан-узоқ буйруқ — рўйхатда Шавкатнинг фамилияси ҳам чиқди. П. Қодиров, Уч илди. У фамилиясидан «хўжа»ни олиб ташлаган, домойига [уй дафтарига] «Тошхўжаев» эмас, «Тошев» деб ёзилган. А. Қодирый, Кичик асарлар.*

**ФАМИЛИЯДОШ** Фамилиялари ўхшаш, бир хил бўлган шахслар. *Қаранг-а, дадажон, сиз билан биз фақат фамилиядош эканмиз, холос. «Ёшлик».*

**ФАН** [а. فن — санъат, маҳорат; эркин касб; илм, билим; тармоқ] **1** Табиат ва жамиятнинг тараққиёт қонуниятларини очиб берувчи ҳамда ўзи эришган натижалар билан атроф муҳитга таъсир кўрсатувчи билимлар тизими. *Фан асослари. Фан ютуқлари. ■ Ҳар бир фаннинг ўзига хос сири ва сехрли томонлари бўлади. «Ёшлик». Фан тарихида қизиқарли ҳодисалар кўп учрайди. «Фан ва турмуш».*

**2** Шундай билимлар тизимининг алоҳида тармоғи, йўналишлари, соҳалари. *Аниқ фанлар. Ижтимоий фанлар. Табиий фанлар. Физика фани. Тилшунослик фани. ■ Биласизми, бўталогим, табиий фанлар даврининг зарурий эҳтиёжларидан вужудга келади. С. Кароматов, Олтин қум. Биология фани ҳам ниҳоятда ривож топиб кетди. Ж. Абдуллахонов, Орият.*

**ФАНАТИЗМ** [«фанатик» с. дан] **1** Ўз дини ва эътиқодига ортиқ даражада ёпишиб олиб, бошқа ҳар қандай қарашларни рад этиш, фанатикларча фикр юритиш ва ҳаракат қилиш; ўтакетган мутаассиблик, ҳоҳиллик. *Диний фанатизм. ■ Покистонда ижтимоий ва сиёсий жараёнлар орқасида халқнинг ўзи тобора секин-секин фанатизмдан воз кечмоқда. Ойбек, Нур қидириб.*

**2** Бирор ғоя, иш ёки машғулотга бутун вужуди билан берилиб кетиш, муккасидан кетганлик, ўта ишқибозлик.

**ФАНАТИК** [лот. fanaticus — асабийлашган; жазаваси тутган] **1** Ўзининг ўта диндорлиги, бошқа динлар, эътиқодларга тоқат қила олмаслиги билан ажралиб турувчи киши; ўтакетган мутаассиб.

**2** Бирор ғоя, иш ёки машғулотга бутун вужуди билан берилиб муккасидан кетган,

ўта ишқибоз одам. *Афанди доктор паришонхотир бўлгани билан ўз касбига пухта, медицинага фанатик ошиқ эди. Газетадан.*

**ФАНАТИК** сфм. Фанатизмга оид, ўтакетган мутаассиблик руҳи билан суғорилган. *Фанатик одам. Фанатик ҳаракат.*

**ФАНЕР** [нем. Furnier < фр. fournir — устма-уст қўймоқ, қопламоқ] **1** Юпқа қилиб текисланган ёғоч тахталарни устма-уст, қатлам-қатлам елимлаб ёпиштириб тайёрланган қурилиш материали. *Аҳмад шиддат билан фанердан ясалган кичкина дарчани тақиллатди. Ф. Мусаҷонов, Ҳиммат. Шу маҳал якка табақали фанер эшик очилиб, остонада шифтдай бўлиб, Тўрабек кўринди. М. Мансуров, Ёмби.*

**2** Мебелларнинг сиртини қоплаш учун ишлатиладиган юпқа тахта, пластинка. *Маҳкам стул суриб ўтирар экан.. бир четига сиёқ тўкилган, сирти фанер стол кўзига одатдагидан бошқачароқ кўриниб кетди. П. Қодиров, Уч илди.*

**ФАНЕРА** айн. **фанер**.

**ФАННИЙ** [а. فنى — бадий, ижодий; моҳирона] кт. Фанга, илмий асосларга таянган; илмий. *У ўзининг.. қалтис таваккал билан қўл урган хатарли фанний тажрибаларидан мамнун бўлур эди. А. Мухтор, Чинор.*

**ФАНО** [а. فناء — ўлим, ўлиш; йўқ бўлиш, ҳалокат] эск. кт. **1** Йўқ бўлиб кетиш, ўлиш. *Гарчи фано ҳар кимсага Азалий бир қисматдир. А. Орипов, Онажон.*

**Фано бўлмоқ (ёки топмоқ)** Ўлмоқ, вафот қилмоқ; йўқ бўлмоқ. *Юрт эгаси энди фано бўлибди, Ул сабабдан сендай жаллод келибди. «Ширин билан Шакар». Вақт, замон олий ҳакам, Бу кун фано топгай ғазал. Гар ғазал узра қуёшдек Сочмаса ёғду замон. Э. Воҳидов, Муҳаббатнома.*

**2** Ўзидан ва бутун борлиқдан кечиб, илоҳиётга сиғиниш. -*Умримни фақру фано йўлига бағишламоқ ниятидамен, — кўзларидаги ҳасратни учқунлантириб гапирди Ҳайдар. Ойбек, Навоий. Дунёнинг ҳой-ҳуйидан «этак ситаб», фақр ва фано йўлини тутсинми? Ойбек, Навоий.*

**ФАНОР** с.т. айн. **фонарь**. Тол шохига осиллик фанорни ёқсаммикин, ёқмасаммикин, деб ўйлади. Ҳ. Фулом, Машғал.

**ФАНТА** [«фантазия» с. дан] Цитрус ўсимликлар (лимон) мевасидан тайёрланадиган чанқовбосди ичимлик. *Раҳимжон уйдан бир*

шиша арақ, бир шиша «Фанта» ичимлиги, олма, бодринг олиб чиқди. Газетадан.

**ФАНТАЗИЯ** [юн. phantasia — хаёл, тасаввур] 1 Инсоннинг бирор нарсани ўйлаб чиқариш, тасаввур қилиш қобилияти; ижодий тасаввур, фараз. *Фантазияси кучли одам. ■ Деворий суратда фақат фантазияга таяниб иш кўриб бўлмайди. «Гулистон». Саргузашт — фантазия билан тирик, фольклор эса фантазия бобида ёзувчи учун бамисоли бир қанот. У. Норматов, Талант тарбияси. Шахмат ўйини фантазияни қўзғатади ва ўстиради. Газетадан.*

2 Амалга ошиши қийин бўлган ёки умуман амалга ошмайдиган, хомхаёл, пуч орзу. *Очил.. Маҳкамнинг ижод фантазиясига тушунмаганидан жилмаяр эди. П. Қодиров, Уч илдиз. Э, бунга ишонмайман, бу пуч хаёл, фантазия. Газетадан.*

3 мус. Эркин услубдаги енгил мусиқа асари. *Катта ва кичик формадаги энг яхши асарларнинг деярли ҳаммаси тингловчиларга ҳавола қилинмоқда.. М. Насимов ва бошқа композиторларнинг.. рапсодия ва фантазиялари шулар жумласидандир. Б. Зиёев, Ижод уфқлари.*

**ФАНТАСТ** [юн. phantastikos — хаёл, тасаввурга оид] Фантастик асарлар (бадий асар, сурат, фильм ва ш.к.) яратувчи ижодкор. *XIX асрда Францияда улуғ фантаст-ёзувчи Жюль Верн ўтган. «Фан ва турмуш». Ҳар бир фантаст адиб ўзининг ижодий қобилияти, фаннинг у ёки бу соҳасидаги билим доираси имкон берган даражада асар яратади. «Ёшлик».*

**ФАНТАСТИК 1** Фантазияга (қ. фантазия 1) асосланган; фантастикага оид; борлиқдаги воқеа ва ҳодисалар нотабий равишда, муболага билан тасвирланадиган. *Фантастик роман. Фантастик ҳикоя. ■ Эртактлар тўла сюжет компонентларига эга бўлиб, уларда воқеа-ҳодисалар фантастик либосда тасвирланади. «ЎТА».*

2 Амалда, ҳақиқатда бўлмайдиган, ўйлаб, тўқиб чиқарилган; уйдирма; хаёлий. *Фантастик воқеа.*

**ФАНТАСТИКА** [юн. phantastike — хаёл қилиш санъати, қобилияти] 1 Хаёлда, тасаввурда тугилган, ғаройиб, гайритабиий ҳодиса, образ ва ш. к. ҳамда уларнинг хаёлий тасвири. *Халқ эртактлари фантастикаси. ■ Адабиётшуносликда уни [фантастикани] ик-*

*кига — илмий фантастика ва бадий фантастикага бўлиб ўрганилади. «Фан ва турмуш».*

2 Шундай образлар тасвирланган бадий ижод тури, жанр (адабиёт, кино, тасвирий санъат). *Дарҳақиқат, ҳар қандай адабиёт ривожда фантастика жанри ҳам муҳим роль ўйнайди. «Ёшлик». Ўзбек.. адабиётида фантастиканинг жанр сифатида қарор топа бошлаганига ҳали кўп вақт бўлгани йўқ. «Фан ва турмуш».*

**ФАНФАРА** [итал. fanfara] мус. 1 Мисдан ясалган, пуфлаб чалинадиган мусиқа асбоби. *Фанфараларнинг овозлари, ноғора ва барабанларнинг товуши байрам бошланганидан дарак берди. Газетадан.*

2 Шундай чолғу асбоби ёрдамида байрам ёки парад бошланганидан хабар берадиган, тантанавор руҳда ижро этиладиган қисқа мусиқалий сигнал. *Спорт параднинг қатнашчилари фанфараларнинг садоси остида майсазорда саф тортдилар. Газетадан. Спартакиада байроғини кўтаришга чорловчи фанфаралар овози бутун майдонни янгради юборди. Газетадан.*

**ФАНШУНОСЛИК** Фанларнинг вазифаси, тарихий тараққиёт қонуниятларини, тузилиши, фаолият кўрсатувчи тузилмаларини, фаннинг жамият ҳаётида тутган ўрни ва ш.к. ни тадқиқ қилувчи илмий соҳа.

**ФАОЛ** [а. فعال — ҳаракат қилувчи; таъсирчан] 1 сфм. Бирор ғоявий ҳаракат ёки ишга ғайрат билан, астойдил киришадиган, ишчан. *Нормурод фаол бир колхозчи бўлса ҳам, соддагина бир одам, ундан ҳар сирни олиш мумкин. С. Айний, Қуллар. Муҳиддин Каримов ерларни обод қилишда фаол қатнашди. «Ўзбекистон кўриқлари». Бунинг сабаби шуки, фаол фикрлаш, ўйлаш мияга қон келишини кучайтиради. «Фан ва турмуш».*

2 от Бирор жамоанинг ижтимоий ҳаётида, фаолиятида астойдил, берилиб ишлайдиган шахс, жамоатчи. *Қишлоқ фаоллари катта тўйлардаги сингари гурс-гурс ер босиб елиб юришибди. Й. Шамшаров, Чироқ. Мулла Обид қишлоқ йиғинларига, фаоллар мажлисларига бормайди эмас, боради. А. Қодирий, Обид кетмон.*

3 Ҳаракатчан, кўп ҳаракат қиладиган. *Нутқнинг фаол аъзолари.*

**ФАОЛА** [а. فعال — фаол аёл] Ижтимоий-ташқилий ишларда ва меҳнатда берилиб иш-

лайдиган (қатнашадиган) аёл. *Норбуви деб аталувчи бу хотин — қишлоқнинг фаоласи, кўп йиллардан бери жамоат ишларида ишлайди..* Ҳ. Шамс, Душман.

**ФАОЛИЯТ** [a. فَعَالِيَةٌ — ҳаракатчанлик; таъсирчанлик; самарадорлик] **1** Бирор соҳада олиб бориладиган иш, машғулот, ҳаракат. *Ижодий фаолият. Сиёсий фаолият. Ижтимоий фаолият. Нутқий фаолият.* ■ *Шоир ўз ижодий фаолиятида янги дунё яратувчи кишилар тўғрисида куйлаб келди.* Н. Сафаров, Очерклар. *Бернора Қориева ўз фаолияти давомида жуда кўп қувончли, ҳаяжонли кунларни бошидан кечирди.* «Саодат».

**2** Шундай иш, ҳаракат жараёни. *Юракнинг фаолияти.* ■ *Организмнинг нормал ҳаёт фаолияти учун оқсил, ёғ, углеводлардан ташқари витаминлар ҳам зарур.* «Саодат». *Кўк чой киши руҳини тетик қилиб, иш фаолиятини яхшилайдди.* «Фан ва турмуш».

**ФАОЛИЯТСИЗ** Бирор ишга берилиб қатнашмайдиган, астойдил ишламайдиган; нофаол. *Фаолиятсиз ходим.* ■ *..магазин директори М. Носировнинг фаолиятсизлиги кўрсатиб ўтилди.* Газетадан.

**ФАОЛИЯТСИЗЛИК** Иш-ҳаракатда сустлик, берилиб ишламаслик, ҳаракатсизлик. *Фаолиятсизлиги учун танқид қилмоқ.*

**ФАОЛЛИК** Меҳнатда ёки бирор ҳаракатда, жараёнда жадаллик, жонбозлик кўрсатиш, ишчанлик; таъсирчанлик. *Ҳисобот кампанияси халқни оёққа турғизди, кенг омманинг фаоллигини ошириб юборди.* Ҳ. Носирова, Мен ўзбек қизиман.

**ФАР** с. т. Фара, ёритгич. *Троллейбуслар ёйларини бошларига олиб, уйқуга киришди. Кўчаларда машина фарлари порламай қолди.* И. Раҳим, Тинимсиз шаҳар.

**ФАРА** [фр. phare < юн. Pharos — қадимги Мисрда Искандария яқинидаги, жуда катта мағи билан машур булган Фарос ороли] Транспорт воситалари (автомобиль, локомотив, велосипед ва ш. к.)нинг олд қисмига ўрнатилган, қоронғида йўлни, иш бажарилаётган жойни ёритишга хизмат қиладиган электр фонарь. *Катта кўчадан келиб бурилган машина фарасидан тушган ёруғликдан Шералининг кўзи қамашди.* С. Кароматов, Олтин қум. *Соҳилдаги трактор фарасини ёқиб, унга қаратди.* С. Аҳмад, Уфқ.

**ФАРАЗ** [a. فَرَض — тахмин; мажбурият, бурч] Бирор нарса ёки масала юзасидан

олдиндан, тахминан чиқарилган ҳукм, ҳулоса; тахмин, тахминий мулоҳаза. *-Фан учун тажриба ва фараз, қиёс ва таҳлил жуда зарур, — деди профессор. А. Раҳмонов, Хурмат-эҳтиром. Олим илмий фаразлар олдига қул бўлиб қолмаслиги керак.* Ж. Абдуллаҳонов, Орият.

**Фараз қилмоқ** (ёки **этмоқ**) **1)** тахмин, гумон қилмоқ. *Йўлчи унинг тоғасининг қизи эканини фараз қилди.* Ойбек, Танланган асарлар. *Улар қизни йигит деб фараз қилишибди.* «Эртақлар»; **2)** ..деб ҳисобламоқ, билмоқ. *Элмурод бугунги машқни такрорлаш учун пулемётга ётар экан, генерал шошилмасликни таъкидлади: -Бизни бу ерда йўқ, деб фараз қилинг.* Шуҳрат, Шинелли йиллар. *Фараз қилинг, бу ерда яшар ошиқ йигит — хаёли осмон.* «Ёшлик».

**ФАРАЗАН** [a. فرضاً — тахминан, фараз тарзида] *рвш. кт.* Фаразга асосланиб, фараз қилиб; тахминан. *Фаразан, чигитлар кирсайди тилга, Дердилар: -Шоҳидмиз гарчи минг йилга, Сира топмагандик шунча эътибор!* М. Шайхзода, Чорак аср девони. *Тимсоҳнинг умрибдир фақат уч минг йил, Уч нафас яшайди фаразан пашша.* Шукрулло, Жавоҳирлар сандиги.

**ФАРАЗИЙ** [a. فرضى — тахминий, фаразга асосланган] *кт.* Фаразга асосланган, тахминий; хаёлий. *Ўзбекистоннинг келажаги бу — фаразий бир нарса эмас. Фақатгина орзу эмас, реал ҳақиқатдир.* Газетадан.

**ФАРАЗИЯ** [a. فرضيه — гипотеза, тахмин] *айн. фараз, гипотеза.*

**ФАРАНГ** [ф. فرنگ — европалик, Европага, Францияга алоқадор] *эск. 1 айн. француз.* *Фаранг тилига ҳам уста деб эшитаман.* К. Яшин, Ҳамза. *Ким фарангу, ким ҳабаш, Ирқ талаш, имон талаш.* Э. Воҳидов, Муҳаббатнома.

**2** Европалик, Европадан келган. У [Фулломжон] *комитет аъзолари билан маслаҳатлашиб, хуфтондан кейин ёнида тўртта фаранг йигит билан уста Баҳромниқига келди.* М. Исмоилий, Фарғона т. о.

**2 с.т.** Францияда, Европада тайёрланган; Франциядан, Европадан келтирилган. *-Кампирнинг дарди ғўзада дегандек, сиз ко-сибларнинг дардингиз мум, чарм, фаранг ипда, — деди кулиб ака Наврўз.* М. Осим, Элчилар. *Милтиқ босса, қистаб чиқар фаранг ўқ, Ўзингиздан ҳар вақт менинг кўнглим тўқ.* «Ҳасанхон».

**Фаранг милтиқ** (ёки **тўппонча**) эск. Пилки милтиқдан фарқланадиган, патрон билан ўқланадиган милтиқ. *Елкасида фаранг милтиқ таққан Ҳайдар мерган қўлида бургут кўндириб бормоқда эди.* М. Жўрабоев, М. Б. мартабаси. *Кумуш қуббалик қадалган сербар камарида.. Худоёрхон туҳфа қилган фаранг тўппонча осилиб турарди.* Мирмуҳсин, Қахрамоннома. **Фаранг рўмол** Ипак рўмолнинг юпқа, енгил ва товланиб турадиган бир тури. *Майна бошига ташлаб олган ҳарир фаранг рўмолининг икки учини тутиб, очик деразадан Ҳабиба хонимни кўрди.* Ш. Тошматов, Эрк қуши.

**3 кўчма** Ҳар бир иш қўлидан келадиган; моҳир, уста. *Устози — гаранг, шогирди — фаранг.* Мақол. ■ **Аҳлиямиз** [хотиним] ҳам уччига чиққан чевар, худога шукур. *Ожизамиз ҳам дўппи тикишига фаранг бўлиб чиқди.* Чўлпон, Кеча ва кундуз. *-Ҳа, Азизжон.. ўзинг ҳам фаранг жарроҳ бўпсан-да, — дейди Комил ака.* С. Азимов, Оппоқ тонг кўшиғи.

**Устаси фаранг** 1) ўз ишининг моҳири, устаси. *Собирбой, мулла Жуманиёзни яхши биламан, у устаси фаранг йигитлардан, уни алдаб бўпти.* Ж. Шарипов, Хоразм. *Дивизионда Шариповни «устаси фаранг» мўлжалчи, мерган тўпчи дейишади-я.* Т. Рустамов, Мангу жасорат; 2) кўчма салб. юлдузни бенарвон урадиган, олғир. *У ойга човут соладиган устаси фаранглардан.* «Муштум». -Саидов, *жудаям устаси фаранг бўлибсан-а!* — деб кулишди Иброҳимга. Т. Рустамов, Мангу жасорат.

**ФРАНГИ(Й)** [ф. *فرنگى* — Франция, Европага оид] Францияда (ёки Европада) ишлаб чиқарилган, тайёрланган ёки ўша ҳудудга мансуб (маҳсулот). *Франги соат.* *Франги товук.* *Франги ип.* ■ **Хуржун ортилган эшакни қишлоқма-қишлоқ олдига солиб бориб:** «*Франги ип, ироқи совун, оқ сақич, қора сақич.*» деб қичқирадиган *аттор* ҳам бедарак йўқолди. П. Турсун, Ўқитувчи. *Бундан роса ўн ил бурун мана шу болонхонадаги қазноқда тухум босиб ётган франги товук, бирданига қоқолаб, том орқасига — Собиржон қорининг боғига учиб тушди.* А. Қаҳҳор, Кўшчинор чироқлари.

**ФРАНГИСТОН** [ф. *فرنگستان*] (Ф — *катта*) эск. Франция, Европа.

**ФАРАҲ** [а. *فرح* — шодлик, хурсандлик; шодиёна, қувноқлик] *поэт.* Шодлик, хур-

сандлик туйғулари; вақтичоғлик, севинч. *Дўстлик бу — муҳаббат янглиғ фараҳким, Билгай у на ҳадни ва на довонни.* А. Орипов, Йиллар армони. *Шу Ватанга фарзандман, она! Қалбим чексиз фараҳга тўлур.* М. Али, Боқий дунё.

**ФАРАҲБАХШ** [а. + ф. *فرح بخش* — фараҳ, шодлик, қувонч бағишловчи] *кт.* Шодлик, қувонч бахш этадиган, кўнгил очадиган; ёқимли. *Дунёда ҳамма оҳанглар орасида энг ёқимли, фараҳбахш оҳанг — она алласи тараланти.* Газетадан. *Кўклам энди бошланган, бизнинг томоғкамиздаги урик дарахтлари гуллаб, ўз чечаклари билан боғчага фараҳбахш тус бергандилар.* С. Айний, Эсдаликлар.

**ФАРАҲЛИ** *айн.* **фараҳбахш.** *Фараҳли тонг.* ■ *Кўп фараҳли бўлар эди ёғин эртаси, Қулф урарди лола — тоғнинг сўлим эркаси.* Х. Салоҳ. *Она-Ер! Нақадор фараҳли дунё, Мовий уфқларда ўйнар кўзларим.* Ж. Жабборов, Кўёш юрти. *Назарнинг ҳаётида бундай безавол, фараҳли кечалар жуда кам бўларди.* Э. Усмонов, Ёлқин.

**ФАРАҲЛИК 1** *кт.* Фараҳ, қувончга тўлалик, дилраболик. *Муҳаббатли, тотимли бўлди турмуш, Келиб шодлик, фараҳлик, кетди ташвиш.* Ҳабибий, Девон.

**ФАРАҲМАНД** [а. + ф. *فرح مند* — шод, қувноқ, хушҳол] *айн.* **фараҳноқ.** *Келиб жилмайди Хисрав, бўлди хурсанд, Бугун мақсадга еткандек, фараҳманд.* Ҳабибий, Девон.

**ФАРАҲНОҚ** [а. + ф. *فرحناک* — қувноқ, хушчақчақ] эск. *кт.* Дилхуш, хушҳол, хурсанд. *Фараҳноқ бўлмоқ.* *Фараҳноқ қилмоқ.*

**ФАРД** [а. *فرد* — бир, битта, якка, ёлғиз] эск. *кт.* 1 Якка, ёлғиз, танҳо. *Ўзи шамсиз туриб, ота-онага чироқ ёқишни асло тасаввур қилолмас.. яъни истиқбол Анварнинг фард ҳаётида ёлғиз муҳаббат эди.* А. Қодирӣй, Мехробдан чаён.

2 *ад.* Шарқ мумтоз шеърӣягида бир байт (икки мисра)дангина иборат бўлган кичик, мустақил шеър. *Лутфӣй девонидаги битилган фардлардан 450 дан ортиги бизгача етиб келган.* «Фан ва турмуш».

**ФАРЁД** [ф. *فرياد* — бақирӣк, ҳайқирӣк, дол-вой, нола] Ниҳоятда хафалик, руҳӣй азоб, алам кабилар таъсирида ўзини тутолмай ўкириб йиғлаш, дол солиб йиғлаш, доллаш. *Фарёд қилмоқ (этмоқ, айламоқ).* ■ *Бу ниҳоясиз дарднинг фарёдига ўхшар, бу фарёдда тирик жоннинг чидаб бўлмайдиган*

*аччиқ азоби эшитилар эди. А. Мухтор, Асарлар. Фарзандин қабрида она жигархун, Унинг фарёдидан дунё ғамхона. А. Орипов, Йиллар армони.*

**ФАРЗ** [а. فرض — фармойиш, амр. кўрсатма] *дин. 1* Шариатда барча мусулмонлар учун бажарилиши мажбурий бўлган диний амаллар. *Ҳаж исломий фарзларнинг бешинчиси ва сўнгисидир. Газетадан. ...мусулмонлар учун худонинг айтгани фарз бўлиб, унга шак келтириш, ундан зорланишининг ўзи ҳам гуноҳ ҳисобланади. «ЎТА».*

**Фарз айн** *дин.* Барча мусулмонлар билиши, бажариши шарт бўлган асосий қоидалар ҳамда шундай қоидалар ёзилган тўплам. *Бутун умрида пешонаси сажда кўрмаганлар ҳам кўп, аммо фарзи айнининг бош томонидан тўрт-беш жумлани ҳар ким қийналмасдан сайрай олар эди. А. Қодирий, Ўтган кунлар. Раис афанди мулозимларида дарра кўтартириб, намозсизларни текширар, фарзи айни билмаганларни урдирар эди. А. Қодирий, Ўтган кунлар.*

**2** Бажарилиши зарур бўлган ахлоқий-маънавий вазифа, бурч. *Ёшнинг ҳурмати — қарз, қарининг ҳурмати — фарз. Мақол. Қарз, қарзни бериш фарз. Мақол. ■ Кексалардан кўнги сўраб туриш, кези билан кўмак бериш ёшларга фарзу қарз. Газетадан.*

**ФАРЗАНД** [ф. فرزند — бола, ўғил-қиз; насл] *Битта ота-онандан дунёга келган бола; ўғил ёки қиз (ота-онага нисбатан); бола. Фарзанд азиз, одоби ундан азиз. Мақол. Давлатнинг боши — фарзанд. Мақол. Ота-онанг — давлатинг, Фарзандларинг — савлатинг. Мақол. ■ Фарзанд — бу келажак, фарзанд — ўтган аجدодларни келажак авлодлар билан абадий боғлайдиган ҳалқа. К. Яшин, Ҳамза. Асрорқул фарзанд кўрди.. боланинг отини Ёдгор кўйди. А. Қаҳқор, Асрор бобо.*

**2** *кт. кўчма* Ўз Ватани ёки халқига манфаат келтирадиган, унга астойдил хизмат қиладиган киши; ватанпарвар, элсевар. *Ватаннинг содиқ фарзандлари. Миллат фарзанди. ■ Мустақил давлат фарзанди эканлигимдан бошим осмонга етди. Газетадан.*

**3** *кўчма* Бирор жамоа, ижтимоий-сиёсий, ғоявий гуруҳ, ҳаракат ёки ҳудудга мансуб, унга алоқадор шахс. *Мусулмон фарзанди. ■ -Мусулмон фарзандисиз, дилингиздаги васвасани ҳайданг. К. Яшин, Ҳамза. Қайлардодир фисқу фасод, ҳасад, хусумат Инсонинг*

*ят фарзандларин тортмоқда дорга. А. Орипов, Йиллар армони.*

**4** *кўчма* Бирор маънавий, руҳий фаолият маҳсули. *Шеър — илҳом фарзанди. Ақл — эҳтиёж фарзанди.*

**ФАРЗАНДЛИ** *Фарзанди бор, фарзанд кўрган; болали. Фарзандли аёл. ■ Фарзандли уй доим бўлар долазор.. «Эрали ва Шерали». Дугонамнинг ўғли бир қиз билан севишиб, турмуш қурдилар, фарзандли бўдилар. Газетадан.*

**ФАРЗАНДЛИК** *Фарзанд мақомида бўлиш, фарзанднинг бурч ва мажбуриятларини адо этиш; бирор кимсага фарзанд бўлиш. Фарзандлик бурчи. Фарзандлик саломи. ■ Биз фарзандлик бурчин ўйлаб, танладик аъмо. А. Шер, Қадимги куй.*

**Фарзандлик қилмоқ** *Кимсага ўғил ёки қизлик бурчини адо этмоқ. Фарзандликка бермоқ* Ўз боласини (ўғил ёки қизини) бировга бутунлай фарзанд қилиб, унинг тарбиясига топширмоқ. [*Шоқосим*] *Хўжайинлар тоифасида инсоф йўқлигидан.. бировга фарзандликка берган ўғлини кўриб келишга ҳам вақт тополмаганидан, умуман, ярали кўнглининг додидан бир-бир баҳс очди. Ойбек. Танланган асарлар. Фарзандликка олмақ (ёки қабул қилмоқ)* Бировнинг боласини ўзига бутунлай фарзанд (ўғил ёки қиз) қилиб, ўз тарбиясига қабул қилмоқ. *Ёмонликни йиғиштириб кўйди-да, Фарзандликка қабул қилди меҳмонни. «Юсуф ва Аҳмад».*

**ФАРЗАНДСИЗ** *Фарзанди йўқ; бепарзанд, боласиз. Иккови ҳам катта бўлди. Бойсари — бой, Бойбўри шоҳ эди. Иккови ҳам фарзандсиз бўлди. «Алпомиш». Эрининг фарзандсиз бева аммаси уни [Мунисни] жўша совуқ кутиб олди. С. Аҳмад, Хотин.*

**ФАРЗАНДСИЗЛИК** *Боласи йўқлик. фарзандга зорлик, муҳтожлик. Йўлдош савоварчи Ҳозибек келгач, унга фарзандсизлик доғи, ёлғизқўлликнинг азобидан хўб ҳасрат қилди. Н. Юсуфий, Ҳаёт сўқмоқларинда.*

**ФАРЗАНДТАЛАБ** [фарзанд + талаб] *Фарзанд кўришни, болали бўлишни истовчи; болага муҳтож бўлган. Сиз туғмас экансиз, бахтингиз боғланган, фарзандталаблар менинг дуом билан тўққиз ой деганда фарзанд кўрадилар. К. Яшин, Ҳамза.*

**ФАРЗИН** [ф. فرزین — қиролча, ферз] *Шахмат ўйинида энг кучли дона, сипоҳ Фарзинни юрмоқ. ■ Азимов қора фарзини*



қўлида бир оз ушлаб туриб, тақиллатиб босди-да, «Шах!» деди. И. Раҳим, Чин муҳаббат.

**ФАРЗОНА** [ф. فرزانه — доно, ақлли, олим, билимли] *поэт.* Кўп нарсадан хабардор; оқил, донишманд, зийрак. *Одам аҳлини қадрини фарзона бир одам билур.* Ҳабибий. Девон. *Ҳабибий, ўйла, ғофил — ғофилу, фарзона — фарзона.* Ҳабибий, Девон. *Яйратар қирқ кокилин, фарзона қизлар хушқилиқ.* А. Орипов, Ҳайрат.

**ФАРИНГИТ** [юн. pharynx, pharyngos — ҳалқум] *тиб.* Ҳалқум шиллиқ пардасининг яллиғланиши.

**ФАРИШТА** [ф. فرشته — малак, хур, филмон] **1** Исломда ва б. баъзи динларда худонинг амрини бажарувчи ғайритабиий мавжудот; малак (фаришталар сон-саноксиз бўлиб, ҳар бири маълум вазифани бажаради). *Баъзи ривоятларга қараганда, фаришталар жаннатдаги кавсар сувидан.. қумғонларимизга қуйиб кетар эмиш.* М. Муҳаммаджонов, Турмуш уринишлари. *Фаришта, малойиқлар — нурдан, сиз билан биз лойдан яратилган.* «Маликаи айёр».

**2** кўчма Яхши хулқ-атворга эга бўлган ва гўзал (кўпинча аёллар ҳақида). *Бу хотин тўғрисида мулла Норқўзи шундай фикрда: агар фаришта илгари ўтган бўлса — шунинг онаси, энди туғилса — шунинг боласи бўлади, агар ҳозир ер юзида бўлса — шу хотиннинг ўзи.* А. Қаҳҳор, Асарлар. *Во ажабо! Бу ким бўлди? Чўрими ёки бир офатижон фариштами?* Ҳамза, Бой ила хизматчи.

**3** кўчма Файз, зийнат. *Аёлнинг сариштаси — рўзгорнинг фариштаси.* Мақол. ■ *Ҳа, ота — кўча кишиси, она уй фариштаси бўлар экан.* Л. Тожиева, Меҳрим сизга, одамлар.

**4** кўчма Покиза, мусаффо; бегуноҳ. *Ажойиб одамсан-да, дўстим, ажойибсан, фариштасан.* Шукрулло, Сайланма. *Шу кунгача Равшан ўзини ҳалолман деб фаришта санаб юриди.* «Ёшлик».

**Фариштаси бор** Жозибали, файзли. *Эсон Давлат бегим суратни қўлга олди ва Навоий тасвирига беихтиёр қизиқиб: -Юзларида фаришталари бор зот эканлар, — деб қўйди.* П. Қодиров, Юлдузли тунлар. **Фариштаси йўқ** Ўзига жалб қиладиган фазилати, кўрки йўқ; хосиятсиз. *Фариштаси йўқ уй.* ■ *Кувёнинг юзида фариштаси йўқ, Ҳожархон, фариштаси*

*йўқ. Кўнгилга хуш келмаган никоҳ худога хуш келмайди!* А. Қаҳҳор, Тобутдан товуш. *Иблис устозларингнинг фариштаси йўқ китобларини ёндириб, кулларини кўкка со-вурдим.* К. Яшин, Ҳамза. **Фариштаси қочмоқ** Файзсиз, кўримсиз бўлиб қолмоқ; кут-баракаси йўқолмоқ. *Лекин ёлғизлик баттар эзди. Уйдан фаришта қочган, табассум учган эди.* А. Мухтор. Асарлар. *Бешвақт намозни қанда қилма! Бўлмаса, уйингдан фаришталар қочади.* Ҳамза, Бой ила хизматчи. *Супурилмаган ҳовлидан фаришта қочади.* Н. Аминов, Қаҳқаҳа.

**ФАРИШТАЛИ 1** Файзли; сербарака. *Сариштали уй — фариштали уй.* Мақол.

**2** кўчма Ёқимли, жозибали; ҳалол, покиза. *Бай-бай-бай, бу Утар бобо бағоят фариштали одам эканлар.* С. Сиёев, Ёруғлик. *Фариштали одам, деб шунақаларни айтса керак-да, а?* Шуҳрат, Жаннат қидирганлар.

**ФАРИШТАСИЗ** Кишини ўзига тортмайдиган; кўрксиз, ёқимсиз; файзи йўқ. *Фариштасиз одам. Фариштасиз ҳовли.*

**ФАРМАКОГНОЗИЯ** [юн. pharmakon — дори + gnosis — билиш, ўрганиш] Фармациянинг ўсимликлар ва ҳайвонлардан олинadиган доривор маҳсулотлар ва уларни дастлабки қайта ишлашдан ҳосил бўладиган моддаларни ўрганувчи бўлими.

**ФАРМАКОЛОГ** *тиб.* Фармакология мутахассиси; доришунос. *Хизмат қилувчи фармакологлар миждозларга «яхши дорихона»дан қандай фойдаланиш тўғрисида маслаҳат беришади.* «Фан ва турмуш».

**ФАРМАКОЛОГИК** Фармакологияга оид.

**ФАРМАКОЛОГИЯ** [юн. pharmakon — дори + logos — билим, тушунча] Дори-дармон маҳсулотларининг организмга таъсирини ва дориларни қўллашнинг усул ва тамойилларини ўрганadиган ва белгилайдиган фан; доришунослик. *Кимёдаги бу алкалоидшунослик тиббиёт, фармакология соҳаларининг ривожланишига ёрдам берувчи янги фан бўлиб қолди.* Газетадан.

**ФАРМАКОТЕРАПИЯ** [юн. pharmakon — дори + терапия] Касалликларни дори-дармон билан даволаш.

**ФАРМАЦЕВТ** [юн. pharmakentes — дори тайёрловчи] Фармацевтика, доришунослик бўйича олий (провизор) ёки ўрта (провизор ёрдамчиси) маълумотга эга бўлган до-

рихона ходими; фармацевтика мутахассиси; доришунос. *Дорихонага кирдим, фармацевт қиз билан танишдим, исми Малика экан. Ҳ. Фулом, Замин юлдузлари. Шифокор ва фармацевтга энг азиз нарса.. кишиларнинг ҳаёти, соғлиги ишониб топширилган.* Газетадан.

**ФАРМАЦЕВТИКА** [юн. pharmakon — дори] айн. **фармация**. *Қолаверса, илон заҳари фармацевтикада қимматбаҳо хомашё экани ҳам яхши маълум. «Фан ва турмуш». Чаканда мевасидан фармацевтика саноатида мой олинади.* Газетадан.

**ФАРМАЦИЯ** [юн. pharmakeia < phar-makon — дори, дори-дармон] Янги дори-дармонлар қидириб топиш, уларни қайта ишлаш, тайёрлаш, сақлаш ва беморларга тавсия қилиш бўйича илмий ва амалий билимлар соҳаси; доришунослик.

**ФАРМОЙИШ** [ф. فرمايش — буйруқ, буйруқ бериш; буюртма] *кт.* Бирор чоратадбир ёки ишнинг бажарилиши ҳақида бериладиган буйруқ, топшириқ, кўрсатма. *Фармойиш бермоқ. Фармойиш олмоқ. ■ Амирзодам, ҳар бир дақиқа ғанимат. Ҳос навкарларингиз отланган. Ҳаммаси фармойишингизга мунтазир. П. Қодиров, Юлдузли тунлар. Назар тракторчига янги фармойиш берди-да, руҳсиз бир аҳволда машинага ўтирди. Э. Усмонов, Ёлқин.*

**ФАРМОН** [ф. فرمان — амр, ҳукм; кўрсатма; қатъий қарор] **1** Бирор ишнинг бажарилиши ҳақида бериладиган буйруқ, ҳукм, топшириқ; амр. *Фармон бермоқ. Фармон чиқармоқ. Борники — фармон билан, Йўқники — армон билан.* Мақол. ■ *У фармон кутиб, хонга юзланди. С. Сиёев, Ёруғлик. Ўлмас мастон қирқин қизига фармон қилди. «Маликаи айёр».*

**Фармони олий** Подшоҳ ёки хон томонидан берилган фармон. *Сарой вазири ношлож бош эғиб, фармони олий ҳозирлагани чиқиб кетди. М. Осим, Карвон йўлларида.*

**2** Ҳокимият олий органи ёки давлат бошлиғининг қонун кучига эга бўлган буйруғи, фармойиши. *Ўзбекистон Республикаси Президентининг фармони. Ўзбекистон Республикаси Олий Мажлисининг фармони.*

**ФАРМОНАЧИ** *тар.* Подшоҳ, хон ёки амирнинг фармонини халққа маълум қилувчи мансабдор. *-Фармоначи от чопиб, қайнатамиз Исломуҳжа ҳазрат ҳовлисига*

*келиб, марҳумнинг бола-чақаларини огоҳ этди, — дейди хон.* Мирмуҳсин, Чўри.

**ФАРМОНБАРДОР** [фармон + بردار — итоат қилувчи, бўйсунувчи] **1** Буюрилган ишни бош товламай бекам-кўст бажарадиган, бировга сўзсиз қулоқ соладиган; итоаткор. *Келин итоаткор, фармонбардор бўлади. С. Кароматов, Олтин қум. Фармонбардорлар Равишани судраб, Самарқанд дарвоза томон юришди. С. Кароматов, Бир томчи қон.*

**2** Ҳамиша хизматга тайёр, илтифотли. *Аммо Ғаси буюрган ишни... адо қилувчи бир фармонбардор йигит. А. Қодирий, Обид кетмон. Ўзингиз биласиз, мен бир фармонбардорман, сиз ҳар нима амр қилсангиз, шунни қиламан. «Гўруғлининг туғилиши».*

**3** *салб.* Хушомадгўй, лаганбардор. *Директор ва унинг фармонбардорлари буларнинг бирини «ёш», бирини «нўноқ».. деб ишдан бўшатдилар. Газетадан.*

**ФАРМОННОМА** [фармон + нома] *кам қўлл.* Ёзма равишда берилган фармон, ёзма буйруқ. *«Фармоновдан таклифнома чиқмайди, фармоннома чиқади..» — деб кўнглидан ўтказди уста. Мирмуҳсин. Созанда.*

**ФАРМОНОМУЗ** [фармон + ф. آمين — каби, ўхшаган] Буйруқ оҳангида, буйруққа ўхшаган. *Эликбоши яна ўшқириб, фармономуз гаплар айта бошлади. Мирмуҳсин, Чўри.*

**ФАРМУДА** [ф. فرموده — буюрилган] Буюрилган, буюртма; қўшалок сомса. *Фармуда сомса. ■ Жигару буйрак, думба ёғдан тайёрланган, қўшалок фармуда сомсалар. «Ёшлик».*

**ФАРОВОН** [ф. فراوان — мўл, жуда кўп, ортиқ, зиёда] **1** Ҳар жиҳатдан тўла-тўқис таъминланган, ҳамма нарсаси мўл-кўл; тўқ. *Фаровон ҳаёт. ■ Яхши ишласак, ўз турмушимиз фаровон, юрт обод бўлади. Ойбек, О.в. шабадалар. Аёл бор жойда меҳнат мазмунли, фарзандлар бахтиёр. Оила фаровон ва аҳил. «Саодат».*

**2** Кўп миқдорда мавжуд бўладиган; мўл-кўл, сероб. *У томонларнинг [қишлоқнинг] биринчи ва фаровон меваси узум эди. С. Айний, Эсдалиқлар. Бу сирни кўриб, жа [жуда] бўлдим ҳайрон, Ҳай десам, келурми сўзлар фаровон. «Муродхон».*

**3** *кўчма* Обод, яшнаган, бахтиёр. *Фаровон ҳаёт бу — гўзал турмуш, осуда, серфайз ҳаёт демакдир. Газетадан. Фаровон қишлоқ-*

лар, обод шаҳарлар. Нур билан балқиган оппоқ саҳарлар. Ж. Жабборов, Тоғлар садоси.

**ФАРОВОНЛИК** Тўкин-сочинлик, мўлқўлчилик; серфайз ҳолат. *Яхшилик ва фаровонлик илдизи илм билан ривожланади. Газетадан. Ҳалол ва самарали меҳнат бор жойда фаровонлик ҳам барқ уриб ривожланади.* «Фан ва турмуш».

**ФАРОИЗ, фаройиз** [а. فراخس — ҳисоб, ўлчов] тар. 1 Ернинг ҳажмини ўлчаш билан шугулланувчи, ҳисоб-китобларга оид соҳа (фан). *Рост, илм, риёзиёт ва фалакиётдин таълим берадурганлар йўқ, аммо мантиқ, фалсафа, фароиз [ерўлчов] илми равнақ топган. М. Осим, Карвон йўлларида. Домланинг айтишига кўра, биз куздан бошлаб фароиз [ҳисоб] ва харита ўқишимиз керак эди. А. Қаҳҳор, «ЎТА».*

2 Қиҳқ илмида: бажарилиши шарт бўлган амаллар ҳақидаги бўлим, жумладан, шариатнинг меросни тақсим қилиш ҳақидаги қоидаларига оид билимлар.

**ФАРОМУШ** [ф. فراموش — унутиш; унутилган] Паришонхотир, хаёлчан, хаёли қочган ҳолатда, ўзини унутган ҳолда. *Онанинг саволига жавобан Севаргул фаромуш бош ирғаб, нохуш чимирилиб қўйди.. Н. Қиличев, Чиғириқ. Асрор деразадан ташқарига фаромуш, кайфиятсиз қаради: ҳалиям қор ёғарми.* «Шарқ юлдузи».

**Фаромуш бўлмоқ** эск. кт. Хаёлдан кўтарилмоқ, эсдан чиқмоқ, унутилмоқ. *-Қайси гап? — деди хон чимирилиб, — нечукдир, хотиримдан фаромуш бўлибдур. С. Сиёев, Аваз. Фаромуш қилмоқ (ёки айламоқ) Унутмоқ, эсдан чиқармоқ. -Ҳай мулло Солиҳ, яна бир гапни фаромуш қилибман! — деди ҳазрати мударрис. А. Қодирий, Меҳробдан чаён. Ногоҳ ул паҳлавоннинг ҳовлисига борур йўлни фаромуш қилганимни сездим. «Шарқ юлдузи». Фаромуш айламас бир нафас халқинг, Магар юракларда қўёлсанг ҳайкал. А. Орипов, Йиллар армони.*

**ФАРОМУШЛИК** Паришонхотирлик ҳолати. Ҳамма нарсдан хабардор бўлиб юрадиган комендантнинг фаромушлиги ўзига таъсир қилди. «Ёшлик».

**ФАРОМУШХОТИР** [фаромуш + хотир] эск. кт. Бирор нарсани тез унутиб юборадиган; паришонхотир. *Фаромушхотир одам. Фаромушхотир бўлмоқ.*

**ФАРОСАТ** [а. فراست — самимият, зийраклик; заковат, ўткир ақл] Кишидаги тез ва тўғри фаҳмлай олиш қобилияти, сезгиси; фаҳм; заковат; дид. *Фаросатни бефаросатдан ўрган. Мақол. Тил — ақлнинг қилчиди, фаросат — ғилофи. Мақол. ■ Атиргуллар ҳовлиларга файз киритган — бу эса ҳовли эгасининг диду фаросатини кўрсатиб турарди. Мирмуҳсин, Умид. Болани тарбиялашга фаросати етмаган кишигина унинг устидан шикоят қилади. Р. Усмонов, Одобнома.*

**ФАРОСАТЛИ** Фаҳмли, ақлли, дидли. *Фаросатли одам. ■ Узи жуда фаросатли, доно, достончи чол. М. Осим, Карвон йўлларида. Баҳромбек оилада кўпроқ отасига тортган, хаёлчан, камгап, ишни пишиқ қиладиган, фаросатли ўғил эди. «Ёшлик».*

**ФАРОСАТСИЗ** Ақл билан иш тутмайдиган; фаҳмсиз, дидсиз; пала-партиш. *Фаросатсиз бола. Фаросатсиз — фалокатга йўлиқар. Мақол. ■ Фаросатсиз, дидсиз, нодонда кўз доимо кўр, оёқ шолдир. Нурбек, Умид йўли.*

**ФАРОФ** [а. فراغ — тугаш, якун; бўш вақт, ишдан холи вақт] кам қўлл. кт. айн. **ФАРОГАТ.** *Ошифта Ҳабибийни ўз ҳолига қўймайдир, На бир дам олур ором, на лаҳза фароғ истар. Ҳабибий.*

**ФАРОҒАТ** [а. فراغت — дам олиш, бўш вақт, тинчлик, осойишталик, осудалик, роҳат] 1 Киши ором оладиган ҳол, шароит; осойишталик, тинчлик; роҳат. *Фароғатда яшамоқ. Фароғат қилмоқ. Уйда роҳати йўқнинг кўчада фароғати йўқ. Мақол. ■ Чолкампир бундай фароғатга қандай етишиди? Ҳалол меҳнат, ҳалол лафз туфайли эришиди. «Муштум». Қанча фароғат, қанча тароват, қанча латофат ва қанча маъно бор эди бу кўз қарашларда. Ф. Мусажонов, Ҳиммат.*

2 Фароғат (хотин-қизлар исми).

**ФАРОҒАТЛИ** Хотиржамлик, осойишталик бахш этувчи, ҳузур-ҳаловатли. *Фароғатли турмуш. ■ Тоғ булоғи. Ёнига чўккаласанг, бир ҳовуч шаффоф сувидан симиранг, сўнгра осуда, фароғатли лаҳзалар оғушида тин олсанг. Ф. Мусажонов, Ҳиммат. Укечаги фароғатли дамларини яна эслади-ю, кўнгли кўтарилди. Ў. Ҳошимов, Қалбингга кулоқ сол.*

**ФАРОҒАТСИЗ** Ҳузур-ҳаловатсиз, тинчлиги, осудалиги бузилган. *Фароғатсиз кунлар.*

**ФАРРОШ** [а. فزاش — хизматкор; малай; йиғиштирувчи; қоровул] **1 тар.** Кўча-кўй, ҳовли ва боғларга сув сепиб, супуриб-сидириб юрувчи хизматкор; қоровул. *Ўнлаб фаррошлар ҳафсала билан ер супурган, меш-кобчилар этақларини белбоққа қистириб, сув сепган.* С. Сиев, Аваз. *Эшикда қари фаррош Ҳожиди Солиҳ пайдо бўлди. У дарвиш-намо, камтарин, хаёлчан киши эди.* Ойбек, Навоий.

**2** Идора ёки муассасаларда хоналарни супуриб-сидирувчи ходим. *Фаррошларимиз етарли, ҳар кун иштаталар тозаланиб, хлор билан ювилади.* Газетадан. *Икки йилдан кейин бозорнинг фарроши унга одам қўйди.* Ш. Холмирзаев, Оғир тош кўча.

**ФАРРОШЛИК** Фаррош, супуриб-сидирувчи касби. *Жасура дарсгача бир жойда фаррошлик қилар экан.* Э. Аъзамов, Жавоб. *Меҳнат фаолиятини шу ерда фаррошликдан бошлаган эди.* М. Муҳамедов, Қилни қирқ ёриб.

**ФАРСАНГ** [ф. فرسنگ] эск. кт. Эскича ҳисобда бир тош; саккиз чақирим, янгича ҳисобда тахминан 6 километрга тенг бўлган узунлик (масофа) ўлчови. *Ҳусайн Бойқаро лашкари Мирзо Ёдгорнинг йигитларини бир неча фарсанг масофагача қувиб, асирлар билан қайтдилар.* Ойбек, Навоий. *Воҳанинг узунлиги нари борса — уч-тўрт фарсанг, кенлиги, кўп бўлса, бир фарсанг келар.* О. Ёқубов, Кўҳна дунё.

**ФАРСАХ** [а. فرسخ] айн. **фарсанг.** Қишлоқдан чиқиб, бирор фарсах йўл босилгач, офтоб қиздириб, лоҳас қилди. М. М. Дўст, Лолазор. *Жаҳонда Фурқат каби тентимадим бемурод, Ватан тупроғин аммо кездим фарсах ва фарсах.* А. Орипов, Ҳайрат.

**ФАРТУК** [нем. Fortuch — бирор нарса олддаги бир парча мато] **1** Одатда кийимни ифлос қилмаслик учун унинг устидан кийиладиган ёки иш пайтида белга боғлаб олинадиган иш кийими; пешбанд. *Бошида моғор босган эски дўпни, олдида шакар қондан тикилган фартук.* М. Исмоилий, Фарғона т. о. *Тўрдаги стол ёнида хат ёзиб ўтирган оқ фартукли хушрўйгина қиз дафтардан бошини кўтариб: -Келинг, хизмат? — деб сўради.* Ҳ. Гулом, Бинафша атри.

**2** Ўқувчи қизларнинг расмий мактаб кийими устидан кийиладиган оқ ёки қора рангдаги енгил кийими. *Ҳаворанг штапель*

*кўйлак устидан оқ фартук кийган бир жаж-жи қиз олтинчи «В» синфининг қўштабақа.. эшиги олдида бир оз аланглаб турди.* М. Исмоилий, Бизнинг роман.

**3 с. т. айн. этақ 2.** *Иzzатулла ўрнидан туриб, бир фартук пахта кўтариб келаётган Шоира исмли котиба қизга пешвоз чиқди.* Н. Аминов, Каҳқаҳа.

**ФАРФОР** [ф. فغفور — чинни буюмлар] Оқ лойнинг энг аъло навидан турли аралашмалар қўшиб, сунъий тайёрланадиган минерал масса ва ундан ясаладиган чинни буюмлар. *Фарфордан ясалган ваза. Фарфор идишлар.*

**ФАРШ** [а. فرش — уй жиҳозлари: гилам, палос, бўйра]: **фарш қилмоқ** эск. кт. Ҳовли, йўлка ва ш.к. га тош ёки гишт ётқизмоқ. *Пишиқ гишт билан фарш қилинган ҳовли.*

**ФАРҚ I** [а. فرق — ажралиш, узоқлашиш; айрилиқ, жудолик] Нарсалар орасидаги номувофиқлик, ноўхшашлик; айирма, тафовут. *Сўздан сўзнинг фарқи бор, ўттиз икки нархи бор.* Мақол. ■ *Марғилонлик келин билан сенинг бизга ҳеч бир фарқларинг йўқ, икковларинг ҳам боламизнинг қўшоғи — боламизсиз.* А. Қодирий, Ўтган кунлар. *Хаёл билан ҳаёт орасидаги фарқ қанчалик калта бўлишини Бобур энди билди.* П. Қодиров, Юлдузли тунлар. *Илм билан амал ўртасида катта фарқ бор.* С. Зуннунова, Олов.

**Фарқ қилмоқ 1)** бирор предметни, воқеа-ҳодисани унинг ўзига хос хусусиятларига кўра бошқаларидан ажрата билмоқ, улар орасидаги тафовутдан сеза олмақ. *Айниқса.. Элмурод бу ҳолатни бошқалардан кўра кўпроқ фарқ қилди.* П. Турсун, Ўқитувчи; **2)** ўзининг бирор хусусияти билан бошқалардан ажралиб турмоқ. *Писмиқ, телба фарқ қилар, Тинч оққан сув фарқ қилар.* Мақол. ■ *Куйганёрнинг табиати бошқа жойлардан фарқ қилар эди.* С. Аҳмад, Уфқ. *Масал лирикадан ўзининг воқеабандлиги билан фарқ қилади.* «ЎТА». **Фарқига бормоқ** айн. **фарқ қилмоқ.** *Чой навларининг фарқига бормоқ.* ■ *Аслида Аҳмад ёқут нима, дур, бриллиант, марварид нима, унчалик фарқига бормасди.* Ф. Мусажонов, Ҳиммат. *Жувон бу гапни ҳазил аралаш айтдимиз, чин айтдимиз, Сидиқжон фарқига боролмади.* А. Қаҳҳор, Қўшчинор чироқлари.

**ФАРҚ II** [а. فرق] Сочнинг икки томонга тарашдан бошда ҳосил бўладиган йўл,

чизик. *Фарқ очмоқ. Фарқни қийишқ очмоқ.*  
 ■ *Қутлуғ Нигор хонининг ранги хиёл ўчган. Унинг пешонасидан юқорида — сочининг фарқ очилган жойида Бобур бир тутам оқарган соч толаларини кўрди. П. Қодиров, Юлдузли тунлар. Зулайҳо икки кафти билан сочларининг фарқини очиб, бошини кўтарди. Ў. Хошимов, Қалбингга қулоқ сол.*

**ФАРҚЛАМОҚ** Бирор нарса иккинчисидан ажрата билмоқ, фарқига бормоқ. *Кеча ва кундузи барча кўзи очиқ одамлар фарқлайди. «Саодат».*

**ФАРҚЛАНМОҚ 1 Фарқламоқ** фл. мажҳ. н. *Юлдузлар бир-бирларидан ўзаро фарқланадилар. ■ Янтоқлар бир-биридан ташқи кўриниши, барглари, тиканларининг узунлиги билан фарқланади. «Фан ва турмуш».*

**2 айн. фарқ қилмоқ 2 (қ. фарқ 1).**

**ФАРҚЛИ** Бирор белги-хусусияти билан бошқасидан ажралиб турадиган, фарқланадиган, тафовут қиладиган, фарқи бор. *Гарчи бу икки эгачи-сингил бир қориндан талашиб тушган бўлсалар ҳам, бир-бирларидан фарқли эдилар. А. Қодирий, Ўтган кунлар. [Зағчақўз] Қамишқапаликларни.. таҳқир қилар ва уларнинг шаҳарликларниқидан анчайин фарқли бўлган шева ва тилларини масхаралар эди. П. Турсун, Ўқитувчи.*

**ФАРҚЛОВЧИ 1** Бирор нарса ва ҳодисани бошқасидан фарқлашга, ажрата олишга хизмат қилувчи. *Фарқловчи маъно. Фарқловчи белги.*

**2** Фарқига борувчи. *Ақлли, доно кишилар, яхши-ёмонни фарқловчилар.. инсоний фазилатларларни яхши биладилар. Газетадан.*

**ФАРҚСИЗ** Фарқи йўқ, тафовутсиз. *Фарқсиз уйлар. Бу менинг учун фарқсиз. ■ Улар худди эгизаклардек, чехралари бир-бирларига ғоят ўхшар, гавдалари қарийб фарқсиз, кўринишдан ювош одамлар эди. Ойбек, Кўёш қораймас.*

**ФАРҒОНАЧА 1** Фарғонага, фарғоналикларга хос, Фарғонада бўладиган, Фарғона ҳудудига дахлдор. *Фарғонача ашула. Фарғонача тўн.*

**2** Ўзбек халқ куйларидан бирининг номи.

**ФАС** [а. فاس — Марокашдаги Фас шаҳри номидан; ушбу бош кийим дастлаб шу ерда тайёрланган] Баъзи шарқ мамлакатлариде кийиладиган, попук қадалган кесик конус шаклидаги бош кийим; ҳожи дўппи. *Вазир бахмал фас кийган. «Шарқ юлдузи».*

*Абдулвоҳид кичкина, чўзинчоқ бошидаги тоза, кўркам саллани қозиққа илди-да, эски айниган фасни — «ҳожи дўппи»ни кийди. Ойбек, Нур қидириб.*

**ФАСАД** [фр. facade < итал. facciata — олд] архит. Уй, бинонинг олд томони. *Халойиқ гуруллаб, фасаддаги сингари чироқлар билан ёритилган фойега ва ундан уч эшик орқали залга кирди. А. Қаҳҳор, Қўшгинор чироқлари.*

**ФАСИҲ** [а. فصيح — гапга чечан, сўзамол, нотик] Равшан, равон, аниқ, ёқимли; адабий (нутқ ҳақида). *Аммо маърузангиз бисёр фасиҳ ёзилган эркан, ўқуб ҳузурлар қилдим. А. Қодирий, Кичик асарлар. Таржималари оригинал даражада фасиҳ ва мукаммал. Ф. Саломов, Таржима назариясига кириш.*

**ФАСЛ 1** [а. فصل — бўлим, қисм; йил вақти, мавсум; бўлиниш] **1** Бир йилни ташкил этадиган тўрт мавсумнинг бири (қиш, баҳор, ёз, куз). *Тошкентда уч фасл ёз: Баҳор — шошган ички ёз. Ёз — катта ва асл ёз. Куз — кечиккан кечки ёз. М. Шайхзода, Тошкентнома. Ҳар фаслнинг ўз хислати бор. Ҳар фаслнинг ўз фазилати.. Уйғун. Ҳар фаслнинг ўз хусн-латофати бор, деган гапни йил фасллари тўғрисидагина эмас, умр фасллари тўғрисида ҳам айтса бўлар экан. А. Қаҳҳор, Асарлар.*

**Уйғониш фасли** кўчма Эрта баҳор. *Аён бир хислатинг бордир азалдан, Сени атамишлар уйғониш фасли. А. Орипов, Йиллар армони. Фасли баҳор кўчма Умрнинг энг яшнаган, камолга етган даври. Ҳожихоннинг фасли баҳори ҳам, хусну малоҳати ҳам, кучу қуввати ҳам тугалишга қараб юз тутди. М. Исмоилий, Фарғона т. о.*

**2** эск. Асарнинг бирор боби, қисми. *Китоб тўрт фаслдан иборат. ■ Бу боршидан [Отабек] бирор иш чиқара олдими, йўқми, бу тўғрида биз келаси фаслларнинг бирида ўрганармиз. А. Қодирий, Ўтган кунлар. Ҳар ўлтирганда наҳот бир ҳикоя ёки бирон романнинг бир фаслини битиролмасам. А. Қаҳҳор, Сароб.*

**3** кўчма Вақт, муддат, давр. *Ўт соласан қалбимга, эй гул, Севги фасл танламас экан. Ж. Жабборов, Тоғлар садоси. Севишмак гўзал фасл, севги ёшлик муттасил. Файратий.*

**Бир фасл** Бирпас, бир оз. *Бир фасл жим бўлган меҳмонхона ичиде яна тапир-тупур, тўполон бошланди. С. Айний, Куллар. Жа-*

ноблари бир фасл ўтириб турсалар, ҳозир олиб чиқаман. «Олтин бешик».

**ФАСОД** [а. فساد — чириш, йиринглаш; бузуқлик, ахлоқсизлик] **1** Тирик организмнинг яллиғланиши, чириши туфайли вужудга келадиган қўланса ҳидли сарғиш-кўкиш қуюқроқ суюқлик; йиринг. *Фасод боғлаган яра. Яранинг фасодини чиқармоқ.*

■ *Дифтерит касаллиги юзага чиққанда, томоқда оқ фасод пайдо бўлади.* Н. Исмоилов, Касалларни парвариш қилиш. *Фасодни сиқиб чиқараман, деб ярани газак олдириб қўйдим.* М. Исмоилий, Фарғона т. о.

**Фасод олмоқ** **1)** фасод боғламоқ, йирингламоқ. *Яра фасод олди;* **2)** кўчма оғирлашмоқ, мураккаблашмоқ. *Иш фасод олди.*

**2** кўчма Фитналик билан қилинган ғийбат, иғво. *..пойтахт осойишталигини бузган аҳли фитна ва фасод ҳам жазодан холи қолмаслиги лозим.* Ойбек, Навоий. *Ўзаро талашлар, фитнаю фасод Меҳнатни, савдони, қўшиқни эзди.* М. Шайхзода, Тошкентнома.

**3** кўчма Ярамас, чиркин. *Туркистондан дарҳол қочиш каби фасод хаёлларга бормайлик.* К. Яшин, Ҳамза.

**ФАСОДЛАМОҚ** **1** Газак олиб, фасод ҳосил қилмоқ, фасод боғламоқ, йирингламоқ (яра ҳақида).

**2** кўчма Оғирлашмоқ, чигаллашмоқ (иш, жинойат ҳақида).

**ФАСОДЧИ** Бузғунчи; ғийбатчи, бўҳтончи. *Амир Темур айни вақтда қонунбузарларни, ўғри ва қароқчиларни шафқатсиз жазолатган, фасодчи, бузуқи, нафси ёмон кишиларни мамлакатидан ҳайдатган.* Газетадан.

**ФАСОН** [фр. fason] **1** Кийим, пойабзал ва ш.к. нинг бичими, ташқи кўриниши, шакли, модели. *Янги фасонда тикилган туфли.* ■ *Мижоз фасон танласандан кейин, ундан ўлчовлар олинади ва бир неча соатдан сўнг кийим тайёр бўлади.* «Фан ва турмуш».

**2** с. т. Янги бичим ёки моделда тикилган, илгари кўрилмаган нусхадаги. *Фасон кўйлак. Фасон туфли.* ■ *У [Ғойибжон] янгиликни севади, янги фасонни ёқтиради.* М. Жўра, Изтироб. *Кўйлак учун юрган каби жаҳонда, Уттиз кўйлак бари турли фасонда.* «Муштурм».

**3** с. т. Башанг бўлиб юрадиган; олифта. *Фасон йигит. Фасон бўлмоқ.* ■ *Бу Назо фасон бизга тинчлик берадими, йўқми? С.*

Аҳмад, Қадрдон далалар. *Ҳа, ана бу соат!.. Эртага фасон қилиб, районга тақиб борамиз.* Уйғун, Асарлар.

**ФАСОНА** [ф. فسانه — «афсона» с. нинг бошқача шакли] Афсона; ҳикоя, баён. *Чин ошиқ улки ишқин элга фасона қилмас.* Э. Воҳидов, Ёшлик девони. *Ҳақиқатларга айланди фасонам..* Ҳабибий, Девон.

**ФАСОҲАТ** [а. فصاحت — гагпа чечанлик, нотиклик; нутқнинг тўғрилиги] **1** кт. Чиройли ва ёқимли сўзлаш қобилияти, нутқнинг аниқ ва раволиги. *Фасоҳат билан сўзламоқ.* ■ *-Унинг [Зокиржоннинг] нозик ҳаракатлари, шоирона муомалалари, заковати, малоҳати, жозибали фасоҳати мени ўзига мафтун қилди, — деди Муқимий.* С. Абдулла, Мавлоно Муқимий.

**2** Лисоний хусусият, нозик қирралар. *Рус тилининг ҳам, ўзбек тилининг ҳам ўзига хос фасоҳати, жуда нозик нафосати бор.* М. Исмоилий, Одамийлик қиссаси.

**3** Фасоҳат (хотин-қизлар исми).

**ФАСОҲАТЛИ** **1** Лисоний жиҳатдан мукамал, раво, содда. *Тўғри, унинг ғазаллари фасоҳатли, фикрлари тиниқ, назми ўзгаларнинг назмидан зебороқ.* С. Сиёев, Ёруғлик.

**2** Раво нутқли, нотик. *..Назм кечаларининг сарвари бўлган фасоҳатли Феруз шоир ўтирарди олтин тахтда!* С. Сиёев, Ёруғлик.

**ФАТАЛ** [лот. fatalis — муқаррар, тақдирда бор бўлган] Албатта юз берадиган, бўлиши муқаррар. *Ҳозирда жаҳон бўйлаб фатал уруш хавфи йўқ.*

**ФАТАЛИЗМ** [лот. fatalis — муқаррар, пешонага ёзилган; тақдирда бўлган] Тақдирга, пешонада ёзилганига ишонишни, унга кўникишни тарғиб қилишдан иборат диний дунёқараш, эътиқод.

**ФАТАЛИСТ** Фатализмга берилган, тақдирга, пешонада ёзилганига ишонувчи одам.

**ФАТАЛИСТИК** **1** Фатализмга оид; фатализмга асосланган. *Фаталистик қарашлар.*

**2** Албатта юз берадиган, юз бериши муқаррар бўлган, шак-шубҳасиз. *Фаталистик уруш.*

**ФАТВО** [а. فتوى / فتوا — муфтининг ҳукми, қарори; тушунтириш, изох] Шариат, дин қонун-қодалари асосида руҳонийлар (муфти, шайхулислом, қози) томонидан бирор диний, ҳуқуқий, сиёсий ҳамда ижти-

мой масала юзасидан чиқариладиган ҳукм, қарор, изоҳ ёки бирор ишнинг шарият нуқтаи назаридан амалга ошириш мумкинлиги ҳақидаги кўрсатма, буйруқ. *Фатво ҳам пулингга яраша бўлади.* Мақол. ■ *Келинг, Вали ака, биргалашиб қозига борайлик, фатвосини олайлик.* М. Исмоилий, Фарғона т. о. *Муфтилар фатво берсалар ҳам, ўз қалбингизга қараб иш тутинг.* «Фан ва турмуш».

**2** кўчма Кафиллик, кафолат, ишонч. *Бунинг ҳалоллигига фатво бера оламан.* К. Яшин, Ҳамза.

**3** кўчма Баҳона, ваз, йўл-йўриқ. – *Эртага имомингнинг олдига бор, бу тўғрисида ҳам сенга бирон фатво топиб берар.* С. Айний, Қуллар. *Қара-я, тўрт йил писиб юришингга фатво ҳам топибсан-да, ҳе, ҳезалак!* Т. Малик, Ажаб дунё.

**ФАТВОХОН** [ф. فتواخوان – фатво ўқувчи, фатво берувчи] Шаръий ҳукм чиқарувчи, фатво берувчи. *Наҳот ўйламайсанки, фатвохон муфтилар халқ ривоятларига «фи сабиллаҳ» муҳр босиб берсалар.* «Шарқ юлдузи».

**ФАТИЛА** [а. فتيله – эшилган пахта пиллик; калава; жамалак, гажак] **1** Ҳалқа-ҳалқа бўлиб турган ёки эшилган, жингалак (соч ҳақида). *Қизчанинг сочлари фатила-фатила бўлиб турарди.* ■ *У кишининг.. ўсиб кетган сочи фатила-фатила бўлиб, елкасига тушган эди.* Н. Аминов, Суварак.

**ФАТТОН** [а. فئاتن – мафтун қилувчи, мафтункор, жозибали; йўлдан оздирувчи] *эск. кт.* Кишини ўзига мафтун қиладиган, мафтункор, шаҳло (кўпинча севикли ёр кўзи ҳақида). *Ёниб турган, қорачиги кенг фаттон кўзлар унинг [Қодирнинг] дамани қайтарди.* Шухрат, Олтин зангламас. *Ким яратмиш кўзу қошу ғамзаи фаттонини..* Мирмуҳсин, Меъмор. *Фитнагар олам аро фаттон ўзинг, қурбон ўзинг.* Э. Воҳидов, Муҳаббатнома.

**ФАТҲ** [а. فتح – очиш, очилиш; эгаллаш, забт этиш; ғалаба] *кт.* Ўзига бўйсундириш, забт этиш, эгаллаш; босиб олиш. *Фатҳ қилмоқ (этмоқ).* ■ *Маҳмуд Фазнавий Рай шаҳрини босиб олиб, уни ўғли Масъудга сова қилди-ю, Ҳамадон, Исфаҳон шаҳарларини фатҳ этишини унинг зиммасига юклади.* О. Ёқубов, Кўҳна дунё. *Қалбалар фатҳ этдик ер, кўк ва сувда, Улимни ҳам енгиб олсайдик омон.* Миртемир.

**ФАТҲА** [а. فتحه – забар] Араб ёзувида ундош ҳарф устига қўйилиб, ундан кейин келадиган «а» унлисини ифода этувчи белги, забар. «А» товушини ифодалаш учун ҳарф устига қўйиладиган чизиқча (/) «забар» ёки «фатҳа» дейилади. «Ўқиш китоби».

**ФАТҲ-НУСРАТ**, **фатҳу нусрат** [фатҳ + нусрат] Зафар, ғалаба; зафар тантанаси. *Бўлиб даҳшатли жанглар, ўтди сонсиз давру давронлар, Бунингдек фатҳу нусрат кўрмаган бу гумбази атлас.* Ҳабибий.

**ФАУНА** [нем. Fauna – ҳайвонот дунёси < Рим мифологиясида дала ва ўрмонлар маъбудаси] Бирор ҳудуд, мамлакат ёки геологик даврнинг ҳайвонот дунёси, уларда яшган ёки яшаётган ҳайвонлар мажмуи. *Ўзбекистон фаунаси. Африка фаунаси. Мезозой эрасининг фаунаси.*

**ФАҲР** [а. فخر – ўз-ўзини мақташ; гурур, ифтихор] **1** Мамнунлик ҳисси, мамнуният; гурур, гурурланиш. *Касбни севиш, унинг фаҳри билан яшаш ва садоқат билан ишлаш бахт калитидир.* Р. Усмонов, Одобнома. *Кўзларида нозик бир нур чақнади. У фаҳр ўтими ё қаҳр ўти – билиб бўлмади.* М. Исмоилий, Фарғона т. о.

**2** Мақтанишга, кўз-кўз қилишга, гурурланишга арзийдиган нарса ёки кимса, энг яхши намуна; ифтихор объекти. *Пахта – ўзбек халқининг фаҳри.* ■ *Тарихий ва миллий ёддорликлар бизнинг миллий бойлигимиз, чексиз фаҳримиздир.* Газетадан. *Бу шеър даҳосига минг йил умр бер! Бу элнинг фаҳридир, шоир Алишер.* Уйғун ва И. Султон, Алишер Навоий.

**Фаҳр қилмоқ (ёки этмоқ) айн. фаҳрланмоқ.** *Баъзи одамлар пайғамбар ёшига етдим, деб қувонса, Соли совуқ ҳам мингбоши ёшидаман, деб фаҳр қиларди.* М. Исмоилий, Фарғона т. о. *Узоқ асрлардан келаётган маданиятли аждодларим билан ҳам фаҳр этаман.* Мирмуҳсин, Умид.

**ФАҲРИЙ** [а. فخرى – ҳурматли, шарафли, муҳтарам] **1** Алоҳида, катта ҳурматга сазовор бўлган; энг ҳурматли. *Фаҳрий аъзолар. Жамонинг фаҳрий аъзоси. Шаҳримизнинг фаҳрий фуқароси.*

**Фаҳрий қоровул** **1**) бирор давлат арбоби ёки расмий кишилар ҳурмати учун қўйиладиган (саф қилинадиган) ҳарбий бўлинка. *Ўзбекистон Республикаси Президентига Ислам Каримов шарафига фаҳрий қоровул*

саф тортди. Газетадан; 2) марҳум ҳурмати учун тобут қошида турадиган кишилар.

2 Алоҳида хизматлари учун ҳурмат юзасидан бериладиган, тақдирланадиган. *Фахрий ёрлиқ. Фахрий унвон.* ■ *Ўғлим билан катта майдонда Эгалладим букун фахрий жой.* Ҳ. Пўлат.

3 Ҳурмат юзасидан сайланадиган. *Ўзбекистон Республикаси Фанлар академиясининг фахрий аъзоси.*

4 Ҳурмат, шон-шараф ва шуҳрат бахш этадиган, гурурланишга арзийдиган. *Қисқа қилиб айтганимизда, ўзбек санъати ва адабиёти катта, лекин фахрий сивовдан ўтди.* Т. Обидов, Юсуфжон қизиқ.

5 Ижтимоий-сиёсий ҳаётнинг, касб-корнинг, Ватан мудофаасининг бирор соҳасида узоқ муддат фаолият кўрсатган шахс. *«Нуроний» фахрийлар жамғармаси.* ■ *Убарчанинг ҳурматига сазовор меҳнат фахрийсидир.* Газетадан.

**ФАХРИЯ** [а. فخرية — гурур, фахрланиш; мақтаниш] Шарқ мумтоз шеъриятида: шоир томонидан ўз ижоди, истеъдоди ва фазилатларини мақтаб ёзилган шеър, шоирнинг ўз ижоди билан фахрланиб айтган сўзларидан иборат жанр. *Фахрия десам ҳам лойиқдир шеърим, Ахир, она бўлдинг, ҳам бўлдинг қизлик!* Ҳ. Ғулум, Гулдаста.

**ФАХРЛАНМОҚ** Бирор кимса, нарса ёки эришилган ютуқ туфайли мамнун бўлмоқ; гурурланмоқ. *Дўстларингнинг сони билан эмас, содиқлиги билан фахрлан.* Шуҳрат, Шинелли йиллар. *Шундай йигитнинг ёри эканидан фахрланаётгани кўзидан, чимирилган қошларидан билинар эди.* Шуҳрат, Шинелли йиллар.

**ФАХРЛИ** Ҳурмат, шон-шараф келтирадиган; фахрланса арзийдиган; шарафли. *Оналаримизнинг кундалик, тинимсиз меҳнати фахрли ва олижаноб меҳнатдир.* «Саодат». *Фахрли касб эгаси — химик бўлганим учун ич-ичимдан қувонаман.* Газетадан.

**ФАШ** [ф. فش — от ёли; салла печи] Салланинг елкага тушган қисми; печи, учи. *Хатиб домла кулумсираб.. оқ бўйра устидаги тобут ёнига боради ва салласининг фашини тушириб, такбир учун қўл кўтарди.* А. Қодирий, Обид кетмон. *Бошига кўк салла ўраб, фашини узун қилиб орқасига ташлаган бир киши котибга ариза берди.* С. Айний, Куллар.

**ФАШИЗМ** [итал. fascismo < fascio — бог, боғлам, даста; бирлашма, бирлашув < лот. fascis] Жангари ирқчилик, антисемитизм ва шовинизм мафкураси; унга таяниб иш кўрувчи сиёсий оқимлар, шунингдек, бир ҳукмрон партиянинг ошкор террористик диктатураси, у томонидан яратилган ва илғор ижтимоий ҳаракатларни, демократияни йўқ қилишга ва урушлар келтириб чиқаришга қаратилган қатағон режими. *Кекса авлод фашизм билан шафқатсиз олишувда урушнинг барча оғирликларини енгди.* Газетадан.

**ФАШИСТ** [итал. fascista] Фашизм тарафдори; фашистлар ташкилотининг аъзоси; фашизм ғоялари, ҳаракатининг ижрочиси. *Наинки фашист фақат душмангина бўлса, наинки унинг бутун қилмиш-қидирмишларини минг йиллардан бери одам бола-сига маълум бўлган «душман» калимаси ифода қила олса?* А. Қаҳҳор, Асарлар.

**ФАЭТОН** [юн. Phaethon — юнон мифологиясида: куёш маъбуди Гелиоснинг ўғли Фаэтон исмидан: у икки гилдиракли куёш аравасини бошқаришни хоҳлаб, Ер юзини хавф-хатарда қолдирган < phao — ярқирайман, нур сочаман] *айн. файтон, фойтун.*

**ФАҚАТ** [а. فقط — атиги, ёлғиз; аммо; нуқул] **1** *рви.* Биргина, ягона, ёлғиз. *Меҳри касалхонада узоқ ётиб қолди. Ундан фақат Нисо буви хабар олиб турар эди.* А. Қаҳҳор, Бошсиз одам. *Чувалчанг фақат ёмғир ёққандан кейингина ер юзасига чиқади.* «Фан ва турмуш». *Ёдгор сирларини фақат Зокиржонга айтарди.* Ў. Ҳошимов, Қалбингга қулоқ сол.

**2** *зидл. боғл.* Чеклаш маъносини ифодалайди. *Ҳамма нарса тушунарли, фақат битта саволим бор.* ■ *Яна айтаман, фақат эҳтиёт бўл, ёмон кўздан ўзи асрасин.* Т. Ашуров, Оқ от. *Фақат ожиз қаламим маним, Ўзбекистон, Ватаним маним.* А. Орипов, Юртим шамоли.

**ФАҚИР** [а. فقير — камбағал, қашшоқ, муҳтож] **1** Моддий жиҳатдан ночор, камбағал, қашшоқ; муҳтож. *Фақир одам. Амирнинг ошидан фақирнинг мушти яши.* Мақол. ■ *Бировнинг мол-дунёси ошиб-тошиб ётса-ю, фақирга кўз олайтирса, ҳақиқат борми ахир, эй фалак!* Ж. Шарипов, Хоразм. *Жавоб олмади ҳеч ким ҳам зотан: На султон, на гадо, на шох, на фақир.* А. Орипов, Йиллар армони.



2 эск. Биринчи шахс ўрнида ёки «мен», «биз» олмошлари билан бирликда ишлатилиб, сўзловчининг камтарлик қилаётганини ифодалайди. *Табибий энтими*: -**Фақирингиз виждоним буюрган гапни айтдим**. С. Сиёев, Ёруғлик. **Фақир у зотнинг суҳбатларидан баҳраманд бўлган пайтларимни эласам, юрагим эзилур!** П. Қодиров, Юлдузли тунлар. *Сиздек муҳтарам зот таклиф этади-ю, биздек фақир бош тортадими?* С. Сиёев, Аваз.

3 кўчма Ночор, бечора, чорасиз. *Кичик, хароб, фақир бир уй. Кампир ва ёш бир хотин жўхори тозалар эди*. Ойбек, Нур қидириб. **Фақир юрагим орқамга тортиб, пешонамни совуқ тер босди**. «Фан ва турмуш».

**Бола фақир** Ачинарли, қийин аҳволга тушган ёш бола; бечора бола. -*Бола фақирга қийин бўлди, — деди Жонузоқ оқсоқол. — Иссиқ-совуғига қарайдигани йўқ*. Ёлғиз. С. Анорбоев, Оқсой. *Бола фақирнинг қилган меҳнатига ҳали бу ҳосилалар ҳам оз, тақсир!* А. Қодирий, Обид кетмон.

**ФАҚИРЛАШМОҚ** Моддий жиҳатдан ожизланиб бормоқ, қашшоқлаша бормоқ, камбағаллашмоқ. -*Алишер мамлакатнинг фақирлашганининг сабабларини кўрсатиб, ўзича исботлаб, бутун давлат тартиботини ислоҳ қилмоқни тавсия қилади, — деди Мажиддин*. Ойбек, Навоий.

**ФАҚИРЛИК 1** Моддий жиҳатдан ожизлик, қашшоқлик, камбағаллик. **Фақирликни бошдан кечирмоқ**. ■ *Содиқлар.. фақирликда яшаб, йил сайин менга оз-оз ерларидан сотиб, тирикчилик қилар эдилар*. А. Қодирий, Ўтган кунлар. *Мутрибнинг ҳазилнамо байтида Аваз йўқчилик, фақирлик оиласини қуритган, ammo кўнгли қаноатга тўла некбин шоир қалбини кўргандек бўлди*. С. Сиёев, Аваз.

2 кўчма Хокисорлик, камтарлик. **Фақирлик йўлини ихтиёр қилдим, Шамшоднинг юртига бормоқчи бўлдим**. «Баҳром ва Гуландом».

3 кўчма Маънавий қашшоқлик. *Кишида уч хил сифат бордирки, улар фақирликдан дир: Подшоҳким, яхшилигингга шукр қилмайди, ёмонлигингни кечирмайди. Кўшиким, сендан яхшилик кўрса — яширади, ёмонлик кўрса — оширади..* «Фан ва турмуш».

**ФАҚИРОНА** [а. + ф. *فقيرانه* — камбағалона, эҳтиёжли ҳолатда] **1 рвш**. Фақирга хос; фақирларча, камбағалларча, ночор. **Фақирона яшамоқ**. **Фақирона ҳаёт кечирмоқ**. ■

*Шоир Ёрий деҳқончилик қилиб, фақирона ҳаёт кечирган*. Газетадан.

2 кўчма Аҳволи ночор, кўримсиз. *Халқнинг ақлу иродаси ва қудрати билан фақирона катакча кулбалор ўрнида бетондан, металлдан.. шахримиз қаддини кўтарди*. Газетадан.

**ФАҚИР-ФУҚАРО** [фақир + фуқаро] с. т. **Ғариб, ночор, камбағал кишилар, бевабечоралар**. *Уста Маҳмуднинг теварак-атрофга донғи кетди, уни фақир-фуқаронинг дўсти.. сифатида таний бошладилар*. М. Осим, Маҳмуд Торобий.

**ФАҚИХ** [а. *فقيه* — шариат ҳуқуқшуноси, қонуншуноси; куръон ўқувчи, қори] Дини ислом, шариат қонун-қоидаларини яхши билувчи ва таҳлил қилувчи. *Фақиҳлар маънавий баркамол, зўр иззат-ҳурматга сазовор, чуқур ақл-заковатга ва зарур маънавий фазилатларга эга бўлганлар*. Газетадан. *Мазкур кўчанинг охирида Алишербекнинг устозлари фақиҳ Абдулла истиқомат қилар эди*. П. Қодиров, Юлдузли тунлар.

**ФАҲМ** [а. *فهم* — англаш, тушуниш; фаросат; билармонлик] Инсоннинг тушуниш, англаш, онгли сезиш қобилияти; идрок, фаросат; ақл. *Аждоду боболарнинг фаҳмига балли: Илк деворни урганлар, кулба қурганлар*. М. Шайхзода. *Фаҳмини еб қўйган қай бир ногирон Демшики, кўр бўлсин буткул бу дунё*. А. Орипов, Йиллар армони.

**Фаҳм қилмоқ** 1) фикр юритмоқ, ўйламоқ, тушунмоқ. -*Албатта, хўжайинники ноҳақ. Боласи билан ўралиб қолди, энди шилай олмайди, деб ўйласа керак у. Мен шундай фаҳм қилдим, — куйиниб сўзлади Йўлчи*. Ойбек, Танланган асарлар; 2) айн. **фаҳмламоқ**. **Фаҳмига етмоқ (ёки бормоқ)** Идрок этмоқ, англамоқ; фарқига бормоқ, тушунмоқ. *Ҳа, майли, укажон, ҳали ёшсиз, кўп нарсанинг фаҳмига бормаيسиз*. «Гулдаста». *Ҳа, фақат табиблик қилолмайди. Ундан бўлак ҳамма нарсанинг фаҳмига етади*. Мирмуҳсин, Меймор.

**ФАҲМЛАМОҚ 1** Гап, воқеа, ҳодиса ва ш.к. нинг маъносига, моҳиятига тушуниб етмоқ, англамоқ; сезмоқ, уқмоқ. *Китобхон сохталикни дарров фаҳмлайди*. Газетадан. *..шикдан кирган киши бу ерда соҳибжамол жонон туришини дарров фаҳмлайди*. Шухрат, Шинелли йиллар.

2 ..деб билмоқ, ўйламоқ. *Мен сени дўст фаҳмлаб юрардим. ■ Отабек бу терс жавобни ҳазил фаҳмлаб, кулди ва Кумушнинг манглайига қўлини текизди.* А. Қодирий, Ўтган кунлар. *Аравакаш, Меъмор ўғлини камган, димоғдор фаҳмлаб, орқасига қайрилиб, яна бир қараб қўйгандек бўлди..* Мирмуҳсин, Меъмор.

**ФАҲМЛИ** Идрокли, фаросатли; сезгир. *Фаҳмли бола. Фаҳмли жонивор. ■ Ана шундоқ зийрак, фаҳмли.. пок йигитчани худонинг ўзи етказди..* К. Яшин, Ҳамза.

**ФАҲМСИЗ** Фаросатсиз, дидсиз, палапартиш; бефаҳм. *Фаҳмсиз бола.*

**ФАҲМ-ФАРОСАТ, фаҳму фаросат** Фаҳм ва фаросат, ақл, идрок. *Ақл, фаҳм-фаросат билан кўнгилни йўлга солиб туриш керак.* А. Қаҳҳор, Асрор бобо. *У шу маҳалгача ҳеч ким пайқаманга ҳақиқатга идроки етган шоғирдининг фаҳм-фаросатига қойил қолди.* М. Осим, Карвон йўлларида.

**ФАҲШ** [а. *فحش* – бедаблик, ахлоқсизлик, бузуқлик, зино] Зино ишларига ҳаддан ташқари берилиш; бузуқлик, ахлоқсизлик. *Фаҳш ишлар, фаҳш сўзлар исломда йўқ нарсадир. «Фан ва турмуш». Тангри фаҳш ишларни қилувчи ва беҳаё сўзларни запирувчи кишиларни ёмон кўради. «Фан ва турмуш».*

**ФАҲШИЯТ** [а. *فحشيت* – бузуқлик; шаҳвоният] Бузуқлик, ахлоқсизлик; шаҳвоний нафс. *Тошўлат, ёзувчининг ўз таъбирича, фақирлик орқасида ўғрилиш ва фаҳшият денгизида сузиб, тажанганган холис бир чапанидир.* А. Қодирий, Отам ҳақида.

**ФАҲШХОНА** айн. **фоҳишахона.** - *Тушинг эмас, ўнгинг. Бу кушхона, фаҳишхонага сендан беизн кирганим учун мени маъзур тутасан, бойвачча.* К. Яшин, Ҳамза.

**ФЕВРАЛЬ** [лот. *februarius* – тозаланиш, ҳалолланиш ойи] Янгича (календарь) йил ҳисобида иккинчи ой номи. *Февралнинг ўрталарида ҳаво юмшаб, дала-тошни, тўқайларни босиб ётган қалин қор ёпиғи тешила бошлади.* А. Қаҳҳор, Қўшчинор чироқлари.

**ФЕДЕРАЛ** [лот. *federalis* – иттифоқ, уюшмага оид] айн. **федератив.** *Федерал органлар. Федерал марказ. Федерал қўшинлар.*

**ФЕДЕРАЛИЗМ** [фр. *federalisme* < лот. *foedus* – иттифоқ, уюшма; боғланиш] *сиёс.* 1 Федерация системасига асосланган давлат тузуми.

2 Шундай давлат тузуми ўрнатишга интилувчи сиёсий ҳаракат, оқим.

**ФЕДЕРАЛИСТ** [фр. *federaliste*] Федерализм тарафдори, федералчи

**ФЕДЕРАТИВ** [фр. *federatif* – иттифоққа оид, асосланган] *сиёс.* Федерация асосида тузилган. *Федератив давлат.*

**ФЕДЕРАЦИЯ** [лот. *foederatio* – иттифоқ, бирлик] 1 *сиёс.* Алоҳида мустақил давлатлар ёки республикаларнинг бирлашуви асосида тузилган яхлит давлат, давлат ёки республикалар бирлашмаси. *Россия Федерацияси.*

2 Айрим жамиятлар ёки ташкилотлар уюшмаси; иттифоқи. *Жаҳон демократик ёшлар федерацияси. Хотин-қизларнинг халқаро демократик федерацияси. ■ Тошкент биродарлашган шаҳарлар жаҳон федерациясининг авзосидир.* Газетадан.

**ФЕЛЬДМАРШАЛ** [нем. *Feldmarschall*] Бир қатор мамлакатлар (Австрия, Пруссия, чор Россияси ва б.) армияларида жорий қилинган олий ҳарбий (генераллик) унвон ва шу унвонга эга бўлган киши (бу унвон Буюк Британия ва б. баъзи мамлакатларда сақланган).

**ФЕЛЬДШЕР** [нем. *Feldscher* < *Feld* – жарроҳ; *schere* – ҳарбий қисм сартароши] Ўрта тиббий маълумотга эга бўлган тиббиёт ходими, врач ёрдамчиси. *Зебо госпиталга ўз хоҳиши билан фельдшер бўлиб киргач, онасига ҳам иш топилиб қолди.* Шухрат, Шинелли йиллар. *Хуллас, Отажон йигирма олти ёшида фельдшер бўлди.* С. Зуннунова, Гўлак ҳиди.

**ФЕЛЬДЪЕГЕРЬ** [нем. *Feldjager*] Армия ёки ҳукуматнинг ўта муҳим, кўпинча маҳфий қоғоз-ҳужжатларини тегишли жойга етказиб берувчи курьер.

**ФЕЛЬЕТОН** [фр. *feuilleton* < *feuille* – ва-рак; дастлабки фельетонлар Францияда алоҳида варақларда чоп этилган] Кундалик ҳаётда рўй берадиган салбий ҳодисаларни ёки бирор кимсани ўткир тил билан танқид қилиб, унинг устидан кулиб, долзарб мавзуда ёзилган газета ёки журнал мақоласи; публицистик жанр. *Сатира ва юморнинг жанрлари жуда кўп: фельетон, ҳажвий ҳикоя, памфлет.. ва ҳоказолар. «Муштум». Комил Алиевнинг фельетонлари дўстларни қувонтирар, душманларга даҳшат соларди.* М. Жўра, Ноширнома.

**ФЕЛЬЕТОНЧИ** Фельетонлар ёзиш билан шуғулланувчи шахс; фельетонлар муаллифи. *..қизиқчиларимиз, фельетончи ва адабиётшуносларимизнинг теша тегмаган хангомаю ҳажвияларини мазза қилиб ўқийсиз.* Газетадан.

**ФЕН I** [*ингл.* fan < *лот.* vannus – елпиғич (машина)] Сочни қуритишга мўлжалланган, ҳавони илиқ қилиб ҳайдовчи электр асбоб. *Фен сочни қуритишга жуда қулай, боши оғрийдиганларга фойдаси бор.* Газетадан.

**ФЕН II** [*юн.* rhaino – кўрсатаман, намоён этаман] *биол.* Организмнинг ирсий (генлар билан боғлиқ) белгиси, хусусияти.

**ФЕНОЛ** [*юн.* rhaino – кўрсатаман, намоён қиламан + *лот.* ol(eum) – мой] *ким.* Тошкўмир қатронидан, бензолдан ёки синтетик йўл билан ҳосил қилинадиган, техникада кенг қўлланадиган кристалл модда. *Бетон қоришмага ўювчи натрийнинг сувли эритмаси билан аралаштирилган полимер – фенол қўшилади.* Газетадан.

**ФЕНОЛОГ** Фенология мутахассиси.

**ФЕНОЛОГИЯ** [*юн.* rhaino – кўрсатаман, намоён қиламан + *logos* – билим] Биологиянинг жонли табиатга йил фасллари алмашувининг таъсирини ва шу билан боғлиқ ҳолда юз берувчи ўзгаришларни (қушларнинг учиб келиши ва кетиши, ўсимликларнинг гуллаши ва б.) ўрғанадиган бўлими.

**ФЕНОМЕН** [*юн.* rhainomena – туюладиган, кўринадиган нарса] **I** *флс.* Ҳис-туйғу тажрибаси билан билинадиган ҳодисани англатувчи тушунча.

**2** Ғайриодатий, камдан-кам учрайдиган ҳодиса, факт, шахс.

**ФЕНОМЕНАЛИЗМ** [«феномен» с. дан] Объектив оламнинг мавжудлигини инкор қилувчи, у фақат инсон тасаввурида, ҳаёлида мавжуд бўлади, деб ҳисобловчи фалсафий таълимот.

**ФЕОДАЛ I** [*лот.* feodalis < feodum < *қад. юн.* fihu, fehu – ер-мулк + od – эгалик] *тар.* Феодализм даврида: ҳукмрон синф вакили – катта ер-мулк эгаси; заминдор; помещчик. *Бу даврда асосий бойлик ҳисобланган ер, сув, ўрмон ва ўтлоқлар феодалнинг қўлида эди. «Янги тарих». Шундан кейин аламзада феодалларнинг шахзодага рағбати ошди. «Фан ва турмуш».*

**2** *қўчма* Шафқатсизларча, қўпол муносабатда бўлувчи; эскича фикрловчи. *Сен дес-*

*пот бўлиб, мени турткилайверма. Феодал бўлма, азизим! Мирмуҳсин, Умид. Ҳа, дарвоқе, олти ойлик ярашув муддатида бу феодал, муттаҳамнинг устидан ўн бешта ариза бердим.* Н. Аминов, Қаҳқаҳа.

**ФЕОДАЛ II** [*лот.* feodalis] Феодализмга, феодалларга хос; феодализм принцип-ларига асосланган. *Феодал муносабатлар.*

**ФЕОДАЛИЗМ** [*ингл.* feudalism < *лот.* feodum – ер-мулкка эгалик] *тар.* Деҳқонлар мустақил хўжалик юритадиган, лекин шахсан ва иқтисодий жиҳатдан ҳукмрон синфга – катта ер-мулк эгаларига қарам бўлиб, уларга феодал рента тўлайдиган, тарихан капитализмдан олдинги ижтимоий-иқтисодий формация.

**ФЕОДАЛЛАРЧА** *рвш.* Феодалга хос, зўравонликка асосланган, феодаллардай. *Феодалларча синфий муносабат. Феодалларча қараш.*

**ФЕРМА I** [*фр.* ferme < *лот.* firmus – мустаҳкам] **I** Бозор иқтисодиёти мамлакатларида ўз мулкида ёки ижарага олинган ерда хўжалик фаолияти билан шуғулланган фермерга тегишли бўлган хусусий қишлоқ хўжалик корхонаси.

**2 тар.** Чорвачилик маҳсулотлари ишлаб чиқариш ва чорва молларини парвариш қилиш билан шуғулланган ихтисослашган қишлоқ хўжалик корхонаси ёки бўлинмаси. *Паррандачилик фермаси. Чорвачилик фермаси. Наслчилик фермаси.* ■ *Ҳар куни тонг қоронғисида қорининг хотини Тўпанисо билан сигир соққани фермага борар эди. А. Қаҳҳор, Қўшчинор чироқлари. Сатторов кассани ҳисоблаб чиққач, товуқ фермасига ўтди.* «Муштум».

**3** Чорва моллари ва паррандаларни етиштириш (боқиш ва сақлаш) учун мўлжалланган бино.

**ФЕРМА II** [*лот.* firmus – мустаҳкам] Том ёпиш, бостирмалар ва кўприк қуришда ишлатиладиган, металл, темир-бетон, ёғочдан бўлган таёқ(ча)ларни бир-бирига бириктириб ясаладиган қурилиш конструкцияси.

**ФЕРМЕНТ(ЛАР)** [*лот.* fermentum – ачитқи] *биол., ким.* Ҳайвон, ўсимлик ва микроорганизмларнинг тирик ҳужайраларида катализаторлик вазифасини бажариб, ундаги кимёвий жараёнларни миллион мартадан тезлаштишга ёрдам қиладиган

оқсил моддалар (кундалик турмушда, енгил, озик-овқат ва кимё саноатларида кенг қўлланади). *Асалнинг шифобахш модда бўлишининг бирдан-бир сабаби таркибида ферментларнинг кўплигидир.* Л. Икромов, Минг дардга даво. *Турпдаги ферментлар киши организмда модда алмашилишига.. ёрдам қилади.* К. Маҳмудов, Ўзбек тансиқ таомлари.

**ФЕРМЕНТАТИВ** Ферментга оид; фермент хоссаларига эга, ферментлар таъсирида юзага келадиган. *Ферментатив модда. Ферментатив жараёнлар. Ферментатив фаоллик.*

**ФЕРМЕНТАЦИЯ** [лот. fermentare — ачитмоқ, бижғитмоқ] биол., ким. Тегишли микроорганизм турлари ишлаб чиқарадиган ферментлар таъсирида хомашё моддалар (узум шираси, чой, тамаки барглари)ни қайта ишлашдаги биокимёвий жараён; ачиш, бижғиш, ачитиш. *Тамаки ферментацияси. Чой барглари ферментацияси.* ■ *Қора чой яхши пишиган барглardan тайёрланади. Бунда улар аввал қуритилади ва эзилади, сўнгра ферментация қилиниб, яна қуритилади.* «Фан ва турмуш».

**ФЕРМЕР** [ингл. farmer] Ўзига қарашли ёки ижарага узоқ муддатга олинган ерда зироат, чорва, парранда маҳсулотларини етиштириш билан шуғулланувчи майда ёки ўртача қишлоқ хўжалик корхонаси эгаси. *Фермерларга аталган ерларни мерос қилиб қолдириш шарти билан узоқ муддатга ижарага олиш ҳуқуқи мустақкамланиб кўйилди.* Газетадан. *Уша кун.. Аҳмад Қодиров деган фермер укамизни учратиб қолдим.* Газетадан.

**ФЕРМИЙ** [лот. fermium < итал. Fermi — италиялик физик Энрико Ферми номидан] ким. Менделеев даврий системасининг III гуруҳига мансуб кимёвий элемент; сунъий йўл билан олинган радиоактив металл.

**ФЕРРО-** [лот. ferrum — темир] Байналмилал ўзлашма қўшма сўзларнинг биринчи қисми бўлиб, темирга оидлик, темир билан алоқадорлик каби маъноларни ифодалайди, мас., *ферромагнит, ферроқотишмалар.*

**ФЕРРОМАГНИТ** [ферро.. + магнит] Кучли магнит хусусиятига эга бўлган, тез магнитланадиган (темир, пўлат, чўян, никель, кобальт ва б.).

**ФЕРРОҚОТИШМАЛАР** [ферро.. + қотишма] ким. тех. Темирнинг бошқа элементлар (кремний, марганец, хром, молибден, ванадий ва б.) билан қотишмалари.

**ФЕРРУМ** [лот. ferrum — темир] Темирнинг кимёвий формулаларни айтганда (ўқиганда) фойдаланиладиган номи.

**ФЕРУЗ** [а. فيروز < ф. فيروز / پیروز — ғолиб, музаффар, зафарли; бахтли] 1 Бахтли, толели; ғолиб, музаффар.

2 Ўзбек халқ мумтоз куйларидан бирининг номи (Феруз — Муҳаммад Раҳимхон II ва Муҳаммад Раҳим I даврларида яратилган).

3 Феруз (эркаklar исми).

**ФЕРУЗА** [ф. فيروزه / پیروزه — яшил рангли қимматбаҳо тош] Заргарликда безак буюмлар учун ишлатиладиган, кўк-яшил, ҳаворанг-яшил рангли қимматбаҳо тош. *Феруза ва забаржад тошлар кўз қамаштириб ётади.* Ойбек, Навоий. *Меъморнинг хаёлидан.. мирзо ҳадя этган феруза кўзли тилла узуги ўтди.* Мирмуҳсин, Меъмор. *Магриб мамлакатларида феруза «шарқ тоши» деб аталган.* «Фан ва турмуш».

2 кўчма Мовий, ҳаворанг. *Феруза сув тағларида сузар олтин баликлар.* Миртемир, Асарлар. *Унинг.. ярим очиқ кўзлари мусалфо, феруза осмонга қадалган.* Н. Аминов, Ёлғончи фаришталар.

3 Феруза (хотин-қизлар исми).

**ФЕСТИВАЛЬ** [фр. festival < итал. festivus — байрамона, шод, қувноқ] Санъатнинг мусиқа, кино, театр, цирк ва б. соҳаларида эришилган энг яхши ютуқлар бўйича вақти-вақти билан ўтказиладиган танлов, кўрикдан иборат оммавий байрам, тантана, сайил. *Мусиқа фестивали. Ўзбек кинофильмлари фестивали.* ■ *Фестиваль халқлар билимини оширишга, бир-бирларини яхшироқ билиб олишларига ёрдам беради.* «Саодат». «Тошкентнинг олтин кузи» фестивали ўз номига гоят муносиб. Газетадан.

**ФЕТИШ** [фр. fetiche — бут, санам < порт. fetico — тумор; сеҳргарлик] 1 Ибтидоий қабилалар муқаддас, ғайритабiiй кучга эга, деб сизинган, топинган жонсиз нарса.

2 кўчма Кўр-кўрона ишониб, қаттиқ ёпишиб олинган нарса, ғоя ва ш. к.

**ФЕТИШИЗМ** [«фетиш» с. дан] 1 Ибтидоий қабилаларда фетишларга — илоҳийлаштирилган нарсаларга топиниш, сажда қилиш (ҳозирда ҳам иконаларга, рамзий

хайкалчаларга, баъзи жониворларга сиги-ниш, сажда қилиш тарзида учраб туради).

**2 кўчма** Бирор нарсага кўр-кўрона, берилиб эътиқод қилиш, бундай нарсага маҳкам ёпишиб олиш. *Пул фетишизми.*

**ФЕЪЛ I** [a. فعل — ҳаракат, таъсир кўрсатиш; иш, амал] **I** Киши характери-ни ташкил этувчи руҳий хусусиятлар ва ундан юзга келувчи хатти-ҳаракатлар мажмуи; хулқ, характер, хулқ-атвор. *Ҳар ким феълига яраша олар.* Мақол. ■ -Бу оймчанинг феъл-ни биласиз-ку! — деди Мастура кўзига ёш олиб. Э. Аъзамов, Жавоб. *Зайнабнинг шу феъли балоғатга етиб, эрга теккандан кейин ҳам ўзгармади.* А. Қодирий, Ўтган кунлар.

**2** Инсоннинг маълум пайтдаги руҳий ҳолати, кайфияти, авзойи. *Феъли бузилмоқ. Феъли айнимоқ. Феъли озмоқ.* ■ Шундай феъли бузилдики, худодан ҳам хафа бўлиб кетди. М. Исмоилий, Фарғона т. о. *Бироқ раиснинг феъли бирданига айниб қолди.* С. Зуннунова, Олов.

**Ит феъл, итфеъл** Ёмон хулқли, ярамас. *Самоварчининг «ит феъл» эканини пайқаган бўлса ҳам, ноилож унинг олдига борди.* Ойбек, Танланган асарлар. -*Ит феъл, бадбахт!* қошу қовоғингдан нақ қор ёғди.. Ойбек, Танланган асарлар. **Феъли айнамоқ** кўчма Ўзгармоқ, ёмонлашмоқ (об-ҳаво ҳақида). *Шамол эсиб, ҳавонинг феъли айниб бирпасда..* Файратий, Танланган асарлар. *Гоҳо кулиб, осмон ҳаммани хурсанд қилади, гоҳо бирдан феъли айниб, деҳқон дилини сиёҳ қилади.* Н. Сафаров, Оловли излар. **Феъли кенг** Бор нарсани биров билан баҳам кўралиган, бировдан аямайдиган, сахий. *Тегирмонда туғилган сичқоннинг феъли кенг.* Мақол. *Ўлганда гўринг кенг бўлсин, тирикликда — феълинг.* Мақол. ■ *Темирчининг уйи тор бўлса ҳам, феъли кенг эди.* Ш. Рашидов, Қудратли тўлқин. *Эй, феъли кенг қишлоқ ўғли, куйлайин сени!* А. Шер, Қадимги куй. **Феъли тез қ. тез** **5.** -*Хотининг, бунақа феъли тез экан, [болани] олиб кетмагани ҳам дуруст.* А. Қаҳҳор, Қўшчинор чироқлари. **Феъли тор** Ҳаддан ташқари зиқна, хасис. *Қадим ўтган замонда, Каттақўрғон томонда, Бир очкўз бой бор эди, Феъли жуда тор эди.* Уйғун. -*Уларда пул бўлади, биламан. Лекин аёлларнинг феъли тор.* Ойбек, Танланган асарлар. **Феъли қайтмоқ** айн. **тўнини тесқари киймоқ** қ.

**тўн.** *Ё тавба, ё тавба! Мунча феълинг қайт-маса, қизим?* Н. Сафаров, Танланган асарлар.

**3 кўчма** Одат, хулқ, қилиқ; иш, хатти-ҳаракат. *Ёлгончилик шундай бир шум феъл-дирки, имонга, ризққа, умрга, эътибор ва обрўга зиёни бордур.* Ҳамза, Танланган асарлар. *Қойил қолдим энди қилган феълингга, Ўғил кўргин, қўлин солсин бўйингга.* «Эрали ва Шерали». *Ҳали ҳам тавба қил қилган феълингга, Тўхта, ойим, етолмайсан элингга.* «Муродхон».

**Хуш феъл қ. хушфеъл.** [Ўроз] *Мирза-каримбойга қарол бўлиб ёлланган, кет-боши кир, увада бўлишига қарамай, чиройли, хуш феъл, ёқимтой йигит эди.* Ойбек, Танланган асарлар.

**ФЕЪЛ II** [a. فعل — иш, ҳаракат] *тлш.* Ҳаракат, шунингдек, ҳолат ва ҳодисани билдирадиган сўзлар туркуми ва шу туркумга оид ҳар бир сўз. *Феъл замонлари. Келаси замон феъли. Ўтган замон феъли. Утимли феъл. Утимсиз феъл.*

**ФЕЪЛАН** [a. فعلاً — феълига, иши, ҳаракатига кўра] *рвш.* кам қўлл. Характер, хулқига кўра, шу жиҳатдан. *У [Умид] бошқа ўртоқларига қараганда анча тежамкор, феълан босиқ.* Мирмуҳсин, Умид.

**ФЕЪЛ-АТВОР** [феъл + атвор] Шахснинг атроф муҳитга ва ўз-ўзига муносабатида намоён бўладиган, ўзигагина хос хусусияти; характер. *Одамнинг феъл-атвори унинг қисматиدير.* Газетадан. *Боланинг хатти-ҳаракати ва феъл-атвори маълум даражада ота-онасининг кимлигидан далолат беради.* Р. Усмонов, Умр сабоғи.

**ФЕЪЛДОР** [a. + ф. فعلدار — маълум феъл-атворга эга] кам қўлл. Феъл-атвори ёмон, дағал муомалали; асабий. *Ўз хотининг феълдор бўлса, бировни ғазаблаш ҳам ярашмас экан.* И. Раҳим, Ҳилола.

**ФЕЪЛЛИК** *тлш.* Феъл туркуми хусусиятларига эғалик; феълга хослик. *Сифатдошлар феъллик ва сифатлик хусусиятларига эга бўлади.* «Ўзбек тили» дарслиги.

**ФЕЪЛ-ХҲҲ** айн. **феъл-атвор.** *Мулла Муҳсин Хатиб домланинг феъли-хўйига яхши тушунганликдан, унинг ҳамма сўзларига ҳам батамом ишониб етолмайди.* А. Қодирий, Обид кетмон. *Бу йиғит деҳқонларнинг феъл-хўйини яхши билганидан, улар билан тез тил топишиб кетди.* Ойбек, Навоий.

**ФЁН** [нем. Föhn < лат. favonius — илиқ гарбий шамол] геогр. Тоғли ўлкаларда тоғлардан водийларга, юқоридан пастга томон эсувчи кучли, илиқ ва қуруқ шамол. *Фённинг зарарли таъсирини камайтириш учун ихота дарахтзорлари барно этилади.* «ЎЗМЭ».

**ФИБРА** [лат. fibra — тола] тех. Кимёвий йўл билан ишланиб, бир неча қатламли прессланган, букилувчан, жуда пишиқ қалин қоғоз; ўраш, изоляциялаш материали сифатида ҳамда тери ўрнида ишлатилади. *Сиртига фибра сирилган чамадон.*

**ФИБРОМА** [лат. fibra — тола + юн. -ома — шиш, ўсмани билдирувчи қўшимча] тиб. Толадор бириктирувчи тўқимадан пайдо бўлган, тананинг ҳар қандай қисмида учрашиш мумкин бўлган хавфсиз ўсма.

**ФИГОР** [ф. فگار — «афгор» с. нинг бошқача шакли] қ. **афгор**. *Қилма кўнглум хори ҳижрондин фигор, эй сарвиноз. Фурқат. Муҳаббатдин бўлурман фигор, майлигаму? Тараҳхум айламасанг, эй нигор, майлигаму? Муқимий.*

**ФИГУРА** [лат. figura — образ, кўриниш] с. т. 1 Гавданинг тузилиши, бичими; қаддиқомат, жусса. *Фигураси ниҳоятда чиройли.* ■ *У кўгирчоқлар ясайди.. сувенир фигураларнинг нодир коллекциясини яратади.* Газетадан.

2 Муайян ҳаракат (рақс, ҳавода учуш, сувда сузиш, конькида учуш ва ш.к.) ни бажаришда кимса ёки нарса томонидан ҳосил қилинган ҳолат, вазият.

3 Шахмат ўйинида: пиёдалардан бошқа асосий сипоҳлар; қарта ўйинида: туз, қирол каби асосий қарталар. *Зухра шахмат фигураларидан кўзларини узмасди.* Ибохон, Улуғ кун.

4 Геометрик шакл. *Симметрик фигура.* ■ *Алоҳида ёки бир-бири билан турли комбинацияларда олинган нуқта, чизиқ ва сиртлар геометрик фигуралар ҳосил қилади.* «Геометрия» дарслиги.

5 *кўчма* Бирор иш, соҳа, жабҳадаги асосий, ҳал қилувчи, етакчи сиймо. *Таълим-тарбия ишида ўқитувчи бош фигура саналади.* ■ *Теримчи ва механик-ҳайдовчи пахта йиғим-теримида марказий фигура, ҳал қилувчи кучдир.* Газетадан.

**ФИГУРАЛИ 1** Фигуралар ҳосил қилиб бажариладиган (қ. **фигура 2**). *Фигурали учуш мусобақаси ҳақидаги суратли афишаларни*

*кўздан кечирди.* А. Обиджон, Аканг қарагай Гулмат.

2 Кўплаб геометрик шаклларга эга бўлган. *Маълумки, кўп фигурали картиналар яратиш муаллифдан юксак маданият талаб қилади.* «Гулистон».

**ФИГУРАЧИ** сирт. Конькида турли фигуралар ҳосил қилиб учувчи, рақс тушувчи спортчи. *Мусобақада фигурачиларимиз бешта совринли ўринни эгалладилар.* Газетадан.

**ФИДЕИЗМ** [фр. fideisme < лат. fides — ишонч, эътиқод] флс. Имон-эътиқод ақлидрокдан устун туради, деб ҳисобловчи, фан ва илмий билишни чекловчи диний дунёқараш.

**ФИДО** [а. فداء — қутулиш, қутултириш; товон, эваз; қурбонлик, қурбон бериш, фидо бўлиш] Бирор кимса, нарса ёки ғоя учун ўзини бағишлаш; бахшида, қурбон қилиш. *Жонингни фидо қилсанг қил, номусингни фидо қилма.* Мақол. ■ *Мустақиллик учун жонини фидо қилган шаҳидларни гам-андуҳ билан эслаймиз.* Газетадан.

**ФИДОЙИ** [а. فدائى — ўз жонини қурбон қилувчи] 1 Бирор кимса, нарса ёки ғояга астойдил берилган ва улар учун жондан кечишга ҳам тайёр; содиқ. *Меҳнаткаш, фидойи, ҳалол инсонни ўлимидан кейин эъзозлаш тириклар қўлига чироқ тутқазуш билан баравардир.* «Саодат». *Бизнинг кишилар мард, камтар, фидойи, Саботиға айтсанг тасанно арзир.* М. Бобоев.

2 Кўнгилли, ўз ихтиёри билан келган (қолиб) аскар. *Ёш Аҳмад янги тузумни мустаҳкамлашга бел боғлаган фидойилар сафиға қўшилди.* Газетадан.

**ФИДОЙИЛИК** Ўз танлаган йўли, маслағи, гоёсига, касбу корига ёки бирор кимсага содиқлик, ўзини бахшида этиш. *Фидойилик бор жойда ғалаба бор, дейдилар.* «Шарқ юлдузи». *Ўзига шунчалар фидойилик қилган мана шу гўзал қизнинг — жондан ортиқ Азизасининг олдидаги қарзини қандай узсин?!* Ў. Ҳошимов, Қалбингга қулоқ сол.

**ФИДОКОР** [а. + ф. فداكار — ўз жонини қурбон қилувчи; фидойи] Бирор кимса, нарса ёки эътиқод учун ўз жонини фидо қиладиган; чексиз садоқатли, фидойи. *Фидокор одамнинг йўли доим ойдin бўлади.* Газетадан. *Бобуржон, сизнинг дилингиз беғубор, сиз нодир истеғодли фидокор йигитсиз!* П. Қодиров, Юлдузли тунлар.

**ФИДОКОРЛИК** Ўз иши, касб-кори, маслаги, эътиқодига ёки бирор кимсага ўта берилганлик, ўта содиқлик. *Ўзгаришларнинг ҳаммаси осонликча бўлмади. Бутун халқимиз гоят зўр фидокорлик кўрсатди. «Ўзбекистон кўриқлари». Йўлчи қизнинг бундай тўйгунлиги ва фидокорлигига қандай баҳо беришни.. билмай қолди.* Ойбек, Танланган асарлар.

**2** Бутун борлиги билан берилиб ишлаш-лик, жонбозлик. *..ҳамма, мижжа қоқмай, фавқуллодда фидокорлик билан ишлади.* Ойбек, Кўёш қораймас. *Сут соғувчиларимиз фидокорлик намуналарини кўрсатиб меҳнат қилди.* Газетадан.

**ФИДОКОРОНА** [a. + ф. فداکارانه — жонини фидо қилган ҳолда, жонбозлик кўрсатиб] *рвш.* Жонини фидо қилиб, бутун борлиги билан, садоқат билан, берилиб. *Хўжалик муваффақияти соҳибкорларимизнинг фидокорона меҳнати билан яратилди.* Газетадан.

**ФИЗИК** I Физика фани мутахассиси. *Мен физикман, фазо қонунлари ҳақида фикр юрита оламан.* О. Мўминов, Хиёбондаги уч учрашув.

**ФИЗИК** II Физикага доир, физика билан боғланган; физикавий. *Жисмларнинг физик хоссалари. Физик ҳодисалар. Физик жараёнлар.* ■ *Бир неча кун ўтгач, Солиҳ ўзи ишлайдиган физик проблемалар институти томон йўл олди.* О. Мўминов, Хиёбондаги уч учрашув.

**ФИЗИКА** [юн. physike < physis — табиат] Моддий дунё (материя)нинг тузилишини, энг умумий хоссаларини ҳамда унинг ҳаракат қонунларини ўрганувчи фан. *Назарий физика. Атом ядроси физикаси. Физика кабинети.* ■ *Физикада жисмларнинг ҳаракати, товуш, иссиқлик, электр, магнит ва ёруғлик хоссалари ўрганилади.* «Физика» дарслиги. *Унинг ўзи ёшликданоқ физикага қизиқар, онаси эса Юнусовга [тоғасига] суянади.* Ў. Ҳошимов, Қалбингга кулоқ сол.

**ФИЗИКАВИЙ** Физикага оид, физикага хос; физик. *Жисмларнинг физикавий хусусиятлари.*

**Физикавий кимё** Кимёвий ҳодисаларни физикавий усуллар ёрдамида ўрганувчи фан.

**ФИЗИОЛОГ** Физиология олими, мутахассиси. *Баъзи физиологларнинг фикрича, узоқ вақт қанд емаслик ҳатто фикрлаш*

*қобилиятини ҳам сусайтирар экан.* К. Маҳмудов, Қизиқарли пазандалик.

**ФИЗИОЛОГИК** Физиологияга оид; физиологияга дахлдор бўлган. *Физиологик жараён.* ■ *Ҳозирча титрашнинг инсонга қиладиган физиологик ва руҳий таъсири хусусида узил-кесил хулоса йўқ.* «Фан ва турмуш».

**ФИЗИОЛОГИЯ** [юн. physis — табиат + logos — билим] 1 Одам, ҳайвон ёки ўсимлик организми ва унинг алоҳида бўлаклари — муайян системалари, аъзолари, тўқималари, хужайралари ҳаёт фаолиятини (пайдо бўлиш, ўсиш, ривожланиш, кўпайиш, атроф муҳитга мослашиш каби жараёнларни), улар ўртасидаги ўзаро алоқадорликни ўрганувчи фан. *Умумий физиология. Қиёсий физиология. Ўсимликлар физиологияси.*

**ФИЗИОТЕРАПЕВТ** Физиотерапия мутахассиси, врач.

**ФИЗИОТЕРАПЕВТИК** Физиотерапияга оид. *Даволашнинг физиотерапевтик усули.*

**ФИЗИОТЕРАПИЯ** [юн. physis — табиат + терапия] Тиббиётнинг хилма-хил физик омиллар (сув, ёруғлик, иссиқлик, электр энергияси ва ш.к.) нинг организмга таъсирини ўрганувчи ва уларни касалликларни даволаш ва олдини олиш мақсадида қўлланч усулларини ишлаб чиқувчи соҳаси. *Физиотерапия йўли билан даволаш.* ■ *Зарур тиббиёт инвентарлари билан жиҳозланган физиотерапия кабинети дам олувчилар хизматида.* «Саодат».

**ФИЗКУЛЬТУРА** [р. физическая культура («жисмоний маданият») бирикмасининг қисқартмаси] 1 Инсон соғлигини мустаҳкамлашга ва умуман организмни ҳар томонлама чиниқтириш ва тақомиллаштиришга қаратилган жисмоний машқлар. *Физкультура билан шугулланмоқ.*

**2** Шу йўналишдаги фан ва таълим. *Физкультура ўқитувчиси.* ■ *Физкультура институтига кириш ҳам осонмас, дейишадикун!* Ў. Ҳошимов, Қалбингга кулоқ сол. *Биринчи дарс тарих, кейин она тили, алгебра, рус тили, физкультура.* Э. Раимов, Ажаб қишлоқ.

**ФИЗКУЛЬТУРАЧИ** Доимий равишда ёки танланган касб сифатида физкультура билан шугулланувчи шахс, спортчи. *Физкультурачилар паради.* ■ *..Истироҳат боғидаги кўл бўйига физкультурачи қиз ҳайка-*

ли қўйилганда, «яхши жой банд бўлиб қолди», деб бўйилган эди. А. Қаҳҳор, Асарлар.

**ФИКР** [а. فكر – тафаккур, ғоя; ақл, ўйлаш, ўй, хаёл, мулоҳаза] **1** Бирор нарса, ҳодиса ёки кимса ҳақида ўй, хаёл. *Фикри равшаннинг сузи равшан. Мақол. ■ Ҳанифанинг фикри бир зумда айқаш-уйқаш бўлиб қолди. «Саодат». [Нури] Тили билан Фазлидинга ҳар хил ёқимли сўзлар сўзласа ҳам, фикри бошқа ёқларда кезди. Ойбек, Танланган асарлар.*

**Фикрга толмоқ (ёки кетмоқ, чўммоқ, шўнғимоқ)** Қаттиқ ўйланиб, хаёл суриб қолмоқ. *Ташқарига чиққандан кейин, [Кумуш] айвоннинг тумшугига ўтирди ва ўнг қўлининг кафтига юзини олиб, фикрга толди. А. Қодирий, Ўтган кунлар. Афлотун танбурни чалиб, фикрга шўнғибди. Ойбек, Танланган асарлар. [Отабек] Бирмунча вақт фикрга кетиб ўтиргандан сўнг сўради.. А. Қодирий, Ўтган кунлар.*

**2** Бирор нарсага нисбатан муносабатни, уни баҳолашни ифодалайдиган ҳукм, хулоса. *Яхшини кўриб, фикр қил, ёмонни кўриб, шукур қил!* Мақол. ■ *Боринг, қозингизни топиб, ўз фикрингизни айтинг. У. Исмоилов, Сайланма. У Бўтаевнинг фикрига қўшила олмади. «Ёшлик».*

**Фикр юргизмоқ (ёки юритмоқ)** Бирор хулосага келиш мақсадида нарса ёки ҳодисаларни таққосламоқ; улар ҳақида ўйламоқ, мулоҳаза қилмоқ. [Шоқосим:] *Хотинимни ҳам камбағаллик йиқитди, бу ердаги оғир иш нобуд қилди. Бу томонларга андак фикр юргизиб, кейин гапиринг, Ёрмат ака. Ойбек, Танланган асарлар.*

**3** Бирор масала, иш юзасидан бериладиган таклиф; маслаҳат. *Бу иш юзасидан қандай фикр берасиз? ■ Моҳира ойим эрдан фикр сўраш ўрнига қизига арз қиладир. А. Қодирий, Ўтган кунлар. Аламазон газетадан Акбарнинг туркум шеърларини ўқиб, фикр билдиргиси келиб қолди. А. Обиджон, Аканг қарагай Гулмат.*

**Фикр олишмоқ** Бирор масала юзасидан бир-бири билан маслаҳатлашмоқ, фикрлашмоқ. *Фикр олишув натижасида улар шундай қарорга келишди: Ҳакимбойвачча онасининг арвоғига «хатми қуръон» қилади. Ойбек, Танланган асарлар.*

**4** Бирор нарсага эришиш, бирор ишни амалга ошириш ҳақидаги ният, мақсад. [Са-

лимбойвачча] *Гулнорнинг ахлоқсиз қиз эканини ўша вақтда фош этишига жазм қилган бўлса-да, бу фикрдан дарров воз кечишга мажбур бўлган эди. Ойбек, Танланган асарлар. Қўрчибоши уч томони девордай тик қоятош бўлган.. тоққа тахтиравон ишлатиш фикрдан қайтди. П. Қодиров, Юлдузли туллар.*

**Фикрига тушмоқ** Бирор нарсага эришишга, бирор ишни амалга оширишга бел боғламоқ, жазм қилмоқ, шу ишнинг пайига тушмоқ. *Шундан кейин бир неча ёрдўстлари, тўй чиқимини ўзаро устларига олишиб, уни уйлантириш фикрига тушдилар. А. Қодирий, Ўтган кунлар.*

**5** Нарса ва ҳодисаларни таққослаб ўрганиш, мулоҳаза юритиш натижаси; тўхтам, қарор. *Демак, эркалар ҳамма нарса тўғрисида ўйлаб, бир фикрга келишган. Ойбек, Танланган асарлар. –Мен ўзим ҳам шу фикрга келган эдим, – деди Меъмор. Мирмуҳсин, Меъмор. Ҳар қандай инсон ўз фикрини билдириб, қалбини ёзишга ҳақли. О. Мўминов, Хиёбондаги уч учрашув. Бошлиқ ўз фикрига эга бўлмаса, қўғирчоққа айланади. «Шарқ юлдузи».*

**6** Тушунча, билим; онг, ақл. *Оламнинг тузилиши ҳақидаги фикримиз такомиллашмоқда. ■ -Агар киши ақли, фикрни китобдан олмаса, қаёқдан олади? – деди Элмурод. П. Турсун, Ўқитувчи. Ақли, фикрининг теранлигини кўзлари айтиб турарди. С. Зуннунова, Олов.*

**7** Жамият ҳаёти ва табиатни тушуниш йўсини; дунёқараш, маслак. *Отамнинг, ҳам ўзимнинг қандай фикр ва маслак кишиси эканлигимизни айтиб ўтмоқчи бўламан. А. Қодирий, Ўтган кунлар. Уни ўқидингизми, инсоф билан айтинг, асарда қандай зарарли фикр бор. Ойбек, Нур қидириб.*

**8** (эгаллик қўшимчаси ва **-ча** аффикси билан) *кри. с. өзф. Айтилаётган фикрнинг қайси шахсга тегишли эканлигини билдиради. Менинг фикримча, ватанпарварлик тарихни ўрганишдан бошланади. «Фан ва турмуш».*

**ФИКРАН** [а. فكرأ – фикр юритган ҳолда, ўйлаб] *рви. кт. Хаёлда тасаввур қилиб, хаёл билан, хаёлан. Фикран суҳбатлашмоқ. ■ У фикран худога нола қиларди. К. Яшин, Ҳамза. Бувниса хола фикран оламни кезиб чиқди. Р. Файзий, Чўлга баҳор келди.*



**ФИКРАТ** [а. فکرت — фикр, гоя, ўй-хаёл, тасаввур] эск. Фикр қилиш, фикр юритиш, ўйлаш. *Модомики бу рўйи жаҳонда беш кунлик меҳмон экансан, атрофингга боқиб, фикрат қилсанг бўлмайдими?* С. Сиев, Ёруғлик.

**ФИКРДОШ** Бирор кимса билан бир хил фикрда, маслакда бўлган киши; ҳам-фикр, маслакдош. *Кўрдингми, катта одамлар бир-бирлари билан қандай фикрдош бўлар эканлар?* С. Айний, Эсдалиқлар.

**ФИКР-ЁД** айн. **фикр-зикр**. Қизнинг фикри-ёди фронтда, шиддатли жанглар кетаётган ерларда эди. «Саодат».

**ФИКР-ЗИКР** [фикр + зикр] Бутун вужуд билан орзу қилинган ўй-хаёллар. Унинг барча фикри-зикри янглиқлар билан банд эди. Ш. Рашидов, Бўрондан кучли. *Яхшиларнинг топган моли тўй бўлар, Фикри-зикри эли учун ўй бўлар.* «Кўшиқлар».

**ФИКРИЙ** [а. فکرى — фикрга, гояга асосланган, гоявий] Фикрлаш, фикр юритиш нуқтаи назаридан; маъно жиҳатдан; маъновий. *Фикрий изчиллик. Гаплар орасидаги фикрий боғланиш.* ■ *..шоир мисраларда ранг сўзини такрор келтириш орқали.. фикрий изчилликни таъминлайди.* «ЎТА».

**ФИКРЛАМОҚ** Бирор кимса, нарса ёки ҳодиса, жараён ҳақида муайян бир хулосага келиш мақсадида мулоҳаза юритмоқ; ўйламоқ. *Кўрбоши бу хабарни эшитиб, фикрлаб, нор дегани Гўрўели бўлиши керак.. деб Авазхонни қамаб, банди қилади.* «Нигор ва Замон». *Ҳаёт фақат жанг, меҳнат эмас, фикрлашдан ҳам иборат.* Шукрулло, Жа-воҳирлар сандиғи.

**ФИКРЛАШМОҚ** Биргаликда ўйлаб кўрмоқ, мулоҳаза қилмоқ, фикр олишмоқ, маслаҳатлашмоқ. *Улар даставвал бажарилиши лозим бўлган ишлар хусусида фикрлашиб олгач, машинага ўтиришди.* «Ўзбекистон кўриқлари». *Уша кун сеvimли устозим билан.. кўп нарсалар ҳақида фикрлашиб олдик.* Х. Тўхтабоев, Ширин қовунлар мамлакати.

**ФИКРЛАШУВ 1** **Фикрлашмоқ** фл. ҳар. н. 2 Бирор иш, муаммо, талбир, режа ва ш.к. ҳақида ўзаро фикр олишув, суҳбат. *Фикрлашув дўстона вазиятда ўтди.*

**ФИКРЛИ** Ўйлаб, ақл билан иш тутадиган; мулоҳазали. *Хаёллар дунёси кенг, ўткир фикрли бу ҳассос қиз берилиб кичик-кичик ҳикоялар ёзар эди.* Ойбек, Нур қидириб.

*Ўзинг фикрли эдинг, ўзинг олима эдинг, халқнинг маърифатсиз, илмсизлигидан ўзинг яхши хабардор эдинг-ку!* Ҳамза, Танланган асарлар.

**ФИКР-МУЛОҲАЗА** Муайян шахс, воқеа-ҳодиса ҳақидаги, одатда, шахсий қарор, хулоса. *Бу мулоим, қоши қора, унча сўзамол бўлмаса ҳам, фикр-мулоҳазаси кучли бу олим.. жамоат ишларига фаол қатнашарди.* Мирмуҳсин, Умид. *Томошабинларнинг жуда кўплаб фикр-мулоҳазалари унинг шубҳасиз мувафаққиятидан далолат берарди.* Газетадан.

**ФИКР-ХАЁЛ**, **фикру хаёл** айн. **фикр-зикр**. [Йўлчи] *Куннинг иссиғида кетмон ташларкан, фикру хаёли ҳалиги деҳқонда бўлди.* Ойбек, Танланган асарлар. *Ҳозир ўзим шу ерда ўтирибман-у, фикру хаёлим бошқа нарса билан банд.* Ф. Мусажонов, Ҳиммат.

**ФИКР-ЎЙ** айн. **фикр-хаёл**. *Шу фикр-ўй билан Пошишахон бозор қизи бўлиб ўсди, вояга етди.* Д. Нурий, Осмон устунни.

**ФИКСАЖ** [фр. fixage — мустаҳкамлаш < лот. fixus — мустаҳкам, барқарор, қатъий] Фотоқоғоз, пластинка ёки плёнкага туширилган расмларнинг тасвирини сақлаш, мустаҳкамлаш учун ишлатиладиган кимёвий эритма.

**ФИЛ** [а. فيل < ф. اپيل] зоол. 1 Африка ва Осиёда яшайдиган, сутэмизувчилар синфига мансуб, сиртга чиққан иккита узун, курак тишли ва бақувват хартумли, ўсимликлар билан овқатланувчи улкан жуссали ҳайвон. *Қуруқда яшовчи ҳайвонларнинг энг йириги филдир.* «Зоология». *Чивин кўплашса, филни йиқитади, деган гап бор.* И. Раҳим, Чин муҳаббат.

2 Шахмат тахтасида бурчак ҳаракати (диагональ) бўйича истаган катакка юра оладиган сипоҳ. [Шайхулислом] Э. Э. *ғалат, филнгизни кўрмабман.* Уйғун ва И. Султон, Алишер Навоий.

3 *кўчма* Бақувват, қудратли, катта имкониятларга эга. *Халилов билан баҳслашиб ўтириш шартми! Халилов — фил, сен — кўчқор.* И. Раҳим, Ихлос.

**Филдан пашша ясамоқ ёки пашшани фил қилмоқ** Ошириб юбормоқ, кўпиртирмоқ; муболаға қилмоқ. *Сиз, ўртоқ Рафиқ, пашшадан фил ясамоқчи бўласиз!* Н. Сафаров, Танланган асарлар. *-Ўззукун пашшани фил қилиб, қайёқдаги гапларни чулғатиб юрдин-*

гиз. А. Муҳиддин, Ҳадя. У.. *рост-ёлгон хабарларнинг пашиасини фил қилиб етказиб, уйимизни куйдирди.* С. Айний, Куллар.

**ФИЛ-, ФИЛО-** [юн. *philos* — дўст, меҳрибон, севувчи < *phileo* — севаман] Байналмиал ўзлашма қўшма сўзларнинг таркибий қисми бўлиб, бирор нарсани севувчи, бирор нарсага мойил, мухлис; бирор нарсани дўст тутувчи каби маъноларни билдиради, мас.: *филармония, филология.*

**ФИЛАНТРОП** [юн. *philanthropos*] Филантропия билан шуғулланувчи, хайр-эҳсон қилувчи, саховатли киши

**ФИЛАНТРОПИЯ** [юн. *philanthropia* — одамсеварлик < *фило.* + юн. *anthropos* — одам, инсон] Хайр-саховат, эҳсон, муҳтожларга ёрдам.

**ФИЛАРМОНИЯ** [фило.. + юн. *harmonia* — уйғунлик, оҳанглошлик] Мусиқа санъатини тарғиб қилувчи ва концертлар қўйиши билан шуғулланувчи маданий муассаса. *Ўзбек давлат филармонияси.* ■ *У шу ниятини филармониядаги оғайнисига айтган эди, бу гап унга ҳам ёқди.* С. Аҳмад, Юлдуз.

**ФИЛАТЕЛИСТ** Филателия билан шуғулланувчи шахс; филателия ишқивози.

**ФИЛАТЕЛИЯ** [фило.. + юн. *ateleia* — тўловдан озод қилиш] Почта маркалари ва гербли маркаларни, умуман маркали, штампли конвертларни коллекция учун йиғиш, сақлаш ва ўрганиш.

**ФИЛБОН** [ф. *فيلبان / ييلبان* — фил боқувчи, сақловчи] Фил боқувчи ва филни ҳаракат пайтида бошқарувчи киши. *Филбондан ошнанг бўлса, дарвозангни катта қил.* Мақол. ■ *Филбонларнинг ҳайқирғи остида азамат йиғитлар юкни тушириб, бурунлари ерга теккундай букчаииб ташийдилар.* Ойбек, Навоий. *Фил ҳайдовчилар, яъни филбонлар уни ювинтириб, қашлаб боқади.* Ҳ. Ҳасанов, Экватордан ўтганда.

**ФИЛЖУМЛА** [а. *فی الجملة* — ҳулласи калом] *кт. кам қўлл.* Қисқасини айтганда, ҳулласи калом, сўзнинг қисқаси; ҳаммасини бирга олиб айтилса. *Филжумла, мазкур шеър Исфандиёр тўра хусусинда бўлмай, зоти наст, бадфеъл бир бетавфиқ борасиндадир.* С. Сиёев, Ёруғлик.

**ФИЛИАЛ** [лот. *filialis* — ўғилга оид, ўғилники] Бирор йирик корхона, муассаса ёки жамоат ташкилотининг мустақил бўлими, шўъба. *Илмий-тадқиқот институтининг*

*филиали.* ■ *Бешёғочда «Семурғ» фирмасининг филиали бор.* Газетадан.

**ФИЛМОЙ** зоол. Каспий, Орол, Қора денгиз ҳавзаларида яшайдиган, ов қилинадиган, осётрсимонлар оиласига мансуб йирик балиқ.

**ФИЛОГЕНЕЗ** [юн. *phyle* — уруғ, қабила, тур + *genesis* — келиб чиқиш, тарқалиш] биол. Бутун органик дунёнинг, жумладан, унинг айрим гуруҳлари (тип, синф, оила, тур ва ш.к.) нинг тарихий тараққиёт жараёни.

**ФИЛОЛОГ** [юн. *philologos* — доноларча суҳбатни севувчи] Филология соҳаси тадқиқотчиси, филология мутахассиси; филолог-олим. *Сиз филологсиз-ку, билсангиз керак: кўз ёшини қақраган ташна ерларга эмас, боғу бўстонга қуйган булутни сахий демаслар.* С. Зуннунова, Кўк чироқлар.

**ФИЛОЛОГИК** Филологияга оид. *Филологик тўплам. Филологик тадқиқот.* ■ *Филологик изланишлар.. қилаётган кишилар.. махсус филологик тайёргарлик кўрган, юқори ихтисосли мутахассислардир.* Ғ. Саломов, Таржима назариясига кириш.

**ФИЛОЛОГИЯ** [фило.. + юн. *logos* — сўз] У ёки бу халқнинг у ёки бу даврда тил ва адабиётда ифодаланган маданияти ҳақидаги фанларнинг умумий номи; тил ва адабиёт ҳақидаги билимлар мажмуи. *Ўзбек филологияси. Роман-герман филологияси. Университетнинг филология факультети.* ■ *Атиси уч йил илғари филология факультетини битирган эди.* О. Мўминов, Хиёбондаги уч учрашув.

**ФИЛОСОФ** [юн. *philosophos* — доноликни, донишмандликни севувчи] қ. **файласуф.**

**ФИЛОСОФИК** қ. **фалсафий.**

**ФИЛОСОФИЯ** [юн. *philosophia* < *фило.* + юн. *sophia* — донишмандлик] қ. **фалсафа.**

**ФИЛЬМ** [ингл. *film* — парда, қобик] кино

**I** Теле-, видео- ёки кинокартина: ягона сюжет билан боғлиқ, кетма-кет плёнкага олинган ва экранда намойиш қилишга мўлжалланган фототасвирлар мажмуи (*яна қ. кинофильм*). *Овозсиз фильм. Бадий фильм.* ■ *Дастлаб кинотомошабинлар ўзбекча-лаштирилган фильмларни кўриб, ҳайрон бўлишган.* Ғ. Саломов, Таржима назариясига кириш. *Кеча охирида «Кўринмас киши» бадий фильми намойиш қилинди.* С. Аҳмад, Юлдуз.

2 Кинофильмнинг кинотеатрларда намойиш қилинадиган бир нусхаси.

**ФИЛЬМ-КОНЦЕРТ** Мусиқавий томошанинг, концертнинг кинофильмга олинган ҳолати; кинофильмларда ижро этилган куй ва қўшиқлардан иборат алоҳида фильм. *..суриштириб кўрса, машхур.. «Дутор-гитар» ансамбли ҳақида фильм-концерт суратга олинаётган экан.* А. Обиджон, Аканг қарағай Гулмат.

**ФИЛЬМОСКОП** [фильм + юн. skopeo – қарайман] Диафильмдаги кўзгалмас тасвирларни дурбинсимон трубка орқали ёки оқ пардага тушириб намойиш қилишга мўлжалланган аппарат. *Уйинчоқ фильмоскоп. Ўқув фильмоскопи.*

**ФИЛЬМОТЕКА** [фильм + юн. theke – кути; омбор] 1 Кинофильмларни тўпловчи ва сақловчи, уларни тарғибот қилувчи жой, омбор; муассаса. *..қурилажак мактаб лойиҳаси тузилганда, ўқув фильмлари сақланувчи фильмотекалар ва фильмлар кўриги ўтказиладиган махсус залларни ҳам эсдан чиқармаслик керак.* А. Иброҳимов, Фильм ҳам китоб.

2 Киноленталар йиғиндиси, мажмуи.

**ФИЛЬТР** [фр. filtre < лот. filtrum – кигиз, намат] 1 Суюқлик ёки газларни кераксиз аралашмалардан тозалаш учун хизмат киладиган мослама, сузгич. *Тўр филтр. Противозаз филтри. Винони филтрдан ўтказмоқ.* ■ *..сувлар шағал, қумлар ва ер остидаги бошқа жинслар орасидан сизиб, филтрдан ўтгандек тозаланиб келади, натижада чучук, зилол сув бўлиб қолади.* Газетадан.

2 Электр занжирига уланадиган ва маълум частотадаги электр токи, электромагнит, ёруғлик нурлари ёки товуш тўлқининигина ажратиб ўтказадиган асбоб. *Акустик филтр. Электр филтри.*

**ФИЛЬТРАЦИЯ** [ингл. filtration < лот. filtrum – кигиз] 1 Филтрдан сиздириб ўтказиб тозалаш, филтрлаш.

2 Сувнинг ғовак қатламлардан табиий ҳолда сизиб, тозаланиб ўтиши, филтрланиши.

**ФИЛЬТРАМОҚ** Филтрдан ўтказмоқ, сузмоқ. *Филтрлаш лабораториясида лойқа суюқликларни тозалаш учун улар филтрланади.* «Фан ва турмуш». *Корхона мутахассислари ишлаб чиққан махсус мослама*

*цехлар ҳавосини филтрлаб беради.* «Фан ва турмуш».

**ФИЛЬТРИ** Тозалаш мосламасига эга; тозалаш хусусияти мавжуд. *Заводнинг бош корпусида, цехлар ва участкаларда филтрли камералар ўрнатилган.* Газетадан. [Қиз] *Филтрли сигарет кекиб ўтирибди.* М. Исмоилий, Одамийлик қиссаси.

**ФИЛҒОН** бот. Ҳайвонларга овқат бўладиган бир турли ўт. *Кўй ейдиган филғон билан.. ерга ёпишиб ўсадиган ўтлар ҳам онда-сонда кўриниб қолади.* А. Шермуҳамедов, Ўт-ўланлар водийси.

**ФИЛҲАҚИҚАТ** [a. فى الحقيقت – ҳақиқатдан, аслини олганда] рвш. эск. кт. Ҳақиқатан ҳам, чиндан ҳам; дарҳақиқат. *Филҳақиқат, она тилининг асли туганмас олтин конларини ёш Навоийнинг мўъжизали қалами кашф этди.* Ойбек, Навоий.

**ФИЛҲОЛ** [a. فى الحال – дарҳол, дарров] рвш. эск. кт. Тезлик билан, ҳозирнинг ўзида; дарҳол. *Отаси буюрдик, филҳол анвои лазиз таомлардин пиширгайлар.* А. Қаҳҳор, Миллатчилар. *Филҳол тилини кестирунг, қулогимиз тинсин!* К. Яшин, Ҳамза.

**ФИМОЗ** [юн. phimosis – тортишиш, торайиш] тиб. Эркаклар таносил аъзоси чекка кертмак қисмининг тор бўлиши, торайиши (кўпинча болаларда учрайдиган бу нуқсон тугма ёки яллиғланиш, жароҳат натижаси бўлиши мумкин).

**ФИН** қ. финлар. Фин тили. Фин халқи. Фин аёли.

**ФИНАЛ** [ингл. finale < лот. finis – охири, сўнгги] 1 Мусиқа, драма, опера, балет, кинофильм ёки адабий асарнинг охири, тугалланувчи қисми, хотимаси. *Комедиянинг финали. Операнинг финали. Поэманинг финали.* ■ *Поэманинг финалида эса Зайнаб билан Омонинг бахти бутун халқнинг бахти каби янрайди.* «Ўзбек адабиёти» дарслиги. *Киноочеркдаги олтин тўй эпизоди аслида фильмнинг финали ҳисобланади.* Газетадан.

2 Спорт мусобақаларида ўйин ғолибини белгилайдиган охириги, ҳал қилувчи босқич. *Шахмат мусобақасининг финали. Финалда ўйнамоқ. Финалга чиқмоқ. Ярим финал. Чорак финал.*

**ФИНАЛИСТ** айн. финалчи.

**ФИНАЛЧИ** Спорт мусобақасида финалга – охириги маррага чиққан ўйинчи.

Бугун.. бошланадиган якунловчи учрашувлардан кейин финалчилар аниқланади. Газетадан.

**ФИНЖОН** [а. فنجان < ф.] эск. Дастанли (сопли) пиёла, чинни кружка. *Хайрлашаётми бир финжон тутди. Улар соли пиёлани шунақа дейишади.* М. Исмоилий, Фаргона т. о.

**ФИНИШ** [ингл. finish — тугаш, тугалланма] 1 Югуриш мусобақаларининг ва пойгаларнинг охирги, ҳал қилувчи босқичи, қисми. *Финиш мусобақаларида қатнашмоқ.*

2 Шундай мусобақаларнинг охирги марраси; марра. *Финишга биринчи бўлиб етиб келмоқ.*

**ФИНКА** [р.] Енги калта ёзлик кўйлак. *Кейин эшик зарб билан очилди-да, катта энгил гулдор финка кийган Карим кўринди.* Ҳ. Фулом, Бинафша атри.

**ФИНАЛ** Финляндиянинг туб аҳолиси; фин халқи.

**ФИНЧА** 1 Финляндия ҳудудига, фин халқига оид, тегишли. *Финча уй. Финча кўшиқ.*

2 Фин тили. *Сен финча(ни) биласанми? Финча гапирмоқ.*

**ФИРДАВС** [ф. فردوس — жаннат, жаннат боғи] кт. айн. **жаннат** 1, 2. *Қани, илоҳим, додҳоҳнинг бу дунёда мансаб ва равақлари сарбаланд бўлиб, охиратад фирдавсга сазовор бўлсинлар.* Ҳамза, Бой ила хизматчи.

**ФИРДАВСМОНАНД** Жаннатга ўхшаган, жаннатсимон. *Аммо Ҳўқанди фирдавсмонанднинг ўзида ул саховатпешалар беҳад ва беҳисоб.* А. Қодирий, Ўтган кунлар. *Бугун қутламоқда сизни Самарқанд, Самарқандки, шаҳри фирдавсмонанд.* Н. Нарзуллаев, Ёғду.

**ФИРИБ** [ф. فريب — алдовчи; алдамчилик; йўлдан оздириш; ҳийла, макр] Кишини қасдан адаштириш, қўлга тушириш, алдаш; ҳийла-найранг, макр. *Ишинг фириб, ҳийла экан сўзларинг, Юзинг қонсиз, ола экан кўзларинг.* «Равшан». *Унинг чақчайганроқ кўзларида муаллим қандайдир шайтоний фириб ва нафрат сезди-да, аламдан қалтираб, деворга суянди.* Ойбек, Нур қидириб.

**Фириб бермоқ** (ёки қилмоқ) Найранг ишлатмоқ, алдамоқ, қўлга туширмоқ. *Насим, кўзингизни лўқ қилиб, фириб беради.* Т. Мурод, Қўшиқ. *Гоҳ кимнингдир пинжиги кириб, Сездирмасдан берарди фириб.* А. Пўлкан, Изҳор. **Фириб емоқ** Бировга алданмоқ, алданиб қўлга тушмоқ; панд емоқ. *Соддадиллик*

*қилиб, фириб еди-ю, қаҳрамонлик қилиб, ўзини оқлади.* Н. Сафаров, Жангчи шоир. *Душман фирибин ема ва маддоҳ хушомадин чин дема.* «Ҳикматли сўзлар». **Шайтонга фириб беради** Ҳийла-найрангга шайтонни ҳам йўлда қолдирадиган, ўтакетган фирибгар. *Баъзи бировлардай шайтонга фириб берадиган маккор, устомон бўлгандан, аслида шунақа соддалик ҳам дуруст.* С. Сиёев, Эркаклар эртаги.

**ФИРИБГАР** [ф. فريبگار — фириб берувчи, ҳийлагар, алдоқчи] салб. Алдамчилик, товламачилик, макру ҳийла билан шугулланувчи кимса; товламачи, ҳийлагар. *Фирибгар ёндиради, ҳақиқатчи қондиради.* Мақол. *Заргар фирибгар бўлса, олтин занглар.* Мақол. ■ *Рузвон отин жуда фирибгар хотин экан.* «Юнус пари».

**ФИРИБГАРЛИК** Алдамчилик, ҳийлагарлик. *У [Навоий] ўз рубоийларида.. мунофиқлик, ёлгон сўзлаш, дангасалик ва фирибгарлик каби хислатларни қаттиқ қоралади.* «Ватан адабиёти». *Фирибгарлик йўли билан илмий унвон олган кишининг умри руҳий азобда ўтади.* Р. Усмонов, Одобнома.

**ФИРМА** [итал. firma — имзо] 1 Юридик шахс ҳуқуқларидан фойдаланувчи ҳўжалик, саноат ёки тижорат корхонаси (компанияси). *Марғилон «Атлас» фирмаси.* «Қизил тонг» фирмаси. ■ *Иккинчиси, чет эллардаги илгор фирмалар билан алоқа боғламаган биронта ҳам корхона бўлмаслиги лозим.* Газетадан.

2 с.т. сф.т. Юқори сифатли маҳсулот тайёрлайдиган ёки хизмат кўрсатадиган. *Жиззахдаги пластмасса заводининг янги фирма магазинидан харид қилинган чашка қўлингиздан тушиб кетса ҳам синмайди.* Газетадан.

**ФИРОҚ** [а. فراق — айрилиқ, жудолик, ҳижрон; ташлаб кетиш] 1 Энг яқин, сеvimли кишидан жудо бўлиш, айрилиш ва бу туфайли тортиладиган руҳий азоб; айрилиқ, жудолик, ҳижрон. *Мардни ўлдирар фироқ, Номарддан номус йироқ.* Мақол. ■ *Қайси дилдор ўз ёрига фироқ изтиробини раво кўради.* М. Жўра, Изтироб. *Волидамиз бедом-дарак кетган икки ўглининг.. фироқида куйиб, ётиб қолибдилар.* А. Қаҳҳор, Қўшчинор чирқолари.

2 Инжиқлик, эркалик; тантиқлик, нозу истиғно. *Тўфаҳон, фироқ билан қош чимириб, «билганингиз» дегандай елка учуриб қўй-*

ди. Ҳ. Назир, Кўктерак шабадаси. У ҳам сал насага зарда, фироқ қиладиган бўлиб қолди. «Муштум».

**3 Жаҳл**, зарда. *Хадича хола фироқ қилиб, уйга кириб кетди.* Т. Алимов, Совға. - *Ийе, ҳа, фироғинг кимга, ҳазил ҳам қилиб бўлмайди-ми ёки арпангизни хом ўриб қўйдикми? — деди Шахло Зухрага.* Р. Файзий, Дугоналар.

### **ФИРУЗ** айн. **феруз 1-3.**

**ФИРУЗА 1 айн. феруза 1.** *Фирюза кўзли узук.* ■ *Фирюза, лаъл, зумрад каби нодир тошлар Шарқда жуда машҳур ва қадрли бўлган.* М. Мирбобоев, Конлар юрти.

**2 айн. феруза 2.** *Фирюза осмон ҳаддан ташқари тоза эди.* М. Муҳамедов, Қаҳрамон изидан. *Ҳар оқшом фирюза каби уфқлар, зардан қулоғига сирға тақади.* Уйғун.

### **3** Фирюза (хотин-қизлар исми).

**ФИРЪАВН** [а. فرعون — золим, мустабил < қад. миср. рег-о — подшоҳ саройи] тар. Қадимги Миср подшоҳларининг унвони, фахрий номи. *Мисрни биласизми, Эски Мисрни? Шунда фиръавнларнинг эҳромлари бор.* Ғ. Фулом. *Фиръавнлар, шаҳанишоҳлар кетдилар ҳам йўқ бўлиб, Нигоҳларни то бу чоғлар ёндирасан чўғ бўлиб.* Э. Воҳидов, Шарқий қирғоқ.

**ФИРҚА** [а. فرقه — гуруҳ, тўда; партия; жамоа] эск. **1** Мақсади, гоёси, дунёқарашининг муштараклиги жиҳатидан бирлашган кишилар гуруҳи; гуруҳ, тўда. *Мусулмонқул кутмаган жойда қўшинидан бир туркуми ўз устига ҳужум бошлаб ва бир фирқаси Тошкент йигитлари томонига қочиб ўтди.* А. Қодирий, Ўтган кунлар.

**2 айн. партия 1.** *Агар шундай қилсанг, фирқасининг сиёсатини бузиб ўтган бўласан.* С. Аҳмад, Ҳукм.

**ФИРҚАВИЙ** [а. فرقه‌وى — фирқага оид] эск. айн. **партиявий.**

**ФИРҚАЛИ** эск. айн. **партияли.** *Фирқалилар билан қишлоқ камбағалларининг бирлашган мажлисида 44 киши иштирок этди.* А. Қодирий, Обид кетмон.

**ФИРҚАСИЗ** эск. айн. **партиясиз.** *Биринчи орзуим шуки, бундан сўнг фирқасиз бўлиб юрмасанг, фирқага кирсанг.* А. Қодирий, Обид кетмон.

**ФИСК** [а. فسق — бузуқлик, ахлоқсизлик, фахш] **1** Бировнинг орқасидан ёмонлаб тарқатилган уйдирма гап-сўз; гийбат, иғво. [Қодиров билан Султонов] *Давволарини ис-*

*бот қилиш учун далил тополмай, энди фиск, тухмат, иғво йўлига қадам босганлар.* Ш. Рашидов, Бўрондан кучли.

**2** Ахлоқий бузуқлик, фахш. *Кеча фиск ўлса, кундуз зулм пеша. Тишу тирноғи қайралган ҳамиша.* Ҳабибий. *Ҳақиқатгўйлар оёқ остида, Муътабар бўлди фисқу коримиз.* Ҳамза.

**ФИСК-ФАСОД, фисқу фасод** [фиск + фасод] Бирор кимса тўғрисида тарқатилган уйдирма гап; тухмат, бўхтон. *Улуғбекнинг илм билан шуғулланишини руҳонийлар даҳрийликка йўйиб, унга қарши фиск-фасод уюштирдилар.* «Фан ва турмуш». *Ҳожар холанинг муомаласидан ҳам иғво, фиск-фасод анқиб туради.* Ю. Шомансур, Қора марварид.

**ФИСК-ФАСОДЧИ** Ёлғон-яшиқ гапларни тарқатувчи, гийбатчи; иғвогар; бўхтончи.

**ФИСК-ФУЖУР, фисқу фужур** [фиск + а. فجور — ахлоқсизлик, бузуқлик, шаҳват] **1** айн. **фиск-фасод.** *Шербек ўзи ҳақида бир вақт Акрамнинг Нигорага айтган фиск-фужур гапларини эслаб, кинояли жилмайди.* С. Анорбоев, Оқсой. *Саройнинг фисқу фужурга, разолатга тўла рутубатли ҳавосию мраммар ҳовулардаги салқини — барча-барчаси ўтмишига чекинди.* С. Сиёев, Аваз.

**2** Ношаръий, гуноҳ ишлар, ахлоқий бузуқликлар; фахш. *Фиск-фужур, май ёлғиз Ҳусайн Бойқаронинг гавдасига эмас, балки бутун маънавий сиймосига ҳам таъсир этган эди.* Ойбек, Навоий.

**ФИТНА** [а. فتنه — мафтун этиш; йўлдан оздириш; исён, ғалаён] салб. **1** Ғаразли мақсадга эришиш йўлида бировни қоралаш учун қилинадиган яширин хатти-ҳаракат, бузғунчилик. *Фитна тўқимоқ.* *Орага фитна солмоқ.* *Фитна қўзғамоқ.* ■ *Шу фитнани уюштирган одам Бўтанинг саводсизлигидан, узоқни кўролмаслигидан фойдаланиб, шу ишни қилган.* С. Аҳмад, Ҳукм. *Қораилон билан ўйнашиб бўлмайди! Амирзодалар орасига нифоқ солиб, фитна билан не-не кишиларни ёқалаштирадиган ҳам Қораилон! Мирмуҳсин, Меъмор.*

**2** Маълум сиёсий мақсадга эришиш ниятида яширин тил бириктириш йўли билан давлатга, сиёсий раҳбарга, ташкилотга ёхуд шахсга қарши қилинган ҳаракат. *Фитна уюштирмоқ.*

**3** кам қўлл. айн. **фитначи.** *Фитна одам.* ■ *Бундай фитна хотинни кўрмаганман.* С. Зуннунова, Олов.

4 с. т. Уришқоқ, жанжалкаш. *Ўзингиз биласиз, фитна одамлар кўп. А. Қаҳҳор, Сароб. -Одамзоднинг фитнаси ёмон бўлади. Кўнгли очиқликка не етсин, - деди Иноғомжон. Мирмуҳсин, Умид.*

**ФИТНАГАР** [а. + ф. *فتنه گر* - фитначи, фитна қилувчи] Фитна иши билан шуғулланувчи; фитнаю фасодни хунар қилиб олган, фитначи. *Фитнагар олам аро фаттон ўзинг, қурбон ўзинг. Э. Воҳидов, Муҳаббатнома.*

**ФИТНАКОР** [а. + ф. *فتنه کار* - фитна қилувчи] *айн. фитнагар. Ичи унинг гўё мудҳиш жаҳаннам, Кўп яхшидир бир фитнакор бўлса кам. Ҳ. Олимжон.*

**ФИТНАКОРЛИК** Доимий равишда фитна билан шуғулланиш, фитнани хунар қилиб олиш. *...муфти олиб борган барча фитнакорлик ишлардан хабардорлиги Мирзони ажаблантирмас, муфти сўзларининг туб мақсади устида ўйларди. А. Ҳакимов, Илон изидан.*

**ФИТНАЛИК** *айн. фитнакорлик. Кўймади разиллар ўз фитналигин. Ғ. Фулом, Ташаккурнома.*

**ФИТНА-ФАСОД** [фитна + фасод] Ғаразли мақсад билан қилинадиган иш, хатти-ҳаракатлар мажмуи. *Ўзинг бир вақт фитна-фасоддан нолиган эдинг. А. Қаҳҳор, Сароб.*

**ФИТНА-ФАСОДЧИ** Ғаразли ҳаракатлар, уйдирма гап-сўзлар билан шуғулланувчи шахс, ғаламис, ифвогар.

**ФИТНАЧИ** Бузғунчилик ва тўполонлар сабабчиси, фитна уюштирувчи; ғаразли ҳаракатлар иштирокчиси. *Фитначилар амир Шоҳмалик жўнаб кетган куннинг эртаси тунда аркка ҳужум қилдилар. Б. Аҳмедов, Улугбек. Фарғонада мени Азизбекнинг шеригидир, деб ўйлашлари ва сени бир фитначининг ўғли, деб танишлари эҳтимолдан йироқ эмасдир. А. Қодирий, Ўтган кунлар.*

**ФИТО-** [юн. *phyton* - ўсимлик] Байналмилал ўзлашма қўшма сўзларнинг таркибий қисми бўлиб, ўсимликларга ёки ўсимликлар ҳақидаги фанга алоқадорликни билдиради, мас., *фитобар, фитопатология.*

**ФИТОБАР** [фито.. + бар] Дорихоналарнинг, баъзан магазинларнинг ўсимликлардан тайёрланадиган маҳсулотлар (йиғма, дамлама, қайнатма, бальзам) билан савдо қилувчи бўлими. *Краснодарда аҳоли хоҳиши-*

*га кўра «Флора» фитобари очилди. «Фан ва турмуш».*

**ФИТОНЦИД** [фито.. + *caedere* - ўлдирмоқ] *биол. Ўсимликлар ажратиб чиқарадиган зарарли микроорганизмларнинг кўпайиши ва ривожланишига қаршилик қилувчи модда, суюқлик. Уй ўсимликлари ўзидан фитонцидлар чиқариб, зарарли микроорганизмларни ўлдиради. Газетадан.*

**ФИТОПАТОЛОГИЯ** [фито.. + патология] Ўсимлик касалликлари, уларнинг олдани олиш ва бартараф этиш чора-тадбирлари ҳақидаги фан.

**ФИТОТЕРАПИЯ** [фито.. + терапия] Тиббиётнинг касалликларни ўсимликлар ёрдамида даволаш усулларини ўрганувчи бўлими.

**ФИТОФАГЛАР** [фито.. + юн. *phagos* - ютувчи, емирувчи] Фақат ўсимликлар билан озиқланувчи ҳайвонлар.

**ФИТР** [а. *فطر* - рўзанинг тугаши, оғиз очиқлик; рамазон ҳайитида бериладиган эҳсон, садақа] *дин. 1* Рўзанинг тамом бўлиши; рўза тамом бўлиши билан одатдагича овқатланиш ҳуқуқига эга бўлиш.

*2* Рўза охирида камбағалларга, мулларга бериладиган садақа, эҳсон. *Ҳосилнинг ўндан бири ҳисобида мачитга бериладиган ушур, моҳи рамазонда жон бошига бериладиган фитр, имомга, миробга, сартарошга бериладиган капсан.. кўйинг-чи, ҳаммаси ана шу шўрлик чоракорга тегадиган тўртдан бир бўлак устида. М. Исмоилий, Фарғона т. о. Ўтган ҳафта мулла Қудратга ўттиз сўм фитр пулиям бердим. М. М. Дўст, Галатепа қиссаси.*

**Фитр(и) рўза** 1) рўза тамом бўлиши билан камбағалларга бериладиган садақа; 2) рўза тутмаган кишиларнинг ўз гуноҳларини ювиш учун мулла, имомга берадиган садақаси. *Аммо мен бўлсам, топган фойдаларимнинг ярмини ҳамиша хайру садақага сарф қиламан: имомга фитри рўза бераман, халқни қурбонлик гўшtidан зиёфат қиламан.. Буларнинг бари садақа. С. Айний, Дохунда.*

**ФИҚҲ** [а. *فقه* - билим, тушунча; мусулмон ҳуқуқи] *эск. Дин, шариат қонун-қоидалари ҳақидаги фан, ислом ҳуқуқшунослиги, илоҳиёт. У мантиқ, фиқҳ, фалакиёт илмларини четлаб ўтолмади. «Шарқ юлдузи». Бобур фиқҳнинг баъзи бир масалалари юза-*

сидан олимдан фикр сўради. Х. Султонов, Бир оқшом эртаги.

**ФИҚҲИЙ** [а. *فقهي* — фикҳга оид, тегишли] Шариат қонун-қоидаларига оид. *Ҳадисларнинг биринчи тўплами кўпинча фикҳий-ҳуқуқий масалаларга оид ҳадисларни ўз ичига олган.* Газетадан.

**ФИҒОН** [ф. *فغان* — бақриқ, дод-вой; фарёд, йиғи] Қаттиқ хафа бўлиш, қайғуриш, алам чекиш туфайли юз берадиган йиғи-сиғи; нола, фарёд. *Она фиғон билан юзуриб келиб, мишаб қўлига ослди.* М. Исмоилий, Фарғона т. о. *Қурбонинг бўлайин, эй онажоним, Сенинг фарёдларинг — менинг фиғоним.* М. Юсуф, Уйқудаги қиз.

**Фиғон чекмоқ** (ёки **тортмоқ**) Дод-фарёд кўтармоқ, нола қилмоқ, мунгли товуш чиқармоқ. *Танбур мунгли товушда фиғон чека бошлади.* Э. Усмонов, Ёлқин. *Қандайдир ҳашарот чийшлаб фиғон чекади.* Ф. Мусажонов, Ҳиммат. *Бу ерларда қайғу муттасил кезар. Бу ерда шамоллар тортарди фиғон.* Ф. Фулом. **Фиғони ошмоқ** (ёки **чиқмоқ**) Жуда жаҳли чиқмоқ, жиғибийрон бўлмоқ. *Буни кўрган Гулчехранинг фиғони ошди, чин юракдан ачинди.* Газетадан. *Ашуралари қизнинг бўш келмаётганлигидан фиғони ошди.* «Шарқ юлдузи». *Фиғони чиқиб Жалиловнинг ўзи етиб келди.* И. Раҳим, Зантори кема капитани. **Фиғони фалакка** (ёки **кўкка, осмонга**) **чиқмоқ** (ёки **кўтарилмоқ**) Ҳаддан ташқари хафа бўлмоқ, тутақиб кетмоқ. *Инобатини фиғони фалакка чиқди.* Ж. Шарипов, Саодат. *Чолнинг фиғони кўкка чиқиб, уларни олдига солиб қувиб кетди.* Х. Аҳмар, Ким ҳақ?

**ФИҒОНЛИ** Қайғу-ҳасратга тўла; қайғули, ғамгин. *Солистлар Фурқат ғазалига ёзилган фиғонли, ғамгин қўшиқларни ижро этадилар.* Газетадан.

**ФЛАГМАН** [нем. *Flaggemann* < голл. *vlag* — байроқ + *man* — одам] 1 Флот ёки йирик ҳарбий кемалар қўшилмаси кўмондони.

2 Кўмондон жойлашган ва унинг байроғи кўтариладиган кема.

3 *кўчма* Илғор, етакчи; бош, асосий, муҳим. *Навоий кон-металлургия комбинати — Ўзбекистон кимё sanoатининг флагмани.*

**ФЛАГШТОК** [нем. *Flaggenstok* < голл. *flaggestok*] Кемада байроқни кўтариш учун хизмат қиладиган тик ёғоч, хода.

**ФЛАКОН** [фр. *flacon* < лот. *flasco, flascopis* — шиша идиш, бутилка] Атир, оде-

колон, вино, дори қуйиш учун ишлатиладиган кичикроқ шиша идиш. *Муқаддам флакондаги дорини шприцга тортиб олди-да, игнасини юқорига кўтарди.* Ў. Ҳошимов, Қалбингга қулоқ сол.

**ФЛАМИНГО** [порт. *flamingo* < лот. *flamma* — аланга, олов] зоол. Тропик ва субтропикларда тарқалган, пушти ёки қизил патли, узун бўйинли ва узун оёқли қуш тури.

**ФЛАНГ** [фр. *flanc* — ён томон] ҳарб. Кўшин ёки кемалар сафининг ўнг ёки сўл томони, ён томони, қаноти. *Ражабов ўз пулёмети билан немис флангибон айланиб ўтиб, душманнинг орқа томонидан уриб қолди.* Н. Сафаров, Оловли излар.

**ФЛЕЙТА** [итал. *flauto*, нем. *Flöte*] Ёғочдан ясалган, найсимон, пуфлаб чалинадиган мусиқа асбоби. *Флейта — оркестрнинг юқори товушларини берадиган, ёғочдан ясалган духовой [пуфлама] асбоб.* И. Акбаров, Музика саводи.

**ФЛЕЙТАЧИ** Флейта чалувчи созанда.

**ФЛЕКСИЯ** [лот. *flexio* — эгилиш, букилиш] тлш. Сўз ўзгаришларида намоён бўладиган грамматик категориялар мажмуи кўрсаткичи; қўшимчалар қўшилиши ёки асос (негиз)даги баъзи товушларнинг ўрин алмашилиши натижасида сўзларнинг дастлабки шаклини йўқотиши ёки ўзгартириши.

**Ички флексия** Сўз шакллариининг, баъзан янги сўзларнинг асос таркибидаги (кўпинча унли) товушларни ўзгартириш орқали ҳосил қилиниши.

**ФЛЕКТИВ** тлш. Флексия хусусиятига эга бўлган; флексияга оид.

**Флектив тиллар** Морфологияда, баъзан сўз ясалишида флексия ҳодисаси устунлик қиладиган тиллар.

**ФЛОМАСТЕР** [ингл. *flowmaster* < *flow* — оқим + *master* — хўжайин, соҳиб] Найчасимон говак стерженга шимдирилган махсус бўёқ билан ёзиш ёки расм чизиш учун хизмат қиладиган асбоб; бўёққалам. *Саодатнинг фломастери йўқолиб қолди. Мамаюсуфнинг қистови билан портфеллар тинтув қилинди.* А. Кўчимов, Ҳалқа.

**ФЛОРА** [лот. *Flora* — Рим мифологиясида: гуллар, баҳор ва ёшлик маъбудаси < *flos, floris* — гул] Ер куррасининг бирор қисмида ёки бирор геологик даврда мавжуд бўлган барча ўсимликлар мажмуи; ўсимлик-

лар дунёси. *Ўзбекистон флораси. Зарафион флораси. Денгиз флораси.*

**ФЛОТ** [гол. vloot, фр. flotte] **1** Муайян бир вазифа бажарадиган ёки маълум бир соҳага, худудга мансуб кемалар мажмуи. *Ҳарбий-денгиз флоти. Балиқ овлаш флоти. Денгиз флоти. Дарё флоти.* ■ *Ривоятларга қараганда, Архимед Сиракузи шаҳрини қамал қилган Рим флотининг барча кемаларини ботиқ кўзулар ёрдамида ёндириб юборган. «Фан ва турмуш».*

**2** Ҳарбий-денгиз кемаларининг катта кўшилмаси (*айн. флотилия*).

**Ҳаво флоти** Мамлакатнинг ҳарбий ҳамда фуқароларга хизмат кўрсатадиган учуш аппаратлари мажмуи; авиация. *Ҳабиб.. уруш тамом бўлгач, албатта, ҳаво флоти хизматига ўтиб кетишини тўлиб-тошиб ёзган эди. С. Зуннунова, Олов.*

**ФЛОТИЛИЯ** [фр. flottille] **1** Дарё ва кўлларда, баъзан эса ёпиқ денгизда хизмат қиладиган ҳарбий кемалар кўшилмаси. *Амударё флотилияси. Каспий флотилияси.*

**2** Муайян вазифа бажарувчи (ов, экспедиция ва ш.к.) кемалар отряди. *Кит овловчи флотилия. Сувости флотилияси.*

**ФЛЮГЕР** [нем. Flügel, гол. vleugel — қанот] Кема мачтасига ёки баланд хода, бино гумбазига учига ўрнатилган, шамолнинг йўналиши ва тезлигини ўлчаш учун хизмат қиладиган қурилма, асбоб.

**ФЛЮОРОГРАФИЯ** [лот. fluor — оқим + юн. grapho — ёзаман] Рентгенодиагностика усули: инсон аъзоларининг нурланувчи экрандаги рентген тасвирини унчалик катта бўлмаган фотоплёнкага кўчириш.

**ФЛЯГА** [нем. Flasche — шиша (идиш)] **1** Елкага, камарга осиб ёки чўнтакда олиб юриладиган кичик япалоқ сувдон. *Ҳар кун эрталаб, йўлга чиқишда олинadиган бир фляга сув сал ўтмасданоқ исиб қолади. О. Ёқубов, Излайман. Ориф флягасидаги охириги қўлтумини ярадорнинг сувсизликдан тарсиллаб ёрилиб кетган лабига тутди. А. Эшонов, Тонготар таронаси.*

**2** Суяқ нарсалар (сут, ёғ ва ш.к.) ни сақлаш ёки ташиш учун ишлатиладиган, бандли катта идиш. *Сут қуйиладиган фляга.* ■ *Хотин-халаж даладан чиқиб, ўчоқ бошидаги катта флягадан чўмичлаб сув ича бошлади. С. Сиёев, Отлиқ аёл.*

**ФОЖЕ** *айн. фожи(ъ), фожиали.* ..*Кечаги фоже кунларимни сўрамай қўя қол. Миртемир, Тингла, ҳаёт! Унутушга арзир бахт, шон-шухрат, бошқа.. Унутилмас нарса фақат фоже Ватандир. Р. Парфи, Кўзлар.*

**ФОЖЕЙИ** *айн. фожиавий. Гулсара ўзининг чуқур фожейи ариясида ҳалок бўлган онасини айтиб йиғлайди. Ҳ. Носирова, Мен ўзбек қизиман.*

**ФОЖИА** [а. فاجعه — бахтсиз ҳодиса, бахтсизлик; ҳалокат] **1** Ўта аянчли, мудҳиш аҳвол, ҳолат; фалокат. *Мен сизни кишиларнинг фожиясига бу қадар енгил қарайдиган киши, деб ўйламас эдим. Уйғун, Асарлар. Боланинг фожияси мени тамоман қарахт қилиб қўйган эди. «Шарқ юлдузи».*

**2** *эск. айн. трагедия 1.*

**ФОЖИАВИЙ** Фожа руҳи билан суғорилган; фожиали ҳолатга дахлдор. *Вазиятнинг фожиявий руҳи мусиқий кириш қисмидаёқ акс этиб туради. Газетадан.*

**ФОЖИАЛИ** Ўта аянчли, мусибатли, қайғули. *Муҳсинали дадасининг фожиали ўлиmidан кейин ўзларига ҳамроҳ бўлиб турган кекса нўғай кампир билан қолди. Д. Нурий, Осмон устунни. Шунда мен кеча беҳтиёр қилган номаъқул ишимнинг қанчалик фожиали эканини биратўла англадим. А. Мухтор, Туғилиш.*

**ФОЖИОНА** [а. + ф. فاجعانه — бахтсизларча, ҳалокатли] *рвш. кт.* Фожиали, аянчли равишда; мудҳишларча. *Фожиона ҳалок бўлмоқ. Фожиона ҳодиса.* ■ *Уруш ўзининг фожиона изини қолдирмаган оила бизнинг мамлакатимизда камдан-кам учрайди, деса бўлади. Газетадан.*

**ФОЖИР** [а. فاجر — фоҳиш, уятсиз; бетавфиқ, гуноҳкор, бузуқ; ёлғончи] *эск. кт.* Ёмон йўлга юрувчи, зино қилувчи; ахлоқсиз. *«Айбсиз» деганинг жаноби олий — фожир, фожир, халқнинг молини уриб олиб егувчи бир золим, қонхўр бир жаллод. С. Айний, Жаллодлар.*

**ФОЖИ(Ъ)** [а. فاجع — оғриқ-азобли, мусибатли, қайғули; оғир] Мусибатли, фожиали, қайғули. *Бу воқеа мени ё ўта бахтиёрликка ёки фожир бир фалокатга олиб борар. А. Қодирий, Мехробдан чаён.*

**ФОЗИЛ** [а. فاضل — ҳурматли, иззат-ҳурматга сазовор; бенуқсон, баркамол] **1** Илмфан асосларини яхши эгаллаб олган киши; олим. *-Агар у йигит сен айтгандек оқилу*



фозил бўлса, бир қизим эмас, ўн қизим бўлса, беришга тайёрман, — дебди чол. Т. Жалолов, Олтин қафас. *Гўзал Зарафшон водийси қадим замонлардан бери ўзининг шоир ва фозиллари билан машхур.* Газетадан.

**2** Фозил (эркаклар исми).

**ФОЗИЛА** [а. *فاضله* — фозил аёл] **1** Илмфан асосларини яхши эгаллаган аёл; олима. *Оқила ва фозила аёлларнинг барчасида ажиб тароват, бахтидан шукроналик.. сезилиб туради.* Газетадан. *Бегим ой деса ойдек, кун деса кундек, оқилаю фозиладирлар.* П. Қодиров, Юлдузли тунлар.

**2** Фозила (хотин-қизлар исми).

**ФОИЗ** [а. *فائز* — мўл-қўл, лабо-лаб, ортиқча, тўла; мўллик; процент] *эск.* **1** Бирор сон ёки миқдорнинг юздан бир ҳиссаси, улуши (% белгиси билан ифодаланади). *Корхонамиздаги хизматчиларнинг эллик фоизи — хотин-қизлар.* ■ *Биров бировни ёмонласа, камиди ўша заҳоти саксон фоиз ишонамиз!* Ю. Шомансур, Қора марварид.

**Юз фоиз** Тўла-тўқис; бутунлай, бошдан-оёқ. *Гапингиз юз фоиз тўғри.* ■ *Эмин Усмоновнинг асари тўғрисидаги фикрларингизга юз фоиз қўшиламан.* «Шарқ юлдузи».

**2** Қарзга олган пулдан фойдаланганлик учун пул эгасига тўлаб туриладиган ҳақ, фойда. *Яқинда бир миллион саккиз юз минг сўм пулини банкка қўйибди. Яна йилига олти фоиз фойдаси билан.* К. Яшин, Ҳамза.

**3** Даромадга қараб тўланадиган ёки олинадиган ҳисса.

**ФОЙДА** [а. *فائده* — афзаллик, имтиёз; ҳаён, наф, бахра] **1** Бирор кимса ёки нарса учун бўладиган наф, манфаат; ижобий натижа. *Ёлгон айтиб, фойда кўрсанг, охири зарар топарсан.* Мақол. ■ *Сирингизни менадан яширманг, балким фойдам тегиб қолар.* К. Яшин, Ҳамза. *Навоий эл фойдаси ва давлат манфаати учун бўлган бу вазифага, ўз одати бўйича эътироз қилмади.* Ойбек, Навоий.

**2** Қилинган харж билан олинган даромад ўртасидаги фарқдан ташкил топган сумма, маблағ; даромад. *Қамишкапаликлар Зокирхўжа қассоб тўғрисида гап борса, «ҳар бир сўйилган қўйдан икки ҳисса фойда кўрмаса, ўзини чангакка осад», деб таърифлар эдилар.* П. Турсун, Ўқитувчи. *Менимча, тижорат пайдо бўлган замондан бошлаб*

*бундай мўл фойдани ҳеч ким кўрган эмас.* Ойбек, Танланган асарлар.

**Фойда қилмоқ** **1)** ижобий натижа бермоқ, ўзининг фойдали таъсирини кўрсатмоқ. *Дори фойда қилди.* ■ *Халқ жуда кўп ишиларни пахтадоғ билан даволайди. Агар бу иши газак шиши бўлса, пахтадоғ фойда қилади, лекин рақ шиши бўлса, авж олдиради.* А. Қаҳҳор, Қўшчинор чироқлари; **2)** бирор иш, соҳадан иқтисодий манфаат топмоқ, даромад олмақ. *Табдиркор деҳқончиликдан катта фойда қилади.*

**3** Қарзга берилган пулдан фойдаланганлиги учун қарздордан кредитор оладиган қўшимча пул, ҳақ; фоиз. *Қарзимни узганман, фақат фойдаси қолган.* С. Абдулла, Танланган асарлар.

**ФОЙДАЛАНМОҚ** Бирор нарса ёки имкониятдан баҳраманд бўлмоқ, уни ўз талаб ва эҳтиёжи учун ишлатмоқ. *Газдан фойдаланмоқ.* *Китобдан фойдаланмоқ.* *Луғатдан фойдаланмоқ.* ■ *Бунинг учун.. энг муҳими машиналардан, электрдан фойдаланиб, кучни, вақтни тежаш лозим.* Ойбек, О. в. шабадалар. *Вақт ҳар кимнинг ўз қўлида. Гап ундан тўғри фойдаланишида.* Ҳ. Назир, Ёнар дарё.

**Пайтдан (ёки фурсатдан, дақиқадан) фойдаланмоқ** Фурсатни, имкониятни қўлдан бермай, бирор иш-ҳаракатни дарров амалга оширмоқ. *Миркомил пайтдан фойдаланиб, ўзини дарвозадан боққа отди.* Ҳ. Фулом, Машғал. *Фурсатдан фойдаланиб, Пулат ота уни узиб-узиб олди.* К. Яшин, Ҳамза. *Ҳар бир дақиқадан фойдаланиб, хотиранда ажойиб из қолдиришга ҳаракат қил.* Газетадан.

**ФОЙДАЛИ** **1** Моддий фойда, наф келтирадиган. *Фойдали қазилмалар.* *Фойдали меҳнат.* ■ *Зайтун дарахтининг турганбитгани киши организми учун фойдали.* Газетадан. *Соз тупроқлар инсонларнинг ер юзидан биринчи бўлиб таниган фойдали қазилмасидир.* Газетадан.

**2** кўчма Маънавий жиҳатдан бирор манфаати, нафи тегадиган. *Фойдали гап.* *Фойдали фикр.* ■ *-Йўқ, жуда қизиқ, жуда фойдали китоб, — ёлвориб тушунтиришга бошлади хотини.* Ойбек, Танланган асарлар.

**ФОЙДАСИЗ** **1** Бирор моддий фойда ёки даромад келтирмайдиган, бефойда. *Фойдасиз меҳнат.* *Фойдасиз ҳаракат.* ■ *Офтоб*

ойим бўғилиб, фойдасиз тортишиб ўтиришни тарк қилди. А. Қодирий, Ўтган кунлар. *Фойдасиз сел бўлгандан, одамларга обихаёт улашадиган сокин ариқ бўлган яхши. Газетадан.*

**2** кўчма Маънавий, руҳий манфаати йўқ, нафи тегмайдиган. *Фойдасиз гап.* ■ *Зеро, ўзининг бу ўтинчини [илтимосини] қуш учган сўнг отилмоқчи бўлган сопқон қабилдан ҳисоблар ва фойдасиз бир илтимос деб чўчир эди. А. Қодирий, Ўтган кунлар.*

**ФойДАТАЛАБ** [фойда + талаб] Фақат фойда кўришни ўйлайдиган; фойда кетидан қувувчи. *Ўзингизга маълум, савдо аҳли зарарни ёқтирмайдиган, фойдаталаб халқ бўлади. К. Яшин, Ҳамза.*

**ФойДАХЎР** [а. + ф. فائدەخور – фойда еювчи, кўрувчи] **1** Бирор нарсани фойдасига сотиш билан шуғулланувчи ва шунинг ҳисобига яшовчи киши. *Фойдахўрнинг моли шундай кўпайди, Бойлар олган юртнинг баланд-пастини. «Фольклор».*

**2** айн. **судхўр.** *Фойдахўр Шейлок ижарага берган пулини қайтармаган кишидан, пулинг бўлмаса, бир қадоқ гўштингни кесиб бер, деб талаб қилган. Газетадан.*

**ФойЕ** [фр. foyer – ўчоқ] Театр, кино ва б. хил биноларда томоша бошланиши кутиладиган, танаффус, антракт вақтларида томошабинлар дам оладиган махсус жой, хона. *Театрларнинг фойеларида ёки истироҳат боғларида Маргилон атласини кийиб, сайр этиб юрган қизларни ким кўрмаган? «Саодат». Шоиста она билан Рашид тугуруқхонанинг чорсигина фойесига киришди. «Шарқ юлдузи».*

**ФойТУН** [қ. фазтон] *эск.* Тўрт гилдиракли, очилиб-ёпиладиган соябонли енгил арава. *Бир куни фойтунда уйга қайтаётганимда, қаршимдан Муаззам чиқиб қолди. Л. Эргашев, Вафодор. Нойиб шошилиб чиқиб, фойтунга ўтирди. Чўлпон, Кеча ва кундуз. Фойтун Ферузанинг жияни Ҳусайн Муродбекники эди. С. Сиёев, Ёруғлик.*

**ФойТУНЧИ** *с. т.* Фойтун эгаси; фойтун ҳайдовчи. *Аллонхўжа.. отбоқару фойтунчиларни, текинтомоқ, ялқовлар, деб сўкиб, жувозга қувди. А. Мухтор, Қорақалпоқ қиссаси.*

**ФокСТРОТ** [ингл. foxtrot < fox – тулки + trot – тез юриш, йўртиш: тулки қадами] Майда қадам билан оёқни судраб босиб

ижро этиладиган тўрт қисмли рақс (танца) ва шу рақснинг мусиқаси. *Вика дафнинг зарбига.. фокстрот ўйнай бошлади. Мирмуҳсин, Она.*

**ФОКУС I** [лот. focus – ўчоқ, олов] **1** физ. Оптик система орқали ўтган параллел нурлар дастасининг ўзаро кесишган ёхуд тўпланган нуқтаси. *Линза фокуси. Ботиқ кўзгу фокуси.* ■ *Ҳар бир планета эллис бўйлаб ҳаракат қилади ва бу эллиснинг фокусларида бирида қуёш туради. «Астрономия».*

**2** Фотографияда: сурати олинаётган нарсанинг объективда энг аниқ ва равшан кўринадиган нуқтаси. *Фокус масофаси. Фокусни тўғриламақ. Фокусда турмоқ.*

**ФОКУС II** [нем. Nokus rokus] *с. т.* Кўз илгамас даражадаги, кўзни алдайдиган чакқонлик, моҳирлик билан қилинадиган, ўзининг ғайритабиийлиги билан томошабинларни ҳайратга соладиган ҳийла: кўзбойлоқчилик, найрангбозлик. [Мунира:] *Биринчи курсликларнинг номини кўтариш учун битта фокус кўрсатасиз концертда. Ф. Мусажонов, Лофчи.*

**ФОКУСЧИ 1** Фокус кўрсатувчи артист (қ. **фокус II**). *Фокусчи артист.* ■ [Мунира:] *Бекитмай қўя қолинг. Сизнинг уста фокусчи эканлигингизни ҳамма билади. Ф. Мусажонов, Лофчи.*

**2** кўчма Ҳар хил найрангбозликлар кўрсатувчи шахс; ҳийлагар. *Прокуратура узоқ қидирувдан сўнг бу фокусчини эндигина қўлга туширган эди. Газетадан.*

**Фол** [а. فال – яхши аломат, хайрли белги, нишона] **1** Бирор нарсага (мас., қўл, китоб, майда тош, қарта, ойнага) қараб, киши билишга қизиққан нарса ёки ҳодисани бириндан «айтиб бериш», башорат қилиш. *Бир тангани кўриб, димоғи чоғ бўлиб, олдидаги фол ёғочини қўлига олиб, суф-куф, деб дам солиб, китобнинг устига ташлабди. «Эртаклар». Бахтингиз бор эканки, мендай қўли енгил, дами ўтқир ромчига йўлиқдингиз: мана, фол айтиб турибди, сизни юк босибди.. К. Яшин, Ҳамза.*

**Фол очмоқ** (ёки **боқмоқ, кўрмоқ**) **1** киши билишга қизиққан номаълум воқеа, ҳодисаларни гўё олдиндан айтиб беришга уринмоқ ёки олдиндан «билмоқ», айтиб бермоқ. *Узоқ варақлаб ўлтирди-да, сўнгра отасининг китобга қараб фол очиши эсига тушди. А. Қаҳҳор, Сароб. Одамлар Аҳмад махдумни*

«мунажжим», яъни юлдузлар юзидан фол кўрадиган деб билардилар. С. Айний, Эсдаликлар; 2) бирор нарса ҳақида тахмин; фарз қилмоқ. *Турли-туман миш-миш гаплар. Одамлар аниқ бир тасаввурга эга бўлмагани учун ҳар ким ўз ҳолича фол очарди.* Н. Сафаров, Оловли излар. **Фол очтирмоқ** (ёки **боқтирмоқ**, **кўрсатмоқ**) Ўзи қизиққан номаълум воқеа, ҳодисани (бирор кимса ёки нарса тақдирини) билиш учун фолбинга мурожаат қилмоқ. *Мен кетай. Дадамга фол очтиргани кетяпман..* С. Зуннунова, Гулхан.

**2 кўчма** Бирор нарса ҳақидаги тахмин; чама, фараз. *Ҳақиқатан, бирон ой ўтмасдан, Ўринбой отанинг фоли тамоман тасдиқланди.* Ойбек, Кўёш қораймас.

**3 кўчма** Бирор иш ёки хатти-ҳаракатнинг қандай тугалланганини кўрсатувчи белги, нишона. [Қулмуҳаммад:] *Бугун тонг билан Жалолиддинни ҳибсга олибдилар.* [Гули:] *Ё раббий! Бу ёмон фол.* Уйғун ва И. Султон, Алишер Навоий. *Айниқса мулла Абдураҳмон хануз Разнонинг эрга берилмаганлиги хабарини эшитгач, бу тасодифни истиқболнинг хайрли фоллари сирасига киритди.* А. Қодирий, Мехробдан чаён.

**ФОЛБИН** [а. + ф. فالبين — фол кўрувчи, фол очувчи] Фол очувчи шахс. *Фолбиннинг сўзига аҳмоқ ишонар.* Мақол. ■ *Фолбин бу тугунчакни Гулнорнинг остонасига кўмиш кераклигини уқтирди.* Ойбек, Танланган асарлар. *Францида олтмиш мингта фолбин бўлиб, уларнинг даромади йилига уч миллиард франкни ташкил қилади.* Газетадан.

**ФОЛБИНЛИК** Фолбин фаолияти, касби. **Фолбинлик қилмоқ** 1) фол очиш билан шуғулланмоқ; 2) бирор нарса, ҳодиса тўғрисида тахминий мулоҳаза юритмоқ, тахмин, фарз қилмоқ. *Даштдаги қизлар Адолатнинг авзойини кўриб, кечаси билан фолбинлик қилиб чиқдилар.* И. Раҳим, Чин муҳаббат. *Фолбинлик қила бериш ҳам яхши эмас! Ҳафиза ақлли қиз, мана, эртага бориб кўрасан.* Мирмуҳсин, Умид.

**ФОЛЧИ** айн. **фолбин.** *Ўшанда фолчи кампир қандайдир дуоларни ўқиб, бир ойнага қараб, нималарнидир гапирган эди.* Газетадан.

**ФОЛЬГА** [пол. folga < лот. folium — варақ, япроқ] Рангли металллар ва қотишмалардан тайёрланадиган, техникада, ёзув ёки нақшни босиб (сиқиб) акс эттиришда,

озик-овқат маҳсулотларини ўрашда ишлатиладиган юпқа варақлар.

**ФОЛЬКЛОР** [ингл. folklore < folk — халқ + lore — билим; фан] Халқ ижодиёти; халқ томонидан яратилган ва халқ орасида кенг тарқалган асарлар (эртак, достон, кўшиқ, лапар, масал, мақол, матал, топишмоқ ва б.). *Халқнинг кўп асрли тарихи мобайнида яратилган ҳикматли сўзлар — миллий фольклорнинг энг яхши намуналаридир.* Х. Ёлгоров, Ҳаёт тўлқинлари.

**ФОЛЬКЛОРИСТ** [«фольклор» с. дан] Фольклоршунослик соҳаси мутахассиси; халқ оғзаки ижодини ўрганувчи шахс. *Н. Ганиев моҳир адиб ва фольклорист ҳам эди.* Газетадан.

**ФОЛЬКЛОРИСТИКА** [«фольклор» с. дан] Фольклор ҳақидаги фан; фольклоршунослик. *Ўзбек фольклористикаси ўзининг илк тонгдаёқ жиддий ютуқларни қўлга киритди.* «ЎТА».

**ФОЛЬКЛОРЧИ** с. т. Фольклоршунос. *Фольклорчи олима Музайяна Алавия ўзбек халқ кўшиқлари устида қарийб 15 йилдан буён тинимсиз илмий иш олиб боради.* Газетадан.

**ФОЛЬКЛОРШУНОС** [фольклор + ф. شناس — ўрганувчи] Фольклоршунослик мутахассиси. *Ўзбек фольклористикасининг кекса намояндалари сафига кўплаб ёш фольклоршунос олимлар келиб қўшилди.* Газетадан.

**ФОЛЬКЛОРШУНОСЛИК** Халқ ижодиётини ўрганиш, фольклор асарларини тўплаш ва нашр этиш билан шуғулланувчи фан. *Ўзбек фольклоршунослиги. Фольклоршунослик равнақи.* ■ *Ўзбек фольклоршунослиги — ривож топган илмий соҳалардан биридир.* «ЎТА».

**ФОН** I [фр. fond < лот. fundus — асос, таг, замин] I Сурат чизиладиган (солинадиган), бирор нарса тасвирланадиган, сурат бўёқларидан ажралиб турадиган асосий ранг. *Оқ фonga чизилган қизил гуллар. Осмон фонида олинган сурат.*

**2** Кўзга ташланиб турган кимса ёки нарса орқасидаги кўриниш; асосий расм, сурат ортидаги манзара. *Бу уй ҳайвонининг расми яшил ўтлар фонида қизил бўёқ билан ишланган.* Газетадан. *Юсуф ўзининг ибратомуз киноларида кишиларнинг идеал образларини уйдирма бўлмаган, жонли кишилар фонида тасвирлайди.* «ЎТА».

3 *кўчма* Умумий шароит, вазият, муҳит. *Ҳамза Ҳакимзода Ниёзий тарихий шахс сифатида.. ўзбек маданиятининг ривожланиши тарихи фониди кўрсатилади.* Газетадан. *..миллий онг ва миллий тафаккур она тили бойликлари фониди, бевосита ёрдамида шаклланади.* Газетадан.

**ФОН** II [юн. phone – товуш, овоз] То-вушнинг баландлик даражаси бирлиги, ўлчови.

**ФОНАРЬ** [юн. fanari(o)n – ёруғлик, нур тарқатувчи < fanos – чироқ, машғала] 1 Ёритувчи қисми шар, кутича, найча ва б. шакллардаги шиша ёки шаффоф материал билан ўралган чироқ. *Чунтак фонари. Қўл фонарь.* ■ *Мунира югуриб, вагонга чиқди-да, қўл фонарини олиб тушди.* Ў. Умарбеков, Ёз ёмғири. *Козим ака.. столнинг тортмасини очиб, у ердан электр фонарь олиб, менга кўрсатди.* Э. Раимов, Ажаб қишлоқ.

2 **Фонус.** *Фонарь яна тутай бошлади, керосин тугай деб қолган эди.* Й. Муқимов, Олов ва ниҳоллар. *Ғулумжоннинг кулгиси шу қадар беғубор эдики, ҳужрада қирқинчи фонарь ёқилгандай бўлиб кетди.* М. Исмои-лий, Фарғона т. о.

**Фонарь ёғи** *эск. айн. керосин.*

**ФОНД** [фр. fond < лат. fundus – туб, асос] 1 Давлат, муассаса ва ш.к. нинг муайян мақсад учун ажратилган пули, маблағи, моддий бойликлари мажмуи; жамғарма. *Валюта фонди. Иш ҳақи фонди. Бўлинмас фонд.* ■ *Фондимизда бир юз минг сўм пул бор.* С. Аҳмад, Қадрдон далалар. *Бўлинмас фондимизда нақд бир ярим миллион сўм пул бор.* «Ўзбекистон қўриқлари».

2 Қатъий, барқарор даромад келтирувчи қимматбаҳо қоғозлар. *Фонд биржаси. Фонд бозори.*

3 Памлаб, эҳтиётлаб қўйилган захира, бойлик. *Жамоа ҳўжалигининг уруғлик фонди. Музей фонди. Уй-жой фонди. Китоб фонди. Тилнинг луғат фонди.* ■ *Музейимиз фондида Уроқовнинг шахсий буюмлари, суратлари сақланмоқда.* Н. Сафаров, Оловли излар.

4 Бирон-бир ижтимоий қатлам, аҳоли гуруҳига (болалалар, ногиронлар, бадиий-ижодий уюшмаларнинг аъзоларига) моддий ёрдам кўрсатиш мақсадида ташкил этилган муассаса, ташкилот. *Архитекторлар фонди. Бадиий фонд.*

**Олтин фонд** 1) олтин захираси; 2) *кўчма* жамият ёки унинг бирор қисмининг энг яхши интеллектуал кучлари. *Ватан, инсон – бу каби мангу, боқий мавзуларда битилган асарлар жаҳон шеърятининг олтин фонди-ни ташкил этади.* «ЎТА». *Агроном – давлатимизнинг олтин фондиди ташкил қилувчи кадрларимиздандир.* Газетадан.

**ФОНЕМА** [юн. phonema – овоз, товуш] тлш. Бирор тилда сўз ёки морфемаларнинг маъно фарқини белгилувчи, уларни бир-биридан фарқлашга хизмат қилувчи товуш бирлиги. *Унли фонемалар. Ундош фонемалар.*

■ *Ниҳоят, олтига унли фонема тилимиз учун мезон сифатида қабул қилинди.* «ЎТА».

**ФОНЕМАТИК** тлш. Фонемага оид. *Тилнинг фонематик таркиби.*

**ФОНЕНДОСКОП** [юн. phone – товуш + endon – ички, ичида + skopeo – кўраман] Одам ва ҳайвон организмда юзага келадиган юрак уриши, нафас шовқинлари ва б. табиий товушларни эшитишга хизмат қиладиган, қулоққа тугиладиган икки найча ҳамда овоз кучайтирувчи мембранали мосламадан иборат тиббий асбоб.

**ФОНЕТИК I** Фонетикага оид. *Фонетик қонунлар. Тилнинг фонетик тизими. Фонетик транскрипция.* ■ *Уйчи шеваси ўзининг характерли фонетик хусусиятлари билан кўпгина ўзбек шеваларидан ажралиб туради.* «ЎТА».

**ФОНЕТИКА** [юн. phonetike, phonetikos – товушга оид] тлш. 1 Тилшуносликнинг нутқ товушларининг ҳосил бўлиш усуллари, акустик хусусиятлари ва таркибини ўрганадиган бўлими. *Умумий фонетика. Тарихий фонетика. Қиёсий фонетика.* ■ *Поэтик фонетикада текширилаётган бадиий усуллардан бири – аллитерация.* «ЎТА».

2 Муайян тилнинг товуш таркиби, товушларнинг акустик ва артикуляцион хусусиятлари. *Ўзбек тили фонетикаси.*

**ФОНЕТИСТ** Фонетика соҳаси билан шуғулланувчи тилшунос.

**ФОНИЙ** [а. فانی – кўҳна, эски, кекса; ўткинчи, муваққат, омонат] *эск. кт.* Тез ўтиб кетадиган; тезда барҳам топувчи; ўткинчи, омонат. *Шундай қилиб, мадраса қураётган яхши одамлардан бири фоний дунёдан боқий дунёга кетди.* Мирмуҳсин, Меъмор. *Неча шоҳлар ўтди фоний дунёда: Баъзиси отли-ю баъзиси – пиёда.* «Зулфизар билан Авазхон».

**ФОНО-** [юн. phone – овоз, товуш] Байналмилал ўзлашма қўшма сўзларнинг биринчи қисми бўлиб, шундай сўзларнинг товушга, овозга алоқадорлигини билдиради, мас., *фонограмма, фонетика*.

**ФОНОГРАММА** [фоно.. + юн. gramma – ёзув, ёзма белги] *махс.* Махсус техник восита ёрдамида грампластинка, магнит тасма, кино- ёки видеоплёнка, лазер диск ва ш.к. га ёзилган товуш садолари (нутқ, ашула, куй). *График фонограмма.* ■ *Газетада фонограмма билан қўшиқ айтиш каби қусур қайта-қайта тилга олинади.* Газетадан.

**ФОНОГРАФ** [фоно.. + юн. grapho – ёзаман] *махс.* Товуш, овозлар (мусиқа, ашула, нутқ ва ш. к.)ни ёзиб олиш ва қайта эшиттириш учун хизмат қилувчи аппарат.

**ФОНОГРАФИК 1** Фонографга, товуш ёзиб олиш ва қайта эшиттиришга оид. *Фонографик плёнка. Фонографик материаллар.*

**2** Алоҳида товушни ифодаловчи. *Фонографик ёзув.*

**ФОНОЛОГИК** Фонологияга оид. *Фонологик тизим. Фонологик текшириш.*

**ФОНОЛОГИЯ** [фоно.. + юн. logos – билим, тушунча] *тлш.* Тилшуносликнинг нутқ товушларини, яъни фонемаларни сўз ва морфемаларнинг товуш қобигини фарқловчи восита сифатида ўрганувчи соҳаси. *Тарихий фонология маълум бир тил фонологик тизимининг тарихий тараққиётини.. ўрганади.* «ЎЗМЭ».

**ФОНОМЕТР** [фоно.. + юн. metreo – ўлчайман] Товуш ёки шовқиннинг тебраниш кучини, унинг баланглик даражасини ўлчайдиган асбоб.

**ФОНОТЕКА** [фоно.. + юн. theke – омбор; кути] **1** Муайян тартибда сақланадиган овоз ёзувлари, фонограммалар тўплами.

**2** Овоз ёзувларини тўпловчи, қайта ишловчи, сақловчи муассаса.

**ФОНТАН** [итал. fontana < лот. fons, fontis – манба, булоқ] **1** *айн.* **фаввора 1.** *Театр майдони узра кўк бўйи Шалола отарди ранго-ранг фонтан. Т. Тўла. Қайнаб чиқар зўр булоқлари, Фонтан бўлиб отилар тикка. Ё. Мирзо. «Шимолий Сўх» деб аталган ёш конда яна бир табиий газ фонтани ҳосил қилинди.* Газетадан.

**2** *айн.* **фаввора 2.** *Алижон зинапоядан пастга тушиб, фонтан четига ўтирди. Мир-*

*муҳсин, Чиниқиш. Нарироқда фонтандан шариллаб отилган сув Ориф акани ҳушига келтирди. А. Мухтор, Чинор. Фонтан атрофи одамлар билан гавжум. С. Аҳмад, Пойқадам.*

**ФОНУС** [а. فانوس – шишали чироқ < rhanos – ёруғлик, нур] Қўлда кўтариб юриладиган ёки бирор жойга ўрнатиладиган, шамол ва ёгиндан муҳофаза қилинган, ичига чироқ ёки шам қўйиладиган ёритиш асбоби, чироқ. *Ҳар маҳаллага биттадан шаҳар думахонаси ўтқазган хира фонусларнинг ичида еттинчи пиликли керосин лампа ёнар эди. Ғ. Фулом, Шум бола. Ҳовли ўрта-сидаги улкан машъала ёқилди. Дарахларга кичкина фонуслар осилди. С. Сиёев, Аваз.*

**ФОРИНТ** [венг. forint] Венгрия давлатининг асосий пул бирлиги.

**ФОРИҒ** [а. فارغ – холи, бўш; эгалланмаган; бефойда]: **фориғ бўлмоқ** *эск. кт.* Бирор иш-ҳаракатдан холи бўлмоқ, бўшamoқ, қутулмоқ. *Ота-онасининг наздида, Ҳафиза юрагидаги дардлардан фориғ бўлгандай кўринди. Мирмуҳсин, Умид. Сен шу ерда туринди, мен намоздан фориғ бўлайин, сўнгра гаплашамиз. «Ойсулув».* **Фориғ қилмоқ** Бирор нарсадан, иш-юмушдан холи қилмоқ, қутултирмоқ. *Қатра май гадолардин, соқиё, дариғ этма, Ақлдин қилиб фориғ, мастлиғда султон қил. Увайсий.*

**ФОРИҒБОЛ, фориғулбол** [а. فارغالبال – ўй-хаёллардан холи, тинч, хотиржам] *эск. кт.* Ташвишдан холи, озод; хотиржам, осойишта; ҳузур-ҳаловатли. *Фориғбол яшamoқ.* ■ *Ёзилурми энди, фориғбол, Тарқалгандай кузи туманлар? М. Али, Боқий дунё.*

**ФОРМА** [лот. forma – шакл; ташқи кўриниш] **1** *қ.* **шакл 1-5.**

**2** Маълум тоифадаги кишилар учун мўлжалланган, ранги, тикилиши ва б. белгилари жиҳатидан бир хил кийим. *Ҳарбий форма. Мактаб формаси. Милиция формаси.* ■ *Пўлатжон учувчи формасида тушган сура-тини ҳам юборибди. Ҳ. Назир, Сўнмас чақмоқлар.*

**ФОРМАЛ 1** *қ.* **шаклий.** *Аниқ нисбат ҳеч қандай формал кўрсаткичларга эга эмас. «ЎТА».*

**2** *қ.* **шаклан; юзаки.** *..бу соҳада улар кўп вақт формал яқинликларни, тўғриси, қофия, вазн уйғунлигини асос қилиб келтирадилар. «ЎТА».*

**ФОРМАЛИЗМ** [ингл. formalism < лат. forma — шакл; ташқи кўриниш] 1 Инсоннинг турли фаолият соҳаларида шакл (форма)ни мазмундан устун қўйиш, шаклни афзал билиб, мазмун ва моҳиятга зарар етказиш. *Ёшлар билан ишлашда кўпинча формализм, расмиятчиликка йўл қўйилмоқда.* Газетадан.

2 Санъат ва адабиётда: «соф» шаклни энг муҳим ягона бадийий унсур, деб тан олишдан, шаклнинг алоҳидалиги ва устунлиги ни таъкидлашдан иборат, реализмга зид бўлган метод.

**ФОРМАЛИН** [ингл. formalin < лат. aciditas formica — чумоли кислота] Дезинфекция қилиш ёки тозалаш учун ишлатиладиган ўткир ҳидли модда (чумоли кислотанинг сувли эритмаси). *Формалин эритмаси. Чигитни формалин билан дориламоқ.* ■ *Ўз навбатида унга ўткир ҳидли дори — формалин, ультратовуш ёки ультрабинафша нурлар таъсир эттирилади.* «Фан ва турмуш».

**ФОРМАЛИНЛАМОҚ** Формалин билан дезинфекция қилмоқ, тозаламоқ, дориламоқ. *Экиш олдидан чигитни формалинламоқ.*

**ФОРМАЛИСТ 1** Бирор ишда расмиятчиликка йўл қўювчи шахс; расмиятчи, расмиятпараст. *Сен унча формалист бўлма.*

2 Формализм тарафдори (қ. **формализм 2**).

**ФОРМАЛИСТИК 1** Расмиятчиликдан иборат. *Ишга формалистик муносабатда бўлиш.*

2 Формализм тамойилларига асосланган, бўйсунган (қ. **формализм 2**). *Формалистик асар.*

**ФОРМАТ** [фр. format < лат. forma — шакл; ташқи кўриниш] Китоб, дафтар, варақ, карточка ва ш.к. нинг энига ва бўйига кўра катта-кичиклиги, ўлчови. *Қоғоз формати. Катта форматга эга бўлган китоб.*

**ФОРМАТЛИ** Муайян шакл, ўлчамга эга бўлган. *Кичик форматли китоб. Катта форматли варақ.*

**ФОРМАЦИЯ** [лат. formatio — ташкил бўлиш; шакл, кўриниш] 1 Бирор нарсанинг муайян тараққиёт босқичи, поғонасига мос келувчи типи, тузилиши.

**Ижтимоий-иқтисодий формация** Кишилик жамияти тараққиётидаги муайян ишлаб чиқариш усули ва унга боғлиқ ишлаб чиқариш, ижтимоий ва сиёсий муносабатлар, ҳуқуқий меъёрлар ва мафкура билан характерланган тарихан шаклланган

босқич, давр (қулдорлик, феодализм, капитализм). *Туркистон халқлари феодализм формациясидан капиталистик формацияга аста-секин ўта бошладилар.* Газетадан. *Замонлар ўтди, ижтимоий-иқтисодий формациялар алмашди, одамлар ўртасидаги муносабатлар ўзгарди.* Газетадан.

2 геол. Ҳосил бўлиш шароитларининг умумийлиги билан ўзаро боғлиқ бўлган, Ер пўсти асосий структуравий ривожланишининг муайян босқичларида вужудга келган тоғ жинслари йиғиндиси, геологик чўкиндилар.

**ФОРМОВКА** [лат. forma — шакл; ташқи кўриниш] *тех.* Бирор нарсага ишлов бериш, уни тайёрлаш баробарида унга қандайдир шакллар бериш; керакли шакллар ясаш (қўйиш) учун тайёрланган қолип. *Формовка цехи. Формовка машинаси.* ■ *Уни [Меҳринисони] формовка машинасида ишлаётган қиз олдига бошлаб келди.* «Саодат».

**ФОРМУЛА** [лат. formula — шакл, қоида] 1 Бирор қоида, воқеа-ҳодиса, қонун ва ш.к. нинг барча хусусий ҳолатлар учун татбиқ этиладиган аниқ, қисқа ва умумий таърифи, ифодаси. *Абдужалил бой ўзининг бу кашфиётини қўйидаги «формула»дан келтириб чиқаради.* А. Қодирий, Обид кетмон.

2 *мат.* Бирон-бир гап, фикр, тасдиқни ифодаловчи математик белгиларнинг ўзаро уйғун бирикмаси, комбинацияси. *Алгебраик формула. Қўшиш формуллари.* ■ *Йўлдош қўлида тайёр тутиб турган ён дафтарчасини Элмуроднинг олдига қўйиб, ундаги формулани бир чеккадан уқтира бошлади.* Шухрат, Шинелли йиллар. *У бир варақ қоғозга тажрибанинг формуласини шоша-пиша ёзиб кўрсатди.* Ў. Ҳошимов, Қалбингга кулоқ сол.

3 *ким.* Бирор бирикманинг элементлар номи ўрнида қўлланувчи лотинча ҳарфлар ҳамда элементларнинг айни бирикма таркибидаги миқдорий нисбатини кўрсатувчи рақамлар билан ёзилган қисқача ифодаси; мас.,  $NaCl$  — ош тузининг формуласи.

**ФОРМУЛИРОВКА** [«формула» с. дан] Бирор фикр ёки қарорнинг қисқа ва аниқ ифодаси. *Теореманинг формулировкаси.* ■ *У ҳозирги Шарқ тарихидан жуда зерикарли лекция ўқирди. Гапи сийқа ибораларга, қуруқ формулировкаларга.. тўла.* П. Қодиров, Уч илди.

**ФОРМУЛЯР** [нем. Formular < лат. formula — шакл, қоида] **1** Бирор иншоот, механизм ва ш.к. нинг ҳолати ва уни ишлатиш бўйича маълумотлар батартиб ёзиб борилдиган махсус дафтар ёки варақа.

**2** Кутубхоналарда ҳар бир китоб ичига солиб қўйиладиган ва шу китоб ҳақидаги асосий маълумотлар ёзилган ҳисоб варақаси.

**ФОРПОСТ** [нем. Vorposten < голл. voorpost — олдиндаги пост] **1** ҳарб. Ҳарбий қисмини ҳимоя қилиб туриш учун қўйилган илғор (етақчи) соқчилар гурӯҳи.

**2** кўчма кт. Бирор нарсанинг олдинги, илғор қисми, таянчи; авангард. *Уч йил олдин ташкил қилинган хўжалик.. чўлга бошланган янги ҳужумнинг форпости бўлиб қолди.* Газетадан.

**ФОРС** [ф. فارس — эронлик; Эрон жанубидаги вилоят номи] қ. **форслар.** Форс тили. Форс қизи. ■ У араб, форс тилларини яхши эгаллаган. Ойбек, Навоий. *Ҳамза отасидан таълаган олиб, ун беш ёшида форс, араб тилларидаги китобларни ўқийдиган бўлди.* К. Яшин, Ҳамза.

**ФОРСИҒҮЙ** [ф. فارسی‌گوی — форсча сўзловчи] Форс тилида ижод қиладиган, ёзадиган, гапирадиган. *Форсиғуӣ шоир.* ■ Соҳиб Доро замонанинг кўзга кўринган форсиғуӣ шоирларидан бўлиб, ёш қаламкашларни ўз маслаҳатлари билан баҳраманд қилиб турарди. М. Осим, Сеҳрли сўз.

**ФОРСИЙ** [ф. فارسی — форсларга, форс тилига оид, алоқадор] **1** Форс тили. У зот забони арабийни — фасих, туркистонийни — саҳих, форсийни малиҳ [ғўзал].. биладурғон донишманд. Мирмуҳсин, Темур Малик.

**2** Форс тилида айtilган ёки ёзилган; форсча. *Ҳақиқатан ҳам Навоий форсий девони билан Жомийдан сўнг форс-тожик адабиётини янги бир босқичга кўтарди.* «ЎзГА».

**ФОРСИХОН** [ф. فارسی‌خوان — форсча ўқувчи] Форс тилида битилган асарларни ўқий оладиган, уни тушунадиган ва талқин қила оладиган шахс. *Анвар ун беш ёшида.. яхшигина форсixon ва бир даража араб тилига ошна эди.* А. Қодирий, Меҳробдан чаён.

**ФОРСЛАР** Эроннинг асосий, туб аҳолиси ва уни ташкил қилувчи халқ; эронийлар.

**ФОРСУНКА** [ингл. force-pump — босим берувчи, ҳайдовчи насос] тех. Суюқ ёнил-

ғини ёки кукун ҳолидаги ёқилғини босим билан зарралар тарзида пуркаш, сочиш учун мўлжалланган мослама, насос.

**ФОРСЧА** айн. **форсий.** *Форсча-русча луғат. Форсча сўзлашмоқ.* ■ *Ашотда русча, форсча ва арманча шеърлар бор экан-у, улар Баширжонга ўтиришмади.* Н. Аминов, Суварак.

**ФОРТЕПЬЯНО** [нем. Fortepiano < итал. forte — қаттиқ + piano — аста, кучсиз] Клавишлари бармоқ билан босиб чалинадиган торли мусаққа асбоби (рояль ва пианинонинг умумий номи). *Фортепьяно чалмоқ.* ■ *Сози бузуқ фортепьянонинг баланд овози янгради.* «Ёшлик».

**ФОРТОЧКА** [нем. Pforte < лат. porta — дарвоза] Уйни шамоллатиш мақсадида деразага ўрнатилдиган кичкина дарча. *Саодатхон форточкани очиб юборди.* С. Зуннунова, Янги директор.

**ФОРУМ** [лат. forum] **1** тар. Қадимги Римда халқ йиғинлари, ярмаркалар, суд мажлиси ва б. тадбирлар ўтказиладиган майдон.

**2** Кенг ваколатли йиғилиш, анжуман. *Бутун дунё ёшлар форуми. Журналистлар форуми.* ■ *Икки қитъа ёзувчилари форуми дўстлик ва бирдамлик байрамига айланиб кетди.* Газетадан.

**ФОСГЕН** [юн. phos — ёруғлик + genos — насл, авлод; келиб чиқиш] ким. Нафас олиш аъзоларига зарар етказувчи, чириган пичан иси келадиган рангсиз, заҳарли газ. *Фосген жуда заҳарли модда, нафас йўлларига кучли таъсир қилади.* «ЎЗМЭ».

**ФОСИД** [а. فاسد — бузилган; айниган; йўлдан адашган; бузуқ, ахлоқсиз, ярамас] **1** эск. кт. Ёмонлик қиладиган; жирканч; бузуқ, ярамас. *Фосид хаёл. Фосид мақсад.* ■ *Тўғри айтасан. Лекин бу фосид рақс, ашула, муסיқийларни мажусийлар, оташрастлар.. ижод этганлар.* К. Яшин, Ҳамза. *Бериб фатво, «уришинлар», демай қози калон ўлсин, Ҳаммани йўлдин оздирган ўшал фосид хаёл ўлсин.* А. Қаҳҳор, Сароб.

**2** дин. Ислом анъанасида диний мажбуриятларни адо этмаган гуноҳкор. *..Аллоҳ фосидлардан рози бўлмайди, эҳсонларини қабул этмайди ва ўзларини ҳидоятга эриштирамайди..* «ЎЗМЭ».

**ФОСИҚ** [а. فاسق — бузуқ, фоҳиш, ахлоқсиз; муртад, кофир] эск. кт. Бузуқ, гуноҳ,

харом ишлар билан шуғулланувчи, ёмон йўлга юрувчи; ахлоқсиз. *Фосиқдан ҳаё тилама, золимдан — вафо.* Мақол. ■ *Ва уларнинг юракларида Фараз, фосиқ ҳаваслар тунар.* Ш. Раҳмон, Юрак қирралари. *Нусратило фосиқ эканлиги устига порани қилдек суғуриб, иликдек ютмоғи махфий эмас.* А. Қаҳҳор, Тобутдан товуш.

**ФОСФАТЛАМОҚ** Металл ва металл буюмларни атмосферавий емирилишдан сақлаш мақсадида улар сиртида эримайдиган фосфатлар пардаси (плёнкаси)ни ҳосил қилиш.

**ФОСФАТЛАР** [ингл. phosphate < юн. phosphos — нурафшон, нур сочадиган] *ким.* Фосфат кислота тузлари ва эфирлари (асосан ўғит сифатида, шунингдек, тиббиёт ва техникада ишлатилади). *Кальций фосфати.*

**ФОСФАТЛИ** Таркибида фосфати бўлган. *Ўзбекистонда фосфатли ўғитлар — аммофос ва аммонийлаштирилган суперфосфат ишлаб чиқарадиган жуда катта корхоналар барпо этилган.* Газетадан.

**ФОСФОР** [юн. phosphoros — нурафшон, нур сочадиган < phos — ёруғлик + phoros — олиб борувчи] **1** Менделеев даврий системасининг V гуруҳига мансуб кимёвий элемент; оқ, қизил ва қора рангда бўладиган, суюқланиш температураси ва б. баъзи хоссаларига кўра ўзаро фарқланувчи, кимёвий фаол металлмас модда (ўғит, гугурт ишлаб чиқаришда, металлургияда, органик синтезда қўлланади). *Она сутида оқсиллар, ёғлар. кальций ва фосфор каби тўйимли моддалар етарли бўлади.* «Саодат». *Тупроқда фосфор тақчил бўлса, картошканинг гуллаши ва ҳосил пишиши секинлашади.* «Фан ва турмуш».

**2 с.т.** Фосфатли ўғит тури. *Фосфор янаги ҳафта келади. Иккинчи чопиқни тамомладингми?* И. Раҳим, Чин муҳаббат.

**ФОСФОРИТЛАР** [ингл. phosphorite < юн. phosphoros] Таркибида фосфат кўп бўлган чўкинди тоғ жинслари; асосан минерал ўғитлар ишлаб чиқаришда ишлатилади. *Геологларнинг айтишича, фосфоритларнинг тахминий захиралари чексиздир.* Газетадан. *Бизда фосфорит конларининг энг йирик манбалари мавжуд.* Газетадан.

**ФОСФОРЛИ** Таркибида фосфор мавжуд бўлган; фосфор аралаш(тирил)ган. *Фосфорли туз. Фосфорли руда. Фосфорли ўғитлар.* ■ *Фосфорли ва калийли ўғитларнинг асосий*

*қисми ерга кузда гўнг билан бирга солинади.* «Фан ва турмуш».

**ФОТИХ** [а. فاتح — очувчи, бошловчи; босқинчи, забт этувчи] **1** Бирор шаҳар, давлат, мамлакатни урушиб қўлга киритган, забт этган; ғолиб; жаҳонгир. *..ўжар Сирдарё қарийб бутун жаҳонни забт этган, тарихларда «жаҳон фотиҳи» деб ном олган Искандарга ҳам бўйсунмади.* Газетадан. *Йўлларда ётарди кўп бегуноҳлар, Фотиҳлар излари, бесон қабрлар.* М. Шайхзода.

**2** Фотиҳ (эркаклар исми).

**ФОТИҲА** [а. فاتحه — очиш, очилиш, бошланиш, ибтидо, муқаддима; Қуръоннинг биринчи сураси] **1** *дин.* Қуръоннинг биринчи, бошланғич сураси, бошланиши.

**2** Кимсага эзгулик тилаб айтиладиган дуо, олқиш. *Чоллар Қудратга тани-жони соғлик, ишига барака тилаб, фотиҳага қўл кўтардилар.* М. Исмоилий, Фарғона т. о. *Раҳим домла фотиҳага қўл очиб, ёшларни дуо қилди.* Ҳ. Фулом, Манғал.

**Фотиҳа ўқимоқ** **1)** қуръоннинг қисқа сураларидан бирини ўқиб, марҳумнинг руҳига худодан меҳру шифқат, эзгулик тиламоқ. *Мирзақаримбой қўллари билан соқолини енгилгина сийпаб, марҳумга фотиҳа ўқиган бўлди.* Ойбек, Танланган асарлар. *Кампир тепасини бурган босган қабр олдида тўхтаб, ҳассасига суяниб, ерга утирди-да, нималарнидир пичирлаб, фотиҳа ўқиди.* И. Раҳим, Ихлос; **2)** қўл очиб ва уни юзларига тортган ҳолда, ўзи ёки бошқалар учун яхшилиқлар, эзгулик, тинчлик, саломатлик тиламоқ, дуо килмоқ. *Ошдан сўнг уста Олим шундай фотиҳа ўқиди: -Душманларингизнинг йўқ бўлганлари чин бўлсин, севганингиз билан энди масъуд яшанг!* А. Қодирий, Ўтган кунлар. **Фотиҳа қилмоқ** *с. т.* Фотиҳа ўқимоқ. *Қаландар пойгакка чордана қурди. Ичида ниманидир пичирлади, фотиҳа қилди.* С. Сиёев, Ёруғлик. **Юзига фотиҳа тортмоқ** Фотиҳа ўқиб бўлингач, икки қўлнинг кафти билан юзни юқоридан паства томон енгилгина силамоқ. *Насиба креслога ўтириб, юзига фотиҳа тортди.* А. Қаҳҳор, Асарлар. *Ботир ҳам бобосига қўшилиб, юзига фотиҳа тортди.* А. Дилмуродов, Осмоннинг бир парчаси.

**3** Бирор иш-ҳаракатни бажаришга киришаётган кишига омад, бахт тилаган ҳолда бериладиган рухсат, ижозат. *Фотиҳа бер-*



моқ. *Фотиҳа олмоқ.* ■ Мен рози, куёв қиламиз, *фотиҳа беринг.* У. Исмоилов, Сайланма. *Ориф сардор халқдан фотиҳа олиб, отини югуртириб, тўдага кетди.* А. Қодирӣ, Кичик асарлар.

**Оқ фотиҳа** Бирор ишни бажаришга киришиш учун рози бўлиб, мамнунлик билан бериладиган рухсат, ижозат. *Ота, сиздан оқ фотиҳа тилайман, Ширвон элда Зулхуморга бораман.* «Равшан». [Тангрикул ҳожи:] *Менга оқ фотиҳа беринг, сафар отини эгарлаб, йўлга чиқай* М. Осим, Ибн Сино қиссаси. **Фотиҳа сўрамоқ** Бошқалардан олдинроқ туриб кетиш учун йиғилиш аҳлидан ёки ёши каттароқ кишидан рухсат сўрамоқ. *Абдураҳмон сардор.. қайтмоқчи бўлиб, халифадан фотиҳа сўради.* С. Айний, Қуллар.

**4 этн.** Қиз билан йигит турмуш қуришга рози бўлгандан кейин, буни қариндош-уруғ, маҳалла аҳлига маълум қилиш мақсадида никоҳдан олдин ўтказиладиган маросим; унаштириш. *Фотиҳа — гўё ярим никоҳ, у икки томоннинг келажак ҳаётига тақдир муҳрини босади.* Ойбек, Танланган асарлар. *Муслмон бўлсаларинг, қизимга тегманглар! Бировнинг омонати! Бировга фотиҳа бўлган.* П. Қодиров, Юлдузли тунлар.

**Фотиҳа тўйи** Қиз билан йигитнинг унаштирилганлиги муносабати билан ўтказиладиган кичик тўй; унаштириш тўйи. *Келинг.. катта тўйдан илгари фотиҳа тўйини ўтказиб олайлик.* Ҳамза, Ким ўғри? *Ичкарида бир оқсоч кампир, ташқарида бир қарқулоқ отбоқар қолган, бошқа ҳеч ким йўқ, ҳамма фотиҳа тўйига кетган.* К. Яшин, Ҳамза.

**5 этн.** Ўлик чиққан хонадонда ўлимнинг дастлабки уч кунни ҳамда ҳайит кунлари марҳумнинг хотираси учун ўтказиладиган маросим; таъзия. *Фотиҳага кириб чиқмоқ.* ■ *Ўлигим кафансиз қолмаса, дуоини фотиҳага келганларнинг олдига битта-иккита қаттиқ-қуттиқ нон қўйсангиз бўлгани.* А. Қаҳҳор, Сароб. *Шу пайт уч киши фотиҳага кирди.* С. Сиёев, Аваз.

**6 кўчма** Табриклаш, муборакбод қилиш, яхши тилаклар билдириш. [Маҳдум:] *Сен қизларингни озод қўй, Нигор, дастурхон тайёрлаб, чой қайнат! Фотиҳага одамлар келса керак.* А. Қодирӣ, Меҳробдан чаён.

**ФОТИҲАЛИ** Ўлик чиққан, фотиҳа ўқилиши лозим бўлган; таъзияли. *Ҳайит кунлари қишлоққа бир бориб келсанг бўларми-*

*ди, — деди ниҳоят Мавжуда хола, — фотиҳали хонадонлар кўпайиб қолган.* Т. Маҳмуд, Оқар дарё оқмасиди жимгина.

**ФОТИҲАХОН** [а. + ф. فاتحهخوان — фотиҳа ўқувчи] Ўлимнинг дастлабки уч кунни ва ҳайит кунлари ёки умуман ўлик чиққан хонадонга кириб, фотиҳа ўқувчи киши.

**2** Бирор хурсандчилик, ижобий воқеа-ҳодиса муносабати билан кимсанинг хонадонига бориб, уни табрикловчи, муборакбод қилувчи, дуо қилиб, яхши тилаклар билдирувчи. *Шу кун кечгача шаҳарнинг ҳамма табақаларидан ҳам фотиҳахонлар келиб турдилар.* А. Қодирӣ, Меҳробдан чаён. *Иккинчи, учинчи туркум фотиҳахонлар келгандан сўнг, маҳдум.. уни [Анварни] чақиртириб келишга мажбур бўлди.* А. Қодирӣ, Меҳробдан чаён.

**ФОТИҲАХОНЛИК** Белгили кунларда ўлик чиққан уйга кириб, фотиҳа ўқиш, таъзия изҳор қилиш жараёни, маросими.

**2** Бирор воқеа-ҳодиса муносабати билан кимсани табриклаш, муборакбод қилиш. [Абдураҳмон] *Уйига бориб тушди. Бир неча кунгача фотиҳахонлик, ҳордиқ чиқариш маросимлари давом этди.* А. Қодирӣ, Меҳробдан чаён.

**ФОТИҲАЧИ** айн. **фотиҳахон.**

**ФОТИҲЛИК** Бирор ҳудуд, мамлакатни забт қилишлик, босқинчилик. *Ўрта Осиё халқларининг воқеаларга бой тарихида Искандарнинг фотиҳлик қуришлари ҳам маълум ўрин эгаллайди.* А. Қаюмов, Навойнинг «Сади Искандарий» достони. *Ҳар қандай фотиҳлик қурол билан, қон билан амалга оширилса-да, бу усул фотиҳлар ғалабасини барқарор қилади, деган гап эмас.* Ш. Ризаев, Жадид драмаси.

**ФОТМАЧУМЧУҚ** зоол. шв. Тўрғай; сўфитўрғай. *Жар ичида сув милтирайди, у ердан фотмачумчуқ.. қушининг чиқ-чиқ, қийқ-қийқ овозлари келади.* Ш. Холмирзаев, Ўн саккизга кирмаган ким бор.

**ФОТО** [юн. phos, photos — ёруғлик] айн. **фотография.** *Янги экспонатлар тоқчасининг охири бурчагида эса бир фото жилваланиб турарди.* «Муштум».

**ФОТО-** [юн. phos, photos — ёруғлик, нур] Байналмилал ўзлашма, шунингдек, ярим калькаланган қўшма сўзларнинг биринчи қисми: 1) ёруғлик ҳодисаларига, ёруғлик таъсирига, умуман, ёруғликка тааллуқли-

ликни кўрсатади (мас., *фотосинтез, фотокимё, фотозлемент*); 2) фотография, суратга алоқадорликни, фотография усулида тайёрланганликни билдиради (мас., *фотоаппарат, фотомонтаж, фотоқоғоз*).

**ФОТОАППАРАТ** [фото.. + аппарат] Фотосурат оладиган оптик-механик қурилма, фотография аппарати. *Фотоаппарат бир лаҳзада киши тасвирини қандай илиб қолса, унинг тасаввури ҳам қизнинг уша қиёфасини шундай эслаб қолган эди. Ў. Ҳошимов, Қалбингга қулоқ сол.*

**ФОТОБИОЛОГИЯ** [фото.. + биология] Биологиянинг ультрабинафша ва инфрақизил нурлар, умуман, ёруғлик таъсирида организмларда содир бўладиган жараёнларни ўрганувчи бўлими.

**ФОТОГРАФ** Фотография мутахассиси, фотография билан шуғулланувчи. *Қарсақ тиниб, зал энди жимиган эди, киночилар, фотографиялар чаққонлик билан ишга киришиб кетдилар. Н. Сафаров, Оловли излар.*

**ФОТОГРАФИК** Фотографияга оид, алоқадор. *Фотографик санъат. Фотографик камера. Фотографик кўргазма.*

**ФОТОГРАФИЯ** [фото.. + юн. grapho — ёзма] 1 Махсус оптик аппарат — фотоаппарат воситасида объектларнинг кўз илғайдиган тасвирини ёруғликсезгир материаллар (қоғоз, пластинка ёки плёнка)га тушириш, суратга олиш усули. *Фотография тўғараги. ■ 20-асрда фотография асосий ахборот ва ҳужжатлаштириш воситаси бўлиб қолди. «ЎЗМЭ».*

2 Шундай усулда олинган сурат. *Рангли фотография.*

3 Шундай усулда сурат оладиган ишхона, устахона. *Фотографияга келмоқ.*

**ФОТОГРАФИК** Фотограф касби, машғулот. *Фотографикни ўрганиб олмақ.*

**ФОТОКАМЕРА** [фото.. + камера] айн. **фотоаппарат**.

**ФОТОКИМЁ** [фото.. + кимё] Физик кимёнинг ёруғлик таъсирида содир бўладиган кимёвий реакцияларни ўрганувчи бўлими.

**ФОТОКОПИЯ** [фото.. + копия] айн. **фотонусха**. *Биз фотокопиясига эга бўлган лугатда рўйхати берилган рус сўзлари қаршисига ўзбек ва тожик сўзлари араб алифбосида ёзиб қўйилган. «ЎТА».*

**ФОТОКЎРГАЗМА** [фото.. + кўргазма] Фотосуратлар қўйиладиган, фоторасмлар билан безатиладиган кўргазма; фотовитрина.

**ФОТОЛАБОРАТОРИЯ** [фото.. + лаборатория] Фотосурат олиш ва кўпайтириш учун махсус жиҳозланган хона, кабинет, лаборатория; суратхона. *Фотолaborатория ва зарур жиҳозларнинг йўқлиги ҳаваскор сураткашлар учун катта қийинчилик туғдирди. Газетадан.*

**ФОТОЛАМПА** [фото.. + лампа] 1 Фоторасмларни ишлашда қўлланидиган қизил шишали лампа.

2 айн. **фотозлемент**.

**ФОТОЛЕНТА** [фото.. + лента] Фотосурасмлар туширишга мўлжалланган лента. *Анализ натижалари 12 см кенгликдаги фотолентага.. эгри чизиқлар асосида ёзиб олинади. «ЎТА».*

**ФОТОЛИЗ** [фото.. + юн. lysis — ажралиш, парчаланиш; бузилиш] ким. Суюқ, қаттиқ ва газсимон моддаларнинг ёруғлик нури таъсирида парчаланиши.

**ФОТОЛИТОГРАФИЯ** [фото.. + литография] *плерф.* Литография учун босма қолип тайёрлаш усули: тасвирни ёруғлик сезгир қатлам билан қопланган тош ёки металлга тушириш (босиш); шундай усулда тайёрланган босма қолипдан олинган нусха. *Фотолитография усули.*

**ФОТОМАТЕРИАЛ** [фото.. + материал] 1 Фотосурат ва кино олишда ишлатиладиган материаллар (фотоқоғоз, плёнка, хилма-хил ёруғликсезгир химикатлар). *Станция биносига почта, озиқ-овқат, янги приборлар, кино ва фотоматериаллар олиб ўтилди. Газетадан.*

2 Бирор мақсад учун фойдаланиш мумкин бўлган турли фотосуратлар, фотография маҳсулотлари. *Кўргазма учун фотоматериал тайёрлаш.*

**ФОТОМЕТР** [фото.. + юн. metreo — ўлчайман] *физ.* Фотометрик (ёруғлик) катталиклар (ёруғлик кучи, ёруғлик энергияси, ёритилганлик ва б.)ни ўлчайдиган оптик асбоб.

**ФОТОМЕТРИК** Фотометрияга оид. *Фотометрик методлар ёрдамида олиб борилган кузатишлар Марс сирти жуда текис эканлигини ва унда ҳеч қандай тоғлар йўқлигини кўрсатди. Газетадан.*

**ФОТОМЕТРИЯ** [фото.. + юн. metreo – ўлчаيمان] *физ.* Оптиканинг ёруғлик катталикларини ҳамда электромагнит нурланишининг энергетик тавсифларини ўлчаш билан шуғулланувчи бўлими.

**ФОТОМОНТАЖ** [фото.. + монтаж] Фотосуратлар ёки уларнинг айрим қисмларидан, баъзан бошқа расмлар кўшган ҳолда бадиий ва мазмуний жиҳатдан яхлит композиция тузиш; шу усулда тайёрланган фотоплакат, реклама ва б.

**ФОТОМУХБИР** [фото.. + мухбир] Газета ва журналларга долзарб масалалар юзасидан фотосуратлар тайёрлаб берадиган мухбир. *Айрим журналистлар, фотомухбирлар ва табиат ҳаваскорлари пул мукофотлари ва дипломлар билан тақдирланди.* Газетадан.

**ФОТОН** [юн. phos, photos – ёруғлик] Электромагнит нурланишининг кванти, энг кичик зарраси.

**ФОТОНУСХА** [фото.. + нусха] Бирор асар, ҳужжат ва ш.к. нинг фотографик нусхаси, айнан кўчирмаси.

**ФОТОПЛАСТИНКА** [фото.. + пластинка] Фотографиянинг расм тушириш учун мўлжалланган, ёруғликни тез илғовчи ойнаси.

**ФОТОРАСМ** [фото.. + расм] *айн. фотосурат.* - Бу одамнинг жиноят қилганига ҳечам ишонмайман, – деди Нигора қўлидаги фоторасмга тикиларкан. С. Анорбоев, Оқсой.

**ФОТОРЕПОРТАЖ** [фото.. + репортаж] Фотография воситасида тайёрланган репортаж.

**ФОТОРЕПОРТЁР** [фото.. + репортёр] Репортаж учун сурат олиш билан шуғулланувчи фотограф, сураткаш.

**ФОТОСИНТЕЗ** [фото.. + синтез] *бот., биол.* Яшил ўсимликлар, сувўтлар ҳужайраларида ва баъзи микроорганизмларда ёруғлик таъсирида карбонат ангидрид ва сувдан органик моддаларнинг ҳосил бўлиш жараёни; қуёш энергиясининг органик моддалардаги кимёвий энергияга айланиши.

**ФОТОСУРАТ** [фото.. + сурат] Фотография усулида олинган сурат; фоторасм. *Афсуски, унинг [Малоҳатнинг] фотосурати ҳам йўқ эди.* И. Раҳим, Тинимсиз шаҳар. *Умид янги уй деворидаги Ҳафиза фотосуратига тикилди.* Мирмуҳсин, Умид.

**ФОТОСЪЁМКА** [фото.. + съёмка] Бирор ҳудуд ёки объектни фотография йўли билан (кўпроқ осмондан туриб) суратга олиш.

**ФОТОТЕЛЕГРАММА** [фото.. + телеграмма] Фототелеграф орқали юборилган ёки олинган телеграмма, матн, хат, ҳужжат, чизма ва ш.к.

**ФОТОТЕЛЕГРАФ** [фото.. + телеграф] Қоғозга туширилган хат, ҳужжат, чизма, расм ва ш. к. тасвирларни узоқ масофага узатадиган телеграф аппарати.

**ФОТОТЕРАПИЯ** [фото.. + терапия] *тиб.* Сунъий, нотабиий манбалардан ҳосил қилинадиган инфракизил, кўзга кўринарли ва ультрабинафша нурлардан даволаш ва профилактика мақсадларида фойдаланиш; нур билан даволаш.

**ФОТОХРОНИКА** [фото.. + хроника] Фотосуратларда, фотосуратлар ёрдамида акс эттирилган воқеалар хроникаси.

**ФОТОЧИ** *с. т.* Фотограф. *Кичкина суратни катта қиладиган фоточи келган, хоҳлаганлар кутубхоначи қизга учрашсин.* С. Аҳмад, Саҳарларда.

**ФОТОЭЛЕМЕНТ** [фото.. + элемент] Ўзига тушадиган ёруғликни ютиб, электр энергиясига айлантирадиган электр асбоб. *Фотозлементлар, одатда, нурланиш ёки ёруғлик қабул қилгичлар вазифасини ўтайди.* «ЎЗМЭ».

**ФОТОҚОҒОЗ** [фото.. + қоғоз] Бир томони ёруғликсезгир модда билан қопланган, фотосуратлар тушириладиган қоғоз.

**ФОТОҲАВАСКОР** [фото.. + ҳаваскор] Фотография иши билан ҳаваскор сифатида шуғулланувчи киши. *Кўргазмадаги фотоҳаваскорлар олган суратлар ҳам кишининг диққатини тортади.* Газетадан.

**ФОТОҲУЖЖАТ** [фото.. + ҳужжат] Бирор масала юзасидан тўпланган фоторасмлардан иборат далил, ҳужжат; фотоматериал.

**ФОХИРА** [*а.* فخره – чиройли, келишган] Кўркам, келишган, серҳашам; ғурурланишга лойиқ. *Ундай бўлса, бозорга бориб, ўзинг учун либоси фохира харид қилгин, деди.* «Шарқ юлдузи». *Менга фохира либослар кийдиришди.* «Шарқ юлдузи».

**ФОХТА** [*ф.* فاخته] *зоол.* Бўйнида қора ҳалқаси бўлган, каптардан кичикроқ, кулранг чўл қуши; тўрғай; жиблажибон. *Чум-*

чуқлар чирқилламоқда.. мусича, фохталар кукуламоқда. С. Айний, Қуллар.

**ФОШ** [ф. فاش — очик, ошкор; машхур] Ҳаммага маълум, машхур; ошкор, ошқора. *Фош бўлмақ. Фош қилмоқ (этмоқ). Камчиликларни фош қилмоқ.* ■ Зебо ўз муҳаббати ҳақида ҳеч ким билан маслаҳатлашишни, бировга фош қилишни истамасди. Шухрат, Шинелли йиллар. *Зебихон, ёлғони фош бўлиб қолганидан, гапни ҳазилга буриб юборди.* С. Аҳмад, Уфқ.

**ФОҲИШ** [а. فاحش — чегарадан чиққан, ҳаддан ортиқ; бемаъни; ахлоқсиз, беадаб] **1** Одобдан ташқари, беадаб, ахлоқсиз. *Фоҳиш эркак.* ■ Қодирохун кабилар — *Фоҳиш орзунинг қули. Қай тарафга узатса, Етадир ифлос қўли.* Файратий.

**2** Ана шундай иш билан шуғулланувчи шахс, хиёнаткор, фоҳишабоз. *Мансурхўжа.. ифвогарлиги устига ўлгунча фоҳиш.* «Муштум».

**ФОҲИША** [а. فاحشه — фоҳиш аёл, бузуқ, хиёнаткор аёл] Ўз танини сотишдек бузуқ, фаҳш ишлар билан шуғулланувчи аёл; зинокор аёл. *Шундай йўллар билан булар фоҳиша кўпайтирар экан-да.* Ҳамза, Паранжи сирлари. *Аммо сен ифлос балчиққа бўғзингдан ботиб, унинг қўланса исини олиб қолган экансан, фоҳиша!* К. Яшин, Ҳамза.

**ФОҲИШАБОЗ** [а. + ф. فاحشه باز — фоҳиша ўйновчи; ўйнаш тутувчи] Ахлоқи бузуқ аёллар билан жинсий алоқа қилишга ўта берилган эркак.

**ФОҲИШАБОЗЛИК** Фаҳш ишлар билан машғул бўлиш, ахлоқий бузуқлик, зинокорлик. *Гиёҳвандлик қандай қилмишларга сабаб бўлиши, фоҳишабозликнинг нақадар жирканч, тубан эканлигини яширмай-нетмай кўрсатмоқдамиз.* Газетадан.

**ФОҲИШАЛИК** Танини сотишдек ахлоқсиз, бузуқ иш билан шуғулланиш. *Фоҳишалигингни билардим-у, тухматчилигингни билмасдим.* С. Аҳмад, Ҳукм.

**ФОҲИШАХОНА** [фоҳиша + хона] *эск.* Фоҳишалар яшайдиган ва фоҳишабозларни қабул қиладиган жой; исловотхона. *Ҳайит кунлари тўқлигидан шўхлик қиладиган бойвачча йигитлар қовоқхона ва фоҳишахоналарга кириб, ичиб юрарди.* М. Муҳаммадзонов, Турмуш уринишлари.

**ФРАГМЕНТ** [лот. fragmentum — синиқ, бўлак, парча] **1** Бирор ижод маҳсули (бади-

ий асар, мақола, мусиқа) парчаси, бир қисми. *Операдан олинган фрагмент.*

**2** Рассомлик, ҳайкалтарошлик, меъморлик каби санъат асарининг сақланиб қолган парчаси, қисми.

**ФРАЗА** [юн. phrasis — ибора, жумла] **1** *тлш.* Нутқнинг тугал фикр билдирувчи, одатда гапга тенг келувчи мустақил бирлиги.

**2** *мус.* Унча катта бўлмаган, алоҳида, нисбатан тугалланган мусиқа асари (куй, оҳанг).

**ФРАЗЕМА** *тлш. қ. фразеологизм. Экспрессивликнинг даражаланишини биргина фраземанинг турли ўзгаришлар билан қўлланишида ҳам кўриш мумкин.* «ЎТА».

**ФРАЗЕОЛОГИЗМ** [юн. phrasis — ифода, жумла + logos — сўз] *тлш.* Тузилишига кўра сўз бирикмасига, гапга тенг, семантик жиҳатдан бир бутун, умумлашган маъно англатадиган, нутққа тайёр ҳолда киритиладиган луғавий бирлик (мас., *томдан тараша тушгандай* — тўсатдан, қўққисдан). *Асарда чуқур маъноли, ихчам, ҳикматона жумлалар — фразеологизмлар кўп учрайди.* «ЎТА».

**ФРАЗЕОЛОГИК** Фразеологияга оид, алоқадор. *Фразеологик луғат. Фразеологик омонимия. Фразеологик ибора.*

**ФРАЗЕОЛОГИЯ** [юн. phrasis — ибора + logos — билим, тушунча] **1** Тилшуносликнинг муайян тилгагина хос бўлган фразеологизм (фразема)ларни ўрганадиган соҳаси.

**2** Бирор тилдаги барча фразеологизмлар (фраземалар) мажмуи. *Ўзбек тилининг фразеологияси. Навоий асарлари фразеологияси.*

**ФРАК** [фр. frac] Олд қисми калта қилиб ўйилган, узун орқа этагининг қуйи қисми иккига ажралган, асосан тантаналарда кийиладиган эркаклар кийими, костюм. *Кўп ўтмай фрак кийган дирижёр ўз ўрнига чиқди-ю, «Боқчасарой фонтани»нинг увертюрасини бошлади.* П. Қодиров, Уч илди.

**ФРАКЦИОН** *сиёс.* Фракцияга оид, мансуб. *Фракцион кураш. Фракцион гуруҳ.*

**ФРАКЦИОНЕР** *айн. фракциячи.*

**ФРАКЦИЯ** **1** [фр. fraction — қисм, бўлак; улуш < лот. fractio — синиш, парчаланиш, дарз кетиш; синиқ жой, дарз] *сиёс.* **1** Бирор бир сиёсий партиянинг, қонунчилик органининг сиёсатини парламентда, маҳаллий ўз-ўзини бошқариш органларида, жамоат

ташкилотларида ифода этувчи ташкилий гуруҳ.

**2** Аниқ ғоявий-сиёсий стратегияга ва уни амалга оширишга қаратилган дастур (платформа)га эга бўлган сиёсий партиянинг алоҳида қисми.

**ФРАКЦИЯ** II Суюқ аралашманинг, сочилувчан ёки бўлак-бўлак қаттиқ материалнинг бирон-бир белгиси, хоссасига кўра ажратилган қисмлари.

**ФРАНК** [фр. franc] Франция, Бельгия, Швейцарияда, шунингдек, баъзи Европа ва Африка мамлакатларида пул бирлиги (евронинг жорий этилиши муносабати билан айрим мамлакатларда муомаладан чиқарилди).

**ФРАНЦИЙ** [лот. francium – элемент кашф этилган жой (Франция) номидан] Менделеев даврий системасининг I гуруҳига мансуб радиоактив кимёвий элемент; энг фаол ишқорий металлдан бири.

**ФРАНЦУЗ** қ. **французлар**. *Француз тили. Француз аёл. Француз адабиёти.* ■ *Дилшод.. ҳозир ўша мактабда француз тилидан дарс беради.* Ў. Ҳошимов, Қалбингга қулоқ сол.

**ФРАНЦУЗЛАР** Франциянинг асосий, туб аҳолисини ташкил қилувчи халқ, француз халқи.

**ФРАНЦУЗЧА 1** Францияга, француз халқига, унинг алифбоси, тили, маданиятига оид. *Французча кўшиқ.* ■ *Дилшод кинодаги офицерлардек бошини кескин силкиб, сўзсиз саломлашди. Бу қилиғи Ёдгорга ёқмади. «Мана, французча саломлашишимиям ўрганиб олдик», деб ўйлади.* Ў. Ҳошимов, Қалбингга қулоқ сол.

**2** Француз тили. *Сен французча(ни) биласанми? Французча гапирмоқ.*

**ФРЕЗА** [фр. fraise – кулупнай] *тех.* Металл ва металлмас материаллардан чала тайёрланган маҳсулотларнинг юзаларига ишлов бериш, уларда тиш, резьба ўйиш ва б. ишлар учун хизмат қиладиган кўп тигли кесувчи асбоб.

**ФРЕЗАЛАМОҚ** Фреза асбоби билан ишлов бермоқ.

**Фрезалаш станог** Деталларнинг ташқи ва ички юзалари, ботиқлар ва чиқиқларга, айланувчи жисм сиртларига фреза билан кесиб ишлов берувчи станок.

**ФРЕЗЕРОВКАЧИ** Фрезалаш станогда ишловчи ишчи, уста. *Фрезеровкачи бўлиб ишламоқ.*

**ФРЕЗЕРЧИ** *айн. фрезеровкачи.*

**ФРЕСКА** [итал. fresco – янги, қуриманган] Хом, ҳали қуриманган сувоқ устига рангдор қилиб ишланган расм. *Афросиёб фрескалари.* ■ *Фреска санъатининг Ўзбекистонда ривожланишига Ч. Аҳмаров.. ва бошқалар катта ҳисса қўшганлар.* «ЎЗМЭ».

**ФРИКАТИВ** [лот. fricatio – ишқаланиш]: **фрикатив ундошлар** *тлш.* Нутқ аъзолари бир-бирига яқинлашиб, ҳаво тор ораликдан сирғалиб чиқиши натижасида ҳосил бўладиган **в, ф, з, с, ж, ш, х** ундошлари.

**ФРИЦ** [нем. Fritz – немисларда кент тарқалган исм] Шарқий Европанинг айрим мамлакатларида немисларнинг, Иккинчи жаҳон уруши даврида немис солдатларининг нафрат ифодаловчи номи. *Зебо фрици биринчи марта яқиндан кўриши эди, унинг юраги гупиллаб уриб кетди.* Газетадан.

**ФРОНТ** [фр. front – пешона < лот. frons, frontis – пешона, олд томон] **1** Ҳарбий саф ёки колонна ва унинг қўмондонга қараб турган олд томони.

**2** Жанг ҳаракатлари бўлаётган ҳудуднинг, майдоннинг душманга қараб турган олд томони, жанг майдони. *Дадамаст ака, башарти уруш бошланиб қолса, ўша заҳотиёқ кўлига қурол олиб, фронтга жўнайди.* Ф. Мусажонов, Ҳиммат. *Онанинг уч ўғли – кўзининг оқ-қоралари фронтдан қайтмади.* «Гулдаста».

**3** Бевосита уруш, жангнинг ўзи. *Фронт Бектемирга дастлаб унча ваҳимали кўринмади.* Ойбек, Қуёш қораймас.

**4** Уруш вақтида ҳаракатдаги армиянинг бир қўмондон раҳбарлиги остидаги энг йирик гуруҳи – олий оператив-стратегик бирлашма. *Украина fronti. Жанубий фронт.* ■ *Мирзаев Фарбий фронтнинг ўзида учта хат, иккита совға олган эди.* А. Қаҳҳор, Кўк конверт.

**5** *кўчма* Оммавий ҳаракатлар майдони, шунингдек, бирон-бир иш, фаолият соҳаси. *Меҳнат fronti.* ■ *Мудҳиш уруш – қон тўкиш тўхтатилди. Тинч меҳнатда тер тўкиш fronti бошланди.* Н. Сафаров, Оловли излар. *Бу ер фронт! Пахта fronti! Дангасалик қилган одам шафқат кутмасин.* Ў. Ҳошимов, Қалбингга қулоқ сол.

**ФРОНТДОШ** Бир фронтда бирга хизмат қилган. *Фронтдош дўстлар хат орқали ўзаро алоқа боғлаб туришарди.* Газетадан.

**ФРОНТОВИК** [«фронт» с. дан] с. т. Фронтчи. *Узингиз фронтвик бўлсангиз ҳам, фронт эсингиздан чиқибди, ука. О. Ёкубов, Эр бошига иш тушса.*

**ФРОНТЧА** айн. фронтчасига. *Асроркул.. чолларни йиғиб, мажлис қилди. Шу мажлисдаёқ ҳалиги чоллар фронтча ишлайдиган бригадаларга бирикиб олди. А. Қаҳҳор, Асрор бобо.*

**ФРОНТЧАСИГА** рвш. Фронтдагидек, уруш давридагидек; фронт талабига мувофиқ равишда. [Тоға:] *Раҳмат, жиян, раҳмат. Фронтчасига иш қипсан. С. Аҳмад, Уфқ. Доим шунақа, фронтчасига лўнда, аниқ, қисқа сўзлайди Ҳошим ака. Назармат, Жўрлар баланд сайрайди.*

**ФРОНТЧИ** Фронтда хизмат қилаётган ёки уруш маҳалида фронтда, ҳаракатдаги армияда бўлган киши. *Йигитча фронтчи акасининг келишидан, уйи тўлиб қолишидан қувончи ичига сиғмас эди. С. Аҳмад, Уфқ.*

**ФРУКТОЗА** [лот. fructus — мева] Мева ва асалда кўп миқдорда учрайдиган ширин таъмли, рангсиз кристалл модда, мева шакари. *Асал глюкоза, фруктоза, сахароза ва минерал моддалардан ташкил топади. «Фан ва турмуш».*

**ФТИЗИАТР** Фтизиатрия мутахассиси, ўпка силини даволовчи врач.

**ФТИЗИАТРИЯ** [юн. phthisis — сил касаллиги + iatreia — даволаш] Тиббиётнинг ўпка сили, унинг келиб чиқиши ва касаллик жараёнини ҳамда уни даволаш, олдини олиш йўлларини ўрганадиган бўлими.

**ФТОР** [р. < юн. phthoros — ўлим; емирувчи] Менделеев даврий системасининг VII гуруҳига мансуб кимёвий элемент; галогенлар қаторига кирувчи ўтқир ҳидли, оч сариқ тусли, захарли газ. *Бир суткада организмга овқат орқали I миллиграммга яқин фтор киради. «ЎЗМЭ»*

**ФТОРЛИ** Таркибида фтор бўлган. *Фторли водород. Фторли бирикма.*

**ФУ** унд.с. Жирканиш ҳолатини ифода этади. *Фельдшер, фу, дея афтини буриштирди. Т. Мурод, От кишнаган оқшом. Енгини шимараётган эди, қиз секин: -Фу! қўйинг, мой бўласиз! Бу сизнинг ишингиз эмас! — деди.*

**ФУГАС** [фр. fougasse] Ерга кўмиладиган, сув остига ёки бошқа бирор объектга қўйиладиган портловчи модда заряди. *Погодин*

*қисмлари кўприкдан ўтиб олгандан кейин, Юрьев кўприк остида учта фугас атрофларига мина кўмдириб, уни истаган дақиқадан портлатишга ҳозирлаб қўйди. И. Раҳим, Чин муҳаббат.*

**ФУЖЕР** [фр. fougere] Таглиги (пояси) баланд катта бокал. *Жавлон қўлларини бир-бирига завқ билан ишқаб, стол устидаги фужер, рюмкаларни нари-бери қилиб, текислаб қўйди. Л. Тожиева, Меҳрим сизга, одамлар.*

**ФУЗАЛО** [а. فضلاء — «фозил» с. нинг кўпл.] эск. кт. Ўқимишли кишилар; донишмандлар, зиёлилар; фазилат эгалари. *Хукмдор қанчалик оқил ва одил бўлса, раият, уламо, фузало ҳам ҳақгўйликка юз тутгай. М. Маҳмудов, Мангу куй. [20-аср] 80-йилларнинг ўрталарига келиб олим ва фузалоларга қариш.. юриш бошланди. М. Кўшжонов, Дийдор.*

**ФУЗУЛ** [а. فضول — «фазл» с. нинг кўпл.] Яхши хислатлар, обрў-эътибор, илтифотлар, афзалликлар. -*Сенинг илму фузул аро шухратинг, Устоди Соний номинг ғалатми? Сен бу офатнинг қаёқдан келганини, нима эканини билмайсанми? — деди шоҳ Ал-Фобобийга. А. Мухтор, Чинор.*

**ФУЗУН** [ф. فزون — «афзун» с. нинг бошқача шакли] эск. кт. Ортиб, зиёда бўлиб борадиган, кўп ортиқ, зиёда. *Илойим, дўстларингнинг умри узун, давлатлари фузун бўлсин. Б. Раҳмонов, Олтин одамлар.*

**ФУНДАМЕНТ** [лот. fundamentum — асос, пойдевор] 1 Бирор бино девори, иншоот, дастгоҳ ва ш.к. нинг пастки, мустаҳкам қисми; пойдевор. *Уч йил илгари қурила бошлаган биноларнинг ҳали фундаменти ҳам битмабди. «Мушгум».*

2 *Кўча* Бирор нарсанинг асоси; ишончли таянчи, базаси. *Ёшлик — фундамент. Унинг гиштини тўғри қўйиш керак. Мирмуҳсин, Ажрим.*

**ФУНДАМЕНТАЛ** [лот. fundamentalis — асос (негиз) бўлувчи, асос қилиб олинувчи] 1 Асосий, бош, энг муҳим. *Фундаментал кутубхона.*

2 Чуқур текширилган, асосли, теран. *Фундаментал асар. Фундаментал билимлар. Фундаментал тадқиқот.*

**ФУНДАМЕНТАЛИЗМ** [лот. fundamentalis — асос бўлувчи] Бирор таълимот ақидаларининг, жумладан, илоҳий китоблардаги тушунчаларнинг дастлабки, соф ҳола-

тини сақлаб қолишни астойдил ҳимоя қиладиган, уларни бошқа (мажозий) маънода талқин этишни рад этадиган ижтимоий, мавкуравий, диний йўналиш. **Фундаментализм** диндор мусулмонларнинг давлатга бўлган ишончини йўққа чиқаришга уринади. Газетадан.

**ФУНДАМЕНТАЛИСТ** **Фундаментализм** тарафдори; фундаментализм ғоялари учун курашувчи.

**ФУНКЦИОНАЛ 1** Функцияга оид; вазифага алоқадор; вазифавий. **Функционал** боғланиш. **Функционал таҳлил**. Тилнинг функционал доираси. **Функционал услублар**. ■ *Ҳар бир функционал услуб ижтимоий фаолиятнинг маълум соҳаларидан бирига хизмат қилади.* «ЎТА».

**2** Бирор нарсанинг тузилишига эмас, балки фаолиятига, хизматига, вазифасига боғлиқ бўлган. *Меҳнатнинг функционал тақсимоти.* *Юракнинг функционал касаллиги.*

**ФУНКЦИЯ** [лот. functio – ижро этиш, бажариш] **1 мат.** Эркин ўзгарувчи миқдор (аргумент)нинг ўзгаришига қараб ўзгариб турадиган, боғлиқ (тобе) ўзгарувчан миқдор. *Ўтқир бурчакнинг тригонометрик функциялари.* **Функциялар назарияси.** ■ *Битта функциянинг ўзи турли хил формулалар билан ифодаланиши ҳам мумкин.* «ЎЗМЭ».

**2 биол.** Бирор аъзо ёки организмнинг ишлаб туриши, фаолияти. *Юракнинг функцияси.* ■ *Одам ўз организмнинг тузилиши ва функциялари тўғрисидаги билимларга эга бўлиши муҳим.* «Одам анатомияси ва физиологияси».

**3 кўча** Бирор ижтимоий ташкилот, кимса ёки нарсанинг иш, фаолият доираси; вазифаси. *Бу ишни бажариш менинг функциямга кирмайди.* ■ *Она образининг бошқа бир ғоявий-эстетик функциясини ҳам унутмаслик керак.* У. Норматов, Талант тарбияси.

**ФУНТ** [нем. Pfund < лот. pondus – вазн, оғирлик; тарози тоши] **1** Инглиз ўлчов тизимида асосий масса бирлиги: савдода 0,4536 кг га, дорихонада 0,3732 кг га тенг; рус ўлчов тизимида масса бирлиги: савдода 0,49951241 кг га, дорихонада 0,3073 кг га тенг бўлган.

**2** Ирландия, Кипр, Ливан, Миср, Сурия каби бир қатор мамлакатларда асосий пул бирлиги.

**Фунт стерлинг** [ингл. pound sterling] Буюк Британиянинг асосий пул бирлиги.

**ФУНУН** [а. فنون – «фан» с. нинг кўпл.] *эск. кт.* Фанлар, илмлар. *Улум, фунуннинг қадр-қийматини билган ота.. гўзал тарбия, ҳусн, ахлоқ берган.* Ойбек, Навоий. *Ёқа ушлаб қолди бутун Шарқ, Таъзим этди жаҳон фунуни.* М. Али, Боқий дунё.

**ФУРАЖКА** [фр. fourrage – ем-хашак тайёрловчининг бош кийими < feutre – сомон] Эркакларнинг гардишли ва қисқа соябон (козирёкли) бош кийими. *Курбон ота фуражкасини тўғрилаб, йигитларча қийғир қараш қилди.* О. Ёқубов, Эр бошига иш тушса. *Лейтенант ҳам бошига фуражкасини кийди-да, Йигиталининг орқасидан юрди.* Д. Нурий, Осмон устунги.

**ФУРГОН** [ф. fourgon] **1 эск.** Думалоқ соябонли, от қўшиладиган арава.

**2** Юк ва йўловчи ташиш автотранспортининг усти ёпиқ кузови. *Кечга яқин идоранинг қизил фурегон «Москвич»ида уйига қайтди.* Н. Аминов, Ёлгончи фаришталар.

**ФУРСАТ** [а. فرصت – мақбул, қулай вақт; имконият; ишдаги узилиш, таътил] **1** Бирор ишни бажариш учун энг қулай вақт, пайт. *Фурсат пойламоқ.* *Фурсат келди.* *Фурсатдан фойдаланмоқ.* ■ *Ҳасратлашишга жуда қулай фурсат тугилди.* *Кимнинг дарди йўқ дейсиз!* И. Раҳим, Чин муҳаббат. *Фурсат – олтин, сен кўжрак кериб, Олтинингни сочиб юрибсан.* Э. Воҳидов, Муҳаббатнома.

**Фурсатни бой** (ёки қўлдан) **бермоқ** Қулай вақт, пайтдан фойдаланмай, уни бекорга, бемақсад ўтказмоқ. *Ҳозир.. ўйлашиб ўтириш, фурсатни бой бериш пайти эмас.* М. Исмоилий, Фарғона т. о. *Ҳофиз фурсатни қўлдан бермай, сафар анжомларини тайёрлаб, икки навқар билан йўлга чиқди.* М. Осим, Зулмат ичра нур. **Фурсатни қочирмоқ айн.** **фурсатни бой бермоқ.** *Зухра чиндан ҳам мени таниган! Фурсатни қочирмасдан, чорасини кўриш керак!* Н. Сафаров, Танланган асарлар.

**ФУРУШ** [ф. فروش – сотувчи; сотиш, пуллаш]: **фуруш қилмоқ** кам қўлл. Сотмоқ, пулламоқ. *Ҳаш-паш дегунча моллар белгиланган нархда харидорларга фуруш қилиб ташланди.* «Муштум».

**ФУРУШАНДА** [ф. فروشنده – сотувчи, савдо қилувчи] кам қўлл. Сотувчилар, чайқовчилар. *Фурушандалар ўз молларини мақтаб, харидор чорларди.* Н. Сафаров, Наврўз.

**ФУРФУРОЛ** [ингл. furfuroл < лот. furfur – кепак, қипиқ + ol(eum) – ёғ, мой] ким. Ёғоч қириндилари, маккажўхори сўтаси, кунгабоқар пўчоғи ва ш.к. лардан олинандиган, жавдари нон ҳиди келадиган оч сариқ рангли суюқлик; органик бирикма (кимё ва нефть саноатида ишлатилади). *Эндиликда.. суюқлик шаклидаги фурфурол пахта чигити ва чигит тўфонидан олинади.* Ш. Тоҳиров, Янгилик яратувчилар.

**ФУРҚАТ** [а. فرقت – айрилиш, жудолик; тафовут, айирма; ихтилоф] **I** эск. кт. Ўзига азиз, севимли бўлган кимса, ватан ёки нарсадан узоқда яшаш; айрилиқ; ҳижрон. *Фурқат аро ташлаб мени, эй шўхи дилдор, ўртама.* Ж. Шарипов, Хоразм.

**2** Фурқат (эркаклар исми).

**ФУСАҲО** [а. فصحاء – «фасиҳ» с. нинг кўпл] эск. кт. Гапга чечан, чиройли ва мазмунли гапирадиган кишилар, сўз усталари. *Бу ғазалларни ўқиб, форс фусаҳолари ва ўзимизнинг форсинарастларимиз не деб оғиз очишга жасорат қила олулар?* Ойбек, Навоий.

**ФУСУН** [ф. فسون – «афсун» с. нинг бошқача шакли] эск. кт. Киши ёки нарсани ўзига жалб ва мафтун этувчи куч; жозоба, чирой. *Узун кўйлаги яшириб турган қаддиқомати, кўзлардаги фусуну лаблардаги латофат ногаҳоний ҳасрат ниқобиға ўралди.* Мирмуҳсин, Меъмор.

**2** Сеҳр, жоду; макр, ҳийла. *Зоти олийни ул бухоролик жодугарнинг фусунларидан қутқариб олмоқ керак..* М. Осим, Ибн Сино қиссаси.

**ФУСУНГАР** [ф. فسونگار – афсун қилувчи, сеҳр-жоду қилувчи] **I** Ҳийлагар, жодугар, алдоқчи, кўзбўямачи. *Мени порсо одамлар фусунгарга чиқаришган.* М. Қориев, Ибн Сино.

**2** Ўзига жалб этувчи, мафтун қилувчи. *Адабиёт олами мен учун алақандай фусунгар, улуғвор, ҳатто шлоҳий бир оламга ўхшайди.* Газетадан.

**ФУСУНКОР** [ф. فسونكار – афсун қилувчи; сеҳрловчи] Ўзига тортадиган, мафтун этадиган; жуда гўзал, ўта жозибали. *Қиз ҳақиқатан гўзал экан. Ёниб турган фусункор кўзлари унинг юрагини қитиқлади.* Мирмуҳсин, Қизил дурралар. *Ҳовлини Хоразм мақомларининг фусункор, мунгли наволари тўлдирди.* С. Сиёев, Аваз. *Дилшод оҳу кўзларда-*

*ги шўх ўтми.. нафис лаблардаги фусункор табассумни кўриб, беҳуд турар эди.* М. Исмоилий, Фарғона т. о.

**ФУСУНКОРЛИК** Кўркамлик, мафтункорлик; ўзига тортувчи ҳолат. *Баҳорнинг фусункорлигини ўз кўзинг билан кўрсанг.. қисқаси, бутун жисминг билан баҳорни эмсанг – унда бошқача бўлади.* О. Ҳусанов, Най.

**ФУТБОЛ** [ингл. football < foot – оёқ + ball – тўп] Ҳар бири ўн бир кишидан иборат иккита команданинг бир-бирининг дарвозасига оёқ, бош, елка (қўлдан ташқари) зарби билан кўпроқ тўп киритишга асосланган спорт ўйини. *Футбол тўпи. Футбол командаси. Футбол ўйнамоқ.* ■ *Мол боқишга чиққан болалар эндигина майсалар кўз очган майдонда бақириб-чақириб футбол ўйнашарди.* Ў. Ҳошимов, Қалбингга қулоқ сол.

**ФУТБОЛКА** [«футбол» с. дан] Енги калта трикотаждан тикилган спорт кўйлаги.

**ФУТБОЛЧИ** Футбол ўйновчи. *Футболчиларимиз саралаш ўйинларини кўтаринки руҳда ўтказмоқдалар.* Газетадан.

**ФУТУВВАТ** [а. فتوت – ёшлиқ, ўспиринлик; мардлик, ботирлик] Қўли очиқлик, саҳийлик, саховатлилик. *Паҳлавон Маҳмуд футувват – жавонмардлик ҳаракатининг ташкилотчисигана эмас, унинг маънавий раҳнамоси эди.* Газетадан.

**ФУТУР** [а. فتور – бўшашиш, ожизланиш; ҳолсизлик] Зарар, зиён, шикаст. *Серёмғир, рутубатли Мозандарон Ибн Синонинг сиҳатиға футур етказган эди.* М. Осим, Ибн Сино қиссаси.

**Футур кетмоқ** Заифлашмоқ, кучсизлашиб қолмоқ, аввалги мавқеини йўқотмоқ. *Соғлигимнинг футури кетди.* ■ *-У замонларда ҳунардан футур кетган эди, – деди Йўлдошев.* «Шарқ юлдузи». *Сўнгра, сотиб ейшидан бошқани билмаган бойваччанинг шу вақтларда анча футури кетган эди.* Ойбек, Танланган асарлар.

**ФУТУРИЗМ** [лот. futurum – келажак] 20-аср бошларида Европа адабиёти ва санъатида пайдо бўлган, адабиёт ва санъатдаги бадий ва маънавий мерос анъаналарини инкор этиб, анъанавий маданият билан алоқани узишни, замонавий урбанистик маданиятни тарғиб қилган авангардлик оқимларидан бири.

**ФУТУРИСТ** Футуризм ғоялари тарафдори.



**ФУТУРИСТИК** Футуризм гоялари билан суғорилган, футуризмга асосланган. *Футуристтик роман. Футуристтик оқим.*

**ФУТУРОЛОГИЯ** [лот. futurum – келажак + юн. logos – билим, тушунча] Инсониятнинг ва жамият ҳаёти айрим соҳаларининг келажак ҳолатини башорат ва тадқиқ қилиш билан шуғулланувчи илмий соҳа.

**ФУФАЙКА** [итал. fofa – иссиқ кўйлак] 1 Пахта солиб қавилган, олди тугмалаб кўйиладиган калта кийим, куртка. *Очил эса ёқаси ва енгларига қўнғир клеёнкадан жияк кўйиб тикилган эски пахталик фуфайкада.. эди. П. Қодиров, Уч илдиз. Сувонжон худди шу харсангнинг тагида бошини фуфайкага буркаб, ғужанак бўлиб ётарди. С. Анорбоев, Оқсой.*

2 Иссиқ тутувчи трикотаж ёки жундан тўқилган калта уст кўйлак. [Абдусамад:] *Иссиқ сақланг. Москвадан жун фуфайка олиб келинг.. А. Мухтор, Опа-сингиллар.*

**ФУҚАРО** [а. فقراء – «фақир» с. нинг кўпл.] 1 Бирор мамлакатнинг доимий (муайян юридик ҳуқуқларга эга бўлган) аҳолиси, граждандар. *Ўзбекистон фуқароси. Россия фуқароси. Англия фуқароси. ■ Қай подшо-нинг фуқароси бўласан? «Юсуф ва Аҳмад». Аслини олганда, томошабинларнинг аксарияти амирдан қочиб ўтган Бухоро фуқаролари эди. К. Яшин, Ҳамза.*

2 Умуман, оддий халқ, омма. *Келган маҳсулотнинг нархи эса оддий фуқаро ҳамёнини чақади. «Газетадан». Мен подшолар учун эмас, Хуросон фуқароси учун мадраса соляпман. Мирмуҳсин, Меъмор.*

3 этн. Оддий, қашшоқ қора халқ вакили; зид. **хўжа** 3. *Фуқаро бош эгиб кирадиган қийишқ эшик, сувала деворини эплаб олса ҳам катта гап. Мирмуҳсин, Умид.*

**ФУҚАРОЛИК** 1 Фуқаро (граждан) эканлик; фуқароларга оидлик; фуқаронинг

ҳуқуқий ҳолати. *Фуқаролик кодекси. Фуқаролик йиғини. ■ Бу ҳар иккала чиқиш унинг улкан фуқаролик, ёзувчилик ва олимлик жасоратидир. Газетадан. Биз фуқаролик жамиятини қуришни ўз олдимизга мақсад қилиб қўйганмиз. Газетадан.*

**ФУҚАРОПАРВАР** [а. + ф. فقراپور – фуқаросевар, халқпарвар] Оддий халқнинг ҳақ-ҳуқуқини, талаб-эҳтиёжларини ҳимоя қилувчи, унга ҳар томонлама ёрдам беришга интилувчи ёки амалда ана шундай ёрдам бераётган. *..Иккови ҳам фуқаропарвар: ғарибни дўст кўрадиган, етимлар манг-лайини силаган, оққўнғил шаҳзодалар эди. «Ойсулув».*

**ФУҚАРОПАРВАРЛИК** Оддий халқ – фуқароларнинг манфаатларини ҳимоя қилиш; халқпарварлик. *– Мен сизларга жаноби олийнинг фуқаропарварлик билан тўла бўлган ҳумоюн саломларини келтирдим, – деди девонбоши. С. Айний, Қуллар.*

**ФЮЗЕЛЯЖ** [фр. fuselage – урчуқ] авиа. Учувчи аппаратларда: унинг барча қисмларини бирлаштиришга ва экипаж, йўловчилар, турли жиҳоз ва юкларни жойлаштиришга хизмат қиладиган умумий танаси, корпуси. *Самолётнинг фюзеляжлари ёнига иккита кучли реактив двигателъ ўрнатилган. Газетадан.*

**ФЮРЕР** [нем. Führer – доҳий] тар. Фашистлар Германиясида Гитлери шундай ном билан аташган. *..Бошқа ҳеч нарсани ўйлама, чунки фюрер сенинг учун ўйлайди. А. Қаҳҳор, Асарлар.*

**ФЎТА** [ф. فوته – матодан қилинган белбоғ] Белга бир неча марта айлантриб ўрладиган узун белбоғ. *Сочини ёйиб, белига фўта ўраб олган Ойтуман юзларини тирнай-тирнай садр тушарди. Э. Аъзамов, Олам ям-яшил. Унинг тилласимон ялтироқ фўтасига ойболта осилган, чап қўлида туғли узун найза бор эди. Ҳ. Шайхов, Туташ оламлар.*



**ХАБАР** [а. خبر — дарак; ахборот, маълумот; овоза; кесим (тлш.)] 1 Бирор кимса, нарса ёки ҳодиса ҳақидаги ахборот, дарак, билдириш. *Муҳаммад Арғуннинг хабарига кўра, душманнинг катта қўшини Рафқондан ўтиб, Конибодом сари келаётган эди. Мирмуҳсин, Меъмор. Ойлар ўтди ва йиллар ўтди, Лекин сендан бўлмади хабар. Р. Парфи. Онаси, эртага барвақт боққа кўчишга тўғри келгани учун, тезроқ ётиб тинчиш кераклигини айтди. Гулнор бу хабарни жуда совуқ қарши олди. Ойбек, Танланган асарлар.*

2 Янгилик. - *Мулла Абдишукур, - Мирза-каримбой меҳмонлардан бирига мурожаат қилди, — оламда нима хабарлар бор, гапирсангиз-чи. Ойбек, Танланган асарлар.*

3 Кундалик матбуот, радио ва телевидение воситасида олинган ахборот, маълумот; мақола. *Кечалари ухламай радио карнайига қулоқ тутиб, олис фронтда бўлаётган хабарларни эшитарди. С. Аҳмад, Уфқ, Республиканинг етакчи газетасида хабар чоп этиришга ҳар қандай журналист ҳам муяссар бўлавермайди. Ф. Мусажонов, Ҳиммат.*

**Ёмон** (ёки **совуқ**, **хунук**, **шум**, **қора**) **хабар** Нохуш, кўрқинчли, даҳшатли воқеа-ҳодиса ҳақидаги маълумот, дарак. *Ёмон хабарнинг қаноти енгил бўлади. Ж. Абдуллахонов, Орият. Бу совуқ хабар халқни бир чайқатди. С. Аҳмад, Уфқ. Кеча Андижондан хунук хабар келди: Рўзиохуннинг кенжасини чавақлаб кетишибди. К. Яшин, Ҳамза. У бир марта шундай шум хабарнинг дардини тортган. С. Аҳмад, Уфқ. Айниқса, дадамнинг кейинги хатларидаги қора хабар билан.. дунё кўзимга торайди. А. Қодирий, Ўтган кунлар.*

**Хабар бермоқ** Хабардор қилмоқ; билдирмоқ. *Хизматчилар ҳожидўппи кийган бу дарвиш ҳақида бойга хабар бердилар. У. Исмоилов, Сайланма. Хабар олмоқ* Бирор кимса, нарса ёки ҳодиса ҳақидаги маълумотга ўз кўзи билан кўриб эга бўлмоқ; келиб кўрмоқ. *Нусратбек бўш вақти бўлганида, гоҳ кечаси, гоҳ кундузи бирров холасиникига келиб, ўғлидан хабар олиб кетади. С. Нуров, Майсаларни аёз урмайди. Мен нариги хоналардан бир хабар олай, шогирдлар нима қилаётган экан, кўздан кечириб кўяй. Х. Тўхтабоев, Ширин қовунлар мамлакатаи. Хабар топмоқ* Муайян воқеа-ҳодиса ҳақидаги ахборотни эшитмоқ, билиб олмоқ. *Умар полвон бундан хабар топиб, отасидан қолган бир парча ерларини сотиб бўлса ҳам, укасини Тозагулга уйлантирмоқчи эди. К. Яшин, Ҳамза. Бу воқеадан хабар топган ойиси уни [Хуршидни] қаттиқ жеркиганича.. бўш стулга ўтқазди. Н. Аминов, Қаҳқаҳа. Хабарни бор 1) хабардор, воқиф. Завқийнинг ҳам кейинги пайтларда табибнинг оиласи четга суриб қўйилганидан хабари бор эди. К. Яшин, Ҳамза; 2) бирор иш ёки ҳунарни биладиган. Тикувчиликдан хабари бор қиз. Хабарни йўқ* Бирор нарса ҳақидаги маълумотни билмайдиган; беҳабар. *Дилдорнинг бу гандан хабари йўқ. С. Аҳмад, Уфқ. -Ботир ака, ўлимдан хабарим бор, бу гандан хабарим йўқ, — деди қизариб Низомиддинов. С. Аҳмад, Ҳукм. Ҳолидан хабар олмоқ* Бемор, кекса, ёрдамга муҳтож кимсаларни бориб кўрмоқ; ёрдам бермоқ. *Ўзи эмасми, онамнинг ҳолидан хабар олиб турунг, сизга ишонаман, деб илтимос қилган.. Ў. Ҳошимов, Қалбингга қулоқ сол. Дадамга та-*

ҳорат суви берадиган, эрта-кеч ҳолидан хабар оладиган бир мўъмин-маъқул заифа топилса, яхши бўларди. Ойбек, Танланган асарлар.

**ХАБАРДОР** [а. + ф. خبردار — маълум хабарга эга, биладиган, хабар берилган] 1 Хабарни бор, ахборотга эга. Унинг [Мусанинг] назарида, гўё Зиёдбек ҳамма гаплардан хабардор. Н. Фозилов, Дийдор.

**Хабардор бўлмоқ** 1) воқиф бўлмоқ, хабар топмоқ, эшитмоқ; билмоқ. Шов-шув кўтарма! Даданг хабардор бўлиб қолса, яхши бўлмайди. Ойбек, Танланган асарлар. Мулла Фазлиддиннинг юраги така-пука бўлиб кетди. Наҳотки бу бек нўлат сандиқдаги суратдан хабардор бўлса?! П. Қодиров, Юлдузли тунлар; 2) кузатиб турмоқ, назорат қилмоқ. Олияхоннинг ота-онаси.. қизларидан хабардор бўлиб туриш учун уларни ўз уйларига кўчириб келдилар. «Муштум». **Хабардор қилмоқ** Маълум қилмоқ, билдирмоқ. Охири ўйлаб-ўйлаб, бу гаплардан сизни хабардор қилишга аҳд қилдим. С. Аҳмад. Уфқ. Бошлиққа телефон қилишдан мақсад маслаҳат сўраш эмас, балки чархалак ўйинининг бошланганидан хабардор қилиш. «Ёшлик».

2 сфт. Бирор соҳа бўйича муайян маълумотга эга, шу соҳани биладиган; омилкор. Кафиллик берсам-бермасам, дипломатия ишларидан хабардор бошқа одамимиз йўқ. Т. Малик, Қалдирғоч. Бу қиз [Хонзода] меъморлик санъатидан ҳам хабардор экан.. П. Қодиров, Юлдузли тунлар.

**ХАБАРКАШ** [а. + ф. خبرکش — хабар, гап ташувчи] шв. Чақимчи. Ашурнинг: «Мен хабаркаш эмас!» деб илтижоли, қўрқув тўла боқишидан Изатулла ака: «Сиз хабаркаш экансиз!» деган маънони ўқирди. Н. Аминов, Қаҳқаҳа.

**ХАБАРКАШЛИК** шв. Чақимчилик. -Айтсам, хабаркашлик бўларди-да, домлажон, — деди Чоршанбиев дув қизариб. М. М. Дўст, Лолазор.

**ХАБАРЛАМОҚ** Хабар қилмоқ, маълум қилмоқ, дарак бермоқ; жар солмоқ. Чол ноилож эртага тушдан кейин ҳаммани тўйга хабарлаб келди. С. Аҳмад, Сайланма. Бугун соат ўн иккида Отабек ила Мирзакарим қутидорнинг исёнчилик гуноҳи билан дорга осилишларини жарчи шаҳарга хабарлаб юрар.. эди. А. Қодирӣ, Ўтган кунлар.

**ХАБАРНОМА** [хабар + нома] Бирор нарса, воқеа ҳақида хабар берувчи ҳужжат; чақирув қоғози. У бугун кеч соат тўққизда.. Наманган билан гаплашиши керак эди, чўнтагидаги хабарномада ким чақираётгани айтилмаган бўлса ҳам, ойсис эканини биларди. П. Қодиров, Уч илдиз.

**ХАБАРСИЗ** айн. бехабар. Куёвингизнинг қизиқ табиатини шундан ҳам яхши билиб олсангиз бўлардики, шу чоққача ота-оналари ҳам бу фожиадан хабарсиз эканлар! А. Қодирӣ, Ўтган кунлар. Кампир бу гаплардан хабарсиз, ҳадеб овқат ейишга қистарди. Ойдин, Ҳикоялар.

**ХАБАРСИЗЛИК** айн. бехабарлик. Мусулмонларнинг иттифоқсизлиги, бир-бирининг ҳолидан хабарсизлиги натижасида.. бундай фожия воқеалар рўй берди. Ойбек, Танланган асарлар.

**ХАБАРЧИ** Хабар берувчи, маълум қилувчи; жарчи. Ҳар ёққа хабарчилар.. Чопачона кетдилар. Ҳ. Олимжон.

**ХАБИС** [а. حبيث — ёмон, ярамас, разил; нопок, ифлос] эск. кт. Ёвуз; ифлос, бузуқ. Оллоҳ.. Қуръони каримда афандимиз воситалари илан наҳий этибдурки, 1300 сана сўнгра оврўпойишлар бу хабисларнинг зарарини билиб, ўзларини сақламоқдадур. М. Бехбудий, Қасди сафар.

**ХАВОТИР** [а. خواطر — «хотир» с. нинг кўпл.] 1 Бирор кимса, нарса ёки бирор иш, ҳодиса ҳақида ташвишланиш, ҳадиксираш. Келмаганингиздан хавотирда эдим. ■ ..бир оёғи чўлоқ хомсемиз Эминҳожӣ тегирмончи хавотирда атрофга жаланглаб турарди. Т. Ашуров, Марварид тут. Ҳайдар бошини кўтарди, Қозимга хавотир аралаш синчков боқди. Э. Усмонов, Ёлқин.

**Хавотир бўлмоқ** (ёки олмоқ) қ. хавотирга тушмоқ. Ишлаганларнинг ҳақини ўзимиз тўлаймиз, хавотир бўлманлар. Мирмуҳсин, Меъмор. Йицитлар ундан [Иномжондан] хавотир олиб, анча вақтгача ухламай кутиб ўтиришди. С. Аҳмад, Мўтти. **Хавотир қилмоқ** 1) ташвишлантирмоқ. -Жон болам, — деди [Ҳадича хола] ҳовлининг ўртасида туриб, — хат юборгин, бизни хавотир қилма; 2) қ. хавотирга тушмоқ. Шунча одам орасида ҳар қайсиси ўзидан хавотир қилмай, бир-бирининг сирини очиб ташлаётитти. А. Қаҳҳор, Оғайнилар. **Хавотирга солмоқ** Ташвишлантирмоқ. Уни яна бир нарса хавотирга солиб қўйган

эди. Ү. Умарбеков, Одам бўлиш қийин. **Хавотирга тушмоқ** Бирор кимсадан, нарсадан ташвишланмоқ, ҳадиксирамоқ. *Заргаров Зиёданнинг ҳаётини билган сари, хавотирга тушар.. эди.* А. Мухтор, Бўронларда бордек ҳаловат.

**ХАВОТИРЛАНМОҚ 1** Ташвишга тушмоқ, ташвишланмоқ; *Хосият хола қизидан хавотирланиб, эшик томон боргач, кўчага тикилди.* Р. Файзий, Чўлга баҳор келди.

**2** Бирор нарсадан хавфсирамоқ, чўчи-моқ, кўрқмоқ. *Темиржон хавотирланди. Қаршисидаги йигитдан кўзини узмай, ортга бир қадам тисарилди.* Ж. Абдуллахонов, Орият.

**ХАВОТИРЛИ 1** Хавфли, кўрқинчли; хатарли. *Хавотирли иш. Хавотирли тун.* ■ *Водийдаги аҳвол хавотирли эди.* Т. Малик, Қалдирғоч.

**2** кўчма Ташвишли. *Уч-тўрт қадам юргандан кейин Талғат хавотирли оҳангда гапирди: -Қаранг, Гавҳар, ҳавони булут ўраяпти. Одамларга жабр бўлади-да.. Пахтага ҳам.* Ү. Ҳошимов, Қалбингга қулоқ сол.

**ХАВОТИРЛИК** Кўркув, ҳадик; ташвиш, саросима. *-Нима гап, қуда? - Очил бува ўрнидан туриб, Анзиратга хавотирлик билан қаради.* А. Мухтор, Чинор. *Қорақўз бегимнинг катта-катта кўзлари хавотирлик туйғусидан яна ҳам улканлашиб кетди.* П. Қодиров, Юлдузли тунлар.

**ХАВОТИРОНА** [а. + ф. *خواترانه* - хавотир билан] *рвш.* Хавотирланиб, хавфсираб, кўрқа-писа. *У бир кўзини қия очиб, атрофга хавотирона назар ташлади.* Ф. Мусаёнов, Чиқинди.

**ХАВОТИРСИЗ** Хавфсиз, хатарсиз, тинч. *Бу ер анча хавотирсиз эди. Хавотирсиз яшамоқ.*

**ХАВФ** [а. *خوف* - кўрқинч, кўрқиш, ваҳима, ҳадиксираш] **1** Бирор хатарли ҳодиса ёки фалокат содир бўлиши эҳтимоллиги, хатар. *Бу воқеадан хабар топган Султон Али мирзо ўлим хавфи ўзига ҳам яқинлашиб келаятганини сизди..* П. Қодиров, Юлдузли тунлар. *Шошиш керакмас, чунки бу йил тошқин хавфи йўқ.* А. Қаҳҳор, Кўшчинор чироқлари.

**2** Хавотирланиш, хавфсираш; хавотир, ташвиш. *Ҳамиша хавфда кўнглим бу муҳаббат интиҳосидан, Мени ҳам этмаса мажнун*

*дебон Раънони(нг) савдоси.* А. Қодирий, Меҳробдан чаён.

**Хавф остида** Бирор нарса ёки кимсанинг ҳаёти, мавжудлиги бўлажак фалокат туфайли маҳв бўлиш, йўқ бўлиш эҳтимоли юзага келган ҳолат. *Ватанимиз хавф остида турган кунлар.. Қорасувга бориб, тўй-томоша қилиб беришга фурсат йўқ эди.* О. Ёкубов, Излайман. [Абу Юсуф:] *Мирзо ҳазратлари, салтанатимиз хавф остида!* П. Қодиров, Юлдузли тунлар. *-Йўқ, бугун йўлга чиқасан, - деб қолди қутилмаганда қалпоқчам, - севгилининг ҳаёти хавф остида.* Х. Тўхтабоев, Ширин қовунлар мамлакати.

**ХАВФЛАНМОҚ** Бирор нарсадан хавфга тушмоқ, кўрқмоқ, хавотирланмоқ. [Нури] *Вақтнинг тигизлигидан хавфланиб, дарров ўз дардини очди.* Ойбек, Танланган асарлар. *Юртда катта қўзғолон, отиш-тутиш бўлганини эшитган Унсин акасидан хавфланиб, кечга яқин.. Тахтапулга келган эди.* Ойбек, Танланган асарлар.

**ХАВФЛИ** Хавф пайдо қиладиган, хатарли, кўрқинчли. [Ҳорунбек:] *Сиз салтанат учун хавfli одам сифатида жўнатиляпсиз.* Мирмуҳсин, Меъмор. *У тажрибасига суянган ҳолда бир нарсага амин бўлади: жамият учун жиноятчидан кўра лоқайд одам хавfli!* «Ёшлик». *Бухорога энг яқин йўл шу бўлгани билан, у ғоятда хавfli эди.* Мирмуҳсин, Меъмор.

**ХАВФНОК** [а. + ф. *خوفناک* - кўрқинчли, ваҳимали, хавfli, зарарли] *эск. кт.* Кўрқинчли, хатарли. *Хобимда бир хавфнок туш кўрдим, Кимни кўрсам, таъбир сўрайман.* Чустий.

**ХАВФСИЗ** Хавф тугдирмайдиган; хатарсиз. *Мен сенга айтсам, Уммат, ўглинг хавфсиз жойда.* С. Аҳмад, Уфқ.

**ХАВФСИЗЛИК** Хавф-хатарнинг йўқлиги; хавф бўлмаган ҳолат. *Хавфсизликнинг таъминланиши.*

**Хавфсизлик техникаси** Ишлаб чиқаришдаги жараёнларда вужудга келадиган хавfli омилларнинг олдини олишга доир ташкилий ва техник чора-тадбирлар мажмуи. *Ҳар бир корхонада хавфсизлик техникаси учун маъмурият жавобгар ҳисобланади.* «ЎЗМЭ».

**ХАВФСИНМОҚ** *айн. хавфсирамоқ.* *Малика шоҳдан ҳадик олиб, хавфсиниб юрар эди.* «Баҳром ва Гуландом».

**ХАВФСИРАМОҚ** Бирор кўнглисиз ҳодиса юз бериши эҳтимоллигидан ташвиш-

ланмоқ, чўчимоқ, кўрқмоқ. *Қиз хавфсираб.. мени безори ёки йўлтўсар деб ўйладими, қадамими хиёл тезлангандек бўлди.* Х. Тўхтабоев, Ширин қовунлар мамлақати. *Зағчақўз хавфсираб, орқасига қаради.* П. Турсун, Ўқитувчи.

**ХАВФСИРАНМОҚ** айн. **хавфсирамоқ.** *Улар хавфсираниб.. юрадилар.* Ойбек, Навоий.

**ХАВФ-ХАТАР** [хавф + хатар] Зиён-заҳмат етказадиган таҳликали вазият. [*Қосимбек:*] *Иншоолло, Самарқандни бу йил забт этсак, хавф-хатарлар бартараф бўлғай.* П. Қодиров, Юлдузли тунлар.

**ХАЁЛ** [а. خيال — ўйлаш, тасаввур қилиш; орзу, ғаройиб истак; арвоҳ] 1 Ўйлаш, фикрлаш жараёни; ўй, фикр. *Ҳар каллада минг хаёл.* Мақол. ■ [*Ибн Яминнинг*] *Хаёлида кўрқинчли фикрлар айланарди.* К. Яшин, Ҳамза. *Ёш шоир дўстларимга тинчимас хаёл, илҳом завқлари.. тилайман.* Газетадан.

2 Тасаввур. *Гулнорнинг кўзлари, юзи ёлғиз йўлчининг хаёлларидагина кулади, жилваланади.* Ойбек, Танланган асарлар. [*Бобурнинг*] *Хаста хаёлида бирдан қилич тутган Танбал гавдаланди.* П. Қодиров, Юлдузли тунлар.

3 Орзу, фантазия. *Истиқболнинг ширин хаёлларига кўмилган ҳолда махдум аср намози учун таҳорат олар эди.* А. Қодирий, Мехробдан чаён. *Аммо ўз элимга қайтиб кўрдимки, Шамайда ўйлаганларим, ошиққанларим ширин бир хаёл эмиш!* А. Қодирий, Ўтган кунлар.

4 Эс, хотира. *Ўшанда бу қиз унинг [Ёдгорнинг] назарида фариштадек жонланган, хаёлида алланечук муқаддас бир из қолдирган эди.* Ў. Ҳошимов, Қалбингга қулоқ сол. *Хаёлим мени узоқ ўтмишга олиб кетади.* Газетадан.

..деган хаёлда ёки ..деган хаёл билан 1) фикран муайян хулосага келиб; шундай деб ўйлаб. *Бир оздан кейин балкон эшиги ғийқиллаб очилиб, ёпилди.* У Тамила опама, *Зокиржонми, деган хаёлда қайрилиб қарамади.* Ў. Ҳошимов, Қалбингга қулоқ сол. *Сидиқжон уни [болани] албатта бир нима чақди, деган хаёлда тура солиб югурди.* А. Қаҳҳор, *Қўшчинор чироқлари;* 2) бирор мақсадда *У [чол], уйимнинг бузилишини кўрмай, деган хаёлда орқасини ўзиргач.. ўт ёқа бошлади.* Ў. Усмонов, Сирли соҳил. **Пуч хаёл** Амалга ошмайдиган, хом хаёл. *Аммо олий мактаб*

*орзуси мен учун ёлғиз пуч хаёл бўлса ҳам, ундан воз кеча олмадим.* Ойбек, Нур қидириб. **Хаёл олиб кетмоқ** (ёки **қочмоқ**) қ. **хаёлга ботмоқ.** *Саодатхонни яна хаёл олиб кетди.* С. Зуннунова, Янги директор. **Хаёл сурмоқ** *Ўйламоқ, фикрламоқ.* *Пастаккина айвон ёнида ўрта ёшлардаги бир одам.. хаёл суриб тикка турибди.* С. Зуннунова, Олов. **Хаёл қилмоқ** 1) ўйламоқ. *Мадраса қурилишида бир ишқаллик чиқмадимикин, деб хаёл қилди у [Қавом].* Мирмуҳсин, Меъмор; 2) орзу қилмоқ. *У [Йўлчи] дам ўйлаб, хафа бўлади, дам анча пул юбориб, онасини севинтиришни хаёл қилади.* Ойбек, Танланган асарлар; 3) тасаввур қилмоқ. *Рафқон ва Шўрсув даштида душман билан тўқнашувни хаёл қилиб, [Аҳмад мирзо] Рафқон текислигига боргоҳ қурди.* Мирмуҳсин, Меъмор. **Хаёлга ботмоқ** (ёки **толмоқ, чўммоқ**) *Узоқ вақт чуқур ўйланиш ҳолатида бўлмоқ.* *Думалоқ стол ортида бир одам хаёлга чўмиб ўтирибди.* ■ *Расулжон ҳозиргина ўқиб бўлган хатнинг бир четидан ушлаганича, хаёлга ботган эди.* Ж. Абдуллахонов, Хонадон. [*Авазнинг*] *Тушидаги ишоралар уни хаёлга толдирган эди.* С. Сиёев, Ёруғлик. **Хаёлга келмоқ** *Эсга, хотирага тушмоқ, хотирада тикланмоқ.* *Хаёлига келган ҳамма нарсани Гавҳарга бир-бир айтиб берди.* П. Қодиров, *Уч илдиш. Кўндан бери хаёлимга келмаган нарсаларни эсимга солиб қўйгани учунми, у билан баҳслашгани сўз тополмай қолдим.* И. Раҳим, Ҳилола. **Хаёл(и)-га (ҳам) келтирмаслик** 1) тасаввур қила олмастик. *..рад жавоби олиш қанчалик оғир эканини сен хаёлингга ҳам келтирмайсан.* Х. Султонов, Онамнинг юрти; 2) бирор нарсани мақсад қилиб қўймаган, у ҳақда ўйлаб кўрмаган. *Мирзакаримбой ерга ўч одам эди. ..Хатто ер сотишни хаёлига келтирмаган одамларнинг ерларини.. ўзиникига қўшиш учун ҳеч нимадан тоймас.. эди.* Ойбек, Танланган асарлар; 3) кутмаган, олдиндан билмаган. *Доктор, Ҳамзани бу ерда учратишни хаёлига ҳам келтирмаганди.* К. Яшин, Ҳамза. **Хаёлдан кетмаслик** *Бот-бот ёки доимо хаёлда гавдаланмоқ.* *Аммо тушлик пайтгача Иблис хаёлимдан нари кетмади.* Х. Тўхтабоев, Ширин қовунлар мамлақати. *Авазнинг хаёлидан бир-биридан машғум, юракни тилкапора қилувчи манзаралар кетмай қолди.* С. Сиёев, Ёруғлик. **Хаёл(и)дан кечмоқ** (ёки **ўтмоқ**) *Маълум бир муддат бирор нарса*

тўғрисида ўйламоқ, фикрламоқ. *Шу билан бирга унинг хаёлидан ғалати фикрлар ҳам келиб турди.* П. Турсун, Ҳўқитувчи. *Ҳар иккаласи ҳам.. ҳар бир уқир-чикирни хаёлидан кечириб.. бирон нарса топишга уринар эди.* А. Қаҳҳор, Кўшчинор чироқлари. *Негадир [Чароснинг] хаёлидан «Дилшод айтган» деган фикр лип этиб ўтди.* Ҳ. Ҳошимов, Қалбингга қулоқ сол. **Хаёл(и)дан кўтарилмоқ** Эсидан чиқмоқ. *Китобни кутубхонага топириши хаёлимдан кўтарилибди.* **Хаёли жойида эмас** Руҳан безовта, ўй-фикри тарқоқ. *Болам боёқиш нотинчроқ бўлиб қолди.* **Хаёли ҳам жойида эмас.** Мирмуҳсин, Меъмор. **Чодир хаёл эск.** Кўғирчоқ театри. **Ҳар хил хаёлга бормоқ** 1) шубҳаланмоқ, ёмон фикрга бормоқ. *[Нигорани] Шу қадар кўргиси келадики!.. Бирок кеч бўлиб қолди.* Уй эгалари *ҳар хил хаёлга боришлари мумкин.* С. Анорбоев, Оқсой; 2) бирор нарсдан ташвишланмоқ; хавотир олмақ. *[Степан Соколов:] Келдинларми.. Нега шунча қолиб кетдиларингиз, ҳар хил хаёлга бориб, ҳайрон бўлиб тургандим.* К. Яшин, Ҳамза.

**ХАЁЛАН** [а. خيال] Хаёлда, фикран тасаввур қилган ҳолда. *Саттор шундагина хаёли ўзи билан ўзи гаплашаётганини пайқайди-ю, ҳорғин кулумсираб, қўл силтади.* Ҳ. Усмонов, Қисмат. *Баширжон шунча режани бирпасда, хаёлан тузиб чиққач, сангтарош билан қўл ташлашди.* Н. Аминов, Суварак. *Зулфиқор хаёлан Ҳирот кўчаларида чопиб юрарди.* Мирмуҳсин, Меъмор.

**ХАЁЛИЙ** [а. خیالی – фантастик; тасаввурдаги, фаразий] 1 **Хаёлда тасаввур қилинадиган, афсонавий.** *Зубайдахон хаёлий оламдан.. кундалик чин оламга улоқтирилиб, норози кўзларини чақирилмаган меҳмонга тикди.* К. Яшин, Ҳамза. *Гавжум ресторан ранг-баранг чироқлар ёғдусидан хаёлий нурга чулганган.* Н. Қиличев, Қуюн. *Бир ёнда хаёлий Эрам боғидек Буюк ва бетимсол менинг Ватаним.* А. Орипов.

2 **Ўйлаб чиқарилган, тўқима.** *Шу китобни ёзган киши ўзининг китобидаги бир талай хаёлий ва қизиқ ҳикоялар қаторига Абутанбал деган бир ялқов йиғитнинг ҳикоясини ҳам тиркаган.* Ф. Гулом, Тирилган мурда.

**ХАЁЛКАШ** [а. + ф. خیالکش – кўп хаёл сурувчи] *кт.* **Хаёлпараст.** *Икки шоир, маъжус хаёлкаш, Ўрталикда олов сиёҳдон.* Р. Парфи.

**ХАЁЛЛАНМОҚ** Хаёлга берилмоқ; ўйланмоқ. *Бекдавлат хаёлланиб, далага боқди.* «Ёшлик». *Оёғини судраб, яна Боғчадарвоза томон борар экан, «Шоирни замон қаерда бўлди экан-а?» деб хаёлланди.* С. Сиёев, Ёруғлик.

**ХАЁЛЛОТ** [а. خیالات – ўйлар, хаёллар] *кт.* 1 **Хаёллар, ўйлар; фикрлар.** *Темур Малик бўлса хаёлот денгизида жим сузарди.* Мирмуҳсин, Темур Малик. *Фирдавсий мисраси кўздан кечаркан, Миямни чулғайди турли хаёлот.* Гайратий.

2 **Тасаввур, фантазия.** *Инсоният юксак хаёлот ва тафаккур кучи билан яратган барча маънавий-бадиий бойликлар орасида оғзаки ижод намуналари алоҳида ажралиб туради.* «Фан ва турмуш». *Бу ҳолни шоирнинг бадиий фантазияси ва кенг хаёлот олами бевосита баҳор таровати.. билан уйғунлашган ўринларда кўриш мумкин.* «ЎТА».

**ХАЁЛПАРАСТ** [а. + ф. خیالپرست – хаёл суришни яхши кўрувчи] **Кўп хаёл сурувчи.** *У жуда камгап, аммо кўп китоб ўқир, ўлғудай хаёлпараст эди.* С. Зуннунова, Кўк чироқлар. *Кейинчалик кампир буви неваранинг хаёлпараст, хомуш бўлиб қолганини пайқаб, жаннат у дўзахлардан камроқ гапирадиган бўлди..* Мирмуҳсин, Умид.

2 **Фантазияга мойил одам.** *Мен шу вақтгача олимларни хаёлпараст бўлади, деб юрар эдим.* Ҳ. Зоҳидий, Соғлар ва доғлар. *Мутриб, хаёлпарастсан, иним, дегандек, Авазга таънаомуз разм солди.* С. Сиёев, Ёруғлик.

**ХАЁЛПАРАСТЛИК** 1 **Кўп хаёл суриш одати.** *Баъзи болалардаги хаёлпарастлик хусусиятлари улар шахмат билан жиддий шугуллана бошлаган даврларда кескин камайиши тажрибада синалган.* Газетадан.

2 **Романтикага, фантазияга берилиш.** *Раҳмонқулов қурилиш учун жавобгар.* **Хаёлпарастлик қилмасдан, амалий иш билан шугулланиш керак.** А. Муҳтор, Туғилиш.

**ХАЁЛПАРИШОН** *айн.* **паришон хаёл қ. паришон.** *Нозим хаёлпаришон ўрнидан турди, элан-қаран дафтар-китобини йиғиштириб, секин эшик томон юрди.* Н. Қиличев, Чигириқ.

**ХАЁЛПАРИШОНЛИК** **Хаёли тарқоқлик, ортиқча ўйлашлик.** *Вазира дугоналарининг ҳазилларида хаёлпаришонлик билан жилмайиб кўярди.* С. Зуннунова, Гўдак ҳиди.

**ХАЁЛСИРАМОҚ** *с.т.* **Хаёл сурмоқ, хаёлга берилмоқ, ўйланмоқ.** *Хаёлсираб ўтирмоқ.*

**ХАЁЛХОНА** эск. кт. 1 Мия, бош; фикр-лаш. *Натижада эса унинг [ўқувчининг] мушоҳадаси автор хаёлхонасида юз берган ассоциация ва синтезга тушолмай, мутлақо нотўғри ёки бир томонлама хулоса билан туғиши мумкин.* «ЎТА».

2 Тасаввур, хаёл. *Ўз хаёлхонасида плани ортиғи билан бажариб қўядилар.* Ойбек, О.в. шабадалар.

**ХАЁЛЧАН** Хаёлга ботган, ўйчан, хаёл сурган ҳолатда. *Шербек шолчанинг бир чеккасида узоқларга тикилганча, хаёлчан ўтирарди.* С. Анорбоев, Оқсой. *У [чол] тажанг бўлмаган вақтида кўпинча боши ярим қийшайган, хаёлчан, хомуш юрарди.* Мирмуҳсин, Қахрамоннома.

**ХАЁЛЧАНЛИК** қ. **ўйчанлик**. *Саодатхон теракка суюнганича, ҳамон хаёл суриб турар, туннинг гўзаллиги ва сеҳрли товушларини хаёлчанлик билан кузатар ва эшитар эди.* С. Зуннунова, Олов.

**ХАЗАНАК** [ф. خزانه — кузга оид] Кузда йиғиштириб олинган ҳосилнинг қолдиғи (полиз экинлари, олма, узум ва ш.к. ҳақида). *Унда-бунда ҳали кўк палак, Чирик қовун жўяк пастиди. Уч-тўрт бола излар хазанак, Тавба, шундай ёмғир остиди.* А. Шер, Қадимги куй.

**Хазанак қилмоқ** Кузда йиғиштириб олинган ҳосил қолдиғини қидириб топиб олмоқ.

**ХАЗАРЛАР** 4-асрда Шарқий Европада пайдо бўлиб, 10-асрда Дашти Қипчоқдаги туркий бижанакларга сингиб кетган, асосан Шимолий Доғистонда ва Қуйи Волга бўйида ҳаёт кечирган туркий халқ. *Хазар тили. Хазар хоқонлиги.*

**ХАЗИНА** [а. خزينة — қимматбаҳо нарса, бойлик, дафина; маблағ; касса] 1 Бирор шахс, ташкилот ёки давлат ихтиёридаги қимматбаҳо буюмлар; маблағ; бойлик; давлат. *Мирзакаримбойнинг хазинаси Гулорники.* Ойбек, Танланган асарлар. *Темур Осие-нинг ҳамма қисмидан ҳадсиз-ҳисобсиз хазина йиғди, лекин уларни хасис одамлар каби сақламади.* «Фан ва турмуш».

2 ҳуқ. Ер остига кўмилган ёки бошқа усул билан яшириб қўйилган, эгасини аниқлаш қийин бўлган пул ёки қимматбаҳо буюмлар (булар топилса, давлат мулкига ўтади ва уни топган киши тегишли тартибда мукофот олади).

3 Давлат пули, қимматбаҳо нарсалари, умуман, бойлиғи сақланадиган жой. *[Хусайн:] Хазинамда ҳар қанча зар, ҳар қанча ақча бўлса, юртнинг ободонлиги учун сарф этишга ваъда бераман.* Уйғун ва И. Султон, Алишер Навоий.

4 Олтин, кумуш каби қимматбаҳо нарсалар кўмилган, яширилган жой, дафина. *Йўл қувлаган хазинага йўлиқар, Гап қувлаган бир балога йўлиқар.* Мақол. ■ *Шербек бу нуроний чолнинг кимлигини билиб, хазина топган кишидай суюниб кетди.* С. Анорбоев, Оқсой.

5 Марказлашган давлатларда уларнинг молиявий захиралари мажмуи. *Хазина билетлари.*

6 Ер ёки табиат бойликлари, табиий бойлик. *Ер — хазина, сув — олтин.* Мақол. ■ *Ўзбекистон ери — кони хазина, Халқи — олим, деҳқон камтар камина.* Ҳабибий. *Ватанимизнинг тупроғи — олтин, тоғу адирлари, чўлу саҳролари — туганмас хазина.* С. Зоҳидов, Тоғлар бош эгмоқда.

7 кўчма Маданий ва маънавий бойликлар, дурдона асарлар мажмуи. *Роман [«Сароб»] 20 йил давомида адабиётнинг бебаҳо хазинасидан олиб ташланди.* Газетадан. *Донолар таърифича, китоб — билим манбаи, инсоният тўплаган ҳикматлар хазинаси.* М. Жўра, Ноширнома.

**ХАЗИНАБОН** [а + ф. خزینه بان — хазинани кўриқловчи, хазиначи] 1 кт. айн. **хазиначи** 1. *[Улугбек:] Саркардаларга айтинг, шаҳар таланмасин! Хазинага кирилмасин, хазинабоннинг ўзи бунда [бу ерга] келсин!* Мирмуҳсин, Меъмор.

2 кўчма Табиат бойлигини топиб, уни халқ иродасига бўйсундирувчи киши. *Олмалик — бағри бойликларга тўлиқ. Бу бойликнинг хазинабони ва фармонбардори оддий, содда кишиларимиздир.* Газетадан.

**ХАЗИНАДОР** [а. + ф. خزینه دار — хазинага эга, хазиначи] айн. **хазиначи**. *Мулла Обиднинг хазинадори сифатида ақчани ўзи ушлаб, рўзгор керак-яроқларини ҳам ўзи тўғрилаб туради.* А. Қодирий, Обид кетмон. *Сарой вазири ҳам.. хазинадор ҳам сизга хайрихоҳ одамлар.* М. Осим, Ибн Сино қиссаси.

**ХАЗИНАХОНА** [хазина + хона] айн. **хазина** 3. *Ҳамма ернинг эшиги очиқ, хазинахоналар ҳам очиқ, ичидаги яхши олмос ханжарлар йўқ.* «Маликан айёр».

**ХАЗИНАЧИ 1** *тар.* Хукмдор ва бошлиқларнинг хазинасини ва б. моддий бойликларини сақловчи, бошқарувчи шахс; хазина бошлиғи. *Хазиначилар сипоҳлар орқасидан икки отни етаклашиб, худайчи ёнига етдилар.* А. Қодирий, Ўтган кунлар. *Қорахонийлар давлатида хазиначи масъулиятли лавозимлардан бири саналиб, «ағичи» атамаси билан ифодаланган.* «ЎЗМЭ».

2 Корхона ва ташкилотларда пул сақловчи ва тарқатувчи кассир.

**ХАЗИНАЧИЛИК** *эск.* Хазиначи мансаби (қ. **хазиначи 2**). *Орадан бир йилча ўтар-ўтмас, у наширёт хазиначилиги — кассирлигига кўтарилди.* М. Назаров, Хазиначи.

**ХАЗОН 1** [ф. *خزان* — куз; барг тўкилиши] 1 Кузда сарғайиб тўкиладиган барглар. *Йўл бўйидаги дов-дарахтлар остида хазонлар тўкилиб ётибди.* Н. Аминов, Ёлғончи фаришталар. *Енгил шамол ўтди, хазон тўкилди.* «Ёшлик».

**Хазон бўлгур!** *қарғ.* Қуриб кетгур, ўлгур. [Ҳожини она:] *Бор, юз-қўлингни ювиб чиқ, хазон бўлгур!* Ҳамза, Бой ила хизматчи. **Хазон бўлмоқ** 1) сарғайиб, қуриб қолмоқ. *Бу гул субҳ шабнамани ҳам кўрмай хазон бўлди.* Ҳ. Зиёхонова, Биринчи мактуб; 2) кўчма азобуқубатда мажруҳ бўлиб қолмоқ, адо бўлмоқ, маҳв бўлмоқ. *Гул эдим, хазон бўлдим, найлайин, Адо бўлмас дардга қолдим, найлайин.* «Малика айёр»; 3) бевақт оламдан ўтмоқ; йўқ бўлмоқ. [Азизхон] *Яша, полван бола.. деб олқишлаганларга қарамас, ниятига етмай хазон бўлган Лутфинисани ўйлар эди.* С. Аҳмад, Уфқ. *Бевақт хазон бўлмай ҳар ким Яшаб ўтсин дунёда.* А. Орипов. *Назира.. юзага чиқмай хазон бўлган севи аламидан хўрлиги келиб, тақдирни қарғарди.* С. Аҳмад, Уфқ. **Хазон қилмоқ** 1) қуриб қолмоқ, сўлитмоқ; 2) кўчма маҳв этмоқ, йўқ қилмоқ; қирмоқ. *Қир томондан ногаҳонда бўри ёки қоплон чиқиб, бир талай қўй-қўзичи хазон қилиб кетганини билиб қоласан.* Й. Муқимов, Қизилқум паҳлавони. *Уйнаб юрган баччаларин Ҳаммасин хазон қилинг.* «Гулнорпар».

2 Зардўзликда ишлатиладиган безак тури: сўлиган барг тасвири.

**ХАЗОНМАРГ** [ф. *خزانمرگ* — хазондай ўлиш] *кам қўлл. айн.* **жувонмарг.** [Ҳожар Тўлаҳонга:] *Хазонмарг бўлгур, нима бало бўлган сенга, айтмайсанми?* Ҳамза, Паранжи сирлари.

**ХАЗОНРЕЗ** [ф. *خزانريز* — хазон тўкувчи] Барг ва хазонларни тўкувчи. *Хазонрез куз. Тун кўркам, дилбар, Намхуш ҳаво, Ой, юлдуз, сабо.* «Ёшлик». *Сарғиш барг билан қопланган дарахтлар ўзидан-ўзи шитирлаб, тиниқ ҳовуз бети жимирлаб, узоқлардан кезган хазонрез шамолдан дарак бериб туради.* А. Мухтор, Опа-сингиллар.

**ХАЗОНРЕЗГИ** [ф. *خزانريزگى* — хазон тўкилиш даври; кеч куз] *айн.* **хазонрезгилик.** *..чўққи ортисга юмалаган қуёш қурий бошлаган киммасиз боғларни хазонрезги палласидагидек сарғайтириб юборди.* А. Мухтор, Чинор.

**ХАЗОНРЕЗГИЛИК** Барг, хазон тўкиладиган давр, кеч куз. *Хазонрезгилик бошлангани учун япроқлар сарғайиб, ерга чирт-чирт тўкилмоқда.* Ж. Абдуллахонов, Тўфон. *Боғ-роғлар, далаларда ўт-ғиёҳлар, майса, япроқлар сарғайиб, хазонрезгилик бошланди.* Газетадан.

**ХАЗОНРЕЗЛИК** *айн.* **хазонрезгилик.** — Бўлмаса, ҳозир хазонрезликда бир-икки қоп хазон тўплаб ол, — деб маслаҳат берди афанди. «Латифалар».

**ХАЗОНЧИНАК** [ф. *خزانچينک* — хазон, барг тўплаш] *шв.* Хазанак. *Ниҳоят, олма хазончинак бўлди.* О. Ёкубов, Тилла узук.

**Хазончинак пахта** Ғўзапояннинг у ер-бу ерида қолиб кетган, ерга тўкилган ҳосилдан йиғиб-териб олинган пахта. **Хазончинак қилмоқ** *айн.* **хазанак қилмоқ** қ. **хазанак.**

**ХАЙ** *с.т. айн.* **хайр** I 3. -*Хай, ишқилиб, охири бахайр бўлсин, — деди Махсум.* П. Турсун, Ўқитувчи.

**ХАЙИТҚОРА** Кечпишар тарвуз нави. *Ҳайитқора Ўзбекистоннинг ҳамма вилоятларида экилади.* «ЎЗМЭ».

**ХАЙЛ** [а. *خيل* — уюр, пода; отлиқлар; отлиқ аскар] *кт.* Гуруҳ, тоифа. *Лола тердик даста-даста, Кеч билан қайтдик шаҳар, Йўлда бир-бир тарқатиб Эркин муҳаббат хайлига.* Э. Воҳидов.

**ХАЙР** I [а. *خير* — яхши, эзгу, соз; эзгулик, яхшилиқ] 1 Тиланчига, бева-бечораларга бериладиган садақа, эҳсон. *Афанди баланд айлана зинадан настга тушгандан сўнг, хайр сўраётган гадоини кўрди.* Газетадан.

**Хайр қилмоқ** Мухтож одамга садақа бермоқ *Хайр қилсанг, бутун қил.* Мақол. ■ *Кампир хайр қилайин деса, бир қисим ғалласи ҳам, бир парча нони ҳам йўқ эди.* «Гулшанбоғ».



2 Бировга қилинадиган холис ёрдам, яхшилик; саховат. *Сафар хайрсиз бўлмайди.* П. Туреун, Ўқитувчи.

**Худо хайрингизни берсин** Мақсадингизга етинг, муродингиз ҳосил бўлсин. [*Ғофир:*] *Дуо қиламан, худо хайрингизни берсин! Болачақангизнинг орзу-ҳавасини кўринг, Ҳасан ака!* Ҳамза, Бой ила хизматчи.

3 мод. с. Яхши, майли, ҳўп; нима бўлса бўлди. *Хайр, биздан кетса-кетсин, даргоҳида қабул бўлса, бас!* А. Қодирий, Кичик асарлар. *Хайр десанг, ҳозир наъра тортаман, Бадбахтларни бугун қирғин этаман.* «Маликаи айёр».

**ХАЙР II** [а. *خير* – эзгулик, яхшилик] унд.с. Хайрлашганда, видолашганда айтиладиган сўз. -*Хайр, соғ бўлинг, – деди Саодат Лолахонни эшиккача узатиб.* С. Зуннуова, Олов. *Хайр энди.. Қалбимда бир видо қолди. Хайр энди.. Сен кетдинг, беғуноҳ оҳу.* А. Орипов.

**ХАЙРИХОҲ** [а. + ф. *خيرخواه* – эзгулик, яхшилик истовчи] Яхшилик тилайдиган, қўллаб-қувватлайдиган; илтифотли, тарафдор. [*Қози:*] *Мендан сира кўнглингизга шубҳа келтирманг. Нимага десангиз, холис хайрихоҳман.* Ҳамза, Бой ила хизматчи. *Онахон тикка турар, ўтирганларнинг ҳаммаси ўзига хайрихоҳ эканини сезгандай бўлар эди.* А. Мухтор, Опа-сингиллар.

**ХАЙРИХОҲЛИК** Яхшилик тилаш, қўллаб-қувватлашлик. *Ахир муҳаббат ҳам, ахир дўстлик ҳам Бошланган эмасми хайрихоҳликдан?* А. Орипов. *Тиллабувадан кейин сўзга чиққанларнинг.. яна бири ҳукумат деҳқонни яхши йўлга бошлайди, деган қаттиқ ишонч билан колхозга хайрихоҳлик кўрсатди.* А. Қаҳҳор, Қўшчинор чироқлари.

**ХАЙРИХОҲОНА** [а. + ф. *خيرخواهانه* – хайрихоҳларча, самимий] Хайрихоҳлик билан қилинадиган, қўллаб-қувватлайдиган. *Васвасаланишининг ўрни йўқ, ундан сўнг ҳам сизнинг хайрихоҳона кенгашларингизга.. муҳтожман.* А. Қодирий, Ўтган кунлар. *Таъна, дашном, танқид ва бошқа минг турли дўстона, хайрихоҳона товушларга таҳсин аралашса, қулоққа фақат таҳсингина киради.* А. Қаҳҳор, Сароб.

**ХАЙРИЯ** [а. *خيريه* – хайр-саховат, эҳсон. муҳтожларга ёрдам]: **хайрия жамияти** Моддий ёрдам уюштирувчи жамият. *Кейинги*

*вақтларда бир қанча хайрия жамиятлари фаолият кўрсатмоқда.* Газетадан.

**ХАЙРИЯТ** [а. *خيريت* – яхшилик, эзгулик, хайрли иш] мод. с. Гап бошида, ўр-тасида ёки охирида келиб, ундан англатилган мазмунга нисбатан мамнунликни ифодаловчи сўз. *Хайрият, бир шамол бўлди-ю, булутни ҳайдаб кетди.* С. Аҳмад, Уфқ. *Бобур кўзини очганини сезиб, Қосимбек унинг тепасига келди: -Хайрият-е!.. Амирзодам, бизни мунча қўрқитдингиз?* П. Қодиров, Юлдузли тунлар.

**ХАЙРИЯТКИ** мод.с. айн. **хайрият.** *Тўсатдан шиша қўлдан тушиб кетди. Хайриятки, синмади.* «Ёшлик». *Хайриятки, машинамиз узоқ турмай юрди.* «Шарқ юлдузи».

**ХАЙРИЯТЛИК** Хайрли иш, яхшилик, эзгулик. *Мана, жаноблар, юмшоқликдан хайриятлик чиқмайди.* Н. Сафаров, Шарқ тонги.

**ХАЙРЛАШМОҚ** Ўзаро яхши истаклар тилашиб ажралишмоқ; видолашмоқ; тарк этмоқ. *Муяссар хоним арчалар қуршовидаги йўлак бошига қадар келди, сўнг яна бир бор қўл бериб хайрлашди.* М. М. Дўст, Лолазор. *Ана шундан кейин Тоға Азизхонни бағрига босиб хайрлашди-да, зирилламаликлар келган автобусга чиқди.* С. Аҳмад, Уфқ. *Қонни қўлтиқлаб, ўн беш йиллик таниш кўрғон.. билангина эмас, шу куннинг ўзида туғилган қишлоқ билан ҳам хайрлашди.* А. Қодирий, Кичик асарлар. *Ниҳоят, оладиганим қолмагач, қирқ олти кунлик ётоғим билан унсиз хайрлашдим-у, эшикка чиқдим.* С. Сиёев, Ёруғлик.

**Бу дунё билан хайрлашмоқ** Вафот этмоқ, ўлмоқ. *Агар йўқ десанг ё сотиб қўйсанг, бу дунё билан хайрлашавер.* С. Аҳмад, Уфқ.

**ХАЙРЛАШУВ I** Хайрлашмоқ фл. ҳар. н. *Хайрлашув вақти келди.*

2 Бирон жойга, сафарга кетиш, кузатиш муносабати билан уюштирилдиган тадбир. *Талғат синфдош дўстларини йиғиб, уйда зиёфат қилмоқчи эди, дадаси бир сўзда туриб олди: -Мақтабда хайрлашув кечаси бўлди, тамом! Зиёфат бўлса.. кейин қиласан.* Ў. Ҳошимов, Қалбинга қулоқ сол.

**ХАЙРЛИ** Яхши, ижобий; хосиятли. *Хайрли ишининг кечи йўқ.* Мақол. ■ *Мозийга қайтиб иш кўриш хайрли(к), дейдилар.* А. Қодирий, Ўтган кунлар. *Мен бир хайрли иш қилгандек, ўзимни олийжаноб ҳис этдим.. А.*

Мухтор, Давр менинг тақдиримда. *Шу кеча у бир хайрли туш кўрди.* «Шарқ юлдузи».

**ХАЙР-МАЪЗУР** [хайр + маъзур] Яхши тилаклар билан хайрлашиш. -*Хайр-маъзур эртага бўлади, ўртоқлар. Ҳали сизлар билан кўп отамлашамиз, — деди Эломонов.* М. М. Дўст, Галатепа қиссалари.

**Хайр-маъзур қилмоқ** Хайрлашмоқ. *Овқатдан кейин Шукуров отадан рухсат сўраб, хайр-маъзур қилди.* О. Ёқубов, Диёнат. **Хайр-маъзурни насия қилмоқ** Хайрлашмай кетиб қолмоқ. -*Ҳа, қочоқ! — деди у қулиб, — Хайр-маъзурни насия қилиб қочибсан-а!* Х. Султонов, Бир оқшом эртаги.

**ХАЙР-САДАҚА** [хайр + садақа] Хайр ва садақалар, садақа, эҳсон. *Хайр-садақани ўз оилангиздан бошланг.* «Фан ва турмуш».

**ХАЙР-ХҶШ** айн. хайр-маъзур. *Хайр-хўш овозлари тинч кўча осмонига кўтарилди.* П. Турсун, Ўқитувчи.

**ХАЙР-ХҶШЛАШМОҚ** айн. хайрлашмоқ. *Бирдан соатига қараб Азизов, Ярим тун деганда хайр-хўшлашди.* А. Мухтор.

**ХАЙРЧИ** 1 с.т. Хайр-садақа сўровчи; тиланчи, гадой. *Бир хайрчининг боласини боқиб олган эдик.* П. Турсун, Ўқитувчи.

2 эск. Жамоат эҳтиёжи учун хайр-эҳсон тарзида маблағ йиғувчи.

**ХАЙР-ЭҶСОН** [хайр + эҳсон] айн. хайр-садақа. *Бошга тушган мусибатларни, ўзидаги касалликларни ва қилган хайр-эҳсонини яшириш яхшилик хазиналаридандир.* «Фан ва турмуш».

**ХАКАС** Хакас халқига мансуб бўлган шахс. *Хакас аёл.*

**ХАКАСЛАР** Асосан Россия Федерациясининг Хакасия Республикасида, Красноярск ўлкаси ва Тува Республикасининг унга қўшни туманларида яшовчи, хакас тилида сўзлашувчи туркий халқ. *Хакас халқининг бой оғзаки ижодиёти — эртақ, ривоят, афсона, қўшиқлари бор.* «ЎЗМЭ».

**ХАКЕР** 1 [ингл. hacker < hack — бузмоқ; кесмоқ, қирқмоқ] 1 Компьютер дастурларини яратишга ўта ишқибоз бўлган киши.

2 Компьютер дастурлари ва қоидаларини бузувчи — ҳуқуқи бўлмагани ҳолда компьютер дастурларига ўзгартиришлар киритадиган шахс; юқори малакали программист.

3 Банк, тижорат, давлат, ҳарбий ва б. ташкилотлардаги ахборотларнинг ҳимоя

воситаларини йўқотиб, ўта қимматли маълумотларни қўлга киритиш, ўзга ҳисобрақамлардаги пулни ўзлаштириш, компьютерларга вирус юқитиш каби ишларни амалга оширишга уринувчи шахс. *Сўнги йилларда одатдаги хакерлар билан бир қатарда кибернетик террорчиларнинг хуружлари ҳам қайд этиляпти.* Газетадан.

**ХАКИ** [ф. خاكى ёки ҳинд. khaki — лой, ер ранги] 1 Жигарранг-яшилга мойил (ҳимоявий) ранг.

2 Шу рангдаги мато, газлама (асосан ҳарбийлар учун, шунингдек, сайёҳлар, геологлар, овчилар ва турли амалий соҳа ходимлари учун кийим тикишда ишлатилади).

**ХАЛА** I [ф. حله — ички дард, касаллик] Санчиқ, қаттиқ оғриқ.

**Хала бўлмоқ** Санчиб оғримоқ. *Одатда аспиринни турли кўринишдаги оғриқларда: бош оғриғи, тиш оғриғи... хала бўлганда ичишга одатланганмиз.* Газетадан.

**ХАЛА** II [ф. حله — ҳайвонларни ниқтаб юргизиш учун ишлатиладиган учли таёқча] айн. халачўп.

**Хала босмоқ** (ёки урмоқ) айн. хала қилмоқ 2. *Кейин эзарга ўтирдим-у, «чу, жонивор», дея эшакка хала босдим.* А. Кўчимов, Ҳалқа. *Бозордан қайтаётган бир чол эшагига хала уриб, етиб келди.* С. Анорбоев, Оқсой. **Хала қилмоқ** 1) халачўп ясамоқ. *Ўтган-кетган йўловчи тўғри келган ниҳолни синдириб, эшагига хала қилади.* Н. Сафаров, Катта карвон йўлда; 2) тезроқ юргизиш учун халачўп ёки оёқ билан ниқтамоқ. *Кўзибой эшакни хала қилавериб, оёғи чарчагани.. учун дастга тушиб олди.* Ҳ. Назир, Сўнмас чақмоқлар.

**ХАЛАКАШ** [ф. خلكش — хала (билан) тортувчи] Доимо хала, ниқташ билан юрадиган (эшак, от ҳақида). -*Ишрат девона деган девона бор эди. Бир чувури бор эди — халакаш. Хала қилса, дингиллар эди.* «Равшан».

**ХАЛАЛ** I [a. حلال — бузилиш, ишдан чиқиш; шикаст; зиён, нуқсон, камчилик]: **халал бермоқ** Муайян иш-ҳаракатни амалга оширишга монелик қилмоқ; халақит бермоқ. *Биринчи соатдаги дарсда Асрор ўз майлига, ўз хаёлларига банди бўлиб турарди. Унга ҳеч ким халал бермади.* «Ёшлик». **Халал етмоқ** Зарар етмоқ. *Аммо таснифотимдаги имло-иншоларимга бир андаккина халал етганлигини кўрдим..* А. Қодирий, Кичик асарлар. *Бу ишларни қишлоқ хўжалик ишларига*

заррача бўлса ҳам халал етказмай бажаришимиз керак. Р. Файзий, Чўлга баҳор келди.

**ХАЛАТ** [а. *خلعت* — совға, инъом қилинган кийим; мукофот] **1 с.т.** Ўзи ҳам, энги ҳам узун ва кенг бўлган, тугма ўрнига белбоғ қўлланадиган устки кийим (асосан хотин-қизлар, баъзан эркаклар ҳам кияди). *Қизил халат кийган қиз.*

**2** Шундай ёки шунга ўхшаш бичимдаги махсус (тиббиёт, савдо, кимё ва айрим техника соҳалари ходимлари киядиган) уст кийим. *Оқ халат кийган доктор қиз энгашиб, беморни қараяпти. С. Аҳмад, Қадрдон далалар.*

**ХАЛАТЛИ** Халат кийган, халаги бор. *Оқ халатли киши эса гапни давом қилди.. «Ёшлик». Дарвозахонада қора қути кўтарган оқ халатли врачларга дуч келди. С. Сиёев, Отлиқ аёл.*

**ХАЛАФ** [а. *خلف* — ворис, давомчи; ўринбосар; анча кейинги авлод] *эск. кт. айн. ворис, ўринбосар. Муқимий халафлари.*

**ХАЛАЧЎП** [ф. *خله چوب*] Эшак, туя каби ҳайвонларни ниқтаб, тезроқ юргизиш учун ишлатиладиган учли таёқча; хала. *Оқсоқол шундай деди-ю, эшакка халачўп ниқтади. С. Аҳмад, Уфқ. Мустафо эшагига халачўп босди: -Хих, жонивор, хих! М. М. Дўст, Галатепа қиссалари.*

**ХАЛАҚИТ** [а. *حلق* — ўраб олмоқ; йўлни тўсмоқ]: **халақит бермоқ** Бирор иш-ҳаракатга монелик кўрсатмоқ. *Толибжон унга халақит бермаслик учун оёқ учида юриб, ичкари хонага кириб кетди. С. Аҳмад, Жимжитлик. Совун ҳидли нам чойшаб баданига нохуш ботдимми ёки оёғи учида ўтирган йиғитча халақит бердими — Нусратбек гингишиб, бу ёнига ағдарилди. С. Нуров, Майсаларни аёз урмайди.*

**ХАЛИЛИ(Й)** *бот.* Узумнинг Марказий Осиёда етиштириладиган эртапишар нави. *Ишкомдаги шигил-шигил халили узум шингиллари кўнғирланиб кўринарди. «Ёшлик». Қора ёки қизил халилий Ўзбекистон, Қирғизистон, Туркменистонда тарқалган. «ЎЗМЭ».*

**ХАЛИЛУЛЛОҲ** [а. *خليل الله* — Оллоҳнинг дўсти] [X — катта] *дин.* Иброҳим пайғамбарнинг лақаби. *Бу сўзни эшитиб шундай қаландар, Халилуллоҳ, деди, Оллоҳу акбар. «Маликаи айёр».*

**ХАЛИФА** [а. *خليفة* — ўринбосар; ноиб] **1 тар.** Мусулмонлар жамоаси ва мусулмон

давлатининг диний, айти бир пайтда дунёвий бошлиғи; руҳоний ҳукмдор; Муҳаммад пайғамбарнинг вориси, Аллоҳнинг ердаги ноиби ҳисобланган. *Лекин [Тангриқул ҳожини] халқ орасида: «Халифай Рум Бухорога келди, Эраши қўрбоши бориб, мусулмонобод йўлида газот қилгани халифадан фотиҳа ва юз минг сарбоз олиб келди», деб гап тарқатибди. А. Қаҳҳор, Кўшчинор чироқлари. Абдишукур давом этди сўзида: -Бутун олами исломнинг халифаси Султон ҳазратлари бу урушда танҳо қолдилар. Ойбек, Танланган асарлар.*

**2** Бухоро хонлигида: шарият ақидаларининг бажарилишини текириб турувчи мансабдор шахс. *Абдурахмон сардор кейинги чойнакни бўшатгандан кейин, қайтмоқчи бўлиб, халифадан фотиҳа сўради. С. Айний, Қуллар.*

**ХАЛИФАЛИК 1** Исломи динининг суннийлик мазҳабида ҳокимиятни идора этиш тартиби. *Халифаликнинг асосчиси Муҳаммад пайғамбарнинг яқин сафдоши халифа Абу-бакр (632-634) дир. Б. Аҳмедов, Тарихдан сабоқлар.*

**2** 7-8-асрларда араб истилолари натижасида Арабистон яримороли, Яқин ва Ўрта Шарқ, Шимолий Африка, Испания, Марказий Осиё ва Кавказортини ўз ичига олган давлат. *Араб халифалиги. Бағдод халифалиги. ■ Араб халифалиги VIII асрнинг охирларидан бошлаб майда-майда қисмларга ажралиб кета бошлади. Б. Аҳмедов, Тарихдан сабоқлар. Шундай қилиб, Аббосийлар халифалиги мўғуллар томонидан йўқ қилинди. «ЎЗМЭ».*

**3** Халифанинг мансаби ва унвони. *Абу Бакр Сиддиқнинг халифалик даври.*

**ХАЛЛОҚ** [а. *خلاق* — яратувчи, ижодкор] Аллоҳнинг сифатларидан бири; яратувчи. *Халлоқ ўзига мақбул мўминга лозим кўради тахтни. Т. Малик, Қалдирғоч.*

**Халлоқи олам** Оламни яратган, оллоҳ, худо *..лекин ундан [Бобурдан] қайси бир ғуноҳи азим содир бўлдими, халлоқи олам уни бунчалар қаҳрига олмаси?! Х. Султонов, Бобурийнома.*

**ХАЛО** [а. *خلاء* — бўшлиқ, бўш, очиқ жой] *с.т.* Ҳожатхона. *Бозор аминнинг капаси олдида ўн олти-ўн етти яшар бир бола қўлида обдаста билан, унинг халодан қайтишини кутиб турмоқда эди. С. Айний, Қуллар.*

**ХАЛОЖОЙ** [а. + ф. *خلاجی* — бўш, эгаланмаган жой] *с.т.* Ҳожатхона.

**ХАЛОЙИҚ** [а. خلايق — Оллоҳ яратган махлуқлар, одамлар] Одамлар, халқ. *Сағанага тупроқ тортилгач, бир мўйсафид ўрнидан туриб, оломондан сўради: -Марҳум қандоқ эди, халойиқ? Ҳар тарафдан бўғиқ овозлар келди: -Яхши эди раҳматлик. С. Сиёев, Отлиқ аёл. Кимики бўлса инсон, бўлса одам, Халойиқнинг гамин ейдур дамо-дам. Уйғун ва И. Султон, Алишер Навоий.*

**ХАЛОС** [а. خلاص — қутулиш, озод бўлиш; илож, нажот]: **халос бўлмоқ** Қутулмоқ, *Исфандиёр бош вазирдан халос бўлиш ҳаракатини илгарироқ бошлаган эди. С. Сиёев, Аваз. Халос қилмоқ (ёки этмоқ)* 1) озод қилмоқ, қутқармоқ. *Халос қилиб муродимга етказган, Меҳрибоним, жоним болам, хуш энди. «Маликаи айёр». Эй худойим, золимларга хор қилма.. Бандиликдан, раҳм қилиб, халос эт. «Тоҳир ва Зухра»; 2) кам қўлл. айирмоқ, жудо қилмоқ. -Бизга хунук хабар келтирган бу жувонмарглarning хом калаларини таналаридан халос қил! — деди Мардонбек Шерматга. С. Азимов, Биринчи фасл.*

**ХАЛОСКОР** [а. + ф. خلاصكار — халос қилувчи] Халос этувчи, озод қилувчи, қутқарувчи. *Юрт бошига иш тушганда, халоскорларнинг олдинги сафида бўлганимдан фахрланаман. «Ёшлик».*

**ХАЛОСКОРЛИК** Халоскор эканлик; халоскор иши; халос қилиш. *Не-не бекларнинг қўлидан келмаган халоскорлик сендек бечораҳол йигитнинг қўлидан келгани аломат бўлди-да! П. Қодиров, Юлдузли тунлар.*

**ХАЛОХОНА** [а. + ф. خلاخانه — бўш, холи жой, хона] *айн. ҳожатхона.*

**ХАЛТА 1** Кичкина қоп, қопчиқ. *Болалар ёпишавергач, [кампир] халтани очишга мажбур бўлди. Ойбек, Танланган асарлар. Аламазон халтани шолчага қўйиши биланоқ, қизча унга талпиниб, қўлини чўзди. А. Обиджон, Аканг қарагай Гулмат.*

**2** Озиш туфайли одам ёки ҳайвон бадаида, кўпинча юзида салқиб, осилиб қолган тери. *-Кўнгил ўлсин, илойим. Жағида жағ қолмай, лунжи халта бўп кетса ҳам, йигитман дейди, — деди кампир А. Убайдуллаев, Ҳаёт оқими. Бузоқча.. сигирнинг халта бўлиб қолган елинини туртиб-туртиб, шиддат билан эма кетди. С. Нуров, Майсаларни аёз урмайди.*

**3** зоол. Баъзи ҳайвонларнинг қорни остида бўладиган, ёш боласини солиб кўтариб юришга мосланган халтасимон тери қатлами. *Халталарнинг урғочиси туғилган боласини анча вақт қорнидаги халтасида олиб юради. «Зоология».*

**4** Кийимнинг осилиб, салқиб бўлиб турган жойи. *Қурбон ака яна Мамажонга ўғирилди: нимпар кўк кителининг этакларини қорни туртиб турибди, ёқа тугмалари очиқ. Шимининг тиззалари халта бўлиб турибди. С. Нуров, Нарвон.*

**Халта кўйлак** Ёқаси кўндаланг очилган, елкадан боғичлаб кўйиладиган, одатда муллалар киядиган кўйлак. *Мамат, халта кўйлак этагидан тиззаларини зўрға чиқариб, ўрнидан турди. «Ёшлик». Халта палов қ. палов.*

**ХАЛТА-ХУЛТА** Ҳар хил халталар. [*Салимбойвачча*] *Атторлик растасида энг қоронғи, энг кичкина бир дўконда мингларча халта-хулталардаги шубҳали дори-дармон ва ҳар нав захар-заққум орасида ўтирган.. эди. Ойбек, Танланган асарлар. Тўрға йиғилган халта-хулталарнинг сояси чойшабда пайдо бўлди. Х. Султонов, Бир оқшом эртаги.*

**ХАЛТАЧА 1** Кичик халта. [*Тошкентлик мардикор*] *Иштонининг липпасига қистирилган кир бўз халтачани — ҳамённи олиб, танга, чақа аралаш бир сўмни санаб тўкди. Ойбек, Танланган асарлар.*

**2** *айн. халта 2.* Чолнинг ранглари сарғайиб, кўзларининг остида халтача пайдо бўлган эди. Ш. Рашидов, Бўрондан кучли.

**ХАЛТУРА** [р. халтура — марҳумни хотирлаш; дафн маросими < лот. chartularium — арвоқларга дуо қилинаётганда, руҳоний ўқийдиган хотирлаш рўйхати] Тартибсиз равишда, юзаки қилинадиган хом иш. *Мана, кўрдингизми, адабиётимиз ичида ҳам конфликт бор: маҳорату талант ва халтура тўқнашуви келиб чиқади. «ЎТА».*

**ХАЛТУРАЧИ** Тартибсиз равишда, юзаки, хом иш қилувчи киши. *Халтурачиларнинг ўзларини яширадиган баҳоналар топшига имкон қолмади. «ЎТА».*

**ХАЛТУРАЧИЛИК** Одат даражасига айланган, кенг тарқалган халтура. *Шаклбозлик — халтурачиликнинг бошқача кўриниши. Газетадан.*

**ХАЛФА** [а. خلفه — бир-бирининг ортидан бориш, эргашиш; ўрин алмашиш] *эск.*

1 Шариат қоидаларини яхши биладиган, ўқимишли одам. *Турдибой халфа ўз ҳовлисида иш бошлаган ўқитувчига катта ҳурмат билан қараганини ишора қилиб, у билан эгилиброқ кўришди.* П. Турсун, Ўқитувчи.

2 Эски мактабда ўқувчиларга бошлиқ қилиб тайинланган, мактабдор домлага кўмаклашадиган ўқувчи. *Аваз бир вақтлар мана шу мадрасада таҳсил кўрган; ҳам-ҳужралари то ҳануз бу ерда халфами, мутаваллига ёрдамчими бўлиб юришарди.* С. Сиёев, Аваз.

3 Ўрта асрлар устахоналарида ҳунар ўрганувчи шогирд; ҳунар-қасб ўрганувчи шогирдлар бошлиғи. *Унга, ўн беш ёшидан бошлаб, аввал шогирд, кейин халфа, сўнг мустақил уста сифатида то шу дамгача эрта-кеч букчайиб ишлашга тўғри келгани учун, унинг елкаси букур каби, ортиқча туртиб чиққан эди.* Ойбек, Танланган асарлар.

**Халфа тушмоқ** Халфа бўлиб ишламоқ (қ. халта 3). *Отам маҳалладаги бойга халфа тушиб, бўз, алак, беқасам тўқий бошлади.* Ё. Шукуров, Қасос.

4 фольк. Хоразм воҳасида маҳаллий оғзаки ижод намуналарини ижро этувчи аёл. *Халфалар репертуаридан асосан «Тўй муборак», «Ёр-ёр», «Ошиқ» туркумидаги.. достонлардан нарчалар, Маҳтумқули ва бошқа шоирларнинг шеърлари асосидаги насихат ва рақсбоп кўшиқлар ўрин олган.* «ЎЗМЭ».

**ХАЛҚ** [a. خلق — яратиш, ижод қилиш; яратилган жонзот ва одамлар] 1 Одамлар. *Халққа хизмат — олий ҳиммат.* Мақол. ■ *Тўйингизга йиғилибди бутун эл, Халқ келмоқда тўйга оқиб гўё сел.* Ҳ. Олимжон. *Бу хушовоз хонанда, йиғирма йилдан ошдики, халқнинг назаридан қолмай.. дилларимизни яйратиб келмоқда.* С. Аҳмад, Юлдуз.

2 Тарихий бирликнинг турли шакллари; қабила, элат, миллат. *Ўзбек халқи Навоий, Бобур, Лутфий каби буюк донишманд шоирларнинг асарларини ўқиган.* Шукрулло, Сайланма. *Туркий халқлар йилларни 12 мучалдан ташқари, 60 йиллик даврлар билан ҳам ҳисоблашган.* «Фан ва турмуш».

3 Муайян жой аҳолиси. *Ўзбекистон халқи. Қишлоқ халқи. Шаҳар халқи.* ■ *Филиппин оролларида яшовчи халқларнинг энг сезимли ноёб таоми митти балиқлардир.* К. Маҳмудов, Қизиқарли пазандалик.

4 Бирор жойга тўпланган одамлар; халойиқ, оломон. *Товушга қўйишда халқ бир оғиздан қўл кўтаради, орқасидан бир неча дақиқагача олқиш давом этади.* А. Қодирий, Кичик асарлар.

5 Қасб, машғулот, тоифа ёки жинсни билдирувчи сўзлар билан келиб, ўша қасб, машғулот, тоифа ёки жинсга мансуб кишилар гуруҳини билдиради. *Шоир халқи.* ■ *Полвон халқи енгилган рақибини белидан олиб, кўтариб қўяди.* С. Аҳмад, Уфқ. *Аёл халқи уйдан куруқ кетмайди, Нима лозим меҳмонларга, тақсиржон.* «Гулнорпари».

6 Умум (аҳоли, одамлар) га алоқадорликни, умум томонидан эътироф этилганликни ифодаловчи сўз сифатида баъзи мусассасалар, лавозим ва унвонлар номлари таркибида қўлланади. *Халқ маорифи. Халқ таълими. Халқ суди. Халқ депутати. Ўзбекистон халқ шоири. Ўзбекистон халқ артисти.*

**Ерли халқ** Муайян жойнинг туб аҳолиси, маҳаллий халқ. *Чор ҳукумати, ерли халқ ўз эркини ҳимоя қилиб чиққанда, уларни оттирди..* Б. Аҳмедов, Тарихдан сабоқлар. **Халқ ижоди** Халқ томонидан бунёд этилган санъатга оид ҳамда адабий асарлар. *Халқ ижоди ҳар қандай ёзувчи учун катта мактабдир.*

**ХАЛҚАРО 1** Халқлар ёки мамлакатлар ўртасидаги муносабатга доир. *Халқаро ташкилотлар. Халқаро аҳвол. Халқаро ҳуқуқ.* ■ *Ажиниёз оға жуда сиёсатчи чиқди: нуқул халқаро аҳволни суриштиради.* А. Мухтор, Давр менинг тақдиримда.

2 Халқларга оид, тааллуқли. *Халқаро хотин-қизлар байрами.* ■ *Халқаро Тошкент кинофестивали иштирокчилари сафи йил сайин ортиб борапти.* «Саодат».

**Халқаро тиллар** Турли давлатлар халқларининг алоқа воситаси бўлиб хизмат қиладиган тиллар. **Халқаро ҳуқуқ** Халқаро мулоқотдаги давлатлар орасидаги ва бошқа субъектлар ўртасидаги муносабатларни тартибга солиб турадиган оммавий ҳуқуқий тамойиллар ва меъёрлар мажмуи.

**ХАЛҚОБ** [ф. حلقاب — ҳалқа-ҳалқа бўлиб тўпланиб қолган сув] Чуқур жойларда туриб, йиғилиб қолган сув. *Халқоб сув.* ■ *Ҳаво сархуш. Халқоблар кўкимтир кўринар, биринчи соғуқдан оёқ остида юпқа муз қирсил-*

лар эди. А. Мухтор, Бўронларда бордек ҳа- ловат.

**ХАЛҚОНА** [а. + ф. *خلاقانه* – халққа хос ва мос] Кўпчиликка, халққа хос; оддий ки- шилар, халқ ишлатадиган. *Халқона иборалар.* ■ *Биз.. уни [Фафур Фуломни] оддийгина қилиб, Фафур ака, деб атай олишимиз билан фахрланамиз. Бу халқона, самимий яқинлик сўзи.. ҳамон оғзимиздан тушмайди.* А. Мух- тор, Бебаҳо хазинамиз.

**ХАЛҚПАРВАР** [а. + ф. *خلقپور* – халқ- ни тарбияловчи, севувчи] Халққа ғамхўр- лик қиладиган, халқ манфаатини кўзлай- диган; халқни севадиган. *Чаман-ку! Барака топкур, бахтинг очилгур бу қиз кўп халқпар- вар чиқди-да.* У. Исмоилов, Сайланма.

**ХАЛҚПАРВАРЛИК** Халққа ғамхўрлик қилиш.

**ХАЛҚЧИЛ** Халқ билан чамбарчас боғ- ланган, халқ руҳи, маданияти ва дунёқара- шига мос келадиган. *Халқчил адабиёт.* ■ *Дорбозлик чинакам халқчил санъатдир.* Ш. Фуломов, Дорбоз. *Ҳамид яратган поэзиядаги жўшқинлик.. ҳаммабон ва халқчил эди.* Н. Сафаров, Оловли излар.

**ХАЛҚЧИЛИК** Бирор халққа доир хусу- сият, хислат, фазилатлар мажмуи. *Халқчилик гоялари.*

**ХАЛҚЧИЛЛИК** Халқ руҳиятига яқин бўлишлик. *Ёзувчи асарларининг халқчилиги.*

**ХАМ** [ф. *خم* – эгилган, букилган; эгри; эгик, букик; қат, бурма] Пастга эгилган, қўйи солинган. *Мевали дарахтнинг боши хам.* Мақол. ■ *Қиз бошини хам қилиб, беморлар халатида унинг ортидан юрди.* «Ёшлик».

**Боши (ёки калласи, бўйни, гардани) хам** Хиждолатдан, уятдан боши қўйи солинган. [Эшон:] *Нимаси бор, арзимаган иш деб бо- шимни хам қилманг.* С. Аҳмад. Ҳукм.

**ХАМАК** [ф. *خامک* – хом нарса (қовун)] Ҳали пишиб етилмаган, хом қовун; сапча. *Бундай кезларда хазанак бўлган полиздан топилган хамак ҳам, пайкал кесагида ёриб ейдиган туйнак ҳам ширин бўлади.* С. Аҳмад, Қадрдон далалар.

**ХАМЕЛЕОН** [лот. *chamaeleon* < юн. *chamaileon*] **1** айн. **буқаламун.** Кўпчилик хаме- леонлар ўпкасида халтасимон ўсиқлари бўла- ди. «ЎЗМЭ».

**2** кўчма с.т. Ўз манфаати йўлида ҳар қандай шароитга тез мослашадиган одам. *Хамелеон одам.*

**ХАМИР** [а. *خمير* – хамиртуруш солин- ган нон] **1** Одатда унни сув, ёғ, тухум ёки сутга қоришдан ҳосил бўладиган юмшоқ чўзилувчан қоришма; яримфабрикат. *Кам- пир кечга яқин хамир қориб, оширгани қўйди.* С. Аҳмад. Уфқ. *Адолат хамирни ёйиб, соч толасидай ингичка, чиройли қилиб кесиб бер- ди.* С. Зуннунова, Олов. *Хамирга солиш учун сариёғ.. маргарин, доғлаб совитилган пахта мойи, эритилган қўй ёғи ҳам тавсия қилина- ди.* К. Маҳмудов, Ўзбек таомлари.

**Хамири ачимаган** Ҳаракати суст, имил- лаган. *Оббо, хаамири ачимаган-ей, туша қол- майсанми энди!?* Н. Сафаров, Қурбонали. **Хамири ачимоқ** Кайфияти бузилмоқ, феъли айнимоқ. *Қараб турсам, ўртоғимнинг хаами- ри ачиб, кайфи ланж тортиб кетяпти.* С. Абдуқаҳҳор, Санамай саккиз дема. **Хамир- дан қил суғургандай** Осонлик билан, ҳеч қандай қийинчиликсиз. *Ҳар ҳолда, ҳамма иш хамирдан қил суғургандай, ими-жимида ҳал бўлди.* Ш. Рашидов, Бўрондан кучли. **Хамир (нинг) учидан патир қ. патир 1.**

**ХАМИРГИР** [а. + ф. *خميرگير* – хамир қилувчи, қорувчи] Хамир қорувчи ишчи, мутахассис. *Жўраларнинг бириси нон завод- да хамиргир, Бириси халқ артисти, сўзлари хандон писта.* Ф. Фулом.

**ХАМИРСИМОН** Хамирга ўхшаш, юм- шоқ. *Хамирсимон масса.*

**ХАМИРТУРУШ** [а. + ф. *خميرترش* – ха- мир ачитқиси] **1** Хамирни ошириш учун ишлатиладиган ачитқи. *Оби нон (уй нони) тай- ёрлаш учун.. 40 г хамиртуруш керак бўлади.* К. Маҳмудов, Ўзбек тансиқ таомлари.

**2** кўчма Ўғит, гўнг. *Ер – хамир, ўғит – хамиртуруш.* Мақол.

**3** кўчма Бирор нарсанинг бошланиши, юзага келиши ёки амалга ошиши учун асос ёки дастак бўладиган омил, пойдевор. *-Ях- шидан боғ, ёмондан доғ, – деганларидек, ҳо- зирги.. боғимизга илк хамиртуруш ташла- ган, қўлинг дард кўрмагур шу ота бўлади, – деди раис.* М. Назаров, Жилвон жилвалари.

**ХАМПА** [ф. *خبه* – ғалла сақланадиган бордон, ўра] **1** Дон, ғалла ва ш.к. қўйиш ва сақлаш учун қурилган махсус жой; кандик. *-Бир кун оморда қараб турсам, хампанинг бурчаги камар бўлиб қолди, шувуллаб кет- япти, қани энди тўхтаса.* С. Маҳкамов, Шо- гирд.

2 махс. Тегирмон қурилмасининг тортиладиган дон солинадиган қисми. *Айланаётган тегирмон тошлари орасига хампадан бугдой тўкилиб турар эди.*

3 Нонвийхоналардаги хамир қорадиган ва оширадиган катта идиш; хамир тоғора. *Юз тоннали хампада хамирлар гупуради. Ф. Фулом. Хампасида бир кафт ун қолмай, танқисликка учраган хонадонларда бу ном тез-тез тилга олинар эди. С. Анорбоев, Сайли.*

4 с.т. Айрим деҳқончилик машиналарининг сепиладиган уруғ, ўғит ва ш.к. ни ортиб юрадиган яшиксимон қисми. -*Шу хампани беш юз килограмм чигит сиғадиган қилиб ясаб беринг, ўн минутда чигит тугаб қолиб, хуноб қиялпти, — илтимос қилди у. Р. Раҳмонов, Тиниб-тинчимас.*

**ХАМСА** [а. *خمسه* — бешлик] ад. Шарқ халқлари мумтоз адабиётида бир муаллифнинг 5 дostonдан иборат йирик асари. *Навоий «Хамса»син ўқидим такрор.. А. Орипов.*

**ХАМСАНАВИС** [а. + ф. *خمسه نويس*] Хамса ёзувчи шоир.

**ХАМСАЧИЛИК** Шарқ халқлари адабиётида дostonнавислик шаклларидан бири, «Хамса» яратиш билан боғлиқ адабий анъана. *Туркий халқлар адабиётида хамсачиликка қизиқиш 13—14-асрлардан бошланган. «ЎзМЭ».*

**ХАНДА** [ф. *خنده* — кулги, қаҳқаҳа] поэт. Кулги, табассум. *Ханда қилмоқ (айламоқ).* ■ *Кўз ёшинг-ку кўп нафис, гўзал, Билки, ханданг йиғингдан афзал!* М. Шайхзода. *Биламан, ҳамшахрим ташвишли, бедор. Ва лекин лабида аския, ханда. М. Бобоев. Яна кўнглим олиб, юз ноз бирла хандалар қилдинг. Завқий.*

**ХАНДАҚ** [а. *خندق* — чуқур, ўра, окоп] 1 Шаҳар, қалъа, кўргон, мудофаа истеҳкомлари ташқи девори ёнидан душман ўтолмаслиги учун гир айланасига қазилган узун чуқурлик. *Уша пайтда мамлакатни ёвдан сақлаш учун шаҳарнинг ташқарисида хандақ қазиб қўйилар эди. «Эртақлар. Амир Темур ва темурийлар даврида қўшин лашкаргоҳга тушганда, унинг атрофи хандақ билан мустаҳкамланган. «ЎзМЭ».*

2 Ўқлардан, бомба ёки снаряд парчаларидан сақланиш учун қазиладиган энсиз, тор чуқурлик, окоп. *Ҳаво тревогаси бошлан-*

*ди. Чернецов босиқ овоз билан: -Хандаққа кириңг! — деди. И. Раҳим, Чин муҳаббат.*

3 Бирор нарсани асраш, сақлаш ва ш.к. мақсадда қавланган чуқурлик, ўра. *Силос бостирилган хандақлару.. ораста далалар кўзга чалинади. «Шарқ юлдузи».*

**ХАНДОН** [ф. *خندان* — кулиб турувчи; хушчақчақ] Кулиб турувчи. [*Навоий:*] *Мени девона қилган нозанин ҳур, Юзи гул, лаъли хандон, тишлари дур. Уйғун ва И. Султон, Алишер Навоий.*

2 Хурсанд, шод; мамнун. *Болалик уй — хандон, боласиз уй — зиндон.* Мақол. ■ *Шийпоннинг кўҳна айвонида тагин хандон кулги янгради. С. Сиёев. Отлиқ аёл.*

**Кўча хандон, уй зиндон қ. зиндон. Хандон писта** Мағзи уч томонидан кўриниб турадиган қилиб чақилган писта. [*Ёдгорбек*] *Тортинмасдан озгина майиз ва хандон пистани олиб, ташқарига чиқди. «Ёшлик».* **Хандон отмоқ ёки хандон ташлаб (отиб, уриб) кулмоқ** Қаттиқ кулмоқ, қаҳқаҳа отмоқ. *Қиз чапак чалиб, хандон отди-да, дўланазор ора-лаб қочди. «Ёшлик».* *Одамлар уйни бошларига кўтарар даражада хандон ташлаб, қаттиқ кулдилар. С. Айний, Эсдалиқлар.*

**ХАНДОН-ХУШОН** [ф. *خندان خوشا* — кулган, хушчақчақ ҳолда] Хушчақчақ, хурсанд ҳолда. *Бир ҳафта йўқ бўлиб кетган Эрали Тошкентдан хандон-хушон қайтиб келди. С. Аҳмад, Жимжитлик.*

**ХАНЖАР** [а. *خنجر* — ханжар] Икки томони тигли қурол, дудама. *Хотин лаган билан уйга кириб кетгач, [Отабек] ичидан тақилган ханжарини қинидан суғуриб олди-да, даммини ойдинга солиб боқди. А. Қодирий, Ўтган кунлар. Зимистон бурчакдан йилт этиб калтакдай ханжар учиб келиб, Матпанонинг кўкрагига санчилди. С. Сиёев, Аваз.*

**ХАНЖАРБОЗЛИК** Ханжар ишлатиб жанг қилиш ёки урушиш. *Ханжарбозлик қилмоқ.* ■ *Маст бўлиб ханжарбозлик қилган авбошларни олиб кетмоқдалар. Ойбек, Навоий.*

**ХАНЖУВАР** Қовун, тарвуз, ошқовоқ ва ш.к. нинг уруғини гўнг солиб экиш учун қазилган чуқурча. *Ханжуварни кўммоқ.*

**Ханжувар қилиб экиш** Махсус қазилган чуқурчага гўнг солиб, уруғни кўмиб экиш, кўмма қилиб экиш. *Қовунни ханжувар қилиб экиш.*

**ХАНИК** *шв.* Пойгак; остона. У этигини ханикка артиб-артиб, чўзилиб, туғунни сандал устига қўйди. С. Анорбоев, Сайли.

**ХАНТАЛ** [*а.* خردل — хантал (горчица) ўсимлиги ва унинг уруғи] **1** Майда сариқ гулли, кўзоқ мевали, уруғи нонвойлик, қандолатчилик, консерва, парфюмерия саноатида ишлатиладиган ўсимлик; горчица. *Хантал намликни яхши кўрадиган, совуққа чидамли ўсимлик ҳисобланади.* «Фан ва турмуш».

**2** Шу ўсимликнинг уруғи ва ундан овқатга солиш учун тайёрланган аччиқ зиравор; горчица. *Нонга хантал суриб емоқ.* ■ *Наҳотки ханталдан ҳолвайтарни фарқ қилмаган бедид пазанда қайла пиширишни ўргатса.* Ж. Абдуллахонов, Тўфон.

**ХАНТАЛЛИ** Ханталдан тайёрланган зиравор қўшилган. *Ханталли таом.*

**Ханталли қоғоз** *тиб.* Юпқа қилиб хантал суртилган, яллиғланишга қарши восита сифатида қўлланувчи стандарт қоғоз; горчичник. *Хантал кунжарасидан олинадиган кукундан тиббиётда ишлатиладиган ханталли қоғоз ва истеъмол қилинадиган зиравор бўтқа тайёрланади.* «ЎЗМЭ».

**ХАР** [*ф.* خر — эшак] **1** кам қўлл. *айн. эшак.* Хунар — зар, хунарсиз — хар. Мақол.

**ХАРАЖАТ** [*а.* خرجت — чиқиш; дафн (маросими); чиқиқ жой] Бирор нарса учун қилинадиган сарф; чиқим. *Катта харажат. Ош харажатлари. Харажат қилмоқ.* ■ [*Йўлчи*] *Белбоғидан ҳовли пулини чиқариб санади. Аяб-тежаб харажат қилгани учун, ёнида яна ўн беш сўм қолган эди. Ойбек, Танланган асарлар.*

**ХАРАК** [*ф.* خرک — эшакча; таглик, поя] Дутор, танбур каби чолғу асбобларининг ипи ёки симларини кўтариб туриш учун ишлатиладиган тиргак; эшак. *Дутор хараги. Рубоб хараги.* ■ *Кўбиз тегмади-ю, аммо кўш торини тутиб турган ёғоч хараги чиқиб кетди.* «Ёшлик».

**ХАРАКИРИ** [*яп.* хара — қорин + кири — ёрмоқ, кесмоқ] Японияда самурайларда: қоринни ёриб ташлаш орқали шахснинг ихтиёрий ёки мажбурий равишда ўз-ўзини ўлдириши. *2-жаҳон урушида Япония енгилгач, бир қанча япон солдат ва зобитлари, иттифоқчи кўшинларга асир тушмаслик учун, харакирига амал қилиб, ўзларини ўлдирганлар.* «ЎЗМЭ».

**ХАРАКТЕР** [*юн.* character — фарқланувчи хусусият, белги] **1** Одам, нарса ва ҳодисаларнинг ўзига хос кўриниши, хусусияти; бошқалардан ажралиб, фарқ қилиб турадиган томони. *Бахшилар томонидан яратилган кўшиқлар эса лиро-эпик характердадир.* «ЎТА».

**2** *псих.* Одамнинг хатти-ҳаракати ва атроф-муҳитга муносабатида намоён бўладиган ўзига хос хусусияти, ички маънавий барқарорлиги. *Хар ким ўзига хос феъл-атвор, характерга эга.* «Фан ва турмуш».

**3** Адабиёт ва санъатда: хусусий белгилари мукаммал тасвирланган ва ўзида феъл-атворнинг тарихан аниқ типини мужассамлантирган, шунингдек, муаллифнинг маънавий-эстетик концепциясини ифодалаган инсон образи. *Исм, характерни белгилловчи омил сифатида, катта гоёвий вазифа бажаради.* «ЎТА». *Шу тарзда ҳамма деталлар тайёр бўлган, характерлар етилгандагина ёзишга ўтирар эдилар.* К. Қаҳҳорова, Чорак аср ҳамнафас.

**ХАРАКТЕРИСТИКА** [«характер» с. дан] **1** Муайян нарса ёки шахснинг характерли фарқланувчи сифатлари, белгиларининг таърифи ва тавсифи.

**2** *айн. тавсифнома.* *Ижобий характеристика.*

**3** *мат.* Ўнли логарифмнинг бутун қисми.

**ХАРАКТЕРЛАМОҚ** Бирор кимса ёки нарсанинг муҳим томони ёки хусусиятларини очиб бермоқ, шарҳламоқ.

**ХАРАКТЕРЛАНМОҚ** **1** **Характерламоқ** фл. мажҳ. н.

**2** Бирор хусусияти билан ажралиб турмоқ. *Унинг фаолияти нима билан характерланади?* ■ *Элементнинг кимёвий хоссилари ядро заряди билан характерланади.* «Фан ва турмуш».

**ХАРАКТЕРЛИ** **1** Бирор характерга, феъл-атворга эга бўлган. *Қизиқ характерли одам. Ёш характерли бола.*

**2** Кимса ёки нарсанинг ўзига хос хусусиятини ифодалайдиган, уни бошқалардан фарқлаб, ажратиб кўрсатадиган; муҳим, асосий. *Характерли мисоллар келтирмоқ.* ■ *Амир Темурнинг характерли хусусиятларидан бири — давлат, мамлакат, фуқарога ғамхўрлиги эди.* «Фан ва турмуш».

**ХАРГҶШ** [*ф.* خرگوش — эшак қулоғи: қуён] *харгўш йили айн. қуён йили қ. қуён.*



**ХАРЖ** [а. خرج — сарф, чиқим; харажат пули; солиқ, хирож] Бирор эҳтиёж учун ишлатиладиган пул, маблағ; сарф. *Йўл харжи. Тўй харжи.* ■ *Тўйга қилган харжингни ол, бу ёғига ёпиқли қозон ёпиқлигича қолсин, дедик. С. Аҳмад, Уфқ.*

**Харж қилмоқ** Сарфламоқ, ишлатмоқ. *Мўмин онаси берган пулни ҳеч нарсага харж қилмади.* «Ёшлик».

**ХАРЖЛАМОҚ 1** Пулни бирор мақсад учун сарфламоқ. *Пулни топган харжласин.* Мақол.

**2** Ишлатмоқ; ишга солмоқ. *Қаранг, энди дол Фирот Бор кучини харжлайди.* «Гўрўгли».

**3** кўчма Фойдаланмоқ. *Ҳикмат битмас-туганмас хазинадир, харжлаганинг билан у камаймайди.* Газетадан.

**ХАРИ** Иморат тўсинлари остидан кўндалангига қўйиладиган узун, йўгон асосий ёғоч. *Шифтдаги нотекис харилар, вассалар қатидан қамиш пўстлоқлари осилиб турарди.* Ш. Холмирзаев, Қоҳрамоннинг сўнгги куни.

**ХАРИБОП** Харига ярайдиган, хари бўладиган. *Харибоп ёғоч.*

**ХАРИД** [ф. خرید — сотиб олиш; сотиб олинган нарса] Сотиб олиш, сотиб олинган нарса. *Молнинг харид нархи. Аҳолининг харид қуввати. Харид қилмоқ.* ■ *Аҳмад ўзи яхши кўрган шафтолидан бир кило харид қилди.* Ф. Мусажонов, Ҳиммат. [Ошно] *Бирор ун кунча ўтиб, бир қучоқ харид билан кириб келди.* М. М. Дўст, Лолазор.

**ХАРИДОР** [ф. خریدار — сотиб олувчи] **1** Харид қилувчи, сотиб олувчи. *Ҳар ҳолда, харидор дегани олаётган молининг феълени тузук-қуруқ билиб олгани маъқул.* М. М. Дўст. Лолазор.

**2** кўчма с.т. Бировга (одатда бирор қиз ёки аёлга) кўнгил қўйган киши, хуштор. *..бизнинг давлатимиз соясида ўсиб баркамол бўлган бир гули норастамиз бўлиб, атрофдаги шоҳ-шаҳзодалар харидор.* «Тоҳир ва Зухра».

**3** Ишқибоз, хоҳловчи. *Тўйда сўз бер бахшига, Харидор бўл яхшига.* Мақол. ■ [Ҳайтжон:] *Ҳар одам қизини жонин билан беришга харидор-у, бироқ отаси, отаннинг давлату обрўйига қизиқиб, киши қўйдираяпти.* Ҳамза, Паранжи сирлари.

**ХАРИДОРБОП** айн. **харидоргир.** *Бахтимга, менинг ўригим харидорбоп чиқди.* «Ёшлик».

**ХАРИДОРГИР** [ф. خریدارگیر — сотиб олинадиган, харидор тез оладиган] Харидорларнинг дидига, талабига мос, тез сотилиб кетадиган. *Мана шу чевар қизлар харидоргир маҳсулот тайёрлашади.* «Саодат».

**ХАРИЛИК** айн. **харибоп.** *Харилик ёғоч.*

**ХАРИТА** [а. خريطة — харита < лот. charta < юн. kartis — папирус япроғи] қ. **карта 1 1.** *Географик харита. Жаҳон харитаси.* ■ *Географик харитага назар солсангиз, ер шарининг турли жойларида туз билан боғлиқ бўлган номларни кўп учратасиз.* К. Маҳмудов, Қизиқарли пазандалик. *Аваз хужрасида Қосимбек ҳада этган жаҳон харитасини томоша қилиб ўтирган эди.* С. Сиёев, Аваз.

**ХАРИТАГРАФИЯ** [харита + юн. grapho — ёзаман] Харитаграфик асарларни ўрганиш, яратиш ва фойдаланиш билан шуғулланувчи фан, картография. *9-11-асрларда яшаб, ижод қилган Хоразмий, Беруний, Кошғарий, Ҳофиз Абрў каби буюк алломалар жаҳон географияси ва харитаграфиясининг ривожланишига салмоқли ҳисса қўшганлар.* «ЎЗМЭ».

**ХАРИТАШУНОСЛИК** Харитаграфик асарлар ҳақидаги таълимот, харитаграфиянинг бўлими.

**ХАРИШ** [ф. خريش / خراش — тирнаш, қириш, қиртишлаш; тирналган жой] **1** вет. Кўпинча уй ҳайвонларида бўладиган тери касаллиги. *Поезд хариш бўлган бедаво отдай судраларди.* Т. Малик, Қалдирғоч.

**2** Хариш касалига чалинган, ҳар нарсага суркалавериб, жунлари тўкилиб кетган. [Подшо] *Катта ва ўртанча куёвига яхши отлар бериб, «Небилан»га бир хариш отни миндириб, овга жўнабди.* «Зумрад ва Қиммат». *Қосим Хўжаев оч қолган хариш бир мушук.. Унинг.. манфур тили қиличнинг тиғини яламоқчи бўлади.* Ф. Фулом, Қора мушук. *Қарасалар, бир ҳолвачи келяпти, тагида минган оти хариш, ёли-думи тўкилган.* «Гўрўгли».

**ХАРИШЛАНМОҚ** Хариш бўлмоқ, қичима-қирчанги касалига йўлиқмоқ (ҳайвонлар ҳақида).

**ХАРОБ** [а. خراب — вайрон бўлиш, ҳалокат; вайрона; харобазор] **1** Қаровсиз қолган, бузилган, вайрон; нообод. *Хароб шаҳар. Хароб боғ. Карвонсиз — йўл хароб, Оқсоқолсиз — эл хароб.* Мақол. ■ *Бундай мишмишларни эшитган уйдагиларнинг ҳам, бу*

(иморат) эски иморатингиздан ҳам хароб-ку, деб раъйи бўлмади. Шукрулло, Сайланма.

2 Моддий ёки маънавий жиҳатдан аҳволи танг. *Зар бўлмаса, заргар хароб, Ер бўлмаса, деҳқон хароб.* Мақол. ■ *Шундай ёнидаги дўстининг оиласи хароб яшашига асло эътибор бермаган экан.* «Ёшлик».

3 Эски, юпун, жулдур. *Уст-боши хароб одам.*

4 Озгин, ориқ, нимжон; кўримсиз. *Хароб от.* ■ *-Нимаси зотли, ўзимизнинг жайдари кўйлардан ҳам хароб-ку! – ажабланди чўпон.* «Муштум».

**Хароб бўлмоқ** 1) вайрон бўлмоқ. *Остингда уйнайди Ғиркўк тулторинг, Сенсиз хароб бўлар гулу гулзоринг.* «Гўрўғли»; 2) жисман ёки маънан аҳволи ёмонлашмоқ. *Ризо тош ёки бутага илкис қоқиниб йиқилар, ўша заҳоти.. ўрнидан туриб кетар, бўлмаса, танаси мана бу чағир тошлар устида тимдаланиб хароб бўларди.* «Ёшлик». *Қадам босма, менинг кўнглим хароб бўлган, азизим..* «Ёшлик». **Хароб қилмоқ** (ёки **этмоқ**) 1) бузмоқ, вайрон қилмоқ. *Кўп эларни хароб қилди жанжалинг..* «Гўрўғли»; 2) кўчма ёмон аҳволга солмоқ. *Умрингни хароб этма ўтқувчи ҳавас бирлан..* Уйғун. *Бу одамни ароқ хароб қилганди.* «Шарқ юлдузи»; 3) увол қилмоқ. *Яхши хотин арпа унини кабоб қилар, Ёмон хотин бугдой унини хароб қилар.* Мақол.

**ХАРОБА** [а. خرابه – вайрона, хароба-зор] 1 *от* Қаровсиз қолган жой, иморат, иншоот. *Ҳовли харобага айланиб қолган экан.* «Ёшлик». *Қишлоқ ва шаҳарлар хароба буткул, Шу ердан ўзига фашист очмиш йўл.* Ғ. Фулом.

2 *от* Бузилиб кетган бирор жой ёки қадимий иншоотлардан қолган қисм. *Куйига энгани сари собиқ ҳовли харобалари кўрина борди.* «Шарқ юлдузи». [Искандар] *Чўк тушиб ётган туя карвонидай бир-бирига мингашиб кетган Далварзинтепа харобаларига тикилиб туриб қолди.* М. Мансуров, Ёмби.

3 *сфт.* Қаровсиз, файзсиз. *Чол.. қишлоқнинг энг чети, кунботаридаги эгасиз ҳувуллаб ётган хароба ҳовлига кирди.* «Ёшлик».

**ХАРОБАГАРЧИЛИК** с.т. Харобалик.

**ХАРОБАЗОР** [а. + ф. خرابه‌زار] Қаровсиз қолган, хароб бўлган уйлар, вайроналар. *Ҳаёт шами бутунлай сўнган Жиззах култена, харобазорга айланиб, мозор жимлиги*

*ҳукмрон бўлиб қолганди.* Н. Сафаров, Оловли излар.

**ХАРОБАЛИК** айн. **харобазор.** *Зилзила харобаликлари.* ■ *Ҳовлининг кунботар томонида харобаликдан озгина берида.. икки даричалик бир уй, бу уй қаторида бир айвон бўлиб, шунинг ила бу ҳовлининг тиккайган биносининг ҳисоби тамом эди.* А. Қодирий, Ўтган кунлар.

**ХАРОБЛАШМОҚ** 1 *Хароб бўлмоқ, вайрон бўлмоқ, бузилмоқ. Хароблашган шаҳар. Қадимги хароблашган қишлоқлардан асар йўқ.*

2 *кўчма* Моддий ва маънавий жиҳатдан қийин, оғир аҳволга тушмоқ; қашшоқлашмоқ. [Шоқир ота:] *Мен қанча хароблашсам, у шунча хурсанд бўлади.* Ойбек, Танланган асарлар.

**ХАРОБЛИК** 1 *Хароба, вайрона эканлик. Қишлоқнинг хароблиги.*

2 *Моддий ва маънавий қийинчилик; қашшоқлик.*

**ХАРОБОТ** [а. خرابات – вайроналар, харобалар; ичкиликхона] айн. **харобазор.** *Мамлакатда рўзғор бузғунлиги, босқинчилик, очлик ва бошқа хароботлар.* А. Қодирий, Кичик асарлар.

2 *эск. кт.* Қовоқхона. *Харобот ичра кирдум ошуфтаҳол, Май истарға илкимда синган сафол.* Алишер Навоий.

**ХАРРАК** [ф. خرک – эшакча; таглик, поя] шв. Ўриндиқ, скамейка. *Бозордан чиқаверишда кимсасиз бир гузардаги тол тагига сув сепиб кўйилган экан, ўша ердаги ёғоч харракка ўтириб, бир зум дам олгиси келди.* А. Мухтор, Кумуш тола. *Яхшибоев ўтирган харрагидан турди.* М. М. Дўст, Лолазор. *Бир харрак четида ўтириб, газетани кўздан кечира бошлади.* О. Мухтор, Бухоролик бир йигит.

**ХАРРОТ** [а. حرّاط – ёғоч ўювчи, йўнувчи уста; токаръ] 1 Ёғочни ўйиб, гул, безак солувчи уста, ёғочсоз. *Ҳозир.. малакали бинокорлар – дурадгорлар, харротлар тайёрлана бошланди.* Газетадан.

2 айн. **тароқчи.**

**ХАРСАНГ** [ф. خرسنگ – катта, тарашланмаган тош] Катта табиий тош. *Машина ўнгир оралаб кечагина сел суриб туширган харсанг уюмлари олдида тўхтади.* С. Аҳмад, Жимжитлик.

**ХАРСАНГТОШ** айн. **харсанг.** *Абдурасул сувнинг кечувига етиб, харсангтошга ўтир-*

ди. Ш. Холмирзаев, Огир тош кўчса. *Харсангтошлар орқасига яширинган, қирғоқнинг юқори тарафига ўтиб кетган кишилар аста қайтиб кела бошладилар.* С. Аҳмад, Уфқ.

**ХАРТИЯ** [юн. chartion — қоғозча < chartes — папирус варағи; қоғоз] *сиёс.* Ижтимоий-сиёсий аҳамият ва мазмунга эга бўлган айрим ҳужжат ва декларацияларнинг номи. *Англия ҳурриятпарварларининг улуг хартияси.*

**ХАРТУМ** [а. خرطوم — хартум, тумшук; узун бурун] **1** Айрим судралиб юрувчи ва сүтэмизувчилар тумшугининг узайган бурун қисми. *Филлар хартуми билан отлиқларни ўраб олиб, ерга урар, босиб ўлдирарди.* М. Осим, Карвон йўлларида. *Фил хартуми билан сўриб олган сувни оғзига юборади. Паразит чувалчанглар илмоқ хартуми ёрдамида ичак деворига ёпишиб олади.* «ЎЗМЭ».

**2** *кўчма* Экскаватор, кран кабиларнинг ер қазиш, юк кўтариш сингари ишларни бажарувчи, олдинга чўзилиб чиққан қисми. *Хартуми узун кран ердан эшикдай келадиган оғир темирбетон тахталарни кўтариб, осмони фалакка кўтаради.* С. Анорбоев, Ҳамсухбатлар.

**ХАРТУМЧА 1** *Хартум* с. нинг кичр. эркл. шакли.

**2** *зоол.* Пашша, ари каби ҳашаротларнинг тешиш, сўриш (чақиш) учун хизмат қиладиган узун наштарсимон оғиз ўсимтаси. *Арслар.. кўз илгамас хартумчалари билан шира эмиб оладилар-да, яна визз этганича келиб, эшикчалардан «уй»ларига кириб кетадилар.* Ҳ. Назир, Сўнмас чақмоқлар.

**ХАРХАША** [ф. خرخشة — адоват; уриш, жанжал; саросима, фулгула] **1** Арзимаган нарса учун қилинадиган жанжал; машмаша, инжиқлик. *Шунинг оқибатида Ақобир Мастуранинг барча хархашаларини кўтара бошлади.* Ш. Холмирзаев, Бодом қишда гуллади.

**Хархаша қилмоқ** Жанжал кўтармоқ, инжиқлик қилмоқ. *Саҳарга яқин туш кўрибди. Тушида Фани қайтиб келиб, нуқул хархаша қилармиш.* М. Мансуров, Ёмби. *Бола уйғониб, яна дадамега бораман, деб хархаша қила бошлади.* С. Аҳмад, Уфқ.

**2** Бирор ишни бажаришдаги қийналиш; қийинчилик, ташвиш; дахмаза. *Асаларичиликнинг хархашаси кўп бўлади. Табиий газ аҳолини кўп хархашалардан озод қилди.*

**ХАРХАШАЛИ 1** Қийинчилик билан бўладиган, серташвиш, дахмазали. *Хархашали иш.*

**2** Хархаша қиладиган, серхархаша; инжиқ. *Хархашали бола.*

**ХАРХАШАСИЗ 1** *рвш.* Хархаша қилмасдан, жанжалсиз, тинч, осойишта. *Хархашасиз яшамоқ.* ■ *Бу йилги қиш хархашасиз ўтмағуси.* Ф. Фулом, Кўкан.

**2** Хархаша (жанжал ёки инжиқлик) қилмайдиган, тинч яшайдиган. *Хархашасиз бола.* *Хархашасиз оила.*

**3** Осонгина амалга ошадиган; ташвишсиз. *Хархашасиз иш.*

**ХАРХАШАЧИ** Хархаша қилувчи, жанжалкаш; инжиқ. *Хархашачи бола.*

**ХАС** [ф. خاس — хашак; шох-шабба, қуруқ шохча] *Куруқ ўсимлик пояси; хашак, чўп. Чўкаётган одам хасга ёпишар.* Мақол. ■ *Рўзиев сизирнинг ювошлиғию хасни ташласа ҳам ейишини мақтайди.* «Ёшлик».

**ХАСВА 1** *зоол.* Галла ўсимликларига зарар келтирувчи ҳашарот, ўсимлик қандаласи. *Донли экинларга Осиё чигирткаси ва хасва қандаласи.. катта зиён келтиради.* «Зоология».

**ХАСВА II** *шв.* Хасмол.

**ХАСИС** [а. خسيس — паст, тубан, қабиҳ, разил, мурдор] **1** Бировга нарса ёки пул бермасликка, сарфламасликка интиладиган киши; зиқна; қизганчиқ. *Бахил эҳсондан қочар, Хасис меҳмондан қочар.* Мақол. ■ *Бу дейман, Сайдибой.. уст-бошинг бир аҳволда.. сал хасисроқмисан? — деб сўради Ибодулло Махсим.* М. М. Дўст, Галатепага қайтиш.

**2** *кўчма* Ҳосил бермайдиган, экин битмайдиган, ориқ (ер ҳақида). *Хасис ердан унум чиқмас, аҳвол чаток.* Ойбек, Зафар ва Заҳро.

**3** *кўчма* Ортиқча, ўринсиз сўз ишлатмайдиган (ёзувчи ҳақида). *Сўзга хасис адиб.*

**ХАСИСЛАШМОҚ** Хасис ёки қизганчиқ бўла бормоқ. *У жуда хасислашиб кетибди.*

**ХАСИСЛИК** Қизганиш, зиқналик одати, хусусияти; қизганчиқлик. *Мана, сиз хасислик қилган бўлсангиз, биз саҳийлик қиламиз.* С. Аҳмад, Уфқ.

**ХАСКАШ** [ф. خسکش — хас тортувчи, тўпловчи] Хашак, хас-чўп ва ш.к. ни йиғиш, тўплаш, шунингдек, чопилган ер тупроғини майдалаб текислаш учун ишлатиладиган, узун дастали, кўп тишли қишлоқ хўжалик қуроли. *Ҳовлида сочилиб кетган пичанларни*

хаскаш билан йиғиштириб, тўлаб юрган Болтабой ота хаскашнинг сопига бағрини бериб, хаёл суриб қолганди. С. Зуннунова, Олов.

**ХАСМ I** [а. خصم — душман; мухалиф] фольк. Рақиб, ганим, душман. *Оғир лашкар элга яқин келдими, Ўзима бир подшо хасм бўлдими?* «Юсуф ва Аҳмад».

**ХАСМ II** [а. خصم — ушлаб, чегириб қолиш, чегирма] Бировнинг ихтиёридаги нарса ёки киши. *Шакархондек қудратли ноибнинг хасмига кўз олайтиришга кимнинг ҳадди сизди экан, унинг мулкига бостириб киришга.. қайси зот юрак ютди экан! Х. Тўхтабоев, Йиллар ва йўллар. Қиз бола — бировнинг хасми. М. М. Дўст, Лолазор.*

**ХАСМОЛ** [ф. خصمال] Йиринглатувчи микроблар кириши натижасида қўл бармоғи тўқималарининг ўткир йирингли яллиғланиши; милкак. *Қўлингга хасмол чиққур!* (қарғ.) ■ *Бир вақтлар Тошбувининг бошмалдоғига хасмол чиққан эди.. Мирмуҳсин, Умид. Хасмолнинг ҳар қандай шакли, айниқса, чуқур хасмол ноҳус оқибатларга олиб келиши мумкин. «ЎЗМЭ».*

**ХАСПЎШ** [ф. خسپوش — хас, хашак билан ёпиш]: **хаспўш қилмоқ** айн. **хаспўшламоқ**. *У кирдикорларини.. хаспўш қилишга интилса ҳам, ўз ифлослигини одамлардан яширолмади. Ойбек, Навоий.*

**ХАСПЎШЛАМОҚ** Хато ва камчиликларни яширмақ, шунга уринмоқ. *Наҳотки одамнинг умри ўз заифлигини хаспўшлаш билан ўтса?! Х. Темиров, Хиёбондаги одам.*

**ХАСТА** [а. خسته — чарчаган, толиққан, беҳол; қийналган; яраланган] кт. Касал, касалманд. *Профессор: -Сиз хаста эмассиз, Яхшибоев, — деб кулди, — шунчаки чарчагансиз.. М. М. Дўст, Лолазор. У [Нигина] бечора оғир хаста эди. Мирмуҳсин, Темур Малик.*

2 кўчма Қийналган, дардли; қайғули. *Аваз ўғлон хаста кўнглин хушлади.. «Гулшанбоғ».*

3 кўчма Кучсиз, заиф; паст (овоз ҳақида). *У Исмаи Қори хаста, нолинқираган овозда шикоятга ўтди. Н. Аминов, Қаҳқаҳа.*

**ХАСТАДИЛ** [а. + ф. خسته دل — қалби, юраги беҳол; юраги эзилган] I Азоб-уқубат чеккан, руҳан эзилган. [Мансур:] *Пирим, афв айлангиз бахти қарони, Ғарибу хастадил мотамсарони. Уйғун ва И. Султон, Алишер Навоий.*

2 кўчма Жуда қаттиқ севиб қолган, ошику беқарор. *Етолмайин соғиниб, хастадил Ҳабибингман.. Ҳабибий.*

**ХАСТАДИЛЛИК** Ғамгин, қайғули ҳолатда бўлишлик. -*Саидғози Саидвалиевичдан ҳам айрилиб қолдик, — деди Акрамов хастадиллик билан. С. Анорбоев, Оқсой.*

**ХАСТАЛАНМОҚ** Бирор касал билан оғримоқ, касал бўлмоқ. *Қандли диабет билан хасталанган беморнинг кундалик овқатида карам, қовоқ, бодринг, укроп, помидор бўлиши керак. «Фан ва турмуш».*

**ХАСТАЛИК** қ. **касаллик**. *Бу хасталик [буқоқ] оғир асоратларни келтириб чиқариши мумкин. Газетадан.*

**ХАСТАХОНА** [хаста + хона] кт. айн. **касалхона**. *Исломхўжа камбағаллар учун хастахонани бенул қилдириб қўйди. С. Сиёев, Аваз.*

**ХАСТАҲОЛ** [ф. + а. خسته حال — аҳволи, ҳолати касал каби] кт. Хаста каби; заиф. *Энди Усмоновнинг овози суҳбат бошидагидек жарангдор ва дадил эмас, балки ёнимда хастаҳол бошқа киши гапириб келаётгандек эди. «Ёшлик». Севаргул хастаҳол жилмайди: начора, онажон.. Н. Қиличев, Чиғириқ.*

**ХАС-ХАШАК** [хас + хашак] Турли ўт, хашаклар. *Ирқит қор устидан қалин кул сепилган, тор йўлкага қалин хас-хашак сочилган. Х. Султонов, Бир оқшом эртаги.*

**ХАС-ЧЎП** [хас + чўп] Турли хас ва ўтин-чўп. *Кечаси тоғларга ёмғир ёққан бўлса керак, сойнинг суви.. йўл-йўлакай хас-чўпларни оқизиб келмоқда эди. Ш. Рашидов, Бўрондан кучли.*

**ХАТ** [а. خط — чизиқ; йўл; чегара чизиғи; саф, қатор; нома, мактуб; ёзув; дастхат] I Ёзув, ёзилган, чизилган ёки ўйиб туширилган белгилар; матн. *Олим тошга ўйилган қадимий хатни ўқишга уринди. ■ Хат кичикроқ қоғозда ўлчовлик сўзлардан иборат эди. А. Қодирий, Ўтган кунлар.*

2 Ёзувда ишлатиладиган график белгилар; ҳарфлар тизими. *Арабча хат. Лотин хатини ўрганмоқ.*

3 Бирор хабар бериш ёки фикр алмашиш мақсадида аниқ манзилга асосан почта орқали юбориладиган, матн ёзилган қоғоз. *Бир кун почталёвон Ашурали отага хат тутқазди: -Ўғлингиз Кимсанбойдан. Т. Ашуров, Оқ от.*

4 Ҳарфларни ёзишдаги ўзига хос услуб, кўриниш, ёзув хили. Унинг хати хунук. ■ [Асар] Жуда сифатли новвотранг қоғозга наставлиқ хатида кўчирилган. «ЎТА».

5 Савод; ҳарф таниш. [Имом:] Тўғриси айтсак, хатимиз йўқ ҳисобида! Ҳамза, Бой ила хизматчи. Уста Мўмин, раҳматлик, хат билар эди, китоб кўриб, боланинг отини Ёдгор қўйди. А. Қаҳҳор, Асрор бобо.

6 Расмий қоғоз, ҳужжат. Бунга ташкилотлар ва шахслар ўртасидаги расмий ишга тааллуқли бўлган хатлар, ёзишмалар кирди. «ЎТА».

7 Сатр, мисра. Бишлиш учун ҳар қайси шеърдан бир-икки хат ўқиб кўриш керак эди. А. Қаҳҳор, Сароб.

**Талоқ хати** Эр-хотиннинг бир-биридан ажралиши ҳақидаги расмий қоғоз, ҳужжат. Бир неча вақтдан сўнг Ҳомиднинг сохта талоқ хати билан эридан чиққан қиз Комилбекка бериладир. А. Қодирий, Ўтган кунлар. **Хат тортмоқ** 1) чизик тортмоқ, чизмоқ; 2) кўчма чек қўймоқ, йўқ қилмоқ, даф қилмоқ. Бу золимнинг жабрига худо ўзи хат тортмасе, бандаси невайди. Чўлпон, Кеча ва кундуз. **Хат қилиб бермоқ** Ўз мулкни бировга қонуний йўл билан расмийлаштириб бермоқ, топширмоқ. Уйимни интернетга хат қилиб бердим. ■ Сиз бойларнинг ер-мулкларини мусодара қилиш вақтида энг яхши ерларни уларнинг ўзларига хат қилиб бергансиз. Ҳ. Фулом, Машғал. **Хатга олмоқ** (ёки **солмоқ**, **битмоқ**) Рўйхатга киритмоқ. Мулкни хатга олмоқ. ■ Бу уйдаги ҳамма нарса хатга олингандан кейин, ташқарига чиқилди. А. Қаҳҳор, Қўшчинор чироқлари. **Хатга тушмоқ** Рўйхатга киритилмоқ. Хатга тушинг — ўтга тушинг. Мақол. **Юмалоқ** (ёки **думалоқ**) хат с.т. айн. **имзосиз хат қ.** **имзосиз.** «Колхоз жун планини пул билан тўлдирди», деган мазмунда райкомга думалоқ хат ёзиб юборди. А. Кўчимов, Ҳалқа.

**ХАТА** [р. хата < венг. haz < ф. кате — қазноқ, кичик омборхона] Украина, Белоруссия ва Жанубий Россия қишлоқларидаги деҳқонлар яшайдиган уй. Унда хатамиз ҳув дарё бурилган жойда, ўрмон ёқасида эди. Р. Файзий, Кишиларимиз қиссаси. Хаталардан бирда тунни ўтказдик. «Шарқ юлдузи».

**ХАТАР** [а. خطر — хавф; таҳлика, ваҳима, хавотир] 1 Бирор бахтсизликка, фалокатга олиб келиши мумкин бўлган шароит.

Бу ерда бир хатар бор. Ёлғон айтган кишининг Хатари бор ишининг. Мақол. ■ Аввал мен сиздан миннатдор бўлишим керак.. Сиз туфайли кўп қаторида мен ҳам бир хатардан қутулиб қолганман. Ҳ. Назир, Сўнмас чақмоқлар.

2 Хатарли, хавфли, таҳликали. Душманнинг бири ҳам хатар. Мақол. ■ Аммо бири кетса, бадтари келди, Янги очкўзларнинг хатари келди. М. Шайхзода.

**ХАТАРЛИ** Бирор бахтсизликка, ёмон натижага олиб келиши мумкин бўлган, хавфли, таҳликали. Юрак-томир касалликлари орасида айниқса миокард инфаркти энг хатарли хасталиклардан ҳисобланади. «Фан ва турмуш». У биронта хатарли тадбирни тақлиф қилди, шекилли, бригадир қўлларини тез-тез силтаб, аввал анчагача унамади. А. Мухтор, Давр менинг тақдиримда.

**ХАТАРНОК** [а. + ф. خطرناک — хавфли; хавотирли; таҳликали] кт. айн. **хатарли**. Бунинг устига, сарбоннинг айтишига қараганда, бу манзиллар хатарнок, қароқчи тўдалари ҳужум қилиб тураркан. Х. Султон, Бобурийнома.

**ХАТАРСИЗ** Бехатар, хавфсиз. Асқар полвон билан Али тажанг.. хатарсиз бир нарча жой топиш умидида ҳолсиз югурдилар. Ойбек, Куёш қораймас.

**ХАТБОШИ** Босма ёки ёзма матнда хатнинг дастлабки қаторидан бир оз жой ташлаб бошлаш, абзац. Хатбошидан ёзмоқ.

**ХАТИБ** [а. خطيب — нотиқ, воиз, ваъзхон; унаштирилган, куёв] дин. Масжидда жума ва ҳайит намози пайтида хутба ўқийдиган, ваъз айтадиган домла, имом; воиз. Бароқ қошлари қоп-қора хатиб минбарга чиқиб, ваъзхонлик қилаётган экан. М. Осим, Карвон йўлларида.

**ХАТКАШ** [а. + ф. خطکش — хат, чизик тортувчи] 1 эск. Хат ёзиб берувчи; мирза.

2 махс. Чизик, йўл ҳосил қиладиган қишлоқ хўжалик асбоби; маркер.

**ХАТЛАМОҚ** с.т. 1 Мусодара қилинган мол-мулкни бирма-бир ҳисобга олиб, ёзиб чиқмоқ, рўйхатга олмоқ. Икромжон акамни қамоққа олиб кетишиди. Ҳамма нарсани хатлаб кетишиди. С. Аҳмад, Гулдаста.

2 Мол-мулкни биров номига қонуний расмийлаштириб бермоқ. Фунончани қайтариб олдик, деб кулди Яхшибоев ичида, энди тагидаги «Волга»ни ҳам Тамара келинга хат-

латиб берсак, унда оёғига тушов тушади..  
М. М. Дўст, Лолазор.

**ХАТЛАШМОҚ** с. т. Бир-бирлари билан хат ёзишиб, хат олишиб турмоқ. *Мен дўстим билан хатлашиб тураман.*

**ХАТЛИ** 1 Хати бор, ёзувли. *Хатли қоғоз.*  
■ *Акбаржоним отлидир, Салласи гул хатлидир.* «Кўшиқлар».

2 Хат-саводи бор, ёзув-чизувни биладиган. У [Ф. Гулом] «*Менинг саводли, хатли бўлишимга бошида отам, сўнгга онам сабаб бўлдилар*», деб таъкидлайди. Ҳ. Ёқубов, Фафур Гулом ҳаёти ва ижоди.

**ХАТМ** [а. *ختم* — тугатиш, тамом қилиш, охирига етказиш]: **хатм қилмоқ** эск. 1) бирор ишни охирига етказмоқ, тугатмоқ. *Тўрт кунсиз Қуръонни хатм қилиб бўлмайди.* А. Қодирий, Обид кетмон. *Сиз Шарқда ишлаб жуда кўп тажриба орттиргансиз, бир неча тил биласиз, — давом этди Малисон, — Қуръонни хатм қилган забардаст мударриссиз..* К. Яшин, Ҳамза; 2) мукаммал билмоқ, эгаллаб олмоқ, эгалламоқ. *Китоб кўравериб, саводинг ҳам чиқиб қопти. Инглизчани ҳам хатм қилиб юборган бўлсанг керак.* К. Яшин, Генерал Раҳимов. **Хатми кутуб қилмоқ** Мадрасани тамомламоқ, тугатмоқ. *Марҳум бузруквор Бухородан хатми кутуб қилиб келибдур.* А. Қодирий, Кичик асарлар. **Хатми қуръон** 1) Қуръонни тўлиқ ўқиб тушириш. *Рамазон ойида, тарових намозида Қуръоннинг аввалидан охиригача тиловат қилиб чиқилиши ҳам хатми Қуръондир.* «ЎзМЭ»; 2) марҳумлар арвоҳига атаб қуръон тушириш ва шу муносабат билан ўтказиладиган диний маросим, кичик зиёфат. У [Миробид] *кексаларни йиғиб, ота-боболарининг арвоҳига хатми қуръон қилдирди.* В. Ғофуров, Вафодор.

**ХАТ-МАҲР, хатти-маҳр** [а. *خط مهر* — маҳр ҳақидаги ҳужжат] Маҳрига ёки чекига тушганлик ҳақидаги ҳужжат.

**Хат-маҳр қилиб бермоқ (ёки топширмоқ)** Расмий равишда ихтиёрига топширмоқ ёки зиммасига юкламоқ. *—Лўлиларни менга хат-маҳр қилиб топширганмидингиз? Тушунолмай қолдим, — деди Раҳимжон.* Н. Сафаров, Катта карвон йўлда.

**ХАТНА** [а. *ختنه* — кесиш, кестириш; суннат қилиш] *дин.* Мусулмонлар ва б. баъзи халқларда ўғил болалар жинсий аъзосининг чекка кертмагини кесиш ёки кестириш.

*Хатна маросимлари ўзбеклар ва бир қанча халқларда тўй шаклида ўтказилади.* «ЎзМЭ».

**Хатна тўйи** Хатна муносабати билан ўтказиладиган маросим, зиёфат; суннат тўйи. *Ҳали бунча қарз, чиқимларнинг устига икки қизни узатиш, бир ўғилни уйлантириш, бир хатна тўйи ҳам бор.* Ҳамза, Бой ила хизматчи. **Хатна қилмоқ** Шундай тadbирни амалга оширмоқ. *Ботиржон, Шокиржонларнинг тугилган кунларини ўтказиб, уларни хатна қилмоқчи эканлар.* «Ёшлик».

**ХАТО** [а. *خطاء* — хато, қусур; гуноҳ] 1 Ҳисоблаш, ёзиш, ўқиш, сўзлаш ва ш.к.ларда адашиш, янглишиш, нотўғрилиқ, қусур. *Имловий хато. Математик хато.*

2 Умуман, турмушда, ишда йўл қўйилган камчилик, нуқсон, нотўғри хатти-ҳаракат. *Душман сирингни ўғирлайди, Дўст хатонгни тўғрилайди.* Мақол. ■ *..аммо муҳаббат жуда ноёб нарса, бу йўлдаги хатони ҳеч кечириб бўлмайди!* Мирмуҳсин, Умид.

**Хато қилмоқ (ёки кетмоқ)** Хатога йўл қўймоқ, камчилик ёки нуқсон юз беришига имкон бериб қўймоқ. *Хато қилмоқ бордир, тузатмаслик ордир.* Мақол. ■ *Ватерлоода хато қилди Наполеон, Жаҳонгирнинг қайтди шу кун омади.* А. Орипов. *Сиз Меҳри тўғрисида хато кетдингиз, чунки у фақат янги ерда ишлаш нияти билан секретарликдан кетди.* Ш. Рашидов, Бўрондан кучли.

3 Ҳақиқатга тўғри келмайдиган, асоссиз, нотўғри. *Хато ёзмоқ. Хато ҳисобламоқ. Хато сўзламоқ.* ■ *Жўрттага хато ўқиб, ўзинг кулдирдинг..* Ўқи, Раъно. А. Қодирий, Меҳробдан чаён.

4 қ.х. Ердан чиқмай ёки унмай қолган уруғ ҳақида. *Яхши ишланмаган ерга экилган уруғ хато чиқади.*

5 Мўлжалга, нишонга тегмаслик. *Ўқ хато кетди.* ■ *Ҳеч қайсисининг отгани хато кетмас эди, ҳеч бир душман омон кетмас эди.* «Алпомиш».

**ХАТОЛИК** Хато иш, хатти-ҳаракат; янглишув. *Ёки мендан бир хатолик ўтдим..* «Гулшанбоғ». *Доимий католикларнинг учраши ўлчов асбоблари билан боғлиқ.* «ЎзМЭ».

**ХАТОСИЗ** 1 Хато қилмаган ҳолда, тўғри; бехато; тўла-тўқис. *Хатосиз ёзмоқ. Хатосиз сўзламоқ.* ■ *Ғўзани хатосиз ундириб олиш Қурбонали полвон звеносида одат ҳукмига кириб қолди.* Н. Сафаров, Қурбонали.

2 Ўқни зое кетказмай, аниқ нишонга олиб. ■ *Ўқни хатосиз отмоқ. Хатосиз мерган бўлмас. Мақол.*

**ХАТПАРАСТ** [а. + ф. *خطپرست* — хатни, ёзишни яхши кўрувчи] *кам қўлл.* Хат ёзишни яхши кўрадиган. *Хатпараст одам.* ■ *Одатим — хатга бир ўтирсам, қаторасига ёзаман. Лекин хатпараст эмасман. Ойбек, О.в. шабадалар.*

**ХАТ-ПАТ** с.т. Хат-хабар, ёзув. *Подшоҳнинг ўғли яна етти йил ўқигандан кейин унча-мунча хат-пат танийдиган бўлган экан.* «Эртаклар».

**ХАТ-САВОД** [хат + савод] Ўқиш, ёзиш. *Париларга ўхшар экан келбати, Мулла бўлиб чиққанди хат-саводи.* «Нурали».

**Хат-саводи бор** Ўқиш, ёзишни биладиган, саводли. *Сен.. хат-саводинг бор-а?* А. Мухтор, Опа-сингиллар. **Хат-саводи йўқ** Ўқиш, ёзишни билмайдиган, саводсиз. **Хат-саводини чиқармоқ** 1) ўқиш, ёзишни билиб олмоқ, саводли бўлмоқ; 2) ўқиш-ёзишни ўргатмоқ.

**ХАТ-САВОДЛИ** Хат-саводи бор, ўқиш, ёзишни биладиган. *Турсунбува.. дуойи саломни ўқитиш учун бутун қишлоқда бирор хат-саводли киши тополмасдан, мулла қидириб, Наманганга тушишга мажбур бўлган эди. Газетадан.*

**ХАТ-САВОДСИЗ** Хат-саводи йўқ, ўқиш, ёзишни билмайдиган. *Хат-саводсиз одам.*

**ХАТТИ-МУХР** [а. *خط مهر* — муҳрли хужжат]: **хатти-муҳр қилиб бермоқ** Бирор нарса ёки мулкни расмий равишда, хужжат билан топширмоқ. *Ҳали заводимни хатти-муҳр қилиб бераман, деб сиз билан нотариусга бормоқчи эдим. Жуда қизиқ иш қилиб қўйдингиз-да. С. Аҳмад, Ҳукм.*

**ХАТТИ-РАЙҲОН** [а. *خطريحان* — райхон шохларига ўхшаш хат] Хаттотликда арабча ёзув шаклларида бири (яна қ. **райхоний**). *Ўйлаб-ўйлаб, арабий калималарни хатти-райхон шаклида ёзиб.. бозор томон равона бўлдим. Файрагий, Довдираш.*

**ХАТТИ-ҲАРАКАТ** [а. *خطالحركت* — ҳаракат чизиги, чегараси] I Юриш-туриш, хулқатвор. *Бекнинг хатти-ҳаракатини кўрган бойнинг фиғони фалакка чиқди. Ҳ. Фулом, Машбал. Кичкина қизчаларнинг хатти-ҳаракатлари катталарни эслатарди.* «Ёшлик».

2 эск. Ҳаракат қилиш, иш олиб бориш режаси, тактика. *Йўл устида ҳам, Тошкент*

*билан яширинча сўз олишиб, хатти-ҳаракат чизишиб туришдилар. А. Қодирий, Ўтган кунлар.*

**ХАТТОТ** [а. *خطاط* — ҳуснихат ёзувчи; ҳуснихат муаллими] эск. Чиройли ва аниқ ёзадиган одам; каллиграф. *Навоий асарлари машҳур хаттотлар томонидан кўчирилган.* ■ *Улугбек ажойиб хаттот, мусаввир ва саҳҳофнинг олтин қўллари билан яратилган бу китобни зўр иштиёқ билан узоқ томоша қилди. Б. Аҳмедов, Улугбек.*

**ХАТТОТЛИК** эск. Асарларни ҳуснихат билан кўчириб, китоб ҳолига келтириш билан шуғулланиш, хаттот касби.

**ХАТ-ХАБАР** [хат + хабар] Хат ва хабар, дарак. *Ғайри юртда юрган одам хат-хабар қилмасмикан?* «Нурали».

**ХАТЧЎП** [хат + чўп] Ўқиладиган бетни осон топиш учун китоб ичига солиб қўйиладиган махсус чўп, безакли ип ёки бир парча қоғоз, лента ва ш.к. *Мутриб хатчўп солинган бир саҳифани очди-ю, «Ўқи!» деди. «Ёшлик».*

**ХАТ-ҲУЖЖАТ** [хат + ҳужжат] Хат ва ҳужжат(лар). *Хат-ҳужжатларни тартибга келтирмоқ.*

**ХАФА** [ф. *خفه* — бўғиш, бўғилиш, нафас қайтиш; бўғиб ўлдириш; бўғувчи] I *Ғамли, қайғули, ҳасратли. У [Зулфизар] жуда ҳам хафа, шаҳло кўзларида нам, мунғайиб қолган эди. К. Яшин, Ҳамза. Кумуш жуда хафа кўринганликдан, унинг кўнглини очмоққа тўғри келар эди. А. Қодирий, Ўтган кунлар.*

2 Ранжиган, озор топган, норози; аразлаган. *Кимдан хафасиз? Мендан хафа бўлманг.* ■ [Вера:] *Мактаб билганида, тўйингни бир йил кейинга қўйдирар эди. Яширдинг. Ҳамма сендан хафа. А. Қаҳҳор, Оғриқ тишлар.*

**Хафа бўлмоқ** 1) қайғули ҳолатда бўлмоқ. *Хафа бўлиб, ёшга тўлганди кўзим, Улсам, учар Чамбидан босган изим.* «Нурали»; 2) ранжимоқ; озор топмоқ. *-Анави кучи менам хафа бўлдингиз-а, — деди у орқасига қарамай. Ў. Ҳошимов, Қалбингга қулоқ сол. Икромжон хафа бўлмаганини билдириб.. илжайди. С. Аҳмад, Уфқ. Хафа қилмоқ* Ранжитмоқ, озор бермоқ. *Агар у ерда ҳам уни хафа қилишса.. чопонини елкасига ташлаб кетаверарди. С. Аҳмад, Уфқ.*

**ХАФАҒАЗАК** [ф. *خفهگازک*] I Яллиғланиш, газак олиш (яра ҳақида). *Яра хафагазак бўлибди.*

2 с.т. Хафа бўлган, аразлаган ҳолда. Анзират хафагазак чимирилиб, қочиб кетди. Н. Қиличев, Қуюн.

**ХАФАГАЗАКЛИК** айн. **хафалик**. Севаргул отасининг хафагазаклигини жилла аритиш илинжида куну тун хизматда шай турди. Н. Қиличев, Чиғирик.

**ХАФАГАРЧИЛИК** айн. **хафалик**. Хафгарчилик узоқ давом этмади: улар уч кундаёқ ярашиб олдилар. «Ёшлик». Масбудахон эрининг келишини, нима олиб келишини сабр-сизлик билан кутар, хафгарчилик, қайгу-аламлари тарқалгандек бўларди. Газетадан.

**ХАФАЛАНМОҚ** кам қўлл. Хафа бўлмоқ. Муаллиф ўз асарининг бунчалик эътироф топганидан мамнуният билдиргани ҳолда, баъзи масбулиятсиз ўзбошимчаликлардан хафаланганини ҳам изҳор этган эди. Ш. Ризаев, Жадид драмаси. Абдулазиз. Антон чолнинг ранги ўзгариб, юзидаги ажинлари янаям қуюқлашганини.. қаттиқ хафаланиш аломатида йўйди. «Ёшлик».

**ХАФАЛАШМОҚ** Бир-биридан хафа бўлмоқ, келиша олмай қолмоқ; койишмоқ. Гап шу: хатойингни тузатасан. Йўқса, ёмон хафалашиб қоламиз. А. Кўчимов, Ҳалқа.

**ХАФАЛИК** Гамгинлик, қайғули ҳолат; ранжиганлик. Зайнаб хафалиги ошган кезларда қариндош-уруғлариникига юриб, чигилини ечар эди. А. Қодирий, Ўтган кунлар. Унинг [Нигоранинг] позик қирмизи.. юзида хафалик, кўзларида чуқур ўйчанлик бор эди. С. Анорбоев, Оқсой.

**ХАФАОМУЗ** [ф. خفه آميز — хафага ўхшаш, хафанамо] Хафа бўлган сингари, маъюслик билан. Фотима чиройли кўзларини шўх ўйнатиб, қони қочган билакларини ишқаб, хафаомуз гапирди. Н. Ёқубов, Бўсагада.

**ХАФАХОН** айн. **хафақон 1**. -Комилжон ака, — деди Содиқ хафахон овозда, — қанча зарар бўлса тўлаймиз. Мени озов қилинг бу қўйноқдан. И. Раҳим, Ихлос.

**ХАФАЧИЛИК** айн. **хафалик**. У хафачилик нималигини билмайдиган шўх-шаддод бир қиз эди. М. Мансуров, Ёмби.

**ХАФАҚОН 1** [а. خفان — юрак уриши, дукиллаши] Мунгли, гамгин, хафақол. Унга ўз ўйлари чигилини ёзиб олишга ёлғизлик, хафақон қалбига ором, нафаси бўғилаётган ўпкасига ҳаво керак эди. Ҳ. Фулом, Машғал. Театрга борганингизда, биронта хафақон

актёрни учратиб қолсангиз, унинг дарди роль устида бўлади. Ш. Холмирзаев, Оғир тош кўчса.

2 Дилсиёҳлик билан ўтадиган. Хафақон, чалкаш кунларнинг бирида Исфандиёрнинг яна икки катта амалдори қочди. Мирмуҳсин, Чўри.

3 тиб. Юракнинг тез ёки нотекис уришини сезиш ҳолати. Хафақонни даволаш ва олдини олиш касалликни келтириб чиқарган сабабларга боғлиқ. «ЎЗМЭ».

4 тиб. Қон босимининг ортиши туфайли юз берадиган касаллик, гипертония. Баъзи кишиларнинг айтишига қараганда, онам хафақон касалига йўлиққан эмишлар. М. Муҳаммаджонов, Турмуш уринишлари. [Беморларнинг] Бири хафақон, бошқаси сил касалига мубтало, кимгадир чипқон чиқибди. М. Қориев, Ибн Сино.

**Хафақон бўлмоқ** 1) диққат бўлмоқ, сиқилмоқ; хуноб бўлмоқ. -Бугун сени кўрмаганим учун жуда зеркииб, хафақон бўлиб ўтирган эдим, — деди Раъно Ҳафизага. Мирмуҳсин, Умид; 2) қон босими ортиш касалига йўлиқмоқ.

**ХАФАҲОЛ** [ф. + а. خفه حال — хафалик ҳолати] Хафа бўлган, руҳи тушган, маъюс. -Оллоназар, фойтунни келтир, — деди Иломхўжа фойтунчига қараб, хафақол қиёфада. Ж. Шарипов, Хоразм. [Гулзира] Хафақол бош эгиб чиқиб кетди. А. Мухтор, Кумуш тола.

**ХАФИФ** [а. خفيف — кичик, енгил] кт. Майин, ёқимли. Ажойиб баҳор куни. Хафиф, ёқимли шамол эсади.. Р. Комилов, Имтиҳон. Булутларнинг оҳистагина сайридан сезиларсезилмас хафиф бир шамол юриб, енгилгина бир изгирин ҳам юзга келиб тўқинар.. эди. А. Қодирий, Ўтган кунлар.

**ХА-ХА-ХА** унд. с. Хахолаб кулишни ифодалайди. -Ха-ха-ха, шамол сиздан ўчимни олди, қани, гапиринг! — деди Раъно Анварга. А. Қодирий, Меҳробдан чаён. -Ха-ха-ха.. — Фазлиддин Нурининг сўзларидан таъсирланиб, қаттиқ кулди, — отанга пул керак бўлса, биздан қарз олсин. Ойбек, Танланган асарлар.

**ХАХОЛАМОҚ** Қаттиқ овоз чиқариб кулмоқ. Шамси Тўраевич хахолаб кулди. Н. Аминов, Қаҳқаҳа. Темуралик хахолаб кулиб юборди. Мирмуҳсин, Темуралик.



**ХАХО-ТАРАЛА** с.т. Хурсандчилик, хуш-чақчақлик. *Шу тариқа жами сайёҳлар: эру хотин, ёшу қари қий-чув, хахо-тарала билан оқшомгача кетма-кет ҳамма чўмилиб чиқади.* Ҳ. Ҳасанов, Экватордан ўтганда.

**ХАЧИР** От (бия) билан эшак (ҳанги)-дан урчиган, юк ташувчи уй ҳайвони. *Подишо буларга ориқ хачирга мол-дунё ва йўл озигини ортиб берибди.* «Зумрад ва Қиммат». 20-асрнинг 50-йилларидан бошлаб хачир Ўзбекистонда автомобиль транспортининг ривожланиши билан деярли йўқолиб кетди. «ЎЗМЭ».

**ХАШАК** [ф. خشک — қуруқ, қуриган, қуритилган] Қуритилган ўт-ўлан, пичан. *Қолаверса, қиш бўйи одамларга хашак керак.* С. Сиёев, Ёруғлик. *Бригадамиздан тўрт кишини.. хашак йиғишга жўнатишди.* Ш. Жўраев, Бола дунёни тебратар.

**ХАШАКИ** [ф. خشکی — қуриганлик, қурғоқчилик, қуруқлик; дағаллик, қўполлик] 1 Чорва учун озуқа, ем-хашак бўладиган. *Хашаки лавлаги. Хашаки жўхори.*

**Хашаки тут** Меваси уруғли, қора, қизғиш, оқиш, сарғиш рангларда бўладиган маҳаллий тут; чағир тут. *Хашаки тут тагида она-бола довон томонга кўз тутиб ётишарди.* Й. Шамшаров, Бахт излаб.

2 Паст зотли, зотсиз, жайдари, маҳаллий. *Хашаки от. Хашаки товуқ.*

3 кўчма с.т. Оддий, содда, ҳамма қатори (одам ҳақида). *-Аҳмад полвон унақа сенлар ўйлаган хашаки болаларданмас, — деди Боқи.* Қ. Кенжа, Тоғ йўлида бир оқшом.

4 кўчма Жўн, асоссиз. *Айтган гапларининг ҳаммаси хашаки чиқиб, мажлис аҳлининг энсасини қотирди.* М. М. Дўст, Галатепага қайтиш.

**ХАШАКЛАМОҚ** с.т. Хашак емоқ. *От хашаклади.*

**ХАШАКХОНА** [хашак + хона] Хашак, пичан сақланадиган жой.

**ХАШАК-ХУШАК** Хашак, пичан, қуриган ўт-ўлан. *Ундан [қабрлардан] нарида томига сандал курси, машина баллони, хашак-хушак уйиб ташланган бостирма.* «Ёшлик».

**ХАШТАК-ПАШТАК** айн. **аштак-паштак**. *Ўрқдан турли усудда.. хаштак-па. так, барекат [олтингуурт туруши билан дудлатиб], аёло даражада туршак қилинади.* К. Маҳмудов, Ўзбек тансиқ таомлари.

**ХЕЗ** [ф. خيز — тик турувчи, кўтарилувчи; кўтарилиш, сакраш]; **хез қилмоқ** фольк. Ташланмоқ, сапчимоқ; ҳамла қилмоқ, хезланмоқ. *Қари чинорда пойлаб турган бургут Юнус нарига хез қилди.* «Маликаи айёр».

**ХЕЗЛАМОҚ 1** фольк. Тез ҳаракат билан олдинга интилмоқ, ташланмоқ; ҳамла қилмоқ; сапчимоқ, сакрамоқ. *Бедов отлар чув деганда хезлайди.* «Хушкелди». *Майдон кўрса, кийикдек бўб хезлайди, Душманга тишини доим тезлайди.* «Равшан». *Давлат қуши муяссардир бошингга, Душман хезлаб келолмайди қошингга.* Ислом шоир.

2 Бирор иш ёки ҳаракат қилишга ундамоқ, қистамоқ. *Хизир билан Бадбахт тоғин кўзлайин, Узоқларга Фирқуқимни [отни] хезлайин.* «Гўрўелининг туғилиши».

**ХЕЗЛАМОҚ 1** Хезламоқ 2 фл. ўзл. н.

2 Уришиш, жанжаллашиш, ҳамла қилиш ҳолатида бўлмоқ. *-Бу уйда тариқчалик ҳаққинг йўқ. Минбаъд ҳаром сенга бу жойлар! — Каромат хезланиб, қўлини белига қўйганча, эрига пастдан қий боқиб бақирар.. эди.* А. Мухтор, Кумуш тола. *..Тўрабек бўлса ўша ерда ётган белкурак дастасини чиқариб, яқинлашиб кўрларинг-чи, дегандай хезланиб турибди.* М. Мансуров, Ёмби.

**ХЕЛИ-ХЕШ** [а. + ф. خيل خويش — яқинлар, қариндошлар гуруҳи] Қариндош, қариндош-уруғ. *Бул жойда йўқ хели-хешим.* «Тоҳир ва Зухра».

**ХЕМИ-**, **хемо-** [лот. chimia < а. كيميا] Байналмилал ўзлашма кўшма сўзларнинг биринчи қисми бўлиб, ўзи қўшилган сўзнинг кимёга, кимёвий жараёнларга алоқадорлигини билдиради, мас., **хемосинтез**.

**ХЕМОСИНТЕЗ** [хемо.. + синтез] Микроорганизмлар томонидан оксидланиш реакциясида ҳосил бўлган энергия ҳисобига карбонат ангидриднинг ўзлаштирилиши ва органик бирикмаларнинг биосинтез қилиниш жараёни. *Хемосинтезнинг кашф қилиниши тирик организмларда кечадиган моддалар алмашинуви жараёнининг асосий типлари тўғрисидаги тушунчани ўзгартириб юборди.* «ЎЗМЭ».

**ХЕМОСОРБЦИЯ** [хемо.. + лот. sorbere — ютмоқ, ўзига сингдирмоқ] ким. Суюқлик ва қаттиқ жисмнинг атроф муҳитдан моддалар ютиши.

**ХЕХЕЛАМОҚ** «Хе-хе» каби овоз чиқариб кулмоқ. *Қози домла кулгидан четда қол-*

мади, калласини ликиллади, роса хехелади. М. Исмоилий, Фаргона т. о.

**ХЕ-ХЕ-ХЕ** унд.с. Хехелаган кулги товушини ифодалайди. -Пари йигитга ошиқмисан? Хе-хе-хе! -Нега куласан, Гулшан опа? А. Қодирий, Мехробдан чаён.

**ХЕШ** [ф. خویش - ўз, ўзи; қариндош, яқин киши] шв. Қариндош, қариндош-уруғ, қавм-қариндош; яқин одам. Ёлғиз экан, сочсоқоли оқ, На ўгли бор, на қиз, на ёр, хеш. Миртемир. Ёқубжон айтган киши аллақачон оламдан ўтган экан.. Қайдан келганини, кимнинг хеши эканини билмас экан. М. М. Дўст, Лолазор.

**ХЕШ-АҚРАБО, хешу ақрабо** [хеш + ақрабо] кт. Қариндош-уруғлар, уруғ-аймоқлар, қавм-қариндошлар; яқин кишилар. Бир ҳафта ўтгач, хеш-ақрабою таниш-билишлар бешик тўйига чорланди.. «Ёшлик». Ҳол сўргани яна хеш-ақрабо, ёр-дўст, ҳамсоялар киришди. С. Сиёев, Аваз.

**ХЕШЛИК** Қариндошлик, қариндош-уруғлик муносабати. Ўртақўрғонга ўзингиз бориб келасиз, ўртоқ Яхшибоев, мен борсам, эришроқ туюлади, ҳар қалай, рафиқангиз боис хешлиги бор. М. М. Дўст, Лолазор.

**ХИ** айн. хих.

**ХИВИЧ** Ҳўл, узун новда, гипчин. Бўтабой тол хивичини ўйнаб, хиргойи қилиб келарди. С. Аҳмад, Ҳукм. Гулчехра «ҳим», деб ўрнидан турди, ташқарига чиқиб, йўгон хивич топиб, уйга кирди. «Саодат». Аёз, тарайман, дер ўжарлик билан Тутларнинг тиккайган хивичларини. А. Шер.

**ХИВИЧЛАМОҚ** Хивич билан урмоқ, саваламоқ.

**ХИЁБОН** [ф. خیابان - бульвар, хиёбон] Икки томонига қатор дарахт, бута ва гуллар ўтқазилган йўл ёки йўлка; сайргоҳ. Асфальт кўчаларда юксак бинолар, Икки чет хиёбон, аргувон тип-тик. Ф. Фулом. Хиёбондаги дарахтларнинг япроқларида йиғилган томчилар тўкилиб тушиди. С. Кароматов, Олтин қум.

**ХИЁЛ** [а. خیال] рвш. 1 Билинар-билинимас даражада; озгина, бир оз. Яхшибоевнинг ранги хиёл оқарган эди. М. М. Дўст, Лолазор. Қўчқор келиб кетгандан кейин, Машрабнинг миясида бурғидай айланган оғир ўйлар сал тарқаб, хиёл энгил тортиди. О. Ёқубов, Эр бошига иш тушса. Орадан хиёл фурсат ўтиб, қўнғироқ жириглади. С. Нуоров, Нарвон.

**ХИЁНАТ** [а. خیانت - макр, ҳийла; хоинлик, мунофиқлик, вафосизлик] Аҳдни бузиш, бировнинг ишончини ёки ишониб топширган нарсасини суиистеъмол қилиш. Макру ҳийла ва хиёнатнинг жойи дўзахдир. «Фан ва турмуш». -Мени хиёнат йўлига бошламоқчимисан? - дедим қалтираб. Х. Тўхтабоев, Ширин қовунлар мамлакати.

**Хиёнат қилмоқ** 1) аҳдини бузмоқ, бировнинг ишончини ёки ишониб топширган нарсасини суиистеъмол қилмоқ. Омонатга хиёнат қилма. Мақол. ■ Оддий пахтакор аввал қандай ишлаган бўлса, ҳамон шундай. Пахтага ҳеч қачон хиёнат қилмайди. «Саодат»; 2) ёри ёки севгилисига нисбатан вафосизлик қилмоқ, бошқага, бегонага кўнгил бермоқ. [Умиднинг] Баъзан юраги орзиқиб тушарди: кимдандир эрига хиёнат қилиб юрадиган бир аёлни эшитган эди. Мирмуҳсин, Умид.

**ХИЁНАТГАР** [а. + ф. خیانتگر - хиёнат қилувчи] эск. айн. хиёнатчи.

**ХИЁНАТГАРЛИК** Хиёнат қилишлик. Қилиб зотингдаги найрангни охир, Хиёнатгарлигинг кўрсатдинг охир. Ҳабибий.

**ХИЁНАТКОР** [а. + ф. خیانتکار - хиёнат қилувчи] айн. хиёнатчи. Танқид кўриб, хиёнаткорнинг димоғи куйди, Ўт тушиди режасига, қўйган тузоғи куйди. С. Абдулла. Хиёнаткорнинг дўсти бўлиб танилаган Султоналининг ҳам ҳаёти таҳлика остида турадир. А. Қодирий, Мехробдан чаён.

**ХИЁНАТКОРЛИК** Хиёнат қилишлик. Хиёнаткорлик қилмоқ.

**ХИЁНАТКОРОНА** [а. + ф. خیانتکارانه - хиёнаткорлик билан, хиёнат қилган ҳолда] рвш. Хиёнатчиларга хос; хиёнаткорларча. Хиёнаткорона ҳужум. ■ Булутлар орасидан ой хиёнаткорона мўралади, «Ҳой уятсизлар, алддларингиздан ошманглар», дегандай илжайиб, атрофни ёритди. Ф. Мусажонов, Ҳури.

**ХИЁНАТЧИ 1** Аҳдила турмайдиган, бировнинг ишончини ёки ишониб топширган нарсасини суиистеъмол қиладиган киши; алдоқчи, муттаҳам. Унинг [Ҳамзахўжаевнинг] олдида уч йўл бор. Биринчиси - хиёнатчиларнинг патини тўзғитадиган ҳамлага ўтиш. «Муштум».

2 Сотқин, хоин. Чиғатой ўз аскарларидан кўра шаҳар ичидаги хиёнатчиларга кўп умид боғлар эди. М. Осим, Карвон йўлларида.

**ХИЁНАТЧИЛИК** кам қўлл. айн. хиёнат-корлик. Хиёнатчилик позицияси.

**ХИЖИЛ** [а. *خجل* — ор, номус, уят, уялиш; уятчанлик, тортинчоқлик] Хижолатда қолган, кўнгли гаш. *Бир уятчан йигит бетоб ётган қайнотасиникига уялиб бормай юрар ва бундан ўзи ҳам хижил эди.* А. Муқимов, Ҳол сўраш.

**Кўнгли хижил бўлмоқ** (ёки **тортмоқ**) Бирор нарсадан хижолат бўлмоқ, безовталанмоқ, нотинч бўлмоқ. *Улар [Озод билан Қаҳҳор] тинчиб, ўринларига ётишганда, Озод нимадандир кўнгли хижил бўлаётганини сезиб қолди.* «Ёшлик». *Шу онда кўз олдига томоғини боғлаган Ёқут келди-ю, кўнгли хижил тортди.* А. Абдуллаев, Бизнинг йўлимиз. **Кўнглини хижил қилмоқ** Хижолатга солмоқ, ноқулай аҳволга солмоқ, гаш ёки нотинч қилмоқ. *Кечадан бери кўнглимни хижил қилаётган ташвишларни бир зумда унутгандек бўлдим.* Ў. Ҳошимов, Икки эшик ораси.

**ХИЖИЛЛИК** Хижил бўлиш, гашлик, нотинчлик. *Дала ҳавоси димоғига урилиши билан кўнглидаги хижиллик офтоб тафтида эриган қировдай ҳовурга айланиб кетди.* А. Кўчимов, Ҳалқа.

**ХИЖОЛАТ** [а. *خجالت* — уят, уялиш] Уятдан ўзини ноқулай, ўнғайсиз сезиш; уялиш ҳисси. *Ошно хижолатдан қизарди.* М. М. Дўст, Лолазор. *-Вой, мени деб лойга беландингиз, — деди аёл хижолат билан.* С. Аҳмад, Уфқ.

**Хижолат бўлмоқ** (ёки **тортмоқ, чекмоқ**) Бирор нарсадан уялмоқ, ўнғайсиз, ноқулай ҳолга тушмоқ. *Фафур аканинг олдидан бундан бир оз хижолат бўлдим.* Шукрулло, Сайланма. *Али полвоннинг бу гапидан хижолат тортган Эш полвон унга зардали қараб олди.* С. Аҳмад, Уфқ. *Норқўзининг бундай мақтовини эшитган Феруза.. хижолат чекди.* Ҳ. Фулом, Феруза. **Хижолат қилмоқ** ёки **хижолатга қўймоқ** Бировни уялтирмоқ, ўнғайсиз, ноқулай ҳолга туширмоқ. *Баҳодир ножаўя ҳаракати билан Оқилани хижолатга қўйганидан қаттиқ ўкинар, лекин иш ўтган эди.* М. Жалолиддинова, Кейинроқ. **Хижолатда қолмоқ** Ўнғайсиз, ноқулай ҳолатда қолмоқ, уялиб қолмоқ. *Элмурод хижолатда қолди.* П. Турсун, Ўқитувчи.

**ХИЖОЛАТЛИ 1** Хижолат ёки уялиш билан; хижолат бўлган ҳолда -*Маматвой*

*иним, — гап бошлади у хижолатли оҳангда.. «Ёшлик».* Азизхон хижолатли овоз билан *деди: -Мен эдим, ая. Мен эдим.* С. Аҳмад, Уфқ.

**2** Кишини уялтирадиган, ноқулай аҳволга соладиган. *Машина зарур бўлиб қолса, хижолатли иш бўлмасин.* С. Аҳмад, Уфқ.

**ХИЖОЛАТЛИК 1** Хижолат бўлиш, ноқулай аҳволда қолиш. *Умматали боласини хижолатликдан чиқариш учун гапни бўлишга уринарди..* С. Аҳмад, Уфқ.

**2** айн. **хижолат.** -*Яна кўнглиларига бошқа гап келмасмикан? — деди хижолатлик билан Адолат.* С. Зуннунова, Гулхан.

**ХИЖОЛАТОМУЗ** [хижолат + ф. *آمیز* — ўхшаш, каби] Хижолат бўлган ҳолда, хижолат бўлиб, хижолат тортиб. *Матпано боядан бери хижолатомуз ўтирарди.* С. Сиёев, Ёруғлик. *Ниҳоят, холи қолишгач, Гулчеҳра хижолатомуз жилмайиб, секингина деди..* «Саодат».

**ХИЖОЛАТПАЗЛИК** с. т. Хижолат. *У [Салима] бу масалада фақат акасининггина эмас, ўзининг ҳам айбдорлигини сезиб, хижолатпазликдан терлаб кетди.* М. Исмоилий, Бизнинг роман. *Турғунов ўзини билмаганга олган бўлса ҳам, Бўрибой хижолатпазлик билан илжайиб, ёлғонлади: -Меҳмон келган экан.* Ҳ. Назир, Ўтлар туташганда.

**ХИЗМАТ** [а. *خدمت* — хизмат; иш, лавозим; хизмат кўрсатиш; ёрдам] **1** Бирор иш ёки меҳнат билан шуғулланиш; бирор ишни бажариш; иш, меҳнат. *Бир кун эшон мени.. чақириб: -Ўғлим, — деди, — мана энди бизга анча хизматинг сингди.* Ф. Фулом, Шум бола. *Юрт, ҳукумат асло бу хизматларингни унутмайди.* С. Аҳмад, Уфқ. *-Агар менинг бу хизматим хон жанобининг марҳаматига лойиқ кўрилар экан, — деди ҳожи, — менга энг манзур бўлган мукофот ўғлимнинг озод қилинишидир.* А. Қодирий, Ўтган кунлар.

**Хизмат қилмоқ 1)** иш, юмуш қилмоқ. *Бу эса елиб-югуриб хизмат қилиб юрган Обидовнинг кўнглига гулгула олди.* Газетадан; **2)** бирор муассаса, корхонада ишламоқ. *У институтда хизмат қилади;* **3)** муайян вазифани бажармоқ, керак бўлмоқ. *«Бобурнома» даги маълумотлар ҳозирги замон фани учун ҳам хизмат қилади.* «Фан ва турмуш».

**2** Бировга ёрдам кўрсатиш, ҳолисона қилинган иш; ёрдам; яхшилик. *Бу хизматингни сира унутмайман.* *Элга хизмат — олий*

ҳиммат. Мақол. ■ *Элга хизмат қилиб, болам, дуо ол.* «Маликаи айёр». *То ўлгунча, ота, қилай хизматинг, Қилган хизматларим — сенинг иззатинг.* «Маликаи айёр».

**3** Бирор ташкилот, муассаса ёки корхонада бажариладиган иш, вазифа; лавозим; шундай жойда ишлаш. *Биринчи ноябрда бўлса керак, «Муштум» хизматиغا киришганман.* А. Қодирий, Кичик асарлар. *Сиз, оғайнилар, илгари хон ёнида қандоқ хизматда бўлган бўлсаларингиз, энди ҳам ўша вазифада қолаберасилар.* А. Қодирий, Ўтган кунлар. *У [Аҳрор халфа Фузайилхонов] шу ердаги хизматга кириб, кейинчалик секин-аста биринчи синф ўқитувчиси бўлиб олди.* «Муштум».

**Хизмат ҳақи** Бирор иш ёки топшириқни бажаргани учун бериладиган ҳақ. *Мана, Мутал полвон, ҳозирча оз бўлса ҳам, шуни олиб турасиз, ammo хизмат ҳақингиз ўз йўлига бўлади.* А. Қодирий, Ўтган кунлар.

**5** Иш, топшириқ, вазифа. [Ҳомид:] *Кишининг хизматидан қочган одам эмасман.* А. Қодирий, Ўтган кунлар. *Сизга оғир келмаса, бир хизмат топширмақчиман, уста!* А. Қодирий, Ўтган кунлар.

**Хизматингизга тайёрман** Нима иш буюрсангиз, бажаравераман, буйруғингизга мунтазирман. [Шофёр йигит:] *Хизматингизга доим тайёрмиз.* С. Анорбоев, Оқсой.

**6** Сўроқ оҳанги билан айтилиб, «Менда нима ишингиз бор?» деган маънони билдиради. *-Хўш, ўртоқ Дўсматов, хизмат? — деди Давлатёр.* П. Турсун, Ўқитувчи. *-Хизмат? — деди у [Акрам] юмшоқ креслонинг суюнчигига ўзини ташлаб, Нигорага тикилди.* С. Анорбоев, Оқсой.

**7 с.т.** Армия сафида бўлиш, ҳарбий мажбуриятни ўташ. *Хизматга чақирилмоқ.* ■ [Ота-оналар] *Бундан бир ёки икки йил илгари аскарликка узатган ва хизматини тугатиши олдида урушга тўғри келиб, ҳозир жанг қилаётган болаларни эсладилар.* И. Раҳим, Чин муҳаббат.

**8** Армия таркибидаги айрим ихтисослашган соҳалар ёки тармоқлар. *Алоқа хизмати. Тиббиёт хизмати. Разведка хизмати.*

**Хизмат кўрсатган** Меҳнати эътироф этилган кишиларга бериладиган фахрий унвонлар таркибида ишлатилади. *Хизмат кўрсатган ўқитувчи. Хизмат кўрсатган фан арбоби.* *Ўзбекистон Республикасида хизмат*

*кўрсатган артист. Хизмат кўрсатмоқ* Кишилар эҳтиёжини, талабини қондириш билан боғлиқ бирор иш қилмоқ. *Маданий хизмат кўрсатмоқ. Хизматда (ёки хизматингизда) бўлайлик* Бирор кимсани меҳмондорчиликка таклиф қилганда, илтифот юзасидан айтиладиган ибора. *Мулла Фулом, буғун хизматда бўлайлик, қўл бўшади дегунча тўғри келаверасиз.* М. Исмоилий, Фарғона т. о.

**ХИЗМАТДОШ** Бирга хизмат қиладиган кишилар (бир-бирига нисбатан); ҳамкасб. *Кўчада хизматдош дўстларни учратиб қолдим.* ■ *Ишдан кейин гоҳо ўзига ўхшаган хизматдошлари билан кўчанинг нариги бетидаги.. қаҳвахонага ўтиб, андак шакарғуфторлик қилади.* Э. Аъзамов, Жавоб.

**ХИЗМАТКАШ** [а. + ф. خدمتكش — иш, меҳнат қилувчи] **1** айн. **хизматкор.**

**2** Ишдан қочмайдиган, ишни яхши бажарадиган; ишчан, меҳнаткаш. *Хизматкаш йигит.*

**ХИЗМАТКОР** [а. + ф. خدمتكار — хизмат қилувчи] **1** Бировларнинг шахсий хизмати-ни, уй ишини қилувчи киши. *Бу асар бир пардалик фожиа бўлиб, унда бир золим бойнинг йигирма йиллик мўйсафид бир хизматкорига сўнг вақтда қилган жабр ва зулми тасвир қилингандир.* Ҳамза, Танланган асарлар.

**2** Халқ ёки жамият манфаати учун хизмат қилувчи. *-Йўлингга кўз тикар, тикар албатта. Улғайсанг, ўқиб, бўл элга хизматкор!* М. Алавия.

**ХИЗМАТКОРЛИК** Хизматкор бўлишлик. *Хизматкорликка Йўлчибойни сўрамоқчиман. У синалган одам, сан нима дейсан?* Ойбек, Танланган асарлар.

**ХИЗМАТОНА** [а. + ф. خدمتانه] кам қўлл. Хизмат учун тўланадиган ҳақ. *-Бизнинг вазифамиз, мана шу шартларга биноан.. хизматона ва ширинкома олишдир, — деди [ноиб].* С. Айний, Суджўрнинг ўлими. [Эшон қози] *Мазкур ҳаққи хизматонани астагина ёнларига солдилар.* А. Қодирий, Кичик асарлар.

**ХИЗМАТЧИ** **1** Бирор идора ёки корхонада ёзиш-чизиш билан шуғулланувчи киши; ходим. *Унинг ижтимоий келиб чиқиши — хизматчи.* ■ *Идора хизматчиларининг бир мажлисида Сулаймоновни роса сулайтиришди.* А. Қаҳҳор, Икки ёрти — бир бутун. *Бирлашма хизматчилари таркибига*

стоматологларнинг киритилиши тасодифий чора эмас. Газетадан.

**2** Умуман, меҳнаткаш киши; ишчи. *Улар темир йўл хизматчилари эди. Ойдин, Суҳбати жонон. Қилинадиган ишнинг бир хиллиги хизматчини толиқтиради, аксар, анчагина куч сарф этишни талаб этади.* «Фан ва турмуш».

**3** айн. **хизматкор.** *Мулладўст — 54 ёшда, шўхтабиат.. кўнгилчан бир киши. Қозининг хизматчи ҳам мулозими. Ҳамза, Майсаранинг иши.*

**ХИЗР** [а. *خضر* — «яшилланмоқ, яшил тусга кирмоқ» фл. дан] (X — катта) дин. Ислом ривоятларида зикр этилган, ҳаёт булоғидан «оби ҳаёт» ичиб, умри боқий бўлган тақводор шахс; оғир аҳволда қолган кишиларга чол, сувори ёки йўловчи кўринишида учраб, уларнинг мушуқлини осон қилади. *Хизр назар қилмаса, эшак бозорга даллол ҳам бўлолмайсан.* Мақол. ■ **Юрган киши баланд тоғлардан ошар, Хизр назар қилган ҳам кўп узоқ яшар.** «Эрали ва Шерали».

**Хизрни йўқласам (ҳам) бўлар экан** Сўзловчи йўқлаб ёки истаб турган одам тасодифан келиб қолганда айтиладиган ибора. *-Хизрни йўқласанг бўлмасмиди, — деди Тулаган кулиб.* А. Қаҳҳор, Огайнилар.

**ХИЙЛА** [ф. *خیلی* — кўп, ортиқ] **1** рвш. Маълум даражада, бирмунча, анча. *Беморнинг соғлиги хийла яхшиланди. У сендан хийла ёшроқ.*

**2** Бирмунча фурсат, анча вақт. *Биз бекатда хийла кутиб қолдик.* ■ **Эргаш ота хийладан кейин келди.** О. Ёқубов, Қаҳрамон излаб.

**ХИЙЛИ** [ф. *خیلی*] с.т. айн. **хийла.** *Ватан фарзандлари қалбининг кучи Атомлар сиридан хийли буюқдир.* Ф. Ғулом.

**ХИЛ** [а. *خيل* — хусусият, сифат] Бирор нарсанинг нави, тури; зот, жинс. *Икки хил фикр. Атласнинг етти хил ранг жилоси.* ■ *Лекин Карим Тоиров дегани ҳам бўш келмайдиганлар хилидан экан.* С. Аҳмад, Юлдуз. *Ичимликларнинг қайси хилидан сўрасангиз — тайёр.* С. Зуннунова, Олов. *Дилдор қошларини, ёлқаларини учуриб, минг хил муқом билан кўшиқ айтарди.* С. Аҳмад, Уфқ.

**Бир хил** **1)** бир турли; ҳар жиҳатдан тенг. *Кунлар бир хил, кунлар зерикарли.* С. Сиёев, Ёруғлик. *Тош кўзага тушсаям, кўза тошга*

*тушсаям, оқибат бир хил — тош синмайди, кўза синади.* С. Сиёев, Ёруғлик; **2)** айрим, баъзи, баъзи бир. *Кўп лашкар вағирлашди, Тоғларнинг қуши учди. Қўрқоқнинг ҳуши учди. Бир хили отдан тушди.* «Юсуф ва Аҳмад». **Бир хил бўлиб кетмоқ** Тўлқинланмоқ, ҳаяжонланмоқ; ўзини ноқулай сезмоқ. *У бўйинбоғини боғларкан, хотинига разм солиб, кўнгли бир хил бўлиб кетди.* С. Нуоров, Майсаларни аёз урмайди. **Хил тушмоқ (ёки келмоқ)** Бир-бирига мос келмоқ, мос тушмоқ. *Кўп ўтмай [Набижон билан раиснинг] ораларидан ола мушук ўтадиган, гаплари гапларига хил келмайдиган бўлиб қолди.* Ф. Насриддинов, Ота ўғли.

**ХИЛВАТ** [а. *خلوت* — ёлғизланиш, ёлғиз қолиш; махфий, пана жой; чекка, овлоқ жой] **1** сфт. Одамлардан, кўздан йироқ, ҳеч ким кўрмайдиган, одам кам бўладиган; пана, овлоқ, чекка. -[Чол] *Биз билан хилват уйда гаплашди, — деди Усмон.* О. Ҳусанов, Қўшиқчининг тақдири. *Усмонбек Уратепа қозисига қарашли хилват ва дабдабали уйда ёлғиз, дарича ёнида ўтириб, Туркистоннинг ҳарбий картасини кўздан кечирмоқда.* Ш. Тошматов, Эрк қуши. *Имтиҳон ҳафтаси кириши билан факультетда хилват бурчак қолмади.* А. Қаҳҳор, Сароб. *Кейинги яқшанба борилган жой ҳақиқатан саққин, хушҳаво, хилват ер экан.* С. Абдулла, Ўртоқ Холназаров.

**2** от Тинч, осуда жой. [Ҳусайн:] *Дўстим, ёшлигимизни замон олиб кетди.. қолган умримизни хилватда ва фароғатда ўтказайлик.* Уйғун ва И. Султон, Алишер Навоий.

**Хилват қилмоқ** Панада суҳбат курмоқ, гапиришмоқ.

**ХИЛВАТГОҲ** [а. + ф. *خلوتگاه* — чекка, пана жой] Хилват жой; овлоқ, чекка жой. *Хилватгоҳда яшамоқ.* ■ **Кимсасиз бу хилватгоҳлар қўйнида турли-туман кемирувчи, емирувчи, ўрмаловчи, думалаб юрувчи жондорларнинг изи жуда кўп.** Ж. Абдуллахонов, Тўфон.

**ХИЛВАТНИШИН** [а. + ф. *خلوتنشین* — хилватда ўтирувчи] эск. кт. Хилватда яшашни севадиган, хилватда яқка-ёлғиз яшайдиган одам.

**ХИЛВАТХОНА** [хилват + хона] Хилват ёки овлоқ жойдаги уй, бино; махфий кенгаш хонаси. *Кечқурун султон.. Маждиддинни хилватхонага чақиртирди.* М. Осим, Карвон йўлларида.

**ХИЛЛАМОҚ 1** Хилларга, навларга ажратмоқ. *Қовунларни хилламоқ. Пиллани хилламоқ.*

**2** Танлаб олмоқ, сараламоқ. *Гулларни хилламоқ.* ■ *Мақтаб ташкилотларини қўлга олгандан кейин, ўқувчи ва муаллимларни хиллаш керак бўлади.* А. Қаҳҳор, Сароб.

**ХИЛЛИ** Навли, турли. *Кўп хилли.*

**ХИЛМА-ХИЛ** Ҳар хил, турли-туман. *Очилмиш хилма-хил гуллар, топиб зийнат хибёнлар. Ҳабибий. Кампир куёвини ҳамиша шундай кутади ми ёки Нусратбек келгани боис ми, таом анча кўп ва хилма-хил эди.* С. Нуров, Майсаларни аёз урмайди.

**ХИЛМА-ХИЛЛИК** Ҳар хиллик, фарқ. *Имлодаги хилма-хиллик. Фикрлар хилма-хиллиги.*

**ХИЛОНДОН** эск. Ичига соқолтароқ, қайрма пичоқ, тишковлагич каби буюмлар солиб, белбоққа осиб юриладиган, чармдан ясалган кичик сумка. *Қўлида ўша ўзинг кўрган хилондони, оёғида нагмалик этик!* А. Қодирий, Кичик асарлар.

**ХИЛОФ** [а. خلاف – қарама-қаршилик; келишмовчилик; зиддият; тафовут] Зид, қарама-қарши, тесқари. *Қоидага хилоф ҳаракат. Интизомга хилоф равишда.* ■ *Бировникини олиш шариатга хилоф, мусулмонлар! «Шарқ юлдузи».*

**Хилофи шаръий** Шарнат, дин кўрсатмаларига зид, қарши. *Мана шундай хилофи шаръий ишларингизнинг касофатидан бундай қунларга тушдингиз.* С. Айниий, Қуллар.

**ХИЛТ** [а. خلط – чатқашлик, ноаниқлик; аралашма] **1** *тиб. эск.* Одам организми таркибидаги тўрт молда (қон, балғам, сафро, савдо)нинг бири.

**2** Организмдаги турли моддалар.

**ХИЛ-ХИЛ** айн. **хилма-хил.** *Кўзни алдар хил-хил бўёқлар.. Миртемир.*

**ХИЛХОНА** [а. + ф. خيل خانه – хайли хона: бир хона аҳли, одамлари] Қабристоннинг бирор уруғ-авлодга ёки маҳаллага, ўзига қарашли марҳумни дафн этиш учун ажратилган бир бўлага, бир қисми. *Чигатой кўчасин сўл томонида Утсангиз муқаддас хилхона тараф. Саноқсиз қабрлар ғаладониди Ётибди Отелло – у буюк араб.* А. Орипов. *Лекин онам: -Йўқ, мен бу жойни ташлаб кетолмайман. Бу ерда ота-боболарим ўтган. Хилхонамиз шу ерда, – дер эди.* Ш. Холмирзаев, Оғир тош кўчса.

**ХИЛЪАТ** [а. خلعت – туҳфа, нибом қилинган уст кийим] **1** эск. *кт.* Одатда нибом, ҳада қилинадиган қимматбаҳо тўн. *Дуодан кейин ҳудайчи икки тўн келтириб, кимхобни домла Ниёзга ва қора бахмалдан тикилган мизрабошилик хилъатини Анварга кийдирди.* А. Қодирий, Меҳробдан чаён.

**2** эск. Умуман, тоза кийим, либос. *Ажаб хилъат ярашган қомати зеболаринг бордир.* Муқимий. *Хилъати рағно, бўйи зебо гулистоним мени.* Фурқат.

**ХИЛҚАТ** [а. خلقت – табиат; ташқи кўриниш; тузилиш; шакл] *кт.* Яратилган, бунёдга келган нарса ёки кимса. *Бунчалар сирлисан, о қаттол олам, Бунчалар бедилсан, бепойн хилқат.* А. Орипов. *Бемор менга узоқ тикилиб турди. Худди мени биринчи кўраётгандай, ажиб хилқатга тикилаётгандай томоша қилди.* А. Нурмуролов, Уруш бевавлари.

**ХИМИК** қ. **кимёгар.** *Химик олим.*

**ХИМИК** қ. **кимёвий.** *Химик реакция.*

**ХИМИКАТ** [«химия» с. дан] Кимёвий усулда тайёрланган препаратлар, кимёвий моддалар. *Учувчи унинг [Қудратнинг] устидан заҳарли химикат – бутифос сепмоқда.* «Ёшлнк».

**ХИМИЯ** [лот. chimia < а. كيميا – кимё] қ. **кимё.** *Органик химия.*

**ХИМИЯВИЙ** қ. **кимёвий.** *Химиявий маҳсулотлар. Химиявий препарат. Химиявий қуроллар.* ■ *Натрийнинг химиявий активлиги каллийшиқидан устунроқ.* «Фан ва турмуш».

**ХИНА** [а. حناء – хина] **1** Дербендошларга мансуб буталар ёки дарахтчалар туркуми; шу туркумга оид қизғиш гулли ўсимлик. *Ариқ бўйидаги.. кичикроқ супа атрофиди райҳон, намозшом, хина гуллари барқ уриб ётарди.* С. Зуннунова, Олов.

**2** Шу ўсимликдан олиннадиган, қўл, тирноқ, сочни бўяш учун ишлатиладиган қизғиш-сариқ рангли бўёқ. *Ингичка белларинг тасма, Қўлда хина, қошда ўсма.* «Эрали ва Шерали».

**Ҳайитдан кейин хинани кетингга (ёки орқангга) қўй** (аввалги пайтда қўл ва оёқ бармоқларига, қафтга хина кўпинча ҳайит арафасида қўйилган) *с.т.* Ўз вақтида қилинмаган иш, кўрилмаган чора-тадбир ҳақида айтиладиган ибора.

**ХИНАГУЛ** Манзарали ўсимлик сифатида экиладиган, оқ, пушти, қизил рангда гуллайдиган бир йиллик ўт ўсимлик.

**ХИНАЛАМОҚ** Хина билан бўямоқ. *Тирноқларни хиналамоқ.*

**ХИНАЛИ** Хина қўйилган, хина билан бўялган. *Келинг, икков кўришайлик Ноз хинали қўл билан. «Кўшиқлар».*

**ХИНЗИР** [а. خنزير — чўчқа] эск. кт. Чўчқа, тўнғиз.

**ХИНИН** [ингл. quinine < кечуа тилида: kina — пўстлоқ, пўст, қобик] Тиббиётда безгакка қарши препарат сифатида қўлланувчи, хин дарахти пўстлогидан олинадиган алкалоид.

**ХИНО** кт. поэт. айн. **хина** 1, 2. *Бодайи гулгун ичиб, рангим хино қилмоқчиман. Ҳабибий. Мен жим ётарману қирда ё жарда Ва йиглаб ўпарман қўлинг хиносин. М. Юсуф.*

**ХИППА** рвш. 1 Батамом, узил-кесил. *Мақсуд қори ортиқ гапиролмади, йиғи келиб, томоғини хиппа бўғиб қўйганди. Х. Тўхтабоев, Йиллар ва йўллар.*

2 Жон-жаҳди билан, бирдан. *Икки ёндан келган икки киши уни хиппа ушлади. «Шарқ юлдузи».*

**ХИПЧА** Ингичка, нозиккина; келишган. *Алёнка қамишдек хипча бел, чиройли бир қиз эди. М. Осим, Элчилар. Сочинг сунбул, хипча келгандир белинг. «Нигор ва Замон». У сочи оқара бошлаган, лекин қадди-қомати йигитларникидек хипча, бўйи ўртадан тикроқ киши эди. П. Қодиров, Уч илдиз.*

**Хипчадан келган** Бели ингичкароқ, нозикроқ; озғинроқ. *Почталён хипчадан келган, юлдузи иссиққина ўспирин эди. Ш. Рашидов, Бўрондан кучли.*

**ХИПЧАЛАШМОҚ** Хипча бўлмоқ, нозиклашмоқ; ингичкалашмоқ. *Кимсан Султонпошанинг киртайган кўзларини, ориқлаб, хипчалашиб қолган гавдасини кўз олдига келтирди. А. Мухтор, Туғилиш.*

**ХИПЧИН** айн. **хивич**. *Олимжон нуқул ҳўкизларини хипчин билан савалар эди. Ў. Ҳошимов, Икки эшик ораси. Файзулла учиб келади-ю, душманнинг калласига қўлидаги хипчин билан бир туширади. С. Сиёев, Ёруғлик.*

**ХИПЧИНЛАМОҚ** айн. **хивичламоқ**.

**ХИРА** [ф. خيره — қоронги, қора; ожиз, қўрқоқ; ҳайрон, саргашта; ботир, жасур; беҳаё, сурбет, шилқим; хумор, ғамгин (кўз)]

1 Ёруғ, равшан эмас; нурсиз. *Хира ёруғ унинг юзини бир дамгина ёритади. С. Зуннунова,*

*Кўк чироқлар. Шифтга илинган тошчироқ чайла ичини хира ёртиб турарди. «Ёшлик».*

2 Тиниқ, шаффоф эмас. *Хира сув. ■ Трамвайнинг хира ойнасидан бўш вагонда ўтириб кетаётган кондуктор лип этиб бир кўринишдаёқ Зайнабнинг бутун хаёлини ўғирлаб кетганини билармикан? С. Зуннунова, Кўк чироқлар.*

3 Ноаниқ равишда; яққол кўзга ташланмайдиган. *Шундан сўнг улар хув олисда кўзга хира ташланиб турувчи сарбаланд тоғлар томон юриб кетишди. «Ёшлик».*

4 Яхши кўролмайдиган, кўриш қобилияти паст. *Мана шундай маъноли Бувим айтган сўзлари. Электрдан нур олар Энди хира кўзлари. З. Диёр. Оқсоқолнинг хира кўзлари чақнади, аччиғи келди. П. Турсун, Ўқитувчи.*

5 кўчма Жаранглаб чиқмайдиган, хириллаган (овоз ҳақида). *Хира овоз. ■ -Болам, қорнинг тўқ экан, овозинг хира чиқди, — деди дадаси. Ойбек, Танланган асарлар.*

6 кўчма Фашга тегадиган; шилқим, сур. *-Бўлди! Мунча хира пашшага ўхшаб ғинғиллайсан! — деди у зардаси қайнаб. «Ёшлик». Хира меҳмон шунда ҳам нари кетмади: -Лекин мен бугун шу ерда тунашим керак. Х. Султонов, Онамнинг юрти.*

7 кўчма Ноаниқ; чигил. *Хира ўйлар юрагини ғаш қилар эди. «Ёшлик».*

8 кўчма Кишини хурсанд қилмайдиган, кўнгил тўлмайдиган; камчилиги бор. *Ютуқларимиз кўп. Бироқ ишимизнинг айрим хира томонлари ҳам бор. Газетадан.*

**Кўз(и) хира тортмоқ** Кўриш қобилияти пасаймоқ. *Кўзим хира тортганми, билмайман, уни зўрға танидим. «Ёшлик».* **Кўнгли (ёки таъби) хира** Юраги ғаш, нотинч. *Бироқ Саломат опа чойга уринганда, яна бирдан кўнгли хира бўла бошлади. А. Мухтор, Ҳаётга чақирди. Кўнгли ғаш, таъби хира бўлиб ётган Гулхайри ичкари хонага ўтиб кетди. С. Нуоров, Майсаларни аёз урмайди. Хира тортмоқ* Ёруғлиги, нури камаймоқ. *Ой ҳам бутунлай хира тортиб, уфққа ёнбошлади. А. Мухтор, Кумуш тола. Хира қилиб ётмоқ* Бирор жойнинг кўркини бузиб, банд қилиб ётмоқ. [Тўнка] *Ётарди хира қилиб Ҳовлимиз бир бурчини. Қ. Муҳаммадий.*

**ХИРАД** [ф. خرد — ақл, идрок, эс, фаҳм] эск. кт. Ақл, заковат; донолик.

**ХИРАДМАНД** |ф. خردمند – ақлли, эсли; доно| *эск. кт.* Ақлли, донишманд. *Топиб илму хирадга пайванд, Ҳам олим эди-ю, ҳам хирадманд.* Алишер Навоий.

**ХИРАЛАНМОҚ 1** Ўз шаффофлигини, тиниқлигини, равшанлигини йўқотмоқ; хира бўлиб қолмоқ, хиралашмоқ. *Кўёш ботди, оқшом чўкди далага, Хираланиб келар қўриқ этаги.* Ғ. Шоди.

**2** Кучсизланмоқ, заифлашмоқ, нур сочиш, ёритиш даражаси камаймоқ, яхши кўринмайдиган бўлиб қолмоқ. *Туман қуюқлашиб, ой хираланди.* ■ *Юлдузлар хираланиб, жимгина сўнаркан, Шоқир ота унинг кўлидан тугтиб, куч билан судраб етаклади.* Ойбек, Танланган асарлар. *Сийрак оқ булут орқали хираланиб кўринган қўёш ғарбга қараб юмалай бошлаган бир пайтда отлиқлар қишлоққа кириб келиб, ўзларини ўраб олган одамлардан оқсоқолни сўрадилар.* П. Турсун, Ўқитувчи.

**3** Кўриш қобилияти пасаймоқ, яхши кўролмайдиган бўлиб қолмоқ; хиралашмоқ. *Эртақ эшитишга қизиққан боладек [Элмурод] чолнинг.. хираланган кўзларига тикилди.* П. Турсун, Ўқитувчи.

**4** кўчма Бировни зериктирадиган, гашига тегадиган даражада ҳаракат қилмоқ, хиралик қилмоқ; шилқим бўлмоқ. *Бола хираланиб, онасига ёпишарди.* Газетадан.

**ХИРАЛАШМОҚ** *айн. хираланмоқ.* Бу орада туман тушди. Юлдузлар хиралашди. «Ёшлик». *Онанинг кўзлари ёйдан хиралашиб, ўғлини овутди..* С. Нуров, Нарвон.

**ХИРАЛИК 1** Бирор нарса. буюмнинг тиниқ, равшан эмаслиги. *Шишанинг хиралиги.* Кўзнинг хиралиги.

**2** кўчма Шилқимлик, гашига тегиш. *Хиралик қилмоқ.* ■ *Хайрият, Раҳматов ортиқ хиралик қилмади, тансиҳатлик тилаб, секин чиқиб кетди.* М. М. Дўст, Лозавор.

**3** кўчма Безовталиқ; нохушлиқ; гашлиқ. *Топиволдининг кўнглидаги хиралик бир оз тарқалгандек бўлди.* Т. Ашуров, Оқ от.

**ХИРАХАНДОН** |ф. خيره خندان – бекордан-бекор, бежо кулаверадиган| Ўз хурсандчилиги учун бошқаларга озор берадиган; шилқим; безори. *Мушукларни қийнаб, товуқларга тош отиб ўйнайдиган хирахандон болалар бўлади.* П. Қодиров, Уч илди.

**ХИРГОЙИ** Паст овоз билан айтиладиган ашула. *Узоқдан қизларнинг хиргойиси эшитилди.* О. Ёқубов, Эр бошига иш тушса.

**ХИРИЛДОҚ** *айн. хириллоқ.* *Анчадан кейин ичкаридан: -Савдо йўқ, дўкон ишламайди, – деган хирилдоқ овоз эшитилди.* О. Ёқубов, Улуғбек хазинаси.

**ХИРИЛЛАМОҚ** Хир-хир овоз чиқармоқ, хир-хир қилмоқ. [Алимардон Тўраев] *Пул учун дунёнинг нариги чеккасига боришдан ҳам тоймас, тўйларда тонготар ашула айтиб, хирллаб қоларди.* Ў. Ҳошимов, Баҳор қайтмайди. *Аввало моторнинг овози ўзгарди, хирллади, кейин бутунлай учди.* О. Ёқубов, Баҳор кунларидан бирида.

**ХИРИЛЛАШ 1** Хирлламоқ фл. ҳар. н.

**2** тиб. Нафас йўллариининг торайиши ёки уларда патологик ҳолат бўлиши натижасида юзага келадиган нафас шовқинлари.

**ХИРИЛАШМОҚ 1** Хирлламоқ фл. бирг. н. *Итлар бир-бирига хирллашди.*

**2** кўчма с.т. Биров билан уришмоқ, айтишмоқ; жанжаллашмоқ. [Йўлчи] *Ҳозир унинг назарида оламда энг паст ва разил кўринган Мирзакаримбой билан пул юзасидан хирллашиши, ёқа бўғишишни ўзига ор билади.* Ойбек, Танланган асарлар.

**ХИРИЛЛОҚ** Хириллайдиган, «хир-хир» қиладиган (овоз, товуш ҳақида). *Зиндоннинг қопқоғи очилиб, «Чиқ, сени кўрбоши жаноблари йўқлаятдилар», деган хириллоқ овоз эшитилди.* Х. Тўхтабоев, Йиллар ва йўллар. *Фақат қандайдир хириллоқ ун чиқади.* С. Азимов. *Оппоқ тонг кўшиғи.*

**ХИРМОН** |ф. خرمن – дон ёки янчилмаган бугдой уюми; бугдой тўкилган жой|

**1** Йиғиб-териб олинган экинлар ҳосилини тўплаш учун ажратилган жой, майдонча. [Уста амаки] *Жўхори ери ёнидаги бугдойи ўриб олинган бир ерни кўрсатиб, у ерни хирмон жойи қилишга маслаҳат берди.* С. Айний, Эслаликлар. *Вали ака ўғлига хирмон қилинадиган жойни кўрсатиб, ўзи теримчиларни Мадаминхўжанинг пахтазорига.. бошлаб кетди.* М. Исмоилий, Фаргона т. о.

**2** Шундай жойга янчиш, тозалаш ёки қуритиш учун келтирилган маҳсулот (ғалла, пахта ва ш.к.). *Ўроқда йўқ, машоқда йўқ, хирмонда ҳозир.* Мақол. *Ишга қўним – хирмонга унум.* Мақол. ■ *-Сизнинг ўроғингизни ўрган, хирмонингизни янчган.. чексиз хўрланган бир инсонни биламан, – деди Элмурод.* П. Турсун, Ўқитувчи.

**3** Кўп миқдорда тўплаб қўйилган, уйиб ташланган нарсалар. *Шайх Исмоил ҳам ким-*



гадир имо қилди. Бир лаҳзада ҳар томондан китоб хирмонига ўт урилди. К. Яшин, Ҳамза.

**Хирмон кўтармоқ** Ҳосил етиштириб, йиғиб олмоқ. *Гектаридан 15 центнердан хирмон кўтарди.* Т. Ашуров, Оқ от. **Хирмон қилмоқ** Ҳосилни бир жойга тўпламоқ, йиғмоқ. *Пахтани хирмон қилмоқ. Ғаллани хирмон қилмоқ.*

**ХИРМОН-ХИРМОН** Хирмонлаб; кўплаб, жуда кўп. *Бугунги хирмон-хирмон пахталар.. халқимизнинг меҳнати эвазига келган чўл инъомидир.* Ш. Рашидов, Янги ер ҳақида сўз.

**ХИРОЖ** [а. خراج — чиқариш; ер солиғи] Яқин ва Ўрта Шарқ мамлакатларида, жумладан, Ўрта Осиёда ўрта асрлар ва янги даврда давлат томонидан ундирилган ер солиғи (7-асрда араблар томонидан жорий қилинган). [*Навойи:*] *Азиз фуқаро! Ҳирот беклари тарафидан ноҳақ солинган хирож бекор қилинди.* Уйғун ва И. Султон, Алишер Навоий. *Хива хони Муҳаммад Раҳим I хирожни пул билан ундиришни жорий қилган.* «ЎзМЭ».

**ХИРОМ** [ф. حرام — латиф, назокатли юриш, виқорли қадам] *поэт.* Чиройли юриш, ноз-таманно билан қадам босиш. *Хиром айламоқ (этмоқ, қилмоқ).* ■ *Агар ёринг хиром этса, Саболардан аён бўлмай.* А. Орипов. *Ҳар дам хиром айлаб кирсанг гулзора, Гуллар кўксин йиртиб қилгай юз пора.* Ҳабибий.

**ХИРОМОН** [ф. خرامان — латиф, назокатли юрадиган, виқорли қадам ташловчи] **1** *поэт.* Чиройли юрадиган, ноз-таманно билан қадам босадиган. *Хайр, гўзал жононим, Севимли хиромоним.* М. Шайхзода. *Отмагай тонг боғ аро азминг хиромон бўлмаса, Булбули шайдоларинг гул узра нолон бўлмаса.* С. Абдулла. *Товус каби айлаб хиромон, Рақсга тушиди бир гўзал жонон.* Э. Воҳидов, Нидо.

**ХИРПА 1** Бир томони тошга ишқаб силлиқланган; сийқаси чиққан, силлиқ (ошиқ ҳақида). [*Султон киссавур*] *Кўлида тўртта хирпа ошиқни ўйнаб келар эди.* Ғ. Фулом, Шум бола.

**2** *кўчма* Кўпни кўрган; қув, туллак. *Тулкиликда бу одам хирпа бўлиб кетган.* Мирмуҳсин, Қизил дурралар. [*У*] *Баъзи эски хирпа амалдорларнинг кирдикорларини ўрганди.* Ойбек, Навоий.

**ХИРПАЛАМОҚ 1** Тошга ишқаб, едириб текисламоқ, силлиқламоқ. *Ошиқни хирпаламоқ.*

**2** *кўчма* Бурнини ерга ишқаламоқ, адабини бермоқ. - *Биз ўттиз киши Бадиуззамоннинг элик-олтмиш йигитини обдан хирпаладик, — деди Арслонқул Навоийга иржайиб.* Ойбек, Навоий.

**ХИРПИ** *айн.* хирпа.

**ХИРС** [ф. خرس — айиқ] *с.т.* Айиқ. *Ўзи ҳам хирсдан баттар кучли экан, то бошини қайирғунимча, тагин икки тупни эзиб юборди.* Ҳ. Назир, Бир туп гўза. *Катта темир дарвоза остида чўзилиб ётган хирсдай ит бошини кўтариб ириллади.* А. Қаҳҳор, Бошсиз одам.

**Хирсдай тўқ 1)** овқатни кўп еган, қорни тўқ; **2)** *кўчма* мўл-кўлчиликда яшовчи бой, бадавлат киши ҳақида.

**ХИРУРГ** [юн. cheirourgia — қўл иши] *қ.* **жарроҳ.** *Мурод Раҳимов қўли энгил хирург эди.* Газетадан.

**ХИРУРГИК** *қ.* **жарроҳлик 2.** *Хирургик операция.*

**ХИРУРГИЯ** [юн. cheirourgia — қўл иши < cheir — қўл + ergon — ҳаракат, иш] *қ.* **жарроҳлик 1.** *Хирургия бўлими.* ■ *Ҳозирги замон хирургия фани кимё, физика, молекуляр биология каби соҳалардаги ютуқлар натижасида ривожланиб бормоқда.* «Фан ва турмуш».

**ХИР-ХИР** *тақл. с.* Хириллаган овоз, товуш ҳақида. *Бек сўз давомида негадир хирхир кулади.* А. Қаҳҳор, Асарлар. *Аҳрор хирхир йўталди.* Ш. Тошматов, Тонгдаги кўланка.

**ХИРҚА** [а. خرقه — қуроқ; лахтақ; латтапутта] *эск. 1* Дағал матолардан қураб тикланган либос; дарвишлар кийими; жанда. *Қаландар дарвишлик хирқасини кийишга кийиб, пушаймон чекиб юрган пайтлар эди.* О. Ёқубов, Улуғбек хазинаси.

**2** Эски, жулдур кийим. *Камбағалнинг хирқасидан ор қилмоқ шунчалар.* Муқимий.

**ХИРҚАПЎШ** [а. + ф. خرقه پوش — хирқа кийган; дарвиш, қаландар] *эск. 1* Жанда кийган; дарвишлик қилувчи, дарвиш.

**2** *Энгил-юпун кийинган; фақир, камбағал; тиланчи, гадоий.*

**ХИРҚИ** *айн.* **хирқироқ.** *Хонага жимлик чўкиб, тўсатдан яна йиғи товуши хавф солиб қолди.* Шу тонда ҳаммадан тетикроқ

Оксана эркакча хирқи товуш билан бунинг олдини олди. А. Мухтор, Туғилиш.

**ХИРҚИРАМОҚ** «Хир-хир» қилиб овоз чиқармоқ. *Ёнда Дадақўзи ҳам инқиллаб инграб, пичоқ егандек хирқирарди.* А. Мухтор, Бўронларда бордек ҳаловат.

**ХИРҚИРОҚ** Хириллаган, «хир-хир» қиладиган; хирилдоқ. *Ушалмаган орзу аламидан изтироб чекиб, паришонҳол турганида, кимдир хирқироқ товушда.. деди.* С. Анорбоев, Сайли. *Муаззинларнинг хирқироқ товуши тинган, тонг ёришиб келарди.* С. Сиёев, Ёруғлик.

**ХИСЛАТ** [а. *خصلت* — сифат, хосса, хусусият] Киши ёки нарсанинг муҳим ижобий белгиси; сифати; хусусият, фазилат. *Яхши хислат — гўзал фазилат.* Мақол. ■ *Ҳар фаслнинг ўз хислати бор, Ҳар фаслнинг ўз фазилати, Кумуш қишдан, зумрад баҳордан Қолишмайди кузнинг зийнати.* Уйғун.

**ХИСЛАТЛИ** Бирор хислатга эга, хислати бор. *Бу ажойиб хислатли аёлнинг қилмишқидирмишларини унинг ўзидан эшитамиз.* Т. Рустамов, Мангу жасорат.

**ХИТ** Тажанг, асабий; бўғилган. *Мен, дарвозани ёниб, ичкарига кирдим. Негадир хит эдим.* Ш. Холмирзаев, Оғир тош кўча.

**Кўнгли хит** Таъби хира, кўнгли ғаш. -*Кўнглим хит бўлиб, диванга ёнбошладим, — деди Учқун.* О. Ёқубов, Бир фельетон қиссаси. **Хит бўлмоқ** Асабийлашмоқ. *Рустам бобо ҳалидан буён суҳбатга аралашолмагани учун, баҳона тополмаганидан, хит бўлиб турганди.* Х. Тўхтабоев, Йиллар ва йўллар **Хит қилмоқ** Юракни сиқмоқ, асабийлаштирмоқ. *Босим ўтириб, хатларга жавоб ёзавериш одамни хит қилиб юборди.* Ф. Мусаёнов, Ҳиммат. [Шум бола:] *Хўжайин, дейман, ўзингиз ҳам жуда хит қилиб юборар экансиз-да!* Ф. Фулом, Шум бола.

**ХИТЛАНМОҚ** кам қўлл. айн. **хит бўлмоқ** қ. **хит**.

**ХИТЛИК** Қайсарлик, ўжарлик, асабийлик. *Йўлдошнинг асаби кечгача ёзилмади. Самоварнинг жўмрагини бурашга ҳам хитлик қилиб, бир-икки марта қўлини куйдириб олди.* Н. Юсуфий, Ҳаёт сўқмоқларида.

**ХИТОБ** [а. *خطاب* — нутқ; ёзув, ёзувли хабар, ахборот] Кучли ҳис-туйғу, ҳаяжонни, истакни ифодаловчи жумла; чақириқ. *Оломон яна гув этиб, «Балли, азамат!»*

*«Умринг узоқ бўлсин, болам!» деган хитоблар эшитилди.* О. Ёқубов, Эр бошига иш тушса.

**Хитоб қилмоқ** (ёки **этмоқ**) Кучли ҳис-ҳаяжон билан қичқирмоқ, бировга мурожаат қилмоқ. -*Хурматли жаноблар!* — *деди у хитоб қилиб.* К. Яшин, Ҳамза.

**ХИТОБАН** [а. *خطاباً* — хитоб қилган ҳолда, хитоб тарзида] *рвш.* Мурожаат қилиб, мурожаат тарзида. -*Жанобнинг амрлари билан, — деди Анвар уларга хитобан, — энг оғир ва жавобгарлик бир хизматни ўз устимга олишга мажбур бўлдим.* А. Қодирий, Меҳробдан чаён. [Навий] *Шунинг учун лирик бир чекиниш билан соқийга хитобан айтади..* Т. Жалолов, «Хамса» талқинлари.

**ХИТОБНОМА** [хитоб + нома] Бирор иш ёки ҳаракат қилишга ундаб ёзилган мактуб, ёзма чақириқ, мурожаатнома. *Тинчлик тарафдорларининг хитобномаси.*

**ХИТОЙ 1** қ. **хитойлар.** *Хитой тили.* *Хитой аёл.* ■ *Бу паҳлавон Искандар илтифотига ноил бўлган хитой гўзали бўлиб чиқади.* Т. Жалолов, «Хамса» талқинлари.

**2** Хитойга, хитойларга хос; Хитойда ишланган. *Хитой маданияти. Хитой вазаси.* ■ *Эшон ая хитой лаганда қовурма олиб кирди.* С. Аҳмад, Ҳукм. *..безак учун у ерга, бу ерга қўйилган хитой вазаларини латта билан яхшилаб артди.* Ойбек, Танланган асарлар.

**Хитой девори** 1) Хитойини Мўғулистондан ажратиб турган қадимий девор; Садди Чиний. *Ана, катта кўрғон. Унинг уч томонидаги баланд деворлар Зиёдиллага «Искандарнома»да таърифланган хитой деворига ўхшаб кўринди.* Ҳ. Фулом, Машғал; 2) кўчма ўтиб бўлмас тўсиқ, гов; ажратиб турувчи чегара. *Шундан кейин бу икки дўст ўртасида хитой девори пайдо бўлди.* «Ёшлик». **Хитой ловия** с. т. Соя (ўсимлик). **Хитой қоғоз** с. т. Юпқа шалдиروқ қоғоз. *Эрталаб кичкина хитой қоғозга ёзилган хатни олиб, Серёжа Астахов орқасига қайтди.* А. Раҳмат, Соқов бола.

**ХИТОЙИ** Хитой мамлакати ва хитойларга оид; Хитойда тайёрланган. *Хитойи шоҳи.* ■ *Отабек шошиб, тоқчадаги хитойи норин товоқни олди.* А. Қодирий, Ўтган кунлар. *Беклар, вазирлар.. кимхобларга, хитойи шоҳига беланиб [подшоҳ ёнига] киришди.* Ойбек, Навоий.

**ХИТОЙЛАР** Хитой Халқ Республикасининг асосий аҳолисини ташкил этувчи,

хитой тилида сўзлашувчи халқ (ўзларини ханцу, хань деб атайдилар). *Улуғбек турклар ва хитойлар кеча-кундузни ярим кечадан бошлаганликларини қайд этади.* «Фан ва турмуш».

**ХИТОЙЧА 1** Хитойга, хитой халқига, унинг алифбоси, тили, адабиёти ва маданиятига оид. *Хитойча рақс.*

**2** Хитой тили. *Хитойча гаплашмоқ. Сиз хитойчани биласизми?*

**ХИТОЙШУНОС** [хитой + ф. شناس — ўрганувчи] Хитой тили, адабиёти, иқтисодиёти, сиёсати, фалсафаси, маданияти ва тарихи билан шуғулланувчи мутахассис; синолог. *Хитойшунос олим.*

**ХИТОЙШУНОСЛИК** Хитой тили, адабиёти, иқтисодиёти, сиёсати, фалсафаси, санъати, маданияти ва тарихини ўрганувчи фан; синология.

**ХИХ** унд. с. Эшакни тез юргизишга қисташ учун ишлатилади. *У [Хасан овчи] эшакни, хих, деб тезлатди.* Ш. Тошматов, Эрк қуши.

**ХИ-ХИ** тақл. Секин, босиқ товуш билан кулишни ифодалайди. *-Хи-хи-хи. Бу менга сир эмасди, дўстим, — деди Урфон, оғзининг таноби қочиб.* К. Яшин, Ҳамза.

**ХИХИЛАМОҚ** Секин, босиқ товуш билан кулмоқ. *-Камтарликдан ўргилай, — яна хихилаб кулди банги.* О. Ёқубов, Ларза. *Ҳаммалари кулишиб, айниқса, Холмирза аканинг хихилашдан ичаги узилаёзди.* А. Қодирий, Обид кетмон.

**ХИХЛАМОҚ** «Хих», «хих» деб эшакни юришга ундамоқ. *Майна эшагини хихлади ва шу заҳотийёқ кетидан Нарзи тоға минган эшакнинг ҳам дикирлаган йўрғаси эшитилди.* Ш. Тошматов, Эрк қуши.

**ХИШТ** [ф. خشت — гишт; қуйма (олтин)] эск. айн. **ҒИШТ.** Қўлингдан ўтмишдир ҳар битта хишти, Раҳмат, дер ўзбекнинг ўн етти пушти. Ф. Фулом.

**ХИШТАК** [ф. خشک — кичик гишт; иштон оғига, қўйлак қўлтигига қўйилади-ган мато парчаси] Иштон, шим, шалвар кабиларнинг ҳар икки қисмини бир-бирига улашда чот оралиғига ёки қўйлак қўлтигига қўшиб тикиладиган туморча шаклидаги бир парча мато; оғ.

**ХИШТИН** [ф. خشتين — гиштли, гиштлидан қилинган] эск. айн. **ҒИШТИН.** *Отабек, қутидор ва Офтоб ойим.. янги хиштин саға-*

*на қаршисида тўхтадилар.* А. Қодирий, Ўтган кунлар.

**ХЛОР** [юн. chloros — яшил-сарик] Менделеев даврий системасининг VII гуруҳига мансуб кимёвий элемент; яшил-сарик тусли, ўткир ҳидли, заҳарли, бўғувчи газ. *Хлор бирикмалари халқ хўжалигининг турли соҳаларида кенг миқёсда ишлатилади.* «Анорганик кимё».

**ХЛОРЛАМОҚ** Нарсаларни хлор воситасида зарарсизлантирмоқ, дезинфекция қилмоқ. *Оқова сувларни сув ҳавзаларига ағдарилшдан олдин хлорлаб, ультрабинафша нурлар.. таъсир эттирилади.* «Фан ва турмуш».

**ХЛОРЛИ** Таркибида хлори бор, хлор қўшилган. *Хлорли сув бўлган идишининг тиқини очилса, ундан хлорнинг ҳиди келиб туради.* «Анорганик кимё». *Хлорнинг сувдаги эритмаси «хлорли сув» дейилади.* «Анорганик кимё».

**ХЛОРОФИЛЛ** [юн. chloros — яшил + phylon — бар] Ўсимликларнинг яшил пигменти: ёруғлик энергиясини ўзлаштириб, уни органик моддаларнинг кимёвий энергиясига айлантиришдан иборат биологик вазифани бажаради. *Сувўтлар.. хўжайраларида хлорофилл доналари сақлайдиган ва ёруғлик таъсирида органик моддалар ҳосил қиладиган тубан ўсимликлардир.* «Ботаника».

**ХЛОРОФОРМ** [юн. chloros — яшил + лот. form — тус, кўриниш] Саноатда эритувчи, тиббиётда асосан наркоз шифатида қўлланувчи ўткир ҳидли, ширин таъмли рангсиз суюқлик. *Хлороформ ҳидлатмоқ. ■ Хлороформни барқарорлаштириш учун унга 1% ли этил спирти қўшилади.* «ЎЗМЭ».

**ХОБ** [ф. خواب — уйқу, ухлаш; туш, туш кўриш] **1** кт. айн. **уйқу.** *Ёмғир ҳам тинмади ўша кун ҳеч, У ҳам қуволмади кўзда хобингни.* А. Орипов.

**2** айн. **туш 1.** *Қалбгинаси зирқирар лўқ-лўқ, Ўнмас гўё кезар хоб ичра.* М. Али.

**ХОБГОҲ** [ф. خوابگاه — ухлаш хонаси; кўрпа-ёстиқ] кт. Ётоқхона. *Бу мудҳиш хабар Самарқандга келганда, Бобур қаттиқ бетоб бўлиб.. хобгоҳда иситмалаб ётган эди.* П. Қодиров, Юлдузли тунлар.

**ХОБХОНА** [хоб + хона] айн. **хобгоҳ.** *Латофат хобхона эшигини очиб, унинг жойини тайёрлаб қўйган экан.* А. Ибодинов, «Латофат» дўқонидаги қатл.

**ХОДА** [ф. *خاده* – узун ёғоч, таёқ] Катта дарахтнинг бутоқ ва шох-шаббалари кесиб ташланган пояси, танаси; узун ёғоч. *Сада соя берар, Тол хода берар.* Мақол. ■ *Йўли.. чирик тахталар ўрнига йўгон-ингичка ходалар ётқизилган кўприк олдиди қовун ортган арава тўхтаганини.. кўрди.* Ойбек, Танланган асарлар.

**Думини хода қилиб** қ. дум 1.

**ХОДИМ** [а. *خادم* – хизматчи; хизматкор; югурдак] 1 эск. Ўтмишда сарой ёки ўрдада хон, бек ва ш.к. нинг хизматини қилиб юрувчи киши. *Хон, аёёнларига рухсат бериб, ҳарамга кирган, ўрданинг кундузлик ходимлари тарқалишиб, фақат кеча беклари, хон соқчилари, доимий ходимлар қолган эдилар.* А. Қодирий, Меҳробдан чаён.

2 Бирор идора ёки муассасада ишловчи киши, хизматчи. *Савдо ходими. Халқ маорифи ходимлари. Тиббиёт ходими.* ■ -*Тергов ўтказмасдан қандай ушлайсиз, – эътироз билдирди прокуратура ходими.* Х. Тўхтабоев, Ширин қовунлар мамлақати.

**Илмий ходим** Илмий текшириш муассасасида ишловчи киши. *Кўп ўтмай илмий ходимлардан баъзилари Салимхон Обидийнинг.. нега кетиб қолганини Умиддан сўрашди.* Мирмуҳсин, Умид. *Институтимизда қанча илмий ходим бўлса, ҳаммаси ёпирилиб келаверди.* Х. Тўхтабоев, Ширин қовунлар мамлақати.

**ХОДИМА** [а. *خادمه* – хизматчи аёл; оқсоғ] Аёл ходим. *Уттиз беш ёшларда кўринган бу гўзал хотин ҳарам ходималаридан Гулшанбону эди.* А. Қодирий, Меҳробдан чаён. *Кейин ходима ҳовлининг бир чеккасида қўл қовуштириб турган дуркунгина канизакни кўриб, бир имо қилди.* М. Осим, Карвон йўллариди

**ХОДИМГАР** [а. + ф. *خادمگر* – ходимлик қилувчи] Ходими қилувчи киши. -*Оталаримизнинг кўпчилиги майда косиблар, қоровул, ходимгар, мешкоб.. ва ҳоказо бўлган хизматчилари учун.. уларнинг ёнига кўмакчи бўлиб тушиши бизга тўғри келмас эди, – деди Шум бола.* Ф. Ғулум, Шум бола.

**ХОДИМИ** [а. + ф. *خادمی* – ходимлик, хизмат кўрсатиш]: **ходими қилмоқ** Бировнинг ишқалаб, уқалаб ювинтирмоқ, массаж қилмоқ (асосан ҳаммомда). *Ҳасанхонни Хон Далли ходими қилиб ухлатди.* Эргаш Жуманбулбул ўғли.

**ХОДИМЛИК** Ходим бўлиб хизмат қилишлик. *Газетада ходимлик қилмоқ.*

**ХОДИМЧИ** с.т. Ходимгар.

**ХОДИМГАР** с.т. Ходимгар. У [Мирзо] *ҳордиқ оқиёми ҳаммомга тушди-ю, ходимгарлардан бирига ҳалиги сўроғини берди.* А. Қаҳҳор, Мирзо.

**ХОЖА** [ф. *خواجه* – хурматли, обрўли киши; жаноб, хўжайин; мулкдор] кт. тар. 1 Хўжа, хўжайин. [Беруний:] *Гурганж амиридек зolim юртимизга хожа бўлса, ҳолимизга вoй!* М. Осим, Жайхун устида булутлар.

2 Тасаввуфда: тариқат машойихларига бериладиган унвон. Масалан: Хожа Юсуф Ҳамадоний, Хожа Абдухолиқ Гиждувоний.

**ХОИН** [а. *خائن* – аҳдини бузувчи, хиёнаткор] 1 Аҳдини, қасамини бузиб, хиёнаткорона иш тутувчи; фирибгар, муттаҳам. *Эндигина гунчадан чиқаётган бу ёсуман гулни [Кумушбидини] хоин қўлларнинг захри сўлитган.* А. Қодирий, Ўтган кунлар.

2 Ўзи мансуб бўлган ижтимоий гуруҳ ёки ўз халқи, ўз ватани манфаатига зид иш тутувчи, унинг душманлари билан ҳамкорлик қилувчи, душман томонига ўтган киши; сотқин. [Навоий:] *Давлатимизни яқсон қилмоқчи бўлган хоинга салтанат даргоҳида ўрин йўқ!* Уйғун ва И. Султон, Алишер Навоий.

**ХОИНЛАРЧА** айн. **хоинона**. *Хоинларча иш тутмоқ.*

**ХОИНЛИК** Сотқинлик. *Сизлар учун мардлик билан хоинликнинг фарқи қолмадими? Кечагина Бобур мирзога содиқмиз, деб қасам-ёд этганлар бугун унга шунчалар ёмонлик қилмоқдасиз?!* П. Қодиров, Юлдузли тунлар.

**ХОИНОНА** [а. + ф. *خائنه* – хоинларча, хиёнаткорона] рвш. Хоинларча, хиёнаткорона. *Аблаҳ Қутим қоранинг хоинона иши билан қанча фалокат содир бўлди.* Ж. Шарипов, Хоразм.

**ХОК** [ф. *خاك* – тупроқ, ер; юрт, ҳудуд; чанг, тўзон] кт. 1 айн. **тупроқ**. *Боболар юрти бу, чироғим, Қадрлаб кўзга сурт хокини.* У. Абдуазимова.

2 Тупроққа ёки кулга айланган инсон жасади. *Чунки сенинг сўлим соҳилларингда Узоқ боболарнинг хоки бор.* Аму! Миртемир.

**ХОКА** [ф. *خاڪه* – чанг, тўзон; кукун] Майда, кукун (кўмир ҳақида). *Тойир ака ўз олдидаги ёниб ўчган хокаларни кулдан аж-*

ратиб, гулханга ташлар эди. А. Қодирий, Меҳробдан чаён.

**ХОКАНДОЗ** [ф. خاکانداز — чанг-тупроқ, ахлат йиғиштирадиган (куракча)] Олов, кул, кўмир, супуринди ва ш.к. ни олиш, ташиш учун ишлатиладиган дастали асбоб; олов-курак. *Хосият хола хокандозда писта кўмир келтириб, самоварга ташлади.* Р. Файзий, Чўлга баҳор келди. *Унинг [капитаннинг] қаршисига супурги ва хокандоз кўтарган бир аёл шахт билан келарди.* Ў. Умарбеков, Ёз ёмгири.

**ХОКИ** [ф. خاکی — ер рангидаги, чанг босган]: **хоки анжир** Анжир дарахтининг ёзда пишадиган меваси (иккинчи марта кузда пишадиганидан фарқлаб шундай дейилади). *Хоки анжир тугаб, қовун гарқ пишган Бахтли тонготар чоғ уни кузатдим.* Ф. Фулом.

**ХОКИПОЙ** [ф. خاکپای — оёқнинг чанги, гарди] Оёқ остидаги тупроқ. *Армон бўлди, хокипойин ўпамдим, Дилдоримга кўп зор айладинг, фалак. «Тоҳир ва Зуҳра».*

**ХОКИПОК** [ф. خاکپاک — тоза, муқаддас тупроқ] Муқаддас тупроқ. *Мен ҳам бир ўғлингман, она сайёра, Бағринг мен учун ҳам хокиток бўлсин.* А. Орипов.

**ХОКИСОР, хоксор** [ф. خاکسار — чанг, тўзон босган; камтар, содда; итоаткор] **1** Ниҳоят даражада камтар, содда. *Мавлоно Шаҳобиддин ғоят камтарин ва хокисордир.* Ойбек, Навоий.

**2** Итоат қилувчи, итоаткор, бўйин эгувчи; ожиз. *Улуғ хоқон, бу хокисор қулингизнинг бир тортиғи бор.* Ойбек, Навоий. *Лекин инсон қул, инсон ожиз, у бамисоли чумолидай хокисор махлуқ, деганлар мутлақо янглишади.* К. Яшин, Ҳамза. *Ушанда Ақида ғаройиб ҳикоялари билан тобора юрагига чуқурроқ кириб келаётган бу боланинг олдида ўзини жуда хокисор ва ҳатто хўрлангандек ҳис қилди.* Н. Отахонов, Оқшом хаёллари.

**ХОКИСОРЛИК, хоксорлик** Ута камтарлик; итоаткорлик, мутелик. *Маждиддин хокисорлик билан унга яқин келиб, қуллуқ қилди.* Ойбек, Навоий. *Қурбон унга хокисорлик билан тикилди.* Ш. Холмирзаев, Қил кўприк.

**ХОКИСОРОНА, хоксорона** *кт.* Хокисор ҳолатда. *-Начора, — деди бояғидай камтару хокисорона илжайиб, — бошқа чорам йўқ менинг.* М. М. Дўст, Лолазор.

**ХОКИТУРОБ** [ф. + а. خاکوتراپ — чанг ва тупроқ] *кт.* Ер билан яқсон; хароб. *-Дин-*

*дан қайтганлар қўлида наҳотки бизнинг нумонимиз куйиб, хокитуроб бўлиб кетса, бунга асло чидаб бўлмайди, — деди Содиқжон бойвачча тутақиб.* К. Яшин, Ҳамза.

**ХОКИТЎЗОН** *айн. хокитуроб.* Қолди хайрлашиб ортида энди Хокитўзон бўлган кулбаси яна. Т. Тўла.

**ХОККЕЙ** [ингл. hockey < эҳтимол эски фр. hoquet — чўпонларнинг учи қайрилма таёғи] Дарвозали муз майдони ёки майса устида клюшка ва тўп (шайба) билан команда бўлиб ўйналадиган спорт ўйини. *Тўпли хоккей. Чим устида хоккей. Шайбали хоккей. ■ Бир оз танаффусдан сўнг программада.. хоккей ўйини кўрсатила бошланди.* Ў. Усмонов, Сирли соҳил.

**ХОККЕЙЧИ** Хоккей ўйновчи спортчи. *Мириман Ким, Ойбек Патиддинов, Ринат Маматказин каби маҳоратли мураббийлар етакчи хоккейчиларни тарбиялади.* «ЎзМЭ».

**ХОЛ** [ф. حال — менг, хол] **1 1** Баданда, тери устида бўладиган туғма доғ ёки бўртма. [Кумуш] *Латиф бурни ёнидаги қора холининг табиийлигига ишонмагандек қашиб кўрди ва кўзгу ёнидан жўнади.* А. Қодирий, Ўтган кунлар.

**Хол қўймоқ 1)** ясама хол ҳосил қилмоқ; бирор жойга нуқта ёки холга ўхшатиб белги қўймоқ. *Икки қош ўртаси қизил хол қўймоқ Ҳинду қизларининг қадим кўркидир.* Ф. Фулом. *Лаъли шакар, сўзлари бол, Оқ юзига қўйибди хол.* «Баҳром ва Гуландом»; **2)** кўчма ишнинг пачавасини чиқармоқ, расво қилмоқ. *Энди бўлар иш бўлди. -Қўй, Холвой, мунча куйдинг, Мўл ҳосил етказдинг-у, Йиғиб олмай хол қўйдинг.* О. Қўчқорбеков.

**2 тиб.** Терининг туғма нуқсонларидан бири.

**3** Домино, пичоқ дастаси ва ш.к. га ўйилган ёки қадалган белги; безак учун қилинган кўз ва ш.к.

**4** кўчма Бирор нарсанинг энг муҳим, чинройли жойи: латофат, гўзаллик, ҳусн. *Фаргона — Ўзбекистоннинг холи, ҳусни.* Шуҳрат, Шинелли йиллар.

**Хол бўлиб тушмоқ** Ҳусн бўлиб турмоқ, ярашмоқ. *-Йўл бўлсин Авазхон ўғлингизга, Хол тушган Чамбил элингизга.. — деди Жортибой оқсоқол Гўрўғлига.* «Зулфизар билан Авазхон».

**ХОЛ II** Аёлларнинг пешона ва чаккага тақадиган безаги, заргарлик буюми. *Бақтрия*

(2-аср), Далварзинтепа (3-аср) дан топилган, пешонасида холлари бўлган ҳайкаллар холнинг қадимийлигидан дарак беради. «ЎЗМЭ».

**ХОЛА** [а. خاله — хола] **1** Онанинг синглиси ёки опаси. ..Бобур холаси ва қайлиғини бутун одамларию кўч-кўронлари билан бирга қўриқлаб олиб кетмоқда. П. Қодиров, Юлдузли тунлар.

**2** Кекса аёлларга ҳурмат билан мурожаат қилиш шакли. *Лутфинисо бўғчадан икки дўппи олиб, беш сўм пул билан узатди. Йўл тўсувчилар қувониб бақаришди: -Тўй устига тўй кўринг, хола!* Ойбек, Танланган асарлар. *У кампирга яқинроқ бориб: -Икки кило тортоворинг [ноқдан], хола, — дея унга юзланди.* А. Обиджон, Аканг қарағай Гулмат.

**3** Ҳурмат юзасидан ёши катта аёллар исмига қўшиб ишлатилади. [Раис:] *Қани, Тўхта хола, гапиринг!* А. Қаҳҳор, Кампирлар сим қоқди.

**ХОЛАВАЧЧА** [а. + ф. خاله‌بچه — холанинг боласи, фарзанди] Опа-сингилларнинг фарзандлари (бир-бирларига нисбатан). [Холада] *Холаваччаси билан қуюқ кўришди.* «Ёшлик».

**ХОЛДИНГ** [ингл. holding — эгалик қилувчи, эга бўлган] *иқт.* **1** Бошқа фирмаларни назорат қилиш ва бошқариш мақсадида уларнинг акция назорат пакетларини сотиб олиб эгалик қилиш.

**2** *айн. холдинг компания.* *Ўзининг ташкилий-ҳуқуқий шаклига кўра, холдинг, одатда, акциядорлик жамияти қаторига киради.* «ЎЗМЭ».

**Холдинг компания** [ингл. holding-company] *иқт.* Асосий фаолияти бошқа корхоналарнинг акцияларини ўз тасарруфига олиш орқали уларнинг ишини назорат қилиш ва бошқаришдан иборат бўлган компания, бош корхона.

**ХОЛДОР** [ф. خالدار — холга эга бўлган, холли] **1** Юзида, баданида холи бор; холли. *Холдор жувон.*

**2** Баданида ёки сиртида майда доғи ёки доғлари бўлган. *Холдор от. Холдор қанотли капалак.* ■ [Ўғил буви] *Қутичани айлантирган эди, унинг ичидази қалай, кумуш узук.. чиройли холдор қилиб ишланган кўзмунчоқ каби бир қанча майда нарсалар ерга тўкилдилар.* Ҳ. Шамс, Душман.

**3** Холдор (эркаклар исми).

**ХОЛЕЦИСТИТ** [юн. chole — ўт, сафро + kystis — пуфак] *тиб.* Ўт пуфагининг ўткир ёки сурункали яллиғланиши. *Ўткир холециститда ўнг қовурга остида — жигар соҳасида, баъзан киндик атрофида тўсатдан қаттиқ оғриқ пайдо бўлади.* «ЎЗМЭ».

**ХОЛИ** [а. خالى — бўш, қурук; эгалланмаган] **1** Кимсасиз, бўш. *Нуринисо эса ичкари ҳовлидаги тўрт уйдан бири — онасининг уйига кирди. Чунки бу уй холи эди.* Ойбек, Танланган асарлар.

**2** *сфт.* Чет, хилват, овлоқ. *Йигит ўйлай-ўйлай, Шоқосимнинг хизмат қиладиган жойини, жувозкашиқини маъқул кўрди. Чунки бу жой Мирзакаримбой уйдан икки-уч маҳалла нарида, ҳам бундан бошқа холи жойини топиш қийин.* Ойбек, Танланган асарлар.

**3** *рви.* Яккама-якка, гувоҳларсиз. *Қани, ўтиринг, сиз билан холироқ гаплашайлик-чи бўлмаса.* П. Турсун, Ўқитувчи. *-Сиз билан маслаҳатлашмоқчи эдим, холи кўришганимиз яхши бўлди, — деди Нина Ойнисага.* Ҳ. Фулом, Тошкентликлар.

**4** Бирор нарсадан озод, бўшаган, унга алоқасиз. *Бу [ҳижрон] Темиржонни хийла қийнаган, кундалик ташвишлардан холи бўлган пайтларда эса ўйлай-ўйлай уйига етолмай ҳасрат чекар эди.* Ж. Абдуллахонов, Орият.

**..дан холи эмас** Чиқиш келишигидаги от билан боғланиб, шу от англатган нарса, воқеа-ҳодисанинг мавжудлиги, борлигини билдиради. *Одамнинг ўз фаолиятини ўзи таҳлил этиб туриши фойдадан холи эмас. Кечга бориб ёмғир ёғиши эҳтимолдан холи эмас. Мазкур илмий иш камчиликдан холи эмас. Холи қолдирмоқ (ёки қўймоқ)* Сухбатга гувоҳ бўлмаслик ёки халақит бермаслик учун кимса(лар)ни ёлғиз қолдирмоқ. *-Эшон халфа, энди бизни холи қолдириб, — деди ҳазрат фотиҳа ўқилгач. -Хўп, тақсир, — деди-ю, Матқовул халфа.. чиқиб кетди.* К. Яшин, Ҳамза. *Қовоғи солиқ соқчи ҳам унчалик инсофсиз эмас экан, икковимизни холи қолдириб, ҳовлига чиқиб кетди.* Х. Тўхтабоев, Ширин қовунлар мамлакатаи.

**ХОЛИЛАТМОҚ** кам қўлл. Бирор жойни кишилардан холи қилмоқ; бўшатмоқ; бировни ёлғиз қолдирмоқ. *Ўзбек ойим уйни холилатиб, Ҳасаналини ўз олдига чақиртириб кирди.* А. Қодирий, Ўтган кунлар.

**ХОЛИС** [а. *خالص* – тоза, соф, қоришмасиз; самимий; бўш, холи] **1** Воқеликка ҳаққоний назар билан қарайдиган, объектив баҳолайдиган. *Таржима танқидчиси холис бўлиши, таҳлилга олдиндан қатъий ҳукмлар билан «чекланиб» киришмаслиги керак.* Ф. Саломов, Таржима назариясига кириш.

**2** Беғараз, самимий; таъмасиз. *Моҳлар ойимнинг Анвар билан муомаласи холис ва самимий.. эди.* А. Қодирий Меҳробдан чаён. –У [Тухтасин Жалилов] билганларини менга миннатсиз, жон-дили билан, холис ўргатар эди, – деди Ҳалима. Ҳ. Носирова, Мен ўзбек қизиман.

**3** ҳуқ. Қамоққа олиш, тинтув ўтказиш каби ҳолларда ҳукумат органлари томонидан объектив гувоҳ сифатида чақирилган шахс. *Холис ўзи иштирок этган тергов ҳаракатини юритиш билан боғлиқ ҳолатлар бўйича гувоҳ тариқасида сўроқ қилиниши мумкин.* Газетадан.

**4** Бирор кимса ёки нарсадан холи. *Дунё нодонлардан холис бўлганда эди, бу олам яна ҳам мунавварлик кашф этарди.* Газетадан.

**5** Холис (хотин-қизлар исми).

**Нияти холис** Нияти сидқидилдан, беғараз. *Буни қаранг, нияти холис боламан-да, ўзингизга рўпара келиб турибман.* С. Аҳмад, Уфқ. **Холис гувоҳ** **1)** икки томонга ҳам бетараф гувоҳ; **2)** айн. **холис** **3.** **Холис хизмат** **1)** таъмасиз, ҳалол хизмат. *Бу жой меҳнат-кашларга холис хизмат қиладиган.. оромгоҳдир.* К. Маҳмудов, Қизилқарли пазандалик; **2)** кест. (қўштирноқ ичига олинад) гаразли ният билан қилинган иш. *Бу тинтув Сайфийнинг «холис хизмати» туфайли бўлганлигини у [Аваз] дарҳол англади.* С. Сиёев, Аваз.

**ХОЛИСАНЛИЛЛО(Х)** [а. *خالصاً*] айн. **холисона.** Аммо ёзувчи ҳақида, унинг китоби ҳақида кимки ўйлаб, холисанлилло фикр айтмаса, шарманда бўлиши турган гап экан. Шукрулло, Жавоҳирлар сандиги.

**ХОЛИСЛИК** Ҳаққонийлик, объективлик; самимийлик, беғаразлик. *Ниятнинг холислиги.* ■ *Менинг холислигимни шундан ҳам билсангиз бўлар эди, ука.* А. Қодирий, Меҳробдан чаён.

**ХОЛИСОНА** [а. + ф. *خالصانه* – холислик билан, объектив тарзда] **1** рвш. Ҳаққонийлик билан, объектив ҳолда. *«Бобурнома»да эса тарихий ҳақиқат холисона ра-*

*вишда.. қайд қилинади.* «Фан ва турмуш». *Танқид аёвсиз ва холисона бўлиши керак.* Газетадан.

**2** Ўз манфаатини кўзламаган ҳолда, таъма қилмасдан; беғараз. *Лекин шунга қарамай, бугунги кунда сиз бизга холисона ёрдам қўлини чўзиб турибсиз!* Ҳ. Шайхов, Рене жумбоғи.

**ХОЛИҚ** [а. *خالق* – яратувчи, ижодкор] **1** дин. Яратувчи (Аллоҳнинг сифатларидан бири). *Яхшилик қил, дарёга от, дарё билмаса, балиқ билур, балиқ билмаса, холиқ билур.* Мақол.

**2** Холиқ (эркаклар исми).

**ХОЛЛ** [ингл. *hall*] **1** Европада илк ўрта асрда инглиз тураржойларининг жамоатхонаси; жамоат йиғиладиган, нисбатан катта хона.

**2** Театр, меҳмонхона каби замонавий жамоат биноларида дам олиш ёки бирор шахс билан суҳбатлашиш учун фойдаланиладиган жиҳозланган хона.

**ХОЛЛИ** Холи бор. *Унинг [Нигоранин] қопқора холли лабларига табассум қўнди.* С. Анорбоев, Оқсой.

**ХОЛОДИЛЬНИК** [р. *холодильник* – совуткич] **1** Тез бузиладиган озиқ-овқат маҳсулотларини совитиш, музлатиш йўли билан сақлайдиган корхона ва унинг биноси.

**2** Ичига совитиш аппарати ўрнатилган жавонсимон рўзгор буюми. *Холодильникдан.. егулик қидирди.* «Ёшлик».

**ХОЛОЙИ** шв. **1** Қариндош ёки яқин бўлган катта ёшли аёлларга нисбатан мурожаат қилиш шакли.

**2** Хола.

**ХОЛОС** [а. *خلاص* – қутулиш, озод бўлиш] юкл. Бори-йўғи, фақат, фақатгина. *Шоирлар алдайди бизни, жонгинам, Баҳор доим эмас, уч ойдир холос.* А. Орипов. *Икромжон ўз ишлари қолиб, Эш полвондан гапирарди холос.* С. Аҳмад, Уфқ.

**Ана холос!** Таажжубни, ҳайратланишни ифодалайдиган ибора. *Ана холос! Чин ошиқнинг гапи эмас бу.* К. Яшин, Ҳамза.

**ХОЛПРАНГ:** **холпаранг рўмол** Хол-хол паранг рўмол. [Асра кал].. *зангори шоҳи қийиқ боғлаган, елкасига холтаранг рўмол ташлаган хушфеъл йигит эди.* Ф. Фулом, Шум бола.

**ХОЛ-ХОЛ** Сирти холлар ёки холсимон нуқталар билан қопланган; холдор. *Хол-хол*

чит. ■ Кўнғизча хол-хол қора доғли қизғиш қанотларини товлантирганча... учиб кетди. Ў. Ҳошимов, Қалбингга қулоқ сол.

**ХОМ** [ф. *хам* — яхши қайнамаган ёки пишмаган; етилмаган, гўра; охиригача ишланмаган; тажрибасиз] **1** Табиий равишда пишиб етилмаган, пишмаган; гўр. *Хом тарвуз. Хом олма.* ■ *Узум гўрасини фарч-фарч чайнардилар, турпнинг сувини ичардилар, хом анорни емасалар, ухлолмасдилар.* С. Аҳмад, Юлдуз. *Талъат.. бир дона хом кўракни юлиб олиб, орасини ёрди.* Ў. Ҳошимов, Қалбингга қулоқ сол.

**2** Пиширилмаган, қайнатилмаган. *Хом гўшт. Хом сут.* ■ *Ўзингиз ҳам неча бор си-наб кўрдингиз: бир дона хом сабзи жигилдон қайнашини тўхтатади.* К. Маҳмудов, Қизиқарли пазандалик.

**3** Қайта ишланмаган, яхши ишлов берилмаган ёки чала ишланган; хомаки. *Атрофимдаги иморатларнинг кўпи пишиқ ғишдан, баъзилари хом ғишдан бўлса ҳам кўкракдор.. Шукрулло, Сайланма. Тезак, хом тери иси аралаш ачимсиқ бадбўй ҳид димоғига уриди.* А. Мухтор, Бўронларда бордек ҳаловат. *Тўтиқиз тоқчадан дўппи хомини олиб, кўрпачага келиб ўтирди.* М. Исмоилий, Фаргона т. о.

**4** кўчма Енгил-елпи, чала, юзаки. *Хом асарларга йўл қўйиб берсак, бошқалар, меникининг ундан нимаси кам, деб қолмасмикин?* Шукрулло, Сайланма.

**5** кўчма Пухта эмас, юзаки. *Биласизми, ишни хом қилдингиз, ёнингизга Баротовдан бошқа одамни торта олмадингиз.* С. Зуннунова, Олов. У [Маҳкам] *гўдаклигига бориб, хом ўйлаган экан.* Р. Файзий, Ҳазрати инсон.

**6** кўчма с.т. Тажрибаси йўқ, содда, гўр. *-Вой овсин-эй, хомсиз-да ҳали. Эрнинг гапига лаққа тушиб юраверасиз, — деди Сабохон Маҳмудага.* Ж. Абдуллахонов, Тўфон.

**Арпангни хом ўрдими қ. арпа. Хом от** Минилмаган, аравага қўшилмаган от. *Олтин сувлиғин чайнатди, Олти ой боқилган хом отди.* «Эрали ва Шерали». **Хом сут эмган банда қ. эммоқ. Хом хаёл, хомхаёл** Амалга ошмайдиган, пуч хаёл. *Буюкман деб хом хаёл сурма.* Ш. Раҳмон. **Чучварани хом санамоқ қ. чучвара.**

**ХОМА I** [ф. *хаме* — қалам; ёзиш усули] эск. айн. **қалам I, 2. Авазнинг кўнглига шеър**

*сигмай, хомаю қоғозни йиғиштирди.* С. Сиёев, Ёруғлик.

**ХОМАК** [ф. *хамак* — пишмаган, сапча] Пишиб етилмаган, хом қовун ёки тарвуз. *Ҳозир пайкал оралаб боришаркан, Нусратбек йўлда учраган пайкалдан қовундеккина хомак узиб олди..* С. Нуоров, Нарвон.

**ХОМАКИ** [ф. *хамакӣ* — охиригача ишлов берилмаган; пухта эмас] **1** Узил-кесил ҳал қилинмаган, аниқланиши, тўлдирилиши лозим бўлган; ҳали хом. *Хомаки режа. Хомаки расм.* ■ У [Саттор] *метрнинг хомаки лойиҳасига яна кўп аниқликлар киритилганини сўзлай бошлади.* П. Қодиров, Эрк.

**2** Тахминий, чамали. *Хомаки ҳисоб.* ■ *Сувдан фойдаланишининг ўтган йилги хомаки ҳисоблари ўзимдаям бор.* С. Кароматов, Сўнги бархан.

**Хомаки уруш эск. айн. манёвр I.**

**ХОМАКЛАМОҚ** Хомак ҳосил қилмоқ, сапча қилмоқ. *Қовун хомакларди.* ■ *Томорқага, бодрингнинг ёнига икки гектаргина коньяк экиб қўйсанг, мартда гуллаб, апрелда хомакласа, — хаёл қилди Ўрин.* А. Муқимов, Фалати одамлар.

**ХОМАШЁ** [хом + ашё] Меҳнат таъсирида ўзгарган ёки ўзгарадиган ва яна ишланиши лозим бўлган дастлабки, хом маҳсулотлар. *Пахта тўқимачилик саноати учун хомашёдир. Хомашё манбаи. Хомашё ресурслари.* ■ *Сунъий хомашёга синтетик смолалар, пластмассалар, синтетик каучук, сунъий тери, синтетик ювиш воситалари ва бошқалар кирди.* «ЎЗМЭ».

**ХОМИҚМОҚ** кам қўл. Жисмоний иш билан шуғулланмай, бўшашиб, хомсемиз бўлиб қолмоқ. *-Чарчаб қоласиз, опа, — деди Қумри Лолахонга ачиниб, ҳамма оғирликка бардош берадигандек, қизларга қараб кулди: -Хомиқиб қолибмиз, ҳаммаси ушаники.* Ҳ. Нуъмон, Фасллар.

**ХОМКАЛЛА** [хом + калла] Ҳеч нарса ташунмайдиган; фаҳмсиз; тентак. *Кал тароқни яхши кўргандек, бу хомкалла [Сулаймон] баҳсу мунозараларни яхши кўрарди.* Мирмуҳсин, Чодрали аёл.

**ХОМЛИГИЧА** рви. Хом ҳолатда, пиширмасдан ёки қайнатмасдан. *Тухумни хомлигича ютмоқ.*

**ХОМЛИК I** Пишмаганлик, етилмаганлик. *Бу олма ёйишга хомлик қилади.*



2 кўчама Тажрибасизлик. *Ҳали озгина хомлигинг бор экан, шогирд.. келиб, пича таълим олиб кетсанг буларкан.* «Муштум».

**ХОММАПИШ** Болаларнинг кўча тупроғини гумбаз қилиб уйиб, устидан сув сепиб қотиргач, тепаси ва ёнларидан тешик очиб, ичига олов ёқиб ўйнайдиган ўйини. *Қудратларнинг эшигида, ариқ бўйида Равно кичкинтой болалар билан хоммапиш ўйнаб ўтирарди.* Ҳ. Назир, Сўнмас чақмоқлар. - *Хоммапиш ўйнайдиганлар озода қиз бўлмайди, — деди Манзура опа Лолага.* Газетадан.

**ХОМСЕМИЗ** [хом + семиз] Семиз, тўла бўлишига қарамай, кучсиз, заиф, пўк. *Намоз Очилов — қирқни қоралаган, хомсемиз, тепакал йигит.* С. Сиёев, Отлиқ аёл.

**ХОМСИМОҚ** айн. **хомсирамоқ.** - *Кеча бир оз хомсиған эди, — деди Каримқул понсад.* А. Қодирий, Ўтган кунлар.

**ХОМСИРАМОҚ** шв. Шубҳа қилмоқ, шубҳаланмоқ; иккиланмоқ. *Мен хомсираб, эшик олдида тўхтадим.* «Муштум».

**ХОМСУВОҚ** [хом + сувоқ] Дастлабки хомаки сувоқ, қора сувоқ. *Чол айвоннинг хомсувоқ деворига суяб қўйилган қўлтиқтаёғи билан ҳассасига таяниб, қаддини ростлади.* Х. Султонов, Онамнинг юрти.

**ХОМСУРП** [хом + сурп] Гул босилмаган, бўялмаган оқ ип газлама. *Филиал бир йилда 10,5 миллион метр хомсурп ишлаб чиқаришга мўлжалланган.* Газетадан.

**ХОМСЎЗ** [ф. خامسوز — ичи пишмай усти куйган] Яхши пишмаган, етилмаган; хом. *Содиқжон бойвачча.. уни [Пўлат отани] эрмак қилишга ўтди: Бу гапингиз хомеўз ноннинг ўзгинаси.* К. Яшин, Ҳамза.

**ХОМТАЛАШ** [хом + талаш] **1** этн. Бирор жонлиқ сўйиб, гўшт-ёғини текинга худойи сифатида тарқатиш. [Майсара:] *Бир эчки билан сигиримизни дарров хомталаш қилайлик, зора тонггача ўнгарилса.* Ҳамза, Майсаранинг иши. *Юз сўм-ярим юз сўмнинг бетига қарамай, дуохон қушночларга қаратилсин, иложи бўлса, бирорта жонлиқни хомталаш қилиш керак.* А. Қаҳҳор, Бемор.

**2** кўчама Қўлга тушганини олиб кетиш; талон-торож. *Ёғ-гўшт хомталаш бўлаверса, қозонга маза кирармиди?* Н. Сафаров, Ҳаёт мактаби. *Қачонлар хомталаш бўлган еримда Кеза бошлайдилар улўғ сиймолар.* Газетадан.

**ХОМТАМА** [ф. خامتعم — беҳуда, қуруқ орзуга берилган; очкўз] Бирор нарсадан

асоссиз равишда умид қилувчи; тамагир. - *Тез кунда Холхўжанинг кунига тушиб, кафансиз ўлиб кетасан, буни тушунсанг-чи, хомтама!* — деди онаси [Сафарга]. Ё. Шукуров, Қасос. - *Бировга яхшилик қилдингми — дарров унут, юрагингда сақлаб юрма, у ҳам яхшилик қилиши керак, деб хомтама бўлма, — деди Расул ака ўғлига.* М. Исмоилий, Бизнинг роман.

**ХОМТАМАЛИК** Ўринсиз умидворлик; тамагирлик *Мен сенинг ҳали ҳам ўша уятсиз эрингдан кўнгул узолмаганини биламан. Сенинг хомтамалигинг кони болалагингдандир.* А. Қодирий, Ўтган кунлар.

**ХОМТАРАШ** [ф. خامتراش — чала тарашланган, силлиқланган] Ёғоч ёки тахтани чопиб йўниш, дастлабки, пардозсиз текислаш. *Хомтараш қилмоқ.*

**ХОМТОК** [ф. خامتاک — пишмаган ток (новдаси)] қ.х. **1** Токни парвариш қилиш усулларидан бири, ҳосилсиз, ортиқча новдаларни, янги бачки новдаларни олиб ташлаш. *Карвон Сурхнинг этазидаги боғда хомток қилаётган эди.* Х. Султонов, Онамнинг юрти.

**2** Токдан эндигина қирқиб ташланган ҳосилсиз, хом новда.

**ХОМУТ** [р. хомут < қад. р. хомти — «қисмоқ, сиқмоқ» фл. дан] От бўйнига киритилиб, икки ёнидан арава шотиси учига сириб боғланадиган ёғоч буюм, бўйинча. *Аравакашлар хомутни эсдан чиқаришибди. Старшинага элтиб берсам, хурсанд бўлади.* И. Раҳим, Чин муҳаббат.

**ХОМУШ** [ф. خاموش / خامش — камгап, индамас, шов-шувсиз; ўчган, сўнган] **1** Ғамгин, кайфияти йўқ; маъюс. *Отабек хомуш ўтирар, Ҳасанали эса унинг ҳолини таъқиб этмоқда эди.* А. Қодирий, Ўтган кунлар. [Аҳмад] *Паришон ва хомуш бир кайфиятда зўрбазўр қадам босиб, шихонаси томон йўл олди.* Ф. Мусажонов, Ҳиммат.

**2** Ўйчан, сўзсиз. У [чол] *тажанг бўлмаган вақтда кўпинча боши ярим қийшайган, хаёлчан, хомуш юради.* Мирмуҳсин, Зангланган қилич. *Командир жим, командир хомуш.* У. Носир.

**Хомуш тортмоқ** Маъюсланмоқ, кайфияти бузилмоқ. - *Ҳаммаси жойида дейсанми? — Болта муаллим хомуш тортди. — Қанийди шундай бўлса. Афсуеки, бундай эмас.* Н. Норқобилов, Тўқнашув.

3 кўча Авзойи бузуқ, жимжит (об-ҳаво ҳақида). *Шамол босилган.. Табиат хомуш. Ҳ. Фулом, Машғал.*

**ХОМУШ БУЛУТ** Қора булут. *Зилзиладан чала-вайрон шаҳар устида хомуш булут карвонлари вазмин сургалади. Ҳ. Фулом, Замин юлдузлари.*

**ХОМУШЛАНМОҚ** Хомуш бўлмоқ, ғамгин, маъюс бўлмоқ. *Темур Малик юзига фотиҳа тортиб, хомушланди. Мирмуҳсин, Темур Малик.*

**ХОМУШЛИК** Ғамгинлик, хафалик; кайфиятсиз ҳолат. *Ойшабегим ундаги [Бобурдаги] хомушликни сезиб, сукут сақлаб ўтирибди. П. Қодиров, Юлдузли тунлар. Зухра ўрнидан туриб, хомушлик билан секин-секин юриб чиқиб кетди. С. Зуннунова, Олов.*

**ХОМ-ХАТАЛА 1** Чала пишган; хом. *Хом-хатала ёки ланж бўлиб кетган паловни еган кишилар ошпазга эмас, Давронга минг лаънат айтиб кетишарди. «Ёшлик».*

2 кўча Меъёрига отказилмаган; чала, ғўр, хом. *Хом-хатала асар. ■ Усарвой ҳар кун ҳеч бир эринмай, Хом-хатала шеърлар келтирар тинмай. С. Абдуқаҳҳор.*

**ХОМЧЎТ** [ф. *خام* — чала ишланган, хомаки + *р.* счёты — пул ҳисоб-китоби; чўт, ҳисоблаш мосламаси] Бирор нарсани хомаки равишда ҳисоблаб чиқиш; тахминий ҳисоб. *Хомчўт қилмоқ. ■ Йўлдош новча, қайчини кўзининг қорнига қўйиб, бармоқларини букиб, алланарсаларни хомчўт қилди. С. Анорбоев, Оксой. Сунгра иш режангни хомчўт қилиб, ўз-ўзингча сўйлана кетдинг. Уйғун.*

**ХОМЧЎТЛАМОҚ** Бирор нарсани хомаки ёки тахминан ҳисоблаб кўрмоқ, хомчўт қилмоқ. *У даромадини хомчўтлаб кўрди.*

**ХОМҚОЛИП** Ҳали узил-кесил тайёр бўлмаган, битмаган; дастлабки, хомаки. *Расомлар кўрғазмасига ҳайкалтарош Л.Н. Ивановнинг Пушкин, Гоголь ва генерал-майор Раҳимовларнинг ҳайкалларига ишланган хомқолип лойиҳалари ҳам қўйилган. Газетадан.*

**ХОМ 1 тар.** Туркий ва мўғул халқлари ҳукмдорлари унвони. *Кўқон хони. Хон саройи. ■ [Мулла Фазлиддин:] Тошкент хони Маҳмудхон ҳам бизга қарши қўшин тортиб келмоқда эмиш. П. Қодиров, Юлдузли тунлар.*

**Хон кўтармоқ** Хон қилиб белгиламоқ. *Мусулмонқул.. ўзини мингбоши эълон қилиб, ақлсиз бир гўдакни [Худоёрни] хон кўтариб,*

*эл елкасига минди. А. Қодирий, Ўтган кунлар. Шу ернинг ўзида унда «Саид Жалолхони соҳибқирон» деб ном берилди ва хон кўтарилди. А. Қаҳҳор, Башорат.*

2 тар. Хонлик қилган, хон лавозимидаги шахс исмига қўшилиб, унвон ифодалайди. *Баҳодирхон — Хивада, Худоёрхон — Қўқонда хонлик қилган.*

3 Эркак ва аёллар исмига қўшилиб, хурматни ифодалайди, мас., *Оқилхон, Каримахон.*

**Ўзи хон, кўланкаси майдон ёки ўзига хон, ўзига бек** Нима хоҳласа, шуни қилади. Кўнгли истаганини қила олади маъносидаги ибора. *-Хотинлари ҳам «кимсан — оқсоқолнинг хотинимиз», деб кеккайиб, ўзларига хон, ўзларига бек бўлиб, роса зугумини ўтказишади-да, — деди Юсвали тоға. П. Турсун, Ўқитувчи.*

**ХОНА** [ф. *خانه* — уй, тураржой, бино] 1 Тураржойнинг алоҳида ажратилган ҳар бир бўлими; бўлма. [Қизнинг] *Кўзларига яна ёш қўйилиб келди-ю, чопиб бориб, ўз хонасига кирди. Ў. Ҳошимов, Қалбингга қулоқ сол. Овқатдан сўнг бир оз телевизор кўриб ўтиришди. Кейин ота-болага шу телевизорли хонага жой солиб беришди. Ў. Усмонов, Сирли соҳил.*

2 Корхона, ташкилот. муассасаларда муайян мақсад учун ажратилган алоҳида жой; бўлма. У [Азиза] *деворига ҳар хил диаграммалар, портретлар илиб ташланган ўқитувчилар хонасидан ўтиб.. эшикни таққилатди. Ў. Ҳошимов, Қалбингга қулоқ сол. Бош врачнинг хонасида ўтирган икки киши профессорни кўриши билан ўрнидан турди. С. Юнусов, Қутилмаган хазина.*

3 Айрим буюм ёки организмларнинг ичида бирор нарса жойлашадиган (етишадиган ёки сақланадиган) чуқурча, ўйиқ. *Ари уя хоналари. Ғузлапўчоқ хонаси. ■ Унинг товуши йўғонлашди, кўзлари хонасидан чиқаязди, юзлари тиришиб, хунук аломатлар пайдо бўлди. Ҳ. Турсунқулов, Ҳаётим қисса. Бунча сочылган ҳарфни жой-жойига қўйиш, қайси хонада қандай ҳарф туришини билмаган Саидий учун кўп қийин иш эди. А. Қаҳҳор, Сароб*

4 мат. Ўнли санок системасида ёзилган натурал сонда қатнашган рақамлар ўрни.

**ХОНАВАЙРОН** [хона + вайрон] Уй-жойи ёки оиласи бузилган, вайрон бўлган;

бор-будидан айрилган, қашшоқ. *Ахир кафангадо, хонавайрон, бир бурда нон илинжида қамиш-қўғазорлар ичида зор қақшаган бу бечораларнинг тортиб келаётган алам-кулфатлари озмиди!* К. Яшин, Ҳамза.

**Хонавайрон бўлмоқ** 1) бузилмоқ, вайрон бўлмоқ; хароблашмоқ. *Уруш тўфайли хонавайрон бўлган мамлакат*; 2) уй-жойдан, мол-мулкдан ажралмоқ, ҳамма нарсадан жудо бўлмоқ, қашшоқлашмоқ. [*Қосимбек:*] *Амирзодам, ҳаммамиз ҳам хонавайрон бўлдик. Менинг молу мулкимни талатибдилар. П. Қодиров, Юлдузли тунлар.*

**ХОНАДОН** [ф. خاندان — оила, сулола; насл] 1 Оила. *Қобил карвоннинг қамоққа олиниши Абдурахмонбой хонадонини қаттиқ ташвишга солиб қўйди.* Ҳ. Фулом, Машғал.

2 Оила аъзолари яшаб турган хўжалик, уй, ҳовли. *Шаҳарнинг андазаси чиройли, хонадонлари чорси-чорси бўлиб тушган.* 3. Акрамов, Ҳиндистон лавҳалари.

3 тар. Қариндошлик ёки валиаҳдлик ҳуқуқига кўра, бири ўрнига иккинчиси тахтга чиқадиган, ҳокимиятни наслдан наслга ўтказиб, ҳукмронлик қиладиган ҳокими мутлақ ёки монархлар авлоди; сулола. *Маълумки, Темурнинг вафотидан сўнг унинг поёнсиз империясини идора қиларлик бир қўл бу хонадондан чиқмади.* Т. Жалолов, «Ҳамса» талқинлари.

**ХОНАЗОД** [ф. خانهزاد — бир хонадонда туғилган] 1 Бирор хонадонда туғилиб улгайган. *Отам ўлгандан кейин, мен ҳам бойнинг эшигида хоназод қўл бўлиб қолдим.* С. Айний, Дохунда.

2 фольк. Уйда боқиб катта қилинган (уй ҳайвони ҳақида) *Чу деса, бир қирдан хатлар Яшин қанот хоназодлар.* Эргаш Жуманбулбул ўғли.

**ХОНАКИ** [ф. خانگی — уйга оид, уйда тайёрланган ёки парвариш қилинган] 1 Қўлда тайёрланган; қўлда қилинган. *Хонаки нон. Хонаки тўфли.* ■ *Дастурхонда хонаки печеньелар, атиргул нусха торт ва турли хил мевалар бор эди.* С. Аҳмад, Қадрдон далалар.

2 с.т. Махсус тайёрланган; қўлбола. *Хонаки чой дамламоқ. Хонаки палов қилмоқ.*

3 Уйда, хонадонда боқиладиган; парвариш қилинадиган; қўлга ўргатилган. *Хонаки ит. Хонаки гул. Хонаки ўрдаклар.* ■ *Бу шифобахш ўсимликни [алозни] истаган ҳар*

*бир киши хонаки қилиб ўстириши мумкин.* «Саодат».

4 Хона ёки уй ичида бўладиган, уйда бажариладиган. *Хонаки базм. Хонаки иш. Хонаки ҳунар.* ■ *Сотиболди.. тирикчилик учун хонаки бир касб қилишга мажбур бўлди — ҳар хил саватчалар тўқишни ўрганди.* А. Қаҳҳор, Бемор.

**ХОНАКИЛАШМОҚ** Уй шароитида яшашга, қўлдан овқатланишга ўрганмоқ (ёввойи ҳайвон ва ўсимликлар ҳақида).

**ХОНАЛИ 1** Маълум миқдорда хонаси бор. *Бектемир дўстлари Дубов, Асқар полвон ва бошқа бир неча жангчилар билан икки хонали бир уйга жойлашди.* Ойбек, Куёш қораймас. *Ота-она вафотидан сўнг у истиқомат қиладиган уч хонали уй карвонсаройга айланди.* Газетадан. *Бир хонали пакана уйин Ёритади ёниб жинчиноқ.* Ҳ. Пўлат.

2 Маълум миқдордаги катаги ёки бўламчалари бор; катакли (жадвал, дафтар, шахмат тахтаси, босмаҳона яшиги ва ш.к. ҳақида). *Шахмат тахтаси олтимиш тўрт хонали бўлади.* Ун олти хонали яшик.

3 мат. Маълум миқдордаги ҳоҳна эга (қ. хона 4). *Уч хонали сон. Беш ҳоҳна сон.* ■ 100 дан 999 гача бўлган сонлар уч хонали сонлардир. «Математика».

**ХОНАНДА** [ф. خواننده — ўқувчи, ўқиётган; қори; ашула айтувчи] Ашула, кўшиқ айтувчи санъаткор; ҳофиз. *Навбат таниқли, сеvimли хонандамиз Алимардон Тўраевга.* Ў. Ҳошимов, Баҳор қайтмайди. *Ҳовлининг бир томонида, баланд сўрида хонанда ва созандалар мақомни янграмоқда.* Мирмуҳсин, Умид.

**ХОНАНИШИН** [ф. خانه‌نشین — хонада ўтирувчи] Доимо уйда ўтирадиган; кўчага, бошқа ёққа чиқмайдиган. *Бобонинг хонанишин бўлиб қолганидан фақат шу қизалоқ хурсанд эди — ахир, у энди ҳеч зерикмайди.* Мирмуҳсин, Қуламас қоя.

**ХОНАСАЛЛОТ** сўк. Уйинг куйгур, бадбахт. *Сенинг даданг зўр, болам. Даданг урушда эликта хонасаллот фашистни ўлдирган.* С. Аҳмад, Қадрдон далалар.

**ХОНАСИ** Бирор ишни амалга ошириш учун қулай пайт, қулай фурсат. *Ҳозир зап сайил қиладиган хонаси-да, ўртоқ Раҳмонқулов.* А. Мухтор, Туғилиш. У [Асрора] хонаси келганда ҳеч кимни аямасди. С. Аҳмад, Уфқ. [Очилов] *Ҳар гал планини дўндириб, «қани,*

келаси йилга ким дов?» деб тураверади. Хонаси келса, баъзан кураш ҳам тушади. А. Мираҳмедов, Ўт юраклар.

**ХОНАТЛАС** Маҳаллий саккиз тепкили атласнинг энг аъло навларидан бири. *Хонатлас кўйлак.* ■ *Шанба куни Нуқра станцияга яسانيб келди: хонатлас устида ял-ял ёнарди.* Мирмуҳсин, Нуқра.

**ХОНАҚОҲ** [ф. خانقاه — хилватхона, узлат; дарвишлар макони] **1** дин. Масжиднинг намоз ўқиладиган, одатда кенг ва катта хонаси. *Карвонсаройнинг ёнида катта бир хонақоҳ бор эди.* М. Осим, Аждодларимиз қиссаси. *Кичик масжид қишлоқнинг «этак маҳалла» деб аталган қисмида бўлиб, сиқирроқ бир хонақоҳ ва торроқ бир айвондан иборат.* А. Қодирий, Обид кетмон.

**2** дин. Суфийлар машғулотларини ўтказиш учун мўлжалланган катта хона ва унинг атрофидаги хужралар. *Йилига бир зикру сано бўладиган хонақоҳ ҳувуллаб ётибди.* С. Аҳмад, Ҳукм.

**3** Маҳалла, қишлоқ масжидларининг томи гумбазли ёки текис бўлган қишқи қисми.

**ХОНАҚОҲНИШИН** [ф. خانقاه نشين — хонақоҳда ўтирувчи] Хонақоҳдан чиқмасдан тоат-ибодат билан шуғулланадиган, кўпинча умрини хонақоҳда ўтказадиган; тарки дунё қилган. *Эшонтура ҳазратлари машҳур хонақоҳнишин шайхлардан бўлмасалар ҳам, кашф-каромат эгаси, «соҳиби ҳол» бир кишидирлар, — деб Исомиддин жавоб берди.* С. Айний, Дохунда.

**ХОНЗОДА** [ф. خانزاده — хондан туғилган, хоннинг боласи] **1** Хоннинг фарзанди (ўғли ёки қизи), хон авлоди. *Подшозодами, хонзодами, хўжазодами, албатта, бир ерда нишонаси бўлади.* «Равшан».

**2** Зодагонлар табақасига мансуб; асилзода; тагли-туғли. *Гўлаҳдан чиққан таги пастни бошингизга урасизми, олсангиз — бирор хонзодани олинг, деб минг марта айтдим, қулоқ солмадингиз.* Ҳ. Фулом, Машъал.

**3** Хонзода (хотин-қизлар исми).

**ХОНИМ** **1** Аёлларга ҳурмат юзасидан мурожаат қилганда қўлланадиган сўз. *Қудамиз Мирзакарим қутидорга ва қудачамиз хонимга етиб маълум бўлгайким, бизлар бунда соғ-саломатдирмиз.* А. Қодирий, Ўтган кунлар.

**2** Ҳурмат юзасидан аёллар исмига қўшиб айтилади, мас., *Мукаррама хоним, Тамара хоним, Ҳалима хоним.* ■ *Ой юзли рафиқам, қундуз қошли маъшуқам Кумуш хонимга!* А. Қодирий, Ўтган кунлар.

**3** с.т. Гўзал, барно аёл; хушбичим жувон. *Ҳой-ҳой, хоним, йўл бўлсин, Қаерга йўргалайсиз!* «Кўшиқлар».

**ХОНИМ** **II** Хамир орасига қийма солиб, қасқонда пишириладиган овқат.

**ХОНИШ** [ф. خوانش — ўқиш; куйлаш; нола] **1** Ашула айтиш, куйлаш. *То ярим кечагача умрида уйин-кулеги кўрмаган чўлда ҳофизлар хониши эшитилди.* С. Аҳмад, Ҳукм. «Волга»нинг радиоси тинимсиз хониш қилади. «Муштум».

**2** Сайраш. *Булбуллар хониши сира тинмасди.* ■ *Азим балхи тут шоҳида саъва хониш қилади.* А. Муҳиддин, Ҳадя.

**ХОНЛИК** тар. **1** Хон лавозими. *Халқ чин хонлик билан уни [Худоёрни] муборакбод қилишдилар.* А. Қодирий, Ўтган кунлар. *Исфандиёра.. хонлик либоси: зар чакмон, бошига жигаги шерозий папах кийгизишиб, белига олтин қилич тақиб, қўлтиқлаб, тахтга ўтқаздилар.* Ж. Шарипов, Хоразм.

**2** Хон бошқарадиган давлат ва шундай давлат тузуми. *Қўқон хонлиги. Хива хонлиги.*

**ХОНТАХТА** [ф. خوان < خوانتخته — безатилган дастурхон + تخته — тахта] Ўтириб овқатланиш учун хизмат қиладиган, оёқлари калта ёғоч стол. *Хонтахта атрофига кўрпача солмоқ.* ■ *Хосият хола лагандаги ошни келтириб, хонтахтага қўйди.* Р. Файзий.

**ХОНУМОН** [ф. خانومان / خانزاده — оила, оила аъзолари; хонадон ва ундаги мол-мулк] Бирор шахсга тегишли мол-мулк, бор бисот, бойлик. *Хонумонидан айрилмоқ.* ■ *Одамлар севисини деб, хонумонидан ҳам, жонидан ҳам кечади, — дейди Суннатилла.* А. Эшонов, Тошдан қаттиқ, гулдан нозик. [Зухра бегим:] *Хон ҳазратлари!.. Фарзандимни, хонумонимни — ҳаммасини марҳаматингизга ишониб топширдим!* П. Қодиров, Юлдузли тунлар.

**ХОНҚИЗИ** зоол. Танаси яримшар шаклидаги, устки қисмида холлари бўладиган ярқироқ тусли кўнғиз. *Ургимчак тўқир оқ толалар, Хонқизи боради меҳмонга.* Ш. Раҳмон.

**ХОРИ** [ф. خوار — ҳақир; бечора, бадбахт] **1** Безътибор; камситилган, таҳқир-

ланган. *Очман! Яланғочман! Хорман! Сиз у деб сўкасиш, бу деб сўкасиш, бас-да шунча хўрланганим!* М. Исмоилий, Фаргона т. о.

**2** Ночор аҳволга тушган; ғоят қашшоқ. *Хунар — зар, хунарсиз — хор.* Мақол. *Хунар-ли эл хор бўлмас.* Мақол.

**3** Беқадр, қиммати тушган. *Бозорда ме-валар хор.*

**Хор бўлмоқ** Беқадр, беҳурмат бўлмоқ. [*Муқимий:*] *Ҳақиқат истаганлар бўлдилар хор, Кимики муттаҳамдур, юртга саркор.* С. Абдулла, Ота ва ўғил. **Хор қилмоқ** (ёки **тут-моқ**) Беқадр, беҳурмат қилмоқ; аянчли аҳволга солмоқ. *Бу уч болани Нодира хор қилиб қўйишни истамаса ҳам, эрининг фақирлиги бунга мене эди.* А. Қодирий, Меҳробдан чаён. [*Ўзбек ойим Зайнабга:*] *Келинни хор тутар экан, демасинлар, сен ҳам ўзингни тутат!* А. Қодирий, Ўтган кунлар.

**ХОР II** [ф. خار — тикан, тиканак] кт. Гул тикани. *Гул деб санчиб эдим бошимга, Қуруқ тикан, хор эканин билмадим.* Фозил Йўлдош ўғли.

**ХОР III** [юн. choros — давра ўйин кўшиги] **1** Вокал ашулаларни биргаликда ижро этувчи, 12 кишидан ортиқ бўлган ашулчилар жамоаси. *Хор ансамбли. Хор ижро-чилари.*

**2** Шундай жамоа ижроси учун ёзилган кўп овозли мусиқа асари. *..Тўхтасин ака улугга [ҳаваскорларга] янги ёзилган хор ва лапарлар ўргатар эди.* С. Абдулла, Халқ бастакори.

**ХОРВАТ** Хорватияда яшовчи халқ, миллат номи.

**ХОРВАТЛАР** Хорватия давлатининг асосий аҳолиси; хорват-серб тилида сўзлашувчи халқ (Сербия, Босния, Герцеговинада ҳам яшайди). *Хорватларнинг қадимий маросим, эпик, рақс, лирик ва бошқа халқ қўшиқлари ҳозиргача давом этиб келаётир.* «ЎЗМЭ».

**ХОРГУЛ** [ф. خارگل — тиканли гул] Наъматакнинг сариқ очиладиган бир тури.

**ХОРЕОГРАФИК** Хореографияга оид. *Хореографик санъат.*

**ХОРЕОГРАФИЯ** [юн. choreia — давра рақс + grapho — ёзаман] Махсус шартли белгилар ёрдамида ёки сўзлар билан рақс ҳаракатларини ёзиш. «Хореография» атамаси дастлаб Р. Фёйе томонидан «Хореография

ёхуд рақс ёзуви санъати» китоби (1700)да қўлланган. «ЎЗМЭ».

**2** Халқ рақс йўналишидаги ва балет спектакларини яратиш санъати; умуман, рақс санъати ёки балет театри.

**3** Рақс санъати. *Ёш балерина [Бернора Қориева] 1955 йилда Москва хореография билим юртини тугатди.* «Саодат».

**ХОР-ЗОР, хору зор I** Оғир, аянчли аҳволга тушган; таҳқирланган. *Сув келтирган хор-зору кўза синдирган азиз.* Мақол. ■ *Ҳеч кимга хор-зор бўлмай, деб тиришиб-тирмашиб ётибман.* Ойбек, Танланган асарлар.

**2** Ўта қашшоқ, муҳтож. *Кўрна-ёстиғини орқалаб, хор-зор юрган одамларнинг саноғи йўқ.* Ойбек, Танланган асарлар.

**ХОР-ЗОРЛИК** Оғир, аянчли шароит. *Бобур мутелигу хор-зорликдан кўра бир ўлимни буйнига олиб, Шайбонийхонга йўлбарсдай дадил ташланишни афзал кўрган, бекарини ҳам шунга кўндирган эди.* П. Қодиров, Юлдузли тунлар.

**ХОРИЖ** [а. خارج — чиқувчи; четга чиқиш; ташқи, ташқаридаги] **1** Бирор нарсдан холи, озод, бўш (одам ҳақида). *Ўртоқ Мансур, мени шу ишдан хориж қилиб қўйиш яхши бўлар эдим, дейман.* З. Саид, Н. Сафаров, Тарих тилга кирди.

**2** Хорижий мамлакат; чет эл. *Нонуштадан кейин.. хорижда ишлаган, кулранг дипломат кўтарган бир киши кириб келди.* Н. Аминов, Қалтис хато.

**ХОРИЖИЙ** [а. خارجى — ташқи, ташқаридаги; ўзга, бегона; ажнабий] **1** Мамлакатимиздан ташқаридаги, чет элдаги. *Хорижий давлат. Хорижий матбуот.* ■ *Бобур хорижийлар сафарига чиққанда, замин ва маъдан ҳақидаги маълумотларни.. ёритишга уринди.* «Фан ва турмуш».

**2** Чет эл кишиси, чет эллик. *У [Мурод мирзо] бу ерга тупланадиган хорижийларнинг бахсларини тинглашни яхши кўрарди.* Ш. Тошматов, Эрк қуши.

**ХОРИҚУЛОДДА** [а. خارقالوددا — ғайритабиий, ғайриодатий] эск. кт. айн. **фавқулодда.** Хориқулодда ҳодиса.

**ХОРЛАМОҚ** Қадр-қимматини туширмоқ, камситмоқ, хор қилмоқ. *Нонни хор қилган унга зор бўлади.* ■ *Наҳотки ёшлигида бирга катта бўлган бир манқага кўзи тушгани учун шунча хорласа-я!* М. Исмоилий, Фаргона т. о.

**ХОРЛИК** Хорланиш; камситилиш. *Бошимизга тушган неки кулфат бўлса, бадбахтлик, зулм, хорлик бўлса, бари шундан, нафсимиздан.* С. Сиёев, Ёруғлик.

**ХОРЛИК-ЗОРЛИК** айн. хор-зорлик. *Сидикжоннинг онаси Хадича хола умрини хорлик-зорлик тартиб ўтказган ҳамма кишилардай тез қариган, лекин ҳамма қишлоқ қарияларидай кексаликка сўз бермайдиган, ғайратли, тетик эди.* А. Қаҳҳор, Кўпчинор чироқлари.

**ХОРМЕЙСТЕР** [юн. choros + нем. Meister – раҳбар, уста] Хор раҳбари, хор дирижёри (қ. хор III). *Хормейстер касби 19-аср ўрталаридан дунёвий хор санъати ва концерт ижрочилигининг жадал ривожини туфайли қарор топди.* «ЎЗМЭ».

**ХОР-ХАС, хору хас** Ҳар турли хас, хасчўп, хас-хашак. *Хоинлар ўчоққа хор-хас териб келар.. эдилар.* А. Мухтор, Чинор. *Олиб кетгил боғимни буткул, Қолдирмагил ҳатто хору хас. Олиб кетгил боримни, фақат Юрагимни бериб кетсанг бас.* Уйғун.

**ХОС** [а. حَاسٌ – махсус, алоҳида; хусусий, шахсий] **1** Бирор кимса ёки нарсанинг ўзигагина оид, ўзидагина бўладиган. *Бола-ларга хос қилик. Раҳбарнинг ўзига хос иш услуби.* ■ *Клара аёлларга хос чиройли ҳаракат билан сочини орқасига ташлаб юборди.* Ў. Ҳошимов, Қалбинга қулоқ сол. *Чол.. кексаларга хос боқиш билан бир зум тикилди: -Кел, чирогим, нима хизмат? Ойбек, Танланган асарлар.*

**Ўзига хос** Ажралиб, фарқланиб турадиган. *Шаҳримиз меъморчилик қиёфаси ўзига хос гўзалликка эга.* Газетадан.

**2** Бирор шахснинг ўзигагина тегишли бўлган, ўзигагина фойдаланадиган; шахсий. *Оқ отлик Бобур мирзо юздан ортиқ беклари ва хос навқарлари билан.. тоғ этагига яқинлашиб қолган эди.* П. Қодиров, Юлдузли тунлар.

**ХОСА(КИ)** фольк. Наслдор, учқур. *Жонивор узоқдан чопиб келибди, Хосаки тулпорда, совиб келибди.* «Равшан».

**ХОСИЯТ** [а. حَاسِيَتٌ – алоҳида белги, хусусият; ўзига хослик] **1** Ижобий хусусият, яхши фазилат, хислат. *Меҳнатда бор кўп хосият, шарофат, Бел боғласа меҳнатга ким, азиздир.* Ҳабибий. *-Рост, бу келиннинг ҳуснидан ҳам бошқа яна тагин бир алоҳида хосияти борга ўхшайдир, – деб кулар эди [Ўзбек ойим].* А. Қодирий, Ўтган кунлар.

**Хосияти йўқ** Ижобий натижа бермайдиган; яхшиликка олиб бормайдиган; фазилатсиз. *Бу ишнинг хосияти йўқ. Кўп йиғлама, кўз ёшининг хосияти йўқ.*

**2** Хосият (хотин-қизлар исми).

**ХОСИЯТЛИ** Яхши хусусиятга эга; ижобий натижа берадиган; фазилатли. *Бу ернинг офтоби, шамоли, суви ана шундай хосиятли.* Ойбек, О.в. шабадалар. *Умидвор инсонлар, уни олқишланг, Фақат хосиятли бўлади баҳор.* А. Орипов. *-Сенинг пойқадаминг хосиятли келди, ўғлим, золим Асфандиёр зулми барбод бўлди, – деб эди Қурбон ота.* Н. Сафаров, Севги.

**ХОСИЯТСИЗ** айн. бехосият. [Заргаровнинг] *Кўнглида нимадир қаттиқ дарз кетган хосиятсиз оқшом кўз олдида гавдаланди.* А. Мухтор, Бўронларда бордек халоват. *Вайронлар азалдан хосиятсиз жой ҳисобланган.* «Ёшлик».

**ХОСЛАНМОҚ** Махсуслашмоқ, мослашмоқ. *Бироқ бу сўз.. фақат бир муносабатни – зидлов-кучайтирув муносабатини ифодалашга хосланиб қолган.* «ЎТА».

**ХОСЛИК** Бирор нарсага хос бўлишлик. *Бу ғайритабиийликни Зулфиқор билан Заврак қиз феълдаги ўзига хослик деб тушунарди.* Мирмуҳсин, Меъмор.

**ХОССА** [а. حَاسَةٌ – алоҳида белги, хусусият; ўзига хослик] Муайян нарсанинг бошқа нарсалардан фарқини, ўзига хослигини билдирувчи белгилар. *Биологик мембраналарнинг яна бир ноёб хоссаси – ионларни термодинамик усулда ташишдир.* «Фан ва турмуш».

**ХОСХОНА** [хос + хона] **1** Катта мансаб эгалари ёки ҳукумат бошлиғи турадиган жой, сарой; резиденция. *Гилям устига хонтахта кўйилиб, дастурхон ёзилган, шийпон тўридаги эшикдан кириладиган хосхона эса бутун бир гарнитур, анвойи жиҳозлар билан безатилган эди.* Ҳ. Фулом, Сенга интиламан.

**2** Бирор шахснинг ўзига тегишли бўлган, ўзигагина фойдаланадиган уй, хона. [Табииий ва Аваз] *Қанча йиллардан бери дилга туташ ўша қадрдон хосхонага кирдилар.* С. Сиёев, Аваз. *Зубайданинг хосхонаси. Токчаларга мис кўза.. пиёлалар тартиб билан териб қўйилибди.* К. Яшин, Ҳамза.

**ХОТАМ** [а. خَاتَمٌ – узук; кўзига муҳр ўйиб туширилган узук] эск. кт. Имзо ўрнини

босиш учун мактуб охирига чекиладиган, мактуб эгасининг номи ўйилган тамға, муҳр.

**ХОТИМА** [а. *خاتمه* — охир, ниҳоя; нутқнинг яқунловчи қисми] **1** Бирор нарса, воқеанинг яқуни, тамом бўлиши. *Бу яқун, бу хотима Талиб акага мутлақо ёқмади.* Ф. Мусаёнов, Ҳиммат.

**2** Бадий ёки илмий асарнинг охириги яқунловчи қисми, хулоса қисми; эпилог. *Аваз ҳикоят хотимасида берилган бир байтга кўз югуртириб қизарди.* С. Сиёев, Ёруғлик.

**Хотима бермоқ** Барҳам бермоқ; тугатмоқ. *Энди Марғилон қатнаб юришларга хотима берилгандек ва Марғилон ҳам ундан [Отабекдан] «Тагин менда нима ишинг бор?» деб сўрагандек бўлар эди.* А. Қодирий, Ўтган кунлар. **Хотима ясамоқ** Хулоса ясамоқ, яқунламоқ, тугатмоқ [Домла] *Фуломжонга ўқрайиб, гапига хотима ясади.* М. Исмоилий, Фарғона т. о.

**ХОТИН 1** Жинсий жиҳатдан эркак тоифасига зид, фарзанд кўриш, эмизиш қобилиятига эга одам; аёл. *Бозорқулнинг онаси жуда чиройли хотин эди..* А. Мухтор, Чинор.

**Хотин киши айн. хотин.** — *Ёшинг йигирма бешга қараб кетяпти, — деди онаси, — хотин киши ўттизга кирса, ўтин бўлади.* Ў. Ҳошимов, Қалбингга қулоқ сол.

**2** Бирор эркак никоҳдаги аёл. *Эр-хотиннинг уриши — дока рўмолнинг қуриши.* Мақол. ■ *У [меъмор] тўғри уйга қайтиб келди-да, бор гапни қизи Бадиа билан хотини Маъсума бекага айтиб, ўрнига чўзилди.* Мирмуҳсин, Меъмор.

**Хотин олмоқ** Уйланмоқ. [Раҳматилла] *Аста-секин ўзини ўнгарди, уй-жой қилди, хотин олди.* А. Қаҳҳор, Кўшчинор чироқлари. **Хотин оши** Тўйда хотинларни махсус чақириб ўтказиладиган маросим ва унда бериладиган ош. **Хотин пешин** Хотинларнинг пешин намозини ўқийдиган вақти (кундуз соат 4—5 лар чамаси). **Хотин талоқ қ. талоқ 1 2.** **Хотин қўймоқ** Хотини билан ажрашмоқ.

**ХОТИНАК: хотинак супурги қ. супурги 1.**

**ХОТИНБОЗ** [хотин + ф. *باز* — ўйновчи; ишқибоз] *салб.* Тез-тез хотин олиб, хотин кўядиган. [Қиз] *Онасининг.. ўқсиб-ўқсиб йиғлаётганини ҳам, ер ютгур «ўша» хотинбозни қарғаётганини ҳам эшитмади.* Ў. Ҳошимов, Қалбингга қулоқ сол.

**ХОТИНЁНҒОҚ** Бодомнинг бир тури.

**ХОТИНЛИ** Хотини бор, уйланган. *Кумушнинг гўзаллик таърифини ғойибона эшитиб, оғзининг суви келувчи хотинли ва хотинсиз турнақатор юбора бошлаган эдилар.* А. Қодирий, Ўтган кунлар.

**ХОТИНЛИК 1** Хотин, аёл бўлишлик. *Шу йўсин қизлар ўзларининг бир ўртоқларини хотинлик дунёсига узатиб, мажлисдан тарқалишдилар.* А. Қодирий, Ўтган кунлар.

**Хотинликка олмоқ** Бирор хотинни ўз никоҳига ўтказмоқ, уйланмоқ. *Бой хотинликка олгандан кейин, ўёли ҳам бирдан ўлиб қолди.* С. Зуннунова, Гулхан.

**2** Хотинларга, хотин-қизларга хос хусусият, хислат, фазилат. *Хотин кишини ҳамма вақт ноумид, норози кўриб ўрганган ва буни хотинлик латофати деб билган Сидиқжонга бу жувоннинг гаплари, катта ишонч ва зўр мамнуният билан гапириши унча ботмади.* А. Қаҳҳор, Кўшчинор чироқлари.

**3 с. т.** Хотинли. [Заргаров:] *Сиздан бир оғиз сўз! Бир оғиз!* «Мен Заргаровнинг хотини эмасман, уйнашиман», десангиз қутулиб кетман. *Хотинлик эркак уйнаш тутмасин, деган закон [қонун] йўқ! Йўқ!* А. Қаҳҳор, Оғриқ тишлар. *Ҳамма кўп хотинлик оилаларда бўлгани каби, Искандар ҳам бир хотинига [Равшанакка] кўпроқ меҳр қўяди..* Т. Жалолов, «Хамса» талқинлари.

**ХОТИНПАРАСТ** [хотин + ф. *پرست* — яхши кўрувчи, таъзим қилувчи] **1** Ўз хотинини ўта даражада севадиган, хотинига берилиб кетган.

**2 айн. хотинбоз.**

**ХОТИНСИЗ** Хотини йўқ, уйланмаган; бўйдоқ. *Хотинсиз эркак. Хотинсиз ўтиш — хато, Боласиз ўтиш — жафо.* Мақол.

**ХОТИНСИЗЛИК** Хотини йўқ бўлишлик; уйланмаганлик.

**ХОТИНФУРУШ** [хотин + ф. *فروش* — сотувчи] *тар.* Хотинларни олиб сотиш билан шуғулланувчи; эркакларга хотин топиб бериш орқасида тирикчилик қилувчи. [Фофир:] *Мен ҳали келиб-келиб одамгарчиликни, диёнатни, номусли тупроқ билан тенг қилган сиздай разил, хотинфуруш қўшмачилар олдида шунчалик паст тушдимми!* Ҳамза, Бой ила хизматчи.

**ХОТИН-ХАЛАЖ** с. т. Хотин-қизлар, аёллар. *Остонада.. тўрт-беш хотин-халаж тўпланиб турар.. эди.* Ў. Ҳошимов, Қал-

бингга кулоқ сол. *Хотин-халаж тағин йиғи кўтарди.* М. М. Дўст, Галатепага қайтиш.

**ХОТИНЧА** I айн. **хотинчасига.** *Хотинча юриш. Хотинча ўйинга тушмоқ.* ■ *Ҳамма-нинг диққати хотинча кийинган ва эшик ёнида ерга қараб турган ийигитга жалб бўлди.* А. Қаҳҳор, Майиз емаган хотин.

**ХОТИНЧА** II **Хотин 2** с. кичр.

**ХОТИНЧАЛИШ** Қилиғи ёки хатти-ҳаракати билан хотинларга ўхшаган, хотинларни эслатадиган (эркак киши ҳақида). *Шукуржон билан бирга узун бўйли, ингичка, хотинчалиш бир ийигит ҳам имтиҳон топширган эди.* О. Ёқубов, Ота изидан. *Кимдир хотинчалиш хунук товуш билан йиғлаб, бурини артарди..* А. Мухтор, Чинор.

**ХОТИНЧАСИГА** *рви.* Хотинларга ўхшаб; хотинларга хос равишда. *-Яхшироқ ишласа, тўпласа бўлади, — деди Кимсан чўнтак тиккан ипини хотинчасига тиши билан «қирс» этиб узиб.* А. Мухтор, Туғилиш.

**ХОТИН-ҚИЗЛАР** Аёллар ва қизлар; аёллар ва қизларнинг умумлаштириб айтилиши. ■ *..эркаклар билан хотин-қизларнинг ҳаққи-ҳуқуқи тенг бўлгандан кейин бирининг иккинчиси олдидаги масъулияти ҳам тенг бўлиши керак.* П. Қодиров, Уч илдиш.

**Хотин-қизлар консультацияси** Малакали гинекологлар ёрдам кўрсатадиган, маслаҳат берадиган даволаш-профилактика муассасаси.

**ХОТИР** [а. خاطر — ўй, фикр; гоё; ақл, фаросат; қалб; истак] I Эсда сақлаш, эслаб қолиш, эсга тушириш қобилияти; эс, ёд; хаёл. *Хотиримда: илк бўса бизни Ҳаддан зиёд қилмиш эди шод.* Уйғун. *Гиёҳларнинг номлари ҳам ёдимдан чиқай деган экан, бир-бир хотирда тиклаб чиқдим.* М. М. Дўст, Лозазор.

**Хотирга келмоқ** Эсга тушмоқ. *Жаноби меъмор, бу тошлардан зинапоя тарашлаш хотирларига келмабдир-да.* П. Қодиров, Юлдузли тунлар. **Хотирда тутмоқ** Эсда сақламоқ. **Хотирдан кечмоқ** Эсга тушмоқ. *Ёшлик йилларим хотиримдан кечди.* ■ *Ҳакимбойвачча ёлғиз қоларкан, унинг маълум ва чала маълум кирдикорларини бир-бир хотирдан кечирди..* Ойбек, Танланган асарлар. **Хотирдан кўтарилмоқ (ёки чиқмоқ)** Эсдан чиқмоқ. *Сизга бу гапни айтиш хотиримдан кўтарилибди*

**2** Ўйлаш, фикрлаш қобилияти; фикр; мия. *У ёқимли овоз ва шўх оҳангни бутун*

*вужуди билан тинглади. Тинглаган сайин хотири равшанлашарди.* Ш. Тошматов, Эрк қуши.

**3** Бирор кимса учун қилинадиган ҳурмат; юз-хотир, андиша. *-Хўп, синф раҳбаринг хотири [туфайли].. гуноҳингдан ўтиб турамиз, — деди директор Тўлага.* М. Исмоилий, Бизнинг роман. *Ҳеч бўлмаганда икки-та боласининг хотири учун хотинини ҳурмат қилиши лозим эди.* И. Акрам, Адолат.

**Хотири жам** Ташвишлардан қутулган, бештавиш. *-Ҳамиша дадил бўламиз, Зайниддин ака, хотирингиз жам бўлсин, — деди ўзича [Зайниддин].* С. Кароматов, Бир томчи қон. **Хотири паришон** Хаёли сочилган; фикри тарқоқ; паришонхотир. [Лутфинисо] *Қудалари кўрсатган эъзоз ва эътибордан мамнун бўлса-да, унинг хотири паришон, кўнгли нотинч эди.* Ойбек, Танланган асарлар.

**ХОТИРА** [а. خاطر — фикр, тафаккур; гоё; хаёл] I айн. **хотир 1.** *Хотираси кучли одам.* ■ *Зиёда тийрак қора кўзлари билан кулди ва шу қиёфада Заргаровнинг хотирасига ўрнашиб қолди.* А. Мухтор, Бўронларда бордек ҳаловат.

**2** Бирор кимса ёки нарсга ҳақидаги ёдда, эсда сақланган таассурот. *Саёҳат хотиралари.* ■ *У [Мансур] Боғишамол нафасини, ўтмиш сўқмоқларида қолган бебаҳо болаликнинг азиз хотираларини олиб келган бу ийигитга ҳавас билан қарар эди.* Ў. Ҳошимов, Қалбингга кулоқ сол.

**3** Эсдалик, ёдгорлик. [Ботир Дилбарга:] *Салом! (китобни узатиб) Мендан сизга хотира. Н. Сафаров, Ҳаёт мактаби. [Чақалоқнинг] Отини Шавкат кўяман! Шавкат! Шавкатли кунларимдан хотира бўлсин! — дерди [Алимардон].* Ў. Ҳошимов, Баҳор қайтмайди.

**Хотира дафтари** Хотира, эсдаликлар ёзиладиган махсус дафтар. *Хотира дафтарларим орасидан ўқотиб юрган кўк дафтарчам чиқиб қолди.* Н. Сафаров, Оловли излар.

**3** Хотира (хотин-қизлар исми).

**ХОТИРЖАМ** [а. خاطر جمع — тинч, бамайлихотир; мамнун, ўзига ишонган] Бештавиш, осойишта. *Аҳмад хотиржам ва жиддий эди.* Ф. Мусажонов, Ҳиммат.

**Хотиржам бўлмоқ** Бирор ишнинг натижаси яхши бўлганлигига ёки бўлишига ишонч ҳосил қилмоқ; руҳан тинчланмоқ. *У врач кабинетидан хотиржам бўлиб чиқди-да,*



телефон будкаси томон йўл олди. Ҳ. Фулом, Замин юлдузлари. **Хотиржам қилмоқ** Тинчлантирмоқ, Мударрисов, қўяверинг, ҳеч қаёққа кетмайди, деган маънода кўз қисиб, уни хотиржам қилди. Д. Нурий, Осмон устун.

**ХОТИРЖАМЛАНМОҚ** кам қўлл. Хотиржам бўлмоқ; тинчланмоқ. У хотиржамлашиб, ишини давом эттирди.

**ХОТИРЖАМЛИК 1** Руҳан тинч бўлишлик, осойишталик. Ўзимдаги бундай ногаҳоний журъат ва хотиржамликдан бир зум ҳайратга тушдим. О. Мўминов, Хиёбондаги уч учрашув.

2 Бирор кимса ёки нарса халақит бермайдиган тинч шароит. [Низомжон:] Бошқа бир келасизлар энди хотиржамликда. А. Муқимов, Ғалати одамлар. [Холмат Рузвонга:] Келинг, ойимпошо! Хотиржамликда сўзлашиб, ҳасратлашиб олайлик! Ҳамза, Ким ўғри?

3 Беғамлик, бепарволик. Хотиржамликка берилиш кайфияти. ■ Навоий «Тарихи мулуки Ажам»да ҳам подшоларнинг ғурура, кайф-сафога, хотиржамликка.. берилиши оқибатида мамлакат ва халқни ёмон аҳволга солиб қўйишини кўрсатиб беради. «ЎТА».

**ХОТИРЛАМОҚ** Бирор кимса, нарса ёки таассуротни эсга олмақ, эсламоқ. Ўтмишни хотирламоқ. ■ Узоқ ёшлигини хотирлади у, Яна ҳавас билан ўғлига боқди. А. Мухтор. Қиз бутун вужудини тўсатдан қоплаган оғриқ билан онасини хотирлади.. Ойбек, Танланган асарлар.

**ХОТИРОТ** [a. خاطرات — «хотира» с. нинг кўпл.] 1 Хотиралар. Қайта тиклаш мумкин барчасин, фақат Қайта тикланмагай ўчган хотирот! А. Орипов.

2 Бирор кимса ёки нарса ҳақидаги таассурот, кишининг кўрган-кечирганлари. Отабек Шамай хотиротини сўзлаб берди. А. Қодирий, Ўтган кунлар.

**ХОЧ** [ф. *خاج* < арманча] Вертикаль ўқ ва унга кўндаланг қадаланган бир ёки ундан ортиқ ходадан иборат предмет, христианликнинг асосий тимсолларидан бири; бут, крест, салиб. [Қабр устига] Кўплашиб ёлғиз бир хоч қўйишдилар ноилож. Ҳ. Олимжон. Христианлар ривояти бўйича, Исо хочга михлаб ўлдирилган. «ЎЗМЭ».

**ХОҚОН** тар. Қадимги туркий халқлар ва мўғуллар ҳукуматида йирик давлат бошлиқларининг энг олий унвони ва шу

унвонни олган шахс. Хитой йилномаларида хоқонларнинг тахтга чиқиш маросими ҳақида кенг тафсилотлар берилган. «ЎЗМЭ».

**ХОҚОНИЙ** Хоқонларга хос. [Ойхола Холисхонга:] Бўлмаса, бундай хоқоний давлатни қўйиб, қайга борасан!? Ҳамза, Паранжи сирлари.

**ХОҚОНЛИК** тар. 1 Хоқон лавозими. Хоқонликдан воз кечмоқ.

2 Хоқонга қарашли давлат ёки мамлакат. Хазар хоқонлиги. Уйғур хоқонлиги. ■ Турк хоқонлиги даврида, жумладан, 6–8-асрларда Марказий Осиёнинг бир қанча ўлкаларида.. «хоқон» унвони билан тангалар чиқарилган. «ЎЗМЭ».

**ХОҲ** [ф. *خواه* — хоҳловчи; гоҳ.. гоҳ..] боғл. Айрим гаплар ёки гап бўлақларини ўзаро боғлаб, «ёки», «ёхуд», «майли», «хоҳласа», «бўлса ҳам» каби маъноларда такрор ҳолда ишлатилади. Хоҳ келсин, хоҳ келмасин — менга бари бир. Хоҳ ёш, хоҳ қари — ҳамма тўпланди. Хоҳ бугун, хоҳ эртага. ■ Ҳар нарсадан азиз бу ер тупроғи: Қадамни хоҳ кўзим, хоҳи ерга қўй! М. Алавия.

**ХОҲИШ** [ф. *خواهش* — илтимос; истак, хоҳлаш] Бирор нарсани хоҳлаш, ишташ, истак. Сувнинг оқишинга қара, Халқнинг хоҳишига қара! Мақол. ■ -Мусобақада ютиб чиқиш учун энг аввал ғалаба қилишга зўр хоҳиш ва.. ишонч керак, — деган эди Норжон ака. Ф. Мусажонов, Чиқинди. У [Жайнак мирзо] ҳол-аҳвол сўраб келганларни Ҳожи отанинг хоҳиши билангина ичкарига қўярди. «Ёшлик».

**ХОҲЛАГАН 1** Хоҳламоқ фл. сфдш. Бозорда хоҳлаган нарсангиз топилади.

2 Ҳамма; ҳар бир, ҳар қандай. Бу журналга хоҳлаган одам авзо бўлиши мумкин. ■ Пул билан деҳқоннинг оёғига кишан ур. Шундай қилсанг, хоҳлаган шартингга кўнаверади. Ойбек, Танланган асарлар.

**ХОҲЛАДИМ 1** с.т. Хоҳламоқ фл. 1-ш. ўтг. зам., аниқлик майлидаги шакли. Мен шундай қилишни хоҳладим.

2 кўчма с.т. Никоҳдан расман ўтиш жойи. Йигитали келин-куёвнинг мақсади, борар манзилни билса ҳам.. сўради: -Ҳа, йигитнинг гули, йўлингиз бўлсин? -Хоҳладимга кетаяпмиз. Т. Малик, Ажаб дунё.

**ХОҲЛАМОҚ 1** Бирор нарсага ўзида эҳтиёж сезмоқ, унга эришишни истамоқ. Меъмори ўз ҳолига қўйиб бериш керак. У

шуни хоҳларди. Мирмуҳсин, Меъмор. *Насибанинг ўзи ўқиниши хоҳламаса, ҳеч кимга гап тегмайди.* А. Қаҳҳор, Оғриқ тишлар. *Ёши ортиб бораётган ҳар бир қиз, ҳар бир жувон сингари Тўраҳон бола кўришни хоҳлар эди.* М. Исмоилий, Фарғона т. о.

**Худо хоҳласа** Гап бошида қўлланиб, муайян ният албатта амалга ошсин, деган мазмунни билдиради. *Худо хоҳласа, ўзингиз ёр-ёр айтиб, гўшангага ўзингиз олиб кирасиз.* Х. Тўхтабоев, Ширин қовунлар мамлакати.

**2 Ўз хоҳиши билан танламоқ, рози бўлмоқ** (қиз ёки йигит ҳақида). [*Она қизига:*] *Унга йўқ дейсан, бунга йўқ дейсан, кимни хоҳлайсан ўзи? ..Ё биронта билан гап бериб юрибсанми? «Ёшлик».* «*Мен Азимжон акамни хоҳладим, яхши кўраман, тегмасам — ўламан» дегани ёлғон экан-да?* М. Исмоилий, Фарғона т. о.

**ХОҲ-НОҲОҲ** [ф. خواه ناخوا — истаристамас, хоҳлаб-хоҳламай] Истар-истамас, чин кўнгилдан хоҳламаган ҳолда. *Хоҳ-ноҳоҳ шундай қилишга мажбур бўлдим.*

**ХРЕН** [р. хрен] қ. **ерқалампир.**

**ХРЕСТОМАТИЯ** эск. [юн. chrestos — яхши, фойдали + manthano — ўрганаман, ўқийман] Таниқли ёзувчилар ёки олимларнинг танланган асарларидан ёки улардан парчалардан тузилган тўплам шаклидаги ўқув қўлланмаси. *Адабиёт хрестоматияси.*

**ХРИЗАНТЕМА** [юн. chrysanthemon < chrysos — олтин + anthemion — гул] Мураккабгулликлар оиласига мансуб, қатма-қат тўпгуллари турли рангда чиройли бўлиб очиладиган манзарали ўсимлик ҳамда шу ўсимликнинг гули. *Японияда баққоллик дўконида хризантема сотилаётганини кўриб қолган киши ажабланмайди.* «Фан ва турмуш».

**ХРИСТИАН 1** [юн. Christos — пешонасига мой суртилган (подшо); Иисус Христос (Исо пайғамбар) номидан] Христианлик динига эътиқод қилувчи шахс. *Христианлар ўпар эди Инжилни.* М. Шайхзода.

**2 Христианликка оид. Христиан черкови. Христиан жамоалари.**

**ХРИСТИАНИК** Милоднинг 1-асрида Рим империясида Исо пайғамбарга, яъни Иисус Христосга эътиқод қўйиш асосида вужудга келган, ҳозирги вақтда жаҳонда кенг тарқалган динлардан бири. *Христианлик таълимоти.* ■ *Ҳозирги кунда Ўзбекистонда*

*христианликнинг турли оқимларига мансуб диндорлар яшайди.* «ЎЗМЭ».

**ХРОМ I** [юн. chroma — ранг, бўёқ] **1** Менделеев даврий системасининг VI гуруҳига мансуб кимёвий элемент; зангорикумуш тусяи, қийин эрийдиган қаттиқ металл (кўпгина қотишмаларнинг зарурий компоненти). *Хром кислотаси.* ■ *Хром Ер пўстининг масса жиҳатидан 0,035% уни ташкил этади.* «ЎЗМЭ».

**ХРОМ II** Хром тузлари билан ишлов бериб тайёрланган юмшоқ, юзаси тўрсимон нақшли, ялтироқ юпқа тери. [*Баширжон*] «*Қизил этик ҳозир мода эмас, — деб ўйлади.* — *Қора хромдан тиктириш керак*». Н. Аминов, Қаҳқаҳа.

**ХРОМЛАШ** ким. Пўлат ва темирдан ясалган буюмларнинг чидамлилигини, коррозиябардошлигини ошириш ёки уларга безак бериш мақсадида уларни юпқа хром қатлами билан қошлаш.

**ХРОМО-** [юн. chroma — ранг, бўёқ] Байналмилал ўзлашма қўшма сўзларнинг биринчи қисми бўлиб, ўзи қўшилган сўзнинг рангга ёки кимёвий элемент — хромга алоқдорлигини билдиради, мас., *хромосома.*

**ХРОМОСОМАЛАР** [хромо.. + юн. soma — тана] Ҳайвон ва ўсимлик ҳужайралари ядроларининг доимий таркибий қисми бўлган ва ҳужайранинг бўлиниш даврида тегишли ранг берилганда яққол кўринадиган, ўз-ўзидан кўпаювчи тузилмалар. *Хромосома касалликлари.* ■ *Ҳар хил турга мансуб организмлар бир-биридан хромосомалар сони ва уларнинг тузилиши билан фарқ қилади.* «ЎЗМЭ».

**ХРОМОСФЕРА** [хромо.. + сфера] Куёш атмосферасининг 7–8 минг километр қалинликдаги, қирмизи рангдаги қатлами.

**ХРОНИК** [юн. chronos — вақт] қ. **сурункали.** *Хроник касаллик.*

**ХРОНИКА** [юн. chronikos — вақтга, даврга оид, алоқадор] **1** қ. **йилнома.**

**2** Ижтимоий ёки оилавий воқеаларнинг изчил баёнини ўз ичига олувчи адабий жанр.

**3** Вақтли матбуотда кундалик воқеа-ҳодисаларни ёритишга бағишланган қисқа ахборот; жанр. *Газетанинг хроника бўлими.*

**4** Кундалик, жорий воқеа-ҳодисалар ёритилган ҳужжатли фильм.

**ХРОНИКАЛ** Хроникага оид (қ. **хроника**) **4).** *Кино соҳасида олиб борган 20 йиллик фао-*

лиятим давонида Ўзбекистон тўғрисида 20 га яқин хроникал-ҳужжатли фильмларни суратга олдим. Газетадан.

**ХРОНО-** [юн. *chronos* – вақт] Байналмилал ўзлашма қўшма сўзларнинг биринчи қисми бўлиб, ўзи қўшилган сўзнинг вақтга, даврга алоқадорлигини билдиради, мас., *хронология, хронобиология*.

**ХРОНОБИОЛОГИЯ** [хроно + биология] Замонавий биологиянинг турли хил биологик жараёнларнинг муайян вақтда кечишини, уларнинг манбаи ва механизмларини ўрганувчи соҳаси.

**ХРОНОЛОГИК** Хронологияга асосланган. *Бу танга пуллар хронологик жиҳатдан узоқ тарихга эга.*

**ХРОНОЛОГИЯ I** [хроно.. + юн. *logos* – фан, таълимот] I Воқеа ёки ҳодисаларнинг даврий изчилликдаги баёни, рўйхати. *Зеро, уйдирмасиз ҳар қандай асар яланғоч воқеалар хронологиясидан иборат бўлиб қолар.. эди. «ЎТА».*

2 Вақт ўлчови ҳақидаги, тарихий воқеалар ва ҳужжатлар санасини аниқловчи қўшимча тарих фани. *Астрономик хронология. Тарихий хронология. ■ Ҳозирги пайтда хронологиянинг тараққиёти бу фаннинг археология, табиий фанлар, статистика ва бошқалар билан ўзаро ҳамкорлигига боғлиқдир. «ЎЗМЭ».*

**ХРОНОМЕТР** [хроно.. + метр] Вақтни жуда тўғри, аниқ кўрсатадиган, экспедицияда, кемада сузишда қўлланадиган махсус кўчма соат.

**ХРОНОМЕТРАЖ** [хроно.. + метраж] Ишлаб чиқаришда қўлда ёки машинада бажариладиган (такрорланадиган) муайян меҳнат, ишни амалга ошириш учун сарфланган вақтни аниқ ўлчаш. *Хронометраж мақсадида компьютердан ҳам фойдаланилади. «ЎЗМЭ».*

**ХРОНОМЕТРАЖЧИ** Хронометраж иши билан шуғулланувчи киши.

**ХРОНОМЕТРИК** Хронометр воситасида бажариладиган, хронометрда белгиладиган. *Вақтни хронометрик усулда аниқлаш.*

**ХРУСТАЛЬ** [юн. *krystallos* – муз; шаффоф тош, биллур] қ. **биллур**. *Хрусталь идишлар.*

**ХУВАРИ** Ҳазил аралаш енгил сўкиш шакли: шумтака, шайтон, хумпар, хумса

каби. *Ҳа, хувари, қўлга тушингми! ■ -Вой хувари ҳожи, – деди Ниёз қушбеги, – олдидаги овни кўрмай, узоқдаги ёвни кўради! А. Қодирий, Ўтган кунлар. [Шокир ота:] Йўлчининг айни олов вақти-да, биронта ўзи тенги билан бахт қидириб кетдими, хувари! Ойбек, Танланган асарлар.*

**ХУД** [ф. *худ* – ўз, ўзиники] эск. Ўз, ўзи, айнан ўзи. *Бу шаклу шамойил била худ ҳуру парисен.. Бобур.*

**Гоҳ худ, гоҳ бехуд** Гоҳ яхши, гоҳ ёмон; гоҳ ундай, гоҳ бундай, гоҳ ўзига келиб, гоҳ ҳушсиз. *Хотинларнинг кўнглига ҳеч тушуниб бўлмайди.. гоҳ худ, гоҳ бехуд. С. Нуров, Нарвон.*

**ХУД-БЕХУД** [ф. *худбехуд* – ўз-ўзидан, ўзидан-ўзи; беихтиёр] айн. **гоҳ худ, гоҳ бехуд** қ. **худ**. *Эрталаб ишга келсам, хонамда худ-бехуд бўлиб Қўшшаев ўтирибди. Н. Қобил, Унутилган соҳиллар. Худ-бехуд бўлиб ётган янгамнинг оғзига сув тутдим. «Шарқ юлдузи».*

**ХУДБИН** [ф. *худбин* – манман, эгоист; ўзинигина кўзловчи] Ўзини ёки ўз манфатини ҳаммадан устун қўювчи. *Худбин ва дилозор кимсанинг ахир Оғзи қон йиртқичдан қандай фарқи бор?! А. Орипов. Исфандиёрнинг инжиқ ва худбин кўнглида уч олови ёнар, исёнкорларни бирма-бир дорга остираман, деб онт ичиб қўйган эди. С. Сиёев, Аваз.*

**ХУДБИНЛИК** Ўз манфатини бошқа кишилар манфаатидан устун қўйишдан иборат салбий ахлоқий сифат. *Нодирнинг юрагида номуз ўти, йиғитлик лафзи, ориятдан кўра худбинлик, ўжарлик устун туради. Ш. Фуломов, Ёрқин уфқлар. Худбинлик манфатпарастлик ва шахсиятпарастликни ўз ичига олади. «ЎЗМЭ».*

**ХУДБИНЛАШМОҚ** Худбинлик оdatи-га берилиб кетмоқ. *Худбинлашиб кетганини ўзи ҳам сезарди. Газетадан.*

**ХУДДИ** [ф. *худди* – ўзиники] I Айнан, аниқ. *Инобатнинг худди ўзига ўхшаган нозиккина, қора қош, қора кўз бир синглиси бор эди. О. Ёқубов, Эр бошига иш тушса. Бир ойдан кейин худди мана шу катта богда дангиллама тўй бўлди. Ў. Ҳошимов, Қалбинга кулоқ сол. Худди шу пайт эшик ғийқиллаб очилди. Ў. Ҳошимов, Қалбинга кулоқ сол.*

2 Роппа-роса, тўппа-тўғри, аниқ. *Мен худди соат ўнда келдим. ■ Агар ўша кетиши*

бўлса, бугун худди Қўқонга бориб етган. А. Қодирий, Ўтган кунлар.

3 Гўё, гўёки; баайни. -*Келдингизми?* — деди Алимардон, худди унинг албатта келишини билгандай. Ў. Ҳошимов, Қалбингга кулоқ сол.

4 Ҳойнаҳой; афтидан. [*Майсара:*] *Шошманг, тақсирим! Ҳозир чиқиб бўлмайди! У худди гумонсираб келган, эҳтимол, ҳар томонга одам кўйгандир.* Ҳамза, Майсаранинг иши.

**ХУДКОМ** [ф. خودکام — ўз манфаатини кўзловчи; ўзбошимча] *эск. кт.* Фақат ўзини ўйлайдиган, ўзини яхши кўрадиган; худбин. [*Навоий:*] *Э, насими субҳ, аҳволим дилоромимга айт!* [Гули:] *Лаъли рангин, лафзи ширин, шўхи худкомимга айт.* Уйғун ва И. Султон, Алишер Навоий.

**ХУДО, худой** [ф. خدا — илоҳ, худо; ҳукмдор хўжайин] 1 Диний тушунчага, хусусан ислом динига кўра, бутун мавжудотни, бутун оламни яратган ва уни бошқарувчи олий илоҳий куч; ҳар қандай диннинг эътиқод қилиш асоси (мусулмонларда: «Аллоҳ» сўзининг синоними). *Худо бутун жониворларни яратиб бўлиб, ҳар қайсисига ур улашадиган бўлибди.* А. Қаҳҳор, Қўшчинор чироқлари. -*Мирзо Анвар инимга худо мартаба ато қилган эмиш деб эшитдим, — деди Сафар бўзчи.* А. Қодирий, Меҳробдан чаён.

**Аввали худо** Аввало Худонинг хохиши, кудрати билан. [*Ибн Ямин:*] *Қизимнинг жонини аввали худо, қолаверса, сиз асраб қолдингиз.* К. Яшин, Ҳамза. **Азбаройи худо қ. азбаройи.** -*Агар эшикни ёпиб ухласанг, азбаройи худо, ҳужранда бир ҳафтагача тонг отмайди, — деди Мирвали.* А. Қодирий, Кичик асарлар. **Худо асрасин (ёки сақласин)** Бирор нохушлик, фалокат, зарарли кимсага йўлиқмасликни тилаб айтиладиган ибора. *Ишқилиб, ўзинга эҳтиёт бўл, болам. Бирор фалокатдан худо асрасин!* Ҳ. Гулом, Машғал. [*Меъмор:*] *Мунофиқлардан худо асрасин!* Мирмуҳсин, Меъмор. **Худо берди** «Бахтли, давлатли бўлди» ёки «нима истаса, шуни қила олади» каби маъноларни ифодалайди. *Кейин Гулнорга худо беради, у эрка, арзанда хотин бўлиб, эрга суялиб, кўнглига нима келса, шуни қилади.* Ойбек, Танланган асарлар. **Худо билсин (ёки билади)** Ким билади дейсиз, эҳтимол. *Қоронғида яхши ажратолмадим, тусини гира-шира анови қора Ҳомидга ўхшатдим.*

*Тагин уми, бошқами, худо билсин, шатир-шутир қилди-да, чиқиб кетди.* А. Қодирий, Ўтган кунлар. **Худо кўрсатмасин** Бирор кўнгилсиз воқеа юз бермаслигини тилаб айтиладиган ибора. *Агар бу касаллик маҳаллий халққа ҳам юқса борми, худо кўрсатмасин, ана унда кўрасиз қиёматни.* К. Яшин, Ҳамза. **Худо кўтарсин! ёки худо олсин!** қарғ. Бирор кимсага бўлган нафратни ифодалаб, унга ўлим тилаб айтиладиган ибора. *Зулфизар ичиди: «Худо кўтарсин сени» деди-ю, қадамини тезлатди.* К. Яшин, Ҳамза. **Худо раҳмати ёки худо раҳмат қилсин** Раҳматли (марҳумни ҳурмат билан тилга олганда айтиладиган ибора). -*Китоблар икки жойда ёлғон айтишни маъқул деган эканлар: биттаси — эру хотиннинг орасида, иккинчиси — икки мўъминни битириш учун. Буни худо раҳмати домлам ўқиб берар эдилар, — деди Сафар бўзчи.* А. Қодирий, Меҳробдан чаён. [*Олчинбек:*] *Бошингизга тушган ишларнинг ҳаммасидан хабарим бор. Кампирнинг ўлими, худо раҳмат қилсин, янги ёзган асарларингизнинг йўқ қилиниши.* К. Яшин, Ҳамза. **Худо урган 1)** ёмон, разил, ярамас. *Хўжайин тоғанг жуда худо урган одам. Уйинг куйгур, шунча йил ишлатиб, энди кўчага ташлайдими?* Ойбек, Танланган асарлар; 2) ночор, расво. *Мен сизга: «Қопонғич, жангари ит топиб келинг!» десам, худо урган итни топиб келибсиз.* «Латифалар». **Худо урди** Расво бўлди; ишнинг пачаваси чиқди. [*Одам*] *Ичкиликка берилдими, худо урди. Обру кетиб, йўқолади тамом бурди.* Т. Йўллош. *Кейин ерга энгашиб, қўлларига катта бир тош олдилар. Юрагим шув этди: «Оббо, худо урди», дедим.* П. Турсун, Ўқитувчи. **Худо урдикетди** Наҳотки шундай бўлса? *Кўйинг-эй, Раҳимжон, гапирманг-эй! Худо урди-кетди.* Қизим кўлингизга тушгандан бери бир кун рўшнолик кўрмади. А. Қаҳҳор, Сароб. **Худо уриптими** Бўлмаган гап, ўлибманми, наҳотки шундай бўлса? *Мени худо уриптими, ундай деганим йўқ. Худо хайрингни берсин* Яхши тилаб, миннатдорлик билдирувчи ибора. *Жон биродар, худо хайрингни берсин, бу яхшилигингни икки дунёда унутмасман.* С. Сиёев, Ёруғлик. **Худо ҳақи** Тўғриси; чиндан ҳам, ҳақиқатда ҳам. *Худо ҳақи, одам ҳаддан ташқари кўрқса, қизиқ бўлар экан.* А. Қаҳҳор, Сароб. **Худога нима ёздим?** «Нима гуноҳ қилдим, гуноҳим йўқ эди-ку?!» маз-

мунидаги ибора. [Матпано:] *Худога нима ёздим? Наҳот ўтган-кетганнинг қўлига термилиб, қариб-чириб адо бўлажакман?* С. Сиёев, Ёруглик. **Худога солдим** Жазосини худо берсин. *Гулсумбиби қизининг бошини силади, йиғлаб гапирди: -Кўй, қизим, Нури туҳмат қилган бўлса, худога солдим. Ўзи бир кун жазосини тортар, бир кун изза бўлар. Ойбек, Танланган асарлар. Худога топширдим* Хайрлашиш чоғида айтилиб, худо ҳар қандай ёмонликдан асрасин, соғ бўл, омон бўл, деган мазмунни билдиради. *Худога топширдим, Кумуш, қазом етиб кўролмай қолсам, мендан рози бўл!* А. Қодирий, Ўтган кунлар. **Худога (минг марта, беада) шукур!** 1) бирор нарсага эришилганда айтилиб, мамнунлик, шукронани билдиради. *Худога шукур, тўй кўрдим, чимилдиққа кирдим, орзу-ҳавас кўрдим. И. Раҳим, Чин муҳаббат; 2) ўзаро ҳол-аҳвол сўрашилганда, жавоб тарзида айтилади. [Отабек:] Тузукмисиз, ота? -Худога шукур! - деди Ҳасанали. А. Қодирий, Ўтган кунлар. Худойимдан ўргулай* Худога шукур. -*Худойимдан ўргулайки, - деди Кумуш энтиқиб ва даҳшатланиб, - ёмонларнинг жазосини ўзи берган. А. Қодирий, Ўтган кунлар.*

2 Кўпхудоликда оламнинг қандайдир бир қисмининг олий ҳукмдори. *Севги худоси. Уруш худоси. ■ Гўзалликнинг қошида ахир Чўкка тушсан ҳатто худолар. А. Орипов.*

**ХУДОБЕЗОРИ(И)** [ф. *خدایبزار* - худодан қочувчи; бетавфиқ] Ҳар қандай ёмон ҳаракатдан ҳам қайтмайдиган; ўта дилозор, бетавфиқ. -*Бу безбетни қаердан топдингиз, худобезори-ку у? - деди Солиев ўрнидан туриб. «Ёшлик».*

**ХУДОБЕХАБАР** [ф. *خدایبخبار* - худодан хабарсиз, бетавфиқ] Худодан қўрқмайдиган; динсиз; инсофсиз, диёнатсиз, бетавфиқ. *Шу худобехабар амир эшигида амалдор бўлишдан кўра, ўғирлик қилиб юриш минг марта аъло. С. Айний, Жаллодлар.*

**ХУДОВАНД** [ф. *خدواند* - худо; соҳиб, эга; ҳукмдор] Худонинг сифатларидан бири; *айн. худо.*

**Худованди карим** Карамли, мурувватли худо. [Баҳромбек:] *Эй худованди карим, молдунё деб, бу йўлларга кирган бандангни кечир.. «Ёшлик».*

**ХУДОВАНДО** [ф. *خدواندا* - эй худованд]: **худоё худовандо** Худога мурожаат шакли; эй худо, худоё. -*Ё худоё худовандо! Банда-*

*ларингга ўзинг инсоф бер, - деди аёл. П. Турсун, Ўқитувчи.*

**ХУДОГҲЙ** [ф. *خدایگویی* - худо деювчи, худони тилга олувчи] Худо номини тилдан қўймайдиган, доим тоат-ибодат билан шуғулланадиган. *ХудогҲй одам. ■ Рўзиқул ўткинчи худогҲйларга қуръон ўқиб бериш билан беш тийин-ўн тийин топиб юрди. Файратий, Тепалик мазор.*

**ХУДОЁ** [ф. *خدایا* - э худо] Худога мурожаат шакли; э худо. *Худоё худовандо! Худоё тавба! ■ Махсум ўзича имон келтирди: -Худоё худовандо, бир ожиз бандангман. Гуноҳим бўлса, ўзинг кечиргайсан! П. Турсун, Ўқитувчи.*

**ХУДОЖҲЙ(Й)** [ф. *خدایجوی* - худо(ни) изловчи] Худо ва дин йўлидан чиқмайдиган, худога ишонадиган; диндор. [Ҳожии она:] *Мен икки йўл ҳажж қилган художҲй, батавфиқ хотинман! Мусулмонларга ёмонликни асло раво кўрмайман. Ҳамза, Бой ила хизматчи. ХудожҲйлар камайиб, зиёратгоҳга кўп вақтдан буён назр-ниёз тушмай қолган эди. Газетадан.*

**ХУДОЖҲЙЛИК** Дин йўлидан чиқмаслик. *Уларнинг авом халқ олдидаги художҲйликлари ҳам риёкорликдан бошқа нарса эмаслигига гумоним қолмади. М. Исмоилий, Фарғона т. о.*

**ХУДОЙ** [ф. *خدای*] қ. **худо.**

**ХУДОЙИ** [ф. *خدایی* - илоҳиёт; худога оид, алоқадор] *дин. Марҳумлар руҳига бағишлаб ёки бирор иллатдан эсон-омон қутулганлиги учун худо йўлига қилинадиган садақа, қурбонлик, зиёфат. Ҳазрат Баҳовуддин йўлларига етти нон худойи қилиб-дурлар. А. Қодирий, Кичик асарлар. Бир неча ой ичида юзлаб қўйлар, туюлар сўйилиб, маҳалла-гузарларда худойилар қилинди. С. Сиёев, Аваз.*

**ХУДОЙИХОНА** [худойи + хона] *эск. Камбағал, етим-есирларга худойи тариқасида озиқ-овқат бериладиган жой.*

**ХУДОЙИХҲР** [худойи + ф. *خور* - еювчи] Худойига бориб овқатланишни одат қилиб олган киши. *Мадрасамизнинг.. «жиловхона»сида ҳар якшанба ва пайшанба кунлари худойихҲрлар кўча пойлаб, тикилишиб ўтирар эди. М. Муҳаммаджонов, Турсун уринишлари.*

**ХУДОЙИЧИ** *айн. худойихҲр.*

**ХУДОПАРАСТ** [ф. خداپرست — худога ишонувчи, диндор] Динга, худога ишонадиган; диндор. *Худопараст одам.* ■ *Довуд асл худопараст, менга содиқ.* Ё. Хаимов, М. Раҳмон, Ҳаёт-мамот.

**ХУДОСИЗ** Худони тан олмайдиган, худога ишонмайдиган; даҳрий, атеист. *Доктор бир куни [Қурбон отани] маҳаллада ўзи ташиқил этган худосизлар тўғарагининг машғулотига олиб борди.* А. Қаҳҳор, Тўй.

**ХУДОТАРС** [ф. خداترس — худодан кўрқувчи; тақводор] эск. дин. Худодан кўрқадиган; мўмин, художўй. *Душман эмас, булар устаи Заргар, Анга ҳамроҳ бир худотарс қаландар.* «Маликаи айёр».

**ХУДПАРАСТ** [ф. خودپرست — ўзига бино кўйган, худбин] Фақат ўз манфаатини кўзлаб иш тутадиган; худбин. *Худпараст одам.*

**ХУК** [ф. خوگ — тўнғиз]: **хук йили** айн. **тўнғиз йили** қ. **тўнғиз 3.**

**ХУЛЁ** кам қўлл. Фақат хаёлда, тасаввурда зоҳир бўладиган, аслида йўқ нарса. *Дилшод бу мудҳиш хулёни қувиш учун бошини бир силтаб, ўрнидан турди.* М. Исмоилий, Фарғона т. о. *Нима учун ёш бир одамнинг қуруқ сўзи билан бутун ниятларим, қасдларим ва хулёларимдан кечдим.* Чўлпон, Кеча ва кундуз.

**ХУЛИГАН** [ингл. hooligan < ирландча атокли от (Houlihan) дан] қ. **безори.** *Хулиган бола.*

**ХУЛЛАС** [а. خُلَّص — тугалланиш, якун топиш] мод. с. «Хулоса қилиб айтганда», «шундай қилиб», «қисқаси» каби маъноларни ифодалайди. *Хуллас, инсоннинг инсон бўлиши учун керакли гаплар деярли Шайх Саъдий «Гулистон»ининг ўзидаёқ айтиб ўтилган.* Шукрулло, Сайланма. *Иккинчи хонада стол-стуллар, диван, приёмник, хуллас, ўртамиёна оила рўзғорига хос жихозлар.* С. Зуннунова, Олов.

**Хуллас(и) калом** Гапнинг хулосаси, якуни; гапнинг қисқаси. *Хулласи калом, камина салкам қирқ кун деганда ёруқча чиқиб, офтоб кўрдим.* О. Ёкубов, Излайман.

**ХУЛЛАСИ** айн. **хуллас.** Юзбоши [тиллани] еганича епти, ютолмай қолганидан кейин ўғриллар оғзида зўрлаб тиқишибди.. *хулласи, ит азобиди ўлипти.* А. Қаҳҳор, Кўшчинор чироқлари.

**ХУЛЛАСКИ** айн. **хуллас.** *Қамишканадаги икки юз эллик хўжаликнинг ҳаммаси қўлларидаги бор мол-мулкларини, ерларини, боғларини, хулласки, бор бисотларидаги ҳамма молларни колхозга икки қўллаб топшириб, бирваракайига колхоз бўлиши шарт эмиш.* П. Турсун, Ўқитувчи.

**ХУЛОСА** [а. خلاصه — сараланган нарса; натижа; қисқача баён, мазмун; моҳият] Юритилган фикр ёки мулоҳазанинг мантиқий натижаси, якун. *Бундай тасаввур қадимги инсонларнинг эмпирик хулосаларидан бошқа нарса эмас, албатта.* «ЎТА».

**Хулоса қилмоқ** (ёки **чиқармоқ**) ёки **хулосага келмоқ** Якуний фикрга келмоқ, уни айтмоқ. -*Хўп, кўрамир, — деди раис хулоса қилиб.* С. Аҳмад, Уфқ. [Навоий] *Шунинг билан бирга Низомий ва Хусравларнинг заиф томонларини топиб, ундан чуқур фалсафий хулосалар чиқаради.* Т. Жалолов, «Хамса» талқинлари. *Чўлпон ҳақида тўғри хулосага келганлардан бири Ойбек бўлди.* Газетадан.

**2 айн. хуллас.** *Хулоса, теварагимизни ўраб олган ҳозирги манзара бояги маҳзун кўриниш таъсиридан бизни қутқаради.* А. Қодирий, Обид кетмон.

**ХУЛОСАВИЙ** [а. خلاصه‌وى — хулоса тарзидаги, якуний] эск. с.т. Хулоса сифатида тақдим этиладиган; якунловчи. *Хулосавий гап.*

**ХУЛОСАЛАМОҚ** Фикрнинг мантиқий натижасини ифодаламоқ, хулосасини баён қилмоқ; якунламоқ. -*Айтмоқчи бўлганим шуки, болаларим, — деди сўзини хулосалаб Қурбон ота, — ҳаммамиз ҳамжиҳат бўлиб, бир ёқадан бош чиқармасак, ишимиз барор топиши қийин.* Ҳ. Назир, Кўктерак шабадаси.

**ХУЛҚ** [а. خلق — феъл-атвор, табиат; кайфият; ғазаб] **1** Кишининг муомала ва руҳий хусусиятлари мажмуи; феъл, характер. *Хулқи совуқ одам.* *Яхши хулқ — кишининг хусни.* Мақол. ■ *Саодатхон буларнинг хулқи ҳақида ўйлаб, чуқур хаёлга чўмган эди.* С. Зуннунова, Олов. *Қаҳрамонларнинг сўз ифодалари уларнинг савияларида ва хулқларида мувофиқ танланган.* Т. Жалолов, «Хамса» талқинлари.

**2** Кишига одат бўлиб қолган, такрорланиб турадиган хатти-ҳаракат; одат, қилиқ. *Қодир анча юмшарган эди. Набигул ярамас хулқлари бор эканини бўйнига олиши билан*

Қодирни яна ҳам юмшатди. А. Қаҳҳор, Қанотсиз читтак. Унинг рақсларида қуш енгиллиги, Шабда шўхлиги, гулнинг нози бор. Унинг одобида, унинг хулқида Инсоний камолот мавжуд, барқарор. Уйғун.

**ХУЛҚ-АТВОР** [хулқ + атвор] Феъл-атвор, характер. Ҳамида хулқ-атвори шамолга ўхшагани билан кўп нарсга ақли етарди. С. Анорбоев, Меҳр. *Бола етти ёшга тўлиб, мактабга борган йили унинг хулқ-атворида бирмунча бурилиш пайдо бўлади.* «Фан ва турмуш».

**ХУМ** [ф. خم — катта кўза] Бирор суюқлик, дон ва ш.к. сақлаш учун турли катталикда ясаладиган, оғзи торроқ сопол идиш. Қурбон ота иккинчи самоварга хумдан сув олиб қуймоқда эди. А. Қаҳҳор, Кўшчинор чироқлари. [Ўринбиби ая] *Хумдаги мусалласни кўзаларга қуйишга ўзи кўмаклашиб юборди.* Х. Тўхтабоев, Йиллар ва йўллар. *Ҳа, дарвоқе, хумда кўй ёғим, Омборда сур гўштим қолмапти.* С. Акбарий.

**ХУМБОШ** айн. хумкалла.

**ХУМДАЙ** Жуда катта. *Баширжоннинг.. сочи тўкила бошлаган хумдай калласи қипқизариб кетди.* Н. Аминов, Қаҳқаҳа.

**ХУМДОН** [ф. خمدان — хум ясаладиган жой, идиш] Кулолчиликда лойдан ясалган идишлар ёки гишт пишириладиган ўчоқ, печь. *Кулол хумдони.* ■ -Ху, кўрдингизми, — деди чап қўли билан кўрсатиб, — у ерда гишт хумдони қўрапмиз. Ш. Рашидов, Бўрондан кучли. *Султонмурод хумдонга идиш қалашида уста эди.* Мирмуҳсин, Тунги чақмоқлар.

**ХУМДОНЧИ** Хумдонда гишт ёки кулолчилик маҳсулотларини пишириш билан шуғулланувчи ишчи. -*Катта кўчага чиқиб олмоғим учун орада биттагина Ҳамдам хумдончининг чакалаги қолди, — деди Ўсар ака.* А. Қодирий, Жинлар базми.

**ХУМКАЛЛА** [ф. خم کله — хум каби катта бош] 1 Боши хумдай, калласи катта; калладор. *Аҳмад бригадир.. хумкалла ўғилчасига киссасидан майиз олиб берди.* С. Нуоров, Майсаларни аёз урмайди.

2 *Кўчма* Мияси йўқ, каллаварам, қовоқ-бош. [Олимхон:] *Хумкалла! Шариат йўлидан тойган қизнинг сўзига шонасанми? Бари ҳийла, бари айёрлик, макр! Ойбек, Танланган асарлар. Лекин жуда болади, хумкаллани ўтқазиб қўйди, офарин! А. Мухтор, Давр менинг тақдиримда.*

**ХУМЛАБ** Хум билан; хумда. *Кўп кишиларнинг уйларида мусаллас билан бўзалар хумлаб қайнаб ётса, иккинчи томонда расмий суратда ичкилик сотиш билан тирикчилик қилувчилар ҳам йўқ эмас эдилар.* А. Қодирий, Ўтган кунлар.

**ХУМОР** [а. خمار — (ичкиликдан) ка-рахлик, бош оғриғи] 1 *от* Одатланиш туфайли бирор нарсга бўлган чанқоқлик; муштоқлик, зўр истак. *У бугун уйқудан бир қадар хумори босилгандай бўлиб турди.* С. Анорбоев, Ҳамсухбатлар.

**Хумор қилмоқ** Бирор нарсга етишувга бўлган интилишни, истакни кучайтирмоқ; ўта хоҳламоқ; соғинтирмоқ (одатланган нарсга ҳақида). -*Дуруст, олдинги касбинг хумор қилаётгани йўқми? — деб ҳазиллашдим.* Шукрулло, Сайланма. **Хумордан чиқмоқ** Ўйлаб юрган бирор иш ёки ҳаракатни амалга ошириш натижасида таскин топмоқ, тинчланмоқ. [Аҳмад] *Улоқ чопиб, кўпкариларни кўриб хуморидан чиқиб, уйига қайтмоқчи бўлди.* С. Нуоров, Майсаларни аёз урмайди. **Хумори тутмоқ** Одатланган нарсасини кўмсамоқ, соғинмоқ; унга етиша олмай тажанг бўлмоқ. *Қисқаси [чолнинг] носи адо бўлса, айниқса, хумори тутганда, ҳеч бир куч уни тўхташиб қололмайди.* Н. Норқобилов, Тўқнашув. **Хуморини тарқатмоқ (ёки ёзмақ)** Ўзи кўмсаб, соғиниб юрган кимса ёки нарсга етишиб қаноатланмоқ, таскин топмоқ. *Уйнаб, ҳасратлашиб, хуморини тарқатиб, уйига қайтади одам.* Газетадан. *Сизларни курсам, уни [набирамни] кўргандай хуморим ёзилади.* «Саодат».

2 Бирор нарсга эришувга, етишувга иштиёқли баланд, орзуманд; муштоқ. *«Хат кутиб жонимда қолмади тоқат, Бир кўрмоққа хумор бўлди Адолат!»* И. Раҳим, Чин муҳаббат. *Тожибой хумор бўлиб, яна нос чекди-да, отига қамчи урди.* П. Турсун, Ўқитувчи.

**Хумор кўз ёки кўз(лар)и хумор** 1) сузук, чиройли кўз. *Зумраднинг хумор кўзларида қандайдир чуқур бир қайғу яширинган.* Ҳ. Зиёхонова, Менинг табригим. *У [Гулнор] чиройли майин товуш билан сўзларкан, йигитнинг қўлидан чойнак-пиёла оларкан, шўх, хумор кўзлари билан йигитга қарайди.* Ойбек, Танланган асарлар; 2) шундай кўзли ёр, дилбар. *Кўз тинди кутиб, кўзи хуморим, нима бўлди? Ҳабибий. Ўз гапи ўзига хумор қилмоқ* Ўзининг гапи ўзига қизик бўлиб

туялмоқ. *Муаллим ўз гапи ўзига хумор қилиб хохлади.. «Ёшлик».*

**ХУМОРГАРЧИЛИК** Одат қилинган, ўрганилган нарса ёки кимсани қўмсаш, унинг йўқлигидан дилгир бўлиш, хумор бўлиш; интизорлик, муштоқлик. *Дилгирлик ҳаддан ошди, қорадорининг хуморгарчилиги.. хуснимга нутур етказган эди.* Файратий, Сабаби тириклик.

**ХУМОРИ** [а. + ф. *خماری* — винога, ичкиликка оид; хумор бўлган] Хумор бўлган, иштиёқи баланд, муштоқ. *Бахш тугар, аския бўлиб ўтади, Баъзилар қўшиқни қилар хумори.* Х. Салоҳ. *Наманганнинг анори, Кимни қилмас хумори?* Т. Тўла.

**ХУМОРЛИК** Хумор бўлишлик, муштоқлик, соғиниш. *Кенжасининг йўлига кўзи тўрт бўлиб, хуморликдан бағри кабоб бўлган Тўхта она.. ўғлининг бошдан оёғигача синчиклаб боқади.* И. Раҳим, Танкчининг отпускиси.

**ХУМПАР** Ҳазил аралаш энгил сўкиш шакли («қурғур», «шайтон», «шумтака» каби). *-Вой-бўй, тирикмисан, хумпар, Тошкентга қачон келдинг?.. — деди Шум болага Туроббой.* Ф. Гулом, Шум бола. *Кўшним бу билан: «Нонуштани тезда тугалла ва чиқиб, чала қолган шахматни ўйна, хумпар», демоқчи эди.* Ҳ. Аҳмар, Яккама-якка.

**ХУМСА 1** Энгил сўкиш шакли («бемаъни», «ярамас», «аблаҳ» каби). *-Оёгингни боғлаб ол, қалтироқ хумса! — деб бақирди Қултой.. Дадақўзига.* А. Мухтор, Бўронларда бордек ҳаловат. *Подшолик билан ҳазил ўйнайдийёв бу хумсаларинг.* А. Қодирий, Кичик асарлар.

## 2 айн. хунаса 1.

**ХУМЧА** Унча катта бўлмаган, кичик хум. *Ёғ хумчаси ташидан билинур.* Мақол. ■ *Шу лаҳза Бадиа.. хумчадан ним коса шарбат олиб келди.* Мирмуҳсин, Меъмор.

**ХУН** [ф. *خون* — қон] **1 айн. қон.** *Минг жафо бирлан эзиб қалбимни, тўқдилар хуним.* М. Исмоилий, Фарғона т. о. *Дарё бўлиб оқди дарёда хунлар, Дузах оловида бамисли дунё.* Э. Воҳидов. *-Ҳар ким шаҳид — ўз хунига бўялар, Элу халққа озор берма, Авазжон, — деди Қулмалойик бобо.* «Зулфизар билан Авазжон».

**Жигари (ёки бағри, юраги) хун бўлмоқ** Бирор нарсадан қаттиқ таъсирланиб изтироб чекмоқ, руҳан қаттиқ эзилмоқ. *-Онамга*

*билдирманглар, — деди аёл бағри хун бўлиб.* А. Нурмуродов, Уруш бевалари. *Ёлғиз сени, мен ёлғиз кутдим, Кутабериб хун бўлди жигар.* Р. Парфи. [Абдулазиз] *Шу вақт ичида қанча фойдадан қолганини ҳам тахминан ҳисоблаб кўриб, юраги хун бўлиб кетди.* С. Анорбоев, Оқсой. **Хун бўлмоқ** *Руҳан қаттиқ эзилмоқ. «Йиғлайвериб, хун бўлиб кетдим», деб ёзган эди Мастура.* Ш. Холмирзаев, Бодом қишда гуллади. **Хун йиғламоқ** *Эзилиб йиғламоқ. [Кўнгуз бола] Ариқдан ўтолмай, йиғламоқда хун, Кўз ёши юзини ювибди бутун.* С. Абдуқаҳҳор.

**2** Уруғдошлик тузуми даврида вужудга келган одат; ўлдирилган шахс учун олинандиган қонли ўч. *Кўйвор, деяпман сенга.. Бари бир укамнинг хунини оламан.. Кўйвор, қаёққа судраясан!* «Ёшлик». *Ўликни тобутга солаётганда, хизматкорлардан биттаси: -Бу одамхўрларни қозига бериб, бечора гўдакнинг хунини олиш керак, — деди.* Ойдин, Ҳазил эмиш.

**Хун довламоқ** *Қонли ўч олишни талаб қилмоқ. Хун довлайман, нима жавоб берасан, Болаларим нобуд бўлган — биласан.* «Алпомиш».

**3** Умуман, ўлдирилган кимса, йўқотилган ёки тортиб олинган нарса учун тўланадиган ҳақ; товон. *-Том тагида қолиб ўлса, сан билан манинг хунимни улардан ким даво қилади? — қайғули товуш билан деди Уроз.* Ойбек, Танланган асарлар. *Ўлган сизир қозиники бўлса, нима қилиш керак? -Сузган сизир эгасидан хунини тўлатиб олиш керак, — деди афанди.* «Латифалар».

**Отасининг хунини сўрамоқ** *Бирор нарса учун ҳалдан зиёд пул ёки ҳақ сўрамоқ, бирор нарсага жуда қиммат баҳо қўймоқ. Хунини тўламоқ тар.* 1) ўлдиргани учун товон тўламоқ. *Агар қўлга келса Бойсуннинг хони, Ўлдирсам, тўланар ўғлимнинг хуни.* «Алпомиш»; 2) бирор нарса қийматини тўламоқ. *Ҳазратнинг номларига доғ тушмасин учун шариат амрига мувофиқ сизга хун тўланади.* М. Жўрабоев, М.Б. мартабаси.

**ХУНАСА** [а. *خنسى* — хунаса] **1** Ҳам эркак, ҳам аёллик жинсий белгилари бўлган одам ёки ҳайвон. *«Балиғингиз эркакми, ургочими?» Афанди вазирнинг макрини тушуниб, жавоб берди: «Хунаса».* «Латифалар».

**2** сўк. *Ярамас, аблаҳ, разил. -Шу хунаса қимор ўйнамаса, бу ғавғолар йўқ эди, — деди*



Ислом. «Ёшлик». Оқ подшо деган хунаса фармон чиқариб, мардикор сўраб қолди. Урушида қўли баланд эмас шекилли. Ойбек, Танланган асарлар.

**ХУНБОР** [ф. خونبار — қон тўқувчи, қонли] эск. кт. Қонга тўлган, қон оқиб турадиган. *Фунча янглиг дийдаси хунбордурман соғиниб. Муқимий. Кеча тонг отқуча бедор эрди, Ишқдин кўзлари хунбор эрди.* М. Солиҳ, Шайбонийнома.

**ХУНДОР** [ф. خوندار — хун эгаси, хунга эга] Хун талаб қиладиган; қасоскор. [Хусайн:] *Иблис Маждиддин.. Мўмин Мирзони ўлдириш ҳақида фармон ёзиб, менга мастлигимда қўл қўйдириб олибди. Кеча тонгда у мени ҳам набирамдан, ҳам ўғлимдан жудо қилди. Энди Бадиуззамон менга фарзанд эмас, хундор душман.* Уйғун ва И. Султон, Алишер Навоий.

**ХУНИБИЙРОН** [ф. خونبريان — қиздирилган, қовурилган қон] Ниҳоятда хуноб, рухан қаттиқ эзилган, алам-изтироб чеккан. *Шавкат қирқ беш минут хўрлиги келиб, хунибийрон бўлиб йиғлаб ўтирди.* Қ. Кенжа, Тоғ йўлида бир оқшом. *Мустафо хунибийрон бўлиб йиғлаганча, қишлоққа қайтди.* Н. Қобил, Унутилмас соҳиллар.

**ХУНОБ** [ф. خوناب — қонли кўз ёши] **1** Тоқати тоқ; диққат, бўғилган, тажанг. *Икки ҳафтадан бери сув ололмай [мўйсафид] хуноб экан.* Ойбек, Танланган асарлар. [Анвар:] *Майли. Мен ҳам тезроқ қайтишим керак. Алмардон ҳам хуноб бўлиб ўтиргандир.* Ў. Ҳошимов, Баҳор қайтмайди.

**Хуноб қилмоқ** Асабийлаштирмақ. [Зеби Акромхонга:] *Жонингизга тегиб, хуноб қилдим.* Ш. Рашидов, Қудратли тўлқин. **Хунобни ошмоқ (ёки чиқмоқ)** Ўта диққат бўлмоқ. *—Юринг, кетдик! — деди паст овоз билан хуноби ошган Кўчқорвой ака.* Мирмуҳсин, Илдизлар ва япроқлар. *Кўчқор хуноби чиқиб, қўлини силтади.* О. Ёқубов, Эр бошига иш тушса.

**2** кўчма Қийин, оғир, мушкул, сермашаққат, сердиққат. *Хуноб вазифа.* ■ *Оламда заргарликдек хуноб иш бўлмас дердим, буларники яна сермашаққат экан.* Ойбек, Навоий.

**ХУНОБА** [ф. خونابه — қонли кўз ёши] **1** айн. **хуноб.** *Хуноба қилмоқ.* ■ *Ўзаро низоининг дарду марази Тинкамит қуритди, хуноба қилди, Талашган хонларнинг кеку ғарази Етди юрт бошига, хароба қилди.* М. Шайхзода.

**2** от Диққатни оширадиган, сердиққат иш. *—Албатта, асли хунобаси мана шунда, — деди бош қимирлатиб Ўктам.* Ойбек, О.в. шабадалар.

**Хуноба ютмоқ фольк.** Азоб тортмоқ, қийналмоқ. *Фариблик кўйида хуноба ютдим.* «Муродхон».

**ХУНОБАГАРЧИЛИК** айн. **хунобгарчилик.**

**ХУНОБГАРЧИЛИК** Хафагарчилик, диққатбозликни ифодалайдиган ҳолат; хуноблик. *Эгат очишининг турган-битгани хунобгарчилик-ку!* Р. Раҳмонов, Чангалзордаги шарпа.

**ХУНОБЛИК** Асабийлик, тоқати тоқлик. *Зумрад кўзларининг нуруни тўка-тўка, кўп хуноблик билан иш тикарди.* Ойбек, Улуғ йўл.

**ХУНОЛУД** [ф. خونالود — қонга беланган] эск. кт. Қонга беланган, қонга тўлган. *Хунолуд либос.* ■ *Хунолуд қуюқ қошлари остидаги ярим очиқ кўзлари кимнидир излагандек қарайдир.* А. Қодирий, Ўтган кунлар.

**ХУНРЕЗ** [ф. خونريز — қон тўқувчи] **1** Қон тўқувчи; жаллод.

**2** Қонхўр, бераҳм. [Низомиддин:] *Аммо, бари бир, ёш мирзолар катта бўлгач, ўз отабоболари каби хунрез, зolim бўладилар.* Мирмуҳсин, Меъмор.

**ХУНРЕЗЛИК** Қонли тўқнашув; қиргинлик, қиргин. *Ўтрор шаҳри бунёд бўлгандан бери бундай қиргин, бундай хунрезлик, зўравонликни кўрмаган эди.* М. Осим, Ўтрор. *Хунрезлик қил, демаган-ку На Ведаю на Қурбон!* Э. Воҳидов.

**ХУНУК** [ф. خنك — салқин, совук; ёқимсиз, жозибасиз; мунгли] **1** Кўриниши ёқимсиз; кўримсиз, чиройли эмас. *Французлар дунёда хунук аёллар йўқ, фақат ўзига оро бермаган, парваришсиз аёлларгина бор, деб ҳисоблашади.* «Саодат». *Вой-вуй, қишлоғимиз шунақа хароб, шунақа хунукми!* А. Қаҳқор, Қўшчинор чироқлари.

**2** кўчма Ёқимсиз; нохуш, жирканч. *Хунук воқеа.* ■ *Ҳар қалай, кеча хунук иш бўлди.* С. Аҳмад, Уфқ. *Бечора хотиннинг инсонлик қадру қийматини ерга урадиган ниҳоятда хунук йўл бу.* М. Исмоилий, Фарғона т. о.

**3** кўчма Қўрқинчли. *Унинг [Анварнинг] кўзлари қоронғида чарақлар, важоҳати хунук эди.* Ў. Ҳошимов, Қалбинга қулоқ сол.

**4 кўча** Кулоққа ёқмайдиган, ёқимсиз эшитиладиган. *Хунук товуш.* ■ *Туни билан бўлган газабли бўкиришлар, хунук алаҳлашлар, йиртқичдай уябл йиғлашлар тинди.* А. Мухтор, Опа-сингиллар. *Жимжит қабристон тепасидаги чинорда бойқуш хунук сайради.* С. Аҳмад, Уфқ.

**Хунук кўринмоқ** Ёқимсиз таассурот қолдирмоқ. *Вой, илм увол эмасми, нега ишламайсиз? Ҳозирги замонда сичқон тутаман деган мушук ҳамма одамнинг кўзига хунук кўринади-я!* А. Қаҳҳор, Оғриқ тишлар.

**ХУНУКЛАШМОҚ** Кўриниши ёқимсиз, кўримсиз бўлиб қолмоқ; чиройини йўқотмоқ. *Дастлабки пайтларда Муборак унга дурустгинадай кўринган эди. Бироқ уни яқиндан билиб боргани сайин, назарида хунуклаша борди.* «Ёшлик».

**ХУНУКЛИК** Кўримсизлик; чиройли эмаслик. *Биласизми, хунукликда ягона қиз ҳам етилган вақтда йигитнинг диққатини жалб қиладиган бўлади.* А. Қаҳҳор, Сароб.

**ХУНХОР** [ф. خونخوار — қонхўр, қон ичувчи; золим] айн. **хунхўр**. *Вақти замон, кампир, ажалинг етди, Яна хунхор, билгин, Авазинг кетди.* «Маликаи айёр».

**ХУНХЎР** [ф. خونخور — қонхўр, қон ичувчи; золим] кт. **Қонхўр, қотил; золим.** *Ўзбекининг одати: хунхўр душмани келса ҳам, бўсагадан қайтармайди.* С. Нуоров, Майсаларни аёз урмайди.

**ХУНХЎРЛИК** Қон тўкишлик. *Уйингиз орқасида қилган адабсизликларим, хунхўрликларим учун мени кечирингиз.* А. Қодирий, Ўтган кунлар.

**ХУРАЛ** [мўғ. хурал — мажлис, йиғилиш] Мўғулистон Республикасида олий ҳокимият органларининг номи. *Улуғ халқ хурали.*

**ХУРЖУН** [ф. خورجين ёки а. خرج — қўшалоқ бўлмали халта] **1** Эгар устига ёки елгақа ошириб ташланадиган, юк солинадиган икки кўзли қоп, қўш халта. *Жун хуржун. Ип хуржун.* ■ *Қоп орқалаган оқ яктакли эркак билан икки кўзи тўла хуржун елкалаган аёл тошдан тошга ҳатлаб, нариги томонга ўтиб боряпти.* Т. Ашуров, Марварид тут.

**2** эск. кўча Қониқарсиз, ёмон. [Саид-аҳмадхон:] *Пул масаласи хуржун. Кўқон бойлари, патир учидан, деб жиндай пул беришди.* Ойбек, Улуғ йўл.

**Ишни хуржун қилмоқ** Ишни ёмон аҳволда қолдирмоқ, ўлда-жўлда, чала қилмоқ; на у ёқли, на бу ёқли қилмоқ. *-Ган деганда қоп-қоп, иш деганда бетоб хушёқмаслар бор, шулар ишни хуржун қилади, — деди раис.* Ойбек, О.в. шабадалар.

**ХУРЖУНЛАШМОҚ** эск. Ора йўлда қолмоқ; ёмонлашмоқ, чатоқлашмоқ. *Цехлардаги бригадалараро ижтимоий мусобақа ишлари хуржунлашиб.. қолди.* «Муштум».

**ХУРИЛЛАМОҚ** «Хур-хур» этган овоз чиқармоқ. *Хуриллаб ухламоқ.* ■ *Кўрпачада хурпайиб ётган мушук унинг [хотиннинг] қатим тортаётган қўлларига қараб хуриллайди, галтак ипни олиб қочишига пайт пойлайди.* С. Аҳмад, Уфқ.

**ХУРМА** Қатиқ ивитиш, сут солиб қўйиш учун ишлатиладиган сопол идиш; кўшқулоқ. *Фотиҳадан кейин Офтоб ойим товоқни хурмага, хурмани товоққа уриштириб, куёвга қатиқ олиб чиқди.* А. Қодирий, Ўтган кунлар.

**ХУРМАЧА 1** Кичик хурма. *Кечқурун аям бир хурмача қатиқ.. кўтариб келди.* С. Сиёев, Ёруғлик.

**2** кўча с. т. Қорин, ошқозон. *-Тўхта, тўхта, эй нонкўр. Хурмачанга лойиғини ичда, ўз обрусини билмаган гўл, — деди Эраш Олимга.* Б. Раҳмонов, Қилмиш-қидирмиш.

**Хурмачаси оқармаган айн. косаси оқармаган қ. оқармоқ. Хурмача қилиқ** Ёмон, бемаъни, совуқ қилиқ; хунук одат. *Дадамнинг пули кўпайиб, бир йилдан буён хурмача қилиқ чиқариб қолдилар.* «Муштум». **Хурмачанинг тагини ялаганмидинг?** Тўйи кунни қор ёки ёмғир ёққан йигит ёки қизга нисбатан ҳазил тариқасида айтиладиган гап. *Чурук паранжи ёпинган бир хотин узоқдан шанғиллаб келаверди: -Қор ҳам қурсин, кафиш ҳам қурсин, Нуриой, хурмачанинг тагини хўп ялаган экансиз-да!* Ойбек, Танланган асарлар.

**ХУРМАҚОВОҚ** шв. Ойимқовоқ.

**ХУРМО** [ф. خرما — хурмо] Тропик ва субтропик мамлакатларда ўсадиган, хурмодошларга мансуб дарахт ва унинг меваси. *Унинг [Нил дарёсининг] икки томонида фалакка буй чўзган миноралар, кўп қаватли бинолар, хурмолар.* Мирмуҳсин, Ал Маҳдий. *Арабларда хурмо энг муҳим озуқалардан бири ҳисобланади.* К. Маҳмудов, Қизиқарли пандалик.

**ХУРМОЗОР** [ф. خرمازار — хурмо май-дони] Хурмо дарахтлари экилган ер, бог.

**ХУРМОЙИ** [ф. خرمايى — хурмога оид; тўқ сариқ, оч жигарранг] 1 Ранги хурмо меваси рангига ўхшаган; қизғиш-тўқ сариқ. *Турда соқоли хурмойи-қизилча бўлган.. бир йигит ўтирарди.* С. Айний, Эсдалиқлар.

2 Ўзбекистондаги ўрик навларидан бири. [Ўрикнинг] ..хурмойи, мирсанжали.. навлари яхши туршак беради. К. Маҳмудов, Ўзбек тансиқ таомлари.

**ХУРОФИЙ** [а. خرافى] Хурофотга оид, хурофотга асосланган. *Хурофий урф-одатлар.*

2 эск. айн. **диний.** *Китоб ғоят диний, хурофий — Ҳазрат Али жанг қилиб, кофирларни қириб, мусулмонларни уларнинг жабр-зулмидан қутқарди, деб ҳикоя қиларди бу китоб.* Ойбек, Болалик.

**ХУРОФОТ** [а. خرافات — бидъат, таасуб, ирим-чиримлар] Диний эътиқод, урф-одатлар, иримларни сохталаштирувчи ижтимоий-психологик ҳодиса. *Ҳақиқат ўз кучини йўқотган жойда хурофот илдиз отиши шубҳасиз.* «Саодат». *Нодон кишиларнинг кўнгли хурофотга яқин бўлади.* Газеталар.

**ХУРОФОТФУРУШ** [а. + ф. خرافاتفروش — хурофот сотувчи, тарқатувчи] кам қўлл. Хурофотни тарғиб қиладиган, хурофотни восита қилиб кун кўрадиган. *Инқилобдан кейин хурофотфуруш бу хонадон тездеда қуриб, тўзғиб кетади.* Ойбек, О.в. шабадалар.

**ХУРОФОТЧИ** Хурофотга берилган одам. *Аввалига Абдуҷаббор ўлғудай хурофотчи, ўлғудай кўнгли тор бўлиб кўринди.* М. М. Дўст, Лолазор.

**ХУРРАК** Уйқуда нафас олганда чиқади-ган хириллаган товуш. *Ҳасанали ундан [Отабекдан] жавоб кутар экан, бир оздан сўнг жавоб ўрнига хуррак товушини эшитди.* А. Қодирий, Ўтган кунлар. *Кампир кучсиз хуррак торта бошлади.* Ойбек, Танланган асарлар. *Тўрт ошхўр иборани бошларига кўтариб, хуррак тортишарди.* С. Аҳмад, Сайланма.

**ХУРРАКЧИ** Хуррак отиб ухлайдиган киши. *Хурракни эмас, хурракчини отаман.* Шундоқ ёқасидан ушлайман-у, деразадан отвораман. А. Мухтор, Туғилиш.

**ХУРРАМ** [ф. خرّم — шод, қувноқ, хушчақчақ; мамнун] 1 Шод, хурсанд, хушчақчақ. *Чавандоз Гулсум опанинг ёш қизлардай «дув» қизарганини кўриб, хуррам жилмайди.* О. Ёқубов, Эр бошига иш тушса. *Боринг*

*бизнинг Андижонга ҳам, Боғларида сайр этинг хуррам.* Х. Салоҳ.

2 Хуррам (эркаклар исми).

**ХУРРАМЛИК** Шодлик, масрурлик. *Ҳофиз Шерозий — эҳтиросли муҳаббат, гўзал табиат.. шодлик ва хуррамлик тароналарининг ижодчиси.* «ЎТА». *Лекин ерда ва кўкда мен томошага чиққан вақтимдаги латофат, хуррамликдан асар қолмаган эди.* С. Айний, Эсдалиқлар.

**ХУРСАНД** [ф. خرسند — мамнун, қаноатланган; шод, қувноқ] 1 Ҳаётдан жуда мамнун, кайфияти жуда яхши; шод, хуррам; хушчақчақ. *Озод ёшларнинг руҳлари тетик ва ўзлари хурсанд эдилар.* Н. Фозилов, Дийдор. *Ойим азбаройи хурсанд бўлганидан: -Баракалла, ўғлим! — деб елкамга қоқиб қўйди.* Ҳ. Назир, Ёнар дарё.

2 Бирор кимсадан ёки нарсадан қаноат ҳосил қилган; мамнун, рози, миннатдор. *Шу йўсин Нодира, Моҳлар ойимдан жуда хурсанд бўлгани ҳолда, уйига қайтди.* А. Қодирий, Мехробдан чаён. *Элмурод уни [Давлатёрни] шундай шароитда учратганидан хурсанд бўлди..* П. Турсун, Ўқитувчи.

3 Хурсанд (эркаклар ва хотин-қизлар исми).

**ХУРСАНДЛИК** Мамнунлик, вақтичоғлик. *Хурсандлигимни айтсангиз, гўё дарёман-у, қирғоққа сиғмай, тўлқин ураётгандекман.* Х. Тўхтабоев, Ширин қовунлар мамлакати.

**ХУРСАНДЧИЛИК** 1 Вақтни хурсанд, шод, ўйин-қулги билан ўтказиш; вақтичоғлик. *Бу — бошларига тушган фожиадан кейинги биринчи хурсандчилик эди.* Мирмуҳсин, Меъмор. *..шу кунларнинг бирида Хайри ача уйида кичкина хурсандчилик бўлди.* Д. Нурий, Осмон устунни.

2 Хурсандлик, шодлик. *-Мен сенга айтсам, дўстим, — деди Элмурод, — хурсандчилигим ичимга сиғмайди.* П. Турсун, Ўқитувчи.

**ХУРУЖ** [а. خروج — олға чиқиш, отланиш; сўзга чиқиш] 1 Тўсатдан ҳужум қилиш; ҳужум. *Танк орқасидан келаётган душман пулемётчилари хуруж қилиб қолди.* Назармат, Жўрлар баланд сайрайди. *Хуруж қилаётган оломон турган жойида қотиб қолди.* К. Яшин, Ҳамза.

2 кўчма Иссиқ, совуқ, шамол, ёмғир, ўт, сув каби табиат кучларининг ҳамласи; авжига чиқиши, кучайиши. *Хуруж қилмоқ.* ■ *Шамол яна хуруж қилади, дарахтларнинг*

кўксини тилка-пора қилиб шовуллайди. Ф. Мусажонов, Ҳиммат. *Ногаҳон хуруж қилган бу ёмғир уни анча шошириб қўйган эди.* С. Аҳмад, Ойдин кечалар.

**3** Касалликнинг кучайиши. *Иситма хуруж қилиб, [Башорат холанинг] ҳамма ёғи қақшаб оғриди.* А. Мираҳмедов, Кулган чечаклар.

**4 с. т.** Бирор салбий нарсага берилиб кетиш, ружу қилиш. *Ашир, хотини Хўжабековга тегиб кетгандан кейин, ичкиликка хуруж қилди.* С. Анорбоев, Оқсой;

**ХУРУШ I** [ф. *خورش* – қайла; зиравор, дориворлар] **1** Бирор иш ёки жараённинг юзага келиши, тезлашуви учун ёрдам берадиган восита. *Терини пардозлашда ишлатиладиган хуруш. Пайвандлаш хуруши.*

**2** Овқат, чойга маза, таъм бериш учун унга қўшиладиган ошкўк, зиравор, доривор каби воситалар. *Агар чойнак узоқ вақт оловда турса, чой айниди, айниқса, таркибдаги хурушлари куйиб, бемаза бўлиб қолади.* К. Маҳмудов, Қизиқарли пазандачилик.

**ХУРУШЛАМОҚ** *тех.* Қаттиқ материаллар сиртига кимёвий усул билан ишлов бермоқ, пардозламоқ. *Металларни хурушламоқ.*

**ХУР-ХУР** *тақл. с.* Хуррак товушини билдиради. *Соқи бобо пўстинининг бир энгига бошини тегиб, бир энгига икки оёғини суқиб, хур-хур этиб, хуррак тортиб ухлаб ётибди.* «Хушкелди».

**ХУРШИД** [ф. *خرشيد* – қуёш] **1** Ёритиб турувчи нарса; қуёш, ёруғлик, машғал. *Оламнинг хуршиди кундир, одамнинг хуршиди – илм.* Ҳамза. *Тепаликка илк нурун сочди хуршиди жаҳон.* Э. Воҳидов.

**Хуршиди тобон** *поэт.* Ёрқин нур сочувчи, порлоқ қуёш; ёрнинг гўзал юзига ишора.

**2** Хуршид (эркаклар исми).

**ХУСУМАТ** [а. *خصومت* – жанжал, низо; душманлик, адоват] Бировга нисбатан бўлган кек, адоват; қасд; душманлик. *Собир яна ўша ёқимтой йигитга айланган ва Аҳмаднинг юрагида унга нисбатан ҳеч қандай хусумат қолмаганди.* Ф. Мусажонов, Ҳиммат. *Тўтихоннинг юраги эзилиб, рашк ва хусуматдан юз терилари тортишди.* Н. Аминов, Тилло табассумлар.

**ХУСУМАТЛИ** Хусумат белгиси ифодаланган; адоватли. *У [Маждиддин] ўғлининг елкасидан қўлини секин тушира туриб, чо-*

*дир томон хусуматли назар ташлайди-да, отга минмоқчи бўлади.* Ф. Жўраев, Обид Жалилов.

**ХУСУС** [а. *خصوص* – хусусият, ўзига хослик, алоҳидалик; айримлик] **1** Муҳокамага сабаб бўлган ёки кўзда тутилган масала, мавзу. *Майли, ҳар ким айтсин ўз фалсафасин.. Уни мот қиларман мен бу хусусда!* О. Ҳакимов. *Юсуфбек ҳожининг қандай одам экани айниқса Акрам ҳожига англашиб, бу тўғрида ортиқ баҳс қилинмади ва сўз бошқа хусусларга ўтди.* А. Қодирий. *Ўтган кунлар. Шарт шу: Бундан кейин ҳар хусусда мен билан яктан бўлиб ишласангиз.. дурустми?* Ойбек, Танланган асарлар.

**2** 3-ш. эгалик ва ў.-п.к. аффикслари билан кўмакчи вазифасида қўлланади (қ. **хусусида**). *Интизом хусусида гапирмоқ.*

**ХУСУСАН** [а. *خصوصاً* – асосан; айниқса, махсус] *рвш.* Бошқаларидан кўра; айниқса. *..Самарқандда, хусусан, Фарғона водийсида одам шаклини чизиш ҳали ҳам Қуръон номидан қаттиқ тақиқланиб келмоқда эди.* П. Қодиров, Юлдузли тунлар. *Чарос, хусусан, Темура портрети ҳақида гапирмоқчи эди.* Ў. Ҳошимов, Қалбингга қулоқ сол.

**ХУСУСИДА** *қўм. вэф.* Тўғрисида, ҳақида. *-Пилла хусусида тил қисиклик жойим йўқ. Планин бир юз ўн бир процент қилиб қўйганман, – деди раис.* С. Аҳмад, Ҳодивой.

**ХУСУСИЙ** [а. *خصوصى* – алоҳида, махсус; шахсий] **1** Бирор шахснинг ёлғиз ўзига қарашли, тегишли бўлган; шахсий; алоҳида. *Хусусий дўкон. ■ Анвар хусусий ҳаёти, айниқса, Раънога алоқасидан ҳеч кимга оғиз очмас эди.* А. Қодирий, Меҳробдан чаён. *Кундузлари ўрда девонини бошқариш, эрта-лаб ва кечқурун ўз уйида хусусий кишиларни қабул қилиш, албатта, Анвар учун оғир эди.* А. Қодирий, Меҳробдан чаён.

**2** Муайян бир нарса ёки мавзуга бағишланган; айрим бир нарса ёки мавзунининг ўз ичига оладиган. *Хусусий ва умумий масалалар.*

**ХУСУСИЙЛАШТИРИШ** *икт.* Фуқароларнинг ва давлатга тааллуқли бўлмаган юридик шахсларнинг давлат мулки объектларининг ёки давлат акциядорлик жамиятларининг акцияларининг давлатдан сотиб олиши; давлат мулкига эгалик ҳуқуқининг давлатдан хусусий субъектларга ўтиши

жараёни. *Давлат уй-жой фондини хусусийлаштириш Ўзбекистон Республикасининг махсус қонунларига мувофиқ амалга оширилади.* Газетадан.

**ХУСУСИЙЛИК 1** Айримлик, ўзига хослик.

**2** *флс.* Фалсафа фани категорияларидан бири. *Демак, тил билан нутқ умумийлик билан хусусийликнинг диалектик муносабатида бўлиб, улар бири иккинчисига ўтиб турадиган ҳодисалардир.* «ЎТА».

**ХУСУСИЯТ** [*а.* خصوصیت — ўзига хослик; алоҳидалик, айримлик] Бирор нарса ёки кимсанинг ўзига хос, бошқалардан ажралиб турадиган томони, ўзига хос белгиси. *Характерли хусусият. Ўзбек тилининг ўзига хос хусусиятлари.*

**ХУТБА** [*а.* خطبه — ваъз, нутқ; панднасиҳат] **1** *дин.* Жума ва ҳайит кунларида имом хатибнинг суннатдан кейинги (фарздан олдинги) ваъзхонлиги; диний панднасиҳат. *Намоздан кейин семиз ва такаббур Бўрихон ҳазрат эшон минбарга чиқиб, хутба бошлади.* М. Муҳаммаджонов, Турмуш уринишлари. *Ўрта асрларда хутбанинг муҳим сиёсий аҳамияти бўлган.* «ЎЗМЭ».

**Номига хутба ўқитмоқ ёки номини хутбага қўшиб ўқитмоқ тар.** Тахтга чиққан ҳукмдорнинг номини намоздан кейинги дуода тилга олиб, унинг ҳақиқий ҳукмдор эканлигини тан олмоқ. *Бир куни Абу Убайд Қобуснинг ўғли Манучехр Маҳмуд номига хутба ўқитиб, расман унинг ҳокимлар қаторига ўтгани тўғрисида хабар олиб келди.* М. Осим, Ибн Сино қиссаси.

**2** Никоҳлаш вақтида ўқиладиган дуо. *Қози никоҳ хутбасини ўқишга киришди..* С. Айний, Эсдаликлар. *-Афанди, шайтоннинг хотинининг оти нима? — деб сўради имом. -Никоҳ куни сиз хутба ўқиган экансиз-ку, билмайсизми? «Латифалар».*

**ХУТОР** [*р.* хутор < *қад. нем.* huntari — вилоят, ҳудуднинг бир қисми] **1** Россияда кўрғони, уйлари билан алоҳида ажратиб, ўраб олинган, муайян шахсга қарашли ер майдони.

**2 тар.** Кубань, Украина ва Ўрта Осиёда икки-уч хўжаликдан иборат қишлоқча.

**ХУФИЁНА** [*а.* + *ф.* خفيانه — яширинча, билдирмай, зимдан] Бошқаларга билдирмасдан; яширин равишда; яширинча. *Кеча оқшом Абатжон масжиднинг имомино бир*

*муллани чақиртириб, хуфёна никоҳ ўқиттириб қўйган эди.* С. Сиёев, Аваз.

**ХУФИЯ** [*а.* خفيه — яширинлик, махфийлик; сирини бошқаларга айтмаслик] **1** Бошқаларга билдирилмайдиган, сир тугиладиган; яширин, махфий. *Иброҳим султон Қоралион қулоғига шивирлаб, хуфия топшириқни маълум қилди.* Мирмуҳсин, Меъмор. *-Амаки, ташқарида гаплашсак бўлмайдимиз? — деди қиз.. -Йўқ, — деди Жўра қоровул, — хуфия гап бор.* Ю. Шомансур, Қора марварид.

**2** Билдирмасдан бузуқилик қилувчи; яширин равишда фоҳишалик қилувчи. [*Мас-тура:*] *Менинг қўлимдан беш юзга етиб хуфияси, сатанги, акабаччалари чиқди.* Ҳамза, Паранжи сирлари.

**ХУФИЯКИ** *айн.* хуфиёна. *Рўза ойи келиши билан Саид Бурҳон махзум кундуз кунлари қоронғи хужрага кириб.. хуфияки майхўрлик қилиб, дам олиб ётар.. эди.* Ғайратий, Махзум қочди.

**ХУФТОН** [*ф.* خفتن — ухламоқ, ухлаш] **1** Куёш ботгандан бир-икки соат кейинги вақт; тахминан кеч соат еттидан ўнгача давом этувчи вақт. *Кеч кирди, хуфтон бўлди, баъзи ўтовларда чироқлар ўчди.* Ж. Шарипов, Хоразм.

**2** *дин.* Куёш ботгандан бир ярим соат ўтгач ўқиладиган кечки намоз. [*Тиллабой*] *Овқатларни хўп еб олгандан кейин, хуфтонни намозиомдаёқ чала-чулла ўқиб олиб, дарров ухлаб қолар эди.* П. Турсун, Ўқитувчи.

**Дили (ёки кўнгли, таъби) хуфтон** Кўнгли ғаш; хафа. *Бўрининг дили хуфтон бўлди.* Т. Мурод, Қўшиқ. *Кўнглим бирдан хуфтон бўлиб, ўзимни ҳақоратлангандек сездим.* М. Қориев, Ойдин кечалар. **Етти (ёки икки, уч) хуфтон** Алламаҳал, аллавақт. *Хайри ачанинг чоли азонлаб тегирмонга чиқиб кетади, шу билан икки хуфтонда қайтади.* Д. Нурий, Осмон устунни. *Қули кишанли Авазни сарбозлар етти хуфтонда.. мазористонга олиб келишди.* С. Сиёев, Аваз. **Хуфтон намози айн.** **хуфтон 2.** *Чол хуфтон намозини ўқиш учун тахмондан жойнамозни олиб, наमत устига тўшамоқда эди.* Ш. Холмирзаев, Оғир тош кўчса.

**ХУФЯ** [*а.* خفيه — сир; айғоқчи, изкувар] *тар.* Айғоқчи, изкувар. *Уларнинг бу музокараларини четда эшитиб турган хуфялардан бири бу сўзни Азизбекнинг қулоғига етказур.* А. Қодирий, Ўтган кунлар. [*Қосим-*

бек:] *Кулингиз Самарқанддаги хуфялардан келган бир хабарни амирзодамга кўрсатишдан тортинган эди.* П. Қодиров, Юлдузли тунлар.

**ХУШ** [ф. خوش – ёқимли, яхши, ажойиб; шод, қувноқ] **1** Яхши, ёқимли. *Яхши куй ва қўшиқ инсонга хуш кайфият бағишлайди.* Газетадан. *Димоққа бир хуш ҳид уради Боғлар ошиб келган шаббода.* Х. Салоҳ.

**Вақти** (ёки **кўнгли**) **хуш** Кайфи чоғ, хурсанд. *Вақти хуш бўп, карнай-сурнай кўяди, Уйинчи, созанда бари келади.* «Баҳром ва Гуландом». *Фарҳоднинг кўнгли хуш бўлиб, Отаси ҳам бирга кетди.* «Баҳром ва Гуландом». **Хуш ёқмоқ** Жуда ёқмоқ, маъқул тушмоқ. *Бунақа шарт эллиқбошига албатта хуш ёқади-да! Дарров ҳовлини ўз баҳосидан анча ортиққа олибди.* А. Қаҳҳор, Қўшчинор чироқлари. **Хуш келибсиз!** ёки **хуш келдингиз!** Меҳмон келганда, ҳурмат юзасидан айтиладиган ибора. *-Хуш келибсиз, сафо келибсиз, жуда хурсандман, – деди уй эгаси.* М. Осим, Ибн Сино қиссаси. **Хуш келмоқ** Ёқмоқ, яхши кўрмоқ. *Унинг ўзига сариқ атлас хуш келса-да, бироқ ҳозир ўз хоҳишини бир ёққа кўя туриб, Отабек кўнглича кийинишига қарор қилди.* А. Қодирий, Ўтган кунлар. **Хуш кўрдик айн. хуш келибсиз.** [Бобур:] *-Хуш кўрдиқ, бегим, – деди-да, унга ўнг елкасини тутди.* П. Қодиров, Юлдузли тунлар. **Хуш кўрмоқ** Ёқтирмоқ, яхши кўрмоқ. *Аммо Анварнинг айниқса хуш кўрган кишиларидан биринчиси Равно ва иккинчиси.. Насим исмли бола эди.* А. Қодирий, Меҳробдан чаён. **Хуш энди!** Хайрлашиш вақтида айтилади; хайр. *Менинг билан бирга келган Меҳрибонлар, хуш энди!* «Баҳром ва Гуландом». **Хуш қолинг** Хайрлашиш вақтида кетувчининг қолувчига яхшилик тилаб айтадиган ибораси. *Азаматлар, наъра шерлар.. Бегу хонлар, хуш қол энди!* «Эрали ва Шерали». **Хуши йўқ** Хоҳла-маслик, ёқтирмаслик; хоҳиши йўқ. *Дастурхонда ҳолва, новнат, мураббо.. Заргаровнинг буларга хуши йўқ..* А. Мухтор, Бўронларда бордек ҳаловат. **Хуши келмоқ** Кайфияти яхши бўлмоқ. *Бундайлар ҳақида халқда кўча хандон, уй зиндон, деган нақл бор.* Чунки хуши келганда, ундан қувноқ одам йўқ. Ж. Абдуллахонов, Орият. **Хушига келса** Хоҳласа, ёқтирса. *Хушинга келса – шу, бўлмаса, билганингни қил.*

**ХУШ-** [ф. خوش – ёқимли, яхши; шод, қувноқ, хурсанд] Бир қанча қўшма сўзларнинг биринчи қисми бўлиб, «яхши, ажойиб; ёқимли, дилкаш, қувноқ, қувончли» каби маъноларни билдиради.

**ХУШАТВОР** [хуш + атвор] *эск. кт.* Хушфеъл, яхши ахлоқли, яхши хулқли. *Бердилар таълим менга мен билмаган ҳар кордин, Илму одобу хунар, фаҳм этмаган асрордин, Хушсуханлик, хушкаломлик ҳамда хуш-атвордин, Ҳеч бири бахтимга ёри бермади, нолон бошим.* Мутриб.

**ХУШАХЛОҚ** [хуш + ахлоқ] *кт.* Ахлоқли яхши, одобли. *Хушхулқ, хушахлоқ.. тўғрисиўз Маҳаммадкарим чинакам ботир, шижоатли, душманларга нисбатан раҳмсиз, шафқатсиз киши эди.* М. Ўринхўжаев, Унутилмас кунлар.

**ХУШБАХТ** [хуш + бахт] *кт.* Бахтли, саодатли. *Хушбахт йигит. ■ -Не Фарғона, эл тўй қилар, Қувнар, ўйнар хушбахт диёр.* Миртемир. *Биз ўшанда сўлим соҳилда хушбахт кезиб, анчагача қолиб кетдик.* Газетадан.

**ХУШБАХТЛИК** Бахтлилик; мамнунлик. *Шунга қарамай, ҳамма хурсанд, юзларда хушбахтлик жилваланарди.* Ж. Абдуллахонов, Тўфон.

**ХУШБАҲРА** [хуш + баҳра] *кт.* Кишининг баҳридилини очадиган; хушҳаво. *Бўлибсан ўзгача хушбаҳра, хушҳаво, чаманим.* Ҳабибий.

**ХУШБАҲРАЛИК** Одамнинг баҳридилини очишлик. *Ўрикзорга қараб турган, дид билан бино қилинган.. эски айвон озодалиги, хушбаҳралиги билан меҳмонлар диққатини жалб қилди.* С. Абдулла, Мавлоно Муқимий.

**ХУШБИЧИМ** [хуш + бичим] **1** Яхши тикилган; кийганда ярашадиган, бичими яхши (кийимлар ҳақида). *Хушбичим дўппи. Хушбичим костюм. ■ Ўғилой чўлқуварлар фарзандларига чиройли ва хушбичим кийимлар тикиб берди.* «Ўзбекистон кўриқлари».

**2** Бўйи-басти келишган, қади-қомати чиройли. *Хушбичим йигит. ■ Бир байрам кечасида унинг [Назокатнинг] сермароқ рақси ва хушбичим қади-қоматини кўрган қандайдир меҳмон уни балет мактабига таклиф қилди.* Шухрат, Умр поғоналари.

**3** Ташқи қиёфаси, тузилиши, кўриниши чиройли, келишган. *Хушбичим иморат. ■ Улардан бири [Алиев] барваста қомат, қуюқ*

қора қошли, хушбичим чехрали йигит эди. Х. Шайхов, Рене жумбоғи.

**ХУШБИЧИМЛИК** Келишганлик.

**ХУШБҮЙ** [хуш + бўй II] Ёқимли ҳид таратадиган; яхши ҳидли, муаттар. *Ҳамма ёқни димоғни қитиқловчи хушбўй бугдой ҳиди тутиб кетди.* Н. Фозилов, Дийдор. *Димоғига алақандай хушбўй атир исси гушилаб урилди.* Ҳ. Ҳошимов, Қалбингга кулоқ сол.

**ХУШВАҚТ** [хуш + вақт] Вақти чоғ, хурсанд, шод. *Очил кечагидан анча бошқача — шўх, хушвақт.* П. Қодиров, Уч илди. *Даврада унинг [Бўрининг] дастидан рўшнолик кўролмай юрганлар хушвақт бўлди.* Т. Мурод, Юлдузлар мангу ёнади.

**Хушвақт бўлинг!** Меҳмон келганда айтиладиган «Хуш келибсиз!» иборасига жавобан айтилади. [*Рихси хола:*] *Хуш кептилар!* [*Саодатхон:*] *Хушвақт бўлинг!* С. Зуннунова, Янги директор.

**ХУШВАҚТЛИК** Хурсандчилик, шодлик. [*Шариф:*] *Хуш келибсиз, азиз меҳмонлар.* [*Ҳамма:*] *Хушвақтлик бўлсин.* Н. Сафаров, Кимга тўй, кимга аза.

**ХУШГАП** [хуш + гап] Ширинсўз; хушмуомала. *Хушгап одам.* ■ [*Меҳмонларнинг*] *Баъзилари адабиётдан хабарсиз бўлсалар ҳам, хушгап, хушчақчақ ва аскиячи эдилар.* С. Айний, Эсдалиқлар. *Очиқ чехра, диловар, марду хушгап, Кўзи ўйнаб турар кулганда сўзлаб.* Ҳабибий.

**ХУШДИЛ** [хуш + дил] кам қўл. Очиқ кўнгил, ёқимли. *Вагонда қолаётган солдатлар оқкўнгил, хушчақчақ ва хушдил улфатидан ажралиб қолаётганларига ачинардилар.* З. Фатхуллин, Сўнмас юлдуз.

**ХУШЁҚМАС** Ишга бўйни ёр бермайдиган; дангаса, ишёқмас. *Хушёқмасни эл хушламас.* Мақол.

**ХУШЁҚМАСЛИК** Дангасалик, ишёқмаслик. *Хушёқмаслик билан ишламоқ.* ■ *Амалдорлар ўзаро гап сотиб, вазифаларини хушёқмаслик билан бажарардилар.* Ойбек, Навоий.

**ХУШИЧИМ** Яхши ичиладиган, ютуми яхши, ичишли. -[*Мусаллас*] *Жуда хушичим, кайфи ҳам нозик.* — *деди кампир Зумрадга.* Ойбек, Танланган асарлар.

**ХУШКАЙФ** [хуш + кайф] I Кайфияти яхши, хурсанд, ўйнаган-кулган, хушчақчақ. *У жуда хушкайф эди.* ■ *Хушкайф бир гуруҳ*

*тор кўчадан чиқиб, мадраса орқасида ғойиб бўлди.* Ойбек, Навоий.

2 айн. **ширакайф.** *Хушкайф одам.*

**ХУШЛАМОҚ** Ёқтирмақ, суймоқ, *Самиғжон ҳам бошқа қишлоқ қизлари орасидан ёлғиз Матлубани хушласа керак, уни кўпроқ суратга олишга тиришарди.* О. Ёқубов, Излайман. *Семиз, бети очиқ қора хотин менга хушламай боқди.* С. Сиёев, Ёруғлик.

**Кўнглини (ёки вақтини) хушламоқ** Бировни хурсанд қилмоқ, унга шодлик, вақтичоғлик бахш этмоқ. *Ҳеч кимса бийларнинг кўнглини хушламайди.* «Алпомиш». *Уч канизи бувисининг вақтини хушлаб.. рўмолини бошига елвагай ташлаб, чопишиб.. бора солиб, занжирни ушлади.* «Эрали ва Шерали».

**ХУШЛАШМОҚ I Хушламоқ** фл. бирг. н. 2 фольк. Ёқимли сўз ва ҳаракатлар билан бир-бирларини хурсанд қилишга уринмоқ. *Мени кўриб, кўшкдан у настга тушди, Парвона бўб, атрофимда хушлашди.* «Нигор ва Замон». *Раъно баргига кўниб, шўхлик бошлашиб, Мен билан хушлашдилар булбул, саъваси.* Файратий.

3 Бир-бирига «хуш келибсиз», «хуш қолинг» дейишмоқ; хайр-хўшлашмоқ; хайрлашмоқ. *Чаққон дарвозадан буларни чиқариб, хушлашиб, Соқи билан Авазни жўнатди.* «Бўтакўз».

**ХУШЛУҚУМ** [хуш + *لقم* — «луқма I» с. нинг кўпл.] кам қўл. Ютуми яхши; хушичим; лаззатли. -*Во-ей, муздаккина-я, ажаб хушлуқум, ютган сари роҳат қиялман, — деди Унсин морожнийни ялаб.* Ойбек, Улуг йўл.

**ХУШМАНЗАРА** [хуш + манзара] Кўриниши кишининг бахридилини очадиган; чиройли манзарага эга; кўркам. *Ўзининг қисқа умрини шу хушманзара водийда тинчгина ўтказсин, эркинликдан маҳрум бўлмасин.* М. Осим, Ибн Сино қиссаси. *Янги Ўрда, юқорида ёзганимиздек, ҳақиқатан шукуҳлик, хушманзара бино қилинган эдики, унинг ҳозирги харобасидан ҳам кўрса бўлур.* А. Қодирий, Меҳробдан чаён.

**ХУШМАНЗАРАЛИК** Кўркамлик. *Бу шийпон ўзининг хушкайф ва хушманзаралиги билан қишлоқда.. «Обид кетмоннинг шийпони», деб машҳур бўлади.* А. Қодирий, Обид кетмон.

**ХУШМУЛОЗИМ** [хуш + мулозим] Кишини хурсанд қилишга тиришадиган; хушмуомала, хушфёъл, сермулозамат, сертавозе. *Хушмулозим йигит.* ■ *Бу ерда, хушмулозим мезбонларимизнинг қабул маросимида кўп мамлакатларнинг вакиллари тўпланган.* Газетадан.

**ХУШМУЛОЗИМАТ** [хуш + мулозимат] айн. **хушмулозим.** *Хушмулозимат мезбон.*

**ХУШМУЛОЗИМАТЛИК** Хушмуомалик, сертавозелик. *-Мен дарвозага етар-етмас, мингбошининг ўзи чиқди: болани сўкиб, мени эса яна ҳам хушмулозиматлик билан қарши олди, — деди Шокиржон.* Ш. Ризо. Қор ёғди, излар босилди.

**ХУШМУОМАЛА** [хуш + муомала] **1** Муомаласи, гап-сўзлари, хатти-ҳаракати ёқимли; хушфёъл. *Ҳақиқатдан ҳам Лаълининг бунчалик хушмуомала йигитни биринчи бор кўриши, гап билан элтиб кўяди-я!* Д. Нурий, Осмон устун. *Бошлиқнинг хушмуомала, маданиятли бўлгани яхши.* Ф. Мусажонов, Ҳиммат.

**2** *от* *взф.* Одоб билан ёқимли муомала қилиш; хушфёъллик. *Анвар ҳар ким учун севимли ва хушмуомаласи барчага баравар эди.* А. Қодирий, Меҳробдан чаён.

**ХУШМУОМАЛАЛИК** Бировга яхши муомалада бўлиш. *Рихсивой аканинг хушмуомалалик одати ҳамсуҳбатига қаттиқ гапиришга имкон бермади.* Р. Файзий, Чўлга баҳор келди.

**ХУШМЎЙЛОВ** [хуш + мўйлов] Мўйлови чиройли, мўйлови ўзига ярашган. *Йигитлар кулумсираб, ўртадаги думалоқ юзли, хушмўйлов йигитга ишора қилишди.* Х. Султонов, Онамнинг юрти. *Ўртадаги сўрида ўтирган баланд бўйли.. хушмўйлов йигит сўрини қасир-қусур қилиб, ўзини пастга отди.* С. Аҳмад, Ҳукм.

**ХУШНАВО** [ф. خوشنوا — хушоҳанг, ёқимли овозли] Ёқимли куйлайдиган; куйлари, кўшиқлари кишига завқ-шавқ бағишлайдиган. *Минг фарёджим, ўзбек поэзия гулистонида хандон урган хушнаво булбул сайрашдан тўхтади.* Н. Сафаров, Мардлар. *Ҳофизу созанда — жамъи хушнаволарга салом.* Муқимий.

**ХУШНУД** [ф. خوشنود — мамнун, қониққан; шод, хурсанд] *кт. 1* Хурсанд, шод; мамнун. *Миробидов.. уйга жуда хушнуд кайфиятда кириб келди.* О. Ёқубов, Диёнат.

*Барча хушнуд, диллар чоғ эди.* Э. Воҳидов, Нидо.

**2** Кишини хурсанд қиладиган; кайфиятини кўтарадиган. *Шерзоднинг кўкрагиса фонендоскопнинг муздек ҳалқаси тегиши билан вужудда хушнуд бир энгиллик сезди.* Ў. Ҳошимов, Нур борки, соя бор.

**3** Хушнуд (эркаклар исми).

**ХУШНУДЛИК** Мамнунлик, хурсандчилик. *-Терим жуда хушнудлик билан бошланди, болам, — деди.. ота ҳаяжонланиб.* Ойбек. О. в. шабадалар. *Рўзгорнинг барча огир-енгили Ҳабиба опанинг елкасида.* Ҳамма ёқ саранжом-саришта. *Болалари, эрининг чехрасида ҳам хушнудлик.* Э. Охунова, Элга содиқ аёл.

**ХУШОВОЗ** [хуш + овоз] Овози ёқимли, тиниқ, *Хушовоз ашулачи.* ■ *Булоқ бўйларида гул, райҳон, ялпиз, Қушлар хушовоздир, баланд парвоздир.* Миртемир.

**ХУШОМАД** [ф. خوشآمد — (л.м. яхши келди, хуш ёқди) — саломлашиш, салом бериш; ёқимли сўз; тилёглама мақтов] Бирор кишига тамагирлик билан хизмат қилиш, сермулозамат бўлиш, мақташ ва ш.к.; хушомадгўйлик, лаганбардорлик. *Хом кишини хушомад хароб етар.* Мақол. ■ *Айрим раҳбарлардек Баширжонга ҳам хушомад ёқарди.* «Ёшлик».

**Хушомад қилмоқ** **1)** хушомадгўйлик билан муомала қилмоқ, лаганбардорлик қилмоқ. *-Хотин киши эрига хушомад қила бошладими, билинги, у гуноҳ қилган бўлади.* С. Сиёев, Отлиқ аёл; **2)** мамнуният ифодаси сифатида «дўст», «барака топ», «қурбонингиз бўлай» каби иборалар билан кимсага қарата хитоб қилмоқ. *Шўх йигитлар ўйинчига хушомад қилар, қийқиришар эди.* П. Турсун, Ўқитувчи.

**ХУШОМАДГЎЙ** [ф. خوشآمدگوی — хушомад айтувчи] Бировга хушомад қилувчи; лаганбардор. *Илмсиз бош қашир, Хушомадгўй гап ташир.* Мақол. ■ *Сизга бошқа одамлар тўсқинлик қилди, бўлмаса, бундай зиёнчилар, хушомадгўйларни уриб, патини тўзитиб юборар эдингиз.* А. Қаҳҳор, Мунофиқ.

**ХУШОМАДГЎЙЛИК** қ. лаганбардорлик. *Хушомадгўйлик қилмоқ.* *Хушомадгўйлик билан гапирмоқ.* ■ *Олахўжа Элмуродни кўрган жойида хушомадгўйлик билан гаплашишга тиришарди.* П. Турсун, Ўқитувчи.



**ХУШОМАДОМУЗ** [хушомад + ф. *Амир* — ўхшаш, каби] *рвш.* Хушомад тариқасида, хушомад қилгандай; лаганбардорлик билан. *Унинг [раиснинг] ранги оқариб, хушомадомуз жилмайди.* С. Анорбоев, Меҳр.

**ХУШОҲАНГ** [хуш + оҳанг] Оҳанги қулоққа ёқадиған, ёқимли. *Бу ҳазин ва хуш-оҳанг куйлар, дам қувноқ, дам мунгли лапарлар тонг отгунча давом этишини истайди.* О. Ёқубов. Эр бошига иш тушса.

**ХУШРҮЙ** [ф. *خوشروی* — чиройли юзли] 1 Чиройли; гўзал. *Хушрўй қиз. Хушрўй йигит.* ■ *Уруш вақти. Декабрь оқшомларидан бирида хушрўйгина жувон Тошкентнинг собиқ эски шаҳари кўчаларидан шошиб борарди.* Ф. Хўжаев, Онадек меҳрибон. — *Ёвонимизда Жумагул отли бир қиз бор. Ундай хушрўйи йўқ.* — *деди тўра Ашир маҳрамга.* Ж. Шарипов, Хоразм,

2 *рвш.* Очиқ чеҳра билан, самимий. *Хушрўй қаршилаган ёшгина, қорачадан келган, истараси иссиқ бўл хотин [Искандарога] челақда сув тутди.* Ойбек, Нур қидириб. *Саодат уларга одатдагидек кулиб, хушрўй жавоб қилиб ўтирди.* И. Раҳим, Чин муҳаббат.

3 Хушрўй (хотин-қизлар исми).

**ХУШРҮЙЛИК** Чиройлилик; кўркамлик. *Хушрўйлик, кўзларидаги нур, юракдаги эзгулик, шўхлик, кўҳлилик — ҳаммаси тотувликдан экан.* Э. Охунова, Бахти кулганлар.

**ХУШСУРАТ** [хуш + сурат] Кўриниши чиройли, кўркам, гўзал. *Хушсурат одам.* ■ *Унинг ёши ўтиб қолган, аммо қош-кўзидан ёшлиқда хушсурат бўлгани аниқ кўриниб турарди.* Ў. Ҳошимов, Нур борки, соя бор. *Эрдан анча ёш бўлган қора қош, қуралай кўзли хушсурат Ситорабону «дадаси уришиб бермасайди», деб ҳайиқиб турар эди.* М. Осим, Ибн Сино қиссаси.

**ХУШСУХАН** [хуш + сухан] Ёқимли сўзлайдиган, ширинсўз, суҳбати ширин. *Хушсухан одам.*

**ХУШСУҲБАТ** [хуш + суҳбат] Яхши суҳбат қурадиган, суҳбатни қизитадиган; гаписўзи ёқимли. *Хушсуҳбат одам.* ■ [*Инженер*] *Ўттиз беш яшар, хушсуҳбат, қадди-қомати келишган.. қурилишга келган.* Ҳ. Назир, Мафтунингман, Озарбайжон.

**ХУШТАБАССУМ** [хуш + табассум] Юзидан ёқимли табассум аримайдиган; хушфёъл. *Хуштабассум аёл.*

**ХУШТАБИАТ** [хуш + табиат] Хатти-ҳаракати ёқимли, хушфёъл; очиқ. *Оддийгина кийинган хуштабиат аёл Дадашевни кутувчилар столига таклиф қилди.* И. Раҳим, Тақдир. *Руқия она ўрта ёшлардаги хуштабиат аёл экан.* Ў. Умарбеков, Кўк дафтарнинг сири.

**ХУШТАБИАТЛИ** *айн.* хуштабиат. *Неъматжон хуштабиатли, уятчан бир йигит бўлиб, одамлар билан ҳам жуда одобли, бир маромда сўзлашарди.* Ж. Шарипов, Саодат.

**ХУШТАБИАТЛИК** Хатти-ҳаракати ёқимли, хушфёъл бўлишлик. *У қиз хуштабиатлиги билан ажралиб турарди.*

**ХУШТАВОЗЕ** [хуш + тавозе] Тавозе билан муомала қиладиган; хушмуомала, илтифотли. *Хуштавозе одам.* ■ *Кўни-кўшинлар билан саломлашиб юрадиган хуштавозе бу йигитдан қишлоқ кампирлари қочиммас.. эдилар.* М. Осим, Тилсиз гувоҳ.

**ХУШТАКАЛЛУФ** [хуш + такаллуф] Иззат-хурматни ниҳоятда ўрнига қўядиган; хуштавозе. *Хуштакаллуф одам.*

**ХУШТАКАЛЛУФЛИК** Хуштавозелик, сертакаллуфлик. *Хуштакаллуфлик билан муомала қилмоқ.*

**ХУШТАКАЛЛУФЛИЛИК** *айн.* хуштакаллуф. *Бу ерда харидорларга хуштакаллуфлилик кўрсатилади.* Газетадан.

**ХУШТАЪБ** [хуш + таъб] *эск. айн.* хуштабиат. *Рустамжон хуштаъб йигит. Унинг одоби, сиполиги Шокир акага кўп маъқул келарди.* М. Хайруллаев, Кўнгил.

**ХУШТАЪМ** [хуш + таъм] Суйиб истеъмол қилинадиган; таъми яхши, ёқимли; хушхўр. *Хуштаъм овқат.* ■ *Махсум бу хуштаъм таомни шошиб-пишиб тановул қилгунича, кампир тепасида қараб турди.* Ҳ. Фулом, Замин юлдузлари.

**ХУШТАЪМЛИК** Хуштаъм бўлишлик. *Сутга ёки қатиқ зардобига қорилган хамирдан тайёрланган нон хуштаъмлик хоссасига эга бўлади.* Ф. Маҳкамов, Дастурхонимиз файзи.

**ХУШТОР** [ф. *خوشدار* — яхшилиқка, ёқимлиликка эга] 1 Бирор кимсани севган, унга кўнгил қўйган киши; ошиқ. *Шу гўзал қизнинг хуштори бўлдим. Санъатин кўриб, завқларга тўлдим.* А. Пўлат. *Қамархонга хуштор бўлганларнинг сон-саноғи йўқ экан.* «Эртаклар».

2 Бирор нарса билан жуда қизикадиган, унга меҳр қўйган; иштиёқманд, орзуманд. *Эҳтимол, булоқдан чиқаётган бу тиниқ сувнинг хуштори, кушандаси кўпдир: бу сув тоғу тошни тўлдириб юрган қушлар, кавак-кандикларда истиқомат қиладиган жониворлардан ортмас. И. Раҳим, Чин муҳаббат. - Идорада ўтириб қиладиган иш районимизда ҳам топилади, - деди [Мўмина] гапни шарт кесиб, - унақа ишга хуштор бўлганимда, бу ерга [Мирзачўлга] келиб нима қилардим. Х. Нурий, Лочин боласи - лочин.*

**ХУШТОРЛИК** Ошиқлик. *Барча шодлик сенга бўлсин, Бор ситам, зорлик менга, Барча дилдорлик сенга-ю, Барча хушторлик менга. Э. Воҳидов.*

**ХУШФЕЪЛ** [хуш + феъл] Феъл-атвори яхши, кишига муомаласи ёқадиган. *Хушфеъл одам. ■ Тўладан келган, хушфеъл Шукур Каримович ҳам дастлабки кундан бошлаб унга ёқиб қолган эди. Мирмуҳсин, Умид.*

**ХУШФЕЪЛЛИК** Яхши муомала. У [Дамат ака] ажойиб хушфеъллик билан йигитларни чорпояга таклиф этди. Ф. Мусаёнов, Ҳиммат.

**ХУШХАБАР** [хуш + хабар] Кишини хурсанд қиладиган хабар; яхши хабар; мужда. *Кечқурун Гулчеҳра билан гаплашгани кетган Муяссар ҳам хушхабар билан қайтди. О. Ёқубов, Эр бошига иш тушса. Ҳар гал биров сизга қўнғироқ қилса, юрагингизда бирор хушхабар эшитишининг заифгина умиди пайдо бўлади. Ф. Мусаёнов, Ҳиммат.*

**ХУШХАНДОН** [хуш + хандон] Хушчақчақ, хурсанд, шод. *Йўлда таниш-билишлар учраса, хушхандон кўришаман, ярашса-ярашмаса ҳазил қиламан. С. Сиёев, Эркаклар эртаги.*

**ХУШХАТ** [хуш + хат] 1 *от* Чиройли ёзилган хат; чиройли ёзув, хуснихат. *Чокарнинг хушхатини Аваз дарров таниди. С. Сиёев, Ёруглик.*

2 *сфт.* Чиройли ёзиш санъатига эга бўлган, хатни чиройли ёза оладиган, хати чиройли. *Мавлоно Абдусамад жуда хушхат котиб ва моҳир наққош эди. М. Осим, Сеҳрли сўз.*

3 *сфт.* Чиройли, тартибли (ёзув ҳақида). *Хушхат ёзув.*

**ХУШХОН** [ф. خوشخوان - яхши, ёқимли ўқийдиган, хушвоз] Овози ёқимли, оҳангдор. *Боғи шинам, ариқ бўйида Гуркирайди*

*райхон, ялтилар. Тўқсон ёшли ота тўйида Хизматдадир хушхон ҳофизлар. Х. Гулом. Бутун борлиқ хушхон қушларнинг Шод яласи билан тўлғуси. З. Диёр.*

**ХУШХОНЛИК** Ёқимли овоз соҳиби бўлишлик. *Бу йигит хушхонлиги билан шуҳрат қозонди.*

**ХУШХУЛҚ** [хуш + хулқ] айн. **хушфеъл**. Қиз боланинг хушхулқ, эпчил, уқувли бўлиб тарбияланиши.. кўпинча унга онадан ўтади. «Саодат».

**ХУШХУЛҚЛИК** Яхши, ёқимли феъл-атворга эга бўлишлик. *Мажнун ўзининг хушхулқлиги ва ахлоқи билан ўқувчининг ҳар қанча таҳсин ва офаринига лойиқ. Т. Жалолов, «Хамса» талқинлари.*

**ХУШХҲҲҲ** [ф. خوش خور - яхши ейиладиган, мазали] Тотли, мазали. *Козим хушхўр айрондан мириқиб сипқарди. Э. Усмонов, Ёлқин.*

**ХУШЧАҚЧАҚ 1** Ҳаётдан мамнун; доимо хурсанд бўлиб юрадиган. *Раис.. қирқ беш-элликлар чамасидаги тўлагина, хушчақчақ киши эди. Н. Фозилов, Дийдор.*

2 *Кувноқ, шод-хуррам. Телефондаги хушчақчақ гап тугагандан кейин, бу ерда ҳалидан бери давом этаётган суҳбат бирдан маъносиз бўлиб туюлди.. А. Мухтор, Бўронларда бордек ҳаловат.*

**ХУШЧАҚЧАҚЛИК** Кувноқлик, хурсандчилик, яхши кайфият. - *Ислом Норович, - деди у хушчақчалик билан, - ҳамма соҳага бир кўз билан қараладиган бўлди. Н. Аминов, Тилло табассумлар.*

**ХУШҚАД** [хуш + қад] *кт. айн. хушқомат. Шийпонда энгил куй янграмоқда, хушқад, хушсураат бир жувон рақс тушмоқда. О. Ёқубов, Диёнат.*

**ХУШҚОМАТ** [хуш + қомат] 1 Қаддиқомати келишган; хушбичим. *Юпқа оқ кигиздан қаллоқ кийган хушқомат қизни аввал танимабман. П. Қодиров, Қадрим.*

2 *кўчма* Ҳашаматли, савлатли; адил. *Машина ойнасидан баланд, хушқомат иморатлар лип-лип ўтиб турипти. С. Аҳмад, Меҳрибон. Темир йўл ёқасидаги йирик яроқли хушқомат тераклар кумуш тангалардек нур сочиб жилваланарди. О. Ёқубов, Ота изидан.*

**ХУШҲАВО** [хуш + ҳаво] Иқлими, ҳавоси жуда ёқимли; ҳавоси тоза. *Муҳиддинларнинг боғи ҳақиқатан хушҳаво, гузал жойида экан. С. Зуннунова, Гўдак ҳиди.*

**ХУШҲИД** [хуш + ҳид] кам қўлл. айн. хушбўй. *Хушҳид гул.*

**ХУШҲОЛ** [хуш + ҳол] *кт.* Бирор нарсадан мамнун, шод, хурсанд. *Хушҳол қилмоқ.* ■ [Эркин] *Фикрининг аниқ айтилганидан хушҳол бўлиб, Салимжонга мулоийм тикилди.* П. Қодиров, Эркин. -*Ассалому алайкум, Алихон ака, — деди Аҳмад хушҳол бўлишга тиришиб.* Ф. Мусаёнов, Нозик масала.

**ХҲБ** [ф. خوب — чиройли, яхши; сифатли; мос, яроқли] **1** айн. **яхши** **1.** *У савдогарни ўз хузурингизга олиб келиб, ҳисобни ўзингиз қилганингиз хўброқдир.. «Бўтакўз».*

**2** *эск. поэт. (кўпл. шаклда)* Чиройли, гўзал киши. *Хўблар била келганда-ку, мендан қиласиз ор, Энди ўзингиз яккаю танҳо, қарамайсиз.* Фурқат. *Гўзаллардан гўзалдир, хўбларнинг хўби, мумтози, Қилур мафтун агар бир кўрса ҳар ким ишваю ноzi.* Ҳабибий.

**3** айн. **хўп** **1** **2.** *Ғафур ака шеърларимни ўқиган бўлса, хўб мени мақтаса керак, деган ҳаёл билан уйига бордин.* Шукрулло, Жавохирлар сандиғи. -*Жонивор хўб этилибди-да, — деди Мадаминхўжа қовунни коса қилаётиб.* М. Исмоилий, Фарғона т. о.

**ХҲЖА** [ф. خواجه — ҳурматли, обрў-эътиборли киши; хўжайин, соҳиб; савдогар; мураббий] **1** *эск.* Бирор кимсанинг ёки нарсанинг эгаси; хўжайин. *Сўнг [мулозим] ялтоқланиб, хўжасига ўғирилди.* С. Сиёев, Ёруғлик. *..Хўжаси унинг [отнинг] ёлларини силаётганда, Лаъли унга ғамза қилиб: -Отингизга намунча хушторсиз? — деди. Ҳ. Фулом, Машғал. Мардон Йўлчиевичга қараганда уй хўжаси Саримсоқ аканинг ёши улўғроқ эди.* Ж. Абдуллахонов, Орият.

**2** *тар.* Ўзларини чорёрларнинг авлодлари деб ҳисобловчи мусулмонларнинг фахрий номи. *Хўжалар муайян имтиёзларга эга бўлганлар.* «ЎЗМЭ».

**3** *этно.* Ўрта Осиёда илгари маълум имтиёзга эга бўлган оқсуяклар ва уларнинг авлодлари; *зид.* **фуқаро.** *Абдурасул, мен сизга айтсам, бизнинг Қамишкапа эскидан уруққа ажраб келади: фуқаро ва хўжа.* П. Турсун. Ўқитувчи.

**4** *Хўжазода эркаклар исмига қўшилади.* *Мадаминхўжа тол соясиди ўтирган экан, буларни кўриб, дарров ўрнидан турди.* М. Исмоилий, Фарғона т. о.

**Хўжа кўрсинга (ёки кўрсин учун)** Бировни алдаш, чалғитиш учун; номига; наридан-бери, шунчаки, юзаки. *Хўжа кўрсинга ишлаб турмоқ.* ■ *Базилар фақат хўжа кўрсин учун [ишга] чиқади.* А. Қаҳҳор, Кўшчинор чироқлари.

**ХҲЖАБЕКА** Хўжайин аёл; хўжайиннинг хотини. *Ҳасанали хўжабекасининг ички сирига унча ошна эмас эди.* А. Қодирий, Ўтган кунлар.

**ХҲЖАЗОДА** [ф. خواجهزاده — хўжанинг фарзанди, авлоди] **1** Хўжайиннинг ўғли (қ. **хўжайин**). *Хўжазодасидаги бу ҳолат уни [Ҳасаналини] ҳар турли мулоҳазаларга олиб кета бошлади.* А. Қодирий, Ўтган кунлар.

**2** Хўжа (қ. **хўжа** **3**) авлодидан келиб чиққан киши. *Келинг, ўзбеклар сараси.. Савдогар хўжазодалар, Сизми ўзбекнинг тўраси? «Тоҳир ва Зухра».*

**ХҲЖАЙИН** [р. хозяин (хозя+ин) < ф. خواجه — хўжа, эга, соҳиб] Бирор нарсага, мас., ер-сув, мол-мулк, уй-жойга эгалик қилувчи шахс; хусусий мулк эгаси; мулкдор, бой. [Мирзакаримбой:] *Ваъда.. Нодон. Хўжайин деган хизматкорларини қизиқтириш учун ваъда қилаверади-да..* Ойбек, Танланган асарлар.

**2** Бирор нарсанинг тўла ҳуқуқли эгаси. *Ўзимиз хўжайин ўз еримизга, Эркинимиз, номимиз, ҳуқуқимиз бир.* Р. Бобожон.

**3** *с.т.* Раҳбар ҳодимга мурожаат шакли. -*Хўжайин, машина тайёр, — деди шофёри.* Газетадан.

**4** *с.т.* Аёл кишининг турмуш ўртоғига мурожаат шакли. -*Хўжайин, овқат тайёр бўлди. Келтирайми? — Мастура ошхонадан туриб сўради эридан.* «Ёшлик».

**ХҲЖАЙИНЛИК** Хўжайин бўлишлик; хўжайин мақоми. [Адолатхон:] *Ёввойи ўтни йўқотишга кўз ёши керак эмас-ку. -Вой, Адолатхон, бизга нега хўжайинлик қиласиз? [деди қизлар].* И. Раҳим, Чин муҳаббат.

**ХҲЖАЛИК** **1** **1** *икт.* Жамият ишлаб чиқариш кучларининг тегишли тараққиёт босқичига мувофиқ келувчи ишлаб чиқариш муносабатлари мажмуи; ижтимоий ишлаб чиқариш усули.

**2** Ишлаб чиқаришни ташкил этадиган, уни юзага келтирадиган омиллар; ишлаб чиқариш мажмуи; ишлаб чиқариш. *Мамлакат халқ хўжалиги. Қишлоқ хўжалиги. ■ Оқсоқол чойдан яна хўплади-да, ҳар ким ўз*

мол-жонини ҳисобдан ўтказиши лозимлигини, район хўжалик ташкилотларининг бу ишни шошилтаётганини гапирди. П. Турсун, Ўқитувчи.

**3** Ишлаб чиқаришнинг бирор соҳаси, тармоғи. *Сув хўжалиги. Ўрмон хўжалиги.* ■ Шундай қилиб, бинокорлик бригадаси колхознинг бошқа хўжалик тармоқларидаги энг сара ва муҳим бригадалар қаторига кириб олди. А. Қаҳҳор, Қўшчинор чироқлари.

**4** Бирор кимса, ташкилот ёки халқ ихтиёридаги барча моддий бойлик, мулк-ашё, ер-сув, уй-жой, асбоб-ускуна ва жиҳозлар. *Сал кунда колхоз хўжалиги бир қадар тартибга тушгандай бўлди.* А. Қаҳҳор, Қўшчинор чироқлари.

**Хўжалик мудир**и Бирор ташкилот, муассаса ёки корхона ихтиёридаги мулк-ашёни бошқарувчи киши. *Колхоз хўжалик мудир*и бир арава лом келтириб ташлади. И. Раҳим, Чин муҳаббат.

**5** Қишлоқ хўжалигидаги ва умуман ўз ер-сувиға, мулкиға, ишлаб чиқариш воситаларига эға бўлган ҳар бир алоҳида ишлаб чиқариш бирлиги, корхона. *Тангриқул ҳожи бақувват хўжалик эди. Фулом ака ел келса йиқиладиган беқувват хўжалик эди.* А. Қаҳҳор, Қўшчинор чироқлари. *Кейинги йилларда мен раҳбар бўлган хўжалик неғадир оқсаб қолди.* «Муштум».

**6** Алоҳида уй-жойға эға бўлган ҳар бир оила, хонадон. *Ёйишиға жойи бўлмаган хўжаликларегна молларини оғилхонаға қамаб боқади.* С. Анорбоев, Оқсой. - *Бугун биз колхозда олтмиш хўжалик бўлсақ, эрта-индин тўқсон, юз хўжалик бўламиз, — деди Абдурасул.* П. Турсун, Ўқитувчи.

**ХЎЖАЛИК II I** эск. Бирор кимса ёки нарсаса эғалик, хўжайинлик.

**2** Хўжа авлодиға мансублик (қ. **хўжа 3**).  
**ХЎЖАСАВДОГАР** [ф. *خواجہ سوداگر*] Ўрмон тўрғайининг бир тури.

**ХЎЖАСИЗЛАРЧА** *рви.* Тежаб-тергамасдан, аямасдан, пала-партиш. *Ерлардан хўжасизларча фойдаланишиға хотима бериш пайти келди.* Газетадан.

**ХЎЖАСИЗЛИК** Хўжаликнинг ихтиёридаги моддий бойликни, мулк-ашёни аямасдан, тежаб-тергамасдан иш тутиш; исрофгарчилик, ўзибўларчилик. *Хўжасизлик — эғасизлик хавфли ижтимоий иллатдир.* Газетадан.

**ХЎЖАҒАТ** Мевали бута ўсимлиги ва ўсимликнинг майда, тўқ қизғиш рангда бўладиган меваси; малина. *Маълумки, хўжағат, қорағат, саримсоқ, зирк сингари ботаник атамалар ўзбек тилида қадимдан ишлатилиб келади.* «ЎТА».

**ХЎМРАЙМОҚ** Қовоғини солиб тикилмоқ, ёмон кўз билан қарамоқ, - *Гавҳар менға хўмрайиб қаради-ю, терс ўгирилди.* С. Сиёев, Ёруғлик.

**ХЎП I** [ф. *خوب* — яхши, майли] **1** тасдиқ юкл. Бирор ишға розилик маъносини ифодалайди; майли, майлиға. [Отабек:] *Раҳмат, ота, бўлмаса, бизға чой қайнатиб беринг-чи!* [Ҳасанали:] *Хўп, бегим.* А. Қодирий, Ўтган кунлар. *Хўп, розиман бу даргоҳдан кетмоққа.* Ҳ. Олимжон.

**Хўп бўлади** Жуда соз, маъқул. - *Хўп бўлади, — дедим-у ўрнимдан турдим.* Э. Раимов, Ажаб қишлоқ. **Хўп демоқ** Унамоқ, кўнмоқ, рози бўлмоқ. [Ҳайитжон Тўлахонға:] *Сенга нима бўлди, қизим! Боя хўп деганинда, шунчалик беғозчиликлар бўлмас эди.* Ҳамза, Паранжи сирлари.

**2** *рви.* Ниҳоят даражада; роса; жуда. *Болалар хўп ўйнашди. Хўп яхши иш бўлди-да.* ■ - *Невараларинизға қараб хўп қувонасизда, ойи, — деди Комилжон кулиб.* С. Зуннунова, Ҳикоялар.

**3** Диққат, эътибор билан, яхшилаб; жуда яхши. [Жоний:] *Ундай бўлса, менға бир оз муҳлат бер. Мен Мадамнинг гапларига хўп қулоқ солиб, мақсадини билай.* П. Турсун, Ўқитувчи. *Сўзни танлаб сўзлаганлар — хўп билур сўз қадрини.* С. Абдулла.

**Хўп бўпти** *кест.* Ажаб бўлибди, жазосини тортсин.

**ХЎП II** *айн.* **хўптир.** *Хўп ҳайда-ё, хўп ҳайда.* «Кўшиқлар». - *Хўпға қўшилган хўкиздан фарқимиз йўқ эмиш, — деди газабини базўр жиловланган ҳолда.* Н. Норқобилов, Бекатдаги оқ уйча.

**ХЎППА:** **хўппа семиз** *с. т.* Ниҳоятда семиз, дум-думалоқ. *Шундай нозик, мўрчамиеён нарсани ўша хўппа семиз давангирға бера-сизми? Ш. Саъдулла, Икки билагузук. Мўғуллар бало-қазодек қўрғончаға бостириб киргач, кампир, боши тепасида турган сочлари ўсиқ, хўппа семиз башараларни кўрди.* М. Осим, Ўтрор.

**ХЎПТИР** Ғалла янчиш учун от, хўкиз каби ишчи ҳайвонлар қўшиб юргизилади-

ган, шох-шаббадан ясалган, устига одатда оғир юк бостириб кўйиладиган моласимон маҳаллий курул. *Хўптир ҳайдамоқ.*

**ХЎП-ХЎП** *тасдиқ юкл.* Тасдиқни таъкиллайди, кучайтиради. *Хўп-хўп, шошманг.* ■ *Мирҳомидхўжа таъзим қилди: -Хўп-хўп, жоним билан.* А. Қаҳҳор, Қўшчиноҳ чироқлари.

**ХЎР** [ф. خوار – пасткаш, жирканч, разил; эътибори йўқ, ҳақир] *айн.* **хор** I. *Хўр бўлмоқ. Хўр қилмоқ*

**ХЎРА** [ф. خوره – бирор нарсага ўта берилган] Овқатни танламай кўп ейдиган. серовқат. *-Хотининг хўра бўлса – урди худо, молинг хўра бўлса – берди худо, деб шуни айтар экан-да!* – луқма ташлади Шерали. М. Муҳамедов, Қаҳрамон изидан. *-Оббо, мени сиз ҳам хўра деб атайсиз. Аслида ўлғудек чимхўрман!* – деди Гўппонбой. Ш. Холмирзаев, Қил кўприк.

**ХЎРАК** [ф. خوراک – овқат, озиқ, емиш; иштаҳа] I *Ейиш мумкин бўлган нарса; емиш, овқат. Ақлли одам қиш ғамини ёз ер, Кеча бўлса, хўрагини оз ер.* Мақол. ■ *Дастурхонда турфа ноз-неъматлар – хўрақлар: палов, нишолда, ҳолва.* Т. Мурод, Юлдузлар мангу ёнади. *Яқинларда табибларга кўрсатган эдим, қонингиз оз, қимиз ичинг, хўрақ олдидан майиз истеъмол қилинг, деб кенгаш бердилар.* А. Қодирий, Ўтган кунлар.

**Хўрақ қилмоқ** Овқат емоқ, овқатланмоқ. *-Хўрақ қилдингизми? – деди [Кумуш Отабекка].* А. Қодирий, Ўтган кунлар.

2 Мол, ҳайвон, парранда овқати (ем, дон ва ш.к.). *Қўйга хўрақ бермоқ.* ■ *-Нега хўрақка териб ташлаган бездек бўзрайиб турибсан? – деди Мавлон.* Б. Раҳмонов, Мардлар қиссаси.

3 *с.т.* Хўра.

**ХЎРАКИ** [ф. خوراکи – ейимли, емишли; озиқ-овқат] Ҳосили истеъмол қилинадиган, ейиладиган; истеъмол учун махсус экиладиган. *Экиладиган хўраки навларнинг узуми ширин ва мазали.* Р. Мусамуҳамедов, Мўл узум ҳосили етиштиришдаги тажрибаларим.

**ХЎРАКХОНА** [хўрақ + хона] *с.т.* Овқатланадиган жой; ошхона. *Шу серҳашам меҳмонхонанинг биринчи қаватида ундан ҳам ҳашаматлироқ хўрақхона бор.* Газетадан.

**ХЎРАМ-НОХЎРАМ** [ф. خورم ناخورم – ейман-емайман] *рвш. шв.* Истар-истамас;

зўраки, аранг. *Ноилож, хўрам-нохўрам суд-ралаиб, бориб-келиб ўқимоқдаман.* Ғ. Фулом, Тирилган мурда.

**ХЎРАНДА** [ф. خورنده – (овқат) еювчи] Овқат сотиб олувчи киши; овқатланувчи. *Аммо танноз официанткалар.. мунча хира хўранда экан, деётгандек туюлаверди йигитнинг назарида.* Д. Нурий, Осмон устунни.

**ХЎРДА I** [ф. خورده – ейилган, ичилган], **хўрда ош** Гуручли суюқ овқат; мастава. *Нихоят, тушга яқин ойиси қилиб берган аччиқ хўрдани ичиб, бир оз ўзига келди.* П. Қодиров, Уч илди. *Шоҳсидм қаердадир пишириб берган серқатиқ хўрда ошдан у [Гулнор] ярим коса ичди.* Ойбек, Танланган асарлар.

**Бировнинг хўрда-бурдасида бўлмоқ даёл.** Кимса қарамоғида бўлмоқ. **Ҳам хўрдани, ҳам бурдани урмоқ** Икки тарафлама манфаатдор бўлмоқ.

**ХЎРДА II** [ф. خورده – ушоқ, парча; бўлак, майда] Ғадир-будур жойлари ейилиб, силлиқланган; текис. *Хўрда бўлмоқ. Араванинг ўқи ҳали хўрда бўлмапти.*

**ХЎРИЛЛАМОҚ** *айн.* хурилламоқ.

**ХЎРИЛЛАТМОҚ I** Хўрилламоқ фл. орт. н. *Чилимни хўриллатмоқ.*

2 «Хўр-хўр» овоз, шовқин чиқарган ҳолда.

[Ҳожикўдуқ:] *Каравотга чиқдим-у, ёнбошлаб олиб, ачиққина кўкжойни хўриллатиб ича бошладим.* Э. Раимов, Ажаб қишлоқ.

**ХЎРЛАМОҚ** Бировнинг иззат-нафсини таҳқирламоқ, поймол қилмоқ. *Боқмасанг, молинг кетар; Хўрласанг, хотининг кетар.* Мақол. ■ *Шу ўтиришда Муаззамнинг мени хўрлаганлари кўзимга кўринаверди.* С. Аҳмад, Сайланма. *Раҳмат, азизларим, бировнинг боласини мунчалик хўрлаш яхши эмас.* А. Қодирий Ўтган кунлар. *Одамлар [Зиёдулланинг] сағирлигини билиб хўрляпти, дейман ўзимга ўзим.* Т. Мурод, От кишнаган оқшом.

**ХЎРЛИК** Иззат-нафси поймол бўлиш, таҳқирланиш. *Кет десанг, Қашқар кетай, йўлларда ёлғизлик ёмон, Ёлғизликдан ким ўлибди, ҳаммадан хўрлик ёмон.* «Кўшиқлар». *Киши очликка чидаса ҳам, хўрликка чидолмайди.* Мирмуҳсин, Чодрали аёл.

**Хўрлиги келмоқ** Камситилганликдан руҳан қаттиқ эзилмоқ, ўта ўқсинмоқ. *-Қасам ичаман, – дедим неғадир хўрлигим келиб.* Х. Тўхтабоев, Ширин қовунлар мамлақати.

**ХЎРОЗ** [ф. خوروس – хўроз] I Хонаки товуқларнинг ва баъзи товуқсимонларнинг

эркаги. *Бабақ хўроз. Урушқоқ хўроз.* ■ *Кўноқдаги хўроз чўзиб-чўзиб қичқирди.* Ў. Ҳошимов, Қалбингга кулоқ сол.

**2 кўчма с. т.** Танти; мард. *Хўроз йигит.* ■ *Тантибойвачаникига борамиз эртага.. Жуда хўроз одам. Кўрсангиз, ўзингиз ҳам хайрон қоласиз.* Ойбек, Танланган асарлар. - *Ганивой жуда бопта иш қипти, бунақа иш-ни йигитнинг хўрози қилади, — деди Бургут.* С. Аҳмад, Чўл бургути.

**Хўроз гап ёки гапнинг хўрози с. т.** Гапнинг асоси, хулласи. [*Юсуфжон:*] *Ҳамзахон, нуқул ҳақиқатни дангал ёзибсиз.. Бойлардан қўрқмай, хўроз гап қилибсиз.* К. Яшин, Ҳамза. **Хўроз қичқирмасдан** Ниҳоятда барвақт, эрта тонгда. *Врач қабулига биринчи бўлиб ёзилай, деб хўроз қичқирмасдан келгандим.* «Муштум». *Келин хўроз қичқирмасдан туриб, нонга хамир қорди.* Газетадан.

**ХЎРОЗБОЗ** [*ф. خروس ياز* — хўроз ўйновчи] Хўроз уриштиришни яхши кўрадиган одам. *Чунончи, машхур Алимжонбойнинг ўғли Тўраҳон бойвачча кўчқорбоз, хўрозбоз ва хотинбоз эди.* М. Муҳаммаджонов, Турмуш уринишлари.

**ХЎРОЗЛАНМОҚ** Хўроз сингари ҳужумга ташланмоқ, хезланмоқ. *Нусратбек хўрозланиб ўрнидан турди, қорнини ичига тортиб, кўкрагини кериб, намойишкорона чиқиб кетди.* С. Нуоров, Нарвон.

**ХЎРОЗҚАНД** [хўроз + қанд] Болалар учун хўроз шаклида тайёрланадиган ширинлик, қанд. *Ўғилча билан қизчаси, дадам хўрозқанд олиб келадилар, деб кўз тутиб ўтирибдими?* Ш. Тошматов, Тонгдаги кўланка.

**ХЎРСИНИҚ** Бирор ғам, ташвиш ва ш.к. туфайли чиқариладиган оғир нафас; уфуриш; хўрлиги келиб, кескин нафас олиш. [*Оқиланинг*] *Кейин яна юрагидан чуқур хўрсиниқ келиб, томоғига пичоқдай қадалиб ўтиб кетди.* Ю. Шомансур, Қора марварид.

**ХЎРСИНМОҚ** Бирор ғам, ташвиш ва ш.к. туфайли оғир нафас чиқармоқ; уфурмоқ. *Чуқур хўрсинмоқ.* ■ *Гулсум опа кўкрагида мавж урган тугённи ичига ютиб, се-*

*кин хўрсинди.* О. Ёкубов, Эр бошига иш тушса. *Навоий яширин, ичдан хўрсинди.* Ойбек, Навоий.

**ХЎР-ХЎР тақл. с.:** *хўр-хўр ичмоқ* Шовқин чиқариб, қаттиқ хўпламоқ, хўриллатиб ичмоқ. *Қодир дераза олдида тик турганча, шиша банкадан хўр-хўр қатиқ ичарди.* Э. Усмонов, Ёлқин.

**ХЎТИК** Эшакнинг боласи; ёш эшак. *Ким, кучук бирлан хўтикка қанча қилсанг тарбият, Ит бўлур, эшак бўлур, бўлмаслар асло одами!* Уйғун ва И. Султон, Алишер Навоий.

**ХЎШ I** [*ф. خوش*] юкл. **1** Сўроқ гап олдида келиб, «айтинг-чи», «жавоб беринг-чи», «тушунтириб беринг-чи» каби маъноларни ифодалайди. [*Ҳомид:*] *Хўш, Содиқ полвон, ишлар қанақа, Тошкентда нима гаплар бор?* А. Қодирий, Ўтган кунлар.

**2** Қисташ маъносини ифодалайди. *Ҳеч ким бошламади. -Хўш, гапиринглар, — деди Бўтабой.* А. Қаҳҳор, Қўшчинор чироқлари.

**3** Нутқ жараёнида топилмай қолган сўз ўрнида ёки пауза ўрнида қўлланади. *Хўш, бир нима демоқчи эдим.* ■ *Хўш десангиз, Бағдод шаҳрида Абутанбал деган бир ялқов йигит ўз онаси билан яшар экан.* Ғ. Ғулум, Тирилган мурда.

**ХЎШ II** [*ф. خوش*] айн. **хайр II.** «*Хайр, худонинг паноҳига, Анвар!*» — «*Хўш, Султнали ака!*» — *иккиси ажралишдилар.* А. Қодирий, Меҳробдан чаён.

**ХЎШ III** унд с. Молни ҳайлаш ёки қайтариш учун айтилади. [*Болалар*] *Хўш, хўш, жонивор, деб унинг [буқачанинг] орқасини силаб қўйишади.* Э. Раимов, Ажаб қишлоқ.

**ХЎШЛАШМОҚ** айн. **хайрлашмоқ.** *Намозгардан кейин Содиқ ўрнидан туриб, хўшлашиб чиқиб кетди.* Ойбек, Болалик. - *Шошма, каззоб!* — *деди Аваз.* — *Мен болалар билан хўшлашиб чиқай.* С. Сиёев, Аваз.

**ХЎҚАЧА** Кичик кўза; кўзача. [*Ойим-тилла*] *Хўқачадаги зиғир ёғидан қозонга озгина солиб, пиёздоғ қилди.* Ҳ. Нуъмон ва А. Шораҳмедов, Ота. *Чупон хўқачага сув тўлдирди.* Н. Ёкубов, Жон.



**ЦАНГА** [нем. Zange – омбур, қисқич] *тех.* Металл қирқувчи ва ёғочга ишлов берувчи станокларда цилиндрик ёки призматик шаклдаги деталларни қисиб қўйиш учун мўлжалланган мослама.

**ЦАПФА** [нем. Zapfen – тиқин, пўкак; ўқ, стержень] *тех.* Машина, механизм, станоклар ўқи ёки валининг подшипникка таяниб, унда айланадиган қисми. *Буриш цапфаси.* ■ *Цапфанинг зарур шакл ва ўлчамдан хиёл бўлса ҳам оғиши механизмнинг ишига салбий таъсир қилади, шунинг учун у жуда аниқ қилиб тайёрланади.* «ЎЗМЭ».

**ЦЕДРА** [итал. cedro – лимон] Цитрус ўсимликлар (апельсин, лимон ва б.) мевасининг бўёқдор ташқи қавати, пўсти (майдаланган ёки қуритилган ҳолда озиқ-овқат саноатида ва ошпазликда зиравор сифатида ишлатилади)

**ЦЕЗИЙ** [лот. caesius – ҳаворанг, оч кулранг] *хим.* Менделеев даврий системасининг I гуруҳига мансуб кимёвий элемент, осон эрийдиган кумуш тусли юмшоқ ишқорий металл. *Шишага цезий араштирилганда эса у радиоактив нурланиш таъсирида хираланмайди.* «Фан ва турмуш».

**ЦЕЙТНОТ** [нем. Zeit – вақт + Not – эҳтиёж] Шахмат ва шашка ўйинида: дастлабки юришлар учун белгиланган вақт ортиқча сарфланиб, кейинги юришларни ўйлаш учун вақт етишмаслиги; вақт танқислиги. *Цейтнотда қолмоқ.*

**ЦЕЛЮФАН** [лот. cellula – хужайра + юн. rhanos – тиниқ, шаффоф] Вискозадан махсус йўл билан ҳосил қилинадиган юпқа, сув ўтказмайдиган шаффоф материал (мол

ўраш учун ва полиграфияда ишлатилади). *Целюфан пакет. Целюфан цехи.* ■ *Вискоза эритмасидан фақат сунъий ипаккина эмас, ундан целюфан, сунъий жуно толаси, парда ва бошқа нарсалар ҳам ҳосил қилиш мумкин.* «Саодат».

**ЦЕЛЛУЛОИД** [целлюлоза + юн. eidos – кўриниш] Целлюлоза нитратидан тайёрланган, тез алангаланадиган, эластик шаффоф модда (атторлик буюмлари, ўйинчоқлар ва ш.к. лар ясашда ишлатилади). *Целлулоид массаси. Целлулоид ўйинчоқ.* ■ *Маълумки, ишқаланиш натижасида пластмасса, целлулоид нарсаларда электр заряди вужудга келади.* «Фан ва турмуш».

**ЦЕЛЛЮЛОЗА** [фр. cellulose < лот. cellula – хужайра] 1 Глюкоза қолдигидан ҳосил бўладиган, ўсимлик хужайралари қобиғининг асосий таркибий қисми бўлган юқори молекулати бирикма; ўсимлик тўқималарининг механик чидамлилиги ҳамда эластиклигини таъминлайди. [Олимлар] *Пахтанинг мураккаб кимёвий таркибини, айниқса, унинг.. «целлюлоза» деган моддадан таркиб топганлигини кейинроқ тушунганлар.* «Гулистон».

2 Ёғочдан ва баъзи бир ўсимликлар паясидан кимёвий йўл билан ҳосил қилинадиган тола модда [қоғоз ва картон, сунъий ипак, пластмасса, лок, портловчи моддалар ва ш.к. тайёрлаш учун ишлатилади]. *Ёғоч целлюлозаси. Пахта целлюлозаси.*

**ЦЕЛЬСИЙ** [швед астрономи ва физиги Андерс Цельсий (Celsius) номидан]: **Цельсий шкаласи** Сувнинг музлаш нуқтасидан қайнаш нуқтасигача бўлган температурани

кўрсатадиган, 100 градусга бўлинган шкала ва шундай шкалани термометр.

**ЦЕМЕНТ** [лот. caementum — майдаланган тош; шағал] **1** от Сувга қорганда, тез қотиб, тошсимон массага айланадиган қурилиш материали; кукунсимон бириктирувчи қурилиш материалларининг умумий номи. *Юқори навли цемент.* ■ *Цемент, оҳак, ганч, михларимизни — қурилишда зарур бўладиган нарсаларимизни — бўрондан, қумдан сақладик.* Ш. Рашидов, Бўрондан кучли. *Икки кунда цемент ҳам топилди, бульдозер ҳам, бетон плиталар ҳам топилди.* С. Аҳмад, Тоғ афсонаси.

**2** сфт. Цемент билан сувалган, текисланган. *Цемент пойдевор. Цемент сувоқ.* ■ *Йигитлар хароб станциянинг кенг цемент зинасида нон кавшаб ўтиришаркан, тасодифан.. бухоролик йигит келиб қолди.* Ойбек, Кўёш қораймас. *Ўнг қатордаги биринчи хонага боғланган каттакон тарғил сизир цемент охурни тили билан ялашдан тўхтаб, шохдор бошини кўтарди.* С. Анорбоев, Оқсой.

**3** анат. Тишининг ўзаги ва бўйни асосий тўқимасини қошлаб турадиган суяксимон модда.

**ЦЕМЕНТЛАМОҚ** Цемент билан сувамоқ, цемент билан бириктирмоқ. *Цементланган тротуар. Цементланган девор.* ■ *- Биз қаришлик кўрсатганимиздан кейин, мозор бошқармаси дахмининг очиқ-тешик жойларини цементлаб ташлади, — деди Абдураҳмонов.* И. Қаландаров, Шохидамас, баргида.

**ЦЕНЗ** [лот. census — баҳолаш, баҳоланган мол-мулк < censeo — рўйхатга оламан] Кишиларнинг айрим ҳуқуқлардан, хусусан ваколатли ҳокимият органларига сайлаш ва сайланиш ҳуқуқидан фойдаланишига рухсат берувчи, йўл кўювчи шартлар. *Мулк цензи. Сайлов цензи.* ■ *Турли давлатлар конституциявий тажрибасида сайлов цензларининг ҳар хил турлари мавжуд.* Газетадан.

**ЦЕНЗОР** [лот. censor < censeo — рўйхатга оламан] Цензура хизматидаги, матбуот устидан назорат қилувчи шахс.

**ЦЕНЗУРА** [лот. censura — қадимги Римда цензор лавозими] **1** тар. Матбуот устидан назорат қилиб турувчи давлат муассасаси. *Лермонтов бир неча драмалар ёзди, лекин подшо цензураси уларни саҳнада кўрсатишга ижозат бермади.* Газетадан.

**2** тар. Матбуот, саҳна ва ш.к. учун белгиланган асарларнинг, умуман, оммавий ахборот воситаларининг мазкур муассаса томонидан текшириб, назорат қилиб турилиши. *Цензура қилмоқ. Цензурадан ўтказмоқ.*

**ЦЕНТ** [ингл. cent < лот. centum — юз] АҚШ, Канада, Нидерландия ва б. айрим мамлакатларда шу мамлакатлар асосий пул бирликларининг юздан бирига тенг бўлган танга пул.

**ЦЕНТНЕР** [нем. Zentner < лот. centenarium — юз қадоққа тенг оғирлик] **1** Метрик ўлчов тизимида 100 килограммга тенг оғирлик ўлчови бирлиги. *Ҳосилдорлик ўтган йилдагига нисбатан беш центнер ошиб, 42 центнерга етди.* Газетадан.

**2** Ғарбий Европадаги бир қанча мамлакатларда 50 килограммга тенг оғирлик ўлчови бирлиги

**ЦЕНТНЕРЛИ** Центнер оғирлигидаги. *Икки центнерли той.*

**ЦЕНТНЕРЧИ** тар. Ҳар гектар ердан маълум центнер ҳосил етиштирувчи деҳқон. *Юз центнерчи қизларнинг мақтовни шеърга сиғмас.* Зулфия.

**ЦЕНТРАЛИЗМ** [ингл. centralism < лот. centrum — марказ, ўрта < юн. kentron — циркуль игнаси] тар. Маҳаллий муассаса ва ташкилотлар марказий ҳокимиятга, яғна бир марказга бўйсундирилган ва унинг кўрсатмалари асосида фаолият юритадиган бошқарув тизими.

**ЦЕНТРИЗМ** [ингл. centrism < лот. centrum — марказ] тар. сиёс. Сиёсий арбоблар ва ташкилотларнинг ижтимоий барқарорликка эришиш мақсадида турли хил мўтадил ҳаракат ва партияларни бирлаштириш йўлидаги интилиши.

**ЦЕНТРИСТ** [ингл. centrist] Центризм тарафдори, издоши.

**ЦЕНТРИФУГА** [нем. Zentrifuge < лот. centrum — марказ + fuga — қочиш] Катта тезликда айланиш пайтидаги марказдан очма куч таъсири билан бир жинсли бўлмаган бирикмаларни таркибий қисмларга ажратадиган аппарат (кимёвий тадқиқотларда, озиқ-овқат саноати ва ш.к. ларда қўлланади). *Тупроқни механик анализ қилишда центрифугадан фойдаланилмоқда.* М. Баҳодиров, Тупроқшуносликдан амалий машгулотлар.



**ЦЕРИЙ** [лот. Ceres, Cereris — кичик сайёра номи; элемент шу сайёра билан деярли бир вақтда кашф этилгани учун шундай номланган; Церера — рим мифологиясида ҳосилдорлик, оналик ва оила маъбудаси] Менделеев даврий системасининг III гуруҳига мансуб кимёвий элемент; яхши кесилувчи ва яссиланувчи металл.

**ЦЕСАРКА** қ. **сесарка**. *Цесарка жуда ҳаракатчан: учади ва тез югуради.* «ЎЗМЭ».

**ЦЕХ** [нем. Zechе] 1 Завод, фабрика каби улкан саноат корхонасининг муайян маҳсулот ёки ярим фабрикат ишлаб чиқарадиган асосий ёки ёрдамчи бўлими. *Ип йигирув цехи. Цех бошлиғи.* ■ *Заводнинг пахта тозалаш цехида эса чиқиндини қайта ишловчи регенератор ўрнатилди.* Газетадан. *Корхона цехларини ўзига хос ижодхонага қиёс қилиш мумкин.* Газетадан. *Ўгириш ишида киностудиянинг монтаж, овоз, фильми қайта ишлаш ҳамда мураккаб съёмка цехлари фаолият кўрсатади.* Ф. Саломов, Таржима назариясига кириш.

2 Шундай бўлим жойлашган бино. *Цехлар ичига шахдам қадам ташладик.* Файра-тий.

**ЦИАН** [юн. cyanos — оч ҳаворанг тош] ким. Азот билан углероддан иборат ўткир хидли, ёнувчи, рангсиз заҳарли газ. *Цианга сульфат кислота таъсир эттирилса, цианат кислота ҳосил бўлади.* «ЎЗМЭ».

**ЦИАНЛИ** Таркибида циан бўлган. *Цианли калий.*

**ЦИВИЛИЗАЦИЯ** [фр. civilization < лот. civilis — фуқарога хос, давлатга хос] 1 Моддий ва маънавий маданиятнинг ижтимоий тараққиётида эришилган муайян босқич; маданий тараққиёт даражаси. *Шарқ цивилизацияси.* ■ *Бозор иқтисодиёти — жаҳон цивилизацияси ривожланиши йўлидаги муқаррар босқичдир.* Газетадан.

2 айн. **маданият, тамаддун.**

3 Маданиятнинг замон ва маконда чегараланган тарихий типи. *Миср цивилизацияси. Месопотамия цивилизацияси.*

4 Инсониятнинг ёввойилик ва ваҳшийлик давридан кейинги ижтимоий тараққиёт босқичи.

**ЦИГАРА** қ. **сигара**. *Баланд мартабали меҳмон ёнбошлаб цигара чекар, бошқалар камтарлик билан чўкка тушиб ўтирарди.* М. Исмоилий, Фарғона т. о.

**ЦИКЛ** [юн. küklos — гардиш, айлана, доира] 1 Маълум давр ичида такрорланиб турадиган иш, ҳодиса, жараён ва ш.к. нинг ҳар бир давраси. *Ишлаб чиқариш цикли. Ўзгарувчан ток цикли.* ■ *Ўза нарваришининг тўла бир циклини амалга ошириш учун 10–12 кун вақт сарфланади.* Газетадан. *Роботнинг ишлаш циклини ўзгартириш, уни бошқа операция бажаришга мослаштириш мумкин.* «Фан ва турмуш».

2 қ. **туркум 2**. *Бундай асарлар орасида «Ватандошларим» цикли, «Мангулик» сингари ўнларча ажойиб очеркларимиз китобхонларга манзур бўлган.* Н. Сафаров, Жасоратнинг давоми. *Масалан, Гомер циклидаги поэмаларни ижро этган қадимги юнон мактаби.. бизга маълумдир.* «ЎТА».

**ЦИКЛИК** Цикллар бўйича содир бўладиган, цикли, даврий. *Қайта ишлаб чиқаришнинг циклик ҳаракати.*

**ЦИКЛЛАШТИРМОҚ** айн. **туркумламоқ 1**.

**ЦИКЛЛИ** Даврали, даврий. *Циклли жараён. Ишнинг циклли графиги.*

**ЦИКЛОН** I [юн. küklon — айланувчи] метеор. Атмосферанинг кучли ёғингарчилик, шамол ва қуюқ булутланиш билан кечадиган шиддатли, уюрмавий ҳаракати; радиуси бир неча минг километрга етадиган ҳаво гирдоби. *Ернинг булут ва қор қоплами, кундузи ва кечқурунги уфқи фотосуратга олинди, довуллар ва циклонлар аниқланди.* Газетадан. *Ўзбекистонга Атлантика океанидан келадиган циклонлар қишда илиқ, ёмғирли, қорли об-ҳаво келтиради.* «ЎЗМЭ».

**ЦИКЛОН** II тех. Ҳаво (газ)ни муаллақ қаттиқ зарралардан марказдан қочма куч таъсирида тозалаш учун мўлжалланган аппарат.

**ЦИКЛОТРОН** [юн. küklos — айлана + (elek)tron — қаҳрабо (бу ерда «трон» — электроникага алоқадор асбоблар номини ҳосил қилувчи қўшимча)] Зарядланган микроразрлар (протон ёки ионлар)нинг ҳаракатини тезлаштирадиган, атом ядросини текширишда ишлатиладиган мослама. *Келажакда энг кучли циклотронлардан бири бўладиган циклотрон пойдевори ёнига автосамосваллар кетма-кет келиб турибди.* Газетадан.

**ЦИЛИНДР** [юн. kyliindros — вал, галтак] 1 мат. Цилиндрик сирт ва иккита параллел текислик билан чегараланган жисм. *Агар*

цилиндрик сирт ясовчилари цилиндр ясовчига перпендикуляр бўлса, у тўғри цилиндр деб аталади. «ЎЗМЭ».

**2** тех. Шу шаклдаги деталь ёки буюм. *Филдиранинг ҳар бир спицаси ўз ўлчамини ўзгартира олувчи ўзига хос пневматик цилиндрга эга.* Газетадан. *Мис, рух ва қалайдан тайёрланган.. цилиндрни кимдир филдиратиб келди.* «Муштум».

**3** кўчма Соябони кичикроқ, тепаси баланд цилиндрсимон бош кийими, эркаклар шляпаси. *Цилиндр кийган киши.*

**ЦИЛИНДРИК 1** Цилиндрга оид. *Цилиндрлик жисм.*

**2** Цилиндр шаклидаги, цилиндрсимон.

**ЦИЛИНДРЛИ 1** Цилиндри бўлган, цилиндр билан таъминланган. *Цилиндрли машиналар. Тўрт цилиндрли двигателлар.*

**2** Бошига цилиндр кийиб олган. *Цилиндрли киши.*

**ЦИНГА** [қад. р. цинга – панжа бўғимларининг зирқираб оғриши] *тиб.* Витамин етишмаслиги туфайли юз берадиган, дармонсизлик, тиш милklarининг бўшашуви, қонаши ва тишларнинг тўкилиши билан характерланадиган касаллик. «С» витамини рахит, витаминоз, цинга касалликларидан сақлайди. «Саодат».

**ЦИНК** [нем. Zink – рух] *ким.* Менделеев даврий системасининг II гуруҳига мансуб кимёвий элемент, кумушсимон-оқиш, яхши чўкичланадиган металл, рух.

**ЦИНКОГРАФ** Цинкография мутахассиси. *Цинкографлар офсет-босма фабрикаси аҳил жамоасининг ишчан аъзоларидир.* Газетадан.

**ЦИНКОГРАФИЯ** [цинк + юн. grapho – ёзаман] *плгрф.* **1** Типографияда расм, чизма ва ш.к. ларни босиш учун фотомеханик йўл билан рух клишелар тайёрлаш усули. *Цинкография клишеси. Чизмани цинкография усули билан босиб чиқариш.*

**2** Шундай клишелар тайёрлайдиган корхона ёки цех. *Наширётимизнинг цинкография цехи республикамиздаги энг йирик иллюстрация устахонаси ҳисобланади.* Газетадан.

**ЦИРК** [лот. circus – айлана, доира] **1** Санъатнинг акробатика, гимнастика, масҳарабозлик, иллюзионизм, дорбозлик, жонглёрлик, ҳайвонлар ўргатиш, ўйнатиш ва ш.к. жанрлар (томошалар)ни ўз ичига олган тури. [Искандар] *Олти-етти ёшларда*

*отасидан етим қолиб, кўчманчи цирк артистлари билан кўп шаҳарларни кезган.* Ш. Ризо, Қор ёғди, излар босилди.

**2** Санъатнинг шу турини томошабинларга кўрсатиш билан шуғулланадиган муассаса ва унинг биноси. *Тошкент цирки.* ■ *Улар цирк олдидан ўтиб, аллақандай ариқчалардан ҳатлашди.* П. Қодиров, Уч илдиз.

**ЦИРКОНИЙ** [лот. zirconium < нем. Zirkon < ф. زرگون – тилларанг, олтин рангли ёки а. زرقون – қимматбаҳо тош; сурик] *ким.* Менделеев даврий системасининг IV гуруҳига мансуб кимёвий элемент, кумушсимон ялтироқ, қийин эрувчи қаттиқ металл. *Соф цирконий атом техникасида нейтронларни қайтарадиган конструкцион материал сифатида ишлатилади.* «ЎЗМЭ».

**ЦИРКУЛЬ** [лот. circulus – айлана, доира] Тушъ ёки қалам билан айлана, доира, ёйлар чизишга, чизиклар, кесмалар узунлигини ўлчашга хизмат қиладиган чизмачилик асбоби; паргар. *Циркуль билан айлана чизмоқ. Циркуль игнаси. Циркуль оёқчаси. Чизмачилик циркули.*

**ЦИРКУЛЯР** [нем. Zirkular < лот. circularis – айланма] *эск.* Юқори раҳбар органлар томонидан ўзига қарашли ташкилотларга ёки барча тобе мансабдор шахсларга юбориладиган ёзма фармойиш, буйруқ; кўрсатма. *Циркуляр олмоқ. Циркуляр телеграмма.*

**ЦИРКЧИ** Цирк артисти. *Чорсунинг ўртасида иккита тахта аравада Юпатовнинг циркчилари тўхтаб, жар солар эдилар.* Ғ. Фулом, Шум бола. *Циркчи хотин ўзининг 12 «дўстлашган» тимсоҳлари билан майдонга чиқиб келади.* Газетадан.

**ЦИРРОЗ** [юн. kirrhos – сарғиш, малла ранг] *тиб.* Жигар, ўпка, буйрак каби аъзолардаги қалин бириктирувчи тўқималарнинг ўсиб, катталашиши оқибатида шу аъзонинг чандиқланиб бужмайиши ва шаклининг ўзгариши; склероз. *Жигар циррози.*

**ЦИСТЕРНА** [лот. cisterna – ҳовуз, ҳавза; сув омбори] **1** Суyoқликлар, суyoқ газлар, тўкиладиган маҳсулотлар сақланадиган ёки ташиладиган кўчма ёки стационар резервуар, идиш. *Дастлабки сув цистерналари Газлига етиб келди.* Газетадан.

**2** Шундай резервуар ўрнатилган автомобиль, вагон ва ш.к. *Жавод машинасининг бункерини бўшатгани чиққан кезде кўчма*

заправка цистернаси келиб қолди. И. Раҳим, Жаводнинг жадвали.

**ЦИСТЕРНАЛИ** Цистерна ўрнатилган. *Цистерна* вагон.

**ЦИСТИТ** [юн. *kystis* — қовуқ + *itis* — яллиғланишни билдирувчи қўшимча] *тиб.* Қовуқнинг яллиғланиши билан характерланувчи касаллик. *Цистит касаллиги.* ■ *Цистит ўз вақтида даволанмаса, сурункали касалликка айланиб кетиши мумкин.* Газетадан. *Циститнинг олдини олишда шахсий гигиена қоидаларига риоя қилиш.. парҳезга эътибор бериш керак.* «Саломатлик» энциклопедияси.

**ЦИТАТА** [лот. *citatum* < *citare* — чақирмоқ, даъват қилмоқ; номламоқ] Бирор матндан, адабий, мусиқавий ва ш.к. асардан айнан кўчирилган парча; иқтибос. *Цитата келтирмоқ.* ■ *Цитаталар ўринли, лекин назаримда, улар кўпайиб кетган, — талаба журъатсизлик билан ўз фикрини билдирди.* «Ёшлик».

**ЦИТАТАБОЗЛИК** Цитаталар келтиришга берилиб кетиш, ўринли-ўринсиз равишда цитаталар келтиравериш. *Цитатабозлик касали.* ■ *Цитатабозлик ва умумий гаплар билан вақтни олиш сингари ярамас ҳоллар ҳали батамом тугатилмаган.* Газетадан.

**ЦИТО-** [юн. *kytos* — идиш; омбор; хужайра] Байналмиал ўзлашма қўшма сўзларнинг таркибий қисми бўлиб, ўзи бирикиб келган сўзнинг ҳайвон ёки ўсимлик хужайраларига алоқадорлигини кўрсатади, мас., *цитокимё, цитология.*

**ЦИТОДИАГНОСТИКА** [цито.. + диагностика] *биол. тиб.* Тананинг бирор сиртидан ёки унинг суюқликларидан олинган хужайра унсурларини микроскопик тадқиқ этиш йўли билан касалликларни аниқлаш.

**ЦИТОКИМЁ** [цито.. + кимё] Хужайра тузилмаларининг кимёвий таркиби ва ўзгаришларини ўрганадиган фан; цитологиянинг бир бўлими. *Цитокимё соҳасидаги тадқиқотлар 19-асрнинг ўрталаридан 20-аср ўрталаригача айниқса жадал ривожланган.* «ЎЗМЭ».

**ЦИТОЛИЗ** [цито.. + юн. *lysis* — эриш; бузилиш] *биол.* Ҳайвон ва ўсимлик хужайрасининг одатдаги физиологик жараёнлар

ҳамда турли патологик ҳолатларда бутунлай ёки қисман эриши.

**ЦИТОЛОГИЯ** [цито.. + юн. *logos* — таълимот] Хужайраларнинг тузилиши ва функциясини, кўп хужайрали ва бир хужайрали организмлардаги аъзо ва тўқималарнинг ўзаро боғланиши ва муносабатларини ўрганувчи фан. *Ҳозир республикамиздаги мавжуд тиббиёт институтларида цитология гистология билан қўшиб ўқитилади.* «ЎЗМЭ».

**ЦИТРУС** [лот. *citrus* — лимон] Лимон, апельсин, мандарин каби ўсимликларнинг умумий номи. *Кавказ цитруслари. Цитрус меваси.* ■ *Цитрус ўсимликларини иқлимлаштириш юзасидан олиб борилган ажойиб ишлар ўз самарасини кўрсатмоқда.* Газетадан.

**ЦИФЕРБЛАТ** [нем. *Zifferblatt* < *Ziffer* — рақам + *Blatt* — варақ; қават, қатлам] Стрелкали ўлчов асбобларида рақамли бўлинишларга эга бўлган пластинка; у бўйлаб ҳаракатланадиган стрелка учи ўлчанаётган катталик қийматини кўрсатади. *Рўнарадаги юмалоқ тарози циферблати устидаги мил ҳаракатга келди.* С. Анорбоев, Йўлда йўлдош бўлганлар. [Соатнинг] *Циферблати ҳам эски, рақамларига доғ тушган.* Ў. Умарбеков, Соат.

**ЦИФЕРБЛАТЛИ** Циферблат ўрнатилган, циферблати бор. *Циферблатли тарози.*

**ЦОКОЛЬ** [итал. *zoccolo*] **1** *архит.* Бино, иншоот ташқи деворининг, ҳайкал ва ш.к. нинг фундамент устига қурилган ва юқори қисмига нисбатан олдинга бир оз туртиб чиққан пастки қисми. *Бино цоколи. Цоколь плитаси.* ■ *Цоколь пишиқ ғишт, бетон ёки темир-бетон блоклардан ишланади.* «ЎЗМЭ».

**2** *тех.* Электрон ва чўғланма лампаларда лампани патронга бириктиришга хизмат қиладиган конструктив қисм.

**ЦУНАМИ** [яп. — ажал ва вайроналик келтирувчи тўлқинлар] Сув остида ёки соҳил бўйида кучли зилзила бўлганда ёки сув-ости вулканлари отилганда, денгиз устида пайдо бўладиган жуда катта, ҳалокатли тўлқинлар. *Бир неча мамлакатларда аҳолини цунамидан хабардор қилиш хизматлари тузилган.* «ЎЗМЭ».



**ЧАВАНДОЗ 1** [ф. چپ انداز — чап кўл билан ўқ (камон) отувчи; чапдаст; моҳир] От чоптириш, улоқ чопиш, отда ўйнаш санъатини эгаллаган одам. *Икки чавандоз ёнма-ён от йўрттириб келарди.* Ҳ. Фулом, Машъал. У [Авлиёқул] эски чавандоз, неча улоқларда қатнашиб, оёғи маймоқ бўлиб қолган. Мирмуҳсин, Тунги чақмоқлар.

**2** кўчма Илғор, пешқадам. *Олти йил ўтдими шунга, мана энди Анорхон бригадирлар чавандози.* Й. Шамшаров, Танланган асарлар. *Илм-фан йўлида моҳир чавандоз бўлаверинг.. кашфиётларингиз шуҳрату шон топаверсин.* Газетадан.

**ЧАВАНДОЗЛИК** Отда юриш маҳорати. *Славик эгарга ўтириб, «мана мен кимман!» дегандек, чавандозлигини кўз-кўз қилди.* И. Раҳим, Чин муҳаббат.

**ЧАВАТИ** шв. айн. **чапати.** Ҳар куни чол ўтинга чиқиш вақтида хотини иккита чавати қилиб берар экан. «Эртақлар».

**ЧАВГОН** [ф. چوگان — учи эгри таёқ] Учи эгри қилиб тайёрланган махсус таёқ; шу таёқ ва тўп билан от устида ўйналадиган жамоавий спорт ўйини. *Дарвозахонага яқинлашиб, симтўр билан ўралган майдончада чавгон ўйнаётган ёшларга яна кўзи тушди.* М. М. Дўст, Лолазор.

**ЧАВКАР 1** сфт. Ола-була; қора холли, хол-хол (от туси ҳақида). *Чавкар отда қоққан қозиқдек бўлиб ўтирган.. йигит: -Мана бу бўз хўп чарчатди мени, — деди.* Ш. Холмирзаев, Т. Усмонов, Сўнмас ўт.

**2** Шундай тусдаги от. *Нигора ўша куни нешин маҳалда чавкарини қора терга боти-*

*риб, Оқсойга кириб келди.* С. Анорбоев, Оқсой.

**ЧАВКОН** айн. **чавгон.** [Одамлар] *Отлари-ни гижинглашиб, «чавкон» ўйинидан қайтдилар.* Ойбек, Нур қидириб.

**ЧАВОҚ** Балиқ тури. *Ҳавода бир неча майда чавоқ ялт-юлт этди-ю, сувга тушиб кетди.* Қ. Кенжа, Тоғ йўлида бир оқшом.

**ЧАВОҚЛАМОҚ** Бир неча ерига пичоқ урмоқ, пичоқ уриб ичак-човоғини ағдармоқ. *Низомиддин читфуруш.. маст вақтида ўзини чавоқлаб кўйди.* С. Аҳмад, Сайланма.

**ЧАЁН 1** зоол. Ўргимчаксимонлар синфига мансуб бўлган бўғимоёқлилар туркумига кирувчи заҳарли ҳашарот. *Ривоятларга қараганда, чаён ўзининг вижир-вижир болаларини ўз елкасида олиб юрармиш.* А. Мухтор, Давр менинг тақдиримда.

**2** кўчма Тили аччиқ, бамисоли чаёндек чақувчи, газанда (одам ҳақида). [Султонали:] *Бу калтакесак ютган чаённинг юрагида сизга қарши катта адоват бор.* А. Қодирий, Меҳробдан чаён.

**Чаён чақиб олгандай ёки чаён чаққан одамдай** Бирданига тезлик билан; кучли даражада. *Умар акам бу гапни шу қадар ишонч билан айтдики, чаён чаққан одамдай санчиб туриб, бора солиб, ёқасига ёпишим келди.* Ў. Ҳошимов, Икки эшик ораси.

**ЧАЁНВАЧЧА 1** Чаённинг боласи.

**2** кўчма Газанда, ёмон одамнинг боласи. *Сиз билан бирга турмага киришга розиман, дадажон, аммо чаёнваччага [Неъматга] эрга тегмайман.* З. Фатхуллин, Булутсиз кўланка.

**ЧАЁНЎТ** Пояси ва барги заҳарли қилчалар билан қопланган, баданга тегса қаттиқ қичитадиган ёввойи ўт.

**ЧАЙИНДИ** Бирор нарса чайилгандан кейин қолган ифлос, кир сув.

**ЧАЙИР I I** Толалари маҳкам бириккан. ёрилиши, ишланиши қийин (ёғоч-тахта, ўтин ҳақида). *У чайир тўнкалар ёриладиган ўткир болтани олиб.. отхона томонга шахдам юриб кетди.* Ҳ. Фулом, Машғал.

**2** кўчма Бақувват, пишиқ, *Умар озгин, чиллакдек бўлса ҳам, жуда чайир.* С. Аҳмад, Сайланма. *Мансур.. унинг [Гавҳарнинг] нозик, аммо чайир қўлини маҳкам қисди.* Ў. Ҳошимов, Қалбингга қулоқ сол.

**ЧАЙИР II** Қуруқ даштларга мослашган, гуллари сарғиш, озуқабоп ва шифобахш ўтсимон ўсимлик. *Чайирнинг илдизларида шира – смола, крахмал, баргларида эфир мойи бор.* «ЎзМЭ».

**ЧАЙИРЛИК** Пишиқлик, кучлилик. *[Кўшилар] Оташнинг чайирлигини эслаб, Ойқиз холанинг кўнглини кўтаришади.* Р. Раҳмонов, Чангалзордаги шарпа.

**ЧАЙЛА** Шох-шабба, қамиш ва ш. к. дан одатда полиз экинлари тепасига вақтинча қурилган уйча; қапа. *Адирнинг қоқ ўртасига тоғам қамиш, шохлардан чайла қуриб олган эди.* «Шарқ юлдузи».

**ЧАЙМОҚ I** Ювилган нарсани тоза сувга ботириб ёки устидан тоза сув қуйиб, чайқаб тоза қилмоқ. *Болакай дарров чойнакни ариқчада чая бошлади.* Р. Файзий, Асад либоси.

**Кир чаймоқ** Ювилган кирларни тоза сувда чайқаб, совун юқини кетказмоқ. *Мўнтабархон ҳайрон бўлди-ю, кирларини тез-тез чайиб қўя қолди.* «Муштум».

**2** Ювмоқ. *[Яхшибоев] Шошилмай ванна-хонага кириб, юз-қўлини чайиб, артиниб, шундан кейингина ичкарига ўтди.* М. М. Дўст, Лолазор.

**3** Пок, тоза тутиш ёки даволаш учун сув ёки бирор доривор суюқлик билан ювмоқ; чайқамоқ. *Оғиз чаймоқ. Томоқни сода билан чаймоқ.* ■ *Садаф каби оқ тишларини бир-икки чайди-да, ариқ бўйини ва унинг сувларини ташлаб кетди.* А. Қодирий, Ўтган кунлар.

**4** Ҳўл, нам қилмоқ (ёғин-сочин, шудринг ҳақида). *Кечагина ёққан жала ўтланлар билан гиёҳларни чайиб ўтибди.* Н.

Фозилов, Дийдор. *Шудринг чайган ёлғизоёқ йўлдан юқорига унсиз юришди.* «Ёшлик».

**ЧАЙНАЛГАН I** **Чайнамоқ** фл. сфдш. *Чайналган гўшт.*

**2** кўчма Кўп марта эшитилган, сийқаси чиққан; эски. *Чайналган мавзу.* ■ *Миялари бошқа нарса билан машғул бўлган косиблар, эснашдан ўзларини зўрға тийиб, чолнинг минг марта чайналган гапини тинглар эдилар.* М. Осим, Элчилар.

**ЧАЙНАЛМОҚ I** **Чайнамоқ** фл. мажҳ. н. *Чайналган нон.*

**2** кўчма Ўнғайсиз ҳолатга тушиш натижасида ноаниқ гапирмоқ. *Йигит гапини йўқотиб чайналди.* С. Аҳмад, Уфқ. *Чол алланарса деб чайналди-да, ҳисобчиға бир қараб кўйди.* Ш. Холмирзаев, Тоғларга қор тушиди.

**3** кўчма Гап-сўз бўлмоқ. *Аввало, одамларнинг оғзига тушма, оғизга тушганиндан кейин, сақич бўлиб чайналасан.* И. Раҳим, Зангори кема капитани.

**ЧАЙНАМ** (нумератив сўзлар билан бирга қўлланади) Оғизда чайнашга лойиқ бирор нарса. *..бир бутун сигир гўшtidан бир чайнам ҳам бизга насиб бўлмади.* Ф. Фулом, Шум бола.

**ЧАЙНАМОҚ I** Оғиздаги таомни тишлар орасида майдаламоқ, юмшатмоқ. *Аҳмад парвойи палак, оғзини тўлдириб, нон чайнади.* Ф. Мусажонов, Ҳиммат. *Отлар пишиқиб туриб, хушбўй ҳўл бедани иштаҳа билан чайнамоқда эдилар.* Ойбек, О. в. шабадалар.

**2** Тирикчилик учун ишлатмоқ. *[Яхшибоев:] Майда чайнаб есанг, бу пул сенга кўп йилга етади.* М. М. Дўст, Лолазор.

**3 с. т. айн. Ғажимоқ 5.** *Машина қўлини чайнаб кетибди.*

**4** кўчма Бировни гийбат қилмоқ, ёмонлаб гапирмоқ; койимоқ. *Дадаси билан ойиси ҳамон унинг опоқ дадасини «чайнаётган» эди.* «Ёшлик». *[Ёрқиной] Бир кунни тўйга борган эди, хотин-халаж нуқул уни «чайнаб» ўтиришди.* Р. Раҳмон, Меҳр қўзда.

**5** кўчма салб. Бир гапни ҳадеб қайта-равермоқ; гапни чўзмоқ; ҳал бўлган масалани яна айлантириб муҳокама қилавермоқ. *[Бутабой] Ўзи ҳам аниқ-равшан бир сўз айтолмай, гапни чайнай бошлади.* А. Қаҳҳор, Қўшчинор чироқлари.

**Чайнаманг шиминг айн. обакидандон.** *[Зумраднинг] Қулоғидаги шиша исирға худди бир парчагина чайнаманг шимингдек йилтил-*

лаб турар. эди. А. Мухтор, Бўронларда бордек ҳаловат.

**ЧАЙНВОРД** [ингл. chain — занжир, ҳалқа + word — сўз] Занжир шаклида кетма-кет жойлашган катакларни ҳарфлар билан тўлдиришдан иборат бошқотирма тури; бунда қидирилаётган сўзлар қаторидаги аввалги сўзнинг охириги ҳарфи кейин келувчи сўзнинг биринчи ҳарфи бўлиб келиши талаб қилинади.

**ЧАЙҚАЛМОҚ 1** **Чайқамоқ** фл. мажҳ. н. *Чайқалган кирларни ёймоқ.*

2 У ён-бу ён тебранмоқ, лапанглаб ҳаракат қилмоқ. *Юрганда букчайиш, у ёқ-бу ёққа чайқалиш, оёқларни бир-бирига уриб юриш ярамайди. «Фан ва турмуш». Чайқалади денгиз беором..* Файратий.

3 *кўчма* Тўлқинланмоқ, жунбушга келмоқ, ҳаяжонланмоқ *Ёш қалблар ҳаяжондан тўлқин каби чайқалади. «Ёшлик». Юрагида дард тўлқини бирдан кучли чайқалиб кетди.* Ойбек, Танланган асарлар.

4 *кўчма* Нотинч, безовта бўлмоқ. *Кекса дилингизга тушмасин титроқ, Оталар, чайқалиб турибди олам.* А. Орипов. [Ҳилол буви:] *Нима гап ўзи, нега замон чайқалиб қолди?* Ойбек, Улуғ йўл.

**ЧАЙҚАЛТИРМОҚ 1** **Чайқалмоқ** фл. орт. н. Тўлқин кемаларни *силтаб-силтаб, чайқалтириб ташляпти.* Т. Рустамов, Мангу жасорат.

2 *кўчма* Кўзгатиб юбормоқ; руҳиятда ўзгаришни юзага келтирмоқ. *..ҳали қизалоққа дастлаб кўз ташлаган пайтида вужудида кўзбалғани илиқлик қалбининг тубтубида беркиниб ётган бошқа ҳис-туйғуларини ҳам чайқалтириб юборди.* Х. Тўхтабоев, Йиллар ва йўллар.

**ЧАЙҚАМОҚ 1** айн. **чаймоқ.** *Кунлардан бирида бир тўда банди хотинлар тоғдан анҳорга кир чайқагани тушишди.* С. Аҳмад, Ҳукм.

2 У ён-бу ён тебратмоқ. *Бошини чайқамоқ. ■ Улғай эна афсус билан бош чайқади. «Шарқ юлдузи».*

**ЧАЙҚАТМОҚ 1** **Чайқамоқ 1** фл. орт. н. *Кирни икки марта чайқатмоқ.*

2 Ҳар ёнга тўлқинлатмоқ, тебратмоқ. *Сувни чайқатмоқ. ■ Шамол ўт-ўланларни чайқатар, ёввойи жийда шохларини буйдаларди.* С. Аҳмад, Жимжитлик.

**ЧАЙҚОВ** Олибсотарлик; олиб-сотиш, олиб-сотув. *Кўса эртасига каллаи саҳарлаб етиб келди. Авжи чайқов вақти экан, бақирик-чақириклар қулоқни қоматга келтиради. «Муштум».*

**Чайқов бозор(и)** Олибсотарлар савдо қиладиган бозор. [Аҳмаджон] *Катта чайқов бозорида юргандай боши гувуллаб кетди.* С. Кароматов, Ҳижрон.

**ЧАЙҚОВЧИ** Олибсотарлик билан шуғулланувчи шахс, олибсотар; спекулянт.

**ЧАЙҚОВЧИЛИК** Чайқов билан шуғулланиш; спекуляция. *Белига ўн-ўн беш рўмонли ўраб олиб.. бемалол чайқовчилик қилиб юрган эмиш.* С. Сиёев, Ёруғлик.

**ЧАК** [ф. چك — томчи] тақл. с. Томчининг урилишидан ҳосил бўладиган товушни билдиради. *Тарнов бўғотларида осилиб турган сумалаклар офтобда йилтиларди-ю, чак этмасди.* Р. Файзий, Ҳазрати инсон.

**ЧАКАК 1** анат. Пастки жағ. *..раис эса тиши оғриган кишидек, икки кафти билан чакагини ушлаб, асабий уйлаб ўтирарди.* Н. Аминов, Қаҳқаҳа.

**Чакаги очилмоқ** Тинимсиз гапиравермоқ, эзмаланмоқ. *Ҳожиматнинг чакаги очилиб, гапга тушиб кетди.* С. Аҳмад, Қадрдон далалар. **Чакаги очиқ 1)** йиғлоқи (бола ҳақида); 2) сергап, эзма. *-Бунча чакаги очиқ одамсиз.. — деди регистрация қилувчи хотин чолга кўзларини олайтириб. «Муштум»;* 3) тинимсиз овоз чиқарадиган ҳайвонлар (ит, сигир, қўй каби) ҳақида. *..чакаги очиқ итларнинг вовуллаши, отларнинг кишнаши сокин қишлоқни ғала-ғовурга тўлдирди.* А. Муҳиддин, Ҳ. Тожибоев, Оташ қалбли қиз.

**Чакаги тинмайди 1)** кўп бетўхтов гапиради; эзма. *Тарози шайинларини муттасил лиқиллатиб турганларнинг чакаги тинмайди. «Муштум».* **Чакаги тушмоқ** Гапира-гапира чарчамоқ; бирор гапни кўп таъкидламоқ. *Бу ҳақда гапиравериб, чакагим тушди.* **Чакак урмоқ айн. чакаги тушмоқ.** [Ойшахон:] *Улар ҳолатга етдим-ку бу қизингизга чакак уравериб.* А. Муҳиддин, Айбсиз айбдор. **Чакаги чакагига тегмаслик 1)** тез ва кўп гапирмоқ; эзмаланмоқ; 2) кўп овоз чиқармоқ. *Ора-сира пулемётлар чакаги чакагига тегмаган газабли лайхмадай акиллаб қўяди.* Ойбек, Қуёш қораймас; 3) кўп, тинимсиз йиғламоқ (бола ҳақида).

**ЧАКАК** II Оёқ кийимининг юзи билан дастагининг бирлашган ери, ёни. *Қатнай-қатнай кавушимнинг чакаги тушди.*

**ЧАКАКЛИ** I Серйиғи, йиғлоқи. *Чакакли бола.*

2 Сергап, эзма. *Чакакли хотин.*

3 *кўчма* Ебтўймас, очофат. -*Вой-буй, — деди чол [Шум болага], — чакаклигина мол кўринасан, қирдаги киши нега сени сўкиб кетаётибди бўлмаса?* Ғ. Фулом, Шум бола.

**ЧАКАК-ЧАКАК** Ориқ, юз гўштлири кам. *Дадамат аканинг қотма ва абжиз гавдасига мос чакак-чакак қорамажиз башараси Аҳмадга кўпроқ ёқарди.* Ғ. Мусажонов, Ҳиммат.

**ЧАКАЛАК** Шохлари бир-бирига чалкашиб кетган қалин бутазор ёки дарахтзор. *Ҳовли орқасидаги чакаладан секин-секин ой кўтарила бошлади.* Ойбек, Танланган асарлар. *Бир кун чакалакка ўтин кесгани бордик.* «Зумрад ва Қиммат».

**Чакалакка қочмоқ** (ёки **урмоқ**) Ўзини бирор ишдан четга тортмоқ, ўзини қуруққа олиб қочмоқ. *Қодиров салгина шаштидан тушиб, бўшашгандай бўлди: -Нима учун қилғиликни қилиб, чакалакка қочасан?* Ш. Рашидов, Бўрондан кучли.

**ЧАКАЛАКЗОР** Чакалак босган жой; бутазор. *Чакалакзордан бир ҳақка «шақ-шақ»лаб, узун думини чўзсанча, нариги соҳилга учиб кетди.* С. Нуров, Майсаларни аёз урмайди.

**ЧАКАМУҒ** Ёпишқоқ юмалоқ тиканли, япалоқ баргли ёввойи бир йиллик ўтсимон ўсимлик ва унинг тиканаги. *Калта думига дарҳол алақадардан чакамуғ ёпиштириб олган эшак ютоқиб, ўзини ўтга урди.* Х. Султонов, Онамнинг юрти.

**ЧАКАНА** [ф. چڪنه] I Доналаб, майдалаб ёки кичик тўп билан сотиладиган ва сотиб олинадиган. *Чакана савдо.* ■ *Чакана нархларни ўзгартириш мумкинлиги, шубҳасиз, ҳозирги пайтда энг мунозарали масаладир.* Газетадан.

2 Унчалик аҳамиятга эга бўлмаган; арзимас, майда-чуйда. *Ҳосият холанинг эрлари ҳам чакана пахтакор бўлмаган эканлар.* Р. Файзий, Чўлга баҳор келди. *Гушт-ёғ ўз қўлингизда. Даромад ҳам чаканамасдир?* С. Анорбоев, Оқсой. *Чакана ганга қулоқ йўқ. Иш кечикади.* Ҳ. Назир, Сўнмас чақмоқлар.

3 *шв.* Майда чорва моллари, қўй-эчки ва аҳолига тегишли шундай молларни боқувчи. *Шу кундан эътиборан аскар чакана чўпон бўлди.. Адирда узун кун чакана мол боқди.* Т. Мурод, От кишнаган оқшом.

**ЧАКАНАЛАБ** *рви.* Доналаб, майдалаб, чакана. *Чаканалаб олмоқ. Чаканалаб сотмоқ.* ■ [Тожибой] *Ҳатто қалампирдан тортиб, сақич, қуртгача олиб чиқиб қўяр, зориққанларга чаканалаб сотар эди.* С. Зуннунова, Гулхан.

**ЧАКАНАЧИ** Чакана савдо қилувчи, чакана савдо билан шуғулланувчи.

**ЧАКАНА-ЧУКАНА** с. т. Унчалик аҳамиятга эга бўлмаган; арзимаган, майда-чуйда. *Чакана-чукана гап.* ■ *Ғунажин пулланди.* [Нодир] *Чакана-чукана қарзлардан қутулди.* Ж. Абдуллахонов, Тўфон.

**ЧАКАНДА** [ф. چڪنده] Жийдадошлар оиласига мансуб, сариқ нордон майда мевали, сертикан доривор бута ва унинг меваси. *Қаршисидаги шохи синган чакандага тикилиб турган Усмоновнинг фикри тўхтамага келиб, хўрсинди.* Н. Қобил, Унутилган соҳиллар. *Чаканда мевасидан фармацевтика саноатида мой олинади.* Газетадан.

**ЧАКАС** Ов қуши қўндириладиган сим қўндоқ. *Қора йўрға бўлсин барин мингани.. Юэта чакас берсин қушлар қўнгани.* «Бўта-кўз».

**ЧАКИДА** [ф. چڪيده — томган, томиб турган] *айн.* **қорадори.** *Зокир булбул баъзи-баъзида кўкнорининг чакидасидан ичиб юрди.* Ш. Бўтаев, Қўрғонланган ой.

**ЧАКИДАХҲҲҲ** [ф. چڪيدهخور — чакида истеъмол қилувчи] Қорадори истеъмол қилувчи; банги. *Чакидахҳҳ мулла Содиқоҳун.. тузоқларига тушадиган аҳмоқ тополмасдан, кучала еган итдек тиришиб қолдилар.* «Муштум».

**ЧАКИЛЛАМОҚ** Чак-чак томмоқ, томиб турмоқ. *Токнинг қайчи теккан танасидан чакиллаб шарбат томди.* «Саодат».

**ЧАКИЧ** Нонни чакичлаш учун дастали ёғоч каллакка бир текисда сим қоқиб ёки парранда патларини дасталаб боғлаб ясалган уй-рўзгор асбоби. *Сим чакич. Пат чакич.* ■ *Тандирда ёғлиқ хамир аста вижирлаб, бўртиб, чакич ўринлари дарҳол шаклланди.* Ҳ. Фулом, Тошкентликлар.

**ЧАКИЧЛАМОҚ** Нонга чакич урмоқ, чакич босмоқ.

**ЧАККА I** Бош суягининг ёноқлар билан пешона оралиғидаги ён қисми. *Чакка суяги. Чакка томирлари.* ■ *Валиеванинг бир ўзи столга тирсагини таяб, икки кафти билан чаккасини қисиб ўтирибди.* Ў. Ҳошимов, Қалбинга қулоқ сол.

**Чаккага тегмоқ** Жонга, меъдага тегмоқ, зериктириб юбормоқ; жондан тўйдирмоқ. *Жанжал чаккамга тегди.* ■ *Қор, ёмғир айниқса Шокир отанинг чаккасига теккан эди.* Ойбек, Танланган асарлар.

**ЧАККА II** [ф. چگه — томчи; томиш; оқим] **1** Томнинг бирор жойидан сизиб ўтиб, шипдан уйнинг ичига томаётган ёмғир ёки эриган қор томчиси. *Куз келиб, ёнғингарчилик бошланди. Томнинг қамиши эскирган бўлса керак, чакка ўтиб қолди.* Ҳ. Фулом, Машғал.

**2** (фақат бўлишсиз шаклда) Мутлақо, ҳеч; бир томчи ҳам, бир қатра ҳам. *Бир чакка ҳам ёғ қолмабди. Уйда ичишга чакка сув йўқ.*

**ЧАККА III** [ф. چگه — томчи; томиш] Сузмага ошкўклар аралаштириб тайёрланадиган парҳез таом. [*Қурбон:*] *Чеча, чой, овқат керак эмас. Агар чакка бўлса, қудуқ сувидан чалоб қилиб берсангиз.* С. Нуров, Нарвон.

**ЧАККАЗАРЬ** [чакка + зарб] с. т. Асабий; жаҳли тез. *Шундоқ дейсиз-у, Зокирим ўқтин-ўқтин ичадиган одат чиқарди.. Зўрам [келиним Зухра] ҳам чакказарброқ бўб қолди.* Ў. Ҳошимов, Икки эшик ораси.

**ЧАККАХОНА** [чакка + хона] Ҳамма жойидан чакка ўтиб ётган хона, уй.

**ЧАККИ I 1** Ёмон; қониқарсиз. *Бу ерда унинг турмуши чакки бўлади.* С. Анорбоев, Оқсой. -*Ғўзаларимиз чакки эмас, — дейди полвон.* А. Қодирий, Обид кетмон. -*Башоратдан бошқа ҳаммамиз умуман чакки баҳо олмадик, — деди Зайнаб.* «Шарқ юлдузи».

**2** Ножўя, ноўрин. *Чакки юрсанг, дакки ерсан.* Мақол. ■ -*Чакки гап айтган бўлсам, узр, отахон, — йигит хижолатда қолган эди.* «Гулдаста».

**3** Бекор, беҳуда. *Асли бугун ҳам чакки овора бўлгансиз.* А. Қодирий, Меҳробдан чаён. -*Бу кишини чакки умидвор қилибсиз, мендан бир оғиз сўрасангиз, ёмон бўлмас эди, — деди киноя билан [директор].* С. Кароматов, Ҳижрон.

**Чакки қилмоқ** Ёмон иш қилмоқ; хато қилмоқ. *Кекса одамнинг дилини ранжитиб, чакки қилибсан.* Газетадан.

**ЧАККИ II** *шв. айн. чакка II. Чакки ўтган эски томга ўхшайман, Кўзимдан ёмғирлар тўкилар тинмай.* М. Юсуф.

**ЧАККИ-ЧУККИ** с. т. Бўлар-бўлмас, чакки, ножўя. *Чакки-чукки гап.* ■ *Майхонада Аҳмад маст бўп қолган-да, Чакки-чукки Аҳмад кўп гап айтган-да.* «Юсуф ва Аҳмад».

**ЧАКМА** *айн. чатма I.*

**ЧАКМАЗАК** [ф. چکميزک — сўзак; сийдик тутолмаслик] *тиб.* Сийдик тутолмаслик, сийдик оқиб туриши касаллиги.

**ЧАКМОН** Одатда жун матодан тикиладиган эркакча узун қишки тўн. *Чойхонанинг бурчагида, куннинг даҳшатли ёнугига қарамай, қалин, қора жун чакмонга ўралган қозоқ деворга суяниб мудрар.. эди.* Ойбек, Танланган асарлар.

**ЧАКМОҚ I** с. т. Чекмоқ. *Папирос чакмоқ. Нос чакмоқ.*

**ЧАКМОҚ II:** **чакич чакмоқ** *айн. чакичламоқ.*

**ЧАКСА** *эск.* Ўзбекистон ҳудудидаги қадимги ўлчов бирлиги (асосан, пуднинг 1/3 қисмига тенг бўлган). *Чумчуқ семирса, чакса келмас.* Мақол. *Уйда чакса уни йўқ, Том бошида қўш тандир.* Мақол.

**ЧАКЧАК** Угра шаклидаги хамирни ёғда қовуриб, устидан асал қуйиб тайёрланадиган ширинлик. *Бундай мўрт хамирдан печенье, чакчак, ўрама каби таомлар тайёрланса, оғизда уқаланиб туради.* К. Маҳмудов, Ўзбек тансиқ таомлари.

**ЧАК-ЧАК Чак** с. тақр. *Чак-чак томмоқ.* ■ *Гўрўлибекнинг бурнидан чак-чак қон кетди.* «Гўрўлининг тугилиши». У [Ширмонхон] ҳар киприк силкитганида, юзини ювган кўз ёшлари газета юзига чак-чак томарди. С. Зуннунова, Олов.

**Бурнидан (ёки юзидан) чак-чак заҳар томади** Тили жуда ҳам аччиқ, заҳар одам ҳақида.

**ЧАЛА I** Маромига ёки тамомига етказилмаган, битказилмаган, тамомланмаган. *Чала уй. Чала иш. Бола — боланинг иши чала.* Мақол. ■ *Ҳали яна бир оз яшайдан умидворман, чала ишларим бор.* С. Нуров, Нарвон.

**2** Тўлиқ эмас, нотўла, ярим-ёрти. *Камбағалнинг бир тўйгани — чала бой бўлгани.* Мақол. ■ *Чаласига биз қарздор.* А. Қаҳҳор, Олтин юлдуз.



3 Вақтидан олдин, етилмасдан тушган, барвақт туғилган. *Қандли диабет хасталиги кўпинча ҳомиланинг чала ёки мажруҳ туғилишига сабаб бўлади.* «Саодат».

4 *от* Ёниб битмаган ёки куйиб тугамаган ўтин. *Куллар кўкка учар, чўғлар кулга ботар, чалалар чўққа айланар эдилар.* А. Қодирий, Мехробдан чаён. *Уларнинг [одамларнинг] ярим юмуқ кўзлари ўчоқда биқсиб, қизариб ёнаётган чалаларга тикилган эди.* П. Турсун, Ўқитувчи.

5 *спрт.* Ўзбек курашига оид атама.

6 Кўшма сўзлар таркибига киради, мас. *чалабош, чаласавод.*

**ЧАЛАБОШ** Сочи чала-чулпа олинган. *Чалабош бола.*

**ЧАЛАБУТАЛАР** *бот.* Танасининг фақат пастки қисми ёғочланиб, юқори қисми қишда қуриб қоладиган кўп йиллик ўсимликлар. *Чалабуталар кўп йиллик ўтлардан куртак чиқарадиган шохларнинг ер устидан бир неча сантиметр юқорида ўрнашганлиги билан фарқланади.* «ЎзМЭ».

**ЧАЛАЖОН** Ўлар ҳолатига келган, жони чиқай деб турган, ярим тирик. *Чалажон қилиб урмоқ.* ■ *Бир бандани чалажон қип қўйиб, қаёққа қочмоқчисан? «Ёшлик».* Намозшомда чалажон дадамизни аравада эшикка келтиришди. М. Мансуров, Ёмби.

**ЧАЛАКАМ-ЧАТТИ** *айн. чала-чулпа.* Чўлнинг чўтир бетиде чалакам-чатти ўсган янтоқлар қуриб, сарғайиб ётибди. Ҳ. Фулом, Замин юлдузлари.

**ЧАЛАМА-ЧАТТИ** *айн. чала-чулпа.* *Лекин унинг [Аҳмаднинг] чалама-чатти ҳаракатига қайиқ жойидан жилмади ҳам.* Ё. Шукуров, Қайиқ чайқалади.

**ЧАЛАМУЛЛА** 1 *с.т.* Саводи тўлиқ чиқмаган киши. -*Сиз чаламулласиз, Файбаров!* — деди Ҳайкал Фаниевич. М. М. Дўст, Галатепага қайтиш.

2 *сфт.* Ўз соҳасини яхши эгалламаган, билмайдиган; билимсиз. [*Профессор:*] *Мурдани кўрса, лабига учуқ тошадиган чаламулла врачларни кўргани кўзим йўқ!* Ў. Ҳошимов, Нур борки, соя бор.

**ЧАЛАСАВОД** Тўлиқ саводга эга бўлмаган, чала ўқиган; саводи кам. *Тўғонбек чаласавод бўлса ҳам, илм-фаннинг қадрини яхши билади.* Ойбек, Навоий.

**ЧАЛАСАВОДЛИК** Саводи тўлиқ бўлмаслик, саводи пастлик. [*Сауд:*] *Дадамнинг*

*бундай пастлаб кетишларига.. чаласаводликлари ҳам сабабчи.* Э. Раимов, Ажаб қишлоқ.

**ЧАЛА-ЧАТТИ** *айн. чала-чулпа.* *Ҳайтовур, дадам ёшлигида шоҳи тўқишни чала-чатти ўрганиб олган экан.* Ойбек, Танланган асарлар.

**ЧАЛА-ЧУЛПА** 1 Наридан-бери; чала қилинган, маромига етказилмаган. *Мансур эрталаб чала-чулпа нонушта қилиб, Раҳмоннинг ёнига етиб борди.* Ё. Шукуров, Уч савол.

2 Тўлиқ эмас, ярим-ёрти. *Қия очик эшикдан ичкаридаги сўхбат қулоғига чала-чулпа эшитилди.* Й. Шамшаров, Гурумсаройликлар.

**ЧАЛА-ЯРИМ** 1 *айн. чала-чулпа.* *Чала-ярим иш.*

2 *айн. чала-чулпа* 2. *Бувимнинг «оҳ-воҳи» қулоғимга чала-ярим эшитиларди.* Э. Раимов, Ажаб қишлоқ.

**ЧАЛАҚУРСОҚ** Ярим оч; тўйиб овқат емаган. *Чалақурсоқ бўлиб қолмоқ.* ■ *Борни тежаб йўндириб, дам оч, дам чалақурсоқ бўлиб яшадик.* Ойбек, Танланган асарлар.

**ЧАЛДИВОР** *с. т.* Вайрона ҳолга келган ҳовли-жой. [*Аваз*] *Боғи эрамга пойи пиёда бораёттир эди, ногоҳ йўл устида олдидан бир чалдивор чиқиб қолди.* «Балогардон».

**ЧАЛИНМОҚ** 1 Чалмоқ фл. мажҳ. н. *Карнай халқнинг қадимий чолғуларидан. У асосан тўйларда чалинади.* Газетадан. *Чалинганда кўнғироқ, Синфингда бўл, эй чироқ! Қ. Муҳаммадий. Шу онда қаттиқ қарсак чалинди-ю, ҳамма гуруллаб ўрндан турди.* А. Қаҳҳор, Қўшчинор чироқлари.

2 Чалмоқ II фл. ўзл. н. *Учинчи минутда Ҳайдар рақибини суриб бораёттиб, чалиниб, йиқилиб тушди.* И. Раҳим, Ихлос.

**Гапга чалинмоқ** Гап-сўз бўлмоқ, оғизга тушмоқ. **Касалга (ёки дардга) чалинмоқ** Бирор касаллик билан оғриб қолмоқ; касал бўлмоқ. *Қанд касалига чалинган одамнинг тишлари мўрт бўлади.* К. Қаҳҳорова, Чорак аср ҳамнафас. *Бу вақт унинг [Умиднинг] дардга чалиниб қолган пайти эди.. Мирмуҳсин, Умид. Кўзга чалинмоқ* Кўринмоқ; кўзга ташланмоқ. *Бир вақт узоқда — олдинда қорайинқираб саквовулзорми, юлғунзорми, кўзга чалинди.* М. Мансуров, Ёмби. **Қулоққа чалинмоқ** 1) эшитилмоқ. *Тун сукунатида отларнинг дупури қулоққа баралла*

чалинарди. П. Қодиров, Юлдузли тунлар; 2) бошқалардан эшитиб, бирор хабар, янгликдан воқиф бўлмоқ. [Шофёр:] Қулогингизга чалингандир — отам ҳаждалар. «Муштум».

**ЧАЛИШМОҚ 1** Чалмоқ I фл. бирг. н. Чапак чалишиди. Оқатга занг чалишиди. ■ Созандалар бир тўхтаб, уфор чалишиди. А. Қаҳҳор, Кўшчинор чироқлари.

2 Юрганда, қадам ташлаганда бир-бирига урилмоқ, қоқилмоқ, чалкашмоқ (оёқ ҳақида). Оёқлари тақимигача қорга ботар, баъзан чалишиб кетарди. С. Анорбоев, Оқсой.

3 эск. Ҳаракат қилмоқ, меҳнат қилмоқ.

4 кўчма Сузилиб, юмилиб кетмоқ; юмилиб кетмоқ (кўз ҳақида). Уста Абдуғафур уйқуси келиб мудраётган одамдек, кўзлари чалишиб, боши қийшай бошлади. Мирмуҳсин, Меъмор. Офтобнинг шўғласига қарагандек, Гурўғлининг икки кўзи чалишиб қолди. «Гулшанбоғ».

**ЧАЛИШОЁҚ** Оёқлари бир-бирига урилиб, тегиб юрадиган, оёғи чалишадиган. Чалишоёқ одам.

**ЧАЛИШТИРМОҚ** Оёқларини ёки қўлларини бир-бирининг устига қўймоқ. Аммо Анвар.. қўлини чалиштириб, хотиржам турарди. Ў. Ҳошимов, Қалбингга қулоқ сол. Ўрта бўйли официантка деворга суюянанича қўлларини чалиштириб, лоқайд бир қиёфада турарди. М. Хайруллаев, Фурур.

**ЧАЛКАШ 1** Чигаллашиб кетган; айқаш-уйқаш, бетартиб. Чалкаш ип. Чалкаш ёғочлар.

2 кўчма Англашилиши қийин; чигал. У [Заргаров] энди қандайдир чалкаш, мавҳум руҳий қийноқлардан қутулгандек. тиниқ ўй сура бошлаган эди. А. Мухтор, Бўронларда бордек ҳаловат. У ўзининг чалкаш қисмати қизининг ҳам бошига тушишини хоҳламади. Ў. Ҳошимов, Қалбингга қулоқ сол.

**ЧАЛКАШЛИК** Ноаниқлик; чигаллик; хато. Чалкашликка йўл қўймоқ. Чалкашликни бартараф қилмоқ. ■ Фурқатнинг ўз сўзларида ҳам баъзи чалкашликлар бор. Газетадан.

**ЧАЛКАШМОҚ 1** Бетартиб равишда бир-бирига ўралмоқ; чигаллашиб кетмоқ. Чалкашган сим. ■ Чалкашиб ётган наъматак, ёввойи жийдалар ҳиссиётларингизни қитиқлайди. «Шарқ юлдузи».

2 Тушуниб бўлмайдиган ҳолга келмоқ. Менимча, болалар бўлимидаги ишлар чал-

кашиб, айқаш-уйқаш бўлиб кетганга ўхшайди. «Муштум».

3 кам кўлл. айн. **чалишмоқ 2**. Нима бўлди-ю, Мели полвоннинг оёқлари чалкашиб кетиб, пахта тўлдирилган қондай лапанглаб йиқилди. П. Турсун, Ўқитувчи.

**ЧАЛКАШТИРМОҚ 1** Чалкашмоқ фл орт. н. Симларни чалкаштирмоқ.

2 кўчма Чувалаштирмоқ, чигаллаштирмоқ. Бир-бирини инкор қилувчи гаплар Бобурнинг хаёлларини чалкаштириб юборди. П. Қодиров, Юлдузли тунлар.

3 Адаштирмоқ, янглиштирмоқ. Нега уни мен билан чалкаштиришади, қани айт-чи, ўхшашлигимиз бўлмаса? А. Мухтор, Чинор.

4 кам кўлл. айн. **чалиштирмоқ**. Оёқларни чалкаштириб ўтириш японлар учун бетакаллуфлик ҳисобланади. Ф. Саломов, Таржима назариясига кириш.

**ЧАЛКАШ-ЧУЛКАШ** Бош-кеги йўқ, жуда чалкаш, чигал. Чалкаш-чулкаш маълумотлар.

**ЧАЛМА 1** Кўй-эчки оёғи остида тўпланиб, қатлам ҳосил қилган гўнг. Абдусамад эрталабдан кун қиёмга етгунча пишиллаб чалма чопди. Ш. Бўтаев, Қўрғонланган ой.

2 Мол гўнгидан катта чамбарак қолипга солиб ясалган ёқилғи. Чалма қуймоқ. ■ Саккиз гектар чиқадиган ўрикзорга қараш, баҳор аёзларида чалма тутатиш Омоннинг бўйнида эди. Ш. Холмирзаев, Бодом қишда гуллади.

**ЧАЛМА 2** шв. айн. салла I. [Қори] Чопонининг устидан чакмонини кийди, бошини чалмаси билан танғиди. Ш. Тошматов, Эрк қуши.

**ЧАЛМА 3** Дўппи, тўн ва ш.к. нинг четига тутиладиган энсиз жияк. Дўппи чалмаси. Тўн чалмаси.

**ЧАЛМАК** махс. Чархнинг дук ўрнатиладиган айрисимон қисми.

**ЧАЛМАШМОҚ** шв. қ. **чалишмоқ 2**. Мирвали тоға.. кетига тисарилиб бораркан, оёғи чалмашиб йиқилди. «Шарқ юлдузи».

**ЧАЛМАҚОВОҚ** бот. Ошқовоқнинг салласимон бир тури.

**ЧАЛМОҚ 1** I Мусиқа асбобида бирор куй, оҳанг ижро этмоқ. Ногорачи йигит уста экан! Шундай берилиб, шундай терга ботиб чалдики, осмон пардасини йиртиб юборгудай бўлди. Ў. Ҳошимов, Қалбингга қулоқ сол.

2 Садо, овоз чиқарадиган, сигнал берадиган асбобларни ишга солмоқ. *Кўнғироқ чалмоқ. Гудок чалмоқ. Ут ўчириш машинаси устма-уст сигнал чалди.*

3 Бирор аъзо воситасида товуш, садо, овоз чиқармоқ (одам ҳақида). *Шер чапак чаламан деб, қўлидан кўкчани тушириб юборишига сал қолди.* С. Анорбоев, Ҳамсуҳбатлар. *Ашур икки бармоғини оғзига тиқиб, ҳуштак чалди.* Н. Аминов, Қаҳқаҳа.

4 Садо, овоз чиқармоқ (жонсиз нарсалар ҳақида). *Мен борай, куртаклар кутиб қолдилар.. Мен борай, шамоллар ҳуштак чалдилар.* «Ёшлик». *Еллар чалган чапакдан Новдалар ухлар қониб.* «Ёшлик».

**Чапак чалиб қолмоқ қ. чапак. Қорни ногора чаляпти** ҳазил Қорни оч киши ҳақида. *Пулим йўқ, қорним ногора чаляпти, дейдиганларга гоҳ бир сўм-ярим сўм чойчақа ташлаб ўтишади.* Х. Тўхтабоев, Йиллар ва йўллар.

**ЧАЛМОҚ II 1** Бировнинг оёғини ўз оёғи билан илиб, тепиб, уни йиқитмоқ ёки гандираклатмоқ. *Зарина эччиллик билан Сипарангизни чалиб, уни йиқитиб юборди.* М. Осим, Карвон йўлларига.

2 *кўчма* Халал бермоқ; зарар етказмоқ. *Биламан, бари ишини ўша қиляпти, менга ўчакишган, қадамда чалмоқчи бўлади.* «Ёшлик».

3 *шв.* Кесмоқ, қирқмоқ, йиқмоқ. *Қирқ жаллод ҳунарини бошлади, Ким кўндаланг бўлса, чалиб ташлади.* Эргаш Жуманбулбул ўғли. *Индамай ўроқ чалавердим.* «Ёшлик».

**Гап билан чалмоқ** Гап билан узиб олмоқ. *Пайти келганда, Микола илмоқдор қилиб, гап билан чалиб ташлар эди.* С. Анорбоев, Дўстлар. **Жин** (ёки **ажина, арвоҳ, дев**) **чалди с.т.** Асаб касаллиги туфайли оғзи, юзи қийшайиб қолган, дардга чалинган кишига нисбатан айтиладиган ибора. *Ажиналар тепага яқинлашган одамни чалиб, кўзини ғилай, оғзини қийшиқ, оёғини шол қилиб ташлаган эмиш.* А. Кўчимов, Ҳалқа. **Касал** (ёки **дард**) **чалди** Касалга йўлиқди, касал бўлди. *Узи ўлимдан қолди, худо раҳм қилди. Мана энди қизини дард чалди.* А. Мухтор, Опасингиллар.

**ЧАЛМОҚ III 1 шв.** Ўрамоқ, боғламоқ; тақмоқ. *Ўнг қўлини тўлаб олиб, Бошга рўмолини чалиб..* «Нурали». [Авазхон:] *Майдон кунни бедовимни елайин, Олмос, пўлат*

*қайраб, белга чалайин.* «Гулшанбоғ». *Гўрўғли шамишин белига чалди.* «Гулшанбоғ».

2 *шв.* Қопламоқ, ўрамоқ. *Хут кирганда, тоғни туман чалади.* «Гулшанбоғ».

3 Қормоқ, аралаштирмақ. *Тухум чалмоқ.* ■ *Жаннат хола шошиб, ун чалиб, қуймоқ қилди.* С. Аҳмад, Уфқ.

4 Наридан-бери; чала-чулпа супурмоқ. *У уйни супурги билан чалиб чиқди.* Ҳ. Фулом, Машғал.

**ЧАЛОБ шв.** Сузма ёки қатикдан тайёрланган чанқовбосди ичимлик. ■ *Ўтиринг, чалоб ичасизми? — деди Инод.* Ш. Холмирзаев, Оғир тош кўчса. *Тайёр чалоб истеъмолдан олдин совитилади ёки муз солинади.* «ЎЗМЭ». *Шаймон чол эндигина сомондан қайтиб, айвонда чалоб ичиб ўтирарди.* Н. Норқобилов, Бекатдаги оқ уйча.

**ЧАЛОВ** Ғалладошларга мансуб, қир-адирларда ўсадиган, ем-хашак бўладиган кўп йиллик ёввойи ўсимлик. *Сарҳовуз бетини чалов босган.* С. Сиёев, Отлиқ аёл.

**ЧАЛП тақл. с.** Овқат чайнаганда, лой кечганда чиқадиган ва ш.к. товушлар ҳақида. *Чалп этиб лойга тушмоқ.*

**ЧАЛПАК I шв.** Хамирни юпқа ёйиб, ёгда пишириладиган егулик. *-Эсимдан чиқибди, — дейди кампир. — Майлига, мен ўзим ўнта чалтак пишириб, чироқ ёқаман.* М. М. Дўст, Галатепа қиссалари.

2 Ўрик, олча ва ш.к. ҳўл мевалар шинисидан ёйиб қуритилган ширинлик.

**Чалпак бўлмоқ ёки чалпак(дек) бўлиб тушмоқ** Йиқилиб узала тушмоқ, чалқанчасига йиқилмоқ; чалқанча ётмоқ. *Жим бўл-э, бир урса, чалпак бўлиб тушасан-у, кекирдак чўзишингни қара!* З. Фатхуллин, Обиҳаёт. *Юзларини офтобдан яшириб, чалпак бўлиб этиб қолдилар.* М. Мансуров, Ём-би. **Чалпак қилмоқ** Иккала қўл ва оёғидан ушлаб чўзилтириб кўтармоқ. *Тез юр! Фиринг десанг, чалпак қиламиз.* Ойбек, Болалик.

**ЧАЛПИМОҚ** Бировни ёмонлаб гапирмоқ, ғийбат қилмоқ. *Айниқса, фронтовикнинг хотинини чалпишга ҳеч кимнинг ҳаққи йўқ.* Ў. Ҳошимов, Икки эшик ораси. *У ҳар кунни самоварга чиқиб.. ҳадеб янги раисни чалпийди.* С. Аҳмад, Ҳодивой. [Шакар] *Аламига чидолмай, Зеби бечорани куракда турмайдиган сўзлар билан чалпиди-ю, жўнаб қолди.* Ҳ. Назир, Кўктерак шабадаси.

**ЧАЛП-ЧАЛП** Чалп с. тақр. *..лабини чалп-чалп қилиб ялаб қўйди Мулла Мамасолиҳ. Н. Мақсудий, Лайлатулқадр.*

**ЧАЛП-ЧУЛП** айн. чалп-чалп. *Чалп-чулп лой кечмоқ.*

**ЧАЛЧАЙМОҚ** Ялпайиб ётмоқ. *Бировнинг олдиди узала тушиб, чалчайиб ётиш шармандалик-да! Қ. Кенжа, Тоғ йўлида бир оқшом.*

**ЧАЛЧИҚ** Балчиқ; ифлос, лойқа сув. *Чалчиқ ерда туя юрса тояди. «Юсуф ва Аҳмад».*

**ЧАЛҚА:** чалқа тушмоқ Орқани ерга бериб, чўзилиб ётмоқ, чалқанча тушиб ётмоқ. *Ўлик солдат чалқа тушиб ётибди. Т. Рустамов, Мангу жасорат.*

**ЧАЛҚАЙМОҚ** шв. Орқага эгилмоқ; бошни орқага ташламоқ. *Бизни кўрди-ю, тоға қўлларига суяниб чалқайди. Т. Мурод, От кишнаган оқшом.*

**ЧАЛҚАМЧА** с. т. Чалқанча(сига). *Турсунбой қовжираб қолган ариққа чалқамча ётиб, осмонга тикилди. С. Аҳмад, Уфқ.*

**ЧАЛҚАНЧА(СИГА)** рвш. Орқани ерга бериб, чўзилиб, осмонга қараб. *Бобом кўлмакда чалқанча ётар, инграр эди. Ў. Ҳошимов, Икки эшик ораси. У чалқанчасига сузди. «Ёшлик».*

**ЧАЛҚИМОҚ** шв. Чайқалмоқ, тебранмоқ. *Сув келар тўлиб, чалқиб, Бетида ойи балқиб. «Тоҳир ва Зухра».*

**ЧАЛҒИ** Узун дастали катта ўроқ. *Чол пичан ғарами олдиди чалғи чархлар эди. «Шарқ юлдузи».*

**ЧАЛҒИМОҚ** Бирор нарсага алаҳсиб, асосий иш, мавзу ва ш.к. ни унутмоқ ёки улардан четга чиқмоқ; адашмоқ. *Олтмишинчи йилнинг кузида чет элда юрганида, недир бир қизиқ томошага чалғиб, самолётга кечикди. М. М. Дўст, Лолазор. Йўқ, бекачим.. Мен шунчаки чалғидим гапдан. А. Орипов.*

**ЧАЛҒИТ** Ола-була (от туси ҳақида).

**ЧАЛҒИТМОҚ 1** Чалғимоқ фл. орг. н. *[Аҳмад] Иш ҳақида ўйламаслик учун ўзини бошқа нарсаларга чалғитишга уриниб кўрди. Ф. Мусажонов, Ҳиммат.*

**2** Эътиборини бошқа нарсага тортиб алдамоқ; нотўғри фикр пайдо қилмоқ. *Бундайлар унча-мунча терговчини чалғитиши, унча-мунча юристни ҳуқуқ бобида мот қилиб қўйишлари ҳам мумкин. «Ёшлик».*

**Гапни чалғитмоқ** Суҳбат мавзусини четга бурмоқ. *Аҳмад бригадир гапни атайлаб*

*чалғитаётганини Нусратбек сезди. С. Нуров, Нарвон.*

**ЧАЛҒИЧИ** Чалғи билан ўт ўрувчи; ўроқчи.

**ЧАМА 1** Ўлчов, меъёр. *Ҳар бир ишнинг чамаси бор, Ҳар дарёнинг кемаси бор. Мақол.*

**2** Мўлжал, тахмин. *Чамамда соат уч бўлди. Чамангда шу қовун неча кило келади? ■ Уларнинг [одамларнинг] чамаларича, бу ерларда иш ҳали уч-тўрт кунга етиб ортарди. «Шарқ юлдузи».*

**3** мод. с. Менинг фикримча: шекилли. *Чамамда, қиз ўша томонга бурилиб ўтиришни истарди. «Ёшлик».* *Лайло менинг келишимдан ҳайрон бўлди чамамда. М. Қориев, Ойдин кечалар.*

**Чама сон** тлш. Чама, тахмин билдирувчи сон. *Чама сон билан аниқлаш эса илмий информациянинг характерига умуман мос келмайди. «ЎТА».* **Чамага келтирмоқ** ёки **чама олмақ** Пайт пойлаб туриб амалга оширмоқ, қилмоқ. *Али полвон билан бел олишдим! Хумпар курашнинг ҳадисини хўп олган экан. Мени бир неча вақт айлантириб юрди, сўнг-ра чамага келтириб, ёнбошига олмоқчи ва ерга урмоқчи бўлди. П. Турсун, Ўқитувчи.*

**ЧАМАДОН** [ф. جامه < جامه دان – кийим + دان – идиш маъносини билдирувчи қўшимча: кийимдон, кийим қутиси] Одатда сафарга чиққанда керак бўладиган буюмлар солинадиган қути. *Латофат эрталаб шошиб қолмаслик учун кийим-кечакларини, харид қилган совгаларини чамадонига жойлаштира бошлади. Л. Тожиева, Меҳрим сизга, одамлар.*

**ЧАМАЛАМОҚ 1** Чама билан аниқламоқ, чама қилмоқ, мўлжалламоқ; тахминлаб кўрмоқ. *У қайиққача бўлган масофани чамалаб, икки юз қулодан кам эмаслигига кўзи етди. «Ёшлик».* *Даллол қувониб, эшагига минди-да, соясига қараб, вақтни чамалади. «Ёшлик».*

**2** Ўйлаб, мўлжал қилиб, режалаштириб қўймоқ, белгилаб олмоқ, кўзламоқ. *[Ола-хўжа] Тўйга катта тайёргарлик кўрди.. Камиди икки кун юртга ош тортишини чамалади. П. Турсун, Ўқитувчи. Мияда бир нарсани чамалаб юрган эдим, шунга қогозга туширишга жазм қилдим. «Муштум».*

**ЧАМАЛИ** Чамасидаги, чамасида бўлган. *Зайнаб Кумушнинг тўлиб етмаган гавдаси ва ўн олти ёшлар чамали, ғубор тегмаган*

хуснига ҳайрон бўлиб, мулоҳазасини айтишдан қўрқди. А. Қодирий, Ўтган кунлар.

**ЧАМАН** [ф. چمن — ўтлок; гулзор; саяилгоҳ] Гул кўп жой; гулзор, чаманзор, гулшан. Булбул чаманин севар, одам — ватанин. Мақол. ■ Куз шамоли кириб чаманга, Ахтаради гуллар атрини.. Уйғун.

**Чаман бўлиб очилмоқ** Қийғос очилмоқ (гул ҳақида). Митти чигит уруғи ер бағрида ниш уриб, чаман бўлиб очилгунга қадар қанчадан-қанча меҳнат ва ҳаракатни тақозо этади. Газетадан.

**ЧАМАНДАГУЛ** Тўпгул бўлиб очиладиган, гуллари оқ, қизил, пушти, сариқ, би-нафшаранг ўтсимон ўсимлик. Чамандагул хонадонларда, кўп қаватли уйлар балконида, парк ва хиебонларда манзарали ўсимлик сифатида ўстирилади. «ЎЗМЭ».

**Чамандагул дўппи** Дўппининг сергул қилиб, гулзорга, чамандагулга ўхшатиб тикилган нухаси. Сочимни иккита қилиб ўриб, чамандагул дўппимни бошимга илдим. Ў. Ҳошимов, Икки эшик ораси.

**ЧАМАНЗОР** [ф. چمنزار — гулзор; кўкаламзор] Гулзор, гулхона; гулшан. Тонгда кирдим чаманзоримга, Барелар билан ел уйнар майин. Миртемир..

**ЧАМАСИ 1** рвш. Тахминан шу миқдорга тенг. Орадан ярим соат чамаси вақт ўтган эди. А. Қодирий, Ўтган кунлар. Зайнаб эгачиси Хушрўйдан етти ёш чамаси кичик эди. А. Қодирий Ўтган кунлар. Танк мендан уч-тўрт юз метр чамаси нарида аланга олди. Н. Сафаров, Оловли излар.

**2** мод. с. Афтидан. Чамаси, Азизбек осонлик билан жон берадиган кўринмайдир. А. Қодирий, Ўтган кунлар.

**ЧАМАСИДА** рвш. қ. чамаси 1. Эркак қирқ ёшлар чамасида, оқ-сариқдан келган, хомсемиз одам эди. Ф. Мусажонов, Ҳиммат.

**ЧАМАСИДАГИ** қ. чамаси 1. Машинадан эллик ёшлар чамасидаги чуваккина малла бир одам тушиб келди. Ў. Усмонов, Сирли соҳил.

**ЧАМБАР** [ф. چنبر — доира, ҳалқа; ўмров суяги] Филдирак, доира шаклидаги нарса, доира. Руль чамбари. ■ Даштда бугдой ўради Сочи чамбар қизлар-эй. «Шарқ юлдузи».

**ЧАМБАРАК** [ф. چنبرک — айланма, ҳалқа; кампирак (самоварда)] 1 от Коса, товоқ ва ш.к. га нарса солиб осиб қўйиш

учун симдан, новладан ва эгилиувчан материаллардан ясалган ҳалқа. Кечқурун соғилган сутни докада сузиб олинади ва махсус сопол идишга қўйиб, чамбаракка осиб, салқин жойга олиб.. қўйилади. К. Маҳмудов, Ўзбек тансиқ таомлари.

**2** сфт. Филдирак, доира шаклидаги; доиравий. Чойхоначи.. кўкқарга шойи чорсини чамбарак қилиб танғиган Зулун Чайирга им қоқди. Қ. Кенжа, Нотаниш гул.

**Дўпписи чамбарак айн. дўпписи яримта қ. дўппи.** Паноҳингизда дўппини чамбарак қилиб юрибмиз, хўжайин, сизга ҳар қанча одамгарчилик қилсак арзийди. А. Муҳиддин, Чап чўнтак.

**ЧАМБАРЛАМОҚ** Чамбарчас қилиб, ўраб-чирмаб боғламоқ. Сигирнинг арқонини қозиққа чамбарлаб қўйдим.

**ЧАМБАРЧАС** [ф. چنبرچسپ — чамбар бўлиб ёпишган, бириккан] 1 рвш. Ечилиб кетмайдиган қилиб, чирмаб, мустаҳкамлаб. Абдибиллолни йиқитиб, олдиндан тайёрлаб қўйилган арқон билан қўл-оёғини чамбарчас боғлаб ташлашди. С. Юнусов, Кутилмаган хазина.

**2** кўчма Узвий, мустаҳкам, жипс (алоқа, боғланиш ҳақида). Тугилажак боланинг соғлиги ҳомшадор аёл саломатлиги билан чамбарчас боғлиқ. «Саодат».

**ЧАН** [р. чан < қад.р. дишчани — ёғоч, тахтадан қилинган] Суюқлик сақланадиган, темир белбоғлар билан маҳкамланган катта ёғоч идиш; ём. Вино солинадиган чан. Тери ишланадиган чан.

**ЧАНА** [қад. р. сани — илон; жағ] Қишда қор, муз қоплаган йўлда сирпаниб юрадиган чанғили аравача. Чанада учмоқ. Чана спорти. ■ ..девор тагидаги тепаликда болакайлар чанада учишарди. Ў. Ҳошимов, Қалбингга кулоқ сол.

**ЧАНГ 1 1** Майда зарра, кукун ҳолидаги тупроқ ёки бошқа моддалар; гард, тўзон. Ёлғиз отнинг чанги чиқмас, чанги чиқса ҳам, донги чиқмас. Мақол. Подадан олдин чанг чиқарма. Мақол. ■ Шоён меҳнатининг нишонаси бу — Қора қошларингга қўнган чанг, ғубор. А. Орипов. Тўхта хола.. юз-кўзига кўча чанги ёпишаётганини ҳам пайқамас эди. И. Раҳим, Чин муҳаббат.

**Чанг босмоқ** Қалин чанг билан қопланмоқ (узоқ вақт ишлатилмай ётган нарса ҳақида). Телвизор, приёмникни чанг босиб

ётарди. Т. Ашууров, Оқ от. **Чанг кўтармоқ** (ёки **чиқармоқ**) Бекорга галва ёки шов-шув кўтармоқ. **Чанг кўндирмаслик** (ёки **юктирмаслик**) 1) гард, доғ тегизмаслик, озода тутиш. У кийимига чанг кўндирмайди; 2) кўчма ўзига, номига доғ туширмаслик, гап тегизмаслик. *Ҳақимбойвачча илондай тўлганди.. у ўзининг ва оила аъзоларининг устига чанг кўндирини истамас, оиласи билан ҳеч қандай оилани тенглаштирмас эди.* Ойбек, Танланган асарлар. **Чангини чиқармоқ** с.т. 1) тез тамом қилмоқ; пок-покиза туширмоқ, еб юбормоқ, еб ташламоқ. *Боқижан бутун гавдаси билан лаганга ташланди. Ота ва ўғил, гўё баҳшлашгандай, паловнинг чангини чиқаришди.* Ойбек, О. в. шабадалар; 2) тўзитиб юбормоқ, дабдала қилиб ташламоқ. **Ҳасратидан чанг чиқади** Ҳасрати кўп, ҳасрати сира тугамайди. *Махсум.. Кўчқорнинг мусулмони комил бандаларга кўп озор бераётганини гапириб, ҳасратидан чанг чиқди.* С. Анорбоев, Оқсой.

**2 сфт.** Чанг кўнган; губорли. [Заргаров] *Хона ўртасида сал букчайганича туриб, чанг этиги билан оғир одимлаб чиқиб кетган қурувчининг бесўнақай гавдасини ҳорғин.. кузатиб қолди.* А. Мухтор, Бўронларда бордек ҳаловат. *Арава чанг қишлоқ йўлидан чиқиб, катта тош йўлга тушиб олади.* И. Раҳим, Чин муҳаббат.

**3 бот.** Ўсимликларнинг эркак жинсий ҳужайралари. *Ашир Ҳаққулов заргарларга хос диққат билан бир гулнинг чангини мўйчинак билан олиб, иккинчи бир гулни чанглаётган экан.* С. Нуоров, Нарвон.

**ЧАНГ II** [ф. چنگ — торли мусиқа асбоби] **I** Қутисимон трапеция ёки ёй шаклидаги, сим торлар тортилган, тирнама ёки кўш чўп билан уриб чалинадиган жарангдор чолғу асбоби.. *Чанг — ўзбек халқ чолғу асбоблари орасида энг кўп торлиси ҳисобланади.* Газетадан.

**2** Лабга қўйиб, пўлат тилини бармоқ билан туртиб, нафас билан чалинадиган кичик чолғу асбоби; чанговуз.

**3 с. т. айн. зил III.**

**ЧАНГ III** [ф. چنگ — панжа, тирноқ; чангал; бармоқлар букилган кафт] Панжа; чангал. *Қочиб қутулган-ман (қутулган билан) қайда борасан, Ахири чангимда сен ҳам ўласан.* «Маликаи айёр»

**Чанг солмоқ** 1) чангал билан ушламоқ, тутмоқ; чангал солиб ҳужум қилмоқ. *-Башаранг қурсин! — Саида бирдан юзимга чанг солди.* «Ёшлик»; 2) кўчма тажовуз қилмоқ, қасд қилмоқ. *Билмайман, қайси кун, қайси дамдадир Менинг қисматимга чанг солди сайёд.* А. Орипов.

**ЧАНГАК** [ф. چنگک — илмоқ, илгак] **I** Бирор нарса илиш учун ёғоч, темир ва ш.к. дан ясалган панжали илмоқ; илгак. *Чангакда оқилб турган челақдан бир чўмич сув олиб ичди.* «Ёшлик». [Қассоб] *Чангакдаги гўштларию галадондаги пулларины ёнидаги чойхоначига тайинлаб кетибди.* Шукрулло, Жавоҳирлар сандиғи

**Чангак бўлмоқ** Тиришиб, томирлари тортишиб қолмоқ, акашак бўлмоқ. *Йигитнинг қўл-оёқлари чангак бўлиб қотиб қолганди.* «Ёшлик».

**ЧАНГАЛ I** [ф. چنگال / چنگل — панжа, тирноқлар; илгак; паншаха] **I** Панжа, чанг. *Бургут чангали. Айиқ чангали.* ■ *Бирдан Пошша хола чангалини ёзиб, Йигиталига қаради.* Д. Нурий, Осмон устунни.

**2** кўчма Исканжа. *У دادасини ҳеч қачон бунчалик ғам ва изтироб чангалида кўрмаган эди.* «Шарқ юлдузи».

**3** Сиқимга сигарли нарса, бир сиқим. *Ёғочга қистириб қўйилган исериқдан бир чангал солиб чиқди.* Ш. Холмирзаев, Оғир тош кўчса.

**Пул бўлса, чангалда шўрва қ. шўрва.** **Чангал солмоқ** 1) айн. **чанг солмоқ I.** *Лекин Тўравой [душман ўқиға] бургутдек чап берди ва бир сакраб, унинг бўғзига чангал солди.* Н. Сафаров, Оловли излар; 2) айн. **чанг солмоқ 2.** *Ҳа, лейтенант, уруш ҳамманинг бахтига чангал солди.* Ҳ. Фулом, Тошкентликлар. **Ўлим чангали** Ўлим хавфи, ўлим исканжаси. *Мени ўлим чангалидан суғуриб олган офицернинг ким эканлигини сўраб билиб олмаганлигим учун ўзимни кечира олмайман.* Н. Сафаров, Оловли излар

**ЧАНГАЛ II** [ф. چنگل — ўрмон, дарахтзор] **I** Тиканли буталар, ўсимликлар. *Янтоқ ёғ ўрнини босмас, Чангал — боғ.* Мақол. ■ *Улар чапга бурилиб, ўт босган катта ариқдан йигирма-ўттиз қадам юргач, тўп-тўп чангал бошланди.* О. Ёқубов, Эр бошига иш тушса.

**2 айн. чангалзор.** [Йўлбарс] *Мангу қочар, қочар тоғлардан, Ўрмонлардан, чангал, тўқайдан.* Ш. Раҳмон.

**ЧАНГАЛЗОР** [ф. چنگلزار — дарахтлар кўп жой] Чангал қоплаган майдон, бутазор. *Бир куни тулкибой чангалзорда овқат қидириб юриб, бир ангишвона топиб олибди.* «Эртақлар».

**ЧАНГАЛЛАМОҚ 1** Беш панжа билан, тирноқларни ишга солиб, сиқиб ушламоқ, кўл билан маҳкам сиқимламоқ. *Бургут қушни чангаллади.* ■ *Бу пунг шу қадар оғир эдики, Мирвали икки панжаси билан кўкрагини чангаллаб туриб, бир оҳ урди.* С. Аҳмад, Жимжитлик. *Йигиталининг оғидан куч кетди. Лекин билак томирлари бўртиб, сим арқонни маҳкам чангаллаб олди.* Д. Нурий, Осмон устун.

**2** кўчма Кучли хуруж билан тутмоқ, сиқмоқ (дард, оғриқ ҳақида). *Азимий шу хилда «ватанпарварлик» қилиб ўтириб, бирдан қорни чангаллаб оғриб қолди.* «Муштум».

**Ер чангалламоқ** Парчин бўлиб йиқилмоқ, ер тишлаб қолмоқ. [Султонов] *Ичидан хўрлиги келиб, ер чангаллаб қолди.* М. Мансуров, Ёмби.

**ЧАНГДОН** бот. Гулнинг чанг, яъни эркак жинсий хужайралари пайдо бўладиган тепа қисми; чангчининг асосий қисми.

**ЧАНГИМОҚ 1** Чанг, тўзон ҳолида кўтарилмоқ. *Кўча чангиб кетди.* ■ *Бир қиёмат-қойим бўлди, Ҳамма ёқда тупроқ чангиб.* «Юсуф ва Аҳмад».

**2** Чанг босмоқ, чангга тўлмоқ. *Азимжон.. чангиб кетган этиги, уст-бошига ўнғайсизланиб қаради.* А. Мухтор, Чинор.

**ЧАНГИТИШ 1** Чангитмоқ фл. ҳар. н. *Бу тирранчаларни ўқитиб мулла қилмасангиз, кўча чангитишдан бошқани билмай қола беради.* П. Турсун, Ўқитувчи

**2** қ.х. Зарарли ҳашаротларни йўқотиш мақсадида ўсимликларга ёки тупроққа чангиткичлар ёрдамида кукунсимон захарли моддаларни сепиш.

**ЧАНГИТКИЧ** қ.х. Дала экинлари, боғ, тоқзорларда дефолиация қилиш ва чангсимон моддалар сепиш учун мўлжалланган, тракторга ўрнатиб ёки елкага осиб ишлатиладиган машина. *Чангиткичнинг иш органлари тракторнинг қувват олиш валидан ҳаракатланади.* «ЎЗМЭ».

**ЧАНГИТМОҚ** Чангимоқ фл. орт. н. *Чангитиб уй супурмоқ.* ■ *Аравакаш чангитиб ер тепинди.* Х. Тўхтабоев, Йиллар ва йўллар.

*Машина тупроқли йўлни чангитиб, илгари кетди.* М. Ҳазраткулов, Журъат.

**ЧАНГИТИБ СЎКМОҚ** дағл. Болохонадор қилиб сўкмоқ, қаттиқ ҳақорат қилмоқ. *Саттор аввал хотинининг авлодини чангитиб сўкди, кейин.. қайнонасининг гўрига ҳам гишт қалаб, ўрнидан туриб кетди.* А. Мухтор, Кумуш тола.

**ЧАНГЛАГИЧ 1** бот. Ўсимликларнинг четдан чангланишига ёрдам берувчи воситалар (ҳашаротлар, шамол ва ш.к. ҳақида).

**2** айн. чангиткич.

**ЧАНГЛАМОҚ 1** айн. чангитиш **2.** *Ғўза битларини йўқ қилишда баъзан қуруқ дори-ни чанглаш усули қўлланади.*

**2** Гулларнинг эркак ва урғочи жинсий хужайраларини биридан иккинчисига ўтказмоқ. *Асарилар гулдан гулга кўниш билан ўсимликларни четдан чанглайдилар.* «Зоология».

**ЧАНГЛАНИШ** Ўсимликларда: чангларнинг уруғчи тумшукчасига ёки уруғ куртатка тушиши. *Четдан чангланишда бир гулнинг чандонидаги чанглар иккинчи гул уруғчиси тумшукчасига, ўздан чангланишда чанглар шу гул уруғчиси тумшукчасига тушади.* «ЎЗМЭ».

**ЧАНГЛАНМОҚ 1** Чангламоқ фл. мажҳ. н. *Чангланган гўзалар.*

**2** Чангламоқ **2** фл. ўзл. н. Ўсимликларнинг табиий ва сунъий йўллар билан чангланиши.

**ЧАНГЛОВЧИ 1** Чангламоқ фл. сфдш.

**2** айн. чанглагич **1.**

**ЧАНГОВУЗ** шв. айн. чанг **II 2.** *Нуқра тилли чанговузни Бол оғзинга тутиб юр.* «Кўшиқлар».

**ЧАНГСИМОН** Чанг-тўзонга ўхшаш, чанг ҳолидаги. *Ушалган ой далани совуқ, хира, қандайдир чангсимон нур билан қоплаган эди.* Ойбек, О. в. шабадалар.

**ЧАНГ-ТУПРОҚ** Тупроқ аралаш чанг, чанг ва тупроқ. [Қурбон] *Болалигида пода орқасидан юриб, чанг-тупроққа беланиб, сунада тошдек қотиб ухларди.* С. Нуров, Нарвон.

**Чанг-тупроқ яламоқ** Чанг-тупроққа ботиб ишламоқ, меҳнат қилмоқ. *Йўлчи ёзда ёниб, чанг-тупроқ ялаб, бутун оғирликларга қарамасдан, жонкашлик билан ишлади.* Ойбек, Танланган асарлар.

**ЧАНГ-ТЎЗОН** Чанг ва тўзон, шамол аралаш кўтарилган ҳар хил гард ва зарра-

лар. *Кечга томон бир зумда чанг-тўзон, куюн кўтарилди. Х. Султонов, Бир оқшом эртаги*

**ЧАНГЧИ I** Чанг чалувчи созанда. *Уста Рўзиматхон моҳир чангчи ҳам эди. «Гулистон».*

**ЧАНГЧИ II** бот. Ўсимлик гулининг чангдон ва эркак жинсий ипдан иборат асосий қисми. *Чангчининг яшаш хусусияти ҳар хил ўсимлик турларида турлича. «ЎЗМЭ».*

**ЧАНГ-ЧУНГ** Ҳар хил чанг, тупроқ, гард. [Мастон] *Уст-боши чанг-чунг.. кўзлари ҳаргин. О. Ёқубов, Излайман.*

**ЧАНГ-ГУБОР** Чанг ва губор, чанг ва тўзон. *Чанг-губорда одам кўрмай бир-бирин, Тогнинг ичи ётар дуд бўлиб тутаб. Эргаш Жуманбулбул ўғли.*

**ЧАНДИМОҚ I** Маҳкам сириб боғламоқ, сириб қўймоқ. *Бузоқни олмага қапиштириб, чандиб боғладим. «Ёшлик».*

**2 шв.** Чатмоқ, чатиб уламоқ, бириктирмоқ. *Уларнинг ишораси билан икки сарбоз оғзи каноп билан чандилган қопни олиб келиб, ҳалиги кишиларнинг оёғи остига ташлади. С. Кароматов, Бир томчи қон.*

**3** Кимса тўғрисида гапирмоқ, гийбат қилмоқ. *Сидиқжон бу одамлар иш вақтида ҳам шундай беғам, хушчақчақ, бир-бирини чандиб, кунни билинтирмасдан ўтказади, деб ўйлаган экан. А. Қаҳҳор, Қўшчинор чироқлари.*

**4** Бир-бирини гап билан олмоқ, аския қилмоқ. *-Кечкурун.. чойхонада яна гурунгимиз чўзилди.. Биттаси Йўлдошжоннинг ялқовлигини чандиб, аския бошласа, иккинчиси Зулфиянинг чечанлигини мақтайди, — деди Пўлат. Файратий, Менинг ёшлигим.*

**ЧАНДИР I** Гўштнинг қаттиқ пай қисми. *Гўшт ўрнида чандир чайнашга кимнинг тоқати бор дейсиз. Газетадан.*

**2** кўчама Қотма, пишиқ, чайир. *Чандир одам. ■ Бир-икки чайқалиб, гул пайкали устига узаласига йиқилиб тушди. Чандир қўллари тупроқни чангаллади. «Муштум».*

**ЧАНДИШ I** Чандимоқ фл. ҳар. н. Арқон билан чандиш.

**2** Бир-бирини гап билан олиш, аскиянинг бир тури. *Чиндан ҳам чандишларда ҳазил элементи бор. «ЎТА».*

**ЧАНДИҚ I** от Битган яранинг ўрни, изи. [Ошнонинг] *Ранги баттар заҳил тортибди, ёноғидаги чандиқ билинмай кетибди — усти-*

*дан чуқур бир ажин тушибди. М. М. Дўст, Лолазор.*

**2 сфт.** Чандиқли, чандиғи бор. *Қаландар чандиқ пешонасини силаб, унга бир зум тикилиб қолди. О. Ёқубов, Кўҳна дунё.*

**ЧАНДИҚЛИ** Чандиғи бўлган, чандиғи бор. *Темиртош чап юзи чандиқли, бир кўзи кўр, бадқовоқ, камгап бир аскар ҳамроҳлигида йўлга чиқди. М. Осим, Ўтрор.*

**ЧАНДОЗА шв.** Ёнга боғлаб олиб юриладиган ҳамён. [Болта аравакашининг] *Ёнида катта пичоқ, танга, қоғоз соладиган.. чандоза К. Яшин, Ҳамза.*

**ЧАНДОН** [ф. چندان — шунча, шунчалик; қанчалик] рвш. **1** Марта, карра, мартаба. *Бу уй «Тешиққалъа»дан ўн чандон яхши. Ж. Шарипов, Хоразм. Ҳаваси минг чандон ошиб кетди. М. Муҳамедов, Қаҳрамон изидан.*

**2 рвш.** Ҳар қанча, қанчалик. *Мирзаев рақибининг оёғини ердан узишга чандон интилса ҳам, Ражаб солдатча чандастлик қилди ва уни азот кўтариб қўйди. Ҳ. Назир, Маёқ сари. Бечора камтарлик қилишга, босиғу бамаъни гапиришга чандон уринди ҳамки, асло эплай олмади.. М. М. Дўст, Лолазор.*

**3** Астойдил; етарли даражада. *Ойим совчиликка чандон киришганини билдим. Кечаси нон ёнди. Ў. Ҳошимов, Икки эшик ораси. Санъаткор Солихбой ролининг текстини чандон ўқиб, уни ёдлаб олган бўлса ҳам, қаноат ҳосил қилмади. Ф. Жўраев, Обид Жалилов.*

**4** Бўлишсизлик шаклидаги феъл билан келиб, «ҳеч ҳам, асло» деган маъноларни ифодалайди. *Азиза онасидан Ёдгорнинг «бир қошиқ сув билан ютулик» қизни етаклаб юрганини эшитганда, чандон ишонмаган эди. Ў. Ҳошимов, Қалбингга кулоқ сол.*

**ЧАНОҚ I** Кўсакнинг ҳар бир хонаси. *Ғўзалар бўлик, ҳар битта чаноқ ниёладек бўлиб очилиб турибди. С. Сиёев, Отлиқ аёл.*

**2** Бош косаси, кўз косаси ва умуман косачасимон суяклар. *Чаноқ суяги. ■ У [Баширжон].. эшигига калла чаноғи ҳамда илик суяги туширилган темир уйча панасига ўтди. Н. Аминов, Қаҳқаҳа. Унинг [Аҳмадохуннинг] кўз соққалари чаноғидан чиқаёзганди. К. Яшин, Ҳамза.*

**3** Тегирмоннинг дўлидан дон тушиб турадиган тарновсимон қисми.

**4 шв.** Чиғаноқ.

**ЧАНҚАМОҚ I** Сувга ташна бўлмоқ, сувсамоқ. *Йигит ғоят чанқаган эди, чойни ку-*



*ийб, пуфлаб-пуфлаб ичди.* Ойбек, Танланган асарлар.

**2 кўчма** Эҳтиёж, талаб сезмоқ; соғинмоқ, кўмсамоқ. *Чанқаб кутдим сени ёр, бир илтифотинг кўрмадим.* Н. Сафаров, Шарқ тонги. *Ўзи ҳам дейман, Мирҳосил халқ ишига роса чанқатган экан-да!* Ҳ. Фулом, Машғал.

**ЧАНҚАТМОҚ 1 Чанқамоқ 1** фл. орт. н. *Қаймоқ зўрлик қилиб, ўлғудай чанқатди.* Э. Раимов, Ажаб қишлоқ.

**2 қ. х.** Сувга ташна қилиб қўймоқ; сувсиратиб қўймоқ. *Ғўзани чанқатиб суғормоқ. Чанқатиб қўйилган ғўза гулларини тўкиб юборади.*

**ЧАНҚОВ 1 Чанқамоқ** фл. ҳар. н. **2** Сувга ташналик, сувсаш. *Чанқовни босишга айниқса кўк чой яхши.* Газетадан.

**3 кўчма** Ўта даражада хоҳлаш, ташналик. *-Ишга чанқовмиз-да, — деб жавоб берди Йўлчи.* Ойбек, Танланган асарлар.

**ЧАНҚОВБОСДИ** Чанқовни босувчи. *Чанқовбосди ичимликлар.* ■ *Чанқовбосди қовунларни эса овқатдан кейин сўямиз.* М. Мансуров, Ёмби. *Пештахтадаги чанқовбосди ичимликлар ва шарбатлар ассортиментни қашшоқ.* Газетадан.

**ЧАНҚОҚ 1** Сувга ташна, сувталаб, сувсаган; сувсираган. *Садақанинг афзали чанқоқ одамларга сув улашмоқдир.* «Фан ва турмуш».

**2 кўчма** Зор, ташна, муштоқ, интизор. *Қайдадир айтгандим, айтаман такрор: Чанқоқ туғилганман ҳақиқатга мен.* А. Мухтор. *Ёш, ишга чанқоқ ходим учун эрталабдан кечгача бекор ўтиришдан оғирроқ, азоблироқ нарса йўқ.* Ф. Мусажонов, Ҳиммат.

**ЧАНҚОҚЛИК** Сувга ташналик; сувсираш. *Айрим ҳолларда чанқоқлик тепадан бетиним тушиб турган бомбалар ва снарядлардан кўра кўпроқ тинкани қуриштиб, жангчиларни ҳолдан тойдириб юборарди.* Т. Рустамов, Мангу жасорат.

**ЧАНҒАРОҚ** Ўтовнинг устки қисмидаги туйнук чамбараги. *Ўтов чанғароғидан дастурхонга тафтли нур тушиди.* Т. Мурод, Юлдузлар мангу ёнади.

**Чанғароғи тушиди (ёки ўйнади)** Инқирозга учради, синди.

**ЧАНҒИ** Қорли жойлар, ботқоқ ерлар ва сув юзида таянч майдонни кенгайтириб, силжишни осонлаштирувчи, оёқларга маҳ-

камланувчи мослама. *Сув чанғиси. Туристлар чанғиси.* ■ *Ҳозир чанғиларнинг одимловчи ва сирғалувчи турлари мавжуд.* «ЎЗМЭ».

**Чанғи спорти** Сакраш, турли масофага югуриш, тоғ чанғиси ва биатлонни ўз ичига олган спорт тури. *1910 йилди Халқаро чанғи спорти комиссияси тузилди ва чанғи спортининг қоидалари тасдиқланди.* «ЎЗМЭ».

**ЧАНҒИЧИ** Чанғида учувчи, чанғи отувчи, чанғи спорти билан шуғулланувчи одам. *Бу ерда чанғичиларнинг мусобақалари тез-тез утказиб турилади.* Газетадан.

**ЧАП 1** [ф. چپ — сўл; сўл томон] **1** Гавданнинг юрак жойлашган томонидаги; сўл. *Чап қўл. Чап елка.* ■ *Таажжубки, унинг чап оёғи увушгандек, ўнг қўлининг бармоқлари ҳам дир-дир титрарди.* С. Сиёев, Ёруғлик.

**2** Сўл томон, ўнг томоннинг қарама-қарши томони. *Аҳмад кўчанинг чап бетидан — сердарахт ва қоронғи йўлакдан юрди.* Ф. Мусажонов, Ҳиммат.

**3 кўчма** Ўнг келмайдиган, тескари, ноқулай. *-Йўл гарчи чапроқ бўлса ҳам, бу гал унча қийналмадим. Кечга яқин Донохонлар уйига етиб бордим, — деди Нафиса.* Файрабий, Узоқдаги ёр.

**4 кўчма** Муносабати яхши эмас (бирор кимса билан). *Мадаминжон қизлар билан чап бўлиб қолган эди.* Ойбек, Танланган асарлар. *Мирвали шу одам билан анчагина чап эди.* С. Аҳмад, Жимжитлик. *Бу орада нариги икковининг гапи яна чап тушиб қолди.* Н. Норқобилов, Бекатдаги оқ уйча.

**Йўлни чап солмоқ** Кўзга ташланмаслик, чалғитиш мақсадида тўғри йўлдан юрмай, эгри, айланма йўлдан юрмоқ. *Ҳайдарали йўлни чап солиб, сўқмоқлардан юрди.* Ҳ. Нуъмон ва А. Шораҳмедов, Ота. [Умматали] *Йўлни чап солган эди, у [Қимматхон] қувиб етди.* Шуҳрат, Жаннат қидирганлар. **Чап бермоқ 1**) эпчиллик билан ўзини олиб қочмоқ. *Авазхон.. оёғини ерга тираб, абжирлик билан чап бериб, чап томондан қилич солди.* «Маликаи айёр». *Автомат ўқига чап берамиз-а, аммо офицернинг чўнтагида граната бўлса-чи?* Т. Рустамов, Мангу жасорат; 2) тутқич бермай, ўзини олиб қочиб юрмоқ. *Ишга чиқ, десам, чап беради, қачон қарасангиз, бозорнинг гули.* С. Маҳқамов, Дала тонги; 3) рўбарў бўлмасдан, бирор ҳолатдан ўзини асрашга ҳаракат қилмоқ.

Назаримда, Абдуразоқ ота кексаликка чап бериб, йил сайин кучига куч.. қўшилиб бораётгандай. Н. Сафаров, Оловли излар. [Яхшибоев:] Майли, ҳозирча ўлимга чап бериб юрибмиз, бундан кейин ҳам бирор ўн бешийгирма йил мўлжалимиз бор.. М. М. Дўст. Лолазор. **Чап ёни** (ёки ёнбоши) билан турибди Кимсанинг омади юришмаган, иши чаппасига кетган ёки серзарда бўлиб турган куни шундай дейилади. *Муҳаммад Расул ўз ичиди:* «Бу кун бой чап ёни билан турган шекилли», деб анча вақтгача калласини осилтириб ўтирди. Ойбек, Танланган асарлар. **Чап ичакка ҳам юк бўлмайди** Жуда оз, овра бўлиб ейишга арзимаиди (овқат ҳақида). **Чап кўз билан қарамоқ** Бошқаларга нисбатан камситиб, эътиборсиз қарамоқ. Колхозда ҳамма нарса бригадаларга баравар тақсимлансин. Раис бировга ўнг кўз, бировга чап кўз билан қарамасин. Ҳ. Гулом, Сенга интиламан. **Чап қўл айн. чап 2.** Отақўзи чап қўлдаги эшикни очди. О. Ёқубов, Диёнат.

**ЧАП II айн. чалп.**

**ЧАПАК** [ф. چپک — қарсақ] Кафтларнинг бир-бирига урилиши ва ундан чиқадиган товуш; қарс, қарсақ. *Гулдурас чапаклар.* ■ Суяққулнинг сўзи жуда қаттиқ чапак ва олқишлар билан қарши олинди. С. Айний, Қуллар.

**Чапак чалиб қолмоқ** Армонда қолмоқ, куруқ қолмоқ. *Элмуроднинг.. юз ва кўзларида:* «Ана, олиб кетди. Сен бекорга ўпкангни қўлтиқлаб юрибсан-да. Чапак чалиб қолаберасан», деган маъно ўйнади. П. Турсун, Ўқитувчи.

**ЧАПАКБОЗЛИК** Чапаклар, қарсақлар билан ифодаланган севинч, мамнуният, хурсандлик; зўр олқишлар. У. мажлисларда сўзга чиқса борми, одамлар «гапни қийворар эканми», деб қойил қолишар ва чапакбозлик бўлиб кетарди. С. Анорбоев, Оқсой.

**ЧАПАНДОЗ** [ф. چپاندوز — чап қўлда ўқ отувчи; тесқари; чапақай] **I** Ўзбек ва тожик мусиқасида мураккаб доира усули; талқин усулининг акси.

**2** Шу номли доира усули жўрлигида ижро этиладиган мумтоз кули ва ашулалар. «Чапандози наво». «Чапандози Ироқ».

**ЧАПАН(И)** [ф. چپانی — жулдур, увада кийинган; жулдурвоқи] Безоринамо, олифта, енгил-елпи ҳаётга ўрганган одам. *Мулла Наби чапани бир йигит бўлиб, кечаси*

билан бўзахоналарда, чойхоналарда санқиб юрар эди М. Муҳаммаджонов, Турмуш уринишлари. *Араббой қанча ўқиса ҳам, унинг қилиқ ва гапириши, юриш-туриши мактабда таълим кўрган киши эмас, балки чапани аравакашни эслатиб турар эди.* П. Турсун, Ўқитувчи. *Чойхонадан икки чапан йигит югуриб чиқиб.. чолга таъзим қилди.* Ойбек, Танланган асарлар.

**ЧАПАНИЛАРЧА айн. чапаничасига.** [Харитоновнинг] Гимнастёркасининг кўкраги чапаниларча очилган, кўзлари мастона сузилган. О. Ёқубов, Излайман.

**ЧАПАНИЧА рви.** Чапани одамларга хос бўлган; чапани одамлардай. *Ашур чапанича хоҳолб кулди.* П. Қодиров, Уч илдиз.

**ЧАПАНИЧАСИГА рви.** Чапани одамларга хос равишда, чапаниларча. *Назар тўшига гурсиллатиб урди-да, чапаничасига қий-қириб юборди.* Э. Усмонов, Ёлқин.

**ЧАПАНЧА айн. чапанича.** Бироқ, чапанича қилиб айтганда, «баданда одамгарчилик бўлиши зарур»га ўхшайди. А. Қодирий, Обид кетмон.

**ЧАПАРАСТА** [ф. چپاراست < چپهراسته — чап ва ўнг; чапга ва ўнгга] *рви.* Ўнг-сўл; ўнг-сўлга; ҳар тарафга; тартибсиз. *Одам тўлиб баланд-настда, жўнаёттир чапараста.* «Алпомиш». *Чапараста ураётган қор кўз очиргани қўймас эди.* Н. Сафаров, Оловли излар.

**Чапараста қилмоқ** Остин-устин қилмоқ, астар-пахтасини чиқармоқ. *Шоир шу кетишда тўғри бошлиқнинг олдига кириб бориб, чапараста қилиб сўқди.* Т. Мурод, Қўшиқ.

**ЧАПАТИ шв.** Юпқа қатирма нон; лочира. *Эрталаб Аҳмад Ҳусайн бир пиёла чой ва бир бурда чапати билан наҳорлик қилиб, ўрнидан турди.* Ойбек, Нур қидириб.

**ЧАПАҚАЙ I** Иш-ҳаракатни асосан чап қўл билан қиладиган. *Чапақай одам.* ■ *Шавкат чапақай эди.* Қ. Кенжа, Тоғ йўлида бир оқшом. *Чапақайларда бош миянинг ўнг яримшари функцияси чап яримшарниқидан устун туради.* «ЎзМЭ».

**2** Чап оёқдан чиққан. *Чапақай ошиқ.*  
**3** *кўчма* Ўнг келмайдиган, ноқулай, тесқари, чап. *Чапақай йўл.*

**Чапақай жаҳли чиқмоқ с.т.** Астойдил жаҳли чиқмоқ, ғазаби ошмоқ, ғазабига олмақ, Кампирнинг ҳам чапақай жаҳли чиқди.

С. Аҳмад, Сайланма. *Ака, ҳозир кайфим ошиб, чапақай жаҳлим чиқиб турибди.* Уйғун, Хуррият.

**ЧАПАҚАЙЛИК** Ҳаракатларни бажа-ришида чап қўлнинг ишлатилиши; ирсиятга боғлиқ ҳолат.

**ЧАПДАСТ** [ф. چپداست — чапақай; эпчил, абжир] **1** Чаққон, эпчил, уддабурон. *Тилов бува Яхшибоев тегирмонга тушганда ҳам бутун чиққан, чаптаст одам.* Т. Тўла. *Ғайрат Ҳакимдан кўз узмас, унинг эпчил, чаптаст ҳаракатларини ҳавас билан кузатарди.* М. Ҳазратқулов, Журъат.

**2** Уста, моҳир. *Унинг [Ғанининг] отабобоси новвой ўтгани учун ўзи нон ёпишга чаптаст эди.* Ш. Холмирзаев, Бодом қишда гуллади.

**ЧАПДАСТЛИК** Чаққонлик, эпчиллик, абжирлик. *..дўконда сочлари калта қирқилган бир йигитча чаптастлик билан савдо қилади.* Н. Аминов, Қаҳқаҳа. *Назирқул чаптастлик билан отнинг жиловини тутди.* С. Аҳмад, Уфқ. [Музаффар] *От минганда, отнинг бели толғудек, Чаптастлиги учар қуш-ни олғудек.* Я. Курбон.

**ЧАПИЛЛАМОҚ** «Чап-чап» овоз чиқармоқ; шапилламоқ. *Кўл чапиллар. Қайиқ бикинига тегиб қочар, кўпириб тўлқин.* Ҳ. Пўлат.

**ЧАПИЛЛАТМОҚ I** Чапилламоқ фл. орт. н. *Қодир қалин лабларини чапиллатиб, нонни узоқ чайнади.* Э. Усмонов, Ёлқин.

**2** Сувни кечиб ўтиш, сузиш каби ҳаракатларда чапиллаган овоз чиқармоқ. [Бектемир] *Қиялик остидан қўлмак сувни чапиллатиб кечиб ўтди-да, юқорига тирмашди.* Ойбек, Куёш қораймас.

**ЧАПИМОҚ I** Чаплаб ёпиштирмоқ. *Башарасига бўёқ чапиб, грим қилмоқ.*

**2** Чапик қилмоқ, қора сувоқ қилмоқ. *Маҳкам ака деворнинг ёриқларини чапиш билан овора.* Р. Файзий, Сен етим эмассан.

**ЧАПИШТИРМОҚ** Иссиқ сув билан совуқ сувни аралаштириб, илиқ ҳолга келтирмоқ. *Мехриниса икки челақка сув чапиштириб, уйга олиб кирди.* Р. Файзий, Ҳазрати инсон.

**ЧАПИК** Қора сувоқ, дастлабки сувоқ. *Чапик қилмоқ. Девор чапиғи текис чиқибди.*

**ЧАПЛАМОҚ I I айн. чапмоқ I.** *Онаси уни чўмилтирадиган бўлса, эрталабдан бошига қатиқ чаплаб қўярди.* С. Аҳмад, Сайланма.

**2** Кафтига олиб уриб ёпиштирмоқ. *..йигит молхона деворига лой чаплай туриб, қайлиғига ўтли-ўтли қараб қўяди.* «Ёшлик».

**Қора бўёқ (ёки лой, қора, қоракуя) чапламоқ** Ута ёмон қилиб кўрсатмоқ, салбий баҳо бермоқ. *Ўртоқ Парниева жиззакилик қилиб, авторларни қаттиқ нишонга олган, уларга қора бўёқларни чаплаб ташлаганлар.* «Муштум». *Отамурод чуқур тин олди: худо берди унга. Бошланди энди. Роса дийдиёсини айтадиган бўлди. Тоза қора чаплайди.* М. Мансуров, Ёмби. *Танқид қилишга ҳаммамиз ҳам уста. Кимёнинг юзига қоракуя чаплаш ҳам инсофдан эмас.* С. Нуров, Нарвон. *Танқидни тош отиш, қора суртиш, лой чаплаш деб тушунмаслик керак.* Газетадан.

**ЧАПЛАМОҚ II** Чап томонидан ёки чап бериб ўтмоқ. [Отабек] *Иккинчи бекатдан йўлни чаплаб, Тошлоқ дарвозаси орқали яна қайтиб Марғилонга кирган эди.* А. Қодирий, Ўтган кунлар.

**ЧАПЛАШМОҚ I I Чапламоқ I** фл. бирг. н. *Оқ тунукадан ясалган бакни еручоққа ўрнатиб, атрофига лой чаплашмоқда.* С. Аҳмад, Уфқ.

**2** Ёпишмоқ, ёпишиб қолмоқ. *Юзига чаплашган лойни кир панжаси билан артди.* Ойбек, Куёш қораймас. *Бугунги кутилмаган тун Ҳасанали отани чарчатган; унинг кекса кўзлари уйқу билан тамом чаплашиб олган эдилар.* А. Қодирий, Ўтган кунлар.

**3** Бир-бирига айқашиб-чалкашиб ноаниқлашмоқ. *Хат ўчирилавериб, жуда чаплашиб кетган эди.* О. Ёқубов, Излайман.

**ЧАПЛАШМОҚ II** Қарши бўлиб, зидлашиб қолмоқ, тескари бўлиб қолмоқ. [Каримийнинг] *Пичинги кўнглимни баттар ғаш қилди, чунки Матлуба билан чаплашиб қолганимиз рост эди.* О. Ёқубов, Бир фельетон кассаси.

**ЧАППА** [ф. چپچپ — чапақай; нотўғри; тескари, терс] *рвш.* Тескари, терс. *Тахмондаги пўстаклардан бирини олиб, чаппа тўшаб ётди.* «Ёшлик». *Йўқ, чаппа айланмас фалакнинг чархи.* Б. Бойқобилов.

**Чаппа бўлмоқ (ёки кетмоқ)** Кутилган ҳолнинг, исталган нарсанинг бутунлай акси, тескариси бўлмоқ. *Ишинг бир чаппа кетса, кетавераркан. Эрталаб турсак, боқувдаги қора новвосимиз йўқ.* А. Кўчимов, Ҳалқа.

**ЧАППАР: чаппар урмоқ I** Бирваракайига, ёппасига, ялписига юз бермоқ. *Водий-*

ларни яёв кезганда. Бир ажиб ҳис бор эди манда. Чаппар уриб гуллаган боғин, Упар эдим ватан тупроғин. Ҳ. Олимжон.

**2** Чарх урмоқ, шиддат билан ҳаракат қилмоқ; жавлон урмоқ. *Мана бу кун боболар арвоҳи чаппар урар Менинг азамат юртим - ўзбекнинг саҳросида.* А. Орипов. *Оқ ва қора дунёни чаппар уриб айлангум.* А. Суюн.

**ЧАППА-РОСТА** айн. чапараста. Чаппароста бўлиб айланди дунё. Б. Бойқобиллов.

**ЧАППАСИГА** рвш. Тескарисига, олди орқасига ёки остин-устин. *Аҳмадали тўнининг орқасини олдига ўгириб, чаппасига кийди.* «Ёшлик».

**Чаппасига айланмоқ (ёки кетмоқ)** айн. чаппа бўлмоқ (ёки кетмоқ) қ. чаппа. *Иш чаппасига кетганига яраша хотиннинг кўнглини олиш керак.* Қ. Кенжа, Нотаниш гул.

**ЧАП-ЧАП** Чап II с. тақр. У [Валивой].. *дўрдайган лабларини чап-чап ялади.* Ҳ. Назир, Ўтлар туташганда.

**ЧАПЧАП** Юпқа, шاپарак ноннинг тури. [Кампир] *Сопол лаганда тухум қовурдоқ билан қозонга ёнган иккита чапчап нон келтирди.* Ф. Фулом, Шум бола.

**ЧАПЯ** шв. Сут, қатиқ, суюқ овқат солиш учун ишлатиладиган сопол идиш; хурмача.

**ЧАПҒАЛАТ** шв. Шамғалат. *Кўзини чапғалат қилиб қочмоқ.*

**ЧАРАҚЛАМОҚ** Ялтирамоқ, ярқирамоқ; порлаб, нурланиб турмоқ. *Юлдузлар ёнади, Офтоб чарақлар.* А. Орипов.

**2** кўчма Шодлиги юз ифодасида акс этмоқ. [Қиз] *Уларнинг шодликдан чарақлаб кетган чеҳраларига қараб, булар ҳам шодланишлари, кулишлари мумкинлигига ажабланди.* М. Исмоилий, Фарғона т. о.

**ЧАРАҚ-ЧАРАҚ** кам қўлл. айн. жарақ-жарақ. *Тўғри, ерни пулга сотадилар, нақд пулни чарақ-чарақ санаб оладилар.* Ойбек, Танланган асарлар.

**ЧАРВИ** [ф. چرب / چربى - ёғ, мой; ёғли; ёғлилик] Молнинг (ёки қўй, эчки, от ва ш.к.нинг) ичаклари атрофида бўладиган ёғ; ички ёғ. *Қўй чарвиси.* ■ *Гушт эзилиб, қиймасимон бўлганда олиб, чарви ёғдан майда тўғраб, мижиб аралаштирамиз.* К. Маҳмудов, Ўзбек тансиқ таомлари.

**Чарви боғламоқ** 1) семирмоқ; 2) кўчма бойимоқ. *Ё, ҳаром-харишга аралашиб юриб,*

*сен ҳам чарви боғлаб қолдингми?* Уйғун, Хуррият.

**ЧАРВОҚ** [ф. چارباغ - тўрт томони боғ: катта боғ] с.т. Чорбоғ. *Бизлар сайр этгали бордик чарвоққа, Одами йўқ гул очилган овлоққа.* «Равшан».

**ЧАРЛАМОҚ 1** Чақирмоқ, таклиф қилмоқ. *Келсин, деб чарлайди бувишим сизни, Элчи қип юборган ойимча бизни.* «Ширин билан Шақар».

**Чарлаб чақирсанг ҳам келмайди** Атайлаб чақирсанг ҳам келмайди (мартабаси улуғ, кибрли ва ш. к. одам ҳақида).

**2** этн. Келин ёки куёвни чарлар маросими га чақирмоқ.

**ЧАРЛАР** этн. Никоҳ тўйидан сўнг келин ёки куёв шарафига ҳар икки қудалар уйида ўтказиладиган биринчи чақириқ. *Ҳаво очилиб кетиб, чарлар кунни келиннинг кенгмўл ҳовлисида ҳамма аёллар.. роса яйраб қайтишди.* Л. Тожиева, Меҳрим сизга, одамлар.

**Келин чарлар** Келиннинг ўз ота-онасиникига тўйдан кейин дастлабки боришига бағишланган чақириқ. **Куёв чарлар** Куёвнинг қайната-қайнанасиникига тўйдан кейин дастлабки келишига бағишланган чақириқ. **Боғ чарлар** Боғда ўтказиладиган чарлар. **Қуда чарлар** Қудаларнинг биринчи чақирилиши.

**ЧАРМ** [ф. چرم - ишлов берилган тери] **1** Ҳайвонлар терисидан ёки сунъий хомашёдан тайёрланадиган материал; кўн. [Чол] *Терига сув пуркайди ва кўва билан дўқ-дўқ уриб, чармни текислайди.* Ойбек, Танланган асарлар.

**Юзига (ёки бетига) чарм қоламоқ** Орномус, виждонни йиғиштириб қўйиб, безбет бўлиб олмақ. *Поша хола шунга ҳам шукур қилиб, бетига чарм қолаб, истасастамаса, куёвининг олдига гирдиқалалак эди.* Д. Нурий, Осмон устунни. *Гап бошласанг унга агар танқиддан, Бетига чарм қолаб олар шу замон.* «Муштум».

**2** Оёқ кийимининг остки қисми, таг-чарм. *Маҳси чарми. Туфли чарми.*

**3** сфт. Чармдан тайёрланган, чармдан тикилган, чарм қопланган. *Чарм сумка.* ■ [Мулла Фазлиддин] *Оёғига чарм кавуш кийиб, обрз четида бет-қўлини ювди.* П. Қодиров, Юлдузти тунлар. *Менинг ҳам қўтим ўчиб, жон ҳолатда.. чарм суняччиқни шартта ушлаб олдим.* Н. Фозилов, Дийдор.

**Чарм кўлқоп усталари** Боксёрлар. Баҳсларда тошкентлик ёш чарм кўлқоп усталари энг кўп галабага эришиб, биринчи ўринни кўла киритдилар. Газетадан.

**ЧАРМЛАМОҚ** Пойабзалнинг остки қисмига чарм қопламоқ, тагчарм кўймоқ. Ботинкамни уста янгидан чармлаб берди.

**ЧАРМФУРУШ** [ф. چرمفروش — чарм сотувчи] эск. Чарм билан савдо қилувчи, чарм сотувчи одам.

**ЧАРОС** Ўртапишар, юмалоқ қора узум. Ичкари ҳовли кенг, гулзор, баланд сўрига кўтарилган тоқлар. Чарос, ҳусайни узумлар фарқ пишиб, бошлари осилиб турибди. Й. Шамшаров, Тошқин.

**Чарос кўз** Гўзал, қоп-қора кўз. Юлдузхон чарос кўзларини оҳиста очди. Газетадан.

**ЧАРОҒ** кт. қ. **чироқ**. Бор экан инсон кўлида Орзу ёққан чароғ, Бу чароғни, ўйла бир кун Офтоб айлар хаёл. Э. Воҳидов.

**ЧАРОҒБОН** [ф. چراغبان — чироқ қоровули; чироқ ёқувчи] тар. 1 Кўча чироқларига қаровчи киши.

2 кўчма Илм-маърифат тарқатувчи одам. Мактаб боғ бўлса, бола ниҳол бўлса, бу боғнинг боғбони, илм чароғбони ўқитувчидир. Газетадан.

**ЧАРОҒОН** [ф. چراغان — машғалалар, чироклар: жуда ёруғ, равшан] 1 Равшан ёритилган; ёруғ. Чароғон кўчалар. ■ ..одатда йўл ва йўлкаларни чароғон этиб турадиган кўча чироқлари нурсиздек кўринади. М. Хайруллаев, Тилла маржон. Атроф чироқлардан чароғон. «Шарқ юлдузи».

2 кўчма Яшнаган, обод. *Файратимиз бир чароғон ўлкани қилди бино*. Ф. Фулом. *Рота адир устига чиққанда, унинг нариги томонида чароғон бир водий кўринди*. А. Қаҳҳор, Олтин юлдуз.

**ЧАРС** I тақл. с. Муз, ойна, чинни каби нарсаларнинг синишидан чиқадагиган товушлар ҳақида. *Ойна чарс этиб синди*. Муз чарс этиб ёрилди.

**ЧАРС** II 1 Шартаки, тўрс, ўжар; бетга-чопар. *Бийди момо ҳамон ўша-ўша — чарс, аччиқсўз кампирлигича қолаберди*. «Ёшлик». Аммо унинг чарс феъли қарз олмоқни ёқтирмайди. Н. Норқобилов, Бекатдаги оқ уйча.

2 Асов, ёввойи табиат, хурковувч (ҳайвонлар, қушлар ҳақида). *Айтиб бўлмайдиди, баъзи отлар чарс, ўргатилмаган бўлади*,

*устидан улоқтириб ташлаши мумкин*. Н. Аминов, Ёлғончи фаришталар.

**ЧАРСИЛЛАМОҚ** 1 «Чарс» этган овоз чиқармоқ. *Пуфлашинг зўри билан ўтин ниҳоят чарсиллаб ёна кетди*. Ойбек, Қуёш қораймас.

**Чарсиллаган совуқ** Қаттиқ, қуруқ совуқ. *Азаматлар чарсиллаган совуқда яланғоч бўлиб, сойга шўнғимоқда*. Ойбек, О. в. шабадалар.

2 кўчма Жаҳли чиқиб, дарғазаб бўлиб, одамни егудек бўлиб турмоқ. *Холмирзанинг тили қичиб келди-ю, хотинининг чарсиллаб турганини кўриб, ўзини оғирликка солди*. Ҳ. Назар, Ўтлар туташганда.

**ЧАРС-ЧАРС** Чарс I с. тақр. *Тарновдан тушаётган ёмғир суви шамолда дераза ойналарига чарс-чарс уриляпти*. Р. Азизхўжаев, Яшил чайла.

**ЧАРС-ЧУРС** айн. **чарс-чарс**. *Бир томонда чарс-чурс билан гулхан ёнади*. Ойбек, Танланган асарлар.

**Чарс-чурс қилмоқ** (ёкм этмоқ) 1) чарс-чурс овоз чиқармоқ. *Ўтинлар чарс-чурс этиб.. ёниб кетди*. С. Нуров, Майсаларни аёз урмайди; 2) норозилик, жаҳл билан қўпол муомала қилмоқ. *Эртасига ҳам Холниса хола чарс-чурс қилиб юрди*. Мирмуҳсин, Чиниқиш.

**ЧАРТЕР** [ингл. charter — шартнома < юн. chartion — варақча, бир парча қоғоз] Денгиз ёки ҳаво орқали йўловчи ёки юк ташиш учун кема, самолёт эгаси билан уни ёлловчи шахс ўртасида тегишли транспорт воситасини ёки унинг бир қисмини маълум рейс ёки вақтга ижарага олиш ҳақида тузилган шартнома.

**Чартер рейс** Шундай шартнома асосида амалга ошириладиган рейс.

**ЧАРХ** [ф. چرخ — гилдирак; доира, айлана; чигир] 1 Ип йигирадиган дуқли қўл асбоби. *Яхши хотин эрта туриб, чарх йигираб, Ёмон хотин эрта туриб, ўчоқ ковлар*. Мақол. ■ *Кимдир чарх йигиряпти шекилли, ғир-ғир овоз ҳам келяпти*. Х. Тўхтабоев, Йиллар ва йўллар.

2 Ҳар хил асбобларнинг, қурилмаларнинг айланадиган қисми; парраги. *Тегирмон чархи*. ■ - *Юринглар, ўшал қудуқнинг чархини айлантируرمىз, — деди Алишер*. М. Осим, Карвон йўллариди.

3 Кесувчи асбобларнинг тигини ўтқирлайдиган, қайрайдиган асбоб. *Чархда ничоқ чархламоқ*.

**Чарх илонлар** Қора илонлар оиласига мансуб илонлар уруғи (танасини ҳалқа қилиб ўраганида, тангачалари ишқаланиб, чарх тоши айланишига ўхшаш овоз чиқаради).

**4 кўчма** Гардиш, айлана. *Давр чархи. Чархи фалак.* ■ *Фаниева гап чархини айлантириб юбориш учун: -Лаълихонни ҳам олиб келмабсиз-да, — деди.* Ойдин, Кўнгли тўлдими, яхши йигит. *Тарк этдим чархи фалакни, мени тарк этмади оҳлар.* «Ёшлик».

**Чарх урмоқ** 1) айланмоқ; атрофида айланмоқ. *Ҳовуз атрофидаги қор босган толлар устида қарғалар чарх уриб қағиллайди.* Ў. Ҳошимов, Икки эшик ораси; 2) турган ерида олдинга босмай айланмоқ. *Велосипед чарх уряпти.*

**5 кўчма** поэт. Фалак; дунё. *Бу — чархнинг фақат бир-бир айланиши, Ҳамал кўёши ҳам тахтига минди.* А. Исроилов. *Номехрибон кўзлардан омон асра мени, чарх!* А. Обиджон.

**Чархи кажрафтор** Тескари айланувчи, адолатсиз дунё. *Чархи кажрафтор тўнини тескари кийди.* ■ *Чархи кажрафторнинг бир шевасидин доғмен.* Фурқат.

**ЧАРХАК** [ф. چرخك — кичик чарх; ип, калава ўраш қурилмаси] **1 шв. айн. чамбарак 2.**

**2** Ип калавалайдиган чархсимон мослама.

**ЧАРХЛАМОҚ** **1** Кесувчи асбобларнинг тигини ўтқирламоқ, қайрамоқ. *Пичоқ чархламоқ.* ■ *Чол пичан ғарами олдида чалғи чархлар эди.* «Шарқ юлдузи. *Ҳадим совға қилган қаламтарошнинг ёнига ошпичоғимизни чархлаб кўшиб қўйдим.* С. Сиёев, Ёруғлик.

**2 кўчма** Ўстирмақ, ўтқирламоқ, пешламоқ. *Ақлни чархламоқ.* ■ *Чархлаб туриш керак аммо Туйғу билан ақлни.* А. Орипов. *Қат-қат йиллар ташвиши бесаранжом кампирнинг сезги қувватини чархлаган эди.* «Ёшлик».

**3 кўчма** Бировга қарши хезламоқ. [*Нор Мастурага:*] *Хола, мени кўп чархламанг-у, уварангизни кесаберинг! Оғзингизга сиққанини уч кунда лаққа жигардек қанорангизга илиб қўяман.* Ҳамза, Паранжи сирлари.

**ЧАРХПАЛАК** [ф. + а. چرخفلك — осмон гумбази; дунёнинг, тақдирнинг ўзгарувчанлиги, беқарорлиги] **1** Сув кучи билан айланиб, катта ариқдан юқорига сув чиқарадиган энг қадимий қурилма; чиғир. *Кеч*

*енгил шабадада барелар аста шилдирар, бу майин сас.. ялқовланиб айланаётган чархпалакнинг гирч-ғирчига қўшилиб кетарди.* Й. Шамшаров, Тошқин. *Чархпалак чуқур сой тубидан сув олиб, теваракка жон бахш этмоқда.* Ж. Абдуллахонов, Орият.

**2** Маданият-истироҳат боғларига, болалар майдонларига ўрнатиладиган, бир нечта кажаваси бўлган, горизонтал ўқ атрофида электр қуввати ёрдамида айланувчи катта ғилдирак тарзидаги кўнгилочар иншоот. [*Қиз*] *Қийқириб кулар, тезликни писанд қилмас, чархпалак яна ўн марта тезроқ чарх урса ҳам, унга камлик қиладигандек эди.* А. Мухтор, Давр менинг тақдиримда.

**Тарих чархпалаги** Тарихий воқеа-ҳодисалар силсиласи; тарихнинг гардиши. *Абул Аббос Маъмурнинг фозжали ўлиmidан сўнг кўҳна тарихнинг чархпалаги тезроқ айлана бошлади.* М. Осим, Карвон йўлларида. **Чархпалак бўлмоқ** Думбалоқ ошиб, оёғи осмондан бўлиб йиқилмоқ. [*Отамурод*] *Бу аҳволда икки қадам юрмай чархпалак бўлиб йиқилади-ку.* Эмаклагани маъқулмикан? М. Мансуров, Ёмби.

**ЧАРХЧИ** **1** Чарх ясовчи уста.

**2** Кесувчи асбобларни чархловчи одам. *-Ҳай-ҳай-ҳай, калима келтир, уним, оллога минг марта шуқур дегин, — деди чархчи чол ранжиган тусда.* Ойбек, Улуғ йўл.

**ЧАРХЧИ** **II** Кичик сайроқи куш.

**ЧАРЧАМОҚ** Меҳнат, иш-ҳаракат, дардалам ва ш.к. натижасида ҳорғинлик, чарчоқ сезмоқ; ҳоримоқ, толмоқ. *Оёқ чарчаса, таёқ ярамайди.* Мақол. ■ *Икромжон юра-юра чарчади.* С. Аҳмад, Уфқ. *-Асабларингиз оғир хаёллардан чарчаган. Қаттиқ чарчаган, — деди врач.* «Ёшлик». *Икки соатлик қизиқ бир базмдан сўнг қизлар чарчадилар-да, уйинни тўхтатдилар.* А. Қодирӣ, Ўтган кунлар.

**ЧАРЧОҚ** **от** **1** Ҳориганлик, ҳорғинлик; толиқиш, чарчаш. *Шуқуржон бутун авзойи баданида қаттиқ чарчоқ ҳис этиб, бир нафас эшикка суяниб турди.* О. Ёқубов, Ота изидан.

**2 сфт.** Чарчаган, толиққан. *Тоғ ҳавоси нақадар сўлим — чарчоқ асабларга ором, юракларга мадор, танларга қувонч бағишлар, иноқлик ва ширин мулоқотларга сабабчи бўларди.* Мирмуҳсин, Илдизлар ва япроқлар.

**ЧАРЧОҚЛИК** Чарчаганлик, толиққанлик. *Нигора Шербекка боқаркан, бутун вужудини чарчоқлик эзиб юбораётгандай туюлди.* С. Анорбоев, Оқсой.

**ЧАСОВОЙ** [р. часовой — маълум соатларда алмашинадиган (соқчи) < часы — соат] қ. **соқчи**.

**ЧАСТОТА** [р. частота < частый — биринкетин тез алмашинувчи, муайян вақт оралиғида тез такрорланувчи (ҳаракат, ҳолат ёки воқеа-ҳодиса)] *физ.* 1 Маълум вақт ичида такрорланган ҳаракат ёки тебранишлар сони. *Тебранишлар частотаси.*

2 *кино тех.* Кадрларнинг алмашиниш даврийлиги ёки тезлиги.

3 *тлш.* Муайян лингвистик ҳодисанинг нутқда миқдоран қўлланиш даражаси. *Олмош туркумидаги сўзлар частотаси.*

**ЧАСТОТАЛИ** *физ.* Маълум миқдордаги частотага эга бўлган. *Олимларнинг аниқлашича, кўршапалаклар ҳавода юқори частотали ультратовуш тўлқинлари ёрдамида мўлжал олишаркан.* «Фан ва турмуш».

**Частотали луғат** *тлш.* Сўзларнинг (сўз шакллари, сўз бирикмаларининг) нутқда қўлланиш миқдори ҳақида маълумот берувчи луғат. *Частотали луғат тилда у ёки бу грамматик конструкция қайси частота билан қўлланганлигини ҳисоблаш имконини беради.* «ЎТА».

**ЧАТАНОҚ** *с.т.* Икки оёқнинг ораси; чот. *Ола қарғанинг юришини қиламан, деб чумчуқнинг чатаноғи йирилибди.* Мақол. ■ *Шу аснода юмалоқ, хушчақчақ миришкор.. катта тарвузни қорнига қўйиб, чатаноғини атайин кериб кира қолди.* Ойбек, Танланган асарлар.

**ЧАТИЛМОҚ** **Чатмоқ 1** *фл. мажҳ. н.* *Хат саккиз букланиб, қизил ипак билан бир-икки чатилган ва Отабекка аталган эди.* А. Қодирий, Ўтган кунлар.

**Қулоққа чатилмоқ** *айн.* **қулоққа чалинмоқ** қ. **чалинмоқ**.

**ЧАТИР** [ф. چتر — соябон; гажак] *бот.* Ем-хашак бўладиган ёввойи ўт. *Ўтказилган тажрибалар чўл ва адирларда, яйловларда шувоқ.. ялтирбош, чатир сингари ёввойи ўсимликлардан экиб, табиий яйловларнинг ҳосилдорлигини бирмунча ошириш мумкинлигини кўрсатади.* «Фан ва турмуш».

**ЧАТИР-ЧУТУР** *тақл. с.* Куруқ ўтиннинг ёнишидан чиқадиган товушни билдиради. *Гулханнынг чатир-чутури.*

**ЧАТИШ 1** **Чатмоқ** *фл. ҳар. н.* *Оқ ип билан чатиш. Тугма чатиш.*

2 Аралаш, дурагай. *Чатиш қўй.*

3 Туташ, чегарадош. *Чатиш даладар.*

4 Узоқ қариндош, бир оз қариндошлиги, яқинлиги бўлган, чатишган. *У бизга она томондан чатиш.*

**ЧАТИШМОҚ 1** **Чатмоқ** *фл. бирг. н.*

2 Дурагай бўлмоқ, дурагайлашмоқ. *Чатишган моллар.*

3 Узоқ қариндошлик муносабати билан боғланмоқ. *-Аҳмад Яссавий балки бизнинг пиримизга чатишган қариндошдир? — сўради мажлис аҳлидан бири.* Ойбек, Улуғ йўл. *Асли уллар билан Анзиратларнинг чатишган жойи бор — қариндош.* «Ёшлик».

4 Бир-бири билан қўшилиб, бирлашиб кетмоқ. *Бобоқайрағочнинг ўзаро чатишиб кетган шохларига боқиб, «ислимий мўъжиза», деб ўйлади йигит.* С. Сиёев, Ёруғлик. *Бепоев далада бир ботир ухлар: Сочлари чатишиб кетган гиёҳга.* Х. Даврон.

5 *кўчма* Ўзаро қўшилмоқ, бирлашмоқ. *Хоразм воҳаси ўзбек достончилигининг ўзига хос, эпик анъаналар чатишиб кетган этник регионларидан биридир.* «ЎТА». *Авазнинг гапида энгил киноя билан самимий эҳтиром нозик бир усулда чатишиб кетган эди.* С. Сиёев, Аваз.

**ЧАТИШТИРИШ** Уруғланиш жараёнида ирсий жиҳатдан бир-бирига ўхшамайдиган иккита жинсий ҳужайранинг табиий ёки сунъий қўшилиши; уруғларни қўшиш йўли билан янги нав, янги зотни юзага келтириш. *Чатиштиришча бирин-кетин иккитадан ортиқ ота-она шакллари жалб этилса, мураккаб чатиштириш ҳисобланади.* «ЎЗМЭ». [Зайниддин] *Лимон дарахтларини бир-бирига чатиштириб, янги, мазали, серҳосил навлар бунёд этиш учун астойдил интилди.* «Гулистон». *..бурноғи йили майин жузли зотли қўчқорлар келтирилиб, ўзимизнинг жайдари қўй ва эчкиларга.. чатиштириш бошланган эди.* С. Анорбоев, Оқсой.

**ЧАТИШТИРМОҚ** **Чатишмоқ 2** *фл. орт. н.* *Майин жузли қўйларни чатиштириб кўпайтириш.*

**ЧАТИҚ; чатиқ қош** Ўсиқ ва қўшилган қош. *Бу қора кўзлар мудом йиғлар чатиқ қош остида.* Ф. Фулом, Шум бола.

**ЧАТМА 1** *от* Каштачиликда гул тикишнинг бир усули. *Тикиши силлиқ эмас,*

ўғирмаси чатмага, санамаси йўрмага кундош бўлиб тургандай. *Ф. Фулом.*

**2** Тахта, хода, милтиқ ва ш.к. нарсларнинг тик ҳолда бир-бирига ёнма-ён боғлаб маташтирилган ёки учлари пирамидасимон бирлаштирилган ҳолати, кўриниши. *Бошқа сарбозлар милтиқларни бир жойда чатма қилиб қўйиб, кўчани сув сепиб сунурдилар. С. Айний, Дохунда. Янги туғилган бузоқларни хода чатмаларидан қўра қилиб қамаб қўйишибди. Э. Раҳим, Ҳаёт амри билан.*

**Чатма қош айн. чатиқ қош қ. чатиқ.** *Девор наҳрасидан тандирдан нон узаётган аёлнинг чатма қора қошлари кўриниб турарди. С. Нуров, Нарвон.*

**ЧАТМОҚ 1** У ер-бу еридан тикиб уламоқ, ёпиштирмақ. *Кўйлакка тугма чатмоқ. ■ Шу куни қайнана эски бир учбурчак туморни чақалоқ бешиги устига [гаврапўшга] чатиб қўйди. Мирмуҳсин, Чўри.*

**Игна чатмоқ** Игна билан тикмоқ. *Ҳовлида ёш жувонлар юришар, кимдир овқат пиширар, баъзи бирлари айвончага ёзилган наमत устида ҳадеб игна чатарди. «Ёшлик».*

**2** кўчма Бириктирмақ, боғламоқ. У [инженер] миясидаги бутун билганларини йиғиштириб, бир-бирига чатиб кўрди. *А. Мухтор, Опа-сингиллар.*

**ЧАТНАМОҚ** Дарз кетмоқ, ёрилмоқ; синмоқ. У [капитан] гиштга тойғаниб йиқилган экан, тўпик сувяги чатнабди. *А. Мухтор, Давр менинг тақдиримда. Қиз меҳнатдан, изғириндан чатнаган қўлларини қипқизил чўққа тутиб.. Ойбек, О.в. шабадалар.*

**ЧАТНОҚ** Ёрилган. *Сочлар пахмоқ, юзу қўл чатноқ, Лекин шон-ла қайтди беш ўртоқ. Чанқоқ ва чатноқ лаби: Сув! – деди – сув бер кўпроқ! Миртемир.*

**ЧАТОҚ 1** Қониқарсиз, ёмон; яхши эмас. *Қаранг, қандай ажойиб хислатларим бор. Лекин сиз ишга олмайсиз мени. Чунки менга ишонмайсиз – ўтмишим чатоқ-да. «Ёшлик». [Талъат:] Яхши гапирдингиз.. Фақат машина учрамагани чатоқ бўлди-да. Аксига юради ўзи. Ў. Ҳошимов, Қалбингга қулоқ сол.*

**2** Мушкул, қийин. *Тантибойваччанинг нафаси ичига тушиб кетди, лекин бу ўнғайсиз, чатоқ аҳволдан қутулиш учун ўзини билмасликка олди. Ойбек, Танланган асарлар.*

**3** Хато, нотўғри. *..табелчи ҳам худди жўрттага қилгандай, унинг номини ё ту-*

*тилиб айтар ёки чатоқ ўқиб, икки марта такрорлар эди. А. Қаҳҳор, Кўшчинор чироқлари. Лекин ёш болани – табибнинг ўғлини янтоқ билан савалаганим чатоқ бўлган экан. Ў. Ҳошимов, Икки эшик ораси.*

**4** кўчма Қайсар, ўжар; қитмир, ишқал қидирувчи. *Ер тўғрисида бир чатоқ одам билан судлашиб юрган эди, суд ишни бунинг зарарига ҳукм қилганмикан, деб ўйлади. Ойбек, Танланган асарлар. [Умар:] Умуман, эҳтиёт бўлинг, сизни кўролмайдиغانлар кўп. Ҳалиги индамас Ваҳоб ҳам чатоқ. Газетадан.*

**Аҳвол (ёки иш) чатоқ** Аҳвол, вазият яхши эмас; ёмон, чигал. *– Қозон қайнамай қолди, ошна, аҳвол чатоқ, – дедим. П. Турсун, Ўқитувчи. Ишлар чатоқ, ҳамма нарса чаптасига айланиб кетибди. Х. Тўхтабоев, Ширин қовунлар мамлақати. Чатоқ қилмоқ ёки чатоғини чиқармоқ 1) нотўғри, хато иш қилмоқ. Дарвеш гов яна бу ерда ҳам тилини тиймай чатоқ қилди. Барча беқларни ёмонлаб, қарғаб, оловга мой сенди! П. Қодиров, Юлдузли тунлар; 2) ёмон, оғир аҳволга солмоқ, зарар етказмоқ. – Шодиёрга айтинг, кўпам айланишимасин, тутсам, чатоқ қилман, – деди Тоғай. «Ёшлик».*

**ЧАТОҚЛАШМОҚ** Мушкул. ёмон аҳволга келмоқ; чигаллашмоқ. *Бир кори ҳол юз бериб, Ҳакимнинг аҳволи чатоқлашади-ган бўлса, у мадад бериш ўрнига, дарҳол қоралашга ўтиши аниқ. Ж. Абдуллахонов, Тўфон. – Энди, бу ёғини ҳеч бўшаштирмаслик керак. Агар иш салгина чатоқлашса, бировларга масҳара бўлиб қоламиз. – деди Элмурод. П. Турсун, Ўқитувчи.*

**ЧАТОҚЛИК 1** Чалқашлик, чигаллик, ишқал; хато. *Ҳисоб-китоб ишларидаги чатоқликлар туфайли бухгалтер Манюсуф ишдан бўшаб кетди. «Муштум».*

**2** Ноқулайлик; талаба мос келмаслик. *– Дом жоннинг роҳати дейишади-ю, шунақа пайтда [тўй-маърака қилаётганда] чатоқлиги билинади-да, – деди сийрак соқоли киши.. Ў. Ҳошимов, Қалбингга қулоқ сол.*

**3** Қитмирлик; ёмонлик. [Ҳазратовнинг] *Лақаби ўзига мос, фикри-ёди чатоқлик. «Муштум».*

**ЧАТОҚ-ЧУТОҚ** Жуда чатоқ, чигал, ишқал. *Чатоқ-чатоқ ишлар.*

**ЧАХ-ЧАХ** тақл. с. айн. **чағ-чағ.** *Бутоқларда минглаб қушлар чах-чах сайрайди. З. Акрамов, Ҳиндистон лавҳалари. Бу етма-*



гандек, ҳовлининг ҳув этак томонидан баралла булбуллар чах-чахи эшитила бошланди. А. Мухтор, Бухоролик бир йигит.

**ЧАЧВОН** тар. Отнинг думи қилидан тўқилган, паранжи остидан юзга тутила диган тўр парда; чиммат. У [Жаҳон отин/чачвонини кўтариб, паранжи орқасига ташлаб келаётган эди. М. Осим, Карвон йўлларида.

**ЧАШМ** [ф. چشم — кўз; булоқ; нинанинг кўзи; орзу-умид] эск. поэт. Кўз. Буюк Улугбекнинг чашмига кўзгу — Кўкда ҳамон кезар ўша тўлин ой. А. Орипов. Жаннат! Менга қўлгинангни бер, Нозик-ниҳол, эй чашми офат! М. Али.

**ЧАШМА** [ф. چشمه — булоқ; манба] 1 Ер остидан чиқаётган сув манбаи ва унинг суви. Мерган бағрини ерга бериб, чашма сувидан қониб-қониб ичди. Унинг ўтқир кўзлари чашма атрофидаги гиёҳларга қадалди. «Ёшлик».

2 кўчма Бирор нарсанинг манбаи. Ижод чашмаси. Билим чашмаси. Меҳр чашмаси.

**ЧАШМБАНД** [ф. چشمبند — кўзни тўсувчи] Чачвон; юз ёпинчиғи. Ясаниб олган болалар, янги доқа чодирга ўралиб, юзига чашмбанд ташлаб олган аёллар, кексалар ҳам бор. Ҳ. Фулом, Жазоирда тонг.

**ЧАШНАЧИЛИК, чашнагирик** [ф. چاشنى — таъм; тагиб, еб кўриш; таъмини билиш, синаш] Узум, вино, озиқ-овқат маҳсулотлари ёки ўсимлик хомашёси сифатини кўриш, ҳидлаш, таъм билиш, эшитиш аъзолари орқали аниқлаш. Чашначиликнинг камчилиги — унинг муайян даражадаги субъективлиги; афзаллиги эса, энг сезгир асбоблар билан аниқлаб бўлмайдиган ўзига хос нозик сифат хоссаларини фарқлаш ва унга баҳо беришдир. «ЎзМЭ».

**ЧАҚА** 1 Асосан мис, жез сингари металллардан ясалган, қиймати паст майда танга пул. Оқ кўйлак устидан олача ипак тўн кийган, гавдаси йўғон баққол.. ёш харидорнинг айтган нарсаларини тортиб, қўлидан майда чақаларни олди. М. Осим, Ибн Сино.

2 эск. Бир тийин. [Отабек ва Али] Дастурхонни йиғиштирувчи келинчакка ўғил тилаб дуо қилгандан кейин, қўлига ўттиз чақа сурма пули бердилар. А. Қодирий, Ўтган кунлар.

3 Умуман пул, маблағ. Темирчи йигитнинг чақаси миёнагина тўйга етарли бўлиб

қолганида, Холхўжа қўрбоши йигитларининг хуружи бошланди. С. Аҳмад, Ҳукм.

**Бир чақага (ёки сариқ чақага) арзимайди** Ҳеч нарсага ярамайди, арзимайди. -*Хайларим бир чақага ҳам арзимайди, муҳтарам зот, — ҳозиржавоблик билан узиб олди моҳир санъаткор.* Газетадан. **Бир чақага (ёки сариқ чақага) олмаслик** Менсимаслик, ҳурмат қилмаслик. Бу кулишдан унинг меҳмонни бир чақага олмаслиги аниқ билиниб турарди. А. Мухтор, Опа-сингиллар. *Мен тирикман — бозори чаққон, мен ўлсам, уни биров сариқ чақага олмайди.* М. М. Дўст, Лолазор. **Бир (ёки сариқ) чақалик** Сира, мутлақо. Бу Насим дегани шунақа.. *Бемаврид ёғаетган қор билан ҳам.. Аброрнинг тажанглиниб тургани билан ҳам унинг бир чақалик иши йўқ.* О. Мухтор, Эгилган бош. Бу чатоқ ишга ўзининг сариқ чақалик алоқаси бўлмаса ҳамки, бутун жавобгарлик ўз елкасига ағдарилгандай ханг-манг бўлди. Ҳ. Назир, Сўнмас чақмоқлар. **Сариқ чақам йўқ** Сира ҳам пулим йўқ. [Йўлчи:] *Онам, укаларим учун бу ерда юрибман, Эшвой ака, буни яхши биласиз. Аммо ҳозир ёнимда сариқ чақам йўқ.* Ойбек, Танланган асарлар. **Чақа қилмоқ** Сотмоқ, пулламоқ. *Мана, Барат сунургичи! Бозордан сунургисини чақа қилолмай, яна орқалаб қайтаётир.* Ойбек, Танланган асарлар.

**ЧАҚА II** 1 Кичик яра, жароҳат. Пулни юз-бетга чақа тошган иккита ўспирин олди. М. М. Дўст, Галатепа қиссалари. *Ниёзмурод Бибиғул юзидаги қонталашган чақаларни кўрди.* Мирмуҳсин, Чўри.

2 Бирон-бир зарб, таъсир натижасида нарсаларнинг юзасида ҳосил бўлган ўйиқ. *Машина урилиб чақа бўлди.* ■ *Пластмасадан қилинган шаф урилиб, чақа бўлади ёки стулнинг оёғи тез синиб қолади, деб сира хавотирланманг.* «Саодат».

**ЧАҚА III** шв. Бола, фарзанд.

**ЧАҚАЛОҚ** Янги туғилган бола; гўдак. *Дунёга келган чақалоқлар улғайгани сайин, уларда ҳиссий аъзолар шакллана боради.* «Фан ва турмуш». *Еттинчи кун хатми қуръон қилиниб, халққа ош берилди ва шу муносабат билан чақалоққа «Ёдгорбек» деб исм қўйилди.* А. Қодирий, Ўтган кунлар.

**ЧАҚИЛМОҚ Чақмоқ V** фл. ўзл. ва мажҳ. н. Ҳар ким ҳам чақилар, Яхши от ҳам қоқилар. Мақол. Чақилган тухум. Чақилган гуғурт чўпи. ■ *Фалвирал ёнғоқнинг иккитасини*

партага устма-уст қўйиб, бир урсангиз, иккаласиям чақилиб кетади. Ў. Ҳошимов, Икки эшик ораси. Ана бунда чақилган ёнғоқ, бодом ва данак мағиз.. бор. Н. Аминов, Қаҳқаҳа. От чопса, чақилар тоғларнинг тоши. «Тоҳир ва Зухра».

**Пистони чақилган** Кучи кетган, ишдан чиққан (одам ҳақида). Бундан ташқари, сен пистони чақилган одамсан, бизнинг қўлимизда узун косов бўлиб хизмат қилишдан бошқа ишга ярамайсан. А. Қаҳҳор, Қўшчинор чироқлари. **Пулга чақилмоқ** Пули оз қолмоқ; пул етишмаслигидан қийналмоқ. *Уша пайтларда иморат қуриб, пулга чақилиб қолган эдик.* Газетадан.

**ЧАҚИМЧИ** Бировнинг гапини бировга ташувчи, бирор кимсанинг сирини очувчи, бировлар устидан махфий хабар етказиб турувчи. *Бекорчидан безиб қоч, Чақимчидан — кўчиб.* Мақол. ■ [Шоҳрух] *Ҳар бир совуқ гап, фитнаю чақимчиларга қулогини тунтар, эркинроқ фикр юритувчи.. арбобларни қувғунга солиб, эътиборини пасайтирарди.* Мирмуҳсин, Меъмор.

**ЧАҚИМЧИЛИК** Чақимчига хос хатти-ҳаракат ва одатлар; гап ташувчилик. *Чақимчилик ёмон иллатдир, чунки у туфайли одамлар ўртаси бузилади.* Газетадан.

**ЧАҚИН** Ўт, ўт учқуни. *Тўғон тепасида электр пайванди чақин қақади.* С. Аҳмад, Онажонлар. *Катта олов йилат этган чақиндан бошланади.* «Шарқ юлдузи». *Кетмонларнинг чақини ялтирар эди.* Ойбек, О.в. шабадалар.

**2 айн. чақмоқ** III. *Баҳор осмонида чақнаса чақин, Кўксингдан отилар оловли нафас.* А. Орипов. *Қора булутлар орасида қиличдек ялтираб чақин қақа бошлади.* С. Аҳмад, Жимжитлик.

**ЧАҚИР** Ўткир қиррали, қиррадор. *Қия тушиб турган офтобда чақир тошларнинг акси сувга уриб, жимир-жимир товланар эди.* С. Анорбоев, Оқсой.

**Чақир кўз айн. чағир кўз қ. чағир.** *Вазирнинг новча, чақир кўз ўғли эса, ҳеч нарса ни эшитмагандек, кўзларини бақрайтириб турарди.* М. Осим, Карвон йўлларида.

**ЧАҚИРИЛУВЧИ** ҳарб. Ҳарбий хизматга чақирилган ёки чақирилиш ёшида бўлган шахс. *Юртдошлар армияга чақирилувчиларни кузатгани шу ерга келдилар.* Газетадан.

**ЧАҚИРИМ** [«чақирмоқ» с. дан] Метрик ўлчов системаси қабул қилинганга қадар қўлланган, 1,06 километрга тенг қадимги узунлик ўлчов бирлиги; бир километр. *Ёдгор қизнинг бир марта кулиб қарашини кўриш орзусида саккиз чақирим наридан гоҳ пиёда, гоҳ ўртоғининг велосипедиди келиб кетарди.* Ў. Ҳошимов, Икки эшик ораси.

**ЧАҚИРИМЛАМОҚ** Чақирим билан ўлчамоқ, ҳисобламоқ. *Чўллардан чақиримлаб эмас, бутун-бутун область ва район жойлашадиган ерларни очамиз.* Ойбек, О.в. шабадалар.

**ЧАҚИРИҚ 1** Чақирини мақсадида айтилган сўз, гаплар. *Фафур аканинг: -Қочадиган одам йўқ, келаверинг, — деган ҳазилнамо чақирини эшитилди.* Шукрулло, Жавоҳирлар сандиғи.

**2** Бирор хатти-ҳаракатга ундаш, даъват қилиш. *Демак, Бобурнинг дунё лаззатларидан фойдаланиш.. тўғрисидаги насихат ва чақиринлари ҳаётдаги турли-туман кўнгилсиз, бахтсиз воқеалардан.. ҳам чекишнинг ўрнига тавсия этилган тадбирлардан эди.* «ЎТА». *Командирнинг чақиринлари взвод жангчиларини жасоратга чорларди.* Назармат, Жўрлар баланд сайрайди.

**3** Хонадонда бирор муносабат билан ўтказиладиган меҳмондорчилик, зиёфат. *Яқинда бир танишим қизининг туғилган куни муносабати билан меҳмон чақирин қилди.* М. Исмоилий, Одамийлик қиссаси.

**Қуда чақирин этн.** Никоҳ тўйидан кейин қудалар тарафидан келин ёки куёвнинг оиласи ва қариндош-уруғларини чақирин бериладиган зиёфат. *Совуқчилик қуда чақириндан бошланди.* «Шарқ юлдузи».

**4 тар.** Шўро даврида: партия, ҳукумат ёки съезд, қурултой, мажлис ва ш.к. томонидан эълон қилинган мурожаат, даъват ёки шиорлар. *1 Май чақиринлари.* ■ *Бўтабой сўзининг охирида.. чақиринга ўзининг тайёр эканини билдирди.* А. Қаҳҳор, Қўшчинор чироқлари.

**5** Навбатдаги сайловдан кейин ҳамкорликда иш олиб боровчи депутатлар таркиби.

**Чақирин қоғози** Идора, муассаса ва ш.к.нинг расмий таклиф қоғози; повестка. *Қодирбек билан бўлган тунги можародан бир ҳафтача ўтгандан кейин милициядан менга чақирин қоғози келиб қолди.* М. Қориев, Ойдин кечалар.

**ЧАҚИРЛАМОҚ** кам қўлл. айн. **шиқир-ламоқ**. Маҳалла чойхонасида одам тиқилинч, қаердадир чойнак қопқоқлари чақирлайди. «Муштум».

**ЧАҚИРМОҚ 1** Номини айтиш, овоз чиқариш ёки бирор хатти-ҳаракат воситасида муайян жойга келишга ундамоқ, чорламоқ. *Бир вақт Кумуш хола чақириб қолди: -Хув Қоракўз! Мунда кел, болам! С. Сиёев, Ёруғлик. Хон қарс уриб, мулозимини чақирди. С. Сиёев, Ёруғлик. Аҳмедов имо билан уни [Канизакни] чақирди. А. Қаҳҳор, Қўшчинор чироқлари. Бўтабой баланд овоз билан бригадирларни чақирди. А. Қаҳҳор, Қўшчинор чироқлари.*

**2** Ўзига қаратиш мақсадида номини айтиб ёки бошқа сўзлар воситасида узоқроқ жойдан туриб мурожаат қилмоқ. *Кўчанинг нариги юзидан уни кимдир чақирди. Ҳамроқул, чақирган кишига қарайман, деб гандираклар кетди. А. Қаҳҳор, Асарлар.*

..деб **чақирмоқ** Атамоқ, шундай ном, сўзни қўллаб мурожаат қилмоқ. *Бу кишининг устодлари.. Зокир эшон-да.. Хон уни «Зокир гов» деб чақирар эди. К. Яшин, Ҳамза. Бўлмаса сизни, амаки, деб чақирсам майлими? Х. Тўхтабоев, Ширин қовунлар мамлакатини.*

**3** Таклиф, даъват қилмоқ. *Деҳқон ўзининг яқин қариндошларини ва ошна-оғайниларини меҳмонга чақирибди. «Чалпак ёққан кун». Куёш тик келганда, Чўли бобо ҳаммани овқатга чақирди. Мирмуҳсин, Меъмор.*

**Куёв чақирди этн. айн. куёв чарлар. қ. чарлар.** Бегимхоннинг онаси куёв чақирдисини ўтказиши билан 1939 йили Эрали ҳарбий хизматга кетди. И. Раҳим, Чин муҳаббат.

**4** Бирор иш, вазифа ва ш.к. ни адо этишга ёки унда иштирок этишга даъват қилмоқ, ундамоқ. *Ёрдамга чақирмоқ. Мусобақага чақирмоқ. ■ Раҳбарлар Фотиманинг ишини мақтаб, ҳаммани ундан ўрناق олишга чақирарди. Т. Ашуров, Оқ от. Чолинг жаҳли чиқиб, золим хонни урушга чақирди. «Чалпак ёққан кун». Никоҳ қуни.. самовар қайнатиш ишига бойнинг хотини Йўлчини чақирди. Ойбек, Танланган асарлар.*

**Мажлис (ёки кенгаш) чақирмоқ** Мажлис ёки кенгаш бўлиши ҳақида унга алоқадор шахсларга билдирмоқ, хабар бермоқ; мажлис ёки кенгаш ўтказмоқ. *Эртөөвнинг бахтига, иккинчи секретарь ҳам кичик мажлис чақирган экан.. О. Ёқубов, Эр бошига иш*

тушса. *Хусайн Бойқаро кенгаш чақирди. Ойбек, Навоий.*

**5** Бирор нарсани келтиришни сўрамоқ, буюртма бермоқ (ошхона, чойхона ва ш.к. ларда). *[Йўлчи] Чойхоналардан бирига кирди. Устунга суяниб, тахта каравотда оёғини узатиб ўтирди. Чой чақирди. Ойбек, Танланган асарлар. Ўзинг чақирдинг, ўзинг буюрдинг. [Пулини] Тўлайбер! А. Қаҳҳор, Оғайнилар.*

**6** Олло(х), худо, эгам, парвардигор каби сўзлар билан бирга қўлланиб, «вафот қилди, ўлди» деган маънони англатади. *Олло Фаррухни ўз даргоҳига чақириб олибди. С. Сиёев, Ёруғлик.*

**7** Қичқирмоқ, товуш чиқариб хабар бермоқ. *Гудок чақирди. ■ Бу орада яна бир хўроз чақириб ўтди. М. Исмоилий, Фарғона т. о.*

**8** кўчма Пировардида бирор натижага олиб келмоқ; келтириб чиқармоқ. *Уйқу касал чақирар. Мақол. ■ Ортиқча кулги йиғи чақиради. Газетадан. Тут тепасида бир қарга бўйнини чўзиб, жон-жаҳди билан қағиллаб, қор чақирарди. Мирмуҳсин, Қуламас қоя.*

**Эшигини чақирмоқ** Бировнинг эшигини қоқмоқ, тақиллатмоқ.

**ЧАҚИРТИКАН** айн. **чақиртиканак 2.** *Дўст ортираман десанг, ширин суҳбат қил, Душман ортираман десанг, чақиртиканак бўл. Мақол. ■ Севишганлар — қизил гул билан оқ гул ўртасига тушган чақиртиканак ким экан? Мирмуҳсин, Умид.*

**ЧАҚИРТИКАНАК 1** бот. Пояси ер бағирлаб ўсадиган ёввойи ўт ва унинг юлдузча шаклли тикани. *Умид янтоқ, чақиртиканаклар ёнида чўнқайиб ўтириб, хўн-хўн йиғларди. Мирмуҳсин, Меъмор.*

**2** кўчма Бировнинг йўлига тўғоноқ бўлувчи, унга зарар етказувчи. *Энди қарасам, ўзим ҳам чақиртиканак эканман, Ғозиддин Қобулов мени юлиб ташлашга ҳаракат қилган сайин, унинг қўлини қоната бошладим. О. Мухторов, Эгилган, бош.*

**ЧАҚИРТИРИҚ** Биров орқали чақирӣқ. *Ҳасанали бу чақиртириқдан бир нарса ҳам сезмаган.. эди. А. Қодирӣй, Ўтган кунлар.*

**ЧАҚИРУВ 1** Чақирмоқ фл. ҳар. н.

**2: чақирув қоғози айн. чақирӣқ қоғози қ. чақирӣқ.** *Назира Жалилованинг ўттиз нафар курсдоши имтиҳондан чиқибоқ, чақирув*

қоғози билан фронтга жўнаб кетишди. «Саодат». Раис, сизга рухсат, судда ҳам бир-икки марта безовта қилишади. Чақирув қоғози олишингиз билан албатта келишингиз керак. С. Аҳмад, Жимжитлик.

**ЧАҚИЧ** шв. айн. Сақич. -Буви, қутингизда битта ҳам чақич қолмадими? — деб сўради бола. «Ёшлик».

**ЧАҚИШМОҚ I** Чақмоқ V фл. бирг. н. Меҳмонлар писта чақишиб, гаплашиб ўтиришибди.

2 дағл. Жипслашиб, қапишиб қолмоқ (итлар ҳақида).

**ЧАҚИҚ** Бировнинг устидан етказилган махфий маълумот, хабар; тўхмат. *Бойларнинг чақиғи билан Йўлчининг иши оғирлашди.* Ойбек, Танланган асарлар.

**ЧАҚМАЧАҚАР** с.т. қ. **чақимчи.** Акамнинг ўрнида бўлганимда, чақмачақар синглимнинг юзини бир уриб, қизартириб қўйган бўлардим. А. Кўчимов, Ҳалқа.

**ЧАҚМОҚ I I** Атмосферавий электр заряди; яшин. *Осмондаги дабдабали, аммо фойдасиз чақмоқ бўлишдан кўра, ерда бир тутам олов бўлиб, бир ғарибнинг қозонини қайнатмоқ афзалдир.* Уйғун ва И. Султон, Алишер Навоий.

**Чақмоқ чақди** Чақмоқ ялт этиб кўринди. *Мана чақмоқ чақди ногаҳон, Зимистон тун чоки сўкалар.* Р. Парфи. *Гулдур этиб, булут тарқаб, Ялт-юлт этиб чақмоқ чақди.* Ҳамза.

2 кўчма Ўт, учкун. *Қизнинг шаҳло кўзида нафрат чақмоғи ялт этиб ёнди-ю, ўчди.* «Ёшлик».

**ЧАҚМОҚ II** Ўт олдириш асбоби. *Тоҳир шивирлаб сўради: -Чақмоқ билан тутантириқни ҳам олдингми?* П. Қодиров, Юлдузли тунлар. *Папирос чекиш учун олиб юрган чақмоғидан бошқа ёруғ берадиган бир нарса йўқ.* Ойдин, Мардлик — мангулик.

**Чақмоқ мўйлов** Қоп-қора, хушбичим мўйлов. *Чақмоқ мўйловини бураб, дўптисига райхон қистирган Икромжон..* ғўза қатор ораларига кириб кетди. Мирмуҳсин, Қизил дурралар.

**ЧАҚМОҚ III: чақмоқ телпак** Тепаси духобадан, жияги тулки, сувсар ёки кундуз мўйнасида тикилган қимматбаҳо телпак. *Хомтама бўлма, сенинг кавушингга улар зор эмас, мўйнадўзлар тиккан чақмоқ телпакларни ҳам бошларига урмайдилар.* М. Осим, Элчилар. *Шунда эшикдан гимнастёрка, га-*

*лифе шим ва чақмоқ телпак кийган бир йигит энгашиб кирди.* «Ёшлик».

**ЧАҚМОҚ IV: чақмоқ қанд** Тўртбурчак шаклли қанднинг ҳар бир бўлаги. *Кимёгар янги бир зарра кашф этса, Бу ижод боиси бўлган, ҳойнаҳой, Столнинг четига сиз қўйиб кетган* Бир чақмоқ қанд билан бир пиёла чой. Э. Воҳидов.

**ЧАҚМОҚ V I с.т.** Писта, бодом, ёнғоқ ва ш.к. қаттиқ пўчоқли меваларни ёки баъзи ҳўл меваларнинг данакларини тишлаб ёки бирор нарса билан уриб ёрмоқ. *Абдишукур бодом-писта чақиб, аччиқ чой ичиб, яйраб ўтирарди.* Ойбек, Танланган асарлар. *Зарар қилгай данакни тишда чақмоқ.* Ҳабибий. *Бола ёнғоқни чақиш учун атрофига кўз югуртириб, тош қидирди.* «Ёшлик».

2 Қаттиқ нарсани синдириб майдаламоқ, бўлак-бўлак қилмоқ; ушатмоқ. *Тош чаққан, цемент қорган ҳам ўзим..* Миртемир. *Оппон қиррали стакан лабиға тухум уриб чақдида..* яхшилаб арчиб, лунжиға солди. С. Аҳмад, Сайланма.

3 Бир-бирига уриб, суртиб, олов чиқармоқ; ёндирмоқ. *Гугурт чаққандим, кўзим тўрдаги ёғоч сандиққа тушди.* Ш. Холмирзаев, Йўллар, йўлдошлар. *Баратов.. папирос олиб, гугурт чақди.* С. Зуннунова, Янги директор.

4 кўчма Чақа қилмоқ (қ. **чақа II 1**). *Яланг оёқ юриб кўрсам, шағал бармоқларимни чақиб ташлади.* Ҳ. Назир, Бир туп ғўза.

5 кўчма Чарчатмоқ, уринтирмоқ. -*Бугун лойда ишлайсан. Қорнингни тўқламасанг, лой чақади, — деди [Йигитали].* Т. Малик, Ажаб дунё. *Элчи Муҳаммадалини йўл чақиб қўйган, бир неча кундан бери ўз меҳмонхонасида дам олиб ётар эди.* М. Осим, Элчилар.

6 кўчма Мазмун-моҳиятини англамоқ; ечимини топмоқ. *Иборалар кўп, ибораларнинг маънолари ҳам кўп, ҳар бирини чақиш керакки, кейин қўлингда фонус бўлиб, йўлингни ёритади.* М. М. Дўст, Лолазор. *[Ҳафиз] Алёхиннинг этюдларини ёнғоқдай чақиб ташларди, қурғур.* А. Мухтор, Туғилиш.

**Мағзини чақмоқ қ. мағиз I 3.** *Чакки бўлибди, жиян. Ер сотган эр бўлмайди, эр ер сотмайди.* Мана бу гапнинг мағзини чақ. Ойбек, Танланган асарлар. **Пулга чақмоқ** Қийматини пул билан белгиламоқ, ўлчамоқ. *Ҳосилни пулга чақиб кўрсам, катта фойда*

олишим аниқ бўлиб қолди. «Ёшлик». Ҳамма нарсани пулга чақиб гаплашадиган савдогарнамо Суръатнинг хатти-ҳаракатлари доимо Умиднинг жинини кўзгар, «нега бунақасан?» дерди баъзан у. Мирмуҳсин, Умид.

**ЧАҚМОҚ VI 1** Тишлаб ёки найзасини санчиб жароҳатламоқ, оғритмоқ ёки заҳар солмоқ (илон, чаён, ари каби газандалар, чумоли, бурга, чивин каби ҳашаротлар ҳақида). *Маълумки, Ҳиндистонда илон чақишидан ҳар йили минглаб киши ҳалок бўлади. «Фан ва турмуш». Бир марта чаён чақиб олувди, ҳозир ўша эсимга тушиб кетди. Х. Тўхтабоев, Ширин қовунлар мамлакати. Оёғини чақаётган чумолини ушлаб, кўздан кечирди. «Ёшлик».*

**Пули чақади** Нархи жуда оғирлик, қимматлик қилади. *Ўзи ёқади, пули чақади. Мақол.*

**2 кўчма** Аччиқ гаплар айтмоқ, заҳрини сочмоқ. *–Қандай қилай, ўлиб бўлдим, – деди она кўздан ёш оқиб, – отанг ўлгур чақаман дейди. Ойбек, Нур қидириб. Вақт ўтган сари онанинг гумонлари асоссиз ишончга айлана борди, у заҳарли киноялар билан куёвини чақиб ола бошлади. Ф. Мусажонов, Баҳор нафаси.*

**3 кўчма** Чақимчилик қилмоқ, гап ташиб, ғийбат қилмоқ. *..у ўзи ишламагани ишламаган, кишилар ҳақида хиёнат қилмоқда. Яна.. бизни амирзодага чақади. Мирмуҳсин, Меъмор. Ким сизга шундай деб чаққан бўлса, бекор айтибди. С. Абдулла, Мавлоно Муқимий.*

**ЧАҚМОҚДАЙ, -дек 1** Чақмоқ каби, чақмоққа ўхшаб. *У Жумабойнинг турқиға, қўлида чақмоқдай ярақлаётган камар тўқасига қараб туриб, юрагини ваҳима босди. А. Кўчимов, Ҳалқа.*

**2 кўчма** Қоп-қора; чиройли. *Тўлават чақмоқдай мўйловини аста силаб кўйди. С. Анорбоев, Оқсой.*

**3 кўчма** Топ-тоза; тартибли кийинган; ясанган. *Чақмоқдай қиз. Чақмоқдай энгилбоши ўзига ярашган эди.*

**ЧАҚМОҚИ: чақмоқи телпак айн. чақмоқ телпак қ. чақмоқ III.** –Ҳаммомга ўт қаловчи – гўлаҳликни ўргансанг, эртаю кеч ўт олдидан жилмайсан, гуппи билан чақмоқи телпакнинг ҳам кераги бўлмайди, – деди Шум бола Омонга. *Ф. Фулом, Шум бола.*

**ЧАҚМОҚЛАМОҚ 1** Синдирмоқ, ушатмоқ, бўлак-бўлак қилмоқ, чақмоқ (қанд, тош ва ш. к. ни). *Қандни чақмоқламоқ.*

**2** Қовун-тарвузнинг ширинлигини, мазасини билиш учун озгина кесиб олмоқ. *Тарвузнинг яхши-ёмонлигини баъзилар чертиб билади, баъзилар чақмоқлаб билади. Шукрулло, Жавоҳирлар сандиғи.*

**ЧАҚМОҚТОШ** Бир-бирига ёки темир парчасига урганда ўт чиқарадиган қаттиқ тош. *Қолдирмиш у сенга қора кун учун Бир чимдим туз билан бир жуфт чақмоқтош. А. Орипов. [Зулфизар билан Авазхон] Иккови отидан тушиб, даланинг хас-хашагидан йиғиб, чақмоқтош уриб, олов чиқариб.. ёндириб юборди. «Зулфизар билан Авазхон».*

**ЧАҚНАМОҚ 1** Ёрқин нур, олов учқунлари сочмоқ. *Заргаров саҳрода яшин чақнаган тунларни яхши кўрар.. эди. А. Мухтор, Бўронларда бордек ҳаловат. Куёш дам булут орасига кириб, дам кескин ялтираб чақнардди. Ойбек, Навоий.*

**2** Ярқирамоқ, ялт-ялт этиб товланмоқ; ялтирамоқ. *..худди шу пайт Муқаддас ҳам қаради-да, садаф тишларини чақнатиб, бир кулди. О. Ёқубов, Муқаддас. Кўзлари ҳамон кулгидан чақнаб турарди. «Саодат». Чўққиларнинг қил учи худди қилич дамидек чақнаб турибди. С. Аҳмад, Жимжитлик.*

**3** Ёришмоқ, ёп-ёруғ бўлмоқ. *У [Комил] тўғри уйга кириб.. электрни ёқиб юборди. Ясоғлиқ хона чақнаб кетди. Ойбек, О.в. шабадалар. Туйнукдан нур тушиб, хонанинг бир бурчи чақнаб кетди. «Ёшлик».*

**4** Акс этмоқ; намоён бўлмоқ, ифодаланмоқ, билинмоқ (нигоҳ, кўз қарашга нисбатан). *Нигоҳида нафрат чақнаб, беҳтиёр кафтини пешонасига босди. С. Юнусов, Кутилмаган хазина. Олазарак кўзларида фақат ташвиш ва ҳадик чақнардди. Ф. Мусажонов, Ҳиммат.*

**5 кўчма** Яшнамоқ, гул-гул очилмоқ; ёш ва чиройли кўринишга эга бўлмоқ. *..Скамейкада ўтирган она ҳали замон қизининг чақнаб, тоғ кийигидек ўйноқлаб чиқишини кутарди. Мирмуҳсин, Умид. Чақнаб юрган чоғи юзлари нақш олмадай бўлиб турар, энди.. ўзини ёшлигидагидай кўргиси келар.. эди. «Ёшлик». Шу қиёфада [Қобул Комилович] хушқад йигитлардай чақнаб кўринарди кўзга. Ж. Абдуллахонов, Хонадон.*

6 кўча Жўш урмақ, тугёнга келмоқ, Юрагингда чақнасин фақат Ёруғ хаёл, самовий ўтлар. А. Орипов.

**Оёғидан ўт чақнамоқ** Шахдам, эпчил, абжир бўлмақ, Йисит деган аргумоқдай ўноқлаб, оёғидан ўт чақнатиб юриши керак. С. Сиёев, Отлиқ аёл. **Туёғидан ўт чақнамоқ** (от, тойга нисбатан). Тез ва енгил чопадиган; учқур. Уч ёшга кирганида, [Қора Жайрон] булутга сакрайдиган, туёғидан ўт чақнайдиган от бўлди. С. Аҳмад, Жимжитлик.

**ЧАҚНОҚ** Ярқироқ; нурли, ёрқин. Гўё чақноқ юлдуз пайдо бўлди-ю, Фикрдай йилт этиб кечди самодан. Х. Даврон. Ёш дўстим, сенга қараб туриб ҳавасим келади: юзларингда ёшликка хос тароват, кўзларингда чақноқ нур. Газетадан.

**ЧАҚОНФИЧ** шв. Чаёнўт.

**ЧАҚУВ** айн. чақиқ. Эҳтимол, орага бирон шубҳа ёки чақув тушиб, ўғлимизни ҳиб қилгандирлар. Мирмуҳсин, Меъмор.

**ЧАҚЧА** шв. Носқовоқ. Белида ханжар бор, чақчада нос бор. Миртемир.

**ЧАҚЧАЙМА** Чақчайган, катта очилган (кўз ҳақида). Чақчайма кўз.

**ЧАҚЧАЙМОҚ 1** Кўзини катта очиб, ола-кула қилиб қарамоқ; бақраймоқ. Чақчайиб турган Шамси: -Э, сизнинг нима ишингиз бор, ишингиз бўлмасин! - деган эди. Мирмуҳсин, Чиниқиш.

2 Катта очилмоқ (кўз ҳақида). Бувимнинг кўзлари чақчайиб, соққадай думалоқ бўлиб кетди. Э. Раимов, Ажаб қишлоқ. Чақчайма, Адолат! Чақчайган кўзларинг эримнинг бошини еди. И. Раҳим, Чин муҳаббат.

**ЧАҚЧАҚ** Хурсандчилик, хушчақчақлик билан қилинган суҳбат; ҳангама. Болаларнинг қизир суҳбат, чақчақи. Қ. Муҳаммадий. Сунпаларга, сўриларга тўшалган шолча, гиламларда одамлар чақчақи тинмайди. Ҳ. Нуъмон ва А. Шораҳмедов, Ота.

**Чақчақ уриб** 1) баланд, ёқимли овоз чиқариб. Булбуллар сайрар, какликлар чақчақ уриб, ҳар қуш бир турда сайраб турибди. «Нурали»; 2) хушчақчақ, хурсанд бўлиб. Ҳамиша кулиб, чақчақ уриб юрадиган дилкаш одам эди у. М. Исмоилий, Одамийлик қиссаси.

**ЧАҚЧАҚЛАМОҚ** Баланд овоз, кўтаринки кайфият, хушчақчақлик билан гапирмоқ, кулмоқ. Тинмай жавраб, чақчақлаб турган Светлана бирдан бўшашиб туш-

ди, хомуш бўлиб қолди. Р. Файзий, Ҳазрати инсон.

**ЧАҚЧАҚЛАШМОҚ** Хушчақчақлик билан вақт ўтказмоқ, суҳбатлашмоқ. Кунига биз билан чақчақлашиб, биз билан чой ичадиган Султон амаки бўлса индамай ўтирибди. Ҳ. Назир, Ёнар дарё. Табибий билан Аваз чақчақлашиб, тўйхонага кириб келдилар. С. Сиёев, Аваз.

**ЧАҚЧАҚЛИК** кам қўлл. Хурсандчилик, хушчақчақлик. Замоналининг чеҳрасидаги бояги чақчақлик йўқолди. М. Исмоилий, Фарғона т.о.

**ЧАҚ-ЧУҚ** тақл.с. Металл ёки металлдан қилинган асбобларнинг бирор нарсага урилиши натижасида чиқадиган овозини билдиради. Темирчининг «чақ-чуқ» сасига, Бир куни денг, ишхонасига Кирди ўйнаб талай болалар. С. Очил. Тарс-турс, чақ-чуқ этган товушлар чиқиб, юқори кўтарилган кетмонларнинг йилтироқ сиртига тўқинган қуёш нури ялт-юлт чақнаб турарди. А. Қодирий, Обид кетмон.

**ЧАҚҚОН 1** сфм. Эпчиллик билан ҳаракат қиладиган; чаптаст. Бургут — анча йирик, чаққон ва кучли қуш. «Фан ва турмуш». Қўшинисининг чаққон қизини кўз остига олиб қўйган эди. «Ёшлик».

2 рвш. Тез, эпчиллик билан. У чаққон кийина бошлади. «Ёшлик». Қизил чуваклари билан юмшоқ босиб, чаққон елиб хизмат қилмаса, ўзини қаёққа қўйишни билмай қолди. А. Мухтор, Давр менинг тақдиримда.

**Бозори чаққон қ. бозор 2. Оёқ-қўли (ёки кўл-оёғи) чаққон** Ҳуда чаққон; эпчил. Оқ халатли юмалоқ ошпазнинг оёқ-қўли чаққон. «Шарқ юлдузи». Оқ сочли гапга чечан десам, кўл-оёғи ҳам чаққонгина бир киши экан. Х. Тўхтабоев, Ширин қовунлар мамлақати. **Тили чаққон** Юз-хотир қилмасдан шартта гапирадиган; шартаки. Зумраднинг қўли ҳам, тили ҳам чаққон эди. С. Сиёев, Отлиқ аёл.

**ЧАҚҚОНЛАШМОҚ** Ҳаракати тезлашмоқ, жадаллашмоқ. Заргарнинг эса оёқ-қўллари чаққонлашиб, кайфи чоғ бўлиб қолганидан, Тўранинг унга ёқиб қолганини пайқаш қийин эмас эди. Ё. Ҳаймов, М. Раҳмон, Ҳаёт-мамот. Кампир.. борган сари қўллари қовушиб, чаққонлашиб кетди. Газетадан.

**ЧАҚҚОНЛИК** Тез ҳаракат қилишлик; эпчиллик; чаптастлик. -Э, қани чиқинг,

домла, — *Илҳом чаққонлик билан кабина эшигини каттароқ очди. — Марҳамат!* Н. Аминов, Қаҳқаҳа. *Ҳалиги барваста одам ўгирилиб, ўзига ярашмаган чаққонлик билан унга интилди.* М. Мансуров, Ёмби.

**ЧАҒАЛАЙ** Кўлларда яшовчи ёввойи қушларнинг бир тури. *Мовий кўллар узра сузса чағалай, Адирларда кезса оққув галалар.* А. Орипов. *Оққушларми, чағалайларми, денгизга тўш уриб, яна шодон кўтарилди.* М. Мансуров, Ёмби.

**ЧАҒДАВУЛ, чангдовул** [мўғ. чагдуул] **1** эск. тар. Чингизийлар, темурийлар армиясида кўшиннинг орт — арьергард қисми.

**2** Кўшиннинг орт қисми кўмондони.

**ЧАҒИЛЛАМОҚ** айн. **чағирламоқ.**

**ЧАҒИР** **1** эск. айн. **чоғир.** *Эл қонидан ичишар чағир, Бари бирдай ўғри, муттахам.* Миртемир.

**ЧАҒИР** **II** Ола-була, кулранг. *Баширжон чағир кўзли шофёрга зимдан қараб-қараб кўяр.. эди.* Н. Аминов, Қаҳқаҳа. *Севаргул жилмайибгина онасининг.. чағир кўзларига тикиларкан, беихтиёр кўнглидан шу фикр ўтди.* Н. Қиличев, Чигириқ.

**ЧАҒИР** **III** айн. **чақир.** *Чағир тошлар товонимдан тишлаб олган, Қўлларимдан кийикчалар ушлаб олган.* М. Юсуф. *Олис, чағир тошли йўллардан Отда елиб ўтамиз бирга.* Х. Даврон.

**ЧАҒИРЛАМОҚ** «Чағ-чуғ» овоз чиқармоқ, чуғурлашмоқ (зағча, қарга каби қушлар ҳақида).

**ЧАҒИРЛАШМОҚ** **1** **Чағирламоқ** фл. бирг. н. **2** кўчма Шовқин солиб, бири олиб-бири кўйиб гаплашмоқ, чувурлашмоқ.

**ЧАҒИР-ЧУҒУР** тақл. с. **1** Қушларнинг баравар сайрашидан, чуғурлашидан чиқадиган бетартиб овозни билдиради. *Алақадан учиб келган қушларнинг чағир-чуғур сайрашигина эшитилади.* З. Фатхуллин, Сўнамас юлдуз.

**2** кўчма Бетартиб, бақириб-чақириб сўзлашиш, олағовур суҳбат. [*Бой:*] *Ҳой, ичкари кир, чағир-чуғурдан қулогим битди.* Ойбек, Танланган асарлар. *Уларнинг чағир-чуғур аралаш қаҳқаҳалари ҳовлини янгради.* Ойбек, Танланган асарлар.

**ЧАҒИРҚАНОТ** Ўрдаклар кенжа оиласига мансуб бир турли ёввойи ўрдак.

**ЧАҒРАК** Туркий этник гуруҳ. *Тахмин қилинишича, чаграклар қипчоқ қабилалари-*

*дан бири бўлиб, 11–12-асрларда Фарғона водийсининг тоғли ҳудудларига келиб ўрнашиб қолган.* «ЎЗМЭ».

**ЧАҒ-ЧАҒ** тақл. с. Зағча, қарга сингари қушларнинг овозини билдиради. *Баъзан чағ-чағ этади бирдан Зағчалар ҳам топгандек висол.* Газетадан.

**ЧАҒЧАҒЛАМОҚ** «Чағ-чағ» овоз чиқармоқ, сайрамоқ. *Ёнимдан чағчағлаб ўтган эй тўрғай, Севинчимни куйлаб уч яна баланд.* Ҳ. Пўлат. *Бутун дунёнинг булбули шу ерларга йиғилиб келгандай, ҳар соҳда чағчағлайди.* Ш. Холмирзаев, Сайланма.

**ЧАҒ-ЧУҒ** айн. **чағ-чағ.** *Қора қарғаларнинг кuzда тўда-тўда бўлиб далалардан қайтиш пайтларидаги қаттиқ чағ-чуғлари диққатни жалб этади.* Газетадан.

**ЧЕВАР** **1** Кийим-бош ёки кашта тикишга уста аёл, моҳир тikuвчи. *Мана шу чевар қизлар харидорғир маҳсулот тайёрлашади.* «Саодат».

**2** кўчма Ўз ишининг моҳири, устаси; удлабуру. *Пахталар ватанининг асл чевари — Пахта даласининг қиз-жувонлари.* Ф. Фулом.

**ЧЕВАРА** Эваранинг фарзанди — ўғли ёки қизи (катта бобога, бувига нисбатан). *Бу йиғит бир вақтлар унинг чевараси Темир билан қалин ўртоқ эди.* Ҳ. Фулом, Замин юлдузлари.

**ЧЕВАРЛИК** **1** Кийим-бош тикишга моҳирлик. *Қизлар чеварликни иштиёқ билан ўрганмоқдалар.* Газетадан.

**2** Моҳирлик, удлабурунлик. *Унинг [Жамиланинг] озодалиги, ҳусн-жамоли, пазанда, чеварлиги ҳамманинг оғзига тушиб кетган.* Ҳамза, Бой ила хизматчи.

**ЧЕВРИЛМОҚ** Айланмоқ. *Москвадан самолёт Тошкентга етиб, Лолалар устида чеврилар эди.* Ф. Фулом. *Ҳамманинг армони — соғайсин кўшиқ, Заррин қанотида чеврилсин осмон.* А. Орипов.

**ЧЕГА** **1** Чинни асбобларнинг синигини улаш учун ишлатиладиган, иккала учи қайрилган металл михча. *Чегга тушган коса. Тиришганининг тўқмоғи тошга чегга қоқади.* Мақол.

**2** Идишларнинг шундай михчалар билан уланган, чегаланган ери. *Пиёланинг чегасидан сув сирқияпти.*

**3** Ёғоч мих.

**ЧЕГАЛАМОҚ** Синган чинни идиш-ас-бобларни чега билан уламоқ, бутунламоқ. *Пиёлани чегалаган билан бари бир изи билиниб туради. «Шарқ юлдузи». Шу лаҳзада Қамчинбекнинг кўзи чегаланган бир чойнакка тушиб қолди. Мирмуҳсин, Супургига сажда.*

**ЧЕГАНА** *шв. айн. чакана* 3.

**ЧЕГАРА 1** Бир-бирига кўшни, ёндош бўлган вилоят, туман, худуд орасидаги ҳад, бўлиниш, ажралиш чизиги. *Энди Қорабулоқ чегарасидаги доводдан ўтиб олишса, у ёғи осон. М. Исмоилий, Фарғона т. о.*

**2** Кўшни давлатларнинг сувдаги ва қуруқликдаги худудини, доирасини кўрсатувчи чизик. *Давлат чегараси. Чегара соқчиси. ■ Қаландарлар чегарадаги назорат пунктидан хат-хужжатларини кўрсатиб, Туркистон тупроғига ўтишди. К. Яшин, Ҳамза.*

**3** Охир, ниҳоя, поён. *Чўлнинг чегараси йўқдек.. Р. Файзий, Чўлга баҳор келди.*

**4** кўчма Чек, меъёр; ўлчов; доира. *Одоб чегараси. ■ Аммо у сабр-бардошнинг ҳам чегараси борлигини аллақачон билиб олган.. Х. Султонов, Онамнинг юрти. Бу газандалар ваҳшийлигининг чегараси йўқ экан-да! Т. Рустамов, Манган жасорат.*

**Чегарадан чиқмоқ** Бирор хатти-ҳаракатда меъёрга риоя қилмаслик. *Ҳей, Нишопурий! Чегарадан чиқиб кетяпсиз! [деди Бадиа]. Мирмуҳсин, Меъмор.*

**ЧЕГАРАДОШ** Умумий чегарага эга бўлган, ёнма-ён жойлашган; кўшни. *Чегарадош давлатлар. ■ Колхоз катта, бу ёғи кончилар шаҳри Кенсойга чегарадош. С. Сиёев, Отлиқ аёл. Мирзакаримбой.. одамларнинг ерларини — агар уларнинг ерлари ўз ерларига чегарадош бўлса — ўзиникига кўшиш учун.. ҳар қандай номул ва адолатнинг бетига тупураб эди. Ойбек, Танланган асарлар.*

**ЧЕГАРАЛАМОҚ 1** Икки орани, чегарани белгиламоқ; чегара билан ажратмоқ. *Давлатларни чегараламоқ.*

**2** кўчма Белгили талаб, ўлчов, меъёр ва ш.к. билан чекламоқ. чек кўймоқ. *Ҳақ-хуққини чегараламоқ. Таъсир доирасини чегараламоқ. ■ Жумладан, комедиядаги айрим ортиқча кўринишлар билан ташбех, ҳолат ва элементлар чегаралаб ташланган. Газетадан.*

**ЧЕГАРАЛИ 1** Белгили чегара билан ўралган, чегараси бўлган, маълум чегара доирасидаги.

**2** кўчма Маълум талаб, ўлчов, меъёр ва ш.к. билан чекланган; чекли, ўлчовли; ҳисобли. *Николиннинг қалбини янги бир кўрқинч таталарди: ўқ-дори, озиқ-овқат унда чегарали эди. Ойбек, Куёш қораймас.*

**ЧЕГАРАСИЗ 1** Белгили чегараси йўқ, маълум чегара билан ажратилмаган.

**2** кўчма Чекланмаган, ҳеч қандай чек, чегара қўйилмаган ёки қўйиб бўлмайдиган, чеки, чек-чегараси йўқ; чексиз, битмас-туганмас, бениҳоя. *Чегарасиз хаёллар. ■ Қизнинг орзулари чегарасиз эди. «Ёшлик».*

**ЧЕГАРАЧИ** Давлат чегараларини муҳофаза қилувчи ҳарбий хизматчи; чегара хизматчиси, соқчиси. *Менинг ёрим чегарачи — ёвга йўл бермас. «Кўшиқлар».*

**ЧЕГАЧИ** Синган чинни, сопол идишларни чегаловчи, чега қилувчи. *Эски Жўвада ҳангама кўп. Бир томонда синиқ чинилар ямоқчиси — чегачилар гув-гуви авжида. Ойбек, Болалик.*

**ЧЕГИРМА** Бирор миқдордаги пул, маблағ, нарса ва ш.к. дан чегириб олинган қисм, ҳисса.

**ЧЕГИРМОҚ** Бирор миқдордаги пул, маблағ, нарса ва ш.к. дан маълум қисмни чиқариб ташламоқ; ушлаб, тутиб қолмоқ. *Иш ҳақидан қарзини чегирмоқ. Оғирлигидан намлик учун 5% чегирмоқ. ■ Иш ҳақингиздан чегириб қолинади, деб огоҳлантиришди. Газетадан.*

**ЧЕК 1 1** Давомли нарса ёки ҳодисаларнинг энг сўнги чегараси, охири, ниҳояси, поёни. *Йўлнинг чеки. Чеки йўқ дашт. Чек нуқта. Чек йўл. ■ Ўз ерининг чекларига босиб тикан.. Ф. Фулом.*

**2** кўчма Йўл қўйилиши мумкин бўлган чегара; меъёр. *Ҳар нарсанинг чеки бор. Чекдан чиқмоқ. Доноликнинг чеки йўқ. Мақол. ■ Қуролланишга тезроқ чек қўйиш лозим. Газетадан. У даҳшатли хаёлларга чек қўйиб, дарҳол институтга отлана бошлади. Газетадан.*

**ЧЕК 2** [ф. چك — қозининг ҳукми, қарори] **1** Ҳисса, улуш. *Ўз чекини олмоқ.*

**2** Зимма; мажбурият. *Сиздан яширадиган сир йўқ, тўйнинг нони менинг чекимга тушган эди. Н. Сафаров, Оловли излар. Шу йилларда онанинг ҳолидан хабар олиш Тоғжихон опаларнинг чекига тушган. А. Нурмурадов, Уруш бевалари.*



**3** Тақдир, қисмат, пешона. *Чекинга тушса, чекчайма.* Мақол.

**Чек ташламоқ** Қуръа ташламоқ, қуръа ташлаб тахт синамоқ, ўз чекига тушганини аниқламоқ.

**ЧЕК III** [ингл. check < ф. *چک* — пул муомаласига доир ҳужжат, шартнома; вексель] *мл.* Маълум юридик шахснинг жорий ҳисоб рақамидан муайян миқдордаги пулни бериш ёки ўтказиш ҳақидаги ёзма фармойишдан иборат махсус ҳужжат. *Чек билан пул олмақ.*

**2** Касса томонидан бериладиган, товар учун тўланган сумма кўрсатилган талон, шунингдек, тўланиши лозим бўлган сумма кўрсатилган ва кассага тақдим этиладиган квитанция. *Сотувчининг қўли-қўлига тегмас, чек олиб, одамларга сут, кефир берарди.* Мирмуҳсин, Илдишлар ва япроқлар.

**ЧЕК IV 1** қ.х. Шоли экиш учун текисланиб, марзалар билан ажратилган ер, дала участкаси. *Шаҳардан чиқиб, катта-кичик қишлоқларни, майда-йирик чекларни кесиб утган чанг-тупроқ йўлда.. Ҳожиди хола ёшгина жувон билан.. боради.* М. Исмоилий, Фарғона т. о.

**2** Шахсий уй-жой қуриш учун ажратилган ер майдони ва шу ерга қурилган уй-жойнинг ўзи.

**ЧЕКА** с.т. Чет, чекка. *Чекага чиқ!* ■ [Командир] *Бир чекадан пулемётга чақирди.* Шуҳрат, Шинелли йиллар.

**ЧЕКА** [р. «Чрезвычайная комиссия» (фавқулодда комиссия) бирикмаси қисқартмаси (ЧК)нинг ўқилиши] *тар.* Шўро даврида 1918–1922 йилларда мавжуд бўлган «Аксилинқилоб ва саботажга қарши кураш бўйича Бутунроссия фавқулодда комиссияси»нинг қисқарган номи. [Муҳаррир:] *Ахборингиз учун Чека ўша вақтларда боқимсиз болалар устидан гамхўрлик қилишни ўз зиммасига олган эди.* А. Қаҳҳор, Сароб.

**ЧЕКАНКА** [р. чеканка] қ.х. Ғўзанинг, узумнинг юқори шохларини ёки юқори шох учларини қирқиш, узиш, чилпиш. *Ҳосил туғиш даврида ғўзани чеканка қилиш муҳим агротехник талаблардан ҳисобланади.* Газетадан. *Илгари чопиқ, яганая чеканка ҳам ўқувчиларсиз битмас эди.* М. Ҳазратқулов, Журъат.

**ЧЕКАНКАЧИ** Ғўзани чеканка қилувчи мутахассис деҳқон.

**ЧЕКИМ** Бир марта чекиладиган, бир чекишга етарли, бир чекишли. *Бир чеким нос.* ■ *Турдибой ундан бир чеким нос олиб, чекмоқчи бўлиб, бурнининг яқинига келтириб, Элмуродга тикилди.* П. Турсун, Ўқитувчи.

**ЧЕКИМЛИК** Чекиладиган нарса (махорка, папирос, сигарета, наша ва ш.к.).

**ЧЕКИНДИ** Чекиб ташланган ёки чекиб тамомланмаган папирос, сигарета ва ш.к. қолдиғи. *Гугурт чўпи ва махорка чекиндиларига диққат билан қаради.* Ойбек, Куёш қораймас.

**ЧЕКИНИШ** **Чекинмоқ** фл. ҳар. н. *Ниҳоят, ярим кечага борганда, душман тамом ҳолдан тойиб, чекинишга мажбур бўлди.* А. Қаҳҳор, Олтин юлдуз.

**Лирик чекиниш** *ад.* Бирор мақсадда асосий мавзудан четга чиқилган, муаллиф ҳистуйғулари ифодаланган лирик парча.

**ЧЕКИНМОҚ I** Орқага тисарилмоқ, тисланмоқ. *Директор ранги ўчиб, сал орқага чекинди.* «Шарқ юлдузи». *Усар бухгалтер, тумшугини ари уясига тиқиб олган айиқдай, ортига чекинди.* А. Кўчимов, Халқа. *Хотин ноз билан чекинди.* С. Аҳмад, Ҳукм.

**2** ҳарб. Душман ҳужуми натижасида илгариги позицияларни ташлаб, орқага кетишга мажбур бўлмоқ, орқага жилмоқ. *Душман тепадан жанг билан чекинаркан, муаллим яна ҳаммадан олдинда ўтга кириб кетди.* Ойбек, Куёш қораймас. *Асирни дарҳол сўроққа тутдик. У чекиниш вақтида қуршовда қолган артиллериячилардан экан.* Н. Сафаров, Оловли излар.

**3** кўчма Қайтмоқ, воз кечмоқ. *Ойқиз ҳам ўз фикридан асло чекинмай, қатъий тураверди.* Ш. Рашидов, Бўрондан кучли.

**4** кўчма Ўтмоқ, тугамоқ. *Қишнинг сўнги кунлари аста-секин чекинмоқда эди.* Ш. Рашидов, Бўрондан кучли.

**5** кўчма Йўқолмоқ, йўқ бўлмоқ. *Орқага чекинар ним қоронғилик.* Х. Даврон. *Ойнинг хира ёғдуси чекинди.* «Ёшлик».

**6** кўчма Четга чиқмоқ. *Қоидадан чекинмоқ.*

**ЧЕКИСТ** [р. чекист] Чека ходими, аъзоси. *Тошкентда менга учра. Сени шогирд қилиб оламан. Чекист бўласан. Хўпми? Ҳ.* Фулом, Машғал.

**ЧЕКИШ I** **Чекмоқ II** фл. ҳар. н. *У чекининг ҳам машқини олган эди.* Мирмуҳсин, Умид. *У [Думбул Ғани] аллақандай ютоқиб, шошиб, чекишни қўмсаб, гугурт чақиш-*

га уринар, лекин қўллари қалтираб, ҳадеганда урдасидан чиқа олмасди. М. Мансуров, Ёмби.

**2** Сигарета; истъёмол қилинувчи наркотик модда. *..йигитча икки оғайниси билан муюлишида турарди. Уяна чекиш сўради.* «Ёшлик».

**ЧЕККА** Нарсаларнинг, жойнинг ўрта қисмига, марказига нисбатан энг чети, четки томони; ён, ёқа, қирғоқ, чет. *Айвоннинг чеккаси. Йўлнинг чеккаси. Чеккадаги одам.* ■ *Йўлнинг чеккасида қатор терғқлар саф торган.* Газетадан.

**Бир чеккадан** 1) бирор томондан, бир четдан. *Бир чеккадан кимнингдир овози эшитилди;* 2) бир бошдан, батартиб. *Нон ясаб бўлгунча, тандир қизиди. Кейин бир чеккадан ёндим.* Ойбек, Танланган асарлар. **Бир чеккаси** 1) бир чети, томони. *..тип-тиниқ осмоннинг бир чеккасида бўзарган ой хомуш осилиб қолган эди.* Ў. Ҳошимов, Қалбингга қулоқ сол; 2) *кри. с. вэф.* Бир ҳисобда; шунингдек. *Ҳақимбойвачча учун Йўлчи синалган, азамат бир малай ва, бир чеккаси, қариндош эди ҳам.* Ойбек, Танланган асарлар.

**ЧЕККАЛИК** Чеккага, марказдан чет ерга мансуб. *Чеккалик киши.*

**Бир чеккалик тур** Четга чиқиб тур. **Ишлар бир чеккалик бўлди** Ишлар бартараф бўлди.

**ЧЕКЛАМОҚ** Белгили талаб, ўлчов, меъёр ва ш. к. билан чегараламоқ; чегара, чек қўймоқ; чегарасини белгиламоқ, қатъий қилиб қўймоқ. *Вақтни чекламоқ.* ■ *Бунинг устига, таржимоннинг луғатини ҳам чеклаш уни бутунлай занжирбанд қилиб қўяр эди.* «ЎТА».

**ЧЕКЛАНМОҚ** 1 **Чекламоқ** фл. мажҳ. н. *Харажатлар чекланди. Вақт чекланди.*

**2** Чегараланмоқ, кифояланмоқ. *Тошкент тиббиёт институти шифокор мутахассислар етиштиришининг ўзи билан чекланмайди.* «Гулистон».

**ЧЕКЛИ** 1 Чеки, охири, поёни бўлган. *Чекли фазо. Чекли миқдор (мат).*

**2** Чеклаб қўйилган, ўлчовли, ҳисобли. *Чекли вақт. Чекли маблағ.*

**ЧЕКМОҚ** 1 *эск.* Тортмоқ, урмоқ. *Тиг чекмоқ.* ■ *Армон билан билмагани билдирар, Ханжар чекиб, қора бағринг тилдирар.* «Кунтуғмиш».

**ЧЕКМОҚ** 2 Бошдан кечирмоқ, руҳан ёки жисман ҳис қилмоқ. *Азоб чекмоқ. Машаққатлар чекмоқ.* ■ *..фоний дунё азоб-уқубатларини кўп чеккан банда боқий дунё роҳатини кўради.* Мирмуҳсин, Мемор.

**Жон чекмоқ** Астойдил, жонини жабборга бериб ишламоқ, ҳаракат қилмоқ. *Меъморнинг дашт офтобида сардоба қуриб бераман, деб жон чекиб юганини кўраётган шогирдлари устодга ачинишарди.* Мирмуҳсин, Меъмор. **Оҳ (ёки нола, фарёд, ёҳу) чекмоқ** Чуқур қайғуриб, изтироб билан йиғламоқ; оҳ тортмоқ. *Оҳлар чекиб ҳар дам кундуз, Жўраси йўқ ўзи ёлғиз.* «Баҳром ва Гуландом». *Қобил Комиловичнинг ўзи эса айвон устунига дам-бадам бошини уриб, нола чекарди.* Ж. Абдуллахонов, Хонадон. *Йигитлар мактубин битганда қондан, Келинлар фироқдан чекканда ёҳу, Унинг ҳам панох қайтмади жангдан.* А. Орипов,

**ЧЕКМОҚ** 3 1 **Истеъмол қилмоқ.** *Сигарет чекмоқ. Чилим чекмоқ.* ■ *Орамизда беш киши махорка чекади.* С. Сиёев, Ёруғлик. *Мен ҳам уни кўтараётганимда, шундай ачимсиқ ҳид димоғимни ёриб юборай деганди, наша чекканига иқрор бўлдим.* Газетадан. *У айвон чеккасида сигарет чекиб турарди.* Ў. Ҳошимов, Қалбингга қулоқ сол.

**2** Санчиб, куйдириб, босиб тасвир, нақш, безак ҳосил қилмоқ, безамоқ. *Эғнида тўқ кўк шевиотдан костюм, ёқаларига гул чекилган оч пушти блузка.* Ойдин, Суҳбати жонон.

**Имзо чекмоқ** Қўл қўймоқ. *Сафо Авезов ўнг қўли билан актга имзо чекди.* «Муштум».

**ЧЕКСИЗ** 1 Чеки, чегараси, охири, поёни йўқ; поёнсиз, бепоён. *Чексиз фазо. Чексиз пахта далалари. Чексиз миқдор (мат.).* ■ *Бир оздан кейин Қумри чексиз даштга ишора қилди.* Мирмуҳсин, Қумри ва Таманно.

**2** *кўчма* Чекланмаган, жуда катта; битмас-туганмас; бениҳоя; чуқур. *Чексиз садоқат. Чексиз имкониятлар.* ■ *Бузрук эшоннинг Ҳамзага нисбатан адовати чексиз эди.* К. Яшин, Ҳамза. *Мен чексиз ҳайрат ва диққат билан Ҳилолага тикилдим.* О. Мўминов, Хиёбондаги уч учрашув. *[Аянинг] Дардли кўзларида чексиз алам, лабларида унсиз тавна.* О. Ёқубов, Диёнат.

**ЧЕКСИЗЛИК** 1 Чексиз бўлишлик, бепоёнлик. *Осмоннинг чексизлиги. Садоқатнинг чексизлиги.*

**2 мат.** Чексиз миқдор. *Чексизликка интилувчи сон.*

**ЧЕКЧАЙМОҚ** *шв.* Чақчаймоқ; бакраймоқ. *Чекинга тушса чекчайма. Мақол. ■ Илгар кийик билан кучук бир-бирларидан қўрқар, бир-бирларига яқин келолмай, чекчайиб туришарди. Ҳ. Нуъмон, Фасллар.*

**ЧЕЛ** *шв.* Экин майдонлари, ер пол (тахта)лари орасидаги чегара; уват. *Резина этикли киши эрталабдан буён дала айланиб, челларни кўздан кечиради. Газетадан.*

**ЧЕЛАК** Асосан суюқликларни сақлаш, ташиш учун хизмат қиладиган, цилиндр шаклли, ёйсимон бандли идиш; пақир. *Сирли челақ. Бир челақ сув. ■ Кудуқ бўйида челақ тўла сув ва занжирга боғланган мис жом турарди. С. Айний, Дохунда.*

**ЧЕЛАКЛАБ** *рвш.* Челақ билан, челақда. *Челақлаб сув ташимоқ. ■ Қурилишда эса цемент билан қум аралашмалари челақлаб қўлда ташилмоқда. «Муштум».*

**Челақлаб қуймоқ** 1) челақ билан қуймоқ; 2) кўчма шаррос қуймоқ, қаттиқ ёғмоқ (кучли ёғмир ҳақида). *Булутларнинг ҳаракати бежо. Ҳали замон тепамиздан челақлаб қуйиб берса ҳам, эҳтимол. Ҳ. Назир, Сўнмас чақмоқлар. Тунлари челақлаб ёғмир қуюди, эрталаб қарасанг, экин-тикинларингдан номнишон йўқ. Ж. Абдуллахонов, Хонадон.*

**ЧЕЛАКЧИ** Челақ ясайдиган ёки тузатадиган уста.

**ЧЕМОДАН** *айн. чамадон. Хотини — Анна иссиқ кийимларни чемоданга жойлади.. Ойдин, Ҳикоялар.*

**ЧЕМПИОН** [*ингл.* champion < *фр.* champion — жангчи; курашчи] Спортнинг бирор тури бўйича шаҳар, вилоят, мамлакат ёки жаҳон биринчилиги учун ўтказилган мусобақа голиби бўлган спортчи ёки спорт жамоаси. *Бугун ҳамманинг оғзида бир гап: Рустам Қосимжонов — шахмат бўйича жаҳон чемпиони!* Газетадан.

**ЧЕМПИОНАТ** [*р.* чемпионат < *ингл.* championship] Чемпион унвонини олиш, чемпионни аниқлаш учун ўтказиладиган мусобақа, беллашув. *Шахмат чемпионати. ■ Футболчиларимиз чемпионатнинг кумуш медалини қўлга киритишди. Газетадан.*

**ЧЕН** *шв.* Чама, мўлжал; ўлчов. *Ким танимас Кўкан деган колхозчини, Танимаган эслаб кўрсин, етса чени. Ф. Фулом.*

**ЧЕНА** *с.т.* Чана.

**ЧЕП** *кт. ҳарб.* Турли нарсаларни айқаш-уйқаш босиб, ёвга қарши қурилган тўсиқ. *Чеп қурмоқ. ■ 1365 йилда шаҳар зарбдорлари шаҳарни мўғуллардан фақат кўчаларга чеп босиб ҳимоя қилган эдилар. Я. Фуломов, Кўҳна тарих излари.*

**ЧЕР** *фольк.* Алам, қайғу; доғ. *Кўп чопилса, отингиздан тер келар, Ёмон гапга юраклардан чер келар. «Ойсулув». Юрагида чер эди, Гуркураган эр эди. «Ҳасанхон».*

**ЧЕРВОН** [*р.* червонец < *пол.* czerwony — тилларанг, қирмизи] *тар.* Собиқ СССРда: 1922—1947 йилларда муомалада бўлган ўн сўмлик пул; давлат кредит билети. *Кампир ҳайрон: бундоқ червонларни Қуръоннинг ичида сақлайдиган чолга нима бало бўлди? Мирмуҳсин, Бир хумча тилла.*

**ЧЕРДАК** [*т.* < *ф.* + *а.* چارطاق — тўрт қиррали гумбаз; ланг очиқ; чордоқ] *қ.* **чордоқ.** *Қургоннинг тўрида иккита оқ уйнинг қамиш билан ёпилган чердаги сал-пал кўринади. С. Анорбоев, Оқсой.*

**ЧЕРЕПИЦА** [*р.* череп — бош чаноғи < *санск.* копрага — пўст, қобиқ] *бнк.* Сопол ва цемент-кум қоршмаси, шунингдек, металл, пластмасса каби материаллардан тайёрланадиган, том ёпиш учун ишлатиладиган новли пластинка шаклидаги қурилиш материали. *Сопол черепица. Тунука черепица. ■ Назаров жангчиларни черепица томли пастаккина хата олдида қолдириб, ичкарига кириб кетди. Ҳ. Фулом, Тошкентликлар.*

**ЧЕРЁМУХА** [*қад.р.* черема — қорачадан келган, буғдойранг.] Шох-шаббалари кенг, гуллари хушбўй ҳидли, резавор мевали, раънодошлар оиласига мансуб дарахт ёки бута; шумурт.

**ЧЕРИК** [*мўғ.* цэрэг — аскар, жангчи; кўшин < *санск.* ksatrika — кўшин, лашкар] *тар.* Ҳарбий юриш вақтида олий ҳукмдор томонидан чиқарилган фармонга мувофиқ йиғиладиган мунтазам кўшин. *Чериклар ўтади жанггоҳлар томон. Х. Даврон. Черик ўнлик, юзлик, минглик ва туманларга тақсимланган ва уларга ўнбеги, юзбеги, минбеги ва туманбеги сардорлик қилган. «ЎЗМЭ».*

**ЧЕРКАС** *қ.* черкаслар. *Черкас тили. Черкас аёл.*

**ЧЕРКАСЛАР** Россия Федерациясининг Қорачой-Черкасия Республикасида яшов-

чи, кабардин-черкас тилида сўзлашувчи халқ (ўзларини адиге деб аташади).

**ЧЕРКЕЗ** Чўлларда, қумлоқ ерларда ўсадиган, ем-хашак бўладиган доривор йирик бута ёки дарахт. *Черкез номи ўсимлик мевасидан доривор моддалар олинади.* «Фан ва турмуш».

**ЧЕРКОВ** [р. церковь < юн. kŷriake – худонинг уйи] 1 Христианлар ибодатхонаси. *Ўзбекистонда 160 та христиан черкови фаолият кўрсатади.* «ЎЗМЭ».

2 Христианликда: ўз диний ақидалари ва маросимлари тизимига эга бўлган махсус диний ташкилот. *Черковга мансуб кишилар руҳонийлар ва оддий диндорларга бўлинади.* «ЎЗМЭ». *Черковларда художўйлар Саждагоҳга бош қўяди.* Э. Охунова.

**ЧЕРТЁЖ** [р. чертёж < қад.р. черсти, черту – чизмоқ] эск. айн. **чизма.** *Донишманд раис чертёж чизиб, зовурлар чизигини белгилади.* Н. Сафаров, Оловли излар. *Мен дўстимнинг ёнига чиқсам, Чертёжлардан ёзар дастурхон.* Э. Воҳидов.

**ЧЕРТИБ-ЧЕРТИБ 1** **Чертиб** с. такр. *Стolni чертиб-чертиб гапирмоқ.*

2 *кўчма рвш.* Саралаб, танлаб-танлаб. *..академик ёзувчимиз Ойбек «Навоий» романида жуда кўп фразеологик иборалар, мақол, матал ва идиомаларни чертиб-чертиб ишлатган.* «ЎТА».

3 *кўчма* Ҳар бир сўзни алоҳида таъкидлаб, дона-дона қилиб (сўзлашиш пайтида). *–Йўқ десангиз, бир умрга хайр! – деди чертиб-чертиб Шаҳзодахон.* К. Яшин, Ҳамза.

**ЧЕРТМАК 1** Бармоқ билан чертиб берилган зарб.

**Чертмак олмоқ** Кимсанинг бирор ерига чертмоқ. **Чертмак ўйнамоқ** ҳазил Ютқизган кишига чертиш йўли билан жазо бермоқ; чертмак олиш шарт билан ўйнамоқ.

2 Чертиб чиқарилган оҳанг, ритм, куй. *Дутор ёнига чилдирманинг чертмаги келиб қўшилгандан кейин, базм тагин ҳам жонланди.* А. Қодирий, Ўтган кунлар.

**Чертмак чалмоқ** Бирор нарса чертиб, оҳанг чиқармоқ ёки асосий куйга жўр бўлмоқ. *Қўшиқни ёшлар айтсин, улар чалган чертмакка Сел бўлиб, бош ирғатиб қўя қолиш кифоя.* Ф. Фулом.

**ЧЕРТМОҚ 1** Бармоқ билан кескин зарб бермоқ, бармоқ билан уриб, паст, кескин овоз чиқармоқ, тақиллатмоқ. *Ойнани чертиб*

*чақирмоқ. Тарвузни чертиб кўрмоқ. Дўпписини чертиб тозаламоқ.* ■ *Аваз ҳазиллашиб, унинг тақир бошига икки марта чертди.* С. Сиёев, Аваз. *Бўта идорага кириб, стулга ўтирди. Нима қилишни билмай, столни чертиб, хаёлга толди.* С. Аҳмад, Ҳукм.

**Бурнига чертса йиқилгудай** Жуда ҳам озғин, ҳолдан тойган. *Ихчам елкалари яна ҳам кичкина тортиб кетган, бурнига чертса йиқилгудай чарчаган бўлса ҳам, ўзини тетик туттиша.. тиришар эди.* Шуҳрат, Шинелли йиллар.

2 **Чертмак** билан итқитмоқ, улоқтирмоқ. *Зокир қўлидаги қоғозни икки буклаб, чўнтагига солди ва йўл-йўл бостон пиджагининг енгига ёпишган увоқни чертиб ташлади.* П. Қодиров, Уч илдиш. [Мўминжоннинг отаси] *Куюқ қошларини чимириб, чекиб турган папиросини гуллар орасига чертиб юборди-да, уйга кириб кетди.* Қ. Мақсумов, Муҳаббат кўшиғи.

3 Бармоқ ёки бармоқлар билан зарб бериб чалмоқ. *Тор чертмоқ. Дўмбира чертмоқ.* ■ *У яхши чалаётганини, тор ўзининг қўлида булбулдай сайраётганини билар, билган сари завқ билан чертарди.* Ў. Ҳошимов, Баҳор қайтмайди.

**Ҳўкизнинг (ёки эшакнинг) қулоғига танбур чертмоқ қ. танбур.**

**ЧЕТ 1** *от* Бирор нарсанинг марказидан узоқ атроф, жой; бирор нарсанинг энг чеккаси; чекка, овлоқ. *Шаҳар чети. Супанинг чети. Чет жой. Чет ўлка.* ■ *–Мана ақча, – Мирзо чўнтагидан тилла тангалар тўлдирилган халтачани чиқариб, дастурхон четига қўйди.* Мирмуҳсин, Меъмор. *Йўлларнинг икки четидаси ариқлар ва чуқурлар кўчма қум, хас-хашак билан тўлди.* Ш. Рашидов, Бўрондан кучли. *Тўққиз-ўн кунлик ой шаҳарнинг қоқ устида чети қорайган баркашдек ялтираб турар эди.* А. Қодирий, Меҳробдан чаён.

2 Бирор объектга нисбатан бошқа томон, тараф; ташқари. *Четга қарамоқ. Четга тортмоқ.* ■ *Раёно юзини четга ўгириб, кулиб турар эди.* А. Қодирий, Меҳробдан чаён. *Мурзин Элмуродни кўриб, четга бурилди.* Шуҳрат, Шинелли йиллар.

**Четда қолмоқ 1)** бир чеккада, ташқарида қолмоқ; 2) бебаҳра бўлмоқ; бирор фаолиятдан ташқарида бўлмоқ. *Ишдан четда қолмоқ. Назардан четда қолмоқ.* ■ *Раҳмат*

сўздан четда қолдирмаслик учун Отабекни ҳам орага олди. А. Қодирий, Ўтган кунлар. Бироқ туркий тиллар материаллари ҳозирга қадар лингвист-структуралистлар эътиборидан четда қолиб келмоқда. «ЎТА». **Ўзини четга олмоқ** (ёки **тортмоқ**) 1) ўзини бир чеккага, панага олмоқ, бир тарафга, томонга чиқмоқ, ўтмоқ; четламоқ. *Нақ шу паллада дарвозадан катта қора сигир шаталоқ отиб, орқасида бир кишини суриб кирди. Бой чўчиб, ўзини четга олди.* Ойбек, Танланган асарлар; 2) кўчма бирор ишдан ўзини олиб қочмоқ.

**3 Қирғоқ, соҳил, ёқа, лаб.** *Дарё четидаги дарахтлар акси сувда чайқалади.* «Ёшлик».

**4 кўчма сфт.** Бегона, ажнабий, хорижий. *Чет эл. Чет мамлакат. Чет тили.* ■ *Унинчи синфда чет тили тўғарасининг машғулотти борарди.* С. Зуннунова, Янги директор. *Деворда ва ерда қимматбаҳо ғиламлар, аъло сифатли чет эл гарнитур.* Ф. Мусаёнов, Ҳимнат.

**5 от** Ташқари, сирг; чекка. *Четдан одам ёллаш. Четдан томоша қилиб турмоқ.*

**ЧЕТАН I I** Сочилувчи юкларни ташиш учун тол, тут новдаларидан тўқиб ясалган махсус кажава, кузов. *Қовуним пишиб чириб кетди. Жилла бўлмаса, битта четанда олиб тушай-да, сотиб, болаларга кийимлик олай, деб хаёл қилган эдим.* Ойбек, Танланган асарлар.

**2** Четандан қилинган, четан билан ўралган. *Адолат хирмондаги пахтани четан аравага ортгач, тепасига ўтириб, қишлоққа жўнади.* И. Раҳим, Чин муҳаббат. *Улар четан девор билан ўралган мўъжазгина ҳовлига кириб боришди.* Р. Файзий, Чўлга баҳор келди. *Кейин билсам, чайланинг четан эшиги очилиб-ёпилаётган экан.* Ҳ. Назир, Ёнар дарё.

**ЧЕТАН II** Раъногуллилар оиласига мансуб, қизил ёки сарғиш шода-шода мевали дарахт ёки бута ҳамда унинг меваси.

**ЧЕТКИ** Чекка томондаги, чет тарафда, четда бўлган, четда жойлашган. *Четки уй. Энг четки қатор.* ■ *Маҳкам елпигичга ўхшатиб қўйилган билетлардан четкисини тортди.* П. Қодиров, Уч илди.

**ЧЕТЛАМОҚ** Чеккага чиқмоқ, чет томонга ўтмоқ; белгили йўлдан бормай, четда юрмоқ, ҳаракат қилмоқ. *Кумуш бўлса, онасининг ҳозирги ҳолига ачингандек, унга яқинлашмай, четлаб юрар.* А. Қодирий, Ўтган кунлар.

**Четлаб ўтмоқ** 1) айланиб, чап бериб ўтмоқ. *Расулжоннинг газаби қайнаб, акасини четлаб ўтмоқчи эди, яна шаштидан қайтди.* Ж. Абдуллахонов, Хонадон; 2) кўчма тақилмай, тилга олмай ўтмоқ, ташлаб ўтмоқ. *Шу боисдан ҳам экстремистлар ўз йиғинларида бундай қалтис саволларни четлаб ўтишади.* Газетадан.

**ЧЕТЛАНМОҚ I Четламоқ** фл. ўзл. н. *Гулнор бир оз четланиб юриб, зинага оёқ қўйди.* Ойбек, Танланган асарлар. *Зайнаб четланиб, уйдан чиқди.* А. Қодирий, Ўтган кунлар. *Хотин ҳушини йўқотиб, шилқ этиб тушди. Бирдан одамлар четланишди.* Ў. Ҳошимов, Қалбингга кулоқ сол.

**2** кўчма Ўзини четга олмоқ, қочмоқ, четлашмоқ. *Ишдан четланди.*

**ЧЕТЛАТМОҚ I Четламоқ** фл. орт. н.

**2** Ишдан бўшатмоқ; бирор иш қилиш ёки бирор ишда қатнашиш ҳуқуқидан маҳрум этмоқ. *Яқинда эътиборли бир одам.. раҳбарлик вазифасидан четлатилган.* Газетадан.

**ЧЕТЛАШМОҚ I Четламоқ** фл. бирг. н. *Улар катта йўлдан четлашдилар.*

**2** Бир-биридан узоқлашмоқ; ётлашмоқ, бегоналашмоқ. *Шунчаликки бир-биримиздан четлашиб, мунғайишиб юришимиз кишига оғир келар экан.* А. Қодирий, Ўтган кунлар. *Бировга дуч келишиб, гапизмай қолдим. Одамлардан четлашиб, гапизмайдиган бўлдим.* А. Мухтор, Туғилиш.

**2** кўчма Иштирок этмай, қатнашмай қўймоқ, узоқлашмоқ. *Ишдан четлашди.*

**ЧЕХ** қ. чехлар. Чех тили. Чех аёл.

**ЧЕХЛАР** Чехия Республикасининг туб, асосий аҳолисини ташкил этувчи халқ. *Чехларнинг миллий кийимлари, анъанавий хунармандчилиги сақланган.* «ЎЗМЭ».

**ЧЕЧА** шв. Янга, келинони. *Гўрўғли шундайин тиклаб қараса, Келаётган — Холжувондай чечаси.* «Гўрўғлининг туғилиши».

**ЧЕЧАК I** Табiiй равишда ўсадиган гулли ўсимлик; гул. *Дала чечаклари. Хушбўй чечак.* ■ *Ранго-ранг капалаклар чечакларнинг хушбўй ҳидидан маст.* М. Осим, Карвон йўлларида. *Шамоллар ичида мен ҳам бир шамол, Чечаклар атридан мен ҳам сармастман.* А. Орипов.

**ЧЕЧАК II** Баданга сувли пуфакчалар тошириб, иситма чиқарадиган, кўпинча болаларда учрайдиган оғир юкумли касал-

лик. Агарда ўзингизга ҳам чечак чиққан бўлса, сезарсиз: мисоли галвирак бодом. А. Қодирий, Кичик асарлар. 1980 йил Жаҳон Соғлиқни сақлаш ассамблеясининг 33-сессиясида Ер юзиди чин чечак буткул тугатилганлиги расмий равишда эълон қилинди. «ЎЗМЭ».

**Пулинга чечак чиққанми?** Керакли нарсани олиш учун ўз пулини қизганиб, бировдан нарса сўрагувчи кишига айтилади-ган ибора.

**ЧЕЧАКЛАМОҚ 1** Гулламоқ, гул ёзмоқ.

**2** кўчма кам қўлл. Гуллаб-яшнамоқ.

**ЧЕЧАН** Чаққон, удабурон, уста, моҳир. Гапга чечан. Чечан теримчи. Қўли чечан одам.

■ Боқи ҳар қандай даврани гуллалади, гапга чечан. Қ. Кенжа, Тоғ йўлида бир оқшом. Илғорлар тенгдошиман, Қирқ қизларнинг бошиман, Илдам бўлинг, жон ака, Чечанлар йўлдошиман. З. Обидов. Э, сен жуда чечан экансан-ку, туллак беданадай сайрайсан-а! П. Турсун, Ўқитувчи.

**ЧЕЧАНЛАШМОҚ** Тез-тез, равон, чиройли гапирмоқ. Мабодо кўнгли ийиб, бирор-бир янги ҳангома, эртақ, афсона айтгудек бўлса, кутилмаганда чечанлашиб кетарди. Газетадан.

**ЧЕЧАНЛИК** Чаққонлик, усталик, удабуронлик. У чопиқда чечанлигини кўрсатди. ■ Шоазим гапга чечанлик қилиб, баланд келгани Маҳкамнинг ёдига тушди-ю, эски оғриқ гўё ангиланди. П. Қодиров, Уч илдиз.

**ЧЕЧЕН** қ. чеченлар.

**ЧЕЧЕНЛАР** Асосан Россия Федерацияси таркибидаги Чеченистон ва Ингушияда яшовчи халқ; Шимолий Кавказнинг туб аҳолиси. Чеченларнинг анъанавий машғулоту — насттекисликларда деҳқончилик, тоғларда чорвачилик. «ЎЗМЭ».

**ЧЕЧМОҚ** шв. Ечмоқ. Алпомиш ўзини маълум этади, Устидан кийимин чечиб отади. «Алпомиш».

**ЧЕХРА** [ф. چهره — юз, сиймо] **1** Юз, бет, афт-ангор; сиймо. Улар худди эгизаклардек, чеҳралари бир-бирига ғоят ўхшар, гавдалари қарийб фарқсиз, кўринишида ювош одамлар эди. Ойбек, Кўёш қораймас. Шунда унинг хаёл боғида яна Адолатнинг чеҳраси кўринди. И. Раҳим, Чин муҳаббат.

**2** кўчма Киши кайфияти, руҳий ҳолати ёки хулқ-атворининг юздаги акси. Унинг чеҳраси бузуқ. Чеҳраси очиқ одам. Чеҳрасини очмоқ. ■ Чеҳра деган кўнгилнинг ойнасидир.

Ҳамза. Қори уни гоҳ «сизлаб», гоҳ «сенлаб», яхши муомалада бўлгани учун, очиқ чеҳра билан гаплаша кетди. П. Турсун, Ўқитувчи. Чол соқолини қириб, янги комбинезон кийиб олган. Унинг чеҳраси очиқ, нимадандир хурсанд. И. Раҳим, Чин муҳаббат.

**ЧИБИН** шв. Чивин.

**ЧИБИҚ** шв. Чивиқ.

**ЧИБОР** шв. Чипор, ола-чипор.

**ЧИВИН 1** Икки қанотли, узун мўйловли қон сўрувчи майда ҳашарот. Безгак чивини. Ўрмон чивини. Икки нор уришса, ўртасида чивин ўлади. Мақол. ■ - Чивин кўплашса, филни йиқитади, деган гап бор, — деди Эргаш салмоқлаб. И. Раҳим, Чин муҳаббат. Ажал етмай, ўлмас Бойсуннинг хони, Бесабаб чиқмайди чивиннинг жони. «Алпомиш».

**Чивин чаққандай ҳам бўлмади** Сира офритмади, сезилмади ҳам.

**2** шв. Пашша.

**ЧИВИҚ 1** Сурх новда. Тол чивиғи. Чивиқ тутган еридан синмайди, эгилган еридан синади. Мақол. ■ Зайнаб тўрт тарафга зир югуради. Толнинг чивиқларидан синдиради. «Ёшлик».

**2** тех. Ингичка ва узун металл таёқча. Чивиқ темир. ■ Чивиқдан темир-бетон тайёрлаш учун арматура сифатида ҳам фойдаланиш мумкин. «ЎЗМЭ».

**3** сфт. Майда чизиқ-чизиқ йўлли (газлама). Яна юриб кетади: саккизтепки гул атлас, Чивиқ беқасамларнинг олағовур бозори. Ф. Фулом.

**ЧИГАЛ 1** Учини топиб, ёзиб бўлмай-диган, чалкашиб, у ер-бу ерига тугун тушиб қолган (ип, ингичка сим ва ш. к. ҳақида). [Онам] Отамнинг бу жавобидан чигал калаванинг учини топгандай, уни яхшилаб ечишга киришди. С. Айний, Эсдаликлар.

**2** кўчма Чалкашиб, мураккаблашиб кетган; чалкаш. Чигал бир масала. ■ Мен она юртим, жонажон Оролим ва унинг чигал қисмати ҳақида оғир уйга толдим. Газетадан.

**3** кўчма Муаммо; қийин масала. Улуғбек.. ҳандаса илмида чигалларни ечувчи.. эрди. «Ёшлик». Сув муаммоси ҳал бўлди-ю, бошқа чигал чиқди. Э. Самандар, Дарёсини йўқотган қирғоқ.

**Чигалини ёзмоқ 1)** оғриғини, увушиғини тарқатмоқ. Йигит ўрнидан туриб, чигалини ёзиш учун керишди. З. Аълам, Зарб; **2)** кўн-

гил гашлигини тарқатмоқ. [Хола:] Бунақа уйларда ис босиб ўтираверса, юрагига зардоб тўпланади-да! Бундай тўй-пўй қилиб, кўнгиладаги чигалини ёзмаса. С. Нуров, Нарвон.

**ЧИГАЛЛАШМОҚ 1** Учини топиб бўлмайдиган ҳолга келмоқ; чалкашмоқ. *Ин чигаллашиб қолибди.*

**2** кўчма Чалкашмоқ, мураккаблашмоқ, тушуниб, охирига етиб бўлмайдиган ҳолга келмоқ. *Масала чигаллашди. Иш чигаллашиб боряпти.* ■ *Бироқ шаҳарлик бу майор пайдо бўлди-ю, режалари чигаллашиб кетди.* «Шарқ юлдузи».

**ЧИГАЛЛИК 1** Увушиб қолишлик; чалкашлик, чалкашиб қолишлик. *Тонг ҳавосини далада симирмаса, жон ришталаридаги чигаллик ёзилмай.. руҳи тушиб кетаётгандай бўлаверади.* А. Кўчимов, Ҳалқа.

**2** Чигал нарса, иш, масала ва ш.к. *Ҳозир қалбида пайдо бўлаётган шубҳа ва чигаллик унинг ишонувчанлиги ва соддадиллиги билан сиғишмасди.* П. Қодиров, Уч илди.

**ЧИГИЛ 1** айн. **чигал.** *Чигил арқон. Арқоннинг чигилини ёзмоқ.* ■ *Оёқнинг чигилини ёзмоқ истаб, секин кўзғалдик.* М. М. Дўст, Лолазор. *Шу оқшом Низомжон дилига тугилиб ётган чигилни ечиб ташлади.* С. Аҳмад, Уфқ.

**ЧИГИЛ 2** қ. **чигиллар.**

**ЧИГИЛЛАР** Ўзбек халқининг этник таркибига кирган туркий қабилалар иттифоқи. 11-асрнинг 1-ярмида чигилларнинг бир қисми Зарафшон водийсига кўчиб келиб, маҳаллий аҳоли билан араллашиб кетган. «ЎЗМЭ».

**ЧИГИРТКА 1** Тўғри қанотлилар туркумига мансуб, қишлоқ хўжалик экинларига зарар келтирувчи ҳашарот. *Чигирткалар экин ер, экмай-тикмай текин ер.* Мақол. ■ *Чигиртка чириллайди.. ҳаммаёқ сув куйгандек жимжит.* Ў. Ҳошимов, Икки эшик ораси. *Уларнинг [ўт-ўланларнинг] орасидан майда сариқ, қора чигирткалар учиб чиқар, сакраб, бошқа ерга кўнади.* «Ёшлик».

**2** кўчма нафр. Балохўр, босқинчи. -*Келдилар чигирткалар!* — деди у томонга қараб Ҳайдар. *Ҳаммалари у томонга қарадилар. Йигирма-йигирма беш отлиқ йўлни чангитиб келмоқда эди.* С. Айний, Қуллар.

**ЧИГИТ** Ғўзанинг уруғи; терилган пахтани қайта ишлаб олинади. *Ёзиб олинг ён*

*дафтарга: Ғўза унар чигитдан.* «Муштум». *Чигит чиқиндиларини қайта ишлаб, улардан целлюлоза, спирт, лок ва бошқа маҳсулотлар ишлаб чиқаришда фойдаланилади.* «ЎЗМЭ».

**ЧИГИТЛИ:** **чигитли пахта** Чигити олинмаган пахта.

**ЧИДАМ 1** Қийинчилик, дард, алам, азоб ва ш.к. га тоқат қила олиш қобилияти; тўзим, тоқат, сабр-бардош. *Чидами йўқ одам. Чидам бермоқ.* ■ *Келса бошга ҳар оғирлик, воҳ дема, Бардош қилиб, чидам кўрсат, оҳ дема.* Ҳабибий. *Бола фақир ҳар бир оғирликни чидам билан енгийшдан бошқа чораси йўқ.* П. Турсун, Ўқитувчи. *Қабулга келганларни кунт ва чидам билан эшитиш, улар қўйган масалани ҳал этиш Ойқиз учун темир қонун.. эди.* Ш. Рашидов, Бўрондан кучли.

**2** Узоқ хизмат қилиш, чидаш хусусияти, пишиқлик, пухталиқ, мустаҳкамлик. *Чидами йўқ ит.*

**ЧИДАМЛИ 1** Қийинчилик, оғриқ, дард, алам ва ш.к. га чидайдиган; тоқатли, тўзимли, бардошли. *Чидамли аёл. Чидамли эр лочин тутар.* Мақол. ■ *Демак, Феруза чидамли бўла олмаган шаҳарлик ёш агроном йигит ўрнига келибди.* Ҳ. Фулом, Феруза.

**2** Турли оғир табиий шароитларда яшай оладиган. *..узун толали ва ҳар қандай касалликларга чидамли, айниқса, вилтга чидамли навлар яратиш иши оқсаяпти.* Мирмуҳсин, Умид.

**3** Узоқ хизмат қиладиган, чидайдиган; пишиқ, пухта, мустаҳкам. *Чидамли пойабзал.* ■ *-Мен ҳайронманки, — деди сўзга чиққан хўжалик мудири, — халқ силлиқ ва чидамли сурп, чит ва сатинларни олмай, қўпол ва дағал бўз ва қалами орқасидан югуради.* С. Айний, Қуллар.

**4** Турли шароитларда (ўт, сув ва ш.к. таъсирида) ўз хусусиятларини йўқотмайдиган. *Ўтга чидамли гишт.*

**ЧИДАМЛИЛИК** Ташқи таъсирлар натижасида ўзгармаслик; ишга яроқлилик хоссаси, бардошлилик. *Ҳожинова газламининг чидамлилигини синайдиган махсус асбобнинг лойиҳасини ҳам тузиб берди.* М. Жўра, Қуёшдан нур эмганлар.

**ЧИДАМОҚ 1** Рухий ёки жисмоний қийинчиликларнинг тугагини сабр билан кутмоқ; уларга бардош бермоқ. *Оғриққа чидамоқ. Қийинчиликка чидамоқ. Совуққа чидамоқ. Танқидга чидамоқ. Қирқига чидаган,*

қирқ бирига ҳам чида. Мақол. ■ Бу гап менга анча оғир ботди, лекин чидадим. «Ёшлик». Тошнинг қирраси оёғига ёмон ботди, лекин чидади. «Ёшлик».

2 Кўп, узоқ муддат хизмат қилмоқ. *Этигим узоқ чидади. Бўздан кўра сатин узоқ чидади.*

3 Турли шароитларда (ўт, сув, зах ва ш.к. таъсири остида) ўз хусусиятларини сақламоқ. *Ўтга чидайдиган ғишт. Кислотага чидайдиган материал.*

4 Етмоқ, кифоя қилмоқ. *Ётиб еганга турум тоғ чидамас.* Мақол. ■ [Мирзакаримбой:] Ҳар нимани бозордан олаверса, Сулаймоннинг ғазнаси ҳам чидамайди, жиян. Ойбек, Танланган асарлар.

**Бети (ёки юзи) чидамади** Бирор хатти-ҳаракатни амалга оширишдан уялди. *Бу одамнинг кутилмаганда ўртага ташлаган таклифига жавоб беришга Исҳоқ Махсум билан Уста Мўминнинг бети чидамади.* Газетадан. *..неча марта ундан гап сўрашга ҳам чоғландим, лекин ўзбекчилик экан, юзим чидамади.* О. Мухтор, Эгилган бош. **Чидаганга чиқарган** 1) кутилмаган, хоҳламаган нарса, воқеа-ҳодисанинг рўй бериши муқаррар, уни чидам билан қабул қилиши зарур ёки бирор нарсани кучи етган олади, деган маъноларда ишлатиладиган ибора. *-Уиланишни чидаганга чиқарган, - деди магазинчи тоғамнинг суюкли хотини хохолаб.* Газетадан; 2) бир вақтларда танқис бўлган ёзлик юпқа читнинг номи. **Чидасанг - шу, чидамасанг - катта кўча** Шу шароитга, мавжуд ҳолатга кўникашга мажбурсан, маъносиданга ибора. [Нури] *Меҳмонга келган таккаббур келин каби, ялқовланиб кезди, гилос гулларини томоша қилди. У шу билан қайнарасига: «Чидасанг - шу, чидамасанг - катта кўча. Онам мени иш учун туққан эмас».. демоқчи бўлди.* Ойбек, Танланган асарлар.

**ЧИДАМСИЗ 1** Оғриқ, дард, қийинчилик ва ш.к. га бардош беролмайдиган, тоқат қилолмайдиган; тўзимсиз. *Чидамсиз бола.*

2 Турли оғир табиий шароитларга чидам бера олмайдиган; нозик. *Совуққа чидамсиз гул.*

3 Узоқ хизмат қилмайдиган, чидамайдиган; бўш, жонсиз. *Чидамсиз ип.*

4 Турли шароитда, турли таъсир остида ўз хусусиятларини сақлай олмайдиган. *Кислотага чидамсиз материал.*

**ЧИДАШ 1 Чидамоқ** фл. ҳар. н. *Ҳамма гинасига ҳам чидаш мумкин-ку, ammo «болаларингиз тарбиясиз», деганига чидаш қийин.* Ҳ. Назир, Сўнмас чақмоқлар. *Ҳавонинг ўт тафти бергувчи нафасига чидашнинг иложи йўқдай туюларди.* М. Исмоилий, Фарғона т. о.

2 Чидамлилик даражаси, чидам. *Чидаш бермоқ. Сикувга чидаш бермоқ. Ўтга чидаш берадиган ғишт.*

**ЧИЁВЛАМОҚ** «Чиёв-чиёв» деган овоз чиқармоқ, чийилламоқ. *Балиқчи қушлар чиёвлаб учиб ўтди.* «Ёшлик».

**ЧИЁВ-ЧИЁВ** тақл. с. Жўжаларнинг ёки баъзи қушларнинг чийиллашидан чиқадаган овозни ифодалайди.

**ЧИЁН айн. чаён.**

**ЧИЗГИ 1** Чизилган тасвир; расм; лойиҳа. *Чизгиларга узоқ тикиламан, улардан завқланаман.* «Саодат».

2 Хомаки, машқ учун чизилган расм. *Сиздан шу эскизни сўрадим. Бу фақат чизги бўлгани учунми ёки мени ростдан хурсанд қилгингиз келдими, ҳадя қилдингиз.* «Ёшлик».

**ЧИЗЕЛЛАШ** қ. х. Тупроққа ишлов беришнинг тупроқни юмшатиш, аралаштириш, бегона ўтларни йўқотиш жараёнларидан иборат усули. *Чизеллаш, айниқса, картошка ва бошқа илдимевали экинларда яхши самара беради, уларнинг ҳосилдорлиги 15-20% га ошади.* «ЎЗМЭ».

**ЧИЗЕЛЬ** [ингл. chisel - юз, бет, ён томон] қ.х. Ерни (тупроқни) чуқур ҳайдайдиган, юмшатадиган, бир неча тишли оғир культиватор. *Чизеллаш учун тиркама ва осма чизеллар осма ёки тиркама бороналар билан бирга ишлатилади.* «ЎЗМЭ».

**ЧИЗИ** [ф. چيزى - бир нарса, нимадир; андак, сал] рвш. кам қўлл. Бир оз, озгина, андак. *Кўйлак чизи чоғроқ келди. Чизи вақтдан сўнг.* ■ *Кимки йўлдан чизи тойса, Покистоннинг чин ўғли эмас у.* Ойбек, Нур қидириб. *Алқисса, баъдаз жаноза фақирнинг қўлимга чизи ҳадя бериб узатдилар.* А. Қодирий, Кичик асарлар.

**ЧИЗИЛИШМОҚ** с.т. Тизилишмоқ, қатор тизилмоқ. *Болалар бир сафга чизилишди.*

**ЧИЗИМЧА** Ингичка, пишиқ арқон, чилвир. *Мастура чизимча узатиб турди, Нуриддин бойлади.* Э. Аъзамов, Жавоб. *Ҳатто заргар дўконлари ҳам чизимча боғлан-*



ганча ташлаб кетилганди. 3. Аълам, Афандининг қирқ бир пашшаси.

**ЧИЗИҚ 1** Ёзадиган, чизадиган ёки юқадиган нарсалар қолдирган из. *Йўғон чизиқ. Ингичка чизиқ. Бўр билан чизилган чизиқ. Ҳассанинг учи билан чизилган чизиқ.*

2 Шундай шаклдаги йўл, из. *Беқасам чизиқлари. Юз чизиқлари.*

3 Нарсаларнинг чегарасини, жойлашишини ёки боришини кўрсатувчи йўналиш. *Экватор чизиғи. Уфқ чизиғи.* ■ *Ҳамма дарахтлар бир чизиқ устида текис саф тортиб туради.* Ойбек, Танланган асарлар.

4 *мат.* Сиртнинг икки қўшни соҳасидаги умумий қисм; узлуксиз қатор нуқталар мажмуи. *Горизонтал чизиқ. Тўғри чизиқ. Эгри чизиқ. Сينيқ чизиқ.* ■ *Тўғри бурчакли координаталар тизимида чизиқ тенгламаларнинг турига қараб ажралади.* «ЎЗМЭ».

**Устига чизиқ тортмоқ** Рад этмоқ; эътибордан четда қолдирмоқ; тан олмаслик. *Унингча, Навоий асарлари халққа керак эмас! У адабий мероснинг устига чизиқ тортади.* К. Яшин, Ҳамза. (**Чизган**) **чизигидан чиқмаслик** Кимсага тўлиқ итоат қилиш. *Мени Қамар бағрига олди. Умрим бўйи чизган чизигидан чиқмайман.* «Ёшлик».

**ЧИЗИҚЛИ 1** Чизиги, чизиқлари бўлган. *Бир чизиқли дафтар.*

2 *физ.* Қандайдир чизиқ бўйлаб содир бўладиган. *Эгри чизиқли ҳаракат.*

**ЧИЗМА 1** Қоғоз, калька, тахта, ер ва ш. к. юзига чизилган лойиҳа; махсус чизмачилик асбоблари ёрдамида маълум қодаларга асосан бажарилган график тасвир. ■ *Чизмаларга назар ташласак, нозик дид билан яратилган улкан биналар лойиҳаси кўз олдимизда намоён бўлади.* Газетадан. *Усталар ўз ишлари учун чизма нақшлар буюрар эдилар.* С. Айний, Эсдалиқлар.

2 Каштачиликда: гул тикиш учун матога туширилган (чизилган) нақш, нусха.

**ЧИЗМАКАШ 1** Чизмалар (схемалар, хариталар, графиклар) чизиш билан шуғулланувчи мутахассис.

2 Каштачиликда: матога чизма, нақш, нусха чизиб берувчи уста.

**ЧИЗМАКАШЛИК** Чизма чизиш билан шуғулланиш; чизмакаш касби. *Турли соҳаларнинг муҳандислари, конструкторлари ва лойиҳачилари чизмакашликни билишлари шарт.* «ЎЗМЭ».

**ЧИЗМА-ЧИЗИҚ** Бетартиб, айқаш-уйқаш чизиқлар; шундай чизиқлардан иборат, тушуниб бўлмайдиган тасвир, ёзув.

**ЧИЗМАЧИЛИК** Турли объектларнинг чизмасини, схемалар, хариталар ва графикларни чизишга, турли буюмларнинг тасвирларини ясашга доир қонун-қоидалар ва усулларни ўз ичига олган техника фани. *Машинасозлик чизмачилиги. Қурилиш чизмачилиги. Проекцион чизмачилик.*

**ЧИЗМОҚ 1** Чизиқ тортмоқ, туширмоқ. *Тўғри чизиқ чизмоқ.* ■ *Боғча боласи ва мактаб ўқувчиси мактабга бориш ёки қайтишда кўчадаги дарахтларни сундирса, уй деворларига чизиб ўтса.* Н. Сафаров, Оловли излар. *Штаб бошлиғи Йўлдош ясама столга мукка тушиб, нималардир чизарди.* Шухрат, Шинелли йиллар.

2 Туширмоқ, солмоқ, тасвирламоқ (расм ёки сўз билан). *Расм чизмоқ.* ■ *Юртим, суратингни энтикиб чизсам, Сенинг суратингни чизсам, онажон!* Х. Даврон. *Кумушнинг бу дақиқадаги ҳолини қалам билан чизиб кўрсатиш, албатта, мумкин эмас эди.* А. Қодирий, Ўтган кунлар. *Бобур лирикасида маъшуқа образи катта маҳорат билан чизилган.* «ЎТА».

3 *с.т.* Тизмоқ, қатор қилмоқ. *Кўшиқ, дoston сабабин Чизиб кетди битталаб.* Файратий. [*Ҳожид*] *Отабекни энақага олиш учун унга кулги туюлган бир қанча насихатларни чизди.* А. Қодирий, Ўтган кунлар.

4 *кўчма* Кўрсатмоқ, кўрсатиб бермоқ (йўл, режа ва ш.к. ни). *Мен бир вақт сенга йўл чизиб берган эдим-ку, шундан чиқма: Пахтани биринчи қўлдан ол. Деҳқонларга пулни қишда тарқат. Пул билан оёғига кишан ур.* Ойбек, Танланган асарлар.

**Ер чизиб қолмоқ (ёки ўтирмоқ)** Уялиб, ерга қараб қолмоқ, ўнғайсиз аҳволга тушиб қолмоқ. *Қамбарали ака қизариб, ер чизиб ўтирар эди.* А. Қаҳҳор, Кўшчинор чироқлари. *Юсуф ер чизиб, қилт этмасдан ўтирарди.* «Ёшлик».

**ЧИЗГИЧ** Чизиқ чизиш учун ишлатиладиган ўқув ва идора ишлари асбоби. [*Стол устида*] *Фил суягидан уйиб ишланган чизгич ва қоғоз қирқадиган «пичоқ».* Мирмуҳсин, Умид.

**ЧИЙ 1** Чўл-адирларда ўсадиган баланд, бошоқли, ем-хашакбоп ўсимлик; чаловнинг бир тури. *Сиз гаплашиб ўтирганда, чий ора-*

сидан қараб турдим. Ш. Холмирзаев, Бодом қишда гуллади.

**2** Қамишдан ёки савағич поясидан ип, сим билан қаторлаб боғлаб тўқилган қурилиш материали. *Чий билан ўралган ҳовли. Чий билан тўсмоқ. Чий девор.* ■ *Чий тунтилган кўчма яслида қарқуноқ болаларининг «қиғ-қиғ»лашига ўхшаб чақалоқлар йиғиси эшитилмоқда.* Ҳ. Назир, Сўнмас чақмоқлар.

**Чий алак шв.** Йўл-йўл тўқилган бўз. *Оёғига кўн этик, эгнига чий алакдан яқтак тўн, қалами иштон берди.* М. Исмоилий, Фарғона т. о.

**ЧИЙБАХМАЛ** *айн. чийдухоба.* *Жигарране чийбахмал костюм-шиммию японча кўйлаги.. ўзига хўп ярашган йигит энди шу томонга отилди.* М. Мансуров, Ёмби.

**ЧИЙДУХОБА** Духобанинг йўл-йўл бўртма чизиқли хили; чийбахмал. *Мен янги бели бурма, сариқ чийдухоба костюмим билан чолворимнинг чангини қоққанымча, бирпас гарангсиб, аланглаб турдим.* Ҳ. Назир, Чўл ҳавоси.

**ЧИЙИЛДОҚ** Ингичка, ўткир ёқимсиз овоз чиқарадиган, чийиллаб гапирадиган. *Чийилдоқ қуш.* ■ *-Суюнчи! Суюнчи! – деди Раҳим, чийилдоқ товуш билан Қудратга.* Ҳ. Назир, Сўнмас чақмоқлар.

**ЧИЙИЛЛАМОҚ I** Ингичка, ўткир ёқимсиз овоз чиқармоқ. *-Чийиллама! – деди ҳайқириб Йўлчи [Салимбойваччага].* Ойбек, Танланган асарлар. *Бурчакдаги электрчойнак чийиллаб, чой қайнаганидан дарақ беради.* «Шарқ юлдузи».

**2** «Чий-чий» овоз чиқармоқ (қушлар ёки айрим ҳайвонлар ҳақида). *Бахтлиман, деб қушлар чийиллар.* Ҳ. Олимжон. *Тунлари каламушлар чийиллаб безор қиларди.* М. М. Дўст. *Лолазор. Палапон чийиллаб, онасининг оғзидаги овқатга интилади.* «Ёшлик».

**ЧИЙИР** фольк. Оёқ, туёқ изи; из, йўл. *Отга солди арпа билан ийирни, Қор ёққанда, карвон солар чийирни.* «Алпомиш».

**ЧИЙЛАМОҚ I** Аралаштирмоқ (ўйин қартасини).

**2** Қўлда ёки махсус йигирув асбоби воситасида ипни, ипакни пишитмоқ, товламоқ.

**ЧИЙЛАМПА** Чий қоқиб сувалган шип.

**ЧИЙРАЛМОҚ I** **Чийрамоқ** фл. мажҳ. н. *Чийралган ип.*

**2** кўчма Мустаҳкамланмоқ, пишиқ бўлмоқ. *Толеимиз ёр бўлиб, ота-боболаримиз боғ-*

*лаган дўстона алоқа эндиликда янада пишиқроқ чийралди.* Ҳ. Назир, Мафтунингман, Озарбайжон.

**ЧИЙРАМОҚ** *айн. чийламоқ.*

**ЧИЙРАТМА** Пишитилган, чийланган, тобланган. *Чийратма ип. Чийратма ипак.* ■ *Домла.. қўлида битта катта пичоқ, бир болта ва бир оз чийратма арқон билан тўпна-тўғри менинг олдимга келди.* Ф. Фулом, Шум бола.

**ЧИЙ-ЧИЙ** тақл. с. Жўжа, сичқон ва ш. к. нинг овозига ўхшаш ингичка, ўткир ёқимсиз овозни билдиради. *Чий-чий қилмоқ.*

**ЧИЙЧИЙЛАМОҚ** «Чий-чий» товуш чиқармоқ, «чий-чий» қилмоқ. *Ойна опа.. чийчийлаб учаётган қалдирғочларни лоқайд кузатиб турарди.* Ш. Холмирзаев, Тўлқинлар.

**ЧИК** *айн. чикка.* *Товва пукни ейди, олчи чикни ейди, дегандек..* А. Мухтор, Опа-сингиллар.

**ЧИККА** Ошиқнинг ичи чуқур томони ва шу томони сиртга қараган вазияти; пукканинг акси. *Мендан бошиқа одам бўлса, ҳозир чиккасида пукка қилади.* К. Яшин, Ҳамза.

**Ошиғи чикка** Бахти юрмаган, иши ўнгидан келмаган, иши чаппа. *Ошиқ эди Шакарбекка, Гоҳи олчи, гоҳи чикка.* «Ширин билан Шакар». **Чикка бел** Ингичка, нозик бел, хипча бел (хотин-қизларга нисбатан). *Кўрсат белингни, мен кўрайин, Чикка бел жувон, ёр-ёр.* «Кўшиқлар».

**ЧИКОРА I** [ф. چهكاره – нима иш қиласан? касб-коринг нима?] Нима даркор; ҳеч гап эмас. *Ортиқча гап чикора, тўғри унинг сўзлари!* «Муштум».

**2** Ким қўйибди: йўл бўлсин. Э, ўқиш – тўқларнинг иши, мактабни уларга чиқарган худойим, камбағалларга чикора! Ойбек. *Болалик. Сиз билан мен бир ишни мувофиқ кўрганамиздан кейин Зайнабга чикора!* А. Қодирий, Ўтган кунлар.

**ЧИЛ I** Қирғовулсимонлар оиласига мансуб ўтроқ ов қуши. *..кийик овига кетаётган бўлса, йўлда дуч келган каклик, чилларни ҳам аямасди.* Ш. Холмирзаев, Сайланма.

**Чил каклик** Чўл каклиги.

**ЧИЛ II** [ф. چهل < چل – қирқ, қирқта] *айн. қирқ I.* *Чиллада сўғорилган боғ чил ботмон узум берар.* Мақол.

**ЧИЛАНГАР** [ф. چيلنگر – майда металл буюмлар ясовчи уста] Металл буюмларни

қўлла ясовчи, тузатувчи мутахассис ишчи; темирчи; слесарь. *Заргарнинг минг ургани, чилангарнинг бир ургани.* Мақол. ■ [Темур Малик] *Бозор четидаги чилангарлар растаси томон юрди.* Мирмуҳсин, Темур Малик.

**ЧИЛАНГАРЛИК 1** Чилангар, слесарь касби; темирчилик. *Чилангарлик қилмоқ.* ■ У [Муҳаммад] *тош ва ёғочга нақш солар, чилангарлик, дурадгорлик.. ва ҳоказоларни билар эди.* М. Осим, Карвон йўлларида.

2 Бозорда чилангарлар қатори, растаси.

**ЧИЛБАНД** [ф. چل بند — қирқта боғли, тугунли] Қирқ еридан боғланган, кўп, қаттиқ боғланган, қирқ тугун.

**ЧИЛВИР** Ингичка пишиқ арқон, аргамчи; чизимча. *Ҳожи ота.. отнинг чилвирдан ушлаб, пиёда юрди.* «Ёшлик». Райҳон арабнинг белидаги чилвири узилиб кетди. «Гурўғлининг туғилиши».

**Чилвир соч** (ёки **кокил**) 1) майда ўрилган соч. Кўп ўтмай [Мўмина] *чилвир сочларини чамбарак қилиб, тракторга минди.* Ҳ. Нурий, Лочин боласи — лочин. *Қадаб оташ нигоҳин чилвир кокил қўшни қиз, Юракка бирам яқин бир туйғу солиб кетди.* М. Юсуф; 2) сочлари шундай ўрилган қиз, аёл. *Биласанми, ким у, ўша қиз — Осмондаги ўша қалдирғоч? Ўша кўрқмас ва ўша лочин, Ўша дилбар, ўша чилвир соч?* Ҳ. Олимжон.

**ЧИЛВИРЛАМОҚ** Чилвир билан боғламоқ. *Қўлини чилвирлаб кўйди.* «Ёшлик».

**ЧИЛГИ** шв. Чиллаки. *Яқинда гилос пишади, сунгра — чилги.* И. Раҳим, Ҳаёт булоқлари. *Ўлимдан бошқа ҳамма нарсанинг чилгиси яхши.* Газетадан.

**ЧИЛДИРМА** Ёғоч гардишга тери қоплаб ясалган, чертиб чалинадиган мусиқа асбоби; доира, чирманда, даф. *Катта чилдирма. Чилдирма базми. Чилдирма чалмоқ.* ■ *Тўй жуда гавжум — қўш чилдирманинг гижбанги ҳаммаёқни тутди.* Мирмуҳсин, Жабрдийда. *Хушвақт бўлиб, чилдирмалар чалайлик.* «Юсуф ва Аҳмад».

**ЧИЛДИРМАКАШ** айн. **чилдирмачи**.

**ЧИЛДИРМАЧИ** Чилдирма чалувчи созанда; доирачи. *Чилдирмачи йигит.. қани бошладик, дегандек кўз қисди.* Н. Аминов, Қаҳқаҳа.

**ЧИЛЁСИН** [ф. + а. چهل ياسين — қирқ ёсин] Куроннинг Ёсин сурасини ўқиш билан боғлиқ бўлган диний одат: оғир касални тузатиш ёки енгиллаштириш мақсадида

касал тепасида Ёсин сурасини 40 марта ўқиб, дам солиш. *Чилёсин ўқиттирмоқ.*

**ЧИЛИМ** Сархонасига тамаки солиб, найи орқали чекиладиган, кўпинча қовоқдан ясалган чекиш асбоби. *Чилим чекмоқ.* ■ *Раҳматли бувамнинг.. мис чилимлари бор эди.* Н. Аминов, Қаҳқаҳа. *Гурўғли султон.. чилим чекиб, кайфу сафо қилиб ётган эди.* «Маликаи айёр».

**Чилим солмоқ** Чекиш, чектириш учун сархонасига тамаки солиб, чилимни тайёрламоқ. *Ҳайдар ўчоқбошига бориб, яна бир чилим солиб чекди, Сафарга ҳам чектирди.* С. Айний, Куллар.

**ЧИЛИМКАШ 1** Чилим чекувчи.

2 Чилим солиб, одамларга чектириб юриб тирикчилик қилувчи одам; пояки.

**ЧИЛИМҚОВОҚ** Қобигидан чилим ясаладиган узун қовоқ. *Нон ўрнига кесак тишлаб, ёз бўйи сув ичиб ишлаб.. битта чилимқовоққа эга бўлиб ўтирибман.* А. Қодирий, Кичик асарлар.

**ЧИЛЛА** [ф. چله روزى / چله — қирқ кун] 1 Йилнинг энг иссиқ ёки энг совуқ қирқ кун. *Чилла кирди. Чилла чиқди.* ■ *Ҳали барвақт бўлишига қарамай, чилла эмасми, қуёш ёниб бош кўтармоқда эди.* «Шарқ юлдузи».

**Ёз чилласи** ёки **ёзги чилла** 25 июндан 5 августгача бўлган энг иссиқ қирқ кун. *Август — ёз чилласи. Менинг шахримнинг ўткир қуёши яллиги нақ ёндирыпти.* Ҳ. Назир, Мафтунингман, Озарбайжон. **Чилла суви** Ёз чилласида экинларга бериладиган сув. **Қиш чилласи** ёки **қишки чилла** 25 декабрдан 5 февралгача бўлган энг совуқ қирқ кун. *Қиш чилласи анча оғир келди.* С. Аҳмад, Жимжитлик. [С. Тўйчибоев] *Қиш чилласи.. тонг саҳарда фермага қараб йўл олди.* «Муштум».

2 **эти.** Бола туққан ёки туғилгандан, қиз турмушга чиққандан, йигит уйлангандан, марҳум кўмилган кундан кейинги қирқ кунлик давр: турмушдаги баъзи ҳодиса-ҳолатларнинг энг оғир, хатарли ёки масъулиятли даври. *Чақалоқнинг чилласи чиққач, янги уйга кўчиб бордилар* «Ёшлик». *Халқ таботатида чилла даври қирқ кун ҳисобланиб, шундан йигирма кун кичик чилла, йигирма кун катта чилла дейилади* «ЎЗМЭ».

**Чилла яра** Болага чилла даврида чиқадиган яра, тошма. *Шухратнинг бошига, бўй-*

нига чилла яра чиқиб, олти ойга чўзилди. Қ. Кенжа, Тоғ йўлида бир оқшом. **Чилласи чиқмаган** 1) чилла даври тамом бўлмаган. Келар ҳафта туғуруқхонадан чиқади янгангиз. Шунга, чилласи чиқмасаям майли, бир зиёфат қилмоқчи эдик. Ш. Холмирзаев, Оғир тош кўчса. Қирқ марта айтдим, ҳов келин, қишлоқнинг оғзи ёмонлари бор, кулади, ҳеч бўлмаса, чиллангиз чиққунча шу зормандани кишиб, ишга боринг, деб. «Ёшлик»; 2) кўчма тажрибасиз; гўр, хом.

3 дин. Суфий ёки муриднинг якка ўзи алоҳида хона (хужра)да, одамлардан яшириниб, қирқ кун давомида тоат-ибодат қилиши.

**Чилла ўтирмақ** 1) суфийлик тариқатида: қирқ кун давомида уйдан чиқмасдан ёлғизликда тоат-ибодат қилмоқ. Чиллага ўтирган шунда қирқ кун шайх, Даф қил, дея сарба худодан уни. Т. Тўла. Чилла ўтириш вақти диндор томонидан олдиндан ният қилинган бўлади. «ЎЗМЭ»; 2) кўчма узоқ вақт уйдан эшикка чиқмай, қимирламай ўтирмақ. **Чилла(га) ўтқазиб кетмоқ** Алдаб, фириб бериб кетмоқ. Ипак-атлас карвонига бош бўлган савдогарлар косибларни чиллага ўтқазиб кетардилар. Н. Юсуфий, Фарғона шўҳ кулади.

**ЧИЛЛАГУЗАРОН** [ф. چله گذران — чилланнинг ўтиши] этн. Янги фарзанд кўрган онанинг чилласи чиққандан сўнг ўз ота-онасиникига ёки бошқа яқинлариникига меҳмонга бориши ва шу муносабат билан ўтказиладиган маросим. Чиллагузарон қилмоқ (ўтказмоқ). Чиллагузаронга бормоқ.

**ЧИЛЛАГУРАЗОН** с. т. Чиллагузарон.

**ЧИЛЛАК** [ф. چلیک — бир турли болалар ўйини] 1 Битта узун, битта калта ёғоч билан ўйналадиган болалар ўйини ва шу ўйинда хизмат қиладиган ингичка ёғоч. Улар [болалар] чиллак ўйнаётган бўлса керак, ҳар дам-ҳар дамда қайсисидир зувуллаб югуради. «Ёшлик».

**Чиллак бола** Чиллак ўйинида ишлатиладиган икки ёғочнинг калтароғи. **Чиллак она** Чиллак ўйинида ишлатиладиган икки ёғочнинг узунроғи; чиллаксоп.

2 Варрак ипи ўраладиган қисқа чўп. Шамол турганда, қоронғи кечаларнинг қоқ ярмисидан бўлса ҳам, чиллакдаги ипнинг ҳаммасини қўйиб, устунга боғлайман. Ойбек, Болалик.

**ЧИЛЛАҚДАЙ**, -дек Ингичка, ориқ. Уйнинг ўртасида оёқлари чиллакдек бир бола чол-кампирга қараб, тиржайиб турган эмиш. «Зумрад ва Қиммат».

**ЧИЛЛАКИ** [ф. چلگى — «чилла» с. дан: қирқ кунда (эрта) пишадиган] 1 от Эртапишар узум, узумнинг энг олдин пишадиган тури. Оқ чиллаки. Чиллаки чиллақини кўриб чумак уради. Мақол. ■ Оқ кишимш, қора, оқ чиллаки, чарос.. кўзларни қамаштиргудай серҳосил. Н. Сафаров, Оловли излар.

2 сфт. Эртапишар, эртаги. Чиллаки шафтоли. Чиллаки қовун.

3 сфт. кўчма Яхши тайёрлик кўрмаган, чала ўқиган. Чиллаки олим. ■ Маориф очган курсларда бир талай чиллаки муаллимлар ўқишаётибди. Ўрнимга ўшалардан биттасини ола беради-да. П. Турсун, Ўқитувчи.

**ЧИЛЛАКИРЎЗОН** с. т. айн. чиллагузарон.

**ЧИЛЛАКСОП** Чиллак ўйинида ишлатиладиган икки ёғочнинг узунроғи. Катта доира чизилади-да, бир бола чиллаксопни олиб, доиранинг ўртасида туради. М. Ҳазраткулов, Журъат. Собир яқинда олган «Урал» велосипеди билан ўзини тўсиб, деворга қапишиб турибди. Бир қўлида чиллаксопдай насос. А. Кўчимов, Ҳалқа.

**ЧИЛЛАЛИ** Чилласи чиқмаган. Чиллали она. ■ [Хотин:] Вой, мусулмонлар, дин қани, диёнат қани, янгигина туширган чиллали келишим бор. С. Аҳмад, Ҳукм.

**ЧИЛЛАШИР 1** [ф. چله — чилла + شیر — сут: чилла даврида сут эмаётган ёки эмизётган] Тўхтовсиз ич кетиши, камқонлик, озиб кетиш билан кечадиган касаллик. Шуниси аниқки, отқулоқ.. камқонликда, колит, энтероколитда, болаларда бўладиган чиллаширда дори сифатида ишлатилган. Газетадан.

2 Жуда озғин, ориқ. Илҳомжон ғилдиракни ўрнатиб, мурватларни калит билан қотираётганида, бир чўпон бола сутдан айрилган, чиллашир бузоқларни ҳайдаб ўтди. Н. Аминов, Қаҳқаҳа.

**ЧИЛЛИК** Ўйин қартасининг қора рангли, уч барг шаклдаги тури. Чилликнинг тузи. Еттилик чиллик.

**ЧИЛОН 1** [р. «член» (аъзо) с. нинг бузилган шакли] с. т. Чор Россияси давридаги Туркистонда: бирор муассаса ёки банк аъзоси. Мен банкнинг чилони. Ҳаммасининг сири менга равшан, ўғлим. Ойбек, Танланган

асарлар. *Юзбошининг мол-дунёси бениҳоят кўй, кечалари уйини ўн иккита мерган қўриқлар эди. Уни «чилон» ҳам дейишар эди, билмадм, ўша вақтда нимага «чилон» экан.* А. Қаҳҳор, Қўшчинор чироқлари.

**ЧИЛОН** II [ф. چيلان — жийданинг бир тури] айн. **чилонжйида**. [Чилон] *Ўзбекистонда қадимдан маълум бўлиб, номи турлича: чилонжйида, чилон, жилон, уноби деб аталиб келинмоқда.* К. Маҳмудов, Ўзбек тансиқ таомлари.

**ЧИЛОНЖИЙДА** бот. Жийданинг қизғиш-жигарранг пўстли, оқ, ширин этли, думалоқ ёки тухумсимон меваси бўлган тури. *Мутахассисларнинг фикрига қараганда, хиёбонларга, истироҳат масканларига.. нок, ўрик, чилонжйида, гилос, тут ўтқазиш мумкин.* Газетадан.

**ЧИЛОПЧИН** [ф. چلآبچين — қирққа бўлинган сувни тўпловчи] шв. Дашша. *Хотини чилопчин билан обдастада сув олиб кирди.* «Шарқ юлдузи».

**ЧИЛПАРЧА** айн. **чилпарчин**. *Занг босган кишанлар чилпарча бўлди.* Уйғун.

**ЧИЛПАРЧИН** [ф. چلپارچين — қирққа бўлинган, парчаланган] рвш. Парча-парча, майда-майда; чил-чил.

**Чилпарчин бўлмоқ** 1) парча-парча бўлмоқ, чил-чил бўлмоқ. *Ойна чилпарчин бўлди.* ■ *Шавкат ҳозир энг юқори қаватда, ердан жудаям баланда эканликларини, бу ердан йиқилган одам чилпарчин бўлишини ўйлади.* Қ. Кенжа, Тоғ йўлида бир оқшом; 2) кўчма маҳв бўлмоқ, тилка-пора бўлмоқ; йўқ бўлмоқ, йўққа чиқмоқ. *Ёв чилпарчин бўлди.* *Душманинг қора ниятлари чилпарчин бўлди.*

■ *Бўриевнинг қурилишни ўпирилишдан чиқаришга қаратилган дадил лойиҳаси.. чилпарчин бўлди.* А. Мухтор, Туғилиш; 3) озор чекиб, ранжиб, эзилиб пора-пора бўлмоқ, садпора бўлмоқ. *Нафисанинг қалби бирпасда чилпарчин бўлди.* Ш. Фуломов, Ёрқин уфқлар. **Чилпарчин қилмоқ** 1) парча-парча, чил-чил қилмоқ, синдирмоқ. *Бухоронинг Самарқанд дарвозаси ҳам чилпарчин қилиниб, йўл четларига улоқтирилган.* Ш. Тошматов, Эрк қуши; 2) кўчма маҳв этмоқ йўқ қилмоқ. *Душман чилпарчин қилинди;* 3) кўчма озор бермоқ, қаттиқ ранжитмоқ. *Ортиқ шу бир оғиз гап билан унинг кўнглини чилпарчин қилиб ташлаганини сизди.* М. Мансуров, Ёмби; 4) кўчма тўсатдан таъсир қилиб, тар-

қатиб юбормоқ; йўққа чиқармоқ. *Наргисхоннинг жарандор овози ҳаёлимни чилпарчин қилиб юборди.* «Шарқ юлдузи».

**ЧИЛПИМОҚ** I қ. х. Ўсимликни бўйига ўсишдан тўхтатиш, ҳосил тўплаш, тезроқ етилтириш мақсадида уларнинг бачки қисминини ёки ҳосил новданинг учки қисминини юлиб ёки кесиб ташламоқ; чеканка қилмоқ. *Ғўзаларни чилпимоқ.*

2) *кўчма* Умуман, бирор нарсанинг ортиқча, керакисиз қисмини олиб ташламоқ, йўқ қилмоқ. *Унинг ёзганларини ҳар ким ва ҳар бир ҳукумат арбоби текшириб, ортиғи бўлса — чилиб, ками бўлса, тўлдириб бориши зарурдир.* А. Қодирий, Кичик асарлар.

**ЧИЛПОРА** [ф. چلپوره — қирққа бўлинган, парчаланган] айн. **чилпарчин**. *Ўртага тушган совуқчилик Фариданинг қалбини чилпора қилди.* Мирмуҳсин, Чиниқиш.

**ЧИЛП-ЧИЛП** тақл. с. Лойгарчиликда юрганда, сув кечганда чиқадиган товушни билдиради. *Чилп-чилп лой кечмоқ.* ■ *Вали ака тахтанинг устига чиқиб, ариққа энгашди.* Тахта эгилиб, таги чилп-чилп сувга тегди. М. Исмоилий, Фарғона т. о.

**ЧИЛТАН, чилтон** [ф. چلتن — қирқ киши, қирқта руҳ] Диний тасавурларга кўра, ғайритабиий кучга эга бўлган, кўзга кўринмайдиган, бир-биридан ажралмайдиган афсонавий қирқ руҳ. *Комил пирлар бўлсин сизга мададор, Қирқ чилтанлар бўлсин сизга жиловдор.* «Маликаи айёр». *Чилтанлар назар қилди шекилли, хонадонин қайта бошдан обод бўлди.* М. Осим, Карвон йўлларида.

**ЧИЛТОР** [ф. چلتار — қирқта тор; қирқ торли мусиқа асбоби] Кўп торли қадимий чолғу асбоби. *Чилтор қилларидай таралар ёмғир.* А. Орипов. *Чилтор садоси эшитилиб, аёл киши мунгли товуш билан мусиқага жўр бўлди.* Газетадан.

**ЧИЛ-ЧИЛ** [ф. چل چل — қирқта-қирқта (бўлинган, парчаланган)] I рвш. Майда-майда, парча-парча, кул-кул. *Коса чил-чил синди.* ■ *Шиша, зинапоя қиррасига тегиб, чил-чил синди.* «Ёшлик».

**Чил-чил бўлмоқ** 1) майда-майда, парча-парча бўлмоқ, кул-кул бўлмоқ. *Ҳурининг бадан-бадани жимираб кетди, қўлидаги пиёла ерга тушиб, чил-чил бўлди.* Н. Фозилов, Оқим; 2) кўчма озор чекиб, ранж тортиб, тилка-пора бўлмоқ. *Умиди кесилдигина эмас, неча йиллар кўнглида ардоқлаб келган нияти*

чил-чил бўлди. «Ёшлик». **Чил-чил қилмоқ** 1) майда-майда, парча-парча қилмоқ, синдириб ташламоқ. У қўлидаги тақсимчани полга қарсиллатиб уриб, чил-чил қилди. Мирмуҳсин, Умид; 2) кўчма озор, ранж бериб, тилка-пора қилмоқ. Лекин унинг суйиб теккан полвони, суйанган тоғи кўнглини чил-чил қилди. С. Сиёев, Отлиқ аёл.

**ЧИЛЧИРОҚ** [ф. چلچراغ — қирқта чирок; қандил, люстра] эск. Кўп шамли чирок; қандил. Суналар устидаги чилчиरोқлар нур сочиб турар, боғ кундуз кундагидай ёруғ эди. М. Осим, Карвон йўлларида.

**ЧИЛЧЎП** [ф. چلچوب — қирқта чўп, новда] Нишолда тайёрлашда ишлатиладиган бир даста ингичка чўп.

**ЧИМ 1** айн. ажриқ. Биз учун кўқарар дўнгликларда чим, Биз учун яшайди кўқда юлдузлар. «Ёшлик».

2 Ажриқнинг илдизлари, поялари билан бирга палахса-палахса қилиб кўчирилган тупроқ қатлами. Сувни чим тўхтатар, сўзни — чин. Мақол. ■ Ерни ҳайдашда ва мол боқилганда чим бузилса, тупроқ эрозияси рўй беради. «ЎЗМЭ». Яна беш чақиримча юрилгач, учтача ўтов ва чимдан ясалган кўтон чиқди. Н. Аминов, Қаҳқаҳа.

**Чим босмоқ** 1) сув йўлини тўсиш ёки чимзор қилиш учун кўчириб келинган чимни маълум тартибда ерга ётқизмоқ. Эгатларга чим босмоқ. ■ Бирор жойни сув уриб кетса, кетмон билан ўша жойга чим босади, бебош сувни яна йўлга солиб юборади. Ж. Шарипов, Саодат; 2) кўчма гов солмоқ, йўлни тўсиб қўймоқ, бекитмоқ. Пошишахон тушмагур, секретарликка сайланди-ю, барчасининг йўлига чим босди. А. Муқимов, Қипчоқ сеники. **Чимдай чиқмоқ** Ёппасига, гиламдай бўлиб чиқмоқ (ўсимликлар ҳақида). Укроп чимдай чиқибди.

**ЧИМДИЛАМОҚ 1** шв. айн. чимчиламоқ. 2 айн. чимдимок 1. [От] Кечгача адирларда, сой бўйларида ўт чимдилаб келади. С. Аҳмад, Жимжитлик.

**ЧИМДИМ** Икки-уч бармоқ билан чимдиб оларли миқдор. Овқатга уч-тўрт чимдим туз ташламоқ.

**Бир чимдим** 1) бир марта чимдиб олишли миқдор. [Чол] Бир чимдим носни бурушиқ кафтига тўкди-да, уни тилининг тагида отди. «Ёшлик»; 2) кўчма озгина, жиндак,

қиттак. Бир пиёладан чой ичиб, бир чимдим ҳол-аҳвол сўралагач, дўсти меҳмонни таништиришига тушиди. М. Мансуров, Ёмби. Хитобда ҳам, мақтовда ҳам бир чимдим кесатик бор эди. М. М. Дўст, Лолазор. Бир чимдим ухласанг, кучга тўлиб яйрайсан. Ойбек, О. в. шабалалар.

**ЧИМДИМОҚ 1** Оз-оздан емоқ, чайнамоқ. Серка бўлса, ҳар замонда бир хашак чимдиганича, тепада туриб.. кузатаркан. Н. Аминов, Қаҳқаҳа.

2 Бармоқларнинг учи билан ушлаб, чимчиб олмоқ. Тиканзордан чиққан киши кўзи ер чизиб, от ўмровидаги хасни чимдиб ташлади. Ш. Холмирзаев, Бодом қишда гуллади. Тожихон ая хотиржам, кенг-ковул қаргашойи кўйлагининг тўшбурмасидан чимдиб ушлаб, елпинди. А. Мухтор, Кумуш тола.

3 кўчма Гап билан узиб олмоқ. -Ҳали бу ҳолвасими, Султонов ака, — Зулхумор ҳам гап билан чимдиб олди. М. Мансуров, Ёмби.

**ЧИМЗОР** Чим босган ер, ажриқзор. Сўнг туёқ излари қотиб қолган чимзордан тез ўтаётган извошда чайқалиб кетаркан, гурборли осмонга қаради. Ш. Холмирзаев, Қаҳрамоннинг сўнгги кунлари. Сўярқул терлабнишиб чимзорга етиб борганида, ҳали футбол бошланмаган эди. А. Кўчимов, Ҳалқа.

**ЧИМЗОРЛИК** айн. чимзор. Ҳар иккови-миз маслаҳатлашиб, қўйларни чимзорликка ёйдик. Ф. Гулом, Шум бола.

**ЧИМИЛДИҚ** айн. гўшанга. Бутун қизлар, бутун жувонлар Чимилдиқда эрни кўрдилар. Ҳ. Олимжон. Гул-гул ёниб, муқаддас Чимилдиққа кирарсан. М. Юсуф.

**ЧИМИРИЛМОҚ 1** Чимирмоқ фл. ўзл. ва мажҳ. н. Қошлари чимирилди. Қулоқлари чимирилди.

2 Қош-қовоқни, пешонани тириштирмақ (таажжуб, аччиқланиш ва ш. к. ҳис-туйғуларни ифодалаш учун). -Қанақа ҳикоя экан? — чимирилиб сўради аёл. «Шарқ юлдузи». Холиса чимирилиб, ана, айтмовдимми, дегандек эрига қараб қўйди. С. Нуоров, Майсаларни аёз урмайди.

**ЧИМИРМОҚ** Қош-қовоқни йиғмоқ, буруштирмақ (таажжуб, норозилик, ҳалик-сираш, кибр каби ҳис-туйғуларни ифодалаш учун). Дандонов сийрак қошларини чимириб, узоқ эзмаланди. Н. Аминов, Қаҳқаҳа. -Ёқмаса.. — Алимардон кинояли жимлайиб, қошини чимириди. — Ёқмаса.. Кета қол! Ў. Ҳо-

шимов, Қалбинга қулоқ сол. *Асқар Бакирович норози қош чимирди*. Н. Аминов, Қаҳқаҳа.

**Қулоқ чимирмоқ** Қулоқларини орқага буриб, тик қилиб, бирор ҳаракатга ҳозирланмоқ (ҳайвонлар ҳақида). *Қорабайир думини силкитиб, қулоқларини чимирганича.. орқа оёғини ҳавога ура бошлади*. Ш. Тошматов, Эрк қуши.

**ЧИМЛАМОҚ** Чим босмоқ, чим босиб тўсмоқ ёки кўкаламзор қилмоқ. *Уста бу йил эгат оғзини чимлаб суғоришда ҳам ибрат кўрсатишга аҳд қилган*. О. Ёқубов, Ларза.

**ЧИММАТ** [«чашмбанд» с. нинг бузилган шакли] **1** *айн. чачвон*. *Ой юзинг қаро чиммат зулмидан қутултиргил*. Ҳамза. *Зеби чимматини юзидан олди.. Чўлпон, Кеча ва кундуз. Чимматдаги бекага кўзи тушганлар бош эгиб салом беришди*. Мирмуҳсин, Темур Малик.

**2** *кўчма* Парда, тўсиқ. *Туннинг қора чиммати жимирлаб-жимирлаб, ер бетини қоплади*. И. Раҳим, Тақдир.

**ЧИМТОМОҚ** Кам овқат ейдиган, овқатни танлаб, оз-оз ейдиган; чимхўр. [Малика] *Чимтомоқ эди. Аммо бугун онаси қўйган бир товоқ овқатни ҳам пок-покиза туширди-да, кейин тоза мақтади*. Ж. Абдуллахонов, Тонг ёришган соҳилда.

**ЧИМХЎР 1** *айн. чимтомоқ*. *Овқатга асло мазангиз йўқ экан, पोшиа қиз, чимхўр экансиз*. Ойбек, Улуг йўл. *Шу қилиқлари устига бу нозик ойим бирам чимхўрлар.. «Шарқ юлдузи»*.

**2** Овқатни танлаб, оз-оз ейдиган, ҳар қандай овқатни еявермайдиган (ҳайвонлар ҳақида). *Чимхўр хўкиз очдан ўлар*. Мақол. ■ *Шомурод хатчи [хат ташувчи, почтальон]нинг сигири чимхўрроқ эди*. М. М. Дўст, Галатепна қиссалари.

**ЧИМЧАЛОҚ** *шв.* Жимжилоқ.

**ЧИМЧИЛАМОҚ 1** Тананинг бирор ерини бармоқлар билан қисиб олмоқ (кўпинча жазолаш учун, баъзан ҳазил тариқасида). *Шўхчан койиниб, эрининг биқинларидан чимчилаб, нариги хонага олиб чиқди*. М. М. Дўст, Лолазор. *-Ахир кампирлардай тишларинг тушган! — деди Изатулла ака боланинг юзини қайта чимчиламоқчи бўлиб*. Н. Аминов, Қаҳқаҳа. *Фотима келин атласнинг бир четини чимчилаб кўрди*. Ў. Ҳошимов, Икки эшик ораси.

**2** *кўчма* Ачитмоқ, жизиллатмоқ, жондан ўтмоқ (совуқ, шамол, изғирин ва ш. к. ҳақида). *Изғирин изиллаб, юз-кўзни чимчилайди*. С. Нуров, Нарвон. *Совуқ қулоқ-бурнингизни чимчилаб ўтади*. Т. Қосимова, Кўнгилли тасодиф. *Ёмғир томчилари билан ювилган ҳавонинг покиза еллари баданини чимчилаб ўтади, гоҳ сескантиради*. Шухрат, Шинелли йиллар.

**3** *кўчма* Гап билан узиб олмоқ, тил тегизмоқ, кимсанинг шаънига аччиқ, қаттиқ гап айтмоқ; койймоқ. *-Ҳали хотинчангизни ҳам бориб кўрарсиз, — гап билан чимчилаб олди у*. «Ёшлик».

**ЧИМЧИМОҚ 1** *айн. чимчиламоқ*. *Бурнини чимчиди*.

**2** Бармоқларнинг учи билан ушлаб, чимдиб олмоқ. *Зайнабнинг қўрқа-писа «Олинг, опа!»сидан сўнг, икки тараф ҳам лагандан чимчиган бўлишдилар-да, бирин-сирин қўлни дастурхон четига артишди*. А. Қодирий, Ўтган кунлар.

**ЧИМҚИРҚАР** *қ. х.* Плугнинг чимни, илдилларни кесиб борувчи қисми, пичоғи.

**ЧИН 1** **1** *от* Ҳақиқий ҳол, иш, гап, ҳодиса ва ш. к.; рост, тўғри. *Отанинг йўқдир тайини, Мен айтмай гапнинг чинини*. «Нурали». *Шу онда хавотири чинга айланди*. «Шарқ юлдузи».

**2** *сфт.* Ҳақиқий, ҳаққоний, чинакам. *Чин ваъда*. *Чин сўз — муътабар, Яхши сўз — мухтасар*. Мақол.

**3** Асл, ҳақиқий, чинакам. *Оҳ, ширин ҳаёт, чин йўлдош.. ҳар бир жиҳатдан комил, фозил инсон бўлса.. Ҳамза, Танланган асарлар*.

**Чин кўнгилдан (ёки қалбдан, юракдан)** Астойдил, самимий. *У бу аёлнинг, тили аччиқ бўлишига қарамай, чин дилдан орттириб берган нулларини сира нуутгани йўқ эди*. «Ёшлик». **Чин маъноси билан** Асл, ҳақиқий маъноси билан; том маъноси билан. *У чин маъноси билан одам*. ■ *Хуллас, чин маъноси билан серҳосил қишлоқ*. Ҳ. Фулом, Машғал. **Чини билан** Ҳазилсиз, ростдан, ҳақиқатан, дарҳақиқат. *Чини билан ҳам Ҳожининг тусидаги бояги ҳасрат ва қайғу аломатлари йўқолиб, уларнинг жойини шарқ оталиги вазияти олди*. А. Қодирий, Ўтган кунлар.

**ЧИН II** [ф. چين] Хитойнинг Шарқ мамлакатларида қабул қилинган ва ўзбек тилида ҳам учрайдиган номи. *Чин хоқони*. ■ *Чин*

чегарасидаги Ўтрор шахрига келгани замон йўлини қор девори тўсди. М. Осим, Ўтрор.

**Чин** (ёки чинни) каптар Хонаки кўк каптар.

**ЧИНАК** [ф. چين < چيند — «термоқ, тўпламоқ; йиғиштирмақ» фл. дан] Ўтмишда: маълум шартлар билан ёлланиб пахта териш тартиби ва шу тартибдаги пахта терими.

**ЧИНАКАМ** 1 Ҳақиқий, асл, чин. *Чинакам дўст.* ■ Аммо зиёфат дастурхони чинакам бойвачча номига яраша эди. «Ёшлик». Ёшлик — умрнинг чинакам асл даври. Газетадан. Мусофирдан аҳвол сўраш савоб чинакам. А. Орипов.

2 айн. **чиндан.** *Чинакам ишонмоқ.* ■ Зиёдулла чинакам қўлга тушганига ишонди. Ҳ. Фулом, Машғал. *Киши чинакам йиғлаш учун мўл-кўл кўз ёши тўкмоғи ёки фарёд кўтармоғи шарт эмас.* П. Турсун, Ўқитувчи.

**ЧИНАКАМИГА** рви. Чиндан, ҳақиқатан; ростдан. [Универмагда] ..халқимизнинг ажойиб миллий анъаналарини ифода этишга, давр билан уйғунлаштиришга чинакамига эришилган. Газетадан.

**ЧИНАКЧИ** 1 Ёлланиб пахта терувчи киши. *Нигоҳим кундузнинг нурига чўмган, Узоқдан чинакчи қизлар кўринар.* У. Носир.

2 Чаноқда қолган пахталарни қўшимча равишда қўлда терувчи; теримчи. *Машина теримига ажратиб, мослаб қўйилган пахтазорни бир гала чинакчи оралаб юрибди.* И. Раҳим, Зангори кема капитани.

**ЧИНАКЧИЛИК** Чинакчи бўлиб ишлаш, чинак билан шуғулланиш. *Эрназар аканинг хотини коллективлаштиришдан илгари ҳам чинакчиликда донг чиқарган хотин.* И. Раҳим, Ихлос.

**ЧИНБАРГ** Пахта ўсимлигининг шоналайдиган барги, ҳосилдор барг. *Ғўза энди икки-учтадан чинбарг чиқарганда, Муминанинг бирдан тоби қочиб қолди.* Ҳ. Нурий, Лочин боласи — лочин.

**ЧИНГИЛ** Дуккаклилар оиласига мансуб тиканли ўсимлик (илдизидан сариқ бўёқ тайёрланади).

**ЧИНГЛИНГ** шв. Ихчам, бежирим ва саранжом, шинам. *Мирвали шу йўл ёқасига иккита чинглинг посёлка қуриб қўйди.* С. Аҳмад, Жимжитлик.

**ЧИНДАН** рви. Чини билан, тўғри; беҳазил. -*Чиндан сўзлайман, Анвар!* — деди Султонали. А. Қодирий, Меҳроблан чаён.

2 Ҳақиқатан, ростдан. *Шу тобда унинг гинаси Искандарга чиндан хуш ёқиб, жилмайди.* М. Мансуров, Ёмби. *Шаҳар чиндан ҳам ўлат чангалида экан.* «Фан ва турмуш».

**ЧИНДОВУЛ** тар. Дубулга шаклидаги, бир томони тери билан қопланган урма чолғу асбоби (ҳарбий юришлар ва турли маросимларда қўлланган). *Чиндовул отлиқ аскар эгарига бойланган, таёқ ёки қамчи дастаси билан чалинган.* «ЎЗМЭ».

**ЧИНИЙ** [ф. چيني — Хитойга мансуб] эск. Хитойда тайёрланган. *Хатни чиний қоғозга Муҳаммад Интизомнинг ўзи ёзди.* Мирмуҳсин, Темур Малик.

**ЧИНИҚМОҚ** 1 Меҳнат ёки жисмоний тарбия билан ўз организмнинг ҳар қандай оғир шароитга, касаллик ва ш.к. га бардош бериш қобилиятини оширмақ; тобланмоқ, пишиқмоқ. *Меҳнатда чиниққанинг ранги тоза бўлади.* «Кўшиқлар». *У кўйлаксиз эди, офтобда чиниқиб пишган бадани тер билан ялтирарди.* Ш. Рашидов, Бўрондан кучли.

2 кўчма Амалий иш, тажриба жараёнида етилмоқ, тобланмоқ. *Дўстлик синонда чиниқади.* Мақол. ■ *Унинг [қизнинг] муҳаббати айрилиқда чиниқди.* Газетадан.

**ЧИНИҚТИРМОҚ** 1 Чиниқмоқ фл. орт. н. Организмни чиниқтирмақ.

2 махс. Янги ишлаб чиқарилган автомобиль, трактор, трамвай, самолёт, дастоҳ ва ш.к. ни дастлаб белгили тартибда ишлатиб, аста-секин равон ишлайдиган ҳолга келтирмақ.

**ЧИНИҚҚАНЛИК** Ишда, меҳнатда ёки машқ билан тобланганлик. *Ишда чиниққанлиги унга [мардикорга] қўл келди.* «Ёшлик».

**ЧИНК, чинг** (қозоқча **шинг**) 1 Қир ва баландликларнинг тик тушган баланд ёнбағри; жарлик.

2 Чўққи; тоғ тепаси.

**ЧИН-МОЧИН** [ф. چينوماچين] эск. Жанубий Хитой, Тибет ва Шарқий Туркистон ҳудудининг эски, тарихий манбаларда учрайдиган номи.

**ЧИННИ** [ф. چيني — Хитойга мансуб] 1 Турли идиш-оёқ, ёлгорликлар, изоляцион ашёлар тайёрлаш учун ишлатиладиган оқ лой. *Хитой чинниси. Тошкент чинниси. Сопол чинни бўлмас, бегона — уни.* Мақол. ■ *Урта Осиёга чинни қадимдан Хитой ва Эрондан, кейинчалик Россиядан келтирилган.* «ЎЗМЭ».



2 сфт. Чиннидан ясалган. Чинни пиёла. ■ Саида чинни чойнак-пиёлаларни яхшилаб ювиб, артиб, токча тепасига териб қўйди. Газетадан.

3 Чинни (хотин-қизлар исми).

**ЧИННИГУЛ** [ф. چيني گول — хитой гули] Чиннигуллилар оиласига мансуб, қизил, пушти, оқ гулли кўп йиллик ўтсимон ўсимлик ва унинг гули. Рашиднинг қўлидаги чиннигулларни кўриб, Гули ёстиқдан бошини кўтарди. Ҳ. Бадалов, Боботоғ болалари.

**ЧИННИДАЙ**, -дек. Чинни каби, чиннига ўхшаб; топ-гоза. Умид ғариб.. аммо ҳаммаёқ чиннидай озода бир уйда бўлганидан кўнгли равшан тортди. Мирмуҳсин, Умид.

**ЧИННИСОЗ** [ф. چيني ساز — чинни ясовчи] Чинни саноати ходими, мутахассиси; чинни ясовчи уста. Чиннисозларнинг 1991 йилги режалари ҳаммани қизиқтириши табиий. Газетадан.

**ЧИННИТАРВУЗ** Эртапишар, гулдор пўчоқли тарвуз нави.

**ЧИННИТЕРАК** Тикка ўсадиган баланд оқ терак.

**ЧИННИФУРУШ** [ф. چيني فروش — чинни сотувчи] эск. Чинни асбоблар билан савдо қилувчи савдогар, чинни сотувчи. У Соли чиннифуруш номи билан донг чиқарган. «Ёшлик».

**ЧИННИЧИ** айн. чиннисоз.

**ЧИНОВНИК** [қад. р. чин — «тартиб, қоида; даража, мансаб» с. дан ясалган от: амалдор] Чор Россиясида: амалдор, мансабдор шахс. Чор ҳукуматининг чиновниклари. ■ У ё чиновник, ё катта савдогар, ёки айни замонда ҳар иккиси. Ойбек, Танланган асарлар.

**ЧИНОЁҚ** Хитойи чинни идиш, хитой чинниси. Олти йигит ичида отинг Турсун, Чиноёққа сув қуйдим — тиниб турсин. «Кўшиқлар». Мирёқуб курсини яқинроқ жилдирди, чиройли бир чиноёққа самовардан қуюққина чой қуйгач.. Чўлпон, Кеча ва кундуз.

**ЧИНОР** [ф. چنار] 1 Пўсти кўкиш, панжасимон шапалоқ баргли, узоқ умрли серсоя катта дарахт. Чинор чиримас, арча қуримас. Мақол. ■ Ҳаммаёқ озода, сув сепилган, тоза. Сарҳовуз.. осмонга етадиган чинорлар.. «Нурали».

2 кўчма Турмуш ўртоғи ёки ўғил, фарзанд (аёлга нисбатан). Чиройинг борида чинорингни топ. Мақол. ■ Бўйнимга таққан

туморим сен эдинг, Олдимда ўсган чинорим сен эдинг. «Ойсулув».

3 кўчма Суянчиқ, қўллаб-қувватловчи шахс. [Турдиқуловнинг] Районда суянган чинорлари бор. «Ёшлик».

**ЧИНОҚ 1** Кулоғи кесилган ёки кулоғи кертик. Чиноқ ит. Чиноқ қўй. ■ -Э, домлажон-а, сиз кўрмадингиз, ўртадаги девордан бир гишт кўчирганимизни биламиз, ҳай-ҳай-ҳай.. — дея бидирлай кетди чиноқ йигит унга эргашиб. М. Мансуров, Ёмби.

**Чиноқ бурун** 1) кемтиги бор бурун; 2) чандиқ бурун. **Чиноқ кулоқ** Кесик кулоқ.

2 Кулоғи кичкина ёки чандиқли кишиларга қўйиладиган лақаб. Ёдгорхўжанинг амакиси Қосимхўжа.. Тўрақул чиноқнинг сартароши бўлган. Ш. Холмирзаев, Қахрамоннинг сўнгги кунлари. Кўча бошида Аҳмад чиноқ кўринди. «Ёшлик».

**ЧИНОҚЧИ** қ. х. Чорва молларнинг кулоғини кесиб ёки кертиб, тамға, нишон соловчи киши.

**ЧИНЧАЛОҚ** шв. Жимжилоқ.

**ЧИНҚИРИҚ** Ингичка ва ўткир овоз, қичқирик. Чақалоқнинг чинқириги. Гудожнинг кар қилгудек чинқириги. ■ Узоқдан паровоз чинқириги янгради. А. Мухтор, Опа-сингиллар.

**ЧИНҚИРМОҚ** Ингичка ва ўткир товуш чиқармоқ, чийиллаган товуш билан қичқирмоқ. Гулнора чинқирганча ўрндан туриб кетди. Х. Тўхтабоев, Йиллар ва йўллар. -Войдод, кимсиз? Одамлар, ёрдам бе.. — деб чинқирди аёл ва шу заҳотиёқ тинчиб қолди. «Ёшлик». Жонивор Фирқўк от Авазни кўрди, Тўрт оёғин ерга тираб чинқирди. Эргаш Жуманбулбул ўғли. Поезд яна бир чинқирди-ю, қалин дарахтзор ичига шўнғиб кетди. С. Кароматов, Бир томчи қон.

**ЧИНҚИРОҚ** Ингичка ва ўткир, кулоқ тешгудай қаттиқ (товуш ҳақида). -Музаффар! — оймнинг чинқироқ овозига Омоннинг йиғиси қўшилди. Ў. Ҳошимов, Икки эшик ораси.

**ЧИНФИЛ**, жангал Чўл ва адирларда ўсадиган тиканли бута.

**ЧИНФИЛЛАМОҚ 1** айн. шанғилламоқ. Кулоғим чинғиллапти.

2 айн. жирингламоқ. Эшик қўнғироғи чинғиллади.

**ЧИНФИРЛАМОҚ** айн. чинғилламоқ.

**ЧИП** тақл. с. Ялпоқ нарсаларнинг аста урилишида, ёпишқоқ нарсаларнинг кўчи-

шида чиқадиган товушларни ифодалайди. *Чип этган товуш.* ■ *Сариқ, қизил барглар чип этиб ерга шўнғийди.* «Ёшлик».

**Чип битмоқ** *айн. чиппа битмоқ қ. чиппа.* Искандарнинг қулоқлари шанғиллаб келиб, чип битди-ю, ҳеч нарса эшитилмай қўя қолди. «Ёшлик». **Чип ёпишмоқ** *айн. чиппа ёпишмоқ қ. чиппа.* ..баданига чип ёпишган қопқора қондан ғашланиб, [Жавлоннинг] юраги баттар сиқилди. «Ёшлик».

**ЧИПОР** Ола-була, олачипор. *Чипор товуқ. Чипор илон.* ■ *Унда [суратда] каттакон дарахтга ўралиб ётган йўғон чипор илон тасвир этилган.* Ш. Холмирзаев, Оғир тош кўчса. *Изатулла ака боланинг бошини чипор шапқачаси устидан қиларкан, «балли», деб кўйди.* Н. Аминов, Қаҳқаҳа.

**ЧИППА:** *чиппа битмоқ* Бутунлай, том битмоқ (қулоқ ҳақида). *Гулнор десам, қулоқ чиппа битибди.* «Гулнорпари». **Чиппа ёпишмоқ** 1) яхши, зич ёпишмоқ. *Яктаги икки курагининг ўртасига чиппа ёпишиб, елкаси ачишади.* «Ёшлик». *Пайкалга кирсангиз, этикка лой чиппа ёпишиб, оёғингиз билан қўшиб суғуриб оламан, дейди.* Ў. Ҳошимов, Икки эшик ораси; 2) қуйиб қўйгандай, ўлчагандай лойиқ келмоқ. *Узун самбитдек қома тига, кенг яғринига ҳарбий форма чиппа ёпишиб турибди.* Ойдин, Садағанг бўлай, командир.

**ЧИППАК I** *с. т.* Шиппак, сандал.

**ЧИППАК II:** *чиппакка чиқмоқ* 1) йўққа, пучга чиқмоқ. *Ёлғон даъволар чиппакка чиқди.* ■ *Уқувчиларнинг ишончлари табиат инжиқлиги туфайли чиппакка чиқадиган бўлди.* О. Ёқубов, Олов қалблар; 2) беҳуда, зое кетмоқ. *Салимхон Обидийнинг ҳужуми чиппакка чиқди.* Мирмуҳсин, Умид.

**ЧИППА-ЧИН** Шак-шубҳасиз; тўғри, рост, чин. *Чиппа-чин бўлган иш.* Сўзларим ёлғон эмас, чиппа-чин. ■ *Чиппа-чин ишондинг-а, тавба [деди Искандар].* М. Мансуров, Ёмби.

**ЧИПТА I** Дағал буюмлар тўқиш учун тайёрланган юпқа тилим-тилим пўстлоқ ва ундан тўқилган нарса. *Нарироқда атрофи чипта девор билан ўралган қўра.* Ш. Холмирзаев, Оғир тош кўчса.

2 Одатда токни бағазларга тараб боғлаш учун ишлатиладиган пўстлоқ толаси. *Чипта билан боғламоқ.*

**ЧИПТА II** *с. т.* Поезд, автобус, самолёт каби транспорт воситаларида юриш, учиш ҳуқуқини берувчи билет. *Мана бу гапни эшитинг, Андижонга борганимда, «Максимка» пойызга [поездга] чипта ололмай, начайликнинг [начальник — бошлиқнинг] олдига кирдим.* С. Аҳмад, Ҳукм.

2 Бирор томошахонага ёки турли спорт мусобақалари ўтказилаётган жойга кириш ҳуқуқини берадиган расмий қоғоз; билет. *«Пахтакор»нинг уйинига чипта қолмабди.*

**ЧИПТАЧИ** *с. т.* 1 Темир йўл билети сотувчиси; кассир.

2 Йўл транспорти билети сотувчиси; кондуктор. *Автобус чиптачиси.*

**ЧИП-ЧИП** *Чип* *с. тақр.* *Кўйлагининг икки кураги ўртаси баданига чип-чип ёпишарди.* Шухрат, Шинелли йиллар.

**ЧИПҚОН** Тук халғачаси ҳамда унга боғлиқ ёғ бези ва тўқималарнинг йирингли яллиғланиши; йирингли катта чиқик; хўп-поз. *Насим полвонга чипқон чиққани чин экан, бу даврада олишмади.* Т. Мурод, Кўшиқ.

**Дард устига чипқон** *қ. дард I.* *Дард устига чипқон деганларидай, Асрорнинг бир дарди икки бўлди.* «Ёшлик».

**ЧИР:** *чир айланмоқ* Гир-гир айланмоқ, тез айланмоқ. *Уйнар бўрон, чир айланиб қор, Тинмай инар кўкдан ер сари.* Уйғун. *Унғирларда кўтарилган гирдоб хас-хашақларни чир айлантириб, осмони фалакка олиб чиқиб, қўйиб юборарди.* С. Аҳмад, Жимжитлик.

**ЧИРАНМАЧОҚ** *с. т.* Мақтанчоқ, керилмачоқ. ..*Шундай деди-ю, ўзини тутолмай кулиб юборди — Ошнога ишонмади, уни шунчаки чиранмачоқ деб ўйлади.* М. М. Дўст, Лолазор.

**ЧИРАНМОҚ I** Бирор мақсадда бор кучини ишга солиб ҳаракат қилмоқ; кучанмоқ. *Букка орқасига тисарилиб, уввало чиранди.* «Шарқ юлдузи». *Сандиқ жуда оғир эди, зўрға зинага яқинлаштириб, чирана-чирана, тепага олиб чиқишди.* А. Кўчимов, Ҳалқа. *Арава қилт этмас.. ҳўкизлар ҳарчанд чирангани билан, арава жойидан жилмас эди.* Ў. Ҳошимов, Икки эшик ораси.

2 *кўчма салб.* Ўз имкониятларини ҳисобга олмай катта кетмоқ; керилмоқ. -*Чиранманг, полвон, — деди кулиб Ўсаржон.* Ойбек, О. в. шабадалар. *Ўзинг жойсиз [ноўрин] чиранганингдек, мени ҳам ўз ёнинга тортмоқчи бўласан.* А. Қодирий, Ўтган кунлар.

Аларга мен: -Шоҳи Эрон билан урушаман, деб чиранманг, — дедим. М. Осим, Карвон йўл-ларида.

**ЧИРГИ** *шв.* Терлик, ёпиқ (от абзали). Шул замонда солди отнинг устига Зарлю зарбофдан бўлган чиргини. «Алпомиш». Омборхонадан от абзалларини — терлик, беллик, чирги.. юган, эгарни қўлтиқлаб келдим. Т. Мурод, От кишнаган оқшом.

**ЧИРГИЛИК** *шв.* 1 Чиргибоп материал, намат.

2 Чирги. Чиргилик тикаётганда, калавага мум едирмасанг бўлмайди — эртаси куни-ёқ чириб тушади. М. М. Дўст, Галатепа қиссалари.

**ЧИРИК** 1 Чириган, чириб ишдан чиққан, яроқсиз ҳолга келган. *Чирик пахта. Чирик тиш. Чирик олма.* ■ Йигит чирик оғочлар тирқишидан настга қаради. С. Сиёев, Аваз. *Чирик сомон ва гўн ҳиди [Саиднинг] димоғига урилди.* Х. Султонов, Бир оқшом Эртаги.

2 от Нарсаларнинг чириган жойи. *Олманинг чиригини олиб ташламоқ.*

3 кўчма Ўлиб, йўқ бўлиб бораётган, ҳалокатга юз тутган; носоғлом; эски, бузуқ. *Чирик назария.* ■ *Драма ёзганда, мавзуни турмушимизнинг нақ чирик бир жойидан олмоқ ва унинг ила баробар адабиёт тарозисига солиб ёзмоқ керакдир.* А. Қодирий, Кичик асарлар.

**ЧИРИЛДОҚ** 1 *сфт.* Чирилловчи, ҳалеб чириллайверадиган.

2 от Қанотлари ишқаланиши натижа-сида «чир-чир» овоз чиқарадиган, тўғриқа-нотлилар оиласига мансуб ҳашарот; қора чигиртка. *Чигирткалар, чирилдоқлар бири олиб-бири қўйиб хониш қилади.* С. Аҳмад, Жимжитлик. *Чинқириб юборар куннинг зўридан Қайгадир беркиниб олган чирилдоқ.* А. Орипов.

**ЧИРИЛЛАМОҚ** 1 «Чир-чир» қилмоқ; чиғилламоқ. *Бу кеча ҳам бўрилар увлар, Чирилдоқлар чириллар бир-бир.* «Ёшлик». У ер-бу ерда чигиртка эриниб чириллайди. «Ёшлик».

2 *айн.* Қаттиқ йиғламоқ (чақалоқ, гўдак ҳақида). *Бешикда ётган болакай тинимсиз чирилларди.* «Ёшлик».

3 кўчма Куйиниб, изтироб билан, йиғи аралаш сўзламоқ. *Чириллаб, акам, деб турса бошимда, Қалдирғоч — шўрлик жигарим*

бўлмади. «Алпомиш». *Узала тушиб ётган боласининг тепасида хола «Онанг ўлса бўлмасмиди, болам!» деб чирилларди.* «Шарқ юлдузи».

4 *айн.* чир-чир айланмоқ қ. чир-чир.

**ЧИРИМОҚ** 1 Табиий таъсирлар туфайли парчаланмоқ; айнимоқ, ишдан чиқмоқ, яроқсиз ҳолга келмоқ. *Чириган ип. Чинор чиримас, арча қуримас.* Мақол. ■ *Тутнинг шохлари тегиб турган айвон устуни қорайиб, чирий бошлади.* С. Нуров, Майсаларни аёз урмайди. *Майли, мени бурдалаб ташласинлар, таним зиндонда чирисин.* С. Кароматов, Бир томчи қон.

2 Иримоқ, айнимоқ. *Чириган қовун. Чириган олма.*

3 кўчма Адойи тамом бўлмоқ, хазон бўлмоқ. [Йўлчи:] *Андак инсоф керак, уят керак. Чолнинг меҳнатда чириган кўксига бигизни қадайверманг!* Ойбек, Танланган асарлар. *-Нари туринг, — Лаъли жаҳл билан эрининг кукрагидан итарди. — Эсиз умрим, бу ғамхонада чириб кетаётибди.* Ҳ. Фулом, Машъал.

4 кўчма Умри тугаб, ўлиб, йўқ бўлиб бормоқ, ҳалокатга юз тутмоқ. *Золимлар ёққан ўт ёнмасин сира, Қора ниятлари чирисин дилда.* Ф. Фулом.

**ЧИРИНДИ** Чўп-хас, хазон, ўсимлик ва ш.к. нинг чириб, тупроқнинг таркибий қисмига айланаётган қисми, чирик нарса. *Ерга чиринди солмоқ.* ■ *Чириндининг аччиқ ҳиди димоқни теишудай эди.* А. Кўчимов, Халқа.

**ЧИРИШ** 1 **Чиримоқ** фл. ҳар. н.

2 Микроорганизмлар таъсири натижа-сида бузилиш, айтиш ҳодисаси, жараёни. *Ҳозир илмий ходимлар илдиз чириш касалини ўрганишаётган экан.* С. Нуров, Майсаларни аёз урмайди.

**ЧИРИШ** II: **чиришни бузмоқ** Иш, суҳбат ва ш.к. ни, ўтиришни бузмоқ; битган, бўлиб турган ишни йўқ қилмоқ.

**ЧИРИҚЛАМОҚ** *айн.* **чирқилламоқ.** *Чумчуқча келиб кетди, Ушоқларни еб кетди, Чирриқ-чуруқ чирқилаб, Эрта келай, деб кетди.* У. Бахромова.

**ЧИРК** I [ф. چرك — кир, ифлос; кирлик, ифлослик] 1 Ёғ ва қурум аралаш ёпишқоқ масса; ис. *Қозоннинг чирки. Чирк босиб қорайган уй.* ■ *Идиш ювадиган, ишчилар қўл ювадиган жой чирк босган.* Газетадан.

2 Қалин қатирма кир, яғир. *Чирк боғлаб кетган дўппи.* ■ *Чирк босган кепка кийиб*

юрадиган.. қоп-қора, боши сүпоқ, суяги бузук, рангнар йигит. А. Мухтор, Давр менинг тақдиримда.

3 Қотиб қолган арава мойи.

**ЧИРК** II тақл. с. Чиркиллайдиган қуш ва ҳашаротларнинг овозини билдиради.

**ЧИРКИН** [ф. چركين — кир, ифлос] I Чирк босган, чирк босиб қорайган; хира. *Чиркин ва синиқ ишшалаар.*

2 Қатирма кир, яғир, неқирт, ифлос. *Улар гулларни севадилар. Кийимлари чиркин бўлса ҳам, чаккаларига гул қистириб юрадилар.* Ойбек. Танланган асарлар. *Улардан бири энгли майкада, бошига.. чиркин дўппи кийган.* Н. Аминов. Қаҳқаҳа.

3 кўчма Разил, қабих, тубан. *Чиркин ҳаёт. Чиркин маънавий қиёфа.* ■ *Бу чиркин ғамхонада жой учун ижара тўлайсизлар-а!* Ойбек, Нур қидириб. У |Султон Ҳусайн| кеча бир дақиқалик чиркин ҳисга берилиб, бе-маъни иш қилганидан пушаймон эди. М. Осим, Карвон йўлларида.

4 кўчма Чирк, чириган, ўлиб бораётган. *Ўтмишинг чиркин қолдиқлари жамиятимизга иснод келтиради.* А. Мухтор, Туғилиш.

**ЧИРКИНЛАШМОҚ** Тубанликка юз тутмоқ, тубанлашмоқ, разиллашмоқ, қабихлашмоқ. *Бухтончилар.. ўз ғалабалари натижасида юзлари баттарроқ қорайганини, ичлари яна баттарроқ чиркинлашганини сезмайдилар.* Ойбек, Нур қидириб.

**ЧИРКИНЛИК** Разиллик, тубанлик. *Чиркинликлар тўлган эски дунёдан Учмоҳлар ундириш бизнинг ишимиз.* Ф. Фулом.

**ЧИРК-ЧИРК** Чирк II с. такр. Аҳён-аҳёнда жимликни чигирткаларнинг чирк-чирк этган овози бузарди, холос. Ш. Тошматов, Эрк қуши.

**ЧИРМАЛМОҚ I** Чирмамоқ фл. ўзл. ва мажҳ. н. Ахири жодугар кампир катта паранжига чирмалиб олган қизни судраб киритди. «Ёшлик». *Шаҳар касалхонасининг озода хоналаридан биридаги каравотда боши оқ дока билан чирмалган Абдужаббор бир неча соатдан бери ҳушсиз ётар.. эди.* С. Абдулла, Соғлар.

2 Ўралиб олмоқ, чирманмоқ. *Илон дарахтга чирмалди.*

**ЧИРМАМОҚ I** рви. Маҳкам ўраб, чандиб боғламоқ. *Тўқсонга қутини ичкима-ички бир-бирига кийдирди, ўраб-чирмаб маҳ-*

*камлаб қўйди.* «Маликаи айёр». *Мурид Авазни гужумга чирмаб боғлади.* С. Сиёев, Аваз.

2 кўчма Ўраб, қамраб, чулғаб олмоқ; ишғол қилмоқ. *Ишқ ўти [Зевархонни] чирмаб олибди.* «Тоҳир ва Зуҳра». *Бирдан Низомнинг жисму жонини ҳаяжон чирмаб олди.* Н. Қиличев, Чигириқ.

**ЧИРМАНДА** айн. чилдирма. *Йигит чирмандани қўлига олиб, завқ билан чала кетди.* «Ёшлик». *Гумбур, гумбур, гумбурлаб ҳовлиқади чирманда.* Газетадан.

**ЧИРМАНДАКАШ** айн. чилдирмачи.

**ЧИРМАНДАЧИ** айн. чилдирмачи.

**ЧИРМАШМОҚ I** Маҳкам қучмоқ, ўралмоқ, ўралиб, ёпишиб олмоқ. *Чирмовуқлар — сариқ, суқ чувалчанлар Қийнар районларни чирмашиб олиб.* «Ёшлик». *Илон уни [Юсуф Асвадни] қўйиб юбормай, маҳкам чирмашгани ҳолда, қаттиқ бўға бошлади.* Мирмуҳсин, Илон ўйнатувчи. *Қора сочи белга чирмашиб, Шаҳло кўзлар сўрар эди жон.* Миртемир.

2 Маҳкам ёпишиб, тирмашиб, юқорига интилмоқ, тирмашмоқ. *Ғулабур сариқ Краснов олдинлашиб, бинокль билан узоққа қаради, сўнгра, ҳарсиллаб-ҳарсиллаб, дарахтга чирмашди-да, теваракни кузатди.* Ойбек, Қуёш қораймас. *Бирпасда қарасангиз, пастдаги одамлар арқонга чирмашиб, тоққа чиқиб олишди.* Ойдин, Олтмиш газ арқон. *Қишлоқ этагидан кўтарилган ой олисдаги фарзандлари — юлдузларни кўрмоқ истаб, осмонга чирмашарди.* С. Нуров, Ёстиқ.

**ЧИРМАШУВЧАН** Қаттиқ чирмашадиган, чирмашиб, ўралиб оладиган. *Чирмашувчан илон.* *Чирмашувчан ўсимликлар.*

**ЧИРМОВ I** Чирмамоқ фл. ҳар. н. *Ол хабар гулшанда гул аҳволдан, эй боғбон, Ўт гиёҳ чирмовига чирмалди қийноқ ичра гул.* С. Абдулла.

**ЧИРМОВ II** айн. чирмовуқ.

**ЧИРМОВГУЛ** Печакгул, карнайгул.

**ЧИРМОВУҚ I** Девпечак, зарпечак, печакгул сингар чирмашиб ўсадиган ўсимликларнинг умумий номи. *Искандар ўзидан кичикроқ.. боланинг кўчқорга чирмовуқ ўт бераётганини кузатиб туриб, кейин ўзи ҳам аста-секин қўй олдига борди.* С. Нуров, Майсаларни аёз урмайди.

2 айн. зарпечак.

**ЧИРОЙ I** Ғузалик; ҳусн, кўрк. *Муҳаббат чирой танламас, уйқу — ўрин.* Мақол.

■ **Асрор**, қирққа борган бўлса-да, чиройини, тароватини йўқотмаган бу аёлнинг киприклари узун кўзлариға.. қарашга ботинмай, ерга боққанча, «ҳа, кўрдим», деди. «Ёшлик»

**2** Кўзга ёқадиған кўриниш, кўркамлик, кўрк, қиёфа. **Шаҳар чиройи.** ■ **Бино тайёр** бўлғандан кейин унга чирой бериш, нафислик билан ичию ташига кўрк бағишлаш — санъат. «Саодат». Чол кўзида ўзгарар ҳар он Қишлоғининг чиройи, туси. Ҳ. Олимжон.

**Чиройи очилмоқ** Кайфияти яхшиланмоқ. **Муҳсина хонимнинг чиройи очилди:** эрини бундай жаҳлдору чўрткесар ҳолда кўриш унга ёқарди. М. М. Дўст, Лолазор. **Оқсоқолнинг чиройи очилиб**, «Баракалла, оқил йигит экансан», дегандай мийиғида кулумсирабди. М. Мансуров, Ёмби.

**ЧИРОЙЛИ** 1 сф. Ҳусни одатдағидан ортиқ; гўзал; кўркам. **Чиройли қиз.** ■ **Чолнинг келини чиройли, оптоқ**, кўзга яқин жувон эди. «Ёшлик». **Шаҳарда шундай чиройли қизлар бор** — кўрсанг, оғзинг очилади. «Ёшлик»

**2 сф.** Кўриниши, ташқи қиёфаси кўзга ёқимли кўринадиган. **Энг чиройли қуш деганда**, ҳамманинг кўз ўнгига оққуш келиши табиий. Газетадан. **Биласизми, дунёда чиройли нарсалар шундай кўп!** Ўрмон, капалак, тонг, ўтлоқ, тун.. А. Мухтор, Давр менинг тақдиримда.

**3 сф.** Манзараси кўзга ёқимли; кўркам. **Фарғонадан йўлга чиққан енгил машина чиройли асфальт йўлда учиб борарди.** Мирмуҳсин, Умид. -**Марказ чиройли бўлиб кетди-а**, одам суюнади, — деди **Чарос мамнун жилмайиб.** Ў. Ҳошимов, Қалбингга қулоқ сол.

**4 сф.** Яхши; ўринли; манзур. **Чиройли гап. Чиройли тўй.** ■ **Чиройли маърузага маҳдиё бўлиб, руҳиятимда сусткашлик бошланди.** Х. Тўхтабоев, Йиллар ва йўллар. **Минг афсуски, ҳозир тўйларда ўйин-қулги, чиройли анъаналар санъатини намойиш қилиш эмас, исрофгарчиликлар меъёридан ошиб кетади.** Мирмуҳсин, Умид. **Ҳар бир ота-она орзиқиб кўрган фарзандиға чиройли ва мазмундор исм қўйишга ҳаракат қилади.** Газетадан.

**5 рвш.** Ёқимли, жозибали, батартиб; ўрнига қўйиб. **Чиройли гапирмоқ. Чиройли қаддам ташламоқ. Чиройли кийинмоқ.** ■ -**Вой, шунақами?** — **Офтоб ўспиринга қараб, чиройли жилмайди.** М. Мансуров, Ёмби. **Бирор**

**ишни пухта ва чиройли қилган одамни тангри дўст тутади.** «Фан ва турмуш».

**ЧИРОЙСИЗ** Кўримсиз, хунук.

**ЧИРОҚ** [ф. چراغ — чироқ] **1** Хонани, жойни ёритиш учун хизмат қиладиган уй-рўзгор асбоби; лампа. **Жин чироқ. Неон чироқ. Осма чироқ.** ■ **Баширжон электр чироқлари порлаб турган катта йўлдан юришга истиҳола қилибми.. ўзини қоронғилик қўйнига урди.** Н. Аминов, Қаҳқаҳа. **Унинг [ўтовнинг] ичи иссиқ, лампа чироқ чароғон қилиб турарди.** Газетадан.

**2** Машина, телевизор, радио ва ш.к. нинг ёниб турувчи қисми. **Машина мотори гуруллаб, чироқлари асфальт йўл, ресторан деворларини пийнаслаб ўтди.** С. Нуров, Майсаларни аёз урмайди.

**3** кўчма **Фарзанд ёки яқин одам. Чироққинам, шундай ёмон туш кўрдим.** «Юсуф ва Аҳмад». **Ўғил тугул, йўқдир-да бирор қизим, Чамбилда чироқсиз ўтганман ўзим.** «Нурали».

**Ичига чироқ ёқса ёришмайди** Жуда ҳафа, тушкун кайфиятда. **Дилдорнинг ичи чироқ ёқса ёришмас, ҳамма нарсага бефарқ эди.** «Саодат». **Чироғини ёқмоқ** Марҳумдан кейин унинг уй-жойини обод қилиб, хотирасини асрамоқ. **Ўғил ёққан чироқни қиз ҳам ёқар.** Мақол. ■ -**Мендан кейин чирогимни ёқадиған шу набирам,** — деди кампир. «Ёшлик».

**ЧИРОҚПОЯ** [ф. چراغپایه — чироқ тағлиги] Чироқ қўядиган тағлик, чироқ ўрнатиладиган учоёқ. **Кеч бўлди, мен қора чироқни ёқиб, чўндан ясалган чироқпоя устига қўйдим.** С. Айний, Эсдаликлар. [Ойхон:] **Ҳаммаси бор. Бешик билан чироқпояси қолди, холос.** Ҳамза, Майсаранинг иши.

**ЧИРОҚЧИ** 1 Кўча чироқларини ёқувчи; чироқ тутувчи; чироғбон.

**2** кўчма Уй-хонадон чироғини ёқиб, унинг анъаналарини давом эттирувчи, ота-она хотирасини сақловчи авлод. **Нодира Анварни.. отасининг уйига чироқчи қилмоқчи эди.** А. Қодирий, Меҳробдан чаён.

**ЧИРОҒБОН** [ф. چراغبان — чироқларга қаровчи] айн. **чироқчи** 1. **Чироғбон кетидан йўлакка кирдилар.** С. Абдулла, Мавлоно Муқимий.

**ЧИРПИНДИ** Пойтеша, болта билан чопиш натижасида тўпланган майда-чуйда ўтин, тутантирик; пайраҳа.

**ЧИРПИРАК:** чирпирак бўлмоқ 1) гир-гир айланиб, буралиб-буралиб учмоқ. *Гирдоб раққосадек чирпирак бўлиб айланиб келиб, ўтиб кетди-ю, саксовулзорда олатўполон бошланди.* «Ёшлик»; 2) умбалоқ ошиб, оёғи осмондан бўлиб йиқилмоқ, чархпалак бўлмоқ. *Ўлмас чирпирак бўлганича, кўрпанинг устига учиб тушди.* «Ёшлик». **Чирпирак қилмоқ** 1) гир-гир айлантирмоқ. *Улар [одамлар].. бир-бирларини табриклар кучоқлашар, чирпирак қилиб айлантиришар.. эди.* М. Мансуров, Ёмби; 2) умбалоқ ошириб, чархпалак қилиб йиқитмоқ. *У [Зарина] бехосдан келиб, йигитни белидан олди-да, чирпирак қилиб, улоқтириб юборди.* М. Осим, Карвон йўлларида.

**ЧИРПИРАМОҚ** 1 Гир-гир айланмоқ, гир-гир айланиб учмоқ, чирпирак бўлмоқ. *Ер уюмлари фиғон билан чирпираб, гирдоб каби кўкка кўтарилади.* Ойбек, Қуёш қораймас.

2 Умбалоқ ошиб йиқилмоқ, чархпалак бўлмоқ. *Худойқул настга қараб чирпираб кетди.* П. Турсун, Ўқитувчи.

**ЧИРПИТ** [р. четверть («чорак, тўртдан бир») с. нинг бузилган шакли] с. т. Метрик ўлчов системаси қабул қилингунча ишлатилган, уч литрга яқин ҳажм ўлчов бирлиги ва шу ҳажмдаги шиша идиш. *Пешинга яқин Оқсоқолниқидан тўй келди: ярим қоп гуруч, бир чирпит ёғ, бир қоп ун.* Ў. Ҳошимов, Икки эшик ораси. -[Эчкининг] *Онаси ҳар йили иккитадан туғади, — дерди даллол шанғиллаб, — кунига бир чирпитдан сут беради.* «Ёшлик».

**ЧИРС** тақл. с. Шиша, муз ва ш.к. нинг синишидан, қуруқ ўтиннинг ёнишидан чиқадиган кучсиз товушларни билдиради. *Лампа шиша чирс этиб синди.* ■ *Тухум тошга тушиб, чирс этиб ёрилди.* «Ёшлик». *Қадам босган сари оёғи остидаги муз чирс этиб ёриларди.* Газетадан.

**ЧИРСИЛЛАМА** 1 Чирсиллаб ёрилгудай таранг, етилиб турган. *Чирсиллама қовун.*

2 Чирсиллаб ёнадиган, қуруқ. *Чирсиллама ўтин.*

3 кўчма Қирчиллама, аччиқ, қаттиқ. *Чирсиллама совуқ.*

**ЧИРСИЛЛАМОҚ** 1 «Чирс-чирс» овоз чиқармоқ. *Каттакон тўнкадан чирсиллаб олов сачрайпти.* Ў. Ҳошимов, Икки эшик

ораси. *Магнитофоннинг лентаси тугаб, чирсиллаб айлана бошлади.* «Ёшлик».

2 кўчма Жаҳли чиқиб кетмоқ; асабийлашмоқ. *Энди Ҳалима чирсиллаб кетди: -Ҳа, сенга ҳазил қилиб ҳам бўлмайдим! Ў. Усмонов, Қисмат.*

3 кўчма Долзарблик касб этмоқ; кескин тус олмоқ, кескинлашмоқ. *Пахта масаласи — ҳамма вақт чирсиллаб турган масала.* Мирмуҳсин, Умид. *Замон чирсиллаб турибди.* Х. Тўхтабоев. *Ширин қовунлар мамлақати.*

4 кўчма Синиб кетай демоқ. *Меҳмонхона. Зиёфат столи ноз-неъматлардан чирсиллаб турипти.* «Муштум».

5 кўчма Кучаймоқ, зўраймоқ (совуқ ҳақида). *Ҳамма ёқ кўкиш қор билан қопланган, совуқ чирсилларди.* М. Осим, Элчилар.

**ЧИРС-ЧИРС** Чирс с. тақр. *Кимдир чирс-чирс синдириб, бурган ҳидини анқитиб, чўп узатди.* М. Мансуров, Ёмби. *Пилиги сўхта чироқ чирс-чирс қилди.* Ў. Ҳошимов, Икки эшик ораси.

**ЧИРТ** 1 тақл. с. Ип узилиши, чўпнинг синиши ва ш. к. дан ҳосил бўладиган кескин товушларни ифодалайди. *Ип чирт узилди.* ■ *Илкис бир силтовдан арқон чирт узилди.* «Шарқ юлдузи». *..ҳар замонда олтинранг барг чирт узилиб, пилдираб учарди.* А. Мухтор, Кумуш тола. *Шербек тишлари орасидан чиқариб, чирт этказиб тунурди.* С. Анорбоев, Оқсой.

**ЧИРТ** 2 рвш. Шартга, кескин. *Чирт ўғирилмоқ. Чирт бурилмоқ.* ■ *Гулсумнинг лаблари чирт юмилди.* П. Турсун, Ўқитувчи.

**Кўзни чирт юммоқ** 1) кўзни қаттиқ юммоқ. *Севаргул беихтиёр чинқираб, кўзларини чирт юмди.* Н. Қиличев, Чигириқ. *Жамол полвон кўзларини чирт юмиб олди.* «Шарқ юлдузи»; 2) кўчма бўлганча бўлар деб, таваккал қилмоқ. *Кўзни чирт юмиб, тўйни бошлайверинг.*

**ЧИРТИНГ-ПИРТИНГ** с. т. Майда-чуйда, арзимас. *Чиртинг-пиртинг гап. Чиртинг-пиртинг олиб, пул ҳам тамом бўлди.*

**ЧИРТ-ПИРТ:** чирт-пирт бўлмоқ с. т. Майда-чуйдага сарфланиб тамом бўлмоқ. *Баъзи вақтда унча-мунча пул ҳам сўраб оламан. Лекин чирт-пирт бўлиб, қўлдан учади-кетади.* Ойбек, Танланган асарлар.

**ЧИРТГА** кам қўлл. айн. **чирт** 2. *Шундай пайтларда юрагим қинидан чиқиб, кўзимни*

чиртта юмиб олиб, чошиб ўтардим. Н. Сафаров, Оловли излар.

**ЧИРТ-ЧИРТ** Чирт I с. тақр. *Чирт-чирт узилмоқ.* ■ [Мамажон] Ойнани чирт-чирт чертиб, сим-сим ёгаётган ёмғирга, қоп-қора булутларга хўрайиб қарарди. С. Нуров, Нарвон.

**ЧИР-ЧИР:** чир-чир айланмоқ айн. чир айланмоқ қ. чир.

**ЧИРҚ** тақл. с. Қушларнинг чирқиллаши, баъзи майда нарсаларнинг урилиши ва ш. к. дан ҳосил бўладиган товушларни ифодалайди. *Кўп ўтмай бир қушча чирқ этди. Чечаги читтакмикан?* А. Мухтор, Чинор. *Роҳила сумкани чирқ этиб беркитди-ю, кўчага қараб чопди.* Ш. Тошматов, Тонгдаги кўланка.

**ЧИРҚИЛЛАМОҚ** I «Чирқ-чирқ» овоз чиқармоқ. *Фор олдидан ўтиб кетаётсам, бир гала чумчуқ чирқиллаб ётипти.* А. Кўчимов, Ҳалқа. *Тик жарга ин қуриб, чирқиллашиб ётган минг хил қушларнинг уни ўчиб, ўзи гурра кўтарилди.* М. Мансуров, Ёмби.

2 Қаттиқ қичқириб, чинқириб йиғламоқ (ёш бола ҳақида). *-Мана сенга тепиш! - Карим кўлидаги думалоқланган қорни кучининг борича отди. Саида юзини чангаллаганича чирқиллаб қолди.* «Ёшлик».

3 кўчма Зорланиб, илтижо қилиб ёки куйиниб гапирмоқ. *-Яхши кўрасан деб, атай манти қилаётган эдим. Бир оз шошма, еб кет, - деб чирқиллаганича қолди она.* М. Алавия, Севинчларим. *Орадан озгина вақт ўтгач.. Жўравойнинг ўзи ва унга ҳамдардликда чирқиллаб, одамларни ёрдамга чақираётган бир хотин қолди, холос.* «Ёшлик».

4 кўчма Моддий муҳтож, оч ҳолатда бўлмоқ; қарам бўлмоқ. *Уйимда саккизта бола чирқиллаб турипти, қандай боқаман уларни?* Х. Тўхтабоев, Йиллар ва йўллар.

**Арвоҳи (ёки руҳи) чирқилламоқ** Арвоҳи безовта ёки норози бўлмоқ. *Тушига раҳматли Биноқул кирибди: кўлларини фотиҳага очиб турган эмиш. «Арвоҳи чирқиллаб юрибдимикан?» дея эзилди Ҳофиз Кўйкий.* «Ёшлик». *Шўрлик Адолатимнинг руҳи чирқиллаб ётгандир менинг бу ишимдан?!* О. Мухтор, Эгилган бош.

**ЧИРҚИРАМОҚ** айн. чирқилламоқ I, 2. *Қарчиғай чирқираб баланд уяда.* «Эрали ва Шерали». *Чирқираб йиғлаётган боланинг овозини эшитиб.. ичкарига отилдинг.* А. Нурмуродов, Уруш бевалари.

**ЧИРҚ-ЧИРҚ** Чирқ с. тақр. *Сокинликда боғ тўридан ёлғиз чигиртканинг чирқ-чирқи.. эшитилди.* С. Нуров, Майсаларни аёз урмайди.

**ЧИСЛО** [қад. р. число < чит-сло > читать - ўқимоқ, билиб олмоқ] с.т. Ой-кун, сана. *Тўртинчи число. Биринчи число.* ■ *-Ўтган йилнинг худди шу бугунги числоси эсингдами? - сўради Баҳодир қиздан.* «Ёшлик».

**ЧИСТОН** [ф. چاستان < چه است آن - у (бу) нимадир?] I Топишмоқ, жумбоқ.

2 Қочирикли гап, ибора; қочирик, қочирим. *Ҳа, тилингиздан олганми, нега индамайсиз? - чистон қилди яна Лобархон.* Газетадан. *Олимбой ака энди тўю ҳашамларда илгаригидек гапирмас, аскияга аралашадиган бўлса, юмшоқроқ қилиб, суяб чистон қилар эди.* С. Аҳмад, Ойдин кечалар.

3 ад. Шарқ шеърлятида лирик жанрлардан бири: нарса ёки ҳодисанинг муҳим белгиларини мажозий тавсифлаб, унинг нима эканлигини топишни ўқувчига ҳавола этадиган, икки байтдан ўн байтгача бўлган шеърли шакл. *Шоиранинг [Увайсийнинг] шеърлари «Девон»да жамланган бўлиб, у асосан чистон жанрида катта шухрат қозонган.* С. Матжон ва Ш. Сариев, Ўзбек адабиёти.

**ЧИСТОНЧИ** Чистон. қочирим билан гапирувчи, чистонга, қочиримга уста одам.

**ЧИТ** [ф. < ҳинд. चित - гулли ип газлама] I Пахта толасидан тўқилган мато, газлама. *Сидирга чит.* Гулли чит. *Астарбоп чит.* ■ [Хол Бўтаевич:] *Ҳа, айтгандай, онангиз тунов кунни бир тўп чит сўраган эди.* А. Кўчимов, Ҳалқа.

2 сфт. Читдан тайёрланган, тикилган. *Даҳлизнинг ярмисини тўсиб турган гулли чит нарда кўтариб қўйилган эди.* Н. Аминов, Қаҳқаҳа. *Кўп ўтмай уйдан энглари кенг ва узун чит кўйлак кийиб.. чайир бир аёл чиқди.* Н. Аминов, Қаҳқаҳа

**ЧИТГАР** [ф. چیتگر - газламага гул босувчи] эск. Бўз матога ўйма ёғоч қолип ёрдамида гул босувчи хунарманд, уста. *Читгарлар илгари барча жараён (тўқши, бўяш ва гул босиш)ни устахоналарда бажаришган.* «ЎЗМЭ».

**ЧИТГАРЛИК** Матога гул босиш; читгар касби. *90-йиллар читгарликда ўзига хос ривожланиш босқичи бўлди: чойшаб, дас-*

турхон каби бадий буюмлар билан бир қаторди замонавий либосларни ишлаб чиқаришда ҳам читгарлик санъати кенг қўлланади. «ЎЗМЭ».

**ЧИТИР I** тақл. с. Куруқ хашак ёнганда чиқадиган товушга ўхшаш кучсиз товушларни билдиради. *Хашак читир этиб аланга олди.*

**ЧИТИР II** Чўл, адирларда ўсадиган бир йиллик ёввойи ўсимлик (ипак қурти пилла ўраши учун дасталаб қўйилади). *Гиёҳларнинг номлари ҳам ёдимдан чиқай деган экан: ёвшан, янтоқ, каврак, қушқўнмас, читир..* М. М. Дўст, Лолазор. *Гулзира райҳон ҳиди келиб турган читир дасталарини иккита-иккитадан кўтариб, ичкарига ташиб турди.* А. Мухтор, Кумуш тола.

**ЧИТИРЛАМОҚ** «Читир-читир» қилмоқ, «читир-читир» овоз чиқармоқ. *Тун оққанда, Қумри ўрнидан аста туриб, тоқчада читирлаб ёнаётган чироқни пуфлаб ўчирди.* Х. Фулом, Машъал.

**ЧИТИР-ЧИТИР** *Читир* с. тақр. *Қоқ чўкиртақларнинг керосин сепгандай читир-читир этиб ёниши қизиқ туюлди.* Ҳ. Назир, Сўнмас чақмоқлар.

**ЧИТМОҚ** фольк. Чимирмоқ. *Қошинг читиб, қовоғингни уясан, Мендайин шунқорнинг кўнглин бўласан.* «Авазхон». *Қошу қовоғин читиб, Айладинг бизни хаста.* «Қўшиқлар». *Эрназар полвоннинг йўриғи эса бўлак — биргина қовоқ читишининг ўзиёқ юракни ларзага солади.* Н. Норқобилов, Бекатдаги оқ уйча.

**ЧИТТАК** Кичкина, чаққон, сайроқи қуш. *Читтак дарахт коваклари ва шохшаббаларига уя қаради.* «ЎЗМЭ». *Мен осмонни тўтиб турган читтак — аканг қарағай!* Газетадан.

**Қанотсиз читтак** Бир жойда муқим туролмайдиган, кўнимсиз, беқарор (енгилтабиат одамлар ҳақида). [*Қодир:*] *Мен қанотсиз читтакнинг уйига борган эдим, маълум бўлишича, у ерда қанотсиз қузғунлар ҳам бор экан.* А. Қаҳҳор, Қанотсиз читтак.

**ЧИТФУРУШ** [ф. *چیتفروش*] — чит сотувчи) Чит савдоси билан шугулланувчи савдогар; баззоз. *Бувайдалик Низомиддин читфурешнинг ўғли Ғиёсиддин Бухоронинг Девонбеги мадрасасида таҳсил кўриб юрган пайтларида отаси уни оқ қилди.* С. Аҳмад, Ҳукм.

**ЧИТФУРУШЛИК** Чит сотиш билан шугулланиш; читфуреш касби. *Бизнинг бу атроф маҳалладаги кўп бойлар.. баъзилари Тошкент бозорларидаги расталарда читфурешлик, чойфурешлик.. қилар эдилар.* М. Муҳаммадҷонов, Турмуш уринишлари.

**2** Бозорда чит дўконлари қатори, растаси.

**ЧИХ** унд. с. Туя чўктиришда ишлатиладиган сўз.

**ЧИЧАНГЛАМОҚ** шв. Дикангламоқ, ўйноқламоқ. [*Мадамин*] *Отнинг ёлига ёпишиб, қорнига тепди, от бир чичанглаб, уни учириб кетди.* П. Турсун, Ўқитувчи.

**ЧИЯ I** Тоғли ерларда ўсадиган ёввойи олча ва унинг меваси. *Тошкентларга посилкалар солайин, Ёр емакка чия, олма олайин.* «Кўшиқлар». *Ғир-ғир шамол эсади, қорақанд, чияларнинг ёқимли исси анқийди.* С. Муродбеков, Ёвшан исси.

**ЧИЯ II:** **чиясси чикмоқ** фольк. Сири очилмоқ. *Фарзанд бўлар кишининг меҳриғиёси, Айрилганнинг чиқар экан чияси.* «Орзигул».

**ЧИЯБЎРИ** Итсимонлар оиласига мансуб йиртқич сүтэмизувчи ҳайвон; шақал. *..арслон ўзи ов қилади.. чиябўри эса арслондан қолган-қутган майиб-мажруҳларни териб юради.* М. М. Дўст, Лолазор.

**ЧИҚ** тақл. с. Баъзи қушларнинг сайраши, енгил нарсаларнинг бирор нарсага урилишидан чиққан ва шунга ўхшаш товушларни ифодалайди. *Қулф чиқ этиб очилди. Чумчуқ чиқ этди.* ■ *Аҳмад чўчиб ўридан турди, қулоғидаги қалам ерга чиқ этиб тушди.* Ҳ. Назир, Сўнмас чақмоқлар. *Онам, томчининг ҳар «чиқ» этгани бир кунлик умринг чиққани, дейдилар.* П. Турсун, Ўқитувчи.

**ЧИҚАВЕРИШ** Бирор ердан, мас. уй, шаҳар, вокзал ва ш. к. дан ташқарига чиқиш жойи; *зид. киравериш.* [*Сидиқжон*] *Қишлоқнинг чиқаверишида унга этиб олди.* А. Қаҳҳор, Қўшчинор чироқлари. [*Саттор*] *Шу хаёл билан чиқаверишга борди-ю, кечаги духоба дўппили қоровул чолга йўлиқди.* Ў. Усмонов, Қисмат.

**ЧИҚАЗМОҚ** **Чикмоқ** фл. орт. н. *Эликбوشي шу қизини қаролига бериб, катта ердаги кўрғонга чиқазиб юборди.* С. Аҳмад, Ҳукм.

**ЧИҚАРМОҚ I** **Чикмоқ** 1—4, 6, 8—10, 12, 13, 21, 24, 26, 27, 29—31, 35—37, 39—41 фл. орт. н. *Тоққа чиқармоқ. Варракни осмонга чиқармоқ. Трамвайга чиқариб қўймоқ. Эсдан*



чиқармоқ. Эсини чиқармоқ. Четга мол чиқармоқ. Газлама чиқармоқ. Завод йилига минглаб трактор чиқаради. Қарор чиқармоқ. Қонун чиқармоқ. Хўкм чиқармоқ. Пул чиқармоқ. Шира чиқармоқ. Қурилиш учун маблағ чиқармоқ. Отни аравадан чиқармоқ. ■ [Ўзбек ойим:] Тойчоғимнинг кўрманасини чиқар, دادаси! А. Қодирий, Ўтган кунлар. Аммо, энди роҳатини кўради, энди сизларни рўёбга чиқараман. Ойбек, Танланган асарлар.

2 Шундай деб ҳисобламоқ. Бировлар уни модернист деди, бошқалар донишмандга чиқарди. «Ёшлик».

3 Фелъ билан бирга кўлланиб, тахмин, чама маъносини билдиради. Унинг [Мирвалининг] бу жарликка келмаганига ҳам беш-ўн йил бўлган чиқаров. С. Аҳмад, Жимжитлик.

**Учинчи чиқармоқ** 1) қаламнинг уч томонидаги ёғоч қисмини тарашламоқ. ..курсидо доимо қоғоз, учи яхшилаб чиқарилган беш-ўн та қалам тайёр туради. Газетадан; 2) мақсадга ўтмоқ. Ниҳоят, Ошино гапнинг учинчи чиқарди. М. М. Дўст, Лолазор. **Қиз чиқармоқ** Узатмоқ, эрга бермоқ. Ёзда қанча тавишим бор: қизимни чиқаришим, ўғлимни уйлантиришим керак. «Ёшлик». **Қон чиқармоқ қ. қон 1.** [Бекқул:] Биринчи иморатга қон чиқарган эдингми? «Ёшлик».

**ЧИҚАСИ:** чиқаси келса Агар чиқадиған, кетадиған, йўқоладиған бўлса. Чиқаси келса, эгаси сабаб бўлади. Мақол. ■ -Дард чиқаси келса, табиб эшикдан келар, деган гап бор эди, — деди Зулфизар. «Зулфизар билан Авазхон».

**ЧИҚИЛЛАМОҚ** «Чиқ-чиқ» ёки «чиқир-чиқир» овоз чиқармоқ (соат, механизм, ҳар хил нарсалар, асбоблар ҳақида). Машина тинмай чиқилларди. ■ Девор соати чиқиллагани қўлоғимга кириб, ўша ёққа қарадим. С. Кароматов, Бир томчи қон.

**ЧИҚИМ 1** Сарфланган ёки сарфланадиган моддий маблағ; харажат, буромад. Тўй чиқимлари. Чиқим дафтари. Чиқимида қарраб кирими. Мақол. ■ Эсонбой, ҳозир Хури сариқ.. камёб молларни чиқим қилмай олиб келиш қийинлигидан ҳасрат қилади, деб ўйлаган эди. «Ёшлик». Ҳали бунча қарз, чиқимларнинг устига икки қизни узатиш, бир ўғилни уйлантириш, бир хатна тўйи ҳам бор. Ҳамза, Бой ила хизматчи.

2 Тез ва яхши дам ейиш хусусияти, татим (асосан чой ҳақида). Чиқими яхши чой.

**ЧИҚИМДОР 1** Кўп сарф-харажат, чиқим қилган ёки қиладиган одам. Чиқимдор бўлмоқ. ■ Бехуда нарсалар учун қудасини чиқимдор қилавериш кўнгилни қолдирмасмикин? Н. Сафаров, Оловли излар.

2 Кўп чиқим, харажат талаб қиладиган, серчиқим. Чиқимдор соҳа. Чиқимдор қурилиш.

**ЧИҚИМЛИ** Моддий маблағ, чиқим, сарф-харажат талаб қиладиган; чиқимдор, серчиқим. Чиқимли иш. Чиқимли қурилиш.

**ЧИҚИНДИ 1** Керакли қисми ишлатилгандан қолган нарсалар; чиқит, қолдиқ. Саноат чиқиндис. Нефть чиқиндис. ■ Табиатни ифлослантирадиған офатлардан яна бири чиқиндилардир. «Фан ва турмуш». Республикамиздаги ёғ-мой комбинати чиқиндисини йилига 80 000 тоннадан ортиб кетди. «Фан ва турмуш».

2 Ахлат. Жамики ахлат шу сувга тушди. Айниқса ёғингарчилик, сел пайтларида ёнбағирлардаги жами хонадонларнинг чиқиндилари ўрлардан тошиб, шу сойга тушди. С. Аҳмад, Жимжитлик.

3 кўчма салб. Тубан, паст (одам ҳақида). Сабр косаси тўлган Кўзибой ака умрида биринчи марта дағал гап қилди: -Э, сиздақа чиқинди.. Э, ҳатто ўғитга ҳам ярамайди. Ф. Мусажонов. Чиқинди.

**ЧИҚИР** тақл. с. Майда тош, чинни ёки кичик металл буюмларнинг бир-бирига урилиши ва ш. к. га ўхшаш товушларни ифодалайди. Чойнак қопқоғининг чиқир-чиқури.

**ЧИҚИРЛАМОҚ** айн. чиқилламоқ.

**ЧИҚИР-ЧИҚИР** Чиқир с. такр. Машинанинг чиқир-чиқури. ■ Кўшни хонадан машинканинг чиқир-чиқури эшитиларди. Газетадан.

**ЧИҚИТ 1** Чиқинди, қолдиқ. Босмахона чиқитлари. ■ Ҳар тарафга тарқаб юрган товуқлардан иккита-учтаси сигир охури тагидаги юзороқ пўчоқларни, шунга ўхшаш сабзавот чиқитларини титиш билан машғул. «Ёшлик».

2 Яроқсиз нарса; брак. Кеча акт билан чиқитга чиқарилган ресторанинг нимдош чойнак-пиёлаларидан бир дастасини уйга юборсак бўларди-ю.. Н. Аминов, Ёлғончи фаришталар.

3 кўчма Чиқиндига чиқарилган, паст назар билан қараладиган (одам ҳақида). У вақтларда хўжайинлар камбағални одам

қаторидан чиқит ҳисоблашган. Ойбек, Танланган асарлар.

**4** Асосий ишдан четда қолган. *Бригадада кўп одам «чиқитга» чиқиб кетади. Бригадирларнинг ўзи, ошпаз, табелчи, аравакаш, ясли ходими, шийпон қоровули.* С. Нуоров, Парвоз.

**ЧИҚИШ 1** **Чикмоқ** фл. ҳар. н. *Уйдан чиқиш. Далага чиқиш. Автобусга чиқиш.* ■ *Ҳаво айнияти. Бунақа ҳавода чўққига чиқиш хавфли.* Ҳ. Назир, Сўнмас чақмоқлар.

**2** Куёшнинг, ойнинг уфқдан кўтарилиш пайти, кўриниши. *Урданинг кун чиқиш томонидаги ихчам гиштин хона — хазина, унинг сўл томонидаги хоналардан тўпларнинг ўқдориси, баъзи қурол-яроғлар сақланади.* Мирмуҳсин, Қаҳрамоннома.

**3** Нутқ, мақола, асар, сўз ва ш.к. билан қатнашиш, кўриниш. *Катта чиқиш қилиш. Олимнинг газетадаги чиқиши.* ■ [80-йилларда] *Матбуотда чиқиш қилган амалдор борки, ўзбек халқига осилди.* «Фан ва турмуш».

**Чиқиш келишиги тлш.** Иш-ҳаракатнинг бошланиш ўрни, манбаи, сабаби каби маъноларни билдирадиган, кимдан? нимадан? қаердан? каби сўроқларга жавоб бўладиган келишик.

**ЧИҚИШМОҚ 1** **Чикмоқ** фл. бирг. н. *Ишга чиқишди. Йўлга чиқишди. Уйдан чиқишди. Томга чиқишди. Сайлга чиқишди.* ■ *Орадан бир соатча вақт ўтгач, кириб кетганлар бирин-бирин чиқиша бошлади.* Мирмуҳсин, Умид.

**2** Муроса қилмоқ, аҳил, иттифоқ, эл бўлиб яшамоқ ёки ишламоқ. *У ҳамма билан чиқишади.* ■ *Бу афандихон билан чиқишолмайдиганга ўхшайман.* С. Аҳмад, Ҳукм. *Айниқса, тоғаси Самад билан унча чиқишмайди.* Н. Норқобилов, Тўқнашув.

**3** Ёқтирмақ. *У мушук билан чиқишмайди.*  
**ЧИҚИШОҚ** Ҳамма билан тез чиқишиб кетадиган, тез эл бўладиган; киришимли. *Каминада уч келин бор. Келинларим жуда чиқишоқ, ҳар ишда ҳамжиҳат.* Ойбек, О. в. шабадалар.

**ЧИҚИҚ 1** *от* Яра, говмижжа, чипқон сингари касалликлар. *Чаканда яра-чақа, ҳар хил чиққиларга даво бўлади.* Газетадан.

**2** *от* Суяк чиққан жой. *Максим ана шундай чоғларда, айниқса, бетоқат болаларнинг синигини ушлаб, чиқиғини солаётганда, уларни овутиб, кўнглини топиб шифолар эди.* И. Раҳим, Чин муҳаббат.

**3** *от* Туртиб чиққан жой, дўнг, дўмбоқ ер. *Қуйманинг чиқиғи. Деталнинг чиқиғи. Чиқиғини текисламоқ.*

**4** *сфт.* Туртиб чиққан; бўртган. *Лекин бу кулча юзли, ёноқлари хиёл чиқиқ.. қиз Хуб-бижамол эди.* Ш. Холмирзаев, Бодом қишда гуллади. *Кўриб оғзим очилиб қолди: унинг [хўжайиннинг] ёши олтмишлардан ошган, елкаси чиқиқ, калта соқол чол.* Ҳ. Аҳмар, Яккама-якка.

**ЧИҚМОҚ 1** Юқорига, баландга ёки бирор нарса устига кўтарилмоқ. *Тепага чиқмоқ. Дарахтга чиқмоқ. Тоққа чиқмоқ.* ■ *Қоровул тепаликка чиқиб, ҳар томонни диққат билан кўздан кечирди.* «Ёшлик». *Альпинистлар шу чўққига чиқиб, уни забт этишга аҳд қилдилар.* Газетадан.

**2** Бирор транспорт воситасига тушмоқ, ўтирмақ, минмоқ. *Автобусга чиқмоқ.* ■ *Фосих афанди сўрига эмас, извошга чиқди.* М. Исмоилий, Фарғона, т. о.

**3** Бирор ҳаракатни амалга ошириш ёки бирор нарсага эришиш мақсадида муайян жойга бормоқ. *Дўконга чиқди. Сувага чиқди.* ■ *У бир куни саккиз юз йигит билан овга чиқибди.* «Булбулигўё». — *Нега яна Эрали билан тўйга чиқдинг?* — *деди эр.* Н. Аминов, Қаҳқаҳа. *Эрининг намоз ўқиш учун масжидга чиқиши янгилик эмас.* «Шарқ юлдузи».

**4** Бирор мақсадда узоқ жойга бормоқ, турган жойидан узоқлашмоқ. *Бир соатдан сўнг узоқ йўлга чиқаман.* Э. Самандар, Дарёсини йўқотган қирғоқ. *Муқбил бир қаландар суратига кириб, сафарга чиқибди.* «Чалпак ёққан кун».

**5** Табиий йўналишини ўзгартирмоқ, тошмоқ. *Сув тошиб, қирғоққа чиқди.* ■ *Фақат анҳор ўз ўзанидан чиқолмади.* Ў. Ҳошимов, Қалбингга қулоқ сол.

**6** Кўтарилиб, баландлашиб, бирор даражага етмоқ (турли жараёнлар ҳақида). *Иссиғи қирққа чиқди. Қон босими юзга чиқди.*

**7** Умрнинг маълум бир муддатига, пайтига етмоқ. *Ёшим қирққа чиқди.* ■ — *Ҳисобласам, бир кам тўқсонга чиқибман, — деди чол.* «Ёшлик».

**8** Бирор ҳаракат, уриниш натижасида янги бир ҳолатга ўтмоқ, эришмоқ, етмоқ. *Озодликка чиқмоқ.* ■ *Ойнинг ўн беши қоронғи бўлса, ўн беши ёруғ — биз ҳам ёруғ кунларга чиқамиз.* «Ёшлик». *Сусамбилликлар*

энди тамом эркинликка чиқиб.. сал кунда семириб кетибдилар. «Чалпак ёққан кун».

9 Ичкаридан ташқарига йўналмоқ, ичкаридан ташқарига ҳаракатланиб, маълум жойга етмоқ. *Яхши гап билан илон инидан чиқар, Ёмон гап билан пичоқ қинидан чиқар.* Мақол. ■ *Лип этиб бир қора шарпа уйдан чиқиб кетди.* Э. Самандар, Дарёсини йўқотган қирғоқ. *Жўра қизиқ индамай, боши эгилганича, кабинетдан чиқиб кетди.* С. Кароматов, Бир томчи қон. *Келин уйдан ҳовлига чиқди.* «Ёшлик».

10 Чуқур жойдан юқорига ҳаракатланиб, уни тарк этмоқ. *Ўрадан чиқмоқ. Жардан чиқмоқ.* ■ *Бу орада Ҳасан акалар ҳам чуқурликдан чиқиб олишади.* Ш. Холмирзаев, Т. Усмонов, Сўнмас ўт.

11 Белгиланган йўлдан, йўналишдан тоймоқ, чекинмоқ. *Машина издан чиқди. Ўқувчи дафтар чизигидан чиқиб кетди.*

12 Бўшалмоқ, кутулмоқ, озод бўлмоқ (ҳайвон ва паррандалар ҳақида). *Тулки қопқондан чиқиб, қочиб қолди.* Газетадан. *Бургут чангалидан чиқиш осон эмас.* М. Мансуров, Ёмби. *Эринмасдан тўр тўқийман, илинган жойга тузоқ ёзаман.. токи ўлжа қўлдан чиқмасин.* М. М. Дўст, Лолазор.

13 Суғурилмоқ, ажралиб кетмоқ. *Машинанинг гилдираги чиқиб кетди.*

14 Қийин шароитдан ёки бирор мавсумдан ўтиб олмоқ. *Қирқ олтинчи йил оғир келди.. Урушдан янги чиқилган, одамлар эзилган.* Ў. Ҳошимов, Икки эшик ораси.

15 Бунёд қилинмоқ, ясалмоқ, ишлов берилмоқ. *[Тақинчоқнинг] Тилла симдан тўқилган икки жуфт шокиласи, худди кеча заргар қўлидан чиққандек, ярқирайди.* М. Мансуров Ёмби. *Шоир қаламидан чиққан мисралар қоғозга шиддат билан битилмоқда эди.* Газетадан.

16 Бирор фаолият доирасидан четда қолмоқ; фаолиятни тўхтатмоқ. *Урфдан чиқмоқ.* ■ *Ҳой Абдумажид, нима бало, хотининг одамгарчиликдан чиқиб қолганми, дейман.* С. Аҳмад, Уфқ. *Ҳозирга келиб.. грамматикализация асосидаги усуллар истеъмолдан чиққан.* «ЎТА».

17 Бирор жойдан, табақадан пайдо бўлмоқ, юзага келмоқ, бирор даражага етишмоқ. *Ишчидан чиққан ёзувчи. Сендан яхши футболист чиқади.* ■ *Мусавирнинг Шарқ халқлари орасидан чиққан маишур кишилар..*

*қиёфасини акс эттирган асарлари ҳам томошабин эътиборини тортади.* Газетадан. *Тамаки асли Ҳиндистондан чиққан.* К. Қаҳҳорова, Чорак аср ҳамнафас. *Сен каллаварамдан космонавт туғул, шофёр ҳам чиқмайди.* Н. Норқобилов, Тўқнашув.

18 Бирор руҳий ҳолатдан кутулмоқ. *У газетани ёнига қўйиб, бир неча минут столни чертиб, ҳозир ўқиган нарсалари таъсиридан чиқолмай туриб қолди.* С. Аҳмад, Уфқ.

19 Бирор нарсдан безор бўлмоқ, зерикмоқ ёки кўтара олмай қолмоқ. *У ошдан чиқиб қолди.* Ёш болаларнинг хархашасидан жуда чиқибман.

20 Тамом бўлмоқ, охирламоқ, ўтмоқ, тугамоқ, кечмоқ. *Чилла чиқди.* ■ *-Ҳа, энди қиш чиқди, — дейишди кўзли деҳқонлар.* Р. Раҳмон, Меҳр кўзда.

21 Вужудга келмоқ; пайдо бўлмоқ. *Машинанинг «Матиз» деган янги хили чиқибди.*

22 Топилмоқ. *Йўқолган нарса уйимиздан чиқди. Ғордан чиққан бойлик.* ■ *Уч кундан кейин минг сўмга олувчи харидор чиқади.* А. Қаҳҳор, Сароб. *Ўтирганлардан бири ирғиб ўрнидан турди-ю, даҳлизнинг эшигини очиб, қаттиқ ишвирлади: -Мўйдин, кир, аризанг чиқди.* А. Қаҳҳор, Қўшчинор чироқлари.

23 Юзага келиш эътибори билан бирор манбага мансуб бўлмоқ. *Расмий доиралардан чиққан хабар.* ■ *-Бунақа гаплар кимдан чиқади? — деди Аҳмедов мийиғида кулиб.* А. Қаҳҳор, Қўшчинор чироқлари.

24 Нашр бўлмоқ, чоп этилмоқ, босилмоқ. *Китоб босмадан чиқди.* ■ *-Мақола вақтида чиқди, — деди Сафаров, — айни вақтида чиқди.* А. Қаҳҳор, Қўшчинор чироқлари.

25 Маҳсул, самара, натижа сифатида юзага келмоқ. *Қуруқ гандан фойда чиқмайди.* *Беш килограмм гилосдан неча килограмм мураббо чиқади? Сўнгги пушаймондан наф чиқмас.* Мақол. ■ *Ҳар қутидан етмиш саккиз килодан пилла чиқса бўладими!* А. Қаҳҳор, Қўшчинор чироқлари.

26 Бирор иш, жой, ташкилот ва ш.к. дан ажралмоқ, узилмоқ, ажралиб, узилиб қолмоқ; ташлаб кетмоқ. *Ташкилотдан чиқмоқ. Халққа суянсанг, бўласан, Халқдан чиқсанг, сўласан.* Мақол. ■ *Мусулмонқулга тарафдорларингиз бўлса, тинчликча кўшиндан чиқсин!* А. Қодирӣй, Ўтган кунлар.

27 Алоқани узмоқ, аҳдни бузмоқ, ажралишмоқ. *Ўртоқчиликдан чиқмоқ. Эрдан чиқмоқ.*

28 Учрамоқ, йўлиқмоқ, пайдо бўлмоқ. *Сарвинознинг қаршиисидан кутилмаганда ўша йигит чиқиб қолди. «Ёшлик». Боғнинг бир чеккасидан чиройли кийик чиқиб қолибди. «Булбулигўё».*

29 Қазинш, қовлаш натижасида топилмоқ, кўринмоқ. *Нефть чиқди. Газ чиқди. Ерни қазмасанг, олтин чиқмас. Мақол. ■ Тупроқ қатлами тагидан тарих гувоҳлари — ҳар хил ашёлар чиқди. Газетадан.*

30 Ўрнидан қўзғалмоқ (бўғим суяклари ҳақида). *Қўлим чиқиб кетди. ■ Лутфулла қалъа деворидан сакраб, оёғи чиқди. Мирмуҳсин, Қаҳрамоннома.*

31 Рўй бермоқ, содир бўлмоқ. *Тўполон чиқди. Келишмовчилик чиқди. ■ Азизхон бу суратни кўриб қолиб, ойнани синдириб, суратни йиртиб ташлаган, катта жанжал чиқиб, зўрға милиция кўлидан қочиб қолган эди. С. Аҳмад, Уфқ.*

32 Осмонда кўринмоқ, пайдо бўлмоқ (осмон жисмлари ҳақида). *Ҳали қуёш чиқмаган, сув юзида нозик туман пардаси силкиниб турарди. Ў. Ҳошимов, Қалбингга қулоқ сол. Тоғу тошни қоплайди сукут, Ой булутга ўраниб чиқар. «Ёшлик».*

33 Туртиб, бўртиб турмоқ. *Ёноқлари чиққан қиз. ■ Унинг [Баширжоннинг].. елкалари чиқиб, қомаги олдинга энгашиб қолгандек эди. Н. Аминов, Қаҳқаҳа*

34 Тошмоқ, сиртга тепмоқ. *Яра чиқди. Сўғал чиқди. ■ [Қизнинг] Лабларига учуқ чиқиб кетибди. «Шарқ юлдузи».*

35 Сиртга тепмоқ, ажралиб намоён бўлмоқ, кўринмоқ. *Иситмаси чиқди. ■ [Каримнинг] Пешонасига тер чиқди. «Шарқ юлдузи». Кўзларидан ёш чиқиб кетди. А. Кўчимов, Ҳалқа.*

36 Тепага кўтарилиб, атрофга ёйилмоқ; тўзғимоқ (чанг ҳақида). *Ёр юрган кўчаларни супурай сочим билан, Чанги чиқса, сув сепай кўздаги ёшим билан. «Кўшиқлар».*

37 Муайян тарзда эшитилмоқ (товуш, овоз ҳақида). *Торнинг овози жаранглаб чиқди. ■ -Бас қил, ҳой! — Маҳмуданинг овози баттар хириллаб чиқди. «Ёшлик». Овози йиғи аралаш қалтираб чиқди. «Шарқ юлдузи».*

38 Натижа сифатида юзага келмоқ. *Чизган суратим нотўғри чиқди. «Ёшлик». Дал-*

*варзинтепадан топилган.. қуроллар ҳам антиқа чиқиб қолди. «Фан ва турмуш». Директорнинг гапи акс бўлиб чиқди. «Ёшлик». Аммо унинг тахмини нотўғри чиқди. «Ёшлик».*

39 Бирор белги-хусусияти юқори даражага етмоқ. *Увадаси чиққан тўн. ■ ..барханлар орасида яғири чиққан тўртта ўтов қад ростлаган. Газетадан.*

40 Тарқалмоқ, таралмоқ (ҳид ҳақида). *Мансур чемодани очган эди, уйга ҳандалакнинг ҳиди чиқиб кетди. «Ёшлик».*

41 сирт. Мот бўлиш вазиятини ўзгартириб, ундан қутулмоқ (шахмат ўйинига нисбатан). *Оқлар юришини ўзгартириб, вазиятдан чиқиб кетди. Газетадан.*

42 Телевизор ёки радио орқали сўзламоқ, бирор ҳаракатни бажармоқ. *Телевизорда ашула айтиб чиқди. Радиода чиқди.*

43 Чекига, номерига ва ш.к. га тўғри келмоқ. *Лотереяга машина чиқди. Чиптасига жек-пот чиқди.*

44 Унмоқ, кўкармоқ (ўсимликлар ҳақида). *Бойчечак чиқибди, наврўз экан.. «Кўшиқлар».*

45 Табиий таъсир натижасида матодан ажралиб, унинг сифатига салбий таъсир кўрсатмоқ (газламанинг ранги ҳақида). *Ранги чиқадиган чит. Кўйлагини ювган эди, ранги чиқиб, ола-була бўлиб қолди.*

46 Кўмакчи феълли сўз қўшилмалари таркибидаги -и(б) қўшимчали равишдошлар билан келиб, иш-ҳаракатнинг тўлиқ бажарилганлиги ва тугалланганлигини билдиради (мас., қараб чиқмоқ, кўриб чиқмоқ, санаб чиқмоқ). ■ *Эрталабгача мижжа қоқмай, уйлаб чиқдим. «Шарқ юлдузи». [Қора қоплон] Хонанинг у ёқ-бу ёғига кўз ташлаб чиқиб, каравот устида ётган китобни кўриб қолди. К. Яшин, Ҳамза.*

47 Кўшма феъллар таркибида келади. Мас., сўзга чиқди, олиб чиқди, қарши чиқди.

**Абжағи чиқмоқ қ. абжақ.** *Фашистни ур, абжағини чиқар, у ёғи билан ишинг бўлмасин. Ойбек, Танланган асарлар. Авж(и)га чиқмоқ қ. авж 2.* *Қий-чув қилишиб, кулгилар авжга чиқди. «Шарқ юлдузи». Бошига чиқмоқ қ. бош. Бошингиз тўйдан чиқмасин «Ҳар доим хурсанд бўлиб юринг» маъносида айтиладиган тилак. «Бошингиз тўйдан чиқмасин», деб тиллар эканлар-у, аммо бу тилак ҳамма вақт ҳам амалга ошавермас экан. Н. Сафаров, Оловли излар. Гапдан гап чиқиб қ. гап. Гапдан*

гап чиқиб: -Абдуллажон, — дедилар Иззат Отахонович, — Намангандан Санжар Тилла келган. К. Қаҳҳорова, Чорак аср ҳамнафас. **Дараги чиқди** Топилди, топилгани ҳақида хабар келди. Уч кун дегаанда опасининг дараги чиқди. «Шарқ юлдузи». **Жойи чиқмоқ** Муносиб, кўнгилдагидек куёв (йигит) учрамоқ. Янганг ҳам [қизларнинг] жойи чиқса, узатмоқчи бирин-кетин. С. Нуров, Нарвон. **Жон(и) чиқмоқ қ. жон.** Чиқмаган жондан — умид. Мақол. ■ ..бўридан бир кўзини ажратиб олган эди. Жони чиқмаган экан. С. Анорбоев, Оқсой. Менга насихат қилавериб, жонимни чиқарманг! Ойдин, Кўнгли тўлдими, яхши йигит? **Издан чиқмоқ қ. из.** Меҳнат интизоми издан чиқди. «Шарқ юлдузи». **Ишдан чиқмоқ қ. иш.** Агар машина ва ускуналардаги тебранишлар олди олинмаса, бора-бора улар ишдан чиқиши.. мумкин. «Фан ва турмуш». **Йўлдан чиқмоқ** Айнимоқ, ёмон олатга ўрганмоқ. Тўғри йўлдан чиқма, зинҳор адашма. Ҳабибий. **Миси чиқди қ. мис.** **Нархи осмонга чиқди** Нархи жуда қиммат бўлиб кетди. Картошканинг нархи деҳқон бозорида осмонга чиқиб кетди. Газетадан. **Оғзининг бир чеккасидан чиқиб кетаверади** Мулоҳаза қилмай айтаверади. **Пулингга чечак чиққанми?** қ. чечак II. **Сўз(и)нинг устидан чиқмоқ** Ваъда қилган ишини амалга оширмоқ. Ошино сўзининг устидан чиқди. М. М. Дўст, Лолазор. **Тили чиқмоқ қ. тил II 2.** [Бола] Тили чиқиб, чулдираб қолди. «Шарқ юлдузи». **Турмушга чиқмоқ қ. турмуш.** Қизимиз турмушга чиқиб кетди. Мирмуҳсин, Умид. **Улдасидан чиқмоқ қ. удда.** Эпламоқ; бажара олмоқ. Одилбекдан бошқа киши бу ишнинг уддасидан чиқолмайди. «Булбулигўё». **Умиди пучга чиқмоқ** Орзуси амалга ошмай қолмоқ. **Йўқ, Қизгулнинг бу умиди ҳам пучга чиқди.** «Шарқ юлдузи». **Фигони фалакка чиқмоқ қ. фалак.** Ҳожининг фигони фалакка чиқди. «Фан ва турмуш». **Чуви чиқмоқ қ. чув II.** **Юз жойига пичоқ урсанг, бир жойидан қон чиқмайди.** Ҳар қанча гапирсанг ҳам, таъсир қилмайди. **Энка-тенкаси чиқди** 1) қийналиб кетди. ..отни тўхтатиб, қайириб олгунча, Қудратнинг энка-тенкаси чиқди. Ҳ. Назир, Кўкорол чироқлари; 2) тўсатдан қаттиқ кўрқмоқ. **Жамиланинг ўз ёнидан ғойиб бўлганини пайқамай қолибди.** Бирдан энка-тенкаси чиқиб, ўрнидан тураан эди.. йиқилиб тушди. Мирмуҳсин, Жамила. **Юзага чиқмоқ қ. юза.** **Юра-**

**ги қинидан чиқмоқ қ. юрак.** Юраги қинидан чиқиб, қотиб қолди. «Шарқ юлдузи». **Қуюшқондан чиқмоқ қ. қуюшқон.** -Қуюшқондан чиқманг-да бундай, жўражон! — деди Зариф Сайфининг елкасига қўл ташлаб. Газетадан. **Ҳасратидан чанг чиқади қ. чанг I.**

**ЧИҚОН** шв. Дугона, ўртоқ. Яхши кўрган чиқоним қўшимизга тушибди. «Кўшиқлар». «Жуда қийин шароитда ишляпман, чиқон», деб ёзган эди у.. «Ёшлик».

**ЧИҚ-ЧИҚ ЧИҚ** с. тақр. Соатим чиқ-чиқ этар, Кўлимда ҳар иш битар. «Кўшиқлар». Шитирлаб ёғайтган ёмғирнинг томчилари дераза ойналарига уриларди: у баъзан нариги хонадаги ёзув машинкасининг чиқ-чиқини ҳам босиб кетарди. Мирмуҳсин, Умид.

**ЧИҒ** тақл. с. Баъзи қушларнинг овозини билдирди. Қарқуноқ чиг этиб, оғзини очди.

**ЧИҒАНОҚ I** айн. шиллиқ қурт қ. шиллиқ II.

2 Баъзи умуртқасиз жониворларнинг, мас., моллюскаларнинг турли шаклда бўладиган косаси; уларнинг танасини қоплаб, ҳимоя вазифасини бажарувчи скелет тузилмаси. **Чиғаноқ маржон.** **Чиғаноқ қулдон.** ■ **Дарёнинг тағидан бир ҳовуч асл Чиғаноқ тошлардан чиқариб бердим.** Ҳ. Олимжон.

3 **анат.** Тирсақ; тирсақ суяги.

**ЧИҒАТОЙ I** Ўзбек уруғларидан бирининг номи. **Ўзиям чиғатойлардан экан, яхши аёл.** [улар] вақтида доврўғи кетган эл. Ш. Холмирзаев, Оғир тош кўчса.

2 Эски ўзбек тили ва адабиётининг ғарб илмий адабиётида нотўғри қўлланиб келган номи. **Чиғатой тили.** **Чиғатой адабаёти.** ■ **Навоий чиғатой, яъни туркий тилда қалам тебратган биринчи шоир бўлган.** «Фан ва турмуш».

**Чиғатой гурунги тар.** Абдурауф Фитрат бошчилигида Туркистон жадидлари томонидан ташкил этилган маданий-маърифий ва илмий-адабий ташкилот (1919—1921 йиллар). **Тузук, «Чиғатой гурунги» сиёсат билан машғул бўлмоқни истамади, ёлғиз тил, имло, адабиёт билан шуғулланди.** Фитрат, Ёпишмаган гажаклар.

3 **Чиғатой (Чингизхоннинг тўрт ўғлидан иккинчисининг номи).**

**Чиғатой улуси тар.** Чингизийлар империясида Чиғатой қўл остида бўлган, Қашқар, Еттисув, Мовароуннаҳр ерларини қамраб олган ҳудуд.

**ЧИГИЛЛАМОҚ** «Чиг-чиг» овоз чиқармоқ, «чиг-чиг» қилмоқ (қушлар ҳақида). *Какликлар бирдан ваҳимали чигиллаб, том оша учиб кетишди.* Ш. Холмирзаев, Сайланма.

**ЧИГИР 1** Юкларни кўтариш ёки силжитиш учун мўлжалланган машина. *Чигирдан кўтариш-ташиш машинаси ёки мураккаб кранларнинг кўтариш механизми сифатида фойдаланиш мумкин.* «ЎЗМЭ».

**2** Одам, уй ҳайвонлари ёки оқар сув кучи билан ҳаракатга келтирилиб, сувни юқорига кўтариб берадиган қадимги энг оддий гидравлик мослама. *Тарихий маълумотларга кўра, оқар сув кучи билан ҳаракатлантириладиган чигир Ўрта Осиёда (айниқса, Хоразмда) 9-11-асрларда кенг тарқалган.* «ЎЗМЭ»

**ЧИГИРИҚ 1** Пахтани чигитидан ажратиш учун ишлатиладиган қадимги қўл асбоби. *Чигириқда пахта тозаламоқ.*

**Чигириқдан ўтказмоқ** 1) чигириқ орқали ўтказиб, пахтани тозаламоқ; 2) кўчма обдан текширмоқ, ҳамма синовлардан ўтказиб текширмоқ. *Минг бир чигириқдан ўтган Равшан полвоннинг ўзи ҳам ҳозир кўп нарсаларга фаҳми етмай қолди.* О. Ёқубов, Ларза; 3) ўйлаб мулоҳаза қилмоқ. *[Асрор] Тренернинг гапларини бир-бир ақл чигириғидан ўтказди.* «Ёшлик».

**2** Дорнинг энг тепасида дорбозлар ўйин кўрсатадиган, нарвонга ўхшаш погонали қурилма. *Ҳақимжон ака, ўғиллари ва жиянлари билан мусобақа қилгандай, дорда ва чигирда ўйнаб кўяди.* М. Қодиров, Кекса дорбозлар. *Ҳамманинг нигоҳи чигириқ устида чирпирак бўлиб айланаётган дорбоз Барчинойга қадалган эди.* Н. Қиличев, Чигириқ.

**3** айн. **чигир.** *[Ал-Хоразмий] Механикани ричаг ёрдамида оғирликларни кўтариш, гидравлик машиналарни эса чигириқ, тегирмон билан шуғулланиш деб ўйлади.* «Фан ва турмуш».

**ЧИГИРЛАМОҚ 1** айн. **чигилламоқ.** *Чумчуқлар зўр бериб чигирлар.. эди.* А. Қаҳҳор, Қўшчиноҳ чироқлари.

**ЧИГИРЛАМОҚ 2** тех. Чигирдан ўтказиб ёймоқ, юпқаламоқ. *Пўлатни чигирламоқ.*

**ЧИГ-ЧИГ Чиг** с. такр. *Қушларнинг чигчиғи.*

**ЧОБУКСУВОР** [ф. چابکسوار — тез чопувчи; моҳир чавандоз] Моҳир, эпчил чавандоз. *Изларам сиздан шафоат, Чобуксуворим, ё Али.* «Маликаи айёр».

**ЧОВ 1** анат. Қориннинг пастки қисми билан сон оралиғи; бут. *Отнинг чови.* *Чов безлари.* ■ -*Қассобларнинг қўли тарози бўлиб қолган, қўйнинг човига қўл югуртириб туриб, қанча ёғ, қанча гўшт қилишини айтиб берадиган одамлар, — деб ўйлади Шокиржон ака.* С. Абдулла, Соялар. *У чови қиров босган ҳорғин отини анҳор бўйида тўхтатиб, эгардан тушди.* «Ёшлик».

**ЧОВ 2** шв. Эштак.

**ЧОВГУМ** айн. **човгун.** *Ўчоқдаги човгум қайнаб, тўкила бошлади.* «Ёшлик».

**ЧОВГУН** Ўтда чой қайнатиш учун мосланган идиш, чойдиш, қумғон. *Мис човгун.* *Чўян човгун.* *Човгунда чой қайнатмоқ.* ■ *[Севагул] Рўмолчани сувга тутиб, обдан ишқалади, сўнг кўҳна мис човгунни тўлатиб, жўмракни маҳкамлади.* Н. Қиличев, Чигириқ.

**ЧОВЛИ** Новда ёки симдан тўқилган, угра, шилпилдоқ ва ш.к. хамир овқатларни сузиб олиш учун ишлатиладиган чўмичсимон рўзғор асбоби. *Чўп човли.* *Сим човли.*

**Човли солмоқ (ёки урмоқ)** 1) хамир овқатни ёки бирор нарсани човли билан сузиб олмоқ; 2) кўчма бировнинг ишига аралашмоқ; ҳар нарсага суқилавермоқ, бурун суқмоқ. *Врачнинг иши — касалларни даволаш.* *Нигорага ҳайронман, ҳар нарсага ўз човлисини солавермай, тинчгина юрса нима қиларкин?* С. Анорбоев, Оқсой.

**ЧОВУТ:** **човут солмоқ (ёки урмоқ, қилмоқ)** 1) айн. **чанг солмоқ қ. чанг** 3. *Бургут кўзичоққа човут солди.* ■ -*Ким нокас?* — *Мирзақул унга [Анзиратга] човут солди.* «Ёшлик». *Қорабой Кўктойнинг бўйнига човут солди-ку.* Ш. Холмирзаев, Оғир тош кўчса; 2) кўчма тажовуз қилмоқ, ҳамла қилмоқ, бостириб келмоқ. -*Чингизхон Машриқдаги барча катта-кичик ўлкаларни олиб бўлгач, бари бир бизга човут солади!* — *деди Инолчиқ.* М. Осим, Ўтрор.

**ЧОГАН** Шўрхоқ ерларда ўсадиган камбаргли ёввойи ўсимлик.

**ЧОДИР** [ф. چادر — қапа, бостирма; ёпинчик] 1) Матодан қурилган қапа; палатка. *Чодир тикмоқ.* *Чодир қурмоқ.* ■ *Қутайбанинг чодир, таомилга кўра, баланд тепаликка жойлашганди.* З. Аълам, Зарб. *Азизхон ўша*

куни кечаси чодирда ётмай, Орзихон аяникига кетди. С. Аҳмад, Уфқ.

**2 этн.** Гўшанга, чимилдик. *Хушрўй, чодирдан чиқмасданоқ, чой ташиб, хизмат қилиб юрган кундошига кесатиқ билан ҳужум бошлайдир.* А. Қодирий, Ўтган кунлар.

**3 этн.** Аёллар паранжи ўрнида ёпинадиган махсус ёпинчиқ; чодра. *Бир вақт қаердан ҳам устига қора чодир ёпинган Ёсуман пайдо бўлармиш.* М. Исмоилий, Фаргона т. о. *Қара, унинг кўксига юлдуз — Меҳнатидан бўлмиш қахрамон. Сен-чи, нечун чодир ичида Қолиб кетдинг, азизим, ҳамон?* Зулфия.

**4 кўчма** Парда, ёпинчиқ; уртук. *Юксак дарахтларнинг уchlари қучоқлашиб, муаззам яшил чодир ясаган.* Ойбек, Қуёш қораймас. *Ҳамма ёқни оппоқ қор қоплаган, ҳавони кулранг булут чодирни тўсиб олган бир кун эди.* П. Турсун, Ўқитувчи.

**5 Мева** қоққанда тагига тугиладиган катта мато. *Тўрттаси чодир тутади, биттаси товоққа чопади.* «Кўшиқлар». *Ҳабиба буви қирқ ямоқ бўлиб кетган чодирни олиб чиқади. Камида ўттизта бола қалдирғочдек тизилиб, чодирнинг тўрт тарафидан ушлаб туради.* «Ёшлик».

**ЧОДИРЖАМОЛ** эск. Ўзбек анъанавий қўғирчоқ театрининг қўғирчоқлар қўлга кийиб ўйнатиладиган тури.

**ЧОДИРХАЁЛ** эск. Ўзбек анъанавий қўғирчоқ театри тури: қўғирчоқнинг барча қисмлари (аъзолари) иплар билан боғланиб, бир дастчўпга уланади ва чодир (парда) ортидаги қўғирчоқбоз ипларни тортиш орқали қўғирчоқни ҳаракатлантиради. *Илгари ҳайит кунлари кўмирсаройда қўғирчоқбозлик бўлар эди, «чодирхаёл» бўлар эди.* Ойбек, Танланган асарлар. *Матпано чодирхаёлдаги йигитнинг қилиқларига маҳлиё бўлиб, тикилиб турибди.* С. Сиёев, Аваз.

**ЧОД(И)РА** [ф. چادر — ёпинчиқ; ҳижоб] айн. **чодир** **3.** *Бир оздан кейин чодрага ўралган бир жувон ёш табибнинг олдига келиб, бир нима деди.* М. Осим, Карвон йўлларида. [Нигина] *Яна қора чодрасига ўралиб, ҳовлидан чиқиб кетди.* Мирмуҳсин, Темур Малик.

**ЧОЙ** [т.ф. چای < хит. ча] **1** Барги дамлаб ичиладиган, жанубий ўлкаларда ўсувчи доимий яшил бута дарахти, бута. *Чой плантациялари.* ■ *Чой ўсимлиги 2-3 ёшлик бўл-*

*ганда, тупларга шакл берилади, ён шохлар кесилади.* «ЎЗМЭ».

**2** Шу ўсимликнинг қуритиб махсус ишланган, майдаланган, дамлаб ичиладиган барглари. *Кўк чой. Ҳинд чойи. Цейлон чойи. Грузин чойи. Бир дамлам чой. Чой қути.* ■ *Кўкрагимда войим қолди, уч юмалоқ чойим қолди.* Эргаш Жуманбулбул ўғли. *Кўк чойни кўк чойнакка дамлаб, кўк кўзли, кўйлаги кўк Каримга бердимиз? Тез айтиш.*

**3** Шу ўсимликнинг махсус ишланган, майдаланган баргларида дамланган хушбўй ичимлик. *Бир пиёла чой. Аччиқ чой. Иссиқ чой. Яхна чой.* ■ *Ҳиндининг ичгани асл чой бўлар.* «Гулнорпари».

**4** Шу ичимлик билан бирга овқатланиш. *Эрталабки чой. Тушки чой.* ■ *Сидиқжон чойни кутмай, ишга кетди.* А. Қаҳҳор, Қўшчинор чироқлари. [Анзират хола] *Чой маҳалида гоҳ кулиб, гоҳ йиғламсираб, ўзи, болалари тўғрисида гапирди.* А. Қаҳҳор, Қўшчинор чироқлари.

**Олма чой қ. олма. Сут чой** Сутли чой. **Чой пули айн. чойчақа. Чой қошиқ** Ош қошиқдан кичикроқ металл қошиқ. *Мураббо ола туриб, чой қошиқни тушириб юбордим — куёв буниям сездим.* М. М. Дўст, Лолазор. **Қора чой** 1) қуруғи қора тусда, дамлаганда, тўқ қизғиш ранг чиқарадиган чой; 2) сутсиз чой.

**ЧОЙГУМ** с.т. Чойдиш. [Суярақулнинг] *Онаси чой дамлаб, чойгумга яна сув тўлдираётган экан.* А. Кўчимов, Ҳалқа.

**ЧОЙДИШ** Сув, чой қайнатиладиган металл идиш, қумғон. *Бир чойдиш чой. Чойдиш шақиллаб қайнади.* ■ *Лангиллаб ёнаётган кўмир тепасига қўйилган чойдиш ҳамма вақт вақирлаб қайнаб туради.* С. Аҳмад, Жимжитлик. *Чол кўрдаги қора қумғон ёнида турган чойдишни олиб, меҳмоннинг олдига қўйди.* А. Мухтор, Бўронларда бордек ҳаловат. *Ўчоқда заранг бодом чўғи ловуллайди, бир чеккасида чойдиш секин шигиллайди.* А. Суюн, Олис жанглар.

**ЧОЙДОН** [хит. + ф. چايدان] Чой идиш, чой қути.

**ЧОЙЖЎШ** [хит. + ф. چایجوش — чой қайнатувчи] шв. Чойдиш, човгун. *Нуъмонжон чойжўшни қайнатиш учун ўт ёқди.* О. Ҳусанов, Най.

**ЧОЙКОР** [хит. + ф. چايكار — чой етиштирувчи] Чой етиштирувчи деҳқон ёки хў-

жалик. *Грузия чойкорлари. Чойкор жамоа хўжалиги.*

**ЧОЙЛАШМОҚ** Бирга чойхўрлик қилмоқ, чой ичишиб ўтириб суҳбат қилмоқ. *Биз Маъмуржон билан чойлашиб ўтирдик. «Ёшлик».. хўзур қилиб овқатланишди, чойлашишди. Н. Норқобилов, Бекатдаги оқ уйча.*

**ЧОЙНАК** [р. чайник — чой идиш] Чой дамлаб ичиладиган, жўмракли ва дастали идиш, уй-рўзғор асбоби. *Чинни чойнак. Мис чойнак. Бир чойнак чой. ■ Нусратбек устиса сочиқ ёпилган чойнакдаги чойни қайтариб, бир пиёлага қуйди. С. Нуров, Майсаларни аёз урмайди. Бўта.. чойнакнинг қопқоғини тескари ёпиб, иккита беш тийинликни ташлаб, ўрнидан турди. С. Аҳмад, Қиссалар.*

**ЧОЙПОЯ** [чой + поя] Дала-даштда сув, чой қайнатиш учун ясалган қурилма; учоёқ.

**ЧОЙФУРУШ** [хит. + ф. چاي فروش — чой сотувчи] Чой савдоси билан шуғулланувчи тижоратчи. *Тимнинг икки томонидagi қатор дўкон-расталарда чойфуруш эронийлар.. улгуржи савдони кутардилар. Ш. Тошматов, Эрк куши.*

**ЧОЙФУРУШЛИК** 1 Чой савдоси билан шуғулланишлик. *[Бойларнинг] Баъзилари Тошкент бозорларидаги рсталарда чойфурушлик, чойфурушлик.. дўконлари очиб, савдо қилар эди. М. Муҳаммаджонов, Турмуш уринишлари.*

2 Бозорда чой дўконлари қатори, рас-таси.

**ЧОЙХОНА** [чой + хона] Чой ичиб, тамадди қилиб, ҳордиқ чиқариладиган жамоат жойи; самовар, самовархона. *Маҳалла чойхонаси. Оталар чойхонаси. Чойхонада уч-тўрт чол чақ-чақ суҳбат қилади. ■ Бозордаги чойхоналарнинг ҳаммаси сершовқин ва тўполон бўлади. Ф. Мусажонов, Ҳиммат.*

**Чойхона палов қ. палов.** *Чойхона паловларда ошининг сабзисини албатта Элчиев тўғрайди. Э. Аъзамов, Жавоб.*

**ЧОЙХОНАЧИ** Чойхонада хизмат қилувчи, чойхонада чой сотувчи ёки чой ташиб берувчи киши. *Чойхўрлар кўплигидан чойхоначининг қўли-қўлига тегмайди. Газетадан.*

**ЧОЙХЎР** [хит. + ф. چايخور — чой ичувчи] 1 Чойни яхши кўрадиган, кўп чой ичадиган. *[Анвар] Сўриларда чойхўрлар чордана қуриб ўтирган чойхона олдидан югуриб ўтди. Ў. Ҳошимов, Қалбингга қулоқ*

*сол. Ҳозирда ер кўррасида яшайдиган аҳолининг бир ярим миллиарддан зиёди чойхўр ҳисобланади. Газетадан.*

2 Чойхонада чой ичувчи, мижоз. *Куз ҳавосининг суякларни зирқиратувчи совуғига қарамай, гузарда чойхўр кўп эди. М. Исмоилий, Фарғона т. о.*

**ЧОЙХЎРЛИК** Чой ичиб, суҳбатлашиб ўтириш. *Меҳмонлар чойхўрлик қилаётиб, футбол, шахматдан гап бошлашди. С. Нуров, Нарвон. Уч-тўртта қариялар эса ўрик тагидаги каттакон супада чойхўрлик қилишарди. «Шарқ юлдузи».*

**ЧОЙЧАҚА** 1 Кўча-кўйлаги майда харажатлар учун мўлжалланган оз миқдордаги пул; чой пули. *Ота чойчақага муҳтож бўлиб, бозор кунлари Қўйлиқда ҳаммоллик қилди. Ҳ. Фулом, Машғал.*

2 Унча-мунча хизмат учун бериладиган ҳақ, хизмат ҳақи. *Агар Шоқосим иш билан ўзини ёқтирса, хўжайин ўз билгича «чойчақа» ҳам бериб туради. Ойбек, Танланган асарлар.*

3 Тақчил молни топиб бергани учун дўкончига бериладиган устама ҳақ, пул. *Ўғли қанча овора-саргардон бўлиб, магазинчиларга чойчақа бериб олиб келган нарсаси қувонч бағишлаш ўрнига, айвонда чанг босиб турса.. С. Нуров, Нарвон.*

**ЧОЙЧЎП** [чой + чўп] Чўл-қумда ўсадиган, хушбўй, оч бинафшаранг гулли кўп йиллик ўтсимон ўсимлик.

**ЧОЙШАБ** [ф. چارشاب ёки چارشف — тунги чодир, ёпинчиқ] Ўрин-тўшақ устига ёзиладиган яланғават тўртбурчак мато, ёпинчиқ. *Оқ чойшаб. ■ [Полина] Кўлтиғидаги чойшаб ва адёлларни бурчакдаги бўш каравот устига қўйиб, бирин-кетин ёзди. Ш. Холмирзаев, Бодом қишда гуллади. Бирлашмада чойшаб ва ёстиқ жилди тикилади. Газетадан.*

**Оқ чойшаб** 1) гулсиз, гул босилмаган чойшаб; 2) кўчма қор. *Қиш келиб, яйлов ва ўрмонлар устига оқ чойшабини ёзгунига қадар гул-чечаклар кулиб боққани-боққан. Н. Сафаров, Оловли излар. Сурмаранг чойшаб кўчма Нимқоронғилик. Қош қорайиб, сурмаранг чойшаб борлиққа таралди. «Шарқ юлдузи».*

**ЧОК** [ф. چاک — тешик, тирқиш; кесик, йиртиқ, қийиқ жой] 1 Чеварликда: газлама, тери ва ш.к. дан тикилган буюмларнинг



тикиб бириктирилган жойи. *Кўйлак чоки. Маҳсининг чоки сўжилибди. Чокидан йиртилди.* ■ Унинг тиккан чокин кўрсанг. дондайд силлиқ.. Ф. Фулом. Сумкаларнинг чоклари текас.. астари шойидан. «Саодат».

**2** тех. Машинасозликда: деталларнинг пайвандлаб, парчинлаб ёки бошқа бирор усул билан уланган жойи. *Пайванд чок. Учма-уч чок. Устма-уст чок.* ■ *Муҳими шундаки, лазер пайвандда ҳосил бўладиган чоклар ниҳоятда мустаҳкамдир.* «Фан ва турмуш».

**3** бнк. Терилган фишгллар, блокларнинг оралиғи, панелли уйларда панеллар туташган жойи.

**4** анат. Калла суяги қисмларини бириктириб турадиган асосий тузилма.

**5** тиб. Жарроҳлик амалиётида жароҳатланган, кесилган жойларни, тўқималарни бириктириш усули.

**Ёқани чок қилмоқ** (ёки этмоқ) Ўйртмоқ, пора-пора қилмоқ. *Онамни сўрайман сендан эрта-кеч, Қайтар, деб сўрайман чок этиб яқо.* А. Орипов. *Ёқам чок-чок этиб, қиларман фарёд.* «Гулшанбоғ». **Юраги** (ёки бағри, дили) **чок бўлмоқ** Юраги пора-пора бўлмоқ, ғам-алам, изтиробдан эзилмоқ. *Дўстлар шоду хандон, душман бағри чок.* Ф. Фулом.

**ЧОКАР** [ф. چاکر — хизматкор, малай] эск. Хизматкор, чоракор, малай. *Бойнинг Холёр деган чўпони бўлиб, унинг Эрназар деган чокари бор эди.* «Ойсулув». *Яқзон бир чокарини Ибн Синога ҳамроҳ қилиб, қалъадан чиқариб юборди.* М. Осим, Карвон йўлларида.

**ЧОКЛАМОҚ** Чокини тикмоқ, чокини тикиб уламоқ. *Кўрпанинг астарини чоклади.*

**ЧОКЧИ 1** Фақат бичилган нарсаларни тикувчи ҳунарманд.

**2** Тикувчи, каштачи, чевар.

**ЧОКЧИЛИК** Бозорда бирор кийим тури билан савдо қилувчи одамга бичилган кийимни тикиб тайёр қилиб бериш билан шугулланиш. [*Хосият буви*] *Каримжон машиначига битта тўнни ўттиз пулдан тикиб, роса ўн саккиз йил чокчилик қилган.* С. Зунунова, Гулхан.

**ЧОК-ЧОК: чок-чок бўлмоқ** 1) чок-чокидан сўкилмоқ. *Кўйлаги чок-чок бўлди;* 2) *кўчма* қаттиқ изтиробга тушмоқ; пора-пора бўлмоқ. *Юраги чок-чок бўлди.* **Чок-чок қилмоқ** (ёки этмоқ) 1) чок-чокидан сўкмоқ; 2) *кўчма* пора-пора, тилка-пора қилмоқ. *Ёв-*

*войи мўғул сени оёғости қилиб, бағрингни чок-чок этади.* М. Осим, Карвон йўлларида

**ЧОЛ** Қари эр киши; қария; кекса, мўйсафид. *Нуроний чол. Донишманд чол.* ■ *Гўё ажин кетди қари бетидан, Яшаргандек бўлди, тетикланди чол.* Ҳ. Олимжон. *Бояги ёғоч ва бордонлар орқасидан олтмиш ёшлардаги бир чол арава миниб чиқди.* А. Қаҳҳор, Қўшчинор чироқлари.

**Чолни кўриб, бобом дема!** Таний олмай адашган, янглишган кишига айтиладиган ибора.

**ЧОЛВОР** [р. шаровары — кенг иштон < ф. шароар — иштон, шим] Асосан уйда кийиладиган, шимга ўхшаш кийим. У [Ақбар] уйда киядиган олачипор чолворда, майкачан бўлиб, майка остидан юмалоқ қорни ҳам дўп-пайиб турарди. Ж. Абдуллахонов, Хонадон.

**ЧОЛ-КАМПИР, чолу кампир 1** Кексайган ота-она; кексайган эр-хотин. *Чол-кампирум бор, нима ғамим бор!* ■ *Чол-кампир бир-бирига ялт этиб қаради.* А. Қаҳҳор, Асрор бобо.

**2** Умуман, кекса эркак ва хотин. *Қишлоқнинг ҳамма чол-кампири йиғилди.*

**ЧОЛГУ 1** Мусиқа асбоби. *Ўзбек халқ чолгулари. Чолгу асбоби.* ■ *Танловда халқ чолгу асбоблари ҳам тўлиқ қамраб олинган.* Газетадан. *Машшоқлар чолгуларини қўлга олдилар.* М. Исмоилий, Фарғона г. о.

**2** Мусиқа асбобларида ижро этилган куй, оҳанг; мусиқа. *Унинг асл исми — Наби. Ўзининг ашуласи, чолғуси ва қизиқчилиги билан суҳбатларни гуллатгани учун маҳалладаги улфатлари уни «гул» — «Набигул» деб атаганлар.* А. Қаҳҳор, Қанотсиз читтак.

**ЧОЛГУЛИ** эск. айн. **мусиқали.** *Чолғули драма. Чолғули асар.*

**ЧОЛГУЧИ** Чолғу чалувчи созанда; мусиқачи. *Озодахон чолғучилар билан янги айтиладиган кўшиқ ҳақида пичирлашиб турган эди.* Н. Аминов, Қаҳқаҳа. *Бас, етар, чолғучи, бас қил созингни. Бас, етар, қалбимга урмагин ханжар.* А. Орипов.

**ЧОП** [ф. چاپ — нашр, босиб чиқариш; босма]: **чоп қилмоқ** (ёки этмоқ) Нашр этмоқ, матбуотда босиб чиқармоқ. *Ҳайқирим, хитобим Сизга, Чоп этилган китобим Сизга!* «Ёшлик». *Машҳур адиб Жюль Вернининг бутун дунёга донғи кетган «Ердан ой сари» номли романи чоп этилганидан буён 110 йил ўтди.* «Фан ва турмуш».

**ЧОПАР** *тар.* Давлат аҳамиятига эга ва ошиғич хабарни етказиш учун юборилган отлик, сувори. *Намозгар пайти Қўқондан чопар келиб, нома ташлаб кетганди.* Х. Тўхтабоев, Йиллар ва йўллар. *Ана, чопар, суюнчи деб, Эралихонга етти.* «Юсуф ва Аҳмад».

**ЧОПАҒОН** *с. т.* Тез, яхши югурадиган; чопқир. *Чопағон от.* ■ *Яшил майдон атрофидаги йўлгага чопағонлар чиқишди.* С. Нуров, Чопағон.

**ЧОПАҒОНЛИК** Тез югура олишлик, шундай хусусиятга эгалик.

**ЧОПИШМОҚ I I Чопмоқ I** *фл. бирг. н.* Болалар кўчага чопишиб чиқишди.

2 Бир-бири билан ким ўзиш ўйнамоқ, югуришдан мусобақа қилмоқ. *Қани, чопишасизми мен билан?* Ойбек, Танланган асарлар.

**ЧОПИШМОҚ II Чопмоқ II** *фл. бирг. н.* Қилич билан чопишмоқ. *Ғўзани кетмон билан чопишди.*

**ЧОПИҚ** *қ.х.* Ўсимликларнинг таги, ён-атрофларини чопиб юмшатиш. *Ғўза чопиғи. Теша чопиқ.* ■ *Пахта олма пишди, шотут қизарди, Учинчи чопиқни бошладик кеча.* Ғ. Ғулом. *Ниҳоллар ўзини тутиб олгунча шу хилда уч марта чопиқ қилиш керак.* А. Кўчимов, Ҳалқа.

**Чопиқ трактори** Экинларнинг қатор ора-ларига ишлов берадиган трактор.

**ЧОПИҚЧИ** Чопиқ қилувчи, чопиқ ишларини бажарувчи деҳқон. *Қумғонда чой келиши билан.. чопиқчилар чуғурчуқдек қумғонга ёпишдилар.* А. Қодирий, Обид кетмон. *Тогдан эсан шабада.. қизил, кўк, оқ ва сариқ кўйлакли чопиқчи аёлларнинг чекка сочлари ва бошларидаги рўмолларини бетиним елтиди.* П. Турсун, Ўқитувчи.

**ЧОПМОҚ I I** Бирор йўналишда оёқлар билан жуда тез ҳаракат қилмоқ, югурмоқ. *Кўпинча Азизхон сменадан чиқарди-ю, адир ёқалаб «Қирғизовул»га чопарди.* С. Аҳмад, Уфқ. *Катта тезлик билан қиялаб чопаетган Фозил ака дуч келган харсангдан ҳатлаётиб, қоқилиб тушибдилар.* М. Хидир, Қирғоқлар.

2 Отга минган ҳолда уни югуртирмоқ. *Бувиси буваси билан ёнма-ён от чопиб, душман билан олишган экан.* Ў. Умарбеков, Бобоёнғоқ.

3 Кўпқари мусобақасида қатнашмоқ, иштирок қилмоқ. *Улоқ чопмоқ.* ■ *Кўпқари-*

*ни чопиб ётир Ўн икки мингча бойбачча.* «Гулшанбоғ».

4 *кўчма* Бирор мақсадни амалга ошириш учун тегишли жойларга бормоқ, ҳаракат қилмоқ. *-У ёққа чопдим, бу ёққа чопдим, охири ишимни битирдим, — деди хола.* Газетадан.

5 Ирғимоқ, ошмоқ (эркак ҳайвон ҳақида).

**Бахти (ёки омади) чопмоқ** Бахти, омади келмоқ. *Ўйлаб кўрсам, укам, бахтинг чопибди.* «Ойсулув». *Аёллар бобида омадим чопмаган.* М. М. Дўст, Лолазор. **Бетга (ёки юзга) чопмоқ** Раъй-андиша қилмай, қаттиқ, шартта гапирмоқ. *Бечора Зеби.. Қанчадан-қанча захру заққум ютди-ю, ҳеч кимнинг раҳми келмади. Ёрдам қилиш ўрнига, юзига чопдилар, нолойиқ хотин, қўшнимизнинг тенги эмас, дедилар.* Ш. Рашидов, Қудратли куч. **Кўнгли чопмади** Бирор хатти-ҳаракатни амалга оширишга юраги бетламади, юраги дов бермади.

**ЧОПМОҚ II I** Тигли асбоблар билан зарб бериб парчаламоқ, ёрмоқ, кесмоқ. *Севаргул хаёли чалғиб, ташқарига қулоқ солди: онаси гўшткундада гўшт чопяпти.* Н. Қиличев, Чигириқ. *[Толибжоннинг қўшниларидан] Бири ходаларнинг пўстлогини шилади. Бири пойтеша билан тўсин чопди.* С. Аҳмад, Жимжитлик.

2 Тигли асбоблар билан зарб бериб ўлдирмоқ, кесмоқ. *Юртдан айрилганни ёв чопар.* Мақол. ■ *Одамлар ғуж бўлиб, бир-бирига найза санчар, қилич билан чопар эди.* М. Осим, Карвон йўлларида.

3 Ўсимлик таги ва атрофини, умуман, ерни кетмон ва ш.к. билан ишламоқ, юмшатмоқ; чопиқ қилмоқ. *Ғўзаларни чопмоқ.* ■ *Кетмон чопдим, тер тўкдим, Арпа, бугдой — дон экдим.* Қ. Муҳаммадий. *Ойим молга қарайди.. қулуннай пушталарини чоподи, терт қоради.* Ў. Ҳошимов, Икки эшик ораси.

**ЧОПОВУЛ I тар. ҳарб.** 14–19-асрларда Ўрта Осиёда душман томонга кўққисдан ҳужум қилиб, уни парокандага учратишдан иборат тактик усул.

2 *тар.* Душман ҳарбий кучлари ва объектларига тўсатдан ҳужум қилиб, ўлжа келтирувчи суворий гуруҳ.

3 *шв.* Югурдак, хизматкор.

**ЧОПОН** Кийим устидан кийиладиган, ичига пахта солиб қавилган узун миллий

кийим; тўн. *Беқасам чопон. Пахтали чопон. Зарбоф чопон. Чопон кийгизмоқ.* ■ *Бавдазон ош тортилиб, андин сўнг фақирга заррин чопон ва яна жиғалиқ салла келди. А. Қодирий, Кичик асарлар. Зийрак чол уйқудан уйғониб сахар, Янги чопонини ташлар елкага. Миртемир. Юсуфбек ҳожии эғнида кимхоб чопон билан ўрдадан чиқди. А. Қодирий, Ўтган кунлар.*

**Бир чопони (ёки тўни) икки бўлмади** Қашшоқликда кун кечиради; косаси оқармади; ёлчимади. *Ўзингиз биласиз, тўрт йилдан бери бу ерда ишлайман, тиним йўқ, ишдан бошим чиқмайди. Лекин ҳали ҳам бир чопоним икки бўлмади. Ойбек, Танланган асарлар. Чопонини тескари киймоқ айн. тўнини тескари киймоқ қ. тўн. Эски чопонлар эск. Камбағал одамлар, қашшоқлар. Эски чопонлардан битта-яримтаси соддалик билан мабодо келиб қолса, тўйбошиларнинг кўзлари олаяди. Ойбек, Танланган асарлар.*

**ЧОПОНФУРУШ** Чопон, тўн билан савдо қилувчи, чопон сотувчи. *Рўзиматнинг отаси.. маҳалласидаги Сўфичопон деган чопонфурушга қаролик ҳам қиларди. Туйғун, Шоир ҳақида ҳақиқатлар.*

**ЧОПТИРМОҚ I** Чопмоқ I фл. орт. н. Чўпон йигит отини чоптириб кетди. С. Анорбоев, Меҳр.

**2 с. т. бол.** Шариллатиб сиймоқ (эркалар ҳақида). *Анов бойваччанинг устига чоптирайми! Жуда қистаниб турибман. Ойбек, Танланган асарлар.*

**ЧОП-ЧОП** Бирор ишни битириш учун тезлик билан ҳаракат қилиш; югур-югур. *Атиги уч кун муҳлат берилган эса-да, ҳайбат аззолари қарийб икки ҳафта чоп-чоп қилиб ҳам топшириқни уддалай олмади. «Ёшлик».*

**ЧОПҚИ I** Шох-шабба қирқиш, гўшт, пиёз қиймалаш ва ш.к. ишларда ишлатиладиган катта ва оғир, пичоққа ўхшаш рўзғор асбоби; ошпичоқ. *Чопқида гўшт қиймаламоқ.* ■ *Пичоқ, ўроқ, чопқи, ранда ва бошқа меҳнат қуролиларини ўткирлаш учун ишлатиладиган предмет «эгов» деб юритилади. «ЎТА». Ҳадемай барғни новдадан ажратиш учун ҳаракатга келган чопқи ва пичоқларнинг чиқ-чиқи авжга минди. Газетадан.*

**2 эск.** Қиличга ўхшаш жанг қуроли; ойболта. *Шу олмос чопқи билан бир уриб, кичанни узди. «Нурали».*

**ЧОПҚИЛАМОҚ** Чопқи билан бирор нарсани кертмоқ, қиймаламоқ ёки чопмоқ. *Гўшт чопқиламоқ.*

**ЧОПҚИЛАМОҚ** Майда қадамлар билан тез юрмоқ, югурмоқ. *Гулнора «Шошма» деди-ю, чопқиллаб уйларига кириб кетди. «Ёшлик». Бола иккиланиб, пулни олди-да, эшик томон чопқиллаб кетди. А. Кўчимов, Ҳалқа. Ўзвзхон Ботиралининг ёнбошида ҳамон чопқиллаб юриб келарди. Ҳ. Фулом, Машғал.*

**ЧОПҚИН** Тигели қурол билан ёппасига чопиш; кесиш; қирғин. *[Алимқулбек] Умрининг кўпчилиги жонталашларда, чопқинларда ўтган. Мирмуҳсин, Тунги чақмоқлар.*

**ЧОПҚИР** Тез чопадиган, елдай юғурадиган; чопагон, учқур, юғурик. *Чопқир бола. Чопқир от — ўткир пичоқ. Мақол. ■ Бу ерда узоқ кутиб қоладиган бўлса, ҳар қандай чопқир отда, шамол извошда ҳам отасига етиб олиши амримаҳол. Ҳ. Фулом, Замин юлдузлари. ..муаллимнинг кўп яхши чопқир оти бор эди. Ш. Холмирзаев, Оғир тош кўчса.*

**ЧОПҚИРЛИК** Чопагонлик, учқурлик, тез югуришлик. *Туркман отлари чопқирлиги билан машхур.*

**ЧОР I** [ф. چار / چهار — тўрт, тўртта] Тўрт, тўртта. *Чор фасл. ■ Қочай деса, чор атрофи беркилди майдон ичинда. Эргаш Жуманбулбул ўғли.*

**Чор айланмоқ** Гир айланмоқ. *[Маҳмуд] Аиторлик дўкон эгаси сифати билан савдо бозорини чор айлана бошлади. Н. Сафаров, Ниқоб йиртилди. Чор ишқал Кўл, оёқ, кўз ва қулоқ. Чор ишқали бут I) тўрт мучаси бут, соғлом; 2) кўчма ҳамма ишни жойида, хотиржам. Чор улфат ёки улфати чор Тўрт улфат, тўрт дўст; улфатлар, дўстлар. Улфати чор, анда муста бор. Матал. ■ Бу «улфати чор» ичида катта саллали, оппоқ соқолли, лекин вазвоҳати йигитдай бир кекса киши.. диққатни ўзига жалб этади. Ойбек, Танланган асарлар.*

**ЧОР II** [р. царь — подшоҳ, ҳукмдор] тар. Россия подшоси. *Чор ҳукумати. Чор Россияси. ■ Табиий, отам Россия чор ҳукумати сира ҳам тиламайди. А. Қодирий, Кичик асарлар.*

**ЧОРА I** [ф. چاره — ёрдам бериш йўли; дори-дармон; пул; қутулиш йўли] I Бирор ишни, мақсадни амалга ошириш, рўёбга

чиқариш ёки унинг олдини олиш учун пухта ўйлаб тузилган, ишлаб чиқилган тadbирлар мажмуи; илож, тadbир. *Сўнги чора. Кескин чоралар. Эҳтиёт чоралари. Касалликка қарши кураш чоралари.* ■ *Завод иқтисодини кўтариш чораларини излаб топиш энг долзарб масала бўлиб турибди.* Газетадан.

**Жазо чоралари** Маъмурий ёки суд йўли билан бериладиган жазолар. **Маъмурий чоралар** Маъмурий йўл билан бериладиган жазолар.

**2** Бирор қийинчиликдан, мураккаб вазиятдан қутулиш йўли; илож. *Чора изламоқ. Чора топмоқ.* ■ *Қайин отангиз, эҳтимол, бунинг бирор чорасини топар!* А. Қодирий, Ўтган кунлар. У [Темур Малик] мўғулларга панд бериб, уларни қириб ташлаш чорасини изларди. Мирмуҳсин, Темур Малик. *Долон ўртасида тезак тутаб туради. Бу чивинлардан сақланиш учун бир чора.* Ж. Шарипов, Хоразм.

**Чора кўрмоқ** 1) тadbир кўрмоқ; бирор мақсадни, ишни амалга ошириш ёки унинг олдини олиш учун зарур шароит яратмоқ. *Врачлар мумкин бўлган барча тиббий чораларни кўрдилар.* «Фан ва турмуш»; 2) иложини, йўлини топмоқ, иложини қилмоқ; 3) жазо, танбеҳ бермоқ. *Қаерда кўй йўқолса, Айбдор — биз, бурилар. Еган мудир-ку, унга Қачон чора кўрилар?* Газетадан.

**ЧОРА II** Катта ёғоч тоғора. *Дастурхон ёзилиб, каттакон чора товоқда архар гўшти келтирилганда, Махсум меҳрибонлик билан сўз бошлади.* С. Анорбоев, Оқсой.

**ЧОРАБЗАЛ** [ф. چارابزار — тўрт буюм, ашё] Керакли нарсалар, асбоб-ускуналар, қурол-яроғлар ва ш.к. нинг жами. *Ишнинг чорабзали бут. Тўйнинг чорабзали тахт қилинди. Сафарга чиқиш учун чорабзал шай қилинди.*

**ЧОРАК** [ф. چاراك / چاريك — тўртдан бир] **1** Тўртдан бир улуш; тенг тўрт бўлакнинг ҳар бири. *Чорак аср. Чорак кам бир соат.* ■ *Мен Абдулла Қаҳҳор билан чорак аср турмуш кечириб, «Хотинни хотин қиладиган ҳам эр» деган хулосага келдим.* К. Қаҳҳорова, Чорак аср ҳамнафас.

**2** Ўқув йилининг тўртдан бир қисми. *Биринчи чорак. Чорак баҳолари.* ■ *Учинчи чоракнинг охири эди.* «Ёшлик». *Уша йили кузда Бегимхон еттинчи синфнинг биринчи*

*чорасидан кетиб қолди.* И. Раҳим, Чин муҳаббат.

**3 шв.** Баъзи ҳудудларда беш пуд (87,36 кг) га, баъзи жойларда беш қадокқа, яъни икки килограммга (кичик чорак), баъзи жойларда эса ўн қадокқа, яъни 4,1 кг га (катта чорак) тенг оғирлик ўлчови. [Қодирқул:] *Ундай бўлса, мени банкага ташлаб келасан-да.. оմбордан ярим чорак гуруч олиб, секингина боғ томондан Нурмат акагникига ўтказиб қўясан.* Ҳамза, Бурунги сайловлар.

**ЧОРАКОР** [ф. چارەكار — тўртдан бирга ишловчи] тар. Бойлар ерида, олинадиган ҳосилнинг тўртдан уч қисмини ер эгасига бериш шarti билан ёлланиб ишлаган, ўз ери ёки от-уловига эга бўлмаган деҳқон. [Ҳасан:] *Ана шу мен оламан деб турган ерни Дўсмағбойнинг чоракори олиб қўймадими?* Ҳамза, Бурунги сайловлар.

**ЧОРАКОРЛИК** Чоракор бўлиб ишлаш; ер ижараси турларидан бири. *Бутун умри чоракорликда йўқчилик билан ўтган оилада дунёга келган Тошпўлат..* К. Яшин, Ҳамза.

**ЧОРАКТА** Чорак катталигидаги, чорак қисмга тенг. *Чоракта нон.*

**ЧОРАСИЗ I** Амалга оширишнинг ёки олдини олишнинг иложи бўлмаган; чораси йўқ, иложисиз. *Чорасиз дард. Чорасиз иш.* ■ *Ҳуссага ботса одам — муҳаббатга суянгай, Чорасиз қотса одам — муҳаббатга суянгай.* А. Орипов.

**2** Мушкул, ноилож аҳволга тушиб қолган; ночор, бечора. *Чорасиз бир инсон учраган дамда, Унсиз саволига қилдингми жавоб?* А. Орипов.

**ЧОРАСИЗЛИК** Ноилож ҳолга тушиб қолишлик, чорасиз аҳвол. *Аҳмадали кўприкка ета-етгунча чорасизлик азобидан бўзлаб ўтирсан опасининг қиёфаси куз ўнгидан ўчмади.* «Ёшлик».

**ЧОРАСОЗ** [ф. چارهساز — чора қилувчи, топувчи] кам қўлл. Тadbиркор, тadbирли, ишбилармон. *Тўғонбек каби пухта, чорасоз одамлардан бир нечасини шаҳарда ўз хизматларига олурлар.* Ойбек, Навоий.

**ЧОРБОЗОР** [ф. چاربازار — тўрт бозор] тар. Ҳафтанинг ҳар хил кунларида, бошқа-бошқа яқин қишлоқларда бирин-кетин ўтказиладиган бозорлар. *Пиёё яхши битган билан нархи арзон, [Кўкан] Сотолмасдан чорбозорда бўпти сарсон.* Ф. Фулом.

**ЧОРБОЗОРЧИ** *тар.* Чорбозорда савдототиқ билан шуғулланувчи савдогар. *Чорбозорчи жаллоблар.* ■ *Кеча бир чорбозорчи келди. Хуржуни тўла каклик. Ш. Холмирзаев, Бодом қишда гуллади. Ёз ҳам ўтди, куз ҳам келди, қишлоқ чорбозорчиларининг куни тугди.* С. Абдулла, Соялар.

**ЧОРБОҒ** [ф. چارباغ — тўртта боғ: катта ва кўркем боғ] Шаҳардан ташқаридаги ҳовли-жойли, кўрғонли боғ, боғча. *Алишер Навоий шаҳар ташқарисиддаги чорбоғига кўчиб чиқди.* М. Осим, Карвон йўлларида. *Чорбоғларингда мевалар пишиб, тағига тужиб ётибди.* С. Нуров, Нарвон.

**ЧОРБУРЧАК** *айн. тўртбурчак.* *Чорбурчак хона. Чорбурчак қоғоз.* ■ *Ҳарамхона ҳовлисига чорбурчак гишт ётқизилган.* М. Осим, Карвон йўлларида. *Хайрият.. атир солинган чорбурчак қути ҳам ҳеч жойда кўринмади.* М. М. Дўст, Лолазор.

**ЧОРВА** [ф. چاروا / چارپا — тўрт оёқ(ли)] Қишлоқ ҳўжалигида: кўй-кўзи, мол. *Чорва моллари. Чорва қишлови.* ■ *Чорва иши пахта ишидан ҳам нозик.* Ш. Холмирзаев, Бодом қишда гуллади.

**Чорва одам** *с.т.* Содда, оқкўнгил одам.

**ЧОРВАДОР** [ф. چاروادار — юк ҳайвонларини ҳайдовчи; чорва эгаси] Чорвачилик билан шуғулланувчи киши. *Чорвадорсан, ботирсан, кўлда кўбизинг билан.* А. Орипов. *Устма-уст ёққан қор икки кунда тизза бўйи бўлди. Бу чорвадорларни гангитиб кўйди.* М. Ҳазратқулов, Журъат.

**ЧОРВАДОРЛИК** *айн. чорвачилик.* *Чорвадорлик билан шуғулланувчи ширкат хўжалиги.*

**ЧОРВАЧИ** *айн. чорвадор.* Янги ерларга кўчиш чорвачилар учун бир байрамдек эди. М. Осим, Карвон йўлларида.

**ЧОРВАЧИЛИК** Қишлоқ хўжалигининг чорва молларини боқиш ва урчитиш, чорва маҳсулотлари етиштириш билан шуғулланувчи соҳаси. *Чорвачилик маҳсулотлари.* ■ *Ўтган йилдан эштиборан чорвачилик ҳам фойда бера бошлади, — дейди бош иқтисодчи Хайдарали Жўраев.* «Муштум». *Сополитеналиклар чорвачилик билан ҳам шуғулланган.* «Фан ва турмуш»

**ЧОРГОҒ** [ф. چارگاه — тўрт давр, вақт; тўрт жой, ўрин] Ўзбек мумтоз куйларидан бирининг номи. «Чоргоғ» неча юз йиллардан бери айтилиб келган бўлса, яна юз йил-

лар бўйи айтилиши мумкин. С. Хўжаев, Курмак.

**ЧОРДАНА:** *чордана курмоқ (ёки қуриб ўтирмоқ)* Оёқларни тиззадан букиб ва тиззадан пастини бир-бирига чалкаштириб босиб ўтирмоқ. *Шундан сўнг ўзи [Юсуф Асвад] ҳам саватнинг ёнига келиб, чордана қурди.* Мирмуҳсин, Илон ўргатувчи. *Ошно ўзини сал ўнглаб, ерга чордана қуриб ўтирди.* М. М. Дўст, Лолазор.

**ЧОРДАРД** [ф. چاردرد — оғир дард: тўлғоқ азоби] Туғиш вақтидаги энг кучли ва давомли дард, тўлғоқ.

**ЧОРДЕВОР** [ф. چاردیوار — тўрт(та) девор] Ҳамма томони девор билан ўраб олинган, тўрт девор. *Ишлар ўтди-ю, қишлоқ Ўзгармади ва бироқ Ёқадаги чордевор Чукиб қолди бемадор.* Ҳ. Олимжон. *Деворларда, чордеворларда исирикнинг бўйларин туйдим.* А. Маҳкам.

**ЧОРДОҚ** [ф. + а. چارطاق — тўрт қиррали гумбаз] Том билан шип оралиғидаги бўш жой; чердак. *Чеккадаги эгасиз ҳовлининг чордоғига биқиниб, қишлоқни кузатдик.* Н. Сафаров, Оловли излар.

**ЧОРЁР** [ф. چهاريار / چاريار — тўрт дўст: Муҳаммад пайғамбарнинг тўрт издоши] *дин.* Муҳаммад пайғамбар вафотидан кейин араб халифалигида ҳокимият тепасида турган дастлабки тўрт халифа (Абу Бакр, Умар, Усмон, Али). *— Олинг, олдирманг.. чорёр мадаккорингиз бўлғайлар! — деб халифа.. уйдан чиқдилар.* С. Айний, Қуллар. *Мусулмонни дўстим десин чорёр.* «Юсуф ва Аҳмад». *Ислом анъанасида чорёрлар ҳукмронлик даври исломнинг олтин асри деб юришлади.* «ЎЗМЭ».

**ЧОРЗАРБ** [ф. + а. چهارضرب / چارضرب — тўрт зарб, такт] Ўзбек мумтоз куйларидан бирининг номи.

**ЧОРИ** Дон маҳсулотларини галвирлаб тозалашда, элашда ҳосил бўладиган қолдиқ. *Катта хирмон қизил бўлса, чори чиқмас.* Мақол. ■ *Бозорда хирмоннинг фақат чориси қолди.* С. Айний, Дохунда.

**ЧОРИЗМ** [р. царизм — подшоҳлик] *тар.* Россия подшоҳининг, монархиянинг чекланмаган ҳокимиятга асосланган давлат тузуми.

**ЧОРИКОР** *с.т. айн. чоракор.* *Кетмон, чўкич, ўроқ, сўйил кўтарган жабрдийда қосиблар, деҳқонлар, чорикорлар, қўшчилар*

тўдалашиб, *Хива сари отланди*. С. Сиеёв, Аваз.

**ЧОРИҚ** Қаттиқ хом теридан тикилган, асосан тоғлик худудлар халқлари орасида расм бўлган оёқ кийими. *Нодонни сийласанг, чориги билан тўрга чиқар*. Мақол. ■ *Омон мерган маҳси устидан чорик кийиб олган, оёғи энгил, қорга ботмасди*. Ш. Холмирзаев, Бодом қишда гуллади.

**Чорик судрамоқ** Бир икки бўлмай, ҳеч нарсага ёлчимай кун кечирмоқ. *Қийинчиликка қийин, болам. Лекин чоригимизни судраб юрибмиз*. Ойбек, Танланган асарлар. **Юзи чорик** Юзи шумшук; юзи хунук. *Борнинг юзи ёруғ, йўқнинг юзи чорик*. Мақол.

**ЧОРКУНЖ** [ф. چاركنج — тўрт бурчак(ли)] айн. **чорбурчак**. *Шаҳар чеккасидаги тор, каталак ҳовли. Дарвоза олдидаги чоркунж, кичик меҳмонхонада отаси Зайинчи кўса маҳси тикарди*. Н. Аминов, Елвизак. *Паст бўйли, елкалари кенг, юзи чоркунж Шайдулов.. пих-пих кулди*. Ш. Холмирзаев, Сайланма.

**ЧОРКЎЧА** [ф. چاركوچه — тўрт кўча, йўл] айн. **чорраҳа**.

**ЧОРЛАМОҚ 1** Ҳузурига чақирмоқ. *Кувёвни у [Раҳимов] тез-тез Тошкентга чорлаб турарди*. С. Аҳмад, Жимжитлик. *Табибий гўё ушбу фармонни била туриб, атайин Авазини саройга чорлаб кетгандад хижолат кечди*. С. Сиеёв, Аваз. *Азон жамоатни пешин намозига чорлади*. «Шарқ юлдузи».

**2** кўчма Бирор нарсага ундамоқ. *Бу нидо кетмагай қулоғимиздан, Бизни тинчлик учун курашга чорлаб*. «Шарқ юлдузи». *Баҳор бизни яна янги меҳнатга, ижодга.. чорламоқда*. «Саодат».

**ЧОРЛОВ** Чақириниш, ундаш. *Мархумнинг тушидаги чорлови бир неча кунгача юрагини гаш қилиб юрди*. «Ёшлик». *Бу соғинч, бу чорлов [қизнинг] юз-кўзларида ўз ифодасини топади*. «Саодат».

**ЧОРМИХ** [ф. چارمىخ — тўртта мих; тўрт қиррали мих; ўтмишда жазолаш воситаси ва усули] Катта мих. *Отаси Афғонистондан олиб келган дандон сопли устара ярим очиклигича чормихга илиниб турарди*. С. Сиеёв, Аваз.

**ЧОР-НОЧОР** [ф. چارناچار — истар-истамас, ноилож] рвш. **1** Ноилож; истар-истамас. *Чор-ночор рози бўлмади*. ■ *Саид кўнгли гашланиб, ўрнидан турди, чор-ночор галстугини тақди*. Х. Султонов, Бир оқшом эртаги.

*Шавкат чор-ночор ўртоқлари билан хайрлашди*. Қ. Кенжа, Тоғ йўлида бир оқшом.

**2** Муҳтожлик билан, муҳтожликда. *Чор-ночор кун кечирмоқ*.

**ЧОРОЙНА** [ф. چارائنه — тўрт ойна, кўзгу: совут; қурол-яроғ] фольк. Тўрт парча ясси темирни бириктириб ясаладиган, зирқли кийим устидан кўкрак ва елкага тақилладиган ҳимоя мосламаси. *Дубулға бошида, чоройна тўшида, худди яшин оққандай бўлиб, беқлар тизлиб келяпти*. «Юсуф ва Аҳмад».

**ЧОРПАЛАК** [ф. چارپلاک — тўртта палак] **1** Бодринг, қовун, ғўза сингари ўсимликларда тўртинчи барг чиқарган ниҳол. *Ғўзалар чорпалак бўлиб қолди*.

**2** Шундай ниҳоллар чиқариш даври. **ЧОРПАҲИЛ** [ф. چارپهلو — тўртта томон(ли); семиз, тўла] Тўладан келган, яғрини кенг; ғўлабур, миқти. *Чорпаҳил йигит*. ■ [Ўртоғининг] *Бўйи Маҳжамниқидан настрок, лекин чорпаҳил эди*. П. Қодиров, Уч илди. *Йигит дарвозахонага кириб кетди-да, чорпаҳилдан келган ўрта ёшли кишини бошлаб чиқди*. М. Осим, Карвон йўлларида.

**ЧОРПОЯ** [ф. چارپايه — тўртта оёқ(ли); табуретка] Очиқ ҳавода ўтиришга, ётишга мўлжалланган, тўрт оёқли ва панжарали катта кенг ёғоч каравот, сўри. *Хола айвондаги чорпояга кўрпача тўшаб, чой дамлаб келди*. С. Нуров, Майсаларни аёз урмайди. *Қизлар чорпояга чиқиб, кўрпачага ўтиради, Ражаббой Сатторни ўчоқбошига чақирди*. Ў. Усмонов, Қисмат.

**ЧОРРАҲА** [ф. چارراه / چهارراه — тўртта кўча ёки йўл кесишган жой] **1** Транспорт қатнайдиغان кўчаларнинг кесишган, серқатнов, гавжум жойи; чоркўча. *Аҳмад бригадир чорраҳадаги светофорнинг сариқ кўзи ёниб турганда шошиб ўтиб кетди*. С. Нуров, Майсаларни аёз урмайди. *..чорраҳалардаги олабула тўсиқлар, семфор чироқлари жуда кўримли эди*. «Шарқ юлдузи».

**2** кўчма Ҳаёт, умр йўли; ҳаётдаги туб бурилишлар даври. *Умр чорраҳалари*. ■ *Аҳмаджоннинг ҳаёт чорраҳаларидан Адолат ғойиб бўлди-ю, бу чорраҳалар жуда-жуда зерикарли, файзсиз.. бўлиб қолди*. С. Нуров, Майсаларни аёз урмайди.

**ЧОРСИ, чорсу** [ф. چارسوق / چارسوق — тўрт томон; тўғри бурчакли квадрат; бозорда расталар кесишган майдон] **1** сфт. тар. Тўрт томони тенг тўртбурчак шаклидаги;

квадрат. *Чорси рўмол. Чорси ҳовуз.* ■ *Новдалари қирқилавериб тўмтоқ каллак бўлиб қолган қатор тут дарахтлари чорси карталарни ажратиб турибди.* Мирмуҳсин, Умид. *У каттакон чорси қийиқчанинг бир учидан тўтиб силкипти.* Ў. Ҳошимов, Икки эшик ораси.

**2 шв.** *от* Белбоғ, қийиқча. *Бобур мижжаларида йилтираган томчиларни ипак чорси билан артишдан истиҳола қилмади.* Х. Султонов, Бир оқшом эртаги. *Мулла Чори, қўлида тупроқ солинган кўк чорси, Ғайбаровнинг ёнига келди.* М. М. Дўст, Галатепага қайтиш.

**3 шв.** *от* Катта рўмол. *Кампир негадир оқ сурп чорсисининг учини лабига қистириб олган, юзи сирлироқ кўринарди.* М. М. Дўст, Галатепа қиссалари. *Қаришмада оппоқ чорсига ўралган.. бор дунёси фариштадай улуғ сиймо турарди.* А. Нурмуродов, Уруш бевалари. *Юзларини тилим-тилим ажин қоплаган қайнонаси дока чорсисининг учларини кифтларига евагай ташлаган кўйи.. муштдек кичрайиб ўтирарди.* Н. Қиличев, Чиғириқ.

**4** Тарихий шаҳарларда: усти ёпиқ савдосотиқ жойи, яъни бозорнинг марказий, расталар кесишган жойи; умуман, савдосотиқ жойи. *Авазхон бундай қараса, шаҳар.. чорсу билан регистондан иборат экан.* «Гулшанбоғ». *Хивада чорсу дўконлари кўпроқ Ота ва Полвон дарвозалар кўчалари бўйлаб жойлашган эди.* «ЎзМЭ».

**ЧОРСУПА** [ф. + а. چارصفا — тўрт(та) супа] Тўрт томонининг узунлиги бир хил супа. *Ҳовли саҳни оппоқ, чорсуна юзи, супа устидаги сўри ёғочлари оппоқ.* «Шарқ юлдузи».

**ЧОРТАНГ** [ф. چارتنگ — тўрт томони сиқик, камбар, зич] Қизгин, жўшқин, жонли (гап, суҳбат ва ш. к. ҳақида). *Чортанг суҳбат. Чортанг ўтириш.* ■ *Шоирнинг одатда суҳбат қурадиган хонасига кирганида, гап чортанг эди.* Ойбек, Навоий.

**ЧОРТОР** [ф. چارتار — тўртта тор(ли)] Тўрт торли мусиқа асбоби.

**ЧОРТОҚ** [ф. + а. چارطاق — тўрт қиррали гумбаз; айвон] Хонларга, бекларга мансуб ҳашаматли бино; сарой, қаср. *Тунов кун Бадиуззамон мирзо ўз чортоқида.. бир мажлис тартиб бермишлар.* Ойбек, Навоий.

**ЧОРХАРИ 1** Тўртта кесишувчи хариси бўлган, тўрт харили.

**ЧОРХАРИ УЙ (ёки айвон)** Ўртадаги битта устунга таянувчи тўртта харили катта квадрат хона, айвон. *Катта, чорхари уйга кирдилар.* *Чол Жамшидни қўярда-қўймай тўрга ўтқазди.* «Ёшлик».

**2** Моллар турадиган бостирма.

**ЧОРЧЎП** [ф. چارچوب — тўртта ёғоч, тахта] **1** Тўртта тахтачадан ясалган рамка. *Дераза кўзлари, ром чорчўплари ва ғишлари яна титради.* «Ёшлик». *Стол устидаги чиройли чорчўпга солинган, чоғроқ катталикдаги сурат.. беихтиёр киши ихтиёрини ўзига жалб этарди.* Н. Қиличев, Чиғириқ.

**2** бнк. Иморатнинг тўрт девори пойдеворида қўйиладиган тўрт тагсинч.

**ЧОРШАНБА** [ф. چارشنبه / چهارشنبه — шанбадан кейинги тўртинчи (кун)] Ҳафта-нинг яқшанбадан кейинги учинчи куни. *Пайшанбанинг келиши чоршанбадан белгили.* Мақол. ■ *Чоршанба — муродбахш кун, дейдилар.* Газетадан.

**ЧОРҚИРРА 1** Тўрт қиррали. *Шавкат айвоннинг чорқирра устунини кучоқлаб, энасига зимдан қараб, жилмайиб тураверарди.* Қ. Кенжа, Тоғ йўлида бир оқшом.

**2** Бугдой нави.

**ЧОТ** Икки сон ораси; бут оралиғи. *Ғозга эргашаман деб, чумчуқнинг чоти айрилибди.* Мақол.

**ЧОТМОҚ** фольк. Урмоқ, саваламоқ. *Аччиқлансам, отга қамчи чотарман.. «Алпоммиш».* *Ғайрат қилиб бу бекзот «Чуҳ», деб қамчини чотди.* «Интизор».

**ЧОЧ** с.т. Соч, зулф. *Турқи яши болам, сендан сўрайман, Чочи узун қизим, қайда борсан?* «Эрали ва Шерали».

**ЧОЧВОҚ** с.т. Сочбоғ. *Хотинининг кучи йўқ, Чочвоғининг учи йўқ.* «Кўшиқлар».

**Чочвоқ ўт** Пояси сутли ёввойи ўсимлик.

**ЧОЧИҚ I** с.т. Сочик, лунги.

**ЧОЧИҚ II 1** Сочилган, сочилиб ётган;

паришон.

**2 этн.** Тўйларда куёв, янги туғилган ёки хатна қилинаётган бола бошидан сочиладиган ва асосан, болалар талашиб-тортишиб териб оладиган майда пул, ширинлик ва ш.к.; сочқи. *Куёв поччангиз келди, қочингиз, Чочиқ чочингиз, йўлн очингиз.* Ғ. Фулом.

**ЧОЧМОҚ** с.т. Сочмоқ; сепмоқ. *Эралихон подшо арава-арава танга-тилла чиқариб, Бўзўғлон подшонинг ўз иззати билан бошидан чочди.* «Юсуф ва Аҳмад».

**ЧОЧОҚ** Сочоқ, попук. *Дастурхон чочоғи. Чочоқ гулли ўсимлик.* ■ *Минган оти тўбичоқлар, Найзада заррин чочоқлар.* «Гўр-ўглининг туғилиши».

**ЧОЧОҚБОШ** Чочоқ бошли, супургимон гулли ўсимлик.

**ЧОЧПОПУК** с.т. Сочпопук.

**ЧОЧҚИ** айн. **чочиқ** II 2. *Аскарнинг боши узра чочқилар чочилди.* «Ёшлик».

**ЧОШ** I Тозаланган галла, пахта ва ш.к.нинг хирмондаги уюми; уйилган галла, хирмон. *Қариндошинини ошега чақир, чошга чақирма.* Мақол. ■ *Ҳайдар галвирни олиб, чош бошига келиб тўлдирди.* С. Айний, Қуллар.

2 рвш. Лиммо-лим, лиқ тўла. *Яхшилаб ош дамлаб, ноз-неъматлару бизнинг ўзимиздан чиққанларини дастурхонга чош этиб, гурунгни гуллашиб юбордик.* М. М. Дўст, Лолазор. *Бир оз фурсат ўтиб, кампир уйга ҳам катта товоққа чош қилиб солинган гўшт кўтариб кириб кетди.* Н. Қиличев, Чигириқ.

**Чош галвир** Йирик кўзли галвир.

**ЧОШГОҲ** [ф. چاشتگاه — тушгача бўлган вақт] Кун анча кўтарилиб қолган вақт. *Чошгоҳ вақти ўтиб, ота, туш бўлди.* «Интизор». Кун чошгоҳга бориб, туман бутунлай кўтарилди. «Ёшлик». *Уша куни чошгоҳдан то ярим кечагача Темури бехуш ётди.* Б. Аҳмедов, Улуғбек.

**ЧОШНИГИР** [ф. چاشنيگير — татиб кўрувчи] тар. Хон ва подшоҳлар саройида: шоҳ оиласи ошхонасининг бошлиғи (шоҳга тайёрланадиган таомларни дастлаб татиб кўрувчи шахс).

**ЧОШ-ЧОШ** рвш. Тўла-тўла, лиммо-лим тўлдириб, тошириб. *Чош-чош тўрт пиёла гуруч.*

**ЧОҚ** айн. **чоғ** I. *Ўлимга ким тайёр турса ушбу чоқ, Олдинроқ ўлган, ё туғилган ўлик.* Х. Даврон, Қақнус. *Пайдо бўлди айни шу чоқда Тепаликда иккита одам.* Ҳ. Олимжон.

**ЧОҚЛАМОҚ** фольк. айн. **чоғламоқ.** *Қалдирғоч акасини отлантириб, от-анжомини чоқлаб, яхши бор, деб бул сўзни айтиб турди.* «Алпомиш».

**ЧОҚҚИНА** Кичикроқ, унча катта бўлмаган. *Чоққина хона. Ерга қалин кигиз тўшалган.* Ш. Холмирзаев, Қаҳрамоннинг сўнги кунлари. *Мастура кекса бувиси билан Қоратошдаги чоққина ҳовлида яшарди.* Э. Аъзамов, Жавоб.

**ЧОҒ** I Вақт, давр; пайт, кез, кун, он. *Тонг чоғи. Терим чоғи. Шу чоғ. Айни чоғда. Ёш чоғим — олтин чоғим.* Мақол. ■ *Йигитлик йилларим ёдимга келур, Зарафшон бўйларин уйлаган чоғим.* Ф. Гулом. *..қариган чоғимда бир замонлар беомон бой берилган вақтимнинг ҳам ҳиссасини чиқарсам, юзим ёруғ бўлса, деб ўйлайман.* М. М. Дўст, Лолазор.

**ЧОҒ** II Хурсанд, шод, яхши. *Қарға «қағ» этади, ўз вақтини чоғ этади.* Мақол.

**ДИМОҒИ** (ёки **кайфи, кўнгли**) **чоғ** Кайфияти жуда яхши. *Гуруғли султоннинг димоғини чандон чоғ қилиб ёта берди.* «Маликаи айёр». *Қизлар, кайфи чоғ, ғуғулашиб, коридорга чиқишди.* Мирмуҳсин, Илдишлар ва япроқлар. *Қассобнинг ўнг қаватида Самад чол, кўнгли чоғ, келгувчилардан ҳол-аҳвол сўраб қўяди.* «Ёшлик».

**ЧОҒ** III Ўлчови, ўлчами мўлжалдан кичик, кичкина. *Қадди чоғ.* ■ *Унинг [боланинг] жуссаси чоғ бўлса ҳам, чайир эди.* Газетадан. *Кўп ўтмай, ўртадаги чоғроқ столга дастурхон ёзилди.* «Шарқ юлдузи». *-Марҳамат, дўстлар, — деб дастёр йигит чоғроқ бир баркашда столга тўрт сих кабоб қўйди.* Н. Қиличев, Чигириқ.

2 Тор. *Саҳни чоғ ҳовли.* ■ *[Йигитнинг] Этиги ҳам, қўлқони ҳам ўзига чоғ эмас, катта.* А. Мухтор, Туғилиш.

**ЧОҒ** IV: **чоғ бўлиб турмоқ** Тайёр, шай бўлиб турмоқ.

**ЧОҒ** V Куч-қувват, қурб; имконият; истак. *Чоғим келмади.* ■ *Тоғай деворга беҳол суянаркан, уларни қувиб этишга чоғи келмаслигини сизди.* «Ёшлик». *Энди қўйиб берсанг, одамни писанд қилмайдиган чоғи бор.* Н. Норқобилов, Тўқнашув.

**ЧОҒИ** I мод. с. Афтидан, шекилли. *Бу иш қурғоқчилик бўлади, чоғи.* М. М. Дўст, Лолазор.

2 Тахминан; қарийб, чамаси; -га яқин. *Икки минг чоғи одам.* ■ *Алланарса деб ничирлади. Чоғимда, ўша икки сатрни такрорлади.* Ш. Холмирзаев, Бодом қишда гуллади.

**ЧОҒИР** эск. Май, шароб. *Фироқ ўтида овунсам чоғир била не ажаб.. Бобур. Уй эгаси пешвоз бўлиб.. чоғир — қирмиз шароб тутади.* Ҳ. Олимжон.

**ЧОҒИШТИРМА** Солиштирма, таққослама; қиёсий. *Чоғиштирма анатомия. Чоғиштирма грамматика.*



**ЧОҒИШТИРМОҚ** Бирор нарса, воқеа-ходиса, белги ва ш.к. ни бошқаси билан ўзаро таққослаб кўрмоқ; қиёсламоқ, солиштирмоқ. *Ўзаро чоғиштирмоқ. Икки варианты чоғиштирмоқ.* ■ *Нозик Амакини хаёлан ўз دادасига чоғиштириб кўрди.* Х. Гулом, Тошкентликлар. *Яна чоғиштиринг: сапча, чўпчак, чақалоқ каби.* «ЎТА».

**ЧОҒЛАМОҚ** I I Ҳозирламоқ, тайёрламоқ, шай қилмоқ. *Соқи Мажнун кўк отни чоғлаб, эгарлаб олиб келди.* «Нурали». *Ўзимни йўлга чоғласам, Ҳар кимдан сўроқласам, Топарманми, болам, сени?* «Ойсулув».

2 Ҳисобламоқ, ..деб ўйламоқ. *Хуррамбек! ..Э-э, ўзини қарийб Иброҳимбек билан тенг чоғлайди.* Ш. Холмирзаев, Қаҳрамоннинг сўнгги кунлари. *Йўл устида бундай жойда бўлибсан, Ўзингни ким чоғлаб, бобо, турибсан?* «Интизор».

3 Тахмин, мўлжал билан аниқламоқ, мўлжалламоқ, тахмин қилмоқ. *Кўйнинг гўштини қанча чоғладингиз?* ■ *Акбарнинг гўлабурдай бўй-бастига кўз қирини ташлаб, бир уришда қулатиш мумкинлигини чоғлади.* Н. Қиличев, Чигирик. *Агар ёшмини назарда тутаётган бўлсангиз, мени.. йигирма беш яшар чоғланг.* Н. Норқобилов, Бекатдаги оқ уйча.

4 Мўлжалга олмақ, кўзламоқ. *Хотин ҳарам дарвозасини чоғлаб борар эди.* А. Қодирий, Мехробдан чаён. *Ўрлайверди самолёт Олис-олисни чоғлаб.* Газетадан.

**ЧОҒЛАМОҚ** II Ўзини ёки кимсани хурсанд қилмоқ; вақтини, кайфини ёки димоғини чоғ қилмоқ. *Подшо димоғин чоғлади.* «Гулнорпарӣ».

**ЧОҒЛИ** Тахминан, қарийб, деярли; ..чамасидаги. *Элик чоғли аскар. Бир тонна чоғли юк.* ■ *Уни [секретарни] бирданига юз чоғли одам ўраб олди.* «Шарқ юлдузи». *Ўттиз чоғли эркак-аёллар йиғиштиринмоқда эдилар.* Э. Самандар, Дарёсини йўқотган қирғоқ.

**ЧОҒЛИК** I: вақти (ёки кайфи, димоғи) чоғлик Хурсандлик, шодлик. *Одам деган вақти чоғликда ҳам, хафагарчиликда ҳам посангисини йўқотмагани тузук.* М. Исмоилий, Фарғона т. о. **Вақти** (ёки кайфи, димоғи) чоғлик қилмоқ Хурсандчилик қилмоқ, хурсандлик, вақтихушлик билан вақт ўтказиб, кўнгилни ёзмоқ. *Даврон бу бемаъ-*

*ни таърифдан дилғашланиб, киноя билан: -Нега, вақти чоғлик қилиш учунми? — деди.*

**ЧОҒЛИК** Кичиклик; торлик. *Аммо Яшинимиз жуссаси бу пўстинлар учун чоғлик қилиб қолди.* Н. Сафаров, Оловли излар.

**ЧОҒ** [ф. چاه — қудуқ; чукур, ўра] I Чукур ўра. *Бировга чоғ қазисанг, ўзинг йиқиласан.* Мақол. ■ *Зум ўтмай, пол ёрилиб, даҳшатли чоғ кўринди.* «Ёшлик».

2 кўчма Қаър; оғуш. *Сен уни оқ қилдинг! Нега оқ қилдинг?! Разолат чоғига тушдинг юзтубан!* «Ёшлик».

(Тагига) чоғ қазимоқ Бирор кимсага зарар-заҳмат етказиш мақсадида зимдан ҳаракат қилмоқ. *Аслини сўрасангиз, ҳаммамиз бу дунёга меҳмонмиз. Лекин бандаси шуни била-кўра туриб, бир-бирининг тагига чоғ қазийди.* К. Яшин, Ҳамза. [Душманлари] *Сўнг муллага қарши чоғ қазиишининг амалий томонларини гаплашдилар.* «Ёшлик».

**ЧУ** айн. чув I. Чу, қора тойчоғим! Чу, қора йўрғам! *Муродга қасд қилиб югурган етур.* У. Носир. *Кейин эгарга ўтирдим-у, «чу, жонивор», дея эшакка хала босдим.* А. Кўчимов, Ҳалқа.

**ЧУБУР** шв. Оддий, хашаки от. *Бир тулпорни нодон олса, Туёғидан эгар солса, Чубур қилиб миниб олса, Бедовнинг қадрин на билсин.* «Гўрўғлининг туғилиши».

**ЧУВ** I унд. с. Отни чоптириш, олдинга ундаш учун ишлатилади. *-Чув, ҳа! — деди, қамчи хотди, Урган қамчи симдай ботди.* «Ширин билан Шакар». *Чув, дейди тулпор отни, Оти қилди ғайратни, Гўрўғли шердай ҳайбатли.* «Гулшанбоғ».

**ЧУВ** II Арава ўқининг гилдиракни тутиб турадиган қулоғи; чув чўп.

**Чуви чикмоқ** Сири очилмоқ; ёлғони фош бўлмоқ. *Ёлғон гапнинг чуви чиқар.* Мақол. ■ *Борди-ю Маматовнинг чуви чиқадиған бўлса, менинг ҳам ҳолимга маймунлар йиғлаши турган гап.* Ж. Абдуллахонов, Хонадон.

**ЧУВ** III Қиморда тўрт ошиқнинг ютқизиқ ҳолати (битта олчи, учта чикка ёки битта товва, учта пукка).

**Чув тушмоқ** I) қиморда ташланган тўрт ошиқ чув ҳолатини олгани учун ютқизмоқ. *Очиқ кўксига уриб, ошиқ отади. Чув тушиб нечалар, кайф тарқатади.* Ғайратий; 2) кўчма зарар кўрмоқ, зиён тортмоқ, фириб емоқ. *-Тоза чув тушдик-ку! — Ортиқ чидамай, ўрнидан туриб кетди.* М. Мансуров, Ёмби.

**ЧУВАК I** Қотмадан келган, орик; кичкина, озгин. *Чувак бола.* ■ *Бош агроном рангар, чувак юз, бидиллаб гапирадиган йигит эди.* С. Сиёев, Отлиқ аёл. *Узоқ қишлоқларимиздан бирида Уста Хушвақт деган чуваккина одам яшайди.* Мирмуҳсин, Ясама гул.

**ЧУВАК II** Ёзлик енгил оёқ кийими; шиппак. *Ниҳоят, кимнингдир тақ этиб полга тушгани, сўнг енгил чувак судраган оёқ товуши эшитилди.* Ж. Абдуллахонов, Хонадон.

**ЧУВАЛАНМОҚ I** айн. **чувалмоқ 1.** *Чуваланган ип.* *Чуваланган бўйра.* ■ [Аёл] *Пойгакда чуваланиб ётган улама сочини олиб, ичкари уйга кирди.* Н. Аминов, Қаҳқаҳа.

**2** айн. **чувалмоқ 2.** [Нурбекнинг] *Хаёли чуваланмоқда эди.* «Ёшлик».

**ЧУВАЛАШМОҚ I** айн. **чувалмоқ 1.** *Маҳалла кўчаларида.. симёғочлар қийшайиб, баъзи ерларда электр, телефон симлари узилиб, чувалашиб ётарди.* Мирмуҳсин, Умид.

**2** айн. **чувалмоқ 2.** *Баҳонаю сабаб ришталарининг қанчалар чувалашиб бораётганини сезаётган чиқарсиз?* М. М. Дўст, Лолазор. *Заргаров гапирарди-ю, лекин фикри қандайдир чувалашиб кетганини, айтадиган асосий гапи бу эмаслигини пайқаб турар, асабийлашар эди.* А. Мухтор, Бўронларда бордек ҳаловат.

**3** Чуввос солиб ўралашиб юрмоқ (асосан болалар ҳақида). *Оёқ остида чувалаша-верманглар!*

**ЧУВАЛМОҚ I** **Чувамоқ** фл. ўзл. ва мажҳ. н. *Кўлида узилган чипор арқон, салласи чувалиб кетган Вафо аттор рўпарасида хансираб турарди.* Н. Аминов, Қаҳқаҳа.

**2** *кўчма* Аралаш-қуралаш бўлмоқ, қоришмоқ. *Чувалиб кетган фикрлар.* *Чувалган хаёллар.* ■ *Чувалади ўйларим сенсиз, Хаёлимга тарақ ургайман.* А. Орипов. *Ўй-хаёллар гирдобида онанинг фикри чувалгани-чувалган.* «Ёшлик».

**Гап (ёки сўз) чувалди** Гап кўпайди. *Оқсоқолларга бор-буд аҳволни билдириш мумкин эмас. Айниқса, энди гап чувалиб кетади.* О. Мухтор. Эгилган бош.

**ЧУВАЛЧАНГ** Ер остида яшовчи, ёмғирдан сўнг ер устига чиқиб, судралиб юрадиган, умуртқасиз жониворлар гуруҳига мансуб узун қорамтир-қизғиш қурт. *Боссанг, чувалчанг ҳам қимирлайди.* Мақол. ■ *Ариқ-*

*дан топилган ёлғиз чувалчанг ўрмалаб чиқаётган экан.* Ш. Холмирзаев, Бодом қишда гуллади.

**ЧУВАМОҚ I** Ёзмоқ, бўшатмоқ (коптокка, ғалтакка ўралган ёки калаваланган ип, сим ва ш.к. ҳақида). *Ғалтакдаги ипни чувамоқ.* ■ *Ҳакимжон акамлар актни гумдон қилибдилар.* *Калавангнинг учи чувамасин, деб мени «Солор» ресторанига кўчирмоқчилар.* Б. Раҳмонов, Хўжайин кўчди.

**2** Тўқилган нарсани титиб, суғуриб бузмоқ. *Бўйрани чувамоқ.*

**Гап чувамоқ** Гап ковламоқ, гап-сўзни кўпайтирмоқ. **Гап чувайди** Гап айланади, гап-сўз кўпаяди. *Секин, секин гапир! Хотинлар эшитса, гап-сўз чувайди..* Ойбек, Танланган асарлар.

**ЧУВАТМОҚ** **Чувамоқ** фл. орт. н.

**Гап чуватмоқ айн. гап чувамоқ қ. чувамоқ.** *Миробид Муҳаббат тўғрисида ҳам унча-мунча гап чуватиб кўйди.* В. Фофуров, Вафодор.

**ЧУВАШ** қ. **чувашлар.** *Чуваш тили.* *Чуваш аёли.*

**ЧУВАШЛАР** Россия Федерациясининг Чувашия (Чаваш) Республикасида ва унга қўшни ҳудудларда яшовчи туркий халқлардан бири. *Чувашиянинг шимолий қисмига келиб ўрнашган булғорлар билан фин-угор аҳолисининг аралашуви натижасида 15-асрга келиб чуваш халқи шаклланди.* «ЎзМЭ».

**ЧУВВОС** Тартибсиз говур-ғувур гап, товуш; қий-чув. *Қизлар чуввос солиб кулади.* С. Сиёев, Отлиқ аёл. *Бир уй хотин чуввос кўтарди.* С. Аҳмад, Хукм.

**ЧУВИМОҚ I** Титкилаб юмшатмоқ, титмоқ. *Жун чувимоқ.* *Эски пахтани чувимоқ.*

**2** Пахтани чаноғидан суғуриб чиқармоқ. [Аёл] *Лавлагини қозондаги қуруқ сувга ташлаб қўйиб, керосин чироқ ёруғида саҳаргача кўсак чувиди.* С. Нуоров, Нарвон.

**ЧУВЛАМОҚ I** «Чув-чув» деб, отни юришга ундамоқ. *Чувлаб от кўйди ул замон беклар.* «Маликаи айёр».

**ЧУВЛАМОҚ II** шв. Чувурлашмоқ, қий-чув кўтармоқ. *Ҳаммалари чувлашди, Боққа тезроқ етсак, деб.* «Маликаи айёр».

**ЧУВОҚ I** Чуваланган, чувалашиб, чалкашиб кетган. *Чувоқ ип.* ■ *Убошини қуйига энгаштирди ва чувоқ соқолини тузатиб, фикрда қолди.* А. Қодирий, Ўтган кунлар.

**2** *айн. офтобчувоқ.* Исинди чувоқда қушлар. «Шарқ юлдузи».

**Чувоқ офтоб айн. офтобчувоқ.**

**ЧУВРИНДИ 1** Эски-туски, увада, жулдур (асосан, кийим-кечак ҳақида). - *Чувринди чопончада эдинг, оёқларингда эски килиш.. куча четида писта сотиб ўтирардинг, — деди Яхшибоев.* М. М. Дўст, Лолазор.

**2** *кўчама* Эски, жулдур кийимли одам; қашшоқ. *Наинки шу етимча чувринди ҳам эшоний бўлиб, бизнинг қаторимизга қўшилса?! С. Анорбоев, Меҳр. Сен-ку бир чувринди эдинг. Энди одам бўлиб қолдингми? «Шарқ юлдузи».*

**ЧУВУЛЛАМОҚ** *айн. чувурламоқ.* Ҳамма чувуллаб, раиснинг гапини маъқуллади. С. Сиёев, Отлик аёл. *Чувуллашар шодланиб қушлар.* Уйғун.

**ЧУВУР 1** Қоришиқ қий-чув, ғовур-ғувур гап, овоз; чуғур. *Кўчадаги хотинлар чувури, болалар йиғиси юрагига ваҳм соларди.* М. Исмоилий, Фарғона т. о.

**ЧУВУР 2** *шв. айн. чубур.* Шу ёмон чувур билан биздан илгари келибсан. «Алпомиш».

**ЧУВУРЛАМОҚ** Тартибсиз, ҳар ёқдан сўзламоқ, ғовур-ғувур, қий-чув қилмоқ. *Қизлар кампирни алахситиш учун бирдан чувурлаб юборишди.* С. Аҳмад, Онажонлар.

**ЧУВУР-ЧУВУР** *Чувур 1* с. тақр. *Лак-лак одам. Чувур-чувур қилиб, алланималарни гаплашишади.* Ў. Ҳошимов, Икки эшик ораси. *Чувур-чувур тўхтади.* Ҳ. Назир, Ёнар дарё.

**ЧУВ-ЧУВ** *айн. чувур-чувур.* Амаки дарвозани очиши билан болаларнинг чув-чуви эштилди. Газетадан.

**ЧУЙМОҚ** *фольк.* Овга қуш солмоқ; қуш солиб ов қилмоқ. *Шаҳзодаси шунқор қувиб чуйиб юрганда, Хизматқор беклари тинч бўп ётарми?* «Юсуф ва Аҳмад». *Беклар чуяр олтин кўлга қушини.* «Юнус пари».

**ЧУК** *бол.* Ўғил боланинг таносил аъзоси.

**ЧУКБУРРОН** [чук + *ф.* *بران* — қирқиш, кесиш] *этно.* Хатна (ўғил) тўйида тўйнинг охирги босқичи, боланинг чуқини кесиш маросими. *Ўелини чукбуррон қилдираётган экан.* Э. Аъзам, Кечикаётган одам.

**ЧУКРИ** *шв.* Ровоч. [Хуррам:] Тоғдан чуқри опкелиб сотишимни биласизми? «Ёшлик». *Рангон тоғнинг ҳақиқий чўққилари, чуқрилар тигиз ўсган унгулар.. ҳали олдинда эди.* Ш. Бўтаев, Қўрғонланган ой.

**ЧУК(У)РОН** *с. т. айн. чукбуррон.*

**ЧУЛДИРАМОҚ 1** Шалдирамоқ, шилдирамоқ. Баҳор чоғи чулдираган ирмоқлардан.. *Салом бўлсин саховатли йил бошига.* А. Орипов. *Жилғаларда сувлар пастликларга шитоб билан чулдираб оқа бошлади.* С. Аҳмад, Жимжитлик.

**2** Чулдир-чулдир, ёқимли овоз билан сайрамоқ. *Қир устида сўфитўрғай нозик чулдиради.* М. Мансуров, Ёмби. *..рўпарадаги қалин боғлар қўйнида бижилдоқ қушларнинг чулдираб сайрагани эшитилади.* «Ёшлик».

**3** Гўдакка хос гапирмоқ; бижирламоқ. *Жамалаксоч қизалоқ ботинкаси билан эшикни тепиб очиб, чулдираб, Жўрабек ака кавороти ёнига келди.* Мирмуҳсин, Қуламас қоя.

**Чулдираб қолмоқ** Кайфи ошиб ёки довлдира, тили гапга келмай қолмоқ. *Ичкиликка Иваннинг энди иштаҳаси очилган пайтда Мутавалли маст бўлиб чулдираб қолди.* М. Осим, Элчилар. *Азимбойвачча икки пиёладаёқ чулдираб қолди.* С. Аҳмад, Ҳукм.

**ЧУЛДИРАТМОҚ 1** *Чулдирамоқ* *фл. орт. н.*

**2** «Чулдир-чулдир» овоз чиқармоқ (хуштак чалганда, чилим чекканда ва б. ҳолатларда). *Хуштакни чулдирашиб чалмоқ. Чилимни чулдирашиб тортмоқ.*

**ЧУЛДИР-ЧУЛДИР** *тақл.с.* Сувнинг оқиши, қушларнинг сайраси, хуштакнинг чалиниши ва ш.к. да чиқадиغان овозни ифодалайди. *Сувнинг чулдир-чулдири.*

**ЧУЛИ-ЧУЛИ:** *чули-чули бўлмоқ* 1) бепартиб, бошбошдоқ бўлиб қолмоқ; 2) *айн. чулдираб қолмоқ қ. чулдирамоқ 3.*

**ЧУЛКИ** [*р.* чулки, *бирл.* — чулок < *т.* «чулғов, чулғамоқ» с. дан] Хотин-қизларнинг тиззадан юқоригача кийиладиган узун пайпоғи. *Капрон чулки.*

**ЧУЛОН** *шв.* Шулон, тугун оши. *Гўрўғлибек айтди: -Подшо деганнинг қаторида нори бўлади, Ҳамиша фуқароларга бериб турадиган чулони бўлади.* «Гўрўғлининг тугилиши».

**ЧУЛЧИТ** *с.т.* Гапга сира ҳам тушунмайдиған, гап уқмайдиған одам. [Фотима:] *Ҳеч бўлмаса насибанени олсанг-чи! Қандоқ чулчитсан!* А. Қаҳҳор, Оғриқ тишлар. [Малик:] *Чулчитга ўхшаб нега гапга тушунмайсан?* А. Кўчимов, Ҳалқа.

**ЧУЛҒАМОҚ 1** Айлантириб, атрофлаб ўрамоқ, атрофига ўраб қўймоқ, ўраб чиқмоқ. *Нари-бери бўз салласини бошига чулғаб..*

дарвозадан ичкарига кириб бормоқда бўлган Сафар бўзчини маҳдум тўхтатди. А. Қодирий, Мехробдан чаён. *Икромжон от жиловини эгар қошига омонатгина чулғаб, тол тагига келди.* С. Аҳмад, Уфқ.

**2** Қопламоқ, босмоқ, буркамоқ. *Хона ичини ғира-шира қоронғилик чулғади.* «Ёшлик». *Нурбек эти увушганини, теграсини нимҳарир туман чулғганини пайқади.* «Ёшлик».

**3** кўча Рухиятини, вужудини эгалламоқ, банд этмоқ, қамраб олмақ. [*Авазинг*] *Кўксини алам, кек, ифодасиз бир ўтли тугён чулғади.* С. Сиёев, Аваз. *Сунбулахон аяни куни бўйи ваҳимали хаёллар чулғади.* Мирмуҳсин, Умид. *Шундагина бирдан Нурбекнинг вужудини қўрқув чулғади.* «Ёшлик».

**ЧУМАК I шв.** Жўмрак. *Нормат яна уйда қамалиб қолди, энди эски чориқларни ямаш, чумаги синган чойнакларни чегалаш билан овунар эди.* «Ёшлик».

**ЧУМАК II: чумак урмоқ** Ранг, тус олиб, қизариб пиша бошламоқ (эртапишар узум, чиллаки ҳақида). *Бизнинг томорқадаги чиллаки ҳамманикидан олдин чумак уради.* Ў. Ҳошимов, Икки эшик ораси. **Чиллаки чиллакини кўриб чумак уради** Бир-биридан кўриб ўрнак олади, тақлид қилади, бир-биридан ўрганadi. *Чиллаки чиллакини кўриб чумак уради, дегандек Зебонинг шодон руҳи, қарашни Муҳаррамга кўча бошлади.* Шуҳрат, Шинелли йиллар.

**ЧУМОЛИ** Оила, тўда бўлиб бир уяда яшайдиган кичкина ҳашарот; қумурсқа. *Қизил чумоли. Қанотли чумоли.* ■ *Эрта кузнинг илиқ, майин, тиниқ тунуда чумолининг япроқлар устида ўрмалагани ҳам эшитилади.* С. Нуров, Майсаларни аёз урмайди. *Бир гал яримта бошоқни судраб кетаётган чумолини кўрганман.* Ў. Ҳошимов, Икки эшик ораси.

**Чумоли бел** Хипча, ингичка белли, нозик бел.

**ЧУМОЛИЧА** рвш. Чумолидай кичкина, зигирдай. *Шу замон кўзингиз олдидан бирдан Кичик чумолича қолгуси Фарҳод.* А. Орипов. [*Директор:*] *Тушунаман, ҳаммамиз ҳам ёшликда ўт-олов бўлганмиз, кўзимизга фил ҳам чумолича кўринмаган.* «Ёшлик».

**ЧУМЧУҚ** Кўпинча хонадонларга яқин жойларда яшайдиган, ҳашарот ва дон билан озиқланидиган кичкина қуш. *Чумчуқдан*

*қўрққан тариқ экмас.* Мақол. ■ *Чумчуқлар чирқиллайди — Шом бўлганга ўхшайди.* «Кўшиқлар». *Ёмғир ёғаетганда шодон шовуллаган тарнов ҳам, бўғотдаги чумчуқлар ҳам бир нимадан чўчигандай овозсиз қотди.* Ў. Ҳошимов, Қалбингга кулоқ сол.

**Чумчуқ пир этса, юраги шир этади** Салга қўрқадиган, чўчийдиган, қўрқоқ олам ҳақида.

**ЧУМЧУҚКЎЗ** Меваси жингалак туклар билан қопланган, бир йиллик доривор ўсимлик. *Қийма навбаҳорда илк кўкариб чиққан отқулоқ, чумчуқкўз каби доривор гиёҳлардан тайёрланади.* К. Маҳмудов, Ўзбек тансиқ таомлари. *Унда митти-митти чумчуқкўздан тортиб кўнғир кўзигуллару оқсарик бойчечаклар ҳам очилиб ётарди.* Ш. Холмирзаев, Сайланма.

**ЧУН** [ф. چون — қандай? нимага? айнан, худди; чунки] Худди, айнан, -дек, ўхшаб. *Кетиб тандин мадорим, гул юзим чун зафарон ўлди.* Ҳамза. *Кампир бир кун зор-зор чун абри навбаҳор йиғлаб. мени бисёр тангаликка солди.* Ғайратий, Довдираш.

**ЧУНКИ** [ф. چونکه — чунки, зероки] сабаб боғл. Бош гап билан эргаш гапнинг сабабий боғланишини кўрсатади; «негаки», «сабаб шуки», «зероки» маъноларини билдиради. *Чақимчилик ёмон иллатдир, чунки у туфайли одамлар ўртаси бузилади.* Газетадан. *Айниқса, стронций-90 хатарли, чунки у атом портлашларида ҳосил бўлади.* «Фан ва турмуш». *Янги сўзлар жуда кўп чиқди, чунки халқ оғзаки ижоди ниҳоятда бой.* Газетадан.

**ЧУНОН** [ф. چنان — шундай; шундай қилиб, шунчалик] рвш. Шунча, шундай, шу қадар, роса. *Чунон ҳаракат қилди.* *Чунон уринса ҳам бўлмади.* ■ *Одамлар-чи тўпланди шу он Фарёдига қилолмай тоқат.* *Бир қамишни йиғлатиб чунон, Сўнг ўзлари қилдилар роҳат.* А. Орипов. *Хонадонга шоду хуррамлик тўлиб-тошган чунон.* Ҳабибий.

**ЧУНОНАМ** [асли чунон ҳам] с.т. Чунон ҳам, чунон. *Рўзиевнинг чунонам жаҳли чикдики, асти қўяверинг.* «Ёшлик». [*Бузоқ*] *Ғазаб билан мўраганча, думини хода қилиб, чунонам югурди!* «Шарқ юлдузи».

**ЧУНОНЧИ** [ф. چنانچه — шундайки, шунчаликки, зеро] Яъни, масалан; жумладан. *У кўп тилни, чунончи, рус, инглиз, араб тилларини ўрганган.* ■ *Соч касалликлари*

бир неча хил. Чунончи, сочининг тугунсимон касаллиги халқ орасида «сув сиркаси» деб аталади. «Фан ва турмуш».

**ЧУРВАҚА** Майда-чуйда, ёш болалар. [Чори ота:] Ёнимда ейман, ичаман, деб тишини қайраб турдан беш-ўнта чурвақам йўқ. С. Нуоров, Нарвон.

**ЧУРР** тақл. с. Ҳуштак овозига ўхшаш товушларни ифодалайди. Қоровул бинодан югуриб чиқиб, «чурр» этиб ҳуштагини чалди. «Ёшлик».

**ЧУРРА** Ички аъзолардан бирининг ёки улар бир қисмининг, мас., ичакнинг осилиб, бирор бўшлиққа ички қорин пардаси билан туртиб чиқиб қолишидан иборат касаллик; дабба. Чурра умуртқаларо дискдан чиқадиган бўлса, бел ва оёқларга оғриқ беради, ҳаракат чекланади. «ЎЗМЭ».

**Чурраси тушмоқ** 1) чурра касаллигига йўлиқмоқ. Орқадан қудасининг «хух», «хух» дея кетмон уриб, лой ағдаришини эшитганида, кўздан ёш сирқиб чиқди: Чурраси тушиб қолмаса эди. А. Мухтор, Кумуш тола; 2) катта чиқим қилмоқ. Тўйнинг ўзи бўладими, унча-мунчанинг чуррасини туширади. Шухрат, Умр поғоналари.

**ЧУРРАК** I Ўрдакдан кичикроқ, ов қилинадиган ёввойи қуш. Кун чиққунча ов қилди, шундай олғир қушлар ақалли бир чурракни олмади. «Юсуф ва Аҳмад».

**ЧУРРАК** II: **чуррак нон** с.т. Кавказ халқларининг тўртбурчак шаклли тарам-тарам миллий нони.

**ЧУРУК** с.т. Эски, жулдур, чириб кетган. Чурук тўн. Чурук маҳси. ■ Чурук кўрпача ташланган сандиқ, палос — уйнинг бор жиҳози шу. «Ёшлик». Чурук костюм кийиб олган киши айниқса хирллаб кўп гапирарди. «Шарқ юлдузи».

**ЧУРУЛЛАМОҚ** «Чурр» этган овоз чиқармоқ (ҳуштак ҳақида). Узоқда ҳуштак чуруллади. Ў. Ҳошимов, Икки эшик ораси.

**ЧУРҚ:** **чурқ этмади** Овоз чиқармади; оғиз очиб, бирор нарса демеди, индамади. Йўлда Яхшибоев анчагача чурқ этмади. М. М. Дўст, Лолазор. Амакиси унча-мунчага чурқ этмайди, камгап. «Ёшлик».

**Чурқ этган товуш йўқ** Ҳеч қандай товуш эшитилмайди, жимжит.

**ЧУЧВАРА** Ичига қийма солиб тугилган, мантидан кўра кичикроқ хамир овқат. Кўк чучвара. Қовурма чучвара. ■ Чучвара жа-

ҳон пазандалигида кенг тарқалган таом ҳисобланади. К. Маҳмудов, Ўзбек тансиқ таомлари. Вафо атторнинг келини бир лаган чучвара чиқарди. Н. Аминов, Ёлғончи фаришталар.

**Чучварани хом санамоқ** Йўқ ёки амалга ошмайдиган нарсага ишонмоқ; хом ўйламоқ, хомхаёл қилмоқ. Сен чучварани хом санаб юрибсан, ука, дўст билан душманни ажратолмайсан. И. Раҳим, Ихлос.

**ЧУЧВАРАХОНА** Чучвара пишириб, хўрандаларга хизмат қиладиган махсус ошхона.

**ЧУЧИМОҚ** I Ширин тортмоқ, ширин бўлмоқ. Ҳолва деган билан оғиз чучимади. Мақол. ■ Қисқаси, ҳозир ширин гапирган билан оғиз чучимади, бу қуруқ гап бўлади. А. Мухтор, Давр менинг тақдиримда.

2 Қизиб, доғ бўлиб тозаланмоқ. Энди отни совитмоққа киришди: тузни сувга ивитииб, отни ювди.. зиғир мойини чучитиб, ичига ишқор солиб ювди. «Гўрўғлининг туғилиши».

**ЧУЧИТИЛМОҚ** **Чучитмоқ** фл. мажҳ. н. Чучитилган мой ва қовурилган гўштнинг мазали ҳиди димоғларга урилди. Ойбек, Навоий. Қўшни ҳовлидан чучитилган жувонз мойининг исси келди. С. Аҳмад, Ҳукм.

**Чучитилган сув** Махсус йўл билан шўри кетказилган денгиз суви.

**ЧУЧКИРМОҚ** айн. акса урмоқ қ. акса. Илгари Аҳмадали устма-уста чучкирса, «ғуза гуллаяпти», деб башорат қилар.. эди. «Ёшлик».

**ЧУЧМАЛ** I Тузи ёки шираси меъеридан кам, маза-матраси йўқ; бадхўр, тотсиз, бемаза. Чучмал овқат. ■ [Нусратбек] Амунинг қизғиш-лойқа сувини эслатувчи чучмал қаҳвадан тотиб кўрди-ю, ичмади. С. Нуоров, Майсаларни аёз урмайди.

2 кўчма салб. Тайинли бир маъноси йўқ; бетайин, ноаниқ, дудмол. Чучмал жавоб. Чучмал гап. ■ -Шунинг учун ер юзида чучмал одам кўн-да, — деди йигит бармоқларини асабий ўйнатиб. Х. Султонов, Бир оқшом эртаги. Рухсат айланг, о буюк зот, тиз чўкай сизга, Ҳар хил чучмал тавозедан йироқман гарчанд. А. Орипов, Йиллар армони. Дастёр йигит чучмалгина ишшайиб, арава-сини шийпон томон суриб кетди. «Ёшлик».

**ЧУЧМАЛЛАШМОҚ** Бачканалашмоқ, бачкана бўлмоқ; дудмоллашмоқ. -Бир аёл бор

экан, — деди Баширжон чучмалланиб.. Н. Аминов, Ёлғончи фаришталар.

**ЧУЧМЎМА** Эрта баҳорда очиладиган бинафшаранг, чочоқ гулли ўтсимон ўсимлик ва унинг гули. Ёнбағирларда худди биров атайлаб сафсар сиёҳ тўкиб юборгандек, чучмўмалар шамолда силкинади. С. Аҳмад, Жимжитлик. Қизғалдоғу чучмўмалар билан қопланган ариқ уватиға беҳол чўқдим. А. Қўчимов, Ҳамза.

**ЧУЧУК 1** Аччиқ эмас, нордон эмас; ширин. Чучук олма. Чучук анор. ■ Чучук қалампир асосий дармондориларнинг манбаи бўлиб.. айниқса, С дармондорига жуда бойдир. К. Маҳмудов, Ўзбек тансиқ таомлари. Лимонли шарбатлар, чучук чойлар.. ўзининг изжобий натижасини кўрсатмасдан қўймайди. Газетадан.

**Чучук сув** Таъми яхши, ичимли сув (дарё, булоқ ва ш. к. суви ҳақида). Чучук суви соғиниш туйғуси ҳали менга таниш эмас, лекин шу дақиқадан уни мен сеза бошладим. А. Мухтор, Давр менинг тақдиримда.

**2 кўча** Кишига озор бермайдиган; ёқимли, кўнгилли, ширин. Бир аччиқнинг бир чучуги бор. Мақол. ■ Бир оғиз чучук сўз одамнинг кўнглини қанчалар кўтаради! Газетадан. Мени Юлдуз пари дейди, Тилим бордир болдан чучук. «Нурали».

**3 кўча** Айрим товушларни (мас., «р» ни) тўла айта олмайдиган. Тили чучук бола. ■ -Насимжон Файзуллаев, — деди чучук тил билан секретарь ва гилам четига омонатгина ўлтириб, сўзини давом эттирди. Ойбек, О. в. шабадалар.

**ЧУЧУКЛИК 1** Чучук эканлик. Олманинг чучуклиги. Тилнинг чучуклиги.

**2** Ширинлик, қанд-қурс. Чучукликка ўч одам. Чучуклик билан чой ичмоқ.

**ЧУЧУКМИЯ** айн. ширинмия.

**ЧУЧУКТОМОҚ** айн. ширинтомоқ.

**ЧУЧУТ:** чучут отмоқ Сайрамоқ (бедана ҳақида). Наврузий беданаларнинг пайдарпай сайрашлари кўклам келишига «Хушвақт, хушвақт» деб чучут олади. Ф. Фулом, Ёдгор

**ЧУШКИРМОҚ** шв. Акса урмоқ, аксирмоқ. Билинар-билимас чушқирди. П. Турсун, Ўқитувчи.

**ЧУҚУЛАМОҚ** Ўйиб, ковлаб, чуқур(ча) ҳосил қилмоқ; чуқурламоқ. Эркиндан садо

чиқмас, у бошини эгиб, қумни чуқулаб ўтирар эди. Газетадан.

**Ер чуқулаб ўтирмоқ** кам қўлл. айн. ер чизиб қолмоқ (ёки ўтирмоқ) қ. чизмоқ. Валижон.. бошини қуйи солганча, ер чуқулаб ўтирарди. О. Ёкубов, Ларза.

**ЧУҚУР 1** от Қазилган, ўйилган ёки табиий чуқурлик, ўйиқ; ўра. Бировга чуқур қазисанг, ўзинг йиқиласан. Мақол. ■ Бу ахлатларни тезда шупуриб, бир чуқурга тўкиб, устидан тупроқ тортиб.. А. Қодирый, Кичик асарлар. Кўчат келтириб, чуқурга қўяман, танасидан тўтиб тураман, Яхшибоев ўртасига тупроқ тортади. М. М. Дўст, Лолазор.

**2 сфт.** Сатҳдан анча паст; чўнқир, теран. Чуқур дарё. Чуқур ҳовуз. Чуқур жарлик. ■ Бинонинг ранги униқиб кетган, кўҳна ёғоч дарвозаси олдидан чуқур ариқ оқарди. Н. Аминов, Қаҳқаҳа.

**Елкамнинг чуқури кўрсин** «Бирор жойга ҳеч қачон қадам босмайман» деган маънода айтиладиган ибора. -Шу магазинни елкамнинг чуқури кўрсин, — деб жаҳл билан чиқиб кетди [қиз]. «Ёшлик».

**3 рвш.** Ичдан, ўпкадан тўлиб-тошиб чиққан ёки ўпкани тўлдирувчи. Қудрат «тушимми, ўнгимми?!» деб чуқур хўрсинди. Ҳ. Назир, Сўнмас чақмоқлар. Нигора чуқур нафас олди. «Шарқ юлдузи». Яхшибоев чуқур тин олди. М. М. Дўст, Лолазор.

**4 сфт.** кўча Ҳар томонлама кенг, асосли, атрофли, теран. Чуқур маъно. Чуқур илмий текширишлар. ■ Олимнинг бу йилларда эълон қилган мақолалари чуқур таҳлилга эга эканлиги билан ажралиб туради. «ЎТА».

**5 сфт.** кўча Кучли; беҳад катта. Чуқур қайғу. Чуқур сукунат. ■ Онанинг кўнглига чуқур ғашлик чўккан. «Саодат». Тайёрланаётган таомларнинг сифатидан ишчилар чуқур қониқиш ҳосил этишяпти. Газетадан.

**6 рвш.** Юзадан ичкарига, ич-ичига. Чуқур ботаверди юракка ханжар. Х. Даврон.

**7 рвш.** Мустаҳкам, қаттиқ. Ҳалима Носированинг беқиёс санъати, табиий ва бетакрор овози халқимиз қалбидан чуқур жой олди. «Саодат».

**ЧУҚУРЛАМОҚ** Чуқур қилмоқ, чуқур ковламоқ. Ўрани чуқурламоқ. Зовурни чуқурламоқ.

**ЧУҚУРЛАШМОҚ 1** Чуқур бўлмоқ, чуқур тортмоқ. [Қариянинг] Сийрак қошлари бир-икки наст-баланд бўлди, пешонасидаги толим-толим ажинлари чуқурлашди. «Ёшлик».

**2** кўчма Кенгаймоқ, теранлашмоқ. Муҳаббати чуқурлашди. Билими анча чуқурлашди. ■ «Машираб», «Муштум» кулги мажмуаларимиз ҳажвияда унча чуқурлашолмайдилар. А. Қодирий, Кичик асарлар.

**3** кўчма Жиддийлашмоқ, зўраймоқ. Муаммо чуқурлашди. ■ Марҳумнинг шахси аниқланиб, маълумотлар бирин-кетин кўпайган сари, масала янада чуқурлашиб, калаванинг учи кўринай демасди. «Ёшлик».

**ЧУҚУРЛИК 1** Чуқур жой; ўра, чоҳ. У [Султон тандирчи] битта-битта қадам ташлаб юради. Чуқурликлар, камарчалар олдига тўхтайди. «Ёшлик».

**2** кўчма Чуқур эканлик, теранлик. Уйғуннинг воқеавий шеърларида лиризмнинг, субъектив асоснинг чуқурлиги, эпик психологизмнинг кучлилиги ҳам шундандир. «ЎТА».

**ЧУҚУРЧА** Кичкина, пастак чуқур. Бильярд чуқурчаси. Юз чуқурчаси. ■ Девор остидаги чуқурчада қон кўпикланиб турар.. эди. С. Нуров, Майсаларни аёз урмайди.

**ЧУҒЗ** [ф. چغند / چغند — бойқуш] эск. кт. айн. **бойқуш**. Уфқи хонадонингда кулсин ҳар замон хуришиди бахт, Ҳар тараф тахти равонинг топмасин чўз ошён. Ғ. Фулом. Халқ ичида басе бўлдум афсона, Чўз янглиғ, сўрма, жоийм вайрона. Муқимий.

**ЧУҒУЛЛАМОҚ** айн. **чуғурламоқ**.

**ЧУҒУР 1** айн. **чувур 1**. Бир зумда эшик болалар чуғурига тўлди. М. Исмоилий, Фарғона т. о.

**2** тақл. с. Баъзи қушларнинг баравар сайрашидан чиқадиган қоришиқ овозларни ифодалайди. Қушларнинг чуғурини, булоқлар жылғасининг шилдираганини эшитгандек бўларди. С. Аҳмад, Жимжитлик.

**ЧУҒУРЛАМОҚ 1** «Чуғур-чуғур» овоз чиқармоқ, «чуғур-чуғур» сайрамоқ. Қушлар ошён қуриш ташишида чуғурлайди. Ў. Ҳошимов, Икки эшик ораси

**2** айн. **чулдирамоқ 3**. Уч яшар бола нима эканини биласизми? Билмайси.. Кўчадан келганинда, тиззанга ўтирса, қўлчаси билан юзингни силаса, чуғурласа. А. Қаҳҳор, Олтин юлдуз.

**ЧУҒУРЛАШМОҚ 1** Чуғурламоқ фл. бирг. н. Қушлар чуғурлашмоқда.

**2** Баравар гапириб шовқин кўтармоқ. Болалар чуғурлашди. ■ -Ёмон одаммас бу, — баъзилар яна чуғурлашади. Ш. Холмирзаев, Т. Усмонов, Сўнмас ўт.

**ЧУҒУРЧУҚ** Қора патли, гала бўлиб юрадиган, ерда ва дарахтда ҳаракатланишга мослашган, ҳашарот ва мевалар билан озикланадиган қуш. Ёз бўйи сон-саноксиз ҳашаротларнинг бошига етадиган чуғурчуқ бир кунда 1230 километр учиб ўтади. «Фан ва турмуш». Боғларда тонг ғира-ширасида чуғурчуқ, майналарнинг нағмаси авжга минади. С. Нуров, Нарвон.

**ЧУҒУР-ЧУҒУР 1** **Чуғур 2** с. тақр. Ҳовли жимжит, фақат сатҳида насибасини тегириб юрган мусичаларнинг қўқусию чумчуқларнинг чуғур-чуғуригина жимжитликни бузади. «Ёшлик».

**2** Қоришиқ говур-ғувур гап, овоз; чувур-чувур. Тушликка чиққан аёлларнинг чувур-чуғури.. С. Зуннунова, Олов.

**3** рвш. Ўзаро суҳбат, гурунғ. Она-бола чуғур-чуғур қилиб, ошга дамтовокни бостиришгач.. ҳовлига тушишди. Газетадан.

**ЧУҒ** айн. **чув 1**. [Юсуф] Отни «чуҳ» деб ҳайдаб ўтиб кетаверди. «Юсуф ва Аҳмад».

**ЧУҒЛАМОҚ** «Чуҳ» деб отни юришга ундамоқ.

**ЧЎБИР** шв. айн. **чубур**. Яхшибоев чўбирини тўрдаги охурга боғлаб, тумишўғига тўрва илди. М. М. Дўст, Лолазор. Оғажон, менинг ёдимга плугдан чиққан чўбир от тушиди. Ш. Холмирзаев, Сайланма.

**ЧЎГИР 1** айн. **чўгири**.

**2** айн. **чўкиртақ**.

**ЧЎГИРИ** Сариқ ёки малларанг йўлли, олапўчоқ, эртапишар ширин маҳаллий қовун нави. Чўгири тилимидек олтинранг ой оҳиста сузар эди. «Ёшлик».

**ЧЎГИРМА** Хоразм ва Қорақалпоғистонда расм бўлган катта мўйна қалпоқ. Абу Наср елкасига ямоқ тушган бўз чопонли боланинг бошидаги қўтир чўгирмасига қараб, ўйга толди. М. Осим, Карвон йўлларида. Бошида улкан чўгирма, почанўстинининг этагини ҳилпиратиб Ўтар бобо келди. С. Сиёев, Аваз. Иккалови ҳам чўгирма, тўн ва чориқ кийган. Э. Самандар, Тангри қудуғи.

**ЧЎЗАЛА** шв. Бор бўйича чўзилиб; узала. [Бузрукхўжа] Остига чала қуриган бедадан

тўшаб, бошига ҳам катта бир боғини қўйиб, чўзала тушиб ётиб олди. Х. Тўхтабоев, Йиллар ва йўллар.

**ЧЎЗИЛМОҚ** Чўзмоқ фл. ўзл. ва мажҳ. н. Синов мuddати раҳбарият томонидан яна бир ойга чўзилди. Йўғон чўзилар, ингичка узилар. Мақол. ■ Кўллар ошга чўзилди. М. М. Дўст, Лолазор.

**2** Бўйин чўзиб, тик турган ёки ўтирган ҳолда гавда билан юқорига ёки бирор тарафга интилмоқ. *Нариги хонада шовқин эшитилди. Яхшибоев чўзилиб қараб, кечаги «элчи»ни кўрди.* М. М. Дўст, Лолазор. *...пакана шофёр оёқ учида чўзилиб, орқа бортнинг илгагини кўтарар.. дадам бортни тутганча, унга кўмаклашарди.* Ў. Ҳошимов, Икки эшик ораси.

**3** Узунасига катта ҳудудни эгалламоқ, жойлашмоқ. *Бир тарафи — дашт, бир тарафи — тоғ, сойликлар ичида чилвирдай чўзилиб ётган қишлоқ экан.* М. М. Дўст, Лолазор. *Тепаликлар қишлоқ чегарасигача чўзилган экан.* Газетадан.

**4** Бўйига узаймоқ, ўсмоқ. *Интизорликда бўйи чўзилиб, эси кириб, Саттор акасининг қадрига етадиган бўлиб қолади бу пичингчи пучуқ.* А. Мухтор, Кумуш тола.

**5** Узоқ давом этмоқ. *Беҳаловат кеча унинг назарида анча чўзилди.* Ҳ. Назир, Ёнар дарё. [Жарроҳ:] *Олдиндан айтиб қўяй.. даволаниш мuddати бир йилгача чўзилиб кетиши мумкин.* «Ёшлик».

**6** Узала тушиб ётмоқ. *Арқон чўзилиб ётибди.* ■ *Гулчехра ноилож уйга қайтиб келиб, ўрнига чўзилди.* «Саодат». [Абдурахмонбой:] *Мен жиндак чўзилмасам бўлмайди, иситмам бор.* Х. Тўхтабоев, Йиллар ва йўллар.

**7** Чарчаб, ҳолдан тойиб йиқилмоқ. [Директор:] *Агар мен бир кун у қилган ишни қилсам, эртасига ишга чиқолмай, чўзилиб қоламан.* «Ёшлик».

**8** кўчма Кўп, узоқ гапирмоқ. *Нотиқ роса чўзилди.*

**ЧЎЗИЛУВЧАН** Яхши чўзиладиган. *Чўзилувчан толалар. Чўзилувчан модда.*

**ЧЎЗИЛУВЧАНЛИК** Яхши чўзилиш хусусиятига эгалик. *Модданинг чўзилувчанлиги. Толанинг чўзилувчанлигини текширмоқ.*

**ЧЎЗИНЧОҚ** Бўйи энига нисбатан анча узун; чўзиқ, узунчоқ. *Чўзинчоқ юз. Чў-*

*зинчоқ ҳовли. Чўзинчоқ қовоқ.* ■ *Аёли мулзам тортиб, мунғайиб қолди. Чиройли чўзинчоқ юзида ёноқлари ёнди.* С. Нуров, Нарвон. *Гаванадан учган самолёт Чилининг чўзинчоқ харитаси бўйлаб учиб, қайсидир кўрфазни кесиб, Панамага тушди.* М. М. Дўст, Лолазор.

**ЧЎЗИҚ 1** айн. чўзинчоқ. *Чўзиқ юз. Чўзиқ стол. Чўзиқ супа.* ■ *Каталакдеккина ҳовли экан, икки-уч уй, охирида нураб ётган чўзиқ айвон — бор-йўғи шу.* Х. Тўхтабоев, Йиллар ва йўллар.

**2** Узоқ давом этган ёки этадиган, узун, давомли (овоз, товуш, ҳайқириқ ва ш. к. ҳақида). *Чўзиқ овоз.* ■ *Олислаб бораётган паровоз, нола чеккандек, чўзиқ гудок чалди.* Ў. Ҳошимов, Икки эшик ораси.

**3** тлш. Узоқ, давомли талаффуз этиладиган. *Чўзиқ унли. Чўзиқ бўғин.*

**ЧЎЗИҚЛИК 1** Чўзиқ бўлишлик.

**2** тлш. Талаффузнинг узунлиги, давомлилиги. *Унли товушларнинг чўзиқлиги.*

**ЧЎЗМА** Хамирни юпқа ёйиб, юзига пиёз, баъзан қийма солиб, ёгда пишириладиган тансиқ овқат, юпқа. *Чўзма қилмоқ.* ■ *Бир оҳангаронликнинг тўйига келган нон, қатлама, чўзманинг ўзига тўққизта сандиқ тўлибди.* М. Алавия, Тўйларимиз ҳақида.

**ЧЎЗМА-ЧАЛПАК** Ёгда пиширилган юпқа хамир таомлар.

**ЧЎЗМОҚ 1** Тортиб узайтирмоқ, узайтмоқ. *Резинкани чўзмоқ. Хамирни чўзмоқ.* ■ [Жайрона:] *Полуфабрикат магазинидан музлатилган чучвара, гувалача қилиб тайёрланган котлет, ёғли хамир, чўзиб қўйилган лағмонларни опкелиб, пишириб юрган одамман.* С. Аҳмад, Жимжитлик.

**2** Уриб, пачақлаб, чигирдан ўтказиб ёки бошқа бирор йўл билан узайтирмоқ, ёймоқ. *Симни болгалаб чўзмоқ.* ■ *Қоратой.. қизил чўғ бўлган темир нарчасини болга билан гурс-гурс урар, яссилар, чўзар, қайирав эди.* Ойбек, Танланган асарлар.

**3** кўчма Бир гапни ҳадеб гапиравермоқ, гап чайнамоқ, эзмалик қилмоқ. *Отанг темирчи бўлса ҳам, гапни чўзма.* Мақол. ■ *-Гапни чўзманг, — жеркинди Ҳақназаров..* О. Мухтор, Эгилган бош.

**4** Кўлни, тана аъзоларини юқорига ёки олдинга узатмоқ, чўзилтирмоқ. [Аваз] *Қаламга қўл чўзди.* С. Сиёев, Аваз. *Тожинисо бегим нола билан кўкка чўзган қўлларини ерга*



ташлаб энгашиди. «Ёшлик. Креслога ўтириб, оёғини олдинга чўзди. «Саодат».

**5** Кўл узатиб, бирор нарсани бермоқ. Қараса, юзлари шафтолиқоқидай бурушиқ бир кампир қандолатфурушга кумуш танга чўзиб турарди. С. Сиёев, Аваз.

**6** Узайтирмоқ (муддат, вақт ва ш.к. ҳақида). Ўқув йилини августгача чўзмоқ. ■ Уша жойда.. элчихона ходимлари озгина койинган бўлиб, визасини чўзиб беришди. М. М. Дўст, Лолазор.

**7** Орқага судрамоқ, кечиктирмоқ, пайсалга солмоқ. Экин кампаниясини чўзиб юборманг. ■ Шошилмасликнинг иккинчи, ҳам кучли сабаби, мумкин қадар тўйни узоққа чўзиб, шу воситадан Анварни соғиш.. эди. А. Қодирий, Меҳробдан чаён.

**8** Иқтисод қилиб, тежаб-тергаб, кўпга етказмоқ. Оз пул олса ҳам, чўзиб-чўзиб, уч кунга етказди. ■ Бу маблағни у [Тўғонбек] анча чўзди. Ойбек, Навоий.

**Бўй чўзмоқ қ. бўй I 3. Кекирдак чўзмоқ қ. кекирдак.**

**ЧЎЗҒИ** тлш. эск. Унли товуш ва унинг график белгиси (араб алифбосидан фойдаланилган вақтларда). У [Саидакбар] ҳарфларнинг чўзғиларини эгри-бугри ёзарди. С. Айний, Эсдалиқлар.

**ЧЎЗҒИЛАМОҚ** Чўзиб тортмоқ, тортқиламоқ; чўзиб-чўзиб узайтирмоқ. [Омонни] Кўтариб боряпман-у, нуқул қулогимни чўзғилаб ўйнайди. Ў. Ҳошимов, Икки эшик ораси.

**ЧЎК:** чўк тушмоқ айн. чўк(ка) тушмоқ қ. чўк(ка). Чўк тушиб ўтирмоқ. ■ Вужуди қулоққа айланиб, Юнусхон онаси сари энгашиди, чўк тушди. «Ёшлик». [Амаки] Кўққис бандидан узилган шохдек гурсиллаб, кигиз устида чўк тушди. Н. Қиличев, Чигириқ.

**ЧЎКАР** айн. чўкарқанд. Чўкар қовун мағзи кўм-кўк.. Шундай шарват-қандингиз манов ёқда қолади. М. Қўшмоқов.

**ЧЎКАРҚАНД** Қовуннинг ширин бир нави.

**ЧЎКИК** Ичига кирган, чўккан, ботган; ботиқ. Қобилжоннинг чўкик юзидан Қони қочди, сабри қолмади. Ҳ. Пўлат. Муаллима опа.. чўкик кўринадиган ўйчан кўзларини болаларга тикди. «Ёшлик».

**ЧЎКИНДИ I** Тинган суюқликнинг тагига чўккан қуйқаси, тагида тўпланиб қолган лойқа. Агар Орол денгизининг суви қуриб,

унинг сатҳидаги чўкинди тузларни қуюн учирса, бир қанча областларни метрлаб қалинликда туз қоплар экан. А. Нурмуродов, Уруш бевалари.

**2** геол. Узоқ ўтмишда мавжуд бўлган, сув ҳавзаларининг тагидаги қолдиқлардан юзага келган тоғ жинслари. Тоғ жинсларининг нураши натижасида, шунингдек, чўкинди тарзида бўлган экзоген конларда ҳам олтин учраса-да, лекин улар кўпинча саноат аҳамиятига эга бўлмайди. «Фан ва турмуш».

**ЧЎКИР** айн. чўкиртак. Оёғимни чўкир тилиб, Давлатим сағана бўлиб.. «Юсуф ва Аҳмад».

**Чўкир тиш айн. чўкиртак тиш қ. чўкиртак.** [Кампирнинг] Ора-сира қолган чўкир тишлари кўриниб кетди. «Ёшлик».

**ЧЎКИРЛИК** Тикан қоплаган ер, тиканзор. Чўкирликда яланг оёқ елганда, Сўнгги пушмон наф бермайди, Юсуфжон! «Юсуф ва Аҳмад».

**ЧЎКИРМОҚ I** Тиз чўктирмоқ, чўккалатмоқ (асосан туя ҳақида). Туяни чўкириб минмоқ.

**2** кўчма Ўқситмоқ, чўктирмоқ. Ярадорман, деб кўнглингни чўкирма. «Юсуф ва Аҳмад». Кўнглини чўкирма мендай бувишини.. «Интизор».

**ЧЎКИРТАК** Чақиртиканакдай ўткир синиқ-мертик шох, илдиз, поя ва ш.к. [Мустафо] Аввал сочилиб ётган чўкиртакларни эринмай териб ташлади.. М. М. Дўст, Галатепа қиссалари. Бир-икки ёмғир кўрган чўкиртаклар кўнғир тус олган. «Ёшлик».

**Чўкиртак тиш** Чириган, еликкан синиқ-мертик тиш.

**ЧЎКИЧ** Қаттиқ тошлоқ ер, муз ва ш.к. ни қазиш, ковлаш учун ишлатиладиган, учи ўткир пўлат асбоб; метин. Чўкич урмоқ. ■ Лекин фақат оёқ билан чиқмаслар тоққа, Арқон керак, чўкич керак, керак от-улов. А. Орипов. Биров чўкич билан заранг ерни юшатади, тўп-тўп одам юқорига шағал ташийди. «Ёшлик».

**ЧЎКИЧЛАМОҚ I** Чўкич билан уриб бўшатмоқ, ушатмоқ, бузмоқ, қазимоқ, ковламоқ. Кўмир чўкичламоқ. ■ Шу вақтда бир жинғилни томири билан чўкичлаб ковлай берди. «Нурали».

**2** Болғалаб ишлов бермоқ. Олам бўйи тарқалди шпор: Қиличларни қайта чўкичлаб,

Биз уларни оловда ушлаб, Омоч, ўроқ қилай-  
лик тайёр! М. Шайхзода.

**ЧҶК(КА): чўк(ка) тушмоқ айн. чўкка-  
ламоқ 1.** Рустам бобо қиблага қараб чўкка  
тушди-да, пичирлаб, калима ўгира бошла-  
ди. Х. Тўхтабоев, Йиллар ва йўллар. Кампир  
уни [кийикни] эшик олдида қолдириб, ич-  
каридан пақир олиб чиқди-да, чўкка туш-  
ганча, пов-пов соға бошлайди. С. Аҳмад,  
Жимжитлик.

**2 айн. тиз чўкмоқ қ. тиз 1.** Юзларингни  
майлига яшир, Керак эмас нозлар, имолар.  
Гўзалликнинг қошида ахир Чўкка тушган  
ҳатто худолар. А. Орипов.

**ЧҶККАЛАМОҚ 1** Оёқларни тиззадан  
букиб, тиз ва оёқ кафтларига таяниб ўтир-  
моқ, чўкка тушиб ўтирмоқ, чўкка тушмоқ.  
Султон пиён гиламга чўккалаб, майин, ин-  
гичка овозда гап бошлади. Н. Аминов,  
Қаҳқаҳа. Ойсара шошилмай бориб, бешик  
ёнига чўккалади. Ў. Ҳошимов, Икки эшик  
ораси. Зулхумор ерда чўккалаб ўтирганича,  
атрофга аланглади. М. Мансуров, Ёмби.

**2** Бирор нарса таъсирида оёқлари бу-  
килиб, тиззаларга таяниб қолмоқ, тиз  
чўкмоқ. Дадам, биров оёғидан чалиб юбор-  
гандек, чўккалаб қолди. Ў. Ҳошимов, Икки  
эшик ораси. Ўша заҳоти оймнинг қўлидан  
капгир учиб кетди. Бошидаги жун рўмоли  
елкасига тушиб, қорга чўккалаб қолди. Ў.  
Ҳошимов, Икки эшик ораси.

**ЧҶКМА айн. чўкинди 1.** Машинасозликда  
мос келувчи электролитлар йўқлиги сабабли  
теллурнинг электролитик чўкмаси шу вақт-  
гача қўлланмай келарди. «Фан ва турмуш».

**2** Ер сатҳининг чуқурлашиб, чўкиб қол-  
ган қисми. Бухоро дельтасининг юзаси тек-  
ис бўлса ҳам.. кичик-кичик чўкмалар кўп.  
П. Фуломов, Зарафшон этакларид.

**ЧҶКМОҚ 1** Тиззаламоқ, чўкка тушмоқ.  
Чўк, деса, туя ҳам чўкар. Мақол. ■ Унинг  
[қудуқнинг] ёнига чўккан нортуяни эса, бо-  
ра-бора қум кўмиб, улкан туятепага ай-  
лантирибди. М. Мансуров, Ёмби.

**Тиз чўкмоқ қ. тиз 1.** Мард номардга тиз  
чўкмас. Мақол. ■ ..бир пешин чоғи пайкал-  
да [Анвар] тиз чўкиб, Севаргулжон, мен  
сизни севаман, деди. Н. Қиличев, Чиғириқ.

**2** Умуман, бирор жойга ўтирмоқ. Турди  
ғилай Малик муаллимнинг ёнига чўкди. А.  
Кўчимов, Ҳалқа. Ранги ўчган ўриндиққа  
чўкканча, барглари тўкилган намчил новда-

ни томоша қилапман. «Ёшлик». Нурали ито-  
аткорлик билан супага чўкди. «Шарқ юлду-  
зи». Ҳориганимдан ноилож тўнкага чўкдим.  
«Ёшлик».

**3** Сатҳ, юзадаги дастлабки вазиятига  
нисбатан пахламоқ; ботмоқ; ич-ичига ки-  
риб кетмоқ. Ер сатҳининг бир хил жойлари  
чўкиб, бошқа жойлари кўтарилиб туради.  
«Фан ва турмуш». Алимардон унинг.. ичиға  
чўккан кўзларига бир лаҳза тикилиб қолди.  
Ў. Ҳошимов, Қалбингга қулоқ сол.

**4** Тиниб, тагига ўтирмоқ, тинмоқ (суюқ-  
ликдаги аралашма, куйқа ва ш.к. ҳақида).  
Лойқа чўкиб, сув тиниқлашибди. Намакоб-  
нинг тузи тагига чўкиб қолибди.

**5** Фарқ бўлмоқ, ботмоқ; сувга ботиб,  
оқиб ҳалок бўлмоқ. Чўкаётган чўнга ёпишар.  
Мақол. ■ [Аёл] Беихтиёр мувозанатини  
йўқотиб, сувга чўкди. «Ёшлик».

**6** кўчма Қадди, бўйи қисқариб, пастроқ,  
калттароқ бўлиб қолмоқ, қисқа тортмоқ.  
Унинг [Баширжоннинг] бўйи бир қарич  
чўккандек, елкалари чиқиб, қомати олдинга  
энгашиб қолгандек эди. Н. Аминов, Қаҳқаҳа.  
Эрининг ранги докадек оқариб кетган, ўзи  
бир зумда чўкиб, кичкина бўлиб қолганди. С.  
Зуннунова, Гўдак ҳиди. Деворлар жим чў-  
каверади.. Х. Даврон.

**7** Тепадан пастга тушиб, сатҳни қо-  
пламоқ. Осмон юзини қоплаган қуюқ сарғиш  
чанг ерга чўкди. Мирмуҳсин, Гурбатдаги  
одам. Баланд тоққа чўкар қор. «Нурали».

**8** Қопламоқ, ёйилмоқ. Оқшом чўкди. ■  
Тун оғиб, қоронғилик чўкди. Мирмуҳсин,  
Темур Малик. Қишлоққа тун чўка бош-  
лаганда, менга жиян саналмиш Зокир иш-  
дан қайтди. «Ёшлик».

**9** кўчма Эгалламоқ, ўрнашмоқ (руҳий  
ҳолатга нисбатан). Онанинг кўнглига чуқур  
гашилик чўккан. «Саодат». [Яхшибоев:] Меҳр  
кейин келди, армонларим юрагимнинг тубига  
чўкди. М. М. Дўст, Лолазор. Хотира – уну-  
тилмас, унутиб бўлмас армон. Юрак қаърига  
чўккан хаёл. «ЎТА».

**10** Маълум муддат давом қилмоқ. Орага  
оғир жимлик чўкди. «Ёшлик». Сухбат узи-  
либ, орага сукунат чўкди. «Саодат».

**11** кўчма Руҳий тушқунликка тушмоқ.  
Фарзандининг ўлимидан сўнг она анча чўкиб  
қолди. Газетадан. Эрининг хиёнатни Фази-  
латни беҳад чўктириб юборди. «Ёшлик».

**12** кўчма Иқтисодий жиҳатдан танг аҳволга тушмоқ; орқада қолмоқ. У [Исмоилова] чўкиб қолган бир неча колхозни бирлаштириб, уларни кўтаришга раҳбарлик қилди. Н. Сафаров, Оловли излар.

**Кўнгли чўкмоқ қ. кўнгли 1.** -*Харши деманг, отимнинг кўнгли чўкади, — деб Авазхон отининг сағрисини силади.* «Гулшанбоғ». **Оқ туя чўкди** Биринчи, дастлабки қор ёғди.

**ЧЎЛ 1** Ўсимлик жуда кам ўсадиган, доимий қуруқ ва иссиқ иқлимли, сувсиз бепоён дашт; сахро, биёбон. *Қизилқум чўллари. Қақроқ чўл. Бойсун чўли. Тома-тома кўл бўлур, Ҳеч томмаса, чўл бўлур.* Мақол. ■ *Поезд Малик чўли бағрини тилиб борарди.* Н. Аминов, Қаҳқаҳа. *Мен бу чўллар қўйнида туғилиб топдим камол.* А. Орипов. *Чўл шамоллари, жумладан, гармсел ҳавони қуруқлаштиради.* «Фан ва турмуш».

**2** кўчма кам қўл. Ташна, зор. *Болага чўл хотин.*

**ЧЎЛИСТОН** Чўл-биёбондан иборат бўлган ер, қуруқ сахро. Амунинг ўнг қирғоғидаги бепоён чўлистонда бирдан-бири даҳшатли воқеалар юз бера бошлади. М. Осим, Аждодларимиз қиссаси. *Сенинг босган изинг бўлган гулистон, Неча душман элин қилдинг чўлистон.* «Маликаи айёр».

**ЧЎЛИҚ** шв. Кичик чўпон, чўпоннинг ёрдамчиси. *Ойчинор балоғатга етгач, уни Холиёрнинг чўлиғи севиб қолади.* «Фан ва турмуш». *Холбўта.. ўзим ана шу чўпонга чўлиқ бўлсам.. деб ўйларди.* «Ёшлик».

**ЧЎЛИҚЧИ** айн. чўлиқ.

**ЧЎЛЛАМОҚ** Сувга ташна бўлмоқ; сувсамоқ, чанқамоқ. *Чўллаб, оғзим қақраб кетди.* Чўллаган ерлар. *Чўллаган гўзалар.* ■ *Саҳрода чўллаган ғариб йўловчи Бўтана сувни ҳам шарбат деб тотар.* Уйғун.

**ЧЎЛЛАНИШ** Қуруғочил иқлимли ўлкаларда экологик тизимларнинг бузилиши: табиий ўсимликлар ва ҳайвонлар тури ва миқдорининг камайиши, тупроқ унумдорлигининг пасайиши ва ш.к. *Дунёда 250 миллион киши чўлланиш жараёнидан азият чекмоқда.* Газетадан. *Минтақамизда ҳам чўлланиш давом этаяпти.* Газетадан.

**ЧЎЛЛИК** Чўлда яшовчи киши, чўл кишиси. *Кўпгина маданий-маиший объектлар чўлликларга хизмат қиляпти.* Газетадан.

**ЧЎЛОҚ 1** Оёғи майиб; оқсоқ. *Чўлоқ киши.* Чўлоқ қуш. *Чўлоқ бўлсанг ҳам, нўноқ*

*бўлма.* ■ *Ибройим чўлоқнинг сўзларидан сўнг узунқулоқ маҳобатлар урчигани муқаррар.* М. М. Дўст, Лолазор. [*Жувоннинг эри*] *Чўлоқ бўлса, девор ошиб, ўғирлик қилиб бўлмагандир.* Ў. Ҳошимов, Икки эшик ораси.

**2** Қўли ёки оёғи йўқ; ногирон, инвалид. *Қўли чўлоқ одам.*

**3 с. т.** Оёғи синиқ, синган (стол, стул ва ш.к. ҳақида). *Чўлоқ стул.*

**ЧЎЛОҚ КЕТМОН** Дастаси калта ёки синган кетмон.

**ЧЎЛОҚЛАНМОҚ 1** Оқсаб юрмоқ, оқсоқланмоқ, оқсамоқ. *Тангриқул чўлоқланиб, кўзини ушлаб, бошқа сўкмоқ билан жарликдан чиқиб кетди.* Мирмуҳсин, Илдизлар ва япроқлар. *Дадам чўлоқланиб югурди.* Ў. Ҳошимов, Икки эшик ораси.

**2** Оёқ ёки қўлдан ажралиб, ногирон, инвалид бўлиб қолмоқ.

**ЧЎЛОҚЛИК 1** Чўлоқ бўлишлик. *Оёқнинг чўлоқлиги. Қўлнинг чўлоқлиги. Стулнинг чўлоқлиги.*

**2** Оқсоқланиб юриш, оқсоқлик. *У чўлоқланар, аммо чўлоқлик ва оғриқни жаҳл билан енгмоқчи бўлгандай, тўғри босишга тиришар, лекин зардаси бир неча қадамга етар эди, холос.* Ойбек, Куёш қораймас.

**ЧЎЛП** тақл. с. Нарсаларнинг сувга урилиши, бўса олиш ва ш. к. ҳаракатлардан ҳосил бўладиган говушларни билдиради. *Ҳовузда кичик балиқча «чўлп» сакраб, кумуш биқинини кўрсатди-да, сув юзида ҳалқачалар қолдириб кетди.* С. Нуров, Нарвон. [*Марат қизинг*] *Қулоғининг остинасидан чўлп этиб ўпиб қўйди.* Ж. Абдуллахонов, Хонадон.

**ЧЎЛПИ I** Аёлларнинг сочга тақиладиган ёки кўкракка тушириб юриладиган, кумуш ёки олтиндан ясалган зийнат буюми. *Шол рўмол ўраган кадҳудо оналарнинг елкасида кумуш чўлпи жиринглайди.* С. Сиёев, Аваз. *Сора кампирнинг сочи учидаги чўлпилари шиқирлаб, юқорига кўтарилди.* «Ёшлик». *..кекса киши бир жуфт кумуш чўлпи билан тиллақоши ўтказиб, эвазига ярим халтагина ул олди.* С. Анорбоев, Сайли.

**ЧЎЛПИ II** шв. Човлисимон саватча. *Лаққа балиқлар шу қадар кўпки, чўлпи.. сувга тиқилса бас, тўлиб чиқаверади.* Э. Самандар, Тангри қудуғи.

**ЧЎЛПИЛЛАМОҚ** «Чўлп-чўлп» овоз чиқармоқ. *Тош сувга чўлпиллаб тушиди.*

**ЧҮЛПОН 1** (Ч — катта) астр. Ёрун тонг юлдузи; Зухра, Венера. *Осмон элининг турфа-туман юлдузи кўндир, Хўбдир бари-си, равшани — Чўлпон, ёзажакман.* А. Орипов.

2 кўчма Гўзал, чиройли, шахло (кўз ҳақида). *Уйнатиб қош, дилни ўртаб, кўзи чўлпоним келур. Уйгун. Шу чўлпон кўзларнинг буюк ҳурмати, Шу ақиқ лабларнинг рост сўзи дея, Сўйланг-чи, вафонинг надир қиммати, Сиз ҳам кутганмисиз бирор сония?! А. Орипов.*

3 Чўлпон (хотин-қизлар исми).

**ЧҮЛП-ЧҮЛП** Чўлп с. тақр. *Онам мени бағрига босиб, юз-кўзим демай, чўлп-чўлп ўпа бошлади.* А. Кўчимов. Ҳалқа.

**ЧҮЛТОҚ 1** Юлинган, кесилган, калта, тўмтоқ. *Чўлтоқ дум. ■ [Нормат:] Шариф отолмайди — қўли чўлтоқ. «Ёшлик». Чўпон бола яйловда зерикиб ўтирганида, урушда кўрганларини чўлтоқ қалам билан бир парча қоғозга тушира бошлайди.* М. М. Дўст, Лолазор.

2 кўчма Нотўла, юмалоқ-ёстиқ, тўмтоқ. *Чўлтоқ жавоб. Иншони чўлтоқ қилиб кўйиб-сиз. Жавоб чўлтоқ бўлиб қолди.*

**ЧҮЛЯЛПИЗ** Ёввойи ялпиз, кийикўтлар туркумига мансуб бир йиллик ўт.

**ЧҮЛҚУВАР** Чўлни ўзлаштирувчи, қўриқ ерларни экиб обод қилувчи. *Чўлқуварларнинг фарзандлари ҳам яхши мактабларда ўқиши керак.* Газетадан.

**ЧҮМИЛМОҚ 1** Чиниқиш, даволаниш мақсадида ёки иссиқдан дарё, ҳовуз ва ш. к. сувига тушиб сузиб юрмоқ. *Умид мошкичирини туширди, ундан кейин анҳорга чўмилгани жўнади.* Мирмуҳсин, Умид.

2 Ечиниб ювинмоқ. *Душда чўмилмоқ. Ҳаммомда чўмилмоқ. ■ [Фотима:] Кечқурун Рашид абзининг мўрчасига борамиз.. Сизам юринг. Маза қилиб чўмилиб келамиз.* Ҳ. Ҳошимов, Икки эшик ораси.

3 кўчма Кўмилмоқ, чўммоқ, ботмоқ. *Океан ҳам нур қўйнида чўмиларди. «Ёшлик» Шабнамга чўмилиб, кўз очар дунё.* Газетадан.

**ЧҮМИЧ** Суюқ овқатни шопириш ва сузиш учун ишлатиладиган, узун дастали рўзгор асбоби; ёғлоғи. *Ёғоч чўмич. Сирланган чўмич. Қозонда бўлса, чўмичга чиқар.* Мақол. *Туяни чўмич билан суғориб бўлмас.* Мақол. ■ *..қозонда сут қайнаган, сут чўмичда шопирилган, чўмичга қасмоқ ҳиди уннаган.* М. М. Дўст, Лолазор.

**Чўмичда қоқмоқ** Бировнинг ҳақини, тегишини қоқиб, уриб қолмоқ. *-Ҳатто энг олийжаноб мақсадлар бўлганда ҳам, — дейди Юсупов, — оддий одамларни чўмичда қоқмаслик керак.* Газетадан.

2 Бирор идишдан сув олиш учун ишлатиладиган, дастаси калта, ёғоч, металл ёки пластмассадан қилинган рўзгор асбоби. *Саид сув тўла чўмични узатаётганда, бир қултум сув отасининг сонига тўкилиб кетди. «Ёшлик».*

**Экскаватор чўмичи** Экскаваторнинг қум, тупроқ оладиган қисми; ковш.

**ЧҮМИЧЛАМОҚ** Чўмич билан сузмоқ ёки ўлчамоқ. *Хўрандалар сотувчининг атрофини ўраб, ерга чўққайиб ўтирибдилар. Ошпазлар [овқатни] чўмичлаб сузиб бериб турибди.* Ф. Фулом, Шум бола. *Хотин-халаж даладан чиқиб, ўчоқбошидаги катта флягадан чўмичлаб сув ича бошлади.* С. Сийёев, Отлиқ аёл.

**ЧҮММОҚ 1** Суюқликка, сувга ёки юмшоқ нарсага ботмоқ, чўкмоқ, кўмилмоқ. *Сувга чўммоқ. ■ Саодат.. ич кўйлагига бир оз атир сегиб олгач, оқ чойшаблар орасига кириб, парёстикча чўмди.* И. Раҳим, Ихлос. *Бир кун томчи бўлиб, абадият Денгизига чўмиб кетаман.* Уйгун.

2 кўчма Берилмоқ, кўмилмоқ, ботмоқ. *Хаёлга чўммоқ. ■ Мунчоқ кўзларингни тикчи турардинг, Чўмсам хаёлларга гоҳо, каклигим.* А. Орипов. *Хаёлга чўмган кишига олдидаги ҳақиқатдан йироқларда бўлган хаёлий ҳур-ғилмонлар ортиқча лаззатликдир.* А. Қодирий, Кичик асарлар.

3 Юзага келмоқ; қарор топмоқ; чўкмоқ. *Ёдгор жиддий сукунат чўмган залга қараб кўйди.* Ҳ. Ҳошимов, Қалбингга қулоқ сол.

4 кўчма Кўмилмоқ, қопланмоқ. *Қийғос гулга чўмар ҳар битта оғоч. «Саодат». Аброр ой нурларига чўмган саҳродан қайтаётиб, ўзини худди.. ой сатҳида кетаётган одамдек ҳис этди.* О. Мухтор, Эгилган бош.

**ЧҮНГ** [хит.] шв. Катта, улкан; зўр; кучли. *Чўнг харсанг. Чўнг гавдали. Чўнг дарё. ■ [Яхшибоев] Сездики, Қўзибойнинг дардлари чўнг.* М. М. Дўст, Лолазор. *У киши чўнг бувам бўладилар-да! Ҳ. Шайхов, Туташ оламлар. Билаги чўнг баҳодир ночор қолган шоҳни опичлаганча, хатарсиз жойга етказилади.* А. Дилмуродов, Фано даштидаги қуш. *Нақадар*

сулувсан, нақадар инжу, Эй, сен шимол юртин чўнг ўрмонлари. А. Орипов.

**ЧЎНТАК 1** Кийимнинг пул ва б. зарур енгил нарсалар олиб юриш учун тикилган сиртқи ёки ички халтачаси; кисса. Ён чўнтак. Устки чўнтак. Соат чўнтак. ■ Бирор жойда топилса ногоҳ гавҳар донаси, Чўнтаги тешик ҳар ким даъво қилган ҳамиша. А. Орипов.

**Чўнтагидан тушиб қолган с.т.** Бировлардан қолиб кетган; сийқаси чиққан. Қачонлардир Фарбниг чўнтагидан тушиб қолган одатларни «янгитдан» урф қилишимизга ҳожат йўқ. Газетадан. **Чўнтак дафтар** Ёнда олиб юриладиган, зарур маълумотлар ёзиб бориладиган кичик дафтарча; ён дафтар. Элмурод Ойимхон ва Гулсум тўғрисида гапирганда, Алексей Иванович бу номларни чўнтак дафтарига ёзиб олди. П. Турсун, Ҳўкитувчи.

**2 кўчма с. т.** Кимсага тегишли маблаг, пул. Ўз чўнтагидан сарф қилмоқ. Бировнинг чўнтагига тушмоқ. ■ Соябон дегани ҳам қиммат матоҳ экан. Чўнтак кўтармади. А. Нурмуродов, Уруш бевалари. Чўнтак чатоқ. Чўнтак қачон Қайта қурар ўзини? О. Матжон.

**ЧЎНҚАЙМА** Ўзбекча курашда қўлланадиган усуллардан бири. Чўнқайма — энг нозик санъат. ■ Борди-ю, полвон чўнқаймани эплай олмаса, ўзи мағлуб бўлади. Т. Мурод, Кўшиқ. Бўри полвон Утан полвонни чўнқаймага олиб урди. Т. Мурод, От кишнаган оқшом.

**ЧЎНҚАЙМОҚ 1** Оёқларни тиззадан букиб ва икки оёқ панжасига таяниб ўтирмоқ. Кумушбиби ариқ бўйидаги бир ўринни кўзлади-да, сакраб, нариги юзига ўтди ва чўнқайди. А. Қолирий, Ўтган кунлар.

**2** Орқа оёқларини букиб ўтирмоқ (ҳайвонлар ҳақида).

**ЧЎНҚИР 1 с.т.** Чуқур, теран. Чўнқир ҳовуз.

**2** Чуқурлик; ўра. Полк йўлга шай, саросима йўқ эди, Шунда Али чиқиб келди чўнқирдан. А. Мухтор.

**ЧЎП** [ф. چوب — дарахт, ёғоч; ҳодя; ҳас-са] **1** Новда, шох бўлаги; ингичка, узун тараша, ёғоч парчаси. Ота узун чўп билан ишиша тубини ковлаштира туриб, саволомуз тикилди. «Ёшлик». Даврон тоға яктаги ёқасидан зирк дарахти чўпидан йўнилган тишковлагични олиб.. тиш ковлашга тушди. Н. Аминов, Қаҳқаҳа.

**2** Бирор мақсад учун махсус тайёрланган таёқ(ча). Ноғора чўп. Лангар чўп. Гузурт чўпи. ■ [Ноғорачи] Ноғора чўпи билан ноғорани эмас, худди ўзига ўхшаш бир йигитнинг қалбини савалаганини билмай қолди. Ў. Ҳошимов, Қалбингга қулоқ сол.

**3** Молга овқат бўладиган қуруқ ўт, хас-хашак (беда, пичан ва ш. к.). Уй эгаси Муқимийни ётқизиб, дарғанинг отига яна пича чўп солгач, кўча эшикни тамбалаб, оёқ учида ичкарига кириб кетди. С. Абдулла, Мавлоно Муқимий.

**4** Ўсимлик, гиёҳ. Норинда сув бор экан, Чўллар сувга зор экан. Чўп битмаган биёбон, Сув келса, гулзор экан. «Кўшиқлар». Мен бу кун дўстларимга афсус-надомат билан Ерга чўп қадамаган амирлардан сўйлайман. А. Орипов.

**Арининг инига чўп суқмоқ** Тинч ҳолатни бузиб, ўзига зарар қилмоқ. Охир-оқибат, зангарнинг қилиб юрган ишини қаранг. Арининг инига чўп суқади-я. А. Кўчимов, Ҳалқа. **Кўзига чўп солмоқ (ёки ташламоқ)** қ. кўз. **У ердаги чўпни бу ерга олиб қўймайди** Ҳеч иш қилмайди; оиймтилла. **Чўп бўлиб кетмоқ (ёки қолмоқ)** Озиб кетмоқ, ориқлаб, қилтириқ бўлиб қолмоқ. Фазилат онанинг аҳволи оғирлашиб бораверди. Ранги саргайиб, озиб, чўп бўлиб қолди. М. Ҳазратқулов, Журъат. **Чўп тушиди** Орага совуқчилик, хиралик тушди, иш бузилди. **Ширин суҳбатга чўп тушиди.** ■ [Ҳасанали] Отабекдаги бу ҳолларнинг сирини билгандек, муҳаббати орасига чўп бўлиб тушган кейинги уйланиши аламидан, деб қарор қилиб қўйган эди. А. Қолирий, Ўтган кунлар. **Чўпдан ҳадик олмоқ** Ҳар нарсадан ҳадик олмоқ, шубҳа қилмоқ, ҳадиксирамоқ, кўрқмоқ. [Салмонов] Хулосаларга қараб иш кўриш лозимлигини унутдими, чўпдан ҳадик олдими.. ҳар ҳолда, иш жуда сусайиб кетган эди. И. Қаландаров, Шохидамас, баргида. **Кўй оғзидан чўп олмаган қ. қўй.**

**ЧЎПИЛЛАТМОҚ** «Чўлп-чўлп» овоз чиқармоқ. У [Нигора] онасининг бўйнига осилиб, у юзидан-бу юзидан чўпиллатиб ўна бошлади. С. Аҳмад, Пойқадам.

**ЧЎПОН** Яйловда майда мол боқувчи киши. Раимбой таёқ олиб, чўпон бўлмоқчи эмиш. Н. Норматов, Исмоил тоға тарозиси. [Ошно] Ҳеч кимга айтмасдан, тоғдаги чўпон танишининг ўтовида яшади. М. М. Дўст, Лолазор.

**ЧҮПОНЛИК** Яйловда майда мол боқиш билан шуғулланиш, чўпон касби. *Шоирлик ёдимдан чиққан маҳали Чўпонлик йилларим тушар эсимга.* А. Орипов.

**ЧҮПОН-ЧҮЛИҚ** Чўпон ва чўлиқлар. *Брезент қапа остида беш-ўн чоғли чўпон-чўлиқ қўйларнинг жунини қирқишаётган эди.* Н. Аминов, Ёлғончи фаришталар.

**ЧҮПСА** махс. Тайёр ип ёки ипак тутамлари ўраладиган, узунлиги бир метргача бўлган силлиқ таёқ. *Дадаси ярим чоракли қозонда пилла қайнатар, ёғоч чўпса билан ипак учини шлинтириб олиб, калава қилаётган бўларди.* С. Анорбоев, Сайли. *Дераза тагидаги бошқаси чўпсага ипак ўрамоқда.* С. Анорбоев, Сайли.

**ЧҮПХИНА** Ёввойи хина; хинадошларга мансуб бир йиллик бегона ўт.

**ЧҮПЧАК I** 1 Топишмоқ, жумбоқ. *Чўпчак топар ўйнамоқ.*

2 Халқ оғзаки ижодида: ҳикоя, эртак, ушук. *Нега зерикасан энди? Бир йил-ярим йил най чалиб, чўпчак айтиб бериб юраман.* Ҳ. Фулом, Машғал.

**ЧҮПЧАК II** Ёқиладиган майда куруқ шох-шабба, хас-чўп. *Юнус ота шитирлатмасдангина чўпчак териб юрийди.* А. Қодирӣ, Обид кетмон.

**ЧҮПЧАКЧИ I** Топишмоқ тўқувчи, топишмоққа уста одам.

2 Эртак айтувчи, халқ эртакларини яхши биладиган ва таъсирли қилиб айтувчи одам; эртакчи.

**ЧҮРИ тар.** 1 Кул хотин; тутқунликдаги аёл. *У қишлоқларда фақат қиз чўрилардан қирқ нафар бўлиб, уларга эгалари кўп зулм қилар эканлар.* С. Айний, Эсдалиқлар.

2 Хизматкор хотин; оқсоч. [*Жамила:*] *Мен сизни ўла-ўлгунча дуо қилай, лойиқ кўрсангиз, чўрингиз бўлиб, эшигингизни супурай.* Ҳамза, Бой ила хизматчи.

**ЧҮРИЛИК** Чўри бўлишлик; оқсочлик, қуллик. [*Бой:*] *Бу нозанин увол!* [*Жамила:*] *Чўриликка эмас, бекачликка арзийди-я!* Ҳамза, Бой ила хизматчи. [*Фотима:*] *Мен сизга айтсам, муҳтожман, бу ерда чўрилик қилиб, ойига саккиз фунт оламан.* Мирмуҳсин, Нил устида ой.

**ЧҮРТ** рвш. Кескин, шарт, шартта. *Чўрт ўгирилмоқ. Чўрт кесиб гапирмоқ. Чўрт синиб тушмоқ. Чўрт жавоб.* ■ *Улар кўчани чўрт кесиб, рўбарўдаги кўрага қараб юра бош-*

*ладилар.* Ф. Фулом, Шум бола. *Матпанонинг эти увушиб, чўрт бурилди.* С. Сиёев, Аваз.

**ЧҮРТАН:** **чўртан балиқ** Дарё ва кўлларда яшайдиган, майда, ўткир тишли йиртқич балиқ. [*Ховуздаги*] *Зогора балиқ, чўртан балиқ, лаққа балиқлар гоҳ сув юзига чиқиб.. гоҳ билтанглаб ўйнаб, шўнғиб кетарди.* Ж. Шарипов, Хоразм.

**ЧҮРТКЕСАР** Шартта гапирадиган, айтадиган. *Мен тоғамнинг ҳақгўй, талабчан, ўрни келганда чўрткесар одамлигини илгаридан билардим.* «Шарқ юлдузи».

**ЧҮРТТА** кам қўлл. айн. **чўрт.** *Гўрўғли Бадкирга тармашиб туриб, иягига бир шохлади, тиши тилини чўртта қирқиб ўтди.* «Гўрўғлининг туғилиши».

**ЧҮТ I** [р. счёты — пул ҳисоб-китоби; ҳисоблашни амалга ошириш мосламаси] 1 Бухгалтерияда, идораларда қўлланадиган, тўртбурчак рамкага маҳкамланган темир симларга тизилган доналарни суриб, қўшув ва айирув амаллари бажариладиган содда мослама. *Чўт қоқмоқ. Чўтга солмоқ.* ■ *Кексагина одам дамодам шақиллатиб чўт қоқди.* Мирмуҳсин, Яширинган куч. *Бухгалтерия хонасидаги чўтларнинг шақ-шуқи, одамларнинг узук-юлуқ гаплари энди аниқроқ шитиларди.* Газетадан.

2 Мўлжал, тахмин, ҳисоб. [*Ғофир:*] *Менинг чўтимда ҳаммаси бўлиб беш юз сўмдан ошмас эди-ку? Ёки адашдингизми экан-а, бой ота? Ҳамза, Бой ила хизматчи.*

**Чўт бермайди** Фойда бермайди. - *Тракторларимиз ёмон эмас, лекин «универсаллар» бир оз чўт бермай кўйди.. — деди Икромжон.* И. Раҳим, Хислат. **Чўт эмас** Писанд эмас, ҳеч нарса, ҳеч гап эмас. [*Нурмат тоға:*] *Пулни-ку, тўлайсан. Сенга пул чўт эмас.* С. Аҳмад, Жимжитлик.

**ЧҮТ II** шв. Теша. *Дарахтларни чўт билан, болта билан қирқиб, ўтни ёқиб, фами́л чойни дамлаб, эгарини курси қип, аслаҳасини ерга кўйди.* «Юсуф ва Аҳмад».

**ЧҮТАЛ** Қимор ўйинларида ютган томондан олинадиган пул, улуш. [*Абдулқаҳҳорнинг*] *Қорнига ейдирган овқат учун тонадирган ақчаси қиморбозлардан чўтал бўлиб қолган эди.* Ҳамза, Танланган асарлар.

2 Улуш, ҳисса. *Кўзубой чол ана шу иши учун мол эгасидан чўтал олади.* Ш. Холмирзаев, Оғир тош кўчса.

**ЧЎТАЛЧИ** Қиморда ютуқдан чўтал олувчи одам. *Қиморни бошқарадиган чўталчи ютган томондан ўн сўмга бир сўм олиб турар, баъзан чўтал пулдан ютқазганларни, қарз бериб, «кўтариб» кўяр эди.* Ҳ. Нуъмон ва А. Шораҳмедов, Ота.

**ЧЎТИР 1** Чечак, кўтир ва ш.к. нинг изи қолган. *Соҳиб хунук: чечак туфайли Юзи чўтир, сўқир бир кўзи.* Уйғун, Тонг қўшиғи. *Айни суҳбатда ҳозир бўлган чўтир ҳисобчи масҳараомуз тиржайдики, Яхшибоев бунда бошқароқ бир синоат борлигини пайқади.* М. М. Дўст, Лолазор.

**2** Фадир-будур, ўнқир-чўнқир. *Чўтир ёнғоқ.* ■ *Чўлнинг чўтир бетида чалакамчатти ўсган янтоқлар қуриб, сарғайиб ётибди.* Ҳ. Гулом, Замин юлдузлари.

**ЧЎТКА** [р. шётка — чўтка] **1** Нарсаларни ювиш, тозалаш учун ясси дастага тартибли қилиб маҳкамланган қил толаларидан ёки симлардан иборат буюм. *Қил чўтка. Тиш чўтка(си). Кийим чўтка(си).*

**2** Соч, қош, киприкни бўяшда ишлатиладиган, кичик дастасига қилсимон толалар ўрнатилган пардоз буюми. *Шифтгача етган каттакон тошойна олдидан атир-упаю турли бўёқлар, қош бўяйдиган чўткадан тортиб, тирноқ оладиган асбоблар — ҳаммаси бетартиб сочилиб ётибди.* Мирмуҳсин, Умид.

**3** Бўяш, оқлаш учун кўпинча қилдан ясаладиган асбоб; мўйқалам. *Бўёқчилик чўткаси.* ■ *Уста қорамой, чўтка ва бошқа хил асбоблари турадиган ёғоч сандиқдан қоғозга ўроғлиқ бир нарса чиқарди.* Н. Аминов, Қаҳқаҳа.

**ЧЎТКАЛАМОҚ** Чўтка билан тозаламоқ. *Кийимларни чўткаламоқ.* ■ *Ундан кейин [Нафиса] уйдан эрининг костюмини олиб чиқиб чўткалайди.* Мирмуҳсин, Топилган хусн.

**ЧЎТЛАМОҚ** Мўлжалламоқ, чоғламоқ; мўлжаллаб, чоғлаб кўрмоқ. *Имкониятларни чўтлаб кўрмоқ.* ■ *Шивир-шивирга кўра, йигитлар Латифбойни ўлгудек дўппослаш, умуман.. ўша қиз номини бошқа тутмайдиган қилиб қўйишни чўтлаган эдилар.* «Ёшлик».

**ЧЎХ** кт. Катта; кўп; жуда. *Душман бўлса, чўх савдолар солайик, Ажал етса, ўққа учиб ўлайик.* «Юнус пари». *Ёшлик — бу умрнинг бетакрор фасли, Жўшқин ва оловли, чўх гўзал чоғи.* «Ёшлик».

**ЧЎЧАНГЛАМОҚ** *шв. 1* Чўчиб, кўрқиб қочмоқ, сакрамоқ. *Сигир чўчанглади.*

**2** салб. Бирдан асабийлашиб кетмоқ; асабий ҳолда аччиқ гаплар айтмоқ. *Искандарнинг гапини ҳеч бир оғир олмайдиган одам ўша кунни чўчанглаб кетди.* М. Мансуров, Ёмби.

**ЧЎЧИМОҚ 1** Бехос ташқи ёки ички таъсирдан сакраб, сапчиб тушмоқ, сесканмоқ. *Чўчиб уйғонмоқ.* ■ *Пешайвонда баногоҳ телефон жириглаб, [Искандар] чўчиб тушиди.* М. Мансуров, Ёмби. *Ориққина бир бола машина товушидан чўчиб, йўл четига чиқди.* С. Нуоров, Майсаларни аёз урмайди. *[Яхшибоев] Хаёлига келган қалтис фикрдан чўчиб тушиди.* М. М. Дўст, Лолазор.

**2** кўчма Кўрқмоқ, ҳадиксирамоқ; шубҳаланмоқ. *Қийинчиликлардан чўчимоқ.* ■ *Гоҳо ваҳималар бағрингни тилиб, Роса чўчитади, юришмас ишинг.* А. Орипов. *[Муҳсина] Ўғли талоқ айтса, келин уйдаги лаш-лушларни талоққа кўчиб кўтариб кетишидан чўчиди, холос.* М. М. Дўст, Лолазор.

**ЧЎЧЧАЙМОҚ** Аразлаган, хафа бўлган, ҳазиллашган, ҳуштак чалган вақтда бир оз олдинга чўзилмоқ (лаб ҳаракати ҳақида). *Ойиси уни [Хуршидни] зўрға қувиб тутаркан, қиқир-қиқир кулар, лабларини чўччайтириб, аллақандай овозлар чиқарарди.* Н. Аминов, Қаҳқаҳа. *Вазира аразлагандек, чўччайиб қаради.* «Ёшлик».

**ЧЎЧҚА 1** Гўшт ва ёғ олиш учун боқиладиган жуфт туёқли, калта оёқли, йирик сутэмизувчи уй ҳайвони. *Ёввойи чўчқа. Хонаки чўчқа.* ■ *[Бола] Девордан ошиб қараб, хир-хир овоз чиқариб, пўчоқ титкилаётган уч-тўртта чўчқани кўрди.* «Ёшлик».

**2** сўк. Аблаҳ, ҳайвон. *[Ишчи:] Мана, Ис-мат деган янги директор келди. Шу тузукми деб ўйловдик. Фирт чўчқа экан.* «Ёшлик».

**ЧЎЧҚАБОҚАР** Чўчқа боқувчи.

**ЧЎЧҚАЧИЛИК** Чорвачиликнинг чўчқаларни урчитиш ва боқиш, улардан гўшт, ёғ, тери ва б. маҳсулотлар олиш билан шуғулланадиган соҳаси. *Бўпти, бинонинг бир томонида чўчқачилик, иккинчи тарафида қорамолчилик фермасини ташкил қиламиз.* Газетадан.

**ЧЎЯН** [р. чугун < т. чўян] Пўлат ҳосил қилиш ёки қўйма деталлар тайёрлаш учун ишлатиладиган, углерод билан темирдан, шунингдек, жуда оз микдордаги бошқа

қўшилмалардан иборат қотишма (пўлатга нисбатан мўртроқ ва кам болгаланувчан бўлади). *Оқ чўян.* ■ *Чўядан қаттиқдир бо-тир бадани.* «Юсуф ва Аҳмад».

**2 сфт.** Чўядан тайёрланган, чўядан қилинган. *Жоннинг роҳати-да бу мўрча. Чўян бандли печкани ёқишингиз билан, қозонда сув исийди.* Ў. Ҳошимов, Икки эшик ораси.

**ЧЎҚИЛАМОҚ 1** Ҳадеб чўқийвермоқ, дам-бадам тўхтовсиз чўқимоқ, тўхтовсиз чўқиб емоқ. *Жўжалар чўқилаб дон емоқда. Қизилиштон чўқилаб дарахт тешмоқда.*

**2 кўчма** Ҳадеб уришавермоқ, бўлар-бўлмасга койийвермоқ; ҳар ёндан тинмай танбеҳ бермоқ; таламоқ. *Коллектив ўртага олиб изза қилди, бўлмади. Кейин кўпчилик уни чўқилаб, кавушини тўғрилаб қўйди.* Ҳ. Назир, Ўтлар туташганда.

**3 айн. ЧЎҚИМОҚ 3.** *Овқатдан бир-икки чўқилади.*

**ЧЎҚИМ** нумератив с. Сонлар билан бирга қўлланиб, асосан овқатнинг бармоқлар учи билан сиқиб олинган миқдорини билдиради. *Бир-икки чўқим ош.* ■ *Севаргул хушлар-хушламас товоқчага бир кагир ош сузди, сўнг.. ошдан бир чўқим оғзига солди.* Н. Қиличев, Чиғирик.

**ЧЎҚИМОҚ 1** Тумшуқ билан илиб олиб емоқ. *Жўжалар дон чўқимшоқда. Мулла билганини ўқир, Товуқ кўрганини чўқир.* Мақол. ■ *Патнисда тўртта кулча, икки бош қизил чиллаки ва қуш чўқиган қандайдир бир бош узум бор эди.* Ойбек, Танланган асарлар.

**Бир чўқиб, икки қарайди** Жуда эҳтиёткор одам ҳақида.

**2** Тумшуқ билан зарб бермоқ (қуш ва паррандаларга нисбатан). *Қарға қарганинг кўзини чўқимайди.* Мақол. ■ *Бургут жонҳолатда унга [латта-путталар боғланган ходага] ташланиб, тирноқлари билан чангалаб чўқирди.* Бу — дастлабки ов — машқ эди, албатта. «Ёшлик».

**Бир чўқишда қочирмоқ** Устун чиқмоқ. *Мулла Мамажон ўз даврида ялқовлик билан «Алиф лайли»даги Абутанбални бир чўқишда қочирадиган киши бўлган экан.* Ф. Фулом, Тирилган мурда.

**3 кўчма** Қўл учи билан чимдиб, озгина емоқ, еб кўрмоқ, татимоқ. *[Ҳожи ва Ҳасанали] Сўзлашмасдангина, лагандан бирмунча чўқиган бўдилар-да, қўл артдилар.* А. Қодирий, Ўтган кунлар.

**4 кўчма с. т.** Баланд келиб, зўр чиқмоқ; қаттиқ койимоқ, уришмоқ. *Ораларида зўр-зўр адвокатларни чўқиб ташлайдиган раҳбарлари бор эмиш.* Ойбек, Улуғ йўл.

**ЧЎҚИНДИ** дин. Мусулмон динидан қайтиб, христиан динига кирган, чўқинган. *У [Зокиржон] ўн икки ёшида найрангбоз Азим чўқинди тўпига қўшилиб, жарчилик қилган.* М. Қодиров, Ханда ва қаҳқаҳа усталари.

**ЧЎҚИНМОҚ 1** дин. Қўл учини пешонасига ва икки елкасига келтириб ибодат қилмоқ, ҳулога сиғинмоқ (христианларда); христиан динига кирмоқ. *-Ҳа, Абжал, чўқиндингми, шапкани қанчага олдинг?! — дедим.* А. Қодирий, Кичик асарлар.

**2** Умуман, ибодат, сажда қилмоқ, сиғинмоқ, топинмоқ. *Бутга чўқинмоқ. Оловга чўқинмоқ.* ■ *Баримиз ўз тилимизда чўқиниб бордик, Масковдан то Берлингача сўқиниб бордик.* М. Юсуф.

**3 кўчма салб.** Қулларча сажда қилмоқ, сиғинмоқ, топинмоқ. *Пулга чўқинадиган одам.*

**ЧЎҚИНМОҚ II Чўқимоқ 1, 3** фл. ўзл. н. *-Анови Мусулмонқул бўлмаса, бошқа Алимқул бош кўтариши аниқ! — деди қушбеги ва дастурхондан чўқиниб давом этди.* А. Қодирий, Ўтган кунлар. *Тўрқовоқ ичида туллак ҳам қоқинди, чўқинди, сайраб бир нафас.* Ф. Фулом.

**ЧЎҚИШТИРМОҚ шв. 1 Чўқишмоқ** фл. орт. н. *Хўрозларни чўқиштирмоқ.*

**2** Май косаларини ёки қадахларни бир-бирига тегизиб олмоқ, уриштирмоқ. *[Яхшибоев] Чўқиштириб ўтирмади, дадилроқ бўлай деб, қадахни олди-ю, шартта синқарди.* М. М. Дўст, Лолазор.

**ЧЎҚМОР 1** Тўқмоқ шаклидаги қадимий уруш қуроли; гурзи, шашпар. *Асроранинг миясига биров чўқмор билан ургандай бўлди.* «Ёшлик». *..бўшроқ жойга ўтган йигитчанинг худди орқасида, деворга тиркалиб турган узун, оғир чўқморга унинг [Ҳозиддиннинг] кўзи тушди.* О. Мухтор, Эгилган бош.

**2** Тош кесадиған, парчалайдиган оғир тўқмоқ. *Фарҳод, қўлида теша ва чўқмори билан катта-катта тоғ тошларини кўпориб, Сирни буга бошлади.* И. Жабборов, Кўҳна харобалар сири.

**ЧЎҚҚАЙМОҚ 1 айн. чўнқаймоқ.** *Унча-мунча гапга йиғламайдиган Умид янтоқ,*



чақиртиканаклар ёнида чўққайиб ўтириб, хўнг-хўнг ийларди. Мирмуҳсин, Умид.

2 Диккайиб, қўққайиб чиқиб турмоқ. *Чўққайган катта тош.*

**ЧЎҚҚАРА** шв. Соққа (ёнгоқ ўйинида).

**ЧЎҚҚИ 1** Тоғнинг энг баланд, юксак жойи. *Ҳисор чўққилари оқариб, шаҳар, қишлоқларга яқинлашиб келгандай туюлди. С. Нуров, Майсаларни аёз урмайди. Асрий чўққилар қуёшда ялтирар ва сукут сақлар, унинг тўшидаги қорлар кўзни қамаштирарди. «Саодат».*

2 Тик нарсаларнинг энг юқори қисми. *Телерадиоминоралар чўққиси. ■ Навқирон бир теракнинг чўққисида ошён, Кеч куз тонготарин салом билан олқишар. Ф. Гулом.*

3 кўча Эришилган ёки эришилиши мумкин бўлган энг юксак даража, поғона, кўрсаткич; олий нуқта. *Камолот чўққиси. Бахт чўққиси. ■ Фидокорона меҳнатсиз илм чўққиларини эгаллаб бўлмайди. Газетадан. Шафқатсиз дунёда шеърят голиблигини сезиш, унинг беқиёс қудратини ҳис этишининг ўзи киши кайфиятини юксак чўққига кўтариб, дунёни инсон кўзига чаман қилиб кўрсатади. «ЎТА»*

**Чўққи соқол** 1) калта қилиб қўйилган соқол. *Вафо аттор чўққи соқолини қашлади, йўталиб олиб, бир чеккага тупурди. Н. Аминов, Қаҳқаҳа; 2) шундай соқол қўйган киши. Абдуваҳоб Шоший эллик беш ёшларда, қотма, чўққи соқол, қарашлари ўткир бир одам. Мирмуҳсин, Тунги чақмоқлар.*

**ЧўҒ 1 1** Ёниб бўлиб, алангаси сўнган ўтин, кўмир ва ш.к. *Лахча чўғ. Самоварга чўғ ташламоқ. ■ Ошпаз оппоқ халатининг енгларини намойишкорона шимариб, кўрага кўмир чўғини терди. «Ёшлик».*

**Чўғ устида ўтиргандек** Бетоқат, бесаранжом, безовта. *Сўхбат вақтида [Султон Хусайн] ўзини худди чўғ устида ўтиргандек ҳис қилди. А. Кўчимов, Ҳалқа. Ўзини ўтга, чўққа урмоқ* Мақсадга эришиш учун ўзини ҳар ёққа урмоқ, ҳеч нарсадан кўрқмай, тап тортмай ҳаракат қилмоқ. *Биз ёшлигимизда*

*кўрган қаттиқчиликни шу болаларим кўрмасин, деб ўзимни ўтга ҳам урдим, чўққа ҳам урдим. И. Ўктамов, Ҳикоялар.*

2 кўча Аланга, оташ, тафт; иштиёқ, завқ-шавқ. *Ишқ чўғи. Умид чўғлари. Юрак чўғи. ■ Халқ кўксига чўғ солиб турадиган шеърлар бўлади. Газетадан. Юрагига санъат чўғи тушган қиз ўз мақсади сари интилди. Газетадан.*

**ЧўҒ II** Салмоқ, чама. *Ҳосилнинг чўғи яхши. Пулнинг чўғи. ■ [Нонни] Салмоқлаб кўр, чўғи оғирроғидан ол. Ф. Гулом, Шум бола.*

**Чўғи қочган** Миқдоран камайган, озайган. *Икки атрофда пахтасининг чўғи қочган далалар гоҳ чўп бўлиб ғўзапоёси қолган, гоҳ пахтаси эгатларга оқиб тушган пайкаллар билан алмашинади. М. Мансуров, Ёмби.*

**ЧўҒЛАНМА:** **чўғланма лампа** Электр токи ўтганда, ички сими (толаси) қизиби, чўғланиб, ёрқин нур сочадиган ёруғлик манбаи. *Дастлабки чўғланма лампани 1872 йилда А.Н. Лодигин ихтиро қилган. «ЎЗМЭ».*

**ЧўҒЛАНМОҚ 1** Чўғ ҳолига келмоқ, чўққа айланмоқ; чўғдек қизармоқ. *Гулхайрининг кўзлари чўғланган кўмирдек яшинаб, киприкларига тутун илашгандай бўлди. С. Нуров, Нарвон. [Султонов] Тинмай, босиб-босиб чекади, ҳар тортганида, аламининг зўридан папироси чўғланиб, ёниб кетгудек бўларди. М. Мансуров, Ёмби.*

2 кўча Чўғдек ёнмоқ, ярқирамоқ. *[Пайғомовнинг] Яшил кўзлари чўғланиб, юзи қоронғида гугурт чаққандек яна ҳам ял-ял ёнди. С. Нуров, Нарвон.*

**ЧўҒОЛ 1** Бақувват, тўладан келган; ғўлабур. *[Болаларнинг] Яна бир чўғолроғи «Нормат акам урушга боряпти, Гитлерни ўлдириб келади», деб бошқаларнинг гапини бўлиб қўяди. И. Раҳим, Чин муҳаббат.*

2 эск. Бақувват, кучли хизматкор. *Хоннинг раъйи сув чиқаришга тўхтади.. Барча шаҳар ва қишлоқларга саркорлар, чўғоллар тарқатди. Улар халқдан солиқ йиғиштиришга, ёрдам тўплашга буюрилган эди. А. Қодирий, Мехробдан чаён.*



**ШАБ** [ф. شب — кеча, тун; кечаси] *кт.* кам қўлл. Сутканинг қоронғи қисми; кеч, тун, кеча. *Учинчи шаб ул сакбачча кечаги бесаранжомликни баттароқ қилди.* А. Қодирий, Кичик асарлар.

**Бозори шаб** *эск.* Рўза кунларида кечаси бўладиган бозор, тунги бозор. [Шайхантоҳурда] *Болалар жуда кўп, бозори шабнинг ҳар бурчида тентираб юришади.* Ойбек, Болалик. **Шаби ҳижрон** *поэт.* Айрилиқ туни, айрилиқ кечаси.

**ШАБАДА** *Енгил, майин шамол. Субҳидам шабадаси. Оқшом шабадаси. Баҳор шабадаси.* ■ *Тонг чоғи, ҳаво очиқ, офтоб ҳали чиқмаган. Лекин юлдузлар кўринмайди, ёқимли шабада эсмоқда.* С. Айний, Дохунда. *Бир оздан кейин Амударё томонидан эсан салқин шабада бўғиқ ҳавони тарқатиб юборди.* Ж. Шарипов, Хоразм.

**Кўкрагига шабада тегмоқ айн. кўкрагига шамол тегмоқ қ. шамол.** *Юраги соғ одамларни кўрсангиз, кўкрагингизга шабада тесса, буткул тузалиб кетсангиз ажаб эмас.* А. Қаҳҳор, Минг бир жон.

**ШАБАДАЛАМОҚ 1** *Тоза, соф ҳавода бўлмоқ, тоза ҳаводан нафас олиб юрмоқ.* - *Бирнас шабадаланг, райком болам, — деди чол.* Ойбек, О.в. шабадалар.

**2 айн. шамолламоқ 1.** *Нега кўзгалдингиз, тўрам? Шабадалаб қолманг, яна.* И. Султон, Бургутнинг парвози.

**ШАБАДАЛАТМОҚ 1 Шабадаламоқ 2** *фл. орт. н. Чақалоқни шабадалатиб қўйма.*

**2 Шамол (шабада) билан губорини кетказмоқ; шамолламоқ.** *Хоналарни тез-тез шабадалатиб туриш керак.* ■ *Хирмонга тў-*

*килган пахтани қабул қилиш, ёйиб шабадалатиш, қоплаш ва жўнатиш — анча машаққатли иш.* И. Раҳим, Куз лавҳалари.

**ШАББОДА** *поэт. айн. шабада. Шаббодалар тарар сочингни. Кўзгу тутар сувлар юзингга. Манман деган барно йигитлар Бош уради босган изингга.* Уйғун. *Ва шаббода қургур илк саҳар Олиб кетди гулнинг тотини.* Х. Олимжон. *Юзларимга майинлик билан Хуш шаббоданг урилди салқин.* Х. Салоҳ.

**ШАБГАРД** [ф. شېگرد — тунда айланувчи, тунги қоровул; тунги ўғри] *эск. тар.* Тунги қоровул; миршаб. *Бандиларнинг тева-рагини яланғоч қилич кўтарган шабгардлар ўраб олган.* С. Айний, Куллар. *Растанинг ўртасида девордаги қозикқа осилган қора фонус хира ёнмоқда, чироқ остидаги гулхан олдида.. шабгард [миршаб одами] ётарди.* С. Айний, Дохунда.

**ШАБДОР** [ф. شېدر] *Йўнғичқанинг бир тури.*

**ШАБИСТОН** [ф. شېستان — кечки ётоқхона; қоп-қоронғи кеча, қоронғилик] **1** *эск.кт.* Кечки ётоқхона; ички ҳарам доираси.

**2 кўчма поэт.** *Қоронғилик, зулмат ҳукмрон бўлган жой; тун. Шабистонда хаёл сурсам, Сен осмонимда юлдузсан. На юлдузсан, ой гулюз, Шабистонимда кундузсан.* Т. Қаҳҳор, Оқ ўрик.

**Шамъи шабистон** *Қоронғиликни, масканни ёритувчи нур, равшан чироқ. Урмагай сўнгра Муқийм шамъи шабистоним менинг.* Муқимий.

**ШАБИХУН** [ф. شېخون — тунги ҳужум, тунги талон-торож]: **шабиҳун урмоқ 1)** *би-рор томонга қараб югурмоқ, чопмоқ; жуф-*

такни ростламоқ. *Охири, чол-камтир мас-лаҳатлашиб.. бир кечадаёқ шабихун уриб, узоқ бир қишлоққа ғойиб бўлдик.* Файратий, Сабаби тириклик; 2) эск. кечаси кўққисдан хужум қилмоқ, билдирмай бостириб кирмоқ. *Юлдузларга шабихун урган Қаҳрамонга қурарлар қаср.* У. Исмоилов, Сайланма.

**ШАБКЎР** [ф. شېكۈر – тунда кўрмайдиган] Кечаси, қоронғи тушганда кўролмайдиган. *Шабкўр одам.* ■ [Узоқ вақт] *Овқат емаслик натижасида кишининг боши айланади.. кўзлари хиралашади, ҳатто шабкўр бўлиб қолади.* Газетадан.

**ШАБКЎРЛИК** Қоронғиликда кўз кўриш қобилиятининг ёмонлашуви; шом ва тунда яхши кўрмаслик. *Ёш мол сут ёки ем-хашак орқали «А» витамини олмаса.. [унда] шабкўрлик аломатлари рўй беради.* Газетадан.

**ШАБЛОН I** [нем. Schablone – андоза, намуна] 1 *тех.* Бирор нарсанинг қолипи; андоза. *Шаблон ясамоқ.* ■ *Чигит саякаларини созлаш учун.. яратилган «ПС-56» шаблони республика санюати томонидан бир неча юз дона ишлаб чиқарилди.* Газетадан.

2 *кўчма* Чайналган, сийқаси чиққан нарсага кўр-кўрона эргашиш, шундай йўл; куруқ сафсата. *Ёзувчиларни халқнинг бой, жонли тилидан фойдаланиб, ижод аҳллари-ни шаблондан қочиб, ижодий изланиш ва интилишга чақиради.* А. Алиев, Жулкунбой сабоғи. *Қисқаси, шаблон йўқлиги Ойбек тилининг асосий хусусиятидир.* «ЎТА».

**ШАБЛОН II** *сфт.* Кўр-кўрона тақлид қилишга асосланган; бир қолипдаги, сийқаси чиққан, чайналган. *Нотиқнинг шаблон нутқига хос типик элементларни топиш.. учун, тавсирдан ташқари, ўзига хос талант ҳам бўлиши керак.* «ЎТА».

**ШАБЛОНЛАШМОҚ** Шаблонга айланмоқ, сийқалашмоқ. *Шаблонлашган усул. Шаблонлашган ибора.* ■ *Навоиёна ёзилган Ниёзий асарлари мақсадсиз тақлидчилик, шаблонлашган шаклбозлик юзага келтирган ғазаллардан иборат бўлмай.. реал ҳаёт, воқеликнинг шакли, талаби билан бунёд этилган бадиий асарлардир.* «ЎТА».

**ШАБЛОНЧИЛИК** Иш ёки ҳаракатда кўр-кўрона тақлид қилиш, сийқаси чиққан усулни қўллаш. *Шаблончиликка қарши курашмоқ.*

**ШАБНАМ** [ф. شېنم – шудринг < شب – тун + نم – ҳўл, нам; сув] Баҳорда, ёзда

кечаси ҳароратнинг пасайиши туфайли майда томчилар тарзида ерга инадиган ҳаводаги, атмосферадаги буғ, намлик; ҳаводан инган мусаффо томчи; шудринг. - *Қудуқларда сув камайиб қолганда, кўйларга тонг шабнами кўнган гиёҳ шимитиб ҳам олиб юрдим, – деди Чатоқбобо.* С. Нуров, Дурдона. *Эрталабки шабнам кўёш иссиғида дарҳол кўтарилгандай, хафалик ҳам Ойқиз дилидан дарҳол кўтарилиб кетди.* Ш. Рашидов, Бўрондан кучли. *Отам эккан чигитлар Бирдай текис унади, Шабнам эмган ғўзалар Нур кўйнида кулади.* З. Диёр.

**ШАБНАМЛАНМОҚ** Шабнам билан қопланмоқ, юзига шабнам тушмоқ. *Ёқут кўзли олтин узук билан порласа Келинчакнинг хиналанган нозик бармоғи, Чанқоқ-чанқоқ термулишлар – биринчи бўса Шабнамланса себарганинг тоза яроғи.* Ф. Фулом.

**ШАБНАМЛИ** Шабнам тушган; шабнам кўнган, шабнам билан қопланган. *Бир баҳорнинг шабнамли тонги эди, Япроқ йиғлоқ киприклардай намланган.* А. Умарий.

**ШАБНАМСИЗ** Шабнам тушмаган; шабнам кўнмаган. *Шабнамсиз тонг. Шабнамсиз куруқ майсалар.*

**ШАБОҲАНГ** [ф. شېهانگ] (Ш – катта) *астр.* Катта Ит буржидаги энг йирик ёруғ юлдуз; Сириус.

**ШАБПАРАК** [ф. شېپىرەк – тунда учувчи] *эск. кт. айн. кўршапалак.* *Кундуздан сўрадим: -Мухолифинг ким? Дедик: Шабпарак, бойўғли, бўри.* М. Шайхзода.

**ШАБРАНГ** [ф. شېرەنگ – тун рангидаги] *эск.* Қора рангдаги, қора.

**ШАБРОН** *айн. шевро.* *Тагчарм, хиром, шаброн, амирконларнинг қай хилидан сўрасангиз, топилади.* «Муштум». ..эгнида янги беқасам тўн, оёғида шаброн этик, ҳаяжони юзига қалққан. Ж. Абдуллахонов, Тошқин.

**ШАБ-РЎЗ, шабу рўз** [ф. شېرۈز – кечаю кундуз] *кт. кам қўлл.* Кеча-кундуз, кеча ва кундуз, кун-тун. *Чалпак бирла ош ташиб, ўтса шабу рўзлари.* Ҳамза.

**ШАБЧИРОҚ** [шаб + чироқ] 1 Қоронғиликда нур сочиб турадиган афсонавий тош; чақнаб турадиган, рангдор, ярқирама тош.

2 *айн. шамчироқ.* *Қош-қовоқ ораси тўрт йил сақланган Умид шабчироғи порлади ғоят.* Ф. Фулом.

**ШАБЧОР** [ф. شېب چۈرە – тун + چۈرىدن – ўтламоқ] *қ.х.* Чорва молларини тунда ўтлатиш.

**ШАВАҚИ** *шв.* Шовқин-сурон кўтарувчи, бақирок; шанғи. *Шавақи одам.*

**ШАВВОЛ** [а. شوال — унча катта, кўп бўлмаган] Камария йил ҳисобининг 29 кундан иборат ўнинчи ойи. *Исломи дини талабига кўра, худонинг бандаси бир ой рўза тутгач, рамазон ойдан сўнги шаввол ойининг уч кун рўза ҳайити қилиши.. лозим.* Газетадан.

**ШАВКАТ** [а. شوكت — тикан; тиг; куч, қудрат, қувват] **1** Эл-халқ ичида қозонилган катта обрў. ҳурмат; шон-шухрат, доврўқ. *Қизини ер-кўкка ишонмаган онаси.. бу қизни катта шавкат ва дабдаба билан узатишини орзу қиларди.* Ойбек, Танланган асарлар. *Шавкати оламга кетиб, Бировларга қамчи чопиб.. «Ойсулув».* Қайдан келди бу шавкат, ўзғирлик, пешқадамлик. Миртемир.

**2** Салобат, виқор; савлат. *Саройнинг ўрталигида.. адрас кўрначалар тўшалган шийтон остида.. шавкат билан парёстиққа суяниб, карвонбоши ўтирмақда эди.* С. Айний, Қуллар.

**3** Дабдаба, тантана, ҳашамат. *Базм бутун шавкати, бутун анъана ва одати.. билан давом этади.* Ойбек, Танланган асарлар.

**4** Шавкат (эркаклар ва хотин-қизлар исми).

**ШАВКАТЛИ** **1** Катта ҳурмат ва обрўга эга бўлган; донг таратган; шонли, шухратли. *Менинг шавкатли кунларим ўтди, энди тунларим яқинлашмоқда..* Мирмуҳсин, Меъмор.

**2** Дабдабали, ҳашаматли. *Шавкатли қаср.*

**ШАВЛА** [ф. شوله / شله — гуручдан тайёрланган юмшоқ ош] Гўшт, сабзи-пиёз ва гуруч солиб пишириладиган бўтқасимон овқат. *Шавла пиширмақ. Шавлани емоқ.* Арзимаиди галваси, куйдиради шавласи. Мақол. ■ *Бир қўлида лаганда шавла, бир қўлида чойнак кўтариб кириб келаётган Гулчехра эрига ғалати қараб қўйди.* С. Зуннунова, Гўдак хили.

**Қулоғининг тагида шавла қайнатмоқ** Шапалоқ билан урмоқ, тарсаки солмоқ. *Қўшни звено бошлиғига ўғлингизни тутиб берсам, қулоғи тагида шавла қайнатиб қўярди.* Ҳ. Назир, Сўнмас чақмоқлар.

**ШАВҚ** [а. شوق — ҳис-туйғу, эҳтирос; кучли орзу, ҳавас, истак] **1** *кт.* Кучли ҳавас, интилиш; қизиқиш, иштиёқ. *Бу ғазалда.. ёш йиитнинг ҳисси, шавқи, наъбаси янгради.* Ойбек, Навоий. *Бу тил-адабиёт*

*муаллими таълим ва тарбия ишини севар, юрагида тобора кучайган бир шавқ билан мактабда ишлар эди.* Ойбек, Нур қидириб.

**2** Шундай интилиш, қизиқиш туфайли юзага келган кўтаринки руҳий ҳолат; завқ. *Шавққа тўлиб куйламоқ.* ■ [Ғули:] *Ғазалким, сўзлагай ишқдин, сафодин. Ғазалдин бу каби шавқ олмаган ким?* Уйғун ва И. Султон, Алишер Навоий. *Гармончи ҳам шавқидан беихтиёр ўртага тушиб, ўйин айни доли-ғулига келганда, майдон гумбурааб кетди.* Ойбек, Кўёш қораймас.

**ШАВҚЛАНМОҚ** Бирор нарсага ғоят мамнунлик ҳисси билан берилмоқ, руҳий кўтаринкилик билан қизиқмоқ; завқланмоқ. *Шавқланиб куйламоқ.* ■ *Нодиржон Набижонович ёш дўстининг ичдан тўлқинланиб бораётганидан шавқланди.* Ж. Абдуллахонов, Орият. *Кафтларини бир-бирига уриб, шавқланиб, ўртоғини мақтади* Комила. Ойбек, О.в. шабадалар.

**ШАВҚЛИ** **1** Бирор нарсага ғоят берилиб ёки қизиқиб кетадиган; серзавқ. *Шавқли одам.*

**2** Кишига шавқ-завқ, руҳий кўтаринкилик, шодлик, роҳат бахш этадиган; жўшқин; жозибали, завқли. *Яшил уватларда завқли қўшиқлар, Шавқли ҳангамалар бўлар кўп шинам.* Ғ. Фулом. *Унинг назарида, бундан суюмлироқ, бундан ҳам завқ ва шавқлироқ иш йўқ эди дунёда.* Н. Фозилов, Дийдор.

**ШАВҚСИЗ** **1** Бирор нарсага юракдан берилиб, қизиқиб кетмайдиган; бирор нарсадан завқлана олмайдиган; лоқайд. *Шавқсиз одам.*

**2** Кишига шавқ-завқ, ҳузур бағишламайдиган; завқсиз. *Шавқсиз мушқча. Шавқсиз ҳикоя.*

**ШАВҲАР** [ф. شوهر — эр] *эск.* Хотиннинг эри; эр, рафиқ. *Инчунин ўшал хотиннинг.. шавҳари жавобгардир.* И. Акрам, Адолат.

**ШАГРЕНЬ** [фр. chagrin — ф. < t. сағри] **1** Қўй, эчки, от териларидан тайёрланган, ғадир-будур юмшоқ тери. *Шагренидан тикилган маҳси.*

**2** *махс.* Муқовага ишлатиладиган қоғоз ёки коленкор.

**ШАДДОД** [а. شداد — кучли, қудратли; жуда ёмон (оғир); қийин; золим, қаҳрли] **1** Ўз хоҳиши, ҳукмини ўтказадиган; шафқатсиз, золим. *Болалар бахтининг юлдузлариغا Заҳарлар сочмоқчи қайси жаллодлар? Дунё-*

нинг равшанлик — кундузларига Зулмат қўймоқчимиз бебош шаддодлар? М. Шайхзода. *Иброҳим ака, гапингиз тўғрику-я, лекин Исфандиёр тўраги шаддод дейишади.* Ж. Шарипов, Хоразм.

2 Ўз фикрини ўтказишга тиришадиган; ўжар, чўрткесар; ўз фикрини қатъийлик билан, дадил айтадиган, тортинмас (асосан аёллар ҳақида). *Шаддод, гапини бировга бермайдиган, эркакшода Асрора звенога бошлиқ бўлди.* С. Аҳмад, Уфқ. *Майнанинг уддабуронлиги.. [Иван Василиччи] ҳайратда қолдири: «Шаддод қиз. Оламга татийди».* Ш. Тошматов, Эрк қуши.

**ШАДДОДЛИК** Шаддод шахсга хос хислат, ҳатти-ҳаракат. *-Бунга мен жавоб бераман, — деди у [Лобархон] шаддодлик билан.* И. Раҳим, Зангори кема капитани. *Тожиҳонни, шаддодлигига қарамай, Машрабжон ёнида қизларга хос иффат чулғаб оларди.* Мирмуҳсин, Югурдак.

**ШАЖАРА** [а. شجرة — дарахт; дарахт шаклида тузилган схема] Маълум бир уруғ авлодларининг келиб чиқиши ва ўзaro қариндошлик даражасини изчиллик билан кўрсатувчи рўйхат, тарих; силсила. *Сомонийлар шажарасининг сўнги бутоғи бўлган подшо Нух бинн Мансур касалманд одам эди.* М. Осим, Китобга ихлос. *Шажарамиз бор. Унда барча аждодларимизнинг тарихи ёзилган.* А. Ҳақимов, Илон изидан.

**ШАЙ** I Тайёр ҳолга келтирилган; тайёр, тахт. *Ҳамма нарса шай. Доим шай бўлиб турмоқ. Қуролни шай қилиб қўймоқ.* ■ *Клубда столлар ясашиб бўлинган. Утиришни бошлашга ҳамма нарса шай.* М. Хайруллаев, Кўнгил. *Асбоб-ускуна шай бўлса, материаллар тахт бўлса, калавачи панд емайди.* М. Жўра, Қуёшдан нур эмганлар.

**ШАЙ** II [а. شىء — нарса, буюм; нимадир] кам қўл. Нарса, предмет. У [Раҳмонали] ҳикоя қилади: *«Муҳаббат бир бало шайдир, гирифторм бўлмаган билмас».* Н. Сафаров, Катта карвон йўлда.

**ШАЙБА** [нем. Scheibe — лаппак; гардиш; диск] I тех. Гайка ёки винт калаги остига қўйиладиган, ясси ҳалқа кўринишидаги деталь. *Унинг орқасидан гайка, шайба.. яна аллақандай эҳтиёт қисмлар чиқиб келаверди.* «Муштум».

2 срт. Хоккей ўйнида қўлланадиган, қаттиқ қора резинадан тайёрланадиган яс-

си диск. *Дарвозага шайба киритмоқ. Шайбани урмоқ. Шайбани тўсиб қолмоқ.*

**ШАЙДО** [ф. شيدا — севгидан девона бўлган, ҳаддан ташқари гирифторм, мафтун] I Бирор кимсани гоят даражада севиб қолган, мафтун бўлган, унинг учун ҳамма нарсадан кечишга тайёр; жўшқин ошиқ. *Шайдо бўлмоқ. Шайдо қилмоқ.* ■ *-Парво қилма. Омон-эсон Тошкент борайлик, бировнинг суқи тушмаганидан топиб бераман. Кўрибсанки, у ҳам шайдо, сен ҳам. Мени дуо қилаверсанлар, — деди Суннат. Шунелли йиллар. -Шайдоларингиз иккита бўлиб қолибдими? — деди яна кимдир. Яна кулги кўтарилди. М. Қориев, Ойдин кечалар. Гул юзи уни [Фулмжонни] шайдо қилган ўша дамда, хирмонда Ҳаётнинг Мадаминхўжа қизи эканлигини билибмиди? М. Исмоилий, Фарғона т. о.*

2 Бирор нарсага гоят даражада қизиқадиган, ашаддий ишқивоз. *Футбол шайдоси. Муסיқа шайдоси. Санъат шайдоси.* ■ *Акасининг ҳар қандай янгилик шайдоси эканлиги хусусида гапира кетди.* «Ўзбекистон қўриқлари».

**ШАЙДОЙИ** [ф. شيدايى — телбаларча ошиқлик] I айн. шайдо. *Бир кўришдаёқ у қизга шайдойи бўлди. Хоккей шайдойилари.*

2 Бирор кимсани гоят даражада севиш ёки бирор нарсага ниҳоятда берилиш туфайли ақл-хушини йўқотган; мажнуннамо, девона. *Ўзингиз ҳам бирор қизни шайдойи бўлиб севганмисиз? Шукрулло, Жавоҳирлар сандиғи.*

**ШАЙДОЙИЛИК** Шайдо эканлик, шайдо бўлишлик; шайдолик, мафтунлик.

**ШАЙДОЛИК** Шайдо эканлик, шайдо ҳолат. *Менинг шайдолим бу нозпарвар дилрабодандир. Ҳабибий. Шайдолимни, дилбар, инкор қилмасанг-чи. Шўхий. Биламан баҳорнинг эрка шамолни, Севаман тупроқнинг уйғониш чоғин, Бўсалар фаслини, ёрнинг жамолин.. Ҳай-ҳай, шайдолим тутмасин тагин!* М. Шайхзода.

**ШАЙИН** [а. شين — нуқсон, кам-кўст] Икки учига тарози паллалари осиб қўйиладиган, унда тортиладиган нарса оғирлигини аниқлаш учун хизмат қиладиган темир ёки ёғоч мослама. *Холмат аканинг қораси кўринди. У елкасида тарозининг шайиними, лангарми, нималарнидир кўтариб, хирмон томон жадал келмоқда.* И. Раҳим, Куз лавҳа-

лари. Тарозибон бўлмаган вақтларда шайин бошига ўтиб, юк тортиш ҳам [Ҳошимнинг] қўлидан келади. С. Айний, Эсдалиқлар.

**ШАЙКА** [р. шайка < турк. saika – казакларнинг катта қайиғи] Босқинчилик, ёвузлик қилиш ниятида тил бириктириб иш кўрадиган кишилар тўдаси. *Жиноятчилар шайкаси.* ■ *Кўрқмас, ғайратли милиция раҳбари турли шайкаларга даҳшат солди.* Газетадан.

**ШАЙЛАМОҚ** Тайёр ҳолатга келтирмоқ, тайёр қилиб қўймоқ, тахт қилмоқ. *Отараваларни шайламоқ.* ■ *Тракторимни шайлаб қўйганман. Қатор ораларида қўшиқ айтиб ишламасам, армондан чиқмайман.* Ф. Нуруллаев, Бўз йигит. *Одамларни механизаторлик курсларида ўқитяпмиз.. техникани кўкламга шайлаяпмиз.* Газетадан. *Халқни.. курашга шайлаш керак.* Ойбек, О.в. шабадалар.

**Ўзини шайламоқ** Бирор иш-ҳаракатни бошлашга тайёр бўлиб турмоқ. *Сизлар ҳам белни маҳкам бойланглар, ўзларингни шайланглар.* «Равшан».

**ШАЙТАНАТ** [а. شيطان – шайтонлик, иблислик; ярамас, шайтоний қилиқлар] **I** дин. Шайтонлар; шайтонлар макони.

**2** кўчма Маккорлар, фирибгарлар тўдаси, разиллар мажмуи. *Бу мақсад йўлида бутун одамлар Шайтанат тахтини ерга қилди жо.* Ф. Фулом.

**3** Маккорлик, фирибгарлик, шайтонлик. *Анвар ўзини табрик қилувчи уламо ва ашрафлар юзидан очиқ равишда риё, шайтанат ва тама ўқир, камбағаллардан содда самимият кўрар эди.* А. Қодирий, Меҳробдан чаён.

**ШАЙТОН I** [а. شيطان – иблис; жин, ажина] **I** дин. Одамларни дин йўлидан оздирувчи, уларни гуноҳга, жиноятга, разолатга бошловчи ёвуз руҳ ёки ёвуз руҳларнинг бошлиғи; иблис. *Эй улуғ шоҳ, бу йўлдан қайт, шайтон васвасасига учма, кейин пушаймон бўлиб юрма.. «Олтин бешик».* *Бойни ҳам шайтон йўлдан урган.* К. Яшин, Ҳамза. *Ибодат қилмаслик умуман гуноҳ эмас, лекин ибодат қилмаган киши, шайтоннинг гапига кириб қилмагани учун, гуноҳ ҳисобланади.* А. Қаҳҳор, Қабрдан товуш. – *Оббо, қизиталоқ.* *Шайтоннинг домласи экан-а! Зақунчиларнинг кўпи шунақа бўлади, – деди Тантубойвачча папиросини тортиб.* Ойбек, Танланган асарлар.

**2** кўчма Айёр, қув одам; алдамчи. *Анави магазинчи бор-ку. Улғудек шайтон.. Р. Файзий, Чўлга баҳор келди.*

**3** кўчма Шўх, ўйноқи. *Қиз бола шайтон бўлади-да, тавба, буй-баста чўзилиб, ростдан ҳам, суқсурдек қиз бўлибди.* Ш. Тошматов, Эрк қуши. – *Ҳа, шайтон қиз, – деди Уринбой, – шу ерда ҳам қўймайсан-а? Ойдин, Келин ўғил туғибди. Бизнинг Авазга ўхшаган битта шайтонроғи «Йигирма олтинчиси отилмасин!» деб қийқиради.* С. Сиёев, Ёруғлик.

**Ноумид – шайтон** Инсон доим умид, яхши ният билан яшашини, умидсизланмасликни қайд этувчи, шунга даъват этувчи ибора. *Дийдор кўришамиз, ноумид – шайтон!* И. Раҳим, Чин муҳаббат. – *Қўйинг, ноумид – шайтон, – Ойшабону эрига таскин берган бўлди.* Ҳ. Фулом, Машғал. **Шайтон арава с.т. эск. айн. велосипед.** *Йиртиқ-ямоқ кийим билан ўсган ўғиллари шайтон аравада ўтиб, атроф маҳалла болаларининг кўзларини ўйнатибди.* Ойбек, Танланган асарлар. **Шайтон йиғиси** Ёлгондакам, йўлига бўладиган йиғи. *Озгина «шайтон йиғиси» қилмагунингча, иш ўнганмайди.* А. Қодирий, Улоқда. *У бунди «узатиладиган қизларнинг шайтон йиғиси» деб тушунди.* Ойбек, Танланган асарлар. **Шайтонга ҳай бермоқ** Бирон хатти-ҳаракатдан ўзини тиймоқ, ўзини босмоқ. [Ҳайитжон:] *Айбмас, хўп андиша қилгин, шайтонга ҳай бергин, бу кунлар ҳам ўтар.* Ҳамза, Паранжи сирлари. *Бир тўполон чиқазиб, обрўсини уч пул қилай дедим-у, яна шайтонга ҳай бердим.* «Муштум». **Шайтони зўр (ёки кучли)** Шўхлиги («шайтонлиги») тез ва кучли қўзғаладиган, шундай хусусиятли. *Яна ким билсин, бу қизларни!* *Уларнинг шайтони зўр бўлади, дейишади.* И. Раҳим, Чин муҳаббат. **Шайтони қўзимоқ** «Шайтони» қўзғамоқ, жини тутмоқ. [Ҳолида] *Қўл чўзса етгудай жойда бекиниб ётган акаси билан Мунавварни кўрмади.* *Мунавварнинг шайтони қўзиб: -Этагидан торт!, – деди Йўлдошга.* С. Анорбоев, Меҳр.

**ШАЙТОН II** [а. شيطان] с.т. Дурадгорлик ва бинокорлик ишларида: сатҳнинг текислигини аниқлаш учун ишлатиладиган асбоб; ватерпас. *Горизонт текислигини шайтон ёрдами билан билиш мумкин.* «Астрономия». *Тахтанинг бир учини қозикқа қадаб, иккинчи учини унғур томонга қаратиб, шай-*

тон билан текисланади. М. Исмоилий, Фаргона т. о.

**ШАЙТОНБАЧЧА** [шайтон + бач(ч)а] сўк. Шайтоннинг боласи, кичкина шайтон. -Ух, бир фалокатдан қутулдим, ҳай, шайтонбачча, кеча берган пулинг қанча эди? — деди Ҳожжи бобо Шум болага. Ф. Фулом, Шум бола.

**ШАЙТОНИЙ** [а. شيطاني — шайтонга хос, оид] Айёр, фирибгарларга хос. [Ҳасан-али] Отабекни ечинтирар экан, ризосиз бир оҳангда деди: -Ўғлим, сизга шу шайтоний ишнинг нима зарурати бор? А. Қодирий, Ўтган кунлар.

**ШАЙТОНКОВУШ I** Эрта баҳорда ўсиб чиқадиган кўп йиллик бошоқли ўт.

**2** Шундай ўтдан қавуш тахлитида тўқиб ясаладиган болалар ўйинчоғи.

**ШАЙТОНКОСА** Итузумлар оиласига мансуб икки йиллик захарли ўт, мингдево-нанинг бир тури, қора минглевона.

**ШАЙТОНЛАМОҚ I** Тутқаноқ тутмоқ, тутқаноғи тутиб қолмоқ. Бола шайтонлаб қолди. ■ Уйимизда бир бечора бемор бор, шайтонлаб ётибди, тақсир, бориб дам солиб келинг, шояд, нафасингиздан шифо топса. Ойбек, Танланган асарлар.

**2** кўча Тутқаноқ тутгандагига ўхшаш ҳаракатга тушмоқ, ўзини у ёқ-бу ёққа ташламоқ; ўйноқиламоқ. Шайтонламай тўғри тур. ■ Гоҳ-гоҳо молхонада шайтонлаб, шаталоқ отишга интилаётган бузоқни уришган Раҳмон отанинг овози келиб туради. И. Қаландаров, Шоҳидамас, баргида.

**ШАЙТОНЛИК I** айн. иблислик.

**2** Шайтонга хос хатти-ҳаракат, иш, қилиқ (қ. шайтон **2**); айёрлик. Директор мулоимгина юрган йигитдан шунча шайтонлик келгандан ажабланди. Шухрат. Жаннат қидирганлар. Лекин келиноиллари.. бу ҳолни ҳийла ва шайтонлик эканини яхши англасалар ҳам, ҳовлиқма, лақма-енгил Лутфинисо бунга чиндан ишонар.. кўз ёши қилар эди. Ойбек, Танланган асарлар.

**ШАЙТОНТЕРИ** с.т. Қалин, пишиқ ип газлама. Чидаганга чиқарган дейсизми, бурга чит дейсизми, роҳатбадан дейсизми.. шайтонтери дейсизми.. кеп қолинг, харидор! Ф. Фулом, Шум бола. Машинани мойлаганда ёки техник назоратлар пайтида шайтонтеридан тикылган фартук ёки халат кийиш фойдали. Газетадан.

**ШАЙХ** [а. شيخ — қария, кекса; уруг, қабила бошлиғи; диний раҳбар; олим, мураббий] Ислом дини тарқалган мамлакатларда, аввало, билимдон кишиларга, сўнгра уламо ва фақиҳларга берилган ном; кейинчалик муқаддас жойларнинг мутасаддилари ҳам шайх деб юритилган. Миркарим.. дарров ўз қиёфасини ўзгартириб олди: бошига катта салла ўради, энига кимхоб тўн кийди ва вақтинча авлиё шайхга айланди. П. Турсун, Ўқитувчи. Амрлар, шайхлар, уламолар кенгашиб.. катта қўшин билан боришга фатво берилди. М. Маҳмудов, Мангу куй излаб. Шу куни отасининг мазорига бориб, шам ёқди, қабристондаги шайхларга назр берди Малак. Мирмуҳсин, Йўқолган жавоҳир.

**ШАЙХЛИК** Шайх мақоми, лавозими. -Шайхлик муборак, — деди Нодиров, Бобомирзага ҳазил қилиб. И. Раҳим, Тақдир. Миркарим Тўқсонов.. Шоҳимардонга қочди — ам-кисининг у ерда шайхлик қилишини билар эди. П. Турсун, Ўқитувчи.

**ШАЙХУЛИСЛОМ** [а. شيخ الاسلام — ислом дини шайхи; диний қонунларни шарҳловчи] дин. Мусулмон руҳонийлари бошлигининг унвони, олий диний унвон ҳамда шу унвонга эга киши, бош руҳоний. Ҳусайн Бойқаро.. шайхулисломдан шариятга доир бир масалани сўради. Ойбек, Навоий. Шайхулислом Исомиддин ҳазратлари ҳам шаҳзода ёнидаги чодирлардан бирида. Мирмуҳсин, Меъмор.

**ШАК I** [а. شَك — шубҳа; ишончсизлик, ишонмаслик] Шубҳа, гумон. -Мен билмадим, — деди [уста] ниҳоят, — шак йўқ, оғир гап. О. Ёқубов, Ларза. Бу андишанинг ҳақлигида шак йўқ, Анвар! А. Қодирий, Меҳробдан чаён. Менинг Каримовдан жуда шаким бор, бу одам бизга яхшилик соғинмайдиган кўри-нади. Ҳ. Шамс. Душман.

**Шак келтирмоқ** Шубҳа билан қарамоқ; ишонмаслик. Илоҳий қудратга шак келтирмоқ. ■ -Шариятга шак келтирган бу аблаҳни зиндонга солмоқ зарур, — деди [қозикалон] катта салласини силкитиб. Ж. Шарипов, Хоразм. Муқаддас авлиёлар ишига шак келтириш — улуг гуноҳ. Н. Сафаров, Овлли излар.

**ШАК II** [а. شَك] Рамазон (рўза) ойи киришидан олдинги кун; рўза арафаси. Шак куни. ■ Бир ёқдан рўза ойи ҳам юракка гўлгула солиб яқинлашмоқда эди. Пашмак

Махдум, сўфи, яна бир неча обрўли одамларни чақириб, уларни шак кунни палов билан сийлаб, рўза кунни уларга оғиз очтириш.. керак! М. Осим, Тилсиз гувоҳ.

**ШАКАР** [ф. شکر < қад. ҳинд. sakkhara – шағал, қум; қанд уни] 1 Лавлаги ёки шакарқамиш ўсимлигидан саноат йўли билан олинадиган оқ-сарғиш рангли қумсимон ширинлик. *Шакар сепилган қатлама. Ширин сўз шакардан ширин.* Мақол. ■ *Ҳолва ясамоққа шакар керакдир. Безак ишламоққа заргар керакдир.* Ё. Мирзо.

2 *кўчма* Ширин, мазали, тотли. *Шакар қовун.*

3 *кўчма* Кишига ёқадиган, ёқимли. *Тили шакар қиз.* ■ *Тополмайин юрур ёрнинг ўзини, Тўтиё қилади шакар сўзини.* «Ширин билан Шакар».

4 Шакар (хотин-қизлар исми).

**Тил учуда шакар бермоқ** 1) тилидан сўрдирмоқ. *Кетма, ёрим, кетма, жоним берайин, Тилимни(нг) учуда шакар берайин.* «Қўшиқлар»; 2) салб. ширин сўз билан йидирмоқ; тилёғламалик қилиб аврамоқ, алдамоқ. *Соҳиб қори, ўз таъбири билан айтганда, илонга ҳам тилининг учуда шакар берадиган киши.* И. Раҳим, Чин муҳаббат. **Тилинга шакар** Яхши, ёқимли сўз (гап) эшитганда айтиладиган ибора. **Шакар қоп** Майин каноп матодан тикилган кичикроқ қоп, линча. [Кудратнинг] *Бошида моғор, эски дўппи, олдида шакар қопдан тикилган фартук.. бадани қўлидаги темирдай мустаҳкам.* М. Исмоилий, Фарғона т. о. **Шакари оғзингизда** Савдо муносабатига: сотувчининг мол баҳосини айтиб, харидорга хитобан «сўранг, сизга қанча бўлса бўлади» мазмунда айтадиган ибораси.

**ШАКАРАК I** [ф. شکرک] Қовун турларидан бири.

**ШАКАРАК II** [ф. شکرک] Ўсимлик бити; шира.

**ШАКАРАНГУР** [ф. شکرانگور – шакардай ширин узум] Узумнинг пўсти юпқа, нимранг, карсиллайдиган ширин нави. *Овқатни еб бўлишгач, бир баркашда карсиллаган шакарангур, эчкмар ва шафтоли чиқди.* Ойбек, Улуғ йўл. *..кампир тайёрлаган дастурхон ёнига ўтириб, хусайни, карсиллайдиган шакарангурдан чўқилади.* Мирмуҳсин, Умид.

**ШАКАРГУФТОР** [ф. شکرگفتار – ширинсўз] *кт. кам қўлл.* Гапи-сўзи ёқимли; тили ширин, ширинсўз. *Садоқат бирла ҳар меҳнат учун тайёрлардансиз, Билимдону ширин сўзли шакаргуфторлардансиз.* Ҳабибий.

**ШАКАРГУФТОРЛИК** Кўнгиш очадиган, ширин суҳбат, гурунг. *Шакаргуфторлик қилмоқ.* ■ *Хушчақчақлик, одамшавандалик, шакаргуфторлик, соғлом ҳазил кишини яшартиради.* Газетадан.

**ШАКАРЛАМОҚ** Шакар аралаштирмоқ, шакар сепмоқ; шакар билан қориштирмоқ. *Қулуннайни шакарламоқ. Варақи сомсани шакарламоқ. Лимонни кесиб, шакарлаб қўймоқ.*

**ШАКАРЛИ I** Таркибида шакар бўлган. *Шакарли моддалар. Шакарли ўсимликлар.*

2 Шакар қўшилган, шакар сепилган. *Шакарли чой.*

**ШАКАРНАЙ** [ф. شکرناى] *айн.* шакарқамиш.

**ШАКАРОБ** [ф. شکرآب – ширин, шакарли сув] *шв.* Аччиқ-чучук. *Шакаробга туз сепмоқ.* ■ *-Келин, помидор олиб чиқинг, бекор ўтирмай, шакароб қила тураман, – деди уста.* Т. Алимов, Одамсиз уйлар. *Садбархон бўлса, шакаробга ниёз тўғраётган эди.* С. Зуннунова, Гўдак ҳиди.

**Шакароб соя** Дарахт барглари оралаб тушган парча-парча соя. *Толлардан тўкилган шакароб соя Дурра ҳам бўлолмас уйлар томига.* Ҳ. Шарипов. **Шакароб қилиб сув сепмоқ** Челақдаги сувни қўл билан сачратиб сепмоқ. *Жиккаккина самоварчи, кечки чойхўрларни кутиб олиш учун, пақирдаги сувни аягандай, чимдим-чимдим шакароб қилиб, сўрилар ёнига сепмоқда.* А. Мухтор, Опасингилар.

**ШАКАРПАЗ** [ф. شکرپاز – шакар, ширинлик пиширувчи] Пашмак, ҳолва, обаки, новот каби миллий ширинликлар пиширувчи мутахассис; қандолатчи. *-Бобомурод шакарпаз – қўли гул одам. Жойинг жаннатда бўлгур, бултур қазо қилди, – почча қўл очиб, шакарпазнинг арвоҳига фотиҳа ўқиди.* С. Анорбоев, Меҳр.

**ШАКАРПАЗЛИК I** Шакарпаз иши, касби. *Шакарпазликда бобомнинг олдида тушадигани бўлмаган экан.* Газетадан.

2 Пашмак, новот каби маҳаллий ширинликлар тайёрланадиган бино, цех. *Мен шакарпазликда ишлайман.*



**ШАКАРПАЛАК** [ф. + а. شکرپالاک — па- лаги ширин] Сирти сертёр, ўзи серэт ўр- тапишар қовун нави. Маҳмуд яқиндаги по- лиздан битта шакарпалак узиб чиқиб, ерга қўйди-да, Ширмонхоннинг етиб келишини кутиб турди. С. Зуннунова, Олов. Шакар- палак қовунлар, зилол бодринглар қуёш нури- нинг, тупроқнинг ажойиб неъматлари эмас- ми! Э. Охунова, Куёш — ошпаз.

**ШАКАРПОЯ** [ф. شکرپايه — пояси ши- рин, ширин пояи] Шакарқамиш ўсимли- гининг пояси; шакарқамиш.

**ШАКАРҚАМИШ** Қанд (шакар)модда- ли, ўтсимон кўп йиллик ўсимликлар тур- куми.

**ШАККОК** [а. شڪاك — шубҳа билан қа- райдиган, ишонмайдиган] 1 Ҳар нарсага шубҳа, ишончсизлик билан қарайдиган, ишонмай, иккиланиб турадиган одам. Мав- сумда 250—300 тонна пахта териб, шак- кокнинг кўзига кўрсатган қаҳрамонлар бит- та-иккита эмас. Газетадан.

2 Диний ақидаларга шубҳа билан қа- райдиган, шак келтирадиган киши. Ҳой мусулмонлар!.. Бу шаккок.. бедин большевой- ларни думага сайлаб, исломни оёғости қи- лишди. К. Яшин, Ҳамза.

**ШАККОКЛИК** Шаккок иши, хатти- ҳаракати; шак келтириш. —Сизни шаккоклик- да айблаш учун [бекларда] ҳеч асос борми? — сўради Навоий кулиб Султонмуроддан. Ойбек, Навоий.

**Шаккоклик қилмоқ** Шак келтирмоқ (қ. шак I). Бош тортувчилар чиқиб қолгудек бўлса.. дини ислом ишига шаккоклик қилган имонсиз сифатида бошини танасидан жудо қиласиз. Н. Сафаров, Наврўз.

**ШАКЛ** [а. شکل — кўриниш, расм; тарз, усул] 1 Нарсанинг ташқи кўриниши, сирт- қи қиёфаси, ифодаси. Учбурчак шаклидаги жисм. Айиқ шаклидаги қоя. Шаклини ўзгар- тирмоқ. Бирор шаклга киритмоқ. ■ Дераза ойналарига турли шаклда қийиқ қогозлар ёпиштирилган. Ойбек, Куёш қораймас. Дў- кондор уларга қалин китоб шаклида бир нимани тутқазди. Ойбек, Танланган асар- лар.

2 мат. Маълум кўриниш, қолипдаги нарса, фигура. Геометрик шакллар.

3 физ. Жисмининг ҳолати, кўриниши. Муз сувнинг қаттиқ шаклидир.

4 Мазмуннинг ифода томони, ташқи кўриниши, ифодаланиши. Бу ажойиб асар- обидада минг-минглаб ўзбек оилаларининг жасорати умумлашма шаклида ифодаланган. Газетадан. Янги давр қўшиқлари анъанавий шакллар.. тасвир воситаларисиз туғилиши ҳамда ёйилиши мумкин эмас эди, албатта. «ЎТА».

5 кўчма Бирор нарсани амалга ошириш йўсини; усул. Сен билан иккимиз икки шаклда ўйлаймиз. ■ Пахта фронтдаги ижодий меҳнат хилма-хил шакллар касб этипти. Ҳ. Фулом, Ишонч. ..адабий алоқа- ларимиз янги-янги шакллар билан бойиди. Газетадан.

**ШАКЛАН** [а. شڪلان — шаклига, ташқи кўринишига кўра] Воқе бўлиш, амалга ошиш ёки ифодаланиш усулига, шаклига кўра. Чиндан ҳам истиора шаклан энг сиқиқ формадаги ўхшатишни эслатади. «ЎТА».

**ШАКЛАНМОҚ** эск. Шубҳа билан қа- рамоқ; шубҳаланмоқ. У бу ҳолдан шаклан- ди. А. Қодирий, Ўтган кунлар.

**ШАКЛДОР** [а. + ф. شڪلدار — шаклга эга] 1 айн. шакли.

2 Мураккаб шаклга эга бўлган; жим- жимадор, серҳашам. Шаклдор нақш. Шакл- дор пештоқ.

**ШАКЛИЙ** [а. شڪلى — шаклга доир] Муайян шаклга эга бўлган, аниқ бир шакли; шаклан.

**ШАКЛИК** дин. Шак куни марҳумлар- нинг арвоҳларига бағишлаб аёллар учун ўтказиладиган кичик маърака. Чолнинг ёс- тиғи тагидан топилган пул уни кўмиб ке- лишгагина етди. Ҳали бу ёқда учи, еттиси, йигирмаси, фотиҳахонлиги, шаклиги, иф- торлиги, икки ҳайити.. ва ҳоказолар бор. М. Осим, Тилсиз гувоҳ.

**ШАКЛЛАНМОҚ** 1 Маълум бир шакл- га кирмоқ, шакл, тус олмақ. Тандирда ёғ- лиқ хамир аста вижирлаб бўртиб, чекич ўринлари дарҳол шаклланди. Ҳ. Фулом, Тош- кентликлар.

2 Юзага келмоқ, яралмоқ. Болада дид йиллар давомида шакланади, ривожланади. ■ Бу ердаги.. одамларнинг қиёфаси ўзгарди, янги ижтимоий муносабатлар шаклланаёт- ти. Газетадан. Шариф Ризаев матбуотда ишлаб бошлаган даврларда журналистика- нинг айрим жанрлари ҳали шаклланмаган эди. Х. Ёдгоров, Ҳаёт тўлқинлари.

**ШАКЛИ** Муайян шаклга, кўринишга эга бўлган. *Унсин туморча шакли ҳовлига наमत ёзиб, курсида ўтириб, маҳси тикади.* Ойбек, Танланган асарлар. *Қирқма шахмат усулида ишлаш учун.. текис ва тўғри шакли.. участкалар ажратилсин!* Газетадан.

**ШАКЛ-ШАМОЙИЛ** [шакл + шамойил] Ташқи кўриниш; қиёфа, важоҳат. *Шакл-шамойили девни хуркитадиган.. бир махлуқни шонли бир куннинг армуғони қилиб белгилашга каминангизнинг у қадар кўнгли бўлмайди.* К. Алиев, Қўланса ҳадя. *Бизгача етиб келган бу ёдгорликларнинг кўпчилиги ҳозирда ҳам шакл-шамойилини, ҳусну чиройини қарийб сақлаб, томошабинларни ҳаяжонга солиб келмоқда.* Газетадан.

**ШАКСИЗ** Муқаррар равишда; аниқ, шубҳасиз. *-Ҳар ким келса, бундан шод бўлиб кетар, Сил бўлса, ўпқасин яраси битар, Қари келиб кўрса, шаксиз ёш этар, Ёш йигитдек даврон сурғали келдим.* Эргаш Жуманбулбул ўғли.

**ШАЛ** [а. شال / شَل — фалаж; фалажланиш; шол касали] *айн. шол II.*

**ШАЛАББО** Сувда ивиб кетган, жиққа ҳўл; шилта. [Сувонжон билан Ойсулув] *Ўзларини панага олгунча бўлмай, шилтаю шалаббо бўлишди.* С. Анорбоев, Оқсой. *Уст-боши шалаббо, совқотган икки дўст секин-секин қирғоқ томон силжишди.* А. Кўчимов, Ҳалқа. *Ёмғирда шалаббо бўлган деҳқон болалари сакраб, ўйинга тушишарди.* Мирмуҳсин, Созанда.

**ШАЛАЙИМ** Ниҳоятда куч-мадори кетган ҳолатли; мажолсиз; шалвираган. *Нонвой ерга тушганидан кейин шалайим бўлиб, ўрнidan туролмай қолди.* М. Муҳаммаджонов, Турмуш уринишлари. [Низомжон] *Икки тиззасида дармон қолмай, оғир калтаклардан шалайим бўлиб йиқилиб, ўрнidan турганга ўхшарди.* С. Аҳмад, Уфқ.

**ШАЛВАЙМОҚ** Куч-мадорсиз, ҳолсиз ҳолатга тушмоқ; бўшашмоқ, шалвирамоқ. *Қудрат почтадан негадир шалвайиб келаятган эди.* Ҳ. Назир, Сўнмас чақмоқлар. *Шафтолиқоқидек бурушиб, эски маҳсидек шалвайиб қолибмиз-у, бизга ким қўйипти, болам.* А. Мухтор, Опа-сингиллар.

**ШАЛВАР** [ф. شلوار — иштон, шим] с.т. Чолвор. *Почаси бўғиқ, кўк сатин шалвари озода ва ўзига ярашган.* Ҳ. Назир, Сўнмас чақмоқлар.

**ШАЛВИЛЛАМОҚ** *айн. шалвирамоқ.* *Ана холос! ..муовиним ҳеч нарсадан хабарсиз, шалвиллаб юраверган экан-да!* «Муштум».

**ШАЛВИРАГАН I** Шалвирамоқ фл. сфдш. *Ёстиқдошининг иягини танғиди-да, шалвираб қолган икки қўлини ёнига чўзиб қўйиб, оёқларини бир-бирига жипслаштирди.* М. Осим, Тилсиз гувоҳ.

2 *Ишни яхши уддаламайдиган; бўшашган, уддасиз.* *Мен бу шалвираган осиеликни ишга қабул қилиб, ўз мартабамга футур етказайми..* Ё. Хаймов, М. Раҳмон, Ҳаёт-мамот.

**ШАЛВИРАМОҚ I** Осилиб турмоқ, бўшашиб, солқи бўлиб қолмоқ. *Чолнинг.. кўзлари қаърига тортган, қовоқлари шалвираб осилиб тушган эди.* З. Фатхуллин, Сўнмас юлдуз. [Машинадан] *Тушиб қарадим.* -Баллон латтадек шалвираб қолибди, — деди Ботир. Ў. Ҳошимов, Чўл ҳавоси. *Бутун юзи қулоқларигача кўкариб, қўллари ёнига шалвираб тушган Писмиқ ўлим тусига кириб борди.* М. Исмоилий, Фарғона т. о.

2 *кўчма* Мажолсизланмоқ, бўшашмоқ, ланж бўлмоқ. *Иссиқдан шалвираб кетаянман. ■ У, қоронғи кечада, ёт элларда йўлдан адашиб, қаёққа боришини билмай, умидсизликка тушган кишидай шалвиради.* А. Қаҳҳор, Сароб. *Мирсалим турган ерида шалвираб қола берди.* Унинг қимирлаша мадори йўқ эди. Шуҳрат, Олтин зангламас.

3 *кўчма* Лапашанглик қилмоқ; сусткашлик қилмоқ, имилламоқ, бўшашмоқ. *-Баракалла, ҳали ҳам шалвираб юрибсанми? — деди таъна қилиб Тошўлат Ўтбосарга.* Файратий, Эпчил куёв.

**ШАЛДИРАМА I** Эгилганда, букилганда шалдирайдиган; янги. *Шоир бир тахта шалдирама қоғоз олиб, очиқ, қалин китоб устига қўйди.* Уйғун ва И. Султон, Алишер Навоий. *Ўртада пул хирмондай уйилган.* *Оқподшонинг сурати тушган нуқул шалдирама қоғозлар-а.. Қарасам, кўзимдан олов чиқиб кетди.* Ойбек, Танланган асарлар.

2 Шалдираб оқадиган. *Тикка тоғ дуч келса ўтиб, шалдирама сой тўғри келганда кечиб.. ўз сурувини салобатли саркардадай вазминлик турган эргаштириб кетаверадиган бу кўк серка.. ўзгариб қолган эди.* С. Анорбоев, Оқсой.

**ШАЛДИРАМОҚ I** Бир-бирига ёки баъзи нарсаларга урилиб, шалдир-шулду

овоз чиқармоқ. *Боланинг қўйнидан ёнғоқлар шалдираб ерга тукилди.* ■ *Тўйхона бекаси шалдираб турган энгилгина бир ҳовуч маржонни унинг қўлига тутқизди.* М. Хайруллаев, Тилла маржон. *Қамишлар шалдирайди. Қаёқдандир гумбурлаган овоз эшитилди.* Ж. Абдуллахонов, Хонадон.

**2** Тўсиқларга урилиб ёки пастга шиддат билан қўйилиб, шалдир-шулдур овоз чиқармоқ. *Дарё улкан, унда сувлар шалдираб оқар. Ариқ ихчам, унинг суви шилдираб оқар.* С. Кароматов, Олтин қум.

**ШАЛДИРОҚ 1 айн. шалдирама.** *Асрлар гувоҳи — қўлэзма ичра Ўтмиш ҳодисалар сирли, бепоён. Шалдироқ ва сарғиш қоғозлар узра Кезар нигоҳларинг, қадалган мужгон.* Х. Расул. *Шалдироқ қоғозгамас, кўк япроқларга Кўз ёшларидай тўқар шоир шеърини.* С. Акбарий. *Унга кун, тун баробар, Жар-қирғоқ, ота уйи. Унга найдек туйилар Сувнинг шалдироқ куйи.* Қ. Муҳаммадий.

**2** Бир-бирига урилганда, нарсаларга тегинганда шалдирайдиган; шалдир-шалдир овозли. *Шалдироқ кишанлар ҳукмига ачинмай берарсан ёшлигинг.* Ш. Раҳмон, Юрак қирралари.

**ШАЛДИР-ШУЛДУР 1** Нарсаларнинг бир-бирига урилиши, сувнинг оқишида чиқадиган товушни билдиради. *Шалдир-шулдур сув оқар, Қўшиғи менга ёқар.* Ш. Саъдулла. *Шундай кунларда кечга яқин шаҳарнинг тор кўчаларидан бирига шалдир-шулдур қилиб уч арава кириб келди.* Мирмуҳсин, Меъмор.

**2** кўчма Сир сақламайдиган, бор гапни тўкиб соладиган; дали-ғули. *Шалдир-шулдур йигит.* ■ *Тожимат ака.. кўнглида кири йўқ, шалдир-шулдур одам эди.* С. Анорбоев, Оқсой. *Ҳақиқатан ҳам бу шалдир-шулдур кекса киши ҳормас-толмаслиги билан барчага ибрат кўрсата бошлади.* Ж. Абдуллахонов, Тўфон. *Гапинг тўғри, қизим. Сен бир қоп ёнғоқдай шалдир-шулдур эдинг, опанг ҳам шўх, қақилдоққина эди.* Ойбек, Танланган асарлар.

**ШАЛДИР-ШУЛДУРЛИК** Шалдир-шулдур шахсга хос хислат, хатти-ҳаракат. У [Ҳамро Раҳимов] *шалдир-шулдурлиги билан Моҳидилга маъжул тушиди.* Ж. Абдуллахонов, Тўфон.

**ШАЛЛАҚИ** Шарм-ҳаёни билмайдиган, бўлар-бўлмасга жанжал кўтарадиган, жан-

жалкаш. *Ҳанифахон.. шаллақи қайнананинг захрига бардош берди.* Ш. Тошматов, Эрк куши. *Мен сизни ўғил бола деб юрсам, шаллақи хотиндан ҳам баттар экансиз.* С. Анорбоев, Оқсой.

**ШАЛЛАҚИЛАРЧА** Шаллақиларга хос, шаллақиларга ўхшаб. *Хадичахон ҳовлини бошига кўтариб, шаллақиларча сонига шатилаб, бақира бошлади.* Н. Фозилов, Оқим.

**ШАЛЛАҚИЛИК** Шаллақи шахсга хос хусусият, хатти-ҳаракат, ўзини шаллақилар каби тутиш. *Пётр Кузьмич, жанжалнинг охирида шаллақилик йўлига ўтгани учун, Шавкатийнинг таъзирини бериб қўймоқчи бўлган эди.* З. Фатхуллин, Сўнмас юлдуз.

**ШАЛОЛА** [ا. شلالة — шовва, шаршара] **1** Сувнинг юқоридан тик пастликка шиддат билан қўйилиб тушадиган жойи; шундай отилиб тушаётган сув; шовва. *Юқоридан жарлик тубига отилувчи шалола шердай ўқиради.* Х. Фулом, Тошкентликлар.

**2 шв.** Дарё, жилға сувларининг тошларга урилиб, шовуллаб оқадиган жойи. *Боғ, қўрғонлар орқада қолгач, Оқсой бўйига чиқилади.* Қулоқни битирувчи шалола бошланади. С. Анорбоев, Оқсой.

**3 тех.** Бир дарё оқимида жойлашган ва сув сарфи бўйича ўзаро боғлиқ бир неча гидроэлектростанциядан бири. *Бешинчи шалолани Абдусамат ака ўз колхозчилари билан қурмоқда.* Й. Шамшаров, Тошқин.

**ШАЛОП тақл. с.** Катта ва оғир нарсанинг сувга, лойга тўсатдан тушишидан ҳосил бўладиган товушни билдиради.

**Шалоп этмоқ** «Шалоп» деган товуш чиқармоқ. *Пулат куч билан қармоқни кўтарган эди, нимадир оғир сезилиб, сўнгра шалоп этиб, сувга тушиб кетди.* Ш. Рашидов, Қудратли тўлқин.

**ШАЛОПЛАМОҚ** «Шалоп-шалоп» этган овоз чиқармоқ. *Сувнинг шалоплаган овози эшитилди.* ■ *Сув қирғоққа шалоплаб урилиб, осилиб қолган новдаларни тортқилаб оқмоқда.* С. Аҳмад, Уфқ. *Бир-бирига туташиб кетган кичкина, тиниқ кўчалар кўринди.* *Сув шалоплар..* С. Сиёев, Аваз.

**ШАЛОҚ с.т. 1** Қисмлари эскириб, бўшашиб, футурдан кетган; бузуқ. *Шалоқ арава. Шалоқ машина.* ■ *Чироқни топди, уни ёқиб, кичкина шалоқ хонтахта устига қўйди.* Ойбек, Улуғ йўл.

**Шалоғи чиққан айн. шалоқ 1.** Шалоғи чиққан этик. ■ - Редактор шалоғи чиқиб кетган эски «Москвич»ни берадиган, мен каллайи саҳарлаб Жарқудуққа жўнайдиған бўлдим, — деди Учқун. О. Ёқубов, Бир фельетон қиссаси.

2 кўчма Ҳолдан тойган, чарчаган; эзилган. *Аъзойи баданим гўё биров калтаклаб ташлагандек шалоқ.* «Муштум».

3 Ахлоқи бузуқ, безори. *Шалоқ одам. Шалоқ хотин.* ■ - *Хафа бўлманг, синглим, — юпатди мудира. — Унақа шалоқ эрнинг боридан йўғи!* С. Анорбоев, Меҳр.

4 Ахлоқ доирасидан ташқари; ахлоқсиз, уятли, бузуқ. *Боқи ака энг шалоқ сўзлар билан сўкинганча, Ҳайдарга ташланди. А. Кўчимов, Ҳалқа. Бир тўда одамлар бир даста акцияни чангаллаганларича, у ёқ-бу ёққа чопишар.. бир-бирларини шалоқ гаплар билан сўкишар, овозлари бўғилгунча бақиршиарди. Ё. Хаймов, М. Раҳмонов, Ҳаёт-мамот. У болалигидан бошлаб шалоқ юришлар ҳақида кўп эшитган.. П. Қодиров, Уч илдиз.*

**Оғзи шалоқ** Уятли, беҳаё ибораларни тилга оладиган; тап тортмай сўкиनावерадиган. *Унинг оғзи шунақа шалоқ, боди кириб, шоди чиқаверади. О. Ҳусанов, Тошга сув сепсанг. Оғзини шалоқ қилмоқ* Шалоқ сўзларни айтмоқ, уят, беҳаё сўзлар билан сўкинмоқ. *Лекин наригиси кассадан келгандан бери оғзини шалоқ қилиб сўкингани сўкинган. А. Мухтор, Туғилиш.*

**ШАЛОҚЛИК 1** Футурдан кетганлик, шалоқ ҳолатга эгалик (қ. **шалоқ 1**). *Араванинг шалоқлиги.*

2 Шалоқ шахсга хос хусусият, хатти-ҳаракат. - *Мен бир неча йил аввал ота касбимнинг ҳадеганда жўнига тушиб ололмай, анчагина шалоқликлар ҳам қилганман, — деди домла. Ф. Фулом, Шум бола.*

**ШАЛП** тақл. с. 1 Юмшоқ, ҳўл нарсанинг ерга ёки бошқа нарсага урилишидан ҳосил бўладиган товушни билдиради. *Тўп учиб кетиб, писиллаганича дами чиқди-да, ерга шалп этиб тушди. Ҳ. Назир, Бир туп гўза. Молхона томининг тарновидан катта қор парчаси эриб, шалп этиб ерга тушди. Ҳ. Нуъмон, Фасллар.*

2 айн. шалоп. *Тош шалп этиб сувга тушди.*

**ШАЛПАЙМОҚ 1** Иссиқ ёки қаттиқ совуқ таъсирида таранглигини, «гирик» ҳолатини йўқотмоқ; сўлимоқ (ўсимлик ҳақида).

*Кун иссиқ, дарахтларнинг барглари ҳам шалпайиб қолган. Газетадан.*

2 кўчма Ҳолсизланиб бўшашмоқ, мажолсиз, ҳаракатсиз ҳолатда бўлмоқ. *Эрталабки гимнастика шалпайиш ва қотиб қолганликни йўқотади. Газетадан. Турсанг-чи, мунча шалпаясан. Ҳ. Шамс, Душман.*

3 кўчма Ҳафсаласи пир бўлмоқ, бўшашмоқ; хомуш бўлиб қолмоқ. *У [раис] минбардан шалпайиб тушди, боя ўтирган қаторига эмас, орқароққа, панароққа бориб ўтирди. «Муштум».*

4 Уддасиз, хатти-ҳаракатсиз бўлмоқ; шалвирамоқ. *..бечора-ей, анави бола мунча аммамнинг бузоғидай шалпайган экан.. Э. Раимов, Ажаб қишлоқ.*

**ШАЛПАНГ** Шалпайган, осилиб тушган (қулоқ ҳақида). *«Оқтой».. шалпанг қулоқлари хачирниқидай узун.. оҳанжамаси зўр эди. Ҳ. Назир, Сўнмас чақмоқлар. Африка филларининг қулоғи ҳам катта, шалпанг бўлиб осилиб туради. Ҳ. Ҳасанов, Экватордан ўтганда.*

**ШАЛПАНГҚУЛОҚ** Қулоғи шалпайган; қулоғи бесўнақай катта. *Шалпангқулоқ ит. ■ Элмурод.. янги курсантлар қабул қилар экан, камгўшт, қирғийбурун, шалпангқулоқ.. бир жангчи келиб, унинг қаршисида тўхтади. Шухрат, Шинелли йиллар.*

**ШАЛТОҚ 1** Сийдик аралаш гўнг, балчиқ. *Молхона шалтоғи. ■ Озғин, қорнидаги шалтоғи қотиб ётган эшакка қараган эди.. «Ёшлик».*

2 Шундай нарса ва лой кабилар билан ифлосланган; ифлос, исқирт. *Бола тангани шалтоқ қўлида маҳкам қисганича, кўчани чангитиб.. арава орқасидан чопади. Газетадан. Машина ўтганда, деворлар лой, сув сачрайвериб, шалтоқ бўлиб кетган. Э. Усмонов, Ёлқин.*

3 кўчма Умуман, ифлос, ярамас нарса, гап-сўз ва ш.к. *Устма-уст ёғилаётган шалтоқ қанча жирканч бўлса ҳам, Фуломжон ўзини босди.. М. Исмоилий, Фарғона т. о. Бировнинг шалтоғига ботиб, жувонмарг бўлиб кетмасам, деб қўрқаман. С. Аҳмад, Ҳукм.*

**Шалтоқ отмоқ** Бировни айбловчи, гуноҳкор қилувчи, ёмонловчи гап-сўз қилмоқ. *Сенинг, айниқса, раисимиз Обид кетмонга шалтоқ отмоқ учун пайт қидирганигни ҳам биламан. А. Қодирий, Обид кетмон. Сиз буларга қўй, мой келтирасиз. Булар бўлса, ке-*

тингиздан шалтоқ отади. П. Турсун, Ұқитувчи.

**4 кўчма** Озодаликка риюя қилмайдиган, ифлос иш тутадиган; ивирсиқ, исқирт. *Бир шалтоқнинг ишини йигирма эпчил эплэй олмас. Мақол. ■ Уша чиноқбойни директор қилиб бўлармиши.. аввал ўзини эплаб олсин, ёқасининг кирини кўрганмисан? Хотини ҳам ўлғудай шалтоқ.* Мирмуҳсин, Кўринмас халқа.

**ШАЛТОҚХОНА** қ.х. Шалтоқ оқизиб қўйиладиган, шалтоқ йиғиладиган жой; чуқурлик.

**ШАЛҲАК 1** Гўштдан ёки ёғдан ажратиш қийин бўлган юпқа парда. *Гўшт шалҳагини ажратмоқ.*

**2** Сифати паст, ориқ, ёғсиз гўшт. *Эртаги думба майдан бугунги шалҳак яхши.* Мақол.

**ШАМ** [а. شمع – мум; шам; чироқ] **1** Тўнғадиган ёки қуюқлашган ёғдан ўртасига пилик қўйиб ясалган таёқчасимон чироқ. *Шам қолдиғи. Шамни ётмоқ. ■ Қумри тоқчадаги шамни ўчирди. Уй қоронғиланди. А. Қодирий, Меҳробдан чаён. Таниш кошонанинг беҳисоб шамлар зўрға ёритган тор ва узун йўлаклари кимсасиз эди. О. Ёқубов, Кўҳна дунё.*

**Шам пули дин.** Гўристонга бориб, қабристонда ёқиладиган шамлар учун ва хизмат ҳақи сифатида гўрков, шайх ва ш.к. ларга бериладиган пул, садақа. *Ёрмат билан Гулсумбиби Гулнорнинг қабрига боришди. Олиб келинган ош-нонни ва шам пулини гўрковга топшириб.. қайтишди..* Ойбек, Танланган асарлар. **Шамдай қотмоқ** 1) ўта совқотмоқ, тўнғмоқ, музламоқ. *Мастерской битгунча, очликдан тиришиб, совуқда шамдай қотадиганга ўхшаймиз. А. Муҳиддин, Ҳадя;* 2) кўрқув ёки бошқа нарса таъсирида қимирламай қолмоқ. *Соҳиб қорининг ҳозирги чимчилаши бир оздан кейинги катта калтакнинг шабадаси эди. Шунинг учун Холида бисот сандиғи олдида шамдек қотиб қолди. И. Раҳим, Чин муҳаббат. Шами сўнмоқ (ёки ўчмоқ)* Ўзидан олдин қўлланган сўз билдирган нарсанинг ниҳоясига етганини, тугаганини билдиради. *Ҳамид Олимжоннинг ҳаёт шами кутилмаган бир пайтда сўнди. Н. Сафаров, Оловли излар. Умидинг шами ўчиб, йўлларда толдинг. Файратий.*

**2 эск. физ.** Ёруғлик кучининг ўлчов бирлиги. *Кучи юз шам бўлган лампочка.*

**ШАМА 1** Дамлаб ичилган чойнинг идиш тагида чўкиб қолган қисми. *Чойнакка шама тўлиб қолибди. ■ -Самоварчилик ўлғудек майда иш. Сув олиб кел, ўтин ёр, оғиз-бурнинг кулга тўлиб пуфлаб, чўп тиқиб тур, ниёла арт, шамани тўк.. – деди самоварчи. Ш. Ризо, Қор ёғди, излар босилди. Рихси бир қўлида шамасидан сув силқиб ётган чойнакни ушлаганича, титраб ўртада турарди. С. Зуннунова, Гулхан.*

**ШАМА 2** Бирор нарсага ишора тарзидаги сўз, гап; замирида бирор маъно бўладиган гап. *Бу шамаларни Улмасой сезадими-сезмайдими, билиш қийин, аммо Абдукарим асло фаҳламайди. Р. Раҳмонов, Бахт билан учрашув. Йигит шамани тушунди. Юзига сезилар-сезилмас қизил югурди. М. Исмоилий, Одамийлик қиссаси.*

**Шама қилмоқ** Шама тарзидаги (таг мазмунли) гап айтмоқ. *Овқатдан кейин секин шама қилиб кўрган эдим, «Ҳа энди, от билан туя бўлардим», деб қолди. Т. Алимов, Жоним ҳиқилдоғимга келди. Йўлдош аввалига бепарвогина тинглади. Кейин диққат қилса, Мурзин нимагадир шама қилипти. Шуҳрат, Шинелли йиллар.*

**ШАМАЛОҚ** Гуж-гуж ёки тўп-тўп. *Дарраҳтлар тепасида болалар шамалоқ. Ойбек, О.в. шабадалар. Ҳозир чойхонада одам шамалоқ бўлса керак. Ш. Фуломов, Ёрқин уфқлар. Икки томонида пахта демаганингиз шамалоқ бўлиб очилиб ётибди. Э. Раимов, Ажаб қишлоқ.*

**ШАМАЛОҚДАЙ**, -дек айн. шамалоқ. *Фарҳод тоғининг тагида Сирдарёнинг ҳар икки ёқасида шамалоқдек одам. Ойдин, Ширин келди. -Қизимнинг қувонганича бор, ҳамма ёқ шамалоқдай қурт. Худди садафдай товланиб ётибди-я – деди ўзига-ўзи ишонмаган Шарофат хола. Файратий, Латофат.*

**ШАМАН** қ. шомон.

**ШАМГАРЛИК** этн. Кечаю кундуз, тунлари ҳам шам ёқиб ишлаш. *Бозор чаққон бўлиб қолган кезларда устакор шамгарлик эълон қилади. Бундай пайтларда косиб кун-тун ухламасдан ишлашга мажбур. И. Каримов, Атлас жилваси.*

**ШАМГИН:** юзи шамгин айн. юзи шувут қ. шувут. *Жўрабек бир ютиниб олди-да, бошини кўтариб, шамгин юз билан гап бошлади. С. Аҳмад, Ойдин кечалар. Унинг жатиға колхоз катта-кичиклари олдида Холмирзанинг*

юзи шамгин бўлиб қолди. Ҳ. Назир, Ўтлар туташганда. Қариган чоғимда юзимни шамгин қилдинг, ерга қаратдинг. К. Яшин, Ҳамза.

**ШАМДОН** [а. + ф. شمعان — шам идиши] Шам ўрнатиб қўйиладиган, металл, сопол, мрамар ва ш.к. дан қилинган мослама. Катта шамдондаги шамларни ўчира бошлади. ■ Тилла шамдондаги пал-пал ёниб турган шам билан ўйнашиб тургандай бўлиб, ухлабди. «Эртақлар».

**ШАМИЁН** Омоч бўйинтуруғининг икки чеккасига иккитадан ўрнатилган, ҳўкизлар бўйнида туриши учун хизмат қиладиган тўртта қозиқ. Ёмон ҳўкиз шамиён синдираб. Мақол.

**Шамиён қайтармоқ** эск. Бўйсунмай ўжарлик қилмоқ. Қултой Алпомишни кўриб.. жуда шамиён қайтариб, дўқлаб, Алпомишга қараб бир сўз айтиб турган экан. «Алпомиш».

**ШАМЛИ 1** Шами бор; шам ўрнатилган. Шамли қути.

**2 физ.** Маълум шам кучига, ёруғлигига тенг. Юз шамли лампочка. ■ Тўй кўпайгандан бери Ёлғизжоннинг бош қашлашга қўли тегмай қолди. Тўйхоналарга, ҳовлиларга сим тортиб, беш юз шамли лампочкалар ўрнатиб бериш унинг иши. Р. Раҳмон, Меҳр кўзда.

**ШАМОЙИЛ** [а. شمائل — фазилатлар, яхши хислатлар, афзалликлар] кам қўл. Кўриниш, сурат; тузилиш, шакл Сумбати шамойилини эр йигитдек қилиб, Ахтабўзни миниб, Ҳасаннинг изидан тушиб кетди. «Бўтакўз». Арча тагида гул баргидай қалтираб турган Гулнознинг шаклу шамойили пажмурда тусга кириб.. Т. Сулаймон, Интизор.

**ШАМОЛ** [а. شمول < شمال — шимолий шамол, совуқ шамол] Ҳавонинг ер сатҳи бўйлаб (горизонтал) ҳаракати. Ёқимли шамол. Совуқ шамол. Каттиқ шамол турди. Туяни шамол учирса, эчкини осмонда кўр. Мақол. Шамол бўлмаса, дарахтнинг учи қимирламайди. Мақол. ■ Очиқ деразадан кирган майин шамол қизининг.. икки тола сочини бўйнига, томоғининг тагига тегизиб ўйнарди. С. Аҳмад, Бош оғриғи.

**Кўкрагига шамол тегмоқ** Танг ҳолатдан қутулиб, эркин, енгил шароитга чиқмоқ, эркин нафас оладиган бўлмоқ. Шароитлар яхшиланиб, оддий халқнинг ҳам кўкрагига шамол тегди. Шамолга учмоқ (ёки кетмоқ) Бехуда кетмоқ, сарф бўлмоқ ..озгина янг-

лишсангиз ҳам, ҳамма қилганларингиз шамолга учадир. А. Қодирий, Ўтган кунлар. Султонали.. қилган ҳаракатларининг шамолга кетганини хотирлади. А. Қодирий, Меҳробдан чаён. Шамолга қарши тупурмоқ Ўзига зарар, ёмон оқибат келтирадиган ишни қилмоқ. Бу бола хоннинг қамчисидан ҳайиқмади.. муттасил шамолга қарши тупуради. С. Сиёев, Аваз. Шамолни раво кўрмайди Ниҳоятда эҳтиёт қилади; ардоқлайди, эъзозлайди. Отаси раҳматли, қариганимда кўрган болам, деб шамолни раво кўрмаган боласига! «Шарқ юлдузи». Қандай (ёки қайси) шамол учирди? Қандай сабаб, ниманинг шарофати билан ташриф буюрдингиз, келдингиз? Дарвозани Нуриддиннинг хотини Ҳаловат очди: -Э, келинг, Набижон ака, қандай шамол учирди? О. Ҳусанов, Дўстлар. Э, қадамларига ҳасанот.. қайси шамол учирди?! «Муштум».

**ШАМОЛЛАМОҚ 1** Шамоллаш касалига дучор бўлмоқ, шамоллаш туфайли касал бўлмоқ; шабадаламоқ. Шамоллайсиз, Сафар ака, ўраниб ўлтиринг. А. Қодирий, Меҳробдан чаён. Элмурод кечаси эшикка эҳтиётсиз чиқди-ю, шамоллаб қолди. П. Турсун, Ўқитувчи.

**2 с.т.** Тоза ҳаводан нафас олиб юрмоқ. -Ҳа, йўл бўлсин, буvasи? -Сирожвой билан бир шамоллаб келайлик. Ҳ. Фулом, Тошкентликлар. Анча шамоллаб ва енгиллаб кирган вақтида мингбоши дастурхон ёнига ағнаб, учиб қолган эди. Чўлпон, Кеча ва кундуз.

**ШАМОЛЛАТМОҚ 1** Шамолламоқ фл. орт. н. Қумриой, Фани отага айтинг, Тўлқинни олиб келсин, шамоллатиб қўймасин. Ҳ. Фулом, Машғал.

**2** Бирор жойнинг ҳавосини янгиламоқ. Бугун эртароқ қайтди. Кун бўйи иссиқ қамалиб, димиқиб қолган хонани шамоллатиш учун деразаларни очиб юборди. Ж. Абдуллахонов, Хонадон.

**3** Тоза ҳаво, шамолда тутиб, гард-ғубор ва ш.к. дан холи қилмоқ. Хафа бўлма, ҳар замон келиб, шамоллатиб турмасам, чириб, ириб кетасан. А. Қаҳҳор, Асарлар. Ҳар кун.. рўмолни ечиб [бошимизни] икки соат-икки соат шамоллатиб юрамиз. Э. Раимов, Ажаб қишлоқ. Баҳорда, иссиқ кунларда.. уларни дорга ёйиб ташлар, шамоллатарди. Р. Файзий, Ҳазрати инсон.

**ШАМОЛЛАШ 1** Шамолламоқ фл. ҳар. н. *Тоза ҳавода шамоллаш.*

**2** Одам организмига совуқ тегиши натижасида пайдо бўладиган энгил касаллик; бошқа ўткир касалликларга сабаб бўладиган омил. *Шамоллаш ва зотилжам касалининг олдини олишда чақалоқни чиниқтира боришининг аҳамияти катта.* «Саодат».

**ШАМОЛЛИ** Шамол бўлган, шамол эсиб турган. *Шамолли кун қичқирма, товушининг зое кетади.* Мақол.

**ШАМОЛПАРРАК** [шамол + паррак] с.т. Вентилятор.

**ШАМОЛСИЗ** Шамол бўлмаган, эсмаган; тинч. *Шамолсиз тун.*

**ШАМПАН** с.т. айн. **шампанский.** *Столга шампан виноси, ароқ, пиво, сув териб қўйилган эди.* С. Нуров, Нарвон. *Шампан тиқини пақиллаб отилди, дастурхонга вашиллаб вино оқди.* Ў. Ҳошимов, Қалбингга кулоқ сол.

**ШАМПАНСКИЙ** [фр. Champagne – Франциядаги айни вино дастлаб расм бўлган Шампань вилояти номидан] Карбонат ангидрид гази билан тўйинтирилиб, герметик идишда қайта ачитилган узумдан солинган, кўпиклиб ивижиллаб турадиган вино. *Шампанский ичмоқ.* ■ *Собиржон муроди ҳосил бўлиб, қаттиқ олқишлар остида куёв билан келинга бир рюмкадан шампанский тутди.* А. Қаҳҳор, Тўй.

**ШАМПУНЬ** [ингл. shampoo – бошни ювиш] Турли хил мойли ва хушбўй моддалар, махсус қўшимчалардан фойдаланиб тайёрланган, кенг қўламда қўлланадиган суяқ ёки хамирсомон ювиш воситаси.

**ШАМС** [а. شمس – қуёш] **1** кт. айн. **қуёш 1.** *Бугун коинотда шамс – подшо, қамар – вазирдир.* Ойбек, Навоий.

**2** Шамс (эркаклар исми).

**ШАМСА** [а. شمسه – металлдан ишланган қуёш нақши] Таркибида қуёш тасвири бўлган гул ёки нақш. *Уйнинг олтин рангли «шамса»си, деворлардаги ранго-ранг нақшлар ҳисларни, завқларни қанотлантирар эди.* Ойбек, Навоий.

**ШАМСИЯ 1** [а. شمسية – қуёшга, қуёш йилига оид] **1** Қуёшнинг йиллик ҳаракат циклига қараб белгиланадиган, 365 ёки 366 кундан иборат, 22 мартдан бошланадиган йил; қуёш йили (Шамсия йили қуйидаги ойлардан иборат: хут, ҳамал, савр, жавзо,

саратон, асад, сунбула, мезон, ақраб, қавс, жадй, далв).

**2** Шамсия (хотин-қизлар исми).

**ШАМСИЯ 2** [а. شمسية – қуёшга оид, алоқадор] эск. кт. Қуёш нуридан, ёгин-сочиндан сақланиш учун тутиладиган соябон; зонт. *Намчил хиёбонларда шамсия тутган ошиқлар оҳиста кезар эди.* Х. Султонов, Онамнинг юрти.

**ШАМЧИРОҚ** [шам + чироқ] айн. **шам 1.** *Ҳамманикида электр ёнса-ю, сиз шамчи-роқ ёқиб ўтирсангиз, яхшими?* И. Раҳим, Ихлос. *Токчада хира ёнаётган шамчи-роқ ташқарида эсган шамолни сезгандек пир-пирлади.* А. Мухтор, Опа-сингиллар.

**ШАМШИР** [ф. شمشير – қилич, тиф] **1** от, кт. айн. **қилич 1.** Саид Жалолхон ғайратига чиқолмай, шамшир сугурди ва ҳавода ўйнатиб, аскарга фармон берди. А. Қаҳҳор, Башорат. *Отряд кетидан ҳавода шамишини ярқиратиб, темирчи Абдукарим билан.. Абдулла от чоптириб кетишди.* Ш. Тошматов, Эрк қуши.

**2** сфт. кўчма Ўткир, етук. *Ҳозир соҳиб-корлар даврасида зехни шамшир, халқ тажрибаси билан мўъжизакор фанни пайванд этган ёшлар кўп.* Р. Мусамуҳамедов, Кўчат эк, боғ қил!

**ШАМШОД** [ф. شمشاد] Ёғочи қаттиқ, доим яшил, тик ўсадиган жанубий дарахт ёки бута. *Шамшод кўчати.* *Шамшод тароқ.*

**Қомати (ёки қадди) шамшод ёки шамшод қомат (ёки қад)** поэт. Қадди-қомати тик ва келишган. *Хотин-қиз элига дарду бало паранжи, Шамшод қадларини қилди дуто паранжи.* Ғ. Фулом. *Зухранинг шаҳло кўзлари жиққа ёшга тўлди, шамшод қомати тебранди.* А. Муҳиддин, Чап чўнтак.

**ШАМҒАЛАТ** [а. شمغلات]: **кўзини шамгалат қилиб** Кўзига чап бериб, кўрсатмай, билдирмай. *Ўзимга бўнакка теккан бугдойдан 2–3 мартаба ярим пуддан-ярим пуддан кўтариб, Сатторқул акамнинг кўзини шамгалат қилиб, шаҳарга – бозорга тушиб сотдим.* Ғ. Фулом, Тирилган мурда. *Баъзида Мирёқуб уйдагиларнинг кўзини шамгалат қилиб, Ачаободга жўнаб қолар эди.* Мирмуҳсин, Тунги чаққоқлар.

**ШАНБА** [ф. شنبه – ҳафтанинг биринчи куни; Ислом динида жума – ибодат ва дам олиш куни деб қабул қилинган, шанба янги ҳафтанинг бошланиш куни бўлиб қолган]

Ҳафтанинг жумадан кейинги, якшанбадан олдинги олтинчи кунни. *Жума ёғса, шанба тинар; шанба ёғса, қачон тинар?* Мақол. ■ *Бу сўлим масканларда шанба ва якшанба кунлари сайру саёҳат қилган ҳамшаҳарларимиз жуда кўнгилли дам олади.* Газетадан.

**ШАНБАЛИК** Жамоа бўлиб, оммавий ва ихтиёрий равишда бирор ижтимоий фойдали ишни бажариш (дастлаб бундай ишлар шанба кунлари бажарилган). *Шанбалик ўтказмоқ.* ■ *Шанбалик кунни шу теракларни, ҳув кўчанинг нариги томонидаги чинорларни экишганди.* «Ўзбекистон қўриқлари». *Шаҳарни янада обод ва кўкаламзор қилиш мақсадида оммавий шанбаликлар ўтказиш анъанага айланиб қолди.* Газетадан.

**ШАНТАЖ** [фр. chantage] Ўз мақсадига эришиш, бирон фойда кўриш учун қилинадиган иғво, дўқ уриш, қўрқитиш каби ёмон ниятдаги хатти-ҳаракат, дўқ, пўписа. *Унчалик кетма. Шантаж деганинг нимаси?* А. Мухтор, Туғилиш. *Йўқ, бу исён, шантаж, галаён.* Р. Бобожон.

**ШАНТАЖЧИ** Шантаж билан шугулланувчи. *Шантажчиларнинг шармандаси чиқди.*

**ШАНҒИ 1: шанғи овоз (ёки товуш)** Баланд ва кўпол овоз, товуш. *Йўлнинг олислигини билдирмаслик учунми, Абилжон шанғи овози билан гоҳ қўшиқ айтар, гоҳ ҳазиломуз гап қотиб борар эди.* Ҳ. Назир, Ўтлар туташганда. *Кимдир шанғи товуш билан: -Мулла Асад, ҳамқишлоғингизни чақириб чиқинг, иккита ашула қилиб берсин, - деди.* М. Исмоилий, Фарғона т. о.

**2** Шундай товуш билан гапирадиган; бақироқ. *Шанғи хотин.* ■ *Сидиқжоннинг кўзига қабр сингари қоп-қоронғи ва тор уй, қайнанаси сингари ўлғундай баджаҳл ва шанғи кампир.. кўриниб кетди.* А. Қаҳҳор, Кўшчинор чироқлари. *Шанғи самоварчи жўмраци учига жез қопланган чойнакни бир пиёла билан.. дўқ этиб қўйиб кетди.* Ойбек, Танланган асарлар.

**ШАНҒИЛЛАМОҚ 1** Баланд овоз билан, бақириб гапирмоқ. *Телефонда гаплашадиган райижроком раиси овозининг борича шанғиллар, гапни тушутиролмайд бўғиларди.* С. Аҳмад, Ҳукм. *Кўп ўтмай аскиячиларнинг шанғиллаган овози ҳамманинг диққатини жалб қилди.* М. Осим, Сехрли сўз.

**2** Қаттиқ ёқимсиз овоз чиқармоқ. *Кўнгироқ қаттиқ шанғиллади.*

**ҚУЛОҒИ ШАНҒИЛЛАМОҚ** Чарчаш, толиқиш ёки қарилик натижасида қулоғида шовқин пайдо бўлмоқ. *Хиёлни кўзи тиниб, қулоғи шанғиллай бошлади.* И. Раҳим, Тақдир. *Унинг [Навоийнинг] бели букчайиб, қўллари қалтирайдиган, қулоғи шанғиллайдиган бўлиб қолди.* М. Осим, Зулмат ичра нур.

**ШАНҒИМОҚ** с.т. Шанғилламоқ. *У [Ҳожи хола] бир ёқдан шанғиб, бир ёқдан пайпасланиб, Тўтиқиз орқасидан югурди.* М. Исмоилий, Фарғона т. о.

**ШАП 1** айн. шалп. *Бир дона олма узлиб, шап этиб сувга тушди.* ■ *Хўжабеков гарданига шап этказиб урди.* С. Анорбоев, Оксой. *Дарс вақти тугай деганда.. китобни шап этказиб ёнди.* «Муштум».

**2** Тўсатдан, бирдан; қаттиқ. *Мутал уни тўхтатмоқчи бўлиб, этагидан «шап» ушлаганди.. кўйлаги ёқасигача йиртилиб кетди.* О. Ёқубов, Ларза.

**ШАПАЛОҚ 1** Қўлнинг беш панжа ва кафтдан иборат қисми. *-Ажаб қиламан! - деди Кумуш ва шапалоғи билан эрининг юзига секингина уриб қўйди.* А. Қодирий, Ўтган кунлар. *Замон у ёқ-бу ёққа бир жаланглаб олгандан кейин, бир шапалоғини оғзи ёнига тутди.* М. Исмоилий, Фарғона т. о.

**2** Қўл, беш панжа билан (бетга) урилган зарба, тарсаки. *Бир шапалоқ урмоқ.* ■ *Искандар, худди шапалоқ еган кишидек, турган ерида бир ирғиб тушди.* М. Осим, Искандар ва Спитамен. *Исфандиёр шеърини охирини эшитишга чидамади. Авазнинг бетига шапалоқ тортиб юборди.* С. Сиёев, Аваз.

**3** кўчма Қарши ҳаракат, зарба.

**4** кўчма Шапалоққа ўхшаш, шапалоқ каби. *Бақатерак шапалоқ-шапалоқ барглари-ни қарсиллатиб садо берар..* Ж. Абдуллахонов, Орият. *Унинг шапалоқ гулли қизил кўйлаги ловулар.. ёниб кўринарди.* Ў. Ҳошимов, Бир томчи шудринг.

**ШАПАЛОҚГУЛ** Шапалоқ баргли, кўпинча хонада ўстириладиган, гулсапарнинг бир тури. *Мана ўша қизғиш тувакдаги шапалоқгул.* А. Мухтор, Опа-сингиллар.

**ШАПАЛОҚЛАМОҚ** Шапалоқ билан урмоқ, тарсаки туширмоқ. *Қосимов қайтиб ўрнига утираркан, тиззасига шапалоқлаб бир уриб қўйди.* Ҳ. Нуъмон, Фасллар. [Бой Гулбаҳорга:] *Ўйнаш деб, ўз болангни ўлдирдинг-*



ми? Гапир, шариат урғур! (Шапалоқлаб урар, Гулбахор ерга юзтубан йиқилар). Ҳамза, Бой ила хизматчи.

**ШАПАРАК** Юпқа, пучак. Шапарак нон.

■ Тахмонда бир эски яшиқ. Унинг устида увада кўрпа, тошдай қаттиқ кир, шапарак ёстиқ. Ойбек, Танланган асарлар. Бир куни у мактабдан қайтса, онаси шапараккина кўрпача устида ўтириб, қўл машинада иш тикаётган экан. Ў. Ҳошимов, Қалбингга қулоқ сол.

**ШАПАТИ** шв. айн. шапалоқ 1, 2. Амазжон пешонасига шапати урди. С. Сиёев, Аваз. -Сен билан улфатчилик қилган одамнинг ўзи аҳмоқ, — деб «устоди»нинг қулоқ-чеккасига шапати тортиб юбормоқчи бўлувди, кимдир қўлидан маҳкам ушлади. «Гулдаста».

**ШАПАТИЛАМОҚ** Шапати урмоқ. Вақ-қос ота.. ачиниб, пешонасига шапатилади. С. Юнусов, Кутилмаган хазина. Хадичахон югуриб эшикка чиқиб.. шаллақиларча сонига шапатилаб, бақира бошлади.. Н. Фозилов, Дийдор.

**ШАПИЛЛАМОҚ** «Шап-шап» этган овоз чиқармоқ. Моторларнинг гувуллаши.. қайишларнинг шапиллаши.. тинди. Газетадан. Сувнинг шапиллашига вужудим талпиниб, қўрага кирдим. А. Мухтор, Давр менинг тақдиримда.

**ШАПИР-ШУПУР** тақл. с. Сувга нарсанинг кетма-кет урилиши билан чиқадиган бир-бирига яқин товушни («шапир» ва шунга яқин товушни) билдиради. Бола шапир-шупур сузиб борар, оғзига сув кирар, совуқ суяк-суягига ўтар эди. А. Мухтор, Тонг билан учрашув.

**ШАПКА** [р. шапка — эркаклар бош кийими] 1 с.т. Пешона томонида соябончаси — козирёги бўлган бош кийим; фуражка, кепка. Сайодалим аканинг ўғли гимназия деган катта мактабда ўқийди. Мактабга шапка кийиб боради-я. Тушундингизми, шапка! Ойбек, Танланган асарлар. *Нормат.. шапкасининг козирёги ва хром этигининг қўнжигача ярқираб турган капитанни кўрди.* И. Раҳим, Чин муҳаббат.

2 айн. телпак.

3 п.г.рф. с.т. Бир неча мақола учун умумий бўлган сарлавҳа.

**ШАПКАЛИ** Шапкаси бор, шапка кийган. Шапкали бола.

**ШАПОҚ 1** Чиқаётган ёки ботаётган қуёшга, ёруғликка қарай олмайдиган (от қаҳида). Қоражонбек аччиқ қамчи уради, Шапоқман баравар кетиб боради. «Алпомиш». Шапоқ от кунга қараёлмай, чангалга оёқ босолмай, суришиб йиқилди. «Гўрўғли».

2 Касаллик туфайли кўзга тушадиган холсимон оқ парда; кўз касаллиги. Кўзига шапоқ тушибди.

**ШАППА** Бирдан, тўсатдан. Асқар полвон бесўнақай лапанлаб, шаппа йиқилди. Ойбек, Қуёш қораймас. Хотин шаппа оғзимни ушлади: -Ҳой, сен нима қилмоқчисан? Ф. Фулом, Шум бола. [Ит] Нигоранинг атрофида гир айланиб ўқрайар, қозиқ тишларини кўрсатиб ириллар, шаппа ёпишиб, узиб олиш учун пайт пойлар эди. С. Анорбоев, Оқсой.

**ШАППАЛАМОҚ** с.т. Шапалоқ билан секинроқ урмоқ, шаппатиламоқ. -Олиб келган одамларингиз саводли чиқиб қолдику, — деди мезбонлардан бири Мирзонинг елкасига шаппалаб. А. Қаҳҳор, Мирзо.

**ШАППАТИ** айн. шапати. Бувинисо Авазнинг юзига шаппати урди. Бола йиғлади. П. Турсун, Ўқитувчи. У, Эҳсоннинг кафтига шаппати билан уриб сўрашди-да, бурнини жийириб, уйнинг у ёқ-бу ёғига қаради. А. Қаҳҳор, Сароб.

**ШАППАТИЛАМОҚ** айн. шапатиламоқ. Шаппати урмоқ, шаппаламоқ. -Овозингиз учир, бадбахт, овозингиз! Болаларнинг уйқусини ҳаром қилдинг, — деди [эшон] ва Элмуроднинг юзларига шаппатиламоқчи бўлиб, наст эгилди. П. Турсун, Ўқитувчи.

**ШАПШАК** шв. Ахлоқ-одобни билмайдиган, адабсиз; ҳеч нарсадан тортинмайдиган, уялмайдиган. Менинг бошимга асизода эрни ўлдириб келдингми? А? Бехаё шапшак. Ш. Тошматов, Эрк қуши. [Ҳожар:] Э, ўлим берсин, сен беюз шапшакка! Ҳамза, Паранжи сирлари.

**ШАПШАКЛИК** Шапшак эканлик, шапшакка хос хатти-ҳаракат. Олим одамнинг отасига шапшаклик ярашмайди. Н. Норқобилов, Бекатдаги оқ уйча.

**ШАП-ШУП** тақл. с. «Шап» ва шунга яқин товушни билдиради. Наривери бўз салласини бошига чулғаб, сарпойчан кафшини шап-шуп босиб, дарвозадан ичкарига кириб бормоқда бўлган Сафар бўзчини маҳдум тўхтатди. А. Қодирий, Меҳробдан чаён.

**ШАР I** [қад. р. шар – бүйек ва ундан қоладиган думалоқ доғ] **1 мат.** Фазодаги берилган нуқта (марказ)дан муайян узокликда жойлашган нуқталарнинг геометрик ўрни: ярим доиранинг ўз диаметри атрофида айланишидан ҳосил бўлган геометрик жисм. *Шарнинг сиртини ўлчаш. Шарнинг радиуслари.*

**2** Шундай шаклга эга бўлган нарса. *Уларнинг шакли ҳам қизиқ: бири тухумга, бири бильярд шарига ўхшайди, баъзиси қайроқ тошдай узунчоқ ва силлиқ. Х. Назир, Сўнамас чақмоқлар. Аммо бўм-бўш коридорда тўсатдан Замира дуч келиб қолди. Кўз кўзга тушди-ю, электр шарлар чақин чаққандай бўлди. П. Қодиров, Уч илди.*

**3** Болалар ўйнаши учун ичига ҳаво ёки ҳавога нисбатан енгил газ тўлдирилган, думалоқ шаклдаги резинка пуфак. *Шар ёрилди. ■ Аввалги байрамлардагидек ҳавода рангбаранг шарлар учиб юрмапти. И. Раҳим, Чин муҳаббат.*

**Ер шари** Ер сайёраси. *Берма эркингни қўлдан, Яшамоқ чоғинг! Ернинг шаридир сенинг Мулку чорбоғинг. Ҳамза. Ҳаво шари* Думалоқ шаклдаги аэростат.

**ШАР II тақл. с. I** Газмолнинг куч билан йиртилишидан ҳосил бўлган товушни билдиради. *Сурп шар этиб йиртилди.*

**2** Суюқликнинг шиддат билан оқишидан ҳосил бўладиган товушни билдиради. *У қозонга бир нақир сувни шар этказиб қуйиб юборди.*

**ШАРА-БАРА с.т.** Турли-туман нарсалар, қақир-қукур. *Бошимда бир тоғора ош, бўйнимда тасмали термос, шара-бара солинган тўрва. «Муштум».*

**ШАРАФ** [а. شرف – иззат, ҳурмат, фахр; асилзодалиқ, юқори мартаба; юксак ўрин] **1** Фахрланишга арзийдиган нарса, юксак қониқиш ҳисси; бахт, фахр, ифтихор. *Шодлик билан туғилиб, шарафу обрў билан ўтмоқ – инсон учун бахт.* Мирмуҳсин, Меймор. *Катта билим даргоҳининг талабаси бўлишдек шарафга муяссар бўлдим.* Газетадан. *Туркистон мусулмонларининг ҳуқуқларини мудофаа эта биладиган тўрт-беш арбоби сиёсат этишса, биз учун шараф эмасми? Ойбек, Танланган асарлар.*

**2** Бирор ижобий хислат, хизмат ёки талант туфайли халқ орасида таратилган донг; шуҳрат, шон. *Пахтакор қаҳрамонлар-*

*га шон ва шарафлар бўлсин! ■ Юксак оқ олтин хирмони бунёд этиш учун кураш – шараф, обрў учун курашдир.* Газетадан. *Абдурахмоннинг отаси уламо наслидан, аммо бу шараф нима сабаб биландир унинг отасига насиб бўлмаган. А. Қодирий, Меҳробдан чаён.*

**Шараф билан** Юксак ифтихор билан, шон-шарафга арзирли тарзда. *Ҳўжалигимиз деҳқонлари ўз зиммаларига олган давлат топширигини шараф билан адо этдилар. «Ўзбекистон қўриқлари».* **Шарафига ёки шарафи учун** Бирор кимса ёки нарсанинг ҳурмати, эътибори ҳисобга олиниб, шунга бағишлаб, атаб. *Ушдаги қароргоҳда бу оқишом сизларнинг шарафингизга тантанали зиёфат берилур. П. Қодиров, Юлдузли тунлар. Бу ёдгорлик Марказий Фарғонани ўзлаштирганлар шарафига Бектош Раҳимов ташаббуси билан ўрнатилган. «Ўзбекистон қўриқлари».*

**3** Шараф (эркаклар исми).

**ШАРАФА** [а. شرفه] махс. Бинонинг девор, шип ва ш.к. жойларига одатда ганчдан қуйиб ёки ўйиб ишланган нақш, безак. *-О, азизим! – ҳайрат билан гапирди генералнинг хотини ўз шеригига, уйнинг шифтидаги ганч шарафаларни, тоқчаларнинг ўймакор ганч нақшларини кўрсатиб. Ойбек, Улуғ йўл. Зилзила бўлганида, бу шарафа, гириҳлар ёрилган, кўчган, синган эди. А. Абдуқодиров, Уста Маҳмуд.*

**ШАРАФЛАМОҚ** Ҳурмат ва ифтихор билан тилга олмоқ, шон-шарафини қайд этмоқ. *Севимли ва улуғ Ватанимизни шарафлайдиган асарлар яратайлик.* Ойбек, Халққа хизмат – бахт. *Меҳнат инсонга фақат моддий фаровонлик келтирибгина қолмай, унинг маънавий дунёсини бойитади.. эл-юрт ичида шарафлайди.* Газетадан.

**ШАРАФЛИ** Шарафга, ҳурматга эга бўлган; фахрли; улуғ. *Ўқитувчининг машаққатли, масъулиятли, лекин ғоят шарафли, олийжаноб меҳнатини нимага қиёс қилса бўлади?* Газетадан. *Унинг шарафли умр йўлларида журналистик ижодиётнинг янги сарчашмалари очилмоқда. Х. Ёдгоров, Ҳаёт тўлқинлари.*

**ШАРАҚ** тақл.с. Тош, темир каби қаттиқ нарсаларнинг ўзаро ёки бошқа қаттиқ нарсага урилишидан ҳосил бўлган овозни билдиради. *Коса шарақ этиб синди. Кўча эшик шарақ этиб очилди.*

**ШАРАҚЛАМОҚ 1** «Шарақ» этмоқ, «шарақ-шарақ» товуш чиқармоқ. У [Абдулла] хужра ичидан занжирнинг шарақлаганини эшитди, кимдир деворни тимдалагандай бўлди. Ш. Тошматов, Эрк қуши. *Автомобиль тезлаб кетган сари асбоблар бир-бирига шарақлаб урилади.* Ҳ. Назир, Чўл ҳавоси. *..ўртада электрга уланган самовар шарақлаб қайнаб турарди.* О. Ёқубов, Диёнат.

**2** кўчма Чақчақлаб кулмоқ, қаттиқ кулмоқ. *Ғиёс, ўқитувчининг оғзидан сал ҳазилнамо гап чиқиб қолгудек бўлса, шарақлаб кулиб юборарди.* Ф. Мусажонов, Ғамхўр. *Шоир бўлса ҳамон шарақлаб кулар, чиройли кўзлари сузилиб кетган эди.* Ў. Ҳошимов, Нур борки, соя бор.

**ШАРАҚ-ШАРАҚ 1** Шарақ с. такр. Кузовдаги металл деталлар йўл бўйи шарақ-шарақ қилиб борди.

**2** айн. **жарақ-жарақ.** Уч-тўрт йил мобайнида кирмаган ковагим қолмади.. шарақ-шарақ пул топдим. А. Эшонов, Бир оғиз сўз.

**ШАРАҚ-ШУРУҚ** такр. с. «Шарақ» ва шунга яқин товушларни билдиради. *Зилзила вақтида жавондаги идишлар шарақ-шуруқ бўлиб кетди.* ■ *Бир бурчакда биттаси шарақ-шуруқ чўт уради.* Ҳ. Шамс, Характеристика.

**ШАРБАТ** [а. شربت — бир қултум; ширин ичимлик] **1** Пишиб етилган ҳўл мевалардаги қанд моддаси, ширинлик, шира. *Мевалар шираю шарбатга тўлмоқда.* *Хоразм қовунлари ширинлиги ва шарбати билан машҳурдир.* ■ *Қоровул пахта гулли косада анор шарбати келтирди.* С. Сиёев, Отлиқ аёл. *..бу ерларга сув чиқариб, ток кўкартирилса, ҳамма ёқни шарбатга тўлдириш мумкин.* Мирмуҳсин, Меъмор.

**2** Мевалардан тайёрланган ширин ичимлик. *Шу лаҳза Бадиа яна ўрнидан туриб, аравадаги хумчадан ним коса шарбат олиб келди.* Мирмуҳсин, Меъмор. [Беҳлул] *Елкасига ташлаган дастурхонни ёзиб, баркашни меҳмон олдига суриб қўйди, кейин икки косада шарбат келтирди.* М. Осим, Зулмат ичра нур.

**ШАРБАТДОР 1** Сувли, ширали, ширин (мева ҳақида). *Шарбатдор узум.* ■ *Бу қишлоқда пишган луччак шафтоли шунчалик катта, шунчалик шарбатдор бўлар эканки..* Ф. Фулом, Тирилган мурда.

**2** эск. тар. Хон саройидаги катта йиғинларда кишиларга май, шароб қуйиб берувчи шахс. -*Хон тайёр экан.. — деди кулумсираб Қамбар шарбатдор.* А. Қодирий, Ўтган кунлар. *Шарбатдор чодирдан ичимлик идишларини.. олиб чиқиб кетди.* Ғ. Расул, Адолат.

**ШАРЖ** [фр. charge < charger — ошириб (бўрттириб) кўрсатмоқ] Шеърый ёки насрий сатирик, юмористик ҳамда тасвирий асарларда: бирор шахсга оид ҳажвий хусусиятлар устидан кулиш; шу усулда яратилган расм ёки тавсиф. *Театр артистлари Гоголь персонажларини талқин қилишда, андак бўлса-да, шарж элементларига йўл қўймадилар.* Газетадан.

**ШАРИАТ** [а. شريعة — тўғри йўл; ислом ҳукмлари, қонун-қоидалари] *дин.* Ислому ҳуқуқ тизимида: мусулмонларнинг Қуръон асосида ишлаб чиқилган диний, жиноий ва фуқаролик қонун ва қоидалари мажмуи. *Шариат қоидалари.* ■ *Ярашадиган бўлсангиз, шариат йўл топиб беради.* А. Қаҳҳор, Қўшчинор чироқлари. *Шариат ҳамма вақт адолатни ҳимоя қилади.* К. Яшин, Ҳамза. *У Бухорода мадрасада ўқиб юрганда, шариат ва тариқат илмини яхши ўрганган, Қуръонни ёд билар эди.* П. Қодиров, Юлдузли тунлар.

**Шариат пешволари** Шариат қонун-қоидаларини мукамал биладиган, у ҳақда йўл-йўриқ кўрсатадиган кишилар (қози, уламо ва б). *Саройда барча — шариат пешволаридан тортиб то кичкина амалдоргача шоирлик даъво қиларди.* С. Сиёев, Ёруғлик.

**ШАРИАТПАНОҲ** [а. + ф. شریعتپناه — шариат ҳимоячиси, паноҳи] Шариат қонун-қоидаларини изчиллик билан амалга оширувчи, шариатни ҳимоя қилувчи, қўллаб-қувватловчи шахс. *Мен сени шариатпаноҳ деб юрган эканман. Энди кўзим очилди, сенинг тулки башаранени танидим энди.* М. Ўринхўжаев, Унутилмас кунлар. *Шариатпаноҳ жанобларининг гаплари тўғри.* С. Айний, Жаллодлар.

**ШАРИК** [«шар 1» с. нинг кичр.] Думалоқ шаклга эга бўлган кичикроқ нарса; соққа, соққача. *Подшипник шариклари. Бильярд шариклари.*

**ШАРИКЛИ** Шариги бор, шарик қўйилган, шарик билан ишлайдиган. *Шарикли подшипник.* ■ *Навой портрети акс этган 60 минг дона авторучка ва шарикли ручкалар тайёрланмоқда.* Газетадан.

**ШАРИЛЛАБ** Кўп, кучли ва тез ҳолда (сув, ёмғир ва ш.к. нинг оқиши, ёғиши ҳақида). *Жилғалардан шариллаб лойқа сел келди.* С. Анорбоев, Оқсой. *Мезоннинг ўртасидан яна шариллаб ёмғир ёғди..* С. Сиёев, Аваз. *Жумағулнинг бутун вужудидан шариллаб тер оқарди.* Ж. Шарипов, Хоразм.

**ШАРИЛЛАМОҚ** «Шар», «шар-шар» этган товуш чиқармоқ; шалдирамоқ (сув, суюқлик ҳақида). *Ёмғир тарновдан шариллаб тушяпти.* ■ *Суви қайтиб, тошлоқ қирғоқлари шақирлаб қолган сой бир текис шарилларди.* С. Анорбоев, Оқсой.

**ШАРИЛЛАТМОҚ** 1 **Шарилламоқ** фл. орт. н. *У дарҳол кийимларини ечиб, жўмрақдан сувни шариллатиб, ювинди.* Мирмуҳсин, Умид.

2 *кўчма* Тез ва тутилмай бажармоқ. У [раис] *рақамларни шу қадар ёддан шариллатардики, гапига ишонмасдан иложингиз йўқ эди.* Н. Сафаров, Узоқни кўзлаган қиз. *Қани энди мен ҳам ўрисчани шариллатиб ўқийдиган бўлсам.* С. Аҳмад, Ҳукм. *Ручкамга мия ўрнатилган бўлса-ю.. масалаю мисолларни шариллатиб ишлайверса.* Э. Раимов, Ажаб қишлоқ.

**ШАРИФ** [а. شريف — асилзода, таниқли; олийжаноб, виждонли] 1 эск. юқ. усл. Муқаддас, азиз; табаррук. *Қурьони шариф.* ■ *Бухоройи шарифда Абу Али ибн Сино деган бағоят улуғ табиб ўтган.* М. Исмоилий, Фарғона т. о. -*Қайтиб келгандан кейин сизларнинг ёрдамингизда ҳазратининг мозори шарифларига бориб турамиз-да, — деди домла.* П. Турсун, Ўқитувчи.

2 Шариф (эркаклар исми).

**ШАРЛАТАН** [фр. charlatan — дастлаб: сайёр дори сотувчи; кейин: фирибгар < итал. ciallare — қуруқ гап сотмоқ ] с.т. Алдам-қалдамга ниҳоятда уста; алдамчи, товламачи, фирибгар. *Аммо у [Зикир] шарлатан савдо инспекторини қўлга олиб, актларни йўқ қилиб улгурибди.* Ш. Фуломов, Ёрқин уфқлар. *Мен у одамни сиздан яхшироқ билман, юз сўмликнинг қирғоғини кўрмаса, овози хаста бўладиган шарлатанлардан.* С. Маҳқамов, Шоғирд.

**ШАРМ** [ф. شرم — уят; уялиш, уятчанлик] Ножўя хатти-ҳаракатдан ўзини тия олиш, уялиш ҳисси; ҳаё, уят, номус. *Шарм қилмоқ.* ■ *Ёки ўша ёқалашишда бирон ери лат еди-ю, шарм кучлилик қилиб индамадими?*

Мирмуҳсин, Умид. *Яхши аёлнинг бор шарм билан ҳаёси.* «Гулхиромон».

**ШАРМАНДА** [ф. شرمنده — виждонли, инсофли; уятчан; уятга қолган, изза бўлган] Шарму ҳаёни йўқотган; ҳаёсиз. *У ахлоқсиз бир кимса-ку! У беҳаё, шарманда.* К. Яшин, Ҳамза.

**Шарманда бўлмоқ** Ниҳоятда уятга қолмоқ; шармандаси чиқмоқ. *Шундай қилайликки.. тинҳона ҳаракатлари ҳам фош бўлиб, ўзлари эл орасида шарманда бўлсинлар.* Газетадан. **Шарманда қилмоқ** Ниҳоятда уятли ҳолатга қўймоқ. *Нега мени шунча одам олдида шарманда қиласан, жодугар! Ў.* Ҳошимов, Қалбинга қулоқ сол.

**ШАРМАНДАГАРЧИЛИК** Шармандали ҳол, ҳодиса. *Ўғил шаънига бундан ҳам ёмонроқ шармандагарчилик бўлмаса керак.* М. Исмоилий, Одамийлик қиссаси. *Бу қандай шармандагарчилик? .. Салимбойваччага бир хизматкор мушт кўтарсин!* Ойбек, Танланган асарлар.

**ШАРМАНДАЛИ** Шармандалик келтирувчи. *Кечирасиз, ҳурматли ўқувчи.. бу шармандали ҳодиса шу кунларда рўй берди.* «Муштум». *Баъзи жойларда қалин тўлаш каби шармандали урф-одат давом этмоқда.* Газетадан.

**ШАРМАНДАЛИК** 1 Шармандали иш, ҳолат, шармандагарчилик. *Зарифбойнинг авзойи ёмон эди.* У бултурги шармандаликни ҳар эслаганда, бадани ўт бўлиб ёнади. С. Сиёев, Аваз. *Қизининг қилган шармандалигини кўтара олмасан Замира опа инфаркт туфайли ҳаётдан кўз юмди.* Газетадан.

**ШАРМАНДАЧИЛИК** қ. шармандагарчилик. *Эл оғзига элак тутиб бўлмас экан, уйланмай босилган қадам шармандачилиги одамлар орасида анча гап-сўзга сабаб бўлди.* М. Исмоилий, Одамийлик қиссаси.

**ШАРМИСОР** [ф. شرمسار — кулгили ҳолатда қолган, изза бўлган, шарманда] айн. **шарманда.** *Шармисор бўлмоқ.* ■ -*Шарманда қилдинг, шармисор қилдинг!* — *Тожибой пешонасига уриб, додлаганича уйига кириб кетди.* С. Зуннунова, Гулхан.

**ШАРМИСОРЛИК** Шарманда, шармисор иш, ҳолат. -*О, ҳали сен иблис фарзандлари билан ҳамтовоқ бўлдингми?* — *қичқирди Абдулвоҳид тупугини сачратиб, — бу қандай шармисорлик!* Ойбек, Нур қидириб.

**ШАРМЛИ** Шарм-ҳаёси бор; ҳаёли. *Шармли қиз.*

**ШАРМСИЗ** Шарм-ҳаёси йўқ; уятсиз, ҳаёсиз. *Шармсиз йигит. ■ Эшонларнинг ўзлари, Шармсиздир юзлари, Ошга тўймак кўзлари.* Ҳамза.

**ШАРНИР** [нем. Scharnier < фр. charnière < лот.cardo – ниманингдир атрофида айланувчи нарса] Бир-бирига бириктирилган икки валнинг, ўқнинг ўзаро бурчак ҳосил қилиб айланиши ёки ҳаракат қилишига имкон берадиган кўзгалувчан механизм.

**ШАРНИРЛИ** Шарнирга эга бўлган, шарнири бор. *Шарнирли бирикма.*

**ШАРОБ** [а. شراب – ичимлик; шарбат; май, вино] кт. Кайф берувчи ичимликларнинг умумий номи; май; вино. [Навий:] *Таажжуб, янгича аза, янгича базм.. Эғиларида қора либос, қўлларида қизил шароб, тушкунликнинг мужассам тимсоли!* Уйғун ва И. Султон, Алишер Навоий. *Қалдирғочнинг расми ўйилган Шишалар ҳам шаробларга лим.* Э. Раҳим.

**ШАРОБХОНА** [шароб + хона] кт. Шароб ичиладиган жой; майхона. *Мўл, текин овқатни егандан кейин [Тўғонбек] шаробхонага югурди.* Ойбек, Навоий.

**ШАРОБХҲҮР** [а. + ф. شرابخور – шароб ичувчи] кт. Шароб ичишга ружу қилган, берилган. *Шаробхўр одам.*

**ШАРОБХҲҮРЛИК** Шароб ичиш, тўйиб май ичиш. *Бойваччалар шаробхўрлик қилиб ўтираверишди..* С. Сиёев, Ёруғлик.

**ШАРОБЧИ** эск.кт. Шароб сотувчи, майфуруш. *Шаробчидан катта косада «оби ангур» сўраб, хонанинг бир бурчагига чўкди.* Ойбек, Навоий.

**ШАРОИТ** [а. شرائط – шартлар; тартибқоидалар] 1 Объектив ҳолдаги муайян вазият. *-Тоғ шароитига мослаша бошлаган қўйларнинг қониди ўзгариш бўлади.* С. Анорбоев, Оқсой. *Бу хислат ота-бобосининг қонидан.. чўл шароитида ҳар бир бошоқни минг машаққат билан ўстириб, ҳар қўйни авайлаб боққан шароитидан сингган.* С. Нуров, Майсаларни аёз урмайди.

2 Бирор нарсанинг воқеланишига, бўлишига таъсир этувчи ҳолат, вазият; имконият. *Самарқанд обидаларидек санъат асарларининг бунёд бўлишига ҳомийлик қилган, жаҳонга донғи кетган олимларни тўплаб,*

*уларга шароит яратиб берган одам [Амир Темур] эззуликни ҳис қилмаслиги мумкин эмас.* Ҳ. Ҳошимов, Қалбингга қулоқ сол.

**ШАРОРА** [а. شراره – учқун, аланга] эск. кт. айн. **УЧҚУН** 3. *Тим қора оҳу кўзларида ёшлик ва муҳаббат шарораси жўш уриб, ўз қурбонини излайди.* К. Яшин, Ҳамза. *..қароқларидан ёғилаётган нозиккина туйғунлик ўзи бир алоҳида шарора ҳосил қилгандек эди.* А. Дилмурод, Фано даштидаги қуш.

**ШАРОРАТ** [а. شرارت – ёмонлик, ярамаслик; ёвузлик] эск. кт. 1 Ахлоқий бузуқлик, фаҳш, ахлоқсизлик. *Ҳамоқат дарсини шарорат дарсхонасида хатм қилган мендай..* К. Яшин, Ҳамза.

**ШАРОФАТ** [а. شرافت – шон, шараф; иззат, обрў; олийжаноблик] 1 Яхши, нафли таъсир; хосият. *Яхшининг шарофати тегади, ёмоннинг – касофати.* Мақол. ■ *Меҳнатда бор кўп хосият, шарофат, Бел боғласа меҳнатга ким, азиздир.* Ҳабибий. *Машинанинг шарофатини эндиликда ҳамма яхши тушуниб қолди.* Газетадан.

**Шарофати билан** Бирор кимса ёки нарса туфайли, унинг яхши хислати, хосиятига кўра. *Сизнинг шарофатингиз билан бошимни кўтариб турибман.* Ёмғир *шарофати билан гўзалар яхши ўсяпти.* ■ *Умарқулнинг шарофати билан ҳамма бир уйга йиғилди.* Ҳ. Фулом, Машғал.

2 Шарофат (хотин-қизлар исми).

**ШАРОФАТЛИ** Шарофатга эга, хосиятли. *Шарофатли киши.* *Шарофатли давр.* ■ *Илм амал билан шарофатлидир.* Ф. Фулом.

**ШАРОФАТСИЗ** Шарофати йўқ, хосиятсиз, фазилатсиз, бахт келтирмайдиган.

**ШАРПА** 1 Қулоққа чалинар-чалинмас товуш. *Тошпўлатов пойандоз солинган узун коридордан бамайлихотир кириб борар экан, оёқ шартасини эшитиб, ичкаридан Хосият хола чиқиб келди.* Р. Файзий, Чўлга баҳор келди. *..коридордан эшитилган ҳар бир шарпага сергакланиб қулоқ солар.. эди.* П. Қодиров, Уч илди.

2 Кимса ёки нарсанинг гира-шира, билинар-билинмас қораси, ифодаси; шундай соя. *Ҳалиги фонарнинг хирагина нури тушиб турган тош ёнида бир шарпа қимирлади.* А. Мухтор, Тугилиш. *Анҳорнинг тўғонлари олинди одамларнинг хира шарпалари уймалашар..* Ҳ. Назир, Сўнмас чақмоқлар. *Отабек кетига бурилиб, ташқари йўлакдан киргувчи*

дадаси билан Ҳасанали шарпасини олди ва ўйлашиб тўхтади. А. Қодирий, Ўтган кунлар.

**3** кўчма Далолат берувчи сезилар-сезилмас ифода; белги, аломат. *Шу пайт юрагим мудҳиш бир нарсанинг шарпасини сезгандай бўлди.* «Гулдаста». *Гўзал баҳорнинг шарпаси ер ва кўкда, гул ва япроқда, ўт-ўланларда кезар эди.* Н. Сафаров, Қайта тугилиш. *Уртада адоватнинг хира шарпаси пайдо бўлгандек туюлди.* Ф. Мусаёнов, Ҳиммат.

**4** Ялтироқ нарса (мас., кўзгу) орқали бирор жойга тушган шуъла, нур акси. *Шинда шарпа ўйнай бошлади.* ■ *Анорхоннинг сариқ ва кўк рўмолларигина шом қорасида шарпадай милтилларди.* Ойбек, О.в. шабадалар.

**ШАРПАСИЗ** Овоз чиқармаган ҳолда; овозсиз, товушсиз. *Ҳаёт саҳнда уккидай тикилиб турган катта бувиси томонга майин, шарпасиз одимлар билан шипиллаб.* кетди. М. Исмоилий, Фарғона т.о. *Шу пайт дарвозанинг бир табақаси ўз-ўзидан шарпасизгина очилди.* С. Анорбоев, Оқсой.

**ШАРП I** [a. شَرَف — ёмонлик; ёвузлик; қаҳр-газаб] Ёмонлик, ёвузлик; ёсофат. [Қулаҳмад:] *Ҳазрати олий ҳовлимда меҳмон бўлганларида, фуқарони бу ёмонлар шарридан халос қиламан, дедилар.* Мирмуҳсин, Чўри.

**ШАРП II** айн. **шар II.** *Севги деб аталган бу ҳислар баҳор ёмғиридек шарр этиб ўтиб кетмасмикан?* Мирмуҳсин, Умид.

**ШАРРОС I** рвш. Челақлаб қуйгандек, жадал (ёмғирнинг ёғиш тарзи ҳақида). *Мунаввар навбатчиликдан бўшаб, эшикдан чиққанда, ёмғир шаррос қуяётган эди.* С. Анорбоев, Меҳр. *Туни билан шаррос қуйиб чиққан ёмғир тонготарга яқин тинди.* С. Абдуқаҳҳор, Ушалган орзу. *Кўз юмиб очгунча, бутун коинотни булут қоплаб, шаррос ёмғир қуяди.* М. Назаров, Жилвон жилвалари.

**2** от Шу тарзда ёғаётган ёмғир; жала. *Томчилар йилтиллаб йўлка тошида, Бўлажак шарросдан берарди хабар.* Шуҳрат.

**3** рвш. кўчма Тутилмасдан, дудуқланмасдан ва тез. *Мен эски жанномаларни ўқиб ўрганганим учун.. «Тараққий» газетасини шаррос ўқиб кетабердим.* М. Муҳаммаджонов, Турмуш уринишлари. *Ўзи тенги келадиган бир ўспириннинг шундай катта китобни тутилмасдан, шаррос ўқиётганига ҳайрон*

*бўлиб, оғзи очилиб қолди.* М. Осим, Тилсиз гувоҳ. *Меҳмон эса унга қараб, форс тилида шаррос сўзлаб кетди.* А. Ҳақимов, Илон изидан.

**ШАРТ I** [a. شرط — талаб; ҳолат, вазият; тартиб-қоида] **1** Бирор иш ёки масала юзасидан ёзма ёки оғзаки ўзаро келишиб олиш, ўзаро келишув. *Шунинг учун Йўлчининг илтимосига дарров кўниб, шарт бўйича, Шоқосимга овқат, ётиш учун жувозхона олдидан бир хужра берди.* Ойбек, Танланган асарлар. *Бир-биримиздан сир сақламаймиз. Хўпми? Шарт шу.* М. Исмоилий, Фарғона т. о.

**2** Ўзаро шартлашаётган ёки бирор муносабатда бўлаётган томонлардан бирининг бошқа томонга нисбатан қўйган талаби. *Лекин шарт — бизга астойдил, ихлос билан хизмат қиласиз..* Э. Раимов, Ажаб қишлоқ. *Пудрат усулининг шартларига мувофиқ, бу маблағнинг анча қисми пудрат асосида ишлайётганларга тақсимлаб берилади.* Газетадан. *Қиз, «Пойгада ютиб чиққан одамга тегаман», деб шарт қўйибди.* Шукрулло, Жавоҳирлар сандиги. *..эртага шаҳарга туш, нима шартинг бўлса, ўша ерда гапир.* Ойбек, Танланган асарлар.

**3** Тақозо этувчи нарса; талаб. -*Маданиятли бўлишнинг энг биринчи шарты — соддалик, табиийлик, — деб юбордим.* Ф. Мусаёнов, Меҳмонда. *Ҳозиржавоблик — аскиянинг асосий шартидир.* «ЎТА». *Санъат турларининг уйғунлашуви учун умумий услубий хусусиятларнинг мавжудлиги зарурий шарт ҳисобланади.* «Саодат».

**4** кесим взф. Катъий талаб этувчи; зарур. *Бугун келишингиз шарт.* ■ *Бу жанг узоққа бормайди. Лекин Хуросон қўшини шай бўлиб турмоғи шарт!* Мирмуҳсин, Меъмор. *Болага оила ҳам, мактаб ҳам баравар тарбия бериши шарт.* Газетадан.

**Шарт майли тли.** Бирор иш-ҳаракатнинг бажарилиши учун шарт бўлган бошқа иш-ҳаракат ёки ҳолатни англагувчи феъл шакли ва шу шаклга мос маъно. **Шарт эргаш гап тли.** Бош гапдан англашилган воқеа-ҳодиса, белги-хусусиятнинг рўй бериш шартини англагувчи эргаш гап. **Эҳтиёт(и) шарт** Ҳар эҳтимолга қарши. *Шунинг учун учрашгандаям уйда, мана шунақа пана-пастқам ерларда учрашсак, эҳтиёт шарт дейдиларку, ахир!* С. Кароматов, Ҳижрон.

**ШАРТ II: шартти кетиб, парти қолган**

1) қариб, куч-қуввати кетиб қолган, мункиллаган; бедармон. *Шартти кетиб, парти қолган бой, тепага кўтарилган сари, оёғи қалтираб, бутун вужудидан тер оқа бошлаган.* Газетадан; 2) эски, шалоқ; хароб. *Шартти кетиб, парти қолган арава.* ■ *Рўзғорнинг шартти кетиб, парти қолди. Шу рўзғорнинг тебратсам дейман.* И. Султон, Бургутнинг парвози. *...шартти кетиб, парти қолган тегирмонлар нигоҳини тортиши мумкин.* Ж. Абдуллахонов, Хонадон.

**ШАРТ III тақл. с.** Бирор нарсанинг урилиши ёки узилишидан ҳосил бўладиган овозни билдиради. *Икки-уч қамчидан сўнг толга боғланган тизгин шарт этиб узилиб кетди..* А. Қодирий, Ўтган кунлар. *Кампир яна ғазабга келди.. кўйлагининг ёқасини шарт йиртиб юборди.* С. Аҳмад, Ҳукм. *Куйган одам шарт уради сонига.. «Ҳасанхон».* Қизлардан *уч-тўрттаси Нозикни таъқиб этди ва шарт-шурт бир-бирининг яланғоч этига уришиб, шарттак олишдилар.* А. Қодирий, Меҳробдан чаён.

**ШАРТ IV** Тез ва кескин. *Отамурод шарт орқасига бурилди-ю.. чайла томонга чопиб кетди.* М. Мансуров, Ёмби. *Дилдор шарт ўрнидан турди-ю, эшикни қарсиллатиб ёпиб чиқиб кетди.* С. Аҳмад, Уфқ.

**ШАРТАК айн. шартаки 2.**

**ШАРТАКИ I сфт.** Уйламай-нетмай, юз-хотир қилмай гапираверадиган. *Шартаки одам.* ■ *Бир гапни тушунтиргунча етмиш марта луқма ташлайдиган шартакиларни.. оқламоқчи эмасмиз.* Газетадан. *Аммо мана бу шартаки Ҳамзангиздан уламолар хафа.* К. Яшин, Ҳамза.

**2 от** Шартиллаиб уриш, шаппати.

**ШАРТАКИЛИК** Шартакига хос хусусият, хатти-ҳаракат; уйламай, юз-хотир қилмай гапиравериш. *Хўб қизсан-у, шартакилигинг чатоқ, гап келганда, отангни аямайсан.* А. Муҳиддин, Ҳая. *Саври хола овсининг хафалигини бир оз ёзиш учун пайпаслаб кетди: -Шартакилигим ўлсин, овсин, гапиравераман.* Р. Файзий, Кишиларимиз киссаси.

**ШАРТИЛЛАМОҚ** «Шарт» этган овоз чиқармоқ. *Арқон шартлаб узилди.*

**ШАРТКЕСАР** Дангал гапирадиган; дангалчи. *Шарткесар одам.* ■ *У [Муротали] виждони пок, юраги очиқ ва шарткесар эди-*

*ки, кимдан ва нимадан норози бўлса, юз-кўзига қарамай, кескин айтарди.* Ш. Рашидов, Бўрондан кучли.

**ШАРТЛАШМОҚ** Бирор масала юзасидан маълум шартлар билан ўзаро келишиб олмоқ; ахдлашмоқ. *Кечқурун кинога боришга шартлашдик. Ҳар икки томон ўзаро ёрдамни янада кучайтириш ҳақида шартлашдилар.* ■ *[Болалар] Шартлашиб олишганми, бараварига олма тишлашди.* «Ёшлик». *Хўжайин эрта кўкламда шартлашиб, пулни тўлаб қўйган эди.* Ойбек, Танланган асарлар.

**ШАРТЛИ I** Бирор шарт асосида ўзаро келишилган, шартлашилган. *Шартли ишора.* *Шартли жойда учрашмоқ.*

**2 рвш.** Маълум шартлар асосида, бирор шарт билан. *Тургун сизга қўшимча ҳужжат бермоқчи. Ҳозирча шартли қабул қилаверасиз [деди Валихўжа].* Н. Сафаров, Ҳаёт мактаби.

**3** Маълум шартлар асосида қайд қилинган, бирор шарт амалга оширилган тақдирдагина кучга кирадиган. *Оғир шартли битим.*

**4** Бирор нарса, воқеа, ҳодиса ва ш.к. ни рамз, тасвир билан ифодаладиган. *Қабул қилинган шартли белгилар.* *Дарёларни шартли чизик билан ифодаламоқ.*

**Шартли рефлекс физиол.** Организмнинг (одам ва ҳайвонларнинг) шахсий ҳаёти давомида янгидан ўзлаштириладиган рефлекс.

**ШАРТНОМА** [шарт I + нома] Томонлар (икки ёки бир неча шахс) ўртасида тузилган, уларнинг ҳуқуқ ва мажбуриятлари қайд этилган битим. *Латофат наشريётдан шартнома билан олган таржимасини тугатолмай диққат эди.* Л. Тожиева, Меҳрим сизга, одамлар. *Хонани ижрага олган киши, шартномага биноан, уни яхши сақлаши, жорий ремонт қилиши лозим.* Газетадан.

**ШАРТСИЗ** Шарт қўйилмаган, шартти йўқ; бирор шарт қўймасдан. *-Бу ҳолдан қутулишининг бирдан-бир йўли — деди йигитлардан бири, — ҳеч бир шартсиз, сўзсиз.. таслим бўлишдир.* С. Айний, Куллар.

**Шартсиз рефлекс физиол.** Инсон ёки ҳайвон билан бирга туғиладиган, ирсийланадиган рефлекс; туғма рефлекс.

**ШАРТГА I** Истиҳола қилиб ўтирмай, юз-хотир қилмасдан, рўйирост, дангал. *Бор гапни шартта гапирадиган одам.* ■ *У [Асрора] хонаси келганда ҳеч кимни аямасди. Мажлисларда, кимнинг камчилиги бўлса, шартта*

юзига айтаверарди. С. Аҳмад, Уфқ. У [Эл-мурод] энди буйни қисқи етим эмас. Энди унга.. бор гапни шартта айтиб, кўнглини хижолатдан бўшатиш осонроқ! П. Турсун, Ўқитувчи.

**2** айн. **шарт** IV. Кўшоқ шартта ўрнидан турди-да, зарда билан дўқиллаб, чиқиб кетди. Ҳ. Шамс, Душман. Почтаев шартта бурилиб, жўнаб қолди. А. Мухтор, Туғилиш.

**3** Ўйлаб, чўзиб ўтирмай. Ирода шартта муддаога ўтиб қўя қолган эди, жавобни ҳам нақд қилиш керак. Ф. Мусажонов, Ҳиммат. Туробовага шартта «икки» қўйиб бердим. С. Сиёев, Ёруғлик.

**ШАРТТАКИ** қ. **шартаки**. Кишилар билан муомалада хийла шарттаки бўлган бу солдат нимадан андиша қилаётганига ҳайрон бўлдим. Ҳ. Назир, Кўктерақ шабадаси.

**ШАРТ-ШУРТ I** «Шарт» ва шунга яқин товушни (товушларни) билдиради (қ. **шарт** III). Қоғозни шарт-шурт йиртмоқ. ■ Қизлардан уч-тўрттаси Нозикни таъқиб этди ва шарт-шурт бир-бирининг яланғоч этига уришиб, шартак олишдилар. А. Қодирий, Меҳробдан чаён. Ўзи ишга киришиб, шарт-шурт чеканка қилиб кетаверди. Бошқалар [Холдорнинг] орқасидан эргашдилар. Ж. Абдуллахонов, Тонг ёришган соҳилда.

**2** Тезлик билан, тез-тез, жадал. -Нега йиғлайсан, тинчликми ўзи? — Адол хола қўлидаги сузгични илиб, унга яқинлаша бошлаган эди, Тошхон халатни шарт-шурт ечиб улоқтирди-да, кўчага югурди. А. Мираҳмедов, Ўт юраклар.

**ШАРФ** [нем. Scharfe < фр. echarge < лот. scirea — тўқима; ўрилган (тўқилган) нарса] Бўйинга ўраладиган ёки бошга, елкага ташлаб юриладиган, энига нисбатан узун мато.

**ШАРШАРА** Баланд, тик тепаликдан пастга шовуллаб оқиб тушадиган сув оқими; шалола. Олтмиш метр баландликдан отилиб тушаётган шаршара тўфони тағида бўлдиқ. Р. Файзий, Заранг барги. Нигора кечаси тоғ кўринишига афсонавий улуғворлик бахш этиб, бир текис гувуллаётган бу шаршарага бориб, уни ўз кўзи билан кўришга аҳд қилган эди. С. Анорбоев, Оқсой.

**ШАРШАРАК** Кичик шаршара. Тоғ оралиғидаги шаршаракнинг бу ажойиб қилиқлари болаларни ҳаяжонга солди. Ҳ. Назир, Сўнмас чақмоқлар.

**ШАРЪАН** [а. شرعاً — шарият юзасидан] дин. Шарият қонун-қоидаларига биноан, шарият бўйича. Сен ўғрисан! Одам бўлганинда, шаръан қўлингни кесиш лозим бўлар эди. А. Қаҳҳор, Башорат. Бировнинг устига айб қўйиш учун, шаръан, шоҳидлар лозим. А. Қодирий. Меҳробдан чаён.

**ШАРЪИЙ** [а. شرعى — шариятга (диний қоидага) тегишли, мансуб] дин. Шарият ақидалари, қонун-қоидаларига мос келадиган; шариятга кўра қонуний. Иссиқ уйинг, ҳалол боланг, шаръий эринг турганда, бировларга белингни қучоқлатиб.. элга бош-қош бўлгунча, ҳар нарса еганинг яхши! С. Сиёев, Отлиқ аёл. Мен мавизни тамом шаръий қилиб тайёрлайман, тунов кун маҳалламизнинг охунлари ҳам ҳалоллигига фатво бериб кетдилар. А. Қодирий, Ўтган кунлар.

**Ҳийлаи шаръий ёки шаръий ҳийла** Шарият қонун-қоидаларига чап бериб қилинадиган, тутиладиган иш, ҳийла. У [имом] бойнинг қасамига шоҳид эди, ажаб эмас эдики, бирор шаръий ҳийла топиб, бойни бу ботқоқдан қутқазса. С. Айний, Эсдаликлар.

**ШАРҚ I** [а. شرق — кўтарилиш, чиқиш томон (мас., қуёш)] **1** Дунёнинг тўрт томонидан бири; ғарбга қарама-қарши бўлган томон, қуёш чиқадиган томон; кунчиқиш. От кўчанинг шарқига юриб.. яна шимолга бурилиб, тор кўча бўйлаб узоқ кетди. А. Қодирий, Ўтган кунлар. Уруш ғарбда, рота фронтдан уч-уч ярим минг километр берди, яна шарққа қараб кетаётибди! Аҳмадҷон ўйлаб, ўйига ета олмас эди. А. Қаҳҳор, Олтин юлдуз.

**2** (Ш — катта) Ғарбий Европага нисбатан шарқ томондаги мамлакатлар, ўлкалар. Шарққа саёҳат. Яқин Шарқ. Узоқ Шарқ. ■ [Салимхўжа] Нусратилланинг иқболу истиқболи ҳақида кўп чиройли китобий сўзлар билан гапирар, янги Шарқнинг қудрати, миллатнинг гули бўлади, деб мақтар эди. А. Мухтор, Опа-сингиллар. Улар ҳозирги Шарқ тарихи китобини навбатма-навбат ўқиб ва эшитиб ўтирганларида, Очилнинг кўз олдига дам-бадам эзилиб йиғлаётган Замира келар, бунинг учун у ўзини гуноҳкордай ҳис қиларди. П. Қодиров, Уч илдиш.

**ШАРҚ II** айн. **шарақ**. Санобархон дарвозани устидан кичкина босма қулф билан шарқ этиб беркитди-да, Адолатга эргашди. С. Зуннунова, Гулхан.



**ШАРҚИЙ I** [a. شرقى – шарққа доир, алоқадор; шарқона] Шарқ томонда жойлашган; шарқдаги, кунчиқишдаги. *Шарқий Европа. Шарқий мамлакатлар.*

**ШАРҚИЙ II** [a. شرقى] эск. Юриб туриб нақарот билан айтиладиган кўшиқ; марш кўшиғи. *Болалар шарқий айтдилар. А. Қаҳҳор, Сароб. Қўноқлар шарафига ўқияжак шарқийни машқ қилиб бўлдингми? З. Саид, Н. Сафаров, Тарих тилга кирди.*

**ШАРҚИРАМОҚ** айн. **шарилламоқ I.** Тулаган ака шарқираб оқаетган ариқдан юзкўлини ювиб, белидаги белбоғининг бир учига артинди. Газетадан. *Эшигим олдидан бир туп терак бор, Ёнидан ўтади ариқ шарқираб. Шуҳрат.*

**ШАРҚИРОҚ** Шариллаб, шарқираб оқадиган. *Шарқироқ сой. ■ Шарқироқ ариқ ёқасида, ўсиқ ялпизлар орасида ўтириб, кўклам қучоғида ястаниб ётган фусункор далага суқланиб тўйиб бўлармикан?! Н. Ёқубов, Бўсағада.*

**ШАРҚЛИК** Шарқда яшовчи, шарқий мамлакатларнинг бирида истиқомат қилувчи. *Шарқлик одам.*

**ШАРҚОНА** қ. **шарқча.** Устозлар турганда, ўзи ҳақида сўзлаш шарқона одобга сиғмайди. Газетадан. *Бинокорликда шарқона услуб кўплаб бинолар кўрқига кўрк кўшди. Газетадан.*

**ШАРҚЧА** Шарқ халқлари услуги, одати ёки маданиятига хос; шарқона. *Ҳар икки қаватдаги хоналарнинг кенг деразалари ўймакор устунли узун, лекин торроқ шарқча айвонга очилар эди. Ойбек, О.в. шабадалар.*

**ШАРҚШУНОС** [Шарқ + ф. شناس – ўрганувчи] Шарқшунослик мутахассиси. *Шарқшуносларнинг бутунжаҳон анжумани. ■ Бу шарқшуносларнинг фикрича, қадимги замонларда бир бутун умумолтой тили мавжуд бўлган.. «ЎТА».*

**ШАРҚШУНОСЛИК** Шарқ мамлакатларининг маданияти, тарихи, иқтисодиёти, тили, санъати ва ш. к. ни ўрганадиган фанлар мажмуи. *Шарқшунослик институти.*

**ШАРҲ** [a. شرح – тушунтириш, изоҳ, тавсиф; эслатма] Бирор нарсанинг мазмуни, моҳиятини очиб бериш, тушунтириб бериш; изоҳлаш, изоҳ. *Шарҳлар билан чиқарилган Навоий асарлари. ■ Абдураҳмон.. қутилмаганда жонланиб кетди. Яъни «Ақо-*

*ид»нинг шарҳига яхши тушунишга енг шимарди. А. Қодирий, Мехробдан чаён.*

**Шарҳ қилмоқ** (ёки **этмоқ**) Ёзма ёки оғзаки тарзда шарҳини бермоқ, айтмоқ; шарҳламоқ. *Гоҳи худман, гоҳи бехуд, Шавқу дардим шарҳ қил. Э. Воҳидов. Ўз туққан қишлоғимнинг шу буғунги тонини Кошкийди шарҳ этолсам бу бир кичик шеъримда. П. Абдуллаев, Менинг қишлоғим. Шарҳи дил Дилдаги бор гапларни очиқ-ойдин баён қилиш. Шарҳи дилим кимга ёзсам, Шакар деб дунёни кезсам. «Ширин билан Шакар».*

**ШАРҲЛАМОҚ** Шарҳ-изоҳ қилмоқ, тушунтириб бермоқ, изоҳламоқ. *Абдулвафо ал-Бузжоний.. қадимги юнон олимларининг алжабр ҳамда фалакиётга оид асарларини таржима қилдилар ва илмий шарҳладилар. Мирмуҳсин, Меъмор. Нуриллахон.. Бухоро тахтини тортиб олганларга нисбатан бўладиган бу курашнинг моҳиятини шарҳлади. Ш. Холмирзаев, Қил кўприк.*

**ШАССИ** [фр. chassis] **I** Автомобиль, трактор ва транспорт воситаларининг барча қисмлари (кузов, мотор, барча механизм ва деталлар) ўрнатиладиган асос, таглик; рама. *Автомобиль шассиси.*

**2** Турли асбоб-ускуна, радиоприёмник ва ш.к. нинг асосий деталлари ўрнатилган асос. *Телевизор шассиси.*

**3** Самолётнинг ҳавога кўтарилишига, кўниш вақтида эса унинг ерга урилиш кучини пасайтиришга хизмат қиладиган қисми. *Йиғма шасси. Йиғилмайдиган шасси.*

**ШАТАК I** Ўзи юролмайдиган улов, транспорт воситасини бошқа уловга, транспорт воситасига тиркаб олиб юриш усули; тиркаладиган ёки тирковга оладиган нарса. *Қумри қатъият билан машинага югурди-да, кузовга ташлаб қўйган, шатак тиркаш учун ишлатиладиган сим арқонни судраб келтирди. С. Аҳмад, Ойдин кечалар. У иккинчи қаторни охирламаёқ, бункери «оқ олтин»га лиммо-лим тўлганини кўриб, суюниб кетди. Дала четидаги шатаклар эса аллақачондан бери унга мунтазир эди. Ш. Ғуломов, Ёрқин уфқлар. Директор устахонадан шатак билан аранг олиб чиқилаётган тракторни кўриб, азбаройи жаҳли чиққанидан, тилини тишлаб олаёзди. «Муштум».*

**2** кўчма Қолоқ, ночор аҳволдан олиб чиқиш, «судраш», юргизиш учун ёрдам берувчи шахс, нарса; ёрдам; кўмак. *Кечаги-*

на бошқаларнинг шатагига муҳтож бўлган бригада — бугун, қарабсизки, илгор. Газетадан. Кучи кетиб, эглай олмаяпти, ёрдам қилиш керак, деб ёнингизга шатак берсак, асов отдек тепкилайсиз. «Қаҳрамоннома».

**Шатак қилмоқ** Шатакка олувчи қилиб кўшмоқ. ..зўрлиги билан донғи чиққан тўриқ отни аравага қўшиб, унинг ёнига бошқа бир отни шатак қилиб, зўрға судраб келдик. С. Айний, Қуллар. **Шатакка олмоқ** 1) ўзи юрولмайдиган улов ёки бирор транспорт воситасини бошқасига тиркамоқ, бошқасига тиркаб юргизмоқ, судрамоқ. *Юки оғир от.. олға интилмаса, ё шатакка олинади, ёки аравадан чиқариб, бошқа от қўшилади.* «Шарқ юлдузи». *Кўздан йироқлашган трактор кўп ўтмай машинани шатакка олиб қайтди.* «Ўзбекистон қўриқлари»; 2) ўз кучи билан тортмоқ, судрамоқ; тортиб юргизмоқ. *Кўпчилик йигитлар сакраб ерга тушиб, арқонни боғлаб, машинани шатакка олдилар.* Ш. Фуломов, Бўз ер уйғонди; 3) кўчма ишнинг силжиши, юришиб кетиши учун ёрдам бермоқ, кўмаклашмоқ. *Ўтсам-ўтмасам, хавотир эмасман. Биласиз-ку, раис, шатакка олиб юрган йигитмиз.* «Қаҳрамоннома». *Биз паст ҳосили бригадалардан бирини шатакка олишга қарор бердик.* Газетадан.

**ШАТАКЛАМОҚ 1** кам қўлл. айн. **шатакка олмоқ** қ. **шатак**. *Бузуқ автомобилни шатаккламоқ. Қолақ цехни шатаккламоқ.*

2 Бир-бирига тиркаб бириктирмоқ, шатак ҳолатига олмоқ. *Зўрайиб бораётган пўртана [ҳарбий кемаларни] бир-бирига шатаклаган арқонни узиб ташлади.* Т. Рустамов, Мангу жасорат.

**ШАТАКЧИ** Шатакка олувчи (қ. **шатак**). *Шатакчи кема. Шатакчи от. Шатакчи бригада.*

**ШАТАЛОҚ: шаталоқ отмоқ** 1) орқа оёқларини баравар кўтариб тепинмоқ; тепиниб югурмоқ; ўйноқлаб чопмоқ (от, мол каби ҳайвонлар ҳақида). *От шаталоқ отиб қочди.* ■ *Эшак.. бир шаталоқ отиб, йўртишга тушди.* М. Исмоилий, Фарғона т. о. *Сигир қўрққанидан шаталоқ отиб, жар томонга қараб қочди.* Ҳ. Турсунқулов, Ҳаётим қиссаси; 2) сакраб-сакраб югурмоқ, ўйноқлаб чопмоқ (бола ҳақида). *-Амаким келдилар, амаким! — деди.. Адҳамнинг кенжатоғи Рустам ва яна шаталоқ отиб, кўчага югуриб чиқиб кетди.* Ҳ. Зиёхонова, Биринчи мак-

туб; 3) бирданига қочиб қолмоқ, орқа-олдига қарамай ура қочмоқ. *Сизга қойилман.. бойваччаларингиз ҳаммаси шаталоқ отиб қочди.* А. Мухтор, Опа-сингиллар.

**ШАТАЛОҚЛАМОҚ** айн. **шаталоқ отмоқ** қ. **шаталоқ**. *Сергей ишком орқасидаги бедазорга шаталоқлаб чопди.* Ҳ. Фулом, Тошкентликлар.

**ШАТИЛЛАМОҚ** айн. **шатирламоқ** 2. *Уяна олдинга интилиб, шатиллаганича юриб кетди.* Мирмуҳсин, Чўри.

**ШАТИР 1** тақл.с. Куруқ шох-шабба, қамиш кабиларнинг ҳаракатга келиши, сув, ёмғир кабиларнинг урилишидан ҳосил бўлган товушни билдиради.

2 Уйлаб ўтирмай, дабдурустан, тўсатдан. *Опаси кўп кулар, ҳар ишни тез ва шатир, безҳтиёт қилар, шунинг учун ҳам уйда бирор идиш-товоқ синса, албатта, ундан кўришар эди.* А. Мухтор, Опа-сингиллар.

**ШАТИРА-ШУТУР** айн. **шатир-шутур**. *Унинг [момақалдироқнинг] кетидан шивалаб ёмғир, дам ўтмай ёнғоқ қоққан каби шатирашутур дўл уриб берди.* Ҳ. Назир, Сўнмас чақмоқлар.

**ШАТИРЛАМОҚ 1** «Шатир» этган овоз чиқармоқ; «шатир-шутур» қилмоқ. *Куруқ ўтин шатирлаб ёна бошлади.* ■ *Жимжит хонада тарновлардан тушаётган сувнинг шатирлаши эшитилиб турарди.* П. Қодиров, Уч илдиш.

2 с.т. кўчма Жадал ёки шиддат билан ҳаракат қилмоқ; шахдам одим отмоқ. *Қирқ йигит тўп бўлиб, шатирлаб, бирдан келиб қолди.* «Хушкелди».

**ШАТИРЛАТМОҚ 1** **Шатирламоқ 1** фл. орт. н. *Майнанинг тасавурида кийиклар галаси пайдо бўлди. У тош, шағалларни шатирлатиб, ҳозир ёнбошидан югуриб келишини, улардан семизгинасини отиб олишни истади.* Ш. Тошматов, Эрк қуши. *Солдат, офицерлар эртаги жангга тайёргарликни кўраётганда — эрталаб ёмғир шатирлатиб турганди.* А. Муҳиддин, Ҳ. Тожибоев, Оташ қалбли қиз.

2 кўчма Бирор иш-ҳаракатни шошилинич равишда, жадал бажармоқ. *Олмаларни шатирлатиб узмоқ.* ■ *Шатирлатиб кўксултонни қираётган Турғун жим бўлиб қолди.* Ойбек, Болалик.

**ШАТИР-ШУТУР** тақл. с. 1 «Шатир» ва шунга яқин товушни билдиради (қ. **ша-**

**тир 1).** *Ўрик шохлари шатир-шутур синиб тушиди. ■ Милтиқларнинг оғзидан чиққан оловдан чўчишдими, ҳайтовур, биздан уч-тўрт қадам наридан маккажўхорини шатир-шутур қийратиб, [тўнғиз] учиб ўтиб кетди. С. Анорбоев, Оқсой. Ҳозиргина яшнаб турган осмонни бир зумда қўрғошиндек булут ўрайди. Шатир-шутур ёмғир қўяди. С. Аҳмад, Уфқ.*

**2 рви.** Тезлик билан, ҳаш-паш дегунча. *Шатир-шутур иш қилмоқ. Хатни шатир-шутур ёзиб ташламоқ.*

**ШАТМОҚ** *шв.* Ўта кир, яғири чиққан. *Шатмоғи чиққан бола. ■ Анови яланғоч шатмоқ бола энди бир мирини тангадан ажрата бошлаган чоғи, сочи бўйра-бўйра йигитча [Латифжон]нинг эса студентлик чоғи. С. Анорбоев, Ҳаётга йўлланма.*

**ШАТРАНЖ** [*а.* شطرنج < санск. «чатуранга»] **1** Шахматга ўхшаш қадимий ҳарбий ўйин. [Навоий] *Қип-қизил туркман гилами устида сочилиб ётган шатранж доналарини йиғиштирди. Ойбек, Навоий. У. шатранж устида баъзан хонга ҳам ҳазил ташлашдан тоймайдиган чоллардан. С. Сиёев, Аваз.*

**2 айн. шахмат 1.**

**ШАТГА 1** Тепки бериладиган зарб; тепки, тарсаки, шапалоқ.

**Шатга отмоқ** Кейинги икки оёқ билан тепмоқ, тепинмоқ (от, мол ва ш.к. ҳақида). *Шу пайт от сўнани кўриб, шатга отди. Сидиқжон, худди от олиб қочадигандай, ваҳима билан ўзини эгарга отди. А. Қаҳҳор, Кўшчинор чироқлари.*

**2 кўчма** Қилмишига кўра бериладиган зарба, дашном, сазо, жазо. *Қосимхўжаев халқнинг шаттасига йўлиқмаслик учун.. паст кўчадан йўрғалашга мажбур бўлган. «Муштум». Қора Аҳмаднинг жиноятлари.. суднинг қаттиқ шаттасини тақозо этади. К. Алиев, Безори ҳужумни шиддатлатди.*

**Шатга емоқ** 1) тепки емоқ; тарсаки ёки шапалоқ емоқ; 2) сазо бўлмоқ, уялиб қолмоқ. *Шарму ҳаёсиз бўлсанг, ҳар ерда ерсан шатта. Маъқул, билимдон бўлсанг, иззат-ҳурматинг катта. Мақол. ■ Бироқ Назирий гапига яраша шатта ейди. К. Яшин, Ҳамза.*

**ШАТГАЛАМОҚ** *айн. шатга отмоқ қ. шатта 1.* [Майсара:] *Ўғридан қочириб қўйдим, дейман. Лекин келиб бундоқ қуйруғин-*

*гиздан ушласа, «моо» деб қўясиз-да, шатталайсиз! Ҳамза, Майсаранинг иши. Ферма мудири ўчакишиб, бизни урмоқчи бўлган эди.. олдимиздан келса – суздик, орқамиздан келса – шатталадик. «Муштум».*

**ШАФАҚ** [*а.* شفق – тонготардаги ёки кунботишдаги ғира-шира пайт] Кун чиқиш ёки кун ботиш олдидан уфқда ҳосил бўладиган лоларанг қизиллик. *Уфқдаги бир жом олтин батамом ерга сингиб кетди, йироқ-йироқларда ловуллаб ёнган шафақ аста сўнди. О. Ёқубов, Кўҳна дунё. Нориннинг икки соҳилида салқин тушиб келарди ҳозир. Кечки шафақнинг майин жилоси тараларди. Ж. Абдуллахонов, Хонадон.*

**ШАФАҚЛАНМОҚ** Шафақ билан қопланмоқ, шафақ рангини олмоқ. *Осмон тез тинчиди. Бир неча вақтдан кейин ғарб тарафда осмон, худди кун ботиш вақтидаги каби, шафақланди. Ойбек, Кўёш қораймас.*

**ШАФЕ** [*а.* شفيع – тарафини олувчи, ҳомий; воситачи] *эск.* Бировга ён босувчи, ҳомийлик қилувчи; ҳомий.

**Анқога шафе қ. анқо.**

**ШАФИҚ** [*а.* شفيق – раҳмдил, шафқатли] **1** *эск. кт.* Бировга меҳрибонлик қиладиган, шафқатли, муруватли. *Фурбатда ғариб шодмон бўлмас эмиш, Эл анга шафиқу меҳрибон бўлмас эмиш. Алишер Навоий.*

**2** Шафиқ (эркаклар исми).

**ШАФОАТ** [*а.* شفاعت – тарафини олиш, (биров учун) воситачилик] **1** *кт.* Мартабаси ва ҳурмати юқори киши томонидан ўзидан паст кишиларни, бева-бечораларни қўллаб-қувватлаш, уларга нисбатан ҳомийлик, яхшилик. *Шафоат қилмоқ. ■ [Карим:] Шафоатингиздан ноумид қилманг, пирим! Н. Сафаров, Шарқ тонги. Бу бир азизнинг шафоати билан бўлган боғ. «Ёдгор». Балки ўзининг халққа қилаётган шафоатларида ҳам уша азалий армон – яхшиликка интилиш ғояларининг тавсири бордир. Ш. Холмирзаев, Қил кўприк.*

**2** Шафоат (хотин-қизлар исми).

**ШАФТОЛИ** [*ф.* شفتالو] Иссиқ жойларда, жанубда ўсадиган, пушти гулли, узунчоқ баргли дарахт ва унинг меваси. *Оқ ўрик, шотут, шафтоли ва ғайнолининг сап-сарик япроқлари ҳовли бетини кўмиб ётибди. И. Раҳим, Чин муҳаббат. Муяссар шафтолининг тепасида.. Гулчеҳра эса.. шафтолиларга эта-*

гини тутиб турибди. О. Ёқубов, Эр бошига иш тушса.

**ШАФТОЛИ ҚОҚМОҚ** Жуда совуқ емоқ, совуққа қотмоқ.

**ШАФТОЛИЗОР** Шафтоли экилган майдон. *Шафтолизор боғларни кўрдим. Гул кўкарган тоғларни кўрдим. Х. Олимжон.*

**ШАФТОЛИХҲҮР** [ф. شفتالوخور – шафтоли еовчи] Қизилиштонлар оиласига мансуб, Марказий ва Жанубий Америкада яшовчи мевахўр йирик қуш.

**ШАФТОЛИҚОКИ** Данагини олиб ташлаб қуритилган шафтоли.

**ШАФФОФ** [а. شفاف – тиниқ; ҳарир; юпқа, нозик] Ёруғлик ёки нурни яхши ўтказадиган; тиниқ. *Шаффоф сув. Шаффоф шиша. Шаффоф май. Шаффоф қоғоз.* ■ *Шшанинг энг ажойиб хусусияти – бу унинг шаффофлигидир. «Фан ва турмуш». Қалин ўрмон ичидан ёриб ўтган бир тутам нур оқ қайинни, гўё ичидан ёритгандай, шаффоф қилиб кўрсатар эди. А. Мухтор, Давр менинг тақдиримда.*

2 Ниҳоятда мусаффо, тоза, тиниқ. *Осмон гумбази артилган шишадек шаффоф. Саратоннинг сахий кўёши гулшан диёр узра олтин сепини ёйган. Х. Тожибоев, Жасур қиз қишлоғида. Унутиб бўларми, айтингиз-чи ўзи, Сут билан эмганинг шаффоф ҳавони? Ж. Жабборов.*

3 Кўчма Гард-ғубор, ифлосликдан холи; пок, тоза. *Меҳри опанинг кўзидан тирқираб ёш, куксидан сут келди. Уни.. тонгдай шаффоф, пок онанинг қалби бошлаб келди. Р. Файзий, Шоҳи дарпарда.*

**ШАФҚАТ** [а. شفقت – раҳмдиллик, ачиниш, ҳамдардлик; илтифот] Аяш, раҳм ҳис-туйғуси; шундай ҳис-туйғули муносабат. *Оға-инилар ўзларининг аҳиллиги, бир-бирига меҳри, шафқати билан ҳамманинг диққатини жалб этар, ҳавасини келтирар эди. Ойбек, Кўёш қораймас. Кимки улугроқ – анга хизмат керак, Кимки кичикроқ – анга шафқат керак. Газетадан. Бу сал ҳам унинг мўлтираб қараб туриши хотинида шафқат эмас, ғазаб қўзғатганига ишонмасди. С. Аҳмад, Сайланма.*

**Шафқат қилмоқ** Шафқатли муносабатда бўлмоқ, шафқат кўрсатмоқ; аямоқ. *Мана шундай от! Энг муҳими – душманга шафқат қилма. К. Яшин, Ҳамза. Амин бува: «Унга тушунтирсак.. халққа ачинар, шафқат*

*қилар», деб ўйлаган эди. М. Исмоилий, Фарғона т. о.*

**ШАФҚАТЛИ** Шафқат билан муносабатда бўладиган, шафқат қиладиган; раҳмдил, меҳрибон. *Оҳ, раҳмдил, шафқатли инсон ҳам бор экан-ку бу дунёда! К. Яшин, Ҳамза. Болаларнинг бахти учун камбағал эр билан бирга ишлаб, тиниб-тинчимаган.. шафқатли она! Ойбек, Танланган асарлар.*

**ШАФҚАТСИЗ** Шафқат билмайдиган, раҳм-шафқати йўқ; бировга ачинмайдиган, раҳм қилмайдиган, аямайдиган, раҳмсиз. *Ҳ. Олимжон шафқатсиз душманни аёвсиз кураш билан енгишга чақирди. Н. Сафаров, Оловли излар. Боёқиш йигит нима қилсин, шафқатсиз, беомон тақдир ёшлигидан қийноққа солди. К. Яшин, Ҳамза. Ким у, нима у севги билан масбур, севги билан хушнуд дилларни шафқатсиз нимталлаган, қон тизғитиб тимдаллаган? М. Исмоилий, Фарғона т. о.*

**ШАФҚАТСИЗЛИК** Шафқатсиз муносабат, ҳатти-ҳаракат. *Мана сизга қонунбузар қонунишонларнинг бир-бирига ҳомийлигию, жабрдийдаларга шафқатсизлиги. «Муштум». Актриса Зебуннисодаги бир дақиқали чақиндек ўтиб кетувчи дағаллик, жазави, шафқатсизлик каби хусусиятларни кўрсатишдан чўчимайди. Газетадан.*

**ШАХДАМ** Тез ва дадиллик билан қилинган; тетик, дадил. *Адолат эрининг юзларига қарашга ботинмай, боққа чиқадиغان эшик томон юрди ва шахдам қадам ташлаб, далага жўнади. Ш. Рашидов, Бўрондан кучли. Тамара шахдам ҳаракат қилди, аёлниг ёнбошига ўтиб, ёнидан юзига кўз қирини ташлади. М. Муҳамедов, Қаҳрамон изидан. Вазири авзам йигитдек шахдам ўрнидан турди. С. Сиёев, Аваз.*

**ШАХМАТ** [р. шахматы < ф. شامات – шоҳ ўлди] 1 64 та оқ ва қора катакли тахта ва 16 та оқ, 16 та қора доналардан иборат спорт ўйини қуроли. *Шахмат тахтаси. Шахмат доналари.* ■ *Ушига келганида ҳам, кетаётганида ҳам қўлтиғида шахмат юрганидан чойхоначи бу лақабни унга ёпиштирган. «Гулдаста».*

2 Шу нарса (қурол) тахтасида унинг доналари билан муайян қоидалар асосида бўладиган спорт ўйини. *Шахмат мусобақаси. Шахмат бўйича ёшлар ўртасида республика чемпионати.* ■ *Одамлар бўш вақтларида шахмат, домино ўйнайдиган скамей-*

кага ўтириб олиб, роса гаплашдик. Э. Раимов, Ажаб қишлоқ. Мирмуродов дарсдан бўшаган пайтларда мудирга шахмат ўргатди. «Гулдаста».

**3 кўчма** Шахмат тахтаси каби катак-катак қилиб экиш усули. *Шахмат усулида экилган майдон. Шахмат усулида экиш.* ■ [Комилжонларнинг] Оғзидан «шахмат», «квадрат», «илғор метод» деган гаплар тушмаяпти. И. Раҳим, Ихлос.

**ШАХМАТЧИ** Шахмат ўйновчи киши. *Шахматчи қизлар.* ■ Бировлар овқатланмоқда, яна бировлар бильярд ўйнамоқда, шахматчи ва шашкачилар атрофи гавжум. И. Раҳим, Ихлос. Аҳмаджонов шахмат у ёқда турсин, шахматчилар билан чойни ҳам ўйлаб ичадиган одам. «Гулдаста».

**ШАХС** [а. شخص — кимса, киши, зот] **1** Жамиятдаги алоҳида бир киши, одам. *Нотаниш шахс. Тарихий шахс Шахсга сиғиниш.* ■ *Серхаражат тўйларнинг палак ёзишига асосий сабаблардан бири, бизнингча, нопок йўл билан пул топувчи шахслардир.* «Саодат».

**2 айн. шахсият.** *Кўп турли қобилиятларни ўз шахсида ғоят кўркам жам қилган.* Ойбек, Навоий. -*Ҳар нарса дейишинг мумкин, аммо ўзингдан катта одам шахсини ҳақорат қилишга ҳақинг йўқ!* — деди Умид, ўша икки ёноғи бўртиб чиққан одобсиз йигитга. Мирмуҳсин, Умид.

**3 тли.** Феъл ва от туркумига оид сўзнинг уч шахсдан бирини кўрсатувчи шакли ва шу шаклга хос маъно. Мас., ўқидим, китобим — 1-шахс, ўқидинг, китобинг — 2-шахс; шунингдек, олмошнинг шахсни билдирувчи тури: мен — биринчи шахс, сен — иккинчи шахс.

**ШАХСАН** [а. شخصاً — шахснинг ўзи] Ҳар бир шахснинг ўзи (ўзим, ўзинг, ўзи ва ш.к.). *Шахсан мен бунга қаршиман. Бу ҳақда сиз, шахсан, қандай фикрдасиз?* ■ *Практикум, минимум, максимум — булар ҳаммаси лотинча ёки лотинчага яқин сўзлар. Мен, шахсан, шундай деб биламан.* А. Қаҳҳор, Адабиёт муаллими.

**ШАХСИЙ** [а. شخصی — шахсга оид, тегишли; субъектив; хусусий] Шахснинг ўзига тегишли бўлган, шу шахснинг ўзи фойдаланадиган; хусусий, ўз. *Шахсий мулк. Шахсий кутубхона. Шахсий жавобгарлик. Шахсий манфаатларни жамоат манфаатлари билан бирга қўшиб олиб бормоқ.* ■ *Ҳар*

*биримизнинг жамоат, давлат ишидан ташқари, шахсий юмушларимиз бор.* Н. Сафаров, Оловли излар. *Ҳар бир ёзувчининг меҳнатга, ҳаётга, оилага, кишиларга ўзининг шахсий муносабати бўлади.* Шукрулло, Жавоҳирлар сандиғи.

**Шахсий таркиб** Корхона, муассаса, ҳарбий қисм ва ш.к. да ишлайдиган, хизмат қиладиган кишилар таркиби. *Дивизиянинг шахсий таркиби. Бригаданинг шахсий таркиби.*

**ШАХСИЯ** [а. شخصیه — шахсий; хусусий]: **манфаати шахсия** эск. кт. Шахсий манфаат. -*Бас, айб қипчоқда эмас, балки ўзининг манфаати шахсияси йўлида иш кўрувчи бошлиқларидан.. — деди [Ҳожиди] ва ўрнидан турди.* А. Қодирий, Ўтган кунлар.

**ШАХСИЯТ** [а. شخصیت — одам, киши; зот, инсон; ўзига хослик] **1** Ўзига хос хусусиятлари билан бошқалардан ажралиб турувчи муайян шахс; шахснинг ўзлигини белгилувчи томонлари, хусусиятлари мажмуи; ўзлик, ким эканлик. *Шахсияти номаълум одам.* ■ *Санъаткорнинг ички дунёси мураккаб.. ижодий шахсияти алоҳида сезгир, ҳаётни тушуниш билан ўтқирлашгандир.* Газетадан. *Бу тасвирлар орқали қисман авторнинг истеҳзоли, ақлли, ҳамма нарсага тўғри баҳо берувчи ва юморни сезувчи шахсияти ҳам гавдаланади.* «ЎТА». *Отахон шоирларимиз болалар қалби ва психологиясини, маънавиятини очиш орқали уларнинг бетакрор шахсиятини улуғладилар.* «Фан ва турмуш».

**Шахсиятга тегмоқ** Муайян шахснинг қадри, иззат-нафси ва б. жиҳатидан таҳқирловчи хатти-ҳаракат қилмоқ. *Ўртоқ Кўчқоров, бир бегуноҳ колхозчининг шахсиятига тегдингиз. Бунинг учун жавоб берасиз.* С. Анорбоев, Оқсой.

**ШАХСИЯТПАРАСТ** [а. + ф. شخصیتپرست — ўзлигини, ўз шахсини севувчи] Ўз шахсиятини, кадр-қимматини бошқалардан юқори кўядиган; фақат ўз манфаатини ўйлаб иш тутадиган; худбин. *Бу шахсиятпараст ваҳшийлар фақат ўзларини ўйлайдилар.. шахсий ўчларини олсалар, шу бас!* К. Яшин, Ҳамза.

**ШАХСИЯТПАРАСТЛИК** **1** Фақат ўз манфаатини, шахсиятини кўзлаб иш тутиш. *Хуллас, ана шу шахсиятпарастлик, яна аниқроғи, молпарастлик томонларини ҳисобга олмаганда, Карим анча мулоҳазали, касбига*

пишиққина йигит эди. С. Кароматов, Олтин кум.

**2 Шахсиятпараст эканлик.** У Санамнинг макрига учади, уйланмоқчи бўлади-ю, бу борада қизнинг ўта тантиқлиги, шахсият-парастлигини сезиб қолади. Х. Фулом, Замин юлдузлари.

**ШАХТ 1** Бирор иш-ҳаракатни бажаришга интилиш, берилиш ҳолати, даражаси. *Мамат полвон, дейман, ютқизган кишидай шахтингиз наст.* С. Анорбоев, Меҳр. *Ҳозир 10-бригадада ўзи машина ҳайдапти. Шахти дуруст.* «Қахрамоннома». *Унинг шахтин буколмас На иссиқ ва на совуқ.* Қ. Муҳаммадий. *Сен ўзинг ҳам ойнага қара-чи, қирчиллама шахтинг қолмаган.. Шукрулло, Умрим борича. Дайди шамол энди шахтидан қайтиб, дарахт япроқларини машаққат билан тебратмоқда.* С. Аҳмад, Қадрдон дала-лар. *Ҳайдар тезда шахтидан тушди, атрофга қайғули ва паришон боқди.* Ойбек, Навоий.

**2 рвш.** Бирдан, шартта, дадил. [Умарқул] *Бир минутлар чамаси ётиб қолди. Бирданига юраги ҳовлиқиб, шахт ўрнидан туриб, йўлга тушди.* О. Хусанов, Кўшиқчининг тақдири. *Наимий.. нима бўлса бўлди, дегандай шахт кўтарди, лекин қўли қалтираб, винонинг ярми тўкилди.* А. Мухтор, Опа-сингиллар. *Ғофир машинадан шахт тушиб, катта кўк дарвозага яқинлашди ва кнопкани босди.* Қ. Мақсумов, Муҳаббат кўшиғи.

**ШАХТА** [нем. Schacht – нов, тарнов; чуқур, ўра; кон] Ер остидаги фойдали қазилмалар қазиб олинadиган жой; кон. *Тошкўмир шахтаси. Шахта ускуналари.* ■ *Шахталарда шахтёр шиддаткор.. Бошда каска – аскарый тахлит. Гард-қурумга беланиб, бедор.. Кўмирларни қулатар яхлит!* Ё. Мирзо.

**ШАХТАЧИ** с.т. Шахтёр.

**ШАХТЁР** Шахтада ишлайдиган шахс; кончи. *Шахтёрлар шахарчаси.* ■ *Шахтёрман, ер таги коним, маконим.* М. Шайхзода. *Саидийни рабфакда [ишчилар факультетида] ўқийдиган кўпол, йўғон гавдали, новча бир шахтёрга боғлаб қўйди.* А. Қаҳҳор, Сароб.

**ШАХТЁРЛИК** Шахтёр касби, шахтёр эканлик. *Ҳамма ёғим куя ва қурум, Шахтёрликнинг ажиб гаити бор. Пахта, ғалла, пўлат сингари, Она юртга кўмир ҳам даркор.* Ё. Мирзо.

**ШАША** [а. شاش / شاشه – юпқа, юмшоқ газлама; дока] Сийрак тўқилган, сийрак (юпқа мато ҳақида). *Шаша дока.*

**ШАШВАР** айн. **шашпар.** *Ҳудайчи Азизбекдан илгарироқда қўриқчиларни огоҳлантириб борар, милтиқ, шашвар тутган ёш ва кекса муҳофизлар уни саломлаб қарши олар эдилар.* А. Қодирий, Ўтган кунлар.

**ШАШКА I** [р. шашки – «шах» «шахи» с. дан «шахмат(ы)» қолипида ясалган сўз] 64 та оқ ва қора катакли тахтада 12 та оқ ва 12 та қора доналар билан маълум қоидага мувофиқ ўйналадиган ўйин. *Шашка тахтаси. Шашка донаси. Шашка ўйнамоқ.*

**Халқаро шашка** 100 катакли тахтада ўйналадиган шашка тури.

**ШАШКА II** [р.] махс. Пресслаб тайёрланган портловчи моддадан иборат тахтача, плитка. *Портловчи шашка.*

**ШАШКАЧИ** Шашка ўйнайдиган одам. *Бировлар овқатланмоқда, яна бировлар бильярд ўйнамоқда, шахматчи ва шашкачилар атрофи гавжум.* И. Раҳим, Ихлос.

**ШАШЛИК** с.т. Кабоб.

**ШАШМАҚОМ** [ф. شش – олти + мақом I 1, 2] мус. Ўзбек ва тожик халқлари мусиқий меросида марказий ўрин тутган мақомлар туркуми; парда, оҳанг, усул, шакл, услуб каби воситалар билан ўзаро узвий боғланган, Бузрук, Наво, Дугоҳ, Сеғоҳ, Рост, Ироқ мақомларидан ташкил топган мумтоз куй ва ашулалар мажмуи. *Классик мусиқамиз мероси – шашмақомни тўла грампластинкага ёзиб олиш, шубҳасиз, ғоят мураккаб иш.* С. Кароматов, *Классик меросимиз – халққа. Юсуфжон қизиқ шашмақомларни, яъни йилнинг тўрт фаслига мосланган поэмаларни ҳам яхши биларди.* Т. Обидов, Юсуфжон қизиқ.

**ШАШПАР** [ф. ششپار – олти учли (қиррали) чўқмор, гурзи] тар. Учига юмалоқ ва гадир-будур темир ўрнатилган таёқ, узун дастали енгил гурзи, чўқмор. *Бочков.. қўлидаги.. шашпар билан қилич ўйнатиб турган қароқчининг калласига туширди.* М. Осим, Элчилар.

**ШАШТ** с.т. Шахт. [Маҳкам] *Чоршанба куни барвақт туриб, ясаган асбобларини кўтариб, тақачиликка – бозорга отланганида, Аҳмад ака «ғўдаклик қилма», деб койиб бермоқчи ҳам бўлди-ю, ўғлининг шаштини қайтаришини истамади, ётиғи билан гапирди.*

Р. Файзий, Ҳазрати инсон. -Энди уйингизга машина юбормоқчи бўлиб турган эдим, — деди сал шаштидан тушиб Назира. Ф. Мусажонов, Баҳор нафаси. Юсуповнинг шашти паст, ранглари бир ҳолда эди. М. Ҳазратқулов, Журъат. Мударрисов қўлидаги ручкани шашт билан столга уриб, уни тинчитган бўлди. Д. Нурий, Осмон устунни.

**ШАШҚАТОР** [ф. شش — олти + а. قطار — саф, ёнма-ён туриш] Тинмай оқадиган, дувдув тўкилиб турадиган; қатор-қатор (кўз ёши ҳақида). *Ошнолардин кечиб, бегоналарга ёр-ёр, Бу аламларга чидолмай, кўз ёшимдур шашқатор.* Муқимий. *Дилдорнинг кўзларидан шашқатор ёш оқиб кетди. Унинг бир неча томчиси хатга тушиди.* С. Аҳмад, Уфқ.

**ШАШҚОЛ** [ф. ششقال] Текис ерга ташлаб ўйналадиган, куб шаклидаги, холли тош; кубик. *Қаландар уни кўрса ҳам, ўзини кўрмасликка солди, кичикроқ халтадан икки-уч қулоч арқон, кўк рўмол, қиморбозларнинг шашқолига ўхшаш тошларни олди.* «Шарқ юлдузи».

**ШАЪБОН** [а. شعبان] Қамария йили ҳисобида 29 кундан иборат саккизинчи ойнинг номи. *Меъмор раислигида барча усталарни тўплаб, ишни яна ҳам тезлатиш ва шаъбон ойигача қурилишни тамомлаб, рамазонга хурсандчилик билан киришни таъкидлади.* Мирмуҳсин, Меъмор.

**ШАЪН** [а. شأن — иш; алоқа, муносабат; қадр-қиммат, обрў; аҳамият; манфаат] 1 Инсонга, шахсга тегишли бўлган қадр-эътибор. *Албатта, у ўз устидаги гап билан қорига таъна қилиши шаънига ҳеч ярашмайдиган бир ҳодиса бўлар эди.* П. Турсун, Ўқитувчи. -Бекор гап, — деди Ўзбек ойим, — ҳали қудаларимизни муддаодагидек сийлай олганимиз йўқ, шу ҳолда жўнатсак, бизнинг шаънимизга яхши эмас. А. Қодирий, Ўтган кунлар. ..ўз ҳузурида улуғ истеъдод эгаси бўлган бир ҳаким ўтирганини пайқади ва унинг шаънига муносиб муомала қилиб, ҳол-аҳвол сўради. М. Осим, Ибн Сино қиссаси.

2 Шараф, шуҳрат; обрў. «Сиз нашбу намо қилган жойда мени ҳалокат кутади!» жумласи ва бу хитобдан кўз юмиш йигитлик шаънига ярашадиган кўринмас эди. А. Қодирий, Ўтган кунлар. -Сиз батальонимизнинг шаъни, — деди комбат ҳаяжон билан, — полки-мизнинг обрўси. Ш. Тошматов, Эрк қуши.

**ШАҚ** тақл.с. Қаттиқ урилишдан ҳосил бўладиган овозни билдиради. *Қулф шақ этиб бекилди.* ■ *Йўлчи бир сакрашда зўравоннинг олдига борди, тўппонча тутган қўлни маҳкам сиқиб, орқага қайирди. Тўппонча шақ этиб ерга тушиди.* Ойбек, Танланган асарлар. *Ота писмиқ югуриб келиб, бошимга шақ этиб уриб қўйди.* Э. Раймов, Ажаб қишлоқ.

**ШАҚАЛ** [ф. شقال — чиябўри] айн. чия-бўри. *Туқай томонда эса шақаллар машъум улишарди.* К. Яшин, Ҳамза. *Тулки, шақал еб кетади гўшингни, Шакарни куйдирди сенинг нолишинг.* «Ширин билан Шакар».

**ШАҚАТУЛ** с.т. Уйлаб, мулоҳаза юри-тиб иш тутмайдиган, ҳавойи, ҳовлиқма. *Шақатул одам.* ■ *Шаҳарнинг эндиги куни шундай энтак-тентак, шақатулларга қолдими?* «Муштум».

**ШАҚАШУЛДУР** с.т. Оқ кўнгил, кўнгли очик, дали-ғули. -Э, овораси бор эканми? — шақашулдур йигит йўл-йўлакай аёлга гап бермай, бирталай нарсаларни гапириб берди. Ф. Мусажонов, Баҳор нафаси.

**ШАҚИЛДОҚ 1** айн. шиқилдоқ. *Чақалоқнинг шақилдоғи.*

2 эск. Тунги қоровулнинг кескин силкитганда шақиллаб овоз чиқарадиган, ичи ўйиқ ёғоч асбоби. [Йўлчига] *Ҳуштак, шақилдоқ чалган танҳо қоровул кўлкалари унда-мунда учраб қолар эди.* Ойбек, Танланган асарлар. *Ухлаб қолган миришаб ҳам негадир уйғониб кетиб, яна шақилдоғини шақиллата бошлади.* Мирмуҳсин, Меъмор.

3 кўчма Қаттиқ-қаттиқ овоз билан, «шақиллаб» гапирадиган. *Эртасига улар уруғларидаги Саври шақилдоқ деган хотинни айтиб келиб, кинна солдиришиди.* Мирмуҳсин, Умид. -Қоч, дейман, аблаҳ, қоч! Нақ бўйинингни узаман, — деб ўшқирди амакиси. -Қоч, яшиамагур, қоч! — деб таторладди шақилдоқ келинойиси. П. Турсун, Ўқитувчи.

**ШАҚИЛЛАМОҚ 1** «Шақ-шақ», «шақир-шақир» этган овоз чиқармоқ. *Қовжироқ кўкнорилар худди пуч ёнғоқдай шақиллади.* О. Ёқубов, Ларза. *Эшон унга уқрайиб қарадию, овози чиқмасданоқ, эшик зулфини шақиллаб қолди.* П. Турсун, Ўқитувчи. *Тозагул шақиллаб қайнаб турган мис самоварни кўтариб кирди.* Ҳ. Фулом, Машғал.

2 кўчма Қаттиқ-қаттиқ овоз чиқариб гапирмоқ. *Ойжамол айтди: -У эшонингизни гапирманг. Жағи қурушиб қолган, шақиллаб,*

ҳеч кимга гап бермайдиган бало эди-да. «Ёдгор». Хотинининг шақиллашини трубкада эшитди-ю, унга атаб йиғиб қўйган яхши гаплари тариқдай сочилиб кетди. С. Нуоров, Нарвон.

**ШАҚИРЛАМОҚ** айн. шақилламоқ 1. Қўйларнинг туёқларига, жунига ёпишган лой музлаб, ёнғоқдай шақирлаб қолди. С. Анорбоев, Оксой. Оишхонада сариқ самовар шақирлаб қайнаб турибди. А. Муҳиддин, Ҳ. Тожибоев, Оташ қалбли қиз.

**ШАҚИР-ШУҚУР 1** «Шақир» ва шунга яқин товушни билдиради. Ҳамма ёқни темирнинг шақир-шуқур садоси қоплади. Ойбек, Қуёш қораймас. -Худди келишиб қўйилгандай, бир юк поезд шақир-шуқур қилиб ўрнидан қўзғалди, — деди Усмон. О. Ҳусанов, Қўшиқчининг тақдири.

2 Ҳар хил майда-чуйда нарсалар; қақир-куқур, лаш-луш. Шунча шақир-шуқурларни йиғиб нима қиласиз?

**ШАҚШАҚ** зоол. Чумчуксимонлар туркумига мансуб ёввойи сайроқи қуш.

**ШАҚШАҚАДОР** с.т. Турли-туман безакли, зийнатли, ҳашаматли, ҳашамдор. Дилшод янги саройни илгари ҳам бир неча бор кўрган эди. Шунинг учун унинг дабдабасига, қўшқават шақшақадор биносига, ҳамиша қулфлоглиқ турадиган баланд темир дарвозасига энсаси қотмади. М. Исмоилий, Фарғона т. о.

**ШАҚ-ШУҚ** «Шақ» ва шунга яқин товушни билдиради. Шақ-шуқ чўт қоқилади. ■ Яроғ-аслаҳаларнинг шақ-шуқ этгани эшитилди. М. Муҳамедов, Қаҳрамон изидан. Метро вагончаларининг шақ-шуқига қулоқ солиб бораркан, миясида турли-туман фикрлар ғужғон уйнади. М. Ҳазратқулов, Журъат.

**ШАҒАЛ 1 1** Майда тош қатлами ёки уюми. Қудуқ уч метр ковланганда, шағал чиқди. Шағал қазимоқ. ■ Шағал тўкилган янги йўлда пахта ортган юк машинаси тўхтади. С. Аҳмад, Қадрон даладар.

2 Курилиш материали сифатида ишлатиладиган чақилган тош. Дилшод завод саҳнида.. пала-партиш ётган ёғочлар, қурилиш ахлатлари, цемент, шағал, харсангтошлар орасида адашиб қолишдан қўрққандек, бир чеккада анграйиб турарди. М. Исмоилий, Фарғона т. о.

**ШАҒАЛ II: шағал маст** фольк. Кайфи баланд, ғирт маст. Бойсарибий бойвачча-

лар билан қимиз ичиб, шағал маст бўлиб, кайф-сафо суриб ўтириб эди. «Алпомиш».

**ШАҒИЛЛАМОҚ** «Шағ-шағ» товуш чиқармоқ; вағирламоқ. Шағиллайди бетиним дарё, Шағиллайди ваҳм тўлган жар.. Шағиллайди водий, даралар. Ҳ. Олимжон. Саёз дарё шағиллайди, деганларича бор экан. С. Кароматов, Ҳижрон.

**ШАҲ** [ф. شه — шоҳ, ҳукмдор, подшо] 1 поэт. Шоҳ, подшо. Э шаҳ, карам айлар чоғи тенг тут ёмону яхшини. Оғаҳий.

2 Шахмат ўйинида бирор фигура билан бевосита рақибнинг шоҳига қилинган хужум, шу хужумни қайд этувчи сўз. Доимий шаҳ. Шаҳ бермоқ. Икки шаҳ билан мот қилмоқ.

**ШАҲАНШОҲ** [ф. شهنشاه — шоҳларнинг шоҳи] айн. шоҳаншоҳ. Отам шаҳаншоҳдир, жаҳонда султон, Қулоқ солиб тингланг буни, бегу хон. «Баҳром ва Гуландом». Бу ишдан Эрон шаҳаншоҳи ютаётгани, дўстлари кўпаяётганини таъкидлади. Мирмуҳсин, Чодрали аёл.

**ШАҲАР** [ф. شهر — шаҳар; мамлакат] Аҳолиси, асосан, саноат, савдо, шунингдек, хизмат кўрсатиш, бошқарув, фан ва маданият соҳаларида банд бўлган йирик маъмурий, маданий аҳоли манзилгоҳи. Марказий шаҳар. Янги шаҳар. Қаҳрамон шаҳар. ■ Деворда осиглиқ Кавказ харитасидаги шаҳарларнинг номларини санаб чиқдим. Шухрат, Шинелли йиллар. Тўрхалталарни кўтариб, автобусга ўтиришди-да, шаҳарнинг шимолишарқ массивига бориб тушишди. Ў. Ҳошимов, Қалбингга қулоқ сол.

**Шаҳар бермоқ** Топишмоқ ўйинида: топа олмаганликни ва топишмоқ айтганининг ўзи айтиб беришини қайд этувчи ибора.

**ШАҲАРЛАШМОҚ 1** Шаҳарлик бўлиб қолмоқ. [Умурзоқбой] Юртнинг ўрта қисм деҳқонидан чиқиб, шаҳарлашган бойлардан, Тўлахоннинг отасидир. Ҳамза, Паранжи сирлари.

2 с.т. Шаҳар айланмоқ, шаҳарни кезиб чиқмоқ, шаҳарни сайр этмоқ. Агар вақтингиз бўлса, бир шаҳарлашиб келардик.

**ШАҲАРЛИК** Шаҳарда яшовчи, шаҳарда истиқомат қилувчи; шаҳар кишини, одами. Болалар шаҳарлик меҳмонлар билан саломлашиб, бир тутам бойчечакни Малоҳатга тутдилар. И. Раҳим, Тинимсиз шаҳар. Отаси — шаҳарлик бир косиб, деҳқонларча таъ-



бир қилганда, «сояпарвар» бир одам. А. Қодирӣ, Обид кетмон. *Сен жуда шаҳарлик бўлиб кетибсан! Шаҳардан кейин қишлоғимиз ёқмай қолдимми? Уйғун, Навбахор.*

**ШАҲАРНАМО** [ф. شهرنامа — шаҳарга ўхшаш] Шаҳарга ўхшаш, шаҳар каби. *Водийларимиздаги шаҳарнамо посёлкалар кўридан илҳомланамиз. Газетадан.*

**ШАҲАРСОЗ** [ф. شهرساز — шаҳар қурувчи] Шаҳар қурилиши бўйича мутахассис, шаҳар қурувчи. *Яқинда Навоийда бўлиб ўтган шаҳарсозларнинг умумреспублика конференцияси дашда қурилган янги шаҳарга юксак баҳо берди. Газетадан.*

**ШАҲАРЧА** I Шаҳарликларга хос. *Бог бурчагидаги сўрида шаҳарча кийинган бир йигит ўтирибди. А. Муқимов. Донишманд.*

**ШАҲАРЧА** II I Кичик шаҳар. *Туганмас каби кўринган, изтиробли, суронли йўл кечга яқин шаҳарчага туташди. Ойбек, Куёш қораймас.*

2 Бирор жиҳатдан бирлашган тураржой ва ёрдамчи бинолар гуруҳи ёки шаҳарнинг алоҳида бир қисми. *Академик шаҳарча. Университет шаҳарчаси. Ишчилар шаҳарчаси. Шербек турган жой баланд бўлгани учун ҳам бутун Академия шаҳарчаси кафтдай кўринадди. С. Анорбоев, Оқсой.*

**ШАҲАРЧИЛИК** I Шаҳарга хос ҳаёт. *Бир ёғи шаҳарчилик, яхши кийиниш керак.*

2 салб. *Ўз ҳамшаҳарларини қўллаб-қувватлаш, ҳамшаҳарларига ён босиш. Шаҳарчилик қилмоқ.*

**ШАҲБОЗ** [ф. شهباز / شاهباز — сариқбош лочин] I *кт. Шунқор; лочин. Улар [савдогарлар] Россиядан ўқ ўтмас, найза ботмас совут, қалқон, қозон, игна, овга ўргатилган шаҳбоз-лочинлар ва ҳоказолар келтирар эдилар. М. Осим, Элчилар. Бири кўкда шунқор ё шаҳбоз-лочин, Бири чегарада юрт посбони. С. Абдулла.*

2 кўчма Мард, жасур йигит. *Табассум этди ул ой юз, деди: -Аё шаҳбоз! Маҳоратинг ҳақи, мен ўзни меҳрибон қилдим! С. Абдулла. Омон-эсон бўлгин, болам, Авазим, Муродим, мақсадим, туйғун шаҳбозим. «Хушкелди».*

**ШАҲВАТ** I [а. شهوت — кучли истак; ҳирс, эҳтирос] Эркаклар жинсий безидан ажраладиган суоқлик: сперматозоид ва уруғ суоқлигидан иборат.

2 Шаҳвоний ҳирс, ҳиссиёт. *Шаҳватга берилмоқ. ■ Муҳаббатнинг кўзига кўзи туш-*

*ганда, вужудда уйғонган ғалаёнини аниқ эслади: ҳайвоний ҳирс, шаҳват қонини қиздирган эди. С. Анорбоев, Оқсой.*

**ШАҲВАТПАРАСТ** [а. + ф. شهوتپرست — шаҳватни яхши кўрувчи] Шаҳватга берилган, шаҳвоний ҳисси кучли (қ. **шаҳват** 2). *Шаҳватпараст эркак.*

**ШАҲВОНИЙ** [а. شهوانى — ҳирсли, эҳтиросли; шаҳватпараст] Шаҳват ва шаҳватпарастликка оид, шаҳват билан боғланган. *Шаҳвоний ишқ. Шаҳвоний ҳисга берилмоқ. ■ Раҳматилла Обидий ҳеч кимнинг хаёлига келмаган, жуда-жуда хунук бир шаҳвоний жиноят қилиб қўйиб, беш йилга кесилиб кетди. А. Қаҳҳор, Кўшчинор чироқлари. Унда эркакларни ўзига тортадиган шаҳвоний куч, сирли бир жозоба мужассам эди. Н. Қобил, Унутилган соҳиллар.*

**ШАҲД** [а. شهد — мум аралаш асал] *эск. кт. айн. асал.*

**ШАҲД-ШАКАР, шаҳду шакар** Ниҳоятда ширин, тотли. *Шаҳд-шакар лаб. Шаҳду шакар мевалар. ■ Ойжамол қизим, йўл бўлсин? Айтгил, эрка кўзим, йўл бўлсин? Қайга бунча шошиб борасан, Шаҳду шакар сўзим, йўл бўлсин? Ё. Мирзо.*

**ШАҲЗОДА** [ф. شاهزاده — шоҳнинг фарзанди, ўғли] I Шоҳнинг ўғли, шоҳ насли. *Мана улар Самарқанднинг муҳташам қошонасига кўчиб келишди. Бу ерда қанча асилзодая шаҳзодалар яшаган. П. Қодиров, Юлдузли тунлар.*

2 Шаҳзода (хотин-қизлар исми).

**ШАҲИД** [а. شهيد — урушда ўлган, ўлдирилган; азият чекувчи] I Дин ёки маънаб йўлида ва б. айрим (ҳадисларда белгиланган) ҳолатларда ҳалок бўлган шахс. [Салоҳиддин:] *Жангда ўлган — шаҳид, ўлдирган — ғозий, бунни мусулмонларга айтиш керак. Н. Сафаров, Шарқ тонги. Тирик бўлсалар, ғозий бўлиб келарлар, агар тангрининг буйруғи билан ажаллари етган бўлса, шаҳид бўларлар. С. Айний, Қуллар.*

2 Ватан уруши учун ёки ҳаққоният йўлида қурбон бўлган, жонини фидо қилган одам. *Шаҳид дўстлари абадий маконда бемалол ётишлари учун [Бектемир] чуқурни кенг қазिशга уринди. Ойбек, Куёш қораймас. Ким бўлди бу Арғинбоев? Эҳтимол, қаҳрамонларча ҳалок бўлган, Ватан урушининг шаҳидлари — мард лочинлардан биридир? Газетадан.*

**ШАҲЛО** [а. شەلاء — кўк, мовий кўзли] 1 Порлаб, ёниб турадиган катта-катта, чиройли ва қора (кўз ҳақида). [Кумушиниң] *Камон қошлари ортиқ мавж уриб, ўзини кўрсатган, бир оз бота тушган шаҳло кўзлар тагин ҳам тим қоралик, тагин ҳам нурлилик касб этган эндилар.* А. Қодирий, Ўтган кунлар. *Зарофатнинг келишган қомати.. пир-пир ўйнаб турадиган шаҳло кўзлари Ҳайдарни мафтун қилган эди.* М. Муҳамедов, Қаҳрамон изилан.

2 Шаҳло (хотин-қизлар исми).

**ШАҲНОЗ** [ф. شەناز — мумтоз мусикадаги куй номи] 1 мус. Ўзбек халқ мумтоз куйларидан бирининг номи. *Дуч бўлур ҳали талай Шўх ўланлар, шаҳнозлар.* Миртемир.

2 Шаҳноз (хотин-қизлар исми).

**ШАҲОДАТ** [а. شەادات — гувоҳлик; ёзма гувоҳнома, диплом, аттестат; калимаи шаҳодат] 1 кт. Содир бўлган у ёки бу ҳодиса юзасидан бериладиган гувоҳлик, шохидлик. *Шаҳодат бермоқ.* ■ *Этимодлик бир кишининг шаҳодатига биноан, тошкентлик Юсуфбек ҳожининг ўғли Отабек, бу кунда хонимизга қарши бош кўтарган Азиз парвоначи ва ўз отасининг ваколатлари билан келиб, бу ердаги фуқароларни ҳам хон жанобига қарши оёқлантирмоқчи бўлган.* А. Қодирий, Ўтган кунлар. *Айвоннинг палос ва асбобларида унча бойлик кўрилмаса ҳам, пухта, озода, чирк юктирилмаган йўсинда йиғиштирилганлигидан, эгасининг ринд табиатли эканига шаҳодат бермакда эди.* А. Қодирий, Ўтган кунлар.

**Калимаи шаҳодат** [л.м. гувоҳлик калимаси, сўзлари] Ислом динидаги 5 асосий рукннинг бири: «Аллоҳдан ўзга илоҳ йўқ, Муҳаммад унинг расулидир» (Ло илоҳа иллоллоҳ ва Муҳаммадун расулуллоҳ) калимасини тил билан айтиб, дил билан тасдиқ этишдан иборат. **Шаҳодат бармоғи** эск. Кўрсаткич бармоқ. *Феруза пишиллаб, унга шаҳодат бармоғини ўқталди.* С. Сиёев, Ёруғлик.

2 Шаҳодат (хотин-қизлар исми).

**ШАҲОДАТНОМА** [шаҳодат + нома] 1 Бирор ўқув юртини тамомлаганлик ҳақидаги расмий ҳужжат; гувоҳнома. [Мирғиёс:] *Шаҳодатномамни оламан-у, уйга жўнайман.* Р. Азизхўжаев, Яшил чайла. *..ўқувчилар слётида шаҳодатнома олган 2000 дан ортиқ ёшининг*

*1600 га яқини ишлаб чиқаришида қолиш ис-тагини билдирди.* Газетадан.

2 Бирор фактни, бўлиб ўтган воқеа ёки ҳолатни тасдиқлайдиган расмий ҳужжат; гувоҳнома. *Мудира никоҳ шаҳодатномасини тантанали вазиятда тўлдириб, аввал Ферузага, кейин Норқўзига ручка тутиб, қўл қўйдирди.* Ҳ. Фулом, Сенга интиламан. *Инсонни қадрлаш, инсон деб яшаш — шудир буюкликка шаҳодатнома.* Шукрулло.

**ШАҲР** [ф. شهر — шаҳар; мамлакат] *айн. шаҳар.* *Чирчиқ шаҳри. Шаҳримиз меҳмонлари.*

**ШАҲРИСТОН** [ф. شەرستان — мустаҳкамланган шаҳар маркази] *тар.* Шарқда ўрта асрларда шаҳарларнинг мудофаа деворлари билан қуршалган асосий қисми, маркази. *Кўнгина шаҳарлар қулдорчилик давридаги шаҳарлар ўрнида қад кўтаради.. буларда арклар, қалъалар, шаҳристонлар энди асосий роль ўйнамайди.* М. Аминжонова, Шишанинг кашф этилиши тарихидан.

**ШАҲСУВОР** [ф. شه < شە — шоҳ + سوار — отлик] 1 Ҳашаматли ва дабдабали отлик, моҳир чавандоз.

2 *поэт.* Паҳлавон; баҳодир (севимли ёр, маҳбубга нисбатан). *Келар бўлсанг, кел, бахтингдан ўрғилай, шаҳсуворим.* Э. Охунова.

**ШВЕД** 1 Швеция асосий халқининг номи. *Швед халқи. Швед миллати.*

2 Шу халқ, миллатга тегишли, мансуб. *Швед тили.*

**ШВЕДЛАР** Швециянинг асосий аҳолисини ташкил этувчи халқ.

**ШВЕЙЦАР** [нем. Schweizer — швейцариялик; француз кироллари кўриқлаган швейцариялик солдат] Меҳмонхона, ресторан, муассаса ва ш.к. ларнинг қираверишида қоровуллик қилувчи шахс. *Бироқ, мен швейцар эмасманки, тўғри келган кишининг пальтосини ечиб, қўлига сув қуяверсам.* «Муштум».

**ШЕВА** I [ф. شيوه — усул, тарз; услуб; одат; одатланганлик] 1 *тил.* Умумхалқ тилининг маълум ҳудудга хос тармоғи, маҳаллий тил. *Ўзбек тилининг Фарғона шеваси.*

■ *Турли шаҳар ва қишлоқлардан келганликлари турлилик кийим ва шеваларидан билиниб турган ёш-ёш йигит-қизлар конференц-залнинг ичи-сиртини тўлдириб юборган эди.* П. Қодиров, Уч илдиз. *Ўз қавмлари ва асл ўзбеклар бўлмиш қамишқапаликларни [домла] дағал ном билан таҳқир қилар ва уларнинг*

шаҳарликларникидан анчайин фарқли бўлган шева тилларини масҳаралар эди. П. Турсун, Ўқитувчи.

**2 айн. тил 3.** Ўзбек шевасида шевр ўқиларкан, Қалбларнинг қаърида ҳислар уйғонар. Ватан мақтовлари кириб қулоққа, Зал чайқалар — одам тўпи тўлганар. С. Акбарий. «Афанди» демак — турк шевасида «муаллим» демакдир. Ҳ. Фулом, Машғал.

**3 кам қўлл.** Сўз. Сени ҳам домига тортмоқ бўлади Севги деб аталган бу эски шева. Ф. Фулом. Бош эгиб тонглардан тонгларгача то Виждон шевасига табиҳиз излаймиз. Р. Парфи.

**ШЕВА II** [ф. شیوه — ўйноқилик, нозкарашма] **кт.** I Ноз-карашма, ишва. Бир шева билан жонон девона қилиб кетди, Ақлимни сочиб ҳар ён, мастона қилиб кетди. Ҳамза. Бир қиз келди шева билан, Неча ғамза, жилва билан. «Нурали».

**2** Одат, равиш, йўсин; қонун-қоида, йўл-йўриқ. Камтаринликни, Ҳабибий, шева қил, Ҳам мулойим бўл момиқ парқу каби. Ҳабибий. Чархи кажерафторнинг бир шевасидан доғмен: Айшини нодон суриб, кулфатни доно тортадур. Фурқат.

**ШЕВИОТ** [ингл. cheviot < Шотландиядаги майин юнгли қўйлар зоти етиштирилган Шевиот тепаликлари (Cheviot hills) номидан] Жун толалари ёки аралаш толалар (жун, пахта ва б.) дан тўқиладиган майин, қалин, сал тукли газлама. Шевиот костюм. ■ Очил бувага қараганда у [Азим-жон] бошқа бир олам: гарчли, ялтироқ этик, шевиот шим, ипак кўйлак.. ҳаммаси бежирим, ҳаммаси нафис, тахи бузилмаган. А. Мухтор, Чинор.

**ШЕВРО** [фр. chevreau — эчкича] Эчки терисидан хром билан ошлаб ишланган юмшоқ юпқа чарм; шаброн.

**ШЕЗЛОНГ** [фр. chaise longue — узун, узунчоқ курси] Ярим ётган ҳолда дам олиш учун мўлжалланган, очиб-ёпиладиган энгил кресло. Обиджон билан Ҳожар киради, шезлонгга ўтиришади. А. Қаҳҳор, Оғриқ тишлар.

**ШЕЙПИНГ** [ингл. body shaping — танага муайян шакл бериш] Хотин-қизлар қадди-қоматини махсус жисмоний машқлар, пархез, массаж ва ш.к. ёрдамида яхшилаш, мукамал, бекам-қўст қилиш тизими.

**ШЕКЕЛ** Исроил давлатининг асосий пул бирлиги.

**ШЕКИЛ** [а. شکل — кўриниш, усул; ўхшаш, ўхшашлик; мисоли] **с.т.** Шекилли. Бойнинг йиғлаб келишини уй ичлари эшитиб, улар ҳам, «бир бало бўлди шекил», деб уйдан йиғлаб чиқа бошладилар. Ф. Фулом, Шум бола.

**ШЕКИЛЛИ** **мод.** с. Фикрнинг гумон, тахмин ёки тусмол билан айтилганини билдиради; балки, эҳтимол, ..бўлса керак. Мажлис бўлишини эшитмаган шекилли, у келмади. ■ Мастура эса менга бир қаради-ю, танимади шекилли, индамади. А. Қаҳҳор, Минг бир жон. - Мен дадангизни оз-моз биламан, — деди Ойқиз, — Олтинсойга яқинда келдинглар, шекилли? Ш. Рашидов, Бўрондан кучли. Кинога олишяпти, шекилли. С. Аҳмад, Лаъли Бадахшон.

**ШЕЛУХА** [қад.р. шелуха — балиқ тангаси] Мағзи ажратиб олинган чигит; чигит пўчоғи (одатда молларга ем сифатида берилади). Фарғонадаги собиқ «Гидролиз» заводи илгаридан шелухадан спирт ишлаб чиқариш билан шуғулланиб келарди. Газетадан. Бу ерда шелухага ачитқи қўшилиб.. молларга берилмоқда. Газетадан.

**ШЕР** [ф. шер — арслон; ботир, жасур; асад] I Мушуксимонлар оиласига мансуб, калта ва сарғиш юнгли (эркаклари эса қалин ёлли) йирик сугэмизувчи йиртқич ҳайвон; арслон. Овчининг зўри шер отади, Деҳқоннинг зўри ер очади. Мақол. Ўзингни эр билсанг, ўзгани шер бил. Мақол. ■ Булар [уч оғайни ботирлар] тушган тўқайнинг нариги томонида бир шернинг макони бор эди. «Эртаклар».

**2** кўчма Шахсни шерга нисбатлаб атайди («азамат», «ботир» «полвон» маъносида). Бу ҳужжатни бутун районга тарқатмоқчимиз, шер, обрўйинг ошиб, чўққига кўтарилаётганингни биласанми? И. Раҳим, Ихлос. - Балли, шер, хатни қўлингиздан ким олди? - Бир чол. А. Қодирий, Ўтган кунлар. Ёппа ёвлик отга мининг, шерларим. «Юсуф ва Аҳмад». Фигон қилган бунда шерлар, Йўлбарс, қоплон, бунда эрлар.. «Баҳром ва Гуландом».

**Шер бўлмоқ** **айн.** шерланмоқ. Ичкиликнинг зўридан шер бўлиб кетган Язтурди энди кўча ҳаракати қоидасини унутиб қўйган эди. Газетадан. Балли, азамат, бугун жанг вақтида шер бўлиб кетдинг. Ҳ. Турсунқулов, Ҳаётим қиссаси.

**ШЕРАНДОМ** [ф. شیراندام — шер қоматли] Қадди-қомати шерга ўхшаган; шер-

тахлит. Шерандом бўйли қиличбознинг [Хусайн Бойқаронинг] бир вақтлар баҳодирона жусаси жуда заифлашган эди. Ойбек, Навоий.

**ШЕРБАЧЧА** [ф. شیربچه — шер боласи] с.т. Қўрқмас, бақувват йигит; азамат; шоввоз. [Майсара:] Икки шербачча икки ёнимда бўлгандан сўнг очликдан қўрқармумен. Ҳамза, Майсаранинг иши. Шу орада Бухоро амири шербаччалари кийимида иккинчи отлиқ етиб келади. С. Азимов, Оппок тонг кўшиғи.

**ШЕРЕНГА** [р. < пол. szereg — саф, қатор < т. черик — кўшин] Кишиларнинг бир қаторда ёнма-ён туриши, саф. Қаторлар-ла, Бригадалар-ла, Шеренгалар-ла, илгари! Ғ. Фулом.

**ШЕРЗОД** [ф. شیرزاد — шер боласи, насли] 1 Жасур, азамат одам. Дала гўзал. Унинг бағрида фидокорлик кўрсатаётган шерзодларнинг нияти ундан ҳам гўзал. Газетадан.

2 Шерзод (эркаклар исми).

**ШЕРИК** [а. شريك — бирга қатнашувчи, иштирокчи] 1 Бирор иш-ҳаракатни бирга бажарувчи; ҳамкор. Аҳмаджон шериги билан гранаталарни чоғлаб, ҳаёт-мамонт пайтини кутиб туришди. А. Қаҳҳор, Олтин юлдуз. [Қодирқул:] Жим, аҳмоқ! Бойнинг бултур кузак бир қашқа оти йўқолган. Икки минг сўм нули сарайдан ўғирланган. Шуларни ҳам сен ўғирлагансан. Гапир, шерикларинг кимлар? Ҳамза, Бой ила хизматчи. Дўстатов тупроқни канал ўзанидан чеккага отиб бертан, шериги эса нарига итарарди. «Ўзбекистон қўриқлари».

**Тенг шерик қ. тенг.** Жанг йиллари икки ҳамхона Бир майизга эди тенг шерик. 3. Обидов, Яхши ният. **Шерикмисан, ҳаммолмисан?** Бирор ишни бирга амалга оширишдан манфаатдор бўлган киши ёрдамлашмай қўйганда айтиладиган ҳазиломуз матал. Э, шерикмисан, ҳаммолмисан? Пуфласанг-чи! Ҳ. Шамс, Душман.

2 Ўзаро бирга бўлган шахс, бирга ҳолатдаги шахс (бирга турган, бирга юрган ва ҳ.к.). Икки кишилик палатага жойлашдик. Шеригим бетлари қип-қизил, ўсиқ қошларига битта-иккита оқ тушган.. бир киши эди. Н. Аминов, Қалтис ҳазил. Узунроғи тўхтади, шериги югургилаб келди.. С. Сиёев, Ёруғлик.

3 Бирор жиҳатдан, қайсидир жиҳат билан ўзаро бирга (биргаликда) бўлган икки шахс ёки шахслар; оғайни, дўст ва ш.к. шахслар. Равшан тушиликда шўрвага навбат

олди. Шериклари тандирдан янги узилган сомсани столга уйиб, жам бўлишиб, Равшани кутиб туришди. «Ёшлик». Аваз шериклари билан дахма эшигидан четроқда турибди. С. Сиёев, Ёруғлик.

4 Бирор нарсага бир хилда талабгор, бир тан бўлган шахс. Хуллас, икки гурӯҳга бир хилда хизмат қилганим учун, униси ғолиб чиқса ҳам, буниси ғолиб чиқса ҳам, мукофотга шерикман. Х. Тўхтабоев, Ширин қовунлар мамлақати. Бу ердан бир қоп олтин топиб олдим. Шерик бўламан десанг, чиқ! О. Ёкубов, Излайман.

5 с.т. (фақат 3-ш. бирл. шаклида — шериги) Бир хил ёки бир жуфт нарсаларнинг ҳар бири. Бу туфлининг шериги қани? ■ Бу қўйни олиб бориб, шериги билан яна бир-икки ой боқинг.. А. Қаҳҳор, Қўшчинор чироқлари.

**ШЕРИКЛАШМОҚ** Бирор иш-ҳаракатни бажаришда бошқа киши билан бирлашмоқ, шерик бўлмоқ; бошқа кишига қўшилмоқ, биргалашиб ҳаракат қилмоқ. Шериклашиб ишлаганинг юраги шердай бўлар. Мақол. ■ [Матқовул] Ўзига ўхшаш бирон якка улов билан шериклашиб, ерга яхши ишлов бермоқчи, ҳосилни ҳам, албатта, кўпроқ олмоқчи эди. М. Исмоилий, Фарғона т. о.

**ШЕРИКЛИК** Шерик бўлиш, шерик (биргалик) ҳолат; шерик ҳолатдаги (қ. шерик 1-4). Шериклик ош қорнимни оғритади. Шухрат, Жаннат қидирганлар. Бир ошман билан шерикликда тўрт қўй боқиб юрган эдим. А. Қаҳҳор, Қўшчинор чироқлари. Назирбой Ёлмонбойлар билан шериклик пахта заводида ташқари мустақил «жин» ҳам солдирганди. Ж. Шарипов, Хоразм.

**ШЕРИКЧИЛИК** Бирор иш-фаолиятда бир-бири билан шериклик қилиш, шерик бўлиб иш тутиш. У.. бирорта ёлғиз отлик билан шерикчилик қилиб, адирга дон сепиб, ўз қишлоғида тирикчилик қилиш ниятида бўлади. П. Турсун, Ўқитувчи. Шоликорлик билан кўпинча шерикчилик асосида ишлайдиган, кўчиб юрувчи мавсумий кишилар шуғулланмоқда. Газетадан.

**ШЕРЛАНМОҚ** Шер каби ҳаракат ва ҳолатда бўлмоқ; ботирланмоқ. Эргашев шерланиб кетди. Сакраб бориб, харсантошга ўрнашган немис пулемётини ўлжа қилди. Н. Сафаров, Водиллик қаҳрамон. Кайфи ошган Ҳотам шерланиб, мақтаниб гапира бошлади.

Мирмуҳсин, Умид. [Турсун] *Ўтиб бораётган бир қизга гап ташловди, ёнидаги йигити: -Эй, ўзингни бос, кўтара олсанг, ич-да! — деди. Турсун қургур шерланиб кетди. Газетадан.*

**ШЕРОЗИЙ** [ф. شیرازی — Эрондаги Шероз (شیراز) шаҳри номидан] **1** Шероз деган жойга мансуб, шу ерда тайёрланган. *Шоҳи рўмол солгум бошига, Йўлларига шерозий гилам. Э. Воҳидов. Насл учун қолдирилган, кумуш жило берувчи кўк шерозий, қопқора жингалак жунли арабий кўзичоқлар учбурчак болашдай думбаларини селкиллашиб, у ёқдан бу ёққа чопишади. С. Анорбоев, Ҳаракатда барака.*

**2** Шерозий кўзичоқдан олинган, тайёрланган тери, қоракўл терининг кўк тусли, аъло сифатли нави. *Ўктам.. шерозий қоракўл попоғидан қорни қоқиб-суқиб, Сайрамовнинг кабинетига кирди. Ойбек, О.в. шабадалар. Аваз сингиси олиб келган пахталик тўнига ўраниб, бошига шерозий телпагини бостириб, қабристон оралайди. С. Сиёев, Ёруғлик.*

**ШЕРОЛҒИН** Мураккабгулдошлар оиласи шувоқлар туркумига мансуб, баргида эфир мойи бўлган хушбўй зиравор ўсимлик.

**ШЕРСТЬ** [р. шерсть, шерест — ўрдак, гоз пати; ҳайвон жун] *с.т.* Жундан тўқилган мато. *Бир костюмлик шерсть. Шерсть пайпоқ. ■ Маҳкам эшикдан қараб, уни [Гавҳарни] досканинг олдида кўрди: қизил шерсть кофта ва клёш этикди қора юбка кийган.. П. Қодиров, Уч илди.*

**ШЕСТЕРНЯ** [р.] Ҳаракат узатадиган, бошқа детални айлантирадиган тишли ғилдирак. *Конус шестерня. Цилиндр шестерня. ■ Ҳаракатни тишли ғилдираклар ёки шестернялар ёрдами билан узатиш техникада жуда кенг миқёсда қўлланади. «Физика» дарслиги.*

**ШЕФ** [фр. chef — бошлиқ, раҳбар; корхона бошлиғи] **1** *с.т.* Бошлиқ, раҳбар (бўйсунувчи, тобе кишиларга нисбатан). *Шеф билан ишлаб ҳам уйда қилолмаётирсизми? А. Қаҳҳор, Сароб. Шефнинг фиғони фалакда.. Расулжон, ким устимиздан назоратчи қилиб кўйган? Ж. Абдуллахонов, Хонадон. Сиз бу ерда шеф экансиз, билмабман.. Н. Қобил, Унутилган соҳиллар.*

**2** Бирор муассасани, корхона ва ш.к. ни оталиққа олган ташкилот.

**ШЕФЛИК** айн. оталиқ **1.** *Шефлик қилмоқ. ■ Ўзим талаб қилиб.. икки кишининг шефлигини олдим. А. Қаҳҳор, Сароб.*

**ШЕФ-ПОВАР** [шеф + р. повар — ошпаз] *с. т.* Бош ошпаз, ошпазлар бошлиғи. *Ҳа, шошманг, яхши қиз, шеф-поварингизга айтиб кўйинг, бизга пиёзни алоҳида, сочдек қилиб тўғраб берсин. О. Ёқубов, Учрашув.*

**ШЕЪР** [а. شعر — назм, поэзия] Маълум вазн ва қофияли кичик бадий асар. *Аруз вазнидаги шеър. Бармоқ вазнидаги шеър. Лирик шеър. Эркин шеър. Фафур Фулом шеърлари. ■ Хат конвертга тушаётганда, Нормат унинг охирига яна икки мисра шеър ёзиб кўйди. И. Раҳим, Чин муҳаббат. Юртим, сенга шеър битдим бу кун, Қиёсингни топмадим асло. А. Орипов.*

**Оқ шеър айн. сочма шеър. қ. сочма 4.**

**ШЕЪРИЙ** [а. شعری — назмий; шеър йўли билан, шеърга оид] **1** Шеърга оид, шеърга хос. *Бобурда бунчалик шеърий истеъдод бор деб ўйламаган Биноий бир лаҳза ҳайратланиб турди-ю.. П. Қодиров, Юлдузи тунлар. Масал — ҳажми унча катта бўлмаган, насрий ҳамда шеърий йўл билан ёзилладиган.. мустақил сюжетга эга бўлган эпик асардир. «ЎТА».*

**2** Шеър билан ёзилган. *Шеърий асар. ■ Мармар тошдаги шеърий битик уни гуё адлу инсофга, мурувват ва шафқатга ундагандек бўлиб турарди. С. Сиёев, Ёруғлик.*

**ШЕЪРИЯТ** [а. شعریات — назм, поэзия] **1** Шеърий асарлар мажмуи; поэзия; шеър ёзиш санъати. *Навоий яшаган давр шеърияти. ■ Қуйланди эл тилаги бахши созида, Шеъриятнинг энг дилкаш, энг таннозида. Уйғун. Ҳамза бўлди менга ҳар қачон Шеъриятда яқин устозим. Х. Салоҳ.*

**2** кўчма Ўзига мафтун қиладиган, олий ҳис-туйғу уйғотадиган нарса; ўта гўзаллик, нафосат. *Отабек ва Кумуш ишқларида самимият, яна тўғриси, шеърият бор эди. А. Қодирий, Ўтган кунлар. Қора денгиз, ҳам шеъриятинг, Ҳам жанговар кўринишинг бор. Уйғун. Баҳорлар ҳақида қуйламоқ осон, Ўзинг шеъриятин топа бил, шоир. М. Шайхзода.*

**ШЕЪРХОНЛИК** Бирор давра ёки йиғинда навбат билан шеър ўқиш. *Бутун кеча шеърхонлик билан ўтди. Шеърлар ўзбек, рус, қозоқ.. тилларида янгради. Газетадан. Шеърхонлик ва овқатдан сўнг меҳмонлар у ёқдан*

бу ёқдан гаплашиб ўтирдилар. М. Осим, Сеҳрли сўз.

**ШЕЪРШУНОСЛИК** Адабиётшуносликнинг шеър тузилиши, шеърый асарнинг гоёси, бадиияти ва шаклини ўрганувчи бўлими.

**ШИА** [а. شيعه — гуруҳ, фирқа; содиқ кишилар, эргашувчилар; мазҳаб] айн. **шиий**. Қамбар бобо сунний тутқунларга шиа мазҳабининг асосларини ўргатди. С. Айний, Қуллар. Қул жаллобларнинг зўри билан «қизилбош», яъни шиа бўлиб қолган Мардон Бухорога келтирилиб, молдек сотилди. М. Осим, Элчилар.

**ШИАЛИК, шиизм** [а. شيعى — шиага алоқадор, шиа] Муҳаммад пайгамбар давридаги Куръонни тан олиб, унга кейинча қўшилган диний ақидаларни, сунний халифаларни тан олмайдиган оқим, ислом динидаги икки асосий мазҳабдан бири (қ. **суннийлик**). *Шиизм тарафдорлари.*

**ШИББА** Тупроқни уриб зичлаш учун ишлатиладиган, таги текис дастали оғир гўла. — *Қани кел, Юнус, — деди Йўлдошбой шиббанинг тепа қулоғини чап қўли билан, белидаги дастасини ўнг қўли билан ушлаб.* Ҳ. Нуъмон ва А. Шораҳмедов, Ота. *Қирғоққа тўпланган кишиларни сон-саноксиз қайиқлар ва кемалар оролга ташиб турмоқда, кетмон, бел, шибба, андава, теша, болта ушлаган одамлар сабрсизлик билан ўз навбатларини кутмоқда.* М. Осим, Темур Малик.

**Шибба урмоқ (ёки қилмоқ)** айн. **шиббаламоқ 1**. *Йўлдошбой қишлоғида шибба уришни кўрган бўлса ҳам, ўзи унинг дастасини ушлаб кўрмаган эди.* Ҳ. Нуъмон ва А. Шораҳмедов, Ота.

**ШИББАЛАМОҚ 1** Шибба ёки бошқа нарса билан уриб, босиб, тупроқни зичламоқ, тигизламоқ. *Пойдевор ўрнини шиббаламоқ.* ■ [Лутфулла] *Сувдан чиқиб, ҳар иккала қирғоқдан қуруқ тупроқ қазиб, лой устига ташлаб, оёи ва кетмон орқаси билан шиббалаб, сув кўтариб кета олмайдиган даражада мустаҳкамлади.* С. Айний, Эсдаликлар. *От-арава, машина юравериб шиббалаб юборган текис йўлдан сал юрганимиздан кейин, орқамиздан сотувчи йиғит ҳаллослаб етиб келди.* С. Аҳмад, Чўл бургути. *Бўйрадек жойни танлади. Уни кафтдек текислаб, шиббалади.* С. Кароматов, Сўнгги бархам.

**2** Босиб, тиқиб зичламоқ, тигизламоқ. *Сомонни қанорга шиббаламоқ.* ■ — *Чўрткесар бўлса, ётиғи билан тушунтиринг-да, — деди қанорнинг ичига тушиб, пахта шиббалаётган звено бошлиғи.* А. Ҳайитметов, Пўлат бармоқлар. *Очиқ усулда бостирилаётган силос майдонига кўкпоя ортган автомашиналар кетма-кет келиб турибди, трактор ва бульдозерлар силосни шиббаламоқда.* Газетадан.

**ШИВАЛАМОҚ** Бир текис, бир маромда, ўртача тезлик, куч билан ёғмоқ (ёмғир ҳақида). *Шивалаб турган ёмғир кучая борди.* Р. Файзий, Сен етим эмассан. *Эрталабдан ёмғир шивалай бошлади.* С. Зуннунова, Янги директор. *Кечагина шивалаб ўтган ёмғирдан бош кўтарган ям-яшил ўтлоқда қўй-қўзилар яйраб юрибди.* Газетадан. *Майдалаб, шивалаб ёғаётган ёмғир тобора тезлашарди.* Э. Раимов, Ажаб қишлоқ.

**ШИВАҒА** шв. Улуш, насиба. — *Оққаб келдим, базмдан маликангизга шивага олиб қўйгандирсиз? — деди Зулухсон Илҳомчага.* Ҳ. Фулом, Сенга интиламан.

**ШИВИЛЛАМОҚ** айн. **шивирламоқ 2**. *Сув шивиллаб, қандайдир сирли, ваҳимали кўриниш билан оқади.* Ойбек, Танланган асарлар.

**ШИВИЛҒОНИ** Доналари нисбатан майда, уругсиз қора узум ва шундай мева берадиган ток. *Шивилғон — тоғ-тош орасида кўм-кўк ишкомларга кўмилиб ётган қишлоқ, машҳур шивилғони узум шу ердан тарқалган.* А. Мухтор, Чинор. *Ғарқ пишган, доналари ширага тўлиб, ёрилай-ёрилай деб турган ҳусайни, чарос, шивилғонилар электр лампочкалар нурида товланади.* Й. Шамшаров, Пахтақайнар. *Оқ чиллаки пишиб ётибди, шивилғони ранг олибди.* С. Анорбоев, Гўзаллик излаб.

**ШИВИР** тақл. с. Сўзлаётганда, айрим нарсаларнинг энгил ҳаракатида бир-бирига тегишидан чиқадиган кучсиз товушни билдиради. *Шивир-шивир, пичирлашлар эшитилди: райком бобонинг уруғ-аймоғидан эмиш.* С. Нуров, Нарвон. *Сўзларни райҳондай ҳидлайман, Сўзларнинг шивирин тинглайман.* Х. Даврон. *Бир вақтлар курсдошлари билан мана шу япроқлар шивириса қулоқ солиб туриб, қайси дарахтлигини аниқлашарди.* Ж. Абдуллахонов, Орият.

**ШИВИРЛАМОҚ** 1 Жуда паст овоз билан, шивир-шивир қилиб гапирмоқ, пичирламоқ. *Қулоққа шивирламоқ. Шивирлаб гапирмоқ.* ■ Мингбоши бир оздан сўнг: -Агар бирор жойда ғинг десанг, ўзингдан кўравер, йигит! — деб шивирлабди. Т. Обидов, Юсуф-жон қизик. *Моҳира ойим қизи Хушрўйнинг қулоғига нимадир шивирлаб, кулиб қўйди.* А. Қодирий, Ўтган кунлар.

2 «Шивир-шивир» товуш чиқармоқ (қ. шивир). *Сув шивирлаб оқмоқда.* ■ *Майин ел шивирлаб бошингдан эсса, Рўмолинг пириллаб ўйнаб кетади.* Уйғун. *Зокир япроқлари баландда мулойим шивирлаб турган оқ те-ракларга.. қаради.* П. Қодиров, Уч илдиз.

**ШИВИРҒОНИ** қ. шивилғони. *Яхши қизлар, ўртангизда ким йўқотди лабда ранг? Бир келиб, бу боғдаги «ўғри» шивирғондан сўранг.* Ғ. Ғулум. *Ишқомларда хусайни.. диликаптар, кишмиш, шивирғониларнинг боши ерга тегай деб энгашир.* С. Абдулла, Бир шингили томоқни ёради.

**ШИВИТ** [ф. *شبت / شويد* — укроп] 1 шв. айн. **укроп**. *Қишлоқ аҳолиси укропни кўпинча шивит, бодиён деб ҳам атайди.* Газетадан. *Тақсимча, косаларда барра пиез, шивит бўктирилган сузмақатиқ.* С. Нуоров, Нарвон.

2: **шивит бўлмоқ** айн. **шувут бўлмоқ** қ. **шувут**. *Кечаларни уйқусиз ўтказаман. Район тўғрисида ўйлайман, юзим шивит бўлмасин, дейман.* Ш. Рашидов, Бўрондан кучли. *Узр сўрадим. Аммо ҳали ҳам юзим шивит.* С. Аҳмад, Қадрлон далалар.

**ШИДДАТ** [а. *شدت* — куч, қудрат; ғайрат; қатъийлик; бало, офат] 1 Ҳаракатдаги нарсаларнинг, ҳодисаларнинг интенсив кучи, юқори куч ва суръат. *Шамол шиддати. Ёмғир шиддати пасайди. Шиддат билан хужум бошламоқ.* ■ *Терим шиддати зўрайдан зўрайиб бормоқда.* Газетадан. *Набижон қиз товушининг шиддатидан тааже-жубланиб.. унинг кўзларига қаради.* Ҳ. Ғулум, Замин юлдузлари. *Шерназарбойнинг шиддати зўрайиб, қалғани баттарроқ тўпга туттирди.* Ж. Шарипов, Хоразм. *Томларда, дарахтларда қор анча қалинлашган. Яна шиддат билан ёғишда давом этади.* Ойбек, Танланган асарлар.

2 Зўр ғайрат, шижоат. *Кун ўтди, кун кетидан кун келди, лекин тоғ қазувчилар шиддати заррача ҳам бўшамади.* М. Исмоилий, Фарғона т. о. -*Чу!* — деб шиддат

беради *Ғиркўк тулпор отига. Ҳай аттанг, деб мард Ҳасан Шарт уради сонига.* «Равшан».

**ШИДДАТКОР** [а. + ф. *شدتكار* — шиддат қилувчи, шиддатли] айн. **шиддатли**. *Шиддаткор оқим. Шиддаткор хужум.* ■ *Қариб қолган Шоҳ Малик шиддаткор ва айни пайтда анча тадбирқору серғайрат бу ёш темирйизодани биларди.* Мирмуҳсин, Меъмор. *Шафтолизорда сабванинг гоҳ фиғонли носаси, гоҳ шиддаткор чакчақи тинмайди.* С. Аҳмад, Ойдин кечалар.

**ШИДДАТЛАНМОҚ** кам қўл. *Авжига минмоқ, кучаймоқ. Гулнор бу ёт кишининг эллиқбоши эканини билгач, ғазаби шиддатланди.* Ойбек, Танланган асарлар.

**ШИДДАТЛИ** Шиддати бор, шиддатга эга бўлган, шиддат билан содир бўлган ёки бўладиган. *Шиддатли шамол. Шиддатли оқим.* ■ *Батальон шу куни кечгача душманнинг ўн уч мартаба қилган шиддатли атакасини қайтарди.* А. Қаҳҳор, Олтин юлдуз. *Унинг чеҳрасида, юпқа лабларида аллақандай бир қатъият бор, ҳаракатлари кескин, шиддатли эди.* О. Ёқубов, Излайман.

**ШИЖОАТ** [а. *شجاعت* — дадиллик, ботирлик, жасурлик] Ҳаракат, фаолиятда мардона, жасоратли интилиш; мардлик, жасорат. *Шижоат кўрсатмоқ.* ■ *Одамлардаги ҳаракат, шижоат, ғайратни кўраётибсанми? Уларнинг юрагига ким ғайрат солди?* Уйғун, Навбахор. *Биз кўрсатиб чексиз маҳорат, Саҳроларда очдик бўстонлар; Мўъжизалар яратган ғайрат — Шижоатдан қолур дostonлар.* З. Диёр. *Қанча куч, қанча ғайрат, қанчалик шижоат бор бу тиниб-тинчимас қарияда!* С. Кароматов, Олтин қум.

**ШИЖОАТКОР** [а. + ф. *شجاعتكار* — шижоат қилувчи, шижоатли] айн. **шижоатли**. *Шижоаткор йигитлар.* ■ *Бригаданинг шижоаткор нахтакорлари қийин об-ҳаво шариитида ҳам юқори ҳосил кўтардилар.* Газетадан.

**ШИЖОАТКОРОНА** кт. Шижоат билан қилинадиган, мардона; фидокорона. *Шижоаткорона парвоз.* ■ *Қишлоқ меҳнаткашларининг шижоаткорона меҳнатлари туфайли вилоятимиз давлатга пилла, қоракўл тери сотиш йиллик режаларини ошиғи билан адо этди.* Газетадан.

**ШИЖОАТЛИ** Шижоати бор, шижоат билан ҳаракат қиладиган. *Шижоатли йигит.*

■ *Оқсоқол опа ҳақиқатан ҳам жуда шижоатли, серғайрат бир жувон. С. Аҳмад, Қадрдон далалар. Ут-олов йигитлар, шижоатли ёшлар механизация измини ўз қўлларига олдилар. «Ўзбекистон қўриқлари».*

**ШИЖОАТСИЗ** Шижоати йўқ, шижоат билан иш тутмайдиган, *Шижоатсиз одам.*

**ШИЗОФРЕНИЯ** [юн. schizo – майдаламоқ, парчаламоқ + phren – юрак, қалб; ақл, идрок, эс] *тиб* Бош мия фаолиятининг бузилиши натижасида юз берадиган, турли хил кўринишларга (алаҳлаш, галлюцинация, руҳий-асабий кўзғалиш, ҳаяжон ва ш.к.) эга бўлган оғир руҳий касаллик. *Ҳид ёрдамида шизофрения, бўғма.. каби айрим касалликларни аниқлаш мумкин. «Фан ва турмуш».*

**ШИЙИЙ** [а. شيعى – шиа; шиага мансуб] қ. **шиийлар.** *Шу кунларда шийи.. гавғосидан ўзга муҳим ҳодисани билмайман. Ойбек, Навоий.*

**ШИЙИЙЛАР** дин. Шиизм тарафдори бўлган мусулмонлар; қиёсланг: **суннийлар.**

**ШИЙДАМ I** Ҳеч нарса қолмаган, ҳеч нарса йўқ; бўм-бўш, қуруқ, яланғоч. *Элмурод.. чалқанча ётиб, қоп-қора мунчоқ кўзларини шийдам бутоқлардан олмай, тутпишигини хаёл қилди. П. Турсун, Ўқитувчи.*

**ШИЙДАМ II** фольк. Яхши кийинган, ясанган, башанг. *Маҳрамлар айтди: -Ҳайит-арафада ўзбекнинг кўёвини кўрар эдик. Шийдам бўлиб юрар эди. Салла ўраб, кийиниб турар эди. «Алпомиш».*

**ШИЙПОН** [хит. – тош уй] **I** Атрофи одатда ҳар томонидан очиқ, усти ёпиқ ёзлик енгил қурилма. *Ҳовуздан йигирма қадамлар нарида тўрт томони очиқ, устунлари чиройли нақшланган, ердан одам бўйи баланд кўтарилиб солинган каттагина шийпон, бунинг атрофи гулзор. Ойбек, Танланган асарлар.*

**2** Далада ишловчиларнинг дам олиши ва овқатланиши учун махсус қурилган ёзлик бино ёки айвон. *Шийпонга йиғилган термчилар ер остидан бир-бирларига қараб имлашар эдилар. М. Муҳамедов, Қаҳрамон изидан. Июль ўрталарида.. звено қизлари тўртинчи чопиқни тугаллаб, дала шийпонига кўчиб чиқишди. С. Аҳмад, Қадрдон далалар. ..тонг билан баробар ишга тушадиган машиналар шийпондагиларнинг кўпчилигини барвақт уйғотиб юборарди. Р. Файзий, Чўлга баҳор келди.*

**ШИКАСТ** [ф. شڪست – мағлубият; омад-сизлик; зарар, зиён; синиш, синиқ; суякнинг синган жойи] **I** Жисмоний зарар, лат. *Шикастни тузатмоқ.* ■ [Бектемир] *Суяк шикаст топмаган соғ қўл билан ярани, қийин бўлса ҳам, пухта боғлади. Ойбек, Куёш қораймас. [Пўлатжон домла:] Тувакда бир туп гул ўстирган одам шу гулнинг бирон яроғига шикаст етса, қанчалик ачинади! А. Қаҳҳор, Оғриқ тишлар.*

**2** Нарсанинг зарарланган, бузилган, синган, лат еган жойи. *Машинани қиялик четидан олгач, у ёққа ўтди, бу ёққа ўтди, тупурди, сўкинди, шикастни тополмади. А. Мухтор, Туғилиш. Мадраса ҳужраларининг шикасти тузатилиб битмагани учун, мен кўп шогирдлар сингари, квартирада туриб, қатнаб ўқидим. М. Муҳаммаджонов, Турмуш уринишлари.*

**3** кўчма Зиён-заҳмат, зарар. *Араббой кўпчилик кулгисидан бир оз изза тортди. Лекин у.. обрўсига шикаст етган катта бир шахс каби киброна бўзарди. П. Турсун, Ўқитувчи. Ёш болаларни ўз эркига қўйиб бериш уларнинг тарбиясига жиддий шикаст етказди. Н. Сафаров, Оловли излар.*

**ШИКАСТА** [ф. شڪسته – синган, парчаланган; пугурдан кетган; ғамли. қайғули; дабдала бўлган] Носоғ ҳолатли; эзгин, эзилган, хаста. *Мастура жимгина кулумсираб тураверди: беозор, бегамаз, айни чоғда қандайдир ночор, шикастами. Э. Аъзамов, Жавоб. Фақат дард томади шикаста куйдан. Тўлқин. Жувон ёқимли, шикаста товуш билан хиргойи қиларди. С. Аҳмад, Уфқ.*

**Шикаста хат ёки хатги шикаста** Ҳарфлари нуқтасиз ва бир-бирига тиркаб ёзиладиган арабча хат тури. *Шикаста бу хатдан унинг ўқий олган жумлалари шулар бўлди. А. Қаҳҳор, Сароб.*

**ШИКАСТЛАМОҚ** Шикаст, зарар етказмоқ. *Машинани шикастламоқ.* ■ *Қуртлаган олма ерга тўкилиши билан унинг ичидаги қурт ташқарига чиқиб, дарахт бўйлаб юқорига кўтарилади ва бошқа меваларни шикастлайди. Газетадан.*

**ШИКАСТЛАНМОҚ I** Шикастламоқ фл. ўзл. н. *Машина шикастланди.* ■ *Ер қимирлаганда, Усмон отанинг уйи ҳам анча шикастланди. С. Аҳмад, Лаъли Бадахшон.*

**2** Бирор зарб туфайли мажруҳ бўлмоқ, лат емоқ. *Унинг ўнг қўли шикастланди.* ■



-Муроджон бўлса, чаққонлик билан шикастланган тоғамни кўтариб, иккинчи тарафга олиб кўйди, — деди Нафиса. Ғайратий, Узоқдаги ёр. Фашист танкларининг иккитаси шикастланиб, тўхтаб қолди. П. Қодиров, Уч илдиш.

**ШИКАСТСИЗ 1** Лат емаган, соппа-соғ.

**2** Бузилмаган, синмаган, бус-бутун. Унинг [механизаторнинг] қўлида энг яхши, соз, юксак унум билан, шикастсиз, бетўхтов ишлайдиган машина бўлиши керак. Газетадан.

**ШИКВА** [а. شكوه — шикоят, арз қилиш; айблаш] *кт.* Бирор нарсадан норозилик, шикоят; ҳасрат. *Шиква қилмоқ.* ■ *Нима деоқчисиз, шиквами ё арз?* Миртемир. *Вафосиз дилрабодин шиква қилсам, айб қилманглар.* Маҳзуна. *Бу Муаззам, бу фалакдин шиква этса арзига.* Муаззамхон.

**ШИКВАЛИ** Норозиликни билдирувчи, шикоятомуз. *Кампир сунгеи жумлани шиквали бир оҳангда айтди.* Уйғун, Турсуной.

**ШИКОР** [ф. شكار — ов, овлаш; овланган нарса] *кт.* Ов қилиш, ов. *Шикор қилмоқ.* ■ *Подшо шикорга чиққанда, биринчи рўпара келган кийикни уролмай, ёнидаги одамлар олдида қизариб қолди.* «Латифалар». *От белига ҳавас билан минамиз, Бобо, руҳсат беринг, шикор қиламиз.* «Эрали ва Шерали».

**ШИКОЯТ** [а. شكايات — арз қилиш, норозилик; айблаш] **1** Норозилик, нолиш сўзи; ҳасрат. *Уйқусизликдан шикоят қилмоқ.* ■ *Ҳамманинг тилида шикоят: қимматчиликдан, мардикор олиш воқеасидан, бекорчиликдан шикоят.* Ойбек, Танланган асарлар. *-Камбағалчилик ўлсин! — хотин бу гапни шикоят тарзида айтди, аммо Туробжон буни таъна деб тушунди.* А. Қаҳҳор, Анор.

**2** Норозилик ва маълум талаб билан оғзаки ёки ёзма тарзда билдирилган фикр; арз. *Шикоят — ожизлик аломати.* ■ *Шикоятни ўзига эп кўрмай, жим ўтирди Аҳмад.* Ф. Мусажонов, Ҳиммат. *Кўпчиликнинг арздодига қулоқ солмагандан кейин шикоят оқаверади-да.* «Муштум». *Ё Қўқон ҳокими Мединска жаноби олийларига арз қиларсан.. Бор, бора қол, шикоят қила қол.* К. Яшин, Ҳамза.

**3** *айн. шикоятнома.* *Шикоят ва тавсия дафтари.* ■ *Касабақўм ишчи ва хизматчиларнинг шикоятларини корхона маъмурияти билан биргалликда кўриб чиқади.* Газетадан. *Ҳужмлар тўғрисида шикоят бериш эркинлиги кўзда тутилади.* Газетадан.

**ШИКОЯТ ҚИЛМОҚ 1)** нолиш сўзини айтмоқ; нолимоқ, ҳасрат қилмоқ. *Гулсумбиби бу саволга жавоб беришдан аввал камбағалчиликдан, эрининг аҳволидан шикоят қилди.* Ойбек, Танланган асарлар. *Кимдир кун ортиқ исганидан шикоят қилди.* Н. Сафаров, Жасоратнинг давоми; **2)** арз, шикоят билан мурожаат қилмоқ. *Рост, Эртөөвларнинг устидан шикоят қилиш унинг хаёлига ҳам кириб чиққан эмас.* О. Ёқубов, Эр бошига иш тушса. *Хивага юр, хонга шикоят қиламиз..* Ж. Шарипов, Хоразм.

**ШИКОЯТБӨЗ** [а. + ф. شكاياتباز — шикоят қилишни яхши кўрувчи] Доим шикоят қилиш, шикоят ёзиш билан шуғулланувчи шахс. *У айрим оналарнинг шикоятбөз бўлиб кетаётганидан зорланган эди.* М. Хайруллаев, Тилла маржон.

**ШИКОЯТБӨЗЛИК** Доим шикоят қилиш, шикоят ёзиш билан шуғулланиш. *Турмушда шикоятбөзликдан бошқа иш қилмайдиган, буни ўзларига касб қилиб олган бир тоифа одамлар бор.* О. Ёқубов, Ларза.

**ШИКОЯТЛАНМОҚ** *айн. шикоят қилмоқ* **1** қ. **шикоят.** *-Астрободда бағоят номақбул ҳаракат рўй бермиш, — деди Хусайн Бойқаро шикоятланиб.* Ойбек, Навоий. *Хотин паранжиси билан айвоннинг олдига ўтириб олгач, «уф-ф-ф» деб чайқалди ва «анча йўл экан, тинкаларим қуриб кетди-я», деб шикоятланди.* А. Қодирий, Ўтган кунлар.

**ШИКОЯТЛИ** Норозилик, шикоят ёки нолишни ифодаловчи, ҳасратли. *Дарров кўзларига қайғули жилва берди.. шикоятли товуш билан, гўё ўз-ўзига сўзлаган каби мингирлади.* Ойбек, Танланган асарлар. *-Асли бизнинг ҳолимизни сўраманг! — дейди шикоятли оҳангда Берди татар, — биз бошда шу Обид кетмон деганни ўз ичимизга ўйламасдан олган эканмиз.* А. Қодирий, Обид кетмон.

**ШИКОЯТНАМО** [шикоят + ф. نفا — кўриниш, қиёфа] Шикоятга ўхшаш, шикоятомуз. *Машинаси бўла туриб, генералнинг тўпиқдан чанг кечиб, пиёда юрганига адъютантнинг гоҳо жаҳли чиқиб кўяр ва ўзича нималарнидир пўнғиллаб, шикоятнамо сўзланиб кўярди.* З. Фатхуллин, Сўнмас юлдуз. *У [обком секретари] ҳар қандай шикоятнамо масалаларни ўз вақтида, аммо мужассам далиллар ёрдамида ҳал қилишга одатланган.* Ж. Абдуллахонов, Тўфон.

**ШИКОЯТНОМА** [шикоят + нома] Расмий тарздаги ёзма шикоят. - Бўлмаса, аҳоли хонга шикоятнома ёзмайдирми? - Нечанчи шикоятномани сўрайсиз, - деди Отабек, - Азизбекдан зулм, жафо кўрганлар билан бирликда энди ўнинчи шикоятномани юборгандирмиз. А. Қодирий, Ўтган кунлар. Шу шикоятномани олий ҳукуматимиз номига ишончли бир кишидан бериб юбордим. Ҳ. Назир, Кўктерак шабадаси.

**ШИКОЯТОМУЗ** [шикоят + ф. آميز — аралашган; ўхшаш] Шикоятга ўхшаш, шикоятнома. Йўловчилар юзларини елпишар, иссиқдан бўғриққан рухсорларини рўмолчалари билан артишиб, бир-бирларига шикоятомуз қараб, бошларини сарак-сарак қилишар эди. С. Кароматов, Бир томчи қон. Унинг бу шикоятомуз сўзларида ўз ишидан киши билмас фахрланиш оҳанги ҳам сезилиб турарди. Ҳ. Назир, Кўктерак шабадаси.

**ШИКОЯТЧИ** Бирор кимса ёки нарсадан шикоят қилувчи. Хатлар ҳаракати устидан назорат ўрнатилмаган, бир қанча ҳолларда шикоятчиларга жавоб қайтарилмаган. Газетадан. Убайдуллахўжа аълам шикоятчи бойларнинг отдан ҳам кўра ўз элдошлари олдида обрў учун курашаётганлигини англади-да.. уларни икки ой овора қилди. П. Турсун, Ўқитувчи.

**ШИЛ** [ф. شيله — айёрлик, муғамбирлик] шв. Фирибгарлик билан ҳамма нарсани шилиб, ўзиники қилиб оладиган; товламачи, фирибгар; сурбет. Жамоатчилик, тегишли ташкилотлар.. бу ҳаромхўр, шил савдогарларни нўхталаб қўйишлари керак. «Муштум».

**ШИЛВИРАМОҚ** с.т. Шилиниб, тирналиб маддаламоқ, сувланиб турмоқ (яра, жароҳат ҳақида). Яраси шилвираб кетибди. ■ У [Ғулумжон] жисмини шу ерда қолдириб, фикри билан ёр ёнида бўзлайди, жароҳати шилвираб ётган дилда оғриқ туради. М. Исмоилий, Фаргона т.о. Унинг куюк, сочсиз боши, яримта юзи жизганак бўлиб, шилвираб турар эди. Ойбек, Кўёш қораймас.

**ШИЛДИР I** тақл. с. Нарсаларнинг енгил урилишидан ёки сув оқишида чиқадиган товушни билдиради. Сув шилдири, булбул қўшиғи, Феруза кўк, зангори яроқ. Уйғун.

**Шилдир сув** с.т. Ниҳоятда суюқ овқат ҳақида. Бу шўрвангиз шилдир сув-ку.

**ШИЛДИР II** айн. шил. Қанақа йигит экан? Ким экан? Ёмон, шилдир йигитлардан эмасмикан? Мирмуҳсин, Умид.

**ШИЛДИРАМА** Шилдирайдиган, шалдироқ. Чунтакдан рўмолчасин Олмоқчи бўлганда ул, Енидан тушиб қолди Шилдирама беш сўм пул. Қ. Муҳаммадий.

**ШИЛДИРАМОҚ I** Оқаётган сув ёки бошқа суюқликка хос бир хил майин овоз чиқармоқ, жилдирамоқ. Ариқчаларда типтиниқ сувлар шилдираб оқиб ётади. Ғ. Ғулум, Тирилган мурда.

**2** Енгил овоз чиқармоқ, шитирламоқ (хас-хашак, қоғоз ва ш.к. ҳақида). Қамишлар шилдиради, кўл атрофидаги ўрдаклар «ға-ға-лаб, нарвоз қилди. Ж. Шарипов, Хоразм. Кечки куз. Дарахтлар қизғиш, олтин ранг, Шилдираб яроқлар куйлайди қўшиқ. Шукрулло.

**ШИЛДИРОҚ** Шилдираган майин овоз чиқарадиган. Негадир унинг [Ҳафизанинг] бирдан орқаса қайтиб кетгиси келиб қолди, агар ҳозироқ Умид билан учрашадиган бўлса, бу ажойиб манзаралардан, пурвиқор тоғлардан, сарин елу шилдироқ сойлардан — баридан кечиб, у томон чопарди. Мирмуҳсин, Умид. [Ойна она] «Озиқ-овқат» ва «Кийимлар» магазинига кириб, шилдироқ қоғозга ўроғлик алланарсаларни кўтариб чиқди. Ш. Холмирзаев. Тўлқинлар.

**ШИЛИМШИҚ** Елим каби юмшоқ ва ёпишқоқ, шалҳак. Шилимшиқ модда. Шилимшиқ гўшт. ■ Киши шилимшиқ бир нарсани кўрганида, таъби қандай тирриқ бўлса, унинг ҳам таъби ҳозир худди шундай хира эди. О. Ёқубов, Ларза. Низомиддинов бармоқларига шилимшиқ нарса ёпишганини сезди. С. Аҳмад, Хукм.

**ШИЛИНГПОЧА** с.т. Кийимсиз, яланғоч; оёқ яланг, сарпойчан. -Айниқса сартарошхонанинг қашқа пашишасини айтнинг. Шилинпоча оёқларини шунақа узиб чақадики, дод деб юборасан киши, — деди Шум бола. Ғ. Ғулум, Шум бола.

**ШИЛИНМОҚ Шилмоқ** фл. ўзл. ва мажҳ. н. Пўсти шилинган тол. Оҳакдан унинг кўли шилинибди. ■ Кийимларим иштирилиб, тиззаларимнинг кўзи шилиниб, соқолларим пахмайиб кетди. И. Раҳим, Оловкор. [Бозорқул] Бугун куни билан от етаклаб, яёв юрди. Узангига ўрганган оёқ шилиниб кетди. А. Мухтор, Чинор.

**Шилиниб тушмоқ** Жуда озиб, ориқлаб кетмоқ. Бир неча кун ичида Абзам шилиниб тушди. Шуҳрат, Жаннат қидирганлар.

**ШИЛИҚ I** айн. шиллиқ I.

**ШИЛИҚ II** айн. шиллиқ II.

**ШИЛЛИНГ** [ингл. shilling] 1 Англияда 1/20 фунт стерлинга тенг танга пул.

2 Австрияда ва баъзи бир Африка мамлакатларида пул бирлиги.

**ШИЛЛИҚ I** Суюқ ёпишқоқ елимсимон модда. *Шиллиқ парда.* ■ Соғ кишининг нафас йўллари қуриб қолмаслиги ва чангдан сақланиши учун унда бир оз шиллиқ бўлади. Н. Исмоилов, Касалларни парвариш қилиш.

**ШИЛЛИҚ II:** **шиллик қурт** Куруқда яшайдиган қориноёқли, ўпкали моллюскалар. *Намли ва булутли ҳавода ўргимчаклар, шилликлар туғилади, шудгордан бошқа озиқ тополмагандан сўнг, янги ўсиб чиққан ғўзаларни қирқишга бошлайди.* А. Қодирий, Обид кетмон.

**ШИЛМОҚ I** Нарсанинг сиртидан, танадан уни ўраб турувчи тери, пўст каби қопламини ажратмоқ. *Дарахтнинг пўстлоғини шилмоқ. Қуённинг терисини шилмоқ.* ■ *Тожиддин Қосим хушбўй бананларнинг олтин пўстларини илдам шилиб, бирмунча еди.* Ойбек, Нур қидириб. *Кўчанинг у юзида, лаб ва бурнига қон сачраган айиқдек бир қассоб, янги сўйилган қўйнинг терисини зўр бериб шиларди.* П. Турсун, Ўқитувчи.

2 Узиб ёки юлиб олмоқ, кўчириб юбормоқ, қаттиқ тирнамоқ. *Билмай ярамни шилиб юборибман.* ■ *Мана бу еримни Люблинда ўқ шилиб кетди.* А. Убайдуллаев, Қонли издан.

3 Ачиштириб ялаб кетмоқ; терисини еб, ўйиб юбормоқ. *Оҳак қўлимни шилиб юборди. Қалампир ичимни шилиб кетди.* ■ *Сирка ичгандагидек қорнини шилиб юборди.* Ойбек, Куёш қораймас.

4 кўча Алдаш ёки зўрлик билан бошқанинг бор-йўғини ўзиники қилиб олмоқ, таламоқ; ўғирламоқ. *Бойлар камбағалларни шиларди. Савдогар харидорларни шилади.* ■ *-Отам қариб, йўлда ҳориб қолган чол эди. [Қароқчилар] Уни бир зумда ётқизиб, ёнидаги бор пулини шилиб олишди, — деди Ҳожи хола.* М. Исмоилий, Фарғона т. о. *Ўғри, бандит! Эртага ҳамма ёқни шилиб қочади.* А. Мухтор, Туғилиш.

**ШИЛП** айн. шилт I. *Мингбоши ерда ғужанак бўлиб ётган Матқовулнинг орқасига қамчини шилп эткизиб туширди.* М. Исмоилий, Фарғона т. о.

**ШИЛПИЛДОҚ** Қайнаган сувга тўртбурчак қилиб кесилган юпқа хамир ташлаб пишириб, шўрвали қайла билан тайёрланадиган таом. - *Мулла, эшон, бой, қиморбоз ёғила берди, ҳар кун норин, шилпилдоқ, палов.* Ойбек, Танланган асарлар. *Шилпилдоқ, бешбармоқ.. каби қозоқ таомларининг кўпроқ Тошкентда тайёрланишининг боиси ҳам шунда.* К. Маҳмудов, Ўзбек тансиқ таомлари.

**ШИЛПИҚ I** тиб. Кўз жилди ҳамиша қизариб, ёшланиб турадиган юқумли касаллик; трахома. *Кўзи шилпиқ, елкаси чиқик бўлса ҳам, кўнгли тоза, топилмайдиган одам.* Ойбек, Улуғ йўл. *Биров букри, биров шол, биров шилпиқ..* К. Яшин, Ҳамза.

2 Шу касаллик туфайли кўздан тўхтовсиз оқадиган йирингли ёш. *Мастон хола.. енги билан кўзларининг шилпиғини артиб бўлгач, эгачи-сингилга бир-икки қараб олди.* Уйғун, Турсуной. *Унинг [Мирҳосилнинг] кўзларини шилпиқ босган, чўмичнусха катта бурни одатдагидан ҳам қизариб кетган эди.* Ҳ. Гулом, Сенга интилам.

3 с.т. Шундай касалликка йўлиққан киши ва унинг исмига қўшиб айтилувчи сўз. *Шилпиқ чийиллаб гапирди.* Ойбек, Болалик. *Мўмин шилпиқ Қўрғончадаги бир беванинг қизига уйланаётибди.* П. Турсун, Ўқитувчи.

**ШИЛПИҚЛАНМОҚ** Шилпиқ ҳолатда бўлмоқ (кўз ҳақида). - *Ўхў, оғайни, одам деган махлуқ ҳар қандай оғирликни кўтараверар экан, — деди кўзлари шилпиқланган.. қари чархчи.* Ойбек, Улуғ йўл. *..уйқусизликдан кўзлари шилпиқланиб қолган Шоди Мударисов кириб келди.* Д. Нурий, Осмон устуни.

**ШИЛТ I** тақл. с. Юмшоқ нарсага урганда ҳосил бўладиган товушни билдиради. *От сулиқ чайнаб, пақирдан бош кўтариши билан, биқинига шилт тушган қамчи зарбидан ўзини олдинга уриб, лўкиллаб юриб кетди.* Мирмуҳсин, Чўри. *Сигир.. сочоқли узун думини ҳавода ўйнатган эди, учи шилт этиб Тошхоннинг юзига тегди.* А. Мираҳмедов, Ўт юраклар.

**ШИЛТ II** тасв. с. Ҳаракатнинг тез ва кескин ҳолатини билдиради. *Шилт этиб чиқиб кетмоқ. Шилт уриб қочмоқ.* ■ *Қудрат даврандан шилт чиқиб, орқага ўтиб кетди.* М. Исмоилий, Фарғона т. о. *..ўз кавушини қўлига олди-ю, шилт этиб, ичкари кирди.* М. Исмоилий, Фарғона т. о.

**ШИЛТА 1** сфт. Ниҳоят даражада ҳўл, жикқа ҳўл. *Йигитнинг тердан шилта бўлган кўйлаги баданига ёпишиб қолган, ўзи ҳам нимадандир қўрққан одамга ўхшар, кўзлари бежо эди. О. Ёқубов, Ларза. Аллақачон шудринг тушган экан, бирпасда шимининг почалари шилта бўлди. О. Хусанов, Қўшиқчининг тақдири.*

**2** от Ёмғир ёғиши, қор эриши ва ш.к. дан юзага келган билч-билч ҳолат, ернинг шундай ҳолати. *Оёқ тагидаги қор шилтага айлана бошлади. П. Турсун, Ўқитувчи. ..қуруқ ва аччиқ изғирин.. қуёйда шилта бўла бошлаган қишлоқ кўчаларини даранглатиб қотириб ташлар эди. П. Турсун, Ўқитувчи.*

**ШИЛТИЛАМОҚ** с.т. Шилта бўлмоқ (қ. шилта 2). *Қор эриб, кўчалар шилтиллаб кетди.*

**ШИЛҚ** тақл. с. Бирор нарса урилганда ёки ёпиқ идишдаги суяқлик чайқалганда ҳосил бўладиган оҳиста товушни билдиради.

**ШИЛҚ тушмоқ** с.т. Осонгина ишонмоқ, таслим бўлмоқ, кўнмоқ. *Тўла Салиманинг дағдағасини эслади-ю, Самаднинг гапига шилқ тушди-қолди. М. Исмоилий, Бизнинг роман.*

**ШИЛҚ этиб** 1) шилқ этган товуш чиқариб. *Бу ерда бўлса, қош қораймасдан, эшигининг ичидан шилқ этиб занжир солади. Ҳ. Фулом, Машъал;* 2) ҳушини, мадорини йўқотиб; ҳолдан кетиб. *Муҳаррам Элмуроднинг кўлига шилқ этиб тушди. Шухрат, Шинелли йиллар. Ўн беш қадамлар чамаси югургач, тўсатдан таққа тўхтади, сўнг шилқ этиб йиқилди. «Ёшлик». Муниҳоннинг иссиқ кўллари совиб, шилқ этиб чойшаб устига тушди. Ў. Умарбеков, Ёз ёмғири.*

**ШИЛҚИЛЛАМОҚ 1** «Шилқ-шилқ» этган овоз чиқармоқ, шўлқилламоқ. *Сигир кўп сув ичганидан, юрганда қорни шилқиллар эди.*

**2** Сирқиб турмоқ; кўлмак ҳосил қилмоқ (суяқлик ёки намнинг мўллиги ҳақида). *Ёғи шилқиллаган палов. ■ Кунгай қир ёнбағирларини тўшаган момиқ қор офтобнинг илиқ нурларига тоб бера олмай, шилқиллаб эриб, настликка аста силқий бошлайди. Газетадан.*

**3** кўчма Ҳолдан тўймоқ, дармонсизланмоқ, бўшашмоқ. *Овқатни еди-ю, шилқиллаб тушди.. меҳнат қақиб қўймак, бу бечорани. И. Раҳим, Ҳилола. Қизча йиғлаб чарчаган, шилқиллаб тушган эди. Р. Файзий, Ҳазрати инсон.*

**ШИЛҚИМ** Ҳол-жонига қўймай сурканаверадиган, хиралик қилаверадиған. *Минг ўргилиб, олдин сизга қаддин букар, Оҳ-воҳ қилиб, муғамбирлик ёшин тўкар, Эртасига унутади севисини – Билиб қўйинг шилқим ошиқ белгисини. А. Пўлат. У ўзини ростлаб олгунча бўлмай, бояги шилқим яна пайдо бўлди ва унинг елкасига уриб деди: -Қойилман, тўрам. И. Раҳим, Тинимсиз шаҳар. Утакетган шилқим, маҳмадона Хол даллол, деҳқоннинг кўлини силтайвериб, жон-ҳолига қўймади. «Муштум».*

**ШИЛҚИМЛАРЧА** Шилқимлардек, шилқим сингари, сурбетларча. *Улар гап орасида Фотимага яна кимларнинг жазманлиги, Латифийнинг унга шилқимларча тегишиб юргани.. ҳақида ўз шубҳа ва тусмолларини гаплашдилар. П. Турсун, Ўқитувчи.*

**ШИЛҚИМЛИК** Сурбетлик, хиралик қилиб сурканиш. *Шилқимлик қилмоқ. ■ Йигит кўп шилқимлик қила берганидан кейин, хотин қочиб, нариги уйга кириб кетди. А. Қаҳҳор, Қайғулар. Сиздақа салобатли одамга бунақа шилқимлик ярашмас экан.. буни кутмагандим. Ж. Абдуллахонов, Хонадон.*

**ШИЛҚҚА: шилққа тушмоқ** айн. шилқ тушмоқ қ. шилқ. *Пўнуса қилавер, кўнмай иложи қанча, охир кўнади, хужрага қамасанг, шилққа тушади-қўяди. Ойбек, Улуғ йўл.*

**ШИМ** Гавданинг белгача бўлган пастки қисмига кийиладиган устки кийим. *Галифе шим. Мовут шим. ■ Хўжабеков шимининг чўнтагидан дастрўмолини суғуриб, оқариб кетган юзини артди. С. Анорбоев, Оқсой. Ҳаракатининг зўрлигидан Раҳимнинг сепкил бетлари, дукки пешонаси терлаб, қизил майкаси шимидан чиқиб кетган эди. Ҳ. Назир, Сўнмас чақмоқлар.*

**ШИМАРИҚ** кам қўлл. айн. шимариглик. *Қўлларда зил, расмона кетмон, Соцлар чамбар, енглр шимариқ. Ойбек.*

**ШИМАРИҒЛИҚ** Орқасига қайириб, юқори кўтарилган, шимарилган. *Лойда унинг [Бекнинг].. бир почаси шимариглик бақувват қора болдири ялтиради. А. Мухтор, Туғилиш. Енглари шимариглик.. қайноқ сомса уйилган лаганни кўтариб, оқсоч кирди. Ойбек, Улуғ йўл.*

**ШИМАРМОҚ** Орқасига қайириб, ҳимариб, юқорига кўтармоқ (кийим ёки унинг бирор қисми ҳақида). *Почани шимармоқ. Қайирсам – этагим, шимарсам – енгим.*

Мақол. ■ Улар [Эргаш билан Одил] йиртиқ иштонларини тиззагача шимариб, сув кечишади, ҳар бир тош тагига қўл тиқиб, балиқ қидиришади. Х. Аҳмар, Ким ҳақ? - Бўрон тўхтагач, ундан ҳам яхши ишляпмиз, — деди Бекбўта билакларини шимариб. Ш. Рашидов, Бўрондан кучли.

**Енг шимариб** Астойдил; жон-жаҳди билан. *Тўғрироғи, сенга ўхшаш адашганларни тўғри йўлга солиш учун енг шимарган бир кишиман.* Х. Тўхтабоев, Ширин қовунлар мамлақати.

**ШИМИМОҚ** айн. **шиммоқ**. *Мадрахим араққа ботган сариқ мўйловини шимиди.* А. Ҳасанов, Юзма-юз.

**ШИМИРМОҚ** айн. **симирмоқ**. *Айронни шимирмоқ. Яхна чойни шимирмоқ. Майни шимирмоқ.* ■ *Йигит югуриб бориб, қўтон орқасидаги ўтовларнинг бирдан мешда қимиз олиб келди. Очил бува, Азимжон, шифёр, навбатлашиб, икки косадан шимирдилар.* А. Мухтор, Чинор. *Марҳамат, тоғнинг тоза ҳавосини шимириб, олдинга юрар экан, гўзал манзаралар баҳрини очди.* Т. Расулов, Марҳамат.

**ШИММОҚ 1** Суюқлик, ҳаво ва ш.к.ларни ичига ёки таркибига тортмоқ, ўзига сингдирмоқ. *Пахта ёғни шимиб олди. Сувни ер шимиб олди.* ■ [Гулнор] *Тер, мой ва чангни йилларча шимган, жияги чармдай қотиб, кирдан йилтираган бу дўппини яна тозаллади, қоқди, кўзларига суртиб ўнди.* Ойбек, Танланган асарлар.

**2** айн. **сўрмоқ 1**. *Қанд шиммоқ.* ■ *Ўроқ.. чўнтагидан конфет олиб, оғзига ташлаб шима бошлади.* Й. Муқимов, Матонатли кишилар. *Асаларининг уяси! Турган-битгани асал! Мана, мана, сиқсанг, асал оқади. Буни си оқ мум, ҳаром эмас — шимса ҳам бўлади.* А. Қаҳҳор, Анор. *Бўксаларингни сандалга тиқиб, иссиқда қурут шимиб ётибсанлар!* С. Сиёев, Ёруғлик.

**ШИМОЛ** [а. شمال — шимол; шимолий шамол; чап, чап томон] **1** Дунёнинг тўрт томонидан бири — жанубга қарама-қарши бўлган томон. *Компас стрелкаси шимолни кўрсатиб турипти.* ■ *Кечагина шимол ўлкасида Юрган чоғи эсига тушди.* Ё. Мирзо. *От шимолга қараб бурилди.* А. Қодирий, Ўтган кунлар.

**2** Маълум бир жой ёки ҳудуднинг айни шу томондаги қисми. *Фарғонанинг шимоли.*

*Африканинг шимолида.* ■ *Кўк гумбазига худди найзадай санчилган шимол томондаги тоғ чўққиси устида бир парча қора булут сузиб юрибди.* С. Анорбоев, Оқсой.

**3** Ер шарининг шимолий қутбига яқин, совуқ минтақадаги жойлар, ўлкалар. *Шамолдан тез учган поездлар ҳам то Шимолга етгунча кетади ҳолдан.* Х. Олимжон.

**ШИМОЛИЙ** [а. شمالى — шимол томондаги; чап томондаги] Шимол томондаги, шимол томонда жойлашган. *Шимолий қутб. Шимолий Атлантика.* ■ *Суви анча тортилиб қолган қўлнинг шимолий этаги қишлоқ уйларининг ҳовлиларига бориб тақалар эди.* М. Исмоилий, Фарғона т. о.

**ШИМОЛИ-ШАРҚ** Уфқнинг шимол ва шарқ орилиғидаги томони. *Шимоли-шарқдан қора булут кўринди.*

**ШИМОЛИ-ШАРҚИЙ** Шимоли-шарқ томондаги; шимоли-шарққа оид. *Вокзал шарҳарнинг шимоли-шарқий қисмида эди.*

**ШИМОЛИ-ҒАРБ** Уфқнинг шимол ва ғарб орилиғидаги томони. *Тепа устига сипоҳ туриши учун бир неча бинолар солинган, жануби-ғарбга қаратиб бир, ғарбга қаратиб бир ва шимоли-ғарбга қаратиб яна бир; барисига учта тўп қўйилган эди.* А. Қодирий, Ўтган кунлар. *Бизнинг ҳовлининг шимоли-ғарбида биздан унча узоқ бўлмаган бир мазор бор эди.* С. Айний, Эсдаликлар.

**ШИМОЛИ-ҒАРБИЙ** Шимоли-ғарб томондаги; шимоли-ғарбда жойлашган. *Тошкентнинг шимоли-ғарбий қисми.*

**ШИМОЛЛИК** Шимолда, шимол томонда туғилган, шимол томонда яшовчи.

**ШИМПАҢЗЕ** [фр. chimpanze] Африканинг тропик ўрмонларида яшайдиган одамсимон маймун.

**ШИНА** [нем. Schiene < нем. scheiden — ажратмоқ, бўлмоқ] **1** Ҳаракатни енгиллаштириш, гилдиракни ейилишдан сақлаш ёки туртки-силкинишларни камайтириш учун гилдиракка кийдириб қўйиладиган резина гардиш. *Автомобиль гилдирагининг шинаси.* ■ *Автомобиль ва тракторларни шиналар билан таъминлаш масаласи нақадар кескин эканлиги маълум.* Газетадан.

**2** тиб. Юмшоқ тўқималарнинг анчагина қисми шикастланганда, суяк синганда, суяк ва бўғим касалликларида уларни қимирлатмай қўйиш мақсадида ишлатиладиган,

металл, гипс, тахта, платмасса ва ш.к. дан тайёрланадиган мослама.

**ШИНАВАНДА** [ф. شوننده – эшитувчи; радиоэшитувчи] **1** Бирор нарсага ниҳоятда ихлос қўйган; ихлосманд, ишқибоз, мухлис. *Футбол шинавандаси. Кураш шинавандалари. ■ Томоша зали санъат шинавандалари билан лиқ тўлган эди.* Газетадан. *Қўшни хонадан шахмат донларининг тахтага тақ-туқ урилгани, қўли баланд шинаванданинг хурсанд овози эшитилди.* С. Нуров, Майсаларни аёз урмайди.

**2** Бирор иш, касб-хунарга меҳр қўйган, уни яхши биладиган, омилкор, ҳадисини олган. *Шўр ерларнинг пири, ташландиқ ерларнинг миришкори, ўз касб-корининг шинавандаси Турсунбой бормаса, ким боради?* М. Муҳамедов, Ҳамқишлоқлар. *Тиним билмас техника шинавандалари ишлаб чиқаришга жорий этаётган янгиликлар бир дарё бўлса, юқорида эслатганимиз ундан қатрадир.* Газетадан.

**3** Киши билан дилдан суҳбатлашадиган, элакишиб кетадиган. *...Кутбиддиновнинг феъли айниди, яъни биронта шинаванда улфат билан бирнас дилкашлик қилгиси келди.* А. Қаҳҳор, Асарлар. *У ўрта ёшли, хийла тўлалигидан бўйи наст кўринадиган, одамга тез элакишиб кетадиган шинаванда киши эди.* Ҳ. Назир, Кўктерак шабадаси.

**4** Улфат учун ҳеч нарсани аямайдиган, улфатчилиқни ўрнига қўядиган; одамшаванда. *Фозилжон ҳали ёш бўлишига қарамай, ўзини улфат кўрган шинавандалардек тунтарди.* Ф. Мусаҷонов, Нозик масала. *Бунақанги шинаванда одам кам бўлади, ҳа. Олтин йигит. Дўст учун жонини ҳам аямайди. «Муштум».*

**ШИНАК** [ф. شنك] *эск.* **1** Шаҳар, қалъа, кўрғон қабилаҳ деворидан душманни кузатиш ва отиш учун қилинган махсус туйнукча. *Кўрғон бурчидаги шинак орасидан узун бўйли, қора соқолли бир кишининг оташин назари узоқларга тикилган эди.* М. Осим, Аждолларимиз қиссаси. *Атрофини ўраган девордан ўқ отиш учун шинаклар қўйилган.* Ш. Холмирзаев, Қил кўприк.

**2** Душманни кузатиш ва ундан сақлашни мумкин бўлган пана жой. *Яроғ олмай қолганлардан эҳтиёт қисм тайёрлаб, шинак орқасига қўйди, хотинлардан шафқат ҳамширалари тўдаси тўзди.* С. Айний, Қуллар.

*Шинакка етганларида, бегимнинг кўлидаги машъаласини олди: -Эҳтиёт бўлинг, бегим, ёғийга кўринманг! П. Қодиров, Юлдузли тунлар.*

**ШИНАЛАШ** *тиб.* Қимирламайдиган, ҳаракатланмайдиган қилиб боғлаш; тахтакачлаш.

**ШИНАМ** **1** Кишининг баҳридили очиладиган, кўркам; ихчам ва қулай (жой ҳақида). *Шинам хона. ■ Охирги бекатда шинамгина чойхона ҳам бор экан.* Н. Фозилов, Дийдор. *Қатортолликлар чиройли ва шинам уйларни кўргач, юраклари севинч-қувонч билан тўлиб-тошди.* Ш. Рашидов, Бўрондан кучли. *Кавуидўз Исоқ отанинг шаҳар ташқарисидан уч таноб келадиган шинам боғи бор.* М. Осим, Тилсиз гувоҳ. *Боғда ҳовуз бўйларидидаги шинам шийпонларга ёзилган дастурхонлар ёзилганича қолиб кетибди.* О. Ёқубов, Диёнат.

**2** Ярашиб тушган; ярашиқли, ихчам. *Қабулга келган қиз шинамгина туфлисининг баланд пошналарини тақиллатиб, стул олди-га юриб келди-да, атлас кўйлагининг этакларини астагина йиғиштириб, ноз билан стулга ўтирди.* Ш. Рашидов, Бўрондан кучли. *Бўлис буларнинг ҳаммасини яхши танийди, бироқ Утапнинг ёнида ўтирган ўрта бўйли, озғингина, шинам кийинган йигит унга нотаниш.* Ҳ. Фулом, Машъал. *Бу завқ Дулдўлбекнинг гўштор шолғом бурнини ҳам чимчилаб қўйгандек шинам ва гўзал қилиб кўрсатарди.* Мирмуҳсин, Сўғал.

**3** Хуш ёқадиган, ёқимли, мароқли. *Унинг шинам овози гўё «Кўча боғи» учун, «Кўча боғи»нинг мафтункор оҳанги эса Фуломжон учун яратилгандек янграр эди.* М. Исмоилий, Фарғона т. о. *Яшил уватларда завқли қўшиқлар, Шавқли хангамалар бўлар кўп шинам.* Ф. Фулом.

**ШИНГАРФ** [ф. شنگرف] *кт.* Қизил рангли минерал, олтингургуртли симоб.

**ШИНГИЛ** **1** Узум бошининг бир қанча доналардан иборат шохчаси. *Бир шингил узум. ■ Узум узсам узумзордан бир шингил, Асалман дер, ширинликда даъвоси.* С. Абдулла. *Анвар ўзидан нарироққа тушган бир шингил узумни олиб еди ва бир-икки гўжумини ҳамроҳига узатди: -Ма, Раъно.* А. Қодирий, Меҳробдан чаён.

**2** *кўчма кам қўлл.* Бирор нарсадан қисм. *Булар – бугунги Эрон халқи ҳаётига оид*

шингил мисоллар. Газетадан. *Мамадали ака-нинг уруш йилларида қилган катта ишларидан шингиллар эшитайлик.* Р. Раҳмонов, Мардлик – мангулик.

**Бир шингил** 1) катта ва бир бутун нарсанинг бир бўлаги, кичик бир қисми. *Бу катта ишнинг бир шингили, холос.* ■ *Бу айтганларим Бекчоновнинг қилмишидан бир шингил, холос.* «Муштум»; 2) озгина, бир оз. *Бир шингил ашула эшитсак.* ■ *Қудрат нон, колбасаларни тўғраркан, фронт воқеаларидан бир шингил-бир шингил ҳикоя қилиб берди.* 3. Фатхуллин, Сўнмас юлдуз. *Ҳар иккалови ҳам бир-бирини бир шингилдан чандишиб олишди.* Ҳ. Шамс, Душман.

**ШИНГИЛЛАМОҚ** Шингил-шингил қилиб синдирмоқ, шингилга ажратиб олмақ. *Шингиллаб емоқ (узумни).*

**ШИНГИЛ-ШАПОҚ** Узум бошининг шингил ва майда-чуйда қисмлари.

**ШИНЕЛЬ** [р. < фр. chenille – эркакларнинг тонгги кийими, костюми] Махсус матодан тикиладиган, махсус бичимдаги пальто. *Шинель кийган солдат. Милиционерлар шинели.* ■ *Машинадаги жангчиларнинг янги шинеларидан.. уларнинг узоқ фронт орқасидан келишаётганини пайқаш қийин эмас эди.* А. Убайдуллаев, Қонли издан.

**ШИННИ** Тут, узум каби мевалар ширасини қайнатиб тайёрланадиган қиём. *Дошларда қайнаган шиннининг ҳиди Димоғни шод этар, руҳни саломат.* Ф. Ғулом. *Шойи-бофлар узун супа устига солинган палосларда ўтириб, дастурхонга даста-даста қилиб қўйилган нонларни ушатиб, пиёлалардаги шиниларга ботириб ер эдилар.* М. Осим, Элчилар. *Онам у йил касаллиги сабабли тутдан шинни пиширолмай, бир қопча қуруқ тутмайиз қилиб қўйган эди.* С. Айний, Эсдаликлар.

**ШИНГИЛЛАМОҚ** айн. шинғирламоқ.

**ШИНҒИРЛАМОҚ** Металл буюмлар бир-бирига урилганда ҳосил бўладиган товушга ўхшаш овоз чиқармоқ; жирингламоқ. *Қўшни кўчада шинғирлаб, ерни дириллатиб, трамвай ўтиб кетди.* А. Муҳиддин, Ихтирочилар. *..белларига қадалган кўнғироқнинг шинғирлаши шохнинг юришига тантанали тус берар эди.* М. Осим, Сеҳрли сўз.

**ШИНҒАЙМОҚ** Кўзлари бир тарзда (ёқимсиз) тикилиб турмоқ. [Бойдавлатов

муовинига:] *Ўзингда турипти айб, кулма бировга шинғайиб.* «Муштум».

**ШИОР** [а. شعار – даъват, чақириқ, белги, фарқ; девиз, шиор] 1 Бош ғоя, масала ёки сиёсий талабни ифодаловчи, қисқа шаклда баён қилинган чақириқ. *Станция биолари ва поездларда «Ҳамма нарса фронт учун, ғалаба учун!» деб ёзилган шиорлар кўзга ташланиб туради.* Назармат, Жўрлар баланд сайрайди.

2 Фаолиятни белгиловчи, ундаги асос мақсад, шу мақсадни ифодаловчи сўз, гап. *Шиоримиз шу йил ҳар гектар ердан 35 центнердан ҳосил етиштиришдан иборат.* «Ўзбекистон кўриқлари». *Умуман, дoston қаҳрамонларининг асосий шиори ўз ҳаётининг сўнгигача комил ишонч билан яшаш ва яшаш учун тинимсиз курашишдан иборатдир.* «ЎТА». *Адолатнинг: «Ўзимизни ишда ҳам кўрсатмайлик», деган сўзлари бригада қизларининг асосий шиори бўлиб қолди.* И. Раҳим, Чин муҳаббат.

**ШИП** I қ. шифт. *Шипи фанердан қилинган уй.* ■ *Борсам, [волидам] тилдан қолибдилар; калта-калта нафас олиб, шипга қараб ётибдилар.* А. Қаҳҳор, Кўшчинор чироқлари. *Хона ўртасида.. каттакон стол, атрофида вена стуллари, икки дераза ўртасида шипга етарли катта тошойна.. бор эди.* М. Исмоилий, Фарғона т. о. *Шинанинг тағиға йўғон шапалоғи билан икки марта урди, пўк сачраб чиқиб, шипга тегди.* Чўлпон, Кеча ва кундуз.

**Шипдай бўлиб айн. шифтдек бўлиб қ. шифт.** *Эшик олдида шипдай бўлиб турган эрини кўриши билан ваҳимага тушган Рисолат: -Нима гап? – деди ва юзуриб ёнға келди.* Ғайратий, Довдираш. *Сал нарида шипдай бўлиб Каримов турарди.* Ҳ. Шамс, Душман.

**ШИП** II тақл.с. Енгил қадам ташлаб юрганга ёки қоғоз ишқалганда ҳосил бўладиган кучсиз узоқ товушни билдиради. *Бу одам уйқусида шип этган товушни ҳам сезади.* ■ *Кўққисдан «шип» этган бир шарпа уни [Назар акани] тўхтатди.* Ғайратий, Довдираш.

**Шип этиб** Бирпасда, тезлик билан, тезгина. *Эртага Алига айтаман, машинасида шип этиб Марғилонга бориб келасиз.* «Шарқ юлдузи». **Қулоғи шип битди** Қулоғи эшитмайдиган бўлиб қолди. *Махсумнинг оғзидан*

чиқайётган ҳар битта сўз токдек миясига тегиб, икки қулоғини шип битириб қўйди. В. Гофуров, Вафодор.

**ШИПИЛДОҚ:** шипилдоқ товушлар тли. Шовқинли сирғалувчи тил олди «ш», «ж» (мас. «журнал» сўзидаги «ж») ундошлари.

**ШИПИЛЛАМОҚ 1** «Шип-шип» қилмоқ; шитирламоқ. Ҳовлида дарахт шохлари шипиллаб, қизни чорлагандай бўлди. Ж. Саъдуллаев, Қиз орзуси. Вақт ҳам алламаҳал бўлиб қолган, бутун касалхона уйқуда. Фақат ахён-ахёнда шипиллаган оёқ товуши эшитилиб қолади. Х. Тўхтабоев, Садоқат.

**2** Енгил ва тез-тез қадам ташламоқ, енгил ва тез-тез юрмоқ; зипилламоқ. -«Лайлатулқадр» бизларни иззат қилиб, ўз оёғи билан уйимизга кириб келган экан. Ана, ҳозир шипиллаб чиқиб кетдилар, — деди Шарифа буви эрига. Н. Мақсудий, Лайлатулқадр. У [Ҳайри хола] ҳашарчиларни алқай-алқай, шипиллаганча қўрғончага кириб кетди. М. Осим, Тилсиз кўзгоч.

**ШИПИРГИ** шв. айн. супурги **1.** Кўча баққоллари шипирги баҳосини 3 ҳисса кўтарди. «Муштум».

**ШИПИРЛАМОҚ** айн. шипилламоқ.

**ШИПИРМОҚ 1** шв. Супурмоқ. Отабой унинг дорихонасига юк ташиган, Олмахон эшик шипириб, кир ювган. И. Раҳим, Тинимсиз шаҳар. Эшигимни шипирсин бу қўмондон.. Ҳ. Олимжон.

**2** Кўча Йиғиштириб олиб кетмоқ, шипшийдан қилмоқ. Ўғрилар айёр бўлади, ўғлим. Улар тун қоронғисига келади-да, бирпасда шипиради-кетади. Ойбек, Болалик. Эртами-индин Дилдор албатта кетади. Бисот-бағални шипириб, уйни шипшийдан қилиб кетади. С. Аҳмад, Уфқ.

**3** Кўча Кесиби, узиб ёки учуриб кетмоқ (тиғ, ўқ ва ш.к. ҳақида). Кеча Ҳомид ханжарли қўлини силтаб тортганда, ханжар унинг [Отабекнинг] бош бармоғи орасини суякка етгунча шипириб кетган эди. А. Қодирий, Ўтган кунлар.

**4 с.т.** Батамом еб тугатмоқ, еб қўймоқ. [Эшон] «Ўлдирса ҳам, паловхонтўра ўлдирсин» қилиб, лаган-лаган ошни шипирибди. Н. Мақсудий, Лайлатулқадр.

**ШИППАК** Одатда ёзда кийиладиган, шунингдек, уйда оёққа илиб юриладиган енгил оёқ кийими; сандал. Анчадан кейин шиппак товуши яқинлашди-да, эшик қир-

силлаб очилди. С. Аҳмад, Тоғ афсонаси. Гавҳарнинг эғнида гулдор кўк крендешин кўйлак, оёғида зар чизиқли юмшоқ шиппак.. С. Сиёев, Ёруғлик.

**ШИПТИР** шв. Сийдик. Йўлчи қуруқ наमतга ётиб, устига кўрпача ёпди. Кўрпачадан зах ҳиди билан от шиптирининг қўлансаси димоққа урди. Ойбек, Танланган асарлар.

**ШИПШИ 1** Қулоққа оҳиста айтила-диган гап, сўз; пичирлаш. Йигит уни мўж-жаз қоматидан, чаққон юришидан дарҳол таниди. «Ҳаёт! Ҳаётим!» деб юборди у, қулоқларига бақирикдай эшитилган бир шипши билан. М. Исмоилий, Фарғона т. о.

**2** Кўча Яширин маъно, қочириш. Бошқалар ҳам бекка ҳайратланиб қарашди. Чунки унинг сўз оҳангида, ҳаракатида сирли бир шипши бор эди. Ҳ. Нуъмон ва А. Шо-раҳмедов. Ота.

**ШИПШИЙДАМ** Ҳеч нарсаси қолмаган; ҳеч нарса қолдирмаган; куп-қуруқ. Туннов куни қарасам, бир туп ёнғоқ сийраклашиб қолибди. Болалар қоққандир, деб ўйладим. Бошқа куни яна бир туп ёнғоқ шипшийдан бўлибди. С. Анорбоев, Оқсой. Фозилжоннинг дўконлари шипшийдан бўлиб қолди. И. Раҳим, Ҳилола. Пичанлар ўрилган, шипшийдан дала, Тоғларнинг қошида қордан оқ лола. Ҳ. Салоҳ.

**ШИПШИМОҚ 1** Паст овоз билан бирор нарса демоқ; пичирламоқ. -Бас! — шипшиди Тоҳир жувозкаш йигитга. П. Қодиров, Юлдузли тунлар. -Ҳўп, бўлмаса, — деди чол ва тўсатдан унга энгашиб, худди бошқалар эшитиб қолишидан қўрққандай, шипшиди. О. Ёкубов, Ларза. -Ўйга толиб қолганимда, нариги хонада [онамнинг] Сўнагулга шипшиганини эшитиб қоламан.. — деди Аҳмадҷон. А. Мухтор, Давр менинг тақдиримда.

**2** Ҳеч кимга эшиттирмай, билдирмай айтмоқ, билдириб қўймоқ. Валасанит [велосипед] мингинг келган экан, бир оғиз шипшиб қўймайсанми қулоғимга. А. Кўчимов, Ҳалқа. Воҳидовга шипшиб қўйишни мен бўйнимга оламан. С. Зуннунова, Янги директор.

**ШИПШИТМОҚ** айн. шипшимоқ **2.** Шунақа ишлар бўлаётган экан, бир оғиз шипшитиб қўйсанг ўлармидинг?! Ж. Абдуллахонов, Хонадон. -У уйга чой сўрашса, Йўлчи аканга келиб шипшит, Гулнор қи-



зим! — деб тўй бекаси Лутфинисо кетди. Ойбек, Танланган асарлар. *Йў-ўқ энди, укам, бир оғиз телефонда шипшитиб қўймайсанмики, мен пешвоз чиқиб, кутиб олмайманми!* С. Анорбоев, Оксой.

**ШИР I тақл.с.** Юпқа газмол йиртилганда, сув оққанда ҳосил бўладиган товушни билдиради. *Шу пайт шир этган товуш эшитилди-ю, қизнинг назарини ўзига тортди.* Ж. Абдуллахонов, Тўфон. *Енги чокидан шир этиб сўкилди.* С. Сиёев, Аваз. *Кейин шир эткизиб, занжирини узиб олди-ю, қоронгликка отиб юборди.* С. Сиёев, Ёруғлик.

**Чумчуқ пир этса, юраги шир этади** Ҳар нарсадан ҳадиксирайдиган, салга чўчийверадиган, жуда юраксиз, қўрқоқ одам ҳақида айтиладиган ибора. [*Холмат:*] *Пичоқни шу Ҳасан аканг урадимиз?! Чумчуқ пир этса, юраги шир этади-ю, бунинг!* Ҳамза, Бой ила хизматчи. **Шир этиб** Ногаҳон, тўсатдан. *-Ҳозир ҳаво яхши, эрта-индин шир этиб, намгарчилик бошланса, қўл билан қайси бирини териб бўлади, — деди Салим ота.* Ҳ. Нуъмон, Фасллар. **Шир яланғоч** Ҳеч нарса киймаган, қип-яланғоч. *Холжон хола ўлиб, бир неча минг йилдан кейин кўзини очса, маҳшаргоҳда юрган эмиш.. ҳамма шир яланғоч.* Файратий, Довдираш.

**ШИР II** [*ф. شیر — сут*] *шв. қ. сут 1, 2.* *Бинобарин, шоҳ қулларига мурувват қилиб, берадиган емагини андак ошириб, ҳафтага шир, ойга бир гўшт ҳам улаштиради.* А. Мухтор, Чинор.

**Шир шарбат** [*л.м. қандли сут*] *ад.* Маълум бир тартибда икки тилда ёзилган шеър; шундай шеър ёзиш усули. *Махмурнинг «Дар сифати Қосим бекларбеги» сатираси шир шарбат усулида ёзилган.*

**ШИРА I** [*ф. شيره — шарбат, сироп; мусаллас, вино; кўкнор суви*] **I** Ҳўл мева ва полиз экинлари ҳосили пишиб етилиши билан улар таркибида ҳосил бўладиган ширин суюқлик: шарбат. *Узумнинг шираси. Қовун шираси.* ■ *У [қози домла] бир неча лаҳзада косани тушириб, юпқа нўстлоқ ичидан шираси томиб кетгудай бўлиб турган шафтолига қўл урди.* М. Исмоилий, Фарғона т. о. *Қовун пишди, анор қизарди.. сенга атаб қўйган узумларим халта ичиди шира боғлаб ётибди.* И. Раҳим, Чин муҳаббат.

**2** Ўсимликлар танасида бўладиган суюқлик, намлик. *Эргаш барг шираси сингиб кетган қадоқ кафтига боқди.* А. Мухтор, Чинор.

**3** Инсон ёки ҳайвон организми ҳужайраларида бўладиган суюқлик. *Баъзи безлар ўздан шира чиқариб туради.* ■ *Булар [баъзи овқатлар] ошқозон ости беши шираларининг кўп-кам чиқарилишига ёки ошқозон ва ичакларнинг ҳаракатига таъсир қилади.* Н. Исмоилов, Касалларни парвариш қилиш.

**4 с.т.** Кўкнор пўстини сувда эзиб тайёрланган, кайф берадиган ичимлик.

**5** кўчма Бирор асар, гап, сўз ва ш.к. га хос мазмун, маъно. *Гапининг шираси йўқ одам.* ■ *Бир халқ тилидаги асар иккинчи халқ тилига шу асарнинг бутун фазилати, шираси, жозибаси сақланиб таржима қилингандagina мақсадга эришилади.* Газетадан.

**6** кўчма Оҳангдорлик, жарангдорлик; ёқимлилик (овоз ҳақида). *Овознинг шираси қочган, кексалик.* А. Мухтор, Опа-сингиллар.

**Кўзини шира босмоқ** Кеккайиб, ҳеч кимни танимай, менсимай қўймоқ. *Ёзнинг нозу неъматлари ганимат, сендан дарак йўқ. Ё бригадир бўлиб, кўзингни шира босдимиз?* Н. Ёқубов, Бўсағада. **Шира тортмоқ** (ёки **боғламоқ**) **1)** шира ҳосил қилмоқ, шира тўпламоқ (*қ. шира 1*). *Узумлар шира боғлабди;* **2)** қайнаб етилмоқ; қуюла бошламоқ (баъзи овқатлар ҳақида). *Мошхўрда шира тортди.* *Сумалак кўп қайнаб, шира боғлаб қолди;* **3)** ёқимли, жарангдор бўлмоқ, тобига келмоқ (овоз ҳақида). *-Ҳозир Шерозийнинг овози айни шира боғлаган пайт, донғи Хоразмга тарқалган, — деди Собир ака.* Ж. Шарипов, Хоразм.

**ШИРА II** [*ф. شيره 1*] Ўсимлик ширасини сўриб озиқланадиган майда текинхўр ҳашарот; ўсимлик бити. *Бу йил қовунга шира тушди.* *Ширага қариши курашда кимёвий дориворлардан фойдаланиш лозим.* ■ *Шира кўп касофат нарса: гўзанинг ёш баргларига ёпишдимиз, уни бужмайтириб қўяди, қанча-қанча ҳосили нобуд бўлади.* Ҳ. Назир, Сўнмас чақмоқлар.

**2** Ўсимлик бити ҳаёт фаолияти натижасида ўсимлик баргларида ҳосил бўладиган ёпишқоқ ялтироқ суюқлик.

**ШИРАВА** [*ф. شيراه 1*] Сут юзида ҳосил бўлган янги қаймоқ. *Ширава қаймоқ.* *Сутнинг ширавасини пиёлага олмоқ.* *Ширавага нон ботириб емоқ.* ■ *Янги сутнинг мазаси ширавадан қолишмайди.* Р. Файзий, Балли, она қизим. *Шарофат хола ўғли Мирпўлатга олиб келган бир коса ширава сутни*

Алижоннинг олдига қўйди. Ҳ. Нуъмон, Фасларлар. - *Офтобчувоқда нонушта қилиб ўтирибмиз. Нонушта қуюқ: икки косачада ширава қаймоқ, узум, — деди Шокиржон. Ш. Ризо, Қор ёғди, излар босилди.*

2 кўчма Қор, қиров, муз кабилардан ҳосил бўлган юпка қатлам. *Совуқдан челақдаги сув ширава боғлабди. ■ Кечаси биринчи ширава қор ёғиб чиқди. Ф. Фулом, Шум бола.*

**ШИРАВОР** [ф. شیرەوار — ширали нарсалар] Қанд-курс, мева-чева каби ширин нарсалар мажмуи; қандолат, ширинликлар. *Қурилиш устахонаси, кийим тикиш, ширатор тайёрлаш.. каби цехлар бирин-кетин тарқатилди. «Муштум».*

**ШИРАВОРПАЗ** [ф. شیرەوارپاز — ширатор пиширувчи, тайёрловчи] айн. **қандолатчи**. *Халқ театрида шираторпаз, нонвой ва бошқаларга бағишланган комедиялар учрайди. М. Қодиров, Ўзбек халқ драмаси.*

**ШИРАВОРПАЗЛИК** айн. **қандолатчилик**.

**ШИРАВОРЧИ** айн. **шираторпаз**.

**ШИРАДОР** [ф. شیرەدار — шираси бор, ширага эга] айн. **ширали**. *Ширадор қовун. ■ Ҳозир ҳамма ерда дағал ва ширадор ем-хашак тайёрланмоқда. Газеталар. Унинг ҳар қандай ашула шинавандасини ўзига ром қила оладиган кучли ва ширадор овози бор. Ҳ. Носирова, Мен ўзбек қизиман.*

**ШИРАДОРЛИК** Ширага эгалик, ширалилик. *Тутларнинг тури бемаза қовуннинг уруғидан ҳам кўп. Аммо халқ хўжалигида тутган ўрни, мевасининг ширадорлиги, қиймати жиҳатидан ҳеч бири балхи тутга тўғри келмайди. «Фан ва турмуш».*

**ШИРАКАЙФ** [ф. + а. شیرەكەيف — ширин кайф] Енгил кайфли, озгина кайфи бор. *Ширакайф киши. Ширакайф бўлмоқ. ■ Қумрини ярим кечада ширакайф эри Салим аравакаш чақириб кетди. Ҳ. Фулом, Тошкентликлар. Мансур Раҳмоннинг олдидан ширакайф ҳолда хайрлашиб чиқиб кетди. Ё. Шукуров, Уч савол. [Арабжон] Баъзи кунлари.. ширакайф келарди. С. Зуннунова, Излар.*

**ШИРАЛИ 1** Таркибида шираси бор, шираси кўп; ширадор. *Ширали узум. Ширали озуқа. ■ Полизлардаги ширали қовунлар кечки куз совуғида ёрилиб кетиб, «мени енглар», деб термилиб турибди. Ж. Шарипов, Хоразм. Бутазорнинг ўртаси яланглик. У ер-*

*да жуда ширали ўтлар ўсади. С. Анорбоев, Оқсой.*

2 Шира юқли, шира теккан. *Ширали, ювуқсиз қўлларини икки томонга ёйиб, хушламайроқ, меҳмонга елкасини тутди келин. А. Мухтор, Кумуш тола.*

3 кўчма Мазмунли, маънодор; сермазмун. *Ширали гап.*

4 кўчма Хуш ёқалиган, ёқимли; жарангдор (овоз, куй ва ш.к. ҳақида). -У [Элмурод] *баъзан ўзи русча ўқиганларини гапириб берар, лекин бу, ўқиб бергандай ширали ва маънодор бўлмас эди. П. Турсун, Ўқитувчи. Бу қўшиқ шунчалар ёқимли, ширали эдики, темирчи йигитнинг юрагида аллақандай бир ҳисни уйғотиб юборди. С. Аҳмад, Хукм.*

**ШИРАЛИК** Ширинлик, қанд-курс; мева-чева.

**ШИРАПАЗ** [ф. شیرەپاز — шарбат, ширинлик тайёрловчи] айн. **шираторпаз**.

**ШИРАПАЗЛИК** айн. **шираторпазлик**.

**ШИРАСИЗ 1** Шираси йўқ; мазасиз. *Ширасиз мева. Ширасиз озуқа.*

2 кўчма Мазмуни йўқ, мазмунсиз, маъносиз; зериктирарли. *Ширасиз лекция. ■ Бу газеталардаги кўпгина материаллар юзаки бўлиб, ширасиз тил билан ёзилган ва газетхонларга фалон жойда иш яхши, фалон жойда иш ёмон, деган хабарларни етказилади, холос. Газетадан.*

3 кўчма Хуш ёқмайдиган, ёқимсиз (овоз, куй ва ш.к. ҳақида). *Ширасиз овоз.*

**ШИРАЧ** айн. **сирач**. *Кичкина ўтмас газан билан чармларни кесдим. Ширач билан бирига ёпиштирдим. Ойбек, Болалик.*

**ШИРАЧЛАМОҚ** айн. **сирачламоқ**. *Дўни калнинг бошига ширачлагандек ёпишиб қолган эди. Т. Обидов, Юсуфжон қизиқ. Иккита ёнғоқни чақиб, тўртта оёғига тўртта палласини сирачлаб кийдириб қўйдим. Шухрат, Умр погоналари.*

**ШИРБОЗ** [ф. شیرباز] Сут эмиб ўсаётган, семиз (қўзи). *..ичига ширбознинг гўшти-ни қиймалатиб солдирганман. С. Нуров, Нарвон. Темуранг ҳар гал отарга келганда, Менглибой унга ширбоз пишириб берар, яхши тушган териларни кўрсатарди. С. Аҳмад, Юлдуз.*

**ШИРВОЗ** қ. **ширбоз**. -*Хосхонадан икки бекзот келганди.. Унга сўйиб бердик ширвоз қўзингни.. «Орзигул». Шўх ширвоzlарнинг орасида Аваз даладан топган.. қўзичалар ҳам*

уйноқлаб юрибди. П. Қодиров, Қора кўзлар. Ҳозир айна ширвоз кўзилар суйиляпти. Ш. Холмирзаев, Сайланма.

**ШИРГУРУЧ** [ф. شیربرنج – сутли шавла] Гуручни сутда пишириб тайёрланган шавласимон куюқ таом. Кечқурунги овқат учун ширгуруч, куймоқ, тухум кабилардан бири берилади. Н. Исмоилов, Касалларни парвариш қилиш. Ширгуруч пишираётганингизда, гуручга оз-оздан совуқ сут ёки сув куйиб турсангиз, эзилиб кетмайди. Газетадан.

**ШИРДОН** [ф. شیردان – сут идиши; кўйнинг ошқозони] анат. Кавш қайтарувчи ҳайвонлар меъдасининг бир бўлими. Чайналган овқат ютилганда, ошқозоннинг тўртинчи бўлимига – ширдонга ўтади. «Зоология».

**ШИРЗАДА** [ф. شیرزاده – яхши эмолмайдиган бола; қилтирик бола] 1 тиб. Организмда минерал тузларнинг етишмаслиги, модда алмашинувининг бузилиши туфайли ёш болаларда учрайдиган суяк касали – суякларнинг ўз вақтида қотмай, нотўғри ўсиши; рахит.

2 с.т. Шундай касалга чалинган бола.

**ШИРИЛЛАМОҚ** «Шир» этган овоз чиқармоқ. Чит шириллаб йиртилди. ■ Бир жойда сувни тизгинлашига улурса, нарироқдан шириллаб уриб кетади. Ойбек, О.в. шабадалар.

**ШИРИН** [ф. شیرين – мазали, тотли; шакарли; ёқимли] 1 Шираси ўткир, ширали. Ширин қовун. Ширин ичимлик. ■ Ширин меваларга ўрганган оғизларига бу ернинг нордон неъматлари ёқмади. Ойбек, Қуёш қораймас.

2 Таъми ёқимли, мазали, лаззатли. Ширин шўрва. ■ -Албатта, албатта, – деди Сулаймонов жиддий қиёфада, – масалан, балиқ – кўп яхши нарса, қовурилса, қандай ширин бўлади! А. Қаҳҳор, Икки ёрти – бир бутун. Менинг икки онам бор, Иккиси ҳам меҳрибон: Бири менга сут берди, Бири эса ширин нон. Уйгун. ..сиз пиширган таом шу даражада ширин, лаззатли бўладики.. Мирмуҳсин, Меъмор.

3 Кўчма Киши хузур қиладиган, ором оладиган, лаззатландирган, хуш ёқадиған; ёқимли, ёқимтой. Ширин хаёллар. Ширин туш кўрмоқ. Ширин муомала. Ширин сўз шакардан ширин. Мақол. ■ Муҳаррам ширин табассум билан кулди-да, бежирим лабининг

икки бурчагини нозик тўр тутилган даст-рўмолчаси билан артиб кўйди. Шухрат, Шинелли йиллар. Бир оғиз ширин сўз – нондек арзанда. Ф. Гулом. У шовқин-сурон ичида шундай ширин ухлардики, бундай уйқу ҳалол ишлаб чарчаган вақтдагина бўлиши мумкин. Ш. Рашидов, Бўрондан кучли. Вой, мунча ширин бўлмасанг! ..Жуда ақлли боласан-да! С. Сиёев, Ёруғлик. -Дўмбилламай қолсин шу ширинлар-ей! – дегувчи эди, ҳарбийларни кўрганда бир ўртоғим. Ойдин, Садағанг бўлай, командир.

4 Аҳил, тотув. Ширин оила. ■ Дунёда битсин уруш, Ер юзи кўрмасин доғ, Гулласин ширин турмуш, Тинчлик бўлсин ҳамма ёқ. К. Муҳаммадий.

5 Ширин (хотин-қизлар исми).

**Жони ширин** Ўзини ниҳоятда аяйдиган, оғриққа, оғир ишга тоби йўқ.

**ШИРИНАК** [ф. شیرينک – «ширин» с. дан] Қовун-тарвузнинг энг ширин намуналарини танлаш ва баҳолаш мақсадида ўтказиладиган анъанавий мусобақа. Полиларда тилёрар ананаслар тўрлар, шакарпалак, оқуруғлар дум бериб, ариқ бўйларида «ширинак» ўйинлари бошланиб кетганди. Ҳ. Назир, Сўнмас чақмоқлар.

**Ширинак ўйнамоқ** Ким танлагани, кимники ширин чиқиши учун баҳслашмоқ (қовун, тарвуз ҳақида). -Бир ширинак ўйнаймиз, – деди раис йигитларга. – Ҳар ким ўзи танлаб узиб чиқсин. Ҳ. Иброҳимов, Ойдин кечада.

**ШИРИНДИМОҒ** [ширин + димоғ 2] Кайфияти яхши, димоғи чоғ, хурсанд. Шириндимоғ йигит. ■ Кечагина машиначи қўлидан чиққан, бостон ёки коверкотдан тикилган костюмингиз бўлса, кайфингиз чоғ, ўзингиз шириндимоғ! С. Абдуқаҳҳор, Санамай саккиз дема.

**ШИРИНКОМА** Олди-сотди вақтида ўртада турган воситачига, шунингдек, бошқа кишига (ҳатто болаларга) берилдиган ҳақ, пул. Ширинкома бермоқ. ■ -Мана бу ширинкомаси, – деди пулни узатиб тўра. – Муҳлати – узоғи билан ўн кун. Ж. Шаринов, Хоразм. -Гапни чалғитма?! Мендан ширинкома ундиролмайсан, – деди Самсоқбой. Б. Раҳмонов, Мардлар қиссаси.

**ШИРИНЛАМОҚ** кам қўлл. Ширин қилмоқ, маза киритмоқ. -Чойларингизни ширин-

лагани келдим, — деди Бозоров. — Мана бир пакет новот. И. Раҳим, Чин муҳаббат.

**ШИРИНЛИК 1** Ширин таъмга эгалик, ширалилик, ширин эканлик, тотлилик, ёқимлилик. *Тарвузнинг ширинлиги. Сухбатнинг ширинлиги. Боланинг ширинлиги.* ■ Ширинлиги тил ёрар, Ҳиди ўткир, бўйи наст. Пишганини кўрдим-у, Ейман, дея қилдим қасд. Уйғун.

**2** Қанд-курс каби ширин нарсаларнинг умумий номи, ширавор. *У ёшлигида ҳам ширинликка ўч эди. Ш. Рашидов, Бўрондан кучли. -Тўйдан шу болага атаб бир кафт ширинлик ҳам келтирмабсан, — деди Ўроз. Ойбек, Танланган асарлар. Гап унчалик қовушмаётгани учун бўлса керак, жувон чойки тўхтатди. Эрининг ёрдамида хонтахта устини ширинликлардан бўшатди. С. Анорбоев, Оқсой.*

**3** кўчма Шоду хуррамлик, вақтичоғлик, хурсандлик; яхшилик. *Ширинлик билан ҳаёт кечирмоқ. Тўй ширинлик билан ўтди.* ■ [Ҳайитжон:] Ундан кўра, ширинлик билан, ўйнаб-кулиб жавоб бер-қўй. Ҳамза, Паранжи сирлари.

**ШИРИНМИЯ** Дуккакдилар оиласига мансуб, илдизи саноат ва тиббиётда ишлатиладиган кўп йиллик ўсимлик; қизилмия. *Хайробод дарёлари ёқаларида ширинмия деган ажойиб тўйимли озуқа кўп ўсади. Газетадан. Айниқса, у ерларда [Зарафшон қирғоғида] одам бўйи бараварида ўсадиган ширинмия молга ёқимли ва семиртирувчи бир ем эди. С. Айний, Эсдалиқлар.*

**ШИРИНСУХАН** [ф. شیرینسخان — ширинсўз, ёқимли гапирадиган] айн. **ширинсўз**. *Ширинсухан аёл. ■ У ҳам хотинидай жуда ширинсухан, ҳазилкаш одам экан. С. Анорбоев, Меҳр. У маст бўлганда, биров билан уришмас, аксинча, иноқ бўлиб.. ашулалар айтиб берарди. Жуда ширинсухан ва бир оз эзма бўларди. Мирмуҳсин, Умид.*

**ШИРИНСЎЗ** Гапи, сўзи кишига ёқадиган, ёқимли гапирадиган; ширинсухан. *Ширинсўз йигит. ■ У одамларнинг ҳаммаси ҳам мулоийм, сермулозамат, сертаъзим, ширинсўз бўлар эди. А. Қаҳҳор, Сароб.*

**ШИРИНСЎЗЛИК** Ширин, ёқимли сўз айтиш, шундай хислатга эгалик; ширинсўз эканлик. *Мунисхон.. келинчақдай абжирлик билан Саидийнинг қўлидан пальтосини олиб, қозикча илди ва ўшандай ширинсўзлик билан*

*ичкарига таклиф қилди. А. Қаҳҳор, Сароб. Бу хотинда, ширинсўзлиги ва ташқи кўринишини ҳисобга олмаганда, сатангликдан учқун ҳам йўқ эди. С. Зуннунова, Гулхан.*

**ШИРИНТАК:** **ширинтак ўйнамоқ шв. айн. ширинак ўйнамоқ қ. ширинак.** *Қовун сайилларида ширинтак ўйновчилар фақат Каттақишлоқ қовунларини танлар ва уни қидирар эди. И. Раҳим, Ҳаёт булоқлари.*

**ШИРИНТОЙ** с.т. Ёш болаларни суйиб, эркалаб айтиладиган сўз; ёқимтой. *Бобом қалин лабларини жўрттага қабартириб: -Бўб-бўб-бўб.. Айланай ширинтойдан, — деди. Ойбек, Болалик.*

**ШИРИНТОМОҚ** Мазали, ширин овқатни яхши кўрадиган, шунга ўрганган. *Ширинтомоқ хотин. ■ Соҳибқор ўзбексан, бу ер — полизинг, Мен эса — шаҳарлик бир ширинтомоқ. Ф. Фулом. Бу ерда ширинтомоқ бўлиб қолгансан. П. Турсун, Ўқитувчи.*

**ШИРИНЧА I** тиб. Болаларда организмнинг заифлашуви туфайли баданга майда қизил яра-чақа тошиши билан ифодаландиган касаллик. *Ширинча тошган бола. Ширинча яраси.*

**ШИРИНЧА II** Сачратқининг халқ орасида тарқалган номи (қ. **сачратқи 2**).

**ШИРИН-ШАКАР 1** Жуда ширин, ниҳоятда ширин. *Ширин-шакар қовунлар.*

**2** кам қўлл. Турли ширинликлар мажмуи. *Фиёсиддин аълманнинг косовага ўхшаган қопқора қўллариди эса турли ноз-неъмат, ширин-шакар, қанд-курс, патиш-ширмонлар билан безатилиб, устига шойи рўмолчада қиттай туз қўйилган каттакон баркаш бор эди. М. Исмоилий, Фарғона т. о.*

**3** кўчма Хулқ-атвори ёқадиган; ёқимли; суюмли. *Ширин-шакар болалар.*

**ШИРИҚ** тақл.с. Металл, шиша парчалари каби нарсаларнинг бир-бирига урилишидан ҳосил бўлган товушни билдиради. *Шириқ этмоқ. Пиёла синиғи шириқ этиб ерга тушиди.*

**ШИРИҚЛАМОҚ** «Шириқ» этган товуш чиқармоқ; шиқирламоқ. *Стул турли ноз-неъматлар билан безатилган, унинг бир четидаги кичкина сариқ самовар устида турган қизил чойнакнинг қопқоғи шириқлар эди. А. Қаҳҳор, Картина. От туюқлари бўғиқ тап-туп қилади, эгар-жабдуқлар аста шириқлайди. С. Анорбоев, Гўзаллик излаб.*

**ШИРК** [а. شرک — бирга қатнашиш, шериклик; Аллоҳнинг шериги бор деб ҳисоблаш; кўпхудолилиқ] *дин*. Аллоҳнинг зотида, сифатларида, исмларида, ишларида ва ҳукмларида шериги бор, деб эътиқод қилиш (ширк кечирилмайдиган катта гуноҳ ҳисобланади).

**ШИРКАТ** [а. شرکت — шериклик; уюшма] **1** Маълум ишни бирга амалга ошириш мақсадида бирлашган кишилар ҳамкорлиги, ўртоклик уюшмаси, ихтиёрий бирлашмаси. *Улар ер, сув, от-улов, омов-бўйинтуруғини бир ерга тўплаб, катта ширкат тузишди*. Ҳ. Фулом, Машғал. *Зум ўтмай: «Ҳамма ширкат идорасига борсин, Охунбобоев ваъз айтади»*, деб хабар қилишди. Р. Раҳмонов, Изида гул унган.

**2** Тенг ҳуқуқли иштирокчилардан ташкил топган саноат ёки савдо уюшмаси. *Пайчилик ширкати*. ■ *Абдулланинг отаси Азиз ака керосинфуруш эди. От-арава билан кўчама-кўча юриб, Нобель ширкатининг керосинини сотар эди*. Ф. Фулом, Шум бола. *У [Мирзо] Николай замонасида ширкатларда, фирмаларда мирзолик қилиб, ўз хизматини манзур қилган эди*. А. Қаҳҳор, Мирзо.

**ШИРМА** [нем. Schirm < лат. scutum — тери, кўн] **1** Хонани бўлиш, айириш учун ишлатиладиган махсус йиғма тўсик, парда девор. *Моҳидил ширма орқасига ўтиб, ечина бошлади*. Ж. Абдуллахонов, Тўфон.

**2** *кўчма с.т.* Яшириш, пардалаш учун хизмат қилувчи шахс, нарса, хатти-ҳаракат.

**ШИРМОЙ(И), ширмой(и) нон** [ф. شیرمال — сут қўшилган нон] Олий навли унга нўхат унидан кўшиб, сут ва ёғ солиб тайёрланган нон. *Йигитча ўчакишгандай сеткада ширмойи кўтариб ўтиб кетди*. И. Қаландаров, Шохидамас, баргида. *Фахриддин бозордан, отаси тайинлаганча, иккита ширмой нон, ярим қадоқ ниста олди*. А. Қаҳҳор, Бошсиз одам.

**ШИРМОН, ширмон нон с.т.** Ширмой(и). *Қиз ширмондан бир бурда ушатиб, йигитга узатди*. Ҳ. Фулом, Тошкентликлар. *..саватлардаги ширмон нонларни кўрганда, боланинг кўзлари олайиб, ичдан «ана овқату мана овқат!» деб кўйди*. П. Турсун, Ўқитувчи.

**ШИРОЛҒА** *шв.* Овланган ов, ўлжа ёки ютуқнинг бировга бериладиган қисми; чўтал. *Шундай мерганлар ўзимизнинг элда бир нима олиб келаётса, биров, широлға, деб*

*олдига чиқса, иккита бўлса — биттасини, битта бўлса, яримтасини широлға, деб бериб кетади*. «Ёлгор».

**ШИРТ** *тақл. с.* Ип, барг кабилар узилганда ёки қирқилганда чиқадиган қисқа товушни билдиради. *Ип ширт этиб узилди*. *У гулли ширт этиб кесиб олди*.

**ШИРХҲҲРА** [ф. شیرخوره — сут ичган; эмизikli бола] Бир онани эмган, эмишган; эмикдош. *Лекин Холмўминнинг онаси ўлди, бола этак остида қолди, Холбеканинг онаси эмизиб катта қилди*. Булар ширхўра бўлиб, никоҳ юрмайдиган бўлиб қолди. «Кунтуғмиш».

**ШИРХҲҲРА** [ф. شیرخورد — сутли хўрда; сут ичган] Сутда пишириладиган хўрда. *Баъзида.. ширқовоқ ва ширхўрда каби таомлар, совиганда ҳам ўз лаззатини йўқотмаганлиги учун, ёзнинг иссиқ кунларида совок ош сифатида истеъмол қилинади*. К. Маҳмудов, Ўзбек тансиқ таомлари.

**ШИРЧОЙ I** [ф. + хит. شیرچای — сутли чой] Мароми билан чой, туз, саригёғ ва мурч солиб қайнатилган сут. *Ширчай ичмоқ*. ■ [Мунаввар] *Нонуштага, одатдагидай, ширчай тайёрлаган эди*. С. Анорбоев, Мехр. *Йўлдошалининг онаси икки чинни косада ширчай узатди*. С. Абдулла, Мавлоно Муқимий.

**ШИРЧОЙ II** [ф. + хит. شیرچای] Атиргултилар оиласига мансуб, илдизи бўёқ ва ишқор моддаларига бой кўп йиллик ўт.

**ШИРҚ** *айн. шириқ*. *Ширқ этиб эшикнинг қулфи очилди*. У. Назаров, Биринчи учрашув.

**ШИРҚИЛЛАМОҚ** «Ширқ-ширқ» этган товуш чиқармоқ, шириқламоқ, ширқи-рамоқ. *Белда беллик билқиллаб, Мехтардада сув ширқиллаб, Йўлга тушди қирқ ботир, Бедов отлар пирқиллаб*. «Хушкелди».

**ШИРҚИРАМОҚ** «Ширқ-ширқ», «шириқ-шириқ» этган овоз чиқармоқ. *Оққан сувдай ширқираб, Шамолдай бун боради*. «Равшан».

**ШИРҚОВОҚ** Сут ва ошқовоқ солиб пишириладиган хўрда. *Кечки овқатга хўжайин ширқовоқ қилдирган экан, олиб чиқиб, олдимизга кўйди*. Ф. Фулом, Шум бола.

**ШИТИР** *тақл. с.* Куруқ ўт, шох-шабба, қоғоз ва ш.к. нинг кўзғалишидан ҳосил бўладиган товушни билдиради. *Шитир этмоқ*. *Шитир этган шарпа*. Алланарса шитир этиб кетди. ■ -Мен «шитир» этган товушдан ҳадиксирайман, ганнинг рости, ўз

дўстим Холбойдан ҳам ҳадиксираб ўтирибман, — деди Усмон. О. Хусанов, Кўшиқчининг тақдири. Аммо шипшиси шохлар шитирига қўшилиб кетди. Ҳаёт эшитмади. М. Исмоилий, Фарғона т. о.

**ШИТИРЛАМОҚ** «Шитир» этган товуш чиқармоқ; «шитир-шитир» қилмоқ. *Тол ва тераклар энгилгина тебранар, япроқлар эса чапак чалиб шитирларди.* Газетадан. *Қамишлар сирли шитирлар.. қушларнинг узук-юлуқ чирқиллаган саси эшитилиб қоларди.* Э. Усмонов, Ёлқин.

**ШИТОБ** [ф. شتاب — шошилган; шошқалоқлик, ҳовлиқмалик; тезлик] 1 Ҳаракатнинг бажарилишидаги тезлик; шошилиш, ошиқиш. *Жоним олурга келдингиз, Мунча шитобингиз нима? Хувайдо. Кема сувнинг шиддатига дош беролмай чайқалар.. Ғайрат бўтана сувнинг шитобига қараб ўйларди.* М. Ҳазратқулов, Журъат.

2 Тезлик билан, тез. *Велосипедни шитоб ҳайдаб келганидан, нафаси оғзига тиқилиб, афт-башараси терлаб кетган эди.* Ҳ. Назир, Кўктерак шабадаси. *Келганининг иккинчи куниёқ шитоб ремонтга уннади.* Ҳ. Шамс, Душман.

**Шитоб қилмоқ (ёки айламоқ)** Тезлик билан ҳаракат қилмоқ; шошилмоқ. *Ҳар шидда шитоб қилмағайсан, Бу демак, муродга етмағайсан.* «Фан ва турмуш». *Ойнакўлга бориб қолдим, айлаб мен шитоб, Кўк камзулли у охуни излаб сарсарди.* А. Орипов.

**ШИФЕР** [нем. Schiefer] Асбест билан цементдан ёки сланецдан тайёрланадиган ва том ёпиш учун ишлатиладиган бинокорлик материали. *Том ёпиш учун икки юз тахта шифер керак.* ■ *Дарвозахона олдидаги усти шифер билан ёпилган омонат гаражда.. эски бир «Москвич» турибди.* С. Аҳмад, Таъзим.

**ШИФО** [а. شفاء — даволаниш, соғайиш; дори-дармон] 1 Касалликдан халос бўлиш; соғайиш, тузалиш. [*Шоқир ота:*] *Энди шифони ёлғиз оллодан, халлоқи оламдан сўра. Табибларнинг табиби у.* Ойбек, Танланган асарлар. *Аммо эшонга ихлос қўйиб, ундан шифо умид қилиб, касалларни олиб бориб ўқитадилар.* С. Айний, Эсдалиқлар.

**Худо (ёки олло) шифо берсин** Беморга тасалли бериш учун айтиладиган ибора. *Олло Тоҳиржонга шифо берсин, ниятим шу.* Ойбек, Танланган асарлар. *Тиланчи кампир яна қўлини кўтариб: -Худо шифо бергай! — деб*

*дуо қилди.* С. Айний, Куллар. **Шифо топмоқ** Касалдан халос бўлмоқ; тузалмоқ. *Табиб қўй жигарини хом кабоб қилиб, бужгун сепаб енг, деган экан, бир-икки қипти, лекин дарди шифо топмабди.* М. Исмоилий, Фарғона т. о.

2 Бирор касалликдан халос бўлиш, соғайиш воситаси; даво, дори. *Чортоқ суви кўп дардларнинг шифоси.* С. Абдулла. *Э, э, болам, тоғ ҳавосига нима етсин. Турган-битгани шифо-ку.* С. Анорбоев, Оқсой.

**ШИФОБАХШ** [а. + ф. شفا بخش — шифо бағишловчи, шифо бўлувчи] Саломатликни яхшилайдиган, шифо бўладиган, даво бўладиган; шифоли. *Шифобахш ҳаво.* ■ *Маълумки, Ўзбекистон қуёшининг шифобахш хусусиятлари чексиз.* М. Жалолов, Шифокор. [*Қудрат ариқдаги сувдан бир ҳовуч олиб:*] *Сенинг бу шифобахш сувингга ўн йил ташна бўлдим.* З. Саид, Н. Сафаров, Тарих тилга кирди.

**ШИФОБАХШЛИК** Шифо бахш этиш, шифо бўлиш хусусияти. *Шифохонанинг.. минерал сувлари шифобахшликда денгиз сувидан қолишмайди.* Газетадан.

**ШИФОКОР** [а. + ф. شفاكار — шифолувчи, даволувчи] 1 Умуман, касалликдан халос қилувчи; даволувчи. *Шифокорлар қадимги даврлардаёқ заҳарли моддаларнинг инсон сиҳат-саломатлиги учун нафи борлигини эътироф этганлар.* З. Эгамбердиев, Заҳарнинг нафи. *Қишлоқ врачлари ҳам шифокор, ҳам маърифатчи бўлмоғи зарур.* Газетадан.

2 Тиббиёт институтини битирган ва даволаш-профилактика ҳамда санитария-эпидемиология муассасаларида ишлаш ҳуқуқига эга бўлган мутахассис; врач, дўхтир. *Ёмон шифокорнинг қотилдан фарқи йўқ.* Ў. Ҳошимов, Нур борки, соя бор. *Иш куни охирида шифокорлар, ҳамширалар, санитарлар кетиб, навбатчилар келишади.* Газетадан.

**ШИФОЛАМОҚ** кам қўлл. Касалликдан халос қилмоқ, даволамоқ. *Табиб — табиб эмас, бошидан ўтган — табиб, деганлари сингари, мен ҳам майда-чуйда касалларни шифолаб тураман.* М. Исмоилий, Фарғона т. о. *Максим ака ана шундай чоқларда, айниқса, бетоқат болаларнинг синигини ушлаб, чиқигини солаётганда, уларни овунтириб, кўнглини топиб шифоларди.* И. Раҳим, Чин муҳаббат.

**ШИФОЛИ** 1 *айн. шифобахш.* *Бу шифоли сувнинг яхши хусусиятини эшитган ва бу ер-*

да даволанишни истаганлар тобора кўнай-моқда. Газетадан.

**2 Шифоси бор**, даволаб бўладиган. *Шифосиз касалга ҳар бир дори-дармон заҳардек амал қилар экан.. шифоси бўлса-чи, сув ҳам доридек яхши амал қилиб, бемор тузалаверар экан.* Ойбек, Танланган асарлар.

**ШИФОЛИК** Шифо бўлиш хусусияти. *Бу ўсимликнинг шифолиги бор. ■ Бир гал икки муллавачча ўртасида, шифолик учун бўза ичилса, ҳалолми, ҳаромми? деган масала устида талаш чиқди.. [Эшон] «Азбаройи шифолик учун бўза ичилса, ҳалол!» деб жавоб берди.* П. Турсун, Ўқитувчи.

**ШИФОН** [фр. chiffon — латта] Юпқа ип ёки ипак газлама. *Бир кийимлик шифон. ■ Фарғона ип-газлама комбинати калава ип, шифон, хом сурп.. ва бошқа маҳсулотларни ишлаб чиқаради.* Газетадан.

**ШИФОНЬЕР** [фр. chiffonier < chiffon — латта] Кийим-кечак сақланадиган шкаф, жавон. *Собиржон яна уйга кирди. Шифоньерни очиб қараса, фақат ўз кийимлари осилиб турибди.* С. Шамсиева, Сепсиз келин. *Шифоньер ойнасига қараб, сочини ўриб турган Ҳалима қаҳ-қаҳ уриб кулиб юборди.* Ҳ. Зиёхонова, Қишлоқи.

**ШИФОСИЗ** Давоси йўқ, тузалмайдиган. *Тоҳиржон кино билан жилмайди: -Шифосиз касалга ҳар бир дори-дармон заҳардек амал қилар экан.* Ойбек, Танланган асарлар.

**ШИФОХОНА** [шифо + хона] Даволаш муассасаси; касалхона. *Болалар шифохонаси. ■ Тиббий ҳамшира бўлса керак, оқ халат, оқ қалпоқли жувон келиб, Муродовани шифохонага таклиф этди.* И. Раҳим, Ихлос. *Пиримқул бир неча ой шифохоналарда даволанди.* Назармат, Жўрлар баланд сайрайди.

**ШИФОКОР** *с.т. кам қўлл. айн. шифокор.* *Ҳозир ҳар бир маҳаллада, қишлоқда ўнлаб халқ шифочилари — докторларни кўриш мумкин.* Газетадан.

**ШИФР** [фр. chiffre — рақам, сон < а. صفر — ноль; ҳеч нарса; бўш] **1** Махфий ёзишмалар учун ишлатиладиган шартли алифбо; махсус мақсадлар учун мўлжалланган шартли белгилар мажмуи. *Шифр билан ёзилган телеграмма. Хатни шифр билан ёзмоқ.*

**2** Кутубхона китобларига, айрим ҳужжат ва ш.к. га қўйиладиган рўйхат рақами, бошқалардан фарқловчи белги.

**ШИФРЛАМОҚ 1** Шифр билан ёзмоқ. *Телеграмма матнни шифрламоқ.*

**2** Кутубхона китоблари, ҳужжат ва ш.к. га рўйхат рақами ёки бирор белги қўйиб чиқмоқ. *Китобларни шифрламоқ. Ҳужжатларни шифрламоқ.*

**ШИФТ** Хона, айвон ва ш.к. нинг ички тепа қисми, томнинг хона ичидан кўринадиган тепа қисми. *Бир вақтлар турли ранглар билан бўялган уйнинг шифтлари оташдонда ёқилган ўт тутунидан хираланган.* Ҳ. Шамс, Душман. *Ўқитувчилар хонасининг шифтида тўрт чироқли қандил ёниб турарди.* Ў. Ҳошимов, Қалбингга кулоқ сол.

**Шифтдек бўлиб** Бутун бўй-басти билан тик ҳолда (новча одамларга нисбатан қўлланади). *Энди кетмоқчи бўлиб турган эдим, қаердандир шифтдек бўлиб Қодирбек пайдо бўлиб қолди.* М. Қориев, Ойдин кечалар. *Бегмат Суннатов қўшниси томонга қараганча, қоронғида шифтдек бўлиб турарди.* Ў. Усмонов, Сирли соҳил.

**ШИХАНГ: шиханг бермоқ** Бирор ёмон иш ёки ҳаракат қилишга ундамоқ, тезламоқ, гижгижламоқ; бировга қарши йўналтирмоқ. *Эрига шиханг беришга одатланган аёл.*

**ШИХАНГЛАМОҚ** *айн. шиханг бермоқ* қ. *шиханг.* *Тўнғиз кўпгур ўша «Қорағужанак» шиханглаяптими сизни? Ёмон йўлдошдан йўнмаган таёқ яхши, дегандай бир кун сизнинг бошингизга етади у.* Ж. Абдуллахонов, Тўфон.

**ШИХТА** [нем. Schicht] махс. Хомашё (руда, кварц қуми ва ш.к.) ва ёқилги аралашмасидан иборат, эритишга тайёрланган қатлам. *Шиша пиширишда даставвал, шихта — хомашё аралашмаси тайёрланади.* М. Аминжонова, Шишанинг кашф этилиши тарихидан.

**ШИШ** Организм тўқималарининг ташқи таъсир ёки касаллик туфайли бўртиб чиқиши; бўртма; ўсма. *Ёмон шиш. Упка шиши. Шишни даволамоқ. ■ -Ахир дармоним йўқ, бод касалим бор, оёғим шиш, бу иш менга раҳм қилинг, — деб ялинди Шариф ота.* Ж. Шарипов, Хоразм. *Агар бу шиш газак шиши бўлса, пахтадоғ фойда қилади, лекин рақ шиши бўлса, авж олдирди.* А. Қаҳҳор, Кўшчинор чироқлари.

**ШИША** [ф. شیشه — ойна, шиша; бутилка] **1** Кварц қумига бошқа баъзи моддаларни қўшиб эритиш ва кимёвий ишлов

бериш йўли билан олинадиган қаттиқ ва шаффоф материал; ойна. *Шиша эритадиган печь. Шиша ишлаб чиқармоқ.* ■ Бу докторхона тўғрисида Сотиболдининг билгани шу: салқин, тинч.. баланд ва чиройли оқ иморат; шиша қабзали эшигида кўнғироқ тугмаси бор. А. Қаҳҳор, Бемор.

**Шиша ранг, шишаранг** Ниҳоят тоза, мусаффо, шаффоф. *Шиша ранг осмон.* ■ Шарқираб оқайтган шиша ранг сувнинг жилосида.. эндигина уйқусидан турган, ҳали юзларини ювиб улгурмаган тонг. Р. Файзий, Балли, она қизим!

**2** Шундай материалдан ясалган ҳар хил шаклдаги турли идиш ва буюмлар. *Бир шиша атир. Пиво шишаси.* ■ Унинг бахтига бир вақтлар стадионда биргалашиб бўш шишалар терган болалардан бири йўлиқиб қолди. И. Раҳим, Тинимсиз шаҳар. Лекин бу ўқларнинг бири деворни тешиб кетди, иккинчиси чироқ шишасини чил-чил синдирди. Ҳ. Фулом, Машғал.

**ШИШАДАМ** [ф. شیشه دم — шишани дамловчи, пуфловчи] Шиша саноатида: пуфлаб шиша буюмлар ясовчи ишчи.

**ШИШАДОШ** айн. бутилкадош. Менсиз ҳолингиз нечук, Шишадошлар, ассалом. «Муштум».

**ШИШАК** [ф. شيشك — бир ёшли кўй] Бир ёки икки ёшли кўй.

**ШИШАСОЗ** [ф. شیشه ساز — шиша ясовчи] Шиша саноатида ишловчи шахс. *Шисасоз шарни темир қоплама ичига солиб, шу кўринишида унга патент олди.* «Фан ва турмуш».

**ШИШИНМОҚ 1 Шишмоқ 1-3** фл. ўзл. н. Бемор бир оз шишинган эди.

**2** кўчма Манманлик билан кеккаймоқ, мағрурланмоқ, кибрланмоқ. -*Сизга ўхшаган тажрибакорлар билан кенгаш қилган эдим, чақиртирсам, бормадингиз, — деди Турғунов.* -Қачон? Ҳеч хабарим йўқ, — сал шишиниб деди Бўрибой. Ҳ. Назир, Ўтлар туташганда. Раҳбар шишинса, эли хонавайрон қилади. Н. Ёқубов, Жон.

**ШИШИРМОҚ 1 Шишмоқ 1-3** фл. орт. н. Ари чақиб, қовоғимни шишириб юборди. Шарни пуфлаб шиширмоқ. *Велосипед камерасини дамлаб шиширмоқ.* Хўл беда сизир қорнини шишириб юборади. ■ Самандаров кулиб юбормаслик учун лунжини шиширди ва жаҳд билан столнинг тортмасини тортиб,

унинг аризасини қидирган бўлди. А. Қаҳҳор, Кўшчинор чироқлари.

**2** кўчма Оз, кичик нарсани кўп ёки катта қилиб кўрсатмоқ, муболага қилмоқ. *Баъзилар асарнинг ижобий томонини шишириб кўрсатишга уринадилар.* ■ Менинг йўқ гуноҳимни шиширган ўшалар. Шуҳрат, Жаннат қидирганлар.

**Мияни (ёки каллани) шиширмоқ** Мияни ниҳоятда чарчатмоқ, ҳолдан тойдирмоқ, гангитиб қўймоқ. *Саҳардан оқшомгача чархнинг гув-гуви каллани шиширади.* Ойбек, Улуг йўл.

**ШИШМОҚ 1** Организмда ёки унинг бирор қисмида ташқи таъсир ёки касаллик туфайли шиш ҳосил бўлмоқ. *Унинг оёғи шишиб кетибди.* ■ Кўп йиғлаганликдан [Кумушининг] кўзлари қизарган, қовоқлари шишган, юзлари бўртган эди. А. Қодирий, Ўтган кунлар. *Чол кўйлар шишиб ўлган ўша бахтсиз ҳодисадан бери ўғлига бунчалик шири гапирмаган эди.* С. Анорбоев, Оқсой.

**2** Бўртиб катталашмоқ; бўртмоқ. *У ҳар тош кўтарганда, билагидаги, бўйинларидаги томирлари бармоқдек-бармоқдек бўлиб шишиб чиқади.* С. Аҳмад, Йўлда.

**3** Ҳаво, газ ва ш.к. билан тўлиб кенгаймоқ, қаппаймоқ. *Бола қанча пуфласа ҳам, пуфак шишади.* ■ *Нусратбек катта уйнинг бир тавақа деразасини балконга қаратиб очиб қўйди.* Тўрпардалар шишиб, уйга илиқ шабада кирди. С. Нуоров, Майсаларни аёз урмайди.

**4** кўчма с.т. Семирмоқ, семириб кетмоқ, тўлишмоқ. -*Мен шишиб кетсам, сен симёғочдек қолибсан!* — деди Хўжақул ва қийқириб кулди. О. Ёқубов, Тилла узук.

**5** кўчма Гурурланган, димоғи кўтарилган ҳолатда бўлмоқ. *Матжон бобо, шишманг, кўпирманг, Сизни кўкка олиб чиқди банг.* Э. Раҳим, Янги қадам. *Бунақа қулайликларга у илгари ҳам осонликча эришарди.. туғма талантим бор, деб кўкрагига уриб қўярди.* Ҳозир эса талантга шишадиган хонаси эмас. «Ёшлик».

**Боши (ёки мияси, калласи) шишмоқ** Нима қиларини билмай ҳайрон ҳолатда бўлмоқ; боши қотмоқ. *Эшитдим, лекин нима чора қиласиз? Шу кунда ҳамманинг боши шишган.* Ойбек, Танланган асарлар. *Дояча ким.. нечта эркак ва нечта хотин айтилади-дир ва кимлар?* — мана шунингдек масалалар



билан Ўзбек ойимнинг мияси жуда шишган эди. А. Қодирий, Ўтган кунлар. **ДИМОҒИ ШИШМОҚ** Жуда ҳам кеккайиб кетмоқ, ҳеч кимни назар-писанд қилмайдиган бўлмоқ. *Жуда димоғингиз шишиб кетувди, бундан буён қадамингизни билиб босадиган бўласиз.* О. Ёқубов, Бир фелъетон қиссаси. **ЎПКАСИ ШИШМОҚ** 1) қаттиқ югуриш ва б. сабабли нафас олиши оғирлашмоқ, ўпкаси тиқилмоқ. *Розиқ.. ўрнидан турди-да, югурганича кетди. Салдан кейин ўпкаси шишди, оёғида дармон қолмади.* С. Анорбоев, Оқсой; 2) йиғлар даражада алам қилмоқ, ўпкаси тўлмоқ. *Девонанинг ўпкаси шишиб кетди. Эрмакчилар унинг юрагига галма-гал ўт ёқар эдилар.* А. Қодирий, Ўтган кунлар.

**ШИҚ** тақл.с. Мўрт нарса синганда ёки икки қаттиқ нарса бир-бирига урилганда ҳосил бўладиган товушни билдиради. *Шиқ-шиқ товуш эшитилди.*

**ШИҚ ЭТМОҚ** «Шиқ» деган товуш чиқармоқ. *Бирдан шиқ шиқ этиб очилди.* Э. Раимов, Ажаб қишлоқ. *Сарой амалдори президент бандлигини, гаплаша олмаслигини айтиб, шиқ этиб трубкани илди.* Мирмуҳсин, Чодрала аёл.

**ШИҚИЛДОҚ** Силкиганда «шиқ-шиқ» товуш чиқарадиган, шиқирлайдиган болалар ўйинчоғи; шақилдоқ. *Марзия хола кичкина шиқилдоқни олиб келиб, неварасининг қўлига тутқазди.* С. Зуннунова, Гўдак ҳиди.

**ШИҚИЛЛАМОҚ** «Шиқ-шиқ» этган товуш чиқармоқ, шиқирламоқ. *Чойхонада одам кўп. Баъзан чойнақларнинг қопқоғи шиқиллаб қолади.* Шухрат, Шинелли йиллар.

**ШИҚИЛЛАТМОҚ** **Шиқилламоқ** фл. орт. н. Бармоқларни шиқиллатмоқ. ■ *Машинка шиқиллатиб ўтирган секретарь қизнинг бетига ҳам қарамай: «Киринг», деб ўтиб кетди.* С. Аҳмад, Лаъли Бадахшон.

**Туёғингни шиқиллат** Жўнаб қол; йўқол, кет. *Лекин Жалиловга ўхшаганлар: «Кўп қатори оларингни олдингми, туёғингни шиқиллат!» дейдилар.* Н. Сафаров, Узоқни кўзлаган қиз.

**ШИҚИР** айн. **шириқ**. *Эшиқ занжири шиқир этиб очилди.*

**ШИҚИРЛАМОҚ** «Шиқир-шиқир» товуш чиқармоқ. *Мотор гуруллади. Сеялкалар шиқирлаб, ишга тушиб кетди.* Ш. Фуломов, Ташаббус.

**ШИҒ**: **юраги шиғ этиб кетди айн. юраги шув этиб кетди қ. шув.** *Аҳмаджон ялт этиб, товуш эшитилган томонга қаради. Қаради-ю, юраги шиғ этиб кетди.* Ф. Насриддинов, Кўнгил.

**ШИҒА** Кўп даражада, ғоят мўл, бир текис ва ғуж-ғуж. *Олча шиға гуллади. ■ Кўкраккача ўсиб, атрофга шох ёйган, тагидан то учигача шиға кўсаклаан бўлиқ ғўзалар.* Х. Нуъмон, Қахрамон пахтакор. *Ҳамма жойда шиға ҳосил, уни ўз кучимиз билан териб олиш амри маҳол.* М. Жўра, Қуёшдан нур эмганлар.

**ШИҒАБ 1** Бир текисда тўхтовсиз ва тез; зўр бериб; жон-жаҳд билан, астойдил. *Ёпирилиб, шиғаб теринг, ўртоқлар. Улоқ олиб, донг чиқарсин қишлоқлар.* А. Пўлат. [Моҳидил] *Тўшакни тарк этмоқ ниятида докторнинг айтганларини бажонидил бажарар, иштаҳаси бўғиқлигига қарамай, шиғаб овқат ер, куч йиғишга уринарди.* Ж. Абдуллахонов, Тўфон. *Ерга бир зум эгилди-да, шиғаб тошбўрон қилишга тушди.* Н. Норқобилов, Бекатдаги оқ уйча.

**2 айн. шиғил.** *Ғўза ҳозир шиғаб кўсакка кирган.* Ҳ. Назир, Бир туп ғўза.

**ШИҒАЛАМОҚ** қ. **шуваламоқ.** *Ёмғирлар шиғалаб ёғар бағримга, Тағларим юзидан ўпар самолар.* Газетадан.

**ШИҒИЛ 1** Бир текис; қийғос. *Дарахтлар шиғил гулга кирган, боғда зинғиллаб асаларилар учиб юрибди.* Ж. Шарипов, Саодат. *О, шиғил гуллабди олуча, бодом.. Тўлқин.*

**2 айн. шовул II.** *..уйчан кўзларини шиғил шохлари ерга тегай-тегай деб турган шафтолига, узоқ-узоқларга тикди.* А. Раҳмат, Эллиқ бир баҳодир. *Анор дарахтларида анор шиғил, чойнақдай-чойнақдай бўлиб осилиб ётибди.* А. Қаҳҳор, Анор.

**ШИҒИЛЛАМОҚ 1** «Шиғ», «шиғ-шиғ» этган товуш чиқармоқ. *Девор тагида дошқозон, унинг ёнида қумғон-самовар шиғиллаб қайнаб турибди.* С. Сиёев, Аваз.

**2 айн. гизилламоқ.** *Снарядлар шиғиллаб келиб, гумбураб, тўфон кўтарди.* Шухрат, Шинелли йиллар. *Катта кема дарё сувида шиғиллаб сузиб борарди.* Ж. Шарипов, Хоразм.

**Юраги шиғиллаб кетди айн. юраги шув этиб кетди қ. шув.** *Фуломжон Ҳаётни кўрди-ю, юраги шиғиллаб, кўз ўнги хираланди.* М. Исмоилий, Фарғона т. о. *Меъморнинг юраги*

шиғиллаб кетди. У яна миқ этмай қолди. Мирмуҳсин, Меъмор.

**ШИҒИРЛАМОҚ** айн. **шиғилламоқ**. Баланд тоғда шиғирлаган тош энди.. «Ҳа-санхон».

**Юраги шиғирлаб кетди айн. юраги шиғиллаб кетди қ. шиғилламоқ**. Дилиод та-баррук ерга қадам босганда, юраги шиғирла-ган одамдай, остонадан авайлаб ҳатлади. М. Исмоилов, Фарғона т. о.

**ШИҒОВУЛ** тар. Бухоро ва Хива хон-ликларида элчиларни қутиб олиш, уларни хон ҳузурига олиб кириш, саройдаги қабул маросимларини бошқариш ва назорат қи-лиш билан шуғулланган мансабдор шахс. *Эрталаб хон саройидан шиғовул эгарлоғлиқ бир от келтириб, таъзим билан элчини аркка чорлади*. М. Осим, Элчилар.

**ШИҒРАЙМОҚ** айн. **шинғраймоқ** (ғилай кўзли одам ҳақида). *Аъзам бир кўзини шиғ-райтирганича бақрайиб, кўчада қолди*. Шух-рат, Жаннат қидирганлар.

**ШКАЛА** [лот. scala — нарвон, зина < scandere — кўтарилмоқ] **1** Ўлчов асбобла-рининг даража кўрсатувчи чизиклари, ра-қам кўрсаткичи ёки циферблати. *Термо-метр шкаласи*. ■ *Нормат рациянинг қу-лоғини бураб, шкаласи устидаги стрелкаси-ни йўргалата бошлади*. И. Раҳим, Чин му-ҳаббат.

**2** Бирор катталиқни, миқдор, хусусият ва ш.к. ни ўлчаш ёки баҳолаш учун қабул қилинган сонлар системаси. *Иш ҳақи шка-ласи*.

**ШКАФ** [р. < нем. Schaff — идиш жаво-ни] Турли анжомлар солиб қўйиладиган мебель тури; жавон. *Ойнали шкаф*. ■ *..де-вор тагидаги китоблар солинган шкаф ус-тида аллақимнинг ҳайкалчаси турарди*. Ў. Ҳошимов, Қалбингга қулоқ сол. *Шкаф ичига турли тоғ жинсларидан олинган намуналар қалаштириб ташланган*. С. Кароматов, Ол-тин қум.

**ШКИВ** [голл. schijf] *тех.* Бир ўқдан иккинчи ўққа тасма ёки арқон орқали ҳа-ракат узатадиган икки гилдиракдан бири. *Моторларнинг гувуллаши, шкивларга кийги-зиб қўйилган қайишларнинг шапиллаши, ри-чагларнинг ғижирлаши тинди*. Газетадан.

**ШЛАГБАУМ** [нем. Schlagbaum < schla-gen — урмоқ + Baum — дарахт] Заставада ёки йўлнинг поезд, машина ўтадиган жойлари-

да қатновни тўхтайтиб қўйиш учун хизмат қиладиган, қўлда ёки автоматик бошқа-риладиган кўтарма ғов, тўсиқ. *Секин шлаг-баум кўтарилди. Машина йўлга тушди*. И. Қаландаров, Шохиламас, баргида. *Канал яқинидаги шлагбаум очиқ, у ердан ўтган йўл машиналардан холи*. Ҳ. Фулом, Сенга инти-ламан.

**ШЛАК** [нем. Schlacke — болғаланганда учган металл парчалари < schlagen — болғаламоқ] **1** Рудадан металл эритиб олишда қоладиган шишасимон ёки тошсимоно мо-да; тошқол. *Шлак уюми. Шлак куқуни*. ■ *Онда-сонда шлак парчалари ва қадимий кон-чилар ишлаган тошболға ҳамда исканалар кўзга ташланарди*. С. Кароматов, Олтин қум.

**2** Каттиқ ёқилғидан қоладиган чиқит. *Бу кўчаларнинг тупроғи ҳам бошқа, йўлқаларга сурранг майда шлак тўқилляпти, юрганда ғичир-ғичир қилади*. А. Мухтор, Опа-сингил-лар.

**ШЛАКОБЕТОН** [шлак + бетон] *тех.* Цемент, қум ва шлак қоришмасидан тай-ёрланган енгил бетон.

**ШЛАКОБЛОК** [шлак + блок **1** **2**] *тех.* Шлак билан цемент аралаштириб тайёр-ланган қурилиш материали.

**ШЛАНГ** [нем. Schlange — илон < schlin-gen — ўралмоқ, чирмалмоқ] Резина ёки сув ўтказмайдиغان материалдан ясалган эги-лувчан туба. *Ўт ўчириш шланги. Шланг билан сув сепмоқ*. ■ *Шлангдан вариллаб келиб турган сув бирпасда ҳовузчани тўлдирди*. С. Аҳмад, Томоша. *Сайёра эрталаб спорт май-дончасига борганда, улар [болалар] қаердан-дир шланг топиб, майдончага сув сепишаёт-ган эди*. О. Ёқубов, Дастлабки кадамлар.

**ШЛАНГА** с.т. Шланг. *Ке, қуй, Наби, кўп ўжарлик қилма, мана шланга ҳам тайёр*. О. Хусанов, Дўстлар. *Шланга бўлганда-ку, юз марта деса ҳам сувай берардик*. «Муштум».

**ШЛЕМ** [р. шлем, шелом < герман тил-ларидан: нем. Hulle — қобиқ; ёпинғич] **1** Қа-дим замонларда ва ўрта асрларда қилич, гурзи, ўқ ва ш.к. зарбидан сақланиш учун бошга кийиладиган темир қалпоқ; дубулға.

**2** Бош ва буйинни урилиш, лат ейиш, босим ва ш.к. дан сақлаш учун махсус тайёрланган бош кийими. *Космонавтлар шлеми. Танкистлар шлеми. Ўт ўчирувчилар шлеми*. ■ *Одам ғаввослар шлемини кийиб, шўр сувга тушади, бундай сувнинг солиши-*

тирма оғирлиги одам танасининг солиштирма оғирлигига барабар бўлади. Ё. Тўракулов, Космосга учуш.

**ШЛЕМОФОН** [шлем + юн. phone — товуш] Учувчилар, танкчилар, космонавтлар киядиган, ичига гаплашиш мосламаси (телефон ва микрофон) ўрнатилган шлем ҳамда шу гаплашиш мосламасининг ўзи. *Йўлдош ўз звеноси ёнига келганда, самолётларнинг экипажлари ўз ўрнини эгаллаб бўлган, учувчилар шлемофонларини қулоқларига бостириб, буйруқ кутиб турардилар.* Ҳ. Фулом, Тошкентликлар.

**ШЛИФОВКА** [р. < нем. schliefen — йўниб ясамоқ, силлиқламоқ, сайқал бермоқ] Пардозлаш ёки маълум шаклга келтириш учун металл, ёғоч, ойна ва ш.к. ни абразив материаллар ёрдамида ишлаш; ишқаб силлиқлаш, жиллолаш, сайқал бериш. *Ёғочни шлифовка қилмоқ.*

**ШЛИФОВКАЧИ** Шлифовка қилувчи ишчи.

**ШЛЮЗ** [голл. sluis < фр. ecluse < лат. excluda — тўсиқ, фов; йўл қўймаслик] 1 Кемаларни дарё ёки каналнинг сув сатҳи турлича бўлган бир участкасидан иккинчисига ўтказиш имконини берадиган, дарвозалар орқали ўзаро туташган гидротехник камералардан иборат иншоот. *Бир камерали шлюз. Шлюз камераси. Пароходни шлюз орқали ўтказмоқ.* ■ *Фақат канал эмас, балки тўғонлар, шлюзлар, темир-бетон уйлар ҳам бир йўла ва бирданига қурилайётганга ўхшайди.* И. Раҳим, Чин муҳаббат.

2 Тўғонларда сувни қўйиб юбориш ёки бўғиш учун хизмат қиладиган махсус тешик; тўғон қулфи. *Шлюзни очмоқ.* ■ *Ариқлардаги сув тақсимлайдиган шлюзлар эса деярли ишламайди.* Газетадан.

**ШЛЮПКА** [голл. sloep — қайиқнинг бир тури] Эшаклар ёрдами билан юрадиган, баъзан елканли ёки моторли, палубасиз кичкина қайиқ. *Эшакли шлюпка. Елканли шлюпка. Моторли шлюпка.*

**ШЛЯПА** [нем. Schlappe — қалпоқ, шапка] Атрофи соябонли бош кийим. *Похол шляпа. Аёллар шляпаси.* ■ *Рўпарасида шляпанинг кенг соябони тагидан Хуморхоннинг кўзлари ёниб турарди.* А. Мухтор, Туғилиш.

**ШМУЦТИТУЛ** [нем. Schmutztitel < Schmutz — кир, чанг-чунг + Titulus — уст ёзув; сарлавҳа] *плагф.* Китобнинг бошланиши ёки

ҳар қайси қисми олдидан қўйиладиган, одатда сарлавҳа ёзиладиган ёки расм солинадиган варақ. *«Ўзбек шоирлари» тўпламига ишланган шмуцтитулларда яратилган образларда Шарқ поэзиясининг изтиробли лирикаси, самимият ва гўзаллиги жонлантириб гавдалантирилган.* Газетадан.

**ШНИЦЕЛЬ** [нем. Schnitzel — қирқиб олинган лаҳм гўшт] Қийма гўшtdан ёки тўқмоқланган гўшtdан пиширилган ясси юпқа котлет.

**ШНУР** [нем. Schnur — чилвир, сим] 1 Изоляцияланган электр сими. *Бир симли шнур. Шнур тортмоқ.* ■ *Йигитали магнитофонни тоқчадан олиб, қўйиб юборди. Электр чойнакка сув тўлдириб, шнурни тоқча тикди.* Д. Нурий, Осмон устун.

2 с.т. Ип, каноп, чилвир. *Ботинкага шнур тақмоқ.*

**ШОБИР** фольк. Шарпа, жавоб садоси. *Ҳеч шобир бўлмади, «иулар нима деркан», деб Новкал ҳам бир жойда қулоқ солиб турди. «Баҳром ва Гуландом». От солиб жўнади шундай фалакка, Шобири билинмай, яшиндай оқиб.* «Муродхон».

**ШОВ** тақл. с. Суоқликнинг шиддат билан тез тушишида ҳосил бўладиган товушни билдиради.

**ШОВ ЭТМОҚ** «Шов» деган овоз чиқармоқ. *Шов этиб тарновдан сув келди.*

**ШОВВА** Сувнинг баландликдан куч билан отилиб, шовуллаб тушадиган жойи, шаршара. *Дунёдаги энг катта шаршара Венесуэладаги Анжея Фолла шоввасидир.* Газетадан. *Собир шимининг почаларини тўниғигача шмариб, оёғини шовва сувига ботириб ўтираркан, ғозқараш қилиб қўйди.* Д. Нурий, Осмон устун.

**ШОВВОЗ** [ф. شاهباز — лочин] Ҳар қандай ишни эплай оладиган, қойил қиладиган эпчил; азамат. *Дуруст, юрасинг дадил кўринади. Одамнинг шоввози кўриқ очади.* Ҳ. Назир, Васият. *Бўш келманлар, йигитлар, уравринлар, шоввозлар!* Ойбек, Танланган асарлар. *Гулсумга ўхшаш шоввоз аёлларни ўз атрофинизга тўланг.* П. Турсун, Ўқитувчи. *Яша, шоввоз! Омадинг келган экан, қўлинг ёқди.* Н. Сафаров, Катта карвон йўлда.

**ШОВДИРАМОҚ** кам қўлл. Шовулламоқ; шалдирамоқ. *Бугдойнинг сарғая бошлаган бўлиқ бошоқлари майин шабадада шовдираб, денгиз каби мавжланиб чайқалади.*

Х. Нуъмон ва А. Шораҳмедов, Ота. *Мадра-санинг кенг, текис чорбурчак сахндан кеча шовдираб ўтган ёмғир кўзга илинар-илинмас буғ бўлиб, ҳавога кўтарилмоқда эди.* Ойбек, Навоий.

**ШОВИНИЗМ** [фр. chauvinisme] Миллатчиликнинг ўзга миллатларни камситиш, таҳқирлаш, ўз миллатини бошқа миллатдан устун қўйиш, миллий такаббурлик, миллий худбинлик иллатларини ўзида мужассам этган ўта тажовузкор шакли. *Миллатчилик, шовинизм, ирқчилик* — бузуқ дунёқарашнинг кўринишларидир. Газетадан.

**ШОВИНИСТ** [фр. chauvinist < Наполеонга ўлғудай содиқ солдат Шовин (N. Chauvin) номидан] Шовинизм тарафдори.

**ШОВИНИСТИК** Шовинизмга оид; шовинизм руҳи билан суғорилган. *Шовинистик тарғибот.*

**ШОВУЛ I** [р. шавель — нордон баргли ўтсимон ўсимлик] Отқулоққа ўхшаш, қора-бугдойлар оиласига мансуб, барги майда, таъми нордон, овқатга ишлатиладиган кўп йиллик ўсимлик; кўзикулоқ, *Шўрвага шовул солмоқ.*

**ШОВУЛ II** Жуда кўп, гуж-гуж; шигил. *Биз гўза пайкали оралаб ёнғоқдай шовул кўсақларни санашиб, машина тўхтаган тарафга қараб бордик.* Х. Назир, Механизатор. *Зилол чашма тилга кирди: -Ўксиз, етим мажнунтол. Нечун шовул новдаларинг Бошим узра эгик, дол?* Т. Тўла.

**ШОВУЛДЕК, -дай** айн. **шовул II.** *Шовулдек олчалар кўзни қамаштиради. ■ Кун кеч бўла бошлаган. Мен баланд ёнғоқда ўтирибман. Трофда шовулдек ёввойи узум.* Х. Аҳмар, Ким ҳақ?

**ШОВУЛЛАМОҚ** «Шов-шов» этган товуш чиқармоқ. *Шалоланинг шовуллаган овози келди. ■ Ўрмон аллақандай бир хил овоз билан елтиниб шовуларди.* З. Фатхуллин, Сўнмас юлдуз. *Бирдан ёмғир ёғиб, тарновлардан шовуллаб сув оқа бошлади.* Ж. Шарипов, Хоразм.

**ШОВУН I** айн. **шоқул.**

**2** Тикивчиликда дағал чоклар учун (мас., қоп тикиш учун) ишлатиладиган йўғон ип, каноп.

**ШОВУР** тақл. с. **1** «Шов» ва шунга яқин аралаш товушни билдиради. *Бир маҳал қандайдир шовурдан уйғонса, барзангидай одам тракторга уннаётган эмиш.* «Ёшлик». Қўши-

ғида гоҳ йилқи уюрига тўла дашт шовури.. бўлади. Н. Норқобилов, Бекатдаги оқ уйча.

**2** Шов-шов товуш; шовуллаш. *Салобатли ёмғир шовури эшитилиб турарди.* П. Қодиров, Уч илдиз.

**ШОВУР-ШУВУР** тақл. с. Мазмуни ноаниқ бўлган гап-сўз товушларини билдиради. *Аудитория шовур-шувур. Биров ўтирган стулини гўртиллашиб суради, биров безовталаниб қимирлайди.* П. Қодиров, Уч илдиз. *Шовур-шувур бўлиб турганда, Акбарбой сўз олди, яна ҳамма жим бўлди.* Х. Турсунқулов, Ҳаётим қиссаси. *Оломон орасида бирдан шовур-шувур кўтарилди.* Х. Султонов, Бир оқшом эртаги.

**ШОВУШ** Муз, ях. *Сирдарё суви шовуш аралаш кўпириб оқади.* Х. Нуъмон, Қаҳрамоннинг туғилиши. *Қиш.. Дарахтлар шохида ларзон-ларзон шовуш..* Ш. Бўтаев, Қўрғонланган ой.

**Шовуш боғламоқ** Қиров боғламоқ, музламоқ. *Унинг мўйлови шовуш боғлабди.*

**ШОВШАМОҚ** фольк. Зирқирамоқ, қақшамоқ. *Кўп қўшин келганга ўхшайди, Эшитиб суяги шовшади.* «Ҳасанхон». *Қирқ йигитнинг банди-бўғни бўшади. Бекларига қараб суяги шовшади.* «Юсуф ва Аҳмад».

**ШОВ-ШУВ I** «Шов» ва шунга яқин товушни билдиради. *Новдан оқиб тушаётган сувнинг шов-шуви дилрабо нағмалардай ёқиб кетди.* Ш. Тошматов, Эрк қуши. *Унинг [Жапқнинг] даҳшатли довул шов-шувини эшитмаган қулоқлари эшикдаги заиф бир шарпани аниқ пайқаган эди.* А. Мухтор, Қорақалпоқ қиссаси.

**2** Гала-ғовур, шовур-шувур, шовқин. *Қурилиш участкасида шов-шув тинмайди. ■ Тўй узоққа чўзилди. Шу вақт негадир бирдан шов-шув, қий-чув кўтарилди.* Ж. Шарипов, Хоразм. *Улар вокзалнинг олдида қатор тизилиб турган «Победа»ларнинг бирига ўтириб, шаҳарнинг шов-шувга тўла гавжум кўчаларидан учиб кетдилар.* О. Ёқубов, Ота.

**3** кўчма Миш-миш гап, овоза. *Бу воқеа ҳақида шов-шувлар юрибди. Шов-шув гап тарқатмоқ. ■ Домла ўйланиб қолди-да, анчадан кейин деди: -Қишлоқда шундай шов-шув бор эмишим?* А. Қаҳҳор, Сароб.

**4** с.т. Бирор ҳодиса, кимса ёки нарсага ўта қизиқиш туфайли юз берадиган қизгин муҳокама, мунозара, ҳар хил гап-сўз. *Султонова звеносининг бу ғалабаси катта шов-*

шувларга сабаб бўлди. Н. Сафаров, Олияхон Султонова. «Ҳамза ўрис қизга уйланибди» деган хабар тарқалди. Бу гап шаҳарда беш-олти кун роса шов-шувга сабаб бўлди. К. Яшин, Ҳамза. Мана, пахта териш агрегати тўғрисида ёзилган диссертация ҳақида матбуотда анчагина шов-шув бўлди. «Муштум».

**ШОВ-ШУВЛИ** «Шов-шув» овози келиб турадиган; шовқин-суронли; гала-ғовурли. У. қоғозни Ҳиротга кетувчилардан бериб юбормоқ учун работнинг шов-шувли кўчасига чиқди. Ойбек, Навоий.

**ШОВ-ШУВСИЗ** Шовқин-суронсиз, осойишта, тинч; астагина. Улар [Сарағул билан Орифжон] ҳамма вақт икков ёлғиз яшаб, оҳиста, шов-шувсиз, камташвиш ҳаётга ўрганиб қолган эдилар. А. Мухтор, Чинор. ..Икки кампир ирим қилиб, Маликанинг дард тутаётганини ҳеч кимга билдирмасликка тиришиб, шов-шувсиз эшикни ҳам занжирлаб қўйишган эди. Мирмуҳсин, Чинқиш.

**ШОВҚИН 1** Қаттиқ гап-сўздан эшитиладиган, шунингдек, турли ҳаракат, ҳодисалар туфайли юзага келиб, кўшилиб кетадиган товушлар. -Оқлаймиз! Оқлаймиз! — чойхонани ишчиларнинг шовқини босиб кетди. И. Раҳим, Чин муҳаббат. Аркда жанг тўхтайдди. Аммо орқада ҳамон шовқин. Уйғун ва И. Султон, Алишер Навоий. Намоз асрга яқин кувё оломон билан келди. Тўрт карнай, олти сурнайнинг шовқини кўкни тутди. Ойбек, Танланган асарлар. Унда-бунда сайёр атторларнинг «ип кетди..» каби қичқириқлари шаҳар шовқинига мадад бериб туради. М. Исмоилий, Фарғона т. о. Чор атроф сайилчиларнинг ғовур-ғувури, трамвай-троллейбусларнинг шовқини билан тўлиб тошган. Ў. Ҳошимов, Қалбингга қулоқ сол.

2 Баланд овоз билан бўлаётган жанжал, тўполон; шовқин-сурон. -Ҳай, бу нима шовқин? — кампир кўча томонга қулоқ солди. Ойбек, Танланган асарлар. Мавлоно Фазлидин шовқин келаётган томонга қулоқ солиб туриб, қўрқиб кетди. П. Қодиров, Юлдузли тунар.

**Шовқин кўтармоқ 1)** айн. шовқин қилмоқ. -Ёлғон, тухмат! — деб бошқа деҳқонлар ҳам шовқин кўтардилар. С. Айний, Қуллар; 2) бирор хабарни кенг ёймоқ, бу ҳақда жар солмоқ. Нега матбуот шовқин кўтармайди. А. Қаҳҳор, Сароб. **Шовқин солмоқ 1)** айн. шовқин кўтармоқ. Фақат ичкаридан

мастларнинг қийқириқлари, аллакимнинг бўғиқ алёри эшитилади; ашула, қичқириқ аралаш яна аллаким шовқин солиб сўкинади. Ҳ. Фулом, Машғал; 2) қаттиқ (гувуллаган, шовуллаган ва ш.к.) товуш чиқармоқ. Шовқин солиб сой оқар Қорабоғ қишлоғидан. Ҳ. Салоҳ. Бу тинчликни фақат Оқсойгина бузади.. кеч кирганда, гўё атайлаб қаттиқроқ шовқин соларди. С. Анорбоев, Оқсой. **Шовқин қилмоқ** Бировга қарата қаттиқ овоз билан, бақириб гапирмоқ. Биттанг гапир! Биттанг! Ҳамманг баравар шовқин қиласан, гап уқиб бўладими? Чўлпон, Кеча ва кундуз.

3 тиб. Одам организмга салбий таъсир этадиган ва унинг ишлашига, дам олишига халақит берадиган бегона товушлар мажмуи.

4 тли. Оғиз бўшлиғида ун иштирокисиз ҳосил бўладиган товуш. Фақат шовқиндан ҳосил бўлган **к, п, с, т, ф, ш, ч, қ, х, ц, ҳ** товушлари жарангсиз ундош товушлардир. «Ўзбек тили» дарслиги.

**ШОВҚИНЛАМОҚ** Баланд овоз билан гапирмоқ, бақирмоқ. Шовқинлама, болани уйғотиб юборасан. ■ -Ош тайёрми, ош! — деб шовқинлади Умар. П. Турсун, Ўқитувчи. Автобус силкиниб-силкиниб борар, одамлар бир-бири билан шовқинлаб гаплашишар эди. Ў. Ҳошимов, Қалбингга қулоқ сол.

**ШОВҚИНЛИ 1** Шовқин билан тўлган; гала-ғовур ҳукм суриб турган. Шовқинли кўча. ■ Машиқлар чолғуларини қўлга олдилар. Энди гузарда шовқинли катта ўйин эмас, ширин, майин хужрабазм садоси оқа кетди. М. Исмоилий, Фарғона т. о.

2 Кучли товуш чиқариб турадиган. Шовқинли ўрмон. ■ Умурзоқ ота ғира-ширада чайласидан чиқиб келди-да, шовқинли дарё лабида таҳорат қилди ва тўнини майсага ёзиб, бомдод намозини ўқиди. Ҳ. Фулом, Машғал. [Миркарим] Шовқинли сувлар бўйига жойлашган гумбаздор мазорлар.. мачитлар орасида уч ой юрган, яна Тошкентга келиб олди. П. Турсун, Ўқитувчи.

**Шовқинли ундошлар** тли. Овознинг иштирокисиз, шовқин билан ҳосил бўладиган ундошлар.

**ШОВҚИН-СУРОН 1** Кучли даражадаги шовқин. Шовқин-сурон кўтармоқ. ■ Вагонларнинг қулоқларни қоматга келтирувчи овозлари борган сари узоқлашиб, ниҳоят, шовқин-сурон тинди. Н. Сафаров, Саодатнинг қиссаси. Танклар юрганда, ўқ отганда,

шовқин-сурони радиокарнай орқали узоқ-узоқларга тарқалади. И. Раҳим, Чин муҳаббат.

**2** Шундай товушлар билан бўлаётган жанжал-тўполон. *Мавлон ака арава миниб уйига қайтиб келганда, шовқин-суроннинг устидан чиқиб қолди.* Ҳ. Фулом, Машъал.

**ШОВҚИН-СУРОНЛИ** Кучли даражада шовқинли; шовқин билан юз берадиган. *Бу вақт ичкарида тартиб ўрнатилиб, бояғидай шовқин-суронли вайсаш бошланган эди.* П. Турсун, Ўқитувчи.

**ШОВҚИНЧИ** с.т. Бақириб гапиришга одатланган; арзимаган нарсага шовқин кўтарадиган.

**ШОГИРД** [ф. شاگرد – ўрганувчи, халфа; издош; ўқувчи] **1** Бирор уста, мутахассис ёки олимдан ҳунар, касб, билим ўрганаётган (ўрганган) шахс (устозга нисбатан). *Шогирд тушмоқ. Уста кўрмаган шогирд ҳар мақомга йўғалар.* Мақол. ■ *Ажабо, устознинг инсон қалбига солган ижод ишқи шогирднинг матонати билан қўшилса, мўъжиза туғилар экан.* «Гулдаста». Охунжон қизиқ – машҳур Юсуфжон қизиқ Шакаржоновнинг шогирдларидан бири. «Муштум». Шундай нуфузли олимнинг шогирди бўлиш унча-мунчага насиб қилмайди. Ж. Абдуллахонов, Орият. *Ҳар бир инсофли устод ўз муборак умрининг дурдона яқунлари деб шогирдларини ҳисоблайди.* Ф. Фулом, Жаноби инсонлардан бири.

**2** Бирор кимсанинг иши ёки таълимотининг тарафдори, уни давом эттирувчи; мухлис, издош. *Ўзини олди-қочди саргузаштлар пири Анвар пошшонинг шогирди деб юрувчи, чиндан ҳам шу саёқ турк зобитининг мухлиси бўлган Комил афанди ҳар галғидай.. ўз устозига тақлид қилди.* Ҳ. Фулом, Машъал.

**ШОГИРДЛИК** Шогирд бўлиш, шогирд даражаси, ўрни. *Отам мени шахримизда донғи кетган табибга шогирдликка берди.* «Эртаклар». *Маъмурият уни тола ажратгич машинада ишлаш учун шогирдликка ўтказди.* Газетадан.

**ШОД** [ф. شاد – хурсанд, шодон, қувнок, хушчақчақ; мамнун] Бирор нарсадан мамнун, қувончга тўла; хурсанд. *Кўнгли шод. Шод бўлмоқ.* ■ *Сочларин бўйнимга боғлаб, Шод эрурман бу кеча, Қўй, чаманлардан, сабо, Гул атрини тарқатмагил.* Э. Воҳидов. *Чўнтагининг қаеридадир асраб юрган ўттиз*

*сўмликни онасига бераркан, Болтабой ўзида йўқ шод эди.* Ж. Шарипов, Саодат.

**ШОДА 1** Ипга тизилган бир хил, бир турдаги нарсалар мажмуи. *Бир шода марварид. Бир шода қалампир.* ■ *Ўзиям унча-мунча маржонлардан эмас, ўн икки шода-я!* М. Исмоилий, Фаргона т. о. *–Ҳаммаси асл, қизим, менда паст нарса бўлмайди, – деди хўжайин, кейин қизга қараб, кўзини қисиб кулди, – ол, бир шодани тақиб кўр. Жуда ярашади.* Ойбек, Танланган асарлар.

**2** кўча Фуж, тўп (бир турдаги нарсаларнинг гуж-гуж, тўп-тўп ҳолати ҳақида). *Чинишон қўлини тепага чўзиб, жийда гулдан бир шода узиб олди ва уни ҳидлаб кўрди.* П. Қодиров, Эрк. *Асадда.. унинг [экиннинг] кўксига кўсаклар шодаси бўлсин.* Газетадан.

**3** махс. Тўқимачилик дастгоҳининг ўриш ипларини кўтариб-тушириб турадиган қисми.

**ШОДАЛАМОҚ** Бир турли нарсаларни ипга тизмоқ, тизиб шода қилмоқ (қ. **шода 1**). *Мунчоқларни шодаламоқ.* ■ *–Ҳа, Сорокин.. Баракалла! – деб мамнун жилмайди [Васильев], – гранаталарингни шодала.. Орқамдан ер бағирлаб эмакла.* А. Муҳиддин, Ҳ. Тожибоев, Оташ қалбли қиз.

**ШОДИ** [ф. شادی – шодлик, хурсандлик; қувноқлик] **1:** **оғзидан боди кириб, шоди чиқмоқ** Беҳаё сўзлар билан сўкмоқ, сўкинмоқ. *Кувёи Фиёсиддин тилмоч, тоқчалари меҳробнухса меҳмонхонада бурма болишни бағрига босиб, ароқ ичар, оғзидан боди кириб, шоди чиқиб, оқсоқолни сўкар эди.* С. Аҳмад, Ҳукм. *Назоратсиз қолган оғзидан ҳам боди кириб, шоди чиқishi мумкин.* М. Исмоилий, Отанг боласи бўлма, одам боласи бўл.

**2** Шоди (эркаклар исми).

**ШОДИЁНА** [ф. شاديانه – хурсанд бўлиб, севиниб, қувониб; хурсанд, қувноқ] **1** *от Шод-хуррамлик, тантана. Байрам шодиёнаси. Ғалабага бағишланган шодиёна.* ■ *Зухра тўйга кўнмади, деб бўлманг танг, Тўй бошлансин, шодиёна бошлансин..* С. Абдулла, Тоҳир ва Зухра. *Бу тантана сендек фарзанди билан фахрланган элнинг шодиёнасидир.* Э. Раҳим, Янги қадам. *Файзиёб сентябрь оқишларининг бири. Боғларда, зумрад далаларда меҳнат шодиёнаси, қизларнинг дилрабо яллasi авжиди.* Э. Охунова, Қадрингни бил, дугонам!

**2 сфт.** Шод-хуррамлик ёки тантана билан ўтадиган (ўтган, ўтаётган). *Шодиёна тўй.* ■ У бу уйдаги, қишлоқ аёллари таърифлаган шодиёна учрашувлар, мароқли сўхбатлар хаёли билан маст бўлиб юрган эди. Ҳ. Фулом, Машғал. *Шу нештоқлар, шу иморатлар Қад кўтаргай йиллардан буён, Мана шундай шодиёна дамни Кўрган-билган эмас ҳеч қачон!* Э. Раҳим. *Бирдан настдан, тоғ қазувчилар манзилдан шодиёна қичқириқлар кўтарилди.* М. Исмоилий, Фарғона т. о.

**3 от кам қўлл.** Хушхабар келтирган кишига бериладиган инъом, совға; суюнчи.

**ШОДИМАРГ** [ф. شادىمرگ — шодиёна ўлим; гоят шодликдан ўлиш]: **шодимарг бўлмоқ** шв. Севинчдан тўсатдан юраги ёрилиб ўлмоқ, -Қувончдан шодимарг бўлишга оз қолдим. *Кечаси билан мижжа қоқмай, ширин хаёлларга чўмиб чиқдим, — деди Камолддин.* Т. Жалолов. Олтин кафас.

**ШОДЛАНМОҚ** Шод бўлмоқ, хурсанд бўлмоқ, севинмоқ, қувонмоқ. *Шодланиб кетган Собир темирчи, раҳмат устига раҳмат ёғдирди.* Ж. Шарипов. Хоразм. *Э нодон қиз, Тўлқинжон шунча қизларнинг ичида сени севиб қолгани учун шодлан!* Ф. Мусажон, Ҳури.

**ШОДЛИК** Шод-хуррам ҳолат; хурсандлик, севинч, қувонч. *Шодлик байрами.* *Шодликдан ўзини йўқотмоқ.* ■ *Шодлик йўлга бошлади мени, Бахтиёрлик бўлди одатим, Шоир бўлиб шодлик ва бахтни Куйламоқлик зўр соадатим.* Ҳ. Олимжон. *Тўй. Бу сўз асосида халқнинг шодлиги, хурсандлиги ётади, у камбағалнинг уйини шодликка, қувончга тўлдирди.* Т. Обидов, Юсуфжон қизиқ.

**ШОДМОН** [ф. شادمان — шод, хурсанд, бахтиёр] **1** кт. айн. **шод.** *Фурбатда ғариб шодмон бўлмас эмиш.* Алишер Навоий. *Минг шукурким, келдинг бугун сиҳат-саломат, шодмон, Айлай Ниҳоний жон фидо, қурбона бўлдим соғиниб.* Ҳамза. *Э қўзим, жигарбандим, шодмон этиб келдинг, Кўкка етқуриб бошим, осмон этиб келдинг.* Ҳабибий.

**2** Шодмон (эркаклар исми).

**ШОДМОНЛИК** кт. айн. **шодлик.** Бу — Шарқнинг юлдузи Ўзбекистондир, Ўрта асрларнинг Осиёси йўқ. *Янги дарёларнинг севар ўлкаси, Бағри шодмонлик, бахт билан тўлиқ.* Ҳ. Олимжон. *Очликдан тинка-мадори қуриганлар ҳам бу шодмонликдан [баҳор байрамидан] четда қолмас, неча ҳафталар дас-*

*турхон тузашга ҳозирлик кўрар эди.* С. Кароматов, Бир томчи қон.

**ШОДОН** [ф. شادان — хурсанд, шод, қувноқ; мамнун] кт. Шод, қувноқ. *Шодон кулги.* ■ *Ёш қизчасин босиб бағрига, Шодон қўшиқ ўқийди жувон.* З. Диёр. *Устозларим Лермонтов, Байрон.. Кўз ўнгимда туришар қатор. Улар билан сўзлашиб шодон, Тунлар ўтиб, тонларим отар.* Х. Салоҳ.

**ШОДОНЛИК** кт. айн. **шодлик.** *Чўпон найодан оқар Шодонлик, бахт оҳанги.* Чўққидаги кумуш қор Орзум каби яп-янги. А. Умарий.

**ШОЁН** [ф. شايان — арзирли, муносиб, лойиқ] кт. Сазовор, арзийдиган, арзигундай. *Манзур бўлган гўзал атлас сингари Санъатинг шоёндин эл қиссасида.* М. Бобоев.

**Шоёни таҳсин** Таҳсинга сазовор, лойиқ. *Бойваччанинг «Ўйлаб иш кўриш лозим», деган гаплари шоёни таҳсиндир.* К. Яшин, Ҳамза.

**ШОИР** [а. شاعر — шеър тўқувчи, ёзувчи] **1** Шеърый асарлар ёзадиган киши. *Улуғ шоир.* *Демократ шоир.* *Халқ шоири.* ■ *Бизга адиблар, шоирлар, ҳақиқий курашчилар лозим.* Ойбек, Нур қидириб.

**2** Бахши ёки оқинлар исмига ҳурмат юзасидан қўшиб айтиладиган сўз. *Фозил шоир.* *Ислои шоир Назар ўғли.*

**3 с. т.** Гапдон, сўзамол, ҳозиржавоб одам ҳақида. *Бу йигит жуда шоир экан.*

**ШОИРА** [а. شاعره] Шеърый асарлар ёзадиган аёл. *Ўзбек шоиралари.*

**2 с. т.** Гапдон, сўзамол, ҳозиржавоб қиз ёки аёл. *Мажлиснинг шоиралари, уйинчилари, чилдирмачи ва дуторчилари — барчаси ҳам ҳозир бўлиб, Кумушибибигина ҳаммомдан қайтмаган эди.* А. Қодирий, Ўтган кунлар.

**3** Шоира (хотин-қизлар исми).

**ШОИРЛИК 1** Шоир иши, касби; шеър ёзиш. *Мирзажон — кўнглида шоирлик дарди билан туғилган бола, ҳозирданоқ шундай шеърлар ёза бошладик, ўқиганингизда, кўзингизга беихтиёр ёш келади.* П. Турсун, Ўқитувчи. *Йўқ, мен тақдиримдан эмасман хафа. Шоирлик унвони бахтимдан тўхфа.* М. Шайхзода.

**2 с. т.** Гапга чечанлик, сўзамоллик. *Ҳе, Эргашвой ака-ей, жуда ҳазилкаш йеитсизда, Тўғри гапни ҳазилга олиб, шоирлик қиласиз. И. Раҳим, Чин муҳаббат. - Не бало овсин, шоирлик қиялпсизми? — деди Қумрихон боғ*

эшигига тамба қўятуриб. Ойдин, Олтин узукка олмос кўз.

**ШОИРОНА** [а. + ф. شاعرانه – шоирларча; гўзал, нафис] *рвш.* Шоирларга хос илҳом билан, шоирларча. *Шоирона гапирмоқ. Шоирона ибора.* ■ Аҳмад Хусайн бу сўзларни баланд шоирона сўзлар каби тушуниб, уларнинг мазмунига унчалик эътибор бермади. Ойбек, Нур қидириб. *Шоирона тафаккур! Муболага, мақташлар! Менингча, оқ садафдир Соё ичида оқ тошлар.* М. Шайхзода. *Хушманзаралар ёшлиги чўпонлик билан безанган, шоирона қалб эгаси Қудратга Самарқанд тоғларининг этагидаги гўзал боғларини эслатарди.* З. Фатхуллин, Сўнмас юлдуз.

**ШОЙИ** [ф. شاهی – шоҳга оид, мансуб] 1 Ипакдан тўқилган газлама, мато; шоҳи. *Гулдор шойи. Шойи тўқийдиган дастгоҳ. Шойи кўйлак. Шойи рўмол.* ■ Тахмонда турли рангда атлас ва шойилардан қопланган кўрналар, тахмон тоқчаларига уйилган парёстиқлар.. киши кўзини қамаштирар даражада эдилар. А. Қодирий, Ўтган кунлар. [Нур] Тўй муносабати билан ўзига атаб ясалган тўққиз духоба ва тўққиз ҳар нав шойи кўрнани томоша қилди. Ойбек, Танланган асарлар. *Бошида нафармон шойи дурра, орқада қирқ кокил, чеккаларида гажак.* М. Исмоилий, Фарғона т. о.

2 с.т. Ипакли кийим, ипак газламадан тикилган кийим. *Шойи билан кимхоб кийдим – устимда йўқ. Қазил билан қарта едим – қорнимда йўқ.* Мақол. ■ Қизу келин ясанди Атласу шойи билан. «Кўшиқлар».

**ШОЙИБОФ** [ф. شاهی باف – шойи тўқувчи] Шойи тўқувчи косиб. *Сибирь бозорларида чаққон бўлган ип газлама, бўзнинг нархи ошди. Адрасбоф-шойибофлар ташвишга тушиб қолдилар.* М. Осим, Элчилар.

**ШОЙИГУЛ** [шойи + гул] Шойигулдошлар оиласига мансуб, гулсапсарга ўхшаш очиладиган гуллари қизил, сариқ, пушти, барглари шапалоқ-шапалоқ кўп йиллик манзарали ўсимлик.

**ШОЙИФУРУШ** [ф. شاهی فروش – шойи сотувчи] эск. Шойи газламалар билан савдо қилувчи шахс.

**ШОК** [фр. choc < ингл. shock – туртки, зарба] *тиб.* Ниҳоятда кучли, фавқулодда таъсиротлар (оғир жароҳат, куйиш, миокард инфаркти, буйрак санчиши, мос бўлмаган

қон қуйиш, руҳий касаллик ва ш.к.) натижасида марказий нерв системаси, қон айланиши, нафас системалари фаолияти ҳамда моддалар алмашинувининг кескин бузилиши билан ифодаланадиган, ҳаёт учун хавфли оғир патологик жараён.

**ШОКИЛА 1** Дастурхон, сочиқ, дарпарда, рўмол каби буюмларнинг четигаҳошиясига тикиладиган ёки шу газмолнинг ўзидан титиб чиқариб ясаладиган безак; гажим, попук. *Дастурхон шокиласи.* ■ *Ислон барлос қалпоқли бошини оғир тебратди-да, кўзини чодирнинг кўркам уқалари, рангбаранг ипак шокилалари осилиб турган шипга тикди.* Ойбек, Навоий. [Латофат] *Парда шокиласига тирмашаётган капалакни кўрди.* С. Кароматов, Ҳижрон.

2 Баъзи буюмларга безак учун осиб қўйиладиган шу шаклдаги тақинчоқлар. *Ўртага осилган катта қандилнинг асоси зарҳалдан бўлиб, элликлар лампочкалар ва минглаб биллур шокилалар унга зеб бериб турарди.* Т. Жалолов, Олтин қафас.

**ШОКИЛАДОР** *айн. шокилали.* Белига шокиладор шойи чилвир боғлаб юрар, чўққи соқоли.. *истарасини яна ҳам иссиқ қилиб кўрсатарди.* Ж. Абдуллахонов, Хонадон.

**ШОКИЛАЛИ** Шокиласи бор, шокила билан безатилган. *Шокилали дастрўмол.* ■ ..носкадисидан шокилали тиқинни шошилмай олди, кафтига носдан солиб, тилининг остига отди. К. Яшин, Ҳамза. *Шифтда оппоқ шокилали баҳайбат қандил, тўрда девор баравар гарнитур..* С. Сиёев, Отлиқ аёл.

**ШОКИЛДА** с.т. Шокила. *Унинг [Тамано ойисининг] бармоқларидаги йўғон узукларнинг ёқут кўзлари, бухори сирға шокилдалари офтобда йилтирарди.* Мирмуҳсин, Ажрим. *Варрак десанг бўлмайди, Шокилдаси йўқ унинг, Икки кўзинг ўйнайди, Хуснига кирар суқинг.* З. Диёр.

**ШОКОЛАД** [нем. Schokolade < исп. chocolate < индейс тилларидан] Какао, шакар, сут ва хушбўй дориворлар аралашмасидан қилинадиган аъло сифатли конфет ёки плитка шаклидаги ширинлик. *Бозоров яшиқларни очиб қўйди: оқ қанд, шоколад, конфет, совун, атир, уна.* И. Раҳим, Чин муҳаббат.

**ШОКОЛАДЛИ** Шоколад аралашган, шоколад аралашмаси қўшилган. *Шоколадли торт.*



**ШОКОСА** [ф. شاهكاسه — қатта коса, жом] Катта коса. Анзират хола бир шокоса шир-гурунч келтириб, Сидиқжоннинг олдига қўйди. А. Қаҳҳор, Кўшчинор чироқлари. Махсум.. ҳамманинг олдига шокосаларда ширчай қўйди. А. Мухтор, Опа-сингилар.

**ШОЛ I** [ф. شال / شالى — қалин жун мато] Юнгдан тўқилган қалин мато, юнг газлама. Шол бозори. ■ Бу бошига шолдан салла ўрайди. Фозил шоир. Икки қиз чайқалган чойнак-пиёлаларни, туя юнгидан тўқилган шол дастурхонга ўралган нонларни келтириб, меҳмонлар олдига қўйдилар. С. Айний, Қуллар. Шамоллатди молларин, Ипак-бахмал, шолларин. Қ. Муҳаммадий.

**ШОЛ II** [а. شل — фалаж] I Бирор аъзонинг нормал ҳаракат қилолмай ёки сеза олмай қолиши билан характерланадиган касаллик; фалаж.

2 Шундай касалга йўлиққан. Шол кампир. Шол бўлиб ётмоқ. ■ Кампирим ишга ярамайди. Шол бўлиб қолган. Отаси ҳам шол бўлиб ўлган. С. Аҳмад, Хукм. — Ҳалиги мен билан бир синфда ўқиган Темиржон бор-ку, ҳозир икки оёғи шол бўлиб утирибди.. — деди Боймурод. Ш. Фуломов, Қалб ундайди.

**ШОЛ III** Бўйинга осиб ёки тешигидан кийгизиб қўйиладиган жазо тахтаси. Солдилар шол бўйнига. Кунда — оёққа. Шу йўсин ҳукм этдилар Қирқ кун қамоққа. Файратий.

**ШОЛИ** [ф. شالى — тозаланмаган гуруч] Иссиқ мамлакатларда ботқоқда ўсадиган, бошоқларида гуруч етишадиган дон ўсимлиги; шу ўсимликнинг оқланмаган, гуруч ҳолига келтирилмаган ҳосили. Шоли оқламоқ. ■ Бултур 5 гектар пахта ерини буздириб, шоли эктирдим.. «Муштум». Қори ўзининг хотинини ёмонлаб кетди: шolini сочмасдан туёлмайди, сув қайнатса ҳам, тагига олдириб қўяди. А. Қаҳҳор, Кўшчинор чироқлари.

**ШОЛИКОР** [ф. شالىكار — шоли етиштирувчи] I Шоли экиб, гуруч етиштириш билан шуғулланувчи деҳқон. Шоликорлар экинга иккинчи шилов бериш даврида ўсимликни шохлатиш тадбирларини кўришди. М. Кўшоқов, Ҳосилдорлик ошяпти.

2 Шоли экиладиган; шоли етиштириладиган. Шоликор хўжалик. Шоликор ерлар. ■ Тустовуқлар кўпинча саҳарлаб шоликор ерларга учиб тушади. М. Қориев, Ойдин кечалар.

**ШОЛИКОРЛИК I** Шоли экиш иши, касби. Турсунбой.. шоликорлик қиларкан-да, қоп-қоп шоли орттираркан. «Муштум».

2 Қишлоқ хўжалигининг шоли экиш, гуруч етиштириш иши билан шуғулланувчи тармоғи. Республиканинг шимолида, Амударё бўйларида шоликорликни ривожлантириш учун катта имкониятлар бор. Газетадан.

3 Шоли экиладиган ёки экилган кент дала. Шоликорлик қишлоқдан бир тош чамаси нарида бўлиб, Бердибой унда ётиб ишлайди. А. Қодирий, Обид кетмон. Чарақлаб офтоб чиқиб, шоликорлик полларини тўлдирган ёмғир сувларини ойнадек ялтиратди. С. Аҳмад, Уфқ.

**ШОЛИПОЯ** [ф. شالىپايه — шоли экилган майдон, шолитор] I Шоли экилган майдон. Шунинг учун ҳам шоликорлар сувни лойқалатиб, шолিপоядан чиқишмай, кечиб юраверишади. С. Аҳмад, Уфқ. Терак тагидан шолিপоя бўйлаб йўл бор; Чирчиққа тик чиқади. Ҳ. Фулом, Машғал.

2 Шоли ўсимлигининг пояси.

**ШОЛИЧИЛИК I** айн. шоликорлик 1. Шолчилик қилмоқ.

2 айн. шоликорлик 2. Соғлигимдан нолимайман. Узоқ йиллар шолчилик бригадасида бошчилик қиламан. Газетадан.

**ШОЛПАР** [ф. شالپار] Юнгдан тўқилган, жунли. [Ойимтилла хола] Кели уранда сирғалиб тушаётган шолпар рўмолини дамбадам бошига танғир экан, кўча эшикка қараб қўяди. Ҳ. Нуъмон ва А. Шораҳмедов, Ота.

**ШОЛЧА** Жундан тўқилган палос. Ҳимматга «Қани, ўтир!» деди ошпаз, ёзиб қўйган шолчани кўрсатиб. М. Муҳамедов, Қахрамон изидан. Уша ерга бир парча шолча ташланиб, ичкаридан бир патнисда нон, косаларда мошхўрда чиқди. Ойдин, Ўзидан кўрсин.

**ШОЛ-ШОЛ:** шол-шол бўлмоқ Огриқ аралаш ўзини оғир сезмоқ; мажолсизланмоқ. Биров дўппослагандек бутун баданим шол-шол бўлиб кетяпти. ■ [Зухра:] Бир вақт кўзимни очиб қарасам, касалхонада ётибман: ҳамма ёғим шол-шол бўлиб кетган. Т. Жалилов, Зўравон.

**ШОЛҒОМ** [ф. شلغم] Овқатга ишлатиладиган, илдимеваси оқ, сариқ, қизғиш, оч бинафша рангларда бўладиган сабзавот ўсимлиги. Шолғомга сув қўймоқ. ■ Бўйрадай жойга шолғом эккан одамга ҳам сувми! Ойбек, Танланган асарлар. Шолғом жуда

қадим замонлардан истеъмол қилиб келинади. У тўқтутар ва шифоли масалликлардан бири. К. Маҳмудов, Ўзбек тансиқ таомлари.

**Шолғом бўлмоқ** ёки **шолғомдай қизармоқ** Каттиқ изза ҳиссини туймоқ, шу сабабли қизармоқ. *Ғўзанинг авжи чатоқлиги кишини шолғом қилиб қўяди.* И. Ўктамов, Ҳикоялар. -*Кечирасиз!* — деди ўз қилиғига шолғомдай қизариб кетган Мастонов. Файратий, Довдираш. *Хўжайиннинг юзи қип-қизил шолғом бўлиб кетди.* «Муштум».

**ШОМ** [ф. شام — кечки овқат; кечки пайт, оқшом] **1** Куёш ботиб, қоронғилик туша бошлаган пайт ва шу пайтда ўқиладиган намоз. *Одамлар ташқарига чиққанда, шом қоронғиси чўккан эди.* С. Кароматов, Сўнгги бархан. *Анзират билан Анорхоннинг сариқ ва кўк рўмолларигина шом қоронғисида шарпадай милтилларди.* Ойбек, О.в. шабадалар.

**2** Куёш ботгандан бошлаб, мағриб уфқидаги қизил шафақ кўринмай қолгунча ўқиладиган намоз (беш вақт намознинг тўртинчиси). *Шомни ўқигандан кейин Анвар Султонани мирзодан изн олиб чиқди.* А. Қодирий, Меҳробдан чаён. *Мачитдан шом азони эшитилди. Супадагилар баҳсни тўхтатиб, таҳоратга қўзғалишиди.* Ш. Тошматов, Эрк қуши.

**3** кўчма Қоронғилик *Ҳовлига шом тушиди.* *Аваз деразани очиб «Жуманиёз!» деб чорлади.* С. Сиёев, Аваз.

**Ой шом еди ёки шом еб чиққан ой** Шомдан кейин пайдо бўладиган, чиқадиغان ой, ойнанинг шу вақтда чиқиши ҳақида. *Тун яримдан ошган. Шом еб чиққан ой ўрмон устларига ўзининг сутдай оқ пардаларини тўшаган.* З. Фатхуллин, Сўнмас юлдуз. *Узоқда, баланд тераклар орқасида шом еган ой кўринди.* О. Ҳусанов, Кўшиқчининг тақдири. **Умр шоми** Умрнинг охирги, тугаш палласи. -*Ҳа, кела қол, шервачча!* — деди мамнунлик билан Саксон ота кулиб — *Умр шомига етсак ҳам, юракда ўтимиз бор.* Ойбек, Танланган асарлар.

**ШОМОН** [р. шаман < эвенкча шаман — будда руҳонийси ёки тунгус-манжурча шаман (саман) — жунбушга келган, жазаваси тутган киши] Амалда барча қадимги халқларда, ҳозирда баъзи қолоқ халқ ва қабиаларда: руҳоний, табиб, сеҳргар.

**ШОМОНЛИК** Ёвуз ва эзгу руҳларга, уларнинг инсон ҳаётига таъсир кўрсатишига ишонишдан иборат ибтидоий эътиқод шакли.

**ШОМПОЛ** [нем. Stempel — сумба; келисоп] Милтиқ стволини тозалаш, мойлаш ёки (оғзидан ўқланадиган милтиққа) заряд жойлаш учун ишлатиладиган ингичка ва узун металл таёқ.

**ШОМПОЛЛИ** Шомполга эга, шомполи бор; шомпол ёрдамида ўқланадиган. *Шомполли милтиқ.*

**ШОМРУҚ** Ёввойи ўрдакнинг бир хили.

**ШОМУРТ** фольк. Узун, бурама мўйлов. *Шомурти шохалаб ҳар ёққа кетган, Ичида сичқонлар болалаб ётган.. Шундай қалмоқ кўлин тўлгаб келади.* «Алпомиш». *Ямоқчи уйғониб туриб, эшикни очса, шомуртини шондай қилиб, подшонинг мирғазаблари турибди.* «Эртақлар».

**ШОН I** [а. شَان — иш, алоқа, муносабат; кадр-қиммат, обрў, аҳамият; манфаат] **1** Эришилган ҳурмат, обрў, шараф, шавкат. *Сенга дўст бўлиб ортди.. Шон ила шуҳратимиз.* Файратий. *Яраланган Ватан томирига Қуйди иссиқ юрак қонини, Шу муқаддас ер замирига Қони билан ёзди шонини.* Т. Тўла.

**2** Машҳурлик ҳолати; доврўқ, донг, шуҳрат. *Пахта териб ўтар узун кун, Ошиб тўлар унинг плани, Иши бўлар унинг овоза — Достон бўлар донги ва шони.* Ҳ. Олимжон. *Ҳаётга.. ёмон йўлни қўйиб, яхши йўлдан бориш — адабийлик йўлидир. Шу йўлдан борсан кишининг номи ўчмайди, унинг шони умридан узоқ яшайди.* М. Исмоилий, Одамийлик қиссаси.

**3** Фурур, фахр. *Пахта — бизнинг шонимиз. ■ Қайнаб тошсин нефть булоқлари, Нефть мамлакатимизнинг шонидир.* Ё. Мирзо.

**ШОН II** [ф. شان — асалари уяси катаги; елка кураги] маҳс. Маҳси ёки этик кўнжига уриладиган таёқ-қолип. [Унсин] *Шон қоқилган, бўйи бир қарич келар-келмас тайёр бачкана маҳсиларни силлиқ ёғоч билан кучи борича ишқалаб, сўнг қора гул суркаб, уларга пардоз беради.* Ойбек, Танланган асарлар.

**Шонга тортмоқ айн. исканжага олмоқ қ. исканжа.**

**ШОНА I** [ф. شانه — тароқсимон гулбарг] Ғўза гунчаси. *Гулпараст, деб атаманг, ишимиздан бехабар, Шоналар санаб юрган меҳ-*

наткаш қизлар эдик. *Ғ. Фулом. Бироқ озгина сув ҳам тақа-тақ тўхтаб қолди. «Сув» деб навбат кутиб ётган ғўзаларнинг барглари қорайиб, шона ташлай бошлади. И. Раҳим, Чин муҳаббат.*

**Шонага кирмоқ** *Ғунчаламоқ (ғўза ҳақида). Янги квадратлардаги ғўзалар тез ривожланиб, олди текис шонага кирди. Газетадан.*

**ШОНА II** [ф. *شانه* — тароқ; парранда тожи] *эск. айн. тароқ I. Шона билан зулфин тараб ўрганлар, Ойна олиб, оқ юзини кўрганлар. Фозил шоир. Қизлар тонгда булоқ томон борарди, Ювинишиб, бари сочин тарарди, Ҳар бирин бошида чиройли шона, Қурар кўнгил қуши шунда қошона. М. Алавия.*

**ШОНАБАРГ** [ф. *شانه برگ* — тароқсимон гулбарг] *Шона атрофидан чиқиб, гул очилгунча уни ўраб турадиган тароқ тишли майда барг; ёнбарг. Ғўза гулида учта шонабарг бўлади.*

**ШОНАЛАМОҚ I** *Шона чиқармоқ, шона пайдо қилмоқ (ғўза ўсимлиги ҳақида). Ғўзлар ёппасига шоналади. ■ Ғўзалар энди шоналаб, кўсак боғлаб келаётган бир маҳалда.. шаҳар заводларига пахта ташилиши Ғуломжонни ажаблантирмади. М. Исмоилий, Фарғона т. о.*

**ШОНАЛАМОҚ II** *Сочини тарамоқ. Гулчехра.. сочини ювиб, шоналаб турган чоғида, ўғил ўрнига кўриб юрган ғози олдига келиб, йиқилиб ўлган эди. «Эрали ва Шерали».*

**ШОНЛИ** *Шон-шарафга эга; донг таратган; шуҳратли. Бугун шонли бинокорларимизнинг анъанавий байрами. Газетадан. Ўзбек халқининг шонли фарзанди Жўрахон Усмонов мардлик, жасорат ва қаҳрамонлик кўрсатди. Назармат, Жўрлар баланд сайрайди.*

**ШОП** [ф. *شاپ*] *эск. Учи орқага қайрилган тигли қилич. [Мингбоши] Шопу камарини белида кўриб, бирам қувонди, бирам қувондики, шопини авайлаб кўзларига келтирди-да, тўтиё қилиб кўзларига суртди. М. Исмоилий, Фарғона т. о.*

**Шоп мўйлов** 1) катта, узун мўйлов. *У Омонтойнинг қадди-қоматига, шоп мўйловига қараб, кўзлари яшнаб кетди. С. Аҳмад, Чўл шамоллари;* 2) узун мўйловли, мўйлови узун киши. *Ҳайдарга бир шоп мўйлов одам Қўлин бигиз қилиб ўқталди. Ю. Шомансур. Қўлини шоп қилмоқ* *Қўлини олдинга чўзиб ўқтал-*

*моқ. -Ҳой, сен, — қўлини шоп қилиб, Майнага ўшқирди. — Менинг бошимга асилзода эрни ўлдириб келдингми? А? Ш. Тошматов, Эрк қуши. Жувон тарсаки тортиб юбормоқчидай қўлини шоп қилиб: «Йўқол!» деди. Н. Қиличев, Ёронгул.*

**ШОПИРИНМОҚ; юраги шопиринмоқ** *Ҳаяжонланмоқ, ҳовлиқмоқ, ҳаприқмоқ. Анвар Султонали мирзога бояги ваъдани бериб, бу хабар билан юраги шопиринган ҳолда уйга келди. А. Қодирий, Меҳробдан чаён. Уч кишидан уч хил гап эшитган Нафисахоннинг юраги шопириниб, тинчимай, эртасига самолёт билан Тошкентга келди. Мирмуҳсин, Умид.*

**ШОПИРМОҚ I** *Идишдаги суюқ овқат ёки ичимликни чўмич билан олиб, яна қайта қуймоқ (шу ҳаракатни такрорламоқ). Айронни шопирмоқ. ■ Муқимий.. Тўра Соҳибхондан кечаги мақомни ёлғиз ўқиб беришни илтимос қилди, шўрвани шопириб туришни ўз гарданига олди. С. Абдулла, Мавлоно Муқимий. -Икки овул орасига ўт ёқиб иснолмайсан, тоға, — деди Эримбет хотиржамлик билан қимиз шопириб. А. Мухтор, Қорақалпоқ қисқаси.*

**2** *Янчилган ғаллани тепадан тўкиб, шамолга тутиб, қипиқ ёки чўп-хаслардан тозаламоқ; совурмоқ, шунингдек, пахта, шулха, сомон каби нарсаларни курак, паншаха билан иргитиб шамоллатмоқ. Бўғдойни шопирмоқ. Шолини шопирмоқ. ■ Кўз илғамас дала оппоқ пахтазор, Ишлаб ҳоригандай сирғилар офтоб. Пахта булутини шопириб бир чол, Қуритади уни, олтинни, шу тоб. Зулфия.*

**3** *Учирмоқ, тўзитмоқ, Дашнобод боғида барглар сарғайиб бўлган, куз шамоллари уларни шопириб кетган. С. Аҳмад, Ўйлар. Атрофи бир зум жимигандай бўлади-ю, дам ўтмай аччиқ изгирин шовуллаб, димиқ айвонга ёпирилади-да, ўчоқ олдидеги хас-хашакни ҳовли саҳнига шопириб ўйнайди. Р. Раҳмон, Меҳр кўзда.*

**ШОП-ШАЛОП** *эск. Амалдорлар тақиб юрадиган қилич, ханжар, тўппонча каби қурооллар, қуроол-аслаҳа. Нонуштадан кейин биров эшикни қаттиқ тақиллатди. Комил югуриб чиқиб, остонада шоп-шалоп осган сержаҳл бир миришабни кўриб, қўрққанидан салом беришни ҳам унутиб қўйди. М. Осим, Тилсиз гувоҳ. Шу чоқ икки ясовул отда гу-*

сур-гусур қилиб, шоп-шалопларини шарақлатиб, устахона олдига келиб тўхтади. Ж. Шарипов, Хоразм.

**ШОССЕ** [фр. *shaussee* < лот. *calciata* (via) — оҳақтош қопланган йўл] Тош терилган ёки асфальт, бетон ва ш.к. ётқизилган кенг йўл. *Автоматчилар танкларга ўтириб олишиб.. катта шоссе йўлга чиқиб олишган.* Газетадан.

**ШОСУПА** [ф. + а. *شاهصغه* — катта супа] Ҳовли ёки боғ ўртасида бўладиган катта супа. *Шосупада, ҳовуз бўйида Ёнбошладик охири ҳориб, Офтоб кириб кетди уйига, Юлдуз чиқди осмонни ёриб.* Ҳ. Шарипов. *Шосупа устига сувлар сепилган, Атрофига яхши гуллар экилган.* «Рустам».

**ШОТЕРАК** Пирамидасимон тик ўсадиган йирик терак.

**ШОТИ** 1 Араванинг ўқи ва филдирагидан ташқари юқори қисми. *Шотида ўтирган тўранинг аравакаши отга қамчи ҳам урмайди.* Ж. Шарипов, Хоразм.

2 Араванинг от қўшиладиган икки ён ёғочи. *«Оқтой» анчадан буён яйдов юргани учун, арава шотиси остига асти рўпара келмай, ўйноқилиб кетаверди.* Ҳ. Назир, Сўнмас чақмоқлар.

3 шв. Нарвон. *Пўлатжон унинг ишини кузатиб турди-да, кейин темир шоти билан юқорига кўтарилди.* С. Аҳмад, Қадрдон далалар.

**ШОТИКАПА:** шотикапа атлас Хонатласнинг бир тури. -*Чакка сочлари оппоқ оқарган.. шотикапа атлас кўйлак кийган озгингина Сўнагул кўз олдига келди, — деди Аҳмаджон.* А. Мухтор, Давр менинг тақдиримда.

**ШОТИР** [а. *شاطر* — эпчил, моҳир; айёр; ўткир зеҳнли, ақлли] тар. 1 Подшо, хон каби олий амалдорлар отини етаклаб, тугиб юрувчи навкар; жиловдор. *Шоҳларнинг олдига бўлар шотири, Ёвча бўлар йигитларнинг ботири.* «Равшан».

2 кест. Бировнинг хизматини юғуриб-елиб қиладиган хизматкор; югурдак. Султон Суллоҳовнинг шотирлари типирчилашиб қолишди: *бухгалтер Шотурсун Шомирзаев бир болани магазинга югуртирди.* Т. Алимов, Хиргойи. -*Комиссия!* — деб хитоб қилибди *Ғаниев.* Шундан кейин шотирларнинг оёғи ера тегмай, у ёқ-бу ёқни йиғиштиришга тушишибди. Газетадан.

3 шв. Хон ёки шоҳни ўтқазиб, кўтариб юриладиган махсус ўриндик; тахтиравон, маофа. *Ичкаридан хон кўринди, уни тўрт навкар шотирда олиб келарди.* Ж. Шарипов, Хоразм.

**ШОТЛАНД** 1 Шотландиянинг асосий аҳолисини ташкил қилувчи халқнинг номи. *Шотланд халқи. Шотланд миллати.*

2 Шу халқ, миллатга мансуб. *Шотланд аёли. Шотланд тили.*

**ШОТЛАНДКА** [р. «шотландская ткань» (шотланд газламаси) бирикмасининг қисқарган шакли] Пахта ипидан ёки жун, ипак аралаштириб тўқилган рангдор катак-катак газмол.

**ШОТЛАНДЛАР** Шотландиянинг асосий аҳолисини ташкил қилувчи халқ, шотланд халқи.

**ШОТУТ** [ф. + а. *شاهتوت* — йирик қизил тут] 1 Тут дарахтининг тутгуллилар оиласига мансуб тури. *Шотут тепасида майкачан бўлиб ўтириб олган Абзамжон шотут еб турарди.* С. Аҳмад, Уфқ.

2 Шу дарахтнинг тўқ қизил нордон сершира шифобахш меваси.

**ШОУ** [ингл. *show* — кўрсатиш, томоша; кўрсатмоқ, намойиш қилмоқ] Оммавий томошабинлар ва тингловчиларга мўлжалланган дабдабали, телевизион ёки концерт эстрада томошаси.

**ШОУ-БИЗНЕС** [ингл. *show — business*] Шоу ташкил этиш ва ўтқазиб билан боғлиқ ишбилармонлик фаолияти; шоу ташкил этиш йўли билан дарамад топиш.

**ШОФЁР** [фр. *chauffeur* — дастлаб: ўтёқар, гўлаҳ; кейин: ҳайдовчи < *chauffeur* — ўт ёқмоқ, иситмоқ] Автомобиль ҳайдовчи шахс. [Мирғиёс:] *Кабинаси бўш бўлса ҳам, шофёрнинг ёнига ўтирмадим.* Р. Азизхўжаев, Яшил чайла.

**ШОХ** 1 [ф. *شاخ* — бутуқ, шоҳ, шоҳча] 1 Ўсимлик, дарахт ёки бута танасидан ёнверига ўсиб чиққан ўсимта. *Дарахтнинг шохини кесмоқ.* ■ *Келди ёз чоғи, Мевалар пишди. Олмалар шохи Эгилиб тушди.* И. Муслим. Ҳа, Қодировга ишларинг тушмабди, сизлар дарахтнинг шохиди бўлсаларинг, мен баргида юраман. Ш. Рашидов, Бўрондан кучли.

**Шох отмоқ** Шох чиқармоқ, шохламоқ. *Капитан бекатга келиб, наъматак олдига тўхтади. У катта сабадек шох отган.* Ў. Умарбеков, Ёз ёмғири.

2 Синиб тушган, кесилган новда, буток ёки шох-шабба. *Шохларни ёқмоқ.* ■ *Рахналарига янтоқ ва шох босилган паст девордан ҳовилларнинг бузилган уйлари ташқаридан кўриниб турар эди.* С. Айний, Қуллар.

**ШОХ** II [ф. شاخ — мугуз, шох] Баъзи ҳайвонларнинг бошидан ўсиб чиқадиган суяксимон қаттиқ ўсимта; мугуз. [*Ҳўкиз*] *Найзадек ўткир шохларини унга тўғрилаб.. хуруж қилиб кела бошлади.* К. Яшин, Ҳамза.

**Унинг шохи борми?** Унинг бошқалардан нима ортиқлиги бор? **Шох ташламоқ** с.т. 1) оқсоқланиб юрмоқ, оқсоқламоқ, чўлоқланмоқ; 2) бир томонга оғмоқ, қийшаймоқ. *Варрак шох ташлади.* ■ *Тожихон бирдан шох ташлаб, қаҳқаҳа урди.* Мирмуҳсин. Югурдак; 3) у ён-бу ёнга эгилиб, ўйинга тушмоқ, ўйнамоқ. *Ўйинчилар ноз ва эҳтирос билан мақомга шох ташлаб, кўзларини сузиб ўйнардилар.* Ойбек, Навоий; 4) бирор томонга ён босмоқ, беқарорлик қилмоқ. *Убайдуллахўжа аълам.. кимдан кўпроқ пора олиш ниятида дам у, дам бу томонга шох ташлаб, уларни [бойларни] икки ой овра қилди.* П. Турсун, Ўқитувчи. **Шохи синмоқ** (ёки **қайрилмоқ**) Бирор ҳолат, даража имкониятидан махрум бўлмоқ. [*Муаттар:*] *Бир яланг-оёқ Пулатнинг шохини қайиролмаган йигит осмондаги юлдузга қўл чўзса қизиқ бўлар экан.* Н. Сафаров, Шарқ тонги. *Кўявер.. биздан олдин ўзининг акасидан шохи синадиган бўлиб турибди.* Ж. Абдуллахонов, Хонадон. **Шохинг чиқадими?** Бирор еринг ортиб қоладими, нима фойда кўрасан? *Билдики, хотини билан ади-бади айтиша бергани билан шохи чиқмайди.* Шуҳрат, Жаннат қидирганлар.

**ШОХАЛАК** айн. **шоҳилак.**

**ШОХАРИҚ** Бир неча пайкалга сув берадиган асосий дала ариғи. *Ҳозирча марза текислаб, шохариқ чопяғмиз, — деди Комилжон Муродова.* И. Раҳим, Ихлос.

**ШОХИЛАК** Шўрадошлар оиласига мансуб, шўр ва тақирликда ўсадиган, барги майда ва ширали бута ўсимлиги.

**ШОХЛАМОҚ** I Шох, бутоқ чиқармоқ, шох отмоқ (ўсимлик ҳақида). *Зокир ота гўза шохласа, кўсак купаяди, деган фикрга қўшилди, лекин ҳосил ортади, деган фикрни рад қилди.* А. Қаҳҳор, Кўшчинор чироқлари. *Тўрт йигит бирдан тўрт тарафга шохлаб кетган, қучоққа сиғмайдиган ёнғоқларга чиқиб, узун*

*хода билан қарс-қарс қоқа берди.* Ойдин, Ямоқчи кўчди.

**ШОХЛАМОҚ** II Шохи билан сузмоқ. *Шу тонда у рақибини шохлайман деб бошини тошга урган қўчқорга ўхшайди.* Р. Раҳмон, Мехр кўзда.

**ШОХЛИ** I Поясидан шох ўсиб чиққан; сершоҳ. *Шохли дарахт. Шохли гўза.*

**ШОХЛИ** II Бошида шохи бор. *Шохли кўйлар. Шохли кийик. Шохли қорамол.*

**ШОХОБЧА** [ф. شاحب — ирмоқ, кичик сув йўли; тор денгиз қўлтиғи] I Катта сув йўлидан тарқалган кичик сув йўллари: канал, ариқ ва ариқчалар. *Канал шохобчаси. Ариқдан шохобчалар чиқармоқ.* ■ *Хоразм ирригаторлари бу дарёнинг [Амударёнинг] қуйи оқимида янги-янги шохобчалар бунёд этаётirlар.* 3. Сатиев, Туямўйин канали.

2 кўчма Бир турдаги ташкилот, корхона ва ш.к. мажмуи. *Темир йўл шохобчалари. Савдо шохобчалари (яна қ. тармоқ).*

**ШОХСИЗ** I Шохи, бутоғи ёки новдаси бўлмаган, шох-шаббаси кесилган. *Шохсиз дарахт.*

**ШОХСИЗ** II Бошида шохи йўқ, тўқол. *Шохсиз эчки. Шохсиз сигир.*

**ШОХ-ШАББА** I Дарахт ёки бутанинг шохлари ҳамда шохлардан иборат қисми. *Шох-шаббаларни кесмоқ.* ■ *Ел кетма-кет бўкирар, бунга чидай олмаган шох-шаббалар қарс-қарс синар, кекса ёғочлар гийқ-гийқ этиб, ёлвориш овози чиқарар эдилар.* А. Қодирий, Ўтган кунлар.

2 Шундай шохлардан иборат ўтин; қуруқ шохчалар. [*Низомжон*] *Ўзи ғишт қуйиб, ўзи девор кўтарди. Тепасига тўсиқ териб, шох-шабба бостириб, лўмбоз кўйишга тайёрлади.* С. Аҳмад, Уфқ.

**ШОША-ПИША** рвш. Шошилич равишда, шошган ҳолда. *Шоша-пиша кийинмоқ.* ■ *Турсуной.. шоша-пиша кеч қолганлик сирини тушунтира бошлади.* Н. Фотих, Турсуной. *Раҳим эса олазарак бўлиб, шоша-пиша китобларини халтасига тикди.* Ҳ. Назир, Ёнар дарё.

**ШОШИБ-ПИШИБ** айн. **шоша-пиша.** *Шошиб-пишиб гапирмоқ.* ■ [*Алишер*] *Шошиб-пишиб мешкобнинг оғзини очиб, тўйиб-тўйиб сувдан ичди, ичди-ю, бирдан кўзи равшанлашиб кетди.* М. Осим, Аждодларимиз қисаси.

**ШОШИЛИНЧ 1** сфт. Тезда бажарилиши лозим бўлган; ошиғич. *Шошилинч буюртма. Шошилинч мажлис. Шошилинч иш. Шошилинч телеграмма. Шошилинч тиббий ёрдам. Иши жуда ҳам шошилинч эмас.* ■ Мен шошилинч бир иш билан Бухорога кетяпман.. Мирмуҳсин, Меъмор.

**2** рвш. Шошган ҳолда, шоша-пиша, шошиб-пишиб. *Файратчан Халил ака ҳамма ишни ҳам шошилинч қиларди. Ф. Мусажонов, Ҳиммат. «Наҳотки Аваз бўлса?» деб гумонсиради ва калишини оёғига шошилинч илиб, ташқарига отилди. С. Сиёев, Ёруғлик.*

**3** от Шошиб турилган пайт. *Шошилинчда китобимни унутибман.*

**ШОШИЛИШ** Шошилган, тиғиз ҳолат; шошилинч ҳаракат. *Шошилишининг ҳожати йўқ. Шошилишда калиши адаш бўлибди.* ■ Бу растада минг хил кийимли оломон йўқ, шошилиш йўқ, қўлни сиқиб, «бор, барака топ»лар ҳам йўқ. Ойбек, Танланган асарлар.

**ШОШИЛМОҚ** айн. **шошмоқ**. *Мунча шошилсан?* ■ *Адолат шошилиб, уни [журнални] варақлай бошлади. С. Зуннунова, Гулхан. Тол шохидаги болалардан бири шошилиб туша бошланди. М. Исмоилий, Фарғона т. о. Бедармон бўлишига қарамай, бика укаси билан амакисини кўришга шошиларди. Ж. Шарипов, Хоразм.*

**ШОШМА(НГ) 1 Шошмоқ** фл. буйр. м. шакли. -*Шошманглар, овқат қилиб юбораман, — дея мулозамат кўрсатди кулол.. Мирмуҳсин, Меъмор. Шошманг, ойи! Олдин мен институтни битирай.. кейин кўз тагига олиб юрган қиз бор. «Муштум».*

**2** унд. с. Бирор иш, хатти-ҳаракатдан тўхтатиш, диққат-эътиборни тортишни билдиради. -*Майли, мен борай, — деб пақиримни кўтарган эдим, Гулнора «шошманг» деди-ю, чопқиллаб уйларига кириб кетди. С. Сиёев, Ёруғлик. Вой-бў, иситманг бор-ку! Шошма.. ҳозир тузатамиз! Ў. Ҳошимов, Қалбингга кулоқ сол.*

**ШОШМА-ШОШАР** Ишни тез бажаришга интиладиган, шошиб иш қиладиган; шошқалок. *Шошма-шошар бола.*

**ШОШМА-ШОШАРЛИК** Шошиб иш қилиш, ишни бажаришда шошиш. *Тўғри айтасиз. Менинг шошма-шошарлигим қурсин.. «Муштум». Фурсат қўлдан бой берилгани учун шошма-шошарлик бошланади ва*

*бунинг натижасида ишлар сифатсиз бажарилади. Газетадан.*

**ШОШМОҚ 1** Эришиш, етиш ва ш.к. га сабрсиз интилмоқ; ошиқмоқ. *Аваз Ёшулли билан очилиб гаплашолмади, раиснинг нега шошаётганига ҳам тушунмади. С. Сиёев, Аваз. Ёмғир аралаш қор ёғиб турган бўлса ҳам, у негадир шошмас эди. С. Зуннунова, Янги директор. -Раҳмат, шошиб турибмиз, — деди Меливой. Ф. Мусажонов, Нозик ма-сала.*

**2** Тез, зудлик билан бажармоқ; тез, илдамлик билан ҳаракат қилмоқ. *Одамларнинг шошиб юришига қараганда, қорми, ёмғирми ёгса керак. Э. Раимов, Ажаб қишлоқ. Шошиб хатни ёнидан чиқазиб, қўлига берди. С. Аҳмад, Уфқ. Заргаров ҳали қаёққа боришини билмаса ҳам, шошиб, этикларини кийди. А. Мухтор, Бўронларда бордек ҳаловат.*

**3** Тўсатдан юз берган иш, ҳодиса туфайли ҳовлиқмоқ, ҳаяжонланмоқ, эсанкирамоқ. *Тўсатдан меҳмонлар келиб, шошиб қолдим. Шошганда лаббай топилмас. Мақол. ■ Қудрат эса болаларнинг гапини тинглашини ҳам, атрофдаги бой манзараларни кўриб олишини ҳам билмай, шошиб қолган эди. Ҳ. Назир, Сўнмас чақмоқлар.*

**Ақли шошмоқ** 1) ҳайрон қолмоқ, ажабланмоқ. *Кўрғазмага келганларнинг у ердаги экспонатлардан ақли шошади;* 2) гангиб қолмоқ, нима қилишини билмай қолмоқ. *Ана шу ерга келганда кўнларнинг боши гангиб, ақли шошиб қолди. Ҳ. Фулом, Машъал. Шошма ҳали ёки шошмай тур* Қараб тур ҳали, мендан кўрасан (дўқ, пўписа). *Шошма ҳали, пешонангдан отиб, ерга чўзилтирмасам, одам боласи эмасман. Ойбек, Танланган асарлар. Сен ўзбошимчани акамга айтиб, адабингни бердириб қўймасамми, сен этаксиз, шошмай тур.. К. Яшин, Ҳамза.*

**ШОШҚАЛОҚ** айн. **шошма-шошар**. Э, мунча шошқалоқсан. *Ҳали Назарбой ҳам шолғом, турп сепгани йўқ. Э. Раимов, Ажаб қишлоқ. Уст-боши лой, юз-кўзи қурум, жулдуз, шошқалоқ одамлар бир-бирини танимас, гап қотгани вақти йўқ эди. А. Мухтор, Чинор.*

**ШОШҚАЛОҚЛАМОҚ** кам қўлл. Шошиб ҳаракат қилмоқ, шошиб қолмоқ, шошмоқ.

**ШОШҚАЛОҚЛИК** Шошма-шошарлик қилиш, шошиш. *Ўқитувчи тажанглик, қў-*

поллик, шошқалоқлик, бесабрлик каби номатлуб сифатлардан бутунлай мусаффо бўлиши шарт. Р. Усмонов, Олобнома. *Ҳали ўринларини йиғиштириб улгурмаган жангчиларнинг ҳаракатида шошқалоқлик кўринди.* Шухрат, Шинелли йиллар.

**ШОШҚИН** 1 Шошиб, тез ҳаракат қиладиган: бирор томонга ошиқаётган; шошаётган. *Шўх қизлардай қанча шошқин бўлсанг-да, Кирибдурсан меҳнат аҳлин кўлига.* Файратий. *Тез оқар шошқин дарёнинг.. соҳил бўйларигаги дарахтларнинг сарв қомати аста-секин кўрина бошлади, тонг эндигина ёришаётган эди.* А. Раҳмат, Эллик бир баҳодир.

2 айн. **шошилич** 1. Эшикдаги шарпани уйдагилар сизди шекилли, девор орқасидан шошқин ҳаракатлар, оёқ товушлари, гап-сўзлар эшитилди. Ҳ. Фулом, Тошкентликлар.

**ШОШҚИНЛИК** Шошқин ҳаракат, шошиш. Унинг одимларида шошқинлик йўқ эди. М. Исмоилий, Фарғона т. о.

**ШОШҚОҚ** с.т. кам қўлл. Шошма-шошар, шошқалоқ.

**ШОЯД(КИ)** [ф. شاید — эҳтимол, балки; зора, кошки] мод. с. Хошиш-истак билдиради; қани энди, зора, кошки. *Шояд, у келиб қолса!* ■ *Шояд, ўйлаганларининг чап-наси чиқса; шояд, севгилиси нажот йўлини топиб келган бўлса?* Ҳ. Фулом, Тошкентликлар. *Сиз шитоблик билан Фуломжонга хабар қилинг, шояд, тадбирини топса..* М. Исмоилий, Фарғона т. о.

**ШОҚУЛ** [а. شاقول — ипга боғлаб осилтирилган қўрғошин соққа < ҳинд. ساهل (сахул) — айни маънода] Бинокорликда: девор, устун ва ш.к. нинг тик (вертикал) ҳолатини аниқлаш учун ишлатиладиган, бир учига тош боғланган ипдан иборат асбоб; шовун. *Солланганда шоқулнинг ипи, Уюм-уюм гиштлар ётганда, Мен кўраман барчасини ҳув — «Ун иккилар» аҳди-шахтини!* М. Али.

**ШОҲ** [ф. شاه — подшоҳ] 1 айн. **подшо(ҳ)**. Эрон шоҳи (тар.). Шоҳнинг қизи. ■ Шоҳ боласига — юрт ва сипоҳ, дарвеш боласига масжиду хонақаҳ керак. Ойбек, Навоий. *Ўйлама, ўлгунча ҳар ким бу разолатда кетар. Шоҳлар бир кун гадо, бир кун гадо шаҳзоддур.* Ҳамза.

2 Шахмат ўйинида: энг асосий фигура. *Бир вақтнинг ўзида рақиб шоҳига ва дона-*

*ларидан бирига ҳужум қилиш икки ёқлама зарбанинг энг кўп учрайдиган хилидир.* М. Муҳиддинов, Шахмат.

3 Шахмат ўйинида: бирор дона билан бевосита рақибнинг шоҳига қилинадиган ҳужум; ришт. *Шоҳ бериб мот қилмоқ.* ■ *Мирза Муҳиддин қалтис бир шоҳ бериб, Мухторхон ўйланиб қолди.* А. Қаҳҳор, Сароб.

4 с.т. Қарта ўйинида: тождор чол расми тасвирланган, куч жиҳатидан туздан кейин турадиган қарта.

5 кўчма Нарса ёки кимсаларнинг энг яхшиси, сараси. *Қушлар шоҳи — бургут.* ■ *Неча юзлаб таомлар орасида палов миллий назандаликнинг шоҳ таоми ҳисобланади.* К. Маҳмудов. *Ўзбек тансиқ таомлари. Шоҳ қиз, шакар қиз, қизларнинг гули, Қошларингни кўрсатгил, мен унинг қули.* С. Айний, Дохунда. *Бир юлдуздир етти кўкда — фалакда, Коинотнинг машъалига ўхшатдим. У, дунёга тақдим қилди шоҳ асар, Мен ҳам унга шу дostonни яратдим.* М. Шайхзода.

6 Баъзи сўз бирикмалари таркибида «бош», «асосий», «катта» деган маъноларни билдиради (бундай сўз бирикмаларининг баъзилари кўшма сўзга айланган ва айланмокда). *Шоҳ кўча. Шоҳ бекат.* ■ *Сирдарё тўсилиб, шоҳ тўғон қурилади.* Газетадан.

**ШОҲАНШОҲ** [ф. شاهنشاه — улуғ шоҳ; шоҳларнинг шоҳи] Эрон шоҳининг унвони ва шу унвонга эга бўлган шахс. *Ул улуғ шавкатли шоҳаншоҳ кечаси муҳим давлат иши билан машғул бўлиб, энди ухламоққа майл бўлдилар.* М. Жўрабоев, М. Б. мартабаси.

**ШОҲБАЙТ** [ф. + а. شاه بيت — газал ёки қасиданинг муаллиф кўрсатилган байти] Чуқур мазмуни, юқори санатли, диққатни жалб қилувчи байт (шеър). *Авазнинг қулогига унинг гапи кирмас, у тарсаки егандек, шайх Саъдийнинг шоҳбайтига тикилиб ўтирарди.* С. Сиёев, Ёруғлик.

**ШОҲИ** [ф. شاهى — шоҳларга мансуб] айн. **шойи**. *Сен ухлайсан, аммо Маргиюн Сенга атаб тўқийди шоҳи.* Ё. Мирзо. *Анвар Мурод.. шоҳи пардаларни кўтарди.* Ойбек. *Нур қилириб. Уялди-ю, ҳеч гап айтмайши, Ўйга қараб секин кўзгалди, Сув бўйида, ойдинда майин Битта шоҳи рўмолча қолди.* Ҳ. Олимжон.

**ШОҲИД** [а. شاهد — гувоҳ; кузатувчи] Бирор иш, воқеа, ҳатти-ҳаракатда бевосита иштирок этган, қатнашган ёки уни кўрган шахс; гувоҳ. *Йўқ.. исбот учун виждоним-*

дан бошқа шоҳидим йўқ! [деди Отабек]. А. Қодирий, Ўтган кунлар. - Менда ҳеч қандай гувоҳ йўқ! Шоҳидим бор! — Фуломжон томоғи қирилиб, ранги ўчиб, бўзариб гапирди. М. Исмоний, Фарғона т. о. Куштғирий шошиб-пишиб, ўзи шоҳид бўлган воқеалардан гапириб берди. М. Осим, Сехрли сўз.

**ШОҲИДЛИК** айн. **гувоҳлик**.

**Шоҳидлик бермоқ** Кўрган-билган воқеа-ҳодисалар ҳақида хабар, маълумот бермоқ, гувоҳлик бермоқ. *Тарихчи Хондамир шоҳидлик беранидек.. Амир (яъни Навоий) болалик давридан ҳаётининг охиригача файзли ва баракали вақтининг кўп қисмини илм ва камол таҳсилига сарф қилди.* «Фан ва турмуш».

**ШОҲИЧИ** айн. **шойифуруш**. Зиё шоҳичи, эрталабки чойни ичиб борарман, деган эди, биз унинг билан ҳам тўй кенгашларини қиламиз. А. Қодирий, Ўтган кунлар.

**ШОҲЛИК 1** Шоҳнинг мансаби, мавқеи. Ҳаддан ошиб кетди кўрган меҳнатим, Қўлдан кетди бари шоҳлик, давлатим. «Рус-тамхон».

**2** Шоҳнинг қўл остидаги давлат, мамлакат, эл-юрт.

**ШОҲНИШИН** [ф. شاهنشين — фахрий жой, ўрин; болохона] эск. Подшо, хон каби олий ҳукмдор ўтирадиган, унинг тахти қўйилган хона. *Бу дарвозадан хоннинг ўзи юрмас, чунки унинг ҳарамга қирадиган йўли ўз маҳкамаси ва шоҳнишин орқали эди.* А. Қодирий, Мехробдан чаён.

**ШОҲНОМА** [ф. شاهنامه — шоҳ ҳақидаги асар] **1** (Ш — катта) Форс шоири Фирдавсийнинг қадимги шоҳлар тарихига бағишланган йирик достонининг номи.

**2** Умуман, кўпинча, йирик бадий, шеърӣ асар. *Ҳаётимиз ҳали минг шоҳномалар бўлади.* Ф. Фулом.

**ШОҲОНА** [ф. شاهانه — подшоҳларча, подшоҳга оид; виқорли; ҳашаматли] **1** Подшоҳларга хос, шоҳларда бўладиган; олий даражадаги, жуда яхши. *Шоҳона кийим. Шоҳона жиҳоз. Шоҳона кийинмоқ. Шоҳона яшамоқ.* ■ *Бутун мажлиси [Хусайн Бойқаро] ўзининг шоҳона зиёфатига таклиф этди.* Ойбек, Навоий. *Шу орада тиктирди ўзига либос, Бир либоски, шоҳона, шоҳ қизига хос!* Шуҳрат. *Ўзига ўзи зехн солиб, шоҳона қадам билан залага қараб юрди.* Ш. Холмирзаев, Оғир тош кўчса.

**2** кўчма Дабдабали, ҳашаматли. *Пулингиз сандиққа сигмаётган бўлса, каминага беринг, мен ўзим шоҳона уй-жой қурдириб берман.* О. Ёқубов, Диёнат. *Мана шу янги иморатда дабдаба билан шоҳона тўй бермоқчи бўлиб, чор томонга чопар чоптирди.* «Муштум».

**3** кўчма Энг йирик ва энг яхши, оламшумул. *Космосга биринчи одамнинг.. парвоз қилиши кишилар ижодий меҳнатининг шоҳона самараси бўлди.* Газетадан. *Унинг [Пушкиннинг] шоҳона асарлари яна кўплаб янги санъат дурдоналарини яратишга асос бўлди.* Газетадан.

**ШОҲРОҲ** [ф. شاهراه — катта, бош йўл] кт. Катта йўл, бош йўл.

**ШОҲСУПА** айн. **шосупа**. *Шоҳсупага оқшом нафасин Сув бўйидан урарди райҳон.* Шукрулло. *Булар [меҳмонлар] кириши билан ойдинда шоҳсупадан барваста бир одам кўзғалиб: -Хуш келибсизлар, — деди.* А. Мухтор, Чинор.

**ШОҲТУТ** айн. **шотут**. *Шоҳтут қиёмин бир тотиб кўрсанг, Ажиб мўъжиза экан-ку, дерсан.* Шуҳрат.

**ШПАКЛЁВКА, шпатлёвка** [р. < нем. Spatel < итал. spatola — рассом ва аптекачининг куракчаси < лот. spatha — курак, қилич] Бўяш олдидан тешик-ёриқларни, ботиқларни беркитиш учун ишлатиладиган хамирсимон махсус қоришма. *Шпаклёвка сурмоқ.*

**Шпаклёвка қилмоқ** Тешик-ёриқларни шундай қоришма (шпаклёвка) суриб беркитмоқ, текисламоқ.

**ШПАЛ** [р. шпала < нем. Spale — зина поғонаси; узун, ясси хода ёки голл. spalk — тирговуч, тиргак] Темир йўл кўтармасига кўндаланг ётқизиладиган ва рельслар учун таянч вазифасини ўтайдиган, ёғоч, темир ёки темир-бетондан тайёрланган чорқирра тўсин. *Гудрон суркалган дарахт ёнмайди, у синдирилган темир йўл шпаллари эса чиримайди.* Газетадан.

**ШПАНКА** [р. < пол. hiszpan — испан, испаниялик] Раънодошлар оиласининг олча туркумига мансуб, меваси йирик, тўқ қизил оддий олча нави.

**ШПАРГАЛКА** [р. < пол. szpargalka — эски, ёзиб ташланган қоғоз < лот. sparganum — йўргак] Имтиҳон вақтида ўқувчи, ўқитувчига билдирмай, яширинча фойдала-



надиган, жавоблар ёзилган қоғоз. *Розия имтиҳон пайтларида бўлган қизиқ-қизиқ воқеаларни, шпиргалка ишлатиб қўлга тушиб қолаёзганини кула-кула гапириб берди.* О. Ёкубов, Тилла узук.

**ШПАТ** [пол. szpat < нем. Spat] мин. Ишқорий ва ишқорий-ер металллар тузларининг изоморф аралашмасидан иборат минералларнинг умумий номи. *Ернинг устки қатлами — литосфера ҳар хил бирикмалардан иборат бўлиб, тоғ шпати, кварц каби минераллардан ташкил топган.* М. Баҳодиров, Тупроқшуносликдан амалий машғулотлар.

**ШПАТЕЛЬ** [нем. Spatel — рассом ва аптекачининг куракчаси < лат. spatha — курак, қилич] **1** махс. Замазка ёки шпаклёвка суртиб текислаш учун ишлатиладиган, ясси куракча шаклидаги асбоб.

**2** тиб. Танглайни кўриш учун ишлатиладиган, ясси куракча ёки ясси таёқча шаклидаги металл асбоб. *Оғиз бўшлиғини қараш учун оғизни катта очиб, тилни ҳар томонга ўгириб, қошиқ банди ёки шпатель билан тилни босиб қаралади.* Н. Исмоилов, Касалларни парвариш қилиш.

**ШПИЛЬКА** [пол. szpilka < нем. Spill — бино томининг нинасимон учи; вертикал чигир] **1** Сочга тўғнаб қўйиладиган айрисимон буюм. *Суюк шпилька.*

**2** с.т. Хотин-қизлар туфлисининг бизгисимон пошнаси ва шундай пошнали туфли.

**ШПИНДЕЛЛИ** Шпиндели бор, шпинделларга эга. *Горизонтал шпинделли пахта териш машинаси.*

**ШПИНДЕЛЬ** [нем. Spindel — урчуқ, дук, йиг] *тех.* **1** Металл кесиш станогининг айланувчи вали; унга асбоб (фреза, парма, жилвиртош ва б.) ёки ишлов бериладиган буюм маҳкамланади.

**2** Пахта териш машинасининг конус ёки цилиндр шаклидаги иш органи. ■ *Механик усул билан пахта терилганда, вертикал ёки горизонтал шпинделлардан фойдаланилади.* Қ. Зокиров, Мўл-кўлчилик учун.

**3** Ип йигирувчи машинанинг дуги; йиг.

**ШПИОН** [нем. Spion < spahen — кузатмоқ, таъқиб қилмоқ; айғоқчилик қилмоқ] **1** Давлатга оид ва ҳарбий сирларни махфий равишда билиб, ўғирлаб олиб, бошқа мам-

лакатга, душман томонга етказувчи шахс; жосус.

**2** с.т. Шпионга хос иш тутувчи, хатти-ҳаракат қилувчи. *Кўряписизми, шпион ўлғурни? Шунга эҳтиёт бўлинг. Шум кампирнинг агенти у.* С. Аҳмад, Келинлар кўзғолони.

**ШПИОНЛИК** Шпионга хос иш, хатти-ҳаракат. *Шпионлик билан шуғулланмоқ.*

**ШПОНКА** [пол. szponka < нем. Sporn — пона; майда тараша] *тех.* Машина ва механизмларда: деталларни бириктирувчи қисм.

**ШПОР,** **шпора** [нем. Sporn — туртки, ниқташ < sprogen — оёқ билан ниқтамоқ (отни)] Отлиқ ҳарбийларда: отни қисташ учун хизмат қиладиган, этик пошнаси орқасига бириктириб қўйиладиган гилдиракчали темир асбоб. *Конвойлар отларнинг биқинларига шпорларини қадашди.* М. Исмоилий, Фарғона т. о. *Майна совуқ еган оёқларини ўйнатган эди, хром этигидаги шпорлар ишқиллаб кетди.* Ш. Тошматов, Эрк қуши.

**ШПОРЛИ** Шпор ўрнатилган, шпор тақилган. *Ҳоким қўл қовуштириб турган одамларни кўрмагандек, тўғри шосунага бордида, бахмал кўрпа солиниб, парёстиқлар уйилган тўрга шпорли этиги билан чиқиб ўтирди.* М. Исмоилий, Фарғона т. о.

**ШПРИЦ** [нем. Spritze < spritzen — сепмоқ, пуркамоқ] Даражаларга бўлинган шиша ёки металл цилиндр ҳамда поршендан иборат асбоб (организмнинг тўқима ва бўшлиқларига киритиладиган ковак нина ёки катетер орқали дори юбориш ёки суюқлик тортиб олишда қўлланади). *Шприцнинг игнаси.* ■ *Гулноз шприцга алақандай суюқ дори солиб кирди ва укол қилиш учун беморга яқинлашди.* Ҳ. Фулом, Тошкентликлар.

**ШРИФТ** [нем. Schrift — ёзув, ёзиш; ҳарф < schreiben — ёзмоқ] Ҳарф териш машиналарида матнлар териш учун мўлжалланган босмаҳона литерлари (ҳарфлари). *Йирик шрифт. Курсив шрифт. Шрифт термоқ.*

**ШТАБ** [нем. Stab — подшолик аломати бўлган асо, ҳасса; ҳарбий қароргоҳ] **1** Ҳарбий қисмларни бошқарувчи асосий орган. *Бош штаб. Полк штаби. Дивизия штаби.* ■ *Капитан, асирни штабга элтиш ҳақида буйруқ бериб жўнади.* А. Қаҳҳор, Олтин юлдуз. *Кенгаш борар ҳарбий штабда, Қайнамоқда иш булоқ-булоқ.* Ҳ. Пўлат. *Биз энди дарҳол бош штаб ҳузурдаги ҳарбий кенгаш қарорларини*

амалга оширишимиз лозим. К. Яшин, Генерал Раҳимов.

2 *кўча* Умуман, раҳбарлик органи. *Агросаноат бирлашмаси штабига келганларнинг ҳасратларидан тутун чиқаётгандек эди.* «Муштум». *Йигитали ҳам факультет штаб бошлиғи сифатида Сирдарёга жўнади.* Д. Нурий, Осмон устун.

**ШТАБ-КВАРТИРА** [штаб + квартира] Ҳарбий штаб ўрнашган жой, штаб қароргоҳи. *Кечқурун соат 19 да Юрьев Ильичёвқа қишлоғидаги штаб-квартирада кенгаш чақирди.* И. Раҳим, Чин муҳаббат.

**ШТАМП** [нем. Stampfe < итал. stampa – муҳр] 1 Муҳрнинг одатда тўғри бурчакли тури, унда муассаса номи, манзили ва б. кўрсатилган бўлади. *Унинг ичидаги иккига букланган қоғознинг юқорисидан.. журналнинг штампни бўлиб, остига «ўртоқ Саидий» деб ёзилган эди.* А. Қаҳҳор, Сароб.

2 Турли материаллар (металл, пластмасса ва б.) га босим билан ишлов бериб, муайян шаклдаги буюмлар тайёрлаш учун мўлжалланган асбоб. *Пленум.. штамп ва асбобларни алмаштириш, ишлаб чиқарилаётган маҳсулот сифатини ошириш.. юзасидан аниқ вазибаларни белгилади.* Газетадан. *Биз штамп усулида деталь ишлашни йўлга қўйгандик, қиринди анча камайди.* Газетадан.

3 *кўча* Ишлатилавериш сийқаси чиққан, тайёр намуна, бир қолипдаги гап ёки ибора; шаблон. *Адабий штамп.* ■ *У газета саҳифаларида шаблон ва штампга йўл қўймаслик зарурилигини айтиди.* Газетадан. *Нутқнинг психофизиологик, информатив ва штамп шакллари оғзаки нутқ учун ҳам, ёзма нутқ учун ҳам ҳосдир.* «ЎТА».

**ШТАМПЛАМОҚ** 1 Штамп босмоқ. *Хатларни штампламоқ.*

2 *тех.* Штамповка йўли билан бирор нарса тайёрламоқ. *Деталларни штампламоқ.*

**ШТАМПОВКА, штамплаш** 1 Штамп воситасида буюм ёки деталь тайёрлаш; штамплаш. *Штамповка қилинган буюмлар.* *Штамповка станогини.*

2 Штамп воситасида тайёрланган буюм. *Машинасозлик саноатида қўймалар, штамповкалар ишлаб чиқарадиган корхоналарни ихтисослаштириш.* Газетадан.

**ШТАМПОВКАЧИ** Штамп воситасида буюм тайёрловчи, штамповка қилувчи ишчи, мутахассис. *Қосимжон ҳозир улкан кор-*

*хонанинг уста штамповкачиси ҳисобланади.* Газетадан.

**ШТАНГА** [нем. Stange – узун таёқ(ча), хода] 1 Тахминан икки метрли металл таёқ ва унинг икки учига ўрнатилган маълум оғирликдаги дисклардан иборат, кўтариб куч синашда қўлланиладиган спорт анжومي. *Узоқ вақт стадион спортчилар билан гавжум бўлади.* *Бири штанга кўтаради, иккинчиси диск улоқтиради.* Газетадан. *Диск, штанга, турник сингари инвентарларни ёб бўлмаса, ичиб бўлмаса!* «Муштум».

2 Футбол, хоккей ва ш.к. дарвозасининг тепа ва ён ёғочлари. *Тун штангага теғди.*

3 Машина, механизмларда металл ғўладан иборат қисм, деталь.

**ШТАНГАЧИ** Штанга кўтариш билан шуғулланувчи спортчи. *Ер юзидаги энг кучли штангачи Алексеев бу сафар ҳам инсон имкониятлари нақадар катталигини яна бир бор намоиши қилди.* Газетадан.

**ШТАНГЕНЦИРКУЛЬ** [нем. Stangen-zirkel] Деталлар ва уларнинг қисмларини (эни, бўйи ва қалинлигини) ўлчайдиган асбоб.

**ШТАПЕЛЬ** [нем. Stapel – пахта толаси] Қисқа толали сунъий ёки синтетик ипдан тўқилган газлама. *Майдонда одам қанчалик кўп бўлса ҳам, оқ йўлли штапель кўйлак кийган Гавҳарни Маҳкам жуда узоқдан ажратди.* П. Қодиров, Уч илдиш. *Аввалги линтер пахта кўрпа-ёстиқдан бошқасига ярамасди.* *Ҳозиргисидан штапель тўқилипти.* Газетадан.

**ШТАТ** 1 [нем. Staat – давлат; бошқарув < лот. status – ҳолат, хосса; бойлик] АҚШ, Бразилия, Мексика, Венесуэла, Нигерия ва б. баъзи федератив давлатларда: федерация таркибига кирувчи ва маълум даражада ўз ўзини идора қилиш ҳуқуқига эга бўлган давлат маъмурий-худудий бирлиги. *АҚШнинг Калифорния штати.* *Ҳиндистоннинг Мадрас штати.*

**ШТАТ** II [нем. Staat] Корхона, муассаса, ташкилот ходимларининг доимий, барқарор шахсий таркиби, уларнинг лавозим ва маошлари кўрсатилган рўйхати. *Штатни қисқартириш.* *Штатдаги инженер.* ■ *-Табелчилик штати керакми? – сўради раис бригадирдан.* Газетадан. *Штатни қисқартириш орқали тежалган бир неча минг сўм кўзга кўриняпти..* «Ўзбекистон кўриқлари».

Тортмадан папкага солиб қўйилган штат рўйхатини олдим. Газетадан.

**ШТАТИВ** [нем. Stativ < лат. stativus — тик турувчи] **1** Турли асбоб, кимёвий идиш ва ш.к. ни муайян вазиятда тутиб турадиган мослама. *Микроскоп штативи. Колбани штативга ўрнатиш.*

**2** Фото- ва киноаппаратлар ёки астрономик, геодезик асбоблар ўрнатиладиган йиғма асбоб: учоёқ.

**ШТАТСИЗ** Бирор муассаса штатида бўлмаган ёки штатда ҳисобланмайдиган. *Штатсиз мухбир. Штатсиз лектор. ■ Штатсиз бўлимлар ўз ишини жамоатчилик асосида олиб борапти.* Газетадан.

**ШТЕМПЕЛЬ** [нем. Stempel — муҳр, тамга] Тамга босадиган асбоб. муҳр: шундай предметнинг изи. *Почта штемпели. Штемпель босмоқ.*

**ШТИК** [р. штык < пол. sztych — тиели совуқ қурол] Милтик стволни учига ўрнатиладиган қиррали найза. *Штик санчмоқ. ■ Унинг ўнг кифти ёнида тиккайиб турган қиррали штик Эргашининг кўзига чақмоқдай кўринди.* А. Мухтор, Опа-сингиллар.

**ШТОРМ** [голл. storm — бўрон, кучли шамол] Довул, пўргана. *Беш балли штурм. Штурм сигнали.*

**ШТРАФ** [нем. Strafe — жазо, жазолаш; пул жаримаси] қ. **жарима.** *Штраф қилмоқ (солмоқ). Штраф тўламоқ. ■ -Жуда шафқатсиз одамлар-да, бу инспекторлар, — деб нолиди ийигит беҳавотир жойга етиб олган, — қўлга тушсанг, штраф тўлаш билан қутулмайсан. Кира қилгансан, деб молияга ёзиб беришдан ҳам тоймайди булар.* С. Анорбоев, Оқсой.

**ШТРЕЙКБРЕХЕР** [нем. Streikbrecher — иш ташлашни издан чиқарувчи, бузувчи] Иш ташлаш вақтида ишни лавом эгтириб, забастовкачилар манфаатига хоинлик қиладиган шахс.

**ШТРИХ** [нем. Strich — чизик, линия] **1** Қоғозга туширилган ингичка чизик. *Оппоқ қоғозлар сатҳида штрих кетидан штрихлар, юмалоқ, конус, цилиндр шаклидаги қийфалар стол устида сочилиб ётибди.* Газетадан.

**2** кўчма Бирор предмет ёки нарсадаги алоҳида хусусият, ўзига хос нозик томон. *Актёрлар ҳам ўз ролярига ижодий ёндашганлар.. образларни комик штрихлар ёрдамида тўлдирганлар.* А. Акбаров, Ёр-ёр.

**ШТУРВАЛ** [голл. stuurwiel < stuur — руль + wiel — гилдирак] Кема, самолёт ва б. турли хил машиналарнинг ҳаракатини бошқарадиган руль. *Мастура, штурвалга ўтириб, «оқ олтин» денгизига шўнғиди.* Б. Файзиев, Ойдин кеча. У [Жерар] ярим ойдай ялтираб турган штурвалга қўлини қўйиб, рўпарасидаги сон-саноқсиз лампа.. ва циферблатларнинг кўк, қизил, бинафша шўллаларига тикилиб ўтирибди. А. Мухтор, Қаноти синган орзу.

**ШТУРВАЛЧИ** Штурвални бошқарувчи шахс.

**ШТУРМ** [нем. Sturm — қаттиқ ҳужум] **1** Душман истеҳкомига ёки таянч нуқтасига қилинган шиддатли ҳужум. *Қалъани штурм билан эгалламоқ. ■ Шиддатли штурм натижасида душман мудофаа марраларидан қувиб чиқарилди.* Н. Сафаров, Жангчи шоир.

**2** кўчма Бирор мақсадга эришиш учун шиддатли ҳаракат, интилиш. *Альпинистлар чўққини штурм билан эгалладилар. ■ Пахта фронтда қаттиқ штурм бошлаш керак.* Газетадан. *Завод ва фабрикаларимиз, қурилиш ва транспортларимизда баъзан ойнинг сўнги декадаси штурм кунларига айланиб кетади.* Газетадан.

**ШТУРМАН** [голл. stuurman — рулни бошқарувчи < stuur — руль + man — одам, киши] **1** Кема ва самолётларни энг мувофиқ йўл танлаб, бошқариб борувчи мутахассис. *Учувчилар, штурманлар хонасида, учини хонасида диққинафас бўлиб ўтиришди.* Газетадан.

**2** кўчма Машина ва ш.к. механизмларни бошқарувчи шахс. «Зангори кема» штурмани Эргашхон Турғунова ўз машинасининг бункеридан 140 тоннага яқин пахта тукиб, умумий меҳнат ғалабасига ўз ҳиссасини қўшади. Газетадан.

**ШТУРМБОЗЛИК** айн. **штурмчилик.** *Айрим корхоналар ойлик режаларини ошириб адо этиптилар. Лекин бунга штурмбозлик.. эвазига эришилмоқда.* Газетадан.

**ШТУРМОВИК** [«штурм I» с. дан] **1** Унча катта бўлмаган баландликдан ердаги нишонларга ҳужум қилувчи жанговар самолёт; шундай самолёт учувчиси. *Командирнинг ҳавода берган буйруғи билан Йўлдошининг штурмовиклар звеноси эскадрильянинг бошқа икки звеноси ўртасидаги позицияни эгаллади.* Ҳ. Фулом, Тошкентликлар.

2 тар. Фашистлар Германиясида: ҳарбийлаштирилган нацистлар ташкилотининг аъзоси.

**ШТУРМЧИ** Штурм қилувчи (тўғри ва кўчма маънода). *Штурмчи самолёт.* ■ *Штурмчилар ҳаммадан илгари Берлинга бостириб бордилар.* Т. Рустамов, Мангу жасорат. *Космоснинг навбатдаги штурмчи азаматлари орасида врач ҳам борлиги биз учун беҳад қувончлидир.* Газетадан.

**ШТУРМЧИЛИК** Иш режасини бажаришда орқада қолиб, муддат оз қолганда, режани бажариш учун шошилиш равишида ишга ташланиш; штурмбозлик. *Заводларни кварталлар бўйича бир текис иш билан таъминламасликка барҳам бериш, йилнинг охирида штурмчиликни тугатиш зарур.* Газетадан.

**ШУ** кўрс. о.м. 1 Сўзловчига яқин, унинг кўз ўнгидаги нарсани ёки кимсани кўрсатиш учун хизмат қилади. *Шу нарса. Менга шу китоб керак. Ташаббусни шу бригада бошлаб берди. Мана шу жойдан кесинг. Менга шу ер маъқул. Ҳикоянинг шу ерига келганда, гап бўлинди. Сиз шу ерда қолинг. Канал шу ердан бошланган. Сиз шу ерликмисиз?*

**Шу атрофда** Унчалик узоқ бўлмаган жойда; яқин орада, яқин ўртада. *Шу атрофда қудуқ борми? Болалар шу атрофда эди.* **Шу орада (ёки ўртада)** 1) яқин муддат орасида, айни вақтда. *Шу орада раис келиб қолди. Шу орада тўй ҳам бўлиб ўтди;* 2) яқин орада, яқин жойда, унчалик узоқ бўлмаган жойда. *Сигирингни шу орада ўтлатиб юр! Кетмонни шу орада қолдирган эдим. Шу ўртада сув борми? ■ Шу ўртада бирдан.. хўжайин бориб қолдилар.* Ойбек, Танланган асарлар.

2 «Пайт», «вақт», «он», «дам» каби сўзлар билан келганда, сўз бораётган нарса, воқеа, ҳодиса ва ш.к. нинг бошқаси билан айни вақтда, бир вақтда содир бўлганлигини ифодалайди. *Шу чоққача. Шу пайтгача. Шу вақтгача. Шу дамгача. Шу маҳалгача.* *Режани шу ой бўлмасаям, янаги ойда бажарамиз. Шу пайтда от кишнаб юборди. Шу вақтда хўроз қичқирди. Шу онда бир киши кириб келди.* ■ *Наҳ шу паллада дарвозадан катта қора сигир шаталоқ отиб, орқасида бир кишини суриб кирди.* Ойбек, Танланган асарлар. *Шу онда ичкаридан ўз хотинининг товуши эшитилди.* А. Қаҳҳор, Майиз емаган

хотин. *Искандаровнинг шу пайтгача разм солмаганини қаранг-а.* С. Аҳмад, Лаъли Бадахшон.

**Шунда** 1) ушбу ерда, бу жойда. *Билсанг: уйим шаҳарда, Келдим сенга саҳарда, Юр, хўп десанг агарда, Ё шунда қоласанму?* Э. Воҳидов; 2) у ҳолда, шундай ҳолда, шундай пайтда. *Печка қурайлик, уй шунда исийди.*

3 Ўзи бирикиб келган сўз билдирган шахс, нарса, вақт ва ш.к. ни алоҳида қайд этади, таъкидлайди. *Нима иш бўлганини шу одам билади. Шу қиш жуда совуқ келди. Пахта плани шу бу йил ҳам бажарилса, яхши буларди. Менга китоб шу бугун керак. Шу бугундан эътиборан дарсга қатнашмайман.* ■ *Шу бу йил мевага кирган бир талай шафтоли, олча, беҳини кесиб, [чол] ўтин қилипти.* А. Қаҳҳор, Қўшчинор чироқлари.

4 Кесим вазифасида келиб, шахс, нарса-ҳодиса ва ш.к. нинг айнан шу гап билдирган нарса эканини қайд этади. *Хоҳласанг — шу, хоҳламасанг — катта кўча. Айтадиган гапим — шу. Ҳозирги давр талаби — шу. Унинг бўлган-тургани — шу. Унинг мақсади — шу.* ■ [Ўрнат:] *Ишнинг пир ургани — шу. Кишини чақиб қўяди.* Ойбек, Танланган асарлар.

**Шу қадар** Чунонам, шу даражада. **Шу ҳам ишми? ёки шу ҳам иш бўлдимми?** Сўзловчининг бирор иш, хатти-ҳаракат, нарса ва ш.к. га салбий муносабатини, ундан қониқмаганини билдирувчи ибора. *Шу ҳам иш бўлдимми, нега кеч келдингиз? Шундан-шунга* Аллақанча ердан, анча узоқдан. *Шундан-шунга пиёда келдим.* ■ *..Шундан-шунга мен, сен бор, — деб келдим.* Муқимий.

**ШУАРО** [а. شعراء — «шоир» с. кўпл.] эск. кт. Шоирлар. *Мен бир ожиз фуқаронгизман.. аҳли шуаро ила фузало қавмига кўрсатган иноятларингиз таҳсинга сазовордир.* С. Сиёев, Ёруғлик. *Шуарога саховатнинг этти дарвозасини очишлариға аминман.* Ойбек, Навоий.

**ШУБА** [нем. Schaubе — узун ва кенг кўйлак < итал. giubba < а. جنبه — ип газламадан қилинган кенг енгли уст кийим] Авраси мўйнали устки қишки кийим. *Бесўнақай шуба кийиб, шол рўмол ўраган бир аёл машинадан тушди.* Н. Аминов, Суварак.

**ШУБҲА** [а. شبهه — ўхшашлик; гумон; тахмин; иккиланиш] Ишончсиз қараш; ишончсизлик, гумон. *Кимдан шубҳанг бор?*

*Шубҳага солмоқ. Шубҳага тушмоқ. Шубҳада қолмоқ. Шубҳа тугдирмоқ. Шубҳа билан қарамоқ.* ■ *Хаёлингдан шубҳани қувла, Юрагингда санклама туғун. Уйғун. Хотинда ҳаяжон ва энтикиш ҳолатлари бор эди. Шунинг учун қўрбошининг бояги шубҳаси яна кучайди. А. Қодирий, Ўтган кунлар. Унинг кўкимтир юзидаги изтироб таажжуб билан, таажжуб шубҳа билан алмашди. О. Ёқубов, Кўҳна дунё. Кўнглини.. шубҳалар, совуқ ваҳималар қоплаб, ўзини беҳол сизди. Ҳ. Фулом, Машғал.*

**Шубҳа йўқ айн. шубҳасиз.** *Шубҳа йўқим, ёв қадами топажак барҳам. Файратий. Шубҳа қилмоқ* Шубҳада бўлмоқ; шубҳаланмоқ. *Бу гаплар амирзода қулоғига этиб борганига асло шубҳа қилмаса ҳам бўлади. Мирмуҳсин, Меъмор. Безовтадир элимиз — Юртимизга кирган ёв, Шубҳа қиламиз дарҳол, Бемаҳал юрса биров. Ҳ. Олимжон.*

**ШУБҲАЛАНМОҚ** Шубҳа қилмоқ, ишончсизлик билан қарамоқ; гумонсирамоқ. *Кимдан шубҳаланасан? ■ Сўфи ҳам домлаимом мендан шубҳаланиб, бир неча марта ер остидан кўз қирини ташлаб, хўрайиб қарадилар. Ф. Фулом, Шум бола. Йигитлар.. уни шунчалик иззат қилишар эдики, Асрор ота бу жувоннинг оддий тракторчигина эканига шубҳаланиб қолди. А. Қаҳҳор, Хотинлар.*

**ШУБҲАЛИ 1** Шубҳа тугдирадиган; гумон қилиш мумкин бўлган. *Шубҳали ҳаракат. ■ Алиқулнинг шубҳали ишлар билан банд эканлигини сеза бошладилар. Ш. Рашидов, Бўрондан кучли. Шубҳали одамларнинг ёнига чиқаверманг, ота! Мирмуҳсин, Меъмор.*

**2** Шубҳа ифодаланган, шубҳа тугдирадиган. *Тўтибу Адолатга қараб, шубҳали овоз билан давом этди: -Назаримда, бир гап борга ўхшайди. С. Зуннунова, Гулхан. Кўплар ундан хуркиб, шубҳали назар билан қараб, четланиб ўтар эдилар. Ойбек, Танланган асралар.*

**ШУБҲАСИЗ 1** Ҳеч қандай шубҳа тугдирмайдиган; аниқ. *Ўзбекистон рассомлари эришган маваффақиятлар шубҳасиз. Газетадан.*

**2** мод. с. Муқаррар равишда, албатта, сўзсиз. *Шубҳасиз, у ҳақ. Режа, шубҳасиз, бажарилади. ■ Мен биринчи навбатда тарбияни улардан [ота-онамдан] олганман ва уларнинг хислат ва хусусиятлари, шубҳасиз, менга таъсир қилган. С. Айний, Эсдаликлар.*

*Кўшиғимга илҳом берган қиз Олам-олам ҳайдаб кетди ер. Ким кўрса ҳам уни, шубҳасиз, Пахтазорнинг қаҳрамони, дер. Т. Тўла.*

**ШУБҲАЧИ** Шубҳа қилувчи, шубҳа қилаверадиган, шубҳа билан қараш одати кучли. *Мен, тўғриси, шубҳачиман. Ҳар нарсада, ҳар ҳодисада бир иллат кўраман. Ойбек, Нур қидириб.*

**ШУВ** тақл. с. Бўғиқ шипилловчи товушни билдиради.

**Шув этмоқ** «Шув» деган товуш чиқармоқ. *Девордан шув этиб тупроқ тўкилди. ■ Ҳалиги йигит мени мўлжалга олган эди, чап бериб қолдим. Бир копток ёнимдан шув этиб ўтиб кетди. З. Дўсमतов, Ёқут. Юраги шув этиб кетди. Юраги орқасига тортиб кетди; қаттиқ қўрқди. -Назира! — деди кимдир тўсатдан. Назира овозни дарров таниди, таниди-ю, юраги шув этиб кетди, турган жойида қотиб қолди. Ў. Умарбеков, Ширинсой оқшомлари.*

**ШУВАЛАМОҚ** қ. шиваламоқ. *Яқиндагина шувалаб ўтган ёмғирдан кейин ҳаво мусаффо. С. Анорбоев, Оқсой. Эрталабдан шувалай бошлаган ёмғир куннинг иккинчи ярмида тинди. Р. Файзий, Кишиларимиз қиссаси.*

**ШУВАМОҚ** шв. айн. сувамоқ. Андава билан шувамоқ. ■ *Обиджонинг.. яна бир кунни тоқчаларни шуваб ташлаймиз, деб ўртоқларини бошлаб келипти. А. Қаҳҳор, Кўшчинор чироқлари. ..девори ийқитди. Икки кун уриниб, қайта урдим. Бир кун шувадим. А. Ҳамдам, Дастингдан.*

**ШУВОҚ I** Майда оқиш баргли, ўзига хос хидли кўп йиллик ёввойи ўсимлик. *Қатортолдан тушиб, кенг чўлга чиқиш биланоқ онда-сонда шувоқ кўкарган қаттиқ ва тошлоқ ерлар босиб ўтиларди. Ш. Рашидов, Бўрондан кучли. Саксовулзорлар, сийрак ўсган чўл шувоқлари.. ортда қолди. «Ёшлик». Ерда — адирларда яшиллик униб чиқаётир: майсалар, шувоқлар, қўзигулар.. Ш. Холмирзаев, Сайланма.*

**ШУВОҚ II** шв. Сувоқ. *Малоҳат музикага маҳлиё бўлиб турган кезде, ер яна тебранди. Синчлар қарсиллаб кетди, шувоқлар дув тўкилди, ҳовлини чанг қоплади. И. Раҳим, Тинимсиз шаҳар. Ҳатто том(ни) шувоқ қилдирганда ҳам, бормадим. С. Аҳмад, Суд.*

**ШУВОҚЗОР** Шувоқ ўсган жой ёки майдон. *Улар узоқ юришди. Қумлик тугаб..*

шувоқзорда тушиб олишиди. М. Мансуров, Ёмби.

**ШУВОҚЧИ** *айн. сувоқчи. Уста шувоқчи янглиғ андавалаб шувалар.* «Муштум».

**ШУВУЛЛАМОҚ** «Шув, шув» этган товуш чиқармоқ. *Ертўла атрофидан зах тупроқ шувуллаб тўкилди. Шухрат, Шинелли йиллар. Табиат ўз тилида роз айтиб шувулар экан, йигит бундан ўз қувончининг мадҳини ўқирди. М. Исмоилий, Фаргона т. о. Кўкда булутлар қуюқлаша бошлаб, майда ёмғир томчилари баргларни шилдиратиб, шувуллаб бошлади. Ойбек, Қўшн қораймас.*

**Юраги шувуллаб кетди** *айн. юраги шув этиб кетди қ. шув. Бирдан юрагим шувуллаб, яна хушсиздай бўлиб қолдим. Э. Раимов, Ажаб қишлоқ.*

**ШУВУТ:** юзи шувут бўлмоқ Қилмиши, айби туфайли бошқаларга кўринолмайдиган, уятга қолган, хижолатли. *Алдамчининг юзи шувут, Рози бўлмас ундан элт-юрт. Мақол. ■ Бригадирнинг юзи шувут бўлиб, тили калимага келмай турганда, Карим кўзига чалинди. Ш. Рашидов, Бўрондан кучли. Пахтанинг меҳнати зўр, ҳимматимиз ундан зўр. Қондош эллар олдида юзи шувут эмасмиз. Ф. Фулом.*

**ШУД** [ф. شود / شد] Кишидаги бирор ишни удалай олиш қобилияти; лаёқат. *Шуди бор йигит. Унинг ҳеч нарсага шуди йўқ. ■ [Султонмурод] Бир йил ичидаёқ чорвачиликни рентабелли соҳага айлантириб қўйди. Йигитга, шуд бўлса, ўргатишга ҳожат қолмайди. Газетадан.*

**ШУДГОР** [ф. شدكار — ҳайдалиб экин экилган ер] **1** Ҳайдалган, чопилган ер. *-Картани бешга бўлиб ташладик, — деди Тиллаев шудгорни қўли билан кўрсатиб. Р. Азизхўжаев, Яшил чайла. Ноз уйқудан уйғониб, оқ олтинини эслаб, Кўк сабза кийиб, шудгору саҳро безанибдур. Ҳабибий.*

**2** Ҳайдаш, шудгорлаш. *Кузги шудгор. ■ Чала қолган далада шудгор. Х. Даврон. -Энди бизга жавоб, — қўзғалди раис, — шудгор кечикди. Н. Сафаров, Оловли излар.*

**Шудгор қилмоқ** Шудгор ҳолига келтирмоқ; шудгорламоқ. *..ерларни ғўзанопадан тозалаб, шудгор қилиб қўйгандан кейингина уй-рўзгор ишларига қарар, тўй-кўпкариларга борарди. С. Нуоров, Нарвон.*

**ШУДГОРЛАМОҚ** Экин майдонини, далани ҳайлаб, чопиб қўймоқ; шудгор қилмоқ. *Утган йили режани олдин удалаб, дарров ерни шудгорлаб қўйдик. Газетадан. Куз бўлгани учун, далаларда фақат шудгорлаш билан банд бўлган тракторчилар қолган. «Ўзбекистон қўриқлари».*

**ШУДЛИ** Қўлидан иш келадиган; удалабуро, эпли. *Шудли йигит. ■ Баъзи ўтлушудли студентлар эса уни «писмиқ» дейишарди. С. Анорбоев, Оқсой. Уғилларнинг иккови ҳам шудли йигит бўляпти. Т. Малик, Ажаб дунё.*

**ШУДРИНГ** *айн. шабнам. Эртасига офтоб гўё тонг шудрингида ювениб, кечаги чангтўзондан тозаланиб чиқди. С. Анорбоев, Оқсой. Баргларга шудринг инган, Ҳаво қимиздай тинган. С. Акбарий.*

**ШУДСИЗ** Қўлидан ҳеч бир иш келмайдиган; нўноқ, ношуд. *Шудсиз одам.*

**ШУЙТИБ** шв. Шундай қилиб. *Шуйтиб, сен ҳам ботир бўлган, Сендай аҳмоқ бунда келган, Суякларинг қилай яқсон, Қўрқмасанг, кел бери томон. «Ширин билан Шакар». Яхши шуйтиб гапни ўйлар, Ҳар гапини билиб сўйлар. «Эрали ва Шерали».*

**ШУК:** шук турмоқ кам қўлл. Жим ва ҳушёр турмоқ. *Бир қўлингиз қилич дастасида, подшо ўтирган тахтнинг орқасида уни қўриқлаб шук турасиз. Ф. Фулом, Ҳасан Кайфий.*

**ШУКР** [а. شكر — мақтов; миннатдор(чи)-лик, ташаккур] *айн. шукур 1.*